




50457/D/1





Digitized by the Internet Archive
in 2018 with funding from
Wellcome Library

https://archive.org/details/b3045685x_0001

T H O M Æ
SYDENHAM
MEDICI DOCTORIS,
Ac Practici Londinensis celeberrimi,
OPERA MEDICA;

EDITIO NOVISSIMA

VARIIS VARIORUM PRÆSTANTISSIMORUM
Medicorum Observationibus, & plurium Constitutionum Epidemicarum
recentiorum descriptione quàm maximè illustrata: Imò & Mechanica
tum Morborum, tum Medicamentorum à JOANNE-BAPTISTA MAZINO;
necnon COELESTINI COCCHII, & BARTHOLOMÆI BOSCHETTI
Tractatibus Medicis rursus aucta.

CUM ELENCHIS RERUM,
& Indicibus necessariis.



VENETIIS,
EX TYPOGRAPHIA BALLEONIANA.
MDCCLXXV.

Superiorum Permissu, ac Privilegiis.

304639





BENEVOLO LECTORI.



Ræclarissimi Viri Thomæ Sydenham, Medicinæ Doctoris, & Practici quondam Londinensis longe Celebrissimi, Opuscula quotquot hætenus seorsum prodire omnia, unico Volumine comprehensa, Tibi, Lector Humanissime, sub majore quam antea forma, ac præteritis Editionibus multo correctiora, rursus exhibemus. Hic proin habes & Observationes Medicas in Constitutionibus Epidemicis Londinensibus annorum 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. & 1675. occurrentes; quales illæ evulgatæ fuere in Nobilissimi Auctoris Nostri Operum Londinensi Editione, anni 1676. Et alias præterea quæ in Constitutionibus annorum 1676. 1677. 1678. 1679. 1680. imo etiam ex parte ad annum usque 1684. se obtulerunt: Item Dissertationes Epistolares super Lue Venerea, Affectione Hysterica, Podagra & Hydrope: Quales itidem in ejusdem Doctissimi Auctoris Nostri Editione Londinensi quarta, anno 1685. superadditæ sunt. Imo Schedulam Monitoriam de Novæ Febris ingressu, & Febre Putrida Variolis Confluentibus superveniente, cum Dissertatiuncula de mictu Sanguineo a Calculo renibus impacto, & Processibus integris in Morbis fere omnibus Curandis, a Felicissimo hoc Practico, ut credunt, adhibitis, annexo etiam de Phthisi Tractatulo; qualia in Genevensi Editione anni 1696. adjecta sunt. Utinam Accuratissimus Auctor quicquid ad Medicam Praxim ulterius perficiendam, pari quàm quæ ab ipso perscripta sunt, diligentia adnotatum, typis mandasset! Sic abunde sane instruerentur Medicorum Filii iis auxiliis, quibus securius, magno Ægrorum suorum emolumento, in morbis curandis progredierentur. Verum cum tot tantaque ab unius Viri, etiam laboriosissimi, ævo quantumvis longius protracto, sperare minime liceat: a Doctore Medico, nobis amicissimo, quique ea quæ jam proposuimus significavit, impulsus sumus ut in eorum quæ deficiebant aliquale supplementum, selectiora plura, undequaque ex Accuratiores Practicis conquisita, ac ea præprimis quæ Methodo Sydenhamianæ maxime affinia forent, huic ipsi nostræ Editioni insereremus; quo scilicet, si non integram prorsus Medicam Praxim, illam saltem minus mancam, Tibi jam sisteremus. Cui Clarissimo Viro, tanquam in hisce materiis, ut ex ipsius multiplicibus Operibus constat, versatissimo, lubentes admodum annuentes, illud omne quod magis ad rem faciens præ manibus habebat, donec plura in sequentibus per otium exquirere, aut etiam ex proprio, ut pollicetur, penu promere, ali-

BENEVOLO LECTORI.

quando liceat, ab illo acceptum Tibi tradimus. Inter quæ non minima sane commendatione digna videntur, quæ jam exhibentur super Constitutionibus Epidemicis, in variis Europæ nostræ Urbibus & Regionibus, variis annis ac temporibus grassantibus; & ad normam quam olim Magnus Hippocrates suo suaserat exemplo, quamque Sibi Excellentissimus Noster Sydenham prudentissime in plenioris Artis Medicæ perfectionem, a Systematicis Auctoribus forsan non parum retardatam, præstiterat, ventilatis atque examinatis. Addita-menta autem quod spectat, quibus in ipso Operis decursu Argumen-ta pro connexionem quam cum ipso Auctoris Textu habent indicanda præfiguntur; eorum specialis Nota in subsequenti pagina reperitur. Circa quod rursus observandum venit, quod Capita quædam Con-stitutiones Epidemicas particulares variarum Sacri Imperii Urbium ac Regionum spectantia eo ipso ordine quo in prædicta indicantur Nota non exhibentur, quodque pars eorum ad hujus Operis Sydenhamiani calcem refertur propter rationes in Admonitione ibidem ad-jecta significatas.

Atque hæc cum aliis, quæ huc usque præcesserunt, communia ha-bet editio hæc nostra. Verum quum nihil nobis potiori curæ sit, quam litterariam supellectilem augere quotidie magis; optime con-sultum studiosis Medicinæ adolescentibus putavimus, si, quod feci-mus, morborum & medicamentorum utramque Mechanicam Joan-nis Baptistæ Mazini, tum Antonii Coelestini Cocchii Epistolas Me-dicas, tum Bartholomæi Boschetti de Mercuriali salivatione Dissert-ationem ad calcem voluminis adderemus. Ea enim sunt opuscula singula, ut cum celeberrimis Sydenham scriptis tum rerum utilitate, tum dicendi gravitate, & nitore certare possint.



CATALOGUS TRACTATUUM ET DISSERTATIONUM

Huic THOMÆ SYDENHAM Operum
Editioni adjectorum.

- B**ernardini Ramazzini, in Mutinensi Liceo
Medicinæ Professoris, *Dissertationes tres,
de Constitutionibus annorum 1690. 1691.
1692. 1693. 1694. in Mutinensi Civitate &
illius Ditione*;
- Lucæ Schroeckii, Academ. Cæsar. Leopold. Natur.
Curiosor. Præsidis, *Historia Constitutionis Epide-
micæ Augustanæ, anni 1695.*
- Michaelis Bernardi Valentini, *Constitutio Epide-
micæ Hassiacæ, anni 1693. & 1694.*
- Johannis Jacobi Harderi, *Constitutio Epidemica Ba-
sileensis, anni 1695.*
- Gustavi Casimiri Garhliep, *Constitutio Epidemica
Berolinensis, anni 1695.*
- Michaelis Bernardi Valentini, *Constitutio Epide-
micæ Hassiacæ, anni 1695.*
- Lucæ Schroeckii, *Constitutio Epidemica Augustana,
anni 1696.*
- Gustavi Casimiri Garhliep, *Constitutio Epidemica
Berolinensis, anni 1696.*
- Conradi Bertholdi Behrens, *Constitutio Epidemica
Hildesimensis, anni 1695. & 1696.*
- Lucæ Schroeckii, *Constitutio Epidemica Augustana,
annorum 1697. & 1698.*
- Joh. Jac. Harderi, *Constitutio Epidemica Basileen-
sis, anni 1698.*
- Gustavi Casimiri Garhliep, *Constit. Epidem. Bero-
linensis, anni 1697. & 1698.*
- Sylvestri Samuelis Anhornii, *Constit. Epidem. San-
gallensis, anni 1697.*
- Caroli Raygeri, *Constitut. Epidem. Posoniensis, an-
norum 1695. 1696. & 1697.*
- Lucæ Schroeckii, *Constitut. Epidem. Augustana,
anni 1699. & 1700.*
- Gustavi Casimiri Garhliep, *Constitut. Epidem. Bero-
linensis, anni 1699.*
- Joh. Jacobi Harderi, *Constitut. Epidem. Basileensis,
anni 1699.*
- Rudolphi Jacobi Camerarii, *Constitut. Epidem. Tu-
bingensis, &c. anni 1699. & 1700.*
- Ambrosii Stegmanni, *Constitut. Epidem. Mansfel-
diacæ, anni 1697. & 1698.*
- Gustavi Casimiri Garhliep, *Constitut. Epidem. Bero-
linensis, anni 1700.*
- Constit. Epidemica Uratislaviensis, annorum 1699.
1700. 1701.*
- Constit. Epidem. Berolinensis, anni 1702.*
- Lucæ Schroeckii, *Constit. Epidem. Augustana, an-
norum 1701. 1702. 1703. 1704. & 1705.*
- Ejusdem, *Constitutio Augustana, annorum 1706.
1707. 1708. 1709. & 1710.*
- Joh. Jacobi Harderi, *Constitut. Epidem. Basileensis,
anni 1700. & 1701.*
- Gustavi Casimiri Garhliep, *Constitut. Epidem. Bero-
linensis, anni 1701. 1703. & 1704.*
- Marci Gerbesii, *Constitut. Epidem. Labacensis, an-
ni 1709. & 1710.*
- Joh. Georgii Hoyeri, *Constit. Epidem. Mulhusina,
anni 1700.*
- Rudolphi Jacobi Camerarii, *Constitut. Epidem. Tu-
bingensis, anni 1701. & 1702.*
- Joh. Guilhelmus Bayerus, & Bernardinus Ramazzi-
nus, *de Frigore Hyemali anni 1709.*
- Joh. Adami Genselii, *Constit. Epid. Inferioris Hun-
gariæ, ann. 1711. 1712. & 1713.*
- Lucæ Schroeckii, *Constit. Epidem. Augustana, an-
ni 1711. 1712. 1713. 1715. 1716. & 1717.*
- Marci Gerbesii, *Constit. Epidem. Labacensis, anni
1712. 1713. 1714. 1715. 1716. & 1717.*
- Josephi Lanzoni, *Constitut. Epidem. Ferrariensis,
anni 1715. 1716. & 1717.*
- Gualteri Harris, M. D. ac Celeberrimi Medicorum
Londinensium Collegii Socii, *de Lue Venerea,
ejusque origine, natura & curatione, Dissertatio.
De Contagiosa Epidemia quæ in Patavino Agro,
& tota fere Veneta Ditione in Boves irrepsit
Dissertatio, habita a Bernardino Ramazzino, in
Patavino Lyceæ Practicæ Medicinæ Professore Pri-
mario.*
- Davidis Hamilton, Equitis Aurati, Regalis Societa-
tis Londinensis utriusque Socii, necnon Magnæ
Britanniæ Reginæ Medici Ordinarii, *Tractatus
de Febre Miliari, seu Vesiculari: adjecto super
eadem febris historiarum fasciculo.*
- Caroli Drelincurtii, Lugduni in Batavis Professoris
Medici Senioris, *de Calculo Renum & Vesicæ,
Dissertatio.*
- Martini Lister, M. D. e Societate Regia Londini;
Dissertatio Medicinalis de Calculo Humano.
- Caroli Leigh, Medic. Doct. *Phthisiologia Lanca-
striensis.*
- Guilhelmi Musgrave, M. D. Inclyti Medicorum Lon-
dinensium Collegii, & Societatis Regiæ Socii,
de Arthritide Symptomatica, Dissertatio.
- Ejusdem, *de Arthritide Anomala, sive Interna,
Dissertatio.*
- Joannis Baptistæ Mazini *Mechanica Morborum, &
Medicamentorum.*
- Antonii Cœlestini Cocchii *Epistola Physico-Me-
dica.*
- Bartholomæi Boschetti *de Salivatione Mercuriali;
Dissertatio Physico-Medico-Mechanica.*

AMICISSIMO VIRO
DOMINO
JOHANNI MAPLETOFT,
MEDICO DOCTORI,
In Collegio Greshamenfi
APUD LONDINENSES
PROFESSORI,

Necnon Societatis Regiæ ibidem Socio.



Uo omnino sunt (Humanissime Vir) de quibus hic mihi tecum agendum est: primum ut causas exponam, quibus impulsus Tractatum hunc meum in publicum edo; alterum, quamobrem eundem Tuo potissimum nomini dicandum censeo. Primum quod attinet, tricesimus jam agitur annus, a quo *Londinum* petens, ut inde *Oxonium* denuo proficiscerer, (a quo primi belli calamitas me ad annos aliquot distinuerat) in virum doctissimum & maxime ingenuum Dominum *D. Thomam Coxe*, (qui per eos etiam annos, atque ad hunc usque diem Medicinam magna cum celebritate factitavit) Fratri meo tunc ægrotanti consulentem, auspicato inciderem; qui quidem Vir, pro nota sua humanitate suavitateque morum me percontatus est, cui me demum Arti, intercessa jam repetens studia, sumptaque toga virili, pararem addicere. Ego vero incertus adhuc animi, & de medica Arte ne vel somnians quidem, tanti viri hortatu atque autoritate permotus, nescio quo fato meo, me ad eam serio accinxi. Et sane si quando hæc nostra conamina vel minimum in publica commoda cesserint, illi grato animo accepta referenda erunt, quo Promotore atque Auspice ea studia primum sum aggressus. Post annos aliquot in Palæstra Academica insumptos *Londinum* reversus, ad Praxim Medicam accessi, quam cum intento admodum oculo omnique adhibita diligentia curiose observarem, mox in eam veni sententiam, quæ mecum ad hodiernum usque diem crevit; hanc scilicet Artem haud rectius perdiscendam esse, quam ab ipsius Artis exercitio atque usu; veroque admodum esse simile, quod qui ad naturalia morborum Phænomena oculos animumque accuratissime maximeque diligenter adverterit, in eliciendis Curativis Indicationibus veris ac genuinis maxime pollere debeat. Huic itaque me Methodo totum tradidi, satis securus, quod Naturam si sequerer Ducem, etiam *Avia terrarum peragrans loca, nullius ante Trita solo*, nusquam vel latum unguem a recto tramite discederem. Hoc me filo regens, primo ad pressiores *Febrium* observationem animum appuli, & post devoratum haud mediocrè tædium, & molestissimas mentis agitationes, quibus me ad annos aliquot fatigandum permisi, tandem in methodum incidi, qua istæ possent sanari; quam etiam amicis flagitantibus, in lucem promendam jamdudum concessi. Cum vero ab illo tempore *novas* *Febrium species*, mihi hætenus incognitas, sibi invicem jugiter succedentes animadverterim, statui apud me quæ ad eas pertinebant singula, vel ab eisdem pendebant, summa qua possem diligentia in unum congerere: quo tandem aliquando prioris cœpti mei tenuitatem atque angustias paulo accuratiori ac magis absoluta horum morborum Historia pensare valerem. Sed dum hæc animo versarem, atque indagarem sedulo, & proinde jam in eo totus essem, ut pro multifariis Naturæ mutationibus & versatili ingenio medendi, Methodum, ceu gladium Delphicum, procuderem omnibus parem, statim didici me ideo tantum aperuisse oculos, ut pulvere, haud quāquam vero Olympico, iidem complerentur, atque *his* quidem, proprii cerebri phantasmata, *illis*, nullum me prorsus habere ducem bene viderer. Quamvis optasem Lucubrationes hæc meas non nisi annorum porro aliquot experientia auctas & confirmatas typis evulgasse, contumeliis tamen ac fannis procacissimi cujusque ardelionis tandem plus satis delassatus, amicis eo usque morem gessi (inter quos cum

EPISTOLA DEDICATORIA.

cum honore mihi semper nominandus est sagacissimus Vir Dominus Doctor *Gualterus Needham*, tam Medicæ Artis, quam rei Litterariæ decus, & laus) ut mihi tandem consulerem, ac justam pararem Defensionem; ea nempe facta prodens scriptis publicis quæ ingenuos, quod spero, omnes mihi Patronos conciliabunt. Cæteros quod attinet, expectabo scilicet, quemadmodum acute Romanus Philosophus, *ut quicquam Calumniæ sit sacrum, cui nec Rutilius sacer fuit, nec Cato?* Si qui itaque reperiantur, quos præ immanitate quadam ac asperitate naturæ convitiandi libido adhuc inceserit, rectene an secus scripserim, haud æstimantes æqua lance, qui vitio statim vertunt, si quis novi aliquid, ab illis non prius dictum, vel etiam inauditum, in medium proferat, hujusmodi ego homines æquo me animo laturum spero; certe convitiis ferram neutiquam recipiabo. Illud tantum opponam, Viro Christiano sane perdignum, quod olim *Titus Tacitus*, obtrectanti *Metello* regessit: *Facile est in me dicere, cum non sim responsurus: Tu didicisti maledicere; Ego conscientia teste, didici maledicta contemnere. Si tu linguæ tuæ dominus es, ut quicquid lubet effutias; ego Aurium mearum sum dominus, ut quicquid obvenerit audiant inoffensa.* Atque hæc sunt, quorum victus pondere Librum hunc luce donandum esse sentiebam.

Tibi vero (Charissime Vir) eundem dedicatum volui, tum ob mutuam quæ nos invicem complectimur Amicitiam Benevolentiamque; tum etiam quia nemo te melius judicare valeat, si quo in loco aut pretio habendæ sint quas hic tra-
do Observationes, cum per septennium, quod jam ultimo excurrit, plura e præcipuis atque insignioribus, quæ sequentes exhibent pagellæ, Tute etiam oculis usurpaveris. Uti vero ea tu es morum integritate probitateque notissima, ut religio tibi sit fictis insinuationibus alios in errorem pellicere, (maxime ubi decorio humano agitur) ita ea etiam polles sapientia atque eruditione, quæ tibi a me imponi, si id serio agerem, nullatenus paterentur, multo minus tu tibi imposueris istis experimentis, quibus in tuis etiam ægris nonnullorum, quæ vel hic descripsi, vel tibi alias affirmavi, veritatem comprobasti. Nosti præterea, quam huic meæ Methodo suffragantem habeam, qui eam intimius per omnia perspexerat, utrique nostrum conjunctissimum Dominum *Iohannem Lock*, quo quidem Viro, siue ingenio Judicioque acri & subactò, siue etiam antiquis, hoc est, optimis moribus, vix superiorem quenquam inter eos qui nunc sunt homines, re-
pertum iri confido: paucissimos certe pares. Verum non opus est, ut ulterius tuam fidem sollicitem, de qua jamdiu persuasissimus sum. Cæteros quod attinet, jacienda alea est, quæ utcunque ceciderit, sortem haud gravate feram. Cum enim jam senex sim, & summi Numinis favore, tantum mihi sit viatici, quantum restat viæ, de reliquo dabo operam, ut nec ipsi mihi, neque aliis molestus eum assequar felicitatis modum, quem ita eleganter depinxit Vir magnus:

*Felix ille animi, Divisque simillimus ipsis,
Quem non mendaci resplendens Gloria fuco
Sollicitat, non fastosi mala gaudia luxus,
Sed tacitos sinit ire dies, & paupere cultu
Exigit innocuæ tranquilla silentia vita.*

Quod restat, exorandus mihi es, ut hoc propensi in te animi, & quo te prosequor, honoris pignus æqui bonique consulas; præsertim cum nullo jure tibi imputari possint quotquot in hoc Opere navi ac σφάλματα comparuerint, quorum omnium in me solum cudenda est faba; nec tu plectendus, siqua ego forte deliravero. Quamlibet neque ejus quem exantlavi laboris omnis mihi fructus perierit, cum vel ex erroribus & hallucinationibus meis ansam nactus fuero, quæ omnibus palam faciam, quanta te colam amicitia, & quod ex animo sim

Tibi semper addictissimus

THOMAS SYDENHAM.

P R Æ F A T I O.



Uemadmodum a natura ita comparata est humani corporis fabrica, ut nec præ jugi particularum fluxu sibi semper constet, nec præ externarum rerum vi sui juris ubique permaneat, unde multiplex ægritudinum cohors terris ab omni ævo incubuit; sic procul omni dubio a multis jam sæculis ante natum non *Græcum* modo, sed (qui mille annis hunc antecessit,) *Ægyptium Æsculapium*, hominum ingenia investigandæ medelæ necessitas exercuit. Et profecto, ut quis primus ædificiorum, aut vestimentorum usum ad depellendam cœli inclementiam instituit, nemo facile dixerit, ita & *Artis Medicæ* natales, ut *Nili* fontem, indigitare nequimus; cum ars medica perinde ac cæteræ artes, in usu nunquam non extiterit, licet nunc frigidius exculta, pro vario temporum ac regionum habitu. Quantum *Veteres*, ac inter primos *Hippocrates*, præstiterunt, abunde notum est; quibus scilicet, ac eorum scripta compilantibus maximam *Therapeutica* solertiæ partem acceptam ferimus. Quin & succedentibus deinde sæculis emicuit nonnullorum industria, qui aut *Anatomia*, aut *Pharmacologia*, aut *Methodo iatriæ* operam navando, Medicinæ pomœria ampliari pro virili satagerunt: ut taceam nec in hac nostra *Britannia*, ipsoque hoc sæculo defuisse, qui in omni scientiarum genere, quo res Medica adaugeri possit, optime meruerunt; quorum quidem laudes impari calamo non attingo. Cæterum quantacunque fuerint aliorum conamina, semper existimavi mihi vitalis auræ usum frustra datum fore, nisi & ipse in hoc stadio versatus, symbolum aliquod, utcunque exiguum, in commune *Medicina* ararium contribuerem. Quo circa post diuturnam meditationem, ac diligentem fidamque annorum alioquin multorum observationem tandem aliquando decrevi; Primo sententiam meam in medium proferre, qua demum ratione Medendi scientia ulterius promoveri possit: Deinde meorum in hoc negotio conatum specimen aliquale in lucem dare.

Sentio autem nostræ *Artis* incrementum in his consistere, ut habeatur (1) *Historia*, sive *morborum* omnium descriptio, quoad fieri potest, graphica & *naturalis*, (2) *Praxis* seu *Methodus* circa eosdem *stabilis* ac *consummata*. Sane morbos crasse depingere satis obvium est: atqui *Historiam* eorum ita conscribere, ut evitetur *Censura*, quam *Clariss. Verulamius* in nonnullos ejusmodi *Promissores* vibravit, longe majoris est negotii: *Satis scimus* (inquit *Vir Nobiliss.*) *haberi Historiam Naturalem*, mole amplam, varietate gratam, diligentia sapius curiosam. Attamen si quis ex ea *fabulas*, & *authorum citationes*, & *inanes controversias*, *Philologiam* denique & *ornamenta* eximat (quæ ad *convivales sermones*, *hominumque doctorum Noctes* potius, quam ad *instituentiam Philosophiam* sint accommodata) ad nil magni res recidet. Longe profecto abest ab ea *Historia*, quam animo metimur. Similiter etiam & *morborum curationes* pro more facillime proponuntur; Atqui hoc ita præstare, ut verba in facta transeant, atque eventus promissis respondeant, magis ardui moliminis illi judicabunt, qui vident haberi apud *Scriptores Practicos* morbos complures, quos nec illi ipsi *Scriptores*, nec quispiam hætenus *Medicorum* sanare valuerunt.

Quod autem spectat ad *Historiam Morborum*, si quis rem attentius perpendat, facile videbit scribentem ad multo plura animum debere advertere, quam vulgo existimatur. Quorum pauca hæc impræsentiarum attingere suffecerit.

Primo, expedit ut morbi omnes ad definitas ac certas *species* revocentur, eadem prorsus diligentia ac *assiduitate* qua id factum videmus a *Botanicis* scriptoribus in suis *Phytologiis*. Quippe reperiuntur morbi, qui sub eodem genere ac nomenclatura redacti, ac quoad nonnulla symptomata sibi invicem consimiles, tamen & natura inter se discreti diversum etiam medicandi modum postulant. *Cardui* quidem nomen ad plures herbarum species extendi nemo nescit: at vero parum accurate faciet rei herbariæ scriptor, qui generalem hujus plantæ descriptionem, qua scilicet a cæteris stirpibus discrepat, proponere contentus, propria interim & peculiaria cujusque speciei signa & characteres, quibus ab invicem discriminantur, contempserit. Eodem plane modo nec satis est scriptori communes dumtaxat morbi alicujus *πολυειδὲς* apparentias annotasse. Esto sane non omnibus morbis eandem contingere varietatem; tamen complures esse, qui licet ab authoribus sub eodem titulo citra ullam speciei distinctionem tractentur, dissimillima sint indole, in sequentibus pagellis, uti spero, palam fiet. Imo etiam ubi distributio in species reperitur, id fit plerumque, ut *Hypothesi* alicui, quæ veris *Phænomenis* substruitur, suus

P R Æ F A T I O.

suus reservetur honos; ac proinde ejusmodi discriminatio non tam ad morbi, quam ad Authoris ingenium, philosophandique theoriam accommodata est. Quantum Medicinæ obfuerit *ἀνευβέας* hac in parte defectus, ostendunt multorum morborum exempla; quorum nempe curationes hodie non desideraremus, si scriptores, dum Experimenta & Observationes Medicas benevolo saltem animo communicarint, unius scilicet speciei morbus pro alio speciei diversæ substitutus non fefellisset. Atque hinc etiam arbitror profectum esse, quod materia Medica in sylvam tam immensam, sed fructu perexiguo, excreverit.

Porro autem in scribenda morborum Historia, seponatur tantisper oportet quæcumque *Hypothesis Philosophica*, quæ scriptoris judicium præoccupaverit; quo factum tum demum morborum *Phænomena* clara ac *naturalia*, quantumvis minuta, per se accuratissime adnotentur; exquisitam *Pictorum* industriam imitando, qui vel nævos & levissimas maculas in imagine exprimunt. Enim vero dici vix potest, quot erroribus ansam præbuerint *Hypotheses* istæ *Physiologicae*, dum scriptores, quorum animos falso colore illæ imbuerint, istiusmodi Phænomena morbis affigant, qualia, nisi in ipsorum cerebro, locum nunquam habuerunt, debebant autem in conspectum venire, si Hypothesis, quam ipsi pro concessa ac rata habent, constaret veritas. Adde quod si quando symptoma aliquod, quod cum dicta Hypothesi apposite quadret, revera morbo competat, cujus typum delineaturi sunt, tum illud supra modum evehunt, ac plane reddunt *ἐν μὲν εἰς ἐλεφαντα*, quasi in hoc scilicet totius negotii cardo verteretur: sin Hypothesi minus congruat, aut prorsus silentio, aut levi saltem pede transmittere consueverunt, nisi forte beneficio subtilitatis alicujus Philosophicæ in ordinem cogi, ac quoquo modo accommodari possit.

Expedit autem tertio, ut in describendo aliquo morbo *Peculiariora* & *perpetua Phænomena* seorsim ab *accidentalibus* & *adventitiis* (qualia sunt, quæ non tantum ob ægrotantium temperiem & ætatem, sed etiam ob rationem medendi diversam varie se habent) enarrentur. Nam sæpe accidit, ut facies morbi variet pro vario medicandi Processu, ac nonnulla symptomata non tam morbo quam Medico debentur; adeo ut eodem morbo laborantes, sed varia methodo tractatōs, varia etiam symptomata exerceant. Unde nisi cautela adhibeatur, necesse est, ut admodum vagum & incertum sit circa morborum symptomata judicium. Prætereo, quod *Casus oppido rari* ad morborum Historiam proprie non pertineant; quemadmodum & in descriptione *Salviae*, v. gr. Erucarum morsus inter signa discriminantia istius plantæ neutiquam recensentur.

Denique, *Anni tempestates*, quæ scilicet cuiusvis morborum generi potissimum faveant, diligenter observandæ sunt. Non inficior nonnullos esse omnium horarum; alii tamen, nec pauciores, occulto quodam Naturæ instinctu, annorum tempora, non secus quam quædam aves aut plantæ, sequuntur. Sæpe quidem subiit mirari hoc morborum quorundam ingenium, satis obvium, a paucis tamen fuisse hætenus observatum, cum quo sydere stirpes, aut pecudes solemniter procreentur plurimi curiosius adnotarint. Sed quæcumque sit hujus oscitationis causa, pro certo statuo tempestatum, in quibus ægri tudines ingruere consueverunt, notitiam multum Medico prodesse, tam ad speciem morbi dignoscendam, quam ad ipsum morbum extirpandum, atque horum utrumque minus feliciter evenire, ubi istiusmodi observatio negligitur.

Hæc quidem etsi non sola, saltem insigniora sunt, quæ in scribenda morborum Historia observari convenit. Cujus *Historiæ* utilitas ad Praxim, omnem æstimationem excedit; ac præqua subtiles Disquisitiones, ac argutiolæ, quibus Neotericorum libri ad nauseam fere infarciuntur, nullo in numero sunt habendæ. Qua enim aut compendiosiore aut etiam alia via, vel causæ morbificæ, quibus obviam eundum est, deprehendi, vel indicationes curativæ elici possunt, quam certa ac distincta peculiarium symptomatum perceptione? Neque enim ulla est circumstantia tam levis aut exigua, quæ suos usus ad utrumque non habeat. Nam ut demus aliquid varietatis a temperamento individuorum, & tractandi ratione proficisci, nihilominus adeo æquabilis ac sibi ubique similis est naturæ ordo in producendis morbis; ut in diversis corporibus eadem plerumque reperiantur ejusdem morbi symptomata; ac illa ipsa, quæ in *Socrate* ægrotante observata fuerint, etiam generaliter ad *Hominem* quemcunque eodem morbo laborantem transferri possint; non secus ac universales plantarum Notæ ad omnia cujusque speciei individua rite se diffundunt. Qui v. gr. *Violam* accurate descripserit quoad colorem, saporem, odorem, ac figuram, cæteraque id genus; omnibus ubique terrarum *Violis*, quæ sub ea specie continentur, Historiam illam in plerisque fere omnibus convenire facile animadvertet.

Et quidem existimo, nos ob eam potissimum causam accuratiori morborum Historia

P R Æ F A T I O.

ria ad hunc usque diem destitui, quia scilicet plerique eos pro confusis inconditisque Naturæ, male se tuentis & de statu suo dejectæ, effectis tantum habere, ac proinde laterem lavare crederetur is, qui justam eorundem enarrationem moliretur.

Sed ut ad rem revertamur. Non minus certo etiam a minutissimis morbi circumstantiis Indicationes curativas possit Medicus desumere, quam ab iisdem sumpsit Diagnostica. Atque adeo non semel mihi in mentem subiit, quod si morbi cujuslibet Historiam diligenter perspectam haberem, par malo remedium nunquam non scirem adferre, variis ejusdem Phænomenis viam, qua mihi incedendum foret, haud dubiam permonstrantibus; Quæ quidem Phænomena, si inter se sedulo conferantur, manu quasi ducerent ad Indicationes illas maxime obvias, quæ ex intimo naturæ sensu, non vero Phantasiæ erroribus depromuntur.

Atque his sane gradibus, & ut ita dicam, his adminiculis ad cœlum ascendit, ad medicinæ nempe fastigium, Medicorum ille *Romulus*, nunquam satis laudatus *Hippocrates*, qui hanc Arti Medicæ insuper struendæ solidam ac inconcussam substernens basin, viz. *ὑγίων φύσεως ἰντροί*, i.e. *Naturæ morborum medicatrices*, id egit, ut morbi cujuslibet Phænomena aperte traderet, nulla Hypothesi adscita, & in partes per vim adacta: ut in ejus libris *Morbi, de Affectionibus*, &c. videre est. Regulas etiam quasdam tradidit ex observatione methodi istius, qua utitur natura tam in morbo provehendo, quam in eodem amoliendo, natas; cujusmodi sunt *Coactæ Prænotiones, Aphorismi*, & reliqua id genus. Atque in his fere stetit magna illa Divini senis *θεωρία*, non ab irritò lascivientis Phantasiæ conamine desumpta, ceu vana ægrorum insomnia, sed legitimam exhibens Historiam earum Naturæ operationum, quas in hominum morbis edit. Cum vero dicta *θεωρία* nihil esset aliud, quam exquisita naturæ descriptio, par erat omnino, ut in praxi eo tantum collimaret, ut eidem laboranti, quibus posset modis subvenire contenderet; unde etiam non aliam Arti demandat provinciam, quam ut deficienti naturæ succurrat, effrænem coerceat & in ordinem redigat; utrumque vero hoc, tum passu illo, tum etiam methodo, quibus natura morbum expellere satagit atque amovere: Animadverterat nempe sagacissimus Vir, quod sola Natura *τὰς νόσους κρίνει, καὶ ἔχοντες τὰ πάντα πᾶσι*. Atque hæc omnia peragit Natura paucissimis simplicissimisque adjuta remediorum formulis, alicubi etiam prorsus nullis.

Altera ab hac Methodus, qua Ars medendi, si quid ego judico, possit ulterius provehi, in eo potissimum cardine vertitur; ut certa aliqua, & consummata undique ac *fixa Methodus medendi* in publica commoda tradatur, eam intelligo, quæ satis magno Experimentorum numero corroborata suffultaque, huic vel illi morbo devincendo suppar invenitur. Neque enim satis esse arbitror, ut successus particulares, sive Methodi cujuslibet, sive etiam Remedii, scriptis prodantur, si neque illa universaliter atque in omnibus scopum attingere deprehendatur, (positis saltem his vel illis circumstantiis.) Contendo vero ego nos æque certo scire debere, hunc illumve morbum expugnatum iri, si huic aut alteri intentioni satisfecerimus, ac certo jam scimus, nos hoc aliove remedii genere huic aut alteri intentioni satisfacere posse: quod quidem licet non semper & ubique, frequentissime tamen, καὶ ὡς ἐπὶ τὸ πολὺ votis respondet exhibentium, ita *senna foliis* v. gr. alvum subducimus, *Papavere* invitamus somnum. Non is sum, qui negem, debere Medicum animum diligenter ad particularia, tum Methodi, tum Remedii eventa, quibus est usus in morborum curatione, & in usus suos reponere, tam ad sublevandam memoriam, quam ut anfas inde arripiat, quibus paulatim peritior evadat Medicus, tandemque post diutina, & repetita sæpius experimenta, Methodum sibi figat firmetque, a qua in hujus aut illius morbi curatione ne hilum sibi recedendum putet. Observationes autem particulares in lucem dare, non ita magnam, me iudice, adfert utilitatem. Nam si id tantum agit *observator*, ut nos doceat hunc morbum semel, vel etiam sæpius huic remedio cecidisse, quid mihi; obsecro, profuerit, si infinitæ fere medicamentorum decantatissimorum copię, qua jamdiu obruimur, adhuc aliud mihi hætenus inauditum accrescat? Quod si repudiatis cæteris omnibus remediorum formulis, huic me unice addixero, annon innumeris fere experimentis probanda mihi venit ejus vis, innumeræ etiam circumstantiæ trutinandæ, tum ægrum, tum ipsam Methodum spectantes, antequam ex observatione solitaria fructum aliquem queam decerpere? Si observatori nunquam non responderit Medicamentum, quare in particularibus versatur, nisi aut sibi diffidat ipse, aut minutatim potius quam in solido imposuisse orbi videri præoptet? Quam vero in proclivi sit densissima hujus generis volumina conscribere, nemo vel mediocriter in praxi versatus ignorat; uti nec e contra quam sit illud difficile, perfectam & confirmatam undique Medendi Methodum in quovis morbo condere ac stabilire. Si vel unus tantum per singula mundi sæcula hoc modo unicum tractaverit morbum, Me-

P R Æ F A T I O.

dendi Ars (quæ Medicorum est provincia) a multis retro annis ad ἀρχὴν pervenisset, omnibus absoluta numeris, saltem in quantum fert mortalium fors. Quæ vero fundi nostri est calamitas, jamdiu ab antiquissimo & peritissimo duce Hippocrate, & prisca Medendi Methodo, causarum conjunctarum (utpote quæ certo se prodant) cognitione superstructa, descivimus; unde est, ut quæ hodie exercetur, a Logodædalis conficta, confabulandi magis sit Ars, quam Medendi. Sed ne hanc ego dicam temere imegisse videar, fas mihi sit e via parumper deflectere, quo scilicet evincam Causas illas remotiores, in quibus assignandis & in lucem extrahendis hominum Curiosorum & περιέργων vanæ speculationes unice desudant triumphantque, prorsus esse ἀκαταλήπτες ac inscrutabiles; solas vero proximas & conjunctas a nobis posse cognosci, atque ab his solis indicationes curativas esse mutuandas.

Observandum est itaque, quod si Humores vel diutius, quam par est, in corpore fuerint retenti, (quia scil. Natura eosdem concoquere nequeat, ac deinceps expellere) vel ab hac aut illa aeris constitutione labem morbificam contraxerint; vel denique contagio aliquo venenato infecti in ejusdem castra transierint; his inquam modis & his similibus, & dicti Humores in formam substantialem, seu speciem exaltantur, quæ his aliisve Affectibus cum propria Essentia convenientibus se prodit; quæ quidem symptomata, licet minus cautis videantur oriri, vel a natura partis, quam humor obsedit, vel a natura humoris ipsius, antequam hanc induerat speciem, nihilominus revera Affectus sunt ab essentia dictæ speciei in hunc gradum recens evectæ, pendentes. Adeo ut quilibet morbus specificus Affectio sit ab hac vel illa specifica Exaltatione, vel specificatione succi cujusdam in corpore animato ortum ducens. Sub hoc genere potest comprehendere maxima pars morborum, qui certum aliquem typum ac formam agnoscunt. Et profecto haud minus se natura methodo astringit in his tum producendis, tum maturandis, quam in Plantis, sive etiam Animalibus. Quinimo ut cuilibet sive Plantæ, sive Animali proprii quidam ac peculiare Affectus competunt, ita se res habet; in qualibet succi cujuscunque exaltatione, ubi semel in speciem proruperit. Exemplum hujus rei satis luculentum quotidie nobis ingerunt, & ob oculos ponunt variae istæ Excrescentiarum species, quas Arbores, Fruticesque emittunt, vel ob succi Nutritii perversionem & depravationem, vel alias ob causas, in forma scilicet Musci, Visci, Fungorum, aliorumque id genus: quæ omnia Essentia sunt sive Species, a parente, seu Frutice, diversæ plane atque distinctæ. Et sane qui serio atque ad amussim pensitaverit φαινόμενα illa, quæ Febrem v. gr. Quartanam comitantur: Quod viz. fere semper sub Autumno ingreditur; quod certum ordinem ac typum ubique servat, revolutiones periodicas quarto quoque die non minus certo repetens, quam suas repetit Horologium, sive aliud quoddam ejusmodi αὐτόματον, (nisi ab accedente aliquo extrinsecus adveniente hic ordo perturbetur) quod cum rigore ac notabili frigoris sensu aggreditur, quem excipit caloris perceptio non minus sensibilis, quæ tandem in sudore effusissimo terminatur; quod denique morbus hic, quemcunque demum invaserit, vix ante Vernum Æquinoctium abigi poterit & fugari; qui hæc, inquam, omnia pensiculatus trutinaverit, haud minus firmis rationibus inducetur, ut credat, morbum hunc speciem esse, quam sunt illæ, ob quas credit Plantam esse speciem, quæ parem semper ad normam e terra nascitur, floret, interitque, atque in reliquis afficitur pro ratione Essentiæ suæ, neque facile comprehendere potest, qui fiat ut hic morbus oriatur a combinatione sive principiorum, sive qualitatuum evidentium, cum planta substantia ac species distincta in rerum natura ubique agnoscatur. Illud interim non diffitemur, quod cum species sive Animalium, sive Plantarum singulæ (demptis perpaucis) per se subsistant, istæ Morborum Species ab iis dependent humoribus, a quibus generantur.

Tametsi vero ex jam dictis constare videatur morborum plerorumque causas inscrutabiles prorsus esse, ac ἀνεκδιμήτους, non tamen insolubilis erit illa quæstio: Quo pacto sanari possint? cum de causis remotioribus nos hoc asseramus. Nemo autem est qui non videat curiosos istos speculatores in causis primo primis fere ac remotissimis indagandis, ac in lucem (ut ut invita Minerva ac reclamante, naturæ sensu) protrahendis operam perdere; immediatas vero & conjunctas, seu ante pedes jacentes, contemnere, quæ tamen necessario debent cognosci, & possunt etiam, sine ficulneis hujusmodi adminiculis, cum Intellectui se aperte sistant, vel proprii sensus testimonio, vel Anatomicis Observationibus ab aliis jampridem factis, resectæ. Atque ut impossibile plane est, ut Medicus eas morbi causas ediscat, quæ nullum prorsus cum sensibus habent commercium, ita neque est necesse; abunde enim sufficit, ut sciat, unde immediate oritur malum, talesque ejus effectus atque symptomata, ut inter hunc aliumque morbum hujus non dissimilem, valeat accurate distinguere.

P R Æ F A T I O .

guere. In *Pleuritide* v. gr. diu atque incassum se fatigabit aliquis, nec tamen mente assequetur pravam illam Crasin & male coherentem sanguinis texturam, quæ prima est hujusce mali origo; qui vero causam a qua immediate producitur recte cognoverit, & ab aliis morbis quibuscunque rite valeat distinguere, non minus certo curandi scopum attinget; etiam neglecta otiosa ista atque inutili remotissimarum causarum indagine. Sed hæc ὡς ἐν παραπόρῳ.

Jam vero si quærat aliquis, an ad prædicta in Arte Medica desiderata duo (Veram scilicet & Genuinam morborum *Historiam*, & certam confirmatamque medendi *Methodum*) non etiam accedat tertium illud, Remediorum nempe *Specificorum Inventio*; assentientem me habet & in vota festinantem. Etsi enim *Methodus* sanandis morbis *Acutis* maxime accommoda mihi videatur, quibus exigendis cum natura ipsa certum aliquem Evacuationis modum statuerit, quæcunque *Methodus* eidem fert opem in promovenda dicta evacuatione, ad morbi sanationem necessario conferet; optandum est tamen, ut beneficio *specificorum*, si quæ talia inveniri possint, æger rectiori semita ad sanitatem proficeret; & (quod majoris etiam momenti est) extra aleam malorum, quæ sequuntur aberrationes istas, in quas sæpe invita dilabitur Natura in morbi causa expellenda, (ut ut potenter & docte ei ab assistente Medico subveniatur) possit collocari.

Verum quod ad morbos *Chronicos* sanandos attinet, licet nihil dubitem ultiores in medendo profectus vel a sola *Methodo* posse sperari, quam qui in primam statim cogitationem incurrant, attamen plus satis constat deficere illam in curatione *Chronicorum* aliquot vel maxime spectabilium inter eos, quibus homines urgentur; quod ob hanc præcipue causam usu venit, quia scil. Natura in hujusmodi morbis non habet *Methodum* tam efficacem, qua materiam morbificam foras ejiciat, (perinde atque in *Acutis*) quo nos cum eadem manus jungentes & ad debitum dirigentes scopum, morbum debellare valeamus. In vincendo itaque morbo Chronico is demum jure meritoque Medici nomen sibi vindicat, penes quem est ejusmodi medicamentum, quo morbi *Species* possit destrui: non qui id tantum agit, ut e primis secundisque qualitatibus nova aliqua introducatur, & prioris subeat vicem; quod fieri quidem potest non extincta specie: v. gr. calefieri potest, aut refrigerari; qui *Podagra* laborat, vigente adhuc *podagra*, nedum devicta. *Methodo* hac, qua diversæ tantum qualitates introducuntur, morbi *Specifici* non magis immediate perdomantur, quam ignis gladio extinguitur. Quid enim, obsecro, Calor, Frigus, Humidum, Siccumve, aut e secundis qualitatibus, quæ ab his pendent, alia aliqua ad morbi curationem faciet; cujus essentia in harum nulla consistit? Si quis hic objecerit, satis magnum Remediorum *Specificorum* numerum jamdiu nobis innotescere, hunc ipsum, si examen paulo diligentius instituerit, in oppositas partes facile transiturum confido, cum unicus *Cortex Peruvianus* a suis militet. Toto enim cœlo distant, quæ huic aliive *Indicationi Curativæ* specificè respondent Medicamenta, cui si faciamus, satis morbus abigitur; & quæ hunc aliumve *Morbum* specificè atque immediate perfanant, nullo habito respectu ad hanc aut illam *Intentionem* sive *Indicationem Curativam*: v. gr. *Mercurius* & *Sarsæ radices* in *Lue Venerea* *specificæ* vulgo audiunt, quæ tamen pro specificis propriis atque immediatis non debent haberi, nisi argumentis satis validis atque irrefragabilibus possit confici, *Mercurium* nulla excitata *Salivatione*, *Sarsæ* vero radices sine motis *sudoribus* tam egregiam operam præstitisse. Ad hanc pariter normam alii etiam morbi aliis Evacuationibus curantur, cum tamen quæ adhibentur Remedia, non magis proprie competant immediatæ curationi istorum morborum, qui eis sanantur Evacuationibus, quibus faciendis ejusmodi remedia maxime proprie designantur, quam *Scalpellum Phlebotomum Pleuritidi*; quod tamen nemo opinor *Specificum* hujus morbi facile appellaverit.

Specificæ proinde medicamenta, si ad hanc mentem nostram restringantur, non cuivis homini contingunt, neque oscitantibus temere se ingerunt; nullus tamen dubito, quin in exundanti illa plenitudine, qua turget Natura diffluitque, ita jubente *Optimo Maximo* rerum omnium *Conditore*, in singulorum præservationem prospectum pariter sit de curatione malorum magis insignium, quæ homines vexant; idque pro foribus, & in patrio cujuslibet solo. Et sane dolendum est, *Plantarum* naturam nondum magis explorato nobis innotescere; quæ mihi videntur reliquæ omni, qua patet, *Materiæ Medicæ* palmam præripere, & quæ inveniendorum, de quibus jam diximus, Remediorum uberrimam nobis spem faciunt: Cum *Animalium* partes cum humano corpore nimium convenire videantur, nimium dissidere *Mineralia*; unde est quod *Mineralia* *Indicationibus* potentius respondere, quam vel plantas, vel ex animalibus desumpta, lubens fateor; at non specificè tamen mederi, eo quo diximus sensu ac modo.

P R Æ F A T I O.

do. Me quod spectat, non hic aliud mihi sumo præter laborem ac tedium hæc atque hujusmodi diu multumque jam per aliquot annos animo versandi, necdum mihi tam feliciter cessit, ut cum prudenti fiducia, quæ de iis cogitaverim, in publicum dare ausim.

Quantumlibet verò mihi præ cæteris arrideant *Plantæ*, non tamen is sum, qui eximia illa Medicamenta ex alia tribu desumpta, quæ vel hoc, vel alio aliquo sæculo hominum industria atque labore Intentionibus apte respondentia reperta fuere, contemnam. Inter quæ primum sibi locum vendicant quæ nomine *Guttarum Doctoris Godard* insigniuntur, & a Viro *Doctissimo & solertissimo* tam Methodi quam Remediorum indagatore, *Domino Doctore Goodall* præparantur; quarum vim ac efficaciam in attingendo, ad quem vulgo diriguntur, scopo, cæteris quibusque *spiritibus Volatilibus* jure præfero.

Coronidis loco, cum in hac introductione fuerim pollicitus, me daturum specimen eorum, quæ in hujus Artis Augmentum utcunque conatus sum; fidem liberare jam tentabo in tradendis *Historia Curationeque Acutorum Morborum*. Quæ in re licet satis advertam, me supinis atque ignorantibus fructum omnem eorum, quos per meliores vitæ annos corpore animoque exantlavi laborum, expositurum, malum tamen pessimi hujus sæculi genium satis habeo perspectum, ut non aliam ex hac semine, quam convitiis atque contumeliarum messem expectem: Meque famæ meæ longe melius consuluisse, si inanem aliquam atque inutilem speculationem commentatus fuissim. Hoc vero mihi perinde est: Mercedem aliunde præstolor. Si quis hic objiciat alios æque in hac arte versatos non idem mecum de his rebus sentire; meum non est quid sentiant alii, disquirere, sed meis observationibus adstruere fidem, quod ut faciam, Lectoris patientiam desidero tantum, non favorem. Res ipsa etenim brevi loquetur, an fideliter & sincero animo hic egerim; an e contra ad instar sceleratissimi hominis morumque profligatissimorum, homicidam me præstiterim vel in terra defossus. Illam tantum mihi veniam peto, quod minus accurate quam proposueram morborum Historiam ac Curationem descripsero; cum non tam metam figam, quam animos iis addam, qui feliciore ingenio præditi ad hoc opus posthac se accingent, quod jam ego imperfecte molior.

Unum adhuc restat, de quo monendus est Lector, mihi in animo non esse, sequentes paginas infinito particularium observationum numero distendere; quibus Methodo ibidem traditæ fidem adstruam: frustra enim & cum tædio Lectoris repeterentur ista singulatim, quæ in summas contraxi. Satis autem ad calcem Observationis cujuslibet Generalis (saltem quæ ad annos nuperos spectat) Particularem hic illic adnectere, qua Methodi præcedentis medulla continetur. Hoc interim spondeo, nullam a me Methodum Generalem fuisse evulgatam, quæ experientia reiterata non est stabilita, atque confirmata.

Sed & spe frustrabitur, qui ingentem Remediorum, seu formularum sylvam hic expectaverit, cum Medici judicio permittatur, ut pro re nata iis utatur; mihi sufficit innuisse, quibus Indicationibus satisfaciendum est, quo etiam ordine & tempore; Etenim in eo præcipue stat Medicina Practica, ut genuinas Indicationes expiscari valeamus, non ut remedia excogitemus, quibus illis satisfieri possit; quod qui minus observabant, *Empiricos* armis instruxere, quibus Medicorum opera imitari queant.

Quod si quis objecerit, me in aliquibus non tantum medicamentorum pompæ renunciasse, sed ea insuper remedia proposuisse, quæ ad materiam medicam vix possint referri: adeo sunt simplicia atque inartificiofa; vulgaribus tantum opinor ac plebeiis animis hac in re displicebo. Norunt enim Sapientes, Bona ea esse omnia quæ sunt utilia, atque *Hippocratem*, (dum Folium usum in *Ileo* sanando proponit, & in *Cancro* nihil prorsus agendum præcipit, atque ejusmodi alia quæ in singulis fere pagellis scripta leguntur) non minus bene de re medica meruisse, quam si pomposis remediorum formulis omnia implevisset.

In animo erat & *Chronicorum* morborum *Historiam* tradere, eorum saltem, quos frequentissime tractaveram, sed cum operosius id sit, cumque harum, quas jam edo, Lucubrationum fortunam experiri primum libuerit, impræsentiarum superse-
dendum mihi esse duxi.

AUCTORI,

In Tractatum ejus

DE FEBRIBUS.

Febriles æstus, victumque ardoribus orbem
Flevit, non tantis par Medicina malis.
Nam post mille artes, Medicæ tentamina curæ,
Ardet adhuc Febris, nec velit arte regi.
Præda sumus flammis; solum speramus ab igne,
Ut restet paucus, quem capit urna, cinis.
Dum quærit Medicus Febris causamque modumque,
Flammarum & tenebras, & sine luce faces;
Quas tractat patitur flammæ, & Febre calescens,
Corruit ipse suis victima rapta focus.
Qui tardos potuit morbos, artusque tremantes
Sistere, Febrili se videt igne rapi.
Sic faber exesos fulsit tibicine muros,
Dum trahit antiquas lenta ruina domos.
Sed si flamma vorax miseras incenderit ædes,
Unica flagrantæ tunc sepelire salus.
Fit fuga, tectonicas nemo tunc invocat artes,
Cum perit artificis non minus usta domus.
Se tandem Sydenham Febrisque Scholæque furori
Opponens, Morbi quærit, & Artis opem.
Non temerè incusat tectæ putredinis ignes;
Nec fictus, Febres qui fovet, humor erit.
Non bilem ille movet nulla hic pituita: Salutis
Quæ spes, si fallax ardeat intus aqua?
Nec doctas magno rixas ostentat hiatu?
Queis ipsis major Febris ardor inest.
Innocuas placidè corpus jubet urere flammæ,
Et iusto rapidos temperat igne focos.

Quid Febrim extinguat, varius quid postulat usus,
Solari ægrotos qua potes arte, docet.
Hactenus ipsa suum timuit Natura calorem,
Dum sæpè incerto, quo calet, igne perit:
Dum reparat tacitos malè provida sanguinis ignes,
Præcluserit busto, fit calor iste rogos.
Jam secura suas foveant præcordia flammæ,
Quem natura negat, dat Medicina modum.
Nec solùm faciles compescit sanguinis æstus,
Dum dubia est inler spemque metumque salus;
Sed fatale malum domuit, quodque astra malignum
Credimus, iratam vel genuisse Stygem.
Extorsit Lachesi cultros, Pestique venenum
Abstulit, & tantos non sinit esse motus.
Quis tandem arte nova domitam mitescere Pestem
Credat, & antiquas ponere posse minas?
Post tot mille neces; cumulataque funera busto,
Vincta jacet parvo vulnere dira Lues.
Ætheriæ quanquam spargant contagia flammæ,
Quicquid inest istis ignibus, ignis erit.
Delapsæ cælo flammæ licet acrius urant,
Has gelida. extinguere non nisi morte putas?
Tu meliora paras victrix Medicina, tuusque,
Pestis quæ superat cuncta, triumphus erit.
Vive liber, victis Febrilibus ignibus; unus
Te simul & mundum qui manet, ignis erit.

J. LOKC A. M. EX ÆDE
Christi Oxon.



SERIES TRACTATUUM ET CAPITUM.

OBSERVATIONES Medicæ circa Morborum Acutorum Historiam & Curationem. Pag. 1

SECTIO PRIMA.

CAPUT I. DE Morbis acutis in genere. Pag. 1	
II. De Morbis Epidemicis. 2	
III. Constitutio Epidemica annorum 1661. 62. 63. 64. Londini. 4	
IV. Febris continua hujus Constitutionis. 4	
V. Febres intermittentes. 5	

SECTIO SECUNDA.

CAP. I. Constitutio Epidemica annorum 1665. & 1666. Londini. 17	
II. Febris pestilentialis & pestis. 17	

SECTIO TERTIA.

CAP. I. Constitutio Epidemica annorum 1667. 68. partim etiam 69. Londini. 22	
II. Variola regulares. 23	
III. Febris continua hujus Constitutionis. 30	

SECTIO QUARTA.

CAP. I. Constitutio Epidemica partis anni 1669. atque integrorum 70. 71. 72. Londini. 31	
II. Cholera Morbus. 32	
III. Dysenteria. 33	
IV. Febris continua hujus Constitut. 36	
V. Morbilli. 37	
VI. Variola anomala hujus Constitut. 38	
VII. Colica biliosa. 40	

SECTIO QUINTA.

CAP. I. Constitut. Epidem. partis anni 1673. atque integrorum 1674. & 75. 43	
II. Febris continua hujus Constitut. 43	
III. Morbilli. 46	
IV. Variola Anomala hujus Constitut. 46	
V. Tusses Epidemica cum pleuritide & peripneumonia supervenientibus. 48	
VI. Anacephalæosis. 50	

SECTIO SEXTA.

CAP. I. Febres intercurrentes. 52	
II. Febris Scarlatina. 53	
III. Pleuritis. 53	
IV. Peripneumonia notha. 55	
V. Rheumatismus. 56	
VI. Febris Erysipelatosa. 57	
VII. Angina. 58	

THOMÆ SYDENHAM Epistola Responsoria de Morbis Epidemicis ab anno 1675. ad annum 1680. ad Robertum Brady M. D. 60	
Bernardini Ramazzini, Dissertationes tres de Constitutionibus annor. 1690. 1691. 1692. 1693. 1694. in Mutinensi Civitate & illius Ditione. 68	
Lucæ Schroeckii, Historia Constitutionis Epidemicæ Augustanæ, anni 1695. 92	
Michaelis Bernardi Valentini, Constitutio Epidemicæ Hassiaca, anni 1693. & 1694. 93	
Johannis Jacobi Harderi, Constitutio Epidemicæ Basileensis, anni 1695. 94	
Gustavi Casimiri Garthliep, Constitutio Epidemicæ Berolinensis, anni 1695. ibid.	
Michaelis Bernardi Valentini, Constitutio Epidemi-	

ca Hassiaca, anni 1695. 96	
Lucæ Schroeckii, Constitutio Epidemicæ Augustana, anni 1696. 96	
Gustavi Casimiri Garthliep, Constitutio Epidemicæ Berolinensis, anni 1696. 98	
Conradî Bertholdi Behrens, Constitutio Epidemicæ Hildesienfis, anni 1695. & 1696. 99	
Lucæ Schroeckii, Constitut. Epidemicæ Augustana, anni 1699. & 1700. 102	
Gustavi Casimiri Garthliep, Constitut. Epidem. Berolinensis, anni 1699. 104	
Joh. Jac. Harderi, Constitutio Epidemicæ Basileensis, anni 1699. 105	
Rudolphi Jacobi Camerarii, Constit. Epid. Tubingenfis, anni 1699. & 1700. 106	
Ambrosii Stegmanni, Constit. Epid. Mansfeldiaca, anni 1697. & 1698. 107	
Gustavi Casimiri Garthliep, Constit. Epidem. Berolinensis, anni 1700. 108	
Constit. Epidemicæ Uratislaviensis, annorum 1699. 1700. & 1701. 109	
Constit. Epidem. Berolinensis, anni 1702. 117	
Lucæ Schroeckii, Constit. Epidem. Augustana, annorum 1701. 1702. 1703. 1704. & 1705. 118	
THOMÆ SYDENHAM, Epistola Responsoria de Luis Venereæ Historia & Curatione ad Henricum Pamam M. D. 121	
Gualteri Haris, de Lue Venereæ, ejusque origine, natura & curatione, Dissertatio. 127	
THOMÆ SYDENHAM, Dissertatio Epistolaris ad Guilielmum Cole M. D. De Observationibus nuperis circa Curationem Variolarum Confluentium; necnon de affectione Hysterica. 131	
Bernardini Ramazzini, de Contagiosa Epidemia, quæ in Patavino Agro, & tota fere Veneta Ditione in Boves irrepfit, Dissertatio. 151	
THOMÆ SYDENHAM Tractatus de Podagra & Hydrope. 157	
THOMÆ SYDENHAM Schedula Monitoria de Novæ febris Ingressu. 176	
Davidis Hamilton, Tractatus de Febre Miliari, seu Vesiculari; accessit Febris miliaris Historiarum fasciculus. 185	
THOMÆ SYDENHAM, De Febre Putrida Variolis Confluentibus superveniente. 207	
Ejusdem, de mictu sanguineo a Calculo Renibus impaeto. 209	
Caroli Drelincurtii, de Calculo Renum & Vesicæ, Dissertatio. 211	
Martini Lister, Dissertatio Medicinalis de Calculo Humano. 216	
THOMÆ SYDENHAM, Processus integri in Morbis fere omnibus curandis, una cum graphica Symptomatum delineatione, & Tractatulo de Phthisi nunc primum edito. 225	
Caroli Leigh, Phthisiologia Lancastriensis. 242	
THOMÆ SYDENHAM, de Podagra. 251	
Lucæ Schroeckii, Constitut. Epidem. Augustana, anni 1697. 253	
Ejusdem, Constitutio Epidemicæ Augustana, anni 1698. 255	
Joh. Jacobi Harderi, Constitut. Epidem. Basileensis, anni 1698. 255	
Gustavi Casimiri Garthliep, Constitut. Epidem. Berolinensis, anni 1697. 256	
Ejusdem, Constitutio Epidemicæ Berolinensis, anni 1698. 257	
Sylvestri Samuelis Anhornii, Constit. Epidem. Sangallensis, anni 1697. 258	
Caroli Raygeri, Constitut. Epidem. Posoniensis, annorum 1695. 1696. & 1697. 259	
Lucæ Schroeckii, Constit. Epidem. Augustana, anni 1701. & sequentium. 260	
Joh.	

SERIES TRACTATUUM ET CAPITUM.

<p>Joh. Jacobi Harderi, <i>Constit. Epidem. Basileensis</i>, anni 1700. & 1701. 265</p> <p>Gustavi Casimiri Garbliep, <i>Constitut. Epidem. Be- rolinensis</i>, anni 1701. 265</p> <p>Ejusdem, <i>Constitut. Epidemica Berolinensis</i>, anni 1703. 266</p> <p>Ejusdem, <i>Constitut. Epidemica Berolinensis</i>, anni 1704. 268</p> <p>Guntheri Christophori Schelhameri, <i>Constit. Epidem. Holsatica</i>, anni 1706. 270</p> <p>Marci Gerbesii, <i>Constit. Epidem. Labacensis</i>, anni 1709. 270</p> <p>Ejusdem, <i>Constitutio Epidemica Labacensis</i>, anni 1710. 271</p> <p>Joh. Georgii Hoyer, <i>Constit. Epidem. Mulhusina</i>, anni 1700. 272</p> <p>Rudolphi Jacobi Camerarii, <i>Constit. Epidem. Tubin- gensis</i>, anni 1701. 276</p> <p>Ejusdem, <i>Schediasma ad Historiam Epidemicam</i>, anni 1702. 277</p> <p>Joh. Guilhelmus Bayerus, <i>De Frigore Hyemali</i>, an- ni 1709. 279</p> <p>Bernardinus Ramazzinus, <i>De Frigore Hyemali</i>, an- ni 1709. 280</p> <p>Joh. Adami Genselii, <i>Constit. Epid. Inferioris Hun- garie</i>, ann. 1711. 1712. & 1713. 283</p> <p>Lucæ Schroeckii, <i>Constit. Epidem. Augustana</i>, an-</p>	<p>ni 1711. 1712. 1713. 1715. 1716. & 1717. 286</p> <p>Marci Gerbesii, <i>Constitut. Epidemica Labacensis</i>, anni 1712. 289</p> <p>Ejusdem <i>Constitutio Epidemica Labacensis</i>, anni 1713. 292</p> <p>Ejusdem <i>Constitutio Epidemica Labacensis</i>, anni 1714. 293</p> <p>Ejusdem <i>Constitutio Epidemica Labacensis</i>, anni 1715. 294</p> <p>Ejusdem <i>Constitutio Epidemica Labacensis</i>, anni 1716. 295</p> <p>Ejusdem <i>Constitutio Epidemica Labacensis</i>, anni 1717. 295</p> <p>Josephi Lanzoni, <i>Constit. Epidem. Ferrariensis</i>, an- ni 1715. 296</p> <p>Ejusdem <i>Constitutio Epidemica Ferrariensis</i>, anni 1716. & 1717. 297</p> <p>Guilielmi Musgrave, <i>De Arthritide Symptomatica</i>, <i>Dissertatio</i>. 323</p> <p>Ejusdem, <i>De Arthritide Anomala, sive Interna</i>, <i>Dissertatio</i>. 354</p> <p>Joan. Baptistæ Mazini <i>Mechanica Morborum</i>. 429</p> <p>Ejusdem, <i>Mechanica Medicamentorum</i>. 493</p> <p>Antonii Cœlestini Cocchii <i>Epistola Physico-Medi- ca</i>. 519</p> <p>Bartholomæi Boschetti, <i>De Salivatione Mercuriali</i>, <i>Dissertatio</i>. 533</p>
---	--





T H O M Æ
SYDENHAM
 OBSERVATIONES MEDICÆ
 C I R C A
MORBORUM ACUTORUM
 Historiam & Curationem.

S E C T I O P R I M A .

C A P U T I .

De Morbis Acutis in genere.



DICTAT ratio, si quid ego hic judico; Morbum, quantumlibet ejus causæ humano corpori adversentur; nihil esse aliud quam naturæ conamen, materiæ morbificæ exterminationem, in ægri salutem omni ope molientis. Cum enim hominum genus, ita volente supremo rerum omnium arbitro ac moderatore *Deo*, variis impressionibus, forinsecus advenientibus, excipiendis aptum natum sit, fieri non potest, quin idem variis etiam malis fuerit obnoxium: quæ quidem partim ab istis aeris particulis nascuntur, quæ cum corporis humoribus male convenientes in idem se insinuaverint, nudo sanguini permistæ, corpus omne morbifico afflant contagio; partim a variis fermentationum generibus, vel etiam putrefactionibus humorum, qui in corpore ultra justum tempus ideo sunt commorati, quia scilicet iisdem digerendis primum, dein excernendis, vel ob nimiam eorundem molem vel qualitatem incongruam, suppar idem non fuit. Hisce rerum circumstantiis ita intime essentiæ humanæ intertextis complicatisque, ut nemo quisquam se ab aliis insolidum queat liberare, Natura de ejusmodi methodo, ac symptomatum concatenatione sibi prospexit, quibus materiam peccantem atque alienam, quæ totius fabricæ compagem aliter solveret, e suis finibus possit excludere. Quamlibet autem frequentius longe quam fieri cernimus, illum, ad quem remediis hisce ingratiss collimat, sanitatis scopum attingeret, nisi ab ignavis a recto, quem tenet, cursu detorqueretur; veruntamen cum sibi relicta vel nimio opere fatagendo, vel etiam sibi deficiendo hominem letho dat, ferreæ illi atque insolubili mortalitatis legi obsequitur, cui debemus nos nostraque. Recte enim *Boetius*, atque ex rerum sensu

Constat aterna possumque lege est,

Constat ut genitum nihil.

Sed ut instantia una alterave jam dictorum veritatem asseramus; Ipsa *Pestis* quid, obsecro, aliud est, quam symptomatum complicatio, quibus utitur *Sydenham opera Medica*.

tura ad inspiratas una cum aere particulas *μωρῶδης*, per emunctoria, apostematum specie, vel aliarum eruptionum opera, excutiendas? Quid *Arthritis*, nisi naturæ providentia ad depurandum senum sanguinem, atque expurgandum corporis profundum, ut cum *Hippocrate* loquamur? Potest & idem affirmari de plerisque aliis morbis perfecte formatis.

Jam vero nunc hoc munere celerius fungitur natura, nunc vero tardius, pro varia methodo, qua causam morbificam deturbare nititur. Nam cum *Febris* opem deposcit, qua adjutrice particulas inquinatas a sanguine divellat, divulsasque progressu adhuc ulteriori per sudores, *Diarrhœam*, eruptiones, aut aliam istiusmodi evacuationem expellat; cumque in sanguinis massa corpore pertenui ac fluido res omnis peragatur, idque motu partium violentiore: necesse omnino est, non solum ut subito vel in salutem ægri vel in mortem determinetur (prout sc. natura vel materiam morbificam critice norit solvere, vel ab eadem oppressa fatiscat) sed etiam ut pejora vehementioraque symptomata se ubique comites adjungant. Atque hujusmodi plane sunt morbi isti, quos Acutos appellamus, qui velociter sc. atque cum impetu & periculo ad statum moventur. Quamvis, si minus accurate, haud tamen minus vere loquamur, isti etiam morbi pro *Acutis* sint habendi, qui, licet respectu paroxysmorum, si omnes simul sumantur, tardius moveant, respectu tamen paroxysmi cujuslibet particularis, cito atque etiam critice ad finem perveniunt; quales sunt febres intermittentes omnes.

Ubi vero continens morbi materia ejus est indolis, ut febrem in partes suas petrahare non valeat ad dictæ materiæ separationem universalem; aut cum hujusmodi materia parti alicui affigitur, quæ eidem explodendæ prorsus est impar, sive ob propriam conformationem (uti se res habet in materia morbifica *Paralyticorum* nervis impacta, in materia item suppurata in cavitate Thoracis *Empyicorum*) vel ob defectum caloris naturalis, & spirituum, (ut cum pituita in pulmone decidit vel senio vel tussi diuturniore labefactatos) vel denique ob continuum materiæ novæ adfluxum, qua sanguis vitiatus & ad ejusdem eliminationem unice dispositus, partem obruit gravatque: In his, inquam, casibus, vel tarde admodum ad coctionem pervenit materia, vel non omnino; ideoque morbi ab hujusmodi materia inconcoctili provenientes *Chronici*, & nuncupantur & sunt: A duobus his itaque principiis

sibi invicem contrariis, de quibus modo egimus, morbi alii *Acuti*, alii vero *Chronici* exiungunt.

Acutos quod spectat, quos impræsentiarum tractare mihi est animus, eorum alii a secreta atque inexplicabili aeris alteratione, hominum corpora inficientis, gignuntur, neque a peculiari sanguinis, & humorum crassi omnino dependent, nisi quatenus occulta aeris influenza dictis corporibus eandem impresserit. Hi, durante arcana illa aeris constitutione, nec ultra pergunt lacerare, neque alio ullo tempore invadunt. *Epidemici* hi dicti sunt.

Acutorum alii, ab hac vel illa particulari corporum particularium *ἀνωμαλία* oriuntur, qui cum a causa magis generali non producantur, ideo neque plures simul corripunt. Hi insuper acuti quibuslibet anni, & quolibet anni tempore indifferenter invadunt; exceptis tamen iis quæ dicemus, ubi de genere hoc peculiariter agitur. Hos ego *acutos Intercurrentes* sive *Sporadicos* appello, quia nullo non tempore contingunt, quo epidemici grassantur. Ab *Epidemicis* primum exordium mihi sumam, generalem eorundem historiam ante omnia proponens.

C A P U T II.

De Morbis Epidemicis.

Nihil quicquam, opinor, animum universæ quæ patet Medicinæ pomœria perlustrantem tanta admiratione percelleret, quam discolor illa, & sui plane dissimilis morborum epidemicorum facies, non tam quæ varias ejusdem anni tempestates, quam quæ discrepantes diversorum ab invicem annorum *Constitutiones* referunt, ab iisque dependent. Quæ tam aperta prædictorum morborum diversitas tum propriis, ac sibi peculiaribus symptomatibus, tum etiam medendi ratione quam hi ab illis disparem prorsus sibi vendicant, satis illucescit. Ex quibus constat, morbos hosce, ut ut externa quadantenus specie, & symptomatibus aliquot utrisque pariter supervenientibus convenire paulo incautioribus videantur, re tamen ipsa, si bene advertetis animum, alienæ admodum esse indolis, & distare ut *Æra Lupinis*. Haud equidem satis scio, an diligentius examen (quali rite instituendo vix unius hominis brevis ætas par esse videatur) nos edoceret, epidemicorum alios continua quadam serie, seu facto circulo, alias semper excipere; an vero omnes indiscriminatim nulloque servato ordine, pro occulta aeris diathesi, & inexplicabili temporum ratione, mortales incescere. Hoc saltem pro comperto habeo ex multiplici accuratissimarum observationum fide, prædictas morborum species, præsertim febres continuas ita toto, quod aiunt, cœlo differre, ut quæ methodo corrente anno ægrotos liberaveris, eadem ipsa anno jam vertente forsitan e medio tolles: quodque, ubi semel in genuinam medendi rationem, quam hæc vel illa febris species sibi vindicat, auspicio inciderim, ad eundem scopum collimans (favente, ut fit, optimo Numine) metam quasi semper attingam, respectu ad temperamentum, ætatem & reliqua ejusmodi usquequaque habito, donec extincta illa specie, novoque gliscente malo, anceps rursus hæreo, quæ mihi via insistendum, ut ægris subveniam, ac proinde nisi ingenti adhibita cautela intentisque omnibus animi nervis, vix ac ne vix quidem possum efficere ne unus aut alter eorum, qui se primi meæ curæ commiserint, vita periclitetur, donec investigato jugiter tandemque perspecto morbi genio, ad eundem perdomandum recto pede, & intrepidus denuo procedam.

Quamvis autem diversas diversorum annorum habitudines, quoad manifestas aeris qualitates, maxima quæ potui diligentia notaverim, ut vel exinde causas tantæ epidemicorum vicissitudinis expiscarer, me tamen ne hilum quidem hæcenus promoveri sentio; quippe qui animadverto annos quoad manifestam aeris temperiem sibi plane consentientes, dispari admodum morborum agmine infestari, & vice versa. Ita enim se res habet. Variæ sunt nempe annorum *Constitutiones*, quæ neque calori, neque frigori, non sicco humidove ortum suum debent, sed ab occulta potius, & inexplicabili quadam alteratione in ipsis terræ visceribus pendent, unde aer ejusmodi effluviis contaminatur, quæ humana corpora huic aut illi morbo addicunt determinantque, stante scilicet præfatæ constitutionis prædominio, quæ exacto

demum aliquot annorum curriculo faceffit, atque alteri locum cedit. Unaquæque harum constitutionum generalium propria, ac peculiari sibi febris specie funestatur, quæ extra illam nusquam comparet, cujusmodi febres idcirco *Stationariæ* nobis audiunt.

Adhæc sunt, & particulares quædam ejusdem anni, ut ita dicam, crases, in quibus licet secundum manifestas aeris qualitates, ejusmodi febres quæ generaliore anni constitutionem sequuntur magis minusve epidemicæ grassentur, vel serius ocysive ingruant: præ cæteris tamen ejusmodi febres, quæ omnibus in universum annis competunt (quas ideo *Intercurrentes* voco) ab hoc, illove manifesto aeris temperamento ortum ducunt; verbi gratia, *Pleuritis*, *Angina*, & reliquæ ejusdem farinæ, quæ a subito calore, intensius ac diuturnum frigus statim excipiente, plerunque invadunt. Potest itaque fieri, ut sensibiles aeris qualitates ad illas quidem febres producendas faciant, quæ in qualibet constitutione se exerunt; non vero ad istas alias quæ certæ alicui constitutioni quasi propriæ, ac peculiæ existunt: Fatendum tamen est, prædictas aeris qualitates corpora nostra ad hujus illiusve morbi epidemici generationem magis minusve disponere; quod, & de quocunque errore circa *sex res non naturales* dictum volo.

Animadvertendum autem est, epidemicorum alios in hoc aut illo anno regulariter, & eodem semper modo se habere, iisdem plane phænomenis, & conformi symptomatum agmine in plerisque fere omnibus quos adoriuntur, stipatos, atque eadem prorsus via sibi fugam, & exitum parantes. Ex his itaque tanquam in suo genere perfectissimis, vera, & certa morborum epidemicorum historia ediscenda est atque tradenda.

Sunt vero alii, aliorum annorum morbi, qui licet epidemicorum insigniantur nomine, enormes tamen sunt, & perquam *anomali*, utpote qui nulli se typo patiuntur astringi; & revera mali sunt moris, tum quoad incertam symptomatum varietatem certissimamque dissimilitudinem; tum quoad methodum, quæ se ipsi expediunt, & amoliuntur. Hæc tanta illorum disparitas exinde oritur, quod scilicet quælibet constitutio morbos parit, a morbis ejusdem generis, qui alio tempore grassabantur, multum abludentes, quod non tantum in febribus locum habet, sed in plerisque aliis epidemicis.

Neque hic finitur *Orestes*: restat enim & aliud paulo subtilioris *θεωρίας* luxuriantis, si fas est dicere, naturæ lusus; quod nempe idem morbus in ipsissima anni constitutione varia sæpe, & dissimili se facie ostendat, quod ad tempora attinet principii, status, & declinationis; quod quidem tanti potest esse momenti, ut pro ejus arbitrio curativæ indicationes ponendæ, sumendæve fuerint.

Porro observandum est, epidemicos quoscunque in duos omnino ordines dispesci; *Vernos* dico, & *Autumnales*: & quamvis fieri potest, ut alia qualibet anni tempestate subnascantur, ad illam tamen sunt relegandi, Ver Autumnusve fuerit, quam proxime contingunt: Accidit enim nonnunquam, aeris temperiem cum epidemicorum aliquo in tantum conspirare, ut, eo fautore, ante tempus sibi debitum miseros invadat, & e contra est, ubi tam parum illis inter se convenit, ut corpus prædispositum non nisi aliquandiu post aggrediatur. Cum itaque *Ver* dico, vel *Autumnus*, non de ipso statim *Æquinoctio*, sive *Verno* sive *Autumnali*, ad amussim loquor.

Epidemicorum, qui *Verno* tempore grassantur, alii mature admodum se ingerunt, mense scilicet *Januario*, & exinde pedetentim increbrescentes circa *Æquinoctium Vernale* ad statum perveniunt, a quo sensim imminuti circa *Solstitium Æstivum* evanescent, nisi quod paucissimi postea forsitan hunc illumve petant. In horum numero sunt *Morbilli*, ut & *Febres Tertianæ Vernales*, quæ, licet serius aliquanto emergant, *Februario* nempe, tamen appetente *Æstivo Solstitio* pariter se subducunt. At vero alii *Vere* orti, & de die in diem invalescentes non nisi sub *Æquinoctium Autumnale* statum indispiscuntur, quo præterlapso paulatim cedentes, tandem adventante brumali frigore vertuntur in fugam; hujusmodi sunt *Pestis* ipsa, & *Variola*, istis annis, quibus eorum utervis aliorum morborum prædominio fuerit potitus.

Cholera

Cholera Morbus ex epidemicorum autumnalium familia mens. *Augusto* exorsus intra angustos unius mensis cancellos conclusus percurrit sua tempora. Sunt tamen alii qui eadem tempestate prognati usque ad hyemem excurrunt, v. g. *Dysenteria*, *Febres Quartanae*, & *Tertianae Autumnales*. Hi omnes, utut eorum aliquos quos semel invaserint longiori, vel breviori tempore affligant, plerumque tamen intra duorum mensium spatium, & nomen, & epidemicorum naturam prorsus amittunt.

Febres autem speciatim quod attinet, observandum est, maximam earum partem, quae *Continuae* sunt, nulla hucusque nomina, in quantum a constitutionis generalis influenza pendent, obtinuisse, appellationes autem quibus dignoscuntur ab insigni aliqua alteratione sanguini impressa, vel evidentiori symptomate mutuari. Hac ratione *Putridae* dicuntur, *Malignae*, *Petechiales*, &c. Quandoquidem vero singula ferme constitutio praeter has quas parturit febres, ad alium morbum aliquem magis Epidemicum eodem tempore propagandum proclivis est celebrioris nominis, cujusmodi sunt *Pestis*, *Variola*, *Dysenteria*, &c. non satis video, cur istiusmodi febres non potius sortirentur nomina a constitutione, quatenus horum morborum alterutri producendo favet, eodem illo tempore quo comparebant, quam a qualibet sanguinis alteratione, vel symptomate particulari, quae diversae speciei febribus pari jure possunt competere. *Intermittentes* vero nomina sibi desumunt ab intervallo Paroxyfmi interjecto, atque hoc quidem caractere satis discriminantur, si variatum etiam anni tempestatum quibus contingunt, Veris sc. & Autumni, habeatur ratio. Licet nonnunquam earum aliqua de intermittantium natura revera participant, nullo caractere admodum visibili easdem prodente. Ut cum praematurae, *Julio* mense, v. g. intermittentes Autumnales ingrediuntur atque increbescunt, non statim genuinum typum induunt, (quod intermittentibus Vernis quidem solemne est) sed continuas febres ita per omnia imitantur, ut nisi castigatissimo utraque examine trutinaveris, ab invicem discriminari non possint, ac retuso paulatim constitutionis impetu, & frenata vi, jam in typum regularem migrant, atque exeunte Autumno, larva abjecta, intermittentes se esse, quales ab initio reapse fuerunt, palam fatentur, sive Quartanae illae fuerint, sive Tertianae; quod si non diligenter animadverterimus, cum magno agrorum nostrorum malo medicantes hallucinabimur, dum hujusmodi febres, quae ex intermittantium numero sunt, pro continuis veris & genuinis habeantur.

Porro, quod sedulo advertendum, cum plures aliquot horum morborum eundem fatigent annum, unus eorum aliquis reliquorum praedominio potitur, ceteris in ejus quasi ditionem reductis, & parcius id temporis favientibus, ita ut illo augefcente imminuantur hi, eodemque rursus imminuto, mox recrudescant. Atque ita vicissim mortales laceffunt, prout anni genius & sensibilis aeris temperies huic aut illi magis suffragantur. Qui vero morbus circa Aequinoctium Autumnale maximopere furit & cumulatissimam edit stragem, totius anni constitutioni nomen impertit suum; quisquis enim fuerit morborum, qui ea tempestate pro ceteris invaluerint, principatum omnium qui isto anno invadunt, obtinuisse facile deprehenditur, cujus ingenio Epidemici, quotquot sunt, σύγχεσθαι se accommodant, in quantum eorum fert natura; v. g. cum *Variola* eo tempore latissime depopulantur, febris toto anno sparsim oberrans ejusdem plane inflammationis est particeps, quae Variolas parit. Uterque nempe morbus ad eandem fere normam adoritur, maximaque inter maxime propria utriusque symptomata intercedit cognatio, (excepta Variolarum eruptione, & reliquis, quae ab illa pendent) ut ex ingenti illo tum ad spontaneos sudores, tum ad salivam excernendam propensione, in qua utrique convenit, abunde constat. Pariter, cum *Dysenteriae* dicto tempore praecipue fuerint grassatae, febris, quae eo anno infestat earundem indolem non leviter aemulatur, nisi quod illae causam morbificam per sedes eliminant, & pauca alia exinde nascantur symptomata, quod tum a consimili utriusque morbi insultu, tum etiam quod utroque malo correpti Aphthis similibusque invicem symptomatibus admodum sint obnoxii, satis evincitur. Et sane *Dysenteria*, de qua agitur, ipsissima illa febris est;

Sydenham opera Medica.

hoc tantum discrimine, quod introvertatur & in intestina se exonerans per eandem viam sibi faciat. Notandum autem est, Epidemicorum illum principem, qui sub Aequinoctio Autumnali, ceu rupto aggere torrens, omnia straverat, ingruente hyemis frigore intra suum se alveum condere: cum ex adverso Epidemici inferioris ordinis, qui sub eo merentur, tunc temporis praesertim ingravescant & rerum potiantur, donec dictus anni princeps eorum vires denuo frangat & deleat nomen.

Postremo observandum est, quoties constitutio aliqua varias Epidemicorum species parit, singulas has species genere ab illis differre, quae cum idem plane nomen sortiantur, alia tamen constitutione generentur; quotcunque sint autem species illae peculiares, quae in una eademque constitutione invadunt, in communi una atque generali causa singularum productrice, omnes conveniunt, hac scilicet aut alia aeris diathesi peculiari; & ex consequenti, quantocunque ab invicem, quoad typum & formam specificam, intervallo distent. Constitutio tamen omnibus communis subjectam singularum materiam ad ejusmodi conditionem atque statum effingit formatque, ut praecipua symptomata, quae ad particularem evacuationi modum nihil attinet, omnibus paria sint; singulis etiam in hoc conspiciantibus, ut eodem pariter omnes tempore & intendant saevitiam & remittant. Notandum est insuper, quibus annis variae illarum species grassantur uno eodemque tempore, eas omnes modo quo primum aggrediuntur, atque invasionis symptomatis, consentire.

Hinc itaque cernere est, variam admodum & accuratam naturae methodum, quam ad morborum generationem adhibet, quam nemo hominum, arbitror, hactenus pro rei dignitate satis observando est assecutus. Atqui ex pauculis hisce omnino conficitur (cum specificae popularium morborum differentiae, nominatim febrium, arcanae annorum constitutioni innitantur) incassum desudare illos, quotquot diversarum febrium rationes a causa morbifica in humano corpore aggesta deducunt; nam liquido patet, quemlibet, pancratice licet valentem, si certa quaedam hujus nostrae regionis loca adeat, febre ibidem grassante intra dies aliquot laboraturum: vix autem credibile sit, manifestam aliquam *mutationem* ab aere praefati viri humoribus tam brevi impressum iri. Neque minus difficile est, generales regulas febribus his debellandis accommodare, & certos aliquos limites figere, quos ultra citraque progredi, aut in iisdem consistere, non liceat. In hac itaque tam spissa rerum caligine, nihil mihi prius est, quam quando novae febres grassari incipiunt, cunctari paulisper, & ad magna praesertim remedia non nisi suspensio pede ac tardius procedere; diligenter interim illarum ingenium atque morem observare; quibus itidem praesidiorum generibus aegri juventur vel laedantur, ut quamprimum his repudiatis, illis utamur.

Verbo dicam, Epidemicorum species omnes juxta Phaenomenon suorum varietatem in classes redigere, ac characteres cujusque idiopathicos enucleare, nec non propriam medendi rationem unicuique sigillatim accommodare, ut res est multi otii ac summe ardua, ita etiam cum nullo certo (aut saltem nondum explorato) annorum ordine emergant, ad justum de iisdem observationum apparatus congerendum fortasse unius Medici aetas non suffecerit. At vero hic labor, ut ut sit improbus, prius est exantlandus, quam nos aliquid memoratu dignum in extricanda tam multifaria horum morborum serie praestitisse jure possimus gloriari.

At vero quibus demum modis, rationem reddemus distinctarum specierum *Epidemicorum*, qui non tantum, quatenus saltem nobis liquet, fortuito incurfant, sed etiam qui uno anno aut certa aliqua annorum serie ejusdem sunt generis, anno alio specie ab aliis alii distinguuntur? Nulla hic mihi unquam methodus aequae commoda est visa atque illa, quae per sufficientem annorum numerum protensa, eodem illos ordine describeret, quo se invicem excipiebant & insequiebantur. Quod ut jam pro meo modulo efficiam, historiam & curationes Epidemicorum, qui ab anno 1661. ad annum usque 1676. (per 15. videlicet annorum spatium) depopulabantur, ex accuratissimarum, quas mihi facere liquit, observationum fide orbi erudito tradam. Cum mihi impossibile plane videatur, effectum id dare, vel cau-

fas eorundem exortus assignando a manifestis aeris qualitatibus desumptas, vel multo etiam minus a particulari aliqua dyscrasia in sanguine atque humoribus, nisi in quantum secretæ aeris influentiæ illa deberetur. Quin & magis adhuc, si fas est dicere, impossibile fuerit variorum epidemicorum species tradere, qui a specificis aeris alterationibus oriuntur, quantumvis in proclivi illud esse videatur, istis videlicet qui febrium nomina attexere norint notionibus, in speculatione istarum alterationum, quæ in sanguine humano, atque ejus humoribus per hanc illamve principiorum degenerationem fieri possunt, male fundatis. Quo quidem pacto, cum non naturam sequamur, optimam ducem, sed conjectandi libidini indulgeamus, tot nobis erunt morborum species, quot comminisci placuerit: Eam nobis interim arrogamus licentiam, quam nemo facile Botanico concesserit, a quo in describenda plantarum historia sensuum requirimus testimonium, ac fidem, non rationis commentationem, quantumlibet ista polleat, atque aliis longe antecellat.

Haud equidem tantum mihi sumo, ut me in his, quæ jam trado, omnem absolvisse numerum existimem, forte ne in recensenda quidem universa epidemicorum familia; multo minus in me recipio, ut qui morbi elapsis, de quibus nobis sermo est, annis, ordine infra dicendo se mutuo exceperant, venturis sæculis eundem perpetuo servaverint. Unum hoc molior, ut quo pacto hæc se res habuit nuper, astipulante paucorum aliquot annorum observatione, enarrem, quod ad has scilicet regiones spectat, & hanc in qua degimus urbem, ut meum, quale quale sit, symbolum conferam ad opus inchoandum, quod, si quid ego judicando valeo, in maximum humani generis emolumentum cedit, ubi tandem a posteris, quibus integrum epidemicorum curriculum venientibus annis sibi invicem succedentium intueri dabitur, ad umbilicum perducetur.

C A P U T III.

Constitutio Epidemica Annorum, 1661. 62. 63. 64. Londini.

ANno 1661, febres Autumnales Intermittentes, quæ jam ab aliquot retro annis obtinuerunt, de novo vires redintegrabant (*Tertiana præsertim mali moris*) sub initio Julii, & quotidie increbrescentes, mense Augusto quam immanissime debacchabantur, inque multis locis, correptis fere integris familiis, maximam hominum stragem edebant; dein vero sensim decrescetes, superveniente hyemis frigore extinctæ sunt, perpaucos Octobris mense aggressæ. Quæ dictæ Tertianæ famulabantur symptomata, illa ab intermittentiū Tertianarum aliorum annorum symptomatis, his præsertim discriminebantur. Egri paroxysmus atrocior, lingua magis nigra siccaque, extra paroxysmum *ἀνυπνία* obscurior, virium, & appetitus prostratio major, major item ad paroxysmum ingeminandum proclivitas, omnia summam accidentia immaniora, ipseque morbus quam pro more febrium intermittentiū funestior. Si quando ætate provectiores, aut etiam Cachecticos invasisset, quibus pariter vena secta, aut aliæ quævis evacuationes minuiscent vires, nunc ad duos, nunc ad tres menses perdurabat. *Quartana*, rariores licet, febres jam descriptas comitabantur, utrisque vero primum brumæ impetum non sustinentibus (neminem enim, ante intactum, feriebat) subsecuta est *Febris continua*, ab intermittentiū Autumnalium genio in hoc tantum abhorrens, quod hæc statis solum temporibus, illa continenter urgebat. Etenim eodem ferme modo ægrotos adorabantur; qui utrisque pariter vehementer laborabant, vomituriabant, cum partium externarum siccitate, siccæ, linguæ nigredine; & sudoribus sub morbi finem materia morbifica in utrisque promptissime exterminabatur. Quinimo vel hinc liquebat, febrem hanc ad Autumnalium intermittentiū classem attinere, quod raro admodum surgente anno compareret. Dicta itaque febris continua intermittentiū quasi compendium quoddam; & e contra singuli earum paroxysmi compendium hujusce mihi videbantur; atque adeo discrimen in hoc maxime versari, quod *Continua* conceptam semel effervescentiam *συνεχῶς* eodemque semper tenore perficerent; *Intermittentes* autem partitis vicibus ac diversis temporibus eadem desungerentur.

Quanto autem jam tempore prædicta febris continua invaluerit dicendo non sum, cum mihi hæcenus satis fuerit ad generalia febrium symptomata attendere; utpote qui nondum, vel juxta varias annorum crases, aut ejusdem anni varia tempora easdem distingui posse animadverteram. Hoc saltem scio, unicam fuisse *Continuæ* febri speciem usque ad annum 1665. ac *Intermittentes Autumnales*, quæ ad illum usque annum frequentes incurfabant, jam deinceps rarissimas occurrisse.

Sed ut ad rem redeamus: *Febris* illa *Tertiana*, quæ dicto anno omnia longe lateque fuerat prædata, eodem elapso intra angustiores limites se continuit; insequentibus vero Autumnis *Quartana* Epidemicis reliquis prædominabantur, stante hac aeris constitutione. *Quartanis* semper post Autumnum vela contrahentibus, *Febris continua* (quæ per hoc omne tempus, parcius licet se immiscuerat) jam inclementius debacchabatur ad usque Ver, quo tempore *Febres intermittentes Vernales* succedebant, quibus ad calendas Maji pariter fatiscentibus, *Variola* hinc & inde sparsim se ostendebant, quæ denuo ad conspectum *Epidemicorum Autumnalium* (febrem continuam volo, & quartanas) terga dabant victoribus. Hoc ordine morbi epidemici integram hanc aeris constitutionem pervadebant, & se mutuo insequentibus. De his mihi sermo erit in specie, & nominatim tum de febre hac, tum etiam de intermittentiis, siue Ver, siue Autumnum attinerent, quibus hæc constitutio pro cæteris infamabatur.

Telam ordiar ab hac *Febre Continua*, quæ aliarum, quotquot sunt, omnium præcipua, & coryphæa mihi videtur, eo quod natura in hac præ aliis quibuscunque uniformiter, & ad eandem fere normam tum materiam febrificam ad debitam concoctionem perducit, tum contactam certo ac præfinito tempore exigit eliminatque. Ad hæc, quandoquidem illæ annorum constitutiones, quæ intermittentes Autumnales promover, communibus annis multo sæpius recurrant, quam illæ, quæ ad cæteros epidemicos faciunt, necessario sequitur, ut quæ illas comitatur febris continua frequentius accuset.

At præter symptomata, quæ cæteras febres stipabant, dicta febris sequentibus insuper urgebatur: *Æger* plerunque animam tantum non agebat, vomituriabat, lingua sicca, & nigra, ingens ac subitanea virium consternatio, & partium externarum siccitas. Urina ubique, vel crassa, vel tenuis, utraque ex æquo cruditis indicium. In morbi declinatione, diarrhœa, nisi forte Medicus principio obstitisset, superjungebat, unde morbus pervicacior redditus diutius affligebat. Sed suapte ingenio ac propria indole vix ultra diem 14. vel 21. perdurabat, quo primum tempore, oborto sudore, vel potius leni madore, morbus solvebatur. Neque prius urinæ concoctionis signa prodebant, quod jam ut plurimum evenibat. Quin, & alia superveniebant symptomata, quoties hic morbus minus perite tractabatur. At vero tum hæc, etiam omnis morbi genius clarius elucescent, ex peculiari methodo, quam olim huic febre accommodaveram, quam itaque huc transferam, (saltem quod ad rem nostram apprime faciat) prout jamdudum typis evulgaveram. Quo quidem tempore nondum mihi innotuerat, aliam aliquam febri speciem in rerum natura inveniri.

C A P U T IV.

Febris Continua Annorum 1661. 62. 63. 64.

I. **P**rimo quidem adverto, inordinatam illam massæ sanguineæ commotionem febri hujus seu causam, seu comitem, a natura concitari, vel ut heterogenea quædam materia in eadem conclusa, ac ipsi nimica secernatur; vel ut sanguis in novam aliquam diathesim immutetur.

Atque in hoc negotio magis arridet latius, & generalius *Commotionis* vocabulum, quam vel *Fermentationis*, vel *Ebullitionis*; quippe quod inanis λόγος occasionem præscindat, quam fortassis istiusmodi voces (quæ etiam si explicationem non incommodi admittant, tamen minus propriæ, ac non nihil duriores nonnullis videntur) haud satis caveant. Quamvis enim cruoris in febribus commotio, liquo-

liquorum vegetabilium alias *fermentationem*, alias etiam *ebullitionem* æmuletur; non desunt nihilominus, qui eandem non uno modo ab utraque plurimum differre arbitrantur. De *Fermentatione* unum alterumve ab illis sumatur exemplum. Primo, licet frementescencia liquida vinosam quandam indolem ita nancisci soleant, ut spiritum ardentem ex iisdem distillatio eliciat, atque in acetum facile desciscant, quod ipsum insigni acore pollet, & spiritum acidum distillando exhibet: neutram tamen ejusmodi mutationem in sanguine hactenus observatam fuisse contendunt.

Deinde adverti volunt, quod cum in liquoribus vinosis *fermentatio* & *depuratio* eodem tempore peragantur, & quasi paribus passibus procedant, *depuratio* tamen sanguinis in febribus ejusdem *æstuationem* non comitetur, sed consequatur, id quod in paroxysmo febrili per sudores soluto, vel oculorum testimonio, parere existimant.

Quod autem ad *Ebullitionem* attinet, difficilior illis hæc videtur analogia, quæque experientiam habet summopere refragantem; in multis nimirum casibus, quoties non adeo effrænis est cruoris orgasmus, ut *ebullitionis* appellationem mereri possit. Verum ut sit, (neque enim hisce controversiis me ullatenus immisceri patiar;) quandoquidem *fermentationis*, & *ebullitionis* vocabula apud recentiores Medicos plurimum invaluerunt, ego quoque eadem subinde usurpare non dubitaverim, dummodo ex jam dictis satis constet voces istas in hoc Tractatu clariori solummodo dicendorum explicationi inservire.

Porro febrilem hanc sanguinis commotionem ob materiæ cujusdam heterogeneæ, ipsique naturæ adversantis, secretionem ab eadem concitari, omne genus febrium, quæ eruptionibus stipantur, testatum facit, utpote in quibus istius ebullitionis sanguinis beneficio, sit excretio ad cutim excrementi in eodem latitantis, & prava qualitate affecti.

Quinimo nec, mea quidem sententia, minus liquet, febrilem sanguinis commotionem sæpe (ne dicam sæpius) non alio collineare, quam ut ipse sese in novum quendam statum, & diathesin immutet, hominemque etiam, cui sanguis purus & intaminatus perstat, febris corripit posse; sicuti in corporibus sanis evenire, frequenti observatione compertum est, in quibus nullus apparatus morbosus vel quoad plethoram, vel quoad cacochymiam fuerit, nulla insalubris acris anomalia, quæ febris occasionem subministraret. Nihilominus etiam hujusmodi homines, præcedente insigni aliqua aeris, victus, cæterarumque rerum non naturalium (ut vocant) mutatione, identidem febre corripiuntur, propterea quod eorum sanguis novum statum, & conditionem adipisci gestit, qualem ejusmodi aer aut victus postulaverint; minime vero quod particularum vitiosarum in sanguine stabulantium irritatio, febrim procreet. Etsi nequaquam dubitem materiam in sanguinis despumatione post febrilem commotionem, solemniter excretam, vitiosam esse, quamvis sanguis laudabilem antea diathesin obtinuerat (id quod vix magis mirandum est, quam quod esculentorum portiones aliquot corruptæ, & fætidæ evadant. postquam insignem in corpore alterationem subierint, ac jam a reliquis segregatæ fuerint.)

II. Secundo ita mecum reputo, indicationes veras, ac genuinas, quæ in hoc morbo consurgunt, in eo versari, ut sanguinis commotio intra modum naturæ proposito congruentem, sistatur; ea nimirum ratione, ut nec hinc plus æquo gliscat, unde periculosa symptomata insequi solent, nec illinc nimium torpeat, quo pacto, vel materiæ morbosæ protrusio impediretur, vel sanguinis novum statum affectantis labefactarentur conatus. Adeo ut sive materiæ heterogeneæ irritanti, sive cruori res novas molienti febris ortus debeat, indicatio utrobique eadem existat. Hisce positis fundamentis Therapiæ methodum hoc ritu instituo.

Quoties mihi cum ægris res est, quorum sanguis, vel per se imbecillior existit, (uti fere in pueris) vel iusta spirituum copia destituitur (ut in decliviori ætate, atque etiam in juvenibus diuturno aliquo morbo confectis) a venæ sectione manum tempero. Enim vero si phlebotomiam his imperarem, sanguis etiamnum citra ejusmodi imminutionem plus

fatis debilis, despumationi suæ obeundæ prorsus impar redderetur; unde totius massæ perversio, ac proinde forsitan ipsius ægri interitus sequeretur (quemadmodum si cerevisiæ aut alius cujusvis musti fermentatio intempestive sistatur, liquores illi vitium plerumque contrahunt.) Quippe particularum, quas semel exterminare cœperit, quæque, tametsi dum reliquæ cruoris massæ æquabiliter immiscerentur, puræ extiterant, jam vero putredinem deterrimam acquirere, & cæteros humores gravi inquinamento inficere habiles evaserint, consortium natura ferre amplius non potest. Quanquam haud me latet ægros temetaria sanguinis missione multatos, convenientium Cardiacorum usu aliquando servari, sanguinemque ad tenorem defæcationi suæ peragenda idoneum restitui posse. Sed præstiterat plagam non infligi, quam sanari.

Attamen ubi in contrariæ indolis sanguinem incido, qualis in juvenibus athletico habitu, & temperamento sanguineo præditis reperiri consuevit, primum in curatione locum phlebotomiæ attribuo; quæ (præterquam in casibus inferius memorandis) sine salutis periculo hic omitti nequit. Nam alias non solum præ nimia sanguinis ebullitione, phrenitidum, pleuritidum, aliarumque id genus inflammationum periculum immineret, sed præ copia etiam, impeditio omnimoda circulationis, & totius massæ quasi strangulatus consequeretur.

Mensuram quod attinet, mihi solemne est, eam duntaxat sanguinis quantitatem detrahere, quantum conjicere liceat, quæ ægrum ab incommodis, quibus immodicam ejusdem commotionem obnoxiam esse diximus, incolumem præstet. *Æstuationem* vero illam deinceps rego ac moderor, phlebotomiam, vel repetendo, vel omitiendo, Cardiacis calidis, vel insistendo, vel parcendo, ac denique alvum, vel laxando, vel compescendo, prout motum illum, vel efferari, vel languescere animadverto.

Post venæ sectionem (siquidem ipsa juxta casus præmemoratos necessaria fuerit) sollicitus sedulusque inquirō, nunquid ægrum, vel vomitus, vel inanis aliqua vomendi propensio sub febris initium inturbaverit. Id si contigerit, omnino medicamen *Emeticum* præscribo, nisi, vel ætas tenella, vel insignis aliqua debilitas ægri ab eo temperandum suaserit. Sane vomitorium propinare, ubi istiusmodi prægressa est vomendi proclivitas, adeo est necessarium, ut nisi humor ille expellatur, in sentinam complurium malorum difficilium sit abiturus, quæ crucem figent Medico toto durante medicationis tempore, ægrumque in haud leve periculum conjicient. Ex horum præcipuis, & maxime solitis est *Diarrhœa*; quæ ut plurimum in deservescencia febris consequitur, quotiescunque Emetica, quando ea suadebat indicatio, omissa fuere. In febris quippe progressu, ubi malignum in ventriculo humorem nonnihil subegerit natura, & ad intestina amandaverit, illa ab acri humore ex hoc in stomacho fonte perpetim scaturiente usque adeo corroduuntur, ut non possit non insequi *Diarrhœa*. Observavi nihilominus in febribus inflammatoriis, quæ malignæ vulgo habentur, omissionem vomitorii, tametsi talis vomendi propensio præcesserit, *Diarrhœam* quemadmodum in hac febre, necessario, non inferre; sed de ista re plura in sequentibus.

Jam autem in eo versatur istiusmodi *Diarrhœa* periculum, quod æger fatis jam morbo debilitatus, enervatur ulterius, & præterea (id quod majoris est in ipsius noxam momenti) in febris declinatione, quo tempore contrahere se sanguis, ac viam suam exere-re debebat ad despumationis officium peragendum, penitus præpeditur hac emissionem.

Jam vero ne quid dubites humorem hunc in ventriculo nidulantem nisi forte vomitu eliminetur, hanc tragædiam (*Diarrhœam* dico) quasi ex insidiis aliquanto post daturum, inquisitione instituta nunquam fere non comperies, si quando febrim hanc *Diarrhœa* comitetur, ægrum in morbi principio in vomitum proclivem fuisse: nec tamen Emeticum fuisse propinatum. Porro etiam compertum habebis, etiamsi proclivitas illa ad vomendum jam pridem præterierit; diarrhœam tamen quamprimum vomitorium exhibueris plerumque cessaturam; dummodo Emetico ferendo pares fuerint ægri vires: Sæpius autem observavi diarrhœa semel oborta, medicamenta adstringentia, vel

Observationum Medicarum

nihil omnino, vel parum admodum ad eandem sistendam conferre, sive introsumpta, sive exterius applicata.

Emericum, quale passim a me propinatur, hujusmodi fere est: *℞. Infus. Croc. ʒvj. Oxytel. Sillit. & Syr. Scabyos. comp. aa. ʒss. M. F. Emet.* Quod hauriri jubeo tempore pomeridiano, duabus horis post leve prandium. Verum quo tutius, ac felicius vomitio subsequatur succedat, illud etiam in mandatis habetur, ut *Zythogala ʒvj.* vel *vij.* sint in promptu, quippe quod periculosa sint ista medicamenta, nisi copiose diluantur: Ideoque quoties vomuerit æger, aur alvum exoneraverit, e vestigio sumendus erit haustus: quo facto, & inania illa tormina præcaventur, & vomendi conatus auspiciato procedunt.

Sæpe miratus sum, dum forte materiam vomitu rejectam aliquando curiose contemplabar, eamque neque mole valde spectabilem, nec pravis qualitatibus insignem, qui factum fuerit, ut ægri tantum levamini exinde senserint; Nempe vomitu peracto, sæva illa symptomata (nausea, v. g. anxietas, jactationes, suspiria luctuosa, linguæ nigredo, &c.) quæ & ipsos excruciant, & adstantes perterrefecerant, mitigari solent ac solvi, quodque morbi reliquum est *διδύμω* tolerari.

Illud hic loci non omittendum erit, si ægri conditio utrum auxilium postulaverit (venæ sectionem intelligo, & vomitorium) tutum omnino esse, ut venæ sectio Emerici exhibitionem præcedat; alias enim dum vasa sanguine distenta sunt, periculum imminet, ne ex violentis illis vomendi conatibus vel rumpantur vasa pulmonum, vel cerebrum lædatur, affuso cum impetu sanguine atque effuso, adeoque æger Apoplexia correptus pereat. Cujus rei quamvis historias aliquot commemorare possim, illis ramen hic supersedere visum est, monuisse contentus maxima hac in re cautela utendum esse.

Siquis autem quærat, quo tempore febris vomitorium exhiberi velim, dico. In ipso plane febris initio, siquidem optio daretur, Emericum propinarem: ita enim fiet, ut ab horrendis illis symptomatibus, ex humorum in ventriculo, locisque vicinis delitescens illuvie ortum ducentibus, ægrum præmuniamus; imo vero & fortasse in ipsis quasi incunabulis opprimamus morbum, qui alias cum ægri periculo grandescet, ac longævus evadet, nutritus nimirum dictis illis humoribus, qui vel substantia sua in penitiores corporis partes transmissi cum sanguinis massa commiscuntur, vel ex ipsa mora pejores facti, atque venenata pravitate inquinati, ex foco suo jugiter pertranseunti sanguini malignam auram afflabunt. Hujus rei (ne longius abeamus) Cholera morbus exemplum nobis exhibet; fit enim aliquando ut intempestiva opera vomitum in illo morbo cohibere satagentes (sive illud Laudano fiat, sive adstringentibus medicamentis) eo cohibito non minus periculosam malorum catervam invehant. Humores enim acres corruptique, quorum exclusionem tantisper permittere oportuerat ut satis evacuarentur, hoc pacto repulsi vires suas, ac sævitiam in sanguine exercent, febremque accendunt, quæ ut mali moris, & gravibus symptomatis stipata esse solet, ita nisi propinato Emetico, tolli vix poterit, etiam ægro jam nequidem vomituri.

Quod si nobis (ut sæpe fit) sero accersitis non licuerit Emericum propinando, ægrorum salutem sub febris initium consulere, certe tamen convenire existimaverim, ut quovis morbi tempore illud fiat, modo vires eo usque morbus non attriverit, ut Emerici vim ferre jam amplius nequeant: Equidem ego die febris duodecimo vomitum imperare non dubitavi, etiam cum æger vomituri desisset, neque sine fructu; Eo nanque Diarrhœam sustuli, quæ sanguinem in peragenda despumatione impedivit; quin & serius idem facere minime dubitarem, nisi virium attritarum ratio prohiberet.

Vesperis; celebrata jam vomitione, semper illud ago, ut tumultum ab Emetico in humoribus excitatum consopiam, & quietem conciliem; ideoque sub noctem, vel hora somni Paregoricum quempiam haustum exhibere jubeo. Ex. g. *℞. Aqu. papav. rhæad. ʒij. aq. Mirab. ʒij. syr. de mecon. & syr. papav. errat. aa. ʒss. M. F. Haustus.*

At si vel ob copiosam sanguinis jacturam, quam curationis decursu passus est æger, vel ex movendi fre-

quentia, dejectionibusque in Emerici hujus usu factis, vel ex præsentis ejusdem *ἀνυπαξία*, vel ex debilitate ejus, vel ex febris jam declinantis vetustate, nullum jam supersit in posterum concitandæ nimis ebullitionis periculum; tum metu procul habito, vice haustus præscripti, Diascordii satis largam dosin vel impmixti, vel aquæ alicui Cardiacæ sociati exhibere jubeo. Præclarum sane medicamentum, modo ea quantitate exhibueris, quæ remedii potius quam tituli mensuram impleat.

Hic autem loci, priusquam de Emericis dicendi finem faciam, prætereundum non est, omnino tutum non esse (saltem in hac febre) vomitoria ex infus. Croc. Metall. parata, puerulis, ullisve infra adolescentiam constitutis vel minima quantitate exhibere. Optarem equidem, ut illius loco alia nobis tutiora, sed satis inrerim efficacia suppetere, quæ humorem hunc in febris declinatione fere semper Diarrhœam minitantem radicitus extirpare possent, vel saltem ut medicamento aliquo idoneo acrem istam materiam, ejusque vim corrosivam ita mutare liceret, ac retexere, ut commovere Diarrhœam nequiret. Sæpius profecto mihi molestum illud accidit, quod ad infantes, puerosque febre correptos accersitus, indicationem conspexi, quæ quidem medicamento usum suavit, cujus ope extra periculum collocari potuissent, quod tamen exhibere, veritus infelicem exitum, non sum ausus. Verum in adultis nullam inde noxam hætenus observavi, modo cum cautionibus prædictis Emericum propinetur.

Vomitum exantato negotio, illud mecum ulterius disquirere soleo, utrum evacuationibus prægressis non obstantibus, sanguis etiamnum adeo exæstuet, ut illius effervescentiæ limites adhuc ponendi sint, ac sufflamen addendum; an vero eousque elanguerit ut indigeat incitamento; vel denique, an fermentatio ad gradum idoneum, ac debitum reducta permitti absque ægri periculo possit. De horum singulis nonnulla mihi dicenda sunt.

1. Itaque si sanguis eo usque exæstuet, ut merito adhuc suspicari liceat, ægrum vel Phrenitidi, vel alii alicui molesto symptomati, ex nimia sanguinis ebullitione prognato, obnoxium esse, postmodum Emerici exhibiti *Enema* præscribo. Ut *℞. decocti communis pro clystere ʒij. Syr. Violarum & sacchari culinariis aa. ʒij. M. F. Enema.* Idemque repeti, pro re nata jubeo, quo sæpe fit ut sanguine nonnihil ventilato refrigeratoque, illius effervescencia satis compefcatur. Interdum tamen usu venit, ut venæ sectionem etiam semel adhuc atque iterum repetere necesse sit, nempe in temperamentis admodum sanguineis, & ætate florentibus, aut in iis, qui nimio vini usu inflammatoriam quandam diathesin sanguini suo imprefferunt. Verum plerumque tanto, tamque insigni remedio (quale quidem est repetita venæ sectio) non opus est; ac proinde, si prædictos casus exceperis, effervescenciam illam Enematum adminiculo satis reprimeamus. Quare si sanguis nimium æstuet, atque effervescat, singulis, vel alternis diebus, prout res postulaverit, clysterem injici jubeo, idque ita fieri ad decimum usque morbi diem vel circiter. Veruntamen si magna vis sanguinis amissa fuerit, vel æger sit ætate provecta, tunc temporis Enemata nulla impero, etiam si sanguis multum efferverit. In his etenim casibus, uti mutandum non est, ne omissis clysteribus, ebullitio concepta eo usque procedat, ut insignis alicujus, & infesti symptomatis periculum imminet; ita certissimum est, eorundem usu sanguinis robur, ac vim, atque (ut ita dicam, etsi minus proprie) rorem relaxari, eatenus quidem, ut in senibus præcipue (neque enim illis Enemata tam prospere, ac juvenibus cedere solent) naturæ opus inturbetur, atque impediat. Quod si vena secta quidem fuerit, sed non multum sanguinis emissum, tunc, uti dixi, clysteres adusque decimum, plus minus diem impero; nonnunquam etiam adusque duodecimum; quod in illis præsertim obtinet, quibus sanguinem demere non audeo. Sunt enim, qui post intermittentes Autumnales (sive Tertianæ fuerint illæ, sive Quartanæ) febribus continuis, expurgationis, in præcedentis morbi sine, defectu, corripiuntur; His si sanguinem miseris, periculum est, ne sedimenrum illud, quod prægressa fermentatio deposuerat, in massam sanguineam resorbeatur, novasque turbas

turbas excitet. Venæ sectionis itaque loco, rebus ita se habentibus clysteribus utor, & quidem ad diem usque duodecimum, modo æger sit juvenis, atque fermentatio nimis exaltata.

2. Verum e contrario, si venæ sectionem adhibueris, si omiseris, si sanguinis effervescencia nimis elanguescat, adeoque stimulo egeat, ne naturæ juvandæ impar fuerit, tunc equidem si clysteribus etiam ante diem decimum, multoque magis eo præterlapso, prorsus abstinentum arbitror. Quorsum enim jacentem jam, & nimis elanguidam fermentationem ulterius compescere atque reprimere conaremur? Quod si vero post tempus illud, in morbi nempe declinatione, clysteribus utaris, profecto non minus absonum id fuerit, atque ab omni ratione alienum, quam si quis effervescenti cerevisiæ nimis amplum spiraculum aperuerit: Etenim aperto illo spiraculo præpeditur natura, quo minus ad morbosicæ materiæ separationem unitis viribus incumbat. Postquam igitur vel mediantibus evacuationibus idoneis, atque opportunis, æger ἔξω βέλων positus fuerit, quantum ad illa symptomata attinet, quæ ex nimia ebullitione nascuntur, vel morbus jam declinaverit, quanto magis astrictam illi alvum præstitero, tanto magis eam extra periculi aleam colloco; nempe febrili materia ad sui concoctionem suaviter, ac blande propendente. Quocirca si præcedentes evacuationes, sanguinæ massæ quasi laxitatem quandam induxerint, vel inducere minentur, vel æger ante debitum tempus febre levatus fuerit, vel etiam febris ad ultimam suam periodum pervenerit, non solum Enemata procul haberi volo; sed & Cardiacorum opem atque auxilium suggerendum arbitror, atque mox ad alvum adstringendam memet accingo.

Cardiaca vero quod spectat, quoniam usu mihi compertum est, eadem propere nimis exhibita non contemnendam noxam inferre (vena scilicet nondum secta metuendum est, ne materia cruda adhuc existens in cerebri membranas, &c. aut pleuram decumbat) ideo curæ mihi semper est, ne Cardiacæ exhibeantur, dummodo vel nihil omnino, vel parum sanguinis emissum, nullaque alia insignior evacuatio facta fuerit, aut æger ætatis vigorem nondum exegerit, neque enim video, quorsum sanguis ejus per se satis locuples, ulterius in ipsius perniciem ditecteretur: Locuples autem atque opulentus satis est, neque succendiculis eget, quandiu evacuationes insignes calorem ejus insitum non prostraverint. Hujusmodi ægris domi nascuntur Cardiacæ, & quæ foris adduntur, aut frustranea sunt, aut etiam damnosa: quapropter ego vel nulla omnino, vel saltem levissima permiserim. Interim vero si æger ex profusis evacuationibus lassus & languidus, vel ætate fuerit proventus, solemne mihi est, Cardiacæ vel in ipso febris initio propinare; morbi autem die duodecimo, negotio tunc temporis ad secretionem vergente, medicamentis calidioribus liberalius indulgendum censeo, imo paulo maturius idem fieri potest, modo non metuendum sit, ne febrilis materia in partes principes præceps agatur; Nanque hoc tempore quo magis calcfecerim, eo magis concoctionem acceleravero. Neque revera cogitando assequi possum, quid sibi velint Medici, cum sua præcepta toties ingeminant, de remediis ad promovendam febrilis materiæ concoctionem administrandis, id quod in morbi initio accersiti sæpe faciunt; nihilominus tamen eodem ipso tempore medicamenta ejusmodi imperare non dubitant, quæ febrim scilicet attemperare possint. Profecto enim est febris ipsa naturæ instrumentum, quo partes impuras a puris secernat: hoc illa modo plane imperceptibili præstat ab initio, atque etiam in ἀκμῇ morbi, verum in ejusdem declinatione apertius, atque manifestius idem opus aggreditur, id quod ex urina cernere licet. Materiæ febrilis concoctio nihil aliud revera significat, quam peccantis materiæ a sana separationem. Hanc igitur ut acceleres, non satagendum nescio quibus attemperantibus, sed febris effervescenciam tandiu permittenda est, quandiu salus ægrorum passa fuerit, cum autem finem spectet, atque declinationem, secretionem jam conspicua, tunc quidem calidioribus medicamentis illam a tergo insequemur, ad rem eo celerius ac certius perficiendam. Atque hoc re ipsa est, febrili materiæ concoctionem promovere; cum evacuationes & refrigerantia moras nectant, & curationem impediunt, ipsamque sanitatem jam appropinquantem abigant, uti sæpius a me fuit observatum.

Si fermentatio satis progrediatur, despumatio circa Sydenham opera Medica.

diem decimum quartum perageretur. Verum si refrigerantia quælibet serius adhibueris, atque ita eorum ope effervescencia sufflaminetur, mirum non est, si febris ad diem vicesimum primum, quin & in effectis corporibus male tractatis multo longius excurret.

Illud poro observatu dignum est, quandoque accidere, ut æger clysterum aliorumve catharticonum usu circa declinationem morbi intempestive præscriptorum, parum alleviari videatur, imo nonnunquam apyrexia omnimoda frui, post diem autem unum alterumve senties, non tam pristinam febrim vires suas redintegrasse, quam novam accendi, rigor nimirum, atque horror subito invadet, quem mox excipiet calor atque febris, idem stadium (nisi forsan in intermittentium classem se reponat) decursura, quod in præcedentibus monstratum fuit. Cum ita se res habeat, non aliter tractandus est æger, quam si antea febre non detentus fuisset, verum quoad res agendas calcata jam vestigia repetenda; despumatio enim, quæ cœptæ jam ebullitioni debetur, non nisi prædicti temporis, scilicet 14. dierum spatio perageretur, utcumque molestum fuerit ægro, a prægresso morbo satis jam debilitato, eoque sanitatem expectare.

Cardiaca, quæ adhibeo, passim sunt ejusmodi, quæ statim subindicabo, quorum moderatioribus utor in morbi principio, æstuatione maxime fervente; gradatim ad usum calidiorum, juxta morbi progressum, vel ebullitionis gradus pergens; semper memor licere, siquidem multum sanguinis missum, vel æger senex fuerit, ut Cardiacæ fortiora administrentur, quam cum vel nulla præceperit venæ sectio, vel æger ætate floruerit.

Moderata autem illa quæ dixi, Cardiacæ sunt ex aquis stillatitiis (verb. gr.) Borag. Citr. Scord. compos. fragor. Theriacal. cum admixtis Syrup. Melissophyl. Fernel. Caryophyl. & de succo Citri. &c. fortiora vero ex pulver. e Chel. Cancror. Comp. Bezoar. Confect. de Hyacinth. Theriac. Androm. aliisve ejusdem indolis. Quæ sequuntur in frequenti usu sunt.

24. Aq. borag. citri, Scordii compos. & cerasor. nigr. aa. ʒij. aq. cinamomi hordeati ʒj. margarit. præparat. ʒij. sacchari crystallini q. s. Misce, sumat cochl. iiij. sæpius in die, præcipue in languoribus.

24. Aq. totius citri, & fragor. aa. ʒiiij. aq. cord. frig. Saxon. ʒj. aq. theriac. stillat. syr. melissophyl. Fernel. Caryophyl. & de succo citri, aa. ʒss. Misce f. Julapium, de quo capiat sæpius.

24. Pluv. e chelis cancrorum compos. lap. bezoardici Oriental. & Occidental. contrayervæ, aa. ʒi. fol. aurii n. j. Misce, f. pulvis subtilissimus: Capiat ad quant. gr. xii. quoties opus fuerit, ex syr. e succo citri, & Caryophyll. aa. ʒij. superbibendo cochl. aliquot Julap. præscript.

24. Aq. theriac. stillat. ʒiiij. semin. citri ʒij. contundantur simul & f. Emulsio. Colatura adde sacchari perlatti q. s. ad gratum saporem, sumat cochl. 2. ter in die.

Plures vero formulas recensere supervacaneum arbitror, quoniam & innumeræ sunt, aut esse saltem possunt, & in morbi decursu juxta varia ejus tempora, ac diversa symptomata variandæ sunt.

3. At si fermentatio neque nimium æstuet, neque langueat, eam in isto gradu relinquo, nec ullis remediis utor, nisi ægrorum, vel amicorum, quibus stipantur, importunitas a me aliquid extorqueat, quod ipsis citra instituti, & scopi mei fraudem placeat.

Atque hoc loco non prætermittam, me sæpius ad tenuis conditionis homines, quorum crumena prolixo apparatu Medico ferendo non erat, accersitum, nil fecisse aliud post venæ sectionem, & vomitionem peractam (siquidem eas postulasset indicatio) nisi quod ipsis præscriberem, ut toto morbi tempore lecto defixi, non nisi juscula avenacea, & hordeacea vel similia haurirent; tenuem cerevisiam (dempto frigore) moderate biberent ad sitim sedandam; Enema ex lacte saccharato singulis, vel alternis diebus usque ad diem decimum, vel undecimum injici curarent; & versus febris finem, cœpta jam separatione, siquidem segnior esset, ad eam juvandam fortiorum subinde potum Cardiacorum loco, bibere ipsis permisi: Atque ita sine ulteriore aliquo apparatu, nisi quod leve Catharticum in fine morbi addere soleam, eos salvos, & incolumes dimisi.

Sed ut ad institutum meum revertar, si prædicta methodus sollicite observata fuerit, usitato circa 15. diem, tum ex laudabilis in urina separationis signis,

tum etiam ex manifesta omnium symptomatum remissione, percipio tempestivum tunc esse potionem purgantem exhibere, quæ sedimentum e prægressa fermentatione hic illic depositum subducatur; quod nisi tempestive factum fuerit, periculum est ne in sanguinis massam remigret, ejusdemque febris recidivam conciliet, vel etiam sua in partibus naturalibus, ad quas amandatum fuit, mora, in mineram tenacium deinceps in corpore malorum feracem abeat. Nimirum separatione jam facta, humores crassi ac impuri ex arteriis sanguini in venis refluxo immixti, regressum ejus facile impediunt, ex quo varia obstructionum, ac tandem fermentorum genera nascuntur.

Ubi tamen animadvertendum, non adeo plane necessarium esse post febres Vernales, atque post Autumnales purgationem celebrare; idque propterea, quod sedimentum a Vernalibus depositum cum copia, tum qualitate terrea, malignaque ab autumnali superetur. Quod ipsum etiam in Variolis obtinet, multisque morbis aliis Verno tempore grassantibus, in quibus purgantium ommissio non tam grave periculum (quod ego quidem observaverim) quam in casibus prius memoratis inferre solet.

Et sane non multum is a veritatis scopo aberraverit, qui affirmaret ab hoc capite (purgandi scilicet post morbos Autumnales ommissione) plurimum morborum colluviem, quam ab ullo alio, quo demumquaque causarum fonte, dependere.

Si valde debilis sit æger, vel alioquin perfecta adeo depuratio facta non fuerit, ut aucter possim purgans exhibere die decimo quinto, rem differo ad decimam septimam, quo tempore sequentem, vel similem, proportionem ægri virium, potionem propino. *℞. Tamarind. ʒss. fol. sennæ ʒij. rhabarb. ʒi. Coq. s. q. aq. Colatura ʒiij. dissolve manna, & syr. rosac. aa. ʒj. Misce, f. potio cap. mane.*

Purgatione peracta, ægrum, hactenus lecto, ex præscripto meo defixum, surgere, & paulatim ad pristinam victus rationem reverti jubeo. Ea quippe, quam ad hoc usque tempus præscripsi, eadem propemodum est cum illa, quam modo commemorabam; Uti juscula avenacea, & hordeacea, panatellæ ex pane & vitello ovi, in aqua cum saccharo confectæ; juscula tenuia ex decocto pulli, cerevisia tenuis lupulata, cui quandoque æstuante ardore febrili, immisceri potest succus Aurantiorum recens expressus, & super ignem ad cruditatis tantummodo sublationem coctus, & his similia, quamvis juscula avenacea sint instar omnium. Negare vero cerevisiam tenuem, quæ subinde in mediocri quantitate sumatur, severitas est minime necessaria, imo sæpenumero etiam detrimentosa.

Accidit interdum (maxime in senibus) ægrum febri jam curata, & corpore satis jam superque purgato, nihilominus valde debilem esse; & quandoque tussi, interdum etiam screatu, magnam lutinosi, viscosique phlegmatis copiam expectorare: quod symptoma non tantum ægro terrorem iniecit, sed & ipsi Medico, præsertim minus cauto, imposuit, eumque in opinionem induxit, quasi affectus iste Phtisi viam sterneret; licet observaverim ego, rem adeo periculosam non esse. Hoc in casu ægrum jubeo Vinum Melaganum, annosum, vel Falernum, sive Muscatum, cum pane tosto ei immisso bibere, quod crasin sanguinis multum prægressa æstuatione debilitati (proindeque nuper ingestorum succis assimilandis imparis) corroborans, symptoma illud paucorum admodum dierum spatio abigit, ut crebra experientia mihi constat.

Hac ipsa, quam proposuimus ratione, ægrum a multis affectibus, symptomatibusque, quæ malignitati tribui solet, tutum præstabimus; cum nihil magis solitum sit Medicis in arte sua minus exercitatis, quam quando medicamentis nimis refrigerantibus: vel usu Enematum intempestivo, crasin sanguinis ita relaxarint, Naturamque in perficienda sanguinis depuratione adeo debilitarint, ut animi deliquia, aliaque symptomata (quæ genuina sunt ejusmodi impedimentorum arte positorum effecta) contingant, malignitati culpam transcribere: at si diuturnitas, in quam abierit morbus, eum ab hoc vitio vindicet, tum quicquid eos in medela deinceps fatigat, id *Scorbuto* acceptum referunt: quamvis re ipsa neque symptomata, quæ accidebant, quandiu vigeat morbus, malignitatis erant effecta, neque ea, quæ contigerunt in declinatio-

ne ejus *Scorburi*, sed utrunque rei male gestæ debetur, quemadmodum crebro id a me observatum est.

Non quod ego, aut quisquam alius, qui morborum historiam vel delibaverit, nescius esse possit, febres esse, quæ non intemperie sola, aut putrido tantum calore, sed etiam maligna qualitate (cujus signa evidentissima in ægris non possunt non apparere) constent: vel etiam quod inficias eam, complicari aliquando cum febre *Scorbuto*, & complures alios morbos posse: hoc tantum dico, has affectiones immerito sæpe in litem vocari.

Si fermentatio sanguinis rite processerit, fiet omnino materiæ morbificæ despumatio intra tempus modo dictum. At si remedia refrigerantia, vel Enemata serius exhibita fuerint, multo longius excurret febris, præcipue in hominibus grandævus, male a Medico curatis; ad quos quandoque accersitus, postquam febris per quadraginta dies & amplius laboraverant, nihil non expertus fui, quo despumationem sanguini inducerem: sed nempe usque adeo debilitatus erat sanguis, partim senio, partim Enematibus, & medicamentis refrigerantibus, ut neque Cardiacis, neque ullis aliis corroborantibus remediis scopum meum assequi possem; sed vel illorum febris virium suarum tenax permanebat, vel alioqui, si adesse videretur *anruptia* vires ægrorum admodum prostratæ erant, & tantum non emortuæ.

Aliorum autem remediorum successu frustratus alio consilium vertere sæpe coactus fui, cum successu non vulgari; nempe adolescentulorum vivum vegetumque calorem ægris applicando. Nec est quod quis multum miretur, hac methodo, licet inusitata, ægrum tantopere corroborari, naturamque debilitatam juvari, ut semet a materiæ secernendæ, eliminandæque reliquiis exoneret; cum proclive sit intelligere, insignem effluviis vegetorum copiam a sano, & atletico corpore in corpus ægri exhaustum transfundi. Neque unquam comperi iteratam calentium linteorum applicationem ullatenus id præstare valuisse, quod modo præscripta methodus præstitit, ubi calor applicatus tum magis est humano corpori congener, tum simul blandus, humidus, æqualis, perennisque. Atque hæc ratio, spiritus, & halitus, forsitan Balsamicos, in ægri corpus immittendi, ex quo ipse illam adhibui tempore, licet aliena primum videretur, ab aliis cum successu felici fuit adhibita: neque profecto me pudet hujus remedii meminisse, tametsi petulci quidam homines, atque arrogantes, omniaque vulgaria ingenti supercilio contemnentes, me forsitan hoc ipso nomine aspernabuntur. Ego enim proximi mei commodum, ac salutem vanis illorum opinionibus longe anteferendam censeo.

Methodus hactenus enarrata, si quis illam prudenter, & cum destinato animi consilio observaverit, ægros, si non ab omnibus, saltem a plerisque molestis illis symptomatibus immunes præstabit, quæ hanc febrem vel comitari, vel eidem supervenire solent, quæque Medicum animi ancipitem, atque sæpe in curationis decursu consilii pene expertem reddunt; imo & illius curæ commissos non raro e medio auferunt, etiam si morbi natura mortem non interminari visa sit. Sed quandoquidem vel ægrorum culpa Medicum non satis opportune accersentium, vel ipsius Medici minori sive peritia, sive cautela, ejusmodi accidentia sæpissime oborta cernuntur, non gravabimur peculiarem eorundem curam summam hic attingere; verum ad ea tantum symptomata me restringam, quæ, tametsi sæpenumero præverti potuerint, modo via atque ordine prædicto quis usus fuisset; cum tamen semel acciderint, diversam quandam, sibi que propriam curam postulant.

Atque (ut hinc ordiar) si æger, vel calidiora medicamenta minus propere atque intempestive sumendo, vel calido nimis temperamento sua natura fretus, in *Phrenitidem* prolapsus fuerit; vel (quod proxime illuc accedit) si non omnino dormiat, sæpe exclamet, aut inconditis vocibus utatur, si vultu ac loquela ferociat, si medicamenta, potumve communem avide & quasi raptim bibat, vel denique urinam habeat suppressam; in hoc, inquam, casu, liberaliori manu, quam supra indulsimus, ad venæ sectionem, clysteres, ac medicamenta refrigerantia me accingo, verno tempore præsertim, (quo etiam alias symptomate hoc non apparente, juvenes atque vegeto calore præditi, ejusmodi auxilia sine multo discrimine admittunt) atque talibus remediis utens, ægrum eousque sustine-

sustinere conor, donec in diuturnitatem aliquam affectus excurrat, quo tempore non admodum difficile erit eum, & a morbo, & a symptomate una eademque opera liberare: id quod fiet *Narcoticum* aliquod medicamentum in largiori paulo dosi exhibendo. Quamvis enim febre vigente, quæ *vapores* vi prædita sunt non omnino prosint, neque destitutum a Medico scopum feriant; tamen opportune, & in declinatione morbi adhibita, præclaros effectus edunt: antea vero prodesse non possunt, partim quia fermentationem vi atque impetu procurentem sistere nequeunt, etiam in maxima dosi exhibita; partim vero (quod quidem majoris adhuc momenti est) materiæ peccanti tunc temporis massæ sanguineæ æqualiter admistæ, neque versus separationem adhuc vergenti ab exhibitio hujusmodi medicamento manus injicitur, adeoque depuratio illa tantopere extendenda impeditur. Verum si hæc ratio sit hujusce phænomeni, siue alia aliqua magis abstrusa, judicent illi quibus animus atque otium est talia speculari. Interim ex fidei atque idoneo observationum plurimarum complexu rem ipsam certissimam esse pronuncio. *Laudanum*, vel alia quævis Narcotica in principio, augmento, vel statu hujus febris ad symptoma hoc levandum, vel non prodesse omnino, vel, quod sæpe accidit, etiam obesse; verum in ejusdem morbi declinatione eadem mediocri dosi adhibita non sine successu usurpari. Semel equidem Narcotico die morbi duodecimo usus sum, nec frustra; citius autem nunquam prospere exhibitum novi. Quod si autem illius usum ad decimum quartum usque diem distuleris, tanto magis proficuum evadet, separatione nempe perfectiori tum facta. Neque vero hæc mora, tametsi forte astantes magnopere perterrefaciet horrendum hoc symptoma, mortem statim subinfert; cum sæpe observaverim, hanc rem plerunque inducias ferre posse, ac solere, donec ad Narcotica descendere fuerit opportunum; saltem si caveatur, ne *Cardiacis*, calidisque medicamentis adhibitis, intemperies cœpta accendatur uberius, quo casu ægri subito pereunt. Narcotica, quibus ego uti soleo, sunt vel *Laudanum Lond.* ad gr. i. ss. vel sequens. *Rec. fl. Paralyf. M. i. Coq. f. q. aq. cerasor. nigr. Colatura Ziij. Dissolve syr. de meconio 3ss. succi limonium Coch. ss. Misc. vel Rec. aq. cerasor. nigr. Ziij. aq. Epidemica Zij. Laudani liquidi. gutt. xvj. Syr. Caryophill. Zij. miscel.*

Illud unicum hic addere placet, quod ad hanc rem observasse non inconsultum arbitror; nempe si symptoma hoc eousque inducias ferat, & febris adeo ut in diuturnitatem abeat, ut æger ante assumptum Narcoticum commode purgari possit, medicamentum illud tanto felicius effectum suum editurum. Quocirca ego imperare soleo Pil. coch. ma. Zij. in aq. Betonice dissolut. atque hoc 10. vel 12. horis ante Narcotici exhibitionem. Neque metuendum est a tumultu illo, quem calidior illa massa pil. alias excitare solet: subsequens enim Narcotici vis pensabit illas turbas, & quietem suavissimam, blandissimamque inducet.

Quod si vigilie ultra febrem excurrant, cessantibus aliis symptomatibus, observavi, linteum in aqua rosar. immersum, & frigide sincipiti, ac temporibus applicatum, plus quam Narcotica quævis prodesse.

Sæpe accidit ægrum per totum morbi decursum * *tussi* molesta divexari; nimirum commota vehementer ac tumultuante sanguinea mole, omnibus jam ad seditionem, & partium studia spectantibus, sit, ut humores quidam soluti diffuentesque e massa sanguinis per vascula pulmonaria, vel etiam per diapedesin in tracheæ membranam interiorem, teneriorem scilicet atque exquisito sensu præditam, transferantur: hinc *tussis* oboritur, quæ primo sicca est, quoniam tenuis adhuc materia vim expultricem eludit; mox crassescit, atque expectoratu difficilis evadit, eo quod sensim febrili calore torreatur, atque assetur: hinc fit, ut suffocationis metu percellatur æger, utpote cui vires desunt ad lentam hanc viscidamque materiam tussi eliminandam. Ego in hoc affectu raro alio aliquo medicamento utor, præter *oleum amygdalarum dulcium* recentem expressum, nisi forsan acciderit, (accidit autem aliquoties) ut ægrotus oleum prorsus aversetur;

tunc enim vulgaribus illis pectoralibus, ut licet, opem ferre conamur. Interim oleum illud amygdalarum, siquidem illo per ægrum uti licuerit, Bechicis aliis anteponendum censeo, ob eam causam præcipue, quod cum necesse sit hæc liberalius, & majori quantitate exhibere, modo prodesse velimus, hoc pacto ventriculum jam satis superque debilem, & ad nauseam proclivem oneramus: nonnunquam etiam eadem opera præpedimur, ne reliqua, eodem ipso tempore transigenda, procuremus. Neque vero satis aut intellectu assequor, aut experientia eo ductus sum, cur ab hujus olei, quod jam diximus, usu in febribus abhorreamus, eo quod scilicet inflammabile sit, adeoque metuendum, ne febrim adaugeat. Fac enim illud sua natura calidum esse, certe tamen calor ille tantus non est, ut aliunde non abunde pensetur: præ cæteris enim manifesta vi pectori conducit, aperitque vias, ac lenit, adeoque expectorationem promovet, qua (præsertim si copiosior acciderit) tum exoneratur sanguis a molesto humore, commode jam excreto, tum eadem opera nonnihil refrigeratur, adeoque me non admodum male habet, si quando viderim symptoma hoc intercurrere, cujus beneficio non parum etiam ægro beneficii accedit. Illud unicum nunc moneo, una eademque vice tutum non esse, totis cochlearibus hoc oleum exhibere; periculum enim est, ne & ventriculum nauseam, & alvo fluxum inducamus; parce itaque sed frequenter interdiu noctuque propinandum erit, quo non solum expectoratione facta tussim leniemus, verum etiam, quod alicujus momenti est, attritas ægri vires blando nutrimento nonnihil solabimur.

Fit nonnunquam, ut * *hemorrhagia narium* superveniat; siue quod medicamenta nimis calida in morbi initio fuerint exhibita, siue quod ebullitio non satis coercita fuerit, ægro nempe, vel in florenti ætate constituto, vel anni tempestate coadjuvante. Hoc si fiat, non admodum juvabunt ea quæ ad sistendum sanguinis motum vulgo fieri consueverunt, qualia sunt venæ sectiones, ligaturæ, medicamenta adstringentia, atque agglutinantia, vel etiam sanguinis acrimoniam contemperantia, &c. quamvis enim pro Medicorum consilio, ac prudentia, his atque hujusmodi aliis uti liceat; in eo tamen cardo rei vertitur, ut idoneo aliquo medicamento sanguinis ebullitioni frænium imponatur, quod sistat, figatque illius impetum in præcipitia quæque ruentem. Verum quidem est, si symptoma seorsim spectetur, ea quæ supra enumeravimus (ac venæ sectionem potissimum) accommoda satis esse, nec ego ipse dubitarem iisdem uti; sed nempe symptomatis hujus causam (saltem si phlebotomiam exceperis) non satis attingunt, quam profecto non majori ratione per prædicta tollere, quam si gladio ignem extinguere satageres. Ego itaque in hoc casu, frustra aliis tentatis, tale quidpiam adhibere soleo, quale nunc subnectam. *Rec. aq. portulacæ, & papaveris erratici aa. 3jss. syr. de meconio 3vj. syr. paralyseos 3ss. M. f. haustus.* Nolim autem hæc ita intelligi, quasi hæmorrhagiam quamlibet ita statim curari velim, quin potius illa sæpe permittenda est, atque ægro plurimum prodesse potest, partim nimiam ebullitionem reprimendo, partim etiam critice aliquando morbum solvendo. Atque revera parum proderit huic symptomati frænium prædictum aptare, priusquam illud aliquantisper excurrerit, vel etiam priusquam vena in brachio secta fuerit. Illud diligenter advertendum est, hanc ipsam, atque alias omnes immodicas hæmorrhagias peculiare illud obtinere, quod quamprimum illæ quomodocunque sedatæ fuerint; nisi leniens aliqua purgatio celebretur, metus est ne recidivam æger patiatur; proindeque purgandum erit, quamvis (si febris tempora spectentur) serius aliquanto id fieri soleat, atque debeat, nisi symptoma hoc accesserit.

Hoc symptoma plerunque senibus accidit post copiosas evacuationes, vel per secessum ex diarrhœa, vel maxime per vomitiones, atque sæpenumero mortem præ foribus adesse denunciat. Ingenue fateor, me mihi met ipsi de * *Singultus* causa disquirenti satisfacere non posse: nihilominus observavi sæpe illum ex turbis, ac tumultu ab asperioribus medicamentis in ventriculo locisque

* *tussi*.

* *Narium hemorrhagia.* * *Singultus.*

locisque vicinis excitato, ortum ducere, quibus sedandis atque in pristinam pacem reducendis cum naturæ vires non suffecerint, sit ut ingens periculum immineat: proindeque consentaneum existimavi curam eo dirigere, ut quod natura per se nequibat, artis adminiculo suffulta perficeret. *Diascordium* igitur largi dosi exhibitum, nempe ad ℥ij. a scopo meo non aberravit, cum *semine anethi*, aliisque, quæ tanquam specifica decantantur, usus nihil profecissem.

Si in morbi hujus decursu * *Diarrhæam* obortam conspexeris, quæ (uti jam alicubi supra notavimus) accidere tum solet, cum in morbi initio vomitorii propinandi indicatio se obtulit, neque tamen illud propinatum fuit; dico in hoc casu convenire, ut quovis morbi tempore (nisi vires contra indicaverint) *emeti-cum* exhibeatur, etiamsi jampridem illa ad vomendum propensio præterierit. Quoniam autem hac de re satis opinor in superioribus pagellis a nobis dictum est, illud hoc in loco duntaxat annectam, quid facto sit opus si exhibitio licet Emetico nihilominus *Diarrhæa* supervenerit. Quod tamen oppido rarum est, nisi in febris inflammatoria, ubi vomitorium, hoc symptoma non solum non impedit, sed quandoque creat; quod notatu dignum est. Itaque cum sic se res habuerit, præ quibuscumque astringentibus hujusmodi clysterem profuisse comperi. *Rec. Cort. granator. ℥ss. ros. rubr. p. ij. Coq. in lactis vaccini s. q. Collatura ℥ss. dissolve Diascordii ℥ss. M. F. Enema.* Non suaserim, ut majori quantitate clysterem injicias, quamvis enim propria vi adstrictionem polliceatur, metuendum tamen est, ne sua mole laceffat intestina, adeoque fluxum alvi, quem consopire animus erat, uberius provocet.

Sed forsitan objiciet his aliquis, magis e re videri, ut præsertim declinante morbo, diarrhæam, si quidem acciderit, permittas potius quam sistas, quandoquidem fluxus ille alvi nonnunquam criticus est, morbumque solvit. Respondeo, me non inficias iturum, fieri aliquando, ut febris per hanc portam sibi viam faciat, atque effugiat; verum illud rarius accidit, quam ut illius spe quicquam moliamur: quin & ratio illa, qua de medela febrium universim locuti flexus hujusce sistendi necessitatem ostendere conati sumus, etiam hic omnino locum obtinet. Nunc autem illud addendum est, mea quidem sententia animadversione non indignum, nempe ad genuinam sanguinis depurationem non tantum necessariam esse illam quarundam partium secretionem, quæ per *faces* fit, sed requiritur etiam ut secernantur aliæ, tanquam *flores*, id quod in aliis etiam liquoribus opulentis atque heterogeneis quotidie cernimus. Itaque si diarrhææ nimium indulseris, mediam solummodo depurationem, tantopere expetitam, procurabis, atque etiam forsitan, quod postremo in loco rejiciendum erat, primo excernetur. Fateor equidem separatione illa per flores jam facta (quæ, ut obiter id attingam, sensim, & sine sensu peragi solet, atque plerumque paulo pleniori *διάρρῳ* potius, quam sudore manifesto) diarrhæam, si forte acciderit, periculi non multum interminari: Sciendum tamen est, illam tum non aliunde accidere, quam quod purgatio subducendis facibus dicata, non opportune exhibita fuerit, quæ quidem feces mora sua fermenti alicujus maligni indolem adeptæ, intestina jam ad excretionem irritant, stimulantque; ut omittam dicere, liquidissimam illam excrementorum consistentiam (tali enim forma plerumque visuntur) satis indicare ea pro critica morbi solutione habenda non esse.

Forsan etiam inter symptomata febribus supervenientia recenseris potest * *Iliaca passio*, eo quod vomitus enormes qui initio febrium accidere solent, huic occasionem quandoque subministrant.

Horrenda hæc affectio est, & huc usque omnium fere judicio funesta, ex intestinorum motu inverso, ac præpostero originem ducens. Nimirum intestinorum fibræ, quæ a superioribus versus inferiora contrahi debent, contrahuntur ad superiora, & quæcunque in intestinis continentur non versus alvum, sed ventriculum protruduntur, & impetu facto ad os regurgitant; adeo ut Enemata, quantumcunque acria, Emetica evadant, ubi etiam Cathartica per os assumpta per vomitum subito excernuntur. Et, mea quidem

sententia, exquisitus ille, ac intolerandus dolor huic morbo superveniens, non aliunde oritur, quam ex præpostero intestinorum motu modo dicto. Cum enim sinus illi, quos multiplices intestinorum circumvolutiones constituunt, ita a natura formati sint, ut ad descensum facum quam aptissime conducerent, cum ii, inquam, motui suis fibris contraria cedere cogantur, exoritur inde prædictus dolor; qui quidem uni parti instar terebelli infigitur, cum aut valvula quæ ad initium coli apposita excrementorum ad ileon regressum impedit, aut alia quævis membrana ad sinum perti-nens, vim hujus præposteri impulsus sola sustinet.

Hujus vero inversionis, unde dolor ille exoritur, duplicem causam assignare licet. Obstructionem nempe, vel irritationem.

Primo igitur quæcunque intestina vehementer obstruuntur, ut nihil per inferiora descendere valeat, hunc contrarium in intestinis motum ut producant necesse est, & nemini non notum. In horum censum ab Authoribus referri solent feces induratae, flatus crassi magna copia collecti, ac intestina velut in nodum convolventes, constrictio intestinorum in hernia, inflammatio denique, aliique tumores magni, qui cavitatem internam intestini occludunt. Interim vero haud negandum, quod motus contrarius hisce causis originem debens, potius ingestorum, quam intestinorum motus habendus, neque hæc totius intestinorum ductus inversio est, sed illorum tantum, quæ supra sedem istius obstructionis sita sunt. Quam ob causam *affectio iliaca* hinc profecta a me *notha* appellatur.

Secundo vero opinor, quod in affectu iliaco causa inversionis peristaltici intestinorum motus ut plurimum ita se habet. Nimirum ex tumultuante sanguine in febris nuper concepta, in ventriculum, & proxima intestina deponuntur humores acres & maligni, ex quibus ventriculus primo motum suum invertere, ac violento impetu materiam molestatam in eo contentam per os rejicere cogitur: Ventriculi tandem motui validiori intestina *tenuia* ipsi continua jam debilitata cedunt, & cum his demum *maiora* in consensum trahuntur, vomituri ventriculo quasi choream ducente. Hunc affectum *verum ileum* voco, & ille hujus loci est. Methodus eum curandi hæcenus fere incognita fuit, quicquid nonnulli jactent de usu *argenti vivi*, & *globularum*, quæ præterquam, quod parum conducunt, noxam sæpe haud contemnendam inferunt. Ego cum felici successu hac methodo utor.

Quando liquet ex clysteribus per os rejectis, & aliis signis verum esse ileum, tunc in hæc tria enitor. 1. Ut contrarius iste ventriculi motus, qui similem motum in intestinis efficit, impediatur. 2. Ut intestina acri humore debilitata corroborentur. 3. Ut ventriculus ac intestina ab istis humoribus liberentur. Quibus indicationibus ut satisfaciam, curationem hoc ritu instituo. Primo *salis absinthii* ℥j. ex cochleari uno *succi limonium* mane, & sero sumendum præscribo, intermediis vero temporibus *aqua mentha stillatitia* sine saccharo, aliove quovis additamento cochlearia aliquot bis quaque hora propino, cujus vel solius repetito usu, & vomitus, & dolor ex eo natus subito evanescunt. Dum hæc fiunt *catulum viventem* nudo ventri indefinenter accumbere jubeo. Postquam vero dolor cum vomitu per spatium bidui tridui omnino cessaverit, tum *pil. cochl. maj.* ℥j. in *aqua mentha* dissolutam exhibeo, quam etiam aquam (quo certius vomitus recursum prævertam) toto cathartico tempore sæpius sumendam injungo. Neque catulus removendus, antequam usum pilularum æger aggrediatur.

Observavi frustra pilulas istas, vel quodvis aliud catharticum, utcumque forte propinari, donec ventriculo corroborato, atque adeo ad motum naturalem reducto intestina etiam ad proprium motum æque reducta fuerint. Alias enim cathartica omnia intus assumpta emetica evadent, & plus damni quam commodi inferent. Inde est, quod remediis purgantibus viam facere non aggredior, donec per spatium quoddam medicamenti istis ventriculum respicientibus usus fuerim.

Victum valde tenue ægro præscribo, ita ut nonnisi cochlearia aliquot juscule ex pullo Gallinaceo parati forbenda bis vel in die permittam. Interim vero ut per totam agrotationem in lecto decumbat jubeo, donec perfectæ sanationis signa appareant, ac etiam post sanationem per longum tempus in prædictæ aquæ usu persistere, & laneis

& lancis duplicatis ventrem a frigore bene defendere impero; quo minus recidiva fiat, cui hic affectus præ omnibus aliis est obnoxius.

Pauca hæc universam meam in curando hoc affectu methodum exhauriunt, quam a nemine consulto ob simplicitatem suam, & splendidioris sive verborum, sive pharmacorum apparatus defectum, aspernatum iri confido.

Atque hæc sunt illa symptomata, quæ in febre hæc occurrere solent. Sunt autem & alia quædam, quibus memorandis nunc superfedebimus, partim quidem, quoniam ea minoris momenti sunt; partim vero, quod peculiarem nullam curationem postulent, febres enim rite tractatæ sponte sua cessant.

De Febre continua hujus constitutionis, ac de symptomatibus ejus hæctenus.

C A P U T V.

Febres Intermittentes Annorum, 1661. 62. 63. 64.

Quandoquidem, ut jam sumus præfati, quæ prædictos annos omnes constitutio pervasit, producendis omnium generum *Intermittentibus* tam egregie favit, quas tum de illis feci observationes laud indiligentes, hic impertiam. Addam insuper, & quæ de paucis illis intermittentibus observavi, quæ ab illo deinceps tempore sporadice contigerunt, quo minus orationis filum insequentium deinceps annorum historiam complectentibus, cogar intercidere.

Primo loco quo naturam illarum atque genium conjectura saltem assequamur, advertendum est, quod in paroxysmis febrium intermittantium hæc tria tempora spectanda sunt. 1. Tempus *Exhorrescentiæ*. 2. Tempus *Ebullitionis*. 3. Tempus *Despumationis*. Et quidem ad *exhorrescentiam*, quod attinet (ut de his rebus summam loquar) ego illam exinde oriundam arbitror, quod materia febrilis, quæ nondum turgescens a massa sanguinea utcumque assimilata fuerat, jam tandem non solum inutilis, verum & inimica naturæ facta, illam exagitat quodammodo atque laceffit; ex quo fit, ut naturali quodam sensu irritata, & quasi fugam molita, *rigorem* in corpore excitet atque *horrorem*, averfationis suæ testem & indicem. Eodem plane modo, quo potiones purgantes a delicatulis assumptæ, aut etiam toxica incaute deglutita, horrores statim inferre solent, aliaque id genus symptomata. Natura itaque hoc pacto irritata (ut ad tempus *ebullitionis* jam transcamus) quo facilius hunc hostem a suis cervicibus depellat, *fermentationem* aggreditur, solemnem nempe machinam, qua in febribus, & quibusdam aliis acutis morbi uti consuevit, cum sanguinis molem ab intestinis inimicis liberare conetur: hujus enim effervescentiæ beneficio disjunctæ peccantis illius materiæ partes, quæ sanguini æquabiliter admixtæ fuerant, aggregari quodammodo incipiunt, atque adeo leviori opera subigi possunt, ut ad despumationem opportune evadant. Et quidem ut hoc fiat vel ex eo plurimum referre constat, quod qui ex febribus intermittentibus moriuntur, siquidem in paroxysmo percant, in primo illo tempore (*exhorrescentiæ* scilicet) fato fungantur; nam si ad tempus effervescentiæ pertigerint, saltem pro illa vice non moriuntur. Atque per hæc duo tempora res ægrorum in angusto versantur; quibus elapsis, tertium tempus, quod *despumationi* dicatum est, insequitur, quo succedente symptomata omnia primo leviora fiunt, atque tandem plane evanescent. *Despumationis* autem nomine nihil aliud significatum volo, quam materiæ febrilis jam subactæ, & quasi devictæ, expulsionem, seu separationem; atque illud quod separatur, partim (ut in aliis liquoribus cernere licet) *florum*, partim *fecum* rationem, & sortem obtinet.

His ita positis, videamus quomodo fiat, ut redeat paroxysmus, quando quidem ægrorum fors in vado jam constituta videtur. Nimirum febrilis materia nondum tota emigravit, sed quemadmodum apum Embrya stasis temporibus sensim succrescunt, ita latens hæc materia pro typorum ratione denuo caput effert, ac novum negotium naturæ faceffit, idem stadium decurrens, quod in præcedentibus modo ostendimus. Nunc autem si quis a me causam quæsierit, cur fomes ille delitescens effervescentia præcedenti non satis subactus, ac proinde cum reliqua materia peccante non expulsus, proindeque novas tragædias daturus, non eodem modo in omni febre intermittenti progrediatur (nam nunc unum, nunc duos, nunc tres dies exigit, priusquam ad maturitatem perveniat, novumque

paroxysmum excitet,) de hac re, inquam, si quis mihi negotium exhibeat, ego plane me nescire fateor. Neque vero quisquam alius, quod sciam, in hac causa tam præclare se gessit, ut arcanum hoc opus naturæ satis enarrasse videatur. Ego Philosophi nomen non ambio, & qui titulum illum se mereri existimant, atque me fortassis hoc nomine culpandum putabunt, quod in hæc penetralia non irrumpere conatus sim, moneo illos, ut in aliis naturæ operibus, quæ ubique nobis obversantur, vires suas experiri velint, antequam aliis dicam, scribant. Libenter enim quæsierim, cur *equus* ad *anulum* suam pertingat septem annorum spatio, *homo* 21. cur in *plantarum* regno, hæc mense *Majo*, illa *Junio*, ista alio florere soleat, ut innumera alia nunc sileam. Quod si doctissimos quosque viros non pudeat suam ignorantiam in his rebus palam fateri, non video, cur mihi vitio verti debeat, si in re non minus difficili, atque forsitan profus inexplicabili, manus ab *αιτιολογια* abstineam; quippe cum persuasissimus sim, naturam non minus hic loci quam in aliis quibuscumque, methodo quadam certa atque ordine progredi: *quartanosa* enim (ut sic dicam) ac *tertianosa* materia non minus naturæ legibus subjacet, iisque regitur, quam alia corpora qualiacunque.

Cum rigore atque horrore in universum *Intermittentes* omnes incipiunt, cui mox calor succedit, atque huic deinceps sudor; Per utrumque paroxysmum, tum illum quo friget æger, tum quo plus satis incalescit, vomitur ut plurimum, vehementer ægrotat, cum siti, & lingua arida, &c. Quæ quidem symptomata, iisdem omnino gradibus recedunt, quibus provehitur sudor, quo uberius prorumpente paroxysmus solvi videtur. Satis recte valet qui modo ægrotabat, donec paroxysmus periodo sibi consueta denuo recrudescat; in *Quotidiana* scilicet quolibet *νυχθημέρω*, in *Tertiana* alternis diebus, in *Quartana* tertio quoque die, calculatione videlicet facta ab unius paroxysmi initio, ad initium subsequens. Licet haud raro ingeminentur posteriores duo, ita *Tertiana* quolibet die invadat, *Quartana* per duos dies continuos, tertio quidem ab insultu libero manente; quandoque etiam ter tribus diebus continuis infestet, cum *Triplex Quartana* est, morbo ab isto, quem primum assumpsit, Typo nomen fortiente.

Quæ sane paroxysmorum reduplicatio nonnunquam a materiæ febrilis excessu activitateque nimia producitur, quo in casu paroxysmus *adventitius primarium* antevertit nonnunquam etiam a virium prostratione, cum in ægro nempe nimium illæ fuerint dejectæ, & paroxysmi vigor retusus, sive refrigeratione intensiore, sive etiam evacuationibus præter modum effusis: in hoc vero casu cum paroxysmus adventitius primarium insequitur, mitius insuper, neque ita profus diu atque alter ægrum affligit. In priore instantia, materiæ turgescencia siste *εργασμὸς* tardius revertentem, & sibi debitam periodum nequaquam præstolatur, ac proinde aliquanto præmaturius despumatione sua defungitur: in posteriore autem cum sanguis non jam ea vi polleat, quæ materiæ febrili uno impetu excutiendæ sufficiat, mox alium de novo paroxysmum substituit, quo ejus reliquias e sinu suo exturbet. Quinimo e duabus hisce causis sibi invicem adversantibus forte etiam pendet tam paroxysmorum anticipatio in febre intermittente ordinaria atque regulari, quam eorumdem tardior accessio; quarum utraque in his febribus frequenter occurrit, quæ *νυχθημέραν* omne percurrunt, vel solitum paroxysmi tempus anticipantes, vel eo serius accedentes.

Febrium autem intermittantium quædam *Veris* sunt, quædam *Autumni*: quamvis enim in tempestatibus intermediis nonnullæ oboriantur, quoniam tamen illæ, & minus frequentes sunt, & ad prædictas reduci possunt (illas nempe quibus magis appropinquant,) idcirco omnes sub duobus hisce generibus, *Vernalibus* nempe, atque *Autumnalibus*, complectar. Tempora ad quæ particulariter *ὡς ἐν τῷ πάλῳ* referuntur, menses sunt *Februarii*, atque *Augusti*; licet quandoque maturius invadant, tardius etiam nonnunquam; prout scilicet uberius parciorve in aere apparatus, vel ad easdem producendas facit, vel officit, & ex consequenti magis etiam minusve epidemice deprædantur. Cujus rei exemplum habemus satis obvium in febribus intermittētibus Autumnalibus anni 1661. quo anno memini, sceminam quandam ædibus meis vicinam primo *Quartana* suæ paroxysmo, ipso *Joannis festo* correptam fuisse. Et complures alii circa idem tempus præmaturum febribus illis correpti fuere, quæ postmodum adeo epide-

Epidemicæ evaserunt; quod argumento est magnum, tum fuisse in ista quæ tunc obtinebat aeris temperie, ad istos morbos apparatus, qui deinceps procedente anno stipatior grassabatur.

Et quidem usque adeo necessaria est hæc febrium distinctio, ut nisi eandem in praxi sedulo contemplerur, neque de earum duratione prognostico aliquo rite facto quicquam pronunciare, neque quomodo regimine ægrotorum corpora curare poterimus, habita tum tempestatum, tum naturæ febrium diversæ ratione. Verum quidem est febres utriusque tempestatis ingenium non plane dissimile nancisci, siue modum spectes primi insultus, qui cum horrore primum incipit, mox in calorem erumpit, ac tandem per sudorem solvitur; siue typhorum discrimina, quorum respectu quædam *Tertianæ* sunt, tum *Vere*, tum etiam *Autumno*. Interim tamen non dubito, quin febres istæ tota sua natura siue essentialiter distinguantur.

Atque ut de ** Vernalibus* primo dicam, illæ fere omnes vel *Quotidianæ* sunt, vel *Tertianæ*, & vel serius, vel ocys ingruunt pro vario tempestatis apparatu. Nam per brumale frigus spiritus concentrati vires in suo recessu sibi acquirunt, quos appropinquantis postea solis calor jam vegetos evocat, qui cum viscidis humoribus (minus tamen viscidum sunt hi; quam quos in Autumno prægressi fervores excoxerunt ac torrefecerunt) commissi, quos durante hyeme natura in sanguinis massa congefferat, dum avolare nituntur, implexi detinentur, & quasi irretiti, adeoque vernam hanc ebullitionem concitant. Eodem plane modo quo vasa cerevisia repleta atque in arena vel cella frigida diutius reposita, si igni admoveantur, tumultum statim concipiunt, & liquor ad volatum pronus est. Sanguis hoc modo affectus purgationem sui molitur, atque spirituum volatilium ope negotium hoc sat cito peragit, nisi forte nimia viscidorum succorum vi instructus fuerit, qui fermentationem cœptam remorentur; & licet hoc ipsum accadat, effervescencia tamen verna raro continua, siueque similis manet, verum dissilire atque in diversos Paroxysmos quasi findi solet. Sanguine enim opulenti hisce spiritibus jam turgido, natura negotium suum quasi præceps aggreditur, & quarundam partium secretionem ad modum perfectæ solutionis per Paroxysmos particulares peragit, priusquam universali separatione defungatur. Atque hæc mihi quidem ratio non inidonea videtur, quod verna tempestate, præsertim illa, quæ æstatem propius attingit, paucæ febres continuæ occurrant, nisi forte constitutio fuerit Epidemica. Fermentationes enim tunc temporis abortivæ vel subito consopiantur, vel ad intermissionem properant, vel denique partes humorum ad separationem proniores, præmature & cum vi quadam alio transferuntur, ex quo mox *Angina*, *Perimpneumonia*, *Pleuritides*, aliæque id genus pestes succrescunt, quæ desinente potissimum Vere caput suum exerunt.

Animadverti, *Febres Intermittentes Vernales* rarissime fuisse diuturnas, semper vero salutare; ita ut vel maxime senex, vel debilis quispiam, officiosissima damnosissimaque imperitissimi cujuslibet *œdypia* modo is probus fuerit e medio vix queat tolli. Contigit mihi tamen videre *Tertianas Vernales*, quæ ob Phlebotomiâ, & Catharsin indebite celebratas, & regimen insuper cum morbo male quadrans, moras traxere etiam usque ad tempus illud, quo Autumnales solent invadere; quæ tempestas cum hujus morbi genio sit admodum contraria, eundem continenter extinguit; Ægro interim frequenti Paroxysmorum reduplicatione, & duratione longiore ita pene confecto, ut in extremis versari videatur: quæ nihilominus (quatenus mihi hæcenus observare licuit) semper est eluctatus. Neque in convalescentibus ab hoc morbo mihi adhuc subitit videre gravissima illa symptomata, quæ, ut infra dicitur, intermittentes Autumnales diuturniores sequuntur; *Lethalem* intelligo *tonsillarum inflammationem*, *ventrem induratum*, *tumores Hydropicos*, &c. Plus semel tamen adverti agros a morbi diuturnitate, & Paroxysmorum ingeminatione (accedentibus ad malorum cumulum evacuationibus repetitis) ad summam debilitatem redactos, ubi primum cœperint convalescere, in *Maniam*, incidisse, quæ pari cum illo passu recessit, quo eorundem vires de novo redintegrabantur.

Intermittentes vero Autumnales longe aliter se habent. Primo enim *Tertianæ*, licet quibus annis Epidemica non est, & sanos invadit, cito nonnunquam se proripit, neque

pluribus stipatur symptomatis, quam quæ Verno tempore contingere solent *Tertianæ*; ubi tamen epidemicæ grassatur, & ætate provectiores, aut pravo corporis habitu præditos ferit, haud vacat periculo; quin etiam ad menses duos, vel tres, forte etiam in secuturum usque Ver tyranidem exercet. Deinde *Quartana* & periculosiores sunt, & obstinatior longe quam sunt illæ, de quibus ultimo diximus: Ubi enim natu grandiores impetunt, eosdem paucis adhuc Paroxysmis multatos quandoque jugulant; quo in casu æger tempore *exhorrescentia*, ineunteque adeo Paroxysmo ut plurimum moritur, quod jam dictum. Quod si æger in senectutis tantum fuerit confinio, nec dum ejus limen prætergressus, licet non in eodem versetur discrimine, ne inter Paroxysmos primo lacessentes luce privetur, haud tamen facile a febre hac elabetur, nisi verterente anno, appetenteque illo tempore, quo primo corripiebatur. Nonnunquam etiam *haeret lateri lethalis arundo*, nec nisi a morte, languescenti decutitur. *Quartana* interim Typum subinde variat, plurima etiam patit symptomata, *Scorbutum* v. gr. *Ventrem induratum*, *Hydropem*, &c. Juniores vero ferendo huic morbo pares sunt, a quo nonnunquam circa *Solstitium Brumale* liberantur, frequentius tamen non nisi adveniente *Verno Æquinoctio*, vel etiam Autumno insequenti, ubi sc. venæ sectionem aut Catharsin admiserint. Sæpe non sine stupore sum intuitus infantes tenellos cum hoc morbo per totos menses sex commissos, nec oppressos tamen, sed de eodem, *Herculis* instar puer, in cunis triumphantes.

Hic notandum, quod cujusunque demum ætatis aut temperamenti fueritis, qui *Quartana* corripitur, si quolibet alio vitæ tempore (vel etiam ab hoc remotissimo) eadem semel laboraverit, non diu admodum eum secunda hac vice fatigabit morbus, sed post paucos aliquot Paroxysmos sponte sua solvetur, quod scitu dignum erat.

** Intermittentium autem Vernalium* curationem quod spectat, licet illas suo semper arbitrio permittendas existimaverim, & nihil prorsus movendum, cum nemo quisquam, quod sciam, earum unquam operâ satis concesserit, atque ex adverso, qui illas abigere sategerunt, remediis præsertim evacuantibus, id tantum egerint, ut morbus inde confirmator pertinacius obliteret; si tamen importuna ægri impatientia Medici opem obnixè efflagitet, Intermittentes Vernales variis modis, & quidem cum optato exitu aggredi licet, uti mihi non infrequenti observatione abunde constitit.

Nonnunquam *Emeticum* tempestive propinatum, ut nempe ante Paroxysmum negotio suo defungi possit, felicissime successit; præsertim si quantitatem medicam *Syr. de Meconio*, vel cujusvis Narcotici post finitam Emetici operationem, exhibueris immediate ante Paroxysmi insultum.

At ubi sanitatem videas restitutam per *diaphoretica*, quæ sudorem in Paroxysmi solutione abortum promoveant, ægro interim optime stragulis cooperto, id quod tantopere, ac tandiu faciendum est, quandiu vires ægri patiantur. Atque hoc in Veris intermittentibus, præcipue Quotidianis, sæpe obtinuit: humoribus enim in hac tempestate non admodum crassis existentibus, solutio alias imperfecta futura, in perfectam adolescit, quod quidem in Autumno nunquam accidit.

Quid quod clysteris in diebus intermittentibus per triduum, vel quatrimum adhibiti beneficio, *Tertianas* aliquando curaverim.

Interim si ob Phlebotomiam liberiori manu celebratam (quo tempestas ipsa parum cautos facile inclinat,) vel ob ægri debilitatem antecedentem spiritus illi qui subito ad despumationem se accingerent, pauperiores facti minus valeant, accidere potest, ut hujusmodi febres Vernales auxiliis quibuscunque frustra tentatis, Autumnalium diuturnitatem æmulentur. Sed sane non solent illæ eousque durare, quippe quæ vel sponte sua desinant, vel leviori remedium ope facile in fugam vertantur.

** Intermittentes autem Autumnales* non tam levi opera se amoveri patiuntur. De illis igitur nonnulla mihi dicenda sunt. Si autumnalis constitutio fuerit Epidemica, circa *Junium* adultum solent invadere. Sin minus *Augustum* præstolantur, & *Septembris initium*: in subsequentibus vero mensibus rarius occurrunt.

Cum earum ingens aliquod agmen simul invaserit, observare

* *Intermittentes Vernales.*

* *Intermittentium Vernalium Curatio.*

* *Intermittentes Autumnales.*

servare licebit earum paroxysmos plerumque una eademque dici hora contingere, accessionibus nunc præventibus, nunc postponentibus, simili plane modo, atque eodem tenore, nisi quod accidere queat, ut ordo ille medicamentis adhibitis, quæ retardandi vel præcipitandi vi pollent, in quibusdam corporibus immutetur vel pervertatur.

Observandum est etiam quod in principio febrium intermittentium (Epidemicarum præcipue quæ Autumno contingunt) haud ita in proclivi est typum sub primis invasionis diebus rite distinguere, quandoquidem febre continua adscita primum adoriuntur, neque facile est aliquandiu, nisi diligenter advertetis animum, quicquam aliud præter aliqualem morbi remissionem deprehendere, quæ tamen paulatim in perfectam desinit intermissionem, & typum anni tempestati apte respondentem.

Typorum ratione vel *Tertiana* sunt, vel *Quartana*. Atque de quartanis quidem illud merito affirmari potest, eas genuinam esse Autumnii sobolem. Utræque profecto ea affinitate inter se connexæ sunt, ut sæpe numero vices permutare, saltem ad tempus, deprehendantur, mox fortassis ad pristinum genium redire, Sed *Tertianæ* vernaes quartanarum typos nunquam induunt, cum toto (ut ita dicam) cœlo a se invicem distinguantur. Neque porro observavi unquâ hac tempestate quotidianam contigisse, nisi quis *Tertianam* duplicem, vel triplicem *Quartanam* hoc nomine censuerit ἀνυπόλητος appellandam.

Has autem febres intermittentes eo fere modo suam originem nancisci arbitror, quem nunc summam attin-gemus; Nempe anno surgente atque progresso, sanguis etiam pro rata proportionem exaltatur (haud secus ac vegetabilia quævis augmentis atque declinationibus suis anni cursum referuntur) donec ad ἀνύλην suam, ultimumque vigorem pervenerit; hinc parallelis motibus cum tempestatibus anni pergens, eo declinante relaxari tandem, & ipse incipit; ac tum præcipue cum ab accidentali aliqua causa promotus fuerit, puta sanguinis immodica jactura, frigore admissio, cibis crudis atque excrementis, balneorum usu intempestivo aliisque non paucis. Jam vero sanguis in hoc decedentis statu constitutus impressioni morbificæ cuiusque obnoxius est, quam in illum faciet quælibet aeris constitutio, quæ hoc tempore dictis intermittens est Epidemica. Atque huc spectat ebullitio mox inducta, qua liquorem sanguineum quandoque valde degenerem corripiente, febris inde oriunda mali moris esse solet, & malignis, atque horrendis symptomatibus plenissima. Illud utcumque accidit, ut sanguis spiritibus suis magnam partem exutus, & ab æstate præcedenti plurimum adultus, ebullitione sua non nisi tardissimis motibus defungatur, suæque despumationi longissimam periodum postulet.

Jam vero ut manifestum evadat, quam difficulter hæc febres (Autumnales puta) curationem admittant, hoc loco perpendendum est; Continuarum hujus tempestatis atque intermittens discrimen in eo maxime versari, quod *Continua* conceptam semel effervescentiam οὐνεχῶς unoque tenore perficiant; *Intermittentes* autem partitis vicibus ac diversis temporibus eadem defungantur. Interim in utrisque fermentatio naturæ ductu peragitur spatium horarum 336. aut circiter, neque enim citius aut tardius massa sanguinea in humano corpore ordinario repurgatur, si negotium naturæ permiseris: haud secus ac pomarium suam, vinum atque cerevisia suam, ac peculiarem habet periodum, qua depurentur. Quamvis autem in febribus intermittens sanguis nonnunquam (ut in *Quartana* contingit) sex mensium spatium despumationem suam moliatur, ac tandem perficiat; non tamen (si rite calculum ponas) plus temporis in eadem absolvenda impenditur, quam quod in continuis impendi naturaliter solet; quatuordecim enim ρυθμίαι sive dies naturales efficiunt horas 336. tribuendo nempe horas quinque cum dimidia cuilibet paroxysmo *Quartanarum*, habebis in *Quartana* valorem 14. dierum, h. e. horas 436. Jam si quis dixerit *Quartanam*, verbi causa, (eadem enim reliquarum intermittens ratio subintelligenda est) ultra sex mensium spatium aliquando excurrere, antequam periodum suam absolvat; respondeo, idem etiam non raro in continuis febribus hujus constitutionis spectari, quæ sæpe ultra dies quatuordecim protrahuntur; in utroque nimirum casu si effervescentiam (præsertim circa febrium finem) rite atque ordine decurrere, ac sustineri vegetam curaveris, despumatio intra

prædicti temporis spatium, hoc est, quatuordecim dierum, vel 336. horarum perageretur: quod si vero effervescentiam illam seu fermentationem refrigerantium medicamentorum, aut clysterum usu tunc temporis (scilicet versus febrium declinationem) importune inhibueris, & quasi frænum illi injeceris, mirum non est, si in longum evagentur, ordine quippe naturæ perturbato. Nanque hoc modo relaxatur quodam modo sanguinis humani tonus, unde se ad despumationem accingere cum effectu nequit. Immo vero in corporibus debilibus, & effertis idem aliquando, vel sponte accidit, nisi Cardiacorum ope naturam in illius languentem adjuveris, quo sanguini despumando par sit.

Verum illud hic jam porro notandum arbitror, ea quæ de fermentationis spatio atque continuatione supra tradidimus, de illis solummodo febribus intelligenda esse, quæ statam quandam naturam atque habitum naturæ sunt. Sciendum enim est (neque me præterit) febres quasdam esse, tum continuas, tum intermittentes, quæ transeuntis, & incerti genii sunt, neque in suis effervescentiis ad destinatam periodum pertingunt. Hujus generis sunt quæ a levi aliqua offensa ex se ferunt non naturalium, quas appellant, ut cibi, potus, aeris, & his similibus, abusu, nonnunquam ortum ducunt, his enim morbis correpti subito sæpe convalescunt. Idem etiam adolescentulis, sanguine puro, ac multis spiritibus referto præditis, aliquando accidit: nimirum febres illorum spirituosæ quadam ac nimis tenui, volucrique materia, fermentationes suas citius perficiunt, ac celeri gradu spatia sua emensæ evanescent. Ad fermentationem enim illud primo requiritur, ut materia fermentisibilis, siue illa sanguis sit, siue vinum, aut alius aliquis liquor quilibet, ea tenacitate, & viscositate polleat, ut spiritus implexos, atque irretitos eatenus detinere valeat, ut in liquoris massa moveri atque agitari possint, eodem fere modo, quo aves visco captæ, aut muscæ atque apiculæ melle detentæ, moritare quidem, & murmura sua peragere possunt, avolare interim non valentes. Neque tamen, (ut obiter illud dicam) eam tenacitatem obtinere debent liquores memorati, ut spiritus prorsus obruant opprimantque, adeo ut non omnino moveantur.

His jactis fundamentis (quæ quidem nescio an aliis, mihi certe ratione non contemnenda niti videntur) mirum non erit, si illis non aliam medendi methodum superstruam, quam quæ in febribus continuis ad despumationis debitum opus rite perficiendum, adhibenda videatur; cum nimirum illæ a continuis nullo discrimine sejungantur, si ordinem spectes, quo natura earundem materiam expellere solet, scilicet per effervescentiam certa periodo comprehensam. Etsi quod ad earum speciem, atque naturæ proprietatem attinet, illas & a continuis, & a se invicem plurimum differre non diffitear. Itaque vel methodum, qua se natura liberare ab hoc morbo solet, caute soliteque observando indicium sumere oportet, quo fermentationem obortam acceleremus, atque ita ad sanitatem ægros perducamus, vel in ipsam causam specificam penetrando, danda erit opera, ut remediis efficacibus ac specificis morbo obviam eatur. Ab horum alterutro indicationes sumendæ sunt. Ego utranque viam ingressus aliquando fui, atque illæsa (uti opinor) verecundia profiteri possum, non sine summa cura atque attentione animi indefessa, sed nondum eam felicitatem adeptus sum, ut Autumnii febres intermittentes certa aliqua praxi atque medicandi ratione tollere possim, antequam statas illas fermentationes (de quibus supra locuti sumus) peregerint, utcumque molestum hoc febri-citantibus videatur; qui eousque sanitatem suam expectare inviti coguntur. Revera autem si quis inter mortales reperitur, qui siue methodo aliqua certa, siue remedio specifico adhibito, febrium harum intermittens cursum non solum inhibere, sed etiam omnino abrumpere novit, existimo cum omni jure teneri, ut humano generi rem illam summopere expetendam patefaciat: quod si non fecerit, ego illum, nec boni civis, nec prudentis viri nomen mereri pronunciare ausim; neque enim civis boni est, illud in rem suam vertere, quod toti generi humano tam ingens beneficium apporet; nec viri prudentis, divina benedictione semetipsum privare, quam a summa bonitate liceret expectare, si ad publicum bonum promovendum se accingeret. Honoris autem ac divitiarum longe minor, apud probos ratio habetur, quam virtutis, & sapientiæ.

Quantumlibet autem fuerit difficile, intermittentes has Autumnales certo fugare, tradam tamen quicquid ad earundem curationem præ reliquis facere mihi visum est.

* Intermittentium Autumnalium curationem non sine ingenti discrimine per Catharsin tentari, nisi eo, quem mox dicemus, modo instituantur) præsertim vero per phlebotomiam, frequenti nimis observatione jam olim didici. Etenim in Tertianis (maximè si ea constitutio admodum fuerit epidemica) hac methodo sanandis, nisi Chirurghi gladiolus eodem ictu, quo venam pertundit, ipsam etiam febrem confodiat, dictæ febres, etiam in vegetioribus, & Athletice cætera valentibus, non nisi longo temporis tractu expugnari se patiuntur; in provectioribus autem diuturnum febris cruciatum tandem etiam mors excipit, quam præ foribus jam esse haud raro denunciat lethalis illa tonsillarum inflammatio, cujus fecimus mentionem. Adde, quod venæ sectio alia etiam symptomata illa maturius accersivit, quæ febres Autumnales intermittentes in statu declinationis, vel comitari diximus, vel a tergo sequi. Quartanariis vero in tantum obest phlebotomia, ut juvenes, qui a morbo alias intra sex menses fuissent liberati, per sex adhuc alios ab eodem detineantur: Etateque provectiores, qui nisi sanguinem detraxissent, intra annum poterant sanari, morbum etiam ultra statutum illud tempus alere periclitantur, ac denique ab eodem victi succumbere. Quæ de venæ sectione jam dixi, levi opera ad Catharsin possunt transferri, nisi quod hæc non usque adeo perniciosa sit, nisi crebro repetita.

Intermittentes Tertianas Autumnales hoc pacto aggreddior. Aegro in lectulo composito, & stragulis undequaque cooperto, sudores provocho sero lactis cerevisiato, cui salviæ folia incocta fuere, quatuor circiter horis ante paroxysmi adventum; quibus jam obortis mox præcipio, ut devoret ℥ij. *Pilularum Cochinarum majorum* solutarum in ℥j. sequentis misturæ. ℥j. *Aq. vitæ* ℔. j. *Theariac. Andromach.* ℥iij. *Croc. Angl.* ℥j. *M.* stent simul pro usu. Hæc ubi assumpserit, in sudoribus continuo eliciendis persistat, donec elapsæ fuerint aliquot horæ ab illo tempore, quo paroxysmus ingruere debuerat, magna cum cautela se muniens contra illas sudationis interruptiones, quas illi forte creabunt dejectiones aliquot a medicamento cathartico profectæ. Sæpius mihi ex animi voto cessit medicamentum hoc in fugandis Tertianarum paroxysmis, quam usu receptum illud ad eundem scopum tendens, decoctum sc. *Rad. Gentian. Summit. Centaur. &c.* cum pauca *Sennæ* atque *Agarici* quantitate. Cum enim duos illos contrarios sudandi ac dejiciendi motus eodem tempore excitet, eundem cum vulgari isto effectum obtinet, ordinatum scil. paroxysmi processum confundendo atque inturbando: idque efficacius, nec tamen tuto minus. Atque hac sane methodo intermittentes Autumnales Tertianas bene multas pepuli; necdum præstantiorem alium experiri his annis mihi licuit.

In *Tertiana duplici*, quæ typum variavit, ob ægrum vel evacuationibus vel alio quovis modo debilitatum, sudor pari etiam modo provocandus, & pari temporis intervallo a futura paroxysmi invasione, vel medicamento jam laudato (omittantur vero *Pilula Cochia*, cum nec tutum sit, nec ad rem faciat, cathartico jam ab eodem fructus ægri vires amplius dejicere, & paroxysmis ejusdem ope ingeminatis suppetias ferre) vel diaphoretico alio aliquo *σπασμωγέτω* atque efficaci, quod etiam repeti potest paroxysmo genuino proxime subsequente: In summa ægri debilitate a dicta paroxysmi ingeminatione electuarium, quod jam sequitur, præscribo: ℥j. *Conserv. fl. Borag. Buglos. an.* ℥j. *Conserv. Anthos.* ℥ss. *cortic. citri condit. Nucis Mosch. cond. Theriac. Andromachi a* ℥iij. *Confec. Alkermes* ℥jj. *M. F. Opia-*ta, de qua capiat ad magnitudinem avellanæ mane, & vespere, superbibendo cochl. 6. sequentis Julapii ℥j. *Aqua Ulmaria, & Theriacalis stillat. an.* ℥iij. *Syr. Caryophil.* ℥j. *M.* vel hujus loco aquam aliquam epidemicam simpliciore saccharo dulcoratam exhibeo, interdicto Enematum usu; ægro juscula e pullorum carnibus, avenacea, &c. concedo.

Quartanarum quod attinet curationem, nemo est, opinor, in hac arte vel mediocriter versatus, qui nesciat quam parum votis respondeant methodi istæ omnes, quæ huic Medicorum opprobrio eluendo hætenus destinantur, si *Corticem Peruvianum* excipiamus, qui tamen inducias sæpius impetrat morbo, quam eundem debellat, cum postquam ad septimanas duas, vel tres delituerit, magno cum ægri emolumento, qui ab illo male multatus paululum interim respirat, mox de novo recrudescens haud segnius quam prius laceffit; atque ut plurimum, quotiescunque demum repetatur illud medicamentum, non nisi longo temporis tractu expugnatur. Referam tamen quicquid de methodo ejusdem exhibendi habeo compertum.

Curandum est ante omnia ne præmature nimis hic cortex ingeratur, ante sc. quam morbus suo se marte aliquantisper protriverit (nisi collabescens, & jam fractæ ægri vires eundem temporis sumendum esse dictaverint) neque enim illud solum est metuendum, ne a præpropere ejus usu inefficax iste reddatur, & spem ægri fallat, sed etiam ne de ægri vita agatur, si sanguini omni fermentationis nisi se despumanti eam derepente injiciamus remoram. Proximo loco, neque Catharsi, multo minus venæ sectione, subducenda est materiæ febrilis pars aliqua, quo liberius cortex suo fungatur munere: cum enim ab uraque recrudescant paroxysmi, evanescente semel pulveris vi. Mihi etiam magis e re fore videtur, ut sanguinem dicto medicamine sensim, longioreque a paroxysmis intervallo leviter inficiamus, quam ut uno omnino ictu paroxysmum jam instantem tentemus confodere; hoc enim pacto, & plus temporis remedio conceditur, quo suum opus plenius absolvat, & evitatur quicquid id est periculi, quod ægro poterit oriri ex subito isto atque intempestivo nimis sufflamine, quo paroxysmum jam invalescentem, atque omni se ope exerentem conamur opprimere. Postremo brevibus istis temporis intervallis repetendus est pulvis, ut non protinus evanescat prioris dosis virtus, antequam altera exhibeatur: crebra enim repetitione ista *disētia* tandem recuperabitur, profligato insolidum morbo. His adductus rationibus hanc ego methodum cæteris antepono: *Peruviani corticis* ℥j. cum *Syrop. Rosar. rubr.* ℥ij. misceatur; æger vero quantitatem nucis moschatae majoris mane, & sero quotidie devoret diebus a genuino paroxysmo vacuis, donec confectiorem omnem absumperit. Repetatur porro ad tres alias vires, interjectis semper diebus quatuordecim.

Neque forte cum minori fructu usurpari poterit cortex hic in Tertianis, quæ Vernis, quæ Autumnalibus, quam in Quartanis, adhibetur. Sed ut vera loquamur, nec artem *ἀποσδιώκω* ostentemus; Si harum febrium alterutra correptus æger, vel infans sit, vel ætate floreat, convenit omnino (quantum ego hætenus edoctus sum) nihil medicamentorum quorumvis ope, aut aeris, ac diætæ mutatione moliri: Nihil enim hinc mali natum hucusque intellexi, si modo totam rem naturæ permiserim. Id quod ego non sine admiratione, præcipue in infantulis, sæpe observavi, sanguine nanque depuratione sua defuncto, febres illæ sponte sua evanuerunt. Quod si autem e contrario, vel strictiori aliquo regimine utaris, vel medicamenta purgantia subinde adhibeas, (adhiberi scilicet solent eo prætextu, ut obstructions expediantur, atque humores in primis viis stabulantes exturbentur) vel si, quod præcipuum est, in constitutione epidemica venæ sectio celebretur, fiet ut morbus in longissimum tempus protrahatur, atque interim ut ægri mille symptomatibus, iisque periculosissimis exponantur.

Si vero febricitantes provectioris ætatis sint, ex utroque morbo (Tertianas dico Autumnales, ac Quartanas) non solum diuturnitatis, verum etiam ipsius mortis grave periculum imminet. Hic itaque Medicum illud agere oportet, si neque cortice *Peruviano*, nec alia quavis methodo morbum submovere valuerit, ut naturæ saltem suppetias ferat, eamque illis adminiculis sublevet, quibus ad negotium suum peragendum opus habuerit. Certe enim in effæctis corporibus, nisi fermentatio Cardiacorum, & corroborantis diætæ, ut vini *absinthii*, ac id genus similium, beneficio sustineatur, illud accidet, ut ægri incertis atque frustraneis paroxysmis divexati debilitentur, atque morbus eousque durer, donec languida prius natura paroxysmo aliquo graviore correpta, ad ebullitionis tempus pertingere non possit,

sit, adeoque in ipso exhorrescentiæ tempore diem suam obeant ægroti. Atque hoc in senibus non raro usu venit, qui longa Cathartorum serie debilitati fuerunt, imo, ut aliquando visum est, in ipso vel primorum patoxysmorum rigore penitus defecerunt cum exhibitio Cardiaco satis forti saltem ad tempus aliquod sustineri potuissent.

Cum sanguis tempus illud exegerit, quod ad despumationem suam perficiendam requiritur, necessarium est, ut provectioris ætatis ægri eodem ipso tempore, vel paulo antea insignem aliquam aeris mutationem subeant, sive (quod potius optandum esset) in calidiorum aliquam regionem commigrando, sive mutando saltem locum, in quo primum hoc modo correpti sunt. Mirum sane est, quantum valeat hæc aeris mutatio ad morbum hunc prorsus abigendum. Interim ut ante hunc temporis articulum aer mutetur, non tantum non necessarium est ad sanitatem ex hoc morbo restituendam; sed & minus convenit. Etiam si enim quis in regionem quantumcunque Australem & calidam migraverit, sanguis tamen ejus in morbo hoc motu semel constitutus, depurationem suam ut peragat necesse est; quod quidem beneficii frustra expectabitur ab inusitato novoque aere, priusquam procedente atque adulto jam sanguinis motu, sanitatis recuperandæ capax fuerit. Insignis ergo illa aeris mutatio tum demum adeunda est, cum primum æger a paroxysmo liberari potest: Exempli causa. In Quartana, quæ primum in Autumno invasit, non citius aer mutandus est, quam circa Februarii initium. Interim si æger mutare locum vel nolit, vel commode nequeat, oportebit ut hoc ipsius temporis articulo, forti aliquo medicamento utatur, cujus eæ sint vires, ut uno quasi ictu languescentem illam depurationem potenter promoveat, & si fieri poterit, perficiat. Ad hanc rem consulere ego, ut *Electuarii de Ovo vel Theriacæ Andromachi sesqui drachma in aquæ Cœlestis*, vel *aquæ Vitæ communis uncias duabus dissoluta exhibeatur*, duabus scil. horis ante paroxysmum. Id quod a me, cum successu non infelici, in morborum hujusmodi declinatione factum est. Licet agnoscam calidiora hæc citius exhibita vel morbum duplicare, vel in febrem continuam permutare, quod a *Galeno* jamdudum observatum est. Idem in juvenibus hoc morbo detentis fieri potest, cautela adhibita. Ut autem in puerili ætate idem fiat, non tantum non convenit, verum etiam periculo non vacare dudum observavi.

Priusquam huic argumento clausulam addamus, illud monendum venit. Ea quæ de febrium Autumnalium intermittens duratione, atque de tempore ad sanguinis despumationem requisito jam dicta sunt, ita intelligenda esse, ut nos solum illud nunc spectemus, quod natura vulgaribus atque usitatis tantum medicamentis suffulta, præstare soleat. Nequaquam enim eo consilio de his rebus ita locuti sumus, ac si doctos ac solertes Medicos despondere animum velimus, atque vel de melioribus medendi rationibus excogitandis, vel nobilioribus remediis inveniendis spem rotam abjicere, quorum ope hujusmodi morborum sanationem accelerent; tantum enim ego profecto ab hoc proposito absum, ut non desperem, vel a me ipso tale quippiam sive methodi, sive remedii aliquando repertum iri.

Sublato morbo, æger sedulo purgandus est; incredibile enim dictu, quanta morborum vis ex purgationis defectu post febres Autumnales subnascatur. Miror autem hoc a Medicis minus caveri, minus etiam admoneri. Quandocunque enim horum morborum alterutrum paulo provectioris ætatis hominibus accidisse vidi, atque purgationem etiam omissam, certo prædicere potui periculosum aliquem morbum eosdem postea adoriturum, de quo tamen illi nondum somniaverant quasi perfecte jam sanati.

Omnino interim cavendum est, ne purgetur æger, nisi morbo penitus depulso. Quamvis enim partes naturales illuvie ista, quam in illas congeffit febris, hoc pacto quadantenus sublevari videantur: nova tamen materia derepente succresceret, febre scil. a Cathartici impetu, atque humorum agitatione jam revocata, eandem suppeditante; ac proinde id tantum a purgatione lucrifecerimus, ut morbus contumacior evadat. Quotidiana id nos docent eorum exempla, qui in morbi παρὰ μὴν, ut *Theoria* isti morem gerant, quæ in tollendis obstructionibus, & evacuando humore melancholico, qui

mali fons & origo vulgo habetur, curationis spem omnem ponit, repetitis purgationibus misere plectuntur; quibus sane, quicquid id demum est humorum, quod a corpore divellitur atque eliminatur, compertissimum est nobis febrem altiores exinde radices agere, & pertinacius stationem suam tueri, quam si non fuerit prorata. Quapropter religio mihi est Catharticum propinare ante tempus illud, quo non tantum paroxysmi perceptibiles, sed etiam alteratio ista, qualis qualis ea fuerit, quæ diebus illis, in quos paroxysmus incidere debuerat, persentiscitur, omnino evanuerint, atque unus insuper mensis fuerit elapsus, quo quidem effluxu portionem aliquam ex lenitivis vulgaribus præscribo, atque eandem semel in septimana ad menses duos tresve subsequentes repetendam impero, addito etiam singulis vicibus hausto aliquo Paregorico hora somni assumendo, finita jam medicamenti operatione; ut nempe paroxysmo se de novo ingerendi ansam præscindamus, quam aliter forte arriperet ex occasione tumultus atque orgasmi, quos vel mitissima excitant Cathartica.

Purgationibus instituendis idcirco spatia ista ampla interpono, ut sc. æger a recidivæ metu liberetur, quæ quidem a nimis crebra & confertim repetita sanguinis atque humorum exagitatione, de facili poterat induci. At cum jam ista res vacet periculo, Apozema sequens frequenter usurpari poterit. *℞. Rad. Rabarb. Monachor. ℥ij. Rod. Asparag. Brusci, Petrosel. & Polipod. quer. an. ℥j. Cortic. Median. fraxini, & Tamarisci an. ℥ss. fol. Agrimon. Ceterach. & capill. Ven. an. M. j. Sennæ mund. ℥jss. vini albi) Eptimi ℥ss. agarici troch. ℥ij. sem. fenicul. ℥iiij. Coq. in aqua ad ℥ss. sub finem adde succi aurantiorum ℥ij. In colatura dissolve Syr. Cichor. cum Rheo, & Magistral. ad melancholiam an. ℥jss. F. Apozema*, de quo capiat ℥ss. singulis matutinis per triduum, & repetatur quoties opus fuerit.

Ut tandem *Symptomata* illa memoramus, quæ febres intermittentes in declinationis statu comitantur, observandum est. Vernarum paucissima esse, si ad illa comparantur, quæ Autumnalibus accidunt, tum quia non ita diu hærent istæ, tum etiam, quia in humoribus non usque adeo terrenis, & minus etiam malignis fundantur.

Primum hic sibi locum vendicat, subinde occurrens * *Hydrops*; unde primo quidem crura intumescunt, deinde etiam venter; qui exinde nascitur, quod scil. sanguis crebris illis fermentationibus, quas peperit morbi diuturnitas, (præcipue in natu grandioribus) plures spirituum manipulos prodegit, unde summa eorundem inopia jam laborans, succos cum alimentis ingestos non amplius valet assimilare, quorum cruda adhuc indigestaque moles in crura tandem deponitur, atque his jam distentis, neque ulterius quicquam admittentibus, in ventrem etiam, unde verus *Hydrops* formatur. Raro autem juvenes obsider hæc malorum Ilias, nisi Cathartici per febris decursum sæpenumero iteratis eandem inconsulto nimis accersiverint.

Verum *Hydrops* ex causa memorata superveniens aperientium & cathartorum usu facile sanatur, si modo recens fuerit. Neque mihi molestum est, quoties hunc natum morbum audio atque intelligo, nempe de rei exitu omnia bona tunc temporis animo concipiens: Nonnullos enim usu Apozematis jam appropriati perfanavi.

Veruntamen observavi, frustra esse, si quis *Hydropem* ex febre intermittenti natum, medicamentis purgantibus tollere conetur, febre illa adhuc durante: Febris enim hoc pacto radices profundius agereprehenderetur, non autem amovebitur *Hydrops*; expectandum itaque, donec febris exulet, ac tum demum negotium prospere suscipiendum.

Verum enim vero si tam importune atque acriter instet symptoma hoc, ut ejus curatio non eo usque videatur differenda, donec febris recessus Cathartorum usum permittat, aggredienda omnino illa est infusionibus *rad. Raphani rusticani; summitat. Absinthii, & centaurei min. baccarum Juniperi, Cinerum Geniste, &c.* in vino factis; quæ non solum huic symptomati obsistunt, effætas sanguinis vires de novo instaurando, sed naturæ etiam de morbo jam triumphaturæ tempori subveniunt.

* Infantes autem post febres autumnales tum continuas, tum intermittentes, Hæctici aliquando fiunt. Ventres eorum inflati, tumentes, ac duri evadunt; sæpe etiam

etiam tussis, aliquaque tabidorum symptomata subna-
scuntur, quæ *Rachitidem* plane mentiantur. Hos ego
sequenti modo tractandos consulo. Paretur portio Ca-
thartica, quam in febrium contiuarum sine assumen-
dam præscripsi. Hujus capiat infantulus Cochl. j. vel ij.
plus minus pro ætate, mane per 9. dies, uno atque alte-
ro die, si opus fuerit, intermisso. Interim vero purga-
tio ita moderari debet ac regi, dosin vel augendo vel mi-
nuendo, ut ultra 5. vel 6. sedes singulis diebus non proce-
dat. Post finitam catharsin totus venter inungatur lini-
mento aliquo aperitivo per aliquot dies. Sequenti uti so-
leo. *℞. Ol. lilior. & tamarici an. ℥ij. Succirad. bri-
onia & apii an. ℥j. bulliant ad succorum consumptionem,
addendo unguenti de althæa & butyri insulsi an. ℥j. gum-
mi ammoniaci in aceto soluti ℥ss. cere q. s. f. linimen-
tum.* Sane quamplurimi infantes, etiam vera Rachiti-
de laborantes, hac methodo a me liberati fuerunt.

Veruntamen (ut ante monuimus) cavendum sedulo
ne purgationem aggrediamur, nisi febre jam perfecte fu-
gata; licet enim hoc pacto humoris in partes naturales
amandati portio quædam evacuari non sine causa videri
possit, nihilominus ab ipsa febre nova subinde pravæ ma-
teriæ copia suggeretur, quæ non solum purgationem red-
det frustraneam, verum & ipsum morbum diuturniorem
præstabit, ob rationes antea memoratas.

Observatu non indignum est, quod cum febres Au-
tumnales teneram ætatem diu cruciant, nulla spes sit
easdem abigendi, donec abdominis regio, circa lineam
præcipue, indurari atque tumesceri occæperit; iisdem
enim gradibus quibus hoc symptoma supervenerit, fe-
bris etiam fugam meditatur. Neque forte ex meliori
aliquo prognostico morbum hunc brevi abiturum dixe-
ris, quam si sedula animadversione suboriri hoc sym-
ptoma perspexeris. Idem porro in crurum tumoribus
obtinere, qui in adultis aliquando spectantur.

Ventris tumor qui infantibus accidit post has febres,
quibus annis aeris constitutio intermittentibus Autu-
mnalibus progignendis epidemice determinatur, tangen-
tis digitum haud aliter ferit, ac si materiam aliquam
continentem viscera in Schirtum induratum; cum qui
aliis annis simili licet *εποψία*, contingit, tactum ita
afficit, ceu tensio tantum foret hypochondriorum a
subjectis flatibus. Hinc nisi annis quibus intermitten-
tes Autumnales prædominium habent, veræ Rachiti-
des rarius occurrunt, quod observatu dignum.

Tonsillarum dolor & inflammatio post febres sive con-
tinuas, sive intermittentes, cum deglutiendi primum dif-
ficultate & molestia, supervenientibus deinceps raucedine,
oculis cavis, & Hippocratica facie, mortem certo
imminentem præmonstrant, intercisa plane omni redin-
tegrandæ sanitatis spe. Funesto huic symptomati produ-
cendo evacuationes justo copiosiores in ægris vi morbi
jam fere attritis, ut & longiorem febris moram sociam
operam ut plurimum commodasse observavi.

* Multa alia sunt accidentia quæ morbos hosce con-
sequi solent ob purgationem vel non omnino, vel non
rite celebratam, quibus impræsentiarum enumerandis
superfedebimus, cum curationis eadem fere ratio sit
utrobique, nempe sedimenti ab effervescencia præceda-
nea depositi repurgatio, quippe quod sua mora malis
hujusmodi materiam præbuerit. Quanquam licet hic lo-
ci non contemnendum symptomatis genus referre, quod
non tantum purgationibus & evacuationibus aliis qui-
buscunque, venæ sectioni præferim, cedere dedignatur,
verum & ab illis vires sibi acquirit. Illud autem peculia-
ris quædam est ac sui generis *Mania* intermittentes diu-
turniores (Quartanas præcipue) nonnunquam exci-
piens, quæ communem medicandi rationem asperna-
tur, & post evacuationes fortiores adhibitæ in miseram
quandam stultitiam degenerans, non nisi cum ipsa ægro-
rum vita terminatur. Miratusque sæpenumero sum, nul-
lam hujus rei mentionem ab Authoribus factam fuisse,
cum non raro accidisse viderim. Cum reliquæ
amentię species copiosis evacuationibus, & venæ se-
ctione, & Catharsi ut plurimum persanentur, hæc
neutræ potest ferre. Sed cum jam æger in sanitatis
limine est, si vel Enema ex lacte saccharato semel in-
jeceris, statim de novo recrudescet malum. Et si rei-
teratis purgationibus, venæ sectioneque contra nita-
mur, ejusmodi evacuationes morbi quidem ferociam

possunt domare, ægrum vero certissime non tantum
fatuum, sed & incurabilem omnino reddent. Quod
quidem nemo mirabitur, qui secum reputaverit, alte-
ram amentię speciem a nimis exaltata & vivida san-
guinis crasi produci, hanc vero ab ejusdem debilitate,
& ut ita dicam, vapiditate a diuturna fermentatione
quam invexit febris, qua mediante spiritus functioni-
bus animalibus obeundis impares plane sunt.

Huic malo ad hunc modum mederi soleo. Ægro-
ter in die Cardiacum aliquod e generosioribus exhi-
beo dosi paulo liberaliori, e.g. *Theriacam Androma-
chi. Elect. de ovo. pulverem Comitissæ. pul. Gualteri
Raleigh.* vel similem in *Epidemica, Theriacali,* vel
alia. Possunt etiam in alia quavis forma exhiberi Car-
diaca medicamenta: æger interim victu quidem mode-
rato, Analeptico tamen, & potu generosiore reficien-
dus est; foras ne exeat, in lecto se diu multumque
contineat. Alvus sub hoc regimine justo erit strictior,
unde ut etiam a calidiorum medicamentorum usu a fe-
bre quis sibi metuat, sed vano prorsus timore; cum
spiritus antecedente morbo pene exhausti novum dein-
ceps non valeant accendere. Post aliquot septimanas
paulatim in melius proficiet, quo tempore omitti pos-
sunt Cardiacæ ad dies pauculos. Diæta vero Analepti-
ca jugiter instituenda, & post brevem intermissionem
repetendus est denuo Cardiacorum usus, atque in eo
persistendum donec integra sanitate fruatur.

Dicta methodus *Maniam* etiam quæ has febres mini-
me exceperit, quandoque sanavit, frigidiori sc. atque in-
firmiori temperamento præditis. Anno nuper elapso *Sa-
risburiam* accersebar, ut cum Medico erudito & sagaci,
mihique conjunctissimo, Domino Doctore *Thomas* fœ-
minæ nobili consulerem, cui imaginatio haud parum fuit
læsa. Verum adhibitis, etiam cum jam prægnans esset,
remediis modo dictis, ad sanam omnino mentem rediit.

Attamen *Mania communis*, quæ vegetis hominibus
atque etiam nulla febre prægressa, accidere solet, alius
sane profapiæ est, ac proinde longe diversa, quoad
evacuationes, methodo tractanda, tametsi vel in hac
specie, ea quæ cerebrum atque spiritus animales cor-
roborant, haud omitti debent. Curationem autem
ejus, etsi non sit hujus loci, obiter tamen prædictæ
speciei subnectere non gravabor, ne quis forte præ
similitudine morborum in errorem illabatur.

In Junioribus ac sanguineo habitu præditis, mittatur
sanguis ex brachio ad uncias octo vel novem bis vel ter,
diebus tribus inter singulas venæ sectiones interpositis:
Deinde semel extrahatur sanguis ex venis jugularibus.
Ultra huic modum repetitæ venæ sectiones ægrum po-
tius in *stultitiam* ducunt, quam curationem absolvunt.
Postea aggrediatur usum *Pil. ex duobus*, quarum drach-
mam semis vel scrupulos duos (pro ratione operationis)
capiat semel singulis septimanis stato die, ita ut si, ver-
bi gratia, die lunæ primo pilulas assumpserit, præcise
eodem ipso die, nec frequentius, sequentibus septima-
nis eadem repetantur per longum tempus, usque dum
perfecte convaluerit. Hac methodo humores qui in hoc
morbo mentis arcem impetere solerent, sensim in infe-
riores sedes dilabentur, alia quasi *παῖς* eis inducta.

Diebus a purgatione liberis per totum decursum
Electuario sequenti, vel alio medicamento eadem vir-
tute prædito, utatur.

*℞. Conf. Absinth. Rom. Anthos, & Theriac. An-
drom. an. ℥j. conf. flaved. Aurant. Angelic. condit.
nuc. mosch. condit. an. ℥ss. cum s. q. Syrup. Caryophil.
f. Electuarium,* capiat ad magnitudinem nucis moscha-
tæ bis in die, superbibendo haustulum vini Canarini,
cui fuerint frigide infusi flores *Paralyseos*.

Febris Continua atque *Intermittentes* quas supra de-
scripsimus, soli ferme erant morbi Epidemici, qui du-
rante illa constitutione quæ per annos 61. 62. 63. 64.
regnabat, emicuere: quot retro annis eum obrinue-
rint principatum, non habeo dicere; id certo scio,
quod ab anno 64. ad annum usque 77. rarissimæ
omnino Londini comparuere.

Dicendum mihi etiam erat de *Variolis*, quales nam
scilicet erant istæ quæ tum contingebant, respectu ha-
bito ad constitutionem illam; quandoquidem (ut jam
subindicavi) vario admodum se habent modo pro varia
constitutione qua incessunt: sed cum non satis attente
per id temporis animum ad eas adjecerim, missas
jam facio: id tantum tradam illis peculiare, quod
sc. iis

sc. iis annis labentibus, sub initio Maji confertissime invadabant, supervenienti vero Epidemicorum Autumnalium cohorti (febrem volo continuam, atque intermittentes) locum dare solebant. In pustularum summitate foveolæ quædam ad instar capitum acicularum minorum plerumque subsidebant; atque in *discreto* genere æger octavo maxime die periclitabatur, quo tempore, abrupto derepente qui hucusque dimanaverat sive sudore, sive madore, externa exarescebant, nec revocari poterat sudor Cardiacis quibuscunque; æger phrenitide, atque anxietate insigni corripiebatur, cum magno dolore & ægritudine, urinam frequenter, at in parva quantitate, reddebat, ac intra paucas horas de magna spe decedens, ad plures migrabat.

SECTIO SECUNDA.

CAPUT I.

Constitutio Epidemica Annor. 1665. & 1666. Londini.

Pragressa Hyeme frigidissima, & sicco gelu in Veris usque tempora indefinenter perdurante, cum ex improviso solveretur, sine sc. *Martii*, ineunteque, ex Anglorum computo, Anno 1665. *Peripneumonia*, *Pleuritides*, *Angina*, alique id genus morbi inflammatorii magnam derepente stragem edebant: quo ipso tempore caput etiam extulit *Febris* quædam *Continua Epidemica*, a febrium continuarum genio, quæ præcedenti constitutione vigeant, longe diversa; quarum vix ullæ ea anni tempestate solebant invadere. Dolor capitis quam in prior illa intensior, & vomituritiones adhuc magis immunes ad hanc febrem accedebant; in plerisque *Diarrhœa*, quam prius diximus assumpto Emetico præcaveri potuisse, jam ab eodem provocabatur, nec tamen cessabat vomituritio. Externa hic pariter ac in febribus constitutionis præcedentis sicca reperiiebantur; attamen, præmissa maxime venæ sectione, æger in sudorem solvi poterat, quo provocato leviora mox symptomata; atque hoc nullo non morbi tempore fieri potuit, cum in febre prægressa nec tuto ante diem 13. vel 14. id tentaveris, nec facile voti fueris compos sanguis sæpe Pleuriticorum, & Rheumatismo laborantium sanguinem colore referebat, non vero usque adeo Gelatina illa albescens, qua illorum sanguis prætextitur. Hæc primo erant Phænomena hujus morbi *Διζυωσινά*. Anno vero surgente ipsa *Pestis* irrupit magno symptomatum Pathognomicorum numero stipata, *Carbunculis*, viz. *Bubonibus*, &c. Hæc indies magis ac magis invalescens, circiter Æquinoctium Autumnale *ἀκμῇ* attigit, quo jam instante unius septimanæ decursu octo plus minus hominum millia delevit; tamen duo ad minimum Civium trientes ob metum contagii se in rus subduxerant; a quo tempore receptui canere cœpit, & urgente brumali frigore tantum non evanuit, nisi quod sparsim unum atque alterum hinc inde feriret per omnem Hyemem, & insequentis Veris exordium; quo apparente & ipsa omnino est deleta, mansit tamen *Febris*, quamvis non ita Epidemica, excurrente integro anno sequente, imo ad Ver usque ortum Anni 1667. De his nonnulla hic subnectam.

CAPUT II.

Febris Pestilentialis & Pestis Annorum 1665. 66.

In superioribus obiter admonui e febribus nonnullas in malignarum classe vulgo reponi, cum indomita symptomatum sævitia, quæ huic opinioni patrocinari videntur, non a venenosa morbi indole, sed a therapeia perperam administrata proficiscatur. Nam cum ad morbi solutionem a natura destinatam haud satis attenditur, sed alia medendi ratio temere instituitur, hinc perturbata totius corporis œconomia, ac omnibus fusque deque conversis, non modo tristissima rerum facies ultra consuetum morbi morem inducitur, verum morbus jam a seipso alius etiam anomalis accidentibus velut alienigenarum satellitio stipatur. Atqui *Febris vere maligna* non est omnium dierum morbus, utpote quæ ab aliis febrium speciebus ob symptomatum anomaliam ea nomenclatura utcunque insignitis, tota sua idea ac ingenio dissideat. Revera enim cum ipsissima peste specie convenit, nec

Sydenham opera Medica.

ab ea, nisi ob gradum remissorem, discriminatur. Quocirca utriusque affectus ortum ac curationem in eodem capite complectar.

Aeris massæ occultam ejusmodi sive crasin sive texturam obtingere, quæ diversarum diversis temporibus ægritudinem ansa atque pararia existat, nemini obscurum est; qui modo animadverrit unum eundemque morbum certa aliqua tempestate infinitam mortalium vim corripere, ac Epidemicum fieri, alias tamen unum alterumve hominem afflixisse contentum, ulterius non grassari. De Variolis, ac in primis de peste, hujusce capitis argumento, res est sat superque manifesta.

At vero quæ qualisque sit illa aeris dispositio, a qua morbificus hic apparatus promanat, nos pariter ac complura alia, circa quæ vecors ac arrogans Philosophantium turba nugatur, plane ignoramus, quicquid sit, hoc saltem nomine Dei Opt. Max. clementiam ac bonitatem meritissimo jure veneramur, quod aeris constitutionis, *λοιμώδης*, id est, pestem malorum omnium immanissimum, ac humano generi maxime internecinum inferentes, rarius evenire voluerit, quam quæ cæteris affectibus minus exitialibus suscitandis inserviant. Unde fit quod hunc orbem nostrum *Britannicum* pestis vix frequentius quam post annorum circiter triginta vel quadraginta intervalla (summo sc. pernicipi vigore, ac tota furiarum acie) adoriatur. Quæ per annos aliquot pestem insigniorem subsequentes, sparsim occurrunt pestiferorum funera, paulatim imminui ac evanescere solita, pestilenti aeris diathesi etiamnum ex parte perseverandi, nec dum in aliam salubriorem penitus immutatae attribuenda sunt, quippe quæ antegressæ messis duntaxat spicilegia reputari debeant. A quibus etiam nuperæ luis reliquiis sit, ut febres quæ anno post graviores pestem uno aut altero passim grassantur, pestilentes esse soleant; & licet aliquibus veræ pestis notis destitutæ, tamen ejusdem naturam ac indolem quamplurimum referant, nec non consimilem medendi rationem sibi vindicent, quemadmodum inferius ostendemus.

Verum præter istam aeris constitutionem, ceu causam communiorē, accedat ut oportet & alia procatartica, nimirum *μιάσματος* sive seminii a pestifero aliquo corpore, vel immediate ac propiore consortio, vel mediate ac per fomitem aliunde transmitti, susceptio. Hoc enim si instante qualem diximus aeris diathesi fieri contingat, ab exigua primum scintilla mox horribile erumpit incendium, ac densatis undique funeribus, universo aeri per istum terræ tractum a peste, tum laborantium halitibus, tum mortuorum cadaveribus, labes & contagium inducitur; adeo ut ad tristissimæ ægritudinis propagationem jam non amplius vel fomite, vel personali consortio opus sit, verum quemcunque hominem, vel summa cura a peste correptis semotum, ipse aer cum spiritu intro subiens per se ac suo Marte inficere valeat, modo ille corpus habeat humoribus, ad afflatum excipiendum paratis, refertum.

Quamquam autem hic morbus, cum duntaxat sporadicus existit, nullo tempestatas discrimine paucos aliquot, tradito quasi per manus contagio, affligat tamen ubi adest etiam Epidemica aeris constitutio, exoritur circa eam anni partem quæ inter Ver ac Æstatem ambigit, utpote quæ ad producendam ægritudinem, cujus essentia in humorum *φλογώση* sive inflammatione, ut postea ostendemus, in primis consistit, maxime idonea atque accommodata sit. Porro & sua haber incrementi ac declinationis tempora, non secus ac cætera rerum naturalium species. Nascitur eo quo diximus tempore, crescente anno adolescit, eodemque vergente colabascit, donec tandem aerem in diathesin huic morbo adversantem, glacialis bruma transmutet.

Quod si tempestatum anni vicissitudines in hunc affectum nihil imperii exercerent, verum seminium pestilentialē, nulla aeris mutatione domabile de alio in alium perpetua propagationis serie transmitteretur, fieri non posset, quin ubi in frequentiore aliquam Urbem semel pedem intulisset, continuata strage funera usque & usque densaret, donec tandem nemo superesset, in quem pestilentis miasmatas labes impingat. Atqui contrarium sæpe evenisse animadversum est numero extinctorum, quos unica mensis *Sextilis* septimana ad aliquot millia extulerat, sub *Novembris* exitum valde imminuto ac propemodum nullo. Nec tamen diffiteor fieri posse, quod & nonnulli au-

etores factum prodiderunt, ut pestis aliis etiam anni tempestatibus caput primum exerat; hoc autem rarius accidit, nec ejusmodi lues in populum admodum debacchatur. Interea, aeris dispositionem quantumvis *αιμωδον* pesti suscitandæ per se imparem esse vehementer suspicor, quin pestilentiz morbum alicubi semper superstitem aut per fomitem, aut per pestiferi alicujus appulsum, e locis infectis in alios deferri; ibidemque non nisi accedente simul idonea aeris diathesi popularem fieri. Alias enim non assequor, qui fiat, ut in eodem cœli tractu dum unum aliquod oppidum peste gravissime affligitur, aliud non longe distitum, omnem commercii necessitudinem cum loco contagioso caute inhibendo, prorsus immune se præstiterit; quemadmodum non ante multos annos pesti par universam fere *Italiam* immaniter grassanti, *Magni Ducis* cura atque prudentia aditum in *Hetrurie* fines penitus interclusit.

Primus insultus rigorem ac horrorem, quemadmodum & febrium intermittentium accessiones, fere perpetuum habet comitem. Mox vomitus enormes, dolor circa cordis regionem, ac si torculari premeretur, febris ardens usitata symptomatum *αιμωδον* stipata, indefinenter ægros divexant, donec aut mors ipsa, aut benigna *Bubonis* vel *Parotidis* eruptio, quæ materiam morbificam foras ablegat, eos ab luctuosissimo discrimine liberet. Rarius quidem accidit, ut circa ullam febris præfensionem ingruat, ac homines de improvviso e medio tollat, *maculis purpureis*, præsentanei interitus nunciis, etiam dum in foro versantur, erumpentibus. Quæ repentina exanimatio (quod animadversione dignum) nisi in pestis admodum funestæ exordio vix contingit, remittente ac refracta jam lue, aut in annis, in quibus non existit popularis, nunquam observata est. Et etiam nonnunquam, ut tumores prorumpant, nec febre, nec graviore aliquo symptomate prægresso, quam suspicor rigorem, & horrorem leviusculum, ac minus perceptibilem semper præcessisse. Quibus autem hoc obtinuit, iis integrum est per publicas plateas pro lubitu obambulare, ac communia vitæ munia, sanorum more, sprete omni regiminis cura, obire.

Cæterum quod ad morbi essentiam spectat, eam enucleate definire in me non suscipio. Nec fortasse hominibus cordatioribus rem minus importunam ille facere videbitur, qui a me postularit, quid hanc aut illam ægritudinis speciem constituat, quam ego etiam facerem, si ab illo idem de *Equo v. c.* inter animalia, vel de *Betonica* inter stirpes vicissim sciscitaret. Nimirum certissimis ubique legibus, ac artificio sibi soli intellecto rerum omnium generationes natura parens exequitur, quæque uspiam e causarum gremio in actum ac quasi in lucem educit, eorum essentias, quidditates, ac differentias constitutivas, altissimis tenebris obvelat. Hinc unaquæque morborum non minus quam animalium, aut vegetabilium species, affectiones sibi proprias perpetuas, ac pariter univocas ab essentia sua promanantes, sortita est. Neque interim magnopere urgebit ista Quæstio, Qui denuum morborum medela administrabitur, dum causæ ipsorum nos latent? Quandoquidem non causarum, sed methodi convenientis atque experientiz comprobata cognitione, affectuum plurimorum curatio absolvitur. Sed ut ad rem redeamus. Quoniam simularium omnium morborum ortus a qualitatum vel primarum, vel secundarum vitio (quod solum in hac rerum caligine nobis licet) deducere solemus, prope est ut credam pestem peculiarem ac sui generis febrem esse, quæ a particularum sanguinis spirituosiorum *inflammatione*, originem ducit, utpote cujus naturæ subtilissimæ, præ tenuitate sua, maxime proportionatæ ac adæquatæ videntur. Quod si subtilitate quapote maxima pollet (ut in principio & statu constitutionis Epidemicæ videre est) subito ac quasi ex improvviso calorem nativum dissipat, & ægrum e medio tollit. Cadaveribus interim hujus morbi ferocia tam subito extinctorum maculis purpureis undequaque conspersis, atque scædatis; nempe fibræ cruoris præ intestini conflictus violentia dissilientibus, & compage ipsius prorsus dissoluta. Atque hæc tragœdia præ hujus quasi flammæ subtilitate eximia, etiam sine aliqua sanguinis febrili ebullitione, vel alterius ægritudinis præfensione, cietur. Secus quam ut plurimum accidit, ubi causa morbifica minus subtilis existit, & quasi obtusiori telo vitam impetit. Discriminis modus pinguiori exemplo sic adumbretur. Si acus vel quid aliud cuspidè graci-
liori præditum pulvinari supponatur, ac vi adigatur,

illud, æque ac obtusiori instrumento similiter adactò, in sublime non attollitur, sed perforatur. Verum ejusmodi subitanea extinctio rarius occurrit, nec nisi (ut supra innuimus) circa initium pestis, vel incrementum. Etenim, ut in aliis febribus, plerunque rigor atque horror primum invadit, quem calor mox excipit, & tantisper excurrit, donec particulæ cruoris inflammatae provido naturæ ductu ad emunctoria amendantur, ac ibidem ad instar phlegmonum communium in pus vertantur. Jam si inflammatio adhuc remissior existat, febres, quas pestilentes vulgo appellant, producere solet; ut in fine pestilentis constitutionis sæpenumero accidit, ac forsitan etiam uno alterove post anno, donec ista febrium species prorsus dispareat.

Certe, me judice, in inflammatione ista, quam Latini *Ignem Sacrum* appellant, quamdam pestis imaginem non obscuram intueri licet. Est enim morbus hic apud saniores Medicos febris continua a sanguinis parte tenuiori corrupta ac inflammata originem ducens, qua ut natura se liberet, eam in corporis aliquam partem externam expellit, in qua tumor, aut potius (cum tumor adeo notabilis sæpe non appareat) macula rubra, lata, dispersa, quam *Rosam* appellant, oritur. Solvitur autem ista febris, postquam uno atque altero die ægrum afflixit, critice per hunc tumorem, & proinde aliquando in glandulis sub alis, vel in inguinibus dolor, ut etiam in peste fieri consuevit. * Et fere invadit hoc malum ut pestilentia, cum horrore & insequenti calore febrili, ita ut qui ipsum ante non sunt passi, existiment lue pestifera se corripì, donec tandem in crure, aut alio loco sese affectus prodat. Quibus accedit, quod & maligni aliquid huic morbo inesse nonnulli Authores suspicantur, ac proinde curationem in sudoriferorum atque alexipharmacorum usu constituunt. Hæc quidem flamma, ubi ebullitionem commoverit, cujus ope particulæ sanguinis leviuscule ustulatæ ac quasi syderatæ brevi spatio foras ablegantur, sponte sua, nec ulteriorem noxam molita, extinguitur.

Veruntamen Ignis noster isto *Sacro* longe *divinior* est, ut qui summa qua pollet substantiæ tenitate intimiores corporis recessus ad instar fulgetri permeare aptus natus sit spiritibus cruoris derepente profligatis, ipsiusque compage nonnunquam citius dissoluta, quam natura præcipiti malo oppressa, ebullitionem febrilem (solemnem nempe machinam qua quicquid sanguini infestum est, suis e finibus amovere satagit) concitare valeat.

Quod si quis mihi hic litem paret de eo quod hunc morbum ab inflammatione oriri existimem, is attendat non modo febris præsentiam, sed & complura alia huic sententiæ suffragari, nempe sanguinis detracti colorem, qui Pleuriticorum ac Rheumatismo laborantium sanguinem plane æmulatur; adustam *Anthraxum* faciem, Pyrotici actualis impressioni non absimilem; nec non *Bubones* ipsos, qui inflammationem æque solemniter excipiunt, ac eandem alii cujuscunque generis tumores consequi solent, uti, & inflammationes pleræque omnes in abscessum terminantur. Quin & anni tempestas qua Epidemica pestis ut plurimum exoritur, ad hanc rem symbolum suum conferre videtur. Eodem enim tempore, nimirum quod inter vernum æstivumque medium est, *Pleuritides*, *Angina*, aliæque inflammari sanguinis affectiones populariter ingruere consueverunt: quemadmodum etiam nunquam frequentiores mihi visæ sunt, quam per aliquot septimanas, quæ nuperæ *Pestis Londinensis* exortum antecesserunt. Nec vero nullius est momenti illum ipsum annum tot millium strage funestum, alioquin mitissimum ac saluberrimum extitisse; omnesque qui a peste immunes persisterunt nunquam meliori valetudine usos fuisse; quin & eos qui ab eadem convalescent, cachexiæ aliisque affectibus a residua priorum morborum labe provenire solitis, non magis obnoxios deinceps vixisse. Quibus accedit, quod & quantæcunque latitudinis, *Apostemata* & *Carbunculi*, postquam inflammatae particulæ una cum sanie decessissent, Chirurgicis auxiliis, iisque, non admodum conquisitis, facile sanata fuerint.

Verum perquirat hic fortasse aliquis, si pestis inflammatione quadam consistat, qui fiat ut medicamenta calidioris census, qualia sunt *Alexipharmaca* prope omnia, tam ad hujusce affectus Therapejam, quam Prophylaxin tanto cum fructu usurpentur. Cui respondeo, illa dunta-

* *Vide Sennorum, lib. 2. c. 26. de febr. Symp. contin.*

duntaxat per accidens auxilium præstare, nempe Diaphoreseos quam suscitant, beneficio; quo particulæ sanguinis inflammata diffillantur, atque exterminantur. Quod si forte exhibita sudores commovere non valeant (ut persæpe accidit) mox sanguinis incendium ab additio calore magis efferatur, eorum noxam palam proclamat. Prophylaxin ut verbo attingam, non sum nescius etiam ad illam *Antidotarium* calidorum usum passim deprædicari, at quo emolumento adhuc probandum restat. Imo vinum liberius ingurgitatum, aliquaque fortiora præservativa statis horis dietim assumpta, complures, qui alias salvi intactique verisimiliter permunissent, in hunc affectum coniecerunt.

Quod ad harum Februm *Therapheiam* attinet, erunt fortasse, qui me temeritatis atque arrogantia eo nomine insimulabunt, quod ab Urbe dum nupera pestis grassaretur, maximam partem complurium miliarium intervallo semotus, adeoque observationum copia minus instructus, de hac re tamen differere sustineam. Verum cum Medicis illis longe peritioribus, quibus per totum calamitosæ luis decursum inter media pericula & mille mortis imagines commorandi animus ac fiducia non defuisset, tamen ea, quæ crebriori usu de hujusce morbi ingenio annotassent, in lucem edendi voluntas hætenus defuit, mitiorem, uti spero, de consilio meo sententiam laturi sunt omnes boni, quod meam de truculentissimo affectu sententiam, paucis quidem, sed propriis observationibus superstructam, in medium expromam.

Ac primus quidè locus *Indicationibus curativis* debetur, quæ eo in universum dirigendæ sunt, aut ut naturæ ductum in exterminando morbo accurate sequentes, eidem subsidiariam porrigamus manum; aut ut methodo, qua natura in intestino hoc hoste debellando uti solet, minime fidentes, diversam ac tutiorem ex nostro penu atque artificio vice illius substitnamus. Nisi forte hic aliquis regetur rem etiam satis feliciter per pestifuga alexiteria geri posse, quorum ingentem apud practicos copiam reperire est. Verumenim vero an non auxilium quod præstent hujusmodi medicamenta, potius manifestæ ipsorum facultati, qua sudores affatim proliciendo simul materiæ morbificæ exitum aperiant, quam occultæ cuidam indoli, qua a natura ad pestilentis malignitatis labem delendam donata fuerint, referri debeat; magnam atque ancipitem habet disceparationem. Nec de hisce tantummodo, sed & de aliorum morborum alexiteriis dubitare fas est; utrum evacuationem aliquam sollicitando, potius quam virtute quadam specifica ægrotantibus non succurrant. Qui enim, v. g. in *lue Venerea* (vel *Mercurium* vel *salsaparillam*,) veneni in isto morbo reperti alexipharmaca objiciat, adducenda sunt ei curationum exempla, in quibus ille sine sputo aut secessu, hæc vero sine sudoris suscitatione sanitatem aliquando restituerit, quod ego quidem credo ei admodum difficile futurum. Mihi autem verisimile est, peculiare pestis remedium, propriumque ipsius perniciæ alexiterium adhuc in naturæ sinu abditum delitescere, nec eandem nisi ratione quadam mechanica tolli posse.

Quocirca ut intentionem illam priorem paulo plenius expendamus, quæ eo spectat, ut naturæ in materiæ morbificæ exterminatione suo more & modo auxilium suppedietur; advertendum venit, quod in vera peste natura, dum neque sponte sua aberrat, neque vi aliqua transversim agitur, per *abscessum* aliquem in emunctoriis erumpentem, unde materiæ exitus patefcit, negotium suum exequitur. Atqui in febre, quam pestilentem nuncupamus, mediante diaphoresi per universam corporis superficiem idem efficitur. Unde colligere est, pro diversa, quam natura in utroque morbo præmonstrat, via ac ordine etiam diversam medendi rationem institui debere. Nimirum si quis materiam veræ pestis, ope sudoris amoliri satagat, is diversa a natura via insistit, utpote quæ id per apostemata molitur. Contra verò qui alias quam per sudores febris pestilentis materiam eliminare tentat, is cursum instituit cum naturæ ductu ac *priore* nequaquam convenientem. Cæterum in peste vera, quoniam idoneo ac certo remediorum genere naturalis morbificæ materiæ ejectio, id est, apostematum eruptio promoveri possit, nondum constat; nisi quis forte victum corroborantem atque Cardiacæ ad illud conferre posse existimet; quæ tamen multum dubitarem, ne ægrum, jamjam plus æquo calefcentem, in majorem æstum conjiciant. Certe sudores in hoc casu frustra esse compertissimum habeo; quanquam haud inficior post magnos sudores ad trium quatuorve ho-

Sydenham opera Medica.

rarum spatium productos, ac deinde abruptos, tumorem se in conspectum dare, quem ego a sudore proficisci minime arbitror; utpote quo vigente, nullum appareat eruptionis indicium, finito quidem, veluti per accidens consequatur, nimirum cum jam aliquam sarcinæ partem, quæ naturam plus satis gravabat, sudores abstulerint, ac corpus a Cardiacis ad Diaphoresin suscitandâ propinatis vehementius incalescat. Verum quam fallax & infida sit hæc peccantis materiæ per apostemata a sudoribus foras evocata exterminatio, testor funestos eorum exitus, qui hoc modo tractati fuerunt, e quibus vix tertius quisque (ut modestissime dicam) medicationis ac morbi periculum evasit. E contra vero multi, quibus laudabili ritu tumores eruperunt, etiam dum negotiis suis intenti versarentur, nec ullius sive naturalis, sive vitalis, sive denique animalis facultatis læsione percepta, sanitatem brevi recuperarunt; nisi qui malo suo fato in medicamentum aliquem incidentes, ejusque monitu, quantumvis corpore pariter ac animo optime valentes, ad sudandum in cubilibus compositi, ab eo ipso tempore deterius se habere inceperint, ac demum ingravescente ægritudine, inauspicati consilii noxam suo interitu comprobarunt. Verum lubricam atque aleæ plenam in se esse hujusce morbi per tumores judicationem ex eo manifestum est, quod interdum *Bubo* qui primum laudabiliter ac cum symptomatum remissione protuberavit, postea ex improviso dispareat, ejusque loco *Macula purpurea*, certissimi mortis indices, succedant; cujus retrocessionis causa magnis illis sudoribus ad eruptionem promovendam destinatis, jure tribuenda videtur, ut qui bonam materiæ partem, quæ tumoris molem infercire ac sustentare debuerat, alio versum per ambitum corporis distrahendo ac dissipando leves in auras diffilaverint. Ut ut sit, hoc saltem planissime constat, cæteris effectibus, a Dei Opt. Max. benignitate, certam amoliendæ causæ morbificæ rationem, huic autem, enormium delictorum flagello, non nisi lubricam admodum & versatilem adjunctam esse. Atque hinc fortasse non minus commode, quam a *malignitate*, ut loqui amant, eximiae perniciæ causa atque origo peti possit. Nam & in *Arthritide* aliisque morbis, qui exiguum habent malignitatis suspicionem, materiæ morbificæ recursus non minori certitudine fatum accersit. Ex quibus omnibus manifeste consequitur, Medicum, qui in aliorum morborum medicatione, naturæ ductum ac propensionem pressim, ac passibus æquis sequi tenetur, his ejusdem auspiciis renunciare debere. Cujus effati veritatem, quia paucissimi hætenus perspexerunt, hinc numerus eorum, quos tumulo pestis intulit, haud paulo auctior evasit.

Quare cum minime securum sit in exterminando hoc morbo naturæ vestigiis insistere, proximo loco dispiciendum venit, qua demum arte secundæ quam diximus intentioni satisfiat, nempe aliam atque a naturali diversam, hujusce morbi solutionem aggrediendi. Hoc autem dupliciter omnino fieri posse existimo; scilicet vel per sanguinis missionem, vel per sudores. Priorem quod attinet, non sum nescius, sacram apud plerosque audire in hoc morbo venæ sectionem. Verum vulgi præjudicia parum moratus, rationum in hac quæstione momenta; qua par est æquitate atque candore, paulisper expendam. Ac primum quidem Medicorum, qui grassante nupera lue in Urbe perstitierunt, fidem appello. Nunquis eorum, Phlebotomiam larga manu ac repetitis vicibus, necnon tumore nullo adhuc protuberante celebratam, peste laborantibus funestam esse animadvertit? Parcam quidem, vel tumore jam conspicuo, sanguinis detractionem semper damnosam esse, neutrquam mirandum est; Siquidem cum mediocris tantum quantitas cruoris adimitur, hinc naturæ, quæ tumori protrudendo totas intendit vires, rei administratio e manibus eripitur, nec interea alia satis efficax materiam morbificam evacuandi, ratio substituitur. Apparente autem jam tumore, celebrata venæ sectio, cum a peripheria ad centrum trahat, motui naturæ, qui fit a centro ad circumferentiam, inducit motum plane adversantem. Nihilominus vix quicquam frequentius factitatum videas, quam Phlebotomiæ perverso hoc ritu administratæ, noxam, ac contrariæ patronis universim ac in genere adversus sanguis in hoc morbo detractionem validissimi argumenti loco torqueri; uti in *Diemerbroeckio* aliisque observationum scriptoribus passim videre est. Quod ad me attinet, equidem eorum ratiocinationi assentire non possum, donec intellexero, quid Quæstioni superius præpositæ respondeant. Sane venæ sectio-

nam in peste convenite, complures, iique gravissimi scriptores jampridem senserunt, quorum præcipui sunt *Ludovicus Mercatus, Joannes Costans, Nicolaus Massa, Ludovicus Septalius, Trincavelius, Forestus, Mercurialis, Altomarus, Paschalius, Andernachus, Pereda, Zacutus Lusitanus, Fonsæca*, aliique. Verum qui totum curationis negotium in copiosa, qualem nos postulamus, sanguinis detractio collocaverit, unus, quod sciam, repertus est *Leonardus Botallus*, Medicus superioris sæculi celeberrimus, quem, ne solus in hac palæstra versari videar, Lector accipiet suis ipsius verbis de hac re differentem. * Ego (inquit) ut uno verbo dicam, nullam pestem esse puto, cui hæc non possit esse salutaris supra omnia remedia, modo opportune & quantitate convenienti usurpata sit, propterea quod aut tardius aut parcius quam opus esset, aut quod utroque modo circa eam usurpandam peccatum sit. Et paulo post hæc subiungit: At in tanta timiditate & parca detractioe qui fieri potest, ut quis recte possit judicare quantum ea in pestilenti morbo prodesse valeat, aut obesse? Non enim morbus pro cuius curatione requirebatur detractio librarum quatuor sanguinis, in quo una tantum detrahitur, si hominem interficiat, ideo interficit, quia sanguis est missus, sed quia non iusto modo missus est, nec forte etiam opportune. Verum nebulones nequissimi & ignavissimi in id semper culpam convertere satagunt, non quod nocuit, sed quod per fas & nefas a cunctis vituperari exoptant. Aut si id nequitia non faciant, ignorantia tamen prave dispositionis efficiunt: utraque certe perniciofa, sed illa magis. Quæ omnia experientia confirmaturus, paulo inferius sic pergit: His observatis nemo rationis capax iure in his morbis vituperare missionem sanguinis potest, sed mirifice & tanquam divinæ auxilium commendare, extollere, & confidenter usurpare, quod ipse profecto ab annis quindecim facio. Ideo in morbis pestilentibus, in obsidione Rupellarum, & montibus Hannonia ab hinc quadriennium, & Parisiis toto hoc biennio, & Cameraci anno proximo actis, in omnibus meis agrotis (qui innumeri fuerunt) nullum præsentius ac salutarius reperi ipsa larga & tempestiva sanguinis missione.

Deinde ad curationum exempla descendit, quæ brevitati studens, huc transferre supersedeo. Libet tamen rei in hac nostra Britannia ante aliquot annos gestæ historiam oppido raram ac a proposito nostro non alienam, hic loci opponere.

Cum inter cæteras belli civilis calamitates, quæ hanc patriam nostram miserrime affligerunt, pestis etiam multis in locis grassaretur, ac forte in Castrum *Dunstar*, quod in provincia *Sommercetocensi* situm est, aliunde in vecta, aliquot præsidariis cum macularum efflorescentia repente examinatis, complures etiam alios corripuisset, Chirurgus quidam qui a longa in regionibus exteris peregrinatione redux tunc temporis stipendia inter alios faciebat, a præsidii Præfecto enixe rogat, ut sibi liceret commilitonibus suis truculento morbo correptis pro virili succurrere; quo annuente, singulis ægris, statim a primo morbi insultu, atque nullo adhuc tumore conspicuo, sanguinem ingenti copia detraxit, donec pedibus deficere inciperent, nam stantibus ac sub dio vena per-tusa est, nec aderant vascula quæ cruoris in terram effluentis mensuram definirent. Hoc pacto eos in tuguriola sua ad decumbendum dimisit. Et quanquam a Phlebotomia nullum omnino remedium adhibuit, tamen ex complurimis iis, quos hoc modo tractasset, mirum dictu, ne unus quidem desideratus est. Vir Nobilissimus juxta ac morum probitate atque fide spectabilis *D. Franciscus Windham*, militum Tribunus, ac prædicti castris tunc temporis Præfectus, mihi hæc retulit, & etiamnum in vivis est, pro ea qua est humanitate rei gestæ veritatem cuilibet dubitanti confirmaturus.

Qui mihi met ipsi circa hanc rem singulare ac memoratu dignum aliquando observare contigit, Lector inferius accipiet, ubi pauca ea, quæ deficiente nupera peste *Londinensi* a me usu atque experientia annotata fuerunt, inferius ostendam.

Hujusce autem praxeos utilitatem etsi non mente tantum ac iudicio assequor, verum etiam re ipsa atque editis experimentis dudum exploravi, tamen pestilentis fermenti per diaphoresin dissipatio, pro ejusdem per venæ sectionem evacuatione mihi multis nominibus arridet, utpote quæ nec ægrorum vires æque prosterнат, nec Me-

dicum infamiae periculo obijciat. Atqui & hæc difficultatibus suis non vacat; primo enim, multis, ac præsertim calidioris temperamenti juvenibus, sudores ægrius proliciuntur; cujusmodi ægrotos, quo hydroticis fortioribus, ac cumulationi tegumentorum pondere diaphoresin conciere satagas, eo in manifestius phrenitidis periculum adduces; aut quod tristioris adhuc ominis est, vana spe aliquantisper lactatus, tandem pro sudoribus *Exanthemata pestilentialia* elicies. Cum enim præcipua hujusce mali labes in spirituosiori massæ sanguineæ parte resideat, unde crassiorum particularum exagitatio nonnihil languidior, quam in aliis inflammationibus plerumque existat, tenuior illa portio novi caloris accessione in majorem rabiem acta, impetu demum facto omnes cruoris fibras ultra texturæ modum distensas prorsus frangit ac comminuit. A qua fibrarum sanguinearum dissolutione macularum pestilentialium causam petendam esse censeo, quippe non secus ac vibices a plaga fortiore in partem aliquam corporis musculosam inflicta, primo intensius rubicundæ in cute efflorescunt, ac brevi post tempore livorem quendam aut nigredinem induunt.

Deinde vero, in corporibus quæ satis prompte in sudorem solvuntur, si diaphoresis iusto præmaturius (nempe tota materia morbosa nondum penitus dissipata) ab-rumpatur, bubonum, qui laudabiliter quidem sub finem sudoris prodire inceperant, postea deterior evadit conditio. Nam subducta quæ eos in molem attollere deberet materiæ parte, aut de facili intro remeant, aut saltem ad legitimos abscessus nunquam perducuntur, (quemadmodum etiam in Variolis accidere solet, quoties æger per primos dies impensius sudavit) recepto autem denuo intra muros hoste ferali, in sanguine commotio excitatur, cujus opera eo, quo superius innuimus, modo, sæpe ecchymata imminentis lethi indicia foras propelluntur.

Verum quibusnam modis his aliisque difficultatibus obviam iri possit, ut luculentius pateat, quid in hoc morbo a me pro modulo meo factum observatumque fuerit, initio a nupera his primordiis ducto, summa fide edisserere libet.

Nobilem sceminam ineunte Majo anno 1665. ætatis circiter 21. annorum, ac temperamento sanguineo præditam invisi. Præter febrem ardentem, quæ paulo ante invaserat, vomitiones importunæ, aliaque symptomata febrilia ægram excruciant. Curationem a venæ sectione auspiciatus, postero die ad præcavendam Diarrhœam, (quæ, ut in hujusce Tractatus initio monuimus, ob omissionem, quod postulabat in principio morbi vomendi propensio, Emetici exhibitionem, defervescente febre supervenire consuevit) Vomitorium imperavi, quod satis commode ventriculi saburram elicit. Postero mane, cum ægram iterum adirem, ei alvum profluere intelligo, quæ res ab aliquot annorum usu insolentior visa, mihi non levem sollicitudinem iniecit. Exinde autem febrem non vulgaris generis esse judicavi, (quemadmodum etiam eventus docuit) proindeque aliam ab ea quæ superius tradita est, quæque constanti successus serie hæctenus a me usurpata fuisset, medendi rationem sibi vindicare. Quocirca adscito in negotii societatem Medico alio seniore, venæ sectio, quam ægrotantis ætas, temperamentum, ac inordinata sanguinis ebullitio flagitare videbantur, ex communi nostro consilio iterum celebrata est: etiam Cardiaca moderate refrigerantia propinata, ac denique clysmata alternis diebus injecta sunt. Sub finem ægritudinis, quoniam symptomata valde anomala ac inconsueta (malignitatis egregiæ indicia vulgo habita) ingruiebant, ex Alexipharmacorum classe fortiora aliquot præscripsimus. Quibus tamen omnibus nequicquam proficientibus, ægra circa diem decimum quattum e vivis excessit. Insolitum hujusce febris ingenium per aliquot post dies animi meum varie exagitabat, ac tandem in memoriam revocans, summum ardorem, etiam post reiteratam venæ sectionem in prædicta ægra perseverasse; ruborem genarum adfuisse, enormis aliquot guttulas paulo ante mortem e naribus fluxisse; nec non sanguinem ipsius in acetabulis refrigeratum, ei qui a Pleuriticis detrahitur, non absimilem fuisse, quin & ruffim aliquam & obscuros quosdam in partibus vitalibus dolores emicuisse; porro & eam anni tempestatem incubuisse, quæ finem veris ac initium æstatis complectitur, quæque febribus continuis producendis minus esset idonea, (illæ enim hoc tempore sua sponte quasi dissiliunt, & intermittentium classem se

repo-

reponunt, vel in Pleuritides atque id genus alias inflammationes præcipientes ruunt) denique Pleuritides eo ipso tempore admodum populares fuisse: His inquam omnibus rite perpensis, in eam deveni sententiam, ut febrim hanc, etsi pathognomicis Pleuritidis, aut etiam Peripneumoniæ signis destitutam, tamen symptomatis rationem habuisse judicarem, inflammationis cujusdam respectu circa partes spirituales delitescens, etiamsi nullus aderat lateris dolor, nulla insignis spirandi difficultas. Ut rem contraham, eo tandem deveni, ut eadem omnino mihi methodo procedendum fuisse in prædicto casu arbitrarer, qua in Pleuritide sapius cum successu singulari usus fueram. Quæ sententia deinceps feliciter atque ex voto cessit. Vocatus enim non multo post ad hominem consimili prorsus modo ægotantem, reiteratis venæ sectionibus, quales ad Pleuritidem supra laudantur, curationem commisi & absolvi. Circa mensis modo memorati exitum atque initium Junii, complures operam meam implorantes ab eadem febre (quæ jam valde populariter grassabatur) prædictæ praxeos beneficio convalescerunt. Ab hoc tempore immaniter debacchari cœpit calamitosa illa pestis, quæ eo tandem truculentia devenit, ut septem dierum spatio totidem animarum millia in hac una urbe extinxerit.

Febris autem illi, de qua modo loquebar, an pestis appellatio attribui mereatur, non ausim definite pronunciare. Hoc tamen explore cognitum habeo, omnibus, quos illo & aliquanto post tempore ipsissima pestis cum universo symptomatum sibi peculiarum apparatu, in mea vicinia afflixit, eandem tam in primo morbi insultu, quam in decursu, accidentium *quod populi* adfuisse. Cæterum cum proximo pariete ardente propius ædibus meis immineret periculum, ego tandem amicorum suavis numerosissimis fugientium turbis me adjunxi, familia etiam mea ad aliquot ab Urbe lapides subducta. Eo tamen vicinis meis maturius redii, ac dum calamitosæ illius luis in tantum perseveraret sævities, fieri non potuit, quin meliorum medicorum penuria ad pestiferorum auxilium advocaret. Nec multo post complures febricitantes invisi, quorum febrim, illius quæ ante decessum meum tam prosperis ægrorum rebus, a me tractata fuisset, morem atque genium æmulari non sine magna admiratione deprehendi. Ideoque propria experientia fretus ceu duce, quibuscumque præceptis umbratilibus anteponendo Phlebotomiam similiter administrare non dubitavi.

Hunc autem ritum imminuendi liberalius sanguinem (cui etiam Ptisanæ ac diætæ id genus refrigerantis usus accessit) in multis ægris miro profectu continuavi, donec tandem in nonnullorum tractatione solito successu destitutus præ adstantium protervia, qui præjudiciis inanibus occupati debitam sanguinis quantitatem auferri non patiebantur, (magno ægotantium malo, quibus, saltem dum in hoc cardine curandi scopus versaretur, sanguis aut sufficienti quantitate, aut non omnino detrahendus fuerat) insignem obicem conatibus meis oppositum sensi, ac proinde alium a venæ sectione huic morbo occurrendi modum reperiri, magnopere ex usu futurum judicavi. Nocumenti quod aliquando insons dedi, non ex eo, quod sanguinem ademerim, sed quod ex voto eundem adimere impeditus fuissim, exemplum hic adducam. Vocatus ad juvenem quendam, temperamento sanguineo ac habitu athletico præditum, quem febris vehementior cum doloribus capitis vertiginosis, vomitu enormi, aliisque id genus symptomatibus a bi-duo corripuerat, cum nullum adesse tumoris signum interrogatus responderet, statim liberali manu sanguinem emitti imperavi, cujus refrigerati superficies pariformem Pleuriticorum sanguinem referebat, præscripta etiam ptisana cum jusculis ac julapiis refrigerantibus. A meridie pro secunda vice parem sanguinis jacturam subiit, qua etiam sequente aurora similiter mulctatus est. Sub hujus autem diei exitu ægrum meum invisens, cum quidem multo-melius se habere, & nihilominus amicos ejus adversus ulteriorem venæ sectionem animis vehementer obstinasse deprehendo; quam tamen ego denuo celebrandam esse enixe contendi, superesse alteram duntaxat venæ sectionem dictitans, quæ ægrum in sicco collocaret; si contra niti pergerent, satius fuisse, ut nullo omnino sanguine detracto curatio per sudores instituta fuisset; uno verbo, ægrum certo certius interiturum. Præfagium eventus confirmavit; nam dum hæc

Sydenham opera Medica.

alteratio rei agenda occasionem corripuisset, maculae purpureæ postridie eruperunt; nimirum materiae peccantis reliquiis, quas radicitus evacuari oportuit, cum jam omnem abscissum spem Phlebotomia toties repetita abstulisset, mora sua universam cruoris massam pervertentibus, ejusdemque compagem subtilitate eximia disrum-pentibus. Æger autem post aliquot horas satis concessit. Cum ergo frequentior hujusmodi obstaculum occursum mihi molestiam faceretur, magna cogitandi sollicitudine mecum agitavi, ecquis demum reperiri possit medendi modus, qui morbum non minus efficaciter abigeret, nec hominum offensionem æque incurreret. Re diu multumque apud animum meum deliberata, tandem in hanc methodum incidi, quam nunquam non proficuum, ac omnibus numeris absolutam deinceps expertus sum.

* Primo, siquidem tumor nondum protuberaret, sanguinem pro ægotantis viribus ac temperamento, moderate detraxi, quo facto, diaphoresis, cujus alias sollicitatio in nonnullis corporibus non modo summam habebat difficultatem, verum etiam majoris incendii, proindeque ecchymatum puerorum periculum minitabatur, facilis erat atque expedita. Atque hanc sanguinis jacturam, quæ utur exigua alias gravissimum incommodum attulisset, diaphoreseos immediate insequentis beneficium abunde compensavit. Post venæ sectionem (quam in lecto celebrandam curavi, cum jam omnia ad sudores proliciendos in promptu essent) ne vel minima interposita mora stragulis ægrum obrui, ac laciniam laneamincipiti alligari jussi, quæ quidem capitis oblectio ad sudorem ciendum plus proficit, quam quis facile crediderit. Deinde, si vomitus non adesset, hæc & similia hydrotica exhibui; *℞. Theriac. Androm. ʒss. Elect. de ovo ʒj. pul. e chel. cancror. comp. gr. xij. cochinel. gr. viij. croci gr. iv. cum s. q. succi. kermes, f. bolus, quem sumat sexta quaque hora, superbibendo Cochl. vj. seq. Julapii.*

℞. Aq. Card. benedicti & scord. comp. an. ʒiij. aq. theriac. still. ʒij. syr. Caryophyll. ʒj. misc. f. Julap.

Quod si vomitus interpellaret, ut in peste ac febribus pestilentialibus sæpissime accidit, medicamentum sudoriferum tantisper propinare distuli, donec solo tegumentorum pondere (nisi quod linteaminis pars subinde ad colligendos halitus vultui superinduceretur) sudor pro-manare inciperet. Nam (quod quidem observatum summe dignum est) cum materiae morbificæ radii versus ambitum corporis sese exporrigant, illico alvi profluvium & vomitiones, ab eisdem introrsum reflexis, ac in ventriculum & intestina decumbentibus provenientes, ultro sedantur: Adeo ut quantacunque stomachi subversio præcesserit, assumpta deinceps medicamenta probe retineantur, ac ad sudores ex voto proliciendos conducant.

Memini cum me aliquando Pharmacopula quidam ad fratrem suum ex febre pestilentiali graviter ægotantem vocasset, atque ego de medicamento ad sudorem suscitandum exhibendo, sermonem injicerem, retulisse jam varia eaque fortiora sudorifera incassum propinasse, siquidem æger omnia vomitu rejecerat. Cui ego, adduceret, inquam, ex omnibus iis quæ antea exhibuisset vel ingratißimum ac summe fastidiosum, ne illud deinceps evomeretur. Promissi fidem eventus liberavit, quippe æger, ubi a sola stragulorum mole paululum maduisset, largiorem *Theriaca Veneta* bolum deglutivit ac retinuit, cujus beneficio in copiosorem sudorem conjectus incolumitatem recuperavit.

Sed ut ad institutum redeam, inceptam jam diaphoresin haustibus *Zythogala salvia alterata*, vel *cerevisia*, cui macis aliquantulum incoxerit, subinde repetitis, ad naturalis diei spatium continuari præcepi, abstersione interim omni religiose interdicta, imo nec infra quatuor ac viginti horas a sudoribus finitis indusium utcunque madidum ac immundum mutari permitto; Id quod summa cautela observari velim. Quod si sudatio angustiori temporis limite circumscribatur, recrudescit illico symptomatum sævities, atque ægroti salus, quam prolixior diaphoresis extra aleam constituisset, in acie novacula relinquitur.

Et profecto *Diemerbroeckium* aliosque nequeo satis mirari, quoties adverto eos tam levi prætextu ad diaphoresin interpolandam adduci, ut scilicet ægotantium viribus consulatur. Primo enim ægrum sudore diffidentem viribus melius quam antea constare, nemini

B 3 in hujus

in hujus morbi medicatione vel tantillum versato non potest esse animadversum. Qui me in hac re usus atque experientia docuit, palam eloqui ac etiam propugnare non verebor. Multi me authore in 24. horarum diaphoresim conjecti tantum abest, ut se exinde debiliores factos quererentur, quin totius quantum supervacanei humoris sudando decessisset, tantundem novi roboris sibi accrevisse profiterentur. Circa horas autem aliquot posteriores, saepe non sine stupore observavi erumpere sudorem quendam, priore illo, quem vis medicaminum expresserat, magis naturalem, genuinum, copiosum, quique multo plus levaminis afferret, plane ac si vere criticus foret ac totius morbi eradicativus. Porro in summo sudoris vigore iusculis ac forbilibus confortativis ægrum reficere, quid secum trahat incommodi non video; ideoque ad nihilum recidit illa objectio de virium ad longos sudores perferendos impotentia. Si qua igitur defectio sub finem imminere videatur, iusculi ex pullo tantillum, vitellum ovi, vel his similia forberi permitto; quæ cum cardiacis & haustibus ad sudorem continuandum ex more destinatis, virium labe- factationi abunde succurrunt. Cæterum in re adeo manifesta non opus est, ut plura argumenta adducam. Et- enim, quod hujus præceos utilitatem palam proclamat; videre est, quod quando æger sudore diffuit bene se ha- bere existimet, neque minus ex astantium judicio res tota in vado constituta videatur: Atqui quam primum corpus arefcere incipit ac sudor abruptitur, omnia in pejus ruant morbo quasi postliminio redeunte.

Per horas a finito sudore viginti quatuor, moneo, ut frigus caute vitetur, indusium sponte sua in cor- pore arefcere permittatur, potulenta omnia calidiu- scule hauriantur, & Zythogalæ salvia alterata usus etiamnum continuetur. In sequenti luce commune Ca- tharticum exhibeo, *ex infusione sc. tamarin. fol. sen- ne rhabarb. cum manna, & syr. rosar. sol.* Atque hac medendi ratione, anno a peste proximo, compluri- mis febre pestilentiali correptis sanitatem restitui, adeo ut ne unus quidem ex eo morbo mihi desideratus sit, postquam eandem exercere inciperam.

Verum ubi tumor jam enatus fuerit, venam aperi- re, etiam in corpore ad fundendum quantumvis inha- bili, hætenus non sustinui, veritus ne materia morbi- fica in depleta vasa confertim remeante, subitaneus ægri interitus destinatum diaphoresin anteverteret. Ni- hilominus fortasse satis tuto administrari poterit Phle- botomia, modo confestim ab ea peracta, ac nulla mo- ra interjecta eliciantur sudores, qui ad spatium supe- rius requisitum producti, omnem tumoris molem pau- latim absumere ac dissipare valeant, idque longe mi- nore salutis periculo, quam si legitima apostematis maturatio, quæ in præcipiti affectu admodum incerta ac fallax existit, serius expectaretur.

Denique, ut ad calcem tandem perveniam, sicubi circa Theoriam me hallucinatum fuisse Lector depre- bendat, errori veniam peto; verum quod ad praxim attinet, profiteor me omnia ex vero tradidisse, nihil- que uspiam proposuisse, nisi quod probe exploratum habeam. Sane cum supremus vitæ meæ instabit dies, confido nihil adfuturum alacrem in præcordiis testem, me non solum ægrorum omnium, cujuscunque demum sortis, qui sese curæ meæ concrediderant, summa fide ac diligentia salutem procurasse (quorum interim ne- mo a me alias tractatus est, quam ego memet tractari cuperem, si mihi ex iisdem morbis ægrotare continge- ret) verum etiam pro ingenii modulo omnes animi nervos in hoc intendisse, ut si quo modo fieri possit, morborum medela post cineres meos majori cum certi- tudine administraretur, ratus quantulumcunque in hoc scientiæ genere accessionem, etsi nihil magnificentius, quam *odontaglia* aut *clavorum pedibus* innascentium curationem edoceat, longe maximi faciendam esse, præ inani subtilium speculationum pompa, ac levicula- rum rerum notitia, quæ fortasse Medico ad abigendos morbos non magis ex usu futura est, quam *Archite- cto* ad construendas ædes *Musica* artis peritia.

Unicam hanc annotatiunculam, ne quis forte fini- stra interpretatione mentem meam detorqueat, aut eam saltem non satis assequatur, postremo loco subjungam. In præcedenti nempe Diatriba, *Natura* nomine sapius utor, illique varios effectus attribuo, perinde quasi rem aliquam singularem & seorsim subsistentem, sed per

totam hanc Mundi machinam ubique diffusam sub hoc titulo mihi repræsentarem, quæ ratione aliqua & con- silio freta corpora quævis regeret, ac moderaretur qua- le quidpiam de *Mundi Anima* nonnulli Philosophorum cogitasse videntur. Verum ad me quod attinet, uti nec rerum, ita nec verborum novitatem affecto, adeoque antiquam quidem vocem, sed sensu (ni fallor) & so- brio, & a sanis omnibus non intellectu solum, verum etiam usitato, in hisce pagellis usurpavi. Ego enim, quoties *Naturam* nomino, toties *causarum naturalium complexum* quendam significari volo; quæ quidem cau- sæ brutæ licet, atque omni consilio destitutæ, non ta- men sine summo consilio reguntur, dum suas quæque operationes edunt, suosque effectus exequuntur. Nimi- rum supremum illud Numen, cujus vi producta sunt omnia, & a cujus nutu dependent, infinita sua sapien- tia sic disponit omnia, ut ad opera destinata se certo quodam ordine atque methodo accingant, neque fru- stra quicquam molita, neque nisi quoad optimum est, ac toti rerum fabricæ, suisque privatis naturis maxi- me accommodum, exequentia perinde atque *automata* non pro suo, sed artificis consilio moventur.

SECTIO TERTIA.

CAPUT I.

Constitutio Epidemica Annorum 1667. 1668. partim etiam Anni 1669. Londini.

ANno 1667. appetente Æquinoctio Verno, *Vario- le*, quæ durante illa, quæ proxime est prægressa, constitutione pestilentiali, vel prorsus delituerant, vel rarissime comparuerant, caput cœperunt attollere, jam- que in dies latius grassantes, sub Autumno *Επιδημικώ- τατο* factæ sunt, a quo tempore paulatim imminuta vi, superveniente brumali frigore parcius lacebabant; ac pro- ximo Vere adolescente, postliminio invaluit hic morbus viguitque, donec ab insequentis hyemis gelu, uti prius, retuso impetu coerceretur. Posthæc tertio demum cum Vere surgente increbuit, ac jam languidior, & succiso quasi poplite, minus late dominabatur, quam duabus quæ præcesserant æstatibus: Mense vero Augusto 1669. penitus intercidit, Dysentericiæ Epidemicæ locum cedens. Labente primo illo biennio, quod hæc constitutio regna- bat, Variolæ plures in Urbe aggrediebantur, quam un- quam alias, quantum ego memini, seu prorsum spectes, seu retro; Quo non obstante, cum genuinæ per id tem- poris fuerint, neque mali moris, paucos jugulabant, si ingentem laborantium numerum reputemus.

Quo primum tempore Variolæ incessabant, & novum quoddam febris genus exortum est, a Variolis, quales se tum gerebant, non multum abhorrens, si pustularum eruptionem demas, & quæ ab illa pendent, de qua in se- quentibus speciatim agemus. *Febris* hæc, licet multo pauciores invaderet quam Variolæ, easdem tamen dura- tione æquabat: Hyeme vero cum jam illæ minuerentur, invaluit, atque, illis Vere novo invalescentibus, reces- sit, prædominium Epidemicorum hujus constitutionis hoc pacto illis relinquens; Nihilominus per hæc tem- pora non plane desit unquam, donec tandem cum Va- riolis mense Augusto 1669. omnino disparuit.

Binos hosce morbos Epidemicos & tertius comi- tabatur, ultima præsertim æstate, quam dicta con-stitutio defamabat, *Diarrhœa* scilicet, aeris consti- tutione jam tum ad subsequenter *Dysentericiam* ver- gente: Utut vero hæc se res habuerit, id saltem con- stabat, morbum hunc febrem quæ tunc regnabat, ita proxime attingere, ut nihil aliud esse videretur, quam ipsa febris introversa & visceribus incumbens.

De tribus hisce morbis, qui soli in hac *Constitutione* Epidemicorum nomen sibi jure vendicabant, sigillatim jam agam, a *Variolis* initium faciens: quas idcirco pau- lo fufius tractabo; quoniam quæ per hos annos regna- bant, mihi Genuinæ pro cæteris & *Regulares* maxime videbantur, utpote eadem prorsus exhibentes *παρόρσια*, & parili symptomatum agmine omnes, quotquot ado- riebantur, ubique impetentes, & a quibus proinde, tanquam in suo genere perfectissimis, tum vera morbi Historia, tum etiam medendi methodus est desumenda.

Notan-

Notandum enim est, non tantum febrem quandam propriam & peculiarem cuilibet peculiari constitutioni competere, sed peculiare etiam Variolarum genus, quæ hanc quidem speciem referunt, durante hac annorum serie, aliam vero annis sequentibus, quantumlibet inter se convenire videantur quoad certa *παρόρση* omnibus communia. Ita ludit natura morborum Epidemicorum generatione! Sed ut ad rem redeam: Variolarum hujus generis Historiam ante omnia præscribam; quas ideo *Regulares* mihi licebit indigitare, ut ab *Anomalis* subsequens annorum valeam discescere: Tum etiam methodum adjiciam, quæ mihi in earundem *θραύει* ex animo votoque maxime cessit.

C A P U T II.

Variola Regulares An. 1667. 68. & partis 69.

Variolæ, quibus annis epidemice grassantur, si *Regulares* etiam sint atque mitiores, circa *Æquinoctium Vernum* (uti hæc, de quibus sermo nobis est) ingrediuntur; quibus vero annis non tantum grassantur epidemice, sed & *irregulares* atque periculosioris sunt generis, maturius nonnunquam mense puta *Januario*, invadunt. Integras familias contagio suo afflantes, nemini parcunt, cujuscunque demum ætatis is fuerit, nisi prius hoc morbo laboraverit; Neque tamen eximuntur illi, quos adulterinum Variolarum genus aliquod, ad hunc morbum nihil atinentium, prius obsederit. Duplex est harum species, (ut & Variolarum, quæ quibuslibet annis infestant) vel sunt enim *Distinctæ*, vel *Confluentes*; quæ licet essentialiter, ut ajunt, non differant, per illustriora tamen quæ hanc comitantur speciem, *illam* vero non item haud difficulter ab invicem discriminantur.

1. *Interstinctæ* vel Discretæ cum rigore atque horrore invadunt, quos mox excipiunt calor intensus admodum, capitis & dorsi vehemens dolor, vomiturius, ingens in sudores propensio (quod de adultis dictum volo, neque enim in infantibus hujusmodi *διαδεν* mihi unquam observare contigit, vel ante pustularum eruptionem, vel etiam post) doloris sensus in partibus, quæ scrobiculo cordis subjacent, si manu premantur, stupor etiam & somnolentia, in infantibus præsertim, nonnunquam & Paroxyismi Epileptici: Qui si infantes Dentitione jam perfunctos corripuerint, suspicor ego ubique, Variolas in procinctu stare, quæ intra pauculas horas se exerente Prognostico ut plurimum fidem conciliant, & auctoritatem; ita ut si forte infans insultum Epilepticum sub vesperam, quod fieri solet, patiatur, Variolæ sequente aurora in conspectum se dedeant, & (quod sæpe sæpius observavi) quæ Variolæ infantes statim ab hujusmodi paroxysmo aggrediuntur, pustulas emittunt magnitudinis conspicuæ, mites etiam sunt, atque boni moris, & rarissime confluent. Atque hæc fere sunt illa symptomata, quibus hic morbus sub initio stipatur, quæque eruptionem pustularum ut plurimum antecedunt. Quamvis interim hic loci consentaneum fuerit subindicasse, in sanguine laxiori atque *δμεταβλήτω* nonnunquam accidere, ut separationis periodus sensim atque gradatim sine insigni aliqua ægritudine transigatur, priusquam expulsio materiæ pustularum eruptione se prædat.

Variola discreta quarto ut plurimum die, (si primum etiam inclusis) ab evasione erumpunt, nonnunquam serius aliquanto, ante illum vero rarissime, quo quidem tempore vel minuuntur admodum symptomata, quod plerumque fit, vel etiam penitus evanescunt, ac proinde iis affectus satis pulchre sibi videtur valere, nisi quod adulti in sudores propensi vix ab illis possint cohiberi, utut leviter tegantur, quæ quidem *διαδεν* nonnisi pustulis jam maturationem attingentibus ægrum deserit, idque sua demum sponte. Eruptionem quod spectat, hoc se fere habet modo. Primo pustulæ subrubræ, tenuissimarum acicularum puncta æquantes magnitudine, sparsim se produnt, faciem in primis occupantes, vel etiam collum & pectus, dein corpus universum. Per id temporis & fauces dolor infestat, qui una cum pustulis surgentibus augetur, quæ in dies grandescunt, & in majus fastigium elevata cutem carnesque vicinas rubore afficiunt atque inflammatione.

Circiter enim *οκταυτον* a primo insultu diem (quam *Sydenham opera Medica*.

in hoc morbo Epocham ubique servo) intervalla, quæ prius subalbebant, pro pustularum, quibus obsidentur, numero, rubere jam incipiunt, atque in molem attolli, non sine partium dictarum dolore tensivo & lancinante, qui in horas auctus inflammationi & tumori prædictis viam sternit; ita ut progrediente morbo palpebræ usque adeo impleantur extendanturque, ut æger luce quandoque privetur, qui quidem palpebrarum tumor vesicam inflatam ac resplendentem per easdem extensam non male refert. Est etiam ubi temporius oculis capiuntur ægri, si nempe major pustularum vis a prima eruptione se in illos effuderit. Proximæ a facie intumescunt manus, digitique pro pustularum numero distenduntur. Usque ad hunc diem pustulæ, quæ faciem obsederant, læves ad tactum fuere atque rubræ, jam vero asperiores evadunt (quod quidem primum est incipientis maturationis indicium) & subalbidæ; paulatim insuper succum quendam luteum, colore a favo non abludentem, evomunt. Faciei interim & manuum inflammatio ad summum evecta apicem, colorem exhibet in pustularum interstitiis satis floridum, & Rosarum Damascenarum æmulum. Et sane quo mitiores sunt Variolæ & genuinæ magis, eo etiam magis tum ipsæ pustulæ tum & cutis in earundem interstitiis decetum colorem ad vivum exprimunt, qualem jam descripsi. Uti vero quæ faciem occuparunt pustulæ, asperiores quotidie ac magis flavæ pro maturationis ratione; ita contra, quæ manus & reliquum corpus, minus asperæ, albæque magis conspiciuntur in dies.

Die *undecimo*, faciei tumor atque inflammatio satis aperte recedunt, & pustulæ tam faciei quam reliqui corporis jam maturitatem, & justam magnitudinem adeptæ, (quæ his annis ad pisum grandiusculum ascendeat) exarescunt deciduntque; atque, in hac variolarum specie, die *decimo quarto* vel *decimo quinto* ut plurimum funditus pereunt. Veruntamen manuum pustulæ, cæterarum partium pustulis pertinaciores plerumque, recentes adhuc albæque, diei unius aut alterius mora, illas vincunt. Faciei & reliqui corporis pustulæ desquamazione, at vero manuum quæ sunt, disruptione abitum sibi parant. Pustulis faciei succedunt squamulæ furfuraceæ, quas aliquando excipiunt foveæ cutis. Etenim ubi primum decidunt pustulæ, nulla adhuc in cute cernitur inæqualitas; at vero hujusmodi squamulis exurgentibus recedentibusque vicissim, tandem excavantur foveæ istæ, quæ sæpenumero in convalescentibus ab hoc morbo diu visuntur, quamvis raro admodum *Variola Interstincta* ulla sui linquant vestigia; atque illæ ferme solæ, quæ sex postremis anni mensibus invasere, cum quæ hos præverterint, nullas cuti notas imprimant, nisi forte confluerint, ut postea dicetur. Decurrente morbo omni, æger vel constipatam prorsus habet alvum, vel saltem rarissime deject. Atque hæc de Variolis *Discretis* dicta sunt.

2. Symptomata cum Discretis communia habet & illa Variolarum species, quas *Confluentes* appellavimus, nisi quod hic atrociora sint omnia: Febris scilicet, anxietas, atque ægritudo, vomiturius, &c. immanius affligunt, quibus signis Medico sagaci etiam ante eruptionem *Confluentes* se produnt. Nihilominus non ita prompte hic in sudores dissolvitur æger ac in illo genere jam supra descripto, ubi magna, ut fit, ad eosdem propensio ut plurimum prænunciat Variolas, quæ mox erumpent, minime confluræ: Diarrhœa insuper nonnunquam eruptionem præcedit, & ad diem unum alterumve post illam protrahitur; quod quidem in *Discreto* Variolarum genere nondum mihi contigit observare.

Tertio ut plurimum die erumpit species hæc, ante illum aliquando, vix unquam post illum; cum *Discreta* vel ipso die *quarto* inclusive a primo insultu morbi, vel postea, ante illum raro admodum se monstrent. Quantoque magis quartum illum diem præverterint Variolæ, tanto etiam confluent magis. Quamvis autem, ut generaliter loquamur, *confluentes* diem quartum vix præstolentur unquam; fit tamen, licet oppido raro, ut ob atrocius aliquod symptoma, ad quartum vel quintum usque diem differatur eruptio. Verbi gratia, acutissimus dolor nunc in regione lumborum, Paroxyismi Nephritici æmulus; nunc in latere, qualis Pleuriticus vexat; nunc in artubus, ut in Rheumatismo; nunc denique in ventriculo cum ingenti ægritudine & vomitu

mitu enormi ante eruptionem ægrum fatigat angitque. Hisce in casibus, licet infrequentes sint, Variolas solito serius erumpere animadverti, utpote ab immuni symptomatum dictorum violentia constrictas atque impeditas; Quæ quidem symptomata solitis vehementiora, cum agmen ducant, mihi satis aperte indicant secuturas Variolas, & e *Confluentium* genere esse, & periculo minime vacare.

At vero (quod jam proxime dicendum) licet in *Discretis*, mox ab eruptione (uti dictum est) quæ morbi insultum comitabantur symptomata, nullum jam amplius facessant negotium, in *Confluentibus* longe aliter se res habet; cum tam Febris quam alia symptomata etiam ad multos dies a pustularum eruptione ægrum discrucient.

Variolæ dictæ nunc Erysipelatis ritu, nunc Morbillorum, erumpunt, a quibus nonnisi a Medico in his morbis versatissimo distinguuntur, saltem quoad faciem externam; Nam qui ad dispar in utroque morbo eruptionis tempus, aliasque circumstantias, quas utriusque historia longe ad invicem discrepantes exhibet, sedulo animum adverterit, haud difficile hunc ab illo discriminaverit. Crescente morbo non in molem aliquam spectabilem, uti *Discreta*, attolluntur, quæ faciem præsertim occupavere; at sibi invicem implicitæ primo se habent instar vesiculæ rubræ vultum omnem contegentis, quem maturius etiam in tumorem elevant, quam solent *Discrete*; dein ad instar pelliculæ albæ vultui agglutinatæ, solitam cutis superficiem non multum superantes. Præterlapso die octavo, pellicula alba quotidie paulatim magis exasperatur indice digito, & ad colorem fuscum, non vero flavum, ut in *Discretis*, accidit, intenduntur indies tum asperitas, tum etiam cutis color, donec tandem pellicula dicta latioribus laminis desquamatur, quod in quibusdam faciei partibus, si morbus truculentior fuerit, non nisi post vicesimum diem solet contingere. Quanto atrociores fuerint Variolæ, tanto magis pustulæ maturescences ad colorem subfuscum vergunt, tanto etiam lentius, si suo utantur genio, abscedunt, ut econtra quanto minus confluerint, tanto magis & flavescunt, & seocyus proripiunt. Pellicula hæc seu scabies omnia pervadens, ubi primum deciderit, nulla quidem scabritie vultum afficit, at vero mox illam excipiunt squamulæ furfuraceæ indolis perquam corrosivæ, quæ non modo patentiores excavant foveas, quam solent Variolæ distinctæ, sed etiam faciem cicatricibus foede deturpant. In *Confluentium* genere, si admodum sævierit morbus, humerorum etiam & dorsi cuticula nonnunquam perditur, nudatis partibus subjectis expositisque.

Animadvertendum est autem, Morbum hunc magnum æstimari, non pro Variolarum frequentia, quæ reliquum corpus, sed pro earum numero tantum, quæ faciem obsedere, quæ si iis tanquam injecta arena ubique contegatur, utut paucae atque Discrete sint eæ, quæ in reliquo corpore cernuntur, haud minus periclitatur æger, quam si membra omnia denso agmine pervaserint. Atque ex adverso quantumlibet spisse truncum & artus occupaverint, si in facie rariores comparuerint, magis in vado res est. Quod de numero diximus, & de Variolarum more potest affirmari, malusne scilicet is fuerit, an secus, vultus aperte indicat.

In *Confluentium* genere ubique observavi pustulas manuum atque pedum majores fuisse, quam reliqui corporis, & quo altius ab artuum extremitate truncum versus ascenditur, eo sensim minores & contractiores semper extitisse. Atque hæc de *Pustulis* censui dicenda.

Sunt vero & alia symptomata duo, quæ Variolis *Confluentibus* accidunt, haud minoris momenti, quam vel pustulæ ipsæ, vel tumor, vel aliud quodlibet prædictis; *Salivatio* nempe in adultis, atque in infantibus *Diarrhœa*. Horum prius ita perpetuum se comitem adjungit, ut unicum tantum viderim Variolis *Confluentibus* laborantem, nulla superveniente *Salivatione*: Posterius autem, nempe *Diarrhœa*, Infantes hac specie laborantes non ita certo discruciat. Utrum providens natura has evacuationes idcirco substituerit, quod in pusillo hoc ac humili genere materia morbifica ita penitus nequeat exterminari, ac in pustulis istis majoribus ac magis fastigiatis generis *Discreti*, nullus definitio, cum Historiam tantum scribam, non solvam Problemata, Hoc certo scio, quod non solum Variolas *Con-*

fluentes plerunque comitantur, sed etiam quod quæ per illas fit evacuatio tam est necessaria, quam sunt vel pustulæ, vel faciei & manuum intumescencia.

Dicta *Salivatio* nonnunquam sub primum eruptionis tempus se prodit, nonnunquam non nisi postridie, bi-duove præterlapso. Materia primo tenuis excernitur, ac facile ad tempus aliquod rejicitur, ægro interim multa linthea eadem nocte conspurcante. Neque sane multum cedit Ptyalisinus hic alteri illi qui ope *Mercurii* excitatur, nisi quod non ita male oleat. Die autem fere undecimo saliva viscidior jam facta, ægerrime excreatur; siticulosus est æger, ruffit subinde inter bibendum, & potus per nares revertitur, atque ab hoc die cessat ut plurimum *Salivatio*, licet aliquando (rarius tamen id accidit) ubi per diem unum alterumve omnino cessaverit, tandem postliminio recrudescat. Dicto autem die, undecimo scilicet, tumor faciei una cum *Salivatione* imminui incipit, ac tunc primum ejus loco manus intumescere solent, aut debent.

Diarrhœa non ita mature infantes solet invadere, atque adultos *Ptyalismus*, quocunque vero tempore ingruerit, nisi ante sistatur, singula morbi stadia decurrit.

In utraque Variolarum specie Febris a primo statim insultu ad eruptionem usque præcipue dominatur, qua peracta inducias fere dat usque ad pustularum maturationem, & tempus in quo pus conficitur, quod demum elapso prorsus desinit.

Observavi semper in morbo vehementiori, ægrum sub vesperam quasi Paroxysmo laborasse, & funestiora symptomata vespertinis præsertim horis se ostendere, atque exacerbare.

En justam Variolarum hujus generis Historiam; vera ac genuina hujusce morbi Phenomena, prout scilicet naturaliter se habet, complectentem; De *Accidentibus Anomalis*, quæ eidem, ubi minus recte tractetur, superveniunt, jam proxime differemus.

Animadvertendum est itaque, ista quæ die octavo in genere *Distincto* occurrunt Symptomata Anomala, & quæ undecimo die in *Confluente*, (facto semper a primo morbi insultu computandi initio) maximum ad ægri sive vitam, sive interitum pondus habere, magisque ad amissum expendi debere, cum liquido constet, maximam eorum partem qui utrolibet morbi (sc. jam *descripti*) genere intereunt, præfatis singulatim diebus defuncti, Primo enim qui *Discretis* Variolis laborat æger, cum satis prompte sudoribus diffluat, (quod hic in adultis fieri solere jam diximus) ac sibi omnia bona promittat, si morbi, ut sperat, virus per cutis poros hoc pacto amandaverit; diligenter ideo huic methodo insistit, tum remediis Cardiacis intro assumptis; tum regimine calidiore, ut par est, adhibito (atque hæc eo facit lubentius, quod tum ab hac Methodo in principio sibi melius videatur habere, tum etiam ad male fundatam Astantium opinionem propius accedat.) Tandem vero eliminatis per *διαφύσιν* particulis istis quæ ad postulare elevationem, atque intumescencia faciei debuerant facere, die octavo quæ turgescere, & per interstitia pustulis interjecta inflammari debuerat facies, flaccida e contra reperitur, & albescent interstitia, licet inrerim rubescant pustulæ atque eleventur, post ægri mortem. Qui ad hanc usque diem nullo negotio manaverat sudor, jam subito suaque sponte evanescit, neque remediis ullis Cardiacis, vel etiam calidissimis, revocari potest. Æger interim Phrenitide corripitur, anxietate, jactatione, ægritudine vehementius; urinam parce reddit, ac frequenter; ac tandem paucissimarum horarum spatio amicorum spem fallit, & ad plures migrat. Veruntamen hic est notandum, quod, si paucae compareant Variolæ, hyems si fuerit, æger ætate provectior, aut venæsectio fuerit celebrata, regimen illud calidius in quod jam animadvertimus, non ita certo faciei turgescencia impedit, & proinde mortem accersit, atque ubi confertæ Variolæ, Ver æstasve fuerit, æger ætate florens, neque sanguis detractus.

At vero in *Confluentibus* maxime periclitantur ægri, & plerique etiam moriuntur die undecimo; nam cum hoc fere tempore *Salivatio*, quæ ægrum hactenus in tuto posuit, soleat desinere sponte sua, nisi faciei intumescencia adhuc aliquantulum persistens, ac manuum insigniter jam incipiens ejus vicem subeat, necesse est ut pereat æger: Id enim est perpendendum, quod in hoc Variolarum genere, ubi pustulæ tam sunt exiguæ, non

non Salivatio tantum, sed faciei insuper & manuum intumescencia ad materiam morbosicam rite eliminandam omnino requiruntur, quarum utralibet, si vel non adsit, vel ante iustum tempus recedat, ægro proinus moriendum est. Jam vero nimio sapius evenit in morbo calidiori, ut sanguinis crasi a regimine præfervido disjecta fractaque, atque eo usque accensa, ut particularum inflammatarum exterminationi sensim faciendæ non amplius comperat, (ut quæ sudoribus importune extortis debentur mala jam taceamus) hinc vel non omnino intumuerint facies manusque, vel tumor ille una cum salivatione evanuerit, quamvis enim faciei tumor ipso hoc die aliquantisper debeat remitti, non debet tamen nisi post diem unum alterum omnino recedere, manuum interim tumore persistente vigenteque, quo quidem vix aliud est minus fallax Convalescentiæ *σπογγισμὸν*, uti neque contrario certum magis imminenti periculi indicium.

Sed utut id sit; materia Pryalismi quæ ad hunc usque diem cruda fuit, tenuis, & facile excreabilis, viscida jam facta & tenax, ægro suffocationem intentat; Potus quem assumit in pulmones fere dilabitur, unde cum ruffi violenta per nares rejicitur, voce est rauca; somnolentia & stupore corripitur ingentibus, oppressus undique vi morbi, atque in hujusmodi agone ut plurimum extinguitur, eo quem jam diximus die.

Sunt & alia adhuc symptomata, quæ in quolibet morbi statu occurrunt; tam *Discreto* Variolarum generi, quam *Confluenti* pariter communis.

Phrenitis, v. g. a nimia sanguinis ebullitione nonnunquam ægrum corripit, & caloris tam parum est patiens, ut magnis viribus, ac furibundo nisu injectasprehendentium & lecto incarcerationum manus eludere conetur.

Aliquando eadem causa effectum longe diversum, seu contrarium, ut videtur, producit, Affectum sc. *Comatosum*; ita ut æger nunquam ferme evigilet, nisi continuo pulsu excitatus.

Est etiam ubi in hoc morbo, perinde atque in peste, laxata, inflammationis vi, sanguinis compage, *macula purpurea* se ostendant pustulis interspersæ, mortis fere semper prænunciæ. Frequentius hoc evenit, ubi aeris Constitutio morbo isti Epidemico grassanti præcæteris favet. Aliquando in pustularum summitate maculae nigrae exiguae, acicularum capita vix æquantes, in medio vero subsidentes, se produnt variis in locis, quæ cum nimio fervori ortum debeant suum, tandem beneficio regiminis magis temperati fuscum colorem acquirunt, posteaque pedetentim subflavum illum, qui variolis genuinis, ac suum morem obtinentibus, naturaliter competit, quod satis liquido cernitur in illa quæ circa morbum hunc versatur praxi, in quo omnia Symptomata eo sunt mitiora, quo magis pustulae maturitatem adeptæ ad dictum colorem accedunt, atque e contra.

Adolescentum porro, & ætatis flore vigentium, (præcipue si vicino, aut alio quovis liquore spirituofo se nimium impleverint) usque adeo in hoc morbo nonnunquam sanguis accenditur furitque, ut per arterias & vesicam viam sibi faciat, & qua data porta ruat; quo quidem *mittu sanguineo* vix aliud symptoma pejoris notæ atque ominis invenire licet, per omnem hujus morbi tragediam.

Ab eadem insuper causa nonnunquam, licet rarius, sanguis e pulmonibus ejicitur. Utraque vero Hæmorrhagia hæc sub morbi initio plerunque contingit, pustulis nondum erumpentibus, vel si in quibusdam locis se ostendant, in plerisque tamen aliis adhuc sub cute densæ latent, atque ejus sunt generis, quæ in maxime *Confluentes* adolescerent, nisi jam dictum symptoma ægri morte morbum finierit.

Aliquando etiam *Urina suppressio* totalis ad malorum cumulum accedit, in juvenibus præsertim, idque in statu, vel etiam declinatione *Discreti* generis.

Sunt & alia symptomata, quæ a *σποσπερ* aliqua jam dictis contraria interdum oriuntur, si nempe æger a frigore nimis intenso fuerit læsus, vel si præter jus fasque vena fuerit pertusa ad ingentem sanguinis amissionem, aut alvus nimia Catharsi subducta, unde pustulae nonnunquam fastigiis cedunt & derepente confidunt, superveniente insuper *Diarrhœa*, a qua ægro, (adultus si fuerit, ut supra innuimus) ingens est dif-

crimen, & anceps morbi exitus, materia sc. Variolosa intro versa, ita ut natura eidem per cutis poros debite exterminando impar prorsus inveniat. Huc accedit, quod faciei manuumque tumor ab his retunditur, qui non minus in boni ægri rebus est censendus, quam ipsa pustularum eruptio, nisi ex fuerint *perpauca*.

Quæ vero a suscepto frigore pendent symptomata, raro admodum occurrunt, si cum illis conferantur quæ a contrario, calidiori nempe regimine, nascuntur; Cum enim morbus hicce inter calidissimos jure optimo habeatur, longe minus ab hac parte peccatur, quam ab altera.

Qualis vero sit hujus morbi essentia, ob naturalem & communem mihi cum reliquis hominibus Intellectus defectum, nescire plane me fateor; veruntamen prædicta symptomata pensiculatim trutinata mihi videntur subindicare, *Inflammationem* eum esse (a cæteris tamen Inflammationibus specie diversam) tum sanguinis, tum reliquorum humorum, in qua amolienda, per dies priores duos tresve id agit natura, ut particularas inflammatas digerat coquatque, quas postea in corporis habitum ablegatas maturat adhuc, & sub Abscessulorum forma suis demum finibus expellit. Quapropter ut fundamento alicui medendi methodus superstruatur, notandum est, duo esse hujus morbi tempora, quorum primum *separationis* est, secundum *expulsionis*. Atque primum quidem illud tempus plerunque cum febrili ebullitione transigitur, quod tribus vel quatuor primis diebus peragi solet, quorum decursu natura id satagit, ut partes ejusmodi inflammatas seligat congregetque quæ sanguinem laceffunt, atque etiam ut illas in carnosas corporis partes relegatas ibidem deponat, quo facto pristina quiete fruitur, sedato jam tumultu, qui, dum hoc ageretur, in sanguine ciebatur. *Separatione* sic ope ebullitionis, in sanguine peracta, *Expulsio* jam locum obtinet, quæ per reliquum morbi tempus, mediantibus parvis illis *abscessibus*, in carne perficitur. Sicut enim a natura abscessuum sua specie non abludunt, ita parem cum aliis, cruditatis, maturationis, atque exarescentiæ statum percurrere solent; quæ omnia si rite atque laudabili modo absolvant & exequantur, in tuto res est, cum exinde curationis summa dependeat; sin minus, omnia pessum ruitura sunt. Et quidem postremum hoc negotium, priori illo *separationis* opere, tanto plus temporis sibi vendicat, quod prius illud in tenui fluidoque corpore transigatur, atque in ipso (ut sic dicam) naturæ foco; posterius autem denso spissoque theatro, atque a vitæ fonte paulo remotiori, partes suas exequi cogatur.

His ita præmissis. Indicationes exurgunt. 1. Ut æqualis ille tenor ebullitionis in sanguine conservetur, qui neque nimis propere separationem nimia sua vi perficiat, neque tamen torpido nimis motu eandem remoretur, vel non satis idoneam præstet. 2. Ut abscessuli, pustulae summa cura sustineantur, quo debita tempora percurrentes, tandem contentam in se materiam omnino avehant, ipsæque etiam evanescant.

Ut itaque paucis de *primo* agamus; sollicite in primis cavendum est, hoc tempore præsertim, ne nimium assurgat ebullitio, sive id fiat ex congestis stragulis, sive ex aere loci in quo decumbit æger, igne nimium excalesceto, sive ex calidiorum medicamentorum & cardiacorum usu; præcipue vero ab his cavere oportet, si æger in ætatis flore constitutus fuerit, vel sanguinem habeat generosiori potu nimis exaltatum, vel anni tempestas, aut Verna sit, aut saltem ultra æstatis initium non processerit. Hinc enim fiet, ut separatio, quæ sensim lentisque gradibus peragi debebat, ut ad universalem quandam despumationem opportunius pergat, præcipiti cursu feratur, atque ita vel non satis idoneus partium numerus congregetur, vel (quod forte contingat) nonnullæ partes ad secretionem damnentur, quas alias Natura illam subire noluisse; nisi quod ultra debitos limites excurrere coacta, noxam hanc sibi creet: secretis enim illis, quæ ad separationem minus opportuna sunt, aliorum illuc propendentium motus, eorum commixtione impeditur, adeoque redduntur expulsioni minus accommodæ. Mihi quidem rationi consentaneum videtur, ut quo diutius natura *separationem* molitur, ac perficit; dummodo ebullitio non omnino torpeat, eo certius atque universalius eadem *separatio* absolvetur. Atque ex illa sic absoluta, curationis infrequentis

quentis successus potissimum ut dependeat necesse est, uti ex methodo contraria, contrarius plane rei exitus; ex calido enim isto regimine nihil boni nascitur, sicut ex præcoci fructu, nihil frugi: cum frequenter usu veniat, ut vel in Phrenitidem æger prono lapsu ruat; vel (quod pejoris notæ est) sudores ingentes oboriantur, ex quibus partes non secerni aptæ, neque *puris* naturæ respondentēs (quod ipsum tamen pus genuina soboles est hujusce excretionis) eliminantur, vel ex Cardiacis illius administratis, calidaque custodia, Variolæ nimis protusæ in unum confluant, sædo certe spectaculo, tristemque eventum interminanti.

Atque hæc & hujusmodi symptomata ex his erroribus progigni solent, cum ex altera illa methodo nihil unquam mali observaverim. Natura enim sibi permiffa negotium suum suo tempore exequitur, materiamque debito ordine ac via tum secernit, tum etiam expellit, ut (in Junioribus præsertim vegetisque temperamentis) nostra ope, nostris artificiis, atque auxiliis non indigeat, suis viribus optime instructa, suis opibus locuples, suo denique ingenio satis edocta. Neque sane vel ipse vidi, vel fando accepi, quenquam ex eo perisse, quod Variolæ primo non eruperint, nisi nimis multi perierint, quorum Variolæ primum laudabiliter, & cum summa spe erumpentes, postea recedentibus pustulis præmature derumuerunt.

Quemadmodum autem incōsultum est atque periculosum, calidioris regiminis vel Cardiacorum ope cœptam ebullitionem nimis evehere; ita e contrario non minus vacat periculo mediantibus venæ sectione, clysteribus, emeticis, cathartics, aut id genus aliis eandem minuere, cum hoc pacto partium separabilium commoda secretio plurimum impediatur. Licet enim vulgare illud atque tralatitium argumentum, quo adversus Phlebotomiam, aliasque evacuationes utuntur (nempe quod non liceat a circumferentia ad centrum movere humores, cum natura in hoc morbo contrarium affectare videatur) nullarum plane virium sit; eo quod ex earundem usu contrarius omnino effectus, subitanea scilicet Variolarum eruptio, sæpissime consequi deprehendatur; aliæ nihilominus rationes in promptu sunt, quæ vehementer suadent, ut, siquidem ullo modo vitari possit, ab hac præxi manus abstinemus. Nanque (ut earum præcipuas paucis attingamus) per hæc evacuationes, non tantum ebullitio nimis imminuitur, cujus interim ope partes despumandæ accurate secerni debuerant; verum etiam illud ipsum subducitur, quod cœptæ secretioni quasi pabulum continenter suppeditaret; unde sæpenumero contingit, ut Variolæ primum laudabili impetu erumpentes (eoque fortasse melius, quod evacuationes jam dictæ præcesserant) paulo post ex improvviso quasi percussæ detumescunt, idque ob eam potissimum causam, quod materia desit, quæ quasi a tergo præcurrentem insequeretur, atque agmen clauderer. His vero non obstantibus, si vel minimum suspicari liceat Variolas mox erumpentes e Confluentium genere futuras esse, utile prorsus erit, ut non solum sanguis quam primum mittatur, sed & Emeticum propinetur, ob rationes alio in loco fuisse dicendas.

Tandem ut ad secundam illam Indicationem pedem promoveamus ad tempus *expulsionis* accommodatā; quo tempore materia separata, parvorum abscessuum sive pustularum ope, amandatur atque expellitur; nempe illud hic agendum est, ut pustulæ debito modo sustineantur quo rite atque ordine destinatum periodum assequantur.

Sicut itaque supra satis, ut opinor, ostensum est, imprimis periculosum esse, si æger præsentī febre, at pustulis vix dum apparentibus, in ipso *secretionis* tempore nimium calefiat; ita etiam non minori periculo plena res est, si idem quovis morbi tempore fiat, atque illo præsertim quod ad *expulsionis* initium vergit, crudis adhuc existentibus pustulis: Quamvis enim sanguis, peracta jam *separatione*, atque relegata ad carnosas partes materia, ab intestino tumultu magnam partem immunis sit, interim tamen tenet adhuc, recensque, ac vix novo statu & quasi textura indutus, *crudus* est, facileque vi caloris immodici undecunque appellentis afficitur, atque adeo levissimo momento irritatus flammam concipit, & in novam ebullitionem proclivis est; quæ quidem nova ebullitio, non, uti prior illa, *separationem* jam molitur (illam quippe peractam supponimus) verum illius loco non tantum symptomata superius memo-

rata excitat, sed & cœptam per pustulas *expulsionem* interturbat, & contentam materiam exagitando noxam parit. Vel itaque partes jam secretæ, atque in corporis *æiv* depositæ, vehementi illo rapidoque sanguinis ebullientis cursu abreptæ in ejusdem massam resorbentur; vel partes carnosæ ultra gradum suppurationi debitum excalefactæ, minus commode illam exequuntur; vel denique fortassis oborta hac nova ægritudine, sanguinis æconomia, ipsarumque carniū tonus pervertitur, usque adeo ut materiam illam expulsam vincere, eamque solemnī more abscessuum coquere nequeant.

Interim non usque adeo nos illuc intentos esse oportet, quo ebullitionem nimiam in sanguine prævertamur, ut ægrum frigoris injuriis exponendo, pustularum eruptio impediatur. Gradus ille caloris ad harum *expulsionem* promovendam accommodatissimus, naturalis sit oportet, atque ejusmodi, quæ carnosarum partium remperiei conveniat, quique hunc excedit, aut ab eodem deficit, utrinque periculosus est.

Ex dictis itaque satis manifestum videtur, in quam incerto lubricoque sit loco, tum morbus ille, de quo loquimur, tum praxis medica, quæ eidem accommodanda est. Atque etiam exinde pronunciare ausim, illius famam, qui in medicando hoc morbo frequenter sese exerceret, in angusto versari; quandoquidem non vulgus solummodo mortis causam satagenti nimis Medico transcribere paratum sit, verum etiam ejusdem artis professores calumniandi ansam inde cupide arripiant, atque coram iniquis Judicibus causam dicentes, severissimam sententiam facile eliciant; eo scilicet consilio, ut ipsi pluris æstimentur, & super aliorum ruinis viam sibi sternant ad famam: id quod viris literatis indignum prorsus est, imo & vilioribus artificibus, modo probitatem colant. Hinc porro cernere est, quod minus mirum sit, si nutritibus, per se nimium plerunque officiosis & satagentibus, res male sæpenumero succedat; Nempe res ardua est, & quæ muliercularum ingenium atque judicium superat, gradum caloris huic requisiti definire, præsertim cum anni tempestas, ægrorum ætas, & vitæ ratio, aliaque huc spectantia simul pensanda veniant, id quod prudentem profecto atque sagacem Medicum omnino postulat.

Si contigerit, ut vel Phlebotomia minus opportune celebrata, vel admissio frigore pustulæ reciderint, vel facies ac manus derumuerint, Cardiacis utendum est. Sed cavendum tamen, ne in his exhibendis nimis simus: Quamvis enim sanguinem ademeris, fieri tamen potest, ut virium inde jacturam metuens, adeoque Cardiacis aut fortioribus aut sæpe repetitis utens, novam ebullitionem ex improvviso suscitet. Nimirum sanguis adhuc tenuior est, & vim calidioris stimuli facile sentit; unde fit, ut sæpe repetitæ ebullitiones in eodem excitentur, quibus ægrorum mors majori jure tribuenda est, quam prægressæ venæ sectioni. Atque hæc generatim de iis, quæ primariis Intentionibus satisfacere possint, dicta sunt.

* Jam ut calcata vestigia repetam, ac ad praxin propius accedam: Quamprimum manifesta hujus morbi indicia se produnt, ægro aura liberiore, vino, ac carniū esu interdico, cerevisiam vero tenuiorem pane tosto leviter tepesactam pro potu ordinario, ac subinde pro arbitrio hauriendam concedo; pro victu etiam juscula avenacea, hordeacea, poma cocta, aliaque, quæ neque frigoris, neque caloris vim aliquam egregiam obtinent, aut ventriculo concocturo molestiam exhibent, injungo. Nec vulgarem illam rusticamque dietam admodum improbo, nempe ut lacte cum pomo cocto & confuso vescatur, modo cautum sit, ut eo per vices utatur, & modice, dempto etiam lactis frigore. A regimine calidioris protinus inhihero, ut & ab usu medicamentorum Cardiacorum quorumcunque, quibus Variolas in cutem ante diem *quartum* qui eruptioni proprius est ac naturalis, temere propellere nonnulli satagunt. Cum pro certo habeam, eo magis universalem fore materiæ Variolosæ separationem, quo tardius istæ prorumpunt, proinde & securiores possumus esse, ne se denuo intro condant, & rectius maturefcent, cum si ante tempus extrudantur, præcipitatur materia cruda adhuc atque inconcocta, quæ ad instar fructuū præcociorū inani spe lactat. Adde, quod ab hac nimium festinata diligentia periculum est (in calidioribus præsertim temperamentis ac vegetioribus, quorum

rum principia activa plus satis Cardiacorum suppleant vicem) ne nata nimis incitata coactaque, universam pene corporis substantiam in Variolas effundat; ita ut jam *confluant* illæ, quæ, nisi plus æquo properasses, in *distinctionum* ordine lætiori ordine substitissent. Porro non ideo statim foras propellendæ sunt Variolæ, ubi primum aliqua morbi hujus suspicio oritur, quia sc. æger ante eruptionem vehementer ut plurimum laborat angiturque, cum ne vel una quidem instantia possit ostendi, quempiam ideo interuisse, utut graviter ægrotaverit, quod non mox prodirent Variolæ, vel naturam iisdem serius ocys extrudendis defuisse, nisi sicubi regimine calidiore & remediis Cardiacis, præmature ingestis, fuerit impedita. Etenim non semel observavi in junioribus & temperamento sanguineo præditis, regimen calidius, & Cardiacæ eo animo exhibita, ut Variolas ante justum tempus exturbent, ita parum eruptionem accelerasse, ut eidem e contra obicem ponerent: Sanguine enim his modis excalescens, & in motum violentiorem, quam qui materiæ Variolosæ separationi rite peragendæ par esset, concitato, certa tantum quædam morbi indicia se prodiderit, latentibus intra cutim pustulis, neque se ultra efferentibus, quibuscunque demum Cardiacis sollicitarentur, donec tandem sanguine ad moderatam debitamque temperiem redacto, concessa sc. cerevisia tenuiori, demptoque partim stragulorum, quibus torrebatur onere, pustulis exiurientibus commodam viam stravi, atque ægrum in tuto, favente Numine, collocavi. Neque magis, si quid ego judicando valeo, ab illis stat ratio, qui ægrum ita pertinaciter ante diem *quartum* lecto addicunt, modo cubiculi ambitu se contineat, quam ab his, qui adeo præmature atque intempestive Cardiacæ ingerunt; Etenim *Sanguinis mictus*, *maculæ purpureæ*, & reliqua symptomata lethalia, (de quibus supra) eo tantum nomine, præsertim ætate florentibus, superveniunt, quod nempe lectulo præpropere nimis affigantur. *Quarto* vero die lectulo ægrum adjudico, ac tum temporis, si eruptio parum pro votis succedat, recte exhiberi potest Cardiacum aliquod blandius, unica saltem vice, quo exigantur pustulæ. Inter ista quæ huc faciunt medicamenta, *Paregorica* dicta, qualia sunt *Laudanum liquidum*, *Diascordium*, &c. si in pauca quantitate aquis Cardiacis appropriatis admisceantur, cæteris prælucent: Hæc enim cum sanguini æstuanti frænum injiciant, natura materiam morbificam opportunius atque liberius ejicit, atque amolitur. Neque etiam consulerem, Cardiacum ante hunc diem propinare vel urgente *Diarrhœa*, atque illud, ut videtur, indicante. Licet enim, quod antea innuimus, nonnunquam Variolarum *Confluentium* eruptionem præcedat *Diarrhœa* (quæ oritur ab halitibus inflammatoriis, vel humoribus a massa sanguinis per primos dies exagitati atque æstantis, in intestina exoneratis) non tamen hic magis deerit natura dictis materiæ Variolosæ halitibus in corporis habitum propellendis, quo facto, sua jam sponte sistitur *Diarrhœa*) quam solet in halitibus istis extravertendis eliminandisque, qui in ventriculum inversi sub initio morbi vomitum provocant.

Animadvertendum vero est, quod si ad adolescentem vegetiorem accersor, & qui insuper liberaliore sive vini, sive liquoris cujuscunque spirituosius compotatione morbo ansam dedit, non satis habeo ad frænandam sanguinis ebullitionem, ut tam lectulo, quam Cardiacis abstinere, nisi ad hæc sanguis e brachio mittatur: Quod si non concedatur, obtinente vulgi præjudicio, missionem mihi saltem esse petendam existimo. Superinducta enim inflammatione ista, quam sanguini impressit liquor spirituosus fervor, intenso illi calori, quem hic morbus naturaliter comitem habet, ita furit sanguis, ut non raro in vesicam vasorum ductu irruat; vel maculas pariat purpureas, aliaque ejusmodi symptomata, quæ per omnem morbi decursum crucem figunt Medico, atque ægrum e medico tollunt. Atque hæc de illis quæ ante pustularum eruptionem sunt peragenda.

Ubi primum eruperint pustulæ, jam proximo diligenter mecum perpendo, an *Discreti* fuerint generis, an vero *Confluentium*; cum longo hæc intervallo ab invicem distent, quantumlibet convenient quoad symptomata quædam utrisque communia. Si itaque ex pustularum magnitudine, & paucitate, tardioreque eruptione, tum etiam ægritudinis, aliorumque symptomatum gravissimorum, quæ in *Confluentibus* etiam post eruptionem fatigant, evanescentia, de genere *Discreti* mihi

constet; ægrum cerevisia tenuiori, jusculis avenaceis, hordeaceis, &c. reficiendum curo, modo quem supra descripsimus. Atque si tempore æstivo eoque calidissimo Variolæ non ita multæ obtingant, quorsum attineat ægrum in lecto jugiter stratum obrutumque detinere, ego quidem non video. Quin potius singulis diebus, per aliquot horas de toro surgat, ea lege, ut tam loco, quam vestitu, frigoris pariter ac caloris nimii incommoda præcaveantur. Quid quod ægroto a cubili quandoque abstinente, morbus minori cum molestia, ac etiam breviori spatio tempora sua peragar, quam si eidem continenter affigatur, quod non modo ægritudinis tedium adauget, verum etiam febrilem æstuationem fovet, & prodeuntibus vesiculis dolorificam inflammationem conciliat. Quod si aut frigidior anni tempestas, aut copiosior Exanthematum eruptio perpetuo decumbendi necessitatem ægrotanti imponat, prospicio, ut non intensiore caloris gradu, vel adjectis pluribus stragulis in lecto decumbat, quam quibus in prospera valetudine uti solebat, accenso interim nonnisi hyeme incumbente, mane & sero foco mediocri. Neque etiam exigo, ut in eodem loco semper jaceat, nempe ne sudores erumpant, quos ego tum rationibus supra allatis, tum ipsa experientia fretus, fidenter affirmo non absque ingenti periculo promoveri posse.

Determinante morbo, cum halituum a materia jam in pus conversa prodeuntium eruptio liberior a pustulis tandem crustosis ac duriusculis impediatur, abs re non erit *Vini Canarini semicocti cochl. 5. vel 6.* vel aliud medicamentum Cardiacum temperatum exhibere, ne scilicet halitus illi putridi in sanguinis massam postliminio revertantur. Et sane jam nunc, neque prius, Cardiacis locus est. Eodem pariter tempore diæta paulo calidior & Cardiacæ magis potest concedi; juscula v. g. ex pane & cerevisia saccharata, & farina avenacea cum cerevisia & saccharo, &c. Neque aliis omnino erit opus, in genere scil. *Discreti* ac leniori, si æger hac methodo ac diæta, utrisque moderatis, se tractari patiatur; nisi forte an inquietudo, vigiliæ, aut alia symptomata phrenitidem minitantiæ, paregorici usum subinde suadeant.

Hæc sane reclamante licet immani isto ac male fundato hominum præjudicio, quod ex adverso militat, vera est ac genuina methodus huic Variolarum generi medendi, & obtinebit demum, me vita functo. Et licet non negem, multos regimine admodum opposito tractatos nihilominus convalescere, fatendum est tamen, (& sane dolendum etiam, si nobiscum reputemus, quam omni prorsus periculo vacat ex sua natura hoc *Discretum* genus) plurimos etiam interire, quin & alii complures satis pariter concederent, nisi vel a frigidioris rempestate, in quam incidit morbus, vel a Phlebotomia (aliter supervacanea atque inutili) nuper celebrata servarentur. Quo nomine, si vel obstinatio amicorum, vel ægri diffidentia prædicto regimini intercesserit, tutius mihi videbatur sanguinem detrahare; quod quidem, licet in hac specie per se officiat (quatenus sc. & separationem perturbat confunditque, & pabulum insuper tum pustulis, tum tumoribus elevandis destinatum subducit) aliquantisper tamen securum regimen calidius pensat, ac proinde hanc, quam non nisi coacti usurpamus, methodum, non usque adeo periculosam atque ancipitem reddit.

Ex dictis (ut obiter attingam) facile erit vulgare illud Problema solvere; qui fiat sc. ut perpauca adeo & plebe hoc morbo pereant, si ad eos comparentur, qui inter divites eodem trucidantur? quod quidem vix ad aliam causam potest referri, quam quod ob rem domi angustioris, & agreste vivendi genus, vix illis fiat copia sibi nocendi regimine magis accurato ac delicatiori. Quinimo & plures inter vulgus jugulavit hic morbus, ex quo *Mithridati*, *Diascordii*, *Decocti C. C. &c.* usum didicere, quam in sæculis *indoctiaribus* quidem, at magis *sapientibus*; cum in singulis ferme ædibus reperitur stolidi aliqua ac sciola muliercula, quæ in hominum perniciem, quam non didicit, artem exerceat. Atque hæc de Variolarum, quas *Interstinas* appellavimus, curatione.

At si *confluant* Variolæ, periculosa plena res aleæ est; arbitror enim ego, genus hoc non minus ab altero illo discrepare, quam ab hoc ipsa pestis, licet apud hominum vulgus, quibus nomina & verba pro rebus sunt, utriuslibet curatio ex æquo prædicetur. In hac morbi specie, cum intensioris sanguinis inflammationis proles sit, major pariter adhibenda est cura, ne calefiat æger, ut in

prioris curatione jam dictum est. Quamvis autem species hæc ex sua natura majorem sibi vendicat refrigerationem, quam altera ista, ad promovendam tamen faciei ac manuum intumescantiam, (sine qua de ægro actum est) & pustularum elevationem atque augmentum, tum etiam, quia æger ob exulcerationes dolorificas lecto abstinere nequeat, expedit, ut in eodem contineat & se, & manus etiam suas, modo stragulis modice contextus sit, & concessa fuerit venia ab hac in illam lecti partem corpus pro arbitrio suo transferendi, ut in genere *Discreto* innuimus. Præsertim vero morbo exeunte, cum jam appetat *Febris Maturatio*, non tantum hac libertate privandus est æger, sed monendus etiam, ut ea utatur, quin & versandus persæpe nocte atque interdiu, ut ingens calor contemperetur, & evitentur sudores, quibus amandatur lenis iste humor, quo diluendæ sunt Variolæ, ut mitescant.

Quandoquidem vero, ut diximus, *Ptyalismus* hanc speciem jugiter comitatur, qui cum e præcipuis sit naturæ evacuationibus, atque hic in ejus locum, quæ per pustulas fieri debuit, substituatur, (quæ quidem per pustulas evacuatio in hac specie humili ac depressiore non æque atque in altera procedit) summopere annitendum est, ut dicta salivatio in vigore persistet & conservetur, nec ante diem suum sistatur, vel remediorum calidorum usu, vel a cerevisia tenui aut simili alio liquore liberaliter hauriendo, ægrum arcendo. Jam cum *Ptyalismus* mos sit naturaliter se habentis, ut cum prima eruptione incipiat, & die *undecimo* minuatur, neque tamen nisi post diem adhuc unum aut alterum omnino desinat, si ante diem illum penitus cesset, in lubrico sunt ægri res. Nam cum faciei tumor (per quem nonnihil materiæ morbificæ evacuat) nunquam non eo ipso die dispareat, si salivatio eodem pariter tempore se subducatur, æger materia variolosa jam putrescente, ceu veneno, inficitur, cumque nulla amplius detur porta, per quam evacuari possit, in busti limine constituitur; nisi forte (quod fit nonnunquam) manuum intumescantia, quæ ut serius quam illa faciei se ostendit, ita tardius recedit, ejus sit molis ac momenti, ut ab Orci faucibus illum eripiat. *Salivatio*, quæ tanti hic est tamque necessaria, admodum promovetur, si ægro affatim propinetur cerevisia tenuis, vel liquor alius quilibet, qui nec illum calefaciat, nec ad sudores provocet.

Præter hæc vero, ut consopiatur vehemens illa sanguinis ebullitio, qua hæc Variolarum species alteram illam longe superat, & sustentetur *Ptyalismus*, (necessaria nempe hujusce morbi evacuatio) conveniunt medicamenta *Narcotica* præ aliis quibuscunque: quæ licet ob vim, qua donantur, incrassantem, educendæ salivæ videantur officere, jandiu tamen ego me isto liberavi præjudicio, atque eadem in hoc morbo adhibui, adstipulante ubique rerum eventu, modo æger pubertatem excefferit. Sanguis enim infantium pucrorumque (qui per integrum morbi stadium plerunque satis bene dormiunt) cum mitius ferveat, minus hujusmodi eget sufflamine; atque insuper horum usu *Diarrhœa*, quam in hoc morbi genere infantibus evacuationem natura instituit, cum ægri damno sistitur. Adultis vero *Paregorica* medicamenta, si frequenter usurpentur, hæc adferunt commoda. Primo, somnum moderate conciliando, efferam minus sanguinis ebullitionem, ac proinde Phenescin cohibent, præcaventque. Dein, ab eorum usu faciei & manuum intumescantia, qua insignem in hoc morbo natura habet evacuationem, rectius procedit. Quin etiam, quod non parum facit ad ægri securitatem, cum non raro justo citius detumescat facies cum malis ægri rebus, tumor *Narcoticorum* ope ad debitum usque naturæ terminum suffulcitur & protrahitur; mitigato enim sanguinis fervore, radii inflammati opportune ad manus, faciem atque omnem corporis superficiem pro morbi ingenio feruntur. *Ptyalismus* denique hisce propagatur, qui licet vi medicamenti ita fortiter incrassantis ad horas aliquot sistitur in quibusdam, mox tamen aucto novis hisce suppetiis robore, insurgit denuo natura, & ceptum opus feliciter peragit. Quin etiam animadverti *Salivationem*, quæ circa diem *undecimum*, aliquando etiam citius, cum ingenti ægri periculo minui solet, exhibitus plus semel *Paregoricis*, de novo fuisse redintegratam, nec ante diem *decimum quartum*, alicubi etiam & post illum, desisse. Propino ego ut plurimum vel *Laudani liquidi* guttas 14. aut circiter, vel *Syr. de Meconio*

3j. in *Aq. flor. Paralyf.* vel simili stillatitia solutâ: Quæ si adultis post plenam eruptionem ad morbi usque finem singulis noctibus propinentur, non modo incommodi nihil, sed & magnum inde emolumentum capient, quod frequenti experientia didici. Expedit vero, ut censeo, paulo temporius quam aliter fieri solet, *Paregoricum* exhibere; facile enim observatu est in Variolis pessimi moris, *caloris*, ut ita dicam, *Paroxysmus* vesperti plerunque ægrum inquietudine, anxietate, aliisque symptomatibus laceffere, quæ si *Paregoricum* hora sexta septimave vespertina sumatur, aliquatenus præcaveri possint.

Proximo loco, cum in Variolis *Confluentibus* haud minus certo *Infantes Diarrhœa* comitetur, quam *Adultos Ptyalismus*, natura, ut supra ostendimus, alterutram harum evacuationem materiæ morbificæ eliminandæ ubique constituyente, ut nec hic *Ptyalismo*, ita neque istic *Diarrhœa* frænum injicio, cum utrunque ex æquo sit absurdum. Male locata interim imprudentium aliquot muliercularum opera in sistenda hujusmodi *Diarrhœa*, multa infantium millia letho dedit, dum falso secum reputant, *Diarrhœam* par in hac Variolarum specie atque in *Distincta* discrimen apportare; nesciæ scilicet, *illuc* tantum officere *Diarrhœam*, ubi per pustulas fit evacuatio, *hic* vero naturæ opus illam esse, morbo effugium querentis. Missa itaque *Diarrhœa*, & τῇ φύσει ex præcepto Divini senis *σωπαρέων*, quo cœpi pede pergo, in cunis ut nunc jaceant infantes, ut nunc istinc auferantur, consulto; & si fuerint ablactati, eandem, quam superius adultis, diætam istis concedo.

Ultimis morbi diebus, cum facies ob pustulas crustosas, duras, aridasque ferme riget, eandem *oleo Amygdal. dulc.* inungo persæpe, tum ad mitigandum dolorem a rigiditate ortum, tum ut effluvia calidiora liberius exhalent.

Facies ne cicatricibus deturpetur, nihil quicquam molior; cum *Olea*, *Linimenta*, &c. id tantum agant, quo tardius evanescant albi isti fursures, quibus, se invicem pellentibus excipientibusque, postquam æger jam lecto surrexit ac mediocriter valet, paulatim succedunt fœdæ illæ cicatrices. Sed ab his non valde metuendum est ægro, ubi ob regimen moderatius pustulæ minus exacerbata nullam qualitatem *Cauticam* contraxere.

* Jam vero, licet methodus hæc (si caute sc. ac prudenter circumstantiis particularibus accommodetur) prædicta illa a natura abhorrentia atque periculosa symptomata præoccupet, & securum atque perbenignum morbum reddat; a quacunque tamen causa extorta sint hæc, me nondum accersito; necesse habeo in aliquibus, quæ hic subnectam, alia via insistere, eadem ut submoveam atque debellem.

In primis igitur, si in *Discreto* genere ob regimen justo calidius, & continuos sudores, ægri facies die *octavo* non intumescat, (pustulis interim satis dense se exerentibus) sed flaccida sit, & palleant pustularum interstitia, in casu posito, ultra quod ad temperatum magis regimen, & compescendum sanguinis *ὀργασμὸν* velis renisque contendo, *Paregoricum* aliquod medicamentum e vestigio hauriendum præcipio, quod quidem somnum blande conciliando (nisi plus nimio cerebrum incaluerit) & mitigando proinde effrænem sanguinis ferociam, sanguinem una cum calore ad faciem, prout morbi ratio postulat, tempestive determinat. Quod si eo usque processit malum hac *πορφύρα* ortum, ut sudor, qui huc usque copiose manavit, sponte sua defecerit, æger Phrenitide corripiatur, de vehementi queratur ægitudine, urinam paucam at frequenter reddat; jam non aliis auxiliis (cum in propinquo mors sit) ægro subveniri posse autumo, quam vel *Narcotica* affatim exhibendo, vel sanguinem liberaliter extrahendo, corpusque auræ exponendo. Et profecto haud ita temerarium, atque *ἄσπορον* videbitur, quod jam proposui, si ad illos animum advertamus, qui ob copiosas naturæ Hæmorrhagias subito ingruentes, ferreas imminentis lethi manus salvi evasere. Illud insuper est perpendendum, quod in extremo hoc agone non idcirco instat mors, quod pustulæ intro recedant, (extant enim hæc eminentque cum insigni rubore, etiam animam agentæ ægro) sed quod facies non turgescat; ad promovendam vero hanc faciei intumescantiam, quicquid id demum est, quod ad sanguinem contemperandum facit (venæ

(venæ sectionem autem & modicam refrigerationem eam vim obtinere nemo, opinor, negaverit.) necessario æque ac Paregoricorum usus, atque ob eandem planè rationes, debet conferre.

Non hæc ita velim intelligi, ac si in qualibet *Phrenitide*, Variolis superveniente, (cum nullum hic symptoma frequentius occurrat) venæ sectionem statim suaderem, sed in illa tantum, quæ ideo accidit, quia facies non turgescit, in *distincto* sc. genere, & pustulis copia satis magna comparentibus; vel ubi ob regimen admodum calidum, & Cardiacorum usum, sanguis adeo efferus est, atque ultra omnem modum evehctus, ut inducias ferre nequeat, donec medicamentis *Paregoricis*, & reliquis eodem facientibus, ad debitam temperiem reduci possit. Cum enim ita se res habent, Medicus ad conscientiam suam potius, quam ad incertam famam se componens, vel sanguinem, ut ante dictum, detrachere debet, vel ut æger aere liberiori refocilletur, præcipere: Quod ut satis efficeretur, sæpe mihi visum est in tali agone phrenetico, ut æger lecto aliquantisper exurgeret, quo facto plures a morte liberavi. Præter ista vero, quæ oculis ipsis usurpavi, innumera sunt illorum exempla, qui his modis quasi Orci faucibus erepti sunt. *Phreneticorum* enim nonnulli nutricum curam fallentes (miris sc. artibus utuntur homines ita affecti) atque e lecto dilapsi aeris frigori semetipsos, etiam noctu exposuerunt: Alii frigidam vel furtim, vel raptim nacti, vel etiam precibus a nutrice emendicatam hauserunt, adeoque felici errore salutem jam plane desperatam consecuti sunt.

Unicam hic loci historiam adscribere non gravabor, quam ab eo ipso accepi, cujus res agebatur. Is nempe *Bristolium* profectus, juvenis adhuc, inque ipso ætatis flore, circa mediam ætatem Variolis correptus est, iisque paulo post phrenitis accessit: Nutrix in urbem ingressa, interim ægrum suum aliorum curæ commisit, mox nempe reditura. Verum dum paulo diutius moratur, ægrotus (ut astantibus visum est) interea moritur. Astantes, & anni tempestatis, & habitus ægri, crassi scil. atque corpulenti, rationem habentes, ne oleret cadaver, e lecto sublatum ac nudum mensæ imponunt, linteo superstrato. Nutrix tandem rediens, accepto nuncio, cameram intrat tristissimo spectaculo interfutura; mox amoto linteo, vultuque conspecto, subobscura quædam vitæ indicia conspici sibi visa est, ac proinde statim projectum corpus in lectum reposuit, adeoque sub manu consilium capiens, ac nescio quid fatagens, ægrum suum in vitam revocavit, atque diebus aliquot interpositis sanum conspexit.

Sed ut ad propositum revertar; Proximo loco, si in Variolis *Confluentibus* saliva eo usque excocta sit & viscida ob calorem præcedentem, ut tantum non suffocetur æger, (quod *undecimo*, ut supra diximus, die non insolens est) *Gargarisma* necessario in usum trahatur, & ut sæpe die nocteque siringa in fauces sedulo injiciatur, serio imperandum. Componatur vero illud e cerevisia tenui, vel aqua hordei, cum melle rosarum. Vel sequens usurpari poterit: *℞. Cort. Ulmi ʒvj. Rad. glycyrrhiz. ʒss. Passular. enucleat. n. xx. ros. rubr. p. ij. coq. f. q. ad ʒijss. colatura dissolv. Oxymel. simp. & mel. ros. aa. ʒij. M. f. f. Gargarisma.* Quod si æger rite fuerit tractatus, *Ptyalismus*, etiam cum jam cœperit imminui, ita pulchre suo fungetur munere, ut hoc remedio opus non fuerit. Et profecto ubi eo res rediit, ut æger singulis momentis a suffocatione periclitetur, stupore obtutus, & spiritu fere undequaque præcluso, non satis tuto huic remedio fiditur: Ægro ita ad incitas redacto *Emeticum* peropportune ac feliciter nonnunquam exhibui ex *infusione Croci Metallorum*, sed dosi paulo majori, sc. ad ʒjss. quando, ob eximiam, qua laborat æger, stupiditatem, minor dosi haudquaquam operabitur, atque interim eos exagitando humores, quos nequeat educere, ægrum in magnum vitæ discrimen conjiciet. Sed neque huic remedio satis fidere possumus, atqui (quod vere dolendum) aliud adhuc certius desideratur ad truculentissimum hoc symptoma debellandum, quod solum ac suo Marte eos fere omnes jugulat, quotquot in hac Variolarum specie *die undecimo* intereunt.

Cætera quæ in hoc morbo accidunt symptomata, ut *præcaventur* ope regiminis moderati, ita ab eodem pleraque etiam *tolluntur*; e.g. ut *Phrenesis* antedicta, a nimia cerebri excalefactione prognata, sanguine quovis

modo paululum ventilando curatur, eadem methodo & *Comati* (quod alteri contrarium prorsus videtur symptoma, & ab obstructione corticis cerebri fit, dum halitus calidiores a sanguine regiminis ac medicamentorum calidorum usu attenuato, magna copia ac vi illic impelluntur) facile occurritur.

Eadem hac sanguinis contemperatione & *Maculas Purpureas* vidi sublatas: Sed neque hac, neque alia methodo quacunque, vel *mixtum sanguinis*, vel violentam ejusdem e pulmonibus eruptionem adhuc sufflammare potui; utraque vero Hæmorrhagia hæc, quatenus mihi hæctenus observare licuit, indubie mortem prænunciat.

In *Urinæ suppressione*, quæ juniores ac vegetos nonnunquam incessit (a confusione sc. magna & spirituum *æthere*, ejusdem excretioni subservientium, ob sanguinem & humores nimio fervore agitados) omnes *Diureticorum* tribus in auxilium accersivi, sed nihil æque feliciter hic mihi cessit atque e lecto eximere ægrum, qui postquam adstantium manibus suffultus cubiculum bis terve circumambulaverit, mox urinam satis copiose reddet, haud parvo cum levamine. Testes hic possim compellare Medicos quosdam e familiaribus meis, qui in hoc casu ex meo consilio idem fieri præceperunt, neque eos fefellit eventus.

At vero quæ a materiæ variolosæ repercussione ob frigus extremum, vel evacuationes indebite factas, proveniunt symptomata, usu Cardiacorum & conformi regimine sunt tollenda, qui tamen non ultra spatium, quo ista perstant, continuandus. Horum præcipua sunt pustulatum depressio seu procidentia, & *Diarrhœa* in Variolis *Discretis*. Neque enim in *Constitutionibus*, vel pustularum depressio mali quidquam ominatur, cum ea sit morbi natura; neque *Diarrhœa* infantium iisdem laborantium, cum salutem ista adferat, non periculum. In utroque hoc casu potio Cardiaca ex *Aquis Stillatitiis* appropriatis, cum *Diascordio*, *Laudano liquido*, &c. jure optimo concedetur, idque non tantum ad dicta symptomata submovenda, sed quolibet morbi tempore, si æger de cordis dolore atque ægritudine conqueratur. Sed ut verum loquamur, symptomata hujus generis oppido rara sunt, si cum illis conferantur, quæ extremorum alteri, exitiabili magis, licet minus culpato, debentur. Et quidem opinor, tumorem illum, qui de crebra pustularum retrocessione invaluit, ex eo natum esse, quod qui earundem depressionem in genere *Confluentium* observaverint, illam pro materiæ variolosæ ob susceptum frigus recessu habuerint, cum nihil sit hic præter morbi morem: Atque in genere *Distincto* idem suspicantur, quia sc. pustularum eruptionem, atque augmentum ante diem expectant, cum non satis attenderint ad tempus illud, quo natura fructum hunc ad maturitatem solet perducere.

Ægro jam convalescente pustulisque deciduis, ubi per dies aliquot carnes idem degustaverit, circa diem nempe *Primum & vicesimum*, sanguinem e brachio extrahendum censeo, si morbus fuerit vehementior; cum inflammatio, quam sanguini impesserunt Variolæ, sive adultus fuerit æger, sive infans, non minus venæ sectionem indicet, quam colluvies, quæ eidem accrevit, Catharsin: quod satis liquet, tum a sanguinis colore, qui post atrociorum morbum educitur, Pleuriticorum sanguini omnino similis, tum etiam a magnis istis inflammationibus, quæ post morbum hunc in oculos decumbunt, aliisque diris sanguinis excalefacti & a morbo depravatis effectibus, unde etiam, qui antea pancreaticæ valebant, postea cum humoribus calidis acribusque in pulmones, aut aliam aliquam partem depluentibus, per reliquam vitam omnem configunt. At si panciores extiterint pustulæ, Phlebotomia non opus erit. Post venæ sectionem Catharticum exhibeo ad tres vel quatuor vices.

Ad hæc, ægro a *Confluentibus* Variolis jam diu liberato, & e lecto quotidie surgenti nonnunquam accidit *Crurum tumor* ferus ac molestus; qui tamen vel sponte successit post venæ sectionem & Catharsin, vel usu herbarum emollientium ac discutientium, (quales sunt *Malva*, *fol. Verbasci*, *Sambuci*, *Lauri*, cum flor. *Chamomilla* & *Meliori*) in lacte coctarum, facile fugatur. Atque hæc de Historia Variolarum, quæ hosce annos grassatæ sunt, quas, ut ab aliis speciebus, quæ infestæ sunt, dirimam, *Legitimas* appellare libuit.

CAPUT III.

Febris Continua Annorum 1667. 68. & partis 1669.

Amur de *Febre* illa dicam, quæ durante *Variolosa* hac *Constitutione* dominabatur, & cum Variolis ingreſſa, ſterit cum iisdem, ceciditque. Ita ſe hic res habuit; Doluit æger in regione, quæ cordis ſcrobiculo ſubjicitur, nec ſuſtinuit, ut manu illa premeretur; quod quidem ſymptoma non memini me obſervare in alio morbo præter hanc febrem, & hanc ſpeciem Variolarum. Capitis dolor, & calor totius corporis, ut etiam Petechiæ, ſatis manifeſto indicio ſe prodebant. Siſis interim non urgebat. Lingua ſanorum ſimilis non raro comparuit, niſi quod quandoque albida, ſicca rariſſime, nunquam vero nigra. Æger in ſpontaneos eoſque effuſiſſimos ſudores ab initio morbi ſolvebatur, ſed cum nullo levamine; quinimo ubi calidioribus medicamentis & regimine provocabantur iſti, periculum erat, ne mox Phrenitide corriperetur. Petechiarum inſuper numerus augebatur, atque alia ſymptomata adhuc efferebantur omnia. Urinæ ſeparatio, quæ ſatis videbatur laudabilis vel ab initio, ſpem faciebat ſalutis; neque tamen æger magis exinde in melius proficiebat, quam poſt *διὰ πόρην*, de qua prius diximus. Si minus recte tractaretur hic morbus, diutiſſime protraheretur plerumque; neque criſi aliqua facta, nec ſponte more aliarum febrium deſinens, ſed vehementibus ſymptomatis miſerum excrucians ad ſeptimanas ſex vel octo, niſi mors intercederet. *Ptyaliſmus* quandoque ſatis copioſus ſub finem accedebat, ſi nempe nulla inſignior præceſſerat evacuatio, atque ægro Julapia refrigerantia imperata fuerant; quo quidem, ſi neque evacuationibus, neque uſu medicamentorum calidorum fuerit interceptus, morbus ultra ſpem omnem fugam ſibi quærebat.

Ut vero febris hæc ab iſta aeris conſtitutione epidemica penderet, quæ eodem tempore Variolas producebat, ita proſecto dicta febris, ſi non eadem plane eſſet, ejuſdem fere cum illis naturæ atque indolis per omnia videbatur, demptis ſolummodo ſymptomatis iſtis, quæ eruptionis vel conſequentiæ effecta erant neceſſaria: Nam eodem modo uterque morbus aggrediebatur, dolor idem in partibus, quæ cordis ſcrobiculo ſubjacent, ſi manus admoveretur, linguæ item color, urinæ conſiſtentia, & ſudores ſpontanei copioſi ab initio oborti ubique reſpondebant. Propenſio itidem quam habebat hic morbus, quoties in flammam vehementiorem aſſurgeret, ſe per *Ptyaliſmum* exonerandi, eadem proſus erat atque in Variolis hiſce, quoties ſcilicet *confluabant*. Cum inſuper hæc febris eo præcipue tempore ſeviret, quo latius quam unquam alias, quantum ego obſervavi, hic locorum graſſabantur Variolæ, nemini dubio eſſe poteſt, quin ejuſdem omnino ſint proſapiæ. Id certo ſcio, Phænomena practica omnia, quæ curationem reſpiciebant, eadem plane fuiſſe in utroque morbo, exceptis iſtis, quæ Variolarum erupcio, ejuſque effecta in iſto morbo indicabant, quæ, cum nulla eſſent in hac febre, indicari proinde non poruere; quod quidem mihi abunde conſtabat ex accuratiſſimis illis obſervationibus, quas feci, dum utroque morbo laborantes tractarem. Quapropter danda mihi eſt venia, (non quod nova rerum nomina affectem, quæ perinde mihi ſunt inviſa atque illi cui maxime, ſed ut hanc febrem a cæteris diſtinguam) ut iſtam a ſimilitudine, quam cum hac Variolarum ſpecie habet, *Febrem Varioloſam* inſigniam.

Utut vero febris dicta Variolas referebar, nemo tamen ſanus eadem illam methodo debere curari facile ſibi perſuaſerit, cum in hiſ medianibus abſceſſulis particulæ inflammatae in habitum corporis amendantur eliminanturque; in hac febre autem non niſi per ſalivationem ejiciantur: Quia enim in morbi principio manabant ſudores proſuſi, *Symptomatiſci* erant, non *Critici*; cum natura non aliam hic evacuationem videretur deſignaviſſe, quam *Salivationem*, quam tamen ipſa eadem natura pervertit ut plurimum, vel *Diarrhœa*, quæ ſæpiſſime a radiis inflammatoriis per arterias meſentericas in inteſtina relatis, atque eadem ad excretionem ſollicitantibus, exoritur, (quod etiam in *pleuritide* uſuvenit, aliſque febribus inflammatoriis, ob

ſanguinis particularumque fervidarum organiſmum, ut eventilentur ſatagentium (vel immenſis etiam ſudoribus, qui morbum hunc pariter cum Variolis ex naturæ præſcripto ubique comitabantur) cum ſymptomatiſci eſſent ipſi, *Salivatio* quæ critica alias erat futura, alio derivabatur, ita ut niſi evacuationem aliam ſuggereret Ars, ad ſeptimanas aliquot perſeveraret morbus, nec aliarum febrium more concoctionem ſubiret.

Sed ut paulo ulterius progrediamur, quo & febris hujus naturam rectius capiamus, & ea pariter ſubſternamus, quibus *Indicationes Curativæ*, tanquam immobili fundamento, ſuperſtrui poſſint, omnino animadvertendum eſt, quod in *Febre* illa, quæ in *Conſtitutione Intermittentibus Epidemica*, vigeat, materia quæ a ſanguine erat ſejungenda tantæ erat craſſitudinis, ut ſeparari nequiret ſine prævia digeſtione, qua ad debitam evacuationem diſponeretur, determinato ſcil. ad hoc tempore, idque vel *διὰ πόρην* paulo pleniori, vel dejectionibus criticis; ita ut id tantum negotii Medico daretur, ſic ſe ad morbi genium accommodare, ne ex una parte in ſymptomata periculofa aſſurgeret, atque ebulliret, neque ex altera ita parum effervereſceret, ut materiæ inimicæ exterminandæ impar proſus eſſet, cum febris naturæ inſtrumentum fuerit, ad hujus ſecretionis opus debita opera fabricatum. Quin & in *Peſte* materia aliqua reperiebatur a ſanguine ſegreganda; ſed cum ſubtiliſſimarum fuerit partium & maxime inflammabilem, (ita ut quandoque ubi ſumme exacerentur, ſanguinem, fulguris inſtar, pervaderent, nec ebullitionem quidem in eodem ciere valerent) ictu oculi per eum trajiciebat, nec niſi in glandula aut parte aliqua externa ſiſtebatur; ubi irretita carnes circumjacentes primo in inflammationem, poſtea in Apoſtema, pertraxit. Eſt autem *Apoſtema* naturæ machina, qua iſta, quæ carnibus infeſta ſunt, amolitur, ſicut *Febris* ejuſdem eſt machina, ad diſſlanda ea, quæ ſanguinem male habent. Quo in caſu, Medicorum eſt, evacuationem materiæ peſtentialis, quam per hos abſceſſus natura molitur, prout decet, regere; niſi forte quis magis conſultum eſſe putaverit, aliam aliquam evacuationem ſubſtituere, quæ magis penes illum fuerit, ejuſque arbitrio certius obtemperaverit, quam illa naturæ. Eodem etiam modo procedit natura in expellenda *Variolarum* materia, licet ea ſpecies ſit inflammationis pinguioris ac magis craſſæ, quæ per puſtulas ubique ſparſas ejicitur, *Carbunculorum* loco ac *Bubonum* &c. Atque in hoc etiam caſu indicationes curativæ eo ſunt dirigendæ, ut naturalis per puſtulas evacuatio rite adminiſtretur. Jam vero cum in hoc *Febris inflammatoria* genere, de quo nunc agimus, non inveniatur craſſior illa materia, non niſi prævia digeſtione egerenda, ſicut in febre ſuperius deſcripta, incaſſum ebullitioni obſecundamus ad obtinendam hujusmodi digeſtionem; quinimo econtra, haud leve eſt periculum, ne huic viæ inſiſtentes, ſtimulos addamus morbo, cujus eſſe in inflammatione plus ſatis violenta conſiſtit: atque porro, cum natura nullam huic febre evacuationem per modum eruptionis conſtituerit, quod in febre peſtentiali & Variolis fieri cernimus, (utut rebus aliis poſteriori huic morbo reſpondeat) neceſſario in hoc ſtabit rei ſumma, ut ſedetur *inflammatio* evacuationibus & medicamentis contemperantibus. Hunc mihi proponens ſcopum, hujusce febris curationem aggreſſus ſum, quæ methodo hac difficulter expugnata fuit.

Ad ægrum accerſitus, mox ſanguinem e brachio educendum curavi, modo nimia debilitas, præſertim vero provectior ætas, non contra indicaret; & venæ ſectionem inſuper alternis diebus ad duas adhuc vices repetendam juſſi, niſi redeunti ſanitatis ſigna aliter ſuaderent. Diebus interjectis *Enema* e lacte & ſaccharo, vel ſimile injiciendum præcepi; præſcripti & Julapium ſequens vel aliud ejuſmodi, frequenter per omnem morbi decurſum aſſumendum; *℞. Aq. Portul. Læſtuc. fl. Faralys. an. ℥iv. Syr. de Limon. ℥jſſ. Sir. Violacei ℥j. Cap. ℥iij.* quater vel quinquies in die, & ad libitum; ſerum lactis, aquam hordei & ſimilia ejus farinæ pro potu ordinario conceſſi; pro victu juſcula etiam hordeacea, avenacea, panatellam, poma cocta, &c. juſculis vero e carne pullorum, vel alia quacunque interdixi.

Præ reliquis omnibus edixi, ne ſe in lecto aſſidue contineret, ſed illo abſtineret bonam diei partem, idque quotidie; quando obſervaverim in hac febre, (uti etiam

iam in *Pleuriside*, *Rheumatismo*, aliisque omnibus morbis inflammatoriis, in quibus abigendis venæ sectio & refrigeratio primas obtinent) medicamenta summe refrigerantia, & repetitam sæpissime Phlebotomiam ne hilum prodesse, dum interim æger lecto indefinenter affixus, ejus calore torreatur, æstate præsertim. Quocirca nec sudores quibus subinde difflebat æger, ab hac metodo refrigerandi, tum medicamentis exhibitis, tum jugem lecti usum vetando, me deterrebant: Etsi enim, sumpta a plerunque juvantibus *Indicatione*, magnum sibi quis inde emolumentum haud injuria pollicitaretur, refragabatur tamen ubique experientia, qua magistra didici, ægrum non modo nihil exinde commodi capere, sed e contra vehementius incallescere: ita ut non raro *Phrenesis*, *Petechia*, cæteraque pessimi ominis symptomata mox hujusmodi sudores exciperent, quæ non tam a morbi *malignitate*, quam *sinistro regimine* oriri videbantur.

Si e contra dicatur, jam laudatam febrium curandarum methodum Authorum Theoriæ omnimode adversari, qui omnes uno ore pronunciant, febrem per *Diaporesin* rectissime ac maxime naturaliter expediri; nec habeo quæ pro me militent, præter certissimæ ac constantis experientiæ testimonium mihi in hujus particularis febris curatione nunquam non suffragantis. Suppono ante omnia viros doctos, qui sudorem provocationem ad tollendam febrem efflagitant, eos velle sudores qui a prævia digestionem humoris alicujus in sanguine stabulantis excernuntur, in quo humore elaborando præparandoque ut per *Diaporesin* eliminentur, natura certo aliquo ac determinato tempore fuerit occupata. Verum enim vero longe aliter hic se res habet; æger enim a primo statim morbi impetu in sudores uberrimos solvitur, qui soli morbi hujus pars magna sunt, & si Phœnomenis omnino omnibus sit habenda fides, morbus hinc a nudo potius calore & sanguinis æstu, quam ab humore aliquo delitescente, & post debitam concoctionem a sanguine per sudores expellendo, pendere videtur. Quod si demus, hujusmodi humorem digestionem maturandum in hac febre, pariter atque in multis aliis reperiri, quorsum attinet, Naturæ (cujus enormiora molimina in ordinem redigere opis est nostræ) plus nimio satagenti morem gerere, hujusmodi sudores vel Cardiacis provehendo, vel regimine calidiore, cum non minus sudores respiciat quam dejectiones tritum illud Axioma, *Cocta, non cruda, sunt medicanda*.

Stante hac constitutione, accersabar ad virum doctissimum D. D. *Morrice* (qui tum temporis *Londini*, jam *Petuvorthia* Medicinam cum laude facit) hac febre cum effusissimis sudoribus & frequentibus *Petechiis* laborantem; Consistentibus aliis aliquot Medicis, utrique nostrum familiaribus, vena secta fuit, surrexit e lecto, absterfo primum sudore, medicamentis & diætâ refrigerantibus usus est, præsentissimo cum levamine, multis malis atque periculosis symptomatis mox diffatis, & cum eidem methodo insisteret, intra paucos dies sanitati restitutus est.

Sed ad rem. Neque etiam *Diarrhœa*, quæ febrem hanc sæpissime comitabatur, me a dicta methodo vel latum unguem dimovit; quinimo expertus sum (cum scilicet ab halitibus inflammatoriis e sanguinis massa per arterias mesentericas in intestina excretis, atque eadem vellicantibus, illa nasceretur) nihil huic profluvio sistendo æque conducere atque venæ sectionem, & sanguinis contemperatorem, *aqua Hordei*, *sero lactis* atque aliis supra nominatis procurandam.

Hæc sane methodus optime mihi cessit in hujus morbi curatione, ad quam quidem apta nata præ cæteris mihi videtur. Non quod ego nunquam via longe contraria incedentibus spectator interfuerim, adhibitis scilicet Cardiacis & calido regimine, ægro nihilominus a morbo sæpe liberato, ita tamen ut mihi semper videretur iis non mediocriter discrimen adiisse, nulla id suadente necessitate: Etenim *Petechiæ*, quæ aliter perpaucæ erant, his modis numerosissimæ scatebant; sitis, quæ ut plurimum vix molestabat; jam intensius urgebat; lingua, quæ alias humida solebat esse, neque a sanorum lingua, nisi quod, ut diximus, subalberet aliquantisper, multum abhorrens, sicca in hoc regimine arefactaque, quin & nigra sæpe comparebat. Postremo illi ipsi sudores, quos Cardiacorum usu extorquere satagebant, tandem eorundem ope penitus intercidere: Exacta enim per corporis habitum nimis larga feri copia, sanguis humori istiusmo-

di ulterius suppeditando par non erat, cumque ista qua dilui debuerat humiditate insolidum jam spoliaretur, exarescebat protinus æger; atque in externis partibus constringebatur, omnino præter naturæ morem, quem in hac febre observare solet, donec tandem sanguis humiditate ab absumptis mutuata denuo repletus, partim medicamentorum, partim etiam febris vi, serum hoc recens ingestum, ac cum illo febrem, a finibus suis pelleret. Quæ quidem crisis erat coacta & nimis periculosa, & (quod adhuc pejus) rarius etiam contingebat.

Jam vero, ut supra monuimus, febris hujus solutio, ut etiam Variolarum, (quæ soror ejus germana merito audiunt) per *Salivationem* non raro fiebat; quæ quidem nunquam non salutatis fuit, ita ut eadem liberalius procedente tam maculas revera purpureas, quam febrem ipsam evanescere oculis viderim meis. Oborta itaque *Salivatione*, nulla omnino evacuatio convenit, nec quæ vena pertusa, nec injecto quæ sit Enemate; cum ab utraque periculum sit, ne humor alio divertatur. At serum lactis, atque alia refrigerandi vi pollentia necessariam in *Salivatione* elicienda operam navabant, ut e contra Cardiacæ, & quæcunque alia calefaciebant, materiam inspissando ejusdem eductioni officiebant.

Superstite adhuc febre hac, necdum extincta penitus anno maxime 1668. * *Diarrhœa*, sine manifesto aliquo febris indicio, epidemice grassabatur: Jam enim *Constitutio* ad *Dysentericam* illam accedebat, quæ insequenti anno invaluit, ut jam proxime dicemus. Hanc nihilominus eandem ego censui febrem esse cum *Variolosa* adhuc regnante, forma tantum diversa, atque alio se symptomate efferentem. Cum enim mihi constaret, rigorem atque horrorem hanc etiam *Diarrhœam* præcedere solere, atque illam insuper ut plurimum ex eadem *Diaporesi* invadere, ex qua solebat ista quæ tum depopulabatur febris, verisimile mihi est visum, febrem hanc ortum suum debere radiis inflammatoriis in intestina inversis, atque eadem ad expulsionem hanc sollicitantibus; cum interim sanguinis massa, ope hujus diverticuli a malis, quos aliter radii isti attulissent, effectibus integra maneat atque illæsa, nullo febris visibili signo exterius se prodente. Adhuc æger partes cordis scrobiculo incumbentes manu premi non tulit (quod quidem symptoma & *Variolis*, & *febri* hujus *Constitutionis* accidisse jam pridem ostendimus.) Idem etiam dolor, atque eadem carniū teneritudo sæpenumero externe in Epigastrium protendebatur; nonnunquam etiam inflammatio, quæ in Apostemate, atque ægri morte demum terminabatur. Quæ omnia luce clarius indicabant, *Diarrhœam* hanc ejusdem omnino naturæ fuisse atque essentia cum illa, quæ tum dominabatur, febri. Sententiam hanc meam magis adhuc ratam faciebat felix eventus, quem venæ sectio, & medicamentorum, diætæ, atque regiminis refrigerantium usus, quæ in *Febri Variolosa* curatione usurpasse nos sæpe diximus, in sananda etiam hac *Diarrhœa* perpetim habuere, utpote quæ huic methodo prompte cessit: Cum vero alia longe diversa tractaretur, sive exhibitis *Rhabarbaro* aliisque *Catharticis lenitivis* (ad deturbandos scilicet mordaces istos succos, qui intestina ad hujusmodi excretionem putabantur irritasse) sive etiam astringentibus; ex levi, sua natura, morbo, in exitialem sæpissime evasit; ut, qui eo anno concinnabantur *Diem obeuntium Indices*, plus satis testantur. Atque hæc dicta funto de *Morbis Epidemicis*, qui ab hac *Constitutione* pendebant.

SECTIO QUARTA.

CAPUT I.

Constitutio Epidemica partis Anni 1669. atque integrorum 1670. 1671. 1672. Londini.

INeunte Augusto * An. 1669. *Cholera Morbus*, immagna *Ventris tormina sine Dejectionibus*, uti etiam *Dysenteria*, quæ per decennium jam parcius comparuerat, grassari cœperunt; *Cholera Morbus*, quem nunquam ante hac ita fuisse Epidemicum animadverteram, hoc non obstante, eo etiam anno, uti semper, intra *Augusti* cancellos stetit, vix in priores *Septembris* hebdomadas

* *Diarrhœa*. * 1669.

das evagatus. Ventris autem *Tormina* absque dejectionibus ad *Autumni* exitum usque perseverabant, & *Dysenterias* comitabantur, quibus etiam latius spargebantur illa: Superveniente vero hyeme tormina ista sine dejectionibus penitus disperebant, nec deinceps infestabant per sequentes Annos, quibus vigeat hæc *Constitutio*, qua nihilominus dysenteriae ἐνδημικότητος sæviebant. Cujus rei hanc ego causam fuisse arbitror, quod scilicet *Constitutio* ista nondum ita perfecte in *Dysentericam* transierat, ut symptomata illa omnia quæ dysentericos affligunt, in singulis valeret producere. Etenim insequente Autumno cum jam redirent tormina, nullo non symptomate Pathognomonico stipatus incescit morbus. Inter *Tormina* hæc dejectionibus casta, & *Dysenterias* jam memoratas quæ ubique populabantur, exoriebatur & novum *Febris* genus, utrique morbo comes, quæ non eos tantum invadebat, qui priorum alterutro laborabant, sed etiam illos, qui ab utroque adhuc immunes perstabant; nisi quod nonnunquam (at rarius id quidem) ventris tormina admodum levia accederent, nunc soluta alvo, nunc vero adstricta; quæ cum illam febrem quadantenus referret, quæ morbis præfatis non infrequenter adhærebat, *Febris Dysenterica* nomine ab aliis distinguenda est, maxime cum, ut mox docebimus, a *Dysenteria* genio atque indole in eo tantum recederet, quod *Dejectionibus* istis caruerit, quæ in *Dysenteria* indefinenter molestant, cæterisque iis effectibus, quæ huic evacuationi necessario debebantur. Appetente jam Brumali frigore *Dysenteria* ad tempus se subduxit; *Febris* autem *Dysenterica* magis grassabatur; *Variola* etiam, at mitiores, & fractis admodum viribus quibusdam in locis impetebant.

* Anno vero subsequente vix dum ingressu, ipso nempe *Januario*, succedere *Morbilli*, qui indies auctiores facti, nullam fere familiam, nullos saltem infantes intactos sinebant, atque ad *Vernum* usque *Æquinoctium* sensim invalescentes, ab illo tempore iisdem ferme quibus insurrexerant gradibus paulatim referebant pedem, & *Julio* mense evanescere, non amplius visi per eos annos omnes, quibus dominabatur *Constitutio* hæc, nisi quod proximo anno ea ipsa tempestate, qua in præcedente, eruperant, rari hac illac dissiparentur.

Morbilli isti *Variolarum* generi, mihi hæcenus non cognito, viam sternebant, quas, ut a cæteris distinguam, ob Phænomena irregularia inusitataque a me observata (quæ postea in eandem Historia tradentur) a præcedentis *Constitutionis* Variolis longe distantia, *Variolas Anomalias Constitutionis Dysentericæ* compellare lubet. *Variola* hæc, licet morbillis longe infrequentiores, non paucos tamen aggrediebantur, donec inchoante mense *Julio*, *Febres Dysentericæ* prævalerent, epidemice incursantes; approximante vero Autumno, *Augusto* scilicet, *Dysenteria* postliminio revertebantur, atque omnia pervastabant, etiam inclementius quam prægresso anno defevientes. Hyberno tamen frigori terga dederunt, ut prius. Verum enim vero his fugatis *Dysenteria Febris* & *Variola* hyemem omnem funestabant.

At circa initium *Februarii* * Anni insequentis, substitutis *Tertianis Intermitentibus*, uterque morbus rarior prodibat. Dictæ *Intermittentes*, licet non admodum epidemice, frequentiores tamen erant, quam quovis alio tempore observasse me memini, a quo sc. expiravit *Constitutio* ista, quam sibi adeo faventem illas habuisse supra notavimus. Atque hæc, pro more *Intermittentium Vernarum* Solstitio æstivo vix præterlapso omnino evanescere. Incipiente mense *Julio*, *Dysentericæ Febres*, quam præcedentibus annis obtinuerant stationem, de novo repetebant; Autumno vero aliquantum provectiore, *Dysenteria* jam tertio regressa est, sed contractior quam anno ultimo elapso, quo ad *anplu* pervenisse videbatur, supervenienti autem Hyemi tertium etiam cessit, *Febre Dysenterica*, & *Variolis* reliquam eam tempestatem iterum contristantibus.

* Cum vero, ut jam monuimus, sub ingressu utriusque anni præcedentis morbus aliquis valde epidemicus invalesceret, *Morbilli* sc. exoriente Anno 1670. *Intermittentes* autem *Tertianæ* Anno 1671. inchoato, quorum prædominio ita intercidebantur *Variolarum* copiae, ut fines suos, prædictis annis ineuntibus, longe lateque propagare nequirent: Hac inquam de causa remoto jam obice, (nempe initio Anni 1672.) cum solæ domina-

rentur *Variolæ*, *Epidemice* admodum ex consequenti grassabantur, donec subintrante rursus *Julio*, *Febres Dysentericæ* denuo invaderent, quæ redeuntibus jam quarto *Augusto* *Dysentericis* mox facebant; *Dysenteria* vero non pauciores tantum quam prioribus annis fuerant, sed mitiora insuper apportabant symptomata. Porro *Variolis* hinc indeque simul sparsis, haud facile erat dictu, quis morbus præpolleret. Existimo quidem ego, *Constitutionem* aeris ad *Dysenterias* progignendas minus facientem, *Variolis* eam subministrasse facultatem, qua pari passu procedere valerent; secus atque iis annis quibus *Dysenteria*, *Augusto* mense confertim magis trucidabant. *Hyems*, ut solebat, *Dysenterias* ablegavit, sed neque *Febrem*, nec *Variolas*: *Variolæ* hic etiam pro more suo, exulantibus *Dysentericis*, rerum denuo potiebantur, & per omnem reliquam brumam regnabant. Quinimo subsequente *Vere*, ut etiam *æstatis* initio huc atque illuc deferebantur, longe tamen mitiores quam pro hoc genere.

Verum enim vero quando assero, *Epidemicorum* alterum ab altero, ut clavum a clavo, pelli, non statim dico, eum, qui pellitur ac cedit, morbum insolidum evanescere, at vero rarius invadere. Durante enim hac *Constitutione*, uterque morbus reperiebatur, etiam illa tempestate, qua cum minus ei conveniebat; ex. gr. *Dysenteria*, etsi morbus *Autumno* maxime proprius, unum fortasse aut alium, licet raro admodum, *Vere* incescebat.

Satis itaque evicimus, quod per integram hanc *Constitutionem*, subintrante *Julio* (qui mensis certissima est *Februm Autumnalium* *Epocha*, uti *Vernarum* *Februarius*) *Febres Dysentericæ* grassabantur; Autumno vero jam se propius admovente, *Dysenteria* (morbus, si accuratius loqui velimus, vere *Autumnalis*) iisdem succedebant, quas ab hyeme disflatas excipiebant *Febris Dysenterica* & *Variola*; quæ quidem *Variolæ* non eam tantum hyemem, sed & subsequens etiam ver, nec non æstatem illi conjunctam peragrabant, donec reverso *Julio*, a *Febris Dysentericis* epidemice prædantibus ejicerentur: Atque hæc rerum erant vices dum vigeret prædicta *Constitutio*.

Observare insuper est, quod sicuti epidemicorum quilibet in subiecto particulari suas habet periodos, *Augmenti* sc. *status*, & *Declinationis*; ita etiam *Constitutio Generalis* quæcunque, quæ huic alterive morbo epidemicæ producendo favet, pro ratione temporis quo dominatur suas etiam periodos habet, quatenus sc. indies magis ac magis epidemicæ grassatur, donec *anplu* attigerit suam, atque exinde iisdem fere gradibus decrescat, donec tandem penitus exolverit, alteri *Constitutioni* locum cedens. Symptomatum enim quod attinet vehementiam, atrociora sunt omnia ubi primum se ostendit; quæ quidem paulatim mitescunt, & in constitutionis catastrophe tam sunt benigna atque *Spônta*, quam patitur morbi natura, in quo fundantur; quod satis demonstrant *Dysenteria*, & *Variola* hujus *Constitutionis*, ut mox fusius declarabimus. Hujus *Constitutionis* morbos particulariter tractandos aggredior, eo, quem ipsi servarunt, ordine.

C A P U T II.

Cholera Morbus An. 1669.

MORBUS hic, qui, ut antea diximus, Anno 1669. se latius diffuderat, quam alio quovis anno, quantum ego observaveram, eam anni partem, quæ æstatem fugientem atque Autumnum imminuentem complectitur, unice ac eadem prorsus fide, qua veris primordia Hirundines, aut insequentis tempestatis fervorem Cucullus, amare consuevit: Qui ab ingluvie ac crapula nullo temporis discrimine passim excitatur affectus, ratione symptomatum non absimilis, nec eandem curationis methodum respuens, tamen alterius est subsellii. Malum ipsum facile cognoscitur, adfunt enim vomitus enormes, ac pravorum humorum cum maxima difficultate & angustia per alvum dejectio; Ventris ac intestinorum dolor vehemens, inflatio & distentio; Cardialgia, sitis. Pulsus celer, ac frequens, cum æstu & anxietate, non raro etiam parvus & inæqualis; insuper & nausea molestissima, sudor interdum diaphoreticus, crurum & brachiorum con-

tra-

tractura, animi deliquium, partium extremarum frigiditas, cum aliis consimilis notæ symptomatibus, quæ astantes magnopere perterrefaciant, atque etiam angusto viginti quatuor horarum spatio ægrum interimant. Est etiam & *Cholera sicca* a spiritu, flatuoso supra & infra erumpente, idque sine vomitu, vel secessu; cujus unicum duntaxat exemplum me vidisse memini, ineunte hujus anni Autumno, quo tempore prior illa species mihi creberrime, & facto quasi agmine sese obtulit.

* Sedula mentis applicatione, & multiplici etiam experientia edoctus, quod si hinc acres istos humores, fomitem morbi, cathartici expellere conarer, idem agerem, atque is, qui ignem oleo extinguere satagit, cum cathartici, vel lenissimi operatio omnia magis perturbaret, & novos insuper excitaret tumultus. Et si ex adverso medicamentis Narcoticis aliisque astringentibus in ipso statim limine primum humoris impetum compecerem, dum naturali evacuationi obstitere, & invitum humorem detinerem, æger, inimico visceribus incluso, bello intestino indubie conficeretur. Has, inquam, ob causas, media mihi via instendum esse duxi, ut partim scilicet humorem evacua-rem, partim etiam diluerem; morbum itaque hac arte mihi a multis retro annis comperta, ac comprobata, toties quoties in ordine coegi.

Pullus tenerior in tribus circiter aquæ fontanæ congiis elixatur, adeo, ut carnis saporem vix perceptibilem liquor referat; hujus decocti (vel defectu ejus, liquoris possertici) capaciores aliquot cyathos æger tepide exhausti, eodemque tempore bona ejusdem quantitas pluribus *Enematis* successive injiciendis inservit, donec qua per superiora, qua per inferiora, tandem omne jusculum absumptum, ac denuo rejectum fuerit. Hisce haustibus, pariter ac clysteribus, syruporum *Lactuca*, *Violarum*, *Portulacæ*, *Nymphaeæ*, eorumve alicujus, uncia subinde admisceri poterit; quanquam, & citra ejusmodi additamenta, jusculum ipsum per se rem satis commode exequatur. Ita ventriculo insigni liquoris quantitate sæpius onerato, atque, ut sic dicam, subverso, ac reiterata enematum injectione, humores acres vel foras eliminantur, vel rerusa acrimonia ad debitam temperiem revocantur. Exantlato hoc eluvionis penso, quod tres, vel quatuor horas sibi vendicat, medicamentum aliquod *Paregoricum* curationi coronidem imponit: Mihi hoc crebro in usu est. ℞. Aq. Paralyf. ℥j. Mirab. ℥ij. Laudani liquid. gutt. xvj. cujus loco Narcoticum quodvis officinale succenturiari poterit. Atque hæc quam proposui diluendi humores via multo tutius ac expeditius, quam quæ vel per evacuantia, vel per astringentia vulgo instituitur, periculosissimo affectui occurrit, quippe cum ab illis tumultus concitator, & ferocior evadat, ac omnia susque deque vertantur; hæc e contra hostem in mediis visceribus detineant, ac ex advena reddant plane inquilinum; ut taceam, protracto in longitudinem morbo præter periculum ex ejusmodi mora, qua in massam sanguinis tandem humores vitiosi irrepunt, atque mali moris febrim facile accedunt, etiam ægris gravissimi mali tedium procreari.

At vero diligenter est animadvertendum, quod si non accesserit Medicus, nisi postquam æger vomitu ac dejectionibus ad horas aliquas multas continuatis, puta 10. vel 12. fuerit exhaustus, & jam frigescant extrema membrorum; hoc, inquam, casu, omis aliis quibuscunque auxiliis recto cursu ad sacram hujus morbi ancoram, *Laudanum* intelligo, confugiendum est; quod non tantum exhibendum est urgentibus symptomatibus, sed etiam cessantibus vomitu ac diarrhæa mane, & sero quotidie repetendum, donec pristinas vires æger, ac sanitatem tandem receperit.

Hic morbus, quantumlibet epidemicus, rarissime tamen (quod supra dictum est) *Augusti*, quo primum cæpit mense, terminos excessit, ex quo mihi subest contemplari elegantissimum illud subtilissimumque artificium, quo utitur natura in epidemicorum natalibus atque ortu; licet enim eadem prorsus maneant causæ, unde plures sub finem *Septembris* æque ac mense præcedente, hoc morbo possunt corripi, nimia scilicet fructuum horariorum ingestio; eundem tamen non sequi videmus effectum. Quisquis autem *Cholera morbi legitimi*, quo cum solo nobis impræsentiarum res est, *Sydenham opera Medica*.

phænomena studiose collegerit, fatebitur morbum istum, qui quovis alio anni tempore invadit, quamvis ex eadem occasione prognatum, atque eorundem symptomatum nonnullis stipatum, ab hoc nostro toto cælo distare, haud aliter ac si in aere peculiaris mens hujus lateat reconditum, ac peculiare quiddam, quod specificam hujusmodi alterationem soli huic morbo adaptatam, vel, cruoris, vel ventriculi fermento valeat imprimere.

C A P U T III.

Dysenteria partis Anni 1669. atque integrorum 1670. 71. 72.

Ventris tormina sine dejectionibus initio *Augusti* 1669. ut supra innuimus, invadere cæperunt, & excurrente eo Autumno, *Dysenterias*, quæ cum iisdem ingrediebantur, æquabant numero, ne dicam exuberabant. Febris nunc iis accessit, nunc aberat. *Dysenteriarum* per id tempus grassantium torminibus dicta ventris tormina omnino respondebant; atrocissima nempe hæc erant, & per intervalla cruciabant, nullæ vero sequebantur dejectiones, vel *Stercorosæ*, vel *Mucosæ*. Pari passu cum *Dysenterias* per *Autumnum* hunc omnes procedebant, sed, ut jam docuimus, non cum iisdem per annos sequentes hujus *Constitutionis* epidemice amplius invadebant. Cum vero tormina hæc sine dejectionibus neque natura sua, neque illa, qua promptissima sopiebantur methodo, a *Dysenterias* multum dissideant, ad has me conféro.

Animadverti, morbum hunc uti nunc, ita fere semper, *Autumni* initio invadere solere, & appropinquanti hyemi pro tempore cedere: cum vero annorum series eidem epidemice producendo nimium faveat, unum alterumve, etiam quovis alio tempore potest ferire; quin & circa *Veris* ingressum, forte etiam maturius, (si nempe aura calidior intemperantiori gelu derepente soluto mox supervenerit) plures aliquos incescere. Unde, perpauci licet fuerint, qui hoc corripantur morbo, cum tamen id tempore ita alieno contingat (satis scio illam *Constitutiones* haud mediocriter huic morbo suffragari.) Atque ita se res habuit per eos annos, quibus *Dysenteria* ita late depopulabantur; quandoque enim circa finem hyemis aut *Veris* initium, uti dictum, hic morbus hunc illumve vexabat.

Nunc cum rigore horroreque aggreditur hic morbus, quos sequitur totius corporis calor (ut in febribus solemne est,) atque hunc brevi post ventris tormina; ista vero dejectiones: Sæpe vero nulla antecedit febris præsensio, agmen autem ducunt tormina, dejectiones subsequuntur. Semper tamen adest ingens cruciatus, & intestinorum depressio cum dolore, quoties exoneratur alvus, cum crebris itidem dejectionibus, & molestissimo viscerum omnium quasi descensu. Dejectiones *mucosæ* sunt omnes, non *stercorosæ*, nisi quod nonnunquam *stercorosa* interponitur, idque sine dolore insigni. Mucosis hisce dejectionibus intertextuntur sanguinis quædam lineamenta; quandoque tamen ne minimum quidem sanguinis per omnem morbi decursum iisdem admiscetur; quo non obstante, modo frequentes sint dejectiones, cum ventris torminibus, & colluvie mucosæ, morbus haud minus recte *Dysenteria* vocabitur, quam si una manaret sanguis. Interea temporis æger, si vel ætate floreat, vel cardiacorum ope incalescat, febricitat, lingua subalbida quadam mucilagine dense obsita, & si vehementius fuerit excalefactus, nigra etiam atque sicca: Prosteruntur admodum vires, dissipantur spiritus, nullum non adest febris male moratæ indicium. Non dolores tantum summos atque ægritudinem adfert hoc malum, sed, nisi perite tractetur, ingens etiam in vitæ discrimen ægrum perducit; cum enim jam imminutæ caloris vitalis ac spirituum copię a crebris hisce dejectionibus ante exhauriantur, quam peccans materia possit e sanguine exturbari, manuum ac pedum frigore superveniente, a morte periclitabitur, etiam intra morborum acutorum periodos oppetenda; quod si intentatas *Parcarum* manus hac vice eluserit, plura tamen diversi generis symptomata miserum expectant: v. gr. nonnunquam progressu morbo, loco filamentorum sanguis-

stratos etigerem quadantenus, & refarcirem: Potus erat lac coctum cum aquæ triplo; aut *Decoctum album* (quod appellant) ex C. C. & mica panis albiss. an. ℥ij. coctis in aq. font. ℥ij. ad ℥ij. & postea s. q. sacchari albiss. edulcoratum: aliquando etiam lac cerevisiatum; vel, ubi dejectio virium id postulaverit, Aq. font. ℥ij. cum Vini Canarini ℥ss. simul cocta pro potu ordinario frigide assumbantur. Panatella item nonnunquam vescebatur, nonnunquam juscule e carnibus ovinis macilentioribus. Grandæviores lectulo magis addixi; Aquam item cardiacam illis familiarem liberalius indulsi quam infantibus aut junioribus par erat. Laudata methodus omnibus, qui mihi hætenus innotuere, in hoc morbo vincendo facile palmam præripuit, qui perraro ultra tertiam purgationem duravit.

Quod si morbus præfractior his non cederet, dictum *Paregoricum* ægro exhibui singulis diebus mane, & hora somni, donec omnino convalesceret; immo quo certius adhuc hic affectus debellari potuerat, Laudanum prædictum octava quaque hora i. e. ter spatio diei naturalis, propinare non dubitavi, idque in majore dosi quam supra recensui, nempe ad gutt. xxv. si prior dosi fluxui cohibendo haud par fuerat. Insuper *Enema ex lactis vacc. libra dimidia, & Theriac. Androm. sesquiuncia* singulis diebus injiciendum curavi, quod quidem in quibuscunque alvi dejectionibus mire confert. Nec vel minimum quidem incommodi a tam frequenti medicamento Narcotici repetitione mihi adhuc videre contigit (quantamlibet noxam inde secururam comminiscantur in experti) licet plures noverim qui in morbo contumaciori idem ad septimanas aliquot continuas quotidie usurpaverint. Hic autem admonendum, quod cum alvi fluxus ad *Diarrhæam* tantum assurgat, satis erit ut (phlebotomia ac catharsi fortiori omitta,) *Rhabbarbarum* solum singulis matutinis exhibeatur, nempe ejusdem pulv. ℥. ss. (plus minus pro ægri virium ratione) in Bolus s. q. *Diascordii concinnata*, addendo ol. Chym. cinnamomi gutt. ii. noctibus autem insequentibus *Paregoricum ex aq. Cynnamomi bordeata* ℥j. & laudan. liquid. gutt. xiv. Diætam interim observando qualem in curatione dysenteriae supra descripsi, atque etiam singulis diebus, si opus fuerit, clysterem injiciendo ibidem laudanum. Sed hoc obiter.

Ut unica instantia (neque enim pluribus convalescentium exemplis, nulla cogente necessitate, lectori tedium creabo) methodum jam a me propositam commendatam faciam; vir pietate atque eruditione insignis Th. Belke S. T. P. & Comiti Sancti Albani a Sacris Domesticis, durante hac constitutione *Dysenteria* acutissima laborans, me in subsidium accito, ipsissima hac methodo restitutus est.

Infantes hoc morbo correpti eodem plane modo erant tractandi; sanguinis tamen extrahendi quantitate, tum etiam medicamentorum, tam Cathartici, quam Anodyn viribus pro annorum ratione imminutis, ita ut v. g. Narcotici guttæ duæ infanti unius anni suffecerint.

Laudanum Liquidum, quod in quotidiano, ut dictum, usu mihi erat, hanc ad normam simpliciorum præparavi. ℥. Vini Hispanici ℥j. Opii ℥ij. Croci ℥j. pulv. Cinnamomi, & Caryophyllorum an. ℥j. infundantur simul in B. M. per duos, vel tres dies, donec liquor debitam consistentiam acquirat; Colatura servetur pro usu. Hanc nostram præparationem *Laudano* officinarum solido anteferebam virtutibus quidem non censeo, sed ob formam saltem commodiorem, & majorem dosi certitudinem, eidem antepono; cum sc. vino, aquæ distillatæ, aut liquori alii cuicunque instillari possit. Et profecto non hac mihi tempero, quin gratulandus animadvertam, Deum Omnipotentem πᾶσαν θανάτῳ ἐναντίον non aliud remedium, quod vel pluribus malis debellandis par sit, vel eadem efficacius extirpet, humano generi, in miseriarum solamen, concessisse, quam sunt *Opiata*, medicamenta sc. ab aliqua *Papaverum* specie desumpta. Et quamlibet sint nonnulli, qui credulis persuadere velint, omnem fere Narcoticorum, Opii præsertim ipsius, virtutem ab artificiosa ac debita, quam soli adhibent, præparatione pendere; qui tamen experientia judice certaverit, & tam simplicem succum a natura oblatum, qua ejus præparata cum diligenti observatione in usum frequenter revocaverit, nullum fere discrimen intercedere comperiet, & mirandos illos effectus, quos edit, nativæ ipsius plantæ bonitati atque excellentiæ, non vero artificis polydæ-

Sydenham opera Medica.

dali solertiæ deberi certo sciet. Quinimo ita necessarium est in hominis periti manu organum, jam laudatum medicamentum, ut sine illo manca sit ac claudicet medicina, qui vero eodem instructus fuerit, majora præstabit, quam quis ab uno remedio facile speraverit. Rudis enim sit oportet, & parum compertam habeat hujus medicamenti vim, qui idem sopori conciliando, demulcendis doloribus, & diarrhææ sistendæ applicare tantum novit, cum ad alia plurima, gladii instar *Delphici*, accommodari possit, & præstantissimum sit remedium cardiacum, unicum, pene dixerim, quod in rerum natura hætenus est repertum.

Hac methodo erant tractandæ *Dysenteriae* in genere. Observandum est autem, quod cum primo quæ ingrediebantur anno, indolis magis subtilis, uti dictum, ac spirituosæ essent, quam quæ sequentibus annis infestabant, idcirco non ita prompte cathartici parebant medicamentis, atque illis, quæ tam sanguinem diluebant contemperabantque, quam acres istos humores, qui ex eodem in fistulam intestinalem exercebantur. Quamobrem primo autumnio, quo *Tormina sicca*, & *Dysenteriae* invadebant, methodum sequentem constanter ad utrumque morbum abigendum adhibui, eventu ubique stipulante; donec appetente frigore eandem etiam anno eodem minus efficacem esse sentirem, atque annis sequentibus, cum jam magis a subtilitate recederet morbus, prorsus inutilem.

Ita vero processu, si æger ætate florens febricitaret, cubiti venam tundendam præcepi, atque elapsa hora una aut altera, eundem ingesto affatim liquore diluendum, ut in *Cholera Morbo*, factitatum; non vero, ut illic, juscule e carnibus pullorum, aut lacte cerevisiato: at lactis ipsius sero, quod eadem qua illic copia frigide propinandum, tepide vero inferius injiciendum curavi, nec saccharo adjecto, nec alia re quacunque. Tormina, & dejectiones sanguine permistas, rejecto jam quarto enemate semper evanescere animadvertēbam. Hoc labore exantlato, & transmissio sero lactis omni (quod duarum triumve horarum spatio fiet, si diligenter operam navaverit æger) lectulo protinus eum commisi, ubi brevi sponte sua in madorem solvebatur (a sero lactis sanguini immixto) quem ad horas 24. continuari, minime provocari jubebam; nihil interim concedens præter lac crudum paulo tepesactum, quo etiam utebatur solo ad dies tres vel quatuor postquam e lecto surrexerat. Si vel ob lectuli, vel lactis usum nimis præmature intermissum, recidivam pateretur æger, eadem vestigia denuo repetenda erant. Hæc methodus, si certa atque expedita fuerit, non ideo a viro quolibet prudente repudiabitur, quod fastuoso remedium apparatu non se vendit.

Hujusmodi *Febrem* symptomatis, qualia supra descripsimus, stipatam iis in locis, & temporibus reperiri, quibus *Dysenteria* epidemice regnat, & methodum hanc quam delineavimus, eidem omnino deberi, testimonio viri probi atque eruditi Doctoris Butler amplius confirmabitur, qui Nobilissimum D. D. *Henricum Hovvard*, a S. Maj. Regia Britannica ad *Moroccensem* in *Africa* Legatum comitabatur; quibus in regionibus, ut mihi ipse retulit, observavit *Dysenteriam* per ea tempora, uti semper, epidemice grassari, & *Febrem*, quæ cum illa jungebatur, omnino illi similem quam depinximus; quibus ille medebatur tam in urbe *Tingitana*, quam aliis in locis, sive *Nostrates* essent ægri, sive *Mauri*, dicta methodo, felici semper exitu. Quam quidem neuter alteri debemus, sed pari fortuna in eandem dissitissimi incidimus. Prostitutebatur autem, optime istic sibi cessisse in illius morbi curatione methodum illam, qua liquoris diluvio submerguntur *Dysenteria*. Atque existimo ego, omnino par esse ut in calidiori isto climate longe rarius successu careat hæc methodus, quam in nostra *Britannia*.

Primo illo autumnio, quo vigeat hæc *Constitutio*, Daniel Coxæ M. D. vir ingenio, & eruditione ornatissimus, *Dysenteria* acutissima laborans, me quem consuluit suadente, ope methodi jam laudatæ, cito, tuto, & jucunde sanatus est; post tertium sc. quartumve enema, dum lecto assideret, & tormina, & dejectiones sanguineæ evanescere; nec qualibet re alia,

præter lecti ad dictum spatium patientiam, & lacteam diætā; ad sanitatem redintegrandam opus habuit. Eodem plane modo, & idem postea alios quam plurimos hoc malo affectos restituit exeunte eo Autumno. Anno autem proximo, illum etiam idem molientem spes fefellit.

Jam olim diximus, quod sæpenumero hic morbus, si diutius excurrat, intestina seriatiim omnia deorsum versus afficiat, donec tandem omnis ejus vis in *Rectum* decumbat cum assidua desidendi cupiditate, qua nihil præter mucosum quiddam, & subcruentum excernitur. Hoc si fiat, frustra erit, me iudice, qui medicari sataget, vel quavis methodo prædicta, vel clysteribus abstergentibus, glutinantibus atque astringentibus quæ pro variis ulceris, quod supponitur, temporibus injici solent; vel etiam foru, & infessu, suffumigiis, ac suppositoriis dictos scopos respicientibus. Liquet enim, hoc ab ulcere *Recti* non procedere, sed ex illo potius; quod *Intestina* quibus gradibus vires resumpserint, iisdem etiam materiæ morbificæ reliquias in *Rectum* deturbaverint; quod quidem indefinenter proripitum singulis sedibus mucosam illam materiam, qua ex naturæ providentia intestina duplicantur, elidit. Corroboranda est itaque pars affecta, quo possit, aliorum intestinorum exemplo, jam fatiscientes mali reliquias funditus eliminare. Hoc autem ea sola præstabunt, quæ corpori in genere vires adjicere apta nata sunt. *Topicam* enim, quaecunque id demum fuerit, parti dolenti applicatum, cum alienum quid sit, contactu molesto debilitatem magis adfert, quam robur subministrabit. Tolerandum itaque est ægro, donec diætā analepticā, & liquore aliquo cardiaco, qui palato arridet maxime, pro libitu ingesto, revocari possint vires, quibus redeuntibus, pari passu suaque sponte proripiet se hoc *Tenesmi* symptoma.

Accidit etiam nonnunquam, licet raro admodum, ut *Dysenteria* sub initio non rite curata, particulare subjectum ad annos aliquot discruciet, integra sanguinis massa crasin quasi dysentericam jam indepta, unde acres calidique humores intestinis continuo suppeditantur, ægro interim singula vitæ munia mediocriter bene obeunte. Hujus specimen se mihi obtulit non ita pridem in muliere quadam meis ædibus vicina, quæ per tres annos hujus *Constitutionis* postremos hoc malo continenter exercebatur. Cum remedia quam plurima esset experta antequam ad me accederet, venæ sectionem tantum, missis cæteris præsidiiis quibusque, celebrandam censui, quam ut sæpius repeterem, longioribus tamen intervallis, tum sanguinis color, pleuritico sanguinis æmulus, tum insigne illud, quod, post singulas vices magis, ac magis auctum sentiebat levamen, mihi addebant animos; cujus ope tandem pristinam sanitatem consecuta est.

Antequam finiam, hoc est notandum, quod tamen in his annis quibus dysentericæ adeo epidemice grassarentur, evacuationes prius memoratæ prorsus necessariæ erant antequam ad usum Laudani devotum fuisset; attamen in *Constitutione* quavis huic morbo minus faventi, istæ tuto omitti possint, accuratio compendiosiori via, solo nempe usu Laudani, absolvi, eo quem descripsimus modo. Atque hæc de *Dysentericis* dicta sunt.

C A P U T IV.

Febris Continua partis Anni 1669. atque integrorum 1670. 71. 72.

EO ipso tempore, quo sæviebat *Dysenteria*, & *Febris* quædam illi simillima, quæ dysentericis accidere sæpe solebat, una exorta est, quæ, quidem non eos tantum, quos jam sauciaverit dysenteria, sed ab illa prorsus immunes, (nisi quod subinde, at raro, tormina haud quidem atrocia, nunc cum dejectionibus, nunc sine illis, paterentur ægri) pariter incessit: Eadem enim ubique *propagationis* seu causas manifestas, & apparentes habuit, quas *Dysenteria*, eadem etiam per omnia symptomata, quæ dysentericorum febrem comitabantur. Ita ut, si evacuationes per alvum dysenteria laborantium excipias, & quæ ab istis necessario pendebant symptomata, dicta febris ejusdem prorsus naturæ cum ipsis dysentericis videretur; & deinceps per hujus *Constitutionis* decursum omnem, parē cum illis subiit symptomatum quorumlibet alterationem, eisdem

scilicet differentiis, quoad augmentum, statum, & declinationem, affecta, quibus afficiebantur in genere *Dysenteria*. Hæc itaque *Febris Dysenterica* mihi audiebat.

Memorata *Febris* nonnunquam, uti dictum, cum alvi torminibus, sed mitioribus, ingrediebatur (prioribus annis maxime, quibus invasit) vel ista ad eam post accedebant, sæpius vero nulla erant. Sudores, qui in febre *Constitutionis* prægressæ copiosissimi erant, ut supra notavimus, in hac rari ac pauci, sed capitis dolor in hac quam in illa specie immanior: Linguae ægrorum, licet humidæ atque albæ, ut in altera specie, crassa insuper pellicula oblinabantur. Rarius hæc per *Ptyalismum* sibi fugam quærebat, quod in alia non erat infrequens. Ad *Aphthas*, cum jam discessum meditaretur, erat propensior, quam vel prior ista, vel alia quævis febris species, quam mihi hætenus contigit videre, huic etenim perquam familiare fuit (uti, & febrī etiam illi, quæ dysentericis supervenit) cum jam fere desineret, materiam fœdam atque acrem e sanguine in os atque gulam deponere, unde nascebatur dictum symptoma, in iis præsertim, quos contumacior morbus diutius maceraverat, & regimen iusto calidius amplius infirmarat.

Eodem etiam morbo generabantur *Aphthæ* istæ, quæ *Dysentericis* pervicacioribus cum febre conjunctis nullo non die accidebant, præsertim si præter regimen calidius evacuationes etiam per alvum medicamentis astringentibus prius fuerint coercitæ, quam morbi fomes e venis phlebotomia, & catharsi exigeretur.

Hæc erant certissima hujusce febris *ætiologia*; reliqua symptomata variabant quotannis, & pro manifestis aeris qualitatibus certis quibusdam temporibus, & pro dysentericæ in genere progressu, tum etiam vario ejusdem statu. Sed, ut hæc clarius intelligantur, cum hoc præsertim artificio in *Epidemicorum* productione triumphet natura, rem paulo alius repetam. Notandum est itaque, quod, licet aeris *qualitates manifestæ* non eam vin- cuilibet *Constitutioni* imprimant, ut causæ sint epidemicorum, qui ad illam proprie referuntur productivæ, (cum a recondita atque inexplicabili ejusdem conditione fluant isti,) pro tempore tamen in eos habent potestatem, & proinde intromittuntur *Epidemici*, aut etiam excluduntur, prout illis favent qualitates manifestæ, vel adversantur; *Universalis* autem *Constitutio* eadem prorsus manet, sive eam promoverint istæ, sive quadantenus retardarint. Unde etiam est, quod, cum varii *Epidemici* in eandem incidant *Constitutionem*, hic aut ille morbus particularis ea potissimum tempestate se exerat, ad quam sensibiles aeris qualitates eundem destinaverint, atque alteri demum *Epidemico* locum cedat, quem sc. diversæ subsequens temporis qualitates advocarint. Ex quo fit, ut febris *Stationaria*, quæcunque demum illa sit, quæ ad *Epidemicum* eo anno regnantem attinet, *Julio* mense potissimum sæviat, cujus initio plures hominum catervas simul aggreditur; *Autumno* vero appropinquante, magno illi epidemico, a quo annus insignitur, rursus invalescenti decedit, & parcius infestat, ut quilibet semper annus satis docet. Excalefacta enim a prægressa æstate hominum corpora febres, *Constitutioni Generali* propriæ quæ sunt, promptissime eo tempore invadunt, appetente vero *Autumno*, quo qui prædominatur *Epidemicus*, fasces resumit, istis omnino recedendum est.

Sicuti vero nominatæ *Febres* sensibili aeris qualitati acceptum referre debent, quod jam hoc mense exoriantur; ita etiam symptomata varia, a sua natura, quatenus ab ejusmodi *Constitutione* generali pendunt, prorsus aliena, a manifestarum qualitarum, quæ in illum incidunt *mensem*, peculio sumunt mutuo. Hinc est, quod quibus annis dictæ febres hoc mense turmatim ingrediuntur, variis symptomatibus novis stipantur, præter illa, quæ eis sunt propria, quatenus ab ejusmodi *Constitutione* generali procreantur, eadem tamen ipsæ maneant, licet apud vulgus ob *causarum* diversitatem *Nova* quotannis *Febres* audiant. Ad paucas vero tantum septimanas perseverant symptomata hæc magis peculiariora, quibus elapsis propria solummodo symptomata, quæ eis accidunt, quatenus febres sunt *Stationariæ* talis *Constitutionis*, reperiuntur per reliquum annum.

Hoc

Hoc tum in aliis aliquibus febribus, tum magis peculiariter in *Dysentericis* mensis Julii 71. & 72. in quarum priore vehemens ægritudo, & bilis ærugino-fa, cum magna in diarrhœam propensitate sub morbi finem, continuo observabantur. In posteriore, doloris sensus in partibus corporis musculosis, artubus maxime, ad rheumaticorum fere dolores accedens: Fau-cium insuper inflammatio, mitior tamen quam in angina laborantibus. Utraque tamen hæc in eadem Febre speci-fica coibant; & eadem plane medendi ratione utraque profligabantur, differebant autem respectu tantum qua-litatum sensibilium, quibus donabantur tempora illa, in quæ incidebant. Improvisa vero subitaneaque harum fe-brium circa dicti mensis initium eruptio, & nova ad tempus aliquod peculiarium symptomatum facies (licet neque specie distarent, neque methodo medendi, quam postulabant, a febre illa, quæ integrum percurrerat an-num.) Hæc, inquam, plus satis evincunt, quam sit dif-ficile certam febris speciem omni tempore e phænomenis elicere, licet eam satis recte possit dignoscere, qui ad alios morbos eodem anno ingruentes diligenter attende-rit, & propria insuper febris symptomata, quæ ad hunc vel illum *Evacuationis* modum spectant, rite observa-verit. Neque parum facit ad investigandam febris spe-ciem consideratio, sive methodi, sive medicamenti, a quibus eadem minino cum negotio expugnatur.

Quod ad reliquas symptomatum, febres *Stationa-rias* comitantium, differentias spectat, *varia* consti-tutionis tempora eæ tantum respiciunt, atque eo no-mine vel sunt intensiora, vel remissiora, illa prout in-tendunt, vel etiam remittuntur, symptomata aliorum epidemicorum, ad quos ipsa pertinent.

Sed ut ad rem revertamur, *Febris* hæc, quæ cum *Dysentericis*, ut supra dictum, est ingressa, parem cum iis passum tenuit, nisi quod se paululum subdu-ceret, dum alii horum annorum epidemici prævale-rent; persistebat tamen illa, nunc plures, nunc pau-ciores petens, durante hac *Constitutione*.

* Pro hujusce *Febris Curatione*, cum observassem, uti prius dictum, phænomena *Febris Dysentericorum* quam-plurimum eadem plane esse cum illis, quæ hujus anni *solita-rias* comitabantur, consentaneum mihi videbatur sana-tos iri ægros meos, si evacuationem illam quadantenus imitarer, qua natura materiam illam corrosivam atque acrem, quæ & ipsius dysentericæ, & supervenientis fe-bris causa *Continens* est, solet ablegare. Ac proinde ea-dem ipsa methodo, tum quoad venæ sectionem, tum repetitas purgationes, febrem hanc aggressus sum, quam in dysentericæ curatione supra fufius deduximus; nisi quod *Paregorica* purgationibus interjecta non hic juvare, sed & obesse deprehenderim, (secus atque in *Dysenteria*) cum ab his detineretur materia illa, quæ catharsi elimina-ri debuerat. Pulticula avenacea, hordeacea, panatel-la, & similibus sub primis morbi diebus victitabat æger; potus erat cerevisia tenuis tepescata. Post celebratam ve-ro semel iterum catharsin nulla suadebat necessitas pul-lorum carnibus, aut similibus eupeptis ægro interdiceret; cum hæc per purgationem medicatio ea indulgeat, quæ non poterant concedi, si alii viæ insisteretur. Tertia ut plurimum purgatio, interposito semper die, morbum absolvit; neque tamen perpetuum id fuit, sed aliæ in-super nonnunquam instituendæ erant. Si febre jam pul-sa, fractiores adhuc essent ac magis effœtæ ægri vires, atque is tardius convalescere (quod *Hystericis* frequentis-sime accidebat) *Laudano* in parva dosi exhibitio easdem restaurare, & spiritus transfugos ac dissipatos in desertas stationes revocare conabar: raro autem remedium illud repetebam, neque unquam præscripsi, nisi biduo tri-duove a postrema catharsi. Nihil vero æque ad renou-vandas vires refocillandosque spiritus faciebat, atque auræ liberior usus mox ut febris recesserit.

Ansam autem ad praxim hanc instituendam hinc pri-mum arripui, quod nempe, nascente ferme *Constitutio-ne* hac, dum irrequieto sollicitoque animo novæ hujus febris naturam volutarem, ad juvenulam mihi vici-nam advocabar, febricitantem quidem illam atque acer-bissimo sincipitis dolore fere eneetam, aliisque sympto-matibus, quibus *Febrem Dysentericam* onerari jam dixi-mus: Hæc cum a me interrogaretur, & de modo, quo febris primum invadebat, & de ejusdem duratione, fas-

Sydenham opera Medica.

sa est se a *Dysenteria*, quæ tum ubique fere grassaba-tur, a quatuordecim retro diebus fuisse liberatam; cui sive sua sponte discedenti, sive medicamenti ope depul-sa protinus successit dicta febris cum dolore capitis. Quibus ego me rectissime occurrere posse conjecta-bam, si *Dysenteria* loco aliam evacuationem substitue-rem, ejus simillimam, qua præclusa febris oborta est; ac proinde methodo supra laudata eandem restitui; Atque huic quidem se promptissime debebant hujus *Constitutionis* febres. Semper enim rebar, non suffice-re ad comprobendam in *Acutis* medendi rationem, ut feliciter ea cederet, (cum ab imperitissimarum mu-liercularum temeritate sanentur nonnulli) sed requiri adhuc, ut morbus nullo negotio victus quasi suoapte genio cedat, atque abitum affectet, quantum ejus fert natura. Sed hæc obiter.

Incunte *Junio* 1672. Vir nobilissimus, ac pruden-tissimus Dominus Comes *Salisburiensis* hac febre la-borans cum torminibus (alvo tamen non soluta) accersiri me jussit, & methodo proposita sanitati redditus est. Neque alia mihi ulla re fuit opus, dum hæc staret febris.

In adolescentibus, aliquando & in paulo prove-ctioribus, febris hæc caput nonnunquam petebat, unde delirabant, non quidem ut in aliis febribus phreneticorum more, sed quasi stupore, ad *Carum* proxime accidente, perculsi. Hoc illis præ cæteris accidebat, qui sub morbi principio in sudoribus quo-quo modo extorquendis operam inauspicato colloca-rant, Non id mihi contingebat felicitatis, ut his sublevandis par tunc temporis essem, licet nullum non moverem lapidem, nullumque non e remediis hæctenus notis in suppetias advocarem. Atque hæc de febre hujus *Constitutionis* possint sufficere.

C A P U T V.

Morbilli Anni 1670.

SUB initio *Januarii* 1670. (ita ut solent) præmatu-re *Morbilli* sunt ingressi, atque indices magis in-valescebant, donec instante *Verno Equinoctio* auxilio adepti, exinde iisdem gradibus imminuti tandem *Ju-lia* sequenti penitus extinguerentur. Horum jam ego historiam (cum omnium, quos hæctenus vidi, in suo genere perfectissimi illi mihi videantur,) certam atque exquisitam, quatenus mihi tum observare li-cuit, literis consignabo.

Ortum habet hic morbus, atque occasum tempori-bus supra notatis: *Infantes* plerunque aggreditur, omnesque adeo ex illis, iisdem mœniis conclusos. A rigore atque horrore, calorisque, & frigoris, quæ se mutuo *primo* die expellunt, inæqualitate tragœdiam orditur; tandem affulgente *secundo* die in febrem con-summatam desinit, vehementi ægritudine, siti, inap-petentia, lingua alba, (non vero sicca) tussicula, ca-pitis atque oculorum gravedine, & somnolentia per-petua stipatam. Plerunque etiam e naribus atque ocu-lis stillat humor; atque hujusmodi lacrymarum in ocu-los effusio certissimum est signum morbillorum ingru-entium. Cui & hoc addendum haud minus certum, quod etsi in facie, exanthematum specie, hic affectus ut plurimum se prodit; in pectore tamen non tam ex-anthemata quam maculæ latæ, & rubræ superficiem cutis non superantes, conspiciuntur, sternutat æger tanquam a suscepto frigore, intumescunt palpebræ (paulo sc. ante eruptionem) vomit, sæpius tamen laborat *Diarrhœa* cum dejectionibus coloris subviri-dis. Dentientibus autem maxime id convenit. Infan-tes etiam per hunc morbum solito sunt morosiores. Ingravescunt ut plurimum symptomata ad *quartum* us-que diem, quo tempore plerunque (licet ad diem *quintum* aliquando differantur) circa frontem, & re-liquam faciem maculæ parvæ rubræ, pulicum moris-cus per similes, prodire incipiunt, quæ tam numero, quam magnitudine auctæ, racematim coalescunt, & faciem maculis rubris majusculis variæ figuræ, interstin-guunt. Quæ quidem maculæ rubræ e parvulis quibusdam papulis rubris haud longe ab invicem distitis, supra cu-tis superficiem paululum elevatis, constantur, quarum protuberantia, digito leviter admoto, tactu potest de-prehendi, licet oculorum longius remotorum aciem fere effu-

effugiat. A facie, quam primo solam occupant, sensim ad pectus ventremque, crura deinde ac tibias se diffundunt hæ maculæ, licet truncum atque artus rubore insciant tantum, nulla eminentia sensibili cutis æquabilitatem transgressæ. Eruptione *Morbilorum* non perinde deliniuntur symptomata, atque *Variolarum*; Vomitus tamen post eruptionem nunquam observavi; tussicula nihilominus, febrisque intenduntur, cum spirandi difficultate, oculorum debilitate defluxioneque in eosdem decumbente, somnolentia perpetua, atque inappetentia, uti prius adhuc perseverantibus. Die *sexto* aut circiter, frons, & facies asperescunt, emorientibus pustulis, ruptaque cuticula, & per id temporis maculæ per reliquum corpus, & latissimæ sunt, & maxime rubescunt. *Octavo* circiter die maculæ in facie evanescent, & vix in reliquo corpore cernuntur; *nono* vero nullæ sunt prorsus, facie atque artubus, quandoque, & toto corpore quasi farina conspersis, particulis scilicet disruptæ cuticulæ paulum elevatis, & vix coherentibus, quæ morbo jam abituriente in frustra distrahitur, & postea a toto corpore squamulatum forma decidit. Evanescent itaque *Morbilli* die fere *octavo*, quo tempore vulgus (a spacio quo perdurare solent *Variolæ*, deceptum) eosdem introverti affirmat, licet revera illi cursum a natura destinatum absolverint, & symptomata quæ iisdem recedentibus superveniunt ex eo nata autumat, quod iusto citius se intro *Morbilli* receperint. Observare enim est, febrim atque spirandi difficultatem tunc temporis augeri, importunius urgere tussiculam, ita ut nec interdiu, nec etiam noctu fere somnus possit obrepere. Infantes præsertim sub regimine calidiori, aut, qui calidioribus usi sunt medicamentis ad promovendam morbillorum eruptionem, huic malo sunt obnoxii, quod morbillis jam facessentibus se ostendit, unde in *Peripneumoniâ* conjiciuntur, quæ plures jugulat, quam aut *Variolæ* ipsæ, aut symptomata quodcunque ad eum spectans morbum; licet omni prorsus periculo vacent *Morbilli*, si modo perite tractentur. His etiam non raro accidit *Diarrhœa*, quæ vel morbum statim excipit, vel etiam ad plures septimanas excurrit post morbi, omniumque ejus symptomatum fugam; haud sine magno ægri discrimine, in quo abhinc orta spirituum profusione continua, versatur. Aliquando etiam post regimen intense calidum exanthemata livescunt primo, mox nigrescunt; id vero *Adultis* tantum contingit, de quibus conclamatum est, ubi primum nigredo ista conspicitur, nisi phlebotomia, & temperationis regiminis refrigerio iis actutum subveniatur.

* *Morbillis*, ut natura, ita & medendi, quam sibi poscit hic morbus ratione, cum *Variolis* satis convenit: Medicamenta, & regimen calidiora periculi plenissima sunt, utut frequenter in usum revocentur ab ignavis ægrorum curatricibus, eo animo ut morbus a corde procul submoveatur. Feliciter præ aliis mihi cessit methodus illa, qua æger ad diès binos solum ternosve ab eruptione lecto adstringebatur, quo sanguis leniter pro morbi genio particulas inflammatas facile separabiles, a quibus offendebatur, per cutis spiracula diffaret, nec lodicibus, nec igne, præter modum, quem sanus tenebat, adjectis: A carnibus quibuscunque arcebam, juscula avenacea, hordeacea, & similia, nonnunquam, & pomum coctum concedebam; Potus, vel erat cerevisia tenuis, vel lac cum aquæ triplo coctum. Tussim, quæ huic morbo fere assidua est, decocto aliquo pectorali subinde hausto delinitam volui; uti etiam eclegmate aliquo eundem scopum attingente. At præ reliquis *Diacodium* omni nocte ab ipso morbi insultu per totum ejus decursum exhibendum curavi. Ex. gr. *℥. Decoct. pectoral. ʒjss. syr. violac. & capill. Veneris an. ʒjss. mis. f. Apozema. Cap. ʒiij. vel iv. ter vel quater in die. ʒ. ol. amygdal. dule. ʒij. syr. violac. & capill. Ven. un. ʒj. sacchari cand. albi q. s. misc. f. eclegma, de quo sæpius lambat, præcipue quando tussis urget. ʒ. aq. cerasor. nigr. ʒiij. syr. de meconio ʒj. mis. f. haustus, sumendus sing. noctibus. Si vero infans fuerat æger, minuenda erat tam pectoralium, quam Narcotici dosis, pro ratione sc. ætatis.*

Rarissime perit qui hoc utitur regimine, nec præter necessaria atque inevitabilia morbi symptomata, novis insuper malis atteritur, Tussis præ reliquis fatigat; a qua tamen nihil est periculi, nisi morbo jam prætergresso,

cumque adhuc per septimanam unam aut alteram persistat, auræ liberioris usu, ac remediis pectori dicatis, haud difficulter fugatur; quinimo sponte sua, & paulatim decrescit, & tandem fatiscit.

Si autem æger a cardiacorum, vel regiminis iusto calidiorum usu, post eorum discessum (quod valde est familiare) febre vehementi atque *Dyspnœa* aliisque accidentibus, qualia *Peripneumonicos* solent affligere, in vitæ discrimen adducatur, felicissimo semper eventu, vel tenerimorum infantum venas in brachio secui, eductæ sanguinis quantitate, quam ætas viresque indicarent. Quandoque etiam, urgente morbo, phlebotomiam iterare haud sum veritus. Profecto haud paucos infantes hoc statim symptomate enecandos, benedicente summo Numine, misso sanguine eripui. Infantibus autem accidit illud post *Morbilorum* recessum, quibus ita est exitiale, ut inter præcipuos *Parcarum* ministros jure habeatur, plures jugulans, quam vel ipsæ *Variolæ*; nec dum mihi visus est, qui certa alia methodo eidem potuit occurrere. Quin & *Diarrhœa*, quam *Morbillos* excipere diximus, venæ sectione pariter sanatur; cum enim halitibus inflammatis sanguinis in intestina ruentibus ortum suum debeat (quod etiam in *Pleuritide*, *Peripneumonia*, aliisque qui ab inflammatione creantur, morbis usu venit) a quibus illa ad excretionem stimulantur, sola venæ sectio levamen adferet, a qua tum revelluntur acres isti humores, tum etiam sanguis ad debitam redigitur temperiem.

Neque est, cur quis miretur, me in teneris infantibus venæ sectionem instituendam suadere, cum sanguis, quantum ego hactenus potuerim observare, haud minus tuto ex eorum venis, quam ex adultorum extrahatur. Et profecto ita est illa necessaria, ut nec symptomati memorato, nec aliis quibusdam quæ infantibus accidere solent, omissa phlebotomia certo mederi valeamus. Exempli gratia, quo pacto puerorum *Dentitionum Convulsionibus*, quæ *nono* dicimurque mense superveniunt, (cum gingivarum intumescencia doloreque, a quibus comprimuntur nervi atque irritantur, unde etiam paroxysmi isti nascuntur) sine venæ sectione opem feremus? Quæ sola in dicto affectu *specificis* quibuscunque, vel decantatissimis, quæ hactenus innouere, longe est anteferenda; quorum nonnulla adventitio calore nocent etiam, & dum occulta aliqua proprietate morbo adversari creduntur, manifesto calore eidem militant, atque ægrum ad plures deducunt. Prætereo impræsentiarum ingens illud solatium, quod adfert venæ sectio infantum *Pertussi*, (quam nostrates vocant *Hooping Cough*) in qua remedia quolibet pectori dicata post se linquit intervallo.

Quod de horum symptomatum *Morbillis* decedentibus supervenientium, curatione jam diximus, nonnunquam etiam eisdem florentibus potest competere, si nimirum artificiali, si fas est dicere, atque adscititio calori ea debeantur. Hoc anno 1670. famulam Domine *Anne Barington* hoc morbo laborantem, una cum *Febre*, *Dyspnœa*, *Maculisque purpureis* corpus omne deturpantibus, aliisque symptomatibus quam plurimis periculosis, Medicus invisebam; cum regimini, & medicamentis, quæ satis multa usurpaverat, calidioribus ista omnia tribuerem, sanguinem a brachio extrahendum curavi, & Prisanam pectoralem atque refrigerantem sæpe assumendam præscripsi, quorum ope, & regiminis simul temperationis, & maculæ, atque alia omnia symptomata pedetentim evanescebant.

Hicce morbus mense *Januario*, ut dictum est, natus ad *Æquinoctium* usque *Vernum* crescebat indies, a quo tempore imminuta paulatim vi, sequenti *Julio* plane desit; nec est reversus per omnes annos, quibus hæc *Constitutio* dominabatur, nisi quod in sequenti vere, nonnullibi, licet rarius, se ostenderet. De *Morbillis* hæc dicta sunt.

C A P U T VI.

Variola Animalis Annorum 1670. 71. 72.

Morbilli prædicti, (quod jam supra innuimus) *Variolarum* speciem ab illa quam propagaverat *Constitutio* præcedens, diversam introducebant, eodem fere cum illis tempore ingredientem, initio sc. *Januarii* 1659. 1670. quæ licet non usque adeo epidemica atque ipsi

Morbil-

Morbilli eosdem tamen comitabantur per omne illud tempus quo dominabantur, atque iis etiam fatiscen-
tibus, per residuos hujus Constitutionis annos perseve-
rabant, *Dysenterii* nihilominus primas concedebat,
sub auspiciis *Autumni* iisdem faventis atque amicissimi,
grassantibus; *Hyeme* vero, *Dysenterii* aliena tempe-
state pressis, denuo recrudescebat hæc, de qua agimus,
species. Atque hunc servabant ordinem per singulos
hujus *Constitutionis* annos, nisi quod postremo quo il-
la vigeat *Autumno*, Anno scil. 72. (languescente
jam ista *Constitutione*, & *Dysenterias* jam exolentes
segnius promovente) *Variola* præter solitum hoc quo-
que tempore grassabantur, atque ita pares *Dysenterii*
concurrerant, ut haud facile esset dictu, quis morbus
plures occuparet; licet quantum ego conjectando va-
lui, prævalere *Dysenteria* adhuc videretur. Quin &
hæ etiam *Variola*, ad exemplum Epidemicorum alio-
rum quorumlibet, primo statim insultu atrociores
erant, atque indices increbrescebant, donec ad statum
pervenissent, quem semel transgressæ, tum quoad
symptomatum vehementiam, tum ægrorum numerum,
sensim imminuebantur.

Sed ut particularia earum Phænomena referamus;
haud parum præter opinionem mihi primum compare-
bat hoc *Variolarum* genus, cum animadverterem istud
quamplurimis Phænomenis insignioribus ab eo differ-
re quod produxerat *Constitutio* præcedens, & in qui-
bus observandis me operam satis sedulam olim collo-
casse rebar. Hæc tantum earum Phænomena alterius
generis Phænomenis dissidentia, impræsentiarum tra-
ctabo, prætermittis iis quæ cum Variolis ita prolixè
supra descriptis habebant communia.

Discretum Variolarum genus his tantum a genere
Discreto communi alterius *Constitutionis*, determina-
batur. Primo, quod cum in iis, quoties erant inter-
stinæ, Eruptio diem *quartum* prævertere non soletet;
hic in *tercium* plerumque incidebat; quod *Confluenti-
bus* solenne quidem est. Deinde non ad eam magni-
tudinem, procedente morbo, hic assurgebant pustulæ
atque in alio genere; magis autem exasperabantur in
minori mole, & sub diebus ultimis ubi jam maturue-
rant *nigræ* frequentius viscebantur. Illud etiam addam,
quod nonnunquam, licet rarius, ægrum etiam paucif-
simis notatum pustulis, *Ptyalismus*, haud secus atque
in *Confluentibus*, exerceret. Ex quibus conficitur,
Distinctas hujus *Constitutionis* Variolas, ad *Confluen-
tium* naturam propius accedere, atque *Inflammatio-
nis* magis intensæ esse participes, quam quæ in *Di-
stincto* genere usuvenire solent.

Confluentes vero ab aliis, quas per alios annos ego
observaveram, *Confluentibus*, in multis, quæ jam re-
censebo, discrepabant. Nunc *secundo*, nunc *tertio* die
se primum monstrabant, specie tumoris subrubri, at-
que uniformis, vultum omnem contegentis, *Erysipe-
late* quidem densioris, nullo fere visibili pustularum di-
scrimine; reliquum corpus congeries quædam (ceu pani-
latiores) ex infinitis propemodum pustulis rubris ef-
feratis in unam conflata variegabant, inter quas spar-
sæ, in femoribus præcipue, vesiculæ quædam satis con-
spiciæ, ambustorum ad instar, sero limpidiore disten-
tæ eminebant, quod quidem disrupta subinde pellicula
copiose effluebat, subjecta carne nigredine & sphacelo
quasi affecta. Rarius autem occurrebat hoc tam durum
symptoma, idque primo tantum mense quo hæc spe-
cies regnabat: Quo tempore inter alios ita male mul-
tatos, ineunte *Januario* 1669. 1670. accersiri me cura-
vit vir probus, nomine *Collins*, Zythepsa in Parochia
S. *Ægidii*, cujus filius adhuc infans vesiculas habuit in
femoribus Juglandem nucem exæquantibus, sero limpidio-
re repletas: quibus disruptis substrata caro quasi morti-
ficata omnino comparebat, atque non ita diu post æger
fatis concessit; quæ & eorum omnium fors fuit, quos
hoc tam funesto symptomate correptos vidi unquam.
Die *undecimo* circiter, pellicula alba resplendens tumo-
ri subrubro, variis faciei partibus, & paulatim vultui
omni obducta est. Pellicula hæc alba brevi post mate-
riam quandam crustosam splendescens eructabat, ca-
lore quidem neque flavo, neque fusco, (qui duo in aliis
Variolarum speciebus reperiuntur) sed rubro saturato,
concretum sanguinem imitante, qui maturescens pustula
ad nigrorem indices magis accedebat, donec tandem
facies integra nigredine, fuliginis omnino æmula, tin-
Sydenham opera Medica.

geretur; Cumque in alia Variolarum *Confluentium* spe-
cie dies *undecimus* in maximum vitæ discrimen ægros
adduceret, & plerisque emorientium supremus esset; in
hac specie æger nisi regimine immoderate calido op-
pressus mortis refrigerium maturius præoccupasset *deci-
mum quartum* ut plurimum diem, aliquando etiam *de-
cimū septimum* expectabat, quo demum elapso, sal-
va res erat. Notandum est tamen, quod qui lethali-
bus istis vesiculis ac mortificatione, quæ nonnullis
primo mense, quo hæc species invadebat, accidisse
memoravimus, Libitinæ destinabantur, intra paucos
dies ab eruptione interibant.

Et febris, & symptomata alia omnia quæ vel præ-
cedebant, vel comitabantur hoc Variolarum genus,
graviora erant quam in præcedente, & inflammatio-
nis adhuc majoris manifesta dabant indicia. Ægri ad
salivationem erant procliviores; Pustulæ & effratio-
res, & mole longe minores; ita ut non facile, ubi pri-
mum apparebant, ab *Erysipelate* quis eas discreverit,
vel etiam a *Morbillis*, nisi quod hi ex die eruptionis,
& aliis signis in historia morbillorum supra recensitis,
certo innotescant. Pustulis decidentibus furfures diu-
tius hærebant, scædioraque stigmata inurcabant cuti.

Operæ pretium est & illud adjungere, quod du-
rante hac anni *Constitutione*, qua tam epidemice sæ-
viebant *Dysenteria*, *Variola* regimine justo calidiore
provocata per *Dysenteriam* nonnumquam viam sibi
facerent, quod ne semel accidisse hætenus quidem
animadverteram.

Observare autem convenit, *Variolas* hæc non ita
diris symptomatis per omnia sua tempora fuisse stipa-
tas; postquam enim binos exegerant annos, tertio,
sc. 1672. mitescere cœperunt, & exuto nigro colore,
paulatim ad flavum illum, & *favarum* similem, acce-
debant, qui *Variolis Legitimis* maturescen-
tibus est proprius, ita ut postremo hujus *Constitutionis* anno,
benignæ plane essent & boni moris, habita generis
ratione. Quo non obstante, satis liquebat illas ad
aliam prorsus classem relegandas esse, ex postularum
nimirum exiguitate tam eximia ad salivationem dispo-
sitione, atque aliis.

Quamlibet ob causarum differentia cujuslibet specifi-
cæ qua immergimur, ignorantiam, impossibile fuerit
rationem harum Variolarum *formalem* comprehendere,
quatenus ab illis, quas alia promit *Constitutio*, contradi-
stinguuntur, mihi tamen liquido constabat ex singulis
Phænomenis *inflammationem* in his, quam in illis longe
immaniore fuisse, ac proinde omnem medendi ratio-
nem in eo stare, ut pluribus adhuc repagulis sisteretur ef-
frænata sanguinis ebullitio. Id autem maxime efficieba-
tur (post *Hypnotica* dicto modo exhibita) regimine tem-
perato; indulgendo sc. ægro usum liberaliorem liquoris
alicujus, qui non eam excalefaceret, sed potius fervidif-
simum illum æstum (quo hic morbus, pustulis maxime
ad maturitatem jam pervenientibus, miseros præceteris
quibusque morbis fatigat atque exurit) illico committiga-
ret. *Decoctum Album* dictum, ex pane sc. & C. C. C.
exigua quantitate in multa aqua factum, & saccharo
dulcoratum hic juvabat; at *Hydrogala* e tribus aquæ par-
tibus & lactis una simul coctis, & ægri palato & votis
magis ut plurimum, refrigerando respondit; nec eo tan-
tum profecit ingesti liquoris copia, quo insignem ca-
lorem, cum *Maturationis* febre præcipue vigentem, re-
stingueret, sed quatenus *Ptyalismum* etiam promoveret,
atque eundem diutius protraheret, quam poterat fieri,
si æger nimio æstuarer calore. Præter hæc omnia, sæ-
penumero ita bene cessisse liquores hosce affatim haustos
observavi, ut eorum usu *Variola*, quæ cum pessimis
Confluentia signis exibant, progrediente morbo *Distin-
cta* sint factæ; pustulæ quæ maturescen-
tes rubram pri-
mo, mox nigram materiam aliter evomuisse, flavif-
simæ comparerent; pro efferatis insuper atque minutu-
lis, *benigni* atque optimi moris haberentur.

Neque etiam *Fluxus Mensium*, qui scæminis hoc
morbo laborantibus haud infrequens accidit, liberalem
horum liquorum usum quicquam prohibet; imo vero
& suadet, si tempore non solito isti fluant. Etenim
non jam alia de causa periclitantur scæminæ, nisi quod
sanguis ab immodico morbi calore plus justo atte-
nuatus, qua data porta ruat, naturæ ductus sequens;
præsertim ubi noxia Curatricum temeritas, regimine
calidiori, & *Decocto C. C. cum floribus Calendula*, &c.

adhibitis, oleum igni affuderit. Quicquid autem sanguinem potenter diluit contemperatque, licet non immediate; in quantum tamen ejusdem fluxum cohibet, tum pustulis, tum faciei manuumque tumori in statu conservandis necessario conferet: cum ex adverso remedia calidiora; licet ad hunc scopum rectius videantur collimare, cum tamen jugem hunc sanguinis fluxum promoveant, longissime aberrant. Quinimo nec dubium mihi est quamplurimas mulieres hoc errore perierisse, dum sc. assistentes, ne pustulæ ob sanguinis fluxum considerent, veriti, malo huic Cardiacis medicamentis, & regimine adhuc calidiori adhibitis occurrere niterentur, quo facto misellas certius pessundederunt; quantumlibet *adstringentia* varia Cardiacis admiscuentes Hæmorrhagiam sistere, atque pustularum una tumorisque debitam elevationem tueri faterentur.

Haud ita pridem *Dominam* tam virtutibus quam stirpe prænobilem, *Variolis* nigris & mali moris laborantem, tractavi. Quamvis autem ab initio iis omnibus illi interdixeram, a quibus sanguis exagitari poterat, cum tamen temperamento esset admodum sanguineo, viridi juvena vegetaque, fervida etiam anni tempestas accederet, derepente, tertio scilicet die ab eruptione, ita largo *Mensium profluvio*, tempore illis non debito, correpta est, ut astantes mulieres eam jam abortivisse suspicarentur. Licet hoc symptoma ad dies multos importune urgeret, non tamen idcirco existimavi lactis & aquæ usum a me præscriptorum, intermittere debere: quid quod magis jam necessarium illum esse, & liberalius adhuc indulgendum censuerim? quod etiam per omnem morbi decursum factitavimus, præsertim cum appeteret *Febris Maturatio*. Quo quidem tempore Medicus Doctissimus, Candidissimusque, Dominus *Do. Millington*, ejusdem mecum olim *Collegii Socius*, jam amicissimus, ad sociam operam invitabatur; qui cum omnia satis bene respondere, pro hujus morbi genio animadverteret, mihi lubens assensit, ut pergeret ægra dictos liquores affatim haurire, quos ipsa sibi gratissimos, & tam ad salivam facere, quam ad refrigerium & refectiorem sæpe affirmabat. Cum vero jam indurari facies cœperit, & crusta obduci, ab halitibus putridis a materia purulenta, quæ in hoc pessimo *Variolarum* genere male olebat, intromittendis ægræ nostræ metuentes, vini Canarini semicocti cochlearia paucula, semel in die assumenda, vel quoties in ventriculo ægritudinem aliquam persentisceret, concessimus. Pauculis hisce, nisi quod haustulam etiam *Paregoricum* hora somni quotidie imperavimus, convaluit; neque delirio, neque alio quovis symptomate, præter dictam Hæmorrhagiam, grave aliquod periculum minitante. Facies manusque satis intumescabant; pustulæ, quantum tulit morbi species, satis magnæ erant; salivatio copiosa & facilis ad metas usque; postremo quantumlibet pustulæ, quæ faciem obsidebant, cum maturerent, nigredinem affectare viderentur, in ple-risque tamen ejus partibus flavescabant.

Quibuscunque vero caloris atque inflammationis gradibus *Variolarum* species, huic *Constitutioni* peculiaris, alias aliarum *Constitutionum* species superaverit, cum tamen discreta essent pustulæ, vel saltem paucæ, docuit experientia, non opus esse tanta prædictorum liquorum quantitate ingerenda; satis autem fuit, ut æger pro sitis modo atque imperio cerevisiam tenuem potaret, jusculis avenaceis, panatella, & pommo cocto subinde, vesceretur, & si ex Ephebis excerserat, *Paregoricum ex Symplo de meconio*, cum vel ægrotaret, vel ob nimias vigilias delirare inciperet, assumeret. Neque aliud quicquam tentabam (nisi quod ægros lecto addicerem) ubi pustulæ *rare* comparebant. Atque hac sola methodo Charissimus mihi filius, *William Sydenham* distincto hujuscemodi *Variolarum* genere laborans mense *Decembri* 1670. favente Numine, restitutus est.

De *Variolis* hujus *Constitutionis* nihil superaddam, cum jam aliam speciem fusius tractaverim, a quibus hæc in eo tantum discrepant, quod naturæ sc. calidioris fuerint, & magis *inflammatoria*; unde sequitur, diligentior adhuc operam fuisse navandam, ut restingeretur intensior iste calor, qui tam iis naturalis erat, & ægro ita certum minitabatur incendium.

CAPUT VII.

Colica Biliosa An. 1670. 71. 72.

Per omnes hujus *Constitutionis* annos, cum sanguis ad humores cholericos fervidosque in viscera depouendos propensior esset, *Colica Biliosa* præter solitum plures invasit; qui morbus licet *Cronicis* annumerari debeat, ac proinde extra oleas mihi sit, cum tamen ab eadem sanguinis indispositione penderet hoc tempore, a qua & *Epidemici* plerique qui tum grassabantur, vel eo nomine hic mihi veniet tractandus, præcipue vero quia animadverti, morbum huncce eadem plane præcessisse symptomata febrilia, quæ *Dysenteriam* per illa tempora regnantem præcedere solebant; atque eundem, etiam aliquando (quod supra notavi) *Dysenteriam*, quæ post diuturnos cruciatus ægro tandem valedixisse videretur, fuisse insecutum. Ubi vero *Dysenteriam* diutinam non excipiebat, plerumque a febre ordiebatur, quæ per horas aliquot tantum affligens, in hunc morbum solebat desinere. Juvenes ut plurimum temperamento calido ac bilioso præditos, æstate præsertim adoritur. Intestinorum dolor atrocissimus est, & præ ceteris omnibus, quibuscum mortalium calamitosissimi committuntur, maxime intolerabilis. Intestina nonnunquam quasi injecta fascia constringit, nunc in punctum contractus quasi rebellis perforat: subinde remittitur dolor, mox recrudescit paroxysmus, quem æger præsentens, vultu miserabili atque ejulatu ceu præsentem exhorret, & averfatur. Sub initio hujus morbi non ita certo ad unum aliquod punctum determinatur dolor atque in ejusdem progressu; neque tam crebra est vomituritio, neque alvus ita pertinaciter *Cathartorum* vim eludit; quo autem magis augetur dolor, eo obstinatius in puncto figitur; vomituritio succedit frequentior & major alvi adstrictio; donec tandem ab ineluctabili horum symptomatum *totalis Peristaltici intestinorum motus inversio* (nisi maturius quis tulerit suppetias) atque *Iliaca passio* procurantur; in quo morbo *Cathartica* Medicamenta omnia in *Emetica* statim transeunt: Enemata etiam injecta, una cum alvi fecibus, per omnem intestinorum ductum sursum lata, vomitu ejiciuntur. Quæ hoc modo excernitur materia, sincera si fuerit atque *purpurea*, viridis aliquando, aliquando etiam flava, aut insoliti cujusdam coloris spectatur.

Cum singula hujus affectus phænomena, cum ab acri aliquo sive humore sive halitu, e massa sanguinea in intestina excussio, nasci aperte doceant, Indicatio curativa primaria mihi hæc est, ut sc. evacuetur dictus humor, tam *Antecedens* in venis, quam *Continens* in visceribus conclusus; altera vero ab hac, ut Anodynorum usu & compefcatur humorum eo tendentium impetus, & mitigetur immitissimus dolor.

* Sanguinem itaque e brachii venis paulo liberalius educi (si nempe id fuerit hætenus intentatum) & post horas 3. vel 4. Anodynum exhiberi curo. Postero die Catharticum aliquod lenitivum præscribo, interposito die uno repetendum, ad tertiam etiam nonnunquam vicem, prout humoris reliquæ plures mihi videntur, aut pauciores. Observandum est autem, quod si malum hoc sive fructibus horariis nimis avidè ingestis, sive alii cibo cuicunque *Suavis* originem suam debeat, unde sc. succi pravi corruptique primum in sanguinem transmittuntur, atque ex eodem postliminio in viscera; rebus, inquam, sic stantibus, ventriculus ante omnia eluendus est. Lacte cerevisiato affatim hausto, & per vomitum rejecto, quo exantlato, Anodynum propinandum est; sequenti autem die primum vena secanda, & in cæteris eo, quem jam docuimus, ordine procedendum.

At vero cum & doloris vehementia, & vomituritio, ob quam intestina ad inversionem quasi feruntur, Catharticum operationi obsistant, intendendæ sunt eorundem vires, neque Leo subere excipiendus, frustra enim mitius Catharticum exhibueris, nisi forte æger alvo sit facile solubili, quod diligenter inquirendum est: Cum enim hujusmodi medicamen viam sibi facere per intestinorum canales non valeat, æger ab eo læditur magis, dum scilicet ab ejusdem inefficaci agitatione & vomitus & dolor augentur. Potio Cathartica lenitiva ex infusio-

ne Ta-

ne *Tanarind. fol. Senn. & Rhei*, in qua dissolvi possunt *Mianne, & Syr. Rosaceus*, Cathartici aliis anteferenda, cum humores minus exagitet & commoveat. Cum tamen sive ob ægri aversionem medicamenti formæ liquidioris, sive vomituritionem, in ventriculo retineri vix queat, pilulæ necessario in subsidium vocandæ; inter quas *Cochia* mihi præ cæteris semper placuere, utpote certissimo pede quam cæperunt viam insistentes, tum in hoc casu, tum in aliis plerisque. Ubi vero tanta est sive ventriculi debilitas, sive etiam vomituritio, ut nec pilulæ possint detineri, ibi remedium primo *Anodynum* impero, & paucis horis elapsis *Catharticum*, eo temporis spatio interjecto, ut *Catharticum* a *Narcotico* tanto distet intervallo, ut ab eo non vincatur & pereat, eas autem in ventriculo moras trahat, quæ ad virtutem purgativam eidem communicandam sufficiant, ut suam demum exerat operationem, cessante altero. Licet *Catharticum* modo id possit fieri, diu post *Anodynum* rectissime propinetur, cum etiam ad horas duodecim ab hoc assumpto, alvus isti ægrius respondeat, atque non nisi operosius solvatur.

Cum autem hic uti in aliis plerisque morbis, in quibus indicantur *Narcotica*, *Catharticum* semper dolorem intendat (saltem finita jam operatione, qua quidem vigente mitius nonnunquam cum ægro agitur) idcirco solemne mihi est *Anodynum* ingerere, ubi primum expiravit *Cathartici* *ὀνύχη*. Quale quidem mane etiam & sero quotidie hauriendum impero, spatio scil. omni inter purgationes medio, quo certius dolorem consopiam, donec Catharsis debite fuerit celebrata.

Peracta *Cathartici* operatione humorum *ὀνύχων* compescere (quod jam solum restat agendum) *Anodyno* mane & vesperti jugiter exhibito, contendo; quod etiam sæpius aliquando est repetendum: nec unquam mihi contigit, dolores vehementiores sedare posse nisi dosi largiori & reiterata, quæ enim alteri malo debellando par esset, ab hoc vincitur, violentia doloris remedii vires frangente. Tutissime autem repetuntur *Narcotica* urgente hujusmodi dolore, non item ubi ille desierit. Quamobrem doloris indicium secutus, *Narcoticum* repeto, donec vel cessaverit ille, vel admodum fuerit mitigatus; eo nihilominus interjecto temporis spatio, ut compertum mihi sit, quid a dosi præcedente sperari debeat antequam alteram superaddam. Plerumque vero, nisi ubi summe viget dolor, *Paregoricum* mane & sero exhibitum sufficit. *Anodynum* mihi familiare *Laudanum* istud *liquidum* est supra descriptum, cujus *gutta xvi.* in aqua Cardiaca stillatitia solvuntur, vel augetur dosi pro doloris magnitudine.

Simplicissima hæc methodus, qua primum humor peccans venæ sectione & purgatione evacuatur, deinde *Narcoticorum* ope conciliatur quies, semper mihi felicissime cessit præ aliis quæ mihi hæctenus innovere omnibus. Cum *Enemata* Carminantia, eo fine injecta, ut humores acres exterminent, crabrones irriter tantum, & concitato humorum tumultu diuturniorem reddant morbum. Hic autem in primis animadverti volo, quod licet tam Phlebotomiam, quam Catharsin huic sedando mordo necessario esse præmittendam affirmavero, nonnunquam tamen, re ita postulante, ea utraq; omissa a *Paregoricis* ordienda tela est. Exempli gratia, ubi ob prægressam ægritudinem aliquam evacuationes copiosiores non ita diu ante *Colicæ* adventum institutæ fuerint; (non raro enim ob viscerum debilitatem, maxime si accedat major caloris gradus a vino, vel spirituofo liquore alio immodice hausto, qui nuper ab alio convalescere morbo in hunc præcipitantur) hoc, inquam, in casu non modo non necessarium, sed & noxium esse censeo; alia insuper adjiciendo Cathartica novos excitare tumultus, atque omnia denuo perturbare. Illud jam taceo, quod in hoc affectu æger ut plurimum, prius quam consulatur Medicus, repetito *Enematum* usu intestina satis proluit; ita ut partim hac de causa, partim ob diuturniorem morbi moram *Narcotica* fere sola in usum videantur revocanda.

Mense *Augusto* 1671. Nobilissimus Dominus Baro *Annesly Colica Biliosa* laborans cum cruciatu intolerabili, & frequenti vomituritione, jam ab aliquot diebus ad Castellum de *Belvoir* accersiri me jussit, nullum non *Enematum* genus, atque alia insuper remedia a

Medicis doctissimis experientissimisque eo locorum degentibus præscripta jam tentaverat. Ego nullis usum ambagibus, repetitum *Narcoticorum* usum ad normam jam traditam suasi, quorum ope propediem convaleuit, & mecum ad urbem sanus rediit.

Quandoquidem autem dolor hic præ cæteris quibusque ex sua natura reciduus sit, omnis ei reverendi ansa *Anodyno* bis quotidie ad aliquot dies exhibitio præscindenda est. Quod si, quoties intermittitur *Narcoticum*, dolor subinde recrudescat, (ut nonnunquam fit) nihil a me hæctenus excogitari potuit, quod ad persanandum ægrum ita certo faceret atque *Equitatio*, vel in curru vectio, quo longiora itinera confici debuere, *Anodyno* interim mane & sero indefinenter propinato. Hujusmodi enim exercitiis materia morbum committens in corporis habitum deducitur, & sanguis perpetua agitatione comminutus de novo quasi depuratur; ipsaque demum intestina caloris nativi excitatione haud parum corroborantur ac refocillantur. Nec pudet fateri, me dicto exercitio in partes adscito morbum hunc, cui alio quovis modo devincendo par non fui, plus semel penitus expulisse. Neque vero illud tentandum est, nisi post evacuationes debitas sufficienter celebratas, neque ab eo nisi post dies aliquando multos desistendum.

Pauper quidam mihi vicinus, qui & adhuc est superstes, *Colica Biliosa* vehementissima per hos annos laboravit, quam *Cathartici*, *Clysteribus*, *Globulisque plumbeis* devoratis expugnare, diu, sed frustra erat conatus: Hic *Ego* ad frequentem *Narcoticorum* usum confugi, neque pœnitenda opera, quandiu enim ista repeterentur, satis recte habuit, sed cum his palliaretur tantum malum, non extirparetur (revertebatur enim ut primum erat exhausta *Narcoticorum* vis) *Ego* hominis misertus, & gravi morbo, & re angusta afflictissimi, equum ex meis commodabam, quo iter dicto jam modo peragendum aggrediretur; eoque ad dies pauculos continuato, viscera eas vires recepere, ut morbi reliquiis excutiendis paria jam essent, & sine *Anodynorum* præsidio omnino convalesceret.

Et, ut quod res est loquar, non in hoc tantum casu, sed in morbis aliis *Chronicis* quampluribus hoc exercitii genus nunquam non cum uberrimo fructu usurpatum memini, modo quis in illo improbius perseveraret. Si enim nobiscum reputemus ventrem inferiorem, in quo disponuntur organa secretoria, hoc maxime exercitio vibrari, eaque succussionibus aliquot mille uno in die exagitari solere, facile credemus, eadem succum quemlibet recrementitium ibi impactum ope dicti exercitii posse excutere, & (quod majoris adhuc momenti) validioris ista caloris nativi excitatione ita corroborari, ut munere, quod iis mandavit natura, in sanguine depurando recte defungantur.

Dietam, si junior fuerit æger & calidioris temperamenti, refrigerantem atque incrassantem impero, puta hordei cremorem, panatellam, &c. & tertio quoque die, si latret adhuc stomachus, pullum teneriorem, merulamve piscem coctum; Potum non alium concedo, quam cerevisiam tenuem mitemque, vel lac cum aqua coctum, neque ulterius quidquam indulgeo, nisi equitatio ad redintegrandam sanitatem necessaria, pleniorum victum & generosiorum postulet liquorem, quibus rependantur spirituum exercitio exhauriendorum damna.

Quinimo observatione constat, quod ubi hic morbus perite tractatus diutissime fatigaverit, ita ut viscera elanguescerent, atque æger extrema jam macie atque debilitate tantum non esset confectus, in hoc inquam, casu liberalior sive *Aque Epidemica*, sive *Mirabilis*, sive alius demum cujuscunque, qua sanus maxime delectabatur, usus, hoc tempore eundem ultra spem omnem juverit; hujus enim ope paucissima istæ caloris nativi spirituumque reliquæ excitabantur, & fermentum præternaturale visceribus adhærens, & novis paroxysmis fomitem subinde ministrans, a liquoribus magis spirituosius extinguebatur.

Porro ut in morbi curatione, ita etiam & eodem jam depulso, *Diæta* illa tenuis, de qua diximus, adhuc aliquandiu est observanda. Cum enim morbus hic recidivam præ aliis omnibus affectet, atque insuper sedem sibi delegerit præcipua coctionis instrumenta

(visce-

(viscera intelligo, jam ab eodem infirmata) vel levissimus hujus generis error malum haud leve confestim apportabit. Quocirca tam in hoc, quam in cæteris omnibus viscerum affectibus cibi *Νύκτες* cane pejus & angue sunt vitandi; & qui conceduntur, *εὐπερίως* ea tantum quantitate sumendi, quæ ad vitam sustinendam possint sufficere.

* Fœminarum nonnullas vexat *Affectus Hysterici* species quædam, *Colicam Biliofam* ita ad unguem referens, tam doloris acerbitate, quam situ, tum etiam humoribus coloris flavi viridisque vomitu rejectis, ut mihi obiter tractanda veniat, ne a quopiam pro jam dicto morbo hæc habeatur.

Quæ habitu corporis laxo crudoque sunt mulieres cum hoc malo præ cæteris conflantur, quæque alio aliquo affectu Hysterico jam pridem laboravere, aut (quod sæpenuero fieri solet) quæ a partu difficili ac laborioso ob natum infantem grandiusculum, qui vires & naturam maternas nimis exhaustit, vix evasere. Regionem ventriculi, nonnunquam & paulo inferiorem, dolor haud mitior quam in passione Colica Iliacave primum obsidet, quem vomitiones sequuntur enormes, nunc viridis materiæ, nunc vero flavæ. His accedit (quod sæpe observavi) major animi dejectio desperatioque, quam in morbo alio quocunque. Post diem unum alterumve faceffit dolor, qui post paucas septimanas revertitur, nihilo lenius sæpiens quam antequam solveretur Paroxysmus, *Icterus* quandoque satis spectabilem, comitem sibi adsciscit, intra dies pauculos sponte evanescentem. Cessantibus jam symptomatis omnibus, ubi ægra sibi satis valere videatur, levissima animi commotio, sive ab ira sive a dolore ea fuerit excitata (quibus hoc in casu promptissime afficiuntur fœminæ) dolorem fere revocat; quod etiam & de ambulatione, & de alio exercitio quolibet præmature nimis suscepto dicendum est; cum ab hujusmodi causis eleventur vapores in habitu corporis laxo atque imbecilliori. *Vapores* cum vulgo dico, cum sive istiusmodi sint, sive *Convulsiones* particularum partium, utrovis pariter modo solvantur *παύσθη*. Hi vapores, sive convulsiones hæc, ubi hanc illamve corporis regionem invaserint, pariunt symptomata, ei, quam invasere, parti accommodata; ac proinde licet unum atque eundem ubique morbum faciant, plerisque tamen quibus miseri cruciantur affabre simulant, quod vel ex hoc liquet affectu, qui cum partes *Calo* adjacentes infederit, *Colicam Biliofam* adamussim imitatur. Neque minus id patet in multis aliis corporis partibus eodem morbo tactis; v. g. nonnunquam *Renum* alterum vehementissimo dolore afficit; unde vomitus immanis; atque etiam per ureteris ductum persæpe delatus, *calculum* simulat, & cum ab Enematis aliisque medicamentis Lithonripticis & calculo exturbando dicatis exasperatur, uno eodemque tenore diutissime affligit subinde etiam (præter morëm suum, cum per se omni vacet periculo) ægrum ad plures deducit. Vidi insuper & symptomata ab eodem prognata, quæ *vesicæ calculum* omnino referebant. Non ita diu est, a quo noctu excitabar, ut Comitissæ mihi vicinæ, dolore in vesicæ regione admodum violento & urinæ suppressione derrepente correptæ, consulerem; Cum ego illam affectibus Hysterici variis obnoxiam certo scirem, atque ex eo augurarer, non isto eam, quem putabant, laborare morbo, Enemata, quæ parabat ancilla, injici non patiebar, ne ab iis cresceret morbus, at horum loco, atque emollientium, v. gr. *Syr. de Althæa*, &c. quæ adferebat Pharmacopola, *Narcoticum* exhibui, quod symptoma illud subito compefcuit. Neque sane vel una aliqua pars corporis ab hujus mali insultibus penitus eximitur, sive interna ea fuerit, sive externa; ut sunt fauces, coxæ, crura, in quibus omnibus dolorem excitat intolerabilem, atque, ubi discesserit, teneritudinem quandam quæ tangi recuset, relinquit, perinde ac si carnes multo verberare fuerint emollitæ.

Quemadmodum autem quædam ad *Colicam Hystericam* historiam pertinentia obiter tradidi, ne scilicet illa pro *Biliofa* falso haberetur; ita & quædam etiam alia *ἐκ παρόδου* attingam, ad *Symptomatis* doloris, qui eam comitatur, curationem facientia: *Curatio* enim *radicalis*, quæ *morbum* sublata causa tollit, alterius omnino est & speculationis, & loci.

Venæ sectio, & repetitæ purgationes, quæ in *Colica*

Biliofa incipiente apertissime indicantur, hic locum non habent nisi in casu infra dicendo. Docet enim experientia, & exasperari dolorem, & invalescere symptomata alia omnia, a tumultu, quem ista cient, adjuta; atque adeo plus semel animadverti, *Enematum*, vel lenissimorum, repetitionem, continuam symptomatum seriem invexisse. Experientiæ ratio etiam adstipulabitur, quæ morbum hunc a spirituum potius *ἀταξία* atque inordinato motu, quam humorum vitio aliquo produci dictabit, si expendamus nempe circumstantias illas, quibus ut plurimum originem suam debet: Hujusmodi sunt, magnæ atque indebitæ sanguinis profusiones, motus animi uti etiam & corporis violentiores, & alia id genus. Quæ omnia, remedia illa suadent proscribenda, a quibus major spirituum perturbatio possit excitari, atque eorum loco *Anodyna* esse usurpanda, licet *viridis* ac pravus materiæ vomitu rejectæ color contrarium indicare videatur: Subtilior enim est atque minutior colorum speculatio, quam ut evacuationibus, quas ipso facto nocentesprehendimus, autoritatem conciliare valeat. Nullusque dubito, morbum hunc (qui licet acerbissimum dolorem, nullum tamen vitæ discrimen apportat) ob errores hoc nomine commissos, lethalem sæpenuero evadere. Adde, quod si quis *Emeticum* vel fortissimum hodie propinaverit, ut sc. eam, quam putat, morbi mineram exhauriat, ægra postero die materiam æque viridem aut pravi alterius coloris, atque erat prior illa, evomet.

Observandum est tamen, eam quandoque sanguinis atque humorum copiam reperiri, quæ *Narcotici* operationi eo usque obsistat, ut, quamlibet sæpissime repetatur, orgasmum tamen cohibere nequeat, nisi secta prius ægræ vena, aut alvo subducta; quod in fœminis temperamenti magis sanguinei atque viraginibus mihi subiit notare. Si ita se res habeat, vel Phlebotomia, vel Catharsi, forte etiam utraque, *Anodyno* via aperienda est. Celebrata enim harum utraque, *Narcoticum*, quod prius summa licet dosi exhibitum nihil quicquam profecit, jam etiam in mediocri dosi, effectum obtinebit, cui destinabatur. Raro autem hoc contingit, neque tum reiteranda sunt hæc remedia. Quibus præmissis, ubi opus iis fuerit, in *Anodynis* ea methodo, quam in *Colica Biliofa* proposuimus exhibendis progrediendum est, quæ crebrius parciusve sunt ingerenda pro doloris recedentis ratione. Quæ quidem methodus præsens atque instans vehementissimi doloris *symptoma* tantum respicit; cum non hic loci illam, qua morbi *causa* occurritur, tractandam in me receperim.

Cum vero hic morbus tam in Hypochondriacis, quam Hystericis (nam in utroque, ut alio loco dicitur, par est ratio) sæpissime in *Icterus* desinere soleat, atque iisdem passibus, quibus hic ingreditur, iste se proripiat; observandum occurrit, quod in hac Icteri specie curanda Cathartica omnia, vel omnino omittenda, vel si adhibenda fuerint, *Rhabarbaro* solum, vel leni quovis medicamento utendum. Etenim metucendum, ne a Catharsi novi tumultus cieantur, ac proinde symptomata omnia postliminio recurrant. In hoc itaque casu nihil omnino agendum, cum Icterus huic occasionem originem debens, sensim sponte sua faceffat, ac tandem brevi temporis spatio penitus evanescat: Sin autem Icterus longas moras necet, atque non nisi ægre discedere videatur, ad Remedia confugiendum. Hoc uti soleo, *℞. Rad. Rub. Tinctor. & Curcumæ an. ʒj. Cheidon. maj. cum toto, & Summitat. Centaur. min. an. M. i. coq. in equalibus partibus vini Rhenani & aquæ font. ad ℞ij. Colatura dissolve syrup. de quinque Radicibus ʒij. M. s. f. Apozema, capiat ℞ss. calide mane & sero usque dum convalescerit. At ubi Icterus per se invadit, Colica neutiquam prægressa, omnino oportet, ut præter alterantia jam dicta, etiam *Chalogoga*, i. e. quæ per alvum bilem subducunt, ægro exhibeantur, nempe semel vel bis antequam aggrediatur usum præscripti Apozematis, & postea semel singulis septimanis durante ejusdem usu. Ut *℞. Electuar. e succo rosar. ʒij. Rhabarb. subtiliss. pulv. ʒss. Cremor. tartari ʒj. cum s. q. syr. Cichor. cum Rheo f. Solus, Sumat. summo mane, superbibendo vini Rhenani haustulum. At si vel his diu continuatis morbus adhuc obstiterit, ad *Aquas ferreas*, quales sunt istæ *Tunbrigenses*, adeundum, quæ ex ipso fonte bibendæ sunt singulis matutinis dum convalescerit. Atque hæc de morbis hujus *Constitutionis*.**

SECTIO QUINTA.

CAPUT I.

*Constitutio Epidemica partis Anni 1673. atque
integrorum 1674. 1675.*

Circa initium mensis * Julii 1673. alia quædam *Febris* species est ingressa, *Constitutione* vero necdum ita ad eam unice disposita, ut penitus excluderentur *Constitutionis præcedentis* morbi, non admodum fuit Epidemica. Nondum enim desierat ista *Variolarum* species, quæ Anno 1670. primum cœpit invadere, licet jam & rarius occurreret, & mitiora symptomata; ita ut bini hi morbi pari fere passu procederent, neuter vero multum grassaretur. *Priori* constitutione nondum ita prorsus evanescente, ut nullos proferret morbos veteris prosapiæ, (*Dysenteria* enim perpaucæ adhuc reperiebantur) neque *Nova* ita adhuc confirmata, ut eos produceret, qui alios exterminarent omnes.

Et per Autumnum hunc & Hyemem omnem *Variola* pari cum hac *Febre* incedebant passu, neutro tamen morbo admodum grassante, atque interim tantum non extinguiebantur *Dysenteria*. *Novembri* autem tum currente, post acerrimum gelu ad dies aliquot perdurans, succedente insperato tempestate calidiori, quam ego me per istud anni tempus unquam observasse memini, paucula *Dysenteria* & paulo ante, & circiter Festum *Nativitatis Domini* hic illic spargebantur: Hæ autem extremum morientis lucernæ conatum referebant, mox enim morbus hicce (ista saltem ejus species) omnino intercidit.

* Præmature admodum sequente Anno, mense scilicet *Januario*, invadebant *Morbilli*, haud minus Epidemici atque erant isti, qui eodem ferme tempore Anni 1670. fuerant ingressi. Etenim in nullam non fere familiam se insinuabant, infantes præ cæteris omnes adorti. Non autem perinde regulares erant, neque typum ita ad amissum servabant, atque isti, qui prædicto anno infestabant. De hac autem illorum ab invicem discrepantia plura dicam, ubi de illis agam particularius. Hi magis indies magisque grassabantur ad *Æquinoctium* usque *Vernale*, a quo tempore iisdem gradibus decrescebant, donec paulo post elapsum *Solstitium* *Æstivum* tandem evanescerent.

Sicut autem *Morbilli Epidemici*, qui invadebant initio anni 1670. *Variolas nigras* ibidem descriptas, introducebant, hi pariter haud minus Epidemici, qui initio hujus anni comparebant, *Variolarum* speciem introducere isti persimilem. Cum enim (quod potius est notatum) *Variola* præcedentis *Constitutionis* post priores annos duos pustulas emitterent minus nigricantes, majores insuper sensim & majores donec sub finem anni 1673. pro speciei ratione, mites essent & benignæ, jam recepta pristina feritate, & pessimis symptomatibus stipatæ revertiebantur. Invaluit hæc *Variolarum* species Autumno proximo, longius etiam in Hyemem excurrens, quæ, cum solitis calidior multo esset, morbo favebat; appetente vero tempestate frigidior imminuta est, febri jam grassanti mox locum cedens.

* *Febris* hæc, quæ per annum perseveraret omnem, initio *Julii* 75. longe lateque depopulata est; sed *Autumno* jam appropinquante in viscera cœpit converti, nunc *Dysenteria* symptomatis, nunc *Diarrhæa* se prodens, licet quandoque neque hanc haberet comitem, neque illam, sed caput magis tentabat, stupidiore reddens ægros. *Variola* interea, quæ jam pauculos hinc inde affecerant, sub *Æquinoctium Autumnale* penitus disparebant, vix unum alterumve jugulantes. Jam enim *Febris* alios vincens Epidemicos, anni prædominio potiebatur. Observandum est nihilominus, quod cum proclivior esset *febris* hæc materiam morbificam in viscera deponere, quæ *Dysenteriam* quandoque, sæpius autem *Diarrhæam* excitabat, ex hac occasione ventris tormina eam edidisse stragem vulgo putabantur, quæ febri huic revera fuerat imputanda; licet nemo, qui ægros hoc Autumno tractaverit, nescius sit, quantum invaluerit hæc *febris*; ut nec etiam, *Dysenteriam* dictam & *Diarrhæam* pro symptomatibus magis quam morbis essentialibus ac *Primariis* haberi debuisse.

Nunc *febris* ista cursum tenuit per omnem Autumnum, nunc caput petens, nunc viscera, ubique sæviens sub persona symptomatum iis partibus accidentium, ad finem usque *Octobris*; Quo tempore, quæ eo usque tepida atque ad instar æstatis placida fuerat tempestas, de repente in frigidam humidamque est mutata; unde etiam *Catarrhi* & *Tussis* increbuerunt magis quam alio ullo; quod memini, tempore. Quod autem maximi erat momenti, tussibus hisce supervenire solebat *Febris* hujus constitutionis *Stationaria*, quæ ansa hinc arrepta & magis grassabatur, & quædam etiam symptomata variabat. Cum enim paulo ante, insultus, ut jam dictum, in præfatas partes plerunque fieret, nunc in pulmones & pleuram præ cæteris detorquebatur, unde symptomata nascebantur *Peripneumoniaca*, & *Pleuritica*, licet eadem omnino *febris* esset, quæ *Julio* 1673. ingressa sine quavis symptomatum alteratione progrediebatur, donec *Catarrhi* isti accederent.

Hi *Catarrhi* & *Tusses* usque ad exitum *Novembris* perseverabant, quo elapso de repente minuebantur. *Febris* autem eadem plane mansit, atque erat antequam *Catarrhi* se ostenderent, licet nec ita prorsus Epidemica, neque iisdem symptomatibus stipata, cum horum utrunque per accidens a *Catarrhis* penderet. Quin etiam recedentibus *Catarrhis* *Variola* hinc inde spargi cœperunt, ejusdem plane generis cum *Variolis* anni præcedentis; sed cum jam secundum ferme annum explevisent, non ita atrocia erant symptomata, ac ubi primum invaderent. Quandiu adhuc stabit hæc *Constitutio*, dicere non habeo; id certo scio illam perquam *Anomalam* atque irregularem hæcenus fuisse, atque morbos omnes per eam natos ejusdem omnino indolis.

De hujus *Constitutionis* Epidemicis, eo quo se invicem ordine excipiebant, jam agam.

CAPUT II.

Febris Continua An. 1673. 74. 75.

Hæc, perinde atque alii Epidemici, mox ab ingressu socia habebat symptomata, quæ indicia haud obscura dabant majorem & spirituosam magis tunc esse inflammationem, quam ubi morbus magis adoleverat. Etenim primo quo invadebat anno, uti & *Vere* insequente, symptomata *Pleuritica* febri superveniebant, & sanguis e venis extractus (saltem pro prima & secunda vice) *Pleuriticorum* referebat sanguinem, at morbo jam proVectiori cessabant ea signa inflammationis intensioris.

Præter symptomata febribus *universis* communia, hanc febrem ista sequebantur: Ut plurimum afficiebatur æger dolore capitis & dorsi satis atroci, stupore item, & dolore articulorum, artuumque tensivo, imo & totius corporis; at mitiori aliquanto quam *Rheumatismo* laborantes. Primis diebus calor & frigus sibi invicem succedebant, quandoque etiam ineunte morbo æger in sudatiunculas erat propensior. Lingua, ubi *febris* suo genio erat permissa, nec sicca, nec a colore naturali multum recedens, nisi quod magis alberet, neque sitis multum urgebat: Quod si excalesceret æger ultra ordinariam *febris* sortem, lingua aridissima erat cum flavedine subfusca, sitis etiam intendebatur; Urinaque, quæ aliter colorem fere naturalem servare solebat, intense rubebat.

Febris his tantum gravata symptomatibus, si perire tractaretur, die *decimo quarto* ægro valedicebat; pertinacissima, *primo post vicesimum*.

Inter hujusce *febris* symptomata eminebat affectus quidam *Comati* haud dissimilis, quo correptus æger obstupebat delirabatque, imo ad septimanas aliquot dormitabat nonnunquam, nec nisi valido clamore expergiscebatur, a quo ægre excitatus oculos aperiebat tantum, & post ingestum sive medicamentum, sive potum, cui assueverat, mox in stuporem dilabebatur ita quandoque profundum ut in *Aphonia* desineret absolutissima.

Qui sic fuerat affectus æger ubi ad se rediit, die *vicesimo octavo*, vel *trigesimo* cœpit convalescere; cujus primum signum erat, quod cibi aut potus genus aliquod insuetum aut absurdum deperiret. Convalescenti caput ad dies aliquot debile atque infirmum, nunc versus hanc partem, nunc illam nutabat; aliaque aderant signa, quæ caput plurima fuisse passum ostenderent. At quo passu vires restituebantur, eo ipso discessit dictum symptoma.

Quân-

Quandoque non tam dormitabat ager, quam tranquille delirabat, incongrua tamen subinde efficiens ceu iratus, ac mente motus; at non eo exandescens & furoris ascendebat; quo solent ii, qui a Variolis atque aliis febribus phrenetici sunt; a quibus hic in eo etiam discriminabatur, quod per intervalla abrupte dormiebat, stertebat etiam profundius. Adhuc non ita erat acutum hoc symptoma atque illud, sed erat diuturnius. *Pueris* etiam hoc plerumque accidebat, aut iis, qui nondum adoleverunt, illud *Adultis* maxime. In utrisque vero si ingererentur calidiora remedia, & sollicitarentur sudores, malum in caput facile transferrebat, & dictis symptomatibus ansam præbebat.

Ubi vero symptoma hoc nec sponte sua accessit, nec medicamentorum vi coactum, morbus intra diem *decimum quartum* terminabatur ut plurimum, nonnunquam etiam intra tertium quartumve, quod factum vidi.

Autumno 1675. ut supra innuimus, febris hæc per dysenteriam sibi fugam querere, nonnunquam & per diarrhoeam affectabat; Harum posterior præcipue sæpe excurrerebat, stupore adhuc manente. Utraque vero quantum diligenti observatione assequi poteram, nihil erat aliud, quam febris symptoma.

* Curationem hujus febris quod attinet, sub primum introitum, nempe *Julio 1673.* tum ex variis phænomenis ab istis longe diversis, quæ præcedentem comitabantur, tum ex eo quod Cathartici minus parerent, quibus felicissime febres omnes constitutionis prægressæ deviceram, statim didici, febrem hanc esse alterius plane familiæ, & diutius, quam solebam alias, in ejus specie investiganda hærebam, & ex consequenti anxius dubitabam, quem mihi curationis scopum proponerem. Quo enim tempore primum erupit hæc febris, nullum habuit alium Epidemicum sibi σύγγονον, cujus perspecto genio de hujus natura verisimile aliquid conjectare possem, cum Variolæ, uti dixi, quæ illam comitabantur, nigrarum istarum, quæ anno 1670. invaserant, reliquias omnino referrent, jamque & micissimæ essent, & tantum non exolerent. Nihil itaque aliud jam restabat, nisi ut in hunc morbum nudum & ab aliis sepositum accuratissimo examine inquirerem, atque oculo ad *Juventia & Lætentia*, quam diligenter maxime potui semper intento, viam pro virili, exploratoris instar, prætentarem. Atrox capitis dolor, propensioque quam habebat hic morbus ad dolores lateribus infigendos, tum etiam sanguis Pleuriticorum similis, me statim edocebant, inflammationem haud mediocrem huic febri subesse, nec tamen eam posse ferre largiorem istam evacuationem, quæ Pleuritidi convenit: Sanguis enim post primam aut secundam saltem vicem detractus glutinis colorem, quo tegebatur superficies, protinus amisit, nec repetita adhuc venæ sectione levabatur ager, nisi forte morbus in Pleuritidem veram transiret; quod nonnunquam accidebat post regimen iusto calidius, præsertim primo *Vere* quo invadebat, sc. *Anno 1664.* quo tempore a Solis accessu occasionem nactus (cum etiam nondum adolefceret morbus & principio magis spirituosus inniteretur quam postea) ad genus Peripneumonicum videbatur accedere. Cum vero & experientia & exemplo a repetita Phlebotomia deterrerer, licet luce clarius esset febrem hanc, præcipue sub primum ingressum, haud parum inflammatoriam fuisse, nihil jam restabat, quo ejus calor restringi posset præter *Enemata* sæpius repetenda, & medicamenta refrigerantia. At præter hos affectus inflammationem aperte prodentes, illud *stuporis* phænomenon, febri huic quam alii cuilibet familiaris, omnino indicabat, continuo repetenda esse *Enemata*, quibus materia febrilis, quæ ita prompte caput petebat, ab eo diverteretur; quin & venæ sectioni repetita, quam ægre tulit propria hujus morbi natura, substituebantur illa, atque ejus pensabant defectum, sanguinis fervorem placide ac sensim contemperantia, & causam eliminantia morbificam. Porro judicabam emplastra *Epispastica* satis ampla cervici posteriori applicata in hac febre potius ex usu fore quam in aliis, quibus materia febrilis haud ex æquo caput tentabat; Et enim a cruciatu & fervore vehementibus, quos dicta *Epispastica* parti, cui imponuntur, solent imprimere, materia, quæ secus in caput ascenderet, in locum af-

fectum corrivatur. His, & regimini ad eundem refrigerandi sanguinis scopum facienti, tandem morbus quasi naturaliter sponteque sua cedebat, quantumlibet sæviret, si methodo ab hac diversa cum quis aggrederetur; quod mihi ab experimentis plus satis frequentibus abunde liquebat.

Hunc itaque cursum institui: Sanguinem e brachii venis mittendum; ea quantitate, quæ ægri viribus, ætati, aliisque circumstantiis convenire mihi visa est, ante omnia curabam, atque eodem fere tempore emplastrum Epispasticum bene largum nuchæ applicandum. Die proximo clysterem lenitivum ita temporis injiciendum præcepi, ut ante noctem sedari posset tumultus, qui ab eo inter operandum excitaretur, hora scilicet secunda tertiave post meridiem. Repetebatur Enema illud singulis diebus, donec imminueretur morbi vis. Quo quidem tempore ab eo cessandum esse duxi, imo & maturius, si nempe febris diem quartum & decimum excessisset, jamque inveterasceret, quo in casu licet ab Enematis præcedentibus debellata non fuerit, eadem tamen post elapsos hos dies supervacanea esse comperi: Morbi enim acie per ebullitionem prægressam jam retusa, atque ægro *ἰσὺ βέλους* constituto, & a symptomatibus violentioribus, quæ ab eo pendebant, securo, nihil prius erat, quam ut morbum suo uti genio, & quasi sensum deflagrare, ac suis viribus ruere sineremus. Quod mihi semper cessit melius quam evacuationem qualemcunque violentiorem hoc tempore moliri. Ægro interim carnibus interdixi, cerevisiam vero tenuem ad arbitrium concessi.

Restat & aliud, quod, quia multiplex experientia astipulante ægris optime solebat vertere, in describendo hujusce morbi regimine mihi minime prætereundum fuit, nempe ut ager quotidie lecto abstineret, saltem ad horas aliquot; vel si id vetaret major ejus debilitas, vestes saltem indueret, & supra lectum cubaret, capite paulo elatiori. Etenim cum magnum illum impetum, quo febri in caput ferebatur, & inflammatoriam simul sanguinis diathesin contemplerer, subiit mihi in mentem, agrum a corporis positura nonnihil emolumenti capere posse; si nempe ea talis fuerit, ut a circumambiente nullatenus aufereretur calor (quod omnino fieri necesse est, si in lecto se jugiter contineat) neque sanguinis in capitis arcem tendentis impetus promoveretur, cum illic cerebri fervor intendatur, proindeque spiritus animales calefiant atque exagitentur, a quibus & vehementior cordis vibratio & febris augmentum.

Quantumlibet autem ægris conducatur in febribus omnibus, quæ inflammationis intensioris sunt participes, ut non semper lecto incarcerationum, animadvertendum est tamen, eisdem, si diutius, quam per erat, pro una vice a lecto abfuerint, declinante præsertim morbo, in dolores vagos, qui in *Rheumatismo* desinere possint, nonnunquam de facili incidere, nonnunquam etiam superficiem corporis *ſtero* deturpari; quæ si cui contingant, lecto addendus est, quo apertis cutis spiraculis commode distari possint istiusmodi particulæ, quæ malorum alterutri fomitem præbent; hoc vero ad diem unum aut alterum tantum, sudore non provocato: Hujusmodi autem accidentia oppido rara sunt, nec nisi in febris delinatione comparent unquam; quo tempore cum jam morbus mitior est, longe tutius ægro permittes, ut in lecto assidue decumbat, quam vel initio, vel in statu; quinimo per hoc tempus id magis confert ad materiam febrilem digerendam, quæ, si ager maturius lecto affigatur, effertur magis atque incenditur.

Hic si quis objecerit, dictam methodum, licet ad sanguinis impetum a capite emolliendum reficiendumque agrum, satis commodam, minus tamen expedire, eo quod evacuationi per sudores, qua materia febrilis jam concocta eliminanda omnino erat, officiet: Respondeo, nihil agere contra sentientem, nisi prius argumentis confecerit hujusmodi evacuationem omni febri deberi, quod haud ita in proclivi atque facile est. Docet enim experientia, non autem ratio, quænam febrium species per Diaphoresin, & quæ per Catharsin sit exterminanda, &c. Quinimo est cur arbitremur, dari quasdam febrium species, quas natura methodo sibi peculiari, sine visibili ali-

qua evacuatione, ablegat, reducendo scil. in sanguinis massam eique assimilando materiam illam morbificam, quæ cum eodem minus quadrabat. Qua ego nixus ratione, sæpenumero tam in hac februm specie, quam aliis, modo intermittentes non essent, mox a primo insultu, totoque sanguine pondum inquinato, easdem in ordinem redegi, imperato tantum cerevisiæ tenuissimæ, quoties ac quantum desiderarent, potu, esuque tam juscule, quam aliorum, cujuscunque generis sint, ægris interdicto; Permissis interim & exercitii consueti usu, & aura liberiore, nullaque prorsus evacuatione vel semel instituta. Sane omnimoda solum hujusmodi per biduum triduumve, abstinentia liberos meos, ac amicitia mihi conjunctissimos, curavi; Verum hoc remedio non nisi in junioribus ac temperamento sanguineo præditis, est utendum.

Quod si demus, naturam non alia methodo quam per diaphoresin morbum vincere posse, an non eos volumus sudores, qui morbo jam fatisciente prorumpunt, & prævia digestionem fluunt, non vero istos, qui primis morbi diebus protrusi, ab interrupta furentis naturæ æconomia nascuntur; Hujusmodi, opinor, sudores non erunt promovendi, at compescendus potius tumultus ille, cui ortum suum debent. Istiusmodi autem sudores multas febrium species, licet non omnes, solent comitari. Neque enim sum nescius, quasdam febrium species ejus esse indolis, ut in *ταρταρῶν* sudorem hunc criticum sibi postulent; Tales sunt particulares intermittentium paroxysmi; magna item & frequentissima naturæ febris ab illa pendens constitutione, quæ ad intermittentes epidemice producendas unice faciat. In his enim, si cui methodo insistatur, quæ non eo tendit, ut materia morbifica digeratur primum, dein per sudores eliminetur, augebitur morbus: Quo circa nullæ hic evacuationes locum habere debent; nisi quatenus morbi imperum primis diebus, quibus aggreditur, sufflaminare valent, ne inter medentium operas æger fato succumbat. Quin & febris pestilentialis causa, cum tenuissima sit & perquam subtilis, vel primis morbi diebus, sudoribus diffiliari potest, suffragante ubique experientia.

Istis autem in febribus, in quibus ordinario symptomatum ductu, & si suo genio uti permittantur, nusquam videmus, naturam materiam morbificam jam præparatam tempore præfinito evacuare solere; nescio an non plus satis temerarius is fuerit, qui sudore provocando vim morbo inferre cogitet, atque ægrum ea sola methodo restituere, cum ut docet divinus senex, *τῆς φύσεως ἀντιπαράσεις κενὰ πάντα*: Atque illud quidem usu venire autumo in febre hac particulari, de qua hic agimus, quam, multiplex experientia edoctus, satis scio sine sudoribus fugari posse; ægrum etiam, dum eosdem importunius sollicitamus, sæpenumero nulla cogente necessitate in manifestum vitæ discrimen conjici, a materia morbifica in caput sursum lata: Attamen neque in hac febre, neque in alia qualibet, vel ex eis, quæ sudore critico solvi non solent, si forte hujusmodi sudor morbo jam imminuto sponte supervenerit, quem symptomatum omnium remissione debitæ concoctionis sobolem esse arbitremur, Medicorum prudentissimus quisque eum contemnet; ubi vero non ita sponte exit, qui certo scire possumus, an non hominem e medio tollamus, dum humores regimine & cardiacis calidioribus ad ejusmodi sudores disponere nitimur? Si quis forte in thesaurum inciderit, nisi desipiat, humo tollet; stultus autem sit oportet, qui hac fretus fortuna omnem adhibet operam, ut alium ejusmodi cum vitæ periculo adipiscatur. Quo vero cunque modo hæc se res habeat, mihi abunde constat, solam febrem calorem cum secum adferre, qui materiæ febrili ad coctionem præparandæ possit sufficere, neque eo intensiorem a regimine fervido forinsecus accersendum.

Præfatam methodum per venæ sectionem atque Enemata in hujusce febris curatione quam felicissime succedere comperiebam; eam vero, quoties a diaphoreticis lacefferetur, non solum mali moris symptomata, sed etiam dubium semper exitum habuisse; Interim symptomata eminebat taciturnum illud delirium, quod non tam infana loquacitate se prodebat, quam *stupor* comæ æmulante, quod, uti diximus, huic febri in ægris solebat accidere. Hoc symptoma, (licet nonnunquam

sponte sua ortum illud viderim) a nimia tamen curarum diligentia in provocandis sudoribus male posita, ut plurimum invitabatur: Hoc enim pacto materia morbifica, quæ in hac febris specie sudoribus morem gerere recusabat, vehementer exagitata in caput tandem elevabatur cum ingenti ægrorum discrimine.

Jampridem animadverti in curatione febris constitutionis alterius, quod per ultimos annos hujusmodi *Stupor* pueros maxime, atque eos, qui ex ephebis vix excefferant, subinde invadebat, sed nec ita profundus, nec perinde epidemicus atque erat is, qui hanc febrem comitabatur. Neque tamen illum, licet huic inferiore, multo minus hunc, ubi primum ingrederetur morbus, edomare potui; licet nullum non lapidem moverim, repetitis venæ sectionibus, non in brachiis tantum, sed cervice etiam & pedibus, emplastris vesicatoriis, cucurbitulis, enematis, diaphoreticis omnis generis, &c. in partes adscitis. Tandem statui, post sanguinem e brachio eductum, Epispasticum cervici applicatum, atque enemata duo vel tria e lacte & saccharo injecta primis morbi diebus, nihil quicquam amplius moliri nisi quod ægrum & a carnibus, & a liquoribus spirituosus quibuscunque arcerem: Ad naturæ methodum interim attendebam, cujus ego vestigiis inhærens symptoma hoc superare tandem discerem. Morbus interim cui invigilabam, tuto licet tarde recedens, tandem evanuit. Huic itaque methodo insistendum mihi esse duxi in febribus, quas deinceps tractavi universis; quod quidem, si & symptomatis magnitudinem & eventum ubique votis respondentem spectamus, haud parvi momenti mihi videtur.

Et sane mihi nonnunquam subiit cogitare, nos in morbis depellendis haud satis lente festinare, tardius vero nobis esse procedendum, & plus naturæ sæpenumero committendum, quam mos hodie obtinuit. Errat enim, sed neque errore erudito, qui naturam artis adminiculo ubique indigere existimat. Nanque id si fieret, parcius humano generi eo prospexisset, quam postulat speciei conservatio; cum ne minima sit proportio inter morborum ingruentium frequentiam, & facultates, quibus pollent homines ad eosdem fugandos, vel iis sæculis, quibus medendi ars maxime caput extulit, & a quampluribus exculta est. Aliis in morbis quid hoc profecerit nescio. Illud satis scio ex diligenti observatione mihi adstipulante, quod in febre, de qua jam agimus, dictum symptoma post usurpatas evacuationes generales, venæ sectionem dico, & enemata, solo tempore feliciter solebat vinci.

Antea diximus, convalescentiæ prænuncia signa ut plurimum ad diem usque *Tricesimum* differri solere, (in *stupore* scilicet paulo confirmatori) ægro nonnunquam etiam *Aphonia* correpto: quibus elapsis, incongruum aliquod atque absurdum sive cibi, sive potus genus importune flagitabat, ventriculi fermento a morbo diuturniore impense vitiato. Hoc in casu, quandoquidem jam exhaustæ corporis vires refectioe omnino indigerent, lubens ea etiam concessi, quæ minus ægro convenire viderentur, modo palato magis arriderent.

Menſe Septembris 1674. filium novennem Librarii cujusdam ædibus meis vicini, nomine *Not*, hac febre una cum symptomate jam sæpe memorato laborantem tractabam: Extracto e brachio sanguine, & clysteribus per primos aliquot morbi dies continuos injectis, importunissimæ matri obstabam, quæ rem ocys expedire acriter urgebat, quam ego cum salute filii stare posse arbitrabar. Datis itaque induciis, nulloque medicamento alio propinato præter Julapium aliquod e vulgaribus, quod pacandæ quidem matri potius destinabatur, quam filio restituendo, trigessimum circiter diem melius habere cœpit; edulia varia etiam absurda misere discupiens, quorum pars aliqua concedebatur, licet nullo alio nomine concedi debuisset; atque is tandem prorsus convaluit.

Quamvis autem *Stupor* hic ad *Comatis* accedens naturam, huic febri aliis symptomatibus frequentius superveniebat, quandoque tamen, at rarius, *Phrenesis* absque *stupore* nonnullos invadebat, in qua æger insomnes dies noctesque agebat, nulla ratione poterat regi; aliaque pariebatur symptomata iis similia, quæ vel ab aliis febribus, vel a Variolis in phrenesin actos infestabant. Inducias non tulit symptoma hoc, ut solebat affectus

affectus comatosus jam memoratus, donec fieret digestio, ægrum vero intra paucos tollebat, nisi inflammatio cohiberetur. Atque hic mihi suppetias præ cæteris tulit *Vitrioli spiritus*, quem post venæ sectionem atque enematis unius alteriusve injectionem cerevisiæ tenui instillatum pro potu ordinario concessi: Qui intra dies paucos & somnum conciliabat, & sanitatem, superatis symptomatibus, ægro reddebat; quod quidem nulla alia methodo efficere valebam. Atque hoc reiterata sæpe experientia mihi abunde constabat.

Febri huic, Autumno 1675. & *Dejectiones Dysentericae* superveniebant, quandoque & *Diarrhæa*. Istas ego statim perspexi *Symptomaticas* fuisse huic febri, non vero, ut in constitutione præcedenti, *originales* & primo ortas. Quo non obstante, cum morbi causa in sanguinis massa clauderetur, venæ sectionem ea indicabat; quæ quidem, propinato etiam post Narcotico ad duas vices, symptomati huic debellando par erat.

Septembri 1675, Domina *Conysby* juxta Equiliam Regiam habitans me accersivit, laboraverat ea hac febre, ventris torminibus derepente jam correpta; quæ deinceps excipiebant dejectiones sanguineæ ac mucosæ: Licet protractæ jam ab aliquot diebus, ob morbum diutinum, vires essent, maxime vero a dejectionum frequentia, quæ nocte prægressa multum fatigaverant, sanguinem tamen e brachio statim educendum curavi, & paulo post Narcoticum exhibendum, quibus peractis ea ipsa nocte dejectiones stercorosæ conspiciebantur. Mane & vesperi sequentibus Narcoticum repetebam prædictum, imperato etiam medicamento cardiaco moderatori, quo spiritus refocillarentur; atque ab his statim convaleuit.

Diarrhæam quod attinet, quæ eodem fere anni tempore huic febri haud raro accidebat, minus adhuc ista faceffebat negotiis, cumque ea neque ægro prodesset, neque etiam officeret, quantum mihi observare licuit (sive adesset stupor, sive etiam abesset) nullam ab illa indicationem curativam elicere valebam, modo intra eos staret limites, ut æger ab ea de vita non periclitaretur; quo in casu Narcoticum sine dubio indicabatur, atque in eo solo probandus anodynorum usus per omnem morbi hujus decursum, ingens enim illa pro pensio qua hac febre laborantes in stuporem ferebantur, ab his intendebatur, ac proinde nisi urgente necessitate in usum nunquam erant revocanda.

Notandum est haud raro accidere tam ab hac febre, quam febribus aliis convalescentibus, iis maxime quos illa diutius maceraverant, nec nisi post longas magnasque evacuationes tandem dimiserant, (præsertim si invalidiori essent corporis habitu) ut noctu in lecto cubantes incallescere primum, mox sudore diffuerent, a quibus vehementer infirmabantur, & vires tardius recipiebant, nonnulli etiam præcipitabantur in tabem. Cum symptoma hoc non aliunde nasci existimarem quam a sanguine ob morbum contumaciorem eo usque depauperato debilitatoque, ut succos, quos recenter advectos nequireret assimilare, per sudores ejicere moliretur; ita affectis auctor semper fui, ut singulis auroris noctibusque coclearia quinque vel sex vini Malacensis annosioris haurirent, cujus usu ægris vires crescebant jugiter, & evanescebant sudores. Atque hæc de febre hujus constitutionis continua, quam ob insignem stuporem eam fere semper comitantem, lubet *Comatosam* appellare.

C A P U T III.

Morbilli Anni 1674.

Oriente anno, mense sc. *Januario* 1673. 1674. ingressa est *Morbilorum* species quædam ab ea diversa, quæ eodem mense Anno 1669. 1670. invaserat; neque tamen minus epidemice sæviebant hi atque isti, sed non perinde erant regulares, neque ita constanter typum observabant: Nunc enim citius, nunc serius erumpebant; cum in alia specie, eruptio in diem ab invasione *quantum* semper incideret. Adhæc humeros, & cæteras trunci partes, primum occupabant, cum isti alteri faciem primum peterent, & in reliquum corpus paulatim spargerentur. Nec hac in specie observare licuit, nisi rarissime, eas cuticulæ desquamations ad instar farinæ insperse, quoties recederent morbilli, quæ in alia specie haud minus certo conspiciebantur, quam post febris sceleratæ decessum conspici solent. Plures insuper e me-

dio tollebant, quoties imperite tractarentur, quam priores illi. *Febris* enim & *Dispnoea*, quæ morbillis abiturientibus solebant accidere, vehementiores erant, & *Peripneumoniæ* hic prorsus referebant, quam in altero genere. Quantumlibet autem fuerint *Anomali* atque irregulares hi *Morbilli* quoad jam memorata symptomata, in præcipuis tamen fatis iis competeat historia, quam de morbillis tradidi, cum morbos An. 1670. epidemicos describerem, quæ idcirco impræsentiarum repetenda non erit. Hi, uti etiam priores isti, ad Vernum usque æquinoctium invalescebant, a quo tempore decrecentes, appetente solstitio æstivo, aut non diu post, evanuerunt.

* Curatio, cum nulla ferme in re ab illa differat, quam in morbillosum historia jam fuisse tradidi, exinde petenda est. Unicam tantum hic, pro meo more, instantiam adferam methodi, qua illas aggrediebar.

Februario 1674. Domina virtutibus ornatissima, atque in exemplum nata, Comitissa *Salisburyensis* me accersivit: Infantium unus tantum tum temporis ægrotabat, mox reliqui (5 autem vel 6 erant) quos omnes eadem methodo tractavi. Lectulo eos addixi ad dies binos ternosve ante eruptionem, ut sanguis, pro suo genio, particulas facile separabiles morbum committentes, per cutis poros eliminaret. Neque autem vel stragulis, vel igni quibus fani assueverant, quidquam adjici patiebar; ab esu carnum arcebam, juscula avenacea, hordeacea, ac subinde pomum coctum concedens, cerevisiam tenuem insuper, vel lac cum aqua triplo coctum pro potu. Urgenteque pro more tussi, pitisanam pectoralem sæpe assumendam præscripsi. His peractis, omnino convalescere, brevi illo spatio quod hic morbus solet percurrere; neque vel per ejus decursum, vel eodem fatifcente, symptomate quovis morbo huic non familiari, tentabantur.

Duobus primis mensibus quibus hæc morbillosum species se prodebat, intercurrerebat & *Febris* quædam *Morbillosa* hic illic sparfa, in qua *exdymata* nonnulla per truncum corporis, colli præsertim posteriora, atque humeros erumpebant, ecchymata morbillosum imitantia; a quibus in illo saltem disternabantur, quod non universum corpus pariter occuparent, quas diximus partibus contenta; febris etiam (licet ejusdem plane generis) immanior erat, & ad dies 14. nonnunquam etiam plures, protrahabatur. Nec venæ sectionem tulit hæc febris, nec enemata, ab utrisque irritata; at methodo quæ morbillis superius dicata est, lubens concessit. Atque hæc de morbillis fuerunt dicenda.

C A P U T IV.

Variola Anomala An. 1674. 75.

Quemadmodum morbilli epidemici initio anni 1670. incurfantes *Variolas nigras* ibidem delineatas introducere, ita etiam hi, qui haud minus epidemice grassabantur initio Anni 1674. Variolarum speciem introducebant tam earum similem, ut eadem istæ revixisse omnino viderentur, non aliæ subnasci: cum enim (uti jam diximus) in priore illa Variolarum specie post elapsos priores annos duos, pustulæ minus in dies nigre comparerent, & grandiores etiam pedetentim conspicerentur, donec exeunte anno 1663. morbus jam mitis, habita generis ratione, ac benignus esset, jam pristina ferocia, & infausto malorum symptomatum agmine stipatus denuo revertebatur. Etenim pustulæ fuliginem nigredine æquabant, ubi nempe confluerint; & æger non prius extingueretur quam ad maturitatem istæ pervenerint; immaturatione enim fusco tantum erant colore. Pustulæ quin etiam perpusillæ erant, si numerosæ, (paucæ enim ubi fuerant tantum, haud erant minores, quam in aliis Variolarum generibus, nigre vero rarissimæ) verbo dicam, istas quas anno 1670. descripsimus satis referebant; licet non in omnibus cum iis quadrarent, distarent autem pauculis quibusdam, quæ quidem majorem sub his quam illis putredinem latere, naturæque eas esse magis crassæ & incoctilis ostendebant. Maturæ enim pejus olebant, ita ut iisdem graviter laborantibus præ fœtore vix quidem accedere. Tardius enim periodum absolvebant, hærebantque diutius, quam ulla species alia adhuc videre contigit.

Notatu interim est perdignum, quod quanto mitior est mor-

est morbi species, tanto citius pustulæ ad maturitatem, atque morbus ad finem perducitur. Ita in specie ista regulari Variolarum confluentium, quæ anno 1667. ingressa est, dies *Undecimus* maximum adferebat vitæ discrimen, quo semel elapso, non amplius ut plurimum ægro metuendum erat. In proxime sequenti specie anomala confluentium, quæ initio anni 1670. cœperunt invadere, æger die *Decimo quarto*, vel ad extremum *Decimo septimo* maxime periclitabatur, quos si æger superaverit, salvus omnino erat, nec quenquam post hunc diem ab hoc morbo interemptum hætenus observavi. At vero in hac specie confluentium, æger etiam post diem *Vicesimum* contrucidabatur; nonnunquam & si convalesceret, quæ paucorum fors erat, non tantum tibiæ intumescabant, (quod quidem in Variolis confluentibus quibusque familiari est) sed brachia insuper, humeri, crura, partesque aliæ; qui quidem tumores ab intolerabili dolore *Rheumaticorum* per omnia æmulo, tragœdiam ordiebantur; postea haud raro suppurabantur, & in sinus ingentes & partium musculosarum apostemata desinebant, ægro in vitæ periculo etiam ad multos dies a discessu Variolarum adhuc versante. Adeo ut mihi luculenter constaret de gradibus, quibus hic se epidemicus promoveret per tres hæc constitutiones, quarum posterior priorem semper exuperavit, tum quoad majorem putredinem, tum quoad morbi materiam minus cœtilem.

Videntur autem mihi hæc quas jam tracto *Variola*, nova quædam Variolarum species, e priore jam inveterascente suborta. Quamvis pro aeris diathesi cum producente epidemicum, Variolæ nigræ, quæ initio anni 1670. primum se ostendebant, ad *παρὰ φύσιν* suam usque progredierentur, tamen ad instar recidivæ alicujus morbi a materia pristina denuo fermentescente, aer rursus ad Variolarum productionem faciens, ex veteri penu easdem deprompsi; qui quidem morbus redintegratus sumptisque de novo viribus, reviviscere plane & quasi rejuvenescere videbatur. Tanto autem magis anomala hæc erant, tantoque magis intensam redolebant putrefactionem; quanto materia, e qua generabantur, ista crassior erat atque fæculentior, ad quam præcedentes primum ortum referebant. Quod ut magis elucescat, existimandum omnino est, nullam ejusmodi diathesin in ipso aere supponi debere, quæ hunc hoc in loco epidemicum propaget, alium vero longe diversum in alio non ita multum distante; hoc enim si fieret (sit autem subinde) quilibet ventorum motus constitutionem diffilare valeret; vero autem similis mihi videtur hunc vel illum particularem aeris tractum effluviis repleri a minerali aliqua fermentatione, quæ aerem, per quem feruntur, particulis nunc huic animalium generi, nunc alteri exitialibus, contaminantia, morbos variis terræ affectibus appropriatos eo usque propagant, donec expiraverit subterranea illa halituum minera; quæ pariter in novam denuo fermentationem agi possit, ex reliquiis nempe materiæ exolescentis, uti in casu jam memorato. Mihi vero, qui non ultra, quam res ipsa loquitur, sapere audeo, perinde est, an hæc, an alia aliqua hypothesis phænomena rectius solvat. Id saltem pro comperto habeo, quas jam tractavi Variolas, præcedentis constitutionis Variolis fuisse simillimas, nisi quod & crassiorem naturam, & putredinem longe intensiorem redolere viderentur. Quibus etiam de causis duabus, ubi admodum *confluerent*, plures orco dabant, quam species alia quælibet, quam mihi hætenus videre contigit; & si quid meo iudicio tribuendum sit, pestem ipsam, pro numero sc. ægrorum, perniciæ æquabant, licet, ubi *Discretæ* invaderent, haud certius intentarent periculum, quam alia quævis species, & tam pustularum magnitudine, quam colore, aliisque circumstantiis boni se moris esse faterentur.

* Curationem quod attinet; Jam a multis annis miratus sum indicationes plane contrarias, quas hic mihi morbus subinnuere videbatur. *Hinc* enim luce clarius fuit, a calidiori regimine symptomata, quæ a nimia inflammatione pendent, statim produci, febrem scil. phrenesin, maculas purpureas, & similia, quibus hic morbus præcæteris quibusque est obnoxius, *inde* vero regimen iusto frigidius faciei manuumque intumescentiæ, quæ hic apprimè est necessaria, officere, & pustulas flaccidiores reddere. Postquam hæc diu multumque apud me satis anxie revolveram, intellexi tandem, utrique huic incom-

modo eodem simul tempore posse occurrere. Usui enim aquæ cum lacte coctæ, cerevisiæ tenuis, aut liquoris alterius similis liberaliorem concedendo, penes me erat internum sanguinis *ὀρυσσιν* frænare; atque ex adverso ægrum in lectulo jugiter detinendo, ne brachio quidem exerto, blando ejus calore pustularum elevationem & faciei manuumque intumescentiæ valebam promovere. Neque hæc secum methodus pugnare videtur; sanguis enim, eruptione jam finita, particulas inflammatas in corporis habitum eructasse putandus est, neque jam stimulis ad ulteriorem materiæ secretionem indigere: Ita ut, cum jam in habitu corporis, maturandisque abscessibus rei cardo verteretur, id tantum sit agendum *sanguinis* nomine, ut sc. sanguis ab halitibus calidis, a carne pustulis obfessa retro agendis, factus rectus conservetur; *Pustularum* vero, ut blando partium externarum calore ad maturitatem illæ perducantur. Jam vero, ut ut feliciter mihi cesserit hæc methodus, uti prius docui, in Variolis aliis *Confluentibus*, in istis tamen hujusce constitutionis illa me fefellit, ita ut eorum plerique, qui vehementius laborabant, interirent, siue methodo jam a me laudata, siue regimine & cardiacis calidioribus uterentur. Omnino itaque intellexi, desiderari adhuc aliquid præter ista, quæ vel ad compescendam sanguinis ebullitionem, vel ad pustularum elevationem, manuumque atque faciei intumescentiæ facerent; desiderari sc. aliquid, quod putrefactioni magis intensæ, quam in his Variolis præcæteris quibusque observaram, vincendæ par esset. In mentem mihi tandem venit *Vitrioli Spiritus*, quem existimabam utrique intentioni, tum putredini oppugnandæ, tum perdomandæ caloris ferociæ, satisfacere posse. Quamobrem ægro sibi relicto, donec & dolor & vomituritio, quæ eruptionem præcedere solent, jam desinerent, & Variolæ conferto agmine prodirent omnes, tandem die *quinto sextove* dictum *Spiritum*, cerevisiæ tenui ad levem aciditatem instillatum, pro potu ordinario concessi ad libitum sumendum, liberalius vero, cum appareret febris maturatio, quem potum, donec perfecte convalesceret, imperavi usurpandum quotidie.

Hic spiritus, ceu morbo revera specificus, symptomata omnia ad miraculum fere compescibat. Facies & maturius, & longe altius intumescibat. Variolarum interstitia, ad calorem magis rubrum, & rosæ Damascenæ æmulum magis accedebant: Pustulæ quoque minutissimæ grandescabant, saltem quantum ea species pateretur: Pustulæ etiam quæ aliter nigræ comparuissent, hic materiam quandam flavam & colore flavum referentem eructabant. Facies deinceps, pro nigra, colore flavo saturato ubique tincta conspiciebatur; Celerius maturescabant, atque tempore alia omnia diei unius aut alterius spatium, citius percurrebant. Hæc autem accidebant omnia, si liquorem nempe laudatum liberalius haurirent: Quapropter, quoties ægrum copiam subjugandis symptomatibus debitam respuere animadverterem, spiritum istum, vel syrupo aliquo in cochleari permixtum, vel aquæ destillatæ cum syrupo junctæ additum, subinde ingessi quo pensaretur sc. liquoris parciore usus.

Varia hujus medicamenti commoda recensui, incommodi ne minimum quidem ex eo natum hætenus potui deprehendere: Licet enim salivatio die undecimo decimove fere ab eo sistatur, cujus vicem per id temporis defectiones aliquot subire solent; tamen ab his minus ægro erit periculi, quam ab ista fuit; Quandoquidem, quod plus semel diximus, qui Variolis *Confluentibus* laborant; eo præcipue urgentur discrimine, quod saliva his diebus viscidior reddita fauces præcludat, cui quidem symptomati hoc in casu diarrhœa succurrit, quæ vel sponte sua desinet, vel saltem, ubi nullum amplius a Variolis periculum est, lacte & aqua mistis, & Narcotico assumptis facile compescetur.

Ægro interim in lecto jacenti, inclusis quoque brachiis, stragula præter solita adjici non patiebat; concessi etiam, ut ab hac in illam lecti partem se pro arbitrio transferret, ad sudores arcendos, in quos proclivissimus erat, hoc non obstante remedio. Jusculis interim avenaceis atque hordaceis victitabat, nonnunquam & pomo cocto. Ultimis diebus, si vel langueret æger vel ægrotaret stomacho, vini Canarini cochlearia tria quatuorve indulgi. Haustum vero paregoricum jam a quinto sextove die singulis vespers temporius propinandum adulto (infantibus enim eo non erat opus) præscripti; *Laudani Liquidi* sc. guttas 14. in Aq. fl. Paralyf.

Die

Die decimo quarto ægrum e lecto surgere permisi; vicesimo primo sanguinem e brachio educendum curavi, catharticum deinde ad duas vel tres vices exhibui; quibus peractis ægri facies coloratior ac magis vivida conspicietur, quam solebat eorum, quos hic morbus ita male mulctaverat: Adde, quod methodus laudata vix patitur faciem cicatricibus deturpari, quæ ab humoribus calidis effertisque proveniunt cuticulam rodentibus.

Die Julii 16. 1675. Vir nobilis mihiq; amicus Dominus *Elliot* Regi a cubiculo, domesticum e suis meæ curæ commisit, fera hac Variolarum *Confluentium Nigrarum* specie propediem laboraturum: Habebat is annos octodecim circiter, temperamento erat admodum sanguineo, & in hunc morbum a nimia compotatione recens inciderat: Confluebant pustulæ densiore agmine quam alias vidi unquam, ita ut nulla fere inter eas intercapedo linqueretur, qua distinguere possent. Remedii hujus *Σπασινάτης* confusus viribus, venam nullus secui, licet tempus quo accersebar, id liberum faceret; atque etiam secare debuissim, cum a nimia vini ingurgitatione invitaretur morbus. Post eruptionem finitam, die viz. quinto vel sexto, *Spiritus Virioli* in lagenas aliquot cerevisiæ tenui repletas jussi instillari, atque hunc potum ordinarium concessi pro arbitrio sumendum. Die octavo ea sanguinis quantitas e naribus fluxit, ut Nosocomia hoc symptomate territa, me ocyus accersendum putaret: Adveniens ego, cum ab immodico sanguinis calore & impetu inusitato illud oriri animadverterem, cerevisiam tenuem dicto spiritu imprægnatam uberius adhuc hauriendam imperavi, quo facto hæmorrhagia dicto citius est coercita. Salivatione satis copiosa, faciei & manuum intumescencia, pustularumque augmento rite procedentibus, morbus se satis feliciter expedivit; nisi quod ultimis diebus dejectiones aliquot mucosæ sanguine æque interpellarent, quæ forte nullum facessissent negotium, si venam, eo quo diximus nomine, mox accersitus aperuissim. Nihilominus nullo alio præsidio dysenteriam adoriebar, quam Narcotico illo, quod alias etiam, si hoc symptoma non urfisset, singulis noctibus fuisset assumendum, quo vis ejus retusa erat donec evanescerent pustulæ; posteaque extracta e brachio sanguinis quantitate satis larga, lacteque atque aqua affatim haustis, subito convaleuit.

Eodem fere tempore quidam e meis vicinis Dominus *Glench* duos mihi liberos sanandos tradidit, quatuor annos habebat alter, alter adhuc lactebat, nec dum sextum mensem attigerat. Pustulæ utrisque perpusillæ erant, *Confluxiles* admodum, & ad erysipelatis modum prodibant, generisque nigri dicti. *Virioli spiritum* utrisque in potu omni instillandum curavi, quem non obstante ætate, junioris præsertim, tenellula, nihilum aversebantur; quin & nullo symptomate graviore affecti convalescere illico. Amicissimus mihi vir, Dominus Doctor *Mapletoft*, utrosque mecum invisens, ætate majorem jam convalescentem reperit, minorem vero in cunis adhuc laborantem.

Animadvertendum est autem, quod, sicuti Variolæ hujus constitutionis quæ non confluebant, satis erant benignæ, ita neque remedio jam præscripto opus habebant; satis vero erat ista eas methodo tractare, quam generi *Distincto* jam supra deberi docuimus.

Habes jam, lector, quæ de *Variolis* mihi erant dicenda omnia; quæ licet non nemo fortasse parvipenderit pro sæculi genio, scio tamen ego haud parvo mihi labore, cura atque industria, per multos annos continuos ea stetisse; neque jam a me fuisse evulganda, nisi vicisset charitas in proximum, & studium aliis benefaciendi, vel pretio existimationis propriæ, quam satis intelligo a subjecti novitate gravandam fore. Neque tamen video, cur aliquem male habeat nova methodus ei morbo medendi (cujus nec apud *Hippocratem* vestigium ullum, nec apud *Galenum* invenitur, nisi quis forte locus difficillima ratiocinatione torqueatur) cum quæ a modernis adaptantur curationes, a magnis illis rei medicæ luminibus non institutæ, æquo jure ab his negliguntur, atque ab illis magnifunt.

Quin a pari ratione nemini mirum debet videri, si quid immutavero in ea methodo, qua expugnandæ sunt istæ febres, quæ ab iis pendent constitutio-

nibus, quæ Variolis epidemicæ sunt; Etenim si in prioribus illis mundi sæculis Variolæ nusquam gentium comparuerint, sequitur neque istiusmodi febres uspiam locorum extitisse unquam, Vero autem simillimum est, ne quid dicam audacius, Variolas nondum tunc temporis in rerum natura fuisse repertas: si enim per antiquiora tempora perinde atque nunc dierum hic morbus invaluisset, sagacissimum *Hippocratem*, opinor, is nunquam latuisset; qui cum morborum historias & clarius intellexerit, & descripserit accuratius quam post natorum quispiam, & hujus etiam descriptionem genuinam, atque simplicem pro suo more nobis reliquisset. Quo circa opinari mihi fas sit, morbos certas habere periodos pro occultis illis atque adhuc incomptis alterationibus, quæ ipsius terræ accidunt visceribus, pro varia sc. ejusdem ætate ac duratione: quodque, sicuti alii morbi jam olim extitere, qui vel jam ceciderunt penitus, vel ætate saltem pene confecti exolvere; & rarissime compareant (cujusmodi sunt *Lepra* atque alii fortasse nonnulli) ita qui nunc regnant morbi aliquando demum intercident, novis cedentes speciebus, de quibus nos ne minimum quidem hariolari valeamus. Hæc se ita res habere potest, quicquid de ea videatur nobis *Βραχυβίος*, qui heri tantum natus sumus, cras forte interituri, neque quas de morbis authores, vel antiquissimi, congefferunt rationes, ævi multo productioris, si cum antiquissima mundi Epochæ conferantur.

C A P U T V.

Tusses Epidemicæ Anni 1675. cum Pleuritide & Peripneumonia supervenientibus.

CUM tempestas placida ac repens, imo vero æstatis simillima, præter solitum ad postremos usque *Octobris* dies perseveraret, Anno 1675. eam vero mox exciperet alia multum diversa, frigida scilicet atque humida subito ingruens, *Tusses* ubique numerosiores grassabantur, quam alio quovis, quod memini, tempore, nemini fere parcentes, cujuscunque is fuerit sive ætatis, sive temperamenti, integras vero simul familias pervadentes. Neque numero tantum erant spectabiles (cum quælibet hyems haud paucas nobis generet) sed etiam ob anceps illud periculum, in quod eos, quos affecerant, per accidens conjiciebant. Cum enim *Constitutio*, & jam, & per Autumnum omnem modo elapsam, in producenda febre epidemica supra descripta omnes nervos intenderet, cumque jam nullus existeret morbus alius epidemicus, cujus contranisu hujus vires aliquantisper possint refringi, tusses istæ febrilem sternebant viam, atque in eam quam libentissime commigrabant. Interea, quemadmodum tussis constitutioni opitulabatur in febre producenda, ita etiam febris occasionem ex tussi natam arripiens, jam pleuram ac pulmones haud aliter invadebat, ac caput invaserat vel septimana illa, quæ harum tussium exortum fuerat prægressa; Quæ tam improvise symptomatum mutatio nonnullis, qui minus diligenter adverterant animum, ansam præbuit, febrem hanc pro *Pleuritide Essentiali*, aut *Essentiali Peripneumonia* habendi, licet eadem omnino illa maneret atque fuerat per integram hanc constitutionem. Nunc enim, uti prius semper, cum dolore capitis, dorsi, atque artuum quoslibet aggrediebatur; quæ symptomata omni ubique hujusce constitutionis febrilem conveniebant. Materia tantum febrilis, cum stimulante tussi in pleuram ac pulmones uberius deponebatur, symptomata dictas partes attinentia excitabat; attamen febris quantum mihi licuit observare, eadem prorsus cum illa fuit, quæ ad eum usque diem fuerat depopulata, quo hæc tusses primum comparebant; quin & remedia quibus promptissime parebat, idem plane demonstrabant. Et quantumlibet lateris dolor punctorius, respirandi difficultas, color detracti sanguinis, & reliqua signa pleuritidis familiaria, *Essentialem Pleuresin* subesse innuerent, non aliam tamen medendi methodum postulavit hic morbus, quam quæ febrile hujus *Constitutionis* quadrabat, ab illa vero quæ *Vera* pleuritidis conveniebat, ab-

horre-

horrebat admodum, ut ex infra dicendis liquebit. Addo, quod cum Pleuritis, quories est morbus primarius, eo plerumque anni tempore soleat invadere, quod inter Ver atque Æstatem ambigens, utriusque quasi fibula est, hic morbus alieno prorsus sydere natus, pro symptomate tantum febris, quæ isti anno propria fuit, ducendus est, atque accidentalis tussis sobole.

* Ut ad eam methodum rite procedam, quam hujus anni tussibus, tum etiam istis quæ aliis contingunt, (modo ab iisdem causis nascantur) deberi monuit experientia, animadvertendum est, effluvia ista, quæ a sanguinis massa per insensibilem transpirationem ablegari solent, a frigore cutis spiracula subito contrahente intro verti, & in pulmones deponi, quos irritando, tussim mox excitant. Cumque hoc pacto detineantur calidæ istæ & recrementitiæ sanguinis exhalationes, quo minus per cutis poros excant, febris in sanguinis massa facile accenditur; ubi scilicet vel tanta est halituum copia, ut pulmones iis eliminandis haud sufficient, vel calore adventitio sive remediorum, sive regiminis justo calidiorum quasi adjecto oleo ignis augetur, & qui in febrim jam plus satis erat proclivis, in eandem præceps agitur. Verum enim vero, qualiscunque fuerit febris *Stationaria*, quæ illum annum funestat, atque per id temporis dominatur, nova hæc febris statim in ejus nomen ac familiam adoptatur, ejusdem ubique genio obsequens, licet symptomata quædam adhuc retineat a tussi, quam habuit parentem, pendentia; ac proinde satis constat in tussi qualibet ex hac *παρασθεν* nata, non tantum ipsi morbo, sed & feбри, quæ tussi huic paratissima accedit, occurrendum esse.

Hac innixus basi, iis qui meam implorant opem hoc modo succurrere conabar. Si tussis nondum febrim, atque alia symptomata, quæ ut plurimum se adjungere solere diximus, acceperat, satis esse arbitrabar, ægrum a carnibus & liquoribus spirituosus quibuscunque arcere, hortabar item ut exercitiis uteretur moderatis, & frueretur aura liberiore, ptisanam pectoralem refrigerantem subinde hauriens. Sufficiebant nimirum paucula hæc & ad tussim perdomandam, & febrim, aliaque symptomata quæ illam comitari solebant, præveniendâ. Sicut enim abstinentia a carnibus, & liquoribus spirituosus, tum etiam refrigerantium usu ita contemperabatur sanguis, ut impressioni febrili ineptior esset; ita etiam exercitii ope fervida illa sanguinis effluvia, quæ, quoties corporis pori a repentino frigore occluderentur, intro acta tussim excitabant, via sibi naturali ac genuina exhalabant opportunius, & cum bonis ægri rebus diffabantur.

Tussim quod spectabat sedandam, haud vacabat periculo Narcoticis atque Anodynis illam aggredi; nec minus periclitabatur, si quis liquoribus spirituosus calidisque medicamentis idem moliretur, cum utroque modo inviscata, atque indurata tussis materia, halitus isti, qui a sanguine placide ac sensim discedentes tussiendo in auras invanescentes, jam exitu negato, in cruoris massa præcludi febrim ibidem ciebant. Atque hoc sæpenumero non paucis e vulgo inconsultioribus pessime cessit, qui cum spiritu vini ustulato aliisque calidis liquoribus tussi obicem ponere niterentur, affectus pleuriticus & peripneumonicus invitabant, atque insana hac sapientia morbum sua natura levissimum & facile sanabilem, in periculosum ac sæpe lethalem transformabant: Nec minus hallucinabantur (licet magis cum ratione insanire viderentur) qui provocatis sudoribus morbi causam exterminare volebant: Quamvis enim non diffiteamur, sudores sponte prorumpentes haud raro præ cæteris quibuscunque præsidiiis causam morbificam expellere, liquet tamen, nos, dum in iis extorquendis sumus, sanguinem incendere, & quem servare volumus ægrum letho dare posse.

Quandoque vero, non tantum ubi minus rite tractaretur morbus, quo scil. supra descripsimus modo, sed etiam nonnunquam sua sponte (maxime in delicatioribus ac tenellulis) nunc statim ab initio, nunc post diem unum aut alterum, tussi superveniebat ca-

Sydenham opera Medica.

loris ac frigoris vicissitudo quædam, capitis, dorsii, atque artuum dolor, ad sudores nonnunquam propensio, noctu maxime (quæ omnia pariter symptomata febrim hujus *Constitutionis* plerumque sequebantur) quibus sæpe adjungebatur lateris dolor, nonnunquam etiam pulmonum quasi contractio coarctatioque, unde difficulter spirabat æger, inhibebatur tussis, excitabatur febris vehementior.

Feбри, & pessimis ejus symptomatibus rectissime, (quantum accurate facta observatione mihi constitit) occurrebatur venæ sectione in brachio, & epispastica nuchæ applicato; clystere item quotidie injiciendo. Ægrum interim monebam, ut singulis diebus ad horas aliquot lecto absteret, abstinere a carnibus, nunc cerevisiam tenuem, nunc lac aquæ permistum, nunc ptisanam aliquam refrigerantem ac lenientem sorberet. Elapso jam biduo triduoque, si nondum minueretur dolor lateris, sed adhuc vehementer urgeret, sanguinem secundo detraxi, & ut in usu enematum persisteret adhuc, suavi. Enemata autem quod attinet, diligenter advertendum est (tam in hac, quam in aliis febribus) ea, jam fractis morbi viribus, & retusa acie, non diu & continuo repetenda esse, maxime in sæminis passioni hysterica obnoxiiis, aut viris hypochondriacis; cum talium sanguis atque humores *Διευδαλντοι* sint, ac nullo fere negotio exagitantur atque æstuent, unde perturbatur corporis œconomia, & symptomata febrilia etiam ultra solidam periodum ægros discruciant.

Sed ut ad rem revertamur, dum hoc pacto spatium morbo concederemus, quo sanguis calidas illas particulas, quæ in pleuram ac pulmones impegant, sensim excuteret, symptomata universa placide solebant evanescere; cum qui morbum ferocius atque hostili manu aggrediebantur, ingenti remediorum molimine bellum inferentes, vel suos ægros amitterent, vel saltem phlebotomia sæpius repetita quam vel postulabat morbi genius, vel etiam tuto ferebat, eorundem vitam redimere cogerentur. Cum enim in vera pleuritide venæ sectio repetita omnem numerum absolvat, solaque ad curationem sufficiat, (modo non obstiterint medicamenta & regimen calidiora, quæ contra militant) ex adverso in hoc symptomate satis erat semel, vel ut plurimum bis venam fecasse, modo ægro concederetur ut e lecto exurgeret, & potu refrigeranti uteretur. Nulla autem cogebat necessitas, si bene observaverim, sanguinem sæpius educere, nisi ubi a calore foris accedente admodum intenderetur dictum symptoma; neque etiam in hoc casu periculo id omnino vacabat.

Hanc jam nactus ansam, paucula de eo dicam quod omnium ore tritissimum est, *Pleurisin* scilicet quandoque ita *Malignam* reperiri, ut per eos annos phlebotomiam ferre nesciat, saltem tories repetitam, quoties hic morbus communiter deposcit. Censeo quidem *Pleurisin* veram atque *Essentialem*, quæ, ut post hac dicetur, omnibus annorum omnium constitutionibus indifferenter infestat, omnibus indifferenter annis venæ sectionem pariter repetitam indicare; aliquando tamen accidere ut febris ejus anni proprie epidemica, a repentina aliqua manifestatum aeris qualitatum alteratione, materiam morbificam in pleuram aut pulmones libenter deponat, ipsaque febris nihilo minus eadem prorsus maneat. In hoc casu, etsi venæ sectio possit concedi, ut huic symptomati, si multum sæviat, occurratur; generaliter tamen si loquamur, non multo plus sanguis symptomatis ratione educendus est, quam febris nomine debuerat educi, a qua pendet istum symptoma: Nanque si hæc ejus sit indolis, ut a repetita venæ sectione non abhorreat, potest ea repeti in pleuritide quæ ejusdem symptoma est; at vero si febris repetitam venæ sectionem respuat, neque juvabit ista, imo & nocebit in pleuritide, quæ cum febre stabit cadetve. Hoc autem modo se res habuit, me saltem judice, in *Pleuritide symptomatica*, quæ febrim comitabatur hoc in loco grassantem, quo tempore subingrediebantur *Tusses*, hac nimirum hyeme 1675. Atque hoc quidem mihi ideo reticendum non erat, quod existimem dubio illum tramite errare, atque incerto duci filo, qui in febrium curatione non continenter ob oculos habet anni *Constitutionem*, qua-

quatenus huic aut alteri morbo epidemice producendo faver, ceterisque morbis omnibus una concurrentibus in ejus similitudinem ac formam detorquendis.

Novembri anni præfati, Dominum *Thomam Vvindham*, Domini *Francisci Vvindham* Equitis filium natu maximum, hac febre laborantem tractabam. Querebatur is de lateris dolore, aliisque symptomatibus, de quibus ceteri hoc morbo affecti. Venam haud plus semel tundendam curavi, epispasticum nuchæ apponi, enemata quotidie injici; nunc ptisanas atque emuliones refrigerantes, nunc lac aquæ immistum, nunc cerevisiam tenuem propinavi, suasi ut lecto absteret quotidie ad horas pauculas, qua methodo intra paucos dies restitutus est, & celebrata catharsi omnino convaluit.

Notandum autem est, quod tametsi symptomata hæc, quæ tussi supervenire solerent, ea prope essent, quæ hanc hyemem funestabant; attamen tussis ipsa sine illis sola invadens, ea tempestate magis dominabatur. Hujus autem medela neque venæ sectionem, neque clysteres sibi vendicabat; modo febris a regimine vel medicamentis calidioribus non excitaretur. Cum satis erat ad eam compescendam ægro liberioris aeris foras usum concedere, & carnis esum, ut & vinum ac id genus liquores spirituosos, qui febri ansam præbeant, omnino interdiceret. Porro *Tabel-las* sequentes sæpiusculum devorandas imperavi; quæ quidem ad tusses a frigore susceptas coercendas omnibus aliis, quæ mihi adhuc innotescunt, longe præcellunt. *M. Sacchar. Cand. ℞iij. Coq. f. q. aq. communis usque dum adherescat extremis digitorum, tum adde pulv. Liquirit. Enul. Campan. sem. anisi & sem. Angelic. an. ℞ss. pulv. Irid. & flor. Sulphur. an. ℞ij. ol. chym. sem. anisi ℞j. f. s. a. tabellæ, quas secum continua portet, ac earum unam frequenter assumat.*

At priusquam his, quæ de morbis epidemicis disserui, ultimam imponam manum, objectioni, quam contra eorum nonnulla adferendam prævideo, occurrendum mihi est, quod nempe non satis cum *malignitate* ista pugnare videantur, quæ pluribus horum morborum adhæret. Non is sum, qui receptam a viris doctissimis, sive hujus sæculi, sive antiquioribus, de malignitate opinionem convellere aut possim, aut etiam velim, cum ista indiciis plus satis se prodatur manifestis, in epidemicis plerisque. Liceat mihi tantum quæ de ejus natura sentio in medium proferre, quo hæc nostra praxis minus a ratione abhorreere videatur. Ipse enim cum eruditissimo *Sca-tigero*.

Non mihi, sed rationi, aut quæ ratio esse videtur, Milito; securus quod mordicus hic tenet, aut hic.

Censeo itaque ego *malignitatem* eam omnem, quæ epidemicis competit, (qualiscunque tandem fuerit specifica ejus natura) particulis calidissimis ac spirituosissimis, humorum in humano corpore contentorum naturæ plus minusve adversantibus, consistere ac terminari; quia solæ istiusmodi particulæ humores ita subito alterare valent, atque in morbis malignis fieri videmus. Censeo irem calidas illas & spirituosas particulas assimilando maxime agere: Cum ex naturæ lege quodlibet principium activum sui simile procreare satagat, & quæcunque ei obsistunt ad propriam indolem inflectere atque accommodare. Ita ignis ignem generat, & maligno infectus morbo socium inficit, spirituum sc. emissionem; qui humores mox inficiendos sibi assimilant, & in naturam suam perducunt, trahuntve.

His præmissis, omnino sequitur nihil esse prius, quam ut dictæ particulæ sudore eliminentur; hoc enim modo morbus confestim funditus extirparetur: At hic reclamationem experientia, docetque hoc in omni *malignitatis* specie fieri non posse. Quamvis enim in ipsa *Peste* particulæ pestilenciales, tum quod admodum fuerint subtiles, tum etiam quod sanguinis partibus maxime spirituosissimis infideant, dissipabiles sint, atque excitato sudore non interrompendo ejici quant; in aliis tamen febribus, ubi particulæ assimilantes non in eam subtilitatem sunt evectæ, atque etiam humoribus magis crassis incorporantur, minera illa

maligna non tantum sudoribus dissilari non potest, sed sæpenumero etiam augetur, quibus isti sollicitantur, diaphoreticis. Quanto enim magis usu calefacientium actuantur particulæ hæc calidæ ac spirituosæ, tanto magis intenditur ea quam habent assimilandi facultas, quantoque etiam magis excalescunt humores isti, in quos agunt, tanto libentius in assimilantium castra migrant, earundem impressionibus cedentes. Cum ex adverso ratio dictare videatur, medicamenta illa quæ contrariæ sunt naturæ, non tantum particularum calidarum atque acrium vim inhibere, sed etiam humores condensare obfirmareque, quo spirituum morbificorum fortius sustineant impetum, vel etiam frangant. Atque appellanda hic mihi venit experientia, qua magistra edoctus sum & purpureas febrium maculas, & Variolarum pustulas nigras, eo promptius sumpsisse incrementum, quo magis calefieret æger, easdem vero pro ratione moderationis regiminis, quod iis omnino debetur, decrescere solere ac minui.

Jam si quis me roget, qui fiat ut, cum *malignitas* in ejusmodi particulis calidis ac spirituosissimis consistat, haud raro ita parca febris signa conspiciantur, etiam in morbis summe malignis; responderem percontanti, primo in præcipua illa, & maxime insigni malignitatis instantia, ipsa *Peste*, abunde constat particulas *voanpæs* ita supra modum subtiles esse atque aculeatas, (præsertim ubi primum incipit grassari) ut auræ ad instar sanguinem pervadant, ac syderatis quasi ejus spiritibus, ne in ebullitionem quidem illum attollant, unde æger sine febre perit.

At vero in minori isto malignitatis gradu qui in aliis epidemicis reperitur, symptomata febrilia ita parum conspicua redduntur, nonnunquam a confusione in sanguine atque humoribus excitata a particulis inimicis eorum in gremio conclusis; unde natura quasi oppressa non potis est, symptomata illa magis regularia exercere quæ morbo competunt, at anomala sunt *πανόμια*, fere omnia ob *οικονομίαν* penitus everfam dirutamque; quo in casu deprimitur sæpe febris, quæ obtinente genuino naturæ ductu, omnino vigeret. Quandoque etiam pauciora se ostendunt febris indicia quam pro morbi genio, ob metastasin mineræ malignæ vel in genus nervosum factam, vel in alias partes corporis, vel etiam humores extra sanguinis pomœria, dum turgeret adhuc materia morbum committens.

Quicquid vero id fuerit, ne hæsiolari quidem possum quænam alia medendi methodus *malignitati* qualicunque adhibenda sit, præter eam quæ epidemico, cui inhæret, debetur. Ita ut sive epidemicus de eorum numero sit, qui primo concoctionem materiæ febrilis, mox ejusdem rite dispositæ eliminationem per sudores sibi vendicant; vel eorum, qui per eruptionem aliquam fugam sibi quærunt; vel etiam eorum, qui ab artis præsidio viam sibi aperiendam præstolantur, in singulis his, inquam, generibus, *Malignitas* morbi comes, cum ipso morbo stabit cadetque, pari usa fortuna, & pari etiam passu recedens; atque ex consequenti, quæcunque evacuatio febri in genere competit, eadem & malignitati debetur: quantumlibet evacuationes istæ sibi invicem fuerint contrariæ. *Malignitati* itaque isti quæ *Febres Autumnales Intermit-tentes* comitatur, uti & *Febrem Continuum*, quæ ejusdem est indolis, medebitur diaphoresis, quæ concoctionem subsequitur ceu ejus effectum. *Variolarum malignitati* subveniet tempestiva abscessulorum maturatio, atque ita de reliquis; in quibus omnibus, peculiaris *malignitatis* species istis præsertim modis ac methodo illa optime superatur, quibus libentissime cedunt peculiæ isti morbi, ad quos illa spectat, sive hac methodo procedendum fuerit, sive altera. Hoc mihi dictat ratio, nisi pro Junone nubes, atque huic etiam experientia jugiter suffragatur.

C A P U T VI.

Anacephalæosis.

Atque ita demum animadvertimus, spatium illud annorum, quo finiuntur prægressæ observationes genera *Constitutionum* omnino *Quinque* peperrisse;

asse; Quinque nimirum peculiare aeris Diatheses, totidem *Epidemicorum* species peculiare, febrium nominatum, producentes; febrium autem harum prima, quæ iis annis infestabat, quibus *intermittentes Autumnales* maxime grassabantur, unica mihi videtur, (quantum observatione diligenti fidaque hætenus assequi potuero) in qua natura ita omnia symptomata moderabatur, ut materiam febrilem debita coctione præparatam certo suo tempore ad exitum disponderet, vel per justam *διαρροήν* vel *διαπύλιν* paulo liberaliorem, (quæ idcirco *Febris Depuratoria* mihi audit) Et profecto facile adducor ut credam, præcipuam hanc esse atque *Primariam Naturæ Febrem*, tum ob regularem illam methodum, qua utitur in promovenda materia morbifica, eademque præfinito tempore digerenda; tum etiam quia hæc febribus aliis quiblibet frequentior occurrit, cum credibile sit *Febres Intermittentes* epidemice sæpius grassari, quam alios morbos quoscunque, si illis nempe habenda sit fides, qui de earum frequentia in sæculis jam elapsis tot & tanta scripserunt; quicquid demum in causa fuerit quod ita raræ comparuerint, a quo *Pestis* hanc urbem est depopulata: Enim vero *Febris hæc Pestilentialis Inflammatoriis* iis omnibus, quæ post invasere, se ducem præbebat, ac *ποδὶ ποῦον*. *Febri* autem isti *Primaria*, de qua supra, adaptantur, ni fallor, illustra illa, atque necessaria Axiomata, quæ tradiderunt *Hippocrates*, alique Medici antiqui; quorum ope ita illa est regenda, ut præparetur materia febrilis ad crisin per sudores rite faciendam: neque enim satis video, qui possint accommodari dicti aphorismi subsequentibus istis febrium speciebus, quæ diversam longe habent indolem; & raro ejusmodi methodo aliqua solvi solent, qua nos adjuti, si ad eam accedamus scilicet, eamque perficiamus, morbos hosce subjugare possimus. Utut vero hæc se res habeat, notatu dignum esse autumo, quod cum febris hæc, quæ ab illa *Constitutione* pendebat, qua intermittentes cæteris prædominabantur, (si vel diutius persisteret, vel æger nimis evacuationibus fuerit exhaustus) subinde in intermittentium castra de facili transfret; istæ febres quæ sequentes funestabant annos, etiam si diutissime cruciarent, rarissime tamen intermittentes fierent; indicio satis manifesto eam *Febrem Continuum atque Intermittentes* istas, vel natura quadantenus convenire, vel non multum ab invicem abhorre.

Jam si quis a me percontetur, quo demum pacto *Febris Continua* speciem ex notis in febrium descriptionibus a me traditis queat expiscari, cum plerunque singulæ iis implicentur symptomatibus, quæ omnibus in genere competunt febribus, (cujusmodi sunt calor, sitis, inquietudo, &c.) Huic ego responderem, difficile id quidem esse, at non plane impossibile, modo quis serio, atque ad amissim exegerit circumstantias eas omnes, quas in historia præcedenti indigitavimus; maxime si in urbe aliqua, aut loco alio hominibus referto, examen instituat. Ponamus enim Medicum ad febre continua laborantem accersiri, id primo habet adminiculi ad judicium rite formandum, quod vel ex observatione propria, vel aliis indicantibus facile resciscat, quinam alii morbi præter hanc febrem, & cujus demum generis, eo locorum epidemice grassantur; quo cognito non amplius dubitabit cujus generis esse debeat febris ista, quæ huic alteri epidemico regnanti famulatur. Quamvis enim fieri possit ut febris iis tantum se prodatur symptomatibus, quæ omnibus omnino febribus sunt communia, (præsertim si in *ἀσθένει* & confusionem agatur a methodo quæ ab ejus curatione prorsus aliena est) alii tamen epidemici characteres naturæ atque indoli suæ proprios ac peculiare apertissime agnoscent. Verbi gratia, qui *Variolas* inspexerit, facile conjectabit, (modo ejus morbi historiam probe calleat) vel a die quo primum erumpunt pustulæ, vel ab earum magnitudine, atque colore, &c. ad quodnam *Variolarum* genus species illa particularis fuerit referenda: atque ubi semel cognoverit quanam sit illa *Variolarum* species, quæ eo anno atque per loca ista increbrescit, satis illi constabit de specie febris cujusvis per id temporis, atque eo locorum grassantis. Et sane si morborum historias ad unguem perdidicissem (quam

Sydenham opera Medica.

ego mihi laudem minime sumo) sicuti epidemico quovis conspecto non dubitarem de febris tum regnantis genere pronunciare, licet ne unam viderim quidem; ita *Febris* quælibet conspecta, quisnam ei jungeretur morbus epidemicus, me satis doceret, an *Variola* scilicet, vel *Morbilli*, vel *Dysenteria*, &c. Cum tam peculiare aliquod horum genus, quam febris peculiaris, particularem quamlibet constitutionem jugiter comitetur.

Secundo autem, præter indicia illa quæ epidemicorum una invadentium consideratio nobis suggeret, & ipsa cujuslibet febris symptomata ad ejusdem speciem dignoscendam, haud obscuram lucem fœnerantur. Quamlibet enim, ut supra innuimus, febres in universum omnes quædam habent symptomata omnibus communia; sunt tamen & certæ aliquæ distinctionis notæ, quas singulis speciebus sigillatim impressit natura; quæ cum subtiliores sint ac magis reconditæ, non nisi a cautissimis, & minutissima quæque pensiculatim trutinantibus erui solent, aut investigari. Inter hæc signa distinguenda semper existimavi ego, ægri sive sudationem sive siccitatem in hoc vel illo morbi tempore, febris speciem præcipue & præ cæteris demonstrare, modo illa a statu naturali ac suo, methodo minus congrua non fuerit dejecta. Atque hoc ipsum liquido mihi constabat in febribus omnibus epidemicis, quotquot observationes hæ nostræ hætenus complectuntur. Exempli gratia, iis in febribus quæ vigeant exolescente *Intermittentium Autumnalium* prædominio, ægri externa aresebant, nec vel minima sudoris præsignatio ante materiæ febrilis concoctionem, quæ die decimo quarto plerunque perficiebatur, in conspectum se dabat. Neque etiam cieri hic poterat sudor sine ingenti ægrorum discrimine, qui in phrenesin, aliaque symptomata periculosissima mox a coacto sudore præcipitabantur. In *Febri Pestilentiali*, quæ hanc quidem subsecuta est, (*Inflammatoriæ* autem omnium quæ ab illo tempore invasere, chorum duxit) nulli sudores sponte sua prorumpebant, at a sudorificis excitari poterant vel primis morbi diebus, atque iis semel obortis æger nullo non symptomate levabatur. Febre proxime succedente, quæ *Variolas* iis annis comitabatur, quibus illæ *Regulares* erant, æger sua sponte effusissimis sudoribus totus dimanavit, vel a morbi initio; at qui istis indulgebat æger, intendebat illico symptomata omnia, haud mitigabat. In binis febribus, quæ dyabus *Variolarum Anomalarum* speciebus, atque *Dysenterii* se comites adjungebant, & sudores anomali etiam fuere; at plerunque solis primis diebus exeuntes, licet qui primam febrem comitabatur sudor, quam qui posteriorem, aliquantisper esset copiosior, sed in neutra emolumento fuit ægro, cum non a prævia concoctione, sed a confuso particularum noxiarum motu is eliceretur.

Arduum vero id mihi in primis videtur, novæ febris speciem, vertente primum anni *Constitutione* indagare, cum necdum specimen ejus aliquod quis oculis usurpaverit, nec dum resciverit, qualesnam demum sint futuri morbi epidemici, quos ut plurimum febris prævertit. Molestum esset singula enumerare, quæ iis annis, de quibus egi, occurrebant, quo liqueret ansas haud obscuras a natura nobis suggeri, quibus adjuti hoc præstare valeamus; ac proinde cognitio hæc a perdiligenti atque accuratissima circumstantiarum omnium observatione necessario pendebit. Quantumlibet autem difficile id fuerit, imo si & impossibile plane supponamus, novæ febris, ubi primum ingreditur, speciem certo distinguere; tamen ad curationem quod attinet, indicatio a *Juvantibus & Ludentibus* sumenda, nobis saltem relinquitur; cujus ope viam paulatim prætentantes ægrum in tuto possumus collocare, modo ne plus satis properemus; qua quidem *festinatione* nihil ego quicquam exitiusius esse autumo, nec re ulla alia febricitantium plures vita spoliari. Neque pudet fateri, me non semel in curandis febribus, ubi nondum constaret quid mihi agendum esset, nihil prorsus agendo & mihi & ægro consuluisse optime, dum enim morbo invigilarem, quo eum opportunius

confodere valerem, febris vel sponte sua sensim evanuit, vel in eum se typum redegit, ut jam mihi innotesceret quibus armis esset debellanda. Sed, quod dolendum omnino est, ægrorum quamplurimi, haud satis gnari quod perinde sit Medici periti quandoque nihil agere, atque alio tempore efficacissima adhibere remedia, probitatis atque fidei fructum hunc capere nolunt, sed vel negligentia vel ignorantia id impurant; cum empiricorum insulsiſſimus quilibet medicamenta medicamentis adjicere æque novit, ac solet magis quam Medicorum prudentissimus.

Hæc sunt fere quæ hætenus observavi, saltem quæ ad normam aliquam reduci potuerint, de *Morborum Epidemicorum* speciebus, atque ordine illo quo invasere ab anno 1661. ad finem usque anni 1675. Quo quidem tempore *Variola*, & *Febris Continua* earum comites, quæ ferme a biennio dominatæ sunt, miores jam factæ videntur exolescere. Qui post sequentur morbi, solus novit, qui novit omnia.

SECTIO SEXTA.

CAPUT I.

Febres Intercurrentes.

Observationes annorum, quos jam descripsi, satis arguunt febrium alias *Stationarias* merito audire, ejusmodi febres intelligo, quæ, cum a particulari quadam, at nondum satis cognita hujus aut alterius anni *Constitutione* pendeant, singulæ suo ordine invalescunt, grassantur admodum, & quasi cæteris dominantur per continuam illam annorum seriem. An dentur etiam aliæ species præter jam dictas: An etiam exacto quodam annorum curriculo, aliæ alias certo ac constanti ordine excipiant, an secus se res habeat, nondum mihi licuit deprehendere. Sunt vero & aliæ *Febres continua*, quæ licet jam parcius, jam inclementius sæviant & depopulentur, tamen cum *Stationariarum* quibuslibet, ut etiam & secum invicem eodem anno indifferenter commiscentur, quas idcirco *Intercurrentes* appellandas censeo. Quid tam de illarum ingenio, quam de methodo medendi eisdem adhibenda, hætenus observando didici, in sequentibus tradam. Sunt vero, *Febris Scarlatina*, *Pleuritis*, *Peripneumonia Notha*, *Rheumatismus*, *Febris Erysipelatosa*, *Angina*. Et forte aliæ quædam.

Jam vero cum universos hosce morbos, vel adhuc comitetur febris, vel saltem fuerit comitata, donec exonerata in partes five has five illas, pro morbi ratione, materia febrili, sibi exitum invenerit; nullus dubito febrem ipsam pro morbo primario habendam, reliquosque affectus a quibus ut plurimum morbi isti nomen mutuantur, symptomata esse, quæ vel peculiarem *modum*, vel partem, in quam ruit morbi vis, præcipue spectant. Verum modo de re conveniat, nullam de nominibus movebo litem; mihi integrum fuerit morbum hoc vel illo nomine designare, pro arbitrio meo.

Animadvertendum est, quod sicuti *Febres Stationariae*, de quibus supra egimus, magis minusve epidemice infestant, quod jam diximus, prout annorum constitutio in secreta atque inexplicabili aeris temperie fundata, eisdem favet, ita etiam *Intercurrentes* hæc nonnunquam, licet non ita frequenter atque istæ, epidemice grassantur. Quamvis enim plerumque oriantur ab hac vel illa particulari corporum particulari *dispositione*, qua sanguis atque humores quoquo modo vitiantur, aliquando tamen originem debent suam mediate quidem causæ alicui generali in aere manifestis qualitatibus hominum corpora ita disponente, ut exinde tales talesve sanguinis atque humorum dyscrasie generentur, quæ *Intercurrentium* ejusmodi *Epidemicarum* causæ fuerint immediatæ. Uti cum gelu acrius diu perseveraverit, se in Veris usque pomœria longius extendens, derepente autem calidior tempestas succedat, *Pleuritides Angina* similesque morbi alii solent invadere, qualiscunque demum fuerit *Constitutio* annorum *Generalis*. Et quoniam hi nonnunquam epidemice grassantur perinde atque alii isti,

idcirco ut hos ab illis febribus dispescam, quæ ad certam annorum seriem determinantur, omnibus indifferenter annis communes *Intercurrentes* appellare libet.

Quanto autem a se invicem intervallo dissideant duo hæc febrium genera, quantum ad causas aere subministratas, quoad alias tamen causas externas, ad procatacticas spectat, sæpenumero conveniunt. Ut enim jam mittamus contagium, quod quidem nonnunquam febrium *Stationariarum* aliquibus ansam exporrigit, & crapulam raceamus, qua matrem proseminantur tum istæ febres, tum hæc etiam, de quibus jam ago; causa evidens externa febrium quamplurimarum inde petenda est, quod quis scilicet vel præmaturius vestes abjecerit, vel ab exercitio incallescens se frigori incautius exposuerit; unde poris subito oclusis, retentisque iis halitibus, quibus alias per cutis spiracula patebat exitus, hæc vel illa febris species in sanguine succenditur, prout vel generalis constitutio, quæ tum temporis obtinet, vel particulares humorum dyscrasie in hanc vel illam febri speciem potentius determinaverint. Et sane existimo plures modo jam designato, quam *Peste*, *Gladio*, atque *Fame* simul omnibus perire: Etenim si quis ægrum Medicus de prima morbi occasione paulo minutius interrogaverit (modo ex acutorum istorum numero sit quos supra tractavimus) audiet quasi semper, vel eum vestem aliquam temere deposuisse, cui pridem assueverat, vel corpus motu excalefactum subito frigori permisisse, atque ex alterutra harum *causarum* incidisse in morbum. Quam ob causam familiares meos semper moneo, ut nullo alio anni tempore quicquam vestium, quibus assuevere, sibi detrahant, nisi mense uno ante *Solstitium Æstivum*: Nec minori cum studio eisdem hortor, ut ab exercitio caleſcentes frigus sedulo evitent.

At vero diligenter hic loci notandum est, quod licet morbi isti, qui sub intercurrentium titulo jam mihi tractandi veniunt, plerique, si non omnes, *Essentiales* fuerint morbi, sæpenumero tamen affectus quidam, tum eos quoad phænomena referentes, tum eodem etiam insigniti nomine, istis febribus superveniunt quas *Stationarias* appello, & sunt nuda earum *symptomata*: Quo in casu non jam illa methodus adhibenda est, quæ iis debetur, quoties morbi sunt essentialia, at ista potius quam sibi postulat febris, cujus nunc sunt symptomata, ad quorum quidem curationem ea leviter tantum inflectenda est: In genere autem ad anni febrem serio attendendum est, investigandumque quo illa pacto facillime expugnari possit, venæ sectione, an sudoribus, vel alia methodo qualibet. Hoc si susque deque habeatur, cum ingenti ægrorum discrimine persæpe errabimus. Si quis objecerit hos ipsos affectus, quos ego essentialia voco, & de quibus jam ago, revera symptomata tantum esse, respondeo, symptomata ea forte esse respectu febris ad quam proprie spectant, at symptomata sunt saltem febrium, quæ illa semper ac necessario producant. V. gr. in *Pleuritide* essentiali febris ejus est indolis, ut semper materiam morbificam in pleuram deponat; in *Angina* essentiali ejus indolis est, ut eadem ad fauces semper amandet, atque ita se res habet in cæteris: Cum ubi affectuum memoratorum utervis febris superveniat, quæ ad hanc illamve annorum constitutionem spectat, atque ab ea pendet, idem per accidens tantum, neutiquam vero necessario producitur. Quo nomine haud parum a se invicem determinantur.

Jam autem, ut affectus *Essentiales* mihi dictos ab iis qui *Symptomatici* tantum sunt, rite distinguamus, multum confert nobiscum perpensis, quod qualia sint symptomata quæ invasionem febris hujus alteriusve *Stationariae* comitantur, talia omnino erunt symptomata quæ insultum sive *Pleuritidis*, sive *Anginae* sequuntur, quoties ejusmodi febris accidentia sunt tantum. Quod quidem cernere erat in *Pleuritide* *symptomatica* prædicta, quæ febrî per hyemem grassanti, anno 1675. superveniebat. Quotquot enim hac laborabant pleuritide, ubi primum corripiebantur, capitis; dorsi, & artuum patiebantur dolorem; quæ certissima erant & maxime vulgaria febrium earum omnium symptomata, quæ & antequam ingrederentur *Pleuritides*, invadebant, atque illis expirantibus adhuc durabant. Cum quoties

uterlibet horum intercurrentium morbus *Essentialis* est, omnibus indifferenter annis pari modo aggreditur, nihil prorsus habens commune cum febre Stationaria per id tempus regnante. Ad hæc symptomata omnia quæ post emergunt magis perspicua sunt, cum non obscurentur ac confundantur ab aliorum *symptomatum*, quæ naturæ sunt diversæ, & ad aliam spectant febrem, admixtione. Præter hæc, Anni tempus, quo essentielles intercurrentes plerique, non tamen omnes, solent infestare, haud raro subinnuit ad quam classem hujusmodi affectus referendi sint. At vero ad morborum, tum horum, tum aliorum etiam omnium Diagnosin, iis demum instructissimus accedet, qui observatione ac diligenti ita intime eorum phænomena rimando perscrutatus fuerit, ut ubi eos inspexerit, genus statim norit distinguere; licet differentiarum characteristarum aliæ ita sint fortasse subtiles ac delicatæ, ut easdem alteri verbis nequeat exprimere.

Quandoquidem autem variæ hæ febrium species, (quantum quidem assequi possum ex phænomenis, quæ tum morbos ipsos, tum medendi rationes attinent, sedulo pensitatis) peculiari, ac cuilibet morbo propriæ sanguinis inflammationi ortum debent suum, in eodem refrigerando contemperandoque omnis mihi fere curationis vertitur cardo: Methodo interim pro morbi genio variata, & cui, experientia jugiter suffragante, ea species libentissime concedit, materiæ morbificæ eliminandæ ubique satago. Et profecto in febrium quarumlibet curatione omne punctum tulerit, qua porta excludenda veniat materia febrilis, qui certo norit; venæ sectione ver. gr. sudoribus, catharsis, aut si qua est alia magis appositæ.

C A P U T II.

Febris Scarlatina.

Scarlatina Febris, licet nullo non tempore possit incidere, ut plurimum tamen exeunte æstivo se prodit, quo quidem integras familias, infantes vero præ cæteris infestat. Rigent, horrentque sub initio, ut in aliis febribus, qui hac afficiuntur, neque vehementer admodum ægrotant; postea cutis universa maculis parvis rubris interstinguitur, crebrioribus certe & multo latioribus, magisque rubentibus, at non perinde uniformibus, ac sunt illæ quæ *Morbillos* constituunt. Ad duos tresve dies persistunt hæ maculæ, quibus demum evanescentibus, decedenteque subjecta cuticula, restant furfuraceæ quædam squamulæ ad instar farinæ corpori inspersæ, quæ ad secundam aut tertiam vicem se produnt, conduntque vicissim.

* Cum hic morbus nihil aliud mihi videatur, quam mediocris sanguinis effervescencia a prægressæ *Æstatis* calore, aut alio aliquo modo excitata, nihil quicquam molior, quo minus sanguis sibi despumando vacet, & materiæ peccanti, quæ satis prompte adjungitur, per cutis poros ablegandæ. Quamobrem tum hinc & a venæ sectione, & ab Enematum usu mihi temperans (quibus remediorum formis facta evulsione particulas sanguini infestas cum eodem intimius permisceri, & motum naturæ magis congruum sufflaminari autumo) tum ex altera parte ab exhibendis Cardiacis, quorum æstu impetuosius forte exagitabitur sanguis, quam propagata & leni illa separatione in qua jam totus est; (Quidquod & vehementior febris hoc fomite possit accendi) satis habeo ut æger a carnibus insolidum abstineat, & a liquoribus spirituosius quibuscunque, tum ut neque usquam foras prodeat, neque se perpetim lecto affigat. Cui jam penitus desquamata, & cessantibus symptomatibus, e re fore existimo, ut purgetur æger leni aliquo medicamento, ætati atque viribus accommodo. Simplici hac & naturali plane methodo hoc morbi *nomen*, vix enim altius assurgit, sine molestia, aut periculo quovis facillime abigitur. Cum econtra si plus negotii ægris faceamus, vel lectulis continenter incarcerando, vel Cardiacis aliisque remediis supervacaneis nimis docte, & (ut vulgo videtur) secundum artem supra modum ingestis, morbus statim intenditur, & æger *Sydenham opera Medica.*

* *Curatio.*

non raro nulla alia de causa, quam nimia Medici diligentia ad plures migrat.

Veruntamen hoc animadvertendum volo. Si *Convulsiones Epilepticae* vel etiam *Coma*, huic morbo sub initium eruptionis supervenerint (quod quandoque accidit in pueris ac junioribus hoc morbo laborantibus) omnino oportet, ut *Epispasticum* amplum ac forte posteriori cervici applicetur; atque porro ut *Paregoricum* e syrupo de Meconio statim exhibeatur, repetendum singulis noctibus usque dum convalescerit; imperando interim ut æger bibat pro potu ordinario lac cum triplo aquæ coctum, & a carnis esu abstineat.

C A P U T III.

Pleuritis.

Hic morbus, quo nec alius frequentior, nullo non tempore infestas, potissimum vero anno inter Ver & Æstatem ambigente. Nam per id temporis sanguis a nova solis vicinia excalesfactus in effervescencias & inordinatos motus effrænatus ruit. Temperamento sanguineo præditos præ reliquis aggreditur, sæpe etiam rusticos, & *duro jam fractos membra labore*. A rigore plerumque atque horrore orditur, quos excipiunt calor, sitis, inquietudo, & cætera febrium symptomata plus satis nota. Elapsis pauculis horis, (licet aliquando multo serius ingruat symptoma hoc) æger vehementi dolore, eoque punctorio, in laterum alterutro circa costas corripitur, qui nunc versus omoplatas, nunc spinam, nunc ex adverso versus anteriora pectoris se propagat. Tussi etiam crebra affligitur, quæ magnum adfert cruciatum, a partium inflammatarum contentione ortum, unde spiritum subinde reprimit, ut prima tussendi molimina coercet. Quæ singulis vicibus *Anacharsis* rejicitur materia, sub initio morbi pauca & tenuis conspicitur, & sæpe sanguinis particulis intermixta; sed procedente morbo copiosior est & magis concocta sanguine etiamnum permixto. Febris interea pari passu incedit, quin & vires sumit a symptomatibus illis, quæ ab ipsa nascuntur. Atque dicta febris cum funesto comitatu omni, (*Tussi* scilicet, *sputo sanguinis*, *dolore*, &c.) pro ratione liberioris materiæ morbificæ expectorationis, sensim minuitur. At vero materia hunc morbum committens, non semper, eodem procedente, concoctionem expectorationi debitam attingit: fit enim non raro, ut materia paucula adhuc & tenuis, sicut in principio morbi, tussiendo educatur, & consequenter febris cum reliquis symptomatibus ne hilum remittat, donec ægrum jugulaverit. Æger interea nunc alvo est nimis adstricta, nunc soluta nimis, dejectionibus crebris & liquidissimis. Est ubi morbo admodum invalescente, & venæ sectione non celebrata, æger ne tussire quidem valeat, sed immani dyspnœa laborans, tantum non suffocetur inflammationis vi; quæ tanta aliquando reperitur, ut pectus ne ad spatium quidem respirationi debitum sine exquisitissimo dolore queat expandi. Est etiam ubi post ingentem inflammationem, & omissam phlebotomiam, quæ nascente morbo fuerat imperanda, mox ad apostema res redit, *pure* in thoracis cavitatem subinde depleto; quo in casu, quamvis primaria febris vel omnino cesset, vel minus saltem urget, attamen, in vado non est æger, sed *Empyemate*, atque *Febre Hæctica* succedentibus, miser *Tabe* extinguitur.

Jam vero licet *Pleuritis* propriæ illi atque specificæ sanguinis inflammationi, quæ eam, quando affectus primarius existit, producere solet, originem suam debeat, per accidens tamen aliis fibræ quandoque supervenit, cujuscunque demum generis ea sint, ex præcipitatione scilicet materiæ febrilis in pleuram, vel musculos intercostales. Atque illud quidem in ipso fere febris initio accidit, cruda adhuc existente materia febrili, nondumque peridoneam ebullitionem subacta, adeoque nec ad separationem debitam per loca magis conferentia præparata. Hoc autem incommodi sapissime ex intempestivo ac præpostero calidorum medicamentorum usu infertur, qualia a nobilibus quibusdam fœminis exhiberi solent, quarum interim benevolentia charitasque multo melius in pascendis pauperibus, quam

in iisdem medicandis, collocaretur. Atque illæ quidem eo consilio (si tamen ullo utantur) id faciunt, ut in primo statim febris insultu provocetur sudor; parum cogitantes, quam inconsulto atque infeliciter idem tentent. Natura enim hoc pacto turbata, humores adhuc crudos existentes expellere, qua data porta cogitur; atque adeo nunc in cerebri meninges impetu fertur materia febrilis, indeque *Phrenitis* nascitur; nunc ad membranam costas succingentem idem malum appellit, ex quo *Pleuritis* oboriri solet; præsertim ubi ægrorum ætas ac temperamentum, annique tempestas inter Ver ætatem ambigens, sua etiam symbola ad rem contulerint: Certe enim tempestate illa febres in *Pleuritidem* transire proclives sunt.

Pleuritidem autem, ejusmodi quam diximus præcipationi ortum suum debere, evacuati per venæ sectionem cruoris color subindicare videtur. Nimirum sanguis (saltem ille qui post primam vicem extrahitur) ubi refrigerit, sevi liquati præ se fert speciem ad crassitiem satis conspicuam; ac superficiem habet veri *putis* æmulam, & tamen ab eo longe diversam, utpote quæ fibris instar reliqui sanguinis, arte contextitur, nec ad modum *putis* defluit, quin a reliquo divulsa discolor illa pars, formam cuticulæ tenacis & fibris refertæ exhibet; & fortasse nihil aliud est quam fibræ sanguinæ, quæ rubicundo ac naturali suo integumento per præcipationem exutæ, ambientis aeris frigore in membranam hujusmodi subalbidam concrevere. At vero (ut id obiter attingam) animadvertendum est, quod si sanguis e secta vena non recto flumine versus Horizontem profiliat, sed per cutim repens perpendiculariter dimanet, utut celeri se prosipiat gradu sæpe tamen ad dictum colorem non accedit, cujus ego me causam nescire fateor. Neque æger ab istiusmodi sanguinis missione perinde levatur, ac si modo primum descripto fluat. Quinimo cum hoc ipso modo extrahitur sive orificium angustius, sive quid aliud obstitit, quo minus pleniori exeat gurgite, neque hic sanguis *Pleuriticorum* sanguinem colore æmulatur, neque æger par exinde commodum capit. Observavi etiam, quod si sanguis recens extractus, quocunque demum modo fluxerit, immisso digito agitur, superficie rubenti ac florida, ut in aliis morbis quibuscumque, spectabitur.

Utut vero sanguis se habet, morbus hic tamen infamis, & plerisque aliis suapte natura periculosior, tamen si perite tractetur, facile vincitur; & quidem non minus certo constanter, quam alii Medicorum conatus ad homines ab orci faucibus liberandos, in morbosque averruncandos, perducere ad exitum felicem solent.

Variis hujusce morbi Phænomenis diligenter perpenſis, nihil aliud illum esse arbitror, quam febrim a propria & peculiari sanguinis inflammatione ortam, qua natura materiam peccantem in pleuram deponit, nonnunquam & in pulmones, unde *Peripneumonia* suboritur, quam a priore, gradu tantum, & pro majore ejusdem causæ intensione extenuque latiori differre autumo.

* Hunc itaque in dicto morbo pellendo mihi scopum propono, ut scilicet sanguinis inflammationem reprimam, & particulas ejusdem accensas, quæ in membranam costas succingentem vim fecerunt, & incendio collabefactarunt omnia, per evacuationes debitas revellam.

Quamobrem in venæ sectione spem ponens maximam, ut primum accersor, sanguinem e brachio lateris affecti ad uncias decem aut circiter mittendum curo. Potionem deinde sequentem statim a venæ sectione primum celebrata sumendam præscribo.

℥. Aq. Papav. Rhoad. ℥iv. Sal. Prunell. ℥i. Syr. Violar. ℥j. M. F. Haustus. Eodem tempore sequentem emulsionem præscribo.

℥. Amygd. dulc. N. vij. Sem. Melon. & Pepon. an. ℥ss. Sem. Papav. alb. ℥ij. contundantur simul in mortario marmoreo, sensim affundendo Aq. Ford. ℥ijss. Aq. Rosar. ℥ij. Sacchar. cand. ℥ss. M. F. Emulsio; Cap. ℥iv. quarta quaque hora. Pectoralia etiam impero frequenter usurpanda, e. gr.

℥. Decoct. Pectoral. ℥ij. Syr. Violar. & Capillor. Ven. an. ℥ijss. M. F. Apozema; Cap. ℥ss. ter in die.

℥. Olei Amygdal. dulc. ℥ij. Syr. Violar. & Capill. Ven. an. ℥j. Sacch. cand. ℥ss. M. F. a. Eclegma, de quo lambat. sapius in die. Oleum etiam Amygd. dulc. per se, vel Oleum Sem. Lini recenter extractum magno sape cum fructu assumuntur.

Dietam quod spectat, carnibus omnino interdico, atque insuper earundem decocto quamlibet limpidissimo. Consulo ut jusculis vescatur hordeaceis, avenaceis, & panatella, & pro potu utatur pitiana ex decocto hordei cum rad. acetosæ, liquirit. &c. ac nonnunquam cerevisia lupulata tenui.

Porro, sequens unguentum præscribo. ℥. Ol. Amygd. dulc. ℥ij. Ung. Pomati, & Dialthæe an. ℥j. M. F. Linimentum, quo inungatur latus affectum mane & sero, superimponendo folium brassicæ. Jubeo item ut in dictorum remediorum usu persistat per omnem morbi decursum.

Eodem ipso die, quo primum accersor, si dolor vehementer urgeat, sanguinis eandem quantitatem rursus detrahi præcipio, vel nihilominus die sequenti, ut etiam tertio die; atque hoc modo ad quartam usque vicem, continuis quatuor diebus, (nisi prius æger convalescit) venæ sectionem repeto, ubi scilicet dolor, atque alia symptomata admodum sæviunt. At vero, si vel morbus remissior & minoris periculi, patiatur ut lentiori pede progrediat, vel etiam dejectæ ægri vires non facile ferant venæ sectionem post tam brevem intervalla repetitam; Phlebotomiam jam bis celebratam non deinceps repeto, nisi interjecto die uno aut altero inter singulas vices. Qua quidem in re normam mihi statuo contraindicantia; hinc nempe morbi violentiam, inde vero imminutas fractasque ægri vires ad invicem trutinatas. Et quamquam in curandis morbis integrum mihi esse volo, ut plus minusve sanguinis pro rei ratione demendum præcipiam, raro tamen observavi *Pleuresin* confirmatam in adultis minori quam 40. circiter unciarum sanguinis impensa sanatam: licet in pueris semel tantum aut bis secuisse venam ut plurimum suffecerit. Neque, quæ nonnunquam supervenit, *Diarrhœa*, repetendis jam dictis venæ sectionibus obicem ponit, quæ quidem ipsa hac methodo brevi sistetur, etiam non adhibitis medicamentis restringentibus.

Enemata vel insolidum omitto, vel maxima, qua fieri potest, inter repetitas venæ sectiones intercapidine curo injicienda, eaque non nisi simplicissima illa e saccharo in lacte soluto.

Durante morbo id ago, ne æger nimis exæstuet, ac proinde liberum illi facio, ut lecto quotidie eximatur; idque ad horas aliquot, prout vires suaserint; quod quidem tanti est in hoc morbi genere, ut si æger lecto jugiter affigatur, neque hæc tam larga sanguinis evacuatio, neque remedia alia utcunque refrigerantia, ad dicta symptomata perdomanda vel minimum aliquando proficiant.

Mox ab ultima venæ sectione, nisi forte prius id contingat, symptomata omnia mitescent, & æger (qui per aliquot adhuc dies & a liquoribus spirituosius quibuscumque, & a crassioribus cibis arcendus est) pristinas vires non ita diu post resumet: quo quidem tempore non abs re erit, ut alvus tenuiori aliquo Cathartico sollicitetur.

Jam vero si quem moveat, quod huic viæ insistentes, *Expectorationem* vix quidem attingamus, nedum quibus illa rationibus per varia morbi tempora sit promovenda, operosius differamus; sciat ille hæc non per incuriam nobis excidisse, sed dedita opera diuque satis cogitata, neglecta tandem fuisse & præterita: Cum semper existimaverim in summo discrimine versari illos, qui morbum hunc expectorationi eliminandum committerent. Nam ut tedium hujus methodi, qua natura materiam morbosicam ejicientem satagit, omittamus, nimium periculosa insuper res est alæ; cum non raro eveniat, parte aliqua materiam jam concoctam, forte etiam per *anastomosis* rejecta, reliquam adhuc crudam manere, idque successive, præstantissimis quibusque remediis maturantibus expectorantibusque incassum usurpatis, cum expectoratio nunc quidem satis auspicio procedat, nunc penitus supprimatur; ægro interim usquequaque periclitante, atque pro meo in expectorationem imperio (quod sane nullum

prorsus est) five vivis, five etiam mortuis adjudican-
do. Cum e diverso, mediante venæ sectione, morbi-
fica materia penes meum sit arbitrium, & orificium
a Phlebotomo incisum tracheæ vices subire cogatur.
Quinimo constanter assero, huncce morbum, qui, si
juxta præcepta a nobis damnata tractetur, inter pa-
tentissimas orci januas merito recensetur, æque certo
ac tuto methodo jam a me præscripta (ut de brevif-
simo quo jam profligatus tempore nihil jam dicam)
ac alium quemlibet morbum debellari. Nec dum ini-
hi innotuit vel minimum damni a tam larga sangui-
nis (ut imperitis videri potest) detractioe cuiquam
fuisse illatum.

Sæpe quidem aggressus sum in tractando hoc affe-
ctu, *θεραπεύειν* rationem aliquam stabilire, quæ citra
ingentem hanc sanguinis jacturam subsisteret, nempe
vel humorem resolvendo, vel expectorationis promo-
tione illum evacuando: Sed nondum ea fors mihi
contigit, ut huic ipsi, supra memoratæ praxi, parem
aliquam reperire potuerim, cujus beneficio (non ob-
stante tristi illa apud Hippocratem de *Pleuritide sic-
ca*, prognosi) ægrum etiam non moratus expectora-
tionem ab insultu morbi vindico; per ipsum sectæ
venæ orificium & Pleuritidi fugam parans, & sani-
tati reditum.

Quandoquidem vero hujus morbi curatio in repe-
tita venæ sectione fere tota stat, quæ tamen ab im-
peritis Chirurgis, & nescio quibus Medicastris in lo-
cis ab oppidis populosioribus longe diffitis celebrata,
miseros a *punctura Tendinum* in artus amittendi; at-
que adeo in vitæ magnum discrimen sæpissime conjit,
non e re fore duxi, rationem huic malo succur-
rendi, si forte fortuna impingatur, hic subnectere.
Qui vero punctura hujusmodi plectuntur, dolorem
non statim sentiunt, sed duodecim horis post Phle-
botomiam se eodem affici conqueruntur, non tam in
orificio nuper facto, quam in partibus ad axillam ten-
dentibus, ubi tandem dolor se figit, & tunc maxime
percipitur, cum brachium extenditur; attamen læsa
pars tumore admodum insigni non afficitur, eodem
avellanæ magnitudinem vix superanti, sed ex orificio
humor aqueus vel ichor quidam jugiter destillat, quod
quidem præcipuum puncturæ tendinis diagnosticum
est habendum. Ita curatur, ut & propriis oculis ipse
observavi.

℞. Rad. lilior. albor. ℥iv. Cod. ad teneritudinem in
lactis vaccini ℥ij. Deinde ℞. farin. lini. & avenac.
an. ℥iij. Coquantur farina ad Cataplasmatem consisten-
tiam in s. q. lactis a radicibus prædictis collati, &
radicibus contusis misceantur. f. Cataplasma, parti
affecta calida applicandum mane & vespere.

C A P U T IV.

Peripneumonia Notha.

Hyme ingruente, at sæpius sub ejusdem exitum,
Vereque adhuc nascente, quotannis emergit fe-
bris *Symptomaticus Peripneumonici* haud paucis con-
spicua. Paulo habitiores ac crassos ea præ cæteris
aggreditur; virilem ætatem vel affecutos, vel etiam
(quod sæpius accidit) prætergressos, liquoribus spi-
rituosis (vini maxime spiritui) plus æquo addictos.
Cum enim in hujusmodi hominibus sanguis humori-
bus pituitosis, brumæ tempore congestis, fuerit one-
ratus, atque idem ab ineunte Vere in novum motum
ciatur, tussis hanc nata occasionem, mox subin-
greditur, qua ministra dicti humores pituitosi in pul-
mones irruunt: quo tempore si forte æger nullo vi-
vens consilio, liquores ejusmodi spirituosis adhuc li-
beraliter hauriat, crassescente jam fere quæ tussim ex-
citabat materia, & ab ea præcluduntur pulmonum
aditus, & febris omnem sanguinis massam depascitur.
Primo febris insultu nunc incalescit æger, nunc fri-
get: Vertiginosus est, de capitis dolore queritur lan-
cinante, quoties tussis importunius fatigat. Potulenta
omnia vomitu rejicit, nunc sine tussi, nunc illa ve-
xatus. Urina turbida cernitur, & rubens intense. San-
guis detractus Pleuriticorum sanguinem refert, anhe-
lus sæpe numero spiritum crebro ac celeriter ducit.
Si moneatur ut tussim provocet, haud aliter dolet
caput, ac si in partes mox dissiliret (qua loquendi
Sydenham opera Medica.

formula ægri ut plurimum utuntur.) Dolet & thorax
omnis, vel saltem pulmonum coarctatio adstantium
auribus percipitur, quoties tussit æger, pulmone non
se satis dilatante, præclusis adeo ab intumescencia,
ut videtur, meatibus vitalibus; unde intercepta cir-
culatione, sanguineque quasi præfocato, nulla fere,
præsertim in habitioribus, febris indicia sunt; licet
hoc accidere etiam possit ob materiæ pituitosæ co-
piam, qua horum sanguis gravatus in plenam ebul-
litionem nequit assurgere.

* In curanda hac febre id mihi negotii dari sentio,
ut sanguinem istum, qui ad pulmonum & suffocationem
& incendium facit, Phlebotomia revellam; ipsos pul-
mones remediis pectoralibus deobstruam atque eventi-
lem; & diætæ refrigerantis ope, totius corporis calorem
compefcam. Cum vero *hinc* materiæ pituitosæ saburra
in venis contenta, pulmonum inflammationi fomitem
quotidie subministrans, venæ sectionem sæpe repetitam
videretur indicare; *illinc* vero observatio, quam facere
potui diligentissima, me doceret Phlebotomiam sæpe re-
petitam febricitantium iis qui crassiore essent corporis
habitu (præsertim ætatis florem prætergressis) pessime
cessisse, atque adeo ab ejusmodi repetitione haud minus
abstereretur; *Catharsin* ego crebriorem venæ sectioni suc-
centuriabam, quæ ei satis recte substituitur, in illis qui
a largiori & iterata sæpius Phlebotomia abhorrent.

Ad hunc itaque modum processu; sanguinem e bra-
chio in lecto jacentis extrahendum præcepi, nec pas-
sus sum ut ex eo surgeret ad duas tresve horas; cum
omnis sanguiniseductio, quæ universam corporis com-
pagem labefactat quadantenus concutitque, hoc pacto
facilius toleretur; ita ut mitius cum ægro agatur, cum
in lecto cubanti uncix decem fuerint detractæ, quam
si sex septemve tantum amiserit, postquam e cubili
surrexerit, die sequenti potionem sequentem mane su-
mendam propono.

℞. Cassia extract. ℥j. Glycyrrhiz. ℥ij. Ficus pin-
gues N. iv. fol. Senn. ℥ijss. Agarici trochiscat. ℥j.
Coq. s. q. Colat. ℥iv. dissolve Manna ℥j. Syr. Ros.
solut. ℥ss. Mf. f. potio.

Postridie sanguinem secunda vice mittere soleo, at-
que interjecto die uno potionem Catharticam modo
præscriptam iterum exhibeo, diebus alternis jugiter re-
petendam, donec omnino convaluerit æger. Diebus a
purgatione vacuis, *Decocto Pectorali*, *Oleo Amygdal.*
dulc. ac id genus aliis, ut utatur consulo.

A carnibus & earum jusculo, maxime vero a liquo-
ribus spirituosis quibuscunque, ægrum interim inhi-
beo; quorum loco ptisanam ex hordeo & liquiritia,
(Cerevisiam item tenuem, si eam efflagitet) pro potu
ordinario concedo.

Atque ista quidem methodo vincenda est *Peripneu-
monia hæc Notha*, orta ob exundanti colluvie pituito-
sa in sanguine aggesta ob Hyemis analogiam, & in
pulmones explosa; in qua non tantum iterata venæ se-
ctio, sed & Catharsis etiam indicabatur, secus atque
in *Vera Peripneumonia*: quam ego ejusdem plane in-
dolis cum *Pleuritide* esse arbitror, atque ab illa in eo
tantum differre, quod *Peripneumonia* pulmones uni-
versaliter afficiat. Quin & utrique morbo pari omnino
methodo medemur, venæ sectione sc. præ cæteris, &
medicamentis refrigerantibus.

Notha hæc Peripneumonia, licet ad *Astma siccum*
aliquantulum accedat, tum quoad spirandi difficultatem,
tum etiam alia quædam symptomata, ab illo tamen satis
dignoscitur, cum in ista manifesta febris atque inflam-
mationis signa se prodant, quæ in hoc nusquam com-
parent; quamlibet in hac specie minora sint longe ac ob-
scuriora illis, quibus insignitur *Vera Peripneumonia*.

Diligenter autem animadvertendum, quod ubi vi-
ni spiritui aut aliis id genus liquoribus, cum hoc
morbo conflictantes se olim addixerint, minime tutum
erit eos statim ac derepente ab iis depellere; sed sen-
sim id agendum, quo minus *Hydropi* tam repentina
mutatio ac abrupta viam sternat. Quod etiam in
morbis quibuscunque ab hac *πρωΐα* oriundis, ob-
servari debet. Cum vero de *Spiritu Vini* mentio fue-
rit facta, hic obiter dicam. Optandum sane esset,
quod aut idem omnino exulet, aut saltem spiritibus
reficiendis, non vero iisdem extinguendis usurpetur:

nisi quis internum ejus usum prorsus abdicandum maluerit, proindeque a Chirurgis solum ad *Ulcera digerenda* foribus immiscendum, aut *Ambustis* extus admovendum: quo postremo casu omnibus remediis, quotquot adhuc inventa fuere, hic liquor facile palmam præripit, cum cutem subjacentem ab omni putrefactione tueatur ac vendicet, atque eo nomine curationem, quam cito absolvat, *digestionem*, quæ non nisi admodum tarde sua tempora percurrit, etiam non moratus; nempe si lintea spiritu vini imbuta partibus ab aqua ferventi, pulvere pyrio, vel simili lætis, quam primum hoc infligitur malum, applicentur, eademque spiritu dicto madefacta subinde repetantur, donec dolor ab igne penitus evanuerit, & postea solum bis in die.

CAPUT V.

Rheumatismus.

Nullo non tempore incessit hic morbus, maxime *Autumno*, & præ cæteris annis florescentes & οἱ γόνυ χλαρόν. Hac ut plurimum occasione nascitur; æger sc. sive exercitio aliquo vehementiori, sive alio modo excalesctus, mox repetentium frigus admittit. A rigore atque horrore orditur tragædiam, quos statim excipiunt calor, inquietudo, sitis, & reliqua illa infelix symptomatum caterva, quibus stipantur febres. Elapso die uno alterove, (est & ubi citius) æger atroci dolore, nunc in hoc, nunc in illo artu infestatur, in carpis, humeris, genibus præsertim, qui locum subinde mutans, vicissim illos occupat, rubore quodam & tumore in parte quam postremum affecit adhuc residuis. Primis aliquot diebus, febris & symptomata jam memorata quandoque coincidunt; febris autem sensim evanescit, manente dolore, quin & nonnunquam immanius sæviante, materia sc. febrili in artus translata; quod satis arguit febris ipsa sæpius recrudescens ob materiam morbosam ab intempestivo externorum usu percussam. Morbus hic quoties a febre sejungitur, *Arthritis* sæpe audit, quamvis essentialiter ab illa distinguatur, prout cuiusvis facile constabit, cui uterque morbus intimus fuerit perspectus; unde forsitan petenda est ratio, cur tam sicco illum pede transiverint scriptores Medici: Nisi forte arbitremur, hanc morbi speciem ad reliquam malorum *Iliadam* de novo accessisse. Utut se res habeat, jam plus satis grassatur hic morbus; & licet rarissime hominem e medio tollat, febre semel depulsa, tamen & vehementia doloris & diurnitas eum prorsus contemni non sinunt. Etenim si minus perire tractetur, non ad menses tantum, sed ad annos etiam aliquot, imo per omnem adeo vitam miserum haud infrequenter discruciat; quamvis in hoc casu, non eodem semper vigore, sed paroxysmis quibusdam periodice repetitis, ad instar arthritidis, subinde læcessit; imo vero potest fieri ut ubi diu multumque vexaverint dicti dolores, tandem sponte desistant, atque interim æger omni membrorum motu ad mortem usque privetur, digitorum articulis quasi inversis, & protuberantiis, ut in arthritide, nodosis in interna magis quam externa digitorum parte se proidentibus: stomacho nihilominus valeat, & cætera sanus vitam toleret.

Est & alia hujus morbi species, licet non hujus esse profapiae vulgo credatur, quæ *Lumbago Rheumatica* aptissime dicetur: immanis dolor, sc. idemque fixus circa lumborum regionem, ipsique aliquando ad os sacrum se demittens, *Paroxysmum Nephreticum* mentitur: nisi quod æger non vomituriat; nam præter dolorem atrocissimum, & vix ferendum circa ipsos renes, aliquando & ureteres per omnem eorum ductum ad vesicam usque, eodem licet mitiori, tentatur. Qui & mihi olim imposuit, tanquam a materia aliqua fabulosa in iis partibus hærente penderet; cum revera materię *Rheumatismi* peccanti & inflammatae ortum suum debeat, quæ quidem partes illas jam solas urit, intacto reliquo corpore. Immanis hic dolor, nisi abigatur eodem modo, quo prior species pariter etiam perdurat, pari sævitia ex crucians; adeo ut miser nequeat procumbere, sed vel lecto exiliat, vel super eodem erectus sedeat, corpore interim per-

petua agitatione nunc versus anteriora, nunc posteriora inclinato, reductoque.

* Cum utraque hæc morbi species ab inflammatione videatur oriri, quod tum jam dicta arguunt phenomena, tum præsertim sanguinis venæ sectione educti color, utpote qui pleuriticorum sanguini tam est similis, quam ovum ovo, neque quisquam reperitur, qui hos inflammatione laborare vel quidem dubitaverit; his, inquam, ita se habentibus, censeo ego, curationem non aliunde quam a Phlebotomia debere sumi, sanguine interim contemperato, ejusque nimio fervore represso, tum medicamentis refrigerantibus atque incrassantibus, tum etiam conveniente regimine.

Ac proinde ut primum accersor, statim sanguini, 3x. e brachio lateris affecti mitti jubeo, & Julapium refrigerans incrassansque ad hanc fere normam præscribo. ℞. Aq. Nymph. Portulac. & Lactuc. an. ʒiv. Syr. e limonibus ʒiʒs. Syr. Viol. ʒj. M. f. Julap. de quo bibat. ad libitum: vel etiam emulsionem in curatione morbi lateralis jam descriptam. Ad dolorem sedandum, Cataplasma e mica Panis siliginei, & lacte craco tincto, vel fol. brassica parti affectæ applicandum, & sæpe renovandum curo. Dietam quod spectat, carnibus prorsus interdico, quin & eorum jusculo, quantumlibet tenui limpidoque; quibus substituo juscula hordeacea, avenacea, panatellam, & ejusmodi. Cerevisiam tenuem mitemque pro potu tantum concedo, vel etiam (quæ magis ad rem facit) ptisanam ex ordeo, rad. Liquirit. Acetosæ, &c. in aqua fontana incoctis. Volo interim, ut per aliquot horas singulis diebus lecto se abstineat, cum calor, qui a jugi decubitu, morbum promoveat intendatque.

Die sequenti sanguinis tantundem detrahi præcipio; atque intercalato die uno alterove, pro ægri viribus tertio; dein interjecto trium quatuorve dierum intervallo (prout ægri vires, ætas, constitutio, aliæque circumstantiæ suadent monentque) quarto, atque ultimo, ut plurimum, venæ sectionem repeto; raro enim usu venit, ut ultra quartam vicem venam incidamus, nisi vel regimen justo calidius præcesserit, vel medicamina calidiora ægro præter necessitatem fuerint ingesta. Quin & Anodyna sive Paregorica dicta remedia effusorem sanguinis missionem postulant: Quamobrem utut sæviat dolor, per omnem hujus morbi decursum, religiose mihi ab his temperandum existimo, modo mihi animo sit curationem a sanguinis missione solum petere, cum illorum usu figatur morbus, neque tam facile venæ sectioni cedat, quæ ideo ob hæc ipsa medicamenta officiose nimis exhibita, sæpius quam erat opus, celebranda est. Quid quod & in morbi statu, neque eam, quam titulo pollicentur, ἀναλγησιὰν valeant præstare?

Interim dum prædicta remedia, diataque sedulo usurpantur, *Enema* e lacte saccharato subinde injici curo, diebus scilicet a Phlebotomia vacuis. Porro ut hæc omnia ad dies minimum octo ab ultima venæ sectione diligenter observentur, serio hortor moneoque; quibus elapsis, *Potionem Catharticam* e lenitivis præscribo mane hauriendam, & insequenti vespere dosin paulo liberaliorem Syr. de Meconio in Aqua fl. Paralyf. quo sc. sanguinis orgasmus, unde & recidivæ periculum aliter intentari poterit, penitus reprimatur. Quibus rite peractis, ut in pristinum vitæ genus, quoad victum, exercitia, atque aerem, pedetentim se recipiat, lubens patior, ita tamen ut neque vinum, neque liquorem spirituosum quemlibet, neque etiam cibos, sive sale, sive aromatis conditos, sive etiam δύναντα quæcunque, nisi diu postea degustare liceat.

Post venam, quoties supra innuimus, pertusam, ægri dolores admodum imminuentur, neque tamen adhuc prorsus evanescunt; at vero refarcita, quam fecerat sanguinis detractio, virium jactura (superveniente maxime proximo illo anni tempore, quod magis faciet ad redintegrandum corporis robur, quam id, quo primum decubuit æger) symptomata ad unum omnia cessabunt, atque æger pancreaticæ impostum valebit.

Jam

Jam vero, tamenſi prædicta methodo, aut alia huic ſimili, tempeſtively atque ſub ipſo morbi ingreſſu adhibita, cum, quem jam dixi, ſinem ut plurimum ſortitur; non raro tamen accidit, ut ibi æger per errorem contrario plane modo fuerit tractatus, doloribus vagis, nunc quidem mitioribus, nunc vero atrocioribus, per omnem vitam miſere diſcrucietur: qui quidem minus cautis nullo negotio imponunt, & pro *Scorbuti* ſymptomtibus vulgo habentur. Hic enim obiter, ſed & libere tamen dicam, quod licet nullus dubitem, quin *Scorbutus* in his plagis Borealibus revera inveniat, tamen eum morbum non tam frequentem, quam fert vulgi opinio, occurrere perſuaſum mihi habeo; multos autem ex iis affectibus (ne pluribus dicam) quorum nomine *Scorbutum* inculamus, vel morborum *Fientium*, nondum vero *Factorum*, quique nullum adhuc certum induerunt typum, effecta eſſe; vel etiam infelices *reliquias* morbi alicujus nondum penitus deviſti, a quibus ſanguis cæterique humores contaminantur: Verbi gratia, quibus in corporibus materia aliqua *Arthritidi* producenda apta recens generatur, nondum tamen in artus depluit, varia ſe oſtendent ſymptomata, quæ *Scorbuti* ſuſpicionem facient, donec *Arthritis* jam ſotmata, atque actu ſe exercens, nullum amplius dubitandi locum relinquat. Neque ignoramus, non pauciora ſymptomata *Scorbutum* mentientia, *Podagricos* jam a paroxyſmo liberatos infeſtare (dum ſcilicet vel intempeſtivus evacuantium uſus, vel ægri effœta ætas, vel alia aliqua cauſa naturam interpellaverit,) quo minus materiam omnem *Arthriticam* in artus exonerare valuerit; quæ adhuc retentam, cum *Arthritis* exiſtat, totam ſanguinis maſſam inquinat, & conſertiſſimo peſſimorum ſymptomatum agmine hominem laceſcit. Quod quidem non de *Arthritide* tantum, ſed & *Hydrope* adhuc incipiente dictum volo; de quo morbo licet vulgo jaçetur, *Ubi deſinit Scorbutus, ibi incipit Hydrops*, hæc tamen regula ſæpe ſæpius non aliter eſt accipienda, quam quod, ubi primum ſe *Hydrops* manifeſtis prodiſt indiſciis, præconcepta de *Scorbuto* opinio ſtatim collabſcit. Poſteſt & idem hoc affirmari de quamplurimis aliis morbis Chronicis, vel adhuc in corpore humano naſcentibus, quique proinde nondum certum aliquem ſibi cuderunt typum; vel etiam de illis, qui licet partim fugati ſint, nondum tamen penitus debellati exterminatique videntur. Et ſane niſi hoc concedamus, *Scorbuti* nomen, uti hodie ſit, in immenſum creſcet, & omnem fere morborum numerum abſolvat. Cum, ſi id ſedulo agamus, ut abdita cujuſque morbi penetralia perſcrutemur, eumque poſt irregularium ſymptomatum vela latentem eruamus, ſua ſe mox ſpecie ſit proditurus, & ad illam ad quam attinet familiam haud difficulter relegandus. Quin & methodus, qua hujusmodi morbi ſunt abigendi, non adulterinis illis ſymptomatibus, ſed ipſi morbo, qualiſnam is demum fuerit, ceu perfecte formato, jamque actu exiſtenti accommodanda.

Sed hic notandum, non adeo conſultum eſſe, quando *Rheumatismus* aliquot annorum diuturnitate altas radices egit, ſanguinem tam brevibus ac ſub ejuſdem primordiis fiebat, intervallis mittere; quin præſtare, ſeptimanarum aliquot intercapedine repetitas illas venæ ſectiones diſterminare; quæ tandem vel penitus materiam morbiſicam averruncabunt, vel ſaltem eo conducent, ut fontanella in crurum alterutro excitata, & ſpiritu quovis volatili in vino Canarino mane & ſero exhibitio, reliquæ ejus extirpentur.

Jam vero quantumcunque diſcriminis inter verum *Rheumatismum*, ut ſupra innui, & *Scorbutum* intercedat, aliam tamen ſpeciem eſſe *Rheumatismi*, quæ ad *Scorbutum* quam proxime accedit, omnino conſtendum eſt, utpote quæ inſigniora hujus morbi ſymptomata æmulatur, & pariter eadem ferme remedia ſibi vindicat, ideoque mihi *Rheumatismus Scorbuticus* audit. Dolor nunc hanc, nunc illam partem obſidet, ſed eadem in tumorem ac in alia ſpecie raro attollit, neque febrim ſibi comitem adjungit. Inſuper non adeo fixus manet, ſed indolem magis vagam ac incertam refert, cum anomalis inconditiſque ſymptomatibus ſtipatus. Nunc hunc vel alium artum diſcruciat, mox internas ſolum partes afficit, proindeque ægri-

tudinem parit, quæ, redeunte externarum partium dolore, iterum ſe proripit; ita ægrum alternatim diveſans, ac in diuturnitatem longam ſe protrahens, ad inſtar morborum, qui vel maxime *Chronici* habentur. *Fœminas* præ reliquis adoritur, ut & viros, qui imbecilliori natura ſunt; adeoque ad affectuum *hysteri-*corum claſſem referri debere plane ſuſpicarer, niſi quod iterata experientia comprobafſem, eum remediis *hystericis* minime ceſſiſſe. Illi etiam, qui longum & repetitum *Corticis Peruviani* uſum experti ſunt, huic malo ſunt obnoxii; quod quidem (ut obiter attingam) unicum eſt incommodum, quod ex hoc remedio illatum novi unquam. Sed utut id ſit, hic affectus ſive ex hac occaſione, ſive ex alia quacunque cauſa originem ducit, quam facillime debellatur vinciturque uſu ſequentium, quæ niſi privato commodo publicum prætulifſem, prorfus mihi reticenda eſſent. Etenim his ſolis quam multos, eo quo deſcripſimus modo laborantes, ſanavi, quibus venæ ſectiones, quantumlibet repetitæ, Cathartica, diætæ lactea, pulveres teſtacei, &c. ne hilum profecerunt. Atque hæc ſunt.

℥. Conſerv. Cochlear. hortens. rec. ℥ij. lujul. ℥j. pulv. Ari Comp. ℥vj. cum ſ. q. ſyr. Aurant. f. Ele-
Eluar. Capiat. ℥ij. ter in die per menſem integrum,
ſuperbibendo aquæ ſequentis ℥ij.

℥. Cochlear. hortens. M. viij. Beccabung. Naſturt.
aquat. ſalvia, mentha, an. M. iv. Cort. Aurant.
n. vj. nuc. Moſchat. conuſ. ℥℥. Inſundantur in Ce-
reviſia Brunſvicenſis ℥xij. ac diſtillantur organiſ
communibus, & eliciantur tantummodo Aqua ℥. xij.
pro uſu. Atqui præciſa doſis pulv. Ari comp. obſer-
vetur, aut ſaltem eadem non minuatur.

C A P U T VI.

Febris Eryſipelatoſa.

Nullam non corporis partem, idque nullo non tempore inceſſit hic morbus, at præ reliquis faciem, exeunte præſertim æſtate, quo tempore ſæpe dum ſubditi verſatur, corripitur æger. Facies ſiquidem ex improvifo in tumorem attollitur, qui ſubito exorſus cum dolore ruboreque ſummiſ, denſo minimarum puſtularum ordine diſtinguitur, quæ aucta magis inflammatione in veſiculas ſubinde faceſſunt: hinc per frontem ipſumque caput latius ſerpit, oculis interim tumoris magnitudine plane obrutis (ruſticis *Syderaria* audit) neque multum profecto abludit, niſi quod adſunt puſtulæ, ab iis ſymptomatibus, quæ inſiſta ab apum veſparumque aculeis comitantur vulnera. Hoc ſe habet modo *Eryſipelatis* notiſſima ſpecies ac vulgaris.

At vero quamcunque corporis partem hoc vitium obſederit, ut etiam quocunque anni tempore rigor atque horror, niſi præceſſerint (quod nonnunquam pridie, aut nudius-tertius ſolet contingere) huic ſe inflammationi ut plurimum adiungunt, ſitis inſuper, inquietudo, ac reliqua februm indiſcia, procedente morbo, uti primum febris dolorem, tumorem, atque alia peperit ſymptomata, (quæ indies ingraveſcentia nonnunquam in *Gangrena* terminantur) ita hæc invicem laud mediocrem ad febris augmentum conferunt operam, donec remediis idoneis utraque reſtinguantur.

Eſt & alia hujusce morbi ſpecies, licet rarius occurrens: Hæc quolibet anni tempore invadit, idque hac ut plurimum *πορφύρεα*, quod ſcilicet æger vinorum ſubtilium magis magisque attenuantium potationi paulo liberalius indulſerit, aut liquoris ſimilis ſpirituofi. Febriculam, quæ in agmen ducit, mox excipit: puſtularum per univerſum fere corpus eruptio, quæ urticarum puncturas referunt, & nonnunquam in veſiculas attolluntur, mox recedentes tuberculorum more ſub cute ſe condunt cum proritu mordaciſſimo & vix tolerando, at quoties levifſimam ſcalpturam ſubeunt, rurſum apparent.

* Hic ego materiam peccantem ſanguini permixtam rite evacuandam, ejuſdemque ſanguinis ebullitionem remediis illam contemperantibus ſuſflaminandam cenſeo; eam denique, quæ jam partibus impacta eſt, materiam evocandam, diſcutiendamque.

Hæc

Hæc ut fiant, ubi primum accedo, satis largam sanguinis quantitatem e brachio extrahi præcipio, qui quidem Pleuriticorum sanguinem fere semper æmuletur. Die sequente blandam illam potionem Carharttiam mihi in praxi familiarem exhibeo, & hora somni (si paulo frequentius defecerit æger) haustum aliquem Paregoricum, e. gr. *Syr. de Meconio in Aq. fl. Paralyf.* vel alium ejusmodi. Peracta Catharsi, partem affectam sequenti decocto foveri jubeo. *℞. Rad. Alb. & Lil. an. ℥ij. fol. Malv. Sambuc. Verbasc. an. M. ij. flor. Melilot. summit. Hyper. & Centaur. min. an. M. j. Sem. Lini & Fœnugr. an. ℥ss. Coq. in f. q. aq. ad ℥iiij.* Collatur liquor & tempore usus adde singulis libris decocti, *Spir. Vin. ℥iiij.* Stupæ e panno laneo levis texturæ hoc decocto immerse ac expressæ calide, admoveantur parti bis in die, quæ post fotum quotidie illiniatur seq. mixtura *℞. Spir. Vin. ℥ss. Theriac. Androm. ℥ij. pulv. Piperis longi Caryophyl. an. ℥j. M.* Charta emporctica hac mixtura madefacta parti circumvolvatur.

Æger insuper ut jussulis tantum hordeaceis atque avenaceis, cum pomis assatis vescatur, volo; tum etiam cerevisia utatur tenuissima, & per horas aliquot singulis diebus a lecto sibi temperet. Hac methodo tum febris, tum alia symptomata citissime ut plurimum fugantur. Sin aliter, rursus venam seco; quod & tertium nonnunquam fieri debet, interposito semper die uno, si prava nempe adsit sanguinis diathesis, & febris intensior. Diebus a venæ sectione liberis *Enema* e Lacte cum *Syr. Violaceo*, & *Julap.* refrigerantia ex *Aq. Nymph.* &c. in *Rheumatismi* curatione jam dicta, qualibet hora diei usurpanda præscribo. Ut plurimum vero unica venæ sectio & subsequens Catharsis, si tempore adhibeantur, rem expediunt.

Quæ urticarum puncturas, cum pruritu, refert species, pari modo est amolienda, nisi quod hæc remediis ab extra applicandis minus egeat.

Hic obiter dicam, quod licet non solum hic affectus, de quo jam loquimur, sed & plerique eorum, qui cutim impetunt, & eruptionem aliqualem comitem sibi adjungunt (modo Chronici ii non sint) facile huic methodo cedant, ac proinde sanguinis missione Catharsi iteratis brevi se proripiant, eorum tamen aliqui via plane diversa tractandi sint, nec evacuationes modo dictæ quantumlibet repetitæ, nec pulveres testacei sanguini edulcorando destinati quicquam proficiunt; cum recrementa quædam pravam diathesin adepta intimius cuti impingantur, non nisi remediis, quæ sanguini robur ac vim conciliant, proindeque cutis spiraculis deobstruendis apta nata sunt; ullatenus amovenda debellandaque: Cum successu itaque non vulgari sequentem methodum aggressus sum in *Pruritu ferino*, atque inveteratis id genus cutis eruptionibus. Ut.

℞. Theriac. Andromach. ℥ss. electuar. de ovo Dj. rad. serpentar. Virgin. subtiliss. pulverat. gr. xv. lapid. Bezoard. Oriental. gr. v. cum f. q. syr. e Conditura Citri f. Bolus, sumendus mane & hora somni per dies 21. superbibendo Coch. vj. seq. Julapii.
℞. Aq. Card. Benedict. ℥. vj. aq. epidem. & theriacal. stillat. an. ℥ij. syr. Caryophyl. ℥j. ms. f. Julapium.

Singulis matutinis post assumptum medicamentum fudet horæ unius vel alterius spatium, vel potius pluribus stragulis quam soleret coopertus in lectulo levi madori indulgeat per dictum tempus. His finitis, si pustulæ adhuc non evanuerint, sequenti linimento partes affectæ inungantur. *℞. Unguent. ex oxylapatho ℥ij. unguent. pomati ℥j. flor. sulphuris ℥iiij. ol. Rhodii ℥ss. f. liniment.* Verumtamen medicamenta præscripta haud usurpentur, nisi venæ sectione atque catharsi rite præmissis, quæ tamen solum adhibitæ curationem non absolvunt, ægrum tamen contra febrem præmuniant, ob usum medicaminum calidorum alias occurrurum.

Est & alia *Eruptionis* species, etsi minus frequens, ad cujus medelam nullæ prorsus evacuationes conferunt. Hæc tamen in aliis quandoque partibus, ut plurimum tamen in pectore apparet, ac loco aliquo determinato se figit, vix cutim supereminens, atque latiore maculam præ se ferens, nisi quod aliquantulum porriginosa, ac quasi furfuracea, cum squamulis colore ad flavum vergente tinctis, cernitur. Hæc sive

macula, sive *impetigine* vigente, æger bene se habet, eadem vero evanescente, ut sæpe fit, leviculam ægritudinem patitur, atque urina ejus turbidior, & rubicundior, sed ad flavedinem accedens redditur. In hujus etiam affectus curatione eadem via atque iisdem, post evacuationes universales, plane remediis insistendum ac in pruritu ferino modo dicto, ac proinde, quod non omittendum, vini, ut & carniū *διέται* usus omnino concedendus, cum refrigerantia omnia magis officiant quam prosint. Atque ita hæc postrema eruptionis species curatur, quæ tamen aliquando non nisi *Aquis ferreis* diu epotis cedit.

C A P U T VII

Angina.

Quolibet anni tempore aggreditur, maxime tamen illo, quod Ver atque Æstatem interjacet, juvenes præ cæteris, & temperamento sanguineo præditos; Rufos etiam, quod non semel observavi, præ reliquis omnibus. Rigent horrentque mox a primo morbi insultu, sequitur febris, & paulo post dolor, & faucium inflammatio, cui nisi mature succurratur, æger statim nec deglutire valet amplius, nec spiritum per nares ducere, sed cum sensu quodam strangulationis præcluduntur fauces ab inflammatione & tumore *Uvulæ*, tonsillarum, laryngis, ita ut tantum non suffocetur. Ingens ab hoc morbo periculum, utpote qui paucis nonnunquam horis hominem jugulat; quoties scilicet magna vis materiæ febrilis in prædictas partes conjicitur, neque satis tempestive convenientibus remedium usu, ingtuenti occurritur procellæ.

* Opem laturus, sanguinem cum primis e brachio copiose detraho, mox ex ranula utraque; dein, ut partes inflammatae melle Rosaceo spiritu sulphuris ad summum acorem permixtos tangantur, author sum: mox *Gargarisma* sequens præscribo, non vulgari modo usurpandum, sed ita ut in ore sine ulla agitatione contineatur, donec incalescat, dein expuatur, & repetatur subinde: *℞. Aq. Plantag. Ros. rubr. & Sperm. Ranar. an. ℥iv. Album. ovorum in aquam agitando redact. N. iij. Sacch. cand. Alb. ℥iiij. F. Gargarisma.* Jubeo etiam ut de emulsione in cura *Morbi lateralis* præscripta vel simili, indies sumat.

Sequenti mane, nisi febris & dolor inter deglutendum perceptus aliquantulum remiserint, venam in brachio rursus ferio, Catharsi in diem posterum rejecta. At si utraque hæc minuatur, *Catharticum* lenitivum statim exhibeo; quod quidem post sanguinis missionem præ omnibus aliis perutile, ac apprime necessarium esse multiplici experientia comperii. Si forte an, quod quidem oppido rarum est, febris, aliaque symptomata, etiam post Catharsin, bellum minentur, iterata, ut prius, venæ sectione perdomanda sunt, ut & *Epispastico* amplo ac forti, posteriori cervici applicando. Per integrum hujusce morbi decursum, *Enema* refrigerans emolliensque omni mane, dempto illo, quo Catharsi vacat, injiciendum, atque ægrum hoc pacto reficiendum quotidie præcipio. Carnes, cujuscunque demum generis, & jussula ex iis parata sacra sunt; jussulis vero hordeacis, avenaceis, pomis coctis ac id genus aliis vescitor, pitana ex hordeo, vel cerevisia tenuissima utitor. Lectulo interim per horas aliquot quotidie abstat: cum hujus temporis tum febris, tum reliquis symptomatibus, quæ hac methodo expugnare satago, vires addat. Animadvertendum est autem, quod istiusmodi *Angina*, quæ febris, mihi *Stationaria* dictæ, symptoma tantum est, illa ipsa methodo curari amat, quam febris ea sibi vendicat, ac proinde vel per *διαφύση* & cutis spiracula exterminanda est, vel per aliam qualemcunque methodum, quæ febris primariæ, cui inhæret, debetur, quod sedula observatione dignum.

Sunt & aliæ febres *Intercurrentibus* jure merito annumerandæ, quæ, quoniam alio aliquo modo immediate abitu sibi parant, & in hoc vel illo symptomate desinunt, vulgo febres non habentur; licet tales ab origine vere fuerint, atque affectus ille, a quo morbus nomen mutuatur, febris tantum sit. *Symptoma,*

ma, quæ in illo demum terminatur. Impræsentiarum duas tantum, *Hæmorrhagiam* scilicet *Narium*, ac *Hæmoptoen* leviter perstringam.

* *Hæmorrhagia Narium* quavis anni tempestate infestæ, præcipue sanguine præservido, temperamento vero debiliore præditos; idque magis ætate ingravescente, quam adolescente. Primo ut plurimum appulsu febris præ se fert indicia, qua derepente sibi per nares, qua data porta, faciente viam, dolor & calor sinciput adhuc torquent. Sanguis ad horas aliquot profluit, dein aliquandiu sistitur, mox denuo erumpit, atque hæc vicissim: donec tandem vel remediorum usu, vel sponte sua ob imminutam copiam deperditamque cohibitus, omnino cessat; ita tamen, ut ægro singulis annis a recidiva metuumendum sit, si vel a liquoribus spirituosiss, vel alia occasione qualibet astuare contingat.

Eum hic mihi scopum propono, ut sanguinis fervor nimius atque ebullitio, unde oritur dicta præternaturæ modum extravasatio, frænâ omnibus compefcatur, ejusque impetus alio vertatur. Ea propter frequenter brachii venas fundo, & sanguinem liberaliter extrahô, *Pleuriticorum* sanguini colore semper respondentem. Victus rationem refrigerantem atque incrassantem injungo. Ut aq. fontan. partes tres, lactis simul coctas, & frigide hauriendas; poma cocta, juscula hordeacea, & similia a carnibus abhorrentia. Julapia insuper refrigerantia atque incrassantia, una cum emulsionibus, in morbis inflammatoriis supra descriptis. Lectulo item ut absistat per aliquod spatium quotidie, nec vel semel quidem omittatur. Haustu quinetiam hora somni Paregorico e Diacodio, ceu catena constrictus sanguinis furor coerceatur. At vero cum hujusmodi Hæmorrhagias non raro comitetur lymphæ acrior, quæ sanguini permixta ejus motum adjuvat, venarum officia referando, præter revulsionem & refrigerationem, solemne mihi est Catharticum blandius, vel in ipsius morbi ætate propinare, cujus operatione finita, Anodynum exhibeo præter solitum viribus auctum; & ubi symptoma penitus evanuerit, aliud demum Catharticum.

Quoad externas applicationes, lintea quadruplicata immersa aquæ frigidæ, in qua *Sal prunella* dissolvatur, & postea leviter expressa admoveantur nuchæ ac utrinque cervici sæpius in die. Item post universas evacuationes peractas liquor sequens applicetur. *℞. Vitriol. Hungar. & Alumin. an. ʒj. Phlegmatis Vitriol. ℥ss. Coq. tandiu, donec omnia fuerint dissoluta. Liquorem frige factum filtra, & a Crystallis subinde natis separa. Liquori residuo adde ℞. Vitriol. duodecimam partem. Turunda ex linteo raso liquore hoc probe humectata, nari ex qua sanguis stillat indatur, per dies duos isthic relinquenda.* Quo etiam liquore lintamina imbuta & applicata sanguinem sistunt ex quacunque demum parte externa idem defluat.

* *Hæmoptoe* etiam, quæ in ætatis ac veris confinio homines calidioris temperamenti, ac minus robusti adoritur, & quorum pulmones minus recte valent, præ senibus item juniores, ejusdem fere indolis cum Hæmorrhagia jam tractata mihi est, cum & hæc quoque febris sit, quæ tam nomen, quam essentiam

exuit suam illa quæ soluta est crisi; hoc fere tantum discrimine, quod in morbo priori sanguis nimium agitatus in narium venulas, in hoc vero in pulmones impetum facit; utque in illo, durante fluxu dolor & calor sinciput jugiter lancinant, ita in hoc pectus uterque obsidet cum debilitate quadam. Quin & hoc vitium eandem fere quam Hæmorrhagia methodum medendi sibi vendicat, nisi quod Catharsin minus ferat, a qua, præsertim repetita, æger facile in tabem conjicitur. At Phlebotomia crebro celebrata, Enema quotidie injectum, Diacodium hora somni propinatum, diæta insuper, ad medicamenta, tam incrassantia, quam refrigerantia, opus pro voto absolvunt.

Atque hæc sunt, quæ hæcenus observavi de numerosa ista morborum tribu in varias familias dispersita, qui *Febrium* sub nomine censentur, atque de iis symptomatibus, quæ ab illa pendent, in quibus id serio egi, ut nullas putationes meas, nulla imaginaria cerebri commenta orbi venderem; animo vero sincero candidoque, nullique adeo hypothesi adstricto, eorum historiam & naturalia Phænomena aliis traderem; curationes etiam pari fide, & cautela pari subnecterem. Quod si vehemens desiderium methodum certiorum minusque lubricam, in utilissimo tuenda mortalium vitæ negotio, expiscandi constabiliendique, me in semitas nullò antea pede calcatas pertraxerit; nemo eruditorum, uti spero, mihi imputabit, quod vel spretis aliorum judiciis meo nimium fidam, vel rebus studeam novis; cum & non spernendus rerum eventus mihi hæc investiganti ingentes hucusque animos dederit, & posterorum experimenta sine dubio meam fidem sint liberatura. Et profecto haud oscitanter impugnandum est hoc morborum tam pestiferum agmen, quod nullo non die cum genere humano bellum gerit internecinum, atque ἀπώδον, & cujus telis duo ad minimum hominum trientes, si eos demas, qui violenta morte perimuntur, confossi quotannis occumbunt. Indefinentes horum morborum impetus, & quotidiana, quas etiam de viris robustissimis & ætate maxime florentibus reportabant, victoriæ (non obstantibus suppetiis iis omnibus, quas nobis hæcenus attulere speciosæ istæ methodi in speculativorum libris satis fidenter descriptæ) animo meo hæc primum agitati minus satisfaciebant, cum reapse cernerem, ludrica ista cerebroforum commenta ita parum ad reintegrandam ægrorum sanitatem conferre, ut qui ad asyla hæc confugerant, quicquid pollicitarentur Thrales Dogmatici, haud meliori in loco essent, quam qui neglecta arte se totos naturæ permiserant. Si quid ego hic egero, quo vel periculi, vel etiam difficultatis, quæ in his morbis persanandis plerumque occurrunt, pars aliqua levetur (quod salva verecundia, me mihi polliceri posse saltem spero) scopum quadantenus assecutus sum, & dulcissimum improbi laboris in bono proximi querendo recte collocati, fructum fero. Hæc præcipua fere sunt quæ jam habeo comperta, (vel saltem ad methodum aliquam novi reducere) circa *Febres* & *symptomata*, quæ ab eisdem pendent ad hunc usque 30. Decembris diem, Ann. 1675. quo hæc conscribo.

* *Hæmorrhagia Narium.*

* *Hæmoptoe.*

EPISTOLÆ RESPONSORIÆ DUÆ A THOMA SYDENHAM, M. D.

I. De Morbis Epidemicis ab Anno 1675. ad Annum 1680. ad
ROBERTUM BRADY, M. D.

II. De Luis Venereæ Historia & Curatione ad HENRICUM
PAMAN, M. D.

CLARISSIMO VIRO

THOMÆ SYDENHAM, M. D.



NEMO usquam Medicorum, Vir eruditissime, adhuc vim aeris & influentiam in humana corpora attente perpendit, nec in vita nostra perennanda quas agit partes eorum quisquam consideravit satis, viresque quas exerit in fermentando, & circumducendo sanguinem, aut in motibus animalibus quibuscunque peragendis cujus sit energia, & efficacia, horum non aliquis notavit; neque ejusdem temperiem naturalem, alterationes multiplices & mutationes, quas Constitutiones haud perperam indigitas, ne leviter quidem, vel Medici, vel Historia Naturalis Scriptores attigerunt, multo minus perscrutari sategerunt. Fieri sane nequit, cum in omnes corporis partes, etiam reconditissimas, aer sese insinuet, quin quas subit alterationes & mutationes a rebus quibus impragnatur easdem sanguini & succis communicet, & imprimat; unde ut plurimum ab hac vel illa prava aeris constitutione oritur hujus vel illius indolis prava sanguinis Diathesis. Optimo itaque consilio observationes Medicas circa morborum acutorum historiam & curationem juxta varias annorum & eorundem partium constitutiones instituiisti, cum in iisdem, aeris actiones in sanguinem, succos, & spiritus praesertim (si ipse non sit spirituum materia) conspiciantur. Et nullus dubito quin Febrrium indoles ab annorum temperie in quibus grassabantur observata utilissimam, si non unicam, methodum constituit ad praxim stabiliendam. Perge itaque, & si quae adhuc restant Observationes Febrrium annorum nuperrime elapsorum, fac ut palam fiant, quae in re quam maxime humani generis salutis prospiciant.

In Sectione prima, Cap. quinto libri tui, paucis egisti de usu Corticis Indici, & ejusdem exhibendi methodo. Equidem scio, quosdam haud infimi subsellii Medicos, qui in magna quantitate & dosi sapius repetita eum exhibent; alios item qui ex eodem extracta, infusiones, & ex infusionibus julapia, & emulsionem conficiunt, quibus modis se non tantum intermittentes, sed & continuas quasdam certo curare affirmant: Magnum procul omni dubio in curandis intermittentibus est remedium. Ego quidem per 20. plus minus annos dictum Corticem varia forma & multiplici preparatione maximo cum successu exhibendum curavi. Si vero peculiare quippiam de usu hujus Corticis nosti, vel quid melius progrediente experientia fueris edoctus, id ne graveris precor in lucem proferre.

In curatione Rheumatismi frequentem Phlebotomiam, & larga manu celebratam tanquam necessariam proposuisti. Quererem Ego an non rejecta tam severa & crudeli methodo, alia non humani sanguinis adeo prodiga, nec minus certa inveniri possit. Dum hac agis, Dignissime Vir, malevolorum jurgia, & invidorum stigmata atque calumnias sat superque persenties; neque nunc minus quam olim nomini tuo aut fama parcent, licet ingenuis fere omnibus displiceant, & candidioribus, apud quos solemne est istiusmodi detractores despiciere. Isti vero, si Febrrium historiam longo usu comprobata, vel earundem essentias, causas, & differentias, vel veram tandem medendi methodum expiscari volunt, Te Ducem & viam prae monstrantem sequi necesse habent; cum vix, aut ne vix quidem, alia, vel earum naturam investigandi, vel curandi ratio possit assignari. Maeste itaque esto, & sperne scio-

larum dictoria; scilorum hominum ingenia excita; tu methodum monstrasti, & si tua non placet, qui carpunt, dent politiore & magis firmam. Vale, Vir integerrime, qui hisce peragendis totam Medicorum turbam merito devincies, inter reliquos vero

Tibi jure meritoque amicissimum,

Cantabrigiae,
Decembr. 30. 1679.

R. BRADY.

Amplissimo Doctissimoque Viro

ROBERTO BRADY, M. D.

Collegii Cajo Govevillensis Custodi, nec non Regio in
Medicina upud Cantabrigienses Professori
longa celeberrimo.

ME certe, Vir Humanissime, si quid in morborum curatione profecero, ad omne id cuius efflagitanti impertiendum praeter ceteris qui nunc sunt homines facillimum esse omnino par est: si enim ea tantum mihi innotescant quae & reliquis mortalibus, (quod mihi plus satis constat) nullo pacto mihi obfuerit levidentia ista & e triviis desumpta evulgare, si autem affecutus sim aliquid quod e re medica sit, & ad certiore morborum Therapejan faciat, non tam mihi laudi dabitur, quam aliis daretur quibuslibet, ea in lucem expromere; Qui & a podagra jam ab annis plus minus triginta, & calculo diu male multatus, facile mecum reputo, quam serio gauderem, si quod meis malis levamen aliorum indicio possit afferri. Cum autem paucissimis ingens illud privilegium a Deo Opt. Max. concedatur, ut publico commodo hac in re inservire queant, iisque tantum, quibus e meliore luto quam mihi finxit praecordia Titan, votis agendum est, quod reapse effectum dare non satis est virium: Semper enim existimavi, neque id sine ratione, majoris esse felicitatis certam vel levissimi alicujus morbi debellandi methodum agris mortalibus prodidisse, quam vel Tantali, quod ajunt, vel Cræsi thesauros accumulasse. Feliciorem hoc illum dixi; dicam & meliorem, sapientioreque: quod enim uberius & sapientiae & bonitatis suae speciem quis potest edere, quam, cum se e communi generis humani natura decisum animadvertat; ea quae molitur omnia ad publicam magis omnium utilitatem, quam ad suam ipsius, qui tam exilis totius particula & contempta res est, jugiter referre? Ut enim (loquor cum maximo illo dicendi sentiendique magistro Cicerone meo, sui saeculi, ne dicam universae hominum naturae Genio) leges omnium salutem singulorum salutem anteponunt, sic Vir bonus & sapiens & legibus parens & civilis officii non ignarus utilitati hominum, plusquam unius alicujus, aut suae consulit. Cicero de fin. bon. & mal. Quinimo satis liquet, quod cum facinorosi sit hominem jugulare, boni viri erit eundem vel conservare, vel alios iis instruere praesidiis, quibus adjuti eum ab interitu vindicent, etiam authore vita jam functo. Et vox illa plane inhumana & scelerata audit eorum, qui negant se recusare, quo minus ipsis mortuis terrarum omnium deflagratio consequatur.

His autem impraesentiarum missis factis, fatendum est,

est, debere me ea, quæ de his morbis, de quibus percontari libuit, animo volutavi, utur exilia, tibi plane aperire, Tibi, inquam, eximio viro, & *Sparta* quam ornas dignissimo; cujus ego & eruditioni & probitati, animique candori ea tribuo encomia, quæ reliqua Togatorum gens, inter quos nites. Prætereo etiam, quantum tibi debeo gratiarum, quod te tam male habeant immerita illa, quibus a nonnullis proscindor convitia; de quibus hoc habeo dicendum, quod si vita innocua hominis, qui neminem neque facto neque dicto læserat, me ab illis factum tectum reddere valuisset, nunquam in me detonderat. Cum autem nullo id meo crimine evenerit, neque, ut spero, eveniet unquam, stat sententia non me ideo plectere, quod alii deliquerint, id tantum ratus ad me attinere, ut viri probi scilicet officio defungar, & boni Medici, quantum patitur tenuitas nostra.

Morem itaque geram in tradendis observationibus, quæ mihi in morbis, de quibus sciscitabaris, occurrebant. Primum autem agam de *Febribus intermittentibus* nunc apud nostros Epidemicis. Quo nomine non abs re fore arbitror annos istos ordine, sed breviter percurrere, qui illum excipiebant, quo claudabatur *Historia Acutorum Morborum* (qualis illa demum fuerit) qui per præterlapsos annos 15. grassabantur, & quadam obiter perstringere in eorundem curatione a me pridem notata. Quo facto melius innotescet, quo tempore & quibus gradibus, quæ jam obtinet febrium *constitutio*, nobis obrepserit.

* Annus 1676. eosque peperit morbos quos genuerat *constitutio* postremo loco commemorata in dictis observationibus, viz. Annor. 1673. (in cujus Autumno ea se primum exeruit) 1674. & 1675. At vero exolecente ferme hac crasi, mitiores erant, quam pro suo genio; qui subpullulabant morbi, & minus insuper Epidemici; non obstante peculiari ejus anni indole, quantum ad manifestas aeris qualitates, quibus ab annis præcedentibus perquam abstergebat, cum & æstatis fervor, & frigus hyemis omnes ferme annos, quorum memoriam habemus, longo intervallo superaverint. Et cum tam ingens tempestatum discrepantia similes tamen morbos producerent, satis hinc liquet, non tam manifestam quam occultam aeris temperiem Epidemicis morbis favere. At vero fatendum est, morbos eosdem quoad symptomata quædam aliquando a manifesta aeris diathesi pendere, quod & *Morbilli & Cholera Morbus* hoc anno invadentes testatum faciunt, de quibus breviter agam.

Morbilli enim nascenti anno coorti, licet non admodum Epidemici, id tamen eximii habebant, quod solito longius procurrerent; nam cum pro more suo mense primum Januario comparentes, ad *Æquinoctium* usque vernum ingravescerent, dein paulatim imminuti cum *Solstitio* fere expirarent, hoc anno ad *Æquinoctium* ferme Autumnale pertingebant, ab æstatis calore, nisi fallor, aucti viribus, quo diutius obssisterent. Neque tamen methodum medendi ab usitata illa diversam postulabant.

Excunte æstate *Cholera Morbus* epidemice jam sæviebat, & insueto tempestatu calore evehctus, atrociora convulsionum symptomata, eaque diuturniora secum trahabat, quam mihi prius unquam videre contigerat. Neque enim solum abdomen, uti alias in hoc malo, sed universi jam corporis muscoli, brachiorum crurumque præ reliquis, spasmodis tentabantur dirissimis, ita ut æger e lecto subinde exiliret, si forte extenso quaquaversum corpore eorum vim posset eludere.

Quamlibet autem hic morbus non aliam a recepta medendi rationem sibi vendicabat, *Anodyna* tamen fortiora, eaque sæpius ingerenda quam alias solebam, omnino indicabantur. Ex. gr. Ad quendam vocatus per id temporis truculentissimo illo, quod modo descripsi, symptomate tantum non enectum, (me autem comitabatur *Carolus Goodall* M. D. cujus animi candor, probitas illibata, summus in me amor, labor improbus in morbis dignoscendis curandisque una cum nomine mihi semper occurrunt) & enormi vomitione, spasmodumque violentia animam agentem, cum sudore frigido, & pulsu vix micante, guttas 25.

Laudani liquidi, a me jam olim publicati, in cochli. 1. *Aq. Cinnamomi fortis* exhibendas curavi, veritus sc. ne vehiculum paulo copiosius medicamento rejiciendo (quod in vomendi tam impenso conamine persæpe fit) ansam daret: dein lecto assidens quasi ad semihoram, & expertus remedii vires nec Vomitioni compescendæ, nec sedandis convulsionibus adhuc pares esse, toties illud ipsum repetere, & dosin in tantum augere cogebar (interposito tamen spatio, ut quid a jam ingesto mihi foret sperandum prius ediscerem, quam novas adferrem suppetias) donec tandem pervicacissima illa symptomata sub jugum victoris mitterentur, quod tamen vel minimo corporis motu excitata denuo excutere satagebant. Serio itaque imperavi, ut & corporis quieti modis omnibus indulgeret ad paucos dies, & medicamentum jam dictum, sed in minori dosi, subinde assumeret, etiam postquam convaluerit, ad *dejectionem* sc. confirmandam; quod nobis ex animo cessit.

Neque est cur me quispiam justo audaciorum pronunciet, eo sc. nomine, quod tantam *Laudani liquidi* vim ægro infundere non dubitaverim; cum judice experientia certo constabit, quod in quibus affectibus ex *Opio* parata indicantur (sunt autem tres, *vehemens dolor, vomitus vel dejectio enormior, & insigniores spirituum animalium ataxia*) in iis & remedii dosi & repetendi vices cum symptomatis magnitudine omnino sunt conferendæ. Quæ enim dosi remissiori symptomati coercendo par est, ea ab alio fortiore superabitur, & quæ alias ægrum in manifestum vitæ discrimen conjiciet; eundem impræsentiarum ab orci faucibus liberabit.

* Arque hi sunt morbi isti, qui hoc anno populabantur, iidem sc. ut jam innui, cum morbis trium annorum præcedentium. Quales autem fuerint, qui annum sequentem viz. 1677. funestaverint, non habeo dicere. Cum enim molestissimo sanguinis mictu, a motu vel levissimo, sub anni initio male mulctaret, neque ita diu postea podagra etiam, quæ non jam tam artus, quam viscera sævissimo dolore excruciebat, accedentibus insuper virium & appetitus prostratione, crurum tumore, aliisque symptomatibus non minus periculosis (quem si tum fuerim extinctus, mors certe non tam a bonis quam a malis abstraxisset, haud equidem repugnantem) me domi meæ ad menses tres continere, deinde redintegrandæ sanitatis causa per idem fere spatium rusticari cogebar. Autumno reversus ad meos, febres intermittentes hinc inde sparsas esse (quarum tamen pars maxima ægros non in urbe primum invaserat) ab amicis didici; cum autem mihi per valetudinem non liceret ægros invisere, de hoc anno nihil melius silentio possum adferre.

Proximi anni (viz. 1678.) *Constitutio* prorsus immutata *Febribus Intermittentibus* (quæ jam ab anno 1664. ad tredecim sc. annos urbe fere exulaverant, nisi quod nonnullos sporadice occuparent, vel ex agris forte comitarentur) usque adeo favebat, ut Epidemicæ rursus audirent; neque eum tamen gradum hodie tuentur, quin & fines latius proferent, donec hæc, a qua pendent, aeris *diathesis* suam *anxiam* attigerit. Quantumlibet autem dictæ intermittentes pauciores aliquot etiam tempore Verno fuerint adortæ, eo usque tamen exeunte Æstate, & Autumno subeunte præ cæteris sæviebant, ut nulli amplius morbo Epidemici nomen relinquerent. Hyeme vero paululum fatigantes *Variolis* locum cedebant, atque aliis insuper Epidemicis, qui per omnia dominabantur, donec intermittentibus apta tempestas in orbem rediret.

Sed ut jam edisseram, quæ de harum febrium & natura & causis sedula observatione assecutus sum: in primis notandum est, quod licet olim *Quartana* frequentius occurrerent, nunc dierum aut *Tertianæ* erant, aut *Quotidianæ*, (nisi quis postremas has *Duplices Tertianas* malit appellare) & pariter quod licet *Tertianæ* *Quotidianæ*que aliquando cum rigore atque horrore invadentes, subsequente primum calore, mox etiam sudore, tandem in omnimoda *anxiosa* desinerent, atque post statam periodum ægros de novo lacefferent; ne hunc quidem jam morem servabant ultra tertium quartumve paroxysmum, maxime si æger lecto

lecto addiceretur, & assumptis cardiacis calidioribus oleum camino, quod ajunt, addiderit. Postea vero febris hæc eo usque etiam præter indolem suam incrudescere, ut *Intermissionis* loco *Remissionem* tantum agro concederet; & magis indies ad *Continuum* speciem accedens, tacto cerebro tandem haud paucos extingueret.

Curationem quod spectat, jam a multis annis mihi innotuit, quam sit periculosum eam in tertianis & quotidianis (quæ cum recentes sint nullumque typum indutæ in continuitatis vicinia adhuc hærent) per sudorifica moliri: quamvis enim notissimum sit simul cum sudore prorumpente inquietudinem atque alia symptomata statim evanescere, & ἀνρρηξία succedere, & ex consequenti huic paululum esse indulgendum, saltem non esse obsistendum paroxysmo fatiscente, tamen est compertissimum, quod si justo copiosius eliciatur sudor, quæ intermittebat, febris jam sit continua, ægerque tanquam incerto aleæ casu in vitæ discrimine versatur, hic servatur, perit ille. Ratio est hæc, nisi mea me fallit conjectura, quod sc. istiusmodi profusus sudor, cum materiæ febrilis, paroxysmi calore eo usque evectæ, ut jam per despumationem ejici possit, modum exuperet, exterminata ea parte, quæ unico paroxysmo respondet, de reliquo sanguini incendendo impenditur. Hujus itaque methodi inefficaciam, & aliarum evacuationum, venæ sectionis v. gr. & catharticos incommoda (quarum utraque relaxando tonum sanguinis morbum protrahunt) dum mecum perpenderem, *Peruvianus Cortex* certissimam mihi spem fecit, de quo vere affirmare possim, non obstante tam vulgi, quam perpauco- rum e doctis præjudicio, me nihil mali ægris accidisse ab ejus usu vidisse unquam, vel cum ratione suspicari potuisse, nisi quod illi, qui longum & repetitum corticis Peruviani usum experti sunt (ut in *Capite de Rheumatismo* præmonstraverim) in speciem quandam *Rheumatismi Scorbutici* nonnunquam incidunt. Hoc autem malum perquam raro ex hac occasione nascitur, & quando accidit, facillime remediis ibidem descriptis cedit.

Et profecto si tam effectuum durationem, quam corticis hujus innocentiam exploratam haberem, principem illi locum inter omnia quotquot sunt remedia deferre nullus dubitarem; cum non tantum in hoc morbo insignium esse virium deprehendatur, sed & in uteri & ventriculi etiam affectibus: Tantum abest, ut de ejus insalubritate merito quis con- queratur.

His autem potissimum de causis, nisi fallor, dictus cortex male audit. Primo, quia plurima illa horrendaque symptomata, quæ febres intermittentes jam diutius ægrum cruciantes comitantur, etiam ubi ne minimum quidem corticis degustaverit, cortici, vel semel assumpto, imputantur. Secundo, quia cum occulta vi, & non per sensibilem aliquam evacuationem morbum averruncet, statuunt plerique materiam morbum committentem quæ propelli debuerat, tanquam hostem intra mœnia vi corticis astringente inclusam latere, novos naturam tumultus, atque ægrum non penitus evasisse cum adhuc catenam trahat. Ast hi non satis attendunt sudores paroxysmum finientes id omne quod in lucido sanitatis intervallo accumulabatur prorsus eliminasse, manere tantum morbi seminum tempore maturandum; quodque cortex fugientem paroxysmum a tergo urgens, & intercepto qui debuerat subministrari morbi comite sive fomite, non potest in sanguine retinere, quod jam in illo non nisi tanquam in embryone reperitur; ac proinde neque strangulationum, neque obstructionum, quæ vulgo obijciuntur, reus est peragendus.

Quo autem pacto deprehendemus corticem vi sua astringentia febres fugare? Qui id probare velit, necesse erit prius alia astringentia pari virtute prædita in medium afferat; mihi certe vel eorum fortissima adhibendi in experimentum nondum e voto cessit. Quid quod illos etiam sanat, qui ab ejus usu tanquam a cathartico assumpto (quod nonnullis accidit) frequenter alvum deponunt? Id vero demum est recte sapere suo se quemque pede ac modulo metiri. At si quis fucum sibi faciens, aliis se præditum esse facultatibus existimaverit, quam quæ inserviunt percipien-

dæ vel *Naturali Theologia* (ut Deo sc. rerum omnium Architecto & Moderatori debita veneratio cum profundissima animi prostratione jure merito exhibeatur) vel *Philosophiæ Morali* (ut virtutem exerceat, & mores tam ad privatum quam publicum societatis humanæ bonum accommodet) vel denique *Arti Medicæ, Mathematicæ, & Mechanicæ* (quibus vita communis adjuvatur) Hic primum Hypothesin aliquam e schola *Naturalis Philosophiæ* depromat, qua vel unicam differentiam specificam rerum in natura possit enodare; ex. gr. rationem reddat, quare *Gramen* omne viridi ubicunque colore, nusquam alio cernitur infectum, &c. Hoc si effecerit, in ejus castra haud invitus transeat; sin aliter, non verebor dicere quod Medici cura omnis atque industria, in expiscanda morborum historia, iisque remediis adhibendis, quæ experientia indice ac magistra eisdem valent depellere, debent collocari; observata tamen ista medendi methodo, quam recta ratio (non speculationum commentis, sed trito & naturali cogitandi modo innixa) ei dictaverit. Dicam itaque paucis quod usu didici de methodo, qua cortex nobis usurpandus venit.

Cortex Peruvianus, cujus *Pulvis Patrum* vulgo nomine insignitus, annis abhinc quinque & viginti (si bene memini) apud Londinenses nostros in exterminandis febribus intermittentibus, maxime quartanis, primum cœpit inclarescere. Idque optimo sane jure, cum hujuscemodi morbi rarissime ab ullo alio sive remedio sive methodo medendi antea expugnarentur, unde etiam opprobria Medicorum & erant & audiebant. At vero non ita multo tempore elapso, duabus de causis, non quidem levibus, damnatus in desuetudinem prorsus abiit. Primo, quia paucis horis ante adventum paroxysmi, pro recepto id temporis more, exhibitus ægrum nonnunquam e medio tollet; quod & civi cuidam Londinensi eidemque Senatori Urbano, *Underwood* nomine, & Capitaneo nomine *Potter* in vico vulgo dicto *Black Fryars* Pharmacopolæ memini accidisse. Funestior hic pulveris exitus, quamvis oppido rarus, Medicos tamen paulo cordatiores ab ejus usu merito retraxit. Secundo, quia æger ope pulveris a paroxysmo alias invasuro liberatus, quod plerumque eveniebat, tamen intra dies 14. recidivam ut plurimum pateretur. In morbo scilicet recenti, necdum temporis cursu suoque marte commutato. Maxima pars hominum his permota rationibus spem de hoc pulvere jam pridem conceptam protinus abjiciebat: Neque enim tanti æstimabant paroxysmum ad paucos dies protelare, ut se eo nomine in vitæ discrimen a pulvere intentatum induci paterentur. Ego vero jam ab aliquot retro annis haud vulgarem hujus corticis vim serio perpendens, animoque revolvens, non alio magis quam hoc Herculeo medicamento febres intermittentes debellatas iri confidebam, si qua par erat cura accederet, & diligentia. Diu itaque multumque apud me agebam, ut & *Periculo* a pulveris usu impendenti, & *Recidivæ* intra paucos dies subsecuturæ (quæ duo erant amolienda incommoda) possem occurrere, atque ægrum hujus ope ad perfectæ sanitatis gradum promovere.

Primo, *Periculum* quod minitabatur, non tam ex ipso cortice natum arbitrabar, quam ex eo quod minus opportune ægro ingereretur: cum enim vix ingens materia febrilis diebus a paroxysmo vacuis in corpore fuerit aggesta, pulvis prædictus, si immediate ante paroxysmum deglutiat, facit quo minus materia morbifica ipsa naturæ methodo, paroxysmi scilicet impetu, possit eliminari, quæ proinde præter fas inclusa ægrum in vitæ discrimen solet conjicere. Hoc ego me malum propulsare posse existimabam, materiæque pariter febrili de novo generandæ obicem ponere, si ubi primum paroxysmorum unus affligere desierit, confestim pulverem exhiberem, quo infecuturus inflaminaretur, & diebus intermissionis statim subinde vicibus eundem repeterem usque dum novus invaderet paroxysmus, atque ita paulatim tutoque proinde sanguinis massam salutifera corticis virtute penitus inficerem.

Secundo, cum *Recidivæ*, (quæ intra dies 14. plerumque accidebat) ex eo mihi videbatur nasci, quod sanguis non satis exsaturaretur virtute febrifugi, quod utut efficax, una tamen vice morbo penitus exterminando par-

do par non fuit, idcirco autumabam nihil ad eam præcavendam, æque posse conducere, atque methodum repetendi pulveris, etiam devicto ad præsens morbo, justis semper intervallis, antequam scilicet vires præcedentis dosis prorsus elanguescerent.

His itaque rationum momentis innixa mens eam, qua jam utor, mihi methodum dictabat. Ad ægrum *Quartana* febre laborantem accersitus (*die Luna* v.g.) si paroxysmus eodem die sit invasurus, nihil prorsus moveo, sed id tantum ago, ut spem faciam, eum a proxime venturo liberatum iri. Ac proinde binis diebus intermissionis (*Martis* sc. & *Mercurii*) corticem exhibeo hunc in modum. *℞. Cortic. Peruv. subtiliss. pulverat. ℥j. cum s. q. syr. Caryophyl. vel de Ros. siccis, f. Electuar. dividendum in 12. partes, quarum unam capiat quarta quaque hora, incipiendo immediate post paroxysmum, superbibendoque haustum vini cujuslibet.* Vel, si *Pilule* magis arrideant. *℞. Cortic. Peruv. subtiliss. pulv. ℥j. cum s. q. syr. Caryophyl. f. Pil. mediocris magnitudinis, quarum capiat vj. quarta quaque hora.* Sed minori cum molestia, eodem tamen fructu, hujus *Pulveris uncia una* admisceri poterit *libris duabus Vini Clareti*, atque ejus *cochl. viij.* vel *ix.* exhiberi isdem quæ dicta sunt temporis intervallis. *Die Jovis*, quo metuitur paroxysmus, nihil impero, cum ut plurimum nullus accedat, reliquiis materiæ febrilis per solitos sudores, qui præcedentem paroxysmum absolvunt, despumatis ejectionisque sanguine, atque intercisa novæ mineræ vel fomitis accumulatione repetito pulveris usu, diebus paroxysmos determinantibus adhibiti.

Verum enim vero ne morbus denuo recrudescat (quod e prædictis incommodis erat alterum) *die octavo* præcise, a quo postremam dosin æger assumpsit eandem præfati pulveris quantitatem, (*Unciam* sc. in *partes 12. divisam*) eadem qua prius methodo, certo certius exhibeo. Quamvis autem repetita hoc modo semel medicatio sæpe morbum conficiat, non tamen prorsus in tuto collocatur æger, nisi Medico tertio quartove eandem methodum eodem temporis intervallo iteranti parere non gravetur; maxime ubi sanguis a prægressa aliqua evacuatione fuerit debilitatus, aut se æger incautius auræ frigidiori ferendum exposuerit.

Verum etsi hoc remedium nulla purgandi vi polleat, tamen ob peculiarem quorundam corporum temperiem atque idiosyncrasiam sæpe accidit, ut ab ejus usu tanquam a cathartico fortiori assumpto æger violenter expurgetur. In hoc casu omnino oportet, ut *Laudanum* cum eo exhibeatur, quo minus hanc operationem, tam suæ naturæ, quam morbo plane contrariam, ciere valeat, neque pulvis justo citius per alvum expulsus disperdatur, antequam suo fungeretur munere. In hoc itaque casu *Laudani* ejusdem *gut. x.* vino instillari jubeo, & post alternam pulveris dosin assumi, modo diarrhœa persisterit.

Dicta methodus usu mihi venit in cæteris intermittentibus sive *Tertianis*, sive *Quotidianis*; utraq; enim statim a finito paroxysmo aggredior, & repetito per jam commemorata paroxysmorum interstitia medicamine (quantum scilicet earum fert indoles) urgeo atque a tergo premo; hoc tamen discrimine, quod cum quartana rarissime nisi *Uncia una* in doses dispersita, reliquæ *sex Drachmis* possint ita expurgari, ut inducias saltem concedant.

At vero tertianæ, quotidianæque, etsi post unum alterumve paroxysmum omnino videantur intermittere, tamen non ita raro (quod & a me ante est notatum) postea ad continuarum fere speciem vergunt, & ad *Remissionem* tantum, etiam diebus quæ *Intermissionem* pollicebantur, accedunt; præsertim ubi æger lecto defixus regimine justo calidiore, aut medicamentis febris per sudores ejiciendæ dicatis fuerit mulctatus. Hoc in casu a remissione quantumlibet exigua (id enim mihi unum superest) ansam arripiens, pulverem quam proxime a paroxysmo (quantum conjectura valeo) ingerendum propino, nempe quarta quaque hora, ut modo dixi, ne quidem ipsum morans paroxysmum, cum aliter in spatio interjecto plus satis brevi alexeteria corticis vis sanguini impertiri nequeat.

Tum autem febres quædam apud nos grassantur, etsi post secundum tertiumve paroxysmum reponere se

in classem continuarum nitantur, tamen ad intermittentes debeant referri; nulla mihi est religio *Corticem* vel in maxime *Continuis* hujus speciei sumendum proponere, qui dicto more iteratus ad apyrexiam certo ægrum perducet, modo assiduus lectuli calor, & in tempestivus cardiacorum usus continuitatem febris non conciliaverint; quo in casu Peruvianum corticem nihil quicquam profecisse plus semel observavi. Neque mihi unquam contigit, ut viderem vinum in quo propinatur cortex (quod jure quis possit suspicari) febricitanti obfuisse; e contra vero, calor, sitis, cæteraque febris symptomata ut plurimum post assumptam hujus remedii quantitatem sufficientem, mox evanescentes, vino haud obstanti. Hic autem observandum, quod quo magis febris sive sponte sua, sive regimine calidiori ad continuitatem accedat, eo major corticis quantitas exhibenda; ita ut nonnunquam viderim morbum hunc non nisi sesquiunciam, vel unciam ejusdem duabus cessisse.

Cum vero sint aliqui qui corticem hunc nec in pulveris forma, nec electuarii, nec tandem pilulatum ferre queant, his ejusdem infusum in frigido factum propino, *℥ij. sc. Corticis grosse pulverari in Vini Rhœnani ℔ij.* aliquandiu macero. Liquor hic per manicam Hippocratis sæpiuscule trajectus, colore limpidus adeo non officit, ut vel delicatulum palato arrideat; ac dictæ infusionis unciam quatuor ad dies aliquot factæ, virtutem drachmæ unius corticis in pulvere exhibiti videntur continere. Quæ cum nec ingrata sit, nec ventriculum premat, duplo frequentius usurpari poterit, quam reliquæ ejusdem remedii formulæ, nempe donec paroxysmi terga dederint.

Quandoque accidit, ut in hoc morbo male formato, nec dum in typum regularem evecto, æger ob vomitionem fere continuam corticem deglutitum; quacunque demum forma exhibeatur, retinere nequeat: In hoc casu vomitio prius est compescenda quam cortex propinetur. Ad quem scopum colligans jubeo, ut sexies vel octies spatio duarum horarum *succi limonium recens expressi Coch. j. cum salis Absint. ℥j. assumat.* Deinde *Laudan. liquid. gut. xvj. cum aq. Cinnamon. fort. Coch. j.* Ac brevi post, si vomitus cessaverit, usum *Pulv. Peruv. aggrediatur.*

Pro infantibus, quorum ætas tenella vix feret ut aliâ forma hoc remedium assumatur (saltem ea quantitate qua devincatur morbus) sequens Julapium præscribere soleo. *℞. aq. Cerasor. nig. & Vini Rhœnani an. ℥ij. Cort. Peruv. subtilissime pul. ℥ij. syr. Caryophyl. ℥j. ms. f. Julap. Cap. Cochleare unum alterumve pro ratione ætatis, quarta quaque hora, donec paroxysmi non amplius discrucient; instillando alternis dosibus, si Diarrhœa adsuerit. Laudani liquidi gutt. j. vel ij.*

Observandum est insuper, quod cum breviora paroxysmorum interstitia in tertianis & quotidianis intermittentibus non satis temporis concedant ad sanguinem febrifuga corticis virtute plene exsaturandum, fieri non potest, ut æger proximum a prima medicatione paroxysmum, uti in quartana solet evenire, certo effugere valeat, sed in his medicamentum sæpe non nisi post biduum promissam curationem absolvet. Animadvertendum autem quid si æger, non obstante abundantî cautela superius tradita, nihilominus recidivam patiat (quæ in quartana ipsa rarius accidit, quam in tertianis, vel quotidianis) tamen prudentis Medici erit non nimium pertinaciter insistere methodo corticis per dicta intervalla exhibendi, sed pro suo judicio aliis modis curationem aggredi, cui præ cæteris *Decoctum amarum*, quod appellant, magnopere conducere vulgo creditur.

Dietam quod spectat cæterumque regimen, nec a cibo nec a potu arcendus est æger, qualis qualis is demum fuerit qui ad stomachum facit, fructibus tamen horariis & liquoribus frigidis (utpote & infirmæ sanguinis massæ & febris postliminio reducendæ admodum conferentibus) semper exceptis. Vescatur itaque carnibus eupeptis & euchimis, & vino modice utatur pro potu ordinario; qua re sola ægros nonnunquam restitui, etiam eos, quorum corpora ob frequentem febris recursum contra corticem quasi communita, salutiferam ejus vim perpetim eludebant.

Neque vero se temere auræ frigidiori committere debet æger, donec sanguis pristinum vigorem de novo obtinuerit.

Hic

Hic autem advertendum, quod cum de febribus intermittentibus olim agens ægrum sublato morbo sedulo purgatum iri admonuerim, hoc intelligi velim de his solum febribus quæ vel sponte sua, vel alio sive medicamento sive methodo præter corticem Peruvianum erant debellatæ. Etenim curatio, cum huic remedio, de quo jam loquor, innitatur, purgatione nec eget, nec eandem plane fert. Ita potenter dictus cortex sine ope cathartico non solum *Paroxysmis*, sed & *Dyscrasia* quam corpori iidem infixerunt, subvenit. Vitandæ itaque ante omnia evacuationes qualescunque, cum vel blandissima catharsis, quinimo enema a lacte saccharato in morbi discrimen certissime, forte in morbum ipsum denuo ægrum conjiciet.

Hic autem commemorare libet, quod sub primos hujus constitutionis annos symptoma quoddam insigne febribus intermittentibus quandoque supervenerit. Nempe earum paroxysmi non cum rigore & horrore, quas postea febris excipit, invadebant, sed æger iisdem plane symptomatibus tentabatur, ac si *Apoplexia* vera laborasset, quæ tamen nihil aliud esset, utcumque hunc affectum æmuleretur, quam ipsa febris caput impetens; ut ex aliis signis, ita ex colore urinæ satis liquebat; quæ in intermittentibus ut plurimum rubore saturato extat, qualiscernitur in utina eorum qui ictero laborant, etsi non adeo intense rubet, & pariter sedimentum deponit pulverem laterum fere referens. Hoc autem in casu quantumlibet evacuationes omnes, cujuscunque demum generis sunt, indicari videntur, ad revellendos scilicet ex cerebro humores, ut in apoplexia primaria fieri solet; eadem tamen omnino omittendæ sunt, utpote quæ originariæ hujus symptomatis causæ, febrim nempe intermittenti prorsus adferuntur, ac proinde mortem accersant; quod & ipse novi. At e contra expectandum donec paroxysmus sponte sua evanuerit, quo tempore cortex, modo citius idem ingeri non poterit, quamprimum est exhibendus, & intervallis ab ejusmodi accessionibus liberis idem sedulo repetendus, usque dum perfecte convalescerit æger.

Nonnunquam accidit, etsi perquam raro, ut senes qui diu hoc morbo antea laborarunt, ac interea venæ sectionibus & catharticis imperite fuerint mulctati, in *Diabetem* incidant, etiam febre jam perfecte fugata. Etenim cum sanguis eorum abhinc debilitatus assimilandis succis ei illatis prorsus impar reddatur, iidem per vias urinarias crudi adhuc & inconcocti exitum sibi quærunt, proindeque præ ingenti urinæ copia, quoties eam reddunt, excreta sensim vires labefactantur, & quasi substantia corporis per hanc cloacam exinanitur. In hoc affectu, uti & in omni *Diabete*, ex quacunque *σφοδρῶσι* originem ducat, curativæ indicationes ad sanguinem invigorandum corroborandumque, ac pariter ad fluxum urinæ præternaturalem restringendum, omnino dirigendæ sunt. Ut *℞. Theriac. Androm. ʒiʒ. conserv. flaved. Aurant. ʒj. Diascordii ʒʒ. Zinzib. condit. & nuc. moschat. condit. an. ʒ. iij. pulv. e chelis Cancr. compos. ʒʒ. Cort. exterioris Granator. rad. Angelic. Hispan. Coral. rubr. præp. & trochisc. de terra Lemnia an. ʒj. boli Arm. ʒij. Gum. Ar. ʒʒ. cum s. q. syr. de ros. siccis f. Electuar. de quo sumat ad magnitudinem nuc. mosch. maj. mane hora quinta pomerid. & nocte per mensem integrum, superbibendo seq. infusionis Coch. vj. ʒ. rad. Enul. Campan. Imperator. Angelic. & Gentian. an. ʒʒ. sol. absinth. Rom. marrub. alb. Centuar. min. & calaminth. an. M. j. Baccar. Juniper. ʒi. Incidantur minutim, & infundantur Vini Canarini lb. v. stent simul in infusione frigida, Coletur tantummodo tempore usus. Vescatur cibus *ἀπέμῳσι*, viz. Carne vitulina, vervecina, &c. Abstineat ab esu olerum & fructuum qualiumcunque, & singulis pastibus bibat vinum Hispanicum.*

Eadem fere methodo atque iisdem remediis contumax iste & diuturnus affectus, *Fluor* sc. muliebris, sanatur ac *Diabetes* modo dictus; nam utrobique indicationes curativæ eadem sunt, quantumcunque inter se hi duo morbi dissidere videantur. At in *fluoris muliebris* curatione venæ sectio semel celebrata, ac postea catharsis ex *Pil. Coch. maj. ʒij.* tribus vicibus repetita *Corroborantium* usui præmitti debent, deinde vero per totum processum omnino omittendæ; cum

quælibet evacuatio evertit quicquid corroborans subruerit. Sed hæc obiter.

Hæc habui de Peruviani corticis usu summam dicenda: Neque enim remediorum pompæ libuit indulgere; Cum sane qui aliquid cortici adjiciunt præter vehiculum eidem in ventriculum transmittendo necessarium, aut ex ignorantia peccent, ut mihi videtur, aut dolo malo, a quo vir probus ex animo abhorrebit; qui cum pars sit ejusdem communis naturæ, ut *δυσούλοις* fraudem faciat, nullo unquam privato suo commodo poterit adduci. Quod superest, si ætati placuisset ad ea animum advertere, quæ annis abhinc quatuor in historia acutorum morborum tradideram (quæ & ante illud tempus mihi innotuisse omnino est credibile) quo pacto sc. cortex in interjectis paroxysmorum spatiis debuerit ministrari, tum postea repeti ægro jam convalescente: viverent fortassis haud pauci eorum, quos jam terra tegit, ut ut homines vilipendant tenues, sane illos conatus nostros communi omnium bono dicatos, & monita spreverint ibidem dictata verbis insequentibus, quibus ea breviter continentur, quæ hic fusius explicare visum est, viz.

Curandum est ante omnia, ne premature nimis hic cortex ingeratur, ante sc. quam morbus suo se marte aliquantisper protriverit (nisi collabescerent & jam fractæ agri vires eundem temporis sumendum esse dictaverint) neque enim illud solum est metuendum, ne a proprio ejus usu inefficax iste reddatur & spem agri fallat, sed etiam ne de agri vita agatur, si sanguinem omni fermentationis nisu se despumanti derepente injiciamus remoram. Proximoloco, neque Catharsi, multo minus venæ sectione, subducenda est materia febrilis pars aliqua, quo liberius cortex suo fungatur munere: cum enim ab utraque labefactetur quadantenus œconomia corporis, eo promptius tetrusque recrudescant paroxysmi, evanescente semel pulveris vi. Mihi enim magis e re fore videtur, ut sanguinem dicto medicamine sensim longioreque a paroxysmis intervallo leviter inficiamus, quam ut uno omnino ictu paroxysmum jam instantem ventemus confodere; hoc enim pacto & plus temporis remedio conceditur, quo suum opus plenius absolvat, & evitatur quicquid ibi est periculi, quod ægro poterit oriri ex subito isto atque intempestivo nimis sufflamine, quo paroxysmum jam invalescentem atque omni se opo exerentem conamur opprimere. Postremo brevibus istis temporis intervallis repetendus est pulvis, ut non protinus evanescat prioris dosis virtus antequam altera exhibeatur: crebra enim repetitione ista seorsim tandem recuperabitur, profligato insolidum morbo. His adductis rationibus hanc ego methodum ceteris antepono. Peruviani corticis ʒj. cum syr. Rosar. rub. ʒij. misceatur; æger vero quantitatem nucis moschata majoris mane & fere quotidie devoret diebus a genuino paroxysmo vacuis donec confectianem omnem absumpserit. Repetatur porro ad tres alias vices, interjectis semper diebus quatuordecim. Morb. Acut. Sect. I. Cap. V.

Quantumlibet autem cortex supra laudatus in febribus hisce medendis, omnibus aliis, quotquot adhuc inventa fuerunt, palmam facile præcipiat, attamen in *Tertianis Vernalibus*, si modo æger sanguineo temperamento præditus esset, atque etiam ætate floreret, remedia sequentia curationem absolvisse observavi. Ex. gr. Mittatur sanguis e brachio die a paroxysmo libero, & post aliquot horas eodem die exhibeatur *Emeticum ex infusione Croci Metallorum*; ita tempus præfigendo, ut vomitorium opus suum absolvat ante invasionem paroxysmi insequentis, quo elapso immediate aggrediatur usum sequentium. *℞. Extracti gentian. Absint. & Centuar. min. an. ʒij. Misceantur ac dividantur in ix. doses, quarum unam capiat quarta quaque hora, superbibendo decocti amari sine purgantibus & vini albi an. ʒij.* est & altera methodus curandi has tertianas, in pauperibus, scil. quorum facultas prolixo apparatu Medico ferendo non sit. Ut *℞. Serpentar. Virginian. subtiliss. pulv. ʒj. vin. alb. ʒij. Misceat sumat duabus horis ante paroxysmum, & stragulis bene coopertus sudet per tres vel quatuor horas, idem faciendo per duas alias vices paroxysmo ingruente.*

* Sequenti anno (nempe 1679.) sub initio Julii eadem

eadem febres de novo vires rediategrabant, & quotidie increbrescentes mense Augusto quam immaniissime debacchabantur, ac magnam stragem edebant. Cum autem de his jam fusius egerim, nil amplius adjiciam, nisi, quod *Novo Epidemico* a manifesta aeris crassi pendenti sub mense Novembris prorsus locum cedebant.

Etenim una cum *Novembri* subingrediebantur *Tusses* cæteris quas mihi contigit observare annis *Ἰνδικαῖς*, cum in singulis fere familiis universi laborarent. Harum aliæ opem medicam non magnopere desiderabant; aliæ vero pulmones ita vehementer agitabant, ut æger ventriculi contenta per os ejicere subinde cogeretur, vertigine insuper correptus, a nisu violentiori & laborioso. Primis fere diebus tussis, siccam æmulans, nullam materiam spectabilem exantlavit; mox ætate auctior nonnihil; atque ut verbo expediam, tum in eo quod parcius expectorarent ægri, tum etiam conatu vehementiori, & paroxysmorum duratione ad *Tussim puerorum Convulsivam* mihi propius accedere videbatur, nisi quod mitius aliquantum sæviret. In hoc saltem convulsivam superabat, quod & febre, & solitis ejus symptomatibus stipata ægrum invaderet, quæ in tussi puerorum nondum me vidisse memini.

Solemne sit licet tusses sub hyemis adventum affligere, mirabantur tamen omnes eas hoc anno ita præter solitum increbrescere: quod quidem hac præcipue de causa arbitror contigisse. Cum mensis *Octobris* crebrioribus quam solebat, & ferme continuis permaduisset imbribus, & sanguis hominum tempestati consentiens particulas crudas atque aquosas affatim imbibisset transpiratione per cutis spiracula a primo frigoris insultu prohibita, natura colluviem hanc serosam vel per ramos venæ arteriosæ, vel, quod alii volunt, asperæ arteriæ glandulas eliminare satagit, & tussis ope explodere.

Curatio rite ut institueretur, quoties scilicet Medico fuit opus, tam per venæ sectionem, quam catharsim evacuandum esse nullus dubitavi: Neque enim alia aliqua methodo æque commode ejiciuntur redundantes feri particule, ac per phlebotomiam & cathartica, quæ tam insigniter vasa emulgent. Remedia *Pectoralia* quod attinet, (præter quam quod eorum usu gratificamur ægris) non intelligo quo pacto amoliendæ tussis causæ queant conferre, cum omnis eorum actio, vel in incrassanda materia, quoties justo tenuior vim expultricis facultatis eludit, vel in eadem attenuanda, quoties ob visciditatem ægrius expuitur, poni videatur. Id certo scio inutiliter in his tantum temporis impendi; nonnunquam etiam sanguinis massam eo usque debilitari a retentis particulis feri naturæ inimicis, pulmonesque insuper tussi irritatos ita conquassari motu violento ac fere continuo, ut non raro via sternatur ad *Tabem*; a cujus insidiis celeritate curationis æger vindicari debuerat. Neque multo tutius adhibentur sudorifica, a quorum usu æger nonnunquam in febrem incidit, nonnunquam etiam particule sanguinis facile inflammabiles ita pleuræ impinguntur, ut accendatur *Pleuræsis*, quod per decursum dictæ tussis epidemicæ ingenti vi hominum cum suo magno periculo contigit.

Sanguinis itaque e brachio eduxi quantitatem moderatam: *Epispasticum* satis amplum ac forte posteriori cervici applicandum curavi, quo materiæ peccantis pars aliqua alio derivari possit. Posthæc *Catharticum* e lenioribus, infusionem scilicet *Senæ*, *Rhei*, cum *Manna*, & *Syrup. Rosaceo Solutivo* quotidie exhibui, donec vel prorsus convalesceret æger, vel admodum imminuerentur symptomata. Vel, si potio minus ægro arrideret, *Pilul. Coch. Majoran. scrupuli ij.* quotidie devorandos imperavi; hora scilicet quinta matutina superdormiendo.

Hac etiam methodo, phlebotomia scilicet & repetita catharsis, eaque sola expugnatur *Tussis Puerorum Convulsiva*; malum alias pertinacissimum & pene insuperabile. Alii quid valeant hic præstare plane nescio, me in variis atque omnis fere generis remediis operam non semel perdidisse satis scio. Sed leniora tantum cathartica hic conveniunt, eaque cochleatim sunt ingerenda pro ratione ætatis. Quæ quidem *Sydenham opera Medica.*

κατ' ἄνγκαν evacuatio eo nomine, ut arbitror, dictæ tussi medetur, quod scilicet, licet non multum humoris serosi in pulmonibus inveniatur, fervidiores tamen & spirituosus halitus e massa sanguinis in pulmones statis temporibus transmissi atrociores illos tussendi paroxysmos in tenellis excitent; horum autem in pulmones impetus haud alia methodo æque sisti posse videtur & præcaveri, atque hac qua motus priori contrarius (per viscera scilicet) morbi causæ conciliatur.

Verum in morbis *Epidemicis* cujuscunque demum generis sint, (si modo recens adhuc ægrum corripuerint) summopere cavendum, ne alvus ei ducatur, nisi misso prius sanguine. Qui enim morbi a constitutione aeris epidemica pendent, aut jam febres sunt, aut in earum classem levissima de causa transeunt; cum ex tumultu in sanguine, & humoribus a catharsi, vel lenissima excitato, & subsequente calore facile accendatur febris, quam alias natura propulsalet consuetis materiæ morbificæ evacuationibus; *gravedine* ex. gr. aut *Tussi* in hoc, de quo jam agimus, *Epidemico*, aut *Diarrhæa*, quoties febris cum illa faciens epidemice grassabatur. Idem potest dici de quacunque alia aeris constitutione, qua corpus ad certum aliquod febris genus determinatur; quæ quidem non semper actu invadit, sed benignioris naturæ ductu morbi fomes e sanguine, mediante evacuatione aliqua ejus genio accommodata, exturbatur. Hoc constanter assero, quantumlibet mos jam obtineat exhibendi cathartica ante celebratam venæ sectionem, vel quod adhuc est periculosius, ea penitus omiſsa. Licet enim objiciatur sæculentias in primis viis stibulantes toties in vacuas venas propelli, quoties detrahitur sanguis, alvo non prius subducta, certissimum tamen est evacuationem, quam isti præmitti volunt, nullo modo refarcire posse injuriam sanguini illatam a tumultuante cathartico phlebotomiæ præmissio. Atque negari non potest catharticum mox a dempro sanguine assumptum longe mitius vim suam exere, neque perinde sanguinem, vel calefacere, vel exagitare, atque idem solet si phlebotomiam præcedat. Neque paucos, ex infantibus maxime, vel ob ignoratam hanc rem, vel neglectam periisse existimo.

Atque hoc mihi suffragante experientia multiplici compertissimum est. *Experientia*, inquam, optima duce & magistra, ad cujus leges, & normam nisi exerceatur Medicina, eam prorsus exulare satius esset. Luditur enim, quod ajunt, de corio humano plus satis, cum hinc Empirici, neque morborum historiam, nec methodum medendi callentes, & receptis tantum freti, isthinc sciolorum vanissimi spem omnem in affectato artis ambitu, & speculationibus utrinque pari fere momento disceptatis ponentes, quasi junctis viribus majorem edunt stragem, quam ederent morbi eorum destituti auxilio. Ea demum praxis, eaque sola ægris mortalibus opem feret, quæ indicationes curativas ex ipsis morborum phænomenis elicit, dein firmat experientia: Quibus gradibus magnus *Hippocrates* ad cælum ascendit. Et si dicta methodo ars medica a quoquam traderetur, licet mobi unius aut alterius curatio cuilibet e vulgo possit innotescere, integra tamen ars, quaqua patet, homines prudentes, & peritos etiam magis exquireret, quam in statu hodierno, neque, vel minimum artis honori exinde decederet. Cum enim subtilitas longe accuratior in naturæ operationibus (in quarum observatione vera praxis medica fundatur) quam in arte aliqua, hypothesebus etiam luculentissimis suffulta, inveniatur, medendi ars, quam præcipit natura, rude vulgi ingenium longiori intervallo superabit, quam ista, quæ a Philosophia docetur. Fidem hic mihi facient *Febres*, quæ duas e tribus in medicina faciendæ partes occupant, & quemvis mihi arbitrum constituo, vel mediocriter cogitationibus, indulgere solitum, vera dicam necne. Quis enim, vel ex insulsiſsimis Empiricis est, qui se huic morbo curando imparem fatebitur, si id tantum agendum est, ut duabus istis indicationibus curativis, quæ vulgo obtinent, fiat satis? Nempe ut sudoriferorum ope exterminetur materia morbum

committens, & symptomatibus eatur obviam, quæ ejusmodi evacuationibus superveniunt. Certissimum enim est, *Theriaca Andromachi*, *Pulv. e chelis Cancr. comp. Aq. Epidem. &c.* intro assumptis, una cum regimine calidiori sudores posse propelli; quem sibi scopum unice proposuit in hujus morbi curatione, maxime si forte *Malignitatis* nomen auribus usurpaverit. Et ad mitiganda quod attinet symptomata, *Diacodium* in promptu est, quo somnus invitetur, quoties urgent vigilæ, *Enema* quoties alvus non respondeat, & sic de cæteris. At nec ipsius valet comprehendere suo Marte, nec e Medicorum præscriptis ediscere, quæ demum illa sit febris species, quam debellare satagit; si modo credimus (credent saltem forte posteris) varias dari febrium species, quarum singulæ suam sibi methodum medendi a reliquis diversam fere postulant; Unam insuper eandemque febrem, cujuscunque sit generis, uno modo ubi primum aggreditur, atque alio paululum diverso per singulos gradus quousque grassabitur, tractandam esse. Quo pacto indicationes curativas ab hoc vel illo phænomeno minus insigni mutuabitur, naturalem morbi historiam ignorans (quæ sola veram medendi rationem indigitare poterit) cum nequeat dijudicare, an hoc vel aliud phænomenon a curandi quam adhibet methodo, an ab ipso nascatur morbo? Dies deficeret enumerantem varia & subtiliora illa minutioraque, quæ in hoc atque in aliis morbis curandis observanda occurrunt; quæ cum tot sint & tanti momenti ad liberandos a morte homines, semper licebit posteris & seris nepotibus aliquid adjicere iis observationibus, quibus traditur varietas pene infinita operationum naturæ in morborum productione, & curativæ indicationes ex eo fonte depromendæ enumerantur. Non itaque vilescet ars, si quid hujusmodi lucem aspiciat, quin potius illustrabitur, & difficilior reddita nonnisi sapientes & subacti judicii viros in filiorum numerum cooptari sinet. Sed hæc obiter.

Tusses modo dictæ, si imperite tractarentur, *Febrem* accendere solebant ei haud absimilem, quæ Hyeme Anni 1675, adeo epidemice grassabatur, & cujus historiam tradidi *Seß. quinta Cap. quinto* libri de *Morbis Acutis*. Sed num febris hæc soboles tantum esset ac effectus tussis epidemicæ, eadem ipsa methodo febrem, felici semper cum successu, aggressus sum, quam in tussis curatione supra descripsi; nempe *Vena sectione*, *Epispastico* cervici appposito, & *Cathartico* deinde tribus aurotis exhibito. Quamlibet enim in tussi sine febre nullum præstinebatur tempus, quandiu æger purgandus esset (utpote quæ continuari deberet, ut supra notavi, donec vel prorsus convalesceret, vel admodum imminuerentur symptomata) in febre tamen, quæ a tussi pendebat, purgatio per tres dies instituta ei prorsus debellandæ par erat; quod in constitutione, de qua jam agimus, sæpiusculè observavi.

Hic autem notandum occurrit, licet hanc febrem, quando se primum exerebat, comitarentur defluxiones in pulmones molestissimæ; post mensem tamen unum vel alterum, cum colluvies ista seri sensim e sanguine eliminaretur, febris ejusdem plane indolis hinc inde sine tussi aliqua infestabat (non penitus deleta, sed manente adhuc in sanguine malæ crasis impressione) ac proinde haud diversam curationem ab ea, quam tussis comitabatur, sibi vendicabat.

Verum eodem, quem dixi, modo hæc febris se extendebat usque ad initium anni 1680. quo hæc conscripserim; quo tempore etiam cum anno surgente *Febres Intermittentes* modo dictæ apparere incipiebant. * Exinde vero ad initium usque anni 1685. quo *secundam* hanc nostram *Editionem* jam conficio, eandem adhuc perduravit. Etenim tametsi in hac urbe non adeo epidemice nunc temporis invadunt ac in quatuor primis annis, & mitiores etiam sunt; in aliis tamen locis, nunc his, nunc illis, non minus grassantur ac sæviunt. Atque etiamnum generalis constitutio intermittentibus producendis adeo favet, ut ad hunc usque diem affirmare possim, me ne unicam quidem febrem per hos dies vere *Continuam* vi-

disse unquam, nisi forte re male gesta in earum classem fuerit evecta, vel una esset *Intercurrentium* mihi dictarum, quod scilicet omni fere anno invaderent. Ita pertinaciter hæc constitutio hujusmodi intermittentibus conducit, cujus certe acies prius est retundenda quam *Continua depuratoria* mihi dictæ, epidemice grassari fuerit integrum. Etenim in intermittentium specie natura plus satis festinare videtur, & agendi vehementia justo citius tempora materiæ morbificæ subigendæ, mox etiam despumandæ, debita percurrere: Quod in depuratoria secus accidit, in qua non nisi post dies 13. vel 14. apparent signa materiæ febrilis tandem concoctæ, per sudores subinde, vel potius per *diarrhœam* paulo pleniorē, eliminandæ. (His rite perpenſis nullus dubito quin febres istæ *Depuratoria*, quæ annis 61. 62. 64. regnabant, quasi fæces fuerint *Intermittentium* quarundam, quæ ante id tempus per seriem annorum certam sæviissent, (quanto autem tempore hæc invaluisse haud equidem scio) Cum enim constitutio quæ ad intermittentes faciebat sævitiam suam deponens jam ferme exolevisset, febres quas postea parturiebat magis humorales erant ac terrea, unde non nisi lente ac pedetentim sanguinem depurare fategerit, quæ in primis constitutionis annis subtilioribus principiis innixæ, atque adeo intermittentium typo indutæ, celeri passu suis temporibus defungi solerent. Quod si res ita se habeat, verisimile mihi videtur, hanc febrem (*Depuratoriam* volo) postliminio reversuram quam primum præsens constitutio aliquantulum remiserit, eandemque serie quadam annorum permansuram, antequam *Pestis* eam exceperit. Per annos autem omnes, quotquot demum ii fuerint, quibus febris hæc grassabitur, *Intermittentes* etiam subinde se exerent, ac fortean nonnunquam pro brevi tempore epidemicæ evadent; quando scilicet manifesta aliqua aeris temperies ad id symbolum suum conferet. An huic febre *Cortex Peruvianus* æque medebitur ac nunc dierum febribus intermittentibus solet, non habeo certo dicere. At in *Peste* atque *Epidemicis Continuis*, quæ eandem ordine excipient, debellandis, non alios effectus ex ejus usu expectare licet, quam eos, quos hodie in *Pleuritide*, *Peripneumonia*, *Angina*, ac id genus *Febribus inflammatoriis* videmus, quibus non tantum non prodest, sed & plane obest. Sed utut id fuerit, eo quem diximus modo in posterum epidemicorum alii alios excipient, siquidem natura eundem ordinem, ac per 24. annos ultimo præterlapsos, observaverit.

Atque hæc fere sunt omnia, Vir plurimum honorande, quæ de morbis epidemicis annorum nuperime elapsorum observavi. In *Rheumatismi* vero curatione (nam & de illo etiam morbo quærebas) sæpenumero mihi subiit tecum dolere, quod non nisi ingenti sanguinis vi repetitis venæ sectionibus educta, ea possit perfici; unde non tantum agri vires pro tempore franguntur, sed si paulo fuerit natura debilior, aliis etiam morbis ad annos aliquot obnoxior fere redditur; cum post illos elapsos materia rheumatismum prius committens jam in pulmones duepluat, ægro scilicet frigore perculso, vel alia aliqua *apoplexia* leviori diathesis latens in sanguine jam foras in actum protrudatur. His de causis experiri statui, an nulla alia methodus daretur a reiterata toties phlebotomia diversa, qua hic morbus possit debellari. Serio itaque perpendens, quod affectus iste (ut jam pridem in *Acutorum Historia* subinnui) ab inflammatione videatur oriri, quod tum cætera arguunt phænomena, tum præsertim sanguinis e pertusa vena color, utpote qui *Pleuriticorum* sanguini per omnia similis est; tandem vero simile esse judicabam morbum hunc diætâ simplici, admodum refrigerante, & mediocriter nutriente, ægro imperata, æque feliciter atque repetitis venæ sectionibus profligari posset; etiam evitatis, quæ alteri methodo adjungebantur; incommodis; neque me fefellit *Dieta e sero lactis* phlebotomiæ loco substituta.

Prægressa æstate Pharmacopola mihi in vicinia nomine *Malthus* (vir probus, & ingenio non vulgari) me accersabat. Rheumatismo autem misere cruciabatur his symptomatis stipato. Coxendice primo ad bidentium claudicabat, exinde pulmones dolore tentabantur gravativo cum dyspnœa, quæ post aliud ferme bidentium evanescebat; dein ca-

put ve-

* Anni 1680. 81. 82. 83. 84.

put vehementer cœpit dolere, mox etiam coxendix dextri lateris, quæ omnium primo laborabat; posteaque, pro morbi indole, omnes fere tam brachiorum quam crurum articuli per vices molestantur. Cum debiliore esset & sicco corporis habitu, veritus ne minus firmas jandiu vires & labefcentes dempto copiosius sanguine prorsus exsolverem (maxime cum ætas eo usque adoleverit, ut jam metus esset, ne superveniens hyems redintegrandis viribus frequenti venæ sectione attritis intercederet) imperavi, ut solo lactis sero ad dies quatuor vinceretur æger, quibus elapsis, præter serum lactis pro victu ordinario panem simillagineum concessi loco prandii, semel nempe in die, donec penitus convalesceret.

Tenui hac diætâ contentus, ad dies octodecim perseverabat, nisi quod postremis eorum alium insuper panem pro cœna indulgerem. Serum autem e lactis libris octo domi paratum quotidie infumebat, quo satis bene nutriebatur. Post hos dies cum non amplius urgerent symptomata, & jam sub dio versaretur, carnes etiam permisi, pullorum scilicet elixorum, cæteraque εὐπεπτα. Tertio autem quoque die solo lactis sero victitabat, donec tandem pancreaticè valeret; incommodis quæ supra memoravi hac methodo elusis, quibus decimo abhinc anno pessime excipiebatur, venæ sectione ex meo præscripto in curationis subsidium tunc adhibita ac sæpe repetita.

Si quis hanc methodum tanquam rudiorē & artis laude carentem contempserit, sciat is velim, primo leviora tantum ingenia res quaslibet vilipendere, quod simplices fuerint & apertæ, dein me, vel imminutæ existimationis pretio, publico hominum bono inservire paratissimum. Quibus edico quod nisi obstarent præjudicia vulgi, nullus dubitare methodum jam dictam aliis etiam morbis, quorum impræsentiarum nomen reticere libet, accommodare. Quod sane magis ægris prodesset, quam solemnior illa remedium pompa, quæ in jam moribundis, tanquam bestiis, ut mox immolentur, coronatis, male collocatur.

Quod vero etiam ista, quæ pro vilissimis habentur, & nullius sunt pretii, accedente ea, quæ in Medico quæritur, solertia, & ἀρχινοία hominibus ab orci faucibus liberandis queant inservire, exemplo docebo: quod licet ad morbum, de quo jam agimus, nihil pertineat, non tamen prorsus est ἀποσδώνυσον, nec ab eo quem mihi proposui scopo alienum. Duobus abhinc mensibus quidam in vicinia me rogabat, ut servum inviserem, qui haud modicam Mercurii Sublimati corrosivi quantitatem deglutiverat, sive, ut postea audiui, ex amore μελαγχολῶν. Hora fere elapsa erat, a qua venenum hauserat, cum ad eum accederem, jamque os & labia valde intumescabant, vehementer ægrotabat, ardente ventriculi dolore, caloreque tantum non confectus: Ego tres Aquæ tepidæ congios repetitis haustibus summa qua potui celeritate & diligentia ebibendos imperavi; atque ut toties nova ingereretur copia, quoties ventriculus jam ingestam per vomitum ejecerat: volui etiam ut eluerentur intestina, aqua tepida sine ullo additamento copiose per sedem injecta, ubi primum ventris tormina admonerent venenum jam per inferiora exitum querere. Paruit miser, jam vitæ avidus, & plures etiam aquæ libras, quam præscriperim, absorpsit. Amici, qui ægro, utpote in casu insolito, assiderent, ab eo didicerunt, quas primum evomuit aquas gustu perquam acres fuisse, sale scilicet venenato plenius exsaturatas; singulis autem vicibus rejectas aliquam semper acredinis partem amittere, donec tandem nihil prorsus saperent. Quæ mox urgebant tormina, sola aqua injecta ad modum Enematis leniebantur. Hoc tam nullo rerum apparatu, benediciente Numine, intra paucas horas convaleuit æger, nisi quod labia non statim detumescerent, ore etiam a veneni particulis, quæ aquam, quam evomuerat penitus infecerant, adhuc exulcerato. Quæ symptomata Diætâ a lacte solo ad quatrimum adhibita mox evanuerunt. Aquam Olea (quod hic una cum opere ignari solent perdere) atque aliis omnibus liquoribus ideo prætuli, quod cum ea magis esuriret, exinde magis idonea mihi videretur devorandis salinis hujus veneni particulis, quam alius quilibet liquor, qui vel cras-

Sydenham opera Medica.

sior esset, vel particulis alieni corporis jandiu prægnantior.

Sed ut ad Rheumatismum revertar. Utut e sero lactis diætâ conveniat juvenibus, atque iis, qui temperate & cum consilio vixerunt; tamen inconsultum fuerit virilem ætatem prætergressos, vel vino ac aliis liquoribus spirituosus jam a longo tempore plus æquo addictos hac methodo tractare; utpote quæ in hujusmodi hominibus ventriculum labefactet, & pariter præinstituto frigore sanguini inducto viam sternat ad Hydropem. In hoc igitur casu omnino par est, ut eo fere modo, quem Libri nostri de Morb. Acut. Sect. VI. Cap. V. tradidi, curetur æger: Tamen ex quo eum scripsi, experientia didicerim, satius esse post secundam vel ad plurimum post tertiam venæ sectionem Cathartica sæpe sæpius exhibere atque repetere, donec symptomata omnia penitus cessaverint, quam Phlebotomiæ rem totam committere. Etenim ob Catharsin suppetias ad averruncandum morbum Phlebotomiæ ferentem, citra ingentem istam sanguinis jacturam subsistere fas erit: atque porro locus relinquatur Paregoricis, a quibus alias, utut sæviret dolor, ægro temperandum esset, cum illorum usu figatur morbus, neque tam facile venæ sectioni cedat. Purgativa vero ista e Lenitivis solum consistant, ut Tamarindis, Senna, Rheo, Manna & Syr. Ros. Sol. cum alia, quæ ex Scammonio, Zalapio &c. parantur, tumultum cieant & dolorem exasperent. At singulis vespertinis post peractam Catharsin Syr. de meconio ℥j. aliquantulum temporis, quam id fieri solet, propinetur.

Hic autem commemorare libet, me per constitutionem instantem observasse affectum quendam modo Rheumatismum æmulantem, modo etiam a Nephritico dolore, quoad sævissimum lumborum cruciatum non multum abludentem, qui cum febres intermittentes excipere soleret, translationi materiæ febrilis in musculosas corporis partes originem suam debebat. Hoc symptoma haud diversam medendi methodum postulabat ab illa, quam morbus ipse, cui adhæret, febris nempe intermittens, sibi vendicabat; cum a frequenti Phlebotomia & quibuscunque aliis evacuationibus exasperetur illud, atque æger in vitæ discrimen conjiceretur. Quod ut nemini imponat, id attingere volui.

Atque hæc sunt, Spectatissime Vir, quæ in his affectibus, de quibus sciscitari libuit, sedula observatione habeo comperta: quæ si aut tibi placuerint, aut profuerint aliis, mihi cedent ex animi sententia; me saltem pro tenuitate mea debitum tuæ claritati observantiæ specimen exhibere conatum mihi serio gratulabor.

Tibi semper Addictissimus,
THO. SYDENHAM.

~~~~~

Hætenus vidimus Clarissimum Authorem nostrum Constitutiones Epidemicas Londinenses Annor. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. imo ex parte usque ad annum 1685. magna cura describentem. Utinam alii plures eidem studio incubuissent! Historia morborum sic minus manca foret, & iisdem recurrentibus constitutionibus in subsequentibus annis, apertior, ac multo facilius daretur via ad morborum per ea tempora vigentium medelam. Verum pauci admodum diligentioris observationis negotium, non parum sane difficile, in se suscipere dignati sunt; inter quos si insigniores aliquot seligeremus, atque hic insertos traderemus, ut sic aliquatenus plenior fieret Constitutionum Epidemicarum Historia, Docto Lectori perutile quid nos faturos opinati sumus. Sunt autem Praclarissimi illi Observatores, quos in Scenam jam producimus, Bernardinus Ramazzini; Lucas Schrochius; Michael Bernardus Valentinus; Johann. Jacob. Hæderus; Gustavus Casimirus Gahrlied; Conradus Bertholdus Behrens; Rudolphus Jacobus Camerarius; Ambrosius Stegmannus; & Medici Uratislavienses.



## BERNARDINI RAMAZZINI

*in Mutinensi Lyceo Medicinae Professoris*DISSERTATIONES TRES  
DE CONSTITUTIONIBUSAnnorum 1690. 1691. 1692. 1693. 1694.  
in Mutinensi Civitate & illius  
Ditione.*Dissertatio Prima.*

## DE CONSTITUTIONE Anni 1690.

**S**olemnis Astrologorum, quos Judiciarios appellant, fere ubique est consuetudo, ut cum annus extremo senio confectus est, & ad sui finem properat, illico successuri anni genesim in antecessum describant, & ex astrorum positu illius indolem, genium, mores, num salubris, an insalubris, num frugifer, an sterilis futurus sit, suas Ephemerides, evulgando prænuncient. Contraria quidem, sed tutiori methodo mihi visum est incedere, siquidem anni jam exacti naturam, ac temperiem, qui morbi grassati fuerint, quæ remedia praxis salutaria deprehenderit; quæ noxia, compendiose enarrare constitui, quod institutum posthac singulis annis prosequi mihi in animo est, donec Operis filum abrumpat

*— Mors ultima linea rerum.*

Id autem ingenuis professoribus nec injucundum, nec praxi prorsus inutile futurum credidi, quando ars Medica solis observationibus ortum suum, ac progressum debet, majorem quoque in dies habitura, si ea quæ in morborum curationibus nova, & insolita quotidie accidunt, accuratius observarentur. Erit tamen, non secus ac in Astrologorum Ephemeridibus, hic quoque divinationi locus; non enim ea solum quæ hoc anno apud nostrates acciderint, referre satis duxi, sed pensum meum existimavi, ulterius causas disquirere, undenam tam copiosa morborum seges in agris nostris prodierit, ac si non philosophari, saltem divinare, quem exitum habitura sit hæc epidemica affectio. In rebus autem abstrusis, & alta caligine involutis vaticinari quoque humanam imbecillitatem pudere non debet, multoque minus in arte Medica, quando ipse Divinus Præceptor tradidit, *Medicinam, & Varicationem esse valde cognatas, cum ambarum Artium unus sit Apollo Progenitor.*

II. Exacte perdiscendam *Temporum Constitutionem* & *quenque morbum*, & *qui morbus sit bonus*, & *qui periculosus*, aut in *Constitutione* aut in *morbo*, verba sunt, immo Oraculum Hippocratis in libro de diebus Judicatoriis; nam ut ibidem ait, *Plerunque Hominis Natura Universi potestatem non superat.* Nomine autem Universi procul dubio divinus senex aeris potestatem nobis designavit, ex cujus vitio omnes fere epidemiales affectus ortum ducunt. Plurimum autem momenti, tum ad prænoscentes futuros morbos, tum ad eosdem profligandos, & rectam victus rationem instituendam, quæ a morbis vulgaribus optima præservatrix dicitur, plurimum inquam momenti habere, non solum præsentem temporum constitutionem, sed etiam antea actas diligenter observare; nemo non videt, cum ex iis, tanquam ex sua radice variæ, & insolentes aeris alterationes progerminent, quæ modo hanc, modo illam morbi popularis speciem quandoque inferant. Antequam ergo epidemici affectus, qui colonos nostros, & Cispadanæ Regionis humiliorem partem afflixit, descriptionem aggrediar, operæ pretium duxi, prægressas constitutiones paulum perpendere.

III. Quatuor, aut quinque annos non vulgaris siccitatis in tota pene Italia præcessisse jam satis constat, quo tempore uberrimus fuit frugum omnium provenus, & satis prospera valetudine in universum vii concessum fuit; adeo verum deprehensum est vulgatum illud, quod *in siccitatibus omnia sint salubriora.* Anno vero huic præcedenti circa Vernale Æquinoctium ingentes pluviae cecidere, quæ identidem repetentes totum Veris tempus horridum, & ignavum reddidere.

Æstas subsecuta, & ipsa fuit magna ex parte pluviosa, Circa Solstitium signa rubiginis in frugibus observari cœpta, quæ rubigo sensim augetur triticeam segetem maxime corripuit, frumenti culmos usque ad aristam maculis veluti sanguineis adspersens. Eadem pestis fabas quoque, ac reliqua legumina obsedit, adeo ut spem præconceptam de anni fertilitate pauci dies eluserint; solabatur tamen annorum antecedentium felix ubertas, ut venturis temporibus provisa sufficerent. Sub initium Septembris, ac multo magis sub Æquinoctium ipsum largiores pluviae delapsæ, quæ per totum Octobris mensem perseverarunt, ut flumina immensam aquarum vim intra suos aggeres non nisi improbo labore continuerint. Postremi duo menses fere impluvii fuerunt, & annum 1689. satis placide clausere. In prædictis constitutionibus non nisi morbi Sporadici observati sunt, nec multa funera annum infestarunt.

IV. Ineunte autem anno 1690. (quem rubigalis lues, fruges & quodcunque fructuum genus depascendo, & febrium Ilias primo rusticanam gentem, mox urbanam quoque corripiendo, nefastum reddidere) constitutio pluvialis postliminio, sed gravior recurrens, ac fere continua, omnium animos obnubilavit. Sic hyemem humidam, nimbosam cum exiguo frigore, nivibus vix delapsis illico tabescentibus ægre transigimus. Martius mensis porro sine pluviiis præter morem, & magna aeris tranquillitate usque ad Æquinoctium exactus animos erexerat, cum Cælum denuo omnes, quas in sinu suo contineret aquas, visum est super nos effudisse. Unius Nyctemeris spatio aquis oppleta sunt omnia, ut hæc Civitas Insulæ specimen præferret. Horret animus agricolarum calamitates in hac magna eluvione referre, qui

*Ducebant remos illic ubi nuper ararant.*

Neque id solum visum est in Mutinensi agro, sed etiam in Finalensi, Mirandulano, & Ferrariensi, qui situs pars olim fuit antiquæ Vallis Padusæ, in quam omnia flumina ex Apennino descendunt a Placentina Urbe usque ad Adriaticum Mare, Strabone teste, exonerabantur, antequam structis aggeribus Padum subire cogerentur; quare in his locis ad longum tempus stagnarunt aquæ, non admittente Pado ad satietatem pleno, non solum circumjacentes aquas, sed per Scultennam, & Gabellum proprias aquas in agros nostros eructante. Perstitit deinde eadem pluviosa constitutio non solum toto Veris tempore, sed per totam fere Æstatem, ut nulla pene dies sine pluvia visa fuerit. Hinc factum, quod una cum pluviiis flante ut plurimum Borea, nulla unquam Æstas nostro in hoc climate extiterit, in qua remissior fuerit caliditas, ut patuit ex Thermometris, unde nunquam serior fuit frugum maturitas, messe Julio mense peracta. In Barometris quoque observatum est multo elatiorem quam alias fuisse Mercurium, aere crasso, & nebuloso existente, cicadæ hoc anno ut plurimum aphonæ observatæ sunt, illarum loco per totam fere Æstatem coaxantibus ranis; sic pro Vere hyemem, & pro Æstate Ver forriti fuimus.

V. Nullus annus in his Regionibus pisculentior unquam fuit, quare cum pisces ubique pretio vilissimo prostrarent, plebs urbana hoc alimenti genere familiariter usa est, multoque magis plebs agrestis, quæ facili negotio propriis in agris, & in ipsis laribus pisces captabat. *Neptuno pro Cerere victum subministrante*, ut de Ichthyophagis scripsit Diodorus Siculus, donec super cibo isto levissimo nauseante rusticano stomacho, sicut olim gens Hebræa in deserto, allia, & cœpas appeterent. Ab amico mercatore fide digno, qui Mantuanum agrum hisce temporibus peragravit, ut fericum emeret, accepi, rusticos illos ægrotis suis febriçantibus, & nauseabundis allia, & cœpas coctas pro ferculo præbuisse, quod cum in aliquibus feliciter cessisset, passim exinde hoc remedii genus, tanquam elixir proprietatis, quo mirifice recreabantur, valde ex usu fuit.

VI. Sub initium Junii denuo, sicut anno ante acto, apparere signa rubiginis. Vim rubigalis morbi prima persensit Morus, nec illi quiquam profuit ipsius prudentia, cujus symbolum in censu plantarum audit. Mox eadem rubigo, pessimus omnium frugum morbus, & paulatim augetur frumenta, & omnia legumina, sed præsertim fabas, occupavit, neque solum in locis humilibus,



ribus, ubi computruerant aquæ, sed etiam in editioribus, ut supra viam Æmiliam, & in ipsis Collibus. Luctuosum sane, ac deplorandum spectaculum omnium oculis fuit, campos circumquaque non virentes, sed attratos, & fuliginosos intueri; sicut enim anno huic præcedenti hæc lues rubro colore fruges infecerat, ita hoc anno, *non Creta, sed Carbone notando*, eandem magna atredine respererat. Sic frumentatio pessum ivit, frumento partim a rubigine absumpto, partim ob aquarum colluviem in lolium converso. Sed neque plantarum fructibus, qui Æstatis principio, vel sub Opora maturescunt, pestis hæc perpercit. Nunquam in tota Æstensi ditione uvarum, sicuti rerum omnium maxime feracæ, parciore fuit vindemia, botris ab eadem peste paulatim exesis. Nucibus tantum, quarum præter morem ante actis annis magna penuria fuerat, hæc rubigalis lues non nocuit. At neque hortensis familia vim hujus morbi cuncta depascentis effugit, nam olera fere omnia sydereo veluti afflatu ustulata sunt; adjecta quoque altera clades, nam erucæ, & bruchi hortos omnes depopulati sunt, nudis stolonibus relictis. Melonum, sicuti & reliquorum fructuum, magna fatuitas, ut & ipsa animalia illorum esum quandoque respuerent.

VII. Vix risum forsan tenebit aliquis, quod res tam minutas adeo curiose persequar; at is sciat, quod magnarum calamitatum non raro exigua sunt signa, &  
*Sape exiguis inus*

*Augurium tibi triste dabit.*

Quemadmodum in re nautica ex levi nebula magna tempestatis signa captantur; ita & in re Medica ab exilibus indiciis magni morbi impendentes non raro prævidentur, quare Hippocrates: *Nihil negligere*. Sic non immerito Cleombrotus apud Plutarchum, Demetrium dicentem, ridiculum esse ex rebus minutis de grandibus facere indicium, arguebat his verbis: *Artem Medicam pestilentem æstatem ex aranearum frequentia prænunciare, atque ex foliis ficulneis, quando Vere Cornices pedem referunt, quis constabitur qui res pusillas statuat vestigia non esse magnarum.*

VIII. Pluviosam constitutionem quæ ab anni principio usque ad totum Julii mensem obstinate perstiterat, magna postmodum siccitas per duos fere integros menses excepit; hujusmodi tamen siccitatem non multa caliditas comitata est, & qualis cæteris annis apud nos perferri solet, præsertim cum *Procyon furit*,

*Sole dies referente sicco.*

Post æquinoctium vero cœperunt denuo apparere pluviae, ad quarum primum aspectum nemo non expavit, fuere tamen valde moderatæ, & quantum sufficerent ad terram strigiosam, ac veluti saxeam ob prægressam siccitatem emolliendam, adeo ut colonorum votis pro desiderata frumenti satiatione responderit. Ultimi duo menses, sicuti priori anno cum perpetua fere serenitate, & modico frigore quantum prima pars hyemis postulabat, anni cursum absolverunt.

IX. Hæc itaque fuit hujus anni constitutio, omnium non solum vegetabilium, sed etiam animantium naturæ, ut modo videbimus, valde infesta. Quamvis ergo hyems adeo intempestiva fuerit, nihil tamen contigisse scio, quod ad Medicam lancem trutinari debeat, neque id mirum, nam tunc temporis cudebantur morbi suo tempore, & loco erupturi. Epidemicos affectus, non præsentium constitutionum, sed præcedentium esse productum, & sobolem scite annotarunt Montanus, & Vallesius, duo clarissima Medicinæ lumina, idque apertis verbis ipse quoque Hippocrates asseruit: *Cum fieret autem*, inquit ille, *totus annus humidus, & frigidus, & Borealis, per hyemem quidem salubriter debebant maxima ex parte, ante Ver autem multi quidem debebant morbi.* Succedente itaque Verno tempore, ac circa medium Aprilis mensem magna febrium seges in Mutinensi agro intra viam Æmiliam, aliisque proximis locis, ubi diu stagnarant aquæ, ex improvviso caput extulit. Tertianæ omnes intermittentes ab initio fuerunt, & neminem novi, qui in principio hujus epidemici affectus alio febris genere tentatus fuerit. Indiscriminatim rusticoræ omnes, cujuscunque sexus, ætatis, temperamenti, vitæ generis corripiebantur, cum magno horrore, frigore, & tremore, interdum quoque vomitione accedebant hæc febres; copiosi quidem sudores in principio hujus epidemici affectus ipsas comitabantur, qui postea in morbi progressu remittebant; pauci integre judicati sunt, sed omnes fere, qui evasisse videbantur, ex-

*Sydenham opera Medica.*

perti sunt recidivas; neminem tamen hujusmodi febrium genus, licet tam populariter grassatæ fuerint, quod sciam, sustulit. Multoties accidit, ut cum in die intermissionis celebraretur phlebotomia, eadem die febris corripere, & de simplici tertiana duplex fieret. Nec id solum ruti observatum est, sed etiam in oppidis, & in hac civitate, cum eodem tempore oppidani quoque & plebs urbana iisdem tertianis febribus intermittentibus exercebantur, sed longe inferiori numero, ac gens rusticana.

X. Perseverarunt itaque hujusmodi febres per totum Veris tempus cum ejusmodi typo, accedente vero Æstate, in duplices tertianas omnes conversæ, & quæ de novo accesserunt, hujusmodi typum servarunt. Duplici tertiana igitur omnes fere agricolæ eodem tempore laborarunt, quæ quidem ut plurimum intermittens erat, sed valde protracta, ut paucae horæ pro apyrexia numerarentur. Vespere ut plurimum exacerbabantur, illas stipante magno symptomatum satellitio, veluti vomitione, anxietate, capitis dolore, vertigine, in nonnullis stupiditate, in aliis mentis emotione; quod autem non raro mihi observatum est, magna erat virium nocturna prostratio, ac interdum cum asphyxia, ut proximi Silicernio viderentur, mane cuncta hæc remittebant oriente Sole, ad cujus matutinos radios, e lectulis exurgentes se exponebant, ac vitales spiritus ex inexhausto illo luminis, & caloris fonte veluti potabant. Cum hoc anno curiosius rusticatione, quamvis parum tuta, oblectatus fuero, non semel admiratus sum, quo modo ægri, qui tota nocte cum morte luctabant, mane sub porticibus, velut angues ad solem cutem curantes, erecti starent, ac tantum virium iis superfuisset, ut campos etiam peragrarent; perstitit tamen in omnibus satis commoda cibi appetentia, quin per sæpe non paucos audiivi de nimis parca alimonia conquerentes, ac revera hujusmodi febres, quantum observare licuit, fuere magis famelicæ, quam siticulosæ.

XI. Verminatio nunquam alias major fuit, nec solum in pueris, sed etiam in provectioris ætatis hominibus. Memini me vidisse rusticum quendam annorum circiter 40. sub porticu ad solem ex febris accessu rigentem, atque una valde singultientem, a quo cum sciscitatus essem, num vermes rejecisset, ac ille respondisset, se aliquot vermes inferius, ac superius dejecisse, singultum, a cujus molestia se potissimum liberari instabat, a vermibus stomachum laceffentibus fieri asserui; cum autem forte pulverem Chinæ Chinæ sibi a Medico forensi præscriptum in promptu haberet, permisi ut illum assumeret. Siluit pertinax singultus una cum febre, quæ tamen paucis post diebus rediit, sed sine tam molesto symptomate. Alias postea expertus sum hujusmodi remedii genus in lumbicis puerorum enecandis, quod mihi feliciter cessit.

XII. Sanguis, qui in hac constitutione secta vena educabatur, ut plurimum crassus, & subpallidus apparuit; in nonnullis etiam Icterodes observabatur, quamvis exterius in corpore similis color non floreret. Alvi excrementa in omnibus fere febricitantibus crassa erant, & compacta, Quæ per os rejiciebantur, subacida potius erant, quam amara. Urinæ ut plurimum crassæ, ac turbidæ multumque lateritii sedimenti habentes reddebantur, ac per sæpe in febribus, in quibus nulla erat cacoethiæ suspicio; hypochondria in omnibus dura, ac distenta.

XIII. Quibusdam, postquam illos hujusmodi tertianæ febres diu exercuissent, apparere parotides, quæ ut plurimum suppurabant; at neque hoc pacto contumacissimæ febres summovebantur. Curavi mulierem utero gerentem, quæ, cum per integrum Septembris mensem febricitasset, oborta parotide, ac feliciter suppurata, & ad longum tempus perpurgata, nondum tamen, cum jam anni finis imminet, a febre immunis est; adeo contumax, ac pene indomabilis erat fomes, cui hærebant hæc febres. Cæterum nunquam visæ contumaciore febres ad recidivandum magis pronæ, & quæ magis Medicorum industriam eluderent; siquidem nec repetitæ phlebotomiæ, nec purgationes, nec mille alexipharmaca, quæ pleno gutture tanquam manus Deorum Receptariorum Chorus adeo celebrat, quicquam profuere. Immo observatum, citius ac tutius restitutos, quibus nec sanguis ductus, nec purgantia exhibita, nec ullum aliud remedii genus administratum, toto salutis negotio naturæ morborum medicatrici commisso. Felicius tamen cessit, quibus purgationes, & vomitiones præscriptæ, quam quibus pluries secta est vena; ii nanque in deterius semper labebantur. Vidi pauperem agricolam a duplici



tertiana ad longum tempus conflictatum, & jam in magno discrimine versantem, cui nec detractus fuerat sanguis, nec ullum aliud remedii genus adhibitum, solo vini generosi potu, meo consilio propinati feliciter convaluisset; sic multos alios novi hoc solo cardiaco restitutos, aquæ usu, ac cæteris remediis ablegatis.

XIV. Cum autem hujusmodi tertianæ febres non solum colonos, sed etiam oppidorum majorum, & Urbium incolas, si non tam populariter, saltem eadem contumacia fatigarent, ac usu potius remediorum exasperarentur, quam mitescerent, mihi visum est hoc anno apud nos contigisse id quod apud Plutarchum legimus in libro de Oraculorum defectu, quod nempe in hac constitutione, quædam Medicæ artis Oracula obmutuerint, dum causam ignorarent, quare præconceptæ opinioni de magna medicamentorum supra morbos quoscunque potestate tertianæ febres intermittentes, ut plurimum citra malignitatis suspicionem, minime auscultarent; quare locum habuit Virgilianum illud,

— cessere Magistri,

*Phillyrides Chiron, Amptoniisque Melampus.*

XV. Major itaque pars medentium apud nostrates, ut vulgi calumniis, & assiduis ægrorum querimoniis se subducerent, in hac tempestate ad Peruviani corticis sacram anchoram confugere, at parum prospere; nam in periculosiores scopulos ægrotantes suos persepe deduxere. Ufu febrifugi per aliquot dies equidem subdolo cinere latebat ignis, verum postliminio violentior recandescibat. Qui tamen peritiores erant, ac rebus ægrotantium magis, quam propriæ ambitioni consultum volebant, *Nabant sine Cortice.*

XVI. Hoc itaque tenore processit febrilis acies per totam Æstatem, ac totum Autumnum, rura, & oppida infestando, frustra *Quartanam sperantibus agris*, & intervallum aliquod a quotidianis paroxysmis expectantibus; nam pauci hoc anno visi sunt quartanarii; sicuti nec observare contigit synochas ullas, vel febres ardentes, sed solum tertianas, quæ quidem sub finem Autumni, & prima parte Hyemis rariores fuerunt, sed graviores, intermittentes quidem in principio, sed quæ tandem in continuas, & lentas migrarent, ut plurimum cum solita periodo circa vespertas agris horrescentibus.

XVII. Febrili huic exercitui, qui stativa castra posuerat inter Padum, & viam Æmiliam, quam transgredi ausus non est (cum in toto illo tractu, qui colles, & hanc viam interjacet, inculcata valetudine, & secura rusticatione uti concessum fuerit) multi alii morbi junxere se comites, qui sporadice vagantes multas prædas agebant ut alvi profluvia, Icteri, Apoplexiæ, Hydropes, Catarrhi præfocativi, alique affectus. Qui dysenteria hoc anno laborarunt citius, ac felicius evasere, quam qui diarrhœa.

XVIII. Vim hujus constitutionis viri robustiores, & adulti facilius tolerarunt, minus fœminæ, ac pueri, quorum qui infra trimatum erant, fere omnes perire. In solo Finalis oppido plus quam tercentum pueros referunt extinctos, ut ex ejusdem oppidi Necrologio constat. Magna quoque fuit infantilis strages in Mirandulano agro, & Novellariensi. Ad dies aliquot febriles paroxysmos tolerabant, postmodum fiebant Icterici, ac paulo post Epilepticis insultibus correpti occumbabant. Cæterum præ multitudine hominum decumbentium pauci sunt extincti, ac potius ex diuturnitate morbi, & frequentibus recidivis, quam ex febris vehementia succubuerunt; qui tamen fuere superstites magna ex parte facti sunt Icterici, Lienosi, & Cachectici.

XIX. Vim hujus male moratæ constitutionis experita quoque sunt cujuscunque generis animalia, quæ in magno numero interiere; sicut autem in eam quam describit Silius Italicus, quæ sicca fuit, & præservida, *Vim primi sensere Canes*, ita in hac frigida, & præhumida clades pecudum fuit, quibus, postquam per dies aliquot ægrotassent, veluti per crisin apparebant Variolæ in capite, & collo, ac plerunque ab iisdem excæcabantur; sic quæ ex vehementia morbi non perierant, tandem ex inedia contabescebant. Sues quoque turmatim suffocati moriebantur. Vidit etiam persepe infelix arator concidere

*Inter opus Tauros, medioque recumbere sulco.*

Nunquam parcius nobis mellificarunt apes, vel pro-

priis in sedibus extinctæ, vel alio migrantes; Bombyces quoque initio quidem catervatim peribant; qui vero superstites fuere in ipso opificio semianimes, & ignavi concidebant. Nimius essem si cuncta singillatim recensere vellem. Extispicium aliquod, pecudum præcipue, quarum major fuit strages, identidem celebrare, ac hariolari quænam esset talium morborum causa, non abs re fuisset, si per tempus licuisset.

XX. Scio non defuturos qui me coarguant, quod ad Veterinariam transgrediar; oblatrent quantum velint, quod talia observare Medicam artem profitenti indecorum nequaquam crediderim. Egit id Medicorum Maximus, quem non puduit scrutari, quare bobus facilius quam cæteris animalibus excidant femora, hæc autem sunt illius verba, nemini, quod sciam, observata; *Bobus tunc magis excidunt femora, cum tenuissimi existunt, sunt autem tenuissimi Boves ad finem hyemis. Tunc etiam maxime luxantur, sitamen, & hujusmodi quiddam in Medicina scribere convenit. Verum convenit utique.* Atqui si celebriores Anatomici tot sectiones, tot experimenta per mortes brutorum agunt, ut anatomiam in hoc genere comparatam, quam in Medicina desiderari dictum erat Sapientissimi Baconis, jam habeamus, cur non licebit quoque illorum morbosos affectus observare? Quin Medico Chirurgo licere interdum absque artis dedecore bestiis mederi ostendit Eruditissimus Vir Carolus Patinus in sua elegantissima Oratione in Archi-Lycæo Patavino anno 1682. habita.

XXI. Atque hæc sunt quæ in morbida hujus anni constitutione magna ex parte ipsemet observavi, & quæ ab ingenuis Professoribus, & fidis Amicis mihi communicata sunt, quæ quidem referre prout obveniant, non magni negotii est, at illorum causas rimari, ac in medium proferre, quæ Jatroscophorum, & eruditorum hominum palato sapiant, hoc opus; audendum tamen pro viribus, ac

— *Tentanda via est, qua me quoque possim Tollere humo* —

XXII. Communes morbos, quos populares, & epidemicos appellant a communibus causis progigni extrâ omnem controversiæ aleam est; Communes autem causæ sunt potissimum aer nobis circumfluit (aliunde tamen, sive ex superioribus, sive ex inferioribus infectus) communia alimenta mali succi, & aquæ corruptæ. Ex his omnibus, sed promptius ab aere, tanquam e communissimo fonte, e quo nemo non potare cogitur, morbos quosdam derivari, qui multos eodem tempore afficiant, omnium pariter est consensus. Ad hanc vero nostram ruralem epidemiam excitandam in unum convenisse & aerem vitiatum, & prava alimenta ingesta, fas est arbitrari. Primum quidem locum aeri a sua naturali temperie non solum secundum anni tempore recedenti, sed particulis humanæ naturæ incongruis ad satietatem pleno, concedendum putarim; secundum autem locum pravis alimentis, & aquis vitiatis. Quamvis autem de miasmate contagioso aliqua posset esse suspicio, dum uno in aliqua familia a febre correpto, cæteri paulo post ex eadem febre decumberent, id tamen potius in communem diathesim ad maturitatem eodem tempore evectam, non secus ac cum Autumno fructus eodem tempore maturescunt, referendum duxerim, quam in effluvium aliquod contagiosum, quod e primo ægrotante expirans cæteros afficeret.

XXIII. Quanti autem referat ad bonam valetudinem in aere puro, & fœdis exhalationibus maxime remoto degere, nemo non novit; nam sicuti pisces felicius degunt, ac esca salubrior sunt, si in aqua pura, ac sincera vivant, secus vero si in aqua fœda, & corrupta; ita homines feliciorem vitam, ac longævioram ducunt, si aer sincerus sit, secus autem si crassus, & nebulosus; Nec abs re vulgatum dictum illud, quod tales sint corporis nostri humores, ac spiritus, qualis sit aer; hinc iis in locis ubi aer tenuior est ac defæciatior, vividiora, & acutiora ingenia florere solent, ubi vero crassior, habetiora, ac stolidiora, quare Bœotii, & Batavi antiquitus male audiebant unde Horatius:

*Bœotum in crasso jurares aere natum.*

XXIV. Non vacat hic disquirere, quare ad vitam perennandam adeo necessarius sit aeris usus, quomodo in vascula pulmonum se insinuet, qui in massa sanguinea efficiat, dum illi permiscetur; circa id insudarunt doctissimi viri ac ultimo Etmullerus in elegantissima



tissima sua Dissertatione de abstruso respirationis negotio; solummodo circa illa examinanda immorabor, quæ insignem aeris mutationem inferre possunt, ac illum a sua naturali mediocritate deicere. Certum est enim, quod si aer respirationi idoneus esse debet, & consequenter ad vitalia munera, necesse est, ut quandam servet mediocritatem, ut neque supra modum crassus sit, nec nimis tenuis; nam si tenuior sit, ac rarior quam par est, respirationi inidoneus evadit, ut Machina Boyeliana satis evincit, ac testantur qui in editissimis montibus difficiliorem experti sunt respirationem, quam in imis vallibus, id annotante Thoma Cornelion; si vero crassior sit, & ad saturitatem vaporibus, & exhalationibus oppletus, ad respirationis munus obeundum minime aptus est, immo suffocationis periculum infert, ut ex eadem Machina Pneumatica patet; & metallorum fossores in fodinis sæpenumero experiuntur, qua de causa Hippocrates *Somnum in frigore cooperto*, ut ipse ait, commendabat, nimirum, ut Valesius, & Ballonius interpretantur, dormiendum esse in amplo conclavi, sed corpore stragulis bene conrecto; qua ratione facilius est anhelitus, nec a frigido aere partes sentientes pungente interturbatur somnus.

XXV. Notabiles autem in aere alterationes (non de iis loquor, quæ secundum naturæ leges, & varia anni tempora ex necessitate fiunt, sed de intempestivis) venti potissimum, & imbres copiosi efficiunt: Solares enim radii ob æqualem Solis ad nostrum verticem accessum aerem semper æqualiter calefacient, si is aliunde alterationem non susciperet. Haud secus terræ exhalationes, ex paludibus, & stagnis, seu nimis uliginoso solo eundem non raro contaminant. In nostro vero aerem a copiosis imbribus, & lutulenta constitutione vitiatum fuisse; existimandum est, sicuti etiam a ventis Borealis intempestivum redditum, qui cum Verno tempore, ac per totam fere Æstatem nunquam siluissent, Solarium radiorum vim hebetando, vaporum a leni calore elevatorum discussionem prohibuerint, & volatiles spiritus, quos in suo ad nostrum verticem accessu Sol quaquaversum diffundit, versus Australem plagam retro pulerint. Ex quo factum, ut iis in locis, ubi statariæ fuerant aquæ, aer circa Veris principium tepescens, multos vapores, & tetras exhalationes in sinu suo exceperit; aer vero sic pollutus, ac partibus volatilibus, quæ a Sole promanant, ulterius destitutus, dum intra corpora eorum, qui his in locis degebant, admitteretur, totius massæ sanguineæ crasin, & cæterorum fluidorum systasim naturalem pertutbarit.

XXVI. Reor itaque a naturali suæ dulcedinis, fluiditatis statu massam sanguineam descivisse, & crassiorem consistentiam, quam par est, acquisivisse; sicuti, & proportionem ablatam inter bilem, & succum Pancreaticum, illa quidem languidiori, hoc fortiori reddito. E Cælo potissimum volatiles spiritus in terram defluere, e terra vero, utpote succis mineralibus repleta, continuo acidas particulas sursum efferri, ingeniosum est clarissimi Sylvii excogitatum, sed rationibus, & experimentis confirmatum. Quare cum in hujus anni pluviosa, & frigida constitutione aer partium volatilium, & spirituosarum magna penuria laboraret, aliaque ex parte acidis particulis e terra lutulenta, ac veluti fermentata elevatis maxime abundaret, mirum non est, si postmodum intra vitæ hospitium exceptus talem diathesim induxerit, e qua tam magna febrium propagatio emanavit. Acidam vero dyscrasiam potius, quam biliosam, & alchalinam in universum prævaluisse, duo potissimum evincunt; primum, quod hoc anno in tam ampla febrium segete nullam synochum, nullam febrem ardentem observare contigerit; alterum, quod hujusmodi febres, ut plurimum, veluti superius annotavimus, potius famelicæ fuerint, quam siticulosæ.

Nec miretur quispiam, quod tertianæ febris naturam ex prædominio acidæ mineræ potius deducam, quam alchalinæ, qualis censetur biliosus humor; nam ex quam materia, quæso, in hac constitutione tam horrida, procellosa, ac media Æstate frigida, post usum ciborum pituitosi succi, ex quam materia, inquam, tanta bilis copia gigni debuit, quæ sufficeret ad procreandam tam numerosam febrium sobolem, ac illam tandiu alendam? Nec desunt Professores celeberrimi, qui ab hoc non multum dissentiunt, inter quos

*Sydenham opera Medica.*

Etmullerus, qui pro causa proxima tertianæ febris intermittens statuit fermentum salino acidum, in legitimis quidem magis volatile, & activum, minus autem volatile, & subjecto viscido irretitum in nothis.

XXVII. Præter aeris malam constitutionem, tanquam hujus epidemici affectus communissimam causam, aliæ quoque, nec parvi momenti in idem conspirant, scilicet ut humores ad acidam dyscrasiam disponerent; nimirum prava alimenta ingesta, ut fructus horrei a rubigali lue vitati, nimia piscium ingurgitatio, edulii genus nostris agricolis insolens, in quorum stomacho cibus fortioribus assueto facile putrescebat, hoc est facile acefcebat, cum nullo evidentiori signo putrescentia se prodaret, quam per acorem; his addi possunt puteales aquæ ex nimia illuvione cœnosæ, & semiputridæ, ac denique Boreales venti, qui acidi nitrosi Promuscondus appellantur. Ex his itaque communibus causis, seu fontibus, harum febrium originem probabilius, quam a quacunque alia deduxerim; neque enim ad cœlestes influxus recurrendum, quasi astra maligniori lumine rusticanam gentem potius, quam urbanam, veluti innocentiores aspicerent, cum præter id, improbable sit, quod cœlestes influxus tam arcto spatio potuerint circumscribi, sicuti neque subterraneæ exhalationes culpari poterant, cum terræ motus nullus præcesserit, neque in hac nostra magna planitie Cispadana, & Transpadana extent antra, & terræ hiatus charonei, e quibus perniciofa effluvia possent erumpere, & aerem inquinare.

XXVIII. Quod spectat ad causam internam, quam conjunctam appellant, hæc non nisi crassam, & viscidam pituitam, cui acidum fermentum hæreret, referenda erat, vel stabulantem in stomacho, ut placeat Etmullero, vel ductus laterales Pancreatis obstruentem, ut statuit Sylvius, quæ materia in venas transfusa, & partibus spirituosis sanguinis permixta, febrilem effervescentiam excitaret; ut ut enim cruoris massa effœta sit, & vapida, semper tamen aliquid oleosi, & sulphurei continet, quod ad flammulam vitalem alendam sufficiat. Focus itaque febrilis hospitabatur extra vasa sanguinea, quemadmodum in febribus omnibus periodicis, cum alioquin perdifficile sit intermittentes febres ab iis quæ vere continuæ sunt distinguere, cujusmodi febres Ignis nomine divinus Præceptor insignire consuevit, ut ex variis historiis in libris Epidemicorum videre est. Non enim concipi potest, ajebat scientissimus Cartesius, quænam possit esse circuitus causa, nisi materia quædam, quæ maturatione indigeat, antequam massæ sanguineæ misceatur, quæ per venas ad cor delata potis est tot excitare turbas, & febrilem tempestatem ciere, quæ non alio pacto sedetur, quam eadem hostili materia sub forma sudoris per corporis ambitum discussa, vel urinarias vias ablegata.

XXIX. Rarum quidem esse, quod tertianæ febres epidemice ex aeris vitio observentur, ait Doctissimus Etmullerus, ac revera febres, quæ alicujus pravi semini in aere latentis soboles sunt, nullum certum ordinem servare solent, multoque rarius est, quod sint de genere intermittentium: hoc anno tamen hujusmodi febrium genus in hisce Regionibus populariter grassatum fuisse, tam ruri, quam in oppidis (quamvis postea ob diuturnitatem in continuas, & lentas migrarent) sat perspectum est. Haud absimilem constitutionem, quæ in Anglia anno 1658. ac magis per rura, & pagos, quam per oppida, & Urbes deservit, Doctissimus Vuillis in suo Tractatu de febribus describit; suæ tamen febrilis epidemiæ originem, & causam procatartiticam non aeris vitium Vir ille peritissimus refert, sed potius in prægressam constitutionem nimis æstuosam, & illi climati insolentem; febrem tertianam intermittentem epidemiam observavit quoque Celeberrimus Batholinus Hafniæ, anno 1652. sed & ipse illius causam calidissimæ, & siccissimæ Æstati, præter morem, & consuetudinem illius Cœli adscribit; hanc vero nostram ruralem epidemiam lubet referre in constitutionem præhumidam, ac frigidam huic Cœlo insolitam. ac simul in aerem ob cœnosam colluviem vitiatum. Si enim hujus epidemici affectus causa esset ex totius anni intempestiva constitutione, quæ frigida, & procellosa toti pene Italiæ communis fuit, non satis constaret, quare hic popularis morbus, in humilioribus tantum locis, ac ubi stagnarint aquæ, sedem fixerit, &



non ampliora spatia occupavit; cum tamen Incolæ cæterarum regionum, quæ ab hujusmodi atmosphæra remotiores erant, (ut totus tractus supra viam Æmiliam versus colles) nunquam alias a febribus magis securos se vixisse meminerint.

XXX. Quæ de causa porro, a constitutionibus tantæ siccitatis, quales, ut dixi, ad plures annos experti fuimus, ad constitutionem imbrium adeo feracem talis factus fuerit transitus, certe hic mihi *hæret aqua*, ut dici solet, & ad hanc veritatem eruendam *Delio notatore* opus esset. Nullus profecto Astrologorum, qui ex imaginariis astrorum configurationibus futuros rerum eventus prædici posse existimant, tam magnam illuvionem prædixit, neque postquam facta est, rationem ullam attulit, cur ita fieri deberet. Sint utique astrorum in hæc inferiora influxus, quos velle negare magnæ dementiae esset; at modus quo agant, id omnino indeprehensibile est. Recte quidem Ptolomæus in libro qui *Aliarba* inscribitur, stellarum effectus incertos esse, & varios pronunciavit, quoniam incertum est quæ ratione materia subjecta influxum recipiat. Observandas quidem magnas temporum mutationes, Æquinoctia scilicet, & Solstitia, ut in illis *neque medicamenta exhibeamus; neque uramus, neque secemus*, pluribus in locis monuit Hipp. sicuti etiam considerandos exortus Canis, Arcturi, & Plejadum occasum; nam ut idem ait, *morbi his maxime diebus indicantur, aliis perimunt, aut in speciem aliam transmutantur*; quare vero tam magnæ alterationes, tum in magno tum in parvo Mundo dictis temporibus fiant, scrutari velle, id esset mere divinare. Satis sit igitur quoad rem nostram, quod hoc anno tam magna, & insolita aquarum inundatio morbosam hanc constitutionem invexerit, contrario prorsus modo, quo in Ægypto votiva Nili inundatio, miraculi ad instar, solet pestem abigere, quamvis Alpinus mutationem illam aeris in salubriorem statum ad Nili incrementum subsequentem in eternas videatur potius referre, quæ tunc temporis Sole signum Cancris subeunte, & septentrionali plaga fumigante, flare incipiant, & Campsinos ventos pestis vectores repellant. Quæcunque ea causa sit ob quam Nilus, Ægypti Pincerna, salubritatem invehat, certum est tamen, ad illius incrementum morbos populariter grassantes decrescere, & in magna illa inundatione demergi, adeo verum est illud Celsi: *Differre pro natura locorum genera Medicina, & aliud opus esse Romæ, aliud in Ægypto, aliud in Gallia*. Annus jam agitur centesimus, ex quo haud absimilis inundatio Cispadanam, & Transpadanam Regionem occupavit, unde postea subsecuta est summa annonæ caritas, tritico in lolium converso, ut refert Paulus Crassus Corrigiensis in doctissimo suo libello de Lolio; Inchoarunt autem tunc temporis circa Maji principium pluviae, quæ postea per totam Æstatem obstinatissime perdurarunt. Observantur itaque per intervalla quædam eadem temporum constitutiones recurrere, sive in astrorum vim nobis ignotam id referamus, sive in justam Dei vindictam, qui sicut olim Universali Diluvio totum Orbem puniit, ita particularibus eluvionibus quasdam particulares Regionem aliquando plectat.

XXXI. Rubigalem luem non exiguam operam ad morbosam hanc constitutionem contulisse superius dixi; at ne id gratis, ac veluti dictatorie pronunciaffe videar, libeat in disquirenda, & examinanda rubiginis naturam paululum immorari. De rubigine multa quidem veteres scripsere, at de illa secundum suæ Philosophiæ systemata ratiocinati sunt; In sacris quoque Codicibus rubiginis fit mentio cum aliquando hac, veluti iræ suæ ministra, Deus populo suo fruges, & fructus omnes ademerit, ut illum ad bonam frugem perduceret; nonnulli vero ex recentioribus de hac peste aliquid scripsere, ut Ruvelius, Levinus Lemnius, Ludovicus Vives, Langius, sed ea quæ a veteribus scripta fuerant recoxere. Vegetabilem itaque familiam suis morbis laborare, iisque diversi generis, multosque gravissimos Auctores de iis scripsisse, ut Varronem, Plinum, Columellam, aliosque jam satis perspectum est. Rubiginem vero, frugum omnium, & fructuum communem morbum, ut illam Theophrastus appellat, adeo exhorruerunt antiqui, ut ad avertendam hanc pestem sibi Deum sinxerint, quem Robigum, teste Varro, appellabant, unde Rubigalia festa emanarunt,

quæ a Numa Pompilio Regni sui anno XI. referente Plinio, instituta sunt, & ad 7. Cal. Maji celebrabantur. Mactabant autem lactentem catulum in hujusmodi sacrificio, unde Columella.

*Hinc mala rubigo virides ne torreat herbas,  
Sanguine lactentis catuli placatur, & extis.*

Litabant autem lactentem catulum eo quod a Rubigali Numine, mediante maligno Canis syderis influxu putarent hanc labem in terras immitti; quare cæca superstitione, ac non nisi habita ratione nominis, id agebatur sacrificium, ut ingenue Ovidius:

*Pro Cane sydereo canis hic imponitur Ara,  
Et quare id fiat, nil nisi nomen habet.*

XXXII. Rubigalia itaque sacra, sicut & Floralia, ut cuncta bene deflorescerent, instituta sunt, ac celebrari solita, sub finem Aprilis, propterea, quod hujusmodi tempore a rubigine frugibus, & fructibus valde metuerent, occidente tunc temporis Cane, sydere per se vehementissimo, qui occasus ex Plinii observatione tunc in 4. Cal. Maji incidebat. Observabant autem veteres multa attentione Canis occasum, ubi nos vix ortum, qui persæpe credimus eodem tempore ubique inchoare dies caniculares, veluti non raro doctos aliquin, & celebres Professores, ita quidem, sed turpiter sentientes, audire contigit, cum tamen juxta diversam latitudinem, quam variæ regiones habent, varii ac diversi sint astrorum ortus & occasus, quod non ignotum Galeno, qui tradidit, eodem quidem tempore omnibus in plagis fieri tum Æquinoctia, tum solstitia, astrorum vero ortus, & occasus communes esse iis solum qui sub eodem vertice habitent.

XXXIII. Hanc pestem Græci *Ῥυβίσις* Latini Rubiginis nomine appellavere, sive a rodendo, ut Varroni placet, seu quod rubro colore fruges inficiat; Uredinem quoque seu Carbuncularem morbum vocavit Plinius, quod fruges exurat, veluti hoc anno contigit, cum fruges, & plantæ omnes carbuncularent, ut Pliniano vocabulo utamur. Hæc quidem rubiginis noxios effectus observare, & contemplari licuit; at quænam sit hujus pestis natura, & indoles, non tam facile est decernere. Sapere ignis naturam, seu acrimoniam lixivalem, & alchalinam ex sale acris, & volatili, proclive quidem esset asserere; at multa obstant, ne in hanc sententiam eam. Gigni rubiginem ex rore, sed vitiatum, serenis noctibus, vel in plenilunio, vel interlunio, quibus temporibus luna frigidius lumen ad nos reflectit (cum in plenilunio, Æstivo tempore a nostro vertice multum absit, in interlunio vero totum lumen, quod a Sole recipit eidem regeat) antiquorum fuit opinio; cui recentiorum quoque non pauci subscribere, inter quos Ludovicus Vives in doctissimis suis Commentariis in librum D. Augustini de Civitate Dei, ubi scripsit, *Rubiginem esse Rorem putrefactum, fruges tenues corrumpentem, & friantem*. Generari utique rubiginem ex rore, serenis noctibus, (cum ros non decidat nisi sereno Cælo) & silente luna, veritati valde congruum videtur; nam re vera sub initium Junii prope interlunium, signa rubiginis observari cœpta in frugibus, & plantarum foliis, quæ parvis maculis nigricantibus distincta, punctulari morbo laborare videbantur; argumentum evidens hujusmodi stygmata a roris guttulis, ubi diu hæserant, fuisse inusta.

In rore (quem lunæ, & aeris filium Alcmon dixit, & a raritate ita appellatum Isidorus tradidit, eo quod non sit crassus ut pluvia) multum liquoris volatilis salini, ratione cujus abstergit, & alvum solvit, omnes docent Chymici, qui pro egregio menstruo ipsum commendant ad extrahendas omnium vegetabilium tincturas: ex eodem quoque tradunt elici spiritum qui ad metalla dissolvenda efficax sit, quo spiritu utebatur Cnosellius ad parandam coralliorum tincturam, ignita corallia in roris spiritum projiciendo. Vim hujus salis sentiunt, qui manibus rorem tractant, aut nudis pedibus per campos, & prata rorulenta incedunt; nam manus, & pedes scabræ fiunt, idque ob salinas, & nitrosas particulas, quæ cutim arrodunt. Vi quoque pollere graciliora reddendi corpora tradit Plutarchus, ac propterea mulieres habitiores illius usu nimiam polysarciam emendare. Sale saccharino pariter divitem esse rorem ut multis morbis opituletur per analysim, & per ignis examen se deprehendisse testatur Helmontius. Multa de roris viribus scripsit in doctissimis suis



## Dissertatio Prima.

Animadversionibus Excellentissimus D. Joseph Lannus, Medicus Ferrariensis, cui non parum debeo, quod ea quæ in hac constitutione ipse observavit, mihi per literas benigne communicavit.

XXXV. Hæ sunt nativæ dotes matutini rosis, ac præsertim Majalis, in salubri tamen constitutione, ac solo minime uliginoso, nec palustri; at si ex malis temporum constitutionibus, & noxiis afflatibus, seu pravis e terra exhalationibus ros vitietur, in rubiginem degenerat, malum, quo nullum noxius est, & cui, ut ait Plinius, *non comparantur grandines, neque procellæ, quæ nunquam annonæ intulere caritatem*. Gigni rubiginem itaque ex rore existimo, dum multa nitrosa, & acida corpuscula e solo elata, & per aerem undequaque dispersa, salinis particulis, quibus naturaliter ros abundat, sociantur, quæ simul in magno aeris receptaculo fermentata, & exaltata, modo nobis imperceptibili, in liquorem coeant, qui postea sub forma rosis deciduus & plantis inhærens, easdem maculis diversi coloris sugillet, uti apud nos factum his duobus annis cum in priori, plantæ omnes, & fructus rubris veluti peticulis, hoc anno vero nigris laborare viderentur. Præpollere aquæ in rubigine acrimoniam acidam, & corrosivam, haud absimilem aquis stygiis, & spiritibus nitri, & vitrioli, longe verisimilius, quam alchalinam ex sale acri, & caustico, quando nulla causa animo fingi possit, quæ in tam remissis caloribus hujus constitutionis ustionem, & acridinem accersere potuerit.

XXXVI. Neque huic meæ opinioni quicquam refragari S. Scripturæ auctoritatem crediderim, dum apud Amos Prophetam sit mentio rubiginis his verbis. *Percussit vos in Vento urente, & in Æruginē, multitudinem fructuum vestrorum, & Vincarum vestrarum, Oliveta vestra & ficeta comedit Eruca*. Cum non magis Austrini flatus sua caliditate, quam

--- Boreæ penetrabile frigus adurat.

XXXVII. Displicet quidem, quod eo tempore quo sæviit rubigalis lues, aliquo experimento non pertentari, ut certius illius naturam explorarem; siquidem nimis sero animum subiit cogitatio de hac rurali epidemia, & rubigali peste describenda. Non destiti tamen, quis postmodum variis experimentis pervestigarim, num ea quæ mente excogitarem veritati congruerent; expertus itaque sum variis liquoribus modo acidis, modo alchalicis, & lixivialibus, plantarum folia, flores, & fructus adspargendo, attente observans, quis inde color emergeret; folia itaque recentia fabarum, quæ apud nos circa finem Octobris feri solent, spiritu vitrioli irroravi, & non multo post flaventes maculæ, ubi guttulæ liquoris hæserant, apparuerunt; placuit autem magis in fabis experiri, tum quia in hoc leguminis genere vim suam magis exercuit rubigo, tum quia Theophrastus testatur, *Fabam inter legumina magis æruginem sentire*. Fabarum itidem folia liquore alchamico, & urinoso, ac lixivio accerrimo adpersi, neque notam ullam alicujus coloris inuri deprehendi. In aliis quoque plantis, ac variis oleribus, ut folis lactuæ, brassicæ idem pertentavi, & ab acidis spiritibus seu vitrioli, seu nitri, flavas maculas prodire, nunquam tamen nigras, observare contigit. Rubiginis itaque naturam in acida potius acrimonia quam alchamica lubet statuere. Congruunt autem huic meæ opinioni ea quæ in strage animalium evenere; nam, præter malam aeris diathesim brutis quoque noxiam, ob pascua rubiginosa sanguine acidiori reddito, ac in motu suo præpedito, vel subitæ mortes integros greges pecorum sustulere, vel abortivæ sunt Variolæ, quas ex sanguinis stagnatione fieri, dum in orbem agitur, communis est recentiorum opinio. Tubercula autem illa quæ in capite, collo, & cruribus pecudum viscebantur, revera Variolas fuisse, licet profecto asserere, quando nec figura, nec colore, nec liquore in illis contento, nec magnitudine, nec modo quo solvebantur, post suppurationem nigra crusta superstita, quicquam a puerorum variolis discrepabant. Nihilominus eadem pascua infecta cæteris animalibus cladem intulere. Sic apes haud amplius ex florum calicibus nectareum laticem, sed acidum stagna delibantes, partim extinctæ sunt, vel alio suas colonias transferunt. Pariter neque mirum, quod hoc anno ci-

cadæ ut plurimum taciturnæ fuerint, cum, præter remissum æstatis calorem, qui illas ad cantum nequaquam ciceret, vel nutritium rorem noctæ non fuerint, (si tamen verum quod rore pascantur) vel quod majori ex parte perierint. A cicadarum obmutescentia malas temporum constitutiones prænunciari, scripsit Doctissimus Mercurialis, qui anno 1577. observavit in Agro Patavino, aut nullas, aut rarissimas cicadas cecinisse, unde postea gravis subsecuta est epidemia. Cicadas autem re ipsa rore nutriti fabulosum non esse reor, etenim non in arboribus pernoctare, sed super solum ipsum, & in aprico loco ad rorem facilius excipiendum, mane autem ad solis ortum super arbores evolare ex agricola quodam didici; a quo cum sciscitatus essem, quare in villa quadam, quæ Roboretum dicitur, penes Gabellum flumen, tanta sit æstate cicadarum copia, ut illic hujusmodi insecti genus suum habere videatur emporium, id fieri dixit ille, quia solum illud arenosum sit; in quo facilius quam in solo argilloso parva foramina efficiant, in quibus deponant ova pro fœtura in secuturam æstatem.

XXXVIII. Hæc omnia itaque rubiginis naturam satis in propatulo statuere videntur, litem mhercule, & animalibus, & plantis valde perniciosam. Quare autem solæ nuges rubiginis noxam non senserint, id fortasse in causa fuit, vel quod hujusmodi fructus gemino experimento sit munitus, vel quod corticalis substantia multo sale volatili abundet, qui diversam indolem ab acido possidet. Succum e viridi cortice nucis juglandis, tanquam remedium a se repertum, & magnæ virtutis ad faucium phlegmonas tollendas, multis laudibus extollit Galenus; putabat autem ille, talem effectum præstare hunc succum, eo quod vi adstrictoria polleret, & simul tenuium esset partium, ex tinctura pepe ineluibili, qua manus tractantis inficit, partim tenuitatem deducens, vim autem adstringendi a salubri effectu, quem observabat, dum inflammationi mderetur; pro rato enim, ac veluti lege habebatur, quod in principio phlegmonis utendum esset repellentibus, & adstringentibus, ne pars ob laxitatem fluentem humorem tam facile reciperet, quod etiamnum apud non paucos Professores frequentius in usu est, quod num recte, an perperam fiat, non est hujus loci disquirere. Hujus succi efficaciam ad inflammationes sanandas agnoscunt quoque recentiores, vim autem adstrictoriam prorsus negant, imo vim dissolventem ipsi adscribunt, inter quos Leonardus e Capua, qui corticem nucum viridium multo sale volatili divitem esse ait, & qui potis sit grumos sanguinis dissolvere, & illius acetositatem emendare, quo pacto non sanguinis fluxum in partem adstringendo prohibet, sed sanguinis refluxum per venas ad cor referendo promovet. Sicuti autem priscis ignoscendum, si ob ignoratum sanguinis circularem motum, non aptas interdum naturalium effectuum ethiologias afferebant, ita nostro huic sæculo gratulandum, de quo verius pronunciare libeat id quod de suo ævo scripsit Plinius, sc. *Non minus ingeniosam fuisse antiquitus observationem, quam nunc rationem*. Ex nucum viridi cortice parari decoctum in Anglia expertæ virtutis ad litem Gallicam perdomandam, quam Recentiores omnes in acidi prædominio statuunt, nuper accepi a Cl. D. Nathan Lacy Medico Anglo, & insigni Anatomico. Cum itaque nucum putamen multo sale volatili abundet, mirum non est, si rubigini obstitit, & inclusum nucleum a communi lue præservavit. Atque hæc de Rubiginis natura, & indole.

XXXIX. Modo superest, ut symptomatum, & quarundam observationum perquirantur causæ; Adnotatum, vespertinis horis has febres exacerbari consuevisse, una cum virium nocturna prostratione, ut ægri morituri viderentur, mane vero oriente sole, veluti redivivos tantum virium habuisse, ut e lectulis exurgentes deambulant. *Quale est vesperti exacerbari, tale ipsius morbi, & cujuscunque constitutionis ad se mutuo ajebat Hipp.* Vespertinæ itaque exacerbationes morbi naturam superius descriptam, & causas morbificas satis indicabant. Virium autem dejectionem noctu factam, & matutinam earum veluti reintegrationem in solis recessum & accessum, & acida dy-



de dyscrasie prædominium referendum putarim; Sole nanque occumbente, & volatiles spiritus per aerem dispersos secum trahente, spiritus vitales sanguinis ab acido coagulante figebantur; unde facultatum omnium torpor, qui porro ab iisdem solaribus radiis matutinis discutebatur, non secus, ac quando a brumali frigore fluentium aquarum cursus noctu intercipitur, qui postea a sole novo lumine terras lustrante, restituitur. In hac rerum universitate nihil esse utilius sale, & sole scripsit Plinius; sic Celsus Leucophlegmatia laborantes soli subjici oportere ajebat, utendumque frictione manibus aqua madefactis, cui sal, & nitrum, & olei paulum esset adjectum. Mirum itaque non erat si in casu nostro a blando solis calore liquato veluti pituitæ gelu, cruor solitum cursum per sua vasa repeteret, & consopitæ facultates ad consueta munia exercenda revocarentur.

XXXX. Præ cæteris notatu dignis observavimus inexpurgabilem harum febrium contumaciam, ut non solum omnem Medicorum industriam eluderent (cum neque venæ sectionibus, neque purgationibus, neque cardiacis quicquam auscultarent) sed usu remedium magis exasperarentur, quod factum existimo ob malam aeris diathesin, quæ morbum aleret; quare licet etiam opportuna remedia quandoque adhiberentur, nihil remittebat morbus, imo sæviebat magis, ac satius profecto fuisset multis hanc Camarinam non movere; tanti est Oraculum illud Hippocratis, quod initio hujus Dissertationis attuli, nempe quod *Homini Natura interdum universi potestatem non superat*, quæ Hippocratis verba si medentes attente perpendissent, tot medicamentis ægros non fatigarent, in epidemicis præsertim affectibus, quorum vera curatio non innotescit, nisi cum busta plena fuerint.

XXXXI. Venæ sectio profecto in his febribus non fuit saluberrimum remedium, nec quenquam novi, de quo dici potuerit cum Galeno, quod illius febris sanguinis missione jugulata fuerit, quin ubi pluries celebrata est phlebotomia, magis attritæ sunt vires, & febres magis protractæ ægros vel ad mortem, vel ad cachexiam deduxere. Cur autem in his febribus tam improspere cesserit sanguinis detractio, obviam est arbitrari, massam sanguineam sale volatili, & particulis spirituosissimis ob malam aeris diathesin, & dietæ errores effectam, per venæ sectionem pauperiorem redditam, unde major acidi præpollentia, & bilis depressio consequeretur, febrisque exinde protractior fieret. Venæ sectionem febribus intermittentibus non esse per se aptum remedium, cum de foco febrili, qui extra vasa sanguiflua larem habet, nihil detrahat, commune est recentiorum assertum, sed solummodo per accidens convenire ajunt, quatenus obviam iri possit multis symptomatibus, ac periculis, quæ in corpore præsertim plethorico nimiam effervescentiam subsequi possent, scilicet inflammationes, & vasorum disruptiones, qualis fuit casus a Ballonio memoratus de quodam nobili viro, cui tertiana febre laboranti ob neglectam sanguinis detractionem ruptæ sunt venæ in quarto paroxysmo, & tanta foras sanguinis excretio est consecuta, ut eo ipso die illi obeundum fuerit. In hac vero nostra rurali epidemia sanguinis effervescencia non adeo magna fuit, ut de ejusmodi periculo metuendum esset, imo potius lenta, ex acidi prædominio, & propter bilem enervatam, quæ in confluxu cum succo pancreatico, & cum lymphâ minus efferveret: propterea V. S. non adeo proficuum fuit remedium, ut in prægressis præcedentium annorum constitutionibus, quas valde siccæ, & æstivas esse diximus, quare cum in iis valde turgeret bilis, & sanguis facile exardesceret, mirum non erat si tunc adeo conferret V. S. & a periculis percaveret, quæ nimiam sanguinis effervescentiam, & rarefactionem comitantur; assueti autem Professores venam facile tundere ubi constaret esse febrem, ac nulum alium scopum sibi præfigentes, quam solam caloris febrilis attemperationem, in hac constitutione a cæteris toto Cælo diversa, repetita venæ sectione utentes, ægros persæpe in extremam perniciem præcipitarunt. Nollem equidem quod quis me inter hæmophobos recenset, sed nec inter hæmatochitas numerari velim. Est ubi liberaliter sanguinem demamus, est ubi parce, est ubi nihil, licet sit eadem affectus

species. In Stymargi famula usque ad animi defectum sanguinem detraxit Hipp. licet frigido affectu laboraret: rationem autem addidit; *Oportet enim, inquit ille, devenire ad occasionem, & occasionis initium*. Causa morbi nimirum est attendenda, ex qua potissimæ desumuntur indicationes. *Similitudines parere errores etiam bonis Medicis, contrarium autem facere causam*, monitum est ejusdem Hippocratis; nam vera cognita causa, non tam facile a recto tramite, & legitima curatione deflectitur.

XXXXII. Quærit idem Ballonius, Practicus olim Celeberrimus Parisiensis, cur phlebotomia febres quædam miraculi ad instar tollat, alias potius exasperet? Paucis quidem respondet, at illius verba ponderanda sunt, non numeranda. *Febres ait ille aliæ sunt venosæ, aliæ gastricæ, id est quædam phlogosim sequuntur potius venosi generis, quam vitium humorum in præcordiis contentorum; quæ venosæ sunt generis hæ primo quoque tempore per phlebotomiam cessant, quæ alii sunt generis non facile phlebotomia solvuntur, contra potius cathartico egent*. Tales erant tertianæ istæ intermittentes hujus nostræ constitutionis, erant enim potius gastricæ, quam venosæ, ac propterea ad venæ sectionem magis exacerbabantur, & contumaciores fiebant, attamen prospere cesserunt purgationes, & vomitiones usu emeticorum, quibus non raro penitus avulsus est febrilis fomes. Claudam hunc locum digna animadversione ejusdem Ballonii in eos, qui ut nil non agant, ex quacunque re occasionem captant mittendi sanguinis. *Nam si induxerint in animum (inquit ille) venam reserare; & id cunctanter faciunt, si guttula sanguinis e nare fluat, tunc quasi trophæum reportantes, clamant oblatam legitimæ phlebotomiae occasionem; si luculenta sit hæmorrhagia, audacius secant, quia naturam copia gravari ajunt, si infra modum sanguis fluat, compensandum istum defectum apertione venæ contendunt*.

XXXXIII. Non minus disquisitione dignum est cur in hac constitutione tam sæpe contigerit, quod tertiana simplex in duplicem migrarit ea ipsa die, qua secta est vena. Id olim observarunt Amatus Lusitanus, & B. Castellus, nec quenquam scio, qui præter hos hujusmodi phænomeni, quod aliquando in praxi observatur, mentionem habeat; refert autem Amatus cuidam juveni 25. annorum tertiana febre laboranti, cum venam die intermissionis secuisset, vesperi febrem ex simplici factam fuisse duplicem, hujusce rei rationem reddit his verbis: *Nec enim credere est, ob sanguinis extractionem, ex simplici duplicem factam fuisse, cum dubio procul nisi sanguinis extractus esset, in tertianam continuam futurus erat morbus*: hujusmodi excusationis genus plerique Medicorum nostris etiam temporibus in promptu habent; quotiescunque ex aliquo male administrato remedio pejus æger se habeat; statim enim obtrudunt, quod multo deterius se haberet, nisi tali remedio usus fuisset; meliorem itaque Æthiologiam, & ævo nostro accommodam perquiramus; puto ergo in illo casu sicuti (& in nostra constitutione) culpandam potius venæ sectionem, quam febrem, quæ ex sui natura proclivis esset, ut in tertianam continuam migraret. Refert Amatus juvenem illum vigente Autumno ægrotaſſe, sanguinem in prima pelvicula exceptum atrum fuisse, in secunda rubicundum sine ulla aquositate; rationi congruum est igitur in illo juvene ob prægressos æstatis calores, partes magis spirituosas, & volatiles sanguinis absumptas, ac postea massam sanguineam Autumnali tempore in acidam dyscrasiam degenerasse, eo prorsus modo, quo vina postquam per æstivos calores ebullierint, Autumno facile aceſcunt (ut ex atro sanguine primæ pelviculæ, nam sanguis secundæ rubicundior erat, quia arteriosus) secta itaque vena, & systasi cruoris magis debilitata, ac depauperata, mirum non fuit si acidum prævalens, ac veluti sine adversario licentius insultaret, ex quo tertiana simplex in duplicem transierit. Convaluit autem Juvenis ille post bonam purgationem ex pharmaco, nam febris illa fortasse fuit potius Gastrica, quam Venosa. In hac vero constitutione non ab exhaustu spirituum ob nimium æstum massam sanguineam acorem contraxisse arbitror, sed potius ob frigidam anni constitutionem ac diætæ errores, obruta bile, & concentratis



tratis partibus cruoris magis spirituosus, acidum stomachi fermentum, & succum pancreaticum magis viguisse, & post celebratam phlebotomiam vim majorem acquisivisse, unde febris simplicis in duplicem tertianam fieret conversio.

XXXXIV. Culpada itaque potius in his casibus est venæ sectio tanquam non aptum remedium, quam quicquam aliud, quod idem sensisse existimo B. Castellum (si recte memini, & in Adversariis meis bene adnotavi) in aureo suo libello de Abusu venæ sectionis, quem libellum mihi olim Romæ ostendit D. Antonius Maria Rubeus, Præceptor meus, Vir Doctissimus, & immensæ Eruditionis, aderatque Excellentiss. D. Hieronymus Brasavola nunc Romæ Professor celeberrimus & mihi conjunctissimus, cum tunc in Urbe ageretur, quare interdum contingat, quod tertianæ simplices, sanguine die intermissionis detracto, duplices evadant. Opponet, scio, aliquis harum febrium propensionem ut in duplices transirent, cum sponte, ut superius dictum, sub initium Æstatis tertianæ omnes simplices duplices factæ fuerint; at regeram ego, nullas fere duplices tertianas toto Veris tempore visas esse, tum ruri, tum in hac urbe, nisi eas quas venæ sectio geminarit, quare non video, quomodo ab hoc crimine phlebotomia tanquam innocens possit absolvi.

XXXXV. Eandem ob causam, nihilo secius quam venæ sectio, noxius fuit in hac constitutione aquæ usus; etenim in frigida, & humida tempestate, bile valde refracta, & acido exuberante, quid opis expectandum erat in his febribus ab aquæ potu? non nisi mehercle, ut aqualiculo infracto, & distento, Caco-chylia cumularetur, sanguis pigriori lapsu per sua vasa fluere, ac tandem Cachexiæ, & Hydropes succederent. Novi juvenem in hac Civitate, qui in Hydro-pem ascitem incidit, cum illi tertiana febre laboranti suasset Medicus, ut hiberet quantum vellet, imo interdum coegisset. Succurrit mihi in hanc rem Terentianum illud, ubi Medicus in scenam inducitur.

*Quod jussi ei date bibere, & quantum imperavi date.*

*Mox huc revertar,*

Multoque magis noxius fuit hoc anno aquæ usus, ac ruri præsertim, quod ob pluviarum assiduitatem, aquæ cœnosæ, & graveolentes essent; in hac vero urbe non adeo gravem noxam intulit aquæ usus; hæc enim civitas purissimos habet fontes, & admirandæ originis, quorum fontium historiam brevi editurum me spero. Invaluit autem apud nostrates opinio, quod venæ sectioni, & aquæ potui, tanquam duabus solidissimis columnis, tota curandarum febrium moles innitatur. At num id recte? Profecto in hac constitutione neutrum ex usu fuit. Haud sum nescius scripsisse Hippocratem, *Aquam non præstare bonum alimentum igni*; at nomine ignis intellexit Hippocrates febres continuas, & essentialiter tales, non vero intermittentes, summam *Venosas, non Gastricas*. At forsitan aliquando si otium suppetet, de aquæ abusu in febribus aliquid conscribam.

XLVI. Verum quali potu, inquiet aliquis, utendum erat in his febribus? Ego certe vini usum raro, quod sciam, interdixi, imo suasi, ut modico vino uterentur, eoque non olygophoro, sed mediocriter generoso, multosque ab orci faucibus hoc solum cardiacum eripuit; Bilis enim erat potius acuenda, quam sufflaminanda; & partes sanguinis spirituosæ in motum ciendæ, quod præstare poterat vini usus, & ea remedia quorum vis in alchali volatili sita est, quod solo naturæ ductu in agro Mantuano fecere agricolæ, qui suis febricitantibus allia, & capas cum salubri eventu præbuere. Morbos quosdam chronicos, pravis eduliis (sed quæ vere in censu medicamentorum, casu potius, quam arte repperorum reponi debeant) aliquando sanari compertum est; sic diuturnas quartanas allii usu cum multo meraco sanatas observavit Antonius Benivenius, & Amatus Lusitanus. Vino autem generoso, potius quam tenui, utendum duxi, nihil metuens a febrili effervescencia; in hoc enim sæpius peccatur, quod rem agi sine periculo creditur, si vinum tenue in diuturnis febribus, & chronicis morbis permittatur; at hujusmodi vina ut plurimum acidiuscula sunt, & acorem sanguinis exaltando, morbi causam deteriore efficiunt; quem errorem notavit olim Crato, qui in podagra sicuti vinum meracum, sed in mo-

dica quantitate commendat, ita vina tenuia improbat, quæ venas multa serositate impleant, quod idem sentit Vvillis: sicut enim a vini spiritu dulcificantur spiritus salis ac nitri; ita quoque a vini generosioris temperato usu sanguis ad acorem vergens dulcescit. Variantibus itaque temporum constitutionibus varianda est methodus, & ut ait Sulmonensis Poeta.

*Nam quoniam variant morbi, variabimus artes, Mille mali species, mille salutis erunt.*

XLVII. Sic neque Peruviani corticis usus hoc anno ut superius adnotavimus, admodum salubris fuit: imo in extremum vitæ discrimen ægros non raro deduxit. Id ego in non paucis observavi, sed præcipue in nobili virgine, quæ cum ad 40. dies duplici tertiana confictata fuisset, & post solita remedia administrata, ex meo consilio, assentiente quoque Excell. D. Antonio Abbate Serenissimi Ducis Nostri Archiatro, Chinam sub forma boli assumpsisset, cum in vino infusam respueret, postmodum stupida, & comatosa evasit, cum pulsu adeo exili, ut vix perciperetur, ac trium dierum spatio in tali statu persistit, donec soliti paroxysmi redeuntes stuporem discusserint. Insalubrem autem fuisse hujus remedii usum crediderim, eo quia, cum massa sanguinea multis cruditatibus scateret, ac crassiorem haberet consistentiam (ut ex sanguine per venam sectam educto satis patebat) ideoque segnis esset ad motum, quotidiana illa febrilis effervescencia esset loco remedii, quæ cessante, fieret quædam veluti in vasis stagnatio, & congelatio, unde functionum animalium torpor, & vitalium quoque interceptio; adeo verum est illud Celsi, quod febrem lentam interdum augere oporteat, *fortasse enim, ait ille, curationi opportunior fiet.*

Scio equidem, hujusmodi doctrinam non solum plebisque Medicorum, sed etiam aliis, qui artem Medicam non profitentur, esse suspectam, ut ipsi Senecæ, qui beneficium sanationis levioris morbi factæ a graviore morbo exprobrat his verbis: *Multi quos auxerant morbos, & irritaverant, ut majori gloria sanarent, non potuerunt discutere, aut cum magna agrorum vexatione vicerunt.* In hac tamen constitutione experientia ipsa satis evicit, febrilem effervescenciam stimulantem potius fuisse, quam frænandam, & usum calidorum magis profuisse, quam frigidorum; sicuti in historia Polycratis, vice versa, frigida magis, quam calida juvisse scripsit Hippocrates, innuens hoc dicto Divinus Præceptor, non tanti faciendum præconceptum de natura morbi judicium, ut illud ipsimet experientiæ in contrarium reclamanti velimus præferre. Observatum est tamen feliciore eventu exhibitam Chinam Chinam agrestibus, quam oppidanis, & urbium incolis; Gens enim rusticana ubi tantillum a morbi fasce levata est, illico laboribus, & exercitiis se dedit; quare non erat metuendum, ut tam perniciosi effectus in iis consequerentur, quales in urbanis observabantur. Sic Doctissimus Etmullerus tradidit: non tam facile pati recidivas post assumptum hoc febrifugum homines exercitiis, ac laboribus deditos; sicuti desidiosos, & otio inutritos. De hac nostra itaque constitutione libet proferre id quod olim de quadam simili scripsit Hippocrates ingenua certe confessione, more tamen magnorum virorum, & magnam rerum fiduciam habentium. *Nihil memorabile proderat, non ventris turbatio, non venæ sectio, neque quæcumque alia tentavi.*

XLVIII. Nullas febres synochas, vel ardentes hoc anno, quod sciam, observatas diximus, sicuti paucas quartanas: de prioribus quidem non est quod miremur, nam partibus spirituosus, & ad conflagrationem aptis non adeo turgebat massa sanguinea, imo crassis & frigidis succis abundabat: sic vina tenuia, & acidiuscula non tam facile fervorem concipiunt, veluti vina generosa, ubi æstivum calorem senserint; magis quidem mirum est, quod in tanta febricitantium frequentia tam pauci visi quartanarii, idque magis, si verum esset quod nonnulli asserunt: non nisi ex majori visciditate materiæ differre quartanas a tertianis, consuetam itaque febrem quartanæ genesim animadvertens, & hujusmodi febrem, tanquam fructum Autumnino maturescentem, considerans, cujus uberius est proventus, cum Æstas magis fervida ac torrida præcesserit; præterea rationi congruum est, quod in hac constitutione frigida, & humida, in qua non multa fieret



fieret partium ferofarum per cutis poros diffufio, fucum pancreaticum ad eum fixitatis gradum, qui ad quartanarium circuitum requiritur, eveni non potuiffet, feu quidquam aliud defuiffe, quod humana imbecillitas aflequi nequit, cum nihil fit quod ipfos medicinae proceres magis tranfverfos agat, quam perveftigatio caufae, cur ftatis horis recurrant febriles paroxyfmi, ac tam exacte, ut ipfa automata aliquando fuperent.

XLIX. Verminationem in his febris fati familia-rem, & praefertim in ruficana gente fuperius recensuimus, cujus rei caufam fuiffe reor, tum prava alimenta putrefactioni obnoxia, qualia fuere pifces, & fructus horaei; tum ventriculi fermentum ex mala constitutione vitiatum, & improporionatum ad cibum recte fubigendum; quare vermium feminibus, feu ut lubet ovulis, quae in alimentis ipsis laterent, integris manentibus, & a tenui calore fotis, mirum non fuit fi facile in magna copia prodierit verminofa soboles. Ufum Chinae Chinae valde proficuum ad necandos vermes expertus fum, quod praeflare ob infignem amarorem quem poffidet hic cortex, non abs re crediderim, fi tamen tutior eft praxis, quae verminosos affectus curat per aloetica potius, quam per faccharata, & mellita. Haud fum nefcius apud noftrates quoque facta fuiffe experimenta, & obfervatum, quod lumbrici in aqua ubi diffolutum fuerit mel, vel faccharum, citiffime moriantur, in amariffimis vero liquoribus ad integros dies vixerint; aft ab iis quae extrinfecus apparent, medicamentorum vires metiri velle, non adeo tutum exiftimo, quin errandi periculum fubfit. Suspiciari enim licet, quod medicamenta propinata, quaecunque ea fint, iis quibus armantur viribus cito spolientur, dum primo cum ftomachico fermento, cujus vim tranfmutativam nemo non novit, mox in inteftinis cum bile, qui humor fuapte natura ferox eft, & cum fucco pancreatico fpiculis armato congregi debent; quod fi ulterius pervadant, cum lymphâ quoque in communi receptaculo iisdem fit concertandum. Sic crocus Martis, qui aperitivus dicitur, ut notat Junchen, nifi acidum fuperfluum reperiat in ventriculo a quo folvatur, adstringens evadit. Idipfum quoque teftatur Chirurgia Infuforia, qua conftat, quod liquor purgans in venas canis infufus magnam excitat purgationem, nullam vero, vel paucam fi per os idem liquor, vel in majori dofi, injiciatur, idque ob acidi copiam quo caninus ftomachus abundat, quod acidum vim catharticam, & emeticam potenter infringit. Hanc ob caufam venena quaedam, ut ait Celfus, non guftu, fed vulnere nocent, & pſylli e serpentum morſibus venenum innoxie exugebant. Quot vero, & quantas fubeant mutationes medicamenta per os affumpta, dum varias corporis regiones praeterlabantur, ingenioſiſſime explicat Bellinus, ut nihil praetantius. Reor itaque ex medicamento affumpto, & fuccis quibus commiſcetur, gigni novum concretum, e quo illae operationes, quae poſtea confequuntur, promanant, & quae ſolius medicamenti efficaciae ſolent adſcribi.

L. Poſtquam huiusmodi febres miſeros aegrotantes diu fatigaffent, diximus nonnullis apparuiſſe parotides, quibus licet ſuppuratis, eadem tamen pervicacia febres perſtabant. Id equidem magnam humorum cruditatem in toto venoſo genere ſignificabat; ſed hanc non eſſe potiſſimam harum februm cauſam, & fomitem ſatis demonſtrabant, qui fomes, in ventriculo, & pancreate praecipue ſedem fixerat. In nonnullis pariter poſt multos febriles paroxyſmos ſupervenerunt diarrhoeae, ac dyſenteriae, irritata ad expulſionem natura, tum a copia, tum a pravitate ſuccorum; neque enim haefitationi locus, quin etiam aliquando malignum quid ſubefſet in his febris, quamvis intermitterent; plures tamen ſuſtulit diarrhoea, quam dyſenteria, eo quod forſan in iis qui diarrhoea laborarent communicata eſſet labes maffae ſanguineae, quae ſerum acre per glandulas inteſtinales excerneret; in iis vero qui dyſenteria vexarentur, mali fomes eſſet extra venas, viſcida nempe, & acida pituita inteſtina abradente, & exoriente. Frequentes porro fuere recidivae non ſolum ob dietae errata, ſed ob communem cauſam, aerem nempe vitiatum, qui febrile miasma ad aliquod tempus conſopitum in novos motus, & exorbitantias ciceret; eandem quoque ob cauſam adeo contumaces fuerunt haec

febres, cum nihil ſufficeret ad abſtergendam labem illam, quam aer continuo inſpiratus fere ineluibilem redderet; adeo gravis eſt morbus, quem Coelum fecerit. Sic pacari non viſa eſt affectio, niſi cum ſub anni finem humida, & nebulofa tempeſtati ſicca, & ſerena ſucceſſit: quare ſicuti ex Hippocrate: *Quicumque morbi Aefate augeſcunt, Hyeme deſinere ſolent*, idque non niſi ob naturalem temporum mutationem; ita in hoc epidemico affectu optimi remedii loco eſſe coepit aeris in vitalem temperiem reſtitutio.

LI. Prae multitudine aegrotantium tam ex genere agreſti, quam urbano paucos interiſſe ſuperius monuimus, quod ſane praeter opinionem medentium contigit, qui maiorem ſtragem pertimeſcebant. Duas potiſſimum ob cauſas in epidemicis affectibus pereunt homines, vel ob humorum διαχυον vel ραον, ut ipsis vocibus Hippocraticis utar, id eſt vel ob maffae ſanguineae diffuſionem a fale acri, & alchamico factam, vel ob ejuſdem concretionem, ab acido exuperante, frequentiora tamen funera ſanguinis διαχυον, quam ραον ſolet inferre; propterea, graſſante peſtilentia, ut plurimum acida primas tenent. Cum ergo in hac noſtra constitutione acidum quidem praepolleret, ſed non earum eſſet virium, reluctantem praefertim febrili efferveſcentia, ut potius eſſet lethalem ſtagnationem inducere, ac fluxum, & refluxum ſanguinis prohibere; hinc eſt quod, licet hominum myriades eodem tempore decumberent, pauci in libitinam cenſum venerint. Sic mirum non eſt, quod ſceminæ, & pueri ob molliorem habitum, & vitam minus actuoſam, huius epidemiae vim magis ſenſerint, ac multo magis lactentes pueri, in quorum venis, ob lac vitiatum, & ad coagulationem aptum, facilius ſanguinis ſtatio ſuccederet, ſic narrat Hippocrates in quadam constitutione, *ex laborantibus mortuos eſſe maxime pueros, adoleſcentes, vigentes aetate, glabros, ſubalbidos, & qui in ſocordia vixerint*. Fiebant autem pueri icterici ob hepar obſtructum a viſcida pituita redundante, ac a febrili calore in motum concita, quae in hepatis ſubſtantia defixa, bilis ſecretionem prohiberet, cujus ſignum erat, quod in omnibus tenſum, ac durum hepar perſentiretur; ſero autem acri, & acido in cerebri membranas tranſuſo, convulſi moriebantur, morbo alioquin pueris familiari, ſed huic constitutioni magis proprio, utpote valde aptae ad acorem maffae ſanguineae conciliandum.

LII. Si vero quaerat aliquis, cur haec mala conſtitutio agricolas magis, quam oppidanos, & urbium incolae vexarit, videtur ſatiſfieri poſſe dicendo, potiſſimam cauſam fuiſſe aerem a ſcedis exhalationibus vitiatum ob nimiam illuvionem, quae campos, & agriculturalum domos inundarit, non ſic urbes, & oppida in editioribus locis poſita; huic cauſae addi poterit victus pravus, & inſalubris, ac praefertim nimia piſcium ingurgitatio, alimenti genus colonis noſtris inſuetum, & quod in illorum ſtomacho facile putreſceret. Scio equidem a non vulgaribus Medicis piſces aegris quoque exhiberi ſolitas, tanquam laudabile alimentum, ac multo magis ſanis corporibus, verum, ut ait doctiſſimus Plempius, illorum uſus *Athletis non convenit, non caſtra ſequentibus*, non agricolis addam ego, quibus utilior eſt caro bubula, & ſuilla. Id ipſum teſtatur Galenus, qui piſcium uſum in hominibus otioſis, ſenibus, & aegrotis commendat, non ſic vero in iis qui corpus exercent; his addendum, quod ſicuti piſces, qui in rapidiſſimis fluviis capiuntur, ex Athenaei ſententia, omnium ſunt optimi, ita hi eſſent omnium peſſimi, quod in aquis ſtagnantibus fieret illorum captura.

LIII. His quoque cauſis accenſeri poſſunt labores, & exercitia ſub aſſiduſ imbris, unde pororum cutis conſtrictio, ſudoris parcitas, ob frigidam, & humidam anni intemperiem, cum alias per Aefatem ſub aſſiduſ laboribus copioſiſſime ſudare conſueviſſent, quas cauſas in oppidanis, & civibus, qui meliori victu utuntur, nec aeris injuriis ſunt ita expoſiti, non tam facile quis reperiatur. Sedes praeterea huius ruralis epidemiae e civitatibus, & oppidis majoribus circumscribi videbatur; quare Mutina, & Regium, eo quod eſſent veluti in circumferentia, & Apennino proximiores, minus hanc labem ſenſere; magis autem Ferraria, & oppida Mantuanae ditionis, Pado proximiora, ubi major fuit infantilis clades, quemadmodum a variis Profeſſoribus, ac aliis per literas accepi. Magna vero haec plani-



planities his locis circumscripta, & tota colonis oppleta, in cujus sinu ad longum tempus stagnarunt aquæ, hujus epidemii affectus sedes, ac domicilium fuit.

LIV. Circa cæterorum affectuum examen, qui has febres comitati sunt, quales fuerunt apoplexiæ, epilepsiæ, catharri profocativi, cachexiæ, & hydropes, non multum immorabor; ejusdem enim constitutionis soboles fuerunt, & acidi prædominium significabant, vel sanguinem, & reliqua fluida coagulantis, vel nervosum systema occupantis; hæc omnia itaque verissimum esse Divini senis oraculum comprobarunt, quod *Morbi in pluviarum multitudine magna ex parte sunt, febres longa, alvi profluvia, putredines, morbi comitiales, apoplexiæ, & angina.*

LV. Ut autem circa res venturas Conjectoris quoque partes agamus, superest videndum, num sperare liceat, postquam pacata est non parum hæc affectio, an in totum ea desitura sit, an potius hæc eadem, vel deterior exsuscitari possit. Sperare licet utique, malam hanc constitutionem emendandam, cum postremi hi duo menses cum perpetua fere serenitate, & aeris tranquillo statu annum jam clauserint; nam, ut ait Montanus: *Tempora consequentia secundum naturam existentia corrigunt vitia precedentium præter naturam existentium;* at metus subest ne ob aliquam annonæ caritatem infelices coloni, qui ad sedandam latrantis stomachi rabiem atro pane, & confusaneo uti cogentur.

(*Nam tener, & niveus, mollique siligine factus Servatur Dominis.*)

Metus inquam subest, ne proximo Vere, & Æstate nova calamitatibus vexentur. Sic in *Ano Civitate Thraciæ, ex Hippocrate, usu leguminum continenter utentes Fœmina, & Viri, crurum impotentes fiebant,* quam historiam citat Galenus, atque sæpe evenire, ut ob caritatem annonæ exitiales morbi oriantur. Vox *Αἰψή*, quæ famem significat, non nisi per solam diphtongum discrepat ab ea quæ perniciosam epidemiam denotat, unde effluxit dictum illud *Εκ Αἰψῆς Δολιχῆς*. Quamvis enim edulia m. li succi videantur aliquando sat bene concoqui, attamen ut egregie monet Galenus, *Nobis non advertentibus, pravus succus ex ipsis post longum tempus in venis colligitur, qui postea exiguum ad putredinem occasionem nactus febres malignas accendit.* Quodcumque malum avertat Divina Clementia, & priorem salubritatem huic Cælo restituat.

**T**alis fuit Anni MDCXC. apud nos Constitutio, atque hæc indoles Epidemii Affectus, qui Colonos nostros, & Urbanos quoque afflixit, divinarint jam Astrologi pro suo iudicio, & ex syderalibus schematibus Anni, qui modo successit, præfagia deduxerint, quod ego ejusdem, postquam cursum suum absolverit, si facta dabunt, medicam historiam conscribam.

## BERNARDINI RAMAZZINI

### Differtatio Secunda.

#### DE CONSTITUTIONE Anni 1691.

**R**uralen epidemiam, quæ præcedenti anno Mutinensis agri, & proximarum Regionum colonos graviter afflixit, urbana epidemia hoc anno excepit, quæ nihil urbanitatis, immo insolentiæ plurimum in infelicem plebeculam potissimum exercuit. Instituto itaque meo inhærens prægressam constitutionem, qualiscunque ea fuerit, in fine cujuslibet anni describendi, eo libentius id exequar, quod hæc constitutio ab ea, quam superiori anno experti fuimus, toto cælo differens satis uberem materiam suggerat mentem exercendi, quando in re medica nil foret utilius, quam succedentes sibi ad invicem constitutiones conferre, ut recta medendi methodus institui posset, quoties eadem tempora, ac iidem morbi recurrerent. Quæ si attentius a professoribus observarentur, non esset forsan, quod medicina comparata desideraretur, sicuti anatomiam comparatam desiderati aiebat sapientissimus Verulamius, quæ si haberetur, ut ille ait, & individuorum interiores structuræ ad invicem componerentur, non tam promorbiorum causis culparentur humores, quam mechanicum viscerum artificium, quod cum ut plurimum inemendabile sit, omnem medicam

opem, & magnos promissores sæpissime eludit.

II. Superioris anni constitutio, ut in mea Differtatione super illam edita, ob assiduos, & copiosos imbres impense humida, & lutulenta in universum extitit, unde gravis epidemia una cum annonæ caritate effluxit; hujus anni vero constitutio ex opposito maxime sicca, & pulverulenta, primo quidem ob aquilonares ventos, postmodum vero ob continuum, & flagrantem æstum merito audiit. Sicuti autem prima pars hyemis, quæ antecedentem annum clausit, statum satis placidum, ac serenum, ut diximus, sortita est, ita pars altera, quæ huic anno fores aperuit, eandem serenitatem, ac tranquillitatem secum invexit, donec Januario mense ad finem vergente, flantibus ventis septentrionalibus, frigora adeo intensa fieri cœpta, ut illico congelatis fluminibus cuncta præ nimio gelu horrescerent. Cum autem nullæ prorsus nives decidissent, hyemem non solum algidissimam, sed siccissimam exegimus, ita ut in tota Cispadana, & Transpadana Regione pulverulentæ essent viæ, non secus ac Augusto mense, cum insana Canicula campos torret, quod apud nos prorsus insolens est, ex quo factum, ut Boreæ penetrabile frigus sata consueto nivali vellere destituta mirum in modum exureret.

III. Morbi qui hisce temporibus vagabantur erant apoplexiæ, pleuritides, peripneumonix, catarrhi suffocativi, anginæ, erysipelata; præ cæteris tamen affectibus morbi pectoris grassabantur magis, ac busta implebant. Sanguis qui secta vena educebatur multum pituitæ, & polyposæ concretionis præferebat. In nostro hoc Nosocomio variis cadaveribus dissectis, præcipue in cachecticis, ac demortuis ex morbo pectoris reperti sunt polypi, non solum intra cordis sinus, sed etiam intra ipsam Aortam. Remedia quæ magis ex usu erant, & quibus promptius morbus auscultaret, ea fuere, quæ vi pollerent crassum sanguinis compactam referandi, & fluxibiliorem reddendi, ut spiritus salis armoniaci, sal volatile, cornu cervi, sperma ceti, & similia. Non deerant tamen quæ cum alioquin scirent, quod sulphur balsamum pulmonum passim audiat, in hujusmodi affectibus spiritum sulphuris exhiberent cum suis aquis pectoralibus; at num recte, & ex arte id agerent, ipsi viderint: indubium tamen est, quod partes integrales concreti longe diversas possident qualitates ac ipsum concretum, sicuti vero verius, spiritum sulphuris alterius esse indolis ac ipsum sulphur. Repetita sanguinis missio non adeo felicem sortiebatur eventum, ut alias. In hac tam rigida, ac horrida constitutione magis exercebatur plebs urbana, quam agrestis, ac senes valde periclitabantur, quare Medicis sæpenumero nil tale cogitantibus morbus plus habens in recessu quam in fronte facile imponebat; nam ex improviso, cum prius satis commode cœnassent, tanquam confecto silicernio, paulo post occumbebant, ac citius quibus detractus fuisset sanguis.

IV. Horum affectuum tam multiplex, ac discolor sylva ab eadem prorsus radice succreverat, ac propterea eodem modo averruncanda; omnium itaque unam, ac eandem esse theoriam, ac praxim dictabat ratio; veram autem, ac potissimam causam fas erat referre in pravam diathesin quam sanguis haberet ad concrendum. Cum enim ex præcedentis anni frigida, & lutulenta constitutione, nec non ex pravo victu ob rei annonariæ angustiam, talis esset in universum massæ sanguineæ dispositio, mirum non fuit, si succedente postea hyeme tam rigida, ac summe Aquilonari, majorem promptitudinem ad grumescendum adsciverit, unde pullulariunt morbi, qui ex sanguinis stagnatione variis partibus, ob retardatum illius circularem motum, genesis suam deduxerint.

V. Apoplexias autem, pleuritides, peripneumonias, catarrhos suffocativos, erysipelata, ac reliquos memoratos affectus a sanguinis stagnatione, ob prædictam ad concrendum dispositionem generari, unanimis est recentiorum omnium consensus, quidquid circa horum affectuum theoriam in contrarium senserint antiquiores Medici, qui in hujusmodi affectibus partem aliquam mittentem robustam, & aliam recipientem imbecilliolem imaginabantur. Duplicem fluxionum causam commentus est Galenus: unam in qua pars ipsa humorem ad se traheret: aliam in qua humor a parte robustiori ad debiliorem transmitteretur. Hujusmodi doctrinam primus forsan cœpit convellere Helmontius, nullam enim in fluxionibus partem mandantem, dirigentem, nec sagittarium, aut scopum agnoscit hic Auctor; qui tamen exemplo



ple spina digito infixæ, & indignantis Archæi, non satis exposuit ob ignotum sanguinis circulum, quomodo fiant humorum decubitus; quod solum accidit eo quia præpedito, & intercepto sanguinis per venas refluxu, vel propter fibrarum crispaturam (ut in vehementi dolore) vel propter massæ sanguineæ nimis crassam ac densam texturam, humores circa vasorum extremitates, vel in carniū porositatibus detineantur; quare si congrue loqui velimus, detentiones potius, quam fluxiones sunt appellandæ.

VI. Neque interdum exiguus labor mihi impendendus fuit, ut aliquibus a præjudiciis occupatis persuaderem erroneum prorsus esse comminisci, quod cum pars aliqua inflammatur, ac in tumorem assurgit, tunc humores majori impetu ad eam partem ferantur, quam ad alias; si vera est, non commentitia lex circularis motus sanguinis, qua stante, stant ac stabunt perpetuo tot clarissima recentiorum excogitata, quot in dies intercidunt antiquiorum placita; nam revera si mentis aciem intendamus, pigriori lapsu sanguis movetur ad partem quæ inflammatione tentatur, quam ad alias ubi expeditæ sunt viæ, ac nullum repagulum, quod sanguinis cursum remoretur. Quidam autem res in cute solum, non intus reputantes, cum vident partem brevi temporis intervallo in tumorem attolli, ut in phlegmone, putant sanguinem pleno fluento eo confluere, quod sane locum habet, cum vas aliquod sanguiferum disruptum est, & in aliquam cavitatem sanguis decidit, vel extra corpus effunditur; non ita vero in phlegmonum, & aliorum tumorum generatione, qui non aliam ob causam fiunt, quam quod, præpedito circulari sanguinis motu, plus sit quod arteriæ ad partem deferant, quam quod venæ referant, sive id fiat ob lulentam sanguinis crasin, sive ob fibrarum motricium crispaturam ex vi dolorificæ passionis, ut in vulneribus, ac nervorum puncturis. Huic autem veritati fortasse manus darent, si cum brachio vinculum injicitur ad celebrandam phlebotomiam, veram causam perpenderent, quare infra nexum tumeant venæ una cum mole carnea, quod non sit, quia tunc temporis sanguis eo rapidius moveatur, (multo enim velocius ante eo propellebatur ubi nullus erat obex, ac minor resistantia superanda) sed quia ibi detinetur ob interceptum ejusdem per venas ad cor refluxum.

VII. Haud absimilis quoque est catharri generatio, de ejus natura ac ortu inter Medicos non satis convenit. Popularis, ac vetus opinio est, caput catarrhi fontem, ac scaturiginem esse; unde frequens proluvium in fauces & pectus, ac etiam usque ad extremos artus. Opinionem hanc de catarrhi ortu, ac descensu, ex quo etymon desumpsit (cum non nisi descensum, ac defluxum hæc vox sonet) unde voces *κατάρρῳ* & *ἀνάρρῳ* a Galeno usurpatæ, ut humorum descensum, vel ascensum inueneret, hanc inquam opinionem eliminarunt e scholis recentiores omnes Anatomici, ut Villisius, Ricardus Louver, Stenon, Ronfincius, Etmullerus, Blancardus, ac inter Italos nostros Doctissimus Bellinus. Hi omnes ad Anatomicum Tribunal, omnibus indicibus, quibus caput hujus criminis Auctor insinuitur; diligenti examine perpensis, nullaque apparente via, per quam caput fordes suas in fauces, ac thoracem expuat, ipsum plenis suffragiis absolvunt. Non defunt tamen adhuc qui

*Obstipo capite, & figentes lumine terram,*

Antiquorum placitum veluti mordicus tueri, nec desinant in morbis pectoris caput non solum pharmacis, sed ferro, & igne tanquam reum plectere. Per quos porro ductus cerebrum superfluitates suas, quibus procul dubio, diffuit, possit excernere, inter quærenda esse ait celeberrimus Stenon, nisi tamen per observatos a Blancardo ductus in jugulares venas fiat hujusmodi excretio.

VIII. Catharri fontem non veriti sunt alii astruere esse ipsum vitæ fontem, cor scilicet, quod per arteriarum ductus circumquaque catarrhi materiam deferat; hinc rheumatismi & tumores, & quidquid nomine fluxionum venit; quod assertum est Rolincii, cui consentiunt Schneiderus, Vvedelius, & alii, qui catarrhum a massæ sanguineæ sero prodire variis observationibus testantur. Sat celebre est experimentum Richardi Louver de Canè, cui cum arte venas jugulares vinxisset, partes omnes supra ligaturam tumescere, nec non copiosas lacrymas ex oculis & plurimam salivam ex ore profluere observavit; quo tandem tanquam ex angina suffocato ac dissecto, nullæ partes sanguine perfusæ repertæ sunt, sed solum musculi

omnes, & glandulæ sero limpidio distentæ apparuere. Ab hac opinione non multum dissentientes alii glandulas catarrhi fontes statuunt, ut Stenon, Etmullerus, & alii; si enim glandularum structuram accuratius perpendamus, constabit eas esse fasciculum arteriarum, venarum, nervorum, & vasorum excretoriorum; ideoque in illarum sinum deponi serum ab arteriis, & superflui aliquid a nervis; quæ opinio valde probabilis est, & usibus glandulis a natura destinatis magis congrua.

IX. Hanc tamen doctrinam de catarrhi origine ex sanguinis latice in glandularum substantiam rejecto ex Helmontio habemus, qui primus forsan caput insons a catharri infamia vindicavit, ob quam tam sæpe inurebatur. Hic enim Auctor, licet motum sanguinis circularem ignoraret, mente tamen concepit, id quod credebatur e cerebro depluere nil aliud esse quam laticem serosum huc, & illuc delatum a spiritu impetum faciente, ac initio vitali, ut ipse ait, nimirum e corde, tanquam primo impulsore, quin & ad glandulas ipsas ablegari, quas non ut vasorum pulvinaria essent, a natura constructas fuisse astruit, sed ad emunctionem laticis e massa cruoris; ac re vera hic latex serosus Helmontii, præter alios usus hunc habet potissimum, quod sanguini socius, ac totum corpus pervadens ad variarum partium culinas everrendas inserviat, & sales dissolutos combibendos, ut exinde per glandulas excretrices extrudatur, & sic tota cruoris massa defæciatior evadat. In hunc finem in palato, lingua, faucibus, & naribus copiosas glandulas natura construxit, ut sanguis arteriosus, qui per carotides ad cerebrum deferri debet pro nervosi succi, & spirituum animalium elaboratione, sincerior reddatur, mucosa parte per has glandulas repurgata in statu etiam naturali, quando alia ex parte constat, eos qui sunt emunctæ naris, nec multum desputores, lubricæ sanitatis esse, ut referunt de Francisco Galliarum Rege, qui cum esset *ἀνυγώδης*, aurium ulceri obnoxius fuit dum vixit.

X. Atque hæc quidem quotidiana per nares, & ex faucibus mucæ excretio iis etiam qui satis commoda valetudine fruuntur familiaris esse solet; ceterum ubi corpus cacochymum sit, ac serosus latex luxuriat, qui suoapte genio promptus est ad concrendum, mirum non est, si accedente Boreali constitutione, qualis fuit, de qua hic sermo, tunc temporis grassentur populariter tussis, rheumatismi, & quodcumque aliud morbi genus, quod influxionum censu reponitur, detenta in glandulis vitiata, ac superexcedente lymphæ, non ex naturæ providentia, quæ se hoc fasce levare satagens noxium humorem ad extrema detrudat, sed ex mechanico partium artificio, ac particulari humorum textura, juxta varias aeris alterationes, ea lege, ut decubitus ibi fiant, ubi major est dispositio ut humores detineantur. Neque id fieri in nostris corporibus magis miremur, quam in automate alioquin bene constructo, quod interdum ad quasdam aeris alterationes a solito suo munere aberrat, & ab ignaro populo tanquam insanum ridetur. Mira est autem, ac pene divina vis ventorum in aere alterando; talem enim affectionem aer possidet, qualem ventus qui perflat, ac talis est sanguinis dispositio, qualis est aer quem spiramus. Sic ut refert Vitruvius, apud Mitylenem (quæ Urbs in Lesbo erat quidem magnificenter extructa, sed non prudenter posita) cum flabat Auster, homines ægrotabant; quando Corus, tussiebant, cum Septentrio, restituebantur in salutem. M. Varro quoque cum Romana Classis Corcyræ esset ac tota pene ægrotaret, immisso fenestris novis Aquilone, & obstructis pestilentibus, suos incolumes reduxit.

XI. At quorsum tot speculationes, inquiet aliquis? Ut juxta veram horum affectuum theoriam congrua mendi methodus instituat, regeram ego; Ubi enim ingruunt hi morbi, qui non e capite decidi, sed ab humorum stagnatione pendent, illico ad vehementia cathartica, inunctiones, phanigmos, cucurbitulas, ad narcotica quoque, ac mille alia remedia ad materiam fluentem revellendam, intercipiendam, derivandam, suspendendam quoque, ut putant, ceratis capitalibus, confugiunt; Interim neglecta manet vera morbi causa, ad quam oppugnandam serio, ac omnibus nervis esset incumbendum, ut postquam sufficiens evacuatio est facta, usu alterantium, ac naturalem sanguinis texturam restituentium, fluidæ substantiæ æquabili tenore per suos ductus cursum repeterent. Quot vero modis per venæ sectionem peccatur? Jam phlebotomus veluti gladius Delphicus



phicus passim tam in magnis, quam in levibus morbis stringitur ad innocentes victimas sæpius mactandas, quam graves effectus jugulandos.

XIII. Postquam Mundo innotuit circularis sanguinis motus, scopi equidem quos in morbis, qui ab humorum fluxione pendere supponuntur, sibi proposuerant Medici, non tanti sunt ponderis ut creditur. Certe intercipientia locum nullum habent; quomodo enim quis intercipientiam materiam ad partem per arteriam fluentem nisi arteriam ipsam vinciat? neque enim jure postliminii, aut redhibitionis actione redire potest humor unde est egressus nisi per circulum. Revulsio vero per V. S. de throno suo jam decidit; imo si stricte loquamur, fere nulla est, qui enim fiat, ut humor per arteriam fluens per eandem possit revelli? Profecto si qua sit per V. S. revulsio, per id solum tempus fit quo vena est aperta; tunc enim sanguis per venam sectam, ac pariter per proximam arteriam quæ illi humorem suggerit, majori velocitate movetur, quam per alia vasa; illa vero clausa, cessat hæc in velocitate inæqualitas, ut ingeniosissime ad demonstrationem usque explicat Bellinus. Non ibo tamen inficias, quin diminuta sanguinis copia minor humoris portio ad partem laborantem deferatur, & minus sit sanguinis stagnantis incrementum. Quanti autem sit facienda per V. S. revulsio, & quam facile quibusdam imponat, qui hoc nomine inscitia suæ velum prætendunt, explicat egregie Andreas Cnossellius in quadam sua consultatione pro Jo. Casimiro Poloniae Rege, cui ob immodicum hæmorrhoidalis sanguinis fluxum laboranti cum magni nominis Medici frequentem sanguinis missionem e brachio suaderent ad revellendum sanguinem fluentem, ac ipse acriter renueret, hæc scripsit verba, quæ utpote elegantissima, & magni ponderis hic libuit apponere. *Et quomodo sanguini ad peremptoriam medicam revulsionis citationem, dicam, & locum, scribere possumus, qui privilegio speciali vitalitatis in circulum; & in se ipsum rediens cum spiritu suo hospite nullius loci, & temporis leges respicit, neque locum standi ullum in universo corporis foro agnoscit?*

XIV. Revellenda itaque esset ex quorundam animis, quibus alte infedit hæc de vi revulsionis per V. S. opinio, cum revera non nisi ad demendam plenitudinem confert venæ sectio. Condonandum quidem aliquid Emilio Patifano, & Primirofio, qui non aliam ob causam, ut ait Leonardus e Capua, in Harvæum stylum acuerunt; nisi quia stante sanguinis circuitu viderent revulsionem, per tot sæcula adeo celebre præsidium, fere penitus corruere, non ita vero nostrorum temporum Professoribus, in tam clara luce cæcutientibus. Multum profecto Hippocrates revulsioni in fluxionibus detulit, ut passim in illius operibus videre est; locus tamen insignis apud eundem extat, qui revulsioni videtur parum favere. Ad sistendum immodicum mensium fluxum jubet ille ut vincula injiciantur supra genua; verum quidem est, quod præcipit quoque ut eodem tempore vinciantur brachia; nodum hunc solve annisi sunt Rorarius, & Fonseca, sed non plane satisfaciunt; meum sane non est hujusmodi scrupulos dissolvere, meliori enim vindice dignus est hic modus, proferam tamen quod sentio. Quidquid sit de efficacia hujus remedii, & num eventui respondeat, videtur Hippocrates mente attigisse motum sanguinis perennem per suos ductus; multis enim in locis mentionem habet de sanguinis stasi, & interceptione venarum, quam *φλεβὴν ἀπολείπον* appellat; ut ergo fluxum catameniorum cohiberet, sanguinis stationem, seu saltem remoram aliquam humoribus impetrandam curabat, tam in partibus supra, quam infra cor, vinculis ad brachia, & femora injectis, nihil veritus quod ligaturæ supra genua ad uterum quicquam traherent. Ac re vera quid magis ex improviso hæmorrhagias sistit, quam superveniens animi deliquium, cui necessario consecutaria est cordis a motu feratio, ac eodem tempore sanguinis stasis?

XV. Sic autem ratiocinari nos cogit Divinum prorsus inventum circularis motus sanguinis, quod unicuique *φαινόμενον* innumeras discussit errorum tenebras, effecitque ut humani corporis, cæterorumque animantium, quibus præcordia finxit Divinus Opifex, vera, ac genuina œconomia innotuerit. Cor enim nectaris vivifici, quo corpus universum sustentatur, promus, & condus est, habens ad latera arterias, & venas administras; Arteriae ex sinistro penu alimoniam depromunt, ac partibus omnibus, vel remotissimis dispensant, Venæ assidentes

quod a nutritione reliquum fuit suis radicibus, tanquam manibus, recolligunt, & ad dexterum cordis condum comportant. Iisdem venis medio in itinere succenturiant venæ lacteæ, quæ novum com meatum sanguini sub forma candidi laticis refundunt, qui postea in pulmonibus admirando artificio purpurascit. Hæc est vitalis facultas vera, & naturalis œconomia, cui non parvas suppetias fert animalis potestas, quæ pro beneficio purioris sanguinis ad cerebrum delati uberem spiritum influxum per nervos cordi suppeditat ad illius motum perennandum. Sic binæ istæ potentia, licet sedibus, & regimine distinctæ, tanquam fœderatæ Provinciæ, sibi invicem collata beneficia rependunt. Sicuti autem in civitate bene constituta, quo usque legibus suis vigor præstat, summa tranquillitate degitur; iis autem pessundatis, turbarum plena sunt omnia, ita in humano corpore circularis motus sanguinis lege servata facta tecta valetudo est, ea vero infracta, susque deque aguntur omnia, ac intestinæ seditiones subsequuntur.

XVI. Quamvis autem lex ista, quam primus tulit Harvæus, vel cujus prima fundamenta jecere Itali nostri, ut Andreas Cæsalpinus, Realdus Columbus Cremonensis, pro rata, immo sacra habeatur, non defuit tamen qui nuper legem hanc abrogare contenderit; is fuit Homobonus Pifo Medicus Cremonensis, qui edito libello sub titulo *Ultionis Antiquitatis* circularem sanguinis motum tanquam recentiorum commentum traduxit. Hic mihi non vacat ejusdem rationes, ac fundamenta expendere; solum hoc innuam, quod illius primum argumentum ab hujus legis inobservantia petitur (eo quod Medicorum quotidiana praxis, præcipue circa usum V. S. suppositæ doctrinæ de sanguinis circuitu quicquid non respondeat). Professoribus incuriam exprobrat, quod equidem verum est, ac maxime dolendum, cum innumeri pene sint, qui passim crepent hunc circularem sanguinis motum, sed postmodum, vel ob inscitiam, vel oscitantiam, non bene pensitatis iis, quæ ex tali principio consequuntur, operibus tollant quod magnifico verborum apparatu statuerant. Verum cum huic malo medelam aliquam apponere sit necesse, Professor in hac Civitate mihi jamdudum conjunctissimus Opus jam molitur, cui hunc vult esse titulum. *Rationarium Medicum Sæculare, quo summam, ac veluti facta suppuratione apparet quid lucris ex celebrioribus Inventis Anatomicis hujus sæculi Artæ Medicæ, tam quoad theoriam, quam quoad praxim accesserit.* Habent mercatores sua rationaria, sicuti & diligentes œconomi; habent & Principes, ut olim Augustus, qui diuturnæ valetudinis tædio rationarium Imperii Senatui tradidit; non abs re forsitan erit si Medica Republica rationarium suum habeat, quod monstret quantissimum sæculum, & quod simul pro saniori medendi methodo inserviat. Hujus operis editionem usque ad finem hujus sæculi animus illi esset differre, spe forsitan quod novo aliquo invento sæculum hoc coronetur, cum adhuc vivant multi egregii viri novarum rerum repertores, inter quos Celeberrimus Malpighius, qui Romæ nunc degit ad Pontificiæ valetudinis custodiam; verum ego non desino collegam hunc meum urgere, ut ad meditata serio incumbat, ac utinam eo usque illi fata vitæ lineam protendant, ut opus hujusmodi ad umbilicum deducat. Verum e diverticulis in viam.

XVII. In iis ergo affectibus, qui ab humorum fluxione fieri supponuntur, iterata V. S. ad tot scopos implendos totum corpus depeculatur, & morbi causam persæpe deteriore efficit. Ubi enim vasorum plenitudini quæ vires premit, factum fuerit satis, seu ad humorum organum sufflaminandum si adsit, sanguinis sufficiens copia detracta fuerit, satius profecto esset iis hæere remediis quæ sanguini debitam crassam restituere nata sint. Certe in hac hyemali constitutione catarrhis obnoxia repetita V. S. non adeo salubriter cessit. Multos pleuriticos certo scio inopinato periisse, postquam bis, vel ter secta fuisset vena. Præ cæteris pius Sacerdos firmi alioquin habitus ex pleuritide laborans, postquam tertia vice detractus est sanguis, eadem die interiit. Non solum autem turpis est calamitas, agrum epoto medicamento occidere, ut aiebat Hippocrates, sed etiam si detracto sanguine paulo post intereat. Senioribus vero in hac tam rigida tempestate periculosum fuit sanguinem etiam semel detrachere. Nobilis mulier nonagenaria, ex pleuritide spuria decumbens, cum instaret, ut sibi tunderetur vena, ac ego

renue-



venuerem, alter Medicus accersitus illi morem gessit, & citissime eam sustulit.

XVIII. Ut constet quali cautione in senum regimine sit procedendum quotiescunque ab aliquo rheumatico affectu premantur, in Boreali praesertim constitutione, insignem oppido, ac notatu dignam Hippocratis historiam hic lubet apponere. *Halicarnassensis qui in domo Xantippi diversabatur aurem hyeme dolebat, & caput non mediocriter; erat autem annorum circiter 50. Vena secta est juxta Mneximachum, lesum est caput evacuatum, ac perfrigeratum, non enim facta est suppuratio. Phreneticus factus est, & mortuus.* Tot circumstantias hic apposuit Divinus Praceptor, ut credi possit, historiam hanc plus continere in recessu, quam in fronte; raro fit, nec scio, quod alibi in ullo aegrotante annorum numerum definierit Hippocrates; consideranda igitur erat aetas ad senectutem vergens, anni tempus hyemale, humor peccans, crassus nempe, ac frigidus, aetati ac tempori congruens, qui obstructionem faceret, ac tensionem in parte, atque hinc dolor; ex alieno praescripto (mentionem enim facit curantis Medici, quod illi non adeo familiare) missus est sanguis, at quonam eventu? perfrigeratum est cerebrum, subsequente caloris nativi necrosi, ac prohibita est suppuratio; neque enim tanquam parergon, ut ait Vallesius, adjecit Hippocrates illa verba, *non facta est suppuratio.* perniciosum enim effectum ex intempestiva V. S. secutum innuere voluit, prohibitam scilicet humoris maturitatem. Lethargicum autem potius, quam vere phreneticum factum fuisse interpretatur Vallesius; cum in libris Epidemiorum quoscunque delirantes phreneticos senex Cous appellare consueverit.

XIX. Saepius quoque mihi advertere obtrigit, quod in hac rheumatica constitutione, si febre superveniente missus fuerit sanguis, deterior factus fuerit affectus, ac etiam quandoque cum funesto eventu. Ut plurimum ubi catharri urgent, vel in pectore, vel quacunque alia parte, si febris superacceserit, multis ex professoribus solemne est ad phlebotomiam, tanquam ad sacram anchoram, confugere. An tum navis securior? Periti nautae ventis etiam adversis aliquando utuntur, ut portum fortiter occupent: Febris autem non tam horrendum est monstrum, quod etiam a perito artifice sub jugum mitti nequeat, nec sine aliquo emolumento. Est ubi febris sanguinis missionem hortetur, est etiam ubi dehortetur; sed opus est diorismo. Si nimis densam compagem sanguis adsciverit, & ad statim aptus, vel in pectore, vel in capite restagnet, si febris postmodum accendatur, vel parce, vel nullo modo sanguis mittendus; saepe etenim naturae ipsi manu gladium abripimus, quo morbum se sola potuisset conficere; si vero contrariam diathesim sanguis habeat, & ob orgasmum aliquem ad διαχύσις, seu diffusionem promptior sit, febris superaccedens V. S. hortatur. Locus est insignis apud Hippocratem, quem hic referre non abs re fuerit, *Quicumque derepente obmutescunt, si sine febre fuerint, ipsis Venam secato.* Solenne est Hippocrati in libris Epidemiorum illud verbum adjicere ἀνύπετος; magni enim ponderis ad rectam curationem est haec consideratio, num affectus sit cum febre, vel sine febre; non solum enim a febris praesentia, sed etiam ab ejusdem carentia defumendae sunt indicationes, ut in hoc loco Hippocrates, qui tamen interpretandus, ubi crassi humores naturam onerent, ac periculum sit ne calor innatus suffocetur. Videant ergo quantum a via, quam trivit Hippocrates, deflectant, qui a febre alicui affectui superveniente illico oblatum sibi scopum tundendae venae ad ravim usque conclamant.

XX. Prae oculis itaque semper habenda anni conditio; etenim sicuti in maxima frugum abundantia, *Annus est, non Terra quae fructificat*, ut ait Theophrastus, ita in quibusdam temporibus non particularis corporum dispositio, sed anni constitutio ea est quae morbos progerminat; attente idcirco observandum quam diathesim sanguis asciscat, sive id in sensibiles qualitates, sive in insolita effluvia e terra expirantia referre placeat, & quanam remedia prosperum fortiantur eventum; saepe etenim fit, quemadmodum scite advertit Tho. Sydenham,

morbosum epidemicorum accuratissimus Scriptor, quae methodo quis morborum quasdam species feliciter curaverit, vertente anno, eadem methodo deteriores reddat, quare idem Auctor ingenue fatetur, se nunquam satis cavisse, ne qui primi se illius curae commisissent, vita periclitarentur, donec multiplici observatione, ac perspecto morbi genio, ad veram curationem recto pede procederet. Sic phlebotomia, quae alias in memoratis affectibus salubris esse consueverat, in hac constitutione non insignem operam praestitit, quod procul dubio referendum erat in praegressam antecedentis anni constitutionem frigidam, ac nimbofam, & subsequentem hyemem nimis horridam, ob quam adeo crassam compagem, sanguis contraxerat, ut si plus aequo detraheretur sanguis, & calor innatus labefactaretur, humores ad motum ineptiores redderentur, ac facilius concreverent. Talem autem fuisse sanguinis texturam ejusdem sanguinis conditio multam pultem in superficie praese ferentis, nec non multi polypi in dissectis cadaveribus ac denatis ex catarrho intra cordis sinus, & ipsa vasa sanguifera reperti satis demonstrarunt.

XXI. Frequens autem hisce temporibus in demortuis ex repentino casu polyporum observatio, si non aliud, id saltem praestat, quod vera quorundam affectuum causa innotescat, & culpa vacare credatur Medicus, si monstret quam mala bestia cubet in praecordiis. Id praeterea consequimur, ne diversa morborum nomina nobis imponat; Syncope enim cardiaca, catarrhus suffocativus, & apoplexiae species quaedam non aliam persaepe agnoscunt causam, quam polyposas concrectiones in corde, vel in vasis sanguiferis stabulantes. P. Salius particulare caput de syncope cardiaca instituit, aitque illam fieri ex sanguine in venis, & arteriis coalescente; sic casum refert puellae subita morte extinctae, cujus cadavere dissecto, ex arteria magna sanguis concretus eductus est, non aliter quam gladius e vagina extrahi solet. Refert quoque Riverius puerum 5. annos natum ex catarrho decumbentem, postmodum lypothymia correptum subito interiisse; aperto vero cadavere, in sinistra cordis auricula materiam crassam, & compactam repertam fuisse, quae, ut ipse ait, laridum coctum referret, cui polypi nomen non indidit hic Auctor, cum nondum in Microcosmico Erythraeo polypos expiscata esset Anatomicorum solertia. Nuper apud nos vir sexagenarius, praepinguis habitus, subita morte oppetiit, dissecto cadavere ad explorandam mortis causam, ex pericardio fere duae librae concreti sanguinis extractae sunt, ac in trunco arteriae magnae ascendentis inventus polypus lacertulae longitudinem, & magnitudinem referens. Intercepto itaque ob hujusmodi extranea corpora sanguinis in orbem itu, ac reditu, & mutuo inter cor, & cerebrum interrupto commercio, non suggerente corde sanguinem cerebro per arterias pro spirituum animalium generatione, nec cerebro cordi spiritus animales ad perennandum illius motum (quando cordi a motu nullae sunt feriae) necesse est, ut subitus subsequatur interitus. Casus autem hujusmodi, vel a syncope cardiaca, vel a catarrho suffocativo, veletiam ab apoplexia fieri dicamus, parum refert. Binas apoplexiae species statuit Heurnius, unam quam parvam appellat, ac ait fieri ob φλεβῶν ἀπόλειπιν idest ob prohibitum sanguinis in cerebrum influxum, alteram magnam ob interceptum spirituum animalium e cerebro effluxum. Tres vero apoplexiae species ex Hippocratis doctrina tradit Martianus, quas tamen in essentia convenire, & a sanguinis στάσεως pendere autumat, quae quidem sanguinis statio a polyposo crassamento induci potest, cujus generatio, ut ut non sit momentanea, accedente tamen aliqua causa, quae sanguinem in motum rapidiorem cieat, & praexistente prava totius massae sanguineae dispositione ad grumescendum, mirum non est, si sanguinis stagnationes ex improvise contingant, ac interrupto spirituum vitalium radio, qui a corde jugiter influunt, cerebrum, lunare sydus microcosmi, eclipsim patiatur. De hac apoplexiae specie, in qua morbi causa est extra cerebrum, pluribus in locis agens Divinus Praceptor, in libro de morbis haec habet ipsa verba, quae utpote notatu digna, & sanguinis circuitum adumbrantia ex nativo fonte hic transferre placuit αἱ φλέβες ἐπὶ τῷ ἐξ ἑαυτὰς ἐρύσσει φλέγμα, ἀνάγκη καὶ



ευχρότητος τὸ πλέγματος, τὸ αἷμα ἐς ὄναυ μᾶλλον νῦν... μὴ κινῆσθαι ὃ τὸ αἷματος ἔχει οἷον μὴ ἔχει, καὶ τὸ σῶμα ἀτρεμίζεν, καὶ κεκοφώθη. id est, postquam venæ pituitam in se ipsas traxerint, necesse est præ pituita frigiditate sanguinem tunc magis sisti.... dum autem sanguis non movetur, fieri non potest, ut non etiam corpus quiescat, ac torpeat.

XXII. In apoplexia, ac præsertim ubi in paralyfim degenerat, sæpius observavi, modo loquelam amitti, voce superstiti, modo utrunque, quod quidem observatione dignum, tum ad prognosim, tum ad curationem, non enim idem sunt destitui loquela, ac voce destitui, αἰσὴν loquelam significat, φωνὴν vocem, quæ duo diversis organis perficiuntur, sermonis enim lingua est dædala, vocis autem larynx, & trachea. Observatio doctissimi Vvillissii est, ad gravis vocis efformationem truncum asperæ arteriæ deprimi, ad vocem autem acutam efformandam sursum attolli, quem motum alternum præstari ait a ramulo nervi recurrentis cartilagineos annulos deorsum trahente, & a nervo altero a plexu paris vagi eosdem sursum attollente; sic exolutis nervis ad linguam pertingentibus αἰσθῆσις subsequitur, ἀφωνία vero si exolvantur qui ad laryngem, & tracheam dimittuntur; poterit ergo aliquis esse αἰσθῆσις, & non ἀφωνία, ut muti, ac infantes recens nati, qui sonos edunt licet non articulatos, non tamen e converso potest esse quis ἀφωνία, & non αἰσθῆσις. Quare Hippocrates in historia Pythionis, qui postea die 10. mortuus est, scripsit hæc verba. Circa vesperam omnia exacerbata sunt, αἰσθῆσις, ἀφωνία. Loquela destitui malum quidem signum est, perniciosus vero etiam voce privari, idcirco Divinus Præceptor ut pessimum Pythionis statum indicaret has binas voces apposuit. Æque vero tam aponia, quam arnaudia fieri possunt, tum ob exolutionem, tum ob convulsionem; procul dubio Pythione aponia convulsiva erat, nam die 6. dolores vehementes ipsum tenebant; in hoc itaque distinguuntur, quod aponia quæ intensione consistit, fatalis est ad crudelissimam mortem; quæ vero in exolutione, moriendi sensum adimit, ut ait doctissimus Duretus. Cum itaque ob nervorum, & musculorum vocalium tensionem, quam ob laxitatem, fieri possit aponia, quotiescunque illa appareat, diligenter advertendum num convulsoria sit, vel exolutoria, ut apta remedia præscribantur, τὰς enim, & λύσεις contrarii sunt affectus. Sæpe autem fit, ut si in maligna febre aponia superveniat, ad aliquam excusationem apud vulgus aucupandam soleant nonnulli magna utique confidentia pronunciare, ægrum apoplectico insultu correptum fuisse, cum tamen aponia illa convulsiva sit; perraro enim in acuta febre aponia apoplectica succedit, quod tamen aliquando observatur, & qualem casum nuper habui præ manibus. Vir enim robusti alioquin habitus, post 12. paroxysmum tertianæ febris factus est αἰσθῆσις, καὶ ἀφωνία, resoluta eodem tempore brachio, & crure dextro; ac jam vocem ex integro recuperavit, sed nondum perfectum sermonem. Narrat Forestus, textorem quendam ob leve vulnus in extremitate pollicis in dextra manu obmutuisse, quem veluti linguæ paralyfi affectum a securatum ait; ego autem pace hujus celeberrimi viri, crediderim obmutescentiam illam ortam fuisse potius ex convulsione linguæ; nam æger ille, & nutu, & scripto, ut idem Auctor refert, indicabat sibi linguam tanquam filo constringi.

XXIII. Atque hi quidem vagabantur affectus ob superius memoratas causas, quibus addendum, quod cum anni prava constitutione conspiraverat rei annonariæ penuria, quæ sola potis est crassis humoribus corpora infatire, ob prava alimenta, ac præcipue ob usum leguminum, quæ suapte natura agere coquuntur, unde cacoehymia; propterea urgente frugum inopia, caute usurpanda magna remedia, præsertim in popularibus, quod in praxi diligenter observandum. Sicut enim ex Hippocrate difficulter ferunt purgationes qui pravo utuntur cibo, eo quod illorum corpora, ut Galenus interpretatur, cito exolvantur, vel ob syncopem stomachicam, in quam facile incidunt cacoehymici ubi purgantur, ut Heurnius, haud secus per V. S. quoque in summum discrimen adducuntur, uti frequenti observatione mihi compertum. In quibusdam oppidis hujus ditionis, ac præcipue Castrovitti, & Scandiani, Sydenham opera Medica.

idem accidisse accepi, quod apud Ænum civitatem Thraciæ ob annonæ caritatem evenisse scripsit Hippocrates, ut multi ob usum leguminum, acervi præsertim, in crurum exolutionem inciderint. In hujusmodi ergo calamitatibus cautum esse oportet Medicum, nec adeo liberalem in profundendo humano sanguine, uti quibusdam aliistemporibus. Ad has itaque circumstantias, & præcipue ad anni constitutionem, tanquam ad versoriam, mentis acies potius convertenda, quam ad decerpendum ex libris, generales morborum curationes, ne vetus parœmia obtrudatur, Nauta ex libro.

XXIV. Quare autem plebs urbana in hac constitutione prædictis affectibus magis obnoxia fuerit, quam agrestis, id forsan factum crediderim, quod rusticana gens vitam actuosiorem degens, sanguinem magis fluxilem haberet, ac minus aptum ad stagnationem, seu quod in rurali epidemia in altera mea Differtatione descripta, febres diuturnæ, quæ agrestem populum exercuerunt, vicem Crisæ suppleverint, sanguinis facultentias sensum repurgando, ac ad meliorem crasin totam massam humoralem perducendo.

XXV. Circa æquinoctium cœpit frigus mitescere, ac tam subita facta est permutatio ab intenso frigore ad immoderatum æstum, ut ab æquinoctio usque ad Martii finem calor haud multum distaret ab æstivo, sole in occasu flammeo apparente, non secus ac Augusto mense; subsecuta quidem postmodum Aprilis mense aliqua caloris remissio, sed firma semper, & constans perstitit siccitas, sereno, ac præfudo cœlo; cum itaque nulli prorsus imbres per totum Aprilis mensem decidissent, non lenis timor omnes corripuit de anno parum frugifero; non modici tamen solaminis erant plantæ omnes fructiferæ floribus passim albescens, quæ fructus tum præcoces, tum horæos abunde pollicebantur, uti revera contigit, hoc anno laboranti Cereri succenturiante Pomona. His addebatur, quod calor non proportionate ad solis accessum augescens siccitatem in dies auctiorem reddebat, quare toto Vernali tempore terra non minus arida, ac dehiscens viscebatur, quam cum findit Canis æstifer arva. Perseverante pariter Majo mense hac arida constitutione, nisi identidem, ac sporadice modicis imbris delapsis, magna herbarum inopia hoc anno laboratum est; fabis quoque ac omnibus fere leguminibus ob humidi defectum arefactis, exigua quoque spe superstiti, quod eandem ob causam triticea messis ad bonam frugem perducì posset.

XXVI. In hac Vernali tempestate, ac præcipue in prima Veris parte, iidem pectoris morbi, non adeo tamen graves, ut hyeme, perseverarunt. Sub finem autem Veris tertianæ febres, tanquam spicilegium prægressæ messis, caput denuo extulerunt. Nunquam apud nos annus scabiosior visus est, omnibus fere urbanis, ac ruricolis quoque, scæda scabie laborantibus, quæ neque ad iteratas purgationes, neque ad repetitas phlebotomias quicquam mitescebat; Sanguis qui secta vena educabatur, multum feri flavi præferebat, ac urinæ valde coloratæ apparebant. Haud secus quam anno elapso magna fuit animalium strages, ac pecudum præcipue, ita ut ovillus grex totus pene deletus fuerit.

XXVII. Quoniam nullus morbus adeo popularis est ac scabies (si tamen illam in morborum classe licet reponere, quando Hippocrates scabiem turpitudinem potius, quam morbum appellat, & Plato malum vocat mixtum ex dolore, & voluptate, ac propterea græce dicitur πᾶσι γλυκύπικρον) quoniam inquam, nullus affectus adeo familiaris est, & qui medicos conatus magis eludat, ut hinc ansam captarit Helmontius vulgarem Medicorum praxim traducendi sub titulo Scabiei, & Ulceris Scholarum, perfricemus paululum, si licet, hoc ulcus. Ingenuo pudore profecto lateri licet, nihil fere laudis medicinæ professoribus ex scabiei curatione accedere; imo non raro iis palam præcipi a superveniente vetula, quæ solo linimento interdum præstat, quod magna remediorum supellectile præstitisse non potuerunt qui morbos Herculeos se perdomuisse deprædicant, quin interdum, ut ait Poeta

Inque ipsos sæva medentes

Erumpit clades, obsuntque Auctoribus artes.

Quam labem omni studio, ac juxta omnes Politicæ regulas a se debet arcere ex Galeni consilio quisquis



Medicus; nam scabies, ut idem ait, cum deformes reddat quoscunque tenet, multo magis Medicum Clinicum deformem, & horrendum efficit, cui hac foeditate laboranti obtundi possit dictum illud Poetae Tragædi, quod affert Plutarchus.

*Ἀλλὰ τὰ πρὸς αὐτὸ ἔλασεν βρῶν,*

id est *Aliis medens, at ipse ulceribus scatens.*

XXVIII. Scabiei curationem solis topicis esse perficiendam, ablegatis omnibus internis remediis, quæ corpora incassum fatigant, vult Helmontius; observans enim quam facili negotio corpus exacte sanum ex solo contactu alicujus scabiosi infici possit, credidit scabiem pendere a pravo cutis fermento, quod ejusdem alimentum corrumpat, nequaquam vero ab interno viscerum vitio, quare solis topicis suader abigendam; ast hujusmodi opus periculosa plenum alexæ merito censetur. Ballonii itaque celeberrimi Practici consilio hæere placet, qui cum diorismo procedens explicat ex mente Hippocratis, quando scabies sit morbus, & quando abscessus, hoc est rectam semitam indigitat, qua Medicus certo pede ad scabiei curationem procedat, lubet autem hic ipsum Hippocratis locum afferre. *Impetigines, & lepra, & vitiliginis alba, quibus quidem Juvenibus horum factum est, aut paulatim conspectum multo tempore augetur, his non putare oportet abscessum esse, eam papularum eruptionem, sed morbum, quibus vero horum aliquid est factum multum, & derepente, hoc sane fuerit abscessus.* Hunc locum pariter observans doctissimus Mercurialis, *Quid sit, ait, abscessum esse, & non morbum, atque e converso, non omnes intelligunt.* Scabies itaque, alique cutanei affectus in morborum classe sunt recensendi quando paulatim fiunt; quando vero conferim, ac præcipue post gravem aliquam ægritudinem, non morbi nomine, sed *Ἀποσάσας* insigniri debent; est ergo in scabie, ubi liceat solis topicis incumbere, ait Ballonius, cum nimirum scabies est solius cutis morbus, est etiam ubi necesse sit internis partibus prospicere usu purgantium, & alterantium, ac nefas sit solis topicis scabiem exterminare velle, hoc est cum scabies est alterius morbi soles, ut in cachexia.

XXIX. Chronicorum affectuum eam esse naturam, ut qui hyeme auferunt, æstate desinere soleant, qui vero æstate, hyeme finire debeant, scripsit Hippocrates. Hanc autem esse scabiei indolem, ut hyeme luxuriat, ac magis sæviat, æstate vero evanescat, ver saltem mitescat, jam norunt omnes. Quando igitur scabiosus aliquis curandus suscipitur, libere protestandum esset, non institui curationem, nisi ut facilius æstivo tempore tam foedus morbus extirpetur, atque hanc esse hujus pestis naturam, apud nos saltem (de lepra non loquor morbo Ægyptiis endemio, ut refert P. Alpinus, ob aquam cœnosam, & salitos pisces, quorum usus apud illos valde familiaris est) ut æstivi caloris beneficio facilius, quam cicoraceis abigatur; satis abunde testante experientia, quod nulla prævia purgatione, vel phlebotomia, ulloque alio remedio, quotquot agrestes per hyemem scabie laborarint, superveniente æstate, non secus ac angues, psoræ exuvias deponant, ac illis niteat *assiduo curata cuticula Sole*. Verum hujusmodi protestatio ad avertendam calumniam quandoque non satis est. Laborabat olim F. Petrarca sicca scabie, ut ipse refert, ac postquam a medicamentorum diuturno usu se frustra exhaustum videret, Medicos, quibus ex sua natura insensus erat, objurgare cœpit, ac iis respondentibus, expectandam esse Æstatem, ita percitus eosdem dimisit his verbis: *Ego autem neque Medicis credo, neque ab Æstate spero quicquam, sed ab illo, de quo scriptum est: Æstatem, & Ver tu plasmasi.* Psoræ itaque potissimum remedium ab æstivo calore pendet, qui potis est novam crasin in massam sanguineam invêhere, ac illam particulis spirituosissimis saturare, quo pacto acidum illud luxurians, quod cutem exarabat, infringitur. Purgationes itaque ut ut repetitæ, iteratæ V. S. illitiones, Balnea, & omnis medicus apparatus persæpe præstare nequeunt quod solus aer æstivus. Cum hoc Vere cuidam docto Amico meo levem purgationem ad sanandam scabiem, qua vexabatur, præscripsissem, nec ideo melius haberet, ac illo urgente quid agendum superesset, per jocum remedii loco dictum illud Satyrici adduxissem:

*Durate, atque expectate Cicada. Ille ad me con-*

versus: & Tu quoque, inquit, ad græcas Calendas honorarium expecta.

XXX. Utriusque casus duo habemus notatu digna exempla apud Hippocratem in libris Epidemiorum, quæ hic lubet afferre. *Lata pustula non valde pruriginosa, quales Simon habebat hyeme, qui ubi ad ignem inungeretur, aut calida lavaretur, opem sentiebat. Vomitus non proderat.* Manifestum specimen huic habemus scabiei cum morbus est; nam ex facta inunctione, vel in ipsa hyeme, opem sentiebat; si enim scabies illa fuisset abscessus, ac alterius morbi productum, non solum ex intempestiva unctione nil opis sensisset, sed gravem noxam expertus fuisset. Observanda quoque illa verba. *Vomitus non proderat*; signum evidens, corpus illud fuisse sanum, ac totum vitium in externis corporis partibus extitisse. Corpora sana difficulter ferre purgationes effatum est ejusdem Hippocratis, qui pariter ubi fauces ægrotant, aut tubercula in corpore nascuntur, præcipit ut dejectiones inspiciantur, quæ si sint similes sanis, ait, tutum esse corpus alere, sin minus, purgationem instituendam; fieri enim potest, ac sæpenumero contingit, ut corpore sano intus existente tubercula in cute progerminant.

XXXI. Exemplum aliud scabiei, prout abscessus dici meretur sequens est: *Homo quidam Athenis pruriginis toto corpore vexabatur, & cutis crassa erat & velut lepra aspectu; huic nemo opitulari potuit; transgressus ad Melum, ubi sunt calida Balnea, a pruritu quidem, & cutis crassitudine liberatus est, sed hydropicus factus mortuus est.* In hoc casu certe affectio illa pruriginosa abscessus erat, ac fructus morbosæ radicis in visceribus implantatæ; vel immoderate, ut putat Valesius in Commento, aquis illis thermalibus usus fuerit homo ille, ut soffocato innato calore cessarit illa peccantium humorum excretio ad cutem ablegari solita, vel ut verisimilius interpretatur Martianus noster, aquæ illæ sulphuratæ essent, ac propterea, ut idem ait: *Densata a balneo cute humores pruritus excitantem ad hepar retrocedentes scyrrhum induxerint, ex quo factus fuerit hydropicus, satis sit quod illi magis consultum fuisset, prospexisse ad id quod latebat intus, quam quod in cute apparebat.*

XXXII. Ut ad rem nostram hætenus dicta applicemus, popularis hæc scabies in classe abscessuum profecto erat collocanda, utpote productum præcedentis constitutionis nimis pluviosæ, nec non & pravi victus ob annonæ caritatem; sic refert Galenus sua ætate cum plurimas Romano imperio subditas gentes vexaret famines, ac frigus omnibus in urbem asportatis, agrestes, quibus relicta fuerant solum *σπαρα καὶ χέσπρα*, ac etiam in exigua copia, ut fruticum germinibus, & bulbis vesci cogentur, omnes sub Veris finem a variis cutaneis affectibus conflictatos fuisse, quorum alii erysipelas referrent, alii herpetem, & alii psoram, impetiginem, & lepram. In hac itaque nostra populari scabie solis topicis fidere tutum negotium non erat, & quotquot sive sponte, sive alieno consilio scabiem unguentis antipsoricis abigere tentarunt, id suo periculo sunt experti. Rem oppido notatu dignam hac occasione mihi observare obtigit. Novi multos, qui tædio hujus foedi morbi unguentis scabiem exterminare etiam in ipso Vere tentarunt, sed postmodum scabie retropulsa febre correptos, urinas nigras, & fuliginosas illico reddidisset; cum autem usu remediorum humores ad cutem propellentium reproduceretur scabies, urinæ sanis similes reddebantur; denuo autem retrocedente scabie, vel rursus erumpente, hæc reciproca in urinis apparebat mutatio; quamvis autem hujusmodi urinæ cum parva febre, quæ malignitatis speciem aliquam præferret, me suspectum non parum haberent, sollicitus tamen circa scabiei reproductionem semper bonam spem alui, & quotquot habui præ manibus, vidi tandem a morbo superstites. Animo autem versans quare ad scabiei retrocessionem urinæ redderentur fuliginosæ, id fieri posse credidi, quod acidum in cute luxurians, & psoram efficiens, ob factas illitiones haud amplius expirans, & venis resorptum, & cum alchali sanguineo permixtum serum sanguinis atredine infuscarit, non secus ac quando limpida vitrioli solutione cum infusione gallæ permixta, atramentum conficitur. Pro regeneranda vero scabie non semel, nec sine prospero eventu usus sum remedio a Zacuto



Lufitano propofito, & ab Et nullero commendato, jubendo, ut æger, cui retroceffiffet fcabies, decumberet in linteis ab aliquo fcabiofo infectis. Remedia porro quæ magis ex ufu fuere, fi non ad fcabiem extirpandam, faltem ad eam moderandam, ut fuperveniente æftate facilis aboleri poffet, fuere præfertim ea quæ ex viperis parantur, quibus multos vidi feliciter fanatos. Ubi liceat igitur internis remediis. uti ad fcabiem radicitus extirpandam, nihil profecto confultius quam ad diaphoretica confugere, non fecus ac fit in lue gallica; ficuti enim inter hos duos affectus magna eft cognatio, ita eadem fere methodo curandi. Sic Heurnius ad pforam debellandam, purgatis prius noxiis humoribus, ligni Indici, ac falæ decoctum valde commendat; ait enim quod hoc remedio facile expirat concepta in habitu corporis contaminatio.

XXXIII. Horrent nonnulli in fcabie, aliisque cutaneis affectibus, cane pejus & angue viperina remedia, veriti ne excedens caliditas & uftionis nota hepari, & toti maffæ fanguineæ imprimatur; aft ego magis horreo nimium refrigerantium ufum, nec quinquam novi, qui exhaustis integris ptifanis, feu post diuturnum feri, & cichoraceorum ufum a fcabie, ut ut ficca, & arente, liber evaferit; fcio equidem pene affiduas effe fcabioforum querelas de nimio calore, tum interna, tum externa perurente, at iis præbendæ non funt aures; graviter quoque pueri, quibus perniones ob violentum frigus oborti funt, de nimio calore in pedibus conqueruntur, nec fine ratione, ob fubfecutam aliquam inflammationem, an ideo in pernionibus applicanda refrigerantia? Cordati Medici ergo erit morbi caufam animose aggredi, fanguinis vitiolam crasim emendando, remedii potiffimum quæ illius acorem temperent, qualia funt ex viperis parata, quæ fale volatili abundant. Quidquid fit de viperæ temperie, de quo confulatur Jo. Baptista Spontonus in fua Echidnologia, experientia fatis planum facit, nihil effe ad pforam, ac lepram quoque perdomandam efficacius, quam viperina medicamenta (quando tamen id agere liceat, nec fatius fit hunc hoftem inquilinum alere) nec adeo nos follicitos effe debere, ne plus æquo incalefcant viscera, dummodo tam fædi morbi eminium penitus reftinguatur. At nunquam ceffaret calpendi libido, tam ferax eft obfervationum hæc materia, nifi ad alia feftinaret calamus.

XXXIV. Exaëto Vere, Æftas fuccellit adeo fervens, ut nunquam huic fimilis vifa fuerit, idque præfertim Canicularibus diebus, quo tempore præter modum aer excanduit caliditatis exceffu fupra reliquos annos, ut Thermometri loquebantur, ad multos gradus afcendente. In hifce ardoribus identidem cecidere pluvie, fed nihilo fecius remittebatur æftus, qui confans perffitit per totum fere Septembris mensem; hac Æftate nullatenus fpirarunt etefiæ, unde a continuo æftu nullum levamen, hanc ob caufam multa animalia, ac præfertim canes, agebantur in rabiem. Nunquam alias cecidere crebriora fulmina, a quorum uno ictus eft agricola, indumentis omnibus peruftis, præter lora coriacea; is ad nonnullos dies attonitus jacuit, fed poftea fine ullo remedio in fe rediit, & adhuc fupertes eft. Hifce temporibus febrium cohors derepente incubuit, ac paffim per vulgus graffabatur, ut integræ familiæ eodem tempore febricitarent, denfiorque erat ægotantium numerus ea in parte civitatis, ubi magis patulæ funt viæ, ac humiliora tefta. Quotquot milites in arce reperti funt, fimul ex febre decumbabant, ut ruficānam militiam accerfere oportuerit ad illius custodiam. In fepto Hebræorum, ubi vici angufti, ac ædes altiffimæ, caligantesque feneftræ, nulli fere hoc faltem tempore ægotarunt, cum tamen cæteris annis primi funt recutiti, qui æftivarum ægritudinum impetum fuflineant. Ruricolæ, licet diurnis laboribus ad folis radios fere in fudores folverentur, cum tamen fub dio fuis in plauftis per noctem fomnum captare folcant, immunes ut plurimum degebant; fola itaque plebs urbana, & omnes, quibus & domus, & res angufta domi effet, exercebantur; falubris tamen erat morbus; nam febres iftæ tertianæ intermittentes erant, ac ut plurimum exquisitæ, & quæ die feptima, ac etiam citius, poft unam vel alteram phlebotomiam per fudores judicarentur. Nullus annus Medicis quæftuofior, & gloriofior unquam fuit, cum ægri

Sydenham opera Medica.

omnes ferme incolumes evaderent; medicum faftum tamen parumper temperavit. Autumnus *θαραςατος*; nam protractiores erant febres, & aliquando in malignas degenerabant. Remedia cordatis Medicis erant venæ fectio, & frigida ufus; hæc enim utranque paginam, ut dici folet, implebant; qui vero parva attollentes, ut plura viderentur præftitiffe, vel ut Seplafarios benevolos haberent, cardiacis calidioribus ufi funt, tanquam camino oleum addentes, ægros in extremam perniciem præcipitarunt. Limonum fuccus, fpiritus vitrioli, fulphuris, & fimilia erant egregia cardiaca; diverfis itaque artibus, ac diverfo telorum genere, cum hoc febrili exercitu congregiendum fuit; Anno fuperiori hoftis irritandus erat ad pugnam; hoc vero illius impetus parumper fufstinendus, & acutis tellis frangendus, qualia funt acida omnia. Sanguis qui fecta vena educebatur fumeus erat, & croceus, urinæ fimiliter multa bile faturatæ. Multis ex febricitantibus papulæ apparebant in cute, ac præfertim pueris, quales efflorefcentiæ Variolarum erant veluti prodromi. Variolæ quidem per æftatem paucos fufstulerunt, aft autumnus, & in prima parte hyemis paucis pepercerunt, ac minus iis quibus detractus fuiffet fanguis. Multis tertianæ febres in quartanas migrabant; ficuti autem præcedenti anno Peruviani corticis ufus in quartanis, ac diuturnis febribus improfpere ceffit, ita hoc anno faluberrimus fuit, & ii qui paffi funt recidivas, febres mitiores poftmodum experti funt, ac antequam Hyems cœpit mitefcere, quod circa Æquinoctium contingit, vifa eft pacata febrilis tempeftas, quæ fenfim in fummam tranquillitatem ceffit, adeo ut duobus poftremis decedentis anni menfibus in foro Medico pene continuæ effent feriæ.

XXXV. Hujus febrilis tempeftatis caufam faltem occasionalem in immodicum aeris æftum referre placuit, qui potis fuerit bili nimiam acrimoniam adfciscere, ut cum fucco pancreatico, minus apte, quam par eft, ebulliret, & in maffa fanguinea febrilem effervescentiam cie-ret. Neque mirum fit, quod exiguo tempore adeo permutata fuerit fanguinis, & omnium fluidorum crasis: magna eft enim vis caloris, quidquid Helmontius dixerit, calorem qualitatem Rerollæam appellans. Multa quæ fupapte natura dulcia funt ad ignem amarefcere, alia vero magis dulcefcere quotidie obfervamus; fic ut ait Gal. Lac coëctione eam dulcedinem acquirit, quam mel deperdit. Vinum quoque per totam hyemem, ac etiam Vernal tempus, nativam dulcedinem fervans, ubi Æftatem fenferit aufterum fit, nifi in hypogæis, & frigidioribus locis affervetur. Calor itaque ac frigus, five fint caufæ immediatæ, five excitantes, & occasionales, fubitas mutationes, in noftris corporibus parere poffunt & humorum texturam, citius quam quis putet, invertere. Narrationem oppido curiofam apud Lucianum habemus de febre quadam Tragæda (fic enim illam appellare liceat) quæ Abderitas temporis fere momento invafit. Egerat Archelaus Poeta Tragicus media Æftate, multoque æftu, apud Abderitas, Euripidis Andromedam, ex quo factum, ut multi ex Theatro febricitantes exierint, ac univerfi poftmodum febre graviffima correpti fuerint, quæ die feptima plurimo fudore erumpente, nec non fanguine e naribus profluente, folvebatur, fupervente tamen ridicula quadam mentis perturbatione; nam, ut refert Auctor, omnes quafi ad Tragædias agendas impellebantur, & jambica perfonabant, multumque vociferabantur, maxime autem Euripidis Andromedam canticis referebant, plenaque adeo Civitas erat pallidis, ac macilentis illis Tragædis feptimanis. Haud aliter apud nos immodicus æftus plebem urbanam inter anguftias fuarum ædicularum conclufam in febres agebat, afpectu quidem terribiles, nec fine mentis emotione, fed quæ poftea die feptima, oborto fudore poft celebratam liberali manu phlebotomiam folverentur. Hac de caufa eos qui circa urbis pomœria lares habebant, feu ubi magis patula, & ampla funt viarum ftrata, ut in ea parte quæ *Herculeæ Additio* appellatur, facilius febres adoriebantur; ubi vero urbs magis conferta eft, & vici angufti, & anfractuofi, minus a febribus populares exercebantur. Neque fortuito urbium conditores, anguftas, & anfractuofas vias effe voluiffe cenfendum eft, ut in iis urbibus, quæ adhuc aliquid antiquitatis retinent, qualis



est Mutina, ut nempe magis salubritati, quam pulchritudini consulerent. Sic Nero postquam flammis Romam absumpsit, intentus postmodum illius reparationi, dimensis viarum ordinibus, ac latis spatiis, splendidiorem quidem urbem pro Imperii maiestate, sed minus salubrem reddidit; nam, ut ait Tacitus, compertum est *veterem illam formam salubritati magis conduxisse, quoniam angustia itinerum, & altitudo tectorum non perinde Solis vapore perurperentur*. Hanc ob causam opulentiores cives, qui in amplis Conclavibus a tecto remotioribus degebant, sicuti etiam populus Apella, vim febrilis huius tempestatis minus sensere. Magni profecto momenti est ad preservationem a morbis æstivis in amplo, ac frigido Conclavi degere, ac somnum capere, ut a diurno calore attritæ vires per nocturnum somnum reparentur, *Somnum in frigore cooperto commendat Hippocrates*, quem locum in altera mea Dissertatione exposui; si ergo vel in ipsa hyeme præstat quiescere in loco ubi sit aura frigidior, idque in gratiam respirationis, dummodo totum corpus stragulis sit coopertum, ne a frigore carnes pungente interturbetur sopor, multo magis æstate præstabit in frigido Conclavi somno indulgere.

XXXVI. Hic autem immoderatus aeris fervor si febrem hanc popularem excitavit, viam quoque aperuit, ut citius reseratis poris, per sudorem febrilis materia evanesceret, idque beneficii secutum, ut exterminata radicitus scabie, plebs nitidior, ac vegetior apparuerit. Ac profecto gravis hæc morborum tempestas omnino desisset, ni Variolæ, quo magis ambientis calor tepescebat, eo ferocius sævissent, cum non solum puellarem ætatem demeterent, sed etiam grandævos, ac præcipue utero gestantes, quotquot hoc morbo laborarent. De Variolarum natura, & causis, cum tot extent doctissimorum hominum scripta, nil addam, nisi quod in hac variolosa constitutione, quæ circa Autumni finem vim suam magis exercuit, facilius evaserint ii quibus nec detractus fuit sanguis, nec ullum administratum remedium, toto curationis negotio naturæ commissio. Neque mirum quod V. S. noxia fuerit; si enim ex Hippocrate *Autumno paucissimus sanguis sit in homine* ob prægressam Æstatem, quæ corpora exhaurit, id certe apud nos hoc anno locum habuit, quare, virtus jam debilis ab exhaustu ob præcedentem æstivum fervorem, secta vena illico labascere videbatur, ac fieri minus apta ut noxium humorem ad cutim protruderet.

XXXVII. Sicuti in superioris anni constitutione noxius fuit Chinæ Chinæ usus, ut adnotatum, ita in hac ab illa toto cælo diversa, valde salubris compertus est; & multi quidem quartanarii hoc autumno per urbem vagari visabantur, sed quotquot ad hoc remedium confugere, vel integre sunt restituti, vel si nonnulli recidivas passi sunt, paulo post convalescere; hinc practicam cautionem, ulteriori tamen observatione confirmandam, elicio, securiorem esse Chinæ Chinæ usum, quando humores fræno potius egeant, quam stimulo. Anno elapso ob frigidam, & humidam constitutionem tota humoralis massa, utpote crassa, ac segnior fluens stimulanda erat, ac ad motum cienda, hac Æstate vero, ad orgasmum prona, ac nesciens stare loco, erat potius sufflaminanda, quod mire præstabat Peruvianus cortex, humorum impetum compefcendo. Eandem ob causam aquæ usus in altera constitutione adeo noxius in hac saluberrimus fuit, sicuti pariter acida omnia, quæ celebriorimus cardiacis palmam præripere, ut quæ partium Alchalarum vim frangerent. Hermeticorum enim effatum est, Alchalia per acida, & acida per Alchalia emendari.

Atque hæc pauca de huius anni constitutione, tumultuarie fateor, ac inter armorum strepitus, visum est conscribere, hyemantibus apud nos Germanorum copiis, quæ hac Æstate in Pedemontana Regione adversus Gallos militarunt; cæterum, urgente adhuc rei annonariæ angustia, vereri licet, ne venturo quoque anno popularium morborum nova seges succrescat, quod omen despuo.

## BERNARDINI RAMAZZINI

## Dissertatio Tertia.

## DE CONSTITUTIONE Annorum 1692. 1693. 1694.

Intermissam varias quidem ob causas, sed potissimum ob parum prosperam valetudinem, Operis incœpti texturam resumens, morbos qui hisce tribus annis apud nostrates populariter vagati sunt, nec non rariora quædam, quæ peculiari observatione digna credidi, compendiose referam haud dubia spe quod apud cordatiores Medicos veniam sim impetraturus, si minus apte, quam par est, res exponatur, modo fideliter (quod in historica narratione potissimum expetitur) id fiat, quod me præstiturum sancte polliceor. Horum vero trium annorum constitutiones non sejunctim, ut priores duas, exponere, sed unico fasce simul complecti libuit, ne eadem chorda, cum risu oberrans res easdem repetere deberem, quando unica & eadem fere morbosa Tragœdia totum hoc triennale spatium absumpsit, nec exordium obtinuit, donec cœli temperies in statum cœlo diversum permixta novos morbos in scenam produxerit.

II. Ut ergo a constitutione anni 1692. extraordinaria, Hyems satis regularis fuit, ac legitima, nec quid insolens habuit quod nostro huic climati non congrueret; primo quidem Boreales venti ad aliquot dies satis valide perflarunt, terra nondum nivali vellere adperta, unde metus erat ne fata exurerentur; sed ventis postmodum silentibus, ac modicis nivibus delapsis, Hyems propriam temperiem, & eas condiciones obtinuit, quas in libro de aere, Aq. & Loc. num. 25. recensuit Hippocrates, nimirum ut sit *moderata, neque valde Clemens, neque frigiditate excedat*. Morbi itaque hyemales observati sunt, ut tusses, pleuritides, erysipelata, apoplexiæ, ac in iis præcipue qui præcedenti anno a gravi aliquo morbo confictati fuerant; major tamen pars eorum qui ægrotarunt evasit, demptis paucis quibusdam e senioribus, & silicernio jam proximis. Nihil itaque hyemali tempore observare licuit quod τὸν ὀρθήμιον redoleret.

III. Neque vero sibi debita temperie multum descivit Vernale tempus; satis enim moderatæ fuerunt pluvix, ac interpolatæ, quales agricolarum votis responderent, sicuti Æstas quæ successit non admodum fervida, ut præcedenti anno, neque nimis sicca extitit, sed pluviis identidem labentibus, ac ethesiis suo tempore flantibus, talis fuit, qualis nostro cælo congrueret; quare messem si non plane frugiferam, qualem publica necessitas optabat, non improbam tamen exhibuit. Haud secus Autumnus stadium suum regulariter percurrens, cum prima parte hyemis non admodum rigida, annum clausit. Sic totum annum satis placidum, ac austrinum quoad primam qualitarum temperiem exegimus.

IV. Non ea vero moderatione sequens annus processit, illum enim totum intemperatum, ac prorsus exlegem experti fuimus, Hyemem totam cum perpetua cœli serenitate, & mitissimis frigoribus transigimus sine pluviis, ac sine nivibus, neque solum in hac planitie nostra, ubi sedet Mutina, sed neque in editissimis Apennini jugis, quæ alias per totam hyemem, & verum quoque tempus albescunt, Mari supero, & infero canum verticem ostentantes; sic neque Gabellus, & Scultena (inter quæ flumina urbs hæc posita est) glaciem, ut cæteris annis, sensere, quod multum contulit ad annonæ caritatem levandam, cum tota hyeme per hæc flumina frumentatores e proximis regionibus commeatus ad nos abunde conveherent, ad plebem nostram, & Germanos milites alendos, qui hoc anno quoque apud nos hyernarunt. Sic veris speciem Hyems tota Austrina exhibuit, cui postmodum Ver successit hyemis naturam, veluti mutatis vicibus, referens; ab Æquinoctio verno etenim usque fere ad solstitium perpetua fere fuerunt frigora cum ventis Aquilonaribus, ac perennes fuere pluvix, eæque adeo ingentes, ut passim flumina ruptis aggeribus campos inundarint.

V. Jam nefastum annum, & insalubrem nemo non prævidebat, tum ob pluviarum vim magnam, quæ morborum sunt seminarium, tum ob apparentia in Mororum



rorum foliis signa rubiginis, quæ sterilitatis prodroma est, ut annis superioribus summa totius Cispadanæ, & Transpadanæ regionis calamitate experti fuimus. Eodem modo subsecuta Æstas usque ad Caniculares dies Veris speciem exhibuit, quo tempore satis curiosum fuit, apud nos saltem, lusciniæ audire pro cicadis atbusta rumpentes. Sic ventum est ad Æstatem cum mitissima aeris temperie, nobis tamen impropriam, pluviis identidem magno impetu delabentibus; hinc ob solum valde uliginosum, & satis blandam caloris temperiem ad tantam altitudinem, ac densitatem omne frugum genus excrevit, ut metus anni parum frugiferi ex omnium animis fere exciderit; at improvisa rubigo, cujus non obscura indicia, ut dixi, apparuerant, spem omnium repente elusit; illico enim frumenta, fabæ, & quæcunque leguminum genera sydere affluxu veluti percussa exaruerunt. Inopinus itaque casus cum agricolas, tum urbanos quoque percussit; summam enim frugum penuriam non ante visam impendere præsentiebant omnes, quando ex præcedentium annorum sterilitate exhausta essent tum publica, tum privata horrea, nec aliunde commeatus, ut ex Mantuano, & Ferrariensi agro, possent suppetere, cum eadem rubigalis contagio totam Cispadanam, ac Transpadanam Regionem pervasisset.

VI. At non solum Cereales opes absumpsit hæc pestis, sed omne etiam subsidium, quod pomifer Autumnus solet suggerere, eodem tempore sustulit; solum enim acerbis adhuc fructibus passim respersum spectabatur, quin & plantæ ipsæ honore frondium orbata media æstate viscebantur. Uvarum quoque proventus, qui ab initio aureus sperabatur, ob eandem causam non nisi parcissimus prævidebatur. Mœrore itaque cuncta plena erant, dum agricolæ in agris non terebant nisi leves culmos, stipulasque volantes, quare sine Cereris, & Bacchi muneribus in omnium præcordiis frigebat sanguis. Harum calamitatum causa potissima frigida, & pluviosa constitutio passim culpabatur, quoties enim in hisce Regionibus Æstas sicca, & fervens præcessit, nunquam frumenti inopia laboratum est, ut apud nos Oraculi loco Virgilianum *Geo. 1. illud coli possit.*

*Magnaque cum magno venit tritura calore.*

VII. Autumnus porro Æstatis vicem supplens summis fervoribus & obstinatissima siccitate totam humiditatem, quam terra post tam ingentes pluvias ad satietatem hauserat, absumpsit, nec calor remisit nisi circa primam partem adventantis hyemis, quæ & ipsa leges suas nullatenus servans, verum satis placida, & mitis decedenti anno Vale dixit. Sic in hujus anni 1693. constitutione nulla ex illius partibus legitimam, ac propriam temperiem servavit, sed una alterius vires subeunte, omnes extemporaneæ fuerunt.

VIII. Sicuti autem prima pars hyemis, quæ præcedentem annum clausit satis placida, ut modo dixi, exiit, ita pars altera quæ An. 1694. fores aperuit, asperissima, ac rigidissima facie apparuit; per totum enim fere Januarii mensem flarunt Boreales venti cum perpetua cœli serenitate, ut squalidum, ac pulverulentum solum undequaque viseretur, non secus ac æstivis mensibus, quod apud nos prorsus insolens est, sic totam hyemem serenam sine aquæ guttula e cœlo decedua traduximus: apparente autem Verno Æquinoctio cœlum votis communibus respondit largis imbribus effusus, qui usque ad Aprilis initium perdurarunt, quibus postea, flante Austro, ingens caliditas successit, ut die quinta Aprilis in meo Thermometro liquor 70. gradum pertigerit, quo interdum neque Junio mense devenire consuevit. Reliquum porro Veris, ac totam Æstatem cum pertinacissima siccitate, & immoderato calore transegit, Autumnus quoque eundem tenorem, quod siccitatem spectat, servante: quare annum signare licuit præ cæteris valde siccum, & squalidum, colonis tamen non prorsus ingratis, cum frugum, & vini proventus non improbandum suppeditavit.

IX. Fusius forsitan quam res ipsa videatur exigere horum trium annorum constitutiones me prosecutum fuisse putabit aliquis, cum in cujuscunque anni constitutionibus sigillatim nihil eorum, quæ ad rem medicam spectant, & quod meum institutum est, attigerim, quasi *ἀσχετόν ἐργον* præmiserim; verum id consulto egisse me fateor, siquidem, cum ex superius memoratis pateat quam dissimilis, & discolor fuerit harum trium

*Sydenham opera Medica.*

constitutionum facies, & alia ex parte cum eadem prorsus Epidemia per totum hoc tempus, plus minus, grassata fuerit, satis liquere potest quam parum firmo talo stet illorum opinio qui ex manifestis aeris qualitatibus, caloris scilicet, frigoris &c. putant satis explicari posse Epidemicorum affectuum genesein, ac indolem, ut etiam ex prægressis constitutionibus prænunciari possint ægritudines, quæ populariter vagari debeant.

X. Egit id equidem divinus Præceptor, ut ex Sectione tertia Aphorismorum, *Aph. 11. & libro de Aere, Aq. & Locis* satis liquet, nam ex prægressa Hyeme sicca, & Aquilonia, & Vere pluvioso, & Australi pronunciavit *necessum esse*, ut Æstate acutæ febres fierent, lippitudines, & intestinorum difficultates; sicuti ex hyeme Australi pluviosa (& serena) Vere autem sicco, & Aquilonio, mulieres gravidæ abortivos fœtus edituras; cæteros vero montales difficultatibus intestinorum, & siccis lippitudinibus obnoxios fore: Verum Galenus, 3. *de diff. Resp. c. 1.* licet Hippocraticæ doctrinæ ita addictus, ut Hippocratis libris etiam spuris usum se scripserit, asserere non est veritus in citati Aphorismi commentario, Hippocratem usum potius fuisse rationali methodo quam observatione, & experientia. Huic Galeni interpretationi nullatenus assentiens doctissimus Mercurialis ait nil tale de sapientissimo Viro, qualis fuit Hippocrates, credendum, qui non tam audacter pronunciasset *necessum esse*, ut posita tali constitutione temporum tales ægritudines emergere debeant, nisi ratione, & multiplici experientia fuisset abunde instructus. Celeberrimus Lucas Tozzius in nuperis suis Commentariis in Hippocratis aphorismos asserit observationibus potius, & iteratis experimentis, quam confictis argumentis, Hippocratem ita pronuntiasse, nulla ratione apparente, quæ suadeat isthæc eventura; ingenue enim fatetur vir egregius sibi observatum, quod post hybernâ tempestatem siccam, & Ver pluviosum subsecutæ non fuerint acutæ ægritudines.

XI. Quot porro disceptationes inter ipsos medicinæ proceres pro genuina Aphor. 13. tertiæ sect. *Si vero hyems Austrina, & pluviosa, & serena fuerit &c.* (cum tot sint interpretationes quot interpretes) jam satis constat, Manardus enim l. 9. *Epid. 1.* vocem illam *ἐὶς* volebat expungendam, tanquam supposititiam, cum intelligi nequeat quomodo vox illa *ἐὶς*, quæ serenitatem ex illius interpretatione significat, aliis cohæreat quæ hyemem pluviosam, & Australem representant; Leonicenus vero in omnibus antiquis codicibus vocem illam reperiri ait, ac pro placiditate, & clementia interpretatur. Hinc inter illos celeberrimos viros pro simplici vœcula talia orta sunt dissidia, adeo ut, referente Brasavola in citati aphorismi commento, *Seniores illi alioqui reverendi apud multos pro re tam levi præliantes in derisum venerint, cum a rationibus ad jurgia devenerint.*

XII. Abundet quisquis in suo sensu ut lubet, & ex anni temporum in manifestis qualitatibus exorbitantiis tanquam ex fonte morbosas constitutiones deriveret; ego sane ex quo ad Epidemicorum affectuum naturam contemplandam animum adverti, his quæ tam confiderenter, & magnifice proferuntur, experientiam respondere non video, & quod me angit, in hac Provincia quotannis hospitem me agnosco; licet enim videam quo passim itur, non satis tamen video qua sit eundum, nisi postquam a via longe aberraverim. Profecto si rem accuratius perpendamus, quilibet annus semper affectus aliquos secum infert, qui *ἡ ἀσθένεια* sapiunt, nec tales putantur, quia aliquando leves sunt, licet propterea epidemicam naturam non exuant; demiror autem non parum, quomodo insurgente aliqua populari tempestate medentium plerique nullatenus affectus ingenium perpendentes, nec qua methodo natura ipsum sponte expugnet, illico totis viribus, & vulgari methodo ob analogiam quam habeat ad congenerem morbum, ad illius oppugnationem insurgens, & remediorum multitudine indiscreta, & frequenti visitatione muneri suo satisfactum existiment. Mundus autem, qui vult decipi, intempestivam hujusmodi sollicitudinem magis commendat, quam prudentem cunctationem, magnisque muneribus, & encomiis eos cumulat, qui, ut ait Sinonius, *parum docti, satis seduli, multos agros officiosissime occidunt.*

XIII. Affectus ergo Epidemicus, qui tribus hisce annis in suis constitutionibus inter se tam dissimilibus



libus cum urbem, tum villas, & vicina oppida multis funeribus infestavit, fuit febris purpurata, seu petechialis, ut appellant, quæ aliquando quidem post multam stragem editam visa est velle receptui canere, sed postmodum auctis veluti viribus violentior irruerat, ac populariter grassabatur. Circa Æquinoctium Vernale anni 1692. hæc febris primo caput extulit, ac sub initium levi quadam velitatione discurrens, mox per totum Veris tempus, & partem æstatis usque ad Canis exortum sub periculari larva sævitiam suam exercuit. Ubi ergo æstas incanduit, febris hæc purpuram deposuit, nec illam resumpsit donec calor æstivus cœperit remittere, circa nimirum Arcturi exortum, quem morem annis quoque sequentibus rite servavit, vestem quidem, sed mores, ac genium haudquaquam mutans. Febres enim quæ in summo æstu sine peticulis viscebantur, haud secus malignæ erant indolis, quam vibices post mortem apparentes satis demonstrabant.

XIV. Observatione vero dignum fuit, quod post plenilunium, ac multo magis silente luna ferociebat febris, quæ postea ad novum ejusdem lumen mitescebat; nec mea tantum, sed aliorum quoque professorum constans fuit observatio, quod non parum contulit ad hujus febris prognosim, & curationem; num vero super epidemicos affectus peculiare jus aliquod habeat lunare sydus, ut illius mutationibus, & variis phasibus auscultent, non indignum est observatione.

XV. Admirandum certe fuit id quod die 21. Jan. 1693, contigit; facta enim per noctem lunari eclipsi, major pars ægrotantium obiit, ac eadem pene hora, qua nimirum luna laborabat, quin & nonnulli repentina morte occubuerunt; unde per totam sequentem diem magno strepitu, ut hic vetus consuetudo obtinuit, personantibus campanis, non levis horror omnes perculit. Tunc mecum ipse novitatem hanc perpendens admirari cœpi, quomodo Hippocrates tam diligens rerum omnium ac præsertim cœlestium observator, qui in libro de Aere, Aqu. & Loc. n. 30. periculosissima ambo solstitia pronuntiavit, maxime vero æstivum, sicuti & utrumque æquinoctium, edicto veluti cavens ne hujusmodi temporibus medicamenta exhibeamus, neque curemus, neque secemus, sicuti astrorum ortus, & occasus, ut Canis, Plejadum, Arcturi observandos esse præcepit, ut ex pluribus locis illius Operum *De Med. Purg. n. 5. 1. in 6. Epid. de Diet. num. 2. 4. Epid. num. 11.* videre est, & cometis a se observari mentionem facit, quem subsequutus est terræmotus, luminarium porro defectus alto silentio transfegerit. Quin & practici fere omnes solis, vel lunæ defectus non pluris faciunt, quam eorundem syderum oppositiones, & ordinarias coitiones. Unus, quod sciam, Guilielmus Ballonius lib. primo suorum Epidemiorum insignem casum refert; ait enim Parisiis accidisse, quod dum plures Medici apud illustrem mulierem ægrotantem consulturi simul convenissent, ac tunc temporis solis defectus contigisset, illique ad contemplandum solis defectum in vase aqua pleno, ut solet fieri, sublimiorem ædium partem conscendissent, illico ad ægram decumbentem revocati fuerint, quæ dum solis defectus perduravit animam agere visa est, neque e. gravi periculo evasit, nisi postquam sol in apertum erupit, claraque in luce refulsit.

XVI. Alterationem in aere oppido insignem in solis defectu observare mihi licuit anno 1694. die 27. Junii, ut in Ephemeridibus meis Barometricis eodem anno editis annotavi; nam in ipso solaris eclipsi tempore Mercurius ad duas lineas in meo Barometro se extulit, hoc est aer temporis fere momento gravior est redditus, ac idoneus propterea ad subitas in microcosmo alterationes producendas; quare si ex divini Præceptoris sententia ad æquinoctia, & solstitia advertere oportet, ne quid magnum in illis circa ægros moliamur, non incongruum quoque erit, si medentes Clinici ad luminarium defectus, oculos non solum, sed mentis aciem intendant. Nollem tamen quis crederet velle me quod rerum agendarum scopi ex corporum cœlestium vario situ, & configuratione desumi debeant; nam ubi morbi sævities urget, lotium potius, quam astra contemplari necessum est, ut aiebat Menardus, & opportuna remedia, vel reclamante cœlo, sunt adhibenda, quando *omnis dilatio*

*est Anima periculum*; in morbis tamen popularibus, qui non raro a causis superioribus naturales suos deducunt, & in quorum curatione non tam facilis, ac certa methodus habetur, non prorsus alienum est talia respicere; nam ubi agitur de humano corio, *Nihil timere, nihil negligere*, ex divini Præceptoris 2. in 6. *Epid.* Oraculo.

XVII. Verum e diverticulis in viam; Symptomata quæ febrem hanc malignam comitabantur, antequam peticulæ apparerent, erant ingens totius dorsi lassitudo, capitis dolor, aurium surditas, faucium ardor, mentis stupiditas, præcordiorum anxietas, & totius corporis segnities; dorsi vero, & regionis lumbaris lassitudo adeo certum erat febris peticularis signum, ut raro falleret; quin sub initium hujus pravæ constitutionis, antequam febres istæ palam grassarentur, mulieres quæ ad morborum symptomata aliquando attentiores sunt quam medentes ipsi, ex hujusmodi suorum ægrorum querela febris naturam prænunciabant, & Medicos monebant, cauto opus esse, nec temere celebrandam phlebotomiam; quarum dictis, ac præsagitionibus cum persæpe inedentes non auscultarent, apparentibus postea maculis, multa probra ab iisdem cum artis dedecore perferre cgebantur. Si vero faucium ardor cum genarum rubore accessisset, hostem detectum clamabant, nec amplius hæsitandum de febris natura, jam in faucibus prodentibus se peticulis. Profecto in hac malignarum febrium pertinaci constitutione quæ per triennium sævit, Medicis non minus cum mulierculis, quam cum febre luctandum fuit, adeo ut (quod fateri non pudet) necesse fuerit, sicuti inferius exponam, illarum consiliis, & monitis morem gerere, non tam ad illarum importunitatem declinandam, quam quod re vera experientiæ rerum magistra esset obsecundandum.

XVIII. Pulsus parvi erant, & valde compressi, una cum magna virium prostratione primis etiam diebus quæ morbo augefcente languidiores fiebant, adeo ut ægrotantes veluti statuae in lectulis decumbentes jacerent, integro fere carniū, & totius corporis habitu, quodque admiratione dignum fuit, quotquot hujus febris violentiæ succumbebant, pleni, ac succulenti veluti pingues mortis victimæ libitinariis tradebantur; fortiores autem, ac robustiores cum fœminas, tum viros adortæ sunt hæc febres, non ita vero seniores, nec eos qui vitam debebant valetudinariam. Urinæ vero vel in ipso hujus febris principio perturbatæ, plus minus, apparebant, prout major, vel minor morbi esset sævities, nec nisi in fine morbi in iis qui evasere, ad naturalem statum redibant.

XIX. Peticulæ vero, ut plurimum quarta die, & septima erumpebant, & ii quibus primis diebus apparere, omnes fere sublatis sunt, primum autem in collo, dorso, & pectore visendas se præbebant; observatumque neminem evasisse, nisi tandem ad extremos pedum ungues maculæ ille se expandissent, in superioribus partibus paulatim evanescendo, quibus autem pectoris, & dorsi fines non transilierunt peticulæ, mortem obtigisse; variæ autem, ac diversi colores erant, prout varii, ac diversi erant ægrotantium habitus, aliæ erant rubræ, aliæ pallidæ, aliæ fuscæ coloris, aliæ parvæ, aliæ latæ, aliæ in summo, aliæ in profundo, & quas nonnisi oculis transversa tuentibus liceret inspicere: quod genus peticularum fuit valde ominosum.

XX. Faucium inflammationem comitem hæc febres ut plurimum sibi junxere, quæ inflammatio in morbi vigore in crustam albam, & ulcerosam degenerabat, quod non minus negotium Medicis facefsebat, quam febris ipsa, cum ægri ob id omnem cum cibum, tum medicamentum averfarentur, & multi, qui cæteroquin pacata aliorum symptomatum tempestate evasuri credebantur, in ipso veluti portu naufragium perpeffi fuerint. Sitis porro in his febribus non adeo ingens erat, ut in aliis acutis febribus affolet, nec multæ querelæ exaudiebantur, siue non sitirent, siue mens obscure ægrotaret.

XXI. Quicumque ex hac febrili incurfione fati ope, vel Medici evasere, nulli excretioni vel per sudorem, vel per urinam, vel alias vias, per quas natura crises suas moliri solet, salutem acceptam referre poterant, sed solum peticularum suo loco, & tempore apparitioni, & earundem per totum corpus expansioni, lentæque evanescentiæ, salutis beneficium debebant; quin



quin iis quibus alvi fluxus supervenere funestum fuit; Alvi fluxus autem anno præcipue 1693. hisce febribus peticularibus per Autumnum supervenere; quo tempore dysenteria graves Hebræos potissimum excruciant; culpabantur fructus horæi, quibus gens recutita nunquam satis impletur, sed aliæ causæ altiores subesse poterant.

XXII. Satis frequens fuit in his febribus singultus, quamvis parvæ febres viderentur, symptoma quidem non minus molestum, quam ferale, & funestum; quotquot enim in hac febre singultuosi comperti sunt, omnes in libitinæ censum devenere. Vix obtinui, ut singultuosi cadaver diffecaretur, ac ventriculus nigris notis sparsim punctus repertus est. Verminatio quoque multa passim exitit, & ii, quibus ab initio vermes per os prodire, omnes fere extincti sunt.

XXIII. Nonnullis suppressa est urina, vacua prorsus existente vesica, præcipue vero id observatum in iis quibus pulsus erant parvi, ac pene oblitterati, ut contigit in juvene quodam Hebræo, qui cum asphyxia, ac totus gelidus vixit ad quatuor dies, nec urinæ quicquam reddidit; antequam autem infelix iste obiret, quamvis toto corpore perfrigefactus (nullibi arteriis micantibus) adeo robustus erat, & ad motum expeditus, ut etiam ipsa die, qua e vivorum statione decessit, a lectulo surrexerit, & suas vestes induerit.

XXIV. Non pauci post exantlatum morbum veterinosi fiebant, ac stupidi, rerumque peractarum prorsus immemores, nec nisi post multos dies sibi reddebantur; idem infortunium iis obigit qui in his febribus gravem surditatem perpeffi fuerant. Mercator quidam cum ex peticulari febre præter omnium opinionem convaluisset, surdus omnino ad 40. dies perstitit, ac postmodum paulatim ex asse restitutus est.

XXV. Frequentiora in urbe quam in proximis agris fuere funera, ac felicius plebs ruralis sine ullo ut plurimum remedii genere vim morbi eludebat, sive quod in aere salubri degerent, sive quod Medicis carerent; non semel idcirco mentem subiit Virgilianum illud, l. 2. *Geo.*

*O. fortunatos nimium sua si bona norint  
Agricolae.*

Ac urinam medentes, cum aliquis popularis morbus debacchatur, curiosius scrutantur a rusticana gente, quæ magis fudit Parocho, quam Medico, quali methodo natura usa fuerit in sanandis morbis eorum qui evaserint; sic enim naturam tanquam optimum ducem sequentes, minus a recto tramite aberrarent, ac tutiori methodo ad curandos ægros sibi commissos procederent. Cum autem in his casibus sibi quisque pro ingenii sui modulo regulam constringat, secundum quam opus suum molitur, & in communi morbo tot, ac tam diversa remediorum genera in usum revocentur, merito cum Celso l. 7. in *Proem.* cum quis convaluit, *dubitare potest secunda valetudo Medicinæ, an corporis beneficio contigerit.* Indubium tamen est, quod in communi morbo, sicuti communis est causa, ita communia, & eadem fere deberent esse præsidia. Quotquot autem ex viris agrestibus, quos e peticulari febre evasisse novi, & interrogare potui, non alio modo convaluisset referebant, quam macularum circa septimam diem per totum corpus, & usque ad extremos a præexpansione, & earundem lenta evanescencia sine ullo visibili humorum excretionem.

XXVI. Quo tempore in hac urbe, & in tota campestri regione quæ circumjacet, ferociebat hæc febris, in vicinis collibus, ut in Saxolensi, & Scandianensi ditione, nulli fere ægotantes viscebantur, neque eo pervasit maculosa hæc febris, quæ tantum in editioribus locis, & in ipsis Apennini jugis (veluti saltu quodam exiliens) vim suam pariter ac in nostra planitie exercuit.

XXVII. Sanguis porro qui secta vena, vel cucurbitulis scarificatis, sive venis sedalibus apertis, educabatur in universum satis laudabiles notas præferebat, quantum oculorum acie licebat assequi, satis enim floridus, ac rubicundus apparebat, multoque magis qui a natura per narium hæmorrhagiam profundebarur, neque in ullo ægotante cujuscunque temperamenti sanguinem extractum videre datum est, qui glutinis speciem aliquod præferret.

XXVIII. Profecto mihi fateri necesse est in hac *Sydenham opera Medica.*

peticularium febrium constitutione, adeo improspere venæ sectionem cessasse, ut omnes ægri exhorrescerent quoties sanguis missio per venæ sectionem præponeretur, eam vero fuisse popularem confidentiam in usu cucurbitularum scarificatarum, ut ægros interdum decipere oportuerit, quoties urgeret necessitas sanguinem ex vasis majoribus ob plethoricam dispositionem educendi, sinendo ut ægris cucurbitulæ dorso, & scapulis applicarentur modicum sanguinem extrahendo, deinde paucas post horas sanguine ex vena largiori manu educto; Ea enim hæserat opinio, nec solum apud vulgus imperitum, sed etiam apud sapientiores, quod ubi præmissæ fuissent cucurbitulæ scarificatæ, nullus amplius esset timor de peticularum retrocessione, quamvis postmodum non semel ex vena mitteretur sanguis; sic curiosum erat Chirurgos passim videre cum sacculis cucurbitularum plenis per urbem cursitantes; dum inconsultis Medicis plebeculæ hoc remedii genus administrarent. Suspectam itaque, ne dicam infamem, ut scopulos Acroceraunia, venæ sectionem in hisce febribus fuisse fateri lubet, sicuti ex adverso gloriosam cucurbitularum tum scarificatarum, tum siccarum appositionem, sive id fieret ob confirmatam in omnium animis opinionem de hujus remedii efficacia, sive quod revera in illo aliquid abditum esset, quod Medicos lateret.

XXIX. Reliqua porro remedia, quibus hujus febris oppugnatio tentabatur, eo collimabant, ut humorum motum ad corporis ambitum promoverent, qualia sunt quæ sale volatili abundant; sic nullum non ex diaphoreticis in usum revocatum, nihilo felicius tamen prodibant maculæ, ni forsan hoc pacto, oleum camino addendo, ut dici solet, febrilis incandescencia augebatur (quæ sibi relicta humorum fugam maturasset) & distrahebatur natura, quæ non tam propere depingebat in cute quod intus moliebatur. Ego nehercle parum profici observans, per alcalica ad acida confugi, monente Hipocrate, *De loc. in hom. n. 20.* quod *si quis non profuerit, ad contraria se convertat*, nec improspere successum ex illorum usu adverti, sufflaminato aliquantisper humorum orgasmo. Non ausim tamen asserere, vi hujus, vel illius remedii evasisse, vel periisse quenquam, cum Andabatarum ritu necesse fuerit cum hac febre dimicare, neque magis felices in suis curationibus fuisse Medicos seniores, & longo usu expertos, quam juniores, ac e scholis nuper egressos, cum in tenebris tam videant cæci, quam oculati.

XXX. Ad sollicitandam peticularum eruptionem passim frictions humidæ ex unctione Aetii ex usu erant, sicuti & vesicantia brachiis, & cruribus apposita; sed hæc magis Medicorum existimationi apud vulgus, ne quid inausum, aut intentatum fuisset, conducere visa sunt, quam ægotantium saluti, quibus acuebatur febris, nec propterea facilius contingebat peticularum eruptio, nisi forsan ob id retardabantur, facta serosæ materiæ per vias urinæ profusione. Sic in hac febrili incursione omnibus remediis tum internis, tum externis parum proficientibus satius erat lente festinare, & humorum maturescenciam opperiri, spretis querelis adstantium, qui urgebant, velis, & remis, ut dici solet, ingruenti tempestati occurrendum & prolatando magnas corrumpi opportunitates, quibus adversis clamoribus medentes non ausi obsistere, intempestiva, & incerta remedia præscribendo, sibi e manibus victoriam eripi viderunt, non secus ac Pompejus M. qui cum tergiversando hostem com meatuum inopia laborantem facile vinci posse cognosceret, militibus tamen, & sociis moram increpantibus, prælium miserabili eventu commisit, oblitus solitum *se laudare eos Medicos, qui nihil unquam agrori cupiditatibus quicquam indulissent.*

XXXI. Cum primum grassari cœpit peticularis hæc febris, nec dum suspicio esset de populari affectu (febribus diversæ indolis intercurrentibus) purgationes, ut hic fieri assolet, in morborum principio, per medicamenta minorativa dicta instituebantur; sed paulo post prodentibus se peticulis, suadebant medico tacita præcordia culpa, ob metum ne hujusmodi purgatio Exantematam eruptioni impedimento foret, humoribus ad interna retractis, peticulis tamen postmodum feliciter erumpentibus, & stadium suum absolventibus, professores qui attentius res obser-



vabant, experientia edocti a blanda purgatione non abhorrebant; Ego sane ubi tempestive accersitus fui, & stomachum impuritatibus oneratum esse conjectavi, quamvis certus de peticulari febre, levem purgationem præscripsi, neque non solum ullam noxam exinde proficisci, sed facilius Exanthema apparere observavi. Similem casum refert Ballonius, qui *l. 1. & 2. Epid.* ingenue fateatur, in febribus, quas de genere peticularium non putarat, medicamentum purgans, & venæ sectionem præscripsisse, & innocuum utrumque remedium reperisse. Id est quod monebat Divinus Præceptor, *lib. 1. de Morb. num. 1. & 7.* observandum esse *quæ bona per fortuitum successum Medici egrotos curantes faciunt.*

XXXII. Ad oppugnandam vero tam infensi hostis pervicaciam in subsidium quoque accitus est Peruvianus cortex, qui cæteris remediis succenturiaret; præcipuus autem illius usus fuit in iis qui evaserant ex morbo non bene, ut par fuisset, iudicato per debitam suo loco, & tempore peticularum eruptionem, & evanescentiam; iis enim diuturnis febribus vexatis febrifugum istud exhibebatur, cujus usus non multum contulit ægris subinde in stupiditatem, & soporem delapsis.

XXXIII. Dysenterii porro, quas anno 1693. per Autumnum peticulari febre supervenisse superius dixi, egregie contulisse opiatorum usum observavi; nec forsan ulla est affectio in qua securius, & liberaliori dosi exhiberi possit hoc remedii genus quam in huiusmodi morbo, fractis licet, ac pene attritis viribus. Cuidam acerrima dysenteria laboranti pluries exhibui laudanum opiatum ad 3. & 4. grana, sed parvo levamine; vixerat hic ad plures dies omnino gelidus, ac sine pulsu, vires tamen non erant adeo languidæ, ut huc, & illuc se jactare non posset; verebar ne largiori dosi exhibitum laudanum, reliquum flammæ vitalis quæ supererat, restingeret; Laudanum rursus ad grana 5. exhibui, ex quo æger placide dormivit, & excalesfactus est, quod non tam doloris, qui dysenterias comitatur, sedatione factum crediderim, quam propter virtutem opii diaphoreticam. Cum satis obvium esset in hac constitutione (ac præsertim grassantibus dysenteriiis, & verminosa affectione) huiusmodi in toto corpore perfrigerationem, una cum pulsus abolitione, observare, non semel subiit admiratio quare in ventriculi, & intestinorum affectibus, tam frequens sit talis perfrigeratio, ac pulsus obscuratio, non ita vero in morbis pectoris ut in pleuritide, cum tamen hæc partes, & ipsæ membranosæ sint, & cordi proximiores, ni forsan id fiat quod numerosior nervorum soboles in intestinis, & ventriculo implanteretur quam in pleura, & pulmonum membrana, & ob doloris sensum acutiorem, tracto in consensum cerebro, spirituum animalium ad cor influxus intercipiatur, unde postea silente pulso totum corpus perfrigeretur.

XXXIV. Talis fuit huius purpuratæ febris indoles, ac talia symptomata, quæ multam habent convenientiam cum iis, quæ apud Fracastorium *De morb. Contag. l. 2. c. 6.* leguntur descripta, qui Auctor caput particulare instituens de lenticulari febre, quæ anno 1528. in Italia primum grassata est, mentionem expressam habet de lassitudine, & fractione, ut ipse ait, in toto corpore, sensuum hebetudine, oculorum rubore, pulsu humili, urinæ suppressione (quod pessimum signum fuisse ait) macularum circa quartam, & septimam eruptione, siti pauca, ac fere nulla; hocque præcipue annotat, senex paucissimos febre hac laborasse, sed pueros multos, ac juvenes robustos. Mihi sane dum caput illud perlegerem non parvæ admirationi fuit, quod febris lenticularis a Fracastorio descriptæ, & petechialis nostræ (ut communi utar vocabulo) tam similis fuerit facies, ac ingenium, ut hanc esse veluti sobolem alterius, vel priorem illam redivivam caput extrulisse arbitrari quodammodo liceat. Advertens tamen febrem illam easdem pene Regiones, & populos eodem fere victu utentes infestasse, multaque alia perpendens, quæ refert Vir ille doctissimus, circa illius febris causas, ut Padi, & Athetis inundationes, fructus, & olera a rubigine exusta, mirari desii. Si enim major diligentia in conscribendis morborum annalibus a Medicis adhiberetur, iisdem temporum vicissitudinibus recurrentibus, eosdem pene morbos recurrere, & naturam eundem morem

in illis abigendis servare facili negotio observaremus; nam sicut in Poliricis, ut ait Tacitus, *potius alii homines, quam alii mores*, potius aliud hominum, quam aliud morborum genus.

XXXV. Sicuti autem magnæ tunc temporis fuerunt inter Medicos Disceptationes circa causas illius febris, & rectum curationis modum, ut pene ludibrio haberentur, veluti ipse Fracastorius refert, cum non solum circa præsidia chirurgica, & pharmaceutica administranda, sed etiam circa victus regimen disiderent, ut apud eundem Auctorem, non sine risu primo, sed postea non sine commiseratione legi potest; sic pariter inter nostrates possessores non minores fuerunt controversiæ, publicis ob id disputationibus habitis, & quod magis dolendum est, inter celeberrimos nostri ævi Scriptores magnæ sunt dissensiones circa febris purpuratæ causam, & genuinum curationis modum; ex quo satis constat quam parum post tot gloriosa inventa a Fracastorii ævo usque ad nostra tempora Ars Medica profecerit, cum nondum quicquam certi constet de malignarum causis, & illarum rationali curatione.

XXXVI. Verum his omissis, quæ Medicæ artis infirmitatem satis in propatulo ponunt, experiamur num detur conjectare saltem, si non statuere, quæ fuerint huius febris germanæ causæ, & qualis esset in febrientium corporibus sanguinis, & aliorum liquidorum status, & conditio, quod ex habitis observationibus, & morborum eventu elici posse arbitror, quidquid Poeta dixerit, successus improspere iis ominando, qui ab eventu facta notanda putant. Etenim cum in re Medica a jvantibus, & nocentibus securius quam aliunde potiores petantur indicationes, eventum & experientiam, tanquam optimos duces, sequi oportet, siquidem illorum vestigiis inhærendo, tutiori, & compendiosiori via veritatem attingimus.

*Quid norunt homines, nisi quantum lumina possunt Tendere?*

XXXVII. Cum ergo isthæc maligna febris promiscue cujuscunque sortis homines adorta fuerit, tam egenos, quam divites, otiosos pariter, ac negotiosos, & in omnibus idem pene drama luserit, communem fuisse illius causam, procul dubio statuendum est, eamque ex aliqua ex sex rebus non naturalibus licet deducere. Alimenta quæ terra suggerit, ut cereales fruges, olera, plantarum fructus, carnes animalium (cum ex herbis, & terræ fructibus alantur) a rubiginosa lue vitari potuisse, & hoc pacto in massam sanguineam prævios succos invehere, ut exinde malignis febribus primus fomes succereverit, non prorsus a ratione alienum videtur. At cum in constitutione ann. 1690. unde labor hic meus exordium sumpsit, sævissima rubigo fruges omnes, & fructus pestifero afflatu absumpserit, neque per totum annum illum, ne unam quidem malignam febrem, siue peticularem, siue sine peticulis, mihi saltem, observare licuerit, sed tantum ruralis epidemia tertianarum febrium intermittentium per totam Estensem ditionem, & proximas Regiones oberarit, ac talis, ut nullus ex ruricolis pene fuerit qui tertianæ febre intermittenti non litaret, ego non satis video quomodo corrupta alimenta a rubigali peste potissima causa culpari debeant; neque pariter caritatem annonæ, quæ ad multos annos Regiones istas exerceret, incusare licet; quamvis enim ex Hippocrate *4. in 2. Epid.* in Æno ob esum leguminum crura, & genua multis vitiata fuerint, penes nos tamen tam qui pane optimo, quam qui confusaneo vesciebantur eadem peticulari febre cum iisdem symptomatibus premebantur.

XXXVIII. Multo minus aquas (quarum usus tam necessarius est ad hominum vitam sustentandam) causari licet: quavis enim aliquando aquæ corruptæ, & vitiatæ populares morbos invexerint, hoc tamen de aquis nostris suspicari nequaquam licet; Regiones enim istæ aquis salubribus abundant, ac præsertim urbs ista; quæ Divino munere non aliis dato, fontes habet, qui purissimam aquam, non temporariam, sed perennem æquo semper tenore profundunt, ut in Tractatu meo de admiranda fontium Mutinensium scaturigine satis exposui.

XXXIX. Cum ergo inter sex res non naturales nulla aliam communioem causam reperire sit præter aerem, quo nihil communius, & æque necessarium (cum



(cum unum, & eundem locum incolentibus diversa esse possint ciborum, & potionum genera) aer vero ejusdem fere sit naturæ, ad occultam aliquam aeris labem, & inquinamentum recurrendum est, quod in massam sanguineam tales invexerit dispositiones, ut ad excitandam hanc malignam febrem satis virium habuerint. Quænam vero, & quales essent hujusmodi aeris dispositiones non adeo obvium est exponere; profecto in solas qualitates elementares pravam illius diathesim referre non adeo tantum est, nec animus veritatis avidus tam facile acquiescit, multoque minus cum per totum hoc triennium, ut superius annotavi, tam dissimiles fuerint cujusque anni constitutiones, ac nihilo secius purpurata febris eodem fere tenore tyrannidem suam exercuerit. Pro re indubia tamen habendum, aerem hunc quem inspiramus, ac totam atmosphæram varias, ac diversi generis particulas, tum ex superioribus, tum inferioribus corporibus in sinum suum suscipere, cælum nempe, seu astra, ut solem, lunam, & reliqua sydera, lumine sup. potissimum, quod inficiari non possumus, in aere profundere, & ejaculari, ut ex solarium macularum evanescencia licet conjicere, ac glæbum terraqueum eodem modo in ejusdem gremium omnigenas substantias eructare, non tam vi solaris luminis, quod illum plus minus modo in hac, modo in illa parte calefacit, quam vi caloris centralis, & ignium, quos ipsa terra intra sua viscera recondit, ex quo conjicere est (quamvis oculorum acie id percipi nequeat) nihil esse in hac rerum universitate quod sit magis heterogeneum, utpote particeps terrestrium impuritatum, & cælestium effluviorum, quam aereus Oceanus.

XL. Hinc ergo expiscari licet hujus nostræ Epidemix causam, ex aere nimirum ab heterogeneis, ac omnigenis particulis hinc inde, ac præcipue ab Australi plaga susceptis vitiato, cum hisce annis Austrini flatus dominatum obtinuerint, silentibus ut plurimum Borealibus ventis, qui nubila detegerunt, & aeris impuritates eo repellunt, unde decesserant, ad Australes scilicet plagas, ex quibus omne malum ad nos profectum suspicari fas est. Quod vero in hac Tragedia præcipui Actores fuerint Australes flatus, hinc conjectare licet, quod dum in hac urbe, & in campestri regione grassaretur hæc febris, villæ, & oppida ad collium radices posita satis salubriter degerent, ac veluti in portu aliorum spectarent naufragium, utpote ab Apennini jugis protecta ne ab Austrinis flatibus adeo infestarentur, non ita vero loca in sublimiori parte Apennini sita, sicut & urbs nostra cum tota planitie iisdem flatibus magis exposita.

XLI. Quam male autem apud nos, ac fere ubique Auster audire soleat, nemo non novit, cum non solum Medici, sed populares quoque, tanquam morborum pestilentium parentem Austrum deprædicent. Quid vero secum ad nos comportet ventus iste, num gravis sit, ac noxius ob nimiam humiditatem, unde nomen sumpsit (Auster enim Νότος græce dicitur) an quia Lybiæ deserta venenatis animalibus infecta transgrediens, ut putat Langius l. 1. Ep. 19. collectum virus ad nos deferat, non tam facile est discernere; id certum tamen, ac ipsis sensibus obvium, nihil magis, ac temporis pene momento aeris statum immutare posse, quam flantem Austrum, ut aer ex ponderoso levior reddatur, ac ob id forsan nobis insensus, & vitalibus muniis minus idoneus, veluti sat manifestis notis testatur Barometer; nam, ut in Ephemeridibus meis Barometricis hoc anno 1694. editis annotavi, quoties ex Australi plaga flant venti, illico Mercurius e sua sublimitate ad infimam usque stationem decidit, qua minor in Barometro non observatur. Cur autem Austrina constitutio aerem leviozem efficiat, dum cuncta tunc temporis nimia humiditate diffuunt, quæsitâ quidem mihi est ratio, num vero reperta fuerit, ut verum fatear, mihi hæret aqua, ut dici consuevit.

XLII. Austrinam ergo constitutionem aerem vitiantem, magis quam quodcunque aliud culpâre licet, ita tamen ut a causis procatacticis hujus pericularis febris non excludam alimenta a rubigali lue vitiata, tanquam communem causam cuicunque hominum generi, illegitimas anni temporum vicissitudines, ac in-

temperantias, pluviarum multitudines, verbo, complurium causarum syndromem, unde humoralis massa a naturali sua temperie degenerans talem dispositionem nacta fuerit, ut hæc maligna febris emerferit, quæ eo utique perduravit, donec aere in contrarium statum migrante, sanguis, ac spiritus crasin priori contrariam adsciverint.

XLIII. Qualis porro grassante hac febre fuerit sanguinis, & aliorum liquidorum status, num ad fluorem, vel ad concretionem potius vergerent, mihi quidem non satis constare visum est. Revera, si tum recentiorum, tum antiquorum Medicorum Oracula consulamus, tam varia, ac dissidentia inter se responsa pro statuenda genuina, ac vera febrium malignarum causa referentur, ut quilibet ex librorum lectione animo potius distractus, quam instructus abscedat. Hic mihi non vacat, nec multum refert, longa nomenclatura nostri ævi Scriptores in binas acies divisos, tanquam ex adverso dimicantes recensere, quorum alii proximam, & immediatam malignitatis causam in sanguinis promptitudine, ob acidi præpollentiam, & Gorgonios spiritus, ut ajunt, ad concrendum constituunt, alii in sanguine nimis dissoluto, & ad fluorem evecto ob sal volatile, & alchali acerrimum illi permixtum, adeo ut in hoc bivio, in quam partem quis se dedat magnos habiturus sit Patronos, quibus causam suam tueatur non ex voto res successerit. Sic in re tanti momenti, qualis est maligni morbi cognitio, tam parum inter ipsos Medicinæ Antesignanos convenit, ut post tot gloriosa Anatomica, & Chymica inventa adhuc nesciatur quid sit sentiendum, nec qua sit eundum.

XLIV. Despiciatui tamen nequaquam duxerim notionem illam malignitatis, quam experimenta ex Medicina infusoria desumpta nobis suggerunt; siquidem acidis liquoribus in vena animalium vivorum injectis, & iisdem animalibus post mortem dissectis, sanguis in venis, & in ipso corde concretus, & grumefactus, sat manifeste conspicitur, sicuti liquoribus lixivialibus, & alchalis similiter infusis sanguis sine fibris, ac totus dissolutus observatur, adeo, ut ex hujusmodi observatione omnia venena tam externa, quam intus genita ad alterutra ex his classibus satis commode referri possint. Debemus hoc sane Medicorum nostræ ætatis solertiæ, qui hujusmodi experimentis, & sensuum ministerio, lucem aliquam mentibus nostris affundunt, quomodo scilicet, & quibus spiculis armentur in nostris corporibus humores alibiles cum venenatam naturam accersunt, & malignas febres accendunt, utpote sint inodo sanguinem coagulare, modo fundere, atque dissolvere, quod non parvi momenti est, ut in morbis malignis (acri judicio re prius pensitata) recta curatio institui possit, nec indiscriminatim Alexipharmaca exhibeantur, alchalicis stimulis equum currentem interdum incitando, cum acidorum fræno opus esset.

XLV. Quamvis autem venenorum naturam, tum eorum quæ propinantur, seu ab animalibus per mortem, vel alio modo inferuntur, tum illorum quæ in corporibus nostris progigni solent, & malignos morbos excitant, revera feliciter explicent recentiores Medici, quam priores, qui ad publicum occultatum qualitatum asylum provocabant, ac in meliori methodo credantur curari maligni morbi quam olim, corrigendo nimirum per acida enormitates ab alchali productas, & per alchalia quæ ab acido ortum duxerint, id tamen antiquiores Medicos non prorsus latuisse censendum est. Ab hisce duabus oppositis in sanguine dispositionibus, nimia scilicet laxitate, & adstrictione morbos omnes deduci, opinio fuit Asclepiadis, ut pluribus in locis refert Galenus, 2. de Elem. c. 3. quod idem sensisse visus est Vegetius in Arte Veterinaria l. 1. c. 28. pro medela sanguinis nimis adstricti venæsectionem commendans. Extrat apud Hippocratem 7. Epid. n. 39. sat insignis historia, vere memoratu digna; ex qua satis liquet, priscos illos in malignis morbis, non quæcunque antidoti nomine insignita essent præscripsisse, ut etiamnum a nonnullis factitari video, qui ubi constiterit febrem esse malignantis naturæ, cælum terræ miscent, nullum non Alexipharmaci genus præscribendo. Maligna febre laboravit Nicoxenus, lingua ardebat, ait Hippocrates, calor forinsecus non



non valde fortis, exolutio corporis vehemens, vox fracta, ut operosum esset exaudire, clara tamen, tempora collapsa, oculi cavi, pedes molles, ac tepidi, iuxta splenem distensio, urina clara, decubitus supinus, crura diducta, ac disparata ob exolutionem, penitus vigil. Et quid non ut malignissimæ febris ideam quis concipiat? Superstes tamen evasit; at quoniam remedium apparatus, ac molimine Domitor ille morborum febrem hanc adeo mortiferam subegit; Potus erat aqua de farina crassa in ipsa macerata, sed, & de pomis simulque mali punici succus, & lentis torrefacta, & farina lotura cocta. Verba sunt divini senis; quibus autem remediis nostra hac ætate tentaretur huiusmodi febris curatio novit Deus; certe timendum esset, ne id contingeret quod apud Plutarchum reprehendebat Erasistratus, ut scilicet ὁμῶς μεταλλικά, καὶ βοτανικά, καὶ θηριακά, καὶ τὰ ἐργαῖα, καὶ θαλάσσια εἴς τὸ αὐτὸ συγκεκρανόντας. At quæso Vallesii egregii Commentarios expositionem audiamus, *Animadvertendum*, ait ille, aliquando febrem malignam cum *Exanthematis pituitosam*, aliquando *biliofam*, aliquando etiam *atrabilariam*, & curationem ita variare; huic non tam crassorum, quam acrium, & tenuium humorum fuisse redundantiam indicavit uestio, & pervigilium. Ob id contulerunt illa potiones, quæ aliis fuissent adversissima; fuisset tamen huic adversissimum Theriaca uti, aut decoctis, & herbis calidis, quamvis essent Alexipharmaca, ut *Dilami*, & *Scabiose*, & *Cardui benedicti*, quod aliis talia solent esse usui.

XLVI. Sicuti autem in determinanda malignarum causa in genere adeo inter se dissentientes sunt Medicinæ Proceres, sic multo minus in explicanda febris peticularis natura, & causis consentiunt; neque recentes ac nostrorum temporum tantummodo sunt controversiæ, etenim An. 1528. grassante per Italiam lenticulari febre, ut Clarif. Fracastorius l. 2. de Contag. Morb. c. 6. refert, tanta fuit pro huius febris curatione inter Medicos discordia, ut pene ludibrio haberentur, cum ob ignoratam febris causam, & morem, neque in victu instituendo, neque in alio remedium genere administrando convenirent, adeo ut, eodem referente, inter has controversias magna Mortalium pars, & Nobilitas perierit. Nostra hac ætate, tanquam in binas acies oppositas, Medicinæ Scriptores divisos observo peticularis febris naturam, vel per sanguinis coagulationem, vel per ejusdem dissolutionem exponentes. Celeberrimus Vvillis, Simon Pauli, Auctores Zod. Med. Gallici, aliique plausibili sane ratiocinio putant in huiusmodi febre naturalem systasim sanguinis in crassam, ac nimis lentam secedere ob acidi prædominium, adeo ut, dum sanguis in orbem agitur, illius particule fixiores a venarum extremitatibus, haud rite absorbeantur, & captivæ detentæ picturatum cutim efficiant. Etmullerus, Sylvius, Menjotius, aliique huius febris naturam, & peticularium generationem a fibris sanguinis dissolutis e sua statione dimotis, ob sal acre, & volatile sanguinem ac fusionem disponens deducunt, quo pacto similiter cruore ab arteriolarum osculis effuso illius partes tenuiores, tanquam transfugæ, a circulari motu exorbitant, ac sui erroris notas in cute designant.

XLVII. Ne vero in recensendis aliorum placitis ulterius immorer, arbitrari licet in hac febre nostra peticulari cruoris massam ad fluorem potius, quam ad concretionem pronam fuisse, cujus asserti præcipuam conjecturam stabilire licet super manifestas notas, quas sanguis eductus præferebat, semper enim roseus ac purpureus, nihilque glutinosi præfens, mihi aliisque Professoribus apparuit, tam æstivo tempore, quam hyemali. Cum sanguis ergo emissus toto cælo differret ab eo qui solet educi in quibusdam morbis, ut pleuritide, peripneumonia, erysipelate, aliisque affectibus interdum popularibus, in quibus sanguis colore, & lentore vitium suum prodit, mihi visum est, Oculis magis, quam opinioni credendum (ut ipsius Hippocratis 1. de Dieta n. 5. verbis utar) & accensionem quandam partium tenuiorum sanguinis, & præcipue feri e vasis diffusionem, ex qua tot symptomatum enarratorum diritas ortum duceret. Talem autem massæ sanguineæ adfuisse dispositionem multa alia attestabantur, ut primo quidem quod truculenta hæc febris juvenes habitiores, & succulentos corripere, ut superius annotavimus,

valetudinarios vero, & seniores præteriret, non secus ac Præterit imbelles ira Leonis oves. Seminium enim illud intus per inspiratum, vel quomodocunque ab aere susceptum, & quod multum alchalicæ acrimoniæ occuleret promptius dyathesim suam exerebat in iis in quibus sanguis optimus esset ac particulis spirituosius refertus, quam in valetudinariis, & senibus, quibus sanguis est effæctus, ideoque aptior ad retundenda acuta spicula, quibus armatum erat malignum miasma, quæ forsan est ratio, cur senes Pestilentiam minime sentiant, ut scripsit Plinius, l. 7. H. N. c. 50. seu pesti minus sint obnoxii quam juvenes, de quo Zoroastri in Martialem. Sicuti enim vina generosa æstivo tempore facilius putrescunt quam dilutiora (saltem in hac urbe, quæ ob aquarum subterranearum copiam Hypogæis caret) cum vina meraca, & generosa sub ære æstuante ob copiosos spiritus quibus turgent facillime in Zymosin corruptivam urgeantur, non ita vero vina Olygophora ob partes aquosas quibus abunde scatent. Talem quoque sanguinis diathesim testabantur virium subita prostratio, pulsus parvi, quæ duo satis constant, ac vigent in iis morbis, (ut in affectibus pectoris) in quibus sanguis per venam sectam emissus manifestam præbet concrecentiam. Usus præterea acidorum salubrior compertus quam alchaliū, sicuti, & vesicantium applicatio minus prospera, ut quæ sanguini ad fluorem prono stimulos adjicerent, idem confirmare videbantur, quibus accenseri poterat V. S. parum salutaris, a qua ægrotantes cane pejus, & angue abhorrebant.

XLVIII. Nec mirum improspere cessisse venæ sectionem perstite huiusmodi humorum dispositione, quod ut plurimum in epidemicis, & pestilentibus constitutionibus evenit, in quibus phlebotomia non admodum bene audit (cum perraro contingat ut ejusmodi temporibus ad fixitatem humores vergant, nisi potius ad liquationem tendant ob acreum venenum satis tenue, partibus sanguinis spirituosioribus nimis hostile. Eandem ob causam in omnibus malignis febribus suspensio pede ad venæ sectionem progredi solet ob metum ne una cum sanguine collabascant vires; idcirco Celsus de febris pestilentis cura l. 3. c. 7. ajebat, Sanguinem non facile mittere, Alvum non facile ducere, ac valde rationabiliter Doctissimus Vir Jo. Baptista Scaramuccius Urbini Medicus Primarius in Theorematis suis Physico-Medicis Theo. 1. Sanguinis missionem improbat, ubi sales lixiviales præpolleant, a quibus aliqua dissolutio possit emergere.

XLIX. At cur talia e cucurbitulis scarificatis vereri non licebat, inquiet aliquis, quasi sanguis per eas emissus non ex eodem fonte prodiret, ac is qui per venam sectam educitur, nisi forsan floridior etiam sit is, qui per cucurbitulas extrahitur sectis multis arteriis? Non ibo certe inficias sanguinem per cucurbitulas eductum vividiorē esse, fuisse tamen proficuum cucurbitularum usum, quam phlebotomiam, non popularis confidentia, sed experientia quæ ratiociniis nostri persæpe illudit, satis evincit. Neque suarum rationum fulcimento carebat hoc præsidii genus. In hac enim febre, in qua humores a natura ab intimis ad extrema propellebantur, hoc pacto magis promovebatur ad corporis ambitum illorum motus, ac variis in locis incisa cute expirabat aliquantisper occultum illud venenum quod ad cutem protrusum inhiberebat ab aere ambiente repercussum.

L. Huic præpostero, ut rebar, cucurbitularum usui & ipse sub initium huiusce popularis morbi non parum obstiti, urgebamque levandam prius per venæ sectionem naturam eo quo premebatur fasce, nec in tempestiva cucurbitularum appositione sollicitandum humorum motum, tempore præsertim ebullitionis; reclamabam sanguinis missionem nullatenus trahere a circumferentia ad centrum, imo toto eo tempore quo aperta sit vena; majori nisu ad eam partem quam ad reliquas sanguinem moveri, fidendumque potius rationi quam eventui, quem stultorum Magistrum esse ajebat Q. Fabius M. apud Livium l. 22. At fors melior eorum qui hoc præsidii genere, vel in ipso morbi principio, utebantur, vellebat aurem, monebatque vertendum stylum, nec tanti faciendas esse rationes confictas, quanti experientiam ipsam. Extant sane multa apud Auctores de cucurbitularum usu, ac si placet



placet etiam de abusu ( ut Hippolytus Obicius in suo libro de multiplici in Medicina abusu ) c. 7. ac revera omnes fere in aetorum morborum principio ( nisi prius per V. S. plenitudini provisum fuerit ) illarum usum improbant, Fracastorius tamen in febre lenticulari, quæ ipsius ætate, ut superius memoravimus, pervagata est, venæ sectioni parcendum volebat, ubi præsertim valde sparsa contagio esset, & cucurbitularum appositionem commendabat, nisi magna adesset plenitudo. Quanti porro faceret in hac febre cucurbitularum usum P. Alpinus ex solo capite quod in libro de Medicina Ægyptiorum l. 2. c. 16. instituit, dignosci potest; disquirat enim, *An errent Ægyptii Medici non utentes cucurbitulis pro adjuvanda Exanthematum eruptione*; ex recentioribus vero P. Borellus annotavit anno 1648. febres malignas epidemicas purpuratas cum magna clade grassatas fuisse, & frequentem cucurbitularum usum valde profuisse.

LI. Hinc mihi visum est considerandas non esse peticulas ut simplex malignæ febris signum, veluti communis fert opinio, nec a criticarum excretionum censu excludendas, quod ex Clar. Diemerbroechii observatione, qui peticularum historiam egregie absolvit, confirmari potest; refert enim hic Auctor sibi observatum in denatis ex purpurata febre partes omnes internas peticulis obitas esse, quod tamen multo ante, si non oculorum, saltem mentis acie, pertingerant Vallesius in historia Simonis; Ballonius in suis Epidemiis, Fernellius in libro de Febris. Mihi quidem cadaver ullum dissecare non licuit, ut ex autopsia peticularis huiusce diffusionis per interiora corporis certior fierem, ( quando apud nos nullo pretio quisquam ex plebecula cadaver aliquod ex suis domesticis pro simplici inspectione permetteret ) constans tamen observatio, quod ii qui ex hac tempestate evaserunt, per nullam sensibilem humorum excretionem convalescerent, ut superius annotavi, sed per solam peticularum suo loco, & tempore apparitionem, ac per totum corpus expansionem, lentamque earundem evanescentiam, ad credendum compellit, naturam post factam primis diebus justam humorum ebullitionem virulentum illum ichorem despumasse, ac illum primo quidem in partibus internis, mox in externis quoque deposuisse, ut hoc pacto per mille arteriarum oscula tetro illo miasmate exantlato tota massa sanguinea pristino suo nitori redderetur. Curiosum autem est id quod Diemerbroechius refert sibi in cadavere ex hac febre extincto observatum, nimirum, maculas hæc ab ipso periosio initium ducere, & lata basi instar fumi lampadis recenter extinctæ.

LII. Non tam modicum igitur esse illud quod in peticulari febre e sanguineo penu secernitur censendum est, imo toto eo tempore quo huius morbi historia absolvitur, talem esse diacrisim, quæ in criticarum censu reponi possit, quamvis non adeo sensibilis sit, ut reliquæ evacuationes criticæ, tum ob materiæ tenuitatem, quæ insensibiliter expirat, tum quod illius pars majori per interiora corporis diffundatur, in cute pyramidis tantum apice apparente: Sic non inepte explicari posse crediderim superius enarrata symptomata, quæ febrem hanc comitabantur, sicuti & modum quo natura harum febrium curationem moliebatur; dorsi enim, ac totius corporis lassitudo, qualis in febribus, quæ *κοιτίσθαι* dicuntur, non aliunde quam ab ichore illo ab arteriarum osculis in membranas, & musculorum fibras refuso ortum ducebat, sicuti & præcordiorum anxietas, faucium ardor, aurium surditas, mentis stupor, ab eadem materia pendebant ad partes transmissa, ubi functiones animales, & vitales exercentur. Cum enim natura totum venosum genus a pravo illo miasmate expurgare vellet, non unam sibi viam eligebat, quo noxios humores eliminaret ( ut aliquando per vomitum, alvi fluxum, urinarias vias, cutis poros solet efficere ) sed tot sibi fores aperuit quot sunt arteriarum oscula, idcirco omnes fere corporis partes noxam sentiebant, donec rejectamentis illis discussis priorem tonum recuperarent. Cum hoc modo itaque in hac febre expugnanda natura procederet, mirum non est, si suspenso pede ad venæ sectionem, aliaque remedia administranda procedendum erat, ne distraheretur natura, & cur felicius res cesserit Medicis sanguinis

abstemiis quam phlebotomicis, quam ob causam pagani facilius evadebant, quam urbani, qui sæpe mendo ægrescebant.

LIII. Ubi vero malignum illud virus præpollebat ad internecionem usque spirituum animalium, & vitalium, cuncta in pejus citissime ruebant, peticulis seu vix se prodentibus, seu subito evanescentibus, quibus præsto aderant summa virium prostratio, asphyxiæ, totius corporis perfrigerationes, singultus, & ischuriæ spuria, quæ satis frequentes fuerunt; cessante enim spirituum animalium influxu, & feriente corde a naturali motu, nullus fiebat arteriosi sanguinis ad renes appulsus, & consequenter nulla feri secretio; qui autem ex hac febre occumbebant pleni, & succulenti, ut diximus, efferebantur, eo quod non ingens esset calor, qui febres istas comitaretur, ( quam ob causam non admodum sitirent ) & quia pertenuis esset quod per transpiratum exhalaret. Cur vero decrecente luna, ac eadem silente, magis sæviret hæc febris ( si in re tam obstrusa licet aliquid conjicere ) id fieri potuisse crediderim, eo quod sicuti in Microcosmo dicitur luna gubernatrix tenebrarum, & mobilis undæ, cum illi uni æquor obtemperet, sic super Microcosmi lympham dominatum obtineat, & quemadmodum omnia in Plenilunio Maria purgantur, ut ait Plinius l. 2. H. N. c. 98. ita in hac febre, dum luna pleno lumine vigeret, sanguineum serum in motum ciceret, unde promptius macularum eruptio, & totius massæ humoralis repurgatio contingeret, ejus vero lumine deficiente, ac per totum tempus illud, segnius moverentur humores, ideoque minus apti ad exitum, & sic conclusi febrem augerent.

LIV. Quoad reliqua symptomata, quæ hisce febribus in progressu superveniebant, ut singultus, alvi fluxus, verminosa soboles, hæc non solum morbi sævitiam prodebant, sed primam regionem crudis humoribus oneratam fuisse demonstrabant, propterea blanda purgatio, non Mochlica, in principio harum febrium peticularium non prorsus fuit incommoda, quamvis casu instituta, nec credita febribus huius prosapiæ multum conferre; leniter enimeducta humorum saburra in stomacho contenta, natura exinde ad perficiendum opus suum pro massæ sanguineæ a pravo miasmate expurgatione per macularum diffusionem ad cutem usque facilius procedebat. Hoc documentum blandæ purgationis in principio vel neglectum, vel parum salutare creditum, non levî damno ægrotantibus fuisse crediderim, præpeditis enim, ac conspurcatis primis viis, cardiacis remediis, quibus oppugnanda erat febris, præcludebantur fores, vel iis non licebat cruoris sedem, & cordis penetralia nonnisi deturpata facie subire. Hanc ob causam suspecta sunt alexipharmaca in malignarum principiiis, nisi ab obstructionibus expeditæ sint viæ, ut apud Galenum, 5. de San. tu. cap. 6. Septalium, Caut. Med. l. 5. num. 47. l. 2. c. 13. & alios videre est, quidquid in contrarium sentiat Manelphus in libro suo de febribus.

LV. Haud me later non adeo probari a multis in principio harum febrium purgationem hanc per medicamenta Syrmestina dicta, ut P. a Castro in aureo suo Opusculo de Puncticulari Febre, ubi in specie electuarium lenitivum improbat, Antonio Ponce a S. Cruce, Vallesio in commento historiae Simonis apud Hippocratem, ac inter recentiores Etmullero, qui suspecto habet in purpuratis febribus clysteres ipsos, nedum purgantia; non desunt tamen qui levem purgationem admittant, ut Septalius qui Galenum l. 5. Anim. n. 47. ipsum testem adducit in famosa historia Simonis, cui lata Exanthemata erant, purgationem aliquando commendantem.

LVI. Usus porro Peruviani corticis parum salutatis compertus est, vel quod tunc temporis exhiberetur cum stimulo opus esset non fræno, dum remedium istud, ut diximus, præscriberetur in febre lenta peticulari febri non bene judicata superstite, vel quod tale præsidii genus febribus huius prosapiæ non conveniret. Varie profecto audit, ac variam experitur sortem, vel in iisdem locis, ac regionibus, famosum istud febrifugum, ut eodem tempore laudetur ab his, culpetur ab illis, & modo probrofit, modo magnificis titulis vocetur, medicinam dolosam Peruvianum corticem vocat Vvillsius de Febr. c. 6. Richardus.



vero Mortonus Medicus Anglus in *Pirethologia*, plantam e qua detrahitur cortex iste, arborem vitæ appellat; num id contingat ob remedii inefficaciam, quod non omnibus febribus, nec in quolibet temperamento conveniat, an ob medentium incuriam, qui non rite suo loco, & tempore illud exhibeant merito ambigi potest. Mehercle omne febrium genus tam magnas, quam paryas, intermittentes, pariter, ac continuas gladio hoc Delphico jugulare velle summa dementia est, & funesti casus ubique memorantur, in quibus China China inauspicato assumpta ægrotantes vel inopinato sustulit, vel ad insanabiles ægrotudines sensim deduxit. Cautiones certe notatu dignas pro recto Chinæ Chinæ usu videre est apud celeberrimum Etmullerum in Dissertatione de usu, & abusu Præcipitantium, ubi spiritum salis armoniaci proponit ad excitandam febrem à China China sopitam, quotiescunque, abdominis dolores, artuum estocops, alvi occlusio, nocturni sudores, aliaque mala supervenerint; refert enim observatum spiritum salis armoniaci febres ab hoc cortice fugatas prompte revocasse. Non est hujus loci in usum, & naturam tam celebris febrifugi altius inquirere; solum hac occasione memorare libeat, annotasse me in prima mea Dissertatione de constitutione Anni 1690. (quod ulteriori observatione confirmatum comperi) in frigidis & humidis constitutionibus, quæ corpora nostra crassis humoribus infarciunt, parum salutarem esse corticis Peruviani usum; in calidis vero, & siccis constitutionibus, in quibus humores aliquo egent suffamine, remedium istud egregiam operam præstitisse.

LVII. Quamvis autem in hac mea Dissertatione præcipuam curam impenderim, ut hujus malignæ febris, quæ tandiu pervagata est, indolem, ac genium explorarem, & exponerem quibus præsidii illius opugnatio tentata fuerit, non ideo tamen inficias ibo multas alias graves ægrotudines sporadicas eodem tempore hunc vel illum afflixisse, ac etiam sustulisse, quales sunt morbi particulares secundum varia anni tempora, ut Æstate cholera; Autumno febres erraticæ, & Quartanæ, & modo morbi Hyemales, & Vernales, sed quia in iis nil Epidemici annotare licuit, eos propterea silentio transigere volui, quando illorum Theoria, & Therapœja apud Practicos Scriptores satis vulgata est, nec illorum curatione quicquam magis desideratur quam medentis judicium, & prudentia. Quia vero in morbis vulgaribus (qui ut plurimum satis vulgati diligentia tractari solent) memorandum illud τὸ θεῖον Hippocratis delitescere video, in illorum indagine potissimum mihi desudandum fuit, nec unquam desistam quin Professores exhorter, ut in hunc campum pedem immittant ubi non spicilegium, sed segetem amplissimam contemplationum semper invenient, & quæ ipsis decori, & ægris salutis futuræ sint.

LVIII. Ad duos fines nos militare scripsit divinus senex, in *Epist. ad Cratenam*, unum *Hominis*, alterum *Artis*; nostra vero hac ætate nescio quo genio, medentum Primores in rebus quæ decus quidem aliquod arti, sed nullum pene ægrotantibus præsidium possint inferre sunt occupatissimi; cum enim toti sint in minis explorandis, ac tanquam in haruspicina ad extispicia intenti, ex viscerum fibrilis naturæ opera, ac magisteria alioquin deprehensibilia divinare præsumant, ad gloriam, & nominis celebritatem aucupandam solum incumbunt, quasi eo res deducta fuerit, ut in re medica non nisi professoribus, exercendi ingenii, & famæ comparandæ locus relictus fuerit. Quid si Aristophanes hodie viveret? quibus salibus, curiosam hanc diligentiam non perficeret? liceat referre illius versiculos, qui in sua puritate plus habebunt leporis, & energiæ; interrogatus ergo Socratis discipulus a Therpsiade per quamnam viam canerent culices, num per superiora, an per inferiora.

ἔρασκον ἢ τὸν ὑπερὸν τῆς ἐμπίδου  
 σκὸν διαλέπῃς δότῃ αὐτῇ τὴν τρυφὴν  
 βία βαδίζῃν δὲ τὸ ὑπερπυγίον.  
 ἐπειτακόλιν πρὸς σκὸν προσκείμενον,  
 τὸν βρωκτὸν ἵχθιν ὑπὸ βίας τῆς πνέματος.

Idest ex versione Andreæ Divi Justinopolitani.

*Dixit esse intestinum pulicis*

*Augustum, per parvi autem existentis ipsius spiritum,*

*Ut ire recta in podicem,*

*Postea concavum ad angustum adjacentem*

*Podicem sonare a vi spiritus.*

LIX. Absit tamen quod anatomicam indaginem tanquam laborem improbum traducam; solum dolendum videtur, quod cum Spartam hanc satis ornatam, & excultam esse pateat quantum praxis medica exigit, omnes fere qui ingenio magis præstant in id usque ad temporis dispendium incumbant, cum ad alia magis usui futura mentem ac vires possent intendere, inter quæ non postremum sane locum meretur Epidemicorum affectuum historia, qua nihil in re medica forsan magis desideratur, & minus excolitur.

~~~~~

HISTORIA EPIDEMICA

GERMANIÆ.

Constitutio Epidemica Augustana An. 1695.

D. N. D. LUCÆ SCHROCKII,

Academiae Cæsareo-Leopoldinae Naturæ Curiosorum
 Præsidis.

Præclarum institutum, quo singulorum annorum Epidemias erudito calamo conscribere nuper incepit Italiae suæ ornamentum, Illustr. D. Bernardinus Ramazzinus, Archiater & Professor Mutinensis meritiſſimus, insigni utilitate cum sese commendat, simile quid etiam in Germania nostra moliri, & breviores de epidemica annorum constitutione relationes exhibere dum intendimus, idem circa dilectam Patriam meam, Augustam, vicinumque districtum, quantum observare mihi datum fuit, simplici historia fideliter tentare, simulque Nobilissimos meos Dn. Collegas naturæ curiosos ad similem, observata possibili brevitate, præstandam operam humaniter invitare libuit. Eo majorem autem ad hoc persensu stimulum, cum nostri quondam Nestoris I. celeb. Dn. Georgii Hyeronymi Welschii manuscriptus libellus, quem *Epidemica Vindictica* inscripsit, ab anno Chr. usque ad 1677. in manus meas devenerit; quem laborem mihi hucusque continuare placuit. Quamvis autem hæc in publicum emittere nunquam animus mihi fuerit, Welschianis illis partim nimis succinctis, partim & imperfectis existentibus, meis autem collectaneis in propriæ solum memoriæ subsidium destinatis, si tamen vel tantillum utilitatis in rem medicam ac posteritatem inde resultare posset, publico, quaecunque demum fuerit, haud denegabo.

Ut autem anni 1695. statum exordiar; postquam solstitium hyemale frigore intenso annum 1694. terminavit, non minus insequens annus, multis nebulis comitatus, frigore molestus intravit; & quamvis paulo post temperatior aura, Zephyro flante, quin & pluvias adducente, redderetur; euro tamen & austro circa finem Januarii St. Greg. nives spargentibus, insignes frigoris molestias denuo persensimus, easque, licet post bacchanalia mitior aura per aliquot dies spirasset, usque ad æquinoctium vernale perferre coacti fuimus. Unde in hac aeris anomalia non potuit non insignis in sanguine mutatio contingere, & cumprimis lymphæ non tantum ab intromissis ex pluviosa constitutione copiosioribus aqueis moleculis multum augeri, sed calidiorem etiam ob auram magis rarefieri, quam tamen frigidior superveniens denuo condensare, inque liberiore transpiratione impedire, ac passim stagnationem inducere valuit; quo in statu cum nec digestionem aut debitæ secretionem sufficienter celebrari, nec sanguinis motus placide promoveri, spirituumve puritas aut vigor conservari queat, facile colligere datur, quam variæ in œconomia animali & vitali turbæ excitentur, eo graviore futura, si una impuriore, falsæ, sulphureæque lateant particulae, quæ hinc fermentatione concepta malignam vel venenatam quasi

quasi naturam induant, aut etiam latentem antea malignam auram suscitent. Cum vero aliquot jam per annos tale quid in urbe nostra sedem fixisse compariamus, ut licet cessare nonnunquam per unam alteramve septimanam videatur, mox tamen exserere se denuo incipiat, quin & contagio se haud obscure propagare nitatur, experientia nos edocuit, toto hoc tempore febres continuas fuisse obortas, quæ majori ex parte malignitatis notas, tum consuetis symptomatibus, tum maculis peticularibus ostendebant, quibus aquosæ pustulæ, ut plurimum dum morbus ad declinationem vergeret, cum nova caloris symptomatumque exacerbatione, in multis superveniebant: paucissimi erant, qui per morbum delitabant; in plurimis pleuritidem primo vel catarrhum mentiebatur morbus; quamvis etiam tum temporis, præter arthritides vagas, pleuritis non infrequens esset, & aliquos graviter, quin & pustulis illis miliaribus malignis simul affligeret. Dira etiam intermittentium febrium, quotidianarum, erraticarum, & tertianarum cohors urbi incubuit. Quæ morborum facies, remissione quidem in vere, frigida cum mitiore aura semper recipiente, continuabat; quibus, ex ejusdem feri hic ibi stagnantis, & glandulas inundantis ad coagulum pronitate, catarrhi pectori infesti, & nonnullos cum febrili effervescentia occupantes, accedebant, quotidianæ vero & erraticæ febres, hæcticarum fere æmulæ, magis magisque se diffundebant, atque ægrotos in juvenili ac teneriori ætate constitutos graviter affligebant, Medicisque ob mali pertinaciam multum negotii, fere usque ad autumnale Æquinoctium faciebant, adeo in omnibus circa orificium ventriculi superius præcordiorum compressio, appetitus prostratus, virium lassitudo, corporis extenuatio, caloris incerto, vespertino tamen ut plurimum tempore exacerbatio; in quibusdam exiguis hujus, in aliis fere continuus sensus, sudoris rara eruptio; ardor vero & dolor tensivus manuum ac pedum ægros admodum torquebant: nec pauci erant, quos, perseverante adhuc morbo, loquela, sine deperdito tamen linguæ motu, destituerat, aliquibus etiam surditas, & aliqualis sensuum internorum stupor, per plures dies, vel duas tresve hebdomadas accesserant; malo hoc postea, recedente febre, sponte quasi iterum cessante. Medicamenta autem quæ acorem præternaturalem atque lentorem lymphæ, non negligendo ea, quæ genus nervosum ac spiritus confortare &c. poterant, ex. gr. specificum antihecticum Poterii, gammarum lapillos, elixirum proprietatis beat. nostri Clauderi, essentiam corticis Peruviani &c. proficua deprehendi; sicut tincturam bezoardicam D. Mich. sal cornu cervini volatile, essentiam mumie Clauderianam, Diascordium Fracastorii, theriacam cœlestem Greiffianam, pulverem Sabaudicum, rubeum Pannonicum, cum antimonio diaphoretico, unicornu fossili & marino, pro subjectorum & symptomatum varietate, in tempore & provide propinata, non inefficacia in malignis fuisse, experientia docuit.

Cum sol Gemellorum signum ingrederetur, & crebrioribus pluviis perfunderemur, catarrhi frequentes esse cœperant, tonsillarum in primis intumescenciam inducentes, (consuetisque feri coagulum externe & interne solventibus medicamentis obtemperantes) præcipue cum frigus insolitum, de quo alibi locorum non minus passim conquerebantur, æstatem subinde odiosam reddidisset.

Circa Æquinoctium autumnale, itidem frigore molestum, humorosum convulsivum asthma in puerilem ætatem sæviebat, aliquos etiam trucidabat. Postea tamen, licet haud clementior esset aeris, pluviosa nempe & frigidiuscula ut plurimum temperies, imo post medium Octobrem, totum insequentem mensem, nec non dimidium Decembrem frequentissimæ nebulæ, ac per plures sæpe dies continuæ aerem occuparent. Morbo attamen magnas dabat inducias; quæ vero collecta interea ex vaporosis istis halitibus novo infimitatum apparatu & serosa colluvie, eo acrius insurgebat, & sole Scorpionis signum egressuro, arthritides vagas, rheumatismos, in quibusdam intenso dolore nucham, frequentissime autem pectus tussi graviore excruciantes, in senibus quoque apoplexias fortes lethales accersebat; quin & febres denuo malignæ, pete-

chiis & pustulis stipatæ, hæctenus rariores observatæ, majori jam impetu pluribus insultabant, cephalalgia in principio morbi vehementi, brevi tamen recedente, intensis dorsi doloribus, præcordiorum compressione, tussi, alvi constipatione molestæ; cum interea urinæ color non multum a statu naturali recederet, vel justo dilutior compareret, nec pulsus admodum irregularis esset. Frigore autem ultimum anni mensem, satisque intenso ejusdem exitum comitante, pacatiora rursus tempora, atque populariter grassantibus morbis liberiora sequebantur, postquam febrium malignitas supradictis remediis, rheumatismi autem infusi thee, aut analogi veronicæ, betonicæ &c. succinatorum, saliumque volatilium urinosorum, non neglecto, ubi opus erat, moderato opiatorum, in primis pilularum de cynoglossa Nic. usu; arthritides denique cinnabarinis, antimoniatibus, lumbricatis, quin & cum in quibusdam febrilem aliquem insultum alternis diebus deprehenderem, kin-kina, quibus subinde blandior ex paucis scammonii sulphurati & antimonii martialis fixi pulvere alvi laxatio interponebatur, atque dolorum sævitia per demulcentia in primis cataplasmata (spirituosis & oleosis eam magis exasperantibus) mitigabatur, essent devicta.

Cum etiam Excellentissimorum Dominorum collegarum curiosorum aliqui petito meo, in simili materia submittenda, benevole subscripserint, eorundem historias subnectere, & ordine, quo fuere transmissæ, adducere lubet.

Constitutio Epidemica Hassiaca Anni 1693. & 1694.

DN. D. MICHAELIS BERNARDI
VALENTINI,

*missa d. 5. Aprilis An. 1695. Gissa Augustam
Vindelicorum.*

Præcedente hyeme pluvioso, sed in fine gelidissimo, sub primo Vere & insolitus aeris fervor ingruerat, qualis & per omnem æstatis cursum observabatur: quæ mutatio subitanea non poterat non inæqualem & præternaturalem humorum & spirituum motum causare, quem & hominum & brutorum strages insecuta est. Boves sane & vaccæ catervatim succumbebant, cujus rei causa statuebatur inter alia ros corrosivus, linthea maculis plus minus luteis conspurcans, & omnino corrodens, de cujus ætiologia elegantissime D. Ramazzini. Ex carnificum observatione plerumque phthisi pulmonali necabantur, ad quam sine dubio haustus frigida copiosior post æstum intensissimum multum contribuere poterat. Hominibus præter dysenteriam & febres malignas sub finem Junii & initium Augusti hic locorum infensa erat febris quædam intermittens, ut plurimum tertiana, sive simplex, sive duplex, solo fere calore molesta, ut a plurimis ab acutis vix distingui potuerit. Præcedenti enim levi frigusculo calor intensissimus, virium summa prostratio, anorexia &c. accedebant, quæ præmissis vomitorio, corticis Peruviani usu plerumque curabantur, cui regulus antimonii medicinalis quandoque præmittebatur, venæ sectio, quam vel ipsi urgebant aliquando ægri, nunquam non noxia erat, morbumque protrahebat, aut ad minimum summam, fugata licet febris, virium debilitatem inducebat.

Hanc sequebatur paulo alia

Constitutio Anni 1694.

In qua hyemem satis inclementem calor Veris extraordinarius excipiebat, ut arbores brevi admodum in flores se induerent, qui tamen omnem, quam primum injecerant, spem eludebant, postquam frigore subito superveniente prorsus emarcuerant. Sequebatur Æstas summe calida, qua ultra hominum memoriam vix siccior observata fuit, sub cujus cursu morbilli, sed benigni fere moris grassabantur, aut sponte aut bezoardicis & expellentibus solitis cedentes, in quibus tussis & asthma præprimis erant molesta, quæ spiritu salis armoniaci anisato, seu ut hic locorum audit, spiritu pectorali anisato optime sistebantur. Annonæ summa fertilitas, duplicato modium infarciens, qua

qua frumentorum caritas hic subito sublata fuit. Autumnus & Hyemis initium pluviis crebrioribus maderant, variisque catarrhis, pleuropneumoniis & febribus malignis a milite e castris ad hyberna redeunte fere allatis, plurimisque funestis erant molesta, quæ orania frigus horrendum sub cœpti modo anni 1695, initia excepit.

Constitutio epidemica Basileensis Anni 1695.

DN. D. JOANNIS JACOBI
H A R D E R I,

*Missæ die 20. April. Ann. 1695. Basilea
Augustam Vindelicorum.*

MOrbi, qui cum hyemali tempore, tum eodem jam finito, epidemice fere grassabantur, sunt colicæ passiones pertinaces: apud infantes vomitus, ceu variolæ essent erupturæ, præcedente horrore, inde icterus cum dejectionibus verminosis: apud adultos quoque febres verminosæ: jam vero præter febres continuas ac intermittentes, pleuritides, & pleuropneumoniæ: singuli aeris variam constitutionem, & subitanæ immutationem, pro secunda matre agnoscetes.

Constitutio epidemica Berolinensis Anni 1695.

DN. D. GUSTAVI CASIMIRI
G A H R L I E P,

von der mühlen.

*Missæ d. 5. Januarii An. 1696. Berolino
Augustam Vindelicorum.*

DN. Præside me ad id excitante, 1. Januar. 1695. (22. Decembr. 1694.) cœpi dietim mutationem aeris ac tempestatum notare, ac observavi a plenilunio die proxime præcedenti 31. (21.) Decembr. illucescente frigus, quod hætenus satis temperatum fuerat, paulatim invalescere, nivibus subinde permixtum. 8. Januarii (29. Decembr.) autem, sub ultima quadra aere nimbofo rursus parumper remittere. Sequentibus vero diebus denuo ingravescere, moderato tamen adhuc ad usque novilunium 14. (4.) Januarii ingruens. Quod subitam gelu remissionem cum nivium ac ventorum copia, postea nubilo cœlo gelu iterum moderatum biduum circiter durans ad meridiem usque 18. (8.) induxit. A quo soluta rursus glacie vix mediæ diei inducias dedit; Nam redintegratis viribus revertens primam lunæ quadram in 22. (12.) incidentem cum pertinentibus illuc diebus, rigoroso gelu transegit, ut & plenilunium 30. (20.) lucens, sicque primum hunc mensem finiit.

Alterum eodem vigore inchoans ultimamque quadram 7. Febr. (28. Jan.) orientem ad 13. (3.) usque transiens, atque remissionem sic unius, viginti quatuor dierum, nonnunquam tamen paululum mitigato, rigore pensans duravit. Tum vero accedente eodem die 13. (3.) novilunio, rursus aliquantulum remittens pluviis glaciem, quam tot diebus gelu pepererat, unica die liquans, ac parum quod ejus restabat, copiosa nive intermixtis quoque procellis tegens, mox insequentem mane ad ingenium rediit; perque biduum gelando continuavit. Mox vero 17. (7.) rursus remisit; At sequenti die denuo redintegrato vigore, prima quadra 20. (10.) apparente, nec quicquam obstante ad 23. (13.) usque perrexit. Quo die remisso paululum rigore pluvias nivibus succenturiavit unica tantum die: Graviori enim impetu interpolatis subinde sereno cœlo nivibus ac quandoque ventis irruens, quatrimum ad 28. (18.) usque hujus secundi mensis adeoque ultimum perstitit.

Quo die a violentia priori desciscens nivibus ac grandini pluvias interspersit; sed sequenti 1. Martii (19. Febr.) cum plenilunio denuo vim pristinam induens non modo pristinum exeruit robur, sed & auxit. Verum vix biduum servavit, ab illa sevitia 3. Martii (21. Febr.) deficiens, ac nocturnum frigus, & quandoque gelu diurnis pluviis ac nivibus tempe-

rans, reliquum illius quadræ & sequentis postremæ 8. Martii (26. Febr.) apparentis ad novilunium usque 15. (5.) accedens vario & mutabili cœlo transiit. Tum priorem indolem Borea flante induit; sereno cœlo gelu, nocturnum præcipue, satis validum reducens ad post primam quadram 22. (12.) radiantem ad 24. (14.) usque continuando. Inde viariam cœlo faciem sumente, nunc serenam, nunc nubilam, nunc undosam, nunc siccam, nunc tranquillam, nunc turbidam cum plenilunio 30. (20.) lucente & sequenti die 31. (21.) Martium cum trimestri primo terminante, ad ultimam usque quadram etiam 6. Aprilis (26. Martii) subsequenter, die noctuque alternando frigus moderatum calore temperavit.

Morbi hujus primi trimestris initio reliquæ fere præcedentis varii & inconstantis autumnæ, diarrhææ, dysentericæ, febres variæ, & quartanæ præsertim & duplices tertianæ, erraticæ nonnullæ. Quibus sese junxere pleuritides, peripneumoniæ sed raræ, tussis sicca & humidæ, harumque soboles phthisis, ut & hæcticæ, sed paucae, malignæ item febres variolis præcipue, morbillis, purpura nonnunquam, rarius tamen petechiis, sic satis adhuc benignis, intermixtis. Tertio mense accessere prioribus etiam apoplexiæ subito quosdam perimentes, & paralyses quandoque reparabiles, catarrhi contumaces ac tussis implacabiles, arthritides vagæ valde contumaces, & dolores ac defluxiones aliæ scorbuticæ pertinaces; plerique tamen horum morborum præter variolas sporadici fuerunt, non epidemici.

Secundi trimestris exordium a prima Aprilis (22. Martii) ad prædictam ultimam quadram 6. Aprilis (27. Martii) accedentem usque de amœnitate præcedentis mensis participans ac veris verum initium exhibens, cum prædicto ultima quadra degeneravit, ac ingratum denuo frigus nocturnum, aerem tempestuosum, nives, grandines, pruinas, similesque inacceptos Veri hospite advexit, ad 10. Aprilis, (31. Martii) usque, qui æthere mitius paulo aspirante pluvias lenes, frigidas tamen adhuc, sparsit. Sequentes duo pluvias vento impetuoso ac frigori haud usque quaque grato miscuere, atque aeri turbulento, non tamen plane gelido, ac novilunio 13. (3.) Aprilis tranquilliori cœlo, moderatiorique frigore placide ingruenti præmisere. Verum 14. (4.) ad pristinum statum tetricum, turbidum, frigidum & immitem rediens 15. (5.) gelu nocturnum ac serenius paulo cœlum induxit. Cui mox gravius gelu nocturnum sudo interdiu mitigatum per biduum, huicque rursus aer temperatus ac serenus alterum biduum durans successit. Quod nubilum rursus & frigidum excepit, succedentibus nocte sequenti nivibus, quas primæ quadræ 21. (11.) appropinquantis prodromos mane pluviae sunt subsequutæ, a meridie cœlum relinquentes nubilum, in pruinosam noctem declinans inque temperatum insequens mane ac verum tandem de die aerem desinens. Qui post noctem placidam, ac mane ventos nonnullos pluviolis madentes, amœnum postera die produxit 24. (14.) per biduum durans, tandemque tertia 26. (16.) die in æstivum fere solis ardorem, pluviae admodum fertilis prænuncium transiens. Cui gratum successit sequentibus diebus sudum pluviis nonnullis irrigatum ad 29. (19.) usque plenilunio tum lucente, ac ventorum aliquid blandorum, etefias dixisses, intercalante. Sequens dies serenus tonitru pomeridie inexpectato, & mature nimis pluvia copiosa stipatum, prima hoc anno vice submisit, sicque finem primo huic secundi trimestris mense imposuit.

Sequens 1. Maji (21. April.) amœna serenitate inclutus, successorem habuit sui fere similem, paulo tamen magis nubilum & frigidum, perinde ut & reliquos temperato & verno cœlo soleque calente abblandientes ad 5. Maji (15. Aprilis) ultimæ quadræ dicatum. Cui nubiloso & sparsis subinde pluviis ab amœnitate illa degeneranti, procellosum & frigore pluviis ac nivibus inacceptum accessit biduum. Illique rursus ad 10. Maji (30. Aprilis) ingratum frigidum, udum ac pluviosum cœlum. Donec 13. (3.) Maji appropinquans novilunium post temperatum sereno magis aere unicum diem inconstantem & variam, pluviis, ventis, frigore, moderato tamen, intermixtam

tempestatem induxisset, nubilum æther rarius solaribus radiis pervium ad 17. (7.) usque continuavit, sudo tandem semet rursus, & calore moderato biduum durante commendantem. Quem pluvix demum ingrata triduum continuantes, & in grave tandem tonitru definientes 21. (11.) ipso primæ quadræ diē, secutæ. Hasque rursus sudum in pluvias ac tonitru a meridie terminans. Atque istas denuo sequenti mane sereno aere, frigus, hoc pluvix lenes, clementiori paulo cælo exceptæ, illud denique ferēni aliquot rursus dies aeris clementiæ ac vernæ amœnitatis postliminio quasi cum plenilunio 28. (18.) radiante reducis, ac ad 31. (21.) usque mensis hujus Maji terminum perdurantis, mox tamen in pluvias denuo ac ventos fatiscen-
tis quasi præcursores.

A primo enim Junii (22. Maji) ingrata pluviis ac nimbis tempestas, noctes gelidæ ac pruinosæ, venti Boreales, dies a nocturno gelu rigidi, nec nisi a meridie paulum a Sole culminante degelantes successe-
re, ad ultimam usque quadram 5. Junii (26. Maji) apparentem sævientes. Hæc commodiori rursus tempe-
stati locum dedit cælo sereno & amœno, calore grato pluviolis lenibus ac fœcundis ad 7. Junii (28. Maji) usque durantibus; Mox vero ab illo, vario & turbulento, frigido & pluvioso ad novilunium us-
que 11. (1.) accedens perseverantibus permutatæ. Hoc insequens dies solis radios serenior cælo, fri-
gore tamen molesto admisit 13. (3.) denuo in plu-
viosum pristinum ac nubilum statum transiit. 14. (4.) Nubilum sudo temperavit, subsequētibz hunc
aliquot ad primam usque quadram 19. (9.) illuce-
scentem & comites ejus (25.) (15.) solo, qui fri-
gidior, nubilus ac pluviosus, excepto) ferēnis ac paulo mitioribus. Ipso etiam plenilunio his accensendo ut & reliquis, præter 30. (20.) qui mensem hunc,
simulque trimestre secundum tonitru ac imbre clausit.

Cujus trimestris primus mensis catarrhis, rheumatif-
mis, tussibus, febribus catarrhalibus, aliisque diversorum generum, tertianis simplicibus ac duplicibus satis
frequentibus, paucis quartanis, affectibus scorbuticis, hic endemiis, variis varios varie affligentibus infestus.

Alter, qua morbos, priori fere affinis, nisi quod in hoc variolæ nonnullæ & purpuræ febres, pleuritides veræ & spurix, petechiæ febrium ardentium ma-
lignarum nonnullarum comites, colicæ & hysteriæ passiones, hypochondriaci affectus, angina sefe quan-
doque parcius tamen offerrent.

Tertius, præter præcedentium nonnullos, menstrua inordinata, cachexias, ventriculi imbecillitates & cruditates, hypochondriorum dolores, colicas, diarrhœas &c. tulit.

Mensis Julii, qui tertii trimestris primus, initium præcedentis Junii fini postremum si exceperis diem, ultima quoque quadra 3. Julii (23. Junii) lucente, computata ad 7. Julii (27. Junii) usque aeris ferenitate, & sic satis jucunda tempestate respondit. Hic vero nubilus fuit ac turbidus, cujus morem sequentes ex parte imitati mane sereno cælo, pomeridie turbidum nubilum ac pluviosum subjunxerunt. Excepto 10. Julii (30. Junii) qui rursus totus turbidus, frigidus, nubilus, & pluviosus adeoque extreme ingratus fuit, subsequenti 11. (1.) Julii novilunium nubilum cæ-
lum sudo correxit, hacque ratione reliquis quatuor ad 16. (6.) usque commoda satis tempestate exem-
plo quasi prævit. Ille autem a præcedentium more desciscens nubilus, frigidus ac pluviosus successores ha-
buit seipso meliores ac mitiores, æstivo calore, ac sæpius de die sudo, noctu quandoque pluvia mode-
rata commendabiles, ad primam quadram 19. (9.) lucentem, ut & plenilunium 25. (15.) fulgens per-
severantes & usque 29. (19.) qui, insolito hoc tem-
pore, frigore, pluviis ac circa vesperam tonitru va-
rius, similes sui sequaces habuit, præsertim 31. (21.) frigidum valde, breveque sudum imbre copioso pen-
santem, sicque mensem hunc ingrato epiphonemate terminantem.

Successit eodem fere tenore 1. Augusti (22. Julii) primam quadram advehens, simulque aerem instabi-
lem frigidum ventosum, tonitru & pluviis quibusdam mixtum; Huic æqualis fere 2. Aug. (23. Jul.) su-
dum frigidum pluviis ac ventis subinde varians 3. Aug. (24. Jul.) ad meridiem usque 4. Aug. (25. Jul.)

amœnam reduxit serenitatem, sed instabilem ac imbre promeridiano dilutam. 5. Aug. (26. Jul.) turbidus mane & imbris udus, a meridie quidem siccior, sed frigore horridus. 6. Aug. (27. Jul.) torus plu-
viosus & imbris madens, perinde uti & sequens 7. Aug. (28. Jul.) ingrato, turbido & pluvioso ae-
re fœdus. Omnes hi & præcedentes nonnulli, quod Julii potiore partem & Augusti initium insolito hoc anni tempore frigore, sereno licet nonnunquam in-
tercedente cælo, æstivam alias his temporibus debi-
tam amœnitatem deturparint, simulque fatorum pro-
ventum, incrementum & maturitatem impediverint, sicque annonæ caritatem induxerint, infames merito audiunt & infauti dies. 8. Aug. (29. Jul.) novilu-
nii 9. Aug. (30. Julii) apparentis antesignanus, & sequentes gratam ac æstate dignam, sed heu! sero nimis reduxerunt tempestatem, præter 13. (3.) qui eam a meridie pluvia vento, ac tonitru paululum tur-
bavit, stabilem aliquando, ac nisi quod amœnitati pluviolam quandoque interspargerent, ad ultimam us-
que quadram, simulque terminum hujus mensis 31. (21.) nempe ejus, paulo prioribus frigidiorē diē percurabilem.

Septembris exordium 1. Sept. (22. Aug.) præce-
dentis tempestatem æmulatum cum tonitru pluviam admisit, sic temperato aere ac sereno ut plurimum cæ-
lo lenibus nonnunquam pluviis a meridie præsertim alterato, reliqui subsequētes ad novilunium 8. Sept. (29. Aug.) incidens, quod temperatum alias udam imbris junxit vesperam, hacque ratione 15. (5.) addendo etiam procellam ad primam quadram 16. (6.) orientem paulo præcedentibus frigidiorē pro-
cedendo, varioque sequentibus diebus cælo 20. (10.) temperando nubila ferēnis, moderato quandoque quo-
que frigore & pluviis ad plenilunium 22. (12.) ra-
dians, imo ipsam ultimam quadram exiguo discrimi-
ne a præcedaneis discrepantes perrexerunt, sic simul 30. (20.) & hunc tertium tertii trimestris mensem absolverunt.

Morbi hujus trimestris primo mense, Julio nimirum præter scorbuticos affectus & hypochondriacos alii non adeo frequentes fuerunt, febres fortassis non-
nullæ, tertianæ & continuæ, pleuritide quandoque tam vera, quam spuria stipatæ, colicæ passiones, he-
micranix, catharii.

Secundi, Augusti nimirum febres variæ ardentes præsertim acutæ & continuæ cum & sine delirio, ce-
phalæa enormi, & similibus febrium symptomatibus comitatæ, nonnunquam & diarrhœa contumaci, quædam etiam cum exanthematis variis purpura, petechiis raro tamen nec usquequaque malignis. Nec defuerunt sco-
tomix, lipothymix nonnunquam complicatæ.

Tertii, Septembris febres rursus variæ, catarrhales præsertim vario typo luxuriantes, tertianæ tamen ple-
ræque, continuis quandoque combinatæ, rheumata, leucophlegmatix, verrigines, cephalæa graves & con-
tinuæ, febrium præcedentis mensis ardentium & conti-
nuarum affectu & pedissequæ, pleuritici dolores spurii.

Primordium ultimi trimestris mensis Octobris triste fuit 1. Oct. (21. Sept.) cælo existente frigido, turbi-
do ac pluvioso. Sequentes & quidem 2. Oct. (22. Sept.) frigida ac serena, 3. Oct. (23. Sept.) mane frigida & pluviosa, a meridie siccior & mitior, 4. Oct. (24. Sept.) mane nebulosa & frigidula, a me-
ridie serena & amœna 5. Octob. (25. Sept.) cum prima quadra constantem ad 10. Octob. (30. Sept.) usque tempestatem amœnæ ferenitatem induxit. Hæc decima nebulosa ac turbida tota fuit 11. (1.) & 12. (2.) plenilunio insignis mane nebulosæ, a meridie ferenitate aerem temperaverunt, quas sequentes ad 26. (16.) imitata. Hæc vero a præcedentibus tur-
bidiore paulo calidiore ac udo aere diversa, socias sibi sequentes duas ascivit, 29. (19.) a meridie se-
rena, 30. (20.) ultimæ quadræ dicata, tota nubilo-
sa. Sequens 31. (21.) sicque mensis hujus postrema mane præcedenti similis, a meridie undosa fuit.

Morbos hic mensis paucos habuit, eosque scorbu-
to ut plurimum & hypochondriis originem debentes, præter febres nonnullas tam intermittentes, quam continuas, malignas rarius, diarrhœas, haud tamen frequentes, dysenterias paucissimas, epilepsias infan-
tum quasdam, dentitioni plurimum imputandas, ar-
thriti-

thritides vagat, sed & has scorbuticas, hystericas passionibus.

November secundus quarti trimestris mensis a 1. Nov. (22. Oct.) ad 4. Nov. (25. Oct.) a pluvia immunes, nubilos tamen dies præbuit, quarta serena quidem magis, ac frigida quoque magis fuit. Eam nebulosi, turbidi, frigidi & ingrati exceperunt dies, quos inter & 6. Nov. (27. Oct.) Nova luna distinctus, tempestate cæteris æqualis, ad 8. Nov. (29. Oct.) ejusdem tenoris, 10. Nov. (31. Oct.) nebulosum, turbidum & frigidum tulit aerem, sic & sequentes ad primam usque quadram 13. (3.) lucentem continuarunt, 14. (4.) præter nebulam, quam dedit maruinam, prioribus similis fuit. Cujus defectum sequens 15. (5.) pluvia pensavit. 16. (6.) & 17. (7.) prioribus incommodis ventos addidere frigidos & immites, 18. (8.) a pluvia immunis, frigidus tamen adhuc & turbidus fuit. 19. (9.) ad ingenium undosum rediit. 20. (10.) cum plenilunio mitiorem paulo reduxit, sed turbidum etiamnum aerem ad noctem usque lunæ radiis illustrem, quam frigidus, pluviosus ac procellosus secutus 21. (11.) in gelu primum hoc anno desinens ac 22. (12.) ut & 23. (13.) continuans. 24. (14.) a serenitate præcedentium duorum deficiens pluvias turbido frigori miscuit. A quo dissimilis 25. (15.) gelidus fuit atque serenus. 26. (16.) perinde cœpit, sed in pluviam desit. 27. (17.) amœna & serena tempestate, 28. (18.) ultimæ lunæ quadræ, sudo, miti ac sereno cœlo, exemplo admodum hoc hyberno tempore ut raro, sic grato prævit. Sed æmulum nullum nec imitorem invenit, 29. (19.) a serenitate illa mox descivit, temperatus tamen adhuc & siccus noctem habuit pluviosam, a sequente 30. (20.) ac hæcenus ultimo hujus mensis die siccior, mitior, paululum tamen turbido hac in parte diversam.

Morbi, quos hic mensis aluit, haud frequentes fuerunt scorbutici plerique, defluxiones nimirum, externas potissimum partes passim invadentes febribus catarrhalibus complicatæ, catarrhi quoque alii, ac tussis, exque valde contumaces, arthritides vagæ, cephalæ, quartanæ nonnullæ, colicæ passionibus & nephriticæ, ut & pleuritides, tam veræ quam spurix, paucæ tamen. Cardialgiæ, anginæ, diarrhææ sed parvæ, dysenterix adhuc parciore. Id quod hic annus peculiare his locis habuit ob fructuum proventum valde concisum; frigus enim ab ineunte vere calore frequentius arborum floribus infestum, ne in fructus erumpere possent, obfuit, ac quicquid etiam hujus offensam effugerat, a frigore æstatis insolito & autumnii, ne vel adolesceret vel maturesceret impeditum fuit; hinc sublata causa sublatus quoque fuit effectus.

Postremus hujus ut quarti trimestris, hic anni mensis December prima die (21. Nov.) turbidus fuit, procellosus ac frigidus. 2. Dec. (22. Nov.) serenior cum frigore gelu reduxit sequentibus diebus ad novilunium 6. Dec. (26. Nov.) apparens & sequentes etiam usque ad 9. Dec. (29. Nov.) continuans. Qui glacialis initio in pluviam subito liquefctens, pluvias lenes per biduum durantes addidit, donec 11. (1.) primæ quadræ 12. (2.) lucentis anteaambulo cum serenitate gelu moderatum reddidit, ac eodem tenore ad 15. (5.) vespem usque perdurans, 16. (6.) gelu mitiori aere turbido temperavit. Hanc vero insequens 17. (7.) mane gelu rigidus a meridie austro satis austere flante degelavit. 18. (8.) primas hoc anno nives plenilunii 19. (9.) appropinquantis præcones sparsit, respirante simul aliquatenus gelu. Cui tamen rursus dies noctesque gelidæ, & quidem nonnullæ satis intensæ succedere, nivibus quandoque 21. (11.) & 22. (12.) præsertim, qui densam mane adjecit nebulam, in aerem tandem elevatam ac nivis raræ specie stellarum adinstar recidentem, nec non 25. (15.) & præcipue 26. (16.) ubere illarum proventu sæcunda, ut & 27. (17.) ultimæ quadræ præcursor gelu moderatum nivibus intertextens. Ultima quadra 28. (18.) splendens copiosa nives primum leni cum gelu tulit, mox flante circa vespem Favonio plane eas colliquans: Quas tamen nox sequens rursus gelida quadantenus constrinxit; Sol vero 29. (19.) denuo solvit ac leniter degelavit 30. (20.) gelu pristinum recuperavit vigo-

rem, ac satis intenso rigore 31. (21.) mensem hunc simul annum ipsum terminavit.

Morbus hic ultimus mensis genuit adinstar præcedentis febres sporadicas, primum varias intermittentes & continuas, & ex his quoque mixtas, catarrhales, malignas etiam, purpura, morbillis, variolis quoque variegatas, defluxiones, catarrhos, erysipelata, cephalæas, anginas, ophthalmias graves, diarrhæas nonnullas & tussis contumaces.

Constitutio Epidemica Hassiaca Anni 1695.

Dn. D. MICHAELIS BERNARDINI VALENTINI.

*Missæ d. 27. Aprilis An. 1696. Gissa
Augustam Vindelicorum.*

Constitutionem epidemicam anni 1695. quod attinet, illa hic locorum tolerabilis, & quæ DEI est clementia, benigna fere fuit, ita quidem ut plures, qui ob tempestatum varietatem & Proteiformes temporum mutationes morbus nobis fonticos prædixerant, in admirationem rapuerit. Licet enim hyemem habuerimus variam & inconstantem, mox frigore, mox pluviis molestam, succedente Vere præmaturo quidem, sed pariter inconstante: Licet quoque æstas cum autumno pluvia ut plurimum & uliginosa fuerit, interpositis æstibus quibusdam solis subitaneis, affectus tamen leviusculos, sensibus magis, quam vitæ incommodantes observavimus. Si enim ullus hic anni cursus sensoriis externis summopere infensus erat. Sub æquinoctio enim verno ophthalmiæ epidemicæ grassabantur, interpositis vero Martio & Aprili pleuræ collicque inflammationibus a ventis inclementioribus præmaturo Veris calorem suffocantibus, & humorum stases promoventibus, sine dubio exortis, quæ tamen suctis medicamentis diaphoreticis & discutientibus facile cedebant. Post solstitium æstivale mensē Julio ulcera aurium quamplures infestabant, suppurata plerunque, quæ vel sponte vel sudoriferis & balsamicis curabantur. Tandem sub æquinoctio autumnali Augusto decrepito inflammatio gingivarum, linguæ & oris in hominibus, in brutis vero pedum inflammationes observavi hinc inde, quarum priores, præmissis præmittendis, tinctura ligni sancti felicissime sustuli; posterioribus Veterinariis felictis.

Constitutio Epidemica Augustana An. 1696.

Dn. D. LUCAE SCHROCKII,

Academiæ Cæsareo-Leopoldinæ Naturæ Curiosorum Præsidis.

Quamvis anni hujus ingressus aerem serenum, nebulis tamen matutinis & vespertinis ut plurimum comitatum, cum acri frigore ostenderit, mox tamen temperatior ac serenus, quem subinde frigidiusculus, ut & mutabili sub euri zephyrique flatu pluviosus, rarius nivofus intercedebat, fuit subsecutus; a solis præcipue in Pisces ingressu, usque dum Arietis signum attingeret, blanda adeo spirabat aura, ut arbores consueti citius gemmas protrudere inciperent, ac præmaturo Veri adesse videretur. Quæ tamen constitutio varias in corpore alterationes produxerat, atque latentia in eo morborum semina fuscitaverat: unde ineunte mox anno feri in faucibus stagnationes catarrhoxæ, tussisque pertinaces, ultra æquinoctium vernale plures civium infestantes, ut & postea febres purpureæ, variolæ, intermittentesque febres oboriebantur. Quas tussis, præter pilulas de cynoglossa, vel styrace, nocturnam quietem, serum acrius contemperando, spiritusque agitato sopiendo, parva dosi sumptas, feliciter conciliantes, variis temperatioribus pectoralibus, aquis, sirupis, pulveribus, electuariis, tincturis, fibras partium spiritualium irritatas demulcentibus, pungentia acris lymphæ spicula obtundentibus, ejusque visciditatem resolventibus, interpositis blandissimis laxativis, præsertim infuso theæ vel veronicæ, aut hydromelite, foliis sennæ imprægnatis, profligare datum fuit. Phthicos tamen aliquot citatiori gradu ad sepulchrum deductos vidimus. Febres purpureæ in adultum usque Ver non pueri.

puerilem saltem ætatem, sed provectiorem quoque, adolescentem æque ac seniores, passim invadebant; aliquos mitissime habebant, ut nec lecto se committere opus haberent, neque etiam liberiori aeri expositi læderentur, ac sine ullo medicamento, intra biduum vel triduum convalescerent; in nonnullis vero gravius insurgentibus, & cum notabili calore, debilitate, ac præcordiorum compressione, vigiliisque lecto per octiduum, vel longius affigebant; temperatioribus tamen diaphoreticis, antimoniat, cinnabarinis, &c. effervescentiam impuriorum massæ sanguineæ particularum refrænantibus, coagulationem ejus inhibentibus, illarumque per cutis poros eliminationem promoventibus, cedebant; nec deerat in quibusdam contagium, quod uxori a marito, & vice versa communicatum observavimus: oriebantur, præcedaneo ut plurimum horrore, primo per universum corpus parvæ rubræ maculæ, sensim dein majorem in amplitudinem se dilatantes, ac tandem aliquibus in locis, dorso in primis, squamularum instar cuticula decidebat; aderatque in omnibus oculorum pruritus, in nonnullis rubedo, tussis molestæ, corporisque pruritus. Quibusdam erysipelatis nomine donabatur, mihi febris purpureæ benignæ species, quæ Dom. Thomæ Sydenhamio in obs. med. circa morbos acut. sect. 6. c. 2. febris scarlatina audit, commodissime appellari posse videbatur; quamvis hanc ipsam commodè quoque ad morbillos referri potuisse, cum Dom. Richardo Mortono Pyretolog. part. 2. exerc. 3. c. 5. non negaverim; quo etiam nomine vulgo nostro communiter appellabatur. Variolæ puerili saltem ætati infestæ, primo mitissimæ comparuerunt; quamvis enim pro more suo ante eruptionem calore præternaturali, capitis, oculorum, ventrisque dolore, vomitu, levioribus convulsionibus, atque deliriis, timorem in quibusdam incuterent, ubi tamen prodire inceperant, cuncta pacatiora fuerunt reddita, atque inter paucorum medicamentorum, v. gr. antimonii diaphoretici, cornu cervini philosophice preparati, lapillorum gammatorum, &c. vitiosæ lymphæ turgescientiam moderantium, & aciores ejus particulas absorbentium usum, tempus suum absque insigni molestia decurrerunt, in primis ubi primæ corporis viæ prius lenioribus laxativis fuerunt mandatæ a qua lustratione vidi, qui signa imminentium variolarum, cephalgia, dolor ventris, & calor febrilis licet jam compararent, ipsique in eodem cum aliis variolosis loco decumberent, sine iis convalescerent. Postea tamen vere adulto, quosdam vehementius, & non sine malignitatis nota affligere cœperunt, quin & trucidarunt; quos inter puella septennis, facile earum eruptionem ferens, erat, in qua tamen, præsertim in facie, die quinto, post iteratos aquæ frigidæ potus, quasi subsistentes, crusta saltem quasi aliqua depressione eandem obducebant, sanguinis alvo crebro excernebatur, & hinc inde, in faucibus potissimum, nigræ pustulæ comparebant; cæterum mente sibi constans, nec alias male se habere adstantibus visa, die septimo obiit; postquam ejusdem fororcula, paucis ante diebus, sine ulla fere cura medica decumbens, depressioribus etiam variolaceis crustis ubique obducta, itidem esset demortua. Febres intermittentes non quidem in adeo multis observabantur; quos tamen invadebant, in iis sine intenso calore aut siti, nulloque, ut plurimum cum horrore, alternis, aut singulis diebus recurrebant: in omnibus, paroxysmo præsentem, maxima de præcordiorum compressione; atque in regione dorsi his opposita, usque ad nucham se extendente dolore querelæ audiebantur; ab æstheriori lymphæ, quæ in glandulis stomachicis, & œsophagi colligebatur, spasmodicasque fibrarum nervearum corrugationes excitabat, inductæ; pro varia alia symptomata concurrebant. Virum consistentis ætatis curandum habui, qui post superatam feliciter febrem continuam, paulo post altera illa, non tantum die rucurrentem, & tertio paroxysmo terminatam, intensissima cum pectoris, & præcordiorum compressionem, pulsu debili, respiratione tamen libera, correptus fuit; cujus etiam uxor, septimo mense gravida, post unicum talem eodem tempore perpeffum vehementem paroxysmum, immediate partus doloribus prehensa, sævissimisque totius corporis convulsionibus exagitata, fœtum vivum, pauculos post dies demortuum, inscia excluserat, sensimque denuo convalescit. Cæterum pro morbofo austero viscidoque humore attenuando, & enervando,

Sydenham opera Medica.

præter urinosa volatilia, cortex Peruvianus suo hic egregie fungebatur officio; ita tamen ut alvus simul esset sollicitanda, partisque vicibus excrementitii humores lenioribus pharmacis educendi.

Nec hysterici affectus ob multum diversa a causa aborti, atque loco tantum, in quo sedem fixerat illa, fortasse discrepantes, hic reticendi erunt, qui hoc tempore aliquot maritatas fœminas, non gravidas, tum quæ menstruæ sanguinis evacuationi erant expositæ, tum quæ per ætatem eadem destituebantur, vehementer excruciarunt, dolores nempe in lumbis ardore molestissimi, versusque pubem se extendentes, ac incertis periodis quotidie fere affligentes, quos tepidæ, & uterinis herbis alteratæ aquæ balnea multum demulcere, essentiaque castorii volatilis opio immixto, profigare poterant.

Post æquinoctium vernum horridior magis constitutio amœnitatem priorem exceperat, mutabilisque primo aeris temperies, mox frigore, & curi inclementia modestior fuerat; quam sole in Tauro versante, calidior, pluviis tamen subinde comitata, exceperat; & postquam die 11. 21. Maji hora decima vespertina levior terræmotus, quem post quinquæhorium vehementior subsequēbatur, urbem concussisset, atque mane densior nebula (utrum a vaporibus motu illo ex terra in auram emissis elevata? nescio; quamvis per integros duos menses, neque ante, neque post hanc terræ conqussationem ulla alia urbem nostram ambiat) a sole tamen orto facile discussa, successisset, frigidior subinde Jovem, & ubi sereno calore mitiorem quandoque se præberet, mox a tempestate ingruente denuo deservescerent, crebrisque pluviis terram madefacientem, persensimus; interea vero, præter dictas purpuras, tusses, variolasque, pleuritides etiam veræ, cum deliriis, febre, cæterisque consuetis symptomatibus, exerere se cœperunt, a venæ sectione, ubi dolor urgebat, diaphoreticisque absorbentibus dictis, & expectorantibus auxilium expertæ.

Nec deerant, cum sol ad Gemellos accederet (præter tertianas, & leviores ad guttur catarrhos, ac uvulæ prolapsus) febres petechiales, in superiori fere civitatis parte tantum, qua meridiem spectat, in primis etiam in Xenodochio publico, stragem multorum e plebe edentes; quarum contagium ex vicinia a famulatio Xenodochii allatum credibile erant. Mihi quamvis paucissimi talium ægrorum tractandi occurrerint; deprehendi tamen, hos, qui in morbi principio alvum adstrictam antimonii diaphoretici largiori dosi, paucissimis diacrydii sulfurati granis permixti, multis inde excretionibus subsequētib, expurgant, evasisse; aliis duabus fœminis, quæ sine tali medicamento fuerant, mortuis, quamvis utranque diu morbum celasse, & nonnisi extreme ab eo coactas, lecto ac medicamentis se commisisse, sicque morbi periculosi principia neglexisse, fatendum sit.

Toto fere mense Junio, & Julii principio, zephyri fere semper inclementiam experti fuimus; qui præterquam quod terram, pluviis equidem multoties madefactam, plurimum exsiccaret, frigore etiam ingratis corpora nostra offendebat, sicque a natura sua plane descivisse videbatur, cum alias humidam calidioremque temperiem nobis conciliare soleat. Euro e contra, serenitatis alias, & siccitatis nobis indice non fallaci, in mensis Junii initio pluviæ præter morem, accumulante. Sed ante solis in Leonis signum ingressum, posteaque ad ejusdem usque inde egressum, calores huic tempori convenientes satis insignes persensimus; quos tamen continua fere ventorum zephyri in primis spiratio, pluviis subinde intermixtis, nunquam diuturnos esse permittebat. Interea Morbona magnas dabat inducias, nisi quod circa Caniculæ occasum variolæ, & morbilli (qui posteriores per reliquam subsequētem anni partem in aliquibus paucioribus sparsim efflorescere pergebant) denuo puerilem ætatem majori numero, admodum tamen benigne invaderent, ut major ægrotorum pars levioribus remediis, sine Medici opera convalesceret.

Et quamvis, a lymphæ, ob turbatam insensibilem transpirationem, viscidioris coacervatione, & hinc in varias stagnationes pronitate, atque ex admixtis heterogeneis particulis aliis depravatione, quatuor po-

strenuis mensibus, vagi articulorum dolores, prima in aliquibus invasione coxæ tantum infesti; Mense Septembri insuper, post frigidos siccisque zephyri impetus, diarrhææ, & dysenterici; Octobri, tolerabilioris aeris temperiem usque ad Decembris finem, qui frigore intenso nivibusque stipato comparuit, educente, præter febres petechiales, immaturæ æque ac proVectiori virginum ætati, nescio quo fato, in primis infestas, catarrhi, qui tussis molestiam excitabant, aut etiam in apoplexiam fortem, leviorive desinebant, observarentur; quin & adultus Autumnus indolentes genarum tumores œdematosos, tussim humidam, asthma, in quibusdam febre intensa comitatum, & catarrhos suffocativos produceret, non adeo multi tamen hisce epidemice, morbisve aliis sporadice ægrotare deprehendebantur, tamque otiosa alcyonia nobis notabantur, ut non leves ad nauseam usque, aliquorum, quibus ex morbofo aliorum infortunio lucrum capere volupe est, querelæ subinde exaudirentur; cum interea, quæ lymphæ stagnanti debitam fluiditatem conciliare, abundantemque ex corpore eliminare valebant, medicamenta salutarem operam navarent.

Constitutio Epidemica Berolinensis An. 1696.

DN. D. GUSTAVI CASIMIRI GAHLRIEP.

Missæ d. 25. Februarii An. 1697. Berolino Augustam Vindelicorum.

A Nni 1695. mensis ultimus vario variatus æthere, temperatum rigido miscuerat gelu. Hoc ipso tenore, in gelu tamen adhuc quam calorem magis propenso Januarii sequentis millesimi sexcentissimi nonagesimi sexti anni initium, stylum Gregorianum si sequaris, ad 10. ejusdem usque perseveravit, a 1. 10. st. Juliano ad ultimum ejusdem seu 22. 31. aeri udo, pluviiis ac nivibus quandoque intermixtis, paucis tantum sparsim intercalatis diebus gelidis, ac paucioribus adhuc serenis, remisso fere pene penitus frigore delens, hyemis, alias ordinariæ hoc mense, loco Veris primordia substituens, integrum sui dimensum absolvit.

Successit hinc Veris quasi prænuncius Februarius, quem, si paucas noctes exceperis, aliquatenus gelidas, nunnullosque dies nubilos ac pluviosos, serenitate atque amœnitate, prolectis etiam in hortis, meo quoque floribus, colchico, croco vernali, & similibus præcocibus, cum Vere certantem, Majum potius, quam Februarium dixisses.

Quem Martius excepit frigus, noctibus præsertim gelu rigentibus, ac diurnis nivibus, pluviiis, & grandine quandoque, cum solis splendore sed rariori alternantibus, florum ulteriorem proventum intercipientibus ad 17. 27. usque qui cum sequentibus verno sudo ac tempore gratus hunc primum anni quadrantem terminavit.

Venti uti in hoc, sic in sequentibus fuerunt pro ætheris varietate varii, nec ullo ordine enumerandi.

Januarii morbi fuerunt præcipui, febres ardentes, ac malignæ diversis symptomatibus stipatæ, ac malignitatem, nunc hujus, nunc alterius generis exanthematis prodentes; præsertim variolis, epidemice grassantibus, partim malignis, & confluentibus, partim benignis, quæ a subsequenibus postea morbillis exceptæ nonnunquam, & petechiis mixtæ.

Februarii febres variæ, catarrhales, ardentes, malignæ etiam, petechiis & morbillis suspectæ, ut & pleuritides nonnullæ fuerunt.

Martio mense rariores fuere febres, molestæ tamen, ac quædam malignitatis non expertes: præterea, & intermittentes nonnullæ, tertianæ potissimum, raræ quartanæ. Ophthalmiæ denique, & oculorum inflammationes, tam hoc, quam præcedentibus, & sequentibus mensibus frequentes, contumaces valde, ac quædam etiam periculosa. Defluxiones ut plurimum a capite ad partes subjacentes, pro causa agnoscentes.

Februm illarum epidemiarum occasionem præter ætheris, & aeris perpetua varietate turbati, varia contenta cum aere hausta, ac in corporibus continua illa aeris mutatione, accedente diætæ nonnunquam inordinatæ vitiis, sic vel aliter prædispositis, humores fermentando moventia, & in orgasimum illum præter na-

turalem cientia, sicque nunc hæc, nunc alia ratione exagitantia, atque ad separationem, & expulsionem particularum noxiarum ipsis communicatarum, sed iisdem infestarum stimulantia. Qualia autem sint illa miasmata, cujus naturæ, substantiæ, materiæ, formæ, quarumve qualitatium, & accidentium, aut, ut cum modernis loquar, cujus configurationis, texturæ, motus, activitatis &c. determinare meam transcendit, ut ipsum æther, ingenii mediocris, & ob ætatem quodammodo jam torpentis, sphaeram, hujusmodi subtilitatibus nequiquam quadrantem.

Aprilis a primo die styli Gregoriani aut 22. Martii Juliani paucissimis sparsim intercedentibus diebus pluviiis uti 31. 10. Martii hujus circa vesperam, ac quibusdam ventosis uti 5. 15. 8. 18. 9. 19. 10. 20. 13. 23. & sequenti ad meridiem usque, omnes fere a frigore nocturno, diurno vero tepore remittentes, ad æstivum calorem paulatim, & serenitatem transeuntes, æstatem pene loco veris induxit.

Quo prope tenore Majus etiam, variato licet nonnihil, & aucto dierum ab æstiva amœnitate deflectentium, frigidorum, turbidorum, & pluviosorum numero, & ordine processit ac transit.

Junius magis fuit Majo, & quotidie fere, serenitate tamen nonnunquam, sed transitoria intercedente, pluviosus & quandoque nimbosus.

Morbi mense Aprili parci fuerunt, paucisque funesti, præter enim continuantes adhuc oculorum inflammationes illas contumaces, sparsasque hinc inde febres, tam intermittentes, & inter eas, & quartanas simplices, & duplices, sed raras, quam continuas, immo & quædam malignas erysipelatodes, pleuriticas, & morbillosas, vix alii occurrerunt hoc mense morbi.

Majus paulo copiosiores morbos tulit, sed epidemicum nullum, nisi prædictas sæpius ophthalmias, & inflammationes oculorum, febresque, quas cum Aprilis fere communes ac convenientes habuit.

Junio mense, pauciores adhuc, scorbutum, præcedentibus quoque mensibus non rarum, & veneream luen sororios illos, illam malignitatis prævæ, hunc pravitatis spurcæ, sed sub illius larva sæpius latentis, stigmate notatos, nimis hic, proh! omni tempore frequentes, si dempseris, fuerunt.

Cum pauci hi, qui hoc trimestri fuerunt morbi, cum prioris trimestris morbis genio, & moribus fere convenierint, causæ quoque eadem aut parum diversæ proculdubio eos prodixerunt, insolitus præsertim his locis hoc anni tempore calor æstivus fere; Quod vero rariores fuerint, aeris æquabilitas, & perpetua fere calori moderato juncta temperies, serenitas, & amœnitas. Talis enim cum fuisset Aprilis, nec Majus ab ea admodum deflecteret, paulo quidem plures, sed ejusdem fere farinæ morbos aluit: Prædictos si exceperis, qui omnium hic temporum dici merentur, sicque ex parte endemii. Qui etiam Junio mense magis, ob aeris majores turbas, frigusque cum cælo pluvioso quandoque recrudescens, illis affectibus, præcipue infestum malitiæ suæ, & infamiæ notas exeruerunt, ac Medicis proinde plus atque Chirurgis negotii facefferunt.

Julii initium, turbido prima die cælo, tonitru secunda superaddidit. Succedente æstivo unius alteriusve diei æstu, pluvias tandem sudo ac tranquillo temperatoque aeri nonnunquam intersparsit ad Caniculæ usque ortum, qui aliam aeri faciem frigidam procellosam, ac nimbosam induit, sudo tamen sequentibus diebus interpolatam, ac æstu gratis subinde eteffis, ac pluviolis suavibus temperato emendatam.

Augustus Julio, variato tamen nonnihil mutationum tam aeris quam æstus ordine, amœnitate, ac temperamento respondit.

September 22. Aug. st. v. imo. die mox procelloso, & nimbofo ab æstivo aliquatenus calore, simulque amœnitate præcedentium mensium gratia recessit, atque frequentiores aeris turbas, ventos, pluvias, temperamento præcedentium addidit.

Morbi mense Julio, præteriti Junii morbos tam paucitate, quam motibus æquarunt, propter affinitatem forte temperiei aeris. Nisi quod catarrhi, ac tussis ob repentiam cum Canicula ingruentem caloris æstivi præcedentis in frigus, pluvias, & nimbos mutationem, ac effectus alii scorbutici paulo frequentiores hoc mense, quam præcedenti fuerint, pleuritides quoque non-

nonnullæ, & anginae satis frequentes a defluxionibus scorbuticis ortæ, valde contumaces ac periculose, eo præsertim symptomate, quod ut plurimum in tumorem grandem ac apostema tandem juncturam, ac processus maxillæ inferioris occupans, idque cum cruciatibus insignibus, donec nimirum maturuerit, ac interne sponte crepuerit, maxillam immobilem reddens, sicque oris apertionem, ac cibi assumptionem plures dies præcluderent fame fere pereundum fuerit affectis; desierint. Quod tamen incommodum, & periculum nonnulli imposito mature emplastro resolvente, & discutiente, sicque discusso tumore evaserunt.

Causam hujus symptomatis sane peculiaris, si quis præter communem omnium phlegmonum ac tumorum, affluxum nimirum & stagnationem incrassati aere prædicto frigida ac uvido sanguinis, desideraverit, ac cur juncturam illam potius quam illam faciei aut colli partem affecerit? quaesierit & flagitarit e principis mechanicis cruentam juxta hodiernam medicinae theoriam, hunc ad perspicaciores me, nondum in his apicibus satis exercitato, & veterum adhuc placitis quadantenus inhærente remittere cogor.

Augustus, ut & ex parte September sequens, quasdam adhuc affectus servavit reliquias, in cæteris quoque Julio mensi morborum varietate ac febrium præter catarrhales nonnullas, raritate conformis.

September prædictis febres quasdam, etiam arden-tes, asthma, anginas, rariores tamen, inflammationes oculorum, aliaque similia symptomata superaddidit, aeris proculdubio ab æstivo fervore in autumnale frigus, & udu ætheris temperamentum jam degenerantis, soboles.

Octobris primum biduum Septembris æquavit exordium frigore, aere turbido, ac pluviis. Alterum biduum sudo ac temperate calido æthere acceptum, sequens tri- duum pluviis, vento frigido, ac aere turbido incommo- dum, quadriduo tandem amœniori rursus pensatum. Cæ- teri ad 10. 20. usque, vario cælo, si frigus autumnale, moderatum tamen exceperis, temperati, pruina noctur- na sequentis gelu nocturni prænuntia, hyemem præco- cem minata, dubiam reliquis diebus serenitate satis stabi- li ventis rarius pluviisque interpellata, cæli faciem, ac frigoris intensioris aliqualem tandem metum fecerunt.

November a primo, excepto solum 27. 7. Octo- bris, qui totus undosus, ad 5. 15. usque serenitate ac amœnitate aeris, Verni fere commendabilis, frigore postea auctiori, & intercalatis diebus nubilis, ventosi- sis atque pluviosis paulo inamœnior, temperatus ta- men adhuc, hyemis exordium satis tolerabile, ad ipsum usque sui finem effecit.

A Decembri non minus, qua initium tolerabili, exceptus, ad 30. 10. Novembris usque serenum ac ge- lidum. Qui mutata facie nivem primam pluviis non- nullis intermixtam, sequenti mane tulit, cui gelu po- stea, ad ipsum usque sui ipsius & anni finem, remissis quidem nonnunquam, ac nivibus paucis interpola- tum continuans successit.

Morbos October præter prædictam in guttur, & maxillæ juncturas febris catarrhali junctam, & deflu- xionem nondum plane defævientem, arthritidem va- gam scorbuticam, nephritim, hypochondriacos quos- dam affectus & scorbuticos aluit. Præterea diarrhœas nonnullas, parcas tamen, choleram: Dysenteria ve- ro, utut proventus hoc anno fructuum arboreorum satis fuerit, gula adhuc non otiante, oppido raræ, id quod admiratione non indignum.

November pleuritides frequentiores, ut & affectus nonnullos hystericos, colicos, scorbuticos, oculorum inflammationes, catarrhos, tusses, & id genus alios, autumno frigido, & pluvioso, nimbofo, & alias va- riato ætheri debitos, febres præterea catarrhales, con- tinuas initio, mox accessionibus & paroxysmis inter- polatas, in arden-tes quoque quandoque easque ma- lignas degenerantes induxit.

December præter enumeratos hæmoptoen quando- que, etiam non præsentem aut præcedentem pleuritide, rheumatismos, aliasque defluxiones varias, scorbutis nonnunquam mixta prodidit.

Causas horum morborum, & symptomatum eos sti- pantium, præter diætæ vitia, & obnoxiam hinc forte aut ob nativitatis stigma, corporum ad recipiendas va- rias tum ab aere frigido, & humido autumnali, frigido

vero & sicco hyberno injurias, tum ab exorbitantibus animi pathematis molestias ac vicissitudines prædispo- sitionum diathesin, indeque nascentes humorum alte- rationes, fermentationes, ebullitiones, alias assignare aut determinare vix ausim. Quod si vero quis certa quædam, sed vix præcognita aut dignoscenda, nedum definienda ætheris miasmata, occultis, sed nunc in exilium actis, qualitatibus valde affinia, accusare ve- lit, huic haud difficulter astipulabor.

Cæsareo Leopoldinae Naturæ Curiosorum Aca- demia Præsidi, Perillustri ac Generoso Do- mino Dn. LUCÆ SCHROKKIO, Sac. Cæ- sareæ Majestatis Archiatro, ejusque Personæ Imperialis Medico, S. R. I. Nobili, Aulae Cæsareæ, Palatii Lateranensis, & Consisto- rii Imperialis Comiti, Academia Patavinae Recuperatorum Collegæ, ac Reip. Augusta- nae Physico ordinario, Patrono ac Fautori Magno.

Salutem Officiosam.

CONRADUS BERTHOLDUS BEHRENS.

Cum nullas unquam ab illustri generositate tua li- teras accipiam, in quibus non subinde, continua- tione historiae Epidemicæ semel coeptæ, hortaris: Tum in primis singulare illud Societatem nostram exornan- di, ac medicam rem promovendi studium, ex proximis luculenter apparet. Ego vero, quamvis hætenus ur- gentibus viris magnis, & quorum jussa capeßere fas est, Genealogicis edendis occupatus sum, non tamen parerga hæc, tanto apud me loco sunt, ut res, quibus totum me dedicavi, artis scilicet nostræ, sive apud ægros faciendæ, sive scriptis illustrandæ iis postponam; Ac propterea multo citius generosa tua magnificentia me officio meo defunctum vidisset, modo materia hi- storiae Epidemicæ consignandæ apta se obtulisset.

2. Post solstitium enim vernum anni elapsi, & lu- ctuosissimam patriæ nostræ variolarum luem, vix cum media ætate defervescentem, quin adhuc sporadice graf- fantem, parum dein ea ætate circa morbos accidit, quod quidem epidemici nomen mereri, aut descriptioni ansam suppeditare posset; Neque enim quod unus at- que alter inordinatæ diætæ usus, animique affectibus abreptus, tertiana seu duplici, seu simplici, colico do- lore, vel si sexum attendas hysterico corripiatur, hic sanguinem spuat, istum calculus torqueat, hypochon- diaci aere nubilo, & circa solstitia magis angantur, alius alio modo laboret, epidemium statim est, si qui- dem nec adeo multi eodem tempore, & ex causa com- muni uno dictorum morborum affligebantur. Pleuri- tides quidem nothæ, & peripneumoniæ pituitosæ uti apud nos omnium temporum morbi sunt, ita & subinde iis quidam tam adultæ quam minoris ætatis decumbunt, verum nec illæ singulari aliquo symptomate, seu vulgo in constitutionibus epidemiis fieri solet, stipatæ erant, nec causæ alicujus universalitas accusari poterat, in- ter sporadicos affectus tum potius numerandæ.

3. Illud vero forte huc referri posset, quod mulie- ribus, quales ego intra duorum circiter mensium spa- tium non paucas novi, circa æstatis declinationem fre- quentes effluxus essent; cum mensibus per duos tresve circuitus subsistentibus, & nausea quadam comitante, ut & aliquali ventris intumescencia superveniente, gra- vidas se arbitrarentur; postea vero abortis derepente dorsi lumborumque doloribus, parturientium haud ab- similibus, cum maxima anxietate, hystericaque syn- cope, grumi sanguinis enormes, massula informis, substantiam modo vesicalem, modo pinguedinem mem- branosam referens, in medio tamen cava, humorem- que mephitin olentem continens, excideret, ac san- guis primo fætibus, grumofus, dein vero floridus in magna copia excerneretur, & agræ, veluti puerpe- ræ, per aliquot septimanas lecto affixæ decumberent, donec sensim restituta, pristinae sanitati redderen- tur. Forte autem quis dubitaret, an circa genera- tionis pariendi negotium epidemici quippiam accide- re posset, egoque ipse primo anceps hæsi. Cum

verò annum hujus seculi octuagesimum quintum gravidis valde noxium & perniciosum existisse, & haud absimiles abortus provenisse diversis in locis, Excellentissimi Viri *Hannæus & Mullerus*, in Decuria secunda, anno quarto & sexto Miscellaneorum nostrorum, notarint, expedita res est, nec video quo pacto & effluxus ejusmodi epidemice contingere posse quispiam negare posset; Ab aere vero sanguineam massam concitante eisdem dependisse non arbitror, namque eo modo & alios ejusmodi fermentativos effectus, diarrheas sc. contagiosas & dysenterias habuissimus, de quibus tamen illo autumno vix quippiam apud nos auditum, siquidem unum atque alterum junioris ætatis viridia deicientem, aut colicas quasdam adultorum excretiones exceperis. Nec malum cibum potumque, quamvis alias ad constitutiones morborum epidemias suum symbolum conferant, hic quippiam attulisse opiner, alterius enim sexus tantum labes erat, & personarum in statu certo constitutarum. Arbitror vero ejusmodi mulieres, individuali, si ita loqui liceat, sua corporis massæque sanguineæ constitutione ac effectus hujusmodi concurrisse. Cum enim pleræque illarum circa tempus vernum febriles insultus perpessæ fuissent, ac ab eo tempore ventriculi imbecillitate laborarent, hinc massa sanguinea nondum debite restaurata, nec spiritus animales vigoroſos supeditante, ovula quoque muliebria debite constituta esse non potuerunt, ut ea propter, quamvis a semine virili fecundata, & ad uterum promota; tamen contentorum staminumque expansionem pro corpusculo fœtus sensim effigurando, adipisci non potuerint, sed in informes massulas excreverint, ac mora putredinem contrahentia partes uterinas ad excretionem ejusmodi & effluxus stimularint, conferente symbolum suum sanguine matris ichoroso & acriori. Rem certe ita se habuisse, vel inde palam evadit, quod quædam eo malo affectarum in cachexias lethales delaberentur, aliis cum tempore ad statum naturalem devenientibus. Cum vero debilis ejusmodi constitutio a causa communi, febribus sc. vernalibus dependerit, hinc quoque ratio epidemica effluxuum magis pateſcit. Uti enim recte observat Illustris *Ramazzinus* in Dissertatione prima, epidemici morbi non constitutionum præsentium, sed præcedentium producta sunt.

4. Et hæc quidem ante solstitium hyemale; Illo vero ingruente, ac aere magis boreali existente, juniores, qui circa æquinoctium vernale variolis laboraverant, maxime infestabant tusses acres & convulsivæ, peripneumoniæ, febresque forte eandem ob rationem, quod digestionem scilicet ab eo tempore imbecilliori existente, sensim sensimque exhalantibus sc. per æstatem partibus tenuioribus multa viscida ac acris pituita in præcordiis se accumularit, & superveniente aere boreali, acorem contraxerit, similique modo sanguinem infecerit, ut dein cuncta hæc quasi in peripneumonias & pleuritides nothas, aut quoque simplices diaphragmatis irritationes, quarum producta convulsivæ tusses sunt, collimarent. Atque uti in tussi nihil magis conducebat ac lenientia, acrimoniæque demulcentia, ita quoque plurimi laxativorum in primis beneficio in integrum restituebantur, non pauci tamen convulsionibus supervenientibus ante primum septendium suffocabantur.

5. In adultis vero eo tempore præ cæteris quoque affligebant peripneumoniæ, pleuritides, phthises, arthritides vagæ. Peripneumoniæ, pleuritidesque, post solstitium hybernum in majori copia, pituitosæ magis, ac tunc quidem senibus maxime lethales. Incipiebant cum dolore ventriculi tensivo, dorsi quoque ac cordis angustiis. In quibusdam pleuritide notha decumbentibus, & quasi alias hypochondrii sinistri dolores molesti erant, diarrhœa quædam serosa, ramentis interdum sanguineis comitata, cum levamine superveniebat.

6. Phthises quidem omnium annorum circa autumnum morbi sunt, tum tamen vitio magis præcordiorum existere videbantur, cum eorundem, hypochondriique in primis sinistri dolores frequenter concurrerent, flatulentia vomitusque eruginosi, nec sputum cruentum esset, quod ipsum tamen, siquidem phthises hæc primario a pulmonum ulcere dependissent, continuo cruen-

tum esse debuisset. Non autem novum, dari phthificos toto morbi decursu nihil omnino cruoris ejicientes, notavitque post alios id anno nono Decuriæ primæ miscellaneorum nostrorum Excell. *Dn. D. Scharſius* in juvene phthisi ex sputo sensim post nimium opiatorum usum suppresso, exemplo licet huic non admodum quadrante, illud tamen, quod volo, abunde probante. *Zacutus Lusitanus* ejusmodi phthises intruentas asthmaticas vocat; quæ ipsa tamen denotatio apud ægros nostros locum non invenit; non enim memini, quosdam ex iis asthmate simul laborasse, nec in iis qui forte obierunt, vomicas simul adfuisse suspicor. Phthises enim nostræ pleræque vel ex catarrhis existebant, vel ab humoribus in præcordiis corrosivam fere aciditatem contrahentibus, similique qualitate serum sanguinis, sputi materiam imbuentibus, dependebant. Hinc etiam in non uno sputa æruginosa notabantur, in aliis etiam biliosa. Non tamen adeo semper lethales erant, quin aliquot ab omnibus pro deploratis habitos, solo lactis caprilli potu, utpote optimo & nunquam satis laudato corrosivam ejusmodi succorum sanguinisque acrimoniam corrigente, partim restitui, partim adhuc servo, cum reliqua auxilia acori opposita, modo ignea sua volatilitate febrem comitem auferrent, modo salinis spiculis tussim magis irritarent, decocta autem peccoralia tonum ventriculi admodum laxarent, & ægris appetitum omnem auferrent. Lac vero ipsum, methodice tamen usurpatum, notante id simul Illustri *Vespero*, Medico quondam nulli secundo, in Epistola ad *Verzascham*, hypochondria emendet, febre lentæ resistat, habitum firniorem, colorem nitidiorem, viresque robustiores conciliet, quin novos plane homines efformet, methodice dico usurpatum; nanque in biliosis complexionibus, aut ructibus jam existentibus acidis assumptum, per vomitum instar materiæ caseosæ rejectum vide, quique in prandio pisces, aut alios cibos inconvenientes subjungebant, iis febris de nocte augebatur.

7. In febribus tertianis quartanisque, quæ tamen admodum paucæ, magis ac alias insignis dorsi dolor notabatur, & vomitus in paroxysmis molesti erant. Quartanæ tamen non admodum rebelles existebant, & aliquot vulgatissima methodo, & remediis fere domesticis absque corticis Peruviani usu fugavi.

8. Arthritides autem vagæ præludia erant scorbuti cum novo anno secuturi. Dolores modo totum corpus corripiebant, de membro in membrum, aura citius, defilientes, in quibusdam etiam tubercula subito erumpebant, mox iterum evanescentia, cum subsequente leviori paralyſi. Inter consueta contra hunc morbum remedia mixturam simplicem satis laudare nequeo; quæ uti alias divinum remedium in plurimis morbis existit, ita & hic debita cum circumspectione usurpata, nunquam me, quod sciam, refellit.

9. Cum novo vero anno aer, rarissimo valde, nec senibus observato exemplo, plane æstivus, tepidus, ac humidus ultra duos menses constantes perstitit, ita ut ne pruina quidem noctu terras obtegeret, & ranæ coaxare inciperent. Sub ipsum æquinoctii tempus nix iterum & hyems per aliquot septimanas valde aspera; unde, & morbi tum majori numero ingruerant, seu fieri consuevit temporibus anni debitam suam constitutionem non servantibus. Ex his vero erant apoplexiæ, defluxiones, febres varii generis, cachexiæ, scorbutus.

10. Apoplexiæ, non senibus tantum, quorum alias morbus est, sed & iis, qui vegetæ adhuc ætatis, contingebant; ægri subito animo linqui videbantur, quibusdam per somnum obveniebat malum. Non tamen adeo lethales erant, sed lymphæ nervosarum partium obstructionem extravasatione sua causante, seu ope sudoriferorum volatiliū, seu quoque propter febrem interdum una supervenientem resoluta, inque motum iterum comitata, circa diem octavum plerumque terminabantur, absque remanente paralyſi. Quibusdam rubedo in parte quapiam externa, altero ab insultu die superveniebat, quæ tamen topicis resolventibus facile cedebat. Nec tamen omnes qui subito ita interibant apoplexia proprie dicta extinctos opiner. Quidam non infimæ fortis vix trigessimæ ætatis annum excedens, & ex frequentiori erysipelate sinistram pedem tumidiorem gerens, per octiduum de gravitate cordis ac oppressione ejusdem, ut & punctione in latere dextro

trō querebatur, cui ut levamen daret, venam in brachio aperit, sanguine nimis largiter educto. Altero vesperi inter choreas subito animo defecit, stertit & dicto citius exstinguitur; cadaver mane apertum, & quantum in tumultuario isto casu licuit, peruestigatum, viscera partesque omnes, præterquam pulmones, sanas retulit. Ex his enim lobus dexter undique annatus, & parenchyma ejusdem per transversum dissectum, abscessibus sinuosis oblectum se præbuit, haud absimilem in modum quem notarunt in Miscellaneis nostris Excellentissimi Viri, & quidem Decade prima, anno secundo *Dn. Winclerus*, Decade secunda, anno octavo, *Dn. Doleus* & anno decimo, *Dn. Hartmanus*. Præterea attractu diffusebat pulmo, nigriorque erat, ut adeo sanguis per choreas ejusmodi concitator redditus, per illum pulmonis lobum, juxta proportionem motus acquisitam, moveri non potuerit, atque hinc in dextro cordis ventriculo, in quo magna ejus grumescens copia existeret, sufflaminatus fuerit, illeque quasi syncope correptus, momento citius expiravit. Nulla interim in cute livoris macula, aut sanguinis ex naribus, ore vel auribus eruptio, eoque modo plerosque extinctos arbitror, qui circa æquinoctium illud passim subitanea morte obibant; Vix octiduo post, alius subito inter eundum in platea expirabat, vesperi, sexagenarius fere, & colicis doloribus obnoxius. Animo sensim defecisse, & se deficientem de momento in momentum percepisse supervenientes notarunt. Post mortem pars illa sinistri lateris a collo ad costarum notharum extremitatem livida deprehensa, quod etiam sanguinis in corde & vicina regione grumescentiam arguit.

11. Febrēs varii generis erant sine dubio juxta temperamentorum, constitutionumque in individuis varietates ita discrepantes. Aliquibus ephemeræ, sed adhuc semel post unum alterumve diem repetentes. Quædam primis diebus intermittentes erant, & remittere videbantur, dein vero evadebant continuæ. Vere vero intermittentes, quo magis vernum tempus appropinquabat, eo minori numero. Quæ vero primo statim insultu continuæ apparebant, in iis modo calor, modo frigus, de cæterò acutæ valde, cum dolore nuchæ invadentes, & levi delirio primis statim diebus, circa diem nonum pleræque seu ad salutem, seu ad mortem terminabantur. In quibusdam petechiæ apparebant, quas a malignitate scorbutica haud erronee quispian deduxerit. Aliis vermes in principio, præcedentibus magnis cordis angustiis, & comitante delirio, proveniebant, quorum tamen aliquot, quamvis ætate provecos, servatos memini, cum alias in malignis pro pessimo signo vermium in principio excretio habeatur. Quorum vero sanguis per venam sectam eductus in superficie instar pultis albæ concresebat, iis quamvis in principio nullâ pleuritica, aliave pectoris affecti symptomata adessent, tamen circa septimum calore remittente tussis & phlegmatum expectoratio superveniebat. Malignitas vero major, quo magis ad æquinoctium accedebant. Quibusdam in locis adeo acutæ & contagiosæ, ut ægros altero die obiisse, superveniente pustula magna & nigra in femorum altero fama referret. Alio in loco junioribus bubonum in inguinibus tumor superveniebat. Quidam circa diem octavum melius habentes, & sanorum simillimi, in primis quibus urina post quartum diem apparebat citrina, circa duodecimum maligne relabebantur, maximo cum delirio, & generis nervosi symptomatibus, in quibus desperata res erat. Video hoc ipsum ab Excellentissimo *Ridlingo*, anno primo Linearum medicarum, vocari, febrium malignarum inducias, nec ineleganter, nostri tamen ægri in medicamentorum usu continuabant, & nihilominus cum foetore redibat malignitas. Alii, qui videbantur restituti, levi circa res non naturales commisso errore recidebant. Certa vero methodo omnes ii, qui continuo ægrotabant, tractari non poterant, citius vero evadebant, qui temperato tam medicamentorum, quam aliarum rerum regimine tractabantur, in primis vero acidorum medicamentorum usui, si quidem pectoris constitutio eadem concedat, facile cedebant.

12. Defluxiones, neque enim vox adeo absurda semper, ut non interdum retineri queat, cum catarrhorum in externis partibus descensus omnino accidat, & evidenti exemplo a generosa tua magnif. anno tertio, de *Sydenham opera Medica*.

curiæ secundæ Miscellaneorum nostrorum probatus, & a me quoque circa initium Februarii, in quodam Societatis Jesu Professore observatus, cui post acerbum scapulæ sinistræ dolorem juxta tractum spinæ dorsi humor sensibilibiter deorsum rubeat, ad os sacrum usque, ubi per aliquot dies substitit. Exin tam diaphoreticis internis, quam topicis resolutus quasi, seu potius mobilis factus, per femur istius lateris & pedem ad plantam usque descendit, de nocte magis affligens, donec tandem remediis convenientibus plane discuteretur. Defluxiones inquam, magno numero circa id tempus occurrebant, ad oculos, aures, maxillas, uvulam, cum ejusdem & faucium erosione interdum, ad petus, scapulas, & quorsum non? Interdum subito, ne ita loquar, recedebant, calore aliquo febrili & lassitudine per octiduum subsequente, in quibusdam vero membrorum contractura, aliisque latentis scorbuti symptomatibus. In primis quoque frequens humorum serosorum ad sinistram scrotum decubitus, præcedente quadam quasi hortipilatione, sinistri hypochondrii dolore, & in inguine tensione. Ad hydroceles vero pertinebant, hydragogisque internis, & topicis his in casibus consuetis curabantur.

13. Cachexiæ pedumque tumores in primis circa æquinoctium vernum notabantur, præsertim in iis, qui asthmæ & catarrhis obnoxii erant. In plerisque cum diminuta urinæ excretionem, eaque modo viscidum, & album, modo rubrum sedimentum referente. Etiam in puerperis quibusdam observatum hoc malum, quibus alias nihilominus lochia rite fluebant. Causa vero imminutæ hujus excretionis, cum nulla circa vesicæ regionem gravitas deprehenderetur, hinc in massa potius sero sanguinea nimis viscosa & tenaciori quærenda, cui etiam curatio consentit; namque ægri a nullis remediis melius habebant, quam ab attenuantibus incidentibusque, salibus scilicet diureticis fixis cum volatilibus combinatis.

14. Restat scorbutus, qui ipse quamvis endemium apud nos malum sit, non memini tamen intra aliquot annorum spatium, adeo frequentem extitisse, ac post solstitium hyemale. Non quidem me fugit, prudentes Medicos interdum ejusmodi affectus, quorum genuinas appellationes ac causas ægri aut horrent, aut propter terminorum artis subtilitatem capere nequeunt, scorbuti nomine efferre, nec minus & illud commune dictarium me latet, scorbutum esse asylum ignorantie medicæ, plurimosque affectus, quorum nomine eum incusamus, vel morborum fientium nullumque adhuc certum typum adeptorum effecta esse, vel etiam infelices reliquias existere morbi alicujus nondum penitus destructi, a quibus sanguis & cæteri humores continentur, ceu utrunque recte animadvertit *Sydenhamius*. Cum tamen superioris ævi Medicis placuerit ejusmodi dyscrasiæ massæ sero sanguineæ, in qua partes nitro sulphureæ cum quadam viscositate, præ cæteris magis exaltatæ, & spiritus vitales (utor termino communi) simul depressæ existant, scorbuti nomen imponere, & verba usu valeant, ceu nummi, hinc quoque præsentem ejusmodi sanguinis statu, ac symptomatibus ab eodem dependentibus, voce hac uti nolle, nescio quæ animi singularis opinio existeret. Et certe non apud adultos solum, sed & qui junioris adhuc ætatis erant, & in infantia constituti, frequentia ejus generis symptomata notabantur. Morbillorum enim radices haud incommode quis in diathesi scorbutica quæsierit, in aliis lassitudines, hæmorrhagiæ, qualem insignem in puella octo annorum deprehendi, quam suppressam maculæ magnæ sanguineæ in pectore & pedibus sequebantur, cum vermium excretionem. Supervenit dein brachiorum pedumque contractura, & horum circa vesperam intumescencia; In adultis vero non modo morbis supra enumeratis comitem se adjungebat scorbutus, sed & insuper aliis symptomatibus molestus erat. Hinc frequentes de lassitudine cum appetitu prostrato, sudoribus nimis, pryalismo, doloribus membrorum nocturnis, immobilitate & contracturis querelæ, alii turberculis infestabantur, maculisque, quidam vero tantum, quando in lecto incalescerent, gingivæ plurimis sanguinolentæ, & in iis qui alias per totam vitam nec quicquam de scorbutico perceperant, quique dietæ malum hoc causanti non assueti erant. Aliis phlogoses erysipelatosæ in facie partibusque externis, quibus cessantibus, punctiones in præcordiis cum febre erratica superveniebant, phthisin minantes, nisi præventum fuisset,

Singulare in vitriario quodam, alias arthritidi scorbuticæ obnoxio, linguæ symptoma initio hujus mensis deprehendi. Hic cum per aliquot dies pyralismus præcessisset, subito palpitatio tremula apicis linguæ cum aphonía supervenit, sectione venæ raninæ sublata. Exemplo *Augustini Thonneri* symptoma hoc ad scorbutum refero, qui haud absimilem linguæ convulsionem, in quodam arthritide scorbuticâ laborante observavit. Ex sola certe lingua excoxiata, pustulisque in eadem valde dolentibus latentis scorbuti indicia desumpsit *Excellentiss. Ridlinus*, Linearum medicarum anno primo, medela opinionem comprobante. Ad scorbuticam quoque classem symptomata a spirituum defectu existentia referas, uti vertigines, oculorum caligines, lipothymias, melancholias, sive illis inordinatæ diætæ, animique alterationes progressæ, sive in altero sexu menses suppressi, & graviditas ansam darent. Denique nec illius obliviscendum arbitror, nullo anno majores de ventriculi imbecillitate querelas apud illos fuisse, quibus ex sui cœtus instituto tempore quadragesimæ piscium esus incumbit, quam digestionis debilitatem, an ad spirituum propter diatesin scorbuticam defectum, & fermentum ventriculi proin non satis exaltatum recte referam, penes alios judicium esto. In curatione vero symptomatum scorbuticorum illud in primis magni momenti deprehendi, cujus etiam in aureis suis observationibus meminit *Illustris Bechlinus* acidiusculos liquores, amaritudine balsamica delibutos palmam obtinere. Siquidem si quopiam in morbo, certe in scorbuto ebullitionis tempora, a reliquo ejus moru, massæque sero sanguineæ statu probe dignoscenda, & medicamenta juxta varianda.

15. Et hæc quidem de constitutione morborum apud nos a solstitio æstivo anni superioris communicare potui; Non quidem talia sunt, quæ ab aliis consignari non potuissent, sed quorum continuationem a me fieri posse *Illustris tua* magnificè censuit, ego vero maxime vellem. Quod superest, neque enim ulterius progredi termini *Epistolares* patiuntur, Te, *Magnifice Domine Præses*, ut in præsidium ac incrementum artis societatisque nostræ, quin & totius Reip. literariæ in multos annos quam felicissime superstitem Deus servet, ex animo voveo, & nemo non ex societate mecum, quo summas ingenii dotes, atque elegans in primis maximeque subactum judicium prædicum in lectissimis scholiis ulterius demirari liceat. Ipse ego profecto tota vita mihi gratulabor, quod **ILLUSTRI SCHROCKIO PRÆSIDE**, eam felicitatem nactus sim, qua in **SOCIETATEM LEOPOLDINAM** recepto, imposterum cum exercitissimis in arte viris conferendi occasio mihi suppeditetur. Scripsi *Hildesii* d. xxviii. Aprilis anni c1o 10c Lxxxvii.

Constitutio Epidemica Augustana Ann. 1699. & 1700.

DN. D. LUCAE SCHROCKII,

Academiæ Cæsareo-Leopoldinæ Naturæ Curiosorum Præsidis.

UTi anni proxime præcedentis exitum zephyri, pluviosi & tepidi, vehementia comitata fuit, ita præsens annus 1699. simili cum austrina temperie incepit, atque tam constans venti hujus, cum Austro tamen & Africa subinde reciprocantis, serocia usque ad solis in Aquarii signum accessum notabatur, ut incolarum nemo tam diu horum impetum continuasse recordaretur, & rariora ac breviora hyemis indicia intercurrerent. Et quamvis austrina constitutio alias pessime Medicis, ipsi etiam Hippocrati Sect. 3. aph. 5. non benè audire soleat, hic tamen vires exercere suas non valuit, ventorum potentia atomos morbificos, quæ in putredinem proclives, & aerem inquinare aptæ fuerant, feliciter ubique discutiente; impedire tamen eadem non prorsus poterat, quo minus ex collectis jam antea, & porro hucusque coacervatis lymphæ superfluitatibus, aëreque interdum frigido insensibilem transpirationem retardante, pleuritide aliqui corriperebantur; Catarrhi autem in prægresso Decembri faucibus infesti, nunc magnam incolarum partem, gravius mitiusve, & modo fauces solas, sed rarius modo, simul & frequentius pectus,

sive glandulosam asperæ arteriæ texturam ex improviso, cum horrore occuparent, concomitante ut plurimum capitis dolore, & febrili intenso calore subsequente (sed diaphoretico sumpto paucas intra horas denuo recedente.) nec non diuturniore, dum reconvalescentes aeri citius quam decebat se exponerant, tussi humida superflite, qua multum crassi sputi expellebatur. Et hæc anginae nothæ species hyemali tempore quod epidemica evaserit, quæ alias inter vernaes morbos ab Hippocrate Sect. 3. aph. 20. refertur, minus mirari licuit, cum præsens hyems naturam primi veris induerit, sicque prægressum mensibus prioribus frigus viscosi feri collectioni ansam cum dedisset, mitior illa succedens temperies fluxionem ejusdem sive liquationem promoverit. In ipsa morbi invasione, quæ suffocationis metum sæpe incutiebat, aliquot olei amygdalarum dulcium, aut oliyarum cochlearia præsentaneo cum emolumento fuere propinata, reliquum autem curæ blandis diaphoreticis, cephalicis temperatis, expectorationem promoventibus, aliisque pro circumstantiarum & symptomatum diversitate, externis etiam, emplastro de meliloto, malactico simplici, & officinis nostris dicto filii Zachariæ, non inanes suppetias ferentibus, absolutum fuit. Qui ipsi catarrhi, faucibus, pectori, dentibus infesti, in verum usque tempus, mitiores tamen ut plurimum, epidemice grassari continuaverunt. Præter hos morbilli quoque plurimos in puerili in primis ætate, licet nec adultioribus parcerent, invaserant; & per aliquot, vernaes etiam, menses se exeruerant, benigni tamen & facile iterum dissipati, quamvis intenso ut plurimum calore incipientes, quin & capitis erysipelas in multis notabatur, molesta quidem febrili incallescencia, tumore & pruritu periodum suam decurrens, ast cum cuticulæ desquamatione, moderatoque sub caloris externi regimine non difficulter admodum iterum evanescens.

Erant eodem, & subsequo tempore, quibus febricula, hectica fere æmula, & quotidie calore quodam præternaturali, vel præcordiorum, circa ventriculi superius orificium compressione, incerta periodo recurrens, cum appetitu imminuto, siti vel nulla vel tolerabili, & virium lassitudine, infesta fuerat. Tinctura autem bezoardica bis in die, sine sudoris coactione, sumpta, interpositoque pillularum nostratibus Immanuelis nominis venientium usu, citiori vel tardiori circuitu, prout causa morbifica, viscosa, in glandulis fortasse minoribus ventriculi vicinarumque partium hærens, incuneata magis vel minus erat, sine periculo finita. Licet & hectica febriculae pueruli ætati infestæ essent, a collectis viscidis acidisque in sanguine particulis, & glandulosas in primis viis partes obstruentibus oriri a me creditæ, essentiisque alcalicis & absorbentibus terrestribus medicamentis, post laxativorum usum, mature propinatis, non admodum difficulter abigendæ.

Dehinc curus, penetrante quidem frigore, serenos tamen dies comitante, nos aliquandiu infestabat, cum sol in Aquarii signo esset constitutus; quo tamen dimidio emenso, novas zephyri, ab Africo sæpius intercurrente adjuti, impetus ingruerat, ac nives plures spargebat, quæ vero brevi, cum aeris temperies ut plurimum ad temperatiorem statum inclinaret, iterum liquecebant; usque dum aer non multum amplius a ventis agitatus, aliquot ante æquinoctium vernale diebus copiosam nivem demitteret, atque exin frigoris inclementia per longum tempus nos afficeret, sub potiori zephyri dominio, qui post calendas Majales vehementia sua vernalium deliciarum proventum tardabat, tandem in longiores pluvias resolvebatur; cui cum circa solis in Geminos ingressum curus succedens serenitate grataque calidiore temperie nos refecisset, lætior terræ facies vernantes suas amœnitates eo liberalius protruserat. Sub vario deinde, modo pluvioso, modo sereno Jove, præter reliquorum ventorum reciprocationes, zephyri potissimum nova violentia concuti aer cœpit, usque dum euro leniori spirante, calor æstivus mense Julio constantior ingrueret, Siriusque campos exsiccaret, messem quidem ita maturiorem nec illaudabilem reddens, succum tamen granis cerealibus, ut justo macriora existerent, subduceret. Interea febres continuæ petechiales, quandoque insuper pustulis miliaribus aquosis stipatæ, interdum vero malignitate equidem non carentes, sine tamen istiusmodi efflo-

florescentiis periodum suam absolventes, cum horrore, virium prostratione, cephalalgia, dorsi dolore quandoque & siti non admodum molesta, nec appetitu prorsus prostrato incipientes, per urbem, usque dum Virginem sol accederet, notabantur: non paucis, inter succedentia in morbi progressu deliria, & faucium ariditate, exitiales factæ, ubi vel ab imperitis tractatæ, vel per initia neglectæ, aut etiam decumbentes immorigeri monitis Medicorum fuerant, quam ipsam ob causam habitantibus in pagis viciniæ nostræ Hebræis non levem cladem in Majo attulerant: Laniorum etiam familias in urbe, quas præ alii invaserant, crebris funeribus contristaverant; at in principio ubi ex arte tractabantur, non admodum refractarias eas notare licuit, ita ut etiam in prima, quod dicitur herba, oppressas, paucoque alexipharmacorum, tincturæ bezoardicæ, theriacæ cœlestis cum chinchinæ extracto &c. usu abactas non una vice notaverim; sicut etiam reliqui sub tepidiori per morbi decursum corporis custodia, per continuatum diaphoreticorum usum haud difficulter evaserant. Alvus in nonnullis obstructa per plures dies nullum incommodum attulisse, nec somnolentia in morbi decremento diutius instans nocuisse observabatur.

Sole in Virgine versante, cœlum, euro crebrius perfatum, humidius & frigidiusculum primo, postea constanti radiorum solarium præsentia animatum, denuo excalefactum cum esset diarrhœæ simplices, paucioribus cruentæ tenellam præsertim puerilem ætatem, inimo vix dum in lucem editos fœtus, hoc æstivo tempore infestarunt, excretionem aquosa, pituitosa, acidum redolente; quorum ægotulorum magnam partem, ob parentum, & qui curam puerorum agebant, negligentium, remediorumque intermissione trucidarunt; quibus enim medicæ manus prudenter adhibitæ, non infelicitate evasisse, atque coraliorum in primis aut terræ signatæ pulverem, cum theriacæ cœlestis tantillo maritatum, aliæque stomachi fibras robotantia conduxisse notavi causam vix aliam fuisse suspicatus sum, quam pulmentorum ex farina cum lacte coctorum esum, quæ ipsa farina ex tritico ante annum tempore humido cœlo collecto, atque exactam maturitatem non adepto parata, plurimas crudiores particulas absconditas, non infrequenter mucidam, quod sapor odorque testabatur, corruptionem expertas habuit, quæ dein tenero in pulvisculum ventriculo in liquorem acido viscidum abeuntes, digestionem vitiarunt.

Interea etiam magnâ illa Solis eclipsis d. 23. Septembris comparuit, quam multi nostratum ex plebe, vana persuasionem seducti, licet multum reformidassent, ut sanitatis inde jacturam si fecissent, haud mirari quis potuisset, quamvis nec tunc temporis, nec postea ullos morbosos effectus observare datum fuerit; quæ enim in Octobri & Novembri lymphæ stagnationes in plurimis odontalgias, & catarrhos leviores produserant, aeris potius, quæ eclipsin a d. 27. Sept. usque ad d. 27. Octob. infecura fuit, inclementiæ, nebulis crebris, pruinis, pluviiis, frigore horridæ debebantur. Ipsa solis obumbratio, quam cœlo prius admodum sereno, nubium sparsarum ob orientali plaga progressus antecesserat, cum sensim incretasset, remissioreque caliginem induceret, eurus subito exoriens, non tamen impetuosus, horridiusculam auram reddidit, campique, ex nonnullorum relatione, quasi rore maduerunt; quæ tamen cuncta tum obnubilatione cessante, & ipsa recesserunt.

Sol in Scorpionis signum ubi pervenerat, & eurus præsertim, ad meridionalem tamen plagam quandoque inclinans spirabat, plures serenos frigidiusculos numeravimus dies, matutinis tamen crebris nebulis turbatos. Novembre autem ineunte, zephyrus (qui altero post solis in Sagittarium ingressum die vehementissimus erat) temperatior eos, varique constitutos, ut plurimum tamen serenos reddidit, & tandem sub multivaria in Decembris aeris alteratione, atque cum reliquis ventis, videlicet primum cum euro frigido, circa medium mensem Austro temperato, & tandem Borea frigido alternatione, in nives, & frigus despumabat. Nec singulares morbi notabantur, nisi quod in dicto mense ultimo puerilem ætatem, non quidem admodum multos, Variolæ benignissimæ, quas nostrates aureas dicunt, quibus vero majores pustulæ, longiori quam priores decursu finitæ, in nonnullis interspersæ fuerant, occuparent; omnes tamen absque singulari periculo paucis temperatioribus remediis, & blando externo regimine facile abigerentur;

Sydenham opera Medica.

insuperque febres quotidianæ, quales jam circa anni principium infestæ fuerant, repullulascerent: quæ majori cum calore, sine horrore ut plurimum sensu ingruébant, & facile in hecticam declinabant, difficiliorumque in multis curam reddebant; tandem tamen, cum interpolato laxativorum usu, pulveribus absorbentibus, nitratis, chinchinatis, martialibus medicamentis cedebant.

Principium anni 1700. serenitate, frigori juncta, cum se commendasset, paulo post varia cœli facies, nebulosa, nubila, nivosa, pluviosa, serena, frigida, temperata comparuit, quin & d. 28. Januarii tonitruum ac fulgure tempestuosa extitit, cum per aliquot dies zephyrus, hucusque semper, nisi quod ad semimeridionalem plagam sæpius inclinaret, se exserens aerem multum prius concussisset; qui etiam venti M. Februarii continuarunt, & hyemale frigus constans inter nives sæpius delapsas, induxerunt; quod circa solis in Pisces ingressum ab euro incrementum sumpsit, nivæque, in M. Martio sensim liquatas, subinde spargere non intermisit. Interea Januarius febres quotidianas in fine præcedentis anni memoratas producere non prorsus cessabat, & nonnullos apoplexia, diverso fato terminata, alios rheumatismo artuum superiorum, qui usque in Aprilem, juxta cum febribus nominatis notabatur, atque a repetitis sudoribus, præcipue quos Laconicum coriariorum proliciebat, soluto, infestabat; Infantes autem in glandulis faucium ipsisque pulmonum vesiculis, non sine febrili incalescentia invadens, atque grave asthma inducens stagnatio periculo non levi exposuit, multosque eorum, præsertim aut ferius, aut negligentius curæ commissos in sepulchrum præcipitavit, cum reliqui orgasmum istum refrænantium absorbentium, & viscosam colluviem blande per alvum sputumque educendum usum salutarem experirentur. Quæ cuncta sicut inæqualitati aeris, lympham modo incrassantis, modo in fluorem iterum eliquantis deberi arbitror; ita ejusdem etiam aeris effectum fuisse non dubito, quod diversas puerperas abdominis præcipue in hypogastrica regione tormina corripere, eaque lochiorum evacuationem non ad votum succedentem, & hinc ex sanguinis stagnatione nervosam fibrarum tensionem inducentem comitem haberent; quæ ipsa medicamentis castorinis, aliisque fluorem sanguini debitum blande restituentibus, ac viscosas impuritates una per alvum eliminantibus ideo cedebant. Ab eadem aeris inæqualitate etiam, antequam æquinoctium vernum advenisset, Icteri, Martialibus remediis debellati, & febres petechiales continuæ, cum cephalalgia ingruentes, in quibusdam pleuritide comitatæ, cæterum nihil singulare ostendentes, nec admodum lethales, usque in Aprilem, frigidum, & primo quidem ab euro serenum; postea succedente zephyro, cum semimeridionali vento alternante pluviosum, sparsim ut vix epidemicos inter morbos referri merebantur, notabantur; sed Majus, crebros zephyri flatus expertus, gratiori cœli amœnitate illuxit, in fine tamen frigidus evasit, morborumque semina (præter Variolarum, nunquam uti hætenus, ita per totum reliquum anni decursum plane cessantium) prorsus suppressisse visus est; quos nec postea repullulare variorum ventorum, aerea, si quæ ingruerent, inquinamenta ex omni mundi plaga dissipantium vicissitudo, sub grata calidioris, nec non temperatioris auræ alternatione, permiserat. Quamvis postea per æstatem febres quotidianæ, & rheumatismi subinde denuo caput extollere conarentur, inque mense Augusto dysentericæ aliqua vestigia notarentur, vix tamen memorari hic merentur. Post caniculares dies primo frigidiuscula aura spirabat, postea longior aeris serenitas non levem terræ siccitatem inducebat, usque dum post æquinoctium autumnale zephyri vehementia, ab aliis ventis sæpe interrupta, crebras pluvias suscitaret, tepidiorumque ut plurimum auram redderet, quæ austrina constitutio, paulo post non tantum Variolas in plures infantes diffuderat, sed etiam tusses contumaces in multis, & febres petechiales in quibusdam produserat; & has quidem non sine contagii nota, ut integre etiam domus alicubi inficerentur, & non pauci succumberent, quos tamen non tam morbi violentia, quam quod neglegenter, & imperite, præsertim a stupida fœdi carnificis temeritate, quæ nescio quo infortunio plures demen-

raverat, tractarentur, mortis prædam fecerat, cum alii rite & mature curati, paucis assumptis alexipharmacis, primos morbi impetus prorsus, vel intra biduum retunderent, vel salvi tandem evaderent, Omnes præcedaneo horrore, subitam virium prostrationem & præcordiorum oppressionem patiebantur; nonnulli cephalalgia per initia torquebantur; deliria vero & inquietudines interdum subsequerentur, sitis rarius urgebat, nec caloris præternaturalis externa indicia aderant; urina ut plurimum & pulsus non multum a naturali statu recedebant. Talia etiam civis cujusdam uxorem cum filio 17. annorum invaserant, qui empiricæ etiam illius imperitiæ expositi mortui sunt. Filia autem 19. annorum eodem malo correpta in morbi augmento vermen duas spichannas longum mortuum vomitu excreverat, motibusque membrorum convulsivis & continuis deliriis agitata, nil cibi & medicamentorum ulterius assumere voluerat, quin & potum omnem, quamvis fauces aridæ essent, & mucos viscidissimo incrustarentur, per biduum respuerat; quæ tamen, cum utrique humero vesicatoria applicare curassem, tumque ipsa deglutire iterum aliquid inciperet, sicque cephalica alexipharmacis mixta admitteret, mentem paulatim & membrorum tranquillitatem resumpserat, & circa tertiæ hebdomadis a decubitu finem suborta diarrhœa evaserat. Altera filia duodecennis tertio, & quarto morbi die vomitu crebro agitata, nil cibi, potus vel medicamentorum retinere poterat; data vero theriaca cœlesti cum chinchinæ extracto motus ille ventriculi perversus sedatus est; die autem decimo caput intumescere, & immensum dolere cœpit, sed propinatis ibidem cephalicis, & alexipharmacis, nec non vesicatoriis utrique humero impositis, parotidisque sinistrae tumore suborto, postquam ille a cataplasmati usu discussus fuisset, atque diarrhœa supervenisset, convaleuit, Filia 15. annos nata, & filius undecennis parem morbi insultum passi, intra octiduum sanitatem recuperarunt. In omnibus his sudor fere nullus prolici poterat; maculæ etiam puncticulares lente, nec satis ad votum prodierant. Pater prima morbi indicia sentiens, sumpta bis tinctura bezoardica, ejus violentiam elisit, inter medicamenta etiam pulveris nostri alexipharmacis officinalis, qui ex terr. sigill. C. C. phil. præp. rad. angel. Zedoar. cort. citr. & myrrh. componitur, repetitum usum in primis proficuum expertus sum; qui non tantum lymphæ visciditatem corrigere, ejusque coagulum resolvere, sicque ad diaphoresin disponere, sed etiam balsamicis suis partibus sanguinem a corruptione præservare valuit, tussis magna vehementia adultis æque ac pueris infestæ, convulsivi aliquid alere visæ fuerunt, & magnam humoris viscidii copiam excreverunt; quibus vero, ut alia taceam, continuatum herbæ thee vel veronicæ, cum radice liquiritiæ infusæ usum præcipuam medelam attulisse observavi. Quo sub Morbonæ dominio reliquum anni, varias cœli mutationes, temperatiorem in primis auram produciens; transigimus.

Constitutio Epidemica Berolinensis Ann. 1699.

DN. D. GUSTAVI CASIMIRI
GAHRLIEP.

von der mühlen.

In Anuarii imo dies tota pluviosa, vespertino tonitru sexies satis vehementer reboante insolito, & hoc saltem tempore raro phænomeno tremendum edidit ostentum. 2da inconstans mane ex parte serena, & sicca, reliqua nimbis ingrata. 3tia mane pluviis molesta in Caurum a meridie valde impetuosum desit. Sequentes ad decimum varii ut plurimum pluviis, quandoque nivium flocculis mixti, nonnunquam frigore temperato in grave tandem gelu degenerante distincti; succedente demum nive, hisque pluviis, vernam fere cum sudo temperiem ad 19num usque reducetes, cœlo nimirum de die sereno; noctu vero gelido, revertente sic paulatim fortiori gelu, triduum durante; tum vero rursus in pluvias ac temperiem aeris leniorem per quatrimum declinante, ac succedente denuo 28vo gelu satis acri sed ephemero, in

nebulosum, & pluviosum quatrimum una cum mense terminante.

Februarius eodem typo cœpit, mox vero 2do, succedente gelu ad 11num usque continuavit, in pluviam vesperti solutum, sed 12mus mane rursus gelidus, cœlo quidem obscuro & flocculos subinde niveos spargente, octiduum continuavit; 19nus tandem remissior toto biduo pluviosus ac nimbosus. Verum 22do post mane obscurum sequens 23us sereno cœlo pluvias ac grandinem miscuit, succedente post 24catori 24to, rursusque nimbofo, ac nivoso 25to, tandem a modico mane gelu in amœnum triduum 28vo & ultimo transiit.

Martius a pauca nive, sereno mox rursus cœlo exorsus variis, & inter se alternantibus tempestatum vicissitudinibus, Aprilem potius referens, nivibus pluvias, gelu deliquia miscens ad 12num usque perrexit. Constantiori postmodum frigore, sereno ut plurimum cœlo, nivibus, nonnunquam parvis interpolatum ad 24tum usque continuavit. Inde remittens, post biduum pluviolis quibusdam aspersum, vespere clarescens, 27mo in amœnam serenitatem, sequenti tamen 28vo turbida tempestate, nimbis, pluviis, ac grandine fœda interceptam, mox vero tolerabiliore biduo redditam, 30mo una cum trimestri hoc primo in vernam amœnitatem desit.

Morbi hujus trimestris initio frequentiores ac epidemicæ fuerunt præcipue febres peculiare catarrhales, malignitatis non expertes, difficiles, periculose, & quibusdam exitiose, quibus ardentes postea succedere, pleuritide ut plurimum comitate, eaque acuta quandoque, & maligna, nonnullis lethali, tandem variolæ. His ob varium adeo cœlum Februario mense substitutæ febres acutæ ardentes, & continuæ intermittentes, aut subinde potius exacerbata, malignitate ac petechiis infames, aliæque paulo mitiores quidem, sed variis exanthematis, purpura, morbillis malignitatis latentis indicibus fœtæ, quæ & sequenti Martio, totoque adeo trimestri, & ultra durarunt, ac haud paucos ad plures miserunt.

Aprilis primus cœptam sub finem mensis præcedentis amœnitatem vernam, quibusdam 4to præsertim, 6to & 8vo cum æstivis de serenitate, & æstu certantibus, ad nonum usque serie vix interrupta, nisi nubilum, utut rarius, horis potissimum pomeridianis intercedens, cœlum variationis insinulaveris, continuavit. Sequens quatrimum a nono ad 10num serenitati pluvias induxit leves ac fœcundas. Inde ad 18vum euro in aquilonem paulatim deviante, aer quandoque serenus, ut plurimum turbidus, siccus tamen, simulque frigidus, nonnunquam ventosus, 18vus serenus fere totus, circa vespere fœcundam sparsit pluviam. Succedente hinc cum sudo temperato, & ameno octiduo, 21num procellosum, & subfrigidum si exceperis, ad vigesimum septimum usque, qui variis, mane turbidus a meridie tonitru, pluvia ac grandine horridus, circa vespere demum serenus, triduo comitatus, turbido tandem in pluviam sub ipso mensis exordio delituit.

Majus tota, & amœna serenitate ver initiavit, sed a successore paulo asperiore, aquilone nimirum afflante, destitutus, zephyro tandem subeunte in pluviosum transiit quatrimum a biduo sereno denuo exceptum, sed 10mo sub vespere pauca aspersum pluvia. 11mus mane serenus a meridie sudus, successore 12mo sereno ac sicco interferto, pluvium & circa vespere tempestuosum substituit triduum. Cui biduum æque turbidum, sed præcedenti ternario siccus accessit, donec 18vus serenus & amœnus vernam gratiam ac jucunditatem, quindecim dierum continua serie ad ipsum usque mensis terminum durante reintegravit.

Junius eodem quidem tenore inchoavit ac biduo ad vespere usque sereno continuavit, in pluviam vero satis grandem aut imbrem potius & tonitru circa hanc defecit, 4tus nubilosus, & frigidulus, siccus tamen successorem tota die Cauro impetuosius flante nimbosum habuit, triduum tamen serenius & amœnius accersentem, ad nonæ (quæ pentecostes prima erat) usque meridiem in pluvias fatiscentem, 10mo succedenti vario, turbido ac subinde madido, 11mo mane nubiloso a meridie claro, 12mo sereno, amœno ac temperato toto. Huic 13us mane serenus ac ventosus, a meridie pluvio-

pluviosus, Iride bis apparente, ac biduanam serenitatem nunciante, notabilis successit. Quæ tamen a biduo inconstante excepta, quatrimum addidit paulo constantius, mox tamen in biduum e sudo & pluviis mixtum desciscens 21mum totum pluviolum ad meridiem usque 22di a meridie clarescentis succedaneum habuit, 23tius sudo & æstivo calore gratus. 24tum ejusdem amœnitatis ad occasum usque solis imbre degenerem, socium sibi ascivit, ut & triduum sequens, & pluviolis tamen quandoque madens, 28vus pluviolum a 29no sicco & a meridie sereno correctus, cum 30mo toto æstu ac sudo acceptissimo ultimum secundæ hujus anni quadræ mensem clausit. Trimestre hoc secundum morbos haud adeo frequentes aluit præter scorbuticos nonnullos aliis ut plurimum complicatos, utpote arthritidi vagæ, nephritidi, colicæ. Febres quasdam catarrhales, quandoque, ut ut rarius malignas. Majus scorbuticis prædictis hypochondriacos quosdam, & ar raro maniacos junxit. Hisque epilepsias infantum præsertim & puerorum diarrhœas, subinde & dysenterias hoc anni tempore alias insolitas, febres quasdam cum colica scorbutica aut hysteris passionibus combinatas accensuit. Junius his malignas nonnullas cum pleuritide, quandoque & in peripneumoniam degenerante concurrentes, exanthematum quoque miliarium peculiari quodam genere, ut & petechiis, iisque periculis ac quibusdam lethalibus, infames superaddidit.

Julii primus dies sudum ultimo Junii inchoatum per quatrimum ad 5tum usque propagavit, cujus vespera pluviolum sparsit raram. Sextus mane serenus, torantibus subinde tamen pluviarum guttulis, aspersus a meridie imbrem fudit valde largum, sequentes septem nubo, aliquando & imbris & nimbis turbato cœlo varii fuerunt. 14tus æstivum redintegravit sudum, ac excepto 19no tonitru & pluviis circa vesperam turbido, & 21mo pluvia vespertina madente, ad 28vum usque jugi sudo & æstu gavisus est; Hic tandem serenitati huic satis durabili triduum tonitruosum, pluviolum ac quandoque grandinosum succenturiavit, ac 31mo demum sereno & amœno finiit.

Augusto a triduo sic satis sereno, pluviis tamen quandoque interpellato exorsus, 4to sudum produxit amœnum, ad vesperam usque sequentis durans, tum vero tonitru horrendo ac imbre valde largo turbatum, 6to sudo subinde pluviis miscuit, 7mo tonitru superaddidit, subsequente vario quandoque ventoso, turbido ac pluviolo ad 20mum usque cœlo, postea vero sereniori ac tranquilliori, non tamen omnino a pluviis immuni ætheri abblandavit ad 28mum usque; una cum triduo sereno toto, ac æstivo calore amœno, mensem hunc claudentem.

September sudum æstivo fervore jucundum primo die continuavit, 2do a meridie pluviolas quasdam miscuit, sequens nubibus id subinde temperavit. 5tus idem repavit, a meridie pluviolum aspersit, 6tus a pluviis immunis, 7mus & 8vus raras sereno pluviis intercalavit; A nono ad 18vum æther æstivum, sudo rursus & temperato calore amœnum affulsit, 18vus pluvia pauxillo asperso, 19no & 20mo redintegratum sed frigidulum, 21mo & subsequente biduo paulo mitius, 24to nebulosum, sed mox rursus serenum cum successore toto 26to sudum pluvia matutina modica, ac nubo postea interpolatum ad 30mum usque adeoque postremum reduxit, sæpe trimestri huic tertio gratum reddidit terminum.

Tertii hujus trimestris a priori haud multum abundentis Julius hypochondriacos nonnullas & scorbuticas affectiones variis committas symptomatibus, & hæc inter præcordiorum præcipue oppressionibus & angoribus molestas; febres continuas ardentes, aliasque paroxysmis subinde vehementibus graves, nec omni malignitate vacantes symptomata periculosa, pleuritides, hæmoptoes, deliria, ad phrenesin durantia, inducentes. Epilepticos insultus frequentissime, adeoque epidemice diarrhœas nonnunquam & dysenterias periculosas, a tergo trahentes. Augustus eodem fere tenore transit, nisi quod febres continuæ ardentes, malignæ admodum, frequentiores adhuc ac petechiis quoque stipatæ successerint, atque Septembri quoque continuarent, in hæcticam haud raro, tusses contumacissimas, colicas quoque passiones, diarrhœas & dysenterias transeuntes, periculosas, raro tamen lethales, purpura

sapius, variolis raro, morbillis frequentius notatas.

October autumnino congener a primo ad 19num usque vario cœlo sæpius pluvio, rato sereno, semper horridulo transit; Hic serenus, præter parum pluviam 23tio sparsæ octiduum adduxit serenum & 25to præsertim æstivo sudo fere compari, a biduo paulo nebulosiori exceptum, 29no nebuloso turbido ac pluviis tarris tamen interpolatum, biduo alio sereniori, sed euro afflante frigidulo surrogata compensavit, tandem postremo biduo in primam glaciem sub ipso exitu dirigit.

Novembris primus, ejusdem cum prædictis postremis genii, serenus nimirum & gelidus, 2dus gelidus adhuc, sed nubilosus ac turbidus sequenti nocte primas sparsit nives, remittente parum gelu, noctu rursus pruina, tum mane nebulam in pluviolum deliquescentem tulit. Subsequentem 5to sicco, mitiori æthere grato, tum pluviola nocte ad meridiem usque sequentis interfecta, inde clarescente rursus acre post turbidum 7mum, triduum subsecutum sudo temperato valde amœnum ad vesperam usque 11mi pluvia rorantem, cui quatrimum rursus serenum successit, ac 18vum mane pluviolum spargentem, si exceperis, ad 21. usque a meridie pluvia quoque rara cum sequentibus duobus madentem. 24tus ejusque successor nimbo affeclas habuere turbidos ac pluviolos, solo 30mo mensis nimirum ultimo sereno ac temperato excepto.

Decembris primus & secundus alternatim pluviis serenitati, ille mane, hic vesperi subordinarunt, 3tius in gelu pronus a nocte gelida, meridie nivoso, reliquo sereno in triduum brumali frigore rigens transit; 7mus mitior, cum 8vo toto nives addidit; 9nus temperato gelu serenus; 10mus totus nivosus a procellosa nocte in serenum ac temperatum gelu migravit, quod 11mo fortius; 12mo subturbido cœlo per triduum subsequens satis rigorosum, in gelicidium tandem desiit, 16to nebuloso cum sequente, cœlo etiam sereno paululum remittens, biduum substituit penitus degelascens, sed redintegrato 20mo gelu ad meridiem usque mitiorem, 21mo & 22do nebulosis ac pluviolis 23. a nocte serena gelicidium a meridie adduxit ad 24ti usque sequentis meridiem, in pluviolum tandem fatiscentem. 25tus nebulosus ac nubilosus totus nite restituit gelu, cœlo sereno cum nivibus quandoque alternante; ad 31mum usque & postremum hujus ut trimestris sic anni totius, robur successive validius acquirens.

Postremum hoc trimestre, perinde uti priora, febres obtulit varias satis sequentes satisque vehementes, acutas & ardentes nonnullas simulque malignas pleuritide, & peripneumonia quandoque, ut plurimum funestis, diarrhœa, cholera, ictero, catarrhis cum defluxionibus molestis in dentes, tonsillas, guttur, pulmones &c. depluentibus contumacibus; cephalæa, cardialgia, palpitationibus cordis intensis, purpura subinde, morbillis, variolis & haud raro petechiis stipatas. Præcipue autem colica quædam scorbutica valde frequens fuit, prima facie levis, ac haud magni momenti visa, mox vero nunc diarrhœæ, nunc dysenteriae, nunc pleuritidis in peripneumoniam sæpe degenerantis, contumacis, periculosa & haud raro lethalis, Protei instar larvas induens.

Constitutio Epidemica Basileensis Anni 1699.

Dn. D. JO. JACOBI HARDERI.

P Rincipium Januarii fere ad usque hujus medium, varia tempestate eaque subita dyscrasia ac mutatione, novi anni auspiciis prælusit: imminente paulatim novilunio cœlum læta serenitate, aerque desiderato pruinae incremento ac siccitate ad usque finem hujus mensis favere perexit: inde vero obscurior aer ingruit, Februariique initium nunc nebulosum fuit, nunc pluviola cum nive mixtum, ventis per intervalla fortiter spirantibus: Pleuritides & pleuropneumoniæ cum febribus continuis jam frequenter homines invadebant: neque catarrhi ferini iisdem pepercerunt, variolis tenebriori infantia subinde infestis.

Martii principium pluvialis nix ingratum reddidit, quæ instante plenilunio, magna & insolita cohorte, arva montesque adeo obsedit, ut itinerantibus non parvo fuerint obstaculo: inde blandiore accedente aere, nix paulatim fundi, & fertilis tempestatis spes major affulge-

affulgere cœpit: usque tamen interpolate circa finem hujus, & Aprilis initium nivales pluviae, eandem rursum extinguere cœperunt. 8. 9. & 10. April. interdiu calore blando terræ gremium resiciente, noctu vero pluvia cum tantilla nive idem irrigante, febres continuæ hoc tempore satis adhuc infestabant.

Die 12. April. calidiuscule pluviae fugata in arvis, montibusque adhuc dum hospicans nix maxima sui parte, affulgente deinceps serena tempestate, cum exoptato calore solis; florum fructuumque fecundo parente, tantum non prorsus evanuit,

Maji initium multa pluvia comitabatur, in montibus hic illic nive per intervalla interspersa inde optata tempestas ingruit, soli desiderato calore singulis terræ fructibus & feminibus, in vitam excitatis, cujusmodi in Junium usque & ultra fecundissime continuavit: Julius, quem canicula promittit fervorem minus largum, sensit frequentibus pluviis præter votum illum attemperantibus: neque ejus defectum Augustus majori calore, quem ab hujus medio ad finem usque demum experti sumus sarcire potuit: unde uvarum maturitas quam Septembri mortales præstolantur, versus finem usque hujus a nobis desiderata fuit; & quamvis dies calidi interpolate alluxerint, noctes tamen frigidiusculæ, eandem non parum sufflammarunt. Sub finem Octobris nivalis tempestas jam ingruere cœpit, quæ subsequenter hinc Novembri & Decembri mensibus, in primis circa medium finemque hujus cum multa Brumæ sævitia, ingravit; præter febres continuas & in quibusdam locis satis malignas, alii morbi rarius frequentes erant.

DN. D. RUDOLPHI JACOBI CAMERARII,

Academici Naturæ Curiosæ,

*Schediasma Tubinga missum ad Historiam
Epidemicam.*

Ann. 1699. & 1700.

Laudabile est institutum historiæ epidemiæ Germanicæ, in appendicem ephemericum ab annis aliquot referri solitæ, quod ex multitudine observationum per diversas provincias collectarum progressu temporis acquirendam spondet notitiam meliorem & pleniorrem de subdolis, alias & occulte, utut populariter, grassantibus morbis. Hanc ego collectaneorum suppellectilem hac quidem vice non venio locupletatum, nec plenam descriptionem constitutionum utriusque anni hic inferere necesse duco; Quoniam qui suis temporibus grassari solebant catharri & inflammatorii pectoris morbi, quæque intercurrerant variolæ, cum aliis levioribus, tanti momenti non videbantur, epidemiarum autem febrium pristina frequentia & malignitas ab aliquot retro annis per Dei gratiam in urbe dominium non obtinebat: Sed ea fata, quæ per tristes olim annos communiter plures experiri solebant, jam paucis & vel uni atque alteri solum obtingere, idque modo quodam sporadico potius quam epidemico, hoc annotare cum licuerit, communicare etiam operæ pretium visum fuit.

Exemplum quod huic rei fidem faciat singulare pro an. 1699. suppetit in una domo, scilicet Aprili mense primus in familia pater, vir robustus, idemque hactenus sanus bibliopæges, febre maligna plane ex improvviso modoque acuto abripitur. Hunc post breve tempus, liberis interim etiam correptis, evadentibus omnibus, intra mensem ultima sequitur in familia mater; sic viduata domus, cum altum de simili malo in urbe esset silentium, nec per hunc annum ante & post ita acute abriperetur quisquam. Nihil etiam contagii hinc reulerunt vicini, aut qui alias tristes illas ædes visiterunt. De causa illa manifesta non constabat. Audiebantur quidem tum temporis hinc inde varii pauperum morbi sub annonæ caritate ob diætæ vitia, vertigines, tormina, alvi fluxus, sed hæc in pagis potissimum, minus in urbe; Constitutio autem æris per istum mensem, utut sæpe blanda, mitis, velut æstiva, hinc & leviter tempestuosa, in principio tamen & fine fuit frigida, humida, cum & vicinis alpebus diu inhæreret nix, quin nova sub medium & finem ibi caderet.

Pro anno 1700. duo suppetunt exempla, notata in binis ædibus: ubi principium continuæ non communis febris iterum deducendum est a mense Aprili, quæ sub ejus finem correptus fuit sartoris filius, absque omni, quantum quidem constat, causa evidenti, nec ab alio quocunque infectus. Hunc sequitur soror major, hanc minor natu; omnes medico nullo consulto vel absque vel cum medicamentis, ut ajunt, domesticis evadunt, ita tamen ut ad quinque & sex septimanas protenderetur apud singulos plena convalescentia. Quarta in ordine mater demum die septimo vel octavo Junii (non enim simul tres priores personæ decubuerant; sed una fere resurgente dejecta fuerat altera) cum male habere circa præcordia inciperet, sumit purgans, nescio quale aut cujus suavis, & movetur fortiter, sed abhinc statim lecto affigitur, alvum ad tredecim dies habet clausam, tunc suppositoriis & enemate tardè & parce motam, jacet soporosa, omnium negligens, excitata & interrogata sibi non male efficit; tandem subdelira, nullis usa medicamentis, in tertia demum septima die vigesimo quarto Junii moritur, livide post mortem nigricans. Ipso die sepulturæ frater defunctæ, lanio robustus, quinquagenarius, tabellarius, post varios quidem errores diætæ, largos certe in vino excessus, ægrotare incipit, sc. prævio horrore maligne dejicitur die vigesimo sexto Junii; Dicitur autem turbatus & vestibus indutus diu mansisse extra lectum, ludens, garriens, cum pulsus præ spasmodis jam explorari vix posset, & ut ajunt, pleuriticus. Quidquid sit de ipso, quem non vidi, moritur satis acute mane diei secundi Julii, convulsus. Abhinc terrore percussa alterius fratris uxor etiam dejicitur, sed evadit; Cum vero insuper binæ personæ aliis in ædibus, quibus cum ista familia nihil intercesserat commercii, febre, sed mitiore & remittente, corripentur, caderetque vir sanus hactenus ex improvviso apoplecticus lethaliter, imo de subitaneis per patriam casibus tristes hinc inde advolarent nuntii, magna utique tum pavidorum commotio. Sed redeundum ad ædes sartoris. Die altero post sepulturam matris, filia annorum septendecim nondum menstruata, mane circa horam octavam ægrotare incipit, friget, a meridie incalcescit; atque ita hinc continenter febricitat, ut extra lectum plane non degere, quin sæpe in eo ne quidem se erigere posset, plerisque tamen diebus horas matutinas experiretur meliores, pomeridianis autem sentiret exacerbationes omnium symptomatum, quorum præcipua erant dolor capitis, & ut aiebat cordis, cum levi tussicula, alvo tarda, pauca, siti non nimia, appetitu nunquam plene abolito, lingua mucosa, molestia quadam deglutitionis, absque maculis, (uti & priores omnes) absque singulari delirio, mittens urinam nunquam rubram, cum nebula post moram crassa albide pallida. Hæc filia post dies quatuordecim evadit feliciter, usa decocto rasur. corn. cerv. rad. glycyrrhiz. sem. fœnicul. pulveribus pannonicis, alexipharmaco, cervino, (prout hic in officinis juxta descriptionem B. Parentis in gratiam pauperum prostant minus pretiosi) bis in die aut ter, alternis enim noctibus dabatur grana quatuor extracti bezoardici; descriptionis ejusdem, cum vehiculo & mixtura aquarum melissæ, card. bened. cerafor. tiliæ; Syrup. acetos. citr. cui addebantur cornu cervi ustum, antimonium diaphoreticum, & tinctura bezoardica, cum pulveres illos porro sumere recusaret. Tandem ultimus in domo pater, die duodecimo Julii languere visus, sibi que metuens, ne ordo jam ipsum tangeret, a deglutitis noctu septem pilulis bezoardicis, & drachma dimidia theriacæ Andromachi mane in vino hausta, largiter sudans præservatur, nilque ultra mali passus, finem ita imponit malæ febris, inducias hinc iterum urbi nostræ (utinam bene longas) concedenti.

Hæc de hac familia. Interim alibi in urbe lotrix, cum prioribus non communicans, circa idem tempus cum ista muliere, sc. die octavo Julii, post loturam linteorum, sub horam vespertinam septimam horrore gravi correpta, hinc ob æstum, sitim, acutum capitis dolorem, cardialgiam, tussim frustraneam, dolores costarum pleuritidem æmulantes, die decimo Junii mane venam secari jubet in brachio (unde sanguis extractus mora temporis nullam contraxit crustam, sed mundam servavit superficiem) decursu dierum mane

& me-

& meridie melius, a vespere in noctem semper pejor habet, tum dyspnoica subinde & subdelira; Die decimo tertio mensis observantur in collo ipsius & pectore maculae minutae rubentes, die decimo octavo per collum efflorescentes vesiculae milliares; Alvus die decimo quarto ante meridiem sponte novies non torminose soluta per morbi decursum manet lubrica, laxior communiter sub exacerbationibus; Urina mittitur nunquam tincta, plerumque turbida, cum sedimento post moram laxo, crasso, pallido. Sic afflicta femina sub usu praedictorum medicamentorum, quibus hic accesserat decoctum pectorale alexipharmacum, electuarium diascordium, & cortex Peruvianus, evasit feliciter; equidem in sexta septimana jam iterum lotricem agens, notabile adhuc sub declinatione emergens narravit phenomenon, pruritum scilicet fere universalem, valdeque molestum, quo ad fricandum vehementer corpus urgebatur, unde & in squamulas elevata & siccata cuticula abscesserat passim. Caterum haec non uti prior, infecit quenkum, sive nemo ab ea laboravit similiter, nisi quod filiola annorum quatuor eam videretur sequi, febricitabat enim per dies quatuordecim continenter, cum exacerbationibus vespertinis, sine maculis; convaluit autem absque medici ope, cum post longam anorexiam & abstinentiam appetitu ferebatur in lac acidum coque satiaretur.

Haec sunt fata familiarum, quas in alta velut pace securas hostis improvisus diversimode aggressus graviter exercuit, modo unam & alteram in domo eligens personam, reliquis parcens, alias nulla praetermissa paucas fataliter abripiens; Ibi in una domo persistens, decursu intra breve tempus absoluto, hic extra domum ad consanguineos & affines sese extendens, diu tamen protracta successione in eadem, ad mensem scilicet usque tertium. Illum alias novimus morem talium febrium, quod cum epidemicam minantur invasionem, accedentes subdole & sparsim se prodant, & cum finis earum adest, recedentes subinde tamen, cum minime credis, recurrant; Hic autem neutrum locum habere videtur, sed alia ratione tristem sui memoriam renovasse malignitas; idque non tam hyberno, quo major olim communiter notabatur, quam aestivo potius hac vice tempore, quo Mars apud nos (utinam per Dei gratiam diu) quiescit, & qua mediocre fuit annonae pretium. Addendum hac occasione post hyemem inconstantem, ventosam, lutulentam & gelidam, non minus varium successisse vernum tempus, nive iterum albis diu, ad finem usque Aprilis, inhaerente; Junium in specie saepe, ipso die septimo fuisse pluviosum, ad exundationem fluviorum in utraque circa urbem valle. Respondebant interim tali constitutioni morbi varii, inter quos praecipue hybernæ variolæ, vernæ scabies, pleuritides, peripneumoniæ, sub initium Maji perquam frequentes: Abhinc autem inter benignos nec multos morbos observabatur singularis illa malignitas, ad paucas determinata personas. Quibus sub finem pro declaranda temporum istorum de cætero bonitate addi potest, quod a quo tempore fama de novo remedio antidysenterico percrebuit, nullus observatus inter nos fuerit æger, quo cum ejus periculum fieri potuerit.

S E R I U S M I S S A

Dn. D. AMBROSII STEGMANNI

Historia Epidemica Mannsfeldiaca
Anni 1697.

CUM temporum inæqualitas, Hippocrate & experientia teste, plurimos pariat morbos, nec minima utilitas, judice perillustri Domino Praefide ex epidemica annorum constitutione, diligentique illorum observatione resulter in rempublicam Medicam, operæ pretium duxi & Ego, ut circa Comitatum Mannsfeldiacum ex epidemica constitutione propullulantes morbos, quantum mihi observare datum fuit, annotarem & ephemeridibus adderem. Ab anno itaque 1697. bono cum DEO, initium faciam: Cujus Mensis Januarii incepit gelu rigoroso congelare aquas, & nive conspergere terram ad quintum usque diem, quem inconstans, ingruente ultima lunæ quadra, aeris tempe-

stas excepit, & per reliquos hujus mensis dies mox pluviis, mox nive, mox turbinibus continuavit.

MORBI. Per hunc mensem tumores insoliti hominum capita occuparunt, ut tertio majores extiterint, quos tamen sudorifera & vesicatoria optime dissiparunt. Sic & pleuritis notha in gravidas nimium quantum saeviit. Nec non catarrhi suffocativi primæ, mediæ & ultimæ ætatis homines invaserunt, qui affectus tamen appropriatis suis remediis ausculta-

FEBRUARIUS, inconstante aeris temperie, multis comitatus nebulis matutinis & vespertinis ad novum usque diem continuavit, quo frigus intensum ingruit & ad 24. quatembris scilicet diem, duravit, reliquos hujus mensis dies rursus aer pluviosus, udosus & nebulosus excepit.

MORBI. Mense hoc morbus Hungaricus, superveniente ut pl. 7.imo die angina, febresque petechiales multis exitiales fuere. Petechiæ in plerisque absque ulla datis medicamentis 2do statim & 3tio die maxima cum virium prostratione & malignitate eruperunt. Et licet multi his laborantes sanis similes viderentur, tamen præter omnium opinionem die septimo extincti sunt. Die 5to ut pl. in sexu nobiliori hæmorrhagiæ narium, in sequiori menstrua cum infallibili lethality indicio, erumpebant. Quibus mox ab initio delirium superveniebat, morbo absolvebantur sic, & diversos ex pauperioris sortis hominibus vidi superstites, qui negligentius vivebant, in frigore jacebant, nec ullam sui corporis curam habebant. Ex decumbentibus etiam quidam recidivam sunt passi, ita ut intra mensem bis fuerint petechiis insigniti, qui tamen omnes vita privati sunt. In quibusdam febre hac demortuis, facies vivorum simillima, & sudore guttatim conspicua, deprehensa est. Admirationem etiam subit, quod bubones pestilenciales, in quibusdam peste, tempore ultimæ contagionis, olim infectis, hoc mense rursus intumuerint, purulentamque materiam de se dederint. Optima bezoardica lege artis & summo studio adhibita respuebat omnia hæc febris; Itidemque vomitoria & venæ sect. in principio etiam administrata erant de nihilo. Sola vesicatoria, quæ tamen plurimi recusabant, primis statim diebus in diversis corporis partibus simul applicata, multos eripiebant e faucibus mortis.

MARTIUS & APRILIS mox pluviis & tonitru, mox nive, mox turbinibus mutarunt suos dies.

MORBI. Catharri & tusses nimium quantum infestant homines, in his Pillul. de Succin. Craton. it. de Cynogloss. associatis Elixeris pectoralibus multum profuerunt.

MAJUS insolito aeris fervore & tonitru ingruit, & usque ad X. diem continuavit. Reliqui hujus mensis dies pluviosi & ventosi, noctes vero ob flantem Boream summe frigida extiterunt, ut & exinde fructus & fruges ob glaciem obductam frigore sint tactæ & læsæ.

MORBI. Hoc mense pleuritis, hæmoptisis, arthritidis vaga scorbutica, & in primis febres catarrhales multo infestant.

JUNIUS intravit rursus insolito aeris fervore, cuius XI. diem Boreas excepit & usque ad XX. diem duravit, quo rursus aeris fervor cum tonitru ingruit, & mensem finit.

MORBI. Hoc mense melancholia multos utriusque sexus homines invasit, qui truculentas manus sibi suisque intulerunt, supervenit & quibusdam melancholicis epilepsia paucas post horas lethalis.

JULIUS crebrioribus pluviis, flante Borea, per totum mensem ita molestus, ut Vulcanus tunc temporis superbiret in nostris fornacibus.

MORBI. Hoc mense febres tertianæ & quartanæ, it. Partus difficiles sequiori sexui periculosi fuere.

AUGUSTUS, SEPTEMBER & OCTOBER pluviosi & ventosi flante Borea & Euro extiterunt.

MORBI. Catharri, tusses, & pleuritis vagarunt hinc inde.

NOVEMBER & DECEMBER maxime inæquales fuerunt, & mox pluviis, mox nive, mox frigore mutarunt suos dies.

MORBI. His mensibus icterus in quibusdam cum diarrhœa, in aliis cum vomitu, in plurimis cum tumore ventris observatus est, & totas familias infecit, paucos tamen intra dies pillulis meis Martialis & sale cachectico Ludovici profligavi hunc morbum. Sic

& arthritis vaga scorbutica & podagra multos infestavit.

Epidemia Mannsfeldiaca. Anni 1698.

JANUARIUS frigore intenso per 4. dies spirante subsolano continuavit, 5to die aer nebulosus ingruit, 6to & 7tmo Aquilo nivem, d. 12. 13. 14. zephyrus pluvias protulit, d. 15. 16. 17. 18. 19. 20. Euro-notus nivem & intensum frigus reddidit. Reliqui mensis dies, flante zephyro, rursus pluviosi extiterunt.

MORBI. Tussis, catarrhi, & pleuritis notha multis molesti fuere.

FEBRUARIUS pluvioso & australi aere usque ad sextum continuavit diem, 7mo frigus intensum, spirante euro-noto, ingruit, & per reliquos hujus mensis duravit.

MORBI. Pleuritis, tumores sub axillis & morbilli admodum familiares fuere hoc mense omnis ætatis hominibus.

MARTII primi VI. dies, flante zephyro, pluviosi extiterunt, VII. frigus, spirante Euro-noto, intensum rursus ingruit, & usque ad XX. continuavit, quos reliquos mensis hujus dies aer meridionalis cum pluvii & tonitru absolvit.

APRILIS totus pluviosus, spirante aere meridionali, extitit.

MAJUS eodem aere & pluvii usque ad 18. diem continuavit, d. 19. Subsolanus radiis solaribus terram siccavit, quam tamen d. 27. pluviae & grandines rursus humectarunt, & ad finem usque hujus mensis perdurarunt.

JUNIUS, JULIUS, AUGUSTUS, SEPTEMBER & OCTOBER mox pluvii, mox radiis solaribus & aere validiori, mox frigidiori, variante Aquilone & Austro, admodum molesti extiterunt.

MORBI. Licet maxima aeris inæqualitas per totum ferme annum extiterit, minimi tamen morbi has oras visiterunt. Nam præter melancholiam, maniam & furorem uterinum, plane nullus alius in Comitatu Mannsfeldiaco per mensem Julium, Junium & Augustum observatus est morbus. Hi autem affectus per multis familiares fuerunt. Nam XV. melancholia VII. mania, & octodecim furore uterino laborantes meam solummodo implorarunt opem, quibus etiam ad unum omnibus appropriatis suis remediis & imprimis vesicatoriis & venæ sect. Deo auxiliante pristinam reddidi sanitatem. Nymphamaniacæ in primis mira passæ sunt symptomata. Quædam nil nisi obscena proferebant verba, veneremque intendebant. Quædam insomnia phantastica recitabant, & modo hunc, modo illum Sanctum, l. Principem. l. alium Magnum pro sponsis habebant. Aliæ cantabant, saltabant, & modo in caput, modo in pedes se conjiciebant, variaque absurda immiscebant. Aliæ rhythmos componebant, totas paginas e Bibliis recitabant, & chiliastras se profitebantur. Extitit autem, quod mirandum, furor uterinus contagiosus, nam iisdem in ædibus sæpe 2. 3. & plures decumbabant mulieres hoc affectu. Vidi etiam oculis meis: Quod præfecti cujusdam uxor in paroxysmo ejusmodi furente constituta, ex adstantibus mulierculis rusticam quandam virginem ad osculandam manibus arriperet, recusantique colaphum impingeret, ex quo terrore rustica hæc, altero die post, eodem affectu infecta fuit.

NOVEMBRIS initium frigidum fuit, reliqui vero ejusdem dies mox pluvii, mox nive rursus molesti extiterunt.

DECEMBER mox frigore, mox pluvii, mox nive, mox turbinibus annum absolvit.

MORBI. Hisce mensibus variolæ suis maculis primæ, mediæ & ultimæ ætatis homines signarunt. Vidi enim vetulam septuagenaria propinquiorem, & virum sexagenario majorem, variolis absque vitæ jactura decumbentes. Sic & bruta a variolis non immunia fuere, ex quibus pennata, utpote anseres & gallinæ, tum domesticæ, tum Indicæ, hisce infecta perierunt ferme omnia. Oves & porci vero, quibus expellentia (utpote cineres ex stipitibus fabarum, vel frumento fecalino cum urina humana, vel rob. Sambuci &c.) ab Oeconomiis curiosis propinata sunt, ut pl. evaserunt superstites.

Constitutio Epidemica Berolinensis Ann. 1700.

Dr. D. GUSTAVI CASIMIRI GAHLRIEP

von der mühlen.

JANUARIUS imus st. Greg. gelu quod annum præcedentem finierat, cum degelascante tepore imbris ac nivibus mixto commutavit, & ad festum Apparitionis s. ut vulgo vocant trium Regum usque continuavit, sequenti festum die gelu cælo sereno vires recuperavit, ac per triduum servavit, 10mo rursus & sequentibus; 12mum gelu aliquali & nivibus diversum, cum 16to, 17mo & 18vo blandum gelu nocturnum cælo nubilofo a meridie pluvii rorantibus, si exceperis ad 25tum usque remittens, 26tus priorem vigorem reassumpsit, illique nives superaddidit; eoque tenore sequentibus, 29no excepto, ad 30mum usque duravit, tandem 31mo ac ultimo illius mensis, pluvioso, a meridie vario desit æthere.

Februarius temperato quidem frigore cœpit, sed nivibus, quandoque alias pluvii, utut raris, interpolato varius fuit ad 22dum usque, a quo redintegrato per triduum brumali rigore, sereno interdum cælo, 25to sensim remittente, 28vo circa vesperam pluviam tandem delicuit.

Quam prima Martii serenitas excepit dies, huncque sequentibus gelu nocturnum, subinde & diurnum, nivibus 3tio & 4to opertum, succedentibus a 5to ad 11mum satis rigidum, remittens 12mo ad 25tum usque Cauro impetuosius flante noctu valde gelidum, & hujus sequaces ad finem usque mensis, Cauro licet ab Aquilone repulso ac hinc 30mo succedente Euro eodem fere tenore perdurantes.

Morbi hoc anni quadrante præter scorbutum fere endemium ejusque ascleas, ut & cognatum malum hypochondriacum, fuere frequentiores catarrhi, tussis, febribus, quandoque catharralibus, variis defluxionibus, in genas, dentes, maxillas, guttur, scapulas, ipsum quoque pectus & pulmones, pleuritide item tam vera, quam spuria, indeque ut plurimum pullulante hæmoptoe, hancque nonnunquam excipiente aut phthisi, aut hectica, haud raro etiam nephriticis doloribus complicata. Præterea febres quoque aliæ variæ, interque illas quædam malignitate non vacantes, morbillis & variolis & purpura sese prodentes.

Aprilis primis diebus Euro-noto spirante paulo remissior, 6to vernæ amœnitatis prænuntio, variantibus subinde ventis & nonnunquam satis aspere flantibus, sereno tamen plerunque cælo, rarius pluvias rorantes spargens, ad extremum usque diem temperatus fuit.

Cui Majus fere totus respondit, frigidior equidem paulo præter 12mum & 17mum sudo & tepore verno amœnos, ad 22dum in pluvias comite tonitru circa vesperam cum sequenti toto & 24to mane udo solutum, succedente biduo sereno ac temperato, postque 27mo mane pluvio, tandem ad 31mum adeoque ultimum serenitas & amœnus.

Junius serenitatem & amœnitatem vernam Majus cœptam ad 6ti usque vesperam cum pluvia tonitru advehentem continuavit, 7mus & 8vus præcedentibus nubiliores, circa vesperam rursus pluvii fuerunt, reliqui ad 12mum obscuri & frigidi, sicci tamen; a 12mo vero, 20mo mane pluvioso, vesperi tonitruoso excepto, ad 22dum & 23. serena & amœna temperie commendabiles, ac hos inter 14tum, 15tum, 16tum & 17mum æstivo fere æstu graves fuerunt, subsequentes pluviosi, quandoque tota die ac nubili ad 30mum usque & ultimum mane nubilum, postea præcedentibus sereniorum.

Morbus hoc trimestre præter prædictum scorbutum & ab illo dependentes cachexiam, dolores, tumores & id genus alia symptomata, febres genuit omnis generis, communes, ephemeræ, intermittentes varias, etiam septiduanam, paroxysmo septimo quoque die recurrente, rarius, si unquam antehac in praxi occurrentem, continuas, ardentes, cum & sine exacerbationibus, catarrhales, malignas haud raro, pleuritide, arthritide, catarrhis aliisque variis defluxionibus, tussi, doloribus præcordiorum & hypochondriorum, asthma, interdum convulsio infecta,

purpura, morbillis atque variolis aliisque exanthematibus fœdas, passiones item hystericas, nephritides, diarrhœas, hæmorrhagias etiam uteri, &c.

Julii prima dies serenitatem ultima Junii cœptam continuavit; Verum frequentes mense fere toto alternis diebus sudum cum pluviis nunc parioribus, nunc copiosioribus alternando, æstivum sereni cœli æstum sic imbris & pluviis temperarunt.

Augustus a primo ad 7mum fere pluviosus, triduum ad 10mum usque serenum intercalavit, sequens triduum mane siccum vesperi pluvia maduit, 14tus vento nubes dissipante serenas, 15tum successorem habuit totum udum & imbrosum, 16tum mane pluvium, postea serenum, serenitate triduum continuante, biduum rursus mane nebulosum post raras spargendo pluvias vidimus. Sudo 22do interferto 23tio nubilo, tonitruoso ac pluvioso in serenitatem tandem declinanti, 24tus successit serenus & amœnus, atque huic frigidulum pluviis subinde madens ad finem usque mensis septendium.

September facie a primo rorante nonnunquam alias sereno, in sudum æstu sæpius grave mutata, ad 13tium usque mane serenum, licet a meridie post tonitru grave imbridium, commendabilis, triduum accivit varium pluviis serenitati interspersis, ac frigore, moderato tamen, non usquequaque gratum; triduo alio sudo gratiori exceptum, biduo rursus interpolatum vario, 22do sicco, 23tio toto fere pluvio ac frigido 24to mane nebuloso ac nubilo, a meridie sereno, substituti triduum ejusdem fere tenoris frigidum tum serenitas bidui postremi mensem nunc simulque trimestre hoc absolvit.

Quoad morbos id præcedenti fere compar, nisi quod frequentiores adhuc fuerint febres, præsertim ardentes & malignæ, petechiales quoque, pleuritides in phthisin quandoque declinantes, quædam veræ, quædam etiam nothæ, dysentericæ & diarrhœæ, æstui partim & inordinatæ, in potu præsertim & fructuum horariorum ingurgitatione, diætæ originem debentes nonnunquam lethales variæ, febribus interdum comitatæ defluxiones cum tumoribus artuum, præcipue genarum valde contumacibus.

October a primo ad 4tum usque nubilum & a meridie rorantem, indeque ad 8tavi usque vespertinam pluviam serenus, temperatus ac sudo fere jugi veris instar amœnus; Noctu inter 8vum & 9num tonitru horrendo terribilis, nono sparsis a meridie pluviis paulo horridior, 10mo sine pluvia nubilus, 11mo sudum redintegravit, biduo succedente vario ac quandoque pluvio, 16to vesperi pluvia madens, cætera cum sequentibus quinque serenus, 21mo nubilus subindeque rorans ac Austro flante frigidus, 22do mane pluvius ac nubilus cum sequentibus quinque siccus, 27mo nubilus totus ac imbrofus, 28vo Vulturno aspirante nebulosus mane, postea cum insequentibus ad 31mum ac mensis hujus postremum, paululum rorantem & frigidum, serenus atque siccus.

Novembris primus, durante adhuc Vulturno, gelu induxit, & per biduum continuavit, quod tertio rorante mane parumper cœlo remisit, succedente 4to toto pluvioso; tum biduo turbido sicco tamen, mane præsertim atque huic ad 12mum usque varia, quandoque nubila, alias serena, sicca subinde, rursusque pluvia tempestate; tandem Cauro afflante gelu 13tio serenum accessit, ac sequenti mane turbido & a meridie nive prima comitato, usque ad 19num a rigore remittentem & pluviis madentem duravit. Tum post biduum pluvium, biduum successit gelidum, procellosum & grandinosum; huic demum nix mane pluviis mixta, a meridie ac sequenti 24to in imbres deliquescens, sequenti vete nocte Austro flante, rursus gelascens, diurno succedente per quatrimum sudo, vesperi vento paulatim ad eorum regredientem in nivem resoluta, ac biduo subsequente toto pluvioso, nebuloso, ac inamœno mensem terminante.

Decembris primus gelu reduxit ac nives, quod ad 5tum usque circa vespertinam pluvia sparsa remittentem duravit, hunc sequens biduum adhuc remissius prima die pluvias vespertinas tulit, altera siccus fuit, 8vus mane nebulosus valde ac pluvius, postea siccior, 9nus, totus nebulosus & zephyro aspirante imbrofus 10mus mane paulo serenior, vesperi pluviosus. 11mus mane

turbidus, post serenior, tandem nubilus & udus, 12mus blandum gelu, nonnunquam nivibus, nonnunquam gelicidio, interpolatum reduxit, ad usque 20mum, qui rigorem majorem addidit ac quatrimum continuavit, circa vespertinam 24ti remittens ac vario cœlo, ut plurimum tamen uvido, ad 31mum usque perseverans, sicque hoc trimestre simulque annum ipsum temperato, at ingrato frigore claudens.

Ultimum hoc trimestre morbos produxit prioribus nec frequentia, nec varietate, nec gravitate cedentes, passiones hypochondriacas, iliacas, colicas, hystericas, nephriticas, febres varias, præsertim acutas, ardentes, continuas, catarrhales, pleuriticas, malignas quoque variolis & petechiis infames, & quandoque funestas. Defluxiones & catarrhos, suffocativos quoque, in genas, guttur, pulmones &c. depluentes. Asthmata convulsiva quoque nonnunquam & anginas causantes. Diarrhœas & dysenterias, cephalagias, hemicranias, cardialgias, odontalgias, hemiplegias, apoplexias, elephantias, præsertim infantum. Tumores varios & dolores, ut plurimum contumaces, & innumera alia scorbuto præsertim & Venereæ lui familiaria symptomata, brumali frigori, cœlique frigidiori ac humidæ constitutioni variabili & inconstanti ex parte tribuenda.

Constitutio Epidemica Uratislaviensis

Anni 1699. 1700. & 1701.

Excellentissimi Domini Uratislavienses uti hætenus inter naturæ curiosos solertiæ & curiositatis palam non paucis aliis dubiam reddere allaborant, ita laudabili instituto, circa conscribendam morborum in Germania epidemicorum historiam, & ipsi favere, ac Patriæ suæ celeberrimæ similem statum delineare decreverunt; Cujus priores tres anni de morbis, qui anno 1699. 1700. & 1701. Uratislaviæ grassati sunt, publicis typis jam descripti legantur, & pro hoc nostro volumine paulo prolixiores sint, synopsis eorum hic dare libuit, omissis iis morbis, qui epidemicorum censum haud ingrediuntur.

Cum Anni millesimi, sexcentissimi, nonagesimi noni Januarius horridum Uratislaviensibus reddidisset nebulae & venti, variis vicissitudinibus, potissimum intercurrente pluvia, subinde tamen & frigore, quamvis remissione, graves; initium quoque, imo majorem fere partem Februarii sub eadem cœli inconstantia transegerunt, nisi quod alterna frigoris vis majori impetu corpora concuteret, & aer circa plenilunium serenus languentes animos excitaret; quæ cœli inclementia, ineunte mense Martio, continuavit, non raro tamen effusis ad plenilunium usque, quæ illico tabescebant, nivibus, & terra pruinis horrente; cum e contra mollior aer, vergente ad finem mense, ac sudum, tellurem foveret. Primus ergo hic anni quadrans toto fere decursu excessit in humidâ constitutione, quam etiam accuratæ tam barometricæ, quam thermometricæ observationes confirmarunt. Quo tempore, cum primis sub Januarii principium, dolores spasmodici sanguineo-cholericos, & melancholico-phlegmaticos affligebant, frequens erat arthritis, prædominabatur tamen in subjectis iracundiæ obnoxiiis & diætæ aromaticæ ac vinosæ deditis, præcipue liberaliori vini Hungarici, a solo calce viva fere penitus substrato infecti, potui inhiantibus. Plures intempestivo frigidi & humidî aeris accursu admissi, pleuritis notha occupabat, temperatioribus diureticis magis, quam diaphoreticis cedens. Multi de dolore lumbos infestante conquesti, pro nephriticis promiscue a Medicis non satis exercitatis, & vulgo habiti fuerunt, cum tamen non semper renes, sed plurimas etiam alias partes in illa corporis regione latentes, affici posse, sagaciores Medicos fugere nequeat.

Sub finem ejusdem mensis in scenam prodibat febris petechialis, quæ licet post 14. Aprilis diem conticesceret, mense tamen Majo iterum ferocire, & quidem cum catarrho suffocativo, præprimis in ætate teneriori incipiebat, ac non æque in infantes, pueros & senes, sed in fœminas, & frequentius in mares sanguineos & sanguineo-phlegmaticos sæviit, ac præprimis iis gravis ac infesta incubuit, qui vino atque spiritu vini se obruerant, ac corpus cacochymicum prava victus ratione contraxerant; cæterum præ-

prævio horrore, cum quadam gravedine, tussi, imo & faucium inflammatione & tumore invadebat, adebat præceps subita virium prostratio, pulsus exilior & imbecillior, frequens tamen & inæqualis; calor qui horrorem sequebatur, in sanguineis intensior totum corpus occupabat, maxime vero caput, unde in fluidioris habitus corporibus, cephalalgia acutior, rubor faciei, oculi scintillantes, vigiliæ, deliria furiosa, jactatio corporis, sitis &c. In sanguineo phlegmaticis, quorum sanguis sero viscido abundat, color multo mitior apparebat, qui non paucis imponere solet ægris & Medicis, ut parum periculi subesse, cum magno suo discrimine credant, a quo fallaci calore forte febris illa maligna vocari meruit, sumpta metaphora ab hominibus malignis, qui aliud fronte promittunt, aliud in intimiori cordis recessu premunt; in his calori respondebat sitis tolerabilis, & quies corporis sine manifesta jectigatione, sed debilitas gravis ac continua in somnum propensio, ac non consulta antea taciturnitas, cardialgia, lingua modo lento succo obducta, modo fissuris asperis & scabris dehiscens, aut retorrido calore cum vicinis faucibus arebat. In hominibus melancholici temperamenti, quorum tamen non nimis multi hæc infirmitate detenti fuerunt, statim ab assumpto alimento vel medicamento flatus & hypochondriorum murmura. Cholericis loquacitate sua aliorum aures obtundebant, & calore acriori tangens manum urebant. Omnes cujuscunque complexionis, graviter nausea cibi & appetitus defectio infestabat. Sensum deinde æstus invalescebat, ut luculentus calor in partibus externis deprehenderetur. Exerebant se etiam dolores varii, modo pungentes, modo mordicantes. Circa quartum, septimum, imo etiam undecimum diem, in pectore, dorso, brachiis, lumbis & cruribus, maculæ rubentes, puncturis pulicum similes, sine lavamine erumpebant, aliquando etiam majores lenticularum magnitudinem æquantes; rubræ illæ meliores, deteriores vero citrinæ, lividæ, violaceæ, in primis si hæmorrhagia gingivarum circa dentes incisivos superioris maxillæ enormior juncta fuerit, nigra, præprimis majores omnium pessimæ. Urina non uno modo comparata erat, nec alvi excretio; hæc liberalior salutaris admodum post diem septimum observata, & accedente sudore solutionem morbi promittebat; cum e contra siccitatem alvi hæc febris pessime tulerit. Vermes per alvum cum sedibus aliquoties rejecti. Pejus cum iis agebatur, quos vomitus partim humorum variorum, partim quorumvis assumptorum, aut etiam inanis cum nausea & cardialgia affligebant, præsertim si singultus iis se comitem adjungeret. Sudores primis statim morbi temporibus sine levamine, sed post quantum morbi diem, circa septimum, undecimum &c. felicioris indices erant: cadaverosus erat funestus. Cum hæmorrhagiis quidam evaserunt, morbus nequaquam intra quatuordecim dies finiebatur, sed ad 21. imo & ultra ad 40. usque extendebatur. Solvebatur rarissime per hæmorrhagiam, aliquando per abscessum, frequenter per sudores, sæpiissime autem tum per hos, tum per diarrhœam; quandoque etiam per tumores in variis corporis partibus, cum primis in ano, per exanthemata miliaria, pedum scabiem, icterum &c. Cura sine V. S. (qua sanguis eductus in superiori parte, crusta alba spissa, tenacissima obductus, in inferiori vero, modo floridus & fluidus, modo concretus & coagulatus fuit deprehensus) peracta feliciter successit. Quibus statim ab initio mite evacuans datum, facilius morbum superarunt, quale fuit potio Sydenhamiana in dosi aliquantum minori, pulvis ex Antimon. & Nitro depur. Tarr. Vitriolato ac grano ij. vel ij. scam. sulphur additis apud ditiores granis paucis auri fulminantis, vel etiam quæ simul ad malignitatem habent respectum. Vomitoria in principio hominibus phlegmaticis aut melancholicis robustis & nauseantibus, præsentem conatu vomendi, interdum cum successu data. Cæterum fere tota cura per placidum sudorem, seu potius madorem, bezoardicis, pulv. Bez. Sennerti, *Rumbanm*, *Doring*. Pannon. rub. &c. Mist. simpl. Essentia scordii saturatori, myrrha, diascordio, absoluta; fortiora, volatilia salia, bezoardica calida ac spirituosa omissa, quia obtulerunt: camphora plane præterita, cum vis ejus alexiteria non nisi nuda traditione &

opinionem hominum nitatur, & interne plus detrimenti quam auxilii spondeat. Diarrhœam, nisi esset colliquativa, aut inflammationi intestinorum superveniret, nequaquam suppressere studuerunt, quinimo non raro laxans ordinarunt, ac interne per totum morbi cursum nitrosa cum sufficienti potus quantitate ea intentione ægris propinarunt, ut ventriculus & intestinorum volumina rite abstergerentur, & materia biliosa acris ac urens e corpore prosciberetur, alvi tamen profluvii modum excedentibus nitro in exigua dosi exhibito, interpositisque terreis pulveribus, aut diascordio Fracast. frænum injecerunt, reliquis etiam symptomatibus convenienter obviam iverunt.

In Januario odontalgia seu hemicrania laborabant istæ potissimum mulieres, quibus negotium mensium magis impeditum; nec nulli erant, qui ophthalmia vexarentur. Illis tinctura odontalgica Myns. & Vvedelii &c. his decoctum cort. granator. &c. profuit. Occurrebant etiam quos icterus fœdabat, & Martialia liquida præcipue cum salinis, aliisque juvabant.

Mense Febuario, præter Variolas & morbillos, aliæ quoque maculæ cum febre sub noctem ingravescente, & tussi ferina, corpora infantum occuparunt, latæ ruberæque, morbillis non admodum dissimiles in facie, minutissimæ vero & puniceæ in dorso, lumbis & pectore; nonnullæ elevatiores ad naturam Variolarum accedebant, ac pruritu & fervore molestissimæ. tandem per abscessionem epidermidis in squamulas resolvebantur. Grassabantur etiam aliæ mitiores Variolæ, a forma acuminata *die Spitzblattern* vocatæ, nec non quas *Schaafs Blattern* nominant, pustulæ sc. latiores minusque acuminatæ. Graviores ob intensiorem æstum erant rubeolæ, diaphoreticis fixis curatæ.

Fuere etiam qui difficulter admodum respirabant, & de gravedine solum quadam ventriculi conquerebantur, paratam in scorbuticis medelam invenientes, acetosa, acetosella, rad. ari., helenii &c. non in cochlearia, si maculæ fervidioris intemperiei indices deformabant.

Infantes tussis convulsiva fatigabat satis frequenter, in qua pulvis antepilepticus Ludovicianus utilis.

Alii, lactantes æque ac ablactati, omni hyeme atrophia corripuntur, cum febricula circa vesperam ingruente, inquietudine & siti nocturna, fame, torpore, abdomineque tumente; a ductuum lacteorum & glandularum, viscerumque glandulorum lenta ac viscida obstructione, in qua tinctura o — operitiva vitriolata, arcanum duplicatum &c. profunt.

Erant etiam quidam hæmoptoici, atque inter hos pauci, qui sine noxa evaserunt, in lentam tabem & phthisin præcipue prolapsi; V. S. malum hoc cessasse compertum est, nec non largiori nitri exhibitioni.

Non paucos quoque malum hypochondriacum torquebat, solitis stipatum symptomatibus, hypochondriorum distensione, ventriculi concoctione languida, rutibus acidis, vomitu, rugitibus, sputatione crebra, alvo segni, duritie, tumore in regione lienis, anxietatibus præcordialibus, cordis palpitationibus, vertigine, pavoribus in somno, aurium tinnitu, doloribusque variis. Cura eorum in crassis humoribus attenuandis erant, per nodulos aperientes, martialia, urinosa volatil. myrrham, crocum, mixturam simpl. tincturam vitriol. o — tart. D. L.

Illucescente Martio turmatim scabiosi occurrerunt curandi; id quod, præter externa, blandis diaphoreticis in primis fuit præstitum.

Circa idem tempus non paucos tantum non examinabat molestissimus pruritus, præprimis senibus & cælibus gravissimus, ac inter hos hominibus scioris constitutionis. Conducebant iis medicamenta nitrosa, & diuretica saponaria, quæ salfos & acres atomos ad vias urinarias deducunt.

Primus Aprilis dies serenus illuxit, & calore suo Veris delicias sperare jussit. Non diuturna tamen hæc felicitas fuit; nam nebulæ & pluviae a meridie primis diebus gratum solis aspectum ad breve tempus ademerunt. Qui sicuti dies, vernali tepore ad plenilunium omnia brumali aura quasi rigentia blande vegetabant. Deinde cælum varium erat, interdum serenum, interdum nebulis obductum, nimbos ac plu-

viam effundebat. Majus, quo alias omnia rident & est formosissimus annus, nebulis, pluviiis & ventis, si paucos amœniores dies excipias, rigidus erat. In Junio iterum amœnior ac serenior aer, cujus jucunditatem etiam vergente ad finem Maji degustare licuit, comparuit; neque tamen ad finem processit sine imbris, quorum iram proximi Uratislaviæ accolæ, perruptis aggeribus, gravem, cum damno sanitatis & facultatum experti sunt. Grassabantur tum morbi plerique ab Hippocrate enumerati, ubi de vernalibus ei sermo, furores, melancholiæ, epilepsiæ, fluxiones sanguinis, anginæ, gravedines, raucedines, exanthemata varia, & articulorum dolores; febres insuper intermittentes: in ætate puerili & adolescentia sanguinis excretiones e naribus, hæmoptyses juvenibus magis familiariter evenere, quemadmodum vomitus cruenti viris & fœminis, vitæque sedentariæ deditis, hæmorrhoidales autem depletiones paulo annosioribus acciderunt; miæctus quoque cruenti exempla notata. Circa loca illa corporis, quibus sanguis erumpit, ingeniosissimum D. Stahlium, Hallensium Practicum, & Professore secuti, spasmodicas passiones, sanguinis congestionem, vasorum & pororum tensionem, atque turgescientiam, cum sensu ardoris, lancinationis & pulsationis observarunt, quin etiam fere ad ejus mentem, curam felici cum successu instituerunt: violentioribus vero sanguinis depauperationibus, efficacissimis remediis occurrerunt. Insolita uteri hæmorrhagia septuagenariis proximas, quæ nullo remediorum genere cohiberi potuit, in mortem præcipitavit.

Typus febrium intermittentium non unius generis erat: nonnullis paroxysmi omni die, aliis tertio quovis molesti erant: erant, quibus quovis die duo paroxysmi erant superandi. Nec infrequentes tertianæ duplices, in quibus paroxysmo primo non respondet secundus, sed tertius, secundo quartus, tertio quintus, quarto sextus &c. ita tamen, ut non tantum tertio die, sed etiam intercalari febricitarent. Semiterriana paulo quidem rarior: at non prorsus defuere, qui omni die quidem febre corripentur, sed tertio quovis die duorum paroxysmorum impetum sustinerent. Vigebant quoque febres erraticæ, quæ incertis recurrebant diebus & horis. Ambigebatur, an in censum febrium intermittentium referri debeant etiam illæ, quæ contra communem intermittentium indolem, tragœdiam a calore satis intenso auspicabantur; nam utut *ἀντιπερὶστα*, quæ initio adesse videtur, genium intermittens redoleat, languor tamen magnus, pulsus aliqua agitatio, & cætera symptomata continuitatis opinionem confirmabant. Eadem fere mens erat de illis quibus malignitas conjuncta est, & tamen remissione quadam non carent, sc. doloso intermissionis cineri primorum dierum suppositum fuisse ignem continuatum, elucet ex eo, quod sequentibus exacerbationem quidem caloris & symptomatum, non item veram remissionem observare liceat. V. S. omissa, vomitoriorum tempore intermissionis frequentior usus fuerat; nec purgantia omissa. Quoniam vero hæc febres focum habent in primis viis, incidentibus cura fuit peracta, præsertim tartaro vitriolato, arcæno dupl. sale lixiv. absinth. centaur. min. card. ben. &c. quæ cum acris sint, incidunt, dissolvunt pituitam, & reluctantur acido, addita iis, præprimis post aliquot febrilium paroxysmorum decursum, subinde præcipitantia; in exanthematica, antiscorbutica; in contumacioribus cortex Peruvianus; in pulvere vel electuario, cum essentia segnior sit; in vino generoso albo maceratus rarissime spem expectationemque implevit; in febribus cum inflammatione quadam conjunctis nunquam non noxius deprehensus; in febribus etiam aliis calidioribus obscure remittentibus funestus fuit, quibus non alia, quam quæ malignis debetur, ratione medendum: & eximie prudentiæ medicæ statuitur, etiam vere intermittentes, epidemice grassanti aliqua maligna febris, alexipharmacis & bezoardicis oppugnare, ne ægri in prædominantem epidemiam prolabantur.

Vehementius eodem anni tempore dentientes laborabant, ob turgescences nutrices, & ipsorum infantium humores.

Sæviebant quoque pathemata spasmodica, ac epilepsia passim pusillorum corpora hoc mense torquebat, multosque jugulabat: In symptomatica, fœni-

tem in pituita viscida & acida habente, resolventia, incidentia, & modeste evacuantia omne ferunt punctum; in idiopathica, quo te veritas, vix apparet, specificis voto non respondentibus.

Multis negotium facessere visa est cardialgia: alii morsus, punctiones & lancinationes: alii rosiones sese percipere ajebant: nonnulli de tensivo & compressivo tantum dolore, ad utrumque latus pertingente, & cinguli alicujus instar constringente conquerebantur: plurimi vero gemitibus & alte ductis suspiriis, anxietatis interpretibus, adstantium aures obtundebant. Inanes vomitus ut plurimum cardiagmi erant comites, quos imperiti emetica indicare credebant; sæpe etiam in fœminis, passionibus hysterice obnoxiiis, deliquia superveniebant; singultus etiam jungebatur.

Nonnulli bubonibus infestabantur; alii tumoribus aliis, præprimis parotidibus, quæ iis, quorum vires violentia morbi fractæ erant, mortem denunciabant; profuerunt autem emollientia, maturantia, discutientia, his vero non satisfaciuntibus, suppurantia.

Frequens erat illis diebus coryza, conjuncta cum *καρδιαγία* dolore capitis, sternutatione; nec non depravata auditio, modo enim erant, qui sonum talem quod tintinnabulum pulsatum edit, sibi percipere viderentur, modo qui de sibilo quererentur; nec nulli, qualem, qui pulsationem intra aurem sentirent; pulsus autem ille exacte cum pulsu arteriæ convenit, nec aliunde, nisi ab arteria dilatata pendere verisimile est; senes nonnulli sonum fluctuum allisioni similem, vel strepitus varios in auribus suis excitari ajebant: ubi sane aer aliis fœtus corpusculis in ejusmodi sonitu non tantum organum immediatum auditus, sed & partes cerebri, in quibus filamenta nervi auditorii terminantur, concutit, ac eo ipso varios sonos excitat. Varia contumaci huic malo, & aliquando in omnimodam surditatem abeunti opposita, non semper optatum eventum consecuta fuerunt.

Raucedo etsi hyberno tempore maximopere soleat esse frequens, ac facile curetur, quia fortassis tantum ab exasperatione superficiei glottidis a frigore aut acris humoribus inducta, dependet, occurrunt tamen aliquot etiam in Maji exempla raucedinis omnem artem eludentis.

Mense Junio aliquot anginæ exempla oblata fuere, i. e. laryngis seu pharyngis inflammationis, in juvenibus potissimum sanguineæ constitutionis, post motus corporis impetuosiores, aut nimias spirituosorum potuum ingurgitationes; horrorem ingens æstus cum siti Tantalea excipiebat, pulsus erat frequens, durus, inæqualis, urina saturatissime rubra, magna aderat respirationis difficultas, apertoque ore anxium ægri spiritum ducebant, & crescente malo strangulationis periculum instabat; deglutitio tantopere impedita, ut potus faucium angustias vix superaret, quin sæpe in nares refunderetur; in faucium isthmo interdum apparebat tumor, interdum autem in externo collo, ubi morbus mitior est, vel oculis cernebatur, vel manibus palpabatur, in iis vero, quorum vita in majori periculo, nullus plane tumor deprehendebatur. Non tantum isthmus ita exurebatur, sed spectabatur simul in ore rubor flammeus, urgebat dolor acutus pulsatorius & punctorius, lingua tumida, obscure rubra canum instar exerebatur, fauces arebant; si ægrotantium os aperias, omnia tensa videbantur; venæ inflectæ, oculi prominentes, & sanguine suffusi; præterea aderat jacendi difficultas, ac frequens sedendi cupiditas. Ingens præ foribus periculum, cum articuli gelido torpore rigeant, vultus livescebat, vox intercipiebatur, & stridor quasi in gutture & pectore audiebatur; inexorabilis mors instat, deficiente pulsu & voce quasi in caninam mutata, apparente etiam subinde spuma oris. Omnia vero symptomata sunt mitiora in notha angina. In vera, post venæ sectionem, leniorem purgationem, resolventia seu discutientia, & in sanguine viscidiori etiam attenuantia profuere, non neglectis lenissimis adstringentibus; si vero conatus discutiendi essent irriti, & dolor pulsatorius quarto vel quinto die suppurationis admoneret, eadem fuit debite promota. Notha purgantibus mercurialibus, & blandioribus diaphoreticis, post venæ sectionem in plethoricis, feliciter intra paucos dies fuit sublata.

Occurrerunt etiam eo tempore quidam alii inflammatorii affectus, quorum sedes an in hepate, an in pleura, an in membrana pulmonum quaerenda, dubium, signis vulgo traditis fallacibus; cum è contra curandi eos methodus una eademque observari tuto possit; quæ in stasi sanguinis discutienda consistit, per V. S. in plethoricis, & diaphoretica fixa, non exclusis in phlegmatico sanguineis volatilibus in dosi valde mediocri; externe vero per vini spiritum camphoratum.

Julius naturam suam plane exuerat, ac majori ex parte imbris, procellosis aeris agitationibus ac frigore squalidus erat; benignior Augustus, non tamen absque pluviis cursum absolvit. Æstiva amœnitas vero denuo in Septembri affulsit.

Mense Julio vagabantur iidem propemodum morbi, qui præcedentibus mensibus stragem ediderant; sed præ reliquis ferociebant catarrhi, qui difficillime medicamentis compescebantur, ac præprimis admodum rebelles erant illi, qui sedem in artubus, & potissimum in superiori brachii parte fixerant, ac ex dolore gravativo motu partis impedito, imo etiam tumore aliquo, sine inflammationis signis, ex decubitu ferossæ materiæ oriundo cognoscebantur; Unde lympham stagnantem vel motui suo restituere, vel ex corpore, ac præcipue partibus laborantibus evacuare decuit.

Catarrhalis quoque prosapiæ alii morbi notati, otalgia scilicet & tumores palati; nec non diarrhœæ frequentiores comparuerunt, quas rhabarbarum totum, c. nuce mosch. & bolus Tockaviensis ac caryophyllata compescuerunt.

Obvenere etiam quædam melancholicæ scæminæ 30. ætatis annum supergressæ, mœstæ, alta suspiria ducentes, taciturnæ, a communi hominum consortio se subtrahentes, & ad nescio quem strepitum expavescentes, ac mirabilibus suspicionum procellis jactatæ, levique causa in epilepsiam hystericam devolutæ. Cum vero dyscrasia humorum, ac impeditior eorundem motus in vena portæ, ac excretionis menstruæ mora adesset, post venæ sectionem, vomitoria, pedilavia, sanguinis attenuatio procurata fuit per volatilia, sudorifera, martialia &c.

Mense Augusto nonnulli laborabant febris, quam veteres dixerunt biliosam (quæ subinde in lipyriam abit,) cum gravitate & angustia in scrobiculo cordis, conjuncta, non raro cum nausea incipiens; aderat horripilatio non nimia, sed frequenter recurrens, capitis turbatio, & sanguineo-cholericis etiam dolor. Exacerbabatur quotidie horis matutinis, subsequis vel vomitu vel sedibus; quæ si deessent, æstus gravior, faucës aridæ, & sub finem deliria comatosa, semper fere funestum minabantur exitum; hypochondria tendebantur & acerbissimis puncturis infestabantur. Juscula tenuissima, nitrosa, theriaca, optimo cum successu adhibita; locum etiam habebant acida temperatiora, decoctum hordei &c.

Nonnulli etiam patiebantur febrem, quam synocham Scholæ Medicorum antiquæ, alii causum nominant; scilicet plethorici hæmorrhagiis vel venæ sectioni assueti, ante solis ortum horrore quodam corripiebantur, subsequente æstu valde gravi, respiratione anhelosa & suspiriosa, lipothimia ac εἰσπνοή; dolores capitis lancinatorii, ac tinnitus aurium, ut & vertigines indivulsi comites erant; tensiones dorsi & artuum non minori molestia afficiebant, sitis premebat maxima, ejus defectus non semper malus; in junioribus circa diem septimam hæmorrhagia narium largior morbum solvebat, in paulo annosioribus die 14. copiosis cessabat sudoribus; calamitosa autem horum fors, si soporosi supervenirent affectus. Eximius usus V. S. in principio hujus febris, modo illa non ortum trahat a nimis laboribus, aut quod neo nuptis aliquando accidit, abusu veneris; Cæterum bezoardica & diaphoretica, analeptica & diaphoretica in usum venerunt.

Spēctatæ insuper fuere aliæ febrium species, affodes, elodes syncopales.

Mense Septembri ophthalmia frequentius occurrit; cui interdum venæ sectio, purgantia fere omnibus aliquod auxilium attulerunt, diaphoretica apprime juvarunt.

Diarrhœæ satis erant frequentes, neque tamen nisi ad medium mensis durabant, ac locum deinceps cedebant redeuntibus febribus continuis, cum doloribus capitis, nuchæ, faucium, orificii ventriculi, lassitudine ulcerosa &c. quæ bezoardicis fixis & temperatis optime curabantur.

Plurimæ scæminæ de mensium perturbatione & suppressione conquerebantur, quæ cum ab ingurgitatione ciborum insalubrium proveniat, emetica, in quibus malum nondum egerat radices, cum salutaris effectus data sunt; reliquis vero lenioribus purgantibus, ac incidentibus, & aperientibus subveniendum erat.

Nec nulli erant, quos tum vexabat dysenteria; de qua prolixum discursum Excellentiss. Dn. D. Helvichii in ipso tractatu legere licet.

Initia mensis Octobris æstiva amœnitate ablandiebantur, & a novilunio ad primum Cynthiæ quadrantem demulcebat sudum, quod reliquis hujus mensis diebus, ventis, nebulis, ac pluviis sæpe obscurabatur, donec luna denuo nasceretur mense Novembri, ubi iterum benignior aeris temperies, sed ad breve tempus; nam primus lunæ aspectus ad plenilunium usque rigido frigore horrescebat, quod quidem iterum minuebatur, ac insigniter remittebat, sed ut tanto major vaporum copia ex terra humida ascenderet, ac crassiores inde nascerentur nebulae, sæpe propter admixtiones sulphureas, tetrum spirantes odorem, ac nubes huc illuc agitatae, donec in pluviam fatiscerent. Sub exordium Decembris tempestas varia, ac inconstans erat; circa medium mensis, & anno in finem vergente intensius frigus dominabatur.

In Octobri, præter febres tertianas, etiam quartanæ occurrebant: horis pomeridianis homines melancholici temperamenti, ac segnioris naturæ, qui jam ætatis provectionis erant, adoriebantur, aut etiam febres male curatas, aut diarrhœas ab Empiricis suppressas sequebantur in cujusvis temperamenti & ætatis hominibus, ne infantibus quidem & pueris exceptis. Præter vomitoria in robustioribus, aliis vero lenissima evacuantia, aperientia in primis data; quorum usu cum impetus febris quodammodo fractus esset, cortex Peruvianus (ad quem ab initio nonnulli malo consilio confugiunt) plerunque subjugavit.

Ferax quoque erat Autumnus febrium lentarum & hecticarum, quæ partim quartanis male curatis, partim hæmorrhagiis, per adstringentia interna & frigida externa cohibitis, aliisve morbis succedebant; quæ, causam earum per resolutia, mundificantia & balsamica tollendo, & excedentem corporis calorem debite temperando, exturbatis acerbis recrementis per absorbentia lenia diaphoretica, & diuretica, in primis nitrosa, nec non corpora vix ossibus hærentia commode restaurando, curatæ fuerunt.

Eodem mense Variolæ infantibus erant infestæ, quas aphthæ ac tussis pertinacissima comitabatur. Adultos febres continuæ cum levi rigore, æstu mitiori, dolore capitis & pleuræ, lumborum & artuum infestabant; sub finem vero in remittentes mutabantur, ac diarrhœis quasi criticis, non tamen sine omnibus torminibus, finiebantur.

Scæminis solito frequentius hæmorrhagiæ uteri erant molestæ. Longe autem communissima erant apostemata ac ulcera, quæ non tantum callosa, varicosa, & sinuosa, ac cum carie ossium conjuncta, aut quæ circa articulos erant, aut partes glandulosas, membranosas obsidebant, Chirurgis crucem figebant; sed alia benigniora in iis etiam corporibus, quæ caco-chymicis humoribus non adeo turgebant, aut ex cachexia languebant, difficulter curabantur. Nam & symptomata, singulis autumnis, plura eaque graviora, curam alio tempore facilem, plerunque reddunt difficiliorem.

In Decembri tumores circa latus sinistrum (quos antiscorbutica, resolutia, & distentionem ac flacciditatem fibrarum respicientia juvant) in hypochondriacis, ac minime raro in mulieribus hystericis spectati; molles ii & fungosi, in non paucis fere universam sinistri abdominis partem obsidebant; fere sub costis nothis incipiunt, & quando supini jacent ægri, lineam albam aut transcendunt, aut proxime attingunt, & vacuum spatium inter costas & spinam ili

implent;

implent; tactu interprete non obscure constabat, quod tumefactus lien supra mesenterium, intestina, ventriculi partem, ac in mulieribus supra uterum emineat. Phlegmatici & plegmatico-melancholici, inter 20. & 30. ætatis annum, catarrho correpti, quotiescunque prioribus quinque diebus ex bronchiis resectio non rite procedebat, in febrem incidebant catarrhalem, seu continuam periodicam quotidianam veterem; scilicet post quartam pomeridianam, horrore & frigore levitentantur fere per horam unam, succedit calor acris, & ferme per noctem durat; lingua est albo & lento humore abducta; non urget magnopere sitis, pulsus est frequens, non adeo magnus; urinæ colorem aurantiorum æmulantur, ac post brevem moram parietibus vitri inducunt cutem ex albo rubentem; lassitudo artuum gravis est; torquet & anorexia ac agrypnia, cum cephalalgia gravativa, aurium susurro, ut & tussi, quæ tamen nec patientes nec Medicum terere debent; aliquid tamen monstri alunt pleuritides & deliria; periculum autem maximum denunciant angina & aphthæ, si quando cum ea complicantur. In qua medicamenta facultate resolvendi mucum, & salia diuretica commodo tempore exhibita votis ægrotorum, satisfecerunt.

Nephriticæ passiones etiam, fere in sanguineis, & hæmorrhagiis antea assuetis, observatæ, sive renum inflammationes, quas non solum dolor & ardor vehemens comitatur, sed & dysuria, fibrosæ excretionis, arenosæ cum sanguine aliquo, subsequæ ordinario lithogenesi. In quo affectu in primis decoctum Foresti, & pulvis famigeratissimi nostri quondam Præsidis Volckmeri laudantur.

Nec minus podagrici dolores illo tempore satis erant communes; quibus in paroxysmo, horis matutinis, lenia diaphoretica, cum nervinis, sine sudore coactis; pomeridiano aperientia, ac sub noctem pulveres nitrosi, cinnabarini &c. exhibita; externe camphorata omnibus præferri merita fuerant.

*Constitutio Epidemica Uratislaviensis
Anno 1700.*

IN Januario frigus usque ad lunam πανσέλιον satis erat remissum, quod nec nerveas fibras spasmodice corrugare, nec glandularum subcutanearum meatus constringere, aut poros cutis coarctare aptum; reliquis vero ejusdem mensis diebus usque ad Interlunium nebulæ corporibus infestæ, aerque humidus, & fericopiam accumulare hujusque inter glandulas laxiores stagnationi ansam præbere, tonumque relaxare, ac enervare potis erat.

Februarium jam gratum solis jubar illustrabat, jam pluvii & nivibus exposita torporem corpora ægre declinare poterant; frigus vero per aliquot dierum intervalla quodammodo adurebat, cum luna tota nocte luceret. Usque ad medium fere Martii perpetuæ frigidi & tepidi aeris vicissitudines notabantur, quas ad finem mensis usque turbida ventis ac pluviis molesta tempestas excipiebat.

Præter morbos superiori Anno enumeratos Variolæ grassabantur, & quidem multo frequentius distinctæ, quam confluentes. Primis ab invasione diebus, seu tempore ebullitionis, nunquam non febris acuta aderat; cujus exacerbationes satis incertæ, nisi quod tertio die recurrentes aliquibus tertianæ febris suspicionem moverent: præcedebant fere lassitudo & gravitas corporis, pandiculationes & oscitationes, dorsi lumborumque dolores, pulsus ad spinam dorsi, & sensus pruritus ac pruritionis in cute, sed horror & rigor, præsertim recurrens, rarius vulgo; frequenter vomitus a primo morbi insultu fatigabant, iique interdum immanes, aut si hi abessent, præcordiales anxietates gravissimæ cum inani vomendi conatu conjunctæ ægris negotium faceiebant, alvi fluxus rariores observati; in pluribus alvus sine damno ad aliquot dies adstricta; in paucissimis etiam urina suppressa; vix visi qui sæpe se ad reddendam urinam urgeri conquererentur. Urina varia erat, quorundam flammea, & intense rubra, nonnullorum turbida, & opaca, qualis jumentorum esse solet, quæ post eruptionem variolarum interdum clarior reddebatur; interdum vero per aliquot dies a protrusione adhuc turbida

excernebatur; aliorum autem pallida, in uno alterove cruenta; nares frequenter sanguinem stillabant. Propensio in sudorem ingens; nonnulli, præputis qui erant temperamenti phlegmatici, dormituriiebant, alii de turbulentis conquerebantur insomniis, ac sæpe expavescebant, ac altos subinde in illis tollebant clamores; capitis dolores jam gravativi, jam punctorii, cum temporum pulsationibus molesti; facies tumebat, atque maxillæ rubebant, oculi prurientes, rubentes ac splendentes, quinimo aqua suffusi; palpebræ ac nares dolore pruriginoso vexabantur; anhelitus difficultas; vox rauca, tussis sicca, cordis palpitationes & tandem etiam deliquia non raro observabantur; in aliquibus habitu corporis densiori præditis etiam saliva in majori quantitate rejiciebatur; pars magna ægrotorum corpus varie jactitabat; in genere musculofo subinde motitationes; minime etiam raro teneriores invaserunt motus convulsivi, iique vel particulares in labiis, oculis, vel magis universales, in multis deliria. Ordinatio die quarto prorumpibat, in quibusdam tardius vel citius, subruptæ pustulæ tenuissimarum acicularum puncta æquantes, sensim dein subeunte humore agebantur in altum, & evadebant fastigiatae ac distinctæ, quæ multo erant tutiores, si in basi essent rubræ, supra autem albæ, eminentes & molles, quam illæ quæ in latum exporrigebantur; mali ominis erant, quanquam non adeo frequentes, lividæ, violacæ; certi vero lethi prænunciæ, quæ macula nigra in medio deformabantur. In quibusdam cacoehymicis corporibus notatæ fuerunt in interstitiis variolarum petechiæ, aliæque maculæ, nonnunquam etiam vesiculæ aqueæ, cum funesti ut plurimum eventus præfagio. Nonnulli etiam post eruptionem nihilominus febris, difficultate spirandi, anxietate, cruciatibus insignibus circa lumbos vexabantur; atque hi non erant extra periculum constituti; evasere nihilominus plerique, modo abessent inexpugnabiles vigilæ, phrenitis, crebra deliquia, palpitationes cordis, motus convulsivi; urina nigra, vel hæmorrhagiæ enormes, alvi profluvium. In aliquibus admissio frigore, alioque incommodo regimine, retrocedebant, non sine summo discrimine vitæ. Circa octavum diem in facie intervalla pustularum prius alba rubere incipiebant, in tumorem attolli, & dolore tensivo affici; extendebantur palpebræ, & ut vesica inflata, haud raro oculos clauderant; proxime dein intumescabant manus, digitique distendebantur. Calamitosum, si pustulæ subito iterum conciderent. Tandem pus fundebant satis coctum, quod sensim exsiccabatur, variolæque circa diem 14. decidebant. Variolis exsiccatis, majores tumores & abscessus subinde in artubus observati, pus acerrimum plorantes, & nisi in tempore occurreretur, venas exedentes, carnes consumentes, ac ipsa ossa vitiantes, membrisque omne robur adimenes. Omissis calidioribus remediis, si motus & agitatio sanguinis jam satis magna in corporibus calidioribus deprehenderetur, ut & V. S. ac purgatione, victus refrigerans, & moderatissime calidus aer fuit commendatus; in effervescencia justo minori lenis & blanda diaphoresis cardiacis moderatis, matre perlar. coral. & diaphor. C. C. lap. bezoar. utroque, emulsionibus, ægris phlegmaticis etiam calidiora, Tinct. bez. Ess. myrrh. scordii &c. exhibita: appetente exulcerationis tempore, & pustulis non debite se attollentibus, pulveres bezoardici tantillo myrrhæ, & croci grano uno alterove remixti, suppetias tulere exoptatas: plane maturæ & pure acriori turgentes quibusdam non male apertæ: dum exarescerent, pulveribus supra dictis lapides cancr. additi: In macularum vestigiis certo tutoque sapo Neapolitanus balsamicus profuit.

Varia morborum spasmodicorum species eodem tempore, ac convulsionum non unum genus visum. In spasmo cynico topica non tantum in principio nervorum, sed & bono cum successu musculis in latere opposito applicata. Satis communis erat in fœminis hysteris ac spleneticis illud deliquium, quo omnium sensuum ac motus exercitio privabantur & concidebant, quod vulgo audit epilepsia uterina, & curabatur methodo a Practicis præscripta. E contrario interdum corpus variis motibus concussum, sensusque maximam partem fuisse in-

se integros, notatum fuit, ita ut omnium, quæ circumstantes egerant, recordarentur, finito paroxysmo,

Erat etiam hisce diebus odontalgia non paucis molesta, quemadmodum etiam aliis anni temporibus esse solet, quando aer frigidus, tumidus, & pluviosus existit, quanquam & plurimis aliis a causis eadem alias oriebatur. Unde etiam varia opponenda sunt remedia.

In Aprili terra blando tepebat calore, quæ aliquando etiam calidis fovebatur pluviis, de cætero fere semper grato solis jubare illustrabatur.

In Majo major aeris inconstantia erat, visus post nubila phœbus, ac post phœbum fulgur, & nonnunquam tonitrua audita.

Ineunte Junio calor solis temperatus refocillabat, qui etiam in procedente mense non tamen absque intermixtis pluviis recreabat; circa finem vero turbida fuit tempestas, ac frequentes imbres.

Sub initium hujus trimestris febres petechiales quædamtenus remittebant, ac in quotidianas, tertianas, aliquando etiam utut paulo rarius, quartanas degenerabant.

Passim vero tum temporis erysipelate infestabantur, præprimis sanguinei, & sanguineo cholericæ, rarius sanguineo-phlegmaticæ, & tanto magis, si consuetæ sanguinis evacuationes ad tempus suppressæ, aut patientes terroribus, aliisque animi pathematibus concussi fuissent; Præcedit fere horripilatio, sequitur vero calor præternaturalis totius, æquabilis & fere vaporosus, cum aliqua tamen acredine & morificatione conjunctus, ac cætera adsunt, quæ alias in inflammationibus observantur, rubor, dolor, febris, aliqua partis intumescencia. Cura sine V. S. & purgatione absolvi potest, solis diaphoreticis, & externe discutientibus.

Purpura alba solito frequentius hisce diebus infantes, pueros ac fœminas, & in primis puerperas cholerico-sanguineas &c. corripiebat. Ultimas quidem omni tempore post lochia suppressa invadere suevit; at vero si hæc causa absit, nec iracundia gravior, ac illa quidem fere suppressa præcesserit, aliis anni partibus non æque multis infesta est: Typus morbi sequens est: Initio quidem mediocri corripuntur horripilatione, quam excipit æstus non adeo vehemens; magis molesta est angustia præcordiorum, quam dolor capitis, qui non acutus, sed fere turbulentus existit; adest etiam faucium dolor & ardor; somnus propemodum omnis cessat, & paucae sunt quæ sub initium morbi, per unam alteramve noctem somno non interrupto fruuntur; alvus plerunque officio non satisfacit; pulsus celer est & quasi oppressus; urina cruda ineunte morbo, sub exitum satis copiosum deponit sedimentum, appropinquante die quarto, quanquam interdum etiam citius illud fiat; in artubus, collo, pectore, elevantur & extuberant pori cutis cum rubore, instar cutis asperinæ, ac sensim oriuntur numerosissimæ pustulæ magnitudinis exiguæ, pelluentes, aquea quadam humiditate gravidæ, quæ in siccioribus satis mature fere intra 24. horas exsiccantur; In humidioribus & junioribus aliquanto diutius, erosa cute, aliquid humoris extillant, non sine aliquo corporis pruritu & ardore, qui ab initio vix observabatur. Conveniunt nitrosa & salina aliquoties per diem exhibita, & præmissis mane diaphoreticis & bezoardicis fixioribus, aut etiam decoctis ex fumaria, sambuco cum sero lactis caprini paratis.

Satis etiam communis erat fluor albus uterinus in fœminis quibuslibet ultra pueritatem annis, frequentius tamen paulo proVectioribus ætate; cujus mali non ita facilis est cura, quippe in qua & viscerum chyli secretioni, & feri depurationi inservientium, & lymphæ ratio habenda; ut nempe abundantia feri excrementitii ac viscosi ex corpore eliminetur, materiæ fluxum hunc constituentis proventus impediatur, & uterus corroboretur, in primis per nodulos ex stomachicis, uterinis ac purgantibus, & diuternis, succinata, terebenthina &c. per diaphoretica, & o— lignorum decocta salivatio generosum illud remedium est, quo etiam inveterati fluxus debellari possunt &c.

Qui isto tempore in ætate puerili fuerant immunes ab exanthematibus, sub finem Veris, achoribus & tineâ infestabantur; ubi optime conducunt, quæ alias in scabie profunt: non sine fundamento Nicotiana laudatur, ac camphoratorum usus noxius, & tantum excitant do-

lorem, ac si carbonēs vivi capitibus impositi essent.

In Julio terra per totum mensis cursum benigno solis calore animabatur, ac simul calidis fovebatur pluviis, subinde tamen etiam tonitrua audiebantur. Per Augustum eadem gratæ inter phœbum & nubila vices durabant. Nec alia aeris in Septembri constitutio, nisi quod frigidior aura post benignum solis calorem allaberetur corpori ac aliquam ei afferret molestiam.

Hoc tempore grassabantur febres continuæ intermittentes, cum dolore hypochondrii dextri, pleuritides spuria, in infantilibus corporibus excretio miliaris notabatur. Multos cholera, diarrhœa ac dysenteria fatigabant. Multi catarrhis obnoxii degebant, ac pertinacissimis tussibus concutiebantur.

Vidimus etiam in æstate motus quosdam febriles, qui nullum typum observabant, neque statis exacerbabantur periodis. Mirabilis in istis vicissitudo est, eaque satis crebra: qui hac hora ex angustia cordis gemit & trepidat, de fatigatione summa conqueritur, post unius alteriusve horæ spatium, erecti animi est, & frontis expositæ. Propemodum autem febriles ejusmodi exandescencias experiuntur homines, scorbuticis maculis, modo rubicundis, modo lividis deformes. Hæ quando numerosiores in corpore comparent, fere abest ejusmodi ebullitio; sed quando pauciores adsunt præprimis in loco minus consueto, tum ejusmodi alterationes sentiuntur, præsens quoque est manifesta coloris macularum mutatio. Non carent hæc inordinatæ febres suis symptomatibus; nam & anxietates gravissimæ præcordia premunt, languor totius corporis & ossifraga omnium membrorum lassitudo invadit, ac interdum alii graves impetus ac tumultus corpus affligunt; partes autem maculis obsideri solitas dolor sensibilis, gravativus, imo & rigor occupat, adest vertigo, non raro æstuantem calorem sequuntur horripilationes; pulsus fere magnus est, interdum aliquo modo inæqualis & parvus; urina fere crassa est, & statim, postquam reddita est, conturbatur, ac deponit corpora rotunda, instar arenularum, & superior substantia nihilominus crassa manet, & quasi pinguedo quædam vitri parietibus adhæret; vix post sumpta cathartica, ut alias fieri solet, clarescit, sed turbida manet. Prodest excretionem macularum promoveri, aut materiam earum subigere & corrigere, cum antifebrilia sola non sufficiant.

Vicissim eodem tempore excruciantur aliqui dolore artuum, statis horis, singulis diebus per aliquot septimanas redeuntibus, sine ullo febris signo. In cortice Peruviano inventum est remedium.

Viri quidam & mulieres fervido cœlo de tormentis pruritus, interdum ad lypothymiam usque, interdum certis tantum in partibus, præsertim ano & pudendis, fuerunt conquesti. Quædam gravidæ cum aliquibus exanthematibus tortorem hunc per multas septimanas sustinuerunt. Qui non tam ab humoribus acerbis, quam a vermium morfu excitatus fuisse videtur, præsertim quod remedia anthelmintica præ cæteris conduxerint, ut topica amara in vino decocta &c.

Cœlo sereno & calenti frequentissimæ erant sternutationes, & jungebantur hæc etiam morbis tum grassantibus. Præter hydragoga, suus sudorificis hic constat honos; eximie vero præ cæteris juvant frictions & ligaturæ extremorum, ut V. S. nec non spiritus retentio.

Octobris initia benigno calore grata, reliqui autem mensis hujus dies turbidiores, & propter pluvias ac frigus inamœniores erant. In Novembri temperatus erat aer, usque ad plenilunium; postea autem nebulosus ac pluviosus, mense ad finem vergente, inconstans ingruerat frigus, ut plurimum tamen satis remissum. December inter nebulas, ventos & pluvias transactus. Multi sub hac aeris constitutione tussi infestabantur. Regnabant etiam febres cum mordaci calore, doloribus hypochondriorum, dorsi, sibi immodica, exanthematibus serosis, purpura, pleuritide, ictero, & diarrhœa, singultuque conjunctæ; & bezoardicis fixis & volatilibus, intermixtis anodynis, oppugnata fuerunt. Jungebantur etiam paralyses linguæ, & insultus apoplectici, sine evidenti periculo. Circa solstitium hybernum etiam asthma convulsivum, aliquando parotides supervenerunt.

Parturientes in autumno experiebantur dolores & spasmodicas vellicationes ac contorsiones in diversis locis, quas ex fructuum ingurgitatione ortas, suspicio fuit, iisdem autem Essent. carm. D. Mich. D. Vvedel. &c. obviam ibatur.

Creber affectus erat inflatio ventriculi, interdum satis enormis, quam ructus, difficultas deglutiendi comitabantur per evacuantia, & carminantia non nimium calida facile curabilis.

Alii lienteria corripiebantur, & egregie stomachicis sublevabantur, præprimis ex mentha & absinthio paratis, nisi quod aliquando eveniebat, cum ictero, hydrope, febribus tertianis lentis eadem complicaretur. Quidam cœliaco laborabant fluxu, atque iisdem remediis sanabantur. Exempla etiam asthmatis stomachalis offerebantur, sive cruditates in flatu resolutæ diaphragma comprimerent, sive ventriculus a contentis suis in spasmus concitatus, contiguum sibi diaphragma simul afficeret; imo unum alterumve datum fuit exemplum febris anhelosæ & asthmaticæ, quam describit Sylvius l. i. prax. c. 30. Cura in eumetis, ubi circumstantiæ permittunt, vomitorio expediri potest.

Consilium Medicorum hoc tempore a Chirurgis non minus requisitum fuit, quomodo in ulceribus sinuosis inveteratis interne ortis & oblongis, exterius vero callosis, rite sese gerere deberent. Hæc enim ulcera tum aliis temporibus Uratislaviæ, tum maxime in Autumno Chirurgis crucem figunt. Ubi totum in primis ductum discindere, callosam cavitationem septicis tollere, consolidationem balsamicis promovere &c. consultum fuit.

Omni quidem etiam tempore gummata Gallica observantur, maximopere tamen circa autumnum sæviunt, quæ post sanguinis depurationem, eorundem par emplastrum diachyl. c. Gum. & mercur. &c. putrefactione, per causticum apertione, unguento basilico, mundificatione, in primis curata fuerunt.

*Constitutio Epidemica Uratislaviensis
Anni 1701.*

IN Januario variæ erant ratione frigoris vicissitudines; modo enim aer liquefcere & quodammodo diffuere, ac in ampliora spatia sese diffundere videbatur; modo autem frigore constipatus in angustum cogebatur; finem vero mensis imponebant nebula illæ insalubritatum fomites. Februarius tum his, tum etiam nivibus, & variis ventorum mutationibus horridus erat, nonnunquam tamen quodammodo placidus & æquabilis aeris fluxus observabatur. Sub initium Martii frigidiuscula aura subito cum blandiori aere commutabatur; nec tamen mensis ad finem sine nimbis, grandine, variis ventorum tumultibus decurrebat, sic tamen, ut blandus solis calor in his aeris varietatibus nonnunquam Silcix incolas exhilararet.

Mense Januatio febres continuæ periodicæ, variis stipatæ symptomatibus præprimis autem cardialgia, vomitu, spasmis, hypochondriacis &c. non paucis erant molestæ. Grassabatur etiam pleuritis spuria; erant quos erysipelas capitis in periculum vitæ conjiciebat. Lumbago quoque iis, qui Baccho & Venere delectabantur, molestiam creabat. Nec minus febres petechiales satis erant frequentes, quæ etiam ad domesticos incaute cum ægris conversantes, præprimis si hi essent meticulosiores, per contagium propagabantur. Tractati fuerunt hi morbi non sine felici successu, methodo superius adumbrata.

Catarrhi, tusses ferinæ &c. etiam grassatæ sunt; in quibus hoc tempore opiata minime profuerunt.

Mense Aprili admodum inclemens erat aeris constitutio, & mitis ventorum, frigoris, grandinum, nebularum, nivium, pluviarum vicissitudinibus, etsi ad teporem nonnunquam inclinaret, ingrata. Nec in Mayo Veris dabatur frui deliciis, sed sub turbido & nebulis obducto ac pluvio cœlo major mensis pars agebatur, eoque gratior erat blandus in Junio solis calor, qui tamen & ipse pluviis & tonitru subinde turbabatur.

Hoc tempore omnis generis febres grassabantur, præprimis crucem figebat illa, quæ typum talem observabat: primo die horror satis gravis homines catarrho obnoxios & crassiori victui assuetos, aerisque injuriis crebrius expositos, aut ad tabem pronos invadebat,

horrorem sequebatur calor valde inæqualis, pulsus autem fere debilis erat; æstus per horas modo pauciores septem, novem, modo plures, v. gr. 12. 14. &c. perseverabat, post quem aliquibus sudores effluebant, quibus manantibus, utur febris remitteret, plane tamen non cessabat. Erant qui post calorem nondum sopitum, eodem die denuo horrore & frigore concurerentur, ac illis jam dicto die vomitus erant molesti; iis præprimis horis, quibus febris intendebatur, die secundo perseverante adhuc calore; denuo propemodum eadem hora, qua primo, miseros opprimebat alius horror, aliudque frigus, & tandem etiam calor, qui sensim augebatur, sed tamen longe adhuc aberat a ferocia ejus, qui primo die ægros exurebat, sed neque tot horis, quam illic continuabat; tertio die eadem, quæ primo, ludebatur fabula; quarta iterum secundo respondebat, verbo: semper uno die febris erat gravior & quasi composita ex tertiana & quotidiana, altero autem erat levior, typum unius quotidianæ referens. Solvebatur intra 14. aut 20. dies per diarrhœam, mutabatur etiam in tertianam duplicem, in aliquibus scabies succedebat per totum corpus diffusa. Cedunt etiam hæc febres adhibita ordinaria methodo curandi superius adumbrata. Lenia evacuantia eximie profuerunt secundo aut quarto die, imo & aliis diebus paribus, etiam repetitis vicibus exhibita. Omnia symptomata erant leviora, si illis diebus, quibus unus tantum affligit paroxysmus, sub declinationem blanda dabantur alexipharmaca. Anteparoxysmos præcipitantia cum salibus alcalinis & nitro recte etiam morbo huic opponuntur, omissa venæ sectione.

Præter has febres occurrebant etiam, quæ itidem tertio quoque die ut priores ingravescabant, sed absque rigore & horrore stata observantes tempora, nisi quod rigore *ἀτάκτως καὶ ἀεὶ* inordinate & erraticæ, non una cum paroxysmo invaderent. Non mali videbantur esse moris ab initio, sed procedente morbo fere in pejus ruebant, ac criticis præsertim diebus exandescabant; aderat morsus ventriculi, aliaque symptomata maligna, in his lethargus, in aliis vigiliæ cum deliriis conjunctæ; impeditus erat urinæ fluxus eo tempore, quo rigebant. Satis erant contumaces, nec nullos interimebant. In cura nihil peculiare observatum, nisi quod e re fuerit, superato rigore, ad æqualem sanguinis distributionem obtinendam diaphoretica & alexipharmaca propinare.

Cæteræ febres fere omnes conjunctæ erant cum ontalgia, quæ certe & ægris & Medicis faceffit negotium. Omissis emeticis, purgantibus, & V. S. fuerunt interne exhibita, quæ alias in viscerum & menyngum inflammationibus præscribi consueverunt; externe vero potissimum linimenta spirituosæ, & hæc quidem camphorata & crocata sæpius applicata: aliquod etiam in pediluvii solatium, si dolor ille, quod tum temporis observatum, solitarie absque febre affligat.

Primiparæ habiliores lautioris conditionis, imo & aliæ puerperæ partus doloribus defunctæ, hisce diebus fere omnes conquerebantur de dolore compressivo satis vehementi in dorso, quem nec mulierculæ suis remediis domesticis, nec Medici selectis etiam pharmacis depellere poterant. Acerbiores erant cruciatus earum, quæ jusculis consummatis, ut vocant, lapsas reponere vires gestiebant, præprimis si infantes essent debiliores, & in uberibus sollicitandis negligentiores. Nihil æque his profuit, quam victus tenuior, & evacuatio lactis ex mammis liberalior, evidenti certe argumento, dolorem hunc non aliunde pendere, quam ex vasorum lacteorum, ipsiusque ductus thoracici chylousam materiam pro lactis generatione advehentium repletionem ac nimia distensione.

Præcipue autem hoc tempore communes de vertigine, tinnitu aurium comitata, querelæ audiebantur. Occurrebant satis multi, quibus caput & visus objecta circummagi videbantur. Nec nulli erant, quorum oculis tenebræ, aut intra tenebras splendida quædam observabantur, & caput in turbinis modum circumduci videbatur. Hoc autem malo vexabantur, qui in otio viventes liberalius subinde se vino invitarunt, aut qui antea hæmorrhagiam narium, vel fluxum hæmorrhoidalem experti his evacuationibus per tempus aliquod caruerant; aut qui alias catharsi fuerunt assueti eandemque omiserant. In cura V. S. in primis, frictiones

etiam, ligaturæ & pediluvia fuerunt adhibita; post V. S. purgantia, raro emetica in plethoricis data; inter sudorifera tinctura bez. D. M. omnium minime expectatio- ni satisfecit, ut & spirituosa aromatica, aliaque plura. Aliquanto major virtus fuit in Succin. Spec. de hyacinth. maxima autem inter usitata in cinnabari nativa.

Præterea multorum infantum corpora hisce diebus motibus convulsivis concutiebantur, quorum non pauci a parentibus suis per mortem avellebantur; nec infrequens in illis erat Ranula.

Sub illud tempus, quo fraga & ribium bacca passim apponebantur, & avide, ut fit, ingerebantur, alii diarrhœa corripiebantur, alii autem cholera, præprimis si vinum in glacie refrigeratum ingurgitarent. Cholerici non tantum sursum & deorsum magno cum impetu humores biliosos egerebant, sed & ingenti siti torquebantur, & assidua corporis jectigatione fatigabantur; mens earum percellabatur, aderant vigilæ & partium extremarum refrigerationes; quæ symptomata, nisi statim ab initio blanda data abstergentia aut levissima evacuantia ac præcipitantia, cum diaphoreticis & discutientibus, ipsa mors excipiebat.

Varii oculorum affectus tunc etiam occurrebant. Nonnulli laborabant epiphora, & tenuis humor calidus & mordax, lacrymarum specie in oculos irruerat. Ex his aliqui in febres intermittentes lapsi non modo molestiæ levamen ex febre superveniente non senserunt, sed & dolorem augeri, eo quod forte acerrimum remaneret, dissipatis humidis & aquosis particulis, crebro conquesti sunt. Alios acres & falsi humores cum rubore & palpebrarum exulceratione, gravi afficiebant tædio. Inflammationes quoque oculorum aliæ aliis erant pertinaciores. Interdum oculi erant satis squalidi, & vasa supra modum extumescabant, & tamen totum malum remediis debitis facile tollebat. Nonnunquam vero inflammatio multo minor erat, & tamen quicquid etiam ageretur, frustra tentabatur. Erat autem hoc in casu cum ophthalmia dolor capitis diuturnus indissolubili nexu conjunctus, qui satis ostendit, in consortium mali meninges & intimas cerebri partes trahi, quod etiam subinde in aliis fieri morbis patet ex Cl. Baglivi scripto de Fibra motr. Visus autem eorum, qui ita affecti erant, in dies magis obscurabatur, nec in minimo cæcitatæ secururæ periculo versabantur. Id creberrima docuit experientia, alvi profluvium, sive sponte natura motum, sive pharmacis excitatum, ophthalmicis esse admodum utile.

Porro sæviebant maximopere brachiorum dolores, qui ompem remediorum applicationem eludebant.

Mulieres etiam sanguineæ constitutionis, quæ paulo liberalius vinum bibunt, dolebant hypochondrium dextrum. Spirandi aderat difficultas sine tussi, quæ in horas increbrescebat; accedebat nonnunquam febricula, quæ dolorem, modo is esset mediocris, ne ad claviculam aut ilia pertingeret, solvebat; de quo ipso dolore loqui videtur Hippocrates l. 6. aph. 40. Nihil æque profuit, quam primo quovis tempore sanguinem liberaliter ex venis in pede detrahere, id quod argumento est, aut hepar phlogosi in hoc dolore corripri, aut sanguinem in trunco venæ portæ vicinisque ramis stagnare. Difficilior est cura, si dolor hic sic conjunctus cum tussicula inani, ex hoc enim non vane colligi potest, etiam diaphragma in societatem doloris rapi, id quod fit, cum gibba hepatis pars inflammatur, utpote quæ propius diaphragma attingit. Si paulo gravior sit inflammatio, ne digitorum quidem pulsus ægrotantes ferre possunt, jactantur plurimum, lingua arida & scabra est ob ingens in sanguine incendium.

Mensis Julius erat amœnissimus, nam & gratum solis jubar exhilarabat, ac tepidis aliquando pluviiis terra refocillabatur. Major æstus erat in principio Augusti, & crebra audiebantur tonitrua; coque gratiores erant, quæ subsequiebantur pluviae. Etesiae quoque grate spirantes nimium temperabant fervorem. Nec minus blanda & grata erat aeris constitutio in Septembri, nisi quod circa novilunium rigidior aer corporibus esset molestus.

Præter morbos æstivales in præcedenti enumeratos, scenam hoc tempore ingrediebantur defectiones dysentericæ, quas in corporibus cacochymis, tum etiam quando symptomata remittunt, & scybala minus sunt

cruenta, nec sedes adeo torminosæ, sed ad legem naturæ accedentes, nec non somnus recurrit, & denuo alimenta appetuntur, adeoque in portu ægri sunt, ex improvise sequebatur diarrhœa, quæ corpus variis humoribus repletum deplens, nihil sinistri portendebat, sed, etiam si vires aliquo modo deiceret, firmiorem impostero sanitate pollicebatur; conf. Hipp. sect. 7. aph. 77.

Post propulsa ejus temporis febres, in diversis hinc inde corporis partibus, præsertim autem in volis manuum & plantis pedum, reconvalescentibus epidermis discedebat, & quasi per squamas abradebatur.

Alias iisdem diebus multi ex egenis cacochymii deformabantur porrigine, præter blandam catharsin, diaphoresin, & diuresin, juxta cum diæta laudabili, topicis abstergentibus circumspicte adhibitis curata.

In hac ipsa æstate passim etiam audiebantur querelæ de doloribus artuum & infimi ventris: crurum dolor potissimum multis infestus erat: hunc alii tensivum, alii obtusum, alii mordicantem, alii autem pungentem & erodentem in profundo circa os experiebantur, qui in motu corporis graviter efferebatur. Alii dolorem hunc ita describebant, ut dicerent, malleolis sibi quasi crura contundi: Nec minus brachia gravissimis torquebantur doloribus, qui non secus ac a lue venerea oriundi nocturno tempore ingravescabant. Alii per intervalla luctabantur cum doloribus & lancinationibus intestinorum intolerabilibus, qui exhibitis carminantibus & anticolicis remediis magis intendebantur. His autem aliisque variarum partium cruciatibus obnoxii illi erant, qui cibis crassis, salitis, pane non bene a furfuribus purgato, cerevisia crassa, turbida & sæculenta, aut vino nondum satis bene defæcato, vel nescio quibus mangoniis corrupto utebantur. Hic unice antiscorbutica cum rad. chinæ, salsaparillæ, & lignis exoticis decocta aliquo modo ægris erant solatio; quibus ipsis etiam remediis sublevabantur ii, qui de languore, nullo etiam præsentem morbo, lassitudine totius corporis cum aliqua oris siccitate conquesti fuerunt.

Multi in teneriori ætate constituti, circa dies caniculares, etiam si nulla dysenteria aut diarrhœa essent correpti, assidua desidendi cupiditate cum torminibus quibusdam conjuncta vexabantur. Post frustra adhibita enemata, lenia evacuantia, humorem acrem demulcentia, balnea, tandem cum ab ascaridibus malum foveri suspicio esset, majori cum successu anthelmintica cematibus addita, atque per os data fuerunt.

Initia mensis Octobris blando calore grata, sed plerique sequentium dierum ventis, pluviiis & variis aeris mutationibus horrida erant. In Novembri modo pluviae decidebant, modo nives; & utut aura subinde esset satis temperata, nonnunquam corpora frigore rigeabant; hoc autem in Decembri erat intensius, præprimis circa plenilunium; at paulo post & intercurrentes nebulae & pluviae solisque jubar violentiam frigoris mitigabant.

Inter varios hujus temporis morbos, non raro occurrebat gonorrhœa virulenta, quæ ab omni tempore Veneris amassos mulctat, autumnio tamen, qui exulcerationibus omnibus minus favet, inclementius sævit.

Porro inter communiores morbos erant febres, quæ nec statum tempus servabant, nec eodem modo semper invadebant, sed modo diebus singulis, diversis tamen horis, modo alternis homines opprimebant; jam diuturno, jam nocturno tempore ingravescabant; hoc die cum horrore notabili aut rigore, alio autem sine sensu frigoris paroxysmus ingruerat; hodie immanis cardialgia molesta erat, cras ventris tormina affligebant; jam hoc symptoma, jam aliud miseros magis fatigabat. In cura placuit Hippocratis consilium lib. de rat. vict. in acut. *inconstantes & erraticos morbos curare non expedit, priusquam constiterint*, seu certum typum & periodum observaverint, quod circa septimum diem hic evenire solebat; nam tum vel in tertianas vel in continuas degenerabant, & methodo convenienti curabantur.

Quartanæ quoque autumnalium morborum numerum augebant, in quarum cura plebeis quibusdam illa non male cessit temeritas, qua febricitantes subito terrore graviter percellunt, si vel sedes, ut fit, vel deinceps sudores copiosi, aut alia quædam evacuatio largior succederet. Nec methodus illa, quæ has per anody-

anodyna, præmissis lenibus evacuantibus, febres tollit, inutilis deprehensa est.

Præterea urinæ stillicidia, vel ab humorum ad renes per arterias delatorum actimonia, aut, quod verisimilius, a renum ulcere oriunda exasperabantur. Trichiasis in quibusdam notabatur, incidentibus & purgantibus lenioribus curatæ tabidi pejus habebant. Grassabantur etiam iterum ischiatici dolores. Multi qui cælo pluvio sub dio laboraverant, aut etiam in aquis ac paludosis locis manuum opera exercuerunt, difficili respiratione & orthopnœa sine conchis vexabantur, quibus non tam expectorantia, quam evacuantia, diuretica & sudorifera conducebant. Magnus etiam inter egenos epilepticorum numerus erat. Aliquos passio iliaca horrendo modo afflixit.

*Constitutio Epidemica Berolinensis
Anni 1702.*

Januarii biduo gelido paucis nivibus, ventoque valido turbido, 3tium remissiore nivibus aspersis degelantem substitutis, 4tus gelu rigidum redintegravit, sed sequente 5to post gelicidium matutinum in deliquium ac pluvias frequentes nunc uberiores, nunc pariores, 19no tantum & 22do moderato gelu ut & 29no post pruina matutinam sereno exceptis, solutus toto mensis reliquo degeneravit.

Februarius 1mus frigidus præcedentibus paulo serenior, circa vespem in pluviam 2do toto durantem & 3tio serenitate aliquali interpolatam desit. 4tus serenus ac frigidus. 5tus totus pauca intercedente serenitate pluviosus. 6tus & sequentes (11mo & 17mo mane pruinosi exceptis) ad 18vum usque verna serenitate fere & temperie amœnum quarto compares. Reliqui ad finem usque mensis varii, alii uti 19nus & 20mus ante meridiem sicci & frigidi, circa vespem pluvii sereni uti 21mus, alii turbidi & frigidi, uti 22dus, alii uti 23ius cum frigore mane sereni, post turbidi, alii uti 24tus mane udi, a meridie sereni, alii uti 25tus post pluvias rorans mane sicci & turbidi, alii mane nebulosi, post sereni, a meridie pluvii, ut 26tus, & 27mus succedente procella & 28vo adhuc continuante & admixta nive grandine & gelu, reddita tandem cum meridie serenitate mensem terminante.

Martius frigus cum nive continuatum primo biduo, interspersis de die serenitati nivibus interpolavit, 3tio in pluviam matutinam descivit, recuperata tamen a meridie serenitate, 4to quoque continuante ad vespertinam usque pluviam, 5tus serenus quidem sed algidus, grandines nonnunquam Favonio flante sparsit, quadridui sereni gelidi, & pruinosi prodromus, 10. biduum successit, Africo tumultuante turbidum, procellosum, grandinosum ac nimbosum, 12mus serenitatem restituit matutinam nivibus a meridie comitatam atque biduum sequens gelidum & serenum induxit, moxque intercalato 15to remissiori, sereno tamen adhuc, gelu satis hætenus rigidum cælo sereno Borea aspirante, ac succedente huic post Euro, ad 23tium usque serenitate verna cum sequente biduo commendabilem reduxit, 26tum mane turbidum algidum ac ventosum cum triduo succedente turbulento, secutus pluviolis quidem sparsis a prioribus diversis, 30mus 31mo socio mane quidem pruinoso, serenitate tamen commendabili biduo mensem hunc simul ac trimestre finiit.

Morbi hoc trimestri præter scorbutum endemium febres intermittentes nonnullas ardentes quoque & cephalæa ac hemicrania valde molestas continuas, malignas paucas, variolis ac purpura notata, catharrales & pleuriticæ sporadicæ, epidemici ferè nulli fuere, nisi catharros & tusses hæmoptoes, quasdam & pleuritides, ut & arthritides præsertim vagas scorbuticas ob hybernas aeris varias turbas indeque nascentia sanitatis incommoda, satis frequentes iis annumerare velis.

Aprilis primum biduum frigidulum cætera serenum leni gelu cœpit ad tertii meridiem usque nubilum in pluviolas circa vespem solutum, cui 4tus compar, 5tus noctu pluvius, de die procellosus ac nimbosus, 6tus nivibus sereno cælo mixtis variis & inconstans successit. Huic congener 7timus, octavus nocte a nivibus fœta frigidulus & potissimam partem turbidus, post noctem gelidam, nonum frigidum & serenum, post quæ nocturnas denuo nives biduum degelascens ac plu-

viosum induxit. Sequentes, præter 12mum sic satis serenum, vesperi tamen adhuc specade rorantem, eique similem 23ium & 24tum totum serenum omnes ad finem usque mensis genio illius conformes, varii, turbidi, frigidi, nivosi, nimbofi, quandoque & procellosi fuerunt.

Maji primus verna serenitate commendabilis, frigidulus tamen adhuc Euro noto flante, triduum sequens turbidum paucis aspersis pluviolis udum ac horridum adduxit, succedente verna amœnitate integrum mensem reliquum, paucis 11mo nimirum mane turbido a meridie specade grato 17mo vento, 23tio procella 25. pluvia vento mista 27. grandine ac imbre, ut & 31mo seu postremo paululum ventoso exceptis durante.

Junii primus ultimo Maji compar, a biduo sereno ac temperato exceptus, 4tum obscurum in vespem & noctem pluviam deficientem, cum subsequente biduo sibi non absimili successorem habuit, quos biduum aliud serenum ac temperatum correxit; successit huic 9nus totus turbidus in pluviam vespertinam desinens, quem temperatus ac siccus 11mus atque 12mus sudo æstivo insignis secutus. Huic biduum rursus obscurum ac frigidum in pluviam tandem fatiscens successit, eique quadriduum sudum ac æstivo ardore fere molestum, subsequente 19no tonitru temperatum, 20mum pluvia nocturna quandoque & diurna fœcundum, triduum versus serenum ac temperatum secutum in pluviolam vesperi 23tio solutum, quod 24to imber nocturnus, tandemque, 27mum mane obscurum a meridie serenum, & 29num frigidulum sed serenum, si exceperis, reliqui vario cælo aliquando & nimbofo rarius sereno inamœni, mensi tristem addidere colophonem.

Morbos hoc trimestre epidemios præter morbillos & paucas variolas nullos aluit: Sporadici fuerunt febres varii generis, intermittentes tertianæ nonnullæ, & continuæ ardentes cephalalgia & cardialgia infestæ; catarrhales tussi & asthmate molestæ, quandoque & angina, oculorum & gutturis ac tonsillarum inflammationibus; His hæmorrhagiæ narium, hæmoptoes, arthritides universales, & vagæ quoque scorbuticæ, cachexiæ & cacoehymicæ passionibus hypochondriacis & hysteris, pleuritide, imo & paralyfi & apoplexia nonnunquam stipatæ accessere.

Julii dies quinque priores æstivo calore insignes, 3tius præsertim fervore æstuoso molestus; Quibus biduum successit ventosum ac subinde pluviosum, huic 8vus obscurus ac frigidulus, ut & 9nus sudo & temperato calore amœnus, 10mus post pluvias nocturnas cum septem subsequentibus sudo ac æstu genium hujus mensis exprimentibus 16to sub vespem, ac 18vo a meridie, 19no, mane pluvio a meridie tonitru addidit. Sequens triduum sudo pluvias miscuit, succedente quadriduo imbroso. Unde ad finem usque mensis sereni & æstivo sudo grati successere dies.

Augusti primus sudo æstuoso gravis, vesperi tonitru leve cum pluvia moderata, sequenti vero triduo post pluviam matutinam modicam temperiem amœnam substituit. Quæ triduo alio ob temperatum sudum commendabili succedente, ac octavo ante & post meridiem lene stillicidium intercalante a biduo pluvioso excepta. Cui aliud rursus biduum vere æstivum ac serenum successit, atque huic 13tius mane specade rorans, 14tus præter tonitru breve imbre comitatum cætera serenus, 15tus mane serenus, circa vespem tonitru horrendum procellosum ac nimbosum tulit, 16tus mane serenus post fusas a meridie pluvias frigidior, 17mus serenus ac temperatus, 18vus a pluvia matutina septem subsequentes dies serenos, ac nonnunquam satis æstuosos, si 25tum excluderis mane pluviolis madentem, adduxit, 27. cæteroquin serenus pluviam vespertinam in noctem usque intempestam protraxit, 28vum frigidulum, licet sereno, 29num totum pluvium & imbrosum ac subfrigidum, 30mum pluviolis quandoque rorantem, tandemque 31mum & postremum mensis siccum quidem & serenum, sed frigidum pariter successores habuit.

Septembris primordium 1. & 2da die serena & amœna temperie acceptum circa vespem in tonitru horrendum & imbrem degeneravit; a 3tio ad 24tum vario, quandoque subfrigido, quandoque æstivo calore, plerunque sudo pluviis ac specade interpolato, temperatoque æthere continuavit, 25to ventosiori paulo & pluvio biduum successit procellosum & nimbo-

sum, atque huic aliud sedatius, sed ad vesperam usque pluviosum; inde serenitas grata comitata temperie 31mum simulque mensem & trimestre tertium absolvit.

Morbos æstiva ætheris cum temperie cambiens subinde intemperies præcedentis æstatis frequens æstus præter endemios pene scorbutum, illique affinem veneream luem, epidemios genuit varias febres tam intermittentes, quam continuas, aliasque ardentes paroxysmis interpolatas, quasdam plane inordinatas nullum typum servantes, catharrales nonnullas, malignas quoque exanthematibus variis, miliaribus præsertim semet prædentes, pleuriticis insuper, alias cephalæa, cardialgia, colica, hæmoptoe, defluxionibus in buccam, gulam, dentes, ut & inflammationibus oculorum indeque ophthalmiis, gutturis tussibus porro variis, quibusdam etiam ex illarum numero, quas convulsivas Vvillsius appellat; Præterea epilepsias præsertim infantum, arthritides tam universales quam particulares, unius lateris, ischiadicas, vagas scorbuticas satis frequentes, omnium tamen frequentissimas ob fructuum immaturorum ingluviem intemperantem, & immoderatum aliarum illecebrarum gulæ usum, choleras, diarrhæas, lenterias & dysenterias copiosissimas, easque satis vehementes; pertinaces, periculosas ac sæpe numero lethales.

October post pluviam 1mo matutinam, triduo sereno ac grata temperie amœno æstu successit triduum nimbosum, subinde grandinosum, tandem & pluviis, nivibus pruina vacuum ac frigidum. Illi rursus quatrimum, autumnalis temporis ratione satis temperatum ac gratum. 14tus mane ad meridiem usque nebulosus, inde serenus fuit, 15tus serenus ac temperatus a meridie paucas sparsit pluvias. A 16to ad 20mum æstivo fere calore serenum & amœnum quatrimum, a 20mo, 28vo sereno, ac temperato excepto, obscuri ac frigiduli, interspersi 23io, 24. 26to. utut rarius pluviis ad 31, adeoque extremum usque mensis, dies secuti mensem terminarunt.

November a siccitate ac frigore aliquali auspicatus, ad serenitatem ac rigorem satis validum sed ephemerum transiit triduum obscurum, ac specade subinde udum inducens. Quod quatrimum a siccitate ac temperie ad aliqualem algorem, mox & gelu satis rigidum pergens, secutum. Cui gnus nivem copiosam aspersit, perseverante 10mo adhuc gelu atque post densam 11mo nebulam, & subsequenter serenitatem, ad 14tum usque paulo mitiorem in persecadem a meridie fatiscentem continuante, 15tus præcedenti fere similis specade pariter udus, 16tus ad vesperam usque siccus, postea pluviosus 17mum procellosum & nimbosum ascivit, 18vus a pluvia modica matutina in serenitatem, 19no adhuc ad vesperam usque pluviam durantem transiit succedente 20mo sereno ac temperato, in turbidum temperatum tamen adhuc nunc siccum, ut 21mo & 23tio, nunc pluviis & nivibus quibusdam, ut 22do, 24to & 25to mutato cœlo, succedente biduo paulo gelidior & nebuloso, aspersa tandem quoque nive, alioque rursus biduo pluvioso totæ ad vesperam usque 29ni a pluvia inclarescentem, sicque 30mo æthere sic satis sereno & frigido mensem simul claudentem.

December subfrigido, verna tamen fere temperie præter morem accepto biduo orsus 3tium mane pluvium, cætera turbidum sed siccum, posteaque triduum temperatum attulit, sub vespera 6ti nive parca aspersum, 7timus a gelu nocturno serenus triduum sibi quadantenus excepta serenitate nivibus & nubibus interpolata conforme adduxit, 11mo obscuro in pluvias deliquescenti, ac 12mo sereno post specades substituenti, biduum turbidum ac algidum successit, mox post 15tum mane pluviosum, postea triduum, a nive ac gelu moderato & æthere sereno in horridum mutatum substituit; sed 19no ac 20mo rursus post gelicidium & nivem cœlo sereno remittente, 21mo mage specade rorante a serenitate aeris 22do in gelu satis rigidum abiit, rursusque 23tio post gelicidium matutinum in pluvias 24to a procella, aere turbido sicco, tamen ad vesperam in pluvias, 25tum totum durantes fatiscentem, 27mo nivem noctu diuque spargit, 28vum moderatum gelu & circa vesperam nix pauca excepit, 29nus tota die gelu rigidus fuit, 30mus a gelu in nivem, a nive in gelicidium, de gelicidio in

pluviam toto fere 31mo durantem sicque æthere nimbo hunc mensem simulque trimestre ultimum, adeoque annum hunc 1702. dum finientem desit.

Morbi hoc ultimo trimestri occurrerunt satis frequentes, febres intermittentes variæ, continuæ, hæque sæpius intermittentibus sociatæ, simulque ardentes, malignæ quoque exanthematis varii generis conspicuæ; præterea catarrhales, pleuritide nonnunquam comitatæ, erysipelatodes, aliæque diversis & periculosis nonnunquam symptomatibus, alia inter paralyti linguæ, aliarumque partium, inflammatione gutturis, rheumatismo, cardialgia, cephalæa periodica nonnunquam; hemicrania, hæmorrhagia narium vehementi & periculosa comitatæ. Præterque uteri quoque hæmorrhagiæ graves & pertinaces solitariae aut aliis morbis sociatæ, diarrhææ & dysenteriae malignitatis nonnunquam participes excessuum autumnalium reliquæ: Colicæ & hystericae passionες scorbutō sæpius complicatæ, tandem & epilepsiæ cum primis infantum, nonnunquam & adultorum hemiplegiæ & apoplexiæ vehementes & ut plurimum lethales.

Constitutio Epidemica AUGUSTANA. Ann. 1701. 1702. 1703. 1704. & 1705.

LUCÆ SCHROCKII.

Licet initium Anni 1701. frigidū comparuisse &c. &c. &c. In hisce quoque deprehensum fuisse animadverto.

Qualem anni præcedentis exitus habuit aeris constitutionem, talis per biduum etiam primum anni 1703. continuavit; & quamvis zephyrus prædominium porro obtineret, ac tolerabiliorem utcumque temperiem redderet, sæpius tamen ab iis diversis ventis excipiebatur, eurusque inprimis ante solis in Aquarium ingressum, a die 18. Januarii usque ad d. 26. frigore intento molestus erat, multis subinde interea nebulis, & nive, paucioribus serenis diebus observatis; a quo dein tempore inconstans admodum aeris ventorumque, austro tamen prævalente, alternatio, usque dum sol in Piscium signo versaretur, ubi post nivofunz boream zephyrus temperatiorem ut plurimum & pluviosam auram redderet; quæ post æquinoctium vernale variis mutationibus, præsertim frigidis humidisque obnoxia, vernali amœnitati multum obstitit, ac tardior plantarum vegetationem effecit: Quæ eo felicior postea successit, cum grata temperies fertilitatem admodum promoveret. Interea morbi, præter tussis in hyeme non insolitas, & omnibus fere aliis morbis se complicantes, multas inducias concedebant; Arthriticis tamen doloribus obnoxii novas invasiones contumacioreque patiebantur, nec non febres quotidianæ, non intermittente calore suo, continuas sæpe in principio æmulantes, pauciores etiam tertianæ (post sumptum vel purgans, vel vomitorium, quod solum quandoque febrilem fomitem expellebat, arcano duplicato ubi biliosa impuritas, unicornu fossili ubi acidæ particulæ, chinachina vero dum viscidior pituita prævalebant, utraq; facile curabiles, in primis mensibus deprehendebatur; in pueris potissimum, vermium suspicionem ob victum prægressum, calorem faciei luridum, ventris morficationes, deliria nocturna &c. Sæpe præbentibus, & præter medicamenta recensita, cinnabaris nativæ, terræ signatæ, mithridatii &c. usum salutarem ideo expertis. Subinde quoque continuæ catarrhales notatæ fuerunt, majori vehementia, post horrores, magno calore circa vesperam crescente, nec non cephalalgia & virium languore periodum suam decurrentes, sed continuato blandorum diaphoreticorum & alexipharmacorum usui cedentes. Intermittentes illæ præsertim tertianæ, in æstate se in plures utriusque sexus, omniumque ætatum diffundebant; imo in autumnum usque passim se exerebant; nec deerant in diebus canicularibus, calore non admodum molestis, sed per primum decendium in primis frigidiusculis & humidis, postea serenis & calidis, circa finem autem pluviosis, quos malignæ, pustulis crystalinis stipatæ, & nisi alexipharmacis mox atque sedulo obviam ipsis iretur, lethales invaderent.

Post

Post caniculares varia aeris temperies, zephyrique & euri alternatio, illo autem circa d. 8. Septembris prævalente, plurima pluvia & horridiuscula aura per aliquot dies infesta erant; cui fortasse dysenteria tum ingruens non male adscribenda fuerat; quanquam & metum ex turbis bellicis, quæ urbem ubique cingebant, & ultimam incolis internecionem minitabantur, incessum, quin & cerevisiæ recenter coctæ nec satis defæcata potum contulisse suum symbolum, sit credibile; quibus tonum ventriculi atque intestinorum labefactati, succosque naturales visciditatem & acorem contrahere, non est dubium. Quamvis illa raro graviori insultu noceret, atque ex chyli acrioris vellicatione potius inducta videretur, cum sine prævio vel notabili calore assive symptomatibus, præter tormina tolerabiliora & stomachi gravitatem, mox in principio cruentæ dejectiones contingerent; facile etiam, post rhabbarbari tosti (quod solum quandoque curæ sufficiebat) & moderatum stypticorum vel traumaticorum, catechu, tormentillæ &c. cum pauculo opii accessu, usum recederet: in nonnullis, ubi stomachus cruditatibus oneratus indicabatur unicum lene vomitorium, quale vel unicum tartari emetici granum suppeditabat, opem tulisse observatum fuit. Præter hunc cruentum fluxum, postea diarrhœa quoque frequenter ingruerat, eadem fere methodo curata. In Autumno insuper morbilli frequentissimi, & solitis symptomatibus febrili nempe, quandoque ad delirium usque intensa sanguinis effervescencia, tussi, oculorum inflammatione stipati, cæterum sine magno discrimine (ita ut non pauci etiam sine decubitu, & pharmacis easdem paterentur) suum decursum intra breve tempus, octiduum ut plurimum, sub pulveris Pannonici, antimonii diaphoretici &c. usu feliciter absolverant, adultiores etiam ac juvenilem ætatem frequenter pari, sed intensiori insultu tractaverant.

Æquinoctium autumnale cum zephyro austrinam ut plurimum constitutionem adducebat, usque ad Novembris initium, ubi eurus crebrior serenos ac nebulosos dies aliquandiu interponebat; quem post medium Novembrem excipiens auster plures serenos dies quoque producebat. Tandem vero December multas nebulas & magnos zephyri impetus, cum vario aeris, nebuloso tamen potissimum ac nubiloso statu adferebat; post solstitium autem hyemale eurus horridiorem auram ac frigus intensum pariebat, sicque cum anni fine præsentiam hyemis ostendebat. Interea febres malignæ superius indicatæ in plures se diffundebant, multosque trucidabant, præcipue cum urbs diuturna quasi e longinquo obsidione cincta, vario infortunio quin & postea hostili insultu (ubi cives insueta continua per aliquot dies sub Jove frigido & humido in excubiis statione plurimum defatigabantur) atque fatali præcipue igne gravissimo premeretur, ac subsequa infelici deditioe multivaria torqueretur ac enervaretur: quanta vero ab externa hac aeris & fati iniquitate sanguini labes fuerit impressa, vix opus erit pluribus exprimere: Omnes maligna febre decumbentes, atque ut pyrobolorum periculum evaderent, in tutiorem urbis partem deportati, quantum scio, perierunt; infantes etiam morbillosi eandem ob causam ignis metui subducti, diuturniori postea tussi & hecticæ discrimine salutem hanc suam redemerunt.

In Anno 1704. hyemali frigori continuando eurus multum perrexit, usque dum post solis in signum Aquarii ingressum zephyrus, pluviiis crebrioribus, cum nive tamen & serenitate alternantibus, gravidus, temperatiorem auram produceret; quæ equidem temperies ita continuavit, ut vernalis constitutio deinde citius, quam pluribus aliis præcedentibus annis, compareret, atque cum aeris ac ventorum non adeo ingrata mutatione diu, usque in mensem Junium perduraret: quamvis circa solstitium æstivum pluviam frequentiores essent, major tamen serenitas, silentibus ut plurimum ventis, cum ineunte Julio redibat; quæ ipsa continuans, caniculares dies admodum calidos, grato tamen pluviarum interventu subinde mitigatos efficeret; usque dum occidente Sirio, a d. 19. Augusti ad finem usque ejusdem mensis, Solis nunquam a nubibus interrupti radii fervorem intenderent; sed cum d. 2. Septembris acrior insurgens zephyrus frigidiusculum

ac pluviosum aerem per quintiduum produxisset, & succedens ipsi eurus quatrimum serenitate ornasset, zephyrus tamen mox iterum dominio potitus, frigidus ac pluviosus dies (serenis tamen quandoque intercurrentibus) reproduxit. Interea febrium puncticularium malignitas (horrore, virium lapsu appetitu prostrato capitisque ac dorsi dolore primo se prodens, in nonnullis amaritie oris, anxietate præcordiorum, fluxu alvi seroso, bilioso, quandoque sanguinolento, tussi &c. concurrente) magnam circa anni principium incolarum stragem dare continuavit, ut quinque primis mensibus ultra mille ducentos homines, (quos inter equidem plures quam centum & quinquaginta milites Galli fuerant) tum aliis morbis, tum hac febris potissimum demortuos numerare licuerit; cum alias per integrum annum tot urbs non videbat. Ubi quidem tantæ cladis causam non tam morbi atrociam, quam ægrotorum in prima morbi invasione ab ipsis parum æstimati negligentiam, atque ob prægressas ac indies renascentes, quin majores subinde ab insensissimmo inquilino hoste pertimescenda calamitas, vitalium succorum enervationem ac depravationem accusare possum. Quæ ipsæ etiam miseriæ aliis morbis, ictero in primis, verno tempore multos invadenti, ansam suppeditare, bilemque justo viscidiorum, atque ita ad obstructions excitandas proniorem reddere potuerunt; prout non minus eodem ex fonte tertianas ac quotidianas febres frequenter tum, & reliquis etiam anni partibus se exerentes profluxisse credibile est: Unde etiam haud differentibus remediis ut plurimum, & quidem facile tolli potuerunt; quæ inter arcanum duplicatum non saltem vi qua pollet incidendi & aperienti, sed quoque correctas hac ratione biliosas impuritates in multis per alvum educendi, egregie profuisse expertus sum. Cæterum mense Junio dysentericæ in scenam prodire, & usque in Octobrem observari, in Augusto in primis plures invadere cœperunt, ut non facile domus, quæ immunis ab ea foret, inveniretur; atque licet malignitate carere viderentur, plurimos tamen, minoris æque ac perfectioris ætatis homines trucidarunt, ut defunctorum numeros, qui mense Junio & Julio nonnihil decrescere inceperat, in Augusto & Septembri admodum augetur; quod equidem non morbi truculentia, sed incauto in cura regimini adscribendum arbitror; cum variis domesticis, ut vocant, præter rationem propinatis remediis unice confidens incauta plebecula, vel etiam multivarie diætam negligendo, aut justo tardius Medici opem implorando, vehementer peccaverit; neque tamen negari potest, aliquot ægrotantes brevi tempore, deglutito ex gr. cochleari spiritus vini cum pulvere nucis moschata, morbi primordia eluisse; ubi nempe non tam dysenteria, quam simplicior diarrhœa, a ventriculo cruditatibus labefacto, adesset; prout etiam non paucos sumpto mox rhabbarbaro nonnihil tosto, vel sibi relicto, immunes esse factos scio. Quod etiam rhabbarbarum in principio curæ, vel durante morbo, ubi stomachus gravari sentiretur, profuit. Radice Ipecacanha non fui usus, neque ejusdem vi emetica opus habui; aliquibus vero, quibus vomendi conatus erat molestus, cum convulsivi quid adesse ostenderet, præter externa calefacientia spirituosa, idem rhabbarbarum in pauca quantitate ad gr. xij. xx. cum coraliis rubris, vel terra sig. &c. mixtum, felici cum successu propinavi. Reliquum curæ per absorbentia, & acridinem humorum temperantia potissimum fuit peractum; ubi præter dictam terram sigillatam, coralia, flores ferri, crystallus in primis montana egregiam opem attulit, quibus ubi nimia dejectiones molestæ erant, adstringentia ex catechu, radice tormentillæ &c. in pulvere, electuario, pilulis, tinctura, dosi non nimis larga, sed sæpius repetita, & quando dolores admodum urgebant, laudanum cydoniatum, extractum opii, vel theriacæ cœlestis moderate addita, profuerunt: potum eadem radix tormentillæ, caro cydoniorum sicca, cum paucis cinammomo & saccharo in aqua cocta, convenientem præbuit; neque vinum Neccarinum, aut Tirolense antiquum rubrum noxam attulit, cum raro febrilis calor jungeretur. Undenam vero origo hujus mali sit deducenda, anceps hæreo. Fructuum horreorum immoderatū esum multis nocuisse non dubito; cerevisiæ haud probe defæcata potum plurimos

in hunc morbum præcipitasse, eo magis est credibile, cum non paucos jam convalescentes, vel cum malo adhuc conflictantes, unico etiam haustu cerevisiæ in recidivam lethalem incidisse, aut doloribus auctis, gangræna intestinorum obiisse noverim; contagium insuper non raro ægrorum numerum auxisse, successiva in una eademque domo invasio suadere posset; bellicæ vix tolerabiles adversitates, cum fœtoribus ex varia militis Galli spurcitie, & excrementis equinis stramini semiputrefacto immixtis, quorum copiam insignis equorum multitudo indies publice in plateis, nec non in ædibus cumulaverat, quid efficere valuerint, neminem fugere potest; intensus ille aeris calor, spirituum & sanguinis vigorem minuendo, quantum obesse queat, in me ipso sum expertus, qui nullo in cibo potuve errore commissio, ob continuas tamen per integros dies Sirio urente, ægrotorum visitationes, & sudorum inde largiores effusiones, defatigatus, post biduanam levem diarrhœam, eundem cruentum fluxum pati coactus fui: qui licet magnopere me non affligeret, vires tamen mox adeo debilitaverat, ut diuturniori earum recollectione opus habuerim, ad roscidas nempe & balsamicas lymphæ particulas restituendas, ac segnius per vasa circulantibus vitales humores ad naturalem motum reducendos, cum lymphæ depauperationem & crassitiem ex variis signis colligere licuerit, unde salinæ aciores in ea particulæ concentratæ per tubulos minimos intestinales segnius moveri, spiculisque suis pungendo nocere potuerunt. Erant quibus inconsutæ muscarum multitudini causam adscribere placuit, quarum nempe excrementis cibus potusve contaminatus turbas hæc in corpore concitaverit, quod suis domesticis ut persuaderet curiosior aliquis paterfamilias, carnem spurcitie tali imbutam cani devorandam dederat, qui ipse mox scædo isto morbo correptus fuerat. Neque tamen alii etiam morbi per æstatem & autumnum aberant: Ut Variolas pueris æque ac adolescentibus magis molestas quam periculosas, adultiores etiam non paucos in exigua copia & fere sine morbi sensu invadentes, febres insuper petechiales, nec non puerorum verminosas, & cum uterinis malis sociatas M. Julio observatas taceam, M. Augusto arthritidis vaga masculinum præsertim sexum satis obstinata, multos etiam angina notha prompte remediis cedens, excruciauerant. In adulto autem Septembri, nec non Octobris initio febres continuæ pustulosæ plurimos in adulta æque ac puerili ætate constitutos cum præcordiorum angustia, inquietudine, deliriis, angina spuria, pustulis albicantibus universam corporis peripheriam occupantibus, rarius inferiorem saltem abdominis partem occupantibus, invaserunt, in cuticulæ tandem desquamationem, prævio tædio pruritu, abeuntes. Quas (præter icterum, martiatas remediis, acidulis præsertim & essentia Martis D. Ludovici haud ægre cedentem) tertianæ & quotidianæ irregularibus paroxysmis Medicorum exercentis patientiam, exceperant; ibi alexipharmacis temperatis, hic pro diversa morbi natura, biliosam tamen intemperiem ut plurimum ostendente, arcano duplicato & cortice Peruviano officium suum egregie præstantibus.

Reliquum anni, sub moderato aeris & ventorum alternantium statu, tranquillius fuit peractum, morbis epidemicis cessantibus, ac reliquis etiam, quos sporadicos vocamus, rarius occurrentibus; cum cæli non tantum elementia, sed etiam ob hostes ex urbe profugos, totaque vicinia expulsos, civium animi novo vigore animalii, morbosas dispositiones feliciter averterent.

Cum zephyrus, Anno 1705. illucescente, moderatis nivibus terram conspersisset, eurus succedens, die duodecimo frigus hyemata induxit, aeremque per biduum ferenavit, mox tamen iterum nubibus textit; quibus circa finem primi mensis denuo discussit, d. 8. Februarii, post nebulas, cum zephyro crebriores nives deciderunt; & aliis quandoque ventis, euro noto in primis, austro, & zephyro borea interpolatus zephyrus diversas aeris temperies impressit, donec circa finem mensis eurus serenitati favens nivium liquationem successive promoveret; Quæ serenitas ad vernale usque æquinoctium continuavit rarius nebulis, & semel nive interrupta, frigore autem comitata.

Post æquinoctium variæ subinde ventorum mutationes, & frequentiores pluviae vernalem gratiam retardarunt, atque Aprilem potissimum (cujus dies decimus nonus vespere, alta, sed paulo post rursus liquata nive,

sine Cereris & Pomonæ noxa, terram oneraverat,) nec non Majum valde inamœnum atque frigidiusculum reddiderant, sicque morbosas corporibus humanis dispositiones, & tertianas præcipue febres procrearunt; quæ licet jam in Januario sparsim comparerent, in Martio tamen, Aprili & Majo plures invadere cœperunt, gravi cephalalgia & præcordiorum pressione, rarius præcedaneo horrore, molestæ, sed post cholagogi aut emetici usum, chinchinatis medicamentis ut plurimum non difficulter superari potuerunt; quod observare etiam licuit, cum circa finem Maji vires fumendo, plurimos in urbe, quin & vicino agro invaderent, post horrorem magno atque sæpe ad deliria usque intenso calore ægros torquentes. In Martio quoque pleuritides veræ, non admodum vehementes & exquisitæ, blandioribusque diaphoreticis & pectoralibus, sine venæ sectione, interdum etiam absque suppuratione, curabiles; circa Aprilis autem finem apoplexiæ lethales passim observatæ fuerunt. Febris porro scarlatina in Aprili, Majo & Junio in plurimos variæ ætatis, sexus & conditionis homines, quin totas etiam in familias sese diffudit, post exiguum, aut nullum horroris sensum, faciem primo inflans & rubore suffundens, postea universam cutem maculis vel tuberculis rubris, crebrioribus, latioribus, interdum magis, quandoque minus, quam in morbillis rubentibus, interdum quoque totam cutem unica quasi macula tingens, ad duas tresve potissimum dies persistens, quin diutius quandoque & per octiduum durans, modo in squamulas abiens, modo insensibiliter discussa. Nullum equidem vidi qui periculose ex ea ægrotaret; nonnullis tamen, ob majorem sanguinis effervescentiam, diaphoreticis temperatioribus, antimonio diaphor. terra sigillata unicornu fossili &c. succurrere opus fuit; aliquibus libero se exposuisse aeri, & sine medicamentorum usu, nunquam decubuisse haud nocuit. Quo in morbo licet Clariss. Th. Sydenham in *observ. med. circa morb. acut. historiam* sect. 6. c. 2. omnem medicamentorum usum intermittat, in libello tamen, qui ejus nomen præ se fert, & *Processus integros in morbis curandis* ab eo conscriptos exhibet, atque Londini typis prodiit, medicamenta supra memoratis similia non improbari deprehenditur; cujus eo lubentius mentionem facio, cum Libellus iste in *Ephemeridum nostrar. Dec. 2. Ann. 10. Appendice* recusatus censuram acerbiorum cujusdam Anonymi subjerit, qui anno 1693. Londini eundem denuo impressum publicare voluit, nostrum *inepta mole inutilem*, nescio quo jure vocans, cum tamen idem omnino cum Anonymi specimine sit, atque juxta exemplar (cujus viginti circiter tantum Londini primo fuerunt impressa) ab Exc. D. D. Mich. Fausto, Argentoratensi, jam Medico Francofurtensi ad Mœnum dexterimo, Acad. N. Curioso, cum ex Anglia redux Norimbergam transiret, beato nostro Præsidi, incomparabili D. Volckamero, tunc temporis in edenda prædicta appendice occupato, communicatum, ingenue recusum fuerat; ut ita quo pacto non irrepsisse, sed accessisse ephemeridibus nostris dicendus sit, Lector benevolus inde cognoscere valeat.

Mensis Junius multam ventorum omnium vicissitudinem ostendere pergens, serenitate quidem ut plurimum gaudens, crebriori tamen frigore inamœnus comparuit; elapso autem primo octiduo, constantior zephyrus, post pluviarum frequentiam, temperatiorem auram reddidit; quam ante solstitium æstivum, calores, circa finem mensis remissiores facti, insequabantur; cum interea serenos dies pluviosi sæpius interpolarent, ideoque tolerabili sæpius temperiei ac telluris fecunditati faverent; usque dum una cum Sirii ortu calores ingravescerent, & usque post ejus occasum continuarent, multamque terræ siccitatem adferrent; nisi quod sextiduum ante occasum caniculæ deciduis cum tonitru & fulgure pluvii eadem refocillarent; quas eo ubiores postea per Septembrem zephyrus adduxerat, post intensiores illos calores temperiem admodum humidam & frigore horridiusculam reddiderat, simulque catarrhis glandulosas in primis & musculosas colli exterioris partes obnoxias fecerat, temperatiori tamen aeris regimini non difficulter cedentibus.

Post æstivum æquinoctium continuante ventorum varietate, serenos dies plures usque ad Novembris initium vidimus, quos dein multa hyemis indicia sunt secuta, & juxta cum aura frigida, nubibus & nebulis aer turbidus,

bidus, atque modo in pluvias, modo nives resolutus, humidam admodum constitutionem effecerat, usque dum tandem post hyemale solstitium, prævalente cæteris ventis Austro, quæ ab ea denominatur austri-na temperies succederet. Interea lymphæ viscidæ & falsæ (ab humida aeris post magnos æstivos calores intemperie probabiliter coacervatæ) stagnationes non deerant, Odontalgia præcipue, sed tolerabilis, in pluribus ob conjunctam cephalalgiam magis molestæ; quin & tussis humidæ contumacioris, nec facile sine absorbentibus abigendæ feraces. A qua etiam hæcticæ febris, quæ nonnullis insidiabatur, & non minus medicamentis potissimum acredinem temperantibus haud difficulter cedebant, origine derivare licebat.

~~~~~

## EPISTOLA RESPONSORIA SECUNDA

A THOMA SYDENHAN, M. D.

D E

LUIS VENEREÆ HISTORIA,  
ET CURATIONE

AD HENRICUM PAMAN M. D.

*Doctissimo, Amicissimoque Viro*

THOMÆ SYDENHAM M. D.

**M**agnum rei medicæ exortum est & lumen, & commodum, Vir Clarissime, ex consummata tua de Morbis Acutis historia, eaque sedula observatione, & fida experientia stabilita, non lucri aut famæ aucupio scripta, sed sincera fide & mente honesta; Cum tibi amplum satis theatrum sit officium fecisse, & præsentī sæculo quovis modo profuisse. Ipse hætenus celavi penitus quod volui, at fortasse quid jam parem tibi e longinquo subolet. Qui laudat quod facis, urget ut facias quod adhuc laudetur. De morbis Acutis scribere summa difficultas est, utpote quos tam rapida volvit rota, ut nisi opportuno sistatur sufflamine, in præceps ruat vita, nullis in posterum auxiliis, nullis suppetiis redimenda. Tu singula eorum momenta notas, & quid quovis temporis articulo fieri necesse sit. Opus quidem perfectum, & absolutum, cui nihil addi poterat, nisi majus promiseris. De Morbis scilicet Chronicis. Hi inducias ferent, & tutiores examinandi, & judicandi moras.

Sæpe nobis incidit sermo de propudio illo Morbi Venerei, ejus ignominiosam originem Gentes Europæ a se invicem sedulo satagunt propellere, & ut ejus magis adhuc occultentur vestigia, ad ipsos Indos remotissimos amandant. Scortatorum audit flagellum, furiosa, & indomita libidini apertissime respondens pœna; eo fortasse sine tardius remota, ut tanti constet pœnitere. Et humanitatis, & peccati simul sensu taletus videbatur, qui palam optavit impurissimam hanc luem semel tantum curari posse. Cum jam autem ad Agyrtas, Tonsores, & infimos quosque sciolos ejus sæpe devoluta sit curatio, illi aut fraude, aut imperitia magno eam sumptu, majori etiam molestia tandiu differunt, & protollunt, ut vita plane tadeat inter carnificum tormenta, & longissimas Medicinæ moras protrahat, & fere levius sit agrotasse, quam sanari. Jus igitur promissi, amice tamen, exigo; præmittas oro, in arrhabonem reliquorum, si quid habes hac in re confectum. Humaniter, & sincere explices qua methodo, quibus auxiliis hoc morbo captus se redimat quam queat minimo. Satis est ut æger sub Deo, non etiam pejus sub Medico vapulet. Hoc gratum pluribus fiet, & ad me aliqualis saltem pars gloriæ redibit, utpote cujus precibus desideratissimum hoc opus in lucem dederis.

Tibi omni officio addictissimus,

Ex Ædib. Lambeth.

Febr. 12. 1679. 80.

II. PAMAN:

*Ornatissimo, Eruditissimoque Viro*

HENRICO PAMAN, M. D.

*Divi Joannis Cantabrigiensis Socio, Academia Oratori Publico, & in Collegio Greshamensi apud Londonenses in Medicina Professori.*

**Q**uanquam cum, quem de *Acutis Morbis*, Vir Spectatissime, nuper edidi Tractatum, quæ est tua tam humanitas, quam animi in me propensio, ceu opus undique consummatum deprædicare digneris; usque adeo tamen tenuitatis tum istius opellæ mihi sum conscius, ut me nihil aliud egisse existimem, quam viam præmonstrasse, qua qui ingenio magis valent, dictorum morborum & historiam & curationem queant investigare.

*Fungor vice Cotis, Acutum**Reddere quæ ferrum valet, exors ipsa secandi.*

Et profecto ita multiplex, incerta, & delicata, ut ita dicam, est natura, atque ita ludit in his morbis producendis, ut unius non sit hominis, utut vivacis, varia eorum *περιόδια*, & curationes iisdem accommodatas graphice depingere. Unum hominem dixi? quid quod vel decem quidem homines per tot sæcula sibi invicem succenturiati, atque iidem tum maxima ingenii vi, tum indefessa industria præditi, tum etiam in praxi quæ numerosas observationes suppeditaret versatissimi, perpulchre hic operam suam collocare possint? Tantum abest, ut ad artem medicam vel pervenerim ipse, vel me putem pervenisse.

*Mecum habito, & novi quam sit mihi curta supellex.*

Morbos istos *Chronicos* quod attinet, quorum historiæ proscribendæ spem tibi feceram, ita penitus animo meo insedit ejus rei studium, ut non tam alia de causa, si bene me novi, vitam mihi prorogari exoptem, quam ut istiusmodi aliquo conamine communi hominum utilitati inserviam. At vero singuli me dies docent, quam sit arduum cœptum id, & quam periculosa plenum alex (mihi præ cæteris qui isto ingenii acumine atque solertia, quibus hic est opus, non satis valeo) cum apud Scriptores rei Medicæ (Divinum *Hippocratem* si demas, atque alios paucissimos numero) vix ulla deprehendi queant vestigia, quibus adjutus per rerum avia spinis & sentibus impedita iter faciam; cum quæ promittunt subsidia Authores & lumina ostentant, magis Ignēs Fatui sint, quam veræ faces, & in salebras potius ac præcipitia sequentem agant, quam mentem fideliter & recte dirigant in genuina naturæ methodo indaganda atque invenienda, utpote quorum scripta fere omnia *Hypothesibus* innituntur, quas peperit lascivientis ingenii & phantasiæ luxuria; ipsaque adeo morborum Phænomena (in quibus eorundem historia vertitur) prout ab iis describuntur, ex eadem Hypothescon officina prodeunt; quin & ipsa praxis, qua morbos agrediuntur (quod humani generis pestis est certissima & pernicies) ad hujusmodi postulata componitur, non ad rei veritatem. Usque adeo grassantur, & regnant fere in singulis paginis cerebroforum hominum commenta, jacent interim naturæ judicia. Quibus non obstantibus, si vitam Deus atque otium concesserit, experiar fortassis aliquando quid valeant humeri. Impræsentiarum, ut animum agnoscas in tui obsequia paratissimum, en tibi offero, ceu ejus quod molior operis specimen, Dissertationem hanc, brevem illam quidem de *Lue Venerea*, & quam solam adhuc prælo adornavi.

Primum autem id attingere volo, me haud paucos convenisse, qui sive præ studio honesto quidem eo, incontinentiores a peccato coercendi metu infecuturæ pœnæ, sive ut castimonix laudem sibi arrogarent, non dubitabant asserere *Luis Venereæ* curationem docendam non esse. His ego non assentior, utpote qui existimem nullum fere locum charitati atque operæ mutux relictum iri, nisi ea quæ sibi sua ipsorum culpa improvidi accersunt mala, humaniorum officiis farciantur. Omnipotentis Dei est fontes castigare, nostrum vero miseris pro virili succurrere, atque ægris opem ferre; non autem curiosa causarum inda-

gatio-



gatione illos acrius urgere aut censorio vexare fastu. Tradam itaque quæ in hoc morbo observavi atque expertus sum: non quo hominum animos deteriores efficiam, sed ut corpora (quod mihi negotii datum est) reddam saniora.

\* *Lues Venerea ex India primum Occidentali An. Dom. 1493. Europam* appulit; cum ante id tempus ne quidem nomine tenus, quantum scire licet, nostro orbi innotuerit: Unde etiam morbus vulgo censebatur iis tractibus *America Endemius*, in quos nos primi Colonias deduximus. Mihi vero potius e regione aliqua *Nigratarum Guinea* conterminorum originem traxisse videtur; cum a plurimis nostratum, iisque fide dignis, qui *Insulas Caribes* dictas incolunt, didicerim, mancipia recens a *Guinea* allata, etiam antequam in terram descenderint, tum alia ibidem degentia hoc morbo tentari, nulla copula impura prægressa; ita ut non raro universam aliquam eorum familiam, viros scilicet, mulieres, liberosque male mulcet. Neque ista lues quæ afflictissimos hosce sæpe sæpius invadit, vel hilum a *Venerea* nobis dicta, quantum ego quidem intelligo, quoad symptomata, *Dolores* scilicet, *Ulceres*, &c. habita nempe diversorum climatum ratione, videtur discrepare, licet nomine prorsus abludat, cum *The Yavus* ab illis dicatur. At nec medendi methodus qua utuntur illi, a nostra abhorret, utrobique enim *Salivatio* ex *Hydrargyro* utranque facit paginam; non obstante eo quod hic apud nos dicitur de *eximia Gujari & Salsaparilla* vi, quam in natali solo exerant, quæ ex longo ad nos itinere tantum non exhausta putatur. Probabile itaque mihi videtur *Hispanos*, qui in Europam primi hunc morbum traduxerunt, eodem infectos fuisse ex contagio *Nigrorum* emptorum in *Africa*, quorum genti alicui (multi enim sunt populi *Guinea* confines, apud quos invaluit mos ille barbarus homines Europæis mercibus permutandi) *Endemius* esse potest. Ut ut sit, contagiosa ista lues paulatim serpens, has orbis terrarum partes eo usque inquinavit, ut si ea celeritate grassaretur adhuc qua primum invasit, intra sæcula aliquot actum esset de genere humano, vel saltem nosocomiis de cætero addictum, prorsus impar esset iis rebus gerendis, quibus continetur hominum societas: nisi quod vegetabilium instar in alienum a patrio solum quasi transplantata, Europæo nostro non perinde lætatur, sed languet indies, & mitioribus phænomenis fatiscit. Novus apud nos hospes cum esset, si quem arripuerat, mox omnem sanguinis massam contaminabat, & diris capitis atque artuum doloribus, tum etiam ulceribus variis in partibus se prædebat. At vero centum retro annis *Gonorrhæa Virulenta* species se primum ostendebat, ostenditque adhuc, hac sibi porta exitum quærens; nullo alio manifesto symptomate, nisi quod in perpaucis ulcusculum in pūdendo (vulgo *Shanker*) primum morbi est indicium; cuius virus cum per gonorrhæam non ejiciatur, sanguinis massam dicto citius pervadit inficitque.

Propagatur autem Venerea hæc lues vel per *generationem*, unde misellus infans ab inquinato parentum intero mala ducit staminis vitæ, vel per *contactum mollioris alicujus parvis*, quo virulentia atque inflammatio corpori insinuantur ex occasionibus hoc in loco dicendis. Primo, in lactatione v. g. vel *Infans* nutricem per rariores mammarum poros, vel *Nutrix* infantem per os tenerum inficere potest. Secundo, infantes si nudi cum inquinatis in eodem lecto dormiant. Licet enim adulti, quorum caro jam firmior ætate obduruir, vix nisi intercedente impuro coitu, quamvis simul dormiant, possint infici, infantium tamen laxior caro & texture rarioris venenum facile excipit, quod non semel observavi infantibus a genitoribus, quibuscum dormiebant, infectis contigisse. Tertio autem, partis mollioris contactus maxime in coitu impuro fit, ac proinde eo pro cæteris modo serpit lues; cum scilicet penis spiritibus generationi dicatis turgidus, a Venereo sive ulcere, sive etiam pustula in uteri vagina stabulante, noxam de facili haurit, quorum alterutro intus latente mulier nihilominus sana videri potest; veneno nempe vel istarum partium illuvie ita detento ut segnius invadat sanguinem, vel per menstruas purgationes diluto sæpius,

& quadantenus exterminato. Contagio hæc carnosam virgæ substantiam, quantum ego judico, primum adoritur, quam quidem corrumpens, eidemque primo inflammationem, mox ulcerosam *διὰ δειν* sensim inducens, efficit ut sanies, qualem in *Gonorrhæa* cernimus, in urethram lente extillet: quod ut credam, hac ratione promoveor; ipse scilicet vidi virulentam hujusmodi materiam per substantiam glandis porosam exudare, non per urethram ejectam, nulloque ulcere vel glandem occupante, vel præputium. Tandem vero altius penetrans, glandulas *Prostatas* efferato ulcere solet depascere; quod haud raro cernitur in eorum cadaveribus, quos hic morbus e medio sustulit.

Gradibus mox dicendis procedit hic morbus, æger, (oculus aut serius, prout mulier, quacum consuevit, magis minusve fuerit inquinata, pro ratione etiam temperaturæ *μακρῆς* excipiendo magis minusve idoneæ) primum dolore genitalium insolito cruciatur cum quadam ratione quasi testiculorum; postea si recutitus non sit, macula primo morbillum jam erumpentem magnitudine & colore æmulans glandis partem aliquam invadit. Statim ab hujus maculæ exortu liquor quidam lente extillat, feminis instar, qui quotidie a feminis tam colore, quam consistentiâ recedens, flavescit tandem aliquanto dilutius ovi vitello; & in lue virulentiore intensioreque non modo virefcit, sed & aqueo humori permiscetur sanguine affatim tincto. Pustula jam dicta *ulcus* tandem fit, primo haud absumile, *Aphibis* infantium ora obsidentibus, quod indies latius & profundius depascatur, supervenientibus orificii callo & duritiæ. Animadvertendum est autem quod memorata pustula raro gonorrhæam comitem habet in iis qui aut jam pridem gonorrhæa laborarunt, aut recutiti sunt; utpote quorum glans tum ab aere cui exposita est, tum a frequenti linteorum attritu indurefcens, noxam non ita facile suscipit. Hujusmodi verpi igitur glandis ulcere fere non tentantur, sola *Gonorrhæa* dicto modo nascitur. Hanc alia mox symptomata excipiunt, ut primo magnus doloris sensus in pene quoties erigitur, perinde ac si valida manu transversus fortiter constringeretur, qui noctu præcipue urget, quoties in lecto æger cœpit incallescere, quam quidem constrictionem penis dolorificam morbi hujus in hoc statu existentis signum *καθ' ὄνομονικ' τανν* existimo. Incurvatur etiam vertrum a freno jam contractiore, quod cum in erectione extenditur pro natura sua, acutissimum dolorem affert. Accedit etiam *ardor urinae*, qui plerumque inter mingendum vix percipitur, at vero æger jam a mictu cessans per omnem urethræ ductum acriter admodum uritur, maxime qua in glandem desinit. Nonnunquam etiam erosa, atque exoriata urethra jugi puris acrioris fluxu, natura in carne nova vice jam perditæ justo occupatior laxam quandam & spongiosam substituit, quæ mole quotidie aucta & sensim indurata *Caruncularum* excrescentiis ita meatum urinarium infercit, ut tandem lotio non detur exitus; quæ quidem carunculæ nihilominus ex ulceribus sibi adnatis ichorem quendam evomunt, & tum Medico crucem figunt inter curandum, tum ægro magis ipsa morte timendum malum. Quinimo sæpe accidit ut sanies, quæ per gonorrhæam deplenda erat, vel a motu violentiori, vel adstringentium usu in scrotum deposita, atrocissimum dolorem & scroti inflammationem accersat, nunc alterutro, nunc utroque ejus latere in molem ingentem elato; Gonorrhæa interim progreditur tardius, at vero urinae ardor non mirius urget. Atque hæc sunt communiora morbi hujus symptomata; manente hoc ejus statu.

At vero quoties sive morbi diuturnitate & in dictis partibus mora contagium sursum fertur & sensim sanguini labem imprimit, aut materia virulenta debito adstringentium usu in corpore retenta humores putrescunt, *vera Lues* exoritur, in qua tumores sive *Bubones* sæpe in inguine comparentes primum ejus gradum constituunt. *Dolores* tum caput, tum artus in articulorum interstitiis, humores scilicet, brachia, & talos crudeliter laniant, nullo ordine invadentes, & per intervalla, licet noctu ægrum lectuli calore perfusum rarissime destituant, nec nisi sub auroram libenter evanescant, crustulæ etiam & *porrigines* varias corporis partes deturpant. Flavescent hæc ferme ad instar



instat favi, quò signo a cæteris omnibus queant internosci. Quandoque superficie latiore varia occupant corporis spatia ad eum modum, quò *Lepra* in Medicorum scriptis depingitur. Quanto autem magis scabies hæc diffunditur, tanto minus æger discutiatur. Univerſa symptomata pedetentim incrudefcunt, dolor præ reliquis, qui tandem eo usque exacerbatur, ut se nequeat miser diutius in lecto continere, sed protinus exiliens, huc illuc in cubiculo cursitet inquietus ferme, donec illuceſcat. Adde quod præ doloris vehementia cranium atque ossa tibiæ brachiorumque hinc inde attolluntur in perdura tubera, *Exostoses* dicta, excrescentiæ ossæ in equorum tibiis (vulgo a *Spavin*) haud absimilia; quæ quidem ossa tuberculis obſeſſa jugi dolore ac inflammatione tandem cariola redduntur & putrescunt. *Ulcera* etiam *Phagedænica* varias corporis partes depopulantur, quæ fauces ut plurimum primo aggredientia, sensim per palatum in nasi cartilaginem propagantur, quam mox absumunt, ita ut is jam fulcro destitutus plane concidat. Crescentibus in dies ulceribus, & dolore aucto, æger partim indefinente carnificina enectus, partim ulceribus confectus & putredine, vitam trahit cruciatu, fœtore, carie, opprobrio molestissimam, & quamvis morte longo intervallo miseriorem, donec tandem, pereuntibus per vices membris, lacerum cadaver, & jam superis grave, humo condatur.

Intrinsicam hujus morbi naturam, essentialem quam vocant, nisi quatenus ea ex istis, quæ jam depinximus, symptomatibus eluceſcat, non mihi magis perspectam esse arbitror, quam est essentia sive plantæ cuiuslibet, sive animalis: Quicquid vero de ea sit, certo mihi constat, humorem hunc committentem inflammationis haud mediocris participem esse, unde hæc tot malorum Ilias: constat etiam dictum humorem evacuandum esse, idque iis mediis, quorum efficaciam experientia, Medicorum magistra, suffragatur. Cum nondum inveniatur immediatum aliquod *Specificum*, cuius ope sine evacuatione prægressa lues debellari queat. Neque enim vel *Mercurius*, vel *Ligna Exiccantia* dicta, Specificorum titulo sunt donanda, nisi exemplis in medium allatis probare quis possit, vel Mercurium absque salivatione, vel lignorum decoctum, nullo subsequente sudore, luis Venereæ curationem quandoque absolviſſe. Utque experientia didici sudorifica vulgaria haud minus profeciſſe in hoc morbo quam lignorum decoctum, ita nullus dubito, quin si reperiri possit aliud quid, sive in regno vegetabili, sive animali, quod in excitanda salivatione pares cum Mercurio vires haberet, pariter etiam ad sanandam luem valeret. Quandoquidem autem hic morbus adhuc intra gonorrhœæ limites subsistens, longe ab eadem distat, cum jam omnem sanguinis massam contaminaverit, & venereæ luis nomen præcise mereatur; ita etiam evacuatio, qua gonorrhœæ materia ejicitur, alia prorsus est atque illa, qua lues jam formata eliminanda est.

\* *Gonorrhœam* itaque quod attinet, de qua primo agemus, in remediis *Cathartidis*, quantum hucusque usu comperimus, curationis omnis cardo vertitur, quorum auxilio vel educitur humor peccans, vel procuratur diversio succorum corporis naturalium qui aliter hosti in pabulum cederent. Quamvis autem tum ratio, tum experientia mihi dictant hunc morbum & quolibet demum cathartico sæpe diuque exhibito sanatum iri, ea tamen cæteris *Spasmodicis* mihi videntur, quæ bilem, maxime vero quæ ichorem serosum fortiter e sanguine expurgant & subducunt. Ac proinde sola *Jalapii radice* pauperibus aliquoties subveni, quorum tenuitati & rebus domi angustis consulendum erat. Cum vero & morbus conspicuam secum trahat inflammationem, & medicamenta purgantia, quibus expugnandus is est, calida etiam sint, *Dieta refrigerans* omnino est imperanda a carceribus, quod dicitur, ad metas.

Sic itaque soleo præscribere *℞. mass. Pilul. cochiar. maj. ℥iij. Extract. Rudii ℥j. resin. Jalap. & diagryd. an. ℥ss. cum s. q. Opobalsami f. Pil. e singulis Drachm. vi.* Quatuor ex his singulis auroris deglutientiæ sunt hora quarta vel quinta (ita ut æger

superdormiat) ad dies 12. vel 14. vel etiam plures, donec sc. urinæ ardor & materiæ semini formis color flavus admodum imminuantur; quæ cum pro voto successerint, satis esse autumo, si æger interjecto semper die uno, easdem reperat ad septimanas adhuc duas, quo tempore elapso, sufficit ut bis in septimana sumantur pilulæ, donec humor ex urethra stillare solitus prorsus evanescat, quod ut plurimum non nisi post multos dies contigit. Quamvis enim vulgo affirmetur, quod ejusmodi ichor qui ardore urinæ & flavo materiæ extillantis colore disparentibus, mane præsertim, in summitate colis digitis compressi ad guttulam unam alteramve cernitur, a debilitate tantum & a laxitate partium ob diutinam virosi fomitis in eis motam oriatur; miseri tamen experiuntur magno suo malo reliquias has esse contagii non penitus deleri; quod licet quadantenus subactum, ex levissima quaque occasione (a potu scilicet nimio, aut exercitio quolibet vehementiori aut simili alia) novas excitat tragædias, gonorrhœa postliminio recrudescente, si nempe æger catharseos molestiam defugerit, nondum extirpato radicitus morbo.)

Si post hujusmodi purgationem gonorrhœa nondum cedat, ex usu erit loco pilularum, maxime in iis, qui difficiliter purgantur, potentius aliquod medicamentum subinde intercalare, cujusmodi est potio sequens, quæ semel tantum hausta magis aliquando fecit ad sistendam gonorrhœam, quam leniora cathartica sæpenumero ingesta. *℞. Tamarind. ℥ss. fol. sen. ℥ij. Rhei ℥ss. Coq. s. q. aq. Colatura ℥iij. dissolv. Manna, & syr. Rosar. solut. an. ℥j. syr. de spina Cervin. 5. Electuar. e succo Rosar. an. ℥ij. M. s. s. porio.* Vel curatione tardius procedente detur *Turbith. minerale ad gr. viij.* tantum bis vel ter, idque interposito debito temporis spatio, ne forte oboriatum ptialismus, quod quidem remedium in eradicanda gonorrhœa pervicaciori facile primas fert. Vel bis in septimana pil. sequentes exhiberi poterunt. *℞. pil. ex duobus ℥ss. Mercur. dulc. ℥j. cum s. q. Opobalsami f. pil. iv. sumenda summo mane.*

Est autem ubi æger a catharsi dicto modo repetita usque adeo abhorret, ut ne conspectum quidem, vel odorem solum remedium ferre queat. Est etiam ubi corpus ex *ιδιουσκρασία* quadam ita pertinaciter purgantibus refragatur, ut debita peccantis humoris quantitas nequeat educi; atque ita dum impensius in hoc laboratur nullo cum fructu, lues tandem obrepit, quæ eos sæpiſſime ægros adoritur, quorum corpora cathartica fortius obſistunt: cum ita se res habeat, *Enematis* agendum est, quibus injectis utrique indicationi, humoris scilicet tum expurgandi, tum ab affecta parte derivandi satis fieri potest. Quin etiam hæc methodus expeditior est nonnunquam præmemorata ista, at non æque tuta, me iudice, cum prior illa licet diuturnitate molestior, minus tamen habeat periculi, ne qua contagiosi fomitis particula in visceribus hæreat, novos datura tumultus; Hoc vero incommodum facillime evitatur, si cathartica per os assumpta diebus ab usu clysterum liberis, mutuam iis operam commodent.

Hac itaque via incedo, *Pilulas* jam prædictas, aut alias ejusmodi duabus tribusve auroris continuis exhibendas curo; postea *Enema* sequens mane, & hora quinta pomeridiana quotidie injiciendum, donec penitus cessaverint symptomata; nisi quod semel aut bis in hebdomade catharticum impero, misso de isto clystere. *℞. Electuar. e succo Rosar. 3vj. Terebinth. Venet. vitello ovi solut. ℥ss. dissolvantur in aq. Hordei ℥bj. Colatura adde El. Diacathol. ℥ij. m. f. Enema:* Singulis etiam noctibus *Opobalsami* vel *Balsami e Mecha gut. xxv.* sacchari frustulo exceptas concedo, sub lecti ingressu; quod quidem medicamentum, cum *Terebenthina* quoddam genus sit liquidum ac purum, iisdem quibus illa facultatibus pollet, & ulcerosæ genitalium diathesi apprime succurrit; hujus itaque defectu *Terebentina Cypria* ad quantitatem avellanæ dictis temporibus devoranda substitui possit.

Procedente curatione, quacunque ea demum methodo tentetur, ægro cibis omnibus sale conditis, vel alias dyspeptis (quales sunt carnes bovinæ, porcinae, pisces, caseus, radices, olera) & fructibus horariis quibuscunque interdico, quibus substituo carnem verveci-



vecinam, vitulinam, pullorum, cuniculorum, & cætera *ἐπιπνεύματα*, Volo etiam ut vel his parcissime utatur, tantum ut ægri vires non labascant. *Potus*, vino in genere abdicato, ut & liquore omni sive spirituofo, sive acceſcente, *Hydrogala* esto, ex tribus aquæ coctæ partibus & lactis una, nisi quod in prandio & cœna cerevisia tenuis in parva quantitate possit indulgeri, Ad contemperandam insuper inflammationem, & mitigandum ardorem urinæ, refrigerantem aliquam *Emulsionem* ad sequentis normam compono, in purgationum intestitio frequenter potandum, *℞. Sem. Melon. & Pepon. an. ʒss. sem. Papav. albi ʒij. Amygdal. dul. excorticat. n. viij. contund. simul in mortario marmoreo, sensim affundendo aq. Hord. ʒiij. Colatura adde sacchari Cryſtallini q. s. m. f. s. a. Emulsio.*

In temperamento admodum sanguineo, & affectu pertinacior, post mensem catharsi datum, aut circiter, ut plurimum *sanguinis Uncias octo vel novem* e brachio dextro detrahendas suadeo, ut maturius celebretur venæ sectio author non sum, ne hac *ποροποι* contagium penitus inferatur. *Injectiones* in urethram non magni facio, utpote quæ sive acrimonia sua mordaci, sive stipticitate non raro magis officere soleant, quam prodesse; veruntamen sub morbi exitu *Aqua Rosacea* in pauca quantitate potest injici.

Hæc methodo, quæ mihi semper pro voto cessit in gonorrhœa sananda, meliorem nondum comperi; maxime in iis qui facile purgantur. In iis enim qui purgantur ægrius, curatio, licet nunquam fallax, tamen non nisi post longum temporis spatium perficitur. In his itaque sanguis iterum mittendus, & acuenda sunt cathartica, tum etiam repetenda sæpius, atque in eorum usu diutius est perseverandum, aut clysteres modo jam signato usurpandi. Etenim *Catharsis* hic ad instar omnium est. Atque in hoc affectu, si in alio quopiam, vere asseritur, quod qui mundificat bene, bene favet: modo ab *Aquis Mineralibus* sibi temperet, quas certo mihi constat morbi reliquias e corpore eliminandas vi astringente & plus satis sanativa arctius constringere, & quasi clavo figere trabali; unde quod sæpius observavi, *Scroti tumores* enascebantur quoties in morbi principio, vel statu, pejoraque adhuc symptomata ut *Caruncula*, si quando sub ejus exitu potarentur. Quod quidem ego fidenter assero, quantumlibet ex more hodie recepto aquæ minerales in dicto casu haud raro præscribantur.

Neque sum nescius, quantum se ventitent Practicorum nonnulli in hujus symptomatis curatione, qua brevioris temporis spatium, qua reñediis magni nominis & tituli absolvenda; interim observatione plus satis frequenti certo deprehendi, materiam, quæ eliminanda fuit, astringentium vi in corpore detentam maximum ægris dedisse malum, ex qua per sæpe sanguinis massam de novo subiens ipsam demum luem parit. Nec majore cum fructu, licet periculo minore decoctum *Lignorum exiccantium* usurpatum comperi; quo scilicet, sub prætextu *Specificorum*, tum universum ægri corpus, tum præ cæteris affecta pars jampridem nimis incallescens ulterius adhuc inflammabantur; nonnunquam etiam *Gonorrhœa* quæ paulo ante evanuerat, quod me observasse memini, de novo in conspectum prodiit.

Animadvertendum est autem, quod si ægri glans præputio undiquaque contegatur, atque ejusdem ora præ inflammatione usque adeo tumida, dura, ac callosa reddatur, ut nullo modo queat reduci; laterem lavat quisquis gonorrhœam remediis purgantibus, fortissimis licet, & quotidie ad nauseam repetitis, aggreditur, nisi eodem tempore id agatur, ut pars ita affecta ad statum sibi naturalem redeat, sublatis & duritie & tumore, unde gonorrhœæ novus utique fomes subministratur. Quod quidem ego admolior *Fotus* sequente. *℞. Rad. Althææ, & liliorum an. ʒss. fol. Malv. Verbasc. Sambuc. Hyoscyam. flor. Chamæmel. & Melilot. an. M. j. sem. lini & Fœnugraci an. ʒss. Coq. s. q. aq. fornt. ut f. Fotus, parti affectæ admoveendus per horæ unius spatium bis vel ter in die.* Peracta fomentatione partem affectam *Oleo e semine lini* recentem extracto perungendam curo, deinde *Emplastrum e Mucilaginibus* alutæ agninae inductum

labiis præputii tumidis circumponendum. Quod si *Ulcus* vel in ipsius præputii labiis, vel in subjecta glande hærens sua callositate facit, ut illud non nisi ægre possit retrahi, præter fotum jam dictum sequens etiam *Linimentum* præscribo. *℞. Unguent. Basilici ʒvi. Unguent. e Nicotiana ʒij. Precipitat. aq. Ros. lot. & optime levigat. ʒss. m. f. Linimentum, quo lintei rasura imbuatur, & ulcusculo admoveatur post Fotus præscripti usum.*

Ubi vero sine quod justo maturius gonorrhœa sistatur, sive ab exercitio vehementiori, aut alia quacunque de causa, scrotum jam morbi sedes ab eadem in tumorem insigniorem attollitur, prædictum *Fotum* bis in die parti affectæ admoveo, modo non immineantur & dolor & tumor *Cataplasmate* vulgo noto ex *Oxyrato* & *farina Fabarum*. Hæc dum foras peraguntur, non desino remediis & catharticis, & refrigerantibus, quæ modo præscripsimus, introsumptis, tum etiam diætâ supra dicta hostem urgere; neque mihi religio est quovis hujusce mali tempore sanguinis ʒix. vel x. e brachio isto detrahere, quod testiculo tumefacto respondet, si tumoris magnitudo & vehementia doloris id mihi suadeant. Atque hæc hæctenus de *Gonorrhœa*.

\* Cum vero eo usque invaluerit morbus, ut jam *Venerea Lues*, vel *Lues confirmata* præcise dici mereatur, alia omnino porta quærenda est, & duriori huic nodo cuneus itidem durior est adhibendus: quandoquidem nullum adhuc experimentum, quod sciam, adferri possit extirpati hujusce morbi, nisi per *Salivationem* ab *Hydrargyro* excitatam: quicquid tam doctorum nonnulli, quam indoctorum de aliis sanandi modis satis temere & audacter effutiverint. Cum itaque *Salivatio* omnem hic numerum absolvat, id tantum mihi incumbit, ut quæ in ea excitanda, tum etiam regenda, & ratio (qualis qualis ea demum fuerit) & observatio rationi suffragata mihi dictaverint, edisseram.

In principio autem ne conjectura quidem assequi possum, quid sibi velint crebra ista monita, quibus de corpore remediis *Catharticis* & *Digerentibus*, balneo pura & cæteris id genus, rite præparando, ita serio cavetur; Ut de venæ sectione jam taceam, cui nonnulli hic loci primas deferunt. Cum enim, si veritati sit litandum, eo res redigatur, ut *Veneno* salivatio procuranda sit, (neque enim adhuc innotescit salubre aliquod medicamentum, quo possit excitari, neque æger sine ejus ope in tuto collocari potest) quæritur utrum corpori constantibus adhuc viribus, vegeto & valenti, ac proinde frangendis inimici conatibus haud impari; an eidem missione sanguinis & tenui diætâ jam debilitato rectius committatur venenum. Haud dubie satius esse duxerit æquus rerum æstimator nihil agere, quam ita importune satagendo nocere. Quid quod experientia testatur, nullis evacuationibus, aut alio modo infirmatos salivationis impetum multo melius sustinere, quam eos, quorum quasi ante prælium incisi sunt nervi?

Missio itaque damnoſo omni hujusmodi præludio, statim atque accersor *Unguentum* præscribo ex *Axungia Porcinæ ʒij. & Mercurii crudi ʒi*. Neque oleum aliquod e calidioribus, neque aliud quid admisceo; cum deterius fiat unguentum, si quod adjuncta ista frænum injiciant, & nihilo efficacius, si nihil prorsus agant: Et fortasse additamenta ejusmodi sub nomine *Correctivorum*, idem hic præstant (si quid tamen præstant) quod *Catharticis* adjuncta iudice experientia, solent præstare; tormina nempe excitant, & catharsin reddunt laboriosiores, a lucta scilicet inter antidotum & catharticum, cujus vis omnis purgans in eo posita est quod naturæ hominis inimicetur. Verum ut *tertia parte* dicti *Unguenti* brachia, crura, & tibias ad tres noctes continuas (primam qua accersor includo) manibus suis æger perungat. injungo; ita tamen, ut neque anxilla, neque inguina attingat uspiam, & abdomen panno laneo tenuiore circumposito & posterius confuto, a linimenti contactu diligenter muniat. Post tertiam inunctionem gingivæ ut



ut plurimum intumescunt, & *Ptyalismus* suboritur. Si vero intra tres dies post ultimam inunctionem idem haud procedat, tum gr. viij. *Turbith. Mineral. in Conservat. ros. rubr.* exhibeantur ægro; qui post singulas vomitiones aut sedes sumat haustum liquoris posseticici calide. Cum expuere inceperit, id jam medico negotii tantum est, ut gradum salivationis, scrupulose expendat, ne in vocatis temere suppetiis, salivationem eo usque evehat, ut æger de vita periclitetur. Ubi jam ptyalismus statum debitum fuerit adeptus (in quo expuuntur ut plurimum libræ quatuor spatio nycthemeri) vel symptomata, etiam si parcius expuat æger, evanescunt (quod plerumque contingit post quartam diem a statu salivationis) & indusium & tori linthea aliis, quæ a quo ultimo lavabantur, usurpata aliquandiu fuere, sunt permutanda: cum priora ista unguento infecta salivationem & magis quam erat opus intendere, & longius protrahere, quam ægro expediat, apta nata sint. Quod si forte prius elanguescat salivatio quam symptomata penitus disparuerint, extrimulanda subinde est *Mercurio dulci ad ʒj.* pro dosi exhibitio.

Nonnunquam accidit, præsertim in corporibus *ὑπερσθητικοῖς*, quod post unam vel alteram inunctionem (nempe simul ac hydrargyro sanguis affici inceperit) natura illico per intestina hunc hostem expellere satagat; unde non solum dejectiones mucosæ & tormina ventris, ut in iis qui dysenteria laborant, eveniunt, verum etiam curatio morbi impeditur, utpote qui salivationi tantummodo cedere soleat. In hoc casu a Mercurio sive extra applicito, sive intra assumpto, prorsus abstinendum, donec hæc symptomata penitus evanuerint; atque porro dictus alvi fluxus (qui plerumque accidit, antequam salivatio bene assurgat) sistendus est usu *laudani liquidi*, ita dosim augendo atque repetendo prout urget symptoma; aut *Diascordii sesquidrachma*, aliquoties, prout opus fuerit, devorata. Diarrhœa tandem cohibita, salivatio debito modo procedere solet, quæ antea vix appareret.

Convalescente de cæteris ægro, nisi quod os adhuc exulceretur (qui genuinus est ptyalismi fructus) salivatio quæ jam indies imminuitur, nec purgatione nec alio modo quocunque sistenda est: fieri enim potest ut etiam post confopitum dolorem, atque exiccata ulcera aliquid de morbi fomite adhuc in corpore delitescat, bella denuo moturum, nisi sibi permittatur sputatio illa moderata, quæ postquam redintegrata sanitate homo se auræ liberiori aliquandiu exposuerit, desitura est. Periculosum itaque esse arbitror ptyalismi jam abiturientis & mox evanitura reliquias *Catharsi* deducere, vel *Lignorum decocto* exiccare vellet; a qua praxi, quo vulgo obtinet specie vel Mercurii e corpore eliminandi, vel corrigendæ ejus malignitatis, nascuntur sine dubio frequentes istæ *Recidivæ*, quæ miseris accidunt, sanitatem tandem aliquando post tantum impensarum, tot exantlatos labores, tantum tædii devoratum anhelantibus, ad quam etiam certo pervenissent, si salivatio non nisi suo tempore determinaretur. Longe itaque consultius esset, ptyalismum promoveri *Mercurio dulci* semel in hebdomade exhibitio, etiam postquam omnino convalesceret & jam sub dio verferetur (quod & ego per menses aliquot fieri aliquando jussi) quam eundem præmaturius inhibere.

Quantumlibet autem a catharsi in salivationis declinatione ob jam dictas causas abhorream, fieri tamen potest ut in ejusdem statu ea nec prætermitti possit, nec debeat, quoties scilicet re male gesta consequi fuerit evecta salivatio, ut jam ægri vitæ metuantur: quo in casu non tutum modo est, sed & necessarium etiam cathartico ingesto ptyalismum ad eum gradum deprimere, ut cum ægri *ὑποεῖς* procedat, qui deinde suo juri relinquendus.

Si quis jam quærat, an nuda salivatione contenti esse debeamus, nec catharticis, nec aliis remediis solemnibus in usum, post eam peractam, revocatis? Respondeo, præter jam dicta, quibus & ratio adstipulatur, & experientia, me velle doceri, quam ob causam magis sit necessarium purgare post salivationem, quam salivationem excitare post catharsin, cum remedia purgantia (*Scammoniata* maxime & id genus actia)

malignitatis quidpiam in corpore relinquant, quod naturæ tamen committimus, cujus vi tandem subjungatur istud, quicquid est veneni, eo scilicet qui purgatus fuit ad regimen consuetum, exercitium, & libetorem aeris usum se recipiente. Atque id porro libenter scire velim, qua demum arte fratri Mercurii reliquias per catharsin expellere conamur, cum genuinam illam ac prope unicam methodum (per salivationem scilicet) qua natura id efficere solet ac debet, non solum negligamus, sed etiam impediamus? Hujusmodi autem hallucinationes minimis istis rationis scintillis imputandæ sunt, quibus nos miseri mortales tantum præditi, ad veritatem in profundo demersam non penetrantes, quamlibet ejus umbram & speciem amplectimur, pro Junone, quod ajunt, captantes nubem; mox colloquia miscentes, præjudicia male fundata ita penitus nobis invicem insignimus, ut tandem phantasmata nostra & delirantium insomnia pro principiis Apodicticis haberi velimus; cujus specimen, ni fallor, præ manibus nobis est.

Quamvis autem in plerisque curatio modo jam dicto absolvatur, viz. *Inunctione* per tres noctes continuas, & exhibitio *Turbith. Minerali*, ptyalismo haud rite procedente, *Mercurio* item *dulci* ad vices aliquot, eodem justo citius fatigante; serio tamen animadvertendum est, in quibusdam reperiri idiosyncrasiam sive temperamentum quoddam peculiare, tam salivationis respectu, quam purgationis (atque eadem plerumque in iisdem, ut qui ægre putgantur, ægre etiam ad ptyalismum perducuntur) ita ut in nonnullis methodus laudata vix gingivarum exulcerationem queat efficere, multo minus salivationem eam procurare, quæ malo eradicando par sit. In hujusmodi ægris Medico summo opere cavendum est, ne animo nimium obstinato salivationem importunius urgeat, recalcitrante natura, atque ab isto evacuationis genere prorsus abhorrente; quod qui minus intellexere ægros haud paucos letho dederunt: Etenim in corporibus ita factis, quotiescunque medicamenta, sive externa illa fuerint, sive interna, pertinaciter ingeminaveris, loco salivationis perfectæ nil præter ventris tormina, & dejectiones dysentericas obtinebis, natura per hanc portam hydrargyri virus amoliente; vel dolores ventriculi & ægritudines, sudores frigidos, horrendaque alia symptomata accerses, ita ut æger tantum non agat animam, forte etiam mox eam evomat. In his licet Medico concedi possit, ut postquam ad dies quatuor vel quinque a postrema inunctione salivationem frustra præstolatus fuerit, inunctionem jam sæpè dictam, & *Turbith. Minerale* denuo repetat (interjectis inter singulas inunctionum vices diebus aliquot) religiose tamen cavere debet, ne cum tanto conamine salivationem incassum sollicitaverint, eam per vim invitæ naturæ extorquere pergat. Hic itaque modus, quantum ego judicio valeo, Medico tenendus est, ut ubi primum vel ægritudo ventriculi, vel ventris tormina succedant, statim sibi temperet a remediis adhibendis donec ea penitus evanuerint symptomata; pluribus enim & fortioribus remediis ad cogendum *ὑπερσθητικῆς* salivationem accumulatis, *Dysenteria* certo certius tormina ventris, & ventriculi ægritudinem mors excipiet. Cum ex adverso si lente festinet, & moras trahat, *Mercurii dulcis ʒj.* semel aut bis in septimana exhibendo, vel per se, vel cum ʒj. *Diascordii*, si æger in diarrhœam propensior sit, tandem aliquando cum bonis ægri rebus optata potietur arena. Quantumvis enim ptyalismus ad plenum nunquam assurgat, æger tamen copiosius quam pro more solito expuet; & fœtor justæ salivationis comes neque immunitiorem hanc destituet; unde evincitur sanguinem & humores eam sive putrefactionem sive alterationem, quæcunque ea demum sit, attigisse, quæ vel parit salivationem, vel cum ea nascitur. Atque hac methodo universa hujus morbi symptomata tandem expugnabis, concessio utique debito temporis spatio.

Observandum est autem, quod licet salivatio remedia alia, qualiacunque ea fuerint, in extirpanda *Lue confirmata* longe exuperet, *Gonorrhœam* tamen cum lue concurrentem neutriquam valet sanare; nec sistetur illa, hac jam penitus devicta; unde recte colligitur



igitur nullam vim specificam mercurio inesse, qua Venerea lues immediate debellari possit; quamlibet *Specificum mediatum* forte dici mereatur, in quantum mediante *ptyalismo* morbum expellat, pari ferme *ματαχθῆναι* (quod alias subinvari) atque scalpellum chirurgicum laterali morbo specificum queat appellari. Sed ut ad rem redeam. Quoties *Lues & Gonorrhœa* una stabulantur, vel ante salivationem, vel ea jam peracta, Gonorrhœæ curatio tentanda est, quod & tutius sit, me iudice; & facilius etiam post finitam salivationem, cum luem habens comitem gonorrhœa ægrius dometur; quæ vero a prægressa salivatione quadantenus subacta fuit, minori negotio expugnari soleat. At vero cathartici religiose abstinendum est quousque vel minimæ salivationis reliquæ supersint; Quamobrem *Turbith. Minerali* semel aut bis in hebdomade exhibito securius rem commitemus, quam aliis purgantibus quibuslibet, cujus vi promovebitur aliquantulum *ptyalismus*, dum interim materia gonorrhœam comitans paulatim excernatur.

Porro observandum est, si tumor ossi alicui, *Exostosis* vulgo dictus, insideat, qui etiam tandiu permanferit, ut os jam carie afficiatur; incassum prorsus erit sive salivatione, sive alia aliqua methodo curationem aggredi, nisi etiam huic malo obviam eatur; ac proinde os ope *Caustici* denudandum, & quamprimum idem, quod ajunt, *exfoliandum*, usu scilicet remedium quæ intentionem hanc implere solent.

In *Ore exulcerato*, quod salivationem passis ita familiare, si vel æger dolori ferendo par non sit, vel eo usque illud excoietur ut sanguine diffuat, idem nocte dieque vel *aqua Rosarum Damascenarum*, vel *lacte aquæ permixto*, vel *hordei, radic. Althææ, & femin. Cydoniorum decocto* sæpissime proluendum est. Unicum hoc symptoma memorabile, quod scio, salivationi accidit, saltem quoties ea more debito administratur; & sane si *dolor & oris exulceratio* arte aliqua protelari potuerit, haud multo esset molestior morbi hujus curatio, quam est aliorum aliquot longe minus famigeratorum.

*Diatam* quod spectat & reliquum ægri regimen, eadem prorsus in *Salivatione*, saltem donec ad finem jam fere vergat, ac in *Catharsi* imperanda censeo; Cumque ei qui medicamentum aliquod purgans assumpsit, id tantum incumbat, ut se in cubiculo a vi frigoris defendat, & cibis *ἀπαιστος* moderate vescatur, nondum mihi constat, quo nomine vel lecto semper addicatur qui *ptyalismus* subit, vel a victu modico arceatur, qui scilicet naturæ cum veneno confictanti vires animumque addat; unde etiam natura tanto oneri succumbente, haud pauci, spiritibus, atque omni vitæ robore, diaphoresi, purgationibus, & jejuniis supervacuis (præter vulnus ab *Hydrargyro* inditum) tandem penitus exhaustis, misere confecti sunt. Persæpe etiam morbo jam pulso, æger ea spirituum copia, qua erat opus ad redintegrandam sanitatem, destitutus, præ imbecillitate concidit; aut si forte *Libitinam* valeat effugere, tot tantisque cruciatibus vitam redimit, ut tanti non sit vivere. De quibus Poeta e Neotericis haud ineleganter:

*Graviora morbis patimur remedia;*

*Nec vita tanti est, vivere ut possis, mori.*

Hic autem in promptu est istam objectionem diluere, qua fit ut nonnulli hoc morbo, (scilicet in statu ejus modo dicto) male mulctati in *Galliam* commigrare cogantur ut ab eo liberentur? Cujus rei hanc esse rationem, quantum judicare possum, existimo. Hujusmodi ægris, œconomia illorum corporum everfa ac viribus prostratis, apud nos aer crassus ac humidus refarciendis minus idoneus est, cum iste *Gallia*, utpote qui salubrior ac magis serenus, spiritus corporis & vires deperditas instaurare aptus sit: Non quod practici ibidem degentes, utut docti quidem, methodum qua hic morbus devinci possit, melius calleant, quam nos hic in *Anglia*. Sed ut ad diatam revertar.

Existimo itaque (& experientia mecum facit) quod præter jusculum avenaceum, panatellam, lac cerevisiatum, & cerevisiam tenuem tepesactam, &c. juscula insuper e carne vitulina, pullorum, atque alia ejusmodi in mediocri quantitate ægro & possint concedi, & debeant; atque ut, ubi primum consue-

subfederit gingivarum tumor ut dentes conferere valeat, cuniculorum, pullorum, agnorum carnes; atque ejusmodi teneriores, at parca manu, sint indulgendæ; ut vel in lecto se contineat, vel ad ignem sedeat, prout hoc vel illud magis allubescat animo: Cum enim *Ptyalismo* expugnetur hic morbus, non *Diaphoresi*, harelolando non sum, quorsum æger, nulla urgente necessitate, nimio calore mactetur.

Dicta methodus uti expeditior est, cum neque tot dies corpori ante salivationem præparando inutiliter infumendos, nec frequentes istas purgationes, aut decocta solemnia post salivationem, ægris imponat; ita certissimus sum eandem longe faciliorem esse, minus itidem periculosa, & minus recidivæ obnoxia; quod experimento suo discet quisquis in altera praxi versatus, ad hanc se demum conferet. Mihi saltem ex animi sententia successit in quamplurimis ægris; quorum nonnulli salivationis tedium & laborem plus semel irritò conatu exantlaverant, recidivam semper denuo passi, ex occasionibus, & propter causas, quas supra memoravimus.

Non est autem, Vir Candidissime, cur tuam fidem verborum ambagibus anxie solicitem, qui jamdudum de probitate mea persuasissimus exiguæ æstimationi etiam nostræ favere dignaris. Plura itaque de hoc morbo non addo, cum mihi neutiquam placeat, nec placebit unquam, longis verborum ambagibus & sermonibus *ἀπορροιαῖς* nucleum involvere, quo rei caput, seu *Nili* fons, ægrius innotescat. Quantulicunque autem sit hoc opusculum sive pretii, sive molis, id ut boni consulas rogo: cum illud eo præcipue fine elaboraverim, ut & in bonum publicum cederet, & quo in te essem animo palam testarer: quantumlibet autem magni te faciam, major tamen adhuc tibi honos debetur & a me, & ab iis, quibus summa illa tua eruditio, morum suavitas, animique candor, cæteræque virtutes laude dignissimæ ita clare elucescunt. Haud equidem tibi assentor, quoties profiteor me tuam amicitiam, ex quo me primum ea condecorabas, inter illa, quæ mihi comparavi, pretiosissima luculentissimæque semper habuisse. Inter alia enim in brevi vitæ curriculo a me observata eximium est istud, (quod etiam filio meo commendatissimum esse volo) hominum sc. probitate cæterisque virtutibus præcellentium consuetudinem semper mihi commodo vertisse atque emolumento; atque ex adverso pravorum amicitiam (nisi ea potius, combinatio sive etiam conjuratio dicenda sit, quæ in virtute non fundatur) quamvis nec dicto, nec vultu quidem me læserint unquam, tamen nescio quo pacto, tandem aliquando aut mihi, aut rebus meis mali, aut damni quippiam affricasse. Vale, Vir Humanissime, & amare perge.

Tui semper Observantissimum

THOM. SYDENHAM.

~~~~~

Innumerati prope Authores scripsere de *Lue venerea*, quam paucis explicat Clariss. noster Author. Longum nimis foret illorum vel partem aliquam hic recensere, pro pleniori fœdi ejusce morbi, ac ipsius curæ, illustratione. Sufficiat itaque Doctissimi alius Angli perbreve, sed vere accuratam, eodem in argumento Dissertationem addere, cujus est sequens inscriptio.

GUALTERI HARRIS, M. D.

*Celeberrimi Medicorum Londinensium
Collegii, Socii.*

DE LUE VENEREA

Ejusque Origine, Natura & Curatione,

DISSERTATIO.

HIC morbus tam gravis & acerbus est; tam late serpit, & perniciem suam undique spargit; tantis cruciatibus miseros plerumque opprimit; & pristina sanitas tam difficulter restituitur, ut ab annectendo quædam eo spectantia non potuerim prorsus abstinere. Primordia hujus mali quæ pudendis solis labem inurunt, contemptui & ludricio habeant, si ita placet, ganeones & belli nostri, & petulantibus facetiis, tanquam nugas & crepundia, ea excipiant; sed quodcumque aut prima illa inquinamenta aut succedentia, in sanguinem denuo transferentur, atque per totum corpus virus distribuetur, pœnas insipientiæ debitas illi abunde persolvent.

De origine hujus morbi ambigitur, an ab ævo, post homines natos, extiterit, an superiori fere sæculo in *Europam* ex *India Occidentali* fuerit advecta. Multa sunt testimonia, aut saltem suspensiones non contemnendæ, de antiquitate hujus luis, quam tot fere Regna non ita pridem contra ejus natales probriferos decertarunt, alterum in alterum illud opprobrium rejiciens, quot urbes olim *Homerum* sibi gloriose vendicarunt. Certe nomen ejus legitimum usque ad nostra hæc sæcula in tenebris latuit. Nec forma & figura hujus monstri a prioribus Medicis satis clare & distincte sunt descripta, neque ante novam suam denominationem nisi confuse admodum cognita. Hoc autem procul dubio scimus, plurima olim apud nos nosocomia leprosis recipiendis fuisse extructa; & multum fallor, si unica & singulis domus apud nos etiamnum maneat, leprosis vulgo recipiendis peculiariter dicata. Porro Venerei contagii eadem semper causa tyrannidem exercuit, nempe vaga & promiscua scortatio: nullisque sæculis defuerunt meretrices infames, quæ corpore prostituto vilem quæstum facerent; *postea vero causa ponitur etiam effectus*, quemadmodum & sublata semper tollitur. Quibuscunque enim in regionibus, quibuscunque demum locis prostibula ista, ac corruptelæ juventutis vulgares prorsus exulant; legumque asperitas scortationem omnem coercet, deest etiam una, cum impuris scortis, lues hæc Venerea. Ubicunque vero lupanaria palam permittuntur, remisso magistratu aut dissimulante; vel ubicunque meretriculæ latebras aliquas fœdas secure nanciscuntur; eadem lues, cum horrida, malorum turba, cumque omni suo miseriarum famulitio, longe lateque dominatur. Atque, ut mihi quidem videtur, in utero impuro meretricum vulgari, quæ plurimis viris, quantumlibet sanis, sese prostant & commiscant, certo & naturaliter propi-gnuitur lues, perinde atque in nido ex ovis nascuntur volucres. Et quoniam *corruptio optimi est omnium semper pessima*, cur non ex feminis prolifici, & in tantos naturæ usus destinati, corruptione prava & incongrua venenata illa lues possit *quædam* propagari? Et nullus dubito, paucissimos uspiam esse scortatores, qui, quantumvis pœnas meritas aliquandiu effugerint, non serius aut citius in laqueos illos inciderint, qui non turpi & funesto illo veneno fuerint tandem aliquando contaminati.

Sane lues hæc perniciofa est. Supremi Judicis tremendum quoddam flagellum, instar ensis illius stri-cti capitis Damoclis inter epulandum impendentis, omnibus scortatoribus semper interminans, quod sapientes ab impuris amplexibus facile deterrebit, quodque insipientes severissimis flagris aliquando cædet. Quis enim mulierofus certus esse potest, meretriculam qualemcunque sibi uni, ut videtur stipendia facientem, non aliis pluribus fuisse prius aut denuo fore pervulgatam, atque ideo obnoxiam venereo in-

quinamento, utcumque ista mendaciis suis, perjuriisque usitatis, pudorem aliquem comminiscatur?

Neapolitanus hic morbus vulgo nuncupatus est, & ab obsidione *Neapolitana* primum ejus contagium originem traduxisse ut plurimum creditur, anno scilicet post *Christum* millesimo, quadringentesimo, nonagesimo tertio; cum *Neapolim* castris suis circumdaret *Carolus Octavus*, Gallorum Rex. Sed cum rumorum popularium tanta sit incertitudo, ut sapientes vix quicquam pro certo pronuncient, quod non manifestis & sibi notis testimoniis confirmatur; cum aliorum morborum primus exortus in tenebris æque permaneat; cum ita constitutum sit rebus humanis, ut in singulis sæculis quædam continuo pereant, oblivionique tradantur, & alia quædam rursus emergant & suscitentur, cum virus Venereum in omnes fere regiones totius orbis, quantum nobis innotescit, ab oriente ad occidentem, a septentrione ad meridiem, jandiu spargatur, & usquequaque diffundatur; cum denique Medici aliquot gravissimi luei istam infamem ante obsidionem illam *Neapolitanam* contagio suo virulento *Europam* jandudum invasisse constanter affirmant, sane difficile est aliquid certi & indubitati in re ita obscura stabilire & decernere; quanquam antiquam luis prosapiam admodum aperte indicare videatur antiqua, ac permanens causæ existentia, nempe scortatio illicita, vaga, & promiscua, primordiis forte rerum humanarum, aut saltem effræni hominum libidini, ac corruptelæ meretriciæ coæva.

Sed ut hanc rem paulo altius perscrutemur, *Hippocrates*, cujus autoritas apud omnes doctos plurimum valet, libro tertio de morbis epidemicis plurima horrenda symptomata enumerat, quæ ad formam Venereorum quam proxime accedunt: ut, *pustulas magnas, & pustulas corpore universo erumpentes, maximeque caput impetentes, ulcera fœdissima circa pubem & pudenda, inflammationes Erysipelatodes malignas & depascentes, diarrhœas & cibi fastidia, rabes multas, aut autrophias, nunc sine febre nunc cum febre contingentes; carnum, nervorum, & ossium mutilationes ex decidentia magnas, a carie præcedente, prolapsus partium abscessibus corruptarum, & denudationes femoris integri, tibiæ, aut pedis totius, prolapsus brachii, aut cubiti totius, & omnium miserrimas carnum jacturas, cum pubem pudendaque malum affecerit; ichores ulcerum & abcessuum puri absimiles, & pure omni deteriores, capillorum defluxia, fluxiones ad pudenda multas, dolores gravissimos cum vigiliis, ulcera oris serpentina, & tubercula tam interna, quam externa circa inguina, aut bubones, tubercula faucium, ulcerationes pudendorum, & similia, quæ quidem breviter tradit, & more suo conciso. An vero hæc omnia a peste vera, an a pestifera hac lue oriantur, in utranque partem ut differant, par est doctis liberum relinquere.*

Quicquid vero de turpibus luis natalibus sit statuendum, certe dolendum est maxime, curationem tantæ ægritudinis, omnes corporis partes, tam internas, quam externas, a capite ad calcem, polluentis, e manibus Medicorum doctorum & peritorum ita profugisse, atque Chirurgis, nec non tonsoribus imperitis, ignarisque quibuslibet vulgo concedi. Quis enim tam fatuus & insulsus, quis tam illiteratus ardelio, qui non Medicaster in hoc morbo circumforaneus facile evadat, sine instituto, sine sumptu, & sine arte; qui non curationem luis, aut saltem gonorrhœæ infallibilem perfricta fronte polliceatur? Quales autem hi sunt Medici? Sartores ut plurimum & fabri, similesque artifices, propinatores inertes & decoctores, qui in officinis suis fidem prius labefactaverant. Quam infelix igitur & misera est infectorum conditio, qui duplices sustinent pœnas, damnanturque tum atrocissimi morbi cruciatibus, tum rudis agyræ ignorantie periculosa! Quasi levissimi quilibet affectus peritiam medicam jure efflagitarent, morbus vero minime anceps, medullisque penitus infusus, cuius illiterato possit tuto demandari!

Ut autem summum discrimen lue infectorum manifestius appareat, considerandum est, hunc morbum frequenter esse Protei-formem, & post primam ejus subjugationem, sæpe novas postea induere facies. Il-

Iud æquidem facile adducor ut credam, propterea quod tot tabidos, & atrophiam confectos, pulmonibus sere intactis, nec nisi secundo lœsis, viderim perire. Et nisi ex acuto aliquo morbo illos contigerit extingui, marcore & atrophiam vix intellecta, tandem contabescere semper observavi. His lac asinum, pectoralia, narcotica, & similia, primam venenatam causam nihil respicientia, ad supremum usque diem frustra exhibentur. Chirurghi salivatione absoluta, & mercede laborum accepta, integram sanitatem audacter promittebant; atque denuo ægrotantes, longe diversis symptomatibus quam prius affecti, neutiquam somniant de reliquiis fomitis venenati, aliquandiu consopiti, & intus delitescens, sed sub nova forma revirescentis. Interim Medicus quantumlibet peritus, nihil causæ Venereæ facile suspicabitur, atque ægrotus partim ex verecundia, partim præteritæ curationis securus, de pristinis rebus oblivioni jam traditis nullam mentionem facit. Heu quanto igitur discrimine versantur huiusmodi ægrotantes, cum nec ipsi de causâ ægritudinis primaria ne verbum müssent, cumque Medici contra morbum incognitum, Andabatarum more, cæcutientes militent! Certe Authores nonnulli, magis emunctæ naris, veritatem horum suboluerunt, cum ita prudenter illi consulerent, quoties aut dolor ischiaticus, aut rheumaticus, aut alius valde pertinax, remediis propriis & usitatis nequaquam cederet, ut ad diætâ sudorificam, e ligno sancto, salsaparilla, & consimilibus, tanquam ad sacram anchoram confugeremus.

Ex his luis reliquiis spreis, & aliquandiu abditis, non solummodo pendet valetudinaria, & misella parentum, æque ac aliorum scortatorum conditio; sed & hinc morbi aliquot puerorum tralatitii, & ferme immedicabiles, & quos nominare minime convenit, ne nati infantes, viri tandem facti, contumeliam, mœsticiam, atque animi perturbationem aliquam exinde immerito patiantur. Quamlibet enim majus est revera dedecus a vitiorum suorum, quam natalium, turpitudine & infamia, tamen novi viros eximios & fortes, clara & illustri stirpe, sed illegitime prognatos, qui præter modum dolore opprimebantur, quoties de natalibus suis spuris mentionem aliquam factam ex susurris clanculariis in communi hominum consortio illi suspicarentur. Atque in ea re major est Turcarum justitia & sapientia, apud quos nemo parentum culpam in filios inique transfert, & nulla est ignominia natis ex partu illegitimo prodiiisse.

Porro statuendum est luem Veneream esse morbum venenatum, & maxime deleterium. Et quantum non ita repente interficiat, ut ictus & morsus animalium venenatorum, tamen temporis aliquo spatium, modo longiore, modo brevior, vitam infectis certissime adimit, nisi remediis propriis & salutaribus sanitati pristina tempestive restituantur. Paucis igitur agamus de veneni hujus, cæterorumque natura, & breviuscula comparatione. Inter alias notas sunt signa venenorum, insignis faciei totiusque corporis pallor, & extremorum perfrigeratio, quæ in Venereis sunt maxime conspicua. In venenis assumptis, natura materiam venenatam omni vi expellere nititur in superficiem corporis & partes externas, unde maculae variae, papulae, & exanthemata oriuntur. Similiter in lue Venerea prodeunt maculae, interdum parvae, lentiginum instar, interdum latiores, & quæ modo rubrae, modo flavescentes; & primum circa frontem ac tempora, deinde caput reliquum, tandemque per totum corpus diffusa: nec solummodo maculae, sed & pustulae & tubercula in cute erumpunt. Veneris per os assumptis, calidis dico & erodentibus, magnum exoritur incendium in faucibus, & ventriculo, atque intestina doloribus aut torminibus exquisitis cruciantur. Lue infecti faucium inflammatione, & paulatim exulceratione, semper corripuntur; ventriculus illorum sensim prostermitur; & quamquam artus dolorum sævitiam & atrocitatem ut plurimum ferunt, tamen plus semel novi, aut intestina, aut hypochondria eisdem diris cruciatibus affecta, iisque tempore vespertino recrudescens, quos artus ut plurimum & magis regulariter sustinent. Denique venena propria & peculiaris medi-

camenta, sive antidota, ut rite expellantur, requirunt. Lues, nisi propriis & quasi specificis antidotis perniciosus ejus virulenta depellatur, vulgaria omnia pharmaca, & methodus, omnes quantumlibet doctas, solet aspernari.

Sed natura hujus veneni est alia atque alia, tum secundum regiones magis ad septentrionem aut meridiem positas, tum secundum temperamentorum varietates. Etenim in Hispania & Lusitania de hoc morbo (sæpe tam mitis iste est illic) vulgo colloquuntur, quemadmodum nostri solent de liene & scorbuto. Siquidem illorum Medici ad febricitantes matronas nobilissimas ac virtute præditas accersiti, solemniter quærant, an lue Venerea laborent, sicut nostri de Catameniiis, quamquam & verecunde interrogant. Et in illis regionibus, ubi veneni aliqua portio indefinenter perspirat, infecti multi sese totam vitam hoc morbo comite satis placide traducere nonnunquam posse, sæpe consentunt. Apud nos vero longe aliter se res habet, & hæc lues ferocem & immanem tyrannidem exercet. Nullus hic symptomatum & cruciatuum finis, nisi aspera aliqua, aut diuturna mitior, medicatio interponatur, donec aut dolores contorquendo, aut ulcera depascendo, aut ichor venenatus ossa corrumpendo, miseris finem imponant, & lacerum putridumque cadaver tandem abjiciatur, pabulum sane ingratum, & vix verminibus acceptum.

Quin etiam juxta temperamentorum diversitatem venenum hoc dissimiles vires apud nos obtinet. Temperies melancholica, & biliosa ejus exterminationem ægrius sustinent, quam sanguinea, & phlegmatica. Multo facilius restituuntur juvenes, quam ætate proveci. Idemque est dicendum de scabie, herpete, & nonnullis aliis morbis varia temperamenta affligentibus. Et sicut temperamentorum differentia efficit, ut cathartica longe dispares effectus obtineant, hoc corpore mitissimis medicamentis facile purgato, illo fortissimis ægre cedenti; utque idem dejectorium medicamentum eodem pondere diversis hominibus exhibitum, in uno celerem ac violentam, in alio tardam ac mitem, & in alio nullam omnino operationem concitaverit: ita & de venenis dicendum est, quod illa citius aut serius interimere soleant, non modo ex propria & innata vi perniciofa, sed secundum fortiorem aut debiliorem repugnantiam naturæ ejus, qui venenum accepit. Nam opinio ista vulgaris ficta est & falsa, quæ *Indos*, ab iisque *Italos*, ita artem veneficam statuit calluisse, ut in statutum diem, aut tempus prædeterminatum, sive fuerit septimana, sive mensis, sive annus, venenatos omnes certo conficere possint. Natura enim tam unius quam alterius, quemadmodum dictum est de cathartics, veneno magis se opponit, & lethale virus reprimat, aut frustratur.

Sunt qui luem arbitrantur, fractis & attritis senio viribus, tyrannidem suam ferme omnem jam deposuisse, & ad interitum suum cum senectute demum vergere. Eademque apud plures doctos sententia jandiu obtinuit, quandoquidem blanditiis verborum tam literati, quam aulici spe vana ducti nonnunquam se accommodant, & gratiam lenociniis solent sibi conciliare. Qui vero sic sentiunt, nosocomia hodierna paulisper adeant, aut Chirurgos probos ac exercitatores consulant; videant ulcera multiplicia, cancrofa, & depascentia, tophos & gummata, ossium caries, & carniū putrilagines; videant tabes, lipothymias, cachexias, denique totam Pandoræ pyxidem ibidem apertam; exaudiant etiam horrendas miserorum execrationes, gemitus acerbos, & ululatus permolestos; tandemque dicant, an Venus egregia illa mansuetudine mancipia sua hodierna excipiat; dijudicentque pariter, utrum Mars an Venus plures ex numero viventium tollat; uter denique istorum amasiorum exitium pejus & frequentius cultoribus suis inferat.

Quod ac therapejam attinet luis, alii salivatione curationem moluntur; alii sine hydrargyro, & nescio quibus ineptis arcânis, eandem audacter pollicentur; alii denique emeticis, & cathartics mercurialibus, & diætâ sudorifica intercalata, similibusque, venenum illud penitus subigere annuntiantur.

Medici ferme omnes, totumque Chirurgorum fodalitium, uno consensu, salivatione tanquam brevissima, & maxime efficaci methodo, luis curationem aggrediuntur. Nec deneandum est cuiquam in arte medica mediocriter versato, salivationem esse omnium methodorum, quas hactenus excogitavit peritia medica, maxime expeditam, atque efficacem, ad virus illud Venereum valde obtundendum, & malignitatem ejus perniciosam abunde frangendam, si minus ea valeat non raro ad venenum istud penitus delendum. Certe in his regionibus borealibus, frigoris prædominio obnoxiiis, ubi labes Venerea tanta immanitate sævit, salivatio præ aliis adhuc notis inducias maxime veloces, pernicipi dilationem, & symptomatum omnium vehementium cessationem obtinet celerrimam; nec non in quibusdam infectis, & potissimum in junioribus, curationem perfectam aliquando complet. Sed si consideretur horrenda illa, terribilis, & nonnunquam intolerabilis medicatio, tantis cruciatibus & periculis extremis stipata, saltem exoptanda est, & omnium votis exposcenda, alia aliqua jucundior methodus, tutior illa minusque molesta.

Potentissimum, & efficacissimum salivandi genus est id, quod per inunctionem Mercurialem excitatur, & quod solum, tanquam *dignum nodo cuneum* Sydenhamius noster præclarissimus laudat. Sed refert scire, at- tentione contemplari, in quot vitæ discrimina salivatio ista conjicit infectos; quot ex ea solent vulgo interire; quam horrendas capitis, fauciumque efficit intumescencias, suffocationem repentinam frequenter minitantes, & vix fræno manus peritissimæ recte gubernandas. Norunt quidem aliptæ quam periculosas diarrhœas, dysenterias, lipothymias, in temperamentis maxime Mercurio repugnantibus, ista crebro producit; sed aliam vix exercebunt artem, vix quærent aliptæ, nisi quam in tyrociniis a Magistris suis didicerunt. Tanta vero est in hoc salivationis genere humorum fusio, tanta succorum omnium corporis sæpe exantlatio, ut nil mirum sit, si spiritus vitales una dissipentur; & maxime si in hac terra, aliter felicissima, ubi melancholia tantum obtinet imperium, complures ex tam rapida fluidorum profusione succumbant ac pereant. Quam fugax scilicet voluptas acerbissimas sustinet sæpenumero pœnas. Quanta cura & industria sirenum illarum veneficarum blanditiæ sunt ab omnibus fugiendæ, quicunque aut sanum corporis temperamentum conservare volunt, aut vitam longævam jucunda lenique senectute finiendam cupiunt.

Porro si facultates hydrargyri tanta copia in corpus intromissi, ac sanguinis motu circulari omnes corporis partes pervadentis, velut in salivatione vulgari contingit; si illius vires naturæ humanæ tam noxias, ac inimicas; si virus ejusdem nervis & cerebro peculiariter adversum, attestante id paralyti, & tremoribus frequentibus; si onus & tormina, quæ ventriculo & intestinis vulgo infert; si pallidissimum plumbeumque colorem, quem vultui impertit; si denique quod a veteribus omnibus medicis hydrargyrum in catalogo venenorum annumeretur, diligenter perpendamus: sane Medico probo incumbit, quando duobus venenis tam morbi quam remedii una convenientibus sit necessario occurrendum, de antidoto aliqua propria, salutari, & excellenti, sollicitum esse. Et si tela ad hunc morbum rite expugnandum magis apta & idonea unquam reperiantur, e Medicorum pharetra magis magisque denuo instructa, potius quam ex aliorum quorumcunque sive armamentario, sive officina, ni plurimum fallor, certo extrahentur.

Et quicquid delirum vulgus, aliique nonnunquam saniore judicio præditi, contra sentiant, sane nescio, an quisquam omnium morborum qui miseris mortales solent excruciare, judicium acerrimum, Medici periti & exercitati, potius quam agyrtæ aut indocti alicujus artificis, requirat ac mereatur, quam lues ista immanis & venenata.

Quanquam vero salivatio omnibus aliis methodis ubique palmam præripuit, tamen notatu dignum est, quod *Julius Palmarius*, Medicus Parisiensis clarissimus, & eruditissimus copiosius differuit, qui Magni illius *Fernelli* fuit discipulus, & qui librum de morbis contagiosis tum docte tum eleganter scripsit. Ille salivatione, quantumlibet tunc populari, quantumlibet nunc *Sydenham opera Medica*.

vulgo usitata, *vix centesimum quemque* lue correptum, perfecte sanari tradit; sed recidivo illos morbo, ex scintillis aliquandiu consopitis recrudescente, nonnunquam citius, nonnunquam post plures annos affici, & languescere. Atque *alii*, inquit, *decies*, *alii duodecies* suo tempore *Salivationem frustra sunt experti*, tanta interim cum doloris acerbitate, malorumque miserrimorum acervo, ut forti viro multo satius sit semel mori, quam vitam morte pejorem sic proferre.

Ego itaque hæc animo diu multumque evolvens, nunquam complecti potui, quamobrem *Fernelli*, *Palmarii*, aliorumque Medicorum doctissimorum methodi tutiores ac jucundiores tam paucos sectatores consecutæ sint, & praxi hodierna ita proscribantur, nisi ob has potissimum rationes.

1. Medici illi præclarissimi odio adversus hydrargyrum nimis acri flagrabant, propter noxas illas gravissimas quas sæpius infert corpori. Et *Fernellus*, primus omnium Medicorum, curationem luis sine quocunque Mercurialium usu interno, & forte nimis temere suscipiebatur, & palam pollicebatur; Amuletis suis selectis ac saluberrimis, diætæ sudorificæ, victui tenui & frugi, & catharsi intercalatæ solummodo confusus. Et certe propter ausum ac tentamen tantum, tamque salubre generi humano, si forte minus felix fuisset successus, omni laude dignissimus est egregius ille Medicus, quanquam in pestifero hoc morbo usus illius medicamenti periculosi, quod a Plinio vocatur *Venum omnium rerum*, summe necessarius nobis hactenus videtur. Nam *malum ovum malo corvo* apprime convenit. *Palmarius* autem hydrargyrosi vulgari infensus fuit, tum ob perniciem ejus, tum propter extremos cruciatus, doloresque asperissimos, quos inuncti sustinere necessario damnantur; tum denique, quia proposita sua curatio per guajacum & amuletum, aut per alexipharmaca sua hydrargyro conjuncta, tutior fuit, & longe salubrior inunctione vulgari, sputantium vires exhaurienti. Quocirca alias luem extirpandi methodos tutiores, ac magis salutares, nec non jucundiores, licet nonnunquam paulo cunctabundas, fuscè proponebat.

2. Chirurghi uno ore salivationi præ aliis curandi modis favere videntur; aut quia præmiis donantur majoribus, isto modo valetudini prospicientes; summa cum assiduitate, infectumque sub imperio quodam despotico vitæ ac mortis clanculum in conclavi, remotis aliis plerumque arbitris, præterquam nutrice, tandiu tenentes; aut quia durante tyrociniis nullam alia æque certam lvi medendi artem illi hactenus didicerunt; aut quia aliam discere vix unquam volunt.

3. Quoniam Chirurghi technis suis hanc medicinæ partem, quantum in illis fuit, tanquam sibi jure propriam ubique arripuerunt; & Medici, sive ob molestias tam sædæ curationis, sive aliis negotiis impediti, illam provinciam quasi derelictam nimis neglexerunt, ac vilipenderunt.

4. Quia curationes temporaneæ & palliativæ in hoc morbo, ut in aliis nonnullis, magis placent, ægrisque gratificantur, quam eradicativæ, quæ magis operosæ sunt, & exercitatione non parvæ egent. Quam ob rationem induciæ multorum dolorum gravissimorum Narcoticis derepente comparatæ, & ægrotantibus sæpe magis placent, & Medicis nonnunquam præferuntur, quam quæcunque alia, permanentibus interim aliquandiu doloribus, salutaris medicatio. His addé, salivationem symptomata omnia Venerea ita ut plurimum tollere, ut nullæ recidivæ suspicio impræsentiarum restet, aut præmii procrastinandi ratio convalescentibus amplius appareat.

Quod ad impostores illos imperitos, turpissimos lucriones, ac nebulones vulgares attinet, qui sine Mercurio, sine regimine, sine quacunque molestia, & nescio quibus *Arcanis* insulis, curationem brevissimam, nec non infallibilem, omnibus lue infectis cum insigni impudentia publice pollicentur, argumento sunt Bacillino quam Medico digniores, & fascibus Magistratum aut collistrigio, prout veteratores perfidi, sunt potius castigandi, quam disceptationibus, aut ullis rationum momentis accipiendi.

Denique tertium lvi Venereæ medendi genus, quod posthabita salivatione solenni per inunctionem instituta, & spreis deceptorum inficiorum fallaciis, cathartorum aut emeticorum Mercurialium vi & ef-

ficacia, cum diæta e lignis & radicibus exsiccantibus, ac regimine debito, conjunctorum nititur, fusioem orationis copiam plane requirit. Sed ne tot impostores & ægyptæ dolis & insidiis suis hinc ansam aliquam avide arripiant, vela dicendorum contraham, & pauca haud prorsus inutilia jam dictis adjiciam.

Et 1. Notandum est, ligna exsiccantia, gummi, corticem, & lignum guajaci, lignum sassafras, atque radices salsaparillæ & chinæ, tantum fere emolumentum naturæ humanæ conferre, & debilitatæ suppetias salutes præbere, quantum dampni & nocuamenti hydrargyrum corpori infligit. Sunt hæc salubria quædam hujus morbi venenati, licet imperfecta, pariter atque Mercurii ipsius alexipharmaca, quandoquidem & citra Mercurii auxilium opera & oleum nostrum sine fructu perdi solent. Et quanquam illa ex se nunquam apud nos scopum attingunt, hydrargyro prætermisso, venenumque Venereum nequeunt penitus delere & extinguere, tamen robur nativum erigunt & fovent, palloremque huic morbo congenitum, in vividum ac sanum colorem certo certius immutant.

2. Notandum est cathartica deleteria dicta huic morbo expugnando, qui vires corporis validissimas ipse infringit, & robur summum facile comminuit, quandoque minus convenire, quam mitiora & blandiora medicamenta. Et quoties fortior & validior requiritur catharsis, illa longe tutius obtinenda est, in debilibus scilicet naturis, senna, rhabarbaro, agarico, jalappa, epithymo, polypodio, manna, hermodactylis, aut eorum quibusdam, additis etiam ceu stimulis, sale mirabili, cathartico amaro, polychresto, prunellæ, aut crystallis tartari; his, inquam, sæpe securius & commodius alvus movetur; neque plura eorum identidem repetita ita corpori imbellium nocent, quemadmodum scammonium, colocynthis, & helleborus, quæ aut ventriculum conturbant, aut intestina corradunt, gravibusque torsionibus excruciant, aut visceribus omnibus, partibusque principibus, maligna sua qualitate sunt infensa.

3. Quanquam mercurialia, & hydrargyrosis, in omnibus temperamentis lue inquinatis indiscriminatum vulgo usurpentur, tamen notandum est, corpora crassa, obesa, phlegmatica, & frigida, ab illis maxime omnium lædi, & constat injurias insignes quas hydrargyrosis talibus facit, vix unquam postea deleri, adeo ut non minus discriminis a medicamento quam ab ipso morbo illis contigerit. Atqui sanguinea, biliosa, & præservido calore redundantia corpora, incommodo minore hydrargyri usum paulo copiosorem sustinent, quam aut prius nuncupata, aut melancholica temperamenta. Etenim calida & sicca viscerum intemperies, contrariis quibus pollet facultatibus hydrargyrum, corrigitur, emendatur, & nonnunquam insigniter juvatur, atque bilis ferocientis acrimonia plurimum demulcetur.

4. Quotiescunque lue jam pridem infecti, qui pyætißimum prius subierunt, aut qui aliis modis ad tempus tantummodo sunt restituti, morbo recidivo e latibulis erumpente, aut novam formam sortito, turbas novas commovente; quoties, inquam, illi in atrophiam, neque a pulmonibus tabidis, neque a lumbricis pendentem, inciderint, quanquam diarrhœa admodum violenta exhauriantur, a Narcoticis quibuscunque abhorrendum est Medico, & restringentibus interdendum. Nam malignitate veneni Venerei intus delitescens sic imminuta, & per sentinam corporis deposita, propria Antivenerea optato eventu non diu frustrabuntur, & corpusculum strigosum deleteria lue pene confectum, præter expectationem rursus pinguescet.

5. Cum virus Venereum sit bene retusum ac fractum, omnisque symptomatum ferocia refrænata, at fomes venenatus haud penitus extinctus sub cineribus delitescat, novos postea tumultus suscitaturus: quemadmodum & in aliis nonquam casibus, ubi symptomata anomala doloresque vagi infirmos detinent, medicamenta nervina, arthritica, amara, & antiscorbutica salubria, aliquandiu usurpata, catharticis blandis identidem intercalatis, reliquias veneni istius infracti tuto profligabunt, integramque tandem sanitatem præ aliis restituere valebunt. Siquidem talia

corruptelæ humorum deleteriæ contraria, sanitati tuendæ, amissæque recuperandæ, vitæ producendæ, staminibusque vitalibus tenuioribus confirmandis, apprime conducunt.

6. Infantes a nutricibus lactantibus infecti, quanquam maculis, pustulis, ulceribusque scatent, quanquam & nocturnis illis doloribus erunt excruciat, facillime omnium restituuntur. Farina salsaparillæ fore insipida, saltem nullo gustu ingrato, aut fastidioso prædita, panatellis aut pulciculis suis, ut par est, commista, addito etiam, ventriculi gratia, fantali citrini polline, nulla pariter nausea donati, catharticisque debitis intercalatis, tenerrimæ ætati, ut læte nonnunquam observavi, salutem perfectam reddidit. Quod vero infantuli a contaminata nutrice infecti, tanquam a peste quadam, sint ante incœptam curationem quamprimum amovendi, non opus est ut admoneamus.

Denique 7. infectis, cum curatio modis mitioribus magisque benignis ac salutaribus, quam salivatione illa acerba & excrucianti instituatur, non est iis persistendum ad certum quendam ac determinatum dierum numerum, sed nunc brevius, nunc diutius, pro ratione veneni, naturæque reluctantis, remediis immorandum, quousque sub regimine debito venenum penitus subigatur, & symptomata omnia prorsus evanescant.

Antequam finiam, nequeo tacite prætermittere errorem popularem insulsum, at valde perniciosum, qui longe lateque inauspicato increbuit. Nimirum didicit, aut forte audivit ignarum vulgus, si quisquam infectus cum sana muliere mutuis amplexibus se commiscuerit, a labe omni Venerea se confestim fore tutos & immunes. Quot innocuæ virgines inter alias ex hoc stupido errore perierunt. Sed cum sanguinem pervaserit virus pestilens, & viscera afflatu illo impuro imbuantur, credat etiam plebecula insipiens pari ratione, se clavam *Herculi*, quod ajunt, & fulmen *Jovi*, extorquere posse, & se montes excelsos, virtute cujusdam incantamenti, posse radicitus avellere, & alioversum transferre.

Ut vero finem faciam, nonnullis videri possum nimis acriter perstrinxisse morbum Venere clementi prognatum, Dea scilicet illa amabili, cui tam Principes summi, quam vulgus infimum, vota sua nimis frequenter faciunt, & cujus illecebræ pectora fere omnium æstu quodam impotenti facile percellunt. Acrius, inquam, hujus morbi sævitiam perstrinxisse videar, quam plurimi medicastri, qui eundem in postremis habere solent, ac pro nihilo, ut ajunt, ducunt; ut scilicet artis cujusdam exquisitæ, quam alicubi didicerunt, ostentationem gloriose faciant; atqui ut revera crumenas incautorum aliquando emungant, ut familiares suos opprimant; omniaque ad quæstum commodumque proprium inique referant. At vero longe præstat medico probo, liberalibusque disciplinis instructo, verum dicere, quam quæstu quovis duci, communique utilitati quam suæ consulere. Modici rerum status, modo res sint bene partæ, nemini pœniteat: Nam pauca nonnunquam desiderium explent, permulta animum rarissime satiant. Paucitas rerum commode beneque vivendo necessariorum facile suppletur, virisque bonis rarius deest. Sed in superfluis accumulandis nullus vulgo finis gravissimarum solitudinum, nullum molestiarum maximarum tedium rapinarum terminus; quasi dira illa execratio, aut fascinatio, avaros injustosque semper comitaretur, ut in opulentia inopes, in abundantia egeni vitam prorsus inquietam traducere damnarentur. Præcipiti cursu breviuscula labitur vita. Nec magna pompa impedimentorum necessaria est, ut amœna sit profectio, neque requiritur tanta viatici copia, ut breve iter conficiatur. Præclare illis actum puto, quibus in bene agendo deponitur vita. Nec sapientibus *legendam esse corporis mortem, quam animæ immortalitas consequitur*. Etenim tum demum nos vere victuros constat, cum e vita hac *excesserimus*. Quid eo olim eximie dixerit Philosophus, (pectore spe tumido, consolationis pleno, animoque futuris gaudiis admodum aspirante) in senectam vergens, & *Senectutem* ornatissime laudans? *Si in hoc, inquit, erro, quod animas hominum immortales esse credam, lubenter erro: nec mihi hunc errorem, quo delector, dum vivo, extorqueri volo.*

DISSERTATIO EPISTOLARIS

A D

GUILLIELMUM COLE, M.D.

D E

OBSERVATIONIBUS NUPERIS

circa curationem VARIOLARUM

Confluentium;

Nec-non

DE AFFECTIONE HYSTERICA.

Humanissimo Viro,

THOMÆ SYDENHAM, M. D.

Miraberis fortasse, Clarissime Vir, quisnam importunus interpellator graviora tua interturbet negotia: sed veniam, confido, dabis, postquam intellexeris, ea potissimum de causa hanc tibi molestiam creari, ut grati animi sensa exprimat venerabundus Tui cultor. Quippe tantos ex elaboratissimis tuis circa Morbos acutos commentariis, agnosco me accepisse fructus, ut ad grates auctori persolvendas me prorsus obligatum teneam. Tam accurate singulas annorum, aerisque quas tractandas suscepisti, Constitutiones, cæpto antehac inaudito, observasti; tam genuinas, facileque obvias, pro singulis, qui in illis occurrebant, affectibus sanandis, indicationes excogitasti; tantoque ingenii nitore totum opus exornasti, ut merito tantam sagacitatem, tam indefesso labori junctam, suspiciamus: unde & egrotos, & Medicos tibi æternum devincis.

Quamquam vero cuncta, quæ pertractas, accurate adeo absolvisti, ut pronum sit de singulis in laudes tuas erumpere; præ cæteris tamen haud mihi temperare possum, quin impense tibi gratuler methodum tuam circa Variolarum curationem; cujus ope, quin feralis illo hætenus affectus terrificam suam exuat larvam, interque facillime curabiles (nisi malignitas, vel quiddam valde insolitum accesserit) se sistat, nullus ambigerem, si per nutriculas (turbam raro non inimicissimam hominum saluti) liceret, quæ calido suo regimine, & medicamentis omnia usque adeo pessundant, totque ubivis in sepulchrum ante tempus præcipitant, ut merito Tu, Doctissime Vir, humani generis Vindex audire merearis, qui ægrois, misere, cumque extremo vitæ discrimine palantibus, te ducem fidissimum præbes, ut in salutis viam, si ductum tuum sequi volent, redeant. Ut de me loquar, quamquam meis fidere ratiociniis aliquatenus reformidarim, diu tamen credidi, Variolarum eruptionem, sicut non ipsum esse morbum, sed febris crisis, sic par reliquis crisis desiderare regimen, in quibus omnium Medicorum effavis sancitur, totum negotium natura committendum, si cuncta recte procedant; id quod plerunque in isto affectu cernitur, nisi plus justo prius exagitatus fuerit sanguis. Postquam vero, perlecto aureo tuo libro, senseram tandem panicos esse, qui me aliosque tandiu detinuerunt, timores, aususque fueram juxta tui præcepta (reclamantibus licet quandoque non solum vulgo, sed etiam Medicis) ægros regere, tantum inde emolumentum iis, ubi in obtemperantes incidi, obvenisse comperi, ut, quicquid alii senserint, me felicissimum reputem, cujus in manus tantus devenit thesaurus. Porro & ubi ad Variolis confluentibus laborantes (quod tamen haud admodum sæpe contigit) accitus fuerim, non dubitavi, quamquam animam jam agere viderentur, ad paregorica, tua fretus auctoritate, confugere, idque successu haud pœnitendo, imo vero stupendo. Tam multum equidem hac in parte præstitisse mihi videris, ut nil superesse, quod vel aliorum, vel etiam Tui industriam exerceat, facile crederem, nisi nuperrime a doctissimo Viro, amicoque meo inter-

Sydenham opera Medica.

gerrimo, D. Kendrickio, (qui humanitatem tuam plurimum celebrat) audivissem, te innuisse novis quasdam (quas & ad praxin rite exercendam peritiles fore non possum non augurari, upote a te factas) circa idem subiectum tibi occurrisset Observationes, quas nisi publico impertias, & in Tui famam, & in humanum genus injurius eris. Proinde (si quid apud te ignoti valeant preces) haud graveris, obsecro, Celeberrime Vir, eas in lucem emittere.

Sed ne hic subsistam: Nempe ab eodem accepi, rariora quadam tibi observata fuisse circa Affectus, Hystericos dictos; qui sane sicut doctissimorum Medicorum, ab omni memoria, exercuerunt, imo lasarunt ingenia, sic (proh nimis sæpe) & medicandi traditas methodos elidunt; documentaque dant, quam parum tutum sit, in Philosophicis, nostra rationi nimium fidere, nisi iis in rebus, quarum certitudinem a sensuum testimonio petere valeamus. Plurimum, Dignissime Vir, ulterius & a presenti sæculo, & posteris, haud dubie mereberis, si & quæ circa hanc materiam meditatus es, præpalare dignatus fueris. Hoc saltem a te mihi impetrare liceat, ut æqui bonique consulas, quod, non mei solum, sed publici etiam causa, ignotus tibi licet, petere non erubuerim; utque me inter innumeros eos habeas, qui tibi se quam maxime devoto profitentur.

Devotissimum

Vigornæ,

17. Novemb. 1681.

GUILLIELMUM COLE

Spectatissimo, Doctissimoque Viro

GUILLIELMO COLE, M. D.

SI usque adeo Philautiæ indulgerem, Ornatissime Vir, ut eas, quæ ad me nihil attinent, laudes mihi arriperem, ægre admodum me ab aliquali animi elatione continere valeam, laudatus tantopere a laudato viro, qui eruditissimis suis lucubrationibus orbi literario, mihi vero nec de facie, quod sciam, innotescit. At vero quod me tanto, licet immerentem, honore dignatus fueris, id demum humanitati tuæ acceptum refero; cum maximos quosque & præstantissimos viros ita natura comparaverit, ut non tantum leviter errantibus, ut sit, æquiores sint, sed etiam in mediocrium studiis deprædicandis, data vel qualibet ansa, ingenuo suo candori morem lubentes gerant. Cujus quod & in ipso me, & meis istis conatibus, utut tenuibus, publico tamen commodo destinatis, præclarum edideris specimen, gratus agnosco.

Ea quod spectat, quæ a me præstolaris, sive jam editis de Variolis observationibus addenda, sive etiam de Passione Hysterica de novo tradenda, ita habe. Horum primum idcirco aggressus sum, ut quæ olim deficere viderentur, ex iis quæ experientia jam antior mihi suggererat, possim sarcire. Alterum vero ideo in me recipiendum duxi, tum quoniam Affectus Hystericos omnium, post febres, morborum frequentissimos occurrere, tum quia emolumenti aliquid e levidensibus meis observationibus capi posse existimarem. Neque tamen difficeor, aliam quandam, præter hanc publicum juvandi spem, mihi causam subfuisse, ut otium scilicet bene locarem, & tædium brumalium noctium honestius fallerem; cum jam ingravescente ætate non amplius Congerrones foras quæram. At quicquid id fuerit, quod me primum instigaverit, me non ita atque speraveram, inceptis ac votis meis parem esse sentio, cum continua illa cogitationum series, qua mens obstinatius defigenda est, mihi jam a multis annis *τοδὴν ἔτι* nunquam non officiat, maxime vero, jam appropinquante senectæ. Cum itaque tam opportune appulerint humanissimæ tuæ literæ, brevi responsionis limite expediam eorum summam, quæ prius fufius deducenda meditabar.

Sumpto itaque a *Variolis* exordio, illud prælibandum censeo, quod scilicet ea febrium intermittentium species, quæ primum anno 1677. uti alibi diximus, caput extulit, atque etiam nunc regnat, anno videlicet, quo hæc conscribo, 1681. hæc febres, inquam, pro more epidemicorum omnium, iis maxime tempestatibus grassabantur, quæ cum earum indole magis faciebant, per annos istos omnes, quibus vigebant, aliena autem tempestate appetente, iis protinus epidemicis cedebant, quibus illa magis favebat. Exempli gratia, ingruente hyeme, nunquam non *Tussi*, & *Febribus Peripneumonicis* ab illa pendens locum dabant, ut & *Variolis*. Redeunte autem Vere dicta febris postliminio reversa est, Ita anno 1680. postquam febris hæc per Autumnum omnia fuerat depopulata, *Variola* brumali tempore eam excipiebant, ubique locorum grassantes. Anno autem vertente, 1681. scil. febres intermittentes denuo recrudescabant, haud usquequaque epidemicæ, fractis jam & succisis earum viribus; unde etiam *Variolæ*, hic illic sparsæ, una cum illis subpullulabant, Æstate vero jam ingressa *Variolæ* increbrescere quotidie, tandemque ἐνδημικότητα factæ stragem haud vulgarem edebant.

Hoc anno, sc. 1681. luce meridiana, quod ajunt, clarius mihi constabat, quod jam olim ratio suadere videbatur, ægrum scil. lectulo noctes atque dies continuos non prius addicendum esse, quam *Variolarum* examen omne in conspectum se dederit; Etenim tum Veris, tum etiam Æstatis temperie siccior diutius, quam post eorum, qui nunc sunt homines, memoriam invalescente (adeo ut omnis ferme ubique locorum herba exaruerit) sanguinem fere omnis illa humiditas, quam aer alias solebat suppeditare, destituebat; ex quo *Variolas* jam grassantes major quam pro morbi indole inflammatio accendebat, cæteraque exinde nata symptomata præter modum sæviebant. Atque hanc ob causam, si quid ego iudico, *Macula Purpurea* plenam exanthematum eruptionem haud raro præveniebant, & quæ eas extrudebat vehementior inflammatio, debitam sanguinis crassam interturbans atque disperdens, etiam ante justam materiæ morbificæ expulsionem, præmaturam mortem accersebat. Id vero maxime factorum sævitiam promovebat, quod jam exanthemata ob supra dictam causam ita facillime confluerent, vel ipsa aeris intemperie id mali sponte sua procurante, quod alias fere solent scioli & medicastri, regimine & cardiacis calidioribus in ipso morbi limine inauspicato imperatis atque admotis. Etenim (quod diligenter animadvertendum est) post omnium vel exquisitissimas observationes, rei cardo in hoc vertitur, ut in variolosis salutis spes omnis in *Exanthematum paucitate* reponatur; discrimen in eorundem *multitudine*: & prout plura sunt hæc, vel pauciora, aut moritur, aut vivit æger. Interea fatendum est, & *sanguinis mictum*, & *maculas purpureas*, quæ ita certe mortem prænunciant, quandoque accidere, vix ullo adhuc comparente *Variolarum* indicio, vel etiam paucissimis pustulis erumpentibus; hæc vero ut *Variolas* denso agmine confluentes ut plurimum eomitantur, ita aliquando tam præpropere invadunt, ut ægrum ante plenam eruptionem e medio tollant, sicut jam præmonuimus.

In proclivi est autem, ut mihi videtur, rationem reddere, quare æger plus minusve periclitetur pro majore minoreve exanthematum numero; cum enim quælibet pustula *Phlegmone* primo sit, licet sub exigua mole, mox in *Apostema* evadat, fieri non potest, quin *Febris secundaria* a *Pure* jam in fieri pendens, magis minusve exacerbetur, pro puris excoquendi quantitate jam in morbi statu; quod in mitissimo confluentium genere, die a primo morbi insultu *undecimo*, in mediocri *decimo quarto*, in crudissima vero & ægrius domabili specie, *decimo septimo* fieri consuevit. Quemadmodum enim (quod est notandum) *Confluentium Variolarum* genus *Distinctum* quod dicitur, ratione periculi imminenti, in tantum superat, quantum ab ipsa *Peste* superatur, ita etiam supra dictæ tres confluentium species aliæ aliis præsentius discrimen adferunt. Quod insuper tam in ætate, quam sexu locum habet; cum nemini

non sit notissimum, adolescentem in ipso juventutis flore multo magis periclitari ab hoc morbo, quam vel scæminam vel impubem. Sed hæc obiter.

Neque sane mirabitur tam ingens discrimen a majori pustularum numero pendere, qui secum reputaverit, quod si cujuslibet sive humeros, sive brachia, sive aliam quamlibet partem *Phlegmone* (vulgo a *Boyle*) forte invaserit, idem tempore maturationis, qua jam pus sit, febricitavit; cum scilicet sanguis a purulentis particulis, per venas ex lege circulationis in ejus massam resorptis, incitatus, febriculæ fomitem subministret. Quanto Medicus ubi primis morbi diebus ægrum invisens, faciem ad instar pulveris e limatura acicularum undique respersam contemplabitur, mortem prædicet uno aliquo e diebus jam memoratis involutarum; idque præ indomita vi febris succedaneæ, quam, pro ratione quantitatis puris ex innumeris istis apostematibus in sanguinem rejecti, desævire necesse est. Quæ quidem hominis funesta ruina aliquot diebus antequam ingruat, facile prævideri potest, utut belle se habere æger, & sibi videatur, & astantibus etiam in hujus morbi historia minus exercitatis.

Quocirca si non aliunde periclitetur æger (purpureis maculis & sanguinis mictu jam sepositis) quam ex pustularum frequentia, serio mihi perpendendum est, quibus potissimum de causis ita densæ protruduntur, & si tuto fieri potest, iisdem omni ope coercendis incumbendum. Quod quidem rei caput est, & in quo præcipue ægro suppetias ferre queam; cum periculosa plenum sit alex quicquid moliamur, jam constituto in hac specie morbo; nec si tandem mortem æger evaserit, id tam meæ debetur solertiæ, quam vel insigni narium hæmorrhagiæ, vel fortuitæ alicui, quæ morbo accidebat, mutationi. Profusissima autem illa crebrarum pustularum eruptio, si quid ego conjicere possum, a præcipiti nimis materiæ variolosæ assimilatione ortum ducit; quæ quidem præcipitatio maxime videtur contingere, vel quod ægri natura medicamenti ad instar *Cardiaci*, calore & spiritu plus satis turgat, vel quod ipse æger, sive præmature se lectulo includendo, sive adhibitis cardiacis calidioribus, aut liquore quovis spirituosissimo, fermentum plus debito exaltaverit; quibus omnibus modis disponitur sanguis ad excipiendas & intimius admittendas morbi impressiones, ipsaque natura, seu furis agitata, præ exuberanti materiæ variolosæ copia & plenitudine, omnem fere succorum & carnis molem in exanthemata evomere satagit.

Nulla vero magis ἀπορροή promovetur inmodica materiæ variolosæ assimilatio, quam si æger intempestive se lecto addicat, viz. ante diem sextum a prima invasione, vel quartum inclusive ab eruptione, quo tempore jam omnis pustularum cohors in conspectu est, nec sunt plures expectandæ.

Et licet moderatus lecti calor etiam post elapsos dies istos phrenesi, vigiliis, aliisque symptomatibus accersendis nonnihil conferat, ea tamen ejusmodi sunt, quæ a medicamentis iudicio propinatis vinci possint; cum ingens illud vitæ periculum, quod die undecimo instat, ab innumeris istis pustulis prognatum, omnem medicam opem respuat & aspernetur.

Hic itaque serio monendum est, ægrum nullo pacto se lectulo interdum debere committere, si sibi cavere velit a nimio pustularum confluxu, nisi sexto die jam advesperascente, unde se plurimum usque refocillari sentiet: a quo tempore vix se continebit a jugi in lecto decubitu, si insignior fuerit pustularum συνσπομή tum ob acriorem jam pustularum molestiam, tum quod ab ipso sessionis habitu in animi deliquium sit propensior: quod cum sæpenumero animadvertendum, in mentem mihi venit, ex communi hujus morbi lege naturam ipsam quasi digito mihi monstrasse, quo primum morbi tempore æger lectulo continuo adjudicandus est.

Sed ut non solum dicti Problematis veritatem adstruam, quod tanti est momenti ad minuendum a *Variolis* impendens periculum, verum etiam ut in iisdem a carceribus, ut ita dicam, ad metam pertractandis, rationem nostram quasi manu ducam, non abs re fuerit, opinor, quoddam quasi schema totius morbi animo depingere, & diligenter expendere, quæ sit ejus natu-

natura, ac qualis methodus; quo demum ex certo sensu hominum, fidissimis observationibus utentium, non ex opinione incerto phantasiæ fundo innixa, rem clare adjudicare valeamus.

In primis itaque ejus essentia (quantum nos rerum essentias conjectura assequi valeamus) in peculiari quadam sanguinis *inflammatione* comprehendi videtur, in qua natura primis aliquot diebus id negotii habet, ut particulas inflammatas præparet subigatque, quo facilius in corporis ambitum eliminantur; quo tempore, mota seditione, & perturbato jam sanguinis statu, febris ut accedat omnino necesse est: quinimo incensæ ac jam furentes particulae, per omnem circulantis sanguinis ditionem tumultuantes, ventriculi ægitudines, dolores capitis lancinantes, & quæcunque alia symptomata præcedunt expulsionem, necessario excitant, prout has vel illas partes motu agitatae appellant. At cum jam victrix natura rebelles particulas in corporis habitum propulsaverit, ut prius in sanguine, ita deinceps in carnea mole id quod superest tragœdiæ peragitur. Et sicuti natura non alia quidem methodo quam accensa febre materiam in sanguine peccantem novit amoliri; ita etiam non nisi facto apostemate massam carneam a re qualibet extranea liberat: ut si forte sentis aut quippiam ejusmodi carni inhæserit, partes circumjacentes mox apostemate obsidentur, nisi id quicquid est molesti protinus extrahatur. Hæ itaque particulae in carnibus demum stabulantes, primum *Phlegmonas* haud ita spectabiles excitant, in quibus latitant; quæ quidem augescentes in horas, atque efferatiores & inflammatiores redditæ, tandem in *pus* & vomicas desinunt; quo quidem tempore fieri non potest, quin aliquid ex illa apostematum colluvie, in massam sanguinis, per venas circulari motu reducti, resorbeatur, quod si sanies ista nimia copia sanguini ingeratur, non tantum febrem accersit, cui ægri vires plane sunt impares, sed etiam omnem ejus massam putredine, seu veneno quodam, inquinat. Sed neque hoc mali caput est: quinetiam ab intensiore febris calore, prostratis hisce diebus a nimia puris vi excitato, *Ptyalismus*, qui variolis confluentibus comes indivisus esse debet, præpropere sistitur, unde ægro spiritus continuo intercluditur. Quod si dicta materia purulenta parcius sanguini infundatur, insurgens naturæ robur secundariæ hujus febris impetum nullo negotio reprimat, & abscessulis indies magisque exarescentibus, æger brevi convalescit.

Si vera sit hæc & justa hujus morbi historia, cæcus sit oportet qui non videat, omnem ejusdem in utramque partem eventum, a curationis fundamento recte aut secus primis in diebus jacto, pendere. Nam si calidorum, & præcipue jugi lectuli usu, calenter hæc ac spirituosæ particulae acuantur, necesse est ut assimilandi facultas (qua jamdiu plus satis pollent) adhuc intendatur & augeatur.

Adde quod sanguis & reliqui humores his modis excalescenti, fortiori particularum impressioni promptius cedunt, unde plures quam res postulabat, emergunt pustulae, & æger nulla necessitate cogente in vitæ discrimen conjicitur. Quando oppositum huic regimen, & modice frigidiusculum, atque aeris usus liberior, non tantum fervidarum ac ferocientium particularum vim retundit, sed etiam condensat obfirmatque humores, quo se validius spiritibus morbificis opponant, atque eorundem sustineant impetum, unde non major materiæ variolosæ copia conflatur, quam pro genuina morbi indole.

Sed nec unico hoc incommodo, quod scilicet nimia materiæ morbificæ quantitas assimiletur, & superexaltet fermentum morbi, mulctatur is, qui justo citius ad lectum damnatur: at ex eodem fonte sæpissime profluunt tum mictus sanguineus, tum etiam maculae purpureæ, æstivo maxime tempore, atque in juvenia adhuc florentibus. Utraque hæc symptomata, nisi fallor ego, ortum ducunt ab æstu & furore, in quem agitur sanguis a ferventibus & spirituosius particulis, a quibus exagitatus atque insigniter attenuatus, vasorum claustra diffringit, nunc in mictu sanguineo, quoties in renes irruit, nunc purpureis in maculis, quoties per arteriarum extremitates in musculos & cutem terminatas, percolatur, unde totidem quasi *sphaceli* oboriuntur iis in partibus, in quibus extravasatus sanguis

Sydenham opera Medica.

coagulatur. Atque ut præcaveri facile poterant duo hæc symptomata primis morbi diebus, quibus plerumque emicant, regimine & diætâ in frigidum vergentibus, ita ubi jam actu comparuerint, pariter operam laudet, qui iisdem mederi conabitur, ægrum lecto includendo & cardiaca exhibendo, ac luderet anicula, quæ nimiam aquæ in olla ebullitionem, igni fomittem subministrando, sufflaminare satagat.

Sed ut verum fateamur, utur offendantur Dogmatici & hujus rei ignari, ac proinde iniqui judices, non solum male tutum fuerit, ægrum primis diebus lectulo jugiter affigi, verum enim vero est ubi æger libero aëri omnino est exponendus, si æstas scilicet fuerit, atque æger ætatis florem nondum prætergressus, aut liquoribus spirituosius assuetus, præsertim si morbus nimiae compositioni originem debeat. His inquam in casibus, præcipitem nimis pustularum eruptionem haud equidem arbitror satis coerceri posse, tum a lectulo abstinendo, tum etiam a cardiacis; at sanguis etiam sine horum subsidio, spirituum præfervidorum & morbo congenitorum largo penu auctus, magno cum impetu, ut explodatur quasi necesse habet; atque insuper tanta humorum congeries in exanthemata facesset, ut præ nimia puris copia in sanguinem regurgitantis sub fine morbi, æger quasi obrutus, fato omnino succumbat.

Quamvis haud raro fermentum immodice exaltatum tantam colluviei variolosæ vim conficiat, ut æger incipiente adhuc morbo e medio tollatur; cum scilicet materia morbum committens, tum præ nimia sui copia, tum præ motu inordinato ac confuso in sanguinis massa excitato, se nequit extricare & foras educere, cujus loco mictus sanguineus & purpureæ maculae tragœdiæ catastrophe fiunt. Quod etiam & in morbilis, & in febre, scarlatina dicta, sæpiusculum occurrit, ubi scilicet intempestiva opera in iisdem ad eruptionem vehementius sollicitandis infelicitè collocatur.

Neque sanguinis missio, quantum mihi videtur, licet mature celebrata, ita efficaciter præproperam materiæ variolosæ assimilationem cohibere valet, ac sanguinis contemperatio ab aere intromisso, maxime si statim ab emissio sanguine æger lectulo committatur, & cardiacis calidioribus macetur; his etenim modis, sanguis propensior redditur excipiendis adventitii caloris impressionibus, quam ante venæ sectionem fuerat. Et sanctè assero, insignissimum fere omnium, quos mihi unquam videre contigit, e confluentium genere morbum, & qui ægram undecimo die jugulaverit, juvenulae supervenisse, ubi primum a rheumatismo usitata illa methodo copiosæ & iteratæ venæ sectionis fuerat liberata. Atque hinc mihi primum innotuit, phlebotomiam non perinde, atque ego prius arbitrabar, Variolis intra justos limites coercendis conducere: Tamen sæpenumero observaverim, reiteratam catharsin sanguine nondum inquinato, subsequentes Variolas laudabiles & distinctas ut plurimum reddidisse.

Neque vero me fallit permulta esse, quæ contra sententiam hanc nostram, qua ægrum interdiu lecto eximimus, possint objici; eaque haud exigui tum apud hominum vulgus momenti, tum etiam apud minus hac in palæstra exercitatos, quos Judices appellare solet vulgus medicorum, ut eorum autoritate male fundata theoremata statuminent, utpote quæ magis, & quasi ad amissim horum captui quadrent, quam quæ ab ingeniis penetrantioribus mature sunt excogitata; unde sequitur, ut cum pars hominum longe maxima exteriori tantum rerum cortici contemplando apta nata sit, paucissimi autem veritati in profundo latitanti inde extrahendæ pares sint, scioli isti ἡσυχίαν suffragio adjuti primas facile ferant, hi autem perspicaciores calumniantium maledicentia excipiantur, πολλοὶ γὰρ νεο-δικαστοὶ, παῦροι δὲ τε βάνχιο. Qui tamen æquo id animo ferunt, veritate freti, & saniorum, paucorum licet, consensu. Primo itaque objicietur, quod lecto abesse primis morbi diebus pustularum eruptioni officiet, & ex consequenti ægitudinem, aliaque symptomata ab impedita eruptione pendentia, in longum ducet. Hoc verum esse minime nego, cum experientia fere quotidiana ei suffragetur. Quærendum est autem, ubi gravius periculum, vel in sufflaminanda paulisper materia variolosa, atque ea de causa ægitudinem a non eruptione pendentem aliquantisper protrahendo; vel ex altera parte nimis

urgendo morbi fermentum, & tam insignem materię variolose quantitatem assimilando, ut æger ad orci fauces sistatur a febre secunda, diē morbi undecimo. Si rem recte expendamus, liquebit, opinor, paucissimos ideo fato defunctos, quod exanthemata serius ocyus non efflorescerent, nisi forte ex iis aliquot, quorum sanguis præ nimia excalescentione, motu inordinato, quasi æstro quodam, percitus, materię morbificę leniter excernendę opium non concedebant; quod a meis partibus militat, non pugnat mecum. Neque enim extimescendum est, quin, si nihil profus agamus, materia variolosa (utut primis hisce diebus hinc illinc transvolans, quamcunque occupaverit partem, fatiget, undē vehementiora illa symptomata, vomitiones enormes, dolores variis in partibus, &c. nascuntur) tandem tamen a victrice natura debellabitur, & in corporis habitum extrudetur, præsertim cum ægri alvus hucusque utplurimum adstricta, pustularum eruptionem, feram licet, certam tamen fore spondeat. Ast e contrario quot quantique letho patent aditus, quoties pustulę intempestive & nimio opere exiguntur? Longum foret omnes percurrere; præcipuos jam indigitavimus. Sunt autem hi, 1. Nimium auctus exanthematum numerus, cui ex æquo responderet febris ultimis diebus succedentis majus minusve discrimen. 2. Mictus sanguineus & maculę purpureę, quorum utrumque ab extravasato sanguine oritur, qui plus justo attenuatus & quasi præ æstu ferociens, disruptis vasorum repagulis, quæ data porta ruit. 3. Ut supra dictum est, debitę eruptionis suppressio totalis, a nimis sedulo in præcipitanda eruptione conamine, quo non magis scopus medico propositus attingitur, quam si quis id agens, ut densa hominum turba spatiosis ædibus inclusa, seriatim & servato ordine inde exiret, machina chartacea pyrio pulvere referta ac in medio displosa usque adeo omnes percelleret, ut singulis ad portam omni ope contententibus, proindeque constipato agmine in ejus faucibus hærente, exitus universis, quasi cuneo facto, præcluderetur.

Jam si quis roget, quorsum debita materię variolose separatio non perinde primis hisce diebus promoveri possit, si æger moderato lectuli calore foveatur, ac si ab eodem arceatur; sciscitabor ego ex adverso, an non testetur experientia quemlibet lecto inclusum tempore brumali, stragulis modice contentum, foco non accenso, magis percalescere, quam si idem probe vestitus in eodem cubiculo extra lectum versetur. Quod si de differentia notabili satis constet, tunc erit quærendum, quænam ex his methodis magis apta sit ad reprimendam exuberantem fermenti variolosi agitationem; ad quam metam, si quid nostra mediocritas judicando valet, a Medico, incipiente morbo, præcipue collimandum est, & prout ab eadem plus minusve is aberraverit, ita cum malis bonisve ægri rebus medicina fecerit.

Incautioribus id vero præsertim hac in re imposuit, quod se animadverterint ægrum suapte sponte in sudores proclivem, qui cum jugiter manarent, quoties lecto contineretur æger, æstus febriles haud parum minuebant, secus ac in iis, qui non sudabant. Primum autem perpendamus, quam ob causam febris coercendę ita impensam navemus operam, cum sit illa solemnissimę naturę machina, qui tum in præparanda, tum in eliminanda materia quavis inimica in sanguine latenti, præcipue utitur. Quis autem non videt, quod dum ita sedulo sudorem provocemus ad mitigandum febrem, eadem opera, ceu fructum præcoccem, humorem crudum & inconcoctum extrudentes, atque iis ipsis sudoribus immajori postmodum febris ansam præbeamus; cum hoc modo serum sanguinis (quo tum ipse sanguis, tum etiam recens natę fervidę istę & variolose particulę diluuntur) foras propellitur; his interim particulis vires fumentibus, & ferociam, eo quod jam liberę sint a colluvie serosa, quam sudores exhaustant. Verbo dicam, febris aliorumquę symptomatum alleviatio a provocato sudore, & pustulis exinde præmature exactis, quamplurimis male cessit, qui eam ob causam, vitam cum morte die undecimo commutarunt.

Observandum est autem, me ægro primis morbi diebus lecto interdicare ex hypothesi tantum Variolarum e confluentium genere subsecutarum: Namque distinctum genus quod attinet, modo certo prævideri possit, ut nulla ægro impetatur necessitas se in lecto jugiter continere, ita illum ab eodem nullus abigo; cum exanthematum paucitas, sive hanc, sive illam viam incedentem in tuto collocet.

Nihilominus non usque adeo mihi assentor, ut ea, quæ jam tradidi, ex autoritate judicii mei (quod scio quam sit exiguum) credenda autumem. Et profecto, ita parum firmas, & nullius fere ponderis hominum quorumcunque opiniones semper duxi, ut proprias etiam ubique pro suspectis habuerim, quoties cum aliorum sententiis pugnant; quod & hic etiam mihi usu veniret, nisi phænomena practica quasi uno ore rationis judicio suffragarentur. Seclusis enim practicis observationibus, id quod vel mihi, vel alii cuilibet pro ratione habetur, nihil fortassis erit aliud, quam rationis umbra aut phantasma, hoc est, mera opinio. Et quoties inter homines fuerim, certior inde redeo, quam sit periculosum, vel acutissimo ingenio præditis, cerebrum in qualibet sive arte, sive scientia indaganda agitari perpetim & quasi concalefieri, nisi factum ipsum veri ac falsi judicem ac sequestrum constituent; quodque istiusmodi magni opinatores, ut cum Cicerone loquar, in controversiis pure speculativis, gradibus vel spatiis infinitis, quantum cuiquam possit innotescere, a veritatis scopo aberrant. Cum qui ad illa tantum applicuerit animum, quæ praxis certo determinare queat, si quid forte fuerit hallucinatus, nullo negotio ab errore liberabitur, ad hanc ceu ad Lydium lapidem probatis, quas animo conceperat, rerum ideis. Nam in hoc nostro negotio, an non mihi licet observare a quo maxime regimine adhibito, mitius aut sævius Variolarum genus producat, atque adeo conformem rei evidentię sententiam animo procudere? Quod si alii idem fecerint, satis habeo. Iniquissimum est autem, cum ne semel quidem per omnem vitam fuerint experti, quantum ægro profit noceatve jam sæpe memorata e lecto interdiu immunitas, me tanquam falsarium convitiis proscindere. Quod si jam olim vera, licet inopinabilia, sentientes caluminandi libido obtinisset, nemo quicquam tentasset quo invento homines juvari possint. Et sane quorsum ego has mihi facerem molestias, nisi repetita sæpe & fere quotidiana experientia, hanc methodum vulgari ista longe tutiorem esse inclamaret? Non sum usque adeo delirus atque inops mentis, ut famam mihi quæram ab exagitata atque explosa eorum opinione, qui, si plausum venareri, omni obsequio mihi ambiendi erant; neque malitię tam deploratę cuiquam videri possim, ut hominibus, etiam sæculis aliquantō multis post mea fata nascituris, ex mea, si quæ erit illa, autoritate insidias struam, & vel mortuus, quod horreo referens, perinde ac vivus, illos occidam. Utut sit, hac ego methodo meos ipsius liberos, sanguine & propinquitate conjunctissimos quosque, & quotquot se mihi libere permiserunt, omnino curavi. Si quid deliquerim, in eo a me erratum est, quod obstinatę contra sentientium pertinacię, ne durus ac præfractus haberer, aliquoties cessi, atque hac de re eorum fidem appello, quibus maxime familiaribus usus sum. Sed hoc ad infelicitatis meę cumulum accessit, quod aliquoties, etiam ubi astantes, ea quæ suaseram omnia per integrum morbi cursum fuerant aspernati, ægri tamen fatum (etiamsi a calore quem promovebant amici & curatrices, me ad ravim usque reclamante, extincti) mihi crimini dabatur. Quæ de causa accedente insuperabili *ἡ συνων* præjudicio, bene mecum agi putarem, si nunquam deinceps ad Variolis laborantes accerferer.

Haud equidem inficias eo, Variolas, quocunque demum modo tractentur, nonnunquam tamen insigniter confluxuras, unde etiam nunquam vacant periculo, quicquid suppetiarum afferatur; id autem asfero (quod mihi satis esse debet) diuturna atque iterata sæpe sæpius experientia innixus, eum in longe mi-

ge minori discrimine versari, qui a primo morbi insultu lecto interdium, & carnibus omnino abstinet; nec nisi potum tenuiorem sibi indulgit, quam qui statim lecto adjudicatus, medicamenta etiam cardiaca assumpsit. Hæc etiam methodus, quod supra etiam innuimus, ut plurimum densam nimis exanthematum segetem cohibebit, & consequenti etiam immodicam febris secundariæ effervescentiam, quæ non solum suo Marte perimit, sed etiam salivam (de qua in hujus morbi historia fuscè egimus) præponere incrassando, ægro perniciem ultimis morbi diebus minatur. Quid quod hoc pacto tum sanguinis mictus, tum maculæ purpureæ præcaveri possint; quæ duo symptomata primis morbi diebus invadunt, idque persæpe nullo adhuc manifesto eruptionis indicio: quod etiam in morbillis, scarlatina febre, atque acutis aliis ab intensiore inflammationis gradu ortis, fieri assolet. Mitto jam jucundissimum istud refrigerium, quo se æger perfundi animadvertit ab ætis appulsu liberiore, quoties a lecto calente dimittitur; quod etiam singuli, quibus id per me licuit (maximas agentes gratias, quasi vita & spiritu receptis, hac aura postliminio vescerentur) pleno ore agnoverunt.

Unde mihi subiit cogitare, quanto sæpius fucum nobis facit illa, quam talem esse opinamur, ratio, quam sensus iste certissimo nobis cognitus; quodque in morborum curatione, plus dandum est ægrorum appetitionibus & desideriis impensioribus (modo perquam enormia non fuerint & quæ vitam ipso facto extinguant) quam magis dubiis ac fallacibus medicæ artis regulis. Exempli gratia. Febre ardente laborans, tenuioris potus refrigerium liberaliori manu concessum iri vehementer efflagitat; Artis jam theorematâ hypothesi alicui innixa, quæ sibi alium scopum proponit, quocum pugnat liquoris frigentis indulgentia, appetitui adversantur, & hujus loco medicamentum cardiacum imperant. Idem æger alimenti omne genus, dempto potu tenui, maximopere fastidit; hic ars, maxime illa quam profitentur curatrices & amici adstantes, omnino comedendum esse acriter contendit. Alter post diuturnum ab eadem causa languorem, absurdi aliquid, & quod forte nocere posse videatur, obnixè petit; Ars iterum molesta se opponit; & mortem intentat morem non gerenti; nisi forte ipse artifex sanum illum prudentissimi Hippocratis aphorismum probe concoxerit, *Cibus & potus paulo deterior, suavior tamen, melioribus quidem, sed insuavioribus* (hoc est minus gratis) *est anteposendus*. In his omnibus, naturæ ut videtur, oberrationibus, quilibet in praxi medica vel mediocriter versatus, inodo animum diligenter adverterit, facile concedet ægros haud paucos, ubi primum spreto Medici dictamine, genio suo obsecundaverint, se melius habuisse. Neque hoc sane mirabitur, qui secum reputaverit, sapientissimum rerum omnium Conditorem Statoremque universa tam exquisito ordine absolvisse, ut sicuti omnia naturæ mala ad concinnandam totius operis harmoniam egregie conspirent; ita eorum singula divino quodam artificio, propriæ essentiae quasi intertexto, donantur, quo subjectum eadem mala a se amoliantur; quod in morborum quamplurimum acutorum exitu naturali satis cernitur (*Acutos* dico, qui ut plurimum Deum habent Authorem, sicut *Chronici* ipsos nos) uti etiam in propensionibus istis quæ tales comitantur morbos, & ad ægrum ab illa perniciem liberandum viam struunt, quam ars affert, quoties in fatuos cadit. Atque in hoc sane bene cum hominibus agitur; quorum genus universum aliter se perquam male habuisset, tum cum ars medica intra breves *Hellado* cancellos tota staret; quæ quidem eam fere ad terrarum orbem proportionem habet, quam habet ignobilis aliqua villa ad nostram hanc *Britanniam*. Et quid vel imptæsentiarum de tot tantarum regionum incolis fiet, cum omnis *Asia*, *Africa* omnis, atque omnis etiam *America* (demptis aliquot nuperis *Coloniis* haud ita populosis) atque insuper magna *Europa* pars, arte medica prorsus destituantur? Attamen ut eleganter Comicus, viros rationis ac virtutum usu præstantes, ab eorum grege, qui formam humanam vita ad instar brutorum ἀλόγων acta conspurcant, distinguens, ὦς χαρίεν inquit, ἐς ἀνδραπῶν, αὐτὸ ἀνδραπῶν ἢ ita etiam ars medica, si revera ars fuerit, & non solum no-

Sydenham opera Medica.

mine tenuis, maximum est donorum omnium, quæ hanc vitam respiciunt, tantoque cæteris omnibus præferendum, quanto ipsa vita iis, quibus in illa gaudemus, præcellit.

Sed ut ad rem redeam: Quantuncunque conducatur plerumque ægro ut primis morbi diebus lecto non addicatur, est tamen (quod observandum) ubi etiam ante eruptionem omnino addici debeat. Exempli gratia, *Infans* de symptomatibus dentitionem comitantibus jam securus, derepente *Spasmo* corripitur: in hoc casu cogitandum est mihi, convulsionem istam fortassis a naturæ conatu quo *Variolas*, *Scarlatinam* *Febrem*, aut *Morbillos* in corporis habitum protrudere satagit, pendere, licet hucusque lateant sub cutis tegmine. Ut itaque tam periculoso symptomati eamus obviam, *Emplastro Epispastico* nuchæ mox applicito, lecto quamprimum committendus est; exhibito insuper medicamine aliquo *Cardiaco*, cui etiam *Paregorici* pauxillum est admiscendum, quo & potentius morbi causam eliminet, atque etiam tumultum a quo oritur paroxysmus confopiat: Verbi gratia, puero trienni, gutta v. *Laudani liquidi in Aquæ Epidemicæ cochleari uno* (aut quid simile) sunt propinandæ. Et profecto suspicor admodum, ne dicam certus sum, millenos aliquot infantes, & nonnullos etiam ætate provectiores, idcirco letho fuisse datos, quod non satis animadverterint Medici hujuscemodi convulsiones nihil aliud fuisse, quam morborum jam dictorum prænuncios: cum enim Practici paulo incautiores, paroxysmos hosce revera symptomaticos pro affectibus essentialibus habeant, enematis sæpe repetitis & aliis evacuationibus eos aggressi, Variolarum eruptioni officiant, ac proinde permanentiores etiam reddunt paroxysmos istos, quos tanto molimine opprimere student, quique alias, ubi primum pustulæ eruperint, sua sponte certo certius evanescerent. Hic autem, fausto lætoque omine (quod alibi diximus) Variolæ, quæ cum spasmo teneriores pueros invadunt, raro insigniter confluunt, unde æger longe tutius lecto conceditur primis hisce diebus. Licet observaverim Variolas, quoties *Affectus Comatosos* a tergo insequuntur, admodum confluere; quo in casu ipsemet vesicatorium, & paregoricum, quale supra descripsi, potius adhiberem, quam ut ægro jugem lecti usum ante eruptionem permetterem. Quinimo animadverti ejusmodi *Convulsiones* quandoque (oppido tamen raro) *Intermittentium Februm Paroxysmos* præcedere; *Affectus* vero *Comatosos* cum dictis paroxysmis una invadentes & non nisi cum iisdem terminantes, tam in infantibus, quam adultis persæpe vidi, quorum similiter nulla in curatione ratio habenda est, sola autem febris, utpote morbus primarius & essentialis, omni ope est expugnanda. Si enim comatosis hisce affectibus febrem comitantibus curandis præcipue incumberem, ac proinde venæ sectione, catharsi, atque enematis repetitis, sopori vincendo operam navarem, febrem inde magis accenderem, & ex consequenti eo usque augerem comam (quod mihi erat tollendum) ut æger tandem ab eo æternum confopiretur; quando si in febre debellanda totis viribus contendam, symptomata omnia ab eadem pendentia nullo negotio una faceissent. Quod serio notari velim, cum in hac re tam crebro tamque fataliter errari soleat. De hoc vero alio in loco fusius dixi.

Aliquod etiam (quod proxime tradam) quantumlibet ægro conferat ut lecto interdium absistat, nihilominus non potest id solatii eidem indulgeri, *agritudine* sc. *vehementiori*, *intensiori Febre*, *Vomitu enormi*, *Vertigine*, *Artuum dolore* quasi rheumatismo laboret, & similibus contra indicantibus: quæ quidem symptomata omnino sæviora si fuerint, maxime in sanguineis & ætate florentibus, ingentem materiæ variolosæ copiam intus natam, & discrimen haud vulgare, a pustulis exitum certatim quærentibus, ac mox valde confluxuris, præfagiunt. Cum itaque frantum fermento ita exorbitanti omni ope injiciendum sit; attamen hinc quidem illud continuo lectuli calore adjutum ferociet magis, illinc vero præ-

nimia ægritudine eodem abstinere nequeat ægotans, nisi suppetias afferamus; has ob causas omnino necesse erit, rebus sic stantibus, *sanguinem* primum e brachii venis educere, & post aliquot horas *Emeticum* eradicativum ex *infusione Croci Metallorum* exhibere, quod non solum materiam, a quo oritur ægritudo ista insolentior, foras propellit, sed etiam ægrum ita refocillat, ut jam quasi sanus lectulo abesse queat. Neque huic soli methodo innitendum est ad infringendas fermenti vires, sed quo magis æger in tuto collocari possit, præter evacuationes jam memoratas percommodum erit *Vitrioli spiritum* potui tenuiori, quoties eum haurit, liberalius immiscere, etiam usque ad plenam pustularum eruptionem. Non obstantibus tamen hisce evacuationibus, tum etiam usu potus refrigerantis, æger nihilominus non nisi nocturno tempore lectulo permittendus est, si quidem fieri potest, quoniam hæc universa longe minus ad inhibendam præproperam materiæ variolosæ assimilationem faciunt, quam una sanguinis contemperatio a novo aere per pulmones subinde reciprocat: quæ quidem sola mirum in modum ægritudinem symptomaticam, de qua supra, sublevari confestim, quod a me non uno experimento comprobatum est. Hæc autem methodus paulo insolentior non nisi in ætate florentibus, quorum quidem sanguis sive a Venere, sive a Baccho incaluit, atque in aliis (infantes tenellulos semper excipio), quos una cum Variolis vehementiora atque enormia ista symptomata jam dicta adiunguntur, necessario requiritur. Ubi sanguis non usque adeo accenditur, neque ita urget symptomatum violentia, uti materiæ variolosæ præmature assimilandæ longe minor est suspicio; ita ex consequenti & evacuationes præmemoratae, & vitrioli spiritus omitti possunt.

Longior in his fui, quia sat scio curationis exitum, sive lætum, sive funestum, ab ea potissimum, si non insolidum, ratione pendere, qua æger primis morbi diebus tractatur. Jam vero omni pustularum acie quasi in campumeducta (quod *die* ab invasione *sexto*, quarto autem inclusive ab eruptione prima fieri jam diximus) haud amplius interruptendus est ægro lecti usus per reliquum morbi decursum: qui quidem ut ante hunc diem concedi non debeat, ita ut diutius differatur, vix patitur ægri status, modo confluentibus Variolis labore. Hoc autem est genus (quod notari velim) de quo hætenus verba fecimus. Quæ enim & pauca & distincta emergunt exanthemata, parum habent momenti sive in hanc, sive in alteram partem, si vel mediocriter in arte valeat is qui medetur. Quanquam etiam in genere hoc, utut suoapte ingenio omni periculo vacet, haud pauci (quod serio dolendum est) Libitinæ cesserint, quoties scilicet malo suo fato in eos inciderint, qui in promovendo calore spem omnem ponentes, cum morbo ad jugulandum ægrum, licet inscii, conspirabant.

Tempore ab hoc pustulæ augefcere & corporis superficie undique concalescere incipiunt, at caput in primis, unde æger, nisi fuerit infans, ad somnum difficilior est, & inquietudine vexatur: Quod proximo loco in hoc morbo diligenter expendendum esse arbitror; prout enim sedatior fuerit sanguis, ita debitum augmentum & magnitudinem acquirunt pustulæ, atque ex adverso, pro ratione organismi, quod tumultuatur dictus sanguis, pustulæ marcescent, intercepto ulteriori progressu; unde non solum peccantis materiæ eliminatio sufflamatur, sed insuper singularum phlegmonum œconomia & genuina crasis interturbatur; indeque vel non omnino debito tempore ad separationem pertingunt, vel ichor demum fit puris vice, & loco flavi liquoris favum colore referentis, nigricans aliquis humor, vel succus alius non naturalis, & a genuinis Variolarum pustulis alienus, egeritur. Quapropter medicamenta *Paregorica* æque indicari in variolis confluentibus mihi videntur, ac indicatur quodvis remedium in quovis morbo; cum hic quasi *Specificæ* sint, perinde ac cortex Peruvianus in febribus intermittentibus: quamvis haud ignorem paregorica non virtute aliqua præcise specifica operari, sed isti solum indicationi respondendo, qua sanguini & spiritibus consopendis, & in ordinem

redigendis operam damus. Atque hic quidem sanguinis & spirituum motus inordinator (Variolarum confluentium in adultis comes individuum) anodynorum usum præ cæteris deposcit, necdum ei satis innotescit hujusce morbi genius, qui ista vigiliis tantum deberi existimat. Sicuti enim fieri quandoque potest, ut etiam non dormiens bene compositis ac sedatis fruatur spiritibus, (quod ab assumpto Laudano per sæpe accidit) ita etiam nonnunquam fit, ut spiritus vehementius agitati laudabili pustularum eruptioni officiant, etiam ubi æger multum dormiat, quod observatione dignum.

Ut de genere anodynorum jam loquar. Tamen ego a multis annis *Laudanum liquidum* satis auspiciato exhibuerim, quoties huic indicationi satisfaciendum erat, nihilominus *Syrupum de Meconio* dose præferendum censeo; licet enim utrunque ad eundem scopum dirigatur, tamen Laudanum paulo magis calefacere mihi videtur, syrupus autem minus. Dosis quod spectat syrupi, ea non solum ægri ætati est adaptanda, sed & symptomatum gradui, & quæ homini, qui sedatos habet spiritus & probe compositos, nimia forte erit, alteri, cujus spiritus ferociunt magis, vix sufficit. Exempli gratia, ponamus in genere sex drachmas plerisque convenire, jam in variolis, quoties id remedii indicatur, vix intra *Unciam*, si quid præstare velimus, est subsistendum; quæ quidem quantitas singulis vicibus morbo decurrente imperanda est. De adultis agimus impræsentiarum, etenim si infantibus propinetur, dosis pro ratione ætatis erit minuenda. Et sane paregorica non perinde indicantur in infantibus variolis, ac in adultioribus, cum illi in somnos perdurante morbo proniores sint. Quamvis & in his quoties a morbo periclitantur magis, a paregorico abstinere multum extimescerem. At, quod dicere animus mihi erat, difficile est admodum paregoricorum dosin, quocumque in casu ista indicantur, certo determinare. Etenim sive in quocumque *Spirituum motu inordinatori*, sive in *vomituum enormi & alvi fluxu*, sive etiam in *dolore atrociori* (in quibus affectibus tribus præsertim usum paregoricorum indicari alibi docui) ea methodo sunt exhibenda, ut si prima dosis metam non attingat, alia atque alia debito tempore assumatur, donec tandem medicamentum Medici votis responderit; non tam ad ingestam anodynæ quantitatem, quam ad effectum, quod in ægro producendum erat, respectu habito, quod ubi primum successerit, nec citius, Paregorici usum ita copioso ac frequenti cessandum est: interposito tamen semper inter singulas doses spatium aliquo, ut pernoscere valeamus, utrum dosis ultima id, quod, quærimus præstiterit, antequam nova ingeratur. At ubi semel finem propositum obtinuerimus, dosis anodynæ in morbi progressu exhibendi, jam minor pro re nata definienda erit.

Exempla haud pauca in promptu mihi sunt, quibus eis, quæ hætenus tradidi, fidem astruam, at unicum impræsentiarum adducam. Aprilis 13. anno 1681. Quædam e nostra vicinia, nomine *Crosse*, ad me accedens atque flens obnixè, petiit ut filium ejus decennem adirem, qui a die quarto male habens, Variolis, ut ipsa metuebat, jam laborabat. Ego a podagra, quæ me tunc temporis excruciat, detentus, Pharmacopolam, quo uti soleo, rogavi ut ægrum inviseret, ac mihi de ejus statu referret: rediens ille mihi narravit, pueri matrem e nescio cujus mulierculæ consilio, *pulverem Comitisæ* & alia calidiora remedia filio propinasse, quin & stragula adjecerat matris indulgentia, sub quibus quasi defossus latebat æger, ut horum pondere sudores (ad quos ceu ad sacram anchoram in hoc morbo scæminæ confugiunt) exprimeret; ad hæc magnam *Posserti* calentis vim, *floribus Calendulæ & cornu Cervi incollis*, ægro infuderat; unde adaucto febris calore, tantam spiritibus confusionem induxerat, ut præter modum deliraret æger, totis adstantium viribus vix lectulo affixus, ac incondita quædam, furentium ad instar, submurmurans. Nondum tamen in lucem prodibant exanthemata, vel saltem obscure, sed denso agmine cutim impetebant, inhibita plane eruptione ab hac methodo violentiore, quæ ad eam sollicitandam desi-

destinabatur. Jubeo ut lecto eximatur quanto ocius, neque eundem nisi noctu ingrediatur ante lapsum *sextum diem*: dein ut syrupi de Meconio unciam dimidiam statim sumat, quo ne hilum proficiente post horæ spatium eandem dosin repeto, at nullo cum fructu; quippe quod sanguis tam immani furebat orgasmo, ut non nisi uncis duabus cum dimidia (spatio tamen inter singulas semiuncias interjecto, quo liqueret quid postrema dosis præstiterat) intro assumptis frænari posset; quo facto, unciam dimidiam tantum singulis noctibus hauriendam præscripsi, usque ad finem morbi; quæ quidem illam spirituum requiem, quam crebrior exhibitio paraverat, tueri jam partam valebat. Unde etiam convaleuit æger.

Hic minime reticendum est, quod in quantacunque demum dosi & quantumlibet repetita exhibeatur primis hujus morbi diebus Narcoticum, modo sanguinis æstus atque enormis spirituum agitatio magnopere ferociant, vix scopum attingere poterit id, nisi æger a lectulo eximatur: Calor enim lecti calorem morbi ulterius augefcit atque incendit; proindeque vim ita magnam Narcotici exhibere necesse erit, cui fortean natura impar fuerit. Quod etiam usu venit, etsi haud tanto vitæ discrimine, quando cortex Indicus exhibetur in febre intermittente, ægro per ejus usum in lecto se continente. Et hoc, ni fallor, in causa fuit, quod curatio hujusce febris nonnunquam protelata fuerit, quæ alias citius absoluta esset, & quandoque etiam si febris remittens tantummodo, & non interstincta erat, eadem adeo intendebatur, ut mortem ipsam æger haud effugerit.

Missis autem casibus extraordinariis, in quibus nullo non morbi tempore indicari potest hoc remedium, ego ista primum nocte exhibendum suaserim, quæ lecto jam in totum addicitur, *sexta* nempe a prima invasione, a quo tempore usque ad *diem decimum septimum* omni vespere est propinandum, vel saltem donec æger *ἔξω βέλων* quod ajunt, fuerit constitutus. Sexto enim die caro phlogosi quasi corripitur; unde caput ab humoribus exinde concalescentis turbari incipit, & vacillare.

Curandum est autem sedulo, ut anodynum temporius sumatur hic, quam in aliis morbis: quoniam quidam calor, & inquietudinis quasi paroxysmus variolosos sub vespere semper affligit; & quandoque accidit, quod, nisi maturius exhibeatur sub ultimis morbi diebus, æger, derepente paulo hebetior factus, mox incalescat, post de ægritudine queratur, quæ brevi in ipsa morte terminatur; attonitis haud parum amicis, qui paulo ante magnam de ægro, ceu convaleto, spem foverant. Cui tanto malo occurrere fortean poterat anodyno confestim ingesto. His itaque diebus, *undecimo* vero præ cæteris, paregoricum temporius propinandum impero, etiam hora quinta sextave pomeridiana, utque in promptu sit, si quando forte ægritudo ex improvviso invaserit. Quinimo persuasissimus sum, nonnullos ex mihi, notis ideo fato functos, quod dicto medicamento, re jam postulante, destituerentur; cujus ope, si adfuisset, adhuc inter vivos numerari potuissent. Atque hoc in loco maxime, si in quo unquam alio, *Occasio præcepta est*.

Quapropter cum tam ingens discrimen impendat, si Narcoticum vel sat cito non fuerit propinatum, vel si e diverso ita præmature, ut ejusdem vis paregorica, & spirituum sedatrix exoleverit, quam illud repetendum veniat; idcirco cum res in lubrico sit, tutissimum omnino est anodynum statis horis, tam mane, quam sero exhibere, ultimis sc. & periculosissimis morbi diebus. Neque hoc tempore syrupi dicti uncia semper sufficit, cum ea quantitas nihil præster magis in intensiori sanguinis inflammatione, & spirituum animalium exorbitantia insigniore, quam uncia dimidia in morbo mitiore. Quinimo iterata experientia me edocuit, *Sesquiunciam* in juvenibus, & sanguineo temperamento præditis pro singula dosi, violentiæ symptomatum, quæ tunc ingruunt, & in quibus præcavendis toti sumus, frangendæ parem tantum esse; quodque hæc ipsa dosi in talibus subiectis, atque iis temporibus, mane & sero, non tuto tantum, sed cum magno etiam ægrorum

commodo, repeti possit, donec illi convaleant.

Neque vero hoc reticebo, quod in ultimis diebus Variolarum egregie confluentium quandoque necesse habui etiam ter in spatio diei naturalis, *i. e.* octava quaque hora, Narcoticum exhibere; quando scilicet, vel ob violentum spirituum orgasum, vel ob eorundem confusionem ægritudinem aliqualem inducentem, longiora ab usu ejus intervalla haud concederentur. Hoc autem notandum, quod si tam frequens diacodii exhibitio ægro nauseam creet (quod in dictis diebus sæpe accidit) hoc in casu *Laudanum liquidum* propinandum; cujus *gutt. xvj.* idem valent, ac *ʒj. syr. de Meconio*, nempe si eodem modo præparetur, quem in *Libro de Morbis acutis*, & in *Cap. de Dissenteria* ibidem descripsimus.

Obicient, sat scio, illi, quibus hæc minus placent, materiam peccantem a Narcotico toties, & in tam larga dosi repetito, fixam iri, & ptyalismum retundi. Quibus respondeo, omnino fatendum esse salivationem aliquatenus imminui, nunquam tamen ita penitus cessare, ut non longissimis ab assumpto anodyno intervallis, atque ejus vi jam fatiscente, nonnihil recrudescat, immo vero gemino hoc commodo stipetur. Primo quod æger, viribus a Narcotico instauratis, pituitam validius expectorare valeat. Dein quod saliva, quæ excreatur, licet parcior sit, rectius tamen excocta est, quam si anodynum non fuerit exhibitum. Proximo loco, ptyalismus defectus hic partialis plusquam compensatur faciei manuumque tumore, qui ex repetito paregorici usu, & certior est & major in iis diebus, quibus hæc partes solent intumescere: facies scil. ab octavo die usque ad undecimum, (quo tempore fere incipit subsidere) manus vero ab undecimo, usque dum pustulæ eas obsidentes maturuerint. Atque fidenter assero, neminem in hoc morbo probe versatum posse negare utriuslibet horum tumorum absentiam, quo tempore se debent ostendere, pejoris esse ominis, quam ptyalismum interceptum. Me quod attinet, longe tutius esse autumo ptyalismum compescendi discrimen subire, quam a Narcotico abstinere: quod ita impense morbus hic efflagitat, ut in eo rudis sit oportet, & parum observationi deditus, qui ægros suos subsidio tanto defraudat.

Non vero ita capienda sunt, quæ hæcenus disse-rui, ac si ego quotidianum diacodii usum, vel ea quæ convenit dosi, in tenellulis infantibus, qui Variolis confluentibus laborant, suaderem, nisi morbus periculum grave intenter, idque duabus de causis; primo, quia usque adeo non calent infantes, atque illi, quorum vitæ fax plenius accensa jam luculentius ardet; dein quod Narcoticorum jugiter assumptorum vim non ita bene ferat ætas mollior, & magis infirma. Adde quod sponte sua somno fere perpetuo morbi tædia fallunt infantes. Nihilominus quoties, vel phrenesi illi corripuntur, vel pustulæ mali moris sunt, anodyna omnino indicantur, horum enim utrunque sanguinis atque spirituum animalium motum inturbatum plus satis evincit.

Duo hæc, quæ adeo prolixè tractavimus, nempe ista methodus, qua inhiberi debet præpropere materiæ variolosæ primis in diebus assimilatio, tum & altera, qua motus spirituum inordinatus ab externarum partium inflammatione excitatus, est præcavendus, duo sunt quasi cardines, in quibus omnis hujus morbi curatio vertitur, quandoquidem quæ ex eo oriuntur mala, quod utrique huic discrimini non satis occurreretur, funesta illa symptomata invitant, quibus Variolarum tragædia absolvitur. Quocirca cum præcipuæ hæc fuerint indicationes curativæ, ubi iis modo jam tradito fecero satis, nihil amplius mihi restat agendum, in quantum scil. Medicus sum, non vero formularum medicarum Præscriptor. Quas ego duas, sive artes, sive dotes, sive etiam provincias appellare libeat, toto cælo a se invicem distare arbitror.

Unum adjicio, si *Epispastico* opus fuerit, id per amplum, & satis acre ægri nuchæ applicandum; quod ita opportuno tempore fieri debet, ut neque præmature appositum vim epispasticam ante diem undecimum, in quo de summa rerum agitur, amiserit; neque

neque in eum ipsum diem rejiciatur, quo jam tardius adveniens, illo temporis articulo obesse possit, præ calore, & æstu, quem sanguini imprimi, cum febre secundaria vix pari Marte tunc decertanti, Opportunissime itaque applicabitur epispasticum nocte illa, quæ magnam morbi crisin præcedit, mox ab assumpto paregorico, quod tunc erat exhibendum, Apposito per id temporis vesicatorio, dolor, quem ejusdem morbus afferet, desinet ante diem illum, quo æger vel agonizaturus, & materiæ peccanti eo ipso tempore dabitur exitus, quo eo est opus ad vincenda mala ista, quæ illum diem præstolantur. Hoc enim primum tempore, quod in hujus morbi historia fuisse deduxi, facies, quæ hætenus inturgescebat, jam detumescere incipit, & salivatio, quæ hucusque pleno amne fluebat, decrescere, condensato jam, & non nisi ægre excreto, qui eam excitabat, humore. Ut vero mittamus epispasticum illud tum faciei detumescentiæ, tum etiam imminutæ salivationi quantatenus substitui, febri insuper secundariæ perdomandæ aliquatenus conducit, quæ nunc temporis invalescit, sanguine quasi obruto, & penitus infecto puris copia a totidem abscessulis resorpta; adeo ut in omnibus fere, quos unquam tractavi, Variolis laborantes, observaverim, pulsus in carpo salientem ægre percipi posse hoc tempore, utur facile se pridie hujus diei, & postridie etiam, digito exploratori se proderet.

Sed inter ea, quæ a capite sive derivant, sive revellunt, nihil æque mihi videtur operari ac *Allium* pedum plantis applicitum. Quod allium revera attrahat, manifestum est a vesiculis, quas sæpe excitat; & a dolore illo non ferendo, quem nonnunquam, licet raro, affert, etiam non excitatis vesiculis, humores scil. in partes illas invitando; unde dolor tam vehemens quandoque exortus est, ut cataplasmate e mica panis similaginei in lacte cocti eundem sedare necesse habuerim. In adultis itaque qui variolis confluentibus laborant, allium incisum, & lineo involutum plantis pedum admoveo soleo, a die octavo, in quo primum facies intumescit, donec jam morbus periculo omni vacet, singulis diebus renovandum.

Neque interim istud mihi prætereundum est, ægrum scil. a carnibus, durante morbo, arcendum omnino esse, & cerevisiam lupulatam eamque tenuissimam tantum pro potu concedendam. Jusculis avenaceis, pomis coctis, & jam dicta cerevisia commodissime interea vitam tolerabit. At vero instante jam maturatione, ubi particulæ purulentæ in sanguinis massam regurgitantes eandem tabo suo inquinaverint, utile erit coclearia vini aliquot, singulis auroris, & noctibus ægro indulgere, Stragula quod attinet, & lodes quibus æger in lecto est contegendus, neque plura sint illa, neque pauciora, quam quibus sanus utebatur. Quin & liberum ei sit, quoties voluerit, se ab hac in illam lecti partem transferre, quo præpediri possint sudores isti symptomatici, quos ægro nocere satis opinor, evici. Eodem pacto etiam præcavebitur efferatior exanthematum phlogosis excitata a nimio calore, quem carnes contrahunt, quoties æger semper eodem in loco, seu palo defixus, jacet. De hoc autem alias prolixius disserui.

Casum nuperrimum, seu specimen integræ hujus praxeos, subnectam. Hac ipsa hyeme me accerserat scæmina nobilis, Domina *Dacres*, ut quendam suum nepotem, Dominum *Thomam Cheut*, temperamento perquam sanguineo, & ætate florentem Medicus curarem. Pridie coeperat febrecitare vehementer; colluviem biliosam in magna copia per vomitum rejiciebat; dorsum plurimum dolebat. His malis solatium quærens & levamen, lectum petebat, & tum stragulis acervatim injectis, tum calidis assumptis liquoribus sudores per diem integrum omni ope sollicitabat, sed frustra, cum tanta ad vomendum proclivitas, & alvi fluxus, licet modicus, omnem sudorificorum vim eluderent; Oleum interea febris igni affuderat, quo illa multum increverat. Ego jam Variolas brevi exoriturus suspicabar, easque insigniter confluxuras, tum ob ætatis vigorem, tum etiam, quod sanguinem multum excalescebat irritum sudoris extorquendi conatu, (quo quidem, si modo æstate

ægotaverat, & mictum sanguineum, & maculas purpureas certo advocaverat) tum vero maxime, quod semper observaverim in juvenibus immani vomitione, ægritudine, & dolore præter solitum vexatis, Variolas insequentes ultra modum confluxisse. Meum itaque esse ratus, ut nullum non lapidem moverem, quo præproperam materiæ variolosæ assimilationem obstruerem, a lecto illum arcebam, nisi statim prius horis somni. Die sequenti (tertius is erat) Variolis nondum comparentibus, sanguinis uncias octo e dextro brachio mane extrahi curabam: optimus erat ille floridusque, cum adhuc spirituosum tantum *viscagum* exceperat, nondum vero putredinem illam, quam conciliat longior morbi mora, & in eorum sanguine ut plurimum conspicitur, qui nuper ab hoc morbo convalescerint. Hora quinta post meridiem diei ejusdem, infusionis croci metallorum unciam unam exhibui, ex qua satis commode vomebat, & ægritudine levatus, longe melius habere visus est, jam haud invitatus a lecto abstinens, a quo prius ægerime se divelli patiebatur, ægritudine, & vertigine mactatus. Die quarto mane accedens, exanthemata, quibus præcavendis tanta fueram molitus, eo numero prodeuntia conspexi, ut ab insigniori, quem minitabantur, confluxu, ægri vitæ metuendum esset. Diligenter itaque cavebam, ne lecto interdum committeretur; consulebam etiam, ut cerevisiam tenuem spiritu vitrioli instillato acidulatam potaret. In his ad sextum usque diem perseverabat; quibus diebus licet non ægotaret, sed aura liberius vesicans multum reficeretur, tamen alvo subinde laxiore fuit. Jam sub meridie non valebat ulterius, quod hic fieri assolet, se a lecto abstinere; decubuit itaque usque ad finem morbi, me non reluctante, cum nunc erupissent pustulæ omnes, quæ, non obstante meo omni conamine, plus satis confluebant. Quamvis enim pauciora erant exanthemata iis, quæ in nonnullis observavi ab hoc morbo extinctis; plura erant tamen, quam plerisque eorum, qui sanantur, solent prodire. Hac primum nocte syrupi de Meconio unciam unam in Aq. flor. Paralyf. propinabam, singulis deinceps noctibus repetendam; suadebam etiam, ut non aliis stragulis, quam quibus sanus assueverat, tegetetur: ut jusculis avenaceis, & hordeaceis, nonnunquam etiam pomis coctis vesceretur; Cerevisiam etiam tenuem hauriret. Die octavo allium incisum, & panno lineo inclusum pedum plantis applicandum curavi, & renovandum quotidie, donec extra aleam consisteret. Post hæc pro augescientium pustularum genio omnia cedebant, usque ad decimum diem; quo tempore mane eum invisens, licet mediocriter se haberet, febris tamen secundariæ quendam quasi prodromum deprehendi, cum jactatione aliquali. Mox itaque procellam veritus imminens, paregoricum supra laudatum exhibui, a qua tranquilla omnia, & pacata; eadem nocte syrupi de Meconio sesquiunciam præscripsi. Sequenti aurora, diei sc. undecimi, cum post exolefcentem vim anodynæ, quod hesternæ nocte sumpserat, jam de novo esset irrequietior, diacodii iterum sesquiunciam extemplo ingessi; vespere item tantundem; atque eandem dosin mane, & sero ut assumeret quotidie consulebam, donec omnino convalesceret. Paruit æger; neque aliquod nos deinde symptoma exterruit, nisi quod urina ei quandoque supprimeretur, (malum junioribus hoc in morbo familiare) quam tamen genibus innixus in lecto reddebat, pruriginem quod spectat, quantumvis salivæ copia frequenti anodynorum in tam larga dosi repetitione aliquantulum interciperetur, tamen longiore ab eorum usu intervallo pituitam concoctam excreabat, ac facies manusque debito tempore pro votis intumescabant. Die decimo octavo e lecto surgebat, & tunc primum jusculum e pullorum carnibus indulgebam, a quo per gradus indies ad victum consuetum redibam. Die vicesimo primo sanguis mittebatur e brachio dextro ad uncias octo, qui pleuriticorum sanguinem æmulabatur, & puris fere instar erat. Denique ad quatuor vices, spatium interposito, purgatus fuit.

Hic subinnuam, quod quoties in his pagellis dies ab invasione v. g. sextum, undecimum, &c. nominaverim, non ita accipi id velim, quasi Variolæ conflu-

confluentes tertio nunquam non die erumperent; cum satis sciam quandoque ita accidere, etiam in iis, qui vel maxime confluunt, ut pustulae non nisi post aliquod a die tertio temporis spatium se exerant. Eruptio autem ut plurimum in diem tertium ab invasione incidit, & ut plurimum, qui (ex. gr.) die lunae confluentibus Variolis primum laborare incipit, die Mercurii sequenti pustularum primitias in cute summa deprehendit, & Jovis dies ab illo die lunae secundus, undecimus ille erit, periculi plenissimus, nisi interposuerit se Medicus.

Atque hic iterum repeto Theoremata haec omnia ad Confluentes tantum Variolas referri debere, quae in genere distincto nullum prorsus usum habent, nec ab illo exposcuntur. Et tam sibi, quam aliis imponunt, qui attollunt cristas, quoties eos sanaverint, quibus exanthemata numero pauca, eaque interstincta efflorescebant. Si tentare libeat, quantum in arte valeant, in Variolis confluentibus vires experiantur; maxime quoties, vel florentes aetate, vel eos qui immodica vini ingurgitatione nimium incaluerint, hic morbus invaserit. Ne in levioribus exercitati, ita toto caelo aberrant, ut se eos servasse existiment, quos ipsi adstantes non occiderint.

Verum dissertatiunculam hancce non prius finiam, quam ubi retulero quae mihi, dum haec scriberem, suo ore narravit Amicissimus Dominus Carolus Goodall, M. D. Collegii Medicorum Socius, atque impraesentiarum Censor: quod mihi ideo faciendum duxi, quo melius iis fidem conciliem, quae cum hic, tum alibi, & de petechiis, & de mictu sanguineo affirmavi: utrunque nempe hoc symptoma quoties acutis morbis accedit, atrociori sanguinis inflammationi omnino deberi, ac proinde refrigerantia indicare remedia. Casus se ita habuit.

Juvenis annorum quasi 27. habitu corporis extenuato, & calido temperamento praeditus, febre violenta, & continua correptus est mense Junio, Anno 1681. Lingua erat sicca, & scabra, sitis vehemens, pulsus celer, dolor regionem cordis scrobiculo vicinam discrutabat, dorsum vero in primis, (in quo jugiter deserviebat) sanguinem subinde meiebat, tum & petechiae coloris subfusi collum, pectus, & carpos dense insidebant. Die sexto accersius Medicus, & agrum de vita periclitari a nimia urina sanguinolenta excretionem comperiens, Indicationes curativas ad sanguinem refrigerandum incrassandumque, cum etiam ad vasorum oscula, quae in renibus relaxata dehiscabant, obturanda dirigendas censebat.

Praemissis itaque tum vena sectione, tum bolo lenitivo, agrum, ut a lecto, quantum fieri potuit, se abstinere, serio monuit, cum a continuo lectuli calore mictum sanguinis promoveri non dubitaret: suadebat etiam ut in culcitra corio tecta ager potius dormiret, supinus non nisi rarissime jaceret, lac aquae permixtum, ut potaret, panatella, oryza lacti incocta, pomis coctis, sive solis, sive aquae fontanae intritis, & saccharo edulcoratis vesceretur. Medicamenta ordinabat sequentia.

℞. Fl. ros. rubr. ℥vj. cort. inter. Querc. ℥ss. Sem. Plantag. parum contus. ℥iij. Aq. Font. ℔ij. Sp. Vitriol. q. s. ad gratam aciditatem: infundatur in vase clauso calore leni per quatuor, vel sex horas. Colat. add. aq. Cinnam. hord. ℥iij. Sacch. albiss. q. s. ut f. Tinctura gustui grata, de qua saepiuscule bibat die noctueque.

Enema e lacte cum Syrupo Violaceo injiciebatur hora a meridie secunda: & hora somni sequens Haustus propinabatur.

℞. Aq. fl. Paralyf. Plantag. Cinnam. hord. an. ℥ss. Aceti stillat. ℥ij. Syr. de meconio ℥vj. M.

Die septimo, symptomatibus vix se remittentibus, Enema jam descriptum singulis diebus inficiendum curabat, tum etiam Emulsionem, Haustumque ad hunc modum praescribebat.

℞. Sem. Cichor. Endiv. Lactuc. Portulac. ann. ℥ij. Sem. Cydon. Papav. alb. an. ℥ss. Amygd. dulc. excort. n. jv. contundantur simul in Mortar. marmor. sensim affundendo Aq. Hord. ℔ss. colat. add. add. sacchar. Crystall. q. s. f. Emulsio, de qua bibat coch. xij. quarta quaque hora.

℞. Aq. fl. Paralyf. Nymph. germin. Querc. Plantag. an. ℥ss. Aceti stillat. Aq. Cinnam. hord. an. ℥iij.

confect. de Hyacinth. ℥ss. Syr. de meconio ℥j. M. f. Haustus hora somni sumendus.

Die octavo, cum adhuc instaret febris, sanguis urinae immixtus copiosius exiret, & petechiae in praememoratis partibus numerosae comparerent, omnia haec symptomata a sanguinis calore, tenuitate & acrimonia, oriri conjectans, sanguinem secunda vice detraxit, liberaliorem cerevisiae tenuis usum, cui vitrioli spiritus ad gratum acorem prius instillabatur, concessit: quam cum fastidiret ager, possetum e succo limonum, & lacte ei indulgit, uti etiam limonum pulpam in taleolas divisam, & saccharo involutam. Addebat & sequentia.

℞. Conf. Lujul. Cynorrhod. an. ℥ss. confect. de Hyacinth. ℥iij. Diascord. ℥ss. corall. rub. preparat. sang. Dracon. Bol. Armen. an. ℥j. Syr. e Symphyt. & Pilsell. q. s. ut f. Opiata, de qua capiat quant. Avelana sexta quaque hora, superbibendo haustum ferri lactis succo limonum facti, & sacch. alb. edulcorati, vel decocti Vulnerarii Spiritu Vitrioli acidulati.

Haustus hesternae nocte praescriptus repetatur, cum Syr. de Mecon. ℥x.

Nono die petechiae paulatim evanescebant, urina minus sanguine scatebat, quique inerat sanguis facilius separabatur, & matula fundum libentius petebat, hortabatur itaque agrum ut in remedium horum usu perseveraret, & diebus aliquot elapsis sequentia adiciebat, ad eundem scopum collimantia.

℞. Conf. Ros. rub. per setaceum traject. & Vitriolat. ℥iv. balsam. Lucatel. ℥ij. Bol. Armen. Sang. Dracon. Spec. Electuar. Diacoral. an. ℥j. Syr. e Coral. q. s. ut f. Elect. de quo cap. quant. Nuc. Moschat. bis de Die, superbibendo haustum Emulsionis sequentis.

℞. Sem. Lactuc. Portulac. an. ℥iij. Cydon. ℥ss. Papav. alb. ℥ss. Amygd. dulc. excort. n. v. contund. in mortar. marmor. sensim affundendo Aq. Plantag. ℔ij. Aq. Cinnam. Hord. ℥ij. Colat. ad Sacch. q. s.

His remediis, favente numine, ager intra septimanas tres a febre, & horrendis illis quae memoravimus symptomatibus liberatus, petechiis abolitis, atque urina tum colorem naturalem, tum consistentiam recipientem, paulatim ad sanitatem, & vires pristinas rediit.

Quamvis autem symptomata ista jam dicta febre continuæ accrescerent, non vero illi morbo, de quo nos supra egimus; cum tamen quoties utrumlibet ea comitantur, a vehementi inflammatione, & sanguinis nimia attenuatione, unde sanguis per oscula vasorum quasi vi exigitur, semper ortum ducant; nullus dubito quin par methodus in tanta causarum paritate omnino sit adhibenda, quantum sefert utriusque morbi genius. Quamobrem virum optimum rogabam, ut mihi per illum liceret hanc ejus curationem hic subnectere. Quam quidem si quis vel mihi infensissimus, (cum autem alienos mores e propriis aestimans, nullum inimicum habere sperem) praestiterat; tamen veritate victus, praeclearissimam eam fuisse omnium, quas unquam novi, curationum, lubens faterer: cum jandiu compertum habeam quam sit fatale febricitantibus sanguinem cum urina excernere. Cum vero idem amicitia mihi sit conjunctissimus, quanto cum animi prolubrio, & veritati & viri amantissimi famae mihi litandum erat. Hic enim ille est, qui cum pauci admodum me vel minimum quid in re medica sive indaganda sive etiam excolenda profecisse asserere audent, maledicorum torrenti se medium objicere sustinuit, atque me pari zelo, ac fide tutabatur, quo parentem filius. Quantumlibet autem beneficio tam insigni devinctus, nunquam tamen nisi eas, quas commereuit laudes, praedicarem, cum perinde fere sit improbum sive opprobrio, sive laudatione indignos afficere, quandoquidem utrinque a veritate discedatur. Nemo itaque mihi vitio vertat, si virum hunc ego nemini, inter eos qui mihi haecenus innotuere, probitate secundum fidenter affirmaverim, cum in tot annorum spatio, quibus eo familiariter usus sim, nec dicto quenquam laedere, quanto minus facto, sibi permiserit. Quantum vero in ea quam proficitur arte praecellat, modo Deus vitam ei concesserit, brevi satis elucescet; cum eruditioni haud vulgari, qua omnes medicinae tam antiquae, quam modernae tractus perlustraverit, exquisitissimam in subtilioribus praxeos minutis indagandis solertiam (sine qua nemo unquam medicinam merita cum laude faciet) catus attulerit. Unde etiam

etiam ægrorum suorum votis, bonus felixque cum primis respondet.

Hæc demum sunt quæ ipse de hoc morbo sentio, quæ non mihi suggessit phantasiæ imaginatricis temeritas, sed phænomena practica edocuerunt. Neque sane capio, qui fieri possit, ut fallatur is, qui cogitationes suas omnes mera ac nuda ejus sive artis sive facultatis praxi limitat, & determinat, quam sibi perdiscendam & cum laude exercendam proposuit; aut e contra qui possit fieri, ut non tam in ipso se, quam in aliis decipiendis omnes vitæ annos prodigat ille, qui in iis excogitandis operam disperdit, quæ cum praxi nihil prorsus habent commune. Et sicuti haudquaquam faustus probusve *navis ad Clavum Gubernator* fuerit ille, qui non tam ad breviam, & saxa submarina agnoscenda evitandaque, quam ad causas fluxus refluxusque maris speculandas animum advertit (quod quidem cum Philosopho sit dignissimum, ab eo tamen perquam est alienum, cui id tantum negotii datum est ut *navis non submergatur*) ita neque Medicus, cui non alia quam curandorum morborum provincia decernitur, quantumlibet ingenio cæterisque animi dotibus valeat, in arte vere medica proficiet, qui non tam in occulta, & tortuosa illa methodo, qua natura morbos parit alitque (a qua etiam eorundem historia pendet) indaganda, atque in remediis eidem adaptandis omnes animi vires intendat, quam in curiosis & *speculationibus* speculationibus cerebrum fatiget, ad homines orco eripiendos (quod spondet medicina) ne hilum facientibus. Quæ quidem prævaricatio non solum in causa est, quod genus humanum commodis illis & emolumentis privetur, quibus a plurimorum ingenio animique dotibus augeri potuisset, sed etiam effecit tandem, ut quæ medica appellatur, revera confabulandi garriendique potius sit ars, quam medendi. Atque eo tandem deventum est, ægris vivendum moriendumve sit, prout Philosophus, vel conjectando scopum attigerit, vel ab eodem aberraverit, quod in lubrico semper est atque ancipiti, cum primi isti speculationum repertores, non minus quam eorum mancipia, & servum pecus, de cerebrosis istis commentis bello quasi internecino invicem digladiantur, attamen nemo fortasse omnium ipsam veritatem assequatur. Quamvis enim, si mentem serio applicuerimus, quid de facto agat natura, & quibus in operatione sua utatur organis, deprehendere valeamus; modus tamen, quo illa operatur, mortales, aut ego fallor, semper latebit. Neque hoc mirum est, cum longe (immo supra omnem humanum captum longe) credibilius sit nos misellos homunciones ab illustri vitæ lucisque regione exulantes, methodum, qua in fabricanda machina usus est sapientissimus Artifex, capere nullatenus posse; quam fabrum ferrarium rudem prorsus, & imperitum nescire quo pacto concinnetur automaton horarum index, cujus structura, & motus exquisitissimam artis elegantiam præ se ferunt. Sicuti de facto constat, cerebrum omnis tam sensus, quam motus fontem esse, tum etiam & cogitationum, & memoriæ officinam; & tamen non est possibile a diligentissima ejus inspectione contemplationeve mentem usque adeo illuminari, ut intelligere possit, quo pacto substantia ita crassa, & quasi pulpa quædam, neque operis, ut videtur, usque adeo affabre elaborati, usui ita nobili & facultatibus tam præcellentibus queat sufficere; neque exinde assignare quis potis est, qua ratione ex naturæ ejus vi, & structura partium, sive hæc sive altera ista facultas necessario fuerit exerenda.

Atque hæc de Variolis confluentibus: Quibus si adduntur quæ in historia morborum acutorum de hoc affectu tradidi, summam habes eorum quæ mihi hæcenus innotuere, eaque omnia diligentissime, quod a me fieri potuit, trutinata atque expensa.

Accingo me jam (quoniam tu id postulas, Vir Eruditissime) ad ea exponenda, quæ de *Affectionibus Hystericis* hæcenus observatione comperi. Quas quidem, perobscuram & difficilem, præ cæteris qui homines vexant, morbis, diagnosin habere, tum etiam ægrius curationem admittere, lubens fateor. Attamen ut potero morem tibi geram, ea, quæ Epistolæ convenit, brevitate, quam sane a me exigit valetudo infirmior, & quasi vacillans, hac præsertim anni tempestate, qua mihi verendum est, ne si per-

tinacius cogitationibus indulsero, podragræ mox paroxysmum accersam. Paucis itaque expediam, quæ hic habeo dicenda, methodo, qua uti soleo, insistent; brevem scilicet morbi historiam tradens secundum veram naturæ phænomena; tum etiam medendi rationem subnectens quæ mihi optime cessit; quamque non tam librorum lectio, quam experientia propria, magistra haudquaquam infida, jam olim suggessit.

Hic morbus, si recte calculum pono, chronicorum omnium frequentissime occurrit; & sicuti febres cum appendicibus suis duas partes tertias ad chronicos morbos simul sumptos si comparentur, complent, ita affectus hysterici (vel isti saltem qui eo nomine insigniuntur) ad reliquæ partis tertiæ dimidium assurgunt, hoc est, chronicorum pars media sunt. Fœminarum enim paucissima (qui sexus adultorum dimidia est pars) ab omni horum affectuum specie prorsus liberæ sunt, si istas excipias, quæ laboribus assuetæ dure vitam tolerant. Quinimo non pauci ex iis viris qui vitam degentes sedentariam chartis solent impalescere, eodem morbo tentantur. Et quamlibet omnis retro antiquitas symptomata illa affectibus hystericiis adnascentia utero semper vitio verterit, si tamen *Affectiones Hypochondriacas* vulgo dictas, quas splenis aut viscerum nescio quorum obstructioni imputamus, cum mulierum hysteriarum symptomatibus conferamus, vix ovum ovo similis, quam sunt utrobique phænomena, deprehendemus. Neque tamen reticendum est, fœminas multo crebrius hoc morbi genere corripiri quam solent mares, non quod se uterus magis male habeat, quam alia quævis corporis regio, sed ob causas infra explicandas.

Sed nec spectabilior est hujus morbi frequentia, quam varietas illa multiformis qua se ostendit, & nullos fere non æmulatur ex iis affectibus, quibus atteruntur miseri mortales. Quamcunque enim corporis partem infederit, symptomata, qualia ei competunt parti, statim producit; Et nisi Medicus tam sagaci quadam solertia & *δυσότητι*, quam in arte peritia valeat, fraus ei fiet, atque ista symptomata a morbo aliquo essentiali hujus, vel illius partis, non vero ab affectione hysterica, pendere arbitrabitur.

Quandoque v. gr. *Capitis* arcem occupans, *Apoplexiam* facit, quæ similiter *Hemiplegia* solvitur, eam omnino referens apoplexiam, qua tum ætate, tum mole corporis grandiores siderantur, & quæ ex eo nascitur, quod, cerebri cortice pituitæ copia referto ac scatente, spirituum animalium meatus, ac semitæ intercludantur: a qua quidem causa, quæ fœminis hystericiis accidit apoplexia, oriri nullatenus videtur, cum easdem haud infrequens adoriatur confestim a partu, magna sanguinis vi simul ejecta, & vel parvi laboriosiori, vel vehementiori alicui animi commotioni debeatur.

Quandoque *Spasmos* horrendos gignit, *Epilepsia* per similes, ventre & præcordiis guttur versus intumescens, & nixus ita fortes edente ægra, ut licet alias mediocrium tantum fuerit virium, jam omni adstantium ope vix retineri queat, incondita interim atque inarticulata quædam vociferans, & pectus feriens. Fœminæ, quibus hæc species, quæ *uteri Strangulatus* vulgo audit, familiarior est, temperamento sunt ut plurimum plusquam solet sanguineo, & habitu corporis ad viragines accedente.

Nonnunquam *exteriolem Capitis partem* occupat, pericranium inter craniumque, dolorem vix tolerabilem adferens, in quadam tantum particula, quæ transverso pollice contegi possit, jugiter defixum. Dolorem hunc etiam comitantur vomitiones enormes. Hæc species *Clavus Hystericus* mihi est, istas præ cæteris fatigans, quæ *Chlorosi* laborant.

Nonnunquam in *partes* incidens *vitales*, ita vehementem *Cordis palpitaciones* excitat, ut quæ eam patitur fœmina pro indubitato habeat, sonitum cordis in costas arietantis etiam ab adstantibus omnino debere percipi. Hæc species eas maxime infestat, quæ extenuato sunt corpore, & crassi minus firma, quæque extabescens pene formam præ se ferunt; tum etiam Juvenculas *Febre Alba* pallescentes.

Nonnunquam *Pulmones* obsidet, unde æger creberrime tussit, & fere sine intermissione, nihil prorsus expe-

expectorans : & quantumlibet hæc tussis species non ita valido nisu thoracem concutiat — atque illa quæ convulsiva dicitur, explosiones tamen longe frequentiores sunt, æger præterea non ita sensu valet. Hæc autem *Tussis Hysterica* species oppido rara est, & fœminas pituita scatentes præ cæteris exagitat.

Nonnunquam in *Colon*, & regionem *Scrobiculo Cordis* subtenfam impetum faciens dolorem vix ferendum infligit, *Iliacæ Passioni* haud absimilem; ubi ægra immodice vomit, colluviem quandam viridem, bili, quam *Porraceam* appellant, fere parem, nunc etiam insoliti alicujus coloris, rejiciens. Sæpe etiam postquam ægra ad multos dies jam dicto dolore (qui vel Stoicorum *ἀνάδευ* expugnaret) & continuo vomitionis conatu tantum non fuerit enecta, tandem *Îltero* intensiore omnem corporis superficiem ad instar croci tingente, solvitur paroxysmus. Ægra interea diris mentis angoribus pressa, omnem recuperandæ sanitatis spem prorsus abjicit: quæ quidem animi dejectio, & quasi *desperatio* quædam, non magis, quantum ego observavi, ab hac hystericorum affectuum specie sejungitur, quam sive dolor, sive vomitus præmemorati. Atque hoc genus in istis præcipue locum habet, quæ corporis habitu laxiore crudoque sunt, tum & in iis, quæ infantes grandiusculos, cum ingenti sui & naturalium vitæ staminum dispendio, sunt enixæ.

Quandoque hoc malum in alterutrum ex *Renibus* incurans, atrocissimo quem illic parit dolore, *Paroxysmum Nephriticum* omnino mentitur, idque non solum doloris genere locoque quo sævit, sed & adscitis vomitionibus immanioribus, tum etiam nonnunquam ex eo, quod dolor per uretherum ductus propagetur; ita ut ægre admodum dignosci queat, utrum hæc symptomata ab incluso calculo, an vero ab effectu aliquo hysterico enascantur, nisi forte casus aliquis acerbior ægræ animum paulo antequam corripere discrucians, aut materiæ viridis per vomitum rejectio, symptomata ista affectioni potius hysterica quam calculosæ tribuenda esse docuerint. Sed neque *Vesica* ab hoc pseudosymptomate atque ementito affectu immunis est; cum non tantum ipsa ab eo doleat, sed & urina supprimatur, perinde ac si calculus eam obstrueret, qui tamen nullus est. Rarissime autem cernitur postrema hæc species vesicam attingens, quæ vero renum calculum imitatur, non ita raro. Utraque eas solet invadere fœminas, quarum vires repetitis sæpe paroxysmis hystericis jam fractæ sunt, & sanitas corporis detrita.

Nunc in *Ventriculum* decumbens, continuas *Vomitiones* excitat; nunc etiam *Diarrhœam*, quoties scil. in intestina effunditur: at neutrum horum symptomatum sequitur dolor, licet in utroque persæpe compareat dictus ille succus viridis. Utraque hæc species iis familiaris est, quas frequentiores paroxysmi hysterici debilitaverunt.

Atque ut hic morbus omnes ferme partes *Internas* infestat, ita etiam nonnunquam, & *Exteriores*, carnemque musculosam occupat, *maxillas* scil. *humeros*, *manus*, *crura*, *tibias*, nunc dolorem adducens, nunc tumorem; in quo genere is qui tibias distendit, tumor præ reliquis conspicuus est. Cum enim in hydropicorum tumoribus duo hæc semper observari possint, ut tumor sc. sub vesperam se majorem exhibeat, tum etiam ut pastæ instar madentis, vestigium digiti fortius impressi formamque referat: jam in hoc altero, tumor matutino tempore protuberantior est, nec digito cedit prementis, aut vestigium ulium manet. Plerunque etiam tibiæ alterutram tantum inflat: de cætero sive magnitudinem spectes, sive etiam superficiem hydropicorum tumores ita ad amussim æmulatur, ut ægre se haud facile ab ea quæ insedit sententia, dimoveri possint.

Sed neque ipsi *Dentes* (quod vix credas) ab hujusce morbi insultu se possunt defendere; licet neque vel minima cavitas, neque humoris alicujus defluxus, saltem qui percipi queat, doloris sive ansam præbuerit, sive vehiculum; qui nihilominus nec mitior est, nec contractior, aut expugnatu faciliior. Isti vero tum dolores, tum tumores, quibus afficiuntur, partes exteriores, quas supra memoravimus, eas præcipue fœminas adoriuntur, quæ, longa paro-

xysmorum hystericorum serie, ac impetu violento tantum non exanimatæ, vitam ducunt vix vitalem.

Inter omnia vero morbi hujus tormenta, nullum se tam crebro ingerit quam *dolor in Dorso*; quem certo certius persentiscunt, quotquot vel levissime hoc affectu tanguntur. Quinimo id habent effectum commune dolores prædicti, quod illa, cui inhæserant regio, etiam post eorum discessum, tenera sic, & quasi fustibus probe fuerit dedolata, tactum refugiat; quæ quidem teneritudo sensim evanescit.

Hoc interim observatu dignissimum est, quod non raro notabilis quædam *externarum partium refrigeratio* symptomatibus his omnibus viam quasi sternit, & plerunque non nisi paroxysmo finito dispellitur: quam quidem refrigerationem haud semel isti fere, qua rigent cadavera, parem comperi, pulsu nihilominus recte se habente.

Addo, quod hysterica fere omnes, quotquot ego hactenus tractavi, de *spirituum* dejectione sive *subsidentia* (ut cum illis loquar) conqueruntur; pulmonis regionem indigantes, quoties locum, in quo hæc spirituum contractio, seu subsidentia sentitur, volunt designare.

Demum mulieres affectione hysterica laborantes, nunc in *risum* effundi, nunc in *lacrymas* pariter immodicas solvi, nulla *apocætes* manifesta sive illumi, sive has extorquente, nemini non est notum.

Inter omnia vero, quæ in hoc morbo comparent phenomena, illud maxime proprium est, atque ab eo fere inseparabile, quod scil. ægræ *urinam* subinde reddant plane *limpidam* ad instar aquæ e rupibus scaturientis, idque satis copiose, quod quidem ego sigillatim percontando, in omnibus fere didici signum esse pathognomicum eorum affectuum, quos in fœminis *Hystericos*, in maribus *Hypocondriacos* appellando censemus. Atque in masculis nonnunquam observavi, quod mox ab excreto lotio coloris citrini (immo vero proximo temporis momento) violentiori aliquo animi motu derepente perculsi, statim urinam, crystallum claritate æmulantem, magna copia, & impetu diu continuato ejecerint, eo usque se male habentes, donec urina pristinum colorem induerit, & paroxysmus simul evanuerit.

Quia & omnibus tam hystericis, quam hypochondriacis, quibus scil. jam malum inolevit, id accidit, ut *flatus* quandoque *nidosos* e ventriculo emittant; quoties aliquid comederint, licet moderate tantum, & pro ratione appetitus, tum etiam aliquando *acidum* eructent, acetum sapore referens, quoties in eos ascenderit; læsa nempe utrobique concoctione, & succis proinde a naturali statu interversis.

Neque hoc tantum nomine infelices sunt, quod corpus ita male affectum, & quasi conquassatum ad instar ædium ruinas undiquaque minitantium, tantum non corruat, & fatiscat, cum magis adhuc animo ægrotent, quam corpore. Cum enim desperatio plane insanabilis de hujusce morbi natura sit, indignantur admodum quoties aliquis, vel minimam de sanitate recuperanda spem injecerit; facile interim credentes omnia scil. quæcunque in homines cadere possunt incommoda, quæque adeo fert rerum natura, perpeffuros, tristissima quæque sibi ominantes, atque timorem, iram, zelotypiam, suspiciones, & si quæ atrociora sunt animi pathemata, vel ex levissima, vel etiam nulla data ansa, arripientes, & sinu soventes irrequieto anxioque; ab omni interim gaudio, spe, lætitia abhorrentes, quæ si forte occurrant, quando hæc raræ aves sunt, velocissime avolant, animum interim haud minus vehementer exagitantia, quam solent mœstiora illa *πένθος*, ita ut nulli mediocritatem servant, in una levitate constantes; nunc amant præter modum, mox odio eosdem sine causa prosequuntur: nunc hoc illudve sibi agendum proponunt, mox a proposito resiliunt, & quod cum eo pugnat, aggrediuntur, sed neque hoc peragunt, ita animi pendentes, ut nunquam liceat quiete mente consistere. Quodque de superstitionis asserit Orator Romanus, nostris hisce melancholicis pulchre quadrat. *Perfugium videtur omnium laborum, & solitudinum esse somnus, ac ex eo ipso plurimæ curæ, merusque nascuntur*; cum funera tantum in somniis, & denatorum amicorum umbræ repræsentantur.

tur. Ita tam animo quam corpore excarnificantur, quasi hæc vita omnis ignis esset expurgatorius, in quo scelera alio in statu perpetrata jam luerent atque expiarent. Neque hoc tantum maniacis accidit, & furiosis, quos dicimus, sed etiam illis, qui, si hos animi imperus excipias, prudentia ac judicio valent, quique & meditationum profunditate, & sapientia orationis longe eos superant, quorum mentes his cogitationum aculeis nunquam fuerint excitatæ. Ita ut non sine ratione observaverit Aristoteles, melancholicos cæteris ingenio præstare.

At vero tam horrendus animi status, qualem supra delineavimus, non aliis competit, quam iis, qui diu multumque cum hoc morbo conflictati, tandemque subjugati quasi victas manus dant; maxime si res adverse animi mœrores, solitudinesque, nimia in literarum studio assiduitas, atque animi contentio cum prava corporis diathesi conspirantes, oleum camino adjecerint.

Dies me deficeret, si omnia quæ affectus hystericos gravant symptomata enumerare velim; tam diversa atque ab invicem contraria specie variantia, quam nec Proteus lussit unquam, nec coloratus spectatur Chamæleon. Proinde recte mihi videtur rationem subduxisse Democritus (quantumlibet in morbi causa hallucinaretur) ubi in Epistola ad Hippocratem missa diserte asserit: *Sexcentarum ærumnarum, innumerarumque calamitatum authorem esse uterum*. Neque tantum multifaria sunt ista, sed nec regula aliqua aut typo uniformi se contineri patiuntur, quod in aliis hominum affectibus tamen usu venit, sed quasi farrago sunt quædam *πανόρμω* incomposita atque inordinata, unde perarduum est hujus morbi historiam describere.

Causæ autem hujus morbi *Procatartica* seu externæ, vel sunt vehementiores corporis motus, vel etiam multo sæpius, violenta quædam animi commotio a repentino aliquo, sive iræ, sive doloris, sive etiam timoris, & similium pathematum insultu. Quoties itaque me consulunt fœminæ de hoc illove corporis affectu, cujus ratio e vulgaribus morborum dignoscendorum axiomatibus nequeat reddi, nunquam non diligenter ab eis exquiro, An non eo de quo conqueruntur malo, tum præcipue fatigantur, cum tristitia, ærumna, aut alia aliqua perturbatio eas male habeat, quod si annuerint, jam satis superque mihi constat morbum in hac, de qua agimus, Tribu censendum; præsertim vero si diagnosin id clarius illustret, quod scil. certis aliquot temporibus urinam limpidam, & crystalli æmulam, eamque copiosam simul excernant. His vero animi motibus, qui usitatiores sunt hujus morbi *προφάσεις*, accedunt vel stomachi vacuitas ab inedia pertinaciori, vel nimia humorum evacuationes, sive a sanguine intemperanter effuso, sive ab emetico, aut cathartico, cui impares erant agræ vires.

Jam vero ab hac totius morbi imagine, secundum vulgarissimam ejus *πανόρμω* depicta, proximo loco ejus *Causæ efficienter internæ* sive *προνοητικά* mihi veniunt pensandæ, quantum eas, ex omnibus quas descripsimus circumstantiis simul junctis, expiscari valeam. Pendent ergo affectiones istæ, quas in fœminis hystericas, in maribus hypochondriacas insignire libet, quantum ego judico, a spirituum animalium *ἀταξία*, unde factio impetu in hanc illamve partem plus quam pro rata densi nimique feruntur, spasmos uti & dolorem excitantes ubi in partes sensu exquisito præditas irruunt, atque organorum, tum ejus in quod se ingerunt, tum istius a quo abscedunt, functiones pervertentes; cum utrumque ab hac tam iniqua partitione, quæ naturæ œconomiae penitus adversatur, haud parum detrimenti capiat.

Cujus quidem *ἀταξίας* origo atque *causa antecedens* est debilior dictorum spirituum crasis, sive nativæ ea fuerit, sive etiam adventitiæ, unde quavis *προφάσει* dissipatu faciles sunt, & eorundem systema nullo fere negotio dirimitur. Quemadmodum enim *Homo* quidam exterior conspicitur ex partibus sensui obviis compaginatus, ita proculdubio & interior est quidam homo e debita spirituum serie, & quasi fabrica constans, solo rationis lumine contemplandus. Hic vero cum temperie corporis intimius conjunctus, &

quasi unitus, tanto ægrius faciliusve de statu suo dejicitur, quanto major est minorve ea, quam a natura sortimur, principiorum constituentium firmitas. Quamobrem fœminas longe plures quam masculos hic morbus aggreditur, quoniam videlicet istas natura magis delicatulo rarioreque corporis habitu ceu vitæ molliori, & hominum deliciis destinatas, blanda donavit; mares autem toroso corporis robore, utpote qui laboribus exantlandis in tellure colenda, & repastinanda, & feris, quibus alantur, capiendis, aliisque similibus, apti nati sunt.

Dictam autem spirituum *ἀταξίαν* hujus morbi causam esse, phænomena jam descripta satis probant; quorum præcipua tantum attingam, a notissimo illo affectu hysterico, qui *Uter Strangulatus* vulgo dicitur, initium faciens. Hic jam spiritus, factio quasi agmine in ventre inferiore, catervatim magnoque impetu in fauces irruentes, spasmos excitant per omnem quam transeunt regionem, ventrem inflantes ad instar globi prægrandis, qui tamen nihil aliud est quam partium spasmio tentatarum convolutio, & quasi conglobatio quædam, quæ non nisi magna vi reprimi potest, & coerceri. Partes interim externæ massaque carnea a spiritibus, jam alio raptis, magna ex parte destitutæ, eo usque frigescent persape, non in hac sola affectus hysterici specie, sed in aliis omnibus, (quod prius adnotatum) ut cadavera non frigeant magis. Pulsus interim qualis sanarum est, nec ægra ab hoc frigore de vita periclitatur, nisi illud ab evacuatione aliqua enormiori præcedente originem ducat.

Idem etiam dici potest de violentiori isto affectu hysterico, qui externa facie *Colicam biliosam*, vel etiam *Passionem Iliacam* æmulatur; in quo ægra dolore vix tolerando in regione cordis scrobiculo circumposita, una cum immani materiæ herbam colore referentis, evomitione, discruciat. Quæ quidem symptomata haud aliunde nasci existimo, quam a vehementi spirituum dense conglomeratorum in dictas partes impulsu, unde & spasmus, & dolor, & earum totalis facultatum subversio.

Neque ex eo quod ista, quæ in hoc affectu sive per os, sive per sedem egeruntur, colore quandoque viridi tingantur, statim conficitur morbum hunc in humoribus residere, aut atrocissimum illum dolorem ab humoris alicujus acrimonia partem, cui inhæret dilaniantis, produci; quem ideo pro minera morbi habeamus, ac proinde remediis tam *αῖω* quam *κατό* catharticis radicibus extirpandum censeamus. Etenim de facto constat, ægritudinem illam, quæ laborant navigantes (a spirituum animalium agitatione ortam, in fluctuanti ac irrequieto mari) colluviam coloris plane herbacei ex hominum, vel sanissimorum ventriculo exantlare, ut primum in mare longius sunt proVecti, quibus tamen ante semihoram ultimo elapsam non inerat bilis hæc, quam porraceam appellare libet. Annon & infantes in paroxysmis convulsivis, in quibus spirituum animalium maxime res agitur, tam per superiora, quam per inferiora materiam ejusdem plane coloris ejiciunt? Quibus addendum est id, quod experientia ferme quotidiana docet, scil. quantumlibet ejusmodi, sive fœminas, sive infantes iterata catharsi exhauserimus, at tamen color jam dictus in eis, quæ vel per vomitum, vel per sedem exeunt, usque visetur. Quin etiam a pharmacis tam emeticis quam catharticis frequentius propinatis uberior materiæ viridis nascitur seges, cum ab utroque genere spirituum *ἀταξία* provehatur: quæ vel, nescio quomodo, istarum partium fermentum destruit ac pervertit, vel in ventriculum intestinaque vi spasmorum succum aliquem alienæ indolis intorquet, qui humores ejusmodi coloribus inficere potis est. *Chymia* sectatores, licet nondum ita bene cum illis sit, ut quæ in organis suis *πολοτέχνως* medicamenta elaboraverint, majus aliquid in morbis debellandis præstent, quam quæ contunduntur in mortario, vel in olla decoquuntur; tamen curiosorum *πείρα* consueque gratificari norunt, ut duos liquores æque limpidos clarosque ostendentes, ex iisdem invicem commixtis saturatum colorem aliquem, quasi præstigiantes, possint exhibere. Et profecto, ita lubrica est & evanida colorum speculatio, ut nihil certi ex illis,

illis, de corporum in quibus apparent natura, queat deprehendi. Neque magis sequitur ea quæ colore viridi sunt, acria esse omnia, quam omnia quæ sunt acria, viridi esse colore. Re itaque undique perpensa, satis liquet dolorem immanissimum qui hac colica hysterica laborantes pene exanimat, tum etiam materiæ viridis rejectionem, a spiritibus nimio impetu in partes sub cordis scrobiculo positas incurfantibus, atque easdem spasmo contrahentibus omnino excitari.

Huic etiam spirituum enormitati tribuendum est symptoma istud, quod superius *Clavi Hysterici* nomine indigitavi, in quo spiritus ab omni corporis ambitu in certo pericranii quasi punctulo concentrantur, dolorem haud minus perterebrantem, quam si clavus ferreus in caput vi adigeretur, accercentes, una cum insigni materiæ viridis evomitione. Quæ quidem spirituum ab universo corpore quasi in punctum contractio non multum abludit ab ista radiorum Solis collectione, quæ fit ope vitri incensorii; utque hi vi unita exurunt, ita & isti ob eandem rationem dolorem infligunt, membranas quasi diserpentes lacerantesque, junctis viribus.

Deinde ab hac inordinata spirituum agitatione sanguinem perturbante, exoritur symptoma illud, tam hystericiis, quam hypochondriacis haud insolens, ut supra notavimus, quod nempe sæpenumero *urinam* reddant *claram* limpidamque simul, & copiosam; cum enim sanguinis œconomia subinde interpellatur, quod importatur serum satis diu retinere nequit æger, sed illud prius dimittit, quam istis particulis salinis, quarum ope color ad citrinum traduci debuerat, imprægnari potuerit. Cujus rei quotidianum habemus experimentum in eis, qui, cum plus satis liquoris, maxime tenuioris atque attenuantis, ingurgitaverint, lotium mox limpidissimum excernunt. Quo in casu sanguis ab ea feri quantitate, cui retinendo prorsus impar est, plane devictus, illud omnino limpidum amittit, nec dum a corporis succis infectum, ob moram justo brevior.

Tertius jam agitur annus, a quo Nobilis quidam me sibi Medicum volebat, qui *Colicam Hypochondriacam* pati mihi videbatur, ad *Passionem Iliacam* fere accedentem doloreque, & vomitu enormiori; quo morbo diu multumque fuerat vexatus, & tantum non fractus. Per omnem morbi decursum sedulus animadverti, quod ubi pessime se habuerit, urina limpidam, & exors coloris semper fuerit, quando vero paulo melius, ad citrinum vergeret illa. Hunc die quodam adiens, urinam conspexi, quam tribus vicibus excreverat, in matulis totidem reservatam, citrino colore præditam: latus ipse hilarisque cibum ex *Ἀπένσι* aliquem jam assumere meditabatur, invitante, quod mihi dicebat, appetitu: in quo temporis articulo superveniens quidam eousque bilem commovebat, ut extemplo ægrotans, matulam deposceret, quam urina limpidissima crystallum colore æmulante, fere implevit.

Forte etiam a spiritibus sanguinem ita molestantibus pendet *Ptyalismus* ille hystericiis familiaris, cum ad multas septimanas salivam expuant tenuem, perinde ac si unguento ex *Mercurio* fuerint delibutæ: durante enim hoc turbido sanguinis statu, in quo excretionibus ad naturæ methodum exigendis impar is est, serum motum hunc inversum forte sibi vendicans non jam in renes pro lege naturæ exoneratur, sed per arteriarum extremitates in glandulas deponitur, & per *ductus salivales* salivæ forma prodit. Idem dici potest de nocturnis istis sudoribus, quibus scæminæ hysterica nonnunquam profunduntur, qui non ab alia causa fluunt, quam a feri sanguinis diathesi, quæ in corporis habitum gestit effundi, ob modo memoratam sanguinis *ἁταξίαν*.

Frigus quod attinet, quo toties algent partes externæ in affectibus hystericiis, luce clarius est, illud ex eo accidere, quod spiritus suam in illis stationem deferentes, se nimio opere in hanc illamve partem inferant: Nec est dubitandum, quin tam *Fletus*, quam *Cachinnus*, quem tollunt haud raro hysterica, etiam nulla data ansa, a spiritibus animalibus procuretur, organa, quæ his functionibus animalibus inserviunt, magna vi pulsantibus.

Obiter dicam, mates, etiam, quamvis rarius id.

eveniat, fletui ex nulla *ὑπόστασι* quandoque obnoxios reperiti. Accersebar aliquando ad virum tam ingenio, quam genere nobilem, qui nonnisi paucis diebus, febre convalescerat, alterius Medici consilio usus, qui & sanguinem detraxerat, & pharmacum catharticum ter exhibuerat, tum etiam carnibus illi interdixerat. Hunc ubi vestitum conspexerim, & de rebus quibuscumque cum judicio differentem audierim; rogabam quorsum me conveniret; respondit familiaris quidam ejus, modo expectarem paulisper, res ipsa loqueretur; confidens itaque, & sermones cum ægro trahens, mox observavi labrum inferius pendulum protrudi cum motitatione crebra (uti solent infantes morosiores fletum adornare) & exinde ægrum in tantas solvi lacrymas, quantas vix alias vidi unquam, cum gemitu ac suspiriis tantum non convulsivis. Qui tamen repentinus torrens non ita multo post decumuit prorsus. Hanc ego affectionem a spirituum *ἁταξίᾳ*, (partim a morbi diuturnitate, partim ab evacuationibus, quas *θεραπεία* necessario exigebat, orta) pendere existimabam: partim etiam ab exinanitione, & abstinencia a carnibus, quam etiam ad dies aliquot posteaquam convalescerat, imperaverat Medicus, quo cum a recidiva præstaret securiorem. Hinc cum pronunciavi extra omnem febris aleam jam constitutum; symptomaque prædictum, inanitioni tantum deberi, ac proinde suadebam, ut pullum gallinaceum assum in prandium juberet parari, & simul vinum modice hauriret; quo facto, & carnibus deinceps moderate vescens, nunquam deinceps fletum hunc convulsivum passus est.

Ut tandem finiam, (cætera enim, quæ in hoc morbo spectantur phænomena, jam missa facio) ab hac ipsa spirituum inordinatione nascitur perturbatio illa, & varians subinde tam animi, quam corporis intemperies, quæ tum in hystericiis, tum hypochondriacis dominatur: cum enim utrisque desit ea spirituum firmitas, quæ in robustioribus, atque iis, quorum facultates jugi spirituum vegetorum subsidio actuantur, semper invenitur, impressiones rerum minus gratarum nequeunt perferre, sed vel ira vel dolore subito perciti, perinde sunt irritabiles, atque illi, quorum *ὑπερμονικὸν* mollius, & debilius vel natura primo procudit, aut longior ægritudinum sive series, sive mora tandem reddidit. Etenim animi robur, & constantia, quandiu hoc corporis luto is incrustatur, firmitudine spirituum eidem famulantium maxime pendet, qui quidem supremum in scala materiæ gradum constituunt, in ipso *Entis immaterialis* confinio positi: Cumque animi compages, si fas est ita dicere, longe magis affabra sit & delicata, quam est corporis structura, utpote quæ in harmonia facultatum præstantissimarum, & pene divinarum consistat, si hujus *οὐσίας* quoquomodo fuerit interrupta conturbataque, major inde consequetur ruina, quanto præcellentius erat & magis exquisitum opificium, dum integrum perstaret. Et hic quidem miserorum quos depinximus, animoque fractorum status est; cui malo non citius remedium adferet pertinax aliquod vel insolentissimi Stoici decretum, quam *ἰδονταλγίαν* præcaverit is, qui firmiter statuerit, se nullo modo permissurum, ut dentes dolore pertententur.

Satis itaque jam constat, opinor, omnem hunc morbum ad spiritus animales non rite dispositos referri debere; nec a semine aut sanguine menstruo corruptis (quod asserunt nonnulli Authores) & halitus malignos in partes affectas elevantibus, produci; nec a succorum nescio qua perversa depravatione, sive etiam humorum acrium congestione, ut alii volunt, sed ab iis quas modo assignavimus causis. Quod enim morbi fomes in materia non delitescat, unica hac instantia satis elucescet. Fœmina v. gr. quæ rectissima semper valetudine uti solet, modo delicatula sit illa, & teneriore corporis habitu, si forte errore aliquo, sive emetico, sive cathartico quovis fortiore nimium fuerit debilitata exhaustaque, certo certius symptomate aliquo, ex iis, quibus hic morbus stipatur, mulcabitur; quod tamen ejusmodi vomitio, vel catharsis amoliretur magis quam invitaret, si morbi minera in humore contineretur. Idem dici potest de immodico sanguinis dispendio, sive phlebotomia is fuerit extractus, sive in puerperio debito copiosius manaverit, uti & de exinanitione, & justo longiore a carnibus absti-

abstinentia, quæ omnia ad affectus hystericos præcavendos potius facerent, quam ad eosdem accersendos, si illorum fomes in materia aliqua involveretur: cum e diverso non alia causa ita constanter pariat hujusmodi affectus, ac solent dictæ evacuationes.

Quamvis autem satis pateat originarium hujus morbi fontem in humoribus nullatenus stabulari, fatendum est tamen (quod res est) spirituum *δραζία* illam, cui morbus debetur, humores putridos in corpore coærvandos gignere, cum tam illarum partium functio, quæ vehementiori spirituum impulsu distenduntur, quam earum, quæ illis privantur, omnino pervertatur. Cumque harum pleræque *Organa* sint quasi *separatoria*, excipiendis cruoris recrementis designata, si earum functiones quovis modo lædantur, fieri non potest, quin ingens sæculentia colluvies accumuletur; quæ quidem eliminata fuisset, totaque proinde sanguinis massa depuratio facta, modo singula organa munus suum explevisent, cui nullo modo defuissent, si debita spirituum œconomia universa invigorasset. Huic ego causæ adjudico *Cachexias* insigniores, *αίσιμα*, sive *Appetitus prostrationem*; in Juvenulis *Chlorosin*, sive *Febrim albam* (quam quidem speciem esse *Affectionis hystericae* nullus dubito) aliamque omnem malorum lernam, in qua immerguntur misellæ, quotquot hoc morbo diu elanguerunt, quæ omnia a succis putrescentibus in sanguine congeitis, atque exinde in organa varia depluentibus, succrescunt. Hujus farinae est *Hydrops testium* in fœminis, quæ jam diutius affectu hysterico laboraverint, natus a succis depravatis e sanguinis massa in organa rejectis; unde perversis eorundem facultatibus, primo steriles fiunt mulieres, & destruitur prorsus œconomia partium, indeque *serum* & sanies gignuntur, quæ non tantum *Nodulos ovaque testium* interficiunt, sed etiam in tunicarum interstitia se insinuantia, testes in molem ingentem elevant, quod in earum dissectionibus cernitur, quæ hoc morbo pereunt. Diathesis interim hysterica horum aliorumque humorum similium causa est primaria, quamlibet ejusdem cum illa prosapiæ non fuerint.

Quemadmodum in *Febre quartana*, qua vel pancreaticæ valens quispiam corripitur, si modo duos trefve dies in locis paludosis ac lacustribus egerit, primo, spirituosum quoddam *μιασμα* morbi hujus sanguini imprimitur, quod diuturnis inhærens, læsa tandem naturæ œconomia, omnes corporis succos inquinat, aliena prorsus indole eos imbuens, unde æger (maxime si ætate grandior fuerit ac in senium jam vergat) cachexiis aliisque malis obnoxius redditur, quæ febribus intermittentibus diu affligentibus superveniunt. Quæ tamen febres non sunt profligandæ remediis, quibus rectissime expurgantur hujusmodi humores, sed *Specificis* iis, quæ abigendis istis febribus immediate dicantur.

Ex omnibus, quæ nos hæcenus congeffimus, abunde mihi constare videtur, præcipuam in hoc morbo indicationem curativam eam esse, quæ sanguinis (qui spirituum fons, & origo est) corroboracionem indigitat; quo facto spiritus invigorati eum servare possint tenorem, qui & totius corporis, & singularum partium œconomia competit. Cum vero hæc spirituum *δραζία* (quod supra fieri posse concessimus) mora longiore humores vitiaverit, e re fuerit eosdem jam corruptos, & *Phlebotomia*, & *Catharsis* prius imminuere, modo ægræ vires permiserint, quam ad sanguinem corroborandum nos accingamus; quem quidem scopum vix assequi poterimus, quandiu sæculenta humorum colluvies se mediam, quasi obicem, interposuerit. Quandoquidem autem *Dolores* atrociores, *Vomitiones*, & *Diarrhæa* enormes ita nonnumquam effervescent, ut inducias non ferant usquequo primariæ illi fortificandi sanguinis intentioni possit satisfieri, quandoque ab effectis consopendis (missa aliquantisper causa) curationis tela necessario ordianda est, exhibito scilicet medicamine *Anodyno*: dein spiritibus, quorum crasis infirmior morbi causa est, rectificandis opera danda est, quo ejusmodi symptomatibus deinceps occurratur. Cumque experientia doceat permulta esse,

quæ fœtoris exhalatione repellendis spiritibus seditio-nem molientibus, & in loco suo continendis apta nata sint, (quæ idcirco *Hysterica* audiunt) neque illa sunt negligenda, quoties dictis intentionibus implendis operam navamus.

Ad hanc ego metam collinans, venam in brachio secari jubeo, dein ut purgetur ægra tribus quatuorve auroris continuis. Per hos dies, in quibus *Venæ sectio* & *Catharsis* celebrantur, ita plane nihil emolumenti capere ægra, ut in pejus ruere, sibi videatur, cum dictæ evacuationes tumultu concitato *δραζία* promoveant, qua de re ægram diligenter præmoneo, ne animum despondeat, suadente morbi genio: utut fuerit, vitiosi isti humores, quos a morbo diuturniore coaggregatos supponimus, quadantenus sunt detrahendi, antequam primariæ intentioni percommode satisfacere queamus.

Post has evacuationes, ad sanguinem confortandum & proinde etiam spiritus ex eo prognatos, *Remedium* aliquod martiale seu *Chalibeatum* ad dies *triginta* præscribo assumendum, quo non aliud certius hic votis respondet. Etenim massæ sanguineæ, jam effœtæ & languescenti, volatile quoddam fermentum, seu calcaria, subdit, a quo excitantur & quasi eriguntur spiritus antea jacentes & suo pondere pressi. Cujus rei indicium est vel apertissimum, quod quoties *Chalybs* in *Chlorosi* propinatur, pulsus derepente major fit & celerior, exteriora corporis incallescere; facies non amplius pallida & mortuis concolor, sed vivida cerni & sanguine purpurata: Attamen hic notandum, quod non semper venæ sectio & cathartica chalybis usui sint præmittenda, cum viribus admodum imbecillis & diuturnitate morbi attritis fractisque omitti ea possint ac debeant, & cum chalybe statim incipiendum; quod diligenter advertendum.

Commodissime vero, aut ego fallor, in *substantia* exhibetur; atque ut nec observavi unquam ipse, nec fando accepi, eum ita sumptum cuivis nocuisse, ita certior me fecit experientia multiplex, nudam chalybis substantiam & felicius & brevioris temporis spatio curationem absolvere, quam si is quovis, ex iis qui vulgo feruntur, modo fuerit præparatus. Cum tam in hoc, quam in aliis melioris notæ remediis, id quandoque præstiterit chymicorum officiosa sedulitas, non tantum ut *δρασινώτῃα* non sint, sed etiam a perversa eorundem diligentia & opera plusquam otiosa, magis evilescant. Audivi etiam (quod si modo verum sit, assertionem hanc nostram fortiter sustinebit) ipsam mineram, prout a terræ visceribus effoditur, crudam efficacius in morbis subjugandis operari, quam ferrum ignem jam passum, & fusione depuratum: cujus rei fides tamen penes Authorem sit, me nondum experto, siccine se res habeat, an vero aliter. Id certo scio, nullum remedium præclarum atque *ἐξαιρετον* uspiam gentium fuisse proculsum, quod non a natura præcipuas vires acceperit: unde *Θεὸν Χάρις*, non vero hominum præcellentiora quævis medicamina antiquitas grata compellavit. Quod vero nativa quidpiam bonitate præstans & efficacia, mirandos edat effectus, quacunque demum forma ingeratur, testes hic adduco par illud nobile, papaveris lacrymam sive *Opium*, & *Corticem Peruvianum*. Neque etiam tantum in medicamentis præparandis medica cernitur peritia, quam in iis seligendis appropriandisque, quæ natura, suo igne elaborata atque evecta, liberali manu porrigit. Id tantum nobis agendum restat, ut medicamenta in eam formam reducantur, qua vel eorundem substantia, vel saltem vis & efficacia melius corporibus nostris impertiri queat: cui muneri obeundo facultates nacti sumus plus quam pares. Post chalybis substantiam, ejusdem *Syrupo* lubentius & præ cæteris utor. Fit autem e ferri aut chalybis limatura, in vino Rhenano in frigido infusa, usque dum vinum satis imprægnatum fuerit, quo facto liquor colatus cum sacchari quantitate sufficienti in syrupi consistentiam excoquendus est.

Nec mihi solemne est toto illo spatio, quo ægra chalybeata sumit, catharticum aliquod statis intervallis exhibere. Cum tam in genere hysterico, quam hypochondriaco, chalybis vires a cathartico interci-

di atque infringi mihi videantur. Quando enim id mihi palmarium sit, ut spiritus in ordinem redigam, atque eorum systema redintegrem firmemque, quod toto vix octiduo refarciveram chalybis ope, cathartico vel lenissimo exhibito die unica rursus demolior; atque ita diruta extruendo, atque a me extructa subruendo, & ægros & operam ludò, vanus & infelix Ardelio. Qui quidem mos cum etiam in usu aquarum mineralium obtineat, quæ ferri mineræ sunt participes, haud mihi dubium est, easdem exinde minus efficaces reddi. Non sum nescius quosdam fuisse sanatos, catharticis non tantum intercalatis, sed etiam quotidie cum chalybe propinatis, quod tamen non tam Medici prudentiam, quam chalybis virtutem *ὑπερτείνω* mihi comprobatur, cum, si ea omittantur, breviori temporis spatio curatio succedat.

Neque sane video in aliis affectibus multis præter jam dictum, quid emolumenti, sive potius quid non incommodi tam repetita catharticorum exhibitio ægris adferre queat. Quamvis enim haud negandum sit, quin intestina ex impuritatibus liberent ea, & pariter e massa sanguinea humores noxios in ea stabulantes aliquantulum extrahant, e contra tamen haud minus certum est, quod frequenter repetita in corporibus imbecillis (maxime vero in ætatis tenellis) plurimum officiant; cum ex hac *ὑπερπαρα* ingens humorum colluvies in viscera eliciatur, atque iis in partibus deposita fermentationes præternaturales invitet, ex quibus deinceps *Tumores* in infimo ventre oriuntur, tanto magis indies mole augescentes, quanto sæpius æger purgetur. Atque id demum accidit, ut istæ partes præ imbecillitate & caloris nativi (jam sub humorum onere quasi obruti) defectu, *tabe* facile afficiantur ac putrescant. Quandoque etiam, œconomia viscerum ob causas jam dictas penitus eversa, *Glandula* præternaturales, *Strumæ* soboles, & id genus similia mesenterio accrescunt, & ad mortem viam sternunt. His rationibus adductus tutissimum esse judico in *Infantibus* post evacuationes universales, easque perpaucas, eo indicationem curativam dirigere, ut confortentur sanguis & viscera. Quod *Vinum Hispanicum* vel solum, vel *Herbis corroborantibus* alteratum efficere potest, modo mane & sero cochlearia aliquot (pro ratione ætatis ægri) satis diu exhibeantur. Cum vero quæ exterius admoventur, tenera infantium corpora facile penetrent, proindeque sanguinem ipsum qualicumque virtute sua penitus afficiant, e re erit in *Tumoribus* qui ventrem eorum occupant, sive *Schrophulis*, sive *Rachitidi veræ* originem illi debeant, *Linimentis* uti, quæ sanguinem ac viscera corroborandi ac pariter labem aliquam morbificam iis inductam delendi vi pollent. Ut *℥. Fol. Absint. vulg. Centuar. min. Marrub. alb. Chamædr. Chamæpis. Scordii, Calaminth. vulg. Parthenii, Saxifrag. prantes. Hyperic. Virgæ Aur. Serpill. Menth. Salvie, Ruta, Card. benedict. Puleg. Abretan. Chamomel. Tanacet. Lilior. Convall. (omnium rec. collectorum & incisorum) an. m. j. Axungia porcina ℥iv. sevi ovini, & vini Claretii an. ℥ij. Macerentur in olla fictili super cineres calidos per horas 12. Deinde ebulliant ad humiditatis consumptionem, & postea colentur, ut fiat Unguentum; quo venter ac Hypochondria illiniantur mane & sero per 30. vel 40. dies continuas, uti etiam Axilla utraque. Quoad *Rachitidem* autem hoc notandum, quod in tumoribus istis qui ventres infantium post longas *Intermittentes Febres* olim infestant, veræ rachitidi non multum abludentes, repetita catharsis omnino videretur indicari, cum ante usum *Corticis Peruviani* istæ febres in diuturnitatem longam se extenderent, ac proinde sedimentum deponerent, hujusmodi tumorum causam, quæ ideo non nisi purgatione repetita abigi poterat: Attamen in *Rachitide veræ* cathartica locum non habent, nisi ut semel vel bis ad plurimum æger purgandus antequam usum alterantium aggrediatur. Per totum autem tempus quo partes illiniantur, intus assumat vel vinum modo dictum; vel, si fieri possit, pro potu omni bibat cerevisiam, in qua quantitas sufficiens herbarum prædictarum, vel earum*

Sydenham opera Medica.

saltem aliquam multarum; una in dolio inclusa fuerit. Denique hoc quod innui diligenter advertendum volo, cum non paucos infantes aut pueros a catharticis sæpe repetitis (quæ forte ventris tumor invitaverat) interemptos fuisse satis sciam. Sed hæc obiter.

Si quis objecerit, *limaturam Chalybis*, nisi æger subinde fuerit expurgatus, in visceribus hærentem, ei, qui illam devoraverit, nocere posse; respondeo primum me nihil unquam tale in quoquam deprehendisse: deinde longe verisimilius esse, eandem mucos & excrementitiis partium humoribus involutam una cum istis tandem omnem elabi, quam medicamentis purgantibus exagitatam, quæ adstrictiones insolitas, & viscerum torsiones contractionesque asferunt; qua quidem compressione, chalybis particule viscerum tunicis impactæ in iisdem penitus defigi possunt.

Interea dum chalybs administratur (ad confortandum sc. sanguinem & spiritus animales) remedia vulgo dicta *Hysterica* in usum quasi obiter revocanda sunt, idque eo modo atque ea forma, quæ maxime conveniunt ægris; quæ quidem si in forma solida fuerint deglutitæ a minus fastidiosis, potentius longe spiritus in officio & loco suo retinebunt, quam si in liquida hauriantur, hoc est, sive decocta, sive infusa. Ipsa enim substantia ventriculum diutius sapore suo afficit, & corpus inficit penitus.

In summa, indicationibus, quas supra attigi, universis satisfactorius, paucula hæc & vulgaria præscribere soleo; quæ licet nihil magnifici præ se ferant, ut plurimum tamen id præstant, quod volo.

Mittatur sanguis e brachio dextro ad ℥viii.

℥. Galban. in tinctura Castor. solut. & colat. ℥iij. Tacamahac. ℥ij. f. Emplast. Umbilico admoventum.

Sequenti mane aggrediatur usum sequentium Pilularum.

℥. Pilul. Coch. maj. ℥ij. Castor. pulv. gr. ij. Balsam. Peruv. gutt. iv. f. Pilula n. iv. Cap. hora quinta matutina superbibendo. Repetantur per duas vel tres alias vices, idque singulis vel alternis auroris proratione virium, aut operationis.

℥. Aq. Ceras. nigr. Ruta, & Brion. comp. an. ℥iij. Castor. in nodulo ligat. & in vitro suspend. ℥ss. Sacchar. CrySTALL. q. s. f. Julapium, de quo capiat cochlearia iv. vel v. in omni languore, instillando prima dosi, modo paroxysmus urgeat, spir. C. C. gutt. xx.

Post pilulas purgantes modo supra descripto sumptas, utatur, & sequentibus.

℥. Limatur. Chalyb. gr. viij. cum s. q. extracti Absynth. f. Pilula n. ij. sumat summo mane, repetanturque hora quinta pomeridiana, per dies xxx. superbibendo haustum Vini Absynthitis.

Vel pro usu quotidiano, *℥. Limatur. Chalyb. & extract. Absynth. an. ℥iv. ms. asservetur pro usu. Capiat iisdem temporibus gr. xvj. vel ℥j. in pilulas tres redact.*

Vel si forma boli magis arrideat, *℥. Conserv. Absint. Roman. & conserv. flaved. Aurantior. an. ℥j. Angelic. condit. Nucis moschat. condit. & Theriac. Andromach. an. ℥ss. Zinzib. condit. ℥ij. cum s. q. syr. Aurantior. f. Electuarium. ℥. Electuarii præscript. ℥ss. Limaturæ Chalybis probe triti gr. viij. cum s. q. syr. Aurantior. f. bolus, sumendus mane, & hora quinta pomeridiana, superbibendo haustum vini Absynthitis.*

℥. Myrrh. elect. & Galban. an. ℥ss. Castor. gr. xv. cum s. q. Balsami Peruv. f. Pilula, e singulis Drachmis xii. sumat iij. singulis noctibus, superbibendo Aq. Brion. comp. Cochlear. iij. vel iv. per totum decursum hujus processus.

Sin autem pilulæ ultimo præscriptæ ventrem moverint, quod in corporibus quæ facillime purgantur præ *Gummis* quæ insunt quandoque fit, tum sequentes substituantur.

℥. Castor. ℥j. sal. succini volatil. ℥ss. cum s. q. extract. Ruta f. Pilula exigue numero xxx. cap. iij. singulis noctibus.

Hic autem observandum, quod *Chalibeata* in quacunque forma aut dosi exhibeantur, foeminis quandoque magnas tum animi, tum corporis per-

turbationes inducant, idque non solum primis diebus (quod fere omnibus solemne est) sed etiam per totum tempus quo illis utuntur; in hoc casu non statim chalybis usus dictis temporibus interrompendus, sed, quo melius eundem ferre poterint, *Laudanum* aqua aliqua hysterica mistum singulis noctibus ad tempus aliquod propinandum.

At ubi symptomata mitiora sunt, & res sine ferro introsumpto transigi posse videtur, (in minore scilicet morbo) satis habeo sanguinem mittere, atque alvum solvere ad dies tres quatuorve, ut supra diximus; Dein *Pilulas Hystericas* alterantes præmemoratas *mane & sero per x. dies* capiendas imperare. Quæ quidem methodus in affectu leviore raro a scopo aberrat. Imo pilulæ istæ solæ, vel omissis phlebotomia & catharsi, sæpe magnos effectus edunt.

Serio interim animadvertendum est, nonnullas fœminas *Idiosyncrasia* quadam, ab *Hystericis* illis medicamentis (quæ plerisque hujus morbi symptomatibus levamen afferunt & solatium) ita penitus abhorre-re, ut non solum non juventur, sed etiam insigniter ab eorum usu lædantur. In his itaque omnino sunt omittenda ista; *φύσεως γὰρ ἀντιπαθήσεως*, ut divinus senex, *κινεῖται πάντα*. *Invita Minerva* nihil quicquam moliendum.

Quæ quidem *Idiosyncrasia* adeo insignis ac frequens est, quod respectu ad eam non habito ægræ in discrimen vitæ conjici possint; idque non solum quoad hysterica, sed quoad multa remedia alia: cujus impræsentiarum instantiam unicam adferam. Fœminæ nonnullæ *Variolis* laborantes *Syrupi e Meconio* usum ferre non possunt, utque a quo vertigines, vomitiones, & id genus symptomata ad effectus hystericos pertinentia, accersantur, quibus tamen *Laudanum liquidum* apprime conveniat. Quod & dum hæc scriberem in adolescentula nobili observavi, cui *Variolis* laboranti cum sexta ac septima nocte syrupum dictum exhibuissem, symptota prius memorata singula exhibitione ei ingruiebant, neque pustularum inflammatio debito modo procedebat; sed cum impofterum *Laudano* uteretur, a symptomatibus dictis prorsus immunis erat, faciei tumore ac pustulis indies augescentibus, & quod non minus læti ominis erat, *anxietas* ista, cum *inquietudine* quadam tam mentis, quam corporis, (quæ quasi *paroxysmus Variolarum* solet esse) prorsus tolleretur, quoties paregoricum hoc propinabatur, ægra mox vires atque animum exinde recipiente. Hoc obiter.

Atque ita *hystericus Affectus* quoad plurimum sanatur, ut & pleræque *mulierum*, quas appellant, *obstructiones*, at præ cæteris *Chlorosis* seu *pallidi virginum colores*, uti etiam *mensium suppressiones* qualescunque. Attamen si sanguis usque adeo effectus fuerit, tantaque proinde spirituum *ἀταξία*, ut chalybs præscripta methodo usurpatus malo vincendo par non sit, adeundæ *Aque minerales* aliquæ ferri minera saturæ, quales sunt nostræ *Tanbrigienses*, aut aliæ nuper repertæ. Harum enim virtus chalybeata, tum ob insignem quantitatem qua hauriuntur, tum etiam ob earundem cum natura convenientiam intimius sanguini permiscetur, & potentius morbos expugnat, quam ferrum quocunque demum artificio nobilitatum, ut volunt Cinifiones imprudentiores.

Hoc autem præ cæteris inter bibendum observandum, si ægritudo quævis ad symptomata affectionis hystericae referenda accadat, hoc in casu per diem unum alterumve æger aquis abstat donec symptota illud transitum aquarum alias impediturum, penitus abeat. Etenim tametsi hæ aquæ humoribus agitandis ac proinde spiritibus confusione inducendæ minus aptæ natæ sint, quam cathartica vel lenissima ex officinis deprompta, aliquantulum tamen idem præstant, quatenus sc. diuretici sunt; ut taceam quod sæpe etiam ventrem movent. Quod si ipsæ aquæ humores ac spiritus exagitando turbandoque aditum sibi met ipsis præcludant quo minus facile transeant, videant illi quam importune agunt, qui medicamenta *purgativa* per harum usum impe-

rant, semel aut bis in septimana assumenda, vel, quod adhuc ineptius, ipsis aquis immiscenda præcipiant; Unde fit tam in his, quam in aliis aquis mineralibus, ut non solum non promptius, sed & plane tardius ac difficilior eadem operentur.

Hic mihi non reticendum, quod tametsi his aquis ferrum inesse in principiis solutis nonnullis videatur (quod idem plene est ac si *ferrum liquidum* supponamus) nullus tamen dubito quin eadem nonnisi simplices aquæ extent virtute mineræ, per quam transeunt imprægnatæ ac infectæ. Quod cuipiam liquido constabit, si aquæ communis congiis aliquot satis magnam vim clavorum veterum ex calcis equinis extractorum infuderit. Sentiet scilicet aquam hanc, cui pulvis *Gallarum*, *fol. Tea*, vel similia fuerint immista, eodem plane colore infici, ac si aqua esset fontis mineralis. Neque sane diversos effectus hæ aquæ sive artificiales, sive inartificiales (utrum enim mavult quis appellet) epotæ edent, modo tempore æstivo, atque aere salubri assumantur.

Sed utur hoc sit, si ob contumaciam ejus hic affectus ferreis aquis minus cedat, adendæ sunt *aqua calida Sulphurea*, quales sunt nostræ *Bathonienses*; atque æger, postquam tribus auroris continuis eas intus assumpserit, sequenti die *Balneum* ingrediatur, & postero die iterum eas bibat; idem faciendo alternatim per duos menses integros. Etenim tam in his, quam aliis, cujuscunque demum generis sint, hoc sedulo notandum, quod in earum usu eousque ægro persistendum, donec non tantum levamen aliquale sentiat, sed, quo minus symptomata omnia brevi postliminio revertant, donec omnino convalescat.

Theriaca Andromachi, vel sola, si crebro diuque usurpetur, magnum est in hoc morbo remedium. Neque vero in hoc solo, sed in aliis quamplurimis a coloris & concoctionis sive digestionis defectu ortis, omnium forte potentissimum, quæ hæcenus nobis innotuere, utut a plerisque fastidiatur, quod & pervulgata sit, & a tot jam sæculis cognita.

Vina Hispanica Gentiana, Angelica, Absinthio, Centaury, Corticum Aurantium flavedine, aliisque corroborantibus infusis medicata, si ad aliquot cochlearia ter in die potentur, admodum conferunt, modo ægra tenui non fuerit biliosoque corporis habitu. Profecta vel *Vini Hispanici simplicis* liberalior haustus hora somni aliquot noctibus, meo suavis propinatus hystericis nonnullis perquam salutaris fuit, cum ex eo robustior universi corporis habitus redderetur, ipsæque adeo fœminæ e cachecticis vividæ simul ac vegetæ fierent.

Adhæc *Peruvianus Cortex* eximias mirandasque vires in sanguine & spiritibus confortandis invigorandisque habere nonnunquam deprehenditur, cujus *Scrupulum unum mane & sero*, ad septimanas aliquot deglutitum, sanam firmamque corporis crasim (tam *Viris Hypochondriacis*, quam *Hystericis* fœminis diu multumque ægrotantibus, dejectaque jam quasi corporis œconomia) restituisse, ipse observavi. In nullo autem hystericorum affectuum genere felicius succedit, quam in illo, quo *Spasmi* afficiuntur fœminæ, nixus edentes fortissimos & plusquam muliebres, pectora simul ferientes. Interim tamen confitendum est, quod hoc medicamentum non ita certo crebroque huic malo succurrat, ac *Febris Intermittentibus*. Quamvis vero (ut id obiter dicam) in harum curatione egregia præstet, ne dicam miracula, dictus cortex, atque eodem tum ipsi nos libenter utamur, tum uxoribus liberisque usurpandum imperemus, quoties res pustulet; sunt tamen, quibus haud minus jam displicet, quod tam certo subitoque morbos expugnet, quam olim displicebat, quod non nisi nuper his terrarum oris innotuerat. Quo quidem fato tum optimi quique viri, tum etiam præstantissima quæque ac *Spasmodica* remedia semper fere urgentur. Veruntamen ad hanc notam, seu *Lydiæ lapidem*, indolem nostram licet adductam experiri, atque exinde dignoscere, hominesne boni simus,

an vero probrosi; pro gradu sc. quo vel exultamus, vel dolemus ac ringimur, quoties publica res hominum communi aliquo beneficio, ac Numinis favore augetur.

Si quæ vero ex remediis supra recensitis minus convenient, quod temperamento bilioso ac tenui præditis sæpe accidit, tunc *Diæta Lactea* posset usurpári. Etenim mulieres aliquot (quod prima statim fronte mirabitur quis) cum affectibus hystericis diu conflictatæ etiam iis, qui omnes Medicorum conatus spreverant eluserantque, tandem lacte solo aliquandiu vescentes convalescere. Atque illæ quidem maxime, quæ ea specie laborabant, quam ego colicam hystericam appello, quæ non nisi a Narcoticis potuit deliniri; quibus itaque per intervalla repetendis multum assueverant hæc fœminæ, dolore recrudescente ut primum emarcuerit anodynæ virtus. Id vero in hac curandi methodo præcipue mirandum, quod cum lac frigidum tantum crudumque alimentum præbeat, spiritus nihilominus ejus usu corroborentur invigorenturque. Nec tamen hoc a ratione abhorre illis videbitur, qui secum reputaverint, lac, cum simplex omnino nutrimentum suppeditet, naturæ minus in coquendo negotium facessere, secus ac solent cibi ac liquores magis compositi; quodque perfectissimam illam concoctionem æqualis sanguinis spirituumque crasis necessario sequatur. Illud etiam est animadvertendum, quod non nuda spirituum debilitas per se considerata, sed eorundem debilitas ad sanguinis statum comparatorum, *atraçias*, quam patiuntur, causa sit. Fieri enim potest, ut infanti spiritus satis firmi robustique sint pro sanguinis ratione, qui tamen debitam ad sanguinem adulti hominis proportionem non teneant. Jam vero cum ex jugi lactis usu & *Diæta*, quantumvis illa sit cruda atque invalida, sanguis mollior & tenerior evadat, si spiritus ab eo nati sanguini pares tantum sint, satis bene se res habet. Non omnibus tamen contingit, quantumlibet a lacte alias juvari potuerint, ea incommoda superare posse, quæ primis fere diebus apportat, quod nempe tum in ventriculo coaguletur, tum etiam viribus corporis in statu conservandis sustentandisque minus sufficiat.

At vero nihil ex omnibus quæ mihi hætenus innotuere, adeo impense sanguinem spiritusque fovet firmatque, ac diu multumque singulis fere diebus *equo vehi*. Cum enim in hac gymnasticæ specie impetus ferme omnis in ventrem inferiorem fiat, in quo vasa excretoria (quotquot facultatis, in sanguinis massa stabulantibus, educendis a natura instituntur) sita sunt; Quæ tanta functionum perversio, aliave organorum naturalis impotentia vel fingi potest, cui tot succussionum millia eodem die ingeminata, idque sub dio, opem non attulerint? Cujus calidum innatum usque adeo deferbuerit, ut hoc motu non excitetur, & denuo effervescat? Quæ vero sive præternaturalis substantia, sive succus depravatus in aliquo harum partium sinu recondi potest, qui non hoc corporis exercitio, vel in statum naturæ consentaneum perducatur, vel quaque versum dissipetur elimineturque? Quid quod sanguis perpetuo hoc motu indefinenter exagitatus ac permixtus quasi renovatur ac vigescit. Quæ quidem methodus, licet fœminis vitæ desidi atque imbelli assuetis, minus accommoda sit, utpote quæ a motu, maxime in principio, possint lædi, viris tamen est aptissima, & sanitatem præ cæteris conciliat.

Nostorum quidem in *Sacris Antistes*, Vir prudentia atque eruditione celeberrimus, postquam diu studiis intemperantius incubuerat, omnesque animi, qui permagnus ei est atque excelsus, nervos seriis cogitationibus nimio opere intenderat, tandem in *Affectum Hypochondriacum* incidit, quo diutius lacessente, omnia corporis fermenta erant vitata, concoctionesque penitus subversæ. Medicamentorum chalybeatorum tedium plus semel devoraverat: aquas minerales fere omnes, cum catharsi sæpe repetita, fuerat expertus. Uti etiam antiscorbutica omnium generum, pulveresque testaceos quamplurimos, sanguinis edulcorationem promittentes. Ita partim morbo, partim medicatione per tot annos continuata, tantum non fractus, *Diarrhœa Colliquativa* (quæ in *Tabe*, aliisque

morbis chronicis, ubi omnes omnino digestionibus sunt prostratæ; mortem anteire solet) demum corripiebatur. Ubi me tandem consulere, statim mecum reputavi pharmacis nullum amplius locum relinqui, cum tot tantaque nullo cum fructu jam deglutiverit. Suadebam itaque ob causas supra memoratas, ut statim se equo vehendum curandumque traderet; modico primum itinere, quale ferre possit valetudo ita infirma, ut, nisi judicio valuisset rerum interiora altius penetrante, nec ad tentandum quidem illud exercitii genus potuisset adduci. Rogabam autem, ut quotidie in eo persisteret, donec ex animi sententia convalesceret; majora indies spatia gradatim conficiens, donec tandem ad tot millia ascenderet, quot uno die percurrunt prudentiores ac moderati viatores, qui iter longiusculum negotii alicujus gratia susceperunt: Nullo interim sive ad cibos, sive potum, sive etiam aeris temperiem respectu habito, sed ad instar itinerantis omnia, prout fors dederit, exciperet. Ne longior sim, hanc ille viam incescit, productis gradatim itinerum spatiis, donec tandem ad vicesimum, imo ad tricesimum usque lapidem quotidie vectaretur: cumque se longe melius habere post pauculos dies experiretur, ipso rei eventu pene mirabili animatus in eodem cursu ad menses aliquando multos perseverabat, quo temporis spatio plura miliarium millia, quod ipse mihi narrabat, emensus est, donec tandem non convalesceret modo, sed satis validum etiam vegetumque corporis habitum fuerit indeptus.

Neque magis *Hypochondriacis* prodest hoc exercitii genus, quam *Tabidis Phthisicisque*, quorum nonnulli mihi sanguine juncti multum terrarum equo vectore peragrantes, ex meo consilio, sanitati sunt restituti; cum certo sciam me vel medicamentis quantivis pretii, aut alia methodo, quæcunque demum ea fuerit, nihil magis iisdem proficere potuisse, quam si multis verbis hortatus fueram, ut recte valerent. Neque in levioribus tantum malis, crebra tussi & macie stipatis, id remedium obtinuit, sed & in *Tabe* tantum non deplorata, ubi *nocturnis sudoribus* jam etiam accesserat *Diarrhœa* ista superius dicta, quæ phthisi confectis mortis prænuntia solet esse, atque adeo ut plurimum ultima rerum linea. Verbo dicam. Quantumcunque exitialis *Phthisis* & sit & audiat, utpote qua intereunt duo fere trientes eorum, quos *morbi Chronici* jugulant, hoc tamen sanctè assero, quod neque *Mercurius* in *Lue Venerea*, neque *Cortex Peruvianus* in *Intermittentibus* efficaciores extent, quam in *Phthisi* curanda *Exercitium* jam laudatum; modo æger curet, ut lintheamina lecti probe fuerint arefacta, atque etiam ut satis longa itinera emetiantur. Attamen hoc notandum, quod vitæ *auxiliu* prætergressis multo diutius in hoc exercitio persistendum, quam infra istam ætatem positis. Atque hoc multiplici experientia, quæ vix me fefellit unquam, didici. Et licet equo vehi phthisicis præcipue conferat, tamen & itinera curru facta mirandos sane effectus quandoque ediderunt.

Sed ut ad propositum revertar. Hæc est generalis hujusce morbi curandi ratio, qua causæ originariæ, quæ est debilior sanguinis crassis, occurritur, ac proinde extra paroxysmum tantum locum habet. Quoties vero *Paroxysmus* invaserit adjuncto quolibet ex prædictis symptomate, si tale aut tantum sit malum, ut inducias ferre nolit, donec, sanguine & spiritibus corroboratis, quasi per ambages sanari possit, confestim ad remedia *Hysterica* ista confugiendum est, quæ odore viroso ac gravi spiritus, ut dixi, exorbitantes ac desertores, in proprias stationes remandant, sive intra corpus sumantur, sive naribus admoveantur odoranda, sive exterius applicentur; cujusmodi sunt *Assa fœtida*, *Galbanum*, *Castoreum*, *Spiritus salis Armoniaci*, & quicquid est denique quod odorem tetrum admodum ingratumque spirat.

Hic enim quod res est dicam. Quæcunque fuerint, ea omnia intentioni huic apprimè inserviunt, sive natura, sive etiam ars ea putido odore donavit. Atque, ni fallor, *Spiritus C. C. Sanguinis humani*, *Urina*, *Offium* ac similia, inde præcipuas

puas suas vires acquirunt, quod, dum vi ignis præparentur, empyreuma contrahant terrum ac male olens, quasi essentia eorum intimius annexum. Quod pariter cernitur in fumis a corio, pennis, & id genus animalium partibus, cum exuruntur, exhalantibus. Etenim id habent commune singula animalium substantia, ut inter exurendum fumum emittant olidum & olfactui ingratum; qui si importuno igne affatim eliciatur, ac organis excipitur condensatus, is in liquores istos abit ac convertitur, qui *Spirituum Volatilem* nomine insigniuntur, quique facultates eas facile reportant, quæ subjectis suis haud primitus inerant; utpote qui *Ignis* solummodo *Creatura* existunt, & singuli eorum eandem plane virtutem cum cæteris nanciscuntur, ex quacunque demum substantia (modo *Animalis* ea sit) producantur extrahanturve.

Proximo loco animadvertendum est, quod si paroxysmum comitetur *Dolor* aliquis intolerabilis in quacunque demum parte, aut *Vomitio* enormior, aut atiam *Diarrhoea*, tunc præter hysterica jam laudata, *Laudanum* in usum revocari debet, quod solum vires habet his symptomatibus cohibendis prorsus pares.

At vero in iis doloribus sedandis, qui vomitiones excitant, cavendum est sedulo, ne illi sive *Laudano*, sive alio paregorico mitigentur, non præmissis debitis evacuationibus, nisi patientiam fere humanam omnem vicerint. Primum, quia tanta nonnunquam sanguinis & humorum copia est aggesta (maxime in foeminis sanguineo, & masculis proprio habitu præditis) quanta Narcotici vel efficacissimi, ejusque sæpius repetiti, operationem valeat sufflaminare. Unde in talibus sanguis e brachii venis necessario est extrahendus, & catharticum eis propinandum est, antequam ad *Laudani* usum accedamus; his enim rite peractis, quod prius vel in maxima dosi exhibitum, nihil proficiebat, jam in dosi mediocri scopum attinget. Deinde quia multiplici experientia edocti sumus, quod quoties ægra paulatim *Laudano* assueverit, non præmissa evacuatione debita, necesse habuit ob dolorem mox ab evanescente remedii virtute denuo revertentem, paregoricum rursus ingerere, idque quotidie annos aliquot continuos, dosi subinde per gradus aucta, ita ut nullo modo jam a *Laudano* abstinere queat, licet omnes ab illo digestionis vitentur, & functiones naturales debilitentur. Quamvis non sentiam *Laudani* usum sive cerebro, sive nervis, sive facultatibus animalibus immediate nocere. Iudico itaque ego, quod expertus loquor, evacuantia anodynus debere præmitti: v. gr. viraginibus & foeminis in quibus sanguis prædominatur, vena secanda est, & alvus subducenda, præsertim si non jam a longo tempore paroxysmo fuerint correptæ. Si vero foemina debiliores, & quæ temperamenti a prioribus illis plane diversi sunt, hujuscemodi paroxysmo & dolore affligantur, atque eodem subinde haud ita pridem laboraverint, sufficiet eorum ventriculos congio uno, plus minus, lactis cerevisiati hausto, & mox per vomitum rejecto detergere; dein largam dosin imperare sive *Theriaca Andromachi*, sive *Elektuarii Orvietani*, & cochlearia aliquot liquoris alicujus spirituosi & gustui non ingrati cum paucis *Laudani* liquidi guttulis superbibenda.

Quod si ægra jam pridem vomuerit, antequam accerferetur Medicus, & metus sit ne si emeticis ulterius sollicitetur, in furorem agantur spiritus, & ægræ vires nimium deiciantur, hoc in casu *Laudanum* sine mora propinari debet, eo dosi modo numeroque, quæ symptomatis magnitudinem ac durationem non tantum exæquare possit, sed & vincere.

Duo autem hic præ cæteris diligenter sunt notanda. Primo, quod cum semel post evacuationes justas & necessarias, *Laudano* uti cœperimus, ea dosi, atque illa toties repetita, sumendum est istud pharmacum, donec symptoma omnino fuerit debellatum; interjecto tantum spatiolo inter singulas doses, ut quid prior præstiterit ante noscamus, quam alteram repetamus. Sed de hoc fusius alibi egimus. Deinceps dum *Laudano* morbum aggredimur, nihil prorsus movendum est, nihil evacuandum, cum vel mitissimum illud enema e lacte saccharato possit destruere, quic-

quid reparaverat paregoricum, & tam dolorem quam vomitionem postliminio revocare.

Utut vero dolores, quod jam innuimus, supra memorati importuni sint in anodyno efflagitando, tamen vomitiones enormes & dosin ejusdem longe maximam & sæpiissime repetitam indicant, cum ab inverso motu ventriculi peristaltico (quo in eo contenta versus inferiora erant protrudenda) remedium paregoricum prius eliminetur per cœsophagum, quam opis aliquid afferre queat, nisi post singulas vomitiones Narcoticum de novo toties quoties iteretur, idque in forma potissimum solida; aut si in liquida detur, vehiculum ita parcum esse debet, ut ventriculum imbuat tantum, & præ materiæ inopia ab illo sursum evehi nequeat, verbi gratia *Gutta aliquot in cochleari uno Aq. Cinnamomi fortioris*, aut similis. Monenda interim est ægra, ut statim ab assumpto *Laudano* conquiescat, ac caput præsertim quantum fieri potest immotum teneat; quando vel levissimus capitis motus præ cæteris omnibus vomitionem provocet, unde medicamenti modo deglutiti jactura fit. Quinimo etiam cessante & quasi perdomita vomitione, expedit anodyno ad pauculos dies mane & sero exhibito, ceu injecto fræno, recidivam præcavere. Quod itidem post dolorem hystericum Narcotico sedatum, aut diarrhoeam, omnino observari debet.

Atque ita demum methodo jam tradita & *Dolori* & *Vomitio*ni symptomaticis mederi in promptu est, a quibus, cum aliorum persæpe morborum speciem præ se ferant, Medicis facilius imponitur, quam ab aliis quibuslibet symptomatibus, quotquot manum medicam deposcunt; de quo pauca subjungam verbi gratia in ista hysterica affectionis specie jam descripta, quæ *Paroxysmum Nephriticum* imitatur, quis non videt quanta sit paritas morbi utriusque & similitudo, tum quod pars eadem utrobique doleat, tum quod in utroque affectu vomituriant ægræ, cum tamen a causis ita ab invicem variantibus pendeant, & tam impari methodo debeant sanari, ut quod in hoc lædat, in illo juvet, & e contra? Si enim sive *Calculus*, sive *Arenula* renum substantiam atterentes, dolorem inferant, atque ex partium consensu vomitionem, nihil æque conducet ac prælarga & frequens causæ antecedentis per phlebotomiam revulsio, tum ut dilatentur laxenturque meatus, per quos calculus excludendus est, enematis emollientibus sæpenumero repetitis, aliisque ejus generis remediis internis: Quibus medicamenta diuretica, & lithontriptica addenda sunt. Jam si dicta symptomata a calculo nullatenus oriantur, sed a spiritibus animalibus nimia copia renes impetentibus (quo in casu paregorica tantum indicantur, nec vel enema e mitioribus, post primas evacuationes, sine periculo injicitur) in quanto vitæ discrimine versetur infelix ista, de cujus jam corio luditur, non opus est dicere. Idem potest affirmari de affectu illo hysterico, qui *Colicam Biliofam*, vel *Iliacam Passionem* simulat. Hic ubi pro concessio habeatur affectum istum (licet indolis omnino sit diversa, imo contrariæ) colicam biliosam esse, & ab humore acri in viscera per arteriarum mesentericarum oscula excreto nasci (in quem errorem dolor intolerabilis, & viridis color, qui in materia cernitur tam per os quam per sedem expulsa, Medicum incautorem & cogitationibus minus assuetum haud ægre perducant) quæ methodus tam commoda, quam ut in contemperanda, remediorum refrigerantium atque incrassantium ope, humorum acrimonia operam locemus? Atque, quo humores e visceribus exterminentur, præter enemata quotidiana, ut cathartica frequenter propinemus; inter cætera vero etiam Mercurium dulcem diagrydiatis permixtum ad plenioris materiæ morbificæ eradicationem? Quam male autem cum ægris agatur, quantumque eis periculum imminet, dum huic methodo insistamus, si affectus qui colica biliosa censetur, re ipsa hystericus tantum fuerit, aut hypochondriacus, nemini non liquet: cum clamet experientia, quo post primas evacuationes universales (quæ humorum putrescentium, quos peperit *ataxia* jam sæpe dicta, quique anodynus obsta-

obstaculo esse possint, saburræ amoliendæ dicantur) nihil jam restat nisi ut tumultuantes spiritus consopiamus, donec tandem symptomata evanuerint, atque iis cessantibus opportune chalybeata imperemus, vel si quod aliud est remedium quod sanguinem accendendo atque invigorando morbum radicitus extirpet. Meum non est plurimas atque ingentes illas calamitates enumerare, quas feminis contigisse ipse novi, ubi colica hæc hysterica a bile ortum ducete existimaretur. Veruntamen affirmo evacuationes sæpe repetitas, quæ quidem in colica biliosa omnino indicantur, dolorem vomitumque non solum non compescere, sed irritare magis, spirituum sc. perturbationem, quæ vera horum symptomatum causa est, promovendo. Tandemque malum ad menses aliquot prolongatum, methathesi derepente in cerebrum facta, definit in *Spasmos*, a quibus ægra brevi e medio tollitur; idque vel maxime, ubi post alias evacuationes diutius repetitas, suadente colore viridi eorum, quæ per os e ventriculo excernuntur, emeticum fuerit propinatum. Verbo dicam: Si quid ego observando didici, in primis cavendum est, ne symptomata feminis hystericis familiaria ab aliis quos sæpe æmulantur morbis, diagnosi errante putentur oriri.

Hic non est reticendum, quod præter errores jam recensitos, a quibus feminæ affectibus hystericis obnoxia de vita periclitantur, permultæ insuper errore non minus funesto dictis affectibus mulctantur ea tempestate, qua hic morbus, licet sua natura non sit lethalis, tamen vi malorum *ἐπιπλοῶν* ac subsequen-
tium haud paucas e medio tollat. Exempli gratia: Fœmina teneriori atque infirmo corporis habitu infantem parit, cui omnia feliciter & secundum naturam cedunt: Obstetrix, sive rudis & imperita, sive jactabunda, & quam præclare suo illa munere functa sit palam ostentans, suadet ut puerpera paucis a partu diebus fuit, & se a lecto aliquandiu abstineat. Hæc morem gerens, statim a primo corporis motu *Affectu hystericum* corripitur, & pro ratione qua morbus inauspicatur, *Lochia* primum imminuuntur, deinde sistuntur penitus; quorum suppressionem præmaturam longa symptomatum series excepit: quæ, nisi permagna tam diligentia quam in medendo peritia intercedat, ægram brevi perimunt. Nonnunquam enim *Phrenesi* laborant ex hac occasione, quæ indies effractor reddita *Spasmos* primum, dein mortem affert: Si vero mortem evadant, mitius aliquantulum infaniunt, quandoque ad ultimum vitæ terminum. Nonnunquam post lochiorum suppressionem in *Febrem* incidunt, quæ vel in earum, quæ tum grassantur, epidemiarum castra transit, vel ab ea sola pender origine. Adde quod iidem affectus hystericæ, quibus lochiorum suppressio in primis debetur, jam magis sæviunt, tanquam ex se denuo nati. Diu est a quo mihi subiit in mentem, quod ex iis quæ moriuntur puerperis, vix decima quæque, ut modeste computemus, vel ex eo perit quod vires partui necessariae eam defecerint, vel ex doloribus partum laboriosiores comitantibus; at eo maxime nomine, quod debito citius lecto exurgat, excitatis a motu illo paroxysmis hystericis, a quibus cum sistantur lochia, mox ingens ineluctabilem symptomatum turba ingruit. Quamobrem istis quæ me audiunt ubique Auctor sum, ut ad diem saltem *Decimum* usque in lecto se contineant, si modo natura paulo debiliores sint, præcipue si *Vaporibus*, qui vulgo dicuntur, jam pridem fuerint tentatæ. Præterquam enim quod ista, qua in lecto fruuntur, quies, a malis jam toties commemoratis eas immunes præstet, non interruptus lecti calor spiritus pariter reficit tum a pariendi doloribus, tum ab evacuationibus in hoc casu solemnibus exhaustos fractosque; quinimo & naturæ suppetias fert, atque omnes, quas gestationis tempore mulier congefferat, cruditates digerit & amolitur.

Verum, si ab admissio hoc errore quodvis e dictis symptomatibus supervenerit, indicationes curativæ eo dirigendæ sunt, ut spiritus ab hoc motu jam irrequieti redditi sedentur, & ut *Lochia* rursus fluant, quandoquidem eorum suppressio horum symptomatum causa sit proxima atque immediata. Neque tamen huic methodo pertinacius insistendum, sed exhibitis aliquandiu remediis quæ in hoc casu cum successu

Sydenham opera Medica.

usurpari solent, si votis ea non respondeant, ab iis temperandum est; cum neque fortiora hic locum habeant, neque in mitiorem usu perseverare debeamus, propter attritas & fere prostratas puerperarum ita affectarum vires. Exempli gratia, ubi primum lochia jam supprimi constat, e te fuerit fœminam e vestigio lecto addicere, mox *Emplastrum Hystericum* umbilico admove, atque quamprimum *Electuarium* sequens propinandum imperare. Ut *Conserv. absinth. Roman. & ruta an. ʒj. rochis. e myrrha ʒij. castor. croci Angl. sal. volatil. salis Armoniaci, & assæ fœtida an. ʒss. cum s. q. syr. de ʒ. radicibus, f. Electuar. Cap. ad magnitudinem nucis moschat. majoris tertia quaque hora, superbibendo seq. Julapii cochl. iv. vel v. ʒl. aq. ruta, bryon. comp. an. ʒiii. sacchari Cand. q. s. ms. f. Julap.* Atque hæc, si statim a primo suppressionis indicio exhibeantur, hoc malum plerumque devincit. Sin autem dictis remediis eoque continuatis donec tota quantitas assumpta fuerit, lochia adhuc supprimantur, hoc in casu *Laudanum*, una saltem vice, tentandum. Hic *Laudanum*, quantumlibet suapte indole adstringat, cum tamen spirituum perturbationem, a qua sollemnis lochiorum evacuatio fuerat interrupta, compescat, quandoque plurimum juvare, & *Emmenagogis* nihil proficientibus, lochiorum fluxum postliminio revocare possit. Commodissime vero Narcotica una cum *Hystericis & Emmenagogis* propinantur; v. gr. *Laudani liquidi gutta xiv. in Aqua Bryonia composita, vel Laudani in forma solida granum unum semis cum scrupulo dimidio Assæ fœtida in Pilulas duas redactum.* Sedulo interim animadvertendum est, quod si telo hoc semel misso scopum non attingamus, nec sequantur lochia, *Opium* nullo modo est repetendum, ut in aliis casibus fieri solet ac debet: Etenim si reiteretur hic paregoricum, lochia ita potenter sistet, ut ea nulla deinceps arte provocari queant. Verum enim vero si & hoc minus succedat (interjecto aliquo temporis spatio, quo certiores finus quid istud præstiterit) ad medicamenta iterum *Εμμηναγωγὰ* hystericis permixta redeundum est, & dein ad *Enematis ex Lacte saccharato* injectionem. Verum quod de *Opio* supra, hic de *Enematis* dicendum est; nisi enim primo injectum lochia educat, nihil prorsus a pluribus est sperandum: cum unum humores leniter sollicitando, ut fluant lochia efficere possit; plura vero eadem alio divertant. His itaque peractis, (quæ tamen leviter tangenda sunt) tutissimum est, & prudentis Medici officium, temporis *συμπαχίας* præstolari; cum singulo quoque die curationis negotium magis magisque extra aleam ponatur, & si ægra *Vigesimum diem* superaverit, jam fere in vado est. Etenim cum a morbo, quisquis is fuerit, jam diuturniori fœmina aliquantisper respiraverit, viresque quadantenus receperit, eam methodum valebit ferre, quæ aptissima videbitur isto malo avruncando, quod a lochiorum suppressione accreverat: quando remedia obstinatius ingesta, primis nehilum promoventibus, tum etiam spirituum perturbationem, a qua morbus oritur, augere possint, quod sedulo advertendum velim.

Nuper Matrona, tam natalibus, quam moribus honestis ac probis, me sibi Medicum volebat: huic ex modo dicta occasione statim a partu paroxysmis hystericis affectæ, lochia penitus defecerant. Conabar medicamentis supra memoratis eadem proritare, at frustra, affectione hystericæ vehementiore omnem opem medicam respuente. Unde, dum ita demum eam salvam fore præviderem, si nihil prorsus molirer, rem omnem tempori, Medicorum facile principi ac coryphæo, committendam censui. Hoc meum consilium ad diem usque decimum quartum optime illi cessit; quotidie enim illam invisens, nullo die eam in pejore loco, quam pridie fuerat, deprehendi. Post hunc mulierculæ adstantes, quas hætenus a noxa illi sub officii specie inferenda ægre arcueram, matitum impellebant, ut sine mora sanguinem e pede uxori extrahi curaret: quo facto, paroxysmi hystericæ adeo invalescebant, ut intra paucas horas spasmi accederent, & non ita diu postea, ærumpentem requies, mors.

Et si fas mihi sit libere quæ sentio effari, jandiu in ea hæresi fui ut arbitrarer me, non tantum in diætiis puerperarum morbis, sed etiam in acutis omnibus, ubi curationem ab hac illave, qua uti placet, methodo certo infecuturam polliceri nequeam, & viri & Medici boni probique pulchre defungi munere, quoties nihil omnino tento, modo ægrum invisens, illum non se pejus habere hoc die quam heri habuit, comperiam, nec cras habiturum, quam hodie conjectura assequi possum. Cum si in ægro curando ea methodo incedam, de cujus efficacia nondum mihi certo constet, tam ab experimento quod ex eo capturus sum, quam ab ipso morbo is periclitabitur; neque ita facile geminum discrimen effugiet, ac simplex erat evasurus. Quamvis enim impræsentiarum nullum vel incipientis convalescentiæ signum manifestum se prodatur, certissimus tamen sum morbi acuti cujuslibet naturam non ferre ut quis eo semper laboret, ac proinde dies quilibet res ægri magis magisque in tuto collocat, vel saltem Medico ansam præbet, ex qua opportunius ac certius morbum feriat confodiatque, quam in præcedentibus liceret. Quod quidem uti de acutorum plerisque vere affirmatur, ita præcipue de puerperarum morbis, quibus error vel leviusculus fatalis esse possit; & in quibus ita parum valeamus naturalem illam evacuationem regere, a cujus suppressione mala, de quibus diximus, proveniunt.

Cum vero *Affectus Hysterici* non semper primariæ causæ, spirituum nempe debilitati nativæ, sed adventitiæ aliquando originem suam debeant, hujusmodi itaque causam, antequam finiam, hic recensere libet, quæ frequentissime *Vaporum*, quos appellant, pararia existit. Atque ea est *Fluxus mensium immodicus*, sive in *Puerperio*, sive extra idem invadat. Quoad primam speciem, ea primis diebus post partum laboriosiores maxime infestat, & longa symptomatum hystericorum caterva stipatur. Et sicuti in primis hisce diebus solum ingruit ac urget, ita etiam brevi se proripere solet. Etenim si victus paulo incrassans instituitur, facile abigitur; cui & sequens potus addi poterit.

Assumatur *aq. plantag. & vini rubri an. ℥ij. Coq. simul ad tertias, & deinde edulcoretur s. q. sacchari albiss. Cujus, cum frigescat, capiat ℥ss. bis vel ter in die.* Interim *Julapium* aliquod *Hystericum*, at satis mite, subinde propinetur, & *nodulus* seq. naribus admoveatur. *℥. Galban. & Asse foetid. an. ℥ij. Castor. ℥iss. sal. succini volatilis ℥ss. mf. f. nodulus.* Vel *℥. spir. salis Armoniac. ℥ij.* quem sæpius olfaciat.

Quod vero ad hujusmodi *extra Puerperium fluxum* attinet, licet idem omni tempore foeminis accidere soleat, eas tamen paulo ante tempus illud quo sponte sua omnino menses cessaturi, sæpiissime invadit; circa ætatis scilicet annum 45. si modo temporius fluere inceperant, circa autem 50. si serius in vita prius prurumpebant. His, uti dictum, paulo ante totalem eorundem discessum (instar candelæ jam fere absumptæ deflagratæque, quæ subito flammam edit insigniorem, mox penitus disparituram) cum magno impetu affatum excidunt, & ob copiam sanguinis ingentem qui continuo excernitur, in paroxysmos hystericos fere continuos miseris dejiciunt. Hic licet *Hysterica* tam interna, quam externa obiter usurpanda (fortiora devitanda ne fluxum ulterius ea provocent) omnis tamen curationis cardo in mensuris cohibendis vertitur, quæ hunc in modum quam primum sistenda.

Mittatur sanguis e brachio ad ℥viii. Seq. mane exhibeatur posio purgativa communis, quæ repetenda est tertia quaque die per duas alias vices; & singulis noctibus per totum morbi decursum sumat Paregoricum ex syr. de meconio ℥j.

℥. Conserv. rosar. siccar. ℥ij. trochisc. de terra Lemn. ℥iss. Cort. granator. & Coral. rubr. præp. an. ℥ij. lapid. hematit. sang. dracon. & bol. Armen. an. ℥j. cum s. q. syr. e Coral. simpl. f. Electuar. de quo sumat ad magnitud. nuc. Moschat. maj. mane & quinta pomerid. superbibendo seq. Julapii Cochli. vj.

℥. Aq. germin. quercus & plantag. an. ℥iiij. aq. Cinnamom. hord. & syr. de rosis siccis an. ℥j. spir. Vitriol. q. s. ad gratam actditatem.

℥. Fol. Plantag. & urtica an. q. s. contendantur simul in mortario marmor. & succus exprimatur, qui postea clarificetur. Cap. cochli. vj. frigide ter vel qua-

ter in die. Post primam purgationem applicetur *Emplast. seq. regioni lumborum. ℥. Emplast. Diapalm. & ad Herniam an. part. equal. mf. extendatur super Alutam, & f. Emplast.*

Diæta refrigerans incrassansque imperanda, nisi quod e re erit semel vel bis in die vini clareti haustum ægræ indulgere, quot etsi minus conveniat in quantum ebullitionem ciere aptum natum sit, ad vires tamen refocillandas concedi possit. Atque hæc quidem methodus ut foeminis hoc modo affectis apprimè proficua sit, ita eadem iis, quibus *Abortus* periculum imminet, non minus confert. Atqui cathartica & succi hic omittantur.

Est & alia, etsi minus frequens, affectuum hystericorum causa. Nempe post partum laboriosiores *Uteri procidentia*, magnam hujusmodi malorum Iliada secum trahens, quæ tamen cito ac facile hoc modo sanatur. *℥. Cort. quercus ℥ij. aq. font. ℥iv. ad ℥ij. sub finem addendo Cort. granator. contus. ℥j. rosar. rubr. flor. granator. an. M. ij. deinde adde Vini rubri ℥ss. Colatura sit pro Fotu, qui cum pannis laneis parti affectæ admoveatur mane horis duabus antequam e lecto assurgat, & nocte post decubitus donec symptomata penitus evanuerint.* Sed de his plus satis.

Habes tandem, Humanissime Vir, eorum summam quæ a me in hujusce morbi sive historia, sive curatione hætenus fuerint observata. Restat, ut si quid forte peccaverim, ista minus quam oportuit accurate describens, veniam a te petam; tum ut opellam hanc, eo animo exaratam ut gratias tibi referram, quod alia nostra conamina, qualia illa fuerint, tuo calculo probare haud dedigneris, æqui bonique consulas. Quæ quidem gratulatio mihi ita raro obvenit, ut vel nihil prorsus ab hominibus sim promeritus, vel candidi ingenuique isti, quos ea mentis præstantia natura effinxit, ut grati esse norint, perpauci sunt; Vix totidem quot *Thebarum porta, vel divitis ostia Nili.* Quo non obstante pergo adhuc, imo & pergam, in ediscenda promovendaque quoad potero methodo curandorum morborum, atque iis, qui me minus in praxi valent (si qui sunt ejusmodi) instruendis. Famæ meæ interim arbitrium penes alios sit. Æqua enim lance & scrupulose expendens, hominesne juvare præster, aut ab iisdem celebrari, prius illud præponderare comperio, & maximi sane momenti esse ad animi tranquillitatem; Famam vero populique halitum plura leviolem aut bulla, atque umbra insomniæ magis evanidum. Quod si opes ejusmodi nominis celebritate partæ majus aliquod pondus habere videantur, fruuntur illis per me licet, qui jam corraferint. Meminerint tamen mechanicorum nonnullos, artes vel sordidissimas exercentium, uberiores quotidie quæstum facere, & majorem auri argentique vim posteris legare; neque tamen in hoc brutis animalibus superiores evadere, qui sibi suisque pro sua indole prospiciunt; & si recta ex animi arbitrio & virtute, nata excipiamus (quorum non est capax brutorum natura) hoc plane exæquant belluæ, imo & alios qui non eum sibi vitæ scopum proponunt, ut profint quam plurimis. Commendatum me habeas, rogo, Viro sagaci & eruditissimo Domino *D. Kendrick*, tibi mihi que amicissimo; utpote cui debeam quod tuum in me ita propensum animum resciverim, eamque, qua me complecteris amicitiam, eo internuncio, didicerim. Conabor quantum in me est, mutuas officiorum vices reddere, & par pari referre, utpote qui sim jure meritoque, Vir dignissime.

Londini,
Jan. 20. 1681.

*Tibi Devotissimus, Tuique
semper Studiosissimus*

THOMAS SYDENHAM.

DE variolis hætenus Clarissimus noster Auctor, in variis hujusce Operis locis, ac præcipue in primis ultimæ hujus Dissertationis paginis, accuratissime pro more scripsit, ejusque morbi contagium inter homines tum juniores, tum etiam adultos & senes, ita subinde se spargens, ut ejus necessitatem, si ita loqui liceat, vix ex centenis paucissimi evadant, abunde explicuit, curamque, tam atroci quandoque morbo aptissimam exhibuit. Verum in eodem argumento aliquid se nobis offert infrequentius ac minus familiare; contagium scilicet Variolicum armenta quandoque invadens, de quo docte ac præelegantè commentatus est Clarissimus Ramazzini, postque eum Clariss. Dnus Herment, Medicus in Galliis Regius, ac Peritiss. Dnus Drouin Legionis Prætorianæ, ibidem Chirurgus Primarius, in id a Rege Christianissimo deputati. Horum autem ultimarum Schedas hic omittimus, unica Clarissimi Ramazzini Dissertatione, quam jam exhibemus contenti. Illa autem sic inscribitur, & hæc est.

D E

CONTAGIOSA EPIDEMIA,

Quæ in Patavino Agro, & tota fere Veneta ditone in Boves irrepsit,

DISSERTATIO

HABITA

IN PATAVINO LYCEO

A BERNARDINO RAMAZZINI

Præticæ Medicinæ Professore Primario.
Die IX. Novembris MDCCXI.

SI veri speciem præfert quod vulgo dici consuevit, & apud sapientes quoque receptum, consuetudinem vim quandam legis obtinere, ut qui illam violarit, si non plecti, laudari tamen haudquaquam mereatur, qualem mihi legem ipsemet imposuerim, modo quavis fero nimis agnosco. Etenim cum annus iste secundi sexennii, ex quo in hoc celeberrimo lyceo practicam medicinam profiteor, sit complementum, ac quotannis in solemnibus studiorum Instauratione, ut diu feriatam juventutem ad studia capeffenda allicerem, oratione aliqua proludere consueverim, nunc mihi jam effæctis corporis atque animi viribus, quando ætas prædatrix omnia secum aufert, magnum onus incumbere video, si consuetudini meæ nondum interruptæ obsecundare velim, ac vestram expectationem non omnino fallere. Audendum tamen ratus, in unum coactis, qui supersunt spiritibus, ita me comparaveram, ut quod antea præstiteram, hoc anno quoque pro viribus præstarem. Post aliquot igitur meditationes, argumentum non incuriosum, ut reor, nactus fueram, circa quod ingenii mei vires exercebam, cum præsens hæc autumnalis constitutio præter modum insolens, atque ominosa, Opus quod moliebar, & ad umbilicum pene deduxeram, mihi e manibus excussit, & aliud argumentum a Medicis amœnitatibus longe diversum suscipere coegit, vestra tamen attentione A. O. non indignum. Nemo non novit, quam inopinate, quam violenter bubulum genus dira contagio pervaserit flammæ ad instar, quæ ope nulla humana consopiri, nedum restingui potuerit. Hæc primum quidem in Vicentino Agro subobscurè observari cœpit, mox in Patavinum transgressa, aperte se prodidit, ac longè lateque effusa, usque ad ipsa urbis pomœria, tam magnam ac horrendam boum stragem edidit, ut tum rura, tum civitatem mœrore, Sydenham opera Medica.

ac metu conplerit. Mœret rusticana plebs, imo stupet attonita, dum ampla bovilla vacua, ac deserta intuetur, dum quotidie fere tumulos adspicit, in quibus sepulta sunt fortunæ suæ pignora, propriis natis forsitan etiam chariora, dum bobus extinctis, equos ad frumenti sationem parum aptos cogitur sufficere.

Quid labor, aut benefacta juvant, quid vomere terras

Invertisse graves?

Sic miserandam agricolarum sortem deslere libet cum Poetarum Principe, qui tertio Georgicorum huic non absimilem boum cladem carmine descripsit. Mœrorem dissimulare nequeunt cives, & nobiles viri, dum prædia sua, & villas, præcipuo ornatu, & patrimonio orbatas intelligunt, atque etiam vident. Tristatur, ac dolet plebs urbana, dum annonæ, rerumque omnium, quæ ad victum spectant, caritatem brevi secuturam prænoscit. Nemo est igitur, quæcunque sit ejus conditio, qui damnum aliquod non sentiat, & graviora quoque non timeat. De hac igitur tam portentosa boum clade hodierna hac mea Dissertatione, seu potius prælectione, quam hoc anno ad tractatum de febribus, ac præsertim de febre maligna ac pestilenti, sum habiturus, verba facere constitui, hujus morbi indolem, casus pervestigando, quibus remediis illi obviam sit eundum.

Nec obtrudat quisquam, in hoc tam celebri lyceo, ab hac exedra, quæ ordinis sui primatum obtinet, indecorum esse pro Hippocratica doctrina M. Varronis, Palladii, Columellæ, Vegetii, aliorumque Veterinariæ artis scriptorum documenta tradere; regeram enim ego, magnum Hippocratem, cui nullius rei scientia vilis habita est, non puduisse de boum morbis verba facere, in Libro enim de Articulis, rationem adfert, cur bobus tam facile contingant femorum luxationes. Præterea si congruentia, quæ omnibus in rebus momentum habet non leve, hic quoque suam meretur animadversionem, tractatio de hac boum epidemia nostri muneris est, Illustrissimi, & Spectatissimi Professores. Vobis quæso succurrat, quoniam in loco nos simus, & professorium munus exerceamus? Nonne in lyceo, cui a Majoribus nostris bovis nomen est inditum? neque inauspicato, quando bos iste suis mugitibus, hoc est doctrinæ robore totum literarum orbem implevit, ut nulla pars sit tam longe distita, quæ ad illius celebritatem non reboet, ac ubi non colatur magis illius nomen, quam olim Serapis in Ægypto. Si ergo sub signo bovis militamus, si bos iste nos pascit, quis erit tam vecors, seu tam malignæ indolis, qui indecorum putet, provinciam hanc suscipere, quam detrahare velle impium, & nefas esset; eoque magis, quo ab Excellentissimo Magistratu, qui sanitatis tutelæ Venetiis præsidet, ac postremo ab ipso Serenissimo Principe demandatum est celeberrimo hujus civitatis Medicorum Collegio, serio exquirere, quænam sit hujus morbi conditio, quæ causa, & quibus præsidii ferocienti in dies malo possit occurri.

Affectionis genus, quod bubulo generi bellum ad internecionem usque videtur induxisse, ex frigore, rigore, horripilatione, mox ex calore acri, & vehementi per universum corpus diffuso cum pulsus frequentia, febrem esse satis liquet, malignam vero, exitialem, pestilentialem etiam, si mavis, esse aperte testantur, quæ illam comitantur symptomata; qualia sunt, magna anxietas, & gravis anhelitus, etiam cum stertore, & in principio febris, stupor & species quædam veterni, continuus ex ore, & naribus graveolentis materiæ descensus, foetissima alvi proluvies, interdum etiam cruenta, anorexia, & abolita penitus ruminatio, pustulæ quinta vel sexta die per totum corpus erumpentes, ac tubercula variolarum speciem referentia, communis tandem omnium eodem modo circa quintam, & septimam interitus, cum boves paucissimi evadant, iique forte potius quadam, quam remedium dynami. Hæc quidem ex se patent, quid vero intus patiantur miserandi boves, cum jacent anxii, ac stertentes, ac dum stant immoti, capite usque ad terram demisso, conjectare equidem possumus; sed ex mutis animantibus, quæ per nutus nihil significare possunt, nil certi rescire possumus, quod forsitan in causa est, ut difficilior sit curatio. Causam igitur hujusce malignæ febris pro viribus perscrutemur.

Omnibus epidemiis, si a sporadicis affectibus differre debent, id peculiare inest, quod communem causam habeant, sive ab aeris vitio, sive a corruptis alimentis, aut ab aliquo contagioso fomite prognata fuerit, qui ab uno corpore in aliud transmigrat, illique eandem labem communicet. Dissimulare quidem non licet, tempestatum huiusce anni non adeo legitimam fuisse temperiem, juxta illarum naturam, Æstatis præsertim, quæ Veris speciem præferre visa est non admodum latrante Syrio, nec cicadis arbuta rumpentibus. Annus tamen in universum non insalubris fuit, neque multum in quæstu Medicis, ac Pharmacopolis: nec solum in hac civitate, sed in aliis quoque, & in transpadana regione, ut per literas accepi, ut parum verax visus fuerit Hippocrates, quod *cum ætas veri similis est, autumnales morbos expectare oporteat*. Nulla in aere a Meteoreleschis portenta visa sunt, nulla in herbis, & frugibus apparere rubiginis signa, quemadmodum anno elapso, quo carbunculari morbo laborarunt fruges, nec tamen noxam ullam persensere armenta, & pecudes, in fructibus tum æstivis, tum autumnalibus, qui omnes serotini fuere, nullæ deprehensæ sunt notæ, quas nebulæ uredo inusserit.

Cælum equidem non consului, ut viderem, num ex aliquo maligno astrorum influxu, pestilentia bubuli gregis causam divinare liceret, ut ex Saturni cum Marte syzigia, in Tauri signo; quemadmodum olim Marcellus Ficinus, in Consilio quodam Thusco sermone edito, ut ab omnibus intelligeretur, pestis quæ anno 1478. totam Etruriam, ac præcipue Florentiam, depopulata est, causam retulit in conjunctione Martis cum Saturno in signo humano (quasi Asterismorum in hæc inferiora virtus ab inditis nominibus esset petenda, ut si forte huiusmodi conjunctio observaretur in signo Arietis, aut Piscium, posset aliquis ovilis generis, aut marini populi excidium prædicere) Sed postquam, cum juvenis essem, Pici Mirandulani libros adversus Astrologos legi, judiciariam a studiis meis valere jussi. Aerem itaque, & pascua, ab hoc crimine quod huius morbi in causa fuerint absolvere fas erit. Quis enim unquam sibi persuadeat, campos, & prata, talem ab aere humorem combibisse, qui solis bobus tam dirum esset venenum, cæteris vero animalibus, quæ easdem herbas pascere, esse omnino innoxius? Aliam igitur causam comminisci oportebit, quam nonnisi a contagioso fomite licebit deducere, cujus rei non simplices conjecturas, sed argumentum habemus appodicticum.

Jam satis constat, & in acta publica relatum, ex boum turmis, quos e Dalmatia & conterminis regionibus, mercatores in hæc loca solent adducere, bovem unum a cæteris secessisse, qui a bubulco reperi- tus, & perductus in latifundium Illustrissimi, & Reverendissimi Comitatus Trojani Borromæi, Canonici Patavini, pro hospitio, eadem labe qua erat infectus, hospites suos fœdavit; illo enim paucos post dies mortuo, paulatim eodem morbi genere omnes misere perire, uno tantum superstite, cui in collo factum fuerat setaceum. Casus iste totam viciniam perterrefecit, sed nulla juvit diligentia, ut domus suas, & casas a flamma nimis vicina præservarent. Isthæc itaque contagio paulatim serpens, totam Patavini agri amplitudinem brevi pervasit, quin postremo Padum transgressa, Æmilie populis idem minatur excidium.

Quoniam autem morbofi seminii ea est indoles, ut facile subolescatur, & in immensum se propaget, si in subjectum proprium, & mumiatur, ut vocant, incidat, cujus rei amplissimum specimen habemus in lue gallica; quæ ex Indiis occidentalibus, a paucis navigantibus ad nos delata, Italiam primo, mox universam Europam, fœdissima, & inelutibili labe citissime inquinavit; Non est quod miremur, si per aporias, & effluvia, quæ ad modum atmospheræ expirant a bobus ægris, ab extinctis, a stabulis, a pascuis, quæ ipsimet boves pascendo infecerint, promptius autem & facilius ab ipsis Bubsequis, & illorum vestibus, (pesti enim volupe est, in lana molliter cubare) non est inquam, quod miremur, si hæc contagio tam longe lateque se se effuderit. Ubi igitur hæc aura venenata subtilissima bovem aliquem antea sanum afflarit, spi-

ritibus vitalibus, & seroso latice se consocians, dum in Orbem agitur, naturalem sanguinis consistentiam lædit, & viscerum fermenta corrumpit; quare naturales viscerum functiones paulatim vitari, & debitas excretiones coerceri necessum est, quod paulatim fieri fas est credere, non enim subito ac bos aliquis venenum istud hauserit, vel quoquomodo illud susceperit, non illico inquam virulentiam persentit; ut qui a cane rabido commorsus fuerint, ad longum tempus sibi sani videntur, at postea ex improvviso, ad aquæ conspectum palam faciunt, quam dirum venenum intus gestarent. Naturalem sanguinis consistentiam ab hoc contagioso fomite lædi paulo ante diximus; suppono etenim, imo pro certo habeo, venenum istud esse de illorum genere, quæ sanguinem potius figant, & coagulent, quam dissolvant; id primum attestantur symptomata, quæ febrem comitantur, nempe anxietas, gravis anhelitus, stertor, & stupiditas, ocularis quoque inspectio, dum a laniis boves extincti diffecantur, qui licet adhuc calentes, parum aut nihil sanguinis effundunt. Bos præterea piger ac tardus ex sua natura est, & carnes habet duras, & *graves ad stateram*, ut ait Hippocrates, data nimirum paritate molis ad carnes cæterorum animalium, idcirco illius sanguinem talem esse oportet. Taurinum sanguinem inter venena recensuit Dioscorides, eo quod epotus ad coagulationem in stomacho sit facilis; Prænotius autem propter flatulentiam; Themistoclem sanguine taurino calido epoto sibi mortem conscivisse, ex Plutarcho, in ejusdem vita habemus. Mirum itaque non est si venenatus hic fomes, in hujus animantis genere sanguinem ex sua natura crassum coagularit. Hanc cruoris concretionem in malignis febribus observarunt Scriptores, uti Petrus Salius, qui refert in quadam ex maligna febre extincta repertum fuisse in arteria magna sanguinem ita concretum, *ut prehenso illius sanguinis altero principio, totus sanguis coalescens, ita integer eductus fuerit, perinde ac gladius e vagina extrahi solet*. Idem quoque aliquando *in pestilentibus accidere* testatur Richardus Lover in tractatu de corde: Nisi autem talis esset in hac epidemia sanguinis conditio, non protraheretur ad tot dies febris, ubi enim sanguis est nimis dissolutus, & vis deleteria humorum corruptioni prævalet, febrilis calor est adeo mitis, ut ægri interdum se febrile non putent, sed citissime intra unam vel alteram diem occumbant. Postquam igitur fermentificus, & pestifer hic fomes per venas, & arterias tanquam per cuniculos totum corpus peragravit, tunc, tanquam hostis ex insidiis erumpens feritatem suam patefacit, febrem malignam excitando, quæ intra quintam, aut septimam, laniem suam absolvit, indiscriminatim boves, aratores, tauros, vacas, juvencos, vitulos jugulando.

Hujus autem pestis primam originem, num bos ille peregrinus eam aliunde susceperit, vel in ipso primo genita fuerit, exquirere ad rem nostram parum refert. Necessè est enim quemadmodum in libro de contagione tradit Fracastorius, ac pariter Joseph Aromatarius, in libro de rabie contagiosa, quod ad aliquod animal tandem sit deveniendum, in quo productum fuerit morbosum seminum. Extra enim controversiam est non solum in brutis, sed etiam hominibus per varios corruptionis gradus, generari posse venena, ac talis naturæ humores, qui ad alia corpora symbolica, & analogia facile transeant: sic qui tabe pulmonari laborant, consanguineos suos facile inficiunt, si cum illis consuetudinem habeat; lippitudinem contagiosam esse vetus est observatio.

Dum spectant oculi lesos leduntur & ipsi.

Multaq. corporibus transiione nocent.

In boum cadaveribus, quotquot lanionum secespitæ subjecta fuere coram Excellentissimis Anatomes professoribus D. Molinetto, & Viscardo, id singulare in omnibus repertum est, in omaso nempe; corpus quoddam durum, & compactum, ventriculi parietibus fortiter adhærens, magnæ molis, & intolerandæ graveolentiæ; in aliis vero partibus repertæ sunt hydatides, in cerebro, pulmonibus, sicuti etiam ingentes vesicæ solo flatu plenæ, quæ dissectæ diram mephitim exhalarent, ulcera in radice linguæ, & ad illius latera vesiculæ sero plenæ. Illud vero corpus durum, & compactum ad instar calcis, quod in omaso observatur,

vatur; primum productum esse contagiosi miasmatis, pro certo habeo, dum tacite sævitiem suam exercens stomachicum fermentum labefactat, & corrumpit; non enim est credibile post febrem excitatam conflare hoc corpus intra paucos dies, dum boves ubi primum febrile cœperint, quodcunque alimentum adversantur, nec quidquam, nisi liquidum per os infundi potest: cætera vero, quæ memoravimus, malignæ febris producta esse, facile crediderim, sed omnium phænomenorum exactam rationem adferre velle non patitur unius horæ ambitus; ampla enim materia suppeteret ad integrum tractatum conscribendum.

Verum ne amplius vos morer, A. O. ad ea prope-rabo, quæ sunt dicenda, conjectando nempe, quem finem habitura sit hæc contagio, & num aliquid gravius portendat, ac quod magis refert, quid agendum. Quoad primum in hac epidemia, idem quod in cæteris evenire solet, secuturum existimo, nimirum quod post tot tentamina, tot experimenta, ac præsertim post observatam methodum, quam morborum medicatrix natura servat in iis bobus sanandis, quos maligna febris non sustulerit, felicior curatio possit institui, ac forsan hujus veneni verum, & specificum remedium reperiri, quo malignum istud miasma penitus extirpari possit. Levamen quoque aliquod expectare licet ab adventante hyeme, ac a ventis aquilonaribus, qui tanquam aeris scopæ australes flatus pessimæ semper indolis procul abigant, quales venti per totum Octobris mensem dominatum obtinuerunt. Memoratu dignum est, quod de ventorum potestate supra humana corpora refert Vitruvius. *In insula Lesbo (inquit ille) Oppidum Mitylene magnificenter est edificatum, & eleganter, sed positum non prudenter. In qua Civitate Auster cum flat, homines agrotant, quando Corus, tussunt, cum Septentrio, omnes in salubritatem restituntur.* Quantum sævierit pestis Octobris mense, austro, & euronoto flantibus, satis vulgatum est, cum plures dies adeo nefasti fuerint, ut neque quotidianis hecatombis, interdum etiam geminatis, furialis hæc, & execranda febris mitior fieri, nedum placari potuerit. Scio equidem, calori, & frigori morbos pestiferos non admodum auscultare, cum alias fuerit observatum, in summo æstu, & summo frigore pariter sævisse hominum pestem: attamen cum feralis hic morbus, qui celeris est motus, ortum habuerit æstivo tempore, incrementum, atque etiam suam acmen autumnali, sperare licet, quod hyemali tempore finem, & sui desitionem, ope divina sit habiturus.

Num autem hic epidemicus bovini populi morbus longum in tempus perseverans, humanis corporibus labem aliquam affricare valeat, ut nonnulli suspicantur, non alienum est disquirere. Si in morbis malignis, qui ratiocinia nostra per sæpe eludunt, quidquam ponderis habent rationum momenta, sperare licet homines intactos, & illæsos relicturum esse; etenim si trium mensium spatio lues ista alia ruminantia, & cornigera non attigit, quamvis inter ea magnus sit symbolismus, nec equos, feras, ac alias sylvestres feras hæcenus quidquam læsit, non apparet ratio, cur homines, qui ab istis animantibus tam longe distant, debeat afficere.

Non sum nescius inter futuræ pestilentie signa, quæ plurima sunt, recenseri solere non boni solummodo, sed aliorum quoque animantium stragem, qualis ea fuit, quæ Ægyptum insulam depopulata est, de qua Ovidius:

Strage canum primo, volucrumque aviumque boum-que.

ac ea, quam memorat Livius, quæ in Sicilia Romanum exercitum, & Carthaginensem pene delevit, de qua Silius Italicus:

Vim primi sensere canes, mox nubibus atris

Fluxit deficiens, penna labente, volucris.

Cui aliam non ab similem refert Dionysius Halicarnasæus, quæ primo equorum, boumque armenta invasit, mox pecudes, & alia quadrupedia aggressa est, deinde Pastores, & Colonos attingit, & totum Romanum agrum pervagata, Urbem invasit. Ast illorum temporum pestilentie non in solis bobus, sed in omnibus animantibus, ut ipsis etiam maris piscibus non parceret, (qualis ea fuit, quam Lucretius carmine descripsit) sævitiem suam exercere, ut quæ ab aeris

vicio ortum duxissent; de quo non habemus quod suspicemur; in solis enim bobus, & facilius in iis, qui habitiores, & pinguiore essent, quam in gracilibus, hæc lues alimentum invenit, quo rabiem suam pasceret. Magna tamen cautione utendum est in tumulandis cadaveribus, terra alte defossa, quemadmodum publica edicta præscribunt; si quid enim timendum, præcipue a nimia cadaverum copia, ex quibus minus apte humatis, ac postea putrefactis, redeunte Vere, pravi halitus aerem inquinare possint. Bonum autem esset, in loco inculto, seu in pratis, quæ arationi non sunt subiecta, cadavera humare. Ubi enim de morbo contagioso agitur, nunquam satis cavemus, dum cavemus. Quoniam autem, solutis in liquamen cadaveribus, necesse erit terram subsidere, censerem, bonum esse, novam terram superingerere, in illam conjiciendo graminis, aliarumque herbarum semina. Refert Petrus Forestus Delphis apud Batavos, peste jam sopita, & cœmeterio Templi vetusti, cadaveribus oppleto, habitam consultationem inter Medicos, num calce, aut lapidibus illud cœmeterium esset obruendum, ac decretum fuisse ut multa terra superinduceretur, atque in eam varia herbarum semina conjicerentur, *ut crescente gramine, & clausis spiraculis, lues minus denuo suppullaret.*

Silentio tamen præterire non licet, observatam aliquando pestem in solis bobus, ac postea secutam hominum pestilentiam; interdum etiam hominum pestem in boves terminasse. Primum exemplum habemus ex Livio, qui scribit pestem magnam in boves ingruisse, sequenti anno ad homines vertisse. Secundum vero apud Ripamontium Chronistam Mediolanensem, qui in Libro de Peste, quæ anno trigésimo exacti nuper sæculi cispadanam, & transpadanam regionem pessime multavit, pestilentie hominum, pestem boum subsequutam refert. Hisce tamen duobus monumentis totidem habemus, quæ opponamus nec longe petenda. Primum a celeberrimo Fracastorio, qui in Opere doctissimo de contagione scriptum reliquit, anno decimo quarto supra sesqui millesimum diram pestem in solos boves irrepsisse, quæ in tractu Foro-Julienfi primum nata, exinde usque ad Euganeos, postmodum in Veronensem agrum, aliasque Venetæ Ditionis regiones delata, magnam boum cladem ediderit eodem ferme modo, ac iisdem symptomatibus, ut hæc nostra illius soboles videatur. Alterum monumentum suggerunt nobis manuscripti artis lanionum, quibus non est deneganda fides, quales libri in hac civitate asservantur, in quibus ad posterorum memoriam ab Antonio Faccio scriptum legitur, anno nonagesimo nono ejusdem sæculi, quo vixit Fracastorius, adeo gravem in boves pestem grassatam, ut publicis Augustissimi Senatus Veneti edictis vetitum fuerit, ne caro bubula, caseus recens, butyrum, lac sub capitali pœna in hac civitate divendi possent, sed solis carnibus vervecinis vesci liceret; attamen iis annis nihil sinistra, præter rei familiaris damnum hominibus obtigisse, certo scimus. Habemus igitur unde spes nostras alamus.

Utrum autem, grassante hac epidemia, carnis bubulæ sanæ creditæ adeo tutus sit usus, ut noxam ullam humanis corporibus non possit inferre, abs re non erit disquirere. Res equidem suspitione non vacat; etenim, etiamsi bos antequam ad lanienam ducatur, fuerit observatus vegetus, atque hilaris, ac postea in illo jugulato, & excoriato, nullæ in visceribus deprehendantur corruptionis notæ, quæ in cæteris, qui ex hoc morbo intereunt, deprehenduntur; attamen certi non sumus, quod bos ille contagiosum fomitem non gestaret, quod aliis etiam communicare posset; credibile est enim, paucos apud nos esse boves, qui afflatum hunc malignum non persenserint, licet sani degant; morbofi enim semini ea est subdola malitia, ut hominum judicia non raro fallat; per sæpe enim evenit, ut qui illud in se continet, & secum circumfert, læsionem nullam sentiat, nec forsitan sensurus sit, in alium tamen ejusdem speciei possit facile transferre. Hujus rei exemplum habemus in gallico morbo; non raro enim contingit, ut aliquis a muliere infecta luem suscipiat, nec quidquam sentiat, & uxori postea eam communicet, sic ut illa paucos post dies gonorrhœa, vel bubone corripiatur; ex quo fit, quod

quod non leves rixæ, & jurgia inter conjuges oriantur, & uxor pudicitia suæ conscia virum maledictis incessat, quod ab illo tam fœda labe inquinata fuerit; ille autem, qui se perfecte sanum agnoscit nec quidquam de infectione suspicatur, de conjugis fide non parum dubitet. Qua de re legendus Paulus Zachias, Mercurialis, Gaspar a Rejes. Circa esum carnis bubulæ memoratu dignum est quod refert Theodoricus Skenkius in Hist. humor. gen. cap. 2. his verbis; *Olim decertatum Venetiis, & Patavii inter lanios, & incolas, quod illi ex Hungaria boves advektos, emptos & mactatos in macello venditassent, quos tamen cives lue quadam infectos fuisse noverant, cum fluxu alvi cruento tentati plurimi periissent, translato nimirum ab uno ad alterum contagio. Hac de re consulti Medici Patavini, in ea fuere sententia, carnes hujusmodi esui adhibitæ innoxias esse, eo quod esset contagium particulare, & specificum, ac omnis malitia fuisset emendata ac discussa a prævia agitatione gymnastica, antequam boves mactentur.* Contrariam opinionem sustinuisse Medicos Venetos tradit Christophorus Fridericus Garammannus in Opere suo eruditissimo de mortuorum miraculis, eo quia carnes hujusmodi essent contagiosæ, & cadaverosæ, Fabius Paulinus Medicus Utinensis controversiam hanc dirimere aggressus est, suam enim sententiam dixit, nimirum si necessitas urgeat *in cibum carnes vocare, sale aut aceto prius probe esse macerandas, visceraque cum aliis interraneis esse abjicienda, cum in iis causæ morbificæ focus & nidus existat.* Qualis cautio num sufficiat, & omnem dubitationem tollat, liberum cuique esto judicium.

Quid ergo agendum in tam exitiali morbo, qui bubuli generis extinctionem videtur interminari? In id unum incumbendum esse, persuasum habeo, ut per universalia alexipharmaca (quando particulare, & specificum hujus veneni remedium non habemus) miasma istud pestiferum extinguatur, aut saltem enervetur, ut natura roborata illud ad cutis ambitum ableget, atque extrudat, quando per ulcera, pustulas, & tubercula in iis bobus, qui evasere, sponte excitata ipsamet natura, nobis indigitavit, qua via sit incedendum. Crediderim itaque in curatione hujus malignæ febris, ea methodo procedendum, quæ a bonis Medicis servatur in curanda variolosa puerorum febre, distinguendo tempus ebullitionis a tempore expulsionis; tempore nimirum ebullitionis erit caute utendum remediis calidioribus, ne intendatur calor febrilis, & plus æquo effervescat massa sanguinea, cui facile succedit perturbata coctio, quam natura rectrix intendit; qua in re non leviter peccatum esse censeo, cum hujus febris initio ad calidiora cardiaca ventum fuerit, & præcipue ad vina meraciora cum multa theriaca; quare præposterum remedium usum, stragem longe majorem edidisse censeo, quam febrem ipsam. Non desunt medicæ praxis docti Scriptores, qui in variolosis constitutionibus in principio febris præcipitantibus utendum esse volunt. Dum hæc sub prælo essent, apud amicum ea legi, quæ Illustrissimus D. Joannes Maria Lancisius Clementis XI. P.O.M. Archiater meritissimus, ac intimus Cubicularius perdocte, & erudite, ut solet in omnibus, de hoc morbo consultus, scripsit; nam inter varia monita, hoc habet, quod cardiacis acida sint maritanda. In febris itaque principio moderate agendum per alexipharmaca, in progressu vero morbi, & despumationis, & expulsionis signis liberalius bezoardicis utendum.

Ut autem ad remediorum materiam descendamus, quando id unum est, quod expetitur, & a nobis exigitur, nequaquam vero nuda verba. Quoad præsidia externa, sanguinis missio visa est improspere cessasse, idcirco cœpta est omitti; nihil tamen sevitia suæ remisit morbus; imo truculentior factus est. Equidem in omnibus epidemiis suspecta est phlebotomia, sicuti purgatio, unde Celsus: *Sanguinem non facile mittere, alvum non facile ducere;* in febre tamen variolosa passim mittitur sanguis, in pueris bimis, aut trimis per cucurbitulas scarificatas, & quibusdam in locis etiam per venam sectam, in principio tamen febris. In hac itaque boum febre, non salubrem tantum, sed necessariam fore venæ sectionem crediderim, ad

farcinam minuendam, ut mitior fiat ebullitio totius massæ sanguineæ, & per sua vasa circulatio. Cum enim, ut diximus; bovis cruor ex sua natura sit valde crassus, & ad facilem concretionem pronus, atque venenum istud de illorum sit genere, quæ massam sanguineam coagulandi vim habent, quo precor remedio laboranti bovi, & anhelanti ob sanguinis concretiones in vasis sanguifluis, in pulmone, in corde, quam per ipsam sanguinis missionem promptius, & facilius poterit succurri? Animadversione dignum est, quod lues ista, boves robustos, & valde obesos facilius corripit, macilentos vero, qui vix ossibus hæreant, prætergrediatur; propterea in hac febre, quæ non absimilis est iis, quas appellant inflammatorias (quales sunt, quæ in pleuritide, peripneumonia, angina observantur) sanguinem in fervorem actum, & alioquin ad coagulationem aptum, detrahere, salutare consilium erit. Clamitet autem ad ravim usque contra hanc operationem, quisquis velit; non enim video (si tamen per analogismum in curanda hac febre licet procedere, ut in curatione febris pestilentis quæ homines corripit) ego, inquam, non video, cur miseranda hæc animalia, dum febriunt, & oculis lacrymantibus, opem aliquam quodammodo implorent, hoc magno remedio debeant destitui; morbi enim magnitudo, plethorica dispositio, ob pascua hoc anno solito uberiora, phlebotomiam manifeste exposcunt, in principio tamen febris, dum vires validæ permittunt, quam doctiores Medici in febre pestilenti, uti Sennertus, Séptalius, Antonius Ponce, Sancta Crux, Fracastorius, & alii gravissimi Scriptores admittunt. Certe vires horum animalium, in ipso etiam vigore morbi satis validas esse observavi, e stabulis enim educti, & per campos circumducti experiundi causa, num herbam aliquam velint pascere, robuste incedunt, & suæ libertati relictæ, ad stabula prompte recurrunt. Circa porro venarum delectum, non adeo laborandum; ubi enim ad vasorum plenitudinem tollendam mittitur sanguis, parum refert, an ab hac, vel illa vena mittatur.

Inuisiones quoque lato ferro candenti faciendæ in collo utrinque, sublata enim eschara, apparebunt ulcera, quæ vesicantium loco esse poterunt; aures quoque rotundo ferro perforandæ, indita postea radice hellebori, ut veterinarii Scriptores suadent, similiter sub mento perforanda palaria, injecto postea funiculo, quem setaceum vocant, indiget enim natura aliquo emissario, per quod venenum istud exanthlet; nulli enim comperci sunt evasisse boves, nisi per pustulas in cute excitatas; multum crassæ, ac fœtidæ materiæ fundentes, nec bovem ullum, qui sic purgatus fuerit, recidivam passum fuisse adhuc accepi; nam ex Hippocratis oraculo in sexto Epidemiorum: *Quidquid suppuratur non revertitur; ipsa enim maturatio, & judicatio simul, & abscessus.* Observatione dignum est, quod refert laudatus Fracastorius, ait enim, *eos boves, quibus labe a faucibus ad armos descendebat, & inde ad pedes, sanatos fuisse, quibus autem hæc permutatio non fiebat, ut plurimum interiisse.* Linguam, & palatum, aceto, & sale colluere sæpius oportebit; frictiones pluries in die faciendæ ad faciliorem perspirationem obtinendum, ac ut cutis paratior sit ad recipienda rejectamenta nervorum & arteriarum in glandulas. Cum persæpe in faucibus generentur tumores & crustæ, ut fit in variolis, ut nihil per os possit infundi, compertum est baculum salignum viridem butyro inunctum, longitudinis ulnæ, & amplius per os inditum, valde contulisse ad impedimentum illud tollendum.

Quoad præsidia interna, hæc e triplici regno erunt petenda. E vegetabili plantas multas habemus cardiacas, quarum magna est supellex; Decoctio itaque in aqua fieri poterit ex foliis scordii, cardui benedicti, dictami Cretici, centauri, radicibus gentianæ, tormentillæ, scorzonæ, & similibus, quibus addi poterunt cicoracea ad illarum calorem temperandum, quæ decoctio, bis, vel ter in die per os infundi poterit ad duas, vel tres libras. Cum vero febris ad statum pervenerit, decoctio ista ex prædictis plantis debet esse saturatior ad expulsionem promovendam. Camphora quoque magnum antipestilentielle, accensa, & in aquam conjecta, potionem efficiet aptam

ad pestiferum miasma perdomandum, & diaphoresim promovendam. Pulveres quoque ex iisdem plantis parati, & in aqua cardiaca dissoluti, exhiberi poterunt.

Ut autem præter universalia alexipharmaca, quæ pro malignæ febris curatione a vegetabilium classe abunde suppetunt, aliquod singulare proponamus, placet expendere, num solemne illud antipyreticum, h. e. cortex Peruvianus, vulgo China Chinæ, ad malignam hanc febrem expugnandam salutare remedium esse possit. Equidem hoc præsidii genus in febribus periodicis miranda præstat, ac præsertim in tertianis intermittentibus malignis, quæ in ipso impetu accessione, ægros interdum necant, quarum febrium in constitutionibus meis epidemicis Mutinensibus mentionem habui; hoc enim febrifugum, fermentum illud malignum, sive penitus restinguit, sive ita enervat, ut periculum illud tollatur, ne æger in ipso febris accessu intereat; at in febribus continuis, & inflammatoriis, perraro ex corticis Peruviani usu, febrem solutam observavi; si tamen habenda fides Richardi Mortoni rationibus, & experimentis, qui in quacunque febre venenum quoddam spiritibus vitalibus hostile agnoscit, cur in hoc bovini generis morbo experiri non licebit hujus febrifugi virtutem? Ist hæc enim boum febris continua, & acuta, a febribus continuis ab aliqua inflammatione comitatis, quæ homines corripit, nullatenus differt; licet Joseph Aromatarius ex Antiquorum doctrina differentiam aliquam statuat inter febres brutorum, & febres hominum, ut brutorum febris *κράϊσθ*, hominum vero *πυρετός* vocetur. Possent itaque uncie tres pulveris Chinæ Chinæ (quando hujus remedii largior dosis esse cœpit, quam olim) infundi in libris decem vel duodecim aquæ cardiacæ, seu vino non admodum generoso, quæ infusio inservire poterit pro quatuor, vel quinque dosibus, bis illam in die exhibendo, in febris tamen principio, & cum primum bos agrotare cœperit.

Sua quoque remedia suppeditabit regnum animale; cornu cervi primas tenebit, infusio itaque ac decoctio, & quæ ex eo parantur remedia erunt ex usu. Pulvis viperinus, qui febrilem calorem non adeo intendet, bis in die exhiberi poterit ad drachmam unam, in aqua cordiali tepida pariter dissolutus; efficacior tamen esset vipera una, vel altera in aqua cordiali decocta: febris enim ista intra paucos dies cursum suum absolvit. Quoniam autem inter cætera symptomata, gravi anhelitu, & stertore boves premuntur, spermaceti tanquam remedium aptum ad dissolvendas sanguinis concretiones, & in asthma usurpari solitum, præscribi poterit ad drachmas duas in vino tepido dissolutum. Mineralia quoque, ut quæ non tam facile a calore nativo, & digestiva facultate alterantur, uti vegetabilia, & animalia, sed integris viribus corpus pervadunt, symbolum suum conferent. Antimonium diaphoreticum, paratu facile, & exiguae impensæ, quod nihil aliud est, quam antimonii crudi in pulverem contriti, cum æquis partibus nitri, in crucibulo, vel mortario æneo per carbonem ignitum, aut bacillum ferreum candentem, conflagratio, ter, vel quater repetita, addita semper novæ conflagrationi æquali portione salis nitri, erit proficuum remedium ad continendam illam, quæ expetitur, expulsionem dirimeni ab intimis ad extima. Quoniam vero reperiuntur esse lumbricos, & ascarides in intestinis, quod per facile est credere, cum etiam in pestilentibus hominum observari soleat verminatio, non solum in vitriculo, & intestinis, sed etiam in aliis partibus, quod in scrutinio Pestis tradit Pater Athanasius Kircher & S. J. & animatam putredinem appellat, ad remedia anthelmintica erit confugiendum; Mercurii infusum, ad libram semis super cineres calidos, in aliquo ex prædictis aquis optimum erit remedium, cæteri quæ decantantur præferendum; quando enim inter elminthicos scriptores disputari solet, num acida, an ulcia ad vermes necandos sint usurpanda, Mercurium, licet insipidum, id valenter præstare, & frequenter in usu esse, pro certo habemus. Idem quoque afficiet Mutinensis agri petroleum; præter enim id, quod vermes enecat, putrescentiam quoque corrigit, & diaphorescos erit stimulus. Nostrates rustici, cum vitulos habent verminantes, quod facile deprehendunt e odore, quem vituli expirant, cum lacte exhibent

istud petroleum, ad guttas aliquot per os infundendum.

Quoad alimentum, potiones parari poterunt, ex farina hordei, tritici, panis contriti ad instar ptisanæ. Pro potu laudatur scæni puri, odorati, mense Maji collecti, in aqua maceratio, quod potionis genus hisce animalibus gratum esse observavi. Externorum quoque habenda est ratio. In loco calido boves detinendi, & custodiendi stragulis cooperti, cavendo quantum licet ab aere frigido; quotidie stabulum suffumigando ex baccis juniperi, galbano, & similibus.

Atque hæc quidem ad therapæjam, modo pauca quædam documenta pro hujus meæ prælectionis coronide, in prophylaxeos gratiam lubet proponere, quando longe præstantius est præservare, quam curare, sicuti satius est tempestatem prævidere, ac illam effugere, quam ab ipsa evadere. Cum igitur boves ab agris post labores in stabulum ad hyemandum jam sint deducti, ut milites ad castra hyberna, magna diligentia studendum erit, ut ea loca, in quibus boves sanigere debeant, munda sint, quantum fieri potest, ac sæpe suffumiganda, quæcunque animalia, ut sues, oves etiam ab illis arcendo. Solent rustici, ut stabula hyeme sint calidiora, fumum, & excrementa boum in iis cumulare, sed satius si quotidie alvinas fæces alio adsporent. Consilium salubre erit parietum crustas abradere, eo modo, quo Judæi ex legis edicto jubebantur cubiculorum, in quibus leprosus aliquis habitasset, parietes crusta denudare, & flore calcis obducere, solum autem in hoc casu muros eradere sufficiet; timere enim licet, ne recentis calcis odor hyemali tempore bobus inibi conclusis possit officere. In id quoque erit incumbendum, ut pura, & munda sint illorum alimenta, cavendo, ne scænum, paleæ, & alia, a pluviis, & illuvionibus fuerint inquinata; parcius quoque erunt alendi, ne plus æquò pinguescant; non enim hoc anno polysarcia, sed sanitas procuranda, æstate quidem, quo tempore, in frugum tritura, aratione, & plaustrorum vectura exercentur, ac multum est quod dissatur, plenius sunt alendi; at hyeme, hoc anno præcipue, quo suspecta est saginatio, & macies tutior visa est, moderata diæta in iis nutriendis erit utendum.

Frictiones pluries in die adhibendæ, non solum manu, sed strigilibus quoque, multum enim conferent ad sanguinem in sua fluiditate continendum, simulque ad superfluitatem exhaustiendam, si præsertim frictiones sint validæ: habet enim hoc præsidii genus varias facultates, modo implendi, modo extenuandi. Celsus ex Hippocrate scripsit: *Frictione, si vehemens sit, durari corpus, si lenis, molliori, si multa, minui, si modica, impleri*. Si nimis pinguescant, quandoquidem hoc anno copiosa erit bubuli generis annota, posset etiam institui phlebotomia, sed diæta si fuerit conveniens, venæ sectionis, atque etiam purgationis erit vicaria. Postremo cum ex observatione boum, qui in hac tempestate evaserint, satis constet, naturam per crustas, & ulcera excitata in corporis ambitu, & multam sanici expurgationem, morbosum illud miasma, luem hanc expugnasse, sanum consilium foret emissarium aliquod in bobus sanis aperire, per quod si qua sint vestigia morborum seminii, illa sensim extrudantur. Aureum documentum habemus ex Hippocrate in 6. Epid. ad rem nostram accommodandum, hisce verbis: *Decubitus quidem, in quibus facta tollit, hæc ante facta prohibet*. Locus quidem subobscurus est, uti sunt Hippocratis oracula, sed illum egregie explicat Vallesius. Ait enim, decubitus a natura factos, qui sunt aliorum morborum medella, eosdem morbos antevertere, & præservare, si tales decubitus arte procurentur, non simpliciter tamen, quemcumque decubitum, sed illum, qui facta tollit. Non inutile igitur foret sanis bobus, palearia sub mento candenti ferro perforare, atque funiculo indito, apertum illud diu servare, ut per illud paulatim egerantur impuritates illæ, quæ hujus contagiosi fomitis sunt soboles, & in capite potissimum acervari solent.

Sed cur ingenii mei tenuitatem frustror, ac divexo, ut morbi hujus naturam, & causas explorem, ac medicinæ præcepta ad veterinariam traducam? Jamdudum veram, & immediatam hujus ferini morbi causam

causam agnovit, ac patefecit Purpurati Principis, ad hujus urbis incolumitatem coelitus demissi admiranda pietas & sollicitudo; nullam aliam scilicet esse causam, quam Deum justissimum criminum vindicem, nobis iratum; sicuti etiam idem unicum & verum aperuit antidotum, decretis ad plures dies supplicationibus ad coelestem iram placandam. Magna sane frequentia clausis ubique officinis, ad excessam hujus urbis Basilicam concursum est, ut nunquam alias tantus in unum populi conventus fuerit observatus, nec tanta erga Superos reverentia, ac pietas. Neque vero fervor hujusmodi postea refrixit; uti aliquando fieri consuevit, sed perstitit, magno ad alia celebriora urbis Tempia populi confluxu, quin ceteris civitatibus, quæ eodem malo premuntur, exemplo fuit, ut ad divinam opem implorandam publicis precibus confugerent. Hæc tam subito mutata rerum facies & recens nata hic, & alibi pietas, quam graviorum malorum metus expressit, in mentem revocant magnam illam Romanæ urbis consternationem,

quam Livius hujus Civitatis immortale Decus, tam egregie descripsit, quando nimirum Annibal, fufis, ac deleris Romanis exercitibus, ex improvise Romanam petiit, ac illam tam arcta obsidione pressit, ut trepidantis civitatis clamores audiret; subito enim terrore perculsus Romanus populus, ad Tempia, & Aras Deorum turmatim concurrebat, ut victimas mactaret, & pro publica salute vota conciperet; viscebantur mulieres sparsis crinibus, effusa in lacrymas, cum parvis liberis ad Tempia convolantes, ac ibi ad Simulacra Deorum armillas, annulos, aurea monilia appendere, ferreas scilicet Pœnorum catenas, & asperrima vincula metuentes. Hanc eandem consternationem eleganti carmine descripsit Silius Italicus. Labet hic carmina hujus Poetæ vere aurea ad rem nostram apponere.

*Tanta adeo, cum res trepida, reverentia Divum
Nascitur, & rara fumant felicius ara.*

Num hisce temporibus congruant hi duo versus,
Vobis A. O. judicandum relinquam.



THOMÆ SYDENHAM, M. D.

TRACTATUS

DE PODAGRA ET HYDROPE.

NON FINGENDUM, AUT EXCOGITANDUM,
sed inveniendum, quid Natura faciat,
aut ferat. Bacon.

Doctissimo Viro

THOMÆ SHORT, M. D.

Coll. Med. Lond. Soc.



N tibi, Humanissime Vir, Tractatulum
de Podagra & Hydrope, loco spissioris
voluminis quod animo destinaveram; Hi-
storiam intelligo Morborum Chronico-
rum, eorum maxime, circa quos mea

Praxis potissimum versata est. Cum vero omnem co-
gitandi vim atque omnes nervos his rebus plus satis
intendendo, atrociorum podagrae paroxysmum mihi ac-
ciderim, quam quo alias, ut puto, fueram multan-
dus, res ipsa monebat, ut has lucubrationes vel invi-
tus ponerem, & mihi tandem ipse consulerem, hos tan-
tum morbos duos quadantenus expedivisse contentus.
Quoties enim ad hac studia me recipiebam, toties &
podagra recurrebat. Hoc itaque operis, quale demum
id est, accipere digneris; quod Tibi duabus potissi-
mum de causis dicandum censeo. Primum, quod ea-
rum, quas jam olim in publicum dedi, Observatio-
num, a quibusdam despectarum, utilitatem aliquam,
non tantum me coram atque in os, sed etiam coram
aliis agnoscere atque asserere nullus dubitaveris. Dein-
de quod ex aliqua consuetudine quam mutuam habui-
mus, Consilia in commune pro Aegrorum commodis con-
ferentes, Ego tuum genium deprehenderim ad Praxin
Medicam apprime factum: quodque tamen doctrina
omnis generis inclarescas, Te tamen natura ad eas
potius subtilitates determinaverit, quae e praxi nascun-
tur, quam ad inanes speculationes: quae duo haud mi-
nori intervallo a se invicem distant, quam Sapientum
res serie ac maximi momenti a puerulorum ludo ac
crepundiis determinantur: Et fortasse (nisi me fallit
observatio mea) perraro in eodem subiecto conveniunt.
Qua tua sagacitas, juncta opportunitate, quam tibi sup-
peditavit ingens medicandorum copia ad Experimenta
stabilienda, Te ad Artis nostrae fastigium evexit: Et
morum comitas versus omnes haud vulgaris existima-
tionem, quam natus es, facile tuebitur. Si qua heic
differui neque tibi cui ista inscribo, nec paucis illis,
at spectata probitatis viris, quos amicos habeo, visio
dari possint, haud multum alios morabor, qui nulla alia
de causa mihi insensissimi sunt, nisi quod aliter tam de
ipsis morbis, quam de eorum Curationibus sentiam, at-
que illi sentiant. Quod ut ita non fieret penes me nul-
lo modo fuit, quando sic a natura factus atque disposi-
tus sim, ut quod temporis alii libris legendis, id ego
omne meditationi impendere soleam, neque tam qua-
ram, an alii eadem mecum asserant, quam atrum quae
ego trado cum veritate consentiant: utpote qui rumores
& vulgi plausum haud magni faciam. Et sane quid
tanti est, si officio Civis boni strenue perfunctus, &
publico commodo etiam cum privato damno inserviens,
nullam tamen exinde gloriam reportem? Cum si rem
recte perpendam, consulere existimationi meae, qui jam

senex sim, brevi perinde erit ac si Non-enti consuluis-
sem. Quid enim mihi post obitum prodesse queat, ut
octo Elementa Alphabetica in istum ordinem redacta,
ut nomen meum componant, eorum linguis jactentur,
qui non magis aliquam meae Ideae animo possint effin-
gere, quam ego jam queam concipere, qualesnam tan-
dem illi futuri sunt, qui omnes & mortuos prioris se-
culi ignorabunt, & aliis, tum dialectis tum moribus uten-
tur, pro rerum humanarum omnium inconstantia ac vi-
cissitudine. At quorsum ego de aliorum judicio solici-
tus sim? Si meo aliquo conatu in promovenda & mor-
borum & eorundem Curationum scientia aliquantulum
promeritus fuerim, haud diu ista laude fruar: Atque e
diverso, si cui minus placuerint mea scripta, vix puto
me alia additurum; cum non pariat ratio sanitatis
meae, ut mundo ulteriores, rem medicam tractando,
molestias faceffam. Et profecto vel in hoc Tractatulo,
quem jam ego, cum manus tremula calamus regere ne-
quiret, operam mihi commodatam ab Amicissimo viro
D. Joanne Drake, Baccalaureo in Medicina ex Aede
Christi apud Cantabrigenses, agnoscere debeo: Quem
quidem virum & nativus morum Candor & vitae In-
tegritas amicum perquam exoptabilem; Animi vero do-
res tam a natura subministrata, quam studio exculta
Humano generi utilem admodum reddent & beneficium,
ubi eam Artem exercere placuerit, quam ita probe cal-
let. De cetero rogandus es, Vir Spectatissime, ut huic
meo in te officio, si permolestior fuerim, veniam con-
cedas: quod tamen non aliunde nasci existimes velim,
quam ex illo honore & obsequio, quibus te merito, at-
que ex animo prosequitur

Tibi addictissimus

Tuique observantissimus

Londini,
Maji 21. 1683.

THOM. SYDENHAM.

DE PODAGRA.

P Rocul dubio aestimabunt homines, vel morbi, de
quo agimus, naturam *δυσνόητον*, ac fere incom-
prehensibilem esse, vel me, quem jam ab annis tri-
ginta quatuor vexavit, ingenii tardissimi ac prorsus
hebetis, cum meae tam de ipso morbo, quam de
ejus curatione observationes ita parum votis respon-
deant. Utut tamen se res habeat, ego bona saltem
fide tradam, quae hactenus rescivi omnia, difficulta-
tes, salebrasque, sive rationem morbi ipsius, sive cu-
rationis methodum spectantes, temporis, duci verita-
tis, evincendas complanandasque relinquens.

Podagra eos plerumque senes invadit, qui postquam
meliores vitae dies mollius ac delicatius transegerint,
epulis lautioribus, vino, aliisque liquoribus spirituo-
sis liberalius indulgentes, tandem ob pigritiam aetatis
ingra-

ingravescentis semper comitem, ea corporis exercitia penitus omisere, quibus juvenes assueverant. Ad hæc, isti, qui huic morbo sunt obnoxii, crania habent grandiuscula, habitu corporis ut plurimum sunt pleniori, humido & laxo; & constitutionem habent omnes luxuriantem virosamque, ditissima atque optima vitæ stamina.

Non quod podagra eos solum adoriatur, qui crasso & corpulento habitu donantur, cum aliquando etiam, etsi rarius, graciles & macilentos invadat; neque quod hic morbus in omnibus senium præstoletur; quandoque enim etiam ætate florentes corripit, quoties scilicet infelicia morbi semina a parentibus, quasi ex traduce acceperint; vel si hoc non fuerit, immodicæ Venæri præmaturius indulserint, aut exercitiis omnino valedixerint, quibus prius etiam vehementioribus utebantur; edaciores insuper fuerint & liquores spirituosos immoderatus hauserint, postea derepente ad liquores tenues & refrigerantes se contulerint.

Si quem non nisi jam senio confectum primum adoriatur, nunquam postea vel tam statas habet periodos, vel tam immaniter sævit, quam si juniorem occupaverit; tum quod vita ut plurimum elabatur antequam morbus naturalibus symptomatibus stipatus ad *apulum* pervenerit, tum etiam quia calore nativo & vigore corporis imminutis, nec ita jugiter, nec vehementer in articulos displodi potest. At si quem maturius laceat, quamvis nec sedem adhuc figat, nec eum ita male tractet, sed incerta periodo pro data anfa ingruat, leviter ad paucos dies torquens, & nulla methodo invadens recedensque, sensim tamen castra metatur, legem sibi ponens, typumque præformans, tam quoad anni tempus, quo arma quotannis movebit, quam quoad paroxysmi durationem; ad hæc ferocius quam primo insultu debacchatur.

De hoc morbo dum ita regulam typumque servat, libet primo differere, postea de ejusdem phænomenis anomalis atque incertioribus, quoties scilicet vel præpostero inidoneorum medicamentorum usu, de statu suo dejectus fuit, vel ob subjecti debilitatem & languorem, ad propria & genuina symptomata nequit assurgere. Quoties itaque *Regularis* est *Podagra*, hoc fere modo ægrum aggreditur. *Januario* exeunte, aut incipiente *Februario* derepente & nulla fere præsensuione antecedente ingruit, nisi quod ventriculi cruditate atque *anæstia* ad septimanas aliquot æger laboraverit; corporis insuper intumescencia quasi ventosa & gravitate, quæ indies augetur, donec tandem detonet paroxysmus; quem paucis diebus præit torpor & quasi statuum descensus per femorum carnes, cum affectione *anæstia*, tum etiam pridie paroxysmi appetitus voracior, non tamen naturalis. Sanus lecto somnoque committitur; hora vero secunda post mediam noctem excitatur a dolore pollicem pedis ut plurimum occupante, quandoque vero calcaneum, suram, aut talum; Hic dolor eum refert qui ossium dictorum dislocationem comitatur, cum sensu quasi aquæ tantum non frigida partis affectæ membranæ affusæ. Mox sequitur rigor cum horrore, & febricitatione aliquali. Dolor autem hic primo remissior gradatim intenditur, (& pari passu rigor atque horror recedunt) idque in singulas horas, donec tandem sub noctem ad apicem pervenerit, se ad varietatem officulorum tarfi & metatarsi, quorum ligamenta obfidet, perbelle accommodans, nunc tensionem violentam, vel ligamentorum istorum dilacerationem, nunc morsum canis rodentis, quandoque pressuram & coarctationem exprimens; adhuc, ita vivum exquisitumque habet sensum pars affecta, ut nec linteorum superincumbentium pondus, nec cubiculi a fortiori ambulatione concussionem ferre valeat. Atque hinc fit ut nox non tantum in cruciatu transigatur; sed etiam cum irrequieta partis affectæ hac istac rotatione, & mutatione situs quasi perpetua. Neque minor est totius corporis jactatio incessans, quæ semper paroxysmum, maxime vero accedentem, comitatur, quam torti membri agitatio & dolor. Hinc etiam mille conamina, situs tum ipsius corporis, tum membri affecti mutatione assidua, doloris sedationem incassum exambiunt: quæ tamen non contingit ante horam secundam tertiamve matutinam, (decurso scilicet ny-

cthemeri spatio a primo appulsu paroxysmi) quo tempore æger post materiæ peccantis modicam digestionem & distationem aliqualem, subito a dolore respirat, licet hanc ille liberationem isti membri affecti posituræ, qua postremo usus erat, immerito acceptam referat. Jam leni madore perfusus somno concedit, a quo evigilans, dolore multum imminuto, partem affectam tumore recenter occupatam cernit; cum solum antehac (quod in omnibus podagricorum paroxysmis solemne est) insignior intumescencia venarum membro vexato intertextarum se in conspectum dederat. Sequenti die, forte etiam ad biduum triduumve, si materia podagræ generandæ apra fuerit copiosior, dolet nonnihil pars affecta, idque vehementius die jam advesperascente, levatur autem sub Galli cantu. Intra paucos dies, alter pes eodem dolore torquetur, quo is, qui prior doluit, vel si prior iste jam dolore desierit, debilitas quæ eum infirmaverat, mox evanescit, tam viribus quam integra sanitate isti pedi statim restituitis perinde ac nunquam laboraverit, si modo dolor pedem nuper tentatum ferocius lancinet. Nihilominus easdem hic excitat tragædias, quas prius in altero pede, tam quoad doloris vehementiam, quam durationem. Quandoque etiam primis morbi diebus cum materia peccans adeo exuberat, ut ei capiendæ pes unus impar sit, utroque simul pari vehementia fatigat: sed ut plurimum pedes successive, uti diximus, aggreditur. Postquam utrunque pedem exercuerit, qui sequuntur paroxysmi abnormes sunt, tum quoad tempus invasionis, tum etiam quoad durationem; hoc tamen ubique servant, quod dolor noctu recrudescat, mane vero remittatur. Atque ex serie horum *Paroxysmulorum* (sit verbo venia) constat paroxysmus qui dicitur podagræ, diuturnior breviorve pro ægri ætate. Neque enim censendum est, quoties quis cum hoc morbo ad menses duos vel tres fuerit conflictatus, unum illum paroxysmum fuisse, sed seriem potius & catenam paroxysmulorum, quorum posterior quilibet priore & mitior fuit & contractior, donec tandem materia peccante prorsus absumpta æger pristinam obtinuerit sanitatem: quod in vegetioribus, & iis quos podagra rarius invadit, diebus sæpe quatuordecim fit; in senioribus, atque iis quos sæpius affligit, duobus mensibus; iis vero qui vel annis, vel diuturniore morbi mora fractiores jam sunt, non prius valedicit, quam ætas jam adultior eam fugaverit. Ad quatuordecim primos dies urina coloratior est, quæ post separationem sedimentum rubrum & quasi arenulis refertum deponit; nec æger ut plurimum nisi tertiam portulentorum quæ assumpsit partem per vesicam reddit. Alvus item ad dictos primos fere dies constipata est. Appetitus prostrator, rigor totius corporis sub vespere, partium etiam non affectarum gravitas & molesta sensatio integrum paroxysmum comitantur. Recedentem paroxysmum excipit pedis affecti pruritus vix ferendus, maxime inter digitos, unde decidunt furfures, & pedes ipsi quasi ab epoto veneno desquamantur. Morbo jam discusso, ægri tum *Æstia*, tum appetitus redeunt pro rata doloris quo sæviebat paroxysmus nuper elapsus, & in eadem proportionem servata vel acceleratur vel differtur sequens paroxysmus. Nam si hic ultimus ægrum pessime mulctaverit, sequens paroxysmus non nisi anno ad idem punctum revertente denuo accedet.

Atque hoc se habet modo podagra regularis phænomenis genuinis propriisque se ostendens. Cum vero vel ab indebita medicatione turbatur, vel ob diuturniorem morbi pertinaciam, corporis substantia quasi in morbi fomitem pervertitur, neque par est natura eidem, methodo consueta, eliminando, phænomena multum sunt diversa a jam descriptis. Nam cum hactenus dolor pedibus tantum fuerit infestus, (qui peccantis materiæ sedes sunt genuina, quæ cum alias quaslibet partes occupat, certissimum est vel morbi methodum inversam esse, vel corporis vigorem paulatim jam imminutum) jam itaque manus, carpos, cubitos, genua aliasque regiones occupat, ea jam, sicut pedes olim solebat, discrucians. Quandoque enim unum pluresve digitos distorquens fasciculo *radicum Pastinacæ* similes eos reddit, motu paulatim privans, tandemque concreciones circa articulorum

ligamenta tephaceas generans, quæ articulorum cuticulam ipsamque cutem destruens, nudos *rophos*, *cretam* vel *oculos Cancrorum* æmulantes, acicula eruentes exhibet conspectui. Nonnunquam materia morbum committens cubitis impacta tumorem subalbum excitat fere ad ovi magnitudinem, quæ sensim inflammatur cum rubore. Est ubi femur occupans sensum exhibet quasi ingentis ponderis appensi, sine dolore tamen notabili; at genu exinde petens id acrius urget, motum omnem inhiibens, ut quasi clavo transacto lectulo affixum ne latum pilum a loco in quo est se queat dimovere. Et quando vel propter totius corporis inquietudinem huic morbo ita familiarem, vel urgente necessario aliquo vitæ officio, æger aliorum opera est movendus, omni cautela opus est ne forte vel nimia motus contrarietas dolorem accersat, qui eo tantum nomine potest tolerari, quod confestim evanescat. Quæ quidem corporis latitudo ita caute & delicate peragenda, haud exigua pars est ærumnarum, quibus podagra oneratur: Dolor enim vehementior non per omnem paroxysmum extenditur, si modo pars affecta omnino quiescat.

Cum podagra antehac non nisi exeunte hyeme solet invadere, post duos tresve menses pro more recessura; jam per annum integrum vexat ægrum, demptis duobus vel tribus mensibus calidioribus atque æstivis. Et quod insuper est observandum, quemadmodum *Paroxysmus* major sive *Generalis* jam protrahitur quam olim fuerat, inveniatur, ita etiam *Paroxysmi* isti *particulares*, ex quibus generalior componitur, singuli diutius sæviant: cum enim antehac particulares isti non ultra unum alterumve diem excruciant, jam ubicunque sedem figant, maxime si pedes vel genua occupaverint, non ante diem decimum quartum castra movent. Primo ad hæc, aut secundo post appulsum diem, æger præter dolorem, aliqualem etiam ægritudinem patitur, atque simul omnimodam appetitus prostrationem.

Postremo, cum antequam malum usque adeo incurduerat, æger non solum longioribus frueretur paroxysmorum intervallis, sed etiam durante ista intermissione recte valeret tam artubus quam reliquo corpore, facultatibus singulis naturalibus, officio suo debite fungentibus; jam artus habet fere undiquaque contractos atque impeditos, ita ut quamlibet stare possit, forte etiam aliquantisper procedere, gressu tamen ita claudicante ac permolesto prorepat, ut etiam cum ambulet quiescere videatur: & si ultra vires ambulare perstiterit quo pedibus rectius valeat, quanto magis ipsos ambulando confirmat, & dolori excipiendo minus obnoxios reddit, tanto morbi fomes, nunquam per hoc omne intervallum perfecte dissipatus, visceribus periculosius imminet, cum in pedes ita libere nequeat effundi; qui hoc morbi tempore vix unquam doloris sunt expertes, sed sensatione aliqua plus minusve molesta perpetuo tentantur.

Quin etiam multis aliis symptomatibus infestatur æger, ut venarum hæmorrhoidalium dolore, ructu nidoroso cibi jam manducati & in ventriculo putrescentis gustum referente, quoties vel aliquid e dyspeptis assumpserit, vel eam tantum cibi quantitatem quæ sano competit. Appetitus languet uti & totum corpus præ inopia spirituum. Denique ideo tantum vivit ut calamitosus sit & miser, non ut vitæ dulcedine vel minimum fruatur. Urina, quam prius coloratiorem, maxime in paroxysmis & in pauca quantitate solebat reddere, jam illam tam colore imitatur, quam copia quæ in *Diabete* excrenitur. Dorsum aliæque partes moleste pruriunt maxime sub horam somni.

Id etiam in hoc morbo, quoties jam confirmator est, incommodi accidit, quod ab oscitatione, in primis vero matutina, ligamenta ossium metatarsi vehementer convelluntur, cum sensu quasi coarctationis vel compressionis fortissimæ a manu valida. Quandoque etiam nulla oscitatione præcedente, æger jam se somno committens ictum quasi clavæ metatarsi confringentis derepente per sentiscit, unde cum ejulatu expergiscitur. Tendines muscutorum quæ tibiæ suffulciunt, subinde spasmo corripiuntur ita acriter & violento, ut dolor quem excitat, si vel tantisper duraret, omnem humanam patientiam dejiceret vinceretque.

Post multos dirosque erueiatus & carnificinam diuturniorem, ceu pignus missionis quam mors jam in propinquo stans mox est datura, paroxysmi subsequentes ægrum quoad dolorem clementius tractant, (natura partim ab onere materiæ peccantis oppressa, partim ob senium, eandem in corporis extremitates jugiter ac strenue relegare non amplius valente) ac loco doloris consueti, ægritudo quædam cum dolore ventris, lassitudo spontanea, quandoque etiam propensio ad diarrhœam superveniunt. Hæc symptomata, dum vigent, artuum dolorem leniunt, quæ pariter evanescunt, quoties articulos dolor fatigat: atque ita nunc dolore, nunc ægritudine quasi alternatim laceffente, paroxysmus longas moras necit. Animadvertendum est enim, quod ubi quis ad multos annos podagra laboraverit, dolor singulis paroxysmis gradatim imminuitur, tandemque ægritudine potius conficitur, quam dolore. Quem enim in his patitur dolor, quamlibet sint productiores, vix ad decimam partem ejus assurgit doloris, quem pati solebat, cum viribus esset magis integris. Nihilominus hæc ipsa morbi inclementia pensabatur ut plurimum longiore intercapedine, quæ paroxysmos intercedebat, tum sanitate, qua interea satis commoda utebatur. Nanque hoc in morbo dolor amarissimum est naturæ pharmacum, qui quo vehementior est, eo citius præterlabitur paroxysmus, atque insuper & longior erit intermissio & magis perfecta; & vice versa.

Neque tamen dolor, claudicatio, atque impeditus partium affectarum motus, ægritudo, aliaque symptomata jam descripta, hujusce morbi tragœdiam absolunt: *Calculus* insuper *Renum* in quamplurimis parit hic affectus, tum ex eo quod æger diu supinus recumbat, tum etiam quod feriantur organa secretoria a debitis sibi functionibus; sive etiam quod calculus ejusdem materiæ morbificæ in genere portio quædam sit, quam ego litem non dijudico. Quæcunque vero sit hujus mali origo, nonnunquam ægri animum mœstissima interpellat contemplatio, calculusne an podagra imitior sit. Quandoque etiam calculus lotii per meatus urinarios in vesicam transitum impediens, ægrum de medio tollit, lentas podagræ moras haud amplius expectantem.

Nec satis est ægrum ita miseris modis dilaniari, ut nec sui jam fuerit compos, alienæ opis prorsus indigens, sed & hic accedit miseriarum cumulus, quod durante paroxysmo, animus etiam ceu contagio afflatus, eo usque corpori compatitur, ut haud facile sit dictu utro horum æger calamitosius doleat. Non enim rectius podagræ, quam iracundiæ, paroxysmus omnis dici potest; cum mens & ratio usque adeo ab infirmato corpore enerventur, ut vel levissimo affectuum motu impellantur & vacillent: unde non magis ipsi quam aliis gravis est. Quid quod & cæteris quoque passionibus est obnoxius, timori videlicet, solitudinique, atque aliis id genus? A quibus pariter torquetur, donec morbo evanescente, animus quoque pristina tranquillitate recepta una convalescet.

Tandem æger (ut funestissimi hujus morbi catastrophæ semel expediam) visceribus a materiæ peccantis incubatu complexuque ita læsis, ut secretionis organa non amplius suo munere fungi queant, unde & sanguis quasi limo & sæculentiis refertus stagnat, & materia peccans non jam, ut olim solebat, in corporis extremitates disploditur atque rejicitur; tandem inquam *ὀπτις-ἀδλσ* vitam afflictissimam & jam diu non vitalem cum morte ærumnarum requie feliciter commutat.

At vero (quod mihi aliisque, licet tam fortunæ quam ingenii dotibus mediocriter instructis, hoc morbo laborantibus solatio esse possit) ita vixerunt atque ita tandem mortem obierunt magni Reges, Dynastæ, Exercituum Classiumque Duces, Philosophi, alique his similes haud pauci. Verbo dicam, Articularis hæc morbus (quod vix de quovis alio affirmaveris) divites plures interemit, quam pauperes, plures sapientes, quam fatuos, natura quasi digito monstrante, quam parum iniqua sit omnium parens & arbitra, quam partibus non studeat, cum

eos, quibus alicubi defuit, alio aliquo bonorum genere cumulatus ditare soleat; profusorem vero erga alios munificentiam æqua malorum parte admixta diluat & contemperet. Adeo ut ubique gentium rara sit lex atque inviolabilis, nullum hominem vel ex omni parte beatum, vel per omnia miserum ac calamitosum posse inveniri, singulos autem utranque experiri sortem. Quæ boni atque mali contemperatio, fragilitati nostræ & mortalitati ita propria, nobis fortasse apprimè conducit.

Podagra fœminas perraro infestat, easque non nisi jam vetulas, & viragines seu corpore masculorum habitum æmulantes. Graciliores quæ vel in adolescentia, vel constanti ætate symptomata patiuntur podagram mentientia, ea ipsa vel affectibus hysteriis, vel rheumatismo quo jam olim laborarunt, & cujus fomes non satis initio fuerat eliminatus, accepta referunt.

Neque pueros, neque juvenibus minores podagra vera atque genuina vexatos hactenus observavi. Nonnulli tamen mihi noti sunt, qui priusquam eam ætatem attigissent, leviculam aliquam quasi velitationem præferant; quorum nempe patres etiam tunc hoc morbo tenerentur cum iis generandis operam darent. Atque hic explicet morbi hujus historia.

Omnes animi nervos variis hujusce morbi phenomenon contemplandis acriter intendens, illum *Αἷμα* seu labefactatæ, tam in partibus, quam succis corporis universis concoctioni ortum debere existimo. In istis enim, qui huic morbo sunt obnoxii, cum jam vel ætate fuerint confecti, vel effrænata morum licentia senectutem præmaturius accersiverint, spiritus animales per totum corpus deficiunt, immodico functionum in juventutis calore vegetissimarum exercitio consumpti; verbi gratia, præpropere nimioque Veneris usu, insanis improbissimisque laboribus, quibus ardenter atque indefesse voluptatibus inserviunt, & his similibus. Accessit etiam sive ab annis, sive ab inertia, exercitiorum corporis, quibus olim assueverant, intermissio vel cessatio repentina (quorum usu tum sanguis invigoratur, tum partium tonus firmior & constantior solebat reddi) unde jam corpus flaccescit, & concoctiones non amplius recte promoventur; e contra vero, succorum corporis recrementa, quæ talium exercitiorum ope prius excernebantur, dehinc in vasis, seu morbi seminum, reconduntur. Nonnunquam & studium seu meditatio de re quapiam seria ac diuturna malum auxit, quo scilicet spiritus defæciatores & magis volatiles a concoctionum penso quod debuerant absolvere, nimium evocantur. Adde quod huic morbo obnoxii non solum ciborum in genere fere sunt appetentiores, sed & eorum maxime qui difficillime ventriculo cedunt; quos cum haud parcius devorent, quam tum solerent cum exercitiis uterentur, non jam iis digerendis pares sunt. Neque tamen dicta voracitas & liberalior ciborum ingestio ita frequenter (licet id haud raro contigerit) podagræ viam stravit, ac vesana & immoderatio vini compotatio; unde fermenta coctionibus variis dicata penitus prosternuntur, præcipitantur ipsæ coctiones, & spiritus naturales ab halituum adventitiorum copia subjugantur, dispergunturque. Jam vero cum uno eodemque tempore & spirituum (qui coctionis instrumenta sunt) vigor imminuatur, atque insuper ingens humorum colluvies sanguinem opprimat, omnino necesse est, ut singulæ coctiones haud rite peragantur, dum ita obruuntur singula viscera, unde spiritus jandiu fatiscantes nunc etiam suffocantur. Nam si a sola spirituum debilitate penderet hic morbus, infantes, fœminas, atque eos, quos ægrotudo diuturnior maceravit, pariter invaderet: cum fere virosissimos quosque adoriatur, & robustissimis naturæ principiis præditos; quos tamen non aggreditur, donec caloris & spirituum naturalium defectum sive declinationem, humorum quoque congestio excipiat, a quibus simul junctis concoctiones vitiatæ pervertuntur.

Porro ut causarum, quas enumeravimus, singulæ indigestionem promoverant, ita earum pleræque laxitati habitus & musculorum corporis procurandæ

nonnihil contulerant, unde porta crudis indigestis, quæ humoribus intromittendis panditur, quoties isti ad exteriora protruduntur. Quoties enim in sanguine diutius stabulantes tam mole, quam prava diathesi inacti fuerint, tandem calorem putrescentem acquirunt; & cum non amplius a natura regi possint, prorumpunt in speciem, & in articulos depluunt, calore atque acredine dolores exquisitissimos in ligamentis membranisque ossa contegentibus excitantes; quæ vel a senio, vel luxu atque intemperantia labefactata laxataque facile humoribus impetum facientibus locum concedunt. Hic vero humorum podagram generantium prolapsus, qui paroxysmum constituit, serius ocysusve contingit, prout anfractu hujusmodi humoribus in motum ciendis data fuerit.

Jam vero *curationem* quod spectat; (ut prime quæ sunt omittenda subinnuam) licet, si humores respiciamus atque indigestionem, unde isti trahunt originem, prima fronte videri possit indicationes curativas in primis ad humores jam factos evacuandos, dein ad coctiones roborandas, (unde aliorum humorum succrescentium aggestio possit præcaveri) collimare debere, quandoquidem hæc sunt indicationes magis generales, quibus in plerisque aliis morbis humoralibus satisfaciendum est: in podagra nihilominus naturæ quasi prærogativa est materiam peccantem suo modo exterminare, & in articulos deponere, per insensibilem transpirationem distandam. Nanque haud plures tribus proponuntur modi, quibus causam podagræ continentem ejicere valeamus, venæ sectio scilicet catharsis, ac diaphoresis per sudorem: nulla vero ex his methodus scopum attinget unquam.

Imprimis venæ sectio, quantumvis magna pollicetur tum in humoribus, qui in procinctu stant, & quasi descensum mediantes, tum in istis, qui jam articulos obsederunt, evacuandis; manifesto tamen pugnat cum indicatione illa, quam causa antecedens, quæ est indigestio a spirituum (quos sanguinis detractio magis imminuit opprimitque) depravatione ac defectu orta, sibi vendicat. Non est itaque adhibenda phlebotomia, vel ad præcavendum paroxysmum, qui timetur, vel ad istum, qui jam adest, mitigandum, in iis nempe, qui ætate jam sunt provectiores. Quamvis enim qui educitur sanguis pleuritico & rheumatismo laborantium sanguinem ut plurimum referat; attamen venæ sectio haud minus insigniter in hoc morbo officere ægro, quam in duobus prædictis prodesse cernitur. Etenim si sanguis in intermissione, quantumlibet diu post paroxysmum, fuerit extractus, periculum est, ne a sanguinis & humorum agitatione novus succrescat paroxysmus, qui & priore diuturnior futurus est, & symptomatibus enormibus stipandus, sanguinis robore, & vigore, quibus adjutoribus morbi fomitem strenue ac constanter excutere debuerat, exinde re-tusis. Atque hoc incommodi toties etiam accersitur, quoties ineunte paroxysmo vena pertunditur. Si mox a paroxysmo feriat vena, ingens periculum est, ne natura, dum sanguis adhuc languidior est, & nondum pristinas vires a morbo succisas reintegraverit, ejusmodi vulnere importune inflicto usque adeo infirmetur & succumbat, ut hydropi aditus aperiatur. Veruntamen si æger adhuc juvenis fuerit, & ab immodica potatione excalefactus, sanguis initio paroxysmi potest detrahi; sin autem in paroxysmis subsequenter phlebotomia jugiter utatur, podagra quam citissime etiam in juvenibus inveterascet, & intra paucos annos latius imperium seu potius tyrannidem propagabit, quam alias in multis extendere valuisset.

Deinde, catharsin quod attinet, sive *αἷμα* sive *κρέτα* animadvertendum est, quod cum naturæ lex sit inviolabilis, atque ipsi hujusce morbi essentia intertexta innexaque, morbi fomitem semper in articulos rejici debere; nihil prorsus aliud præstabit remedia sive emetica, sive cathartica proprie dicta, nisi ut materia peccans, quam natura in corporis extremitates protruserat, in sanguinis massam denuo revocetur; unde accidit, ut quæ in articulos eliminari debuerat, in aliquod e visceribus forte irruat, atque

ita æger, qui in nullo prius discrimine versabatur, jam de vita periclitetur. Quod iis fatale esse haud raro observatur, qui medicamentis purgantibus vel ad podagram præcavendam, vel (quod adhuc pejus est) ad leniendum paroxysmum assueverant. Etenim cum natura a methodo sibi familiari exturbata fuerit qua, utpote securissima optimaque, materiam morificam in articulos ablegat, dum humores intro versus intestina sollicitentur, loco doloris in juncturis, quem vel nullum habent, vel certe perexiguum, ventriculi agitudine, alvi torminibus, lipothymia, & longo anomalorum symptomatum agmine miseri quasi enecantur.

Ego certe persuasissimus sum, a jugi & sæpe iterata experientia edoctus, catharsin omnem tam per lenientia, quam per fortiora medicamenta, qualia pro more articulis expurgandis destinantur, plurimum nocere; siue in paroxysmo ad minuendam materiam peccantem, siue in fine ad dissipandas morbi reliquias, siue in perfecta intermissione, & recta valetudine, ut venturo paroxysmo occurratur, purgatio in usum revocetur. Etenim tam mei ipsius, quam aliorum periculo compertissimum habeo, catharsin quovis horum temporum administratam, ita parum votis respondisse, ut malum, quod debuerat averruncare atque avertere, accerferet. Primum itaque purgatio sæviente adhuc paroxysmo adhibita, naturæ, in materia morbifica separanda & in articulos depnenda occupatæ, negotium facessens, magnam spirituum *ἀταξία* nonnunquam excitavit; unde non tantum paroxysmus magis invalescebat, sed & æger in vitæ discrimen haud obscure conjiciebatur. Deinde cathartica in fine paroxysmi usurpata, cum morbi reliquias amoliri debuerint, id tantum egere, ut recens paroxysmus de novo suppullularet, haud mitior priori isto; atque ita æger spe falsa lætatus ea sibi fabricat mala, quæ non fuerit perpeffus, nisi humores denuo in rabiem agerentur. Quod genus incommodi ipsemet plus semel expertus sum; artis medicæ opem præpostere implorans ad exturbandas, ut mihi videbatur, reliquias morbi. Postremo quod purgationem attinet, certis intervallis & integra sanitate repetendam, ut paroxysmo eatur obviam atque ei aditus præcludatur; etsi, quod est fatendum, non ita præfens periculum est, ne nova accessio invitetur, atque fuit in casu jam dicto, cum æger nondum *ἔξω βέλος* omnino fuerit; tamen etiam hoc tempore paroxysmum parit, idque ob causas supra memoratas, quo malo si forte ægrum non statim multaverit, nullatenus tamen eum a morbo liberat, quantumlibet constanter, & debitis intervallis cathartica hæc illave assumpserit. Quinimo nonnullos novi huic morbo obnoxios, qui catharsi non solum Vere, & Autumno, sed & singulis mensibus, immo & septimanis continuis, celebrata, sanitati litabant, neque tamen horum quisquam podagram effugit: quæ exhinc crudelius plerunque, & immanioribus symptomatibus eos impetebat, quam si ab omni medicatione sibi temperassent. Licet enim jam dicta purgatio causæ continens partem aliquam possit educere, cum tamen concoctioni roborandæ (a quo tantum abest, ut potius eam debilitet) recenti vulnere naturam subruens ac dejiciens, ne hilum conferat, uni tantummodo causæ opponitur, & morbi curationi impares prorsus habet vires.

Ad hæc annotandum est, ab eodem illo spirituum defectu, quo coctiones in iis vitiantur, qui podagra solent laborare, eorundem spirituum animalium *αἷσαν* minus firmam vegetamque reddi, unde mox dejicitur & inturbatur a quavis causa, quæ vel animi vel corpus paulo violentius concutit exagitatque; ac proinde jam fugax ac dissipabilis est admodum, prout iis, qui affectioni vel hypochondriacæ, vel hysteriæ obnoxii vivunt, sæpe accidit. A qua etiam spirituum ad *ἀταξία* propensione fit, ut podagra, vel levissimam quamlibet evacuationem ferre subsequatur. Dissoluto enim corporis tono, quem spirituum firmitas, dum in vigore suo persistunt, rite compactum vegetumque servat, materia peccans quasi disruptis repagulis jam sui juris est, atque ab hac plaga corpori inflicta paroxysmus statim exoritur.

Sydenham opera Medica.

At vero hæc ipsa methodus utut perniciofa ac nocens, nihilominus Empiricis quibusdam, qui catharticum quo utebantur medicamentum astute omnes celarunt, haud mediocrem existimationem conciliavit. Observandum est enim, quod purgatione currente, æger vel non omnino vel remisse admodum dolet; & si catharsis ad plures dies produci queat, nullo superveniente paroxysmo recenti, æger confestim ab eo, quo jam tenetur, convalescet: verum enimvero pœnas imposterum pender dirissimas ab *ἀταξία* in quam dicta humorum exagitatio naturam præcipitem egit.

Denique materiæ peccantis per sudores evacuatio, licet prædictis evacuationibus minus officiat, liquido tamen officere cernitur. Quamvis enim morbi fomitem non retrahat in viscera, sed e contra in corporis habitum propellat, attamen his saltem nominibus obest. Primo quidem, quod extra paroxysmum humores adhuc crudos, & nondum ita subactos, ut rite separari debeant, quasi vi quadam protrudit in artus, atque eo pacto cunctantem paroxysmum ante diem, & vel invita natura sollicitat. Deinde quod sudoris provocatio in ipso paroxysmo materiam morificam nimis violenter in affectum membrum impingat adigatque, dolorem simul adducens haud tolerandum, & si major sit materiæ peccantis copia, quam ut pars affecta eam queat admittere, illam mox in artus alios deturbat, unde orgasmus interea, atque ingens tam sanguinis quam cæterorum humorum ebullitio siue exæstuat; si vero corpus colluvie serosa podagræ generandæ apta admodum scaeat, metuendum est, ne apoplexia ingruat. Quamobrem in hoc affectu, perinde ac in cæteris omnibus, in quibus sudores artis ope sollicitantur ad eliminandam materiam morificam, non vero naturæ ductu profluunt, periculosissimum est eodem nimis violenter atque ultra eum coctionis gradum, ad quem humores evacuandi sua sponte pervenerint, elicere. Et celeberrimus iste Hippocratis Aphorismus, *Cocta, non cruda sunt medicanda*, tam in sudoribus provocandis, quam in subducenda alvo locum habet. Quod quidem liquido constat ex sudore illo, quo paroxysmus febrium intermittentium claudi solet, qui, si modicus fuerit, & materiæ febrilis a præcedente paroxysmo concoctæ quantitati apte respondens, ægum insigniter juvat levatque; si vero ultra naturæ modum sudatio promoveatur, ex eo quod æger lectulo jugiter affigatur, jam febris continua subnascitur, & recens focus succenditur, cum iste qui prius efflagrabat, fuerat extinguendus. Pari ratione in podagra etiam lenis ille mador, qui ut plurimum mane sua sponte oritur post minorum paroxysmorum, e quibus majorem paroxysmum constare docui, singulos, tam dolorem, quam inquietudinem quibuscum æger tota nocte conflictabatur, mitigat; e contra vero, si quando levis hicce mador, & suapte natura fugax, diutius & vehementius proritetur, quam fert proportio materiæ peccantis jam ab ultimo paroxysmo concoctæ, morbus inde exacerbatur. Tam itaque in hoc, quam in aliis morbis quibuscumque, quos mihi videre contigit, dempta sola peste, sudores prolicere non tam Medici, quam naturæ provincia est: cum nullo modo assequi possimus, quanta materiæ pars ejusmodi separationi obeundæ jamjam est parata, nec per consequens, quem in provocando sudore modum tenere debeamus.

Ex jam dictis cum satis liqueat, non solum podagræ curationem a medicamentis evacuantibus incassum peri, sed & eadem *ποδᾶγρῶν* noxam adferre, restat ut exquiramus, ad quem alium scopum curativæ indicationes sunt dirigendæ. Ego quidem ex accurata *παυροδία* prædictorum omnium pensatione, & diligenti examine colligo, duabus potissimum causis in hujusce morbi curatione obviam iri debere. Prima est causa antecedens, siue humorum indigestio a caloris, & spirituum naturalium defectu orta. Altera est causa continens, siue eorundem humorum calor, & exæstuat, ubi jam tum putredinem, tum etiam acredinem nacti sunt a mora in corpore, quam oportuerat, diuturniore, quæ mora ab inconcoctione supra memorata pendet. Hæc causæ ita toto cælo, quod ajunt, a se invicem discre-

pant, ut, quæ huic profunt remedia, alteri obstant; unde hic affectus ita curatu perdifficilis est. Etenim dum medicamentis calefacientibus indigestionem vincere satagimus, periculum est, ne ex altera parte humorum calor intendatur: atque e diverso, dum sive diæta, sive remediis refrigerantibus calorem, & acridinem humorum committigare volumus, *apex* accersimus, labefacto scilicet calore naturali. (At vero hic causam continentem non eam tantum intelligo, quæ jam actu articulos obsidens paroxysmum format, sed eam insuper, quæ adhuc in sanguine delitescens separationi hætenus est inepta. Perraro enim materia morbifica omnis a paroxysmo quantumlibet diuturno, & crudeli, ita plene egeritur, ut nullæ prorsus in corpore reliquæ sint, eodem jam elapso. Ac proinde utriusque hujus causæ tam extra paroxysmum, quam eo vigente ratio habenda est. Quandoquidem vero materiæ continentis eliminatio naturæ omnino opus est, sua ipsius methodo peragendum; cumque nihil interea temporis, ad humores calidos acresque leniendos, absque damno digestionibus illato, possit tentari, nisi ut exulent ac evitentur victus medicamentaque calidiora, a quibus inflammantur humores: maxima certe & præcipua curandi intentio in eo verti debet, ut coctioni, indigestionibus sublatis, consulatur, de qua jam agam: ita tamen ut in Dissertationis serie ea etiam attingam remedia, prout ansa data fuerit, quæ ad leniendum humorum calorem, & acridinem retundendam facere possint.

Quæcunque igitur naturæ opem ferunt in muneribus suis rite fungendis, sive ventriculum confortando ut alimenta recte coquat, sive sanguinem ad debitam chyli in illum injecti assimilationem, sive partes solidas corroborando, quo melius succos earundem nutritioni atque augmento destinatos in propriam substantiam convertant, quæcunque denique varia excretionis organa atque emunctoria corporis in eo statu conservant, ut singularum partium recrementa debito tempore atque ordine valeant emendare; hæc & hujusmodi omnia huic intentioni adimplendæ conferunt ac proprie *Digestiva* appellantur, sive pharmaca ea fuerint, sive ratio victus, sive exercitatio, sive alia ex istis quælibet, quæ *sex res non naturales* indigitantur.

Hujusmodi medicamenta sunt in genere, quæ moderate excalefaciunt, & vel amarificant, vel linguam leniter feriunt, utpote quæ ventriculo sunt pergrata, sanguini medentur, & cæteras partes fovant confortantque, qualia sunt, verbi gratia, radices angelicæ, enulæ, folia absinthii, centaurii minoris, chamædryos, chamæpityos, &c. Addi possunt etiam antiscorbutica vulgo dicta, ut radices raphani rusticani, folia cochleariæ hortensis, nasturtii aquatici, &c. Cum autem herbæ istæ acres ac pungentes, utut stomacho arrideant atque eidem conferant in coctione juvanda, morbi tamen fomiti jandiu formato aculeos subdant, & augeant calorem, parcius usurpandæ veniunt, præ aliis istis quæ miti calore atque amaritudine, & ventriculum corroborant, & sanguinis massam vegetiorem reddunt ac magis vitalem.

Eorum species aliquot affabre permixtæ humoribus concoquendis rectius, ut mihi videtur, quam simplex quodlibet ex eorum tribu desumptum ministrant. Quamlibet enim quoties specifica medicamenti cujuslibet virtute opus est nobis, regula tenet, *Quo simplicius* eo melius; tamen cum id habemus propositi, ut huic illive indicationi satisfaciendo ægrum sanemus, singula ingredientia symbolum pro morbo curando quasi conferunt, atque in hoc casu, quanto major est simplicium numerus, tanto potentius medicamentum operabitur. E prædictis itaque, & reliqua ejusdem farinae materia medica, variæ remedium formulæ ad hunc scopum tendentes concinnari possunt. Ego formam electuarii ad exemplum Theriacæ Andromachi cæteris præfero, ceu viribus præstantissimam, eo quod mutua simplicium confermentatio omnium virtutem adaugeat, quasi *aliquid Tertium* progignens; quod in ita conjunctis majorum est virium in pari quantitate, quam in eorum quolibet. Verum tam delectum ejusmodi ingredientium, quam formulas, quibus exhibenda sunt prudenti Medico lubens relinquo; cum nunquam mei officii esse duxerim Receptulas, ut vocant,

conscribere, at potius veras indicationes notare, ad quas curationes sunt dirigendæ: Quod cum minus observetur, exhinc, ut alibi dixi, Empiricis ansa data est, ut se artis medicæ Principes jactent.

Veruntamen Tyronum gratia, remedium, quo ego uti soleo, in medium proferam, quod ad hunc modum componitur. *℞. Rad. Angelic. Calam. Arom. Imperator. Enul. campan. Fol. Absinth. vulg. Centaur. min. Marrub. alb. Chamædr. Chamæpyt. Scord. Calaminth. vulgar. Parthen. Saxifrag. pratens. Hyperic. Virg. aur. Serpil. Mentha, Salvia, Ruta, Card. Ben. Puleg. Abrotan. Flor. Chamem. Tanacet. Lil. Conval. Croci Anglican. Sem. Thlaspi. Cochlear. hortens. Carui Bacc. Junip. singulorum quantitatem sufficientem. Legantur singula Herba, Flores, & Radices quo tempore viribus pollent maximis. Siccantur ac in Papyraceis sacculis asserventur, dum in pulverem tenuissimum redigantur. Singulorum Unciæ sex simul probe mixtæ excipiantur s. q. mellis opt. despumati, & Vini Canarini, & in Electuarium debitæ consistentiæ conficiantur s. a. Sumat Drachmas duas mane & sero, vel hujus defectu, sequenti utatur. *℞. Conf. Cochlear. hortens. ʒi. Absinth. Roman. & Flavæd. Aurantior. an. ʒss. Angelic. condit. Nuc. Moscat. condit. an. ʒss. Theriac. Androm. ʒiij. Pulv. Ari comp. ʒij. cum s. q. Syrupi Aurantiorum fiat Electuarium. Capiat Drachmas duas bis in die, superblando sequent. Aquæ cochlear. v. vel vj. *℞. Rad. Raphan. rust. incis. ʒiij. Cochlear. hortens. manip. xij. Nasturt. aquatic. Becabung. Salv. Menth. ana manip. iv. Coriæ. Aurantior. no. vj. Nuc. Moschat. contus. no. ij. Cerevisia Brunsvic. ℥xij. Destillantur organis communibus, donec solummodo libra sex Aquæ eliciantur pro usu.***

E medicamentis vulgo cognitis Theriaca Andromachi concoctionibus roborandis præ cæteris confert; cum tamen plures in se species contineat, quæ plus satis calefaciunt, atque insuper oppio abundet, Electuarium supra dictum commodius parari potest e vegetabilibus præcipuis excalefacientibus, & corroborantibus. Curandum est interim ut ea simplicia eligantur, quæ ad ægri gustum magis faciant, cum enim diu admodum, scilicet ad omnem fere ætatem, in ejus usu perseverandum sit, omnino convenit, ut palato minus sit ingratum. Inter simplicia Cortex Peruvianus primas obtinet, cum sanguinem corroboret vegetumque reddat, ejus grana aliquot mane, & sero assumantur.

Et sane uti in hoc affectu, de quo jam agimus, ita & in aliis chronicis plerisque, hæc & huic similia remedia quæ sanguinem corroborant, vegetumque reddunt (si modo eorundem calor, propter causas postea adferendas, in spiritibus vinosis non consistat) præ cæteris juvant; quando quidem singuli hujus generis morbi ad unam eandemque causam universalem, humorum scilicet *Indigestionem*, si recte conjicio, referri debeant.

Nihil est autem, ex quo hoc certius evinci poterit ac probari, quam si ob oculos ponamus differentiam, quæ inter morbos, *Acutos & Chronicos* intercedit; quam ob causam æquus Lector boni consulat, si paulisper ab eo, quod jam præ manibus est, negotio digrediar. Prout itaque morbi *Acuti* ii fere habentur, qui cito vel perimunt, vel ad concoctionem perducuntur; ita *Chronici* appellantur isti, qui vel non omnino, vel tarde admodum, & longa temporis mora ad eandem concoctionem pertingunt. Atque hoc quidem tam ipsa rei natura, quam verba quibus illa exprimitur, aperte loquuntur; at vero causa hujus differentiæ, quæ inter hæc duo morborum genera deprehenditur, altius latet, haud ita facile eruenda: cujus indagationi si aliquantisper immoremur, operæ, ut puto, vix nos pænitebit, cum harum rerum notitia clara ac distincta, ad inveniendas veras indicationes horum morborum curationi aecommodas, magnum momentum adferre queat.

Sive interiora terræ viscera, si ita loqui fas est, varias subeant mutationes, unde a vaporum inde exhalantium interventu aer inquinetur, quod mihi maxime probatur: sive inficiatur atmosphæra omnis, ab alteratione quam eidem inducit peculiaris aliqua corporum cælestium quorumlibet conjunctio: res ita se habet, ut ad hoc illudve tempus aer particulis

riculis referciatur, quæ humani corporis œconomia adversentur; uti etiam alio tempore istiusmodi particulis imprægnatur, quæ cum corporibus speciei alijus brutorum minus conveniunt. His jam temporibus, quoties nos hujusmodi noxia, & naturæ inimica *μείγματα* in nudum sanguinem inspiratione atrahimus, & in illos morbos epidemicos incidimus, quos illa parere apta nata sunt, natura *Febrim* accersit, solemnem nempe sibi machinam ad sanguinem a materia aliqua hostili, & contraria intus stabulante vindicandum. Et tales morbi *Epidemici* vulgo audiunt, & ideo acuti sunt & breves, quia motum habent ita celerem & violentum. At vero præter hos morbos a causa externa excitatos, sunt & alii perinde acuti, ab hac vel illa peculiari sanguinis inflammatione nati, quæ non a causa aliqua generaliori ab aere pendente, sed a particulari particularium corporum anomalia vel intemperie producuntur. Quod quidem febrium genus ego *Intercurrens*, & sporadicum idcirco vocito, quod annis fere quibuslibet occurrant.

At vero morbi *Chronici* genium habent longe ab his diversum; quamvis enim aer minus salubris hujus vel illius generis ad hos morbos generandos multum conferat; non tamen aeri ita immediate originem debent suam, sed ut plurimum communi omnium horum patenti, humorum sc. *Indigestioni*. Ubi enim quis naturæ principia jam habuerit infirmata ac protrita, sive a senectâ, sive a magnis & continuis circa *Sex res non naturales* erroribus, præcipue in cibo potuque, vel si organa secretoria eo usque fuerint debilitata, ut jam functionibus suis ad defæcandum sanguinem, & ejus superfluitates eliminandas destinatis, prorsus fuerint imparia: his in casibus uberiori humorum proventu jam coagmentato, quam cui digerendo hominis vires sufficiant, dicti humores mora diuturniore varias fermentationes ac putrefactiones patiuntur, tandemque in *speciem* erumpunt, & varias morborum species edunt pro depravationum varietate. Et prout hi succi depravati variant habent indolem, ita varie in hanc illamve partem delabuntur, quæ eisdem excipiendis aptissima est; atque ibi sensim longam illam symptomatum seriem explicant, quæ partim a talium succorum natura, partim ab *αταξία* istis partibus illata, solent exoriri: quæ duo simul juncta istam naturæ *ἀνομαλίαν* constituunt, quæ morbi alicujus nomine insignitur.

Jam quod ejusmodi impotentia naturæ ad coquendos humores plerorumque morborum chronicorum causa sit præcipua, facile liquebit, si animadvertamus senes, quorum coctiones sunt læsæ, & spiritus, earum instrumenta, absumpti a repetitis vitæ longioris functionibus, hisce affectibus magis esse obnoxios, quam sunt juniores, quorum vitæ flamma magis accensa recrementa ista coacervata dissipat, & quorum organa secretoria jugi isto caloris naturalis subsidio instruuntur, ut functionibus in totius sanguinis massa depuranda peragendis neutiquam deficiant, nisi insuper premantur, & quasi suffocentur a nimia humorum copia. Adhæc talem humorum indigestionem plurimum morborum chronicorum causam esse ex eo constat, quod hyems ad istiusmodi morbos gignendos longe magis faciat quam æstas. Licet nonnulli ex his morbis non actu exerantur, nisi sub brumæ exitum; attamen iste humorum proventus, a quo illi pendent, per omnem hyemis decursum succrescens, auctior factus est ab ejus tempestatis frigore, & effæro languore naturam debilitante, quo minus valeat in administranda corporis œconomia. Unde fit, ut qui in æstate satis bene habeant, raro tamen hyeme eos morbos effugiant, ad quos magis sunt proclives, *Podagram*, verbi gratia, *Asthma*, *Tusses* &c. Atque hinc etiam ratio deducenda est, quare peregrinatio in regiones magis australes ita efficaciter eos morbos expugnet, quorum curatio in frigidioribus incassum tentabatur. Eorum, quæ de generali morborum chronicorum causa jam dixi, veritas magis adhuc patebit ab ingenti, & quasi stupendo ac incredibili emolumento, quod ii qui morbis chronicis plerisque, præcipue vero *Phthisi*, laborant, ab equitatione percipiunt, quod genus exercitii digestiones singulas invigorat firmatque, dum a continua corporis succussione calor na-

turalis reaccenditur, & organa secretioni destinata in munere depurandi sanguinis rite fungendo promoven- tur: unde necesse est, ut sequatur digestionum deperditarum quasi renovatio quædam, & e consequenti totius corporis crasis optima.

Quo circa e rationibus jam allegatis satis elucescit, quod non in podagra tantum, sed & in aliis quoque chronicis morbis, ubi nullum symptoma manifestum contra indicat. *Herbas* ejusmodi *excalefacientes* magnum omnino commodum adferre, cum sanguini æstatis calorem vel media hyeme concilient: quamvis si æstivo tempore earum usui assuescamus, melius præcavebunt mala ista, quæ adversa tempestas solet apportare. Et profecto si ad hyemis usque ap- pulsum deferantur, quo tempore ingens humorum saburra accumulatur, periculum est ne fero nimis ad hoc asylum confugiamus, & quod dici solet, *Μετὰ πόλεμον συμμαχία*. Quamvis autem, ut supra fusius disserui, podagra id sibi habeat peculiare, ut non tantum non juvetur, sed & lædatur a catharticis; tamen in aliis chronicis plerisque, & venæ sectio quoties opus fuerit repetita, & purgatio ante sunt imperanda, quam remediis corroborantibus & digestivis hic a me laudatis opera danda est: ubi vero se æger his addixerit, in iis perseverandum est, nullis intercalatis evacuationibus. Etenim hoc est firmiter retinendum, quod quoties cujusunque morbi curatio remediis corroborantibus innititur, evacuationes, qualescunque eæ fuerint, officiant prorsus. Denique non is sum, qui asseram, medicamenta digestiva jam memorata cæteris quibuscunque præstare: at vero dico eum, qui remedium ad hanc intentionem satisfaciendam potentissimum invenire potuerit, longe majora in sanandis morbis chronicis præstare posse, quam ipse se posse existimaverit.

Istud vero iis omnibus quæ de podagra sananda dicturus sum, præmittendum est, maximopere præ cæteris observandum, nempe quod *Digestiva* remedia quæcunque, sive medicamentorum apparatu, sive diætâ, sive exercitatione ea constant, haud ob- hibita diligentia assidue usurpanda. Cum enim in hoc morbo, uti etiam in chronicorum quamplurimis causa ejus in habitum, & novam quasi naturam transiverit, nemo sanus existimaverit leviculam aliquam ac momentaneam alterationem sanguini atque humoribus a quolibet sive remedii sive victus genere superinductam, curationis scopum posse attingere; at vero corporis habitus omnis alio traducendus est, atque homo integer deinceps quasi nova incude refin- gendus. Neque enim hic ita se res habet atque in morbo acuto aliquo, ubi is qui modo athleticæ ac pancratice valebat, derepente febre correptus, ab optimo sanitatis statu in morbum periculosissimum, quasi rupto ponte, præceps ruit. Podagræ dispar ad- modum ratio: ubi quis per multos annos continuos comestationibus, computationibusque intemperantius indulgendo, solita exercitia intermittendo, desidiam atque pigritiam intabescendo, vel etiam nimio studio atque irremissa animi intentione, aliisque vitæ erroribus, id egit tandem quasi dedita opera, ut varia cor- poris fermenta pervertantur, atque opprimantur spi- ritus animales (qui coctionis instrumenta sunt prima- ria;) unde humores præter naturales coacervati crum- punt tandem, cum jam ad summum gradum exaltati fuerint, ac stragem edunt; carnibus denique emollitis & effœminatis articulis, unde humores illabentes prom- ptius excipiunt. Atque ita demum alia quasi natura sensim superinducitur, pristina & naturali corporis œconomia eversa funditus & deleta. Cum isti paro- xyismi, qui hominum incautorum ac minus perspicacium oculos animosque soli fere perstringunt, & oc- cupant, nihil prorsus aliud sint quam series & ordo symptomatum ab illa methodo pendentium, qua uti so- let natura in materia morbum committente foras pel- lenda. Quamobrem operam laudabit quisquis hoc illove sive medicamento, sive etiam regimine subinde in usum revocato, hunc morbum protelare satagit. Cum vero hic habitus tum in digestionum omnium labefactatio- ne, tum & in amissione firmitudinis naturalis par- tim singulatum præcipue fundetur ac constet, utriusque malo occurrendum est; & tam coctionum robur,

quam firmitudo partium pedetentim reduci debet ac restaurari, pro modulo sc. pristina ac consuetæ corporis œconomia. Quantumlibet vero istud plene perfecteque fieri non posse videatur, non eo solum nomine, quod habitus quicumque non nisi ægerrime in sibi contrarios transmutantur, sed etiam quod ætas senilis, quæ huic morbo ut plurimum comes est & socia, vehementer refragatur; tamen quantum vires annique sinent, tentanda est curatio, & prout æger propius ad hanc metam accedet, vel recedet longius, podagræ tyrannidem magis minusve effugiet.

Atque porro animadvertendum est, quod remedia *remedia* vel digestiva, sive partem medicam ea spectant, sive diæticam, in paroxysmorum præcipue intervallis in usum revocanda sunt; idque quam longissime fieri potest a paroxysmo infecuturo. Neque enim sine magna temporis mora, & pertinaci remedium usu concoctionum omnium corroboratio, fermentorum corporis jam imminutorum restauratio tantaque firmitas, quantum expetunt tum sanguis, tum viscera, senio adversante possunt acquiri.

Quantumlibet vero prosint hæc aliæque ejusmodi remedia, attamen hisce solis hæc corroborandi intentio satisfieri nequit; sed & earum etiam rerum habenda est ratio, quæ ad artem proprie medicam non spectant. Et certissime voto frustrabitur is, qui in hoc aliove morbo chronico omnem curationem medicamentis solis absolvi posse autumat. Primum itaque ea in *Cibo Potuque* mediocritas est observanda, ut neque plus alimenti ingeratur, quam ventriculus concoquere valeat, ac proinde morbo fomes subministratur: neque e contra, nimia abstinentia partes ea proportionem defraudentur, qua earundem robur & vigor debuerat sustineri, unde etiam magis debilitentur; quorum utrumque ex æquo nocet, prout tam in me ipso, quam in aliis haud semel expertus sum. Adhæc, ciborum qualitatem quod spectat, licet *Εἴπεθα* per se considerata *δυσπέψις* præferenda sint, attamen ægri palato est consulendum: quandoquidem observandum est, quod sæpenumero id quod ventriculus vehementer appetit, licet difficilius coquatur, citius tamen a natura vincitur, quam quod facilius concoctionis habetur, si ventriculo nauseam creet: at vero quæ *δυσπέψις* habentur, idcirco parcius sunt comedenda. Unica etiam ciborum specie singulis partibus vescendum arbitror, cum varia carniū genera simul ingesta plus ventriculo molestiæ faciliunt quam unicum, quod omnia ista quantitate exæquat. De cæteris, dempta carne, pro libitu comedat, modo nec acria, nec sale condita sint, nec aromatis; quæ licet coctionem non lædant, nocent tamen quatenus morbi fomitem exagitant.

Tempora quod attinet, prandere tantum expedit, cum enim lectus humoritus digerendis proprie dicitur, id temporis in cibis concoquendis non est infumendum. Non cœnent itaque, qui podagræ sunt obnoxii; haustum tamen cerevisiæ alicujus tenuioris liberaliorem sibi indulgeant; quandoquidem etiam renum calculo generando proclives fere sint tales; cuius concretio a liquore ejusmodi hoc tempore hausto multum impeditur, refrigeratis scil. ab eo renibus prolutisque.

Γαλακτοποσία, seu dieta e solo lacte sive crudo, sive cocto, exulantibus cæteris omnibus, nisi quod panis aliquid semel forte in die adjiciatur, ab annis retro viginti obtinuit. Profuit hæc quamplurimis præ cæteris hujusce morbi præsidis, quandiu ne latum unguem ab ea discesserint. Quamprimum vero ad sanorum diætā, utut lenem mitemque, sese receperit, qui huic insueverat, podagra confestim reversa ægrum pejus longe quam antehac vexavit: labefactis enim hac methodo naturæ principiis, æger jam morbo pellendo magis impar redditur, unde & periculosius infestatur, & diuturnius. Qui igitur huic se methodo tradere cogitat, primum serio secum perpendat, num valeat per omnem vitam in eadem persistere: quod tamen fortassis penes eum non erit, utut propositi tenax fuerit. Novi enim nobilem quandam, qui postquam per annum integrum solo lacte victitaverat, non tantum sine offensione, sed & cum summa voluptate; (quo tempore quotidie semel aut pluries deiecerat) sistente derepente alvo, ac mutata

corporis temperie, manente vero adhuc animi proensione, & ventriculo tandem ad lac nauseante, abstinere coactus est. Nonnulli vero hypochondriaci, crasso corporis habitu, vel qui alias liquoribus spirituosius diu multumque assuevere, lactis usum nullatenus ferre possunt. Interea emolumentum illud per breve ac fugax, quod ex hac diætā percipiunt illi, quibus cum lacte convenit, hinc oritur, videlicet quod non tantum diætā sit simplicissima (unde nullus dubito quin jusculum avenaceum, modo ventriculus illud ferat, idem præstare possit) sed etiam sanguinem dulciorem mitioremque reddat, particulas in eo aciores contemperando: atque insuper, quod ego palmarium judico, cum lac alimenti genus sit adultis prorsus impar, istam humorum turgescientiam sive virositatem reprimit, cui podagræ ortum debet, eo nomine paucos istos quibus congruit, tandiu a podagra immunes præstat, quandiu eo solo vescuntur, nec juvat ulterius. Cum enim podagræ causæ originali ac primariæ nempe concoctionum ac fermentorum debilitati omnino contrarietur, longe magis hac ratione obest, quam altera prodest. Quod cum minus perspectum fuerit, nonnulli incautiores in errores permagnos, & plane exitiales inciderunt; dum morbi causæ continenti, humorum sc. calori & acredini, obviam ire satagentes, concoctiones pessunderunt, & functiones naturales prostraverunt omnes.

Liquores quod spectat, ii, me judice, optimi sunt, qui neque ad vini generositatem ascendunt, nec ad aquæ debilitatem deprimuntur, cujusmodi sunt cerevisia tenuis *Londinensis*, sive lupulata, sive non lupulata; cum extrema ab utraque parte noceant. Primum de vino, licet proverbio jactetur: Vinum potans podagra laborabis, & vinum non potans laborabis podagra; extra controversiam tamen est, & variis *ποδαγραίωντων* experimentis confirmatissimum, *Vinum* de facto officere. Licet enim prodesse credatur juvandis coctionibus, quarum vitia causam podagræ antecedentem jandudum statui; ratione tamen causæ continentis omnino obesse censendum est, humores sc. fomitem morbi, jam in procinctu stantes accendendo exagitandoque. Sed neque damus, vinum pro potu ordinario usurpatum coctiones promovere, at potius subvertere dicimus, nisi in diu vino assuetis. Quamvis enim calorem aliqualem in transitu imperiat, certissimum est tamen, fermenta corporis ab eo subjugari, & avocari spiritus naturales atque fugari: unde est, si bene conjicio, quod bibaces atque potatores isti male feriant, *Podagra*, *Paralyti*, *Hydrope* aliisque morbis frigidis fere perimuntur. Adde, quod jugis & immodica vini ingurgitatio corpus ad instar corporum scæminarum emollit laxatque; cum liquores temperati partium omnium tonum roborent ac firment; unde qui liquoribus tenuioribus semper assuevere, podagram fere nesciunt. Notandum est insuper, quod huic morbo maxime obnoxii viri sunt, qui licet imminutam habeant concoctionem naturalem, tamen ex quadam sanguinis luxuria plus satis nutriuntur & incrementum sumunt ex materia quadam indigesta loco substantiæ sanioris & rite compactæ. Hanc sanguinis luxuriam *Οἶνοποσία* adauget magis, ac proinde tum novam materiæ saburram accumulatur, tum etiam fomitem jandiu repositum quasi subdita face actu in morbum provocat. Huic accedat strui, quod cum podagricorum sanguis isti qui e pleuritico, aliorumque morbis inflammatoriis laborantium pertusis venis extrahitur, persimilis sit, insaniorum esset sanguinem jam *ὀφθαλμοσ* ulterius spirituosius liquoribus, ceu ignem oleo, proritare. Neque tutius ex adverso liquores nimium refrigerantes in usum revocantur, cum hi concoctiones prorsus dejiciendo, & extinguendo calorem naturalem, majorem adhuc noxam inferant; non dolorem scil. ut vinum, sed ipsam adeo mortem: prout experientia docet in iis, qui ad senium usque vino liberalius indulgentes, aquam aut tenuiores liquores derepente cum vino, & non ita diu post vitam cum morte commutarunt.

Hic itaque podagræ obnoxiiis in potu modus statuatur, ut iis utantur liquoribus, qui neque, vel in maxima copia assumpti inebriare possunt, neque frigore suo ventriculum lædere. Hujusmodi est, ut dixi, cerevisia tenuis nostra, & in aliis regionibus confici

confici poterit ex multa aqua cum paucis vino permixta. Aquam puram crudamque, & periculosam existimo, & expertus sum meo damno. Attamen satis commode ab ineunte ætate potatur aqua; quæ hodieque longe major hominum pars sitim levat: inopia sua feliciores sunt illi, quam nos nostra copia & luxu. Testes appello ingens morborum agmen, quo corpora nostra hoc nomine discruciantur, podagram sc. calculum, apoplexiam, paralyfin, &c. tum & vim animis illatam, qua nativa rectitudine transversum aguntur, dum adventitii talium liquorum spiritus, cum spiritibus animalibus cogitationi formandæ inservientibus complicati, mentem nimium volatilisando perturbant, vana ac futilia loco rerum solidarum atque alicujus momenti subingerentes: atque ita demum ingeniose lepidos ac dicaces, pro sapientibus nos reddentes; inter quos eadem ferme differentia intercedit, atque est inter substantiam, & profus nihil. Sed de his satis.

Jam vero quamvis sufficiat ei, qui podagra mitius ac tantum per intervalla laborat, vel cerevisia tenui uti, vel vino dilutiori, cum is morbi gradus tanti non sit, ut severiori regimini se subiciat; attamen cum universa corporis substantia in podagram quasi degeneraverit, minus quam exoptet in profligando morbo promovebit, qui non a liquore fermentato quocunque, quantumvis leni & tenui, in totum abstinet: cum hi omnes spiritus pungentes, & aliquem acedinis gradum in se contineant: & quod pejus est, quatenus fermento imbuti (perinde ac flores cerevisiæ liquoribus inditi vim suam fermentativam toti massæ communicant) humores fermentationi perpetuæ addicunt. Potus itaque Dieteticus ex ingredientibus vulgo notis, & huic usui dicatis pro tali potu ordinario præscribendus est: modo non sit iusto fortior, quo haud multo minus periculose accenduntur humores, quam ipso vino; nec e contra aquosior iusto, naturales functiones nimia refrigeratione prosternens. Hujusmodi potus si rite paretur selectis ingredientibus istis quæ ægro minus sunt ingrata, licet ad septimanam unam alteramve non sine aliquali fastidio ita jugiter assumatur, postea tamen perinde gratus & acceptus est, ac sunt alii liquores quibus quis maxime assueverit. Atque ab hoc potus genere non tantum non imminuetur appetitus, sed & augebitur: magis insuper naturalis, & genuinus evadet, quam cum liquoribus fermentatis uti soletur. Hoc insuper commodi accedet, quod qui hujusmodi potum dieteticum loco ordinarii hauriunt, liberius in cætero victu sibi possunt indulgere, quam cum cerevisiam biberent, aut vinum: cum errores in victu, (quos omnes penitus evitare pene supra humanam sortem est) hoc pacto aliquatenus corrigantur compensenturque. Quod vero omnium primum est, æger hoc modo sibi a calculo præcavebit, qui podagræ ferre individuum est comes; cum liquores acres ac attenuantes quilibet, uti ad calculum jam factum proritandum, ita ad eundem generandum etiam faciunt. Liquor sequens, utpote qui gustu ac colore jucundo est, mihi maxime arridet. *℞. Sarsaparil. ʒvj. Lign. Sassafr. China, & ras. c. c. ʒij. Glycyrrhiz. ʒj. Coq. in Aq. fontan. Cong. duobus per horæ dimidium; deinde stent clausa super cineres calidos per horas 12. postea ebulliant ad tertiæ partis consumptionem. Cum primum ab igne amoveatur, infunde sem. Anisi ʒss. Post duas horas coletur, & postea depuretur per residentiam, & liquor clarus reponatur in lagenis vitreis probe clausis ad usum.*

Hic liquor tunc primum commodissime in usum trahetur, ubi quis a paroxysmo convaleuit; atque in eo perseverandum tam in ipsis paroxysmis, quam in eorum intervallis per reliquum vitæ cursum. Neque enim satisfactum est scæviente adhuc morbo novis rebus studere, cum in ejusmodi *ἀταξία* & motu inordinato natura vix ferre queat, ut liquores fermentati, qui vegetiores sunt ac magis spirituosi, cum alio inertis ac spiritibus destituto commutentur. Eodem etiam tempore & *Electuarium* prædictum usurpabitur; quod pariter deinceps tam in paroxysmorum insultibus, quam extra eos quotidie est devorandum. Hujus calor potus dietetici aquositatem quadantenus pensabit, sanguini, & visceribus debitum caloris gradum concipiens.

Sydenham opera Medica.

lians, sine ista agitatione, quæ excitari solet ab æstu liquorum fermentatorum.

Si quis objiciat, eam vitam vix vitalem esse, in qua omnimoda tum a vino, tum ab aliis liquoribus fermentatis abstinencia observatur; respondeo perpendendum esse, an non longe miserius sit ac minus tolerabile diris inveterascentis podagræ cruciatibus (nam in mitiori morbo non hoc postulo) quotidie excarnificari, quam huic soli liquori se adstringere, cujus usu continuato in cæteris esculentis ferme omnibus animo obsequi licet, ut jam non repetam, quod & hic potus (uti cætera omnia) dulcescet consuetudine. Certe qui hunc morbum expertus est, modo homo, non bipes fuerit pecus, nihil ambiget, in quam partem debeat concedere.

Quo non obstante, si æger vel a longo ac nimio usu liquorum inebriantium, vel ab ætate provectiore, vel denique præ nimia debilitate, cibos absque vino, vel quovis alio liquore fermentato nequeat concoquere, non vacat certe periculo eundem protinus ac de repente a vino depellere; qui quidem error haud paucis lethalis fuit. Prorsus itaque, si me audit, apoxema dieteticum supra præscriptum abdicet, vel, si eodem uti statuerit, ei sensim assuescat, haustum vini in pastibus ad tempus aliquod sibi indulgens, quasi remedium loco potius, quam diætæ, donec decoctum illud familiarius evaserit. *Vinum* autem *Hispanicum* hic loci tam Rhenano, quam Gallico omnino præferendum est, quæ posteriora, licet ventriculo pergrata sint, tamen exacerbandis humoribus, & augendo morbi fomiti apta nata sunt. Adde, quod cum æque fere cruda sint, & vix magis concocta quam est nostrum pomaceum, non perinde cardiaca sunt atque calida, ac res postulat. Atque hæc de cibo potuque *ποδαγρῶντων* dicta sunt.

Est & aliud, quod tamen parvi pendatur, magni tamen momenti est tam in dirigendo morbi fomite, paroxysmo adhuc vigente, quam ad prohibendam ejusdem materiæ generationem extra paroxysmum, nempe ut æger, maxime hyemis tempore, mature lectum petat. Etenim post venæ sectionem & catharsin nihil æque naturæ vires subruit ac noctu vigilare: quod quidem valetudinariorum quilibet expertus affirmabit, si serio animadverterit, quanto alacrior vegetiorque exurgit, quoties se lecto temporius commiserit, quam vero enervis est ac languidus, quoties ad multam noctem vigilaverit. Et quamvis res eodem recidere videatur, an citius seriusve quis lectum repetat, modo per tot horas eidem indulgeat, verbi gratia, an *hora nona* cubitum eat, & *quinta* surgat, vel *undecima* cubitum eat, & surgat *septima*; multum tamen interest, idque ob hanc, ut existimo, potissimum rationem. Interdium sc. spiritus dissipantur, sive in corporis exercitio, sive animi, qui in minus recte valentibus ita sunt infirmi ac debiles, ut vesperi somni subsidio maturius opus habeant; & cum noctis appulsus œconomiae corporis quasi relaxationem quandam adferat, quæ diurno tempore a solis influxu vegeta conservatur, lecti calor, bruma præsertim, solis vicem ut gerat, necesse est. Mane vero spiritibus tam a prægressæ noctis quiete, quam a lectuli calore refocillatis invigoratisque, præterquam quod dies superveniens firmitatem ac robur corporis tono conciliet, diluculo surgere hoc tempore, licet horam unam alteramve a somno matutino detrahat; non ita altum vulnus naturæ infligit, ac vigiliæ vespertinæ ad horam unam vel alteram protrahat. Quamobrem istis qui podagræ sunt obnoxii, author ego sim, hyeme præcipue, ut lecto mature admodum se committant, & diluculo exurgant, quantumvis somnus iusto brevior suadeat, ut diutius cubantes eundem adhuc venentur. Cum somnus qui ita diluculo capitur securaturæ noctis somno tantundem detrahat; atque ita tandem naturæ vi illata, spretoque sapienti ejus instituto, noctem pro die quis habeat, diem perversus pro nocte.

Quinimo *animi tranquillitas* omni ope stabilienda est: cum perturbationes omnes, si repagula semel effringant, ad solvendam spirituum, qui sunt digestionum instrumenta, systasin, ac proinde ad podagræ incrementum multum faciant. Prudenter itaque secum meditetur æger mortalitatis suæ conditionem, nec se ca-

rum, quæ eam sequuntur, molestiarum exortem stultus opinetur: sive enim sui ipsius, sive aliorum culpa hanc animi ægritudinem pariat, non poterit unquam mundo leges dare, qui nemini hactenus, quantumlibet demum potens aut sapiens fuerit, semper morem gessit; neque ita cuiquam semper ex animi voto cedebant res omnes, ac vana mens sponderat, at derapente inter rerum apparatus animam agens humanæ fragilitatis specimen tandem edit, immerito se brevi vitæ fructu spolians. Idem etiam incommodi sequitur nimium animi ad studia & res serias applicationem. Cum enim huic morbo præ cæteris quibuscumque melancholia vulgo dicta comes semper adhæreat, qui ei sunt obnoxii, spiritus animales diu multumque cogitando, etiam non adhibito artificiali librorum adminiculo, fatigare solent atque obruere, hoc ipsum ita valde ac nimio opere agentes, ut corporis œconomia integra amplius conservari nequeat: Quam ob causam ut mihi videtur, hic morbus perpaucos insipientes (me excipiat qui volet) occupavit unquam.

Cæteris vero omnibus, quæ ad impediendum humorum indigestionem (quam ego primariam podagræ causam constitui) & ad sanguinem idcirco corroborandum, ac firmitudinem partibus conciliandam faciunt, *Exercitium* corporis facile palam præripit. Animadvertendum est autem, uti supra monui, quod cum in hoc morbo, etiam magis quam in chronicorum quovis; totius corporis habitus immutari debeat, exercitatio corporis nisi quotidiana fuerit, nihil juvabit, huiusmodi enim exercitatio per vices intermissa, uti nihil fere conferet ad immutandum habitum corporis ab inertia atque indulgentia jam languescentis, & effœminati, ita fortassis & nocere possit, paroxysmum accersendo, ubi quis jandiu ab ea defueverat. Hoc vero exercitium vehemens non sit oportet, tale vero quale senibus competit, qui podagræ subiecta sunt magis usitata. Motus enim corporis iusto vehementior nimium dissipat, & e consequenti concoctiones lædit; quando exercitatio moderata ac perseverans eosdem firmet. Quantumlibet hoc durum videatur homini, qui præter senium, & corporis ad motum ineptitudinem, & socordiam huic præsertim malo quasi connaturalem, dolore insuper mactatur; tamen si hoc omittatur, nihil ex hactenus inventis quicquam proficiet. Utque paroxysmorum intervalla sine jugi corporis exercitio magna esse non possint, ita etiam ad calculi generationem talis erit proclivior, qui quidem plus habet, & periculi & cruciatus, quam ipsa podagra.

His adde, (quod magnum pondus habere debet) materiam *tophaceam* a longa requie admodum auctam iri in articulis corporis, maxime vero digitorum, ita ut tandem omni motu priventur. Utut enim fidenter asserant nonnulli, horum tophorum materiam nil aliud esse, quam sanguinis *Tartarum* ad articulos transmissum, facile tamen constabit cuilibet rem paulo attentius perpendenti, quod dum magna vis materiæ incoctæ podagram facientis in articulos quosdam depluit, & partes vicinas diutius tumidas reddit, ut partim harum virtus assimulativa sufflaminetur, partim a suffocante obstructione, quam in eis parit iners hic humor, dicta materia generetur, quæ a calore doloreque articuli in huiusmodi substantiam cogitur, atque indies augetur, tum carnem, tum cutim articuli in propriam naturam vertens; quæ jam nuda jacet, acicula, ad instar *Crata*, *Ocul. Cancr.* aut similis alicujus rei, extrahenda. Jam vero hoc malum ab exercitio quotidiano præcavetur, a quo oritur debita humorum podagram generantium, qui unam aliquam partem libenter occupant, difflatio per omne corpus. Unde fit, uti ipsemet expertus sum, quod exercitatio longa & quotidiana non tantum non officit generationi tophorum, sed etiam tophos veteres, & induratos solvit, modo non eo usque invaluerint, ut cutim extimam in suam substantiam mutaverint.

Exercitii genus quod spectat, *Equitatio*, quoties nec grandior ætas, nec calculus intercedunt, reliquis longe præferenda est. Et sane diu multumque mecum reputavi, quod si cui innotesceret medicamentum, quod & celare vellet, æque efficax in hoc morbo, ut in chronicis plerisque, ac est equitatio constans, & assidua, opes ille exinde amplissimas facile ac-

cumulare posset. Hac si uti non liceat, vectio frequens in curtu fere eodem redit. Atque in hoc saltem podagra laborantibus plerisque bene est, quod opes quæ luxuriæ, unde pullulavit morbus, irritamenta erant, facultates currus habendi subministrant, quo hac saltem exercitationis specie fruuntur, cum altera frui nequeant.

Observandum est autem, quod exercitatio in aere salubri longe ea præstantior est, quæ in minus salubri peragitur; ruri scilicet potius quam in urbe, ubi aer vaporibus a variorum artificum officinis exhalantibus est repletus, & ædificiorum densitate constipatus; qualis est in *Londino* hoc nostro, urbe, quantum certo scimus, omnium quæ in toto terrarum orbe sunt, spatiosissima. Quantum vero intersit, an quis ruri, an in urbe se exerceat, podagricorum quivis statim persentiscet.

Quod *Venerem* attinet, is qui tam podagra, quam senectæ laborat (quandoquidem jam jam ea spirituum copia destitutus est, qua concoctiones promoveri debuerant, & per consequens absque hac clade adventitia articulos, & reliquas partes adjacentes plus satis laxatas habet, & indebilitatas) æque improvidus meo iudicio foret si ejus lenociniis indulgeret, atque ille qui cum longum iter emetiendum susceperit, viaticum omne prius abliguriret, quam se viæ committeret. Quinimo præter malum quod sibi accersit, languidiora ævi jam fatiscantis desideria non cohibens, maximo illo privilegio fruendi jubilæi, quod specialiter atque eximio naturæ munere senibus conceditur, se abdicat; qui jam in ultima vitæ scena ab earum libidinum impetu, quæ, ceu tot rabidæ feræ, eos per juventam omnem diu noctuque quasi laniabant, tandem aliquando sunt emancipati: cum horum appetituum expletio nullo modo longum illud malorum agmen, quod eam vel comitabatur vel insequabatur, pensaret unquam. Atque hæc de regimine.

Quamvis autem huiusmodi regulæ tam diætam, quam cæterum regimen spectantes, si ab homine podagræ obnoxio religiose obseventur, eum ab enormioribus morbi insultibus præservare queant, atque istam sanguini, & partibus solidis firmitatem conciliare, quæ ab illa malorum iliade, unde morbus non solum supra humanæ patientiæ vires, sed & funestus tandem redditur, eundem immunem præstare possit; non tamen efficient ut non post quædam intervalla, maxime exeunte hyeme, podagra quandoque tentetur. Licet enim æstivo tempore dum tonus vigorque sanguinis a solis calore excitatus fuerit, & in statu conservatur, & pariter debita humorum per poros eliminatio pro voto succedit, omnino oportet ut concoctiones longe melius quam hyeme celebratæ fuerint; tamen cum appetente bruma, & sanguinis robur fuerit imminutum, & perspiratio per cutis poros impeditior, necesse est ut ingens materiæ indigestæ colluvies sit accumulata, quæ tandem diuturna mora in speciem prorumpet, propriis se exetens symptomatibus, & paroxysmum inducens, quamprimum vel ab humorum motu ab accessu solis propiore, vini potatione, exercitio vehementiori, aut alia causa evidenti quacunque ansa derur.

Ex jam dictis liquet eum qui huiusce morbi curationem molitur, id negotii sibi dari debere credere, ut totius corporis habitum immutet, atque illud ad pristinam constitutionem resignat, quantum per ætatem, & reliquas circumstantias fieri possit: quod in paroxysmorum interstitiis, non in ipsis paroxysmis annitendum est. Cum enim morbi fomes non solum generatus, sed & in articulos jam ablegatus fuerit, fero nimis vel ejusdem mutationem, vel eliminationem per alias vias conabimur: cum non alia methodo foras ejiciendus sit, quam ea quam natura præmonstrat, cui soli permittendus omnino est. Quod & in febrium intermittentium paroxysmis usu venit, quas ob eandem remediis non oppugnamus nisi æstu prius confopito. Nec absurdus quis in extinguendis harum febrium, calore scilicet, sit, inquietudine, aliisque symptomatibus, anxie operam locaverit, quam existimaverit alius se podagram sanare, cum in podagræ symptomatibus tantum coercendis laboret; cum tantum hoc tempore a curatione morbi abscedat, ut eandem aliquatenus impediat ac remoretur,

Quan-

Quanto enim magis ægri dolores lenit, tanto magis humorum concoctioni adversatur; quantoque claudicationem arcet, tanto materiæ morbificæ expulsiōni officit. Adde, quod quanto paroxysmi furor ac acies retunditur, non solum tanto diutius affliget, sed & brevius erit spatium interjacens, & minus etiam liberum ab omni gradu symptomatum, quibus hic morbus funestatur. Quod nemo inficiabitur, qui diligenter trutinaverit, quæ supra in hujusce morbi historia edisserui.

Quamobrem licet nihil magis in *Paroxysmo* tentandum sit, nisi quod istis symptomatibus occurrendum est, quæ falsa medendi methodus quandoque parturit; tamen cum omnes uno ore fateantur morbum huncce ab humorum copia, & exuberanti plenitudine nasci, ægro fortasse conducet a carnibus per aliquot dies, ubi primum a morbo corripitur, abstinere, & harum loco simplici jusculo avenaceo uti, aut alio pati alimento; cujusmodi diætæ tenuis materiæ morbificæ, imminuendæ multum conferet, & naturæ opportunitatem subministrabit, qua eandem ocyus digerat. Cum vero ingens sit corporum aliorum ab aliis discrimen, quibusdam abstinentiam a carne non ferentibus, statim vero ab ea spirituum animalium *draçia*, animi deliquio, aliisque symptomatibus, quæ scæminis hysterica affectione laborantibus accidere solent, correptis; istos non tantum juvabit, sed & lædet, si diutius a carnibus abstineant, quam ventriculus earum usum aversetur: quod ut plurimum non excedit primum aut secundum diem eorum paroxysmorum particularium, qui omnes simul juncti integrum paroxysmum, ut supra innui, constituunt. At vero si tardius siue ocyus quis carne vescatur, serio cavendum est, ne urgente morbo majore copia utatur, quam quæ ad naturam sustentandam necessaria sit, nec minore cura opus est in assignanda victus qualitate. Nanque ut semper in paroxysmorum intervallis, ita præcipue paroxysmo jam præsentem, æger summopere curare debet, ne quid vel in quantitate, vel qualitate siue potus, siue ciborum peccetur. Neque in hoc solo, sed in alio omni regimine, de quo fufius egi, in intervallis observando, cautela haud vulgaris adhibenda est. Et licet tam dolor, quam magna ad motum inhabilitas, exercitio, quod ego præ cæteris omnibus laudavi, contra indicare videantur, tamen & hic labor exantlandus omnino est. Quamlibet enim in paroxysmi initio ægro impossibile videatur ut lationem in curram, multo minus ejus motum ferre queat; attamen si id tentaverit, non ita diu post sentiet se minus a tali motu dolere, quam cum se in cathedra domi contineret. Id insuper accedit emolumentum, si ad horas aliquot tam mane, quam post meridiem in curru vectus fuerit, quod cum domi toto die sederet, noctem fere insomnem ageret, jam dolorem somno ad multam noctem fugare poterit; cum exercitatio permodica podagra laborantem eousque delasset, ut in somnum dilabatur. Adde, quod eadem exercitatio calculem, quem vita deses ac iners ut plurimum accersit, quadantenus præcavebit. Quod vero maximi momenti est, a jugi ac pertinaci exercitio occurreretur totali artuum ad motum impotentia, quæ haud paucis accidit post paroxysmum unum alterumve diuturniorem, contractis siue poplitum, siue calcaneorum tendinibus: dum enim in cruciatu longiore quieti indulserint (maxime crura nolentes extendere quoties dolor genu occupaverit) tandem crurum ac pedum motu per reliquum vitæ tempus orbi sunt, tam in paroxysmorum interstitiis, quam in ipsis paroxysmis, quos non ita tamen effugiunt. Quinimo in iis senibus, quorum concoctiones admodum vitiatae sunt, & qui a morbo per multos annos affligente ipsam corporis substantiam quasi in podagram habent conversam, nihil minus sperandum est, quam ut morbus sine exercitio ad digestionem perducatur unquam; cum enim morbus naturam viribus superet, sæpe moriuntur a languore atque ægritudine, quæ fomitis morbofi copia concoctionem respuentis apportat, & ab hac materia inconcoctili, quæ nullo modo potest assimilari, tanquam a veneno enecantur.

Attamen non obstantibus iis quæ de exercitii utilitate in podagræ paroxysmis dicta sunt, si tamen

Sydenham opera Medica.

æger præ nimia paroxysmi atrocitate primo statim insultu quasi prostratus fuerit, (quod istis fere usu venit in quibus podagra jam *anxulæ* suam attrigit, nec adhuc a multorum annorum decursu mitigata est) hoc in casu si æger cubiculo includendus est, e re erit, ut etiam lectulo ad primos dies aliquot, donec scilicet doloris vehementia remiserit, idem includatur: etenim lectulus exercitii defectum aliquatenus supplebit; cum ejus usus continuus materiam morbificam potentius digerat paucis diebus quam excubatio aliqua multis, maxime incipiente morbo, si modo æger absque leipothymia aliisque malis symptomatibus a carnibus abstinere queat, solo jusculo avenaceo, cerevisia tenui & cæteris ejusmodi contentus. Veruntamen haud omittendum est, quod si podagra jam inveterata fuerit, atque æger ad animi deliquia, ventris tormina, diarrhœam, aliaque his similia symptomata propendeat, vix libitinam evitabit ab aliquo paroxysmorum jugulatus, si non exercitio utatur, idque in aere liberiore, ac perflabili loco; quod diligenter animadvertendum censeo, quando magnus podagricorum numerus iis symptomatibus jam perierit, quibus hæc in cubiculo, & præsertim in lecto incarcerationis eosdem obnoxios fecerat, qui non ita mature fato concessissent, si molestiam venerationis per majorem diei partem devorare voluissent. Licet enim qui unico artuum dolore fatigatur, se cubiculo possit includere; tamen qui loco doloris acerbissimi, ægritudine, aliisque symptomatibus prædictis laborat; talis idem imitando, se in vitæ discrimen conjiciet. Et quidem bene nobiscum agitur quod quoties dolor ita vehemens est, ut æger motum tolerare non valeat, neque eo admodum opus habeat, ipso dolore, quod amarissimum est naturæ remedium, ægro de vita prospiciente.

Jam vero quod attinet podagræ *Symptomata*, iis occurrendum est, a quibus æger in *Paroxysmo* de vita periclitatur. Horum maxime familiare est ventriculi debilitas ac languor, cum ventris torminibus tanquam a flatu, quod iis accidit, qui vel jam a multis annis podagræ obnoxii vixerunt, vel iis qui licet non ita diu eadem laborantes, hoc tamen mali invitarunt præpropere, liquores spirituosos cum tenuioribus, & multum refrigerantibus, derepente commutantes; vel *Emplastra repellentia*, aliaque medicamenta refrigerantia partibus affectis ad leniendum dolorem admoventes; unde morbi causa materialis, quæ in artus debuerat deponi, in viscera rejicitur. Multa egomet expertus sum in postremorum annorum paroxysmis ad mitigandum hoc symptoma, nihil vero æque votis respondit ac *Vini Canariensis* haustulus subinde deglutitus, languore, atque ægritudine urgentibus: neque vel vinum Gallicum rubrum, vel theriaca Andromachi, neque aliud quodlibet cardiacis mihi hætenus notis pares habet vires. Sed neque vinum hocce, nec cardiacorum aliud quodlibet ægrum, si exercitio non utatur, omnino servare posse existimandum est.

Sin autem gravius aliquod symptoma inducias haud ferens, ex retrocessu materiæ podagricæ subito ingruat, & mortem ægri minitetur, neque vino, neque exercitio supra laudatis fidendum; verum hoc in casu, modo non caput, at partes vel naturales vel vitales ejusmodi malum impetat, ad *Laudanum* statim confugiendum; nempe *Laudani liquidi gutt. xx. haustulo aq. Epidemica immista propinentur*, & in lecto ad quietem æger se componat.

Quod si materia podagram committens, quia non jam in artus fuerit eliminata, *Diarrhœam* induxerit, modo ea paroxysmi singularis crisis non fuerit, & laudano jam laudato, & exercitio omniufinodi (hoc enim in primis ad diarrhœæ curationem obeundum est) non obstante, alvus nihilominus diutius fluat, ægritudine, torminibus ventris, &c. accedentibus; unicum, quod scio, remedium est, ut *Sudor* provocetur methodo & medicamentis huic usui destinatis: quod si fiat ad biduum triduumve mane & vespere, per duas tresve horas continuas, sistetur ut plurimum diarrhœa, & morbi fomes magna vi in artus detonabit. Hac ego methodo aliquot retro annis meæ vitæ consului, postquam me in hoc malum a potatione aquæ frigida pro ordinario potu, imprudens

conjeceram; idque posteaquam cardiacorum & adstringentium varii generis opem frustra imploraveram.

Est & aliud symptoma non perinde crebrum, quod tamen aliquoties ipse vidi, metastasis scilicet materiae peccantis in pulmonum lobos; quoties nempe tussis brumalis a frigore tempore paroxysmi suscepto, materiam sensim in pulmones allicit, artubus interim, ob translationem materiae morbificae in aliam regionem, vel omnino, vel tantum non, tam a dolore, quam a tumore liberatis. Uno hoc in casu intentio curativa non ad ipsam podagram dirigenda est, at vero hoc symptoma pari modo tractandum est, quo peripneumonia absoluta; venae sectione scilicet repetita, cum diæta & remediis refrigerantibus ac incrassantibus, cum sanguis, in hoc symptomate præcipue, extractus pleuriticorum sanguinem prorsus referat. Purgandus est insuper æger inter venae sectiones potionibus lenientibus, quibus hæc colluvies in pulmones illapsa possit amandari. Sudoris autem provocatio, quam vim cunque habeat in morbi fomite super artus deturbando, hic tamen non tantum non prodest, sed & obest, materiam, pulmonibus impactam indurando; unde generantur *abscessuli*, & tandem ægri mors certissima subsequitur.

Hic porro notandum, quod *Podagrici* fere omnes postquam cum hoc morbo diu confixere, *calculi* renum sint obnoxii, proindeque vel statu vel declinatione sæpius, paroxysmi generalis nephritico dolore laborare soleant; idque cum magno ægrorum non tantum cruciatu, sed & virium dispendio, cum jam plus satis attritæ fractæque eæ fuerint. Hoc in casu posthabitis quibuscvis aliis remediis *liquoris* *possetici*, cui *rad. Althææ* ℥j. *incocta fuerint*, *Congium unum* quam citissime devoretur, & sequens *Enema* injiciatur.

℥i. *Rad. Althææ*, & *lilior. an.* ℥j. *fol. malvæ, parietar. branch. Ursin. & flor. Chamæmel. an. M. j. sem. lin. & sænug. ann.* ℥ss. *Coq. s. q. aq. ad frib. Colatura dissolv. sacchar. Culinaris, & syr. dialthææ an. ℥ij. Mf. f. Enema.* Quam primum per vomitionem æger totum reddiderit, quod per os ingestum fuerit, ut etiam enema rejecerit, *laudani liquidi* satis magna dosis propinetur, viz. ad gutt. xxv. vel *pil. Matthæi*, gr. xv.

Remedia *Externa* si quis quærat ad leniendum podagræ dolorem accommoda, nulla mihi hætenus cognita sunt (licet plurima tum in me ipso, tum in aliis expertus fuerim) præter mere refrigerantia, & repellentia, quorum usum jam supra docui periculo haud vacare. Et fidenter assero, multa & longa observatione suffultus, maximam partem eorum qui podagra periisse putantur: non tam ipso morbo, quam sublesta atque indebita medicatione fuisse peremptos. Si quis autem remediorum externorum, quæ pro anodynīs indubitatis habentur, virtutem probare velit, non fucum sibi faciat eadem sub declinatione paroxysmi particularis (quo tempore dolor jam sponte sua cessurus est) applicando: quin potius sub initio paroxysmi ista usurpet: & statim edocebitur quam ficulneum sit illud auxilium, quam vana spes; cum hæc epithemata nocere quandoque possint: prodesse nunquam. Qua de causa egomet jam a multis annis nulla remedia externa adhibui. Pultracula ex pane similagineo cum croco in lacte cocto, addito postea oleo rosaceo in pauca quantitate, mihi olim præ cæteris profuit, quæ tamen in paroxysmi initio nihil prorsus juvabat. Si igitur dolor admodum sæviat, æger rectius sibi consulat se in lecto continendo, donec is aliquantisper remiserit, quam anodynīs utatur: attamen haud abs re fuerit *Laudani* pauxillum vesperi sumere, si dolor patientiam multum vincat, aliter melius omitteretur.

At vero cum in externis hujusmodi remediis jam sim, omnino aliquid mihi dicendum est de musco quodam Indico, *Moxam* vocant, nuper magni nominis in podagræ curatione, si nempe pars affecta eadem accensa leviter ustuletur. Quamlibet hoc remedii genus *Indis Orientalibus* acceptum referatur, atque *Europæis* universum omnibus pro incognito habeatur, attamen constabit antiquioris id esse ævi etiam apud nos, illi qui *Hippocratis* effata jam ante annos bis mille literis tradita voluerit consulere. In

præstantissimo illo de *Affectionibus* libro, *Sect. quinta*, pag. mihi 524. de *Ischiade* agens, hæc habet, *ἐὶ δὲ ἐς τὴν τὴν ποδῶν, &c. i. e. Quod si in uno aliquo loco firmiter constiterit dolor, neque medicamentis expellatur; quocunque loco dolor forte extiterit, eum lino crudo inurito.* Et paulo post de *Podagra* verba faciens: *ἐνυπέρι δὲ τὴν ποδῶν, &c. i. e. Huic eademque articulari morbo conferunt, & longus quidem hic morbus est & gravis, minime tamen lethalis. Quod si in digitis dolor remaneat, venas in digito paulo supra articulum inurito; ustio autem per lino crudum fiat.* Opinor, neminem posse existimare, eam esse differentiam specificam inter flammam vel a lino, vel ab hoc musco Indico excitatam, ut hæc illa in sanatione podagræ plus valeat, non magis quam reputaverit ignem e *Roboris* segmentis accensum majus aliquid præstare posse illo, qui *Fraxini* ligno alitur. Hæc partis affectæ ustulatio aliquid pollicetur (quod & efficere quandoque possit) ad doloris committigationem, evocata scil. fomitis morbifici parte subtilissima ac maxime spirituosissima, in articulum jam deposita. Attamen beneficium ab hoc remedio partum, cum indigestionem, quæ podagræ causa est antecedens, nullo modo attingat, fugax esse oportet ac breve. Neque opus est, ut dicam, illud in podagris tantum incipientibus locum habere; quando enim sive a morbi diuturnitate, sive ab importuno atque indebito medicamentorum usu, podagra, ut subinde fit, ad partes internas fuerit conversa, ac proinde ægritudine, torminibus ventris, atque longo hujusmodi symptomatum agmine, potius quam dolore ægrum multaverit, nemo sanus igne urendum esse arbitrabitur.

En vobis omnia, quæ mihi hætenus comperta sunt in hujus morbi curatione. Si quis objiciat multa esse remedia *Specificæ* ad podagram; ego me ea nescire lubens fateor: & vereor ne promissiores isti perinde sint ignari ac sum ego. Et sane dolendum est, medicinam (artem nobilissimam hujusmodi magis, quæ, sive ab inscitia, sive a pravitate scriptorum, credulis objiciuntur, usque adeo deturpari; cum in omni fere morborum genere hujusmodi aliquid a nugivendulis tanquam *Θεῶν χεῖρες* decantetur pleno ore. Et, quod est magis mirandum, quod non tantum in morbis typo indutis hujusmodi deliramenta obtineant, sed & in minime formatis, qui ab organorum læsione aliqua, aut *ποροσάσει* externa producuntur, viris etiam cætera cordatis imponant. Atque hoc satis evincunt *Specificæ in Contusionibus* vulgo prædicata, qualia sunt *Sperma Ceti*, *Tegula Hybernica*, &c. quæ omnia id tantum præstant, ut methodum, qua tractari debuerat hic affectus, divertant: prout illi satis constabit qui experiri voluerit, quando tutius atque ocyus sanabitur is, qui *Venæ sectionibus* ac *Purgationibus* utetur *alternatis*, usque dum bene habuerit; neglectis prorsus levidensibus istis, quæ pro more post sanguinem semel eductum sæpe exhibentur, atque etiam ea sudorum sollicitatione, quæ pari passu cum eorum usu solet procedere, a qua partium jandiu ad inflammationem propensarum excalefactione æger sine causa in vitæ periculum adducitur.

Quod si nihil proficientibus his quæ attuli omnibus, adhuc minus sagax videar, & minus copiosus in medicamentis eruendis enumerandisque; Univerfa illa proponam quæ *Lucianus* in *Τραγικοδῶν* jam plenius collegit, e quibus tam externa, quam interna qui volet, eligat: quæ forsitan haud minus efficacia sentiet, quam sunt eorum plurima quæ a nonnullis deprædicantur. Apud hunc *Podagra* persona ita istos alloquitur, qui secreta quædam remedia se habere jactabant, quibus is morbus possit expugnari.

Τὴς τῶν ἀνθρώπων, &c. i. e.

Quis invictam me dominam dolorum Ignorat podagram in terra mortalium?

Quam neque Thuris vapor placat,

Neque effusus sanguis aras ad incensas;

Non templum divitiarum undique suspensis ornatum donariis:

Quam neque Apollo medicamentis expugnare valet;

Omnium Medicus in cælo Deorum;

Non filius Apollinis doctissimus Æsculapius.

Postquam

Postquam enim enatum est primum hominibus genus,
Conantur omnes meam elidere potentiam,
Miscentes semper medicamentorum artificia!

Alius aliam in me experitur artem.
Terunt Plantagines, & Apia mihi,
Et folia Lactucarum; & silvestrem Portulacam,
Alii Marrubium; alii Potamogetonem;
Alii Urticas terunt; alii Symphytum;
Alii Lentes afferunt ex palustribus lectas;
Alii Pastinacam coctam; alii folia Persicorum,
Hyoscyamum, Papaver, Cepas agrestes, Mali Punici
Cortices,

Psyllium, Thus, radicem Ellebori, Nitrum,
Fœnum græcum cum vino, Gyrinum, Collamphacum,
Cyparissimam Gallam, Pollen hordeaceum,
Brassica decocta folia, Gypsum ex Garo,
Stercora Montana Capræ, humanum oletum,
Farinas Fabarum, florem Asii lapidis;
Coquunt Rubetas, Mares araneos, Lacertas, Feles,
Ranas, Hyenas, Tragelaphos, Vulpeculas.

Quale Metallum non exploratum est mortalibus?

Quis non succus? Qualis non arborum lacryma?

Animalium quorumvis ossa, nervi, pelles,

Adeps, sanguis, medulla, stercus, lac.

Bibunt alii numero quaterno pharmacum:

Alii octono; sed septeno plures.

Alius vero bibens Hieram purgatur:

Alius incantamentis impostorum deluditur:

Judeus alium stultum excantat nactus:

Alius vero remedium petit ab Hirundinis nido.

Ego autem his omnibus plorare impero,

Et facientibus hæc atque irritantibus me

Soleo occurrere multo iracundior.

Iis vero qui cogitant nihil adversum mihi,

Benignam adhibeo mentem, facilisque fio.

Nullus dubito prudentissimos quosque eorum, qui
cum hoc morbo diu confligere de omnimoda cura-
tione desperantes, Choro qui istius Dramatis cata-
strophen facit, suffragaturos:

Ἡπιοὺς ἂν παύσῃς, &c. i. e.

Lenem, & ubique gentium celebrata afferas (nobis)
dolorem e Podagra,

Levem, facilem, non cutum, brevem, haud sevien-
tem,

Tolerabilem, facile desinentem, parum validum,
ambulationes non impedientem.

Multi sunt morbi miserorum:

Sed exercitia dolorum, & consuetudo
Podagricos soletur.

Ideoque equo animo, o Complices, obliviscimini

Dolorum. Si ea quæ placent non fiunt.

Tamen etiam præter spem accidentibus viam inveni-
re solet Deus.

Quivis sustineat Podagra laborantium

Deludi & derideri:

Talis enim hujus morbi natura est.

Ut semel finiam. Methodus quam hic trado *ῥῆμα*
prædictorum examini innititur; quamque ego se-
cutus tam in ipso me, quam in aliis, morbi levamen
percepi. Therapeja *Rauicalis* & usquequaque perfe-
cta, qua quis etiam a diathesi ad hunc morbum foret
liberatus, adhuc in Democriti puteo later, atque in
naturæ sinu reconditur, nescio quando, aut a quibus
in lucem extrahenda. Spero nihilominus me hoc scri-
pto humano generi commodi aliquid contulisse, si
istos scopulos fideliter indigitaverim, ad quos tum
ipsemet, tum alii plurimi naufragium fecimus; atque
insuper optimam quæ hæctenus innotescit, methodum
præmonstraverim. Non his majora promitto; quam-
vis a longa cogitationum serie, quas huic rei impen-
dere tantum non sum coactus, inducar credere, ejus-
modi remedium quandoque inventum iri. Quod si
unquam acciderit, inscitiam suam dogmaticis expro-
brabit, atque exinde liquebit, quam insigniter tam in
diagnosticis morborum essentiis, quam in medicamen-
tis quibus eos aggrediuntur, hallucinentur. Cujus rei
exemplum satis luculentum habemus in repertione sum-
mi illius ad *Febres intermittentes* specifici, *Corticis*
Peruviani. Per quot jam sæcula hominés quique so-
lertissimi ingenia exercuerant in investigandis harum
februm causis, quibus praxin quilibet aptavit Theoriæ
a se excogitatæ optime respondentem? Quomodo ve-

ro hæc medicationes theoremata valebant defendere,
ex iis constat, quorum adhuc recens est memoria, in
quibus varias intermittentiū species in variis humo-
ribus in corpore redundantibus collocantes, curatio-
nem ad humorum istorum alterationem atque evacua-
tionem dirigere solebant. At quam inauspicato id ege-
runt eorum in his conaminum frustratio, præcipue
vero hujus *Corticis* usus felicior, palam faciunt: cu-
jus ope nos nunc temporis tum humores hujusmodi
omnes, tum etiam diætā & regimen quodcumque
sufque deque habentes, ac nihil nisi methodum pulve-
ri exhibendo debitam observantes, scopum recta attin-
gimus; vix ab illo aberrantes unquam nisi ægrum, le-
cto sine ulla necessitate addicimus, dum in ejus usu
est: Tanta tamen est hujus remedii vis, ut non obstan-
te eo incommodi, quod scilicet febris a lecti calore
plus quam erat opus intendatur, ægrum nihilominus
ad sanitatem ut plurimum reducat. Interea donec hæc
podagræ curatio radicalis comperta fuerit, quod Me-
dicos omnes, me præ cæteris, optare fas est; hanc
meam qualemcunque opellam boni consulite. Quod si
minus eveniat, hominum mores ita probe perspectos
habeo, ut non multum fallat; & officii mei rationem
ita calleo, ut animo neutiquam cadam. Et si sævissi-
mi isti cruciatus, impotentia ad motum, cæteraque
corporis mala, quæ ego per maximam vitæ partem
sum perpeffus, (una cum damno rei familiaris quod
sustinui, a medicina facienda toties adversa valetudi-
ne avocatus) aliis quietem & *ἀσφάλειαν* possint com-
parare; erit unde me fructum aliquem miseriarum hu-
jus generis, quas in hac vita toleravi, in aliam mi-
grans percepiisse existimabo.

EX paucis hisce, Clarissimi nostri Auctoris paginis,
satis manifestum est, quid de Podagra in genere
ejusque cura legitima, quæ in solis palliatiis posita
est, sentiendum veniat. Verum specialius quid circa
hunc morbum, aliasque omnes affectiones de ejusdem
natura participantibus, reperitur in Clarissimi Musgra-
ve Tractatibus de Arthridite Symptomatica, & Ano-
mala, quos propterea pro pleniori ejusce agnitionis co-
gnitione hic inferere propositum nobis fuit; sed quan-
doquidem grandior illorum moles, longiorem Auctoris
nostri textui interruptionem procreasset, magis e re
visum fuit eos in Voluminis hujus prope finem rejice-
re, ubi æque commode a docto Lectore perlegi pote-
runt, ac si ipso hoc loco exhiberentur.

THOMÆ SYDENHAM, M. D.

TRACTATUS

DE HYDROPE.

OMnis hominum ætas, sexus omnis ab *Hydrope*
nonnunquam infestatur. Fœminæ tamen huic
morbo magis sunt obnoxie quam viri; verum hos
ætate præsertim ingravescente adoritur, illas ubi jam
parere desierint: Steriles autem quandoque etiam ju-
niores occupat, Foveæ a digitorum impressione in su-
rarum parte inferiore, sub noctem in primis conspi-
cuae, mane vero evanescentes, primum hujusce mali
indiciū dant, quod non perinde certum est hydro-
pis ingruentis signum in fœminis atque est in ma-
ribus; cum & prægnantes, & aliæ quibus catamenia
quavis de causa sistuntur, haud raro idem patiantur,
Neque tamen in viris ejusmodi tumor hydropem cer-
to indicat: etenim cum senex quispiam, habitu cor-
poris paulo pleniori præditus, *Asthmate* jam a multis
annis laborans, ab eodem derepente, idque hyemis
tempore, fuerit liberatus, mox ingens tumor muscu-
los tibiæ occupabit, hydropicorum tumores æmu-
lans, qui hyeme etiam magis quam æstate, tempe-
state magis pluvia quam serena, pariter invalescet; &
tamen sine quovis incommodo insigniori, eundem ad
Libitinam usque comitabitur. Quo non obstante, si
generaliter loquamur, suræ & tibiæ intumescences,
etiam in viris, pro signo supervenientis hydropis ha-
bendæ sunt; maxime si ita affecti spiritum ægrius ducant:
qui quidem tumor tam copia, quam mole auctior in
dies

dies redditur, donec pedibus majorem aquarum vim jam respuentibus, crura tentantur, ac postea abdomen ipsum; quod quidem sero e sanguine jugiter decidente repletum, paulatim ad ultimum capacitatis suae limen distenditur; adeo ut sæpe multos aquæ congios intus contineat, quæ in umbilicum, qua data porta, ruentes, quandoque exomphalon constituunt.

Tria interim hunc morbum stipant symptomata, *Dyspnœa, Urinæ paucitas, & sitis intensa*. Spirandi difficultas oritur ab aqua diaphragma comprimente, unde naturalis ejus motus sufflaminatur. Urina idcirco parce redditur, quia sanguinis serum, quod per ductus urinarios ex lege naturæ excerni debuerat, jam in cavitatem abdominis deponitur, & in cæteras partes eidem excipiendo aptas natas. Sitis est a putredine colluviei ferossæ, quæ a mora in corpore longiore & calorem & acredinem contrahit, unde æger & febre quadantenus semper laborat, & memorata siti.

Pro rata qua æger in partibus quas morbus obidet, mole augetur, in reliquis magis magisque indies emaciatur, & gracilescit, tandemque cum tanta aquarum vis intra abdominis ambitum coerceri ulterius nequeat, impetu in viscera nobiliora & vitalem artem facto, cataclysmo quasi submersus perit.

Causa hujusce morbi in genere sanguinis debilitas est, unde alimento, quod forinsecus importatur, in substantiam suam convertendo non jam par, idem in extremitates & pendulas corporis partes explodere necesse habet, mox in abdomen etiam, in quo, quandiu in exigua quantitate hinc inde dispergitur, natura eidem continendo vesiculas quasdam fabricat, donec tandem, modum jam superans, uno perituro simul clauditur.

Sanguini autem debilitando operam ut plurimum commodabant vel nimia ejus per venæ sectionem aut alio quovis modo evacuatio, vel morbus aliquis diuturnior, vel perditus ille liquores spirituosos ingurgitandi mos, unde & naturalia corporis fermenta destruantur, & dissipantur spiritus. Hinc est, quod bibacissimi quique helluones sæpius cum hoc morbo, frigido licet, quam cæteri consistunt. E contra etiam aquæ potatio in iis qui generosis liquoribus diu assueverant, sanguini eandem noxam infert.

In fœminis vero, quod notandum est, alia quædam & ab his longe diversa hydropis causa reperitur, inclusa nempe in testiculorum alterutro saburra seu obstructio, quæ sensim ejusdem crasin subvertit; unde in dicto testiculo reposita primum morbi minera, tunica ejusdem mirum in modum distenditur; qua jam tantum non crepante, natura humori excipiendo vesiculas quasdam suggerit, quarum tandem sive una aliqua, sive etiam pluribus disruptis, & in abdominis cavitatem se exonerantibus, eadem occurrunt symptomata, quæ in hydropē, quam supra depinximus. Sed de hoc genere jam olim egi.

Sunt & aliæ duæ species tumorum abdominis hydropem mentientes, fœminis utraq; familiares. Prima est carniū in partibus intra abdomen excrescentia præternaturalis, quæ ventrem in molem haud minus conspicuam attollit, quam solet inclusa aqua. Altera species flatibus ortum debet, qui non tumorem tantum, sed & alia ingravidationis signa pariunt. Hæc viduas ut plurimum exercet, vel etiam mulieres, quæ non nisi provectiores ætate nupsiant; atque hæc tam suo ipsarum, quam obstetricum judicio, quarum oracula hac ipsa de re consulere, motum infantis jam a tempore consueto usque ad legitimum tempus pariendi persentiscentes, quin & ad eundem modum, quo gravidæ solent, subinde ægrotantes, sororiantibus insuper mammillis, & lacte extillante, de fasciis haud raro cæterisque ad excipiendum infantem necessariis sibi prospexerunt; donec tandem venter pari quo increverat gradu, sensim detumescens, spem vanam eluserit. Neutra vero harum ad eum, de quo agimus, morbum est referenda.

Indicationes curativæ veræ ac genuinæ, utpote a prædictis phænomenis naturaliter quasi exortæ, vel ad aquarum in abdomine cæterisque partibus contentarum evacuationem, vel ad instaurandum sanguinis robur, quo novus earundem proventus præcaveri possit, omnino dirigendæ sunt.

Seri evacuationem quod spectat, magni refert, ut diligenter observemus in omnibus hydropicis ea cathartica, quæ vel seignius vel minus potenter operantur, officere magis quam prodesse: cum enim medicamenta purgantia ad unum omnia naturæ sint inimica, quo nomine catharsecos munere funguntur, sanguinem aliquatenus debilitant læduntque; unde nisi corpus celeriter pervadant & citissime expellantur, camerinam eam moventia quam secum abducere nequeunt, & sanguinem tumultuose exagitantia, tumorem magis adaugent: quod plus satis liquet in eorum pedibus, quibus alvus ita leniter ac blande sollicitatur. Quamobrem ut cum bonis ægri rebus purgatio instituitur, scire oportet, utrum ægri corpus facile, an vero difficulter atque ægre cathartici cedat, cum in hoc cardine curationis omnis, sive nullo, sive non nisi magno labore peragendæ negotium vertatur.

Quoties itaque *Hydragogis* utendum est, sollicite ad facilitatem vel difficultatem, qua ægri corpus catharsin fere solebat, respicere omnino convenit; quod non alia via ulla certius dignosci potest, quam ex diligenti inquisitione, quomodo alia purgantia remedia alio tempore aliquo usurpata, opus destinatum peregerint. Cum enim in corporibus idiosyncrasia quædam inveniatur, quoad facilem difficilemve catharticonum operationem, ægrum sæpiissime in vitæ discrimen conjiciet is, qui sensibile corporis temperamentum, modum sibi ac normam statuerit: quando non ita raro usu veniat, ut qui habitu sunt ferme athletico medicis cathartici facile pareant; cum qui contrario plane habitu sunt præditi, vel fortissimis ægre cedant. Et profecto jam dicta cautio de ægri corporis ad purgantia ferenda ineptitudine non in hydragogis tantum præscribendis, sed in aliis quibilibet cathartici locum habere debet. Etenim sæpenumero observavi hypercatharses a potionibus etiam lenientibus adductas, ex eo quod ægrum Medicus non interrogaverit, prout oportuit, utrumne corpus facile, an vero difficulter expurgaretur. Attamen cum hydrops, quod superius dixi, præ cæteris morbis quibilibet catharsin & validissimam postulet & maxime celerem; cumque in hoc morbo purgatio per *διήρπασιν* quæ in nonnullis aliis prodest, nullatenus admitti debeat, (cum hujus generis catharsis non tantum non imminuat tumorem, sed & adaugeat:) Hanc inquam ob causam, expurgatio paulo fortior & nimia, justo debiliore est præferenda; præcipue cum *Laudano* non destituatur, certissimo ad hypercatharsin istiusmodi subito domandam fræno.

Ad hæc in *Cathartici* omnibus hydropicorum fænationi dicatis, id diligenter est observandum, ut aquæ ea maxima celeritate exhauriantur, quam ægri vires ferre queant; utpote qui singulis diebus expurgari debeat: nisi quod sive ob nimiam debilitatem corporis, sive propter cathartici præcedentis operationem plus satis violentam dies unus aut alter nonnunquam intercalari possit. Etenim si non nisi post longa intervalla repetatur purgatio, quantumlibet copiosa catharsis præcefferit, aquis denuo affatim colligendis ansam præbebimus; atque ex hac induciarum occasione, quasi victoria jam parta uti nescientes, tandem loco pulsi, re infecta turpiter fugabimur. Adde quod periculum est, ne aquarum inter viscera mora diuturnior eadem putredine quadam sua inquinet ac inficiat. Atque insuper, quod parvi duendum non est, istæ aquæ a prægressis cathartici ita in motum concitæ ad noxam inferendam jam propensiores sunt, quam ubi quiescerent. Tam ob hanc itaque causam, quam ob alias supra memoratas, huic intentioni, quæ colluviem ferossam intus clausam respicit, quam velocissime satis faciendum est; neque ab ea nisi urgente necessitate est abstinendum aut cessandum, donec omnis aquarum moles omnino demum exantlata fuerit.

Hoc porro notandum venit, quod cum e praxi constet hydragoga fere omnia, genio quodam sibi peculiari, si sola exhibeantur, iis qui ægre purgantur, parum admodum votis respondere, quin & largiorem eorundem dosin, non tam catharsin, quam sanguinis tumultum promovere (unde qui imminui debuerat tumor, jam auctior cernitur:) Hæc itaque non alium obtinent usum, in hujusmodi corporibus, quam

quam ut lenioribus cathartici stimulum addant. Quo non obstante in iis, qui purgati sunt faciles hydragoga ista & celeriter, & cum magno effectu operantur.

Quocirca in istis, qui catharsi prompte cedunt, *Syrupus de Spina Cervina*, etiam solus, aquas sat copiose elicit. Quod quidem remedium in his aquas fere solas, easque in magna quantitate educit, nec sanguinem perturbans, nec urinam reddens colorationem pro reliquorum purgantium more: Id tantum habet incommodi syrupus ille, quod inter operandum ingentem sitim provocet. Quod si idem vel in summa dosi aliis propinetur, qui ægre expurgantur, neque multæ sequentur dejectiones, neque eæ multa aqua, ut debuerant, refertæ.

Equidem probe memini, (cum tunc primum ad hydropem curandam invitater) me annis ab hinc 27. aut circiter ad Matronam quandam piam & honestam, nomine *Salmarsh*, *Westmonasterii* commorantem, fuisse accersitum; cujus abdomen hydrops, quo atrocior nondum vidi, in molem magnitudinis vix credendæ evexerat: huic ego syrupi prædicti unciam unam ante prandium, qui tunc mos obtinuit, exhibui: credi vix potest quam magnam aquarum vim per sedem deturbavit, idque nullo excitato tumultu, absque ulla virium ægræ jactura: Quod mihi animos addidit, ut eundem quotidie repeterem, nisi quod diem unum alterumve intercalari paterer, si quando paulo infirmior videretur. Atque ita aquis sensim eductis, venter indies detumuit, ipsaque prorsus convaluit. Ego fiducia plane juvenili atque hominis inexperti, credebam me ejusmodi medicamen possidere, quo hydropes quoscunque possem debellare: verum hujusmodi erroris intra paucas septimanas admoneretur. Cum enim non ita diu post ad aliam sceminam eodem morbo laborantem, qui febris quartana diuturniori supervenerat, medicinam facturus accederem, eundem syrupum propinavi, quo sæpius repetito, & dosi gradatim aucto, morbum lacerabam; at cum aquarum evacuationem frustra tentarem, catharsi non procedente, tumore autem ventris magis aucto, missum me fecit ægra: atque alterius medici ope, qui remedia efficaciora adhibuit, si bene memini, sanitatem recepit.

Ubi igitur constiterit, ægrum eo esse corporis habitu ut cathartica leniora nec celeriter, nec cum bona euphoria opus suum peragant, fortiora tentanda. Quo in casu, ut modo innui, notandum est, quod licet hydragogorum pauca, si sola exhibeantur, votis respondeant, lenioribus tamen calcaris vice permista, efficacissima omnino sunt. In hujusmodi corporibus, exempli gratia, sequentem potionem cum successu sæpenu-mero præscripsi. *℞. Tamarind. ℥ss. Fol. Sen. ℥ij. Coq. in q. s. Aq. fontan. ad ℥iij. in Colatur. dissolv. Mann. & Syr. de Spin. Cervin. ℥ss. Elect. e succ. Rosar. ℥ij. m. f. Potio.* Quæ tamen potio non nisi robustioribus exhibenda est, quibus alvum solvit, ubi cætera id præstare nequiverint; quod multiplici experientia ipse probavi. Vel *℞. Vini alb. ℥iij. Zalap. subtiliss. pul. ℥j. Zinzib. pul. ℥ss. syr. de spin. cervin. ℥j. m. f. potio, sumenda summo mane, repetendaque singulis, vel alternis diebus pro ratione virium.*

Sequitur alia medicamenti formula, mihi haud infrequens, quo illi satis commode utentur, qui a repetito aliorum purgantium usu abhorrent; quando ægrum callefaciunt inter purgandum, tum etiam corroborer, ex. g. *℞. Rad. Jalap. contus. Hermodactyl. an. ℥ss. Scammon. crud. ℥iij. fol. Senn. ℥ij. Glycyrrhiz. ras. sem. Anis. Carni an. ℥ss. Summit. Absinth. Fol. Salv. an. m. j. Infunde frigide in ℥iij. Aq. vitæ vulgaris, & coletur tantummodo usus tempore. Cap. cochlear j. hora somni, & ji. mane sequenti: Augendo vel minuendo dosin pro ratione operationis.*

Restant vero medicamenta duo, me iudice, palmaria, & in iis qui non nisi ægre purgantur, cæteris quæ vel supra enumeravi, vel adhuc comperta habeo *Spasmodica Elaterium* intelligo, & *Infusionem Croci Metallorum*. *Elaterium* sive *Facula Cucumeris agrestis* potenter in permodica quantitate vires suas exerit in conturbanda alvo, & facibus cum serosis & aquosis humoribus copiose egerendis, adeo ut ejus grana duo plerisque, in genere loquendo, corporibus dosis

aptissima sint. Ego permiscere soleo *Pil. ex Duobus* ℥bj. quas in pilulas tres exiguas formandas, ac mane sumendas impero.

Infusionem Croci quod spectat, ejus ℥iij. (vel purgatu difficillimis ℥ij.) mane exhibita, & quotidie pro ægri viribus reiterata, quamlibet prima facie haud aliud promittat, quam colluviem in ventriculo stabulantem egerere, tandem tamen efficiet, ut abdomen ab aquarum super-incumbentium onere liberetur. Præterquam enim quod cessante vomitione, in catharsin *κατα* solet desinere, necesse est omnino, ut cum fuerit agitatio concussioque tam ventriculi quam viscerum, a tam insigni aquarum corrivatione quasi circumseptorum, earundem evacuatio, per ductus communi naturæ lege haud satis patentes, conatum ita vehementem insequatur. Veruntamen si prædictum vomitorium inferiorem ventrem haud efficaciter expurgaverit, tam *Electuarium de Succo Rosarum*, quam *Syrupum de Spina cervina* soleo post tertiam aut quartam dosin meræ infusionis croci metallorum quandoque, licet rarius, adjicere. Ex. gr. *℞. Aq. Card. Ben. ℥iij. Infus. Croc. Metallor. ℥iij. Syr. de Spin. cervin. ℥ss. Elect. de Succ. Rosar. ℥ij. m. f. Potio.*

Quod vero dentur ejusmodi cæci meatus, per quod aquæ ex abdominis cavitate ad intestina transferantur, de facto liquet; cum quotidie observemus hydragoga tantam aquarum in abdomine inclusarum vim per secessum educere, perinde ac si primitus in ipsis intestinis continerentur. Cui tam duro nodo cum parem cuneum haud facile inveniamus, in mentem mihi venit celebre illud dictum medici omnium sæculorum judicio sapientissimi optimique, *Hippocratis* scilicet, qui in libro de prisca medicina hæc habet. *Λέγουσι δὲ τινες καὶ ἰατροὶ, καὶ σοφισταὶ, ὡς εἶχ' ἐνὶ θυγατρὶ ἰατρικῇ εἰδέναι, ὅτις μὴ οἶδεν ὁ, τί ἐστὶν ἀνθρώπου, καὶ ὅπως ἐξήρπασεν ὅππῃ, καὶ ὅπως συνεπάγη. ἐγὼ δ' ὅτι τέλειον μὴ ὅσα τινὲς εἰρησὶ σοφιστῇ, ἢ ἰατρῷ, ἢ γέγραπται περὶ φύσεως, ἥστων νομίζω τῇ ἰατρικῇ τεχνῇ προσήκειν, i. e. Medici quidam & Sophista dicunt, quod impossibile est eum medicinam cognoscere, qui non novit quid sit Homo, & quomodo primum factus & compactus sit. Ego vero ea quæ ab aliquo Sophista aut Medico de Natura dicta, aut scripta sunt, minus censeo ad Artem Medicam spectare quam ad Pictoriam.*

Attamen (ne vel divinus hic Author erroris ullatenus insimuletur, vel ex hoc loco Empirici ignorantie suæ patrociniū quærant) aperte dicam, me quantum attentissima cogitatione, eaque ad praxin (quæ medicinam profitentium lapis Lydius haberi debet) relata assequi valeam, utcunque existimare, quod necesse omnino sit ut Medicus structuram humani corporis probe calleat, quo rectius veras ideas & naturæ, & causarum quorundam morborum animo concipere ac formare queat. Neque enim fieri potest, ut qui rerum fabricam ignorat, ductuumque exinde ad vesicam tendentium, conjicere possit, unde oriantur symptomata illa, quæ a calculo vel in pelvim, vel in ureteres altius impacta pendent. Nec minus Chirurgum oportet eandem humani corporis structuram perdiscere, quo melius inter operandum ab iis vasis, sive aliis partibus absteineat, quæ, si violentur, ægro exitium afferant. Sed nec ossa dislocata ad situm naturalem recte poterit reducere, nisi eam ossium compagem, *Skeleton* dictam, curiose inspexerit, atque animo comprehenderit.

Hujusmodi itaque humani corporis notitia omnino necessaria est; quam qui non habet, cum quibusdam morbis *Andabatarum*, quod ajunt, more pugnabit, aut sine nautica pyxide tentabit mare. Porro hæc scientia & cito & facile acquiritur, cum id præ cæteris difficilioribus habeat compendii, quod *αὐτοψία* in cadaveribus vel humanis vel animalium quorumlibet perdiscatur, idque nullo fere negotio, etiam ab iis qui mente ac judicio minus valent. Veruntamen in acutis quibuslibet, quod genus plus quam duas tertias morborum partes comprehendit, atque porro in chronicis plerisque, omnino fatendum est τὴν Θέσιν inesse, sive specificam proprietatem aliquam, quam nulla unquam contemplatio a speculatione corporis humani deducta, queat indagare, atque in lucem protrahere. Quamobrem ne ita homines in cadaverum dissectione præcipuam locarent operam, tanquam exinde

potius quam ex *φαινομένων* naturalium, ut & *Juvantium* & *Ladentium* diligenti observatione, promoveri possit ars medica; id opinor, ut maxime caveri in loco prædicto voluit divinus ille senex, non autem generalem fabricæ humani corporis notitiam carpere ac fugillare.

Et profecto virum tantum tamque sapientem nullo modo potuit latere, humanam omnem investigationem ultra generalem ejusmodi notitiam perungere non posse. Licet enim diligenti in secandis cadaveribus inquisitione ac scrutinio, majora organa, quibus natura in peragendis operationibus suis utitur, in conspectum veniant, vasaque itidem nonnulla, per quæ succi ab his ad illas corporis partes transmittuntur; quæ tamen hujus motus sit origo & causa primaria, oculi docere nequeunt. Neque microscopium quodvis vel exquisitissime elaboratum exiles istos meatus, per quos chylus, ex. gr. ex intestinis in vasa chyli transcolatur, vel per quos ductus sanguis per arterias derivatus in venarum oscula reducendus transmittatur, potest de tegere. Quinimo sunt & alii fere innumeri, iique magis adhuc affabre concinnati, meatus ac pori in hac miranda hominis compage, quos nemo hominum ne per somnium quidem vidit; cum rudis & indocta, (sit verbo venia) cognitio nostra in rerum cortice omnis ferme versetur, ac ad τὸ ὄντι sive quod res hoc modo se habeat, fere tantum assurgens, τὸ δῆλον, sive rerum causas nullatenus attingat. Utut se res habeat, haud difficili investigatione scire possumus, quantum nobis dirigendis (prout fert rei natura) sufficit in eorum curatione morborum qui hujusmodi peritiam, quod supra dixi, sibi vendicant: maxime vero quantum nos impellat ad Divinum Artificem summa animi demissione adorandum, dum stupendum ejus artificium contemplamur in iis, quorum ratio nobis innotescit, tum illud longe excellentissimum in cæteris, ad quæ prorsus cæcutimus.

Et sicuti *Hippocrates* eos reprehendit, qui huic in humanis corporibus speculandis curiositati & *αἰσχρολογία* plus dant quam observationibus practicis, ac proinde quam ipsius naturæ judicio; ita pari jure prudens vir quispiam in hoc nostro sæculo eos culpæ possit, qui existimant, artem medicam nulla realia magis promoveri posse, quam novis *Chymicorum* inventis. Quanquam enim ingrati prorsus animi esset non libenter agnoscere id emolumenti, quod chymix acceptum debemus, eo quod utilia nonnulla medicamenta, & indicationibus satis faciendis perquam accommoda (inter quæ vel hoc ipsum *Emeticum*, de quo jam agimus, haud infimum locum tenet) nobis suppeditaverit; atque eam ob causam, si intra pharmacopææ limites contineatur, ars est satis quidem laudabilis: attamen nec illi culpa, aut saltem errore vacant, qui cerebrum sibi eoque excalefaciunt ac torquent, ut tandem arbitrentur, artem medicam in hoc præsertim deficere, quod remediis magnis atque efficacibus a sola *Chymicorum* præparatione atque opera nobis subministrandis, indigeat. Cum ei qui rem recte perpenderit, satis liqueat, præcipuum medicinæ faciendæ defectum non in eo verti, quod nesciamus quo pacto huic aut illi intentioni satisfacere debeamus, sed quod non satis sciamus, quænam sit illa intentio, cui satisfaciendum est. Cum vel rudissimus quispiam pharmacopœæ servulus intra dimidium horæ quadrantem certum me faciat, quo medicamento vomitionem, purgationem, vel sudores provocabo, vel refrigerabo æstuantem; at vero in palæstra medica probe exercitatus sit oportet, qui pari certitudine me docere queat, ubi hoc vel illud remedium genus in usum revocare debeam per omnem morborum ac curationum circuitum.

Et quia certissimus sum nihil æque ad judicium hac in re rite formandum conferre atque observationem exactissimam *φαινομένων* naturalium & morborum, & pariter eorum, quæ in praxi cernuntur a *Juvantibus* & *Ladentibus* derivata, post ea sive remedia usurpata, sive etiam medendi methodum istam, quibus morbos depellere satagimus. Hac si diligenter inter se collata fuerint, mihi ostendent & morbi naturam, & insuper undenam curativæ indicationes desumendæ sint longe melius certiusque, quam si ad speculationem naturæ hujus aut illius principii corporis concreti tanquam ad *Cynosuram* cursum dirigam. Etenim vel

exquisitissimæ hujus generis dissertationes nihil aliud sunt quam metaphora belle deducta exornataque: quæ etiam ad eorum instar omnium, quæ in scena imaginationis, non vero in ipsa rerum natura fundamentum habent, dies delebit ac preteret; cum *Natura indicia* rerum veritati superstructa, non nisi cum ipsa natura interciderint.

Quamvis autem *Hypotheses* speculationibus philosophicis innixæ futes sint prorsus, cum nemo hominum scientia intuitiva præditus sit, qua fretus principia queat subternere, quibus mox superstruat; attamen si *Hypotheses* ab ipsis rebus factis fluant, ex eis tantum observationibus natæ, quas phænomena practica & naturalia suggerunt, stabiles manent & inconcussæ: ita ut licet praxis medica, si scribendi ordinem respicias, ex hypothesibus orta videatur, nihilominus ipsæ hypotheser, si modo solidæ fuerint ac genuinæ, praxi quadantenus originem debeant. Exempli gratia, in *Affectione Hysterica* non ideo calybeatis utor, cæterisque sanguinem invigorantibus; nec ideo ab evacuantibus me tempero (nisi scilicet in statibus quibusdam circumstantiis) & remedia potius paregorica impero, quia primum pro concessio habui hunc morbum a debilitatis fractisque spiritibus animalibus pendere: verum cum *φαινομένων* practicorum constans observatio me docuisset cathartica exhibita morbi symptomata semper auxisse, his vero contraria eadem symptomata conspire solere, ex hac, aliisque *φαινομένων* naturalium observationibus hypothesin meam desumpsi, ita ut Philosophus Empirico hic famularetur. Quod si ab hypothesi cœpisssem, ea plane ratione insanirem atque ille, qui tabulata tignaue domus superiora prius velit erigere quam fundamentum jecerit: quod quidem istis tantum convenit, qui in aere *Castella*, quod ajunt, solent extruere; his enim certo quodam privilegio ab alterutra extremitate licet ordiri.

Sed ut ad rem redeam. Quicumque demum sint meatus isti, per quos aqua ex abdominis cavitate in intestina deducitur, certissimus sum vomitionem a dicto emetico excitatam easdem potenter evacuare, idque non solum deorsum per sedem, sed & sursum per ipsum ventriculum atque os in vomendi actu. Etenim post duas vel tres evomendi vices, aquæ non tam medicamenti vi secretoria elici videntur, quam ruptis quasi repagulis & claustris refferatis, pleno alveo effundi: quod satis constat ex earundem eruptione atque impetu sæpe facto inter ipsa vomendi spatia, sive intervalla.

Mense Augusto postremum elapso, paupercula quædam annos habens 55. aut circiter, opem meam imploravit. Febre intermittente diu laboraverat, dein carcere fuerat inclusa fere per triennium, a frigore multum passa erat, venter denique ad tantam molem increverat, ut ei parem nunquam hætenus viderim: Ego *Ζίσ. Infusionis Croci Metallorum* singulis diebus ad triduum exhibui, mox alternis diebus pro virium ægræ ratione, usque dum doses omnino sex hauserat. Primis aliquot vomendi vicibus urina penitus supprimebatur, quam postea quandoque per intervalla reddebatur, sed raro admodum: quo frequentius emeticum repetebat, eo majorem aquæ copiam solebat rejicere, idque sub finem tam per os quam, per sedem. Verum post tertiam dosin tumor subsidere atque imminui cœpit, & post quatuordecim dies filo, quo crassitiem corporis inflati jussu meo fuerat dimensa, judice ac teste, jam tribus pedibus gracilior comparuit, atque aliquot aquæ congios, supputatione ex iis quæ mihi ipsa narravit facta, *ἀπὸ τῆς κατὰ* egresserat. Ita ut quæ prius in lecto non nisi erecta dormiebat, ne decumbens ab aquarum pondere suffocaretur, jam capite in pulvinar reclinato secura jaceret, & de latere in latus pro arbitrio se movere potuerit. Cum vero dicta emetica operandi violentia *Vapores*, quos dicunt, ad eum gradum excitarent, ut iisdem diutius morbum laceßere tutum non foret, & tamen tam ex residua adhuc ventris mole, quam aquarum rotatione, quam toties percipiebat, quoties se in alterutrum latus convertebat, & vestigiis insuper rei cujuslibet prementis in tibiis etiam nunc manentibus, plus satis liqueret multum aquæ adhuc in corpore restare: ob causam jam dictam, reliquam curationem purgantibus proprie dictis cogebar absolvere. Posthac igitur vel potionem purgantem

supra dictam, vel aliud quoddam hydragogum præscripsi; idque vel rarius vel sæpius prout vires ejus ferrent, aut vapores minus infestarent. Etenim & catharsis per inferiora affectus hystericos aliquatenus invitabat, licet non ita graves & violentos ac solebant emetica. Atque in hac methodo persistebam, donec prorsus convalescere videretur. Quæ dum fierent, hæc mihi præcipue observanda occurrebant. Primo, quod iis diebus, quibus a purgatione feriabatur, nonnunquam magnam aquarum vim per sedem excernebat, atque etiam sub finem per meatus urinarios, vel ad congii mensuram; quamlibet non ultra ℥iij. vel ℥ij. potus pro singulis diebus concederem: ita ut portæ omnes, atque canales undique patere viderentur. Secundo notatu dignum erat, quod curatione fere absoluta si quando vapores a cathartici commoti tumultuarentur, venter, maxime versus superiora, intumescere, tanquam novo aquarum proventu denuo repletus foret, quod tamen fieri non posse sciebam, cum ita parce bibisset; ac proinde tumorem illum a flatibus, quos peperit *ἀταξία* ista a cathartici provocata, tantum oriri: quod meum judicium eventus comprobavit. Licet enim vel congiuntum aquæ cotidie quo purgabatur ejecisset, mox tamen cœpit intumescere, nec remittebat tumor ille, ad guttur usque assurgens, & dyspnœa affligens, donec corpus a purgantium molestia liberatum, statum naturalem ac quietem reciperet; quo facto & tumor & cætera symptomata derepente evanescebant, donec a succedente catharsi de novo irritarentur. Denique & hoc animadvertendum erat, quod cum præfata fœmina annum agens quinquagesimum quintum, fluxum menstruum jam ab annis aliquot non fuerat passa, attamen menses magno quasi flumine erumpebant denuo; qui sanguinis fluxus debilitati & evacuationibus prægressis additus ingens affectuum hystericorum agmen adducebat, dolorem scilicet in dorso & circa regionem splenis vehementem, cephalalgiam, & tussim ferinam. Adhuc tametsi post tam insignem aquæ quantitatem per os, sedem, & urinas eliminatam omnino credibile esset non multum in corpore restare; attamen venter haud minus protuberabat, quam nulla adhuc evacuatione tentata solebat. Quamobrem ad hos motus sedandos, qui etiam ad septimanam a postrema purgatione negotium facebant, coactus sum ad quatuor noctes continuas *Diacodii* ℥iij. propinare; quæ etiam desis erat repetenda, nisi somnus intra horas tres insequeretur. Quo tandem pacata sunt omnia, & tumor disparuit.

Hoc interim observari velim, quod si leviculo aliquo ventris tumore tentetur æger, non ita prompte educuntur aquæ per infusionem croci metallorum, ac in ascite grandiore, ubi ingens aquarum copia aggesta fuerit: etenim vel ipsa aquarum moles dum emetici operatione agitur ac concutitur, ad earundem evacuationem mire confert, atque eam ob causam nisi venter in tumorem insignem attollatur, omnino convenit, ut tota res evacuationibus per inferiora committatur.

Est & aliud medicamentum satis vulgare ac simplex, quod hydropem pari ratione, qua illud, de quo modo egimus, expugnat. Nempe manipuli iij. *Corticis interioris Sambuci* a ligno derafi in ℥ij. aquæ & lactis simul mistorum, ad ℥ij. incoquantur. Decocti hujus altera medietas mane, altera sero quotidie assumatur, donec æger convalescat. Hoc remedium & vomitionem ciat & catharsin, pariter ac crocus metallorum; ac proinde eodem modo morbum depellit, non vi aliqua specifica: quocirca si neutram harum operationum præstet, vel si mediocriter ac parce, ne hilum prodest quidem: ubi vero alterutram producit efficaciter, maxime vero si utranque, mire ad hunc morbum debellandum confert.

At sane, quod serio animadvertendum est, haud raro accidit, ut aqua non solum in crura ac tibias deturbetur, sed etiam in ipsam abdominis cavitatem depluat, quæ tamen medicamenti cathartici sive *ἀνα* sive *κατα* ducentibus, omnino elicienda non est. Verbi gratia, quoties hujusmodi tumor vel phthisis diuturnam excipit, vel a viscerum alicujus labe ac putredine nascitur; vel a sanguinis tono, si ita loqui fas est, non tantum relaxato, sed & deperdito, ac spiriti-

bus penitus exhaustis, vel a longa fistularum in partibus carnis mora, quæ copiosam saniem egresserunt; vel a nimia debilitate atque evacuatione tam humorum, quam spirituum quos advocavit sive salivatio, sive sudatio, sive etiam purgatio justo intensior, & diætæ tenuis quæ in luis veneræ curatione, etiam magis quam res postulabat, fuerant adhibitæ. In his atque aliis morbis ad hunc modum factis, æger non tantum non juvabitur a catharsi, sed imminuto adhuc amplius sanguinistono, augebitur malum. Quamobrem rebus ita stantibus, omnis curationis cardo in sanguine ac visceribus omni ope corroborandis firmandisque omnino vertetur. Inter cætera hujus ordinis, præter remedia confortativa infra enumeranda, ego certissimo experimento edoctus sum, aeris mutationem, & in aere libero exercitium, quale quale demum æger ferre potuerit, huic indicationi apprimè respondisse; spiritibus scilicet quasi nova vita hoc pacto afflatis, atque organis excretoriis ad pensum sibi debitum denuo revocatis.

Est etiam ubi absque omni istiusmodi *προπάσει*, intentioni isti quæ aquas evacuandas respicit, nec cathartici; nec emetici satisfaciendum est: quoties enim vel æger constitutione est infirmiore, vel fœmina vaporibus atque ataxiis spirituum animalium admodum obnoxia; fieri non potest, ut cathartici, & multo minus ut emetici res geratur. Hic itaque aquarum evacuatio *Diureticis* committenda est. E quorum familia, licet quamplurima in Medicorum scriptis magni sint nominis, efficacissima tamen (ne dicam sola) mihi videntur ea quæ e *Salibus Lixivialibus* fiunt: neque quicquam refert, e quorum vegetabilium genere cineres petantur. Quandoquidem vero vix aliud vegetabile *Genista* sit parabilius, & in hoc morbo bene audiat, ego ut plurimum cinerum ejus ℥ij. in *Vini Rhenani* ℥iij. frigidi infundi jubeo, addendo *foliorum Absinthii vulgaris* pugillum unum alterumve. Liquoris per filtrationem colati ℥iij. mane, hora quinta pomeridiana, & sero, ægro jugiter hauriendas impero, usque dum tumor evanuerit. Quo solo remedio hydropes pro deploratis habitos curatos vidi in iis, quorum crasis debilior purgantibus ferendis non fuit.

Aquis autem, (ut ad secundam intentionem properemus) quæ sunt proxima causa morbi, jam penitus evacuatis, non nisi ad dimidiam curationis partem ut plurimum perventum est, nisi sanguinis etiam debilitati, quæ prima morbi origo fuit, occurratur. longo & assiduo medicamentorum *Calefacientium* & *Corroborantium* usu, unde novus aquarum proventus præcaveri possit. Quamvis enim in junioribus sæpe contingat, ut aquis rite expurgatis sine alio quovis præsidio convalescant, cum eorum calor naturalis jam ab aquarum onere ac pressura liberatus, dictorum remediorum vices supplere valeat; tamen in ætate provectioribus, aut iis, qui alias minus sano corporis habitu sunt præditi, omnino necesse est; ut statim ab aquarum educatione jam absoluta, ad eorum simplicium usum, quæ sanguinem excalefaciunt invigorantque, protinus confugiant. Inter quæ ea, quæ ego jam superius in *Podagra* curanda laudavi, sive ipsa remedia spectent, sive *sex res non-naturales*, præter illa quæ jam dicuntur, locum habere possunt: (nisi quod *Vinum* a quo in podagra prorsus est abstinendum, non tantum non noceat hydropicis, sed & profit admodum, si pro potu ordinario usurpetur) Cum hi duo morbi id habeant commune, quod eadem remedia corroborantia utriusque causæ originali adversentur. Fatendum est interim, quod cum tam ex manifestis phænomenis, quam a juvantibus & lædentibus edocti simus tum hos, tum alios plures *morbos Chronicos* sanguinis debilitati atque *indigestioni* ortum debere; nec ulterius progredi valeamus, adhuc in extimo morborum cortice hæremus; nec in essentielles eorumdem differentias, & específicas humorum depravationes ab istiusmodi indigestionibus prognatas, (quæ quidem *ἀνέξια* communis omnium stirps est) quivimus penetrare. Uti neque varias illas specificationes, quæ in morbis acutis ab una eademque causa, sanguinis nempe *inflammatione*, fluunt, ullatenus callemus. Quocirca tam in his, quam in chronicis morbis, cum *Specificis* careamus, curatio-

nem non ad essentialem morborum naturam, sed ad causam eorundem magis generalem dirigere cogimur. Curandi methodum subinde variantes, vel pro indicio naturæ spontaneo, quo in morborum eliminatione illa utitur; vel experientiæ, cui potissimum medicatio- nis generi quilibet morbus facillime concedat dictan- tis, filum secuti.

Porro ad hanc, de qua jam agimus, intentionem im- plendam, nempe ut sanguis corroboretur, sive aquarum evacuatio per hoc diureticum, sive per catharsin, vel etiam vomitionem procuretur ut supra, omnino necesse est, ut æger, quantum res ferat, *Vinum* potare teneatur dum in curando est, (modo ne prius incipiat *διπονοῖαν* quam meatus quadantenus reclusi fuerint, & porta aquis data) vel saltem loco vini cerevisiam aliquam e genero- sioribus; cum liquores tenues ac refrigerantes quilibet, utut ægri palato arrideant, qui fere semper in hoc mor- bo siticulosus est, cum magis phlegmaticum reddant, & aquis obstericentur: raro itaque, aut nunquam hi sunt concedendi. Atque e diverso liquores generosi, modo non sint spiritus per distillationem eliciti, usque adeo sa- nitatem promovent, ut vel soli aliquando amissam revo- caverint; utique in morbi initio, nondum multa aqua distento abdomine, præsertim si herbis calefacientibus & confortantibus fuerint imprægnati. In pauperibus, ver- bi gratia, quorum res angusta domi, meliora remedia non permittebat, *Cerevisia fortis*, in qua quantitas suf- ficiens *Radic. Raphan. Rustic. fol. Absinth. vulgaris, Cochlear. hortens. Salvia. Centurii min. summitatum Genista* inclusa fuerit, meo consilio usurpata pro potu ordinario, sola fuit instar omnium. Pro ditioribus vi- num Canarinum eisdem herbis amaris potest similiter im- prægnari, cujus haustulus bis terve de die inter medica- menta supra memorata deglutendus est. Vel si id palato minus allubescat, *Vinum Absynthites* vice ejus substitua- tur, de quo æger sumere possit cochlearia ix. post *Electua- rii Digestivi* (in *Tract. de Podagra* descript.) 3ij. horis medicinalibus, i. e. mane, quarta pomeridiana, & no- cte, devorandas. Electuarium hoc huic intentioni fa- ciendo satis, corroborantia quælibet medicamenta lon- go post se intervallo linquit alia. Hic vero magni mo- menti est, quod æger parce admodum bibat liquores istos, qui minus generosi sunt; quandoquidem omnes, qualescunque demum sint, aquis nonnihil incrementi dant; adeo ut vel omnimoda abstinentia a potu non- nullos sanaverit: atque ob eam causam si liquoribus istis quandoque indulgendum sit, æger tamen admodum par- ce eos bibat. Veruntamen cum sitis magna huic affectui se comitem adjungere soleat, quam insuper a potu te- nuiori abstinentia adaugeat, e re erit, ut æger sapien- scule aqua frigida *Spiritu Vitrioli* acidulata os colluat, aut *Tamarindos* in ore subinde teneat, aut *Limonem* manducet; neutrum vero deglutens, præ eorum frigi- ditate quæ morbo minus convenit.

Verum inter *Corroborantia*, *Chalybs* in hydropis incipientis curatione haud infimum locum sibi vendi- cat, sanguinem videlicet invigorando, calefaciendo- que. Quam ob causam & *Allium* hic adeo conducit, cum eo solo, missis evacuantibus, hydropem ex alio- rum præscripto, non meo, depulsum noverim.

Est enim observandum, eum hydropem qui vel pedes tantum inflavit, vel etiam ventrem, sed modice, non statim curationem per emetica & cathartica sibi deposce- re; sed hujusmodi liquoribus præfatis calefacientibus & corroborantibus haud raro cedere. At vero præ ceteris serio animadvertendum est, quod quoties hunc morbum solis corroborantibus, vel etiam lixivialibus aggredimur, æger nullo modo expurgandus est sive mitiori, sive for- tiori quocunque pharmaco, tantisper dum sanguinis cor- roborantia navatur opera: evertet enim catharticum quidquid corroborans subtruxerit; quod vel invitus agnoscat oportet qui observaverit tumorem, qui ab usu corroborantium jam imminui cœperat, mox a purgatio- ne augeri. Etenim tametsi cum intentioni isti aquas edu- cendi satisfacere cupiamus, haud abs re fuerit, etiam corroborantia subinde exhibere; tamen cum tota res in isto solum cardine vertitur, ut sanguis corroboretur, omnino necesse est, ut a cathartice abstineamus.

Notandum est autem ægrum non semper sanari, quam- vis utrique indicationi satisfecerimus, i. e. cum aquæ in abdomine congestæ omninoeductæ fuerint, tum etiam calefacientia & corroborantia postea ad præcavendum

novum aquarum proventum fuerint exhibita. Etenim non raro contingit, ut *Ascites* ad multos annos perdu- rans, diuturna aquarum in viscera incubatione eorum substantiam perverterit, & quasi semicoxerit: & tam ipsa viscera quam partes vicinas corruperit penitus, glandulas præternaturales & vesiculas sanie turgidas ge- nerans, & omnia intra abdominis cavitatem contenta in putrilaginem quasi quandam convertens: prout in eo- rum cadaveribus, qui ab ascite inveterato sunt interem- pti, sectio patefecit. Morbus ad hunc gradum jam pro- vectus, artis subsidia, quantum video, contemnit. Ni- hilominus Medici est, cum certo scire nequeat, quantum adhuc noxæ visceribus illatum fuerit, curationem omni ope moliri remediis tam evacuantibus quam corroboran- tibus: & neque animo ipsis cadere, neque ægro ut ca- dat author esse debet. Cui rei ob hanc potissimum causam danda est opera, quoniam in permultis affectibus, mor- bi fomite jam penitus exantlato, natura, quæ noctes at- que dies nostris rebus invigilat consulitque, sponte sua mirum in modum machinatur, quo ægrum a pernicioso morbi reliquiis muniat ac tueatur. Quamobrem omnis ascites quantumlibet inveteratus, & quantumlibet fu- nestam cladem visceribus intulerit, haud alio modo tractari potest, quam si nunc primum occæperit.

Topica sive remedia *Externa*, quantum ego observa- re potui, nihil egregium in hoc morbo præstiterunt un- quam. Ea minus saltem nocuere, quæ in forma sive ca- taplasmatis, sive linimenti abdomini ad tumorem discuti- endum fuerint applicata. Neque tamen video, quo pacto aquæ possint discuti. Verum & alia sunt a nonnul- lis remediorum loco præscripta, quæ ita non profunt, ut etiam ob sint plurimum. Hujusmodi sunt *Unguenta e Cathartice* fortioribus confecta, atque abdomini adhi- bita; *Vesicatoria* item cruribus & tibiis superimposita, ubi cutis in magnam molem fuerit protensa, ad aquas sc. hoc pacto educendas. Utrunque hoc genus medica- tionis est periculofum; cum a primo vis simplicium ca- thartica ita penitus nonnunquam musculis ac membra- nis impingatur, ut excitetur hypercatharsis, nulla reme- diorum ope unquam sistenda. *Vesicatoria* autem locis prædictis ab empiricis applicari solita, calorem natura- lem jam ferme aquis obrutum, deficientibus item spiri- tibus animalibus, omnino extinguunt, & *Gangrenam* (plus satis in hoc casu familiarem) sæpenumero invi- tant. Etenim vulnus vel levissimum in hydropicorum carnibus, maxime in membro pendente, sanatu difficil- limum est: quoniam ipsa carniū substantia his in par- tibus usque adeo irrigua est & scatens latice, ut data quacunque porta, continuo cursu prorumpat humor, a quo vulneris conglutinatio impeditur. Neque aut fe- liciori cum eventu, aut minore discrimine administran- tur, me iudice, sive *Paracetensis*, sive *Acupunctura* a nonnullis celebrata, quam vesicatoria.

Ut tandem finiam; quamvis hic morbus ubi jam in verum *Ascitem* evaserit, pro deplorato semper habitus fuerit; attamen constabit, quod si dicto modo tractetur, æque certo potest subjugari (modo viscera a corruptione sint libera) ac alii permulti, qui non ita funesti vulgo æstimantur.

At si quis forte arguerit hæc remedia, utpote simpli- cissima & plane inartificialia, ego potiori jure ejus ne- quitiam arguam & improbos mores; si dum fingatur alios hujusmodi simplicibus medicamentis juvari, se, uxorem, vel liberos suos, si quando ægrotaverint, vel vilissimis ad sanitatem reduci exoptet. Adde, quod fucum sibi facit Morio, *Equitans in arundine longa*: etenim artis medicæ pompa & dignitas non tam in for- mularum concinnitate & elegantia, quam in morbo- rum curatione cernitur.

Atque hæc sunt, quæ de his duobus morbis dicenda habui: & nisi fallor alios haud attingam unquam. Ve- rum ista quod spectat, quæ hæctenus in publicum dedi, si quis ea semel tantum perlegere dignetur, est quod do- leam, me huic eam perdendi temporis ansam præbuisse. Quod si eadem sæpius relegere voluerit, & alta mente reponere, nullus dubito, quin eum fructum ex iis capi- at, qui voto & magnis laboribus, quos ego in istis ob- servationibus faciendis componendisque locavi, aliqua- tenus respondeat. Quæ quidem quam bona fide fuerint traditæ, haud aliter sciet, quam si in earum praxi fuerit versatus, ac perinde in observando diligens ac curiosus explorator atque ego prius fueram. At si in paucis iis quæ scri-

scripsi, naturam, me quasi manu ducentem, omnino secutus fuerim, nullius unquam hominis, quantuscunque is demum sit, opinionationibus me addicens, pro certo habeo sapientes, quotquot sunt, veniam mihi saltem duros; quos & latere non potest, duo esse hominum genera, qui profectum omnem in arte medica ex æquo prohibent, sufflamminantque. Primum ii sunt, qui nullum prorsus symbolum ad eam, quam profitentur, artem excolendam ipsi conferentes, illis succensent, qui vel minimum conferre videantur; defectus interrim suos atque socordiam, reverentiam, quam antiquioribus, a quibus ne latum unguem discedere audent, debere contendunt, specie prætexentes. Quorsum vero reliquas artes omnes, quæ homines minus tangunt juvantque, magna incrementa sumpsisse fateamur, etiam sine ulla priscorum hominum injuria, solam autem medicam undique perfectam existinemus? An non certioris istius quæ nunc obtinet, navigandi artis, repertores, eum *Pyxidis Nauticæ* usum, qui ita feliciter cessit, tentare potuerint, nisi primos ac rudiores illos, qui non nisi ad stellarum conspectum, & littorum anfractus cursum suum dirigebant, prius contempserint? Aut accuratior illa ac magis perfecta, siue construedarum navium, siue earundem in pugna regendarum, ars, qua hodie præ cæteris pollent Europæ magis Occidentales incolæ, istos sugillat Naupegos, qui classes eas fabricabant, quæ olim *Atlii* depræliabantur? Aut *Augustum & Marcum Antonium*, tanti belli duces & classium rectores, ignominia afficit? Adhæc innumera fere sunt exempla rerum a nuperis hominibus inventarum, quæ antiquioris sæculi inventis longe antecellunt: quarum omnium repertores haud potiori jure priscorum memoriæ vim inferre censendi sunt, quam is filius patris famam lædere putandus est, qui rem familiarem a parente acceptam, industria ac solertia sua auctiorem ac cumulatiorem reddiderit. Est & aliud hominum genus, qui præ animi levitate, ingenii ac sapientiæ haud vulgaris titulum affectantes, *Speculationes* ad morborum curationem ne hilum facientes, moleste ingerunt; Medicis non tam viam præmonstrantes, quam ignibus suis fatuis devios in errorem agentes. His natura cum ingenii modum largita est, quod de illa docte nugari queant; at prudentiam non dedit, qua intelligant se eam haud aliter scire posse, nisi experientia indice, atque ejus peplum revelanti: quando abjectior humanæ naturæ conditio ad scientiam *Intuitivam* nullatenus assurgens intra angustos cognitionis, quam a quinque sensibus haurire potest, limites coarctetur. Unde nihilominus vir *Prudens*, quantum fert fors humana, quis potest evadere? *Philosophus* vero, saltem pro angustiori hujus nominis majestate, nemo mortalium evadet unquam. Medici autem *Philosophia* omnis in expiscandis morborum historiis, iisque remediis adhibendis, quæ *experientia* indice ac magistra, eosdem valent depellere, tota stat; observata tamen, ut alibi dixi, incedendi methodo, quam recta ratio (non speculationum commentis, sed trito & naturali cogitandi modo innixa) ei dictaverit.

Postscriptum.

Lector mihi veniam concedat, si unum haud parvum tam in dignoscendis, quam curandis febribus momenti hic adjiciam, quod nisi memoriæ mihi exciderat, loco magis suo dicendum fuerat. Observavi, quod singulis annis ab hyeme ingruenti usque ad ver adustum, *Febris* quædam invadit, quæ tam quoad symptomata quam curationem a *Stationaria*, siue febre epidemica constitutionis generalis, quæ tum obtinet, plane discrepat, proindeque in febrium, quas *Intercurrentes* appello, classem recensenda est. Frigiditati aeris una cum crassitie ac humiditate ejusdem illa originem suam debere videtur: Hinc enim pori cutis occluduntur, & sanguis ob impeditam transpirationem coluvie serosa oneratur, quæ tandem inimica facta, ac diuturniore mora putrescens, facile a suscepto frigore, vel a levi aliqua occasione febrem accendit. Si materia morborum committens copiosa admodum fuerit,

ea febris emergit, quam sub titulo *Peripneumoniae nothæ* Libro de morbis Acutis Sectione sexta, Capite quarto descripsi. Sin autem humor iste minus scateat, ea solummodo symptomata producit, quæ jam sum descripturus. Ager per diem unum vel alterum post primum febris insultum nunc incalescit, nunc friget: de dolore capitis atque artuum cum inquietudine quadam totius corporis conqueritur: Lingua alba apparet: pulsus sanorum pulsui non admodum absimilis: urina turbida est & intense rubet: sanguis ei detractus pleuriticorum sanguinem æmulatur: tussis ferme adest; sed respirationis difficultas, thoracis coarctatio, & dolor capitis inter tussendum quasi idem dissiliret, dictæ tussi, (sicut in *Peripneumonia nothæ* solent) se non adjungunt, proindeque cum nothæ insignioribus peripneumoniacis hæc febris haud stipuletur, licet a dicto morbo non nisi gradu dissideat, *Febrim Hyemalem* indigitare lubet.

Hic morbus, etsi primo ejus insultu symptomata solummodo a frigore suscepto orta, præ se ferat, si tamen male tractetur, longam ineluctabilem malorum catenam post se trahit, quæ tandem mortem ipsam accersunt. Etenim cum æger lectulo incarceratus fuerit, & cardiacis nescio quibus ad sudorem eliciendum, ac proinde ad febrem solvendam (quod tamen raro perficitur) mulctatus, delirium, lethargus, pulsus languidus & inordinatus, lingua arida, maculæ rubentes, & quandoque ad livorem aliquantulum accedentes sæpe sæpius hanc febrem comitantur. Hæc atque hujusmodi symptomata, etsi nonnullis pro *malignitate*, ut loqui amant, imponant, revera tamen rei male gestæ sunt adscribenda. Cum enim hæc febris suapte natura plus satis inflammatione polleat, sanguis adhuc ulterius cardiacorum, & jugi lectuli usu inceditur: unde spiritus in confusionem, ac motus inordinatos inconditosque adiguntur, atque materia morbifica in cerebrum impulsæ in pessum ruunt omnia.

In hac febre pellenda hunc mihi scopum propono, ut exundantem scilicet illam pituitæ colluviem ob hyemis analogiam congestam venæ sectione revellam, & repetita catharsis subducam. Hæc ut fiant, ubi primum accersor, sanguinem e brachio dextero ad ℥ix. vel x. mitti jubeo. Die sequenti blandam illam potionem purgativam, mihi in praxi familiarem exhibeo. Ut *℥. thamarind. ℥ss. sol. senne ℥ij. rhabarb. ℥ss. Coq. f. q. aq. ad ℥iij. Colatura dissolve manna & syr. rosar. sol. an. ℥j. m. f. f. potio, sumenda mane.* Hanc potionem per duas alias vices repeto, die uno inter singulas purgationes interposito, modo symptomata omnia citius non disparuerint: Et noctibus insequentibus paregoricum ex syr. de meconio ℥j. propino. Diebus a purgatione vacuis, modo tussis adsit, *Decoctum Pectorale*, & *Eclegma ex oleo amygdalarum dulcium*, syr. *Capill. Veneris & violarum* subinde assumenda præcipio. Atque ad nimium sanguinis fervorem reprimendum, si febris magnopere æstuet, *Emulsionem ex seminibus frigidis* præscribo; ut *Julapium seq. ℥. Aq. Nymph. Portulac. & lactuc. Portulac. & lactuc. an. ℥iij. syr. viol. ℥j. M. f. Julap. de quo bibat ad libitum.* Interim ut æger a lecto interdum sibi temperet, injungo, ut & a carnis esu: post primam vero, vel secundam purgationem haustulum jusculi tenuis ex pullo gallinaceo facti subinde assumendum concedo. Verum hoc notandum, si symptomata quævis graviora, ut respirationis difficultas, dolor capitis inter tussendum lancinans, malum hoc ad peripneumoniam notham propius accedere indiget, hoc in casu tam venæ sectio, quam catharsis eousque debitis intervallicis sunt iterandæ, donec symptomata omnia penitus evanuerint, & æger eo modo quem capite dicto descripsimus, sedulo tractandus. At non nisi perquam raro febris, de qua jam agimus, ad eam savitiem assurgit, ut post unicam phlebotomiam, & tres purgationes pluribus evacuationibus indigeat.

Sed de hoc satis, quod tamen mihi neutiquam reticendum videbatur, quo minus errante diagnosi febris hæc *hyemalis* pro *Stationaria*, siue febre epidemica generalis cujusvis constitutionis habeatur, cum ingentem hominum vim ob hanc rem vel neglectam, vel ignoratam periisse certo sciam.

SCHEDULA MONITORIA

DE

NOVÆ FEBRIS INGRESSU

PER

THOMAM SYDENHAM, M. D.

Accedunt ejusdem

DE FEBRE PUTRIDA VARIOLIS
confluentibus superveniente,

ET

DE MICTU SANGUINEO
a Calculo renibus impacto
DISSERTATIONES.

V I R O

Tam Virtute, quam Eruditione undique
consummato,

CAROLO GOODALL, M. D.
Coll. Med. Lond. Soc.



Um ea, quæ de Febre præsentî hujusce Constitutionis nuper observaram, in publicum edere statuerem, Tibi, præ cæteris, Vir Ornatissime, opellam hanc meam dicandam esse censi; idque ob duas potissimum rationes mihi faciendum videbatur. Primum quod cum amicissimus mihi sis, comes indivulsus lateri semper hæstisti, meque tuo juvasti patrocinio contra omnes quotquot se mihi uspiam objecerant. Quod non tam mei ipsius gratia præstabas, quam ex incocto generoso pectore honesto, hoc est, ex magno proboque animo, qui tibi Author fuit, ut veritati a te cognita compertaque assentiri haud dubitares, etiam cum omnes fere omnium, qui rem Medicam tractabant linguæ in me unum exaceruerentur. Quibus tamen non est quod irascar, (nec irascor sane) quandoquidem cum tot nequam Medicæstri cerebrosa sua somnia & figmenta venditantes, quo famam sui latius spargerent, toties mundo imposuerint; fas omnino erat, ut Viri ingenio & judicio præditi, non statim & sine examine ea admitterent, quæ ego jam recepto Praxeos mori plurimum adversantia in medium protuleram. Quo non obstante cum nihilo tibi minus debeam, mearum partium esse duxi, gratum animi mei in te affectum omnibus testatum facere; quando vix alia virtus naturam humanam ad profectus ultimas metas evectam, hac deceat magis. Nam sicuti Reges eos quibus favent, titulis & honorum insignibus illustrare, atque aliis spectabiliores reddere satagunt; ita natura quoties hunc vel illum humili turba ac grege hominum eximere voluerit, gratitudinem, seu excelsioris genii notam ac characterem solet imprimere. Altera Ratio cur tibi potissimum inscribam hæc est: quod sc. pro familiari illa & quasi quotidiana consuetudine, quam jam per multos annos invicem habuimus: Tibi in primis, plusquam cuiquam mortalium, notum esse oporteat, quanto cum labore Noctias illas, quantulascunque, tam Historiam quam curationis morborum, de quibus palam dissexui, indeptus fuerim. Quæ omnia non simul & semel evulgavi, sed interposito annorum aliquot intervallo, prout in aliqualem eorundem cognitionem pervenire tandem potuerim. Istas vero Observationes meas

ita mancas & imperfectas esse judico, ut me magis earum pudeat, quam ut ullam exinde laudem mihi quaram. Utut se res habeat, illud saltem in mei excusationem potest adferri, quod licet 30. annorum, & quod excurrit, spatium, quibus ego non indiligenter in morborum observatione versabar, sufficere posse videatur ad majorem, quam in eorum cognitione ego feci, profectum faciendum; attamen haud temere affirmo, quod licet hoc temporis spatium plus quam sufficiat ad cerebrum Theorematis & Commentis fictitiis, ex Authorum libris collectis, (quæ omnia non magis ad morborum curationem faciunt, quam pingendi Ars ad Artem navigandi) plane obruendum, attamen ne quadruplicatus quidem horum annorum numerus, etiam in homine occupationibus medicis distractissimo, satis erit ad eundem in omni Medica Artis, quæqua patet, circuitu rite perficiendum. Ego saltem pro meo modulo omnem quam potui operam istuc contuli, ut Observationes quam accuratissimas colligerem, quas sine mora prælo mandandas curavi, ut si quid utile haberent, id statim Publico cederet. Quæ in re cum meo munere, pro virili, defunctus jam mihi videar, acquiescit animus meus, nihil porro sollicitus, quo in loco ab aliis habeantur mea scripta. Hoc tantum addo, quod sicuti si quis ea neglexerit, mihi nihil nocuerit; ita qui semel tantum perlegerit, haud multum exinde proficiet. Sed ut hæc missa faciam, obsecro te, Humanissime Vir, ut Tractatulum hunc equi bonique consulas, quo restatum esse volui, quanto te honore prosequor; quod pariter faciunt etiam ii omnes, quibus longe minus quam mihi perspecta est virtus tua. Neque jure merito existimare quis potest, me qui tui nullatenus indigo, tibi assentari, cum palam profitear; Quod sicuti in ea quam exerceas Arte, nemini secundus sis (ut modestè loquar;) ita morum integritate, honestateque undique absolutissima, omnes fere, quorum ego consuetudine unquam usus fuerim, superes. Diu vivas post mea fata, & in latrica palam feras; non tam ad nummos posterorum usui corradendos (quæ quidem ratio, si cum sequente conferratur, animam fere brutorum redolet) quam ut seculo tandem aliquando detegas, quibus modis ista in morbis persanandis difficultates, sub quibus Ars Medica hætenus gemit & succumbit, vinci queant. Quod dum moliris, istis quæ ego primis feci fundamentis, si modo libet, possis superstruere. Ita tamen, ut errata in quæ ego forte inciderim, pro more humano, in meis Observationibus sive Historiam, sive Curationem hujus illiusve morbi attinentibus, ubi ab annosa & repetita experientia melius fueris edoctus, libere ac palam arguas. Neque hoc pacto defuncti ejus memoriam lades, qui in vita cum esset, nihil prius habuit, quam ut Ars Medica a quo-
cunque

cunque deum promoveretur, non tam eruditis de morborum natura commentationibus, (quibus ad nauseam & fastidium usque jandiu explemur) quam certa fidaque eorundem curandarum Methodo, Vale, Vir Optime, & amare perge

Tibi semper Addictissimum

THO. SYDENHAM.

Cura reposcunt: Me Medicus labor
Et Spes locata non vacare
Pieris patiuntur undis.

ED. HANNES.

Ex Æde Christi, OX.

SCHEDULA MONITORIA

DE

NOVÆ FEBRIS INGRESSU.

Excellenti & in re Medica Admirabili Viro

D. THOMÆ SYDENHAM, M. D.

O Quæ capacem nobilis artifex
Eludis Orcum, quo tamen ibimus
Cuncti, quot humana Parentes
Et decima tulit ordo Lunæ;
Præsens fugacem sistere Spiritum.
Præsens maligno tollere de toro
Mortale Corpus, & propinquum
Exequiis remove Morbum.
Quem Nos honorem, quas statuas Tibi
Ponemus, O qui non alium parem
In arte Phœbus, se remoto,
Aut oriens videt aut recumbens?
Quo Febris audax cumque movet pedem;
Te Mater omnis, Te lacrymabilis
Accurrit Uxor, ne caducum
Orba virum puerosque ploret:
Seu Confluentes forte timet notas
Decora Virgo; Tu faciem eripis
Periclitantem protegisque
Perniciem juvenum futuram.
Atqui odit artes & Tua pocula
Hæres profusus, quem simul extulit
Ad spem implicatus vel Febrili
Igne Pater, vel Hydropis Unda.
Mire paratam, Te Medico, Senex
Protelat Urnam, non sine gloria
Phœbi Tuæque, qui fugasti
Pollicitum sibi magna morbum,
Sic Te scientem non faciunt Libri
Et Dogma pulchrum; sed Sapientia
Enata rebus, mensque facti
Experiens, animusque felix.
Non Mille Planta & multa domi Vitra,
Ignesque Centum aut Hypothesis placens
Prosunt Medenti vel coercent
Sæva Luis mala, sæva Febris;
Ni pectus adsit consilii potens;
Ni plena rugis Experientia
Ususque naturam secutus,
Quid faceret moneant in aurem
Hæc Praxis olim grande decus Sacra
Adduxit Arti; Sic Veterum stetit
Secura fama; sic prævit
Hippocrates, meruitque Cælum.
At non eandem sorte pari viam
Pressit Galenus; Non Arabes Virum
Æque secuti; non Falerna
Usque madens Paracelsus uva.
Primus reliqua Tu genium asseris
Fidemque norma: En Diva Tibi Salus
Applaudit & ridens Juventus,
Vitaque non metuens Sepulchri,
Ex quo vagantem scripta manu Tua
Correxit Orbem Pagina nobilis:
Longum Illa Morbosis, Tibique
Perpetuum patefecit ævum.
Jam si qua restant, Eja frequentibus
Concede votis; Nos Juvenilium
Vulgus Medentum, Nos avara
Qualibet excipiemus aure.
Forte & futuro tempore quispiam
Poeta, Musis charior; atheri
Te sidus addet, Te salubre
Sidus, & in Crisibus benignum.
Me destinantem Italia Chymica
Sydenham opera Medica.

T Ametfi, ingravescens jam ætas, & a diuturnis morbis pene confecta, missionem a cogitandi penso, meditationeque intensiori vel eo nomine sibi jure postulare videatur; attamen non mihi tempero, quin vel propriæ sanitatis dispendio, alienam curare satagam: populares scilicet meos admonere de subingressu novæ cujusdam constitutionis, a qua pender febris nova species a nuper grassantibus multum abludens.

Memoria recolendum est, & quod in autumnio, Anno 1677. febres intermittentes se primum exerebant, quæ quotannis increbrescentes, & Ἐπιδημιώτεραι factæ, donec ad suum statum sive ἀνύλω pervenerint, postmodum sensim decrescebant, & postremis hujus constitutionis annis ita raræ apparebant, ut pro morbo epidemico vix, ac ne vix quidem haberi potuerint. Qua de re pariter animadvertendum est, posteriores duos constitutionis jam exeuntis annos hyeme rigidissima fuisse infestatos; penultimum maxime, nempe annum 1683. in quo ita enormi bruma intemperies defæviebat, ut nemo quisquam viventium illi parem, vel intensissimo eo frigoris gradu, vel prælongo temporis tractu, viderit unquam. Quippe quo Thamesis, nobilis fluvius, ita prævalido gelu compaginabatur, ut curruum circumcurstantium rotas, officinas ad platearum modum mercibus refertas, ac numerosissimam hominum frequentiam, solidi instar pavimenti, facile sustentaret. Subsequens annus 1684. licet nec intenso frigoris gradu, nec pervicaci duratione, præcedentem exæquaret, non tamen multum ei utrobique cessit. At cum primum exolveretur gelu anno 1685. mense Februario, exorta est febris ista, de qua jam agere institui; quam quidem ego novam febris speciem esse arbitror, atque febrî, quæ per octennium ultimo prægressum invaluit, esse prorsus dissimilem.

An hujusce constitutionis mutatio mutationi manifestarum aeris qualitatatum, quæ per binas has hyemes successit, tribuenda sit, ego non satis scio; cum pro comperto habeam alterationes quoad sensibiles annorum qualitates, utcunque dispares, morborum epidemiorum species non protulisse; & certam annorum seriem, quantumlibet annus unus ab alio, externa facie & temperamento discrepaverit, nihilominus omnes in eadem febrium stationariarum specie producenda convenisse. Quod cum serio animadverterim, opinari mihi subiit, prout a me alias dictum fuit, constitutionis mutationem a secreta aliqua abditaque alteratione in terræ visceribus atmosphæram omnem pervadente, vel a corporum cœlestium influxu aliquo maxime pendere. Tamen hic est notandum, quod valedicente nobis olim febre depuratoria, siccissimum ac vehemens gelu ab initio hyemis 1664. omnia constrinxerat, nec quicquam remisit, donec mensis Martius adolefceret; quo quidem tempore, quamprimum fatifcente gelu terra solveretur, mox febris pestilentialis, postmodum ipsa pestis grassari cœperunt. Utut vero hoc se habeat, febris, quam nunc tractamus, jam dicto tempore primum se ostendit, nempe Februario mense 1684. & tam præcedente anno, quam eo, qui jam agitur, per omnes Angliæ regiones latius vagata est; longe magis & Ἐπιδημιώτερος aliis in locis, quam hic Londini defæviens.

Ubi primum ad hanc febrem vocarer, omnino existimabam, illam non ex eo genere febrium fuisse, quas

quas ego stationarias appello; sed potius ex intercurrentium familia, quæ singulis fere annis promiscue adoriuntur. Non aliud scil. morbi genus esse rebar quam peripneumoniam illam notham, quam Libro de Morbis Acutis olim delineaveram. Una hac intercedente discriminis nota, quod in hac febre subinde non comparebant symptomata in peripneumonia magis pathognomonica, qualia sunt tussis vehementior, cephalalgia inter tussendum sævissima, & quasi caput diffringens, vertigo a motu quolibet, & dyspnœa ingens, quæ omnia peripneumoniam notham fere comitabantur. Cum itaque Librarius novam Tractatum meorum editionem eo tempore sollicitaret, visum est conjecturam tunc meam, in qua me hallucinatum fuisse, jam sentio, in forma postscripti publico dare, in quem quidem errorem me induxit ingens consensus, quo febris hæc cum dicta illa peripneumonica luculenter conveniebat: quæ nulla non hyeme subinde occurrit. At cum æstate superveniente, quæ febres illas peripneumonicas solebat fugare, hæc nihilominus perseveraret, statim erroris mei compositus, febrem hanc ad novam constitutionem redigendam omnino censui.

Symptomata diligenti quantum potui indagine comprehensa, hæc fere sunt, & olim fuere: æger per vices calore & frigore tentatur; sæpenumero & caput, & artus dolorem queritur; pulsus sanorum pulsui non absimilis est; sanguis e venis eductus pleuriticoz sanguinem haud raro æmulatur; æger ut plurimum laborat tussi, quæ quidem quanto ab hyeme longius invadit morbus, tanto citius, una cum aliis symptomatibus peripneumoniam mitem & boni moris comitantibus, recedit. Dolor collum, & fauces (hic vero levior quam in angina) sub primum morbi insultum quandoque occupat. Febris tametsi prorsus continua sit, sæpe tamen exacerbationes molestissimas ingruente nocte apportat, non aliter ac si duplex foret tertiana, sive quotidiana. Æger jugem in lecto decubitus quantumlibet levissime stragulis coopertus sit, non sine magno suo periculo experitur; febre enim exinde in cerebrum versa vel in coma, vel in phrenesin facile incidit. Et, ut verum fatear, ita proclivis est in hoc morbo ad phrenesin lapsus, ut persæpe sua sponte, nulla ejusmodi data ansa, illico subrepat. At non eo excarescentiæ & furoris ascendit phrenitis in hac febre, atque illa, qua variolis atque aliis febribus correpti laborant; quinimo æger potius tranquille delirat, incongrua subinde effutens. Ab intempestivo cardiacorum usu, & regimine paulo calidiore petechiæ sæpius efflorescunt, & in junioribus calido temperamento præditis, maculæ etiam purpureæ, certissimum summæ inflammationis indicium, tam in hoc, quam in alio quovis morborum acutorum genere. Quandoque eruptiones miliaris, quas vocant, in superficiem corporis se dispergunt, morbillis haud multum absimiles, nisi quod rubent magis, & quando recedunt, squamulas istas furfuraceas, quæ in morbillis cernuntur, haud relinquunt: licet hæc sponte sua nonnunquam ingruant, sæpius tamen lecti calore & cardiacis extorquentur. Lingua ægri pro ratione imperati regiminis, vel humida est, vel sicca. Ubi inaruerit, fusci est coloris in medio; quam partem undique cingit simbria inalbescens. Ubi vero humida est lingua, omni ex parte alba est, pellicula item scabra & alba vestita. Nam si æger ab adhibito regimine plus justo incalescat, lingua fere est fusca & arida; sin minus, humida est, & alba. Idem de sudore dicendum est, qui pro ratione diversi regiminis præfati dimanat. Nam si calidius tractetur æger, ferme viscosus effluit, e capitis præsertim regione. Quantumvis autem sudor copiose, & undequaque erumpat, parum tamen ex eo levaminis sentit æger; unde liquet ejusmodi sudores symptomatricos tantum esse, criticos non esse. Primis morbi diebus sudoris ex arte provocatio, materiam morbificam si non in caput, saltem in artus solebat deponere. At ubi jam caput febris occupavit, & phrenesis semel invaluit, nulla restant febris indicia, nisi quod pulsus nunc citatior est, nunc tardior; tandem vero, cum ex re male gesta spiritus in confusionem omnimodam adigantur,

pulsus inordinatus cum subsultu membrorum subingreditur, quem non ita diu post mors excipit.

Curacionem quod spectat, ista peripneumoniarum signa quæ hanc febrem comitabantur *Februario* illo anni postremi, quo primum emergebat, statim ab hyemis exitu fidem, ut dixi, mihi fecere, eam prorsus in peripneumonicarum familia censendam esse. Ac proinde me statim contuli ad usum methodi istius, quam olim laudaveram in curacione peripneumoniarum nothæ, & auctario supra memorato. Quæ quidem methodus satis feliciter cessit, tum mihi, in paucis illis, quibus medicandis per adversam valetudinem meam vix sufficiebam, tum etiam aliis, qui, me authore, eandem experiri haud aspernabantur. Quicquid vero id demum fuerit, quod hanc mihi methodum suaderet, jam mihi satis compertum est, quando & morbi phænomena, & ultimi anni quibus binas rigidissimas hyemes excepit, perpendo temperiem (hyeme præsertim, si modo hyems dici possit, quæ nullum frigus notabile secum adduxit) mihi inquam constat, hanc febrem nihil esse aliud, quam simplicem sanguinis inflammationem; ac proinde indicationes curativas ad dictam inflammationem debitis remediis & methodo reprimendam, omnino dirigendas esse.

Hunc itaque ductum sequens, primo loco sanguinem e brachio dextro ad ℥x. educi volo. Neque sane febris hæc (utut sanguis emissus pleuriticoz sæpissime sanguinem æmulatur) reiteratam phlebotomiam facile tolerat. Sin autem respirationis difficultas, dolor capitis inter tussendum lancinans, &c. malum hoc ad peripneumoniam notham propius accedere indigent; hoc in casu tam venæ sectio, quam catharsis eousque sunt interandæ, donec symptomata omnia penitus evanuerint; prout Capite de Peripneumonia tradidi. Atque hoc diligenter animadvertendum volo. Vespere *Epispasticum* seu vesicatorium nuchæ appono. Sequenti aurora, lenitivam hanc potionem exhibeo.

℥. *Tamarind.* ℥ss.

Fol. senn. ℥ij.

Rhabarb. ℥ij.

Coq. s. q. aq. ad ℥iij.

in Colat. dissolv. Mann. & syr. Rosar. solutiv. an. ℥j.
Ms. F. Potio, sumenda summo mane.

Quod quidem catharticum etiam alternis diebus repetendum præscribo, donec tertiam vitæ expleverit. Hora somni post catharsin toties, quoties pægoricum hoc vel simile injungo.

℥. *Aq. Paralyseos* ℥ij.

Syr. de Meconio ℥j.

Succi Limon. recent. extracti cochl. ij.

Ms. F. Haustus.

Id scil. cavens, ne forte ab agitatione & tumultu, quem in febricitantium sanguine & humoribus purgantia sæpe excitant, æger ex spirituum animalium confusione, comatosus fiat. Quod quidem symptoma medicamentum hypnoticum, quantumlibet contra facere videatur, procul amolitur. Qua de causa ego in febre comatosa anni 1673. catharticum propinare non ausus, in clysterum usu subsistebam, certo sciens remedia purgantia eo tempore usurpata, illico comata adduxisse. Quod fortean aliter evenire potuisset, si pægoricum usurpatum fuisse post talem catharsin mihi in mentem venisset. Ubi vero purgatio celebrata non fuerit, hypnoticum hora somni nullatenus est concedendum; ne scil. cathartici postredie deglutiendi operationem ac vim (quod fieri solet quantumvis sero assumatur illud) sufflaminet, vel si non insolidum retundat, efficaciam tamen imminuat. In hac aut alia quavis febre epidemica, statutum mihi est alvum non turbare in principio statue morbi, nisi venæ sectione præmissa. Quæ quidem praxeos regula susque deque habita aut violata quamplurimos orco addixit, infantes maxime, prout alias in cautelam monui.

Observandum est autem, quod licet ut plurimum evacuationes omnes præfatæ in hujus febris curacione usurpari debeant; sæpe tamen æger, maxime si juvenis aut infans fuerit, post eductum sanguinem una

una catharsi defunctus, statim convalescit, nec pluribus fatigandus est, febre primo purgantis remedii impetu expugnata. E contra vero nonnunquam opus est ut alvus ad plures, quam supra dicimus, vices sollicitetur. Quandoque enim, licet id raro eveniat, ægro e. febre jam dicta methodo liberato, recrudescencia materiæ febrilis post dies aliquot morbum postliminio reducere videtur, quem tamen purgatio quarta vice repetita mox eliminat. Tamen in hac methodo nova hæc febris raro accidit nisi ab aphthis quæ sub exitu febris præcedenti supervenere, & quæ jam ad statum auctæ eam denuo revocant. Quæ quidem febris symptomatice tantum est, & singultum per intervalla redeuntem sæpenumero post se trahit, qui etiam sublata febre per dies aliquot perseverat; at pro ratione redintegratarum ægri virium sponte tandem evanescit. Quod est diligenter animadvertendum, quandoquidem ex singultu sub finem hujusce febris accedente nihil ægro periculi est, nisi officiose nimis & inutiliter multa ingerantur remedia: quod si fiat, mors pro Medico est. Veruntamen tam aphthæ quam singultus, vel horum utervis, si non sponte cessat, sed in longum tempus decurrat, facile fugantur usu *Pul. Corticis Peruviani*; nempe *ʒj. Corticis cum syr. Papaver. Rhæad. q. s.* in forma electuarii, vel pilularum redacta, eaque methodo assumpta, quam olim tradebam epistola ad D. D. Brady, superbibendo haustum lactis destorati. Quod remedii genus experimento deprehendi certius in hoc casu scopum attingere, quam aliud quodvis etiam e celebratissimis, modo non frustrentur ejus vires (quod fieri assolet) ex jugi ægri in lecto decubitu.

Diebus a purgatione liberis sequentia vel his similia nonnunquam præscribo,

ʒi. Conserv. Lujula & Cynosbati an. ʒj.

Conserv. Berberum. ʒss.

Cremoris Tartar. ʒj.

Cum s. q. syr. e Limonibus F. Electuarium, de quo capiat ad magnitud.

Nucis Moschat. ter in die superbibendo seq. Julap. cochl. vj.

ʒi. Aq. Portulac. Lactuc. Paralyf. an. ʒiij.

Syr. de Limon. ʒjss.

Syr. Violar. ʒj.

Mf. F. Julapium. vel:

ʒi. Aq. Font. ʒj. Aq. Rosarum, Succ. Limon. Sachar. albiss. an. ʒiij.

Coq. lento igne dum despumaverint cap. ʒiij. ad libitum.

Verum in his omnibus spiritum vitrioli, etsi summe refrigerantem, semper devito, utpote qui, cum egregie stypticus sit, minus convenit morbis omnibus, quorum curatio purgationi innititur; ut in hoc loco mineralem hujus spiritus naturam haud minorem.

Sæpenumero hic accidit, maxime febre jam ad finem vergente, ut æger dum hac methodo tractatur, nocte subinde sudore sponte prorumpente diffuset: a quo admodum mitigantur universa morbi symptomata. Quo non obstante, cum hujusmodi diaphoresi fidendum non sit, supra dicta methodus nullo pacto est intermittenda; quandoquidem si æger ad longius temporis spatium istis sudoribus indulgeat, febris, quam purgationes præcedentes quadantenus subjugaverunt, denuo vires resumet. Si enim diaphoresis ista protrahatur ultra tempus illud quo particulæ febriles coctione debita præparatæ prorsus dissolantur, qui post insequuntur sudores, non ad aliud faciunt quam ad inflammationem de novo accendendam. Quamobrem licet sudores isti qui sponte manabant, critici fortasse fuerint, quoad materiæ febrilis ejus quæ expulsiōni jam parata est, eliminationem, alii tamen qui post illos eliciunt, symptomatice tantum esse possunt, atque adeo officere magis, quam prodesse. Verbo dicam: Hujusmodi sudoribus noctu sponte sua prodeuntibus, opportune favet lecti per noctem lenis calor; quare stragula nec plura, nec densiora illis quibus sanus assueverat, ægro aggerantur; nec exhibeantur

Sydenham opera Medica.

medicamenta quævis excalefacientia: lectulo tantum indulgeat æger aliquantulum solito diutius mane subsequente; & postea pergat in supra descripta medendi methodo.

Dixta ex pulicula avenacea est, vel jusculo hordeaceo, cum pomo subinde ad ignem cocto, atque etiam post secundam purgationem jusculo tenui ex pullo gallinaceo. Pro potu ordinario cerevisiam tenuem nullatenus tepesactam injungo, ut & decoctum album: (quod appellant) ex *ʒi. C. C.* ubi in aq. communis *ʒiij.* cocti, & postea sacchar. albiss. edulcoratum.

Post catharsin bis celebratam nulla suadet necessitas, ut alio loco adnotavi, pullorum carnibus aut similibus eupeptis ægro interdiceret, cum hæc per purgationem medicatio ea indulgeat, quæ non poterant concedi, si alii viæ insisteretur. Atque porro post ultimam purgationem modo febris aliquantulum deflagaverit, & intermittens typum nondum prorsus induerit, Vini Canarini cochl. tria vel quatuor mane & sero, ut & post prandium, per dies aliquot propinentur, quo & vires citius instaurentur, & febriles avertantur accessus.

Cum autem hæc febris species præ cæteris, quas mihi unquam videre contigit, cerebrum petere quasi apta nata sit, nec sine ingenti tum molimine, tum ægri periculo, inde queat deturbari; ægros meos sollicite moneo, ne se nudos lectulo, nisi noctu tantum committant: quod si usque adeo debilitati a morbo fuerint, ut erecto corpore sedere nequeant, permitto ut vel super lectum ipsum, vel super grabatum, vestiti jaceant, capite paululum elevato; nec sino ut focus sit luculentior in cubiculo, quam cui æger tunc cum sanus erat, assueverat.

Atque ut hoc regimen omnino tenendum est ab initio in singulis hac febre correptis (si fœminas, in primis puerperii diebus decumbentes excipias) ita necessario est imperandum, ubi ad ægrum quem ob regimen justo calidius, phrenesis, petechiæ, aut purpureæ maculæ obsederunt, aut alia quævis efferatæ inflammationis indicia, accersitur Medicus. Hoc enim in statu, quantumlibet sanguinis detrahatur, quantumvis leviter tegatur corpus, quicumque demum liquores refrigerantes ingerantur, non prius sedabitur febris, quam æger se lectulo interdiu abstinuerit: cum calor circumambientis aeris inter stragula conclusi, sanguinem plus satis exagitet, & procumbentis corporis situs vehementiori impetu eundem in caput impingat. At hic ubi phrenesis ob methodum imperitiorem semel invaluit, nec subito deleri potest, nec tutum est repetita ultra limites præscriptos vel phlebotomia vel purgatione, ejusdem curationem aggredi, tandem vero suo tempore suaque sponte, ope dicti regiminis recedet. Ad quam tamen amovendam nihil perinde conferr, atque ægri caput radi: quod itaque semper præcipio, nullum emplastrum admovent, sed pileolum tantum quod ablatum rasura capillitium spissitudine quadantenus compenset, aut saltem caput a frigore externo muniat. Hac methodo cerebrum refrigeratur admodum, & recreatur, ita ut sensim calidas impressiones phrenesin excitantes queat vincere.

Et quæ de phrenitide hic dicuntur, de comate etiam huic febre supervenienti dicta sunt, in quo ut in dicta phrenitide materia febrilis in caput sursum fertur, ac proinde si linguæ albedinem excipias, nulla adsunt febris signa, at æger apyrexia prorsus frui videtur. In hoc pariter affectu ac in alio, cathartica, sudorifica, vesicatoria atque id genus alia non tantum nullo cum fructu, sed ne quidem sine maximo periculo usurpantur; istiusmodi enim evacuationes mortem sæpius quam symptomatis hujus curationem adsciscunt. Quamobrem post evacuationes generales per venæ sectionem & purgationem factas, quantumlibet hoc symptoma astantes perterrefaciat, tota res naturæ & tempori committenda est, licet enim stupore æger diu laborarit, post aliquam multos tamen dies pristinam sanitatem recuperabit, modo lecto non perpetim affigatur, sed de eo eximatur indices, & supra grabatum vel etiam lectum vestitus decumbat. Interim autem abradatur caput, & sub affectus finem vini

Canarini cochl. tria vel quatuor bis in die exhibeantur. Sed de hoc fufius egi in *Sectione quinta* & *capite secundo, lib. de Morbis Acutis*, ubi de comate quodam insigni febrem constitutionis illius comitante, differui.

Quoad febrem autem haud deterrendus est Medicus a faciendis prædictis evacuationibus, si forte membrorum subsultum, vel motum convulsivum in ægri corpore perfentiscat, dum pulsus tangitur; quandoquidem in quibusdam generis nervosi affectibus tam venæ sectio quam purgatio, etiam sæpius repetitæ non tantum non nocent, sed & necessario sunt adhibendæ. Cujus rei experimentum a me factum in medium profero, nempe in quadam convulsionis specie, quæ *Chorea Sancti Viti* vulgo appellatur; quo morbo haud pauciores quinque laborantes & vidi, & sanavi ipsemet, & venæ sectionibus & purgationibus, per intervalla celebratis. De quo morbi genere cum & mihi opportune occurrat, & eorum quæ jam assero, veritati luculenter astipuletur, pauca dicere non gravabor. *Chorea Sancti Viti* convulsionis est species, quæ ut plurimum pueros puellasve a decimo ætatis anno, ad pubertatem usque invadit; primo se prodit claudicatione quadam vel potius instabilitate alterutrius cruris, quod æger post se trahit fatuorum more; postea in manu ejusdem lateris cernitur, quam hoc morbo affectus, vel pectori vel alii alicui parti applicitam, nullo pacto potest continere in eodem situ vel horæ momento, sed in alium situm, aliunque locum convulsione quadam distorquebitur, quicquid æger contra nitatur. Si vas aliquod potu repletum in manus porrigatur, antequam illud ad os possit adducere, mille gesticulationes, circulatorum instar exhibebit; cum enim poculum recta linea ori admoveere nequeat, deducta a spasmo manu, huc illuc aliquandiu versat, donec tandem forte fortuna illud labris propius opponens, liquorem derrepente in os injicit, atque avide haurit, tanquam miscellus id tantum ageret, ut dedita opera spectantibus risum moyeret. Cum affectus iste ab humore aliquo in nervos irruente, quorum irritatione istiusmodi motus præternaturales producuntur, pendere mihi videretur; indicationes curativas primum ad humores illos tam venæ sectione, quam purgatione minuendos, dein ad corroborandum genus nervosum omnino dirigendas censebam. Quem in finem hac utor methodo. Sanguinem ex ægri brachio ad ℥viij. plus vel minus pro ratione ætatis, educi jubeo. Die sequenti vel dimidiam partem, vel quiddam amplius (pro ratione vel ætatis, vel etiam majoris minorisve corporis ad subeundam catharsin aptitudine) potionis purgantis communis supra descriptæ ex *Tamarind. Fol. Senn. &c.* exhibeo. Vesperis haustum seq. propino.

℥. Aq. Cerasor. Nigr. ℥iij.
Aq. Epilept. Langii. ℥j.
Theriaca. Androm. vel. ℥j.
Laudani liquid. gutt. viij.
F. Haust.

Potionem istam cathartica ad tres vices alternis diebus repetendam præscribo, & haustum paregoricum iisdem noctibus. Postea sanguinem rursus extrahi curo, dein ut ad catharsin, uti prius, æger revertatur. Atque ita alternatim sanguinem mitto, & subduco alvum, donec ægro vena ter quaterve fuerit incisa, & post singulas venæ sectiones, toties fuerit purgatus, quoties vires ferre posse viderentur: eo tamen temporis spatio inter alternas evacuationes diligenter observato, ut nihil inde periculi ægro immineat. Diebus a purgatione vacuis, sequentia præscribo.

℥. Conserv. Absynth. Rom. & flavedinis Aurantiorum an. ℥j.
Conserv. Anthos ℥ss.
Theriaca. Androm. veteris, & Nuc. Moschat. condit. an. ℥iij.
Zinzib. condit. ℥j.
Syr. e succ. Citri q. s. f. Elest. de quo cap. ad ma-

gnitud. Nucis Moschat. mane & hora quinta vespertina, superbibendo Vini sequentis cochl. v.

℥. Rad. Pæonia. Enul. Campan. Imperator, & Angelica an. ℥j.
Fol. Ruta, Salvia, Betonica, Chamædr. marubii albi & summitat. Centaur. minor. an. m. i. Baccar. juniper. ℥vj.
Cort. duorum Aurantior. Incidantur & infundantur frigide in Vini Canarini ℥vj. Coloretur tantummodo tempore usus.

℥. Aq. Ruta ℥iv.
Aq. Epilept. Langii & Bryon. compos. an. ℥j.
Syr. Pæonia ℥vj.
Ms. f. Julap. cap. cochl. iv.
Sing. noctibus cubitum iturus, instillando C. C. gutt. viij.

Applicetur plantis pedum emplastrum e Caranna.

Quanto magis convalescit æger, tanto minus pedem ducit; tanto pariter & diutius, & constantius manum in eodem situ continens, & scyphum ori magis directa via admoveat: quæ certissima sunt indicia quantum profecerit in sanitate redintegrandæ. Ad quam quidem consummatius perficiendam, licet author non sim, ut plus ter quaterve ut plurimum sanguinem emittat æger; attamen remedia cathartica & alterantia eousque in usum sunt revocanda, donec rectissime tandem valeat. Et quoniam qui hoc morbo semel laboravit facile recidivam pati possit, e re fore existimo, ut pertundatur ei vena, & ad dies aliquot purgetur, vel ea ipsa tempestate anni sequentis, vel paulo antequam morbus primo invasit. Sane haud multum abest quin huic methodo *epilepsiam Adultorum* cedere posse autumem, modo remedia præscripta ætati eorum rite adæquantur; tamen, cum non nisi perquam raro hic morbus mihi occurrerit, non adhuc idem sum expertus. Sed de hoc obiter. In fœminis affectionibus hysterice obnoxiiis quandoque accidit, quod ubi curatio evacuationibus dictis commissa fuit, febris post venæ sectionem & purgationes istiusmodi iteratas etiamnum duret procurratque. In hoc casu febris, quæ jam urget spiritum commotioni ab evacuationibus excitatæ durationem ejus plane debet, ac proinde jam aliis omnibus posthabitis indicationes curativæ, modo signa peripneumoniæ & inflammationes circa partes vitales absint; ad quietem spiritibus inducendam, & eorum orgasmum sedandum omnino sunt dirigendæ. Quem in finem singulis noctibus paregoricum, quod vigiliis debellandis par sit, exhibeatur, atque etiam medicamenta *Hysterica* propriè dicta bis vel ter in die injungantur, qualia sunt pilulæ ex *Galbano, Assa fœtida, Castoreo* & similibus, & julapia ejusdem indolis in cap. de affect. Hyster. descripta. Insuper ad vires instaurandas & vapores, quos dicunt, supprimendos concedatur ægræ talibus victitare, tam quoad cibum, quam potum, qualia appetitui maxime conveniunt.

Jam diximus, febrem hanc tum anno ultimum elapso, tum maxime hoc ipso qui nunc currit, exacerbationem quandam sub noctem quotidie adducere, paroxysmo febris intermittens non absimilem. Quamobrem Medici illi qui usu didicerant omnes illas febres, quæ vel minimum intermittebant, (sæpe etiam quæ ne intermittebant quidem) per illam annorum feriæ ab An. 1677. ad initium An. 1685. a cortice Peruviano certissime fugari, eodem remedio hanc etiam febrem adoriebantur. Quod quidem licet judicio rationis suffragante tentarent, non tamen æque feliciter illis cessit, atque prioribus istis annis plerunque cesserat. Mihi enim quantum potui diligenter perquirenti compertum fuit, etiam magnam corticis quantitatem exhibitam, rarissime ægrum a morbo liberasse. Idque ita perraro, ut quoties restitueretur æger pristinae sanitati, ego id magis fortunato alicui morbi eventui, quam corticis viribus tribuendum arbitrarer: ita penitus cortex descivit ab illa sanandi vi & certitudine, qua prædictis illis annis pollebat. Febrem istam intelligo, qua cum nobis impræsentiarum res est, quæ quotidianam aliquatenus imitatur. Ubi vero tertianæ genuinæ, vel alternis diebus invadentis, typus reperitur

cortex Peruvianus perinde hodie atque olim ægris opitulatur. Unde liquido constat, hanc febrem ab istis constitutionis prioris toto cælo distare; cum ne hilum quidem corticis usu hic proficiamus; cumque hæc e vino & cardiacis, aliisque calidis exasperetur magis; quibus omnibus cum corticis usu olim satis conveniebat, quin & cum ipsa febre.

Porro notandum est, quod grassante hac febre, per ætatem omnem, maxime illam anni jam currentis, morbis persæpe non tam pathognomonicis febris signis, calore scil. inquietudine, &c. quam *ventris Torminibus*, nunc siccis, nunc dejectionibus, se ostendebat. Cum nihilominus sub hac larva ipsa hujusce tempestatis febris delitesceret, in qua exhalationes sanguinis inflammatoriæ, non pro more solito, in externum corporis habitum protrudebantur, sed introrsum per arterias mesentericas in viscera inferioris ventris, sive intestina, & nonnunquam etiam per arteriarum cælicarum ramos in ventriculum deponebantur, quæ quidem exhalationes vomituritionem excitare solent præcipue statim ab ingestione sive potus sive nutrimenti cujusvis solidioris. Quamvis autem hæc febris sub dictorum symptomatum specie & forma delitescat, omnino tamen genuina illa methodo, quam supra dedimus, expugnanda est, perinde ac si usitata hujus febris facie compareret, idque tam ratione venæ sectionis, quam repetitæ catharseos. Nisi quod hic animadvertendum sit, quod quoties febris eo usque ventriculum infestet, ut æger potionem retinere nequeat, *Pilula Cochiae Majores* (quæ ad ℥ij. exhibitæ nunquam non per viscera sibi exitum parant) loco potionis leniter purgantis substitui possint. Devorentur vero pilulæ hora quarta matutina, ita ut æger superdormiat.

Tum etiam hypnoticum dosi paulo largiore est concedendum *verb. gratia Laudani solidi Londinensis gr. jss.* cum simili quantitate *Mastiches* in duas pilulas redacta eadem nocte deglutiantur; vel etiam *Laudani liquidi gutt. 18.* vel 20. in ℥j. *Aq. Cinnamon.* *Hordeat.* aut alio quovis vehiculo generosiore; quo ventriculus hujus tum viribus corroboratus, tum minori quantitate non irritatus, ad medicamenti rejectionem minus insurgat. At si quovis modo potio purgans, & diacodium in ventriculo queant retineri, dictis pilulis, & laudano omnino præferantur; cum officio suo fungantur, corpore minus quam ex pilulis excalefacto.

Cum autem de torminibus ventris mentionem fecerim, monendi hic mihi sunt populares mei, quanto cum periculo, prout frequenti observatione didici, *Aque Minerales* in ventris torminibus quibilibet, vel diarrhœa, vel vomitione, vel affectu alio quocunque, quem a febre oriri vel suspicari possimus, præscribi soleant. Quandoquidem in tam subtili & spirituofo morbi genere ac febris extat, ejusmodi medicamenta mineralia ita omnia conturbant, ut loco eorum symptomatum, quæ febrem ex more usitato comitantur, accidentia prorsus anomala adducant; nec quicquam interea ad febris extirpationem conferant, quod me diu sæpeque observasse memini.

Illud interim omnino observandum est, utpote quod ad quamplurimos ab orci faucibus liberandos pertineat, quod non obstantibus iis quæ supra jam tradidimus, quotiescunque prædicta ventris tormina ad *Dysenteriam* usque confirmata (in qua præter illa tormina materia quædam mucosa una cum sanguine per sedem excernitur) promoventur; hic mihi periculosissimum esse constat morbum aggredi protractiore illa methodo, quæ evacuandos primum, dein contemperandos acres istos humores, esse docet (ut de remediis astringentibus, varii generis, & variante forma intro assumptis, tum & clysteribus nunc abstergentibus, nunc consolidantibus subinde injectis nihil dicam,) cum experientia didicerim dysenteriam & certissime & celerrime curari, si missis ambagibus, fluxus laudano confestim sistatur. Ita enim atrox & vehemens est hicce morbus, ut, si dysenteria jam confirmata adhuc purgare satagas, perquam metuendum sit, ne dysenteria sumptis in-

de viribus in præceps lata, ægrum præ incredibili fermento, quocunque te postea verteris, diutius excruciet, vel etiam vita spoliet. Advocatus itaque, guttas circa xxij. laudani liquidi in Aq. epidemica vel aq. mirabili, vel alia simili protinus exhibeo, bis intra horas 24. repetendas; vel etiam hoc sæpius statis intervallis, si nempe dosis jam præscripta, mane ac sero tantum usurpata, tam torminibus ventris, quam dejectionibus cruentis, rite compescendis par non fuerit. Dejectionibus paululum incrassatis, vel jam magis consistentibus (quod primum sanitatis mox recuperandæ indicium est) & fugatis symptomatibus, tutissimum arbitror, ut æger aliquantisper in usu prædicti remedii mane & sero capiendi perseveret, guttulis aliquot indies demptis, donec eo amplius non fuerit opus. Animadvertendum autem est diligenter, quod ægrum diutius ab usu paregorici lectulo affigendum curo, cum situs quilibet paulo erectior cerebrum facile conturbet, nisi æger somnos post in lecto satis longos captaverit. Diætā quod attinet; si æger vino prius assueverat, Canarense concedo, probe tamen aqua dilutum, in qua panis crustulum fuerat decoctum; & quam frigidam in hunc usum in lagenā asservendam jubeo, ut in promptu sit ubi vinum est contemperandum. Decoctum album, e cornu cervi usto in aqua fontana, hic etiam assatim epotum prodest. Pro victu jusculum hordeaceum, vel e pullorum carnibus elixis; ovum sine testa coctum, vel aliud quodvis ex eupeptis in primos dies sufficiet. Deinceps verotum ad liquores magis generosos, tum ad alimentum uberius solidiusque paulatim ascendendum, ne scilicet nimia vacuitas sive exinanitio, vel morbum a quo convalescerat, vel alia symptomata, quæ exinanitio solet parere, denuo reducat. Veruntamen hoc est adnotandum, quod licet in constitutione jam regnante, laudanum solitarium suo Marte dysenterias subjugabat; in istis tamen annis, in quibus dysenteria epidemica grassatur, & cæteris prælucent morbis, non abs re fuerit illas primum evacuationes, quas in capite de dysenteria olim descripsi, in usum revocare.

Et sicuti in radicata illa dysenteria modo dicta; ita etiam in hoc qui sequitur casu, fieri non potest, ut curatio methodo illa quæ febre unde primitus ortum duxit, debetur, illico possit expediri. Verbi gratia. Nonnunquam usu venit, ut qui rigore atque horrore corripitur, calore & frigore per vices alternantibus, quæ sunt haud mendacia febris jam imminenti indicia, derepente viscerum torminibus, a materiæ febrilis irruptione ac insultu gravissime discrucietur. Æger cum venam ferire, & alvum repurgare deberet, ad normam supra scriptam, ad medicamenta nescio quæ calefacientia, tam intro assumenda, quam extra applicanda se confert: eo scil. animo ut flatus, quos hujus mali fontem esse auguratur, his mediis discutiat, donec tandem augefcente dolore & visceribus diuturniori mora quasi impacto, motus intestinorum peristalticus, quo ex naturæ ordine omnia deorsum propellere debent, inverti occipit, & inclusa omnia sursum tendunt, unde æger sævissimo cruciatu torquetur, & provocatur ad vomitionem, malo jam in iliaca passione desinente. Hic in medendi ratione, quam febris quæ hujusce symptomatis causa erat antecedens, sibi postulabat, ulterius procedere nequit Medicus, quam ut sanguinem ex ægri brachio semel extrahendum præcipiat: etenim quot & qualiacunque demum cathartica propinaveris, ea statim emetica fieri, atque ita sursum inversum viscerum motum magis promovere solent; cum ut plurimum vix fortissima quidem medicamenta purgantia vel minima eorum pars intestina permeare valeant, ac sedem petere. Rebus sic stantibus, consultissimum esse arbitror brachii venam primum pertundere; mox interjecta hora una alterave, clysterem aliquem ex iis, qui potentius operantur, injicere, ego fumum nicotianæ sive tabacci, ex tubulo inverso, per vesicam majusculam, in intestina validissime insufflatum, Enema omnium, quæ mihi innotescunt, hæcenus efficacissimum esse duco. Qui etiam post moram aliquam reiterari

potest, nisi prior immixtus, soluta alvo, meatus deorsum versus referaverit. Huic autem remedio symptomate haud cedente omnino necesse est, ut catharticum paulo fortius ac *σπασμώτερον* in usum veniat, utut difficile fuerit exinde viam facere; Ut,

℞. Pil. ex duobus gr. xxv.

Mercurii dulc. ℞i. cum s. q. Balsm. Peruv. f. Pil. numer. iv. capit. e cochl. uno Syr. violar.

nullum insuper liquorem assumendo, ne minus retineantur. Sin autem æger hoc remedium per os rejecerit, hac methodo procedendum,

Laudani liq. gut. xxv.

Aque Cinnam. fortis ℞ss.

instillata statim propinentur; & interjectis aliquot horis idem paregoricum repetatur. Cum vero horum usu vomiturius ac ventris dolores remiserint, tunc catharticum prius dictum iterum exhibeatur. Hoc enim tempore idem sub laudani tutela assumptum retinebitur, ac suo tandem defungetur munere. Verum si *Anodynorum* virtute ac vi jam penitus infractis, vomiturius ac dolor iterum redierint, cathartico interim in corpore restitante; in hoc casu, ex dejectionibus per inferiora spe omni impræsentiarum abjecta, ad usum paregorici supra descripti revertendum, idemque eousque repetendum quarta vel sexta quaque hora, donec intestinis quies omnimoda inducatur, ac proinde motus eorum naturalis deorsum versus restitatur: quo quidem tempore catharticum, quod hactenus ob contrarium intestinorum motum in corpore sisteretur, jam operationem suam per sedes exeret, quantumlibet ex tam repetito narcoticorum usu plane contrarium effectum iri videatur. Quod & ipse, dum hæc scriberem, in generoso quodam illo sævissimo laborante expertus sum; cui tamen postea ex nimis longa tam humorum morbum committentium, quam acrium cathartico-rum retentione, *Aphthæ* supervenere, sed quæ satis facile debellarentur usu corticis Peruviani supra descripto; ut & os sæpe colluendo cum sequente gargarismate,

℞. Succ. Pomorum agrestium ℞ss.

Syr. de Rubo Idæo ℞j.

At cum jam ductus isti pro naturæ lege denuo pateant, ægro liberum est, ut ad dies aliquot ferietur a purgatione, donec scilicet tumultus nuper in visceribus excitatus, omnino resederit; quod temporis spatium humorum calori & acrimoniæ diluendis temperandisque satis commode impertiri potest. Quo facto catharsi alternis diebus, ut supra, repetendæ vacare debet, si vel minima adhuc restent febris vestigia. Sed de hoc satis,

Si infans hac febre laboret, gargarisma, tum hircundines duæ utrinque pone aures applicentur.

Dein emplastrum epispasticum posteriori cervici admoveatur,

Cum cerevisia in qua rhabarbatum fuerit infusum purgetur.

Si post catharsin febris intermittere videatur, tum *Julapium cum Cort. Peruv.* (in cap. de Febre Intermittenti, pro infantibus descriptum) exhibeatur.

Hoc in loco insuper est animadvertendum, quod licet *Infantes* huic febris generi æque cum adultis obnoxii sint, ac proinde pari cum illis methodo curandi, nisi quod pro ratione ætatis, minor sanguinis quantitas est detrahenda, ac catharsis tum eorum ætatulæ accommodanda, tum etiam forte rarius celebranda (sæpe enim & infantum & juniorum morbus a primo vel secundo saltem cathartico prædominabitur) nihilominus serio advertendum est, an quæ hoc modo tractatur febris pro certo hujusce constitutionis fuerit, non vero alterius speciei, quod diligenter perquiri debet in febribus iis, quæ infantes corripiunt, in omnibus quibuscunque annorum constitutionibus. Vulgo enim notissimum est infantes a doloribus ex dentitione ortis, sæpius in febres agi, quæ haud ita facile ab alterius generis febribus inter-noscuntur. In harum ego curatione diu multumque angebar, nec nisi nuperis his annis, certo mihi per-

suadere potui quemlibet ex illis qui meæ curæ concrediti, ad sanitatem restituti fuerunt, tam arte, quam casu convaluisse, donec tandem de felici successu remedii haud ita celebris, imo ob tritum ejus usum plane contempti, frequenter admonitus illud ipse quoque præscriberem; quod etiamnum præ cæteris, quæ mihi innotescunt, medicamentis optime votis hic responderet. Ejusmodi verum est. Guttæ duæ, tres, vel quatuor spiritus C. C. pro ratione ætatis, in cochleari uno vel altero aq. cerasor. nigr. vel Julapii alterius appropriati, exhibeantur quarta quaque hora ad vices quatuor vel sex.

Est & symptoma aliud infantibus permolestum longe diversum & a febribus variorum annorum constitutionum, & ab illa proxime memorata. Est vero hecicæ species infantes diu affligens, qua infestati sine insigni aliquo calore languent, cum appetitus dejectione; & tam artus, quam corporis truncus ubique emaciantur. Simplicissima qua hic utor methodo, talis est. Rhei electi taleolarim incisi ℞j. in lagenam vitream duarum librarum cerevisiæ tenuis capacem, subere mox probe obturandam, immitti curo, (vel in alio quolibet liquore, quo pro potu ordinario uti solet infans) quam cerevisiam ita medicatam infanti tam noctu, quam interdiu, & cum & sine cibo propinandam injungo. Epoto hoc liquore, duas alias libras rhabarbaro eidem super affundi jubeo; quibus pariter exhaustis, alias adhuc duas pro tertia vice substituo; quo facto & rheum vires suas amittit, & infans morbo ut plurimum liberatur. Ne tamen cerevisia primum affusa rhei vi cathartica saturatius imprægnata, justo vehementius alvum cieat, cautius agimus, si libra una epota alteram statim adjiciamus: post vero, recentem cerevisiam non affundemus, nisi exhausta ea omni quæ prius fuerat lagenæ inclusa.

Sed ut febrem, de qua nunc agimus, constitutionis scilicet jam currentis, revertamur. Hoc sedulo observandum est, quod in hoc febris genere (perinde ac in rheumatismo & aliis morbis quamplurimis, quorum curatio solis evacuationibus absolvitur) si dictis evacuationibus pertinaciter insistamus, usque dum symptomata omnia prorsus ablegaverimus, sæpius ægro non nisi morte medebimur. Neque enim ita insolens est, ut symptomata quædam leviora, & quasi effectæ febris reliquæ aliquantisper etiam expirante jam morbo, perdurent; a quibus tamen nullum ægro recidivæ periculum est, quæque sua sponte pari passu quo sanitas redit, abscedent. Quid quod jam recitata symptomata haud raro nihil aliud sunt quam reiteratarum evacuationum, quibus Medicus morbi curationem tentavit, vera progenies: si huic saltem addamus in causæ partem, exinanitionem illam, quam ægri a consuetis cibis potuque abstinentia superinduxit: quæ omnia cum in corpora jam a morbis infirmata & pene confecta vim fecerint, vapores, quos dicunt, haud aliter elevantur, quam in foeminis, atque eandem plane ob rationem, ob debilitatum sc. & quasi disjectum fractumque spirituum animalium systema. Quapropter post factas, quæ tollendo morbo sufficere queant, evacuationes, prudentis Medici est, ab importuna eandem ordinatione sibi temperare, & paulisper attendere quid tempus, Medicorum sæpe felicissimus optimusque, ad leviculorum istorum symptomatum depulsionem conferre possit, quæ quidem sæpenumero, prout multoies repetita observatione comperi, a paregorico duabus vel tribus noctibus assumpto, sine alio quovis apparatu, sub morbi hujusmodi exitu devincuntur.

Methodus jam laudata cæteris, quas expertus sum omnibus, in hujusce febris curatione facile antecellit. Si quando vero febrem non prorsus tollat, id saltem agit ut intermittere cogatur; ac proinde Peruviano cortici, qui hic nunquam non triumphat, conficiendum tradit. Cum autem catharsis isthic imperata curationi hujus febris obesse nonnullis fore videatur, pro comperto affirmo, nihil ita certo atque ita potenter ægrum refrigerare atque catharsin, post venæ sectionem (quæ ubique præmittenda est) celebratam. Tametsi enim medicamentum purgans eo ipso quo sumitur dicitur, atque adeo inter ope-

randum majorem impræsentiarum & in sanguine & in reliquis humoribus, quam qui ante fuit, tumultum excitet, & proinde febrem intendat; id tamen noxæ emolumento mox inde subsecuturo plus satis pensatur. Testatur enim experientia, catharsin, modo post eductum sanguinem tentetur, quibuslibet aliis remediis felicius certiusque febrem perdomare; tum quatenus scdam illam humorum illuviem e corpore exigat, a quibus ut a causa antecedente febris accendebatur; vel si non antea peccabant ii, jam saltem concalescenti, & a febris ardore quasi cocti & constipati, ad ejusdem moram diuturniorem multum faciunt; tum etiam quatenus anodyno viam sternit, quod tutius longe certiusque officio suo fungitur, quam si humores peccantes, qui paregorici vires aliter potuissent infringere, purgatione non fuerint eliminati.

At e contra sicuti methodus illa quæ materiam febrilem per poros cutis eliminare satagit, minus habet certitudinis, ita plus habet & fastidii, & moræ, utpote qua morbus sæpius ad septimanas aliquot producit. Cum æger hoc modo primum in ipso sepulchri margine (si forte libitinam evitet tandem) constituitur, & per longum illum febris decursus, denso remediorum agmine infestetur, quibus ea expugnantur symptomata quæ imperita morbi tractatio advexit; dum regimine & medicamentis calidissimis tentatur curatio ejusmodi affectus, qui pro genio suo, utraque horum frigidissima omnino deposcit. Atque ita dum male sani homines artis falso dictæ regulis se manciant; etiam spreto sensuum illis reclamantium judicio, morbum ex sua natura brevem facilemque in diuturnum, & difficilem erudite convertunt, omnia tumultu & metu conturbantes, & fluctus, quod ajunt, excitantes in simpulo. Quo facto non iis magis opus erat, quam est nauclero, ut dum in mari libero navim possit agere, eandem inter cautes & brevia inferat; unde licet majoris peritæ gubernationis famæ comparandæ opportunitatem nanciscatur, servato in tanta desperatione navigio, viri prudentis saltem nomen amittet.

Has itaque ob causas, & prudenti, uti spero, fiducia affirmare lubet, quod dicta methodus curationis per venæ sectionem & purgationem expediendæ, plus alia quavis præstabit in febribus quamplurimarum specierum expugnandis. Licet enim diaphoresis, proprie loquendo, naturæ ipsius sit methodus, qua materiam febrilem foras protrudit, & præ cæteris maxime genuina sit, & accommodatissima, quoties natura suo relicta arbitrio dictam materiam primum digerat, dein rite coctam per corporis habitum blande expellat, (quem felicem naturæ eventum febres per sudores abigentis cum Medici practici sæpe animadvertissent, hinc ansam arripiebant *Δογματικώτεροι* fidenter statuendi, febres universas hac tantum methodo, non vero alia quavis, profligari posse ac debere.) Quo tamen dato & concesso, ars nihilominus, quantumcunque naturæ imitationem præ se ferat, id saltem sibi privilegii arrogare nequit, ut febribus per sudores certo exigendis par sit. Primo enim nescit ars quo pacto materia peccans ad expulsionem subeundam rite præparanda sit; nec si hoc sciat, certa ulla habet indicia, quibus de hujusmodi debita præparatione possit moneri; unde etiam & tempus ciendo sudori opportunissimum ignorari necesse est. Temerariam vero sudoris, nondum peracta coctione, provocationem longe periculosissimam esse, nemo opinor nisi pertinax negaverit; cum materiam crudam in cerebrum impingens, oleum camino addat. Atque, prout alias etiam innui, saluberrimum illud Hippocratis monitum, *Cocta, non cruda, sunt medicanda*, non tam catharsin, quam diaphoresin ex arte sollicitandam spectare videtur. Etenim neminem in agris tractandis vel mediocriter versatum fugere potest, quam multi indies male mulcentur a vetulis & imperitis medicastis, præpostero hoc sudorificorum abusu: his enim more receptum est, ut si quis de rigore, & capitis atque ossium dolore (quæ ut plurimum febris mox invasuræ præludia sunt) conqueratur, extemplo illum lecto adjudicant, & sudoribus quoquo modo extorquendis toti incumbunt. A quo importuno molimine tantum abest ut præcaveatur febris, quæ forte

Sydenham opera Medica.

vel sua sponte, vel eductis aliquot sanguinis uncis potuerat evanescere, ut e contra magis accensa vehementius exardescat, & in morbum jam radicatum confirmatumque abeat. Illud insuper (ut vetulas jam missas faciamus) notissimum est, quod sicut sudores isti qui febre primum ingruente spontanei erumpunt, symptomatici omnino sunt, nullatenus vero critici; ita etiam qui primis febris diebus diaphoreticorum vi exprimuntur, nihil magis ad morbi curationem plerunque conferunt, quam solent alteri illi symptomatici, ita præmature sua sponte manantes, hoc est ut plurimum, ne hilum quidem. Deinde vero sicut ignorat ars opportunitatem illam temporis qua sudores eliciendi fuerint, ita pariter nescia est quandiu in iisdem sollicitandis perseverandum sit. Quod si diaphoresis ultra debitum tempus, quo scilicet materia morbum committens penitus fuerit exacta, protrahatur; humidarum istarum particularum, quibus sanguis diluendus contemperandusque erat, absumptio, febris tum moræ diuturniori, tum incremento ministrabit. Constat itaque quam in lubrico res hic vertatur; cum e contra penes Medicum sit alteram illam methodum, qua materia febrilis per phlebotomiam & catharsin eliminatur, pro arbitrio suo moderari. Adde, quod hoc etiam nomine hæc illi alteri anteposenda est; quod scilicet si forte Medicus propositum sibi scopum non attigerit in sanando ægro, saltem eundem in nullum discrimen adducit, quod in diaphoreticorum usu contingit, nisi convalescat. Etenim vel calor lectulo jugiter inclusi, cui præter solitum morem aliquandiu se addixit, (ut cardiaca quæ in hac medendi ratione locum semper obtinent, omittamus) naturæ œconomiam confundit, & convulsivos artuum motus, aliaque symptomata prorsus anomala adfert. Quæ sane ideo, delineari non possunt, quia sub morbi historiam non cadunt (quod in symptomatibus plerisque ad quemlibet morbum spectantibus usu venit) sed a superaddito tumultu & confusione oriuntur, quibus sæpe opprimatur natura, quoties curationem morbi hac methodo aggredimur. Quæ quidem omnia vulgo malignitati nescio cui solent imputari.

Cujus de *Malignitate* (sive notionem, sive verbum dixeris) opinionis inventio humano generi longe ipsa pyrii pulveris inventionem lethalior fuit. Cum enim eæ febres præsertim malignæ dicantur, in quibus intensioris præ cæteris inflammationis gradus conspiciatur, hinc Medici se ad usum cardiacorum, & alexipharmacorum nescio quorum contulerunt, quo scilicet per cutis poros expellant quod somniant *Venenum* (hoc enim est dicendum, nisi malint verbis ludere, quam illud quod potest intelligi, serio proponere) ex quo factum est ut regimen calidissimum methodumque huic parem iis morbis adaptaverint, quæ frigidissima tum remedia, tum regimen præ cæteris sibi postulabant. Quod quidem satis arguitur tum in variolarum, qui ex calidissimis in rerum natura affectibus est, tum in febrium aliarum curatione. In quem errorem forte inciderunt ex conspectu petechiarum, macularum purpurearum, & cæterorum id genus *παυρομένων*: Quæ tamen omnia in plerisque subjectis, inflammationi, ægri sanguini jandiu plus satis a febre accenso superinductæ, omnino debentur. Utpote quæ raro sponte sua efflorescunt, præter quam sub adventu pestis ipsius: atque in initio invasionis istarum variolarum confluentium, quæ summæ inflammationis participes sunt. In hoc enim morbi genere maculæ liventes in variis corporis partibus, una cum pustulis primum erumpentibus, comparent; atque æger eodem tempore sanguinis excretionem vel per meatus urinarios, vel cum tussi per pulmones, fatigabitur; cum ita valida exagitatione, atque orgasmo ab inflammatione orto, sanguis ferociat, ut diffractis jam repagulis, in cavitates corporis præceps ruat: Et licet maculæ istæ purpureæ in hac febre non a tam intenso sanguinis calore, qualis is est, qui istiusmodi hæmorrhagias excitat, ortum ducant; ab eadem nihilominus inflammatione sed gradu remissiori producuntur: & quoties ista sanguinis excretio (unicum in variolis symptoma cui devincendo nondum par est ars medica) non accedit, refrigeranti regimini facile cedunt. Quod

si malignitatis præsentiam non tantum e maculis purpureis colligunt, sed ex eo quod observaverint, febris symptomata subinde fuisse mihiiora quam quæ ejus naturæ competere viderentur, ægrum tamen magis viribus occisum fuisse, quam pro ratione temporis a quo cœpit ægrotare; Respondeo omnia hæc exinde tantum procedere, quod naturæ a primo morbi impetu quasi oppressa, devictaque, non satis valida est, ut symptomata regularia & magnitudini morbi consona exerat, omnia vero phænomena prorsus sunt anomala. Etenim perturbata œconomia animali & quasi disjecta, febris exinde deprimitur, quæ obtinente genuino naturæ ductu, vigere solet. Cujus rei experientum haud vulgare occurrisse mihi memini multis abhinc annis, in juvene quodam ad quem accersebar. Quamvis enim ferme animam agere videretur ille, calor tamen in externis corporis partibus ita ad tactum sentiebatur temperatus, ut fidem mihi derogarent adstantes amici, quoties assereram eum febre laborare, quæ ob sanguinis oppressionem (cujus mole, exitu negato, quasi strangularetur) se explicare & ostendere palam nequiebat: quod si venam inciderent, febrem illico satis violentam statim animadverterent. Aperta vena, & sanguine paulo copiosius educto emicuit febris, qua vehementiorem mihi nondum videre contigit; quæ non nisi tertiæ quartæve demum phlebotomiæ cessit. Sed de his satis.

Quod si rationes a me allatæ tanti non sint, ut certo ac necessario evincant, rem ita se habere atque ego statui; attamen si suffragante experientia deprehendero hancce febrem evacuationibus per diaphoretin factis haud libenter cedere, habeo quod quero. Neque enim cujuslibet demum ratioçinatio, sed potius experientia docere poterit, quænam febrium species diaphoreticis, quænam vero aliusmodi evacuationibus sanari possint ac debeant. Et profecto nemo sapiens cui tam hominum quam rerum natura satis est perspecta, in iis, quæ meræ speculationes sunt, nullo autem certo experimento determinari queunt, in cuiusvis mortalis verba, quantuscunque is demum fuerit, facile juraverit; cum idem animadvertisse debeat, *Momenta Rationis* ita prorsus varia, itaque subtilia esse, ut cum aliquis theoriam quamlibet proposuerit, ita validis rationibus suffultam, ut adstantium, quotquot sunt, omnium assensum extorqueat; hunc mox alius insignioribus forte naturæ dotibus præditus, excipit, qui sententiam istam, quæ ita pulchræ stabilitate videbatur, convellit, & firmiori argumentorum vi nihil illud esse quam cerebri commentum; cujus nulla prorsus in natura vestigia reperiuntur, palam ostendit. Cujus jam loco is novam quandam substituit hypothesin, majori adhuc verisimilitudinis specie innixam, & magis affabre concinnatam; quod tamen posterius figmentum, pari cum superiori illo fato fungetur, quoties Tertius aliquis se objecerit, qui Secundum istum tantum ingenio vincat, quantum ille sibi præcedentem devicerat. Atque hoc iterabitur toties quoties, donec tandem ad illum proventum fuerit, quem *ultima humani ingenii potentia* consummaverit. Quam vero difficile sit hunc hominem investigare & a cæteris dignoscere, statim sentiet, quisquis non usque adeo desipit, ut hanc sibi laudem delirus arroget. Quinimo, cum jure merito suspicari liceat, esse naturas in orbibus illustrioribus, per Universi expansum hinc illinc sparsis, pene infinitas, quæ præcellentiori longe intellectus vi pollent, quam nos homunciones; haud satis scimus, an non vel totum hominum genus cerebrum, cogitationum officinam, habeant a natura ita efformatum, ut non tam quid sit absolute verum, quam quid maxime conveniens, ac suis naturis accommodum, excogitare queant. Atque hæc iis qui in medicina faciendâ potius speculationibus vanis, quam experientiæ solido sensuum testimonio innixæ, fidem adhibent, dicta sunt.

Quod si quis hic regerat; An non igitur de facto experimur hanc febrem methodo huic quam tradis, prorsus contraria persæpe fugari; Respondeo toto, quod ajunt, cœlo distare curationem morbi ea methodo cui sola ægri nonnunquam ad sanitatem restitutio astipulatur; & ejusdem curationem, ista præxeos methodo, cui & frequentior ægri restitutio, atque etiam phænomena practica omnia quæ in eodem

curando incidunt, pariter astipulantur. Exempli gratia: in variolis. Multi ex iis qui dirò calidorum & regiminis & remediorum usu cruciantur, tamen convalescent; ex adverso autem, & iis pariter feliciter cedit, quorum curatio methodo plane contraria tentatur. Jam quo pacto litem hanc finiemus? quænam methodus est præferendâ? hoc planè modo certissime dijudicabimus. Nempe si in illo regimine priori exploratum habuero, me quanto magis ægrum excalefacio, tanto magis febrem, inquietudinem, delirium cæteraque symptomata intendere ac promovere; e contra vero deprehendero, eundem, ubi moderate refrigeretur, tanto sedatiori temperamento esse, tantoque minus tam a febre, quam ab aliis symptomatibus vexari. Addo quod servata debita illa carnis musculosæ temperie, quæ pustularum tum augmento, tum maturationi maxime competit, & grandiores sunt pustulæ & liberalius implentur, quam si æger nimio suffocaretur calore. Posito hoc utroque casu, satis manifestum esse arbitror quam potius præxeos methodum sequi debeamus. Pariter in illâ, de qua nunc agimus, febre, si comperiar ægrum quo magis calefit, eo magis non tantum phrenesi, maculis purpureis, petechiis, &c. obnoxium esse; sed & febrem insuper symptomatibus omnium generum irregularibus & anomalis exinde stipari. E contra vero si alium ægrum eâ quam jam proponimus methodo tractatum ab his symptomatibus prorsus liberum observaverim, ratio dicat posteriorem hunc præxeos modum, longe alteri præstare, tametsi uterque æger ita diversimode curati ad sanitatem revertantur. Quod si plures hac via quam alia ista mortem effugiant, eo facilius solvitur controversiæ nodus; qua de re non est meorum partium judicium ferre, ne mihi & meis plus æquo favcam.

Atque hæc de hac febris specie. Quousque illa durabit non hæsiolor. Neque satis scio an non sit initium aliquod spirituosius ac subtile; & quasi primordium *Febris* illius *Depuratoria* jam antiquatæ, quam insecta est immanissima illa pestis. Sunt profecto phænomena quædam, quæ me, ut hoc credam, quadantenus inducunt, quandoquidem non tantum febres intermittentes propriè dictæ, præsertim *Quartana* hic illic sparsæ adhuc restant; verum etiam nonnullæ ex his febribus continuis subinde in intermittentium castra, maxime autumnis jam pendente, comigrant. Ut jam taceam, exacerbationes in hac febre supra memoratas, eorum paroxysmorum qui febres intermittentes comitantur, genium aliquo saltem modo referre. Tum etiam quod hoc morbo laborantes ad vomitionem satis sunt propensi. Qua de re tamen nihil prorsus pro comperto venditare animus mihi est, quoniam non jam mihi succurrit, qua facie febris depuratoria se primum extulit; prout libro de morbis acutis, sect. 1. Cap. III. his verbis subindico. *Quanto autem jam tempore prædicta Febris continua invaluerat dicendo non sum, cum mihi hætenus satis fuerat ad generalia Febrium Symptomata attendere; nupote qui nondum vel juxta varias Annorum crases, aut ejusdem Anni varia tempora easdem distinguere posse animadverteram.*

QUandoquidem in toto Clariss. Authoris nostri Opere de Febribus in genere, ac de pestilentia libus, contagiosis, aliisque malignis in specie, abunde actum est; omissa tamen Febre Miliari, quæ inter has ultimas a Clariss. Hamilton recensetur, ejus in hoc argumento Tractatum jam tradimus, & hic est.

DAVIDIS HAMILTON,

Equitis Aurati, Regalis Societatis Londinensis
utriusque Socii, *Necnon* Magnæ Britan-
niæ Reginæ Medici Ordinarii,

TRACTATUS

DE

FEBRE MILIARI SEU VESICULARI.

Accessit

Febris Miliaris Historiarum Fasciculus.

Ad Lectorem

P R Æ F A T I O.

TRactatui naturali ordine prodomo sequentem addendum censui ea ratione, ut Praeaeos speciem, secundum normam mihi usitatam, & a me jam ante propositam, Lectori exhiberem. In quam rem utilius præstandam, præ aliis morbis, Febris Miliaris sive Vesicularis naturam, curandique methodum describendam elegi; quod Medicorum neminem, de hac Febre, tanquam specie diversa, saltem justo volumine, hætenus scripsisse viderim: Cum tamen in quamplurimis, vel in chronicum morbum immutari, vel brevi exitialem fuisse, noverim. Nonnunquam enim id ægrorum, in hujus morbi principio mitiori, de seipsis negligentia, aut diutius elongati impatientia, evenit: Nonnunquam etiam Medicorum fallacibus ejus symptomatibus cæcatorum ignorantia: aut tandem, ubi visitationes necessario continuandas omittunt, in tempestivo metu, ne lucri gratia curationem procrastinare videantur. Quamobrem & existimavi operæ impendendæ pretium, si his meis observationibus, ab inspectis ægris diligentissime collectis, Medicis junioribus lumen præberem, & hoc facto Peritos excitarem, suas etiam in lucem proferre. Quo autem ea, quæ in hac Dissertatione dicta sunt, magis adhuc firmentur, clariusque illustrentur; Historiarum huc pertinentium, fusiussque exaratarum, Fasciculum subjiciendum curavi. Et firme credat Lector, me summa ubique veracitate usum fuisse.

De Nomine hujus Morbi, Genere, & Speciebus.

Febbris miliaris, a pustulis sive vesiculis, seminis illius speciem quodammodo præ se ferentibus, & præcipue circa partes superiores apparentibus, nomen accepit. Mihi tamen videtur potius nominari debere febris vesicularis. Quia pustulæ sunt vesiculæ, primo sero limbo, deinceps subalbo, perlarum colore non ab simili, plenæ.

Non desunt, qui febres solummodo pestilenciales petechialesque opinantur malignis annumerandas. Censeo tamen & alias, specie diversas, malignarum classi debere referri.

Primo, quascunque febres vel contactu, halituve, vel quavis alia contagione trahantur.

Deinde, & istiusmodi febres quas statim ab initio dolor vehemens, & alicui parti affixus comitatur, viz. capiti, aut intestinorum renumve regioni, aut etiam artubus. Pariter ac si ægrotus cephalalgia, vel dolore colico, aut nephritico, vel podagra, aut rheumatismo, vel etiam doloribus parturientis, tanquam originali morbo, laborasset. Cum tamen istiusmodi febris miliaris

symptomata haud iis cessura sint remediis, quæ, ubi morbi ita nominati primarii sunt, valere solent.

Porro, & in quibus spiritus animales subito opprimuntur & deficiunt; Et ubi prædicta symptomata a nulla causa evidenti, sed a veneno quodam latente, pendere videntur: ab Antiquis occultæ qualitatis, a Neotericis vaporum nomine designato.

Vel demum, ubi ex causa, ut videtur, non ab simili, spem salutis subitanea mors excipit. Quæ omnia, ut malignitatem ostendunt, ita & in febre miliari observavi accidisse.

Et notatu dignum est, hanc febrem eadem malignitate ac petechialis apud Indos grassari.

Hæc febris specie duplex est, simplex & composita. Simplicem dico, quoties pustulæ erumpunt nullæ, præter miliaryes, de qua hic disserturus sum. Complexam, cum pustulæ pupillares rubræ, miliaribus sint interspersæ; quæque ubi solitariae sunt, a *Rash*, vulgo appellantur.

Et notandum est, pustulas miliaryes nonnunquam variolis immisceri, eosque, dum intumescunt variolæ, paulatim exarescere. Verum post exiccitas papillares superstities manere.

Febris Miliaris Descriptio.

Quo melius febris miliaris historiam præscribam; antecedentia, concomitantia, & consequentia enumerare placet.

Antecedunt, constitutio corporis imbecillis, sive ea naturalis est, sive ex evacuationibus supra modum factis, victu nimis parco adventitia: sanguis ferrosior: mens imbecillior & timidiuscula, ac facilius læsa ab externis, ut in fœminis & effœminatis viris. Cogitatio multa & intensa, aut mœstitia. Obstructio, vel ulcus in aliqua parte cum dolore conjunctum. Unde dolore colico, aut calculo, aut renum ulcere, Podagra diu affecti, huic febre magis sunt obnoxii. Calor etiam internus in mulieribus, cum vel sine siti, & præcipue sub tempus puerperii; unde & partus dolores minus solito vehementes sunt, & spiritus sine causa evidente admodum deprimuntur, cum oppressione pectoris suspiria cogente. Quibus, ut in aliis febribus, hic etiam fere semper accedit frigus externum.

Hanc febrem sæpe comitatur dolor, colici, nephritici, pleuritici, rheumatismatici, vel parturientis æmulus. Nec non oppressio pectoris, cum depressione spirituum. Dolor prædicto post biduum triduumve recedente, totius corporis horror, deindeque frigus calorque alternatim oriuntur. Lenior tamen hic calor est, quam in febre vulgari continua, & naturali propius accedit: Dum vola manus calore magis intenso afficitur, pars convexa mitiori. Pulsus etiam frequens est, sed debilis. Spiritus sæpe maxime deficiunt, & quasi ex magno pondere pectus oppressum edit suspiria. Somnus obrepens subito est interruptus; omnium pene symptomatum maxime inseparabile. Sæpe enim plures dies noctesque sine delirio, aut capitis dolore, insomnes sunt: fere multo diutius quam in aliis febribus. Cujus rei exemplum vidi, præ aliis singulare, in fœmina quadam illustri, quæ sub cura Doct. *Francisci Bernard*, in hac febre, sine delirio, doloreve capitis, per mensem passa est vigilias. Lingua nunc aphta alba obducta est, nunc sanorum similis. Urina, nonnunquam, fere ut aqua communis, pallida; alias, naturalem præ se fert colorem. Quo symptomate decepti juniores Medici, frequenter ad vapores, uti vulgo loquuntur, referunt. Hac febre correpti aliquando ventriculi ægitudinem, præcipue post somnum, patiuntur, & nonnunquam diarrhœam, vel ex sua negligentia, vel ex mala praxi, scilicet, dum calefacientia in paroxysmis hysteris usitiora, sine diaphoreticis, præscripta sunt. Unde, loco placidi naturæ progressus, materiam morbificam per diaphoresin expellentis, rapida fermentatio eandem in intestina deturbat: Alvus nunc astricta, nunc cum ventriculi ægitudine, & intestinorum doloribus, soluta est. Modo multum sitiunt, modo parum. Aliquando manus & lingua, Medico porrectæ, tremunt; & ægri quasi cum tremore loquuntur. Motibus etiam convulsi-

vulvis, delirio, ac difficili respiratione haud raro premuntur. Quorum symptomatum exacerbationes, febris intermittens paroxysmorum instar, recurrunt. Pectoris cum suspiriis oppressio, vel sine causa evidente spirituum major defectus, vigiliæ, & spirituum commotio, a *Hurry in the Head* vulgo dicta, quoties ægri ad somnum se componunt, nec non pulsus frequens & debilis, quibuscunque aliis symptomatibus conjuncta, pustulas miliarys erupturas semper prænuntiant. Quæque omnia persistere solent, donec pustulæ miliarys emineant; deinde a plerisque ægroti liberantur.

Hæ pustulæ, plerunque in pectore, collo, & digitorum interstitiis, interdum etiam in toto corpore sunt perspicuæ; &, paulatim indies auctæ; tandem evanescent; cuticula pustularum sedibus subscabra manente. Nonnunquam pruriunt, præcipue in febre miliary complexa; ubi scilicet pustulæ pupillares rubræ permixtæ sunt miliaribus. Et observare est, hanc febrem, quo simplicior est, symptomata habere eo leviora; Quæque hac ratione, tam incautis Medicis, quam ægris, incuriam frequenter creat. Unde febris hæc vel magis sit periculosa, vel morbus alius sæpe oritur. Ex minori enim cautela, quam primo loco adhiberi oportuit, gravioribus symptomatibus, sc. ventriculi ægitudine, appetitu diminuto, calore interno, oppressione pectoris, spirituum depressione & suspiriis, caloris, & frigoris irregulari recurso, vigiliis, & similibus, aliquando incipit.

In hujus febris declinatione sudore frigido sæpe madent manuum superiora.

An pustulæ miliarys certo die apparere soleant, difficillimum est observare: cum prima hujus morbi facies, & de eodem patientis narratio, adeo sint incertæ. Quantum autem assequi possum, eas opinor decimo vel undecimo die, a principio, plerunque pullulare; si modo febris regularem habeat progressum: & circa decimum & octavum, vel ubi materia morbifica abundat, circa primum vel secundum & vicesimum desiccari.

Tempus eruptionis observare, tanta vi primo in iis feminis, quas tertio a partu die advocatus, de horrore vel frigore, & calore subsequente quærentes audiui. Cum enim pustulas miliarys in illarum pectore & collo inspectis viderim, eas judicavi a multis diebus febre miliary correptas fuisse. Et scrutinio facto ab usque morbi initio, vel calorem præternaturalem, vel partis alicujus dolorem, cum vel sine siti, & cum maxima pectoris oppressione ac suspiriis, spirituumque defectu, ante partum sensisse comperi. Quæ symptomata, cum ab appropinquante partu pendere putarentur, a partu se bene habituras sperabant. Deinde, partus dolores, etiam si solito sint mitiores, eos tamen, maxima pectoris oppressio cum suspiriis, spirituumque defectus (ab obstetricibus timor & vapores dictus) pulsusque frequens ac debilis subsequuntur, pustulasque miliarys prænuntiare solent. Quarum eruptioni in puerperis, ad sudorem in lecto compositis, via sternitur. A primo itaque calore interno, vel dolore ante partum, ad eruptionem a partu, dies undecim frequenter numero. Verum ægotæ sui status ignorantia & præpostera narratio, Medici prognosin ut plurimum adeo confundit, ut ipsissimum diem vel curiosissimus haud indigitare noverit.

Febris miliarys consequentia, quatenus meæ observationi occurrunt, sunt tumor femorum, tibiarum, pedumque, non semper indolens, extumescencia & abscessus mammarum; depravata memoria, fluxus lochiorum nimius, & urinæ, affectus, hypochondriaci aut hysterici æmulus; calor internus, cum debilitate, languore, & diminuto appetitu conjunctus. Horum inquam, nunc hæc, nunc illa contingunt, quoties febris, vel ex suo malo more, vel Medici mala praxi, infelicem habet exitum.

De Febris Miliarys Causis internis.

QUOD ad causas febris miliary internas attinet, partim a sanguinis, & succi nervosi serositatem nimiam, & quadam acida acrimonia, partim etiam a succi nervosi nimia commotione, pendere videtur. Quæ mea conjectura ex hujus morbi præcedente

historia, ex medicamentorum hac pertinentium effectu, & ex cadaveribus hac febre mortuorum dissectis, probabilis videtur.

Sanguinis acrimoniam seu aciditatem arguunt secretionem huic febre peculiarem. Urina enim hic magis decolor est, sanorumque similior; emittiturque majori copia, quam in febre ardente, ubi sanguis & succus nervosis particulis sulphureo-salinis imprægnantur. Et experimur urinam decolorem copiose effluere, ex usu Oxymellitidis scillitici in hydrope incipiente. Ptyalismus etiam in hac febre plerunque copiosior est, quam in ardente. Ideoque hic sitis ut plurimum minor est, & lingua viscoso humore minus obducta. Porro, & pustulæ miliarys, quæ sero plenæ sunt vesiculæ, ab aciditate prædicta discerni videntur: non secus ac a quovis acido affuso, sit lactis serum.

Idem patet a medicamentis juvantibus, testaceis scilicet, ut oculis cancrorum & similibus, quæ acida absorbent.

Nec minus ex lædentibus. Omnia enim sapore acida, ut succus limonum, &c. in hac febre nocent.

Serositas sanguinis probatur a calore, qui hic mitior, quam in febre ardente, sentitur. Et quo simplicior est hæc febris, eo mitior est calor. Nam ubi pustulæ rubræ, a *Rash* vulgo dictæ, miliaribus sunt interspersæ, omnia symptomata febrem magis ardentem ostendunt. Et anasarca laborantes, ubi sanguis sero abundat, licet febre aliquando miliary, & symptomatibus nervosis, vix tamen unquam ardente afficiuntur.

Idem probat tempus, quo pustulæ miliarys erumpunt. Quæ ob sanguinis serositatem, indeque calorem & motum mitiorem, non tam cito ac papillares & variolæ, ubi sanguis sulphure magis abundat, expelluntur. Quemadmodum simplex aqua, tardius quam vinum aut spiritus vini ebullit. Quam etiam ob causam spiritus animales in hac febre primo commoventur.

Remedia hujus febris curationi adhibita idem ostendunt: nimirum, continuata diaphoresis, & vesicatoria successive apposita. Quæ serositatem sanguinis, & succi nervosi diminuunt, eodem tempore quo eorundem aciditatem edulcorant. Adde, & curatio hujus febris a natura perficitur, sanguinis serum, ex aliqua parte, in generatione pustularum miliaryum, eliminando. Neque liquores diluentes & aquosiores, hic adeo multum, ac in febre ardente, profunt, ubi potius pulli gallinæci jusculum copiose bibendum est. Porro, & quæcunque feri diminutionem per diaphoresin impediunt, lædentibus adnumeranda sunt; ut frigus externum, & medicamenta calefacientia sine vi diaphoretica.

Tam aciditatem sanguinis, quam serositatem, cadavera eorum qui hac febre moriuntur, satis perspicue demonstrant. In quibusdam enim partibus sanguis coagulatur, & non secus ac oleum ex effusione spiritus vitrioli nigrescit. Idem tamen sanguis extravasatus linteam valde pallido colore imbuunt. In aliis partibus, adeo serosus est, ut & ipsa vasa sanguinea vere palleant. Cujus rei instantiam profero, in sequentium historiarum ultima. Et nuperrime vidi non ab similem, in juvene quodam illustri, annos circiter unum & viginti nato, hac febre mortuo, ex omissa morbi curatione tempestiva. In cujus abdomine, thorace, & cranio apertis, vasa, quibusdam in partibus, sanguine nigricante & coagulato, distenta erant. Sanguis tamen e vasis discissis elapsus pallido colore linteam infecit. Et non infrequenter experimur, e vena secta sanguinem rutilantem fluere; a vino nempe generoso copiose ingesto, colore tamen pallido lintei imbuti suam serositatem ostendere. In aliis hujus cadaveris partibus, sanguis serosus videbatur, & pallido colore tinctus, ut & cor ipsum. Plexus etiam choroides, ob copiam sanguineorum vasorum ipsam formantium, semper fere rubicundus, maxime pallebat: tum acidi, tum serosi sanguinis argumentum. Neque dubitandum est, succum nervosum, a sanguine ortum, similem naturam adeptum fuisse.

Intemperiem febrilem in liquore nervoso sive spiritibus

tibus animalibus primitus accendi, symptomata nervosa primo occurrentia, nempe dolor, spirituum depressio, vigiliæ, & similia supra enumerata, probant. Cum interim symptomata, quæ sanguinis fervorem febrilem indicant, uti calor vehemens, pulsus fortis, capitis dolor, sitis, linguæ siccitas, urina rubicunda & parca, &c. omnino defunt. Demum in hac febre juvantia, nempe mens spiritusque ab omni tumultuario motu immunes, idem ostendunt. Hic itaque commotio febrilis, & feri sanguinis metastasis in succum nervosum originari videtur, indeque in sanguinem transferri.

De Symptomatum Causis.

Febbris acuta continua, non maligna, ex obstructione glandularum, cutaneorum præcipue, indeque sanguineorum vasorum plethora pendere, plerique autumant. Et in febre simplici miliari succo nervoso idem accidere, verisimile est. Nam ut nervi ex obstructione tenduntur, ita ex tensione dolor oritur, hujusce febris symptoma omnium fere primum. Ideoque medicamentis diaphoreticis, plethoram & obstructionem nervorum capillarium minuentibus, potius quam laudano consopitur. Uti & ex pethechiarum aut variolarum eruptione, ægri a dolore, symptomate eorum primario, magis liberantur, quam ab usu laudani.

Succus nervosus, nervorum capillarium obstructione auctus, & in suo motu repulsus, motum irregularem imprimit spiritibus animalibus, & horrore ægrotum afficit.

Calor autem succedit frigori, ex succo nervoso in sanguinem (tandem obstructione referata) copiosius transfuso, motumque sanguinis citatiorem generante. Neque tamen hic, ubi sanguis scatet partibus seroso-acidis, quæ motus ejus inhibent, pulsus adeo magnus est, ac in aliis febribus, quæ primo in ipso sanguine, salinis sulphureisque particulis luxuriante, excitantur.

Calor & frigus se mutuo excipiunt, sed irregulartiter. Nimirum a serositate sanguinis, succique nervosi ab eo secreti: qui exinde citius a medicamentis, motu corporis, multiloquio, vel animi pathematis, affecti sunt. Ideoque nihil magis conducit ad caloris frigorisque irregularem recursum cohibendum, quam mora in lecto & quietudo.

Pectoris oppressio & suspiria, a liquore nervoso, in nervis pectoris capillaribus stagnante oriuntur. Vesiculis enim seu pustulis miliaribus emissis, ægri ab oppressione liberantur. Certe a sero in asperæ arteriæ extremis ramulis minime pendet. Ita enim produceretur asthma, & pharmacis pectoralibus oppressio allevaretur: quæ tamen hic sunt inutilia, & quæcunque pustularum miliarium eruptioni incommoda.

Oppressionem hanc comitatur spirituum defectus. Neque ob sanguinis serositatem, indeque parciolem in succum nervosum spirituum secretionem. Oritur etiam a succi nervosi serositate, spiritus animales onerante. Serositate enim per diaphoresin diminuta, liberantur spiritus animales, viresque æger recuperare videtur. Non secus ac bajulator, qui deposito onere spiritus statim resumit. Quod non accidit in spirituum defectu, ex hypercatharsi orto. Et notatu dignum est hac febre miliari laborantium, non secus ac oneribus defessorum, pulsus eundem manere, dum spirituum defectum passi sint, & ab eodem liberentur. Verum ex evacuatione nimia pulsus debilitas spirituum depressioni respondet.

A motu spirituum animalium magis celeri infomes sunt, sæpeque delirant; & quoties ad somnum se componunt, de quadam sensus interni confusione queruntur.

Quando in vigiliis caput indolens est, a minori impetu sanguinis versus cerebrum pendet. Licet enim motu paulo vegetiore circuit, quam in sauis, remissius tamen quam in aliis febribus, sive intermittentibus, sive continuis, movetur. Quamobrem & sitis hic longè mitior est, quam in febre ardente. Et eandem ob causam urina est magis decolor,

sanorumque similior: & majori copia emissa, ex aciditate sanguinis serum separante. Qua de causa frequentius etiam expuere solent.

A serositate spirituum animalium muscoli antagonistæ non semper æqualiter contracti retinentur; unde fiunt motus convulsivi. Sin autem a serositate prædicta contractio musculorum fuerit debilior, linguæ manuumque solummodo fit tremor.

In hujus febris principio, si ægri similitudine vaporum decepti, e lecto surgant, calidave medicamenta usurpent, sanguinis spirituumque motus exinde augetur: Et loco pustularum miliarium natura ad materiæ morbificæ intempestivam ac deviam secretionem stimulatur. Unde producuntur symptomata, secundum varias partes in quibus deponitur, variata; febrisque miliaris sub alterius morbi forma delitescit. Si in ventriculo, nauseam & vomitum parit; in intestinis, dolorem & diarrhœam. In quo casu, dolores & diarrhœa, citius leni & continua diaphoresi, quam laudano vel astringentibus recedunt. Et si contigerit solummodo duæ tresve sedes, absque ventris torminibus, spirituumque defectu; quæcunque astringentia & opiata censeo amovenda. Quippe sæpenumero satis est materiæ, tam in sedes, quam in pustulas miliares distribuendæ. Quapropter & de earum eruptione a sedibus nihil metuendum est, idemque experimur, ubicunque materia abundat secernenda: exempli gratia, in variolis ubi nec enema, nec venæ sectio, pustularum eruptionem impedit. Nec quicquam mali accidit a catameniis, toto variolarum cursu lente effluentibus.

Pulsus denique fit debilis, a serositate sanguinis succique nervosi; & proinde spirituum animalium paucitate, cordisque laxiore systole.

De Signis in hac Febre Prognosticis.

DE hac febre prognosis ita instituenda est. Si ægrotus sui regimen in principio omiserit, mediæve pharmaca calida diaphoresin minime excitantia præscripserit; licet symptomata ab initio fuerint mitiora, morbus tamen sæpe in pectus ruit, & vel mortem, vel ægritudinis diuturnitatem minuitur.

Si ab initio pars aliqua dolet; vel æger indolenter calefceret, aut ei ventriculus ægrotaret, deindeque calor & frigus alternis vicibus, intervallis tamen inæqualibus recurrerent, spirituumque defectus, & pectoris oppressio cum suspiriis, facili respirationi conjuncta sint, tandemque pustulæ cum leni & perpetua diaphoresi sese ostenderent, res plerunque in vado est.

Delirium, motus convulsivi, convulsio, vel apoplexia, si ex signis hujus febris pathognomonicis, nempe summa pectoris oppressione, cum suspiriis, spirituumque defectu, symptomata comitantia viderentur, & in principio acciderent; facilius Medici diligentæ praxique regulari cedunt. In progressu vero, & declinatione, ubi æger imbecillior est, & pustulæ miliares, aut ex impresso frigore, aut forsan a mala praxi delitescunt, in cerebrum, nervosque lethalis fit metastasis, & brevi mors sequitur.

In hac febre, suppressio diarrhœæ subitanea, sive sponte, sive astringentium, sive opiatorum ab usu sit, apoplexiam cavere jubet. Præcipue, si iste morbus, ex plethora & partium structura, staret in procinctu.

Citrinus urinæ color, qui subito in pallorem transit, de metuenda metastasi Medicum monet.

In puerperis hac febre correptis, diarrhœa symptoma periculosum est. Non modo enim pustularum eruptionem, sed & fluxum lochiorum impedit.

Respiratio difficilis, vox faucibus hærens, & linguæ tremor, inter periculosa symptomata collocanda sunt. Præcipue, dyspnœa nervosa.

Ægri, quo magis somnolenti, eo felicius convalescunt.

Qui mitioris sunt indolis, facilius quam qui feroces & iracundi, liberantur.

Si na-

Si natura & Medicus, quasi junctis manibus procedant, statim a desiccatis pustulis, ægri vires recuperant. Nisi ex abundantia materiæ morbificæ, reliquæ super partem aliquam separentur.

In febre scarlatina, si pustulæ miliares colori rubro extincto superveniant, salutem promittunt.

De Febris Miliaris Simplicis Curatione,

EX hujus febris miliaris simplicis natura descripta enatæ indicationes curativæ sunt hujusmodi. Nimirum, sanguinis & succi nervosi aciditatem dulcificare, eorumque serositatem diminueri, nec non spiritus animales liberare & restaurare: Et hac methodo obviam eundo periculosis symptomatibus spirituum animalium sanguinisque motum ad æquilibrium restituere. Quo facto, pustulas miliares e materiâ rite præparatâ genitas, solito tempore expectare licet.

Ad sanguinis succique nervosi aciditatem (unde coagulationes sanguinis, & seri secretiones proveniunt) edulcorandam; medicamenta, vulgo alcalinâ dicta, & præcipue testacea, sunt eligenda: E quibus sunt oculi cancrorum, margaritæ præparatæ, & similia. Et ad eorum serositates simul minuendum, quæ etiam lenem & continuam diaphoresin promovent, maxime omnium profunt: in quorum numero pulvis e chelis cancrorum compositis, lapis Goenſis, & bezoar Orientalis, præcipuum locum obtinent. Horum enim usu, dies aliquot reperito, sanguinis & succi nervosi vitia corriguntur; pulsusque ad fortio rem motum restitutus, magisque æquabilem, pustularum miliarium eruptionem accelerat. Equidem, si nulla ratio diaphorescos habenda esset, neque alicujus indicationis nisi ut sanguinis spiritusque animales exaltentur; calidiora cardiaca, uti radicem serpentariæ virginianæ aut similia, vel etiam vinum ipsum tuto & copiose sumere licuerit. Hæc autem & hujusmodi, in hac febre, viz. ad pustulas miliares expellendas, raro locum habent. Nam sanguinis fermentatio vehementior, & materiæ morbificæ contemporanea secretio, non bene conveniunt. Et sæpe calidorum usu, delirium, motus convulsivi, & similia produciuntur. Omnes itaque secretiones, siue natura, siue arte effectæ, facilius lente procedunt. Id quod a medicamentis testaceis obtinetur; quæ dum calorem fovent mediocrem, simul & edulcorant, & diaphoresin promovent.

Ad serositatem minuendam optime etiam respondent vesicatoria: nec non ad coagulationes sale suo volatili impediendas. Nullum itaque aliud remedium spirituum animalium commotionem magis sedat, somnumque conciliat, aut spiritus depresso levare solet, materia enim morbifica ex aliqua parte eorum ope diminuta, natura reliquam, via sibi consueta, facilius amandare potest: tantum abest ut pustularum eruptionem impediunt. Neque tamen plura una vice vesicatoria, sed alia post alia, applicanda sunt, nisi grande aliquod symptoma exigat. Notandum autem est, postquam ulcus prioris vesicæ siccatum fuerit, quamprimum aliam debere excitari. Cum sæpe observaverim, omnia symptomata statim a siccatis priorum vesicarum ulceribus ingravescere, iterumque ab aliis vesicis excitatis fieri leviora.

Anno 1697. quidam hac febre correpti non modo capitis dolore, sed & tumore affecti sunt: attamen ex vesicatoriis successive apposis, diem imminutis. Ex apposis pone aures disparuit frontis tumor; temporum & oculorum, ex tertio inter scapulas; & genarum similiter, labiorum, fauciumque, ex aliis super brachiis, femoribus, tibiisque, ut in sequentium historiarum prima fusius ostenditur. Et notetur quod ex minimo temporis intervallo, a prioris vesicæ exiccatione ad generationem alterius, & dolor & tumor aucti fuere.

Anno 1704. quorundam in hac febre fauces occupavit dolor, illius qui in angina æmulus. Quo percepto symptomate, licet multi subito mortui sint; eo tamen leni & continua perspiratione domito omnes sub mea curatione evaserunt.

In hac febre, cathartica raro sunt admittenda; nisi grande aliquod symptoma indicaverit. Emollienti vero enemati, ad primas vias mundificandas, sæpe locus est.

Raro etiam sanguinis emissio permittenda, nisi ex urgente aliquo symptomate, viz. asthma, pleuritide, vel simili indicaretur.

Animi pathemata in hac febre vitanda sunt. Et quæcunque commovent spiritus animales, siue grata siue ingrata fuerint, noxia sunt. Quietudo etiam in lecto imperanda est. Contrario autem in hac febre incipiente regimine, pustularum miliarium materia versus cutem motura, alio repulsa, symptomata periculosa producit. Quibus symptomatibus, si talia adhibeantur medicamenta, qualia ad primum morbum inepta sint, vel mors, vel morbus chronicus, sine ulla postea pustularum eruptione, sequitur. Unde discimus qui sit, ut puerperæ ex hac febre felicius emergant. Ob id nempe, quod in lecto tranquillo animo se continent, lenem & perpetuam diaphoresin sibi concilient; cibisque potulentis, calefacientium pharmacorum loco, refocillantur. Sæpe enim observare est, eas, quæ in lecto bene se habere visæ sunt, si inde surgant, tanto spirituum defectu correptas fuisse, ut moribundæ videantur, & ex iis nonnullæ subito obierint. Quæ etiam nimis propere lectum renunt, se tantum histerice affectas æstimantes, statim in pejus ruunt.

Hujus rei instantiam jam præ oculis habeo in domina *Shepherd*, in vico vulgo vocato *Bartolomæ-lane*, habitante, & cui *D. Lancashire* fuit pharmacopæus. Illa pectoris oppressionem cum suspiriis, nec non confusionem interni sensus, cordisque palitationem passa est, quæ symptomata, & ægra, & astantes, vapores æstimarunt. Ideoque necessarium esse putabant, ut e lecto resurgat. Simul ac vero induerat vestimenta, tremores & motus convulsivi, prædictis symptomatibus sunt adjuncti. Ego jam ad illam vocatus, ex oppressione pectoris, cum suspiriis, spirituumque defectu, febre miliari laborare censeui, & in periculo stare, nec sine leni & continua diaphoresi servari posse. Præscripsi itaque in lecto quietudinem, seclusa visitantium turba; vesicatorium inter scapulas applicandum; bolumque sequentem sexta quaque hora cum julapio sumendum.

℞. Pulv. e Chel. Cancr. comp. Spermat. Ceti, a. ʒj. Croci gr. vj. Syr. Paralys. q. s. Ms. f. Bolus.

Qua methodo adeo late res cessit, ut intra biduum motus convulsivi pene penitus aboliti fuissent. Pustulæque miliares, jam tandem enatæ, altius indies emicuerunt, serumque in iis, usque ad earum exiccationem, videbatur magis incrassari & albescere.

Puerperæ hac febre laborantes, & nimis cito lectum renuentes, nonnunquam ex improvviso moriuntur. Uti accidit dominæ *Bariklei*; ad quam licet vocatus essem, tamen ante adventum meum mortua est. Amici illam, nullo morbo, præter vapores vulgo dictos, affici putarunt. Et proinde exurgere, immiscere se colloquiis, & similia, sanæ instar, agere voluerunt. Ego vero, ex dolore femoris, oppressionem pectoris, suspiriis, spirituumque defectu, mihi narratis, ipsam febre miliari periisse ratus sum. Et allata candela, pustulas miliares quamplurimas super pectore adhuc eminentes vidi. Et nullus dubito, quin ex frigore, materiam pustularum in nervos repellente, hæc mulier morte subitanea oppressa fuerit. Id quod etiam quibusdam parturientibus in simili casu accidisse memini. Ideoque, ubi ad parturientes vocatus, febris miliaris signa viderim pathognomonica, moram in lecto, & ut ægra ad partum se componat, impero.

In prædictæ dominæ dissecto cadavere, nil morbosum conspexi præter polypum. Qui ab eadem causa ac ipsa febris, viz. serositate acida proveniens, minime mortis causa existimanda est.

Sæpe etiam observare est, eos qui in lecto bene se habere visi sunt, si exurgerent, tantum spirituum defectum sensisse, ut moribundi viderentur: cujus rei in historia casus *D. Smith*, in area *Bartholomæ Close* vocata, exemplum dabimus. Ideoque cautela, tum a parturientibus, tum puerperis observanda est, ut si pectore oppresso & languore sine causa eviden-

te affe-

te affectæ fuerint; statim obstetricis ope partum avelli curent, & spretis mulierum argutiunculis in contrarium, ad eliciendam diutinam diaphoresin sese lecto assignant.

De Curatione Febris Miliaris Symptomatum.

Singulis symptomatibus iisdem remediis occurrendum censeo, quibus uti maluimus, si solitarie apparuerint: nisi aliquod symptoma contra indicet: quod a perito Medico perspicendum est.

Capitis vel partis alterius cujuscunque dolor, longe certius leni & continua diaphoresi, quam opiatibus consopitur. Quemadmodum in febribus petechialibus variolisque, nullo modo dolores sedari vidimus, donec expellenda materia super cutem emineat. Cum itaque vel parturienti, vel dolore quovis laboranti advocatus sim, & spirituum defectum pulsumque frequentem ac paulo debiliorem viderim; omissis hypnoticis, naturæ morem gero, & statim diaphoresin excitare soleo. Sin autem doloris vehementia opiatorum usum indicaverit, diaphoretica admiscenda impero. Alias autem non sedant dolorem, aut ejus loco aliquid mali afferunt. Et si pleuriticus sit dolor, vel alicubi inflammationem ostendat, venæ sectio raro est omittenda.

Quoties calor & frigus alternis vicibus & irregularibus recurrunt, ut plerunque solent; lenis diaphoresis, ex *Pulv. e Chel. Cancr. comp.* usu, valde prodest, si modo sine calefacientibus sumptus fuerit. Quod, etiamsi a nonnullis parvipendatur remedium, multoties tamen ejus virtutem expertus sum. Hæcque, ex multis aliis, uno exemplo in *D. Bolton*, *D. Shaler* pharmacopœi filia, satis patebit. Illi, secundo die a partu, doluit abdomen prope coxam. Qua in parte lenito dolore, calore deinde & frigore alternis, nec non vigiliis & oppressione pectoris cum suspiriis, & languore, afflicta fuit: tandemque post dies aliquot pustulæ miliares exudarunt. Solo itaque pulveris e chelis cancrorum compositi usu sexta quaque hora, ad continuandam diaphoresin; omniaque pathemata prohibendo, ægramque cibis fovendo potulentis, vinoque pauco Canarino, illamque dies quatuordecim post emissas pustulas lecto alligando, æque feliciter convaluit, ac si non ægrotasset. Etiamsi ante partum calor hecticus, tussis, difficilisque respiratio, tabem minarint. Constat itaque multis hac febre correptis, sanitatem redintegrari longe difficilius; aut ex debita cura in principio omissa, quasi ægra tantum hysterice laboret; aut valde calefacientium abusu, materiam scilicet morbificam, non critice, sed symptomatice expellentium. Et observatu non indignum est, quod hac corrente febre, ut prædictum pulverem, experimenti gratia, omittendo, non solum cessavit diaphoresis, sed symptomata omnia pejora videbantur: ita, & illius usum repetendo, quæcunque laudabiliora renovari.

A vigiliis levantur, vesicatoriis, & quietudine in lecto, remotis omni strepitu animique pathematis.

Ad delirium maxime prodest antimonium diaphoreticum, per se sumptum. Quod licet a quibusdam Medicis, ut effæta calx æstimetur; sæpe tamen, & semper per se, optato successu, non modo in vigiliis, sed & in delirio præscriptum.

Sæpe etiam pacantur vigilæ, leni & continua diaphoresi. Ad quam efficiendam, si pulveris prædicti usus sit irritus, spiritus cornu cervi, aliis medicamentis præferendus est, & in posseto salviato potius bibendus, quam salviæ infuso. Ideo scilicet, quod plus nutrimenti in hac febre magis necessarii, suppeditet.

Opiata, si unquam in hac febre, post vesicatoria adhibenda sunt. Et urgente diarrhœa, vel pustularum eruptione remorata, conf. Fracastorii, aut theriaca Androm. locum præcipuum tener.

Nihil a me expertum est, quod felicius motus convulsivos in hac febre compefcit, quam omnes illinire artus succini essentia; illiusque quasi viginti guttas e quovis conveniente liquore sæpe exhibere.

In oppressione pectoris cum suspiriis præcipue asthma convulsivo conjunctis, eadem fere, nempe

lenis & continua diaphoresis, spiritus cornu cervi, & vesicatoria, summe sunt utilia.

In spirituum defectu, nihil magis valere expertus sum, quam aquam theriacalem, vel per se, vel in vehiculo cum salis vol. oleosi guttis aliquot, & croci pulvere, præcipue si cordis palpitatio eundem comitetur.

In tremoribus, spiritus animales aptis sunt reficiendi medicamentis, e quibus crocus maxime prodest. Nec non cibis potulentis magisque nutritiis, uti pullorum jure, & similibus.

In convulsione universali, præcipue a materiæ morbificæ versus interiora metastasi orta, cucurbitulis cum emissionem sanguinis usus sum feliciter. Deinde calefacientes spiritusque volatiles ægrotorum ori ingerendos, nec non enemata, imperare soleo. Quæ quidem in convulsionibus, præcipue puerorum, sunt proficua.

Ægritudo cum nausea, pectorisque calor signa sunt aphtharum imminuentium. Quæ mitigantur symptomata diaphoresi continuata, donec lingua aphthis oblecta fuerit. Et observare est, eodem tempore augeri aphthas, pustulasque miliares exarescere. E contra simul ac lingua aphthis nudata fuerit, pustulas miliares elevari. Et nonnunquam febris reliquias, post desiccationem pustularum, in aphthas nutriendas derivari.

Vomitioni occurro, addendo pulveris e chelis cancror. comp. scrupulo, salis absinthii gr. x. Præcipue si calor febrilis æqualibus intervallis fuerit repetitus. Nisi aliquod symptoma (uti tonsillarum inflammatio, quæ salis lixivialis usu augetur) contra indicet.

In diarrhœa, quam sæpe astringentibus augeri expertus sum, vel eidem suppressæ aliud symptoma pejus succrescere, vesicatorium utiliter præscribo. Ut hujus & diaphoresis conjuncta ope materia serosa ab intestinorum glandulis revellatur, Margaritas etiam, vel per se vel cum aliquo conveniente diaphoretico, scrupuli pondere, sumendas vicibusque aliquot repetendas jubeo.

Vesicatorii efficaciam ad chronicam diarrhœam frequentissime expertus sum. Cujus rei jam præ manibus habeo instantiam in domina *Vvashta* puerpera, Mercatoris Hispanici in *Gloak lane* habitantis uxore; cui *D. Shervvood* est pharmacopœus. Horrore primo correpta fuit, deinde frigore & calore, incertis spatiis recurrentibus: nec non oppressione pectoris cum suspiriis, spirituumque defectu. Pulsus etiam ei debilis ac frequentissimus. Et passa est vigilias, fere usque ad enatas in lingua aphthas. Sub earum autem eruptionem erat admodum somnolenta; uti & aphtharum tempore infantes sunt. Ægritudine etiam ventriculi premebatur, & diarrhœa, cujus vi improba lochia ei suppressa sunt. Hanc mulierem sequente methodo multos dies continuata ad sanitatem restitui.

℞. Sper. Ceti, Pulv. e Chel. Cancr. comp. an. ʒj. Croci gr. v. Syr. Paralys. q. s. Mf. f. Bolus sumendus sexta quaque hora e cochleari julapii communis. Et applicetur vesicatorium inter scapulas. Horum usu emicere pustulæ miliares, & paulatim minuebatur diarrhœa.

Et cum aphthis postea enatis creverunt pustulæ miliares, sine astringentium usu. Hujusmodi quidem medicamenta ægrota in promptu habuit, sed neque sumpsit, neque iis opus fuit.

Si theriaca, aliave opiata usurpanda viderentur, opportune id fit, post apposita vesicatoria; quæ pravorum opiatorum effectus inhibent.

Hoc etiam potenter efficiunt sudorifica opiatibus admixta. E multis hujus rei exemplis, unum dabo in quadam domina *Roberts*. Illa secundo a partu die, dolore colico, sine vomitione aut diarrhœa, sed admodum vehemente & abdomini affixo, correpta fuit. Quapropter coactus sum, laudani liquidi guttas centum, sesquihoræ spatio sumendas, imperare. Attamen paulo postea pulveris e chelis cancr. compositi salisque volatis oleosi dosin majorem offerendo, multas sudavit horas, dolorque sine ulla superstite querela evanuit. Contra ac in eadem muliere, & in eodem casu, sub cura alterius doctiss. Medici accide-

acciderat. Ille enim, dando laudanum sine sudoriferis, dolorem equidem sedavit, diu tamen ægra de quodam inquietudine subsequente querebatur. Et liquido mihi constat ex laudano per se sumpto, omnes evacuationes plerumque supprimi. Quod si aliter contingat, forsitan non laudano, sed alio referendum est. Similiter ac si ex sumpto cortice Peruviano, aut vino Clareto, ob materiæ morbificæ congeriem, fibrarumve intestinorum imbecillitatem, vel quandam antipathiam, sequeretur diarrhœa, Neque post sumptum laudanum sudor nonnunquam profluens, & variolarum extumescencia, quicquam redarguunt. Quorum neuter a laudani natura, sed potius a morbi conditione immediate pendet. Nam ut in febribus, durante fermentatione, sanguis velocius movetur, naturaque secretionibus minime vacat; ideoque urinam tenuem ægri mejunt, desinente vero, crassam cum hypostasi turbidamque; pari modo, ubi motus sanguis ex sumpto laudano citatior compescitur, nervi relaxantur, porique aperti fuerint, in febribus sudor, in variolis pus eliminatur facilius. Natura itaque medicamenti non ex aliquo remoto & incerto, sed ex proximo illius effectu definienda est. Laudanum enim in quibusdam alvum movit. Quam observando regulam, Medici de laudani, aliorumque pharmacorum usu vel abusu, rarius disceptantes, magis amice honorificeque convenirent.

Hoc mihi in memoriam revocat effectum laudani memorabilem in femina quadam, ad Insigne Solis in vico *Chancery-lane* vulgo dicto habitante. Illa, cum post abortum dolore colico vehementissimo laboraret, laudani magnas sumpsit doses, & per se repetitas. Unde urinæ, sedum, lochiorumque orta suppressio, maximusque tumor ventris brevi expectandam mortem prænuntiavit. Postquam autem inquisitione facta a morbi usque inirio, inspectisque præcedentis Medici præscriptis, jam memorata symptomata, a laudani abusu, ut dictum est, provenire cognoverim; Enema injiciendum imperavi. A cujus operatione peracta, omnia, non sine instantium stupore, disparuere symptomata; quippe, non a morbo, sed ab usu laudani, oriunda.

De Febre Miliari composita.

Febbris miliaris composita est, ubi pustulæ miliaræ, papillis rubris (a *Resh* vulgo dictis) petechiis, variolis, aut morbillis sunt intermixtæ.

Symptomata eadem fere sunt, ac in febre synocha dicta. Spirituum tamen defectu & suspiriis ægroti magis opprimuntur. In vigilias etiam proniores sunt; & eorum urina sanorum est similior.

In febre cum pustulis rubris aliquando pustulæ miliaræ non tantum illis intermixtæ sunt, verum etiam penitus desiccatis supersunt. In variolis & morbillis pustulæ miliaræ plerumque præcedunt, & in principio eas comitantur.

In febre miliari composita symptomata sanguinis potius quam nervosi generis vitia præ se ferunt. Ubi nempe pulsus frequens est & fortis, calor intensus, lingua sicca, sitisque haud mediocris. In febre miliari simplice, e contra. Verum defectus spirituum, & oppressione circa pectus coacta suspiria symptomata sunt utrique communia.

Quod ad curationem attinet, ubi pustulæ miliaræ variolas & morbillos comitantur, diaphoretica medicamenta paulo calidiora tutiora sunt, quam in variolis per se existentibus.

Frigus externum, aut regimen quocunque modo frigidum, periculosum est, & mortis causa nonnunquam subitanæ: tum etiam, cum pleraque symptomata optatum morbi eventum promittunt.

Quamobrem & opiata calida, ut diascordium, & similia, felicius cedunt, quam diacodium vel laudanum, quoties variolis pustulæ miliaræ conjunctæ sunt.

De Morbis quibusdam Febri Miliari supervenientibus.

Præter febri miliari consequentia, de quibus antequam mentionem feci, & in sequentibus historiis

facturus sum, duo sunt, quæ paulo frequentius eidem superveniunt; nempe artuum inferorum tumor, & calor hecticus.

Tumor pedum & tibiæ, nec non femorum inguinisque fit, aliquando sine, verum sæpius cum dolore haud mediocri, tumori præeunte. Iste autem tumor, ex materiæ morbificæ congestis reliquiis, in his febribus non rite curatis, contingit. Cujus rei etiam si plura exempla proferre possim; methodum tamen, qua morbum profligare soleo, hic annectere sufficiat.

Ea autem est: Pilularum catharticarum, cum opio vel aliquo opiato, singulis noctibus sumendarum præscriptio. Opiatum mihi usitatum, est pilula de cynoglossa ad ℥j. Catharticum vero eligo, secundum coindicantia. Verbi gratia in appetitu & digestionem diminutis, pilulas stomachicas ad ℥ss. In lochiis aut mensibus suppressis, pilulam aloephanginam, aut scetidam. Aliquando etiam resinæ julap. gr. iv. vel v. jabeo addenda. Et nonnunquam decocti amari sine fena haustum bis in die propino. Si cathartica paulo fortiora usurpanda sunt, alternis noctibus adhibeo, & decoctum aliquod stomachicum diebus interpositis sumendum præscribo. Et post plura alia medicamenta frustra sumpta, haud raro feliciter usus sum hac methodo.

Sin autem adsit tumor indolens, catharticis utor sine opiatis. Et si febrem miliarem comitetur tanquam symptoma, sola continuata diaphoresi dissipatur.

Spiritus etiam cochleariæ, tam simplicis, quam cathartici, usus, in hoc casu maxime prodest. Simplicis efficaciam expertus sum in Domino, *Bellasis*, circa ætatis annum octogesimum, febre vehementi correpto, meæque curæ a Regia majestate commendato. In quo jam extinctæ febri tumor ab inguine usque ad pedum digitos supervenit, qui, post vesicatoria frustra adhibita, tandem spiritus cochleariæ simplicis usui cessit.

Spiritus autem tam simplicis, quam cathartici, scilicet cum julapio præparati, usum conjunctum, expertus sum felicissimum in D. *Lane*, quæ aliquot ante annos puerperio cubabat. Hæc dolore vehementi, cum tumore ab inguine ad pedum usque digitos, affecta, duorum Medicorum celeberrimæ curæ submissa fuit; sed id incassum. Eandem itaque sceminam, spiritu cochleariæ simplice, ad 20. vel 30. guttas, e conveniente vehiculo ter in die sumpto, & spiritu cochleariæ cathartico, tertio quoque die deglutito ad guttas 100. nec non pilula *Mathie* die purgationis hora somni, penitus curavi.

Calor hecticus, appetitus diminutio, spiritusque vitalis defectus, locum habent inter ea, quæ febri miliari superveniunt. Præcipue, si patientes nimis cito de lecto resurgant. Cujus rei vidi quamplurima exempla.

Methodus, qua hic bonis avibus utor, est hujusmodi. Sumantur mane dies per aliquot salis absinth. gr. 10. aut 15. ex aq. spadanæ haustulo; & deinde paulatim ejusdem aquæ ℥ij. nempe, si spiritus maxime defecerint. Alias ex haustu aq. Batthoniensis, superbibendo ejusdem ℥ij. similiter. Ut hoc modo aciditatis, ubicunque in hac febre peccantis, reliquiæ, una cum prædictis aqua & sale, excernantur. Quod si talis absinthii usu caput doleret, præscribo medicamentum aliquod lenitivum, 3. vel 4. quoque die hora somni sumendum. Salsa & acida a cibis amovenda, nimiusque corporis animique motus cohibendus. Nam ex ulterutro recidivam sæpe fieri expertus sum. Nec quicquam febris intermittens, e præproprio corticis Peruviani usu, recidivæ, certius occurrit. Cujus rei instantiam, in D. *Vuarrand* in *Milkstreet* habitante, & jam fere moribunda, vidi insignem: postquam duo alii Medici non incelebres, pro eadem, re infecta præscripserant. Et nonnunquam lac asininum, cum testaceis pulveribus, & præcipue margaritis, prodesse solet.

Hystoria Febris Miliaris cum Apoplexia.

Julii 16. 1697. ad Digniss. Virum D. *Muscamp*, Vicecomitis de *Lansborough* Maritum, in platea vulgo dicta *Pallmall* habitantem, evocatus sum. Cui Dom. *Malbas* erat pharmacopœus; idem qui jam Regius. Annum agebat ægrotus sextum & quinquagesimum. Constitutione erat pituitoso sanguineus, & obesus. Appetitu gaudebat optimo: deditus negotiis & cogitabundus. Ab aliquo retroacto tempore cum asthma ac nephritico dolore laborasset, calculos nonnullos, usu olei lini ad cochlearia tria singulis noctibus a me præscripto, cum urina emisit. Proxime præcedentibus aliquot hebdomadis, calore interno, deinde & languore, sive spirituum defectu, sine ulla causa evidente, affectus est.

Supra dicto die subito correptus est apoplexia. Ut ex antecedentibus jam memoratis, respiratione cum stertore somni profundi amulo, sensibusque læsis externis omnibus, certo compèri. Illamque a seroso potius quam grumoso sanguine stagnante oriri, facies ejus minus rubicunda monstrabat: ut clarius patebit ex meis Observationibus, quas de Apoplexia altera a stagnante & extravasato sanguine grumoso, altera a seroso, si vitam DEUS atque otium dederit, posthac in lucem emissurus sum.

Ad serosi sanguinis stagnantis excitandum motum, ac ventriculi & intestinorum onus amovendum, a quo sæpe tentatur caput, sequentem pulverem emeticum præscripsi.

℞. Salis Vitriol. ℥iij. f. Pulvis in doses sex dividendus. Sumat singulas ex Aq. Juglandis comp. Cochl. j. Superbib. haustum posseti foliis Card. bened. alterati.

Spiritum etiam salis armoniaci naribus offerendum jussi. Et ut ægrotum, tam a saburræ in ventriculo, quam pulveris emetici reliquiis nauseam sæpe sequente die creantibus, liberarem, pilulas sequentes præscripsi.

℞. Pil. Tard. Querc. ℥j. Resina Julapii gr. iv. Syr. e Spin. Cerv. q. s. Mf. f. Pilula, finita Emetici operatione sumenda.

Ad serosum laticem minuendum, sanguinisque adhuc magis accelerandum motum, emplastra præscripsi vesicatoria, & mixturam spirituofam sequentem.

℞. Salis vol. oleos. ℥iv. Spirit. Lavend. com. ℥ij. Mf. Sumat. gutt. xx. ex haustu decocti Hordei Syrupo Violaceo edulcorati: Hoc jussi vehiculum, ut, & lente augeam vim Pilularum, & Dysuræ Dolorique Renum a Vesicatoriis, præventam. Demum Emplastra subpedalia, ex Empl. Cephal. cum Euphorbio & Picis Burgundica ana a. p. curavi applicanda.

Die prædicti mensis 17mo ægroti assidentes mihi narrabant, illum statim a peracta vi vomitorii & somnolentia & stertore expergefatum, sensus omnes recuperasse.

Symptomata jam tum apparentia, hujusmodi fuere, vid. Tumor faciei, & totius capitis: quod eo anno in febre miliari commune erat. Calor etiam febrilis, pulsus frequens, sed debilis; cum defectu spirituum, maximaque pectoris oppressione cum suspiriis scilicet, a malignitate morbi, non nimis evacuationibus. Quippe pulsus, post eas finitas, nihilo quam ante, debiliior fuit. Neque subiit alterationem, quoties de spirituum defectu ægrotus querebatur. Urina tenuitate aquea & satis copiosa; lingua humore albo & viscoso cooperta; sitis immunis, etiam si & insomnis fuit. E quibus omnibus symptomatibus & præcipue ex oppressione pectoris cum suspiriis, spirituum defectu, (signis mihi pathognomonicis) febrem hanc esse miliarem, pustulasque suo tempore expectandas præmonui. Nec quidem apoplexia, si hic non fuisset symptoma, sed primarius morbus, tam cito & perfecte evanesceret.

Ut itaque secundum meam methodum in hoc morbo consuetam, lenem & continuam foverem diaphoresin, irregularibus caloribus frigidisque paroxysmis occurrerem, tandemque lentam pustularem eruptionem efficerem, sequentia præscripsi.

℞. Pulv. e Chel. Cancr. comp. ℥ss. Sumatur 6ta quaque hora e Julapii sequentis Cochl. j. Superbib. Cochl. iv. vel v.

℞. Aq. Laet. alex. ℥vj. fl. Tilia ℥iv. Paon. comp. ℥vi. Margar. pp. ℥j. Sacchari albiss. q. s. Mf. f. Julapium.

Jussi etiam persistat in usu decocti. hord. cum syr. violaceo: Ut & diluendo a dolore nephritico præcaverem, & satis materiæ fovendæ diaphoresi suppeditatem. Verum ne frigido nimis regimine spiritus ægroti deficerent, singulis decocti haustibus mixturæ spirituofæ antea præscriptæ gutt. xx. addendas curavi. Ne omiserim indicationum, etiam si contrariarum, alicui satisfecisse. In qua re ars medicinalis præcipua consistit.

Ad viscidam materiam linguæ obductam præscripsi mucilaginem ex sem. cydon. & psyllii, syr. e rubo idæo edulcoratam; cujus cochl. j. sæpe sumeret sensim deglutiendo.

Die 18vo, caput vi vesicatorii detumuit superius. Urina coloratior aliquando magis, & paucior. Spiritus, sudoris mediocris & mixturæ prædictæ cordialis beneficio, non tam multum defecerunt. Adhuc tamen depressi cogebant suspiria, cum querimoniis de pondere pectori incumbente. Quibus pensitatis, in omnium hæcenus sumptorum repetitione persistere decrevi.

Die 19no, eadem apparere symptomata, quæ antea. Si modo id excipias, quod caput leviter gravari incepit, & alvus, non obstante decocti hordei cum syrupo violarum usu, astricta fuit. Quibus ut prospicerem symptomatibus, renunquere dolorem adhuc præcaverem, clysterem sequentem præscripsi.

℞. Decoct. commun. pro Clyst. ℥viij. Mell. Mercur. ℥iij. Succ. rubr. q. s. Mf. f. Enema.

Die 20mo, ex enematis usu liber erat a capitis gravedine. Ulcere autem e vesicatorio citius quam debuit exsiccato, prædictus tumor, spirituum defectus, pectoris oppressio, nonnihil renovari videbantur, sed sine quovis alio suboriente symptomate. Vesicatoria itaque pone aures applicanda jussi, decocti prædicti duabus libris aq. pæon. comp. ℥iv. addendas, & cum singulis illius haustibus spir. lavend. comp. gutt. xv. sumendas imperavi. Hisque non satis prævalentibus, aq. theriacal. cochl. j. vel ij. adhibenda, & circa quintam vespertinam enema repetendum.

Diebus 21mo, & 22do, omnia symptomata cum sint mitiora, antea præscripta continuando, & solummodo emplastra subpedalia addenda curavi.

Die 23io, vesicarum ultimo excitatarum ulcera jam fere exsiccata sunt. Caput de novo extumuit, spiritusque magis defecerunt. Quamobrem mandavi, emplastra vesicatoria carpis apponenda, pulveris, julapii, & decocti usum continuandum, repetendumque enema præscriptum.

Die 24to, omnia symptomata laudabilia, excepto urinæ pallore, capitisque gravedine cum quadam somnolentia. Quare cum metastasim metuerim, a prædicta methodo recedens, sequentes pilulas præscripsi.

℞. Pil. Tart. Querc. ℥j. Resina Julap. gr. iv. Syr. e Rhab. q. s. Mf. f. Pilula statim sumenda. Et cum continuato usu decocti hordei, ut ultimo parati, vesicatoria ampla femoribus internis applicanda jussi.

Die 25to, urina tingitur aliquanto magis; caput sanatum optime; spiritus redivivi, pustulæque miliares super pectore emicuerunt.

Si quis hic catharsin supra memoratam, quasi pustularum eruptioni contrariam, reprehenderet, effectus ipse objicienti respondet. Verum etiam reminisci debet, hujus ægroti habitum fuisse adiposum: Neque ex vomitu & catharsi primo præscriptis, elevatio tumoris in capite impedita fuit, sed materiæ morbificæ copiam minuendo potius accelerabatur.

Cum jam pustulas miliares pullulare viderim, Pulverem e chel. Cancr. comp. 4ta quaque hora e cochleari julap. sequentis sumendum jussi.

℞. Aq. Card. Bened. Melissæ, Cinnamom. Hord. an. ℥iij. Epidem. ℥iss. Marg. pp. ℥j. Sacch. albiss. q. s. Mf. f. Julap.

Præscripsi etiam, ut cum decocto hordei apoze-matis sequentis haustulum sumat.

℞. Rad. Scorzon. ℥j. Cort. Aurant. cond. ℥vj. fol. Melissæ, Galegæ, an. ℥ij. flor. Cord. an. p. jss. Sem. Card. bened. ℥ss. coq. in Aq. font. q. s. ad lbj. Colature

latura adde Aq. Epid. ʒij. Ms. f. Apozema.

Et ut per vices sumat aq. theriacal. cochl. ij. Ideo nempe, quod in hac febre, præcipue declinante, dum valent volæ manuum, superiora frigescent.

Die 26to, cum omnia viderim symptomata adhuc leviora, ultimo præscriptorum usum censui continuandum.

Die 27mo, pustulæ miliares numero & magnitudine auctæ sunt, Ideoque julapio ultimo præscripto hoc substitui.

ʒi. Aq. Melissæ, Cinnamom. Hord. an. ʒv. Scord. Comp. ʒiʒ. Epidem. ʒj. Syr. e Cort. Citr. q. s. Ms. f. Julap. de quo sumat haustulum in languaribus.

Die 28vo, pustulæ visæ sunt adhuc magis elevati, spiritusque nullo modo defecere. Cum tamen dorsa manuum frigescerent, ideo novissime præscripta continuari velim.

Die 29no, febris declinare cœpit. Quare julapium continuandum, & enema injiciendum jussi.

Die 30mo, symptomata omnia evanescere. Quoniam tamen de aciditate quadam in ventriculo questus est; præscripti margarit. pp. ʒj. & julap. seq. cochl. j. sumendum aliquoties in die.

ʒi. Aq. Lect. alex. Melissæ, Cinnamom. Hord. an. ʒij. Epid. ʒj. Sacch. perlat. q. s. Ms. f. Julap.

Deinde ut per biquin triduumve decocto hordei, cum spiritus lavend. comp. guttis aliquot, & julapio, ut persisteret. Demumque aquas strethamenses a ʒiiv. ad ʒij. coctas sumeret, ter iterando. Quibus remediis ab apoplexia, febre, renumque affectu perfecte liberabatur.

Historia Febris Miliaris cum Artuum inferorum Paralyse,

Circa Decembr. finem, 1705. Vir humanissimus D. D. Garth, atque ego vocati fuimus ad D. Throgmorton viduam, Ducissæ Northumbriæ filiam, dies aliquot antequam parturiret; cuique D. Birch ut pharmacopola ministravit. Fatigarunt illam vomitio fere perpetua & ægritudo. His etiam astrictio alvi, & inappetentia, tussis, & dyspnœa spirituumque defectus accessere. Quæ omnia ex mœnore ob nuperam mariti mortem contigisse æstimabantur.

Primo loco emplastrum stomacho applicandum, & aquam Strethamensem cum sale absinthii sumendam præscripsimus; nempe ut ventriculi & intestinorum motum rectificemus. Hinc equidem rarior vomitio; at nonnihil nutabant spiritus. Qui tamen cum ægra postea puerperio, cubaret, continuata diaphoresi quodammodo restituti sunt.

Verum circa tertium puerperii diem artus inferni, paralyti correpti, suam movendi vim amiserunt. Et nocte proxime sequente adeo defecere spiritus, ut pene in syncopen incideret. Quare & prædictus Collega meus nocte vocatus, emplastr. vesicat. femoribus quamprimum applicanda, bolumque sequentem sumendum præscripsit.

ʒi. Salis Volat. Succini gr. viij. Croci gr. iv. Pulv. e Chel. Cancr. comp. ʒj. Conf. Conf. Alchem. sine odorat. q. s. ut s. Bolus cum Julapio appropriato deglutendus.

Die proximo mane ægrota spiritus haud parum elevati sunt. Verum paralytin nulla ex parte recessisse vidimus. Sed & mediocrem tumorem, & dolorificum eidem accessisse. Dixi, non infrequenter in febre miliari, paralyticos affectus, ex materia morbitica in artus descendente, suboriri. Deindeque statim ad ægotam accedentes in denudato pectore pustulas conspeximus miliares, febremque miliarem, morbum originalem agnovimus. Unde concordi animo medicamenta diaphoretica aliorum omnium maxime necessaria decrevimus; & Januarii die 5to a nobis sequentia præscripta sunt.

ʒi. Pulveris e Chel. Cancr. comp. ʒj. Croci ʒʒ. Conf. sine odorat. q. s. Ms. f. Bolus sexta quaque hora sumendus e Cochl. i. Julap. sequent. superbib. Cochl. iv. vel v.

ʒi. Aq. Ceras. nigr. ʒx. Bryon. comp. ʒij. Sacch. albiss. q. s. M. f. Julapium.

Januar. die 6to, ægrota paulo erat vivacior, petusque illi minus oppressum; Dyspnœam autem ex tussi adhuc passa est, cum vigiliis. Quare & bolo, die præcedente præscripto, addidimus haustum sequentem.

ʒi. Aq. Puleg. Ruta an. ʒj. Theriacal. Syr. de Mecon. an. Tinct. Castor. gutt. x. Ms. f. Haustus.

Die 7mo, spiritus mediocriter refecti, expectoratio facilior, pustularumque miliarium eruptio magis conspicua. Bolum itaque jussimus cum julapio repetendum, & haustum vesperi.

Die 8vo, omnia symptomata facta sunt mitiora, excepta paralyti, & musculorum laryngis hysterica quadam convulsione leviori. Ideoque præter antea præscripta, pilulas e castor. gr. vi. & assæ foetidæ gr. xii. sex parandas singulisque noctibus duas sumendas imperavimus.

Die 9no, respiratio longe magis quam antea difficilis, & dolori lateris pleurifico ac vehementiori conjuncta. Metuimus a venæ sectione malum evenitum: nempe, ne exinde pustulæ miliares retrocessissent. Urgentia autem symptomata prævalebant; & emissi sanguinis sperato fructu, tum ægrota, tum nosmet freti sumus. Hoc tamen, non sine decocto pectorali, bologue antea in usu, & spermatis ceti ʒʒ. sumptis. Quibus & addidimus emplastrum laterale e pice Burgundica, haustumque vesperi paregoricum, & oleum lini in promptu habendum, sumendumque urgente dyspnœa.

Die 10mo, respirabat paulo liberius, mitiusque latus doluit. Spiritus tamen defecere maxime. Interim miliarium pustularum moles conspicua & multitudo præbebant salutis spem haud mediocrem. Quas diaphoreticis adhuc solvendas pro penso habuimus in primis accurando. Et ad dyspnœam, etiamnum prævalentem, jussimus olei lini cochl. ij, secunda quaque hora sumenda. Et si alvus inde laxa fuerit, mixturæ sequentis cochl. aliquot bibenda.

ʒi. Diascordii ʒij. Aq. Pulegii ʒvi. Epidem. ʒj. Ms.

Die 11mo, pustulæ miliares erant laudabiles, spiritus quodammodo refecti, dolorque aliquanto mitior. Respiratio tamen adhuc difficilis, sedesque paulo molliores. Bolo itaque & apozemati pectorali jam in usu adjecimus decoctum album alternis vicibus sumendum, emplastra vesicatoria brachiis applicanda, & hora somni haustum sequentem.

ʒi. Aq. Puleg. ʒij. Tinct. Martis gutt. xx. Ol. Amygd. dulc. ʒj. Syr. de Mecon. ʒvi. Ms.

Die 12mo, pustulæ miliares satis conspicuæ; at difficilior respiratio, & diarrhœa, adhuc persistere. Bolum etiam cum julapio, oleum lini, mixturam cum diascordio, & haustum pacificum iterari voluimus.

Die 13io. subistere sedes, pustulæque miliares adhuc optimæ. Dyspnœa tamen, laterisque dolor, paulo pertinacior. Bolum itaque præscripsimus continuandum. Et quod ab oleo lini maxime abhorruerit ægrota ol. amygdal. dulc. cochl. j. tertia quaque hora bibendum. Nec non hyssopi folia cum radicibus helenii decocto pectorali addenda.

Die 14. cum intermittente diaphoresi, febrilem calorem accendi, continuari dyspnœam, & vesicarum ulcera pene exsiccata vidimus. Quare præter antea præscripta repetenda, vesicatorium inter scapulas applicari voluimus.

Die 15to. spiritus ei longe magis, quam ab aliquot diebus retro actis, fuere depressi. Loco itaque boli hætenus in usu, sequent. substituímus.

ʒi. Confect. Rautens ʒʒ. Croci, Salis Vol. Salis Armon. an. gr. vi. Syr. Caryophil. q. s. f. Bolus. Reliquaque ut antea sumenda.

Die 16to, spiritus aliquanto vivaciores, leviorque dyspnœa; dolor tamen lateralis paulo asperior. Ideoque bolum præscripsimus priorem, haustumque pacificum cum decocto pectorali repetendum.

Die 17mo, eadem quæ die præcedente jussimus sumenda. Jam enim, & hinc in dies, omnia meliora videbantur. Tandemque membra, hætenus paralytica, vim suam motivam aliquatenus recuperavere. Postquam itaque mannæ ʒij. in decocto pectorali dissolutas

solutas sumpisset; solum præscripsimus tibiis applicandum, vini chalybeati usum; & ut Bathoniam adiret.

Historia Febris Miliaris cum Delirio Motibusque Convulsivis.

AUGUSTI 8vo, 1700. vocatus sum ad D. Bullock apud insigne calcei Equini, in vico Cheapside vulgo vocato. Cui pharmacopæus erat D. Wyer in vico vocato Woodstreet. Vicesimum quartum annum agebat; constitutione pituitoso melancholicus, & adhuc cælebs.

Post itinera quædam rure peracta sensit ægritudinem, cum diminuto appetitu, depressosque spiritus, atque oppressionem pectoris cum suspiriis, per intervalla. Pro remedio vinum nonnunquam, & aquæ cujusdam cordialis aliquantulum bibere solebat, appetitus tandem omnino aboletur. Et pridie quam illum visitavi, vomitu, diarrhœa, & hæmorrhagia narium correptus est. Sumpto autem medicamento quodam interno, & nuchæ appposito vesicatorio ex pharmacopœi præscripto, ista disparuere symptomata.

Cum ego primo ægrotum adiverim, horrore quodam laborabat, cum frigore & calore, se mutuo insequentibus, sed temporibus incertis. Maximam etiam pectoris oppressionem cum suspiriis & languorem spirituum passus est: nec non animi perturbationem, per intervalla ad delirium usque recurrentem. Item manuum & linguæ tremorem, cum motibus convulsivis & vigiliis. Pulsus etiam frequens & debilis; lingua viscositate alba obducta, sed sine siti; & urina sanorum similis.

Ex oppressionem pectoris & languore, hanc febrem in miliarem, eamque ex inæquali calore ac leni simplicem, terminaturam prænovi. Ideoque carpis emp. vesicatoria, & plantis pedum alia ex cephal. cum euphorbio & pice Burgundica applicanda jussi, & sequentia sumenda ad lenem diaphoresin excitandam.

℞. Pulv. e Chel. Cancr. comp. Lapid. Goensis an. ℥ss. Ms. f. Pulvis sexta quaque hora e Cochel. j. Julap. seq. sumendus, superbib. Cochlearia vi.

℞. Aq. Ceras. nigr. ℥iii, Cinnam. bord. ℥iv. Epidem. ℥i, Sacchar. perlari q. s. Ms. f. Julap.

Et ut sudor lenis continuo, & facilius emanaret, seq. apozema addendum curavi.

℞. Rad. Grazar. Chelidonia major, an. ℥, Fol. Fragar. Mij. flor. Paralyseos, p. ij, sem. Cardui benedict. ℥i, Bulliant in Aq. font. q. s. ad ℥ii, Colature adde Syr. Croci, ℥i, Ms. f. Apozema, de quo sumat Cochl. x. saepe in die.

Die 9no, calor, sine subsequente frigore, regularis fuit & cutis humida; spiritusque non multum defecere. Ager tamen de quadam oppressionem pectoris cum suspiriis valde queiebatur; & deliria, tremores, motusque convulsivi adhuc persistere. Ideoque pulveris, julapii, & apozematis usum suavi continuandum. Et ad viscidam materiam, linguæ & palato obductam, mucilaginis, ex sem. cydoniorum & psyllii cum hordeo coctis, os colluendum præscripsi.

Die 10mo, calor similiter ac die præcedente regularis sine renovato frigore, cutisque humida. Sed motus tendinum convulsivi adhuc majores. Quapropter vesicatoria tibiis internis applicanda jussi: Lapid. Goens. ℥i, cum Pulv. de gutt. ℥ss, ex Aq. Lact. alex. Cochl. j, sexta quaque hora sumendum superbib. Cochl. x. Et quoniam erat ager nauseabundus, regioni ventriculi apponendum emplastrum sequens.

℞. Empl. Stomach. Magistr. part. ij, Caranne, Taccamch. an. p. vi, Ol. Cinnam. gutt. vi, Ms. f. Empl. Et ut vicibus interpositis bibat haustum julapii cum gutt. xv. mixturæ ex Sp. C. C. ℥ss, Tinct. Castor. ℥ii. Et in quantum præscripta mucilago vix quicquam in viscidam materiam linguæ adhærentem prævalebat, gargarismatis sequentis usum imperavi.

℞. Aq. Melis. ℥vi, Epidem. ℥i, Syr. de Althea, Jujubin. & Melis Mercur. an. ℥i. Ms. f. Gargarism. Sydenham opera Medica.

gargarism. aquam addidi epidem. ne quid mali, etiam si parum deglutiret, accideret.

Vesperis pleraque conspexi ut antea. Motus quidem convulsivi rarius iterabantur; verum spiritus valde defecerunt, manuumque superiora frigeabant, volis interim calore affectis. Idcirco, omisso pulvere de gutteta, bolum sequentem præscripsi.

℞. Conf. Lujula ℥i, Bezaor Orient. ℥ss, Croci gr. vi. Castor. gr. iv. Syr. Paralyf. q. s. Ms. f. Bolus sexta quaque hora sumendus cum julapio, antea præscripto.

Die 11mo mala symptomata fere disparuerunt: ideoque ultima præscripta jussi continuanda. Sed quia apozematis patientem tædebat, in ejus locum substitui aq. lactis & decoct. pectoral. an. ℥i pro potu ordinario, ut eo melius gustui gratificarem. Nec quicquam jam de diarrhœa, quasi ex decocto accidere possit, metum offerebat.

Vesperis omnia ut antea. Proindeque in usu omnium ultimo præscriptorum persistendum decrevi.

Die 12mo similiter, excepta quadam corporis inquietudine. Ad quam vesicatoria pone aures applicanda jussi, & sequentem haustum statim sumendum;

℞. Aq. Paralyf. ℥iii, Croci ℥ss. Syr. Paral. ℥ss. Ms. f. Haustus.

Die 13tio inquietudini prædictæ jam abolitæ supervenit hæmorrhagia narium. Quare suavi ægro, ut affatim bibendo potum ultimo præscriptum sanguinem dilueret: sed & persisteret in usu boli, julapii, & mucilaginis. Et si de novo accideret hæmorrhagia, sequens sumeretur haustus.

℞. Aq. Spermat. Ramar. ℥iii, Syr. Plantag. ℥iss. Ms. f. Haustus.

Sub vesperam hæmorrhagia substitit. Reliqua symptomata, viz. delirium, tremores, motus convulsivi, languores, pectorisque oppressio, in statu eodem fere ac antea fuere: ideoque & ultimo præscripta continuavi. Hoc solum addendo, ut apozematis, ex decocti hordei ℥i, syr. viol. ℥ii, sumeret cochl. x. ter in die, tepide.

Die 14to, ægroti conditio pene eadem: nisi quod aliquanto magis delirabat. Immiscui itaque singulis bolis camphoræ grana aliquot: & cætera continuanda jussi.

Die 15to pustulæ miliares tandem emissæ spiritus animales elevarunt; attamen tremores motusque convulsivi iidem manebant; & delirium potius videbatur exacerbari. Cum autem id fieri ex eruptione pustularum nimis tarda ac rara existimarem; antimonium diaphoreticum (cujus efficaciam, tum ad pustulas expellendas, tum ad sedanda deliria, expertus sum) sequenti modo præscripsi.

℞. Antimonii Diaphoret. ℥i, Conserva Lujula ℥ss. Syr. Paralyf. q. s. Ms. f. bolus sumendus e cochleari potus pectoralis, superbibendo haustum ejusdem. Post horas quinque bolum cum castoreo & croco sumendum jussi, atque ut alternis vicibus repetantur. Et ut injiciatur gargarismus ope syringæ saepe in die: quia lingua, antimonii diaphoretici usu, frequenter viscido humore inficitur.

Vesperis uberius aliusque extabant pustulæ; aliaque symptomata mitiora sunt, delirio solo excepto. Quare & prohibui volatilia, antimonium autem diaphoreticum quinta quaque hora, cum decocto pectorali, repetendum mandavi; & gargarismatis julapiique usum continuandum.

Die 16to, pustulæ erant adhuc crebriores, eaque majores quam quæ primo pullulabant. Longe etiam levius delirium per intervalla. Ideoque censui optimum fore, ut ægrotus persistat in ultimo præscriptorum usu. Quoniam tamen tremores, motusque convulsivi, non obstante pustularum eruptione, ex aliqua parte manebant; vesicatoria brachiis internis applicanda jussi.

Vesperis omnia pene ut tempore matutino, excepto delirio, quod sit adhuc mitius. Ex causæ nempe metastasi, a cerebro in brachia. Nam motus convulsivi intensiores fuere: Quare & ultimo præscripta judicavi continuanda.

Die 17mo, pustulæ numerosiores austioresque erant. Motus tamen convulsivi reliquaque symptomata prope eadem. Tussis autem ac languor aliquanto

graviore. Quare & antea præscriptis addidi aq. theriacal. cochl. j, in spirituum deliquis, & usum seq. apozematis.

℞. Decoct. Pectoral. ℥ij, Syr. Croci ℥j, Ms. sumat Haustum frequenter.

Vesperis tussis spirituumque defectus fuere leviores; ideoque ultimo præscripta continuanda imperavi.

Die 18vo omnia ut die præcedente vidi, eademque remedia curavi repetenda.

Post horas autem aliquot elapsas a meo discessu iterum accersor. Motus enim convulsivi aucti fuerunt ex improvise, spiritusque magis defecerunt. Exinde verò nil metuebam; pustulæ enim copiosissimæ enatæ, motusque aucti convulsivi, delirium mitigarunt. Præscripsi tamen Pulv. de gutt. cum Sem. Pœonia, & haustum ex Aq. Card. bened. ℥iii, Croci, ℥ss, Syr. Caryoph. ℥ij.

Eodem die, paucas post horas, nuncius ad me occurrit, qui aiebat, ægrotum brevi moriturum. Quem cum revissi, laborantem inspexi motibus convulsivis, iisque gravioribus. Sed exinde delirium fuit mitius. Et prædixi illius matri, similes motus repetitos iri, donec a delirio perfecte liberaretur. Et ut prædixi, a proxime sequente paroxysmo omnino evanuit; & tam animi quam membrorum quies restituta fuit. Cavendo tamen ne prædicta symptomata novarentur, sequens apozema (sepiissime in adultis, præcipue autem infantibus expertum) præscripsi.

℞. Ungula Alcis rase ℥j, Sem. Pœon. Visc. Querc. an. ℥iii, Ras. Cran. Human. ℥ss. Coqu. leniter in Aq. font. q. s. ad ℥i Colaturæ adde Syr. Pœon. comp. ℥iii, Ms. f. Apozema Sumat. Cochl. x. frequenter. Jussi etiam manuum volas pedumque plantas oleo succini illiniendas; succum rad. paralyf. tempore paroxysmi naribus attrahendum; sumendumque bolum sequentem.

℞. Conf. Anthos, Pulv. e Chel. Cancr. comp. an. ℥j, Castorei gr. vi. Syr. Pœon. comp. q. s. Ms. f. bolus sumendus e julapio antea præscripto. Et ne prædicta, si forsan repeterentur, symptomata, tandem in apoplexiam vel convulsionem generalem terminarent, addidi antimonium diaphoreticum, ad pustulas miliares adhuc numerosius altiusque expellendas. Et ad feri sanguinis morbisici extrahendas reliquias vesicatoria femoribus applicanda jussi.

Die 19no pustulæ copiosissimæ ad tantam crevere molem, ut latæ unguis medietatem æquarent, ut ægroti verbis utar. Delirio deinde motibusque convulsivis profligatis, manuum duntaxat tremor, corporis debilitas, spirituumque aliqualis languor superstites fuere. Boli itaque & antimonii diaphoretici loco jussi pulv. e chel. cancr. comp. ℥j, cum julapio antea præscripto sexta quaque hora sumendum, ad leniter continuandam diaphoresin. Ut languoribus aqua theriacalis usurpetur: in potum ordinatum apozema antepilepticum. Et ad linguam, adhuc quodammodo affectam, gargarisma.

Die 20mo omnia in eodem loco ac in die præcedente stabant. Excipe id tantum, quod pustulæ videbantur paulo minus turgescere. Mandavi itaque ut antimonium diaphoreticum pulvisque e chel. cancr. compositus alternis vicibus sumerentur. Et gargarismatis, & julapii, & apozematis ultimo præscripti in usu persisteret.

Die 21mo pustulæ versus siccitatem declinabant.

Apozema tamen, cum pulv. de lap. goens. & pulv. de gutt. censui continuandum. Nec non gargarisma cum mucilagine, ad linguam nondum ab immunditie omnino liberam.

Vespere calorem lingux sensit, & internum, sine sudore. Præscripsi itaque margaritarum pp. ℥j, singulis dosibus pulveris jam in usu addendum. Et ex haustu potus ordinarii spir. C. C. gutt. xx. secunda vel tertia quaque hora sumerentur, donec lenem diaphoresin excitaverint.

Diebus 22do & 23io, cum omnia optata viderim, novissime præscripta decrevi repetenda.

Die 24to, cum internus calor usque persisteret, pulverem jam in usu suasi continuandam. Et in languoribus sal. vol. oleos. cum spir. C. C. ex haustu potus ordinarii sumendum.

Diebus 25to & 26to, reliqua omittendo, solummodo sal. vol. oleos. ex potu ordinario sumend. jussi. Et julapium sequens ad languores, si forte acciderint, in promptu habendum.

℞. Aq. Ceras. nigr. ℥viii, Scordii compos. Saxon. frigid. an. ℥ii, Pœon. comp. & Syr. Pœon. comp. an. ℥i Ms. Et sic tandem æger perfecte convaleuit.

Historia Febris Miliaris ex Opii usu desinentis in Apoplexiam.

Augusti 4to, 1697. evocatus sum ad D. Thom. Western, in Vico Tames street dicto, cui D. Lancashire, erat pharmacopœus.

Vir ille habitu obeso gravabatur, & plethora; magno capite, bucinata facie, brevique collo præditus. Unde & quocunque morbo antea laboraverat, caput ei semper doluit, & delirabat. Ante dies aliquot lavavit pedes, & cum amicis libere comedit. Postea vero de nausea & ægritudine, cum calore & frigore irregulariter recurrentibus, spirituumque languore & oppressione pectoris cum suspiriis querebatur, nec aqua quædam cordialis, quam sponte sumpsit, ægritudinem levavit.

Cum prædicto die illum visitaverim, pulsus erat frequens & debilis; nausea & ægritudo nihilo mitiores. Cum calore & frigore, vicibus alternis, sed duratione incertis, spirituum defectus, pectorisque maxima oppressio cum suspiriis. Nec sine quadam perturbatione, quoties somnus irrepere incepit. Quibus omnibus rite perpensis, in primis haustum sequentem præscripsi.

℞. Salis Viriol. Vomit. ℥i. Ex Aq. Jugland. comp. sumatur. Et in languoribus bibat julapii sequentis haustum. ℞. Aq. Menth. ℥x, Epid. ℥i. Sir. Menth. ℥j, Ms. f. Julapium.

Die 5to nausea & ægritudo minores sunt. Idem vero languor, eadem pectoris oppressio, & ægroti dormituri perturbatio. Pulsus adhuc frequens & debilis. Manuum caluere volæ, minime superiora. Urina sanorum similis; calorque internus sentitur absque siti. Ex quibus symptomatibus novi febrem adesse miliarem. Ut itaque lenem excitarem diaphoresin, propinque potu illam fovendo symptomatibus prædictis obstitere, sequentia præscripsi.

℞. Pulv. e Chel. Cancr. comp. gr. xxv. Syr. Caryoph. q. s. Ms. f. bolus e julapio antea præscripto sumendus sexta quaque hora.

℞. Decoct. Hord. ℥i. addendo inter coquendum cocchinellæ ℥j. colaturæ adde Syr. Caryoph. & Viol. an. ℥j, Ms. f. Apozema. Sumat haustum per intervalla.

Vespere omnia vidi emendatiora. Ideoque bolum ad ℥ss, augendum & continuandum præscripsi. Ut persisteret in usu apozematis; & in languoribus, cum salis volat. oleosi gutt. xx, vel aq. theriacal. cochl. ij. At si remissior fuerit diaphoresis, loco salis vol. oleos. spir. C. C. gutt. xx. sumeret. Et quoniam patientis amici eundem narrabant in nullo morbo tandiu a delirio fuisse liberum, hoc itaque præcavendo, vesicatorium nuchæ, & emplastra subpedalia applicanda præscripsi.

Die 6to, mane, cum omnia eadem ac die præcedente viderim, jussi antea præscripta continuanda.

Vespere quædam in pejorem partem inclinabant. Paucula enim verba locutus est inepte; & cum nausea singultiebat. Præscripsi itaque empl. stomachic. magistral. cum caranna, taccamahacea, & ol. cinnamom. regioni ventriculi applicandum; & possetum salvia & semine anethi alteratum: utpote in singultu a me probatum & expertum, pro potu ordinario.

Die 7mo, minus singultiebat; post duas tresve sedes, a delirio omnino liberabatur; pustulæque miliares super pectore emicuerunt.

Hodie ægroti amici alium Medicum mihi addiderunt collegam. Is sedes, ne pustularum eruptioni obstarent, cohiberi voluit; ideoque astringentia ex diascordio & similibus quamprimum adhiberi. Ego vero, sumendo argumentum a materiæ mor-

bifce colluvie, nempe tum ad pustulas replendas, tum ad sedes sufficientes, suasi contrarium. Allegavi etiam, exempli loco, sceminam quandam generosam, quæ a diarrhæa, errore quodam suppressa, indeque morbosa materia ex partibus inferioribus in cerebrum irruente, paucas post horas obiit. Et in nostro patiente, scilicet obeso habitu, brevique cervice, & ea ratione ad apoplexiam proclivi, multo magis humorum metastasin nos cavere instabam debuisse. Attamen, ut in hac re mediam incamvis viam, assensum haud difficilem præbui, præscripsimus itaque solum ex margaritar. & corallior. pp. an. gr. xv. salis absinth. gr. vij, syr. caryoph. q. s. Et ut bibat decoctum album, cochinnella concocta, & aq. cinamom. hord. alteratum, instar potus ordinarii. Ut emplastrum ex galbano umbilico applicetur; ut & mucilagine, aq. rosarum extracta, os madesiat.

Vespere diarrhœa multo mitior fuit. Sed aliquanto plus delirabat æger; forte a sedibus rarioribus. Neque a singultu omnino abstinuit. His animadversis, addidimus antea præscriptis emplastra vesicatoria brachiis internis applicanda. Emplastra etiam subpedalia, & possetum alteratum, ut a me antea præscriptum.

Die 8vo, tertius Medicus ad consultandum vocatus suam opinionem, de sedibus necessario supprimendis, statim proposuit. Dixitque alias impossibile fore (ut ipsius verbis utar) pustulas emitti. Contra Medicorum prior, atque egomet objecimus materiæ morbificæ abundantiam, & delirium, aliaque periculosa symptomata, ex illius metastasi mutuenda: Sed frustra. Ille itaque sequentia præscripsit.

℞. *Theriac. Androm.* ℥ss, *Pulv. e Chel. Cancr.* comp. *Spec. Confect. de Hyacinth.* an. gr. xii, *Syr. Cydon.* q. s. *Ms. f.* bolus sumendus e julapii seq. cochl. j. superbibendo julapii dimidium quam primum, reliquum post horam vel primam sedem.

℞. *Aq. Cinnam. Hord. Menth.* an. ℥ii, *Epidem.* ℥j. *Syr. e Mecon.* ℥ss, *Diascordii* ℥j, *Ms.* Et emplastra vesicatoria tibiis applicanda.

Collega primo vocatus illi assensit de bolo sumendo; sed julapium constanter reprobavit. Nihilominus ambo medicamenta (circa nonam matutinam præscripta) sumpta sunt.

Circa tertiam vel quartam pomeridianam iterum convenimus, intelleximusque patientem statim a suppressis sedibus in apoplexiam incidisse. Quem etiam, pustulis miliaribus in universum deletis, sensibus orbem vidimus. Quare & vesicatoria capiti & carpis quamprimum applicanda jussimus, sternutatorium e flor. lilii conv. insufflandum, & sequentia sumenda.

℞. *Salis Vol. Oleos. Tinct. Castorei sp. Lavend.* comp. an. ℥j, *Ms.* Sumat frequenter gutt. xxx. circiter, ex haustulo julapii seq.

℞. *Aq. Meliss. Ruta an.* ℥iiij, *Pæon. comp.* ℥iij, *Spir. Lavend. comp.* ℥iij, *Tinct. Castor.* ℥i, *Syr. Pæon. comp.* ℥j, *Ms. f.* julapium ut supra sumendum. Sed incassum omnia; nam paucas post horas mortuus est.

Historia Febris Miliaris ex Aere frigido admisso Lethalis.

SEPT. 25. 1700. evocatus sum ad D. Arnold., Cerevisiarii *Westmonasteriensis* uxorem. Cui obstetricis officium præstitit D. *Watson*: Et pharmacopœi D. *Proughton*, in Vico vocato *Tuttlestreet*.

Illa, antequam parturiret, dolore colico, ventriculo, ut aiebat, quasi onusto, & spirituum defectu ingemuit.

Cum die supra dicto primum adiverim, aque ferrosæ, ex membranis fœtum in utero includentibus, sed jam disruptis, effluerunt, & infantis caput extra orificium uteri internum hærebat. Nempe ex viæ angustia, capitis mole majori, spirituum defectu, doloreque mitiori, quam qui ad partum sufficeret.

De eodem spirituum defectu, etiam post partum exemptum, adeo querebatur, ut astantes omnes illam *Sydenham opera Medica.*

putarent brevi morituram. Cum autem hoc symptomata jam idem videretur ac ante partum, idemque pulsus, imminenti periculi nil metuens, febrem adesse miliaris palam indicavi, pustulasque prædixi miliares, tandem aliquando exituras. Ut itaque lenem diaphoresin consueta mea methodo excitarem, seq. præscripsi.

℞. *Pulv. e Chel. Cancr. comp.* ℥j, *Castorei* gr. iv. *Syr. Paralyf.* q. s. *Ms. f.* bolus quamprimum sumendus e cochl. j. julapii communis.

Die 26to Medicus alter magni nominis de patientis salute consultitur. Quam adhuc de spirituum defectu & oppresso pectore querentem audivimus. Ex quo præcipue symptomate prædixi etiam alteri Medico, pustulas miliares suo tempore erupturas.

Ægrotæ pulsus frequens adhuc & debilis; calor universus, & sine alterno frigore; urina sanorum simili; verum a colico dolore (forsan alvi bis solutæ beneficio) libera evasit. Ne tamen lochia minuerentur ex diarrhœa, pilulas imperavimus sequentes sumendas.

℞. *Castorei* gr. vi, *Assæ Fœtid.* gr. xii. *Laud. Lond.* gr. j. *Syr. Atrip.* q. s. *Ms. f. Pilul.* n. vj. sumat ij, urgente alvo, & deinceps quarta quaque hora. Sumatur autem e cochl. i, sequentis julapii superbib. haustulum ejusdem.

℞. *Aq. Ceras.* nigr. ℥viiij, *Cinnam. Herd.* ℥iv, *Epidem.* ℥x, *Margar.* pp. ℥j, *Sacchar. albiss.* q. s. *Ms. f. Julap.* sumendum, ut supra præscriptum est in languoribus.

Die 27mo ægrotam in eodem statu, quo die præcedente, vidimus: excepta leviori quadam cordis palpitatione. Jussimus itaque ut persistat in usu pilularum cum julapio, sumatque gutt. xx. salis volat. oleos. in haustu potus ordinarii, & in languoribus prædictum julapium.

Die 28vo, pustulis miliaribus jam in conspectum eminentibus, spiritus minus defecerunt, mitiora suspiria, minor oppressio. Recte etiam effluebant lochia, & alvus mediocriter soluta fuit. Consulimus itaque pilulas sine laudano sexta quaque hora sumendas. Mater vero puerperæ, mortem ex diarrhœa pertimescens, obnixè rogabat sisteretur. Et ut videamur ex aliqua parte ad ejus mentem accedere, mandavimus sequentis julapii usum.

℞. *Aq. Menth.* ℥ii. *Epid.* ℥iij. *Confectio. Fracast.* ℥j. *Syr. de Mecon.* & *de Menth.* an. ℥ss. *Ms. f. Julap.* de quo sumat cochl. iv. urgente diarrhœa. Et ut persistat in usu salis vol. oleos. & julapii perlati.

Die 29no, ægrotam visitantes, intelleximus admodum timuisse matrem ob diarrhœam, & illi multo largius, quam a nobis concessum est, de julapio præbuisse: Sedesque exinde primo inspissatas fuisse, postea omnino suppressas. Unde & palpitatio, pectorisque oppressio, majores subsecutæ sunt. Quapropter & sequentia censuimus sumenda.

℞. *Croci* ℥ss. Sumatur e Cochl. j. *Aq. Lactis superbib. Cochl. V.* Sumat, etiam *Tinct. Croci* gutt. xx. ex haustulo *Aq. Lactis sepe.* Usu etiam croci, ad cordis palpitacionem, fluxum lochiorum, spirituum defectum, pustulasque miliares altius emittendas, respectum habuimus: Demumque persistat in usu pilularum sine laudano, & julapii in languoribus. Et matris importunitati cedentes, præscripsimus etiam julap. cum diascordio in promptu habendum: dicebat enim mater, se id velle. Ægrotæ etiam percontanti, an semet in lecto erigere, & ventilabro uti liceat, necne? assensus est alter Medicus. Atque etiam, ut in se collectis cortinis pateat lectus; ignisque extrueretur vel nullus vel duntaxat parvulus. Interim mihi ab illa quærenti, an ex aere frigido, collo vel pectori admisso, quicquam mali sentiret? responderet, semet exinde spirituum defectum pectorisque oppressionem sensisse. Quamobrem illam obnixè rogavi, ut toto illo die calido utatur regimine; eoque potius, quod ille esset dies febris lacteæ: ne cessante diaphoresi pustulæ miliares retrocederent. Sed a nostro discessu sibi aerem adinovit, pustulæque miliares subito occultabantur. Unde materiæ morbificæ in cerebrum facta est metastasis, statimque ægra sensibus orbata est.

Cum eventus mæx responderet prognosi, seorsum vocatus sum: sed jam nullum vidi præscribendi locum.

Ex hisce duabus historiis clare constat, febrem miliarem, cum symptomatibus mitioribus incipientem, ex nimio errore fatalem sæpe exitum habere.

Historia Febris Miliaris, ubi quoddam Animi Deliquium maxime mirabile supra biduum erat continuatum.

SEPT. 12. 1697. advocatus sum ad D. Hall, ad insigne Leopardi in *Blackman-street*, prope divi Georgii Templum habitantem, nono post partum die. Cui pharmacopœus D. Bynn, & obstetrix D. Cretier. in vico *Abchurch-lane* vulgo dicto.

Hæc puerpera annum agebat. trigessimum octavum, & sextum jam partum enixa est. Constitutione debilis, tam ex partu semper difficili, quam dolore colico sæpe recurrente. Quemque nuper passa est, cum calore & frigore alternis, & cum oppressione pectoris, spirituumque languore, Quæ symptomata ab amicis tantummodo vapores, ut vulgo vocant, usque ad diem quo infans baptizatus est, communi errore, æstimabantur. Quo die visitantium multitudine adeo fuit obstrepera, ut exinde spiritus ejus, antea debiles intense perturbarentur, & tremore ac motibus convulsivis cotrepta fuerit; Tantaque corporis inquietudine laboraverit, ut maritus vix potis esset eam in lecto retinere. Donec tandem, die scilicet illius quo advocatus sum præcedente, in convulsionem universalem incidit, & summo languore jacuit quasi pene mortua.

Die supra dicto, cum circa nonam matutinam patientem visitaturus sim, mihi domestici narrabant, maritum ejus meum adventum per nuncium inhibuisse: jussisseque, si forte adsim, ne me in cubiculum admittant: putabat enim illam revera animam reddidisse. Et cum, nolentibus illis, ægrotam adiverim, illam equidem absque pulsu, absque respiratione (ut per speculum ori & naribus appositum probavi) facieque mortis pallidissima, in lecto immotam & extensam ego & astantes conspeximus.

Nihilominus e facto scrupulosiori de antecedentibus scrutinio conjecturam feci, mortis similitudinem illam a materiæ morbificæ in totum genus nervosum metastasi provenisse. Nam mihi hic in mentem id venit, quod notatu dignum est in pisciculis tubulo vitreo inclusis, & per microscopium inspectis: in quibus, scilicet, conspicua est sanguinis circulatio, etiam si mortui videantur. Prohibui itaque ne per dies aliquot hanc ægrotam stragulis denudarent, & non ante septimanam sepeliendam. Et multa contentione obtinui concubículas cum scarificatione, inter scapulas, & femoribus internis applicari permittant emplastra vesicatoria pone aures & super carpis apponi; tempora & manuum volas pedumque plantas oleo succini illiniri; succum paralyseos, & ex helleboro, salvia, & floribus betonicæ sternutatorium pulverem, naribus alternis vicibus insufflari; & haustum ex aq. lact. ʒvi; nec non apozema pro D. Bullock præscriptum, si fieri possit, vi in os injici.

Post pene biduum, die scilicet 13tio, circa quartam pomeridianam, missi ad me domestici narrabant, Chirurgum, simul ac hanc puerperam inspexerat, admiratione percussus interrogasse, an cucurbitulas mortuæ applicari vellent. Utcunque tamen eis morem gerens cucurbitulas femoribus apposuit; at non inter scapulas, adeo multum rigeat. Vesicatoria etiam carpis applicarunt. Cæterum die supra dicto, nempe 13tio vesperi, licet ne minimum respiraret, visa est tamen parum calefcere. Jussi itaque cranii humani ʒi, cum aq. rutæ & syr. artemisiæ, si fieri possit, in os immitti.

Die tandem 14to, circa quartam matutinam, mollissime respirare, atque etiam deglutire incepit. Ideoque emplastra vesicatoria inter scapulas applicanda iterum præscripsi. Et ut gutt. xx. salis volat. oleos. sumat sine vehiculo. Quo facto, pustulæ miliares demum in conspectum venire. Et in earum incrementum sequentia sumenda consului.

ʒ. Pul. e Chel. Cancr. comp. ʒss. sumatur quarta

quaque hora, e cochl. j julapii sequentis superbibendo cochl. iiij.

ʒ. Aq. Cinnam. Hord. ʒiv, Ruta ʒiii, Pœon. comp. ʒiſs, Sacchar. albiss. q. s. Ms. f. Julapium.

Et ut bibat de apozemate ex ung. alcis pro potu ordinario.

Die 15to loqui, seseque movere valuit; & de dolore ex vesicatoriis edidit querimoniam: Pustulæque miliares super pectus pullularunt copiosissime. Ideoque antea præscripta censui continunda.

Die 16to pustulæ molem acceperunt adhuc multo majorem, mensque illi redintegrata est. Nec amplius oppressione pectoris, aut languore, sed sola corporis imbecillitate, laboravit. Quapropter & sequentia præscripsi.

ʒ. Pulv. e Chel. Cancr. comp. gr. xxv. Aq. Lact. alex. ʒiſs, Epidem. ʒii, Ms. f. haustus sexta quoque hora sumendus.

ʒ. Rad. Scorzon. Hisp. ʒi, Cort. Aurant. cond. ʒvi, fol. Galeg., Meliss. an. Mj, flor. Card. an. pi. Sem. Card. bened. ʒss; Coqu. in A. font. q. s. ad ʒiſs. Addendo colaturæ Syr. Limon. ʒi. Ms. f. Apozema, de quo sumat haustum ad libitum; & in languoribus aq. theriacalem.

Ægrotam adeo bene se habentem abhinc usque ad diem 19um omisi visitare. Jamque solum stomachica quædam amara præscripsi, ad acuendum appetitum, fumeretque post quartam noctem *Sacram Tincturam*, aquasque *Strethamenses* die sequente. Quo facto, in omnium admirationem perfecte convaleuit. Tamen, ut audiui, in nate, durante febre, nimis compressa passa est sphacelationem. Qua Chirurgi ope sanata, alios quinque vixit annos; tandemque, ut mihi ejus maritus retulit, ex dolore colico & convulsione eadem superinducta e vita discessit.

Historia Febris Miliaris in Chronicum Morbum terminantis.

JAN. 14to, 1699. evocatus sum ad D. Berenberg, puerperam, tunc in platea *WValbrook* vulgo vocata habitantem. Cui ut pharmacopœus inserviebat D. Basket. Obstetricis autem officium præstabat D. Taylor, in platea *Pater-noster-Ron*.

Querebatur, dum parturiret, de virium maxima imbecillitate. Et post partum, ut assistentes mihi narrabant, tanta oppressione pectoris, cum spirituum defectu, laboravit, ut ad trahenda suspiria cogeretur. Ex illis tamen symptomatibus nihil præter hystericos vapores, ut vulgo vocant, suspicatur sunt. Pridie autem ejus diei, quo me advocarunt, cum mammas ad lactandum infantem denudasset, ad relaxandam alvum super aquæ calefactæ vaporem sedisset, frigori que multo semet exposuisset; exinde tandem spirituum angustia, respiratione difficili, asthmatis convulsivi æmula, tuſs que sicca, adeo depressa fuit, ut illi mortem esse in propinquo existimaverint.

Cum primum illam adiverim, de prædictis affectibus, atque etiam de vigiliis querelas edidit. Pulsus illi erat frequens & debilis, & febrilis calor. Urina tamen pallida, & lochia omnino suppressa.

Ex antecedentibus supra memoratis illam febre miliari laborare censui; attamen in principio mitiori. Quandiu, scilicet, consueto puerperarum regimine gubernaretur. Postquam autem, eo ipso tempore, ut verisimile est, quo miliarium pustularum eruptio instabat, se irruenti frigori denudaverat; materiam morbificam, retrogrado motu pectori interiori impactam, supradictum asthma creasse, conjectare licet. Nam ut in pectore a me inspecto pustulas tunc primo pullulantes, ita & duntaxat paucissimas, cernere potueram.

Statui itaque, mihi consueta methodo, lenem sudorem & continuum excitare. Et ut alia medicamenta, convulsivo asthma, reliquisque symptomatibus, puerperisque commoda adjungeretur. Quamobrem & sequentia præscripsi.

ʒ. Spermat. Ceti ʒi, Bezoar. Orient. Croci an. ʒss. Syr. Heder. terrestr. q. s. Ms. f. bolus sumendus e Cochl. j. Aq. Lactis alex. superbibendo Cochl. x.

His enim lochiis promovendis, asthma levando excitandis spiritibus, & sudoribus magis liberis consului. Et ut patienti illiusque amicis placerem, qui hanc febrem hytericum affectum æstimarunt, atque etiam lochia feliciter continuarem, pilulas sequentes præscripsi.

℞. Castorei gr. vi. Assæ fatid. gr. xii, Syr. Pæon. comp. q. s. Mf. f. Pil. no. vi.

Die 15to optime se habebat. Nam ex quo bolum sumpserat, spiritus fuere elevationes, facilius respiratio, renovatur effluxus lochiorum, urina coloratur, pustulæque miliares super pectus magis conspicuæ. Bolum itaque die præcedente præscriptum censui repetendum. Addendo *Pulv. de gutt.* grana aliquot, ne asthma convulsivum recurreret. Umbilico etiam emplastrum ex taccamahacca, & emplastra subpedalia applicanda jussi. Et in languoribus sumeret haustum julapii perlato: Nec non aq. theriacalis cochl. ii. alternis vicibus.

Vesperi, ex leni persistente sudore, respiratio adhuc facilis, pustulæ miliares densiores, spiritusque minus defecere. Ideoque, ut in usu bolorum antea præscriptorum persisteret, duxi optimum fore: sumeretque, pro re nata, succi fini equini in *Aq. Card. Bened. & Puleg.* infusi & expressi. Nimirum, ut lochiorum effluxus, volatilibus fini particulis, excitaretur.

Die 16to noctem intellexi præcedentem sine ullo symptomate ægrotæ transisse. Antequam vero ab illa discessi, respiratione convulsiva iterata, vires subito diminutas sentit. Præscripsi itaque haustum sequentem.

℞. Aq. Laet. alex. ℥iii. Epidem. Syr. Carioph. an. ℥ii. Epid. Goens. de gutt. an. ℥i. Mf. f. Haustus. Et post horas sex sumat etiam bolum antea præscriptum, pilularumque duas tempore intermedio.

Vesperi sudorem, ex sumpto haustu, universalem dimanasse narrabant. Unde & magis extumescere pustulæ miliares, & asthma diminutum est. Ideoque jussi persisteret in usu ultimo præscriptorum omnium. Et ad flatum, qui multum attulerunt molestiæ, saccharo insillarentur olei cort. aurant. gutt. iii, & sumerentur ad libitum.

Die 17mo, cum prædicta symptomata debellati viderentur, antea præscripta continuari consului.

Die 18vo, ex sudore intermisso, renovantur symptomata, cum ventriculi ægitudine, & quadam confusione, quasi delirii prodromo, conjuncta. Quamobrem, ad restituendum sudorem, jussi ut in usu haustus persistat; addendo singulis haustibus bezoar. Orient. grana aliquot. Ut cum posseto salviato aquam theriacalem large sumeret, & emplastra subpedalia repeterentur.

Vesperi ex sudore copiose renovato iterum evanescere symptomata. Neque exinde quicquam infirmatæ vires, sed potius auctæ fuere. Etiam si quædam rubræ, & prurientes, miliaribus interspersæ, vi sudoris excreverint. Jussi itaque ut in usu haustus & infusi persisteret.

Die 19no. Pustulæ miliares cœperunt exsiccari: & omnia visa sunt versus sanitatem perfectam progredi: solummodo spirituum diminutione excepta. Quapropter & præscripsi usum haustus cordialis continuari.

Die 20mo vocatus sum circa quintam matutinam. Quippe quod ægrotæ in difficilem respirationem de novo incidisset: Non a pustulis miliaribus recessis; cum hæc jam antea penitus exsiccata fuerint: Sed forsan a materiæ morbificæ quibusdam reliquiis, viam quasi quærentibus qua excerneretur. Nam ex tribus sedibus, sponte ac subito supervenientibus, dyspnœa omnino evanuit, atque ægra quam optime convaleuit.

Nihilominus ex illius amicis aliquis alium Medicum advocari velle. Qui cum adveniret, & pustulas miliares, jam antea, ut dictum est, exsiccatas, nusquam vidit, sed tantummodo rubras; me, quod hanc febrem vocaverim miliarem, irritit: Dixitque rubras pustulas a solo sudore posse oriri. Proindeque juxta indicationes quas sumpserat claudicantes aliquot dies præscripsit, sed re infecta. Deinde alius Medicus, & post illum tertius, atque quartus vocatus est.

Sydenham opera Medica.

Qui omnes ignoti morbi curationem incaute susceperunt, donec in chronicum tandem transit. Quod si noverint hanc febrem revera fuisse miliarem, & post exsiccatas pustulas miliares crisin perficiendam naturæ commissent: nullus dubito, quin morbi lætus fuisset exitus. Nam ab illo momento, quo pustulæ miliares etiam salubriter exarescere solent, non infrequenter observavi, materiæ morboscæ reliquias vel per intestina, in hoc casu; vel per vias urinarias, ut in sequenti; vel cum lochiis per uterum, ut in quadam D. King, in Vico *Fleet street* dicto, sponte & feliciter exterminari.

Historia Febris Miliaris in Morbum Chronicum, tandemque Mortem desinentis.

SEPT. 17mo, 1709. vocatus sum ad D. Bateman, D. Bateman, equitis aurati uxorem. Hæc ante viginti septimanas, in principio puerperii, dolore colico, oppressione pectoris, cum suspiriis spirituumque defectu, nec non pulsu frequente ac debili laboravit. Ex quibus symptomatibus morbum febrem esse miliarem palam prædixi. Et ex usu diaphoreticorum optime se habere sibi suæque matri visa est. Prædicta enim symptomata parvipenderunt. Ægrotam itaque diutius visitare nolui. Consului tamen ut se ipsam per mensem lecto affigeret, in eorum quæ præscriperam usu persisteret, & ab infantis lactatione abstineret.

Meo autem consilio obtemperare noluit. Proindeque post quinque septimanas a partu passa est recidivam, cum dolore colico & laterali calore & frigore alternatim recurrentibus, oppressione pectoris, cum suspiriis, spirituumque defectu. Ad lateris dolorem sanguis fuit emissus; unde & auctus languor: & quædam suffocatio, hyterici affectus similis, cum suspiriis illam premebat. Quæ symptomata vapores, ut vulgo loquuntur, tam ægra, quam ejus mater æstimarunt. Cum revera a venæ sectione, catameniorum tempore, orta sint. Nam lochia, quæ a partu ad sextam septimanam usque duraverant, exinde subito suppressa fuere, & deinceps ad illius e vita exitum.

Jamque, quod ante exacerbationem symptomatum magis frigeret, morbum putarunt febrem esse intermittentem: etiam si pustulæ miliares hoc tempore fuere conspicuæ. Nihilominus sumpsit corticem Peruvianum ex præscriptione pharmacopœi. Ex quo motum materiæ, pustulis adhuc magis augendis aptæ, in cutis superficiem impeditum, eandemque alio transmissam fuisse, minime dubitandum est. Primo super femur, tibiam, pedemque; quem Chirurgus scarificabat: deinde & super intestina, ubi genuit diarrhæam; nec non super nervos pulmonum, ramosque asperæ arteriæ capillares; ubi asthma, cum tussi sputatoria & fœtida produxit. Verum ex emissio e pede sero minime remissior fuit dyspnœa.

A Junii 23io, ad 25um, Medicus præscripsit bolum ex *Pulv. Chel. Cancr. composito, Rad. Serpent. Virg. & Castoreo; Decoctum album, Suppositorium, Empl. Vesicat. nuchæ, & pedibus Cephalicum.*

Junii 25to, corticis Peruviani decoctum. Die 26. corticis Peruv. pulverem 28vo, julapium ex *Aq. Laet. ℥iv, Menthe, Cinnamomi hord. an. ℥j, Laud. liq. ℥i, Conf. Fracast. ℥iii, in Diarrhæam.*

Julii 8vo, *Lac Asininum cum Pulvere Margaritarum, e Chelis Cancror. simplice, & Saccharo perlato. Nec non Infusum amarum ex Absinthio Romano & Sem. Coriandri; addendo Colature, Gummi Ammoniaci Aq. Pæon. comp. & mirabil. an. q. s. dissoluti ℥i, & Aq. Ceras. nigr. ℥vi.*

Die 9no, corticem Peruvianum. 16to, *Bolum ex Pulvere e Chel. Cancr. comp. & Theriaca Andromac. Et Decoctum album cum Rad. Tormentilla. 29no, Infusum amarum, & Pilulas ex pulvere millepedum.*

Aug. 3tio, *Pilulas ex Pulv. Ari comp. Myrrhe & Syr. Balsamico. Et Decoctum ex cortice Sassafras, Sem. Dauci, Baccis Juniperi, Rad. Eryngii*

condit. & Aq. Calcis q. s. addendo Colaturæ Aq. Nephriticæ.

Die 17mo in consultatione cum alio Medico, Pilulam Martheusianam, 19no, Vesicatoria Nucha & Brachiis applicanda. Pilulas ex Galbano, Gum. Ammoniaco, Croco, & Opobalsamo. Et Julapium perlatum.

Sept. 6to, Enema ex Decocto albo, Theriaca Androm., & Diascordio. Infusum amrum ex Radicib. Gentiana, Helenii, Absint. & Marrubii foliis, Sem. Dauci & Baccar. Junip. in Aq. font. infusis addendo Colaturæ Vinum Chalybeatum. Et Bolum ex Diascordio, Terra Japonica, & Ol. Cinnamomi.

Die 13tio, vesicatorium parvum, cum epispastico unguento, ad diu continuandum ulcus. Pilulas ex speciebus, Diambra, Castoreo, Sale Volat. C. C. & Galbano. Et Julapium Hystericum.

Hactenus tres Medici magni nominis, duoque Chirurgi non incelebres ægrotam vistarunt, Et hanc morbi methodicæ præscribendi historiam, majori ex parte, ab illa illiusque matre, iterum advocatus accepi.

Jam tum difficili respiratione, diarrhæa, & manuum artuumque inferiorum tumore gravata est: Adeo vertiginosa & languida, ut bis uno die ne syncope moreretur metuerint. Pulsus ei valde frequens ac debilis, Et circa meridiem, calore, rubore, & dyspnœa, quotidie affectam fuisse narrabant.

Horum omnium, ferè a morbi principio, symptomatum, tres quatuorve causas fuisse arbitror. Quotidianum scilicet e lecto egressum, lactationem, venæ sectionem, & sumptis medicamentis in primis corticem Peruvianum. Hæc enim omnia pustularum miliarium incremento & durationi certum est obstitisse, & materiam morbosam in pulmones, intestina, artusque inferiores transfuisse.

De hoc morbo, quod sit inmedicabilis, feci prognosin. Præcipue ob summam ægrotæ imbecillitatem; & quod dyspnœa & diarrhæa contraria indicarent.

Triste confessæ est, multum pœnituisse se, me posterius vocatis Medicis non associatum fuisse; præcipue, quod suam sororem in simili casu a me sanatam meminisset. Jam tamen a me proposita vesicatoria nullibi apponi voluit, etiamsi respiratio difficilis & vertigo exigerent. Fontanellas itaque inter scapulas aperiendas suasi, Et in ventris tormina, diarrhæam comitantia, spiritum millepedum, cujus efficaciam sæpe expertus sum, ex haustu potus ordinarii, ad gutt. xx. bis in diem sumendum præscripsi. Et ut sexta quaque hora bolum ex spermate ceti, pulv. e chel. cancr. comp. & croco, ad menses movendos, lenem diaphoresin excitandam, respirationemque allevandam, deglutiret.

Die 20mo, in reditu meo a Regio apud Winesham Castellam visitavi ægrotam, eamque a vertigine omnino liberam conspexi, ejus spiritus hæud mediocriter refectionem, ventris tormina consopita, & suppressam diarrhæam, ut postea mixtura opiata non opus fuerit. Persistentibus autem dyspnœa, ac inferiorum artuum tumore, & universa imbecillitate in dies aucta, post unam atque alteram septimanam obiit.

Historia Febris Miliaris cum largissimo Urinae effluxu circa finem.

Julii 29no, 1705, D. Loyd Lintearius, apud Cynaræ insigne in platea Cheapside dicta, cuique D. Basket erat pharmacopœus, me ad suam filiulam septem annos natam evocavit.

Habitudine erat tenuior, temperie calidior. Spiritus illi vivaces, sed facile dissolubiles. Diebus aliquot præcedentibus, ex calore interno cutis aridior fuit. Pridie hujus diei, cancrum comedit. Ex quo noctu ægrotabat, & calore vehementi sitique correpta est. Quibus etiam spirituum defectus, vomitio, pulsus frequens ac debilis, & urina sanorum similis accessere.

Ex morbi antecedentibus & symptomatibus prænovi hanc febrem fore miliarem. Ideoque lacteo enemate, ad primas abluendas vias injecto, pro meo more de-

crevi lenem ac continuam diaphoresin excitare, calidæque intetum & siccæ temperiei diluentibus favere. Præscripsi autem sequentem in modum.

℞. Pulv. e chel. cancr. comp. gr. viii; sumantur e cochl. j. Julapii sequentis, superbibendo cochl. ij. vel iij.

℞. Aq. ceras. nigr. ℥viii. Epidem. ℥j. Sacchari albiss. q. s. Ms. f. Julapium.

His addidi emplastra, ex cephalico cum Euphorbio, & pice Burgundica subpedalia.

Die 30mo visitanti mihi narrant, ægrotam ex enemate alvum satis dejecisse: Noctemque magis placidam, quam præcedentem, illi contigisse. Non adeo multum ardebat, calore tamen & frigore alternis initius affecta fuit, vomitioque omnino suppressa. Et jam primum super pectus pustulæ miliares in conspectum venerunt. Præscripsi itaque ut persisteret in usu pulveris, & ad diluendam materiam febrilem, sudoremque fovendum, possetum salviatum affatim potaret.

Die 31mo, spiritus minus oppressi sunt, & mediocriter refectionem. Sed ex usu posseti intermisso paulo plus caluit; pulsus frequentior, sed debilis; pustulæ tamen miliares aliquanto magis fuerunt conspicuæ. Præscripsi itaque pulveris e chel. cancr. comp. gr. viii, totidemque margaritarum præparatarum alternis vicibus sumenda.

Augusti 1mo pustulæ miliares sunt tumidiusculæ, calorque internus minor. Externæ vero paulo plus caluit, cuiusque leni diaphoresi humectabatur. Jussi itaque post subductam alvum ex injecto enemate antea præscripta repetenda.

Aug. 2do spiritus fuerunt vivaciores, calorque adhuc minor interne. Consului itaque persisteret in usu margarit. pp. cum julapio quarta quaque hora. Et ad tuendum caput emplastra vesicatoria ponere aures applicanda.

Aug. 3tio non adeo equidem externæ calebat: verum pustulæ miliares aspectum habebant minus laudabilem. Censui itaque pulverem e chelis cancr. compositum in usum revocandum. Quoniam vero puellæ mater ægre ferebat medicamenta adeo frequenter sumenda, sequentia præscripsi.

℞. Aq. ceras. nigr. ℥xii. Epidem. ℥iss. pulv. e chel. cancr. comp. ℥i, Sacch. albiss. q. s. Ms. f. Julapium, de quo sumat hustum sexta quaque hora, agitata phiala tempore usus. Et sumeret margar. præp. dosim in omnibus intervallis. Uteretur etiam mucilaginem ex sem. Cydon. & Psyll. Syr. e Ruba Idæo edulcorata. Et empl. subpedalia repeterentur.

Aug. 4to calor erat multo intensior, nec sine quibusdam motibus convulsivis. Puella enim, cujus calida erat naturalis temperies, largius de julapio potaverat, quam debuit. Præscripsi itaque, julapii loco, margarit. pp. ℥ss, sexta quoque hora sumendum, e julapii sequentis cochl. j, superbib. cochl. iij.

℞. Aq. Lact. alex. ℥viii., Epidem. ℥i, Syr. e Cort. Cirr. q. s. Ms. f. Julap. Et ad feri sanguinis partem acriorem diluendam, ut lactis aquam alexit. sumeret edulcoratam, instar potus ordinarii. Si diaphoresis suppressa fuerit, singulis aquæ prædictæ haustulis spiritus C. C. gutt. iv. adderentur: Et julapio immisce-retur pulveris de gutt. ℥i.

Die 5to motus quievit convulsivi, calor fit mitior, spiritus animales vires sumunt, pustulæque miliares jam in principio declinationis sunt. Quæ clare indicant, mala antea memorata symptomata non tam a morbo, quam a julapio, nimia quantitate sumpto, provenisse. Jussi itaque ut in novissime præscriptorum usu persisteret. Naturæ enim non imperandum, ut bene monet Baglivus, sed illius monitis parendum est.

Die 6to febris adeo declinavit, ut pustulæ miliares desiccare inceperint. Præscripsi tamen, ad febrilem calorem superstitem extinguendum, ut lactis aquam cum margaritis præparatis puella affatim bibat, & cortex Peruvianus in promptu esset, pro re nata sumendus.

Die 7mo summo mane advocor. Tanta enim copia, ramque subito minxit puella, ut de illa, antequam matulam afferri potuit, efflueret urina. Unde pertimuit mater, ne diabetes, & deinde mors sequeretur.

sequerentur; ut suo nepoti accidisse aiebat. Cum revera partim ex aq. lactis, die præcedente liberalius potata, partim e pustulis miliaribus, tum exsiccatis, eveniret. Quemadmodum in antea descripto casu, & in eodem morbi tempore, materiæ morbificæ reliquæ, ad crisin perficiendam, per alvum abierunt. Quod & hic forsan accidisset, si patientis temperies minus calida, alvus natura laxior, ususque margaritarum parcius fuisset. Et in simili casu hujusmodi morbi reliquæ per lochia nonnunquam expelluntur: ut D. King, ad trium regum insigne in *Lugdate hill*, cui pharmacopœus erat D. Alen, accidisse memini. Illi enim, statim a pustulis miliaribus penitus exsiccatis, lochia, instar sanguinis super carbones adusti, nigricantia, sine ulla causa evidenti, aut subsequente periculo, per horam integram emanarunt. Et quoties evacuatio neutrius prædicti generis post exsiccationem pustulas contingit, sæpe vel calorem internis partibus hærentem, cum pressura spirituum, deprehendo; vel quavis levi de causa recidivam patiuntur ægri, & nonnunquam mortem subitanam; vel ex materia in artus rejecta, aut erysipelas, aut hydropticus dolensque tumor generatur.

Hæc omnia puellæ matri sigillatim monstravi, quo melius eam a timore liberarem. Nihilque amplius agendum, præter virium instaurationem; vel corticis Peruv. usum, vel pulveris testacei cum lacte asinino; cujus usus ei antea bene cessit. Alium tamen Medicum associari voluit. Eodem vero tempore ipse evocor ad nobiliss. D. Clarendonia Comitem; ut de ejus nepote, honorabil. D. Obrian, consulerem. Ideo & altet Medicus sequentia solus præscripsit.

℞. Pulv. de gutt. Lapid. Contray. an. gr. vj, Castor. Salis Vol. C. C. an. gr. ij, Conf. Alcherm. sine Mosch. ℥j, Syr. Pæon. comp. q. s. M. f. bolus statim sumendus, & sexta quaque hora, solutus in Cochl. i. Julapii.

℞. Decoct. albi ℔j, Aq. Cinam. hord. ℥j, Sacch. albiss. q. s. M. f. Apozema pro potu ordinario.

℞. Salis vol. Oleos. ℥ii, sumat gutt. vi, frequenter in potu quovis ordinario.

Et applicentur emplastrâ vesicatoria brachiis internis & inter scapulas.

Hujus præscripti chartulam D. Basket pharmacopœus ad me misit. Qua perlecta stupore quodam percussus sum; dixique, cum minime retrocesserint pustulæ miliares, sed regulariter & sine quovis pravo symptomate exsiccarentur, me ex medicamentis caloricis, & a puella calidi temperamenti ac debilitata sumptis, nil melius quam febrem de novo accensam, mortemque minitantem sperare.

Nec me itea sefellit conjectura! Cum enim circa horam vespertinam puellam visitaverim, ut omnia, secundum præscriptum ultimo memoratum, intellexi facta fuisse: ita & puellam ardore vehementissimo, cum siti ingente, lingue arida, & respiratione difficili, laborantem vidi. Attamen, absente altero Medico, nihil præscribere mihi visum est.

Die proximo mane nobis, una puellam visitantibus, narratum est, illi pessime transisse noctem; & jam ardebat maxime sitique valde urgente & dispucea afflicta fuit. Et mihi interroganti alterum Medicum, qualibus indicationibus satisfacisse proposuerat? Respondet, se me absente, qui solus morbi historiam enarrare potui, pustulas miliares retrogradas æstimavisse. At cum id fieri non posse monstraverim, habita consultatione, concessit Medicus dosin diminuere, & sequentia præscribere.

℞. Lapid. contray. Pulv. de gutt. an. gr. iv, Croci, Castor. an. gr. i, Syr. Pæon. comp. q. s. M. f. Bolus sumendus e Cochl. i. Julapii, Sumeretque ad diluendos humores decoctum album pro potu ordinario. Et ne ex alvo adstricta usuque boli calor excitaretur, suppositorium præscripsimus ex mele & sale gemmeo.

Die 9no calor fuit remissior, liberiusque respiravit. Præscripsimus itaque enema ex lacte saccharato, bolumque unum.

Die 10mo in statu longe meliori puellam vidimus, symptomatibus, a calidis medicamentis ortis, consopitis omnibus. Attamen ad recuperandas vires, calo-

Sydenham opera Medica.

risque interni recursum præveniendum, pulverem præscripsimus sequentem, e cochl. i, lactis asinini sumendum, superbibendo ℔ss. tepide.

℞. Pulv. e Chel. Cancr. comp. Margar. pp. an. gr. vj, M. f. Pulvis.

Die 11mo ut adhuc tutius præmuniamus puellam, ne illi febrilis calor novaretur, consulimus. Cort. Peruv. Pulv. ℥ss, e Cochl. i. Julapii quarta quaque hora sumendum; & pro re nata, aq. lactis haustum. Et ad perficiendam valetudinem rus adiret, ubi saniori statu semper gaudebat.

Haud multo post audiui, illam iterum male valere, aliosque advocari Medicos. Id autem minime mihi displicebat: nam sub eorum cura obiit; cum antea, me illam cutante solo, Deoque favente, tant bene illi res cesserit, ut e febre mediocri tempore evaserit.

Historia Febris Miliaris in Mamma Apostema terminantis.

Junii 12. 1699, ad viri admodum honorab. D. Trevor Commun. Placitor. Justiciarii capitalis uxorem, jam defunctam, circa sui puerperii principium, evocatus sum. Cui pharmacopœus erat D. Gelst. horp; obstetrix, D. Dodson.

Cum gracili corpore animum possedit tranquilum; Spiritus tamen nativos debiliores. Ante partum in calorem internum sæpe incidit. Postea dolere dorsum & femora, ut in puerperis solent: Et, doloribus remissis, horrore correpta est; quem febrem esse lacteam putarunt mulieres: tertio enim a partu die contigit.

Quoniam tamen spiritus deficere sensit, die prædicto vocatus sum. Cum observaverim symptomata, quadam oppressione pectoris suspiria cogente, summe dejectis spiritibus, capitis dolore, pulsuque frequenti ac debili, illam laborare vidi. Urina sanorum similis, palmarum erant calidæ, lochia effluebant, alvusque potius accessit ad laxitatem. Denudato autem pectore, inibi numeravi pustulas tres miliares. E quibus, etiamsi paucissimis, satis aperte constabat, hanc febrem esse miliarem. Mihi autem id affirmanti digniss. D. Hamden, aliæque astantes, vix assentiri voluerunt.

Attamen ex numero pustularum adeo parvo materiam ad eas fovendas aptam alio tendere suspicatus sum. Ut itaque earum eruptionem leni & continua diaphoresi promoverem, sequentem haustum sexta quaque hora sumendum præscripsi.

℞. Aq. Lact. ℥iii, Pæon. comp. ℥ss. Pul. e Chel. Cancr. comp. gr. xv, Pulv. de gutt. ℥ss, Syr. Meliss. q. s. M. f. Haustus.

Pulverem e Chel. cancerorum paulo minori quantitate præscripsi, ne motum sanguinis magis accelerem, quam diaphoresi jam excitatæ continuandæ par esset. Ad tuendos nervos, si pustulæ forte retrocessissent, addidi pulv. de gutteta cum aquæ lactis majori dosi diluente.

Præscripsi etiam ad capitis dolorem emplastrum vesicatorium inter scapulas applicandum, & empl. subpedalia. Et pro alimento ut pullorum jus forberet. Quod, ut magis nutritium, in hac febre potius quam in quavis alia, præcipue in natura debilibus, præbere soleo. Quibus & adjunxit seq. Julapium ad libitum sumendum.

℞. Aq. Meliss. ℥viii, Cinnamom. hord. ℥iv, Epidem. ℥i, Sach. perlati ℥ii, M. f. Julapium.

Die 3tio melius se habuit, ex omni parte. Attamen, ne remitteretur diaphoresis, præscripsi bolum sequentem.

℞. Conf. Anth. ℥ss, Pulv. e Chel. Cancr. comp. ℥ss, Syr. Meliss. q. s. M. f. Bolus sumendus cum Julapio.

Vesperi febris exacerbata est primò contingentibus symptomatibus. Quibus etiam accessit respiratio difficilis: Nec non levior diarrhæa, e lochiis diminutis. Nam excrementitia materia tentabat transitum ab utero ad intestina. Sequentem itaque bolum cum Julapio sumendum præscripsi.

℞. Conf. Anth. ʒss, Theriaca Andr. ʒi, Pulv. e Chel. Cancr. comp. Croci, an. ʒi. Syr. Melissæ q. s. Mf. f. Bolus.

Theriacam prætuli diascordio, quod non solum moderetur alvum; sed & plerunque magis faveat sudoribus. Et, omiſſis aliis astringentibus, crocum addidi, ut uberiores fluxum lochiorum, sine astrictione glandularum intestinalium, restituerem. Quæcunque enim intestina astringunt, suum etiam utero affectum imprimunt. Quod in primis advertendum est, ne ex uno sanato symptomate aliud generetur.

Veruntamen, ne bolus supra dictus minus sit efficax, seq. julapium præscripsi in promptu habendum.

℞. Aq. Ceras. nigr. ʒviii. Cinam. bord. ʒiv. Epidem. ʒj, Conf. Fracast. ʒj, Conf. de Hyacinth. sine od. ʒi. Syr. de Menth. ʒj, Mf. f. Julap. de quo sumat. Coch. iv. post sedes singulas. Et ne quid mali accideret ex opiat, præscripsi vesicatoria carpi applicanda. Quæ etiam in diarrhæa nonnunquam profunt, dum materiam morbificam ad exteriora revelunt.

Die 4to a sumpto bolo theriacali somnum sudoremque secutos fuisse intellexi. Unde & omnia symptomata in meliorem partem inclinarunt. Neque astringenti julapii opus erat. Præscripsi itaque bolum cum julapio perlato repetendum. At sine theriaca; quod hic minus calida ad continuandam diaphoresin viderentur sufficere. Et inefficacis medicamenti, majore quantitate quam par est adhibiti, exemplum habemus in salivatione. Hanc enim sæpe, & præcipue in debilibus, mercurii dulcis gr. v. vel x, singulis noctibus sumpta, feliciter producit, quam ejusdem medicamenti tripla dosis. Cujus etiam rei testis est D. Tindal pharmacopœus. Qui, cum hanc methodum cuidam patienti præscripsissen, multa admiratione dixit, se nil inde expectare: nuperrime enim doses multo majores prædictæ patientis filiæ, a magni nominis Chirurgo dari, & vel undecim hebdomadas frustra continuari, viderat. Verum mercurius dulcis nimia quantitate sumptus sanguinis motum adeo accelerat, ut materiam, quæ ex mediocri dosi per glandulas salivales secerni solet, vomitione aut sedibus expellat. Et notum est, in melancholicis alvum facilius subduci medicamenti lenitivis, quam catharticis plerisque fortioribus. Et pari modo sudor jam profluens, diaphoreticorum dosin augendo vel nimis frequenter repetendo, sæpe in ardorem definit.

Attamen ne ad continuandum sudorem deesset materia, Apozem. seq. præscripsi.

℞. Rad. Fragar. Chelid. major. an. ʒss. fol. Meliss. Fragar. Chelid. an. p. ij. Sem. Card. bened. ʒij. flor. Cordial. an. p. ʒss. Coquantur in Aq. font. q. s. Colature ʒiij. adde Aq. Epidem. ʒij, Mf. f. Apozema.

Vesperis rediit exacerbatio, sed multo levius. Bolum itaque theriacalem repetendum præscripsi. Deinde, post horas sex, bolum sine theriaca: Et emplastra subpedalia applicanda.

Die 5to symptomata quæque vidi benigniora, pustulasque miliares ad maturitatem properantes. Præscripsi itaque ut in usu boli sine theriaca, apozematis, & julap. persisteret.

Quoniam tamen dyspnœam renovari posse suspicatus sum, si exacerbationes prædictæ iterentur, donec pustulæ exsiccatae fuerint, alium Medicum in consultationem vocandum monui, quem patientis amici nominarunt. Vespere itaque convenientes symptomata totum illum diem fuisse leviora intelleximus. Jam vero vidimus omnia, nempe diarrhœam, dyspnœam, spirituumque defectum exacerbari. Præscripsimus itaque sequentia.

℞. Pulv. e Chel. Chel. Cancr. comp. Conf. Fracastor. an. ʒss, Syr. Caryoph. q. s. Mf. f. Bolus sumendus ix. Coch. i, julapii sequentis, superbibendo coch. v.

℞. Aq. Ceras. nigr. ʒx, Puleg. Bryon. comp. an. ʒii. Margar. pp. ʒii, Sacch. albiss. q. s. M. f. Julapium.

Die 6to mane, non obstante bolo, patiens sexies sedem petiverat, noxque ei inquiete transiit. Nec jam exacerbatio omnino finita fuit. Jussimus itaque bolum continuandum, & vesicatoria brachiis inter-

nis applicanda. Quibus addidimus gargarismum decocto plantaginis cum toto, & seq. enema.

℞. Seri Lact. Vini Hipp. separati ʒx, Elect. e Bacis Laur. ʒj, Sach. rubr. ʒii. Mf. f. Enema.

Attamen interrogatus seorsum a D. Hedges, ægrotae matre; Quid ad magnum illum spirituum defectum sit faciendum? Suasi, ut in Aq. Lact. haustulo croci sumeret ʒi, & post aliquot horas repeteret.

Vesperis nobis narratum est, patientem omiſſisse bolum cum diascordio. Sed croci, ut a me præscripti, usu repetito, levioribus symptomatibus diem transegiſſe. Nam ex leni sudore pustulæ miliares laudabili modo se extulerunt. A juvantibus itaque indicationem sumentes præscripsimus pulverem sequentem.

℞. Pulv. e Chel. Cancr. comp. ʒss, Croci Pulv. gr. vi, Mf. f. Pulvis sexta quaque hora sumendus cum julapio.

Die 7mo visa est optime se habere. Alvus ei mediocriter soluta fuit; nempe longioribus intervallis, & sine virium jactura. Neque inde pustulæ miliares disparuere. Quamobrem, ut in usu alterno boli sine diascordio, & pulveris ultimo præscripti cum julapio, persisteret decrevimus.

Vesperis symptomata, cum difficili respiratione & diarrhæa, exacerbata sunt. Quare & præscripsimus bolum cum diascordio, & reliqua ut antea.

Die 8vo etiam si bolum sumpsisset cum diascordio, haud tamen ita bene sudasse aut dormiſſe, ac post bolum theriacalem a me præscriptum astantes agebant. Magis enim inquieta fuit & calida, difficiliusque adhuc respirabat. Præscripsimus itaque, ut in usu pulveris persisteret.

Vespere videbatur novam pati exacerbationem. Ego vero ultimam nondum penitus finitam esse censeui. Loco itaque boli diascordialis theriacalem præscripsimus repetendum.

Die 9no intelleximus, noctem præcedentem fuisse facillimam. Et jam quæque symptomata benigna, pustulasque miliares, & numero & mole auctas vidimus. Præscripsimus itaque in exacerbationis intervallis bolum sine diascordio aut theriaca sumendum. Opiata enim tempore exacerbationis sumpta melius operari, expertum habeo: præcipue si vesicatoria simul applicarentur.

Die 10mo, post noctem valde pacatam, ægotam spirituum summo defectu, madore frigido & universalis, præcipue in manibus, fractam mirati sumus. Præscripsimus itaque croci ʒss, ex haustulo Aq. Lact. bibendum; & suppositorium ex melle spec. hier. cocto intrudendum. Ut lap. Goens. ʒi, cum croci gr. vj, sumeret sexta quaque hora: haustumque cum croco in languoribus & madore frigido. Nec non apozema pectorale, cum linctu oleoso, ad moderandam tussiculam jam primo ortam, ne pustulis ad siccitatem tendentibus materiæ morbificæ residuum in pulmones irrueret.

Diebus sequentibus nihil præter julapium perlato & crocum, in languoribus sumendum, & dietam nutritiam, præscriptum est. Quibus adeo vires patientis auctæ sunt, ut postea materiæ morbificæ reliquæ in mammarum glandulas tuto secernerentur. Verum ad ejus imbecillitatem habita ratione, pilula tart. quercet. aliquot vicibus sumpta, materiæ prædictæ maturationem tardare volui. Quo facto, ita bene res cessit sub cura D. Bernard. Chirurgi Regii, ut paulatim, & pene sine dolore, pus generaretur, & paucis post diebus optime convalesceret.

Veruntamen paulo ante proximum puerperium narravit Medico magni nominis se sub præcedente, febre correptam fuisse; & ex calore, quem sensit interno, timere ne similiter recurreret. Quare ille Medicus sanguinis ʒx venæ sectione emittendas consuluit. Qua facta, ut fœtum in utero languidius moveri statim senserit; itaque cum ad partum ventum esset, adeo debilitata fuit, ut antequam illam adire potuerim, in ipso conatu, ad excludendum fœtum (etiam si hic rite positum) necessario, supremum diem obierit.

Historia Febris Miliaris, ex Frigore prope Mortalis.

Sub finem mensis Julii 1706. vocatus sum ad filiam Dom. *Smith* in area, *Bartholomew close* vulgo vocata, statim post partum. Cui obstetricis officium præstitit D. *Summers*, & D. *Springet* pharmacopœi.

Post partum passa est fluxum lochiorum nimium, cum pectoris oppressione maxima spirituumque defectu: nec non frequenti pulsu ac debili, manibusque superius pene frigidis. Quorum symptomatum, cum nulla causa, sive ad infantem, sive placentam, habita ratione, apparuerit: a quodam febrili calore, ejus spiritus exhalante, & simul frangente vasorum vim retinendi, pendere videbantur, febremque miliarem, latentem monstrare. Sequentia itaque præscripsi.

℞. Pulv. e Chel. Cancr. comp. ℥j. Castor. gr. iv. Syr. Paralyf. q. s. Mf. f. Bolus in Cochl. j. Julapii perlati communis sumendus, superbib. Cochl. iv. vel v. Id scilicet mihimet ipsi proposui, ut, facta per diaphoresin secretionem mediocri, moderare uterinam. Nam ut sanguinis fermentatio aut motus violentior secretionem minuit: ita & altera evacuatio alteram. Quem duplicem aphorismum, ex multiplici mea observatione enatum, habeo. Neque adeo tuto vel astringentia præscripsissem, vel opiata. Dum ex nimio lochiorum fluxu, hoc modo diminuto, forsitan & fluxus naturalis defectus sequeretur. Cujus rei effectus quantum metuendi sunt, tam Medici, quam obstetrices bene norunt.

Meæque in hac re conjecturæ sumpti medicamenti operatio dedit suffragium. Nam boli usum, ut spirituum antea depressorum elevatio, ita & lochiorum diminutio secuta est.

Dehinc, etiam si prænoverim, febrem suam naturam brevi patefacturam: ne tamen patientis amici studere me lucro putarent, de illa tacens, consului, ut in usu boli mane, & vespere persisteret, in lecto maneret, seque ab omnium consortio averteret. Ut tranquillii esset animi, pro cibo sumeret pulli gallinacei brodium, nec non decoctum evenarum excorticarum vinosum; & pro potu ordinario, possetum salviarum; addendo singulis haustibus spiritus cornu cervi guttas aliquot, si diaphoresis remissio contingeret; & in languoribus salis vol. oleosi similiter. Hoc facto, patienti in aliquot dies valedixi.

Deinde redeunti mihi narratum est ab adstantibus, mea mandata diligenter illam observasse, & mediocri usam fuisse valetudine; vaporibus solis (ut locuti sunt) exceptis. Spirituum enim defectum, pectusque oppressum passa est, cum vigiliis & animi perturbatione ex obrepente somno. Calore enim & frigore alternis vicibus, sed inæqualibus intervallis, & præcipue in sudoris intermissione recurrentibus, affecta est. E quibus symptomatibus adhuc certius prævidi, pustulas miliares se tandem exhibituras.

Hujusmodi fere statum febris retinuit usque ad diem Augusti undecimum. Ubi a prandio vocatus sum ad illam, syncope ex improvise correptam: quamque brevi morituram amici æstimarunt. Cum illi adsum, e lecto surrexisse intellexi, & deinde statim in syncopen incidisse: nec ab ea evasisse, donec in lectum redierit. Ego vero pustulas miliares editas fuisse subolens, & ab irruente frigore retrocessisse; eas equidem in denudato pectore deprehendi, sed inter surgendum depresso.

In hoc casu non ad vehementer calida censui confugiendum, ne, nimis sanguinis accelerando motum pustularum uberiorem proventum, magisque aspectabilem impedirem. Verum istiusmodi potius elegi medicamenta, quæ, cum mitiora sint, felicius excitarent diaphoresin, & emittendo pustulas, depresso spiritus elevarent. Sequentem itaque in modum præscripsi.

℞. Con. Acetos. ℥j. Bezoar. Orien. Croci an. ℥ss. Syr. Paralyf. q. s. Mf. f. Bolus sumendus e Cochl. j. Julapii sequentis superbib. haustum ejusdem.

℞. Aq. Ceras. nigr. ℥x. Angel. comp. ℥ss. Sacch. perlati q. s. Mf. f. Julap. de quo sumat haustulum ut

supra, & in languoribus. Repetatque Bolum sexta quaque hora.

℞. Salis Vol. Oleos. ℥ss. sumat gutt. xx. cum potus ordinarii haustulo aliquoties in die. Et subpedalia Emplastra applicentur.

Die 12mo multo melius se habuit. Spiritus enim nec adeo depressi sunt, neque perturbati; pustulaeque magis confertæ, & expansæ, magisque extumescere. Unde eas ex frigore retrocessisse patet. Alias enim tantum progressum, tamque subitaneum secisse, minime existimandum est. Jussi itaque ut in usu boli, & Julapii persisteret, sumeretque in languoribus Aq. Theriac. tenuioris Cochl. ij.

Die 13tio cum quæque viderim laudabilia, ne sæpe visitando tedium patienti afferrem crearemque sumendorum odium, sequentia, usque ad diem decimum septimum, continuanda jussi.

℞. Pulv. e Chel. Cancr. comp. ℥j. Castor. gr. iv. Syr. Paralyf. q. s. Mf. Bolus sexta quaque hora sumendus cum julapii perlati haustulo.

℞. Castor. gr. vj. Assæ fætid. gr. xij. Syr. Paralyf. q. s. Mf. f. pilula n. vj. sumat ij. in Intervallis, ad fluxum Lochiorum continuandum.

Die 17mo pustulis jam exsiccatis, patiens usque quaque recte se habuit. Excepto quodammodo frigido madore, per intervalla, recurrente. Cui ut occurrerem, provideremque ne quid mali a pustulis jam delitis accideret: jussi, ut in usu boli dies decem persisteret. Et si e lecto surgendo defici spiritus sentiret, statim in eundem rediret, bolumque præscriptum sumeret. Quibus obtemperando præceptis, perfecte convaluit.

Historia Febris Miliaris, cum Delirio maxime furioso.

Maji 24. 1699. evocatus sum ad D. *Povvell*, in platea *Basinghall. street.* vulgo dicta, Ancilam; cui D. *Dalton* erat pharmacopœus.

Hæc primo capitis dolore, & frigore caloreque alternis, sed mitioribus, rute affecta fuit. Una cum magno spirituum defectu, & pectoris oppressione suspiria cogente. Quæ symptomata, a mensibus obstructis, & exinde vaporibus (ut vulgo loquuntur) provenire, domestici putarunt.

Cum autem indies ingravescerent, primo meæ visitationis prædicto die, illam pulsu frequenti ac debili maximoque languore vidi laborantem, adeoque vehementer delirabat, ut penitus nesciverit responsa dare; vociferabaturque, etiam in vicinorum molestiam. Unde & judicavi, hanc febrem fore miliarem. Sed ex omisso hætenus debito regimine, materiam pustulis generandis aptam, partim inhærere sanguini, & ex parte nervis impelli.

Præscripsi itaque enema, ex Decoct. communis pro Clyst. ℥vij. Mellis Mercur. ℥ij. Sacchar. rubr. q. s. injiciendum quamprimum, Vesicatoria etiam carpis applicanda, & ab enematibus finita operatione, bolum sequentem sexta quaque hora sumendum.

℞. Conf. Acetos. ℥ss. Pulv. e Chel. Cancr. comp. ℥j. Croci gr. iv. Sem. pæon. gr. vj. Syr. Atrip. q. s. Mf. f. Bolus in Cochl. j. julap. sequentis sumendus superbib. Cochl. iv.

℞. Aq. Ceras. nigr. ℥vij. Aq. pæon. comp. Syr. Atrip. an. ℥j. Mf. f. julapium.

Ad deobstruendos menses pilulas sequentes præscripsi.

℞. Assæ fætid. gr. x. Castor. gr. v. Syr. Atrip. q. s. M. f. pilul. vj. capiat ij. sexta quaque hora Bolorum usui interposita.

Et in furorem, si insomnis fuerit, ut addatur bolo circa horam quartam matutinam sumendo, Laud. Lond. gr. j.

Die 25to pulsus ei, ut antea, frequens ac debilis, persistitque vociferati. Non autem continuo deliravit. Bolum itaque cum laudano amici omiserunt, proinde & ipse bolum sine laudano, cum julapio, & pilulis, continuando præscripsi.

Vespere paulo melior erat morbi facies ac matutino tempore. Cæperunt enim sudores jam effluere, paucu-

paucula in pectore pustulae miliares pullulare. Alvus tamen, enematis antea praescripti vim eludens, adhuc valde stricta fuit. Quamobrem & aliud jussi injiciendum.

℞. Decoct. commun. pro Clyst. ℥viij. Elect. Lenit. ℥j. Conf. Hamech. ℥ss. Sacch. rubri q. s. Ms. f. Enema.

Et ab enematis operatione finita, ut sumeretur bolus sequens.

℞. Conf. Acetos. ℥ss. pulv. Chel. Cancr. comp. ℥j. Syr. Melissae q. s. Ms. f. Bolus quinta quaque hora sumendus.

His addidi mucilaginem ex semin. cydon. & psyllii decocto hordei extractam, & syr. e rubo idæo edulcoratam; sumendam cochleatim, sensimque deglutendam.

Die 26to ab astaniibus intellexi, somni paululum obrepisse patienti post enema rejectum, totamque noctem continuasse diaphoresin. Plures etiam jam extitere pustulae, & suspiria fuerunt rariora. Praescripsi itaque bolum repetendum.

Vesperis mihi narratum est, agrotam omnia symptomata de novo passam fuisse: Et in vehemente suo furore se adeo in lecto jactasse, ut inde sudores subsisterent. Quos ut restituerem, spirituumque turbulentiam pacificarem, camphorae usum, (in simili casu saepe a me expertum) cum emulsione sequente consului.

℞. Sem. Papav. albi ℥ij. Amygd. dulc. excort. n. xv. Contund. cum decoct. Hord. q. s. affundendo deinde ejusdem decocti ℥iij. Edulcoretur Colatura Saccharo albo pro potu ordinario.

Jussi etiam ut julapium repeteret, & bolum cum laudano die sequente mane.

Die 27mo dictum est, patientem a sumpto laudano vix quicquam dormire potuisse. Ex usu autem camphorae totam noctem perstitit diaphoresis, pustulaeque plures extitere. Jussi itaque bolum sine laudano continuandum.

Die 28vo eadem pustulae miliares visae sunt incredibili constipari numero. Quae attamen haud usque adeo profecerunt, quin delirium vociferansque furor recurrerent. Cum itaque Antimon. diaphoretici vim, tam ad pustulas expellendas, quam ad compescendum delirium, saepe expertus sim, sequentia praescripsi.

℞. Antimon. Diaphor. Pulv. e Chel. Cancer. comp. an. ℥ss. Ms. sumatur ter de die e Coch. j. Julap. sequentis, superbib. Coch. v.

℞. Aq. Ceras. nigr. ℥vj. Meliss. ℥jv. Epidem. ℥ij. Syr. Melissae ℥j. Ms. f. Julap.

Et ad calorem internum ac sitim, linguamque fordidam ac siccam, praescripsi Decocti Hord. ℥ij. Syr. Viol. ℥iij. edulcoratas pro potu ordinario.

Die 29no post noctem multo quietiorem quam antea, pustulae sunt adhuc ampliores. Unde & vociferatio, & delirium accepere temperamentum. Lingua tamen manusque aractae sunt. Praescripsi itaque ut bolo addatur Lap. Prun. ℥ss; ut bibat singulis diebus Apozematis ℥ij. & ut Empl. Vesicat. Tibiis applicarentur.

Die 30mo omnia symptomata optabilia sunt. Quare ut persisteret in novissime praescriptorum usu ad Junii 12. consului. Tandem, circa Junii 16. praescripsi Pil. Tart. Q. ℥j. secunda vel tertia quaque nocte sumend. ad sextam vicem. Quibus sumptis, perfecte, & praeter omnium domesticorum, & visitantium expectationem, convaleuit.

Historia Febris Miliaris cum lesa memoria.

APrilis 4to 1701. vocatus sum ad D. Buller in Nevvington Butis, cui ut pharmacopoeus inferiebat D. Hunter.

Ille, dum iter ad Londinum confecit, maximo dorsi dolore, cum ventriculi aegritudine, vomitione & dysuria, correptus est. Quae symptomata sibi visa sunt simpliciter nephitica. Et medicamenta quaedam huc referencia frustra sumpsit. Praedicto die ad eum accessi. Et quoniam antecedentia narrando, spiri-

tuum defectum, & suspiria tacuisset, sequentem praescripsi haustum emeticum.

℞. Salis Vitrioli Vomitivi ℥iij. Divide in Doses sex. Sumantur singula ex Aq. Jugland. comp. Coch. j. superbibendo haustum posseti fol. Card. bened. alterati. Et Vomitione finita, ut sumeret Pil. Stomach. cum Gum. ℥ij. ad Humorum, & Vomitorii eliminandas reliquias, & ad mundificandas vias Urinarias, ut die sequente mane bibat Aque Strethamens. ℥ij.

Die 5to cessabant vomitus, & aegritudo, libereque tam per urinam, quam per sedem, aqua cathartica effluxit. Dorsi tamen perstitit dolor, etiam si mitiori gradu. Caloreque ac frigore, vicibus alternis, sed inaequalibus, captus est. Pulsus etiam illi erat frequens ac debilis. Spirituumque penuria, & pectoris oppressione suspiria provocante, vexabatur. Unde conjecturam feci, hanc febrem miliarem esse futuram & sequentia praescripsi.

℞. Lapid. Goens. Pulv. de gutt. an. ℥ss. Ms. f. Pulvis e Julapii perlatis haustulo sexta quaque hora sumendus.

Die 6to Languor, & suspiria leviora sunt. Cum vero dorsi dolor potius ingravesceret, praeter pulverem antea praescriptum, monui enema ex decocto communi, & melle mercuriali injiciendum. Eoque rejecto, ut Pulv. e Chel. Cancr. comp. ℥j. ex haustu sequente sumeret.

℞. Aq. Lact. alex. ℥iij. Epidem. Syr. de Meconio, Ol. Amygd. dulc. an. ℥ss. Ms. f. Haustus. Demumque, ut paretur Mucilago ad emolliendam linguam.

Die 7mo dolor fit mitior; spiritus autem perturbati sunt, & depressi: forsan ex sumpto syrupo e meconio nocte praecedente. Praescripsi itaque emplastrum vesicatoria quamprimum brachiis internis applicanda. Et ad continuandum sudorem haustum sequentem.

℞. Aq. Lact. alex. ℥iij. Epidem. ℥ss. Lap. Goens. Pulv. de gutt. an. ℥j. Ms.

Et spirituum defectu urgente, ut haustum Julapii perlatis, & Aq. Theriacal. Coch. j. aut, ij. vicibus alternis sumeret. Et ad linguam manusque jam paulisper tremantes, ut cum haustu potus ordinarii spiritus Lavend. comp. gutt. xx. capiat aliquoties in die.

Die 8vo pustulae miliares in conspectum venere. Ideoque multo lenior factus est dorsi dolor; spiritusque minus defecerunt, neque adeo sunt perturbati. Jussi itaque ut sumeret alternis vicibus haustum ultimo praescriptum, & bolum sequentem.

℞. Bezoard. Orient. Croci an. ℥ss, Syr. Paralys. q. Ms. f. Bolus.

His addidi apozema ex Aq. Hordeatae ℥ij. & syr. viol. ℥iij. Ut & medicamentis & pustularum materiae expellendae sit vehiculum. Nec non ad renes viasque urinarias abluendas: Alvumque plerumque strictiorem, leviter relaxandam. Et apozematis hausti Aq. Theriacalis aliquot cochlearia minuscule suasi addenda.

Die 9no auctus erat tremor, nec sine quibusdam indicibus levioris delirii. In quantum tamen pustulae, adhuc plures majoresque extiterunt, spiritusque fuerunt minus depressi, jussi, ut in omnium antea praescriptorum usu persisteret.

Die 10mo symptomata, die praecedente mala, emendantur. Verum jam orta tussis levicula molestiam patienti attulit. Ideoque ne materiae morbificae reliquiae pulmonibus post pustulas desiccatas irruerent, sequentem linctum praescripsi.

℞. Ol. Amygd. dulc. ℥ij. Syr. Heder. terr. Capill. Vener. an. ℥j. Sacch. albiss. q. s. Ms. f. Linctus.

Et ut loco apozematis antea praescripti bibat sequentem ptisanam instar potus ordinarii.

℞. Decoct. pectoral. depurat. Aq. Lact. alex. an. ℥ij. Ms.

Et utumat sequentis mixturae gutt. xx. cum haustu ptisanæ in languoribus.

℞. Tint. Castor. ℥ij. Salis Vol. Oleos ℥ss. Ms. Demumque ut in usu Haustus, & Bolorum persisteret.

Die 11mo cum omnia pene eadem ac in die praecedente viderim, jussi ultimo praescripta continuanda.

Die 12mo ex noctis praecedentis vigiliis quodammodo perturbantur spiritus; sed minime defecerunt.

Quoad

Quoad reliqua, mediocriter etiam se ager habuit; pustulaeque in desiccationem inclinaverunt. Ne tamen morbi reliquiae in sanguinem nervosque transferrentur, vesicatorium inter scapulas praescripti applicandum, usumque bolorum, & julapii perlatis repetendum.

Die 15to a febre liberatur, excepta quadam spirituum perturbatione levicula. Ad quam enemata repetendum iussi; bolumque cum julapio mane, & vesperti, & in languoribus sumendum, ne medicamentorum usui nimis subito desuesceret.

Die 18vo ex pilularum quarundam catharticarum usu sensit se capite multum levati. Deinceps, etiam si pulmones praecautione antea memorata evasere salvi, ex morbi tamen reliquiis versus exteriora propulsis, apostema fuit genitum; quod sub cura D. Hunter brevi sanatum est.

Ex hac febre licet aegroti memoria laesa fuit maxime, exquisitae tamen dietae usu, post bimestre spatium perfecte redintegrata est.

N. B. Symptomata in febre miliari primo sensibile partem antea affectam fere semper occupare; ut in casu jam supra descripto contigit.

Historia Febris Miliaris ex sumpta Emulsione Lethalis.

Die 10mo Septembris 1700. vocatus sum ad viri admodum honorab. D. Trevor Aurigae uxorem, in Candelariorum societatis aedibus habitantem, & jam puerperam; cuique pharmacopaeus erat D. Hunter.

Tertio a partu die, febrili horrore, caloreque succedente, febris lactea simili, correpta est. In maximum etiam languorem, pectorisque oppressionem cum suspiriis incidit, insomnis diem noctemque transegit. Quae symptomata, cum more hysterica vulgo putarentur; aegrotam hanc hystericam etiam medicamenta, sed frustra sumpsit. Quamobrem a digniss. viro D. Thoma Lane Equite Aurato, cui patienti maritus olim inservierat, visitare illam exoratus sum. Quam cum primo adiverim, pulsu frequenti ac debili, perturbatis spiritibus, oppresso pectore, suspiriis caloreque interno, laborantem vidi. Et licet urina ejus esset sanorum similis; palmae tamen caluere. Quae omnia ut febris miliaris mihi visa sunt indicia; ita & quaedam pustulae, in illius deinde denudato pectore conspicuae, hanc meam conjecturam comprobant. Praescripti itaque secundum meam usitatum methodum pulverem sequentem, sexta quaque hora sumendum.

℞. Pulv. e Chel. Cancr. comp. ℥j. Croci ℥ss. Mf. f. Pulvis.

Die 11mo pustulae miliares mirum in modum constipabantur. Unde & nox patienti transit placidissime; spirituumque perturbatio, & suspiria fuere mediocria. Praescripti itaque ut in pulveris, & julapii usu triduum persisteret; sumeretque in languoribus spir. C. C. guttas aliquot in potu ordinario.

Die 14to pustularum eruptio fuit adhuc magis conspicua; languore & oppressione pectoris jam devictis. Nam praeter calorem internum vix quicquam mali sensit. Forsan autem persistit iste calor, quod agra diluentia, vel nondum, vel non satis potavisset. Ideoque lactis aquam alexiteriam instar potus ordinarii bibendam praescripti. Et ut sumat aquae theriacalis aliquot cochlearia in haustu ejusdem, ad servandum inter potum & medicamenta aequilibrium: praecipue, si vel languor, & oppressio recurrerent, vel remitteretur diaphoresis. Demum, ut vesicatoria brachiis internis applicarentur, tam ad pustulas facilius ampliandas, quam ad mala quaecunque accidentia avertenda.

Diebus 15to & 16to cum eadem esset morbi facies, ultimo praescripta censui repetenda.

Die 17mo ex usu Aq. Lactis intermisso incidit aegrotam in levem dysuriam. Statim itaque D. Hunter pharmacopaeus, eoque absente alter, accersitus est. Qui dum solummodo dysuriam praeculis haberet, emulsione libram bibendam misit. A cujus usu statim

substitit diaphoresis, maximaque oppressionem & dyspnoea prehensa fuit. Tandem & me vocarunt. Sed antequam illam adiverim, de ea conclamatum est, & brevi obiit.

Ex historia jam supra descripta patet, quam maximum periculum in hac febre ab errore, etiam minimo pendere potest.

Historia Febris Miliaris, cum Ulcere, Calculoque Renum.

Febr. 27mo 1707. vocatus sum ad D. Couls, in Vico Mark lane vulgo dicto, jam puerperam; cui D. Hunter ut pharmacopaeus ministravit.

Annos aliquot sinistri lateris dolorem sustinuerat. Quem a splene genitum plerique ob id aestimant, quod prope partem lineis anticam latus occupare videretur, cum sinistri renis antica pars esset revera affecta.

Ex morbo nephritico totum aegrotae genus nervosum imbecillitatem aliaque vitia contraxerat. In pyralismo frequenter incidere solebat. Et per bimestre spatium ante partum passa est internum calorem. Qui (ut antea monui) saepe & praecipue in gravidis paulo ante partum febrem miliarem praecedit. Tandem, sine obstetricis ope, foetum enixa est.

Post dies aliquot dolorem primo sensit in sinistro latere, deinde in dextro cum horrore. Postea calore, & frigore alternis, sed inaequalibus intervallis, vexabatur.

Die quo illam primo visitavi, pulsus ei erat frequens ac debilis; lingua subalba & humida, fere sanorum similis; quemadmodum & urina, sed sine sedimento. Calor & frigus irregulares habuere vices. In dorso minus calor erat mediocris, cum palmae ferverent. Ut ab illa dormitura avolvit somnus; ita & spiritus ejus tumultuaria quadam perturbatione commoti sunt. His etiam sonitus aurium, palpitatio cordis, dyspnoea irregulariter repetita, maximaque oppressio cum suspiriis, accessere. Nonnunquam item tremuere manus. Et a pyralismo omnino suppresso, lochiisque parce effluentibus, tum deliravit, tum motibus convulsivis levioribus correpta fuit. A quibus symptomatibus, febrem hanc esse censui miliarem. Et praecipue a spirituum defectu, & pectoris oppressionem cum suspiriis, mihi hujus febris signis pathognomonicis, & a dyspnoea, tremore, & debilitate, febrem praecedentibus, periculosam esse intellexi.

Duplicem itaque praeculis habui indicationem. Scilicet, excitare diaphoresin, & ad symptomata sigillatim respicere.

Ut priori satisfacerem, & ad lochia restituenda, dyspnoeamque levandam, bolum sequentem praescripti.

℞. Pulv. e Chel. Cancr. comp. Sperm. Ceti an. ℥j. Castor. gr. iv. Syr. e Mecon. q. s. Mf. f. Bolus cum Julapii sequentis haustu sexta quaque hora sumendus.

℞. Aq. Ceras. nigr. ℥ss. Bryon. comp. ℥jss. Sach. albiss. q. s. Mf. f. Julapium, de quo sumat haustum ut supra & in languoribus.

Porro ad dyspnoeam materiamque morbificam minuendam, & caput defendendum, vesicatorium nuchae applicandum iussi.

Ad renovandum autem pyralismum, sanguinemque diluendum, eoque modo pustularum egressum promovendum, & ne dysuria ex empl. vesicatorio contineretur, sequens apozema praescripti.

℞. Decocti Pector. ℥jss. Aq. Paeon. comp. ℥jss. Syr. de Alth. Jujub. an. ℥j. Mf. f. Apozema, de quo sumat haustum frequenter.

Et ad promovendam diaphoresin, ut Sp. corn. C. gutt. xx. hausti apozematis adderentur.

Deinde ad lateris dolorem leniendum, haustum sequentem, cum pulv. e chel. canceror. comp. ℥j. sumendum praescripti.

℞. Aq. Meliss. ℥ij. Bryon. comp. Syr. de Mecon. Ol. Amygd. dulc. an. ℥ss. Mf. f. Haustus.

Et quo melius restitueretur pyralismus, quoddam gargarisma, a patiente antea probatum, permisi usurpandum.

Ad hanc

Ad hæc omni loquacitate, & visitantium turba ægrotæ interdixi. Ut si insomnis fuerit, saltem tranquillitate frueretur. Suasi etiam, ut postero salviatum, & calidulum affatum bibat, ad calorem internum minuendum, meliusque producendam diaphoresin.

Die 28vo dolor lateris multo fuit remissior, & jam quiete jacuit, etiamsi nox sine somno præterisset. Caput etiam pacatius, & respiratio facilior. Pulsus tamen frequens adhuc, & debilis; at cum motu magis æquabili. Quin & palpitatio cordis, tremorque persistere, & convulsivorum motuum quædam specimina; lenis tamen jam orta fuit & universalis diaphoresis. Calor item externus magis regularis, & in manu ubique sui similis. Lingua & urina eadem ac die præcedente. Et quamvis pectus adhuc fuerit oppressum, spiritusque defecerint; rariora tamen traherat suspiria; Quibus omnibus perpenſis sequentia præscripsi.

℞. Pulv. Chel. Cancr. comp. ℥j. Croci, Pulv. de gutt. an. ℥ss. Syr. Pæon. comp. q. s. Ms. f. Bolus circa tertiam pomeridianam sumendus, & deinceps sexta quaque hora, cum Julapii sequentis haustulo.

℞. Aq. Ceras. nigr. ℥x. Pæon. comp. ℥jss. Sacch. albiss. q. s. Ms. f. Julap.

Et ut Apozema antea præscriptum continuaretur.

Cum vero cubicularia me jam discessuro submissiori voce fuisset allocuta; contigit, ut ægrotæ putaret illam dixisse, se brevi fore maniacam. Quod ei adeo perturbavit animum, ut paulo post in delirium (a quo ex primo meo præscripto huc usque immunis fuerat) de novo incidit. Pharmacopœus itaque missus est indicare mihi, quod Domino *Couts* gratum foret, si Medicum, jam a multis annis sibi suisque ordinarium, meis associarem consiliis; ut si forsan alio fuero avocatus, ille in promptu esset.

Vesperis convenimus. Et statim a consultatione inita, iste Medicus, primariam indicationem pro continuanda diaphoresi flocci faciens, medicamentis valde calorificis opus esse urget. Quibus a me rejectis, sequentia præscripsimus.

℞. Lapid. Goens. ℥ss. Oculor. Cancr. pp. ℥j. Croci, gr. iv. Syr. Pæon. comp. q. s. Ms. f. Bolus hora nocturna sumendus in Cochli. j. Julapii sequentibus superbib. Cochli. v.

℞. Aq. Meliss. ℥vj. Puleg. Bryon. comp. an. ℥jss. Oculor. Cancr. pp. Marg. pp. an. ℥ij. Sacchar. albiss. q. s. Ms. Julapium.

Et ut applicentur emplastra epispastica super carpis.

Martii imo nobis narratum est, patientem, nocte præcedente insomnem fuisse; & jam inquietudine, calore, & delirio laborare vidimus; medicamentum enim sudorificum, diluensque omiſsa fuere. Proposui itaque antimonii diaphoretici usum; medicamenti, scilicet ad pustulas miliares emittendas nec non ad levandum delirium, a me sæpiſſime probati. Ille vero, postquam diu renixus est, tandem mihi assensit; convenitque inter nos sequentia præscribere.

℞. Antimon. Diaphor. ℥j. Lap. Goens. gr. xij. Castorei grana aliquot, Syr. Caryoph. q. s. Ms. f. Bolus sexta quaque hora sumend. cum Julapio antea præscripto.

Et ut emplastra subpedalia applicarentur.

Die 2do involuntarie quidem urina extillaverat; sed id a vesicatoriis, ut videbatur. Domiti enim delirii loco sana mens rediit. Respiratio etiam erat facilior; motusque convulsivi vix quicquam sensibiles. Vidimusque pustulam quandam rubram super inspecto collo. Quod alter Medicus, hanc febrem haud esse miliarem, arguere contendit. Quem errorem postquam illi ex aliis symptomatibus patefecissem; concordi animo eadem quæ ultimo præscripta sunt continuari jussimus.

Die 3io in denudato pectore pustulas miliares absque ullis alterius generis conspeximus. Unde & quæque lentia sunt symptomata. Quamvis enim per noctem pene insomnis fuisset, ex leni tamen diaphoresi, quietudine, animique tranquillitate, & respiratone facili fruebatur.

Nihilominus ille idem Medicus, eorum loco, quorum usu finem desideratum obtinimus, calida medi-

camenta, ad spiritus, ut aiebat, exaltandos, usurpari voluit. Ego vero, post longam discrepationem, cum assentire minime ausus sim, ipsum, ut per se faceret experimentum, permisi. Interim pharmacopœum cubiculariamque monui, ut horum calidorum effectum accuratissime notarent. Ille vero sequentia præscripsit.

℞. Conf. Alchem. sine odor. ℥ss. Pulv. e chel. cancr. comp. Lapid. contray. an. gr. xij. Salis Succin. gr. v. castor, gr. iij. Syr. e cort. citr. q. s. Ms. f. Bolus sumendus quinta quaque hora, superbib. Julap. sequ. cochli. iv.

℞. Aq. Meliss. Lact. alex. an. ℥jv. Scordii comp. ℥ij. Bryon. comp. ℥jss. Margar. pp. ℥jv. Sacch. albiss. q. s. Ms. f. Julapium, sumendum ut supra præscriptum est, & pro libitu in languoribus.

Die 4to nobis narratum est, ægrotæ noctem valde inquiete transisse. Ita ut præ anxia quadam agitudine sudores calidi per totum corpus ei effusi sint; & (ut asseveravit pedissequa) lintea mordere cogeretur. Ad hæc, maxima oppressione & dyspnœa, motibusque convulsivis magnis, & frequenter repetitis afflicta fuit. Quæ omnia pulsus frequentissimus, & vermicularis comitabatur.

Forſan prædicta dos, quoad quantitatem, non adeo calorifica videbatur. Cum tamen brevioribus intervallis, & ab ægrotæ, jam & antehac ad febrilem effervescentiam proclivi, sumeretur; & ubi rei suo proprio morbo fuit affectus, minor dos, instar majoris valere potuit.

Cæterum ille alter Medicus, cum ad consultandum seceſſerimus, a me quæſivit, quid esset tandem faciendum. Ego vero respondere haud dubitavi, locum consultandi dari nullum, nec quidem sperandi. Ille vero a sudoribus salutem promisit. E contra, eos ex agonia, & morbi veneno esse more colliquativos admonui. Demum, post quædam alia hic illic objecta sequentia præscripta sunt.

Applicentur empl. vesicat. ampla, & acria femoribus internis. Et repetantur subpedalia.

℞. Bezoar. Orient. ℥j. Antimon. Diaphoret. gr. xij. Corf. Alchem. sine odor. ℥j. Syr. Caryoph. q. s. Ms. f. Bolus quamprimum sumendus, superbib. Julapii ultimo præscripti Cochli. iv.

℞. Tinct. Castor. ℥ij. Capiat gutt. xvi. in haustu potus ordinarii.

℞. Decoct. alb. ℥ss. Aq. Cinnam. hord. ℥iv. Sacch. albi q. s. Ms. pro potu ordinario. Sed, antequam parata erant medicamenta, ægrotæ hæc mortua est.

In dissecto cadavere intestina, ut sæpe solent, flatibus valde distenta vidimus; & illorum vasa capillaria sanguine referta. Majora vero, & præcipue in peritonei interna superficie, stagnante sanguine quasi nigricantia, gangrænæ similitudinem præ se ferebant: scilicet, circa dextrum latus, ubi nuper ægræ de dolore maxime querebatur. Nam antea latus præcipue sinistrum ei doluit. Ideoque sinistri renis parenchyma conspeximus absumptum, tunicasque pure plenas, & calculo magno, cum quibusdam parvulis infima, & antica parte positis. Ren dexter videbatur fere sanus; & similiter hepar, atque uterus. Vesica vero fellea bile flavissima, & subflavis lapillis distenta erat.

Ex his patet, dolorem diuturnum, & in recensio- ne symptomatum memoratum, a sinistri renis calculo; hæcticam autem intemperiem, ab ulcere, & forsan e vesicæ felleæ lapillis, bilis exitum præcludentibus, pendere. Doloremque recentem in regione dextra a stagnante sanguine. Qualem dolorem, hoc est recentem, in aliis etiam cadaveribus sanguinis stagnationi conjunctum sæpe comperi.

Historia Variolarum cum pustulis Miliaribus.

Julii 15. 1706. vocatus sum ad Dominam *Bek*; D. *Bek* Mercatoris celebris uxorem; quæ tum temporis, apud *Hampstedium* commorata est; cuique D. *Schervood* erat pharmacopœus. Hæc, cum antea perfecta valetudine usa fuisset; 14to die Julii, dolore dorsi vehementi, cum oppressione pectoris, atque

que altis suspiriis, spirituumque defectu, correpta est. Ex quibus symptomatibus, febris miliaris signis pathognomonicis, novi hanc esse hujus generis, pustulasque miliares se brevi exhibituras prædixi. Et de expectandis variolis feci etiam conjecturam. Eo magis probabilem, quod tum temporis longe lateque grassabantur. Consului itaque illam ad visitationes facilitandas, in *Londinum* deferri. Et ut tutius suum iter perficeret, *Pulverem ex Bezoar. Orient. & Pul. e Chel. Cancr. comp. an. ʒj. sumendum præscripsi.*

Die 16to variolæ cum pustulis miliaribus interjectis emicuere. Præscripsi itaque pulv. e chel. cancr. comp. ʒj. cum Julapii perlati communis haustulo, sexta quaque hora sumendum. Ad præveniendam diarrhœam dyspnœamque, tum decoctum album, tum pectorale, alternis vicibus bibenda. Quibus etiam provisum est, ne pustularum miliarium variolarumque materiæ emittendæ desit vehiculum: & ut melius linguæ viscositas inhiberi possit. Præscripsi etiam astringens gargarisma, ut ejus usu variolas de faucibus repellerem.

Die 17. pustulæ miliares, & variolæ numerosius extabant. Capite, gutture, Thorace, ventriculo, ægra bene se habebat. Oppressio etiam, & defectus spirituum fuere mitiores. Tantum insomnis erat, ut febre miliari correpti solent. Suasi itaque ut in omnium die præcedente præscriptorum usu persisteret.

Vespere paulum delirabat. Non a pustularum miliarium aut variolarum paucitate, satis enim erant numerosæ; sed ex perpetuis vigiliis. Ad quam confectiorem Fracastorii, in hac febre vel laudano vel diacordio potioem, in sequente haustu præscripsi.

ʒj. Aq. Ceras. nigr. ʒij. Epid. ʒij. Conf. Fracast. ʒj. Ms. f. Haustus persistente Delirio sumendus.

Die 18vo a nocturno somno delirium pacatum fuit. Ægrotæ autem embryonis recenter concepti abortum, verum absque ullo malo symptomate, passa est. Jussi itaque ut in usu antea præscriptorum persisteret. Addendo pulv. e chel. cancr. comp. singulis scrupulis margarit. pp. gr. vij. quo certius, & a diarrhœa, & a nimio lochiorum fluxu præcaverem.

Vespere variolæ satis erant conspicuæ. Ægrotæ tamen summa pectoris oppressione, spirituumque defectu laborabat cum suspiriis. Quæ symptomata, cum lenem & continuam diaphoresin indicaverint, præscripsi pulv. e chel. cancr. comp. usum sine margaritis, & cum Julapio seq.

ʒj. Aq. Meliss. ʒviii. Pæon. comp. ʒij. Syr. Caryophil. ʒj. Ms. f. Julap.

Suasi etiam ut persisteret in usu apozematis pectoralis, addendo singulis haustibus spir. C. C. gutt. xx. Tum ad levanda ex oppressione suspiria, tum ad continuandam uberiores diaphoresin. Ubi enim per se extant variolæ, spiritusque elevari possunt sine diaphoresi; sale volatili oleoso potius quam spiritu C. cervi utor.

Die 19no facies atque artus paulisper tumuere. Variolæ autem pleræque exsiccæ, & colore quasi cornæ videbantur. Oppressio etiam magna erat, & suspiriis conjuncta; sed sine spirituum defectu. Habita itaque ratione ad partium & variolarum tumorem, & pustularum miliarium eruptionem, julapium seq. præscripsi.

ʒj. Aq. Ceras. nigr. ʒx. Pæon. comp. ʒij. Conf. Fracast. ʒj. Spec. Conf. de Hyacinth. sine odorat. ʒij. Syr. e Mecon. & e Cort. Citr. an. ʒss. Ms. f. Julap. de quo sumat Coch. iv. tertia quaque hora. Eo fine, ut ex dosibus, brevioribus intervallis sumptis, ægra perpetua quietudine in lecto jaceret. Eoque modo a frigore externo, & non semper variolarum, vesicularum tamen miliarum eruptioni inimico, præcaveretur. Præscripsi etiam, ut ad tussim dyspnœamque saltem minuendas, in usu apozematis pectoralis persisteret. Et cum variolæ jam & in collo & in toto corpore plene expulsæ fuerint, loco astringentis gargarismatis lenientem substitui.

Vespere quiete, sed pene insomnis, jacuerat. In vola manuum, ubi cutis valde crassa, variolæ videbantur vesiculæ sero limpido plenæ; in aliis partibus quasi exsiccæ. Præscripsi itaque, ut in apozematis pectoralis frequentia persisteret; scilicet, ad materiam

& variolis & salivationi præbendam. Et ad majorem cautelam, ne aut variolæ aut pustulæ miliares versus interiora remearent, haustui apozematis, aquæ theriacal. coch. j. sæpe addendum monui. Et ut tumorem partium promoverem, hora somni haustum sequentem bibendum.

ʒj. Aq. Paralys. ʒij. Theriacal. ʒij. Confectionis Fracastorei ʒj. Syr. de Mecon. ʒss. Ms. f. Haustus.

Die 20mo omnia in eodem statu perdurarunt symptomata. Jussi itaque ut in usu mixturæ pacificæ antea præscriptæ quarta quaque hora persisteret. Et in usu apozematis, julapii, & gargarismatis.

Vespere, cum eadem videretur morbi facies, eadem quæ prius præscripsi continuanda. Et ut Julapii sequentis haustum sumeret in languoribus.

ʒj. Aq. Meliss. ʒx. Pæon. comp. Epidem. an. ʒij. Syr. Pæon. comp. q. s. Ms. f. Julapium.

Die 21mo ægra fere eadem ac antea. Id tantum jam querebatur, totum corpus vehementer prurire. Præscripsi itaque ut in usu omnium persisteret, præcipue, mixturæ pacificæ, ne inquietudine ex pruritu pateret frigori, eoque pustulæ miliares recederent.

Vespere, cum in eodem statu fuisset ac matutino tempore, visum est omnia jubere continuari. Eo potius, quod ex usu apozematis pectoralis gargarismatisque frequente omisso, salivationem (ut in variolis siccioribus, & corneis solet) sisti viderim. Hincque patet, cur multi, circa diem a morbi principio undecimum moriuntur. Nimirum, quod nimis parce ad diluendum attenuandumque sanguinem, & materiam in salivationem præparandam biberent. Unde & oneri succumbit natura, faucium subsidit tumor, cum gravissima dyspnœa, quæcunque expectorantia eludente; demumque ex alvo semel aut bis soluta, vel mensium effluxu, subito mortem obeunt. Calida quoque medicamenta, a multis præscripta, dyspnœam siccitatemque gutturis, & linguæ inferendo, simili epilogo præludunt. Semper itaque usque ab initio, & per totum progressum morbi, diluentia præscribo. Nec cerevisiam tenuem pane tosto alteratam prohibeo; nisi ægritudo, vel nausea, vomitio, vel diarrhœa contraindicaverint.

In difficili respiratione, & ubi salivatione maxime opus est, indicationes pro medicamentis valde calidis nullas agnosco. Cæterum, si forsan, non obstante eorum usu, patientes evadant, viribus naturæ referendum est. Partium extumescuntiam opiata satis bene promovent; & salivationem diluentia. Calida autem medicamenta, sanguinis accelerando motum, utrumque inhibent. Etenim fermentatio, & secretio contemporaneæ, nullo modo consistunt. Cujus rei exemplum nuperrime vidi singulare in domino *Hatfelli*. cui pharmacopœus erat D. *Lancashire*. Is enim cum mali moris variolis laboraret, & ex sumpta tincturæ croci, vel confect. alchermes tantum pusilla dosi, febris vehementius accenderetur, coactus sum oculos cancrorum, margaritas, & similia, cum diluentibus præscribere. Quorum benigna vi ægrotum ex orci faucibus ereptum sanavi. Sed ad historiam præ manibus jam redeo.

Die 22do intellexi generosam mulierem, cujus hic casum narro, nocte præcedente vix dormiisse. Multum de calore interno querebatur, palluitque urina. Unde & metastasim materiæ, aut pustularum miliarium, aut variolarum metui. Præscripsi itaque sequentia.

ʒj. Decoct. Pectoral. depurat. Aq. Lact. alex. an. ʒij. Theriacal. ʒij. Ms. sumat haustum aliquoties in die.

Et quo melius, non solum variolas, diluendo, sed & pustulas miliares, spiritus roborando foverem, julapium cum diacordio antea præscriptum, & alterum cordiale, una cum diluente julapio, vicissim sumenda præscripsi.

Vespere in eodem statu persistit. Ideoque eadem medicamenta jussi continuanda.

Die 23tio nempe a morbi principio undecimo, ægrotæ incidit in aliquanto gravius quam hætenus periculum. Nam totam fere noctem insomnis fuerat. Potius, ut mihi videbatur, a pustularum miliarium vitio, quam variolarum. Præscripsi itaque *Pulv.*
• Chel.

Chel. Cancr. comp. ℥j. cum Julap. perlato sumendum octava quaque hora.

Vespere ter alvus descenderat. Jussi itaque paregoricum antea præscriptum quamprimum repetendum. Et post singulas sedes, mixturæ cum conf. Fracast. cochl. iv. bibenda; addendumque decoctum album. Et ad alia symptomata, ut sint promptum mucilago, & gargarisma, necnon apozema pectorale spiritu sulphuris leviter acidulatum.

Die 24. narratum est, febrem totam noctem intensiorem fuisse. Facies manusque, sed hæc minus, detumescere. Ad hæc perstitit diarrhœa, defecere spiritus; respiravit difficillime, & salivatio declinavit. Quibus symptomatibus ultimo præscripta methodo occurrendum censei: Addendo oxymelitis scillit. cochl. j. aq. cinam. hord. dilutum. Et ut pulv. e chelis cancor. comp. apozematisque pectoralis in usu persisteret; cum spiritus corn. c. gutt. xvj. in singulis haustibus apozematis. Et in diarrhœam, mixturam cum confect. Fracast. statim & post singulas sedes sumendam jussi.

Vespere facilius respirabat. Verum ex sumpto oxymelite scillitico aliquoties vomuerat. Julapii itaque sequentis haustum urgente vomitu bibendum præscripsi.

℥j. Aq. Mentb. ℥x. Pœon. comp. ℥jss. Spirit. Menthe gutt. x. Syrup. Mentb. ℥j. Ms. f. Julapium.

Die 25to narratum est patientem nocte præcedente calore febrili valde accenso gravatam fuisse; nec non delirio, respiratione difficili, & diarrhœa: minime autem modo paroxysmi regularis. Variolas etiam ubique nigricantes, quasi gangræna tactas, apparuisse. At cum mane accederem, symptomata hæc vidi maxime diminuta, & vomitio penitus suppressa. Ad trachœa autem, quam nunc passa est, strangulationem, pilulas sequentes sumendas curavi.

℥j. Castor. gr. vj. Assæ fœtid. gr. xij. Syr. Paralyf. q. s. Ms. f. Pil. n. vj. Et ut persisteret in usu ultimo præscriptorum.

Vespere exacerbatio febrilis, cum vigiliis, delirio, dyspnœa, sedibus, motibusque convulsivis, fuit repetita. Emplastra itaque subpedalia, vesicatorium inter scapulas, bolumque cum julapio sequentem præscripsi.

℥j. Spermat. Ceri, & Pulv. Cancr. comp. an. ℥j. Laud. Lond. gr. j. Syr. Paralyf. q. s. Ms. f. Bolus sumendus statim, superbibendo Julap. seq. Cochl. iv. & deinceps per intervalla.

℥j. Aq. Ruta, ℥x. Pœon. comp. ℥jss. Sacchar. albi q. s. Ms. f. Julapium. Ut persistat in usu apozematis pectoralis, & mixtura cum confect. Fracast. pro re nata.

Die 26to intellexi, noctu ægram perturbatam fuisse inquietudine, & delirio; nec non sedibus, spirituum defectu; sed sine suffocatione. Imperavi itaque ut in usu ultimo præscriptorum persisteret.

Vespere calor exacerbatio renovatur. Mitius autem deliravit, sedesque paulo restrictæ sunt. Præscripsi itaque omnia continuanda; & urgente delirio, vesicatoria brachiis applicanda.

Die 27mo relatum est, noctem ægotam pessime sustinuisse. Nam ex reaccensa febre deliravit cum vociferatione. Quamobrem, & curatrix præscripta vesicatoria apposuit: Et ex vesicis apertis tam febris quam delirium multum levabantur. Jussi itaque, ut tinctura corticis Peruviani in promptu esset. Interim ad sitim sedandam, ut lactis aquam alexit. saccharo edulcoratam biberet, & persisteret in usu reliquorum præscriptorum pro re nata.

Observandum est, post apertas vesicas emplastris excitatas, salivationem fuisse redintegratam, & ad diem hinc usque quartum perstitisse. Unde constat, in variolis, durante salivatione, medicamenta calida minime ad rem esse, nisi magnum aliquod symptoma indicaverit; & jam tum multum ea debere esse diluentia.

Eodem die circa meridiem ad patientem accedens vidi illam, inquietudine, delirio, dyspnœa, suffocatione, sedibusque immunem. Calorem solummodo sensit internum, illius, qui febris miliari, vel corticis Peruviani in febre intermittente præproprio usui succedit, non ab similem. Ad quem præscripsi margar.

pp. ℥j. quinta quaque hora sumendum, cujus efficaciam, ad hujusmodi calorem extinguendum, frequenter expertus sum.

Vespere febrilis calor erat expers, nondum tamen alvus substitit. Volui itaque, ut sumeret perlatum pulverem in forma boli, quo in ventriculo, & intestinis diutius maneret, transiretque melius in venas. Et ut decoctum album mixturamque ex conf. Fracast. &c. in promptu haberet.

Die 28. minus caluit, sedesque pauciores sunt. Nec recurrere reliqua symptomata. Præscripsi itaque ut in usu decocti albi, bolique cum julapio sexta quaque hora persisteret.

Vespere in eodem statu erat laudabili quo mane. Ne tamen a vesicarum ulceribus, nimis cito desiccatis, morbificæ materiæ pars superesset, jussi vesicatoria pone aures applicanda. Scilicet ut cathartici vicem explerent, donec purgatio per alvum foret tempestiva. Et ut julapii & decocti albi usus continuaretur.

Die 29no similiter ut pridie se habuit. Quemadmodum & diebus 30mo & 31mo. Quapropter & jussi, ut in usu pilularum ex assa fœtida &c. & julapii persisteret. Et hoc die 31mo præscripsi pipulæ stomachicæ cum gum. 3ss. hora somni sumendam, & mane seq. syr. rosacei solutivi ℥j.

August. 1mo. ter quaterve alvus laxa fuit bonis avibus.

2do Usa est Julapio, & pilulis de assa fœtida, &c.

3tio & 4to & deinde 5to & 6to pilulas catharticas & syrupum repetendo, a morbo periculosissimo omnino convaleuit.

Historia Febris Exitialis, ubi Ager statim a principio sua voce fuit privatus.

Circa quintam diem Octobris 1709. digniss. Viri D. *Guilielmi Morisoni* armigeri filius, sedecim annos natus, temperie biliosus, & in iracundiam aliaque animi pathemata facile accensus, febre correptus est. In qua tempestate, ab aliquot antea hebdomadis, febris maligna Londini grassata fuerat.

Cum primum illum visitaverim, nulla pars ei doluit. Neque ulla vomitione, aut ventriculi ægritudine emetici usum indicante, tentabatur. Pulsus erat frequens ac debilis. Et usque a morbi principio magna loquendi difficultate, cum stupore, affectus est. Quibus accessere tremores subsultusque tendinum, lingua arida & subnigra, urina coloratior & clara, & ut plurimum involuntarie emissa, cutisque calida, & sicca.

Hac pessimorum symptomatum apparente syndrome, accitus est D. D. *Grevv.* præscriptimus alexipharmaca ex serpentariæ radice, bezoar, &c. & paucos post dies maculis rubris, & purpureis ægroti cuticula, in primis super pectus, crura, tibiasque, fœdata fuit. Hæc symptomata, aliquando paulo mitiora, dies quatuordecim prævalebant. Postea evanescere maculae, creveruntque adeo motus convulsivi, ut æger plures dies moribundus videretur.

Fere in morbi principio emplastrum vesicatorium capiti applicandum jussimus; ex quo recolligere mentem, & quodam modo balbutire cepit. Deinde & morbi progressu artubus universis alia apponenda; immo & aliquibus renovanda. Semper enim excisatis vesicarum ulceribus ferocius ingruebant symptomata.

Deinceps, cum dies aliquot eadem vesperi exacerbari videremus, corticis Peruviani tum pulverem tum infusum, minore dosi visum est præscribere. Unde motus convulsivi suppressi sunt. Ægrotus tamen, cujus vires & ipsa caro absumptæ fuere (ita ut in coxa, in quam cubabat, sphacelismus generetur) tandem fato cessit.

Notatu non indignum est, quod morbi decem aut duodecim ultimis diebus, adeo fœtide spiraret perspiraretque ægrotus, ut cubiculum odoratis fumigare necessum esset. Et ego ipse, dum paulo propius illi, in os meum respiranti inclinarem, subito ægritudine, & languore correptus, horas aliquot in patulis agris vehi coactus sum; & inde rediens vinum Hispani-

spanicum montanum affatum inter prandium bibere.

Dissectum est cadaver perita manu D. D. *Douglas*. Super pectus fusci coloris macularum congeries adhuc erat conspicua. In arteriis venisque in abdomine magis conspicuis, nil contentum erat, præter *σφοδρὸς* nigricantis sanguinis, mediis spatiis fero omnino vacuit. Haud equidem vulgare spectaculum. Vel quod rarius contingeret, vel ex febribus mortuorum, rarius dissecaremus cadavera. Etiam si hinc constet, hujusmodi cadaverum, æque ac aliorum, anatomen, haud mediocri ex usu fore. Proindeque hanc febris, licet alterius generis, historiam apposui; tum ut exhiberem exemplum, ad Tractatus prioris appendicem referendum; tum ut alios alia hujusmodi exempla, in communem Medicorum usum suaderem proferre.

THOMÆ SYDENHAM,

THOMÆ SYDENHAM,

*De Febre Putrida Variolis Confluentibus
superveniente.*

CUM vel ætas jam provectior & in occasum ruens, vel adversa quacumq; jandiu conflictor valetudo, opportunum forte spatium posthac non concesserit, quo nuperas aliquot observationes a me (tamen nimis fero in vita mea) factas, circa *Febrem Secundariam* variolis confluentibus supervenientem, in publicum edam; veniam dabit lector, opinor, si paucula quædam de hoc affectu, quantumvis a morbo quem superius tractavimus satis abhorrente, subnecterem.

Jamdiu alias demonstravi quantum intersint inter variolas generis distincti, & confluentis: in hoc scilicet quod qui *Distincto* genere laborat, vix opis medicæ indigus, sponte sua, & naturæ vi convalescet; nisi forte ab initio diaphoresi in lectulo continuo indulserit. Nanque, uti pridem alibi adnotavi, qui *Discretis Variolis* laborat æger, cum satis prompte sudoribus diffuat, ac sibi omnia bona promittat, si morbi, ut sperat, virus per cutis poros hoc pacto amandaverit; diligenter ideo huic methodo insistit, tum remediis cardiacis intro assumptis, tum regimine calidiore, ut par est, adhibito; (atque hæc eo facit libentius, quod tum ab hac methodo in principio sibi melius videatur habere, tum etiam ad male fundatam astantium opinionem propius accedat.) Tandem vero eliminatis per *διαφύσιν* particulis istis, quæ ad pustularum elevationem, atque intumesceniam faciei debuerant facere, die *Octavo* quæ turgescere, & per interstitia pustulis interjecta inflammari debuerat facies; flaccida & contra reperitur, & albescunt interstitia, licet interim rubescant pustulæ atque eleventur, etiam post ægri mortem. Qui ad hunc usque diem nullo negotio manaverat sudor, jam subito suæque sponte evanescit, neque remediis ullis cardiacis, vel etiam calidissimis, revocari potest. Æger interim phrenitide corripitur, anxietate, jactatione, ægritudine vehementibus; urinam parce reddit, ac frequenter; ac tandem paucissimarum horarum spatio amicorum spem fallit, & ad plures migrat. Quando idem ille sine ullo vitæ periculo a morbo convaluisset, si naturæ rem committens, nulli se prorsus regimini subjecisset.

At in *Variolarum Confluentium* genere longe aliter ferres habet: licet enim hæc (nisi sanguinis sive per pulmones, sive per meatus urinarios excretio primis diebus accedat) nec astantes admodum perterrefaciant, nec ægrum in discrimen aliquod vitæ adducant ad primos morbi dies; postea tamen istis diebus, sub morbi exitu, quibus ægrum maxime periclitari jam olim monui, ita derepente ad incertam redigitur æger, ut an vita, an mors insequatur, pariter incertum sit. In horum numero *Undecimum* pono (si a primo morbi insultu computes) scilicet in minime crudo, at maxime vulgari confluentium genere: *Decimum quartum* in crudiore adhuc: *Decimum septimum* vero in omnium, quæ passim obviæ sunt, genere crudissimo. Tamen æger nonnunquam, sed rarius, non ante *Diem Vice-*

simum Primum fato defungatur, pustulis usque ad id tempus ita incrustatis exsiccatisque, & in carnes quasi impactis, maxime in ipsa facie, ut ad separationem nulla arte queant perducere. At vero undecimo die eget, ut plurimum primum periclitari videtur, febre atrociori, inquietudine, aliisque symptomatibus invadentibus, quæ mortem in propinquo esse denunciant; a qua æger, nisi ars medica intercesserit, plerumque opprimitur. Quod si hoc die non succumbat morbo, utique illi posteriores, quos indicavimus, adhuc metuendi restant. Quinimo per spatium illud omne quod inter undecimum, & decimum septimum interjacet, appetente vespere, molestissimo inquietudinis quasi paroxysmo quotidie vexatur; & mors quasi vi, & armis protelatur. Porro ostendi hanc causam esse majoris minorisve, in his variolarum generibus, periculi ægroto impendentis, quod scilicet in *genere Discreto* cum phlegmone sive tumoris cum inflammatione (cujusmodi sunt pustulæ omnes ubi primum elevantur) pauciores extiterint, ac proinde non nisi exigua putis quantitas in sanguinem per circulationis leges foret regerenda, ubi illæ jam caperint maturescere; nullus ex hac parte metus est, ne febris nimium insurgat, cum natura impressionibus in sanguinem factis a tantillo puris, cohibendis facile par sit. Cum vero in *genere Confluentium*, ubi corpus fere univsum his phlegmonis protegitur, quæ postmodum in abscessulos totidem facessunt, tanta putis vis, diebus præfatis (in quibus pustulæ duce natura, *ἀνύλω* suam, vel debitam maturitatem ut plurimum obtinent) per venas in sanguinem reducit, tanta item halituum putridorum copia ab omni corporis jam quasi suppurati undique superficie, in sanguinem subrepat, ut febris ex hac occasione excitata, naturæ vires penitus prosternat; atque ita extinguatur tandem æger, partim a febre, partim a veneno quod sanguinis massam infecerat, jugulatus. Quapropter quando ægri incolumitas usque adeo a variolarum paucitate, periculum vero e contra ab earundem auctiori numero pendat; dicat ratio, vel etiam sensus omnibus communis, periti Medici esse ita non materiam variolosam, sub principio morbi, regimine & cardiacis calidioribus vehementer propellere (unde nimia sit assimilatio materiæ morbificæ in sanguine contentæ, totaque corporis substantia quasi in fomitem morbi facessit) ut omnem potius operam in reprimenda tam enormi, & subtili inflammatione collocare debeat. Nempe educto ante omnia e brachii venis sanguine, si vel levis fuerit suspicio, sive a florente ægri ætate, sive ex eo quod sanguinem liquoribus generosis accenderit, sive quod vehementiores dolores in aliqua corporis parte fuerit perpeffus, sive denique ab immani vomitione, variolas jamjam exituras ad confluentium speciem referendas; postea vero propinato *Emetico*, ad eundem scopum collimabit. Cum vero nihil æque ægrum percalefaciat, nec proinde nimis copiosam materiæ variolosæ assimilationem æque promoveat, atque ægri jugis in lecto decubitus: ego illum ab usu lectuli interdum semper arceo usque ad *Sextam diem* à prima morbi invasionem, sive ab eruptione pustularum *Quartam*, quo tempore omne pustularum agmen jam in conspectu est. Posthac eundem lectulo committo usque ad morbi finem: at non pluribus densioribusve stragulis coopertum, aut luculentiori in cubiculo foco illum uti sino, quam quibus sanus cum esset solebat uti. Interim cerevisiæ tenuioris aliorumque liquorum refrigerantium qui ægro sunt acceptissimi, usum liberalem concedo. Quandoquidem vero non obstante vel temperatissimo regimine, æger nihilominus in calores, deliria & molestas inquietudines frequenter incidit; *Hypnoticum* præscribo singulis noctibus, sed paulo temperatius quam pro recepto more, sumendum: quoniam in hoc morbo quasi paroxysmus quidam, sive exacerbatio caloris & inquietudinis quotidie sub vespere fere reperitur. Quæ hic traditur methodus & ad præcavendum justo uberiores variolarum proventum, (unde maximum ægro periculum intentatur, ut supra docui) & ad conciliandum tum incrementum pustulis, ubi jam omnes exierint, tum debitam postea maturationem, accommodatissima est.

Attamen (quod sane dolendum est, cum florentissima hominum ætas hac fere strage deleatur) tum his

quæ præcipimus, tum aliis omnibus quæ hactenus invenit ars medica præfidiis nihil proficientibus; sæpenumero æger, licet usque eo admodum periclitetur, tamen vel *Undecimo*, quod usu venit die, vel alio aliquo istorum, quos variis speciebus variolarum confluentium ceu *magis fatales* assignavi, vehementer febre corripitur, una cum suffocatione, & jactatione inquietissima, & de tanta spe decidens subito moritur, attonitis & stupentibus amicis, qui ad hoc usque punctum ægro bene ominabantur. In frangendo improvise hoc morbi impetu, cum prius is omnia fecerit quibus præcaveri potuerat, maximopere defudabit Medicus. Quem in finem serio perpendendum est, febrem illam adventitiam, quæ undecimo die variolis confluentibus laborantes adoritur, morbum esse tam ab ipsis variolis, quam ab ista febre quæ vel earum eruptionem præcedit, vel primis non nunquam diebus a plegmonarum inflammatione gignitur, prorsus diversum. Nihil enim est aliud quam *Febris putrida*, proprie dicta, particulis putrescentibus, & a pustulis jam adeptis maturitatem suam inquinatis, in sanguinem, uti dixi, resorptis ortum debens, quarum noxia & naturæ inimica qualitate æger eodem tempore, & pessima febre, & veneno laceffitur. Quamobrem ea sola in remediis huic malo cedere posse, prudens quispiam existimaverit, quæ ad retundendam secundariam hanc febrem, quam putridam appello, maxime faciunt. Id vero nihil efficacius præstat, quam copiosa sanguinis educio; quo pacto vitiatæ illæ particulæ quæ morbi sunt fomes, confestim e sanguine exulant. Neque huic praxi, si quid ego judico, variolæ in quo jam sunt statu, vel minimum intercedunt. Jam enim pustulæ nullo modo introsum agi possunt; adeo ut si æger morbi tempore satis cederet, & cadaver in terram frigidam exponeretur, attamen pustulæ jam in duritiem incrustatæ, nec intra cutim se recipere, nec minimam molis suæ partem amittere poterint. Nec sane cum variolis jam nobis res est, sed cum alio prorsus morbo, nempe *Febre Putrida*. Has ob causas sequente methodo, a quo postremas de variolis observationes in publicum edidi mihi comperta, feliciter usus sum; quam si omittas nec aliam video, nec conjectura assequi possum, quo pacto æger ita certo queat liberari. Cum itaque ad has incitas redactus fuerit æger, & ex inutilitate symptomatum immanitate, statim animam acturus videatur, nisi quis *Θεός* *Σὺν* *μνηστῆρι* præsentissimam opem adferat, in hoc inquam casu, siue alius quis isto posterior, sanguinis \mathfrak{z} x. vel xij. ex eo brachio, in quo pustulæ rariores situ majorem feriendæ venæ commoditatem fecerint, quamprimum sunt mittendæ. Quamvis enim paregorica, vel lectuli interdiu abdicatio primis morbi diebus etiam omiſsa venæ sectione, orgasmo vel paroxysmo, cum nocte ut plurimum ingruenti, debellando queant sufficere; attamen per hos dies febris secundariæ, nulli alteri adminiculo secure fidentur nisi copiosæ sanguinis detractio, qua sola orgasmus per id temporis desævians tuto sedatur. Vesperis anodynum, uti prius, larga dosi exhibendum est (ad quod jam tanquam ad sacram anchoram confugimus) atque ita deinceps tam mane quam sero, alicubi etiam & hoc sæpius. Est enim diligenter observandum, quod in quibusdam orgasmi ita supra modum afferatur, ut etiam prælargæ paregorici dosi ejusdem impetui usque ad 12. horarum spatium subjugare vel sistere nequeat; quo in casu omnino necesse est, ut dicta dosi octava quaque hora repetatur.

Cum vero sub ultimis morbi diebus haud raro accidat, ægri alvum, partim a morbi natura, partim a magna paregoricorum vi, quorum opem plane deposebat medendi ratio, ita constipatum esse; ut tum fere suffocetur ille, tum febris ad eum gradum ascenderit, ut jam de ægro pene conclamatum videatur; duro huic nodo durus cuneus aptandus est, & rebus sic stantibus longe minus ægro periculi erit ab assumpto cathartico leniente, quam a febre eo vehementiæ ab alvinarum fecum retentione profecta. Hic ego satis feliciter \mathfrak{z} ss. *Electuarii Lenitivi in Aq. stillatitie tenuioris*, (ex gr. *Aq. Cichorei*, vel *Aq. Lætis Alexiter.*) \mathfrak{z} iv. solut. propinavi. Qui quidem haustus licet tum ob alvi constrictionem huic affe-

ctui solemnem, tum etiam ob diuturniorem hypnoticorum usum haud ita subito ventrem exolvat, plerumque tamen si mane deglutiatur, ante noctem dejectiones aliquas parit. Quod si minus præstare valeat: attamen paregoricum vesperi assumendum est, immo & citius, non obstante cathartico paregorico nuper assumpto, si modo inquietudo ingens aut agritudo aliqua insignis periculum minitetur, ne æger hoc præsidio destitutus, dum dejectiones nos præstolamur, luce privetur. Nec æger damni vel minimum ex hoc tam leni cathartico capiet, si nihil prorsus efficiat ad dejectionem provocandam. Si itaque primo die votis non respondeat, iteretur proxime sequenti; quæ secunda dosi priori in suppetias data, rarissime Medici opem frustrabitur. At si primo die id egerit, ut hujus saburræ quantum satis in præsens est, subduxisse Medico videatur, atque æger exinde melius se habere cœperit, secunda dosi in aliud tempus potest differri. Atque hac ratione tam venæ sectio, quam catharsis per intervalla repeti possint, prout febris mos, atque ægri inquietudo postulare videantur, donec tandem res in vado sit. Veruntamen in catharleos negotio illud probe notari velim, (ne injecta ejus rei mentio longe plus damni quam emolumenti apportet) ægrum non esse purgandum, nisi facessente jam morbo v. gr. *die decimo tertio*, aut eorum aliquo qui illum sequuntur; nec per istos etiam dies, nisi sanguis a quo secundaria febris invasit fuerat imminutus.

Sed ut quantum in me est, praxi in hoc morbo ultimam manum imponam, paucula de *Sputo Sanguinis*, ut & de *Mictu sanguineo* variolis supervenientibus in medium proferre non gravabor. Utraque hæc hæmorrhagia, ut olim adnotavi, sub morbi initio contingit pustulis nondum erumpentibus, vel si in quibusdam locis se ostendant, in plerisque tamen aliis adhuc sub cute densæ latent, atque ejus sunt generis, quæ in maxime confluentes adolescerent, nisi jam dictum symptoma ægri morte morbum finierit, maculæ interim purpureæ hic illic superficiem corporis obsident, tristem eventum interminantes. Verum tamen debita sanguinis contemperatio ne maculæ ejusmodi auferantur, attamen tam mictus sanguinis, quam violenta ejusdem epulmonibus eruptio indubie mortem prænunciare solent. Veruntamen tremenda hæc difficultas superari etiam possit, & ægri vita in tuto collocari. Etenim cum hæc symptomata intensæ sanguinis inflammationi, ac proinde summæ ejusdem tenuitati originem suam debeant; remedia ista, quæ sanguinem contemperant, ac pariter quæ vi, qua pollent, astringendi incrassandique eum minus fluxilem reddunt, hæmorrhagiis hisce apprimè succurrunt. Quamobrem post unicam sanguinis liberali manu educationem *Paregoricum* exhibeatur, ut:

\mathfrak{z} ss. *Aq. papav. rhead.* \mathfrak{z} ij. *Laud. liq. gutt.* *XIV.* *Aceti distillat.* \mathfrak{z} ij. *Syr. de Mecon.* \mathfrak{z} ss. *Mf.* *f. Haustus.*

Deinde sequentia vel his similia præscribantur, donec hæmorrhagia prorsus evanuerit.

\mathfrak{z} ss. *Trochisc. de Terra Lemn. & boli Armenæ an.* \mathfrak{z} j. *Terra sigilli Lapid. hamatit. sang. Draconis,* *& Corall. rubri præparati ana* \mathfrak{z} ss. *Matthich. & gum. Arab. ana* \mathfrak{z} j. *M. f. Pulv. subtiliss. cujus cap.* \mathfrak{z} ss. *tertia quaque hora ex Cochl. uno Syr. de Symphyto, superbibendo cochl. IV. vel V. Julap. sequentis.*

\mathfrak{z} ss. *Aq. Plantag. & germin. Quercus ana* \mathfrak{z} ij. *Aq. Cinnam. hordeat.* \mathfrak{z} ij. *Syr. de Resor. siccis* \mathfrak{z} j. *Spirit. Vitrioli q. s. ad levem aciditatem.*

Interim singulis noctibus paregoricum præscriptum propinetur.

Emulsionēs item ex 4. *sem. frig. mai.* cum *sem. papav. alb.* magnopere conferunt.

Cessante vero hæmorrhagia, reliqua per decursum morbi agantur, prout in *Variolarum Capite* traditur.

Antequam finem faciam, hoc adjiciam: quod quoties guttulas aliquot laudani liquidi usurpandas præscribo, *Laudanum* meæ descriptionis intelligo; cujus formula in libro nostro de *Morbis Acutis*, capite de *Disenteria* habetur. Et quod *Syrupum de Meca-*

Meconio illum volo, qui conficitur ex ℥xiv. *Capitum Papaveris* albi bene ficcatorum, & (post macerationem in aquæ font. ℥viii. ad horas 24.) probe coctorum, dein expressorum quam fortissimè; quorum colaturæ adduntur sacchari ℥xxiv. & in syrupum coquitur. Has enim duas præparationes in suo genere efficacissimas esse judico: præsertim *Syrupum de Meconio*, cujus ℥j. plus præstat quam ℥ij. alterius istius, in quo papaverum capita humidiora usurpantur, liquor non ita fortiter exprimitur, & loco *Nigri* quandoque capita *Papaveris Rhados*, quæ paululum virtutis habent, partem ita magnam suppeditant. Quoties itaque non satis mihi constat de alterutrius horum paregoricorum viribus, utrorumvis, loco *Laudani Londinensis solidi* sesquigranum, vel etiam gr. ij. soleo præscribere in aqua appropriata soluta; quo pacto ab omni errore & mihi, & agro meo caveo.

~~~~~

THOMÆ SYDENHAM,

DE

### MICTU SANGUINEO

A Calculo Renibus impacto.

Quamvis hominis minus cauti & prudentis esse videatur, observationem in vulgus spargere, cujus in seipso tantum experimentum caperit, nemo tamen, opinor, æquus rerum arbiter ægre feret me, qui tandiu tantaque a *Mictu Sanguineo*, a calculo renibus impacto orto, fuerim perpeffus, humanitate & miseratione erga sodales in hoc malo meos commotum; iis qui eodem morbo excruciaci quandoque poterint, ista remedia indicare quæ mihi aliquali levamini fuerunt, quantumlibet vulgaria, & nihili facienda forte videantur.

Anno 1660. *Podagra* me invasit, paroxysmum immaniore, tum diuturniore, quam prius unquam, miserum affligens, cum ex hac causa æstivo tempore, vel intra, vel supra lectum submollem jugiter ad duos menses decumberem, finem paroxysmi, dolorem hebetem & obtusum maxime in sinistro rene nonnunquam, licet rarius, & in dextro cœpi præsentiscere. A *podagra* convalescenti hærebat utcunque renum dolor, qui per intervalia quædam, nullatenus acutus, sed satis tolerabilis, me submonebat; nondum enim paroxysmo nephritico (cujus sunt comites dolor ingens per uretherum ductus vesicam versus tendens, tum vomitio enormis) vel semel laboraveram. Quamvis vero nondum aderant ista calculi renum indicia, cum ratione tamen judicabam, me calculum, mole insigniorem in renum pelvi gestare; qui cum major esset, quam ut ex pelvi dicta in uretherum ductus elabi posset, prædicta symptomata non intulit. Qua in re, post annos multos elapsos me hallucinatum non fuisse certo comperi. Etenim cum bruma anni 1776. statim a soluto rigidissimo gelu, diu multumque obambulasset, urinam mox reddidi sanguine permixtam; idque toties mihi usu venit, quoties vel multum itineris pedibus conficerem, vel in curru per platearum pavimenta veherer, quantumlibet lento eorum gressu; quod mihi tamen non accidebat, quoties per viam regiam lapidibus non stratum, licet quam longissime, curru vectarer. Urina quam tunc excernebam, tamen terribili sanguinis tantum non sinceri speciei prodiret, non ita diu post sanguine in fundo seorsim grumescente, in summitate limpida & sui similis conspiciebatur. In hujusce mali remedium sanguinem satis copiosum e brachio mitti curabam, & post purgationes universales, medicamenta refrigerantia & incrassantia, varii generis in usum revocabam; dietam interea his consentaneam adhibens, liquores acidos, acres, & attenuantes solcite devitans. Cum autem neque ista, neque alia permulta, quæ numerare

*Sydenham opera Medica.*

longum esset, quicquam prodesse, & metuens calculum, quem grandiore esse suspicabar quam ut expelli posset, aquis chalibeatis ad exitum sollicitare, tandem spem rei bene gerendæ prorsus amisi; idque eo potissimum nomine, quod observaram senes aliquot mihi notos, sibi mortem accersisse, dum hujusmodi remediis incassum morbi curationem molirentur. Stetit itaque sententia non amplius tentare, at vitato tantum, quam potui maxime corporis motu, ab hoc effectu mihi cavere. Tandem vero animo forte recolens, quam mire nonnulli deprædicent seminis *Fraxini* vim lithontripticam, subiit cogitare, quod si semen ejusmodi virtute polleret, omnino verisimile esset *Mannam* fraxini adhuc plus posse. Cum manna quam habemus, docente Botanographo τῷ πατρί Dom. Jo. Ray. post alios scriptores, neque mel acreum est, nec ros aliquis cœlestis; sed liquor potius, tam e foliis, quam e trunco & ramis fraxinorum in *Calabria* nascentium, exudans; de cujus rei veritate idem dum in *Italia* peregrinaretur certior factus est ab eruditissimo Medico, qui ex ramulis, & foliis linteo a se curiose contextis mannâ (qui est succus ut dixi) sæpius collegit. Vid. Jo. Ray. *Catalogum plantarum Angliæ*. Experimentum itaque facturum, mannæ ℥ijss. in seri lactis ℥ij. solutæ hausi pauxillum succi limonum subinde, dum purgarer, deglutiens; quo & catharticum acuerem, quod segnius operari solet, & ventriculo minus ingratum redderem. Ab hujusce remedii usu vix dici queat, quantum ergo levaminis circa renum regionem perceperim; licet enim antea non semper dolerent renes, tamen pondere quodam gravativo & molesto sensu afficiebantur. Quod cum ita feliciter mihi cessit, idem catharticum singulis hebdomadis statim quodam die ad menses aliquot continuos in usum revocabam, & post singulas catharces vices melius me habuisse plane sum expertus, donec tandem etiam rudiorum curus conquassationem ferre potuerim: ab hoc symptomate prorsus liberatus usque ad veris tempus jam proxime elapsum. Quo appetente, cum per prægressam hyemem fere omnem *podagra* laborassem, & quæ nimia corporis ad motum inhabilitate, quieti & *ἀκίνησία* magis quam alias solebam, indulgissem, rediit denuo sanguinis mictus. Hic ergo an ad catharsin me iterum reciperem, hærebam dubius; quoniam nuperis hisce annis omni corporis substantia in *podagræ* sedem & fomitem quasi perversa, catharticum, quantumlibet lene, diuturnum *podagræ* paroxysmum certo certius accersebat. Tandem animo succurrebat, quod si paregoricum singulis noctibus post purgationem adhiberem, quo tumultus a cathartico excitatus sedaretur, posse me pristinam methodum mannæ semel in hebdomada capiendæ tuto resumere. Uncias itaque duas cum semisse in seri lactis ℥ij. dissolutas mane hausi, & sero guttas xvi. *Laudani liquidi* in cerevisia tenui dormiturus adjeci. Et mannâ & laudanum dicto modo repetens bis in septimana ad sex vices. Postea vero manna semel in septimana tantum uterer, humorum illuvie jam ita copiose a cathartico subducta, ut à *podagra* minus metuendum erat. Cum tamen mea mihi ratio plane dictaverit, quod si facultate aliqua, sive dissolvente, sive alio quovis modo lithontriptica, fuerit insignita manna, omnino est necesse ut medicamentum, quale est laudanum, valide adstringens, remedii, in quo spem collocaveram, efficacem ac vim quadantenus infringat; satius esse duxi hypnoticum missum facere, cum jam semel tantum in septimana alvum solverem. In qua methodo jam ad menses aliquot persistitum, eundem septimanæ diem ubique catharsi dicans; nec me ab hoc meo more, ex quacunque data ansa dimoveri paterer, licet a prima remedii hujus dosi dolor qui in dorso erat, remittebat, uti prius, tamen non ita diu post repetita catharsis *podagræ* signum dedit; quod nunc artubus, nunc visceribus; bellum cœpit indicare, at hæc morbi tentamina laudanum fortiter repressit. Cum hæc mihi medendi ratio ha-

O

tenus



Atenus bene verterit, in eadem perseverandum mihi esse judicabam, tam ad præcavendum mictus sanguinis recursum, quam ad imminuendum aliquantum calculi fomitem. Quod tandem votis respondit, hæmorrhagia ista ex quo Tractatulum hunc primum edidi prorsus evanescente, proindeque manna in totum abjecta. Purgationem itaque quod attinet (modo sanguinis mictus urgeat, & solum cathartico hoc lenitivo, manna scilicet, & secundum methodum supra a me traditam subducatur alvus) jam retractanda mihi est sententia illa mea, quam in scripto de podagra olim evulgaveram; nempe podagra affectis minime conducere, ut vel initio, vel in declinatione, vel per paroxysmorum intervalla purgentur.

*Nec si miserum fortuna Sinomen*

*Finxit, vanum etiam mendacemque improba*  
*finger.*

Nondum enim in mentem mihi venerat, paroxysmum, quem a tumultuante cathartico excitandum metuebam, exhibito sub noctem hypnotico prohiberi potuisse. Nihilominus si podagram solum respiciamus, evacuationes qualescunque plurimum nocent, ac proinde nequaquam sunt admittendæ, nisi symptoma dictum earundem usum omnino postulaverit.

De *Regimine & victus* ratione, quæ utrovis horum affectuum laborantibus competere mihi videntur, (quando nihil eorum præterire velim quæ istis usui esse poterint; qui iisdem, quibuscum Ego, morbis conficiantur) hæc addo; Mane lecto exurgens, decoctionis *feliorum Tea* cyatum unum alterumve exhibeo; dein curru ad meridiem usque gestatus, & domum reversus, quovis ciborum genere mihi grato & eupepto *modice* (id enim ante omnia semper, & diligenti cum cura tenendum est) me reficio; statim a prandio per singulos dies vini Canarini plus aliquid quarta parte libræ (seu pintæ) vulgaris ad promovendum ciborum in ventriculo concoctionem, & ad arthritidem e visceribus procul ardentem, haurire soleo. Præter iterum rheda vector, & quoties per occupationes meas non detineor, rus peto, aeris salubrioris inspirandi gratia, ad miliaria duo vel tria. Cerevisiæ tenuioris haustus mihi pro cœna est; sed & hunc repeto etiam in lectulo, me jam ad somnum compositurus, idque eo fine ut hoc julpio succos acres calidosque in renibus stabulantes, e quibus fit calculus, refrigerem simul ac diluam. Ego vero & hic & inter prandendum cerevisiam tenuem lupulatam, cerevisiæ non lupulatæ, quantumlibet tenui ac miti, præferendam censeo. Licet enim non lupulata, mollitie ac lubricitate, qua pollet, ad subducendum calculum jam in renibus concretum magis faciat; attamen lupulata, ob levem illam stipticitatem quam impertiunt lupuli, minus facit ad sabuli vel materiæ calculosæ generationem, quam facit non lupulata, cujus & viscidior est substantia, & lutulentior. Quo die catharsi defungor, ex pulli carnibus prandium mihi est; vinum tamen Canarinum pro more meo superbibo. Mihi curæ est, præsertim hyeme, ut lectum temporius petam; quo nihil magis confert ad concoctiones recte perficiendas, & conservandum pariter tenorem illum atque ordinem, qui naturæ jure debetur. Sicuti ex adverso, nocturnæ lucubrationes, senum cum morbo chronico qualicumque conficiantur, tum concoctiones omnes imminuunt ac depravant, tum eorumdem principio vitali vulnus haud facile medicabile infigunt. Illud etiam sedulo observo, ad præcavendum a calculo mictum sanguineum, ut quoties per plateas ad longius aliquod intervallum curru vehendus sim (gestatio enim, vel ad maximam quantumlibet distantiam, per vias lapidibus non stratas minime officit mihi) non prius rhedam ingredior, quam haustum cerevisiæ tenuis paulo liberiores ingesserō, quem pariter iterum ante regressum domum versus, si forte alicubi diutius fuerim commoratus; quo pacto semper mihi a mictu sanguineo satis est præcautum. At quoad podagram hoc unum adjiciam. Nuperis hisce annis ex errore aliquo circa sex res non naturales commissio, mihi retrocessio subinde

materiæ podagricæ accidit; cujus signa sunt ægritudo ingens, cum vomituritione, & aliquali ventris dolore. Artus interim ex improvviso doloris sunt expertes, ac ad motum plus solito habiles. In hoc casu congium unum liquoris posseticæ, vel cerevisiæ tenuis devoro, & quamprimum totum per vomitionem rejecerim, vini Canarini haustulum, cui infillatæ fuerint laudani liquidi gutt. xviii. ebibo, in lecto ad quietem me componens. Atque hac methodo meipsum ab imminente morte aliquoties liberavi.

Et si vero haud quenquam fortasse deceat (cum maxime quem sive saluum, sive mortuum esse hominem vix interfit) ita crebram sui mentionem injicere; hæc tamen eo animo dicta volui, ut aliis, quorum vita salusque majoris fortasse ponderis & momenti sunt, queant prodesse.

Hic postremo subindicandum est ingens discrimen, in quod nonnulli se conjiciunt, tam calculo, quam podagra laborantes, quoties mannam in *Aquis Mineralibus* cathartici solutam inconsulto capiunt. Quamvis enim hoc modo assumpta, & celerius vim catharticam edat, & minori nausea ventriculum irriter; tamen minora ista commoda injuriam alias ab aquis illatam pensare non valent. Etenim si calculus renibus inclusus ita magnæ molis sit, ut per uretherum ductus in vesicam propelli nequeat, istæ aquæ paroxysmum ut plurimum excitant, qui eousque perdurabit, cum magno vitæ ægri periculo, donec tandem calculus in pelvim redierit. Quinimo nec *chalybeatis Aquis* æger se tuto committet, nisi prius certo sciat calculum majorem non esse, quam ut per uretheres viam possit sive invenire sive facere, quod hoc tantum modo, quantum ego conjicio, certo dignoscere potest, si nempe jam antea paroxysmum aliquem nephriticum fuerit perpeffus, (cum dolore scilicet sævissimo in renem alterutro, per uretherum ductus propagato, & vomitu enormi) pro comperto habeat, non tam grandiorum aliquem calculum pelvi concludi, quam lapillorum exiguum congeriem, quorum unus subinde in uretherem illabatur, atque ita paroxysmum hunc invitat, qui fere non desinit calculo in vesicam detruso. Cum res ita se habeat, nullum est magis efficax remedium, sive ad præcavendum minorum calculorum incrementum, sive ad eosdem e renibus deturbandos, quam *Aquarum Chalibeatarum* potatio liberalior, per singulas ætates jugiter repetenda.

Cum vero sæpe accadat, ut *Paroxysmo Nephritico* quis corripitur, quando hujusmodi minerales aquæ haud præsto sint, vel etiam tempestas anni adsit, quæ earundem potationi minus saveat, hac itaque compendiosa methodo, sine ultetiore remedium apparatu, insistendum. Si æger temperamento sanguineo præditus fuerit, & ætatem provectiorem haud adhuc attigerit, sanguis ex brachio reni affecto respondenti, ad ℥x. extrahatur, deinde *Liquoris posseticæ* cui *Rad. Altheæ* ℥ij. *incoctæ fuerint*, *Congium unum* quam citissime devoretur, & sequens *Enema* injiciatur. ℥. *Rad. Altheæ & Lilior. an.* ℥j. *Fol. Malva, Parietar. Branc. Ursin. & Flor. Chamamel. an.* M. s. *Sem. lin. & Fanurg. ana* ℥ss. *Coq. s. q. Aq. ad ℥iij. Colatura dissolve Sacchari culinaris, & Syr. Dialtheæ, un.* ℥ij. *M. s. Enema*. Quamprimum per vomitionem æger totum reddiderit, quod per os ingestum fuit, ut etiam enema rejecerit, *Laudani liquidi* satis magna dosis propinetur, viz. ad gutt. xxv. vel *Pil. Matthai* xv. vel xvi.

In senibus vero, morbo aliquo diuturno fractis, ut & in vetulis, *Vaporibus*, vulgo dictis, obnoxiiis (præcipue si sub initium paroxysmi urinam ex redant nigram ac sabulosam) venæ sectio omittatur. At quoad reliqua, eadem, quæ jam dicta fuit, via omnino procedendum.

Sed ut ad calculum, qui hujus loci est, grandior revertamur. Quod si calculosus nullo unquam paroxysmo nephritico fuerit tentatus, cum jam major sit calculus quam ut ex pelvi possit elabi: non solum mihi proderunt *Ferree Aquæ*, sed etiam ob jam dictas



dictas rationes, non sine præfenti periculo fumentur. Neque minus male quandoque *Podagricis* cedit aquarum mineralium usus, modo senes fuerint (ut sunt plerunque) & pariter corporis habitu phlegmatico imbecilloque. In his enim nonnunquam naturæ vires eo usque sunt imminutæ ac succise, ut omnino metuendum sit, ne tanta copia aquarum penitus obruantur ac succumbant. Sive vero hoc in causa sit noxæ, quam exinde capiunt homines tali habitu ac temperamento præditi, sive non sit; illud mihi compertissimum est, haud paucos, quorum corpora hoc morbo fracta admodum, & quasi confecta fuerant, hisce aquis interemptos diem suum obiisse.

Atque hæc eorum fere summa est, quæ mihi in morborum curatione hætenus innotescunt, ad diem quo hæc scribo, *Septembris sc. vicesimum & nonum, Anno Domini, 1686.*

**D**E calculo renibus impacto, ac inde enato mictu sanguineo, verba fecit in specie Clariss. noster Auctor, propria in hoc morbo describendo, eaque sane durissima usus experientia. At vero de aliis calculis, tum vesicæ, tum variarum etiam corporis cavitarum, aut solidarum partium, altum omnino siluit. Non itaque ingratum Doctissimo Lectori fuerit, si quæ de ejus natura, origine, progressibus, varietatibus, diversisque sedibus ac cura, magna diligentia scriptis consignarunt Praclarissimi Viri Carolus Drelincurtius, & Martinus Listerus, hic legendum exhibeamus, eoque magis, quod quæ ex illius Auctoris primo loco nominati, Discipulis, Magni sui Præceptoris ductu scribentibus & disputantibus, habemus, ejusdem variis observationibus, raris prorsus & curiosis, nobis jam dudum a Celeberrimo hoc Viro communicatis abunde illustrare valeamus. Sit itaque primo.

## DISPUTATIO MEDICA

D E

## CALCULO VESICÆ,

Quam sub Præsidio Praclarissimi Viri,

## CAROLI DRELINCURTII

Lugduni in Batavis Professoris Medici Senioris, habuit doctissimus Philippus Rose, Gallo-Cadomæus.

**C**Um Microcosmum inter & Macrocosmum, collationem instituo, & summas utriusque dignitates, rationis balance exploro, summam illius, cum hoc necessitudinem, satis demirari non possum. Quanquam etenim meliore princepeque sui parte, Microcosmus omnes Macrocosmi potiores excellentioresque videatur dotes excedere, posteriore tamen, utpote materiali, tanta illi cum hoc datur affinitas, ut ab iisdem principiis, ab iisdem elementis, iisdem prorsus, variorum impetuum, a Sapientissimo Creatore, editis legibus omnino pendeant. Hinc sane ter beatum prædicabimus, qui indefatigata, exactaque orbis machinæ *ενομήριον*, indagatione, accuratissimam, perfectissimamque eorum notionem erit adeptus. Enimvero hic præviæ scientiæ memor, consciusque, facta attentionis suæ translatione, omnes corporis humani tam salubres, quam insalubres, anomalasque constitutiones, maximo cum emolumento, scrutari potis est. Ast quanquam tam diviti scientiæ thesauro, mentis nostræ arcam locupletatam non sentiamus, nihil tamen est, quod nos a speciminis consilio deterreat, vel impediatur, quominus omnes contendamus nervos, ut *Calculi*, affectuum quibus adeo misere conflictatur Adami posteritas, mehercule non infimi, *Natura, Differentiis, & Symptomatibus* rite explana-  
*Sydenham opera Medica.*

tis, ejusdem *medela* delineationem absolvamus, eamque rationi consentaneam. Adfir infirmo tyroni saluberrimus humanæ profapiæ Medicus.

Quia animi Mercurius, loquela est, atque mentis nostræ sensa, aliter quam sermone, scriptura, vel nutibus, unicuique significare penes nos non est: hac moti ratione quædam in calculi *ἔτυμον* prælibare, ab instituto haud alienum ducimus. Calculus latinis vulgo sic appellatur, eos vero, qui aliquam in vesica foveant rupem, calculosos nominant. Istud autem concretum a calce suam traxisse denominationem (alicujus, nempe *ἀλογία*; ergo) cum sæcundissimo *Ger. Johan. Voss. in Etymol. Ling. Lat.* existimamus. Medicorum Princeps nomine *λίθος* calculum plerunque intelligit, uti videre est *libro iv. de morbis*. Calculosos vero *λιθιῶντας*, *lib. de vuln. c. ut & affectum λιθίαν*, *aphorif. 26. sect. 3.* nuncupat. *Helmontio* post *Paracelsum*, calculus in tractatu de Lithiasi, vocabulo *Duelech* indigitatur.

Calculi nomine explicato, rem ipsam aggrediamur. Ejus autem naturæ certam, distinctamque notionem assecuti videbimur, si diligenti, rectoque examine, causas ejus tam *efficientem* quam *materialem*, quantum in nobis est, in medium protulerimus. De calculi materia, ipsiusque concresecendi modo, non parum apud artis proceres hætenus fuit dimicatum: quod quidem nemini admirationem pariat, si quot de cæteris affectibus & morbis, inter ipsos variæ promulgentur sententiæ, paulisper apud se perpendere. Sed ne curiosius quæsitæ harum dissentionum occasione, extra operis cancellos vagari conspiciamur, *Γαρχίας* Primariorum, hac de re sensus huic referre, atque ex iisdem quid potius, quid verosimilius habeant ad majorem hujus lemmatis dilucidationem, depromere sat nobis fore judicamus.

Venerandus *Ἀρχιπρὸς lib. 4. de morbis*, qui sit calculus, quaque generetur ratione trutinans, sic scribit: *Εν τῇ κύστει γίνεται λίθος πρῶτω πικρῷ ὡς ἐν ὕδατι μὴ καθαρῷ παραχθέντι ἢ κύλικι. ἢ ἢ χαλκῷ, ἢ κατασάντι, ὡς ἀδύμυ ἄλλος γίνεται ἢ πρὸ μέσω. Οὕτω ἢ ἢ τῇ κύστει ὑπὸ τῆς ἔρις, μὴ καθαρῆς ἔοντος, &c.* in vesica generatur lapis hoc modo: quemadmodum in aqua non pura turbata in calice, aut in vase aneo, & denuo quiescente, fax simul fit in medio, sic & in vesica, ab urina non pura existente. Quæ quidem explicatio propter tanti Viri auctoritatem nobis plurimum arrideret, nisi facis in calicis fundo coæservatæ exemplum, quadantenus impar, mancumque animadverteremus. Quamvis enim facis in calicis fundo coæservatio, & calculi in vesica formatio utrunque convenire videantur, quod utrobique fiat quædam particulatum mixti liquidi, ab aliis secretio, seu coagulatio, procul tamen a sese invicem eas non patum distare, neminem negaturum arbitror, qui vel minimum ad speciem formamque utriusque concreti attendit. Nec dubio locum fore spreto, si *ὡποψία* discrimen, quod intendo, unicuique palam fecerit.

Optice nimirum dignoscimus, facis in fundo calicis congestionem eam esse, quæ vel minimo ipsius vasis motu, vel aquæ in eodem vase coercitæ, facta bacillo agitatione, omnino solvatur, arque aqua impuris istis quiescentibus modo purgatâ, ipsis iterum inquinetur, summeque saturetur. Quod sane a calculi concretionem longe abesse, nullus refragabitur, qui matulam introspicere non dedignatur: nam inibi non secus ac in vesica calculum formari, cum *Paracelso* *Helmontioque*, mens nobis est: quod postea solidis confirmabimus argumentis. Si ergo calculi materia, sive calculus ipse parietibus & fundo matulæ adhærens examinetur, magnam certe ejus esse duritiem, nec non arctam vasis concavo adhæSIONem, sensus organis innotescet, adeo ut vel matula concussa, vel lotio alia ratione commoto, prædictus calculus a matulæ muris non secedat. Præterea silentio non possum prætermittere, calculi coagulationem absolute in fundo matulæ, instar facis prædictæ nequaquam fieri: insipientibus enim patet, matulæ fundi crustam, ab eisdem parietum lorica non multum differre, & æqualem fere cum ea crassitudinem habere. Unde merito concludimus, pace *Hippocratis*, facis in fundo vasis aqua pleni, cumulatae exem-



plum, calculi διαμόρφωσιν, minus perfecte exponere.

At forte aliquis integer Hippocratis sensuum assertor nostram in improbando culpabit audaciam, atque ad paulo post sequentia ejusdem Auctoris verba nos ablegabit. Πήγνυται τε ὑπὸ φλέγματος ὠμαῖον, κόλλα δὲ γίνεται τῇ ὑποστάσει τὸ φλέγμα μεμιγμένον: Induraturque a phlegmate crudo, gluten enim fit, phlegmate cum fece mixto. Sed hæc prædictam nostram sententiam nullatenus debilitant, quin nihil aliud probant quam calculi concretionem a facis coactione, ut jam innuimus, maxime discrepare: κόλλα enim quam ex phlegmate & facis commistione statuit Hippocrates, coagulationem calculosam alio penitus modo ac faculentam perfici, certo arguit. Nec etiam tale phlegma sive materiam pituitosam, ad calculi compactionem, & indurationem, maxime necessariam nobis fingimus: cum in matula tale gluten ut plurimum non reperiatur, nec ideo ibidem desinat constipari calculus. Sed donemus adesse in matula aliquam glutinis speciem, ac inde consequi liceat, eam calculi formationis causam esse genuinam, nec non eandem istam materiam esse meram pituitam? Quoad prius stare nequit; adsit enim tale gluten, vel desit, calculus in matula proinde nascitur. Quoad posterius, merito in dubium revocemus, utrum ista materia, pura puta sit pituita, an potius internum vesicæ intro exsudans, atque ex ea in matulam emictum. Et licet talis mucago, calculi compositionem forsan ingrediatur, immerito tamen ejus concreationis atque indurationis causam, ad phlegma idque ὠμαῖον, referamus.

Verum reclamabit alius, calculum suam coagmentationem duritiemque glutini prædicto non absolute quidem debere, sed vesicæ calore atque siccitate, instar laterum fictilium, condensari atque lapidescere. Sed quam futilia & absurda sint illa vesicæ calor & siccitas, aut frigus ipsum, ad calculi ᾠμαῖον, nemo non videt. Nec etenim matula, sive vesica, intensis clibani ardoribus retorrentur, aut quid ex gravi, Borealis Poli frigore participant, quo calculus instar lateris coquatur, aut instar glaciei congelitur, atque ad debitam, quam solet exhibere soliditatem deducatur. Quis etenim nescit, vesicam perpetuo serosi laticis stillicidio irrorari, matulamque, dum in ipsa calculus perficitur, lotio madere. Nonne etiam notum est matulæ calorem, si quis adsit, igni admoto, vesicæ autem, calculo benignam ejus mucaginem abstergenti, fibras asperitatibus vellicanti, atque atterenti, acceptum referri debere. At hæc non magis in renum, quam vesicæ, calculi generationem, prædictarum causarum ullam agnoscimus. Utrumque enim ab eadem causa esse oriundum, posthac propalabimus.

Sed in tantis rerum angustiis, tamque obscuro opinionum pene infinitarum chaos, veritatis partus maxime languescit: cui plures obstetricandi avidi, renum vel vesicæ vim lapidificam alta voce implorabunt. Ast talis Lucinæ auxilium frustra invocetur. Quem etenim fugit ita philosophantes, obscurum per obscurius explicare niti, & ad patens celberimumque crassioris ignorantix facellum citatis equis confugere. Apage apage insulas, causas ignotas, superbamque qualitatem quadrigam, qua velocissime abrepti omnia naturæ ænigmata solvere, universasque difficultates superare, ac veluti calcare, nimis gloriose contendunt. Hos itaque missos facimus, ut quid hac de re sentiat Fernelius curiose expendamus.

Prædictus Auctor lib. VI. de part. morb. & sympt. cap. XIII. asserit: *Omnem calculum in vesica conclusum, rudimentum quoddam e renibus traxisse, e quibus per nephriticum dolorem excidens, si grandiusculus est, in vesica aliquandiu hæret, ac plerumque persistit, illicque allatarum sordium adhesionibus coagmentatur, dum vetus confirmatusque lapis fiat.* Quæ Fernelii mens sua non orbatu verisimilitudine, eamque ob rem ab ea non omnino dissentimus: cum enim ipse eodem libro notaverit, se neminem in vesica calculum habentem offendisse, qui nephriticis doloribus ante non fuisset divexatus; inde sane liquet pleurosque vesicæ lapides, calculo e renibus per urethères in vesicam delapso, principium suum debere.

Quod suum judicium sequente paulo post observatione confirmare conatur Auctor, ajens: *Quoscumque exemptos vesicæ calculos obtrivi (obtrivi autem experiri di gratia permultos) in eorum medio quasi nucleum reperi, verum rudimentum e renibus deturbatum, diversi quam reliquum integumentum, ac involucri, & coloris & substantiæ.* Luculentissima hæc Fernelii animadversio, ad ejus opinionem fulciendam non parum confert, adeo ut ipsius vestigiis incedentes, calculos vesicæ, maximam partem, prima a renibus accepisse voluminis sui stamina, non dubitemus affirmare: nec tamen ipsi penitus subscribimus; vesicam enim non secus ac renes saxeo fœtu, quanquam rarius, imprægnati, a ratione alienum minime censemus.

Enim vero quamvis a Fernelii parte contra Hippocratem stemus, faciem subsidentem, sanguinis grumos, pus, mucosam pituitam aliaque id genus crassiora, facile ex vesica profluere cum urina, ac proinde calculum ex his non formari: ipsi tamen talium e vesica excretionem posita, calculi ibidem generationem, eamque primariam, tolli constanter negamus, neque etenim ea ejus ratiocinio, inductionem imperfectam referente, quid generale deduci potest. Nam unicuique, primo intuitu elucescit, prædicta omnia, a Fernelio enumerata, siquidem valeant semper e vesica foras amandari, calculi formationi, ne utique prodesse, ac proinde ex istis calculum progigni, negare, ipsi fas esse: sed inde omnem calculi in vesica concretionem, primariamque, ut jam scriptum est, omnino explodi, inficias imus; nam peculiarem calculi materiam, & a facie subsidente grumulis sanguineis, pure, mucosa pituita, maxime diversam postea assignabimus.

Quæcumque hæc Auctorum placita ponderavimus quo obscuram calculi cognitionem, e Democriti puteo nobis fortunate contingeret eruere, parum utilitatis nostræ tribuerunt indagini: aliorum ergo proram convertamus, ut ad optatum veritatis portum tuto valeamus appellere. Jamque mihi faustum iter polliceor, modo hac in densa tenebrarum caligine, ad ignem protinus apparentem, portusque optati nihil monstrantem ostia, recta contendam. Emporii *Spargyrici* siquidem portus hic est, bene est, nec etenim sibi temere persuadeant, abstrusam calculi indolem, aliter quam industria Vulcani resolutione, posse unquam referari. Hæcce investiganti, ratio, omnium tutissima nobis est, sed cum curis, laboribus, nec non impensis, ardua sit, incerti de prospero cœpti eventu, forsitan pro foribus hæreremus, nisi bonis avibus res in promptu nobis occurreret. Vigili quippe & indefesso, *Præstantissimi, & Expertissimi, DD. Caroli Drelincurtii, Apollinis mei, æternum suspiciendi, reverendique*, scrutinio, perfectam calculi nanciscor analysim. Hic enim in *Epistola* sua Gallice exarata, cui nomen est, *La Légende du Gascon* &c. calculum in singula principia subtilissime diremptum, famoso offert viro. Quanta autem maxima possum fidelitate verba quæ pagina 35. habentur hic Latine referam. *Sed quod tua longe dignus est experientia, & quod evidentissimum argumentorum augmentum mihi est, scilicet corporis humani calculi per ignem mihi suppeditant, longe potiori ratione quam per aquam, tertiam salis volatilis, & spiritus urinosi penetrantissimi, & circiter quadragesimam partem olei fœtidi aut sulphuris, adeo ut inde mihi supersint fere duæ tertie partium terrenarum, quæ trigesimam partem continent salis adeo fixi, ut ignem violentissimum sustineat.* Quibus verbis cernere est hanc calculi resolutionem igne fuisse peractam, post aliam beneficio aquæ expeditam: quæ in superiori pagina est reperiunda: ea tamen quæ igne fuit absoluta, frequentius usuri, quandoquidem ut placet clarissimo Auctori: *per ignem mihi suppeditat longe potiori ratione, quam per aquam.* Tam certo tamque egregia calculi potius anatome, hic pedem figere segniter, instituti conditio prohibet. Pergo igitur incitas unicuique principio *Savants* sedulo investigaturus.

Scenam recludit *spiritus urinofus*, isque penetrantissimus potentissimus, mehercule, naturæ coagulum ac forsan pari non gaudens. Talem enim præ se fert



fert *νέφρην*, ut spiritum vini, seu aquam vitæ dephlegmatam in offam coagulet. Testem appello *Helmontium de Lithiâ* cap. 3. §. 5. Rara hæc mirabilisque simul spiritus urinosi virium experientia, obsepiens calculi *συνπῆξιν*, nebulas non parum diluit & dissipat. Validissimum quippe assequimur *ἐλατῦρα*, quo percepts a peripheria in centrum motus peragatur. Hic per transfennam hominum fortem dolere mihi incumbit, quod ipsis fere solis inter animalia, talem spiritum gignere contigerit. Helmontii etenim opera distillata est urina equina, verum dissimilis prorsus inde emanavit spiritus, quod apud ipsum legere est, *Tract. de Lith. cap. 3. §. 9.* Hujus phænomeni, humano generi, proh dolor! nimium familiaris, rationem hanc esse arbitror. Homo scilicet gulæ satiandæ avidior, viscera condit in visceribus, sæpeque intempestiva eduliorum, spiritibus tam sulphureis, quam salinis, præsertimque terrestribus abundantium, farragine ventriculum ingurgitat, quæ ipsis fermentato forte non imbelli edomita atque elaborata per ductus mesentericos in lebetem cardiacum promoventur, ubi ulteriore donata coctione, majoreque exaltatione, numerosos spiritus, a sese invicem, volumine, figura, motuque sæpissime non parum diversos acquirunt. Quemadmodum autem plurimum Regnorum Imperia, dominationis suæ imminutionem pertimescere non solent, cum libratissimorum viribus, ex nulla parte in aliam, cum successu, fieri potest invasio: pariter si spiritus varii massam sanguineam exagitant, eamque uno tenore compellentes, temperata quadam proportionem, æquisque legibus, motus suos exerant, nihil sane, tunc, humano corpori, damni impendere potest. Sin autem res aliter se habeat, adeo ut v. gr. *Spiritus urinosus* aliis domineatur, ipse, procul dubio, in subtilissimas adjacentes particulas perpetim incurrens, eas non solum varia impeller ratione, sed etiam cum ipsis in mutuos ruens amplexus, siquidem idonea, ad coeundum figura præditæ fuerint, pro superficierum magis vel minus immediato contractu, magis vel minus solidum lapidem, seu calculum exhibebit. Felicior hac in parte equus suo Domino, ut & multæ aliæ brutæ animantes. Nam herbaceis parumque spirituosius vespentes pabulis, succum particulis activis minime, vel saltem parum turgentem obtinent: adeoque fermento generosiori, seu agente efficaciori, quale est *Spiritus urinae*, destituti, calculosis concreationibus vacare, vel saltem raro infestari, debent. Quod rationi, nec non experientiæ consonum reperimus.

Canere palinodiam, molestum est: valeant ergo quæ scripsimus, sit quæ *Spiritus urinae* summus coagulator, seu genuina calculi *efficientis* causa audiat. Nunc in subjectam ipsius *materiam* diligenter inquiramus. At certe ipsa *λέγµα ὅµο* nequaquam erit. In matula enim materiam, seu calculum ipsum concavo adnatum vidimus, sed antea nullum urinae phlegma aderat; neque etiam terra, sicuti videtur in concreto calculo: quin potius urina recens emicta, ubique & æqualiter citrino erat colore perfusa. Præterea notante Helmontio *Tractatu de Lith. capit. 3. §. 36.* concretio calculosa in vitreo recipiente e spiritibus, liquoribus nempe stillatis & claris, facta est: unde infero, calculosam crustam in matula contentam; pariter e spiritibus in urina mea delitescens fuisse confectam. Nec nobis obtrudant urinam nostram non fuisse destillatam; certissimum enim est, Helmontii urinam ab ipso destillatam aliud duelech non produxisse, quam quod non destillata fuisset editura.

Satis commode satisque evidenter *Spiritus urinosus* notitiam videmur adepti, nec aliorum cognitionem majus nobis negotium facessituram confidimus, si methodo jam incepta progrediamur. Ideo *quadragesimam partem olei fetidi aut sulphuris* considerare subest. Non solum autem ad prædicti olei *qualitatem* sed & *quantitatem* fortiter attendere, non parvi momenti est. Primo, quoad ejus *qualitatem*, aliorum oleorum naturam sapit: quatenus ex particulis longiusculis, ramosis, sive invicem intricatis, ac proinde ductilibus constat. Fœtidum etiam est, quatenus nimirum in distillatione, & præcipue in sanguinea fermentatione, ac dein, vel in naturali, vel in artifi-

ciali matula maximam passum est sui dissolutionem: unde corpuscula ab ipso jugiter emanantia, nimioque fermentationis attritu figuras valde irregulares nacta, cum ad nervos olfactorios allidunt; irregularem etiam, seu ingratum sensum in nobis debent excitare. Secundo, quod ad *quantitatem* attinet, valde exilis est: *quadragesimam* enim tantum exhibet. Unde jure consequimur, parum olei seu *Spiritus urinosi* ad concretionem duelech concurrere. Præterea hoc sulphure eruto, *materiam* habemus in quam spiritus urinosus, dum in urina adhuc resideret suam potuerit *ἐνέρποιαν* exercere; eadem fere ratione, qua in Helmontii experimento citato.

Supereft tandem, ut *duas tertias* partium *terrenarum*, ut par est, contemplemur: eæ siquidem et si crassiores & graviores sentiantur, quam quæ ullo possent motu cieri, sicque vix coinducamur, ut eas naturam spirituum potuisse unquam asciscere, credamus, ex præcognitis tamen liquido apparet, istam quam rudem & pene informem cernimus molem, motui tamen non plane fuisse ineptam atque alias, ante scilicet ipsius coagulationem, volatilisationis legibus paruisse. Rasuræ etenim matulæ quæ duelech in pulverem redactum repræsentant, ante ipsarum otium & captivitatem, per campum lotii libere exspatiabantur, atque in omnem loci differentiam abreptæ, spirituum indolem necessario æmulabantur, eoque magis, quod nullam peculiarem nobis præberent sui visionem.

Integrum non esset *partium terrenarum* examen, nisi quædam in *salem* intra earum viscera conclusum quædam mitteremus. Nam et si *terrenas* calculi partes, *Spirituosas* olim extitisse, in propatulo sit, dubio tamen aliquo posset quis nos laceßere; eo præsertim fretus, quod perpetuo laudandus Clarissimus *D. Drelincurtius*, designet illum *salem* adeo fixum, ut ignem violentissimum sustineret. Sed objectionis hujus facilis est enodatio, si mature considerabimus, istius salis, dum ignis viribus subjiceretur, eam fuisse constitutionem, ut ipsius minutissimæ particulæ arctissimam inter se iniissent unionem, convenientique præterea caruisse juvamine, seu vehiculo, quod veluti mechanice potuisset attolli. In matula, vel in vesica non item; singula etenim corpuscula salina, tum seroso latice, tum aliis particulis ibidem occurrentibus a sese invicem distincta, & divisa, communi liquoris motu, ultro citroque provehebantur. Ad hanc sententiam ulterius corroborandam multa possemus afferre, rationi & experientiæ cognata, sed cum præscriptæ nobis angustia, seu limites id non patiantur, iter maturabimus.

Cum res ita se habeant, causas calculosæ concretionis, tam *efficientem*, quam *materialem*, nos jam fuisse consecutos arbitramur. Pensitandum nunc est quonam pacto ab istis duelech in matula oriatur. Quod sane non fuerit nobis cognitu difficile, si *Spiritus urinosus*, spiritum vitæ coagulantem, virium meminimus: Is etenim *penetrantissimus*, id est particulis valde activis donatus, stipatusque, vinosas, seu sulphureas impetens, easque ad mutuum cogens accessum, intermediis, tum terrestres, tum salinas, in summas redigit angustias, adeo ut velut irretitæ, motumque suum idcirco amplius edere nesciæ, immediatum fere cum vicinis acquirant superficierum contractum, ac proinde cum ipsis firmissima fruuntur connexionem. Hoc prorsus morbo in matula æque ac in vesica, calculum fieri, persuasum habemus. Cum nimirum ægri urina in vesica, vel sani in matula, talem sui textus affecuta est dissolutionem, seu corruptionem, *Spiritus urinae penetrantissimi* titulum adeptus talem valeat effectum producere. Si quis autem cum *Paracelso*, *Crollio*, aliisque causam calculi *materialem*, *tartari* nomine velit intelligere, de verbo non litigabimus.

Calculi *natura* abunde satis explanata, præcipuas ipsius differentias enumerare, ordo postulat. Primo, alius est magnus, alius parvus. Secundo, alius molli, alius durus. Tertio, alius gravis, alius levis. Quarto, alius levis, alius asper. Quinto, alius albus, alius subfuscus &c. Sexto, alius in centro nucleum habet, alius caret. Septimo denique, alius adhærens, alius vagus: quorum discriminum causas has esse



spinor. Primo, quo diutius vel brevius in vesica calculus hospitatus est, eo majorem vel minorem materiæ appositionem passus est, ideoque grandior vel exilior est. Secundo, quo abundantior internæ vesicæ mucaginis copia in calculi compositionem contrahitur, eo mollius; quo autem parcius, eo durius duelech compingitur. Tertio, alius gravis, alius levis. Quod quidem secundum ampliorem tantum & minorem molem non est intelligendum, sed etiam respectu ejusdem calculi voluminis: uti perbelles *Mecænas* meus, in Epistola sua a nobis citata, scilicet pagin. 32. animadvertit. Quarto, alius lævis, alius asper, prout nimirum æqualis vel inæqualis facta est materiæ accessio, indeque sequitur. Quinta differentia, quæ colorem spectat: nam a varia corpusculorum ordinatione variæ parantur superficies, quæ solares, vel candelares radios diversimode reflectentes modificantesque, diversos necessario, πῶς ὁπότε αἰσθάνεσθαι suggerant colorum sensus: de quibus in *physica*. Sexto, si nucleus, ut sapissime accidit, renibus per uretheres in vesicam devolvatur, ibique ulterius accipiat molis suæ incrementum, haud laboriosum cogitatu est, in calculi inde orti in centro, nucleum debere occurrere: non solum enim nucleus ille superstratis corticibus longe durior & firmior est: ut præclare monet æternum colendus *Mecænas*, prædictæ Epistolæ pag. 34. Sed insuper tam congrua, tamque homogenea, particularum, uno verbo *tartarearum*, fieri non potuit adjectio, quin earum stratificationum ordines, a genuinis nuclei corpusculorum seriebus maxime differrent. Ita omnia contra *Fernelii* sententiam a nobis superius oppugnatam nihil facerent, nisi ex doctissimi *Salmasii* ad eruditissimum *Beverovicium* responsione pag. 141. sciremus calculos dari nucleo carentes, qui proinde in ipsa vesica primariam, ut ante a nobis scriptum est, for-

titi fuerint generationem. Septimo tandem, alius vesicæ adhærens, alius vagus: hujus ratio nulli non perspicua: illius vero hanc esse reor. Quemamodum matula, seu figulina, seu stannea, interior superficies tam continua ubique, & polita non est, quin innumeris scateat poris & asperitatibus, quibus proxime adjacens calculi materia concresecendo impingatur, atque affigatur: similiter in vesica eoque potiori jure, cum ea sit membranacea, accidere putamus. His subnectimus expertissimi Bartol. observationem pag. 200. anatomix recens editæ; ubi (inquit de intima vesicæ membrana) *ruga quam plurimæ in calculosis, & veluti cuniculi exculpi cernuntur, calculos servantes ex dilatationis desuetudine contracti*. Unde haurio calculos non solum prædicto modo, interiori vesicæ membranæ, summa adhæsiōne adnasci, sed etiam intra ejusdem membranæ rugas intime coacervari, atque ibidem caveos cuniculos agere. (a)

Præcipuis calculi *Differentiis* perlustratis, antequam ad ipsius *Symptomatum Signorumque* explorationem nos accingamus, operæ pretium videtur disquirere, quinam illi sint in quos gravis hic affectus imperium suum exercere soleat. Primum obtinent locum, qui a patre vel a matre vel ab utroque calculosum acceperunt characterem; nam ut ait *Fernelius lib. 1. de morborum causis, cap. xi. nephritici, arthritici, & epilectici, filios vitiosa constitutione gignunt, qua tandem in morbos similes, hereditarios idcirco nuncupatos, incurrant, ut parentibus liberi succedant, non minus morborum, quam possessionum heredes*.

Quare mirum non videatur, si tot infantes, totque adulti miseræ vitæ stadium sæpe imperfecte emetientes, tam horrendis cruciatibus distorqueantur. Apud ipsos enim morbosum matrimonium tam validas tam-

(a) *Hæc omnia quam maxime illustrabantur per ea, quæ nobis olim amicissime communicavit Vir omni sane laude major, ipse scilicet Carolus Drelincurtius: cujus hæc ipsa sunt verba.*

Calculos instar corallii ramosos, & expastos ab ambitu pedis anserini in pelvim, ubi coeunt molem in unam, alias compactam & unicam; alias vero multiplicem atque divulsam, necnon articulis veluti distinctam, & *ginglymiritu*, ad lumbos inflexos & erectos, mobilem aliquando eduxi & inter musei mei cimelia anatomica curiosis oculis objicio. Et isti porro calculi *caput uretheris* obturant quidem & expanduntur; sed quia rarisphærici sunt, urinam vulgo e pelvi in vesicam influere sinunt.

Calculos præterea in *extremo urethere* ita constrictos vidi, ut in vesicam devolvi nequeant, sed inibi hærentes, dum urinæ tenuissimum per rimulas transmittunt, crassamen retinent, cujus accessu mole fiunt auctiores, & *uretheris* insimul atque *vesica tunica* ita distendunt, ut alterius idea vesicæ rudiores deludant, quasi reapse foret *vesica duplex*; & in illum crassum atque supinum errorem Medicos *Casauboni* incidisse putem, dum viri tanti *vesicam urinariam* nobis geminam obtrudunt. Hic porro, ubi ad extrema deventum est, & calculi in *infimo urethere* taliter impacti atque cuneati viam urinæ præcludunt omnino, tunc illa in urethere stagnat, & illum enormiter expandit, una cum pelvi sua. Inde est ut in cadaveribus aliquot distentam urina pelvium, illaque olidissima detexerim. Imo totum uretherem eadem illa turgidulum & expastum. Sed a *calculis* divelli nequeo citra hist. unam & alteram. Ia. est de molli uno & farinaceo, qui solius in vesicam catheteris impulsu ita comminutus est & attritus, ut per frustilla minutiora totus fuerit abreptus urinæ fluente: atque sic qui cystotomus erat in procinctu ad carnificinam, ab ea fuerit longe semotus. At e diverso calculos conservo siliiceos omnino, quique de marmore resiliunt, uti *Brassavol.* narrat *Comm. in Aph. 79. Sect. iv. Altera hist. puerilis* quidem est, sed *Pæonio* stylo notanda. Puer calculi doloribus excarnificatus, & ambulationi impar, lecto detinebatur, ubi post aliquot dies furunculus in peritonæo subortus est, cujus pus per medios acceleratores tam profunde serpsit, ut vesicam arroserit, quæ validius contracta non *urinam* modo, sed & *calculus* per ulcus emisit, atque ita prædam quidem eripuit cystotomo, sed fistulam ingeneravit, quæ perennat, & qua jugiter & unice effluit urina, abolito prorsus usu ductus nativi.

Coronidis vice *femineæ* calculos subnectam per uretheram (*virili brevior, latior, atque relictior*) longe optatius excerni, quam in nobis, atque ita raras esse foeminas quibus calculus extrahatur. Imo quasdam vidi *vesica* doloribus

*ceu labore partus*, excruciatas, sed quæ post tormenta enormia *petraeos fetus* excluderint, in renibus embryonatos, & intra urinæ cisternam sensim auctos in molem usque ovi columbini. Et ipsum profecto, imo quid majus ab *Hipp.* visum est, viro ubique præceos summe perito.

Calculorum Chymicam analysin habes in Epimetis Thesium de *Lienosis*. Sed in hæc Chymica calculorum vesicæ analysi, paucum exhibet oleum, quo bilarii calculi sca- tent, tanto ut aquæ innatent, & *tori* ardeant, picis instar. Deridendos ergo sese propinant, qui profitentur bilarios calculos in vesicula bilis & ejus ductibus concre- scere ob prædominium *tartari* sive *calcis*, & defectum *olei*, sive *sulphuris*. Et id ipsum nequidem vere proferrent de concretionibus in arthritide nodosa; nam e virili pede, *mensis unius decursu*, gypsum vidi, sing. dieb. matur. eductum, quod glutine multo e tendinibus extensorum nudatis, & lymphæ ductibus incis, viscatum erat; sed quod exiccatum, ac cerei flammulæ admotum leviter tantum arsit. Sulphuris itaque consors, fellei calculi forte. Id autem tartari singulis diebus a me collectum, supra chartam emporeticam extendebatur, exiccationis gratia, & ex illo, (*ad unciam circiter unam probe siccat*) frustra majora aquæ imposui, ac etiam demersi; sed suberis instar semper resiliuerunt & innatarunt. Illorum igitur comparatio cum calce vel gypso, candoris quidem ratione valet, sed ponderis ergo claudicat. At calculi urinariæ vesicæ plani quidem innatant, sed depressi resiliunt, nunquam flammæ autem admoti non ardent, etsi sulphuris non exortes, sed ob ejus parcitatem non ignescunt.

Isthæc rara quidem; sed rariora 2. proferam, 1. de calculo unc. xv. quem inter *νεφρίδια* sedulus conservo. Is intra viri pancreas sensim increverat cum gravitate ad lumbos, maxime post pastum & inter ambulandum. Vomitus denique cievit enormes & letiferam atrophiam intulit, omni præpedito tam conficiendo quam distribuendo chylo. Mediæ est consistentiæ atque soliditatis inter vesicales, quos rarinaceos siliceosque designavi. Fundum aquæ petit, nec ardet, metalli more.

Alterum est de Virgine ann. circiter 20. qua dira cephalæa semestri discruciat, occæcata est tandem, ac reliquis deinceps sensibus orbata, & mediis in planctibus extincta.

Tota ipsi pinealis gland. faxea fuit, unius ovi gallin. amplitudine, & mole tanta nervor. opticor. thalamos, necnon reliquos tandem nervos lethifice compressit.



tamque altas egit radices, ut nulla mortalium vis id unquam valeat penitus extorquere, funditusque revelere. *Gaudeant ergo benenati.* Prioribus succedunt ii qui a parentibus alioquin sanis oriundi, propter tamen magnam a causis externis in ipsos introductam alternationem, eodem, ac præcedentes, affliguntur malo. Novit enim quilibet, quod *causa necessaria* quas declinare non possumus, ut sunt *aer*, quem respiramus, *cibus & potus*, *motus & quies*, *somnus & vigilia*, quæ excernuntur aut subsistunt, *animi denique perturbationes*, totam animalis œconomiam gubernent, ideoque eorum vitio, vel ipsius animalis abusu, multa emergant monstra, humanæ valetudini infensissima. Hic inter marem & fœminam discrimen aliquod interferendum venit. Quamvis enim acceptas a parentibus morbosas affectiones, æquali jure, portioneque partiantur; attamen propter diversam partium, vesicæ in primis, varietatem, ille hac, in calculum propensior evadit. Utriusque nimirum, anatomie docet maris urethram longam, curvam, & angustam, fœminæ vero ductum, brevem, rectum, amplumque existere, adeoque difficulter ex illius, verum ex hujus, vesica, facile satis calculum nondum senio-rem posse eliminari. Non omittendum adultiores, renum, infantes vero & senes vesicæ calculo magis esse obnoxios. Illis scilicet arteriæ & venæ sanguine adeo fermentato turgescunt, ut cum serum in renibus a massa sanguinea segregatur, *spiritus urinosus*, quo tinctum est, tali jam polleat virtute, ut particulas sulphureas & salinoterrenas in renum anfractibus statim coagulet, quo peracto latex aquosus per ureteres in vesicam stillans, in ipsa sterilis omnino residet, utpote saxeo semine in renibus orbatum. In infans senioribusque contra res habet. In illis enim adhuc tenellis & imbecillis, sanguinis principia, tanto fermentationis orgasmo non percelluntur, nec his senio pene confectis spirituum *δυνάμεις* adeo vegetæ, ut *coagulator urinosus*, tartareas particulas, in renibus, dum eos cum sero pertransit, queat in unum cogere, exinde salvis sæpe renibus in vesicam cum seroso latice depluit, ubi majori robore, atque imperio in particulas sulphureas & salinoterrenas, comparatis, earum vibrationes infringit, & quasi arctis compedibus revinctas impedit, quo minus vesicæ carcerem effugiant. Haud dubie tamen multi sunt senium a limine salutantes, qui calculos in vesica, ex renibus contraxerint, eodem pacto, quo cum *Fernelio*, supra narravimus.

*Symptomata*, quæ calculum vulgo comitantur, & ex quibus affectus *διάγνωσιν* haurit Medicus, quinque enumerat *Hippocrates*, lib. 4. de morbis. *Σημεία δ' ἢ νῦσθ' ἔχει πάντε, ἐπλωτέ ὑρῖσε θέλη, πονέεται. καὶ τὸ ἔρον κατ' ὀλίγον ῥέειν, ὥσπερ σπαραγγαχοῖσι. καὶ ἔστιν ὑραῖμον οἷα τῆς κύσεθ' ἡλικωδῆς, ὡδ' τῆ λίθου καὶ ἡ κύσις φλεγμύνει, ἀλλὰ τὸτο μὲν ἀφανές· σημεῖον δ' ἀκροποδίν.* *Signa autem morbus quinque habet; nam ubi mejere vult, dolore affligitur, & urina paulatim fluit, velut in urina stillicidio: & est subcruenta nimirum vesica a lapide exulcerata, & vesica inflammata est: verum hoc signum inconspicuum est: indicat tamen summa glandis pars.* Horum symptomatum signorumque causas has esse ducimus. Primo quidem *ἐπλωτέ ὑρῖσε θέλη, πονέεται*. Quia cum muscoli abdominis, nec non diaphragma, vesicam in urinæ excretionem comprimant, valde verosimile est eorum & membranæ musculosæ vesicæ actione, lapidem e suo loco dimoveri, atque asperitatibus ejus interioris membranæ fibras corradere: unde non parum sensibilis debet exoriri dolor. Verum quandoquidem totus omnium prædictorum musculorum impulsus, urina ad meatum orinariam impellit, maxime probabile est, calculum eadem vi, eodem loci pelli, præsentiaque sua qua egressum urinæ fere præcludi, eam sinere *κατ' ὀλίγον ῥέειν ὥσπερ σπαραγγαχοῖσι*. Id est veluti in urinæ stillicidio dolorifico: quod est tertium symptoma. Quarto *καὶ ἔστιν ὑραῖμον*, & est urina subcruenta. Cujus symptomatis rationem reddit ipse Hippocrates: *οἷα τῆς κύσεθ' ἡλικωδῆς, ὡδ' τῆ λίθου* nimirum *vesica a lapide exulcerata*. Quinto tandem, *καὶ ἡ κύσις φλεγμύνει, & vesica inflammata est*. Quod de symptomate nutare videtur Auctor, id enim vocat *ἀφανές*. Exinde conjectare licet, illud symptoma non esse perpetuum, nec *παθολογικόν*, sed tantum in iis

*Sydenhami opera Medica.*

locum habere, quibus vesica calculo impense læsa fuerit; adeo ut etiam *ἀκροποδία*, id est, *summa glandis ardor* illud significare debeat, seu potius ordinario manifestet. His accedit subsequens Hippocratis textus, ex quo aphorismus 79. sect. 4. *Ὁ κόσσιον ἐν τῷ ὑρῷ φαρμάκω ὑρῖσεται, τῷ τέτοιον ἡ κύσις λίθου, quibus in urina subsident sabulosa, iis vesica calculo laborat.* At hic aphorismus tam renum, quam vesicæ calculo competere mihi videtur. Renibus quippe calculo laborantibus, sabulosa etiam excernuntur. Vesicam tamen vel renes speciatim potest respicere, modo cum aliis signis magis particularibus conjungatur, seu coincidat. Hæc & alia signa, ut crurum inter cruciationes, manuum pudendis admotio, priapismus, tenesmus, &c. tam ab Hippocrate quam Fernelio, Sennerto, aliisque notæ Auctoribus probata, cum fructu possunt usurpari si calculus vagus fuerit; at si laterali vesicæ parti, vel etiam ejus fundo adhæserit, vix ullum ex prædictis signis de illo nuncium refert. Hac in re nobis favet *Fernelius de part. morb. & sympt. lib. vi. cap. 13.* Huc accedit memorabilis historia ab *Helmontio* descripta *tractatu de lithiasi*, cap. 3. §. 40. de quodam Prædicatore prope Barclajam in Anglia, qui anno 1629. sanus atque sospes contendens a prandio, librum e sublimi ad se trahere, in imo ventre, magno percussus pondere atque dolore, certis inde a quadriduo signis, scivit se calculo gravatum. Ex hujus narrationis conditione & circumstantiis, judicare possumus Prædicatorem, nullam antea ab isto calculo tulisse molestiam, nec ullam forte utcumque manifestam de illo suspicionis causam habuisse. Omnia hoc in casu Medicorum dubia solvit catheter: ipso etenim leniter & industrie in vesicam immisso omnes explorantur anfractus, omniaque latibula, in quibus alioquin calculus omnem Medicorum solertiam & sagacitatem eluderet.

Jam hujus ægritudinis curationem suspiciendi hora est. Sed *hoc opus, hic labor est*. Nam etsi concepta, causarum externarum immoderatione, atque intemperie, in calculum inclinatio, earumdem moderatione, & temperie, sæpe avertatur & emendetur, hæreditariam tamen, nulla posse fugari ratione, ratum habeo. Rara etiam, ut fortasse ignota sunt medicamenta, quæ ore assumpta activitatis spheram, tam longe lateque ferant, ut ad calculum in regione vesicæ situm, ea extendantur. Tentandum tamen est quod ratio experientiæ maritata nobis est dictatura.

Vera & recta hujus hostis debellandi methodo insitemus, si primo grassari incipientis progressus inhibeamus, eumque si fieri queat, capite truncemus. Secundo, si eum jam vesicæ muris loricatum atque munitum, foras ejiciamus, integra, in primis, remanente arce. Primam *indicationem* absolvere poterimus, tali vivendi ratione, quæ massæ sanguineæ succos, ad pristinam *συμμετέλειαν* revocet; adeo ut *spiritus urinosus* omni sua ferocia deposita, cum partibus tartareis, tragicam suam personam amplius non possit agere. Primo si *aer* sit intemperatus, atque vaporibus seu effluviis e cryptis faxeis avolantibus, infamis, protinus deferatur. Hæc etenim non solum fermenta seu semina, calculo excitando idonea largiuntur, sed & homines, bestias, carpenta, reliquamque supellectilem, in rupes aliquando valent convertere: uti legitur in *Helmontio de lith. cap. i. §. 18.* multisque in aliis Auctoribus. Secundo, summa cautio in *esculentis*, & *potulentis* capienda. Quippe ut ea, nimia quantitate ingesta, grave ventriculi fermento, detrimentum incurrunt, & vitalem auram maxime pessundant, sæpeque suffocant, sic nociva qualitate, pluribus heteroclitis affectibus, ac præcipue hinc, ansam præbent. Absit tetra ingluvies, quæ plures quam gladius perimit. Procul panis male fermentatus nec bene coctus. Legumina ferè omnia, rubris ciceribus exceptis, caseus, lacticia omnia, pisces grandiores, haleces passæ, seu infumatæ, ostrea & conchyliæ, & tandem omnia quæ copiam seminis petrificantis secum gerunt. Horum vices subeant caro vervecina, vitulina, capones, perdices, turdi, coturnices, vitelli ovorum &c. amygdalæ amaræ, pistacia, pinæ, nuclei persicorum ceras, ficus, rubra cicera. Inter herbas malva, atriplex, petroselinum, asparagus, & in primis chærefolium *Sennerto* singulare calculi remedium. Viterur cerevisia nondum bene fermentata,



in eamque dum coquitur semen dauci injiciatur. Fugiat etiam vinum non defecatum. Nam ea morbi causam secum portant. Ex insalubrium numero est aqua stagnans, in fundo conceptaculi, silicibus, seu arenis orba; talis enim impura est, & terrenis gravida. Verum ea optima censetur, quæ perenni scaturigine, jugique fluente e terræ visceribus per summum ejus corticem derivatur, innumerisque calculis & arenulis fundum stratum habet. Motu nimirum, a corruptione vindicatur, & a spermate lapidescente purgatur, dum ipsum in arenas faciens subsidet. Vinum Rhenanum album, liquor pomaceus, pyraceus, propter vim diureticam, valde juvant. Si qua autem purgatione utendum, ad succum sanguineum reformandum, inter alia hæc esto, a celebri Riverio probata. R. Cassiæ recentè extractæ cum ol. anygd. dulcium ℥j. diaphœnici ℥iij. rhabarb. pulv. ℥j. cum pulvere liquiritiæ, fiat bolus. Ad hujus affectus *πορολαξιν* mire faciunt aquæ minerales acidulæ, & vitriolatæ; ut etenim ea varia corporum concreta valent dissolvere, ita calculosam dispositionem potenter enervant, plura utilissima apud *Paracelsum*, *Helmontium*, *Sennertom*, *Riverium*, aliosque sanæ Medicos, quorum ampliora volumina hic inferere non decrevi. Tertio excernendorum *excretioni*, & non excernendorum *retentioni* prospiciatur. Quarto motu nimio pretiosum hominis *balsamum* non profundatur, nec pigriori quiete torpeat, aut gravetur. Quinto de *somno* & *vigilia* idem dicimus. Sexto *animi perturbationibus* consulendum, ea etenim, idem ac motus intensior, & quies desidiore, præstant. Omnia igitur medio modo procedant. His & aliis, quæ opusculi brevitatis recenseri renuit, ingruenti huic affectui succurritur.

Ad alteram *indicationem* adimplendam non ita pollet Medicus. Vix etenim pharmaca cum sua operandi facultate, ad vesicam pertingunt. Tentanda tamen quæ calculum minuere feruntur. Radices apii, petroselinii, brusci, graminis, asparagi, folia pariet. Semina anisi, fœniculi, dauci, carvi, ameos, carthami, rutæ, sal prunellæ, crystal. tartar. Primas obtinet sanguis hirci, vel integer, vel distillatus per B. M. Studendum autem cum Riverio, ut hircus nutriatur per mensem, saxifraga, pimpinella, baccis juniperi, petrocelino, aliisque diureticis, sine potu. Vinum alkekengi ab Arnolde Villanov. maxime commendatur; quod sit fructus alkekengi contundendo, cum vino albo & colaturam exhibendo. *Horatius Augenius* historiam refert cujusdam typographi filii, calculo liberati per pharmacum a Jesuita ipsi oblatum, quod tale est. R. pulv. millep. ℥j. ad summum Div. aquæ vitæ ℥ss. juris cicerum ruborum ℥ix. vel x. capiat horis ante prandium quinque. Spirit. salis hispalensis extollit *Helmont. de lith. cap. 8. §. 28.* aitque ipso calculum imminui. His omnibus ore haustis palmam præriperent medicamenta, quæ suadente *Paracelso*, aliisque in vesicam syringa transfunduntur; at ægrorum experientia id alienat. Nam mitiora medicamenta; in ipsam vesicam injecta, dolores magnos cient. Si igitur *dieta* appositæ, & remediis deglutitis, affectus rebellis non cedat, sacra anchora, *κυσσωρία*, amplectenda, vesicæ inflationem, flabello peractam, apud Ægyptios olim exercitam; abhorremus: varia etiam abhinc crudelia imaginamur tormenta, nec commodam calculi educationem. Nec spiritus a Fab. Hildano extrahendi calculi modus, magis nobis cordi est. Regnet ergo ea sola calculi eruendi ratio, quæ tot excellentibus practicis, Celsoque præsertim, maxime arridet. Si quis autem nosse aveat, quale in viro, quale in puero, mulieribus, aut virginibus calculi educendi *εὐχεσπυα* excellat, peritorum *χερσπυων* monumenta adeat. Sed a tædioso librorum evolvendorum labore abstinere queat, quicumque eximiam dictam epistolam, ab ipso naturæ genio scriptam, consulere voluerit. Hic sisto. calamum, & DEO TRIUNI gratias ex imo meo corde fundo, & ipsum demisso, humilique rogo animo, ut tentamini huicce benignus faveat, luminisque scintillulam gratus imperire dignetur, quo densis ignorantie tenebris mens mea tandem eripatur.

*Dissertationem hanc primam, alia jam Præclarissimi Martini Lister excipiat. Quæ sic habet.*

## DISSERTATIO MEDICINALIS

D E

### CALCULO HUMANO, &c

**C**alculi ubique corporis humani at præcipue in renibus & vesica generantur: cujus rei rationem infra privatim exponam. Igitur inventi sunt calculi sub lingua, in ductibus pituitariis, in cerebro, in hepate, in pulmone, in vesiculis seminalibus, in utero, in ventriculo, in intestinis, in articulis tum manuum, tum pedum, at multo frequentius in renibus & vesica. Adibis *Historia Medicinalis* Scriptores, & præcipue mortuorum disectores.

Calculi autem, etiam si maxime inter se discrepare videantur & figura & colore & pondere; nam in iis sunt leves, sunt asperi: alii opaci, alii pellucidi & crystallorum æmuli: sunt & tophacei & valde friabiles: alii vero vere metallici, ponderosi, peneque siliici videntur: alii rotundi, alii inæquales: alii quadrati, alii fissiles: alii testacei &c. tamen eorum natura & generationis ratio eadem est, non solum in hominibus, sed etiam in aliis animalibus, ubi calculorum quoque quam maxima varietas differentiæque occurrunt.

At licet ea distinctio calculorum secundum loca & animalium genera laudabilis & historica sit, instituti tamen nostri brevitatis nos diutius insistere istiusmodi minutiis non patitur.

Verum ne futilibus conjecturis oratio nostra procedat, primum videndum est, quid nobis de calculorum natura, & ex eorum analysi per ignem, & cum crudi nondumque ignem experti fuerint, existimare liceat.

De calculo autem humano cremato hæc exhibet diligentissimus Leuvvenhoekius ope microscopii.

„ In calculo humano, inquit, ignis vi in calcem redacto, magna copia insunt & salia fixa & volatilia. *Idem albi*, ex sale volatili & fixo maxima pars calculi constituitur, *itemque*, calculi vesicæ humanæ ex magna particularum salinarum copia constant.

Porro „ *ex calculo combusto* crystalli erant pellucidæ, atque ita angulares ac lateribus planis, ac si ipsum fuisset crystallum.

„ Rursus ex calculo adusto, cui aqua infusa est, sal coagulatur, ac *tam durum fit ac rigidum*, ut quamvis aqua ad coctionem usque fervereat, sal illud tamen cum aqua non denuo conjungitur.

„ Item sal volatile *calculi* adeo *rigidum & firmum* est, ut, ubi coagulatum est, humido cælo dissolvi nequeat.

„ Ex capite mortuo *calculi combusto*, cui aqua pura infusa est, eadem aqua sensim in aere siccata, detegi plures salis figuras, pellucas instar adamantum: nec solum erant pellucidæ, sed & anguli earum erant adeo glabri, ac adamantum anguli possint poliri. Inter eas vero maxima erat plana, & ejus basis triangularis: unus ex angulis erat obtusus, juxta hanc vero jacebat particula salina, cujus basis erat sexangularis, &c.

„ Præterea jacebat (præcipue in liquoris superficie) magna copia pericularum salinarum, similium iis, quas in *Arthriticis calcem* appellamus.

„ Etiam si cælum, dum accurate intueret salis particulas, admodum esset humidum ac frigidum, omnes hæ particule undique, quasi aqueo humori injectæ erant: unde earum rigiditas facile conjici potest.

„ *Calculus crudus* ex aqua frigida infusus *suos quoque sales* similiter rigidos dat.

„ Nullam vidi particulam salinam, ex tot myriadibus salis, qui calculo humano insunt, communi nostro sali similem. Neque illud ex siccato humore detegi potuit.

„ Omne



„Omne sal palato nostro non sapit; ita nec sal e testis conchyliorum crematis, ex alabastro crudo; ita nec sapit qui elicitur ex calculo humano: id est, *acrem & acidum* saporem admodum salis communis non exhibet; sed sal tamen esse non desinit, i. e. suum habet peculiarem saporem, de quo supra satis dictum est.

„Capiti mortuo materię calcarię *Arthriticorum* ad nigredinem exusto, aqua adjecta inest magna copia particularum salinarum, similium salium in calculo humano: scilicet rigidorum plurimumque angulorum; nihil salis vulgaris, quo in cibis utimur, inest materia calcaria arthriticorum. *Hætenus Leeuwenhoekius.*

Illud autem notes velim, figurarum salium illorum varietatem ac imperfectionem apud eum ab incredibile particularum salinarum exiguitate dependere, quæ, ut is testatur, vix tantæ sunt, ut multæ earum myriades arenulam æquent: adeoque propter parvitatem vix satis recte depingi poterant.

In crystallos itaque majusculas (quantum fieri potest) aliquo artificio cogendæ sunt, ut lenta siccatione in umbra, idque diebus maxime calidis: quo certe tempore ex aquis nostris mineralibus crystallos ad sesqui scrupuli pondus habuimus: deinde quo major quantitas salis erit, eo promptius experimentum ejus concretionis in crystallos, magnitudinis conspicue & perfectissime successurum est.

Hæc autem non exhibui, ac si aliquod dubium sit de veritate experimenti a Leeuwenhoekio de illis salibus expositi, sed ut, etiam sine microscopio, vel nudis oculis res manifestaretur.

Igitur de copia & natura salis in calculo humano jam satis fere diximus; item de ipsa calce similiter sive materia calcaria & metallica.

Illud autem unum addam de hac calculi humani materia, scilicet quod in earum aliquibus debite crematis etiam ipsum *ferreum metallum*, ad aliquot grana adhibito magnete, posse extrahi; id quod olim ostendi coram *societate Regia Londinensi* cum ibi forte caput mortuum dictum alicujus calculi humani a *D. Slare* expositum fuisset. Appello autem registra ejusdem *S.* de fide experimenti.

Quæ vero præterea calculi, *chymica analysi* dent, minus moror, nempe olea & aquam. Cum non alia sint a sanguine humoribusve corporis: adeoque minus faciunt ad calculi generandi intelligentiam; quæ tamen hujus Dissertationis præcipua intentio est.

Igitur his expositis quale sit id, quod in homine lapidescat, satis intellectum puto, atque ita *calculum definitio*, nempe esse quid vere lapideum a sale lapideque calcario & interdum a ferreo metallo, humoribusque quibuslibet corporis concretum, atque in plerisque ductibus viscerum excretoriis, maxime vero in renibus & vesica natum.

*Causam* itaque *materialem* calculi in solis humoribus, ut in pituitosis, crassis, viscosis, tartareis aut sæculentis non posuimus. Etenim materiam non solum concretioni aptam, quales sunt humores, indicare satis est, sed aliam etiam vere lapideam & metallicam calculi exigere videntur, atque ea ipsissima est, quam in proxime superiore Tractatu Anatomico exhibuimus, e quibus conchyliorum testæ sunt, inque fontibus medicatis inveniri diximus; nempe succum lapidescentem e saxo quovis calcario, pyriteve sive ferreo metallo *Germinante* ortum, atque aquis abreptum, nobis aliisque animalibus quovis alimento, maxime vero potione assumptum.

Humor autem iste sive succus lapidescens etiam si ejus effectus passim extra nos innumeris exemplis appareat, tamen a nemine quod scio, explicatus est. Etenim Helmontii somnia hic non vendito, videlicet cuncta metalla ex mera aqua fieri, specifica metallorum semina, fermenta, odorem & spiritum nescio quem urinæ lapidificum, terram ejusdem volatilem, spiritum vini urinæ incolam, hæc meræ nugæ sunt.

Non semen, inquit Helmontius, cum aqua sibi subdita solum petrescit, quin insuper corpus sibi contiguum, odoris seminis petrifici, solo tactu petrificat, at si ita esset, cur renes & ipsa vesica non petrificarentur: ubi interdum semen istud, odor & fer-

mentum tam vehemens est, ut innumeros & sæpe ingentes calculos generare potis sit: *ἀλλὰ ὅντις τὸ τῆς εὐνῆς ὅς λόγων λίαν ἐξέταξεν.*

Quæ vero passim observare licet, ea tantum exhibeo, scil. saxa calcaria & pyriten i. e. ferri metallum sulphureulentum, præ omnibus metallis, *salia sua lapideis particulis gravida* edere, more plantarum pululantium; has vero *plantas salinas* aquarum cursibus dissolvi, iterumque vel ob moram, adhesionem ex aptitudine quadam partium & contiguitate, imbibitionem, aliave ignorabilia accidentia inter se coire, & in primam suam materiam redire, hinc, inquam, petrificationes extraneas, & calculos intra nos fieri verisimile est.

Est itaque peculiaris quædam materię sive succi lapidescentis aptitudo, ut in lapidem convertatur, nimirum ex salis lapidei naturali coitione, ejusque rigiditate, ut dissolutioni, ut dictum est, resistat; itemque ex copia & qualitate particularum lapidearum in isto succo contentarum, suo scilicet sali ex quadam harmonia ortus, prompte committendarum, nexu haud facile dissolubili.

Igitur calculi materiam ab esculentis & potulentis, quæ hujusmodi salibus lapideisque particulis abundant, provenire. Si vero corpus bene se habeat, foras ejiciuntur, neque in renibus aut vesica retinentur; si renes imbecilli fuerint & vesica labefactetur, in lapidem coire apta sunt.

Efficiens itaque causa calculi est copia materię lapideæ in ductibus viscerum excretoriis imbecillis diutius suppressa.

Si qua vero sit in aliquibus hominibus hæreditaria dispositio ad calculum generandum, ea oriri possit ex mala partium constitutione, ex usu tamen quotidiano victus, lapidea materia maxime infestis, vel in maxime integris hominibus calculi etiam generantur, videlicet si alimentis continuo & magna copia utantur, quæ plurimum succi lapidescentis in se contineant, aquasve bibant tali succo vitiatas, quia in illis aquis aut cibis causa materialis; unde est, quod in quibusdam regionibus præ aliis incolæ complures calculo laborent.

Itaque renes & vesica vitiantur vel ex nativa constitutione, vel victu calculoso supervacaneo, quam autem rem sic intelligo, nimirum a nimia copia & pondere materię metallicæ arteriolæ capillares, renum ductibus excretoriis commissæ, distenduntur, præterque naturam valde ampliantur, unde excretio debilitatur a constrictione arteriolarum labefactata. Igitur materia metallica in ductibus excretoriis imbecilibus sensim accumulatur moramque trahit, unde ejus coitio in calculos: idem cogita in tabe hæreditaria, ubi mala renum constitutio.

Inter *causas* autem calculi *antecedentes* & *procatarticas*, hæc recte numerantur.

1. Mala concoctio, qua chylus crudus & lentus quo involvitur succus lapidescens, indiscriminatum intra habitum corporis assumitur, etiam si vero causa calculi materialis non ex stomacho deducenda sit, tamen eo labefactato in officio suo chyli conficiendi, succus putrescens plus minus in omnigeno alimento necessario & naturaliter existens, possit ob chyli crassitiem citius & facilius in majores arenulas coire in renibus.

Profecto robur inæquale partium est calculosorum præcipua ratio; ita renum alter calculos parit altero sano, quod satis evincit calculi vitium a parte labefactata potius, quam ab ullo materię calculosæ defectu oriri, quæ semper, ut dictum est, adest; at raro supra modum arenularum concrescit, nisi vitetur tonus & vigor renis expulsivus.

2. *Lactea infirmata*; nam ab iis integris etiam chylus bene digestus a succo istiusmodi putrescente ex parte purgatur; quod scilicet is fluori minus aptus sit, adeoque inter alimenti soluti excrementa per intestina dejicitur, antequam venas lacteas subire possit.

3. Hyems autumnusque calculos renum parit, auctore *Aretæo*, an quod magis laborent renes, suppressa ex frigore perspiratione cutanea.

Sed ad alia pergamus, & privatim materiam calculi suppeditant maxime *ostrea* & omnia *Testacea* animalia, *aqua medicata*, quæque vel calcario vel fer-



reo metallo imbutæ, & quæ petrescentes ob conspicuos effectus præcipue audiunt. *Vina* aut quælibet alia alimenta locis aqua petrescente vitiosis nutrita.

*Salse* autem *carpes* minime, prout Leeuwenhœckius extra dubium posuit; scilicet in calculo omnino nil salis culinarii repertum esse.

His vero adjici possunt *vehementissima quaque Diuretica*, quæ materiam morbificam vel nimio impetu ad renes deturbent, vel victum per se minus noxium infestum reddant, quod ipsi renes ob nimiam excretionem infirmantur.

In his quoque causis *Balnea* ponenda sunt, quibus renes nimirum laxentur, item alimenta vehementer calida, ut piper, alia, resinæ quævis, exercitium vehemens, Venus immoderata.

Audi Hippocratem, (a) pueris calculi principium „ ex lacte impuro, pituita enim ex eo lacte urinæ „ sedimento admixta, glutinum evadit; ac primum „ quidem parva lanugo accrescit, deinde quod accedit arenosum. Rursus autem alimentum solidum „ aut lapidosum efficitur, non secus ac ferrum ex „ lapidibus &c.

Ita nobiscum satis bene sentit antiquissimus Medicus, calculum accrescere ex arena pituitæ commista, i. e. ex materia vere lapidea, primoque mollem velut lanuginem, mox virtute arenosæ accessionis solidum ac lapidosum effici, non secus ac ferrum ex lapidibus.

Hactenus de calculi natura, ejusque generandi modo causisque; proximo autem in loco ipsius morbi ratio sive *pathologia*, sive is in renibus, sive in vesica fiat, instituenda est; cum *Diagnosticis* vero incipiam.

Hæc autem calculi in renibus indicia sunt. 1. Omnium certissima significatio, calculus excretus est.

2. Ad renem doloris gravitas. (b)

3. Femoris e directo stupor sentitur, idem ibidem.

4. Nausea & vomitus.

5. Urina cruenta: at hoc perpetuum non est: unum tamen e præcipuis est quando contigerit, quod dolorem nephriticum a colico distinguat.

6. Urina in principio aquata, pauca, aut integra suppressio: a moto vero calculo per uretres, ea copiosa, fere turbida, arenosa.

Hæc autem indicia per se patent, neque ulla explicatione, certe arte peritis, indigent.

Ubi vero id malum in vesica fuerit, his indiciis, inquit *Celsus*, (c) cognoscitur. „ Difficulus urina „ redditur; paulatimque, interdum etiam sine voluntate destillat, eadem arenosa est, nonnunquam aut „ sanguis, aut cruentum, aut purulentum aliquid cum „ ea excernitur; eamque quidam promptius recti, „ quidam resupinati, maxime hi, qui grandes habent „ calculos, quidam etiam inclinati reddunt, colique extendendo dolorem levant. Gravitatis quoque „ cujusdam in ea parte sensus est; atque ea cursu „ omnique motu augetur: quidam etiam cum torquentur, pedes inter se, subinde mutatis vicibus impli- „ cant. Fœminæ vero oras naturalium suorum, manibus admotis, scabere crebro coguntur; nonnunquam si digitum admovent, ubi vesicæ cervicem „ is urget, calculum sentiunt.

Neque multum aliter Hippocrates. (d) „ Hic morbus quinque habet signa: Dolor in urina reddenda: ejus stillicidium: interdum cruenta, a vesica inflammatione vexata: verum id non apparet, indicio tamen est *summa præputii pars* (i. e. inflammata) interdum arenosa reddit, interdum duos „ aut plures calculos.

*Arctæus* ex antiquissimis auctoribus in plerisque consensit. „ Si vesicæ inhæserit calculus, ex colliquationibus patefiat, neque doloris neque gravitatis expertes sunt, licet urinam expedite reddant: Sin minus „ & urinæ difficultas accedet: omnes vero calculos „ ex fabulosis urinæ subsidentiis deprehendes, & quod „ istis virilia sæpius eriguntur: quando enim me- „ subestque calculus, dolent, tractant, attrahuntque „ pudenda, anus quoque vitii particeps redditur.

De inflammatione autem vesicæ satis constat ex observatione Hippocratis, cum ad summam glandem fere visibilis sit ex insigni rubore; unde non mirandum est, si molestus interdum *pruritus* sit in pudendo, *dolorque* in vesicæ collo incipiens, ad glandis extremum usque porrigatur, unde etiam *Virilium* frequens *erectio*, non secus ac cantharidibus sumptis.

Urinæ autem *Stillicidium*, & ponderis sensus: item mictio facilius in uno corporis positu quam in alio: item deijciendi cupiditas, quæ mictionem excipit, hæc omnia a magnitudine, & figura & motu calculi oriri videntur.

Ultimum autem & omnium certissimum signum est exploratio, vel per digitum in anum vel per catheterem in ipsam vesicam immisum.

De illo autem Hippocratis (e) aphorismo magna interpretum dissensio est a Galeno ad nostra tempora. Quibus in urina arenosa *σάμωδία* subsident, his vesica calculo laborat,

Johannis Zechii (f) opinio, ut video plerisque, arridet; qui hanc subsidentiam non meram arenam esse vult, sed gluten istud mucaginosum in plerisque calculosis conspicuum; at hoc non perpetuum signum est, adeoque minime pathognomonicum.

Sed, brevitatis causa, missis aliorum disputationibus mihi videtur Hippocratem hic, generationis arenæ locum, non calculi existentiam indicare voluisse, & dicit tantum ipsam vesicam in vitio, ubi arenæ a mictione formantur atque subsident; ita quidem expono *ἡ κύστη λιπαία*, imo idem Hippocrates (g) alibi ait arenam non esse signum calculi in vesica; atque ita ille aphorismus diverso ab hoc sensu intelligendus est.

Verum ais, arenæ non sunt calculi, neque negandum est, quod a quibusdam exhibetur, scilicet vix e decem unum reperiri, qui arenas cum lotio non excernant; raros tamen esse, qui renum calculo laborent, & rariores multo, qui vesicæ.

Quamvis autem arenæ revera calculi sint, nec ab iis essentialiter differant; tantum secundum magis & minus, nam perexiguus calculus arena est; tamen aliquo sensu, in gratiam Medicorum, probanda est ista distinctio, nempe arenarum quotidianarum cum urina ejectarum, & calculorum majusculorum non sine dolore & difficulter excernendorum, utraque tamen partes, & renes & vesica tum suas arenas, suosque calculos generant: neque aliter visum est Hippocrati, ut supra dictum est in diagnosticis; vult autem in hoc aphorismo arenas ex urina mixta subsidentes præcipue a vesica vitiata oriri, eamque calculis generandis præ renibus pronam esse innuere. At hic prætereunda non est singularis opinio Fernellii, qui statuit omnem vesicæ calculum, rudimentum quoddam, seu interiorem nucleum ex renibus trahere, e quibus per nephriticum dolorem excidens, si sit grandiusculus, in vesica hæret, & sordium illic allatarum adhæsu coagmentatur, dum adoleverit in justum lapidem; eo, inquit, argumento, quod neminem ostenderit in vesica calculosum qui non fuerit diu ante nephritide vexatus: item quod in contritis vesicæ lapidibus nucleum quendam se reperisse asserit, diversi a reliquo integumento coloris & substantiæ.

Huic autem opinioni ipse addo, etiam in mediis calculis, e vesica exectis, vidi & *ferramenta* (h) & ossa, per ipsum penem injecta: possunt itaque arenulæ renum esse pro rudimentis calculorum vesicæ: at hoc perpetuum non est.

Etenim priorem hujus rei rationem alii Medici ex propria sua experientia negant; nempe in pueris calculosos dari, quibus nulli nephritici dolores antecesserunt: item non in omnibus calculis nucleum istiusmodi inesse.

Illud quidem verum est, calculos renum sive arenulas ab iis plerumque fulvas esse, vesicæ vero albicantes, quare? calculorum color, ut supra dictum est & consistentia varia: modo rufi, modo nigricantes, modo albi sunt, nempe proratione cibi potionisve assumpti; at fere a renibus subcrocei, a vesica albi: an quia

(a) Lib. 4. de Morbis.

(b) Hipp. Epidem. l. 1. §. 1.

(c) l. 2. c. 7. (d) 4. de Morbis.

(e) Aphor. 79. S. 4. (f) Conf. 58.

(g) L. de inaffectibus.

(h) Acta Philosoph. Lond.



quia in renibus urina defœciatior, puriorque ei insit, arenularum materia ad ocram accedens, in vesica vero eadem pituitæ mucosæ & albicanti, e glandulis excretæ, mista & contaminata sit.

Sed ad *Prognostica* transeamus.

Lapis magnus potione, neque medicamento frangitur, auctore Aretæo. Chemicorum insomnia hætenus vana sunt.

Morbus periculosus: hæreditarius incurabilis: nam calculorum procreationem (cum Aretæo loquor) & fœcunda sterilem reddere, nemo potest: facilius est enim uterum a pariendo prohibere, quam calculosos renes calculis vacuare.

Vitia renum & vesicæ in senibus difficulter curantur. (a)

Hippocrates in eoacis vult lapidem in vesica non generari a 14. ætatis anno usque ad 60, nisi prius extiterit.

Ita parvi & senes sunt ipsis viris calculosiores. Pueri autem magis calculo vesicæ laborant, senes vero calculo renum: quid ita? Audi Galenum (b) quia in pueris facultas renum expultrix fortior est; ejus autem actio naturalis est, item retinendi in vesica facultas non minus fortis est; at cum vesica proprie receptaculum est, & pueri parum bibant, parumque mingant, cum mictio actio voluntaria est, vesicæ exonerandæ non attendunt, sic calculorum coitioni major opportunitas ex mora.

Ex anatomia autem discimus, ubi calculosis ægris mucosa urina effunditur, vesicæ corpus cancriforme esse, & digiti aut pollicis crassitiem nonnunquam adeptum esse: in calculosis vero, qui claram ac tenuem urinam mingunt, vesicæ substantia invenitur membranosa, fereque ut in statu naturali se habet; de his autem ita sentio, calculum primum exiguum concrevisse, vesica adhuc integra; aucto vero calculo, ab ejus pondere, asperitate motuque vesicam lædi, ejusque membranarum glandulas inflammari, intumescere, indurati, i. e. cancriformes fieri: unde veluti puits sive pituitæ viscosæ, interdum cruentatæ ingens copia cum urina profuit.

Postremo in *sektione* sola cura magnorum lapidum. *Calio Aureliano* (c) auctore.

At, inquires, cur non quibusdam medicamentis dissolvantur, certe quidam lapides majores cum ex calculis in humano corpore repertis quidam tophacei & friabiles & leves, quales sub lingua & in articulis orti? Respondeo in vesica lapides fere silicei sunt, raro molles; & si ita, tamen ex arenulis duris compaginantur; Ratio est, quia per majores vias & in majoribus conceptaculis metalla, sive particulæ tum salinæ, tum lapideæ, e quibus iste succus petrescens constat, ponderis sui virtute fere copiosius & excernantur & in calculos concrecant, atque hæc hætenus. Proximo autem in loco de curatione & medicamentis dicendum est.

*Curationes* autem hæc fere instituendæ sunt: vel ad calculos minores, arenasve, cum molesti fuerint, expellendos, specialibus adiutoriiis: atque hæc fere diuretica sunt: vel materiam calculosam minuendam, doloresque acerbos mitigandos, in majoribus calculis excretioni ineptis: atque illa prophylactica anodyna sunt, profecto qui dolorem sustulit, satis ad valetudinem profuit.

Quoniam autem instituti nostri ratio brevitatem requirit, & ut repetitiones supervacaneæ evitentur. ex adversariis nostris ægros aliquot, qui nobis commissi fuerint, eorumque curationes paucis enarrabo, deinde medicamentorum, maxime a nobis exhibiturum rationes exponam.

Hi autem *Nephritide* laborarunt.

### I. Ægrotus.

**D.** Dryden, Presbyter Ecclesiæ Eboracensis, mediæ ætatis vir, ex pluribus mensibus sanguinis mictione misere affectus est, maxime ab equitatione, aut vehementiori corporis motu: item calculos innu-

(a) Hipp. Aphor. 6. 5. 6.

(b) In 6. Epid. sect. 3.

(c) T. P. l. 5,

meros, fere arenosos (& in iis fuerunt, qui seminum coriandri grana implebant) excernere consuevit, huic etiam frequentissime mingendi cupiditas.

Is autem multa a multis frustra sumpsit: tandem hoc remedium a me feliciter præscriptum est (℞. sem. & rad. pæoniæ maris, agarici vitrioli Romani, mithridat. an. ʒ. ʒ. conserv. ros. rubr. ʒiij. Syrup. e ros. q. s. f. Electuarium.)

Convaluit & a sanguinis mictione & a calculo.

### 2. Ægrotus.

D. Breeden de Pangburne, unus e Parlamento Jacobi Secundi Regis, sexagenarius, ex vehementi saltatione in uno & dextro pede per hortos suos, quo exercitio aliis sæpius certare consuevit, sanguinem minxit.

Huic malo curando ei pluries sanguis e brachio missus est, aquas ferratas sumpsit; aliaque plurima medicamenta frustra ab aliis atque aliis Medicis adhibita sunt.

Post sesquiannum autem hominem in hac conditione inveni. Sanguinis plus minus ab aliquot septimanis quotidie mingebat, non sine urinæ stillicidio tumor ingens & durus in abdomine contra renem dextrum; item dolor continuus in dorso: summus ardor in imo abdomine e regione renis dextri: vena abdominis externæ ejusdem lateris varicose & præter modum tumidæ: habitus corporis qualis in leucophlegmatia: multum sitiebat: parum dormiebat. Denique huic coxendicum stupor, & summa crurum imbecillitas.

Huic autem malo sic auxiliandum censui. (℞. Mithridatii sine opio confecti. ʒj. ʒ. G. Tragacanth. aq. rosac. dissolut. ʒ. ʒ. f. pilul. n. vi.) ex his unam singulis noctibus sumpsit.

Item (℞. Aq. hordei ʒii. olei vitrioli guttas vi. succi limon. ʒiv. C. C. nstl. ʒj. sacch. candi albi. ʒiij. ʒ. misce; de quo ad ʒvi. bis quotidie propinavit.

Item (℞. Balsami martis) i. e. salis martis ex balsamo Lucateli ʒj. (optime saper marmor contriti) gr. iij. hora aliqua vespertina devoravit.

Ex his autem medicamentis intra diem unum vel alterum multo melius se habuit.

Postremo bis hominem purgavi hieræ diacolocynthidos ʒj. quod medicamentum facile tulit.

N. B. Quamvis in reliquis mire a meis medicamentis levatus est: adeo ut non amplius sanguinem mingeret, & optime dormiret, & sat bene cibum appeteret; tamen vix ambulare centum passus præmira imbecillitate crurum potuit, aut scalas ullatenus ascendere.

In hoc statu ad tres hebdomadas mansit: tandem nulla amicorum prece prohiberi potuit, quin rus iret ad quinquagesimum fere lapidem a Londiniis, ad videndum uxorem moribundam; ex itinere autem (quamvis lectica veheretur) iterum sanguinem minxit, & aliquot postea diebus ex urinæ suppressione interiit.

Ex dissectione Ren. dexter immensæ magnitudinis inventus est, cancriformis, ad quinquaginta uncias pendebat, atque in eo inventi sunt plurimi exigui calculi.

Nequeo sane mirari satis veterum diligentiam; nam cum rarissimum sit hoc morbi genus, idque mihi semel tantum in praxi occurrit, tamen apud Ætium summa accuratatione descriptum illud legere est.

### 3. Ægrotus.

D. Athins, quinquagenarius, unus e regni Justitiaris, Eboraci, cum publica negotia obiturus erat, calculo laboravit, huic in altero rene dolor vehemens, vomuit, mingere cupivit, at frustra, nam paucam tantum urinam reddidit, eamque aqueam.

E lenioribus autem medicamentis hæc sumpsit, nimirum præmisso enemate e therebinthina ex vitello ovi dissoluta in decoct. communi, cui vini emetici ʒiii. adjectæ fuerint, parum effecimus: ideo statim hæc purgatoria exhibuimus cum diureticis mixta & stomachicis. (℞. Elect. lenitiv. ʒss. assellorum cochinell. an. ʒj. sal. absinth. ʒj. m. f. bolus, huic superbibat potionem sequentem. ʒ. decoct. senna Gereon. ʒij syr. e spina cervina ʒj. f. aq. mirab. ʒvi. olei amygdalarum dulcium ʒj. misce



3j. *misce f. potio.* ) bene fecit: calculos enim aliquot albos cum urina subfulva & fœculenta excrevit; & postmodum publicis negotiis præsuit.

#### 4. Ægrotus.

Domina *Bellingham* quadragenaria subito post dejectionem vehementi dolore nephritico, & ad alteram abdominis partem correpta est; vomuit, mox quatuor calculos excrevit cum tantillo urinæ. Ab his primis calculis dolore perseverante hoc medicamentum præscripsi. ( ʒj. *Cassia recent. extracta* ʒss. *pulv. jalap.* ʒj. *mercurii dulcis* gr. vj. *olei cinnam.* gut. i. m. f. *bolus.* ) alios autem multos calculos deinceps per aliquot dies reddidit.

N. B. Horum autem calculorum color *luteus*, figura omnium subteres; at non eadem magnitudo: ad grana vero piperis majusculi, omnium durities insignis: aliquot ex iis fractis cortex lapideus unus, more caparum alteri superinjectus est; item interior medulla similiter & lapidea, & rufescens.

#### 5. Ægrotus.

D. *Harduich*, mediæ ætatis vir, ex itinere primum sanguinem minxit, cum renum dolore; post aliquot vero menses calculos *rufos* exiguos non sine vomitu & vehementi renum dolore excrevit; item intra annum tertium eodem dolore renum correptus est, cum vomitu & calculorum excretionem.

Huic sic præscripsi ( ʒj. *Agarici pulv.* ʒj. ʒss. *jalap. pulver.* gr. vj. *summitat. hyperici pulverisat.* ʒij. *vini veteris Rhenani* ʒv. m. f. *potio.* ) ab ea vigesies minimum, deiecit, neque tarde aut cum ullis torminibus alvum movebat, convaluit.

#### 6. Ægrotus.

D. *Ascough*, senex calculo sæpe vexatus est renisque alterius vehementi dolore, vomitu, sanguineo mictu, is autem dolor, ante meum adventum sine febre ad octiduum manserat, exhibui statim cassiæ ad ʒvi. &c. in bolo, a quo non sine levamine purgatus est; at rediit vehemens dolor; ideo nocte dormituro data est *Trochisc. Alkekengi*. ʒj. optime se habuit, postmodumque mane sine ullo dolore calculum grandiusculum minxit.

#### 7. Ægrotus.

D. *Rhodes* diu multumque renis dolore affecta est, cum vomitu: multa & enemata & alia remedia data sunt, a quibus inducias trium circiter dierum habuit, tandem huic dormituræ vesperi *Trochisc. Alkekengi* ʒi. exhibuimus; ea nocte placide quievit, & postmodum hora aliqua pomeridiana tres calculos majusculos fere sine dolore excrevit, convaluit.

N. B. In his trochiscis insunt præter baccas solani *Alkekengi* dictas, & amygdalas amaras, & opium, &c.

#### 8. Ægrotus.

D. *Legger* quinquagenaria, primaria fœmina, diu febre intermittente luctavit, tandem ad me venit, Eboraci degentem: graviter præter febrem symptomatibus histericis affecta est, huic adeo apozema præscripsi ex cortice Peruviano, phyllitide, ceterac, ruta muraria, &c. Singulorum ad ʒiij. in vino post longam macerationem leviter coquend. de eo per aliquot dies sumpsit; tandem febre victa, vomitu & vehementi renis dolore correpta est, calculumque majusculum excrevit: id quod semel tantum in vita ante quinquennium fecerat; agnosco autem libens, & expertus jam egregiam vim herbarum capillarium ad effectus uterinos; at suspicor illas herbas non tantum calculum expellere, sed etiam ex parte illum ab iis, tanquam materia, gigni; quod rupibus fere calcariis, locisque montanis uliginosisque naturaliter crescunt, ubi eas plurimum succo calcario imbuere nutritique necesse est.

Idem de eodem apozemate in alia atque alia fœmina, D. *Roksbie*, &c. observavi: unde magis magisque fidem do jam positæ sententiæ.

D. *Green*, coquus aliquoties calculos a renibus excrevit; at ultimo paroxysmo, quo me accersivit ut opem ei ferrem, ex communi consilio cum D. *Barvick* collega meo dignissimo, *dysuriam* ad triiduum passus est magna corporis jactitatione atque anxietate; in extremis autem cum pene de hominis vita desperatum fuerit, sic præscripsimus. ( ʒj. *Cantharid. prob. tostatum, tantum non crematarum* ʒss. *aq. spermatis Ranarum* lbj. m. f. *haustus* ) paucis horis elapsis urinam ad quatuor minimum libras reddidit, & una plurimos calculos, convaluit.

Hi autem calculo vesicæ laborarunt, renibus forte in plerisque non integris.

#### 9. Ægrotus.

D. *Ramsden*, mercator Eboracensis, mediæ ætatis vir, ex patre calculis misere afflictus natus, & ipse renum & vesicæ calculo a multis retro annis vehementer laboravit; item ejus filius unicus triennis calculo correptus est, & sectione tandem a pene pueri grandiusculus calculus exemptus est, gravissimis autem symptomatibus malum in dies & molestius & periculosius fit; nam sanguinem sæpius minxit, modo dysuria, modo lumborum contra renes dolore, horrendum, cruciatus est: sæpenumero vero calculos fere asperos, & inæquales excrevit, tum albos, tum flavos hordei grani magnitudine.

Tandem vero ab equitatione primum observavit se humorem quendam albidum tenacem cum urina reddidisse; is autem humor præ lentore suo matulæ fundo adhæsit; nec facile cum urina effundi potuit; & interdum ad plures uncias diei unius spatio excretus est; neque unquam sine dolore excerni potuit, propter virgam (puta) inflammata & acrimoniam frigidæ, & marcescentis urinæ; nam vetustatem redoluit, etiamsi novissime fuerit reddita.

Sane hunc hominem, cum primum medicinam facerem, curavi; mihiq; adeo ex propria experientia minus notæ essent medicamentorum vires, illud equidem unum totis viribus efficere conatus sum, scilicet, ut materiam istam lentam aut minuerem, aut liquefacerem, quo minore cum dolore per urethram exire posset.

Neque aliud magis profuit, quam *mercurius dulcis* ad gr. vi. ex *pulv. jalap.* ʒj. exhibitus: quippe eo & alvus diu liquefacta est, & materia lenta & mucosa in grumos farinaceos divisa est: ac sic multo melius se habuit & ratione dysuriæ, & minus frequenter mingendi cupiditate vexatus est: tandem vero maxima ex parte desit prodire iste mucus, at fœtor urinæ usque permansit, etiam cum cætera sanus sibi visus fuerit.

Post mensem vero ex frigore & cruditatibus eodem mucositate mire viscido tentatus est.

Tum vero hominem sic purgavi ( ʒj. *Rhei Torrefacti* ʒss. *Therebinth. Venet. ad duritiem coct.* & *pulverisat.* ʒiij. f. *Pulvis: detur ex haustu sequenti.* ʒj. *mellis despumati* ʒi. ʒss. *aq. sperm. ranar.* ʒij. *misce.* )

Urina autem quæ antea aquea fuit, jam ex rhen intense colorata est, eique ex terebintha odor suavis conciliatus est, at postmodum idem urinæ pallor atque idem fœtor redierunt.

Porro, ex semicupio, in quo semel tantum ad mitigandos dolores demissus est, involuntaria mictio secuta est, idem observavi ex usu opii.

Rursus, ex mercurii dulcis aucta dosi ad gr. x. & pro secunda vice dato, idem effectus secutus est, ut sc. mucosæ urinæ materia in exiguos grumos incideretur, & matulæ fundo vix amplius adhæteret: at propter stimulatam anum & ex consensu communi cum sphinctere vesicæ, diarrhœam plurium dierum, imo fere integri mensis induxit, item aphthæ: in ore & faucibus ortæ sunt.

Cum vero levi febricula sub eo malo corripere venam in brachio incidimus: sanguis autem missus, & refrigeratus, crassa pelle albida contextus est.

Tandem ex communi consilio aliorum mecum Medicorum & trochisci, *Alkekengi* & emulsio cum feminibus frigidis minoribus cum decocto symphyti majoris, &c. præscripta sunt.

Ab his autem remediis calculi multi parvi, sed *albis-*  
*simi*,



*fimi*, qualis color fuit emulsionis, excreti sunt; item postmodum rediit urina mucosa & lenta & dolor vehementer auctus est, & urinæ difficultas: ideo abstinui a præscriptis medicamentis: itaque spiritus salis armoniaci cum gummi ammoniaci destillati ad guttas vj. ter quotidie sumpsit ex aquæ spermatis ranarum haustulo.

Ejus autem medicamenti post aliquot dies effectus erat, ut urinæ malus odor, fere sublatus est, & ejus sedimentum jam bona ex parte similagineum, candidius & leve factum fuerit.

Rediit autem appetitus, & ex usu falsamenti veteris, apud nostrates *Ling.* dicti, alvus subito compressa est, & urinam rursus continuit, cæteraque omnia incommoda mirifice levata sunt præter unicum in urina fæctorem, neque amplius urina viscosa.

Hic autem vir, tolerabilem valetudinem consecutus, Eboraco Londinum se contulit, ubi a chirurgis, ejus artis peritis examinatus digitis in anum immis- sis, calculus ad ovi magnitudinem compertus est.

Illud sedulo autem notavi, medicamenta leniter diuretica, & renum dolorem supra modum intendisse, & si e valenissimis fuerunt, & testiculorum, ipsiusque urethræ, & glandis, ad exitum, inflammationem & rubedinem excitasse.

Ab eo tempore, quo Eboracum rediit, nihil, quantum scio, sumpsit; certe unum vel alterum annum vixit, sed graviter decubuit, nec calculum ullum postea excrevit.

Tandem nescio cujus suasu, unciam unam guttarum dictarum a *Goddard* auctore, a Londino natus, ad ejus fßß. in aqua parietariæ bis aut ter in die sumpsit; hoc autem medicamentum (ut postea didici ab ipso Rege Carolo Secundo, qui a vidua *Goddard* magno pretio secretum redemit) nihil aliud fuit, quam *spiritus* salinus volatilis a *serico crudo* vi ignis elicitus, at tanta erat ejus malitia in optimo viro, ut biduo a sumptione, sanguinis mictu, & diris cruciatibus, correptus, misereque convulsus, diem ultimum obierit.

Sub eo tempore in eadem urbe duo senes, metal- lorum fossores, ex calculo a plurimis annis decum- bentes (*Smith* unus appellatus est, alterius nominis oblitus sum) convulsi perierunt, potione spiritus te- rebinthinæ, ad ðij. aliquoties exhibiti: unde inflam- matio imum ventrem ex toto occupavit, in gangræ- nam protinus mutata, hoc medicamentum suasu cu- jusdam Agyrtæ chimici sumpserunt, quorum alterum, super pontem habitantem, prece viduæ, dissecui.

10. *Ægrotus.*

Illustrissimus Baro D. *Fanshauv*, puer novennis, calculo vesicæ ab aliquot annis laboravit, illum *Sandbeck* vidi, villam amœnissimam D. Comitissæ de *Castleton*, dum ibi ejus matri decumbenti advoca- tus sum.

Hujus autem pueri urina, instar feri lactis recen- ter concreti, turbida & grumosa erat: item in fun- do ejus resedere grumi albißimi, vere caseosi; ejus- que urinæ odor ipsissimus qui casei recentis: is au- tem puer, ex præscripto Medicorum, quotidie lac asinum bibere consuevit, ex ejus vero vesica postea calculus feliciter exectus est Londini.

Illud autem ex hoc casu constat, sc. lactearum venarum imbecillitatem, easque officio suo non recte fungi, quod (cætera sanus puer) odorem & substantiam fracidi casei ejus urina exhibebat; aliter multo, quam in integris etiam puerulis lactantibus, quorum urinæ suus odor & consistentia est.

11. *Ægrotus.*

D. *Little* Prætoris cohortis eques, Eboraci tum degens mediæ ætatis vir, ex equitatione, primum urinæ difficultate correptus est: mox ea fere ex toto suppressa est cum vehementi dolore circa pubem; & in ipso penis itinere.

Cum urina vero exiit mucus quidam albidus, visci instar tenax, matulæque fundo pernaciter ad- hærens, item ejus odor fætidus, qualis ex urina ve- teri.

Ob vehemens vero malum sæpius anima defecit, & misere convulsus est.

Hæc autem ante meum adventum, statim oleum, amygdalarum dulcium leniter tepefactum, injicien- dum vesicæ præscripsi, cum bono eventu, deinde hoc medicamentum exhibui devorandum. (*℞. mercurii dulcis gr. iv. pulv. jalap. ʒj. Cassia ʒij. f. bolus*) a quo alvus septies mota, dolores levati sunt; nocte troch. Alkekengi ʒi. dati. Verum postmodum & san- guinem minxit & aquam multos majusculos calcu- los albidos excrevit, aliosque per aliquot dies: cal- culis autem excretis & iste mucus exire desiit, con- valuit. Hunc forte hominem in nosocomio militari Chelsiensi superiore anno vidi, beneficii mei non immemorem & (ut mihi narravit) post viginti an- nos, calculos quod attinet, sanum.

12. *Ægrotus.*

D. *Hedley*, in vicinia Leedes, oppidi agri Eboracensis degens, quinquagenaria, admodum obesa, ex multis annis calculi cujusdam arenacei excretionem ve- hementer cruciata est. Ii autem calculi ipsum *Saxum molare* nostrum arenaceum valde referebant; nam ex arenis majusculis *Crystallinis*, inter se coagmentatis in calculos majusculos constabant; interdum vero solidos, interdum solutiores eos, quotidie, haud mo- dica quantitate cum urina reddebat.

Hæc autem symptomata præter calculorum excre- tionem passa est, cordis palpitatione, assiduam min- gendi cupiditatem, lumborum & vesicæ dolorem, urinam aqueam, cibi inappetentiam, &c.

His autem malis sic occurrendum esse censui, (*℞. Lingua cervina, Trichoman. an. ʒj. maris ʒß. f. pulvis subtilissimus, detur ex aq. hordei haustu, post horam infusionis, ter quotidie*) post 4. dies non am- plius calculos reddidit; urina jam fulva, qualis sanorum cum sedimento albido, quod fere defuit an- te: ad aliquot amplius dies iisdem medicamentis, at alia atque alia compositionis ratione, usa est; præter opinionem convaluit.

Reversa autem ad suos, rursus calculorum id genus excretionem correpta est: iterumque ad me Eboracum venit: atque, iisdem medicamentis similiter sumptis, convaluit.

Huic domum redeunti usum cerevisiæ præcepi tan- tummodo ex aqua fluminis, & non putei, ut ante consueverat, confectæ: nam non sine ratione arbitra- tus sum, aquas puteales horum calculorum materiam, utpote succum lapideum, in se continuisse.

13. *Ægrotus.*

D. *FreeStone* de Hornecastle, micturitione admo- dum dolorosa & frequenti, cum viscosa materia ma- tulæ fundo adhærente, correptus est: nisi tamen ere- ctus mingere haud potuit, ut multoties per noctem mingendi causa e lectulo surgere coactus sit. Diu vi- tam sic miseram traxit, huic sic præscripsi. (*℞. Bal- sami martis*) i. e. bals. Leucatell. & salis martis an. (*ʒj. f. pilula sive bolus, quem sumat nocte & tan- tundem mane*) quo per triduum sumpto non am- plius cubitum per noctem reliquit: sed facile resupi- natus in lecto mingere potuit, item huic minor do- lor in urethra & extremo pene.

Item (*℞. Aq. spermatis Ranarum fßj. C.C. usti in subtilissimum pollinem contriti ʒj. gummi Traga- canth. ʒj. misce hujus bene conquassati ʒiv. ter quo- tidie bibat.*)

Item (*℞. Balsami veneris ʒj. dividatur in sex doses*) has autem per triduum sumpsit singulis die- bus mane: a quo alvus die tertio leniter mota est. Omnino melius se habuit, rursusque abiit, nescio an hic æger calculosus fuit; nam in adversariis nostris de calculo nihil scriptum inveni.

14. *Ægrotus.*

D. *Lane*, Divi Laurentii in Urbe ludi-magister, ex tribus circiter annis, urinæ stillicidio vehementer cru- ciatus est. Item plurimos calculos excrevit. Huic au- tem mingendi cupiditas bis aut ter aut pluries in hora,



hora, die nocteque: alvus firma, urina foetida & visco quodam referta, item doloris acuti sensus in ano, & circa pubem.

Huic autem sic praescripsi. ( *℞. Succo hypocistidis glyrrhizae ana ℥j. mithridatii sine opio ℥j. Gummi Tragacanth. aq. sp. ranar. dissolut. ℥j. CC. vsti ℥ss. missa f. pilol. viij. ex. ℥j. missa harum pilolarum unam vesp. atque alteram mane quotidie sumat.* )

N. B. Tertia nocte ab iis sumptis ter tantum minxit; at quotidie alvus bis aut pluries soluta est. Ab eo autem tempore ad dies septem tantum bis aut ter in nocte minxit & placide dormivit, & mirifice levatus est; neque opium ei dedisse putavit: imo plane se convaluisse affirmavit; adeo dolor mitigatus est praeter eo, quem ante meum adventum sentire consuevit, at potioni, praeter siti, contra meum praecceptum indulgere voluit. Unde rediit mingendi frequens cupiditas, & remediis abstinnit.

Alios autem multos calculos omitto, quibus haec medicamenta in mictione sive mingendi importuna cupiditate profuerunt: neque aliud malum gravius est, ex iis quae humano generi contingunt; imo omnium perhibente Plinio, ex decisione veterum Medicorum, longe gravissimum est stillicidium urinae.

#### 15. Aegrotus.

D. Spacy ex multis annis sanguinem mingere consuevit: Interim plurima intervalla optimae sanitatis habuit, eoque malo vacuus. Tandem vero mucum quendam sive pituitam vitream, viscidamque reddidit, fundo matulae pertinaciter adhaerentem: jamque urinae odor foetidus, ejusque stillicidium molestum: at a mictione in extrema penis glande saevissimus dolor.

Huic sic medicinam feci. *Trochiscos Alb. Rhasis* ex aq. sperm. ranar. in penem injici feci.

Item ( *℞. Merc. dulcis ℥j. Elect. lenitiv. mithridatii an. ℥ss. f. Bolus vesp. detur* ) mane alvus soluta est mannae potione.

At his medicamentis, calculos plurimos excrevit albos, leves, angulosos. Symptomata ex bona parte sublata sunt.

#### 16. Aegrotus.

D. Montege, sexagenarius & amplius, optimus vir, calculosus cum urina mire viscida; huic viscositati urinae ter remedia praescripsi, & toties ex ea ad mensum minimum convaluit: Scil. ( *℞. Aq. simplicis limacum, ex lacte destillata ℥ij. C. C. vsti & intensissimum pollinem cont. ℥j. sacch. cand. alb. ℥ss. misce. Hujus probe conquassati & turbidi ℥iv. ter quotidie potavit.* ) item *℞. Penis viridis testudinis furno siccata ℥ij. Hujus pulveris ad ℥j. alternis diebus sumpsit ex eadem aqua*: At ex recidivis frequentibus, mali vitaeque pertaesus, in lithotomorum manibus, tertio a sectione die, obiit.

Verum aegrotorum & mihi & tibi fortasse lector fatis superque est: ad medicamentorum vero rationes explicandas, quorum praecipua causa haec narratiunculae ex adversariis nostris transcriptae sunt, propero. Simplicia autem medicamenta calculo maxime accommodata, sive *specialia adjutoria*, ut Caelii Aureliani verbis utar, haec sunt, nempe, quae in quatuor classes commode redigi possint.

Prima autem & praecipua Classis est eorum, quae ex *Insectis* animalibus oriuntur.

*Penis Testudinis viridis testus, Margarita. Conchyliorum testa, & cruda, & cremata. Millepedes sive Aselii, Scorpionum, Cantharidum, Cochinel, lumbricorum terrestrium, apum, formicarum nascentium cinis. Coccus baphice. Spongia Bedegaris sive Rosa Sylvestris mel. aq. spermatis Ranarum, cochlearum terrestrium. Jus conchyliorum marinorum, sericum, ejusque spiritus destillatus.*

Haec autem omnia mirifice calculos expellunt; idque communi fere virtute praestant, nempe septica, qua vehementer corrodunt, stimulantque ductus viscerum excretorios, praecipueque majores renum & vesicae.

In horum autem aliquibus ea vis tanta est, ut illa

cruda sumere, nemo impune ferre possit, quin sanguinem quoque cum calculis effundat, contractionesque nervorum patiat. Ideo torrenda sunt, ut igne mitescat vis illa septica, salinis particulis acrioribus ex bona parte evaporatis.

De horum autem aliquibus privatim differere lubet. De millepedis audi *Scribonium Largum* † Asellos quinque ex aquae cyathis tribus suffundere ( i. infundere ) & per urinam extrahere lapides certum est. Tanta erat de his animalculis experientia apud veteres.

Hic autem praeterire nolo, quod olim \* ediderim, nempe ex *multipedarum* genere esse *speciem* quandam apud nos non infrequentem in sepibus, teretem, longiusculam, ad digitum puta; quam si conteras naribusque protinus admoveas, eos tanto odore sulphurento & corrosivo percellit, ut multo mitior sit odoratus ex integra uncia spiritus urinae destillati.

Haud dissimilis vero odor e *Formicis* crudis contritis prodiit, maxime ab *Hippomyrmecis* nostris, consule nares.

Pulvis autem *Lumbricorum terrestrium* tostorum falsedo insignis est.

Margaritarum vero & conchyliorum crematorum calx sale supra fidem abundat, teste Leeuvvenhoekio.

Vis autem salina e serico evaporata apud nostrates notissima est, sub nomine ( *Goddards drops.* )

Cantharidum, apum, formicarum, scorpionum vis septica & exurens, ab illorum animalculorum effectibus, si viva aliquem pupugerint, cutive admoveantur, neminem latet.

Idem cogita de *Cocco baphica spongiaque dicta Rosa Sylvestris*, quae ex apiculis conficiuntur, foeturae gratia.

Neque ob aliam rationem Gallae, ( ut id hic obiter dicam ) tanti usus sunt, ad lanas tingendas aliave, in artem infectoria, nisi quod infectorum mera opificia sint, eorumque excrementis & veneno septico penitus imbuantur; at pergant ad ea quae restant.

*Cochineil* vero medius status est alicujus scarabaei indici, i. e. cantharidibus congeneris; at multo mitioris virtutis.

In hoc autem censu sunt *Cicadae* ad calculosos commodae; vide *Aetium*, nempe *Insectum* quoddam ad scarabaeos accedens.

Cochlea autem maxime earum cervices, ubi organa generationi dicata, ut vesicam & penem mirifice afficiant, diximus in prima exercitatione ex *Petronio*.

Idem puta de pene testudinis viridis, ranarumque aqua stillatitia, magna equidem volumina non affecto; res tantum attingo, earumque virtutes quasdam communes indicare contentus, ut in singulis admiratione dignam quandam vim septicam & urentem, vehementer adeo stimulantem ductuum excretorios; privatim vero renum & vesicae, mecum agnoscas.

His autem annumerari debent insectivora quaedam animalia, propter victus rationem, calculis expellendis idonea. Tales sunt aves quaedam ut hirundines, ille regulus sive passerulus quidam Troglodites, nostratibus a *VVeren* dictus, de quo consule Aetium, \* hanc autem aviculam ad calculosos summe efficacem, magna accuratone describit, ejusque condiendi exhibendique modum. Naturalem autem, inquit, vim omnino admiratione dignam habet, itaque sale conditus & crudus in cibo acceptus morbum perfecte sanat: & novius adeo quosdam ab ejus usu nunquam amplius ab affectione vexatos: & infra, de causa tantae virtutis recte judicare videtur. Arbitror, inquit, & sanguinis istius aviculae naturam quiddam in se complecti, quod minime vulgariter profit, cui amplius stercoris efficacia accedit; ac revera & in sanguine & in stercore infectorum, quibus vescitur, vis septica insignis est; secunda autem classis sit ex animalibus vel *frigidis*; nempe ossa cremata in capite tuberonis, aseli piscis, similibusque: haec quidem parem virtutem habent cum conchyliis crematis, & ob eandem rationem, quod in calcem salinam similiter comburantur, vel *calidis*; scilicet tunicae interiores ventriculi gallinae, & stercus album

† Comp. 151. \* *Act. Phil. Lond. N.*

\* *Tetr. 3. Serm. 3. c. 11.*



album ejusdem, item cinis corticum ovorum adustorum: atque illa eandem facultatis suæ expulsiuæ rationem habere videntur cum superioribus. Nam tunica illa tanquam cornea est: albumque stercus & urinosum, & ipsum cortexque ovorum ad testaceum genus quam proxime accedunt.

*Tertia* vero classis ex herbis diureticis fere est, ut terebinthina, balsamum Judaicum, Peruvianum, Copivi &c.

Omnia autem terebinthinata vehementer urinam movent, quod cuti adnota corrodant: neque vim suam emplasticam, nisi ustione quadam exerunt. Etenim quatenus vulneris carnem putridam marcescentemque exedendo abstergant; viva interim, quæ subest, in cicatricem commode nutritur.

Ex illa autem corrosione calor ac inflammatio oritur: unde ductus urinæ majores ad vehementem contractionem, expulsionemque stimulantur.

Porro in hac classe numerare licet tartarum ex vino, ipsumque vinum album acidulum, vel per se, vel sulphure, more Gallorum, vel ex gypso, more Hispanorum conditum: item succum limonum: balauftia ex granatis acidis ac sylvestribus: atque hæc omnia herbarum sale essentiali dicto, & utrinque mucronato, tenuissimis acutissimisque particulis constante abundant, quo majores ductus renum & vesicæ continuo laceffantur.

In hac quoque classe & *Legumina* habentur, præ reliquis vero *cicera rubra* decantantur ob acrium flatuum copiam: nam hos mire excitant; forte materiam iis non paucam adjiciant, ita velut mantissa quadam addita ferociam quandam flatibus, in corpore præexistentibus, præstant, eosque per renes trahant. Quam vehementer autem penem, eosque ductus afficiant, scite licet ex testimonio veterum: quos adi. Igitur verisimile est conferunt & flatu excitant, quod illas partes distendere & expulsionem ob acridinem promovere apta sint.

Postremo ad hanc classem pertinent nuces avellanae, amygdalæ præcipue amaræ: hæc autem medicamenta lenire potius videntur quam expellere; adeoque inter anodyna censenda sunt. At amaritudo amygdalarum aliud suadet.

Reliqua autem olea dulcia iter expediunt, lubricando. Sane hujusmodi olea vere pingua sunt, nec crescere apta; perinde ut alibi de oleo lini, nucum juglandis, & papaveris a me dictum est.

At pereunt, inquit, istiusmodi virtutes a concoctione: scilicet succus, puta citri, ex prima digestionem acorem suum amittit; minime vero: si recte se habeat aliquis & dolore vacuus sit, ita esse concedo: ubi autem adest nephritis, ac horrida illa a vesicæ renumve calculo symptomata, digestio ex bona parte cessat, corporis habitum medicamenta tantum non integra pertranseunt, inque venas viscerum excretorias promota, parum mutata egrediuntur, ita in maximis calculi doloribus is succus v.c. subcrudior vim suam extensivam in ipsis renium glandulis vehementer exerit profecto in agris renes, ut & omnia alia itinera tam citra quam extra sanguinis curriculum magis aperta sunt, ac laxata; unde virium medicamentorum mira retentio & celerrima trajectio.

Ad *Quartam* autem ac ultimam classem pertinent a metallis medicamenta: scilicet corallium, lapis Judaicus, nitrum veterum, spiritus salis vitrioli, sulphuris, sal prunellæ, aquæ medicatæ, vel acidulæ, ferratæ, calcariæve, vel mixtæ scilicet muriaticæ, calidæ, frigidæque, mercurius dulcis. Atque ex his fere medicamentis vani homines lapidum renum & vesicæ non expulsionem tantum, sed & fractionem comminutionemque vehementer jactitant.

A salibus certe metallicis, fateor, ob stimulum & summam acrimoniam vehemens contractio majorum ductuum & lapidum expulsio expectanda est: idque veteribus probe cognitum est ex multiplici experientia; quos consule, unam aut alteram tantum instantiam exhibebo.

Nitri vitriolati pondo, ex vino, in arenam solvit lapidem, Scribonio Largo authore. †

„ Aquæ calidæ quæ sunt tuscia *Ferratæ*, mirifice „ remediunt vesicæ vitiis; appellantur item *vesicariæ*

„ quondam Milonis Gracchi Prætorii hominis optimi ad quinquagesimum lapidem reddentis eodem \* perhibente.

Iis qui vesicæ lapidibus afficiuntur erunt aquæ eligendæ *falsæ*, vel quæ *Nitri* habeant qualitatem, ut apud *Tenariam* Insulam, quæ potandæ & lavacro adhibendæ sunt. Ita Cælius Aurelianus.

At in labefactatis calculo renibus & vesica, maxima opera danda est, ne quid metallicorum, aquarumve medicatarum nimis exhibeatur. Etenim fortiter licet calculum expellant, tamen propter imbecillitatem istarum partium metus est, ne & ipsa quoque remedia ibidem concreverent in lapidem, cum ipsissimam lapidis novi materiam in se contineant: scilicet & salem & succum lapideum, id quod vehementer moneo, sæpiusque dicendum esse putavi.

Huic autem nostræ sententiæ favet illud Hippocratis præceptum, Qui sanus est ac valet, is \* „ nullo habito discrimine, semper eam aquam bibat, „ quæ adest. Qui vero *morbi causa* (puta calculi) „ eam, quæ maxime conveniat, bibere volet, is sanitatem consequetur.

Item alibi; calculis maxime tentantur & renum morbis qui *aquas falsas*, (i. e. medicatas) bibunt.

Ejus autem rei rationem reddit; scilicet aquæ, „ quarum fontes in saxosis locis sunt, *duræ* sint, „ necesse est: aut si ubi aquæ calidæ existant, aut „ *ferrum* nascitur aut *sulphur*, aut *nitrum*.

„ Etenim aquæ falsæ, nitrosæ, ferratæ, saxosæ *indomitæ* nascuntur & coqui nequeunt; sunt tamen „ naturæ quedam & *morbi*, quibus tales aquæ potu „ sunt commodæ, i. e. ventribus mollibus & humidis „ & pituitosis; iis durissimæ aquæ & coctu difficiles „ & aliquantulum falsæ accommodatæ sunt.

Profectu illud sæpius vidi, ex iis qui animi tantum causa aquas nostras medicatas biberunt, quosdam inter ipsa remedia nephritide primum correptos fuisse, & calculos excrevisse; quos ex aquis istis putrescentibus (ita omnes aquæ medicatæ merito, ut ex supra narratis satis ostensum est, existimandæ sunt) ortos fuisse nullus dubito, cum in renum pelvi aut uretheribus nulla arenula majuscula, vel momento consistere possit sine vehementi dolore, non magis quam in aspera arteria vel minima mica parvis, puta sine gravi tussi.

At, inquit, nulla fere aqua succo petrescente prorsus vacua est, atque adeo hoc nomine nobis noxia foret. Quid igitur indulget natura humano generi præ reliquis animalibus? libenter accedo plerisque aquas, certe quatenus succi petrescentis participes sint, non usque adeo tutas esse.

Atque idem olim nobis exhibuit Hippocrates. \* Qui „ magnis fluminibus bibunt, in qua alia flumina decurrunt, & de stagno in quod multarum & curvis generis aquarum rivuli decurrunt: quippe „ adventitiis (per fistulas plumbeas puta) aquis aluntur; quæ ex longo intervallo deducuntur, & calculo maxime tentantur, & renum morbis ac urinæ stillicidio &c. scilicet quia ex iis mixtis aquis „ aliæ falsæ sunt, i. e. medicatæ.

Idem quoque nobis abunde manifestatur, ex aquis plerisque nostris coctis, tam fluviatilibus, quam marinis: videlicet in fundo lebetis lapidem quandam calcarium, lapidis alicujus fissilis more, adhærere.

Providentia tamen divina admiranda est, vel ob hoc commune beneficium omnibus animalibus concessum: atque homo solus culpandus est, si eo non recte usus fuerit ex intemperantia; si quidem noluit natura uspiam deesse materiam animalium testis ossibusque generandis, nutriendis, firmandis.

Igitur, suadeo, memor sis admonitionis illius Hippocraticæ, supra positæ; nempe de aquis non sollicitus sit sanus; at qui calculo puta laboret, aquis petrescentibus abstineat; certe de iis admodum parce, cauteque bibat, ne justas intemperantiæ pœnas luat. Atque hæc hæc hactenus; antequam vero manum de hac tabula auferam, illud quoque Hippocraticum de aquarum vitiis verbo considerandum non alienum erit, nimirum, Pravæ sunt aquæ omnes, quæ ex *nive* & *glacie* fiunt: ubi enim semel concreverint, non amplius ad pristina-

nam

\* Comp. 146. \* Tatal. P. l. 5.

† L. de *Aere, locis, & aquis*. \* *Ibidem*.



nam naturam redeunt. Hinc, inquit, urinæ stillicidium & herniæ; an quod ex frigore intenso eadem particularum petrescentium concretio metuenda sit; ac ex coctione? sane constat experientia, & ex observatione, olim edita, D. Joannis Raji inter principes hujus sæculi philosophos, mihiq; veteri amicitia conjunctissimi ab hyeme durissima, & a longa aquarum congelatione æstatem maxime morbosam fecutam esse.

Verum cum nivata aquæ ad se nunquam redeant: tamen cur eadem aquæ fluminis alicujus, Thamesis nostri puta, toties putrescant & suaves denuo ac potabiles fiant, inquirere lubet; certe ad Indiam Orientalem navigantes experiuntur, istam aquam fere intra Tropicos & sub linea Æquinoctiali supra modum fœtere turbidamque fieri: mox limpidam reddi & bene olere; item eandem aquam iterum fœtere & turbari in reditu ad nos; denuo purgari a fœcibus & a malo odore, imo interdum sub hac mutatione illam ardescere ad candulam admotam, instar spiritus vini, dolio aperto exhalanteque.

Hujus equidem rei rationem sic intelligo, scilicet omnem aquam fluviatilem plus minus infectis referam esse; quod microscopio adhibito extra dubium ponitur; hæc autem animalcula, quod nostratia sint, sub ardoribus pereunt, unde aquæ tantus fœtor: ubi vero ista putredo e bestiolis corruptis in fundum dolii subsederit, coiveritque, aqua sit limpida odore malo vacua. Rursus in India eadem aqua novis infectis Indicis repletur, quæ tamen in reditu similiter moriuntur, unde novus fœtor ac aquæ turbatio; iisdem quoque rationibus aqua ad claritatem suam suavitatemque redit.

Ad ardorem vero & inflammationem aquæ istiusmodi quod attinet, ab insectorum quoque putrefactione, id commodè oriri possit, perinde ut flatus intestinorum per anum emissos, & ab alimentorum coctione putredinosa ortos, flamma admotâ ardere, notissimum est: atque ita exposui, quam brevissime potui, medicamentorum ad calculos maxime accommodatorum cognatas virtutes, earumque rationes & usus ex veterum fere diligentia fideque.





# THOMÆ SYDENHAM,

M. D.

## INTEGRI PROCESSUS

In Morbis fere omnibus Curandis.

QUIBUS ACCESSIT

GRAPHICA SYMPTOMATUM DELINEATIO,

Una cum quamplurimis observatu dignis.

EDITIO NOVISSIMA PLURIBUS ARTICULIS AUCTA.

Nec non

DE P H T H I S I

Tractatulus nunquam antehac editus.

AMICE LECTOR.



*Pecimen habes Praxeos eximia, in dilectissimi filii M. D. usum, caute & diligenter excogitatum, sua ipsius manu conscriptum, mihi autem pro familiaritate illa, qua omnes exceperit, concessum a Cl. Sydenham, Viro sane cui*

*vix aetas superior parem dederat, vel postera datura est, non modo in arte sua mira sagacitate, & ingenii acumine singulari, conspicuo: sed & probis moribus, & in humanum genus, studio, & amore insignibus adeo, ut apud omnes summum sui reliquerit desiderium. Cujus praecepta licet animo meo, & imo petore infixata sint, ne tamen forte fortuna in mei ipsius, & agrorum detrimentum excidant memoria parum fida, typis haud ita pridem mandabam exemplaribus circiter viginti impressis, ut amicis quoque inservirem. Nescio autem quo pacto in lucem irrepserit publicam inter Miscellanea Curiosa superioris anni Norimberg. editum, sed inepta mole inutile. Prodiit tandem eo modo vestitum, ut tibi sit in quovis loco paratum; figmentis cerebri vanis, & futilibus sciolorum dogmatis nequaquam refertum, nec hypothese placida solidis ut videtur rationum momentis undequaque constipata superbiens; humile autem & modestum accurate morbos depingit, & accuratius adhuc medetur; in id solum sollicitum innotescas, quod natura faciat aut ferat. Et si verum loqui liceat, modo partium situs noveris, pateant tibi per symptomata agnitiones, (quod assidua ediscas observatione) scias deinde veram & genuinam medendi methodum per dietam, & pharmaciam adhibere felicissimus eris practicus, & tibi & infirmis optime consulens. Parum interim tua refert, utrum Alkali peccet an acidum, num in spiritibus animalibus, an in ipso sanguine, aut in recondito aliquo viscere delitescat morbi minera, unde de periodico intermittentium reditu docte satis & prolixè possis differere, dum interea ipsa febris sine ullis ambagibus, inquietudine, siti, calore, pulsu celeri, nausea, ceterisque symptomatibus, etiam astantibus palam est, & aperte dignoscitur. Hinc sapius mirari subit, quamobrem anxie ita & scrupulose immediatas, & proximas morborum causas, dum medicinam pertractandam suscipiunt, indagare satagunt, & e tenebris istis, quibus natura obduxit, irritò licet co-*

*Sydenham opera Medica.*

*natu, eruere, gravi & subactò judicio viri, & in praxi versatissimi; satis interim gnari se latere vel quævis obvia; unde enim dimanat graminis viridis, aut albus nivis color? Quid est quod humana anima ratiocinari nequeat dum adhuc infantes aut pueri sumus? Unde forma tua specifica? satius esse Medicum quam Philosophum agere (quis enim unquam Cartesium sibi Medicum voluerit) minutissima phaenomena plane & rite enumerare, & remedia quibus unusquisque morbus facilius cedat candido & sincero animo proponere: ita tandem limites suos pratergressa, quibus angustiis nimis jam includitur nobilissima, omnibus, quaquaversum patet orbis, feliciter satis, & prospere salutem, filiis autem suis honores summos conciliabit.*

*Meditabatur paulo ante obitum tractatum de phthisi peritissimus Medicus in perquirendo, naturæ methodum, qua morbos amoliri studet, ut adjutrices porrigeret manus, & miseris hominum subveniret, diu nocturne pensitabundo, & anxio animo, exercitatissimus; hinc fidissimarum observationum serie & irrefragabili edoctus experientia, medicina praxim ornavit, & ad saniores reduxit regulas: sed vae tabidis, dum hujusmodi nunquam intermissis studiis detenti, & defatigati spiritus, solitiis non vacabant excubiis, truculentissimus hostis, Podagra, quæ per multos annos obsederat, & debilitaverat artus, impetu facto in interiora viscera irruit, per vomitum, & secessum enormiores intentans mortem, unico autem morbo nescit cedere Medicorum Princeps, sed cum malorum cumulo accessit, & Renum Calculus, qui corasis vasorum osculis, sanguinem liberalius, quam senectus tulit, urine permixtum effudit, se jam non amplius opponens, nec vita, nec mortis cupidus, placidam, & pacatam expiravit animam. Ne tamen auxilio prorsus destituantur tabidi, fragmenta quedam quæ Authorem ubivis sapiunt in primo saltem morbi stadio plerunque proficua, (neque enim fas est, quod agrotanti proximo opituletur, celare) in publicum prodeunt, ut exinde pateat quam accurata, & omnibus numeris absoluta, si modo Deus Opt. Maximus concessisset vitam, expectari potuisset Phthisiologia.*

*Quid in febribus, variolis, morbillis, acutis ceteris, ut & chronicis sanandis valuit optime meritis Author noster, sequentes indicant paginae. Regimen, & Dieta instituuntur aptissima, præscribuntur remedia pauca, sed necessaria, nec inani ostentationi composita, sitibundis aegris (eodem modo quo & ipse sitim suam restinguere solitus erat) cerevisiam tenuem affatim,*



pro libitu hauriendam, unde mire reficiuntur, & refrigerantur, concedi; nec immanitate plus quam barbarata precibus eorum, surdus, Apozemata & Julapia, præ ingrato sapore fastidita, substituit; maximam adhibet cautelam ne exestuans nimis, vel igne laculentiori, vel stragulorum onere, plus adhuc incalcesceret, vel a propinatis forsitan remediis eum in finem ut per poros eliminetur materia morbifica cruda adhuc & inconcocta, qua tamen hac data ansa concitato motu cerebrum petit, unde phrenesis, aut coma, aut extravasato sanguine deturpant cutim maculae purpureae, aut eruptiones quas vocant miliare collum & pectus ubi vis obsident. Numquid adamussim magis depingi poterat quam variolarum historia? eruptionis diem in utraque specie designat, pustularum ingenium ad unguem describit, quo tempore incipiat, & quandiu continuetur salivatio, quo iterum faciei manuumque tumor se prodatur, quid tandem quolibet die expectandum diserte explicat. Paregoricorum usum, quo emolumento judicent practici, primus persuasit, malum ingerendi cardiaca, ante eruptionem, more, unde saepe accersitum fuerit confluentium genus, merito primus improbat. Melius autem hac ex ipso fonte. Valeas itaque amice Lector, & sicubi scateant menda ignoscas.

~~~~~

Amico suo integerrimo M. D. Expertissimo
Domino S. M.

Solum sequaces pratulimus diu
Cum medentes; compar habebitur.

Qui clariorem te, minori

Reddidit, hoc, Medicina! Libro

Non huic tumori Mole superbiens

Blattis futurus Præda opulentior:

Sensu sed æræta Dittori

Conciliant sibi Verba Pondus.

Frustra molesto vasta Volumine

Lustres Galeni scripta; Minutula

Acumen huic majus Tabella.

Se stupet hic Medicina totam.

Hic non remoto sordidus Angulo.

Sensim fatiscet, sedula strenue

Manus quotannis, Spe perenni

Deteret, auctior ut resurgat.

Applaudat Votis Turba Medentium;

Non febris illum, Morbus atrocior

Haud afflet ullus, Commodis qui

Immoritur satagendo Vestris.

Sic vovet

Christophorus Crelle, M. D.

MEDICAMENTORUM

quædam formulæ in praxi magis
familiares.

Potio communis purgativa.

℞. **T** Amarind. ʒss. fol. Senna ʒii. Rhei ʒiʒ. coq. in s. q. aq. ad ʒiiij. in Colatura dissolve Manna & Syr. Rosar. solut. an. ʒj. m. f. Potio.

Emeticum commune.

℞. Aq. Cardui Penedict. ʒij. Infus. Croci Metal. ʒj. Syr. Caryophyll. ʒss. m. f. vomitorium. Sumat hora 4. pomeridiana, superbibendo post singulas vomitiones haustum largum liquoris possetici.

Julapium perlatum.

℞. Aq. Cerasor. nigr. lact. Alexiter. an. ʒ. iiij. aq. Cinnamon. ʒj. Margarit. preparat. ʒiʒ. sacchar. Crystall. q. s. adde aq. Rosar. Damascen. ʒss. f. Julap. de quo cap. cochlear. iv. vel v. in languoribus.

Julapium cardiacum.

℞. Aq. Loct. Alexiter. Cerasor. nigr. an. ʒiiij. aq.

Epidem. Syr. Caryophyll. & de succo Citri, an. unc. ʒ. m. f. Julap. de quo capiat sapius.

Decoctum diæticum.

℞. Rad. Sarsaparill. unc. vj. ligni Saffafr. & China ana unc. ʒj. Glycyrrh. unc. i. coq. in aq. font. Congiis ii. per horæ dimidium, deinde stent clausæ super cineres calidos per horas xii. postea ebulliant ad tertie partis consumptionem; cum primum ab igne amoveatur, infunde sem. Asini unc. ʒss. post duas horas coletur, & postea depuretur per residentiam, & liquor reponatur in lagenis vitreis probe clausis ad usum. Sit pro potu ordinario per xxx. dies.

Apozema aperiens & Antiscorbuticum.

℞. Rad. gramin. Cichor. Fœnicul. & asparag. ana unc. i. uvarum Corinthiac. & passul. enucleat. an. unc. ii. fol. hepât. ling. cerv. & cap. Ven. an. M. i. Fol. Beccabung. sub finem addit. M. ii. coq. s. q. aq. fontan. ad ʒ. ii. sub finem adde vini Rhenani ʒss. Colatura adhuc calente, infunde ad duas horas, vase clauso, Cochl. hortens. M. i. colatur. adde syr. e quinque radic. & e succo Aurant. ana unc. ii. aq. Cinnamon. hordeat. unc. i. M. f. Apozema. Sumat. ʒss. mane & 5. pomeridiana per xiv. dies.

Eclegma incrassans in tussi.

℞. Ol. Amygd. dulc. onc. i. Syr. Papav. Rhœad. Portulac. Injub. & Loboc sani, ana ʒss. Sacchar. crystall. q. s. M. in mortario marmoreo ad integræ horæ spatium & f. Linctus perfectemistis; recondatur in olla figulina ad usum, cap. sapius lambend. e baculo liquiritiæ.

Eclegma fortius incrassans.

℞. Conserv. Ros. rub. unc. ii. Syr. violar. de Necon. an. unc. i. sem. papav. alb. ʒiiij. contunduntur simul & per setaceum trajiciantur, deinde adde ol. nuc. Moschat. express. gr. vi. f. Eclegma.

In defluxione tenui.

℞. Conserv. ros. rub. unc. ii. Syr. de Mecon. & iniub. an. unc. i. Oliban. Mastic. & Succin. an. ʒi. ol. nuc. Moschat. per expressionem gr. vi. M. f. Loboch. de quo lambat saepe; bis in die cap. eclegm. descript. cochl. j. instilland. Balsam. sulphur. anisat. a gutt. viii. ad gutt. xii.

Cerevisia purgativa.

℞. Polypod. Querc. ʒi. Rad. Rhaharb. Monac. fol. senna & passul. enucleat. ana ʒss. Rhaharb. incis. & rad. Raphan. Rustican. an. unc. iii. fol. Cochl. hortens. salu. an. M. iv. Aurantior. incis. N. iv. infunde in Congiis v. vel vi. Cerevisia non lupulata, fermentationis tempore, & quando ad maturitatem pervenerit, sit pro potu ordinario per dies xiv. vel xxi. præcipue vero sumat haustum singulis auroris.

Emplastrum hystericum.

℞. Galbani in tinctura Castor. solut. & colat. ʒiiij. Tacamach. ʒii. f. Emplast. pro umbilico.

Catharticum pro infantibus tenellis.

℞. Syrup. Cicher. cum Rahabar. Cochl. i. parvulum.

Decoctum amarum purgativum.

℞. Decoct. amar. duplicata senna unc. iv. Syr. de Spina unc. j. Elect. de Succ. Rosar. ʒii. M. f. Potio.

Laudanum liquidum Authoris.

℞. Vini Hispanici lib. i. Opii unc. ii. Croc. unc. i. pulv. Cinnamon. & Caryophyllorum, an. ʒi. infundantur simul in B. M. per duos vel tres dies, donec liquor debitam consistentiam acquirat. Colatura servetur pro usu.

PRO-

PROCESSUS INTEGRIS IN MORBIS

Fere omnibus curandis.

De affectione, in fœminis Hysterica, in maribus Hypochondriaca, dicta.

Cum a casu aliquo graviore molestum patitur humana anima, ataxiam concipiunt animales spiritus, urina subinde limpidissima copiose excernitur; sanitatis recuperandæ spes omnis protinus abjicitur, tristissima quævis sibi ominantur ægrota: quamcunque corporis partem morbus infederit (plurimas autem insidet) symptomata ei parti competentia confestim urgent; in capite apoplexia, hemiplegia soluta, statim a partu adoritur; spasmi epilepsiæ persimiles (vulgo uteri strangulatus, in quo venter & præcordia guttur versus intumescunt) infestant; clavus hystericus, in quo dolor in capite atrocissimus, quem transverso pollice possis contegere; ægra interim materiam viridem bili porraceæ parem evomente, misere excruciat; cordis palpitationem, tussim, passiones iliacam, & colicam, nephritin, urinæ suppressionem æmulatur paroxysmus; vomitiones enormes, diarrhœam subinde excitat; externe in carne musculosa nunc dolorem, nunc tumorem inducit in tibiis hydropis instar; nec (quod mireris) intactos dimittit dentes; dolor dorsi creberrime sævit; & sæpe sæpius adeo refrigerantur externæ partes ut cada-ver plane referant; in risum & lacrymas effusissimas sine ulla *ωρράδα* ridicule erumpunt; ptyalismus nonnunquam eo gradu laborantes afficit, ut mercurio delibutas facile crederes. Dolores hystericæ, quamcunque partem obsident, ubi discesserint, reneritudinem, quæ tangi recusat, relinquunt, ac si verberata fuissent carnes.

Mittatur sanguis ad unc. viii.

Emplast. de Galbano umbilico admoveatur. Sequenti mane aggrediatur usum sequentium pilularum.

℥. Pilul. Coch. maj. ℥ij. Castor. pulv. gr. ij. Balsam. Peruv. gutt. iij. f. Pil. xij. cap. iv. singulis vel alternis matutinis, pro ratione virium, hora 4. vel 5. matutina, superdormiendo.

℥. Aq. Ruta ℥iv. Bryon. comp. ℥ij. Castor. nodulo ligat. & in vitro suspens. ℥ss. Sacchar. Crystall. q. s. f. Julap. de quo capiat cochl. iv. vel v. in omni languore. Post has pilulas sumptas utatur sequenti.

℥. Limitatur. Chalyb. gr. viii. cum s. q. Extract. Absinth. f. Pil. N. iij. Sumat summo mane, & repetantur hora 5. pomeridiana per xxx. dies, superbibendo haustum vini absinthitis.

Sin forma boli magis arrideat.

℥. Conserv. Absinth. Roman. & Conserv. flaved. Aurant. an. unc. j. Angelic. condit. Nuc. Moschat. condit. & Theriac. Andromach. an. unc. ss. pulv. Ari comp. ℥iij. Zinzib. condit. ℥ij. cum s. q. Syrup. de succ. citr. vel ejus defectu, Syr. Aurantior. f. Electuarium.

℥. Elect. præscript. ℥ij. limitatur. Chalyb. gr. viii. cum s. q. Syrup. Aurantior. f. Bolus sumendus mane & sero, superbibendo haustum vini absinthitis, vel cochl. vi. seq. infusionis.

℥. Rad. Angelic. Enul. campan. & Imperator. an. unc. j. fol. Absinth. vulg. Centaur. min. Marrub. alb. & Chamædr. an. M. j. Cort. Aurant. duor. incis. affunde v. ni Hispanic. q. s. ad supereminentiam duorum digitorum. Coletur tempore usus. Vel

In Deliculis Chalybs exhiberi poterit in forma pulv. sequentis,

*℥. Limatur. Chalyb. probe trit. unc. j. pulv. Ari comp. ℥vj. sem. Coriand. preparat. Anisi, Fenicul. dulc. an. unc. ss. Cinnamom. acutiss. Corall. rubr. preparat. ani ℥iij. Nuc. Moschat. ℥ij. f. omnium pulvis subtilissimus, cui adde sacchar. albiss. ad pondus omni-
Sydenham opera Medica.*

nium, hujus cap. e cochleari ℥ss. bis in die per 4. dies tum ℥j. bis in dies superbibendo.

℥. Aq. Lact. Alexiter. unc. xij. Gentian. comp. iv. Absinth. mais. comp. unc. ij. sacchar. albiss. q. s. f. Julap. Vel

℥. Vini Rhenan. Absinth. ℥ss. aq. Gentian. comp. unc. ij. Syr. Caryophyll. unc. j. f. Julap.

℥. Myrrh. elect. Galban. & Asse fœtida, an. ℥j. Castor. ℥ss. cum s. q. Balsam. Peruv. f. Pil. e singulis drachmis xij. Sumat iij. singulis noctibus, superbibendo aq. Bryon. compos. cochl. iii. vel iv. per totum decursum hujus processus.

Si pilulæ præscriptæ ventrem moverint, utatur sequentibus.

℥. Castor. ℥j. sal. succin. volat. ℥ss. cum s. q. extract. Ruta. f. pilula N. xxiv. cap. iij. singulis noctibus, superbibendo julapii hysteric. cochl. iij. vel iv.

Sp. CC. ad gutt. xvi. vel xvii. in aqua aliqua appropriata sæpius exhibitus, valde confert.

Si vero his non cedat remediis, tum capiat sequentes pilulas.

℥. Trochisc. de Myrrh. pulv. ℥j. Balsam. sulphur. Terebynth. gut. iv. cum s. gum. Ammoniac. solut. f. Pil. N. iv. cap. mane & sero superbib. julap. hysteric. cochl. iv. vel v. instillando Sp. C. C. gutt. xij.

Electuarium Antiscorbut. cum aqua ibidem descripta prodest in his affectionibus, ut & Electuar. corroborans cum additione Conserv. Cochl. hortens. unc. j. pulv. Ari compos. ℥vi. superbibendo præscriptam aquam.

At si affectus his non cedat remediis, eundem est ad aquas ferreas: & si neque his, tum ad Sulphureas, quales sunt Bathonienses.

Inter bibendum aquas ferreas hæc observanda; si aliquod symptoma gravius acciderit, quod potationi aquarum referri potest, tunc ab iis æger abstineat, donec symptoma istud penitus evanuerit. Æger in earum usu per sex septimanas ad minimum, vel potius ad duos menses perseveret. Zinziber conditum, vel Semina Carui Saccharata, ad calefaciendum ventriculum subinde sumat. Pilula etiam hystericæ iij. devorari possunt per primas x. noctes, superbibendo Julap. hysteric. cochl. iv. vel v.

Quoad usum aquarum Bathoniensium, duobus diebus bibat eas, ac tertio die per modum balnei eas ingrediatur, atque ita alternatim per sex septimanas vel duos menses.

Si Chalybs iusto plus corpus calefaciat, tum per ejus usum, quarta quaque aurora sumat aq. mineralium purgantium ℥iv. Quæ tametsi alvum moveant, haud tamen tumultum cient, ut solent cathartica ex officinis deprompta.

Si Chalybs magnas perturbationes inducat, laudanum aq. aliqua hystericæ mistum, singulis noctibus ad tempus aliquod propinandum.

Cum a morbi diuturnitate fractæ, & attritæ fuerint vires, venæ sectio, & cathartica non sunt præmittenda, sed a chalybe statim incipiendum.

Ubi symptomata sunt mitiora, satis est sanguinem mittere, & alvum solvere ad dies iii. vel iv. dein pilulas hystericas ad dies x. mane & sero exhibere.

In dolore intolerabili, vomitione, & Diarrhœa enormioribus, exhibendum laudanum, & postea corroborandi spiritus, at modo per vires liceat, ante usum laudani, educatur e venis sanguis & catharticum propinetur: in viraginibus præsertim, & sanguineo temperamento præditis; in debilioribus autem, & haud ita pridem paroxysmum passis, sufficit ventriculum congio uno lactis cerevisiati hausto, & mox per vomitum rejecto detergere, dein largam dosin Theriac. Androm. vel Elect. Orvietan. impere, & cochl. aliquot, liquoris alicujus spirituosi, cum paucula laudani liquid. guttulis, superbibenda dare. Quod si ægra jampridem vomuerit, & ulterius emeticis sollicitare periculo non vacabit, laudanum sine mora propinandum est, ea dosi, quæ symptoma vincat, & post singulas vomitiones toties quoties reperendum, in forma potissimum solida, vel in liquida, in parco vehiculo, viz. gutt. aliquot in cochl. j. aq. cinnamon fortiori, ægra interim con- quiescente, & caput immotum tenente.

Perdomito symptomate, mane & sero, ad dies pauculos continuetur usus laudani.

Hæc duo diligenter notanda, quod cum semel post evacuationem laudano uti cœperimus, ea dosi, atque illa toties repetita, sumendum est, donec symptoma omnino fuerit debellatum, interjecto tantum spatioso inter singulas doses, ut quid prior præstiterit antehoscamus, quam alteram ingeramus: deinceps cum laudano morbum aggredimur, nihil movendum est, nihil evacuandum vel per mirissimum enema.

Theriaca Andromachi crebro, diuque usurpata, magnum est in hoc, & aliis morbis quamplurimis a caloris, & concoctionis defectu ortis, remedium.

Vina *Hispanica* gentiana, angelica, absinth. centauro, corticum aurantior. flavedine, aliisque corroborantibus infusis medicata, si ad aliquot cochlearia ter in die potenter admodum conferunt, modo ægra tenui non fuerit biliosoque corporis habitu.

Cortex Peruv. ad ℞j. mane, & sero, per septimanas aliquot deglutitus, præsertim in spasmodicis histericis miras habet vires.

In tenui biliosoque corporis habitu potest usurpari diata lactea, præcipue in colica hysterica, si modo ea incommoda possint superari, quæ primis fere diebus apportat, quod nempe tum in ventriculo coagulatur, tum etiam viribus corporis, in statu conferendis, sustendandisque minus sufficiat.

Nihil tamen æque sanguinem spiritusque fovet, & confirmat, ac diu multumque, singulis fere diebus equo vehi, nec itinera in curru facta suo carent successu.

De Febre Depuratoria annorum 1661. 62. 63. 64.

Si æger juvenis sit, extrahatur sanguis e brachio, & eodem die post aliquot horas, vel sequenti die, duabus horis post leve prandium, *Emeticum ex infus. Croc. Metal. paratis Zythogal. ℞vi. vel viij.* ut quoties vomuerit, aut alvum exoneraverit, e vestigio sumatur haustus; exhibeatur & post finitam operationem emetici, hoc vel simile paregoricum.

℞. *Aq. Cerasor. nigr. ℞iij. aq. Epidem. ℞ss. Laud. liquid. gutt. xvi. Syr. Caryophyll. ℞iij. M. F. Haustus.*

Vomitória ex infus. *Croc. Metal.* parata, puerulis, nullisve infra adolescentiam constitutis, vel minima quantitate, non est tutum exhibere.

Post hunc diem usque ad undecimum, singulis auroris, injiciatur enema sequens.

℞. *Decoct. commun. pro Clystere ℞j. (vel lactis vaccini eandem quantitatem) Sacchari Culinar. & Syrup. violac. an. ℞ij. f. Enema.*

Post dictum diem alvus constipari permittatur, quo materia febrilis citius concoquatur, ad quem etiam finem cardiaca moderata his ultimis diebus exhibita apprimè conducunt.

℞. *Pulv. e Chel. Cancror. comp. gr. xiv. Elect. de Ovo ℞ss. cum s. q. Syr. Caryophyll. f. Bolus* sumendus octava quaque hora, superbibendo sequentis julapii cochl. v. vel vj.

℞. *Aq. Laet. Alexiter. Cerasor. nigr. an. ℞iij. Aq. Epidem. & Syr. Caryophyll. an. ℞j. M. F. Julap. vel alia his similia.*

Hæc methodo solícite observata, usitato circa xv. diem (tum ex laudabili in urina separatione, tum ex manifesta symptomatum omnium remissione) temperativum esse potionem purgantem communem exhibere percipies.

Accidit interdum, maxime in senibus, curata febre, & purgato corpore, ægrum nihilominus valde debilem esse, & quandoque tussi, interdum etiam sreatu, magnam glutinosi viscosique phlegmatis copiam expectorare. Hoc in casu vinum Malaganum annosum, cum pane tostato ei immisso, bibat æger.

Si superveniat iliaca passio, præscribatur sal. absinth. ℞j. ex cochl. j. suc. limonum, mane & sero; inter mediis temporibus cap. aq. menth. stillatit. sine saccharo, cochl. aliquot, bis quaque hora; dum hæc fiunt, catulus vivens nudo ventri indefinenter accumbat, postquam dolor cum vomitu per biduum triduumve cessaverit, exhibeatur *Pil. Coch. mai. ℞j. in Aq. Menth.* soluta, nec removendus catulus ante pilularum usum.

Ad recidivam præcavendam, persistat in usu prædictæ aquæ per longum tempus, & duplicatis panis laneis ventrem a frigore defendat.

De Febre Pestilentiali 1665. 66.

Post venæ sectionem in lecto celebrandam, æger stragulis obruatur, & lacinia lanea sincipiti alligetur; tum, si vomitus non adsit, hoc vel simile hydroticum exhibe.

℞. *Theriac. Andromach. ℞ss. Elect. de ov. ℞ss. Pulv. e chel. cancr. comp. gr. xii. Coccinel. gr. viii. Croc. gr. iv. cum s. q. succ. Kermes, f. Bolus*, quem sumat sexta quaque hora, superbibendo cochl. vi. seq. julapii.

℞. *Aq. Card. Benedict. & Scord. compos. an. ℞iv. Aq. Theriacal. stillat. ℞ii. Syr. Caryophyll. ℞j. M. F. Julapium.*

Si adsit vomitio, hydroticum differatur, donec solo tegumentorum pondere sudor promanare incipiat, linteaminis parte vultui superinducta.

Incepta diaphoresis haustulis zythogale salvia alterata, vel cerevisiæ, cui macis aliquantulum incoctis subinde repetitis ad naturalis diei spatium (i. e. horas 24.) est continuanda; in sudore licet jusculis confortativis ægrum reficere.

Ubi tumor enatus fuerit, venam aperire non sustinui; per horas adhuc a finito sudore xxiv. ægro se in lecto continente frigus caute devitetur. Indusium sponte sua in corpore arescere permittatur, potulenta omnia calidiuscule hauriantur, & zytogalæ salvia alteratæ usus etiamnum continuetur, in seq. luce potio purgat. communis exhibeatur.

Anni 1667. 1668. Febrim variolosam, & variolas prodixerunt.

Anni 1669. 70. 71. 72. Febrim dysentericam.

Anni 1673. 74. 75. Febrim comatosam.

Curationem febrium horum annorum non attingo; quoniam methodo in febre anni 1685, &c. descripta curari eas potuisse autumo.

De Febris Intermittentibus.

Cum rigore & horrore aduritur paroxysmus; quibus mox succedit calor, & huic tandem sudor, & subsequens *ἀνρπεζία*: licet in primis morbi diebus, autumnio maxime, aliquoties remissio potius quam intermissio persentiscatur, in calore æque ac in rigore vomiturit ut plurimum ac vehementer agrotat miser cum siti & lingua arida. In tenera ætate abdominis inflatio, in adultis crurum tumor febris solutionem, tonsillarum dolor, rauco, oculi cavi, facies hypocratica, mortem denunciant.

℞. *Cort. Peruv. subtiliss. pulv. unc. i. cum s. q. Syr. Caryoph. vel de Rosis siccis, f. Electuariam dividendum in xii. doses*; quarum unam capiat quarta quaque hora, superbibendo vini cujuslibet haustum, incipiendo immediate post paroxysmum.

Si autem præscripti boli ventrem moverint, in haustu vini dentur gutt. *Laudan. liquid.* singulis vel alternis vicibus post assumptionem boli, ut opus fuerit.

Ad recidivam præcavendam (præcipue in quartana) repetatur processus prædictus singulis septimanis per tres alias vices.

Sin forma pilularum magis arrideat.

℞. *Cort. Peruv. pulv. unc. j. cum s. q. Syrup. Caryophyll. f. Pilula mediocris magnitudinis*, quarum capiat vi. quarta quaque hora.

℞. *Cort. Peruv. pulv. unc. ii. Vinn. Rhenan. ℞ii. stent simul in Infusione frigida, & coletur per manicam Hippocratis.* Usus tempore cap. unc. iij. tertia vel quarta quaque hora.

Sin ob vomituritionem, fere continuam, corticem deglutire nequeat æger, tum sexies, vel octies, spatio duarum horarum, *Succi Limonum* recens expressi cochl. j. cum *Salis absinth. ℞j.* assumat, dein *Laudan. Liquid. gutt. xvi.* cum *Aq. cinnam.* fortior cochl. j. ac brevi post, cessante vomitu, corticis usum aggrediatur.

In intermittentibus vernalibus, nonnunquam emeticum, tempestive propinatum, ut nempe ante paroxysmum negotio suo defungi possit, felicissime successit. Nonnunquam enema in diebus intermittentibus per triduum, vel quatrimum injectum, curationem absolvit. Quæ sequenti quoque modo tentari potest.

℞. *Serpentar. Virgin. subtiliss. pulverisat. gr. xv. Vin. alb. unc. iij.* Sumat duabus horis ante paroxysmum, & stragulis coopertus æger sudet per iij. vel iv. ho-

iv. horas, idem faciendo per duas alias vices ante paroxysmum.

Si ab ingeminatis paroxysmis summe debilis fuerit æger.

℥. Conserv. Flor. Borag. Bugloss. an. unc. j. conserv. Anthos. unc. ss. cort. citr. condit. Nuc. Moschat. condit. Theriac. Andromach. an. ℥iij. confectio. Alchermes. ℥ij M. F. Opiata, cap. ad quantitatem avellanae, mane & vespri, superbibendo cochlearia paucula, alicujus Aq. Epidemicæ simplicioris, Saccharo edulcorata, interdicto interim enematum usu.

Si sub morbi exitum occurrat hydrops, nondum tamen depulsa febre, curatio non est instituenda remediis purgantibus, sed infusionibus rad. Raphan. Rustican. Summitat. Absinth. centaur. Min. Baccar. Juniper. cinerum genist. &c. in vino factis, exulante autem febre, cathartici, & aperientibus.

Pro infantibus febre intermittente laborantibus.

℥. Aq. cerasor. nigr. & Vini Rhenan. an. unc. ij. cort. Peruv. subtiliss. pulv. ℥iij. Syr. Caryophyll. unc. j. M. f. Julap. Cap. Coch. j. alterumve, pro ratione ætatis quarta quaque hora, donec paroxysmi non amplius discrucient, instillando alternis vicibus, si diarrhoea adfuerit, Laud. liquid. gutt. j. vel ij.

De Febre Stationaria, ab an. 1685. ad 90.

Calor & frigus se invicem excipiunt, artus pariter & caput dolent, pulsus interim fere sanus, nonnunquam tussis, dolor circa collum, & fauces, exacerbatio febris prope noctem, inquietudo, sitis, lingua vel humida & ex omni parte pellicula alba, & scabra vestita, vel sicca, fusci coloris in medio, quam partem undique cingit simbria inalbescens. A jugi in lecto decubitu coma, & phrenesis, a calido regimine petechiæ, maculae purpureæ, eruptiones (quas vocant) miliares morbillis magis rubentes, pulsus inordinatus, tendinum subsultus, atque ita tandem mors. Sudores in initio symptomatice divexant, qui si ab arte provocentur, viscosi a capite erumpunt, & materiam morbificam in caput aut in artus transferunt.

Mittatur sanguis ad unc. x. e brachio. Reiteretur venæ sectio; si modo respirationis difficultas, dolor capitis inter tussendum lancinans, & alia signa peripneumoniæ nothæ adsint; in hoc casu tam venæ sectio, quam catharsis repetenda, donec æger convalescat.

Vespri applicetur epispasticum, & sequenti auro potio lenitiva præscribatur, quæ ad tertiam vicem alternis diebus repetatur, & hora somni post catharsin haustus pacificus propinetur.

℥. Aq. Paralys. ℥iij. Syr. de Mecon. ℥j. Succ. Limon. recent. extract. coch. ii. M. F. Haustus.

Aphthæ & singultus post curationem febris supervenientes sponte sua evanescent: si in longum tempus decurrant, facile fugantur Cortic. Peruv. ℥j. cum Syr. Papav. Rhead. q. s. in formam Electuar. vel pilular. redacta, superbibend. haustum lactis destorati. Remedium hoc certissime scopum attinget, si non frustentur ejus vires ex jugi ægri in lecto decubitu.

Diebus a purgatione liberis sequentia præscribentur.

℥. Conserv. Lujul. & cynosbat. an. unc. i. conserv. Berber. unc. ℥. crem. Tart. ℥j. cum s. q. Syr. de Limonib. f. Electuarium, de quo cap. ad magnitud. Nuc. moschat. ter in die superbibendo sequent. julap. coch. vj.

℥. Aq. Portulac. Lactuc. Paral. an. ℥iij. Syr. de Limonib. ℥iij. Syr. Violar. ℥j. M. f. Julapium. Vel

℥. Aq. font. ℥j. aq. Rosar. Succ. Limonum, Sacchar. albiss. an. unc. iv. coq. lento igne dum despumaverint, cap. unc. iij. ad libitum. præscribatur quoque seq. gargarisma.

℥. Succ. Pomor. agrest. ℥ss. Syr. de rubo Ideo unc. i. m. f. gargarisma.

Si febris ita ventriculum infestet, ut æger potionem retinere nequeat, Pil. Coch. mai. ad ℥ij. exhibeantur, tum etiam hypnoticum est concedendum, v. gr. Laudan. Londin. gr. iij. cum simili quantitate Mastic. vel Laudan. liquid. gutt. xvij. in aq. Cinna-mom. hordeat. unc. j.

Sydenham opera Medica.

Decoctum album paratum, ex ℥j. C. C. usti, in aq. communis ℥iij. cocti & poster. Saccharo albissimo edulcoratum. Sit pro potu, ut & cerevisia tenuis pro libitu.

Post catharsin bis celebratam, concedatur ægro, pullorum carnibus vesci, & post ultimam purgationem, modo febris aliquantulum deflagaverit, vini Canarini coch. iij. vel iv. mane, & sero ut & post prandium, per dies aliquot propinentur.

In phrenitide, ut & comate, nihil perinde confert, atque ægri caput radi, nullo admoto emplastro, sed pileolo tantum.

Si (quod sæpè in hysteris quandoque accidit) post venæ sectionem, & purgationes hujusmodi iteratas, etiamnum duret, procurratque febris, modo signa peripneumoniæ, & inflammationis circa partes vitales absint, singulis noctibus paregoricum, & medicamenta hysterica, bis vel ter in die injungantur.

De Infantibus febre Stationaria laborantibus.

Hirudines duæ utrinque pone aures applicentur, dein Emplastr. Epispasticum cervici admoveatur.

Cerevisia, qua Rhabarbarum fuerit infusum, purgetur.

Si post catharsin febris intermittere videatur, tum Julapium cum cortice Peruviano (in capite de febre intermittenti pro infantibus descriptum) exhibeatur.

De Febre Scarlatina.

Æstate exeunte, infantes præcipue infestat. Rigor & horrent sub initium; nec tamen admodum ægrotant; cutis universa maculis parvis rubris, crebrioribus, latioribus & magis rubentibus quam in morbillis interstingitur. Ad duos tresve dies persistunt, quo quidem tempore evanescent, & decedente subiecta cuticula squamulis furfuraceis, ad instar farinæ, cutis conspergitur.

℥. C. C. usti & pulv. e Chel. cancr. comp. an. ℥ss. Coccinell. gr. ii. Sacchar. Crystall. ℥j. M. f. pulvis subtiliss. in xii. Chartulas dividend. quarum unam cap. 6. quaque hora, superbibendo coch. ii. vel iij. sequentis julapii.

℥. Aq. Cerasor. nigr. aq. Lactis Alexiter. an. ℥iij. Syr. e succo citri ℥j. M. f. Julap.

Applicetur etiam epispasticum cervici, & qualibet nocte paregoricum ex Syr. de Mecon. propinetur, & postquam symptomata cessaverint, purgetur æger.

De Pleuritide.

Inter ver & æstatem dominatur. A rigore & horrore orditur, quos statim comitantur calor, sitis, inquietudo, & cætera febrium symptomata; elapsis pauculis horis, æger vehementi dolore punctorio in laterum alterutro circa costas corripitur; qui nunc versus omoplatas, nunc spinam, nunc anteriora pectoris sese propagat, tussi crebra excruciat; materia sputo rejecta in initio morbi pauca est & tenuis, & sæpe sanguinis particulis intermixta, progressu vero copiosior & magis concocta, sanguine etiam permixto. Febris pari passu incedit cum tussi, sputo sanguinis, dolore, & pro ratione liberiori expectorationis sensim imminuitur; nunc alvus est astricta, nunc soluta nimis. Eductus e vena sanguis sevi liquati speciem præ se fert ubi refrigerit.

Mittatur sanguis e brachio lateris affecti ad ℥x.

℥. Aq. Papav. Rhead. unc. iv. Sal. prunel. ℥j. Syr. violar. unc. i. M. f. Haustus sumendus statim a prima venæ sectione.

℥. Amygd. dulc. excorticat. N. v. sem. Melon. Pepon. an. unc. ss. sem. papav. alb. ℥ii. aq. hord. ℥iij. aq. Rosar. ℥ii. cum s. q. sacchar. cand. f. s. a Emulsio, Cap. unc. iv. 4. quaque hora.

℥. Decoct. Pectorat. ℥ii. Syr. Violar. & Cap. Ven. an. unc. iij. M. f. Apozema Cap. ℥ss. ter in die.

℥. Ol. Amygd. dulc. unc. ii. Syr. Violar. & Cap. Ven. an. unc. i. Sacch. Cand. q. s. M. f. Eclegma, de quo sæpe lambat.

Oleum Amygd. dulc. per se, vel Oleum sem. Lini recenter extract. exhiberi potest.

℞. Ol. Amygd. dulc. Lilior. & unguent. Dialthee, an. unc. i. M. f. Linimentum, quo inungatur latus affectum mane, & sero superimponendo fol. Brassicæ.

Repetatur venæ sectio ad tres alias vices, ad eandem quantitatem, quatuor diebus continuis, ubi dolor, & respirandi difficultas suadent,

De Peripneumonia notha,

Ingruente hyeme & sæpe sub ejus exitum emergit, insultu primo nunc incalcescit, nunc friget æger, ex motu quolibet vertiginosus est, rubent & inflammantur genæ, oculique; tussit, & inter tussendum dolor capitis lancinans premit, potulenta vomitu rejicit, utina turbida est, & intense rubet, sanguis pleuritico æmulus, anhelus crebro & celeriter spiritum ducit, dolente thorace. Ab asthma sicco plane distinguitur, quod in isto nusquam comparent febris indicia, in hac manifesto se produnt, licet minora longe & magis obscura, quam in peripneumonia vera.

Mittatur sanguis e brachio dextro ad unc. x. Die sequenti æger hanc potionemumat.

℞. Cassia extract. unc. i. Glycyrr. ℥ii. flos pinguis N. iv. fol. senn. ℥iiss. Agaric. trochiscat. ℥i. coq. s. q. aque ad unc. iv. in Colatur. dissolv. Manne unc. i. Syn. Rosar. solut. unc. ℞.

Si vero potionem assumere nequeat, Cap. Pil. Coch. mai. ℥ii. hora quarta matutina.

Sequenti die celebretur iterum venæ sectio, ad eandem quantitatem; ac postero die repetatur catharsis, quæ porro repetenda est alternis diebus, vel post majora intervalla, pro ratione virium; atque insuper si symptomata non cessaverint, extrahatur iterum sanguis, semel adhuc, bis, vel sæpius, diebus aliquot interjectis, prout res postulaverit; sed ut plurimum venæ sectio bis celebrata sufficiet; interim, dum hæc fiunt, præsertim in diebus a purgatione vacuis, utatur decocto Pectorali, Eclegmate & oleo Amygd. dulcium, in pleuritide descriptis.

De Rheumatismo,

Rigorem & horrorem & cætera febrium symptomata patiuntur, elapso die uno alterove (est & ubi citius) dolor adest atrox, nunc in hoc, nunc illo artu, in carpis, humeris & genubus præsertim, vicissim hos relinquens, & illos occupans, rubore & tumore in parte, quam postremum affectit, adhuc residuis. Febris sensim evanescit, manente dolore, quin & nonnunquam immanius saviente. In lumbagine rheumatica immanis dolor est, circa lumborum regionem fixus, nephritin mentiens, nisi quod æger non vomituriat, qui procumbere nequit, sed vel e lecto exilit, vel super eodem erectus sedet, corpore perpetua agitatione, nunc versus anteriora, nunc posteriora inclinato. Sanguis pleuritico æmulus.

Mittatur sanguis e brachio lateris affecti, ad unc. x.

℞. Aq. Nymph. Portulac. Lactuc. an. unc. iv. Syr. de Limonib. unc. i℞. Syr. Violac. unc. i. M. f. Julap. de quo bibat ad libitum.

Præscribend. Emulsio 4. Sem. frigid. mai. Cataplasma e mica panis albiss. & lacte Croco tincto applicetur parti dolenti.

Die sequenti eadem sanguinis quantitas detrahatur, atque iterum, die uno vel altero interjecto, reiteretur, atque porro quater vel pluries, si opus fuerit, hoc observando, ut post secundam venæ sectionem majora sint intervalla inter singulas sanguinis missiones.

Diebus a phlebotomia vacuis, enema e lacte faccharato subinde injiciatur, vel sequens.

℞. Decoct. commun. pro Clystere ℥ij. Syr. Violar. & Sacchar. culinar. an. unc. ii. M. f. Enema.

Si imbecillitas ægri repetitionem phlebotomiæ non ferat, tum post secundam vel tertiam venæ sectionem, curatio hac methodo tentanda.

Capiat alternis diebus *potionem purgativam communem*, donec convaluerit, & iisdem noctibus paregoricum ex Syr. de Mecon.

Sin his remediis non cedat, & æger ob imbecillitatem evacuationes qualescunque ferre nequeat, ag-

gtediatur usum *Elect. & aq. Antiscorbuticæ* in scorbutico descript. quæ etiam locum habent in rheumatismo scorbutico.

In juvenibus, atque iis, qui temperate vixerunt, vino non plus æquo dediti, rheumatismus diætæ simplici admodum refrigerante, & mediocriter nutriente, æque feliciter, ac repetitis venæ sectionibus (quas minus ferre queant) profligari potest. Ex grat.

Solo lactis sero ad dies quatuor vescatur æger, postea præter serum pane similagineo semel in die loco prandii, donec penitus convalescat, nisi quod postremis diebus iterum panem in cœnam indulgere liceat, symptomatibus cessantibus, carnes pullorum elixorum, cæteraque eupepta concedantur, tertio autem quoque die solo lactis sero victitet, donec tandem pancratice valeat.

De Febre erysipelatoſa.

Nulla non corporis pars præsertim facies, tumet, dolet & summe rubet, pustulæ densæ, parvæ; in vesiculas subinde facessunt, quæ per frontem caputque serpunt, oculi tumore obruti, rigor & horror atque reliqua febris indicia adsunt. In alia hujus morbi specie, liquorum attenuantium potationi superveniente, febricula adest, pustulæ urticarum puncturas referentes nonnunquam, quam in vesiculas sublata, mox recedentes, tuberculorum more, sub cute se condentes, maxime pruriunt, & scalpando rursus apparent. Est & alia eruptionis species; pectus ut plurimum obsidens, macula nimirum lata, cuti vix supereminens, porriginosa, cum squamulis flavis, qua vigente, æger bene se habet; eadem evanescente, leviter ægrotat, urina turbida & flava, iisdem remediis, quibus pruritus serinus, cedit, vino utatur æger & carnibus eupeptis.

Mittatur sanguis e brachio ad ℥ix. vel x. Die sequentiumat *potionem communem purgativam*.

℞. Rad. Althæe & Lilior. an. ℥j. fol. Malv. Sambuc. Verbasc. flor. Chamame. Melilot. summit. Hyperic. & centar. minor. an. M. j. sem. Lini, fœnugrac. an. ℥℞. coq. s. aq. ad libr. iii. Coletur liquor. & tempore usus adde singulis libris decocti, Sp. Vini unc. ii. Stupæ e panno laneo huic decocto immersæ, ac expressæ, calide admoveantur bis in die, & pars affecta post forum sequenti mixtura illiniatur.

℞. Sp. Vini libr. ℞. Theriac. Androm. unc. ii. pul. piperis longi, & Caryophill. an. ℥ii. f. mixtura, qua charta emporetica madefacta parti affectæ circumvolvatur.

Si primæ venæ sectione non cedat morbus, tum repetatur; & nondum cessante, ad duas alias vices celebretur, interposito semper die uno.

Diebus a venæ sectione liberis *Enema e lacte cum Syr. Violarum, Emulsio Refrigerans, & Julap. refrigerans*, sunt præscribenda.

De pruritu serino, & inveteratis cutis eruptionibus, quæ venæ sectioni & catharsi non cedunt.

℞. Theriac. Andromach. ℥℞. Elect. de ovo ℥j. rad. Serpentar. Virgin. subtiliss. pulver. gr. xv. Lapid. Bezoar. oriental. gr. v. cum s. q. Syr. e conditur. citri f. Bolus, hora somni sumendus per dies xxi. superbibendo cochl. vi. sequent. julapii.

℞. Aq. Card. Benedict. unc. vi. aq. Epidem. & Theriacal. Stillat. an. unc. ii. Syrup. Caryophill. unc. i. M. f. Julap.

Singulis matutinis capiat liquoris possetici libr. ℞. calide, & sudet horæ unius spatio.

His finitis, si pustulæ adhuc non evanuerint, sequenti linimento partes affectæ inungantur.

℞. Unguent. ex Oxylapatho unc. ii. Unguent. Pomati unc. i. flor. Sulphur. ℥iii. ol. Rhodii ℥℞. f. linimentum.

Veruntamen medicamenta præscripta haud usurpentur, nisi venæ sectione & catharsi rite præmissis.

De Angina.

Angina inter ver & æstatem ut plurimum aggreditur. Sequuntur febris insultum dolor, & faucium inflammatio, unde a tumore uvulæ, tonsillarum & laryngis, nec deglutire queat æger, nec spiritum ducere.

Mitta-

Mittatur sanguis e brachio copiose. Tangantur partes inflammatae melle Rosaceo Sp. Vitrioli, vel Sp. Sulphuris ad summum acorem permixto, vel Sp. Vitriolo solo. Mox gargarisma sequens usurpetur, non vulgari modo; sed ita ut sine ulla agitatione in ore contineatur, donec incalescat; dein expuatur, & repetatur subinde.

℞. Aq. Plantag. Rosar. Rubr. & Sperm. Ranar. an. unc. iv. album. ovor. in aquam agitando redact. N. iii. Sacchar. Crystall. ℥iii. M. f. Gargarisma.

Emulsio Refrigerans in pleuritide descripta indies fumatur.

Sequenti mane, nisi febris & dolor inter deglutendum remiserint, venæ sectio repetatur, catharsis in diem posterum rejecta, alias catharticum lenitivum exhibeatur.

Manente adhuc affectu (quod oppido rarum) repetatur adhuc venæ sectio, & catharsis, epispasticum amplum ac forte applicetur cervici post primam venæ sectionem. Omni mane, nisi diebus purgationi datis enema refrigerans & emolliens injiciatur, diætâ tenui utatur æger, & lecto per horas aliquot quotidie abstat.

In his omnibus febribus, quas intercurrentes appello, ut etiam in illa, quæ stationaria est, caute observandum, quod æger a lecto abstineat magnam diei partem, ut jusculis hordeaceis, avenaceis ac id genus aliis victitet, & cerevisiam lupulatam, & hydrogallam pro potu ordinario bibat.

De Morbillis.

Infantes plerunque impetunt. Primo die rigent horrentque, calent & frigent alternatim. Secundo consummatam febrim accersunt, ægritudo vehemens, sitis inappetentia, lingua alba (non vero sicca) tussicula, capitis & oculorum gravedo, & somnolentia perpetua, acriter premunt, humor e naribus & oculis jugiter stillat (quæ lacrymæ certissimum morbillorum signum.) Huc accedunt sternutatio, tumor palpebrarum paulo ante eruptionem, vomitus, diarrhœa, cum dejectionibus colore viridi in dentientibus præsertim; symptomata ingravescent ad quartum usque diem, quo quidem die (nonnunquam quinto) in fronte & facie maculæ parvæ, rubræ, pulicum morsibus persimiles prodeunt; quæ numero & magnitudine auctæ, racematim coalescunt, & faciem maculis rubris majusculis interstringunt. Hæ maculæ e parvulis, supra cutim paulum elevatis constantur, quarum protuberantia digito levi, vix oculorum acie deprehendi possit.

A facie, quam primo solum occupant, ad pectus ventremque, crura deinde tibiasque propagantur maculæ; in his autem partibus latæ, & rubræ, superficiem cutis non superantes conspiciuntur. Eruptione morbillorum non perinde deliniuntur symptomata ac in variolis. Vomitus post eruptionem nullus; sed tussicula & febris cum spirandi difficultate, intenduntur in oculos defluxio, somnolentia & inappetentia perseverant. Die sexto aut circiter frons, & facies asperescunt, emorientibus pustulis, ruptaque cuticula, in reliquo corpore maculæ latissimæ sunt, & maxime rubescunt. Octavo circiter die in facie evanescent, & vix in reliquo corpore permanent. Nono nullæ prorsus sunt, per faciem vero & artus quandoque, & totum corpus in fatinam quandam, & squamulas facessunt, & tunc temporis febris, spirandi difficultas, & tussicula augentur. In adultis a calido regimine livescunt primo, mox nigrescunt exanthemata.

℞. Decoct. Pectoral. ℥i. Syrup. Violar. & Cap. Ven. an. ℥i. M. f. Apozema, Cap. ℥iii. vel iv. ter vel quater in die.

℞. Ol. Amygd. dulc. ℥ii. Syr. Violar. & Cap. ven. an. ℥i. Sacchar. Cand. albiss. q. s. M. f. Eclegma, de quo sæpius lambat, præcipue quando tussis urget.

℞. Ap. Cerasor. nigr. ℥iii. Syr. de Mecon. ℥i. M. f. haustus singulis noctibus sumendus, a primo morbi insultu, usque dum convalescit æger, dosin augendo vel imminuendo pro ratione ætatis.

Æger se contineat in lecto per bidduum post primam eruptionem.

Sydenham opera Medica.

Si post morbillorum discessum, febris, respirandi difficultas, & alia symptomata peripneumoniam mentientia supervenerint, sanguis liberaliter extrahenduse brachio; semel, bis, vel ter, prout opus fuerit, convenienti spatio inter singulas venæ sectiones; atque etiam continuetur decoctum Pectorale supra descriptum ut & Lohoch, vel Ol. Amygd. dulc. per se. Circa diem xii. ab invasione cathartico lenienti purgetur.

Diarrhœa, quæ morbillos excipit, venæ sectione sanatur.

De Variolis.

Distinctæ sunt, vel confluentes, & in dictis invadunt rigor & horror, calor intensus, capitis & dorso dolor vehemens, vomitatio, in adultis ingens in sudores propensio (& hinc minime confluentes esse licet conjicere) dolor sub scrobiculo cordis si manu prematur, stupor & somnolentia, nonnunquam & insultus epileptici (in infantibus præsertim) quibus si, dentitione peracta corripiantur, in procinctu esse variolas possit prædicere; ita ut si forte insultum epilepticum sub vesperam patiantur, sequenti aurora in conspectum se daturæ sunt variolæ, mites ut plurimum & rarissime confluentes. Quarto inclusive ab invasione die, nonnunquam serius, raro tamen ante illum erumpunt, quo tempore, vel minuuntur symptomata, vel prorsus evanescent. In eruptione autem subrubræ primo pustulæ tenuissimarum acicularum puncta æquantes, sparsim se produnt per faciem, collum, pectus, & corpus universum; tunc in faucibus dolor, qui cum pustulis surgentibus augetur. Circiter octavum a primo insultu diem intervalla pustularum prius alba rubere jam incipiunt, in tumorem attolli, & dolore tensivo affici; extenduntur palpebræ, & ut vesica inflata, oculos claudunt. Proxime a facie intumescunt manus, digitique distenduntur, pustulæ faciei antea leves & rubræ, jam asperæ (primum maturationis indicium) & subalbidæ apparent; succum insuper luteum, colore a flavo non abludentem evomunt, faciei & manuum inflammatio jam summa in pustularum interstitiis colorem exhibet floridum, & rosarum Damascenarum æmulum, quem quidem colorem, quo miores sunt variolæ, eo magis tum pustulæ tum cutis interjecta ad amissim exprimunt. Quæ faciem occupant pustulæ, asperiores quotidie ac magis flavæ pro maturationis ratione; quæ manus & reliquum corpus minus asperæ albæque magis conspiciuntur indies. Die undecimo faciei tumor & inflammatio recedunt, pustulæ & justam magnitudinem (viz. pisi grandiusculi) adeptæ exarescunt deciduntque. Decimo quarto, vel quinto pereunt funditus; manuum autem pustulæ pertinaciores, albæ adhuc & recentes die uno aut altero moras trahunt, & tandem dirumpuntur; cæteræ autem, faciei nimirum & corporis desquamantur, & in facie squamulis hisce fursuraceis succedunt foveæ. Per totum morbi decursum alvus vel prorsus constipatur, vel rarissime dejicit. Maxima eorum pars, qui ex hoc morbo pereunt, octavo die in discretis, undecimo autem in confluentibus intereunt: Quippe cum in discreto hoc genere promoventur sudores tum cardiacis, tum regimine calidiore, prædicto die facies, quæ turgida & per interstitia pustulis interjecta inflammari debuerat, e contra flaccida reperitur, & albescens, pustulis nihilominus rubentibus, & elevatis, etiam post ægri mortem, sudor, qui huc usque manaverat, derepente evanescit, æger interim phrenitide corripitur, anxietate, jactatione, ægritudine vehementibus, urinam parce reddit ac frequenter, & tandem paucissimarum horarum spatio ad plures migrat.

In confluentibus eadem symptomata (sed atrociora) febris scilicet, anxietas, ægritudo, vomitatio, &c. immanius sæviunt, licet non ita prompte, ac in discretis, in sudores dissolvitur æger. Diarrhœa nonnunquam eruptionem præcedit, & ad diem unum aut alterum post illam protrahitur, quod in discretis vix contingit. Tertio in die aut citius, raro tardius, erumpunt; & quo citius, eo magis confluent. Quandoque ad quartum vel quintum diem differtur eruptio ob atrox aliquod symptoma, v. gr. acutissimum

simum dolorem in lumbis, nephritici æmulum, in latere pleuritici, in artubus rheumatici, in ventriculo cum ingenti ægritudine, & vomitu. Non perinde, ac in discretis, mox ab eruptione remittunt symptomata, sed & febris & alia ad multos etiam dies post eruptionem pustularum ægrum discruciant; nunc eryspelatis ritu, nunc morbillorum erumpunt, eruptionis licet tempore plane distinguantur. Crescente morbo, non in molem aliquam spectabilem attolluntur; sed in facie sibi invicem implicata, tanquam vesicula rubra vultum omnem contegunt, quem maturius elevant quam discretæ: postmodum ad instar pelliculæ vultui agglutinatae cutis superficiem non admodum superant. Præterlapso die octavo, pellicula alba quotidie paulatim magis exasperatur, colore fusco; intensus magis est dolor cutis; donec tandem in triculentiore morbo non nisi post diem vicesimum latioribus laminis desquamatur. Hoc interim observatu dignum, quod quanto pustulæ maturescentes propius ad calorem subfuscum vergunt, eo deteriores lentius abscedunt; quo magis autem flavescunt, eo minus confluerint, & ocyus se proripiunt. Ubi primum deciderit pellicula, nulla scabritie vultus afficitur, at vero mox illam excipiunt squamulæ fursuraceæ, indolis perquam corrosivæ, quæ foveas relinquunt patentiores, & sæpe cicatrices. Quandoque humeri & dorsum cuticula denudantur. Morbi periculum a pustularum frequentia, & numero in facie sola, æstimandum. Pustulæ manuum, & pedum majores, & quo altius ab extremitate artuum ascenderis, eo sensim minores, & contractiores extant. In adultis salivatio, infantibus diarrhœa (licet non ita certo) confluentium comes. Ptyalismus nunc cum eruptione se prodit, nunc biduo triduo præterito, materiam primo tenuem, die undecimo viscidior ægerrime, excreat. Siticulosus est æger, voce rauca, somnolentia, & stupore ingentibus corripitur, inter bibendum subinde tussit, & potus per nares revertitur. Tunc cessat ut plurimum salivatio, cui nisi faciei intumescencia (quæ licet hoc ipso die pro morbi genio aliquantisper remitti debeat, non tamen nisi post diem unum alterumve omnino recedere debet) & manuum jam insigniter incipiens, & diutius perdurans suppetias tulerint, ægro protinus moriendum est. Diarrhœa non ita mature infantes occupat ac ptyalismus adultos. In utraque variolarum specie febris ab insultu ad eruptionem dominatur, inde dat inducias ad pustularum maturationem, qua peracta, desinit. Superveniunt a malo regimine symptomata anomala, qualia sunt, pustularum flacciditas & subsidentia, phrenitis, coma, maculæ purpureæ pustulis interspersæ, & in earum summitate maculæ nigrae exiguae in medio subsidentes, sanguinis mictus & spiritum sub initio morbi, urinæ suppressio.

Separationis tempus cum febrili ebullitione tribus, vel quatuor primis diebus transigitur. Expulsio per reliquum morbi tempus, mediantibus parvis abscessibus, in carne perficitur.

Dies, in quo maxime periclitatur æger, in confluentibus, in minime crudo, maxime vulgari genere, a primo morbi insultu, est undecimus, in crudiore adhuc, decimus quartus, & in crudissimo, decimus septimus; nonnunquam tamen, sed rarius, non ante diem vicesimum moritur æger. Quinimo per spatium illud omne, quod inter dies undecimum, & decimum septimum interjacet, appetente vespere, molestissimo inquietudinis paroxysmo, quotidie vexatur æger.

Mittatur sanguis quovis ex tribus primis diebus ab invasione ad unc. ix. vel x. & postea Vomitorium exhibeatur ad ℥j. vel ℥i℥. Infusionis Croci Metallo-
rum.

His primis diebus diluatur sanguis frequenti potatione cerevisiæ tenuis lupulatae, cui vitrioli spiritus immisceatur usque ad plenam pustularum eruptionem.

Cum variolæ omnes eruperint (quod ut plurimum est sexto die post invasionem) vespere propinetur *Syr. de Mecon.* ℥j. quæ repetatur dehinc singulis noctibus ad diem decimum post invasionem. Et nocte, si variolæ e confluentium genere fuerint, augeatur dosis ad ℥i℥, quæ dein repetatur ad ℥j. mane, & ad ℥i℥. sero, singulis noctibus, donec æger convalescat.

Si *syr. de mecon.* minus congruat, substitui possit *Laudan. liquid.* viz. gutt. xvij. pro ℥j. *Syrupi*, & gutt. xxv. pro unc. j℥. Hoc interim observandum; quod si paregoricum bis in die exhibitum orgasmum compefcere non valeat (quod in variolis insigniter confluentibus, sub finem harum sæpe accidit) tum octava quaque hora exhibendum, vel sæpius, si opus fuerit.

At si variolæ interdistinctæ fuerint, satis erit, ut solummodo singulis noctibus post plenam eruptionem exhibeatur paregoricum; atque etiam in minori dosi.

Qualiscumque autem generis variolæ fuerint, atque etiam qualicumque morbi tempore, si phrenitis acciderit, omnino oportet ut inordinato spirituum motui frænum injiciatur, ac proinde si prior paregorici dosis metam non attingat, alia atque alia assumatur, donec tumultus penitus compefcatur, interposito inter singulas doses spatio aliquo, ut per noscere valeamus, utrum dosis ultima id, quod quærimus, præstiterit, antequam nova ingeratur.

Si omnimoda urinæ suppressio acciderit, æger e lecto eximatur, & aliquantulum obambulet.

Si saliva ob calorem sit adeo viscida, ut expectorari non possit, tum gargarisma cum syringa sæpe in fauces injiciatur. Componatur e *Cerevisia tenui*, vel *aq. hord.* cum *Melle Rosarum*, vel sequens usurpari poterit.

℥f. *Cort. Ulmi* ℥vj. *rad. Glycyrrhiz.* unc. ℥. *Pas-
sul. enucleat.* N. xx. *ros. rub.* p. ii. *coq. f. q. ad ℥i℥.*
in Colatur. dissolv. oxymel. simp. & mell. Rosar. an.
℥ii. *M. f. Gargarisma.*

Si epispastico opus fuerit, amplum satis & acre nuchæ applicetur nocte ista, quæ magnam morbi crisin præcedit, mox ab assumpto paregorico, plantis quoque pedum applicari potest allium, a die octavo, usque ad morbi finem, singulis diebus renovandum.

Si infans die symptomatibus, dentitionem comitantibus jam securus, derepente spasmo corripitur, hic cogitandum est, convulsionem istam, fortassis a naturæ conatu, quæ variolas, scarlatinam febrem, aut morbillos, in corporis habitum protrudere satagit, pendere, applicetur itaque emplastrum epispasticum nuchæ, lecto quam primum committatur æger, exhibeatur insuper cardiacum, cui paregorici pauxillum est admiscendum, puero nempe trienni *Laud. Liquid. gutt. v. in aq. Epidem. conchl. i.*

Si die undecimo, vel alio quovis post eum, febris secundaria cum inquietudine, jactatione & cæteris id genus symptomatibus, usque adeo efferatur, ut paregoricis utcumque repetitis sufflaminari nequeat; & mors quasi immineat, tum sanguis in satis magnam quantitatem illico detrahatur, nempe ad unxc. xii. vel circiter, atque porro repeti possit vel bis in sequentibus diebus, si symptomatum dictorum ratio idem postularit; at non alias. Catharsis etiam blanda die decimo tertio (non antea) vel quovis alio die eum insequente (modo venæ sectio præcesserit) institui possit; nempe ex *Electuarii Lenitivi unc. i. dissolut. in aq. Cichor. vel lactis Alexiter. unc. iv.* Veruntamen nec venæ sectio, nec catharsis impediunt, quo minus paregorica in usum veniant, quæ (haud obstantibus iis) tam quoad largam dosin, quam repetitam exhiberi debent, si opus adhuc fuerit; nam ad hæc in hoc morbo semper confugiendum.

Quando pustulæ perfecte exaruerint, inungatur facies linimento ex æqualibus partibus *ol. Amygd. dulc.* & *Pomat.* per biduum, ac non ultra.

Die xvi. post invasionem mittatur sanguis e brachio; & sequenti die catharsis celebranda, quæ porro alternis diebus ad tres alias vices repetatur.

Quoad regimen, a lecto abstineat ad sextum diem post invasionem, in quo postea se contineat usque ad xvii. non aliis stragulis rectius, quam quibus sanus uti solebat.

Jusculis avenac. hordeac. pomis coct. & cerevisia tenui victitet, & post undecimum diem vini Hispanici. *cochl. iv. vel v. bis in die exhibeantur*, si æger voluerit.

Si crurum tumor non evacuationibus præscript. cedat, tum fotu fol. malv. verbasco. sambuc. lauri, cum floribus camæmel. & melilot. in lacte coct. facile fugatur.

Si primis morbi diebus æger hæmoptoe laboret, vel urinam reddat sanguineam, & tinctura, quæ in capite de hæmoptoe præscribuntur, sexta quaque hora (donec symptomata ista prorsus cessaverint) diligenter exhibeantur. Quo etiam casu paregorica liberali manu propinanda.

De Choreâ Sancti Viti.

Conclusionis species quædam est, pueros puellasve a decimo ætatis anno ad pubertatem invalidi, prodit se claudicatione, vel instabilitate alterutrius cruris, quod æger post se trahit fatuorum more, manum ejusdem lateris, vel pectori vel alii alicui parti applicitam, nequit continere in eodem situ horæ momento, sed in alium situm & locum convulsione distorquebitur, quicquid æger contra nitatur. Antequam poculum ad os possit adducere, mille gesticulationes, circulatorum instar, exhibebit: Non enim recta linea ori admoveat, sed deducta a spasmo manu, huc illuc aliquandiu versat, donec tandem fortuna labris propius apponens liquorem repente in os injicit, & avidè haurit, dedita tanquam opera, ut spectantibus risum moveret.

Sanguis ad ℥viij. plus minus, pro ætate, ex brachio educatur.

Die sequenti, dimidia pars, vel quiddam amplius, pro ratione ætatis, potionis commun. hauriatur; & vesperti haustus sequens propinetur.

℥. Aq. Cerasor. nigr. ℥j. aq. Epilept. Langii ℥iij. Theriac. Andromach. ℥j. Laudan. Liquid. gut. viii. f. haustus.

Potio Cathartic. ad tres vices, alternis diebus, repetatur; & haustus Paregoricus iisdem noctibus.

Postea sanguis iterum extrahatur; & ad catharsin, uti prius, æger revertatur, & sic sanguis mittatur, & alvus subducatur ad tertiam quartamve vicem, spatio tamen inter alternas evacuationes observato, ut nihil periculi ægro imminet.

Diebus a purgatione vacuis sequentia præscribantur.

℥. Conserv. Absinth. Roman. & salv. Aurantior. an. ℥j. Conserv. Anthos ℥ss. Theriac. Andromach. vet. & nuc. moschat. condit. an. ℥iij. Zinzib. condit. ℥j. Syr. e succ. citr. q. s. f. Electuar. de quo capiat ad magnitud. nuc. moschat. mane & hora quinta pomeridiana, superbibend. vini sequentis cochlear. v.

℥. Rad. Pæonia, Enul. Campan. Imperator. & Angelic. an. ℥j. fol. Rut. Salv. Betonic. Chamedr. Marrub. alb. & summit. Cent. min. an. Mi. Baccar. Juniper ℥vj. Cortic. duor. Aurantior. incidantur & infundantur frigide in vini Canarini ℥vj. coletur tantummodo usus tempore.

℥. Aq. Rut. ℥iv. aq. Epilept. Lang. & Bryon. comp. an. ℥j. Syr. Pæon. ℥vi. M. f. Julap. cap. cochl. iv. singulis noctibus cubitum iturus, instillando Sp. C. C. gut. viii.

Applicetur plantis pedum emplastr. e caranna.

Ob recidivæ metum pertundatur ei vena, & ad dies aliquot purgetur, ea ipsa anni sequentis tempestate (vel paulo ante) qua morbus invasit.

Verisimile mihi videtur, quod hæc methodus curationi epilepsiæ adutorum convenire possit, quod tamen non adhuc expertus sum. Cum vero Choreâ Viti ætates teneras adoriri soleat, in epilepsia adutorum tam sanguinis detrahendi quantitas, quam catharticorum dosis adaugeantur.

De Apoplexia.

Somnus est profundissimus, & omnimoda sensus & motus privatio, excepta respiratione, quam ægri habent difficilem cum stertore.

Mittatur sanguis e brachio ad ℥xij. quamprimum, ac postea ex venis jugularibus ad ℥viij. deinde Vomitorium ex ℥iiss. vel. unc. ii. Infus. Croc. Metal. propinetur statim.

Emplast. Epispastic. satis amplum ac forte cervici applicetur.

Dum hæc aguntur, erectus sedeat æger in lecto, nec stragulis nimis obrutus.

Sp. Sal. Armoniac. optime rectificatus admoveatur naribus.

Finite vomitorii operatione, subinde exhibeantur cochl. iii. vel iv. sequentis julapii.

℥. Aq. Ruta ℥iv. aq. Byron. compos. & Antiepilept. Lang. an. ℥j. Sp. C. C. gut. xx. Sacchar. Crystal. q. s. f. Julap.

Vel Cochleare i. Sp. Lavendula comp. per se propinari possit bis vel ter, durante paroxysmo, hora dimidia vel integra interposita.

Cavendum est, ne cardiaca plus justo calida, ac nimis frequenter (uti mos est) exhibeantur; nam quacunque demum specifica virtute pollere videantur, plus damni quam emolumenti ægro apportant, utpote quæ humores fundere (ac proinde malum augere) apta nata sunt: quod etiam incommodum non minus infertur ex nimia stragulorum congestione.

Paroxysmo jam finito, ad præcavendam recidivam sequentia exhibeantur.

℥. Pil. Coch. mai. ℥ij. cap. tertia quaque die per 6. vices hora 4. matutina superdormiendo.

℥. Conserv. flor. salv. Rorismarin. an. unc. i. Conserv. flaved. Aurant. ℥vj. nuc. Moschat. condit. & Zinzib. condit. an. unc. ss. Theriac. Androm. vet. ℥ij. pulv. elect. diamb. diamosch. dulc. an. ℥j. cum s. q. Syr. conditur. citr. f. opiata, ad magnitudinem castaneæ mane & sero, superbibend. aq. Epilept. Long. Coch. ij.

℥. Ambr. gris. ℥ss. ol. destil. sem. Anisi, cinnamom. nuc. moschat. an. gutt. ij. ol. Charyophil. gut. j. Sacchar. in aq. flor. aurantior. solut. unc. iv. f. s. a. Tabella, quarum capiat unam ad libitum.

Ab usu potus generosioris cujusvis sibi temperet, vescatur jusculis avenaceis, hordeaceis, ut & ex pulvis gallinaceis confectis, & quandoque etiam (præcipue inter purgandum) carne pullorum, agnorum ac id genus ciborum eupepton.

De Ophthalmia.

Ex oculorum inflammatione patet.

Mittatur sanguis e brachio ad unc. x. Sequenti die sumat potionem purgativam communem, quæ repetenda est per duas alias vices, duobus diebus interpositis; iisdem noctibus sumat haustum paregoricum ex Syr. de Mecon. unc. j.

Diebus a purgatione vacuis sumat ter aut quater in die unc. iv. Emulsionis ex sem. frigid. mai. & Papav. alb.

℥. Aq. Plantag. Ros. rubr. & Spermat. Ranar. an. unc. j. pul. Tutie preparat. ℥j. f. Collyrium, cujus guttæ aliquot instillantur oculis bis in die; at non incipiendum, nisi post primam purgationem.

Si his remediis affectus haud cedat, repetatur venæ sectio semel vel bis, (præcipue si sanguis pleuriticus apparuerit) ut etiam catharsis.

Abstineat ab usu vini & cujusvis liquoris generosi (ab usu etiam ciborum coctu difficilium, & sale conditorum; & diebus inter purgationes bibat hydrogalam coctam.

Nota, quod sæpe accidit, quod venæ sectione & catharsis utcunque repetitis ophthalmia non cedit; hoc in casu Paragoric. ex Syr. de Mecon. unc. j. singulis noctibus exhibitum, curationem sine aliorum suppetiis absolvit.

De uteri Procidentia.

℥. Cort. Querc. ℥ij. Coq. in Aq. font. ℥iv. ad ℥ij. sub finem addendo Cortic. Granator. contus. ℥j. res. rubr. flor. Granator. contus. ℥j. ros. rubr. flor. Granator. an. Mii. dein. adde vini rubr. ℥ss. colatura sit pro fotu, qui cum pannis laneis parti affectæ admoveatur mane horis duabus, antequam e lecto assurgat, & nocte post decubitum, donec symptoma penitus evanuerit.

De Paroxysmo Nephritico.

Adsunt dolor fixus in lumborum regione, urina eruenta, arenularum aut calculi excretio, stupor cruris edirecto renis laborantis, testis retractio ejus lateris,

teris, in quo est dolor, nausea & vomitus. Dolor colicus nephritico haud absimilis; licet in quibusdam symptomatibus plane discrepet, quæ recensita in *Capite de Colica biliosa* videas.

Si æger temperamento sanguineo fuerit, mittatur sanguis e brachio affecto reni respondententi ad 3x. dein liquoris posseticæ, cui Rad. *Althææ* ʒij. incollata fuerint. Cong. j. quam citissime deglutatur, & enema sequens injiciatur.

ʒi. Rad. *Althææ* & *Lilior.* an. ʒj. fol. *Malv. Parietar.* *Branc. Ursin.* & flor. *Chamemol.* an. M. j. Sem. *Lini* & *Fenugr.* an. ʒss. coq. f. q. aq. ad ʒijss. M. F. *Enema.* Rejctis vomitorio & enemate, *Laudan. Liquid.* satis magna dosis propinetur, viz. ad gutt. xxv. vel *Pil. Matth. gr.* xv. vel xvi. In senibus vero, & morbo diuturno fractis, ut & vetulis vaporibus obnoxiiis (præcipue si sub initium paroxysmi urinam eæ reddant nigram & sabulosam) venæ sectio omitatur; & quoad reliqua, eadem quæ dicta est via omnino procedendum.

In Mictu sanguinea calculo renibus impacto.

Capiat æger, stato quodam die, singulis hebdomadis, *Manna* ʒijss. in feri lactis ʒij. solut.

Conducit aliquando haustus cerevisiæ tenuis liberalior.

In calculo renum grandiori, dolor hebes, & obtusus, nullatenus auctus, sed satis tolerabilis persentitur, nec paroxysmus nephriticus comitatur.

Aquis chalybeatæ æger se non tuto committet, nisi prius certo sciat, calculum majorem non esse, quam ut per uretheres viam possit invenire, quod hoc tantum modo certo potest dignosci, si nempe, jam antea, paroxysmus aliquem nephriticum fuerit perpessus, (cum dolore sævissimo in renem alterutro, per uretherum ductus propagato, & vomitu enormi) pro comperto habeat, non tam grandiore aliquem calculum pelvi concludi, quam lapillorum exiguorum congeriem, quorum unus subinde in uretherem illabitur, atque ita paroxysmus invitat, qui fere non desinit, nisi calculo in vesicam detruso; cum sic se res habeat, nullum est magis efficax remedium, quam aquarum chalybeatarum potatio; quod si calculosus, nullo unquam paroxysmo nephritico fuerit tentatus, cum jam major sit calculus, quam qui ex pelvi possit elabi, devitandæ sunt aquæ ferreæ.

De Dysenteria, Diarrhœa & Tenesmo.

Rigent horrentque, sequitur deinde totius corporis color, quem brevi excipiunt ventris tormina, & hæc, dejectiones crebræ, & mucosæ omnes (nisi quod stercoreosæ nonnunquam interponantur) cum ingenti cruciatu & molestissimo viscerum omnium quasi descensu, quoties exoneratur alvus, sanguinis interim lineamentis intertextæ, licet aliquando neminum sanguinis per totum morbi decursum admisceatur. Progressu morbi sanguis sincerus quandoque excernitur, & grangræna insanabili afficiuntur intestina. Si æger floreat, vel cardiacis incalescat, febricitat admodum, lingua est subalbida, quadam mucilagine dense obsita, interdum nigra & sicca. Prosterunt vires, dissipantur spiritus, apthæ insuper oris interna faucesque obsident, præsertim ubi materiæ peccantis evacuatio a ringentibus præpostere impeditur, non exacto per cathartica morbi fomite. Aliquando exulant febres, agmen ducunt tormina & cætera morbi symptomata sequuntur.

In diarrhœa humores excrementitii sine sanguine aut intestinorum exulceratione excernuntur.

In tenesmo assidua est desidendi cupiditas; nihil tamen præter mucosum quoddam & subcruentum aut purulentum rejicitur.

Mittatur sanguis e brachio quamprimum, eademque nocte *Paregoricum* propinetur; & mane sequenti *Potio purgans communis*, repetenda alternis diebus ad duas alias vices, & *Paregoricum* post purgationes, quamprimum suo desunctæ sunt munere, ac diebus a purgatione vacuis, idem mane & sero est exhibendum.

Post venæ sectionem & catharsin semel celebratam,

per totum morbi decursum, sequens cardiacum exhibetur.

ʒi. *Aq. Ceras. nigr.* & fragor an. ʒij. *Aq. Epidem. Scord. comp.* & *Cinnam.* hordeat. an. ʒj. *Margarit. preparat.* ʒijss. *Sacchar. crystal.* q. s. adde *Aq. Rosar. Damascen.* ʒss. ad gratum saporem, m. f. *Julap.* de quo cap. cochl. iv. vel v. in languoribus, vel ad libitum.

Potus sit lac coctum cum *Aq. Triplo*, vel *Decoct. Alb.* ut.

ʒi. *C. C. C.* & *Mic. panis alb.* an. ʒij. coqu. in *Aq. font.* ʒij. ad ʒij. postea f. q. *Sacchar. Albiss.* edulcoretur. Vel si dejectio virium postulaverit. *Aq. font.* ʒij. cum *Vin. anarm.* ʒj. simul. coctæ, pro potu frigide assumantur.

Cum per tres vices purgatus fuerit æger, tota curatio usui *Laudani* bis vel ter in die repetiti postea incumbit, nisi quod *Enema ex Lact. vaccin.* ʒss. & *Theriac. Androm.* ʒijss. subinde injiciatur, quod in alvi egestionibus mire confert.

Cum alvi fluxus in diarrhœam tantum assurgat, plebotom. & catharsi præscript. ommissis, sequ. bolus singulis matutinis exhibetur.

ʒi. *Rhabarb. pulv.* ʒss. (plus minus pro ratione virium) cum f. q. *Diascordii.* f. *Bolus*, addendo *Ol. Chym. cinnam.* gutt. ij.

Noctibus insequentibus *Paregoric. ex Aq. cinnam.* hordeat. unc. j. & *Laudan. Liquid.* gutt. xix. exhibetur.

Ubi tormina sicca sine dejectionibus excruciant, curantur diluendo sero lactis frigide propinato, repide injecto; ut in cholera morbo pullorum jusculo aut lacte cerevisiato.

Si hic morbus diutius excurrat, adeo ut omnis ejus vis in rectum intestinum decumbat, cum assidua desidendi cupiditate, diætâ analeptica instituat, & liquor aliquis cardiacus pro libitu ingeratur, ut restaurari possint vires, quibus redeuntibus tenesmus sponte se proripit.

In dysenteria male curata dolores aliquando ægrum ad annos aliquot excruciant; in hoc casu phlebotomia repetita pristinam sanitatem restituet.

Notandum est, quod in constitutionibus hic morbo minus faventibus ommissis evacuationibus dysenteria laudano solo sanatur, quod mane & sero repetendum, donec symptomata penitus evanuerint, vel etiam ter nycthemeri spatio, si opus fuerit.

De Colica biliosa.

Intestinorum dolor atrocissimus est, per horas aliquot affligit febris in hunc morbum desinens, qui aut quasi injecta fascia constringit, aut in punctum contractus quasi terebello perforat; subinde remittitur, mox recrudescit. Sub initio non ita certo ad unum aliquod punctum determinatur, neque tam crebra vomituritio, neque alvus ita pertinaciter cathartorum vim eludit; quo autem magis augetur dolor, eo obstinatius in puncto figitur, vomituritio frequentior, & major alvi adstrictio, colica tandem in iliacam transeunte. A nephritide sic distinguitur. 1. Dolor nephriticus fixus in rene est, & ab eo ad testem exporrigitur secundum longitudinem uretheris. Colicus vero vagus est, & cinguli instar medium ventrem affligit. 2. A pastu colicus dolor augetur: nephriticus potius imminuitur. 3. In colico dolore, ab excretionem per alvum & per vomitum majus levamen emergit, quam in nephritico. 4. In dolore nephritico urina primum clara & tenuis, postea aliquid subsidet, & tandem arenulæ aut lapilli excernuntur: In colica urinæ ab initio crassiores existunt.

Sanguis e brachio paulo liberalius educatur, & post horas iii. vel iv. *Anodyn.* exhibetur. Postero die *Catharticum Lenitiv.* & interposito die uno, ad tertiam vicem propinetur.

At si malum hoc fructibus horariis, vel aliis cibis avidè ingestis, originem debeat, tum ventriculus ante omnia lacte cerevisiato affatim hausto eluendus est; quo exantlato anodynum propinandum est; sequenti autem die vena secanda est, & in ordine præscripto procedendum.

Ubi

Ubi hic morbus minus perite tractatus diutissime fatigaverit, & ægrum pene confecerit, liberalior sive aquæ epidem. sive mirab. sive alius cujuscunque, quæ sanus maxime delectabatur, usus, ægrum hoc tempore ultra spem omnem juvit.

De Cholera morbo.

Intra Augusti limites se continens, vix in priores Septembris hebdomadas evagatur. A crapula & ingluvie excitatus similis effectus, nullo temporis discrimine insurgit, qui licet eodem curetur modo, alterius tamen est subfellii. Adfunt vomitus enormes, ac pravorum humorum cum maxima difficultate & angustia per alvum dejectio; ventris ac intestinorum dolor vehemens, inflatio & distentio; cardialgia, sitis, pulsus celer ac frequens, parvus & inæqualis, æstus & anxietas, nausea molestissima, sudor, crurum & brachiorum contractura, animi deliquium, partium extremarum frigiditas, & similia, quæ ægrum in 24. horarum spatio interimunt.

Pullus tener in tribus circiter aquæ font. congiis elixetur, ut carnis saporem vix perceptibilem liquor referat, hujus decocti vel (defectu ejus) liquoris poffetici capaciores aliquot cyathos æger tepide exhauriat; & eodem tempore ex eodem liquore *Enemata* successive repetenda. Haustibus & clysteribus *Syr. Lactuc. Violar. Portulac. Nymph. eorumve* alicujus uncia subinde admisceri poterit.

Exantlato hoc eluvionis penso (quod iii. vel iv. horas sibi vendicat) *Paregoricum* curationi coronidem imponit.

Si non accesserit Medicus, nisi postquam æger vomitu & dejectionibus per multas horas continuatis fuerit exhaustus, & jam frigescant membrorum extrema, tum ad *Laudanum liquidum* confugiendum est in paulo majori dosi (viz. *Laudan. liquid. gutt. xxv. in Aq. cinnam. fort. unc. i.*) & cum cessaverint symptomata, nihilominus mane & fero quotidie est repetendum; at in minori dosi, donec pristinas vires receperit.

Est species quædam cholæræ morbi infantibus valde familiaris, ac sæpenumero funesta, ex dentitione vel crapula originem ducens.

Horum ætas tenella minime fert, ut diluatur ventriculus larga liquorum potatione, multo minus, ut cathartici tumultus major in humoribus excitetur, sed curationem *Laudano* solo aggredi oportet; quam obrem *gut. ii. iii. vel iv. vel plures*, pro ratione ætatis, cochlear j. cerevisiæ tenuis vel aquæ cujusvis appropriatæ instillatæ exhibeantur, repetanturque, ut opus fuerit.

De Colica Pictonum.

Est species quædam colicæ, quæ degenerare solet in paralyin, & motus omnimodam manuum ac pedum depravationem; quam hoc nomine *Riverius* in capite de paralyi indigitat, & apud insulas Caribum notissima est, utpote quæ magnam vim hominum infestat.

Hunc dolorem atrocissimum sanat *Balsam. Peru.* frequenter ac in magna dosi exhibitum, nempe, si ejus *gutt. xx. xxx. vel xi. Sacchar. Albiss. cochl. i. instillantur*, & bis vel ter in die dentur: at paralyis huic remedio haud cedit.

De Iliaca passione.

Peristalticus intestinorum motus invertitur, propinata cathartica & injecta enemata in emetica statim transeunt, alvi faeces per vomitum rejiciuntur.

Mittatur sanguis e brachio dextro ad unc. ix. vel x. post aliquot horas exhibeatur sequens pulvis.

℞. Resin. Scammon. vel (defectu ejus) Resin. Julap. gr. xii. Calomelan. Turquet. ℥j. m. f. Pulvis; cap. e cochl. i. lactis vaccini, superbibendo ejusdem lactis cochl. i. vel alterum, vel si forma pilularum magis arrideat.

℞. Pil. ex duob. 3ss. Calomel. Turquet. ℥j. cum s. q. Balsam. Peru. f. Pil. iv. sumend. e cochl. i. syr. violarum.

Sin autem æger hoc remedium per os rejecerit, *Laudan. Liquid. gutt. xxv. Aq. Cinnam. fort. 3ss. in-*

stillatæ statim propinentur; cum vero horum usu vomituritio, ac ventris dolores, remiserint, catharticum dictum iterum exhibeatur, verum si anodynorum virtute ac vi jam penitus infractis vomituritio ac dolor iterum redierint, cathartico interim in corpore resistante, ad usum paregorici supra descripti reverendum, idemque eo usque repetendum quarta vel sexta quaque hora, donec intestinis quies omnino inducatur, quo quidem tempore catharticum operationem suam per sedes exereet.

Nec sane abs re fuerit elapsa una, aut altera, post venæ sectionem hora, clysterem aliquem, ex iis qui potentius operantur, injicere, sumum scilicet nicotianæ, ex tubulo inverso, per vesicam majusculam, in intestina validissime insufflatum, quæ quidem operatio post aliquot horas reiterari debet, nisi citius meatus deorsum pateat.

Finita operatione cathartici, sumat sequentem haustum.

℞. Aq. Cinnam. fort. unc. i. Laudan. liquid. gutt. xxv. m. f. Haustus, qui porro repetendus est bis, ter, vel sæpius in die, donec vomituritio, & dolor penitus cessaverint, atque etiam, istis symptomatibus cessantibus nihilominus ad curationem confirmandam per aliquot adhuc noctes capiat idem paregoricum in minori dosi cubitum iturus.

De Fluxu Menstruorum immodico.

Menstruorum fluxus, naturaliter constitutus, capacitatem testæ ovi anserini implet. Patet autem immodicus ex difficili tolerantia, virium lapsu, inappetentia, cachexia, colore cadaveroso, & pedum intumescencia.

Mittatur sanguis e brachio ad unc. viii. sequenti mane sumatur *potio purgativa communis*, repetaturque alternis diebus ad duas alias vices; & noctibus post purgationem *Paregoric. e Syr. de Mecon.* exhibeatur.

Diebus à purgatione vacuis sumat sequentia.

℞. Conserv. Rosar. succ. 3ij. Trochisc. de terra Lemnia 3ss. Cort. Granator. Corall. rub. preparat. & boli Armen. an. ʒij. lapid. hematit. Sanguin. Dracon. an. ʒj. cum s. q. Syr. Cydonior. f. Elect. de de quo sumat ad magnitudinem nucis moscat. maj. mane & hora quinta pomeridiana, superbibendo sequentis julapii cochl. vi.

℞. Aq. Germin. Querc. & plantag. an. ʒiiij. Aq. Cinnamom. hordeat. & Syr. de Rosis siccis an. ʒi. Sp. Vitriol. q. s. ad gratam aciditatem.

℞. Fol. Plantag. & Urtic. an. q. s. Contundantur simul, & succus exprimat, & postea clarificetur, de quo cap. cochl. iv. vel v. sæpiuscule ad libitum.

Post primam purgationem applicetur emplast. seq. regioni lumborum.

℞. Emplast. de Minio & ad Herniam an. part. æq. extendantur super alutam, f. Emplastrum regioni lumborum admovendum.

De Colica hysterica.

Est species quædam, seu potius insigne ac valde usitatum affectionis symptoma, cui comitem se adjungit dolor circa scrobiculum cordis atrocissimus, uti etiam humorum viridi colore per vomitionem ejectio.

Primo, quo saburra vitiosorum humorum in ventriculo contentorum minus impediatur paregorici efficaciam, satis magna quantitas liquoris poffetici affatim ingurgitetur, atque iterum per vomitionem rejiciatur, nempe ejusdem liquoris *Cong. ʒss.* quo peracto *Laudan. liquid. gutt. xxv. in Aq. cinnam. fort. Aq. Epidem. vel alius vehiculi unc. i.* propinentur.

In usu paregorici hoc notandum, quod eo usque repetendum est, donec symptomata omnia penitus cessaverint, debitum interea tempus interjiciendo, ut dijudicare valeamus, quid prior dosis effecit, antequam novam ingeramus.

Si sanguineo temperamento præditus sit æger, vel si antea hoc symptoma haud multum infestatus fuerit ac viribus fractus, hoc in casu sanguis primum a

brachio detrahendus antequam vomitorium præscriptum propinetur.

Hac ipsa methodo clavus hystericus curatur. Sin vero colica hystERICA diuturnior fuerit per paroxysmos affligens: tum in eorum intervallis, siue extra paroxysmum, seq. usurpentur.

℞. Zedar. subtiliss. pulv. ʒj. cum s. q. Syr. e conditur. citri, f. Bolus, sumendus mane & sero per xxx. dies, superbibendo sequentem infusionem.

℞. Zedoar. incis. minutim. unc. ʒ. vini Canar. unc. iv. infundantur frigide per xij. horas; deinde colentur pro usu; vel Balsam. Peruv. ut in colica piletum, usurpetur.

Quæ de colica hystERICA hic dicuntur, de colica etiam hypochondriaca dicta sunt; ut & hoc diligenter advertendum.

Utriusque affectus natura sibi vindicare videtur, ut alia atque alia tententur, donec tandem ad illud remedium perventum fuerit, cui quasi genuine morbus cedit; tamen ut plurimum chalybs in primis confert.

Colica hystERICA tam in hypochondriacis, quam hystERICIS sæpissime in icterum desinit, qui sensim sponte sua faceffit; sin autem longas moras neccat, exhibeatur apoxema sequens.

℞. Rad. Rub. Tinctor. curcum. an. unc. i. chelidon. maj. cum toto & sumit. centaur. an. M. j. coq. in equalib. partibus Vini Rhenani & Aq. fontan. ad ʒij. colatur. dissolv. Syr. de 5. radicibus unc. ij. m. f. Apozema, de quo capiat ʒss. calide mane & sero, usque dum convalescit.

De Ictero, colica neutiquam prægressa.

Color flavus in toto corpore, præsertim in oculorum albis est conspicuus, quo quidem colore objecta omnia apparent afflicta, tincta, corporis pruritus, segnitie, & lassitudo, linguæ amaror, vomitus biliosus interdum, singultus, egestio alba, urina crocea & pannum immersum eodem colore inficiens, morbum indignant.

Exhibetur potio purgativa communis, dein aggrediatur usum sequentium; & durante eorundem usu, catharticum præscriptum quarto quoque die exhibeatur.

℞. Conserv. Absinth. Rom. conserv. flaved. Aurant. an. unc. i. Angelic. condit. nuc. moschat. condit. pulv. Aricompos. & chalyb. cum aceto preparat. an. unc. ʒ. Extract. Gentian. & cremor. Tartar. an. ʒij. croc. Anglic. pulv. ʒss. cum s. q. Syrup. de 5. radicibus f. Electuarium, de quo cap. ad magnitud. nuc. moschat. mane & hora quinta pomeridiana (vel vice electuarii sumat pilulas chalybeatas) superbibendo post matutinam dosin aquarum mineralium purgantium ʒiv. & post pomeridianam dosin Apozemat. in colica hystERICA descript. lib. ʒ.

At si signa hydropis adfuerint, tam mane, quam sero apozema superbibat.

Si vel his diu continuatis morbus adhuc persistit, ad aquas ferreas eundum est, quæ ex ipso fonte sunt bibendæ.

Ad præcavendum abortum.

Eadem præscribenda, ac in fluxu mensium immodico, omiſsis solummodo catharsi & succis.

De immodico Lochiorum fluxu.

Fluxum lochiorum naturalem tria constituunt, sanguis scilicet purus, copiosus, per triduum primum fluens; dehinc sanguis aquosus, loturæ carniū crassiori similis per quatrduum præter propter durans; hinc postmodum materia viscosa & mucilaginosa, pauco aut nullo sanguine permista, per quinque aut septem dies prodians, & sic porro ad mensis finem.

Fluxus autem eorum immodicus dijudicandus est ex virium defectione, animi deliquio, sanguine grumoso effluente, cibi fastidio, dolore in hypochondriis, ventris tensione, pulsu debili & frequenti, visus obtenebratione, aurium tinnitu, & convulsionibus.

Victus incrassans instituitur; & potus sequens addatur.

℞. Aq. Plantag. vin. rubr. an. lib. i. coq. simul ad tertias, & deinde edulcoretur s. q. sacchar. albiss. cuius, cum frigeſcat, cap. lib. ʒ. bis vel ter in die.

Interim julap. aliquod hystericum (at satis mite) subinde propinetur, & nodulus sequens naribus applicetur.

℞. Galban. Assæ fœtid. an. ʒij. castor. sal. succin. volatil. an. ʒss. m. f. nodulus, vel

℞. Sp. falis Armoniac. ʒij. quem sæpe olfaciat.

De suppressione Lochiorum.

Intumescit venter, dolor gravativus inum ventrem, lumbos & inguina occupat, facies rubescit, difficilis est respiratio, perturbantur oculi, rigores, febres acutæ adfunt, animi deliquia, sudores frigidi, pulsationis & ardoris sensus in utero, paralysis in partibus inferioribus, ut & interdum epilepsia.

E vestigio lecto addicatur, & Emplast. hystericum umbilico admoveatur quamprimum, elect. seq. adhibeatur.

℞. Conserv. Absinth. Rom. Rut. an. unc. i. Trochisc. e Myrrh. ʒij. Castor. croc. Anglic. sal. volatil. sal. Armoniac. & Assæ fœtid. un. ʒss. cum s. q. Syr. e 5. radicib. f. Elect. cap. ad magnitud. nuc. moschat. quarta quaque hora, superbibendo se julap. cochl. 4. vel 5.

℞. Aq. Ruta unc. iv. Bryon. compos. unc. ij. Sacchar. cand. q. s. f. Julap. vel sumat Trochisc. de Myrrh. ʒj. quarta quaque hora.

Si tota prædictorum quantitas consumatur, & lochia adhuc supprimantur, Laudanum unica saltem vice exhibendum ut Laudan. liquid. gutt. xiv. in Aq. Bryon. compos. vel Laudan. solid. gr. iʒ. cum Assæ fœtid. ʒss. in pilulas duas redactum.

Si hæc nihil proficiant, tum enema ex lacte saccharato, unica saltem vice injiciatur.

De Hydrope.

Foveæ a digitorum impressione in sutarum parte inferiori sub noctem conspicuæ mane evanescentes, hoc malum primum indicant, maxime si spiritus interim ægrius ducatur (haud raro tamen fœminæ prægnantes, & quibus catamenia sistuntur: ut & viri ab asthma inveterato derepente liberari eodem tumore tentantur) pedibus crurisque ad extremum extensis, in abdomen ruunt aquæ, & ad ultimum capacitatis suæ limen paulatim distendunt, donec tandem in viscera nobiliora impetu ab iis facto æger submergitur. Pro rata qua partes a morbo obsessæ mole augentur, aliæ magisque gracilescent, urgentibus dyspnœa, urinæ paucitate, & siti intensa. Viros ingravescente ætate; fœminas, ubi jam parere desiderint, ut plurimum adoritur.

Indicationes curativæ dirigendæ sunt primo ad aquarum evacuationem, deinde ad instaurandum sanguinis robur; quo novus aquarum proventus præcaveri possit.

℞. Vini albi ʒiv. Jalap. subtiliss. pulv. ʒj. zinzib. pulv. ʒss. Syr. de Spin. Cervin. unc. i. M. f. Potio, sumendaque singulis vel alternis diebus, pro ratione virium donec partes affectæ detumuerint, vel

℞. Tamarind. unc. ʒ. fol. Senn. ʒii. Rhei ʒiʒ. Coq. in s. q. aq. ad unc. iii. in Colatur. dissolv. Manna & Syr. Ros. solut. an. unc. i. Syr. de Spin. cervin. unc. ʒ. Elect. e succ. Rosar. ʒiii. M. f. Potio, sumenda ut supra, vel

℞. Pil. ex duob. ʒi. Elater. gr. iii. Ol. Chym. Caryophyl. gutt. ii. f. Pil. N. iii. cap. summo mane, repetanturque, ut opus fuerit, vel

℞. Gambugii gr. xv. vin. alb. & aq. Cichor. an. unc. ʒ. M. f. Potio sumenda ut supra, vel

℞. Cortic. interior. Samb. & lact. paribus aq. elagno derasit M. iii. coq. in aq. mistorum ʒii. ad ʒi. colaturæ capiat dimidiam partem mane, & alteram sero quotidie, donec convalescat. At hoc remedium, nisi in corporibus, quæ facillime purgativis cedunt, nihil confert.

Circa usum catharticonum in hoc morbo hæc tria advertenda sunt.

Primo, utrum ægri corpus facile, an vero difficulter cathartici cedere soleat, cum iis qui facile purgantur *Syr. de Spin. Cervin. solus ad unc. i.* exhibitus, aquas sat copiose eliciat; in illis vero, qui difficile purgantur, cathartica supra descripta, utut valida, vix scopum attingant.

Secundo, cathartica omnia, quæ segnius operantur, magis officiant quam profunt; quamobrem purgatio paulo fortior & nimia, iusto debiliore est præferenda.

Tertio, aquæ ea maxima celeritate exhausti debent, quam ægri vires ferre queant: ne nimis longa inter purgationes intervalia adhibendo, aq. denuo assatim colligantur.

Est autem ubi medicamenta omnia, qualiscunque demum generis, quæ alvum movent, prorsus omitti possint ac debeant; quoties enim æger constitutione est infirmiori, vel scæmina vaporibus obnoxia, aquarum evacuatio diureticis solum committenda, inter quæ ea sunt efficacissima, quæ ex salibus lixivialibus sunt; ut,

℥. Cinerum Genistæ ℥j. infundantur frigide in vini Renan. ℥iv. liquoris per filtrationem colati unc. iii. mane quinta pomeridiana & sero singulis diebus exhibeantur, usque dum humor evanuerit.

Aquis jam penitus evacuatis calefacientia & corroborantia medicamenta usurpanda; ut,

℥. Rad. Raphan. Rustican. fol. Coch. hortens. absinth. vulgar. Salv. summitat. centaur. min. & Genistæ; infundantur in cerevisia forti pro potu ordinario, qui potus incipienti hydropi aliquando sine cathartici subvenit, vel sequent. utatur.

℥. Conserv. Coch. hortens. absinth. Roman. an. unc. i. Extract. Gentian. Absint. vulgar. & Centaur. min. an. ℥iii. cum s. q. Syr. e cortic. citr. f. Electuarium, de quo sumat ad quantitatem nuc. moschat. maj. mane, quinta pomeridiana, & vespere, superbibend. unc. iv. sequentis infusionis.

℥. Rad. Gentian. unc. i. summitat. Genist. Centaur. min. & Absinth. vulgar. an. M. j. Sem. fenicul. & Petrosellini an. ℥ii. incisis minutim affunde vini Rhenani ℥iv. stent simul in infusione frigida, & coletur solummodo tempore usus.

Notandum, cum ad corroborantium usum devenerit, ægrum nullo modo esse purgandum, tantisper dum sanguinis corroboracioni navetur opera.

Quod & per salium lixivialium usum omnino observandum; quo quidem tempore pariter corroborare convenit.

℥. Rad. Raphan. Rustican. unc. iii. fol. Coch. Hortens. Absinth. vulg. salvie, summitat. Centaur. & Genistæ, an. M. iii. Aurant. incis. N. iii. Infundantur in Congiis vj. Cerevisia fortis non lapulata, inter fermentandum; sit pro potu ordinario.

De Gonorrhœa virulenta.

Corripiunt dolor genitalium insolitus, & rotatio testiculorum in non recutitis, macula morbilli æmula glandem occupat, statim a cujus exortu liquor, seminis instar, exstillat, qui quotidie a seminis colore & consistentia recedens flavescit tandem dilutius ovi vitello; in lue virulentiore virescit, & aqueo humori permiscetur sanguine tincto. Pustula dicta ulcus fit, aphthis infantum simile, indies latius & profundius depascens, superveniente orificii callo. Verpi non glandis ulcere, sola Gonorrhœa tentantur. Mox magnus dolor in pene, quoties erigitur, quasi manu transversus fortiter constringeretur, noctu præcipue urget, dum æger lecto incalescit. Curvatur penis a fræno contracto. Accedit ardor urinæ, inter mingendum vix perceptibilis: sed mictu finito, per urethræ ductum acriter urens, maxime qua in glandem desinit. Caruncula lotii exitum quandoque impediunt, & scroti dolor ac inflammatio nonnunquam superveniunt.

℥. Mass. Pil. Coch. maj. ℥iij. Extract. Rud. ℥j. Resin. Jalap. & Diagyda. an. ℥ss. cum s. q. Opobalsam. f. Pilul. e singulis drachmis vi. cap. iv. singulis auroris, donec urinæ ardor & color flavus materiæ seminiformis, admodum imminuantur. Postea alternis diebus ad septimanas adhuc duas; ac sub finem bis in septimana, donec humor stillare prorsus cessaverit.

In iis, qui difficulter purgantur, subinde intercalari possit potio communis purgativa, cui addantur, *Syr. e Spin. Cervin. & Elect. e Succ. Rosar. an. ℥ij.* vel, curatione minus feliciter succedente *Turbith. Minerale ad gr. viii.* exhiberi potest bis vel ter, diebus quatuor interpositis, vel vice *Turbith. Mineral.*

℥. Pil. ex duob. ℥ss. Merc. dulc. ℥j. cum s. Opobalsam. f. Pil. iv. summo mane sumendæ.

Si æger a dicta catharsi abhorreat, pilulas primo descriptas, tribus auroris continuis sumptas, tum mane & hora quinta pomeridiana quotidie injiciatur clyster sequens, nisi quod semel aut bis in hebdomade, omisso clystere, cathartic. imperandum.

℥. Elect. e succ. Rosar. ℥vi. Terebinth. Venet. Vitello ovi solut. ℥ss. dissolvantur in Aq. bord. ℥bi. Colatur. adde Syr. Violar. unc. ii. M. f. Clyster.

Singulis noctibus cap. Opobalsam. vel Balsam. c. Mech. gutt. xxv. Sacch. frustulo exceptas. Hujus defectu Terebinth. Cypr. ad quantitatem avellanæ substitui possit.

Sit pro potu hydrogala; at cerevisia tenuis in pastibus. Vel sequentem methodum aggrediat.

℥. Pil. ex duob. ℥ss. Opobalsam. gutt. iii. f. Pil. Pil. N. iii. cap. hora quarta matutina, superdormiendo, repetanturque alternis diebus, vel tertia quaque die. Diebus a purgatione vacuis injiciatur mane & hora quinta pomeridiana clyster supra descriptus.

Procedente curatione (quacunque ea demum methodo tentetur) sanguinis sub medium curationis semel vel bis mittatur, & dieta refrigerans & incrassans præscribatur, & medicamenta iisdem virtutibus pollentia, qualia sunt hydrogala, Emulsiones ex seminib. frig. &c.

Si penis tumore afficiatur,

℥. Rad. Altheæ, Lilior. an. unc. i. ss. fol. Malv. Verbasc. Sambuc. Hyoscyam. flor. Chamamel. Melilot. an. M. i. sem. Lini, Fœnugrec. an. unc. ss. coq. f. q. Aq. font. & f. fotus parti affectæ admoveendus per horæ unius sparium bis, vel ter in die.

Peracta fomentatione, perungatur pars affecta ol. sem. lin. rec. extract. dein Emplast. e mucilaginis alutæ agnina inductum labiis præputii tumidis circumponatur.

Si ulcus in præputii labiis, vel in subjecta glande hæreat, tum sequens linimentum præscribatur.

℥. Unguent. Basilic. ℥vi. Unguent. Nicotian. ℥ii. præcipitat. Aq. Rosar. loti & optime levigat. ℥ss. M. f. linimentum, quo lintei rasura imbuatur, & ulcusculum admoveatur semper post fotus præscripti usum.

Si scrotum tumore afficiatur, statim sanguis e brachio extrahatur, atque bis in die fotus præscriptus parti affectæ admoveatur, singul. fotubus addendo Sp. vin. Gallic. Coch. j. vel alterum, vel Cataplasma ex Oxyrato & farina fabarum ejus loco applicandum.

Cathartici interim & refrigerantibus modo descriptis introsumptis utendum est.

De Lue Venerea.

Ubi aut Gonorrhœæ mora, aut indebito astringentium usu lues sanguini imprimitur, exoritur lues. Comparent in inguine bubones, in capite dolores & artubus, articularum interstitiis, noctu præcipue invadentes in lecto calidos; crustulæ & porrigines in variis corporis partibus, quæ ad instar favi flavescent. Quo magis scabies diffunditur, tanto minus æger discrucietur. In cranio, tibiis brachiisque exostoses, ossium inflammatio & caries; ulcera phagædenica in variis partibus, sed fauces ut plurimum primo aggredientia, quæ sensim per palatum in nasi cartilaginem propagata, mox eam absumunt, ita ut fulcro destitutus nasus plane concidat. Ulceribus, carie & dolore indies exacerbatis, pereunt per vices membra; lacerant donec cadaver, & jam superis grave humo condatur.

℥. Axung. Porc. unc. ii. Mercur. crud. unc. M. j. f. Linimentum, in tres æquales partes dividendum, quarum una brachia, crura & tibiae ad tres noctes continuas manibus suis æger perungat.

Sin intra tres dies post ultimam inunctionem salivatio haud procedat, tum gr. viii. Turbith. Mineral. in conserv. Rosar. rubr. exhibentur, aut corporibus

bus minus robustis, Mercur. dulc. ℥j. Sed si salivatio jam incœpta prius elanguescat, quam symptomata penitus disparuerint, excitulanda subinde est eadem dosi mercur. dulc.

Ptyalismus ita moderari debet, ut lib. *iv.* nietheri spatio expuat: aut circiter.

Si justo altius exurgat ptyalismus, cum inflammatione nimia, atque id genus symptomatibus ingruentibus aliquantulum reprimendus est medicamentis catharticis, donec debitum gradum attingat.

Quamprimum symptomata cessaverint, statim immutentur indusium & tori lintea; at sint ea, quæ prius usurpata fuerint.

Si diarrhœa supervenerit (quod plerunque accidit antequam salivatio bene assurgat) tunc sistenda est usu laudani liquid. ita dosin augendo, ut debitum opus absolvat.

Si os exulceretur, *Aq. Ros. Damascen. vel lacte Aq. permisto*, vel seq. decoct. idem colluatur.

℥. Rad. Alth. Hord. mandat. an. unc. i. sem. Cydonior. unc. ℥. coq. f. q. ad lib. ii. M. f. Gargarisma, quo sæpius utatur.

Diæta & reliquum ægri regimen, eadem ac in catharsi imperanda, nisi quod primis aliquot diebus liquore possetico, jusculis avenac. hordeac. ac cerevisia tenui reposita nutriatur.

His omnibus rite peractis (etiamsi symptomata omnia evanuerint, ac subinde morbus penitus profligari videatur) quo minus recidivam postliminio patiatur, ægro semel in septimana per 4. vel 6. vices, *Merc. dulc. ℥j.* exhibendus, utcunque bene se habeat, & etiamsi jam domo egrediatur.

De Fluore albo.

Quod effluit, modo album, modo pallidum, flavum, viride aut subnigrum, modo acre & erodens, tetrum quandoque & graveolens, decoloratur facies, dolet spina dorsi, prosternitur appetentia, oculi pedesque intumescunt.

Mittatur sanguis e brachio ad *unc. viii.*

℥. Pil. Coch. mai. ℥ij. Castor. gr. ij. Balsam. Peruv. gutt. iii. f. Pil. N. ℥ij. cap. hora quarta matutina, superdormiendo; repetanturque per duas alias vices interponendo diem unum vel alterum pro ratione virium.

℥. Aq. Rut. unc. iv. Aq. Bryon. comp. unc. ii Sacchar. Christall. q. s. f. Julapium; cap. cochl. iii. vel iv. in omni languore; deinde aggrediatur usum sequentium.

℥. Theriac. Andromac. ℥i℥. Conserv. flaved. Aurant. unc. i. Diascord. unc. ℥. Zizimb. condit. & nuc. moscat. condit. an. ℥iii. Pulv. e Chel. cancr. comp. ℥i℥. cort. exterior. granat. Rad. Angel. Hispan. corall. rubr. preparat. & Trochisc. de terra Lemnia an. ℥i. Boli Armen. ℥ij. Gumm. Arabic. ℥℥. cum f. q. Syr. de Rosis siccis f. Electuar. de quo sumat ad magnitud. nuc. moscat. maj. mane, hora quinta pomeridiana, & nocte per mensem integrum, superbibendo sequent. infusionis cochl. vi.

℥. Rad. Enul. campan. Imperator. Angelic. Aromat. an. ℥℥. fol. Absint. Roman. Marrub. alb. Centaur. min. Calamenth. vulgar. salv. sic. an. M. i. Junip. unc. i. incidantur minutim & infundantur in Vin. Canarini ℥iv. stent simul in infusione frigida, coletur tantummodo tempore usus.

Vescatur cibus eupepris, & abstineat ab usu oleorum & fructuum qualiumcunque, & singulis pastibus bibat vinum hispanicum.

De Diabete.

Succi sanguini illati per vias urinarias crudi & incocti exitum sibi quærunt, unde sensim labefactantur vires, colliquescit corpus, & quasi substantia ejus per hanc cloacam exinanitur, cum siti, ardore viscerum, lumborum coxarumque intumescencia, & salivæ spumose exspuione crebra.

Eadem præscribenda sunt, quæ in fluore albo, omiſſis solummodo venæ sectione & catharsi.

De Doloze Hamorrhoidum.

Intensissimus inter excernendum dolor excruciat, & excrementi superficies cruore conspergitur: Nunquam tumores verrucis similes in sphinctere deliteſcunt, vel in margine ani apparent.

Mittatur sanguis e brachio dextro ad *unc. x.*

℥. Sem. Melon. Pepon. an. unc. ℥. sem. papav. alb. ℥ii. Amygd. dulc. excorticat. N. v. contendantur in mortario marmoreo, sensim affundend. Aq. Hord. ℥℥. Aq. Rosar. ℥ii. Sacchar. albiss. q. s. f. a. emulſio; cap. sapiusculæ.

℥. Flor. Sulphuris, Pulv. Glycyrrhiz. Salvia an. ℥i. cum f. q. Balsam. Lucatel. f. Pil. e sing. drachm. iv. cap. iii. ter in die, superbibendo emulſ. præscriptæ cochl. vi.

℥. Aq. Spermat. Ranar. unc. iii. in qua dissolv. Lithargyr. ℥ii. Opii ℥i. f. mixtur. cujus tantillo lin-teum madefactum parti affectæ applicetur, vel si tumor intus lateat, cochl. iii. ejusdem mixturæ modo clysteris injiciantur.

Pro potu ordinario bibat aquam cum lacte coctam, vel aquam hordei, & a carnis usu abstineat. Singulis noctibusumat diascordium.

De fluxu Hamorrhoidum immodico.

Innotescit ex viribus prostratis copia & diurnitate sanguinis excreti, sædo corporis colore, ad citrinum (ut ictero) vergente, succedit cachexia, & deinde hydrops.

Eadem conferunt, quæ influxu mensium immodico, omiſſa solummodo catharsi.

De Epilepsia Puerorum.

Vel primo mense aggreditur a frequentibus nimis alvi dejectionibus; (quo in casu *Diascordium ad quantitatem grani piperis in Aq. Saxifrag. aut lacte materno solutum*, & exhibitum, præstantissimum est remedium,) vel circa dentitionis tempus, a septimo ad decimum mensem, tussi comitata est, aut (quod multo deterius) vomitu & diarrhœa, viridia (ut solent hysterica) egerente infante. Quandoque improvise occupat paroxysmus, os oculosque distorquens, nigredine vultum perſeſcens, & artus varios convellens; quandoque præſentitur ex digitorum in pugnum contractione, & ex stabili & insolita oculorum orbitalium immobilitate. Nunc serius, nunc ocus se proripiunt paroxysmi, certa subinde periodo, vago alias insultu revertentes: sed, appetente morte, à tergo se invicem premunt: Si quando inducias dent, in soporem proclives sunt infantes, donec a novo resuscitentur insultu.

Applicetur *Emplaſtr. Epispastic.* cervici quamprimum.

℥. Aq. Epilept. Lang. ℥iii. Laudan. liquid. gutt. i. vel ii. vel plures, pro ratione ætatis. Syr. Pæon. ℥i. M. f. Haustus, sumendus quamprimum.

℥. Aq. Rutæ ℥iii. Aq. Epilept. Lang. & Aq. Bryon. comp. an. ℥i. Syr. Caryophyll. ℥℥. M. f. Julap. cap. cochl. i. singulis horis, si haustus præscriptus paroxysmum non fugaverit.

De Rachitide.

In rachitidem adſunt partium laxitas & mollities, debilitas & languor, ignavia & torpor, & inæqualis earundem nutritio, viz. caput justo majus, facies plenior & floridior, partes carnosæ infra caput emaciantur, nodis protuberant articuli, maxime carpi, paulo minus tali, tument & extremitates costarum, ossa incurvantur, præcipue tibiæ & fibulæ, hinc ulnæ & radii; aliquando femoris & humeri, dentes tarde & moleſte erumpunt, vacillant, nigrescunt, & frustulatim excidunt, pectus a lateribus angustum, antèrius acuminatum, abdominis repletio, & hypochondriorum tensio, tussis & pulmonum vitia laceſcunt, lateralis decubitus modo dextri, modo sinistri averſatio.

℥. Fol. Absinth. Vulgar. centaur. minor. Marrub. Alb. chamadryos, Scordii, calament. vulg. Parthen. Saxi-

Saxifrag. prætenf. hyper. Virg. aurea, serpill. menth. salu. Ruta card. Benedict. Puleg. Abrotan. chamamel. Tanacet. Lilior. convall. omnium rec. collect. & incis. an. Mii. axung. Porcin. f. j. sev. Vin. claret. an. f. ii. macerentur in olla fictili super cineres calidos per horas xii. deinde ebulliant ad humiditatis consumptionem, & postea colentur, ut f. Linimentum, quo venter & hypochondria illiniantur mane & sero, ut etiam & artus hoc malo affecti, per 30. vel 40. dies, vel donec convaluerit.

℥. Singulor. ingredient. præscript. an. Mij. infundantur frigide in cerevisiæ non lupulat. cong. iv. pro potu.

In tumoribus infantum ventres occupantibus ab evacuationibus nimis procedentibus.

Sanguis & viscera herbis corroborantibus confortentur, ut in rachitide vera; nisi quod axillæ etiam utraq; inungantur, at non artus.

De Febris puerorum convulsivis.

Sp. C. C. gutt. ii. vel iii. vel iv. pro ratione ætatis in cochl. j. vel altero aq. Cerasor. nigr. vel julap. alterius appropriati; exhibeantur quarta quaque hora ad vices quatuor, vel sex.

De febre hectica infantum.

Sine insigni calore languent cum appetitus dejectione, artus & truncus corporis emaciantur.

Rhabarb. incis. ℥ii. in lagenam vitream cerevisiæ tenuis f. ii. capacem immittantur pro potu ordinario.

Epoto hoc liquore, alia f. ii. eidem Rhabarb. super affundantur ad tertiam vicem.

Si vero potus vi cathartica saturatius imprægnatur, tum f. j. epota alteri cerevisiæ mox adjiciatur.

De Tussi puerorum convulsiva.

Phlebotomia, & repetita catharsis, eaque sola, expugnatur hæc tussis, malum alias pertinacissimum, & fere insuperabile; sed leniora tantum cathartica hic conveniunt, eaque cochleatim ingerenda sunt, pro ratione ætatis.

De Hemorrhagia narium.

Dolor & calor sinciput lancinant.

Sanguis e brachio frequenter extrahatur; victus ratio refrigerans & incrassans injungatur, julap. refriger. & incrassans, cum emulsionibus refrigerantibus præscribantur.

Singulis diebus injiciatur *Enema refrigerans*, atque omni nocte *Paregoric. ex Syrup. de Mecon.* exhibeatur, & semel vel bis portio purgativa commun. præscribatur.

Lintea quadruplicata immersa Aq. frigida, in qua sal Prunell. dissolvatur, & postea leviter expressa admoveantur nuchæ, & utrinque cervici sæpius in die.

Post evacuationes liquor seq. applicetur.

℥. Vitriol. Hungaric. & Alum. an. unc. i. Plegm. Vitriol. ℥ss. Coq. tandiu, donec omnia fuerint dissoluta, liquorem frigescentem filtra, & a Chrystallis subinde navis separa, liquori residuo adde Ol. Vitrioli duodecimam partem, vel potius.

℥. Aq. Plantag. unc. iii. Bol. Armen. subtiliss. pulver. unc. ss. probe misceantur; Turunda ex linteo raso liquore hoc humectata nari, ex quo sanguis stillat indatur per dies duos istuc relinquenda.

Hoc minus succedente, *Vitriol. Rom. Aq. commun. dissolvatur, qua Turunda imbuta nari indatur, liquore etiam hoc linteamina imbuta, & applicata sanguinem sistunt, si ex parte externa diffuat.*

De Clorosi.

Adfunt vultus & totius corporis decoloratio, intumescencia in facie, palpebris & malcolis, gravitas totius corporis, crurum ac pedum tensiva lassitudo, respiratio difficilis, cordis palpitatio, capitis dolor, pulsus febrilis, somnolentia, pica, & mensium suppressio.

Sumat *Pilulas Chalibeatas*, vel *Pulv. Chalybeatum* in affectione hysterica præscript. plus minus proportionem ætatis, superbibend. haustum vini cujuslibet ad libitum, vel infusion. corroborant. cum rad. angelic. ibidem descriptam. Si ægra non valde debilis fuerit, purgetur semel vel bis ante præscriptorum usum.

De suppressione Mensium.

Cibum fastidiunt mulierculæ, fœdus faciei color est, gravitas totius corporis, dolores sincipitis, lumborum, crurum & imi ventris; pedum tumores infestant.

Eadem præscribenda ac in hysterica affectione; at si iisdem remediis affectus non cesserit, tum seq. sunt præscribenda.

Singulis auroris, & quarta pomeridiana sumat *Julap. Hysteric. sine Castor. Cochl. v. instilland. Sp. C. C. gutt. xii.* Singulis noctibus sumat cubitum itura *Trochisc. de Myrrh. ℥i. cum Syr. de Artemis. in formam boli, vel Pil. Redact.*

De Vomitu sanguinis, vel etiam de Hemoptoe.

In hæmoptoe dolor & calor pectus obsident, cum debilitate quadam.

Mittatur sanguis ex brachio dextro ad unc. x. Sequenti mane sumat *portionem purgativ. commun.* & eadem nocte *Paregoric. ex unc. iii. Aq. Cerasor. nigr. & Syr. de Mecon. unc. i.*

Postea aggrediatur usum sequent.

℥. Bol. Armen. unc. i. Pulv. Radic. Symphyt. ℥ii. Terr. Sigillat. Lapid. hamatit. & Sang. Dracon. an. ℥i. Sacchar. Albiss. ad pondus omnium; M. f. Pulvis subtilissimus, cujus cap. 3. mane, quinta pomeridiana, & nocte, superbibendo sequent. Apozemat. unc. iv.

℥. Fol. Plantag. Rubi Sylvestris, & millefol. an. M. i. coq. f. q. Aq. ad f. i. in colatura dissolv. Syr. de Symphyt. unc. i. M. f. Apozema; vel cap. cochl. vi. sequent. tincturæ.

℥. Flor. Ros. rubr. ℥vi. Cort. intern. querc. unc. ss. sem. Plantag. parum contus. ℥iii. Aq. font. f. ii. Sp. Vitriol. q. s. ad levem aciditatem, infundatur in vase clauso, calore leni, per 4. horas, Colatur. adde Aq. cinnam. Hordeat. unc. iii. Sacchar. Albiss. q. s. ut f. Tinctura gustui grata.

Si ab usu pulveris abhorreat, utatur electuario in fluxu mensium immodico præscripto.

Enema quotidie injiciatur, & diacodium hora somni propinetur.

Phlebotomia insuper semel, bis, vel ter (ut opus fuerit) reiteretur, diebus aliquot interpositis, & semel iterum, si res postulet, repetatur portio purgativa.

Diæta incrassans & refrigerans observanda.

De Punctura tendinis.

Humor aqueus, vel ichor quidam, ex orificio venæ incisæ jugiter distillat.

℥. Rad. Lilior. alb. in lacte vaccin. ad teneritud. coct. & contus. unc. iv. farin. sem. Lin. & avenac. an. unc. iii. coq. ad cataplasmatem consistentiam in eodem lacte, quo radices cocta fuere, applicetur parti affectæ mane & sero.

De Ambustis.

Foveatur pars affecta linteis *Sp. Vini imbutis*, usque dum evanescat dolor, ac deinceps de novo imbuatur linteum, quod ter vel quater in die parti affectæ applicetur.

De Mania communi.

A nimis exaltata & vivida sanguinis crasi oritur. Est & alia mania species febres intermittentes diuturniores excipiens, in stultitiam tandem degenerans, producta quidem a debilitate & vapiditate sanguinis, a diutina fermentatione. Præscribantur itaque cardiaca generosiora, viz. *Theriac. Andromach. Elethuar. de ovo. Pelv. Comitiss. Pulv. Gual. Ravleigh, in Aq. epidem. theriacal. vel alia, & diæta instituat analeptica.*

In junioribus mittatur sanguis e brachio ad ℥iii. vel ix. bis vel ter, diebus tribus inter singulas venæ sectiones interpositis. Tum semel extrahatur sanguis e venis jugularibus. Postea tota curatio innitatur sequen-

quenti cathartico, quod sumat tertia vel quarta quaque die, donec convaluerit, hoc interim observando, quod cum octies vel decies purgatus fuerit æger, exhibitio cathartici ad septimanam unam vel alteram omittatur.

℥. *Pharmac. domestic.* (i. e. *Rad. Bryon. alb.*) pulv. ℥j. lactis vaccin. unc. iv. vel

℥. *Ejusdem unc.* ℥. ℥vj. *Vin. alb. unc. iv. infundantur per noctem, in colatura dissolve Syr. Violar. unc. i. M. f. Potio, vel*

℥. *Gamburgii gr. xxv. Aq. Cerasor. nigr. unc. iij. Syr. Caryophyll. unc. ℥. f. Potio.*

De Contusionibus.

Mittatur sanguis e brachio lateris affecti ad unc. x. seq. exhibeatur *potio communis purgativa*, ac deinceps eodem modo venæ sectio & purgatio alternatim repetantur, donec æger convaluerit. Interim toto decursu, si internæ partes lædantur, sequentia præscribantur.

℥. *Decoct. Pectoral. ℥i℥. Syr. Violar. cap. Ven. an. unc. ii. f. Apozema, cap. ℥℥. ter in die. Item Ol. Amygd. dulc. rec. Coch. i. sæpius propinetur.*

℥. *Ol. Amygd. dulc. unguent. Dialth. & Pomat. an. unc. i. M. f. Linimentum, quo inungatur pars læsa mane & fero, superimponendo fol. Brassicæ.*

De fursure, sive porrigine capitis.

Potio purgans communis bis propinetur, dein

℥. *Ol. Amygd. Amarar. & Laurini, Cinerum fol. Abrotani an. unc. i. misceantur probe, & f. Linimentum, quo inungatur totum caput singulis matutinis, diligenter infricando, & postea superimponendo vesicam suillam.*

At primum abradatur totum capillitium, & postea defricentur squamulæ sensim singulis aurores, prout decidere pronæ fuerint.

De morfu canis rabidi.

Post 40. dies aut plures malencholica adsunt symptomata, febris, sitis, hydrophobia, & tandem partium extremarum convulsio.

℥. *Sp. vin. optime rectificat. ℥iv. Theriac. Andromach. ℥j. mixtura. qua illiniatur pars læsa ter in die, superimponendo linteum eadem mixtura imbutum.*

De Ulcere Vesicæ.

Pus graveolens, aut sanguis, nonnunquam squamulæ seu pelliculæ membranæ ac veluti fursuracæ crustulæ (sin in renibus hæreat ulcus carunculæ minutulæ, aliquando crassiores) una cum urina excernuntur; perpetua dysuria & continuus earum partium dolor infestant; renibus autem affectis ulcere dilucida dysuriæ & doloris dantur intervalla; pus etiam excretum copiosius est, album, leve & minime fœtidum, lacti similis profunditur urina: & longe post mictionem pus ab eo separatum in fundo residet.

℥. *Emplastr. Flos unguent. dict. ℥i℥. f. Pil. N. ix. cap. iii. horis medicinalibus, superbibendo sequentis aq. coch. vi.*

℥. *Rad. Fœnicul. Consol. Aristoloch. & Caryophyll. an. ℥iii. fol. Agrimon. Hyper. Sanicul. Plantag. an. M. vi. incidantur minutim, & destillentur in vini alb. & lact. an. ℥iv. & eliciantur solummodo ℥iv. pro usu.*

℥. *Pulv. rad. Consolid. maj. & gumm. Arab. an. ℥i. Sacchar. Penid. ℥j. f. Pulv. cap. coch. i. bis in die.*

De Asthmate inveterato in iis, qui sanguineo temperamento præditi sunt.

Dividitur in tres species. Dyspnœam, quæ difficilis est respiratio, in qua crebrior densiorque est spiritus tractio ex infarctu pulmonum sine stertore oriunda. Asthma, ubi frequens & magna respiratio, in qua diaphragma, musculi intercostales, tum etiam

abdominis, violenter moventur, cum stertore & sibilo. In priore specie substantia pulmonum, in posteriore bronchia opilantur. Et orthopnœam, quæ est maxima spirandi difficultas, sub qua ægrotantes non nisi sedentes, erecta cervice respirare possunt, musculi etiam pectoris & scapularum vehementer exagitantur.

Mittatur sanguis e brachio dextro ad unc. x. die sequenti sumat *portionem purgativam communem*, quæ repetatur tertia quaque die per duas alias vices.

Diebus a purgatione vacuis sumat sequentia.

Sem. Anis. subtiliss. pulv. ℥ii. cum f. q. Balsam. Lucatell. f. pil. ex singulis drachmis vi. cap. iii. mane & quinta pomeridiana, superbibendo decocti Amary sine pargantibus unc. iv. calide.

Si Symptomata adhuc maneant, repetatur de novo integer Processus.

De Paralyfi.

Sensus & motus in partibus quæ afficiuntur, vel simul, vel alterutra tantum facultas aut prorsus extinguitur, aut vitiatur.

Sumat pil. *Cochl. min. ℥ii. alternis matutinis per vi. vices; deinde capiat ter in die per xxx. dies Elevar. Antiscorbutic. ℥ii. superbibendo Aq. Antiscorbutic. Coch. vi. Vide scorbuto.*

℥. *Unguent. Nervin. unc. iij. Sp. Lavendul. comp. & Sp. Coch. hortens. an. unc. i℥. M. & inungantur partes affectæ, ut spina dorsæ, &c. mane & fero.*

Pleraque præscriptorum, utut curationi scorbuti solum destinari videantur; attamen cum humores crudos ac fixos volatilizare præ aliis apta nata sint, in paralyfi etiam conveniunt.

De tussi & Phthisi.

Tussis per se patet. Phthisis autem invadit ab ætate anno 18. ad 35. Extenuatur totum corpus. Febris molestat hectica, a cibo invalescens (quæ ex celeritate pulsus, rubedineque genarum dignoscitur) materia per tussim excreta est aut purulenta, in ignem coniecta tetrum spirat odorem, & immissa in vas aqua repletum, fundum petit. Sudores nocturni superveniunt, livescunt tandem genæ, facies pallet, exacuantur nares; temporum quoque collapsus, unguum incurvatio, capillorum defluxio, & alvi profluvium colliquativum, mortem statim subsequituram denunciant.

Si tussis recens fuerit, & nondum febrim, aut alia signa peripneumoniam notham comitantia, accersiverit, vel si a pleuritide, aut peripneumonia, ob neglectam sufficientem phlebotomiam, male curatis, eadem nequaquam orta fuerit, satis erit, ut æger per dies aliquot ab usu vini & carnis absteineat, & his similibus remediis ad libitum utatur.

Balsamum sulphuris Anisatum ad gutt. x. Coch. i. Sacchar. crystall. instillatum bis vel ter in die devoretur; ut etiam Tabellar. sequent. quas secum æger continuo portet unam frequenter assumat.

℥. *Sacchar. cand. ℥i℥. coq. f. q. Aq. font. usque dum adhærescat extremis digitor. tum adde pulv. Glycyrrhizæ. Enul. Campan. sent. Anis. & Angelic. an. ℥℥. pulv. Irid. Florentina. Sulphur. an. ℥ii. Ol. Chym. Anisi ℥ii. f. f. a. Tabella domestica vocand. atque hoc interim eclegmate utatur.*

℥. *Ol. Amygd. dulc. ℥ii. Syr. cap. Ven. Violac. an. unc. i. Sacchar. cand. q. f. f. Lohoch. de quo sæpius lambat bacillo Glycyrrhizæ, quando tussis urget.*

In defluxione tenui *Eclegmata incrassantia* exhiberi poterunt.

Sin vero tussis his remediis haud cessaret (præcipue autem si febrim comitem habeat, vel si a peripneumonia aut pleuritide originem ducat) tum ineptum fuerit pectoralibus fidere, sed venæ sectione & catharsi debellanda est ut in methodo, quæ in curatione peripneumoniam nothæ describitur.

Verum enimvero cum, his omnibus non obstantibus, tussis non modo non curationi cesserit, sed & diuturna pulmonum concussione eos adeo debilitaverit, ut phthisis tandem subingressa fuerit, tum hac methodo procedendum.

℥. Bal-

℞. Balsam. Peruv. gutt. x. instillantur Cochl. j. Syr. Hederae terrestris, vel si id minus gratum fuerit ægro, Cochl. j. Sacchar. crystall. cap. ter in die superbibendo Decocti Amari sine purgantib. unc. iv. vel (si idem ventrem moverit) unc. iij.

Sed omnibus aliis (quotquot adhuc inventa sunt) Equitatio ad satis longa & diutina itinera facile pal-
mam præripit, hoc observando, ut si æger juveni-
lem ætatem prætergressus fuerit, plus temporis huic
exercitio impendere debet, quam si puer aut juvenis
esset, & sane haud multo certius cortex Peruv. fe-
bri intermittenti, quam in hac ætate equitatio phthi-
si medetur.

De Scorbuto.

Adfunt spontaneæ lassitudines, corporis gravitas,
dyspnœa, præcipue ex motu corporis, gingivarum
putrefactio, oris graveolentia, sanguinis e naribus
crebra eruptio; ambulandi difficultas, crurum nunc
intumescencia, tunc extenuatio, in iisdem perpetuo
maculae lividae, plumbeae, flavæ, aut violaceae, fa-
ciei color plerunque ex pallido fuscus.

Extrahatur sanguis e brachio ad unc. viij. nisi si-
gna hydropis adfuerint. Seq. mane exhibeatur potio
purgat. communis, quæ repetatur tertia quaque die
per duas alias vices.

Diebus a purgatione vacuis, uti etiam postea, per
ensem unum vel alterum sumat sequentia.

℞. Conserv. Cochl. hortens. unc. ii. Conserv. Lujul.
unc. j. pulv. Ari compos. ʒvj. cum s. q. Syr. Auran-
tior. s. Electuar. de quo capiat ad magnitud. nuc.
moschat. maj. mane, quinta pomeridiana, & nocte,
superbibendo Aq. Raphan. compos. Cochl. vj. vel se-
quentis.

℞. Rad. Raphan. Rustican. raspat. ℥ii. rad. Ari
℥j. fol. Cochl. hort. M. xii. fol. Menth. Salv. Na-
sturt. Aquat. & Becabung. an. M. j. Sem. Cochl. hort.
parum contus. lib. ʒ. nuc. Moschat. unc. ʒ. Vir. Alb.
lib. xii. destillantur organis communib. & eliciantur
solummodo lib. vj. pro usu.

Vel Folia Rec. Cochl. hortens. per se destillantur.
pro usu dicto.

Porro sequens cerevisia sit pro potu ordinario.

℞. Radic. Raphan. Rustican. recentis incisi ʒii. fol.
Cochl. hort. N. xii. passular. enucleat. N. vj. Aurant.
Cum toto incisi dimidium, in Lagenam vitream lib. ii.
Cerevisia tenuis capacem subere mox probe obturandam
immittantur.

In hunc modum parentur eodem tempore sex la-
genæ pro usu, & post aliquot dies sex aliæ, ante-
quam priores exhauriantur, & sic deinceps, vel

Vice hujus cerevisiæ seq. mixturæ cochl. iij. vel
iv. immisceri poterint singulis haustibus potus com-
munis.

℞. Rad. Raphan. rustic. & sem. Cochl. hortens. an.
unc. ʒ. fol. Cochl. hortens. M. ii. pulpam unius Au-
rant. Contundantur simul in mortar. marm. sensim.
affundendo vin. alb. lib. ʒ. Coletur cum levi expres-
sione, & reponatur pro usu.

Eadem remedia, phlebotomia & catharsi omissis,
in rheumatismo scorbutico, sive hysterico, valde pro-
sunt.

Phthisis seu Tabis Descriptio & Cura.

Plures sunt tabis species. Prima fere oritur e fri-
gore yeme contracto. Paulo enim ante solstitium
brumale quamplurimi ab ingruente tempestate frigi-
da, tussi tentantur: Quæ cum illos invaserit, qui-
bus pulmones ab ortu sunt infirmiores, omnino ne-
cesse est ut a repetitis tussendi conatibus magis ad-
huc debilitentur; atque ita tandem alimento sibi pro-
prio assimilando, præ mala διαθήσιν, prorsus impa-
res reddantur. Hinc jam ingens pituitæ crudæ copia
aggeritur, quæ continua pulmonum agitatione & ve-
hementi nisu affatim per os rejicitur. Pulmones exin-
de pute referti purulenta μύγματα quaquaversum in
carnes dispergunt. Hinc enascitur febris putrida, cu-
jus paroxysmus sub vesperam fatigat, sub auroram
vero sudore copioso ac vires imminuente solvitur.
Denique ad malorum cumulum diarrhœa succedit,

Sydenham opera Medica.

partim ab humoribus putridis ex arteriis mesenteri-
cis in intestina depositis excretisque; partim a labe-
factato pessundatoque viscerum tono. Atque ita de-
mum æger proxima ætate fato suo fungitur, a mor-
bo cui prægressa hyems viam straverat, extinctus.
Atque hæc est præcipua tabis species.

Porro cum sanguis hac tempestate particulis hu-
midis admodum scateat, respiratioque a subita poro-
rum contractione plus satis inhibeatur, particulæ hæ
in pulmones depluunt per interspersos venæ arterio-
sæ ramos, vel per ductus salivales in glandulis fau-
ces occupantibus reponuntur; unde jam humor per
asperam arteriam delapsus in pulmones, catarrhi ri-
tu, eos ita jugiter irritat, ut creber & vehemens
tussendi conatus, tum illam debilitatem, tum alia
quæ diximus symptomata, brevi accerfat. Cumque
non jam amplius naturalem sibi pulmones œcono-
miam statumque tueri valeant, glandulæ & tubercu-
la adnasci solent; quæ in ægris ex hoc morbo dece-
dentibus, si aspiciantur pulmones, purulenta sanie
plurimum distenta reperiuntur.

Ubi semel evaluerit hic morbus & radices egerit,
remedia plerunque aspernatur. Tentari utcunque po-
test medicatio, minuendo causam defluxionis in pul-
mones, pertusa in cubito vena, cathartici mitiori-
bus, tum medicamentis pectoralibus dictis, ad varios
morbi status accommodatis. Incrassantibus sc. ubi
humor subtilior & tenuior vim expultricis facultatis
videtur eludere: attenuantibus vero ubi pituita cras-
sior ægre & cum molestia per os rejicitur. Dein &
hectica febris remediis refrigerantibus temperanti-
busque coercenda. Talia sunt Lac Asininum, Aqua
Lactis Stillatitia, Emulsiones ex Amygd. dulc. Sem.
Melon. Pepon. Papav. alb. Aq. Fl. Paralyf. &c. De-
nique & curando ulceri opera danda est; cui rei te-
rebinthina illa liquida, opobalsamum vulgo dicta,
apprime conferre censetur.

Hujusce morbi curatio, me judice, hac methodo
optime ac felicissime instituetur. Primum educatur
e brachio sanguis, dein subducatur alvus ad tres
dies continuos, vel Pil. Coch. majoribus, vel De-
coct. Leniente a nobis præscripto. Tertia nocte exhi-
beatur Syrup. de Mec. unc. ʒ. Intermissio biduo;
triduoque, pro re nata, repetatur purgatio, idque to-
ties fiat, quoties opus esse videatur, donec sym-
ptomata vel prorsus evanuerint, vel saltem mite-
scant. Post singulas catharsejam finitas opobalsami
gutt. xx. sacchari particulæ majori instillatas permix-
tasque nihil superbibendo. Vel pil. e terebinth. ex In-
sula Chio cum saccharo candido confectam. Opo-
balsamum non assumendum est nisi prægressis eva-
cuationibus debitis. Hujus loco Electuarium e Bal-
samo Lucatelli, Glycyrrh. pulvere, semine Anisi &
Terebinthina concinnatum poterit substitui. Post eva-
cuationes, sedulo conandum est ut tussis sedetur, ne
pulmones jugi agitatione infirmiores evadant. Huc
facit præ cæteris syrupus jam laudatus, qui hac for-
mula possit usurpari. ℞. Decoct. Pectoral. lib. i. Syr.
de Mecon. Sirup. Capill. Ven. an. unc. ij. Cap. Cochl.
v. ter in die. Medicamentum hoc ita frequenter hau-
stum catarrhum in pulmones depluentem paulatim si-
stet; eosque in pristinam διαθήσιν reducet, nisi jam-
pridem a naturali statu nimium recesserint. Promo-
vebit insuper purulentæ materiæ in iisdem aggestæ
concoctionem.

At vero palmarium hujusce morbi præsidium est,
ut æger quotidie equo vehatur. Et qui se huic cor-
poris exercitio sanandum tradit, nullis jam diætæ le-
gibus adstrictus, nullo cibi potusve genere privan-
dus est: cum in hoc uno omnis rei cardo vertatur.
Quibusdam eorum qui ex hac methodo convaluere,
tumor in collo exortus est non multum a scrophu-
lis abludens.

Est & alia tabis species a tussi prognata, longe
diverso anni tempore, initio scilicet æstatis. Hæc ju-
venes persæpe illos invadit qui debiliore sunt cor-
poris habitu, & quorum sanguis particulis calidis
acribusque refertus est, sanguinem isti e pulmoni-
bus per tussim exantlant, nimio meri potu prius
excalefacti. Ægri dolorem sive ægritudinem quan-
dam in pulmonibus persentiscunt: quæ symptoma-
ta nisi mature remediis appropriatis eliminantur,

primo ſcrabrities, mox & ulcus accedit, unde pus conſectum demum expuitur.

Dicta jam tabis ſpecies venæ ſectiōe & catharſi alternatim repetitis, ſaltem in principio, facile vincetur: ſi diæta inſuper refrigerante & incrāſſante utatur æger & a carnibus in ſolidum abſtineat.

Tertia hujus morbi ſpecies ortum debet materiæ febrili in pulmones febre jam fatiſcente, amandata, qui ſenſim infirmiores redditi a ſymptomatibus jam memoratis vexantur.

Quandoque oritur a ſanie iſta purulenta, quæ a pleuriticis non ſatis copioſe per expectorationem egeritur. Quo in caſu eandem quam empyema, curationem poſtulat.

Sunt etiam qui a nimis copioſis, & debito frequentioribus evacuationibus debilitati in quartam tabis ſpeciem præcipitantur. Hos calor hecticus a cibo potuque ſumpto, ſub noctem laceſcit; atque hoc præ cæteris aphthæ infeſtant.

Phthiſis, ſeu tabis deſcriptionem ac curam integram, Præclariffimus Author morte præoccupatus, abſolvere nequivit, & pauca tantum, ſed pro more ſuo quam maxime accurata, in hoc argumento nobis reliquit: quibus in aliquale ſupplementum, adjicere non inconſultum credidimus Præclariffimi Caroli Leigh. M. D. Phthiſiologiam Lancaſtriensem, jam anno 1694 Londini editam. Opusculum ſane eximium, & Methodo Sydenhamianæ omnino affini conſcriptum, Sit itaque.

~~~~~

## D E

# P H T H I S E O S

## Speciebus & Cauſis.

### C A P U T I.

*Quo agitur de variis Phthiſeos Speciebus  
& earum Cauſis.*

**P**hthiſes in hac patria praxi vulgariter occurrentes ad ſequentes reduci poſſunt, videlicet, ſunt vel ſcorbuticæ, ſtrumofæ, chyloſæ, vel febres epidemicas intermittentes, hydropem, rachitidem, crapulas, chloroſin, fluorem album, icterum, rheumatifmum ſcorbuticum, ſarcocelen & vermes ſæpius conſequentur: nec non hæmoptiſin & vomitum ſanguinis; cum phthiſes autem ſcorbuticæ præ cæteris furiunt eas choream ducere ſtatimino.

Phthiſes ſcorbuticæ ſunt vel ab aere, vel a parentibus, vel ab erroribus ſex non naturalibus. De iis autem quæ ab aere ſunt, quia locis plerique morbi ſtationarii appellari debent, in primis agam. Iſtis terrarum areis quæ paluſtoſis arenis ſalis luxuriant, vel aere fumo carbonaceo craſſeſcente tantum non epidemicæ graſſantur; quæ phænomena innuere videntur ex particulis vitriolaceis & ſulphureo ſalinis hunc morbum fomitem ſuum trahere; quo autem hæc res clarius eluceſcat haud inconſultum duco tentamina quædam præmittere, quæ auſpiciis hiſce faciem ulteriorem accendant.

*In primis.* In ſalivam inſtillantur guttæ aliquot ſpiritus vitrioli, & ſtatim in coagulum album viſcoſum tranſit, quale per tuſſim in phthiſi ſæpius eructatur.

*Secundo.* Guttis aliquot fontis vitriolacei, juxta Haigh agro Lancaſtriensi cum ſaliva commiſtis, in coagulum viſcoſum tranſit cinerei coloris, quale in phthiſi ſcorbutica haud ſemel notavi.

*Tertio.* Diſtillantur carbones foſſiles & aſcendet liquor vitriolaceus, quo cum ſero ſanguinis commiſto, in coagulum viſcoſum tranſit, quale in phthiſi ſcorbutica obſervare in proclivi eſt.

His poſitis, videlicet quod per particulas vitriolaceas ſaliva, vel ſerum ſanguinis ſit coagulum viſcoſum, ei tabidorum guſtu, conſiſtentia & colore ſimile,

*Secundo.* Quod in reſolutione carbonum particulæ vitriolaceæ catervatim ſublimant, quod encherieſi pyrotechnica patet, adeoque illis atmophæra propemodum ſaturatur, cum in aere hujusmodi phthiſis ſit morbus ſtationarius, haud abs re fore judicare exiſtimo, ibi terrarum per inſpirationem particulæ vitriolaceæ maſſæ ſanguineæ communicantur, adeoque ſæpe ſæpius phthiſin inducunt.

Summa jam difficultas diluenda hæc eſt, nempe unde ſit quod circa littora falſa paluſtoſa hoc morbo tantopere infeſtantur indigenæ, etiamſi ſolo ceſpite utuntur, cibique ſale & fumo conditis per totum vitæ decurſum abhorrent? & quomodo iſtis terrarum areis particulis ſalinis atmophæra conſtipatur? cum ſalia marina (ſicut ab eorum evaporatione conſtat) ſint fixioris naturæ, quam ut radiis ſolaribus vel vi ventorum aſcenderent.

Anxie diu circa hæc cogitanti, hæc tandem conjectura in mentem mihi venit.

Obſervatu ſatis eſt obvium plagas iſtas maritimas, tam ſulphure, quam ſale luxuriare; hæc hypotheſis ſequentibus argumentis nitiſur.

*In primis.* Noctiluæ infinitæ horis vespertinis hiſce quaſi tot Phosphori erumpentes, ſulphuris præſentiam arguunt.

*Secundo.* Sæpius odores fœtidos emittunt, quales ex ſulphure & ſale unitis percipiuntur; in his itaque terris ſalinis paluſtoſis, particulæ ſulphureæ fugam continuo moluntur, particulis autem ſalinis divortium haud ferentibus, particulæ ſulphureæ ſalia muriatica ſecum gerunt, adeoque illis atmophæra conſtipatur; cum in aere itaque hujusmodi phthiſis ſit morbus ſtationarius, ibi ex particulis ſulphureo ſalinis trahit phthiſis illius pabulum ſicut opinari fas eſt.

In ulteriorem huius ſententiæ confirmationem argumentum e contrario produci poteſt. Ubi hi limi ſalini deſunt, hic morbus raro aut nunquam infeſtat. Hinc ergo ſit quod in *Ruſſiæ* & *novæ Angliæ* quibuſdam partibus per totum anni decurſum tuſſis ſonitus haud auditur, etiamſi mare ſit in præcinctu; & hinc quoque forſan ſit quod celeberrimus iſte *Monſpelienſium* aer aniphthiſicus evadit, etiamſi parum e mari *Mediterraneo* diſtat.

Dum e contra haud in ſeſe volvitur annus, quin phthiſis, hydrops, ſcorbutus, febres intermittentes, & pene dixiſſem morborum myriades in hiſce terrarum areis truculenter graſſantur; adeoque quod de terris hiſce falſis paluſtoſis tale propemodum dici poteſt, quale *Pythagoras*, de herba *Apraxi* de qua ſic talia dicit: Datur herba, radix cujus *Naphthæ* adinſtar ignem concipit; quique morbo quocunque correpti ſunt, hac germinante, recidivam patiuntur, quoties illius effluvia per aerem diſfunduntur.

De reliquis phthiſeos ſcorbuticæ ſpeciebus differere jam reſtat, de iis ſcilicet quæ ab erroribus ſex non naturalibus, & illis quæ a parentibus derivantur. Jam vero cum phthiſes ab erroribus diæta & victu per cauſas allatas facile explicari poſſint, earum ætiologiis enodandis diutius immorari impræſentiarum inutile eſſet; quapropter de phthiſi ſcorbutica hæreditaria breviter jam attingam.

Inter omnes ſane philoſophantes fœtum humanum in ovo formari ultra aleam dubitandi ponitur; de modo autem ova fœcundandi haud tam bene inter ſe convenit Auctoribus.

Ova duplici inveſtiuntur membrana, propriisſque tunicis involuta ſunt, adeo quod ne gutta quidem liquoris iis exprimi poteſt; hinc pro Gas quodam virili, ſive aura ſeminali ovis fœcundandis quidam viriliter contendunt; in praxi tamen nihil vulgarius occurrit, quam hunc morbum intueri patris genium conſequentem, etiamſi per totum vitæ decurſum matre ſat athleticè degente, quidam circa eandem ætatem cum patribus hoc morbo correpti ſunt, alii citius, alii ſerius, alii valetudinarii tantum vixere, alii ſat pancratice priuſquam phthiſi conſecti ſunt, pro diverſa ſcilicet craſi ſeminis vitilis, ſcilicet ſicut ſpiritus eo nidulantes, magis vel minus ſunt depreſſi & particulæ ſalinæ evectæ, primis vitæ incunabulis varia format ſtamina vitæ; adeoque citius vel ſerius infans vergit verſus temperiem ſalinam huic morbo inducendo aptam. Ex præmiſſis mihi videtur inferre liceat, ab utero ſemen virile per vaſorum



rum extremitates abſorbebatur, hinc maſſæ ſanguineæ communicatur, & circuitu ſanguinis, ſicut opinari fas eſt, ova ſœcundat, arduum etenim mihi concipere videtur, quomodo hic morbus, podagra, & calculus patris genium conſequerentur, ſi ab aura ſeminali tantum ova ſœcundentur: ex præmiſſis patet ex quali proſapia huic morbo ſit origo, capite itaque ſequenti venit ſymptomatum explicatio.

## C A P U T II.

*Hoc Capite agitur de Symptomatum Serie & eorum Cauſis in ſtatu incipiente.*

**Q**UANDOQUIDEM morborum ſcientia haud melius quam ab eorum productis expromitur, mihi hunc morbum deſcripturo, haud alia videtur inſiſtere methodo, quam ſymptomatum ſyndrome delineanda. Miſſo itaque olympico pulvere cerebri circa futilia dimicantis, ea ſolummodo quæ ratio experientia ſuffulta dicat brevibus aperiam.

Invadit frequenter cum appetitus & virium dejectione, anguſtia pectoris, tuffi titillante, ſputo copioſo, craſſo, albo, quandoque flavefcente, pellucido, & cæruleo, cinereo, fœtido, falſo, acido, ſubdulci, pro ſanguinis dyſcralla ſcilicet, & obſtructionum mole & genio.

Sudoribus quandoque nocturnis, carnis intabefcentia, calore & frigore levi & incerto alternatim ſuccedentibus.

Urina lixiviali, ſedimento copioſo, albo, ſæpius autem flavo, vel rufo ſaturata.

Aliquando diarrhœa, torminibus ventris, & partium extremarum tumore.

Hiſce prælibatis ſymptomatum explicationem aggreſſi jam incumbit.

Si de appetitu proſtrato interrogemur, ideo evenire dicimus: glandulæ in ventriculi parte inferiore ſitæ, quæ humores ſubacidos, fluxiles ex arteriis ſeparare debent, humores viſcoſos enutrient, adeoque fibris nerveis titillandis (quo motu conſiſtit appetitus) inepti ſunt, hic cibi ſit faſtidium; & hinc eſt, ni fallor, quod in quibuſdam ab emetico aſſumpto, tam immenſam ſaburram viſcoſi phlegmatis per vomitum frequenter ejectionem inſpexi.

Per ſuccum viſcoſum in pulmonibus extravasatum aeris inſpiratio interrumpitur, adeoque anguſtia pectoris frequenter corripitur æger; quo pariter circa glandulas tracheales depoſito, & intra pulmones ſputum iſtud, ni fallor, efformat quod tanta copia per tuffim eructatur, ab hoc quoque tracheam oblinente raucedo procedit.

Hiſce coagululis, folliculis in glandulis conglobatis gravidis, adeoque foraminulis lymphæ ductuum obturatis, latex ſeroſus, qui per lymphatica peregrinare debuit, propriis emunctoriis orbatus, maſſæ ſanguineæ regurgitat, & ſic per vaſa inſolita eliminatur; hinc ergo ex glandulis trachealibus, imbribus pene dixiſſem continuis depluit, qui tuffim titillantem & continuam inducit.

A pari ratione ſudores tantopere profuſi, diarrhœa, tormina ventris, & partium extremarum tumores huc collimant.

Quandoque viſcoſis humoribus meſenterii glandulis inſarctis, chylo tranſitus denegatur in ſanguinem, quo pabulo diurno orbatus, nutrimento debito privatur corpus, hinc vires deſiciuntur, emaciat corpus, & quandoque fæces albeſcunt, quapropter a viſcoſis hiſce ſaburris venæ lacteæ meſenterio diſparent, ſicut in cœlis *Galaxia* propter denſas nubes interponentes.

Aliæ chyli portiones per particulas ſalinas præcipitantur, & inde quandoque ſputo albo, craſſo, ſubdulci, per tuffim eructantur. Aliquando per rene ablegantur, & inde in hoc morbo frequenter urinæ ſedimento candido copioſo ſaturantur.

Propter muſculos ſubſidentes humeros alatos obſervatu in proclivi eſt, quod (ſicut plebeis placet) malum portendit, quaſi anima relictura corpus illius fugam appropinquantem indicaret. Hi *Hippocrati* aliſque græcis *μεινός* appellantur.

Propter glandulas in hepate obſtructas bili tranſeolanti imponitur remora, quæ ſanguini itaque regurgitat, *Sydenham opera Medica*.

ex ea cum acidis in ſanguine efferveſcente lenta febris ſequenter in tabidis glifcit, & ni fallor ratio urinæ lixivialis tanta flavefcente hypotaſi, & quandoque ruſa ſaturata, hinc quoque petenda eſt.

Quandoque calore & frigore alternatim ſuccedentibus cruciatur æger; propter chyli aceſcentis fermentationem, & inæqualem cum ſanguine miſturam.

Sputum frequenter in hoc morbo ſit craſſum, album & dulce, quod (ſicut prius innuimus) chylum præcipitatum ponimus; aliquando ſit tenue & pellucidum cum craſſo commixtum, quod ponimus eſſe lympham quæ per lymphæ ductus tranſire debuit, propter glandulas autem conglobatas obſtructas, per alia ſecretoria eliminatur, & in hoc quidem caſu, quique humori huic ſiſtendo medicamentis opiatſis pertinaciter inſiſtit, a vero deviat, & præſtat *eis motos componere fluctus*.

Sputum aliquando ſit cæruleum, falſum, acidum, & amarum, ſicut bilis, & ſalia diverſæ proſapiæ varie cum eo miſcentur.

Reſtat aliud ſymptoma, nec minus reliquis infrequens explicandum, *viz.* unde eſt, quod in hoc morbo urina tam intenſe lixivialis excernitur, ſedimentum copioſum ruſum deponens, ſuavem emittens odorem parum ei diſſimilem in urinis obvium poſt medicamentata terebinthinata, & quædam præparata ſulphuris aſſumpta, ſuperficiem gerens pellicula tenui oleoſa obducta. In hoc caſu ponimus urinam particulis vitriolaceis vel muriaticis eſſe ſummopere ſaturatam; particulæ ſalinæ poſt ortam cum bile, efferveſcentiam præcipitant, adeoque urinæ tantam hypotaſim deponunt: particulæ bilioſæ ab efferveſcentia cum particulis ſalinis (ſicut ſulphur ab incendio adjuncto) ruſeſcunt, & inde urinæ ſedimentum lateritium deponunt. Particulæ ſalinæ oleoſas quaſdam particulas in fermento incarcerant, quæ tumultum una cum illis per renes ablegantur, hinc urina aeri expoſita, particulis que fermentefcentibus ſaturatis, particulæ ſulphureæ oleoſæ divortium conantur, adeoque in ſuperficie pelliculam efformant, & odorem ſuavem emittunt; hypotheſi huic ſuffragatur phænomenon in ſpiritu nitri dulci ſatis obvium, ibi etenim ab acido cum ſulphure unito, odor ejuſmodi proſapiæ obſervari poteſt.

Utrum in hoc ſtatu tuberculis ſemper inſarciantur pulmones a clariffimo *Mortono* notatis; Hac patria a cultro anatomico tanquam a peſte abhorrente, nec nego, nec affirmarem; hoc tamen (praxi ſuffragante) aſſerentem, in hoc morbo plures ſatis ſuccumbere vidi, ne uno quidem ſymptomate febris inflammatoriæ apparentes, cui ſententiæ adſtipulatur *Hiſtoria* e doctore *Bennet* deſumpta *Theatro tabidor. pagin. 96.*

Cum apud *Briſtollenses* medicinam facerem, qua urbe penſili tabes frequenter graſſatur, nonnullos ſputum ſubdulce levi conatu expectorantes, ſpatio trimeſtri fatiſcentes, & totaliter enervatos vidi; horum vero quorundam, non omnes tuffis vehementior aliquoties corripuit, & areſcentes ſtrigofi periere, in quorum unica detectionis cauſa, licet ſanguinem (peracto ſalino ptyaliſmo) extuſſerat, & pulmo ubique inteneratus tonum amiſerat, univerſa ſpirabilia nec non viſcera omnia naturalia, quoad ſenſum ſana comperta ſunt. Haud hic intelligi velim quod in phthiſi pulmones hiſce tuberculis nunquam inſarciuntur, eos etenim ſæpius ulceratos vidi: at hoc ſolummodo aſſero ea phthiſi quæ tam vulgariſter in agro *Lancaſtriensi* graſſatur, qua in dies deflorefcunt ægri ſputum craſſum album expuentes, in his dico, huiusce morbi principio & incremento, raro aut nunquam pulmones confodiuntur, imo aliquando, ægri e medio tolluntur & (ſicut opinari fas eſt) iis haud ulceratis, quibuſdam etenim per totum morbi decurſum febris heſtica ſymptoma haud apparuit unum.

## C A P U T III.

*In hoc Capite Symptomata in ſtatu confirmato recenſentur, & eorum Cauſa assignantur.*

**F**ATIſcente in dies natura in proſapiam propemodum vitriolaceam degenerat maſſa ſanguinis, hinc ſputum frequenter aluminis vel vitrioli mali ſit ſaporis, jam particulis ſalinis ſui juris factis, effuſis velut habenis hic morbus affligit; hinc febris ſit continua & au-



etior, ex particulis ſcilicet vitriolaceis cum ſulphure ſanguinis efferveſcentibus, ſicut ex oleis vitrioli & reſebinthinæ permixtis obſervare fas eſt.

Ex hac efferveſcentia vaſis capillaribus circa genas diſtensis, inde eſt quod rubor fixus genas utraſque occupat, mortis adſtantis frequenter indicium; quaſi vitalis flamma ellychnii ad inſtar (cujus pabulum propemodum exauſtum eſt) receptaculo gliſceret; *vel ſaſis ad inſtar rubro colore hemiſpherium ſpargentis priuſquam Cimerias deſcendit in umbras.*

Conglobatis glandulis indies magis inſarctis, & majori copia nutritio ſucco quotidie præcipitato, hinc eſt quod ſputum fit copioſius & craſſius, & ex fermento vitriolaceo cum ſulphure ſanguinis permixto, aliquando ſaporis putridorum piſcium.

Ex ſputo copioſius in dies intra pulmones extravasato, aſthmate frequenter corripitur æger. Et continua propemodum gravitate pectoris opprimitur. Sputum aliquando egregie fœtidum hoc ſtatu quoque notavi, quod tamen haud ſemper ab ulcere pulmonum ſicut quibuſdam placet ortum ſibi ducit; ſæpius etenim hoc notavi, & patientes tam diarrhœa quam ſudoribus immunes, quod procul dubio haud evenire poſſet ulcere fœtido pulmonibus conſoſſis, potius itaque fœtoris iſtius cauſa in hoc conſiſtere videtur, particulis ſulphureis volatilibus particulis ſalinis aculeatis, hiſque latice ſeroſo luxuriante, cum ſalvia miſcentur, jam particulis ſulphuris ad evolandum ſatis aptis ſecum ſalinas vehunt, quas unitas effluviis ſaliva emit, huic ſenſorium olfactuſtenellum vellicant, iſſque itaque ingratis fœtorem conciliant; ſicut e contrario particulæ ſulphureæ globosæ ſine ſalinarum mixtura, fibras olfactorias percutientes gratum odorem cauſant; ſicut in aromatibus & baſamicis ſorum effluviis obſervare in proclivi eſt. Grandiori mole indies nutritio ſucco expectorato, hinc vultus evadit *Hippocraticus*, & corporis univerſi maraſmus.

Indies conglobatis glandulis inſarctioribus, & verſus temperiem ſalinam vergente ſanguine hinc ſudoribus profuſis & diarrhœis immanibus cruciantur ægri, nec non doloribus acutis, iſis rheumatismo verſatilibus quibuſdam atrocioribus, oſſibus etenim in iſſis de dolore lancinante quidam conqueſti ſunt, iſque quibus morbum venereum ſuſpicari neſas.

Hiſ ſymptoma aliud haud minus commune, & ſumma quidem indagine dignum addi poteſt, ſtrigoſi plures etiamſi ad orci fauces propemodum ſunt redacti, appetitu laudabili ditantur, poſt cibum aſſumptum heſtico nullo calore ſuccedente, neque ſudores, nec diarrhœæ, nec ventriculi inflammationes adſunt; tamen indies intabefcit æger prægrandi copia ſputum craſſum album expuens. Auguriis noſtris ex præmiſſis ſat ſuperque propalatis, particulis vitriolaceis frequenter luxuriare ſanguinem; circa hoc ſymptoma hæc conjectare liceat. Vitriolaceis particulis aculeatum naturale fermentum, icſtu altiori fibras nerveas titillat, quæ quaſi ab æſtro percitæ, ſpiritus fibræ ventriculi indigeni in motus concitatiores adiguntur; & inde eſt, ni fallor, quod appetitus fit voracior, eſculenta quævis aſſumpta ſtruthionis ad inſtar colliquans; hoc colliquamentum per lacteas ductumque chyliſerum propagatum cum ſanguine miſcetur, quod in propriam naturam haud aſſimilat, & inde in univerſi corporis nutrimentum, quin ſalinæ particulæ ſanguine nidulantes, in humoribus craſſis hoc præcipitant; & inde eſt quod alimenta aſſumpta, etiamſi in ſanguinis naturam haud convertuntur, tamen nec per ſudores, nec diarrhœas eliminantur, quin intra pulmones coagulo albo viſcoſo ſubſidunt, & inde eſt quod indies intabefcit æger.

Reſtat adhuc aliud ſymptoma, quod ſub hoc larvatur vultu: plures hoc morbo propemodum conſectos febris intermittens anomala frequenter invadit, quosdam ſemel tantum, alios bis vel ter ſpatio viginti quatuor horarum conquaſſat, ingruit ſæpe cum horrore & pruritu inter ſcapulas, & circa regionem lumbarem, totum poſtea convellitur corpus per horam unam vel alteram tremulum permanens, calor poſtea ſuccedit, & huic ſudores & aliquando diarrhœæ; ex lentoribus ſaliſ circa membranas nerveas, nervorum extremitates, plexus, & glandulas ſubcutaneas miliares extravasatis, hæ frigoris & caloris reciprocationes procedere videntur, hiſ ad plenitudinem aggeſtis, & acorem inſignem

naſtis, partes nerveas vellicant, adeoque, ni fallor, dolores hoſce frigoriſcos inducunt, lentoribus hiſce per vaſorum extremitates tandem abſorptis, adeoque cum ſanguine permixtis, ex iſis cum particulis ſulphureis ſanguinis nova repullulat fermentatio, calor itaque febrilis ſuccedit, tandem autem materia morbiſica ſubacta aliquando per diarrhœam amandatur. Alii in ſtatu euſarco, etiamſi animi indole dulciſſima præditi, hoc morbo tandem conſecti, ex levî qualibet occaſione iracundi anſam capiunt; itaque tam continua ebulliunt, vix vocem vel viſum alicujus tranquille ferunt; ex ſuccis hiſce aceſcentibus ſpiritibus animalibus continuo tanquam ab æſtro percitis, ſicut opinari fas eſt.

Hiſce præmiſſis, de reliquis phthiſeos ſcorbuticæ ſpeciebus breviter diſſerere adhuc reſtat: at cum ex (ſcilicet utrum ſint hæreditariæ, vel ab erroribus in diætâ & victu) maxima ex parte eadem vel ſimilia ſymptomata præbent; verosimile mihi videretur eas a tali proſapia oriri; quapropter earum ætiologiis explicandis diutius immorari impræſentiarum inutile eſſet; nobis itaque ſufficiet in caſu quolibet hiftoriam unam vel aliam ſubnectere, & medendi methodum recensere.

#### C A P U T I V.

*Hoc Capite Canones quidam generales circa hunc morbum proponuntur.*

**I**N hoc capite ſymptomata in ſtatu deplorato reſeri debent; at cum nullus fit propemodum e plebe, quin in hoc ſtatu ægro ex hoc vitæ curriculo manuſiſſionem pronunciet, diutius hiſce immorari extra propoſitum eſſet; nobis itaque ſufficiet canones quosdam generales circa hunc morbum proponere, exque iſis medendi methodum efformare.

Canon primus:

In ſtatu ſimplici incipiente facile curatur phthiſis.

In ſtatu complicato incipiente, viſceribus & lymphaticis ſalvis, bonum ſit expectandum.

In ſtatu confirmato, difficulter, tamen quandoque curatur.

In ſtatu confirmato complicato, alea res eſt dubio plena.

In ſtatu confirmato complicato, viſceribus vel lymphaticis inſanis, nil niſi malum ſit pronunciandum.

In ſtatu confirmato phthiſes hæreditariæ inducias frequenter patiuntur, raro autem vel nunquam curantur.

In ſtatu confirmato, modo febris adſit, lacticinia ſunt vitanda, in hoc quoque caſu chalibeatis abſtinendum eſt.

Urgente dyſpnœa, etiamſi catarrho titillante infeſtetur trachœa, ex opiatſis tanquam a peſte fugiendum eſt.

#### C A P U T V.

*Hoc Capite medendi methodus in ſtatu incipiente proponitur.*

**I**Ntentiones in hoc ſtadio variis indicationibus reſpondentes ad ſequentes reduci poſſunt.

*In primis*, per emetica vel linea cathartica, primæ viæ ex ſaburra viſcoſa ſunt detergendæ.

*Secundo*, In adultis phlebotomiam ſemper proficuum inveni.

*Tertio*, Pulmones ab humoribus craſſis ſunt liberandi.

*Quarto*, Glandulæ inſarctæ ſunt aperiendæ.

*Quinto*, Temperies ſalina ſanguinis ſit alteranda.

*Sexto*, Lymphæ ſuccedentis in pulmones deſluxus ſit præcavendus.

Medicamenta intentioni primæ reſpondentia, hæc vel ſimilia eſſe poſſunt, quibus forma liquida arri-det ſequentia præſcribi poſſunt.

Si emetico opus eſt.

*℞. Mell. Sillitic. ab ℥ii. ad ℥iv. aq. Cardui, hyſſop. aa. ℥ii. ſyr. ſcabioſ. compoſ. ℥ſſ. M. S. F. Emeticum.*

Si per catharſin alvus ſit ſubducenda, ſequentia in uſum veniunt.

*℞. Decoſti Senna Gereonis ℥iv. ſyr. de ſpina cervina ℥iſſ. crem. tartari ℥ſſ. aq. lumbricor. ℥ii. M. S. F. P. cum regimine ſumend. Vel*

*℞. De-*



℥. Decocti Sennæ Gereonis ℥iii. Manæ Calabrinæ ℥i. tinctura ſacræ ℥j. crem. tartari ℥℥. aq. lumbricor. ſolutione gummi Ammoniacy ſaturat. ℥j. M. F. P.

Cum regimine ſumend. huic ſyrup. Roſar. ſolutiv. addi poteſt, pro re nata.

Quibus forma pilularis aridet, hæc vel ſimilia eſſe poſſunt.

℥. Pil. Stomach. cum gumm. ℥j. de ammoniaco Ma-giſtral ℥℥. tartari vitriolati gr. vi. veſin. jalap. gr. vi. Balsam. Peruv. q. ſ. F. Pil. N. 7. cum regimine ſumend. Vel

℥. Pil. aleophangin. tartarear. Quercetan. aa. gr. 10. ad ammon. ℥℥. tartari vitriolati gr. vi. reſin. ja-lap. a gr. 6. ad 10. Balsam. Peruv. q. ſ. F. Pil. Nu. 7. cum regimine ſumend. his Calomelas a gr. 14. ad ℥i. addi poteſt pro re nata.

Quibus ſit in animo bolus talis eſſe poteſt.

℥. Elec. lenitivi ℥vi. crem. tartari ℥i. ſyr. roſ. q. ſ. f. bolus cum regimine ſumend.

Pro puerulis doſes & formæ variari poſſunt, ſcili-cet, pulveres de Rhabarbar. ſena, Calomelan. reſina lapæ, & id genus aliis; nec non Elixiria, & tinctu-ra, inter quæ tinctura ſacræ & Elixir Salutis vete-ris palmam præripiunt.

Quibuſdam cereviſia medicata præ cæteris allubeſcit, & in eo caſu talis eſſe poteſt.

℥. Folior. ſennæ, Rhabar. polypodii quercini aa. ℥ii. epithymi ℥i℥. pini, tameriſci ſummitat. aa. Mii. folior. becabung. Miii. hedera terreſtris Mv. ſalvia agreſtis Miii. radic. 5. aperientium aa. ℥ii. lapath. acut. ℥vi. baccar. juniperi ℥i. cortic. aurantior. Nu. vi. F. ſacc. pro tribus cong. cereviſiæ; doſ. ℥i. aurora qualibet, vel al-terna ſicut vires ferent. Phthiſin incipientem tempore ver-nali hac ſola cereviſia haud ſemel curavi. Intentioni ter-tiæ, quartæ, & c. medicamenta ſequentia reſpondent.

℥. Conſerv. Cynosbat. ℥iv. corall. rubri ℥iii. ſyrup. balsamic. q. ſ. F. Elec. horis medicis ſumend. Vel

℥. Conſerv. Cynosbat. florum cichorei aa. ℥i℥. ex-tract. trifolii fibrini ℥℥. anima martis ab inſigni Vi-gani pp. ℥i. gumm. ammoniacy in aq. lumbricor. ſolut ℥i. florum Benzoin. ℥i. cum. ſ. q. ſyrup. balsamic. To-lutan. F. Elec. eodem modo ſumend. Vel

℥. Conſ. Cynosbat. lohoch. de pulmon. vulp. aa. ℥i℥. enule Campan. condit. ℥℥. ariſtolochiæ rotundæ ℥ii℥. glycyrrhizæ ℥ii. hedera terreſtris præparatæ ℥iii. florum ſulphuris ℥℥. ſyr. de Fryſimo q. ſ. F. Elec. Vel ℥. Conſerv. Cynosbat. ℥iv. martis cum ſulphure pp. ℥iii. ſal ſpirituos. ℥i. cum ſ. q. ſyrup. e cortic. citri. F. Elec.

Electuariis præſcriptis, ſicut dyſpnœa magis vel mi-nus urgebit; ſpecies diaireos, ſolutio gumm. ammoni-acy in aq. lumbricor. ſact. flores Benzoin. extract. enu-la, radix ariſtolochiæ rotundæ, addi poſſunt, vel omit-ti, ſicut medico videbitur idoneum.

℥. Sirup. Balsamic. Tolutan. e ſucc. heder. terre-ſtris, capillor. veneris aa. ℥iii. f. ſyrup.

℥. Aq. lactis alexiteriæ ℥i. limac. maſtral. ℥ii. gentiana compoſ. ℥iii. lumbric. ℥i. ſacchar. perlat. q. ſ. F. julapium.

℥. Ingredientium q. ſ. ad ℥ii. decocti pectoralis: ad-de radic. ſarſeparil. ℥i℥. china, ſœnic. bardan. urtic. caryophyllat. aa. ℥vi. ariſtolochiæ rotund. ℥℥. ſem. ani-ſi, coriandri, urtic. aa. ℥ii. paſſular. exacinat. ℥i. bac-car. juniperi ℥i. c. c. raſur. eboris aa. ℥v. folior. hype-rici, capillor. veneris, hedera terreſtris, marrubii albi aa. Mii. coq. in aq. fontan. ſ. q. ad ℥iv. colaturæ adde vini ali ℥iv. mell. deſpumat. ſacchar. cand. albi. aa. ℥ii. M. F. Apozema uſus eximii in aſthmate & gravitate pectoris.

℥. Aq. limac. maſtral. lumbricor. aa. ℥iv. ſyrup. balsamic. Tolutan. de Praſſio, Allio vel Eriſymo aa. ℥i. ſpir. ſal. armoniacy e grumm. ammon. diſtillat. ℥ii. M. F. mixture, vel

℥. Aq. lactis alexiteriæ ℥i℥. gentian. compoſ. ℥iv. limac. maſtral. ℥i℥. ſacchar. q. ſ. F. julapium.

℥. Pulveris milleped. pp. ℥iii. radic. ariſtolochiæ, gumm. ammoniacy in aq. lumbricor. ſolut. aa. ℥i℥. flo-rum Benzoin. ℥℥. extract. enule. croci an. ℥i. Balsam. Peruv. ℥i. ſulphuris aniſat. q. ſ. F. pil. mediocres in dyſpnœa uſus egregii, vel

℥. Florum Sulphuris, gumm. ammoniacy aa. ℥ii enu-le campan. ariſtolochiæ rotund. glycyrrhiz. Ireos Floren-tin. aa. ℥i. ſem. aniſi ℥ii. picis liquida Barbadeos partes Sydenham opera Medica.

iv. Balsam. Peruv. partem i. M. F. Maſſa pilularis, vel

℥. Balsam. Tolu. ℥i℥. milleped. pp. ℥ij. gumm. am-moniacy depurat. ℥i℥. florum Benzoin. ℥i. Myrrhæ ℥i. Balsam. ſulphuris aniſat. gut. 12. ſucci glycyrrhiz. in tin-ctura a croci ſolut. q. ſ. M. F. maſſa doſ. ℥℥. vel ℥ii.

℥. Pulveris milleped. ℥iii. anima martis ℥i. gumm. ammon. in aq. lumbricor. ſolut. ℥i. extract. trifolii fi-brin. q. ſ. F. pil. mediocres.

℥. Cinnabar. antimonii ℥ii. F. pulvis. Capiat his in die: Panacœa quoque antimonii Doctoris Needham egregii ſit uſus.

℥. Pini ſummitat. Miii. folior. becabung. Miii. ſal-via agreſtis Mii. capillor. veneris, hedera terreſtris. aa. Miii. radic. lapath. acut. ℥vi. baccar. juniperi ℥i. cor-tic. aurantior. N. 6. F. ſacc. pro tribus cong. cereviſiæ.

℥. Pini, tamarici ſummitat. aa. Mii. folior. Bec-cabung. Miii. hedera terreſtris, capillor. veneris aa. Mvi. ſalvia agreſtis Miii. radic. oſmund. Begal. ℥iv. enule campan. ℥ii. lapath. acut. ℥vi. 5. aperientium aa. ℥ii. ſarſeparilla ℥vii. baccar. juniperi ℥i. ſem. aniſi ℥℥. cortic. aurantior. N. vii. F. ſacc. pro tribus cong. cereviſiæ, de qua c. ad ℥ii. in die cum ſyrup. & pil. prius præ-ſcriptis. His debite adhibitis medicamentis ulterioribus vix opus eſt; quo autem intentio ultima omni ex parte perſici poteſt, externa etiam in uſum veniunt v. capitis raſura, fontanella, veſicatoria ſatis ampla, quæ reve-ra tuſſim Phthiſicam tutius & magis radicatus tollunt, quam medicamenta quævis opiata forma quacunque ſum-pta, ingenuè etenim fateor ex opiatis copioſius ſumptis, nil niſi inducias incertas mihi adhuc obſervare contigit.

## CAPUT VI.

Quo agitur de methodo in ſtatu confirmato.

Intentiones in ſtatu ſecundo a prioribus tantum mi-nutiis diſtant, niſi quod in hoc ſtadio catharſes mi-tiores eſſe debent, phlebotomia ſi omnino, manu tan-tum pariori ſit celebranda; jam calor febrilis qui vehementius exæſtuat præ ſingulis ſit temperandus: ad calorem febrilem temperandum varia ex variis autho-ribus præſcribuntur, pulveres ſcilicet teſtacei, antihe-ctici, conſervæ, antidoti, analeptici, julapia refrige-rantia, emulſiones, & id genus alia, at ingenuè fateor in hoc ſtatu, hac vel tali methodo haud phthiſin ſemel radicibus ſanatam vidi; miſſis itaque ambagibus, ad cortic. Peruvianum (modo adſit pulmonum ulcus) ſemel in die tantum exhibitum tanquam ad aſylum fugiendum eſt, hoc tantum obſervando, quod tunc temporis pe-ctoralibus fortioribus inſiſtendum eſt, & die quolibet tertio, vel alternò per catharſin levem alvus ſit ſubdu-cendus; hac methodo appetitum prius totaliter proſtra-tum ſtatim reſtitutum vidi, & calorem febrilem totaliter debellatum. Et cum ita ſe res habet ad coronidem metho-do inceptæ imponendam, ad pectoralia detergentia, ape-rientia, & antiſcorbutica mitiora confugio, in hoc ita-que ſtatu methodus ſequens vel ſimilis obſervari poteſt.

In primis ſi vires ferent, emeticum lene exhiberi, jubeo: v. gr.

℥. Mell. ſcillitic. ℥ii. aq. cardui, hyſſop. aa. ℥ij. ſyrup. ſcabios, compoſ. ℥℥. M. F. Emeticum. Ab hoc aſſumpto ſæpius ingentem maſſam viſcoſi phlegmatis per vomitum ejeclam inveni.

Autora ſequenti leve catharticum exhibendum curo, ſcilicet cum quodam ex iis cap. priori præſcripto: at ſi diarrhœa adſit, quæ ſæpius in hoc morbo occurrit, inſuſionem ſequentem exhibendam ſuadeo.

℥. Aq. lactis alexiteriæ ℥i. gentiana compoſ. ℥iv. limac. maſtral. ℥i℥. lumbricor. ℥℥. ſal. tartari ℥ij. aq. menthæ fortioris ℥j. Rhabar. optimi incisi ℥℥. F. ſ. a inſuſum de quo c. 6. Cochlearia Mane. Aurora qua-libet tertia vel alterna.

Ad calorem temperandum,

℥. Conſ. Cynosbat. ℥iv. Cortic. optimi Peruv. pulve-risat. ℥i. cum. ſ. q. ſyrup. balsamic. Tolutan. F. Elec.

Methodus pro pectoralibus & antiſcorbuticis ex c. prio-ri deſumi poteſt, pro re nata utenda; dietam ex cibis eu-peptis inſtituto, juſculis ſcilicet, carnibus ovinis, vitu-linis, pullis, ovis ſorbilibus, & id genus aliis, religio-ſe obſervando a lacticiis abſtinere; modo febris adſit, liquores pectoralibus & antiſcorbuticis medicatos in-ſtituo.



ſtituo. Hac methodo quamplures ultra ſuas & omnium amicorum ſpes perfectæ ſanitati reſtitui.

## C A P U T VII.

*Quo agitur de Phthiſi in ſtatu deplorato.*

**I**N hoc ſtadio remedia tantum palliativa exhiberi poſſunt, & vulgariter quicquid exoptat æger concedo. Utcunque ut ægri & amicorum votis impoſitis modo quocunque ſatisfacerem, remedium aliquod ſymptomati maxime urgenti reſpondens præſcribo. Univerſo ſcilicet marcote jam corpus colliquatur, & frequenter ſummopere gutturis dolore lancinante laborat æger, tali ſcilicet, quod vix aut ne vix deglutire poteſt, hinc lac aſinum ſi haberi poteſt, ejus autem defectu vaccinum, per ſe, vel decoctis pectoralibus baſamicis exhibendum curo, hauſtu autem quolibet guttis aliquot olei tartari per deliquium, vel pulvere quodam teſtaceo commiſto, quantum ſcio remediis ulterioribus haud opus eſt, quapropter hiſ coronidem imponam.

## H I S T O R I Æ

In ſtatu Primo,

*Obſervatio I.*

**C**AROLUS Fleetwood, Generoſus & magno ingenii acumine, oppido de *Rirkham* Chirurgiam faciſans in carnis intabefcentiam incidit, tuſſi laborabat gravi, & nycthemeri ſpatio ſaburram ingentem albi viſcoſi phlegmatis expuebat, appetitus proſtratus erat, quandoque cochlearia aliquot ſanguinis expuebat, flatibus intumuit ventriculus, laſſitudine ſpontanea & debilitate corpus univerſum macerabat. Me tandem in ſubſidium vocato, lenitivam potionem præſcripſi, & ſemel repetendam inſtitui, poſtea ſyrup. martis *Williſianum* cerviſia pectorali bis in die ſumendum ſuaſi, & hora ſomni guttas aliquot baſam. Peruv. cum ſyrupo baſamico Tolutano, brevi tempore ceſſavit tuſſis, ipſe vires recuperavit; & jam pancreatice valet.

*Obſervatio II.*

**GILBERTUS Oufy de Chorley** Cauſidicus, poſt febrem tertianam catarrho continuo correptus erat; ſputum craſſum album expuebat, pulſus erat debilis & celer, calor & frigus ſæpius in die alternatim ſuccedebant, vultus erat pallidus, muſculi totius corporis flaccidi, appetitus totaliter proſtratus, vires dejectæ, & ſudoribus nocturnis propemodum colliquatus. Electuario cum cortic. Peruv. hora quarta pomeridiana ſumendum ſuaſi, aurora & hora ſomni, pil. pectorales, ſyrupos baſamicos deterſivos, & julapia pectoralia præſcripſi, die quolibet tertio, 6. cochlearia infuſi de rhabarbaro in aqua lactis alexiteria fact. ſumenda imperabam, poſtea pil. pectorales & ſyrupos cerviſia pectorali ſumendos inſtitui; hac methodo ſanitatem priſtinam recuperavit, & jam ſirma valetudine fruitur.

*Obſervatio III.*

**JACOBUS Sherdley** Baccalaureus in Artibus, & celeberrimo viro Domino *Price de Blakburn* Curatus, incidit in tuſſim gravem, anguſtia magna laborabat pectoris, ſputum craſſum copioſum expuebat cum ſanguine commixtum, vultus & oculi flaveſcebant, urina parca & lixivialis erat cum ſedimento rubro, appetitus proſtratus erat, & magna quidem debilitate laborabat. Electuario cum cortice Peruviano præſcripſi, poſtea pil. pectorales, ſyrupos baſamicos & apozema deterſivum horis medicis ſumenda ſuaſi. Et poſtea pil. pectorales cerviſia pectorali aperitiva ſemel ſeptimana: nec non infuſum de rhabarbaro, vel dos. pil. ſtomach. cum gumm. & de ammoniaco magi-

ſtrali, ſumenda ſuaſi hora ſomni; hiſ aſſumptis evanuit morbus, & firma valetudine magna cum laude munis jam ſolitæ obitur. Eadem, vel methodo ſimili *Evan Mandsley de Penwortham* ſanitati reſtitui.

*Obſervatio IV.*

**DOMINUS Blackhurſt de Preſton**, tempore vernali Anno 91. modo ſequenti hoc morbo laborabat, anguſtia tanta pectoris conſtrictus erat, ut lineis tantum quibuſdam deſcribendis creber recurreret halitus, ab imo anhelans pectore; tuſſi continua titillante tempore decubitus inſomnis jacuit, expuit ſputum tenue, pellucidum, horis autem matutinis craſſum, & quandoque æruſinoſum ſubſtavum, vultus pallescebat, intumere pedes, appetitus proſternitur, & vires indies labefactabant. Eruptio miliaris cutem univerſam conſpurcavit, urina erat exigua & lixivialis, & ſæpius in die de calore & frigore conqueſtus eſt. In ſubſidium accerſitus, ſtatim phlebotomiam celebrandam inſtitui, & fontanellam in brachio ſecandam, leves catharſes repetendas, præſcripſi, electuario poſtea ſequenti uſus eſt, doſi qualibet ſuperbibendo hauſtum decocti amari alterantis.

*℞. Pulveris Ari compoſ. ʒiſſ. martis pp. ʒi. ſal. ſpirituof. ʒi. conſerv. cichorei, becabung. recenter fact. aa. ʒii. cum ſ. q. ſirup. Chalib. F. Electuarium.*

Hoc repetendum imperavi, & bis in die cum cerviſia pectorali ſumendum brevi vires recuperavit, & ab hoc morbo perfecte convaluit. Anno ſequenti Domine perilluſtri connubio conjunctus erat, & ſex circiter menſibus elapſis recidivam paſſus eſt. Rurſus ad me miſit, tunc temporis autem tertiana epidemica me ſuſpirante, Dominus *Parſons* in auxilium vocatus erat, cum qua methodo tractavit, nescio, in dies autem in peſſum abiit, & hyeme ſequenti ad me rediit, at *quantum mutatus ab illo!* maraſmo univerſali jam conſectus erat, vultus erat *Hippocraticus*, febris continua, rubor fixus genas utraſque occupavit, dolore lancinante guttur quotidie terebratur. Cortic. Peruv. alicalcis, baſamic. natifcorbuticis, remediisque aliis appropriatis incaſſum tentatis auſpicante vere, fatiſ ſuccubuit.

## H I S T O R I Æ

In ſtatu Secundo.

*Obſervatio V.*

**DOMINUS Wood de Kirkham B. A.** cum per totam hyemem gravi laboraſſet tuſſi, initio veris me in auxilium vocavit; ſtrigoſum perfecte inveni, & quidem ad extremum marcorem redactum, nycthemeri ſpatio libram unam vel alteram ſputi viſcoſi cærulei cructabat, glutine propemodum tenacioris; de dolore laterali quotidie conqueſtus eſt, & magna conſtrictione, & quaſi mole pectoris, & debilitate tanta, quod vires vix ei ſufficerent ab alia thori parte ad alteram ſibi movendo, urina lixivialis fuit, ſitis autem parva, vel nulla, nec quantum memini de calore quodam inſigni conqueſtus eſt: in primis bolum purgantem ex electuario lenitivo præſcripſi, poſtea decoctum ex radicibus ʒ. aperientibus & ſalvia agreſti vice potus communis inſtitui, deinde per menſis ſpatium pro potu communi decoctum amarum alterans & traumaticum ſolummodo conceſſi, hora ſomni linctu ſequenti uſus eſt.

*℞. Syr. capillor. veneris, e ſucco hedera terreſtris, baſamic. Tolutan. aa. ʒi. ſpecier. diaireos ʒiiij. gumm. ammoniaci in aqua lumbricor. ſolut. ʒj. florum Sulphuris ʒſſ. cum ſ. q. ſirup. de ʒ. radicibus F. linctus, c. cochlear unum hora ſomni cum gut. 4. Baſam. Peruv. initio Aprilis, ſumpſit de cerviſia pectorali aperitiva bis in die, & perfecte convaluit, quod adſtantes omnes tunc temporis pro miro habuere. Anno 89.*

*Obſervatio VI.*

**JOHANNES Veale** Armiger per totā hyemē gravi catarrho cor-



correptus fuit, Anno 90. initio veris ad me accedit, tunc temporis vultus erat pallidus & perfecte *Hippo-*  
*craticus*, tuſſis continua & ſicca, horis autem ma-  
tutinis ſputum craſſum ſanguinolentum expuebat; tan-  
ta raucedine correptus erat, vix ut ullus vocem il-  
lius caperet; appetitus proſtratus erat, ſudoribus no-  
cturnis propemodum colliquatus; de anguſtia & pon-  
dere pectoris conqueſtus eſt, & continuis inteſtino-  
rum torminibus; urina lixivialis erat, & ſcabies ſic-  
ca manus præcipue fœdavit.

In primis decoctum lenitivum cum tinctura ſacra præſcripſi, poſtea uſum pilular. pectoralium, ſyrupo-  
rum & decocti pectoralis, per 14. dierum ſpatium  
inſtitui, & deinde pilulas pectorales & ſyrupos, cum  
cereviſia pectorali per menſis ſpatium; ab his ſanita-  
ti reſtitutus fuit, & jam pancratice vivit.

#### Obſervatio VII.

*Rogerus Threlſal* tunc temporis vico de *Croſmore*  
habitans, Anno 91. ad me miſit; vultus erat palli-  
dus & macilentus, nec non tabe univerſali macera-  
bat corpus; ſudoribus continuis, & febre lenta labo-  
rabat, nec non tuſſi continua, expuit & ſputum craſ-  
ſum fœtidumque, quandoque ſanguinolentum; in pri-  
mis bolum purgantem ex electuario lenitivo præſcri-  
pſi, & deinde uſum cereviſiæ pectoralis aperitivæ per  
menſis ſpatium inſtitui, nocte qualibet hora ſomni  
cepit gut. aliquot baſam. Peruv. in ſyrup. Baſamico  
Tolutan. & perfecte convaluit.

#### Obſervatio VIII.

Filia natu maxima *Guilielmi Towning* de *Wee-*  
*ron*, Anno 91. tempore vernali ad me acceſſit; vul-  
tus erat pallidus, oculi concavi, nares acutæ, hume-  
ri elati, & inſigni quidem extabefcentia totius cor-  
poris laboravit, febris erat continua, ſitis intolerabi-  
lis, tuſſis continua, aſpera arteria perpetuo titillans,  
parum vel nihil expuens niſi horis matutinis, & tunc  
ſputum craſſum eructavit, appetitus proſtratus erat,  
& urina ſedimento copioſo albo ſaturata; ei infuſum  
de rhabar. in aqua lactis alexiteria præſcripſi, nec  
non pil. pectorales, electuarium cum cortice Peruvia-  
no, ſyrupos pectorales; & ab his ſanitati reſtituta fuit.

#### Obſervatio IX.

*Guilielmus Farington* de *Ormskirk*, pharmacopo-  
la, & in arte quidem iſta huiusce Patriæ decus, pleu-  
ritide correptus erat, cui gravis ſucceſſit catarrhus,  
nycthemeri ſpatio libram unam vel alteram ſputi pel-  
lucidi ſaporis viſcioli martis per tuſſim eructavit; de  
gravitate & mole pectoris continuo conqueſtus eſt,  
indies extabuit corpus & appetitus proſtratus erat, nec  
non calculi ſæpius cruciante paroxyſmo laboravit; in  
conſilio conjunctus cum Medico fideli & prudenti  
Doctore *Grundy*, phlebotomiam repetendam impera-  
vimus, & catharſes lenes repetendas pro re nata, &  
uſum pil. pectoral. apozematis, & mixturæ pectora-  
lis inſtituimus, ab his valetudinem recuperavit, &  
per totam æſtatem magna cum laude artem ſuam exer-  
cuit; tempore hyemali recidivam paſſus eſt, rurfus in  
ſubſidium vocatus, methodum ſimilem præſcripſi, &  
julapia pectoralia ſucco millepedum imprægnata, his  
autem haud cedente morbo ſurſum chalybeatum tem-  
peratum inſtitui; & quia de mole ventriculi conqueſ-  
tus eſt, emeticum ex melle ſcillitico propinandum  
ſuaſi, a quo copioſe evomuit, & ſaburram ingentem  
viſcoſæ phlegmatis eiecit, hinc dolor & moles ven-  
triculi evanuit, & tuſſis parvas inducias dedit, brevi  
autem tempore redeunte calculi paroxyſmo repullulavit  
morbus; hinc ſuaſi ut morbi ſyndromen delinearem,  
eamque celeberrimo *Gibbonſo* communicarem; his  
transactis vir celeberrimus aquas *Spadanenſes* propi-  
nandas ſuaſit, & curſum temperatum chalybeatum:  
nec non *Bochetum* ex ſarſaparilla, pulveres quoque  
cinnabaris antimonii, pil. de ſtryace, liquores ex ce-  
reviſia *Brunſvicensis* cum antiſcorbuticis deſtillatos  
inſtituit, his horis medicis deglutitis, ſpes nova ſa-  
lutis aſfulſit, redeunte autem calculi paroxyſmo rur-  
ſus morbus revireſcebat; hinc æſtate elapſa *Thermas*  
*Sydenham opera Medica.*

*Bateorenſes* adiit, rediit autem cum arundine alteri  
hærenti, expuit jam copioſius & craſſius, & ſaporis  
ingrati, hæctico calore & febre inflammatoria immu-  
nis fatiſ ſuccubuit.

#### Obſervatio X.

Anno 91. *Guilielmus Tate* de *Blackburn* ſicca la-  
borabat tuſſi, qua nihil emolitus eſt, niſi horis ma-  
tutinis, urina erat exigua & coloris cereviſiæ *Brunſ-*  
*vicensis*, lingua ſicca & nigreſcens, ſitis continua,  
extenuatio univerſalis corporis, partes extremæ ad  
molem inſignem tumuere, aſthmate frequenter corre-  
pius erat, & pulmones tanta mole oppreſſi vix *pal-*  
*mæ ad inſtar depreſſæ* reſurgebant, in pectore ſibilus  
perpetuus aures percutit, cui talis raucedo ſuccedit,  
ut vix ſermo perceptibilis, tandem Medico iſto ex-  
pertiffimo Doctore *Grundy* mecum in conſilio conjun-  
cto methodum ſequentem inſtituimus. In primis per  
leves catharſes alvum eſſe ſubducendam, deinde fonta-  
nellam in brachio celebrandam, & ſequentia præparata.

℞. Pulveris millepedum pp. ℥iij. ſpecier. diatreos  
℥iij. gumm. ammon. in aq. lumbricor. ſolut. ℥j. florum  
Benzoin ℥ſſ. conſerv. cynosbat. ℥iv. cum ſ. q. ſirup. Bal-  
ſamic. F. Elect. bis in die cum ſyr. & cereviſia pecto-  
rali aperitiva ſumendum; his adhibitis modicum ſalu-  
tis ſtatim recuperavit, & adhuc muniis ſolitis obitur.

#### Obſervatio XI.

*Georgius Longworth* de *Ecleſton*, Anno 90. me in  
ſubſidium vocavit; vultus erat virido nigreſcens, ap-  
petitus proſtratus, tuſſis continua & ſicca niſi horis  
matutinis, quo tempore phlegma lividum viſcoſum  
emolitus eſt; his ſucceſſit extenuatio corporis, partes  
extremæ tumuere, torminibus inteſtinorum inducias  
vix ferentibus cruciatus eſt, urina coloris fuit nigre-  
ſcentis, & hic revera ab omnibus adſtantibus concla-  
matus; morbum phthiſin ſcorbuticam judicavi, & me-  
thodum ſequentem inſtitui, leves catharſes imperavi,  
deinde electuaria chalibeata horis medicis cum cere-  
viſia pectorali aperitiva ſumenda, & perfecte conva-  
luit.

~~~~~

D E

P H T H I S I

In Particulari.

C A P U T I.

De Phthiſi ab Hæmoptyſi.

Obſervatio I.

VIr inſigniſſimus *Petrus Bold* de *Bold*, Armiger,
a celeberrimo nec minus antiquo *Stemma* oriun-
dus, & animi nobilitate inter eos illius ætatis faci-
le primus, Anno 92. ætatis 35. in gravem hæmopty-
ſin incidit; mecum inſigni Doctore *Grundy* in auxi-
lium vocato, phlebotomiam repetendam inculcavi-
mus, nec non hauſtus ſuccorum hederæ terreſtris,
plantaginis, becabungæ, & aliorum ejuſmodi proſa-
piæ julapiis refrigerantibus ſumendos inſtituimus: ab
his ſedato fermento ſanguinis, ad vaſa diſrupta con-
ſolidanda, vel ſaltem hiantia conſtringenda, baſa-
mica reſtringentia præſcripſerimus, ex *Baſamo* ſcili-
cet *Tolutano*, gumm. *Arabic*, & id genus aliis,
poſtea ad præcavendam putredinem a ſanguine pul-
monibus extravafato, decocta pectoralia baſamica de-
terſiva, nec non linctus, pilulas pectorales, & me-
dicamenta talis proſapiæ formis diverſis inſtituimus;
his debito adhibitis ceſſavit hæmoptyſis, & tuſſis,
& revera ſanitati reſtitutus erat; ad recidivam au-
tem præcavendam ingurgitationem acidularum & cur-
ſum chalibeatum temperatum inſtituimus, & evacua-
tiones

tiones per *Epicriſin* diebus intermediis intercalandas. At proh dolor! vir celeberrimus indole animi dulciſſima præditus, ut teſſeram hoſpitalem haud confringeret, liquores ſpirituosos nimis copioſe ingurgitavit, & brevi poſtea catarrho correptus fuit, tuſſis fuit ſicca & clangoſa; horis autem matutinis phlegma viſcoſum ſubſlavum ex glandulis per excreationes, & pulmonibus per tuſſim eructavit, indies emaciavit, appetitus deſectus erat, urina magna ex parte ſuppreſſa, & ſibilus continuus in pectore aures percutit; hinc pectoralia baſamica dererſiva, liquores antiſcorbuticos, mixturas ſucco & infuſione millepedum imprægnatas inſtituimus, his autem haud ceſſit morbus; verſus autem hec ticum calorem indies vergebat, ad hunc ſupprimendum corticem Peruvianum medicamentum *Herculeum* judicavimus, illius autem uſu tunc temporis hæc in regione vix lanuginem adepto, inculcavimus morbi ſyndromen delineandam, & quibuſdam Collegii Regalis Londinenſium communicandam, hinc viri celeberrimi Doctores Rateliſſ, & Gibbons in ſubſidium vocari ſunt, & doctiſſimus Dr. Gibbons methodum ex cortice Peruviano, & lacte aſinino inſtituit; his debito adhibitis morbus inducias paſſus eſt, brevi autem repullulavit virus, hinc ſputum craſſius & copioſius, febris adauctior, diarrhœa immanior, dolor terebrans fauces continuo infeſtavit, tumere pedes, rubor fixus genas utraſque occupavit, quo tempore omnibus ſibi cognitis lacrymas vi nulla coerendas effundentibus, quaſi in tot *Niobes* converſis, fato irrefiſtibili e medio tollitur,

Observatio II.

Dominus *Fletcher* de *Cartmell* Mercator, vir ingenio peracri, & totus negotiis deditus, Anno 89, in gravem hæmoptiſin incidit, nycthemeri ſpatio librarum aliquot purpureæ maſſæ diſpendium paſſus eſt, nec loqui potuit quin ore pleno ſanguinem eructavit. In auxilium vocatus, ſtatim phlebotomiam celebrandam inſtitui, ſanguis & eductus fuit tantopere ſpumofus, haud adhuc ſimilem vidi. Ingurgitationem julapiorum refrigerantium, & ſuccorum inſtitui; ſedato fermento ſanguinis, decocta pectoralia pro potu communi inſtitui, & ad catarrhum ſiſtendum pilulas ſequentes.

℞. *Succi hederæ terreſtris per inſolationem depurat.* ℞j. *florum ſarfare ſiccat. ſummitat.* hyſſop. ſalvia, pulgii aa. Mj. ſem. aniſi, carui, fœniculi dulc. contuſ. aa. ℞ſſ. diſtillantur in B. M. ad medietatem, deinde F. colatura; quæ diſtilletur ad conſiſtentiam pilular. addendo ſucci glycyrrhiz. ℞ſſ. pulv. radic. enulæ campan. flor. ſulph. aa. ℞iij. flor. Benzoin. ℞j. Baſam. Peruv. ℞ſſ. tinctura ſulph. ℞iij. *Ladani Pariſat.* ℞ij. M. F. maſſa formetur in pilulas exiguas, & ſumat iij. hora ſomni; & primo mane cereviſiam pariter pectoralem antiſcorbuticam præſcripſi, cui folia linguæ cervinæ addenda curavi; hac methodo perfecte convaluit per aliquot annos, & per plures annos pro potu communi lac cum aqua commixtum ſolummodo ſumpſit: tribus annis elapſis recidivam paſſus eſt. Rurſus in auxilium vocatus Phlebotomia celebrata ſequentia præſcripſi.

℞. *Conſerva Roſar. rubrar. cynosbat.* aa. ℞iij. pulv. ſantal. omnium aa. ℞ſſ. coral. rubri pp. ℞i. croci martis rubicundiffimi ℞ii. ſal. prunel. ℞iv. cum ſ. q. ſirup. e coral. F. Elec. hora ſomni & primo mane ſumend. ad quantitatem nucis myſtiſtic. ſuperbibendo hauſtum julapii ſequentis.

℞. *Aq. lactis pectoralis Batean.* ℞i. portulac. ſpermatis ranar. aa. ℞iv. ſirup. e ſucc. hederæ terreſtris ℞ii. ſal. prunel. ℞i. M. F. julapium; pro potu communi decocta pectoralia inſtitui, & hora ſomni gut. aliquot Baſam. Peruv. e cochlear. ſirup. Baſamic. Tolutan. quoties recidivam paſſus eſt hac methodo uſus eſt, & nullo negotio ſanitatem recuperavit. Anno elapſo repullulavit virus, quo tempore me in agrum Eboracenſem accerſito, vir præclarus ad medicamenta veterina quaſi valentiſſima auxilia confugit; tunc temporis autem phlebotomia manu liberali celebrata fermentum ſanguinis haud ſedari potuit, hinc cortic. Peruvianum doſi prælargæ exhibendum curavi; hoc debito adhibito morbus inducias paſſus eſt, & de magna conſtrictione pectoris jam conquieſtus eſt, & ſputum craſſum copioſum

eructavit; hinc pil. pectorales deterſivas, julapia pectoralia & ſyrupos præſcripſi, & leves catharſes repetendas inſtitui; vires autem & carnes in dies labefactabant, tandem Kenſington adiit, quo loco poſt lunarum aliquot circuitus fatis ſuccubuit.

Observatio III.

Ricardus Tinkler de *Poulton* hoſpes, cum diu gravi hæmoptyſi laboraſſet, gravi catarrho magnopere emaciatus erat, appetitus proſtratus, & revera una voce pronunciarunt omnes ei nulla veſtigia retrorſum. In auxilium vocatus, phlebotomiam repetendam inculcavi, die ſequenti levem potionem exhibendam curavi, & poſtea remedia ſequentia.

℞. *Conſerv. Cynosbat. ℞iv. ſal. martis, Baſam. Peruv. aa. ℞i. ſpecier. diatrion. ſantal. aa. ℞iſſ. cum ſ. q. ſirup. Baſamic. Tolutan. F. Elec. ex hoc ſumpſit bis in die cum ſyrupis & decoctis pectoralibus, poſtea per 14. dierum ſpatium acidulas Larbricenses copioſe ingurgitavit, perfecte convaluit, & jam pancreaticæ valet. Methodo ſimili Henric. Stirrup. Servus Vdvardi Hyde Apmigeri, poſt diſpendium librarum aliquot Sanguinis ad integram ſanitatem rediit.*

Domina perilluſtris Domin. *Marsſdee* de *Frekleton* ex menſium ſuppreſſione toties hæmoptyſes paſſa eſt, poſt potiones lenitivas purgantes per electuaria chalybeata, & infuſiones amaras chalybeatas nullo negotio ad ſanitatem rediit.

P H T H I S I S

Ex Vomitu Sanguinis.

Observatio I.

INſignis Domina Domin. *Farington* de *Shavu-Halle*, conſors *Georgii Farington* armigeri, Anno 91, æſtivo tempore per vomitum tantum ſanguinis diſpendium paſſa eſt, vix fuit inter vivos habenda, algore univerſali correpta fuit, ſudoribus algidis, pulſus & reſpiratio vix perceptibiles, vox deficit, & ab omnibus conclamata fuit. In ſubſidium vocatus, ſequentia præſcripſi.

℞. *Cortic. Peruv. ℞i. coral. rubri, hamatit. croc. martis reſtringet. aa. ℞j. confet. Hyacinth. ℞ij. conſerv. cynosbat. ℞iv. cum ſ. q. ſirup. Baſamic. Tolutan. F. Electuarium horis medicis Julapio ſequenti ſumend.*

℞. *Aq. ſpermatis ranar. Cinnamom. hordeat. tenuioris aa. ℞iij. boli armen. ℞j. ſirup. coral. ℞iſſ. F. Julapium.*

His quarta vice doſi debita deglutitis, redire vox, reſpiratio & pulſus; & de dolore terebranti pulſatili ventriculi conqueſta eſt. Dom. *Worthington* de *Wigan* Chirurgus expertus apoſtema ventriculo pronunciat, ei autem ſententiæ mecum Dr. *Grundi* reclamavit, quapropter ut methodo præſcripta inſiſteret inculcavimus, diebus aliquot elapſis clyſmata injicienda curavimus, & ingentem maſſam ſanguinis inſtar picis nigreſcentis per ſedes ejecit, remediis ſumptis, & ſemel repetitis, leves catharſes inſtituimus, decocta baſamica, & cereviſias pectorales, ab his ad ſanitatē rediit, niſi quod vicibus quibuſdam de phlegmate viſcoſo bronchiis pulmonum adhærente conqueritur, levi autem conatu cum pectoralibus baſamicis deterſivis evaneſcit.

Phthiſis ab Hæmorrhagia uterina.

Observatio I.

DOMina *Tovvning* de *Weeton*, uxor *Guilielmi Tovvning*, cum per plures menſes hac laboraſſet, a magno diſpendio ſanguinis frequentes lypothymias & quandoque paroxyſmos hyſtericos patitur; ad fermentum ſedandum ſanguinis, electuarium cum cortice Peruviano pro baſi præſcripſi. Antidoti autem vires morbo impares fuere; quapropter electuarium ſequentis

(cujus

(cujus vires in eodem casu in domina Sudel de Preston expertus fueram) statim præscripsi.

℞. Corall. rubri pulverizat. succini flav. boli Armen. sanguinis draconis aa. ℥ij. sem. plantaginis, virtioli martis, croci martis restringentis aa. ℥j. cum s. q. conserva de cynosbat. & syrup. de ros. siccis F. El. horis medicis Julapio sequent. sumend.

℞. Aq. melissæ, lactis alexiteriæ, cinnamom. hordeat. aa. ℥ij. confec. hyacinth. ℥j. syrup. myrtini ℥j. M. F. Julapium.

His debito sumptis fluxus cessavit sanguinis, & ipsa gradu lento indies vires recuperavit, vere sequenti de doloribus continuis versatilibus conquesta est, flatibus admodum molestis, appetitu prostrato, calore & frigore sæpius in die alternatim recurrentibus, nec non de continua siti, & revera perfectè strigosa fuit, ossibus scilicet nil nisi cute pendula adhærente. Hinc sequentia præscripsi.

℞. Pulveris Arm. compos. ℥vi. florum sal. armon. ℥ss. anima martis Vigan. ℥j. conserv. cynosbat. cochlearia aa. ℥i℥. lujula ℥ss. cum s. q. syrup. de cortic. citri F. Elect. horis medicis cum julapio sequent. sumend.

℞. Aq. lactis pectoralis ℔j. limac. magistral. genian. compos. aa. ℥i℥. lumbricor. ℥j. sacchar. perlat. q. s. F. julapium, in dos. qualibet instillat. gutt. 7. spiritus sal. armoniaci succinati.

His cum regimine deglutitis, & levi catharsi cum cerevisia aperitiva antiscorbutica semel septimana repetita, integre convaleuit, & onus jam Lucina gerit.

Phthisis ab Impetigine.

Observatio I.

Quantum Græcorum & Arabum impetigines inter se discrepant, mihi brevitati student, morbumque descripturo Meridiano, uti loqui amant Mathematici, calculatum, a meta proposita alienum foret. In summa tamen hoc dici potest, hic morbus medicamentis vulgaribus raro cedit, & priusquam pulmones illius veneno conspurcantur, post salivationem repetitam morbum repullulasse novi. In hoc morbo symptomata præ cæteris vulgaria ad sequentia reduci possunt. Rubris, duris tuberculis vultus atque corporis partes defædantur, his maturitatem adeptis squamæ fursuracæ ab iis decidunt, tussis molesta, tempore præsertim vespertino, corripitur æger, parum vel nihil expectorans, nisi copiam satis amplam sputi pellucidi, frigore continuo horis antemeridianis convellitur; huic calor & sitis succedunt, adeoque inter duo extrema breves tantum dantur induciæ. Dolores pungentes tantopere fauces infestant, ut vix loqui vel deglutire valeat æger. Appetitus totaliter prosternitur. In hoc morbo, cum statum confirmatum attingit æger, sputum est copiosum, crassum, fætidum, cærulei, quandoque rufi coloris. In veneno quodam fomes morbi consistere videtur, quale autem sit parum scio; conjecturam tamen proponere liceat verosimile mihi videtur in hoc morbo particulis salinis acidis luxuriare sanguinem, & genus nervosum, quæ cum particulis sulphureis massa sanguinis eliminantur, adeoque more sublimati cujusdam cuticulæ adhærent, sicut in tentamine sequenti conspiciere fas est; sume aceti acerrimi q. v. super lentum ignem impone organo quodam communi, vas linteo raro cooperies, particulæ sulphuræ metallicæ una cum fumis accipientibus sublimabunt, & operculo forma sicca albescente adhærent, squamis impetiginosis parum discrepantes. His accedunt rationes sequentes, istis cælorum plagis hic morbus præcipue grassatur, quibus particulis atmosphæra constipatur salsis, scilicet paludosis, & summa hujus morbi antidotus carne viperina consistit, cujus præcipua virtus acido infringendo constat, methodus medendi nititur cathartici, acidulis viperarum & millepedum præparationibus, cerevisiis antiscorbuticis mitioribus, antiveneis, nec non pectoralibus balsamicis. Historias plu-

res recitarem, at in hoc casu nomina affigere forsitan ingratum foret.

Phthisis a Rheumatismo Scorbutico.

Observatio I.

Inter personas provectioris ætatis prope fluvios salios habitantes hic morbus vernaculus appellari potest. E quorum numero Dominus Ashton de Lea prope Preston, Anno 92. me in auxilium vocavit, tunc temporis præter atrophiam universalem arenulis quoque propemodum confectus erat, per totum diem cruciatu immunis mansit, toro autem haud citius se commisit, quin Hydra nova reviresceret; insomnis per totam noctem frequenter decubuit, quandoque eo usque furoris morbus advectus est, circa mediam noctem, lecto quasi tauro Phalaridis aufugit, & levaminis causa per horam unam vel alteram cathedra prope ignem se apposuit, appetitus prostratus erat, & vix nosocomium Skeleton quoddam magis visui objiceret. Calore & siti immunis fuit, nec ulla tussi afflictus fuit. In primis potionem sequentem præscripsi.

℞. Decocti sennæ Gereonis ℥ij. syrup. de spina cervin. ℥j. diacnicu ℥ss. crem. tartari ℥ss. aq. lumbricor. ℥ii. M. F. P. cum regimine sumend.

℞. Pulveris Ar. comp. ℥vj. florum sal. armon. ℥ss. anima mortis Vigan. ℥j. extracti trifolii fibrini ℥ii. conserv. cochlearia, flavedinis aurantior. aa. ℥ij. cum s. q. syrup. e cortic. citri F. Elect. horis medicis julapio sequenti sumen.

℞. Aq. lactis alexiteriæ ℔j. gentian. compos. ℥ij. limac. magistral. ℥ij. lumbricor. ℥j. succ. express. milleped. N. 500. sacchar. perlat. q. s. F. julapium.

His deglutitis cerevisiam antiscorbuticam aperitivam institui, æstivo tempore acidulas Larbricensis ingurgitavit, & sanus evasit. Vere sequenti repellavit virus, methodum similem præscripsi, altius autem veneno tincto systemate nervoso, conatus omnis irritus fuit; hinc post summos cruciatus, pedes, tibie, & femora tumuere, quapropter mortem adstantem pronunciaui; hinc vir probus, tunc temporis populari Empirico oppido Prestonensi suo more medicinam facitanti (columnis scilicet oppidanis schedulis suis obiectis) panacæis theatri se commisit. Medicafter circumforaneus etiam si Atrophiam in summo gradu adstantem conspiceret, nec morbum nec vocis quidem etymologiam cognovit, quin certam ac subitanam medelam promisit, at brevi tempore fraus fallentis detecta fuit, post mensem etenim unum vel alterum fatis succubuit.

Observatio II.

Illustrissima Domina Domina Fleetwood de Penwortham, cum cachexia scorbutica diu laborasset, totam propemodum antiscorbuticorum encyclopediam tentasset, parum autem levaminis recepit. Thermas Bathonienses adiit, conatus autem omnis adhuc irritus erat, eandem suam viri celeberrimi Doctoris Baynard. Coll. Regal. Londinens. loci, tunc temporis herculeo successu, & summo ingenii cum acumine agro Lancastriensi artem Apollineam facitantis, acidulas Eboracenses adiit, has copiose per mensis spatium ingurgitabat, & sæpius septimana balneo isto frigido, Saint Mungus caractere insignito, se lavabat. Hinc dolores rheumatici & calor hæcticus penitus debellati sunt, & per plures annos valetudini restituta fuit. Anno 90. recidivam passa est; rursus acidulas ingurgitavit, & morbus inducias passus est; vere autem repullavit virus, & jam particulis salinis saturato sanguine, indies vires labefactabant; tanta anorexia correpta fuit, ut a cibi usu vomitus in immanes incideret, & frequenter bilis æruginosæ copiam immensam eructaret, remediis quamplurimis incassum tentatis, indies sitis & calor hæcticus eam affligebant, expuit phlegma viscosum cinereum, & quandoque æruginosum, asthmate postea correpta fuit,

fuit, hinc ſanguinis uncias aliquot a brachio ſumendas ſuaſi; ſanguis eductus craſſa pellicula glutine tenaciore obtectus erat, hinc alcalicis, volatilibus, pectoralibus, deterſivis, & antiſcorbuticis cujuſcunque generis incaſum tentatis, rediit aſthmatis paroxyſmus, aſtonia correpta fuit, & ſupremam clauſit diem; hoc notavi, poſt dominæ celeberrimæ ab *acidulis & balneis frigidis* per totum morbi decurſum ſolummodo quid levaminis acceſſit.

Phthiſis a Rachitide.

Obſervatio I.

IN hoc morbo tantopere vultus albeſcit, quod nive propemodum candidior infans, adeoque muſculi flacceſcunt, veſtimenti ad inſtar penduli cutis circumambit corpus, crura & pedes tantopere vacillant, corpori ſuſtentando inepta evadunt, durities planæ & amplæ abdomine frequenter interſperſæ, quæ idiomate vernaculo *Liver cake* audiunt; tuffi corripitur æger, & quandoque diarrhœa. Febri lenta, & ſiti continua. In *medulla ſpinali* mihi fomitem morbi conſiſtere videtur, in hac quibuſdam illecebris ſpiritus animales irreti, influxu debito ſpirituum privantur nervi ab ea ramificantes; hinc nervi & fibrillæ muſculares pabulo diurno orbatæ flacceſcunt, & conſequenter emaciat corpus; & incurvantur oſſa: in hac etenim tenella ætate, quod membra ſint firma & recta, neceſſe eſt muſculos membra circumambientes eſſe ſpiritu irriguos, aliter ex inæquali nutritione neceſſe eſt partes a ſitu naturali declinent; ſimiliter ad erectionem iſtius floris *Heliotropium* dicti *radii ſolares* requiruntur, quod detracto lumine ſolari vultu torvo & pendente terram deſpicit. Propter ſpiritus nimis parce fluentes albeſcit vultus, emaciat corpus, vacillant pedes, aceſcit ſanguis, hinc tuffis, febris lenta, & quandoque diarrhœa, humores viſcoſi intra fibrillas muſculares extravasati, durities prædictas conſtituere videntur. In infantibus methodus medendi conſtat ex linimentis nervinis, medicamentis volatilibus, ſpecificis, inter quæ prima jure *ens Veneris* & radix *Oſmundæ regalis* recenſeri debent. In adultioribus methodus medendi conſtat ex medicamentis chalybeatibus, decoctis & cereviſiis aperitivis, aquis mineralibus *acidulis, balneis frigidis*, & id genus aliis. Methodo priori infantes virorum illuſtrium *Ambroſe Pudſay de Bolton Hale*, agro *Eboracenſi* Armigeri, & *Johannis Franc de Preſton* convaluere, poſteriori methodo ab ipſis orci faucibus *Edmundus Forde*, filius natu maximus *Lancelotti Forde de Kendale*, ſanitati reſtitutus fuit.

Phthiſis a fluore albo.

INtemperiem ſalinam ſanguine mutato, lentorum colluvie luxurians purpurea maſſa, hinc viſcoſa ſaburra ventriculis infarcitur, quapropter nec edulia aſſumpta recte concoquit, nec male concocta ſanguis aſſimilat; hinc ſit quod magna chyli portio albo fluore præcipitatur, portiones aliæ intra pulmones ſubſidunt, hinc tuffi corripitur æger, & ſputum falſum viſcoſum album copia prægnandi eructat. Intumeſcunt frequenter pedes; quod ſymptoma ab eodem falſedine ſanguinis deduci poteſt. Lenta febris glifcit indies ex ſalino fermento ſicut mihi videtur orta. Eruptiones miliæres per cutim univerſam frequenter interſperſæ ſunt, & lumbago doloroſa ſummopere torquet, albeſcit vultus, & caro indies intabefcit, quæ ſymptomata per cauſam allatam facile explicari poſſunt. Methodus medendi conſtat in primis viis detergendis, maſſa ſanguinea invigoranda, & partibus continuo humorum fluxu totum amiſſis, conſtringendis. Remedia huc collimantia, ſunt emetica ſcillitica, cathartica, aperitiva, chalybeata, & baſamica parum aſtringentia. Ab his Sereniſſimæ quædam Dominæ oppido

de *Preſton & Kendale* ſanitatem integram recuperare.

Phthiſis a Chloroſi.

FOEminis quibuſcunque bene ſe habentibus a natura inſit fermentum quoddam internum a pubertate finita ad ſenectutis uſque lanuginem; hujus gratia per quemlibet lunæ decurſum ſolemnes ſuas evacuationes habent, ex quibus ſuppreſſis pleuritidem, peripneumoniam, rheumatismum, & phthiſin haud ſemel pullulaſſe notavi. Ab æſtuant quodam animi deſiderio, & vitiato ventriculi fermento hæ ſæpiſſime ſuppreſſiones contingunt, qualis autem proſapia fermentum ſit menſtruale haud magis forſan a priori explicari poteſt, quam fluxus & refluxus Oceani *Cynthia* motum quaſi tot *ſatellites* obſervantes. At ne altum ſilentium proſiteamur, liceat conjecturam proponere; Chloroſin grave quoddam animi deſiderium conſequi, amorem ſcilicet, vel mæſtitiā, omnibus in propatulo eſt, nec non appetitum diætæ cujuſlibet obſcœnæ, cretæ ſcilicet, calcis, carbonum & id genus aliorum; Sanguinem in hoc morbo detractum ſemper glutinoſum inveni, & ventriculum viſcoſa ſaburra repletum, ex quibus opinari liceat, ex pathemate quodam graviore ſpiritibus nimium oppreſſis, vel circa quendam appetitum æſtuantem copia nimis prægrandi abſumptis, penū ſpirituum diurno privatur maſſa ſanguinis, ex quo ſit quod particulæ ſanguinis tenaciores tardius motæ arctius cohærent & viſcoſæ ſiunt, ſicut in tentamine ſequenti videre eſt.

24. Aq. & glutinis, q. v. vafe quodam ſuper ignem imponere, dum particulis igneis partes aquoſæ circumagitantur, officiunt quo minus particulæ tenaces cohæreant, & liquidæ manent, amoto autem igne, ſtatim viſcoſæ ſiunt; pari forſan modo dum particulæ ſeroſæ & ſegnes in maſſa ſanguinis, vi ſpirituum circumagitantur, ſerum ſanguinis manet liquidum & lentioribus immune, æſtro autem amoto, ſpiritibus ſcilicet pathemate quodam nimium oppreſſis vel appetitu quodam nimium abſumptis, particulæ ſegnes tardius movent, adeoque ſtrictius cohærent & viſcoſæ ſiunt. Huic ſententiæ ſuffragatur clariffimi *Sylvii* auctoritas pag. 304. a mœrore autem ſolent humores reddi glutinoſi ac viſcoſi, maxime in tenui inteſtino, & quidem propter ſuccum pancreaticum idcirco factum aſtutiorē; modus revera quo ſucci glandulares a quodam pathemate vehemente aceſcunt haud aliter icnographiam admittit, quantum ego conjectando valeo, quam liquores fermentiſcibiles ab icu fulminis aceſcentes. Methodus medendi ſumitur a vomitoriis, catharticis amaris detergentibus, volatilibus, martiatis, & aquis *acidulis naturalibus & artificialibus*, hiftorias pene infinitas recitarem; at brevitati ſtudent has omitto.

Phthiſis Chyloſa.

Obſervatio.

Poſt febres cujuſcunque generis inter infantes præcipue hic morbus contingit, quapropter verofiſmile videtur conflictu febrili ſpirituum penus ſummo pere abſumitur, hinc in ſalinam dyſcraſiam degenerat maſſa ſanguinis, & verofiſmile pars ſeroſa ſanguinis per ſalia coagulatur, adeoque lentoribus glandulæ meſenterii infarciuntur, quapropter in inteſtina regurgitat chylus, & ſi lactææ totaliter obſtruuntur, emarceſcit corpus, intumeſcit abdomen, albeſcunt fæces, & gravi tuffi laborat patiens; quandoque lactææ totaliter haud oppilantur, & hinc fæces haud albeſcunt, intumeſcit tamen abdomen, & emaciat corpus propter lactæas quaſquam oppilatas; hoc ſymptoma frequenter notavi. Phthiſis hujusmodi lento procedit gradu, tractu tamen temporis, glandulæ infarctæ meſenterii ſtrumofæ ſiunt, & quandoque glandulæ pulmonares, & in iſto ſtadio conclamatum eſt. Methodus medendi quæ mihi præ cæteris arridet, & quæ ſpem raro aut

aut nunquam abludit, modo ſit in principio vel augmento morbi, ſumitur a chatarticiſ aperitivis, inter quæ *Elixir Salutis* cæteris palmam præripit, diebus intermediis pilulas ex *trifolio ſibrino*, *gum. ammoniac*, & *anima martis*, inſtituo, nec non in adultis *Electuaria Chalybeata*, & *cereviſias pectorales* aperitivas, *ens veneris* & *radix ofmunda* regaliſ egregii ſunt uſus, & ubi vermium ſuſpicio, *æthiops mineralis*, abdomen ſæpius in die linimentis emollientibus & aperitivis illiniendum inculco, & geſtare Sylvii Emplaſtrum carminans, opio omiſſo. Hac metho- do, filia natu maxima Domini *Smith* de *Stalming Grange*, & fœmina quedam prope *Whittle-hill* habitans, ſanitati reſtitutæ fuere. Plures recitarem; ad umbilicum autem jam ducere incumbit.

Hic eſt finis Phthiſiologiæ Lancaſtriænſis; redeamus jam ad ea quæ reſtant de Clariffimi Thomæ Sydenham Proceſſibus integris, &c.

§§§§§ §§§§§ §§§§§ §§§§§ §§§§§ §§§§§ §§§§§ §§§§§ §§§§§

THOMÆ SYDENHAM

DE PODAGRA.

EXeunte Januario aut incipiente Februario ingruit hora fere ſecunda matutina, dolore pollicem pedis ut plurimum occupante, quandoque vero calcaneum, furam, aut talum; mox ſequitur rigor cum horrore & febricitatione aliquali, dolor gradatim intenditur, (de pari paſſu rigor atque horror recedunt) idque in ſingulas horas, donec tandem ſub noctem ad apicem pervenerit, nunc tensionem violentam, nunc morſum canis rodentis, quandoque preſſuram, & coarctationem exprimens, hinc præ exquisito dolore, nec linteorum ſuperincumbentium pondus, nec cubiculi a fortiori ambulatione concuſſionem ferre podagricus valeat; dolor non ſedatur, niſi ante horam ſecundam, tertiamve matutinam (decurſo ſcilicet nycthemeri ſpatio a primo appuſſu) & jam leni madore perſuſus æger ſomno concedit, a quo evigilans, dolore multum imminuto, partem affectam tumore recenter occupatam cernit. Sequenti die, forte etiam ad biduum, triduumve dolet nonnihil pars affecta, idque vehementius adveſperascente die, levatur autem ſub galli cantu. Intra paucos dies alter pes eodem dolore torquetur. Poſtquam utrumque pedem exercuerit dolor, qui ſequuntur paroxyſmi enormes ſunt, tum quoad tempus invaſionis, tum ob durationem, atque ex ſerie horum paroxyſmolorum, conſtat paroxyſmus, qui dicitur podagræ diuturnior breviorve, pro ægri ætate in iis qui vegetiores ſunt & quos podagra rarius invaſit, diebus ſæpe quatuordecim, in ſenioribus, atque iis quos ſæpius afflixit, duobus menſibus fere deſinit; iis vero, qui vel annis, vel diuturniore morbi mora fracti ſunt, non prius valedicit, quam æſtas jam adultior eam fugaverit.

Ad quatuordecim primos dies urina coloratior eſt, cum ſedimento rubro, & quaſi arenulis reſerto, alvus fere conſtipata eſt, *Appetitus* proſtratio, rigor totius corporis ſub veſperam integrum paroxyſmum comitantur, recedentem paroxyſmum excipit pedis affecti inter digitos pruritus vix ferendus; unde decidunt furfures, & pedes deſquamantur.

Haſtenus dolor pedibus tantum fuerit infeſtus; cum vero vel ab indebita medicatione turbatur podagra, vel ob diuturnam morbi pertinaciam corporis ſubſtantia quaſi in morbi fomitem pervertitur; jam manus, carpos, cubitos, genua, aliasque regiones occupat, quandoque unum, plureſve digitos diſtorquens, faſciculo radicum paſtinacæ ſimiles eos reddit, motu paulatim privans, tandemque concreſcentes, circa articulorum ligamenta, tophaceos generans, cretam vel oculos cancrorum æmulantes, nonnunquam in cubitis tumorem ſubalbum ciet, fere ad ovi magnitudinem, qui ſenſim inflammatur cum rubore, nonnunquam femur occupans, ſenſum exhibet, quaſi ingentis ponderis appenſi, ſine dolore tamen notabili, at genu exinde petens, id acrius urget, artus jam habet æger fere undequaque contractos, & impeditos,

ita ut claudicer, & permoleſte prorepit. Urina illam colore imitatur, quæ in diabete excernitur, dorſum, aliasque partes moleſte pruriunt, maxime ſub horam ſomni.

Poſt multos, diroſque cruciatus paroxyſmi ſubſequentes (natura partim onere materiæ peccantis, partim ſenio oppreſſa) ægrum quoad dolorem clementius tractant, at loco doloris conſueti, ægritudo quædam cum dolore ventris, laſſitudo ſpontanea, quandoque etiam propenſio ad diarrhœam ſuperveniunt, quæ ſymptomata evaneſcunt, quoties articulos dolor fatigat, atque ita nunc dolore, nunc ægritudine, quaſi alternatim laceſſentibus, paroxyſmus longas moras neſcit.

Calculus renum in quamplurimis parit hic effectus.

Fœminas perraro infeſtat, eaſque, non niſi jam vetulas, & viragines, pueros quoque, & juvenibus minores vix adoriuntur.

Indicatio curativa in eo vertitur, ut coctioni conſulatur, indigeſtionibus ſublatis, ſeu ſit per pharmaca, ſeu victus rationem, ſeu exercitationem, ſeu alia ex iſtis qualibet, quæ ſex res non naturales indigentur.

Venæ ſectio, cathariſis, ac diaphoreſis ſcopum non attingent, licet iis qui *Renum* ſimul *Calculo*, & exinde orto *Milſu Sanguineo* laborant, non abs re eſſit ſemel in ſeptimana, alvum *Manna* ſubducere, & ſingulis noctibus, poſt purgationem paregoricum exhibere.

Medicamenta, quæ prædictæ indicationi ſatisfaciunt, ea ſunt, quæ moderate calent, & vel amaricant, vel linguam leniter feriunt, talia ſunt, *Rad. Angelic. enule*, *fol. Abſinth. cent. min. chamædr. chamæp. &c.* quibus addi poſſunt *Antiſcorbutica* dicta, ut, *Rad. raph. ruſtic. fol. Coch. hort. naſturt. Aq. &c.* quæ tamen parcius uſurpanda veniunt, quia morbi fomiti aculeos ſubdunt, & calorem augent, præ iſtis aliis, quæ miti calore, atque amaritudine, ventriculum corroborant. Haud inutile eſt *Electuar.* ſequens.

℞. Conſerv. Coch. hort. unc. iſſ. Abſinth. rom. flav. Aurant. an. unc. j. Angel. condit. nuc. moſchat. cond. an. unc. ſſ. Theriac. Androm. ſiij. Pulv. art. comp. ſiij. cum ſ. q. Syr. Aurant. f. Elect. de quo ſumat. ſiij. his in die ſuperbibendo ſeq. Aq. diſtillat. Coch. v. vel vi.

℞. Rad. raphan. ruſtic. incif. unc. iij. Coch. hort. M. xij. naſturt. Aq. becabung. ſalv. menth. an. M. iv. cort. aurant. No. vi. nuc. moſch. cond. No. ii. cerv. Brunſvicienſ. ſſxii. deſtillentur organis communibus, donec ſolummodo ſſvi. aquæ eliciantur pro uſu.

Hæc autem remedia *digeſtiva*, conſtanter, atque omni adhibita diligentia, aſſidue uſurpanda, & in *Paroxyſmorum* intervallis præcipue in uſum revocanda ſunt.

Mediocritas ea in cibo obſervanda eſt, ut neque plus alimenti ingeratur, quam ventriculus concoquere valeat, neque e contra nimia abſtinentia, partes ea proportionem alimenti defraudentur, quæ earundem robur & vigorem ſuſtinere potis eſt. Quoad qualitatem autem ciborum, ægri palato conſulendum eſt, & unica ciborum ſpecie ſingulis paſſibus veſcatur, de cæteris, dempta carne, pro libitu comedat, modo nec acria, nec ſale condita ſint, nec aromatis. Prandere tantum expedit, loco autem cœnæ indulgeat ſibi hauſtum cereviſiæ alicujus tenuioris, quo calculi concreſcitio impediatur.

Liquores optimi ſunt, qui neque ad vini generoſitatem aſcendant, nec ad aquæ debilitatem, ne frigore ſuo lædant ventriculum, deprimuntur. Hujusmodi eſt *Cereviſia tenuis Londinenſis*, aut multa aqua cum paucis vino permixta; aqua autem pura & cruda periculosa eſt; cum autem univerſa fere corporis ſubſtantia in podagram degeneraverit, a liquore quocunque fermento quantumvis levi, & tenui abſtineat, & utatur *Decoſto Diætetico ex Sarſa*, in *remediorum formalis deſcripto*, ubi primum a paroxyſmo convaluerit, per reliquum vitæ curſum.

Sin autem æger a longo, & nimio liquorum inebriantium uſu, vel ab ætate proveſtior, vel denique præ nimia debilitate, cibos abſque vino nequeat concoquere, in paſſibus hauſtum vi Hiſpanici ſibi indulgeat, *Apozema Diætetico* abdicans.

ADMONITIO.

Ne quid desit eorum omnium, quæ super Constitutionibus Epidemicis hætenus in Ephemeridibus Germanicis & alibi vulgata sunt, hic, quamvis extra ordinem, adjiciemus, tum ea quæ in hoc argumento, de annis 1697. & 1698. fuere scripta, quæque a nobis proprio loco omissa sunt, tum alia omnia, quæ ab anno 1701. ad annum usque 1717. in variis Germaniæ locis fuere observata, quæque ad manus nostras non prius pervenerunt, quam opus nostrum ad finem prope deductum esset.

HISTORIA EPIDEMICA GERMANIÆ.

Constitutio Epidemica Augustana An. 1697.

DN. D. LUCÆ SCHROECKII,

Academ. Cæsar. Leopold. Naturæ Curiosorum
Præsidis.

Quam Morbona Anno elapso ad finem vergente quietem Medicis Augustanis concesserat, multam hoc quoque continuaverat, ita ut licet morbi aliqui epidemice Urbem infestarent, raro tamen multos invadere deprehenderentur. Morbilli in primis & variolæ tum benigniores, tum confluentes, gravibusque symptomatibus stipatæ, puerilem æque ac juvenilem ætatem invadebant, & cladem iisdem inferebant. Dn. G. mercatoris filiulus novem annorum, cum variolas feliciter superasset, paulo post mense April. in tres etiam sorores fratremque octo annos natum contagium derivaverat; inter quas sororcula triennis, ad medicamenta sumenda difficilis, atque pustulis non adeo multis licet laboraret, ob crassæ lymphæ bronchia obviscantis abundantiam gravius respirans, nec non cephalalgia intensa, cum subsequo ex aure dextra purulenti humoris, parviori tamen effluxu tentata, accedentibus convulsionibus sensim defecit; in altera autem sorore, decimum ætatis annum agente, non admodum ægrotare visa, variolæ quidem plurimæ, nec difficulter prodierunt, nulla tamen arte, in justas pustulas extolli atque suppurari recusarunt, ut & ipsa tertia hebdomade obierit; tertia vero soror sedecim annos nata, atque confluentibus variolis obita, de intenso torius corporis ardore, quem & ipse rubens cutis color testabatur, potissimum conquesta, feliciter emerfit; cumque ipse frater, qui variolas discretas mediocri numero efflorescentes, nec symptomatum aliorum concursu graves licet pateretur, decimo tamen a decubitu die, magnam narium hæmorrhagiam subiit, quæ per quattriduum subinde recurrens, variolarum tamen neque ad interiora ingressum, neque mortem induxit, sed temperationum emulsionum post usum cessavit, quam, variolis jam exsiccatis, icterus plurium dierum excepit, a quo jusculis, herbis recentibus bellidis &c. medicatis sensim convaleuit.

Pleuritides etiam veræ, & peripneumoniæ, in principio si negligebantur, senibus in primis funestæ; quin & catarrhi graviores faucibus molesti, ac fere suffocativi, tussesque humidæ notabantur: in illustrissimo quodam Barone fauces constringebantur, ut suffocationis in periculo versaretur, cui elixir proprietatis Claud. cum spiritu cornu cervini mixtum præsentaneam opem præstitit, & recurrentem aliquoties insultum potiuncula laxativa, subductis serosis viscositatibus, penitus abegit. In aliis decocta herbæ veronicæ, radicis liquiritiæ, seminis anisi &c. aliaque serum stagnans dissolvendi vi pollentia, & quæ illius abundantiam blande eliminabant, laxativa se commendarunt. Nonnullis facta serosæ materiæ in ventrem inferiorem metastasi, cum subsequa diarrhœa, aut febre, tertiana, morbus fuit solutus; quidam virili in ætate constitutus, cum faciei intumescentiæ,

intenso calori, cephalagiæ & virium debilitati junctam incidisset, paulo post, a propinata bis sudorifera portione, cessante tumore atque dolore, serum peccans inde per anteriorem corporis partem defluere, scrotorumque in molem insignem extendere sensit, eodem tamen tumore, post propinatum binis solum vicibus diascordium Fracastorii, albumque sicciorum per folia fennæ prunorum Damascenorum decocto infusa referatam, a cataplasmate ex resolventibus & discutientibus pulveribus cum lacte coctis parato, facile iterum evanescente.

Ut porro arthritides vagas, ischiadicos dolores in Anni præcedentis exitu memoratos, & hucusque urbem infestantes taceam, febres etiam ardentes in pustulosas sæpe & maculosas efflorescentias, non absque malignitatis aut contagii nota, & cum dorso præcipue ac capitis magno dolore in principio conjunctas, abeuntes; præcipue autem, præter erraticas, quotidianæ ac tertianæ notabantur; quæ cum primum invaderent, continuatum in aliquibus metum, vehementi suo calore, cephalalgia, deliriis ac virium debilitate, incusserant; brevi autem tempore, a propinato, varia sub forma, chinchinæ cortice, & sine quo difficilis ac fere frustranea reddebatur cura, interposito quandoque blandiorum evacuantium usu, absque recidivæ metu, ni gravis in diætâ error committeretur, recesserant; prout nec continuæ febres, bezoardicis & diaphoreticis continuatis haud immergeræ, perfectam sanitatem semper admittebant, nisi superstitem vitiosæ lymphæ abundantiam, ventriculo in primis atque intestinis molestam, in fine morbi lenitivis commode educere studuissent. Nobil. Matrona, floridæ ætatis, sanguineæque constitutionis, in fine secundi mensis gravida, post cibos concoctu difficiliore ingestos, in tertianam incidit, cum permolesto tensivo dolore, a quo, post biduanum specifici stomachici Poteriani usum, pulveris Peruviani scrupulum unum in tantillo vini Neccarici rubri subastringentis, mane & vesperi per duos dies sumpsisset, libera quidem evasit; insignem vero uteri hæmorrhagiam, cum abortus periculo incurrit, quæ tamen a coralliorum rubrorum pulvere tum solitario, tum lapidi hæmatiti ac terræ sigillatæ commixto, successive exhibito, imperata simul quiete, sensim cessavit, alvo interea sicciori & flatibus gravata, cibus lubricantibus minime, foliolis autem fennæ parva quantitate decocto prunorum Damasc. infusis, obsecundante, partu vero filiorum justo tempore sanum & vegetum excludente.

Pluribus ophthalmiæ, & genarum non tantum œdematosos tumores, modo indolentes, modo odontalgia, in ulcuscula buccarum interna aliquibus terminatæ, juncti, molestiam magis quam periculum creverunt, sed parotides etiam glandulas, modo in uno, modo utroque latere, cum præcedanea febrili effervescencia, in pueris quandoque ad delirium usque spiritus magis mobiles exagitante, lymphæ lentescens stagnatio, M. Majo occupaverat; nec catarrhosæ capitis & pectoris gravedines M. Junio omnino aberant. Ophthalmiæ ardorem nihil felicius quam vini spiritus linteolo exceptus & impositus compescebat. Parotides autem, juxta cum diaphoreticorum usu, emplastrum malacticum August. simplex discutebat.

Infirmis hisce, quæ a feri stagnationibus ac coacervationibus, nec non ob sufflaminatam insensibilem transpirationem, variarum impuriorum particularum

larum iniquationibus commode derivari amant, producendis frigida aeris inclementia, & postea inaequalitas plurimum contulisse videbatur; cum enim primus Anni mensis frigore, admodum quandoque intenso, crebrisque comitato nebulis, infestus esset, quas M. Februario frequentes nives, præter frigoris continuationem, vespertinis autem horis remissionem excipiebant, Martius & Aprilis principium inconstantia sua modo nebulas, pluvias, nives, modo serenitates, aeris temporem frigusque produxerant; usque dum sol ad Tauri signum propius accedens, amœnioris veris spem faceret, inque Majo calores æstivis fere æquales primo excitaret, quos tempestates non infrequentes, nobis equidem per Dei gratiam clementiores, viciniæ autem nostræ, atque remotissimis etiam in locis, in primis die 21. st. n. grandine insolita (nobis equidem e longinquo saltem comparente) admodum damnosæ sequebantur; quam intemperiem succedens zephyri vehementia d. 27. nivem copiosam adduxerat, aeremque postea ad pruinas matutinas usque, in fine Maji, sub crebriori euri statu, ac cœli serenitate refrigeraverat; cum cæteroquin temperatior aeris status & grata caloris variatio M. Junio nihil in consueti corporibus nostris inferret; accedente præterea crebriori ventorum alternatione, qui modo ab orientali, modo occidentali in primis plaga urbem hucusque perflaverant, terramque a pluviis licet multoties madefactam iterum exsiccaverant, quin & simul continuo isto aeris motu plurima morborum miasmata discusserant.

Nec aliam æstas faciem induerat. Sole autem Leonis signum percurrente, frigidiusculam frequenter auram, & crebriores pluvias, messis collectioni multum damnosas, zephyrus adduxerat; quæ ipsa temporis constitutio, præsertim horarum fructuum abundantia cum daretur, diarrhœas non paucas, minus tamen periculosas aut refractarias pariebat; usque dum Sol Virginem tenebat, ubi meridionalis ventus nubila discutens, serenius, vespertino tamen & matutino frigore horridiusculum cœlum reddiderat. Cum æquinoctio tamen autumnali crebriores zephyri impetus plurimas denuo pluvias, frigore comitatas, adduxerant: quæ pluviosa, ventosa & frigida facies usque ad Solis in Scorpionem adventum continuaverat; ubi sub ulteriori varia ventorum alternatione, frigida aeris intemperies, quam Sole Sagittarii signum ingressu, diurnæ nebulæ & postea crebriores nives comitabantur, nec non circa hyemale solstitium pluviae ac temperatior aura exceperant; finem autem Anni frigidus ac nebulosus aer clauferat.

Interea variolæ, quamvis malignitate carere visæ, atque odontalgiae nunquam recesserant; ante æquinoctium autumnale febres etiam quotidianæ & tertianæ, nec non tusses humidæ æque ac convulsivi quid habentes contumaciores, in puerili præcipue, sed adulta quoque ætate, nec non post æquinoctium rheumatismi ad brachia, atque senescente Autumno febres petechiales notabantur, quin & ischiatica passio, cum præcedaneo vel comitante circa os sacrum dolore, haud infrequenter occurrebat; quæ etiam extra urbem infesta erat, quin multis in Sueviæ locis plurimos excruciare ferebatur.

Odontalgiae quidem majorem pene incolarum partem affligebant, ut raræ in civitate domus essent, in quibus malum hoc non inveniret hospitium; a medicamentis vero serum ex corpore subducentibus, ac præterea spiritus ferocientes demulcentibus opiat, noctu parva dosi successive exhibitis, certius, quam aliis artificiis, expelli aptum: qui vero dentium ab evulsione lenimentum speraverant, pertinaciorem ut plurimum dolorem experti fuerunt.

Rheumatismos ad brachia, in quibus nec rubedo nec tumor notabatur, capitis dolor aut gravedo prægressa, a feri ex cerebro in nervos decubitu, productos fuisse indicabat; quorum difficilis erat cura, quæ etiam reiteratio laxantium ab usu promptius, quam sudoriferorum successerat; externe autem crebriori spiritus vini camphorati aut similium inunctione symbolum conferente.

Qua ipsa etiam methodo coxarum dolor tractari volebat, a simili in nervos feri abundantis translatione dubio procul ortus, præcipue cum illum ab

ossis sacri regione potissimum principium sumpsisse, ex agrotorum relatione constiterit.

Febres petechiales minus erant lethiferae, pleuritides ut plurimum in principio mentiebantur, dolore capitis semper, deliriis tamen nunquam, vel rarioribus infestæ. Sic vir quadragenario major; J. C. S. melancholici temperamenti, d. 22. Novembris st. n. subito horrore cum calore alternante, intensa cephalalgia, vigiliis, virium prostratione, lateris sinistri dolore punctorio, & appetitu prostrato prehensus, tincturam bezoardicam sumpsit, sine ullo levamine. Die morbi tertio vocatus, positionem diaphoreticam ex diascordio Fracast. sale cornu cervi volatili, & pulvere rubeo Pannonico duabus vicibus sumendam præscripsi; nox inquieta, d. quarto horror & dolor lateris remiscere, capitis vero erat tolerabilior, urina paulo minus tincta quam præcedenti die, idem medicamentum mane continuavit, vesperti ad alia nauseabundus, tincturam bezoardicam solam admisit, nocte quietiore subsequente; d. quinto eadem, sitis adaucta, quam aqua pomis citriis medicata, demulcebat; tincturam continuavit, quam tamen postea sibi nocere imaginatus est; successit tussis sicca, molesta, fortasse a potu frigidior; nox inquieta, d. 6. dolor in capitis tantum dextra parte recruduit, tantus, ut nec manus attactum ferret, ab imposita vero herba recenti rutæ, cum baccis juniperi contusis, atque inter sudandum (quæ continua diaphoresis, sub temperato aeris regimine) per bolum ex diascordio, sale C. C. vol. & antimonio diaphoretico, quavis sexta hora exhibitum, sensum promovebatur) cum halitum quasi aliquem ex aure dextra erupisse sensisset, remisit; die 7. in meliori statu versabatur, urina minus tincta & petechiales maculae cum intermissis plurimis pustulis aqueis in collo, pectore & dorso erumpebant, sicque successive alias etiam partes d. 8. 9. 10. occupabant; quas, earum ante ignarus, d. 11. in manibus etiam obortas cum conspiceret, valde contristatus inde & perterritus fuit; urina quoad colorem naturali similis, noctu largiori rivo effluxit; d. 12. tussicula continuavit, sitis intensa, urina maxima in quantitate, & longe ultra potus sumpti mensuram excernebatur, aquea profusus, cum summa virium prostratione; unde vinum sive succum cydoniorum saccharatum aqua dilutum bibere vesperti iussus est: cuncta male inde mitigari visa, nocte etiam quiete succedente, calori interea adhuc gliscenti moderato bezoardicorum, & tandem unicornu marini matutino ac vespertino usu obviam ibatur; die 16. noctu sudor magnus cum totali morbi cessatione erupit.

Mulierem juvenulam, J. L. tertio mense gravidam, eadem symptomata d. 21. Novembris invaserant, altero die meam opem domi tantum desideravit; d. 4. ut ipse accederem rogatus, magnum sanguinis æstum & præcordiorum angustiam adesse observavi, dolor lateris erat remissior, urina tincta, sed copioso viscido sedimento referta, vesperti & noctu aliquoties narium hæmorrhagiam moderatam patiebatur; d. 5. dolor capitis tolerabilior, cor liberum, vesperti dolor colicus; qui d. 6. a sumpto amygdalarum dulcium oleo, & vino subsecuto vomitu cessavit, remanente tamen stomachi ardore; petechiæ apparent; nox infomnis, sed alvus soluta; d. 7. stomachus pacatior, noctu parum deliravit; d. 8. somno, quamvis interupto nonnunquam fruebatur; d. 9. nonnihil cibi sumpsit, sicque continuans, d. 13. vesperti cibo se replevit, unde appetitus denuo prostratus; cæterum d. 14. satis commode vixit, sumptaque tinctura bezoardica, quam aliquoties per morbi decursum, (juxta cum temperatiorum diaphoreticorum, alexipharmacorum, uti pulveris rub. Pannon. specier. diacret. Myns. &c. usu adhibuerat) noctu alvus cum torminibus soluta est; petechiæ sensim disparuerunt; e contra febris quotidiana, vesperti calore infesta successit, quam chinchinæ infusum, cum aqua cichorii factum, post colaturam paulatim ebibitum, brevi profligavit; ipsa ægrotata postea debito tempore puerpera feliciter reddita.

Virginem N. J. unum supra viginti annum natum, eadem

eadem febris, similibus symptomatibus stipata, d. 24. Novembr. occupaverat, præterquam quod dolor pleuriticus similis non adesset, hypochondrium vero sinistrum doluerat; sumpsit ex matris consilio purgans, quæ d. 3. meam opem domi imploravit, cui potionem diaphoreticam bis sumendam ordinavi; d. 4. ipse eam visitans, petechiis & pustulis totam maculatam, cæterum melius se habentem deprehendi; & cum diebus sequentibus quatuor, tincturam bezoardicam, reliquis medicamentis fastiditis, diligenter sumpsisset, d. 9. ob alvum constipatam supra memoratum infusum sennarum bibit, a cujus usu circa vesperam ingentem quantitatem excrementorum pituitosorum, sanguini & puti permixtorum unica dejectione emisit, sicque protinus convaleuit.

Constitutio Epidemica Augustana Anni 1698.

Laudatissimi D. D.

LUCAE SCHROECKII.

Anni principium equidem aura temperiori, pluviis stipata illuxit, paulo post tamen nivosum & frigore horridum comparuit; & quamvis mitiorem interdum temperiem, atque post Februarii initium zephyrus pluvias adduceret, mox tamen eurus nives & frigus intensius reduxerat, usque dum circa æquinoctium vernale, zephyrus vehementer spirans crebriores pluvias concitaret, alternante subinde cum ipso euri impetu, utroque autem terra imbris sæpius irrigante, sicque ad finem usque Maji, qui ideo, ut passim alibi in remotioribus etiam locis, frigore horridiusculus comparuit, continuante.

Interea pauci ægrotabant; tussis tamen graviores ac contumaces, nec non pleuritides, nonnullis ob vehementiam lethales, variolæ, febres continuæ, paucæ malignæ, icterus, (cui martialia medicamenta, acidulæ Egranæ, essentia mineræ Martis Hass. opitulabantur) ob aeris inæqualitatem sparsim notabantur.

Circa Solis autem in Taurum ingressum febres tertianæ, intenso circa scrobiculum cordis compressivo, in regione etiam dorsi opposita molesto dolore, cephalalgia, interdum & vomitu stipatæ, plures invaserant, sed a sumpto purgante, & chinchinæ parciore etiam dosi facile curatæ; Virgo viginti annorum, eadem prehensa, a frigida potu die morbi sexto, cessante febre, mox sinistri lateris sævum puncturium dolorem cum febre acuta, sputoque cruento incidit, quod in purulentum die octavo morbi mutatum, sumpta binis vicibus olei amygdalini recenter expressi dimidia uncia, copiose per alvum fuit ejectum, sicque cessante tussis ferocia, & calore præternaturali (cui antimonii diaphoretici larga dosi obviam ivi) ab iterato dicti olei usu, die nono convaleuit.

Post tot tandem pluvias cum jamjam Junius appropinquaret, serenior aura comparuit, caloreque fortiori terram iterum exsiccavit, Cereri autem & Floræ Bacchoque vires crescendi attulit; quæ serenitas, a pluviis tamen sæpius interrupta, calorque toto mense illo continuarunt; Julius vero crebrioribus imbris & nimbis, zephyri vehementia subinde comitatis, infestus successit; quam humidam aeris constitutionem Augustus etiam mensis induit, frigoreque insolito, sub euri dominio, austeriorem reddidit, ut ita messis non tantum serius inciperet, sed non exiguo etiam in periculo correptionis versaretur, quam tamen blandior cæli facies, post Solis in signum Virginis progressum, satis exoptatam in vicinia nostra reddidit, ut quæ subsecuta fuit annonæ caritas, non tam Cereri deficienti, quam ad commune aliarum regionum exemplum compositæ, impiæ institorum avaritiæ imputari debuerit. Inclementior autem September, præter multiplicem ventorum variationem, diversam etiam aeris temperiem, ut plurimum tamen humidam & frigidam produxerat, donec d. 5. Octobr. st. n. Sol discussis nubibus, decendio sereno nos reficeret: postea tamen austerior Favonius cum aeri pluviis iterantibus multum frigoris impressisset, November præmaturum hyemis adventum dabat, crebrioresque nives spargebat, ita tamen ut varia tempestas subinde intercurreret, nebulis, pluviis, serenitate, ventisque modo ab occidentali, modo orientali aut meridionali plaga spirantibus molesta, atque hyemale usque ad solstitium continuans;

quo præterlapso, zephyrus vehemens, pluviis stipatus, temperatiorem aerem effecerat.

Interea, mense nempe Junio & præsertim Julio, morbilli puerilem ætatem invaserant, per plurimosque lecto affixerant, non adeo difficulter tamen, temperationi sub regimine, & absorbentium dictorum ac diaphoreticorum blandorum, pulveris rubei Pannon. oculor. cancr. &c. usu curabiles; donec sub æquinoctium autumnale plane disparent. In non paucis quidem hæctica dispositione, tussique pertinaci, sive ob diætæ errores, sive præexistentem actiorem sanguinis constitutionem superstitite, diligentiori tamen sanguinem contemperantium usu, non neglectis, ubi opus, laxantibus, & quæ verimibus, quorum vestigia non raro notabantur, resistunt, tandem devictæ. Licet crebriora quoque funera puerilia numerare cum temporis datum fuerit, non tam mortis, nostrorum Medicorum artem haud adeo eludentis, malignitati, quam incuriæ potius, vel perversæ muliebri sapientiæ, aut medicastrosum imperitiæ adscribenda.

Cæterum rariores apud nos hoc tempore ægrotabant alii, nec epidemicorum morborum tyrannis major notabatur. Julius quidem febres quotidianas, tertianas, catarrhes pectori molestos; Augustus colicas, dysenterias; September præter cruentos hoc fluxus, variolas majores, ulcerosas, (*Schafblateren* nostratibus dictas) Octobris initium strangurias seniles; adultus, cum subsequis Mensibus, pleuritides veras ac spurias; December catarrhos ad fauces ruentes (morbos omnes ex coacervata in sanguine sensim per tot aeris anomalias, frigidas præsertim & humidas, viscidiori lymphæ ortos, quæ tandem per varios in diætæ errores hic vel ibi stagnabat, aut etiam eandem ob causam, vel sponte in orgasmum concitabatur) alebat, non adeo multi tamen eorum impetum experiebantur. Febres interdum præcipitantibus sic appellatis, chinchinæ autem parciore etiam dosi sumptæ facilius; catharrhi continuato expectorantium usui, non posthabita, quæ sæpe conjungebatur, febris intermittens cura, & corpore semper blande evacuato, cedebant; colicæ, quæ flatuosa quidem dici merebatur, non sine convulsiva tamen labe erat, atque ideo lumborum conjuncto dolore & urinæ suppressione nephritidem simulabat, demulcentia & potissimum laxantia, sive ore sumpta, sive clysteris forma adhibita; dysenteria, tormentillæ vel catechu essentia aut extractum, cum paucis opio maritatum, & parca dosi sæpius assumptum, medebatur; variolæ benignissimæ, cum febrili tamen calore, vehementiori quandoque, paucarum tamen horarum spatio finito, invadentes, ulla fere sine medicinæ ope sensim sponte exsiccabantur; stranguriæ illæ, quæ visciditatem lymphæ in primis corrigunt, perque urinarios meatus educunt, uti essentia carminativa Wedeliana, spiritus nitri tincturæ cortic. aurantior. mixtus &c. Pleuritidi vero nostris in pharmacopoliis usualis pulvis, cum antimonio diaphoretico, lapillis gammarorum &c. medelam conferebant.

Constitutio Epidemica Basileensis Anni 1698.

D. D. JOANNIS JACOBI HARDERI.

Mense Febr. sub finem, cum brumæ alias rigorem adhuc experimur, sol calore suo primi veris delicias præcociter sperare fecit, quas cum Aprili dehinc, tempore destinato optabamus pleniores, amarulentas reddidit sævientis Eoli frigus, nivalisque ingruens tempestas, in Majum usque continuata, fructuum nociva pestis, nec tamen variolæ, quæ non modo tenellam, sed etiam adultiorem ætatem frequentissime infestabant, funestæ fuerunt apud nos, contra quam Stutgardie vidimus & audivimus, ubi complures materiæ malignitas, præmaturæ morti tradidit. Ingruentibus hinc pertinacibus, copiosisque pluviis, etiamsi sol desideratissimo suo calore, terram reliquis mensibus fovere studeret, usque tamen aquarum depluentium cohortes, ejus igni offecerunt, inde September efficaciam illius tam necessariam, magis experiebatur quam Augustus, uvæque minus maturæ, Octobri mense, infortunium tantum graviter luerunt, dysenteria non tam apud nos, quam in vicinia rusticam gentem crebro exercente.

November circa sui initium, candida nive arva utcutique tegebat, brumæ aliquali rigore, per octiduum, durante, quam mox intempestivus calor, udosus, cum plu-

pluviarum copia excepit, ad finem ejus tantum non durans pleuritidis, febriumque continuarum hic illic genitrix.

Mense Decembri crescente luna, etiam brumale frigus intendi ac durare cepit, parili subitaneo udoso ac pluvioso calore, præter votum ac expectationem, scenam dehinc mutante, neque tamen morborum exitialium frequentia, annus iste, vere anomalus, ferax fuit.

Constitutio Epidemica Berolinensis An. 1697.

D. DOCT. GUSTAVI CASIMIRI GAHRLIEP

von der Mullen.

Januarii Styli Gregoriani, gelu nonnunquam satis rigido, borea ut plurimum flante, pauca nive quandoque interspersa cepit, quod ad quintum usque duravit, tunc succedente cauro paulum triduo continuo regelascens, 19no gelu redintegravit, & 21mum si exceperis, tolerabiliorem, ut & 28vum vulturno spirante remittentem, ad ipsum usque finem, ac subsequens *Februarii* 9num continuavit. A quo tempore rigor ille remisit, atque blandiori æthere, nonnunquam apprime amœno, gelu interpolavit, ad 20mum usque, qui frigore rigidiore recrudescente, noctu præsertim, de die vero parum mitescente, ad finem ac porro quintum usque *Martii* transiit. A quo rigore paulatim dæsviente, mitiora tempora veris prodromos, nebulas pluviis & sudo intercalatas tulere, ad 14tum usque verna, sed ephemera serenitate & amœnitate commendabilem, succedente cum vulturno nubilo & horrido triduo, sed pluribus ad 24tum usque suavioribus pensato. Hic 24tus repedante vulturno variam & ingratam Aprili alias familiarem aeris intemperiem tulit, frigore pluviis, nive quandoque & grandine, nocturno quoque gelu nonnunquam distinctam, ad 30mum usque adeoque ultimum durante sparsa noctu nive copiosa, a succedente diurna serenitate ac aliquali amœnitate rursus colliquata notabilem, primum sic trimestre grato sine terminantem.

Morbi hoc trimestri non adeo frequentes aut populariter grassantes fuerunt, nisi forte ob variabile gelidum initio & horridum, humidum postea plerunque & tempestuosum cœlum, catarrhos quis aut tusses febribus ut plurimum comitatas huc trahere velit, defluxiones in uvulam & tonsillas, præteriti anni defluxionibus molestia & pertinacia analogas; Prætereaque pleuritides nonnullas, variolas interspersas, paucos adultos, plures infantes adorientes, malignas quasdam ac periculosas, benignas plures, paucas lethales. Paralyfes item & apoplexias quibusdam exitiosas, arthritides vagas scorbuticas, ut & febres varias, quandoque & acutas & continuas, ex anthematis etiam scorbuticam malignitatem testantes.

Aprilis temperato sed pluvioso facto exordio, unico interposito sereniori die, nimirum secundo ad 9num usque nocturno gelu, diurnis nymbis ac imbris horridum processit. Postea amœniore paululum cœlo, noctibus tamen adhuc gelidis, quandoque & nivibus, pluviis ac ventis quibusdam variato, ad 19num transiit amœnitate verna & serenitate sero stabili cum succedentibus, 23io solum frigido ac procelloso excepto, ad 30mum usque adeoque ultimum mensis; abblandientem.

Successit *Majus* frigore moderato, interdum tamen, initio præsertim borea interspirante, rigidiusculo. Postea sereno cœlo admixtis licet sub finem præcipue nonnullis pluviolis sic satis amœnus & ad fertilitatem, 31mum eumque postremum, grandine nimis asperum & nocivum si dempseris, pronus.

Huic rursus *Junius* pari fere amœnitate ac serenitate, paucis secundo forte & quinto blande rotantibus, 7mo & 8vo, illo turbido, hoc Africo flante nimbo, 12mo & 24to imbre fecundo arvo rigantibus, 26to imbri tonitru jungente, 27mo, Africo rursus pluvias spargente, udo, variantibus diebus exceptis, confor- mis, totus prope ad finem usque temperatus.

Morbos trimestre perinde non multos genuit. Præter enim febres nonnullas, paucas intermittentes, pauciores continuas, & catarrhales paucissimas, variolas si dempseris & epilepsias infantibus quibusdam infestas, rarissime tamen lethales, pleuritides quasdam & arthritides vagas scorbuticas, cardialgias, cephalæas, odontalgias & asthmaticos affectus parcissimos, parum ne-

gotii Medicis fecerunt alii morbi. Id quod aeris clementia adeo stabili Majo præsertim & Junio humores in laudabili ac moderato statu conservanti, nec nimio æstu exagitantibus tribuendum esse reor.

Julius trimestris tertii initium pari cum præcedentibus amœnitate, clementia ac serenitate cœli, secundum & tertium fecundis imbris temperans fecit; Verum sequenti sexto sudum diurnum circa noctem horrendo tonitruum identidem reboante fragore, & fulgetris fere continuis animos & oculos immensum perculit. Septimus quoque, octavus & decimus mitius tamen paulo, serenum diei cœlum vesperi tempestuoso tonitru fœdarunt. Reliquum ad finem usque mensis vario, sed non adeo turbulento, udo tamen nonnunquam & nimbo aere transiit.

Talis quoque *Augusti*, 7mum, 8vum, 10mum, 12mum, 16tum, 17mum, 30mum & 31mum, adeoque postremum, serenos & amœnos dies, si exceperis, status fuit.

Nec procul ab his ultimis diebus abluit *Septembris* initium, primum nimirum biduum sic satis serenum & amœnum, cui quatrimum successit, autumnii præludium, imbridum ac frigidum. Quod septimus æstivum sudum æmulatus correxit, cui 8vus paulo frigidior, sed adhuc & 9nus, 10mus, 11mus, ad 18vum usque, qui imbris vespertinis aliquod interscenium inseruit, sereni successerunt, sequentes ad 22dum usque ejusdem quo præcedentis tenoris, temperata nimirum serenitate commendabiles, ut & reliqui ad 27mum usque, paulo, cum sequentibus tribus postremis, turbidiorem, frigidiorum, & aspersis subinde pluviis ac ventis asperiorum.

Rari admodum hoc trimestri fuerunt morbi, nec præter diarrhœas atque dysenterias, utut pro proventu omnis generis fructuum valde, DEO largiente, uberi, nec gula illecebris suis parcente admodum paucas, tussis nonnullas, parcissimas febres, pleuriticos quosdam & asthmaticos affectus, nec non unum alterumve paralyticos & arthritidis scorbuticæ casum, alii fere nulli occurrerunt.

October mixta pluviis frequentibus serenitate paucal accessit, ac quatrimum hac ratione processit. Quintum serenum & amœnum totum, sextus totus undosus secutus; sed septimus & sequentes ad usque mensis finem sexto serenitate pene pares, præter nonum & ejus sequaces cum sudo borea spirante frigidulos, 13mum roridum, 17mum imbre madentem, 24tum, 27mum & 28vum pluvias nonnullas spargentes, 29num vero & 30mum sicque ultimum cæciam, frigoris intensioris authorem ascendendo horridos, in procellam tandem valde impetuosam prima *Novembris* degenerantem; Verum secundo & tertio paululum dæsvientem. Quartus & quintus tranquilliores fuerunt ac sereniores, rigidi tamen adhuc, sextus mane nebulosus, postea præcedentibus similis, septimus frigidus ac nubilosus, octavus ad sequens usque mane nimbosus, ex quo ferentior 9nus, 10mus primam tulit glaciem ad noctem usque 12mi durantem, pluviam subsequens 13tii & 14ti rursus liquatam. Quos 15to sudum admodum gratum cum æstiva amœnitate quasi certans, sed ephemerum excepit. Ab illa brevi serenitate matutinis & vespertinis pluviis, in procellam 17mo exæstuvavit horrendam 18vo quidem desinentem, sed hujus & sequentium antemeridianum cum pomeridiano, pluvias inter & turbidum, siccum tamen cœlum partiendo ad 25. usque, si 21mum serenum totum & amœnum excluderis, & 25tum sequentes duos boreali sudo commendabiles. Tandem 18vus Divo Simoni Judæ dicatus frigidus & turbidus, 29nus pluviis horridis mixtus, 30mus demum serenus denuo totus, sed borea paulo acrius spirante gelidus agmen dierum Novembris clausit. Successit December primo die rigorem præcedentis prima nive sparsa temperans, at secundo gelu redintegrans, sequentibus cum nive pluvias alternavit ad 11mum usque, qui cauro aspirante raro gelicidio gelu satis intensum substituit, qui sequens nivem rursus submisit, atque hinc, borea cauro succedente sequentes duos gelu prius moderatum, decimo sexto in rigidum valde degenerans, decimo septimo nive copiosa paulo temperatius, decimo octavo vero & vigesimo magis, accedente copiosa nive, invalescens, vigesimo primo rursus, vento remittente ac nive repedante, mitescens. Triduum sequens mitius adhuc, vigesimotertio pluvias immiscuit ad vesperam usque vigesimi quarti sereniorum at gelidiorum, subsequen-

te qua;

te quadriduano vehementi gelu, vigesimonono demum remittente ac post nebulam toto die trigesimo cœlum obscurantem; trigesimoprimum vero discussa nebula sudo redintegrato simulque gelu reddente, ultimum hoc trimestre sicque totum annum 1697. terminante.

Morbi hoc ultimo trimestri paulo quam præcedentibus frequentiores fuerunt, ob ætheris & aeris nunc fereni, nunc turbidi, nunc sicci, nunc humidi ac pluviosi, nunc tranquilli, nunc turbulenti & procellosi, nunc temperati ac remissi, nunc gelidi ac horridi, varie invicem alternantis, sicque pro diversitate constitutionis suæ, humorum quoque diathesin & crasin, communicantis tum per inspirationem, tum per ambientes, & porros corporis subeuntes variorum tam ætheris, quam aeris miasmatum particulas, diversis forte ut formis sic qualitatibus instructas diversimode moventibus, alterantibus, ac ad varias ebullitiones, orgasmos, metastases, quandoque sed raro in melius, sæpius in pejus disponentibus atomis, mutantis. Hinc exorti diverso tempore diversi morbi Medicorum animos & curas exercuerunt. Inter quos potiores fuerunt febres variæ, tum intermittentes, tum continuæ, hasque inter nonnullæ etiam malignæ, exanthematibus quoque variis, purpura, morbillis & variolis stipatæ, non tamen adeo frequentes ut epidemiarum nomen justo titulo mererentur; præterea catarrhales, tussi, vertigine, odontalgias, inflammationibus gutturis & tonsillarum, uvulæ laxationibus, angina, suffocationibus, hypocondriacas imitantibus, præcordiorum oppressione scorbuti familiaribus, comitatæ, arthriticæ, pleuriticæ, nephriticæ, colicæ passiones, epilepsiæ, sed raræ, ut & paralysis tam particulares quam universales, apoplexiæ & has inter quædam funestæ & lethales.

Constitutio Epidemica Berolinensis Anno 1698.

Dn. D. GUSTAVI CASIMIRI GAHLRIEP

von der Mullen.

Primum mensis Januarii st. Greg. biduum serenum ac gelidum remissius excepit degelascens ac pluviosum sex dierum intervallum. Nono temperato diei, decimus successit frigidus pauca nive canescens dies, triduo turbido in boream tandem, satis vehementer exæstuantem, despumante comitatus, ac altero triduo mitiori nivibus, nebula ac pluviis ex parte interpolato exceptus. Inde ingravescent paulatim gelu vulturno boeræ succedente vigesimo mensis die, octiduum continuavit, postea mitius aliquanto actum ac nives glaciei deliquescenti interspersæ, donec repedante una cum aquilone, ultimis hujus primi mensis ac quatuor Februarii diebus graviore gelu serenius cœlum illuxit; mox vero rursus remittente, ac in pluvia nivi mixta fatiscente obscurum æther ad decimum septimum usque penitus degelantem perdurans. Inde gelu euro flante paulatim denuo vires resumere cœpit, ac succedente aquilone, & aquiloni tandem aparcia, huic vere rursus euro, valide insurgente paucis tantum intermixtis nivibus ac paucioribus blandis remissionibus ad finem usque Februarii & sequentis Martii nonum continuavit. Tunc verna de die amœnitatis, sereno æthere ridens, austro aspirante advecta, ablandiri quadriduum visa est, noctibus interea adhuc gelidis subsecuturum, borea pristinam recuperante sedem, gelu minantibus, euroque boeræ succedente æther, unico vigesimo septimo sereno ac temperato die excepto, ad trigesimum usque, primum Paschatis Gregoriani diem festum turbantibus, qui ipse nocte gelida, reducta aliquali temperie, sequentem medium festi ac ultimum mensis ut & trimestri hujus primi diem sudo ac sereno aere beavit.

Morbos primum hoc trimestre, præter scorbutum indigenam pro varia aeris mutatione varios exhibuit, quos inter febres tam intermittentes, quam continuæ, eæque ardentes satis frequentes, ac quasi epidemicæ, malignæ quoque nonnullæ variolis, præsertim confluentibus, uti dicuntur conspicuæ, eminere valde nonnullis infestæ ac periculosa, pleuritides hisque affines affectus, peripneumoniæ hæmoptoe nonnunquam comitatæ, & catarrhales, variis defluxionibus molestæ: tusses contumaces, asthmaticæ quandoque &

Sydenham opera Medica.

suffocativæ, arthritides vagæ, hypocondriacæ, colicæ, nephriticæ passiones & hystericae, sed hæc posteriores prioribus rariores.

Aprilis primus secundi trimestris, festisque prædicti Paschatis postremus dies æstivum mane æmulatus sudum a meridie primo tonitru sat gravis frigore animos amœnitate ac festivitate diei in hortos & campos prosectorum, atque ludis & genio indulgentium valide percussit, subsequenter hunc primum pluribus ad 28. usque Martii continuavit serenis ac amœnis diebus, noctibus interea gelidis intercalatis, prima fronte ablandientibus, mutata vero vigesima octava sparsis tota die pluviolis faciem variam, ut plurimum turbidam, horridam ac inamœnam Aprili genuinam induit.

Quam etiam primus Maji retinuit, & paucis interfertis sudis, ut 2. 5. 10. 17. 23. ad 27um usque continuavit, qui vigesimus septimus verna temperie ac serenitate acceptus, cum sequentibus nativam huic mensi gratiam redintegravit.

Eademque sequentem Junium, (octavo solum excepto, cauro nimirum amœnitatem præcedentium pluviis interspersis turbante, ac duodecima cum successore decimo quarto in turbidum & undosum degenerante) serenis ac amœnis, nec nisi paucissimis nonnunquam ventis ac pluviolis paululum exasperatis, ad ipsum usque finem commendavit.

Secundum hoc trimestre cœli benignioris ac stabilioris favore morborum quoque ratione mitius aliquanto priori egit: præter enim scorbuticos quosdam affectus, febres, catharrales quoque nonnullas sparsim infestantes, acutas & ardentes paucas, malignas raras morbillis subinde sociatas, hypocondriacas nonnullas passiones, pleuritides paucissimas, asthmata cardialgias ac cephalæas, vix alios produxit.

Julius, præcedentis Junii sudum continuando, huic ad decimum tertium usque duranti pluviosum, & quandoque nimbosum ac subfrigidum triduum succenturiavit, cui triduum rursus serenum ac gratum successit, a biduo turbidiori paulo & inconstanti, vento ac pluviis subinde interpellato, exceptum recuperata tamen pristina amœnitate, uno forte alterove paululum degenerantibus ac pluvias nonnullas aspergentibus, ad trigesimum primum usque, adeoque ultimum mensis continuavit.

Augustus mox ab ingressu procella turbatus, severiorem paulo frontem induit, ac quinto solum sudo & temperato, ut & decimo inter serenum antemeridianum ac pluviosum & tonitru fragoso horridum pomeridianum pensum suum pariente, nec non vigesimum octavum æstivam adhuc amœnitatem redolente, paucisque aliis paulo mitioribus exceptis, totus varius, turbidus, frigidus, pluviosus & nimbosus fuit, unico postremo trigesimo primo sereno & amœno gratiæ pristinae factam quasi jacturam quadantenus reparante, ac

Subsequenti Septembri conservandam tradente, qui eam septimo, octavo & nono a tonitru nocturno frigidis & plurimum pluviosis, tanquam triduo degeneri decimoquinto, decimosexto & decimosextimo turbido rursus & frigido triduo, ut & vigesimoprimum & vigesimosecundo ejusdem farinæ, biduo exclusis, ad vigesimum quartum usque servavit intemperatam; donec autumnus tempestuosæ & inconstanti indoli cedens horridiorem ac tempestuosam assumpsit larvam.

Morbi hoc tertio trimestri vario & mutabili frequentiores paulo quam secundo fuerunt, febres præsertim tam benignæ quam malignæ, symptomatibus variis generis stipatæ, rarius intermittentes, sæpius continuæ, & ardentes, catarrhales quoque & pleuriticæ in hecticam & phthisin proclives, malignæ quoque, aphthis, quandoque purpura, nonnunquam morbillis, frequentius variolis, raro petechiis, sæpius infames, lethales quoque & epidemicæ grassantes; & has præter cephalalgia, cardialgia, asthmata, arthritides statæ & vagæ intercurrentes.

October ultimi trimestris primus detracta antecessori suo horrida, quam sub exordio sumpserat, larva, gratiori vultu scenam ingressus, sexto die æstivæ amœnitatis personam ad 16tum usque serena & exorrecta fronte egit. Exinde paulo austerior nubiloso ut plurimum ac ventoso cœlo varius, vigesimo sexto & vigesimoseptimo biduo sereno præmissis, vigesimo octavo, primam sparsit nivem, mox in pluviam postea fatif-

R

cca.

centem, nocte succedente gelida, pruina a fudo gelascente exceptam tulit, cui biduum successit amœnum ac temperatum, subsequente turbido mane cœlo trigesimo primo in pluvias tonitru hoc tempore insolito comitatas, circa noctem deficiens.

Novembris initio inconstans, mox euro instante ferèniore gelu induxit, remissius quidem primo nebulis subinde intermixtis, circa quam tamen aquilone irruente satis rigidum. Nivem copiosam valde præter expectationem cauro sufflante in horridum & intensum gelu quinque dies durans erupit: decimosexto tamen desævient noctu remittere, ac subsequente decimosextimo fudo penitus degelare cœpit. Inde rursus instabilis, nunc turbido cœlo asperior, nunc sereno temperior, post nives vigesimotertio denuo sparsas, vigesimoquarto gelu satis intensum redintegravit, ac ad finem prope mensis continuavit, postremo mensis die libanoto aspirante, degelascens.

December a primo ad octavum paulo gelidioreni, varius, pluviosus ac nimbosus, ab octavo ad decimum quartum gelu, sed interspersis, utut raris nivibus mite ac temperatum induxit, a decimoquarto præcedentibus algidiore varium asperum, ventis subinde ac nimbis horridum cœlum ad finem usque mensis continuavit, tandemque circa vesperam trigessimiprimi, adeoque ultimi hujus mensis & anni dici, fenis tonitru, hoc anni tempore plane insoliti ac portentosi, pluribusque funesti fragoribus anno huic 1689. valedixit.

Morbi hoc trimestri præter febres quasdam continuas ardentes, ab omni malignitate laud vacuas, purpura & morbillis eam præcedentibus, catarrhales satis frequentes, tussi contumaci & ferina, catarrhis & defluxionibus scorbuticis debita, valde infestæ & molestæ fuerunt, variæ, inconstanti, horridæ ac immiti cœli constitutioni natales suos debentes. Præterea arthritides vagæ, præsertim scorbuticæ, pleuritides, diarrhœæ & lientericæ frequentes, dysentericæ tamen raræ, pro proventu prunorum hoc autumno valde uberi, cardialgiæ, & hæmopotoes nonnullæ. Sub fine tamen & soporosi ac comatosi nonnulli affectus, quibusdam lethales, eidem frigidæ ac humidæ aeris intemperiei hac hyeme prædominanti, omni procul dubio imputandi.

*Constitutio Epidemica Sangallensis, finis Anni 1696.
& principii 1697.*

Dn. Doct. SYLVESTRI SAMUELIS
ANHORNII, DE HARTVISS,

Vix dysenteria æstiva grassari desit, autumnus successit, ventis austrinis die nocteque spirantibus, uvis fructibusque maturandis coaptatus, infantibus vero in hoc fatalis, dum insolito tepore diurno atque nocturno, ad turgescientiam motus sanguis puerorum tenerior, morbillos variolasque exclusit, quas perpaucis effugisse datum fuit. Fuerunt, qui febre continua cum inquietudine, deliriis, & multis deterioris notæ symptomatibus ad septimum diem dubie agitati, exhibitis ex aq. ulmar. CC. citrat. ac diaphoreticis temperatis ex magist. antimon. diaph. CC. ph. ppr. & unicorn. fossili, per sudorem vel hæmorrhagiam subsecuta crisi convalescerunt. Plures vix ac auræ liberiori commissi, insuper morbillis, hosque adhuc excipientibus variolis correpti fuerunt. Declinante autumno, & æstu remittente, mixtim grassari cœperunt febres & variolæ, plurimum tamen morbilli. Mens Novembri & Decembri initio varia fuit cœli facies, tempestas aquilonia, nebulosa, pluviosa, frigidior, morbillos qui vix superarunt, jam cum variolis colluctavere, febricitantes visi non sunt, & morbilli perpauca, variolæ solæ, candida veste terra tecta, magis magisque propullularunt. Fuerunt autem optimæ indolis, cito erumpentes, rubræ, molles, fastigiatae, distinctæ, cito maturæ, nec foveas relinquentes.

Deterior fors fuit illorum, qui serius, non quidem matura tempestate, in principio anni 1697. iisdem decubuerunt. In plurimis copiosiores ac confluentes visæ sunt. Multi cum febre intensa, convulsionibus, ventris meteorismo & dolore intenso, ac alvo constipatissima, pustulis tandem violaceis, lividis, nigris notati interierunt. Id vero est quod notari meretur, non alios præter lanionum infantes, & quidem trinos quan-

doque, & binos una in domo (ceum quod sordibus & squalore ex pellibus ad exsiccandum expositis, cruore & carne præ aliis sordescant illorum domus, vel quod minus ac alii curam infantum habere possint) hoc ventris meteorismo petechiisque lividis fuisse correptos, atque sublato. Si quando in aliis etiam domibus variolæ bonæ notæ, tres, quatuorve hujusmodi maculas interspersas habuerunt, mox illæ lanceola parumper scarificatae, digestivo suppuratae, & ad separationem escharæ perductæ fuerunt; hac tandem separata, fovea illa nunquam non instar fonticuli nunc latior, nunc profundior relicta nova carne expleta atque consolidata fuit.

Inter adultos hoc hyemis decursu, quamvis omnia frigore horruerint, nihil epidemii observatum est.

Ver vario ingruit cœlo, æstum subitanæ pluvie repentinæ cum ventis septentrionalibus exceperunt. Discordiæ accesserunt a vicinis commotæ, quæ cruentum nonnullis excidium minitari visæ sunt. Inter sexum muliebrem hoc errore percussum crebri abortus conspiciebantur. Nonnullis tempestiva venæ sectio & instituti sudores cum bezoardicis, quæ sanguinis coagulum tollunt, bono auxilio fuerunt. Nati abhinc infantes multi convulsionibus occubuerunt. Viri vero insuetas horrido imbribus cœlo excubias diu noctuque strenuè agentes, omnem tempestatem innoxie tolerarunt. Perpaucos tussis prævia corripuit.

Æstas & autumnus ex frequentibus quamvis pluviiis injucundi, insalubres non adeo fuerunt.

Mense Septembri apoplexia nonnullos corripuit.

Fœmina provectioris ætatis ex paralyti lateris dextri, præmissis vomitoriis, sudoriferis atque specificis in & externis apoplecticis usitatis, intra triduum convaleuit.

In alia nobilis familiæ Matrona paralyti manus dextræ cum intercepta bihorium loquela, aquis ant-apoplecticis, frictionibus, sudoriferis &c. restituta fuit.

Vir septuagenarius major, Reipl. Senator, recidivam passus ex instituto vomitu loquelam statim temperavit, at paralyticus in latere sinistro permanet, dum per phlogoses & stragulas ferendi impotentiam, propter tumorem sensumque hepatis exquisitum, ad sudorem se componere hæcenus non voluit; qui tamen præterito anno, toto latere paralyticus, sudoribus quotidie institutis, integre convaleuit. Interim hebetis inflammationi convenientibus, in & externis prospicitur, inter quæ emplastrum Norimbergense impositum, ceum præsentissimum sibi paregoricum, summe extollit. Fetus etiam particulares cum decocto herbarum, non sine levamine instituuntur.

Alius sexagenarius inter pocula sensu motuque privatus concidit, cum stertore spiritum duxit, in manu nullus, pede vero aliqualis motus restabat, concitato syrupo emetico vomitu, & deinceps in usum vocatis frictionibus, lotionibus aliisque usitatis ant-apoplecticis, paucas intra hebdomadas in pristinum rediit.

Neogamus dissolute vivens, dum in templo sacris interesset, subito expalluit, concidit, & æφρων domum deportatur, per hypocæustum tractus varieque agitat, ubique elanguidus movere ne digitum voluit, pulsus fuit tardus & debilis, externa frangebant, jacuit stertens a nona matutina ad primam, sine sensu & motu, ingesta difficulter deglutiit; ego accersitus ex uno cochleari syrupi emet. porrexi gr. iii. tart. emet. Operatio demum post bihorium successit. Phlegmata poracea frequenti vomitu reddidit; sudore toto corpore diffluit, sanguis e naribus protrusus est, sicque corporis motus, linguæ ac rationis usus paulatim redierunt.

Infeliciores fors fuit puellæ alias præ cæteris venustæ, quæ novendecim annos nata menses nunquam vidit. Hinc sensim expalluit, macilentior, tristior & difficilis ad motum evasit, scabie vexata, unguenta tartarea cum mercurio præcipitato adhibuit, tempestate frigidior pluviosa, vestibis male munita e domo exiens frigori pluviisque pro expediendis negotiis incaute se credidit; post horam domum deportatur æφρων sensu motuque privata stertens, & apoplectica, crebroque vomendi tentata conatu. Vicinus vocatur chirurgus, qui venam ipsi secat. Sanguis non nisi guttatim prodiit. Dantur spiritus ceraforum, aqua vitæ naribus spirituosa admoveatur. Capiti imponitur aq. Reginæ Hungariæ; interim ego advocatus syrupum emeticum propinari jubeo, quem vix medium deglutiit, dum

dum expectatur operatio, accedunt convulsiones, miseræ circa vesperam finem vitæ faciunt.

*Constitutio Epidemica Poseniensis Annorum
MDCXCV. MDCXCVI. MDCXCVII.*

Dn. D. CAROLI RAYGERI.

QUantum intersit Medico nosse & observare aeris constitutionem ac inde resultantes morbos, jam suo tempore agnovit graviterque inculcavit Hyppocrates, dum ita librum suum de Aer. Aqu. & Loc. auspica-
tur: *Quicumque artem Medicam integre assequi velit, primum quidem temporum anni rationem habere debet, quantum potentia quodlibet eorum valeat. Non enim simile quicquam in illis existit, verum differunt invicem propter varias, quæ in illis sunt, mutationes.* Hinc qui morbi singulis anni temporibus proprii qualesque fiant in illis mutationes, tam prolixè tota describit sectione III. Aphorismorum. Nec dubitavit Galenus in *Θείῳ* in morbis ambientis nos aeris constitutionem appellare, quam quidem sententiam fufius examinat & pertractat *Celeberrimus D. D. Melchior Sebiz p. m. in Dissertatione sua de eo quod Divinum est in morbis.* Sane rem tam salutarem rei que medicæ summopere proficuum jam pridem mecum animo revolvens, statim ac manum praxi admovi, constitui singulas aeris & temporum vices indeque exortorum morborum generationes & mutationes diligenter observare, annuatim colligere ac endemiis & epidemiis meis Hungariæ, cum tempore prodituris inferere. Id cum etiam a XXV. annis scilicet ad annum usque 1695. pro meis usibus præstitissem, communicatur mihi a Perillustri ac Magnifico Domino Præsidi laudatissimum suum institutum, quo voluit, ut, qualis in diversis regionibus & provinciis fuerit aeris constitutio epidemica, observaretur, & quotannis ephemeridibus curiosis infereretur. Quo intellecto substiti in privato studio, & quæ ab illo tempore hac in materia a me observata atque annotata in publicum contribuere decrevi, modo initium facturum ab

Anno M. DC. XCV.

- Cujus constitutio hic Posenii in Hungaria fuit talis.

HYems rigidissima, nix plurima, gelu in Martium usque durans. Frigus immediate post solstitium incepit, & toto Januario sine remissione continuavit, nives cecidere supra nives, gelu supra gelu. Nec mitior Februarius, ipseque Martius adhuc frigore & gelu horridus.

Mense Jan. plurimos observavi ex castris redeuntes colica laborasse convulsiva, absque dubio febribus autumnalibus, partim non bene curatis, partim male circa solstitium hybernum judicatis. Rara quartana scilicet febris utur tractetur, recedit, quin vel hæmorrhagiam narium, vel laterum duritiem, vel pedum tumorem œdematosum, vel languorem & dolorem artuum, sæpiissime vero colicam convulsivam post se relinquit. Mense Febuario & Martio grassabatur quoddam genus febrium cum latente malignitate. Imponebat plurimis catarrhus cum dolore capitis gravativo, febricula lenta, tussis sicca, coryza vehementi invadens: mox nona vel nonnunquam undecima demum post primam invasionem die exasperati cœpit morbus, & graviora reddi symptomata; accessere enim vigilæ, deliria, nonnunquam ipsæ petechiæ, subsequente morte. Servati autem omnes qui non tantum alexipharmaca ab initio adhibuere, sed & ea usque ad nonum vel decimum diem continuavere.

Ab æquinoctio vernali usque ad solstitium æstivum tempus varium, mox frigidum, mox calidum, modo pluviosum, modo serenum. Initium Aprilis adhuc brumale, circa medium vero & finem calor prope æstivus. Successit Majus pluvius mixtus, cum frigore & calore alternante. Prima & secunda dies Junii ventis turbida, tertia serenari de nocte cœpit cœlum cum pruina matutina valde noxia, id quod apud nos valde rarum, & vix a seculo observatum. Segetibus nihil nocuit hoc gelu matutinum, nec destructæ vineæ, præterquam illæ quæ versus plagam occidentalem sitæ; quarta Jun.

Sydenham opera Medica.

iterum pruina, sed plane innocua. Septima ros mane cecidit purpurei coloris, observatus in foliis arborum & vitium, ut & hominum in vineis laborantium lintheaminibus, in quibus, (prout ego observavi) exactè referebat colorem macularum ex succo mororum aut ceraforum. Circa id tempus morbi fuere nulli, ut plerunque fieri solet mense Junio, febres quidem comparabant tertianæ, sed adeo mites, ut etiam in quamplurimis post tertium vel quartum paroxysmum sine medicamentis aut sola purgatione & venæ sectione adhibita cessaverint. Variolis quoque corripiebantur parvuli parvulæque, sed illæ cum nullis feris aut gravioribus symptomatibus, hinc omnes servati qui non incuria neglecti aut minus rite, prout a plebe quandoque fieri solet, tractati fuere.

Successit æstas plus frigida quam calida, magis humida quam sicca: Finis tamen Junii & initium Julii gaudebant aliqua serenitate, mox nubibus exasperatum cœlum & largissimam aliquot diebus effudit pluviam; unde intumescens Danubius littora supergressus longe lateque se per prata & agros diffudit cum maximo damno rucularum, tam scænisecorum quam messorum. Rediit sub initium Augusti calor, isque intensissimus, sed ultra septem vel novem dies non perdurans, insequentibus pluviis usque ad Octobrem. Inter istas tam varias mutationes vix tamen aliquid morborum observatum; nisi quod in Septembri plurimi infantes, adulti non item, correpti fuerint dysenteria, iique ferme omnes lactantes; credo ex lymphâ plus justo acriori ad intestina delata illaque lædente. Errorem quippe illi in esu fructuum hortorum non committere poterant, nec committere nutrices sedulo examinatae & observatae, paucissimi tamen periire, sed omnes convenienter clysteriis, in primis ex lacte & decocto capitis vervecini tractati, convalescere.

Post æquinoctium, qui secutus autumnus, ferme totus fuit pluviosus. October subinde serenus. November inæqualis, jam ad hyemem inclinans, & prout reliquum Decembris usque ad solstitium, frigidus cum floccis nivium & creberrimis pluviis. Hinc vinum nec quantitate nec qualitate laudabile crevit. Circa initium Octobris frequenter hinc inde in civitate comparuere febres erraticæ nullum typum servantes, invadebant prope omnes cum frigore aliquando trium horarum, insequente calore ultra horas 15. durante, post apyrexiam aliquot saltem interjectis horis nova febris affligebat. Memini me habuisse quendam, in quo calor ultra 48. horas duravit, cum terribili capitis dolore, siti vehementi, squalore linguæ & faucium, summaque virium debilitate, ita ut in febrim continuam fore metuerim; tamen post venæ sectionem remisit calor, morbusque in melius mutatus. In alia Illustrissima persona similem protractionem paroxysmi primi notavi, similiter post venæ sectionem remittentem & intermittentem; sed tertia die redeuntem, hinc propinatus cortex Peruvianus in aqua cichorii alvum movit, id quod nunquam in aliis, ausim dicere millenis, cui corticem hunc exhibui, factum observavi. Credidi prima vice fortuito factum, turgente forte & ad exitum per se tendente materia vitiosa in corpore, sed & post secundam, imo etiam post tertiam exhibitionem idem factum, movit autem alvum semper sexies, septies sine nausea. Alius pariter febrî corripiebatur levi ab initio & cito remittente. Tertia die media nocte in lecto suo dormientem horribile invasit frigus trium vel quatuor horarum spatio, subsequente calore in alteram noctem perdurante, cum pedis dextri ingenti dolore, accepit sudoriferum, unde optime sudavit, moxque apparuit ingens rubedo & inflammatio in pede dolente, factumque erysipelas, quod facile, convenientibus remediis tractatum, sublatum est.

Anno M. DC. XCVI.

JUraffet quispiam permutata fuisse tempora; præteritam æstatem fuisse brumam; nunc autem æstatis vicem obire hyemem, usque adeo in bruma nihil brumale, & in frigidissimis alias mensibus, nullum frigus, nullum gelu, nullæ nives, breviter hyems fuit clementissima. Januarius aliquo modo ventis turbidus, nebulosus, pluviosus. Februarius quasi totus serenus, siccus, sine notabili frigore, nisi matutino tempore, ubi au-

ra parum frigidiuscula, mox surgente sole temperata. Huic ad æquinoctium usque plane similis Martius, nisi quod parum ventosior, hinc etiam salubrior. Nam totis hisce mensibus vix præter catarrhos aliquid notabile occurrit in medicina. Post æquinoctium vero & aer & morbi cœpere mutari. In fine quippe Martii longe majora frigora, major cœli inclementia, de nocte gelu & nives, minus tamen durabiles, sed in pluvias ferme continuas de die abeuntes. Nec mitior Aprilis sua natura variabilis, sub finem tamen siccior. Meliora tempora sperabantur sub gemellis, sed & Majus ipse cum initio Junii usque ad solstitium valde inæqualis. Nunc grata & vernalia serenatum pollebatur cœlum, tempora, mox attris iterum inhorruit nubibus, tempusque reddidit turbato aere frigidisque pluviis minus vernale, minus majale. Hinc non mirum, cum ver simile factum fuerit hyemi, non vernaes sed hyemales fuisse exortas ægritudines.

Nam quas in hyemem relegavit pleuritides *Hippocrates III. Aphor. 23.* eas circa hæc tempora deprehendere licuit valde frequentes. Inter has in primis notabilis fuit illa cujusdam Generalis quartiriorum Magistri (ut communiter vocatur) maligna ferisque commitata symptomatibus. Excefferat ille multum in vino & comestationibus tempore bacchanaliorum, hinc catharrum acquisivit cum tussi vehementi & lateris puncturis. Aperta vena, suasi purgationem, quam tamen vocatus Medicus dissuasit. Ille autem reluctans consuetum sibi sumpsit laxativum, unde sibi videbatur melius valere; sed mox sequenti nocte omnia in deterius, aucta in summo gradu febris, accessit furibundum delirium, sputum crassum, crudum, sanguineum, idque perpaucum, quæ omnia extrema minabantur. Vocatus ego, exhibui sudoriferum, jussi applicari vesicatoria, dedi oleum lini, sic remissere symptomata, illeque ex lethi faucibus eruptus ad castra perrexit. In Majo notavi in nonnullis febres malignas, cum exanthematibus, minime tamen funestas, nisi in duabus personis; in seruo quodam qui illa pro morbilis habuit, nec aliud nisi myrrham & semen napi accepit; hinc accedentibus gravioribus symptomatibus expiravit. Altera erat puerpera quæ febrim lacteam aut puerperalem esse credens, neglectis alexipharmacis solum potum aquæ chamæpythios cum saccharo adhibuit, nostris puerperis in hoc casu consuetum, tandem conspectu exanthematum hinc inde erumpentium perterrita Medicum vocavit quidem, sed nimis tarde, accedente enim diarrhœa, delirio, & tandem convulsione, mortua.

Jam ad æstatem devenio, in qua mense Julio & Augusto subinde calor intensus, nonnunquam, sed raro durans, intermixtis subinde pluviis frigidis usque in medium Septembrem. Notabiles erant mense Augusto dysenteriae in infantibus lactantibus & ablactatis, plane ut ante annum, valde frequentes, sed ut plurimum funestæ, statim enim post unam vel alteram dejectionem comparuit sanguis, mox extrema debilitas & mors, paucissimi ad decimum servati, qui tamen mortui; adultiores facilius curabantur. Valde insuper contagiosa fuit ista dysenteria, nam facile corripiebat adstantes & infantibus ministrantes, ex quibus tamen nulli obiere. Credo malignitatis hanc lueni non fuisse expertem, quæ quidem tenellulis mortem intulit ob nimiam teneram constitutionem, in adultis autem ita vim exerere nequivit, sed facile fuit suppressa.

Tandem in autumnio comparuit æstas. Scilicet ab æquinoctio usque ad Decembrem, per totum Octobrem & Nov. serenitas, cum frigidiuscula tamen aura matutina; hinc præter spem etiam melius crevit vinum quam ante annum, non tamen in abundantia aut illa bonitate prout alias apud nos fieri solet. In Decembri mutatus aer tempusque redditum turbidum ventis, nebulis atque pluviis, duodecima cecidit nix alta, quam ita solidavit subsequens rigidissimum frigus, ut supercadentibus consequenter aliis nivibus, prima manserit usque in Aprilem sequentis Anni. Morbi circa hoc tempus nulli notabiles. Hinc progredior ad

Annum M. DC. XCVII.

HUjus initium fuit sicut finis præteriti. Scilicet a solstitio hyemali usque ad æquinoctium vernale,

frigus acerrimum sine remissione, congelatus Danubius statim in Januario, mansitque pons iste glacialis ultra octo septimanas firmus & constans, quod alias valde rarum apud nos. Fuit insuper hoc memorabile, quod sub densissimis pariter ac profundissimis nivibus terra semper manserit aperta, ita ut, remotis illis, hæc non aliter ac in vere fodi potuerit. Perire & computruere sub hac mole nivium fere omnes segetes & olera hortensia, frigus hyemale alia tolerantia, quæ, liquefactis nivibus, non aliter ac mucago quædam viridis terræ incubabant, ac in lutum resolvebantur; non levi insequente in primis frumentipenuria. Cæterum quod *Hippocrates III. Aphor. 7.* dicit, Magnis siccitatibus fieri morbos acutos, hoc vice versa hisce temporibus meliori jure dici potuisset, de magnis frigoribus. Iisdemque durantibus circa finem Februarii, febres acutæ malignæ per totam grassabantur civitatem. Invadebant plerosque levissimo rigore succedente calore non adeo forti & quandoque iterum remittente primis diebus, mox circa quartum vel sextum diem augeri cœpit calor, & notæ hinc inde in superficie cutis apparere malignitatis. Pulsus ab initio valde erat sanorum similis, ut & urinæ, sed ubi calor auctus rubicundæ instar sanguinis factæ. Deliria circa nonum vel decimum diem comparuere, in quibusdam vehementia & ad decimum septimum usque durantia, in quibusdam remissiora & breviora. Maculæ erant parvæ instar morsus pulicum, obscure purpurascentes, circa decimum octavum aut etiam circa vigesimum primum disparentes. Non valde lethales erant hæc febres, sed supra modum contagiosæ (quod alias non semper fieri solet) nam in aliquot ædibus ne unum omisit, quem non corripuisset, raro in una aut altera persona cessavit. Duravit hæc lues in Majum usque, ubi incalescente aere remisit.

Hyemem excepit ver, sed & hujus initia adhuc satis ventis & nivibus turbida. Successit Aprilis totus serenus, siccus, absque pluviis cum calore pro tempore insolito. Majus variabilis, nunc calidus, nunc frigidus, mox serenus, iterum pluviosus, talis etiam totus Junius. Circa hæc tempora vix ullus notabilis occurrit morbus, cessantibus etiam, ut supra dictum, febribus malignis.

Æstas ferme prioris anni æstati similis, mediocriter calida, & matutinis horis subinde frigida, vigesima nona Augusti, trigesima & trigesima prima mane pruinae fuerunt, sed plane innocuæ, nostrates appellant *ein Wasser Reiff*, id quod tamen apud nos insolitum, ubi tales pruinae raro ante festum S. Michaelis observantur. Hoc tempore frequentes erant icteri, qui flavedine sua plurimos deformabant. Sentiebant, qui corripiebantur, aliquam cordis compressionem, nauseam, anorexiam, & non raro vomitum, mox flavo colore toto corpore perfundebantur, sed qua velocitate venit, eadem iterum adivit. Post unum vel alterum laxativum disparuit flavedo, rediitque sanitas cum bono appetitu.

Qui subsecutus autumnus semper erat variabilis & inconstans, usque in Decembrem, cum quo hyems ante hyemem, id est ante solstitium gelu & nivibus suum sumpsit initium. Febres quæ circa hoc tempus grassabantur ut plurimum erant tertianæ duplices, raro quartanæ, & præter morem autumnalium nec longæ nec lethales, sed convenienter tractatæ, facile curabantur.

*Constitutio Epidemica Augustana Anni 1701.
& sequentium.*

Dn. D. LUCAE SCHROECKII.

Licet initium anni 1701. frigidum comparuisset, tri-duo tamen post mitior aeris temperies, sub mutabili ventorum, zephyri tamen prævalentis, crebrioresque nives, subinde vero etiam pluvias adducentis flatu, excepit, usque dum ante, & circa æquinoctium vernale magis constantem serenitatem curus largiretur; paulo post ventis priorem inconstantiam resumentibus, hyememque protractiorem, quin & gravem terræ siccitatem circa Solis in Tauri signum ingressum, cum sensibili frigoris molestia, sereno quidem cœlo, producenti-

centibus, ut Cereis etiam, Pomonæ & Floræ sinus tardius panderetur, atque Maji principium vernalis amœnitatis parum ostenderet, quæ postea eo largior comparuit, atque, Gemellorum signum cum Sol occupasset, aerem multum delinivit; & in tantum calefecit, ut, ni zephyrus, euronotus, & auster subinde pluvias interspersissent, nimia siccitate, præcipue quia ventorum perpetuus quasi motus continuabat, terra plurimum laborasset. Interea prior morborum in anno prægresso observatorum facies continuavit, quam itaque depingere superfluum foret, variolarum puta, febrium petechialium, tussisque humidæ. In mense Februario insuper, duobusque eum excipientibus, pleuritides veræ, in suppurationem abeuntes, sed diligenti pectoralium & diaphoreticorum temperaturarum usu, sine etiam venæ sectione, curabiles accesserunt; quibus in nonnullis M. Aprili, cum morbus jam in decrementum vergeret, nova febrilis effervescencia supervenit, cum eruptione per totum corpus pustularum aquearum, majus periculum nuntiantium, ægrotistamen per continuatam alexipharmacorum blandiorum adhibitionem intra primum, quandoque secundum octiduum reconvalescentibus. Mense Majo & Junio, præter dictas punctulares, (quæ jam sine magna præcordiorum oppressione, cum horrore, lassitudine, lumborum, nuchæ, & capitis dolore ut plurimum ingruiebant) purpuratæ etiam febres teneriorem in primis ætatem, non admodum periculose invaserunt; nec melancholici insultus maritatis scæminis, menstruis quidem rite se habentibus, infrequentes fuerunt, venæ sectione quidem mitigari, paulo post tamen recidivi facti, acidularum vero martialium potu curati.

Post Solis ingressum in Cancris signum crebriores primo pluvix, postea cum plurimarum tempestatum graviorum impetu, calores, circa caniculares in primis dies intensi, & qui ad æquinoctium autumnale usque, paucis frigidiusculis diebus intervenientibus, continuabant, fuere notati; quo tempore sequentia morborum defuit, nisi quod ibi ob transpirationem fortasse ab aere humidior & frigidiusculo nonnihil cohibitam, febres quotidianæ, post exiguum horrorem intensiori calore invadentes, & facile curabiles, hic ob sanguinem aeris calore nimis rarefactum febriculæ scarlatinæ, sine magno corporis æstu aut gravibus symptomatibus, sed levi saltem præcordiorum compressione præcedente, non minus brevi & sponte quasi cessantes observarentur. Alii autem, quibus probabiliter lymphæ viscidior in sanguine erat, non maculis istis pingebantur, sed pustulis albicantibus, majoribus minoribusve, cum interspersis quandoque vesiculis parvis limpidis, pruritu comite tandem exsiccatis, ac in squamulas secedentibus, per totum corpus, sine vitæ periculo, & prævio non admodum intenso calore, onerabantur. Nec infrequentes erant diarrhœæ, quibus interdum, sed rarius dysenterix succedebant, ex negligentiori, ut mihi videbatur, corporis ab aere externo custodia, & liberaliori potus ingurgitatione, hincque stomachi tono labefactato subortæ, quæ etiam facile, vel solius rhabbarbari cum terra signata, aut corallii rubris mixti usu, vel insuper essentia catechu, lenibusve aliis adstringentibus & stomachicis absorbentibus curabantur. Plurimos etiam odontalgia correptos licuit conspiciere, quæ licet rarius Medicorum consilio exponeretur, quantum tamen judicare valui, ex eadem ventriculi imbecillitate, & chyli vel lymphæ crudioris circa dentes stagnatione citabatur. Erant insuper, scæminæ præsertim, quas sinistra axillæ intensus dolor, sine tumoris vel inflammationis indicio excruciat, periodice ut plurimum & circa vesperam recurrens, cujus radicem circa ventriculum pariter hære, tum notatæ ibidem, in primis sinistro in hypochondrio molestiæ, tum salutaris curandi ratio conjecturari faciebant: credidissim, chylum viscidior & crudior, per ductum pequetianum ad venam subclaviam sinistram delatum, & cum obvio ibi sanguine permixtum, agitationem præternaturalem ibi excitasse, partesque illas dolorifice hac ratione distendisse, nisi dextrum humerum in scæmina quadam idem malum tunc occupasse notassim, cum insolitam ductus illius ad partem dextram declinationem sine urgentiori causa hic fingere non audeam; quamvis in eadem rheumaticum potius affectum subsuissim credere malim, præsertim cum dolor

ille dicto modo quidem intensior per intervalla redderetur, nunquam tamen plane intermiserint, ac tandem brachii tumor supervenerit, diaphoreticorum, empiastri oxycroci, & laconici coriarii usu omnino sublatus. In cæteris repetitus leniter evacuantium & humores corrigentium, præsertim acidularum martialium usus proficiuus existit, remedia autem externa nullum levamen dederunt.

Eandem chyli & lymphæ vitiosæ in stomacho nidulantis labem febres quotidianæ epidemicæ, incerto quandoque paroxysmi tempore invadentes testabantur; quæ nullo prævio horrore, magna præcordiorum ad oppositam in dorso regionem se extendente oppressione, & nullo sensibili, vel tolerabili saltem excipiente calore, infestæ erant, arque propinatis, pro exigente necessitate, emeticis, vel repetitis laxantibus & absorbentibus, amaricantibus, absinthio, chinchina &c. curabantur.

Post æquinoctium autumnale primo aeris serenitas & siccitas continuabant, mox pruina, nebula, d. 17. & 18. Octobr. copiosæ nives, pluvix postea, & venti modo ex hac, modo ex alia mundi plaga, in primis ex septentrione frequentius irruentes comparuerunt; Sol autem ubi ad Scorpionis signum pervenit, denuo per aliquot dies serenitatem, terræque siccitatem conciliavit, varia dein aeris temperie, ut plurimum tamen austrina subsequente; & cum aer parum a ventis jam agitaretur, vapores in eo hospitantes parce dispellebantur; unde iidem corporibus humanis copiosiores communicati variis ægitudinibus procedendis patrocinebantur; hinc non tantum variolæ iterum se exerebant, pleuritides veræ, atque febres continuæ, catarrhales magno cum æstu, cephalalgia & tussi, pueros æque ac maturiorem ætatem invadentes, nec, ubi debite tractabantur, lethales subortæ, sed frequens etiam catarrhorum cohors, coryza, odontalgia, raucedine, tussi infesta urbi incubuit. Muliebris sexus non minus habuit, de quo speciatim conquereretur, uteri nimirum hæmorrhagia, cui non gravidæ saltem, ultimis præsertim duobus graviditatis mensibus, sed aliæ quoque plures obnoxie erant; quem sanguinis orgasmum non commodius quam absorbentibus martialibus &c. uti hæmatite, croco martis adstringente, item bolo Armena, coralliis rubris &c. haud neglecto, ubi opus erat, paucis opiæ additamento, sedatum expertus sum. Memorari etiam merentur apoplexiæ crebræ, ut plurimum exitiosæ. Memini egregium quendam virum mihi aliquando narrasse, quod jam olim fuerit observatum, post crebriorem aquilonium flatum apoplexias frequentes hic contigisse: neque admodum in dubium id vocare vellem, cum ab illo vento nescio quæ atomi impuræ nobis inferantur; id quod civem quendam nostratem industrium non latet, qui ceræ dealbandæ in horto suo boreæ multum exposito operam navans, eandem infestam flavedine ab eo infici notavit; unde quamprimum spirare eundem observat, ceram studiose tegere, media etiam, si is tum ingruat, nocte properat, quem in finem machinulam artificiosam excogitavit, quæ a vento hoc commota somnum excutiat. Ubi in memoriam mihi revoco, quæ noster quondam Æsculapius, Phil. Hæcstetterus, in scholio ad dec. 4. obs. med. cas. 1. protulit, uni urbis nostræ descriptionem exhibens, zephyrum ex depressis & alicubi paludosis Marchionatus Burgaviensis locis inquinamenta secum rapere, & huc advehere scribit; quæ sane de borea quoque nobis; & non minori jure pronunciare licet, qui ex locis humidis Danubio proximis putridas particulas abriperet, atque in capita nostra effundere valet.

Tandem cum circa mensis Decembris principium zephyri impetus major denuo insurrexisset, d. 10. eundem eurus compefecit, frigore, creberrimisque nebulis, quibus præsertim a d. 17. usque ad d. 23. Decembris continuis civitas oblecta fuit, stipatus, usque dum circa finem anni zephyro boreas succedens auram tolerabiliorem redderet, niviumque crebritate colophonem imponeret. Quo tempore, præter memoratas pleuritides, variolas & febres continuas, in pueris etiam quotidianæ febres, tussi humida & cephalalgia graves, nec non icteri, in adultis autem malignæ petechiales, ut plurimum pustulis limpidis miliaribus post macularum eruptionem comparentibus, comitatæ observabantur: hæ in principio post horrorem lassitudinemque, tolerabili calore, intenso capitis dolore (quem paulo post

recedentem tussis, non quidem diu durans, & sicca magis quam humida, atque calor auctior cum deliriis nocturnis insequabantur) se prodebant, contagia quandoque in alios se diffundebant, rariusque, ubi temperationibus alexipharmacis tempestive obviam itum est, occidebant: in pleuritide vero continuatus diaphoreticorum, præcipitantium dictorum, usus coagulum sanguinis feliciter resolvebat; qualia medicamenta etiam contra quotidianas febres, ut & juxta cum martialium usu adversus icterum, promptum auxilium ferebant.

Eurus in anni 1702. introitu serenitatem cum frigore molesto induxerat, quarto tamen mox die zephyrus pluviosam primo constitutionem, postea ventorum frequens mutatio tempestatis etiam varietatem multam subinde attulit, semper tamen humida ex pluviis, & temperatione paululum, sub dominio zephyri, post solis in Pisces ingressum diu impetuosi, prævalente, ut hyems non admodum rigorosa quidem, protractior tamen fieret; præsertim cum post æquinoctium vernale eurus non solum magis spiraret, & post serenos plures dies circa initium Aprilis rediens zephyri ferocia crebriores nives spargeret; quas sub eodem faviente, licet ab aliis ventis sæpe interrumperetur, frequentes pluviae, cum Sol ad Tauri signum appropinquaret, exceperunt, usque dum post Maji principium eurus serenior & vernæ temperiei magis conformem aerem redderet, siccitate tamen terræ exinde non parva inducta, ut Flora suas amœnitates non nisi serius expromere valuerit. Hoc toto tempore eadem morborum facies, in primis vero pleuritides, ut plurimum sine suppuratione curabiles, usque in Aprilem continuabant. In quo & Maji mense febres continuæ, in paucis cum miliari efflorescentia, semper autem prævio horrore, (sine intenso calore) magna virium debilitate, & cephalalgia gravi, raro deliriis, aliisve gravioribus symptomatibus comitata, atque alexipharmacorum & diaphoreticorum usui cedentes, hic ibi propullulabant. Majori vero numero febres quotidianæ & pauciores tertianæ ingruerant; illæ tantum non in omnibus, qui se curæ meæ commiserant, insignem capitis dolorem in paroxysmo inducebant, viresque prosternebant; in multis prima sub invasione, & sæpe aliquot per dies continuatum typum, vix perceptibili caloris & cephalalgie remissione, referebant; chinchinatis autem medicamentis, vel arcano duplicato facile curabantur; quibus non minus tertianæ, post emetici, vel scammonii sulfurati, ubi opus erat, adhibitionem brevissime abigebantur.

Circa æquinoctium dictum arthriticis affectibus obnoxii fere omnes, quorquot mihi noti, insultus ut plurimum non admodum feroces patiebantur, atque ubi post exantlatam periodum justo citius aeri se exposuerunt vel artus delassarunt, recidivas experiebantur. Plurimos etiam infantes epilepsia e medio sustulit, quæ ex lymphæ acido viscidæ in cerebro stagnatione, præsertim dentitione difficili accedente, ortum traxisse visa est. Istæ autem lymphæ crassioris collectiones non minus in aliis frequentes admodum fuerunt, ut non tantum crebriores tussis, coryzæ, odontalgie exinde obortæ fuerint, sed frequentissime aliis etiam morbis epidemice & sporadice grassantibus, tussis se associaverit.

Cum Junio zephyrus euro successit, pluviam multarum ferax paucis diebus serenis intermixtis; qui in Julio quidem per primum triduum cum calore non mediocri continuabant, ast mox aere in fulgura & tonitrura despumante, in pluviosos juxta & frigidiusculos, ac postea temperatos mutabantur, usque dum post Canis exortum eurus, sæpe ad meridionalem plagam inclinans, serenitatem non sine calore reduceret. Magna dehinc ventorum varietas fuit notata, (nisi quod post autumnale æquinoctium a d. 24. Septemb. usque ad d. 6. Octobr. zephyrus impetuose admodum dominaretur, a frigido & non minus per triduum vehementi euro tandem quasi in fugam conjectus) quæ diversam quoque aeris temperiem, potissimum tamen calidam & serenam in Augusto effecit. Ast in Novembri multa hyemis præludia, imo præmaturus adventus ejusdem, crebro, & quandoque intenso frigore, niveque repetita, quam benignior aura & interpolatæ pluviae denuo liquabant, molestus exstitit. Quæ ipsa mutabilis constitutio, tum ningendo, tum præsertim

pluendo, frigore modo aucto, modo remisso, zephyro reliquis ventis prævalente, & circa, nec non post solstitium hyemale, usque ad finem anni, multum faviente, nubibus autem continuo fere Solem obducen- tibus, integrum præsertim Decembrem fastidiosum admodum reddidit. Morbi interea longiores inducias dederunt, tales tamen, quibus aliqualis epidemice luis præsentia non prorsus excluderetur; uti præsertim in febribus quotidianis supra memoratis passim per Junium & subsequentes menses usque in Novembrem observari poterat; quæ tandem in non paucis, cum autumnus adventaret, hecticæ merum injecerunt, quibus tamen juxta cum aliis coagulum lymphæ acidum destruentibus, specificum in primis antiheticum Poterii, lapilli gammatorum &c. salutarem opem præstiterunt. Circa solstitium hyemale variolæ benignæ in pueris se exeruerunt, cum magno quidem calore ingruentes, a pulvere tamen rubeo Pannonico, antimonio diaphoretico, unicornu marino &c. quinimo quandoque etiam sine medicamentis celeriter periodum suam absolventes, & cum fine anni jam iterum omnino disparentes. Quod tandem de ægritudinibus aliis, quibus semper fere tussis se sociaverat, dictum, in hisce quoque deprehensum fuit.

Quæ Annorum sequentium, videl. 1703. 1704. & 1705. constitutio fuerit, in Appendice Dec. tertiae Anni noni, & decimi Miscellaneorum nostrorum curios. legi potest; cui nempe typotheta negligentia antecedentem præfigere intermisit.

Anno 1706. hyemale frigus, ob austrinam aeris temperiem, qualis anni prægressi in fine observata fuerat, & usque dum Sol Aquarii signum attingeret, continuaverat, hætenus ut plurimum tolerabile, nunc magis se exeruit, præsertim cum orientalis ventus in Februario constanter, interdum ad meridionalem plagam inclinans, spiraret, ac continuæ fere nebula usque ad Solis in Pisces ingressum, ubi serenus aer frigus augebat, nos cingerent. Cum interea hecticæ febris insultui (coryzæ & tussis humidas, tanquam indivulsos quasi hyemis comites, nec non odontalgias ut taceam) denuo plures exponerentur, sed facile etiam medicamentis acredinem temperantibus abigerentur.

Circa vernale æquinoctium zephyrus potissimum dominio potitus, atque, a reliquis tamen ventis nonnunquam interruptus, multum invalescens, diversam etiam temperiem, austrinam præcipue excitavit, ac vernali amœnitati subinde obstitit. Sub qua constitutione febres quotidianæ, & plures tertianæ ingruerunt, magno cum impetu, in quibusdam etiam cum deliriis, sine tamen cephalalgia ut plurimum, & quæ post sumptum cholagogum, vel emeticum, absorbentibus non difficulter, prompte etiam chinchinatis cesserunt. Plures insuper circa Solis in Gemellos transitum nephriticis doloribus, non admodum refractariis, obnoxii fuerunt.

Postea sub mutabili valde ventorum vicissitudine, ante & post solstitium æstivum, plures serenos calidosque dies experti fuimus, qui etiam diu continuarent, multamque ideo terræ siccitatem, præsertim a ventis adjuti, attulerunt; cui interea febres prædictas, sensim declinantes, neque tamen per reliquum postea annum prorsus silentes, crebræ odontalgie, (quæ etiam per totum hunc annum fuerunt observatæ) tussis, interdum convulsivi quid habentes, & coryzæ; adultos æque ac juniores affligerent, & cum negligentior diætâ accederet, diu durarent. Quas molestias magnæ illi & totali solari eclipsi, quæ d. 12. Maji contigit, adscribere multis placuit. Et quamvis subita illa aeris calidi, interceptos ob Solis radios, in frigidum, hisque non minus celeriter redditis, in calidum rursus mutatio, juxta cum animorum, ex insperata illa & nulli unquam visa caligine, consternatione, aliquid contribuisse videri posset, cum tamen jam ante eclipsin istæ lymphæ stases contigerint, vix locum illa opinio inveniet; negari tamen nequit, frequentiores post illam solis obscurationem, & circa solstitium æstivum illas occurrisse; ideoque non prorsus improbabile est, spiritus a phænomeno isto terrifico labefactatos, (qui sane terror in nonnullis tantus fuit, ut lipothymiam ipsis induxerit) lymphamque simul crassiorem redditam, quin & a frigore illo insolito magis condensatam, ad catarrhales hæc stagnationes disposuisse.

Mensis Julius quamvis pariter multa serenitate gauderet,

ret, nonnunquam tamen pluviis sitientem terram refocillavit; post Caniculæ vero exortum calores admodum invaluerunt, & usque ad occasum perseverarunt; quin licet temperatior ob pluvias, parciores equidem, aura per paucos dies succederet; ad pristinum tamen genium mox reversa est, usque dum d. 7. Septembr. cum luna inchoante zephyrus pluvias sæpius adduceret. Quo tempore dysenterici grassari cœperunt, & infantibus non levem stragem intulerunt, adultis vero nec tam frequenter, nec etiam lethaliter ea decumbentibus. Ubi quidem hisce fructuum horariorum intemperantiori ab esu, vel liberaliori ob caniculares æstus potu, præsertim cerevisiæ, nobis albæ dictæ, propter tenuitatem suam & imperfectam a parca fermentatione depurationem, in acorem pronæ, illam obtigisse verisimile est; illis autem, quorum major pars ob tenellam ætatem nihil horum degustaverat, cur adeo fatalis fuerit difficulter determinari potest. Utrum in lacte vaccino aliquid adversi delituerit, quo cum nempe pulmenta in eorum cibum coqui solent, affirmare nequeo; cum tamen alia causa non suppetat, in vaccarum sanguine, ob aeris fervorem, pratorum siccitatem, & pabuli inde ortam penuriam, temperatas balsamicas periculas multum fuisse immutatas, acrioresque redditas, haud incredibile videtur, quæ lacti communicatæ vim suam in tenerissimis infantum corpusculis exerere, eorumque destructioni, quin & epilepsiæ aliis quibusdam tum temporis funestæ, ansam dare valuerunt; & cum muliebris imperita industria pusionum curæ se sufficere ut plurimum persuasa sit, aut saltem Medicum desperato jam morbo advocet, funerum multiplicatio facile contingere potuit; præsertim ubi difficilior fortasse prægressus partus fœtui debilitatem aliquam antea imprefferat, cum, incertum qua de causa, hoc anno de dystokia & præmaturo partu non levibus querelis urbs perstreperet.

Reliquum anni, una cum ventorum continua mutabilitate, nebulas inter & pluvias frequentiores, aerem temperatiorem quoad activam ejus qualitatem, (nisi quod paulo ante solstitium hybernæ eurus eundem nivibus asperiores per triduum reddiderit) expertum fuit, multasque nobis inducias concessit, si rheumaticas post solstitium dictum, musculis caput attollentibus fastidiosas lymphæ stases exceperis, quæ solo tamen tum hypocausti calore, tum suffituum mastichinorum &c. ope haud difficulter resolvi poterunt.

Plurimas inter nebulas temperatioremque auram non saltem annum 1707. inchoavimus, sed porro etiam clementem, & Sole in Aquario versante, humidam aeris temperiem experti fuimus, raro, nec diu durabili frigore, ac multo rarius nive comparente; neque etiam multi, humidæ nempe & nocivæ alias in aere particulas frequenti ventorum variorum agitatione dispellente, morbi populares aderant, nisi quod rheumatismi præfati, nec non febres intermittentes, quamvis pauciores, atque post sumptum lene laxans, essentia corticis Peruviani facile abigende, continuarent; quosdam vero pleuritides veræ, in suppurationem ut plurimum terminatæ, nec tamen admodum acutæ, & antimonio diaphoretico, pulveri pleuritico Aug. prompte cedentes, puerilem autem sparsim variolæ, nulla malignitate suspectæ, ac per totum postea anni decursum observatæ; alios denique icteri non adeo contumaces; præsertim sub crebriori essentia mart. D. Lud. usu, invaderent.

Licet autem circa Martii initium frigus intensum ingruerit, mox tamen post quattriduum temperatiorem in statum denuo fuit mutatum, ut veris præludia multa comparent; cujus vero amœnitatem ventorum diversorum, euri in primis austeritas, cui nebulæ crebræ jungebantur, multum retardavit, aeremque frigore horridiusculum reddidit; quo ipso insensibilis transpiratio admodum sufflaminata, serum in corpore auxisse, atque creberrimas adstagnationes disposuisse visa est, ut major incolarum pars catarrhosis ægitudinibus, pectus, vel nares, aures, faucibus occupantibus affligeretur; in quibusdam fluxu celerissime, vehementerque gravi cum cephalalgia & febrili incallescencia invadente. Quo tempore etiam

Sydenham opera Medica.

febres, tum quotidianæ, tum tertianæ, ex eadem dubio procul causa, multiplicabantur, atque non raro graviores in principio, magna utpote cum cephalalgia, virium debilitate, & calore, ut continuæ quasi typum referrent, oriebantur, postea vero medicamentis oppugnata, prompte etiam recedebant; facile tamen ab aeris frigidi admissione, vel cerevisiæ potu recidivam passæ; quæ etiam febres in autumnum usque continuarunt; qui humidus admodum & graviori zephyri vehementia fastidiosus extitit. Postquam æstas, Sole Cancræ signum occupante, magno æstu, rarius a ventis pluviisque temperato, primo sat gravis, ab ingressu autem Solis in Leonem, crebriores propter pluvias, zephyrique impetus frigidulus ut plurimum fuerat; & sic (ut crebriores catarrhos dentibus præcipue infestos taceam) non saltem in nonnullis quartanæ, longiori horrore & calore multum molestæ, eoque contumaciores, quo minus ii, qui eadem afflicti ex plebe meam opem implorant, in diata convenienti medicamentorumque usu morigeros præbuerunt, sed etiam arthritidis vagæ, pulveribus ex coralliis, spodio foss. lap. gammar. einnabari, aliisque antimoniatæ fixis, opii tantillo addito, præter interpolatum laxantium usum, haud difficulter cedentis, generationi ansam dederunt. Hyemis præsentiam in Decembris initio præmaturum frigus, & nives copiosæ ab Aquilone adductæ, indicant; quæ tamen post decedendum e pluviis eliquatæ, quas zephyrus ante solstitium hyemale vehementissimus concitaverat; cui cum caurus, & postea euronotus successissent, aere nubilofo & nebuloso, ac moderate frigido, morbis silentibus, reddito, anni exordium fecerunt.

Anno 1708. dissipatis nubibus, benignior euronotus per duas primas hebdomadas serenitatem, aliqua tamen nebulosa caligine ut plurimum se immiscente, produxit; quam postea humida ac pluviosa constitutio excepit, præsertim cum quattridua circa Solis in signum Aquarii ingressum zephyri vehementia ingruisset; cui sub ventorum mutabilitate prior serenitas circa finem hujus mensis primi, & principium secundi successit, atque temperatam adeo brumam, uti passim alibi locorum, experti fuimus, ut multa veris indicia ostenderet; donec euronotus d. 10. Febr. cum nivibus frigus adduceret, humida vero paucos post dies, cum intermixto quandoque frigore, intemperies a zephyro reduceretur. Quamvis autem hac sub insolita aeris clementia multi graves esse oboriturus morbos vererentur, nihil tamen epidemici, (ut febres quotidianas & tertianas sparsim & rarius adhuc occurrentes taceam) præter variolas, usque dum Sol Tauri signum accederet, continuantes, & consuetæ hoc tempore catarrhalia incommoda, tusses præsertim humidæ, & ab eadem feri stagnatione capitis erysipelas in sexu muliebri, produxit, quod ex negligentiori fortasse partis istius custodia, præviis in collo tensivis doloribus, cum febrili incallescencia invaluit, & moderato lecti calore, præsertim diaphoreticorum terreorum usu accedente, non difficulter discussum fuit.

Humidus autem hic aeris status ante & post æquinoctium vernale continuabat; ut pauci sereni dies nobis obtingerent, & licet Solis quandoque radii refocillarent, nebulosæ tamen exhalationes eisdem sæpissime deturparunt; usque dum austerior eurus d. 27. April. aerem serenaret, atque ab eo, & alternante cauro molestum frigus terreque siccitas producerentur, quæ in adultum usque Majum, in quo diversæ ventorum ex omni plaga mutationes notatæ, continuabant, donec d. 15. post fulmina & tonitrua in crebras pluvias mutarentur; quæ dein humida facies, zephyro & borea alternantibus, usque ad principium Augusti perdurabat; ubi zephyro potissimum dominante, calores magni & multa serenitas, sæpe tamen matutinis nebulosis evaporationibus gravata, usque ad Caniculæ occasum ingruerant, pluvioso ac frigidiusculo aere succedente; qui etiam, rara intercurrente serenitate, usque ad æquinoctium autumnale continuabat. Interea frequentes febres heceticis similes, rursi præsertim & caloribus lentis inordinatis stipatæ, atque continuato absorbentium fixorum usui obtemperantes, notabantur. Variolas autem circa Maji finem

cessantes, morbilli excipiebant, non tantum in infantibus, qui prius sani fuerant, sed etiam, qui paulo ante variolis laboraverant, nec non in adultioribus, ut & non paucis morbum hunc jam olim expertis, absque tamen malignitatis nota, & sub blandorum diaphoreticorum usu paucos intra dies periodum suum absolventes, qui tamen in mense Julio iterum cessaverant; quo tempore postea odontalgia, ophthalmia, nec non dolores spasmodici uterini in fœminis, ischiadicique præcipue in viris frequenter occurrebant, ex lymphæ, uti mihi videbatur, ab aeris inclementia viscidioris atque ideo ad stagnationem proclivioris redditæ vitio generati, præsertim cum cerevisiæ accescentis, qua de plurimæ passim querelæ fiebant, potus accederet, & nervis ad coxas ac uterum tendentibus spicula sua infingeret, ubi præter lenia eccoprotica, hysteriæ medicamenta castorina, cinnabarina &c. & ischiadicis blandam per vices diaphoresin promoventia, non neglecta ut plurimum opiatorum succisa miscella, profuisse expertus sum.

Circa æquinoctium autumnale per 16. dies serenitas adsuit, raro nubibus aut pluviae exposita, nebulis tamen crebris matutinis stipata, quibus post multam ventorum varietatem, subsequ. etiam diebus observatam, boreas per 12. dies nubes adduxit, a zephyro postea in pluvias resolutas; quin & post solis in signum Scorpionis ingressum, euro flante, nix decidua præmaturum quasi hyemale frigus efficiebat. Ineunte Novembri multa quidem usque ad solis in Sagittarium ingressum serenitas, crebro tamen nebulosa, præsertim matutina, caligine inquinata; succedente usque ad d. 15. Decembris fastidiosa, frigida, ob nives, nebula, nebulas intemperie; ubi quidem sol nubibus discussis, serenitatem non sine multo frigore, crebris etiam nebulis interruptam, reddidit. Interim, præter frequentes odontalgias, catarrhi in primis, capiti & pectori infesti, plurimos in M. Novembri infestarunt, tantumque incrementum sumpserunt, ut in M. Decembri paucissimi in urbe essent, quos molestia illa non tentaverat; multos etiam gravius tractaret, qui nempe prægresso acri horrore, febriles effervescencias, intensas cephalalgias, aut capitis stupores, virium prostrationes, quandoque faucium spasticas strangulationes, vel dolores pleuræ spurios experti fuerunt. Causam continuæ quasi nebulosæ aeris tempestati potissimum adscripserim, quæ non solum particulas suas humidæ, impuras, per inspirationem corpori communicare, sicque serosam colluviem augere, & sanguinem inquinare potuit, sed etiam frigore & gravitate sua poros constringendo, ac transpirationem excrementiorum humorum impediendo, eosdem cumulare, in crassare, atque in subtilissimis cerebri, narium, tracheæ glandulis ac tubulis stagnare fecit. Cui itaque præter moderatum aeris regimen, medicamentis resolventibus, attenuantibus, absorbentibus, demulcentibus &c. pro subjectorum & symptomatum diversitate, ubi morbi gravitas id deposcebat, succurrendum fuit, eo cum successu, ut nullus, qui libitinæ censum subiisset, mihi innotuerit.

Principium anni 1709. spirante euronoto, nebulosum fuerat, altero autem & subsequentibus diebus zephyrus vehemens pluvias, & noctu, inter d. 5. & 6. Januarii plurimam nivem eurus, versus aquilonem inclinans, cum intenso frigore adduxerat; quod indies fere, inter matutinas præcipue nebulas, diesque & noctes serenas, crescendo ea vehementia nos afflixit, qua de longe lateque querelas multiplicare Europæ contigit, donec d. 24. prægressa nivosa, vesperti auster temperatiorem & pluviosam auram induceret. Licet autem ineunte Februario frigus iterum, tolerabilius quidem, intenderetur, ac variis sub ventis aerisque mutationibus, nive quandoque rariore decedente, ad diem usque decimum continuaret, zephyrus tamen temperatiorem tunc aerem reddidit, usque dum d. 16. orientalis ventus, ad septentrionem, nonnihil denovo deflectens, & præsertim biduo post acriter spirans, novo gelu affligeret; quod incrementa subinde sumens, eo rigore inhorruit, ut d. 27. Febr. intensissimo frigori, d. 21. Januarii observato (testante id spiritu vini in meo thermometro, utrobique matutino tempore ante solis ortum, ad gradum usque septimum, vespertino autem post solis occasum ad nonum gradum depres-

so) parum cesserit; quod dein multas inter ventorum mutationes, variasque aeris, humidam in primis, constitutiones, tolerabilius redditum, sed d. 12. Martii, & insequente triduo iterum auctum fuerat, spiritumque vini in thermometro ad gradum nonum cum dimidio, vesperti autem ad undecimum atque dimidium depresso; tandem autem remittens, d. 16. dicti mensis spiritum ad gradum undecimum, & sic sensim magis sursum extolli permiserat, ut d. 17. Aprilis gradum decimum quintum mane attingeret. Interea non tantum ventorum mutabilitas, sed aeris etiam, ob crebriores pluvias, humida ac frigidiuscula, interveniente tamen subinde serenitate atque calore, ante & circa solis in Tauri signum ingressum intensiori, continuaverunt, ut fecunditati terræ non modice faverent, matutinae quoque nebulae tenuiores, ubi pluviae aberant, cœlumque serenum erat, tunc & per totum reliquum annum, semper observabantur. Et quamvis post referatos terræ ab insolito frigore profunde constrictos meatus, indeque diu repressas exhalationes, vapores isti liberiores facti multis gravium subsequendarum ægritudinum metum excitarent, contrarium tamen per DEI gratiam evenit, congelata ista terræ crusta sensim resoluta, sicque vaporibus non confertim erumpentibus, sed paulatim exhalantibus, atque ventorum perpetua agitatione particulas istas humidæ impuras dissipante. Tot tamen aqueæ in atmosphæra oberrantes particulae non poterant non feri proventum nimium in corpore accumulare; præsertim cum per totum reliquum anni decursum mutabilis subinde, præsertim humida & frigidiuscula temperies (nisi quod Syrius ante & circa sui exortum finemque zephyro, uti hic, ita etiam reliquo tempore, potissimum prævalente, quandoque per pauculos dies acrius ureret) & hinc catarrhosarum molestiarum, cum hæctici caloris in quibusdam metu, in naribus, bronchiis, dentibus, artubus, per totum anni decursum, & quæ omnibus fere aliis morbis sese jungebant, frequentiam excitare; præter quas etiam, in vere & æstate, febres quotidianæ & tertianæ, interdum gravibus symptomatibus, præsertim in morbi principio, uti deliriis, cephalalgis, spastico nuchæ dolore, narium hæmorrhagia, vomitu &c. stipatæ, ex transpiratione insensibili, ob temperiem aeris sæpius variantem, impedita obortæ, minus tamen refractariæ, non pauca notabantur. Inter remedia, juxta cum eccoproticis, blanda diaphoretica & absorbentia potissimam curæ partem absolverant.

Constitutio anni 1710. cum humida & moderate frigida, sub ventorum, zephyro tamen prævalente, alternatione, primo continuaret, affectus etiam catarrhosi, in primis arthritides nondum desierunt, & mense Martio febres tertianæ, cephalalgia, deliriis, vomituque in prima invasione sæpius molestæ, non paucos invaserunt; quibus tamen, post pulveris cornachini, & ubi ventriculus viscido muco obrutus videbatur, lenioris emetici usum, cortex Peruvianus ad ʒʒ. ʒij. &c. semel vel bis in die sumptus, præsentaneam opem ferebat, ut post secundum, aut quartum paroxysmum, sine recidivæ incommodo, ut plurimum cessarent.

Postquam in Arietis signum sol pervenit, cum serenitate, (ita tamen, ut hic quoque annus, cœlo sereno, soleque oriente, nebulosum nonnihil aerem semper experiretur) triduanum quidem intensum calorem, Africo flante, excitaverat, quem tamen zephyrus pluviosus creber iterum dissipaverat, qualem etiam sextiduanum calorem, antequam sol in Tauri signum progressus esset, euro spirante, sensimus, ab occidentali tamen pluvioso vento iterum temperatum. Et hæc aeris, modo humidæ, modo sicci, calidi, frigidiusculi, sæpius nubilosi, ventorum etiam crebra permutatio in posterum usque ad finem anni perseveravit, prævalente tamen semper humida constitutione; unde hæc vicissitudo primo terræ fecunditati multum, postea etiam hyems ut longius abesset, simul tamen variæ catarrhosæ & rheumaticæ invasiones ut frequenter oriuntur, effecit. Febres etiam tertianæ, quamvis non frequentes, nec non quotidianæ, hæcticaque per totum annum observabantur; mense autem Majo & Junio morbillis plures infantes, cum vehemēti tussi, oculorum gravedine, hæmorrhagia sæpe prævia, decumbabant; variolæ quoque in multis, non quidem malignitate, sed copia, & symptomatum consuetorum vehementia,

mentia, & pustularum, rariori tamen, confluxu infestæ notabantur. In cura omnium horum morborum remediis, in præcedentibus historiis memoratis, non infelicitè uti datum fuit.

*Constitutio Epidemica Basileensis Anni
1700. & 1701.*

Dn. D. JOANNIS JACOBI HARDERI.

Æstivus calor diebus canicularibus Anno 1700. temperiem suam non excessit, quin ventis quandoque placidis perflaretur, neque corpori incommodum faceretur, imo Augusto mense, pluviis præter votum quandoque infrigebatur; September insequens siccus & calidus illo magis fuit, nec tamen sufficiens, qui uvæ ad optatam maturitatem undique perduceret; neque etiam morborum ferax ista anni constitutio fuit. October nebulosa, ut solet, & sæpiusculè pluviosa tempestate, hyemalem brumam antevertit; hæc ipsa autem per Novembrem, & Decembrem mitior extitit, & quamvis multa nive montes & juga altiora integerentur, ingruente tamen pluvioso, & hoc quandoque udoso aere, ab eadem prompte liberata fuerunt; ista autem aeris *diadema*, non modo catarrhalibus febribus, sed pleuritidi ac pleuropneumoniæ, etiam sparsim ansam præbuit.

Anno 1701. Januarii initium boreali vento magis perflabatur, aerisque serenitate animum refecit; in primis vero sub meridiem propius accedentes solares radii brumæ matutinæ spicula ex voto pepulerunt, & continuata in Februarium usque sua activitate fere inconcussa, nives boreamque in arvis campisque tantum non intempestive fugarunt, siquidem subsequente Martio ac Aprili, quibus blandiorem solis calorem, & hinc pluvias amicabili austro mitigatas sperabamus, brumæ rigorem majorem nivalisque tempestatis, ac nivis copiose delabentis spicula, frequenter experti sumus.

Maji delicias, si quas matutinæ auræ fulgor interdum promisit, mox nebulæ crassiorum cohors, nunc calor subsequens intensior, mox irruentes grandinose tempestates, omnimodo amarulentas reddiderunt. Ante caniculæ autem exortum; & hac durante, solis æstus longe intensior & tantum non exurens calor, animantibus brutis non minus, quam homini, valde molestus fuit, febrium intermittentium ferax mater, & quem neque tempestates horrendæ, crebrius ingruentes, usque attemperare valuerunt.

Post Caniculam increbescens tantisper pluviosa, & hinc temperatior aeris constitutio, placidiorem motum videbatur promittere; verum alcyonia hæc non diu durante, quin redeunte intensiore aeris siccitate, sereno cælo, si nebulas Septembri mense, minus tamen frequentes, mane excipias, in Octobris usque principium, calor insuetus & immoderatus persistit, exarescentiæ æque, si non magis, quam majoris fructuum maturentiæ pares, & dysentericæ satis atrocis apud nos, aliisque in locis fecundus genitor, cui num pluviae a diebus aliquot, arva præ siccitate hiscentia blande irrigantes, atque hominibus gratissimæ, obicem sint posituræ, horæ subsecuturæ docebunt.

Constitutio Epidemica Beroliensis Anni 1701.

Dn. Doct. GUSTAVI CASIMIRI GAHRLIEP

von der Mullen.

Annum sæculi septimi primum, prima Januarii, turbido, sed sicco cælo inchoavit, & in vespere pluviosam desinit. Sequens secunda pluviis nivem ad meridiem usque miscuit, post discussis nubibus serenior gelu moderatum adduxit. Quod sequenti tertia continuans, ac per quatrimum ingravescens rursusque in nives, & pluvias procellæ junctas per triduum delituit. Cui denuo undecima cum nive copiosa leve successit gelu, atque octiduum pauciori quandoque, quandoque copiosiori nive aspersum duravit. Vigesima nebula densa mutationis prænuncia, sequentibus tribus, interspersis quandoque pluviis, tandemque gelicidio degelavit. Vigesima quarta Iris

matutina turbidi atque pluviæ ætheris nuncia apparuit, sequente per triduum, gelu moderato ac parvis nunquam nivibus stipato, quod quatrimum rursus nocturno ac matutino gelu, a meridie ut plurimum degelante varium ad finem usque mensis excepit. Februarius nebula densa cum gelu moderato, sed mox in pluvias fatiscens cepit, cui nubilum successit cœlum, remittente gelu, & in imbrem circa vespere deliquescente. Mox, tertia procellosa, sicca & clara, a nivosa nocte, die vero, licet borea flante remisso ac egelido, nocte tamen rigida succedente, ac die nivosa, sed temperata sequente, a triduo gelido iterum excepta. Nona tempestuosa cum successore decimo gelu in nives deliquescentes resolvit. Quas sequentes duæ noctes in glaciem rursus densarunt, de die parumper degelantem. Decima tertia nimbofa rursus nives parcas sparsit, mox aere temperato solutas. Decimam quartam cælo sereno gratam, gelidum excepti biduum, quod gelu nocturno & matutino temperato, pomeridianum adhuc mitius substituit. Huic aliud successit biduum ventosum; ab octiduo gelido & ut plurimum sereno comitatum, 25ta quidem turbida, & uvida interruptum, sed triduo rursus gelido & ex parte obscuro redintegratum, & pluviis nonnullis interpolatum, 25. una cum mense desinens.

Martius verna temperie initiatus, vario cælo, nunc placido, nunc turbulento, ventoso, frigidò, diversimode alterato, ad nonum usque & decimum gelidus transit. Tum remittens, octiduo temperato ac verna amœnitate grato, ad vigesimum pluvium initio, tandem rursus clarescentem duravit, a quatrimum perinde variato exceptum, in noctes gelidas, sexque dies serenos desinit.

Morbos, trimestre hoc, præter scorbutum, endemium & illius affeclas & affines aluit febres diversarum specierum, malignas quasdam variolis notatas, alias ardentes, continuas ac intermittentes, catarrhales, pleuriticas nonnullas, alias tussibus vehementibus ac diuturnis, cephalæa, asthmate affligentes, in phthises quandoque degenerantes; præterea cardiacas; hypochondriacas, & colicas passiones.

Aprilis, quo Martius tramite desinit, rursus incipit, nisi quod serenitatem præcedentem cum turbido ac ventoso cælo commutavit, & a sexto per quatrimum, nives quandoque utut raras pluviolis nonnullis interseruerit, tum gelu nocturno dies serenos, & haud inamœnos ad 14tum usque substituerit. Cui cum 15to pluvia nivibus mixta nimbofis, quatrimum successit serenum ac frigidum; huic vero biduum turbidum pluviis subinde, & nonnunquam grandine interpolatum. 24to & 25. serenis ac verna gratia temperatis, reliqui ad trigessimum usque successerunt inconstantes, pluviosi & nimbofi.

Majus turbido, sed mox sereniori inchoavit biduo subsequente triduo nubilo ac frigido, sparsis quoque nonnunquam pluviis ex parte uvido, ad septimum totum pluviosum, & octavum varium, tandemque nonum serenum ac æstivo calore gratum perrexit. Cui triduo quatrimum, intercalato decimo tertio pauca pluvia irrigato, addidit. Tum 6. dierum sudo plane æstivo ad 20. usque continuavit. Cui alii sex non æque sereni, sed varietate pluviolis nonnunquam temperata, adeoque non inamœna distincti successerunt, tandemque reliqui ad finem usque mensis verno temperamento commendabiles.

Junius a principio ad 12dum usque in ea temperie, pluviolis tamen quandoque interpolata perseveravit. A 13tia verna temperies, in æstum sæpius satis grandem mutata, & præter nocturnas 16ti & 20mi pluvias fere torridum, ad 22dum usque pluvia nocturna ac tonitru matutino fractum, cui ad 26tum pluvia moderata madentem, quatrimum temperatum; huic vero 27mus paulo calidior, 28vus cum 19no pluviis modicis irrigui successerunt, tandem 30mus sereno & temperato cælo amœnus mensis simulque trimestre finit.

Morbi hujus trimestris præter prædictos endemios maligni & epidemici, quantum mihi quidem innouit, pauci fuerunt, sporadici plures, febres pleuriticae, ardentes, continuæ, asthmate, nausea, vomitu, cephalæis molestæ; intermittentes quædam, hemiera-

nia, cardiogmo, cœliaca passione, diarrhœa, dysenteria aliisque symptomatibus exacerbata, lipiria quoque sed urina sola.

Julius sudo ac calore æstivo, quo præcedens recessit, denuo accessit, ac ad 13tium usque serenitate jugi ac æstu indies ingravescente, si 5tum excipias temperatiorem reliquis, ac 6tum pauca pluvia irriguum, continuavit. Sequentes etiam nonnunquam & pluviolis alterati, unico 27mo a meridie spargente exempto, ad finem usque mensis serenitate ac temperie laudabili excelluerunt.

Augustus eodem fere cœli, ut quandoque rorantis inchoans, mox variabilis fuit. Secundus enim fervidior & siccior. Tertius tonitru imbrem, tota nocte durantem, addidit. Quartus mane frigidus sudum diurnum cum æstu substituit. Quintus mane pluviosus, reliquo diei priore temperatior. Septimus sudum nubibus interpolavit, cui cætera similis octavus in tonitru horrendum vesperi & imbrem desit. Nono sudo antemeridiano pluvias a meridie copiosas. Decimus antemeridiano sudo vespertinas submisit. Undecimus paucis pluviis matutinis, sudum pomeridianum, huic vero vespertinum tonitru fragoratum cum fulguris fere perpetuis, nimboque densissimo. Duodecimus præcedenti, tonitru si demperis, & fulgura, compar. His hætenus variis ad vigesimum usque octiduum æquabile, sudo ac æstu paucissimis pluviis temperato gratum, huicque aliud octiduum nebulosum magis, ventis pluviisque subinde madens, illique biduum serenum quidem & siccum, sed vento frigido flante haud adeo gratum successit. Tandemque 31mus sudo ac temperato æthere mensem terminavit.

September triduo sereno ac moderato sex dies, pluviis serenitati varie interpolatæ mixtos inseruit. Quibus post noctem procellosam, quatrduum serenum & temperatum, quandoque tamen ventosum, & pluviis parce sparsis roscidum successit, sex diebus serenis aliis æstu æstivo fere compari amœnis exceptum. Trigesimus biduum reduxit paucarum pluviarum aspergine, ut & nebula roridum, cui triduum serenum quidem, sed algidum & ventosum, illique rursus aliud temperatius successit, & mensem simul ac trimestre absolvit.

Morbos præter scorbutum & ejus appendices, ut & ejus affinem ante hic raram, nunc ab adventu Gallorum exulum, inter Germanos etiam, infantes præsertim, fere endemiam rachitidem, hoc trimestre tam sporadicos, quam epidemicos plures tulit. Et hos inter febres malignas & contagiosas, haud paucis exitiosas, variis ut symptomatibus, sic exanthematibus miliaribus, purpura, morbillis, variolis, petechiis quoque insignitas & distinctas. Præterea ardentes etiam, continuas & intermittentes, catarrhales, erysipelatodes, pleuriticas, erraticas etiam. Diarrhœas item ac dysenterias, lienterias, colicas, cardialgias, tussis ferinas ab æstu præsertim humore colliquante oriundas, hæmoptoes, cephalæas, hemicranias, colicas & hypochondriacas passiones cum obstructionibus nonnunquam valde contumacibus, icteros, scabies & pforas.

October serenitatem Septembris, præter pluvias secundi vespertinas, quatrduo satis grato orsus sexto, & septimo frigidulis & pluvia matutina madentibus, interpositis, quatrduum rursus verna temperie gratum dedit. Cui 12mus matutina, 13tius vespertina, 14tus nocturna pluvia madidi successerunt, illisque 15tus totus pluvius ac nimbosus. Quem rursus 16tus cum quatrduo perinde procelloso & subinde nimbo secutus. Vigessimus primus sparsa circa decimam pluviola rotans, quatrduo sicciori & amœniori locum fecit. Subsequens quatrduum, vario, nubiloso ac quandoque rorante cœlo frigidulum, 31mo turbido æthere, geluque moderato mense finem imposuit.

Decembris primus totus pluvius, secundus a meridie tantum pluvias sparsit. His successit triduum siccum, sed nubilum & frigidum. Sextus mane nebulosus parce pluit, a meridie siccus. Septimus udosus. Octavus serenior, procellosus simul & frigidus. Nonus absque procella præcedenti similis. Decimus nives addidit ac gelu, sed hætenus moderatum, ab 11mo ad 13um rigidum, sereno ut plurimum cœlo,

præter 12. mane ac vesperi, & 27mum vesperi tantum nebulosum, 24to remittens atque circa vespertam pluviolas spargens, noctu gelicidium, 26to subsequente nebula liquescens, a meridie cum serenitate frigus, sed temperatum per biduum stabile reddens, 28vo nives superaddens, 29no ingravescent, 30mo nivolum, 31 absque nive perdurans, sicque cum mense trimestri ipsique anno colophonem imponens.

Morbi hoc ultimo trimestri occurrentes, præter endemios scorbuticos, arthritides præsertim & asthmata scorbutico originem debentia, & venerofos, epidemici fuerunt catarrhales præcipue febres, gravedine molesta, & tussi gravi & diuturna infestantes, ardentes præterea tam continuæ, quam intermittentes variæ, malignæ quoque variolis, sæpius confluentibus ac petechiis infames, pleuritides graves & quandoque funestæ, cephalalgia, diarrhœa & dysenteria pertinaces, nephritica, colica & hysterica passionem.

Constitutio Epidemica aeris Berolinensis
Anni 1703.

JAnuarius primo mane cœpit gelu, cœlo succedente sereno, post obscuro, tandemque pluvioso. Secundus siccus, ventosus & frigidus cum gelu moderato, successores habuit tertium circa vespertam pluviolam spargentem, reliquos ad octavum usque siccus; hunc vero totum nivolum æthere temperato. Nonus miti cœlo pluviolis subinde uvidus. Decimus imbrofus. Undecimus parum gelascens, cætera siccus. Duodecimus cum decimo tertio cœlo turbido gelidiores. Decimus quartus verna serenitate ac tempore gratus, vesperi nebulosus. Decimus quintus & decimus sextus vernæ fere amœnitatis æmuli. Decimus septimus nebulosus, tandemque imbrofus. Decimus octavus vicissim siccus & serenus. Decimus nonus cum sequentibus ad vigesimum sextum usque satis rigide gelidi. Vigessimus sextus parum nivis addidit. Vigessimus septimus noctu plusculum ejus sparsit æthere temperato. Vigessimus octavus sereno cœlo valide gelidus, ut & vigessimus nonus. Trigesimus nubilus pauloque mitior. Tandem trigesimus primus mitiori, sicco tamen cœlo mensem hunc primum clausit.

Februarius temperato gelu, sed turbido siccoque cœlo orsus. Secundus gelu satis rigido sereno cœlo, nonnunquam tamen parum remittente ad septimum usque cum gelicidio grandinem submittentem, postque degelantem continuavit. Octavus regelascens cum nono ac decimo parum sereno & amœno cœlo gelidis. Undecimus gelu paulo intensius cœlo obscuro induxit; ac ad decimum quartum cum sequentibus ad vigesimum usque paulo cum sequenti biduo mitiorem porrexit. Vigessimus tertius densa nebula antemeridiana remissior. Vigessimus quartus mane turbidus, postea serenus. Vigessimus quintus nebulosus ac ventosus parum nivis sparsit. Vigessimus sextus intense gelidus ut & vigessimus septimus, simulque cum vento nivosi. Vigessimus octavus nive copiosa mense coronidem imposuit.

Martius biduano gelu intenso cœpit. Tertius noctu gelidus, a meridie remissior, circa vespertam pluviosus ac ventosus. Quartus eodem tenore tota die continuavit. Quintus gelidus ac nivolum, tandem pluviosus. Sextus totus pluviosus ac ventosus. Septimus mane sparsa copiosa nive mox postea in pluviam deliuit. Octavus perinde continuavit. Nonus satis intense gelavit, parumque nivis sparsit. Decimus copiose noctu nixit, postea remisse cum parca nive gelavit. Sic & undecimus, decimo quarto nebula matutina diverso, ad decimum quintum usque sereno cœlo continuavit. Hic mane nivis pauxillum sparsit, post leniter degelavit. Decimus sextus totus fere pluviosus. Decimus septimus noctu gelidus post sparsa nive mitior, ut & decimus octavus cum parca nive gelascens. Decimus nonus post pluviam gelidus ac nivolum, post serenior. Vigessimus quoque gelu cum parca nive miscuit, in pluviam tandem deliquescent. Vigessimus primus tota die udosus. Vigessimus secundus mane & circa vespertam pluvius. Vigessimus tertius maneparum pluvia, post vesperta temperiem submisit. Vigesimo quarto mane parum nebuloso æther serenior successit ac siccus. Vigessimus quintus ventosus

sus æthere sereno nivium aspergine subinde variato. Vigessimus sextus perinde ventosus nivem cum pluvia ac sereno sapius cambiit. Viceſimus ſeptimus matutino tempore ſerenus, poſt turbidus ac ventofus. Vigessimus octavus mane nivofus, a meridie pluvioſus. Vigessimus nonus nubilofus, temperatus tamen. Triduo ſequentē ſereno, temperato ac verna amœnitate & tepore grato menſem ſimul ac trimēſtre primum finiit.

Morbi præter ſcorbutum, Proteum illum plurimorum ſymptomatum ſyndrome variatum ac hic loci endemium, frequentiores fuerunt febres variæ, continuæ & intermittentes benignæ & malignæ, catarrhales & cauſodes, purpuræ, pleuritide ac arthritide quandoque comitatæ, cephalalgia, vertigines, paſſiones hyſtericæ, aſthmata, cachexiæ & cacoſchymiæ.

Aprilis primus dies vernæ ſerenitatis ac temperiei particeps, circa vesp̄eram pluviola madidus fuit. Secundus mane obſcurus, a meridie ſerenus ac frigidus. Tertius, quartus & quintus primo ex aſſe ſimiles, niſi quod poſtremus paulo frigidior. Sextus mane turbidus cum aſpergine pluviolæ, poſtea ſerenus. Septimus ſerenus, ſed frigidulus. Octavus ad decimum tertium uſque ſudo ac temperie, præter decimum paulo calidiorem, amœni. Decimus tertius turbidus ac ventofus mane, poſt ſerenitatem pluviolis miſcuit. Decimus quartus frigidulus ac ventofus cum aſpergine pluviarum. Decimus quintus totus pluvioſus, ut & decimus ſextus, ſubinde tamen paulo ſerenior. Decimus ſeptimus mane pluviæ ſparſit pauco grandine mixtas, a meridie ſerenus. Decimus octavus ſerenus, temperatus & amœnus, nec non decimus nonus excepta pruina nocturna talis. Vigessimus cum vigesimo primo ſecundo verna amœnitate grati, niſi quod poſtremus una cum biduo ſequenti pluviolarum aſpergine ſub vesp̄eram torridi. Viceſimus quintus obſcurus ac nubilofus, raroque intercedente ſudo ſiccus. Vigessimus ſextus verna temperie ac pluviolæ ſubinde aſpergine, cum ſequenti biduo ſiccus. Vigessimus nonus variato identidem æthere pluviæ ſudo miſcuit. Trigessimus poſt pluviæ matutinam ſiccus menſem hunc abſolvit.

Maji primus temperato cœlo ad ſecundum mane pluviolæ aſpergine uvidum poſt ſerenum proceſſit. Secutus tertius mane frigidulus, poſt ſerenus & amœnus, cui compar fere quartus aſpergine pluviolæ torridus, cui biduum ſerenum, ſiccum & calidum ſucceſſit, a meridie tamen ſexti pluviolam aſpergens. Septimus mane ſerenus, a meridie nubilus. Octavus ad decimum tertium uſque ſereni ac verna varietate accepit, rara pluviarum aſpergine temperati, præter duodecimum cum vento tonitru adducentem. Decimus quartus a meridie modice, decimus quintus valide tonuit; quos biduum decimo, & ſeptimo excepit ſudo ac calore verno gratum. Decimus octavus mane nubilus ac vento, pluviolis quoque ſubinde ſparſis turbidus. Decimus nonus ſimilis, abſque tamen pluvia ſiccus, ac tandem ſerenus, a vigesimo ſereno ac amœno exceptus. temperatus ad vigesimum ſecundum & ſequentes calidiores, vigesimum ſextum æſtu gravem, & vigesimum nonum verna temperie & amœnitate gratum tranſiit. Reliquum triduum mane ſerenum, vesp̄eri pluviolis uvidum, trigesimo primo modico fulgurum additamento menſem hunc circumſcripſit.

Junii primus nocturno imbre, diurno ſudo & æſtu orſus, ſecundum ſerenum & vesp̄eri pluviolæ aſpergine uvidum comitem habuit. Tertius mane ad meridiem uſque pluvius, poſt temperatus ac ſiccus, quartum mane ſubinde pluentem alias amœnum ac temperatum præceſſit, ſequentē biduo ſereno ac temperato. Septimus pluvius, poſt ventis ſtantibus ſiccus. Octavus ſerena temperie amœnus. Nonus pluviolis ſerenitatem ſubinde variavit. Decimus mane ad meridiem uſque imbroſus. Decimus ſemel a meridie imbre moleſtus, alias ſerenus. Duodecimus pluviolarum aſpergine quandoque varius. Decimus tertius ſerenus ac ſiccus, ventofus tamen ſimul ac frigidus, compares habuit decimum quartum, quintum & ſextum, hunc æſtuofum ſimul valde ac procelloſum. Decimus ſeptimus nubilus ac ventofus cum aſpergine pluviolarum nonnunquam mixtus. Decimus octavus amœna temperie gratus. Decimus nonus nubilus ac frigidulus, pluviolis ſubinde rorans, cui vigessimus poſt noctem pluviolam æqualis, temperata amœnitate ventis placidis velut eteſiis interpolatus. Vigessimus primus denuo ſerenus ac calidus. Vigessimus ſecundus æſtu paulo gravior. Viceſimus tertius

ſudo ſimul & æſtu moleſtus. Viceſimus quartus æſtu ventis paulo temperiori. Vigessimus quintus pluviola moderatus. Viceſimus ſextus totus fere cum tonitru pluvioſus. Vigessimus ſeptimus mane & vesp̄eri parum pluvius. Vigessimus octavus mane nubilus, poſtea clarens. Vigessimus nonus mane ſerenus, a meridie pluvioſus. Trigessimus mane ad meridiem uſque ſerenus, a meridie quandoque pluvius, menſem ſimul & trimēſtre ſecundum finiit.

Morbi hoc ſecundo trimēſtri infenſiores fuere cacoſchymiæ & cachexiæ ſcorbuticæ variique alii affectus ejuſdem ſarinx, febres variæ continuæ & intermittentes, tertianæ, catarrhales, ardentes benignæ ac malignæ, variolis quandoque comitatæ & morbillis, pleuritides veræ ut plurimum nonnunquam ſpuria, hypochondriacæ affectiones & paſſiones hyſtericæ, tuſſes inveteratæ, & graves, phthiſeos & hecticæ comites. Icteri, colicæ paſſiones, cholera, diarrhœæ.

Auguſti primus nubilus ac pluvioſus. Secundus obſcurus & ventofus ſubinde pluviolas ſpargens. Tertius mane nubilus ac parce pluvius a meridie ſerenus, triduo ſudo ac calido exceptus. Septimus poſt mane aſpergine variatum, a meridie tonitru terruit. Octavus mane ſerenus, a meridie modice pluvius. Nonus ſudum. Decimus idem eteſiis temperatum. Undecimus ſudum æſtuofum, æſtium ut & duodecimus eteſiis mixtum induxerunt, reliqui, exceptis decimo tertio his deſtituto, decimo octava mane ſemel pluvio, vigesimo quarto vesp̄eri cum imbre tonitru inducente, vigesimo quinto mane nubilo, ac ventis turbido, omnes ad finem uſque menſis æſtivo æſtu perſeſerant, præter trigessimum primum, menſem hunc cœlo turbido vesp̄eri claudentem.

Septembris primum biduum ſudo & eteſiis gratum. Tertius nubilus & procelloſus. Quartus mane frigidus, & ſerenus, a meridie nubilus ac turbidus, triduo pluvioſo, frigido, ac ventofus exceptus. Octavus cum nono paulo temperiores ac calidiores. Decimus ſerenus ac temperie amœnus. Undecimus ſapius pluvioſus ac tandem imbroſus. Duodecimus, decimus tertius, & quartus cum ſequentibus ad vigesimum primum uſque præter morem æſtivo calore & amœnitate grati ſerenitate pluviæ vicerunt. Vigessimus ſecundus ad meridiem uſque mane pluvioſus, poſt ſerenus, ut & vigessimus tertius & quartus æſtivo calore commendabiles. Biduo intercedente pluvioſo ruſus ad vigesimum octavum uſque nubilum, ſereno tepore laudabiles. Vigessimus nonus aſpergine vesp̄ertina pluviolarum, trigessimus nubilo cœlo a prioribus diverſi tandem ſerenitate reduce menſem hunc ac ſimul trimēſtre coronide ornavit.

Morbi huius trimēſtris fuere præter ſcorbuticas ac hypochondriacas affectiones, colicæ, diarrhœæ ac dyſentericæ, febres variæ intermittentes & continuæ ardentes, etiam malignæ variolis, morbillis ac purpura nonnunquam ſuſpectæ, pleuritides utriuſque generis arthritides vagæ ſcorbuticæ, paralyſes & apoplexiæ, aſthmata, dyſpnoæ, tuſſes graves ac diurnæ, cachexiæ.

Octobris primus nubilus ac ventofus, ſudo tamen ſubinde mixtus. Secundus mane ſerenus a meridie nubilus. Tertius mane ſerenus, a meridie turbidus ac pluvioſus. Quartus & quintus mane nubili, cum aſpergine pluviarum. Sextus vice verſa mane ſerenus, a meridie pluvius. Septimus poſt nebulam ſerenus & amœnus. Octavus mane pluvia parum rorridus, alias amœnus, nono quoque ac decimo ſicque ad undecimum nubilum ac ſubinde pluvium tranſiit. Duodecimus nubilus, & ſubſequenter imbroſus. Decimus tertius procelloſus ac ſapius nimboſus. Decimus quartus frigidulus ac ventofus mane, a meridie ſerenus, ſemel tamen imbre madens. Decimus quintus ſerenus mane ac frigidus, a meridie parum pluviæ ſpargens. Decimus ſextus mane nebulofus, poſt nubilus ac frigidus. Decimus ſeptimus frigidus & pluviis mixtus. Decimus octavus frigido cœlo ſerenus. Decimus nonus primam nivem ſparſit ſerenante poſtea cœlo. Viceſimo & viceſimo primo tota die cum nive pluviæ. Vigesimo ſecundo cum ſudo frigus ac gelum moderatum. Viceſimus tertius poſt mane gelidum pluviæ dedit degelaſcentes. Vigessimus quartus mane turbidus, poſtea clareſcens. Vigessimus quintus mane pluvius, a meridie nubilus cum pluviolarum aſpergine. Vigessimus ſextus mane pluvioſus, poſtea ſerenitatis parum ſubinde miſcens. Vigessimus ſeptimus ſiccus, ſed nubilus, ſolis ſplendore pauco interdum interlucente. Vigessimus octavus

vus ad meridiem usque pluviolarum aspergine madens, a meridie nubilus ac siccus. Vigessimus nonus mane nubilus, postea serenus, sed frigidus. Trigessimus frigidus & pruinosus. Trigessimus primus temperie autumnali grata mensem finit.

Novembris primus ac secundus frigidi, sparfa parumper nive, postque pluviola. Tertius & quartus temperati & amœni, ut & quintus nisi sparfa sub finem pluviola turbidus. Sextus mane nebulosus, post vento frigido molestus. Septimus nubilo mitior. Octavus nubilus ac frigidus. Nono successit simile biduum cum sudo frigidulum. Duodecimus nubilus ac subfrigidus. Decimus tertius satis temperatus. Decimus quartus mane ad meridiem usque nubilus, a meridie pluviolosus. Decimus quintus mane pluvius, post turbidus ac humidus. Decimus sextus nubilus, frigidus ac siccus. Decimus septimus idem, paucis interspersis nivium micis. Decimus Octavus perinde sed sine nive gelidus. Decimo nono ut & vigesimo sudum subsequente noctu rigido gelu. Vigessimus primus nubilus, ut & vigessimus secundus tandem pluviolæ aspergine mitescens. Vigessimus tertius mane nubilus, aspergine pluviolarum modica sub vespera rorans. Vigessimus quartus totus nubilus ac frigidus, ut & vigessimus quintus vesperi pluvius. Vigessimus sextus cum septimo temperati & amœni. Vigessimus octavus nubilosus ac frigidus, siccus tamen. Vigessimus nonus, mane nubilus, post serenus ac temperatus. Trigessimus post modicam pruina mane serenus ac temperatus, circa vesperam pluvia mensem terminavit.

Decembris primus post nebulam matutinam ut & secundus sereni ac temperati, nec non tertius unica pluviolæ aspergine roridus. Quartus post nebulam matutinam serenus. Quintus sudo frigidus. Sextus quarto similis. Septimus tota die serenus, circa Vesperam maduit. Octavus sereno cœlo procellosus nono quoque continuante procella, & pluvia a meridie interspersa. Decimus mane ad meridiem pluvius, post serenus, ac sedata procella placidus. Undecimus mane serenus, a meridie parum pluvius. Duodecimus totus pluviolosus. Decimus tertius mane serenus, a meridie pluviolæ aspergine udus. Decimus quartus tota fere die pluviolosus & imbrofus, ut & decimus quintus totus nimbosus & sub vespera procellosus. Decimus sextus mane gelidus, post tota die serenus ac frigidus. Decimus septimus mane nubilus, ac mitis; tandem in pluvie asperginem desinens. Decimus octavus mane nebulosus, post pluviolosus. Decimus nonus gelidus mane, ac serenus. Vigessimus aere obscuro gelidus. Vigessimus primus cum sudo gelascens. Vigessimus secundus rigide gelans. Vigessimus tertius noctu nivem sparsit, post degelascens pluviolas. Vigessimus quartus nubilus ac humidus. Vigessimus quintus cœlo sereno gelascens. Vigessimus sextus noctu nivofus, post nubilus, mox tandem serenus ac gelidus, ut & vigessimus octavus meridie serenus. Vigessimus nonus cœlo sereno rigide gelans. Trigessimus ut & trigessimus primus ex parte, ningentes mensem hunc simul & trimestre quartum ut & annum 1703. absolverunt.

Morbi huic trimestri familiares, præter endemios sæpius indigitatos, fuerunt febres omnis generis fere, ardentes, malignæ, variolis suspectæ, intermittentes, tertianæ, quartanæ, ephemeræ, catarrhales, hæcticæ, phthises, tusses ferinæ & inveteratæ, colicæ passionēs; scorbuticæ etiam, diarrhææ, arthritides scorbuticæ, vagæ & fixæ, paralyses, cephalææ contumaces, hemicranicæ, passionēs hypochondriacæ & hysteriæ &c.

Constitutio Epidemica Beriolensis Anni 1704.

JAnuarii primus paucis nivium flocculis gelu orsus, paululum mox rursus remisit. Successit huic triduum cœlo sereno gelidum. Quintus cum sexto noctu totoque sequenti die nives sparsit, quorum postremus cessante nive turbidus ac frigidus. Septimus cum biduo sequenti cœlo quandoque sereno gelidus. Decimus pauca interspersa nive circa vesperam remissior. Undecimus cum sequenti duodecimo ventosi ac procellosi. Decimus tertius rigido gelu horridus. Decimus quartus paululum remissior. Decimus quintus rigidum decimi tertii gelu redintegavit. Decimus sextus mane remissior, a meridie robur prioris resumpsit, cum sequenti decimo septimo paucos nivium flocculos aspergente. Decimus octavus noctu nives parumper auxit. Decimus nonus gelu pauculos

denuo nivium flocculos miscuit, noctu austiores cum gelu satis rigido. Vigesimo nox cum nive copiosa procellosa inter vigesimum primum & vigesimum secundum sine nive gelidum successit, ut & sequens vigessimus tertius pauca nive præmissa serenus. Vigessimus quattus satis rigide gelidus circa vesperam nivofus ac ventosus. Vigessimus sextus noctu cum pluvia regelans, tandem serenus ac temperatus. Vigessimus septimus ea temperie sine pluvia ac nive continuavit. Ut & vigessimus octavus circa vesperam cum sequenti vigesimo nono procellosus ac parum pluvius. Trigessimus post gelu modicum a meridie serenus, tandem cum nive ventosus. Trigessimus primus mensis postremus procellosus admodum ac subinde pluviolosus.

Februarii primi nox tempestuosa, succedens dies pluviolosus, grandinosus ac procellosus. Secundus illi ex parte similis modice gelascens, mane parum ac vesperi ningens. Tertius vento cum pluviis & pluviolis mixto varius. Quartus noctu gelidus, postea serenus, ac verna quasi temperie amœnus. Quintus mane parum gelascens cætera turbidus, siccus, tandemque temperatus. Sextus absque omni gelu priori similis. Septimus turbidus ac ventosus, a meridie cum nive nimbosus. Cui triduum successit temperatum, siccum ac tranquillum. Undecimus remissior, sparsis quandoque pluviis udus ac ventosus. Duodecimus dempta pluvia priori æqualis. Decimus tertius turbidus, sparsis quandoque pluviis ac pluviolis cum sequenti decimo quarto a priori diversus. Decimus quintus cum decimo sexto noctu gelidi, de die cum serenitate procellosi. Triduum sequens noctu gelidum, mane nivofum, tandemque pluviolis aspersis uvidum. Vigessimus noctu gelidus ac nivofus, post paulo serenior. Vigessimus primus cœlo sereno gelidus, paucis grandine niveo interferto. Vigessimus secundus & vigessimus tertius mane cœlo sereno satis gelidi, a meridie remissiores. Triduum subsequens rigide gelans. Biduum sequens nive admista paulo remissius. Vigessimus nonus nive vacuus mensem absolvit hunc intercalarem.

Martii primus mane gelidus, cætera serenus ac remissior, una cum sequenti quatrinduo verna temperie ac amœnitate commendabili. Sextus satis gelidus, turbidus ac procellosus; ut & septimus, tandem serenior. Octavus pauca nive turbidus ac aliquanto remissior, ut & nonus ac decimus tota die tales, prætereaque turbidi ac ventosi. Undecimus serenus vernaque temperie gratus, cum biduo sequenti, cujus tamen postremus decimus tertius paulo obscurior ac noctu gelidior, decimus quartus cum undecimo verna serenitate certans. Decimus quintus mane pluvia cum tepore sæcunda verna amœnitate commendabilis. Decimus sextus turbidus ac ventosus, pluviola quandoque riguus. Decimus septimus mane sparsis subinde pluviolis turbidior, serenitate postmodum grata amœnus. Decimus octavus toto mane turbidus a meridie pluviolosus. Decimus nonus cum sequenti triduo mane pluvius, post frigidulus, ast siccus. Vigessimus tertius mane gelidus, paulo post serenus, frigidulus ac parum ventosus. Sequens quatrinduum temperate frigidum, ventosum ac obscurum. 28vus mane paulo obscurior, postea sudo ac serena temperie acceptus, ut & sequens 29vus, vento frigidior solum diversus. 30vus nubilus, frigidulus subindeque pluvius. Postremus 31vus vento austrino frigido serenitati aspirante temperatus trimestre primum terminavit.

Morbi hac anni quadra præter scorbutum endemium, & luem fere epidemicam, febres fuere variæ, cum tertiana, duplicata, continuæ & ardentes, benignæ, & malignæ, catarrhales & acutæ variis symptomatibus stipatæ, cum & sine tussi, hæcticæ, in phthisin declives, pleuritides, asthmata, dyspnœæ, arthritides statæ & vagæ scorbuticæ, icteri, cardialgiæ, hæmorrhagiæ uteri.

Aprilis 1mus nubilosus, pluviolis subinde aspersis frigidus. 2dus mane pluvius, post aliquanto serenior. 3tius serenus ac temperatus, vesperi pluviolosus. Cui congener 4tus subinde pluviolas spargens. 5tus noctu tonuit, a meridie pluvit, cætera serenus ac calidus. 6tus verna serenitate ac tempore gratus cum biduo sequenti. 7mus tamen paulo frigidior ac ventosus. 9nus mane turbidus ac frigidulus, tandem post pluviam sæcundam serenus. 10mus æthere sæcunda serenitate, pluviolis interdum interpolata, laudabilis. 11mus cum sequentibus duobus verna temperie ac serenitate commendabilis, ut & 13mus circa

circa vesp̄eram paulum pluvie aspergens. 14tus sudum cum nubilo ac pluvii quibusdam miscuit. 15tus cum sequente fecundo cœlo frigidulo parumper temperati. 17mus exiguum matutinum gelu sudo temperans, sequentibus ad 23tium usque, 19no ac 20mo præsertim æstivo fere calore amœnis, 23tio paululum pluvie addidit. Sequens triduum temperata serenitate ad vesp̄eram usque postremi paulo obscuriorem continuavit. 27mus mane pluvius, post frigidulus & nubilosus, perinde ut & 28vus absque tamen pluvia. 29nus temperatus cum 30. mensis postremo, paulo tamen frigidiore & ventoso.

Majus eodem tenore cœpit pluviolas interdum miscens, 2dus serenior paulo & siccior. 3tius ut & sequentes ad 7timum usque sparsis quandoque pluviolis udi & subfrigidi, postremus 7mus noctu cum pruina grandinosus, mane serenus. 8vus mane frigidus ac ventosus, a meridie serenus ac calidus. 9nus verna temperie amœnus ut & 10mus circa vesp̄eram parumper pluvius, 11mus serenus ac calidus. 12mus adhuc calidior subsequente fero pluvio. 13tius absque pluvia similis. 14tus mane ad meridiem usque nubilus ac subfrigidus, postea serenus. 15tus & sequentes verna serenitate ac spirantibus quandoque etesiis quasi æstiva temperie commendabile, ad 20mum usque obscurum, pluvia moderata subinde interpolatum. 21mus cum sequente triduo serenus, calidus & amœnus, parum ventosus ad 24tum usque, post tonitru moderatum a vento impetuoso frigidiorem. Quatriduum sequens obscurum, quandoque cum, alias sine pluvia, ad 29num usque perinde turbidum sæpiusque pluvium. 30mus cum 31mo, mensis hujus postremo, sine pluvia nubilosi.

Junii primus temperata serenitate ad vesp̄eram usque parumper pluviam amœnus. 2dus turbidior ac frigidior mane, a meridie serenitatem aliqualem subinde pluvii miscuit. Sequentes sudo temperari, calidi ac sicci ad 9num usque vesperi parum pluentem. 10mus cum 11mo frigidi ac ventosi. 12mus cum sequentibus sereni, calidi ac placidi, præter 13um paulo obscuriorem, ad 17mum tota die pluvium, 18vus frigidulus & obscurus, serenitate nonnunquam interpolatus, vesperi pluviosus. 19nus ventosus & a meridie imbrofus. 20mus temperatus, ut 21mus fero parum pluens. 22dus obscurior paulo, siccus tamen temperatus. 23tius serenior præcedenti. 24tus cum triduo sequenti serenitatem pluvii intercalavit, ad 28um usque & 29num serenos, temperatos, siccos & amœnos, 30mus paucis pluviiis quandoque intermixtis obscurus mensē simul cum hoc anni quadrante clausit.

Morbi hoc trimestri priori fere fuerunt analogi, præter nimirum geminos illos endemios, febres rursus varii generis, intermittentes, tertianæ simplices ac duplices, quartanæ, & continuæ ardentes, benignæ & malignæ, variis symptomatibus comitatæ, cum & sine exanthematibus catarrhales, pleuriticae, in hæcticam & phthisin pronæ, variolæ, morbilli, diarrhœæ, colicæ passiones, cholera, melancholiæ hypochondriacæ passiones, cephalæ, hemicrania, paralyses, epilepsiæ, asthmata cum & sine hydrope, rachitides.

Julii primus serenus atque siccus. 2dus sudo pluvias miscuit. 3tius serenus ac temperatus vesperi pluviolas sparsit. 4tus priori fere similis, nisi quod procellæ semel pluviolam asperxit. 5tus sudo absque pluviiis, ventum impetuosum intercalavit. 6tus nubilo cœlo serenum absque pluvia induxit æther. 7mus serenus. 8vus sudo æstivus, 9no mane pluvio, serenitas calorem intentum addidit. 10mus pluvias cum sudo alternavit, perinde & 11mus cum nubilo cœlo sudum. 12mus temperatus ac siccus. 13tius, serenus & æstuosus. 14tus cum biduo sequenti mane ac vesperi pluvii, cætera sereni. 17mus toto fere die pluvius. 18vus mane ad meridiem usque pluviosus, & ventosus. 19nus mane serenus, a meridie bis pluit. 20mus pluviam cum sudo sparsit frigidulus & ventosus. 21mus mane obscurus pluviolas post quandoque sparsit. 22dus mane quidem serenus, subfrigidus tamen, a meridie pluviolas disperxit. 23tius temperatus, serenus partim, partim pluvius. 24tus amœnus, calidus ac siccus, cum quatriduo sequenti æstioso. 29nus post pluviam matutinam nubilosus, frigidus ac ventosus. 30mus temperatus & amœnus. 31mus post matutinam pluviam serenitate mensē finit.

Augusti primus ad meridiem usque serenus, a meridie parumper pluvius. 2dus mane nubilus, postea serenus, & amœnus. 3tius mane parum pluens, postea siccus & obscurus. 4tus tota die sine pluvia nubilus. 5tus mane turbidus, post serenus. 6tus serenus, calidus & amœnus. 7tius nubilus ac calidus pluviolas subinde spargens. 8vus sine pluvia serenus ac calidus. 9nus serenus & temperatus in æstum vergens. 10mus huic præcedenti analogus: vesperi tonuit. 11mus nubilum cum sudo alternans vento subinde pluviolas asperxit, cui. 12mus similis semel pluviola maduit. 13tius mane nubilus ac frigidulus absque pluvia. 14tus pluvia nonnunquam addidit. 15tus procellam impetuosam. 16to parum remittentem. 17mus mane nubilus, circa vesp̄eram serenus ac calidus. 18vus serenus & ob calorem temperatum amœnus. 19nus æstuosior paulo. 20mus remissior mane ac modica pluvia fecundus. 21mus serenus, calidus ac siccus, præter 23um valde æstiosum, ad 26tum nubilum mane ac subfrigidum, 27mus cum 28vo pluviolarum quandoque aspergine ventosi. Biduum sequens serenum ac calidum. 31mus mensis postremus etesiis æstum præcedentem temperavit.

Septembris primus nubilus mane, post ob ventum frigidus. 2dus paulo temperatior. 3tius primo fere similis, subinde pluvius. Triduum sequens mane pluviosum, a meridie serenum. 7mus nubilus, frigidus & siccus, ad usque vesp̄eram pluviolam spargentem. 8vus perinde frigidus, sed sæpius pluviolis madens. 9nus mane ad meridiem usque 7mo compar, a meridie pluit, tandem serenior. 10mus temperatus ac serenus totus, ut & triduum sequens ad meridiem usque 13ii, a meridie quandoque pluvientis. Pariter & 15tus circa meridiem semel pluens. 15tus ventus subinde ac pluviosus. 16tus cum 17mo sicci, temperati & amœni. 18vo sudum ut plurimum pluviiis sparsim mixtum. 19mus temperatus, serenus & amœnus. 20mus mane & a meridie quandoque pluvius, cætera temperatis, serenus & amœnus. 21mus circa primam pomeridianam parum pluit, reliquo temperatus & serenus. Biduum sequens turbidum, frigidum & ventosum, subinde pluens. 24tus nimbosus ac procellosus. 25tus ut & 26tus nonnunquam pluvias fundens. 27mus toto fere die pluviosus. 28vus post pluviam matutinam subfrigidus & serenus. 29nus temperatus, serenus & amœnus. 30mus æstiva serenitate & calore mensē hunc simulque trimestre anni tertium absolvit.

Morbi hujus trimestris haud multum abluunt a prioribus, gemini nempe illorum Choragi cum affecis suis in hac quoque tragedia personas suas egerunt, præterque illos febres omnis fere generis ephemera, himitica, tertianæ, simplices & duplices, erraticæ & exquisitæ, quotidianæ, intermittentes & continuæ, putridæ, ut olim audierunt, & causodes, quartanæ quoque, benignæ pariter, & malignæ exanthematibus se prodentes, variolæ & morbilli, pleuritica, erysipelates, hæcticæ, & phthisicæ, catarrhales tandem, cephalæ pertinaces, & enormes, paralyses, epilepsiæ, tusses contumaces, asthmata subinde convulsiva, inflammationes gutturis, angina, hæmoptoes, stranguriæ, hydropes, hypochondriaci affectus, hystericae passiones, cholera, dyarrhœa & dysenteria, rheumatismi, chloroses, emorchiodes cæcæ & cruentæ.

Octobris primus serenus ac temperatus. 2dus mane obscurus, post serenior. 3tius mane nebulosus, mox serenus. 4tus mane pluvius, vesperi serenus & frigidulus. 5tus procella pluviiis mixta tempestuosus. 6tus die frigidus & siccus, vesperi pluviosus. 7tius cum pluvia modica procellosus. 8vus serenior, quandoque tamen pluvius. 9nus cum 10mo temperate sereni. 11mus tempestuosus, frigidus ac pluviosus. 12mus serenus & subfrigidus. 13tius mane serenus, postea impetuosus ac frigidus. 14tus ad 23tium mane pluviosum usque sereni, sicci ac temperati, præter 16tum, 19num & 22dum mane paulo obscuriores. 24tus mane turbidus ac frigidus, postea serenus. 25tus pruinosus & glacialis, cætera serenus. 26tus valide gelans, 27mus paulo remissior. 18vus cum 29no rigide gelidi. 30mus cum 31mo postremo hujus mensis mane pluvii, post sereni.

Novembris primus & secundus mane nubili, post subinde pluvii. 3tius serenus & temperatus. 4tus mane gelidus, postea serenus. 5tus cum modica nebula geli-

gelidus. 6tus & 7mus mane gelidi, vesperi remissiores. 8vus cœlo sereno remissus. 9nus noctu remisse gelascens, alias cum serenitate amœne temperatus, cui compar fere 10mus, obscurior tamen paulo, sparsis nonnunquam modice pluviolis. 11mus huic similis vesperi pluvius. 12mus satis alias serenus, semel parum pluviolæ sparsit. 13tius tota fere die pluviosus. 14tus siccus ac frigidus. 15tus mane pluviosus cum siccitate postea alternavit. 16tus cum 17mo pluviosus. 18vus vento satis forti aspirante serenor, pluviolam raram sero spargens. 19nus frigidus sæpiusque pluviosus. 20mus procellosus insuper. 21mus cum 22do grandinosus quoque. 23tius cum 24to perinde, quandoque tamen sereni. 25tus sudum cum nubilo, sicco sufflante vento campsit. 26tus toto fere die imbrofus. 27mus serenus ac subgelidus. 28vus mane gelidus, post nebulosus. 29nus nebulosus ac frigidus. 30mus mensis postremus spirante aquilone turbidus, humidus ac frigidus.

Decembris primus postremo Novembris ex asse similis, turbidus, humidus ac frigidus, ut & secundus, sed siccior paulo. 3tius sereno cœlo gelidus. 4tus post matutinum gelicidium, cum 5to continue pluens. 6tus quandoque tantum pluviolas sparsit. 7mus nubilus, siccus tamen. 8vus noctu gelavit, de die serenus. 9nus noctu ninxit, de die sereno cœlo gelavit. 10mus satis rigide gelans. 11mus regelavit. 12mus remisse gelidus mane absque pluvia 13tius & 14tus, ut & 15tus cum sequenti triduo cum pluvia remissiores. 18vus mane etiam imbre maduit, a meridie sole cluctante parum inclaruit. 19nus gelidus ac nivofus. 20mus ad 23ium usque sine nive gelidus cœlo sereno. 23tius remissior nubilus & nebulosus. 24tus cum 25to post nebulam matutinam imbrofi, triduum sequens ventosum regelans ac pluviosum. 29nus parum gelascens atque ningens. 30mus & 31mus rigido gelu mensi huic & trimestri, simulque anno 1704. colophonem imposuit.

Morbi, si scorbutum ejusque comites, & sub illius larva sæpius latitantem infamem illam luem, cum appendicibus illorum exceperis, morbi hoc trimestri non adeo frequentes fuere ac præcedentibus. Febres nonnullæ ardentes & malignæ, quæ morbillis aut variolis ut plurimum stipatæ, catarrhales, pleuriticæ in tussis & phthisin declinantes, vagæ quandoque, catarrhis suffocativis sociatæ, melancholiæ hypochondriacæ, & passionis hysteriæ, cephalææ & cachexiæ, tussis contumaces admodum &c.

Constitutio Epidemica Holsatica Anni 1706.

Dr. D. GUNTHERI CHRISTOPHORI
SCHELHAMERI.

Hic jam morbi penitus silent, toto autem hoc anno variolæ confluentes sævissime sunt grassatæ, multaque propemodum dixerim millia infantum maxime tum & juvenum & adultorum rapere per Holsatiam & Hamburgi. Prorsus autem tales se exhibere, quales Sydenhamius describit. In principio mites, mox 2. vel 3. die erumpentes, optime sibi constantes, neque gravioribus symptomatibus stipatæ, præterquam quod deliria statim ab initio usque ad finem, levia tamen, adessent. Ubi vero ad statum perveniebant, & suppurabantur, nihil remittebat calor, pulsus semper frequens & celer, æqualis tamen nec admodum debilis erat, sed die 9. 10. vel 11. ubi ad summum ascendere oportebat, subito, & quasi in momento foveam ostendebant, confluebant, concidebant, pallebant, instar lepræ, in facie præsertim, & tum actum erat. Alexipharmacis & calidis exhibitis, iterum tuebant quidem, sed mox redibant ad pristinum. V. S. ubi adhiberi poterat initio, optime cessabat, etiam in infantibus. Nonnunquam petechiæ conjungebantur in principio. Ubi vero evadebant ægri, sceditate maxime faciei pulchritudo evertēbatur, oculi contorti, immo cæcitas etiam, ingentes furunculi, aut fistulæ ossa etiam exedentes brevi sequebantur, & phacelus.

*Constitutio Anni 1709. Apud Labacenses
in Carniolia notata a*

Dr. D. MARCO GERBEZIO.

Posteaquam præterisset anni 1708. autumnus fere in meris nivium cum pluviis, nebulisque vicissitudinibus, subingressus erat annus jamjam ad exitum properans 1709. cum eis nivibus, frigoribusque, quantorum fere non recordamus unquam. Hippocrates 3. Aph. 17. quidem laudavit frigidas aeris constitutiones, dum dixit, *Aquilonias constitutiones cogere corpora, firma, agilia, beneque colorata, ac auditu valentiora reddere*. Quantam tamen vim eæ fere universæ naturæ inferre valeant, si frigus suos limites transcendat, quemadmodum factum anno ad finem decurrente 1709. experta est cum maxima sua calamitate universa Europa: & propterea quoque nos Labacenses ipsi, quibus plane terra ipsa fuerat a frigoris in Aprilem usque protensi, rarissimisque vicibus ab austris paulisper reussi inclementia adeo affecta, & infœcunda reddita, ut colonis pro suis laboribus vix satorum semen, & illud ipsum effœtum, & æruginē corrugatum reddiderit. Arbores frugiferæ, & quibus perficæ fere cunctæ sideratæ, aut nullum, aut parvissimum, & eum fere verminosum, corrugatum, & certis nigris stigmatibus ab æruginē maculatum fructum portare. Vites similiter usque ad radices emortuæ omni botrorum opimitate destitutæ, & sic de aliis. Quin saxa ipsa observabantur alicubi præ frigore in arenas comminuta. Et parvi demum æstimari poterat istud, si hujusmodi strages non etiam animata, & inter ea quoque hominem ipsum contigisset: verum deploravimus, & deploramus etiamnum, quod (ut reliqua animantia silentio præteream, quorum tamen plurima fuere frigore exanimata) ejus inclementiam quoque ex incolis nostris plurimi, & nonnulli singularissimi viri propriæ vitæ intereptione luerint. Tot siquidem vix unquam vidimus apoplexiis repente sublato, tot vertiginosos, arthricos, catarrhicos, pleuriticos, phthisicos &c. quos hoc ipso anno. Cui alteri autem imputari poterat strages isthæc, quam recta enarratæ immensi frigoris immanitati? Cujus, cum juxta a nobis in Chronologia nostra medica Anni I. §. XXII. & alibi dicta vis sit refrigerare, condensare, incrassare, coagulare, adstringere, & sanguinem cum reliquis corporum succis ob inhærentes sibi magna quantitate nitrosas, vitriolicas, & alias salinas atomos acrem reddere; qui aliter fieri potuit, quam, quod intolerabilitate illa frigoris oclusi cutis pori ingentem alias per insensibilem perspirationem excludendam noxiorum humorum saburram in corporibus retinuerint? quæ intus coagulata facile in cerebri meatibus substitit, de superque aut repentina corporum in excalefactis hypocaustis incallescencia, aut alia quacunque occasione attenuata, & dissoluta eatenus diffudit, ut universos, vel saltem potissimos cerebri meatus, & nervorum inde in reliquum corpus protensorum origines inundarit, obstruxeritque, eoque ipso spiritibus animalibus suam circulationem, & consuetum in subjectas partes influxum præpedierit. Unde repentinæ illæ, de quibus supra, apoplexiæ, vel si qua obstructions tantæ non fuere, tantæ tamen, ut præ iis spiritus animales cursum suum debito sibi tramite prosequi non potuerint, sed potius in gyrum acti fuerint; vertigines illæ, vel saltem certæ fluctuationes cerebri sæpe sæpius apoplexiarum, vel epilepsiarum prodromi; de quibus hoc anno plurimi non solum fuere lamentati, sed quipiam plane apoplectici successive, vel epileptici facti. Quod si autem tales coagulationes, & subsistentiæ, seu stagnationes dictorum humorum simili modo in aliis corporis partibus quandoque accidere, aliæ ibidem evenere indispositiones: veluti in pulmonibus vomicæ, ad quas postea consecutæ sunt primum tussitationes inanes, successive humidæ, & sæpe cruentæ: ultimam plane purulentæ cum totius corporis contabescencia phthiseos nomine veniente, & interitu ipso: in collo scrophulæ, alibi alterius generis tumores. Quatenus tales humores autem copiosius ad nares destillabant, ad fauces,

aut alias partes, evadabant gravedinum, raucedinum, ruffim, & aliarum vulgo dictarum defluxionum causa, sicut arthriticorum, & rheumaticorum dolorum, si ii a frigore justo aciores redditi, inque periostiiis articularum, vel etiam interjacentium partium depositi, ea sua acredine rodebant, lancinabantque &c.

Sicut autem reliquus anni decursus erat quoad aeris temperiem ordinatior, ita erat sanitati humanæ conferentior: excepto, quod vere Aprilis fuerit repente a præter motem vigorosis & constantibus solis radiis adeo excalesfactus, ut auræ temperie fere æstatem præ se ferret: Majus e contra ob prædominantem cum euro boream, pluviasque adeo rursus perfrigeratus, ut præ se ferret autumnum, quod ominosum Hippocrati 3. aph. 1. quod tempus propterea etiam notabiliter plurimum erat ferax morborum. Æstate e contra & autumno, utpote quoad auræ temperiem regulatioribus, tanto salubrius vivebatur, neque observabantur in eis facile aliæ indispositiones (exceptis variolis toti anno communibus) præterquam sporadicæ, & quæ potius erroribus circa victus rationem commissis videbantur esse imputandæ, quam aeris vitiis: febres puta potissimum intermittentes, vomitiones, alvi fluxus, colici dolores &c. quamvis & ad hos poterat jam prius aliquod fundamentum jecisse prægressus adeo rigidum hyemale frigus saltem sua acredine: sicut pariter ad vertigines illas, & apoplexias, quæ quibusdam etiam æstate ipsa, & autumno fuere perniciosæ. Probatum siquidem fuit a nobis in præcitata nostræ *Chronologia Med. Ann. I. §. XLIII.* morbos, qui in temporibus accidunt, non tam ex præsentibus, quam ex præteritis aeris morbidis constitutionibus esse dimetiendos.

Nunc, qui præterit, December jam in alteram hebdomadam constantibus zephyris perflatur cælo nunc nubilo, nunc pluvioso, jugiter autem vaporoso, existente. Metuo valde, ne cum tempore sinistri quid parturiat; curationes denique hætenus enarratorum, & aliorum brevitatis gratia præteritorum morborum, quod concernit, eæ quidem nihil singulare præ se tulere, utpote remediis nobis familiaribus, & in similibus casibus in *Chronologia nostra Medica* hinc & inde notatis communiter feliciter institutæ; sicut tamen apoplexiæ communiter fuere fortes, adeoque ex sententia *Hipp. 2. aph. 42. incurabiles*, ita nullam recipere curationem, uti neque confirmatæ phthises. Quæ apoplexiæ autem fuere leviores, eæ quidem demum rursus fuere superatæ, sed valde lentæ: quemadmodum in certo artium Præfecto, quamvis ego cum non tam pro apoplectico habuerim, quam cui memoria adeo erat læsa, ut sui idiomatis omnimode per aliquot hebdomadas oblitus fuerit. Reliqui siquidem sensus utcunque sibi constabant, ille se etiam, quantum ex signis colligebatur, super omnia reflectebant: solum (quod quid est plane singulare) nullam prorsus rem significativa aliqua voce nominare poterat; verum quæcunque ad se explicandum loquebatur, vel etiam scribebat, erant articulata quidem, sed nihil significativa, qui nunc demum tamen ad tot usurpata eatenus se recollegit, ut ob defectum vocabulorum significativorum intra loquendo raro tantisper subsistat.

Coxæ dolores fuere etiam plerunque adeo contumaces ut etiamnum sint, qui eis jam a vere hoc acerrime detinentur. Certus Juris Consultus ex eis suppuratis plane interiit. In quo illud admirabar ego, quod priusquam moreretur ille, tussire, pectore dolere, & cruenta rejicere, purulentaque incœperit, ante nunquam pectore indispositus. Procul dubio pus a venis in ulcere absorptum, & circulando ad pulmones delatum, eos adeo corroserat, ut & illi suppurati successive in tabem abierint; sed sic fit, dum Empiricis, sicut in hoc casu, confiditur: ubi prætermissa methodo curandi artificiali bonus se totum Empiricis concediderat.

In variolis denique, quarum curationes similiter feliciter succedebant remediis a nobis in *Chronologia nostra medica* descriptis (nisi eis accesserit vel petechiæ vel alvi fluxus) mirabar ego, quod quantumvis illæ fuerint satis alias malignæ & propterea multis perniciosæ; nullas tamen post se relinquere solitæ sint foveas. Uti &, quod eas hætenus nondum consecutæ sint febres petechiales; quod tamen, quantum hætenus observari, communiter accidere solet. Nisi id forte

primo fiat. Earum siquidem nondum est factus finis.

Quia, quibus accesserant alvi fluxus, communiter obierant, lubet curam pro coronide adjungere, quam ego cum felici successu peregi in puellula novem annorum. Illa sub principium invasionis per superna aliquoties vermes rejecerat, per decursum autem deiciebat frequentissime cum torminibus cruenta, atque adeo versabatur juxta dicta in manifesto vitæ periculo: postquam tamen sequentia ordine usurpasset, convaleuit felicissime. Omnium autem primo ipsi injiciebatur talis clyster abstergens: ℞. Decoct. hordei cum rad. torment. ℥ij. flor. ros. rub. p. i. facti ℥ss. mell. ros. col. ℥ss. m. f. clyster. Cui paulo post succedebat talis adstringens: Rep. Lect. vaccin. chalyb. in quo decoctæ fuere rad. torment. ℥ij. herb. polygon. flor. hyperic. & verbasc. ana p. i. ℥v. Adde mell. ros. col. ℥ss. ter. sigil. pulv. ℥iss. m. f. Clyster. qui per decursum etiam sæpius reperebatur.

Secundo per os quotidie assumebatur talis bolus. ℞. Conserv. menth. elect. diascord. frac. troch. de ter. sigil. ana ℥ss. unicorn. foss. gr. v. lap. bezoard. or. gr. iij. M. cum syr. coral. f. bolulus. Cui semper superbibebatur tantillum de vino cydoniorum.

Tertio externe abdomini admovebantur calide a post & ante sacculi herb. chamemæm. absynth. menth. polygon. & ros. rub. referti, & in vino rubro decocti. Potus denique erat decoctum torment. gran. mastic. & crustæ panis. Cibus oryza, panatellæ ex bis cocto &c.

Constitutio Anni 1710.

Quantum in conservanda, vel lædenda humanorum corporum valetudine valeant salubres, vel insalubres, aeris constitutiones dedimus pluribus in *Chronologia nostra Medica*, & docuit nos proxime valedicturus annus 1710. utpote qui sicut hyeme fuit paucis nivibus perspersus, & propterea toleranter frigidus, ita fuit paucissimis morbis, & eis potius sporadicis, ac ab inordinata victus ratione, quam epidemicis, ac ab insalubri aeris temperie dependentibus obnoxius, plane aliter, ac postremo præterlapsus annus 1709. quem utpote nivissimum, frigidissimumque ante annum recensueramus, fuisse apoplexiis, epilepsiis, vertiginibus, gravedinibus, cephalæis, pleuritibus, raucedinibus, tussibus, hemoptoyisibus & omnis generis aliis defluxionibus quam plenissimum. Est verum quidem neque hanc hyemem eis ipsis affectibus omnino caruisse: certum tamen æque est, eis longissime minus fuisse obnoxiam. Neque sine ratione: quando enim tempora in sibi conata temperie citra singulares repentinas, & multum sensibiles de calido in frigidum &c. mutationes (qualiter factum hac hyeme toleranter boreali, & æqualiter frigida) decurrunt, sicut in corporibus non accedunt singulares alterationes, ita neque singulares morbi. *Mutationes siquidem temporum, teste Hipp. 3. aph. 1. potissimum pariunt morbos, & in ipsis temporibus magna mutationes aut frigoris aut caloris.* Quales proinde cum non acciderint hac hyeme, ea non potuit fuisse singulariter morbosa. Quod ea vero interea tamen morbis non caruerit; fecere uti dixi, potius subinde commissi in victus ratione errores, quam aeris morbosa constitutio.

Ver autem sicut erat nonnihil inordinatius, & a septima Aprilis usque ad undecimam ad prægressam mitiorem auram nivoso pluviosum, & ex borea sensibilius frigidum. In Junio etiam sæpe sæpius tempestuoso grandinosum, consequenter pariter ultra modum asperum; ita memoratis defluxionibus tanto magis dives. Cæterum vero tamen ob prægressam, uti dictum, mitem, & nivibus fere expertem hyemem adeo acceptum, ut jam sub dimidio Aprilis omnia essent in virore, & flore: 21. Aprilis etiam præter solitum siligo actu aristas protruderet.

Quod nunc dictum est de vere, idem plane accipiendum venit de æstate, utpote similiter varia sæpius pluvioso tonitruosa, & ex potissimum prædominante borea sæpe etiam sub ipsis canicularibus potius frigida, quam more sibi debito æstuosa, & propterea etiam præterquam satis, vineisque nociva, catarrhorum, tussium, arthritidum, & morborum autumnalium, si quæ alia ferace. *Per anni siquidem tempestates, teste Hipp. 3. aph. 4. quando eodem die modo calor, modo frigus fit, autumnales morbos expectare oportet.* Teste Valleriola etiam de loc. com. lib. 2. cap. 4. *Si vicissitudine quadam aquilonius flatus austrinum sequatur, fluxionum tum morbi sequentur.*

Autumnus denique non fuit quidem adeo varius, ac communiter esse solet, eo quod excepto fine Octobris, quo ex diutius protractis pluviis omnia aquis inundabantur, non fuerit admodum pluviosus, neque consueta ventorum alternatione multum inæqualis: in eo tamen erat præ aliis hujus anni temporibus insalubris, quod fere incessanter aut prædominarentur austri, venti teste Hipp. 3. aph. 5. insaluberrimi, aut aura fuisset nebulosa, crassa, humida, vapida, & veluti stagnans diutissime solis radiis orbata, ac propterea maxime tertrica, & præsertim melancholicis adversa, merarum obstructionum fabricatrix. Hinc etiam fere nunquam tot consilia medica circa affectiones hypochondriacas habita, quam recte hoc autumno. Quamvis præterea plurima passi fuerint etiam arthritici, quartanarii, & colicis doloribus torti cum non raro desuper consecutis epilepticis convulsionibus, aut paresibus. Taceo catarrhos, & omnis generis defluxiones, quorum utinam majores effectus non primo in futurum experiremur, vel etiam pestiferæ luis, cum de ejus sævitia alias jam multum spargatur, ulteriorem progressum! Nulla siquidem aeris constitutio solet esse hujusmodi malignitatis adeo ferax, quam recte talis. Quamvis, uti in *vindictis meis Medicis auro Labacensis* §. XXIX. memini, apud nos non eo usque; ob vicinitatem maris Adriatici, ex quo in transitu flatibus austrinis multum particularum salinarum volatilium admiscetur, quibus putredinosa illorum malignitas corrigitur. Plurimum sunt passæ etiam in uteris gerentes, propterea sæpius vel ante destinatum tempus puerperæ factæ, vel morbofo fœtus enixæ ob acetabula uterorum mucore ex tantis aeris humiditatibus contracto referta.

Curabantur autem colicis doloribus torti feliciter legibus laxativis per intervalla propinatis, anodynis, quale fuit præprimis ol. amygd. dulc. & carminativis, quale erat decoctum florum chamomil. rom. cum additione succi stercoris equini avena passi, & syr. de althæ. Fern. quartanarii præmissis præmittendis tali specifico: rep. cort. peru. alcohol. ʒij. flor. salis armoniaci, antimonii diaphor. ana ʒss. m. f. pulv. detur mane & vesperi, sed methodo tali, ut febris non solum emanet, quod plerunque intra hebdomadam fit, verum etiam nunquam amplius revertatur, quod etiam facile præcavetur.

Arthritici denique suis specificis, præsertim off. microf. phl. pp. antimonio diaph. cinnab. nativ. mixtura simplici, lumbr. ter. &c.

DISSERTATIO EPISTOLICA

D E

MULHUSINI TERRITORII

finitimorumque locorum Constitutione Epidemica
Anno 1700. observata.

A D

DOM. LUCAM SCHROECKIUM,

Cæsareo-Leopoldinæ Nat. Cur. Academiæ
Præsidem &c.

Augustam Vindelicorum transmissa

A JOANNE GEORGIO HOYERO,
Philosopho Medico Doctore & Cæsareo-Leopoldinæ
Nat. Cur. Academiæ Collega Apollodoro dicto.

§. 1. **L**icet in historia morborum epidemicorum pri-
mus vetustissimorum scriptorum Hippocrates
desudaverit, & digito quasi filiis artis usus tanti laboris
prorsus insignes monstraverit, nescio tamen, quo fa-
to sequentium temporum scriptores negligentius fer-
me tractaverint epidemica. Postquam autem postlimi-
nio exteri Medici, celeberrimus Sydenhamius de con-
stitutione Londinensi, atque splendidissimum Italiæ si-
dus Excellentiss. Ramazzinus de constitutione agri Mu-
tinenensis scripta divulgaverunt, genus horum scriptorum
non solum ab omnibus solide doctis semper fuit ex-
pectatum, sed & eorum vicit opinionem,

§. 2. Enim vero cum non minus climata, sub qui-
bus laudatissimi viri suas observationes consignaverunt,
ut & vitæ genus seu rerum sex non naturalium usus.
aliaque a nostratibus diversissima sint, ipsique Germa-
ni, dum pati videntur idem quod Græci, Angli, vel
Itali, idem profecto non sit, quis obsecro non com-
mendet, quæ plures Excellentissimi Viri de diversarum
Germaniæ nostræ provinciarum Constitutionibus Epi-
demicis conscribere operæ pretium putarunt? Quibus
eruditissimis, si parva magnis componere licet, Epi-
demicam Territorii patrii Mulhusini Constitutionem
superaddere ac perillustri tuo nomini inscribere non
erubesco. Fateor enim, a singulari gratia tua erga me,
de qua suavissime in litteris tuis ad me datis scripsisti,
magis me affectum fuisse, quam Herculem Xenophon-
tium illum a voluptate, ut ea adducar ad hoc susci-
piendum amorique tuo plusculum etiam, quam facul-
tas & copia mea forsan concedit, largiar.

§. 3. Laudatum itaque liberæ hujus & imperialis
civitatis territorium sub elevatione poli 51. grad. 20.
minut. in Thuringiæ & Hassiæ confiniis situm am-
pla, & amœna planitie conspicuum, soli polique
singulari clementia beatum, quamvis præ finitimis
locis saluberrimum quidem putatum; nihilominus tam
ab aeris & tempestatum injuriis, quam ab epidemicis &
contagiosis morbis minime fuit immune. Nam ut a
fine lapsi præcedentis sæculi potissimum exordiar (plu-
ribus aliis quæ duobus lustris, licet minus perfecte
notaverim, data occasione intermiscendis) hyemale
tempus tam finiti 1699. quam auspici 1700. anni
nobis prorsus inconstans erat: nunc rigido borea ab
axe ruente, mox pluvioso nobis libanoto (vento in-
ter austrum & favonium medio) spirante; nunc ma-
xima nivis copia defluente, mox nebulosa ac nubilo-
sa, maximam vero partem pluviosa, rarius procello-
sa, in tempestate varias subinde molestias creante.

§. 4. Durabat hæc tempestatum varietas ad æquino-
ctium usque vernalis: & sicut his mensibus varius ma-
crocosmi status, ita microcosmus etiam variis sympto-
matibus, & ægritudinibus erat obnoxius. Tenello-
rum, qui nutritionis annos nondum excefferant,
plures febribus catarrhalibus, nonnulli catarrhis suffo-
catis decumbebant, qui tamen omnes ferme post ad-
hibita pectoralia balsamica diaphoreticis maritata, la-
xativis, & emeticis pro re nata interpolatis ex voto
convalescebant. Sub finem mensis Januarii, morbillis
affligi cœperunt, benignis quidem, adeo ut pluribus,
modici caloris temperamento servato, sine medicamen-
torum usu morbilli copiosi erumperent ac tempore so-
lito rursus evanescerent. Paucis atrocius afflictis be-
zoardica fixiora, aquæ destillatæ & papaveracea pro-
derant, quorum nonnullis, qui medicamenta negle-
xerant prorsus, post exantlatos morbillos tussis cum
febre hectica difficiliter curanda eveniebat.

§. 5. Adultorum quidam doloribus arthriticis tum
vagabundis scorbuticis, tum fixioribus (quales morbi
nobis endemii quasi sunt) menses hyemales fere du-
rantibus discruciantur, qui tandem per medicamen-
ta, specifica, sudorifera interna, nervina & spirituo-
sa externa, venæ sectiones & scarificationes iteratas
&c. unguinis, & emplasticis (nodos & affectus
chronicos imo prorsus incurabiles causantibus) vita-
tis, feliciter sopiebantur. Alii febribus ardentibus, &
malignis, periculosos phænomenis, pleuritide, deli-
riis, convulsionibus &c. stipatis corripiebantur, non
tamen ut annis præcedentibus æque lethiferis, nisi
foran unus & alter vel ab empirica manu, vel ne-
gligentius tractatus ad plures abierit.

§. 6. Imminente tempore vernali anni 1700. hu-
midiorum tempestatum status aeris temperatior, &
siccior excipiebat, qui per hos menses euro subinde
spirante continuabatur: adeo ut pluviae vernaes fer-
tilitatem præfagientes rariores, ipsaque tellus pulve-
rulenta quasi notaretur, & hinc frugum æstivarum
spes agricolis dubia redderetur. Id quod eventus ipse
pluribus in agris tardius satis comprobabat. Neque
enim hordei, avenæ, leguminum, pluriumve æstivo-
rum optimam æque quam hybernorum frumentorum
siliginis & tritici messem vidimus.

§. 7. Jam morbillos excipiebant variolæ apud alios
interstrictæ, apud alios confluentes: quamvis tam ver-
nalibus hisce quam mensibus æstivis, paucis exceptis,
qui

qui diætæ limites exceſſerant liberius, minus funeſtæ. Neque febres more malignarum decurrentes jam ceſſabant: nonnullis medicamenta prorsus inſuper habentibus in noſtro territorio lethales. Vicinorum autem locorum, in primis ſeptentrionem verſus ſitorum, Liberræ Imperialis Northufæ & aliorum finitimorum oppidorum & pagorum incolis & Herciniæ ſylvæ accolis tam præterito brumali quam hoc vernali tempore magis infeſtæ & pluribus exitioſæ.

§. 8. His ita contingentibus, non potui non ruminari prognosticon, quod anno ſuperiori 1699. grana illa nigricantia majora in ſiligine copioſiſſimæ reperta & per magnum Thuringiæ tractum ab Hercinia ad Semanam uſque ſylvam obſervata (vernacula lingua *Mutter Korn* appellata) curioſis ſubminiſtrabant: videlicet ab uſu monſtruoſorum ejuſmodi granorum inevitabili, non ſane farina laudabili & altrice, ſed inutili, depravata & inſalubri protinus materia ipſiſetiam brutis naſeam moveñte refertorum, variis morbis, febribus, variolis morbillis, aliis afflictiſſimum iri genus humanum.

§. 9. Cui præſagio cum jam reſponderet eventus, illorum ſententiam confirmare videbantur, qui morbos epidemicos non præſentium, ſed præcedentium effectus eſſe perſuaſum ſibi habent. Quamvis a mente mea impetrare nondum potuerim, ut hoc aſſertum *πῶς πάντως* affirmari poſſe credam, Certiſſimum quidem eſt, prava & depravata alimenta ab annis præcedentibus nobis ſuppeditata multo uſu continuata epidemicos effectus sæpe producere. Qualis enim cibus, talis chylus, qualis chylus talis ſanguis, qualis ſanguis talis valetudinis noſtræ ſtatus. Enim vero conſtitutiones præſentes non ſolum plures epidemicos morbos, alimentis etiam ſanis exiſtentibus, parere, ſed illos etiam, quos vitioſis cibis debemus, quaſi modificare ſeu intendere & remittere cum magno Hippocrate rerum magiſtra quotidiana experientia teſtatur. Equis enim dubitavit frigidum, humidum, & cœnoſum atmophæræ ſtatum (qualis ſupra citata noſtra hyemalis erat) *ἀδυναμία* (quæ illuſtri Voedelio teſte *Theorem. Med. part. 4. Sect. 2. th. 3. infinitorum morbarum & febrium mater eſt*) peperiffe? De quo pluribus ingenioſiſſimus Sanctorius in *Medicina Statica Sect. 2. aphoriſm. VI. & VIII. &c.* videndus.

Ecquis negabis aeris noſtri verni & mox dicendi æſtivi ſtatum ſereniorem epidemicos hos affectus benigniores nobis reddidiſſe? Ut jam ea, quæ ſuperioribus annis de periculoſioribus affectibus epidemicis a præſenti conſtitutione unice quaſi derivandis notavi, nunc mittam, neque de contagio, de nebulis, de roribus vitioſis & aliis mille malis (quæis atmophæra noſtra in dies & horas obnoxia) machinæ humanæ mediante reſpiratione dictum factum exitioſis hic quicquam memorem.

§. 10. Ampliſſimus hic aperiatur campus de nebulis, de roribus, in primis autem de cauſa dictorum corruptorum ſiligineorum granorum, rore puta vitioſo, mellei ſaporis & conſiſtentia, (noſtratibus *Honigthau* nuncupato) diſſerendi: ſed ne juſto prolixior ſim, ea, quæ hic inferere potuiſſem, ad obſervationes anno futuro, Deo volente, ephemeridibus Germanorum communicandas reſervo.

§. 11. Poſt ſolſtitium tempus æſtivum calidius & ſiccus uſque ad æquinoctium autumnale permanebat: Pluviis enim non, niſi expectatiſſimis, evenientibus cœli ſerenitas conſtantiſſima ridebat, lætamque meſſem & optatam, ſtantibus ſuaviter eteſiis, nobis reddebat. Exoptatiſſimus omnibus erat hujus temporis ſtatus. Poſtquam enim caritas annonæ mortalium myriadas partim fame emaciaverat, partim ad incitas redegerat, jam jam ſub auſpiciſſimum ſæculi velut e cornu copie omnium rerum pro vita ſuſtentanda neceſſariarum Divina Munificentia largiebatur opimam meſſem. Horrea frumentorum ad laxiorem annonam redeuntium abundantiam vix capiebant, Conclavia, cellæ, pavimenta larga rerum copia & opibus Cerealibus quaſi ſcatebant. Neque vini ultra duo luſtra deſiderati ſpes concepta autumnino ſequente decollabat. Tantæ felicitatis non ultimam ſane cauſam laudatiſſimum calorem æſtivum putandum eſſe jamdudum præſagivit Vigiliarum veriloquium Georgic. I. *Magnaſque eum magno veniet tritura calore*. Cujus veritatem ſicut præcedentium quorundam annorum ſterilitas, ita ſane præſentis fertilitas per univerſam Europam ſatis conſtituabat.

. Sydenham opera Medica.

§. 12. Interea temporis non ceſſabant affectus epidemici, videlicet variolæ continuatæ benigniorum more ſua tempora decurrebant, neque malignitas earum jam creſcebat. Præter hæc quotidianæ, tertianæ tam continuæ quam intermittentes & quartanæ febres, minus tamen rebelles & rariores obſervatæ & poſt adhibita probata remedia brevi fugatæ. Febres ardentes aurem ſuo contagio eo latius ſerpebant, quo intenſior his diebus ſentiebatur æſtus. Mirum proſecto febres hæc ſymptomatibus malignis horrendas, minime tamen lethales, hoc potiſſimum tempore, quod ſaluberrimum videbatur, invaluiſſe. Nec inanem locabo operam ſi plenius paulo tam phænomenorum, quam curationis hiſtoriam breviffimis hic tradam.

§. 13. Corripiebantur hac febre non ſolum juvenes, ſed mediæ ætatis utriuſque ſexus homines, quin etiam ſenes. In plurimis horrorem prævium calor totius ſumme efferatus ſubſequebatur. Hinc ſitis, vigiliæ & atroces dolores capitis & aliorum membrorum circa articulos præſertim ſe exerentes notabantur. Arthriticis hiſce doloribus vexati paralyticorum more decumbebant, adeo ut neque pedes neque manus ſuis fungi poſſent muniis. Nonnullis alvus & urina vel invitis per aliquot dies efluēbat. Deliria leviora paucis ſaltim aderant. Vires autem omnibus pene valde proſtratæ. Aliis vomitus bilioſi, aliis diarrhææ ſatis moleſtæ. Quibuſdam fluxus hæmorrhoidum nimius, ab imperitis pro fluxu dysenterico habitus. Plurimis hæmorrhagiæ narium largiſſimæ imo prorsus enermes eveniebant. Cum primis vero quosdam cardialgiæ ſumme dolorificæ tantopere diſcrutiabant, ut de ſalute corporis deſperantes ſacram Euchariſtiam moribundi, velut ultimam ad conſequendam æternam ſalutem medicinam unice expeterent, quin imo a ſyncopticis & moribundis diſcerni vix poſſent.

§. 14. Neque contagii experts erat hoc malum, dum unico decumbente plerunque reliqui, quotquot aderant, domeſtici vel una vel aliquandiu poſt eadem febre corripiebantur. Ut enim reliquos tam in civitate & ſuburbis, quam in pagis decumbentes ſilentio præteream, exempli loco adducam milites a centurionibus ſive capitaneis quibuſdam nutu potentiſſimi Daniæ atque Norvvegiæ Monarchæ noviter hic conſcriptos, quorum unus & alter hoc febris genere cum forte vexatus fuiſſet, brevi poſt eodem malo plures afficiebantur, adeo ut intra duorum vel trium menſium ſpatium plures quinquaginta curationi meæ traderentur.

§. 15. Ex phænomenis citatis velut ex ungue leonæ cauſam febris hujus proximam particulas alcalinas maſſæ ſanguineæ craſin ſeu mixtionem nimis rarefaciendo turbantes, facile dijudicare poteram. Ex quo fundamento curationis methodum formare non adeo difficile erat. Scilicet calor æſtivus intenſior, ætatis vigor, potus ce-reviſiæ noſtratis ſatis lupulatæ calidior & copioſior, enermes hæmorrhagiæ, omnia & ſingula phebotomiam præprimis poſtulare videbantur, quin plerique ſemel, quibuſdam pro indicationis modulo bis adminiſtrare ſuidebam. Sanguine vix evacuato, ſingulari ſtratagemate ſudorem, quem quidem Celeberrimus *Baglivus Medicus Romanus* Prax. med. lib. 1. poſt ſanguinis miſſionem cum levamine patientis ſtatim apparere ſcribit, medicamenti procurabam. Quo ſine pulveres ex bezoardicis fixioribus C. C. phil. præparat. oc. cancr. antimon. diaphoret. rad. contrajerv. corall. rubr. terra ſigillata, nitr. anodyn. vel pulv. bex. Vved. addito camphoræ tantillo loco ſudoriferi nonnullis eximio cum ſucceſſu propinabam, atque febrem in prima quaſi herba citius ac felicius quam emeticis vel purgantibus ſine ſingulari ſucceſſu quibuſdam datis, ſuffocabam. Morbo nihilominus ingra-veſcente dolorum capitis mitigandorum & delirii præcavendi cauſa veſicatoria optato cum levamine nuchæ applicare ſuadebam. Morbo durante baſſamica & bezoardica media ex tinctur. prophylact. m. d. eſſ. myrrh. ſimpl. & baſſam. Scordii, mixtur. ſimpl. Elix. p. p. &c. præſcribebam. Ad reſtringendam ſiſim loco potus ordinarii vel inſuſum veronicæ vel cereviſiæ ſecundaria tenuis valde, cui vel tinct. roſar. vel papav. errat. vel violar. vel ſpiritus ipſe vitrioli ſedulo inſtillatus commendabatur.

§. 16. Interim vero ſymptomatibus reliquis vel ex maligna morbi natura vel errore diætæ individuo contingentibus, aptis remediis obviam ire non negligebam. Nam, ut verum fatear, majorem curam talia *ἐπιδημία* poſtulare videbantur, quam ipſe febrilis affectus.

Ætus. Sic urgentissimum symptoma cardialgia, quod nonnullos tantopere discruciat, ut ab agonizantibus discerni vix possent, spirituosissimis aromaticis carminativis vel in primis pulvere absorbente *Wedelii* plerumque curabatur. Dolores arthritici contumaciores spiritu volatili urinoso bezoardico, ess. anod. nec non pulveribus bezoardicis diaphoreticis cinnabarinis tardius quidem, feliciter tamen mitigabantur, additis præsertim anodynis. Opiata enim, quæ febre arthritica epidemica anno 1699. grassante instar salivæ viperinæ vitanda jam velut anchora sacra nobis erant. Vomitus spontanei vel biliosi vel assumptorum, ut & alvi profluvia, quando diutius durabant, mixturis ex ess. theriacal. tinct. terræ catechu & tinct. opii cum succo cydoniorum per fermentationem parata, nec non pilulis stypticis m. d. pulveribus ex terra sigill. bos. armen. C. C. Ust. rad. bistort. pulv. bez. Wed. &c. compescebantur. Hemorrhagiæ narium aliis quarto, aliis septimo, aliis nono, vel undecimo die contingentes, quæ multum negotii facessere solebant, ultra euphoriam & ad lipothymiam usque durantes præter interna refrigerantia & incrassantia externo probatissimo styptico Anglicano sive in forma sicca sive spissa cum aceto & gossypio, applicato; Hemorrhoides nisi fluentes præter pulveres & stypticos & bezoardicos constatos essent. theriac. traumat. *Vved. a Beato Hagedornio in tr. de terra Catechu* descripta sistebantur. Taceo pleuritidem tam veram quam spuriam, anginam, alvum per multos dies adstrictam, alia remediis aptis aliis curata. Adeo singula phænomena quamvis periculosa putata facili negotio tollebantur, & quæ a practico infidæ crises passim notatæ, jam fide, perfectæ & salutares erant. Hoc apparatu perexiguo tum laudatus gregarius miles, cum plures vilioris conditionis homines, Deo benedicente, ex voto curabantur. Delicatisioribus nonnullis præter dictas potiones cordiales confortantes & pulveres bezoardici pretiosiores proderant.

§. 17. Quod vero admiratione maxime dignum, ne unicum satis periculose licet decumbentium, mensibus quidem æstivis vivere desiisse memini. Neque lunæ phasēs notabilem his febribus alterationem attulisse vidi, qualem tamen, cum præcedentibus annis 1698. & 99. febris epidemica, quæ nonnullis petechialis erat, hic loci grassaretur, multoties meum plures curiosi præsertim mensibus hyemalibus & autumnalibus observabant. Mensibus enim his singulis omnibus fere, luna decrescente vel silente nonnulli febricitantes, tam illi, qui ab experientissimis Medicis summa industria probatis medicamentis curabantur, quam qui naturæ, morborum medicatricis, ope freti, sine ullo remedii genere decumbebant, celerius opinione Libitinæ tradebantur: convalescentibus plerisque, qui post novilunium ad crescentem usque lunam manebant superstites.

§. 18. Vix attentius hæc mentis lance trutinasse, nisi laudatissimum *Ramarzinum*, febre petechiali in civitate & agro Mutinensi grassante, idem illud observasse, dissertationis ejus *de curia quarta*, *Ephemeridum Germanorum anno quarto inserta paragraphus XVI.* testarentur, aliosque, ut lunæ phasēs in morbis epidemicis animadvertent, hortaretur. Quam ob rem non desii causam timari, cur febres continuæ malignæ, non tamen æque omnes pro mutationibus lunæ, adeo subitaneis alterationibus, mortem ipsam portendentibus, sint obnoxie? Cujus phænomeni causa quo dilucidius explicetur, suppono

I. Juxta tritum;

Ad lune cursum variant animalia corpus, lunarem influxum (reliquis tam superstitiosis quam sanioribus astrologorum opinionibus juxta recentiorum quorundam hypotheses jam semotis) esse extra ullum dubium statuendum, in primis in morbida animalium corpora, de quo cum laudatus *Wedelius in theorem. med. part. 3. sect. 6.* tum præprimis philosophorum recentiorum celeberrimus & accuratissimus *Sturmius in Philosophia Eclectica disp. de siderum influxu p. m. 632. seqq.* legi merentur.

II. Influencias hæc lunares, quas vel alia sublunaria vel ipsa præprimis ægrotantium corpora sentiunt, vix aliunde quam a lumine lunæ dependere, & sicut tempore interlunii nullum lumen, ita neque influencias habere lunam; videatur *Sturmius loco citato*.

III. Influencias tales esse subtilissimas & quasi spirituales, ideoque subtilissimum succum nervosum, quem spirituum animalium nomine indignant, potissimum con-

cernere, id quod exempla *Epilepticorum* &c. toto die manifestum faciunt.

IV. Dari febres, quæ succum nervosum subtilissimum seu spiritus animales magis afficiunt & quasi depauperant, quam massam sanguineam. De quibus *Celeberrimi Vvirdigii Medicina spirituum* pluribus consulenda. Ut jam non laudem quotidianam experientiam, quando Medici clinicam praxin exercentes ingeminant: *Urina bona, pulsus bonus, ager moritur*: præsentem putamalignitatem non æque vitalis quam spiritus animales pessundante. Ex his colligere licet, utique ab influxu, lunari tempore lunæ decrescantis & interlunii debiliori existente, dependere lethiferas ejusmodi alterationes, in febribus præsertim nervosum genus seu spiritibus animales potius quam massam sanguineam afficientibus. Nimirum spiritus animales ab inimico miasmate febrili depauperati, tantisper refocillantur subinde per influencias lunares lunæ crescentis & plenilunii tempore fortiores; hisce vero tanquam aliquali fomento luna decrescente vel silente deficientibus, spiritus ipsi magis magisque deficiunt, deficientibus spiritibus vita deficit & ægrotus vivere desinit. Vix opus est disquirere prolixius, nun febres petechiales agro Mutinensi & malignæ territorio Mulhusino annis 1698. & 1699. citatis molestæ nervosum genus magis affecerint quam massam sanguineam cum ipsæ spirituum & sensuum læsionem variæ syncope, lipothymie, convulsiones epilepticæ, delirium phrenitica & alia symptomata, quæ febribus illis frequentia fuerunt, id satis evincant. E contrario, cujus occasione hæc dicta sunt, æstivam nostram in massa sanguinea radicatam, & hinc pro phasibus lunæ tantis alterationibus minus obnoxiam fuisse, per supra memorata clarissimum est.

§. 19. Sed ut e diverticulo redeam in viam, ex illi sane, quæ de morbis æstivis superius allata, luce meridiana clarius elucescit veritas eorum, quæ divinum præceptor *Hippocrates de Constitutione temporum* passim in operibus suis commentatus: quicquid alii i contrarium asserre sustinent. Ita sane velut e tripod Apollinis dicta quæ *lib. de aeribus, aquis & locis §. II. p. m. 330.* recte divinat: *Siquidem æstas sicca fuerit, citius sedantur morbi. Si vero pluviosa, diuturni sunt & 3. aphorism. 15. Inter anni status omnino siccitatis imbris assiduis sunt salubriores, minusque funesta.*

§. 20. Quæ quam consentanea vero sint, ipse equidem, qui sequebatur autumnus satis pluviosus etiam contrario exemplo confirmabat. Quippe post æquinoctium autumnale circa Michaelis festivitatem mira cœli clementia huc usque continuata pluviis assiduis permutabatur, intercurrentibus nonnunquam ventorum injuriis, quibus ad finem mensis Octobris perdurantibus, Sole d. Scorpion accedente, circa vindemiam nebulae pluribus diebus constantes cum frigore satis acri in scenam probant. Mensis sequentis Novembris auspiciis astringitur cum pluviis copiosissimis. Hisce post novilunium, aliquandiu cessantibus frigora nocturna, Sole interius splendente, ventoque inter zephyrum & aquilonem medio spirante, vix diutius durantiæ notabantur.

Mox nivem primam vidimus, sed pluviis subsequen- tibus ad finem mensis durantibus alternantem. Sole medios Sagittarii gradus perambulante furere cœpit æquinoctialis nive & frigore conitatus, phæbo dies quosdam renante: sed brevi post carbas rediit pluviosissima, Frigore tandem brumali leniori ad solstitium usque perdurante, tempus autumnale finiente.

§. 12. Intempestas itaque pluviosissima per maximam autumnum partem notata non solum deteriorem reddat recensitum hactenus affectum epidemicum variolarum, sed novum insuper morbum, tussim puta contumacissimam, tenellis itidem magis quam adultis exitiosam, chronicam ferme difficulter curandam, & hinc tam re- dentibus quam ægrotantibus molestissimam, præpriis circa vindemiam tempus, post nebulam illam dies aliquot durantem, in scenam producebat. Ab hac tussis afflicti materiam quasi purulentam veluti phthysici consumunt copiosissimam nonnulli ob tussis vehementiam sanguinolentam (ruptis a motus vehementia & materiæ acritudine venis pulmonaribus) excrebant. His pectorat, resolventia, balsamica, diaphoretica, nervina, nodynæ, diluentia decocta levamen quidem afferebant, vix vero laxativa subinde superaddita non nisi post ebdomadam plurium decursum curam tandem sigillabat.

§. 22. Delineata interim febris epidemica postquam epontanis quibusdam senibus finem vitæ fecerat, contagio suo plures haud afficiebat, sed cum calore æstivo ferme cessabat. Variolæ vero, quas per menses vnales & æstivos benignas deprædicavimus, cum mutabili tempestate suum quoque mutasse genium videbantur, ex benignis & distinctis malignæ, confluentes & quasi *ἁνθυμώσεται* factæ. Existimarem profecto cœli & tempestatum singularem clementiam, quam verno tum æstivo tempore gavisi eramus, variolas huc usque nobis conservasse benignas, nisi annis præteriti sæculi 1689. contrarium me edocuisset. Inter enim annus citatus pari si non majori cœli clementia rideret, nihilominus Variolæ Brunsvigæ & Harnæ eodem tempore æstivo grassantes genii maligniores erant, ipsisque Harniensibus in primis adeo infestæ, ut plus mille hominibus, atque inter eos pluribus primariis & ipsis juventutis Principibus, epicedia parent: Autumnalibus vero mensibus anni citati, præsertim mense Octobri brumali frigore ingruente perfus evanescerent: Ut hinc in aprico sit, neque a temporis & atmospheræ statu epidemicam constitutionem unice derivandam, sed alias circumstantias, de quibus supra diximus, semper simul & quasi conjunctim considerandas esse.

§. 23. Nostrarum itaque variolarum genium graphicè quasi delineatum laudatissimus D. Sydenhamius in *Serv. Med. Sect. III. cap. I.* exhibet, quando scribit *Appetente æquinoctio verno, variolæ caput coeperunt attollere, jamque indies latius grassantes sub æstivo ἁνθυμώσεται factæ sunt.* Cujus quidem phænomeni causam, quam silentii peplo involvit, capite subsequente secundo paucis innuere voluisse videtur, quando, *Variolæ*, inquit, *quibus annis epidemicè grassantur, si regulares etiam sint atque mitiores, circa æquinoctium vernal, ingrediuntur. Quibus vero annis non tantum grassantur epidemice, sed & irregulares atque periculosiores sunt generis, maturius nonnunquam mense puta Januario invadunt.* Quasi dicere voluisset: pro arietate causæ nunc maturius & maligniores, nunc tardius & benigniores contingunt variolæ. Videlicet massa sanguinea particulis recrementitiis ferossis sulphureis salinis volatilibus & fermentificis copiosius inquinata, variolæ progenerantur maturius & malignæ: iisdem vero in minori quantitate præsentibus tardius & benignæ fiunt. Peregrinas vero ac morbificæ ejusmodi particulas massam sanguineam inquinant, nostrarum variolarum causas, partim ob vitiosæ siliginis usum, partim ob fructuum Cerealium esum in tenerioribus in primis comite *ἀδύναμία* extitisse facile colligere licet. Quamvis interim non negem esum carniū ex laudatissimi Wedelii sententia in *Doctrina manuscripta de febribus cap. 18.* videndum, in locis mediterraneis, sicuti piscium in maritimis hunc morbum non parum vulgare.

§. 24. Inde vero manifestissimum fieri censeo, nondum in scirpo quærere, qui variolas a sanguine menstruo materno veluti causa accersere laborant. Vellem sane a possem falsam ejusmodi hypothesin ab Arabibus, in primis maximo Arabicæ scholæ Magistro *Ebusia seu Avicenna lib. IV. Fen. I. tract. IV. cap. 11. pag. 41.* effectam & adhuc hodie in scholis receptam & adravim usque defensam, pluribus rationibus, phænomenis, observationibus tam a priori, quam a posteriori refellere, nisi Celeberrimus D. Berhens, Practicus Hildesienensis, in peculiari *Epistola de Variolis epidemice ad Perillustrem D. Franchum de Franchau. S. R. I. Equitem Archiatrum Dancium &c. dat. Ephemeridibus Germanorum Dec. III. ann. 3. inserta*, idem satis abunde fecisset.

§. 25. Id saltem nostra ætate vetustæ illius sententiæ Patroni explicent mihi velim, cur ex eodem parente prognatorum unus variolis laboret, reliquis sine exanthemabus vel febricitantibus vel etiam belle valentibus? Quæ vice versa plures decumbant variolis, uno vel febricitante vel bene valente? aut quod magis mirandum foret, cur gemellorum unus variolis laboret, altero suo permanente? Dicant mihi quæso ex fictitia hypothesi, cur unus vel una plus una secunda scilicet & tria vice, quod multoties observavi, variolis affligi possit. Dicant denique quomodo nonnulli, qui per totum vitæ decursum a variolarum

Sydenham opera Medica.

contagio liberi permanserunt, in extrema demum senectute, quod nuper vidi, corripiantur iisdem? In quibus quæso ductibus, tubulis, meatibus vel venarum & vasorum anfractibus veluti latibulis delituisse putandum fermentum illud in utero susceptum, & per tantam annorum seriem a nullis febribus vel alio morbo, a nulla tempestate, a nullis cibis, a nullis medicamentis etiam fortissimis & volatilibus, per circulationis leges, angustissimos machinæ humanæ ductus & poros permeantibus extricandum vel eliminandum?

§. 26. Ex causis itaque citatis per menses vernos & æstivos variolæ benignæ cum symptomatibus consuetis & benignis eveniebant, nisi fortassis error individuum diætæ uni vel alteri maligniores redderet. Quo pacto puella quædam satis bella & sana, dum cerevisiam recentem non satis defæcatam largius biberet, variolis malignis & confluentibus correpta & convulsa moriebatur, convalescentibus reliquis omnibus, quotquot eodem tempore decumbabant: adaucta scilicet causa morbifica a fæcibus cerevisiæ recentis permixtis?

§. 27. Autumnalibus vero mensibus intempestate tepida & humida diutius continuata, accedente frugum Cerealium (quarum equidem maximam abundantiam ex hortis suburbanis, quæ hæc urbs veluti densa & ampla quadam sylva cingitur, annis fertilioribus colligere solemus) usu abundantiori & iterato plurimis periculosiores nec paucis lethales eveniebant.

§. 28. Jam præter symptomata ab aliis recensita diarrhœam, salivationem, phrenitidem & alia, frequenter notabantur pandiculationes, sternutationes, stridor dentium, angina, vellicationes labiorum & narium. Ex his stridor dentium motibus convulsivis accensendus, periculosus non tamen omnibus æque lethalis erat. Sed periculosior angina, ipsi etiam *Avicenna* loco citato dudum suspecta, a variolis faucibus & pectora obsidentibus, tam deglutitionem quam respirationem ipsam inhibentibus, sæpe sæpius omnimodam quasi suffocationem inferentibus. Ut hinc recte *Lomnius, in observationibus Medicinalibus pag. m. 295. Quisquis huic malo succumbit fere, tanquam ex angina præfocatus moritur.* Ingenue fateor me huic malo, postquam radices egerat, hætenus nondum mederi potuisse, quanquam a phrenitide, diarrhœa pluribusque phænomenis (a scriptoribus pro perniciosissimis habitis) vexatos, feliciter cum Deo liberaverim. Id tamen silentio non prætereundum, me certo habere persuasum, posse tale symptomata potu calido præcaveri: Cum neminem decocta vel alium potum calidum nec non juscula avomacea &c. absorbentem, licet linguam & fauces copiosæ variolæ obsiderent, angina correptum vel mortuum fuisse meminerim. Neque assiduæ vellicationes labiorum, & narium, ab *ἀπὸρρία διαρροίας*, perinde ut floccorum compilatio in adultis febribus malignis lethaliter decumbentibus deducendæ, periculo vacabant.

§. 29. Revalescentibus præter moderatum caloris regimen & victum tenuem, pulveres bezoardicos Sennerti, Wedelii, epilepticum Marchionis, vel ex antimonio diaphoretico, corn. cerv. philosophice calcinato, unicornu vero philosophico, perlis, coralliis, conchiis præparatis, nitro anodyno pulv. anod. cordiali, camphora, lapide bezoar orientali, occidentali, conflatos, magis quam volatilia spirituosæ &c. proficua fuisse vidi. Præprimis a solo dictis lapidis bezoar orientalis usu plurimos sine præsentia Medici ex voto a variolis liberatos fuisse multoties observavi. Incredibile profecto dictu, quam cito, & quam bene ab usu lapidis hujus omnia symptomata, convulsiones, anxietatem & alii eruptionis prodromi conquieverint, ipsius variolis egregio ægrotantium cum levamine erumpentibus. Hinc non possum non mirari eos, qui pretiosum hunc lapidem, quem factitium putant, infra dignitatem nativorum verbi gr. lapidum cancerorum, concharum vel aliorum dejicere frustra laborant. Refragantibus quotidianis experimentis & Medicorum principum testimoniis, quorum plures ut jam non laudem, ipsum equidem Perillustrem atque magnificum Dominum *Illmerum de & in Wartenberg, Consiliarium & Archiatrum Cæsareum & Regium &c.* lapidem bezoar orientalem magni æstimare, atque agonizantibus & alterum pedem velut in tumulo habentibus,

bus, tanquam ultimum remedium non absque pereximio successu cum aliis exhibendum suadere ex *Decuria III. Ann. I. Observat. LXVIII. Ephemerid. German.* pluribus elucescit. Præterea decoctum euporiston ex Corn. Cerv. raspat. glycyrrhiza, scorzoner. passulis min. hordeo, lentibus nec non emulsionibus & potiones bezoardicas cordiales vel expellentibus vel temperantibus pro re nata variatas, instillatis tenui potui mixturis ex tinc. papaver. rhead. non acidulata, clyffo antimon. sulphurat. spiritu nitri dulcis &c. multum profuisse notavi. Neque balsamica & bezoardica media, verbi causa tinctura prophylactica m.d. (quam præservandi sine tam in Hafniensibus anno 1689. quam nostratibus utilem deprehendi) ess. myrrh. balsam. mixt. simpl. successu carebant.

§. 30. Nonnulli denique, postquam a malignitate variolarum prorsus liberati quidem videbantur, vel a materia morbifica non penitus eliminata, vel ab aeris injuriis, vel diætâ neglecta, vel alia causa procatartica nescio qua levissima, periculosus, imo lethalibus affectibus aliis denuo corripiebantur. Quod licet nonnullis prædicebatur; tantum tamen aberat, ut haberetur fides, donec propriis exemplis confirmarent *Hippocratis lib. 2. aphorism. 12. Morborum reliquias, quæ a crisi supersunt, recidivos morbos parere.* Plurimos hoc pacto tussis contumacissima, vomitu quandoque comitata, vexabat, febre lenta simul affictos, qui multis pectoralibus, diluentibus, humectantibus, nervinis, balsamicis & laxativis curari vix poterant. Aliis abdomen intumescerebat, facie inflata, infra caput macie conspicua, quasi rachitide laborantibus. Taceo tumorem pedum, scabiem tam siccam quam humidam, tineam variaque ulcera, quibus affligebantur alii. Quorum quidem plurimis siquidem vires mediocres suppetebant, laxativa iterata, ex resina gilappæ cum spiritu appropriato decenter soluta, cinnabari nativa, antimonio diaphoretico, confect. alkermes syrup. rosar. vel violar. &c. & balnea ex herbis siderit. conyz. tobac. saponar. origan. serpill. flor. chamæm. ocul. popul. &c. instar anchoræ sacræ subveniebant. Reliquos tabes sensim consumebat.

§. 31. Caterum nec tempore hyemali imminente cessante variolarum luem, sed satis licenter vagantem, nec limites epistolæ differtationis digrediar, alia occasione plenius delineandam reservo.

§. 32. Has vero observationes ad Te deferre persuasit, tam non obscura tua in me benevolentia, quam peracre tuum in his iudicium. Demonstrasti enim te tritas habere manus notandis ejusmodi observationibus & consuetudine legendi. Singularem vero quam benevolentiam nisi exoscularer, ferus essem, dum tot Illustribus atque Excellentissimis Viris in Cæsareo-Leopoldina naturæ curiosorum Academia me quoque Collegam forte indignum adscribere non dedignatus. Stabat quidem sententia Cydoniologiam ad normam & formam Academiæ nostræ tractatam publicæ luci nunc exponere; Enim vero postquam Excellentissimum D. D. Georg. Sebast. Jungium, Aulæ Cæsareæ Medicum, Tractatum de Cydoniis Vinnæ impressum (nuppiam a me visum) conscripsisse, honoratissimæ Tuae literæ d. 9. Decembris anni proxime finiti ad me datæ pluribus dixere, mentem mutavi, ipsasque schedulas, in quibus hujus pomi vittutes & usus sane insignes rudi quasi penicillo delineaveram, abjeci, ne fortassis Iliada post Homerum scribere putarer. Interim observantiæ ergo, quam Tuo nomini debeo, hoc quaecunque praxeos clinicæ specimen gratique animi mei symbolum exhibere volui, debui, quod ut æqui bonique accipere velis est, quod summopere contendo.

Apollodorus.

*Scribebam Mulhusæ Imperialis d. 25.
Januarii, Anno Christi 1701.*

Constitutio Epidemica Tubingensis Anni 1701.

D. D.

RUDOLPHI JACOBI CAMERARII.

Quamquam de raris & epidemiis verum forte sit illud Galeni, se observandi morbos occasionem præ Hippocrate habuisse commodiorem, cum unus Romæ vicus plures habuerit incolas, quam integra urbs Græciæ, atque adeo ex tantis urbibus, uti & e castris, historia hujus anni epidemica plurimum sibi promittat, non tamen parva negligenda putem, sed & ex talium particularium collectione formandum aliquid universale; imo juvat nosse, quibus satis diversa loca ex diversis causis in pace aut in bello fuerint exercita, ut pateat, quid universale anni vel particulare loci fuerit. Decimus per Dei gratiam completur annus, a quo Tubingam liberam reliqui dysenteria, quæ cum per tres annos prioris sæculi octuagesimum nonum, nonagesimum, nonagesimum primum, belli injuriis alias graves, ab æstate in autumnum epidemia fuisset grassata, tum more etiam epidemico requievit, ut cum interim fama publicaret ipecacoannam novum antidysentericum, eo hætenus opus nobis fuerit, nec experimentis ejus laudes comprobata; quibus tamen multum derogat, si verum, quod in novellis legi, pro Gallorum exercitu aliud novum remedium antidysentericum in Italiam fuisse mittendum. Nostram pacem siue illas inducias rupit nupera æstas, & alvi fluxus noviter urbi intulit. Quam prior illa æstas, quæ ante decennium finem dysenteriae tulit, sicco calore prævaluit duas præcedentes, tamultima hæc nupera omnes hætenus intermedias; quanquam illa nonagesimi tertii æstas, dysenteriae apud nos non ferax, æstuosæ siccitatis testimonium habuerit in bonitate sui vini & frumenti. Recordor quoque anni nonagesimi noni, quod mense Junio satis etiam calido & sicco, diarrhœas quasdam concitavit, & metum mali gravius invaliduri jam tum incusserit, sed in herba velut suffocatum malum brevi evanuit, quanquam & illa æstas tulerit vinum & frumentum bonum, calidæ temperiei fructus. Quæ itaque & qualis fuerit labentis hujus anni æstas, notoria quidem, determinanda tamen. Primo enim frigida veris constitutio, diu nimis durans, & ad finem usque Aprilis se extendens, nec Majum sivit incalescere, sub inconstante adhuc aere, nisi versus finem; abhinc autem invaluit æstuosa temperies, an potius intemperies; audiebantur passim tristes novellæ de calamitatibus gravissimarum tempestatum, quæ per Dei gratiam super capita nostra transierunt fere innoxie; raræ paræque pluviae siccitatem contemperare non valebant, usque dum finis Augusti aliquale frigus ferret, novam autem denuo subsequam æstatem terminaret pruinosus sub finem September, prævalente hætenus siccitate. Astra qui volent, his applicabit & determinabit ex ephemeridibus. Respondit istis, post tardam utique germinationem, contra spem bona & messis & vindemia; etenim uvæ ab immatura putredine, quam minabantur plurium acinorum hospites vermiculi, quo minus latius serperet, cohibuit illa siccitas. Poma autem & pyra verminosa pleraque præcociter ceciderant, nec diu asservari potuerunt, in putredinem nimis proclivia, ne de fagorum foliis gallarum extraordinaria copia obsitis, de brassica ab erucis depasta, &c. dicam. Prius vero & ex vicino quodam vaccarum grege (salvo nostro) hydrops pectoris multas abstulerat, & anserum juniorum strages aliquibus locis tanta fuerat, ut præ fœtore sepeliri defuerint. Hæc igitur æstas iterum inter nos alvum flete fecit; primi qui laborare cœperunt, erant infantes, mense statim Junio, plures sequenti Julio, quo etiam adultos (non tamen ex illis diætæ erroribus famulos) invasit diarrhœa quædam torminosa, acuta, imo cum vomitibus spasmodicis suarum cholera. Tandem rari in urbe dysenteriae, non ita malignæ, casus, frequentiores ex pagis aliisque locis audiebantur, nec tamen ullus illorum fluxuum, uti quidem minitati videbantur, nimis apud nos invaluit, nec stragem edidit; non desideratis nisi paucis infantibus. Insuper autumnus in totum sat cito hic loci omnis lues requievit. Mæx tum curæ concre-

ditis

ditis succurri, præter usum pulverum pannonici, antimonii diaphoretici, gelatinæ cornu cervi siccatæ, seminis plantaginis in congruis vehiculis, methodo in primis Mortoniana, successum secundante Deo, jungens corticem Peruvianum cum electuario diascordio per syrupos in bolos, vel ejus extractum cum nostro bezoardico aut theriaca cœlesti in pilulas formando. Ultra illos alvi fluxus nil epidemii tulit æstas, nisi quod eodem tempore puerorum genæ communiter intumuerint, auditi quoque fuerint catarrhi æstivi, sive tusses plerunque siccatæ, quibus addi possunt tres studiosi unius collegii, quorum unus hæmorrhagia narium enormi, alter hæmoptoe larga, tertius vomitu cruento sub idem tempus laborarunt. Hæc est nostra æstivi fluxus historia, quam propterea notare volui, ut conferri possit cum aliis, utpote spe fretus, fore vel tandem clariorem causam, cur non omnibus, sed certis annis fiant talium epidemiarum recursus.

*Ejusdem Schediasma ad Historiam Epidemicam
Anni 1702.*

QUandoquidem adhuc super nos manet Dei benignitas, quam prioribus annis deprædicavi, quod pristinam epidemiarum morborum malitiam Tubingæ gravem represserit, nec sinat hucusque iterum invalescere; idcirco historiæ illorum pro hoc anno per modum appendicis tria solum breviter subjungam, quæ notari poterant.

Ante omnia inconstantia & anomalia, quæ per ultimam hyemem, uti & per duas priores fuit, non satis videntur respondere morboſi effectus. Major illa fuit, & omnino talis, ut sub ea sanitatem mortalium adeo bene sibi potuisse constare, sæpe admirationem moverit, dum pauci utique per urbem illo tempore ægrotarent, & malignorum epidemia plane exularet, eorum autem morborum, qui quadranti anni sunt congrui, nec magnus numerus, nec extraordinaria esset ferocia. Hoc est paradoxum, quod vexare possit & soleat practicos, favire luem eandem sub diverso aere, & filere ipsam sub tali, quem morbiferum accusaveras.

Quia vero morboſi effectus non statim ipso mense vel quadrante erumpere, sed sequenti demum succedere perhibentur, huc proin referri poterit, quod secundo notari meretur, scilicet utut interdum proprie epidemium in urbe nihil sit, sed sporadice multi ægrotent, certo tamen tempore plures ægros abripi, quam alio, per morbos diversos & dispersos. Tale fuit tempus vernum hujus anni sub finem Aprilis & principium Maji, quo personæ diu infirmæ, senes, viduæ, infantes, plures quam alias fuerunt abreptæ. Quomodo singulorum ita fata concurrant, vel in quantum debilitas eorum non ferendo conveniat, facilius est determinatu in theſi, quam hypotheſi.

Tertio, quæ de fluxibus alvi mediocritatem adhuc servantibus per æstatem ad annum præteritum notavi, huc repeti possunt pro hoc anno; nam pariter cum æstate redeunt non invaluerunt ultra gradum pristinum. Illud modo addam, aliunde ad nos advectum fuisse quid mali gravioris. Inter reduces ex castris ad Landavium, qui febre tertiana & diarrhœa laborarunt, unus ex civibus sub finem obsidionis sibi & Philisburgi non nisi per diem unum & alterum commoratus vix domum attingeret post medium Septembris, cum dysenteria dejiceretur atroci. Hæc uti per contagium hausta fuisse videtur, quia non tam errores in diæta commissos novit, quam conceptum inter infectos horrorem ipse accusat; ita domi etiam se diffudit ad plures, observans quidem fatalem illum morem, quo certæ solum personæ solent corripri, salvis aliis: Nam conjux omnium sordium injuriis exposita mansit intacta, conjugis autem foror ipso die septimo a decubitu viri completa dejecta fuit, & die sequente filiolus trimulus sedes torminose cruentas frequentare cœpit; evasit tamen illa triga feliciter, & perstitit hanc intra domum lues. Multo autem gravior fuit hujus viri dysenteria peregre allata, quam ulla per urbem sponte oborta, non solum duratione in tertiam septimanam & dejectionum nimis citata frequentia, sed excreti diu sinceri cruoris, dein non muci, verum flavo-viridis liquaminis, copia perquam magna,

Sydenham opera Medica.

stipata etiam symptomatum molestissima vehementia; præter oppressionem præcordialem, tormina, tenesum, in primis dysuria & tantum non jugi singultu, de quibus ultra decem dies & præ reliquis majores audiebantur ægri querelæ. Cum die sexto, quo demum post tentata domi varia consuli cœptum, ut & diebus sequentibus nullæ distingui possent remissionum & exacerbationum vicissitudines, & urina omnis rubedinis expers, flava & clara, sed turbata admodum facilis, offerretur, paucis cum non tam febris (nec aphthæ unquam nec deliria supervenerunt) quam fluxus & vires urgere viderentur; æger item a meridie per vespem sumptas ana duas corticis Peruviani & electuarii diascordii drachmas, ut ingrati sibi formulam, porro nausearet, inde purioris cruoris copiam citari prætendens. Itaque pro nocte primum medicam narcotici dosin extractis corticis, tormentillæ & bezoardico addere consultum videbatur, & ob bonum effectum continuare alternatim tales pilulas & emulsiones ex semine papaveris albi, plantaginis, amygdalorum, in congruo vehiculo, edulcoratas cum absorbentibus & pulvere anodino, semper ita dosi nocturnæ reservando vim opiatum. Per dies vero suis horis dabantur quater scrupuli pulveris ex unicornu fossili, coralliis, semine plantaginis, priapo cervi, dente hypopopoti, pannonico, itidem in consimili vehiculo; Quibus tandem accesserunt datæ subin guttæ balsami Peruviani cum cocleari syruporum papaveris erratici, rosarum rubrarum, symphiti, & electuarium temperatum cordiale stomachicum, cordiale. Dubia movit potus, cum ab aqua cieri alvum, a vino æstum prætenderet æger; Videbatur ergo medium tenendum, concessio modico vino vetere pro pastu, etiam ob languorem & anurexiam perparco, extra id tempus præscripto decocto ex rasura cornu cervi, mastiche, & cinnamomo. Serum lactis commendatum nescio cur cito nauseavit æger, multum autem gelatinæ cornu cervi hausit solutæ in vario vehiculo calido. Externa scrobiculo cordis, fedi, membro, roboris & linimenti ergo admota, & cætera, prolixius recensere opus non fuerit. Illud addendum, dysenteriam foeminæ cruore multo, magnis torminibus, ad usque deliquia, non impedisse tamen, quo minus die quarto, statim utique tempore, venirent menses, & durarent aliquandiu, citius tamen finiti, quibus etiam id dandum videbatur, ut interim parcius insisteretur usu ischæmorum.

Quam in ephemeridibus meteorologicis Tubingensibus olim exhibui tabulam motuum mercurialium per triennium, eam ulterius ad præsens tempus continuatam, perque annos adeo plusquam octodecim, extensam, quia brevis est, publice hic propono, dum ephemerides ipsæ tot annorum domi latens prolixiores. Observationes quidem circa experimentum Torricellianum fuerunt inscriptæ alicubi difficiles nuge; habuerunt tamen suos vindices. Transeat, aut maneat liberum, quorumcunque judicium: meam ego tabulam illis modo destinavi, qui nihil temere prætermittentes etiam perpetuo tali mobili delectantur, utuntur. Horum non modo curiositas cum propriis conferre alienas amabit observationes, verum etiam sagacitas per earum sylvam venabitur prædam, aut scrutabitur vias, quas in meteorologia non minus ac in epidemia occulit natura. Ne asymbolus ipse sim, excerptam unum alterumque casum, cui applicari possint, quæ in tabula exhibentur stationes. Si primus monuero, sermonem adhuc esse de uno eodemque barometro illo simplici, cui scalam admotam fuisse olim monui minutorum decem, qualium palmo Romano dat P. Lana; illam hac vice subdivisi in gradus viginti, ut evitarem numerorum fractiones. Sic omnium summa statio & altitudo mercurii designatur per seminata 20. medium scalæ habet 10. imum 60.

Horum sive decem palmi minutorum, sive viginti scalæ graduum varietate absolvuntur motus mercurii intra tubum; quibus extra respondent motus aeris tanti & tales, ac per hos annos contigisse meminimus magna copia & differentia. Variant anni, interdum nec ad summum nec ad imum scalæ deducunt, mercurium: variant menses, interdum diu quasi in eodem tenent ipsum, sub exigua motuum differentia, alias intra paucos dies fit lapsus a summo ad imum,

aut ascensus ab hoc ad illud. Itaque si cui libuerit comparare annos annorumque partes inter se, habebit, in quo se exerceat; occurret autem ipsi communius hyeme gradus supremus, interdum quoque autumno, rarius primo vere, nunquam æstate. Quibus autem mensibus supremus, iisdem quoque infimus: sic æstivis neuter. Adeoque differentia illa motuum maxima decem, novem minorum est hyberna: autumnalis nunquam minor quinque minutis, sæpe fuit major: His æstiva nunquam major, sæpe minor. Dantur autem menses omnium anni partium, quibus non nisi trium min. est differentia: uti dantur interdum dies, quibus quasi suorum motuum deminuisse videtur mercurius, hærens diu in eodem.

Sed ad ea, quæ promissi, specialia. *Diluvium tempestuosum* anno 1702. d. 13. Jul. de quo in E.N.C. 3.7.137. non fuit cum illa mensis statione humili, quam exhibet tabula, sed cum medio scalæ: Præcesserat descensus non nisi per gradum unum; plane non pro ratione talis ac tantæ exonerationis, tam venientis quam fientis & factæ. Billi fluxus, quorum omen illud tunc metuebatur, irruerunt utique nimis heu graves, transferunt tamen Dei gratia; quæ vel tandem plene ipsos compescat! Nondum quippe cessant. Nam nupero demum Augusto hujus anni 1710. noviter fuit præceptus vallium nostrarum inundatio; iterum non cum humilitate, quanta solet esse cum talibus exonerationibus aeris hybernis, sed cum gradu modo scalæ sexto.

Ominosum quoque inter alia nimis multa tristitia signa videbatur *fulmen extraordinarium*, cum nocte præcise media inter ultimum Decembris Ann. 1702. & primum Januarii Ann. 1703. ad sonum fere duodecimæ graviter detonaret vetus, aut intoneret novus annus: Utique tristis recordationis. Tulerat ferus & ultimus vespèr lapsum ad imum illud scalæ, quodquod in tabula, sub austrino, laxo & humido aere. Mensis diu tunc humilis mercurius, imo quod non alias factum, descendit adhuc infra illud scalæ imum: Ut non nisi illa vice differentia motuum fieret major decem minutis. Cito enim, ejusdem quippe Januarii sub finem, conspicuus iterum fuit in altiore gradu illo, quem tabula exhibet. Nescio, num ad causas vel signa fatorum talium spectet, quod singulare tunc videbatur spectaculum: Mars accedens ad vicinos Saturnum & Jovem; hoc subinnuisse modo sufficiat.

Anno 1705. ad gradum scalæ, quem tabula offert, sextum cecidit Majo mense *intempestiva nix*; nobis quidem pluvia, vicinis autem alpihus utique nix copiosa. Scribebatur tunc ex provinciis Germaniæ septentrionalioribus, gravem pati arbores calamitatem, præ nivis mole avulsos vel grandes tiliarum ramos: Ad alpes nostras multa nive rectæ & pressæ segetes & vinearum frondes, manserunt tamen in salvo, post paucos dies resurgebant & lætæ virebant; retardata modo, non uti alias a pruinis, læsa fuit germinatio. Successit brevi, sc. nivi diei 25. aliud die 29. meteorum, cum jam supremam mensis stationem occupasset mercurius, sub aere nondum quieto, dejiciebat enim granedulæ copiam, apriliformis.

Ex An. 1706. *Eclipsis Solis* memorabilis fuit neque cum suprema neque cum infima Maji mensis statione, sed cum media: Et quod sub eclipsi solari partiali, magna tamen, An. 1699. in E.N.C. 3.7.88. annotavi, de barometri nulla prorsus facta mutatione, per omne illud obscuracionis tempus, idem sub totali nobis & annulari pariter omnino se habuit. Stetit mercurius obscuro illo tempore, quasi crepusculo, fixus, plane invariatus, ne pili latitudine vel dimissus vel elevatus, utut thermometri fide aer bene refrigeraretur. Vespèri autem comparuit per quartam minuti partem humilior: Tunc nubes pomeridianas, quidem diffilarat curus, sequens mane tamen tulit pluviam; & serus vespèr signum gratiæ, iridem, cum altior jam ac ante eclipsin esset mercurius.

Anno 1707. & 1708. *hyemes austrine* non tulerunt consuetam altitudinem. Januarius 1708. vernus potius, quam hybernus; quo in pratis colchicum, mezereon in silvis floruerunt. Et insolita tamen illius temporis lenitas & temperies docente thermometro fuisset nobis per æstatem summa rigiditas. Nunquam

illo mense altus mercurius, vix semel, nec diu, venit ac stetit ultra scalæ medium; plerunque multum infra ipsum. Cum in imo hæreret per decimum & sequentes dies, mirum non fuit cum aere turbulento, sed satis quieto, grato, apud nos, post nebulam aut flavedinem vel rubedinem matutinam, tunc frequentem, non pluviosus, sed vel serenus vel nubilus solisque radiis alternans. Aliibi forsan se exoneravit. Die illius Januarii 20. & seqq. cum perturbaret aerem ventorum vis, & ferret fulgura, irides, pluvias, mercurius quidem descenderat, sed non eo usque. Interim passim quoque scribitur aliunde, visa meteo- ra varia, facta diluvia, delapsos ignes, &c. Communiter autem, ex septentrione, esse potius ver, quam hyemem. Prægressus December 1707. fuerat non minus & aeris & mercurii motu apriliformis, differentiam suam quatuor minorum absolvens vel viginti quatuor horarum spatio, a nive ad ejus solutionem: Nec ad imum, nec ad summum scalæ, ut alias hyeme solet, unam pertigit.

Anno 1709. Januarii *hyems sine pari*, sive gelu extraordinarie longum & magnum, non obstitit, quo minus caderet mercurius, scilicet ad venturam opportune nivem, tegmentum segeti. Certe per diem duodecimum & tres sequentes bene humilis, etiam post nivem adhuc, sub aere sereno, constanter gelido: Atqui media æstate communiter illa statio solet esse tempestuosa. Non nisi uno minuto humilior stetit die quinto, ante gelu illud, qui tamen fuerat toto cælo diversus, scilicet austrinus, laxus, pluvius, quem rigor venti nocturnus strinxit & mutavit in planè alium; tunc enim nix & gelu hyemis illius acerrimæ principium. Hinc decimo sexto motus per scalam sursum, nondum tamen ad summum: quo pertigit demum die decimo nono serenato post nebulas constanter aere. Tales tunc dies quatuor, inter quos unus ex frigidissimis totius mensis, & per quos tamen descensus duorum minorum. Cum vero intra breve tempus per tria minuta fieret ulterior lapsus ad scalæ medium, tunc alia venit nix, & comparuit ad vespèram pruina murorum; Hinc molestissimi rigoris vel tandem aliqua relaxatio. Fuit, siquidem Astrologos audire lubet, prævia laxitas austrina sub oppositione Martis & solis. Superveniens oppositio Saturni & Mercurii dedit principium hyemis per stringentem euroboream. Finem fecit oppositio Saturni & Veneris cum PL. & aliis ad diem Pauli. Supremam interim mensis stationem & inclementiam fuisse non sub istis, sed sub quadrato Jovis & Solis, mirum forte cupiam videri posset.

Sic utique visum quondam fuit *M. Slutero*, occupato in dextra applicatione principiorum *VV. Cokii* ad constitutionem meteorologicam anni 1695. ubi tractat inter bene multa notatu digna quæstionem: cur calefaciens alias quadratum Jovis & Solis die sexto Decembris forte gelu tulerit? Transeat hic examen rationum, hoc solum addam. Ante seculum *Helis. Roeflinum* in d. navig. Septentr. (laudato Belgis libello) de hoc paradoxo jam monuisse Astrologos. Scilicet hybernum gelu a Saturni configuratione cum aliquo planeta fuisse mitigatum. Contra, Solem, Jovem, Martem, Mercurium tunc configuratos frigus intendisse. Exemplis annorum 1608. 1609. Quo ipso simul innuitur alterum Sluteri dubium, quod scilicet conjunctio Saturni & solis uno anno liquationem, altero gelu tulerit. Etenim d. 18. Dec. 94. sub illa intensum frigus: anno 95. d. 8. Jan. sub conjunctione Martis & Solis liquatio, ad imum scalæ. d. 13. Jan. post. conjunctionem Saturni & Mercurii gelu fuit, ad supremam mensis stationem; Et ad analogiam cum aspectibus & meteoris Jan. anno 1709. Caterum, priores illæ hyemes austrinæ uti videbantur fovere pestem Polonicam, ita succedens borealis eadem sperabatur extinctura: Et erat utique silentium aliquandiu; verum enim vero tristitia porro leguntur in novellis publicis. Opponam adhuc illi gelu *astum*, quem substituimus per dies Julii anno 1707. quatuor, scilicet die 19. 20. 21. 22. insolitum; non tamen cum humili mercurio, nec cum magna motuum differentia, sed a supremo hujus mensis, & communiter æstatis gradu, a nebula per serenitatem extreme calidam ad tempestatem nocturnam, sen-

sensum factō descensu non nisi per quatuor gradus, nec infra scalæ medium. Interim, qui primo die aspirarat adhuc aer lenis, dispellens nubeculas (quæ quidem solet esse gratia *Etesiarum*, sive euroboreæ & euri, pomeridianum aerem temperantium) emanabat prorsus, ne auræ quidem appulsus sentiebatur, urgebat autem calor, quantum thermometri testimonio ab illo tempore nullus annorum sequentium tulit. Hæc, ut dixi ad tempestatem; cui cum succederent ultiores binis diebus sequentibus, & obtineret insignis temperati jam, imo refrigerati, aeris inconstancia, tunc quod siccus calor non potuit, procuravit laxa humiditas, scilicet descensum ulteriorem, ut differentia tamen stationum sub tam diverso aere fieret octo tantum graduum. Si cui libeat recurrere ad ephemerides illius temporis astrologicas, inveniet Jovem apud Martem, & aspectus forsitan pro etesius quoque & subsequa inconstancia.

Cum reviderem tabulam, offendi, quod æstate rarum, *schale imum* ipso *Julio* anni 1703. Itaque recurrens ad Ephemerides, deprehendo lapsum per quatuor minuta factum intra 24. horas, & mox rescensum intra horas non plures, per quinque minuta, die mensis sexto, sub aere non calido, cum pluvix copia ventique impetu. Flabat ille ex plaga a meridie ad occasum, versus quam nobis situs sit *Lacus Podamicus*. Atqui hic ipse tum dicebatur intumuisse ultra modum. An perturbatus appulsu hostis vicinix graviter minacis?

Video etiam, quod vix alias factum, *Decembri* non stetisse *humilem mercurium*, sed tenuisse octavum scalæ gradum anno eodem 1703. Inspicienti autem

ephemerides occurrit illa statio die Decembris octavo nubilo; inconstanti, ventoso. *Tempestas* horrenda cum fulg. ton. vi venti insolita, vix sine terræ motu fuisse credita, quæ in *Anglia*, *Belgio*, & ad *mare Balticum* valde sævit, & ruinam multis intentavit vel intulit, scribebatur tunc nocte inter 7. & 8. Dec. incepisse ex SVV. & durasse ad meridiem octavi; qui turbulentus, ut dictum, apud nos, non tamen tempestuosus, transiit de cætero sine damnis. Cur sub tali aere non humilior mercurius? An medius inter oppositiones & post conjunctiones trigonus id non permisit? (illa vero videtur apud Astronomos) Certe a NL. tunc ecliptico properavit ad supremam, quæ in tabula fixit stationem intra triduum.

Denique finem his imposituro ad manus venit *la connoissance des temps*, quam Gallica scientiarum Academia publicari facit, ubi de anno 1708. scribitur, supremam per ipsum elevationem mercurii fuisse observatam d. 17. *Novembr.* 28. poll. 1. lin. $\frac{1}{2}$ infimam d. 10. *Januarii* 26. poll. 9. lin. $\frac{1}{2}$. Hæc plane conveniunt cum observationibus meis: Etenim scalæ meæ gradus decimus octavus, qui in tabula ad annum 1708. Novembri respondet, etiam non fuit per hunc annum, nisi mane istius diei 17. quo longam nebulam excepit serenitas; Frigidum utique fuit illud mane, minus tamen, quam sequens, quod habuit mercurium tribus jam gradibus inferiorem. Alterum huic oppositum, ex Januario ejusdem anni, est illud ipsum scalæ imum, de quo supra, ad hyemem austrinam, quod mirabar fuisse sine aeris turbulentia. In quo itaque subsisto; Ad occasionem quamcunque aliam reservans plura.

Tabula Motuum Mercurialium, sive Stationes Barometri
suprema & infima.

	1691	1692	1693	1694	1695	1696	1697	1698	1699	1700	1701	1702	1703	1704	1705	1706	1707	1708	1709	1710
Januarius		20 2	20 10	19 6	16 1	20 4	18 4	14 0	20 0	20 0	14 2	18 0	18 0	16 0	18 6	6 10	16 8	12 0	18 2	16 0
Februarius		14 1	19 4	19 10	18 4	18 4	16 0	16 6	16 4	14 2	16 2	20 0	10 2	18 2	19 0	16 4	14 8	16 2	16 2	16 8
Martius		15 2	14 2	15 5	14 4	14 0	18 0	16 8	17 0	18 6	12 0	16 4	16 6	12 2	18 0	16 6	16 6	12 2	14 4	14 0
Aprilis		14 2	12 0	15 6	10 3	14 5	14 5	12 4	14 0	16 2	14 4		14 2	14 4	16 2	14 4	14 0	12 2	14 4	14 2
Majus		13 4	12 4	12 5	13 4	16 7	14 8	14 6	14 5	14 5	14 6		14 4	12 5	14 6	14 4	12 6	14 4	12 4	16 6
Junius		12 5	13 6	13 8	16 6	15 5	14 4	15 8	16 4	14 4	16 8	11 6	14 6	14 4	14 4	14 6	14 6	12 4	14 6	14 8
Julius	13 7	13 5	13 8	14 7	13 8	14 6	14 7	14 8	14 6	16 8	14 4	12 6	14 0	14 6	14 7	14 8	14 6	14 6	14 6	14 6
Augustus	14 9	13 6	13 6	12 7	16 6	16 8	16 7	14 6	15 8	14 8	16 6	14 4	12 6	14 8	14 6	14 8	12 2	14 6	14 8	14 6
September	16 8	16 6	15 4	15 4	12 4	17 1	14 4	14 6	16 6	14 8	16 12	14 4	14 2	13 2	16 2	16 4	14 4	14 4	16 6	16 6
October	16 9	15 6	17 4	16 0	19 6	14 4	18 5	10 0	16 5	14 5	18 6	16 0	14 2	18 6	14 4	14 6	14 0	14 4	16 2	
November	15 0	14 4	15 4	14 0	16 11	10 0	16 0	15 3	20 0	20 0	18 2	16 0	18 4	16 2	16 6	14 0	18 4	18 4	18 6	
December	18 7	20 12	18 0	19 5	14 2	18 4	14 8	18 2	20 0	19 6	16 6	16 0	19 8	18 2	14 0	18 0	12 4	14 2	18 0	

De frigore hyemali Anni MDCCIX.

D. Joannes Guiliomus Bajerus.

F Rigoris vehementia, quæ Anni 1709. principium memorabile reddidit, digna est habita, quæ curiosorum considerationem eruditam subeat, quos inter præcipue Exc. D. Jo. Guilielmus Bajerus, in Ill. Noricorum universitate Altdorfina professor publicus in dissertatione d. 15. Februarii edita causam ejus exposuit; & celeberrimus D. Bernardinus Ramazzinus in Antenoreo Lyceo primarius practicæ Medicinæ professor in oratione die 13. Maji anni prædicti publice habita, præter causas, in effectus etiam morbosos algidissimæ hujus constitutionis inquirere voluit. Horum itaque propria verba Lectoris in gratiam, cum paucorum in manus Opuscula devenierint, Historiæ nostræ epidemice subicere libuit.

§. 1. **F** Rigoris illius post hominum memoriam maximi, quod mense proximo per Europam sævit, rationes breviter evoluturi, merito præmittimus recensionem quorundam phenomenorum tam antecedentium, quam durante ejus vi in aere terraque nostra observatorum, unde totius rei cognitio facile ducitur.

§. 2. Erant jam tum Decembris dies plurimi gelidi satis ac nivosi, terra frigore tam alte constricta, ut currus onustos superficie sua ferret; neque omnino solvebatur, tamen per intervalla tepidi venti aerem agitent, & post Calendas Januarias ad nonas usque pluvia tempestas impenderet.

§. 3. Ipso nonarum die, cum aquis nivalibus pluviusque telluris facies undique maderet, (latente tamen adhuc subtus glacie) circa vesperam demum quammaxime humidam, ventus orientalis spirare pri-

num leniter, sed provecta nocte vehementius, cœpit; post quem sub auroram statim terra omnis nive & pruina visa est obriguiffe.

§. 4. Ventum hunc, per sequens biduum & ultra cum assiduo frigoris incremento, sed diverso impetu continuatum, paulo antea Mercurii in batometro per plures gradus ascensio subita prænuñciavit, cum prius ad vespèram usque diei v. Jan. multum infra mediocritatem lapsus esset.

§. 5. Thermometrorum ex adverso liquores subinde majores frigoris gradus notabant ad medium usque Januarium; quo cum ad tantam vehementiam gelu processisset, quantam in nostris regionibus vix attingere posse credebatur, circa diem xviii. observatum est remississe paululum, sed non diu neque constanter: quandoquidem & per brevè intervalla rursus crevit decrevitque, & diei xxi. tempore matutino majorem quam antea unquam vim in nostris thermoscopiis ostendit, post meridiem autem notabiliter defecit.

§. 6. Mercurius interim in barometro alterno ascensu descensuque ventorum potius, elaterem aeris variantium, vicissitudines indicabat, quam frigoris incrementa & decrementa; nobis quidem haud mirantibus, qui pridem noveramus, & calorem & frigus, & serenitatem & perturbationem cœli cum diverso elateris aeris statu per accidens saltem conjungi: tamen vulgo ista qualitatium aeris temperatio barometrorum scalis pro regula consueverit adscribi.

§. 7. Quemadmodum igitur istas barometri mutationes, utpote parum ad hoc negotium conferentes, sigillatim exponere superfedemus; ita nec operæ pretium fore arbitramur gradus thermometrorum hic enumerare, qui diversi sine dubio sunt non solum in diversis machinarum generibus, (unde eodem tempore v. gr. Hamburgi liquor a gr. 60. ad 86. ascendisse, Francofurti ad gr. 21. descendisse, in diariis publicis memoratur) sed diversi quoque in singulis speciebus, pro diversitate scalarum, liquorum, variaque altitudine & amplitudine vitrorum. Quale facile conjicimus, neminem ex hujusmodi recensione animo percepturum quid res sit, nisi qui vel thermometra nostra oculis usurpavit, vel prolixam eorum legerit descriptionem.

§. 8. Cætera licet eandem ob rationem, ex observatis Berolinensium, Francofurtensium, Dantiscanorum, Hamburgensium, Rostochiensium, Stetinensium, aliisque, quorum copiam diaria publica fecerunt, colligi satis tuto non possit, ubinam locorum maxime frigus dominatum fuerit, quique gradus diversis locis intercesserint; tamen hæc certa & notatu digna sunt, quod 1. (eadem nocte universam Germaniam invaserit gelu, 2.) eadem proportionè ubique creverit decreveritque, 3. (ad supremum ubique culmen, pro climatis ratione, & ultra quam putabatur, pervenerit, 4.) calidiores Europæ in tractus, Galliam & Italiam, simili cum rigore penetrarit, quin etiam; incredibile dictu, ipsas thermas Aquisgranenses congelarit.

§. 9. Nec prætereire possum, quin memorem, frigus decrescente lunari lumine invaluisse, & biduo ante plenilunium maxime remississe, secus ac vulgo creditur fieri. Quin & cæterorum aspectus planetarum tanti non erant, ut exinde talem effectum ominarentur Astrologorum regulæ: nisi dicere velis, ☿ ♄ ☿, quæ die VII. Jan. contigit, biduo antequam fieret, istam mutationem acri intulisse. Sed nec desunt calendariorum artifices, qui Jovem beneficium hyemis istius præsidem declararent, & hinc Januario mensi insignem frigoris temperaturam promitterent.

§. 10. Jam vero ut ad causas eventus hujus inexpectati accedamus, e modo dictis patet facile, quam debile, imo nullum subsidium ab Astrologia sit sperandum. Quare missis ambagibus originem memorati frigoris decimus a vento orientali præcedente (vid. *Phæn.* III.) hujus autem occasionem ab impedito aeris nostri, per priorum dierum turbulentam tempestatem, elatere, de quo *Phæn.* II. & V. loquuntur. Et enim cum venti tepidi humidique d. IV. V. Jan. leniter spirantes teniorem fecissent aerem regionum planarum illo, qui silvosis montibus, nive & glacie rigentibus (Boemicos intelligo Carpathiosque) imminabat, fieri non poterat, quin sublato sic aeris utriusque æquilibrio, hic in istum gravis irrueret, adve-

ctisque secum spiculis glacialibus totum impleret. Ita vero & illi vapores, qui prius atmosphæram nostram confertim occupant, excusso calore modico simul in pruinas abierunt, & aquam in superficie telluris fluentem pariter suo attactu congelarunt. Namque ipsum terræ solum jam tunc priore a frigore jacuisse constrictum, *Phæn.* I. observavimus.

§. 11. Quid vero sic cœlo soloque juxta gravi ad consummatum frigus deerat? quidve poterat impedire, quo minus ille ventus orientalis, æqualem per Germaniam statum aeris offendens (quod relationes publicæ docebant) eadem nocte eam totam pervaserit, & per aliquot dies continuatus, contiguo nostris tractibus acri similem rigorem longe lateque induceret? quo facto, etiam venti australes & occidentales, alias calorem humoremque nobis adspirantes, jam non nisi vapores pruinosos dabant; & si quando aer superior modico tepore rangeretur, ille tamen solvendis his inferioribus nimium algentibus haud sufficiebat, usque dum sol, quotidie nobis sublimior factus, primo australiorum terrarum infregit rigorem, & mox inde potentiores ventos calidos ad nos transmisit.

§. 12. Equidem facile prævidemus, adductas in medium rationes non statim omnibus satis facturas cogitantibus, quod intra sæculum proximum haud dubie sæpius venti orientales supervenerint hyemi liquefcenti, (quam nos hoc anno occasionem tali vento fuisse fassi sumus) nec tamen frigoris tantam sævitiam asportarint. Sed hæc objecta dimovere nos de sententia non valebunt, nisi constiterit, omnes, quæ nuper ad effectum conspirabant, causas & circumstantias, etiam alio tempore & crebrius fuisse conjunctas; ut ventus flaverit e regione solido ac diuturno frigore horrente, ut inciderit in aerem tot vaporibus refertum terramque intus jam congelatam, ut contrariis ventis non impeditus per plusculos dies regnaverit; & quæ huc pertinent alia. Neque vero vel nostra memoria destituitur exemplo simili: quandoquidem anno 1697. circa II. post Epiphan. Dominic. & Januarium medium, tam subito & acri frigore tellus humida corripiebatur, eodem vento orientali intercedente, ut parum differret a statu nupero, præterquam diuturnitate, quæ tunc minor, etiam minorem sibi peperit famam.

§. 13. Quando ea inter portentoso huic frigori e natura causas assignamus, haudquaquam exclusam volumus singularem quandam Numinis providentiam, quæ forte naturalium corporum actiones solito firmitus in istum effectum direxit, eo quidem fini, ut homines, heu nimis cito Dei obliti suisque innixi viribus, novum impotentia suæ caperent documentum, utque armis hostilibus, per hyemem quoque non quieturis necessarias faceret inducias. Huic ergo Numini supremo omnis sapientia, potentia, clementia laus & gloria sempiterna tribuatür.

D. D. Bernardinus Ramazzinus.

Lubet in prægressæ hyemis algidam & nivofam tempestatem, quæ frigoris vehementia atque asperitate non solum Italiam, verum universam Europam tanta hominum, ut omnium cujusque generis viventium strage male multavit, philosophica & medica indagine inquirere; quod si tam portentosi frigoris veram & germanam causam in apicum eruerè non dabitur, non abs re forsan neque ad sanitatis custodiam infrugiferum erit exquirere, quid mali hac proxima æstate ex hac tam male morata constitutione timeri possit.

Nolo autem hujus hyberni frigoris, quod annum hunc nefastum fecit, & ad multa sæcula memorandum faciet, inclementiam non dicam, sed insolentiam longo verborum ambitu describere; quotus enim quisque repertus est tam denso corio, ac tam forti a natura temperie donatus, qui non in cute solum, sed intus quoque & intra ipsa præcordia, ubi vestalis ignis nativos lares, & focum habet, ab algidissimi aeris inspiratu noxam aliquam non persenserit? Magna sunt quæ vidimus, majora quæ audivimus; vidimus magna flumina tam arcto,

arcto, tam alto gelu adstricta, ut armentis plaustris onustis, & ipsis quoque exercitibus transvehendis sufficerent. Vidimus ad binos & amplius menses vim nivium immodicam e cælo non tacite, ut solet, ad instar velleris labentem, sed magno cum impetu in solum projectam, & quod magis mirere sub æquinoctium ipsum, quod in hac Civitate prodigio par est. Vidimus in partibus ædium interioribus, & in ipsis hypogæis fluida quæque congelari solidioribus vasis ex opere figulino disruptis, ac dum cibum capturi mensæ accumberemus, non procul a luculento igne vidimus fumantes epulas temporis momento gelascere. At vulgaria sunt isthæc, & fidem invenient. Urbem vidimus Adriæ Reginam, cui nullum unquam nisi navigiis cum terra fuit commercium, continenti junctam, marinis aquis in marmoream duriem solidatis, ut ad septem passuum millia ultro citroque longo agmine commearent viatores, veterinarii, & annonariæ gentes cum armentis, & gregibus, ut laboranti civitati victuales suppetias ferrent. Quam admiranda porro, imo quam misera sunt, quæ alibi facta accepimus, velut in Gallia, Anglia, Germania, ac tota septentrionali plaga, non solum magnis fluminibus marinum æstom pati solitis, sed Oceano ipso congelato, ut sublatis commerciis centenæ hominum chiliades in civitatibus, in agris inter frigoris rabiem, & famis morsus misere perierint, ac ex iis, qui militiæ sacramento erant auctorati longe plures in castris hyemando, quam in acie pugnando in orci familiam transferint. Profecto si cujusque regionis, civitatis, atque oppidi necrologiam haberemus, in quibus eorum, qui e vita decesserint, nomenclatura continetur, ac ratio iniri posset, quot hominum myriades duorum vel trium mensium spatio in libitinæ censum deduxerit intolerando suo frigore funesta hæc hyems, nulla certe pestis utut truculenta & pernicialis, nec ea, quæ apud Historicos, & Poetas adeo pervulgata, quæ universam Græciam depopulata est, algidissimæ hujus constitutionis pestis, si ita fas loqui, ullo pacto esset conferenda.

At unde nam quæso tam violenti frigoris petenda est origo? Si ab Aquilone frigoris promocondo malum hoc venit, cur hoc anno tam violentum, tam diuturnum, ut quotquot in viventium numero adhuc extant provectioris ætatis homines, & silicernio jam proximi tam enorme frigus nunquam se perensisse meminerint, nec scriptorum quisquam prodigium hujusmodi literis prodiderit? Scire optatis, quam proportionem habuerit hujus anni frigus ad præcedentium octo annorum, quos in hac civitate observare mihi datum, summum frigus? Pſicrometro teste proportionem habuit sesquialteram, hoc est ut ternarium ad binarium. Is fuit hyberni frigoris hoc anno supra cæteros excessus, qui in regnum quoque vegetabile desævians, non solum plantas, quæ hortorum ornamenta sunt, sed quod dolendum oleas & vites ad interuccionem usque absumpsit. Mehercle si in hujusmodi tempora incidisset Cardanus, eam, quam de frigoris natura opinionem mordicus tenuit, dubio procul abjecisset: non esse frigus quid re vera subsistens, sed simplicem caloris privationem, ventosque omnes plus minus calidos esse, inter suas subtilitates recensuit vir ille, quem censoria virgula fugillans, severissimus ille Cardanomastyx hisce verbis sic eum interpellavit. *Abjice soleas, ac pileum, Cardane, quo tempore ex Alpibus Reticis urit vos Boreas; frigidus enim, & siccus est.* Hic autem mihi haudquaquam mens est in frigoris naturam curiosius inquirere, neque quodnam primum sit frigidorum, num aqua, ut Aristoteles, an terra, uti Parmenides, & num venti aerem comprimendo frigus efficiant aut illius vectores sint, cujusmodi quæstiones Philosophos tum veteres, tum recentiores exercuere, & adhuc exercent; sed solum in votis mihi esset causam perfectam habere, quæ hac hyeme tantum frigoris ac tam ex improvviso exciverit. Jam præcedens brumale solstitium exegisse nos, & annum cum satis placido aeris statu clausisse lætabamur, ut spes esset hyemis reliquum eodem tenore processurum. At tanto impetu nascenti anno Janus fores aperuit, ut nobis feralle bellum indicare visus fuerit; illico enim, ex boreali plaga ventorum turbines biduo tanta vi efflarunt, ut omnibus horrore essent,

illos acerrimo frigore comitante, & continuo nivium descensu subsequente. Grande igitur aliquid in hyperboreis contigisse credendum est, quod tam subitam in aereo mari magno tempestatem excitavit? Anne magnum aliquem terræ hiatum ex improvviso apertum fuisse putandum est; unde una cum ventis algidissimis tanta nitrosi spiritus copia eruperit, quæ totam atmosphæram frigorificis particulis ad saturitatem usque opplerit? Quanta vi polleat nitrum ad sensum frigoris inducendum, satis commonstrat experientia, dum nivi & glaciei commixtum illarum activitatem exauit, ac in earum defectu nitri portionem in aqua dissolvendo modum habemus, quo media æstate vinâ & frigidæ potiones nobis comparemus, non aliunde autem quam e terræ sinu tam horrendi frigoris causam deducendam arbitror; ad tam subitam enim & adeo turbulentam ventorum irruptionem locum aliquem in aerea regione intra polarem circulum fingere oporteret, in quo spiritus adeo furentes conclusi essent, & effracto carcere subito erumperent, quod tamen Poetæ, quibus quidlibet audendi data est potestas, ausi non sunt; qui ventorum turbam in antris terræ obscurioribus abditam esse voluerunt, ac insuper regem illis statuere, qui imperio premeret, & laxas sciret dare jussus habenas. Minus porro rationi congruum videtur cœlestia illa corpora culpæ velle, quæ suo lumine & afflatu in nostram perniciem conspirarint. Quid novi enim in cælo a syderalis scientiæ peritis antea fuerat observatum? Num feræ cometæ visi sunt aut alia hujusmodi portenta? Num planetæ in choreis suis agendis a præscriptis sibi legibus exorbitarunt, ut novis syzigiis & insolitis motionibus cœlestem illam harmoniam perturbarint, ut postea propter illorum aberrationes nos plectendi essemus?

Sit quidem, ut ajunt, multum pollere lunare sydus ad perfrigerandum, ac illius lumen ad nos reflexum, licet a Sole prodeat, actu frigidum esse, seu ut alii putant vi magnetica calorem terræ & aeris ad se elicere, sicque frigefaciendi vim habere, at forsitan luna hoc anno propius ad nos accessit. Haud sum nescius ab astronomis, a veteribus agricolis, a Medicis quoque peritioribus, ut olim ab Hippocrate ad prænoscentiam futuræ hyemis indolem observari solitum plejadum occasum, & ortum arcturi, atque ut monēbat Virgilius *Georg. 1.*

Frigida Saturni sese quo Stella receptet.

At isthæc singulis annis observantur & adventantis hyemis signa sunt potius quam causæ. E magnæ parentis utero itaque monstruosum hoc frigus prodixisse, a vero non prorsus alienum videtur. Terra enim tota intus cavernosa est, & non secus ac animalium corpora suos habet ventres distinctos & magnas cavitates, in quibus non hospitantur tantummodo silentes umbræ & segnis aer; sed varia & admiranda intercurrente spiritu exercentur opificia. Nusquam certe operosior natura est, quam in subterraneis officinis ad generationem intenta tot pretiosorum lapidum, fossilium, mineralium, & metallorum, quæ si hominum avaritia potius quam curiositas, & abditiora quæque investigandi cupido surripiat effossis terræ visceribus, non minus natura sollicita est in illis suo tempore reponendis, & damno refarciendo. Hinc innumeri pene fontes e terræ scatebris erumpunt non solum aquarum dulcium, sed medicatarum quoque, quales sunt ferratæ, æneæ, sulphureæ, aluminosæ, nitrosæ, aliæque omnigenæ. Cum autem borealis plagâ in sinu suo nitri multum recondat, quod satis norunt nitri collectores pro tormentario pulvere conflando, qui e parietibus & locis boream respicientibus longe plus nitri obtinent, quam ab iis qui austrum, cur suspicari non liceat in regione illa inhospita, & Solis radiis ad plures menses inaccessa ex subito & præcipiti montis alicujus in magnas illas cavernas lapsu, ut in Apennino & Alpibus aliquando contigisse legimus, portam ingentem algidissimis ventis & nitrosæ exhalationi apertam fuisse, unde tam horrida tempestas hac hyeme ortum duxerit? In Islandia magnam cavernam esse referunt, ex qua venti frigidissimi expirent, qui glaciei fragmina identidem in altum protrudant. In Hetruria penes lacum Vulturnensium ad radicem cujusdam montis boream versus antrum extat,

in cuius latere rima visitur, ex qua, æstate præcipue, ventus efflat adeo frigidus, ut sine noxa perferri nequeat, in quo specu si vina reponantur, ad pauca temporis minuta pene gelascunt, & fructus pruinosi educuntur, magnum utique blandimentum ad exhilaranda convivia, quæ ab indigenis illis, cum procyon furit, celebrari solent. In Peruvia duo oppida Platam & Potosam describit Acoſta, quæ non multum inter se distent, ac utraque in motanis locis posita, quorum unum, Potosa scilicet, temperaturam hyemis habeat, Plata vero vernali similem, cuius prodigii in calidissima regione causam in argenti fodinas referunt, & terræ spiracula, unde aura algidissima expiret. Quanto igitur longe probabilius est frigus ab imis terræ visceribus in aerem efferri, quam ab ætherea regione in hæc inferiora descendere, tam grandis phænomeni, quod hæc hyems præ se tulit, & cui aliud simile ulla ætas non vidit, nullam aliam causam comminisci possum, quam magnam terræ scissuram recens factam, paratum tamen me protestans ad expuendum ex animo meum hoc commentum, sicubi aliqui feliciore forte meliora proferant. Si ergo forte ita evenit, uti conieci, tam horrendi frigoris, ac tantarum nivium descensus causam tenere mihi videretur. Nitrosa enim emanatio illa una cum ventis validissimis longe lateque diffusa tam magnum algorem efficere, & vapores, aquei elementi sobolem, in aere suspensos arripiens, iisque se consocians nivem conformare potuit, atque illis suis capillamentis sexangularem & stellatam figuram impertiri. Non aspernandam nitri portionem nivibus inesse chymica enchiridis ostendit, qua nitrum in sinu nivis delitescens educitur, & medicus usus comprobatur, dum ex aqua nivis ratione nitri in illa contenti parantur remedia in æstuosissimis febribus exhiberi solita.

Verum dictum illud e sacris paginis mihi forsitan obtrudet aliquis, *Nunquid ingressus es thesauros nivis*, tu, qui adeo fidenter modum tradis, quo in aere conflentur nives? Ultro fateor, non esse apud me ipsum tanti ponderis, quas produxi de nivis conformatione, & credito terræ hiatu conjecturas, ut veram & germanam tam inusitati frigoris causam e Democriti puteo hausisse me persuasum habeam. Conjectoris tamen non prorsus improbandi munus obisse me arbitror, si in negotio tam abstruso ita fieri potuisse naturæ legibus non repugnet, nil enim amplius a rerum naturalium scrutatore in re obscura exigebat Peripateticorum Princeps. Quid ergo in quæstione tam ardua & impervia dicendum? Num ad effugium illud histroniam exercentibus adeo familiare recurrendum, qui ubi fabulæ negotium ita implexum & involutum est, ut nodo solvendo humani ingenii acies non sit satis, pro more habent, Deum aliquem e machina in scenam inducere? ita sane. Ut ergo aliquid proferam, quod pro vero accipi possit, de hac tam horrida constitutione dicam, quod magnus Hippocrates de morbis populariter grassantibus, ubi phænomena quædam appaerent, quorum ratio abditior esset, dicere consueverat: *ἀμα δὲ καὶ εἴ τι θεῖον νοστὶν ὡς τῆς νόσου, considerandum an sit quid divinum in morbis*; illud itaque θεῖον apud Medicos tam in morbis quam in remediis adeo celebre hic quoque vim habuisse censendum est, ab ipso Deo nimirum tam rigidam tempestatem fuisse excitatam, ut corruptos sæculi mores & vitia novo & inusitato pœnæ genere expiaret. Neque enim in suis armamentariis iustissimum illum criminum vindicem solum ignem & fulmina habere credendum est, quæ multorum metu & paucorum periculo jaculetur in terras; in iisdem enim habet, *Glaciem, & Nives, quæ faciunt verbum ejus*. Ille est qui, ut cecinit Regius Vates, de thesauris suis ventos educit, qui temporis momento aerem non minus quam maria, in magnas tempestates agant, & palam faciant, cui serviant, cui militent. Illud sane admirationi fuit, quod toto eo tempore, quo a sexta Januarii usque ad æquinoctium fere pertinacissimum perstitit frigus, nunquam hiscere ausi fuerint australes venti, quod in hisce regionibus perrarum est, cum vel media hyeme rigidiori identidem caput efferre soleant ab ora meridionali calidiores flatus, adeo ut ex improvviso liqueſcant nives & regelent flumina, si quæ prius glacie erant adstricta, ut quan-

doque campos inundent, quasi Deus borealium ventorum ministerio plectere nos volens australes flatus intra suos lares, unde ortum habent conclusos, voluerit, ne blando suo tepore inflicta pœnæ rigorem delinirent. Sic eleganter non minus quam ingeniose Ovidius Jovem, qui totum mortale genus aquarum eluvione perdere statuerat, finxit reposuisse tela manibus fabricata Cyclopi, in antris autem æoliis aquilonem aliosque ventos nebulas fugare solitos clausisse, emisisse autem notos, euronotos, atque austrum pluviarum pincernam.

Utinam autem malorum hic finis fuerit, & huiusce anni feliciore sit exitus, quam fuit initium. Quam infesta, quam pernicialis humano generi fuerit hyemalis hæc constitutio, & quænam morborum genera invexerit, nemo est qui ignoret. Frequentissima fuere in hac Civitate, ut de aliis taceam, funera, ac nulla pene domus visa est, quæ pullam vestem non induerit. Primo quidem teneros infantes, decrepitos senes, & valetudinarios fere omnes, mox juvenes, & robustiores viros, nec solum minutam plebem, sed non paucos quoque ex procerum ordinibus hiberni frigoris violentia in libitinæ censum deduxit. Tusses, destillationes, pleuritides, peripneumonix, dyspnææ, & morbi id genus dominatum obtinere. Rationi autem consonum fuit, ut huiusmodi affectus populariter grassarentur; sicuti enim austrina tempestas capiti infensa est, ita aquilonaris spiritalibus organis est maxime infesta. Possumus equidem adscititiis comis, adversus aeris injurias calvariam munire, ac bene chlamydati, & palliolarum corporis extrema a frigoris rabie & morſu possumus tutare; at quomodo visceribus in pectoris cavea contentis ab aere rigidiori prospici potest, si ab indefinente & reciprocante aeris inspiratu & expiratu vitam precariam habemus? Non est ergo quod miremur, si hæc hyems, glaciali aura per ostium patens thoracis penetralia subeunte, tam diram hominum & cuiusque generis animalium cladem ediderit.

Verum anne putandum hanc male moratam constitutionem totam sævitiam suam explevisse, ut in nostris corporibus labem nullam reliquerit, quæ nova morborum genera hac æstate non possit arceſſere? Si Coi senis, cui futurorum mens divinatrix divini nomen adscivit, oraculum adeamus, responsa referemus, quæ non multum nobis arrideant. *De temporibus*, agebat ille, *si quidem hyems sicca & aquilonia fuerit, ver autem pluviosum & austrinum, necesse est æstate acutas febres fieri, lippitudines, & intestinorum difficultates*. Observatione profecto dignum est, quomodo Hippocrates, Vir in prædicando aliquin cautissimus, tam fidenter & absolute pronunciarit, quod si hyemem aquilonarem, ver austrinum & pluviosum exceperit, ex necessitate subsequi debeant æstate acutæ febres, & alvi profluvia. Ast ratio sic fieri oportere satis evincit; etenim si hyemis plus æquo algida & nivosa sit, parum perspirant humana corpora, ac ea præsertim, quæ debiliora sunt, unde ferocem colluviem cumulari necesse est, eamque augescere si ver pluviosum successerit, qua postea per æstivum calorem diffusa & in motum concitata, acutæ febres & alvi fluxus oriantur necesse est. Nec quis putet Hippocratem nisi experientia prius edoctum tam grande effatum pronunciaſſe; in libris enim Epidemiorum constitutionem habet, in qua pars hyemis posterior, ut in nostra evenit, aquilonaris fuit cum magno frigore & nivibus, cui ver successit pluviosum, unde postea memorati effectus æstate & autumno apparuerint.

Ver equidem, quod modo excurrit, & cuius medium jam tenemus, atque hyemi algidissimæ successit, sub initium visum est ad pluviosum propendere velle, non paucos tamen Aprilis mense dies habuimus siccos, sine ullis omnino imbris, sed ita calentes, ut a canicularium dierum æstu parum differrent, sub finem tamen mensis tam magna ac subita facta est a calore ad frigus conversio, ut unica fere die rariores syntheses & holoserica deponere necesse fuerit, ac e vestiario pannosas vestes reposcere, quam mutationem postea subsecutæ sunt ingentes pluvix. Quo tenore veris pars altera processura sit, solus novit, qui fecit tempora, dies, & annos. Id tamen certum

certum est hujusmodi temporum anomalias, & a sua temperie aberrationes ominosas esse, & morborum mali moris, quod superi avertant, prænuñcias. Nam ex eodem Hippocrate, *in legitimis temporibus & convenientem servantibus temperaturam morbi legitimi & boni judicii sunt; in intempestivis autem non legitimi & mali judicii.*

Sed quid frugis ex hujusmodi apparatu datur colligere ad præcautionem & sanitatis custodiam? Paucis dicam quod sentio. Adversus temporum tam enormes intemperantias magnum erit præsidium temperantia, neque solum in victu, sed in omnibus, quæ res non naturales vocant Medici. Non inopportunitatem tamen erit purgationes instituere, & si opus fuerit sanguinem mittere. *Quibuscunque convenit vena sectio vel purgatio hos Vere purgare, vel venam secare oportet,* aiebat idem Hippocrates. Magna certe animadversione particula illa disjunctiva digna est; Practicorum enim non pauci magnum piaculum committere sibi viderentur, si purgationem verno tempore instituentes venam simul non tunderent. Ast quam longe a divini Præceptoris vestigiis aberrant, nemo non videt. Est ubi tantum sanguinem mittere oporteat, est ubi solum purgare liceat, est ubi utrunque remedium conveniat. Si vero aliquis ex memoratis affectibus hac æstate populariter vagari incipiat, boni & periti Medici erit, non tam propere & inauspicato communibus remediis, ut in morbis sporadicis, curationes aggredi, recte propterea Celsus de pestilenti febre verba faciens aiebat, *sanguinem non facile mittere, alvum non facile ducere.* Suspenso pede igitur procedendum erit, atque attente observandum, qua methodo natura morborum medicatrix in iis utatur, qui sponte aut paucis remediis evadant; illa enim sibi vias & egressiones invenit, quas prænoscere & divinare non possumus; fateamur enim necesse est, quodocunque aliqua epidemica affectio ex improvviso se prodatur, esse nos juvenes ac tyrones, licet medendo ætatem triverimus, ideoque oportere, ut naturæ quam *αὐτοδιδασκον* & doctam sine Magistro Hippocrates dixit nos erudiendos tradamus.

Constitutio Epidemica inferioris Hungariæ Anni 1711.

Dn. D. JO. ADAMI GENSELII.

HYems sat rigorosa, euro dominante, nivibus copiosis, purpura rubra maligna multos, præsertim vero infantes corripuit, secunda & tertia die accedentibus convulsionibus, quinta & septima lethalis. Manus, pedes, dorsum post mortem atra summæ malignitatis signa conspiciebantur, in duobus facta anatome pulmones & hepar lividis conspersa maculis inveni.

Ver nimis siccum, 25. Aprilis hora X. sol duobus stipatur pareliis observatus, quorum unus vividissimi erat coloris, subsequente Majo æstu fervente cum fulminibus & fragore tonitruum.

Junius frigidus in principio ac pluvius, ipidum, scarabæorum, erucarum, aliorumque insectorum ferax, circa finem æstuosum. Variolæ & morbilli invalescebant, aliquibus etiam funestæ, illis præprimis, quos vetulæ curabant: parotides crebræ erant, ast paucæ suppurabantur, vel enim a natura sponte resolvebantur, vel emolientibus & resolventibus discutiebantur, sudoris guttulis in cute & emplastris instar roris conspicuis, in duobus pueris illas induratas vidi, quæ cum ab incauto barbitonsore contra nutum apertæ fuissent, in cacoethica degenerabant ulcera.

Julii principium calidum, interspersa quandoque pluvia frigida. Augustus in initio serenus & temperatus, circa medium frigidiusculus & pluvius. Septembris major pars serena & calida.

Febres tertianæ absque ullo rigore grassabantur, per 24. horas & ultra durantes, quinque & sex ad summum septem terminabantur paroxysmis: petechiæ quoque sporadice vagabantur cum dysenteria septima & nova lethales. Fœmina 57. annorum gravis pro hydropica a medicastro quodam reputata, cum stupore omnium puellam vegetam ac sanam enixa est. Octobris & Novembris constitutio pluviosa & nimborosa, flante pluviarum pincerna austro, septem enim fere continuos dies & noctes durabant. Decembris prin-

cipium itidem pluvium, medium ventosum, at ob austrinam aeris temperiem temperatum. Febres intermittentes increbescabant, diarrhœæ, item rheumatismi ac asthmata ob *ἰδιαιτυρία* ab humido cœnoso atmosphæræ statu causatam, apoplexiæ quoque & paralyces frequentes erant, ut & variolæ & morbilli, in infante trium annorum motibus convulsivis in dentitione difficili mortuo dentes atros & ob gangrænâ carie infectos sua sponte excidentes observavi. Annus hic utcumque fertilis erat, vinum etiam generosum ac optimæ notæ.

Constitutio Epidemica inferioris Hungariæ Anni 1712.

Cum historicis, & metereologicis Observationibus

Dn. D. JO. ADAMI GENSELII.

PRincipium Januarii rigido gelu fuit horridum & ventosum cum nivibus copiosissimis, adeo ut in quibusdam locis novem pedes superarent altitudine: circa medium mensis nix cœpit liquefieri, flante zephyro, nubibus in pluviam resolutis, circa finem intensum frigus gravidis in primis valde perniciosum, abortus quippe epidemicus plurimis lethalis grassabatur, vid. Hipp. aph. 12. sect. 3. ob inæqualitatem & improprietatem ætheris, quædam apoplexiæ tactæ *ἀποπληξία* reddebantur, quædam pleuritide, multæ purpura alba correptæ expirabant, febres etiam intermittentes invalescebant, vario typo anomalo revirescentes. *Februarius* in principio turbidus, circa medium & finem temperatus. *Martius* circa medium procellosus ac nivosus, cum tonitruis & pluviis circa finem, febres causavit acutas, summa cum vehementia prima & secunda die sævientes, quinta & septima subsequentibus deliriis fatales. Ver pluviosum cum terræ motu trematorio sat notabili in nostris partibus, in primis Neostadii, ubi multæ fornices dirutæ ac domus ruinatæ a motu illo concussorio conspiciebantur. *Majus* itidem pluvius, ut plane diluvium quasi appareret in quibusdam Hungariæ locis, in primis in Holing, ubi vites e terra evulsæ, & domus aqua vix non cooperuit. Hoc mense miræ fuerunt metamorphoses febrium, in principio mentiebantur continuas, calor enim per tres continuas durabat dies, quarta remisit, quinta paroxysmus bis mane scilicet & circa noctem invasit ægros, die sexta etiam bis, tandem octava in tertianas veras degenerarunt, servato ternis vicibus typo ordinatio; hinc rursus typo anomalo calor per triduum continuavit, remittente denuo per 24. horas calore, bis de die paroxysmus afflixit ægros, & porro cum in tertianas degenerassent, adhibitis temperantibus, mineram biliosam præcipitantibus, leniterque evacuantibus, cessaverunt, & cum natura eo, quo vergit, ducenda sit, hic ad sudorem critice vergebat, ideo diaphoreticis illam cum *διόψια* juvinus: qui vero inscio Medico denuo naturam turbaverunt, venæ sectione nimirum vel purgantibus, omnes recidivam passi sunt, quæ enim judicantur & judicata sunt integre neque movere, neque novare aliquid, sive medicamentis, sive aliter irritando, sed finire oportet; Hipp. Sect. I. aph. 20. notandum quod hoc mense temperies quoque aeris Proteo mutabilior fuerit, v. g. circa matutinam sextam frigus, circa decimam calor ingens, tertia pomeridiana iterum frigus, & appetente vespere observabatur calor, quæ vicissitudines aeris subitanæ non parum ad hæc generandas contribuerunt febres, juxta Hipp. aph. 1. & 4. sect. 3. quo major est aeris inæqualitas, in primis citiori vicissitudine, eo magis corpus alterat & afficit, motus enim contrarius minus sufferre potest natura, si quidem valde a se differant. Vid. Wedelii Commentar. in h. I. *Mense Junio & Julio* æstus magnus, & copia insectorum, in primis reptilium, & in specie serpentum, qui rucolas sæpius infestant, morsuque communicatum miasma venenosum fermento bilioso volatili sulphureo salino inquinatum totum peragravit corpus, cujus omnes illico intumuerunt partes, in primis lingua, ut nec verbum articulatum proferre potuerint cum ingenti cephalalgia; pecora etiam mirum in modum ab illis affligebantur magna subsequente strage; ex hominibus multi, non adhibitis prima statim die, remediis, veneno illo extincti sunt. Notatu dignum quod

Quod ex quodam fonte certis horis fœtidus ac rubicundus promanaverit liquor, quem superstitiosum & satidico credulum vulgus sanguinem esse dicebat, inductum argumentis ab odore & consistentia illius ad coagulum accedente desumptis, post aliquot dies limpidum iterum acquisivit colorem; per chimiam deprehendi, in illa qua terram rubram martialem instar boli vel cinabaris, particulis nitrosis & vitriolicis mixtam, ab æstivo solis calore percoctam, quam in cavernis subterraneis aliebat, illaque tingebatur, fœtorem vero attribui materiæ viscidæ bituminosæ asphaltum redolenti, ut adeo non necesse sit ad supernaturalia confugere & mysteria, si naturales prostant causæ & principia, in quæ iterum resolvi possunt mechanice. Vid. Ephemerid. N. C. A. 1712. appendic. p. 193. & 209. Item Nova literaria German. A. 1705. mens. Mart. p. 103. *Augusto* nimis pluvioso increbuerunt febres erraticæ bis de die ægros invadentes cum deliriis continuis, suspiriis ac ejulationibus; multi attoniti & quasi cataleptici sine usu rationis neminem agnoscentes jacebant, calore per duas durante dies, tertia demum intermittente, in aliquibus quinta & sexta. Eodem mense strages pecorum invalescebat, corripiebantur scilicet certis pustulis albicantibus cum anhelitu difficili, quibus dissectis materia purulenta mephitica spirans effluxit, ex faucibus quoque fœtor morticinus intolerabilis, ad aliquot sensibilis passus prodiit, cumque maximis boatis crepuerunt, in ventriculo reperti fuerunt certi globi magnitudinis nucis majoris, repleti pilis tunica membranosa dura aciem cultri vix non eludente instructi; feræ quoque omnis generis ad Somogy in copia periire, & in nemoribus passim a rusticis repertæ fuere; canes ex voratione tam illarum ferarum, quam pecorum prædictorum tabidi facti, a quorum morfu homines in phrenitidem inciderunt ac hydrophobiam, latratum etiam & rabiem imitati canum, moribus in adstantes sævire tristi cum spectaculo cœperunt, imo aliqui remedium laturo acetato & sale ora rabidorum pecorum lavando, rabiem contraxerunt ab illo venenato miasmate, id quod & Matthiolus Comment. ad L. 6. C. 36. Diosc. observavit; multæ nihilominus bestię rabidæ servatæ fuere, data statim in principio fuligine cum cupro vel orichalco raso pulverisato.

Principio autumnii exundationes fuere maximæ. In unico pago quadraginta & ultra periire personæ: medium autumnii itidem pluviosum cum tonitruis, assiduisque imbris, qui febres, dysenterias, catarrhos, & in multis apoplexias causerunt, juxta Hipp. aph. 16. sect. 3. a frequentibus quippe imbris, ob insensibilem prohibitam transpirationem succi corporis redduntur frigidiores, fuligines coacervantur, spirituumque & feri inferuntur morbi. In vineis maxima sterilitas, generositate vini quadantenus eandem compensante, nec agri adeo erant fertiles. Circa ingressum solis in signum Capricorni, variolæ regulares & idcirco mitiores quoque observabantur, tardius tamen (quam ordinarie fieri solent) suam absolverunt periodum, licet absque ulla fuerint malignitate, nec foveas solitas post se reliquerunt. Notatu dignum senem 65. annorum variolis correptum, feliciter restitutum fuisse, pulsus in eo observabatur oppido curiosus, intra momenti spatium ex celeri & inæquali tardus & æqualis, mox ex parvo magnus & vice versa. Cum jam videam institutum hoc anxie hucusque desideratum, multis probatum fuisse, in primis Schelhamero Kiloniensi Machaoni in sua medendi methodo, animus est imposterum quoque constitutiones epidemicas inferioris Hungariæ, summo aspirante Numine continuare, dummodo Academia nostra Mecænatum suffulciatur munificentia.

Constitutio Epidemica inferioris Hungariæ Anni 1713.

Una cum historicis & meteorologicis observationibus

Dn. D. JO. ADAMI GENSELII.

Principium Januarii temperatum, humidum ac nebulosum, circa medium furente Euro-noto fortiter gelare cœpit. In omnium dierum operosa enumeratione non ero multus & molestus, cum inutile sit & tædiosum verborum inanitate aures defatigare, Vigesima pluvia, sequentibus nimbi cum ventis vehementioribus,

Hoc mense febres quartanæ grassabantur, quæ dato cathartico in veras degenerarunt tertianas, quatuor & quinque accessionibus suam absolventes periodum. Variolæ continuarunt, aut malignæ & confluentes, illisque funestæ, qui non statim in principio remedia adhibuerunt congrua, temperata nimirum diaphoretica & bezoardica, omissis volatilibus generosioribus. Vigevanno fama ad nos deferrebat, intra montes cecidisse nivem rubram ad spithamæ altitudinem, quæ ab exhalationibus terræ rubræ procul dubio suam traxit originem.

Mense Februario crescente luna ingravescere etiam frigus, quod sexta remisit, decima pluvie calidæ, duodecima caligo cum pruina subsequente pluvia per tres dies, circa finem cælum serenum absque ullis nivibus. Hoc mense observavi digitorum apices duarum puellarum sine dolore sua sponte absque ulla vulneratione, aut cicatriculæ signo sanguinem floridum curioso spectaculo guttatim stillasse; in alia puella idem observavi in facie, vide Ephem. N. C. An. 1712. p. 72. Act. Erud. Lips. Ann. 1686. Mens. August. p. 387. febres malignæ petechiales incœperunt grassari, quinta lethales cum ferocibus deliriis, verum pulsu (quod notatu dignum) tardo & æquali, sanorum pulsui simillimo. In adolescente 13. annorum loco tibiæ cariøsæ, per manus chirurgi fere ad patellam usque genu forfice excerptæ, cartilago quædam usque ad ossa tarsi vices tibiæ obiens succrevit, qua etiamnum ossescente nititur, & pedetentim ambulat, provida certo natura defectum ossis a vicinis superioris processus ossis tibiæ supplevit.

Principium Martii serenum & temperatum, octava primæ cecidere nives copiosæ, sequente die liquefactæ pluvia per sex dies continuos, hinc exundationes damnosæ fluviorum ac rivorum cum magna hominum, animantiumque strage. Continuarunt febres malignæ multis funestæ.

Aprilis usque ad 15. contra morem suum serenus, aut frigidulus, decima octava pluvie frigide furente aquilone in nives hoc anno secundas versæ quatuor geometricorum pedum altitudinis cum turbulentissimis procellis, maximas campanas ad sonum impellentibus, subsequente excessivo frigore in regnum animale & vegetabile dæseviens cum internecone, gemmarum in arboribus, & pro dolor vitibus, alitum quoque ovis incubantium in primis ciconiarum & cornicum. Vigesima septima grando cum turbine, ne prior calamitas sola esset, admiratione autem dignum, quod in diversis grandinis granis vermes ac scarabæi alati inventi fuerint, quos in præsentia multorum oculis meis usurpavi: utrum e feminibus in nubes elevatis, ibidemque exclusis & nutritis oriantur, an aliunde accedant, curiosioribus relinquo; ex atmosphæra saltem nostra ob penuriam moræ vix abripi possunt. Confer de hac materia Jonston. taumatograph. class. 3. C. 1. Fromond. lib. 5. meteorolog. C. 6. Scottus physic. curios. lib. 2. Ephemerid. Germ. D. I. An. IV. & D. II. An. II. III. Rusticus quidam calcem vivam clam surripens, cum domum properaret nimis festinans currum everit, ita ut in aquam caderet, hinc subito calcis vivæ ebullitione & impetuosa effervescencia orta, stramen adjectum flammam concepit, quæ asseres contiguos accendit curioso spectaculo, totusque conflagrasset currus nisi ei succurrissent.

Principium Maji cum fulgure, tonitru ac imbris frigidum, usque ad 17. ventosum ac nubilosum, vigesima pluvie copiosæ, vigesima quarta calor ingens, subsequente fulgure & tonitru horribili, cum imbre frigido ac turbine boreali, vigesima sexta imber, reliquum nubilum. Bruchi & volucres numerosæ (de quibus plura hoc loco addere libet) teneros pampinos & uvas præferunt immenso damno: infausta hæc & damnifica animalcula, vires consumere nata in lingua sancta appellantur *קלי* a radice *קלל* lingere, lambere (vid. Joel. c. 1. v. 4.) quod lambendo quasi virulentia sua uvas inficiant, easque absumant, græce vocantur *ῥιπες* & epides ab *ῥιπεν* lædere, nocere, quod vites summopere ab iis lædantur. Plinio L. 18. c. 18. dicuntur convolvuli, & volvoces, Columellæ volucræ, Tullio butyri, Plauto involvuli (in Cistell. Act. 4. sc. 2. v. 63.) quod in pampini foliis, ovula ponentes se involvant & implicant, illaque proboscide sua viru-

lenta

lenta quasi conglutinent. Ipso corpore cæruleo, pedibus obscure lutescentibus, nascitur ex ovis bombicum ovis similibus magnitudine, colore rubicundis, hic cum parere vult, multa cumulat, volvitque folia & in his sua ova reponit; Germani antiphtastice vocant *Weinzedel* vel *Weinzerl* quod minime vineas ornent & excolant, sed potius deturpent, & ad incitas redigant summitates palmitum, uvarumque gemmas depascendo. Oriuntur ut plurimum spirante austro, flante vero borea pereunt. Confer Samuel. Bocharti hierozoic. p. II. L. IV. C. IV. Ulysses Aldrovand. L. IV. de insect. c. 1. iconismum tamen ipidis minus accuratum exhibet. C. V. Italis rusticis est tagliadizzo, Ringavis *Rebstichel*, Hungaris Vinzellir, proprium illarum est in vitibus versari, easque ut & cornua arrodere. Qui serpentis genus esse putant, ab Hermolao redarguuntur, vide Jonston. L. 3. H. N. p. 86. seq. quid quod ex vitis pampinis enascantur vermiculi, qui pubescentes uvas prærodunt, vid. Columella de arboribus c. 15. Theoph. Eresio L. 3. de caus. plant. C. 27. ipes vitiarius bestia nominatur damnifica, quæ in pampini folio intorta implicet sc. Tremellius cum nonnullis vocat melolontham, est autem melolontha scarabæi genus, quod alio nomine teste Hesychio χρυσόκάνταρος h. e. aureus vocatur, de quo Gesnerus ait: μηλολόνη est galleruca infectum pennatum, scarabæo simile χρυσόκάνταρος dictum; a quibusdam vero ea animalcula hac voce designari existimantur, quæ Galli Hanetons nominant (de quo vide Dictionar. Richelet) ea autem ab Anglis appellantur Dors. videatur Liveleus T. III. Critic. Sacr. p. 946. Quomodo differant ipes, ikes, thripes, vide apud Aldovrand. l. c. & Bochartum c. 17. ubi bene monet in Galeni verbis perperam legi σκνίπες pro ἰπες cum dicit: ἀμπελίτιδα γὰρ perdere τὰς ἡμετέρας ἐπ' αὐτῇ σκόληκας, ἔς σκνίπας ἐνομάζουσιν, ubi etiam notandum, quod ipes certam speciem locustorum in vitibus generari idem asserat, cui adscribitur Theophrastus l. c. de Caus. plant. c. 27. causam hanc subnectit, utpote cum vites humescant, atque aer fœtificet, tum ipes quoque materiem sibi congenerem statim erodunt, addens: Vitibus hoc potissimum evenit, quia natura præhumidæ sunt, & humor earum insipidus sit atque aquosus; humor enim qui talis est, facillime affici potest, nonnunquam ipes omnino nequeunt generari, scilicet loco placidi spiritus, neque humido, neque succoso. Non solum autem illo anno, quo vites infestat & veneno quasi inficit, colluvies hæc exitiosa existit, sed etiam futuris, hinc inter sæculi incommoda & res orbi noxias numerantur ab Arnobio L. 1. adversus gentes, quibus negotia incurfanter humana, aspectu quidem sunt pulchra, coloribus rutilantia diversis, aut summe damnifica & maligna, vid. Salmasius in exercit. Plinianis ad Solin. p. 272. Jo. Frischmuth dissert. 1. de hirco emissario, c. 1. §. 5. D. Dan. Henrici dissert. V. de relig. Zvvingl. p. ult. Dan. Guil. Mollerus in meditatione de quibusdam insectis Hungaricis. Francof. 1673. in 12. Bern. Saccus in hist. Ticin. L. 4. inquit: Dirum hoc animal frequentissimum esse prope Alagniam in Lomellinc agro urbem, ubi vitis folia depascunt, quibus ablatis atrescunt exiles & immaturi racemi sine umbra relictæ, ab uvarum vero cupidis sturnis postmodum castigari, vide Eph. Nat. Cur. Decad. II. A. VI. p. 202. seq. Cornar. in Theolog. Vit. L. 1. c. 17. p. 205. D. Phil. Jac. Sachs. in ampelograph. L. 1. c. 6. p. 47. Moufeti theatr. insect. L. 1. c. 19. p. 142. seq. in primis D. Joh. Theod. Mœren. Observ. in Decad. II. Ephem. N. C. A. V. p. 220. passim per vineta volitat animalculum magnitudine pisi, scarabæi parvi figuram corporis referens, variegati plurimum coloris &c. Græci duas res æqualiter malas exprimere volentes, dicere solebant: κακὰ μὲν θρίπες, κακὰ δ' ἰπες, mala quidem thripes, mala rursus ipes: thripes culicibus similes, sunt teredines sive cossi arborum fructus, ipes vero uvarum germina prærodentes, de quibus Prudentius in Hamartigen. v. 266. seq. canit.

Quamvis maceries florentes ambiat hortos

Sepibus, & densis vallentur vitea rura.

Aut populator edet gemmantia germina bruchus,

Aut avibus discerpta feris lacerabitur uva.

Majores nostri vix observarunt, quod horrenda istorum depopulantium animalculorum rabies tot annos in tanta copia duraverit, subque nive & glacie illæsa tam

in limosis quam saxosis locis, in primis intra cortices arborum permanferint. De hujus insecti extirpatione video sollicitos antiquos pariter & recentiores operosa subministrantes remedia: quidam vineta sulphure herbisque graveolentibus suffiebant: alii vites illiniebant terra ampelotide, ut docet Galenus L. 9. simpl. Medic. quam pharmacitin vocat Dioscorides L. 5. eo quod vitium morbo medeatur. Laboriosius extirpant perniciem hanc Ringavi & Sempronienfes, assignatis enim temporibus quisque patrumfamilias mittit suos homines, qui e vitibus colligant ipsum animal, & convoluta folia ovis fœta, urceoque aqua semipieno injiciant, ut vesperi in unum cumulum ante Prætoris vel heri ædes, aut in foro coacerventur, & superstructo igne comburantur. Vide D. Mœren. l. c. Petr. Andr. Matthiol. L. 3. Epist. Medic. p. 141. Hohbergii Georgica Curios. P. 1. p. 341. & 481. D. Samuel Ledelii relationem in Ephem. Dec. III. A. Ult. p. 386. In libris Geoponicon (qui Imperatori Constantino Porphyrogennetæ adscribuntur) tria grana sinapis juxta vitem implantanda commendantur, verba L. 13. sic sonant: τὸ πὲρ σέλεχθ' τῆς ἀμπέλης παρὰ τὴν ῥίσαν τρεῖς κόκκους σινήπεως ὥστων φυτὸς ὁρμήσῃ, ὅδ' αὐτὰ τῇ ὁρμῇ τὸν βλάχον ἀναίρει: cum vero in nostris regionibus semen sinapis nimis tarde procreseat, vix finem suum paterfamilias obtinebit exoptatum. Alii vites aqua, in qua ipides enecati sunt, vel cultros, quibus palmites amputantur illiniunt, ita Plinius Hist. Nat. L. 17. C. ult. ne convolvulus fiat in vinea, amurcæ congios duos decoctos in crassitudine mellis, rursusque cum bituminis tertia parte, & sulphuris quarta sub dio coqui, usque quo exardescat sub testæ, hoc vites circa capita & sub brachiis ungi, ita non fore convolvulum: quidam contenti sunt fumo hujus mixturæ suffire vineas secundo flatu continuo triduo: plerique non minus auxilii & alimenti arbitrantur in urina, quam Cato de re Rustica c. 95. in amurca, addita modo aquæ pari portione, quoniam per se noceat: alii falces cum sint exacutæ, fibrina pelle detergant, atque ita putant, aut sanguine ursino liniri volunt post putationem easdem; ex aliis authoribus Aldrovandus l. c. p. 191. sequentia contra cantharides (foran & ipides) remedia tradit. Baptista pius in suis ad Plauti comœdias contra animalcula, quæ vitibus nocent, accipit cantharides, quas in rosis invenire consuevimus, si oleo immergantur, ne in tabem resolvantur: alii non observantes, quo loco, aut qua in herba nascantur, ipsas qualescunque sunt, cantharides in oleo coquunt, ex eoque cotem, in qua falx exacui debet, obducunt; idem præsidium præstabit falx illita cum hircino adipe, aut ranarum sanguine, aut coticulæ cinere, vel oleo illita, qua falcem exacues. Gaudentius Merula, cantharides vitibus noxias, stercoris bubuli, cui aliquantulum galbani commixtum sit, suffitu procul abigit, cum spirant auræ. Fabulosum remedium narrat Claudius Ælianus, mulierem scilicet mensibus laborantem erucis & scarabæis perniciem asserre. Ethnici pro pœna a Diis immissa, insecta agnoscetes, idolis suis sacrificabant, certaque instituebant festa, de quibus videatur Cælius Rhodiginus Lect. antiqu. L. 4. c. 15. hinc & idolum Ekronis vocatur עֶכְרוֹן Deus muscarum, vid. Bochart. l. c. P. II. L. 4. c. 9. & p. 1. L. 1. c. 5. & Hercules appellatur ἰποκτόν ipidum occisor. confer Alex. ab Alexand. Genial. Dier. L. 2. c. 14. Cæli. Rhodig. lect. antiqu. L. 6. c. 7. Bochart. P. II. c. 17. 27. Aldrovand. l. c. Optimum, quamvis laboriosum remedium est, illos mature & indefesse e viribus colligere, ac una cum ovulis comburere.

Hoc mense in Austria in primis Viennæ febres malignæ cum atris exanthematibus & bubonibus (quos benignos appellabant) magna cum hominum mortalitate grassabantur: quidam exfectum bubonem cum carne bubula cani ad devorandum absque ejus noxa dabant, & ex hoc pestem negabant, cum tamen longe alia sit ratio carbunculi & bubonis in corpore vivo, quam ex cadavere secti, & juxta Celsum nihil sit ineptius, quam quale quidque in homine vivo est, tale existimare esse moriente vel mortuo & vice versa; accedit quod ex bubonibus pestilentialibus & carbunculis nonnulli per chimiam spiritum antipestilentialem & ☉ volatile elicere conentur, qua de re plura dabo in schediasmate de differentia pestis humanæ & bru-

& hutorum; licet itaque morbum tantum contagiosum vocaverint, pestemque nomine contagii velaverint, vera tamen febris erat pestilentialis, quod & internecio tot hominum, præcipue vero decem Medicorum comprobatur, vide Francisci Xaverii Bense historicam relationem pestis Austriam & conterminas partes infestantis. Viennæ A. 1717. 8.

Junii principium pluviosum, ventosum atque frigidum cum exundationibus torrentum & fluviorum damnis, octava æstus usque ad duodecimam, 13a pluviae subsequente frigore, medium serenum & calidum cum intermixtis imbribus ac procellis: circa finem pluviae furente Euro. Pestis in Austria incrementum sumpsit ut & Posonii in Hungaria.

Julius usque ad 5tum Serenus, ventosus & frigidus, sexta calor mediocris, septima pluviae copiosæ cum frigore extraordinario, usque ad finem mensis (paucis exceptis diebus) flante aquilone durantes. Pestis in Austria, & aliquibus partibus inferioris Hungariæ, ut & Posonii valde sævit; meteoza quædam lucida sub forma draconis apparebant, ab exhalationibus sulphureo Odis in sublime eVectis, per continuum attritum incalcentibus, tandem accensis, ac in tonitrua & fulmina fatiscientibus, subsequentibus inundationibus & fragminibus nubium.

Principium Augusti pluviosum & frigidum, a quarta usque ad 9nam calor ingens, undecima tonitrua horrenda cum fulminibus ac pluvia frigida, 16ta nubilum insequentibus pluvii ingentibus, rubigine & uredine vitibus & frugibus summe perniciosus, circa finem nebulae densissimæ quasi hybernæ in altum eVectæ, & in pluvias frigidas resolutæ cum tonitru & fulmine: incus fabrilis ab ictu fulminis urentis & concutientis, partim fusus, partim fissus observabatur, globum quoque igneum seu glomerem flammeum in terram delapsum conspexerunt maximo cum fragore dissilientem, tetrumque odorem & fumum spargentem, incrudescente magis magisque tempestate, iteratisque ictibus fulminum horrendis. Pestis tam in Austria quam Hungaria continuavit sævire; grassabantur etiam variolæ malignæ confluentes cum petechiis intermixtis, illisque, qui non statim in principio remedia adhibuerunt, fatales, jamjam suppuratæ, rursus materia ichorosa repletæ conspiciebantur, & secunda vice ad suppurationem pervenire, inque interstitiis suppuratorum novæ subinde oriebantur variolæ, in defunctis per nares, aures, & oculos sanguis prorupit copiosus: nonnulli a barbitonforibus imperitis male tractati, tubercula circa artuum juncturas; & his retropulsis per topica, totalem reportarunt contracturam, alii cæcitatem, frumulosque colli tumores quibus evanescentibus corripiebantur vomitu cruento lethali.

Septembris initium pluvium & caliginosum, octava eurus effluvia humida dissipando serenitatem conciliavit, medium itidem pluvium, circa finem serenum & frigidum. Sempronii quoque morbi contagiosi coeperunt grassari cum vomitu, & ardore in abdomine tertia & quinta lethales, petechiæ item atræ cum dysenteria, pustulis in scapulis, ac bubonibus sub axillis & in inguine, septima & nona funestæ, nec vomitoria, nec purgantia, nec venæ sectio in principio conducebant, nec Osa aut acida, sed bezoardica balsamica cum volatilibus refracta dosi mixta, in primis tinctura nostra antipestilentialis cum spiritu CC. maritata, quæ & in peste Ratisponæ salutari effectu se probavit. Lanio quidam nomine Lidel dysenteria extinctus, herniam habuit raram, non quippe in scroto, sed intra cutem & musculos ad femur usque intestinum ileon prolapsum observabatur, hanc herniam a casu cum equo ante decennium reportabat. In visitatione Medicus Pestilentiarius tumorem hunc herniosum (qualem antea nunquam viderat) pro bubone pestilentiali far crasse reputabat, domumque ejus ceu infectam, qualis tamen minime erat, obsignabant. Similem herniam extraordinariam ex prolapsu intestino ad femur observavit Barbette c. 7. Chirurg. & B. D. Petermanus in viro septuagenario, ultra triginta annos eadem laborante, & ego in Italia bis talem conspexi: Stalpart vander Wiel quoque in Observat. medico chirurg. rarior. Observ. 54. Cent. I. similem errorem Medici cujusdam & Chirurgi rudis detegit, bubonocalem in jayene quodam pro bubone

pestilentiali cum læsione ipsius intestini asperientium, vide Rhod. Observ. M. Cent. 2. c. 72. Hœchstetter. Dec. 10. variolæ confluentes etiam increbuerunt multis fatales, apoplexiæ quoque frequentes erant, qui morbi omnes pluviosæ hujus anni Constitutioni adscribendi juxta Hipp. Aph. XI. sect. III. *si ver pluviosum & australe fuerit, necesse est febres acutas, & dysenterias fieri*, & aph. 16. morbi in pluviosis constitutionibus plerumque sunt febres, putredines, siderationes &c.

Principium Octobris serenum & temperatum, quarta æther nimbis cinctus usque ad septimum cum frigore, 14ta pluviae cum insolitis nivibus flante vultuino, cæteris ferme omnibus, vel caliginosis, vel pluviosis existentibus diebus. Febres increbuerunt tertianæ duplices gravidis exitiosæ cum vomitu, cardialgiæ & diarrhœa febres continuas mentientes, in quibusdam cum deliriis, invitaque sæcum excretionem, octo & novem accessionibus periodum suam absolventes, febris quoque pestilentialis continuabat, sed sporiadice tantum cum pulsu tardo & inæquali, frequenter bubonibus, raro carbunculis erumpentibus. Chirurgus expositus egregio bubone (ita enim Pestilentiarius ille Medicus appellabatur) correptus, quinta obiit, adhibita damnoxa & inconsiderata venæ sectione, vix non omnibus illo tempore funesta, prouti & in peste comitatus Castri ferrei agrum depopulante, Anno MDCCX. observavi, de qua peculiarem dissertationem editurus sum. Cæterum erysipelas, atheromata, steatomata, alique affectus cutanei etiam minimi in quibusdam subjectis pro signis pestilentialibus ex ignorantia vincibili & crassa reputabantur.

Prima Novembris imber atrox, sed calidus, tonitrua insolita & terribilia cum fulminibus, aliquibus in locis urentibus, grandine, a terra usque ad decimam pluviae, undecima nives secundæ cum frigore extraordinario furente aquilone quatuor pedes altæ, circa finem frigus intensum cum sævis turbinibus. Febres acutæ cum petechiis & bubonibus subreptitiæ quasi hinc inde homines invadebant, in autumnio enim morbi acutissimi & omnino mortiferi juxta effectum Hippocratis aph. IX. sect. III.

Circa Neostadium terra dehiscente agri portio viginti aliquos orgyarum una cum arboribus (absque sensibili terræ motu) hiatus vasto aperto sive chasmate periit, relicto post se lacu. Hoc anno annona ubertas erat & vilitas, vini autem & fructuum maxima sterilitas & caritas, etiam racematione (ob vindemiam imprudenter a nonnullis ante nives neglectam) in maximis nivibus instituta, vinum erat tenue, inspidum ac vappescens.

Decembris principium horridum cum procellis, nivibus & gelu immani usque ad duodecimam, reliquum temperatum, variabile & pluvium. Bubones adhuc vagabantur, sed benigniores, rigore forte temporis malo hoc mitigato: febres vero quartanæ mirum quantum invaluerunt, rebelles admodum & contumaces.

*Constitutio Epidemica Augustana Anni 1711.
& sequentium*

Dn. D. LUCAE SCHROECKII.

Aeris status, quo Annus prægressus fuit finitus, in principio quoque Anni 1711. persistit, humidus nempe ac multo frigore molestus, variorumque ventorum agitationi expositus, usque dum d. 7. eurus serenitatem, & post octiduum zephyrus pluvias, tandemque nives frequentiores adduceret; circa finem autem mensis hujus primi eurus denuo prævalens, cum serenitate frigus diuturnum & intensum excitaret, ut mei thermometri liquor ad gradum 8. (quod etiam d. 3. & 13. Februarii contigit) descenderet, præcipue postquam zephyrus d. 4. Febr. & caurus post quadriduum, nec non eurus quintiduo abhinc nivem admodum copiosam sparserant; quæ sub africo, comite pluvias & frigoris remissione, d. 18. Febr. liquari coepit; & quamvis nova subinde nix, occidentali vento (sæpe ad meridionalem, quandoque etiam septentrionalem plagam inclinante, rarius vero ab aliis ventis interpolato) spirante, usque ad d. 10. Martii caderet,

ret, eadem tamen pluviis supervenientibus brevi denuo resolvēbatur. Interea, præter febres quotidie vel alternis diebus recurrentes, licet rariores, in vere tamen crebriores, & in principio sæpe continuarum speciem præ se ferentes, primum teneriori ætati, in progressu autem adultis magis infestas, ut & catarrhorum ægritudinum multitudinem, Variolæ benignæ in primis, usque in Aprilem frequentes, ast circa Solis in signum Cancrī ingressum, una cum febribus evanescentes, continuarunt, nec non pleuritis notha, atque coxendicum dolor (diaphoreticis, tinctura præsertim bezoardica, juxta cum eccoproticis, utrique malo opem ferentibus) multos lecto affixerunt.

Ver cum ventorum varietate, zephyro tamen prævalente, aura nebulosa, humida & temperata (catarrhosis ideo morbis, præsertim odontalgis, apoplexiis etiam lethaliibus opportuna) primo erat præditum, quæ circa Aprilis medium in serenitatem mutabatur. Majus frigidiusculus potissimum euro spirante comparuit, in medio tamen caloris sat acris per decendium particeps, paucosque dies serenos per totum reliquum suum decursum numerans, crebrioribus autem tempestatibus grandinosis, e longinquo tamen nobis tantum se ostendentibus, vicinis autem admodum damnosus. Cum Junio curus, interdum ab aliis diversis ventis interceptus, serenitatem caloresque magnos proferebat, usque dum post solstitium æstivum zephyrus dominium obtinebat, & mutabilem aeris statum, sæpius vero pluviosum producebat; quæ humida aeris intemperies postea etiam continuabat, diesque caniculates magis temperatos quam fervidos efficiebat. Et licet postmodum cum Sol in Libra versaretur, curus serenitatem quandoque redderet, antequam tamen signo hoc excederet, zephyrus, aliquoties valde impetuosus, pluviis frigidis denuo molestus exitit, quin & pluviosa illa intemperies usque ad finem Anni perstitit, nisi quod in Decembri crebræ nebulæ, & serenitates quandoque, euro præcipue, austro & africo intervenientibus, comparerent. Cæterum præter catarrhos nihil epidemicorum malorum prioribus istis temporibus observatur; post Canis tamen occasum variolæ denuo multos infantes invaserunt, confluentium jam specie gravius aliquos affligentes & negligentius habitæ non paucis lethiferæ, paulo post tamen, usque ad anni exitum, & in Januarium usque Anni sequentis, ulteriusque, sed rariores discretæ mitioresque comparentes. Diarrhœæ circa finem Novembris, & per Decembrem in multis, prævio ut plurimum vomitu, torminibusque stipatæ, prompte tamen stomachum roborantibus cedentes, notatæ fuerunt.

Circa finem æstatis, & per autumnum lues illa, quæ bubulo generi per Germaniam Italiamque tam infesta fuit, postquam ex Hungaria versus Danubium sensim progressa, ubique luctuosa sui vestigia reliquit, nostra quoque confinia attingit, ac insignem stragem, integra etiam numerosa bovilia evacuantem apud nos, ac plurimis vicinis in locis edidit; quam non aeris ex vitio, sed contagio per boves ex regno illo adductos exortam fuisse; vel inde satis nobis notuit, quod illa primum loca, ubi pascuis frui illis advenis contigit, invaserit, armentis vero omnino pepercerit, ad quæ illi, vel alii ab his infecti haud pervenerunt, atque ubi consortium illorum, ad quod contagium jam penetraverat, evitatum fuerat. Miasma vero hoc per salivam animalium infectorum, quo gramina inter pascendum conspurcaverunt, se primo, postea etiam per exhalantes vitiosas a corruptis humoribus visceribusque particulas ulterius, his in terris, propagasse, atque caustica acredine infestum, fauces, ventriculos ac intestina hostiliter invasisse, inque spasmodicos motus non tantum nervosas partes irritasse, sicque ob constrictos exin vasorum sanguiferorum tubulos inflammationem excitasse, sed ipsam etiam eorum substantiam ad putrilaginem disposuisse, credibile videtur: Id quod lingua in quibusdam inflammata, & vesiculis rubris referta, ventriculi, præsertim omasus, & intestina non minus inflammata, & non tantum sanguineæ, sed foetidæ etiam & purulentæ excretiones, ut dysentericæ malignæ speciem ut plurimum præ se tulerit,

nec non intestina hepatis contigua bile suffusa testabantur. Unde etiam, quæ in prima invasione notata fuerunt symptomata potiora, appetitus nempe dejectus, difficilis respiratio, calorque præternaturalis ortum habuisse videntur. Cæterum caro lue hac demortuorum boum quamvis pluribus, egenis præcipue, in cibum primo venerit, nec sinistri quid ipsis inde accidisse rescitum fuerit, tutius tamen esse iisdem abstinere, tum ratio suadet, qua ex viscerum observata labe prompte etiam eandem carnibus communicari, quia & nauseam, facile exin oriundam, multum nocere posse evincitur, tum exempla confirmant, quibus noxium quandoque extitisse carniū contagiosa labe infectorum animalium esum constat. Vid. præter alios Nob. D. Rosini Lenticii Miscell. med. pract. part. 2. pag. 519. Liceat etiam memorare exemplum, ab Exc. Dn. D. Joanne Meyero, Arch. Elect. Palat. & Physico Neoburgensi, Anno 1712. d. 16. Julii ad me perscriptum, duobus nempe rusticis, cum bovem ægotantem mactassent, & quia lienem pulmonesque male constitutos invenerunt, sepeliissent, carbunculos in brachiis fuisse exortos, cum febre acuta, vomitu & diarrhœa; duos autem canes, qui carnes istas degustaverant, eodem die mortuos fuisse. Ex Hungaria quidem Venetias advektorū boum dysenteria laborantium carnes innoxias quondam Medici aliqui Patavini insignes pronunciarunt, ast tutius esse talibus abstinere, celeberrimi olim Jenenses Medici, Guern. Rolincius in Ord. & meth. spec. comm. lib. 2. sect. 3. cap. 60. & Jo. Theodor. Schenckius hist. gener. humor. cap. 2. judicaverunt. Pro ut etiam Collegium Medicum Augustanum circa casum hunc ab Illustr. Senatu requisitum, hujusmodi carniū ulteriorem venditionem, ad noxas inde emergendas præcavendas, dissuadere tutius duxit, atque per Senatus Decretum impetravit.

Circa principium Anni 1712. zephyrus, interdum ad unum alterumve latus declinans, cum frigore nivem, sed rariorem sparserat; & licet sæpius aer serenus postea redderetur, semper tamen nebulosus una fuerat: frigus quidem in progressu remissius, ast brevi post, flante euro vel austro, denuo intensius factum est: usque dum d. 3. febr. zephyro redeunte, pluviis, quæ per decendium durarunt, obortis cessarunt. Varius abhinc aeris status, quoad temperiem tolerabile frigus, crebriores autem nives attulit, usque dum circa æquinoctium vernum curus temperatorem aerem redderet, mox vero diversi sub ventis humida & pluviosa constitutio usque ad Solis in signum Tauri ingressum valde molesta exitit, quam euro prædominante, calida & siccæ excepit, sæpius tamen postea variando: Sole vero Leonis signum occupante, occidentales venti pluviās multiplicarunt, & d. 6. Augusti cum serenitate calores magni oborti fuerunt; qui etiam, licet circa finem mensis hujus, delapsis pluviis, remiserint, mox tamen denuo comparuerunt. Cæterum hucusque præter consuetos hyemales catarrhosos insultus, in mensibus vernalibus tussis ferinæ puerilem ætatem admodum afflixerunt, eccoproticis repetitis, absorbentibusque, nervinis, ac demulcentibus ægre profligatæ febres etiam quotidianæ non valde contumaces, purgantibusque præmissis, per antimoniatas calces, arcanum duplicatum, & corticem Peruvianum &c. devictæ, per æstatem plures occurrerunt; in Augusto autem non pauca diarrhœæ, in nonnullis quoque dysentericæ, ut & cholæræ, sed benignæ, omnes facile, post rhabarbari nonnihil tosti usum, in primis pulveribus dictis præcipitantibus, coralliis, unicornu fossili, quandoque etiam tormentila, succo catechu &c. curatæ. Hasce ægritudines in progressu mensis febris catarrhalis exceperat, sine sexus ætatisque discrimine, magis tamen adultos quam pueros, cum febrili inhorrescentia, subsequente calore, cum cephalalgia, & hinc productis pervigiliis, quas interdum deliria nocturna comitabantur, oculorum item, dorsi & artuum dolore, ac tussi ut plurimum invadens, & instar ephemeræ, altero, vel tertio, quartove die, sponte, aut impetus ubi vehementior erat, post moderatum sudorem, modo per volatilia, modo fixa medicamenta, pro subjectorum diversitate, excitatum, recedens; nisi quod tussis quandoque per-

perinatius insisteret. Qui morbus uti multis, remotis etiam in locis, ita nostra quoque in urbe plurimos invaserat, ut vix domus esset, ubi eo laborantes non deprehendebantur; atque nobis ex prægressa humida aeris intemperie, similes in corpore nostro particulas augente, ac magnis dein ejusdem caloribus, lympham in corpore fundentibus & agitantibus, subito tamen tempestatibus frigidæ aliquoties obortæ interventu, quæ transpirationem ob poros inde oclusos sufflaminabat, condensatam generata mihi videbatur. Nec aliam causam pleuritides hanc in mense Octobri excipientes, non admodum refractariæ habebant, atque ideo sudoriferis moderatis præcipue, ac satis prompte cedebant. Aliorum morborum minime ferax erat autumnus, qui satis temperatus & serenus in principio, in progressu autem, præsertim zephyro ut plurimum, & quidem nonnunquam multa cum vehementia spirante; humidus ac pariter temperatus se habuit; sicque continuavit hæc temperies; ante solstitium tamen quadriduanum frigus, & tale etiam in fine Anni, euro flante, experti fuimus.

Non prætereunda hic est lues admodum gravis & funesta, quæ in vere equos potissimum extra urbem & in vicinia, rarissimos in urbe invasit, multosque trucidavit, postea etiam bobus, feris, quin & porcis, anseribus atque gallopavonibus, quibusdam in locis, non pepercit, & adultum usque in Julium aragœdiam suam ludere perrexit. Oriebantur fere semper in pectore, aut etiam in inguine, aliisque locis tumores duri, qui paulo post in amplius spatium se diffundebant, & intra breve temporis spatium interimebant. Hos ab ictu crabronum, qui copia & magnitudine insolita præditi observabantur, ortum habuisse mihi credibile videbatur. Uti vero cadavera boum elapso anno demortuorum, nec ubique alte satis in terram defossorum & putrescentium infectis hisce pabulum gratum exhibuisse, (in cavernis enim & sub terra nidos ab eis fieri, carnibusque vesci, Aristoteles lib. 5. hist. animal. cap. 23. Plinius lib. 11. hist. nat. cap. 21. alique testantur) sicque multiplicationi & augmento eorum, humorisque venenati, quem glandula in imo abdominis, cui aculeus nigricans & cavus, juxta nobil. D. Joannis Muralti relationem in Eph. nostr. Dec. 2. Ann. 1. obs. 56. implanatus est, majori acedini velificasse, non improbabile est: ita venenatæ etiam hæc atomi in humoribus animalium ab eis ictorum sese multiplicare, atque dein alia quoque animalia sic inficere potuerunt: quale exemplum in prædio vicino Illustr. cujusdam Baronis equum hac lue defunctum, & in fovea non alte satis effossa, terra obrutum exhibuisse scio, cujus ideo pes unus extra terram prominens a servo cum securi amputaretur, profliciens exin humor in ejus oculum, mox tumorem & inflammationem excitaverat, alterum etiam oculum, & successive totum caput occupantem; atque cum ope medicæ destitueretur, mortem brevi accelerantem. Salis ex aceto potum adversus crabronum virus præfatus Plinius lib. 32. cap. 9. & Casp. Schwenckfeldius Theriott. Siles. pag. 526. remedio esse tradunt, eque vestigio fluxisse vehementius, suctuque infixos aculeos, vel potius humorem virulentum revulsisse: Inter alia sane remedia, theriacam, allium, bolum vulgarem, nitrum &c. cum aceto propinata, quibusdam (uti etiam in superius memorata boum lue) profuisse, ab aliis non infeliciter tumores scarificatos, aut etiam ex incisa cute fuisse extractos, relatum fuit.

Anni 1713. principium, sub variis ventis, potissimum occidentalibus, frigore, quod cum primis in medio mensis Januarii intensum valde fuerat, & serenitate, usque dum sol Piscium signo appropinquaret, gaudebat. Ubi post plurimas pluvias cælum nebulosum, versus finem autem Februarii serenum, cæterum valde temperatum reddebatur; quæ temperies, sub mutabili cæli facie etiam usque ad æquinoctium vernum & ulterius continuabat. Reliquus vernalis & æstivus decursus quandoque temperatus, ut plurimum autem pluviosus, & sæpe una frigidusculus exitit. Mensem vero Septembrem, in quo curus spirabat, serenitas commendabat; in reliquis

autem tribus mensibus crebræ nebulae pluviaeque (quibus in Octobri nives sæpe intermisciebantur) aderant. Humida hæc præpollens aeris constitutio, zephyro majori ex parte comite, multorum superveniendorum morborum timorem nonnullis pariebat; nihil tamen singulare apud nos inde evenit. Attamen præter varias catarrhofas molestias, variolæ discretæ, rarius confluentes, nec mali moris, per totum Annum, frequentiores tamen post solstitium æstivum, & per reliquum Anni; præterea etiam febres tertianæ ac quotidianæ, ut & quandoque icteri, facile omnes sanationem admittentes, sparsim, in Majo plures infantes morbillis benignis laborarunt; in Decembri non pauci febre petechiali, cujus in pagis vicinis multum grassantis contagium in urbem delatum fuerat, interierunt, brevi tamen iterum per DEI gratiam malum cessare contigit.

Constitutio Epidemica Augustana Anni 1715.

Dn. D. LUCÆ SCHROECKII.

HYemale frigus uti in fine Anni præteriti, ita jam quoque tolerabile extitit, & raro, nec diu intensius redditum fuit; interea mutabilem aeris, in primis autem nebulosam & humidam intemperiem experti fuimus; & quamvis ventorum esset varia mutatio, zephyrus tamen ut plurimum prævaluit; qui noctu d. 8. Februarii vehemens redditus, postea d. 11. & 12. invaluit, imo d. 2. & 4. Martii, omnium maxime vero d. 3. ejusdem, in magnum furorem erupit, & non ea quidem damnorum multitudine, qua in Anglia, Hollandia &c. infamis, non tamen plane insons defævit, cælo interim nebuloso, cum intervenientibus, parciorebus quidem, nivibus, comparente; temperie autem paulo prius nominata continuante; usque dum d. 5. Aprilis curus aerem serenaret & excalefaceret; redeunte tamen circa Solis in signum Tauri ingressum sub diversa ventorum facie, humida ob pluvias frequentiores intemperie. Mense Majo vernalis amœnitas usque in adultum Junium comparuit; & licet Sol quandoque acrius ureret, pluviae tamen intervenientes, & tempestates, attamen nobis non admodum graves aut damnosæ, calores temperabant. Sol postquam Cancræ in signum pervenit, euro flante, æstivos calores experti fuimus; quos vero, zephyro succedente, Mense Julio temperatior aura excepit, pluvias subinde æstum temperantibus; talique statu usque ad d. 15. Decembris ut plurimum permanente: ubi hyemale frigus, aere sereno per sextiduum, postea fere semper nebuloso usque ad finem anni durante, admodum penetrans curus excitavit. Cæterum humida hæc aeris constitutio catarrhofas infirmitates, leviores tamen, oculis, dentibus, faucibus & pectori creavit, atque in autumno & hyemis principio, multis infantibus tussi & catarrho suffocativo, præsertim post morbillos, exitialis fuit; postquam enim variolæ præteritis duobus annis frequentes fuerunt, hoc anno quoque, & quidem mensibus æstivis vehementiores, confluentium naturam in multis induentes, in pueris continuant, & præter eas morbilli benigniores in vere supervenerunt, atque post inducias æstivas, in mense Novembri atque Decembri gravius affligentes recurrerunt, pluribusque, qui aut gravius, corpore in primis vitioso sero laborante, iis infestabantur, aut cura negligentiore tractabantur, mortem accelerarunt; quod aliis etiam infantibus multis ex catarrho suffocativo, aut insultibus epilepticis contigit.

Anni 1716.

FRIGUS anno superiore obortum, Anno 1716. quoque continuavit, & in primis die 17. 18. & 19. Januarii adeo invaluit, ut frigori Anni 1709. ubi in Thermometro meo spiritus vini ad septimum usque gradum descenderat, æquale comparuerit, imo d. 18. illud dimidio gradu superaverit. Quæ austerior aura etiam usque in adultum

tum Majum, rarius temperationi interveniente, perseveravit; & licet alibi, etiam in vicinia nostra, nives crebriores & copiosæ admodum delapsæ fuerint, in urbe tamen nostra altitudinem alibi observatam non attigerunt. Caterum multa ventorum mutatio, & rarior serenitas semper occurrit, præterquam quod in Aprili eurus plures dies serenos efficeret. Unde vernalis amœnitas & rarior, & sera admodum obtrigit, ut incrementum Floræ, Cereris, & Pomonæ multum retardaverit.

Nec æstas multo melius se habuit, crebris ventorum alternationibus, pluviisque obnoxia, exceptis diebus canicularibus, qui plures sereni, non tamen calore nimio infensi extiterunt.

Autumnus non minus, sub zephyri, præsertim post æquinoctium, & primis Decembris diebus admodum vehementis, prædominio, frigidus humidusque, & in Novembri crebris nebulis infestus, atque circa finem denuo pluviosus extitit.

Post solstitium quoque hyemale crebræ rursus nebulæ comparuerunt.

Ex humida autem hac aeris constitutione catarrhosæ infirmitates fere nunquam non per totum annum fuerunt obortæ; & in primis circa Anni principium apoplexiæ adultis, ac tussis convulsivæ pariter ac humidæ puerili ætati, non sine multorum internectione infestæ: nec deerant pleuritides veræ, diaphoreticis tamen & pectoralibus non difficulter curabiles; in quinque primis mensibus febres insuper intermittentes, tertianæ & quartanæ, non paucis molestæ, sed facile, chinchinæ, observatis observandis, cedentes.

Nec variolæ prorsus cessarunt, spatium subinde comparentes, in autumno tamen plures invaserunt, & confluentium naturam in quibusdam induendo, malignitatis etiam notas exhibuerunt, ac ita aliquibus funestæ evaserunt.

Anni 1717.

Cum post Anni principium nix crebrior decidisset, cælumque serenum redditum esset, frigus sub euronoto obortum est, quod usque ad principium Februarii continuavit; ubi a zephyro, interdum & africo, nivis liquatio sensim successit; die autem 9. novum obortum frigus, euro præpollente, per undecim dies duravit, & diebus 18. 19. ac 20. adeo intensum fuit redditum, ut fere frigus Anni 1709. æquaverit, sed zephyro tum oborto mitius cælum evasit. Ubi etiam variolæ sensim disparuerunt, postquam in Anni principio, in plaribus confluentes, non sine malignitatis nota, infantibus, rarius adultis infestæ esse perrexerunt. Erant, in quibus pustulæ nigre interspersæ notabantur, morte subsequente. Puerulo sexenni, sub temperato regimine, variolæ discretæ rite prodierunt; die vero morbi sexto passim pustulæ sanguine turgidæ sunt redditæ, cum mictu sanguinis, deliriis, magna inquietudine, & lethali die 8. morbi eventu. Erant, qui per totum morbi decursum de alterutrius pedis vel genu dolore, sine tumore & inflammatione, conquerebantur, cum variolarum exsiccatione iterum sponte cessante.

Martius, Aprilis, & Majus varia constitutione, præsertim autem humida ac frigidiuscula præditi, adventum veris valde retardarunt, sed post solis in Gemellorum signum ingressum temperatius cælum, & sæpius valde calidum, intermissis tamen crebrioribus pluviis, ventis ut plurimum ab occidente vel septentrione spirantibus, factum est, & in primis firius, sub euri prædominio, magnum æstum excitavit. Ubi, cum hætenus rariores agrotassent, jam dysenteria multis, potissimum ex plebeja gente, & adulta ætate, cum majori malignitatis, quam caloris sensu, ex magna virium prostratione, contagii labe, breviorique morbi decursu, (infantibus nonnunquam intra triduum succumbentibus) colligenda, usque ad æquinoctium autumnale infestæ esse cœpit; quæ postea ulterius progressa, puerili in primis ætati multam stragem, non tantum ob teneram corporis dispositionem, sed medicamentorum etiam difficiliorem, tardiorum & incongruum usum, intulit. Causa potissima ab aeris varia intemperie, primo frigida &

humida, postmodum calida, ibi transpirationem sufflaminante & collectioni serosarum fassarum particularum favente, hic easdem in orgasmum concitante, imputari potuit; præcipue cum cerevisiæ minus defæcata & acescentis frequentior potus accessisset. Ex medicamentis, quæ non tantum malignitati resistere, sed acres etiam humores edulcare, fibras leniter stringere, & dolores mitigare valent, sub varia forma, provide administrata conduxerunt, qualia erant unicornu fossile, corallia rubra, bolus Armena, terra sigillata, smaragdus, hæmatites, tormentilla, succus catechu &c. cum & sine opiatorum moderato accessu; balsamum etiam Peruvianum cum vitellis ovorum subactum, in clysteribus aliquoties injectum, egregiam opem in non paucis tulisse observavi.

Autumnus, zephyro, cum aquilone, denuo prævalente, (& illo quidem, sæpe vehementer, præcipue autem a die 24. Decembris ubi vesperi impetuosissimus, sine tamen aliquo, per Dei gratiam, damno, secus ac alibi, in Hollandia, Hamburgo &c. tum temporis contigerat, per quadriduum furente) humidus admodum ob nebulas & pluvias, extitit; talisque aeris conditio ad finem usque anni, cujus ultima nox fulguribus illustrabatur, perduravit, nullis aliis morbis epidemice, paucissimis etiam sporadice se offerentibus, præter odontalgias & consuetas hoc tempore tussis & coryzas.

Constitutio Anni 1712. Apud Labacenses in Carniolia

D. D. MARCÒ GERBEZIO,

Apud eisdem Physico, & Medico ord. medice considerata, & Augustam Vindelicorum die 28. Decembris 1712. communicata.

Rigori alias Hippocrates non videtur imputare singularem insalubritatem, dum 3. Aph. 17. adeo corpora firma, agilia, & bene colorata reddi asserit: quam id tamen insalubre esse soleat, saltem dum modum excedit, docuit nos præterquam hyems Anni 1709. si quæ alia nivosa, & frigida, quoque currentis Anni 1712. hyems ob non multo demissiores nives & frequentes aquilonares ventos similiter ultra modum frigida. Sub ejus siquidem decursu plurimi a febribus catarrhalibus, tussibus, raucedinibus, pleuritidibus, phthisibus, cephalalgis, gravedinibus, hemiplegiis, cachexiis, hydropibus, & aliis a variis modis peccante lymphæ dependentibus indispositionibus fuere apprehensi. Quamvis tamen forte per se non tam frigus fuerit causa tantarum indispositionum, quam prægressa elapsi Anni 1711. austrina, & pluviosa autumnus constitutio, quæ a præsentis anni perrigida hyeme excepta humiditates, elapso autumno in corporibus aggregatas, oclusis cutis poris, & per id impedita insensibili transpiratione, in corporibus retinuit, coagulavit, stagnare, & extravasari fecit, præsertim dum subinde tamen etiam intercurrerint austrini flatus, qui eas rursus solverunt, & exundare fecerunt. Si vicissitudine quadam, dicit Valleriola lib. 2. cap. 4. locor. com. aquilonius flatus austrinum sequatur, fluxionum tum morbi fiunt. Quemadmodum, & nos in Chronologia nostra Med. An. I. xx. & xxi.

Sic Ego ipse mox sub anni ingressu cum pluribus aliis a febre catarrhali apprehensus eram, sed brevi liberatus introspectione mannæ granatæ in jure dissolutæ quantitate unc. trium, & sudatione ad tales pulveres específicos mane cum decocto herbæ theæ assumptos, ℞. spec. diamarg. frig. diatrag. frig. ℥ij. diaphor. ana ℥ss. succin. alb. præp. flor. a. ana gr. iij. m. f. pulv. in triplo. Aliis præterea subinde venæ sectione sanguinem imminuebam, & alia pectoralia propinabam, puta decoctum pectorale cum syrup. de alth. Fern. de farfara, aut similibus specificis dulcificatum. Item Trochisc. bechicos, ol. amygd. dulc. cum sacch. candido, vel julapio violato &c.

Certus puellus quinquennis non pridem pro capitis, & reliqui corporis scabie abigenda, nescio quo, perunctus, & præterea ab extra perfrigeratus in eam dyspnœam inciderat, ut suffocandus videretur. In subsidium vocatus suaseram, ut eum syr. Mannati unc. j.

T

& jalap.

& jalap. pulv. ℥j. expurgarent. Hinc in jure dissolutam spermat. ceti ℥j. propinarent. Nec non ad sudorem cogerent his pulvisculis. R. spec. diamarg. frig. ℥. diaphor. ana. ℥ss. pulv. march. succin. alb. præp. ana. gr. iij. flor. Δ gr. j. sacch. perl. gr. iij. m. f. pulv. in triplo. Et sæpius cochleatim propinarent de tali mixtura appropriata. R. Extract. helen. fumar. ana. ℥j. croci gr. v. subigantur in aq. asthma. chærefol. ana. ℥ss. syrup. de hyssopo ℥ss. m. f. potio. Atque, nisi malum remitteret, utrique brachio vesicatoria applicarent. Dictum, factum, & puellus præter parentum expectationem convaleuit.

Hyemem quidem cum majore amœnitate excipere velle videbatur ver, utpote sub cujus ingressu ex amœnis solis radiis adhuc residuæ nives successive optatissime dissolvebantur. Postquam autem in Aprilis progressu sæpius intercurrere incœpissent pluviae austrinæ, a 20. Aprilis usque ad 25. autem ex euro pristina hyemalis auræ asperitas, adeo desolati evadere incœperamus, ut adhuc vel tunc nobis non meliora de corporum valetudine, quam de futura fatorum ubertate ominari tristes occœpissimus. Quando enim in nostris oris nives, & hyemale frigus eo usque, & ultra æquinoctium vernum protrahuntur, experientia annua edocti nunquam messem optimam, fructus arborum copiosos, & vindemias lætas nobis adpromittere audemus. Emori siquidem accidit vel in ipsa radice hyemalia fata, flores arborum fructiferarum emarcescere, & primos vitium pampinos a pruinis, & nocturnis auræ asperitatibus exitialiter aduri: quemadmodum id etiam, ut postea dicitur, hoc ipso anno evenit. Nec minorem stragem valetudo humana perpeffa est. Corpora siquidem hyemali asperitate enervata, & per tot intercurrentes auræ vicissitudines alterata, nec non per tot vernas pluvias nova humorum illuvie repleta, non poterant non solum ab adhuc hyemalibus indispositionibus opprimi, verum & vernis subjacere, potissimum eis, quæ a peccante lymphæ, quales sunt omnis generis vulgo defluxionibus imputari soliti affectus, produci solent. Non minus autem Majus erat inconstans, & inamœnus, quam Aprilis, utpote fere quotidie versus vespertum pluviosus, quin immo subinde & tempestuosus, quemadmodum secunda Maji, qua excessum ex nubibus fulmen arcis horologio adjacentis turris tectum magna parte disjecerat. Junius erat quidem nonnihil ordinatior, & versus exitum utcumque æstivus, aliquoties tamen æque tempestuosus: quin immo ad festum S. Medardi ex aquilone plane frigidus. Ut adeo neque ipse plane inculpate transire potuerit.

Certus archi hypochondriacus jam tribus annis consequenter semper circa dimidium Aprilis deterius affectus, & præsertim de capitis gravitate & obfuscatione quadam lamentatus 13. Aprilis inexpectate factus epilepticus intra bihorium obiit. Obiisse quoque observati sunt alii repente eodem tempore facti epileptici. Memorabile est a jam dicto hypochondriaco notatum discrimen inter auram civicam, seu urbis arcis subjacentis, & inter auram sublimem arcis ipsius Labacensis. Afferebat is enim, quod quoties adiisset (solebat autem diebus amœnis facere frequentissime) arcem, confedissetque aliquandiu subtilia, suprematam montis amœne coronante, vel obambulasset, se semper notabiliter melius sensisse, caputque habuisse serenius; quamprimum vero redux domum versus subjacenti urbi appropinquasset, se illico rursus deterius sensisse. Ut adeo plane dubitare non liceat de veritate eorum, quæ nos in *vindictis nostris Medicis de aura Labacensi* §. 37. de discrimine inter salubritatem urbium, & locorum liberæ auræ expositorum, campetriumve docuimus.

Ad repentinam Junii circa festum S. Medardi perfrigerationem pleuriticus factus Jacobus Ubez expertus Chirurgus corpore ultra modum obesus, & plethoricus elusis quibuscunque adhibitis remediis quoque intra triduum obiit, cæterum homo apparenter sanissimus. *Obesi videlicet facilius moriuntur, quam graciles* ex Hippocrate.

Æstas habuit quidem sua intervalla utcumque conaturalia, quod toties tamen intercurrissent tempestuosæ pluviae cum tonitruis, fulgurationibus, & fulminationibus; subinde etiam cum grandine, cum

communiter subsecuta notabili auræ perfrigeratione, quamadmodum 21. Augusti, qua mane hora media septima fulmen in suburbio Tyrnau dicto octo nautarum casas, non obstante densissima pluvia, in cineres redegerat; pro vix temperata, & vernam temperiem affecuta haberi poterat. Ob quam causam facta tardius maturata messem tristissimam colonis præbuerant.

Adhuc parum siquidem illud, quod hyemalem rigiditatem, & ultra æquinoctium protractas nives subterfugerat, perque vernas pluvias in lolium conversum non erat, per toties iteratas coruscationes adeo exustum fuit, ut aristæ, vel steriles plane evaserint, vel grana macra effœtave, & potiore farina orbata progenerant.

Neque humana valetudo interea minimum passa. Vidimus siquidem, quod, quæ per Junii, Juliique decursum ob imminutas successive per hyemem, & ver in corporibus aggregatas humiditates utcumque subsidere incœperat, mox sub Augusto labascere visa sit a febribus tertianis intermittentibus, subinde, & quartanis, & tertianis nothis, continuis, diarrhœis, dysenteriiis, vomitionibus &c. impetita. Quæ febres vel in eo fuere singulares, quod non solum raro confectum typum in paroxysmis observaverint; verum etiam, quod communiter post aliquot paroxysmos in continuas mutari solitæ fuerint, similiter adeo inordinatas, ut etsi typum tertianarum duplicium præ se ferre viderentur, tamen subinde 24. & plures horæ intercesserint, quibus in pulsu nulla fere alteratio animadvertetur, urinis fere crassis, & lateritio sedimento refertis existentibus, desuper vero tamen rursus insistente continua alteratione, persæpe cum maculis petechialibus scarlatinis saltim per brachia dispersis, sæpe etiam cum diarrhœis & vomitionibus vel copiosissimis sudoribus; vix tamen aliquando cum ægrorum interitu, etsi semper cum tardissima integræ valerudinis recuperatione. Quod Medici communiter febriliter cum succo pancreatico justo acidiore effervescenti bili, sed multæ pituitæ admixtæ imputabant; & vel propterea non tam ardentes, acutæve febres producenti, quam potius nothas, minus acutas, & diuturnas. *Quando æstas sit similis veri, sudores in febribus multos expectare oportet.* Hipp. 3. Aph. 6.

Curabantur autem febres illæ, si quandoque persistere intermittentes, pulvere cornach. diebus a febris liberis iusta dosi assumpto, & sale febrili myns. una alterave hora ante paroxysmos in aqua card. ben. vel cent. minoris propinato. Si qua vero eas in continuas degenerare accideret, præterea venæ sectio celebrabatur in petechialium macularum absentia, alias vero scarificatio dorsi cum subjunctis cucurbitulis. Quamvis viderim apud unum alterumve opificem, cui etiam actu prostantibus petechiis, sed pro pulicum moribus habitis, erat sanguis venæ sectione amissus, & qui tamen aquæ convaleuit, ac alii, quibus sanguis amissus non erat. Unde conjicere licebat eas solita sibi malignitate non fuisse præditas. Per reliquum morbi decursum autem insistebatur usui pulverum pan. rub. de gem. frig. cc. phil. præp. & diaph. arcan. dupl. bezoardico min. additis, si diarrhœa symptomatice urgebat, troch. de terr. sigill. unicorn. foss. &c.

Certa filiola, quæ simili febre continua cum maculis petechialibus, & dysenteria detinebatur, convaleuit ad subinde pro necessitate injectos clysteres primum abstergentes, postea astringentes, & ad quotidianam intro sumptionem pulv. pan. rub. troch. de terr. sigil. cc. phil. præp. unicorn. foss. & smaragd. præp. cum sacch. rosato dulcificatorum. Quodque præterea linguam haberet aridam, eam humectabat mucilagine sem. cydon. aqua prunell. extr. addito rob. diamor. & lap. prunell. eluebatque frequente os aqua & aceto invicem commistis, absterfa lingua dentiscalpio, non intermissis externis astringentibus.

Certus nobilis denique plane adhuc pluribus habebat opus. Laborabat is vero hemitritæo, febre ex æstu febrili continuo, & febre intermittente cum rigore & duplicato æstu alternis diebus intercurrente constante; & quod deterius erat, semper cum quadam veluti cholera seu excretionibus numerosissimis per superna, &

na, & inferna materiæ variæ veluti æruginosa. Hic erat primum purgatus decocto fen. c. rhab. Myns. Hinc ipsi vena secabatur, & pro attemperatione æstus febrilis præter mixturam cordialem ad intro porrigebantur pulv. de gem. frig. cc. phil. præp. Gum. diaphor. arcan. dupl. Ast intercurrerat tertius paroxysmus cum ea violentia, vomitibus, & alvi dejectionibus, ut æger, si sæpius taliter invaderetur, malo succubiturus metueretur. Hinc postridie illius paroxysmi loco arcani duplicati memorato pulveri cort. Peruviani & troch. de terr. sigill. ana ʒss. erat additus. Vesperi autem ante somnum pridie quarti paroxysmi febris intermittens talis bolus. ʒ. Conserv. menth. rosar. elect. diascord. frac. ana ʒss. cort. peruv. subtil. pulv. ʒij. troch. de terr. sig. gr. viij. m. cum sacch. f. bolus. Et non solum quieverat ea nocte utcumque æger, verum & a vomitionibus illis, aliisque dejectionibus fere liber erat, præterquam totus debilis, & a continuante æstu febris continuæ totus anxiosus. Qui propterea pro possibili cordialibus & caponis jure cum gelatina permisto reficiebatur. Quodque expectaretur accessus quarti paroxysmi mox a meridie, quatuor horis ante eum fuit ægro talis mixtura specifica propinata. R. Aq. cord. saxon. secundæ, cart. ben. ana ʒss. syr. coral. ʒij. cort. Peruv. subtil. pulv. ʒss. ☉ absinth. gr. v. m. f. pot. Et desideratissime emanerat, quem adeo non minus nos, quam æger ipse metuerat, paroxysmus. Ut adeo nobis nihil superfuisset expugnandum, quam adhuc febris illa continua, viriumque prostratio: quibus proinde diligenti continuatione pulv. de gem. frig. cc. phil. præp. ʒij. diaphor. & ☉ perlat. nec non mixturis cordialibus opem ferre eo usque conabamur, usque dum successive & ista feliciter sopita fuere. Certe si in quo alio, in hoc manifeste periculoso casu se Herculem exhibuit cortex Peruvianus, rite ob conjunctam choleram stomachicis associatus.

Autumnus denique usque ad extremum Octobris erat satis commodus, ut adeo vindemiæ quidem in optata aeris temperie potuerint peragi, sed vel ex eo tristes, quod magna botrorum pars, uti in constitutione verna dictum, aut in primis adhuc pampinis vere emarcuisset, aut æstate a tantis corrusionibus, & rubiginosis pluviis, ipsis etiam arborum foliis, & arboreis fructibus propterea copiosissimis maculis notatis, & ad putredinem pronissimis notanter infensus, adusta penitus arida e vitibus decidissent, postea autem, & toto Novembri, Decembri-que mensibus usque ad 13. Decembris adeo pluviosus, ut fere non intercesserit dies, qua non pluisset, aut saltem nubilum, & ad pluvias proclive non fuisset, & ex austro jugiter (excepta 20. & 21. Novembris, qua primæ nives ex euro ceciderant, & 8. Decembr. qua per quinque continuos dies africanus vehementissime furebat) flante veluti tepidum. Hinc non mirandum, quod interruptis dictis tum continuis, tum intermittentibus febribus e contra turmatim irruissent febres catarrhales, hemicranicæ, vertigines, hemiplegiæ, arthritides, & post 20. Novembris repente perfrigeratam raucedines, gravedines, tussis, pleuritides, obauditiones &c.

A 13. Decembris ex africanum excipiente leni aquilone demum saltem a prandiis serenum cum successiva aeris perfrigeratione usque fere ad anni exitum, nisi quod postremis diebus constanter obnubilatum cælum nos solis radiis privaverit. Atque adeo apparet totum hunc annum, excepta hyeme, quæ saltem frigoris acerbitate excesserat, fuisse valde insalubrem, & ob tot pluvias, coruscationes, & potissimum prævalentes ventos meridionales, non minus terræ fructibus, quam hominibus magnopere infensum. Num vero & animalibus, quæ etiamnum crepare continuant? sub judice lis est. Interea certum est, tot æruginosas pluvias eorum pascua non reddidisse salubria, quin potius insalubria. Quamvis probabilius videatur, istam interitus animalium continuationem potius contagii semel eis impressi propagationi esse imputandam, quam pascuorum vitio: eo, quod & alibi terrarum grassetur tale malum, ubi forte tamen tot corrosivæ pluvix non cecidere, quot apud nos.

Duo hemiplectici fere plane æqualiter affecti, id est uterque cum immobilitate brachii dextri, & lo-

quendi impotentia, fuere fere æqualiter percurati, ita ut etiamnum fere pro lubitu moveant brachia, & loquantur libere. Purgabantur videlicet hac portione. R. mass. pil. cochiar. ʒj. dissolvatur in tantillo aq. apopl. adde syrup. de stœchad. ʒij. spir. lil. convall. gutt. viij. m. f. potio: Hinc uni eorum, qui plethoricus erat, mittebantur ex dorso mediante scarificatione circiter quatuor uncix sanguinis. Utrique vero erat injunctum, ut pro corroboratione spirituum bis de die assumerent, castanæ quantitate, de hac opiata. ʒ. conserv. flor. beton. salviæ, anthos, majoran. ana ʒss. spec. contra apoplex. ʒss. specific. cephal. Michael. ʒj. spir. ceras. nigr. lilii convall. ana. parum m. cum syr. flor. tunicæ f. opiata. Cui superbibatur unum vel alterum cochlear aquæ apoplecticæ.

Item, ut spinam dorsi cum nucha ungerent unguento nervino, & ol. lumbr. retr. utque os frequenter eluerent spiritu lil. convall. cui theriaca esset admixta.

Quinta morbi die fuit repetita potio purgans, atque subsequenter septem diebus sudor procuratus decocto lignorum cum ligno rorismar. & visco querc. Et, uti dixi, successive convaleuit uterque.

Non multo absimilius tractatus fuit etiam certus mercator ex hemiplegia saltem oris torturam, & palpebræ dextri oculi, ita, ut eam citra manus subsidium ocludere non posset, resolutionem passus. Purgabatur is nempe his pilulis. R. Extr. cephal. ʒss. castor. gr. j. Resin. jalap. pin. sub. gr. viij. spir. mac. gutt. j. m. cum spiritu ceras. nigr. f. pil. n. ix. Nucham calide unxerat ung. nervino & ol. succini; pro corroboratione utebatur eadem opiata, qua duo illi hemiplectici, & post triduum repetitis pillulis sudabat ad porum decocti sudoriferi per octiduum, prætereaque partem affectam fovebat sacculis speciebus nervinis refectis, & in vino albo decoctis. Et eatenus restitutus fuit successive, ut vix animadvertatur, quod aliquando fuisset læsus.

Armamentarii Cæsarei præfectus tamen, postquam jam antehac ter fuisset a simillima hemiplexia similibus remediis feliciter restitutus circa dimidium Novembris brachio sinistro, quod alias prioribus vicibus erat intactum, resolutus cum omnimoda loquendi impotentia, frustra adhibitis quibuscunque, ad initium Decembris interiit.

Ex quartanariis certus sexagenarius ad solas has pilulas. ʒ. pil. tart. schæd. ʒss. extr. gentian. cent. min. ana. gr. iv. resin. jalap. pin. sub. gr. v. m. cum tinct. tart. f. pil. n. ix. Et ad sectionem salvetæ manus sinistræ, atque ad gr. iij. tart. emet. Nec non ad continuatum usum hujus tincturæ convaleuit. ʒ. Essent. absynth. Elix. propr. parac. tinct. tart. spir. ☉. *ci ana ʒj. m. dosis gut. xxx. ex aqua absynthii. Alii tres quartanarii vero priusquam fuere liberati, præterea usi sunt suis temporibus his pulveribus specificis. ʒ. cort. Peruv. subtilissime pulv. ʒi. ☉*ci, & diaphor. ana gr. Uti m. f. pulv. Aliorum affectuum curationes, utpote magis obvias, studio prætermitto, excepto solo adhuc materialista illo, qui 20. currentis Decembris in ædibus carpentarii ad Ecclesiam S. Floriani ex diuturnis coli intestini doloribus, & ossis pubis, illique apostemate obiit. In eo siquidem illud erat singulare, quod ex aperto apostemate in femore aliquot digitis infra os pubis ob commodiorem puris evacuationem cum pure genuinæ alvi fæces profluere animadversæ fuerint. Propterea demortuo post octiduum circiter ægro, jam pridem penitus exhausto, erat inquisitum in dictarum facum transitum; & deprehensum, quod colon intestinum, ea, qua coxam spectat, parte fuerit ad imperialis nummi amplitudinem exesum, perforatumque, & inde factio successive caniculo per pure excavatos musculos, partes illas contingentes, penetrasse ex læso intestino fæces illas alvinas usque ad incisum locum. *Induta est scilicet caro hominis putredine, & sordibus.* Job cap. 7.

Constitutio Anni 1713.

Dn. D. MARCO GERBEZIO

Medico Labacensi, communicata die 15. Januarii
Anno 1714.

A Deo varius erat apud nos Labacenses, quoad auras temperiem hujus anni 1713. decursus, ut fere vix præterierit octiduum, quo ob jugem omnis generis intercurrentium ventorum vicissitudinem alia non fuisset introducta aeris constitutio. Solus Januarius sibi hyeme aliquantulum constabat, æstate Augustus, & autumnus posterior Novembris, & anterior Decembris pars cælo ex solito maturius partis nivibus, easque secuto statu aquilonio serenato. Cæterum vero toto reliquo tempore varietas, potissimum cum pluviiis, & auræ asperitate conjuncta; proindeque sicut terræ frugibus maxime incommoda (qui propterea, exceptis montanis locis, ubi solum natura sua aridius est, non solum crevere perpauci, verum & impuri, & viciis, zizaniisque plenissimi, arboreis fructibus quidem itidem saltem in montanis existentibus utcumque copiosis, verum, & ipsis ob nimias pluvias velut eviratis, & solita sapiditate destitutis, consequenter minus sanis, plurimisque hominum eis indiscerete vescientium febrium, diarrhæarum, dysenteriarum, vomitionum, & ventris corrosionum causa) ita sanitati humanæ maxime importuna. *Mutationes* siquidem *temporum*, teste Hipp. 3. aph. 1. *pariunt morbos*. Quod ea tamen non tulerit singulares aliquas, præter copiosas defluxiones, epidemias, qualium alias feraces esse solent similes annorum constitutiones; existimo in singulare nostrum commodum fecisse, quod dictæ illæ varietates nunquam repente irruerint, sed successive, & veluti inadvertibiliter, neque diu tales perseverarint, neque magnæ fuerint: quod tamen requiritur ad inducendos in corpora ex aere morbos populares. *Magnas* siquidem, dicit Hippoc. citato loco, *mutationes facere morbos* 3. aph. 7. autem dicit: *Si annus magna ex parte talis fuerit*. Quod ipsum sentit & Galenus *Comment. 1. in lib. 1. Hipp. de morbis vulgaribus*. Quandoquidem igitur hic annus, juxta dicta, maxima ex parte fuerit varius, & frequentissime pluviosus: tales constitutiones vero solent esse defluxionum, seu morborum a peccante lymphâ dependentium feraces; mirum non est, quod potissimum tempore præ quibuscunque aliis affectibus viguerint defluxionum morbi.

Curationes eorum non adduco, sed relego benevolum Lectorem ad *Chronologiam meam Med.* elapso vere Francofurti una cum Intricato Extricato meo Medico recusam. Ne vacuæ tamen omnino sint hæc paginae, aliorum morborum hoc tempore observatorum; & solum breviter meminisse hic lubet certæ nobilis matronæ, elapsa quadragesima a me ab hydrope ascite feliciter percuratæ, elapso autumnus vero ex eodem malo tamen, sed per errorem defunctæ. Hæc tota elapsa æstate citra querelam vixerat: quod ea vero horariis fructibus nimium indulisset, & alias licentiosius pro ordinario muliercularum more victitasset, sub initium autumnus de novo cruribus intumescere occæperat, successive & abdomine; sed quod cum nescio quo in ventre motu, se concepisse suspicari incæperat, & propterea omnia remedia, ne inde forte abortus periculo sese exponeret, negligere, usque dum exacto, sua opinione, gestationis tempore, dum parituram sese existimaret, vitam cum morte commutavit. Apertum propterea cadaver, ut fœtus eximeretur: at ejus loco aliud non repertum, quam ingens in abdomine aquarum colluvies. Ut adeo manifeste conjicere licuerit, motum illum, quem fœtui illa imputabat, aliunde non fuisse, quam a flatibus, aut colluviei illius aquosæ in abdomine contentæ, & sub corporis motu, aut ventris contractione perceptæ fluctuatione. Si infelix mulier alias tempestive ad rem fecisset (quamvis gravidas a similibus generosis remediis indigentibus malis citra abortum liberare, sit ex nostra in Intricato Extricato nostro Medico tradita doctrina, perarduum) forte non minus juvari potuisset, quam adjuncta a me fuit sutura

rissa illa, cujus ut talis curatio proposita fuit in *Chronologia mea Med.* Anno 1. §. cxxi. In simili siquidem peccantium humorum aggregatione remedia etiam valentiora, qualium hydrops præ aliis affectibus indiget, non tam fœtum, utpote rem domesticam, & naturæ congenerem, quam humorem peccantem, utpote quid a natura alienum, citra abortus consecutionem, aggrediuntur. Prouti id pluribus deductum a me fuit in jam allegata *Chronol. mea Med.* Anno 11. §. cxxvii. & alibi. Ut taceam, quod in tali casu præstare videatur saltem matrem etiam cum aliquo abortus periculo salvare, quam matrem & fœtum evidenti periculo expositum, relinquere. De imaginariis conceptibus alias si quis plura legere cupit, inspicere potest Sachsum in *Scholio ad observ. 1. Anni 1. Decuria 1. Ephem. Nat. Curios.*

Meminisse item lubet duorum febricitantium, quorum uterque in sextum usque mensem intermittenter febricitabat, non obstantibus variis a suis Medicis sibi ordinatis remediis, quos ego tamen solis sequentibus mox ad anni principium celerrime liberaveram. *℞. Pil. tartarear. Schræd. 3℞. extr. gentian. cent. min. ana gr. iv. Refin. jalap. pin. sub gr. vii. ol. mac. cont. ii. M. cum tinctura tartarii F. pil. n. ix.* Sumantur die a paroxysmo libera. Hinc pro ventriculi corroboracione, & crudorum correctione sumantur quotidie mane ex juscule de sequenti tinctura in diurnis febribus specifica guttæ xxx. *℞. Esfent. absinth. adrimon. Elix. propriet. parac. f. acido sinet. tart. spir. sal. *ci ana 3j. M.* Atque ab extra lienis regioni applicetur emplastrum de *Cicuta cum ammon.*

Sique videretur, memoratæ pilulæ adhuc semel iterentur. Et exacte observata interea victus regula uterque constanter convaleuit.

Ad certum quinquagenarium hypochondriacum sæpe sæpius ventris corrosionibus, & nocturnis vigiliis tortum pro dando consilio vocatus, dum vidissem, quod ei a Medico suo ord. frequentissime ad vespere pilulæ de cynoglossa aliquot granis laud. op. acutæ concederentur; earundem tam frequentem usum absolute dissuaseram veritus, ne eæ forte successive caput ad apoplexiam disponderent. Quod in eo vero mihi non obsequeretur patiens, utpote ab earum usu semper, uti ipse assererat, alleviari solitus; ei ultimam cum suo interitu obtigerat, quod Ego ipsi pridem prædixeram. Sæpe siquidem etiam ea, quæ prodesse videntur, obsunt.

Prosperiore sorte sibi e contra procuratum fuisse per sex hebdomadas frustra desideratum in arthritide vaga somnum, mihi eodem tempore fide dignissimus narraverat certus Soc. JESU pater, charta, in qua multo tempore involutus in officina aromataria asservabatur crocus, capiti obvoluta. Ut adeo non vane suaserit Vvedelius apud Friccium in singulari suo tractatu de *virtute Venenorum Medica cap. xxiii. de croco*, crocum sacculo inclusum, & infantum, si qua dormire non possunt, capitibus suppositum, cum admonitione tamen, ut, ne is eis forte nimium soporem inducat, postquam obdormivere, is iterum subtrahatur.

Adjicio rarioris illius affectus, quem ob involuntariam, & justo copiosorem crudæ & factæ haustu analogæ urinæ profusionem, diabetem vocant Medici, succinctam, sed felicissime peractam curationem. Certus in honorifica dignitate constitutus 52. annorum Sacerdos, temperamento atrabilarius, & ob plurima negotia, vitamque sedentariam factus, uti dicitur, hypochondriacus, inter reliqua hypochondriacis familiaria accidentia successive demum etiam de urinæ ardore, & multo in urina sabulo lamentari cæperat. Hinc præter referendis obstructionibus dicata plurima remedia etiam abstergentibus, leniter diureticis, & urinæ acrimoniam obtundentibus usus est, quale præ aliis erat decoctum Foresti, & syrup. de althæa Fernel. Taceo stomachica, & alia, quæ subinde ab urgentibus circumstantiis exigi videbantur. Inde sublatus quidem fuit molestissimus ille urinæ ardor, sublatus etiam cum urina excerni solitum sabulum; verum ejus loco inducta memorata illa involuntaria, & nimia crudæ, & potui colore plane analogæ urinæ profusio cum ea marasmodica corporis con-

ris contabescencia, ut venerabilis æger omni prorsus appetentia, & somno destitutus sine fine sitibundus proxime interiturus videretur.

Hinc itum in consilium, & conclusum, ut post-hæ cura tota eo dirigeretur, quo urinæ nimia illi profusioni corporis substantiam eatenus depascenti idoneis remediis occurreretur.

Statutum propterea, ut æger ab omni difficulter digestibili abstineret, vitaret vinum, & ejus loco profiti, quamvis pulsum vix alteratum haberet, biberet jus carnis bubulæ perfrigeratum, & ab omni pinguedine per præviam per pannum lineum colaturam liberatum, subinde autem emulsionem amygdalarum dulcium, exhilarato quandoque sitiente ore cochleari vini cydoniorum, vel granatorum acidorum, quandoque etiam granis ipsis pomorum granatorum. Pro cibo vesceretur juribus caponis, in quibus concussus sit vitellus ovi rec. contusis, amygdalatis, avenatis, hordeatis, & pulvis ex ovis, & pulpa panis triticei paratis, malis cotoneis &c. sique posset, carne vitulina, caponum, pullorum, avicularumque montanarum. Mane etiam & vesperi assumeret bonæ castaneæ magnitudinem de hoc specifico.

*℞. Conserv. ros. rub. ℥iij.
rad. symphit. maj. ℥ij.
spec. diatr. frig. ℥ss.
coral. rub. præp.
terra sigill. ana ℥i. M.
cum syr. cydon. F. electuarium.*

Regionem renum ungeret ungu. rosato refriger. Gal. & Comitissæ. Spinam dorsi autem & pectus ungu. resumptivo. Quibus constanter continuatis rediit successive tantus appetitus, ut sibi a cibis vix temperare valuerit. Item somnus, vires, & carniū consumptarum recuperatio ad admirationem.

Anni 1714.

SI unquam aliquis annus fuit irregulariter constitutus, fuit apud nos Labacenses annus 1714. cujus constitutionem quoad aeris temperiem in præsentī communicamus; excepta siquidem sola hyeme, quæ fuit cum paucis nivibus aquilonia, & per totum toleranter frigida, & sicca, totum reliquum ejus residuum, ver videlicet, æstas & autumnus, excepto Novembri mense & dimidio Decembris, quorum dies in accepta aeris amœnitate decurrerant, erat meris varietatibus, & veluti quotidianis pluviis subjectum. Unde tot, tantæque aquarum exundationes, ut nec fata maturefcere, nec gramina defalcari, siccarique, nec semina opportunis temporibus terræ mandari potuerint; quæque terræ mandata fuere, aut prorsus non adoleverant, in semine suffocata, aut adulta a meris viciis, zizaniis, & loliis adeo conspurcabantur, ut usui esse vix potuerint, aut ab uredine adusta grana effata, & farina fere destituta tulerint. Unde insueta annonæ penuria, & propterea præsertim Croatiam versus, fere communis inter plebejos fames.

Qua stante aeris constitutione qualiter humana valetudo subsisterit, nemini credo difficile fore conjicere, qui ex Hippocratis libro tertio aphor. & alias novit, qualium tales annorum constitutiones soleant esse feraces corporum indispositionum; præsertim, si is præterea perpenderit, qualem victus rationem in simili rerum penuria, & caritate fuerit observare necesse, & quali, quamve insalubri qualitate debuerit fuisse præditi non solum terræ, verum & arborum, vitiumque fructus, utpote dicta uredine adeo exesi, adustique, ut vix fuerit reperire pyrum, pomum, vel etiam botrum, qui integer, immaculatus, & connaturali suo sapore præditus fuisset: quamvis & talium parcissimus fuerit quæstus. Substitit videlicet, si unquam aliquis, lamentabiliter. Eo, quod similes temporum constitutiones, solent esse ex Hipp. citato loco, & nostra in Chronologia Medica tradita doctrina, morborum feracissimæ.

De hyeme quidem nobis non erat, quod adeo quereremus, utpote quæ utcunque tolerabili suo frigore Sydenham opera Medica.

siccitateque corpora potius reddebat firma, agilia, & bene colorata, adeoque bene valentia, quosque tulerat morbos, eorum saltem solum accidentalis extitit causa, quatenus videlicet humiditates a prægresso pluvisio anno in corporibus nostris aggregatas altius imprefferat, coagularat, & a discussione per insensibilem perspirationem impediverat.

Quod ipsum puta & de Novembri mense, Decembrisque anteriore dimidio, utpote similiter leni aquilone perflatis, & potissimum amœna serenitate illustratis. Ast tanto majores querelæ nobis fuere contra veris, æstatis, & reliqui autumnī (utpote adeo pluvisioforum, ut vix intercurreret duorum triumve dierum serenitas, solisve illustratio, quæ a pluviis, aut saltem nubilo cælo cum plane insueta aeris asperitate non fuisset interrupta) decursum: Qui propterea tantis cum ægrotis negotiis nos oneraverat, ut iis expediendis vix suffecerimus. Quinimo, post quam affinem nobis Syriam ad Judenburgum peste infectam perceperamus, nobis plane de adhuc deterioribus metuere inceperamus. A quibus tamen præservavit nos hactenus gratiosum Numen.

Morbi autem, a quibus adeo impetebamur, erant præter omnis generis defluxiones similibus temporum constitutionibus semper familiares, arthritides, colici dolores, pleuritides, hydropes, febres tam intermittentes, quam continuæ, & ex eis multæ plane malignæ, diarrhœæ, dysenterix, vomitiones, lumbrici, variolæ, morbilli, & rubeolæ: nulli tamen funestiores, quam febres petechiales, & præsertim Decembri mense variolæ. Quibus propterea etiam multi, præsertim Augusto mense, & Septembri, plane succubuerunt. Quamvis, qui victus rationem observant, riteque curabantur, potissimum reconvalerent.

Singulare quid duobus fratribus acciderat: Utrunque prævio totius corporis rigore febrilis incalescentia apprehenderat. Hinc plane intolerabiles lumborum puncturæ. Desuper unum petechiæ scarlatinæ seu purpureæ, alterum petechiæ nigræ, & variolæ purissimo sanguine soliti puris loco suffusæ. Et illa tertia morbi die, hic septima inopinata succubuit.

Certa etiam 10. annorum herula cortice Peruviano vix a febre quartana liberata in variolas confluentes densissimas inciderat, quæ successive etiam eo perductæ fuere, ut contractis crustis instantanee abscessuræ crederentur, herulamque pristina valetudini more solito restitutura. Ast ecce quam inexpectatum fatum! præterquam enim, quod crustæ etiam sapius oleo amygd. dulcium perunctæ nullatenus recessissent (persistente interea semper febre acuta continua, & tussicula) ultimatim ex eo deductæ fuere, ut si quam casu tamen abscedere accideret, ea post se ardentissimum ulcus absque omni pure relinqueret, usque dum miserabili herulæ ultimatim, 21. scil. morbi die, e vita excedere fuerit necesse. Usque adeo de variolis, nisi cum eis & febris, & reliqua accidentia recedant, nunquam venit triumphandum.

Certus Mercator Goritia Labacum cum intensissima & ea continua febre in maximo frigore delatus, de intensissimis & faucium, & artuum doloribus lamentabatur: a quibus demum etiam idoneis remediis liberatus erat. Sed desuper (persistente adhuc febre) toto corpore minutis, & densissimis hydatidibus, seu vesiculis aqua refertis, adeo fuit perspersus, ut quis cum undique fervidissima aqua fuisse perfusum, perustumve citra dubitationem jurasset. Et non obstantibus quibuscunque remediis quoque ipse 18. morbi die obiit.

Certus Lib. Baro e contra usque ad desperationem asciticus, dum proxime expiraturus crederetur, superveniente tumidissimo scrotō, inflammatione, & abscessu, sponteque evacuatis inde aquis præter omnem expectationem convaluit. Usque adeo desperandum nunquam: sed dum spiramus, speramus.

Carbonum suffocatorum illorum, quibus fabri ferrarii uti consuevere, vapores esse nocentissimos, nemo facile est, qui nesciat: noxios vero æque esse ordinarios illos ab aperto igne combustis lignis relictos, non facile credo fuisse observatum. Accidit tamen, quod elapso Decembri ex intenso frigore domum reversus faber ferrarius septuagenarius, eo quod sese,

ad talium carbonum ignem excalefecisset, in eum soporem, cum maximo stertore inciderit, ut is ab adstantibus pro fortissime apoplectico, adeoque ex sententia Hipp. 2. aph. 42. pro omnino desperato haberetur, successive quidem clystere acri, frictionibus, sternutoriis, vesicantibus, & volatilioribus antiapoplecticis, rursus excitatus, ultimatim vero, decima tertia videlicet morbi die tamen e vivis sublatus.

Simillimum fatum accidisse recorder ante annos Iggenfi rustico in noviter calefacto, & non pridem extructo fornicato cubili, qui vero libero aeri expositus sese tamen rursus recollegerat. Sed septuagenario illo longe junior erat.

Singularis molis calculum in vesica gestare absque eo, quod ab eo saltem subinde urinæ excretio interceptiatur, meo iudicio pro raro habendum est. Factum id tamen fuisse detexerat nobis nuperrime dissectum corpus nostri Labacensis Ecclesiæ Decani. In ejus siquidem vesica ad digiti crassitiem corrugata deprehensus fuit trium unciarum calculus, qui tamen urinam nunquam interceptisse fuit observatus; quin potius is, postremo præsertim anno, continui urinæ crudissimæ profluvii exitit causa. Sed sciendum venit, calculum hunc ab agro semper fuisse pro hernia habitum, quem propterea a pluribus annis semper sursum cingulo herniosis consueto religatum gestabat, impediēbatque hoc medio, ne is unquam ad vesicæ orificium devolvi, & urinam omnino procludere potuerit: quin potius, quatenus totum contractæ vesicæ spatium sua mole occupabat, causa erat, ne a renibus jugiter affluens urina ibidem subsistere potuerit, sed potius veluti guttatim jugiter excerni debuerit. Juvaret propterea quoque forte alias (nisi lithotomiæ remedio periculoso & sæpe impossibili sese subjicere mallent) tali medio uti, ut taliter saltem ab eis alias consuetæ urinæ præclusionē liberi viderent.

Anni 1715.

Quem non piget revolvere constitutiones anni 1713. & 1714. a me notatas, & postremo Ephem. Nat. Cur. tomo insertas, is facile conjiciet, qualiter saltem per hyemem currentis anni 1715. subsisterit inter nostrates Labacenses humana valetudo. Ex temporum siquidem salubribus, vel insalubribus aeris constitutionibus potissimum dependere humanorum corporum bonam, vel malam valetudinem, demonstravi luculenter in Chronologia mea Med. Quandoquidem igitur ex dictorum annorum constitutionibus elucescit, eorum tempora potissimum fuisse varia, aspera, & pluviosa, talia autem solere esse fluxionum, & omnis generis a putredine, & humorum corruptione oriundarum indispositionum feracia; arguere pronissimum est, saltem hyemem memoratos annos immediate consecutam debuisse fluxionibus, & omnis generis a putredine, & humorum corruptione oriundis indispositionibus fuisse obnoxiam, non obstante, quod ea de se adeo insalubris non fuerit, utpote potiori ex parte aquilonia, toleranter frigida & sicca, adeoque ex sententia Hippocratis utcunque salubris. Corpora siquidem per antecedentem talem insalubrem aeris constitutionem vitiosis humoribus semel referta, præsertim hyemali tempore, quo cutis pori ab externo frigore oclusi, talium humorum debitæ per insensibilem perspirationem depurationi obstant; per subsequentem, etsi etiam utcunque salubrem aeris constitutionem, sibi adeo restitui vix possunt tam celeriter, ut in affectus a tali putredine, & corruptione oriundos non incidant, eo saltem usque insistentes, donec a salubriori, & ea contraria, calida videlicet aeris temperie in contrarium non alterentur. Hinc etiam observatum fuit, non obstante juxta dicta de se alias utcunque salutari hyemis constitutione, plurimos Labacensium incidisse, præter omnis generis defluxionum morbos, quoque in febres malignas, morbillaceas & varii generis etiam aliis cutis efflorescentiis adeo periculosas, & contagiosis stipatas, ut potissimæ urbis domus eis fuerint coinquinatæ: magna etiam incolarum pars, præsertim pauperum, utpote & competente victu, & necessariis remediis destitutorum, plane e medio subla-

ta. Dictum siquidem fuit præterlapsum annum 1714. fuisse adeo sterilem, & insuper fructibus, quos protulerat, vitiatum, ut inde in corporibus ab eis nutritis alii succi generari non potuerint, præterquam morbos. Accesserat & mortalitas animalium, quorum, etsi nondum actu ægrotorum, re ipsa vero tamen actu insectorum comestas carnes probabile est, etiam quidpiam ad humanorum corporum insalubritatem contulisse. Item inter plebem famem ipsam, quæ propterea tot mendicos ad urbem compulerat, ut non pauci eorum conquisto ibidem cibo saturati mox animo, & vita etiam in publicis plateis concidere visi fuerint, usque dum eis in publico Lazareto alias pro impestatis destinato, ex collectitia elemosyna necessaria sustentatio a Magistratu suppeditaretur.

Petechiales, seu scarlatinæ illæ maculæ, quas vulgo petechias nominamus, vix apud ullum ægrum observabantur; morbillacæ vero, alias rubeolæ dictæ, quales ego anno 1699. per æstatem hic grassatas fuisse Anno iii. meæ Chronolog. Med. §. XL. & seq. descripsi, communiter apud omnes, præcipue in dorso magis conspicuæ: quibus tamen non raro elevata quæpiam pustulæ instar variolarum interspergebantur, sæpe etiam discussis jam illis exanthematibus undecima morbi die, 14. vel etiam tardius superveniebant, miliares quædam pustulæ totum corpus densissime cum pruritu obsidentes: subinde vero hydatides, seu limpidissimo sero repletæ vesiculæ, eis ex assè simillimæ, quæ perfusione cutis aqua fervidissima excitari solent. Et istæ potissimum post se traxere ægri, utpote aliunde jam prius enervati, inevitabilem interitum, sicut ille non facile.

Variolæ quidem, & morbilli etiamnum quoque adhuc una grassabantur inter infantes, & adultos, minori tamen cum sævitie, quam elapso Decembri, præter unicam monialem, apud quam variolis densissime perspersam usque ad duodecimam morbi diem securissime procedere videbantur; duodecima autem epidermis, seu extrema illa cuticula, quæ veram cutim contegit, adeo elevata conspiciebatur per faciem & totum reliquum corpus, præcipue brachia, latentibus subtus variolis, ut ad humerum digitis apprehensa, per totum brachium uno tractu detrahi potuerit, idem puta de facie. Et ista 13. morbi die obiit. Plura hic mihi essent adhuc de epidemia hac valde multis fatali commemoranda: quod ea vero potissimum tetigerim in Chronol. meâ Med. loco citato describendo febrem morbillarem apud nos anno 1699. similiter, etsi non adeo ferociter sævientem, benevolam lectorem eo ablego. Interea solum adhuc id hic adjiciens, quod epidemia isthæ malignitate parum a peste ipsa recedens tota hyeme, & vere, præcipue Majo mense, usque in Junium, qui erat amœnissimus, eatenus, in omnem ætatem, & sexum præsertim in quoad faciem ceterum sanissimos sævierit, ut tale quid nostra memoria hic Labaci adhuc nunquam fuerit observatum. Neque hoc solum hic Labaci, sed successive & per reliquam provinciam, præsertim circa Sitticium in parochia S. Viti, & circa Rudolphsbertum in parochia S. Ruperti, ubi maximam subditorum partem e medio sustulit.

Ex sexu muliebri tamen utero gerentes præ aliis impègerant, utpote communiter abortum passæ, & retractis a lochiali fluxu ad interiora exanthematibus. Idem fere puta de eis mulieribus, quibus mox in mali principio, aut sub ipsa exanthematum eruptione menstrua proruperant.

A Junio usque ad exitum Augusti erant fere omnia benigna; de variolis autem, & morbillis nec auditum quidem: e contra febres tertianæ, præsertim Octobri mense (quamvis is fuerit una cum Septembri, imo & Novembri, præter solitum amœnus) adeo contumaces, & inconstantes, ut post tertium, vel quartum paroxysmum communiter degenerarent in lentas continuas per plures hebdomadas, non obstantibus idoneis remediis, continuantes; ultimatim vero rursus in intermittentes terminatæ: quæ vero erraticæ ægros apprehendebant, serius, aut citius in quartanas mutabantur, quas tamen omnes sequenti methodo, & remediis, propterea bene annotandis, feliciter cicurabam. Primo purgabam corpus ter, quater, vel quinquies (pro ex-

gentia

gentia videlicet cacochymia, vel cachexia) communiter pridieparoxyfimi (quia ea die tolerantius se habere solent ægri) tali ptissana. ℞. fol. fen. f. st. ℥iij. salis tartari ℥ss. flor. viol. martial. passul. min. mund. an. p. i. f. per noctem infusio in loco calido in f. q. aq. agrimon. vel borrag. vel aq. com. vel etiam in jure pulli pro colatura ℥iv. Mane prævia levi ebullitione f. expressio, & potio. Vel talibus pilulis. ℞. pil. tartar. schrœd. ℥ss. extr. gentian. cent. min. an. gr. iv. resin. jalap. pin. sup. gr. v. vel viij. m. cum tinct. tart. f. pil. n. ix. intermediis diebus fiat humorum digestio, & obstructionum reseratio. ℞. Essent. absynt. agrimonia, elixir propr. parac. tinct. tartar. martis aperit spir. sal. ammon. an. ℥j. m. dosis mane & vesperi gutt. xxx. ultimatim. ℞. pulv. pattum ℥iij. conf. alkerm. ℥ij. antim. diaph. ℥iij. arcan. dupl. sal. absynt. cent. min. card. ben. animon. an. ℥ss. m. cum. conditura cort. citr. f. elect. molle. Dosis diebus apyrexias mane & a prandiis tribus horis antequam castaneæ magnitudo, superbibendo aliquid aq. card. bened. vel vini melioris: die febrili autem eadem quantitas in declinatione æstus febrilis, continuando id saltem semel de die per 4. circiter hebdomadas etiam post expugnatam febrem, cum exacta diætæ observantia.

Qua ratione autem feliciter cesserit febrium malignarum, & petechialium curatio eis rusticis, de quibus mihi ex Comitatu Cilliensi perscripserat certus amicus, quod illi sese in summo febrili æstu frigida immergere soliti sint? Ego non capio. Quod vero pedibus, & reliquo corpore tumefacti ad potum cent. min. & immersionem pedum in aquam fimi detumuerint, ejus demum ratio reddi jam potest.

Anni 1716.

A Tricennio huc recordor, nos quidem varias hyemes ob non minus copiosas nives, quam asperam auram perdifficiliter superasse, in primis hyemem anni 1709. a me in Ephem. Nat. Cur. centur. i. & 2. sub titulo: Constitutio anni 1709. descriptam; nullam tamen fere difficilior, quam cujus constitutionem nunc communico; hyemem videlicet currentis anni 1716. Ista siquidem vix aliquando, ab intercurentibus brevissimis austris aliquantum refracta nivium copia, & frigoris asperitate per totum adeo sæviarant, ut æquinoctium vernum, quod alias apud nos hyemis finis esse solet, longe excesserit, obque indefinenter furentes aquilonares ventos, indeque summa ariditate constrictam terram arbores, non nisi primo circa dimidium Maji in folia, & flores, idem puta de fatis in aristas, erumpere siverit: exemplo alias nostra memoria nunquam viso, præterquam ante annos circiter 50. quo recenset certus septuagenarius illius hyemis frigus usque ad Maji exitum adeo instillisse, ut passim necesse fuerit sese a frigoris intolerabilitate signis excalefactis fornacibus tueri. Omnes tunc, addit dictus feniculus, desperaverant de satourum fere emortuorum, & frugum vel tolerabili ubertate; interea vero tamen consecutum fuisse annum adeo fertilem, ut is raros sibi habuerit pares. Quemadmodum id ipsum inexpectata Dei benedictione factum admiramur & nos currente hoc anno.

A dimidio Maji demum prægressis pluviis tempus vernum, & successive terræ viror, efflorescentiaque, quam vernam amœnitatem continuarat & Junius, cum Julio, & Augusto mensibus, terræ frugibus vel propterea opportunis, quod fertilibus, eisque brevibus pluviis sæpius ad colonorum votum interspergerentur. Sique September jam nominatorum mensium temperiem saltem proportionate secundasset, uberiores annum optare non potuissimus. Quod hic vero per totum fuerit pluviosus & frigidus, maturandoque fagotritico, nostrorum colonorum panem quotidiano, uvisque plane importunus; factum est, quod fagotriticum vix maturatum, uvæ vero plane fere non. Unde vina non minus pauca, quam ultra modum acerba, proculdubio in futurum colicorum, & arthriticorum, nec non aliorum ab acido, & austero oriundorum, affectuum causa exitura. Arborei fructus e contra, præsertim poma, fuere copiosissima.

Sydenham opera Medica.

Veluti exhaustis demum per pluviosissimum Septembrem nubibus autumnus subsecutus fuit præter morem & expectationem acceptus, terra nivibus non nisi 11. Decembris, cum intenso tamen frigore, cooperta.

Hinc humana corpora sicut per hyemis decursum multum fuere ab omnis generis defluxionibus perpessa, ita verno tempore præsertim a pectoris affectibus; adeo ut de actu phthisicis nemo mortem evaserit: plurimi alii vero eidem obnoxii prima sibi ejusdem injecta fuisse fundamenta etiamnum deplorent. Per reliquum anni decursum vero demum fere meræ indispositiones sporadicæ.

Qualis erat, ut saltem unam vel alteram curationem pro usu medico subjungam, heruli illius, qui pridem cachecticus, & scabiosus veluti repente fuit a scabie per se liberatus, inciderat e contra in vehementes epatis puncturas, febrem acutam continuam, sitim, tussim, vigilias &c. Huic præmissis clystere fuere sanguinis ex basilica brachii dextri emissæ uncia v. Hinc pro febris sufflamine talis pulvis bis quotidie introsumendus datus. ℞. spec. de frigidis; diatrag. frig. antim. diaph. ocul. 69. ana gr. v. nitr. perl. iij. m. f. pulv. Et ab extra præmissa unctione ung. de alth. anodyn. & ol. viol. iterato superpositum tale cataplasma. ℞. Herb. malv. althæ. melil. flor. ros. rub. ana mj. herb. hyosc. m. ss. farin. sem. lin. sænugr. ana ℥j. m. dentur minut. concisa pro sacculo in lacte decoquendo. Et intra novem dies, obortis interea sæpius sudoribus, habuimus levamen desideratissimum; adeo ut aliis ulterius non indigerimus, quam corporis expurgatione, & quibusdam levibus bechicis.

Item certæ Comitissæ dysuria cum intolerabili regionis vesicæ sive a simplici urinæ acrimonia, sive a viscositatibus (de arena siquidem nihil fuit animadvertum) oriundo dolore: quæ tamen intra 12. horas cesserat (frustra prius applicatis quatuor clysteribus, tot unctionibus, & cataplasmatibus ex parietaria &c. combinatis) ad ab extra applicatam dolenti regioni theriacam ol. scorpion. Matth. perspersam; & ad introsumptam ex vino ℥j. radicis parreiræ bravæ ante biennium per Germaniam a D. Lochnero, Illust. nostræ Academiæ directore, divulgatam. Post trium circiter hebdomadarum intervallum in idem malum reciderat eadem Comitissa cum urinæ cruentæ excretionem, & eadem ipsa remedia experta fuit sibi fuisse sicut prius, maxime proficua. Suavissime siquidem urinam promovet laudata radix quomodocunque introsumpta, per se, vel cum aliquot granis salis genistæ, & ejus acrimoniam cum admiratione temperat. Quemadmodum id expertus fui quoque in metipso, & primo his diebus apud nephriticis doloribus detentum Jesuitam.

Et denique, ut alias præteream, arthritidis illa, quam vehementem patiebatur certâ piella, intra paucos dies his solis liberata: primo purgabatur hoc bolo specifico, & propterea mihi in arthritide familiari. ℞. elect. caryocost. ℥iij. spec. diatereb. myns. ℥j. m. cum sacch. f. bolus. Hinc ex ischiatica pedis emiserat unc. v. sanguinis, & sudabat quotidie ad hunc pulverem itidem specificum. ℞. Pulv. march. off. microcos. phil. præpar. antimon. diaphoret. ana ℥ss. cinab. nat. præpar. gr. iij. m. f. pulv. qui mane sumatur ex decocto theæ cum decocto ligni sassafr. visc. querc. & rad. liquir. jacto, vesperi vero ex aqua beton. Et convalescerat intra dies duodecim.

His ipsissimis remediis recordor me pluries curasse quoque dolorosissimas ischiaticas, solis adhuc subinde in subsidium vocatis cataplasmatibus, seu fomentis anodynis. E cura compendiosa, commoda, & tamen, si continuantur, magis, quam quis sibi persuadere possit, efficax.

Anni 1717.

QUantum ad annorum salubritatem, & humanorum corporum valetudinem conferar regulata suis temporibus proportionata aeris temperies, jam toties a nobis dictum est, præsertim in chronol. nostra med. Id quod equidem etiam manifeste comprobavit ad finem decurrens annus 1717. Is siquidem, quod hyeme fuerit competenter frigidus, præterquam circa

Februarii dimidium, quo frigore eatenus exhorrescebat, ut inde vel arbores ipsæ fuerint notabile damnum perpessæ, præsertim molliores, quales sunt persicæ; vere temperatus: æstate saltem Junio, & Julio mensibus æstuosus; quamvis, quantum publica nova peregre retulerant, alibi insolenter tempestuosus: autumnus fere veris instar amœnus, humana corpora per totum adeo bene valere, ut Medicis fere nullum negotium facerent, nisi circa sporadice patientes. Unicum occurrit, quod videbatur quibuscumque quid ex aere forte ab astris taliter infecto suam originem traxisse, epileptica nimirum convulsiones, quæ Septembri mense intra eclipsim lunarem, & solarem plures homines unis iisdemque diebus præter omnem expectationem adortæ fuerant, Duorum talium cura mihi obtigerat; tertii alteri meo collegæ. Duo mei ope divina fuere feliciter ad sanitatem perducti; tertius ille, qui puella septennis erat, e medio sublatus. Duo illi mei non nisi primo exacto integro riduo aliquantum ad se redire & titubanter fere incipere fuere observati: tertiam illam autem, uti dixi, quarta morbi die succumbere oportuit; num tamen revera, uti multis credebatur, ad eorum internecionem quid contulerint memoratæ eclipses? Astronomiæ cultores certius dijudicare noverint. Interea mihi remedia, quæ meos duos pristinae valetudini restituisse videbantur, breviter specificare lubet, forte in simili casu quoque aliis servitura. Primum autem, a quo curam aspiciendam esse judicaveram, erat applicatio ex acrioribus, specificisque confecti clysteris. Secundum, & priusquam clyster præpararetur, cochleatim propinandum mixtura hæc antiepileptica: ℞. Aq. hircund. comp. cum castor. epilepticæ Langii, ceras. nigr. flor. uliæ an. ℥ss. liquor. cc. succin. ℥j. essent. anodyn. gr. IX. m. f. potio. Tertium & seqq. frictiones crurum deorsum versus, perunctio verticis ungu. alabastrino cum ol. rutæ, cran. hum. & succin. commisto. Sextum columbarum, & pullorum vivorum recens per dimidium discerptorum vertici raso iterata applicatio, 7mum naribus ☉ volaril. succini admotio, nec non pulv. sternutatorii per penam in nares inflatio, successive vero, & postquam ægri jam nonnihil sese recollegerant, faciliusque quid introsumere poterant, pulvis march. spec. diacinnab. myns. & ☉ volat. succini. Ultimum etiam corporis expurgatio. Quæ singula quidem etiam sæpius iterare oportuerat, quin & alteri eorum, quæ puella 17. annorum erat, & mensuris deficiebat, venam in talo secare, priusquam plene convalescerent.

Puella illa septennis a 4. hebdomadis prius febricitans, erat post mortem cultro anatomico subjecta, & deprehensum, quod ejus cerebrum quoad piam matrem fuerit undique multa viscositate obductum, quoad ventriculos autem plurimo, coque procul dubio acri sero, seu lymphâ repletum; unde vellicatum nervorum principium conjecturabatur convulsionum illarum immediata extitisse causa, meatuum cerebri a sero illo inundatio autem mortis ipsius. Prouti ea de re perspicaciter D. Anton. Pacchionus Regiensis Medicus Romanus in *Epist. de glandulis conglobatis duræ Meningis* ad Magnif. D. D. Lucam Sdhroeckium data in *Ephem. Nat. Curios. Dec. 4. An. I. & II. App.*

Hinc mihi, uti reor, non vane persuadebam quodque meos duos ægrotos ex simillima causa idem ipsum malum primitus contraxisse. Primus siquidem, qui vir obesus erat valde, bibulus, & pridem quoad memoriam defectuosus, ad fauces tantas a capite defluxiones patiebatur, ut nisi ei injectionibus per os (postquam is jam aliquantulum sese recollegerat, & os aperire poterat) tempestive succursus fuisset, ei infallibiliter vel ex solo hoc accidente intereundum fuisset. Adhærebant siquidem frustatim utrinque circa uvulam & fauces ab aere, qui ob obstructas nares inspirando saltem per os attrahebatur, indurata phlegmata nonnisi dictis injectionibus, & gargarismis inde avellenda. Frequenter etiam simillima sputa ejiciebat. In puella quidem ista causa sese non adeo clare manifestabat; conquerebatur tamen, postquam ad se redierat, de gravitate quadam oculorum, obruratione aurium, & narium, ac si eo ipsi aliquid decessisset, qui oculi etiam ipsi diu postea debiles, & vacillantes, præque fibrarum muscularium a sero relaxa-

tione veluti confluentes permanerant. Communiter forte & apud alios similibus convulsionum causa est similis cerebri a nimia, eaque acri lymphâ inundatio, & propterea ei revellendæ, & discutiendæ nihil æque prodesse solet, quam tempestive nuchæ, brachii, cruribusque, vel ipsi etiam raso vertici adhibita vesicantia, quæ causa forte etiam Florentinis est, quod infantibus suis vix natis, ut eos ab epilepticiis insultibus, quibus illi endemice obnoxii esse solent, præservent, nucham actuali igne adurant.

Recordor etiam in aula Averspergica ante annos ex epilepsia defunctum infantem, & postea anatomico cultro in mea præsentia subjectum cerebrum simillime habuisse constitutum.

Reliquos affectus, qui mihi alias per anni decursum occurrebant curandi, tractabam feliciter methodo, & remediis in Chronolog. mea medica notatis: puta febres, arthritides, colicas, hæmoptyses &c. Rarius tamen quid observaveram in duobus subjectis circa pulsum: nimirum quod unus eorum melancholico-hypochondriacus qui sanus communiter habuerit pulsum adeo tardum, ut priusquam subsequens pulsus consequeretur antecedentem, facile apud alium sanum tres pulsationes præterierint: qui tamen postquam elapso Augusto in febrem malignam incidisset, pulsum habuit adeo frequentem, & per omnes vitiosas differentias varium, ut talem nunquam observaverim. Propterea innox adhuc in principio morbi malum morbi exitum prædixeram. Tam notabiles siquidem naturæ a connaturali statu recessus non possunt, nisi pessima quæque ominari. Vir alias erat robustus, & in actionibus suis accuratus, sed tardissimus, sæpius vertiginosus, & subinde leviter insultibus epilepticis obnoxius.

Alter vero similiter robustus cum in febrem similem incidisset, in decimum usque diem pulsum, & urinam præ se tulerat adeo ordinatum, & naturalem, ut nisi contrarium fuisset pessima quæque, quibus una detinebatur, symptomata, virium nimirum ingens prostratio, linguæ ariditas, inquietus somnus, delirium, tendinum subsultationes &c. eum quis nullatenus febricitasse, neque singulari periculo fuisse subjectum credidisset: qui 13. morbi die supervenientibus convulsionibus tamen succubuit.

Adeo parum subinde fidere licet etiam optimo pulsi, & urinae, nisi reliqua ei bonitate respondeant, parum etiam de præsentia, vel absentia febris edicere; quantumcunque febrium præsentia vulgo communiter arguatur vel ex sola pulsus frequentia, & inæqualitate; ubi vero hæc duo non animadvertuntur, ibi hoc ipso non censeatur adesse febris.

Constitutio Epidemica Ferrariensis Anni 1715.

Dn. D. JOSEPHI LANZONI.

Postquam annis proxime elapsis lues pessima boves miserabiliter invasit, atque copiosissimi imbres tellurem inquinaverunt nostram, totumque agrum Ferrariensem stagnantibus aquis pessime viciatum vidimus, ita ut semina futuræ messis pro majori parte deperdita fuerint, unde caritas, ac inopia anni 1715. surrexit, facta est etiam sanitatis jactura.

Martio mense vix inchoato, magnus bufonum & ranarum numerus observatus est, & crescente vere innumerabilis culicum, vermium, serpentum, muscarum, papilionum, locustarum, erucarum, aliorumque insectorum copia super terræ faciem apparuit, & liberum aeris campum occupavit, ex quo nonnulli multas ægrotudines in humano genere prædixerunt. Verno etiam tempore adhuc currente maximi solis æstus in Maji fine corpora nostra vexarunt, mox aura nebulosa & humida, dolorum dentium, capitis, & rheumæ pars surrexit, quæ tamen brevi in multam eam mutata serenitatem. Accessit Junius, & summis caloribus corpora nostra affecit; hinc exordium habuere febres quædam, quæ prima facie tertianæ simplicis notam præferebant, mox duplicatæ pertinaciter utrumque sexum omnesque ætates invadebant; primo enim rigor incipiebat, qui ad plures horas durabat, vomitus amarum succi aderat, cardialgia, dolor capitis, & eximia succedebat sitis; in mul-

tis tormina, & ventris fluxus, in aliis summa alvi stypticitas, inappetentia in omnibus, ac vigiliæ aderant. In tali, ac tanto autem numero febres istæ invadebant, ut nulla Religioforum tam marium, quam fœminarum Monasteria, nullus denique in urbe locus fuerit ab hoc febrili incendio immunis. Miserandum erat videre unum vix in domo ægroiare, dein paucos post dies totam febricitare familiam; sic cœnobîa, xenodochia videbantur, & rura repleta febricitantibus, in timidis nonnullis ac effeminatis contagionis timorem crearunt, ægotantes crescebant in dies, & sine salute primorum, numerum augebant secundi, ut vix sufficerent Medici ad tantas ægrotorum visitationes; dies enim licet æstivus ad tale ministerium brevis erat. In curatione talium febrium primo lenitiva proponebantur ad educendas pravas materias in primis viis hærentes, & hoc die par, & vacua fiebat; elapsa autem impari, in qua febris redibat, venæ sectio celebrabatur; sed hic notavi, die talis remedii, quo febris, quia tertiana, abesse debuerat, accessionem reduplicatam, & ex simplici, duplicem factam fuisse, & continuam, sicque majus minari periculum; qua experientia edoctus, imposterum nunquam in talibus curandis febribus venam secari jussi, sed ubi opus erat, cucurbitulas scarificatas tantummodo applicari mandavi; alterantia, cordialia, clysteria, narcotica, diuretica, & sudorifica incassum semper fuere administrata; imo summum illud remedium nempe cortex chinæ chinæ, per plures dies exhibitum, parum aut nihil præstabat auxilii; sive cum vino generoso, sive in bolo cum syr. absynt. confecto in decoctione, tinctura, extracto, syrupis, in rotulis, aliisque modis exhiberetur. Medicorum aliqui istum pulverem cum rhabbarbo, zedoaria, gentiana & centauro min. mixtum dederunt, alique pulverem corticum fraxini, & corticum aurantiorum, baccarum juniperi similiter experti sunt. Si in aliquibus cessabat febris, brevi redibat, ac ter & quater recidivam patiebantur ægotantes. Ego & uxor mea dilectissima, sub Augusti finem ab hac febre correpti, usque ad Novembr. ea laboravimus. Sic inter alios sub festo Paschatis Clariss. Dn. Hieronymus Baruffaldos Philosophiæ Doctor Excellentiss. atque amicus meus suavissimus, pertinacissimam hanc febrem, pravis stipatam symptomatibus, usque ad æquinoctium autumnale fuit passus; ego optima instituta victus ratione, & ad plures dies assumpto vino generoso, in quo chinachinæ infusa fuerat, tandem convalui; uxor vero mea, quia purgata, & aliis pharmaceuticis remediis usa est, sanguine etiam e vena pedis emisso ad febrem cicurandam, semper in pejus ruebat, & majores patiebatur febriles insultus. Modo quartanæ duplices apparebant, modo simplices, hinc tertianæ redibant, inde duplices fiebant, iterum quartana, imo in aliquibus de septima in septimam diem revertiebantur febres, pertinacem, & malignam semper servando naturam. Observatum est, nonnullos aerem mutavisse, aliaque loca petiisse, ibique morantes sanitatem recuperasse. Reversi vero Ferrariam, illico a nova febre vexati sunt.

Pauca fuere funera, sed longissimæ convalescentiæ, hinc in multis obstructions obortæ, in aliis crurum, & pedum intumescencia; in aliquibus icteritia, surditas, tremor, ac scabies, signa erant infirmitatis elapsæ. Notatum fuit in pejus semper ruere ægrotos, atque recidivare faciliter, spirante euro, qui ventus pertinaciter ad plures dies perseverabat. Causam inquirentes nonnulli, nimium sideribus tribuentes, putaverunt, stellarum influxum malignum, primo boves, inde homines affecisse. Alii calorem æstatis nimis intensum longum, atque molestum accusabant, quatenus extenuando corpora, & humores fundendo, nec non ipsos spiritus dissipando, hujusce naturæ febres excitaret. Multi in vino causam horum morborum latitare autumabant, eo quia anno elapso 1714. ob cœli inclementiam ex uvis sere immaturis vinum aciditate abundans confectum fuerit, quod assumptum crassum humorum, ac fermentorum vitando tales febres excitaret. Non pauci cadavera boum, lue pessima anno elapso denatorum, & hinc inde passim sepulta, causam istarum calamitatum agnovere: dicebant enim, particulas nobis infensas, ac mortiferas cadaverum

corruptione elevatas atque per porositates terræ ad aerem inquinandum sublevatas infectionem in humoribus nostris peperisse. Nec defuerunt, qui nimis creduli hanc pessimam constitutionem a fascino & maleficarum artibus diabolice provenire crediderunt. Aliqui; cum quibus ego facio, cogitaverunt causam harum febrium internam fuisse humores viscidos atque tenaces, concoctu difficiles ac vix separabiles, nec sine longo tempore consumi aptos; externam autem causam in vitio terræ constitutam esse, cum enim annis elapsis, ex copiosis imbribus, & fluminum diluvie, tota facies nostræ telluris tecta apparuerit, & per consequens viscera ejus coinquinata a stagnantibus aquis fuissent, unde infectæ ex pravis humoribus herbæ pascua nociva exhibuerint. Ex hoc morbi animalium, arborum multarum obitus, rubigo segetum orta, particulae enim nitrosulphureæ assidue elevabantur, & fructus adhuc tenellos & uvas nondum maturas adurendo, spem colligendi alimentata furabantur; quin puteorum nostrorum aquæ, quibus juscula, pultes &c. conficiuntur, particulis istis imbutæ, vitium cum alimento præstabant. Qui exactam vivendi normam observant, sæpe pejus vexabantur, quam illi, qui diætæ regulas aspernati, omnis generis cibaria pro libitu ac voluntate assumebant. Aliqui intemperantes, ante accessionem largam vini generosi quantitatem potabant, ac inde se ad somnum & sudorem componebant, & nonnulli tali modo sanitati sunt restituti. Alii omnimode se abdicarunt a vino, absque ullo fructu: febres enim pari pertinacia procedebant, atque diætam, quantumvis regulis propriis exercitiam, eludebant. Ad effugiendam pessimam hanc constitutionem ad rura ibant non pauci, verum quia agri nobis vicini, eadem valetudine afficiebantur, parum utilitatis experti sunt. Qui vero extra nostra confinia proficiscebantur, atque vel Bononiam, Mantuam, Patavium, Veronam, Venetias, atque Romandiolæ urbes pergebant, ii sanitatem facile recuperabant. Non minus accidit nonnullis, qui tædio affecti ad exterarum urbem se contulerunt adhuc febricitantes, ut absque alio remedio pristinam recuperaverint sanitatem, & bene valentes in patriam redierint. In puellis passim observabatur in præsentî constitutione magna lumbricorum copia; per vomitum enim & per secessum vermes in febrium exordio prodibant, & multi pueri ex hac peste denati sunt. Hystericas insuper affectiones in fœminis, talibus febribus conjunctas præter modum notavi, earumque insultus fortiores, atque frequentiores maxime in febris principio, & augmento. Fructus pene omnes verminosi, ac ingrati saporis, ita ut bonæ substantiæ fuerint illi soli, qui ab exteris ad nos mittebantur, & præsertim illi optimi succi erant, qui a Patavinis montibus veniebant. Postremo tandem observavi per publicas nostras vias, per vicus, & plateas, si quid aquæ, aut alterius humiditatis, ad paucos dies permaneret, viridem colorem, ac fœtorem emittere, quod non tam facile annis transactis eveniebat. Faxit Deus, ut hæc terminante anno 1715. finem habeant, atque meliorem anni venturi 1716. constitutionem possimus sani describere.

Annorum 1716. & 1717.

FRigus hyemale quod 1715. mense Decembri incœpit, anno etiam 1716. usque ad mensem Martii perduravit; multæ nives, cum ventis borealibus super faciem terræ glaciem ad multas hebdomadas conservarunt, & licet remissum sub Martii finem videretur frigus, attamen recruduit mense Aprili, & usque ad Majum non cessavit. Itaque hoc durante frigore, gravedines multæ, ac pleuritides observatæ sunt; quinimo oculorum inflammationes passim obortæ & pertinaces adeo extiterunt, ut nonnullæ ad mensem usque protractæ, patientes vexarint. Ver accessit, & imbres frequentes tellurem infestabant nostram, flumina augebant, & segetes nimio madore irrigabant; si vero mutatis ventis serenitas apparebat, vix sol igne suo terram fovebat, statim elevatis aqueis vaporibus nebulae densissimæ obortæ sunt, hinc natæ in hominibus surditates, apostemata, & vagi dolores cum flatibus. Æstas calidissima incunte Junio

Junio derepente invaluit, unde multæ tertianæ febres, tam simplices, quam duplices obortæ sunt, cum nausea, vomitu materiæ amaricantis, capitis dolore, ac immodica siti, quin imo nonnullos tertiana perniciofa vexavit, quæ omnes ope chinæ sanatae sunt, prius tamen leviter alvo exonerata. In autumnii primordiis pluvia multa, qua cessante, serenitas usque ad Kalendas Decembris continuavit, ita ut semina terræ bono omine tradita, & magna uvarum copia feliciter collecta, vinaque optima reposita fuerint. Hoc autem tempore, salubritas aeris, corporibus humanis bonam valetudinem impertita est, ita ut præter aliquas leves quartanas, & placidas erraticas febres, nil aliud mali quoad salutem Ferrariensibus acciderit; solummodo notatu dignum fuit, autumnii tempore, multas gravidas abortum passas fuisse sine ulla causa manifesta. December sanus exiit.

Terminato Decembri, mensis Januarius ingreditur anni 1717. & frigus primo remissum apparuit; ast die hujus mensis undecima, aura septentrionalis rigida advenit, & tam fortiter agitavit auras, ut quædam arbores, quidam muri ab ejus impetu, erutæ, ac collapsi ruerint. Quatuor dierum spatio borealis hic ventus dominatus fuit, quo cessante illico magna nivis copia descendit, inde frigida serenitate favente, usque ad secundum anni mensem nives perduraverunt, mox aura dulciori reddita, dissolutisque nivibus, sub finem Februarii frigoris sævities evanuit. Hoc vero tempore, anginae multæ, coxici dolores, ac febres catarrhales ubique debaccharunt, imo epidemia in infantibus tali hyeme incepit variolarum, quæ postea toto anno 1717. miserrime perseverans puerorum stragem multiplicavit, & quod notabile fuit, hujus anni hyems, quoad morbos, plus juvenes, quam senes affecit; horum enim vix unum aut alterum curandum habui. Ineunte vere multæ nebulae densiores observabantur, quæ tandem in pluvias terminabant. Sequebatur, imo semper major fiebat epidemia variolarum in puellis, ac nonnullæ malignæ febres obortæ sunt, quæ in principio leves apparebant, progressu tamen temporis funestæ, ac mortales manifestabantur, ex quibus febribus quatuor nostri medicinæ Doctores, præter alios denati sunt, primus Dn. Andreas Zuffi, alter Dn. Joseph Vaccarius, juvenis optimæ spei, tertius Dn. Cæsar Lollius discipulus meus, & quartus tandem Dn. Franciscus Salmius, ætatis annor. 56. compater meus honoratissimus, & omni scientiarum genere instructus. Partus difficiles multi, & multæ pariter icteritiæ. Accessit æstas, cujus mensibus magna siccitas, & austrini venti calorem augebant; sequebantur malignæ febres, atque nonnullos vexabant tertianæ duplices melioris notæ, cum vomitibus in principio accessio- nis, ac dolore capitis sævo, qui non nisi declinante febre mitescebat. Mense Augusti nonnullæ occurrunt dysenteriae, quæ tamen Deo adjuvante sanatae omnes fuere. Erat miserandum cernere quotidie infantum cadavera variolis enecata ad tumulum deferri. In principio Septembris cælum mutavit faciem, & calore remisso, aquas dedit salutare ad terram irrigandam, sic maligna febrium constitutio mitigata fuit, & tantummodo subortæ vertigines, tussés, ac gravedines. Increcente autumnio iterum serenitas rediit, atque aureis solis radiis toto Octobris mense gavisus sumus. Cereris, Bacchi, ac Pomonæ dona

hoc anno non modica fuere collecta, & valetudines paucæ homines male habuerunt; non ita tamen in bobus, ac suisbus accidit: in illa quippe animalia mors falcem immisit; unde timor colonos invasit, ne epidemica lues in bovino genere anni 1713. resurgeret, & lacrymas iterum excitaret.

Cæterum præter dictas febres, & magnam variolarum copiam cum lumbricis in puellis, annus 1717. salubris dici potuit, nullæ enim apoplexiæ, paucæ quartanæ, in minima copia scabies, ac articularum dolores. Mense Decembri hyems apparuit, sed parum ab autumnio differebat, frigus etiam tolerabile, ac mi- te observabatur. Quod vero notabile fuit hoc anno, extitit ventorum frequens copia, unde pericula multa, imo naufragia in mari Adriatico ad nostra ora, & Pado, aliisque nostris fluminibus acciderunt, sub- versis enim navigiis merces non tantum, sed homi- nes etiam miserabiliter deperditi fuere. Æstivo tem- pore magna infectorum copia segetes infestabat, ac hominibus ruri præsertim degentibus molestiam infere- bat. Arthriticus annus præsens modice infestavit, & leviter tantum tacti, cito ad consueta exercenda mu- nia redibant. Ardente sirio multi canes in rabiem perciti fuere, quod aliis annis mitius venire obser- vatum fuit. Parturientibus, ac puerperis Lucina fa- vit, ita ut vix una puerperii vel partus tempore obie- rit; hystericas affectiones, ut plurimum mites, & ma- gis in juvenibus, quam senibus tussés, & gravedines in autumnii principio, hypochondriacis, ac melancho- licis præsens annus nec fuit, nec nocuit; eorum enim ordo parum consilia Medicorum imploravit, unus- que ex illis tantummodo gradum fecit ad maniam; nonnullæ observatae fuerunt icteritiæ flavæ, absque præviis morbis, vel doloribus ortæ, quæ tamen adeo leves fuerunt, ut absque læsione actionum non so- lum apparuerint, verum sine ullo prorsus remedio evanuerint sponte; istæ autem potius in juvenibus, quam in senibus observatae sunt. Lue venerea affectos pessime vexatos vidimus, & multos ex hac peste mor- tuos, licet multa tentaverint remedia, & ad usum ipsis mercurii desperati confugerint; sic postremo An- dreas Pareschius Ferrarien. gallica lue affectus post decocta salsaparil. Ligni Guajac. & sudoribus tenta- tis, tandem ad mercurialem unctionem desperatus ad- venit, qua admissa gingivæ, linguæ, aliarumque oris partium gangrena suborta miserabile veneris sectato- ribus exemplum, ultimam clausit diem; in Sancti- monialibus paucissimi morbi, & Regularium Reli- giosorum sacerdotum nonnulla tantum funera; no- sterque Antistes Cardinalis de Verme ætatis ann. 77. febrî maligna correptus sancte obdormivit in Domi- no, in cujus cadavere reperta sunt pene omnia vi- scera sana. In aliquibus nostri suburbii locis nonnul- læ febres malignæ peticulares, & contagiosæ natu- ræ, uno enim ægrotante, brevi temporis intervallo tota simul ægrotavit familia; hæc tamen influentia trium tantummodo mensium spatio perduravit: acce- dente enim autumnio omnino evanuit. Impetigines multæ in fine Novembris adultos affecerunt, quæ us- que ad anni finem pertinaciter duravere. In princi- pio Decembris ophthalmiæ multæ, pertinaces tam in maribus, quam in fœminis. Observavi tandem in multis pauperibus sola diætâ multas febres sanatas, sicque cum Jo. Damasceno in ultimo aphorismo con- cludendum, *Dieteticam medicinam præstantiorem esse pharmaceuticâ, & chirurgicâ.*

ELENCHUS RERUM OBSERVATIONUM.

SECTIO PRIMA.

CAPUT I.

De Morbis Acutis in genere.

Morbus naturæ conamen in ægri salutem, pag. 2. Morbi partim ab aere, partim a varia fermentatione, & humorum putrefactione, ibid. Pests & arthritidis naturæ medicatricis instrumenta, ibid. Ratio morborum acutorum, p. 2. Febres intermittentes acutis, licet minus proprie, accensendæ, ibid. Chronicorum ratio, p. 1. Acuti ab aeris alteratione impressi epidemici dicuntur, ibid. Acuti a particulari corporum *dispositione*, quovis cujuslibet anni tempore invadentes, intercurrentes seu sporadici dici possunt, p. 2.

CAPUT II.

De Morbis Epidemicis.

Epidemicos, tum a propriis quibusdam symptomatibus, tum a medendi ratione dispari, differre ab invicem constat, p. 2. Februm continuarum epidemiarum diversæ species, diversa omnino methodo sunt curandæ, ibid. Febres stationariæ ab occulta alteratione in terræ visceribus aerem contaminante pendere videntur, ibid. Stationariæ dicuntur, quæ generalem anni constitutionem sequuntur, neque extra illam comparent, ibid. Intercurrentes quæ omnibus annis competunt, ibid. Sensibiles aeris qualitates ad has producendas facere possunt, non ad illas, ibid. Unde epidemicorum alii regulares, ibid. Alii anomali, ibid. Epidemici vel sunt vernaes, vel autumnales, ibid. Vernalium alii circa æquinoctium vernum ad statum perveniunt, circa solstitium æstivum evanescent; alii æquinoctium autumnale, brumaleque solstitium præstolantur, ibid. Cholera morbus per unum mensem, dysenteria, febres quartanæ, & tertianæ autumnales, vix ultra duos epidemice grassantur, p. 3. Intermittentes autumnales aliquandiu sub continuarum specie nonnunquam latent, ibid. Epidemici prædominantis generis *æstivi* omnes se accommodant, ibid. Quo ab hyemis frigore presso, inferioris ordinis epidemici se efferunt, ibid. Diversarum februm rationes a causa morbifica in humano corpore aggesta perperam deducuntur, ibid. In novis febribus ad magna remedia tardius procedendum; Indicationem a lædentibus & juvantibus præsertim esse sumendam, p. 4.

CAPUT III.

Constitutio Epidemica annorum 1661. 62. 63. 64. Londini.

Tertianæ hujus constitutionis ab intermittentibus tertianis aliis differentia, p. 4. Febris continua hæc intermittentium quasi compendium, ibid. Unica hæc fuit febris continuæ species ab an. 61. ad an. 65. ibid. Quo ordine morbi epidemici hanc constitutionem pervadebant, & semutuo excipiebant, ibid. Febris continua hujus constitutionis aliarum omnium præcipua videtur, ibid. Cæteris etiam frequentior, ibid. Symptomata ejus magis peculiariora, ibid.

CAPUT IV.

Febris Continua hujus Constitutionis.

Fermentationis atque ebullitionis vocabula minus proprie in februm negotio usurpantur, p. 4. In quibus differt sanguinis ebullitio a liquorum vinosorum fermentatione, ibid. Febrilis sanguinis commotio vel ad materiæ heterogenæ secretionem dirigitur, vel ad immutandam sanguinis diathesin, p. 5. In utroque casu id maxime indicatur, ut sanguis intra modum naturæ proposito congruentem continuatur, ibid. Quibus nocet venæ sectio, ibid. Quibus eadem prodest, ibid. Quibus emeticum est propinandum, quibus ab eo abstinendum, ibid. Id si prætermisum fuerit, ubi indicabatur, diarrhoea insequitur, ibid. At non semper in febribus malignis, ibid. In quo consistit hujus diarrhoeæ periculum, ibid. Et ab exhibitio emetico, non vero ab astringentibus statim sistitur, p. 5. 6. Emetica antimonialia periculosa nisi copiose diluantur, p. 6. Ubi indicatur utrumque, venæ sectio vomitorium debet præcedere, ibid. Emeticum in morbi initio propinan-

dum, vel quovis morbi tempore, modo vires ferant, ibid. Periculum a vomitione cohibita, emetico prius non propinato, ibid. Post emeticum haustus paregoricus hora somni exhibendus, ibid. Nonnunquam etiam diascordii dosis satis larga præscribenda est, vomitoria ex infusione croci metallorum nullis infra adolescentiam constitutis tuto exhibentur, ibid. Sanguinis æstus in nonnullis venæ sectione repetita, in aliis clystere alternis diebus injecto frænandus, ibid. Plura de usu enematum, ibid. Cardiaca quibus conferunt, & quo morbi tempore exhibenda, p. 7. Materiæ febrilis concoctio nihil est aliud quam peccantis materiæ a sana separatio, ibid. Despumatio circa diem 14. peragitur, ibid. Refrigerantia post diem 14. exhibitæ morbum protrahunt, ibid. Cardiaca moderatiora in morbi principio, calidiora in progressu adhibenda, ibid. Formulæ cardiacorum, ibid. Si fermentatio recte procedat, nullis omnino remediis est opus, ibid. Circa diem 15. potio purgans sumenda est, ne scilicet sedimentum a fermentatione hic illic depositum in sanguinem remigrans recidivam conciliet, p. 8. Quare purgatio non ita necessaria est post febres, aliosque etiam morbos vernaes, atque post autumnales, ibid. Purgationis omissio post morbos autumnales, plurium morborum fons, ibid. Catharsis ad diem decimum septimum quandoque est differenda, ibid. Diæta & regimen convalescentium, ibid. Vinum Maloganum annosum vel aliud e generosis senibus in morbi fine confert ad phlegma viscosum expectorandum, ibid. Errores medentium quandoque in morbi malignitatem, & scorbutum solent transferri, ibid. Non tamen negatur febres alias malignas esse, alias cum scorbutum complicari, ibid. Refrigerantia & enemata serius exhibitæ materiæ morbificæ despumationem, maxime in grandævus, retardant, ibid. Adolescentulorum juxta cubantium calor his præcæteris omnibus prodest. Cujus ratio redditur, ibid. Symptomata quædam hujus febris propriam sibi curam postulant, ibid. Phrenitis & vigiliæ quo pacto tractandæ, ibid. Narcotica vigente febre non profunt, at in morbi declinatione præclaros effectus edunt, p. 9. Ejus reiratio redditur, ibid. Ante diem duodecimum, vel etiam decimum quartum, non sunt exhibenda, ibid. Ager, si commodè fieri possit, prius est purgandus, ibid. Vigiliæ post febrem quomodo consopienda, ibid. Oleum Amygdal. dulcium in tussi reliquis anteferendum, parce, at frequenter sumendum est, ibid. Narium hæmorrhagia huic febrī symptomatice ut curanda sit, ibid. Ea nonnunquam permittenda, utpote qua morbus critice aliquando solvitur, ibid. Post hæmorrhagiam immodicam quamlibet purgandus est æger, ne recidivam patiatur, ibid. Singultus, senibus maxime accidens post copiosas evacuationes, sæpe mortis est prænuncius, ibid. diascordii dosis liberalior specificis omnibus in eo sedando præfertur, p. 10. Diarrhoea, ob vomitorii in principio exhibendi omissionem oborta, emetico sistenda est. Si ea exhibitio emetico nihilominus supervenerit, enema astringens injiciendum, ibid. Ad genuinam sanguinis depurationem duplex secretio requiritur, & quæ per facies fit, & quæ per flores, ibid. Hæc sensum & paulo pleniori *διάρροια* potius quam sudore manifesto peragitur ut plurimum, ibid. Separatione hac per flores jam facta, minus periculosa est diarrhoea, ibid. Passionis illiacæ causa duplex, obstructio & irritatio, ibid. Quo pacto ea producitur, ibid. Argenti vivi & globulorum usus in ileo parum conducunt, noxam sæpe inferunt, ibid. Methodus qua ileus curandus est, ibid. Ventriculus prius est roborandus, quam ingeratur catharticum, alias emeticum evadet, ibid. Diæta & regimen hoc morbo laborantis, ibid. Et ab eo jam convalescentis, ibid.

CAPUT V.

Febres Intermittentes.

In februm intermittentium paroxysmis tria tempora spectanda sunt, exhorrescentiæ, ebullitionis, despumationis, p. 11. Ratio harum omnium redditur, ibid. Qui in febris paroxysmo pereunt exhorrescentiæ tempore fato funguntur, ibid. Unde est, quod redeunt paroxysmi, ibid. Paroxysmorum descriptio, ibid. Paroxysmorum reduplicatio vel a materiæ febrilis excessu atque activitate, vel a prostratis ægri viribus producitur: in hoc casu paroxysmus adventitius primum insequitur, in illo eum antevertit, ibid. Utriusque ratio indicatur, ibid. Febres intermittentes vernaes sunt, vel autumnales, ibid. Quæ quidem essentialiter distinguuntur, p. 12. Vernaes omnes vel quotidianæ sunt, vel tertianæ, ibid. Quare paucae febres continuæ vere occurrant, nisi in constitutione epidemica, ibid. Intermittentes vernaes rarissime diuturnæ, semper vero salutares, ibid. Tertianæ vernaes a phlebotomia & catharsi indebitate ce-

te celebratis, protrahuntur, ibid. Agrorum ab his convalescentium nonnulli in animam incidunt, ibid. Tertia autumnalis epidemica haud semper vacat periculo, ibid. Quartana autumnales natu grandiores quandoque jugulant, ibid. Juniores non nisi appetente solstitio brumali, frequentius etiam aequinoctio verno, ab iis liberantur, ibid. Qui semel quartana laboravit, haud diu ab ea secunda vice multabitur, ibid. Intermittentes vernaes suo arbitrio possint permitti, cum neminem jugulent, ibid. Curantur nunc emetico, ibid. Nunc diaphoreticis, nunc etiam enematis, ibid. Phlebotomia manu liberaliori celebrata diuturnas eas reddit, ibid. Intermittentes autumnales haud ita facile submoventur, ibid. Earum paroxysmi plerunque una eademque diei hora variis aëris contingunt, pag. 13. Harum typus, præcipue epidemiarum primis invasionis diebus difficulter distinguitur, ibid. Quartana genuina autumnis soboles, ibid. Quotidianam hac tempestate nullam observavi unquam, ibid. Intermittentes autumnales oriuntur a sanguine in decidentia statu constituto, & proinde impressioni morbifica magis obnoxia, ibid. In febribus autumnalibus tam continuis quam intermittentibus, fermentatio, naturæ ductu, spacio horarum 336. aut circiter peragitur, ibid. Excipiuntur tamen istæ febres, quæ a levi aliqua offensa ex fex rerum non naturalium abusu ortum ducunt, ibid. Adolescentulorum item febres & eorum, qui sanguine spirituosio sunt præditi, ibid. Quæ ad fermentationem requirantur, ibid. Febres intermittentes æque ac continuæ iis sunt curandæ, quæ ad despumationis opus perficiendum adhibentur, ibid. Catharsis (nisi modo infra dicendo instituta) præsertim vero phlebotomia in intermittentibus autumnalibus ubique nocent, p. 14. Intermittentium tertianarum autumnalium curatio, ibid. Tertianæ duplicis curatio, ibid. Cortex Peruvianus inducias sapius quartanæ impetrat, quam eam debellat, ibid. Magno cum ægri emolumento exhibentur qui paulum ab ejus usu respirat a morbo, ibid. Methodus exhibendi corticis, ibid. Idem & in tertianis qua vernis, qua autumnalibus cum fructu exhiberi potest, ibid. In infantibus, & florentibus ætate, sive tertiana, sive quartana laborantibus, tota res naturæ permittenda, ibid. In provecioriibus fermentatio cardiacorum & corroborantis diætæ beneficio sustinenda, ibid. Aëris mutatio his necessaria est, jam perfecta sanguinis despumatione; ante hoc tempus minus convenit, p. 15. Saltem oportet ut medicamento cardiaco forti hoc temporis articulo utantur, ibid. Calidiora citius exhibita, vel morbum duplicant, vel in febrem continuam permutant, ibid. Sublato morbo æger sedulo purgandus est, ibid. At non nisi elapso mense uno, a quo non paroxysmi tantum, sed etiam ea alteratio, quæ diebus iis, in quos incidere debuerat paroxysmus, perferiscitur, prorsus evanuerint, ibid. Purgatio quoties repetenda, & quibus intervallis, ibid. Quorsum haustus paregoricus hora somni assumendus singulis vicibus, ibid. Symptomata febribus intermittentibus vernis pauca superveniunt in declinatione, autumnalibus plura & graviora, ibid. Hydrops hic symptomaticus unde oritur, ibid. Juvenes raro obsidet, nisi cathartici per febrem decursum saepe iteratis, accersitus fuerit, ibid. Recens cathartici & aperientis facile sanatur, ibid. Hydrops ex febre intermittenti natus non nisi post febrem discessum cathartici expugnandus, at infusionibus rad. raphani rusticani, fol. absinthii, baccarum juniperi, Cinerum genistæ, & similibus restari potest, ibid. Infantum ventribus inflatis, tussi, & rachitidi quo pacto subveniendum, quoties a febribus autumnalibus ista nascuntur, ibid. Curatio non aggreddenda priusquam febris penitus evanuerit, p. 16. Abdominis inflatio in pueris, & crurum tumor in adultis, febres has brevi solvendas prænunciant, ibid. Veræ rachitides rarius occurrunt, nisi iis annis quibus intermittentes autumnales prædominium habent, ibid. Tonsillarum dolor post febres sive continuas sive intermittentes, cum raucedine, oculis cavis, & facie Hippocratica mortem imminentem præmonstrant, ibid. Mania peculiaris intermittentes diuturniores excipiens, modo longe diverso ab aliis ejus speciebus, cardiacis sc. generosioribus sananda, ibid. Nec venæ sectionem, nec catharsin, nec enemata potest ferre, ibid. Mania communis alio modo tractanda est, ibid. Ejusdem curatio, ibid. Febris continua atque intermittentes jam descriptæ, soli ferme erant morbi epidemici qui per annos 1661. 62. 63. 64. emicuerunt. Eadem ab anno 1664. ad hunc usque annum, quo hæc edimus, rarissime Londini comparuere, ibid. De variolis hujus constitutionis nonnulla, ibid.

diximus assumpto emetico præcaveri potuisse, hic ab eadem provocabatur, ibid. Pestis sævissime debacchatur. Varia ejus tempora, ibid.

CAPUT II.

Febris Pestilentialis & Pestis.

Februm nonnullarum, quæ pro malignis vulgo habentur, symptomata, non a morbi indole, sed a therapeja perperam administrata proficiuntur, p. 17. Febris vere maligna cum peste specie convenit, nec ab ea nisi ob gradum remissionem discriminatur, ibid. Variolæ & pestis ostendunt morbos epidemicos a diversa aëris massa crassi pendere, ibid. Qualis ea sit plane ignoratur, ibid. Pestis vix Britanniam nostram frequentius quam post annorum circiter 40. revolutionem devastat, ibid. Febres quæ anno uno vel altero post graviolem pestem grassantur pestilentes sunt, & similem medendi rationem sibi vindicant, ibid. Præter aëris διαστροφῆς, requiruntur etiam ψυδαρματὰ a pestifero aliquo corpore vel immediate, vel mediate transmissi fomes ad pestem excitandam, ibid. Quæ ab aëre jam infecto latius propagatur, ibid. Quoties epidemica est tempore inter ver ac æstatem ambigente exoritur, ibid. Alio aliquo tempore oppido raro, p. 18. Aëris dispositio quantumvis ποικιλιχὴ, Pesti excitanda per se impar videtur, ibid. Nec pestis epidemica erit nisi accedente idonea aëris diathesi, ibid. Modus invadendi describitur, ibid. Repentina exanimatio nisi in peste admodum funestæ exordio vix contigit, ibid. Quibus tumores sine febre & gravi aliquo symptomate prorumpunt, ii nulla egent curatione, ibid. Morborum essentia perinde ac animalium stirpiumve nos latent, ibid. Non causarum, sed methodi experientia comprobata cognitione, affectuum plurimorum curatio absolvitur, ibid. Pestis est febris sui generis, a particularum sanguinis spirituosiorum inflammatione originem ducens, ibid. Febres pestilentes ab inflammatione sunt remissiores, ibid. Ignis facer pestis imago quædam, ibid. Pestem ab inflammatione oriri pluribus argumentis conficitur, ibid. Alexipharmaca aliaque calidiora medicamenta per accidens tantum profunt, sc. quatenus diaphoretica sunt, ibid. Vinum liberalius haustum & antidota fortiora complures verisimiliter in pestem præcipitarunt, p. 19. In curanda peste, aut naturæ succurremus ejusdem ductum sequendo, aut methodum tutiorem ab ejus methodo diversam substituendo, ibid. Alexiteria tam in hoc quam aliis morbis omnibus, evacuationem potius sollicitando, quam virtute aliqua specifica prodesse videntur, ibid. Pestis per abscessum in emunctoriis, febris pestilens, per diaphoresin maxime ex naturæ lege solvi videtur, ibid. Diversa itaque his morbis medendi ratio adhibenda est, ibid. Sudores in peste excitati nonnunquam funesti, ibid. Bubonis eruptionem materiam alioversum distrahendo sæpe impediunt, ibid. In aliis morbis naturæ ductum sequi, in peste ei renunciare Medicus tenetur, ibid. Vel per sanguinis missionem, vel per sudores pestis expugnanda videtur, ibid. Phlebotomia largam manu ac repetitis vicibus celebrata, nullo tumore protuberante, nemini adhuc, quod scimus, unquam funesta, ibid. Parca, vel tumore jam conspicuo, instituta, quare semper damnosa, ibid. Venæ sectionem in peste convenire plures iique gravissimi scriptores jam pridem senserunt, p. 20. Botalli testimonium luculentissimum, exemplis probantis innumeris, venæ sectionem in omni peste supra omnia remedia salutarem esse, ibid. Confirmatur idem historia admiranda & irrefragabili hic apud nostros, ibid. Pestilentis fermenti per διαστροφῆς dissipatio evacuationi per venæ sectionem quo nomine anteferenda, ibid. Quibus illa urgetur difficultatibus, ibid. Maculæ purpureæ pestilenciales a fibrarum sanguinearum dissolutione oriri videntur, non secus ac vibices a plaga fortiori inflata, ibid. Diaphoresi justo præmaturius abrupta, bubones prodire jam incipiente vel remanent, vel nunquam ad legitimos abscessus perducuntur, ibidem. Idem in variolarum abscessulis etiam accidit eadem de causa, ibid. Quibus argumentis author inductus est ut aliam ab ea quam hæcenus cum successu usurpaverat methodum, novæ huic febri adaptaret, ibidem. Febres continuæ circa veris finem & initium æstatis vel in intermittentes, vel in pleuritides aliosque generis inflammatorii morbos promptissime facessunt, pag. 21. Febris pestilentialis (dubitatur an non vera pestis illa fuerit) tam peste jam incipiente grassari, quam eadem parcius sæviente ab autore venæ sectionibus repetitis curata fuit, ibid. Sanguis hic aut sufficienti quantitate, aut non omnino detrahendus, ibid. Quam ob causam author ab hac methodo desistere coactus est, ibid. Ejus rei historia, ibid. Qualem deinde medendi rationem substituit, ibid. Venæ sectio, diaphoresi præmissa, eam & tutiorem reddit, & expeditiorem, ibid. Capitis obsectio ad sudores ciendos multum confert, ibid. Ubi primum materiæ morbificæ radii versus ambitum corporis se exporrigunt, alvi profluvium & vomitiones ab iisdem orta ultra sedantur, ibid. Historia id confirmatur, ibid. Diaphoresis ad naturalis diei spatium semper continuanda, p. 22. Ab abstersione sedulo cavendum, ibid. Nec indusium nisi post horas 24. a finitis sudoribus mutandum, ibid. Si sudores citius abrum-

SECTIO SECUNDA.

CAPUT I.

Constitutio Epidemica Annorum 1665.
& 1666. Londini.

Febris continua epidemica novi generis una cum morbis aliis inflammatoriis grassari incipit, p. 17. Ejus signa diagnostica, ibid. Diarrhœa, quam in priore febre

abrumpanitur, recrudescit illico symptomatum savitia, ibid. Objectioni Diemerbroechii respondetur, contra prolixiorum diaphoresin, ibid. Ostenditur ægros haud inde debiliores reddi, at vires e contra recipere, ibid. Æger in sudoris vigore iusculis ac forbilibus confortativis refici potest, ibid. Catharticum postridie exhibendum, ibid. Mirus hujus methodi successus in febre pestilentiali, ibid. Tumore jam enato venam aperire Author non sustinuit, ibid. Qua lege tuto id tentari posse videtur, ibid. Authoris sinceritas, ibid. Quid per naturæ nomen intelligi is velit, ibid.

SECTIO TERTIA.

CAPUT I.

Constitutio Epidemica Annorum 1667. 1668. partim etiam Anni 1669. Londini.

Variolæ in constitutione pestilentiali rarissimæ comparabant, pag. 22. Quo anni tempore invalescebant maxime, quo minuebantur, ibid. Novum febris genus cum variolis exoritur, invalescens quoties illæ minuerentur, quoties invalescerent, recedens, ibid. Cum variolis una etiam disparuit, ibid. Diarrhœa se his comitem adjungit, ibid. Morbus hic nihil aliud esse videbatur quam febris quæ tum regnabat, introversa, ibid. Hæ variolæ genuinæ præ cæteris, ac regulares, a quibus ut in suo genere perfectissimis, tum vera morbi historia, tum medendi methodus est desumenda, p. 23. Non tantum febris quædam propria, sed & peculiare variolarum genus cuilibet constitutioni peculiari competit, ibid.

CAPUT II.

Variola Regulares.

Quo anni tempore ingrediuntur variolæ regulares, quo etiam irregulares, ibid. Variolæ vel distinctæ sunt, vel confluentes, ibid. Discretarum symptomata ubi primum invadunt, ibid. Eruptio quo tempore accidit & quo se habet modo, ibid. Discretarum historia, ibid. Confluentium historia, ibid. Et morbi magnitudo unde æstimanda, pag. 24. Salivatio in adultis, in infantibus diarrhœa, confluentes fere semper comitatur, ibid. Febris in insultu primo usque ad eruptionem, dein circa tempus maturationis pustularum præcipue dominatur, ibid. Sub vesperam exacerbatur morbus, ibid. Variolis discretis laborantes octavo, confluentibus vero, undecimo die maxime intereunt, ibid. Illorum catastrophe describitur, p. 25. Regimen calidius quibus minus officiat, ibid. Horum item, ibid. Alia symptomata utrique generi variolarum communia recensentur. Phrenitis sc. affectus comatosus, maculæ purpureæ, ibid. Mictus sanguineus, sanguinis sputum, a qua causa hic nascantur, & ibid. Urinæ suppressio totalis quibus maxime contigit, & quo morbi tempore, ibid. Symptomata a frigore suscepto oriunda pauca sunt & raro occurrunt, ibid. Inflammatio videtur hic morbus tum reliquorum etiam humorum, ibid. Duo habet tempora, separationis & expulsionis, ibid. Indicationes curativæ duæ 1. Ut æquabilis tenor ebullitionis conservetur, 2. Ut abscessuli sustineantur debito modo, ibid. Cavendum ne nimium affurgat ebullitio, & quamobrem, ibid. Quo diutius natura separationem molitur, eo certius & universalius absolvit, ibid. Regiminis iusto calidioris noxæ, p. 26. Nondum constat vel unum ex eo periisse, quod variolæ primo non eruperint, ibid. Ebullitio venæ sectione, clysteribus, emeticis, catartice e contrario non est minuenda, ibid. A venæ sectionis atque aliarum evacuationum usu promovetur sæpissime eruptio, nunquam impeditur, ibid. Argumenta contra remedia evacuantia, ibid. Regimen calidius non tantum secretionis, sed quovis morbi tempore vitandum; & qua de causa, ibid. Cavendum pariter a frigore: a quo etiam pustularum eruptio impeditur, ibid. Gradus caloris earum expulsionem promovenda accommodatissimus naturalis omnino est, ibid. Cardiacorum usus quando indicatur, ibid. Repetitis ebullitionibus in sanguine excitatis ægrorum mors potiori jure tribuenda est, quam venæ sectioni, ibid. Curatio. ibid. Variolæ ante diem quartum, qui eruptioni proprius est, haud temere incutem propellendæ, ibid. Nimia hac diligentia ex distinctis confluentibus possunt fieri, ibid. Non opus est, ut æger ante diem quartum lecto addicatur, p. 27. Sanguinis mictus, & maculæ purpureæ ætate florentibus ideo nonnunquam superveniunt, quod lectulo præpopere nimis affigantur, ibid. Cardiacum blandius die quarto exhiberi potest, si eruptio parum pro votis succedat. Laudanum liquidum & diascordium reliquis præferuntur, ibid. Nec vel urgente diarrhœa est illud propinandum, ibid. In quo casu sanguis mistendus est, ibid. In genere discreto atque æstivo tempore, æger singulis diebus per horas aliquot e lecto potest surgere, ibid. Ejus commoda, ibid. In lecto quoties jugiter cubandum est, non sunt adjicienda stragula præter ea quibus sanus consueverat, ibid. Sudores non sine ingenti periculo promoventur, ibid. Vinum Canarinum,

vel aliud cardiacum in fine morbi exhibendum, ne halitus putridi in sanguinis massam postliminio revertantur, ibid. Diætæ etiam calidior eandem ob causam, ibid. Discretum genus ex sua natura omni vacat periculo, ibid. Phlebotomia regimen calidius minus periculosum reddit, ibid. Unde est quod tenuioribus æquior sit hic morbus, quam divitibus, ibid. Variolæ confluentes haud minus a discretis discrepant, quam ab illis ipsa pestis, ibid. Æger hic in lecto assidue continendus, at modice tectus, nec uniejus parti affixus. Atpersæpe versandus, ut evitentur sudores, p. 28. Ptyalismus, qui evacuationi per pustulas pleniori hic substituitur, in vigore conservandus, ibid. Cum eruptione incipit & die undecimo minuitur, ibid. Tumor faciei dicto die evanescit; cum quo si salivatio una dispareat, in lubrico sunt res ægri, ibid. Salivatio quo pacto promoveri possit, ibid. Narcotica ad sustentandum ptyalismum præ cæteris quibusque faciunt, ibid. Quare non nisi adultis ea sunt indulgenda, ibid. Paregorica quæ afferunt adultis commoda, ibid. Post plenam eruptionem ad morbi usque finem tuto & utiliter sumuntur, ibid. Qua hora potissimum exhibenda sunt, ibid. In variolis confluentibus haud minus certo infantes diarrhœa comitatur, quam adultos ptyalismus, ibid. Diarrhœa in hac variolarum specie salutaris, in distincta non item. Muliercularum eandem sistentium opera multa infantum millia perire, ibid. Facies ultimis morbi diebus oleo amygdalarum dulcium inungenda, ibid. Sub hoc regimine a cicatricibus non valde metuendum, ibid. Olea & linimenta officiant hic magis quam profunt, ibid. Curatio symptomatum, ibid. Ad promovendum faciei intumescantiam paregoricum debet propinari, ibid. Nonnunquam die octavo, Sanguis e brachio copiose extrahendus, ibid. Auræ etiam liberiori exponendus, ibid. Non quod pustulæ recedant, perit æger, sed quod facies non turgescat, ibid. In quo variolarum genere, & quo in casu phrenesis venæ sectionem indicat, p. 29. Phreneticorum exempla suadent ut aere liberiori isti refocillentur, ibid. Historia miranda cujusdam pro mortuo expositi, & eo pacto convalescentis, ibid. In variolis confluentibus, si æger die undecimo a saliva jam viscidior pene suffocetur, gargarismate, vel etiam emetico fortiori sublevandus est, ibid. Coma etiam sanguinis contemperatione ac ventilatione curatur, ibid. Ut & maculæ purpureæ, ibid. Mictus sanguineus, & sanguinis e pulmonibus eruptio ubique mortem prænunciant, ibid. Urinæ suppressioni quo pacto occurrere potest, ibid. Pustularum depressio, & diarrhœa in variolis discretis medicamenta cardiaca postulant, ibid. Unde natus videtur tumor de crebra pustularum retrocessione, ibid. Post morbum atrocioris sanguis quare e brachio extrahendus, ibid. Æger ad tres vel quatuor vices purgandus est, ibid. Crurum tumor sponte non facessens, quo modo tolli debet, ibid.

CAPUT III.

Febris Continua hujus Constitutionis.

Describitur hæc febris, p. 30. Ejusdem cum variolis profapiæ omnino fuit, ibid. Methodo tamen eadem qua illa curari non debuit, ibid. Natura hic evacuationem per ptyalismum designasse videtur, ibid. Unde oritur diarrhœa tam in hoc morbo, quam aliis inflammatoriis, ibid. In febre constitutionis intermittentibus epidemica, materia erat crassior, non nisi prævia digestionem a sanguine separanda, ibid. In hac non item, ibid. Ejus curatio, ibid. In hac febre, aliisque morbis inflammatoriis, phlebotomia & refrigerantia parum prodesse solent, si æger in lecto indefinenter se contineat, ibid. & p. 31. Æger in hoc morbo a sudoribus non levabatur, sed inde pejushabuit, ibid. Quibus rationibus ductus authorum plerorumque Theoriæ hic adversatur, ibid. Febris hæc a nudo potius calore, quam ab humore aliquo e sanguine expellendo, pendere videtur, ibid. *Colica, non cruda sunt medicanda*, tam sudores respicit, quam dejectiones, ibid. Venæ sectio & sanguinis contemperatio diarrhœam huic morbo familiarem præ cæteris sistebant, ibid. Regimen calidum & periculosius erat, & pluribus gravabatur symptomatibus, ibid. Febris hæc per salivationem non raro solvebatur, ibid. Qua oborta, nulla convenit evacuatio, ibid. Refrigerantia salivationem promovent, quam reprimunt cardiaca calefacientia, ibid. Diarrhœa epidemica sine febre, ejusdem cum hac febre essentiæ videbatur, eadem plane habens symptomata, & parem medendi methodum postulat, ibid.

SECTIO QUARTA.

CAPUT I.

Constitutio Epidemica partis Anni 1669. atque integrorum 1670. 1671. 1672. Londini.

Qui morbi ineunte Augusto 1669. sunt ingressi, p. 31. Cholera morbus mense Augusto fere finiebatur, ibid. Quare tormina sine dejectionibus dysenterias duratione non

non æquabant, p. 32. Febris dysenterica, dysenteria se ad tempus subducente, magis grassabatur, ibid. Morbilli variolis anomalis constitutionis dysentericæ viam sternebant, ibid. Quo ordine varii morbi se ostendebant per annum 1670. ibid. Quo item, anno 71. ibid. Quo item, anno 72. ibid. Mensis Julius certissima autumnalium epocha, uti vernarum Februarius, 106. morborum circulus per omnem hanc constitutionem, ibid. Uti morbi epidemici in subjectis particularibus, ita etiam constitutiones generales suas habent periodos, ibid.

C A P U T II.

Cholera Morbus.

Choleræ morbi descriptio, ibid. Cholera sicca, p. 33. Curatio cholæræ morbi nec cathartici nec astringentibus est tentanda, & quamobrem, ibid. Quo pacto perficitur, ibid. Ægro in extremis fere versante ad laudandum recte confugiendum est, ibid. Cholera morbus qui quovis alio anni tempore invadit, ab hoc legitimo toto cœlo distat, ibid.

C A P U T III.

Dysenteria.

Tormina sine defectionibus nec sua natura nec curationis methodo multum a dysenteriis diffidebant, ibid. Dysenteria autumnii initio solet invadere, appropinquanti hyemi cedens pro tempore, ibid. Dysentericæ descriptio, ibid. Cardiacorum & regiminis calidioris in hoc morbo incommoda, ibid. Intestina quandoque gangræna afficiuntur, p. 34. Aphthæ mortem imminuentem ut plurimum denunciant, ibid. Hic morbus licet adultis, maxime grandævus, sæpe exitialis, infantibus perbenignus est, ibid. Epidemici ubi primum oriuntur principio magis spirituosus videntur inhærescere, & ad occasum vergentes magis crassi indies atque humores redduntur, ib. Id contingit ob refractas particularum inimicarum vires, a quibus pendet constitutio epidemica, ibid. Probatum exemplo pestis & dysenteriarum, ibid. Curatio, ibid. Dysenteria hæc febris videtur in intestina introverti, ibid. Humores acres vena secta revellendi & per cathartica educendi. Sanguis contemperandus, ibid. Paregoricum quare temperatius hic exhibendum quam post purgationes solet, ibid. Aqua cardiaca temperatior post venæ sectionem & catharsim semel celebratam concedenda maxime grandævioribus, p. 35. Hi etiam lectulo magis addicendi, ibid. In morbo contumaciori paregoricum singulis diebus mane & sero ad septimanas aliquot tuto potest, & debet exhiberi, ibid. Curatio alvi fluxus ad diarrhœam tantum assurgentis, ibid. Infantes quo pacto in hoc morbo tractandi, ibid. Laudani liquidi simplicior præparatio, ibid. Narcoticorum vis non tam ab artificiosa præparatione, quam ipsius opii excellentia nativa videtur pendere, ibid. Opium est remedium cardiacum præstantissimum, si non unicum, hæc cognitum, ibid. Dysentericæ, incipiente illa constitutione, ad modum fere cholæræ morbi optime curabantur, non item sequentibus annis, ibid. Dysenteria eodem modo in Africa per ea tempora sanabatur, ibid. Exempla aliquot adducuntur, ibid. Tenesmus sub finem hujus morbi non est ab ulcere recti, sed a materia mucosa qua intestina duplicantur, p. 36. Topicum quaecunque hic nocet, ibid. Sola diætâ analeptica prodest, ibid. Dysentericæ inveteratæ venæ sectione repetita curatæ exemplum, ibid. Dysenteria, cum non sit epidemica, laudani solius usu est curanda, ibid.

C A P U T IV.

Febris Continua hujus Constitutionis.

Febris dysenterica describitur, ibid. Aphthæ unde tam in hac febre, quam in dysenteriis pervicacioribus, ibid. Aeris qualitates manifestæ non sunt causæ epidemicorum productivæ; eos tamen vel excludunt, vel admittunt pro tempore, ibid. Febris stationaria quæ ad epidemicum prædominantem attinet, Julio potissimum sævit: Autumno vero appropinquante, magno epidemico cedit, ibid. Nominatæ febres symptomata varia a sua natura aliena, a manifestis qualitatibus mutantur, ibid. Unde tot febres novæ vulgo audiunt, ibid. Febris speciem optime dignoscet, qui ad alios morbos eodem anno ingruentes diligentius attenderit; & ad symptomata modum evacuationis spectantia, p. 37. Ad methodum insuper, vel medicamentum, a quibus febris facillime vincitur, ibid. Februm stationariorum symptomata vel intensiora sunt, vel remissiora, prout intenduntur vel remittuntur symptomata epidemicorum ad quos pertinent, ibid. Febris hæc eadem methodo qua dysentericæ curabatur, ibid. Nisi quod paregorica purgationibus interjecta obessent, ibid. Tardius convalescentibus laudanum in parva dosi, biduo triduo a postrema catharsi elapso rite concedebatur, ibid. Auræ liberior usus viribus renovandis in primis conferebat febre fugata ibid. Unde ansa ad hanc praxin instituendum

data est, ibid. Ad comprobendam medendi methodum in acutis requiritur ut morbus quasi suo pte cedat, ibid. Adolescentes stupore ad carum accedente percussi, maxime qui in sudoribus extorquendis operam collocarant, nulla arte sublevari poterant, ibid.

C A P U T V.

Morbilli.

Morbilli quo anni tempore regnant, p. 37. Eorum descriptio, ibid. Et historia, ibid. Regimen justè calidius quæ hic afferat incommoda, p. 38. Et quo pacto iisdem possit subveniri, ibid. Morbillorum curatio, ibid. Morbillis & natura & medendi ratione cum variolis convenit, ibid. Infantes febre, dyspnœa aliisque accidentibus post morbillorum discessum laborantes, venæ sectione sola liberantur, ibid. Phlebotomia haud minus tuta infantibus quam adultis, ibid. Convulsionibus puerorum dentientium præ specificis quibuscunque opem fert, ibid. Infantum item pertussi, vel tussi convulsivæ, ibid.

C A P U T VI.

Variola Anomala hujus Constitutionis.

Variolæ anomalæ distinctæ quibus discriminabantur a genere distincto regulari, p. 38. & 39. Ad confluentium naturam illæ propius accedebant, inflammationis majoris participes, p. 39. Confluentes anomalæ quibus discrepabant a confluentibus regularibus, ibid. Curatio variolarum utriusque generis, ibid. Inflammatio in his quam in regularibus intensior, regimen temperamentum magis ad huc efflagitabat, ibid. Fluxus mensium, tempore non consueto, liberalem liquorem refrigerantium usum suadet; & quare: ibid. Remedia cardiaca & regimen calidius hic adhibita plurimas mulieres pessunderunt, p. 40. Historia cujusdam fluxu mensium una cum variolis laborantis insignior, ibid. In genere discreto satis erat ut æger pro sitis modo cerevisiam tenuem potaret, ibid.

C A P U T VII.

Colica Biliosa.

QUO nomine hic venit tractanda, ibid. Vel dysenteriam diuturniorem excipiebat, vel a febre ordiebatur, ibid. Ejus morbi descriptio, ibid. In iliacam passionem facile transit, ibid. Causa morbi est acris aliquis sive humor sive halitus e sanguine in intestina excussus, ibid. Curatio venæ sectione & cathartico leniente perficitur, ibid. Si a fructibus horariis aut cibo *δυσμετρίῳ* oritur morbus, ventriculus est eluendus & anodynum exhibendum antequam secetur vena, ibid. Quando intendendæ catharticonum vires, & quam ob causam, ibid. In magna ventriculi debilitate & vomitione narcoticum cathartico præmittendum, p. 41. Anodynum mane & sero exhibendum quotidie, & spatium inter purgationes medio, & post singulas purgationes, ibid. Tutissime repetuntur narcotica urgente hujusmodi dolore, non item ubi ille desierit, ibid. Enemata carminantia diuturniorem morbum reddunt, ibid. Cum evacuationes copiosiores non diu ante colicæ adventum fuerint institutæ, a paregoricis omnino incipiendum est, ibid. Ejus rei exemplum proponitur, ibid. Equitatio, cæteris non proficientibus, curationem nonnunquam absolvit, Cautiones circa eam, ibid. Exemplum memorabile, ibid. Unde est quod equitatio tantum præstet in morbis chronicis quam plurimis, ibid. Qualis diætâ hic conveniat, ibid. In morbo diuturniore, & magna debilitate aquæ epidemicæ, mirabilis, aut alterius similis usus debet concedi; & quare, ibid. Diætâ tenuis quare aliquandiu post depulsum morbum est observanda, ibid. Colica hysterica biliosæ simillima, p. 42. Quibus potissimum foeminis contingit, ibid. Ejus descriptio, ibid. Levissima animi commotio dolorem revocat, ibid. Exercitium item præmature nimis susceptum, ibid. Vapores, sic vulgo dicti, symptomata pariunt parti quam obsederint accommoda, plerisque morbos affabre simulantes, ibid. Colica hysterica biliosam nonnunquam mentitur, ibid. Quandoque etiam vel renum, vel etiam vesicæ calculum. Enematis, aliisque lithotripticis exasperatur, ibid. Sedatur anodyno, ibid. Nulla corporis pars, sive interna, sive externa ab ejus insultu eximitur, ibid. Nec venæ sectio, nec catharsis hic celebranda. Nocent & enemata, ibid. Hic morbus a spirituum *δυσλεια* potius quam vitio humorum videtur nasci, ibid. Emetica etiam frustra propinantur, ibid. In foeminis tamen temperamenti magis sanguinei & viraginitibus, nonnunquam vel phlebotomia, vel catharsis, vel utraque anodyno via aperienda est. Hæc methodus doloris symptomata tantum respicit, non causam morbi, ibid. Hic morbus in ictero solet desinere, ibid. In cujus curatione nulla purgantia nisi rhabbarum & similia sunt usurpanda, ibid. Hujus icteri curatio, ibid. Curatio icteri communis, ibid.

SECTIO QUINTA.

CAPUT I.

*Constitutio Epidemica Anni 1673. atque integrorum
1674. 1675.*

Exolefcente constitutione dysenterica, nova suboritur circa initium Julii 1673. Syllabus morborum se per hoc triennium excipientium, quo ordine invalescebant, recedebantque, p. 43. Dysenteria & diarrhoea pro hujus febris symptomatibus potius quam morbis essentialibus erant habendæ, ibid. Post subitam tempestatis mutationem catarrhi & tusses se huic febrī adjungunt, unde nascuntur symptomata peripneumonica & pleuritica, febre eadem manente, ibid. Constitutio hæc perquam est anomala, ut & ejus morbi, ibid.

CAPUT II.

Febris Continua hujus Constitutionis.

Nascente morbo majora erant inflammationis signa, quam eo jam provectiore, ibid. Symptomata huic febrī peculiaria recensentur, ibid. Affectus quidam comatosus hanc febrim comitabatur, nonnunquam in aphonia desinens, ibid. Qui eo passu discessit quo vires æger resumpsit, ibid. Remedia calidiora & diaphoretica symptoma hoc accerfebant, p. 44. Ubi primum erupit hæc febris, nullum habuit epidemicum sibi *συγγενος*, unde ejus species difficiliter investigabatur, ibid. Phlebotomia in hac febre haud plussemel celebranda erat; repetitis enematis ac medicamentis refrigerantibus curatio absolvebatur, ibid. Epispatica posteriori cervici applicata hic magis ex usu quam in aliis febribus, ibid. Curatio, ibid. Enemata quo usque repetenda, ibid. Quare e lecto surgendum erat quotidie, ibid. Cavendum tamen ne diutius quam par est æger a lecto abfuerit, ibid. In morbi declinatione tutius æger in lecto jugiter decumbit, quam vel initio, vel in statu; & quare, ibid. Diaphoresis non omni febrī debetur, ibid. Sudores a prævia digestionē fluentes profunt, nocent alii, p. 45. Intermittentium paroxysmi, & febris ejus constitutioni *παράμυ* sudorem criticum postulant, ibid. Febris item pēssilentialis vel primis morbi diebus, ibid. In hac febris specie, quæ sine fuderibus potuit fugari non sine discrimine ii sollicitabantur, ibid. Stupor comatosus a nimia curatricum diligentia sudores importune provocantium, ut plurimum invitabatur, ibid. Quo pacto symptoma hoc vincebatur, ibid. In morborum curatione nocet quandoque festinatio, ibid. Etiam incongrua ciborum genera convalescentibus nonnunquam indulgenda, ibid. Spiritus vitrioli ad phrenesin debellandam egregie contulit, ibid. Dysenteria symptomatica quo pacto tollebatur, p. 46. Diarrhoea a narcotico, ubi opus erat, fistebatur, ibid. Narcoticorum usus hoc solo in casu hic erat probandus, ibid. Convalescentium sudores nocturni unde orti, & quo modo tollendi, ibid.

CAPUT III.

Morbilli.

Morbilli anomali hujus constitutionis quibus maxime differabant a regularibus jam descriptis, ibid. &c. Febris morbilliosa nunc venæ sectionem tulit, nunc enemata: Methodo morbillis dicatæ concessit, ibid.

CAPUT IV.

Variola Anomala hujus Constitutionis.

Variolæ hujus constitutionis nigras anni 1670. satis referebant, p. 46. Putredinis majoris erant soboles, naturæque magis crassæ ac inconditilis, ibid. Quanto mitior morbi species, tanto citius pustulæ ad maturitatem morbus ad finem perducitur, ibid. Per tres hæc constitutiones, posterior variolarum species priorem semper exuperavit, tum quoad majorem putredinem, tum quoad morbi materiam minus coctilem, p. 47. Species nova hæc videtur e priore jam inveterascente suborta, ibid. Morbi epidemici ab aere effluviis a minerali aliqua fermentatione repleto, oriri videntur, ibid. Eousque propagantur, donec expiraverit subterranea illa halituum minera, ibid. Curatio, ib. Indicationes plane contrarias suggerit hic morbus, ibid. Quæ in variolis aliis confluentibus feliciter cessit methodus, hic non profecit, ib. Spiritus vitrioli omnem numerum absolvit, ibid. Quo tempore & modo exhibendus, ibid. Quæ ab eo liberalius sumpto commoda, ibid. Nihil ab eo incommodi, licet salivationem fere sistat, cujus vicem subeunt defectiones aliquot, ibid. Nullum variolarum vestigium vel apud Hippocratem vel Galenum, unde excusatio methodus nova, cum modernorum tantum curationibus adferretur, p. 48. In curatione febrium variolarum eadem pariter de causa innovandum fuit, ibid. Videntur morbi certas habere periodos pro occultis altera-

tionibus quæ terræ visceribus accidunt, pro varia scilicet ejusdem ætate ac duratione, ibid. Unde novæ morborum species exoriantur, prioribus etiam extinctis, ibid.

CAPUT V.

*Tusses Epidemica cum Pleuritide & Peripneumonia
supervenientibus.*

Ex improvisa symptomatum mutatione febris, quæ eadem manebat, pro pleuritide essentiali, aut essentiali peripneumonia ab incautionibus est habita, p. 48. Medendi methodus eadem quæ febrī hujus constitutionis quædrabat; ab illa vero quæ pleuritidi veræ conveniebat, longe diversa, ibid. Non eo anni tempore invadebat febris hæc, quo solet pleuritis, ibid. Curatio, p. 49. Tussis ex qua *μεγάλα* nascitur, ut & febris eam comitans, ibid. Nova hæc febris in febris stationariæ tum regnantis nomen & familiam statim transit, ibid. Tussis sine febre, abstinentia a carnibus, moderato exercitio, & pitfana pectorali refrigerante curabatur, ibid. Nec narcotica, nec liquores spirituosi, nec diaphoretica hic tuto usurpabantur ad sedandam tussim, ibid. Et quare enemata (tam in hac quam aliis febribus) fractis jam morbi viribus non sunt repetenda; maxime in foeminis hysteris, virisque hypochondriacis, ibid. Pleuritis vera sola repetita venæ sectione curatur. In hac febre semel, vel ut plurimum bis, venam secasse satis erat, ibid. De pleuresi maligna dicta, quæ venæ sectionem non fert, ibid. In pleuresi symptomatica non multo plus sanguinis symptomatis ratione educendum est, quam febris nomine, a qua pendet, educi debuerat, ibid. In febrium curatione anni constitutio, quatenus huic alterive epidemico producendo favet, ob oculos semper est habenda, ibid. Curatio tussis sine febre, ibid. Malignitas in particulis calidissimis ac spirituosissimis, humorum in humano corpore contentorum naturæ adversantibus, consistere videtur, p. 50. Particulæ dictæ assimilando agunt, ibid. Hæ in peste sudoribus eliminari possunt: Non vero in iis febribus, in quibus particulæ assimilantes non ita sunt subtiles, ibid. Ufu calefacientium actuatæ, magis assimilant particulæ calidæ, & humores extenuati minus resistunt, ibid. Docet experientia purpureas febrium maculas, & variolarum pustulas nigras a calefacientibus augeri. A regimine vero moderatori minui solet, ibid. Particulæ *ροσπαί* in peste ita quandoque subtiles sunt, ut ne sanguinem quidem in ebullitionem attollant, unde æger sine febre perit, ibid. In malignis aliis epidemicis ita parca febris signa conspiciuntur, nonnunquam ob confusionem in sanguine & humoribus, nonnunquam etiam ob metastasin mineræ maligna in genus nervosum, vel alias corporis partes, ibid. Nulla alia methodus medendi malignitati qualicunque, præter eam quæ epidemico cui inhæret, debetur, ibid.

CAPUT VI.

Anacephalosis.

Quinq̃ue constitutionum genera; quinq̃ue nimirum æris diatheses, quæ totidem febrium epidemicarum species peculiare producebant, hoc tractatu describuntur, p. 50. & 51. Hæc prima, depuratoria quæ dici potest, præcipua naturæ febris videtur, p. 51. Huic adaptantur axiomata quæ tradiderunt Hippocrates alique Medici antiqui: sequentibus febrium speciebus vix accommodanda, facile transibant, in aliis vero rarissime, ibid. Febris continuæ species potest dignosci, primo ab aliis epidemicis eo locorum tum grassantibus, ibid. Secundo a propriis cujuslibet febris symptomatibus, ibid. Ægri sive sudatio, sive siccitas in hoc vel illo morbi tempore, febris speciem præ cæteris demonstrat, ibid. Cognitio speciei novæ febris vertente primum anni constitutione, a per-diligenti atque accuratissima circumstantiarum omnium observatione pendet, ibid. Indicatio a juvenibus & lædentibus sumenda ad curationem saltem relinquitur, ibid. Ubi nondum constat, quid sit agendum, nihil agendo & Medico & ægro optime consulitur, p. 52.

SECTIO SEXTA.

CAPUT I.

Febres Intercurrentes.

Febres stationariæ quæ a particulari anni constitutione pendent, & singulæ suo ordine grassantur. Intercurrentes quæ cum stationariarum quibuslibet, ut etiam & secum invicem eodem anno differenter commiscuntur, p. 52. Intercurrentes sunt febris scarlatina, pleuritis, peripneumonia notha, rheumatismus, febris erysipelatosa, angina. In his, febris morbus primarius videtur, & reliqui affectus tantum ejus symptomata, *επίσυνα* modum, vel partem in qua illa sit, spectantia, ibid. Intercurrentes nonnunquam, licet non ita frequenter ac stationariæ, epidemicæ grassantur, ibid. Duo hæc febrium genera quoad causas

causas externas sæpenumero conveniunt, *ibid.* Plures præmatura vestium adjectione, & subita retriguratione post exercitium, quam peste, gladio & fame simul omnibus, pereunt, *ibid.* Vestes quibus quis assueverit non nisi mense uno ante solstitium æstivum sunt deponendæ, *ibid.* Quoties hi morbi essentielles non sunt, sed febrium stationariarum symptomata, ista methodo tolli debent qua febris illa curatur, *ibid.* In genere ad anni febrim serio attendendum est, *ibid.* Qualia sunt symptomata quæ invasionem febris stationariæ comitantur, talia omnino erunt symptomata quæ insultum sive angina sequuntur, quoties ejusmodi febris accidentia sunt tantum; quo ab essentialibus distinguuntur, *ibid.* Anni tempus quo intercurrentes plerique infestare solent, essentielles si fuerint, an symptomatici, subinnuit, p. 53. In febrium curatione maximi momenti est scire qua porta sit excludenda materia febrilis, *ibid.*

CAPUT II.

Febris Scarlatina.

EXeunte æstate ut plurimum invadit præ cæteris, p. 53. Descriptio morbi, *ibid.* Curatio, *ibid.* Nec venæ sectione, nec enematis, nec cardiacis est opus. A carnibus tantum & spirituosus liquoribus æger abstineat, nec foras prodeat, nec lecto perpetuo affigatur, *ibid.* Quid agendum, si convulsiones vel coma supervenerint, *ibid.*

CAPUT III.

Pleuritis.

QUare tempore inter ver & æstatem medio potissimum invadat, p. 53. Temperamento sanguineo præditos rusticosque frequentissime aggreditur, *ibid.* Morbi historia, *ibid.* Febribus quandoque supervenit, sæpissime ex intempestivo ac præpostero calidorum medicamentorum usu, *ibid.* De pleuriticorum sanguine quædam notatu digna, p. 54. Curatio pleuritidis, *ibid.* In adultis raro minori quam 40. circiter unciarum sanguinis impensa sanatur, *ibid.* Diarrhœa repetita venæ sectione sistitur, *ibid.* Æger e lecto quotidie eximendus ad horas aliquot, *ibid.* Hic morbus expectorationi eliminandus non sine ingenti periculo committitur, p. 55. Curatio puncturæ tendinis, *ibid.*

CAPUT IV.

Peripneumonia Notha.

SUB hyemis exitum emergit: Paulo habitiores & crassos, virilem ætatem affectos, vel prætergressos, liquoribus spirituosus addictos præcipue aggreditur, *ibid.* Morbi descriptio, p. 55. In habitioribus nulla fere febris indicia, vel ob interceptam circulationem, vel pituitæ, qua sanguis gravatur, copiam, *ibid.* Curatio venæ sectione, remediis pectoralibus, diæta refrigerante perficitur, *ibid.* In crassioribus maxime ætatis florem prætergressis cum minus feliciter cedat venæ sectio, repetita, catharsis crebrior est substituenda, *ibid.* Sanguis e brachio ægri in lecto jacentis extrahendus, *ibid.* Vera peripneumonia a pleuritide in eo tantum differt quod pulmones universalis afficiat, *ibid.* Notha hæc peripneumonia ab asthma sicco distinguitur febre, quam illa semper habet comitem, *ibid.* Quam egregia præstat spiritus vini in ambustorum curatione, p. 55. & 56.

CAPUT V.

Rheumatismus.

ANnis florentes maxime, atque autumnio præcipue invadit: a repentino frigore post calefactionem admisso plerumque oritur, p. 56. Morbi historia, *ibid.* Febris sæpe recrudescit ob materiam morbificam ab intempestivo externorum usu repressam, *ibid.* Arthritis sæpe audit hic morbus, quoties a febre se jungitur: non est tamen, *ibid.* Eo desinente æger nonnunquam membrorum motu ad mortem usque privatur, *ibid.* Lumbago rheumatica, alia hujus morbi species, describitur, *ibid.* Morbi curatio, *ibid.* Utraque morbi species ab inflammatione orta, venæ sectione & refrigerantibus tollenda est, *ibid.* Ab anodynis abstinendum, quorum usu morbus figitur, *ibid.* Quo tempore purgandus æger, *ibid.* Dolores a rheumatismo imperite tractato reliqui pro scorbuticis sæpe habentur, p. 57. Scorbutus non ita frequens apud nos morbus est, atque a vulgo putatur, *ibid.* Multi ex iis affectibus qui scorbutici audiunt, vel effecta sunt morborum fientium, vel nondum perfecte devictorum reliquæ, *ibid.* Probatum illud exemplo arthritidis, podagræ, atque hydropis, *ibid.* Methodus medendi non adulterinis illis symptomatibus, sed ipsi morbo, seu perfecte formato est accommodanda, *ibid.* In rheumatismo inveterato longius spatium inter venæ sectiones repetitas est interponendum, *ibid.* Fontanella in crure, & spiritus quivis volatilis hic profunt, *ibid.* Rheumatismi scorbutici curatio, *ibid.*

CAPUT VI.

Febris Erysipelatosa.

DESCRIBITUR morbi species notissima, *ibid.* Describitur species alia rarius occurrens, *ibid.* Curatio materiam peccantem evacuantibus, partibus jam impactam discutientibus, & sanguinem contemperantibus, absolvenda, *ibid.* Topicis etiam post catharsin applicandis, p. 58. Quæ diæta hic conveniat, *ibid.* Pruritus ferini curatio, *ibid.*

CAPUT VII.

Angina.

TEMPore ver atque æstatem interfacente juvenes præ cæteris, & temperamento sanguineo præditos, rufos item, invadit, p. 58. Morbi descriptio, *ibid.* Curatio sanguine copiose detracto primum e brachio, mox ex rana utraque; litu ex melle rosaceo & spiritu vitrioli, gargarismate, dein catharsi perficitur, *ibid.* Enema etiam refrigerans & emolliens quotidie injiciendum est. A carnibus, a lecto per horas aliquot singulis diebus abstinendum, *ibid.* Angina symptomatica eadem methodo, qua febris, ejus symptoma est, debet curari, *ibid.* Nonnullæ febres intercurrentibus annumerandæ, vulgo pro symptomatibus tantum habentur, *ibid.* Hujusmodi sunt hæmorrhagia narium, hæmoptoe; p. 59. Describitur narium hæmorrhagia, *ibid.* Ejusdem curatio, *ibid.* Quo nomine catharsis hic instituenda, *ibid.* Hæmoptoe ejusdem fere indolis cum hæmorrhagia jam tractata, *ibid.* Eandem fere quam hæmorrhagia methodum medendi sibi vindicat, nisi quod catharsin minus ferat; a qua, præsertim repetita, æger facile in tabem conjicitur, *ibid.* Conclusio, *ibid.*

Epist. Resp. prima.

ANnus 1676. eisdem peperit morbos quos prægressi 1673. 74. & 75. p. 61. Exolescente hac crassi, mitiores quam pro suo genio evadebant morbi, & minus epidemici, *ibid.* Non tam manifesta, quam occulta aeris temperies morbis epidemicis favet; nisi quod symptomata aliquando, *ibid.* Morbilli licet non admodum epidemici, longius tamen quam pro more suo procurrebant, *ibid.* Non tamen diversam medendi methodum ad usitata postulabant, *ibid.* Exeunte æstate, cholera morbus epidemice sæviebat, atrocioribus solito convulsionum symptomatibus stipatus, *ibid.* Anodyna fortiora, & frequentiora quam alias unquam indicabantur, *ibid.* Historia eo laborantis, & convalescentis, *ibid.* Usque augenda, & repetenda est laudani liqu. dosis cum symptomata subjugaveris, *ibid.* Tres sunt affectus in quibus ex opio parata indicantur, *ibid.* Dosis & repetendi vices cum symptomatis magnitudine sunt conferendæ, *ibid.* Annum 1677. sicco pede præterit Author, per integrum ejus decursum valetudinarius, *ibid.* Anno 1678. febres intermittentes per 13. annos exulantes epidemice rursus audiunt, *ibid.* Hyeme paululum fatigantes variolis, aliisque per id temporis epidemicis locum cedebant, *ibid.* Olim quartanæ frequentius occurrebant, nunc dierum aut tertianæ, aut quotidianæ, & moris plane diversi, *ibid.* Cardiacis, & regimine calido adeo præter indolem suam incruduere, ut tacto cerebro haud pauci extinguerentur, p. 62. In tertianis & quotidianis per sudorifica curationem moliri periculosum est, *ibid.* Ita enim quæ intermittebat febris, fit continua, *ibid.* Ætiologia ejusdem, *ibid.* Venæ sectio & catharsis morbum protrahunt, *ibid.* Nonnunquam e longo corticis Peruviani usu species quædam rheumatismi scorbutici inducitur; sed rarissime, & facile curatur, *ibid.* Cortex insignium est virium non in hoc tantum morbo, sed & in uteri, & ventriculi affectibus, *ibid.* Ob quæ præjudicia, & rationes temere deductas cortex male audit, *ibid.* Vel ipsos curavit quos purgavit, *ibid.* Haud illæ nobis arrogandæ sunt facultates quas natura negavit, *ibid.* Provocantur Philosophi ad unicam differentiam specificam in natura enodandam, *ibid.* In morborum curatione non oportet alicui hypothese indulgere: sed rejectis speculationum commentis, experientiam cum recta ratione conjunctam tanquam indicem, atque magistrum sequi, *ibid.* Cortex Peruv. plus minus abhinc annis primum cœpit inclarescere, *ibid.* Duæ causæ memorantur, ob quas in desuetudinem abierat, *ibid.* Herculeum est medicamentum si qua par est cura propinatur, *ibid.* Quibus rationum momentis ductus est Author ut hanc suam methodum excogitaret, *ibid.* Methodus exhibendi, *ibid.* Vel in forma pilul. vel electuar. vel in infus. *ibid.* Si ob idiosyncrasiam (quod sæpe accidit) expurgetur æger, cum laudano est exhibendus, p. 63. Eadem methodus (sed in dosi minori) valet in tertianis, & quotidianis, *ibid.* Tertianæ, quotidianæque non ita raro in continuarum ferespeciem vergunt, præsertim agro regimine justo calidiore mulctato, *ibid.* In quo casu a remissione quantumlibet exigua oportet corticem ingerere, nec paroxysmum præstolari, *ibid.* Maxime continuis apyrexiam

xiā conciliat Cortex, modo regimine iusto calidiore non impediatur ejus vis, ib. nec obstat vinum in quo exhibetur, ib. Quo magis proclivis est in continuitatem febris, eo majori in dosi detur Cortex, ib. Quibus aridet infusio paretur, ib. Si vomituritio incesserit laudata hic methode est compescenda, & tum Cortex ingerendus, ib. Tenera infantium ætati Julapium accommodatur, ibid. Quare in tertianis sæpe, & quotidianis medicam, non nisi post biduum curationem, absolvit, ib. Si omni adhibita cautela æger recidivam patitur, decoctum amarum exauctorato cortici succenturiatur, ib. Æger nec a cibo, nec potu qui ad stomachum facit, arcendus est, fructibus horariis, & liquoribus frigidis exceptis, ib. Carnibus eupeptis, euechymis vescatur, vinoque modice utatur, ibid. Aura frigidior vitetur, ut & omnes evacuationes, blandissimè Catharsis, vel enema e lacte saccharato in recidivæ discrimen conficit, p. 64. Febres intermitt. Symptomatibus stipatæ quæ Apoplexiam veram mentiebantur, ib. Quibus indicia judicandum, ibid. Cautio de methode medendi, ib. Senes imperite tractati in Diabete aliquando incidunt, ib. In omni Diabete invigorandus est sanguis, ib. Methodus therapeutica, ib. Medicam. formulæ, & diætæ, ib. Eadem methode, (nisi quod præmittenda est phlebotomia & Catharsis) sanatur & fluor muliebris, ibid. In tertianis vernalibus, temperamento sanguineo, & florente ætate quid agendum, ib. Methodus in gratiam pauperum, ib. Anno 1679. sub initium Julii eadem febres vires deintegrabant, & mense Augusto immanissime debacchabantur, p. 65. Cum Novembri subingrediebantur tussis *ἑνδυνικώταται*, quarum mala indoles adumbratur, ib. Ad tussim puerorum convulsivam proxime accedebant, ib. In earum causam inquiritur, ib. Curatio recte instituitur Venæ sectione & Catharsi, ib. Pectoralibus gratificamur ægris, sed non diu iis immorandum, & quare, ib. Sudorifica non ita tuto adhibentur, ibid. Sæpe iis accenditur Pleuritis, ib. Misto sanguine, & epispastico nuchæ applicato Catharticum propinetur, ib. Qua sola methode tussis puerorum convulsiva expugnatur, ib. Ratio redditur quare in omnibus morbis epidemicis phlebotomia Catharsi præmittenda est, ib. Cui multiplex experientia, dux & magistra opt. suffragatur, ib. Empirici & scioli perstringuntur, ibid. In accurata Naturæ operationum observatione vera praxis med. fundatur, ib. Febres duas e tribus in medicina faciendæ partes occupant, ib. In quem scopum unice collimant Empirici in earum curatione, p. 66. Non facile judicant speciem, ib. variæ sunt, ib. Quævis peculiarem postulant medendi methodum, ib. Eadem per diversos gradus diverse tractanda, ib. Minutiora quæ observanda sunt non facile enumerantur, ib. Semper erit quod posterius adjiciant, ib. Tussis modo dictæ, si imperite tractarentur, febrem accendebant, ib. Methodus therapeutica, ib. In febre a tussi si ter purgetur æger, sufficit, ib. Post mensem unum vel alterum cessabat tussis, sed febris quoad cætera ejusdem indolis grassabatur, ib. Eadem febris usque ad initium Anni 1680. se extendebat, ib. Febres intermitt. cum surgente anno apparebant, ib. Perseverabant ad initium 1685. sed non adeo epidemice ac in 4. primis annis, ib. Generalis constitutio intermitt. producendis favet, ib. Verosimile est febrem depuratoriam postliminio reversuram, ib. In Peste, & febribus inflammatoriis obest cortex, ib. Epidemici alii alios ordine excipient, ib. Æger Rheumatismo laborans si phlebotomia liberiori manu celebrata curetur, variis morbis obnoxius redditur, ib. Diætæ e sero lactis phlebotomiæ loco substituta, ib. Historia, ib. Leviora sunt ingenia quæ res vilipendunt quod simplices sunt, & apertæ, p. 67. Dicta methode aliis etiam morbis accommodaretur, ib. Casus rarior cujusdam qui mercurium subl. corros. deglutiverat, repetitis aquæ tepidæ haustibus ab Orci faucibus erepti, ib. Cautio de diætæ lactea in virilem ætatem prætergressis, & vino assuetis, ib. Post tertiam Venæ sectionem Cath. exhibeantur, repetanturque, ib. Ita viam sternes paregoricis, ib. Purgantia sint e lenitivis, ib. Affectus quidam qui febres intermittentes excipiebat nunc Rheumatismum, nunc dolorem nephriticum amulans commemoratur, ibid. Eandem vendicabat medendi methodum, quam morbus cui adhærebat, ibid.

Epist. Resp. Secunda.

Nil vetat, at jubet charitas luis venereæ curationem docere, p. 121. Quando primum hic morb. Europam appulit, p. 122. Cujus regionis Endemius, ib. Magna celeritate grassabatur primum, nunc languet indies, ibid. Centum retro annis Gonorrhœæ virulentæ specie se primum ostendebat, ib. Quot modis propagatur, ib. Quibus gradibus procedit, ib. Varia enumerantur symptomata, ib. Constrictio virgæ erectæ dolorificæ est signum *αυδονωμορικήτων*, ib. Ardor urinæ, carunculæ in urethra erosa, unde Ischuria, scroti inflammatio, ib. Quomodo Gonorrhœa adolescit in veram luem, ibid. Bubones, dolores vagi nocturni, ib. Crustulæ, & porrigines leprosæ, ibid. Exostoses, ulcera Phagedænica, Ttagœdiæ Catastrophe, ib. Naturalis essentialis nos latet, pag. 123. Nec mercurius, nec ligna exsiccantia proprie hic audiunt specifica, ib. Alia

Sydenham opera Medica.

debet esse evacuatio in Gonorrhœa, alia in lue formata, ib. Gonorrhœæ curationis cardo in remediis catharticis vertitur, ibid. Quibus præ cæteris purgantibus cedit, ib. Diætæ refrigerans a carceribus ad metas, ibid. Methodus observanda circa Catharsin, ib. Quid denno faciendum si purgationi non cesserit Gonorrhœa, ib. Quid in Idiôsyn-crasis, ib. Quid in iis qui ægre purgantur, ib. Diætæ inter curandum, ib. In quo casu vena tundenda, ib. Catharsis hic ad instar omnium est, p. 124. Qui mundificat bene, bene sanat, ib. Incommoda ex aq. mineralibus, & aliis adstringentibus, ib. Item e lignis exsiccantibus, ib. Methodus curandi glandem præputio contextam, & inflammata, ib. atque etiam scrotum inflam. ibidem. Lues confirmata non nisi per salivationem ab hydrargyro excitatam potest extirpari, ib. In ejus curatione corporis per evacuantia præparatio damnatur, ib. Ut & correctiva in unguent. & Cathart. ib. Æger ter inungendus, ib. Quibus remediis Pthyalismus extimuletur, p. 125. Gradus salivationis sedulo observandus, ib. Quid si purgaretur æger, ibid. Convalescente ægro, potius promoveri debet pthyalismus, quam cohiberi, ib. Refrenandus tamen in statu, si justos limites transiliret, ib. Post salivationem non necessaria est Catharsis, ib. Cautio ne salivatio importunius urgeatur, *ἡδυναι ἀντιμετρίως*, ib. Qua methode optata potiaris arena, ib. Mercurius dicatur specificum mediatum, ib. Quid agendum si Lues & Gonorrhœa una stabulentur, ib. Curatio Exostosis, p. 126. Oris exulcerati, ibid. Diætæ, & reliquum ægri regimen, ib. Quare hoc morbo mulctati in Galliam commigrare coguntur, ib. Quo tempore carens teneriores indulgendæ sint ægro, ib. Hæc methode usitata expeditior, minus periculosa, & recidivæ minus obnoxia, ib.

Dissertatio Epistolaris.

Rationes quæ Authorem instigarunt ad observationes hæc edendas, p. 131. Febres intermitt. quæ primum anno 1677. caput extulere, anno vero 1681. regnabant, iis tempestatibus grassabantur maxime, quæ cum earum indole magis faciebant, p. 132. Quo ordine morbi se invicem excipiebant, ib. Variolæ *ἑνδυνικώταται* factæ sunt, ib. Qua data occasione maculæ purpureæ extrudebantur æger pro exanthematum numero, ib. Sanguinis mixtus, & maculæ purpureæ, vel paucissimis, vel nullis apparentibus pustulis ægrum e medio tollant, ib. Status diverso tempore pro ratione morbi, ibid. Confluentes tanto distinctis periculosiores, quanto confluentibus pestis, ibid. Juvenes in ætatis flore omnium maxime periclitantur, ibid. Pustulæ & phlegmonis comparatio, ibidem. Densa pustularum eruptio coercenda, & quare, ibidem. Unde oritur, & a qua *αυδονωμορικήτων*, ibid. Die sexto ab invasione omne pustularum examen conspicitur, ibidem. Quo morbi tempore æger insolidum lecto adjudicandus, ibidem. Essentia morbi videtur in inflamm. consistere, pag. 133. E qua varia symptomata oriuntur, ibid. Peccantem materiam in sanguine sola febre amolitur Natura, in massa carnea apostemate, ibidem. Pus resorptum sanguinem inquinat, ibidem. Pthyalismus ab intenso febris calore sistitur, ibidem. Eventus pendet a jacto fundamenro, ibidem. Quot mala a regimine calido oriuntur & a modice frigidiusculo commoda, ibidem. In quo casu æger libero aëri exponendus est, ibidem. Quomodo accidat, ut æger in morbi principio tollatur, ibidem. Sanguinis missionem non tanti esse ac ejusdem contemperationem, probatur instantia, ibidem. Quantum valet reiterata Catharsis sanguine nondum inquinato, ibidem. Objectiones contra regimen moderatum retorquentur, ibidem. Incommoda a pustulis præpropere elicitis, pag. 134. Lecti calor quantus, ibidem. Nec febris coercenda, nec sudor provocandus, ibidem. Æger lecto arcendus, ne forte variolæ forent e confluent. genere, ibid. Nihil suo judicio tribuit Author nisi quatenus experientia conformi, ibidem. Dogmatici invidiam depellit, ibid. Quocunque modo tractentur variolæ, aliquando insigniter confluent, ibid. Quantum dandum agrorum appetitionibus, p. 135. Naturæ, non Arti mos est gerendus, ibidem. Morbi acuti sunt qui DEUM habent Authorem, sicut Chronici ipsos nos, ibid. Quale bonum esset Ars medica, si vere Ars esset, ib. Infantes spasmo correpti ut tractandi, ib. Quantum hic errari solet quam symptomata pro affectibus essentialibus habentur, ibid. Post spasmos in infantibus raro insigniter confluent variolæ, e contra, post affectus comatosos, ibid. In utrovis affectu quomodo tractandæ, ib. Quo enormiora sunt symptomata, eo magis confluent variolæ, ib. Post mistum sanguinem Emeticum eradicativum exhibendum, p. 136. sp. vitriolis cerevisiæ tenuioris immisceendus, ib. Liberior aeris appulsus magis confert ad sanguinem contemperandum, quam evacuantia quævis, ibid. In quibus hæc methode observanda, ibid. Die ab invasione sexto æger lecto addicetur, ibid. De variolis confluent. tantum hic agitur, ib. Medicamenta paregorica sunt hic quasi specifica, ib. Quo sedatioris sunt sanguis, & spir. eo commodius & separario fituat. variolosæ, & pustulæ adollescunt, ib. Quo nomine syr. de Meconio laudano liquido est præferendus, ib.

Dosis symptomatum gradui adaptanda, ib. De adultis impræfentiarum agitur, ib. Infantibus tamen aliquando danda sunt hypnotica, ib. Toties repetenda sunt, donec metam attigeris, ibid. observatio, ibid. Calor lecti eludit medicamenti vires, p. 137. Quod etiam in Febribus intermit. aliquando accidit, ibid. A sexta ab Invasione nocte ad 17. exhibendum Anodynum, ibid. Tempori in ultimis morbi diebus ob paroxys. vespertinum, ibid. Aqua dosi, ib. Si ægro nauseam creaverit syr. de meconio, laudanum liq. ejus vires suppleat, ibid. Objectioni respondetur de discrimine Pthyalismi retundendi, ibid. Quare non æque indicatur Diacodium in infantibus, quo casu propinandum, ibid. Duo Cardines in quibus variolarum curatio vertitur, ibid. Die decimo epispast. nuchæ applicandum, & quamobrem, ibid. Die undecimo vix micat pulsus, ibid. Alium incipit pedum plantis admoventum a die octavo donec æger extra aleam positus fuerit, p. 138. Diata per totum morbi decursum, ibid. Vinq. instante maturatione, indulgendum, ibid. Sudores evitentur, ibid. Casus rarior, ibid. Variolæ insigniter confluentes licet ut plurimum, non tamen semper tertio ab invasione die erumpunt, p. 139. Omnia hæc theorematum ad confluentes tantum pertinent, ibid. Historia insignior de quodam a Petechiis, & mixtu sanguineo facilliter liberato, ibid. Par methodus in causarum paritate (quantum fert utriusque morbi Genius) adhibetur, ibid. Non Phantasia, sed phænomenis practicis litat Author, ibid. Probi Medici officium, ibid. Unde est quod quæ Medica appellatur, confabulandi potius, quam medendi Ars evasit, p. 140. Naturæ operationes deprehendimus, sed modus operandi nos semper latebit, ibid. Instantia in Cerebro, ibid. Non quæ librorum lectio suggestit, sed quæ propria experientia docuit, hic tradit Author, ibid. Affectus hysterici Chronicorum pars media sunt, ibid. Paucissima foemina, vel viri sedentarii ab iis liberantur, ibid. Affect. hysteric. & hypochond. analogia, ibid. Omnes fere affectus æmulatur, ibid. Apoplexiam refert, & Hemiplegia solvitur, ibid. Quas præcipue adoritur foeminas hæc species, ibid. Spasmos gignit horrendos Epilepsia persimiles, ibid. Strangulatus uteri quibus temperamentis familiaris, ibid. Exteriorem capitis partem impetens cum vomitione enormi clavum hystericum parit chlorosi laborantibus familiarem, ibid. Cordis palpitacionem excitat in infirmioribus, & febre alba pallescentibus, ibid. Tussim etiam hystericam, quæ pituita scatentes fatigat, ibid. Iliacam passionem mentitur cum frequenti vomendi nixu, & bile porracea rejecta. Ictero solvitur paroxysmus, ibid. Desperatio de salute indivisus ejus comes, p. 141. Quo corporis habitu locum habet hæc species, ibid. Paroxysmum Nephriticum mentitur, ibid. Calculum vesicæ, & Ischuriam parit: sed rarissima est hæc species, ibid. In iis, qui fractis sunt viribus a repetitis ejus insultibus, ibid. Nunc vomitiones excitat, nunc Diarrhoeam sed sine dolore, ibid. Quibus competunt, ibid. Partes exteriores carnemque musculosam infestans dolores excitat tumoresque, ibid. Differentia inter hosce tumores, & hydropicos, ibid. Dentibus licet fartis testis ab omni de fluxu liberis atrociss. & expugnatu difficilimos dolores affigit, ibid. Dolorem in dorso certo certius persentiscunt quotquot hoc affectu tanguntur, ibid. Partem cui infederat teneram relinquit, ib. Externarum partium refrigeratio quasi viam sternit, ibid. De spirit. dejectione, sive subsidentia conquærentur ægri, ib. In risus, & lacrymas effunduntur nulla data ansa, ib. Limpida urina copiose reddita est signum pathognomonicotaton, ib. Flatus nidorosi, & ructus acidi, ib. Atrocissima animi pathemata in sinu fovent, ib. Qui hisce affectibus tentantur, ingenio ut plurimum pollent, ib. Difficile est multiformes affectus hystericos enumerare, p. 142. Causæ eorum procathartica, ibid. Diagnos. Causæ *απορροια*, ibid. Antecedens, ibid. Cur plures foeminas quam viros fatigantur, ib. Speciei illius quæ Uteri strangulatus dicitur, descriptio, & origo, ib. Illius quæ Colicam biliosam æmulatur, ib. Color viridis, in rejectis unde, 143. Clavi hysterici æthiologia, ib. Urinæ limpida, ib. Historia, ib. Pthyalismi hysterici unde, ib. Frigus, Eletus, & Cachinni, ib. Casus cujusdam fleui immodico ex nulla *απορροια* obnoxii, ibid. Infirma spirituum *αίσθησις* quot animi, & corporis intemperies parit, ib. Morbi fomitem in materia non delitescere instantia elucidatur, ib. Spirituum *αίμα* humores putridos aliquando gignit, p. 144. Hinc etiam *απορροια*, chlorosis, & hypodrops testium, ib. Diathesis hystericæ est causa primaria. ib. Quemadmodum & *μιασμα* spirituosum in febre quartana, ib. Præcipua indicatio curatiua sanguinis corroboracionem indigitat, ib. Quare venæ sect. & Catharsis præmittendæ, ib. Ab Anodyno aliquando & remediis vulgo dictis hystericis curationis tela ordiendæ est, ib. Post Venæ sect. & Cathars. omnia ægro videntur in pejor ruere, ibid. Remedia chalybeata per 30. dies fumantur, ibid. Nihil magis erigit spiritus, ib. Indicatio est effectus in chlorosi, ib. In quibus, Venæ sect. & Catharsis omittis cum chalybe recta incipiendum, ib. Nuda chalybis substantia quavis ejusdem præparatione efficacior, ib. Crudæ forsan mineræ vis maxima, ib. Ab officiosa Chymicorum sedulitate medicamenta sæpe nativis spoliantur viribus, ib. Præcipue eorum vires a Natura, ib. Quod testantur Opium, & cortex Peruv. ibid. Syr. chalibis a substantia ejusdem

secundus, 145. Et in chalybis, & aquar. mineralium usu Cathartica melius omittuntur, ibid. Repetita Cathartica in imbecillis, & infantibus plurimum efficiunt, ib. Unde tumores in infimo ventre, glandulæ præternaturales in mesenterio, &c. ibid. Post evacuationes universales confortentur sanguis, & viscera, ib. Medicam. formulæ quæ huic intentioni inserviunt, ibid. In ventris tumoribus post longas febres intermitt. repetita Catharsis indicatur, ibid. At in Rachitide vera semel, vel bis ad plurimum, & dein alterantia, ib. Non pauci infantes a Catharticiis sæpe repetitis interempti sunt, ib. Objectioni fit obviæ de chalybis aculeis in intestinis hæsis nisi expurgentur, ibid. Hysterica dicta remedia in forma solida usurpanda sunt, ibid. Methodus & remed. formulæ, ib. Si chalybeata perturbent, laudanum singulis noctibus fumendum, ib. & p. 146. ubi symptomata mitiora sunt, pil. hysteric. sufficiant, ib. Idiosyncrasia sunt observandæ, ibid. Instantia in laudano liq. syr. de meconio vires gerente, ibid. Si chalybs malo vincendo par non sit, ad eundem aq. minerales, ibid. Observanda inter bibendum, ibid. Ob purgativa iis mista difficiliter operantur, ibid. Infus. clavorum equinorum si modo debet assumantur, eundem cum aq. miner. effectum fortiuntur, ibid. In quo casu aq. Bathonienses ad eundem, ibid. Theriacæ Androm. vis, ibid. Vinum Hispan. vel corroborantibus medicatum, vel simplex quantum valet, ib. Cort. Peru. ad spir. invigorandos eximia est vis, ibid. Præcipue in foeminis quæ spasmodis urgentur, ibid. Diata lactea in temperamento bilioso tenui, & colica hysterica affectis, p. 147. Sed non omnibus ex æquo convenit, ibid. Nihil tamen adeo impense sanguinem & spiritus firmit, fovetque ac diu multumque equo vehi, ibid. Historia notabili comprobatur, ibid. Nec in hypochondriacis magis quam in tabidis phthificisque pene deploratis locum habet hoc exercitii genus, ib. Inter chronicos Phthisis duos fere Trientes jugulat, ibid. Nec mercurius in Lue Venerea, nec Cortex in intermit. efficacior extant, quam in hac curanda (observatis observandis) exercitium laudatum, ib. In Paroxysmo hysterico ad foetida confugiendum, quæ spiritus ab excursibus in ordines compellunt, ib. Quæcunque foetent, huic intentioni inserviunt, ib. Si vehemens dolor, vomitio enormior, aut Diarrhoea incesserit, solo laudano cohibentur, p. 148. In quibus evacuationes præmittendæ, & quamobrem, ib. In quo casu a laudano incipiendum, ib. Vomitiones enormes dosin max. & sæpissime repetitam indicant, ib. Pægoricum vel in forma solida exhibeatur, vel vehiculo parco, ib. Capitis motus vomitionem provocat, ib. Recidiva ut præcavenda, ib. A dolore, & vomitione Medicis frequentius imponitur, quam aliis quibuslibet symptomatibus, ib. In illa specie quæ paroxysmum Nephriticum imitatur judicanda quam graviter errari solet, ib. Ut & illa quæ calculum renum, colicam biliosam vel Iliacam passionem simulat, ibid. Quas repetitis suis evacuationibus Medici non solum non compescunt, sed irritant, ibid. Præsertim emetico propinato, ibid. De Diagnosi ergo sedulo cavendum, p. 149. Plurimæ puerperæ pereunt, quod debito citius e lecto exurgunt, unde lochiorum suppressio, phrenesis, spasmi, febres, ibid. Vix decima perit mulier vel ex dolore, vel quod vires partui ferendo non sint, ibid. Ad diem saltem decimum jacere debent, ibid. Indicationes curatiæ duæ, ibid. Si remedia usurpari solita votis non respondeant, ab iis temperandum, ibid. Emplast. hysteric. umbilico admoveatur, & lect. cum Julap. hic laudato exhibeatur, ib. Si hæc malum non devincunt, laudanum una saltem vice tentandum, ib. Quod aliquando lochiorum fluxum revocat, ib. Narcotica cum hystericis & Emmenagogis propinentur, ibid. Si non sequantur lochia, rejiciantur narcotica & hystericis ac Emmenagogis enemata addatur, ibid. Enema non repetendum, sed temporis *συνμυξία* præstolanda, ib. Post diem 20. res fere in vado est, ib. Si remedia nihil proficiunt obstinatius ingerantur, & morbum, & spir. perturbationem augent, ibid. Historia, ib. In quo casu boni Medici est rem totam aliquandiu Naturæ committere, p. 150. Sæpe fluxus mensium immodicus sive in puerperio sive extra idem Affectus hysterici causa fit, ibid. Prima species post partum laboriosorem primis solum diebus ingruit, & brevi se proripere solet, ibid. Viçtus sit incrassans, ibid. Medicam. formulæ, ib. Species altera licet omni tempore accidit circa æt. anno 45. vel 50. quo menses cessaturi sunt, præcipue invadit, ib. Hysterica fortiora evitentur, ib. Methodus medendi cum medicament. form. ibid. Uteri prociçientiæ Curatio, ib. Conclusio, ib.

Tractatus de Podagra.

Quos præcipue invadit Podagra, p. 157. Diverfus ejus Quos pro ratione subjecti, & tempore invadendi, 158. Quo tempore, & modo Podagra regularis ægrum aggreditur, ibid. Quo ordine & quibus stipata phænomenis partes laceffit, ib. Paroxysmus graphice depingitur, ib. Nunc hic, nunc illic tragoedias excitat, ib. Dolor semper noctu recrudescit, mane vero remittitur, ib. Ex serie paroxysmorum constat paroxysmus, ib. In diversis diverso tempore solvitur, ibid. Quomodo se habet æger quoad urinam, alvum & appetitum, ibid. Pruritus in di-

in discessu & pedum desquamatio, ibid. Pro majori, vel minori unius paroxysmi sævitia, vel serius, vel citius revertitur paroxysmus, ibid. In Podagra inveterata, vel in debita medicatione turbata phenomena sunt diversa, ibid. Pedes peccantis materiæ sedes genuina sunt, p. 159. Jam varias corporis partes occupat, ibid. In digitis &c. tophos generat, in cubitis tumorem album excitat, ibid. Femur, genuque &c. ut impetit, ibid. Per annum fere integrum durat paroxysmus, ibid. Paroxysmi particulares diutius sæviunt, nec ante diem 14. castra movent, ibid. In intervallis artus sunt, ibid. Quanto magis æger ambulando pedes firmare contendit, tanto periculosus morbi fomes visceribus imminet, ibid. Venarum hæmorrh. dolore, ructu nidoroso, appetitus prostratione infestatur, ib. Urina illa imitatur, quæ in Diabete excernitur. Dorsum, aliaque partes moleste pruriunt, ibid. Dolores in metatarso lancinantes, & spasmi in tendinibus musculorum tibiæ ut ægrum invadunt, ibid. Doloribus recedentibus ægritudines, lassitudo spontanea, & in diarrhœam propensio succedunt, ibid. In Podagra diuturniore ægritudine potius quam dolore conficitur paroxysmus, ibid. Quo vehementior est dolor, eo citius præterlabitur paroxysmus, & diutius abest, & vice versa, ib. Calculum renum in quamplurimis parit, ibid. Qui aliquando meatus urinarios obstruens ægrum e medio tollit, ibid. Animus corpori compatitur, unde æger variis passionibus obnoxius est, ibid. Morbi Catastrophe, ibid. Plures divites, & sapientes, quam pauperes, & fatuos interemit, ib. Si quas fœminas (quod perraro est) non nisi vetulas, & viragines infestat, p. 160. Neque pueri, neque juvenibus minores vera, & genuina vexantur, ibid. Leviculam tamen vellicationem præsentunt, quibus ex traduce morbi feminium impressum est, ibid. Morbus *ampla* ortum debet, ibid. Qui vino, veneri, laboribus improbis, studiis intensis, cæterisque, quæ spiritus exhauriunt, coctiones destruunt, & partium tonum laxant, nimium indulgere, hunc morbum accerunt, ibid. In curatione, Venæ sectio, Catharsis, & sudores non indicantur, ibid. Venæ sectio ut pugnat cum judicatione quam causa antecedens sibi vendicat, præcipue in iis qui ætate sunt provectiones, ibid. Quo modo hydropi aditus aperitur, ibid. Quando in juvenibus locum habet, ibid. Ut ab Emeticis, & Catharticis æger de vita periclitatur, p. 161. Ab humoribus intro versus intestina sollicitatis quæ mala ingruunt, ibid. Catharsis nec paroxysmo ad peccantem materiam minuendam, nec in fine ad reliquias amoliendas, nec ad ventri aditum præcavendum omnino prodest, ibid. Unde spirituum *osans* infirmatur, & disjicitur, ibid. Quo pacto fiat ut æger confestim convalescat, sed pœnas impofterum ab *arata* pendat dirissimas, ibid. Quibus nominibus sudores officiant, ibid. In omnibus morbis, dempta sola Peste, sudores prolicere non tam Medici est, quam Naturæ provincia, ibid. Hic affectus ob contra indicationes curatur perdifficilis est, ibid. Causæ antecedenti, & Continenti obviam eundum est, ibid. Quo sensu causa continens intelligenda est, ibid. Præcipua curandi intentio in eo verti debet, ut coctioni consulatur, p. 162. Quæ proprie digestiva appellantur, ibid. Medicamenta quæ hanc intentionem adimplent, ibid. Cautio in iis sumendis, ibid. Quo in casu, quanto major est simplicium numerus, tanto potentius medicamentum operatur, ib. Forma Electuarii quo Author uti solet, ibid. Quo nomine theriacæ Androm. præferendum est, ibid. Inter simplicia cortex Peruv. primas obtinet in sanguine corroborando, ibid. Quantum hujusmodi medicamina in aliis Chron. plerisque juvant, ibid. Differentia inter morbos acutos, & chronicos, ibid. Ejus causa indagatur, ibid. Qui morbi Epidem. audiunt, qui intercurrentes, & sporadici, p. 163. Indigestio communis est Chronic. pars, ibid. Ex eo probatur, quod senes magis hisce affectibus obnoxii sunt, quam juniores; & ad eos gignendos magis facit hyems quam æstas, ibid. Equitationis emolumenta, in morbis chronicis plerisque, Phthisi præcipue, stupenda sunt, ibid. Herbarum excalescentes quæ adferunt commoda, ib. Licet in Podagra lædant, in aliis tamen chronicis plerisque Venæ sectio, & Catharsis corroborantibus, & digestivis præmittenda sunt, ibid. Sed cum morbi cujusque curatio remed. corrobor. innititur, evacuationes qualesque officiant prorsus, ibid. Digestiva laud obiter, sed assidue, & constanter sunt usurpanda, ibid. Nam cum erroribus sive his, sive illis, tota corporis œconomia sit quasi funditus eversa; eadem de novo exarunda, atque redintegrandæ est, ibid. In digestivorum usu, præcipue in proxys. intervallis perseverandum, ib. In cibo, potuque quæ mediocritas servanda, p. 164. Cur ægri palato consulendum, ibid. Unica ciborum specie singulis pastibus vescatur, ibid. Acræ, sale condita, & aromata evitentur, ibid. Prandere tantum expedit, ibid. Liberaliorem cerevisiæ tenuioris haustum ob calculum renum generari aptum nocte sibi indulgeat, ibid. Diœta lactea quæ ratione magis obest, quam prodest, ib. Potus sit Cerev. tenuis Lond. ibid. Vinum de facto officit, & quare, ibid. Neque tutius a vino assuetis liquores nimis refrigerantes in usum revocantur, ibid. Quis modus in potu statuendus, ibid. Copia, & luxus nativæ, tum animæ, tum corporis rectitudini vim infert, ibid. Ab ineunte ætate satis comode potaretur aqua, p. 165. In Podagra inveterata potus

diæticus (cujusmodi hic forma præscribitur) plurimis nominibus prodest, ibid. Quando primum commodissime in usum trahitur, ibid. In quo casu vinum Hispanicum, illudque præ aliis ægro indulgendum, ibid. Ob quas rationes lectus mature petendus, præcipue hyemistempore, ibid. Animi pathemata, nimiaque ad studia, & res serias applicatio spirituum systasin solvunt, ideoque evitanda sunt, ibid. Cæteris omnibus, quæ indigestionem impediunt, sanguinem corroborant, & partibus firmitudinem conciliant, exercitium corporis facile palam præripit, p. 166. Quotidianum & moderatum sit oportet, ibid. Quod qui spernit ad calculi generationem erit proclivior, & in discrimine ne a materia tophacea in articulis admodum aucta omni motu privetur, ibid. Exercitatio non tantum tophorum generationi officit, sed veteres, & induratos pleurique solvit, ib. Equitatio aliis exercitiis præferenda est, ibid. Frequenter curru vehi eodem fere recidit, ib. Idque ruri potius aere perflato, & salubri quam in urbe, ibid. Quam improvidus senex Veneri indulgens, ibid. Regimen hoc utut religiose a quovis observetur, ab enormioribus podagræ insultibus tuetur, eum tamen ab omnibus immunem præstare non valet, ibid. Totius corporis habitus, quoad fieri possit, in paroxysmorum intervallis est immutandus, ib. Morbi fomitis expulsio Naturæ, (ut in Febribus intermit.) permittenda est, ibid. Qui symptomatibus coercendis incumbit, morbi curationem remoratur, p. 167. De errore in victu ab ægro summo opere cavendum, ib. A motu curru minus dolebit, quam in Cathedra quiescens, ib. A quo etiam somnus invitatur, ib. Et Calculus quadantenus præcavetur, ib. Atque etiam totali artuum ad motum impotentia occurrat, ib. Morbi digestionem sine exercitio in senibus frustra quis speret, ib. In quo casu lectus, & Diœta tenuis necessaria sunt, ib. In quo exercitium, ibid. Ipse dolor aliquando amarum licet, magnum tamen est remedium, ib. Inter symptomata a quibus æger in paroxysmo de vita periclitatur ventriculi debilitas cum torminibus maxime est familiare, ib. Qua data ansa ingruit, ib. Et mitigando vinum Canariense confert maxime, sed nec illud, nec Cardiacorum aliud quodlibet ægrum, si exercitio non utatur, servare posse existimandum est, ib. In quo casu ad laudanum statim confugiendum est, ib. In quo sudores provocandi, ib. Quibus Author aliquando suæ vitæ consuluit, ib. Materiæ peccantis in pulmonum lobos metastasis qua methodo curanda, p. 168. Sudores hic sedulo evitentur, ib. In paroxysmo nephritico ut æger tractandus, ib. Plures in debita medicatione quam podagra perimuntur, ib. Remedia externa nocere quandoque possunt, prodesse nunquam, ib. Ustulatio partis affectæ Hippocratem non latebat, ib. Nihil interest utrum moxa, an lino crudo fiat, ib. Dolorem aliquatenus mitigat, sed causam Podagræ antecedentem non attingit, ib. In doloribus quorum in partibus internis sedes est, locum non habet, ib. De specificis quanta hic, & alibi decantentur, ib. Venæ sectio, & Purgatio alternatim celebrata in contusionibus, continui solutione, & quavis organorum læsione quantum valeant, ib. Quisquis alia petit medicamenta ad Lucianum relegandus est, ib. Therapeja radicalis adhuc in Democriti puteo latet, p. 169. Quam tamen quandoque inventum iri Author nullus dubitat, ib. Unde elucescet quantum hallucinati sunt dogmatici in morborum essentis dignoscendis, ib. Et quam inauspicato in febrium causis investigandis vel solertissimi ingenia sua exercuere, ib. Cujus rei Cort. Peruv. repertio exemplum est satis luculentum, ib.

De Hydrope.

Omnis hominum ætas, sexus omnis ab Hydrope nunquam infestatur, p. 169. Fœminæ magis quam viri obnoxii sunt, ib. Hi ætate ingravescente, illæ ubi jam parere desierint, ib. Foveæ a digitorum impressione in furarum parte inferiore primum mali indicium, ib. Quare non perinde certum in fœminis, atque in maribus, ibid. In senibus vero a multis annis Asthmate laborantibus hydropem non certo indicant, ib. Si generaliter loquamur, furæ, & tibiæ intumescences etiam in viris pro signo hydropis supervenientis habendæ sunt, ib. Pedibus cruribusque ad extremum extensis in abdomen ruentes aquæ, dein & umbilicum exomphalon quandoque constituunt, p. 170. Tria nunc morbum stipant symptomata, Dyspnœa, urinæ paucitas, & sitis intensa, ib. Unde originem trahunt, ib. Pro rata quæ partes quas obsidet morbus, augentur, aliæ magis magisque gracilescent, ibid. Impetu tandem in viscera nobiliora, & vitalem arcem facta, æger cataclysmo quasi submersus perit, ib. Causa morbi in genere est sanguinis debilitas, ib. Illi debilitando quæ operam commodant, ib. Hydrops testium in fœminis obiter notatur, ib. Aliæ sunt duæ species in fœminis hydropem mentientes, ib. Illa carni intra abdomen excrescentiæ præternaturali, hæc flatibus ortum debet: qui ingravitationis signa pariunt, ib. Neutra harum ad morbum, de quo agitur, referenda est, ibid. Quas præcipue exercent, ibidem. Indicationes curativæ duæ, aquas contentas evacuare, & sanguinis robur instaurare, ib. Cathartica quæ vel segnius, vel mitius operantur, officiant magis, quam profunt, ib. Utrum ægri corpus facile, an ægre, Catharticis cedat, sollicitè inquirendum, ibidem. Purgatio per

Hydragoga non tantum non imminuit tumorem, sed adauget, ibid. Quare expurgatio fortis, vel nimia, iusto debiliore præferenda est, ibid. Quas ob causas maxima celeritate quam ægri vires ferre queant, aquæ exantlandæ sunt, ibid. Hydragoga quem usum obtinent in iis qui difficiles, quem in iis qui faciles purgati sunt, ibid. In istis qui Catharsi prompte cedunt syr. de spina Cervina aquas sat copiose elicit, p. 171. Id habet incommodi hic syrupus quod inter purgandum ingentem sitim provocet, ibid. Catharticis lenioribus opus suum cum bona euphoria non peragentibus, fortiora sunt tentanda, quod historia probatur, ibid. Quo casu hydragoga sola vix votis respondet, sed lenioribus calcaris vice permista, efficacissima evadunt, ibid. Portionis forma pro robustioribus, ibid. Alia, ibid. Tertia calefaciens inter purgandum, tum & corroborans, ibidem. In iis qui ægre purgantur aliis *desumptis* sunt Elaterium, & infus. Croci metal. ibid. Emeticæ operationis ratio investigatur, ibid. Cacos dari meatus ex abdominis cavitate in intestina de facto liquet, ibid. Hippocrates in scenam ducitur, ibid. Quam curiosa corporis humani inspectio, & fabricæ notitia, tum Medicis, tum Chirurgis necessaria est, ibid. In acutis quibuslibet, & Chronicis plerisque specifica quædam inest proprietas nulla corporis contemplatione in lucem eruenda, ibid. Mens divini Senis in loco supra citato explicatur, p. 172. Majora licet organa patent, exiles tamen meatus oculos acutiss. vel microscopio exquisitissime elaborato aditos effugiunt prorsus, ibid. Cognitio nostra ad *deum* assurgat, sed *ad deum* nullatenus attingat, ibid. Et quæ innotescunt, & ad quæ cæcutimus impellunt ut divinum Artificem suspiciamus, & adoremus, ibid. Chimæ laus, & emolumenta intra quos limites coercenda, ibid. Medicinæ faciendæ defectus in eo non vertitur quod nesciamus, quo pacto huic, aut illi intentioni satisfacere debeamus; sed quod non satis sciamus quænam sit illa intentio, cui satisfaciendum est, ibid. Ad iudicium in hac re rite formandum naturalia morborum phænomena atque juvantia, & lædencia diligenter observata, collata, & trutinata conferunt maxime, ibid. Exquisitissimæ speculationum dissertationes quam labili fundamento innituntur, ibid. Hypotheses solidas, & genuinas Praxi quadantenus originem debere exemplo comprobatur, ibid. Vomitus ab Emetico excitata hydropicorum aquas *αἰω, ἢ κῆρω* potenter evacuat, ibid. Hydropicæ cujusdam curatio Emeticis, & Catharticis absoluta, ibid. Tria hic notatu dignissima, p. 173. *Αἰσχία* ab evacuationibus excitata ut occurrendum, ibid. In quo casu convenit ut tota res evacuantibus per inferiora committatur. Decoct. ex interiore

cortice Sambuci eodem modo quo *Crœcus* metalli morbum hunc depellit, non autem vi aliqua specifica, ibid. In quibus casibus Emetica & Cathartica malum augment, totaque curatio in sanguine, ac visceribus corroborandis, firmandisque vertitur, ibid. Huic intentioni aeris mutatio, & exercitium quale quale demum sit, apprimè respondent, ibid. In constitutione infirma, & hysterics, aquæ diureticis educendæ sunt, ibid. Efficacissima e salibus lixivialibus sunt, ibid. Medicam. forma, ibid. Cines genistæ in vino Rhen. ac quantum hic valent, ibid. Aquis evacuatis, debilitas sanguinis medicam. calefacientibus, & corroborantibus præcaveri debet, præsertim in ætate provectioribus, ib. Quæ in Podagra laudantur, an hic locum habere possint, ibid. Vinum a quo in podagra abstinendum, pro potu ordinario in hydropo usurpetur, ibid. Morbi plerique Chronici indigestioni ortum debent, ibid. In essentielles & específicas morborum tam Chronicorum, quam acutorum differentias penetrare non datum est, ibid. Curationem in utrisque non ad essentialem eorum naturam, sed ad causam magis generalem dirigere cogimur, p. 174. Curandique methodum naturæ, vel experientia indicia accommodare, ibid. Æger inter curandum, post portas aquis datas, vel vinum, vel Cerevisiam generosiorem potare teneatur, ibid. Liquores generosi, modo spir. distillatione elicit non sint, soli aliquando hydropicos in principio curarunt, ibid. Cerevisia medicata pro pauperibus, pro ditioribus vina, & Electuarium digestivum laudantur, ibid. Liquores minus generosi parce admodum bibendi, ibid. Sitis ut restringenda, ibid. Calybs in hydropo incipiente haud infimum sibi indicat locum, ibid. Allium solum hunc morbum depulit aliquando, ibid. Cujusmodi hydrops evacuantia non deposcit, ibid. Cum sanguinis corroboracioni navatur opera, totaque res in eo solum cardine vertitur, æger nullo modo expurgandus est, ibid. Ita enim tumor, qui minui coeperat, augebitur, ibid. Morbus ad supremum gradum provectus artis subsidia spernit, ibid. Quare tamen Medici est non animo cadere, sed morbum tanquam nuper coeptum aggredi, ibid. Topica in forma Cataplasmatum, vel linimenti minus nocent, ibid. Unguent. a Cathart. fortioribus confecta atque abdomini applicata quas turbas faciunt, ibid. Vesicatoria gangrænam sæpe invitant, ibid. Quare vulnus leviss. in hydropicorum carne curatu est difficillimum, ibid. Conclusio, ibid. post scriptum de Febre hyemali, cujus historia & curatio traduntur, pag. 175. Scheda monitoria de novæ Febris ingressu, pag. 176. Processus integri in morbis fere omnibus curandis, pag. 227.



I N D E X

R E R U M E T V E R B O R U M

Totius OPERIS.

A

<i>A</i> <i>Bortus</i> curatio.	Pag. 150.
<i>A</i> <i>Acupunctura</i> in Hydrope rejicitur.	174.
<i>Aer</i> terrenis effluviis inquinatus Epidemicorum morborum causa.	2. 47. 48. 177.
<i>Aeris</i> dispositio sola Pestem vix potest suscitare.	18.
<i>Aeris</i> manifestæ qualitates morbos Epidemicos variè moderantur.	2.
Non tamen eos producant.	36. 177.
<i>Aeris</i> mutatio in febribus chronicis nonnunquam valde est salutaris.	15.
<i>Aeris</i> mutatio quo tempore fieri debeat.	<i>ibid.</i>
<i>Aeris</i> occultum quoddam vitium varios gignit morbos.	17. 36.
<i>Affectus</i> quidam scorbuti nomine perperam insigniuntur.	8. 57.
<i>Alba profluvia</i> , vide Fluor muliebris.	
<i>Alexipharmaca</i> plerunque calida sunt.	18.
<i>Alexipharmaca</i> occulta quadam indole agere necdum constat.	19.
<i>Alexipharmaca</i> sudores solum movendo videntur operari.	<i>ib.</i>
<i>Allium</i> laudatur in hydrope incipiente.	174.
In Variolis confluentibus pedum plantis admoventum.	138.
<i>Alvi profluvium</i> & vomitus a sudore sedantur.	21.
<i>Amenzia</i> sive Mania post febres intermittentes autumnales.	16.
<i>Ambustorum</i> curatio optima linteo madefacto in spiritu vini.	56. 239.
<i>Anatomia</i> quænam notitia Medico necessaria.	171.
<i>Anethum</i> non semper proscrit singultum.	10.
<i>Angina</i> a quo aeris temperamento plerunque oriatur.	2.
<i>Anginæ</i> descriptio.	58.
Curatio.	<i>ibid.</i>
<i>Anginæ</i> Epidemicæ.	52.
<i>Anicula</i> Medicorum Simiæ stolidæ ac infelices.	27. 28.
<i>Anima</i> mundi.	22.
<i>Animi</i> pathemata spirituum systasin solvunt.	165.
<i>Annorum</i> constitutiones variæ ab occulta aeris alteratione.	2.
<i>Anodina</i> , vide Paregorica.	
<i>Antimonialia</i> Emetica nunquam tuto exhibentur puerulis infra adolescentiam constitutis.	6.
Neque tuto præbentur, nisi probe diluta fuerint.	<i>ibid.</i>
<i>Aphra</i> in Dysenteria.	34.
<i>Aphræ</i> febri supervenientes quomodo removendæ.	179. 182.
<i>Apoplexia</i> curatio.	233.
<i>Apostema</i> quid sit.	30.
<i>Apostematis</i> cum febre analogia.	<i>ibid.</i>
<i>Apozema</i> aperiens & antiscorbuticum.	226.
<i>Apozema</i> pectorale in Pleuritide.	59.
<i>Apozematis</i> post febres autumnales usurpandi formula.	15.
<i>Appetitui</i> ægrorum licet incongruo sæpius indulgere oportet.	135.
<i>Aqua</i> cardiacæ temperatæ.	34.
<i>Aqua</i> destillata in Podagra.	162.
<i>Aqua</i> manthæ in vomitu egregie confert.	10. 69.
<i>Aquæ</i> minerales cur non in omnibus ventris torminibus salutares.	181.
<i>Aquæ</i> minerales multum vitandæ in gonorrhœa.	125.
<i>Aquæ</i> minerales ferreæ quando hysterics præbendæ.	146.
Cum non transeunt, ab iis plane abstinendum per diem unum alterumve.	<i>ibid.</i>
<i>Aquæ</i> minerales eadem in quibus calculosis tuto usurpentur.	210.
<i>Aquæ</i> minerales quibus Postagricis minus conveniant.	<i>ibid.</i> 211.
<i>Aqua</i> rosarum capiti applicata vigiliis medetur.	9.
<i>Ars Medica</i> valde adhuc imperfecta.	45.
<i>Arthritis</i> .	56.
<i>Arthritis</i> naturæ medicatricis instrumentum.	1.
<i>Arthritidem</i> præcedentia & consequentia symptomata scorbutica mentiuntur.	57.
In Arthritide materiæ morbificæ recursus summe noxius.	19.
<i>Asthma</i> siccum.	55.
<i>Asthmatis</i> inveterati curatio.	240.
<i>Authoris</i> integritas.	134.
<i>Autumno</i> humores sunt viscidiores quam hyeme.	12.

B

<i>B</i> <i>Oranica</i> sensuum testimonio debet inniti.	4.
<i>Bubones</i> in Peste.	20.
<i>Sydenham opera Medica</i> .	

<i>Bubonum</i> in Peste exortus.	18.
<i>Bubo</i> pestilentialis interdum ex improvise disparet.	19.

C

<i>C</i> <i>Æci</i> dantur meatus ex abdominis cavitate in intestina.	171.
De Calculo humano Martini Listeri dissertatio medicinalis.	19.
<i>Calculus</i> renum prævenitur copiosæ cerevisiæ tenuis sub noctem computatione.	165.
Item potu diætico loco potus ordinarii.	<i>ibid.</i>
<i>Calculi</i> magnitudo ureteris capacitatem haud superans quomodo cognoscatur.	234.
<i>Calculi</i> curatio.	168. 234.
Manna in sero lactis solum commendatur.	234.
Laudantur & aquæ chalybeatæ, nisi major calculus renum adfuerit.	<i>ibid.</i>
<i>Calculus</i> renum simulans affectus.	42.
<i>Calculus</i> vesicæ simulans affectus.	<i>ibid.</i>
Ejusdem memorabile exemplum.	<i>ibid.</i>
Vulgaria contra calculum vesicæ remedia hic nocent, proderat vero narcoticum.	<i>ibid.</i>
De Calculo vesicæ disputatio medica sub Præclarissimo viro Carolo Drelincurtio habita.	211.
<i>Carolus</i> Adolescentulorum juxta cubantium interdum debilibus mire confert.	8.
<i>Canis</i> rabidi morsus.	240.
Curatio.	<i>ibid.</i>
<i>Capillorum</i> abrasio in Phrenitide confert, & cur.	179.
<i>Cardiaca</i> quibus conferunt, & quo morbi tempore exhibendæ.	7.
<i>Cardiaca</i> moderata.	<i>ibid.</i>
Eorundem formulæ.	<i>ibid.</i>
<i>Cardiaca</i> generosa.	16.
<i>Cardiacorum</i> virtus.	14.
<i>Cataplasma</i> in Rheumatismo.	56.
<i>Catharri</i> Epidemici anno 1675.	43.
<i>Cathartorum</i> exhibitio nimia in plurimis affectibus noxia.	148.
<i>Catharticum</i> pro infantibus tenellis.	226.
In Catharticis exhibendis cautio perquam necessaria.	145.
<i>Cerevisia</i> purgativa.	226.
<i>Chalybs</i> , vide de ejus usu in hysterics affectibus.	145.
<i>Chalybs</i> cum nihil profecerit in morbis curandis, aquæ minerales ferreæ adeundæ.	146.
Cumque istæ minus conferant, aquæ calidæ sulphureæ, quales Bathonienses, adeundæ.	<i>ibid.</i>
<i>Chlorosis</i> quomodo curanda.	239.
<i>Cholera</i> morbus quo anni tempore invadere solet.	3.
Quandiu grassetur.	31. 235.
Ejus descriptio.	32. 235.
Curatio nec cathartice nec adstringentibus molienda.	33.
Quo pacto perficiatur.	235.
<i>Cholera</i> Epidemica.	61.
Ejus curatio.	<i>ibid.</i>
<i>Cholera</i> sicca.	32.
<i>Chorea</i> Sancti Viti.	180. 233.
<i>Chronici</i> morbi indigestionibus debentur.	163.
Modus quo gignuntur.	<i>ibid.</i>
Quomodo cum præveniendi tum curandi.	<i>ibid.</i>
Qualis interim diætâ observanda.	164.
<i>Chronici</i> morbi plures scorbuti larvam gerunt.	57.
<i>Chymia</i> quousque utilis.	172.
<i>Chymica</i> morbos non ita mire debellant.	<i>ibid.</i>
<i>Chymica</i> præparatio medicinas deteriores sæpe reddit.	144.
<i>Cicatrices</i> Variolarum iustitionibus nequeunt præcaveri.	28.
<i>Cicatrices</i> Variolarum regimine moderato præcaventur.	<i>ibid.</i>
<i>Cicatrices</i> Variolarum præcavendi ratio.	48.
<i>Clyster</i> in Diarrhœa.	10.
<i>Clysteres</i> in soporosis affectibus valde utiles.	44.
<i>Clysteres</i> in quibusdam colicis plus nocent, quam profunt.	41. 42.
<i>Clysteres</i> in senum febribus minus tuti.	6.
<i>Clysteres</i> fumi tabacci commendantur omnium potentissimi.	181.
<i>Clysterum</i> frequens usus in febrium declinatione vitandus.	6. 49.
<i>Clysterum</i> frequens usus in hypochondriacis & hysterics nocet.	<i>ibid.</i>
<i>Colla</i> non cruda sunt medicanda.	31. 183.
<i>Colica</i> biliosæ & hysterice quam diversæ esse debeant curationes.	149.

Colica biliosa descriptio.	40. 234.
Causa.	40.
Curatio.	ibid.
Enemata nullius hic usus.	41.
Equitatio in declinatione laudatur.	ibid.
Diæta.	42.
Colica Hysterica descriptio.	ibid. 235.
Anodyno sedatur interdictis venæ sectione & catharsi.	235.
Nisi in valde sanguineis.	42.
Præservatio.	236.
Sæpe desinit in Icterus.	42. 236.
Cujus curatio ostenditur.	42.
Colica hysterica & hypochondriacæ curatio eadem.	236.
Colica Pictonum.	55.
Color excretorum sæpe nullam Practicis suggerit indicationem.	42.
Colorum speculatio admodum incerta.	142. 143.
Gomatis Febri supervenientis curatio.	44. 179.
Coma in Variolis.	25. 29.
Colitis in Febribus quid.	7.
Constitutioni aeris præsentis intermittentibus febribus omnino faventi successa videtur febris Depuratoria, quam regnaturam per aliquot annos Pestis tandem excipiet.	177.
Constitutiones Epidemicæ vide Epidem. Constitution. De Constitutionibus annorum 1690. 1691. 1692. 1693. 1694. Dissertationes tres Bernardini Ramazzini.	68. & seq.
Constitutio Epidemica Augustana anni 1695. Lucæ Schroëckii.	92.
Anni 1696.	96.
Anni 1697.	253.
Anni 1698.	255.
Anni 1699. & 1700.	102.
Anni 1701. 1702. 1703. 1704. & 1705.	118. 260.
Anni 1706. 1707. 1708. 1709. & 1710.	262.
Anni 1711. & seq.	286.
Constitutio Epidemica Basileensis anni 1695. Joannis Jacob Harderi.	94.
Anni 1698.	255.
Anni 1699.	105.
Anni 1700. & 1701.	265.
Constitutio Epidemica Berolinensis anni 1695. Gustavi Casimiri Garhliep, von der Muhlen.	94.
Anni 1696.	98.
Anni 1697.	256.
Anni 1698.	257.
Anni 1699.	104.
Anni 1700.	108.
Anni 1701.	265.
Anni 1702.	117.
Anni 1703.	266.
Anni 1704.	268.
Constitutio Epidemica Ferrariensis anni 1715. Josephi Lanzoni.	296.
Anni 1716. & 1717.	297.
Constitutio Epidemica Hassiaca anni 1693. & 1694. Michaelis Bernardi Valentini.	93.
Anni 169.	96.
Constitutio Epidemica Hildesensis anni 1685. cum Epistola Bertholdi Behrens ad Lucam Scroëckium super hanc rem.	99.
Constitutio Epidemica Holfatica anni 1606. Dn. D. Guntheri Christophori Schelhameri.	270.
Constitutio Epidemica Inferioris Hungariæ anni 1711. Jo. Adami Genfelii.	283.
Anni 1712.	ibid.
Anni 1713.	284.
Constitutio anni 1709. apud Labacenses in Carniola notata a Dn. D. Marco Gerbezio. Anni 1709.	270.
Anni 1710.	271.
Anni 1712.	289.
Anni 1713.	292.
Anni 1714.	293.
Anni 1715.	294.
Anni 1716.	295.
Anni 1717.	ibid.
Constitutio, sive Historia Epidemica Mansfeldiaca anni 1697. & 1698.	107. 108.
Constitutio Epidemica Mulhusini Territorii finitimorumque locorum observata anno 1700. ad Dn. Luc. Scroëckium a Joanne Georgio Hoyerero transmissa.	272.
Constitutio Epidemica Poseniensis annorum 1695. 1696. 1697. Dn. D. Caroli Raygeri.	259.
Constitutio Epidemica Sangallensis, finis anni 1696. & principii 1697. Dn. D. Sylvestri Samuelis Anhornii de Harthviff.	258.
Constitutio Epidemica Tubingensis anni 1701. Dn. D. Rudolphi Jacobi Camerarii.	276.
Ejusdem Schediasma ad Historiam Epidemicam Anni 1702.	277.
Constitutio Epidemica Uratislaviensis anni 1699. 1700. & 1701. & seq.	109.
Constitutio de frigore hyemali anni 1709. Dn. Joannis Guilielmi Bajeri.	279.

Constitutio de frigore hyemali anni 1709. Dn. D. Bernardini Ramazzini.	280.
De Contagiosa Epidemia Boum Dissertatio habita a Bernardino Ramazzini.	151.
Contagium quomodo propagetur.	50.
Contusionum curatio.	168. 240.
Convulsio dentitioni infantum superveniens sola venæ sectione curatur.	38.
Specificæ vulgaris hic minus tuta sunt.	ibid.
Convulsiones pro partium quas invadunt diversitate varios gignunt vel simulant affectus.	42.
Præstant hic Narcotica præ omnibus aliis.	46.
Convulsivi motus non semper evacuationes prohibent.	179.
Correctivorum purgantibus immisceri solitorum incommoda.	124.
Corroborantia primi ordinis.	64. 146.
Corroborantium omnium maximum est equitatio.	147.
Inter Corroborantium usum Cathartica nunquam intercalanda.	174.
Cortex interior sambuci laudatur in Afcite grandiore.	173. 236.
Cortex Peruvianus inter antiquartanaria hætenus unicum.	14.
Conferre etiam poterit in Tertianis.	14. 63.
Febrem sæpius suspendit quam debellat.	14.
Methodus eum exhibendi.	ibid. 63. 64.
Cortex Peruvianus laudatur quoque in affectionibus hysterics.	146.
In Podagra.	162.
Corticis Peruviani incommodum in Rheumatismo Scorbuto.	57.
Quare Cortex ita male audiat.	62. 63.
Quomodo intentari ejus discrimina evitari possint.	ibid.
Quod immerito inculpetur.	146.
Quod inter Corticem exhibendum decubitus in lecto, & cardiacorum assumptio sint diligenter evitanda.	63.
Quod omnes evacuationes post ejus usum sint interdiciendæ.	64.
Cortex febribus inflammatoriis curandis ita non confert ut plane obsit.	65.
In febre quæ quotidianam aliquatenus imitatur inefficax.	63.
In sanguine & spiritibus confortandis egregium est remedium.	146.
In affectionibus hysterics & hypochondriacis.	ibid.
In Podagra præveniendæ.	162.
Cortex in electuariis & pilulis exhibitus.	63.
In Infusione.	ibid.
Copala febres producit.	52.
Croci metallorum infusio.	29.
Quoties in hydrope repetenda.	172.
Curationis in morbis acutis recte institutæ character.	37.
Cutis affectuum curatio.	58.

D

Debilibus adolescentulorum accubitus mire interdum prodest.	8.
Decoctum album ex pane & cornu cervi.	35. 39.
Decoctum amarum purgativum.	266.
Decoctum amarum quando usurpandum.	63.
Decoctum aperiens & antiscorbuticum.	226.
Decoctum diaticum.	ibid.
Decoctum pulli in cholera laudatur.	33. 235.
Dentitioni infantum superveniens convulsio sola venæ sectione curatur.	38.
Specificæ vulgaris hic minus tuta sunt.	ibid.
Despumatio in febribus intermittentibus.	11.
Diabetes.	238.
Diabetis curativa indicatio.	64.
Remedia medica.	ibid.
Diæta febrem præcavens.	49.
Diæta in lue Venerea observanda.	126.
Diæta podagricorum.	164.
Diæta qualis in morborum chronicorum curatione observanda.	163. 164.
Diæta lactæ in Podagra censura æqua.	ibid.
Diaphoresis non convenit in omni febre.	45. 183.
Periculi plena est in tertianis & quotidianis.	62.
Diaphoresis quænam prodest, quænam vero noceat.	45.
Diarrhœæ curatio.	535.
Diarrhœam ubi vomitioni conjungitur, ab Emetico non ab adstringentibus proprie sisti.	5. 6.
Attamen Enemate adstringenti sisti posse, si minus valeat Emeticum.	10.
Diarrhœa melius curatur venæ sectione & sanguinem contemperantibus, quam quibuscunque.	31.
Diarrhœa in febre continua Epidem. ab anno 1661. ad 1664.	5.
Diarrhœa in febribus unde oriatur.	39.
Diarrhœa Epidemica ab anno 1667. ad 1669.	22. 34.
Diarrhœa.	Diarrhœa.

Diarrhoea Symptomatica anno 1675.	43. 44.
Diarrhoea Pleuritidi superveniens.	30.
Diarrhoea in Variolis.	29.
Diarrhoea Variolarum confluentium.	24.
Diarrhoea in Variolis distinctis noxia, in confluentibus salutaria.	28.
Diarrhoea post Morbillos Curatio per venæ sectionem.	38.
Diascordium.	6. 27.
Diascordium singultui medetur.	9. 10.
Digestiva medicamenta.	162.
Digestiva ob materiæ crassitiem evacuationi præmittenda.	30.
Quantum valeant in morbis chronicis debellandis.	163.
Quandiu perseverandum in eorum usu.	ibid.
Doctrinarum exprobratio.	166.
Dolor partium a convulsionibus.	42.
Dysenteria descriptio.	33. 234.
Curatio.	34. 35. & seq.
Cum fero lactis.	35.
Laudani solius usu.	36.
Diæta.	ibid.
Affectus est periculosus.	33.
Diuturna definit in Tenesimum.	34.
Dysenteria Endemia Hibernorum.	ibid.
Dysenteria Epidemica diversorum annorum.	32.
Dysenteria Symptomatica.	43.
Dysenteria quo anni tempore invadere soleat.	33.
Dysenteria quandoque per annos aliquot affligit.	36.
Ejusdem per repetitam Venæ sectionem curatæ exemplum.	ibid.
Dysenteria cum torminibus siccis curatio.	35.
Dysenteria sæpius se jungunt Aphæ.	34. 36.
In Dysenteria contumaciori quid agendum.	34.
In Dysenteria intestina quandoque gangræna afficiuntur.	ibid.
In Dysenteria meri Sanguinis dejectio interitum minatur.	ibid.
In Dysenteria mucosæ dejectiones unde.	33.
Dysenteria circa æquinoctium autumnale grassantes.	3.

E

E Bullitis humorum in febribus Intermittentibus.	12.
Ecclegmata incrassantia in Tussi.	226.
Electuarium hystericum & emmenagogum.	149.
Electuarium reborans in podagra præstantissimum.	162.
Electuarium roborans in Tertiana duplici.	14.
Electuarii antiquartanarii formula.	14.
Emetica quibus exhiberi convenit, & quibus non convenit.	5.
Quo morbi tempore exhibenda.	6.
Emeticum Authoris.	ibid.
Empirici ægro assidue medicamenta solent ingerere.	52.
Emplastrum hystericum.	226.
Emplastra Epispastica cervici in febribus caput petentibus cum fructu applicantur.	44.
Empyema.	53.
Emulsio in Plenritide.	54.
Enema adstringens.	10.
In Calculo.	168.
In Dysenteria.	35.
Enemata fumi tabacci commendatur omnium potentissima.	181.
Enemata venæ sectionis locum quandoque supplent.	6.
Enematis abstinendum in progressu morbi.	ibid.
Epidemici morbi qui dicantur.	2.
Epidemici morbi regulares & irregulares.	ibid.
Vernales & Autumnales.	ibid.
Epidemicorum morborum diversitas.	ibid.
Epidemicorum curatio quam varie instituenda.	ibid.
Epidemicarum constitutionum quinque genera enumerantur.	51.
Epidemicæ constitutiones generales suas habent periodos.	32. 48.
Ab occulta aeris crasi pendent, non a manifesta.	2. 37. 177.
Epidemica constitutio anni 1661. 62. 63. 64.	4.
Annorum 1665. 66.	17.
Annorum 1667. 68. & partim anni 1669.	22.
Annorum 1669. 70. 71. 72.	31.
Annorum 1673. 74. 75.	43.
Epilepsia adultorum qua methodo curari posse videatur.	180.
Epilepsia puerorum.	238.
Epileptici insultus in Infantibus Variolarum sæpe sunt prænuntii.	23.
Epistola Conradi Bertholdi Behrens ad Lucam Schroekium de constitutione Epidemica Hildesiensi anni 1685.	99.
Epistolæ responsoriæ duæ Thomæ Sydenham, prima de morbis Epidemicis ab anno 1675. ad annum 80. ad Robertum Brady M. D. 182. secunda De luis Venereæ historia & curatione ad Henricum Paman M. Doct.	121.
Equitatio est confortans maximum.	147.
Sydenham opera Medica.	

Equitatio est exercitium omnium primarium.	166.
Est in Colica aliisque morbis chronicis exercitium utilissimum.	41. 42.
Equitationis beneficia in morbis rebellibus devincendis.	147.
In Tabidis Phthisicisque.	147. 240.
Exemplum Hypochondriaci deplorati equitatione mire restituti.	147.
Equus septem annorum.	11.
Erysipelatis descriptio.	57.
Curatio.	ibid.
Evacuationes sponte a natura fieri solitas imitari velle sæpe stolidum est.	45.
Exanthemata pestilentia post nimios & coactos sudores.	20.
Exercitio calefacti sollicitè vitare debent frigus.	52.
Exostoses Venereæ quomodo tractandæ.	126.
Expectoratione Pleuritidem curare velle periculosum.	54.

F

F Ebris quomodo fiat.	1.
Febris est naturæ instrumentum ad impuritatem secretionem.	7. 30.
Febris naturæ primaria.	98.
Febris continua omnium quas Author novit, maxime uniformis.	4.
Febris continua constitutionis annorum 1661. & 62. &c.	ibid.
Curatio.	5.
Constitutionis annorum 1667. 68. & 69.	22.
Constitutionis annorum 1670. 71. & dictæ Dysentericæ.	36.
Curatio.	37.
Constitutionis annorum 73. 74. 75.	43.
Curatio.	ibid.
Febris nulla vere continua Authoris visa est ab anno 1680. nisi forte ob rem male gestam.	66.
Febris Intermittens, vide Intermittens febris.	
De Febre Miliari sive Vesiculari tractatus Davidis Hamilton.	185.
Febris Miliaris historiarum fasciculus.	ibid.
Febris pestilens, vide pestis.	
Febris pestilens per diaphoresin, pestis per abscessus proprie solvi videtur.	19.
Febris Depuratoria.	51. 228.
Febris Erysipelatosa.	57. 230.
Febris in Angina.	52.
In Pleuritide.	ibid.
Febris Infantum Intermittens.	229.
Febris Infantum dentitioni superveniens quo modo prodigenda.	182.
Febris Infantum Hæctica.	182. 239.
Febris Hæctica.	57.
Febris cum Scorbuto.	8.
Cum Tussi.	49.
Cum Variolis.	24.
Febris sub torminibus ventris delitescens quomodo expugnanda.	181.
Febris continuæ species quomodo ab aliis Epidemicis cum grassantibus dignoscatur.	51.
Febris certam semper speciem e Phanomenis elicere difficile est.	37.
Febris cum Apostemate analogia.	ibid.
Febris novæ naturæ quomodo investiganda.	51.
Quæ demum cautelæ indicationes curativæ sumendæ in exortu novæ febris.	ibid.
Febris novæ anni 1685. descriptio.	177.
Curatio.	178.
Diæta.	179.
Curatio in infantibus.	182.
Febris species unde possit dignosci.	ibid.
Febris hyemalis descriptio.	175.
Curatio.	176.
Febris eadem hyemalis pro novæ potius febris vendicatur specie.	177.
Febris putridæ Variolis confluentibus supervenientis descriptio.	270.
Curatio.	ibid.
Febris scarlatinæ descriptio.	53. 229.
Curatio simplicissima.	ibid.
Febrim præcavens diæta.	49.
In Febre commotionis vocem præstat usurpare, quam fermentationis vel ebullitionis.	4.
In Febre quadam Epidemica materiæ in sanguine crassities.	61.
In Febre sanguis commovetur vel ad heterogenei secretionem, vel ad novam suscipiendam diathesin.	5.
Febre non raro accenditur purus sanguis.	ibid.
Febre non raro corripuntur sani.	ibid.
Febre sublatâ, probe purgandus est æger, non autem prius.	15.
Finita purgatione, paregoricum exhibendum.	ibid.

Febres Adolescentulorum vigentium. 13.
 Febres autumnales continuæ & intermittentes qua in re a se invicem differant. 14.
 Febres Continuæ Epidemicæ diversam medendi methodum exposcunt. 2.
 Febres Continuæ quare paucae occurrant vere nisi in constitutione Epidemica. 12.
 Febres cum notabili symptomate. 52.
 Febres e levi diætæ errore. 14.
 Febres Epidemicæ a manifestis aeris qualitatibus varie mutantur. 36.
 Febres Hystericarum quomodo tractandæ. 140.
 Febres intercurrentes numerantur sex. 52.
 In iis curandis ad anni febrem serio attendendum. *ibid.*
 Ex anni tempore innotescit an essentielles sint, an symptomatice. *ibid.*
 Febres malignæ. 8.
 Quæ vere tales sint. 17.
 Febres morbis Epidemicis junctæ haud æqualiter cum ipsis faviunt. 36.
 Saviunt præsertim mense Julio. *ibid.*
 Febres nonnullæ brevi evanescent. *ibid.*
 Febres nonnullæ in principio sola diætæ curantur. 13.
 Febres præter communia symptomata etiam certas peculiaris generis sui notas gerunt. 53.
 Febres quare tot novæ vulgo audiant. 36.
 Febres quædam novæ vulgo dicuntur, nec tamen sunt. *ibid.*
 Febres refrigerantium aut clysterum usu subinde Chronicæ fiunt. 13.
 Febres stationariæ, quæ. 229.
 Quomodo a manifesta aeris qualitate pendeant. 36.
 Febres sunt duæ fere tertiarum omnium, quæ sunt, morborum. 140.
 Febres Vernales raro sunt continuæ. 12.
 Febres Vernales pauciora post se relinquunt symptomata quam Autumnales. 15.
 Febrium Autumnalium Epocha certissima est Julius, sicut Vernalium Februarius. 11. 32.
 Febrium Continuarum Epidemicarum speciem exacte dignoscere arduum est. 51.
 Febrium Contin. Epidem. speciem qua ratione possimus expiscari. 51.
 Febrium Epidemicarum symptomata alia propria sunt, alia adventitia. 36.
 Febrium Epidemicarum symptomata pro varia constitutione temporis variant. *ibid.*
 Febrium quædam species sudore critico finiuntur. 45.
 Febrium quædam symptomata subinde pro morbis essentialibus perperam habentur. 33.
 In Febrium curatione semper respiranda est anni constitutio, quatenus huic alterive Epidemico producendo favet. 49. 50.
 In Febrium curatione viam evacuationis nosse præcipuum est. 182.
 In Febrium principiis cur subinde evacuationes instituendæ. 45.
 In Febrium principiis sudorifica sæpe vel Phrenesim vel Pleuritidem inferunt. 54.
 In Febrium declinatione clysterum frequens usus vitandus. 6. 49.
 In Febrium declinatione lecto assidue se contineat æger. 44.
 Febribus Epidemicis generalis curandi methodus nequit applicari. 3.
 Febribus plurimis ansam dat intempestiva vestium mutatio, vel alias frigoris admissio. 52.
 Febres curandi methodus non per rationem, sed per experientiam innotescit. 44.
 Ad Febres tollendas provocandi sudores quales esse debeant. 31.
 Inter Febres & morbos Epidemicos simul grassantes mira affinitas. 52.
 Post Febres Autumnales tonsillarum inflammatio est periculosa. 16.
 Eiusdem causæ. *ibid.*
 Post Febres Autumnales omissa purgatio multis morbis ansam dat. 8. 15.
 Post Febres Vernales purgatio non tam necessaria est atque post Autumnales. 8.
 In Febribus Autumnalibus Infantum regio Lienis intumescens Febrem fugam prænunciat. 15. 16.
 In Febribus ad coctionem promovendam non opus est regimine calido. 45.
 In Febribus cum materia crassa caute agendum. 30.
 In Febribus caput petentibus Emplastræ epispastica cervici cum fructu applicantur. 44.
 In Febribus Continuis Julapii convenientis formula. 30.
 In Febribus maxime continuis generis intermittētis cortex præbendus. 63.
 Vinum non obesse in huiusmodi continuis. *ibid.*
 In Febribus convalescentes nonnunquam sudoribus nocturnis obnoxii sunt. 46.
 Curantur quotidiani vini generosi usu. *ibid.*
 In Febribus Chronicis aeris mutatio valde nonnunquam est salutaris. 15.

In Febribus Malignis fit expulsio ad cutem. 5.
 In Febribus Malignis vomitorii omisio. 6.
 In Febribus quibusdam Malignis sudores nocent. 50.
 In Febribus quibusdam Malignis aliæ propter sudores molienda sunt evacuationes. *ibid.*
 Febrilis materiæ coctio quid sit. 7.
 Febrilis materiæ coctionem promoventia vulgo commendant, at sine ratione. *ibid.*
 Febrilis materiæ coctio quomodo revera sit promovenda. 7.
 Fermentationis natura simili illustratur. 13.
 Fermentationis phænomena & effectus. 6.
 Ad fermentationem requiritur materiæ quædam visciditas. 13.
 Fermentationes liquorum variæ. *ibid.*
 Fluor albus. 238.
 Fluoris muliebris curatio singularis. 64.
 Fæmina medicamenta egenis distribuentes taxantur. 53. 54.
 Fomenta in Erysipellate. 58.
 Fontanella in crure prodest in Rheumatismo inveterato. 57.
 Formula Medicamentorum. 226.
 Fumus tabacci Enematis potentissimi loco laudatur. 181.
 Furfuris capitis curatio. 240.

G

G Angra ex Erysipellate. 57.
 Gangræna intestinorum in Dysentericis. 33. 34.
 Gargarisma in Angina. 58.
 Gargarisma in salivæ visciditate. 29.
 Gonorrhœa virulenta centum retro annis se ostendebat diversam ab ipsa lue confirmata. 122.
 Quod materia semini formis, quæ hic fluit, carnosæ virgæ substantiæ debeat. *ibid.*
 Modus invasionis describitur. *ibid.* 237.
 Curatio Cathartice perficitur. 123.
 Pilulis. *ibid.*
 Clysteribus. *ibid.*
 Diætæ quænam observanda. *ibid.*
 In Gonorrhœa rejicitur lignorum exsiccantium usus. 124.
 Item improbantur aquæ minerales. *ibid.*
 Quomodo Phymosis sit curanda. *ibid.*
 Gonorrhœæ justo citius suppressæ tumores scroti supervenientes quomodo curentur. *ibid.*
 Gonorrhœa cum lue junctæ quomodo tollenda. 125. 126.

H

Hæmoptoe quando & quos præcipue invadat. 59.
 Ejus curatio. *ibid.* 239.
 Hæmoptisis in Variolis. 25. 208.
 Hæmoptisis & mictus sanguinis in Variolis mortem prænunciant. 29.
 Hæmorrhagia narium descriptio & curatio. 59. 239.
 Hæmorrhagiæ narium in febre continua epidem. ab Ann. 1661. ad 1665. descriptio ac curatio. 9.
 Post Hæmorrhagiam cur æger purgandus. *ibid.*
 Hæmorrhoidum dolor. 238.
 Curatio. *ibid.*
 Hæmorrhoidum fluxus nimius. 48.
 Hippocrates. 57.
 Hæctica febris. 57.
 Hippocratis Aphorismi nequeunt quibusvis febrium speciebus applicari. 51.
 Historiam morborum vere practicam Author tradit. 59.
 Historia Epidemica Germaniæ. Vide Constitutio. 1.
 Homines variis effectibus obnoxii. 11.
 Homo 21. annorum. 11.
 Humores nonnunquam pertinaciter partibus adhærent. 1.
 Humores sunt viscidiores Autumno, quam Vere. 12.
 Hydragoga varia. 171.
 Hydrogala. 39. 124.
 Hydrops ibi incipit ubi desinit scorbutus. 57.
 Hydropis febribus intermittētibz succedentis curatio. 15.
 Hydropis primarium signum, foveæ in furis a digitorum impressione sub noctem apparentes & mane evanescentes. 169. 236.
 Symptomata sunt dyspnœa, urinæ paucitas, & sitis. 170.
 Causa sanguinis debilitas. *ibid.*
 Aliæ in foeminis causæ. *ibid.*
 Indicationes curativæ. *ibid.*
 Hydropem præcedentia Symptomata scorbuti faciem præ se ferunt. 57.
 In Hydrope Cathartica fortiora semper usurpanda. 170.
 Perseverandum in Cathartice, donec moles abdominis evanuerit. *ibid.*
 Syrupus de spin. cervina quibus conveniat. 171.
 Exemplum ejus memorabile. *ibid.*
 Infusio croci metallorum quoties repetenda ad curandum hydropem. 172.
 In Ascite grandiore tantum convenit. 173.
 Cortex interior sambuci. *ibid.*
 In Hydrope quænam contraindicant catharsin. *ibid.*
 Ubi catharsis contradicatur, quænam conformativa conveniant. *ibid.*
 Diure-

Diureticis res agenda est in debilibus naturis & foeminis valde hystericis.	<i>ibid.</i>
Salia lixivialia in vino Rhenano.	237.
Corroborantia eadem in Hydrope quæ in Podagra præbeantur, nisi quod vinum Hydropicis permittatur pro potu ordinario.	173.
Corroborantia qualia.	236.
Chalybis usus in Hydrope incipiente.	174.
Alii similiter usus.	<i>ibid.</i>
Topica quare improbentur.	<i>ibid.</i>
Rejiciuntur Paracentesis & Acupunctura.	<i>ibid.</i>
Hydropicorum sitis quomodo fallenda.	<i>ibid.</i>
Hypercatarseos froenum certissimum est laudanum.	170.
Hypochondriaci affectus. Vid. Hyster. affect.	
Hypotheses quatenus valent Medico instruendo.	172.
Hysterica affectio sub quam variis Symptomatibus se ostendit.	140. 227.
Cujusnam temperiei foeminis singula contingunt.	140.
Hysterica affectiones sunt dimidia pars morborum Chronicorum.	<i>ibid.</i>
Idem sunt in foeminis ac affectio hypochondriaca in viris.	<i>ibid.</i>
Uterus immerito inculpatur.	<i>ibid.</i>
Hysterica foemina interroganda, an malum de quo queruntur, inceperit cum tristitia, atque an urinam limpida excreverint.	142.
Hystericorum simul ac Hypochondriacorum affectuum signum maxime pathognomonicum est urina limpida copiosa.	143.
Hystericorum affectuum causa Procatarectica.	<i>ibid.</i>
Causa efficiens interna, spirituum animalium <i>anæsthesia</i> .	<i>ibid.</i>
Causa non sunt humores.	<i>ibid.</i>
Causa antecedens <i>anæsthesia</i> debiliior spirituum animalium crasis.	142.
Unde vomitio materiæ viridis.	<i>ibid.</i>
Symptomatum singulorum ratio explicatur.	<i>ibid.</i>
Casus cujusdam abunde, & sæpius lachrymantis.	143.
Curativa indicatio est sanguinis roboratio.	144.
Venæsectione & catharsi ordianda.	<i>ibid.</i>
Deinde chalybeatis absolvenda.	<i>ibid.</i>
In imbecillioribus quandoque a chalybe statim incipiendum.	<i>ibid.</i>
Chalybis substantia præponitur præparationibus.	<i>ibid.</i>
Chalybis usum non recte admittere purgantium intercalationem.	<i>ibid.</i>
Formula curationi inservientes.	<i>ibid.</i>
Theriaca Andromachi magnum in his affectibus remedium.	146.
Item Cortex Peruvianus.	<i>ibid.</i>
Dolor & Vomitus Hystericarum quomodo sint cohibenda.	148.
Asa foetida qua ratione Hystericis utilia.	147.
In affectione Hysterica mitiori dantur pilulæ hystericæ per decem dies.	146.
Hystericus affectus Colicam biliosam referens.	42.
In Hystericis affectus sæpe perperam dignoscuntur.	<i>ibid.</i>
In Hystericis & Hypochondriacis clysterum frequens usus nocet.	49.

I

Icterus in Colica hysterica.	42.
Icterus post febres lectum justo citius deferentibus superveniens.	44.
Icteri curatio.	42.
Idiosyncrasis ratio habenda.	146.
Ignis facer unde, & quomodo oriatur.	18.
Pestis quandam gerit imaginem.	<i>ibid.</i>
Iliaca passionis causa.	10.
Quo pacto producat.	<i>ibid.</i>
Curatio.	19.
Argenti vivi & globulorum in hujus curatione censura.	<i>ibid.</i>
Iliaca passio colicam biliosam sequens.	40.
Iliaca passio febri perverse tractata superveniens, quomodo curanda.	181.
In iliaca passione omnia medicamenta etiam Enemata evomuntur.	40.
Imaginationis læsæ per cardiaca restituta exemplum.	16.
Indicatio a juvantibus & nocentibus in febrium novarum curatione adhibenda.	51.
Infantes sæpe diuturnas quartanas vinct.	12.
In Infantibus venæsectio æque tuta & necessaria est atque in adultis.	38.
In Infantibus ventris tumor & durities, hujus medela per linimentum.	16.
Infusum Corticis Peruviani.	63. 228.
Infusum rad. serpentariæ virginianæ contra tertianas.	<i>ibid.</i>
Ingrata assumpta horrorem gignunt.	11.

Intermittentes febres Autumnales in initio videntur continuæ.	3.
Intermittentes febres Epidemicæ nonnunquam mature grassari incipiunt.	11. 12.
Intermittentium febrium tria tempora spectanda.	11.
Symptomata consueta.	<i>ibid.</i>
Unde est, quod redeant paroxysmi.	<i>ibid.</i>
Paroxysmorum descriptio.	<i>ibid.</i>
Duplicatio unde.	<i>ibid.</i>
Divisio in Vernales.	11.
Essentialiter hæc distinguuntur.	12.
Vernalium curatio.	<i>ibid.</i>
Autumnalium curatio.	13. 228.
Tertianæ Autumnalis curatio.	14.
Quartanæ curatio.	14. 63.
Quomodo recidiva præveniatur.	62.
Vomitio in his febribus quomodo compescenda atque quam cortex exhibeatur.	63.
Infantium medicatio.	<i>ibid.</i>
Decoctum amarum quando præbendum.	<i>ibid.</i>
Julapium cardiacum.	226.
Julapium in febribus continuis.	30.
In febribus pro Infantibus.	63.
In Pleuritide.	54.
In Rheumatismo.	56.
Perlatum.	226.
Roborans in Tertiana duplici.	14.

L

Lactæ Diætæ præcellentia & quibus potissimum conveniat.	147.
Lactæ Diætæ censura notatu digna.	264.
Laudani liquidi descriptio.	35.
Ejus usum non immediate nervis nocere.	148.
Laudani usus in Cholera.	33.
E Lecto surgere quam utile in Variolis.	27. 38.
Solvuntur objectiones.	133. 134.
Quam necessarium in omnibus morbis inflammatoriis.	30.
Quam necessarium in febre continua ann. 1673. &c.	44.
In febre nova Ann. 1685.	179.
Cautela necessaria in surgendo, scilicet, ne nimis diu pro una vice surgant.	44.
Moræ longioris in lecto incommoda, scil. Rheumatismus, & Icterus subsequentes.	<i>ibid.</i>
Quam utile in Pleuritide.	54.
Quam utile in Angina.	58.
E lecto surrectionem quamam contra indicant.	136.
Leprosæ.	48.
Lienis regio in febribus autumnalibus Infantum intumescens febris fugam prænunciat.	16.
Descriptio hujus intumescentiæ.	<i>ibid.</i>
Linimentum in Pleuritide.	54.
Linimentum in Rachitide Infantum hypochondriacis inungendum.	145.
Linimentum in ventris tumore & duritie Infantum.	<i>ibid.</i>
Lochiorum fluxus nimius quomodo sistendus.	236.
Lochiorum suppressionis curatio.	149.
Luciani irrigio in medentes Podagræ.	168.
Lues Venerea unde, & quo tempore Europam appulerit.	121. 122.
Contagium ejus quomodo propagetur.	122.
Symptomatum ejus enumeratio.	<i>ibid.</i>
Luis confirmata sola salivatione curatio.	124.
Recidivæ quibus debeantur, & quomodo præveniatur.	125.
Quid in ore minus exulcerato sit agendum.	126.
Diætæ quamam observanda inter curandum.	<i>ibid.</i>
Quare in Gallia facilius sanetur ac in Anglia.	<i>ibid.</i>
Luem Veneream non sanat Mercurius vel falsaparilla virtute specifica.	19. 123.
De Lue Venerea a Gualteri Harris.	127.
Lumbago Rheumatica.	56.
Paroxysmum Nephriticum mentitur.	<i>ibid.</i>
Valde ægrum excruciat.	<i>ibid.</i>
Causa.	<i>ibid.</i>
Curatio.	<i>ibid.</i>

M

Macula purpureæ in acutis certissimum inflammationis summæ indicium.	175.
Macula purpureæ in Peste malum signum.	19.
Macula purpureæ in Variolis. <i>ibid.</i> male.	25. 132.
Malignitas morborum quid sit.	50.
Malignitas morborum sæpe error medentium.	8. 17.
Malignitas non semper sudore potest eliminari.	50.
Malignitas per sudoriferam aliaque calida medicamenta nonnunquam augetur.	<i>ibid.</i> 184.
Malignitas nonnunquam contemperantibus potest edomari.	<i>ibid.</i>
Mali-	

- Malignitas in morbis Epidemicis iisdem quibus hi curatur remediis. *ibid.*
 Malignitati quoddam regimen proprie concedatur. *ibid.*
 Mania ex debilitate. 16.
 Mania communis causa. 239.
 Mania curatio. 16.
 Mania febres intermittentes diuturniores nonnunquam excipientis curatio. *ibid.*
 Manna quid sit. 209.
 In fero lactis soluta mictui cruento a calculo medetur. *ibid.*
 In Aquis mineralibus cathartici soluta cur reficiatur. *ibid.*
 Meatus dantur cæci ex abdominis cavitate in intestina. 171.
 Medicamentorum formulæ. 226.
 Medici peritiores subinde nihil in ægri visitatione præscribunt. 52.
 Medici præcipua cura in intentionibus veris expiscandis verti debet. 172.
 Medicum esse, & formulam præscribere quam immane distat. *ibid.*
 Medicum probum haud decet celare remedia morborum in primis Epidemicorum. 13.
 Medicorum quorundam Speculationes inutiles. 59.
 Medicina est Ars valde adhuc imperfecta. 45.
 Melancholia Hypochondriaca vid. in hyst. effect.
 Mellis rosacei usus in Angina. 59.
 Mensium fluxus intempestivus in Variolis foeminarum. 39.
 Mensium fluxus immodicus quando potissimum contingit. 150.
 Mensium fluxus immodici tam intra puerperium, quam extra, curatio. *ibid.* 235.
 Mensium suppressio. 239.
 Mercurius non sanat Luem Veneream virtute specifica. 19. 123.
 Miasma pestiferum vel immediate, vel mediate suscipitur. 17.
 Mictus Sanguineus a calculo renibus impacto. 209.
 Multa in hoc remedia sine successu adhibentur. *ibid.*
 Manna in fero lactis soluta cum pauxillo succi limonum confert. *ibid.*
 Dieta. *ibid.*
 Mictus sanguineus in Variolis. 25. 208.
 Mictus sanguineus & Hæmoptysis in Variolis mortem prænunciant. 29. 132.
 Morbus quid sit. 1.
 Morbi alii acuti, alii chronici. 2.
 Morbi acuti quinam sint. *ibid.*
 Morbi acuti vel ab aeris inquinamento, vel a particula-ri corporum anomalia gignuntur. *ibid.*
 Morbi acuti Deum habent authorem, chronici nos ipsos. 135.
 Morbi certis quibusdam annorum constitutionibus proprii. 2.
 Morbi Epidemici qui dicantur. *ibid.*
 Morbi Epidemici mire ab invicem differunt. *ibid.*
 Morbi Epidemici vel regulares, vel anomali. *ibid.*
 Hæc disparitas unde. *ibid.*
 Morbi Epidemici vel Verni sunt, vel Autumnales. *ibid.*
 Morbi Epidemici ab aeris occulta crasi oriuntur. 36.
 Morbi Epidemici ab Anni constitutione qua grassantur, peculiarem mutantur indolem. 3.
 Morbi Epidemici a manifestis aeris qualitatibus varie reguntur. 36.
 Morbi Epidemici diversi in locis vicinis, a terræ potius effluviis, quam ab aeris diathesi oriuntur. 3. 47. 48. 177.
 Morbi Epidemici in initio vehementiores sunt, in progressu leniores fiunt. 32.
 Morbi Epidemici ab anno 1661. ad 1665. 17.
 Quo ordine se invicem sequebantur. 4.
 Anni 1665. *ibid.*
 Ab Ann. 1667. ad 1669. 22.
 Ann. 1669. 31.
 Ann. 1670. 32.
 Ann. 1671. *ibid.*
 Ann. 1672. *ibid.*
 Ann. 1673. 1674. 1675. 43. & seq.
 Morbi essentielles & iidem Symptomatiçi quomodo discernendi. 52.
 Morbi essentielles aliter sunt tractandi, quam iidem symptomatiçi. *ibid.*
 Morbi inflammatorii quando grassari soleant. 19.
 Morbi omnes fere ex vestium præmatura abiectione, & subito refrigerio post exercitium exoriri videntur. 52.
 Morbi vel ex se, vel Medicastrî culpa fiunt lethales. 1.
 Morbi quidam antiqui ævi jam non comparent. 48.
 Morbi moderni poterunt suo tempore intercidere. *ibid.*
 Morbi plurimi sine causarum cognitione curantur. 18.
 Morborum Acutorum & Chronicorum differentia. 1. 2.
 Morborum Acutorum ratio & genius. 2.
 Morborum Epidemicorum ratio & genius. *ibid.*
 Morborum Epidemicorum curatio sollicitè peragenda. 59.
 Morborum Epidemicorum ab Ann. 1669. ad 1672. particularis historia. 32.
 Morborum Epidemicorum alter ab altero pellitur. *ibid.*
 Morborum qualibet species peculiarem obtinet genium. 18.
 Morborum periodi certæ sive ætates. 48.
 Morborum tempora. 32.
 Morborum ortus a qualitatibus vitio deducuntur. 18.
 Morborum species exactè discernendæ. 57.
 Morborum species unde desumendæ. 4.
 Morborum sporadicorum ratio & genius. 2.
 Morborum historiam vere practicam Author tradit. 59.
 Morborum præsertim Epidemicorum remedia celare non decet Medicum probum. 13.
 In Morborum curatione plus Naturæ committendum, atque vulgo sit. 45.
 In Morborum Epidemicorum ortu Naturæ artificium. 33.
 Morbis Antiquitati incognitis novam methodum accom-
 modare non est absolum. 48.
 In Morbis producendis naturæ methodus nondum hactenus detecta. 3.
 In Morbis Inflammatoriis primaria remedia. 30.
 In Morbis Inflammatoriis assiduus in lecto decubitus valde nocet. *ibid.*
 Morbi Vernales. 2.
 Morbillorum descriptio & historia. 37. 233.
 Curatio. 38.
 Morbilli anomali. *ibid.*
 Curatio. *ibid.*
 Morbilli quo anni tempore regnent. 37.
 Morfus canis rabidi. 240.
 Curatio. *ibid.*
 Pro Mortuo habitus casu ad se rediit. 29.
 Mucosa dejectiones in Dysenteria unde. 34.
 Mundi anima. 22.
 Moxa combustio in Podagra. 168.
 Moxæ loco inustiones lino crudo ab Hippocrate usurpata. *ibid.*

N

- N** Arcotica post factas evacuationes quandoque felicius operantur. 42.
 Narcotica turbas a purgatione excitatas compescunt. 9.
 Narcotica, urgente dolore, tuto repetuntur. 41.
 Narcotica, vigente febre, obfunt, ut in declinatione morbi præclaros edunt affectus. 9.
 Narcoticorum dosis magnitudini doloris respondeat. 41.
 Narcoticorum frequens usus sæpe innoxius. 35.
 Narcoticorum in Variolis insignis utilitas. 27. 28.
 Narcoticorum noxæ quandoque Venæsectionibus emendantur. 61.
 Narcoticorum formulæ. 28. 33.
 Natura optima morborum medicatrix. 45.
 Naturæ vox quo sensu ab Authore usurpetur. 22.
 Naturæ in curando multum relinquendum. 26. 150.
 Naturæ in medicamentis producendis simul ac præparandis collaudatio. 144.
 Naturæ opera incomprehensibilia. 11. 34.
 Naturæ operationes parum intelligimus. 18.
 Naturæ operum indagatores aliorum invidiam sibi arcesunt. 34.
 Naturales causæ a Deo quomodo regantur. 15.
 Nephritici paroxysmi veri & hysterici quam diversæ curationes instituendæ. 148. 233.
 Nephriticum paroxysmum mentiens lumbago rheumatica. 56.
 Nicotiana fumus loco enematis potentissimi commendatur. 181.

O

- O** Leum amygdalarum dulcium aliis bechicis præferendum. 9.
 In febribus sine noxa potest assumi. *ibid.*
 Non debet affatim, sed parce exhiberi. *ibid.*
 Ægri viribus attritis subvenit. *ibid.*
 Usus ejusdem in Pleuritide. 53.
 Variolarum aridarum crustis illinitur. 28.
 Olei sem. lini in Pleuritide usus. 53.
 Ophthalmia curatio. 233.
 Opium pluribus medetur affectibus. 35.
 Insigne est cardiacum. *ibid.*
 Opium præstantia & nativa bonitas. *ibid.*
 In quibus affectibus præcipue ejus indicetur usus. 61.
 Opium virtus non præparationis, sed nativæ.

P

- P** Apaveris bonitati debetur. 35.
 Inter Opiata quoad vim ipsam nullum fere est di-
 crimmen. *ibid.*
Papaver. *ibid.*
 Paracentesis in hydrope rejicitur. 174.
 Paralysis, quid, & quomodo curetur. 240.
 Paregoricum Authoris. 33.
 Paregorica in quibus casibus recte indicentur. 61. 136.
 Paregoricis evacuantia debent pramitti in sanguineistem-
 peramentis, non aliis. 148.
 Penis tumor in Luc Venerea quomodo discutiendus. 237.
 Peregrinatio versus Austrum cur in Chronicis curandis
 profuit. 163.
 Peripneumonia, quid sit, & quomodo a Pleuritide differat.
 54.
 Peripneumoniae notha descriptio. 55. 230.
 Curatio. 55.
 Peripneumonia Epidemica Ann. 1675. 43. 44.
 Peripneumonia symptomatice Tussi Epidem. Ann. 1675.
 superveniens. 48.
 Peripneumonia post Morbillos. 38.
 Ejusdem curatio per venae sectionem. *ibid.*
 Pestis naturae medicatricis instrumentum. 1.
 Pestis Ann. 1665. 17.
 Pestis quid sit. 18.
 Pestis Britanniam vix frequentius devastat quam post an-
 norum 40. revolutionem. 17.
 Pestis Londinensis Anno alioquin salubri vastans. 18.
 Pestis Italiam occupans excepta Hetruria. *ibid.*
 Pestis ab aeris diathesi fit Epidemica. 17.
 Pestis ab aeris occulta crasi. *ibid.*
 Pestis ab inflammatione oritur. 18.
 Pestis a tempestatum anni vicissitudinibus regitur. 18.
 Pestis in initio atrocior, in progressu benignior esse solet.
 17.
 Pestis per miasma propagatur, idque duplici modo.
ibid.
 Pestis pro aliis morbis Epidemicis rarius evenit. *ibid.*
 Pestis quandoque subito nulla etiam exorta febre jugulat.
 18. 50.
 Pestis quanto tempore soleat grassari. 3.
 Pestis quo anni tempore exoriatur. 17.
 Pestis ratione solum mechanica tolli potest. 19.
 Pestis semper manet superstes. 17.
 Pestis sporadica. *ibid.*
 Pestis invadendi modus describitur. 18.
 Pestis symptomata. *ibid.*
 Pestis curatio. 19.
 Alexiteria in hac & aliis morbis, non ut specifica,
 sed ut diaphoretica profunt. *ibid.*
 Pro venae sectione facientes Authores. 20.
 Pro venae sectione historia admiranda. *ibid.*
 Praefertur tamen ei ab Authore diaphoresis. *ibid.*
 Diaphoresis quando continuanda. *ibid.*
 Pestis proprium alexiterium nondum innotuit. 19.
 Ad Pestis prophylaxin vix conducunt calida. *ibid.*
 Pestem accelerat saepe vinorum & calidorum ingurgitatio.
ibid.
 Pestem commercii cum locis contagiosis inhibito potest
 avertere. 18.
 Ad Pestem excitandam requiritur contagium pestiferi
 corporis praefer aris dispositionem. 17.
 Peste affecti a continuata diaphoresi recreantur. 21.
 In Peste abscessuum fit eruptio. 30.
 In Peste abscessuum eruptio incerta crisis est. 19. 22.
 In Peste abscessuum eruptio quomodo promoveri
 possit, nondum constat. 19.
 In Peste abscessuum sine sudore eruptio magis fuit
 salutaris. *ibid.*
 In Peste Alexipharmaca calida quandoque nocent;
ibid.
 In Peste Alexipharmaca calida quomodo profunt,
ibid.
 In Peste diaphoresin interpolandam suadet Diemer-
 broeckius. 21.
 Refellitur. 22.
 In Peste sudor continuus & prolixus requiruntur,
 non interpolatus. *ibid.* 50.
 In Peste sudor spontaneus valde salutaris. 22.
 In Peste sudores non faciunt salutarem abscessuum
 eruptionem. 19.
 In Peste sudores subinde valde noxii. *ibid.* 20.
 In Peste maculae purpureae malum signum. 18. 19.
 In Peste Tumores prorumpere, bonum. 18.
 In Peste post abscessus eruptionem sanguinem mitte-
 re, minus est tutum. 22.
 In Peste ob magnos sudores bubo nonnunquam dis-
 paret. 19. 20.
 In Peste post sudores abscessus subinde erumpunt.
 19.
 In Peste sudantes quando indusium mutare debeant.
 31.

- Pestilentialium macularum ratio. 41.
 Petechia ab intempestivo cardiacorum usu & regimine pauc-
 lo calidiore saepius efflorescunt. 178.
 Petechiarum & mixtus sanguinei casus insignis a D. D.
 Goodall communicatus. 139.
 Philosophia effecit ut quae Medica appellatur, revera con-
 fabulandi garriendique potius sit ars, quae medendi.
 140.
 Phrenitis Febre Contin. Epidem. ab Ann. 1664. ad 1665.
 8.
 In Febre Epidem. ab Ann. 1673. ad 1675. 46.
 In Febre nova Ann. 1685. 179.
 In Variolis. 24.
 Phrenitis quomodo tractanda. 8. 179.
 In Phrenitide spiritus Vitrioli laudatur. 46.
 In Phrenitide ratio capitis confert. 179.
 In Phrenitide Variolis superveniente refrigerium agro
 concedendum. 28.
 Phthiseos curatio. 240.
 Phthisiologia Caroli Leigh. M. D. 242.
 Phthiseos specificum est equitatio. 147.
 Pilula Cochiae. 41.
 Pilula Cochiae maj. in Ileo usurpanda. 10.
 Item in Tussi Epidemica. 65.
 Pilula Cortic. Peruv. 63.
 Planta variis mensibus florent. 11.
 Pleuritidis historia. 53.
 Curatio. 54.
 Dieta. *ibid.*
 Rejicitur cura per expectorationem. *ibid.*
 Pleuritis maligna vulgo dicta quanam sit. 49.
 Pleuritis maligna venae sectionem non fert. *ibid.*
 Pleuritidi superveniens Diarrhaea. 30.
 De Pleuriticorum sanguine quaedam notata digna.
 50.
 Mensium sanguine extrahendi. *ibid.*
 Podagra regularis historia. 157.
 Irregularis historia. 159.
 Causa est concoctionum depravatio & humorum in-
 digestis sive a Venere sive a vino sive ab exercitiis in-
 terminis. 160.
 Curatio non est aggredienda venae sectione. *ibid.*
 Non Catharsi, sive ad praecavendum, sive ad curan-
 dum paroxysmum. 161.
 Nisi symptoma aliquod eandem postulet. 162.
 Neque sudoribus & quare. 161.
 Curandi praecipua intentio in coctione promovenda
 atque indigestionibus tollendis versari debet. *ibid.*
 Medicamenta Digestiva. *ibid.*
 Podagrae Therapeja Radicalis adhuc latet. 169.
 Sed non sine spe aliquali specificum quandoque in-
 ventum iri. *ibid.*
 In Podagra Electuarium corroborans praestantissimum.
 162.
 Electuarium aliud atque aqua destillata. *ibid.*
 Theriaca Andromachi & Cortex Peruvianus laudan-
 tur. *ibid.*
 In Podagrae paroxysmo nihil magni tentandum, sed
 solum extra paroxysmum exemplo ab intermittentiis
 febrium paroxysmis ducto. 167.
 In quorum paroxysmis abstinencia a carnibus inter-
 dicatur. *ibid.*
 Paroxysmi symptomatibus vitam minantibus quomodo oc-
 currendum. 165.
 Ventriculi debilitas cum ventris torminibus vino Ca-
 narino mitiganda. 167.
 Quo nihil proficiente ad laudanum fugiendum. *ibid.*
 Diarrhaea sudoribus cohibenda. *ibid.*
 Tussis brumalis a frigore, tempore paroxysmi susce-
 pto sicut ipsa Peripneumonia curanda est. 168.
 Calculus superveniens quomodo curetur. *ibid.* & 210.
 In Podagrae paroxysmo remedia externa in genere
 improbantur, verum istorum meliora reperiri mere Re-
 frigerantia & Repellentia. 168.
 Quid noxae comburies praestare possit. *ibid.*
 Podagrica materia ubi retrocesserit quid agendum. 167.
 Podagrici ante & post paroxysmum variis saepe vexantur
 symptomatibus scorbuti amulis. 158.
 Podagricorum dieta. 164. 167.
 Potus sit cerevisia tenuis. 164.
 Potus Dieteticus loco ordinarii in Podagris inveteratis. 165.
 Vinum plane officit. 164.
 Vinum vero Hispanicum minus injurium. 165.
 Lactea dicta in Podagra censura aequa. 164.
 Podagricis decubitus maturior quam sit utilis, idque hye-
 me praesertim. 165.
 Animi tranquillitas stabilienda. *ibid.*
 Exercitium sit quotidianum. 166.
 Hoc Tophos praecavet, vel solvit. *ibid.*
 In ipso paroxysmo permittitur. *ibid.*
 Nisi iste sit atrocior. 167.
 Exercitiorum primum est equitatio. 166.
 Quam tamen supplere potest in curru vectio. *ibid.*
 Venus quam sit injuria. *ibid.*
 Porriginis capitis curatio. 240.
 In practicis experimentis commemorandis fidelitas Au-
 thoris.

thorix.	22.
<i>Praxis Medica Theoria multum præferenda.</i>	<i>ibid.</i>
<i>Probi hominis verum criterium.</i>	150.
<i>Pruritus ferini curatio cardiacis.</i>	58.
<i>Rulli Decoctum in Cholera morbo probatum remedium.</i>	33. 235.
<i>Punctura tendinis.</i>	55. 239.
<i>Purgans potio Authoris.</i>	8.
<i>Purgans pro Infantibus tenellis.</i>	226.
<i>Purgantis lenissimi formulæ.</i>	8. 171.
<i>A Purgantibus dolores ventris intenduntur.</i>	161.
<i>Purgantia. Vide Cathartica.</i>	
<i>Purgatio quare necessaria post febres.</i>	8.
<i>Purgatio quare conveniat post hæmorrhagias.</i>	9.
<i>Purgationis noxæ & incommoda.</i>	34.
<i>Pustularum Urticæ puncturas referentium per totum corpus eruptio.</i>	57.
<i>Curatio.</i>	<i>ibid.</i>

Q

<i>Quartana.</i>	11.
<i>Quartana secunda vice infestans brevi finitur.</i>	12.
<i>Quartanæ lethales in regione paroxysmi ægrum jugulant.</i>	<i>ibid.</i>
<i>Quartanæ Autumnales.</i>	<i>ibid.</i>
<i>Quartanæ Autumnales quibus temporibus finiantur.</i>	<i>ibid.</i>
<i>Quartanæ Autumnales alios quosdam chronicos gignunt affectus.</i>	<i>ibid.</i>
<i>Quartanæ Epidemicæ.</i>	3.
<i>Quartanæ Ann. 1661. & seq.</i>	4.
<i>Quartanæ Epidemicæ Ann. 1661. mature invadentis exemplum.</i>	11.
<i>Quartanæ Infantum.</i>	12.
<i>Infantes sæpe diuturnas quartanas vincunt.</i>	<i>ibid.</i>
<i>Quartanarum curatio.</i>	14.
<i>Parum hæcenus votis respondet.</i>	<i>ibid.</i>
<i>Per corticem Peruvianum.</i>	<i>ibid.</i>
<i>Aeris mutationem.</i>	15.
<i>Potentiora cardiaca in declinatione propinanda.</i>	<i>ibid.</i>
<i>Quartanariis obest phlebotomia ut & frequens catharsis.</i>	14.
<i>In Quartanis Infantum & Puerorum fortioribus cardiis abstinendum.</i>	15.
<i>Quotidiana.</i>	11.
<i>Rarius observatur.</i>	13.

R

<i>Rachitis vera describitur.</i>	238.
<i>Non est curanda catharticiis.</i>	145.
<i>Linimentum ventri & hypochondriis infantum inungendum per 30. vel 40. dies.</i>	<i>ibid.</i>
<i>Rachitidis febribus infantum intermittentibus succedere solite curatio.</i>	16.
<i>Radix serpentariæ Virginianæ in vino infusa tertianis medetur.</i>	228.
<i>Rasio capitis in phrenitide confert.</i>	179.
<i>Refrigerantia in fine morbi eum protrahunt.</i>	7.
<i>Idque maxime in grandævis.</i>	8.
<i>Regiminis calidioris in Variolis noxæ.</i>	25. 40. 134.
<i>Ejusdem in Dysenteria noxæ.</i>	33.
<i>Ejusdem in Morbillis noxæ.</i>	38.
<i>Ejusdem in febribus plerisque discrimina.</i>	53. 54.
<i>Regiminis refrigerantis in certis affectibus nocumentum.</i>	8. 31.
<i>Remedia morborum præsertim Epidemicorum celare non decet Medicum probum.</i>	13.
<i>Remediorum formulæ.</i>	226.
<i>Renum calculus Vid. Calculus.</i>	
<i>Rhabarbarum in alvi fluxu sine additis aliis vix conducit.</i>	34.
<i>In Diarrhœa Epidemica nocuit.</i>	31.
<i>Rheumatismi historia.</i>	56. 230.
<i>Curatio.</i>	56.
<i>Anodynus figitur & protrahitur.</i>	<i>ibid.</i>
<i>Rheumatismus inveteratus quomodo tractandus.</i>	57.
<i>Rheumatismi scorbutici descriptio.</i>	<i>ibid.</i>
<i>Curatio singularis.</i>	<i>ibid.</i>
<i>Rheumatismi curatio sola diætâ e sero lactis, loco phlebotomiæ.</i>	68.
<i>Quibus conveniat istiusmodi curatio, & quibus non conveniat.</i>	<i>ibid.</i>
<i>Purgatio frequens atque anodynorum usus possunt phlebotomiæ liberioris vicem supplere.</i>	67.
<i>Rheumatica Lumbago.</i>	56.
<i>Rigor vel horror in febribus Intermittentibus unde.</i>	11.
<i>Rosæ.</i>	18.

<i>Alia lixivialia in vino Rhenano potentissima in hydrope sunt diuretica.</i>	173. 237.
<i>Salis absynthii usus in vomitu.</i>	10.
<i>Salivatio in Febre Continua Epid. ab Ann. 1667. ad 1669.</i>	30.
<i>Salivatio Variolarum confluentium comes.</i>	24. 28. 31.
<i>Salivatio in Variolis confluentibus usu refrigerantium promovetur, & cardiacis calidioribus reprimitur.</i>	28.
<i>Salivationis in Lue Venerea methodus.</i>	124.
<i>Neque Cathartica, neque alia præparantia salivationi debent præmitti.</i>	124. 125.
<i>Peracta salivatione neque Cathartica neque sudorifica in usum venire debent.</i>	<i>ibid.</i>
<i>Diarrhœa superveniens quomodo cohibeatur.</i>	<i>ibid.</i>
<i>Cautela magni momenti observanda in naturis salivationi nimis resistentibus.</i>	<i>ibid.</i>
<i>Salsaparilla non sanat Luem Veneream virtute specifica.</i>	19.
<i>Sambuci cortex interior laudatur in Ascite grandiore.</i>	173.
<i>Sanguis purus non raro Febre accenditur.</i>	1.
<i>Sanguinis color purulentus in febribus inflammatoriis detectus unde.</i>	54.
<i>Sanguinis depuratio fit per duplicem partium secretionem.</i>	10.
<i>Circa sanguinem in Pleuritide per Venæ sectionem eductum variæ observationes.</i>	54.
<i>Sani non raro febre corripiuntur.</i>	5.
<i>Scabies vid. Pruritus.</i>	
<i>Schediasma ad historiam Epid. anni 1699. & 1700.</i>	
<i>Scorbutus non tam frequens apud nos ac vulgo creditur.</i>	57.
<i>Scorbutus ubi desinit, ibi incipit hydrops.</i>	<i>ibid.</i>
<i>Scorbuti symptomata.</i>	241.
<i>Curatio.</i>	<i>ibid.</i>
<i>Scorbuti larvam plures gerunt morbi chronici.</i>	57.
<i>Scorbuti vocabulum perperam & temere usurpant imperiti.</i>	8. 57.
<i>Cum scorbuto febris.</i>	8.
<i>Secretio impuratum sanguinis fit per fæces, & per flores.</i>	10.
<i>Semen Anethi in singultu nihil profuit.</i>	<i>ibid.</i>
<i>Seri lactis in Dysenteria usus.</i>	35.
<i>Serpentaria Virginianæ radix in vino infusa tertianis medetur.</i>	228.
<i>Singultus in febre Cont. Epidem. ab anno 1661. ad 1665.</i>	9.
<i>Causæ remotiores proxima incognita.</i>	<i>ibid.</i>
<i>Curatio per diascordium.</i>	10.
<i>Singultus in nova febre Ann. 1685. Curatio per Corticem Peruvianum.</i>	179.
<i>Sophistarum reprehensio Hippocratica.</i>	171.
<i>In Saporosis affectibus Clysteres valde utiles.</i>	44.
<i>Specificæ pleraque dolo malo celebrantur.</i>	668. 669.
<i>Speculationibus nimis addictorum Medicorum censura non minus rigida quam judiciofa.</i>	140.
<i>Spiritu Cornu Cervi in febribus dentitioni infantum supervenientibus laudatur.</i>	182.
<i>Spiritus volatiles omnes ideo foetent, quia creaturæ ignis.</i>	147.
<i>Spiritus volatiles in Rheumatismo inveterato profunt.</i>	57.
<i>Spiritus vini ustulatus in Tussi sæpe nocet.</i>	49.
<i>Spiritus vini Ambustis prodest.</i>	55. 56.
<i>Spiritus Vitrioli Phrenesin in febre Epidem. domabat.</i>	46.
<i>In Variolis insigniter profuit.</i>	47.
<i>Sputum sanguinis. Vid. Hæmoptoe.</i>	
<i>Sudores vel Critici sunt vel Symptomatici.</i>	45.
<i>Sudores Symptomatici.</i>	51.
<i>Sudores ad febres tollendas provocandi, quales esse debeant.</i>	31.
<i>Sudores in febrium declinatione spontanei valde sunt salutares.</i>	45. 183.
<i>Sudores nocturni convalescentium quomodo tollendi.</i>	46.
<i>Sudorum in febribus observatio multum facit ad earum dignotionem.</i>	51.
<i>Sudorum provocatio in nullo morbo, excepta Peste, videtur convenire, & quare.</i>	161.
<i>Sudores ad ciendos nihil æque conducit ac capitis obvelatio.</i>	21.
<i>In sudore jusculis ægrum reficere admodum salutare.</i>	22.
<i>Sudoriferorum formulæ in Peste.</i>	21.
<i>Syderatio.</i>	57.
<i>Syrupus de Meconio S. Papaveris qualis ab Authore præscribatur.</i>	208. 209.
<i>Syrupus de Spina Cervina quibus in hydrope conveniat.</i>	171.
<i>Usus ejus in hydrope exemplo memorabili confirmatur.</i>	<i>ibid.</i>

T

- T** Abacci fumus loco Enematis potentissimi laudatur . 181.
Tabella præstantes ad tussim. 50.
Tabes deplorata equitatione tanquam specifica curatur . 47.
Tendinis puncturæ curatio. 55.
Tenesmus quid sit. 234.
Tenesmus post Dysenteriam. 34.
 Adultis exitialis, infantibus benignus. *ibid.*
Tenesmi curatio solis corroborantibus. *ibid.*
Terra effluvia morbos Epidemicos varios gignere possunt. 47. 48.
Tertiana. 11.
Tertianæ curatio. 228.
Tertianæ Vernales. 2.
Tertianæ Vernales ob perversam curationem diu durantes. 12.
Tertianæ Vernales diuturnæ ab Autumnali tempestate fuggantur. *ibid.*
Tertianarum Vernalium curatio. *ibid.*
Tertianæ Autumnales. 2. 13.
Tertianæ Autumnales Quartanis magis sunt affines, quam Vernales. *ibid.*
Tertianarum Autumnalium curatio. 14.
 Per Sudores & Dejectiones eodem tempore excitatos. *ibid.*
Tertianæ duplicis Autumnalis curatio. *ibid.*
 In *Tertiana* duplici Electuarium roborans atque Ju-lepus. *ibid.*
Tertianæ Epidemicæ Ann. 1661. & seq. peculiaria Symptomata. 4.
Tertianæ Ann. 1671. 21.
Theriaca Andromachi in febre pestilentiali feliciter usurpata. 21.
 Maximum in quamplurimis morbis remedium. 146.
 Laudatur in affectione hysterica. *ibid.*
 In Podagra. 162.
Tophi Podagricorum exercitio impediuntur vel solvuntur. 166.
Topica in Hydrope improbantur & quare. 174.
 In Podagra. 168.
 Sub *Torminibus* ventris febris nonnunquam delitescit. 181.
 In *Torminibus* ventris non omnibus Aquæ minerales conferunt. *ibid.*
Tumor crurum post Variolas quibus remediis curandus . 29.
Tusses Epidemicæ. 48.
 Curatio. 49.
 Epidemicæ curationem evacuationibus debent. 65.
Tussis sine febre quomodo tractanda. 49. 66. 240.
 Neque Narcotica neque liquores spirituosos neque diaphoretica tuto hic usurpantur. 65.
 Nec diaphoretica, nec pectoralia permittuntur. *ibid.*
Tussis oleo amygdalarum dulcium optime lenitur. 9.
Tussis in febre Contin. Epid. ab Ann. 1661. ad 1665. *ibid.*
 Ejusdem curatio. *ibid.*
Tussis Convulsiva puerorum & infantium curatur in primis venæ sectione. 38.
 Curatur Venæ sectione, & repetita catharsi. 65.
Tussis causa. 49.
 In *Tussi* quandoque valde salutare est corporis exercitium. *ibid.*
 In *Tussi* spiritus vini ustulatus aliaque similia valde interdum noxia. *ibid.*

V

- V** Aporum quos appellant Hystericorum frequens causa, 150.
Variola ab occulta Aeris crasi. 24.
Variolæ in crustas resiccata. *ibid.*
Variolæ mitiores citius finiuntur. 47.
Variolæ quanto tempore soleant grassari. 2.
Variolæ quo anni tempore invadere soleant. 23.
Variolæ quandoque insigni ægritudine erumpunt. *ibid.*
Variolæ revera parvi sunt abscessus. 25.
Variolæ regulares divisæ in distinctas & confluentes . 23.
Variolarum distinctarum symptomata. *ibid.* 231.
 Distinctarum historia. *ibid.*
 Venæ sectio in his supervacanea. 27.
 Nisi regimen calidius præcesserit. *ibid.*
 Regiminis justo calidioris noxæ. 26.
 Evacuationum noxæ. *ibid.*
 Frigoris sunt etiam nocumenta. *ibid.*
 Cardiacis quando utendum. 27.
 Cardiacum quale. *ibid.*
 Quo tempore agrotus lecto addicendus, *ibid.* 132.

- Lecto damnari nimis præpropere, est valde perniciosum. *ibid.*
 Loci in lecto frequens permutatio, tum in hoc, tum in alio genere est concedenda. 28.
 Solvuntur objectiones pro continuo in lectulo decubitu oblata. 133.
 Curatio. 26. 207.
Variolarum confluentium historia. 23. 132.
 Salivatio eas adultorum, Diarrhœa istas infantium comitari solet. 24. 28.
 Quibus temporibus morbi febris dominetur. 23. 208.
 Quibus ut plurimum moriantur. 23. 207.
 Symptomata exitialia, utrique generi communia . 28.
 Quam plenum periculi hoc genus. 27. 132.
 Curatio auspicianda est Venæ sectione atque Emerico. 136. 207.
 Et spiritu Vitrioli in potu. *ibid.*
 Pthyalismo potissimum perficitur. 28.
 A Fundamento recte, aut secus in primis diebus jactato maxime pendet. 133.
 Paregorica in his quasi specifica. 136.
 Nisi sint infantes, qui corripuntur. 29. 136. 137.
 Quo tempore morbi primum exhibenda. 137.
 Præ aliis Pthyalismum promovent. 28.
 Eorum exhibitorum commoda. *ibid.*
 Paregoricorum quantitas. 136.
 Exemplum eorum exhibitorum in quodam Crosse. *ibid.*
 Epispasticum quo die applicandum. 137.
 Allium incisum quo die plantis pedum applicandum. 138.
 Dieta. 231.
 Casus D. Cheut totam curationem complectens. 138.
 Emeticum dari potest die morbi undecimo, in suffocationis metu. 29.
 In quo casu aeri exponendus est variolosus. 133.
Variolosi admiranda historia. 29.
 Pustularum præpropere exclusio quantis stipatur incommodis. 134.
 Infantis regimen in Variolis erupturis, & a convulsionibus incipientibus. 135.
 Diarrhœa in infantibus salutaris. 28.
 Venæ sectio & Catharsis quo demum tempore in convalescentibus variolosis sint celebrandæ. 29.
 Mensium fluxum in Variolis refrigerantia indicare . 40.
Variolæ anomalæ distinctæ (sc. nigræ) quomodo a regularibus distinctis fuerint discriminatæ. 39.
 Curatio. *ibid.*
 Dieta. *ibid.*
Variolæ anomalæ confluentes quomodo a regularibus confluentibus discrepant. *ibid.*
 Curatio. *ibid.*
Variolæ anomalæ Ann. 1674. & 75. 46.
 Curatio. 47.
 Spiritus Vitrioli in his usus egregius. *ibid.*
Variolarum cicatrices. Vid. Cicatrices Variolarum.
Variolarum nulla unquam mentio apud Hippocratem, neque perspicua apud Galenum. 48.
Variolarum cum Phrenitide casu sanatarum historia. 29.
Variolarum in infantibus sæpe sunt prænuncii Epileptici insultus. 23.
Variolarum perverse curatarum symptomata. 26.
Variolarum retrocessio sæpe temere inculpatur. 29.
 In *Variolarum* summitate maculæ nigræ a nimio fervore. 25.
 Post Variolas relictæ foveæ unde, & quomodo oriuntur. 23. 28.
 Ex Variolis cur plures divites moriantur, quam pauperes. 27.
 In Variolis duo morborum tempora separationis & expulsionis. 25.
 In Variolis separationem paulatim fieri satius est. 25.
 In Variolis expulsio plus temporis requirit, quam separatio. 25.
 In Variolis eruptio præcocior periculosior est tardior. *ibid.* 26. 27.
 In Variolis faciei, manuumque tumor magni est momenti. 24. 28.
 In Variolis mox impense sudare noxium. 20.
 In Variolis retrocessis quid agendum. 29.
 In Variolis tractandis quomodo Medici fama periclitetur. 26.
Variolarum historia cum pustulis miliaribus a Davide Hamilton. 204.
 Vectio in Colica utilissimum exercitium. 41.
 Venæ sectio quibus noxia & quibus utilis. 5. 6.
 Debet Emeticum semper præcedere, ubi utrumque indicatur. 6.
 Debet similiter præcedere catharsin. 65. 178.
 Ubi phlebotomia liberalior non permittitur, potest suppleri usu Enematum. 6.
 Suppletur etiam purgatione frequenti, atque anodinorum usu. 67.
 Venæ

- Venæ sectio* infantibus succurrit pariter ac Adultis. 38.
Convulsionibus puerorum dentientium specificè con-
 ducit. *ibid.*
Vena in lecto secanda quo facilius phlebotomiam ferant.
Venæ sectio in debilibus nocet. 5.
Venæ sectio in Peste a multis laudatur. 19. 20.
Venæ sectio in Peste parce, & abscessu jam erumpente ad-
 ministrata valde est noxia. 22.
Venenari a sublimato corrosivo assumpto curatio sola aqua
 simplici. 67.
Vere morbi quidam inflammatorii gignuntur. 12.
Vesicatoria in hydropicis ræpe gangrænam inducunt. 174.
Vesicatoria non in omni Comatè profunt. 179.
Vesica ulceris signa & curatio. 240.
Vesitum hyemalium depositio quousque sit differenda. 52.
Vigilia quo pacto tractandæ. 9.
 Quomodo consopienda sint post febrem narcoticis. *ibid.*
Vinum absynthites. 14. 174.
Vinum Canarinum. 27. 167.
Vinum Hispanicum. 146. 165.
Vinum Malacense. 8. 46.
Vinum in Hydropè pro potu ordinario commendatur. 173.
Vinum in Podagra nocet, & quare. 164.
Vini compotatio quam nocumenta secum trahat. *ibid.*
Ulceribus pudendorum Venereis quomodo succurrendum.
 237.
Ulceris vesicæ signa & curatio. 240.
Unguentum in Pleuritide. 54.
Vomitiones virides non semper cacochymiam indicant.
 42.
Vomitus & alvi profluvium a sudore sedantur. 21.
Vomitus sedatur aqua menthæ. 10.
Vomitus sanguinis. 239.
Vomitorium in febre maligna quandoque Diarrhœam ex-
 citat. 10.
Vomitorii exhibitionem præcedat Venæ sectio. 6.
Vomitorii præscriptio & usus. *ibid.*
Vomitoria ex infusione croci Metallorum minus sunt tuta,
 præsertim pro puerulis. *ibid.*
 Periculosa itidem, nisi copiose diluantur. *ibid.*
Vomitoriis quandoque emendari nequit materia vitiosa.
 42.
Urina suppressio in Variolis. 25. 29.
Uteri procidentia curatio fotu adstringenti. 150. 233.
Vulnus levissimum in hydropicorum carne quare curatu
 sit difficillimum. 210.

SOLI DEO GLORIA.

GUILHELMI
MUSGRAVE

MEDICI DOCTORIS,

Inclyti Medicorum Londinensium Collegii,
& Regiæ Societatis Socii,

DISSERTATIONES DUÆ.

I. DE ARTHRITIDE SYMPTOMATICA.

Αγαθοῖσι δὲ ἱντροῖσιν αἱ πλάναι καὶ ὑποεῖας. Hippoc.

II. DE ARTHRITIDE ANOMALA, sive INTERNA.

Καὶ τῷτο εὖ ὁμοιότητες εἶδέναι χρὴ, εἴτε Λύετε ἢ Νῆσος, εἴτε Μεταπίπτει εἰς ἑτέρῳ Νῆσον. Hippoc.

EDITIO NOVA ACCURATIO R.

GUILHELMI
MUSGRAVE

MEDICI DOCTORIS

in Collegio Medicorum Londinensi Collegii
& Regie Societatis Socii

DISSERTATIONES DUE

I. DE ARTHROIDE SYMPTOMATICA

quod est de Arthritide & de Arthritide

II. DE ARTHROIDE ANOMALA, & INFLAMMA

quod est de Arthritide & de Arthritide

EDITIO NOVÆ RECONDITA

E L E N C H U S

PRIMÆ DISSERTATIONIS

DE ARTHRITIDE SYMPTOMATICA.

- Cap. I. **D**E Arthritide Symptomati-
matica generatim. pag.
323.
- II. De Arthritide Rheumatismo super-
venienti, Symptomati-
ca falso appellata. 325
- III. De Arthritide ex Chlorosi,
& ex Mensium suppressione.
327
- IV. De Arthritide Hydropi super-
veniente. 329
- V. De Arthritide Melancholica,
Hypocondriaca, & Historica.
332
- VI. De Arthritide fixa Scorbuti-
ca. 335
- VII. De Arthritide Lui Venereae suc-
cedenti. 339
- VIII. De Arthritide Asthmatica.
342
- IX. De Arthritide Febri succeda-
nea. 345
- X. De Arthritide ex Colica. 347
- XI. De Arthritide Morbis quibus-
dam Cuticularibus subjecta.
350
- XII. Corollaria & Spicilegia quædam
habet, cum Epilogo. 352

E L E N C H U S

SECUNDÆ DISSERTATIONIS

DE ARTHRITIDE ANOMALA SIVE INTERNA.

- Cap. I. **D**E Arthritide Anoma-
la generatim. pagina
357
- II. De Ventriculi Affectibus Arthri-
ticis. 360
- III. De Colica Arthritica. 369
- IV. De Diarrhæa Arthritica. 375
- V. De Dysenteria Arthritica. 378
- VI. De Abscessu Intestinorum Arthri-
tico. 380
- VII. De Melancholia Arthritica.
382
- VIII. De Syncope Arthritica. 384
- IX. De Calculo Renum Arthritico.
386
- X. De Asthmate Arthritico. 388
- XI. De Catarrho, Tussi, & Perip-
neumonia Arthritica. 392
- XII. De Phthysi Arthritica. 396
- XIII. De Angina Arthritica. 399
- XIV. De Capitis Doloze, & Vertigine
Arthritica. 403
- XV. De Apoplexia Arthritica. 407
- XVI. De Paralyfi Arthritica. 412
- XVII. De Doloribus in Corpore va-
gis, fixis; de Ophthalmia;
de Erysipelate; & Achoribus
Arthriticis. 417
- XVIII. De Epiphora, & Doloze Den-
tium Arthritico. 418
- XIX. Corollaria continet, cum Epi-
logo. 419

P R Æ F A T I O.



Uotcunque inspexi de *Arthritide* scribentes, in eo sunt ad unum omnes, & quidem elaborant, ut tantummodo morbi istius, qua *Exquisiti*, *Genuini*, *Legitimi*, suoque ordine *Primarii*. Doctrinam excolant, & disciplinam edant: ea videlicet illius notitia; quæ ex ipsa manat, vel elicitur, contenti, de *Larvata*, sive *Symptomatica Arthritide*, num quæ sit, aut qualis, aut quanta, aut quota, aut quam a se diversa, aut *Arthritida Primigeniam* quam mimice & quantum imitetur, (etiamsi hæc ad illam illustrandam exponendamque apprime conferunt) parum, vel minime solliciti.

Quid ab his hominibus studeatur, & in isto genere quousque proficiatur, non est huius instituti, exquirere. Impræsentiarum nos, experientia duce & præside, proponimus, in iis affectionibus, quæ *Podagra* & *Arthritidos* regularis appellatione passim insigniuntur, explicandis sanandisque, (ut, a Medico quod suscipitur negotii, luculenter id tractetur; & ad agrotorum commodum & sanitatem, quod amplissimum fieri possit, id demum agatur) primum, in *Arthritida Primigeniam* & *Symptomaticam* earum divisionem; tum *Symptomaticæ* in suas partes distributionem, constantissime ante omnia religiosissimeque conservari.

Quanto ille, & quam digne, risu exciperetur; qui, dum artem exercere professus sit gemariam, omnes illos, quotcumque circumferuntur (ita vulgo nominati) *Adamantes*, tanquam *legitimos* & *veros* æstimaret; atque adeo acciperet? Annon *Artificem* potius deceret, quid *Adamanti legitimo* proprium sit, investigare; eoque posito, tanquam regula & norma, de *Pseudo-Adamantibus*, & eorum a *Vero* dissimilitudine & discrepantia judicare? Nonne etiam delectaret *Falsorum* varietatem, magnam utique & multiplicem, ut a *legitimo* alii quam longissime remotur, ementiti, factitii; ut ad eum alii propius accedunt; alii *Colore* translucido æquiparant; alii *Duritie* tantum vincuntur, a *Vero Adamante* non nisi ab *Artifice* peritissimo distinguendi, diligenter expiscari?

Non minus fixum aut immobile fundamentum in experimentis habet *Arthritidos* illa in *Primigeniam* & *Symptomaticam*, & *Symptomaticæ* in suas *Species*; quam habet *Adamantis* hæc in *Legitimum* & *Falsum*, & *Falsi* in *Partes* suas, divisio distributioque.

Quanti vero intersit hæc notari, & hisce perquirendis quam egregie locetur res & salum *Arthriticorum*: ex eo constat, quod, iis prætermisissis neglectisve, jure merito verendum, ne dum uni eidemque tantum morbo, nempe *Arthritidi*, videamur; revera nos, quodque est certissimum, multis, iisque longe inter se diversis, & diversa ratione impugnandis, obsistere contingat, id est, ancipiti prorsus eventu, prælium, ne in tenebris committamus.

Eum recte curaturum credunt, qui Rationalem Medicinam profitentur, quem prima Origo causa non fefellerit: neque curari id, quod ægrum est, posse, ab eo, qui quid sit, ignoret: Sed cuius rei non est certa notitia, quod ejus opinio certum reperire remedium non potest. Celsus, Præf. L. I.


Huius quidem modi distinctionem, a clarissimo *Mortono*, in *Phthysiologia*, fuisse jampridem doctæque lucubratam esse video; & istius opera, morbum omnino difficillimum explicari, gravissimum curari. Sed, in chronicis plerisque aliis, ab *Auctoribus* celeberrimis, aut penitus omissam, aut aride nimis & jejune proditam: quam tamen, & in aliis perutilem, & quidem necessariam fore, ideoque multum desiderari, diu sum arbitratus: in *Arthritide* vero quamplurimum; eo certe plus in *Arthritide*, quo diutius illa cæteris affectionibus, quo crudelius humanum genus acerbiusque infestavit; & in illo, quo frequentius *Symptomatica* reperitur.

Qui, quod insignissimus *Baglivius*, magnum *Italiae* decus & ornamentum, hac in parte *ὁμοιοτητες*, graviter errare Medicos existimat, qui putant nonnullos morbos esse *Primarios*; ab iisdem causis productos: eandemque etiam medendi methodum exposcentes; eum, per repetitas gravissimorum Medicorum observationes, certo constiterit, eos esse *Secundarios*; a diversis causis pendere; *Specie* differre; propria habere symptomata, propriasque methodos exposcere. Et inter præcipua artis desiderata illud merito reponit, *Ut scilicet singuli quique morbi in tot species subdistinguantur, quot sunt morbi primarii a quibus foveantur, aut causa vehementes constantisque quibus producuntur. Praxeos Medicæ Lib. 2. Cap. IX.*

Posita ergo hac *Arthritidos* divisione, & in præsentis misso, tanquam *Postulato*, divisorum membro priori, scilicet *Arthritide Primigenia*; posterius aggredior, nempe *Symptomaticam*, hoc consilio & spe fretus, si prius copiae debellantur hæ *Auxiliares*, hostem postea facilius depelli & evinci posse *Principalem*.

Dicam itaque *Arthritidem Symptomaticam*, & in ea *Species*, quotquot usquam mihi innotuerent, comprehensas: ut illius *Ratio generalis*, & harum *Descriptiones* & *Distinctiones*; ut, a morbis suis *Primariis*, earum *Ortus* & *Emersiones*; ut, in *Arthritida Primigeniam*, earum *Migratione* & *Itinera*: in statu maxime degeneri & peregrino; ut earum *Facies* & *Proprietates*, (variæ, Jupiter! & dissimiles) ut *ὁμοιότης Arthriticæ* usquequaque aperiantur: *Curationes*, & medendi *Intentiones* earum singulis accommodatæ, & (quoad potero,) congruentes, ut eliciantur: postremo, totum id quod dicimus, ut *Historiis*, optima fide traditis, tanquam tot *Testibus*, stabiliatur, confirmetur. Hoc *Libelli* huius *Opus* & *Argumentum* est.

Lectorem autem illud admoneri decet; quoniam ea, quæ a *Nobis*, nullius *Sectæ* affectis, imo *Sectam* omnem fugientibus, & *Historicam* (ea quidem una exercenda, vindicanda) *Medicinam* colentibus, sistuntur & in medium proferuntur; aut eventa habent, aut ex iis ultro nata, vel facillime ducta; ista vero eventa colligenti maximam partem præbuit *Damnonium* hocce *Orientalis*; quod idcirco *Medicina* hæc (a vero ejus pars præcipue, quæ de *Scorbutica* est *Arthritide*) quodammodo *Provincialis*, & huius *Populi Propria* esse videatur. Utinam fane tanto & tam nobili populo par inveniatur.



DISSERTATIO PRIMA. DE ARTHRITIDE SYMPTOMATICA GENERATIM.

CAPUT PRIMUM.

Art. I.



T morbi recte dignoscantur, videndæ sunt, (quod docet (a) Hippocrates,) ὅσα ἐξ ὧν εἰς ἃ διαδοχὰ νοσημάτων. h. e. Quæcunque sunt Morborum vicissitudines, & ex quibus in quos succedant. Vertente clarissimo Mediomatrico, pariterque textum in hunc modum interpretante. Morborum Successiones, vicissitudines, & exceptiones, esse inspiciendas; ut facilius de toto eorum exitu existimes. Et, Hæc oportere omnia ad eam, Morborum Transmutationem transferri, quæ solutionem quandam præ se fert, & Naturæ Benignitate alio Morbum ablegat. Quibus præfatis, ex divini senis oraculis, ad gratiam, & fidem, operi nostro conciliandam, (quod, ad ea se conformari, frustra quidem, & ambitiose nimis, exoptavit,) ipsam rem aggredior; ex illoque sancto quasi fonte, nostra omnis manabit oratio.

II. Præter istam Arthritida, quæ causam habet continentem propriam, & peculiarem, quæ suis viribus pollet, & est ex se sufficiens; ideoque Exquisita audit; nec, ab affectu quovis alio, perfectio, mutuatur sive ducit, originein; unde Primigenia: (quæ quidem in præsentia, postulati loco ponenda:) alia est Arthritis, quæ a morbo aliquo antecedente profluit: quæ alteri morbo debet ipsum id, quod nascitur, &, quod existit: & (a Primario illo) Derivata, Secundaria, Symptomatica uti, (præ Arthritide Exquisita,) Mendax, Simulata, Falsa, jure merito nominetur.

III. Fusius dicam: Arthritidis Symptomatica cum Primigenia, si primas earum facies conferamus, & illa quæ sunt extiora spectemus, in plerisque convenit: (par etenim ratio paroxysmorum; iidem utrinque typi, similes causæ, & principia, nec non effectus, seu reliquiæ, sive fructuosæ, sive contrariæ:) proindeque generali nomine Podagra, & Arthritidos, utrisque communi, comprehensæ, magnam partem ἀδιακρίτως sub eo delituere; morbus idem esse, judicata. At, a vero quantum id abhorret, iis facile innotescet, qui earum ἀπο καὶ ἑξ ἧς penitus scrutabuntur. Arthritidis enim Primigenia, morbus exquisitus, γένος sui ordinis princeps, peculiarem & sui generis conjunctam habet causam; proprio utique Marte agentem; per se, vel procatacticarum Stimu-

Sydenham opera Medica.

lo, paroxysmos facientem; a nullo vero affectu alio, aut primitus acceptam, aut in operibus dependentem. E diverso, Symptomatica morbo alteri succrescens, vel materiam, (id est, causam continentem,) vel minimum materiæ in hujusce generis Arthritida μεταστροφὴν, illi Primario, quo (directe vel oblique) ortus ejus promovetur, refert acceptum: itaque tum morbi, unde fluxit, primarii; tum Arthritidos, quam æmulatur, exquisitas, de natura, tanquam hybrida, participat.

IV. Symptomatica, quas hoc terrarum tractu vigere comperimus, sunt ex rheumatismo Arthritis; ex chlorosi, & mensibus suppressis, ex hydrope, melancholia, scorbuto, lue venerea, asthmate, febre; dolore colico, affectibus cutaneis: perplures sane, dignæque omnes quæ in Luciani Drama prodeant Τραγικοδαιμονίων: quarum tamen catalogum haud dubie augebit industria posterorum.

His affecti, eos qui in Arthritide sunt Exquisita, numero videntur, (si recte calculum ponas,) exæquare; imo quidem, (mea sic est ratio,) vincere: ut Damnonio nostro Arthritidos pars dimidia, sine ulla dubitatione, sit hodie Falsa.

V. Symptomaticarum ratio generalis in eo locari reperitur, quod, cum morbi sunt ab Arthritide Primigenia diversi, & intervallo quodam distantes, stationes suas Primarias relinquunt, & erga Arthritidem moventes, ei sensim appropinquant: simili fere modo, ac, in hypothesi Copernicana, planeta apogæum (sive punctum illud ellipseos, quod est a sole remotissimum) deferentes, versus solem inclinant; donec hypogæum (sive punctum ejus quam proxime solem) pertigerint.

De appropinquandi modo ut rite cogitemus, non solum ex arthritidos Primigenia symptomatibus aut pluribus acceptis, aut diutius servatis, is existimandus: ne hoc, utrunque, judicium fallax, & incertum: imo potius a primario plus minusve exuto, (ut in sequentibus patebit) addiscendus. Vero enim vero Primarii exuvie simul cum usurpato Arthritidis Primigenia vultu, Symptomáticas omnium certissime commonstrant.

Specialis harum est conditio, quod a stationibus Primariis quo celerius, & quo longinquius, ejusdem classis Symptomatica deflectunt, eo rarius ad eas revertuntur: hoc est, quo plura morbi Primarii symptomata deposuerunt, eo insolentius resunt; eo celerius Arthritidis puræ symptomata usurpant; eo constantius retinent.

VI. Secum dissentiunt Symptomatica, si earum externa respicimus; quod aliæ, ἑσπέρια; aliæ partu

difficili, eduntur; aliæ, a *Primigenio* ægrius; aliæ libentius, decedunt; aliæ ad parentem cito regrediuntur; aliæ vix unquam, aut ne vix quidem; aliæ sæpius, aliæ rarius, *Παροξυσμοί*.

Harum autem *Paroxyfinos* si attenderimus, sunt illi profecto longi, breves, acerbis, mites, abnormes, idonei, continui vel intercisi, eadem plane varietate inconstantiaque, qua sunt *Arthritidos* exquisitæ paroxyfini; & reliquias sive fructus habent (sicut illi) suæ cujusque ferocitati & magnitudini, plerunque respondentes.

Partus istam diversitatem facit diversa *Primario-rum* indoles, & in *Arthritidem* propensio: nam, quo cujusque *Primarii* materia virus *Arthriticum* magis refert; & materia *Arthritidem* facienti, quo plus favetur, eo certe vividum magis *Arthritidos* simulacrum; eo magis solidum emergit *Εκφυγῆν*. Et e contrario.

VII. Sed, (quæ cum primis ad exponendas hæc *Symptomaticas*, conducit differentia;) Alia *impro-prie*, & ex vulgi tantum opinione, sic appellatur: quippe quoniam paroxyfinos, ad normam *Arthriticam* formatos, & compositos, habet omnino nullos; nec materiam, ei quæ est *Arthritica*, (quantum ex utriusque signis judicare licet) ulla ex parte comparem. Hujusmodi una est, quæ rheumatismo superat, quæque *Symptomaticarum* nomine, quoties de his verba fecerimus, a nobis ea re excluditur. Alia *magis proprie* dicta; quæ morbo alicui *Primario* manifeste & palam *ἐπιγινώσκον*, *Primigenia* ritu, per se vel aliunde stimulata, & adjuta, paroxyfino, celebrat.

VIII. Illa etiam duplex est. Altera generatione, quæ dicitur *Æquivoca*, procreatur. Gravi quodam morbo laborat æger; eoque partim, vel penitus subacta, natura, sui demum juris & vegetior facta, miasma *Arthriticum* in sanguine occultum, sanguinem & quicquid intus virium est depascens: (maxime vero si pharmaci ea proritetur) ad *τὰ ἔξωθεν* appellit; itaque (præter spem & expectationem omnem sæpe) gignit *Arthritidem*. Huc pertinet *Arthritidis* ex chlorosi, & ex hydropi: quæ quidem, accurate si dixerimus, *Secundaria* potius, quam *Symptomatica*, censeantur: ut infra ostendetur.

Altera, quæ *κρυπτότατος* *Symptomatica*, eandem cum *Primario* (contra quam modo dicta,) sed mutuatam, & ab eo derivatam, habet materiam, vel ipsam, vel aliqua ex parte alteratam; vel integram, vel cum alio quodam mistam; sed in aliam corporis regionem, quæ transvehitur; aliaque ratione (id est *Arthritica*,) quæ operatur. Nam, ei quod ineptum est eliminando, per morbos hunc vel illum, pro inepti ratione & corporis constitutione, varios, dum incumbit natura; (unde horum morborum *φύσεις* ab *Hippocrate* dicuntur *ἰντρί*), sæpe quidem fit, vel propter eos nimis remissos, & instituto impares, vel ob materiam parum tractabilem, & *δύσλητον*, quod illius pars in corpore, necdum istis molitionibus exturbata, restet. Hanc natura, prælium redintegrans, secundo aggreditur; & quoniam ausis prioribus exciderat, alia jam methodo conficere, alio morbo, scilicet *Articulari* proscribere, contendit. Atque hunc in modum oritur *Arthritidis Symptomata*; cujus species sunt *Arthritidis* melancholica, scorbutica, quæ lvi venereæ, quæ asthmatis, quæ febri, quæ dolori colico, quæ morbis cuticularibus, succedit.

IX. Hoc autem minime celandum, quod raro illa, quæ maxime propria *Symptomatica* est, *Primarium* sequitur nisi multorum dierum, veterem, & ab ætate quasi venerabilem, chronicum: & quod illa, serius quam *Primigenia*, nec nisi grandiores, invadit; eos scilicet, qui, cum affectu *Primario* diu conflictati, cum eodem simul inveterascunt. Id quod de altera ista *magis propria* parte, confirmari vetant experimenta; quippe quæ, robustioribus, quæ junioribus, congruere hanc, evincunt.

X. Verum, ut ultra distinguam *Symptomaticas*, earum quæ sunt *ἰδιωτάται* morbi primarii, (a quibus derivata sui generis materia, quæ in *Arthritica* modum agere conatur, hæ singulæ potiuntur,) cum valide inter se discordant; *Symptomaticas* item hæc, utcumque prima facie consimiles habeantur, spe-

cie tamen, pro ipsorum materia, pro illa primario-rum diversitate, inter se differre, non est improbabile, peculiarem habent sigillatim omnes naturam; proprium *ἴδιον*; & curationes exigunt proprietatibus suis accommodatas. Nam,

XI. In exercenda medicina, quoties occurrit *Arthritidis Symptomata*, morbi *Primarii* ratio, & modus omnino investigandus; therapia probatissima diligenter expiscanda; & ex iis, una cum *Arthritidis Primigenia* doctrina, studiose considerateque penitatis, eliciatur, & in quadrum redigatur, optima medendi perfectissimaque indicatio.

(a) Neque enim credant, (qui *Rationalem Medicinam* profitentur,) posse eum scire, quomodo Morbos curare conveniat, qui, unde hi sint, ignoret; Neque esse dubium, quin alia curatione opus sit, si a lue Venerea; alia, si a melancholia; alia, si a scorbuti; alia, si ab hydropi; alia, si a chlorosi, (& sic de cæteris affectibus, toto, quod dicitur, cælo distantibus, & secundum illam differentiam diverse medicandis) *Arthritidis* oriatur.

XII. Etsi vero *Symptomatica* ratio composita, ab utroque parente (tam eo qui genuit, quam eo qui adoptavit,) ætiologiam, therapiam, ex parte accipit; tamen non id indiscriminatim, & æquali factum est mensura; sed modo, & proportionem, prorsus singulari. Nam in paroxyfino ab *Arthritide*, therapia maximopere; extra vero paroxyfinum, in ejus vacatione, prophylactica quæ colatur, a morbo præcipue *Primario*, haurienda.

XIII. Quæ quidem prophylaxis, & in ea quæ est medicina vel late sumpta, cum, ad morbos, veteribus chronicis, iisque gravioribus, secundarios, & malum *δυσλῆδες* (*Arthritidem*) æmulantes, evitandos, excolatur; diutius quidem, & contentius, ad menses aliquot ducenda: sæpe etiam per annos, statim temporibus, repetenda est: ut nempe morbis ita pertinacibus, inveteratis, sanatu difficillimis, curatio par & æqualis adhibeatur. Ista vero prophylaxeos diuturnitas alias longior, alias brevior, ordinanda, pro singula curationum singularum difficultate: quod in sequentibus speciatim, & pressius, exponetur.

XIV. *Arthritidis Symptomata* a *Primigenia* diversitas, inque membra partitio, ab artis professoribus non satis observata, id effecit, ut ætiologia *Arthritica* hodieque trunca, debilis, imperfecta, perturbata, minime constet; nec cum ægrorum symptomatibus concordet. Neque enim aliter fieri potest, cum, quæ una, & simplex, æstimata fuit affectio, varia prorsus esse deprehenditur, & multifariam composita.

XV. At, quod magis dolendum, & in humani generis incommodum (ut nequid gravius dicam) cessit immane quantum; id etiam fecit hoc *Παράδειγμα*; ut, quæ non uno eodemque modo construi, quin potius variari, & pro morborum differentiis, discrepantia, diversitate, aliis aliisque indicationibus passim muniri, debuerat therapia, angusta nimium, manca, & delumbis, esse reperiatur; utpote *Arthritidis* unius *Primigenia* basi, & fundamento, (nimis arcto) superposita; cum Medici, tum ægroti, spem, & vota, decipiens. Infelices *Arthriticos*! & eo quoque nomine miserandos, quod, dum adversus morbos convulsivos; adversus phthisin; adversus febres intermittentes; aliasque quam plurimas; dum, adversus graves & Herculeos affectus, medendi intentiones aptas, solertes, commodas, excogitavit ætas, in *Arthritide* sananda, pellendaque tam parum profecit.

XVI. Prædictas *Symptomaticas* hac methodo discutiam; Primum nempe remotissimam, & ab *Arthritide Primigenia*, quam longissime disjunctam: deinde reliquas, eo ordine, quo sunt, in sua cujusque ellipsi, minus remotæ dum ad illam denique pervenero, quæ ab *Arthritide Primigenia*, vel abest quam proxime, vel ipsa est; per totum hunc decursum, & universum percurrendo *Systema Symptomaticum*, habito respectu, quoad ejus fieri potest ad accessum, & proximitatem: quæ quidem hoc tempore potissimum advertenda, En! opusculi partitionem;

Arthritis

Symptomata

Primigenia.

Falso sic appellata, quæ Rheumatismo;

Minus proprie dicta, quæ

Magis proprie dicta, quæ

Chlorosi,
Hydropi,
Melancholici,
Scorbuto.
Lui Venereæ,
Asthmati,
Febrii,
Colicæ,
Morbis quibusdam Cuticularibus,

Supervenit.

In ipsis partibus tradendis, primum, morbi cujusque *Primarii* stationem dicam: tum, ejus in *Arthritidem* progressum: deinde *Secundarii*, jam facti, & in aditu maxime propinquo sistentis, diagnosin qualemcunque: post, a cognatis *Secundarii*, & *Arthritide* exquisita, illius differentiam: tum, morbi, ejusque symptomatum, in primis urgentium, curationem: deinde, isthæc illustrandi ergo, historias: hæc autem, non eadem ubique ἀρεσεία, quanta tamen opus est, scriptura persequar.

CAPUT II.

De Arthritide Rheumatismo Supervenienti, Symptomata falso appellata.

Art. I. **P**riusquam ad *Veras* aggrediamur *Symptomatas*, omnino necessarium est, *Arthritidem* ex *Rheumatismo* ortam, ita *falso* nominatam, propter ejus cum *Veris* similitudinem, & ne istam in illarum numero ponentibus, operi nostro deesse, videar, expediri; eaque re, de ipso *Rheumatismo*, mendosæ hujus *Symptomata* affectu *Primario*, paucula quædam præmitti.

De *Arthritide Vaga*, quatenus *Rheumatismum* referat, & illius appellatione se occultet, alius loci est differere: de *Rheumatismo*, quam ille *Arthritidem* imitetur, ac quasi vices rependat, hujus & temporis, & loci est.

II. *Rheumatismus* ille, cui quidem uni quantum Ego rescivi, succrescit hæc *Symptomata*, (nam a *Scorbuto* minime unquam, nedum alio quovis *Rheumatismo*, prognatam memini) semper incipit a frigore, causa hujus affectionis evidenti fidelissima: ex qua celerrime sanguini, præcipue vero ab exercitationibus incalescenti, *Lentor* inducitur; qui, in musculis & membranis, infarciens capillaria, circuituri fluminis meatus obstruit; dolores, & interdum tumores affert. Quæ inest sanguini, pituitæ, sive feri crassioris massa, horæ paucarum aliquando *Sexagesimarum* spatium, momento temporis, fere tota *lentescit*, & (uti cera per syringem injecta,) ductus implens exiguos, impedimenta, moras, oppilationes creat, pro ipsius crassitie plus minusve pertinaces.

III. Qui fiat tanta, tamque subita *Γλισχρότη*, (haud explicatu facile problema) professores Medicos, optima quidem ingenia fatigavit. Sunt, qui lac accensens, si admoveatur igni coagulum cito contrahere perpendentes, & lac immixtum venis statim coagulari cōfirmantes, binis hisce positis, sibi videntur rei *Sydenham opera Medica*.

summam explicasse, dubiisque vim in totum diluisse; at quo jure, qua ἀπέλεγε, (præfato virorum de Republica bene meritorum honore,) paucis expendam.

Primum, experimentis *Boyleanis* manifesto constat, acidi, præter salis marini, vel ejus æmuli, quantitatem perexiguam, atque huic coagulationi producendæ minime sufficientem, nihil natura sanguini inesse: neque de horum experimentorum fide, per *Vicusseniana*, dicam: an *Chiracciana*? quicquam (a) derogatur.

De altero argumenti membro, etsi, apud magni nominis (b) anatomicum, tanquam experientia proditum, lac immixtum venis illico densari, perscribatur; tamen, quod vacillet hac in parte, non tam auctoris, quam (ex ea, qua versamur, rerum caligine) eventus fides & testimonium, ideoque dubium æstimeretur, habeo dicendum. Cum enim, varias olim, *Oxonii*, injectiones, & quidem hanc ipsam lactis vaccini, quantitate satis locupleti, exercendo, sanguinem inde ne vel minimum coagulari, sive concreescere, tametsi hac illac agitatam, accurateque spectatum, deprehenderim; virum clarissimum, profectorem eximium, aut animali minus sano, aut acescenti lacte, fuisse usum, haud injuria suspicatus sum.

IV. Deinde, non solum ab acido fieri in sero animali coagula, testatur id (c) *Boylei*, per *Oleum Tart. per Deliquium* illi adjunctum, perque *Spiritum vini* probe rectificatum, coagulari serum asserentis. Quinetiam, ut symbolum meum conferam, *Rheumatismo* laborantis serum, per calorem, & exinde quam citissimum frigus, (utrumque scilicet impensum,) in gelatinam admodum lentam, viscidam, firmam conciliati & cogi nobis experimento patuit. Hoc enim brevi evenit, quando, hujusce rei tentanda gratia, istiusmodi serum, cochleari contentum, & subjecta lucerna calefactum, aqua frigidissima ad cochlearis marginem immergeretur.

Ab acri vero sale alcalico, quam ab acido, *Lentorem* fieri, longe probabilius: sagacissimi enim (d) *Baynardi*, Collegæ Nobilissimi, experimento liquet, *Rheumaticorum* urina, salis alcalici ejus, quem habent sani bonaque utentes valetudine, partem quasi trigessimam, nec quidem supra, destillando elici. Unde conjicitur, sale istum acrem, pungentem, asperum, acutum, in sanguine retentum, pituita (forsan adjuvante oleo, veluti in sapæ compositione,) irretiri involvique & ad viscidum in *Rheumatismo* faciendum, ad dolores, & tumores inferendos, opere quidem maximo contribuere.

At, quod rem absolvere videatur, *Rheumatici* cujusdam ægri vena pertusa, sero *Syrupum Violaceum* instillavi, unde mixturæ, brevi temporis spatio, *Color viridis*: Et ejusmodi sero, *Sublimati solutione*, parce quidem & tantillula quantitate, addita, quam citissime ad fundum se demisit concretum *Albissimum*.

Ipsi porro pelliculæ, sanguini *Rheumatico* innatanti (ut videlicet, in ea salis quid dominetur, anquirerem) *Solutionis* dictæ guttis aliquot affusis, ejus superficiem ex hinc *Albere*, cum plerisque aliis astantibus hujus experimenti testibus, notabam.

Siqua igitur hisce probationibus fides, vel a calore frigoreque vehementibus & continuis, vel a sale alcalico-intus retento, vel utroque lentorem hunc oriri, verisimile est.

V. Quoties e viscido redemptus, prisca gaudet *ἁπλῶς* & more naturali circumagitur sanguis, evanescit tumor, quiescit dolor, convalescit æger: contra vero, affectu male tractato, id est perseverante viscido, nondum victo correctoque, nonnunquam oritur *Arthritis* ista, quam dico, *Symptomata*. Nempe, cum abundat τὸ Γλισχρόν, qua visciditate, qua acredine, vehementiores, patiter ut *Arthritis* ipsa, profert distensiones, dolores, tumores, aliosque non paucos effectus utrique huic vitio communes.

X 3

Fri-

(a) Hac de re, qui plura voluerit, adeat clarissimi *Picarnii* Dissertationem Med. ultimam: ut & almi Coll. *Romanorum* Archiatorum ad Cl. *Viusseium* Responsum.

(b) Vid. Cl. *Louverum* de Corde, Cap. 2.

(c) Vide *Humani Sanguinis Historiam*, Partem 3.

(d) Acta Phil. Lond. N. 215.

Frigidam vero Arthritidem æmulari gestit hic affectus, illiusque partes sustentare: Nam, neque dolor æque acerbus; nec inflammatio perinde continuatur; neque declinatio similiter propera, ac in illa *Arthritide*, quam appellamus *Calidam*. Nihilominus fatendum est, quod, si *Rheumatismo Scorbuto*, aut *Venereo*, *Arthritis* ista superveniat, (posse vero supervenire, nullam recipit controversiam) ob asperum aliquid, ac stimulans, interfusum, & dolorem magis acutum, & inflammationem magis insensam esse.

VI. Autumno maxime intenduntur hi dolores; eo videlicet tempore, quod fluxionibus faver, (quantum & alias anni tempestates iis prorsus immunes esse, nequaquam affirmandum,) & diu, nonnunquam ad totum hyemale spatium; ubi morbus inveteravit, excurrunt; sæpe quidem intercisi, at a levissimo frigore recidivi; quod diuturno familiare *Rheumatismo*; Turgent articuli, Fractura extante, & in tumoreni albidum, & tanquam *Οἰνυματώδης*, cutim elevante. Unde digitorum motus semper impeditus, interdum abolitus: Huc illuc digiti torquentur: manus nonnunquam retroagitur; sicque cubitus, ut pars ejus interior jam emineat.

Cum *Arthritidis* personam qualemcunque capeffivit *Rheumatismus*, raro quidem exuit; ad vitæ usque terminum plerumque perferens. Si modo sanum id, quod intus, & incolume totum est, extremam aliquando senectutem, sed digitis, sed artubus multatus, æger adipiscitur; *Podagram* interea, tanquam humani generis pestem & perniciem, tanquam malum, vel ipso teste experto, acerbissimum, (qua tamen genuina fortasse nunquam est affectus) increpans acerrime.

VII. Quamvis enim nonnulla *Frigida Arthritidos* Symptomata gloriatur hic affectus: tamen, si rem attentius perspexerimus, cum ea parum convenit. Cutis sanguini (sic, ut in *Rheumatismo* solet esse) densa, & quam in *Arthritide* multo densior, post quietem supernatans, hoc abunde arguit; confirmat id, quod gelatina, quamdiucunque commissuris immorata est, nunquam in tofos indurefcit; quodque commissuris minime contenta, cum internodiis eas pari fere proportionem premit: tum vero omnium maxime, quod nullo cardiacorum, utut *Actu* vel *Potentia* calidorum, abusu, vel quavis alia de causa (contra quam *Arthritis* omnis, sive *Primigenia*, sive *Symptomata*, sive *Calida*, sive *Frigida*) in paroxysmum, qualis est *Arthritidis*, vel levissimum, evahatur unquam *Species* hæc *Adulterina*.

VIII. Ad hæc *Rheumatismi* reliquias, duras equidem & pertinaces, prævertendas, valet ea, quæ morbi istius curationem habet, quæ sanguinem attenuat, medicina, ab auctoribus, illam ex instituto tradentibus, haurienda. Cui tamen unum, ut mea memoria est, ab iis prætermisum, adjiciam; nempe, quod, ad dolores *Rheumatismi* minuendos, ad sanguinem alterandum, & *ἡ Γλισχρότητα* devincendam, conducit, supra quam quis expectaret, vomitio; sed vehemens, sed iterata. Quod unde efficitur, sanguinem exagitando, concretionem inhibendo, motumque illi novum expeditioremque tum intestinum, tum periodicum, imprimendo; an quovis alio modo fiat, in medio relinquam.

Hoc autem gratis dictum, ne quis existimet, fidenter affirmare possum, sola *Infusione Croci Metallorum* ad quatuor vices, quantitate bene magna, tot diebus continuis, ab athletico quodam & multarum virium ægro, contra *Rheumatismum* hausta, unde cum *Ἐποεῖα* toties evomuit; *Rheumatismum* gravem, & permolestum, me novisse penitus & radicitus extirpari. Cujus quidem historiam mentionem non ideo feci, quod tristem & severam, ne dicam periculosam, hanc curationem, vix centesimo cuique tolerabilem, in communem indistincte usum, inducere conarer, aut in animo haberem; (quæ enim hæc temeritas!) sed tantum, ut emeticum ab hoc affectu per se considerato, non ex omni parte respui, seu vetari, submonerem; imo quadantenus indicari; & quoties vires, & quæ sunt ægri cætera consentiunt, posse ministrari.

IX. Ad easdem reliquias præsentem extirpandas, requirit indicatio, quæ quidem unice attendenda, ut

tollatur iste lentor, ut crassa, pertinax, & viscida materia, quæ juncturas obstruit, & in tumores cutini earum effert, causa videlicet conjuncta, corrigatur emendeturque, cujus gratia, e *Regno Vegetabili* depromantur *Antiscorbutica* quæ dicuntur, sale volatili referta; qualia sunt *Radices Armoraciae*, *Cerpe*, *Ari*, *Allii* &c. *Folia Cochlearia*, *Nasturtii Hortensis Indicique* &c. *Semina Sinapios*, *Cochlearia* &c. Quæ quidem omnia, recte & artificiose comparata, debitoque more data, viscidum incidant, tenudent, resolvant, perque renes demum expellant illius quicquid alienum est, & inidoneum.

Huc, eodem fere nomine, respiciant *Spiritus C. C. Urinae Fuliginis*, *Salis Armoniaci*, & id genus alii *Volatiles*, sive *simplices*, sive *oleosi*.

Quid per *Oleum Terebinthinae*, medicamentum mire penetrans, & deobstruens, (pulmonis illud solvit pituitam, in catarrhis pertinacibus farcturam ejus allevat: in tingendo marmore, colorum illud optimum laudatissimumque vehiculum est:) Quid, inquam, in lentore *Rheumaticorum* reducendo per illud præstetur, quando hoc hortatur analogia, fiat periculum. Profit autem tum interne sumptum, tum externe applicatum, e. g.

℞. Ol. Tereb. gutt. iv. ad vi. vel si Febris Suspicio nulla vetuerit, pluries. Conf. Anthus ʒj. Syr. de Ruho Ideo q. s. f. Bolus, hora somni deglutendus, cum Julapii Haustu.

℞. Aq. fol. Ari, Angelica, Ulmaria aa ʒv. sp. Croci ʒij. Sambuci q. s. cum Marg. ppt. & sacch. f. Julapium.

Balsamo Sulf. Terebinthinato artus motu privati, cum frictione, bis die, superillinantur; vel etiam *Vernice Terebinthinata*.

Camphora sapor acris & pungens, odor aromaticus penetrantissimus, ignis comprehendere facillitas eximia, sed præ cæteris quibuscunque in aurâ abitis celerissima, partes ejus subtilissimas tenuissimasque ostendunt. Ideoque nunquid ægrotantibus hisce nostris, ad incidendum & tenuandum in eorum capillariis lentum illud viscidumque, & quantum ab illius auxilio sperari possit adjumenti, merito exquiratur. Dari possunt ejus *Grana v. vel vi. Oleo Amygd. dulc. soluta, cum Conf. flor. Borag. ʒj. Syr. Cort. Citreor. q. s. (ut f. Bolus) cum Jul. Haustu, hora somni*, quod quidem tempus exhibendi præfero, quoniam per noctem insequentem (noctu vero, quam interdum, in his ægrotis, ad superficiem corporis sanguinem magis efferri verisimile est) una cum sanguine ad τὸ γλισχρόν apulsum majori cum impetu, favente flumine rapidiori, in id arietet. Quinetiam *Epithemata Camphorata* possunt externe partibus affectis admoventi.

X. Sin hæc e *Regno Vegetabili* frustra esse reperiantur, & operi imparia, e *Regno Minerali* conducatur optime *Mercurius*; illo nempe pacto sanguini commixtus, & obstructionibus adfectus, ut incidendo dividendoque viscidum illud attenuet, solvat, colliquet. Quare pyralismum hoc in casu levem institui, diuque proferri, (modo per ægri vires, & alias res licuerit) e re futurum arbitror. Nec non ad eum finem *Mercurium* partibus iisdem laxis, per unguenta, per emplastra, posse cum fructu superponi.

At si ista non sentiat, quæ juncturis inest, gelatina, *Suctu* frequenti validissimoque, per fistulam ad eam rem fabricatam & officio prius facto immisam, evocetur. Hoc in *Arthritide* vera laborantibus fieri, vulgare jam & pervagatum est: multo vero tatiùs in rheumaticis posse credibile est. Hæc autem operatio non nisi recens affectis, & dum liquida est materia, promittit sanitatem. Articulos gelatina per suctionem inanitos, *Vino Ustilato* sæpius fovere, & *Emplastro* quodam (*Stomachico* puta *Magistrali*) a gangrana defendere tutarique oportebit.

Istam medendi legem, secundum morbi indolem & genium delineatam, ut in ejus initio probabilem, adduco; sed nullo quidem experimento (fatebor enim) confirmatam. De morbi historia plus satis constat; & etiam nunc in vivis sunt, qui hujus veritati fidem faciunt, & astipulantur; de medicina vero hujus usu, & victoria, nihil habeo, quod dicam. In affectu inveterato, cum viscidum id induruit, quod tenuetur, minus verisimile est,

Omittendum vero non est, quod, ἡ Γλαγχότις rheumaticorum sanguini accedentem putrefactione sola tenuari dissolverique posse opinatus, Medicus perillustis, clarissimus (a) *Floyerus*, (cujus hoc est argumentum, quod ovorum albumina, quæ quidem gelatinam hanc nostram cum primis referunt, putrefactione liquefiunt) ad eam, his in corporibus non minus quam in tussi laborantibus, promovendam, emollientia, maturantia, colliquantia, (qualia sunt *e Rad. Glycyrrhizæ, Sarsæ, Chinæ, Iraos, &c.* ex *Hordeo, Passulis, & ejusmodi aliis comparata*) non sine multa probabilitate præcepit. Utrum hæc, quæ in liquando solvendoque pulmonis pleghinate, tot ab annis, tantarum vitium & ἐνεργείας esse merito prædicantur, in artuum illo rheumaticorum valeant, operæ pretium esset experiri.

De *Symptomática* falso, & ex vulgi tantum more, sic appellata, quæ habebam, effunduntur: Itaque iis, quæ ad *Veras Symptomáticas* aditum præcludere viderentur, de via dimotis expeditisque *veras* jam attento.

C A P U T III.

De Arthritide ex Chlorosi, Alba; & ex Mensium Suppressione.

ART. I. **E**X *Symptomáticas* ita κυρίως appellatis, illæ primum expromendæ veniunt, quæ ortu, quod dicitur, *Æquivoco* generantur: quarum numero principatum postulat *Arthritis* a *Chlorosi* nata. Quod autem uspiam ita nascatur, quod adolescentulæ, virgineo dudum morbo languentes, necdum illo prorsus liberatæ restitutæque doleant *Arthritide*, a nonnullis idem habeatur, ac si *Lucam Bovem* (ut in proverbio est) *Locusta* pariat; id est, Ἀδωάτων ἴ. Sic a morbo, hisce puellulis parum congruenti, immunes eas reddere, incolumes præstare, videatur, tum ætas præmatura, tum affectio dissimilis. Ita vero sentientibus, ut ne calculum adjiciam, indubitatæ fidei cogit experientia; nec istam ætatem, nec hanc affectionem, illas ab *Arthritide* penitus tueri comprobans.

II. Ut autem dicam, qui fieri potest, quod, ex morbo sic dispari, morbus sic dispar oriatur, advertendum est; quod *Arthritis* eas tantum modo pallidas (quantum mihi observare licuit) aggreditur, quæ miasmate hæreditario supra modum vitiatæ & imbutæ, ad istud mali naturæ inclinatione pervicaci, momento maximo, pronæ sunt, & diriguntur.

De ejus rei veritate satis, ut opinor, ex eo liquet, tum quod illa, quæ ad *Arthritidem* inducendam more agunt usitate præcatartico, (qualia sunt crapula, satietas, Venus immoderata, lues venerea &c.) virginibus hisce imputari minime posse cogitandum est: tum etiam, quod *Arthritica* hujus classis stirpe sunt cum primis *Arthritica*.

III. Exinde pater, quod *Arthritidos* ex *Chlorosi* procreatio, non eo sensu capienda, quasi hanc quæ fecit, illam etiam faceret, eadem Numero, vel Specie, materia; sed nova ratione, agens, nova perpetrans παρόρθε; (quod tamen in plerisque *Symptomáticas* usu venire palam est.) Nostra quidem alia res est. *Chlorosi*, sive sanguinis μόλωσις, abituræ supervenit, & simul cum vultu colorato, cum robore, cum mensibus, ne multa, cum sanguinis Μετεωρισμῷ horum societati se immiscens, ex accidenti protulit *Arthritis*, peculiarem habens materiam, causam propriam continentem, a *Chloroseos* illa, multum abludentem.

IV. *Symptomática* hæc *Arthritis* interdum *Vaga* est; Artus hinc inde subsultando peragrans; dolore pungenti, & rodente gravans; aliquando *Rheumatismi* nomine delitescit: alias, articulis inhæret; & affixa est.

Vaga Diagnosin incerta, & tenebrosa; uti *Arthritidis Vagæ primigeniæ*. Lucem tamen afferat, de parentum morbis, numnam illi pedibus dolere: & an ægra *Rheumatismi* causis evidentibus, præsertim frigori, paulo ante subiecta fuit, questio. *Fixa* vero, teneritudine juncturarum, dolore, rubore, prius Sydenham opera Medica.

(a) Vide *Humorum Animalium statum præter Naturam*, Cap. xi.

num molli, deinde successu temporis lapidescenti, & rosaceo, se ostendit.

V. Hæc cum morbi ratio sit, in eo ponenda indicatio, singularis, & præcipua videtur; ut, a peccante materia, jam nunc *Arthritidem* moliente, per muliebria, primo quoque tempore, sanguis expurgetur; & sic *Chlorosi*, sic *Arthritidi*, simul semelque occurratur. Omnium maxime conducet, (dummodo res annuerit familiaris, & iniri nuptias permiserit,) ὡς γὰρ εἰ ἔχων. Quum, partu naturali, quò in uterum, tanquam in sentinam, universi corporis inquinamenta secluduntur ad inanienda, & vacuanda sceminarum corpora, nihil efficacius valentiusve, certe hippiatris illud notissimum, & multiplici comprobatum usu: nec, cur hominibus denegetur hoc consilii, video. Procul dubio laborantes isti medicinæ generi minime refragabuntur; quin medico, naturæ tam ministro, facile obtemperabunt. Medicinæ vires, & mirificos effectus confirmabunt, suarum gratia, matronæ.

VI. Sin nulla fuerit nuptiarum opportunitas, ad menses (qui hac in parte secundas vendicant) omni auxilio, omni ope, & industria promovendos adnitendum est; ea spe, & fiducia fretis, *Arthritidos* materiam, & causam continentem, per eos facile commodeque posse prorurbari. Atque hunc in finem *Martiatæ*, sed, (ut illorum vires, & potestates, ad uterum recta collineentur,) aptissime cum *Emmenagogis* copulata, vel artificiose interposita, fructum ingentem, messem amplissimam, pollicentur.

Si menses omnino nulli sunt, ex iis concreta, & composita, ad tempus diuturnum & continens, cum exercitatione & purgatione debitæ, adhibeantur. Si fluunt, sed diminute, illi, interlunii tempore, bis die, *Martem* usurpari proderit; sed illo, quamprimum menses institerint, neglecto, ea dari, quæ hos ciendo naturæ rem (qua nihil efficacius, conducibiliusve) suo ipsius more, promovebunt. *Martii* nullum aptius vehiculum, quam *Aque Martiatæ*, per urinam exeuntes; nec uno tantum nomine, *Pallidis* his *Arthriticis* conveniunt, coctionem integrant; sanguinem exaltant; æstuque exundanti, virus *Arthriticum* abluunt abripiuntque; tum *Arthritidi*, tum *Chlorosi*, simul adversantes.

Horum autem usui, & præmitti catharsin expediet, & septimo quoque die circiter interponi, ne ab aqua in corpore alicubi restante, aut ab alvi tarditate, aut a sanguine roborato, nimis evecto, exaltatoque (quod sæpissime solet accidere) sit periculum. Cujus quidem modi catharsecos intercalationem, ab antiquis summo consilio præceptam, & diligenter institutam, non sine ægrorum incommodo, & discrimine, dudum ab aliquibus omitti video.

Quæ vero reliqua generalem morbi hujus curationem respiciunt, & materiam παρέρχων, per renes expellentia, sive ortum ejus & incrementum inhibentia, complectuntur, ex *Arthritidis Primigeniæ* prophylaxi non inutiliter ducantur. Atque hæc de *Arthritide*, quam, quod *Albarum* esse reperiatur, appellamus *albam*.

VII. Alia est *Arthritis Symptomática*, priori propter affinitatem adjungenda, quæ adultas, (ut jam dicta juniores,) quæ steriles affligit, & catameniis, aut omnino nullis, aut aliquanto parciorebus, donatas. Hæc affectæ crassiori plerumque habitu sunt, viragines, sedentariæ, voce gravi, neque semper inberbes; Morbus, *Arthritidi Frigide* appropinquans, negligenter, & languide Παρρηξωει; Juncturas denique recrementis explet, motu privat.

Occlusa nempe, quam charam, quam utilem, quam amicam habuit natura, per catamenia sanguinem expurgandi, via, materiæ vis in eo constructa & coacervata est: quæ, graves & periculosos inferendo morbos, æconomia crebro miscet, turbat, evertit omnia. Sin materiam natura vincit, porta hac vel illa, eam expellit, nec raro in articulos trudit, Dædala rerum conservatrix.

VIII. Ista vero, non nisi corporibus *Arthritidi* perferendæ (malitia vel acquisita, vel hæreditaria,) præparatis, obtingunt; & illa potissimum ætate, quæ provectior, & ingravescens, per methodos succedaneas naturæ defectus ambit quodammodo resarcire.

Et quoties a laudabili desideratissimoque κατ' ὀρθὴν μὲν desciscens, natura *Arthritidem* molita est, raro utique gressus retro agit, raro catamenia renovat; quin *Arthritidi* imposterum insistens, illius beneficio vitam quam potest longissime, quamque beatissime producit.

IX. Cum mali huius partu allevandi spes omnis frustrata, & a catameniis obscura est, & tenuis; eam medendi legem optime posse fructuosissimeque servari iudico; quæ, per *Cathartica*, materiam peccantem, in sanguine congestam, & res novas affectantem, expellit. Ut autem illa ægrarum conditioni quadantenus accommodentur; primum eligantur ea, quæ sanguinem fundendo, & a sese illius partes separando, mensium movendorum expectatione Medicum accedant; (hoc autem modica dosi, potius quam magna, fieri certissimum est,) Tum, ad eundem finem, *Emmenagogis* implicentur, & fiant *Purgationes*, quæ dicuntur *Hysterica*. Postremo, omni tantummodo mense alterno, (nec quidem amplius, ne purgatione nimis libera & frequenti, materia alio ablegata, mensium spes interrumpatur) eaque lunæ quadrante, qua præcipue sanguis ζυμῶνται, & se attollere cœpit, vere & autumnino, iterum sæpiusque repetantur: nec, quæ earum vires infringendo retundant, aut motum sanguinis intestinum sufflamment, admittantur, hora somni, post purgationem, paregorica, e. g.

℞. Calom. quinquies sub gr. xv. specier. Conf. de Hyac. Conf. Ros. rubr. aa ℥i. syr. de symph. q̄s f. Bolus, fera nocte deglutendus.

℞. Pil. de succino ℥i, Aloes Rosat. ℥ss. Assefatid. Pul. Castor. scammon. aa gr. v. Bals. Per. q̄s f. Pil.

Si isto ritu purgatio, in huiusmodi *Arthriticis* celebretur, de catameniis postliminio restituendis spes affulgebit aliqua, (modo ætas, & naturæ ordo consentiat) aut, si votis & expectationi non respondeant ista, capiti tamen, & partibus internis, per catharsin certissime cavebitur, ne a plenitudine lædantur; quod quidem minime spernendum, atque adeo studiose laborandum.

X. Si mensium spes sefellit omnis, neque restat ulla illius anchoræ fiducia, majori quantitate catharticum (*Aloeticum* autem esto; vel *Decoctum amarum purgans*) illoque mensis tempore, quod solebat esse eruptionis, ἀγρίως adhibendum: Tum, ano materiam quod emitat, itaque mensium vices suppleat; tum etiam *Arthritidis* (quæ hominibus hisce auro contra, & cum vita æque, pretiosa,) spei quod indulgeat. Quæ quidem regula, tam illis commoda, tantique (si apposite observetur,) est momenti, ut nihil supra.

Hisce porro ex usu erit fonticulum aperire; aut, ne vetus exsicceetur, inspicere; Et, si quod per fluorem album, vel aliud quodvis, παρὰ λόγον, erat excrementum; ut permaneat, perduretque vel etiam in ægrarum commodum augeatur, eniti.

XI. Corollarii vice, memoria tenendum, in isto pari *Symptomaticarum* impugnando (Dii Deæque!) quantum intersit, altera purgationem non nisi levem, & ratam eligit; altera, tum fortiolem, tum frequentiolem; altera eam, non nisi alterantibus, (id est, principali auxilio) viam præparantem; altera, tanquam ipsum principale; altera Chalybem desiderat, & in eo fere spem ponit omnem; altera eundem metuit, fugit, ut fatalem abhorret. Brevi dicam, altera sanguinem augeri ἢ μεταρρίζουσι; altera minui, & deduci, postulat. Adeo nempe contraria *Symptomaticis* hisce therapia; imo, ut fieri potest, in eodem corpore.

*Historia Arthritidis Vagæ, Fixæ,
ex Chlorosi, fugatæ.*

Veteris *Arthritici* Filia, duodeviginti annorum, ventriculi dolore quasi colico, cum fastidio, nausea, vultu pallido, respiratione molesta, mensium defectu, aliisque symptomatibus *Chlorosin* ostendentibus, afflicta est. Post annum, materia quedam artuum commissuras, eorum autem intervalla magis, occupavit; diu, misereque cruciavit. Teneritudinem, torporem inibi, doloremque peperit, acerbum; aliud

ex alio. Cessavit interea ventriculi dolor: perduravit Ἀρορεξία, Δυσπεψία.

Dum ita se res habet, primo emeticum, tum catharticum, meo consilio, datum est; & deinceps iteratum. Ob atroces, & fere continuos artuum dolores, sanguis detrahitur. Post quas evacuationes, ad appetitum acuendum, ad sanguinem evehendum, & menses ciendos, (quem mihi scopum hac in re palmarium proposui,) *Martis Nutriti*, ℥ss. cum vehiculo convenienti, bis die deglutiit. Et omni mane aquarum ferratarum, *Tatonesi* in suburbiis, ℥ij. exhaustis; cum sp. vol. Oleos: (ad Διάρρην, & calorem augendum,) guttis circiter triginta. Hac methodo menses per plurimos, interposito subinde lenienti, observata; dolor iste rheumaticus, (sic habebatur,) & teneritudo primum mitigantur; demum in totum fere devincuntur. Viget appetitus & digestio. Aliqua sunt catamenia. Facies colorata fit & vivida. Scintillant oculi. Salus ex omni parte perfectior & integrior; nisi quod tumoribus albis, mollibus, teneris; & (ab iis) Δυσκίνησις juncturæ artuum infestentur. Quæ quidem accidentia tempestate pluvia plus solito sæviere.

A *Rheumatismi* (sic perperam dicti) exitu, triennio vix elapso, tumores indurefcunt, & nodi sunt tofacei, tum numero plures, tum magnitudine conspicua; sed & diversa, & longe dissimili: alii nanque granum triticeum; alii pisum; alii nucem æquant avellanam, digitorum articulos, eorumque regiones tumefaciunt; in articulis, permanentes; sed in eorum interstitiis, evanidi, inconstantes. Erat dextri summitatis cubiti cæteris major; nuci juglandi par; initio mollis; sensim exinde lapidescens. Juxta cubitum sinistrum, tumor albus eo tempore digito cedens, in tofum abiturus. Adhæc pruriunt artus, & quidem molestissime; & emittunt pustulas. Per biennium ista *Podagra* tulit symptomata, sed lenis, sed benignæ; neque toto hoc tempore, vel semel unquam, in paroxysmum evectæ. Ab ejus ortu, ventriculo, & iis quæ sunt intus, bene; ob illam artus aggredientem, procul dubio melius. Menses, per unversum hoc biennium, mediocres.

Anno incipiente 1700. præter ista, quæ memoraui, *Arthritidos* symptomata, de ventriculi (præsertim a pastu) dolore, inflatione, aliisque Δυσπεψίας indicibus, porro quiritatur. Ut therapiam, tum ad ista præsentem, tum prophylacticam, instituire, Auctor eram (ἀνω ἢ κάτω sæpius præmissa catharsi, & primis viis uti par erat exoneratis,) ut, per quatuor menses, omni mane, sextam inter & octavam, aquarum ferrat ℥ij. (quarum ℥ss. foliis *Theæ* alteranda) ebibat. Decima sequenti, haustum infusi.

℞. Summit. Trifol. palustris. Pug. ii. Aq. Pluvie bullientis ℥ss. Infunde ad Amaritiem sufficientem: Colatura Coch. v. adde sp. Junip. ℥i. Tinct. Aurant. gutt. X. f. Haustus.

Quarta pomerid. Bolum e Conf. Trifol. palustr. Flav. ved. Aurant. aa ℥i. Millep. pp. ℥ss. Chal. Nutriti gr. v. Syr. Garyop. q̄s. cum leni Cathartico subinde repetendo.

Interdicta, per potum hunc Decursum, Cerevisia, Potui dabatur Ordinario Decoctum. ℞. Rad. China, Sarsæ aa ℥ss. coq. in Aq. font. Ferratæ ℥iv. ad ij. Colatura adde spiritus Juniperi, cum sacchari Crystallini, q̄s. f. Decoctum.

Vescebatur Ἀπίμοις, Ἀχύμοις, & Sanguinem temperantibus, summitatibus scil. Beccabunge, Nasturtii Aquatici, & Hortensis. Urticæ, Rapa, Battata, Pisto, Pastinaca, una cum Agnina, Pullina, Vitulina, & istiusmodi aliis.

Harum rerum observantia diligenti, sedulaque corpus ægre μεταρρίζεται. Nodorum partim minuuntur, partim evanescunt. Pruritus cessat: tolluntur pustulæ: augetur appetitus: coctio perficitur: sanguis, expulso per renes utrumque inimico, fermentationem, & Πυδμάτωσιν acquirit naturalem; quam monstravit Ἀροξία, Ἀσπρά. Quod auspiciatissimum judicavi, recte postea fluxere catamenia; & quo rectius, eo certius fugatur, cum satellitio suo, *Arthritis*. Ut, neque pustulæ, neque pruritus; neque Tumor; neque dolor; jam, per annos per plures, ex eo tempore, reverterentur. Quod quidem indubitandum, opti-

optimæque fidei Argumentum; Per Emmenagoga &c. posse hujusmodi Arthritidem, etiamsi Nodosam, & Hereditariam, auferri depellique.

CAPUT IV.

De Arthritide Hydropi superveniente.

ART. I. AD alteram illam e Symptomaticis minus propriis, ex recensione principio dicta properamus; nempe, ad *Hydropis Ἀρθριτικῆς*: eoque libentius, quia crebro hoc occurrit, & uti spero, in hujusce populi commodum & tutelam explicetur.

Quod *Arthritidi* succrescat *Hydrops*, est facile perceptu, & ordini, quem in hominibus e medio tollendis, servare solet natura, maxime consentaneum est: At, e contrario, quod *Hydropi Arthritis*, etiamsi aliquando accidit, tamen, naturæ methodo quasi inversa factum, inter ejus *Δυσκρότητα* non inique censeatur.

II. Ut de re tam utili, tam jucunda, tam explicatu digna, pro ejus dignitate, quantum potero, dicam luculenter; advertere oportebit, quod ab hepate, aut viscerum aliquo nobiliori, sive schirro, sive alia quavis indomita labe, vitiatu, quicumque sit *Hydropicus*, raros, *Ποδαγροῦ*, &, quo nobiliori, eo rarius. Hoc enim in casu, sic in pejus ire solent omnia; sic corrumpere; ut, si qua olim emicuit *Arthritis*, a morbo graviore, & magis imperioso, (totas ægri vires totum hominem exercente & fatigante,) ei plerumque officitur, tanquam majoris morbi auctoritate victæ, & paroxysmum raro unquam recte facere contingat: Verum in corpore taliter affecto corruptoque rarissime omnium exoritur, & nascitur *Arthritis*.

Sin ea fuerit *Hydropis* ratio, quod, salvis visceribus, aut parum læsis, ab una partium sanguinis *ἀσπρεῖα*, & malo ejus habitu, (ad viscera contaminanda, quantumvis apto, & proclivi) ducat originem; ex eo, præsertim medicato, exoriri posse *Arthritidem*, iterum & sæpius observavi.

III. In eo sanando, sive *Anasarca*, sive *Ascites* sit, cum aquæ quod abundat jam prius emissum est, amaris & chalybeatibus, tum ad corrigendum sanguinem cumque roborandum, tum mehercule in primis ad eximendam *Ἀσπρεῖαν* *Hydropi* familiarem, ex usu medico, insistimus. Quæ quidem medicamenta in exaltando sanguine tanti sunt momenti, tantarum virium; ut, si æger nec ætate neque morbis fuerit debilitatus, idemque seminium habeat in sanguine *Arthriticum*, exulante eo & in articula menta misso, ex *Hydrope* in *Arthritidem* persæpe recta progrediatur.

Imo quidem ita fieri potest, & aliquoties evenisse novi, ut, ubi consistent vires, & *Arthriticum* miasma in sanguine copiosum, efficax, & jam ad *ἐκπύον* evectum, insit, absolutis quæ ad *Hydrope* exsiccandum opus erant, evacuationibus, & salvis naturæ viribus, sine dictorum, vel istiusmodi alterantium usurpatione, *Podagra* quidam afficiantur.

IV. Utcunque fuerit, natura (sive per se, sive medicamentis adjuta,) novos init operandi modos, novam ambitionem. Spiritus, qui in æconomia animali tuenda sustinendaque indefinenter occupati, omnem absolvunt operam, totum opus perficiunt, mala vitæ ratione dudum oppressi, & sero fere submersi. *Calybis*, cæteraque *Alterantium* vi suo tempore (hoc est, remotis impedimentis) exhibita, tandem incitati, emergunt denique *Αἰματώσιν* promovent genuinam; appetitum, & coctionem emendant; materiam e sanguine pellunt alienam; itaque eam instaurant, depurgant, & longe reddunt vegetiorem.

V. Dum in his versantur, si seminium intus latuerit *Arthriticum*, (diu vero, & silentio latuisse, sæpenumero comperimus, nec in paroxysmum evehi;) ad illud amoliendum, expellendumque iisdem hi urgentur medicamentis. Hinc in sanguine primum discordia; tum, ea paulatim glisciente, (ut in veneno, si quod demissum fuerit, eliminando,) orgasmus, supra naturæ modum, (qui lenis usque & placidus

esse solet) supra tenorem ordinatum, vehemens, & cum impetu. Ad exturbandum inimicum, summis undique viribus & copiis, omni industria, contenditur. Hic labor, hoc opus. Post aliquot dierum luctum (est ubi citius) iste fugatus, & loco cedens, qua data porta viam capeffit. Articulum aliquem extetnum petit: dolorem, aliaque profert, *Arthritici* quæ sunt paroxysmi signa *Παροξυσμικά*.

VI. Bono quidem omine, in conspectum venit hujusmodi *Arthritis*. Est, quod ovans exclames, *Arthritice!*

Χαίρεις, Μελέπων πολυπραγμάτη.

Morbum enim vix ausim appellare. Descendens cælo, te salutat, *Diva Arthritis*: (Feret hæc *Latinitas!*) Tum Annos elargitur, tum valetudinem, si non integram, & omnibus numeris beatam, certe desiderabilem: & medentium, & dolentium encomiis celebratam: divinam hospitem, fac, grate accipias; fac, colas.

Ita natura, priori sanguis *δυσκρασία* ferme obruta, *Hydropis* edit symptomata; at brachia secundo agitans, & sese colligens, aliam rerum faciem, aliam inducit symptomatum catervam, atque adeo *Arthritidem*.

VII. Ex prædictis sequitur, quam nulla hic loci necessaria, quæ adversus hanc *Arthritidem* (speciosè, scilicet!) cudatur, therapia. Quorsum enim ad tollendum morbum medicina, cum ipse morbus sanat; utrique pharmacie armamentario præferendus; *Chimicorum*, & *Galenicorum*, copiis; universæ gentis medicinae consilio major; viribus potentior.

Si recte rem putemus, in eo potius sudandum est, ut *Arthritis* ista non tam obtundi possit, quam ordinari & augeri; utque æger, morbo primario feliciter & prospere commutato, nutriat *Arthritidem*, foveat, tueatur, fervet.

VIII. In hunc finem e Regno Vegetabili seligantur *Amara*, & *Antiscorbutica* acriora, Radices scil. *Gentiane*, *Zedoaria*, *Serpentaria Virg.* *Contrayerva*, *Ari*, *Armoracia* &c. *Summitates Agrimonie*, *Centaurii min.* *Trifolii febrini*, *Cardui ben.* *Absynthii* utriusque *Salvia tenuifol.* *Verbena*, *Chamadryos*, *Scordii*, *Marrubii albi*, *Marricaria*, *Cochlearia* &c. Flores *Salvia*, *Chamameli*, &c. *Semina Cochlearia*, *Cardui*, *Sinapios* &c. E Regno Minerali, (quod instar omnium erit,) *Ferri Præparata*; præcipue *Mars cum Sulphure præp.* *Marris*, *Alcohol.* sive *Pulvis subtilissimus*, ejusque *Tinctura*. Quæ quidem *Singularia*, cum eorum similibus, sunt in hisce auxiliis; & forma convenienti composita, & quantitate & methodo rectis exhibita, summò erunt præsidio, tutelæ optimæ. En! brevem curationis Scenographiam.

IX. *Sumat Ager*, (*Hydrope*, *Medicina propria*, & peculiari, prius sublato,) omni mane, *Canarini Simplicis*, vel *Rhenano*, si usus fuerit, diluti, Rad. *Gentiane* summit. *Agrimonie*, *Centaurii min.* Cort. ext. *Aurant.* alterati, coch. vi. cum Tinct. *Marris* gutt. xx. & (si videbitur) sp. vol. oleos. gutt. xx. *Quarta* pom. Bolum, e Pul. Rad. *Ari C.* Conf. Fol. *Abs.* ʒi. (vel *Flor. Salvia*) aā ʒi. *Alcohol.* *Marris* ʒss. cum Syr. *Corioph.* qs. *Horæ Decumbendi*, Pulv. *Serp. V.* & *Zedoaria*, (vel *Contrayerva*) aā ʒss. cum Syr. *Abs.* Simp. qs. ut f. *Pilule Bolo*, & *Pilulis*, superbibat *Jalapii Coch.* quatuor, vel quinque.

ʒi. Aq. *Cardui*, *Gent. Comp.* Cin. hordeat. aā ʒv. *Abs.* Comp. ʒi. *Marg. pp.* ʒss. sacch. qs. f. *Jalapium*.

Quibus insistat, menses binos, vel etiam ternos; cum Purgatione, Septimo, vel Decimo, quoque die intercalanda. Eaque prout opus fuerit, exinde repetat.

Ad nauseas & ægritudines subitas, quibus ventriculi vitiis, istiusmodi homines, præcipue poculis si indulgent, non minus quam a conceptione mulieres, affliguntur; quoties pernecessum erit. *Canarini Zedoaria* medicati momentum: quod nempe viribus suis reficiat ventriculum, & focillet; quantitate vero nimia non exurat.

Cerevisia Rad. *Armoracia*, Summit. *Trifolii fibrini*, *Marubii albi*, vel *Salvia tenuifol.* siccas. *Seminibus*

nibus Cochlearia, vel Sinapios, Infusis, alterata, in potum ordinarium ministratur.

X. Quinetiam, licet abdominis lacus, tibiæ tumorem extiterit omnino nullus; ad *Hydropa*, quasi furca, propellendum, attis erit, in corporibus ei recipiendo pronis, vere & autumnoprecipue, bis terve, alvo, debitis ex intervallis, aquam detrahare; itaque ne recrudescat *Hydrops*, efficere.

Porro, ad eundem scopum oculum manumque dirigens, in eligendis, tum ad arthritida invocandam, tum ad intercalarium, hydropa propulsandum, medicamentis; cum, *Arthritidem* inferri, spes & consilium est; ere futurum arbitror, drasticum & stimulant (quo in paroxysmum sanguis citetur) leniori cuivis & mitiori, utut iterato, longe præponere. Quo circa *Tinctura Sacra* ℞. ad iii. aut *Pil. e Duobus* ℞i. ad ℞iſſ. aut *Aloes rosat.* ℞iſſ. *Ref. jal. gr. v. ad hoc Negotii præferre soleo.*

Sed & de liquidis ægrum quam maxime sollicitum esse conducet; abdicataque si quam antea complexus est, inutili libertate, neque plus, nec aliud bibat, quam coctioni, & nutritioni, quod sufficiat. Quantitatem potus diminutam compenset generositate.

XI. Adhæc, in ruinis sarcindis quoniam occupati sumus, nec ad propositum faciens vel minutulum quodvis, ex prudentia medica, præteriri decet, e lecto mane, pro anni tempestate, quam primo urgeat æger; ut motu, ut aprici fructus, & utilitates, decerpatur; & in prandium magis esuriat. Vespere cubet; ut spiritibus somno alendis reparandisque sit tempus opportunum.

Quinimo, dicta medicamenta quo profint magis tum etiam alias ob causas, apprime confert, ut æger, bis die, sub Jove, corpus exerceat, ad calorem usque vel certe, quam enixe vires ferent. Unde motus sanguinis tum intestinalis, tum periodicus, intendatur; humores effecti, & emeriti amendantur; spiritus animales recreentur; appetitus ad vigorem pristinum & latratum naturalem reducat; & œconomiae ratio usquequaque renovetur.

Quæ quidem res a nobis eo lubentius in præceptis ponitur; quod ab *Hydrope*, seu potius ipsa morte, beneficio *Podagra*, quos ego novi redemptos, horum pars major, laboriosis illud exercitationibus aliquatenus acceptum retulere.

XII. Ab *Hydrope Arthriticorum* quotquot dictam methodum meo hortatu ire, recteque percurrere commemini, nemo unquam misere, nemo, (quantum intelligere possum,) calamitose doluit. Deinde, quamvis alius liquidis, neque paucis, neque probatis indulgeret: alius ad *Hydropa* maxime proclivis cerneatur; nemo tamen horum, eo, jam per annos complures urgetur recidivo: Non pauci integre satis, & alacriter egere: Aliqui vero sic, *Arthritica* si demas, ut raro unquam melius. Quod quidem, notatu dignissimum, *Arthritidi* potissima ex parte debere, agnoscendum est.

Has ob causas, nullis certe elogiis hanc *Arthritidem*, ejusque in accessu, opportunitatem, in paroxysmis, clementiam, in *Hydropicis* sublevandis, perpetuitatem, in defendendis, constantiam, optima promerentem encomia, digne me, & uti par est, prosequi posse existimavero: multiplici usu, variisque doctus experimentis, eam *Hydropicis*, præsertim senioribus, esse summam, & securissimam spem, columnem, & tutelam.

Quanta vero adversus *Hydropem Arthritidis* est potentia; tantæ profecto medicinæ, quæ *Arthritidem* primo novam introducit; quæ postea tardam accessit; quæ denique segnem & languentem excitat (pace vestra liceat dixisse) vires & utilitates.

Si *Arthritidos* hujus symptomata, perpeſſu graviora, medicinam postulaverint, *Primigenia* doctrina depromi potest.

Hist. I. De Arthritide, Hydropi probe curato, feliciter accedente.

Nobilis quidam apud *Damnonios*, a nativitate obesus, nondum annos affecutus viginti quin-

que primum quieti plus solito indulſit (quod a corpulentia fuisse credebatur.) Deinde sensim, levi quavis de causa, frigus contraxit: tussi creberrime gravatus est; catarrhis subinde pene obruitur. Sub idem tempus somnolentia tristi & periculosa, paulatim obrepente, tenebatur; ut mensæ accumbens, vel cibi capiendi, vel ludi, gratia; aut rebus quoquomodo arduis implicatus brevi temporis spatio, nec absque casu periculo, nutaret. Hisce circiter diebus, pedes late accepti, & deinde venter, retento intus sero, gradatim extumebat. Pedes impressionem digiti facillime acceperunt. Venter (quod ipse non sine quadam admiratione sum expertus) pugnum fere dimidiatum. Hypogastrium occupavit externum aliena quædam materia, partes cuticulares tumore duro & inæquali, variato, plus minus purpureo, & postea nigricante sic obducens, ut gangrenam præ se ferre judicaretur. Porro sitis, & respirandi difficultas (ob ventris *ὑπὸν*, & diaphragma in thoracem elatum,) impensissime urgebat. Urina interim exigua, subrubra, turbida, vultus ægri demissus, pallidus; vox humilis, tremula, languens. Ægre tulerunt familiares, virum, ortu præclarum, gentilitii nominis principem, patriæ decus, & ornamentum, ipso ætatis flore, morte tam inexpugnabili, tam immatura, furipi: Quod tamen in fati esse putabatur, & percrebuit.

Cum pectore laboravit, & difficili spiritu, *Tinct. Sulf. gutt. xii. ex Syr. Bals. Coch. i. deglutiit, simul Julapii cum Perlati Haustu.* Quo præsentissimo remedio; spirandi spatium & anacatharsis multum & æqualiter augebantur. Contra vitium abdominis, atrox certe, terribile, *Decocto sequenti* lanea, per expertissimum Dominum *Jac. Jenkinson*, Chirurgum hujus civitatis ordinarium, immerguntur: & liquore expresso, calidissime creberrimeque imponuntur.

℥. *Summitt. Abs. Rom. Mentha, Cardui ben. Ab. rotani ana Mii Bacc. Lauri vulg. sem. Fœnic. dul. Carui ana* ℞i. *Coque in Cerevisia fort. ℔vi. ad iii. adde postea sp. vini vulg. ℔i.* Potu isto tempestive adhibito, venter restituitur.

Ad *Hydropa* tum me, aliquanto post, accingo. Hinc ut occurratur, quam primum tuto fieri potuit, *Pil. Rudii* ℞ſſ. *Ref. jal. gr. v. cum Bals. Per. q̄s mane deglutiit;* & ex voto quoniam pilulæ operabantur, ad vices octo vel decem, a bidui vel tridui intervallo illas repetiit; eo nempe usque dum feri, quod erat nimium, omne deturbatum est. Eundem etiam in finem *Tinct. Diuretica gutt. xxxv.* cum *Vini albi* haustum, bis die, purgatione liber, assumpsit.

℥. *Millep. siccata & pul. ℞ii. Coccinella Pul. & N. M. ana* ℞i. *sp. Juniperi, & vol. Oleosi ana* ℞i. *Misce, & Vitro arctissime clauso, Igne Arena, per noctem, digere; Mane per Emporeticam filtra Tincturam Diureticam.*

Cerevisiam dedimus libere medicatam.

℥. *Summitt. Cochlear. Mſſ. Raf. Radicula, sem. Sinapios ana* ℞iſſ. *Coccin. N. M. ana* ℞i. *misce & infunde in Alle mediocri ℔ij. propotu ordinario, usus tempore colanda, & cum simplici Alla temperanda.*

Absoluta hoc modo *Hydropis* curatione, ad ejus prophylaxin animum applicui, ea præcipiendo quæ sequuntur.

℥. *Conf. Flor. Salvia, Flaved. Aurant. ana* ℞vi. *Pulv. Rad. Ari Comp. ℞ſſ. Salis Martis Riveriani* ℞ii. *Syr. Garyoph. q̄s. f. Elect. ℞i. bis die, cum Haustu Julapii. Nonnunquam, ejus Vice, Tinct. Martis gutt. xx. cum eodem vehiculo. Singulis autem diebus quartis quintisve, ad sex vel octo vices, ne abundet serum, & Syruppo sequenti Catharsis iterata est.*

℥. *Diagrid. ℞vi. Pul. Cinnam. ℞ii. Sp. Vini ℔ii. Ustulando coque ad dimidium; Colatura adde Sacchari Crystallini ℔ſſ. f. Syruppus. Dosis ℞j.* Hisce diligenter usurpatis, non ita diu post dolore primum convexi pedis, tum vicini calcis, postremo, digiti majoris articulum majorem mordente, afficitur. De contusione, & ad limen nescio quod illusione, qui istiusmodi affectorum mos est (initio questus, de *Podagra* tandem minime dubitavit. Partim evacuantibus, partim cardiacis, ad paroxysmum effertur miasma *Arthriticum*, quod ad eum usque diem in obscuro positum, ne hilum quidem micuit. Paucos aliquot dies duravit paroxysmus;) ideo for-

San pauciores, quod humorum ano tanta vis ejicere-
tur;) omni hyeme, & autumnno, jam per quadrien-
nium elapsam, ad unam circiter hebdomadam, con-
stantissime redux. Ad tollendam *A'ypuvia*, & do-
lorem minuendum, *Friictione* utitur, manu molli,
tenerrime peracta, qua sola quies, & somnus illi
conciliatur.

Ab ista medicina, vix concipi potest, quantum
agro est emolumenti; Primum, a *Catarrho* plane li-
beratur; tum a *Gangrena* (medius fidius) imminen-
te; tum ab *Hydrope*, & dira ejus symptomatum
Cohorte; tum a *Somnolentia* pertinaci gravissima-
que; tum denique ad ea profliganda omnino om-
nia, inducitur *Arthriticis*; felici quidem omine,
auspicio saluberrimo, nam, a prima ejus accessio-
ne, *Catarrhus*, & *Somnolentia*, prorsus evanuerunt;
Hydrops effugit.

Vere & autumnno, in majorem cautelam, septimo
quoque die, ad tres vel quatuor vices, *Manne* $\mathfrak{z}\text{iii}$.
Aq. Alfordensis (summit. Abs. Rom. parum alterata)
 $\mathfrak{z}\text{ii}$. solutas, hasce per dies, ingerit. Medicinæ vero
præterea nihil.

Corpus hodie præcrassum expedite movet: equo
identidem exercet. Ab hoc affectu, uxorem iterum
tertioque gravidam fecit *Arthriticus*, & quidem nunc
primum, etsi jam pridem maritus. Una *Arthritide*,
sed nec ea gravi, affectus, vitæ spem probet tum
multæ, tum incolumis: *Damnomium* vovet.

Hist. 2. De *Arthritide*, *Asciti*, ejusque
Remediis auspiciato agnata.

V Ir quidam ætate constanti, cum, ex mala vitæ
ratione, ventriculus læderetur, coctio deprava-
retur, siti permolesta inexplibilique urina pauca, &
lixivia, corripitur. Quibus supervenit tumor primum
pedis infimi, & cruris; deinde femoris, & demum
abdominis; serofus, & digito cedens; *Ascites* scilic.
exquisitus, omnibus numeris perfectus.

Ad affectum ancipitem, &, ubi primum me ar-
cessivit, inveterascentem, quin & jam diu rationa-
lem medicinam eludentem, extirpandum; cum in
primis necessarium erat, ut humores, in lacum con-
fluentes, vel catharsi, vel diuresi, amandarentur;
tum, ut appetitum quæ exacuant, coctionem instau-
rent, sanguinem corroborarent, ea exhibendo, *Tumo-
res* arcerentur; per *Vini scillit.* $\mathfrak{z}\text{ss}$. Per extracti *Eus-
tach.* $\mathfrak{z}\text{ss}$. Res. jal. gr. v. (Calom. gr. xvi. ad xx. al-
ternis vicibus adjectis) cum Syr. Domestici qs. ut f.
Pil. utriusque generis facta est *Purgatio*; & vespere,
post utriusque vices singulas paregorici beneficio,
Quies. Postea, quoniam vires ex *Asociis* consense-
re, *Pil.* vice, *Bolum ex Elaterii* gr. iii. *Diacrid.*
 $\mathfrak{z}\text{ss}$. Conf. *Viol.* $\mathfrak{z}\text{ss}$. Syrup. Ros. solut. qs. deglutiit.
Diuretica Chartulis seponuntur, & allæ mediocris,
in potum ordinarium modica quantitate detrahendæ,
rotidem ampullis infunduntur.

$\mathfrak{z}\text{f}$. *Baccar. Junip. Milleped. sicc.* & *Pulv. Sem.*
Dauci, Pul. N. M. ana $\mathfrak{z}\text{ss}$. summit. Abs. R. $\mathfrak{z}\text{j}$.
misce.

Catharsi crebro, & donec aqua omnis educta est,
diebus primum alternis, deinde tertiis, quartisve, re-
petita, ad alteram indicationem, ea quæ sequuntur,
adhibeo.

$\mathfrak{z}\text{f}$. *Tinct. Myrrha* (Liquore Nitri fixi prius solu-
ta; tum spiritu Vini rectificato extracta,) $\mathfrak{z}\text{ii}$. *Pul.*
Gent. $\mathfrak{z}\text{ii}$. *Macerata* per noctem; mane f. expressio *Tinct.*
Stomachica. Dosis gutt. xx. cum *Tinct. Martis* toti-
dem, & *Vini Haustu*, horis duabus medicinalibus Ca-
tharsi interpositis. Post Catharsin ut *Digestivis* sedulo
insistamus, manc. *Tinct. Martis*. Hora ante pran-
dium, *Canarini* & *Rhenani*, paribus mensuris, *Gen-
riana* alterat: *Haustu*. *Quarta* pom. *Bolus Chalybea-
tus*, cum *Jul. Haustu*.

Quibus continenter ad menses aliquot usurpatis,
& ex intermissione quadam sæpius repetitis, *Ecco-
protico* nonnunquam intercalato; quinimo crebrius
sub Jove exercitationibus, liquidorum item imminu-
ta quantitate, debitoque *Sæx non naturalium* usu,
æger appetitu, & coctione recta de novo potitur.

Vi res redintegrantur, cum bono corporis habitu, cum
Asociis & *Asociis*.

Post *Hydropa* fugatum, en brevi *Arthritidem*, do-
lore, tumore, pedum articulos occupante, conspi-
ciam. Ægrum illa jam primum adoritur: Posthæc
sæpiissime. Ructus sub accessum acidus, fidum usque
symptoma, præcurrit, & de receptione monet.

Profecto minime dubitandum, quin *Arthriticum*
in hujus ægri sanguine seminum, ante paroxysmum,
ad tempus aliquod, delitisset; forsitan etiam *Hydro-
pi*, licet occulte, symbolum contulisset: Neque ve-
ri minus simile, quod a dictis alterantibus *Arthriti-
cis* excitetur: quodque ex ea recte se habente, an-
ni posthæc ægro quam plurimi, per eisdem sanitas
obveniat.

Hæc etiam addam, (rei tam lætæ infaustum absit
omen) quod ex frigido viri hujus temperamento, &
in serum abituro, sequitur; cum demum cum vires
deficient, & ingruet senectus (& $\mathfrak{z}\text{f}$ *ἐπ' ἡλικίᾳ*)
quamvis *Hydrope* jam per annos plures sit immu-
nis, ne denique succumbat illi, cavendum est. Sed,
ut quam potest diutissimæ se defendat, *Hydragogum*
sæpius sumat, vitam agat temperatam, coctionem,
ipsam utique salutis summam, tueatur religiose, mo-
neo & exhortor.

Demonstrat Historia (cum præcedenti) posse *Ar-
thritidem* *Hydropi* supervenire, posse istius remediis
fuscitari.

Hist. 3. *Podagra Asciti*, per *Natura Vi res*,
Suborta.

D Ominus D. vivido & alacri vir ingenio, sum-
mæ spirituum, *oppus* neque *Venerem*, neque *Bac-
chum* nimio plus abhorrens, ætate media, siti immo-
dica, urinæ exiguo, crurum & abdominis tumore,
signis *Asciten* ostendentibus, afficitur. Ut affectu tam
ancipiti se liberet quam celerime, *Cathartica* &
Diuretica præscribunt, donec humor nimius pertina-
ci illorum usu, exulat: itaque fauste primis diebus
ægroto succurritur.

Natura onere sublevata, suique iterum arbitrii fa-
cta, aere aprico, equitatione ciebra pernicipique ad-
juta, rebus suis serio incumbit, & quidem bonis avi-
bus. Brevi enim *Arthritidis* tum primum eluxit: Quæ
semel bis statim anni temporibus recurrens, sanguine
quod alienum erat expellens, eundem purum & in-
quinamento liberum præstabat.

Huic ego (nature ut succurram, & opituler) com-
mendavi *Chalybis* & *Amarorum Compositiones*.
Utraque *Xerano* mistam, menses quotannis plurimos,
sed interpolatos, & secundum varias anni *tempes-
tates* idoneos, usurpavit. Hinc avidius appetiit; perfectius
coxit; rectius & commodius doluit.

Multos ille annos, gaudio & dolore variatos, ad
usque senium, ætatem prolongavit; optimo sane cum
eventu *Arthriticus*; *Hydrope* per *Arthritidem*, adeo
posthæc immunis, ut tamen liquidis tenuioribus plus
æquo indulserat, nihil hinc tumoris, nihil *Hydro-
pici*, suboriretur.

Convincit historia, (sublatis impedimentis,) vel
ipsius naturæ vitibus, *Arthritidem* *Hydropi* posse su-
peraddi.

Hist. 4. De *Hydrope*, & per *Diuresin* & *Abstinenciam*
victa: cum *Arthritide*, per *Amara*, &
Chalybeata famulante.

Q Uidam, e regione Sancti M. poculis & otio
nimium indulgendo, vitiata coctione, congesto
κακοχυμίας gurgite degenerumque succorum plenitudi-
ne, cum vix ætatis medium excefferat, *Hydrope* cor-
ripitur. Facies illi pallida, spiritus difficilis, sitis im-
portuna. Urina parca & lixivia, venter intentus.
Ut malo occurrat medicus (certe ingeniosissimus)
& laborantem sublevet; primum, ab inutili libertate
(ne quid gravius dicam) abstinere suadet, utpote
morbi fontem quod exsiccat, neque potionem ultra
vult,

vult, quam ut vitæ satisfaciatur, neque aliam quam diureticam. *Cinere* ideo *Genista* dedit, *Potui* cum *Abs. Rom. summit. admiscendum*. Obtemperavit æger, neque plus libra, nec quidem interdum plus selibra, nycthemeri spatio, sorbillavit, per omnem abstinendam, quam cum congiuntum quotidie exhaustit, nihilo magis sitientes. Urinam hinc ubertim excrevit, aliquanto forsitan uberius quod indies equitavit; quod quidem exercitandi genus haud parum ad *Διέσπιν* conferre, pervulgatum est. Serii facta supervacui expulsiōne, digestivorum ope cœpit de novo esurire, concoquere, nutrirī. Cibus, ita modica portione solutus, *ξύμασι* & *μετεωρατῶν* acquirit longe perfectionem, quam immodica cum immergeretur. Brevi post dolore pedis afficitur, & genuino more *ποδάγρια*, deindeque sapissime. Natura, (quæ semper *τὰ δέοντα ποιεῖ*) *Hydrope* liberata, & suarum rerum potita, *Arthriticum* miasma, clam in sanguine detentum, amolitur; idque quoties se contumacius extollere, aut cristam illud erigere conatur.

Quando mecum, de salutis statu servando, sermonem habuit, temperantiam ejus laudavi, morborum victricem, expultricem optimam, sanitatis obsidem fidelissimam, & illius usum, laudando, commendavit. Quo ventriculi servem *δωρατίαν*, necnon, in senium vergente ægro, labascentem sustineam; Auctor sum, *aprandio Canarini Haustum*, omnique mane *In-fusi amari alterantis Coch. sex cum Tinct. M. gutt. xx. bibat*. Hac & hujusmodi methodo, multos ille annos vitam protrahit, *Ascitico* omni tumore vacuam. Qui pedum erat exinde tumor, brevi, semper *Arthriticus*, evanuit. Uni ille *Arthritidi* & abstinentiæ debuit, quod senuerat; &, præter spem humanam, quod valuerat.

CAPUT V.

De Arthritide Melancholica.

Art. I. **E**Xpeditis *Æquivoci Ortus Symptomaticis* ad eas species, quæ sunt *Univocæ*, quæque materiam cum affectu primario eandem, sed alio ritu operantem, alia *ουνόρρα* edentem, præ se ferunt; id est, ipsam operis partem potissimam, accedo.

Harum e numero, primas obtinet *Melancholicæ*; quippe quæ, tametsi *puram Arthritidem* eo usque æmuletur, quo ad *Symptomatica*, (*Κυρωτάτος* sic dicta,) rationem & partes sustinendas opus sit; tamen ei dissimillima est, & in ellipsi sua distat *Univocarum* omnium longissime.

Ut vero rem occipiam, præter istam animi depressionem, quæ, genuinæ *Arthritides* symptomata, paroxysmos ejus pene omnes, & quo majores eo major, antecedit (alibi explicanda;) alia est, *Melancholia* nomine insignita, quæ ad menses, ad annos, sæpe perducta, arthritidem, insultus recte & creberrime facientem, introducit.

II. *Melancholia*, quæ *Arthritidem* progignit, (de latius sumpta dicere, in præsentī *ἀποσδιόνησον*) duobus pendet. Quorum prius spirituum animalium a natura debilitas & teneritudo. Revera, constitutio illorum delicata, ut perceptione homines & acumine, ut ingenio & consilio præclaros reddit; sic ærumnis, sic etiam morbis subjicit. Ex eoque factum est, quod alias levi de causa in *ἀταξίας* illi gravissimas adigan-tur; quod alias humilitates, & depressiones patiantur afflictissimas; quod diutius inordinati *Melancholiam* ostendant non raro immedicabilem.

Ista vero illorum a natura debilitas, sæpe studiis impensioribus, otioso vitæ genere, & nimis sedentario, nonnunquam morbis, inedia, vigilia, & aliis ejusmodi sexcentis, augetur & intenditur. Atque hæc spirituum debilitas, *Melancholia* non inepte *προνοήσις* audit.

Posterius, quicquid spiritus per se infimos (sive extra, sive iis intermixtum) afficiendo, *Melancholiam* parit *προκαταρτηκός*.

Hujus autem ordinis sunt humores pravi & vitiosi; vermes, aliæque res permultæ, primis viris utro, hac vel illa corporis cavitare, collectæ, animi

perturbationes, & in *sex Non Naturalibus* errata quam plurima.

III. Hisce natus originibus, affectus iste (sive *Melancholia* dicatur, sive *Morbus Hypochondriacus*) sive *Hystericus* aliquando *Arthritidem* imitari, & ejus ritu pedibus, manibus, ægrum privare nititur. Hoc est, inimicum id, ac alienum, quod ante, (in fistula plerunque alimentaria spiritus urgendo) *Melancholiam* peperit; natura, novas agendi methodos, nova inéunte consilia, in articulos truditur, & *Arthritida* producit *Symptomaticam*.

Esse vero hanc *Arthritida* puram putam *Symptomaticam*, ipsa *Melancholia* causa continente & proxima, generatam, satis (ut opinor,) eo constat, quod illa quoties exoritur, & ad gradum elevatur quantumcunque rata hæc & perpetua proportione deducitur. Qua quidem te, ad exponendam istius *Arthritidis* naturam, eamque in *Symptomaticarum* numero collocandam, nihil poterit persuadere magis, vel evincere luculentius.

IV. Interea vero temporis, non est reticendum, quod hæc *Arthritis*, præ aliis suis tribus *Symptomaticis*, fere clementer se gerit, & junctam habet cum severitate lenitatem. Quod *Melancholitorum* sanguini, supra quam aliorum *δυσχεταβλήτω*; an eorum spiritibus segniter, & in materia separanda dimittendaque otiose se gerentibus; cuicunque demum causæ debeatur; de re sic in operto acta, tenebris sic obscurata, nullus ausum disceptare.

Si *Melancholicos* indulgere Baccho aut Veneri (quorum alterum usitatissimum, alterum minime novum) aut etiam ad *Arthritidem* hæreditario propendere, contigerit; itaque habitos ea multum infestari, crudelius extorqueri. Nihil inde propositioni nostræ derogabitur, neque ex eo vacillabit illius veritas. Cum ista morbi acrimonia causis peregrinis adventitiisque oriatur, nec sit hujus qua *Melancholici*.

V. Ex mihi hujus *Symptomaticæ*, (& uti solet esse) nimis leni ingenio, factum esse cenſeo, quod ea qui tenentur, in antiquum statum redeunt, *Melancholia*, cum cito recidiva, tum magnopere sævient, creberrime conflantur. In ea videlicet delenda perimendaque, non multum facit *Arthritis* tam ignava, tam languens, tam focors vix sublevando affectui primario, nedum auferendo, par.

Ut *Symptomatica* hujus diagnosi apertius intellecta planius exponatur, de conditione pristina, de morbis ægri veteribus exquirendum. Quæ per se difficulter, ex hac indagine palam & facillime dignoscatur: e. gr. si æger diu *melancholia*, demum *arthritide*, laboraverit; & hac quo magis, eo remissius illa, maxime, si hoc iterum sæpiusque compa-ruerit; quin *Arthritis* ista sit *Melancholia*, nihil (ut existimo) dubitandum.

VI. *Melancholia Essentialis*, sive delirii cum tristitia, metu, &c. in *Arthritidem*, migrantis, therapia, nondum usu confirmata, unicum enim morbi istius exemplum adhuc notavi, (idque imperfectum, & omne genus medicinam respuens) nobis hoc tempore prætermittenda est, *Arthritide*, Morbi *Hypochondriaci* sive *Hysteric*, fobole, cum affectorum vis abundat, ejus curatio paucis explicanda.

In hujus *Symptomaticæ* prophylaxi (nam in paroxysmo ejus, ultra quam veræ & genuinæ sanando, nihil habeo quod dicam) maxime juvabit alienum id ac inimicum, quod, in primis viis, (antequam sanguinem ingreditur,) morbi causa extat *Hypochondriaci*, sed e sanguine expulsum, & articulis suffusum, paroxysmum facit *Arthriticum* amandare, dimovere, amoliri; tum, ejus incremento, & regerminationi, obstare; posteaque, depressos spiritus, medicamentis ex proposito datis, directe allevare, languentes suscitare, & erigere; itaque morbo huic universo, (qua primario, qua secundo) simul semelque occurrere.

Atque hunc in finem impedimenta, siqua fuerint in coctionis *Εργασίῳ* (nulla vero non esse maxime probabile est,) primo quoque tempore, per catharsin, (alteram, vel utranque) tollere, ad *ἄρτα* depurganda, aliud *Stomachicum* (*Pil. puta Stomach. cum G. Dec. Amarum purgans, vel Aquas Purgantes*) seligere; ad inimicum, in sanguine contentum, fa-ras eliminandum, aquas haurire diureticas; cum iis,

Alcohol Martis, semel bis die; deglutire; omni hebdomada, ventrem movere; menses binos, his insistere; ad annos aliquot, repetere; cavendo alvi tarditatem, ex *Marte*; febrim, & *Arthritidis* paroxysmum.

VII. Ut horum nonnulla fusius edisseram; profecto tanti est, in hoc affectu, ventrem (ut dixi) crebro movere: & ab *Arthritide* reliquiis immune præstare; ut, vel eo solo, *Aquis præcipue purgantibus*, *Tartaro Laxanti*, & *Manna* peracto, (*Arthriticum* ex *Melancholia* non unum, egregie saluti prospexisse, noverim. Tempori proturbatur id, quod illico spiritus, ventriculi & intestinorum fibras incolentes,) adoriendo, mærorem affert *Hypochondriacum*; vel, in articulos effusum, *Podagra* paroxysmum.

Cum primis autem prodest hujusmodi affectis antedicta *Solutio*, quod blande alvum, quod leniter, quodque certissime, subducatur; iis, qua *Melancholicis*, qua *Arthriticis*, (neutro enim nomine, fortiora, & *Spasmodica* convenient) aptissime.

Sed nec *Aquarum Diureticorum* vim (quales sunt *Bathonienses*, *Astropenses*, *Bamptonenses*, aliæque permultæ) adversus hunc affectum, satis prædicare valeo; vel, ut decet, laudem illis deferre. Coctionem illæ conciliant, digestionem; illæ confirmant: illæ sanguinem expurgant: illæ spiritus permulcent: ille *Melancholicis*, & *Hystericis*, solatio; illæ *Arthriticis* incolumitati.

Quibus nulla suppetit *Diureticarum* copia, usui sit *Infusum Theæ*, aqua pluvia comparatum, a \mathfrak{ss} . ad \mathfrak{j} . bis die, potum. Nam per renes sanguinem, modo diu satis usurpetur, eluit; & ad *Vapores* (qui dicuntur) relevandos, ad *Hypochondriacos* flatus sopiendos, confert mirifice.

Quæ per tot sæcula *Melancholicorum* medicina fuit, e *chalybe præparata*, ea quidem, ex *Melancholia* sive *Hypochondriaca* sive *Hysterica* $\omega\delta\alpha\gamma\epsilon\lambda\omega\pi$, potiori jure convenit: modo præmissa catharsi, artificiose selecta, & dosi & methodo rectis, adhibeatur. Spiritus enim animales incitat, exaltatque; in radios vibras acutissimos, $\omega\delta\alpha\gamma\epsilon\lambda\omega\pi$ tum etiam, miasma *Arthriticum*, (modo exigua dosi fuerit exhibitum) blande ad $\tau\alpha\ \epsilon\zeta\omicron\delta\epsilon\upsilon$ emitit: & in partes internas neu relabatur; spiritus animales neu obscurer; tenebrasque iis offendat, efficacissime operatur.

Quibus autem nec *Aque*, nec in forma sicca *Ferum*, mederi poterit. Eos interdum adjuvat *decoctum Corticis*, simplex, vel (pro re nata) *Chalibeatum* roborat ventriculum $\delta\pi\epsilon\pi\acute{\iota}\alpha\upsilon$ infert; & ad spiritus stabiliendos (quod *Hypochondriacis*, & *Hystericis*, lucrum pergrande,) summatur virium & momenti est. Multum valet, hac in parte, simplex; propter id, quod habet cardiaci & nervis propitii: multo vero magis armatum; medicamentum, si quod unquam, $\Pi\iota\lambda\upsilon\gamma\eta\sigma\omicron\upsilon$.

Sed nec omittendum, quod aliquando cerevisia, utur defæcata, tantas ventriculo parit cruditates, in *Arthritidis* materiam postmodum abeuntes; ut, una hac objecta, &, *Aqua fontana* cum vini pauxillo; vel, e *Sarsa*, *China*, &c. *Decocto*; vel *infuso Theæ*, cum lacte vaccino, in ejus locum suffecto, ægris exinde melius successerit.

Hist. 1. De Arthritide, Melancholia diuturna succrescenti.

Clarissimus T. erectiori vir ingenio, in Medicis ævi celeberrimis, (antecessorem, hac in urbe, compotem, & sanum, utinam æquis passibus sequi daretur;) *Melancholia* sensim obrepente, ætatis flore, exiit de potestate. In hujus morbi genium, & morem, ut diligenter inquirerem, & de eo curiæ renunciarem, prænobilis *Eveshamii* magni *Angliæ* Cancellarii (cui apud nos, hujusmodi affectorum, a Rege cura est commissa) per literas mandato, Dec. 18. 1697. laborantem visitavi.

Fuit ille (liceat tanti viri memoriæ, tamque literati infortunio, paulisper immorari,) tum temporis septuagenarius: vultus constanti, & augusto: capite orbiculato, neque, si corpus spectamus, aut inge-

nium, magno: voce suavi, & canora: gestu corporis decoro.

Veterum doctrinam, ut erat $\pi\alpha\lambda\alpha\iota\sigma\phi\iota\alpha$ excusserat; ad medicinam conversus, eam de proprio ditaverat. Primus enim *Respirationis usum primum* detexit; detectum, contra præclarum impugnantem, pertinacissime defendit; acutissime vindicavit. Nemo unquam Medicus illustrior, neu qui arti plus tribuerat.

Nonnullorum vitia, me audiente, leviter & quidem argute perstrinxit; at viros sapientia, nobilitate, virtute præcellentes digne prosecutus est. Clarissimi *Bigodi* sagacitatem, & in diagnosticis peritiam; *Davei* lenem, at solers ingenium; *Dikei* literas, & acumen admirabile; singularem *Enii*, nuper adversarii, semper amici, humanitatem & doctrinam, elegantem, variam, paratam; nobilissimi *Courtenai* (quanti vero, & quam magnifici viri!) celsum & sublimem animum, stemmati suo, quod est regale, parem, multis laudibus efferebat. Sed omnium maxime *Cantabrigiam*, almam matrem, *Athenas* hujus regni alteras, pie grateque, $\Lambda\omicron\gamma\omicron\iota\varsigma\ \upsilon\phi\iota\sigma\iota\varsigma$, prædixit. Quin &, agnovit filium, mater.

Hæc cum, a quoquam proferri, aliquis audiverit; Annon, eum, animi summa rectitudine, judicio acri & perfecto, aliisque plurimis virtutibus, plane invidendis, insignitum existimaverit. Ita profecto fuit; jam alia res est. Quæ potulimus, ea præbuerunt *Lucida* (sic appellantur) intervalla; tum rara, tum breviora, densissimis nubibus, & interdum animi concitationibus (tanquam fulgore, & tonitru) discreta. Audivimus $\Lambda\kappa\alpha\delta\epsilon\mu\alpha\tau\alpha$, summo dignissima Philosopho, quæ sunt iis maxime contraria, simul & semel coram dicentem. Piguit, doluit eruditionis optimæ reconditissimæque fragmenta, (tanquam *Sybille* folia, vento agitata,) cum astrictis, numero soluta; cum latinis, Græca; cum physicis, Ethica; cum veteribus nova; cum profanis, sacra, misceri, perturbari, confundi. Nullibi gentium tot tantarumque disciplinarum chaos. Dii vestram fidem! Quam pusilla res homo, vel literatus. Dudum ille noster temporis volumina præsentis præteritique, & in eo quæ sunt omnia, dudum ille terram, cælum, sidera, vasta universi sistemata, spatia pene infinita, animo est complexus; hodie, ne sui quidem compos.

In causis hujus affectionis, primum ponenda est, tanquam $\pi\alpha\pi\omicron\gamma\eta\sigma\mu\acute{\iota}\eta$, ad eam a natura diathesis, quam utique perspiceret physiognomon, & animus commoveri aptus. His adjici oportebit cælibatum, sive nimiam castitatem. Tum, in procatactis, casu e plaustro, cranium, annis olim puerilibus, læsum: (nudato capite cicatricem aperuit.) Deinde, studia nimium flagrantia. Post, *Decoctum Coffea*, plus satis potum. Ad extremum, animi perturbationem, spei frustrationem.

Causæ tantarum virium evidentes, antecedentem a natura cæptam, malisque moribus adauctam irritantes, morbum peperere, per se magnum, sed tempore qui roboratus, medicinam respicere, curationis spem excludere, cerneretur.

Quod vero ad rem nostram maxime pertinet, digitorum articulos ostentavit, tumefactos, inflammatos; *Chiragra*, multos annos, per intervalla, sed languenti, neque salis importuna, tactos. Procul omni dubio, si plus *Articulis*, capite minus ægrotasset. Fuit tamen, gravi & diuturnæ *Melancholia*, *Arthritidem* suboriri posse, quod abunde comprobaret.

Hist. 2. De Morione, Melancholia Hypochondriaca, & Arthritide interempto.

Sunt qui morbum *Hypochondriacum*, uti etiam *Arthritida*, sapientiæ solum professores, ingenii dotibus præcellentes, infestare, iisque, tanquam ad tanti muneris temperamentum, sortito dari confirmarunt. Eorum opinionem, $\delta\eta\ \tau\omicron\ \omega\lambda\upsilon$ probabilem, a perpetua veritate longe abhorre, constat. Habet *Damnonia*, quod perpetuitatem perimit. Novi ego met haud ita pridem (attendite Philosophi!) *Morionem*, multos annos flatu, $\beta\omicron\pi\beta\omicron\upsilon\gamma\mu\omicron\iota\varsigma$, aliisque *Melancholia* sexcentis *Hypochondriaca* symptomatibus, de-

num etiam (ætate propemodum affecta,) *Arthritide* conflictarum, adeoque graviter (ne de acrimonia quaestio sit,) ut ætate constanti diem obiret supremum, his affectionibus interemptus.

Hist. 3. De Arthritide Hypochondriaca, Purgantibus præoccupata.

Veteri quidam amicitia mihi conjunctissimus, post homines natos maxime *Melancholicus*; mali accessiones alias ab animi pathematis; alias a cibo crassiori, & *δυσπείψω*, vel potu immoderato; hæc carnis æstu notabili, illas algore; hæc pulsu tum majori tum crebriori; illas raro & humili: utrasque spirituum mira dejectione *Μυροϋξία* non vulgari, ejus laru miserabili signatas, habuit. Sub ingressum senectutis, *Arthritide* tenebatur; ea, quæ *Melancholiam* perturbationibus procreatam, ne semel quidem unquam exceperit; alteram autem (id est, intemperantiæ sobolem) frequenter. Raro cuivis unquam mortalium fortunatius cessit dolore. Nubes illa supercilii dissipatur; spiritus se expandunt; ut materiam, in primis viis congestam, (*Hypochondriaci* causam mali continentem,) in artus ejici liqueret. Ad eam initio præcidendam, & utrumque morbum anteverendum, *Aquis purgantibus, Sale Cathartico, & Tartaro Laxanti* additis, iteranea purgavit. Usus purgationis creberrimum suadebat utilitas.

Cum, *Arthritidos* cippo forte detentum, ad diem statum iter conficere, voluit professio, partibus tumefactis, & dolentibus. Hirudines admoveri, sicque causam mali conjunctam evocari, jubeo. In re ætissima, summæque necessitatis, hoc artificii valuisse, certo certius est compertum.

Hist. 4. De Morbo Hypochondriaco, cum Arthritide agnata, Aquis Astropensibus subacto.

Nobilis quidam apud *Dobunos*, affectione *Hypochondriaca*, ventriculi inflatione permolesta, cogitatione inquieta, spirituum tremore, confusione crebra, & ex illa sudore, cum repentino, tum vero abundanti & profuso, diu afflictatus, ætate provectior, *Arthritide* correptus est, quam in *Melancholicis* observari solet, sæviori, longeque immaniori; quippe paroxysmos puræ & genuinæ *ἄλγος*, quæ profuderit.

Cum eos secuta erat singulos, primis statim diebus, animi protenus sudum & serenum. *Hypochondriaci* affectus intervallum; materiam ejus productricem, & primis viis inhærere solitam extrorsum pelli, omnino cogitandum erat.

Contra par malorum *δυσφορον* & *δυσκολον*, ut duos simul liniam parietes, nihil antiquius judicavi, quam dyspepsiam, quæ utriusque fundamentum erat, pro mea parte, corrigere; tum simul, alienum & factiosum id, quod *Arthritidis* causa est conjuncta, foras eliminare. Quocirca alvo, *Pil. de succino Crat. Dj. Tart. Qu. ʒss. Ref. scam. gr. iv. & Aq. Astrop. ℥ii. hora post ingestis,*) prius subducta, iterumque septimo quoque die soluta, aquas haurit *Astropenses*, diebus otiosis, ad ℥iv. ad dies sexaginta.

Ut *Πέψις* emendetur; dum *Martiatii* aliquid præcipio, (quod ægri res volebat, non nolebant aquarum *Ferrate*) spe decipior. Tanta ægro sive *ἰδιοσυμπτωσία*, sive spirituum teneritudo, atque minerale istud digerendum nescio quæ impotentia; ut ex eo, tametsi modica quantitate sumpto, statim inciderit in diarrhæam, animi depressione, spirituum dejectione mira, stipatam.

Aquas autem *Astropenses*, blandas, præcellentes, benignas, tum *Hypochondriacis*, tum *Arthriticis*, & tenerrimis plerisque omnibus convenientes, omni ætate, (magnum ad beatam vitam præsidium nactus,) per annos quam plurimos repetit; earumque beneficio & tutela, senectutem (uti audio) lætam, & desiderabilem, adipiscitur.

Hist. 5. De Gonagra mihi, Hysterica, Chalybe &c. concitata.

Lacet, *Arthritidem* minutulam, & (uti videtur) artificiosam, memoriæ committere. Mulier lætissima, cum primis delicata, fragili constitutione, patre orta *Arthritico*, nondum ætate media, *ὡς τοῖς γυναικείοις* benehabens, *ἀσπεξία* & *δυσπείψια* gravi diutinaque *Melancholia*, spirituum insolita depressione affligitur. Horum omnium causa esse videbatur materia quædam mali moris, ventriculum aggravans, & per œsophagum linguam omni mane feriens. His ut occurratur, purgato primum hac illac corpore, *Amara Chalybeata* cum levi subinde eccoproto, per menses aliquot usurpavit. Ex horum usu symptomata profliguntur ad unum omnia. Esurire, cibare, latari, missis tristitia & metu in mare *Creticum*. Genū tantummodo alterum, debilitate, & dolore acri pungente, sed tolerabili, continenter impeditum; ut e sella assurgendo, gradus scalares, vel acclive quodvis, ascendendo, vix fit. Erecta firmo stetit talo. Mirissimus hic affectus erat, neque rubore, neque tumore insignitus, qui tamen *ἄσπεξ Arthriticum* præ se tulit: laneis partem affectam involvi jubeo; calide vestiri: & *Melancholia* si recruduerit, cum *Amaris* iterari *Chalybeata*. Morbi istius hæc reliquias percepit; hosce fructus, quod (*Arthriticorum* more) ex paroxysmo vegetior, quod alacrior, evasit, & diu perseveravit.

Hist. 6. De Arthritide Hysterica.

Nobilis Matrona, molli & præter ceteras delicato habitu, *Hysterica*, blande nimium misericors (ut omnia fere omnium infortunia deplorans, & alieno marore marens,) decies enixa, annis procedens, sine causa ulla evidenti, cœpit macrescere, & languere, potius quam ægrotare. Hoc a familiaribus in malis positum, in lethalis alicujus chronici prognosticis: At in bonum, omni spe votoque majus, aliquanto post mutatur. Dolet, tumet, rubet pedis articulus ex *Podagra*. Corpus ortu persanum, ab omni labe hæreditaria, quantum inaudiverim, immune, tot partibus, aliasque *τοῖς τῶν αἰσθητικῶν* expurgatum, taliter occupari, profecto demiratus sum. Mali vero causa tanto sufflamine major. *Arthritidem* boni esse ominis, & in ægræ commodum cessuram, existimavi. Hospitem grate, & benigne, (suo more) accipiat, hortor: calefaciat, vestiat, &c. ut in *Arthritide Primigenia*.

Paroxysmi re absoluta, ad ea, quæ tum morbum *Hystericum*, tum *Arthritida* prævertant, speciatim ad *Digestiva*, propero: *Premisso* (e *Pil. Stomach. cum G. ʒss. Scam. pul. gr. viij. Ol. Cin. ch. gutt. j. El. propr. q. s.*) *Lenienti*; cui vespere, loco *Narcotici*, ægre admodum inimici (quippe spiritus deprimere, & nimio plus pessundare, solebat,) *Bolus, e Pul. Cantian. ʒss. Conf. Anthus Dj. Syr. Melissoph. q. s. sufficitur cum Jul. Hanstu Hystericæ deglutendus*. Tum, ad roborandos alendosque spiritus, *Decocti Corticis Martiatii* haustum, horis duabus medicinalibus, in mensem usurpandum, & *Theæ infusum* (quod, ad eos permulcendos, & vapores sopiendos, ex usu diuturno, commodissimum experta est; quodque sanguinem per renes expurgare aptum,) in dies singulos, præcipi. Partim medicamentis, partim *Arthritide*, blanda & perbeata, fideliter recurrente factum est; quod, per hosce dies sexagenaria, *ἐξῆς*, & *δωδεκά* conspiciatur; ex *Arthritide*, jam vetusta, melior. Unos enim pedum tumores (an arthriticos, an hydropicos?) hodie moleste fert, cetera bene habens.

Hist. 7. De Arthritide Melancholica, cum ventriculi, &c. Affectione, per Arthritidem levata.

Quidam mediæ ætatis, ad *Isce* ostium, *Melancholicus*, ventriculi distentione, *Βαρβορυμῶς* aggravatus, flau emissio sublevatus, appetitum pro nuper interdicti, ventriculum mane moveri, & biliosum ejicere, respi-

respirationem impediri, carnem absumi, conqueritur. Hisce postea supervenit dextri coxendicis dolor, qui ad genu brevi se transfert, ibique tumori locum facit, pallido, frigido, seroso. Ab hoc tempore ventriculo; & iis quæ intus sunt, melius, imo *μικροψυχία*, quam miserabilem, & degenerem, æger subjerat, ab *Arthritidis* conspectu, minuitur. Eatenus *Melancholia* sanatio *Arthritidis*; eoque magis, quod supra quam in *Arthritide* frigida, supra quam in *Melancholicis*, solet fieri, extumescit.

Ego, naturæ famulari contentus, & rerum ejus promovendarum satagens, in *Arthritide* firmanda, medicos adhæreo conatus, quantos possum maximos. Primas ergo vias leniente subtraho; vesperi, post purgationem (quo humor extra propellatur) *Bolum, e pul. Cant. Ther. Androm. & Syr. Pap. Errat. cum Haustu parum Diacodiatu, sumi præcipio*. Dein, eodem, *Pul. Rad. Ari C. 3ß. Alcohol Martis 3ß. cum Jul. Haustu, bis die per mensem, cavendo alvum obduratam. Panno Wallico, Aqua Reg. Hung. & sp. Lavendula consperso, vestiatur pars affecta. Cane pejus & angue, vitentur repellentia*. Horum ope remedium, æger auspiciato *Ποδαγραῖ*; animo nempe alacri, sanis visceribus, & ob *Podagram* tutioribus,

C A P U T VI.

De Arthritide Fixa Scorbutica.

Art. I. **M**elancholica proxima est *Arthritis* ea, quæ *Scorbutum* excipit, sed longo proxima intervallo; quippe *Primigenia* similitudinem quæ. multo plenius apertiusque referat, ad eamque multo propius accedat: morbus certe, apud nos, ingenio & natura valde peculiari; quique evolvatur, & diligenter explicetur, aptissimus. Ut de illo dicam enucleate, & dilucide, de ipso *Scorbuto*, ex quo emanat, prius dicendum est.

De *Scorbuto* ea, quæ ab *Eugaleno*, aliis ejus fere affectis, cedita opera produntur literis, vel omnino prætermittam, vel leviter tangam; & illa potius (ex scripti hujus instituto) quæ nostræ ditionis sunt, & in hac regione mali istius in *Arthritida* metamorphosin patefaciunt, studiose persequar.

II. Anni sunt haud ita multi, cum apud *Damnonios* (quod, a senioribus indigenis, iisque fide dignissimis, & in medicina diu multumque exercitatis, accepi,) *Scorbutus* sic grassabatur, ut per illos artem qui *Exonæ* (nobiles sane) Medici factitarunt, in hujus unius morbi curatione, quod præscriptis passim agitatæ testatum fecerunt, non parum occuparentur; & grandiores hodie nihil æque ac *Scorbutum* crepent. At diebus hisce nostris rarius observatur hic affectus, & tantummodo *απαδύ*. Cujus quidem mutationis ratio, suo statim loco, declarabitur.

Sed nec qui nunc dierum est *Scorbutus*, illi qui vicinos *Belgas* (populares meos) imbuat, id est, genuino, & vulgari, per omnia consimilis invenitur. Cum agri *Smertensis*, uliginosi magnam partem, & depressi, aerem crassum & humidum trahentes incolæ, maculis subnigris, ulceribus malignis, crurum dolore, respiratione difficili, lassitudine spontanea, nervorum debilitate, hydrope, gangræna, & istiusmodi aliis) *Scorbuti* exquisiti signis, creberrime divexantur: Quæ apud *Damnonium*, tractum inæqualem, siccum, optime ventilatum, aere subtiliori puriorique gaudentem, neque stagnis inquinatum, raro visuntur.

III. Qui vero *Damnoniorum* est *Scorbutus*, in imo ventre *Βραδυπερίαν* habet, præcordium inflationes, ructus, oris vitia quamplurima, gingivarum scil. tumores spongiosos, sanguinem vel levi suctione, vel alia quavis facili de causa emittentes; interdum etiam *Επύλιδα*; dentes sæpenumero laxos, vacillantes, cariosos; & primores, ipsa nonnunquam adolescentia seu decidos, seu exeos; salivam acrem, salsam, pariterque copiosam; anhelitus fœtorem, (putredinis indicium) ut rectissima morbus iste *Στοιμακία* audiat: In cute maculas, sæpe rubicundas, interdum

flammeas; parvas identidem, & rotundas, aliquando majores; papulas item densas, scabras, asperas, irritabiles, cum margine purpureo, catervatim, in cubito præsertim orientes; quæ ad eminentiam & contractum quandoque notabilem elatæ, & demum exsiccata, squammulas emittunt, tenues, subalbicantes, furfuraceas; quibus decidentibus locus apparet ruber & inflammatus. His adde pruritum, isti fidem eruptioni comitem, & partium affectarum æstum, ab unguum vulnusculis impensissime urgentem: volas porro aridas, æstuentes, duras, sæpe etiam callosas, contra diaphoen ocellas, nec ullo eam labore admittentes. Quibus adjici oportebit crurum tumorem admodum insignem, maxima ex parte calidum, & acri sero exsudante prurientem.

Ita præcipue notæ sunt indicia *Scorbuti* per hosce tractus hodie serpentis, & *Arthritidi* alludentis: Neque *Scorbuticum*, nisi tali fere modo affectum, pedibus unquam hic loci dolere recolo: Ut calido unice *Scorbuto* (cujus ista signa sunt *Δηλωτικά*) hac in regione suppullulet *Arthritis*.

IV. Utrum hujus *Scorbuti*, scil. *Calidi*, sit ubique sui generis materia, sive innata, sive adventitia, quæ causæ continentis obeat negotium, & dicta pariat symptomata; sic, ut ex ea sola pendeat morbi hujus ratio *Αιτιολογία*: An interdum modo hoc fiat, & in hac affectione præcipue malo alicui contagioso secundaria: sed alias ea vitiosæ sanguinis *ζύμων* (quod doctissimis quibusdam placere constat) ascribenda: Tametsi præsto sunt, momenti ponderisque haud exigui, quæ prius suadent argumenta; cum in utranque partem disputari possit, nec id agatur hoc tempore; in medio relinquam.

Audacter autem, ut opinor, affirmare possum, non ab cœli solique sive siccitate, sive humiditate, sive alia qualicunque facultate, nec ab ullo in *Sex non naturalibus* errore, suos ignes, suas flammæ, *Scorbutum* hunc nostrum, proxime, & omnino omnes recipere; Verum ab alia potius causa, in obscuro posita, paucis observata, & ab alio fonte, derivare.

V. Hoc ut innotescat, advertendum est, quod, ante centenos hosce annos, (ex esu piscium, uti verisimile, nimio insulsarum,) *Damnonio* lepra quam atrocissime grassaretur, & in populum sevirer, forsan non minus, quam in *Judæa* olim, endemia.

Utrum ob eam templum illud extrueretur, quod e veterum monumentis, optima fide auctor, nobilissimus *Caraus*, in *Cornubiæ perlustrata*, tradidit, Anno Mundi 3172. a *Cunedago* ibi fuisse positum, & Apollini (medicinæ inventori & præfidi) sacratum; etsi ita esse non improbabile videatur; res est antiquitate nimio plus obscurata, quam de qua decernam, aut disceptem absolute.

Certe vero certius est, quod ante sæculum *Nosocomia*, quibus ab integris secluderentur corrupti, tam hac nostra *Enoxia*, quam alibi per universam usquequaque *Damnoniam*, incolarum pietate condita, extiterant quamplurima; Quæ quidem eorum frequentis tum morbi crebritatem, tum item acrimoniam, abunde monstrat.

VI. *Lepra* ista, quæ, ut class. denunciat *Caraus*, circa sæculi novissime lapsi initia populum miserrime lacessivit; dum ætas labitur, & dies diem docet; partim ex salis communis usu, partim etiam tabacci (quorum ille optimum, modica quantitate, receptissimumque condimentum, sanguinem tuetur, putredinem arcet: Hoc autem, vulgi delictum, sive ore mastigatum, sive tubo haustum, salivam mover, putres evocat humores,) cicurata, pertinax illud *π* *Αγρον* adeo deposuit; ut sæculo superiori circiter medio, in *Scorbutum* denegasse, comperiretur, antecessoribus nostris faceffentem negotium.

Verum, ex quo *Damnonii* remediis prædictis *Pomaceum* addiderunt, & usitate potarunt; morbi istius vis & ferocia tam magnopere subigitur, ut hodie, quam olim, multo rarior, sicut etiam multo mitior, observatur: Ita nempe, contra *Scorbutum* mali moris, contra inveteratum *ferinum*, & in plerisque hæreditarium, id est, crudelem, magnum, & difficilem, egregie valuit pomorum succus.

Atque hujus fere generis & profapiæ est, qui his temporibus in *Damnonio* *Scorbutus* se exercet. Hinc illæ

illa frequentes papulae; cutis ille pruritus intolerabilis; color ille flammeus; fervor importunus; exanthemata; lichenes; squammulae; veteris scilicet leprae reliquiae; ignis nondum penitus extincti scintillulae.

VII. Prius vero, quam de *Scorbuti* hujus in *Arthritida* migratione & excursionem verba facere occipere; de ipsa *Arthritide* pauca proponere, & a se ut discedat illa, notare, necessum habeo: prius, illa *Arthritidos* in vagam & fixam distinctio recolenda, & morbo praesenti accommodanda.

Arthritis vaga scorbutica, *Westphalorum* & *Guel-drorum* morbus endemius, qui tum adolescentum, tum adultorum lumbos, dorsum, artus, vicissim occupare & multum infestare solita est; uti locum hoc in tractu talis, qualis passim ab auctoribus depingitur, quod unquam sciam, nullum acquisivit; ita nec hoc in scripto requirit ullum.

Et quamvis aliquando *Scorbutus* iste noster, *Vagam* eam *Arthritidem*, quae nobis observetur, æmulari videatur; tamen frequentius, & quidem praecipue, *Fixam Arthritidem* imitari gestit; & quoties corpus (vel a natura, vel malis moribus, & vitae ratione perperam ordinata) appositum, ad tempus aliquod affixit, nono vel decimo plerumque lustro, pedum (maxime) articulos invadit, dolorem infert; tumorem, cum ardore, aliisque *Podagra* calidioris symptomatibus. Ex intervallis paroxysmos iterat, genuinae instar; sique una demas *Scorbuti* indicia, *Gemina* existimeretur.

VIII. Nec cui mirum illud existimandum, quando in utroque patet affectu (tam nempe *Scorbuto*, quam *Arthritide*), partes, primum easdem obtinere causas remotiores, (victum, utputa, falsum, & crassum,) tum etiam *Δυσπείψια*; dein acre aliquid, aut saltem alienum in sanguine, eumque valde inquinans, & corrumpens, tum habere *Scorbutum*, tum *Arthritida*, postremo, naturam utrobique grave aliquid eliminare & expellere conari; hic, per glandulas extremitatum articulares, unde paroxysmus *Arthriticus*; illic, per salivarios, & cutis *Miliares*, unde praedicta, & cutis, & oris symptomata.

Scorbutum autem adeo (sive causas, sive materiam, sive ipsam morbi rationem, & symptomata maxime fida & constantia, spectemus,) *Arthritidi* perfimilem, eam etiam *ὡς τὸ Παροξυσμὸν* æmulari & referre, ut observatu facile, sic neque intellectu difficile.

IX. Mitiores autem paroxysmos habet haec *Arthridis*, (ut illius aliquam diagnosin expromam) quam vel exquisita & calida, vel lui secundaria, neque dolore tam acerbo conjunctos: lenitatem explet diuturnitas.

Ut vero pressius dicam, hujus *Arthridis* omnium maxime proprium est, quod affectus primigenii non pauca symptomata constanter retineat; ita, ut ex *Scorbuto Arthriticos*, scabie, maculis, gingivarum vitiis, renitente licet medicina, & exeunte paroxysmo, adhuc infici, (tamen minus forte, quam ante natam *Arthritidem*), aspiciamus.

Hoc autem in iis potissimum teneri arbitror, qui ex *Scorbuto* cæteri, confirmatoque *Παράγχεσσι*; nam, a recenti & evidenti causa suscitato, & ad dicta usque symptomata evecto, qui laborant, (uti post posthæc exemplo patebit) iis nonnunquam aliter obtingat; & durante *Arthritidis* paroxysmo *Scorbuti* lateant istius symptomata.

X. Quomodo vero *Calidum* unice *Scorbutum* (quod sumpta comprehensum est) *Arthritidi* gignendae sufficere videatur; nec a frigido vel semel ortam memoria tenuerim; huic responderet, quod ea, calido quæ suboritur, *Arthritis* semper reperitur *Calida*, τὴν Πάρεσιν τὸ Πάσιν.

Sed nec omittendum est, quod, uti *Scorbutum*, hinc *Arthritidi* primarius, in eo potissime versatur, ut inepti aliquid per glandulas exterminet cuticulares; & *Arthritis* ei secundaria, per articulares; ita, tam huic, quam illi, obsunt repellentia; quippe quoniam humoris ad τὰ ἔξωθεν amandationem relegationemque a natura designatam, utilem profecto, caram, & vitae cum primis necessariam, de-

repente interrumpunt & internarum partium mala gravissima, sæpe ipsam mortem inducunt.

XI. In paroxysmo, (quæ medendi optima *Intentio*) materia articulis impacta, blande foras elicienda; quem in finem extrinsecus imponatur tumori lene quoddam attrahens; quare videlicet *Ceratum illud viride* ex quo sunt petasothecæ; vel *Brassica Folium*, fibris crassioribus purgatum, & ad mollitionem contusum. Tumori post noctem, (modo calide, quod juvat; artus involvantur laqueis) adhærere solet vapor, per invisibilia foramina emissus, & in rorem condensatus. Ab ejus usu dies aliquot producto, doloris sedatio tum fida, tum etiam tuta, subsequitur. Quæ quidem artificiosa *Διάρρηξις*, ea forsan de causa magis liberalis, quod materia per habitum corporis sua natura pronior, & aptior sit, quæ expellatur.

Quinimo, per totum paroxysmum magnopere caveant ægroti, ne materia, protenus eliminanda, retro agatur; quod ob eorum sanguinem (quod verisimile,) vitiosum, & contagio *Scorbutico* corruptum, raro (uti liquet) his humoribus, *Arthritide* detentis, impunis error; sæpe etiam lethalis.

Sin pravo externorum usu, aliave quavis de causa, materiam jam fugentem, quasi clausis foribus repelli, vel sisti obtigerit; ad fores quam primum aperiendas, eam & extra evocandam, aut in balneum pedes calidissimum immergantur, aut fotu imbuantur, aut articulo dudum affecto, vel proxime illum, applicetur epispasticum, vel cucurbitula: Et, interea temporis, ut ab interioribus extrudatur humor *Arthriticus*, cardiacum aliquid e *Pul. Cantian. Lapide Goana, theriaca Androm. Elect. ex Ovo, vel Sp. C. C. Succinat. gutt. aliquot cum idoneo vehiculo*, ægro stragulis cooperto detur, & prout opus fuerit, repetatur.

XII. Extra paroxysmum, evacuantibus materia peccans e corpore κατ' Ἐπιρρίον amandetur; alterantibus corrigatur; digestivis illius augmentum, & regerminatio, inhibeatur. Hæc e diversis classibus selecta, in ordines, sive series, ut artis est, pro ægri constitutione, malique more, formari, pro annique tempestate variari, oportebit.

Ad domandam morbi hujus malitiam, maximopere valet *Mercurius*; cujus præparata mitiora, (id est, *Calomelas*, & *Mercurius præcipitatus albus*) causam ejus continentem impetendo aggrediuntur, & per aliud aliudve excerniculum, pro ipsius quantitate, & ægri corpore vel ad purgationem, vel ptyalismum, ad *Διάρρηξιν*, vel *Διαφύσιν* proclivi, eliminant exterminantque. Et tamen hujus ea materię ferocia, quæ vel ptyalismo laudabili diutinoque non ex toto ubique cedat, & se se submittat; (nam post diutinum, & ex omni parte laudabilem, nonnunquam recrudescere hunc affectum in propatulo est) ex hoc remedio, alienum illud acre, morbi materiam continentem, quam maxime obtundi; sanguinem eximie purgari, *morbum* quam plurimum mitigari, constat. Quare si atas, vires, cæteraque quæ sunt ægri, annuerint, nihilque repugnaverit, ptyalismum lenem, sed prolixum (ut tempore lenitudo expleatur) fieri suaderem.

Ubi ptyalismo, velex ægri moribus vel animo, vel τὸν ἐκ ἐφ' ἑμὺν, nihil loci superfuerit, sequentem methodum ingredior. Vere & autumnio, (facta prius in plethoricis venæ sectione) proderit, *Per Calomel. sexta nocte. Pil. Eustach. & Res. Jal. mane seq. quinto, vel sexto quoque die ad tres vel quatuor vices, vel, per Salem Catharticum, Manna, & Tartarum lax. Aq. hordeat. solutum, diebus alternis tertiusve, ad sex vel octo vices, purgare: Neque Medicinam interturbet Articularis, si oriatur, Dolor; quin pertinaci potius Purgatione sæpiusque iterata vincatur.*

Deinde *Artis scorbutica*, quæ dicuntur, cum *Antiarthriticis* maritata, usus erunt eximii: Sumat æger, omni mane, post dictam purgationem, *Infusi* seq. haustum.

℞. Summit. Trifol. fibrini sicc. pag. ii. Anthus p. i. funde in Aqua font. fervescat q. s. ad Alterationem modicam, Colatura ℥iii. adde Salis Martis gr. iii. Tinct. Aurant. gutt. xx. Sp. Mentha Haustus.

Quarta pomerid. Pulverem, vel Pilulas deglutiat.

℥. Pul. Fol. Theæ fœccat. ℥ss. Salis M. gr. iii. Pul. N. M. gr. v. Sacch. albiss. gr. xv. f. Pul. vel cum Syr. Melissoph. Bolus, vel
℥. Conf. Flor. Salvia, Æthiopis Min. ana ℥i. Syr. Garyoph. qf. f. Bolus.

℥. Cerussa Antim. ℥i. cum Extr. Gent. f. Pil. vel
℥. Pul. Zedoar. ℥ss. Alcohol. Martis gr. viii. vel x. cum Extr. Gent. f. Pil.

Hiscæ singulis Vehiculum sit Julapii, vel Infusi, Haustus.

℥. Aq. Ulmaria, Fol. Ari, e Succis ana ℥v. Sp. Juniperi ℥ii. Marg. pp. ℥ss. sacch. qf. f. Jul. vel ex Summit. Salvia tenuifol. & Aq. font. comparetur Infusum, Sacch. Dulcandum.

Quibus *Alterantia* prædicta minus attrident, placeat profitque *Succos Herbarum Martiatos*, semel bis quotidie potare. Quod sequitur magnarum virium est, & sæpe a nobis usu probatarum.

℥. Succ. Cochlearia partem unam, duas vel tres (pro Ægri Constitutione plus minus Calida.) Succ. Limon. p. i. Misce, per digestionem Clarifica: Dosis Coch. i. cum Salis M. gr. iij. Sacch. qf. ex idoneo Vehiculo, per Mensem, post debitam Evacuationem.

Horum Usui interponatur, septimo quoque die, vel Solutio Cathartica, vel Pil. Tart. Bontii, vel Stom. cum G. ℥i. ad ℥ss. cum Scam. gr. aliquot &c.

Erit autem perutile, si initio ætatis, locum habeant *Aq. Ferrata Diuretica*; quibus, ad ℥ij. omni mane, inter sextam & oct. haustis, circa decimam *Vinum* aliquod *Stomachicum*, *Amaris* (si placet) *Alteratum*, supponatur: persistatque æger ad hebdomadas sex, octo, vel x.

Vel, ad urinam domi movendam, itaque sanguinem a sparcitie vindicandum, valet *Infusum Theæ* ad ℥i. omni mane, potum; unde leniter, idoneo liquore, per renes, id quod alienum abluatur.

Pomaceum his hominibus sanguinem contemperat; sed periculum est, ne ab eo *Arthritis* augeatur. Si secus fuerit, (tuto enim nonnullos eo poculenti genere gaudere certissimum est) in potum ordinarium, præsertim ætate, ministretur. Hyeme *Cerevisia* si extrudi respuerit, *Rad. Oxylap. Milleped. Summit. Hed. ter. medicata esto.*

XIII. Ut ad *Symptomata* transeam, obiter hic notandum, quod *Crepitus Ossium*, qui (ut alibi dicitur) *Arthritidis* hac in regione symptomata pervulgatum est, neque *Scorbuto*, (foran ob originem & genium ejus peculiarem) neque *Arthritidi* regionis hujus *Scorbuto*, quoad observavi, unquam accessit.

Quæ ad oris vitia, cæteraque *Scorbuti*, quo tempore *Arthritidem* mentitur, accidentia spectant, cum non huc proprie referantur, ex Auctoribus de *Scorbuto* passim in unum depromantur.

De uno *Pedum Tumore*, eo scil. qui *Symptomata* huic *Arthritidi* quodammodo proprius esse videatur, verbum superaddam.

Cum *Pedum Tumor*, tum *Scorbuto*, tum *Arthritidi* familiaris sit; quod *Arthritidis Scorbuto* succedat, minime mirandum. Certe senioribus, crassis, & obesis, *Scorbuto* veteri in falsam *Arthritidem* mutato laborantibus, sæpe licet notare pedes & crura, non solum tumescere; verum etiam cutis rubore, pruritu *ferino*, post digitorum vulnera quantumvis levia colore plane flammeo, nunc item fluxu dierum aliquot ichoroso, immane quantum affici, a scalpendo manus si ad tempus aliquot æger abstinerit, (abstinere vero perdifficile est) cuticula suboritur paulo albidior, ardens, tenuis, in ulcuscula rursus ex unguium sulcis confestim abitura. Qui hoc modo affliguntur, etsi paroxysmos graves, duos, imminites *Arthriticos* olim perpassi sunt, articulis his diebus & minus & rarius dolent; materia scil. *Arthritica* partim in cruribus deposita, & fati stagno diluta, partim per glandulas cutis miliares *αδνας* exsudante. Eo sæpe usque ingravescit hoc symptoma, ut aliquando rationem *τῆ ἐπιγυρῶ* sustineat; ut dolorem, pruritum, *Ἀπυρρίαν* creando, turbas ægris & negotium quam molestissimum facessat; ideoque medicum enixe postulet auxilium.

XIV. Requiritur indicatio, ut intolerabilis illa humorum acrimonia citissime tutissimeque mitigetur. Hoc autem optime fit evacuationibus per anum & renes factis, tum etiam per humorum alterationem; *Sydenham opera Medica.*

externe vero balneo, fotu, illorum ferociam temperanti. Quorum omnium, ut & reliquorum huc pertinentium, una connexorum, quando exemplum statim subjungam, lectorem illuc (brevitatis studio) remittam. Hoc autem addo, quod in celebranda catharsi summa utique cautione, summo opus erit consilio; ne forte, *ἀτέχως* instituta, humoris ille fluxus, & ad articula *ῥοπή*, quæ ad istorum hominum vitam & tutelam, omnino necessaria est, in eorum incommodum, ærumnam, perniciem interpellatur.

Histor. 1. Ab Arthritide Scorbuto, ulcus male tractatum: Unde Visus Abolitio, deinde Abscessus, & demum Mors.

Agricola *Devoniensis*, sexaginta circiter annorum, crassus, obesus, *Scorbuto* papulis in capite & manibus insignito, plus quinquennium inquinatus, contra affectum pertinacem, & Medici, (quem consultorem habuit) doctissimi præscripta eludentem, *Evacuantibus, Alterantibus, Mercurialibus, Antimoniaris*; eregno *Minerali*, tum e *Vegetabili* quam plurimis a nobis instruitur. Cum circa utrumque æquinoctium, eandem medendi viam, usu diutino comprobata, iterum ac sæpius esset emensus; & jam, more usitato, bolum *Mercurialem*, detracto prius sanguine, demisisset; multus inde sanguinis orgasmus: dejectiones haud paucæ, atque adeo copiosæ, tumor, haud ita diu post in utroque malleolo magnus, submollis cum dolore, rubore, lavore, diu persistens, plane *Arthriticus*.

Ut agro prospiciam, quieti illum indulgere, materiæ, quam *Mediam* vocant, diarta uti; & ut a fractura & recrementis, ossium juncturas vindicem, & defendam, tumoribus *Epispastica* admoveri, laqueis eos involvi; calide vestiri jubeo. *Epispasticis* succedit *Ulcus* hic illic superficiarium, ex ichoris acrimonia molestum, sed benecoloratum, expletu facile neque periculosum. Æquo ferat illud animo exhortor, quippe quod e re futurum, & lucro ægrum majori, sinon inturbetur ipse, remuneraturum.

Contra ille stomachari, de neglectis rebus suis deplorare; & citissimæ curationis spe allectus, *Agyrtæ* nescio cui auscultare. Hic autem, protinus, medendi qua pollebat arte, omissis universalibus, carne ulcus obduxit, cicatrice textit. Hinc æger capite, facta materiæ in illud translatione, subito percussus; visus hinc imminutio, & brevi abolitio. Congestis aliquanto post humoribus, in regione lumbari fit abscessus; ex quo imperite tractato, ulcerato, & partes vicinas (ut accepi) corrodeute, diem supremum obiit misellus.

Histor. 2. Scorbuto Calidioris Soboles Arthritis.

Quidam e *T.* vir blandus, comis, generosus, a victu lauto daposilique, dum esset juvenis, *Scorbuto* afficitur; cui, ætate progrediente, accedit *Podagra*. Numeravit annos quinquaginta, cum utroque gravatus me primum consuluit. *Hujus* paroxysmum habuit plerunque anniversarium, nisi si genio nimium indulgendo, vel alio aliquo in *Sex non Naturalibus* errato, sæpius accerseret. *Illum autem* ostendebat gingivarum tumor, & papulæ, coctos summopere fœdantes, cum prurigne & apicibus innumeris, acutis, confestim oriundis. Materia nunc ulcuscula formavit, paulo post siccata in squamas abire solita subalbicantes; quæ ut deciderunt, locus apparuit ruber, a fricando statim flammeus.

Ut utrique malo pro virili parte occurram, tum ea, quæ materiam apte exprimant peccantem, tum quæ potenter alterent, adhibeo. Principio *Calomelane* (catharsi, ne deorsum illud elabatur, prius peracta) salivam moveo: eoque quoties saliva parciore exigebat iterato, ad sex hebdomadas *ptyalismum* profero; Posteaque *Cinnab. & Cerussa Antimon. ad ℥ss. Pul. Rad. Ari Comp. ℥j. Syr. Melissoph. qf.*
Y. ut f.

ut f. Bolus horis tribus medicinalibus sumendus, impero, cum Infusis seq. coch. v.

℞. Summit. Trifol. palud. Sicc. Mi. Aq. Datis Alex. ℞ii. Sp. Junip. ℞iv. misce, & ad Alterationem idoneam Infunde; Colatura adde Tinct. Aurant. ℞ii. f. Infusum. Perstet autem menses binos, interposito septima quaque die Eccoprotico. Efferam hanc materiam ut ultra subigam, aquas æstate sequenti Diureticas, hortatu nostro sesquimenssem haurit, cum Salis Martis & Nitri purificati Preparatis, quantitate, vehiculis, & methodo convenienti.

Hac medendi arte, morbi materia, non parum mitigata, diu sane contiget; cum vero, annis aliquot post, sævire iterum, Ὀρυσμῶν, & de novo tumultus inchoare cœperat; consilio jam mutato (quoniam pedes jam tuebant, vesperi præcipue, digitum admittentes, & seniori & compotatori hydropa minitari videbantur; tumores autem aliqua ex parte Scorbuticos esse, tum inflammatio, tum etiam maculæ comprobantur) per Calom. & Pil. Eustach. ana ℞i. e Duobus ℞ss. Purgationem instituto; & deinceps, altera vel tertia quaque post die, per solutionem catharticam; sicque vicissim repeto.

Hiscæ medicamentorum ordinibus, non sine aliqua formularum mutatione, vere & autumnis, sæpius renovatis; addito insuper, ad alterandam in potum ordinariam cerevisiam (e Rad. Oxylap. Summit. Trifol. palud. Sem. Bardan. Bacc. Junip. Flav. Aurant.) Saculo, & Martis Sale cum Cons. Trif. &c. repetito; Agrum Arthritide Scorbutica graviter oppressum (levibus subinde hujus paroxysmis, veluti ad salutis rem facientibus, ex industria provocatis) ad senectutem, & quidem latam perduxit.

Hist. 3. Morbus Articularis, Scorbuti Alumnus, cum Vomitu Biliofo, Δυσπεψία, & Volarum Ariditate.

Quinquaginta vir annorum, gracilis, tener, acris & biliofo sanguine donatus, Scorbuto, & ei superinata Arthritide diu confictatus est, cum Ἀνορεξία, nausea, ventriculi inflatione, ructu sæpe acido, vomitu frequenti & cholericis, capitis dolore, & a pastu somnolentia, cute arida, densa, nec ad διαπνοὴν idonea, squamulis hic illic catervatim obsita, in manuum volis dura callosaque. Pollicis pedis sinistri majorem, dextrique brachii articulum infestare solita est Arthritis; sed neque tumore, neque dolore vehementi; quin levi potius, in tempus diuturnum projecto, inæquali, & creberrime interciso, diuturnitate pensata levitas. Paroxysmos omnium certissime pomaceum accersivit, idque vel parce sumptum; sic, ut ex poculo communi semel iterumque siccato pes doleret. Plures ille methodos, easque probabiles, a Medicis celeb. præscriptas expertus, hanc commodissime, & idcirco sæpiissime, prosecutus est.

In paroxysmo, Brassicæ Folium tumori impositum acre serum elicit, dolorem mitigavit. Extra paroxysmum, ad prophylaxin, præmissa per Aqq. Alfordenses (alvum hæc subducunt) ter quaterve catharsi, Bathoniensium, omni mane ℞ii; decima seq. Infusi amari Alterantis haustum usurpavit: quinta pom. Bolus e Chal. Nutrito &c. deglutiit, superbibendo julapii perlatis coch. aliquot; interponendo identidem lene quoddam emolliens, & alterantium usum ad hebdomadas sex vel octo quotannis proferendo.

Hac, inquam, methodo anniversaria, ad artus, ad ventriculum, præcipue ad vomitum quod attinet, maxime levatus, a malo tam Scorbutico, quam Arthritico, graviore, se jam multos annos immunem præstitit: hodieque illam ad senectutis principia perductus, non impune negligit, usque vero mansit ista, quam modo dixi, volarum ariditas, callositas, ut opinor, usque mansura.

Hist. 4. Scorbuto suborta, & ejus Eruptionibus adjuncta, Arthritis.

Dum in hisce verfor, Fullo me appellat Exoniensis; vir robustus, athleticus, ætate media, constitutione sanguinea. Frontem illi, tempora, atque fa-

ciem propemodum omnem fœdarunt, tussiter infecerunt pustulæ, sobrio certe & temperanti, (tanquam ebrioso) magnæ rubicundæque cum intervallo cocci-neo, flammeo. Æstus & pruritus erat universalis, maxime vero partium obfessarum; noctu per stragulas ingravescent. Turgebant venæ, & sanguinem plus solito ζυμῶν, & ebullire, commonstrabant.

Hæc cum acceperam, virus in sanguine Scorbuticum efferri, & cælo (quamvis instabant tum temporis saturnalia mitissimo, & effervescentiæ provehendæ apto) favente proscribi, sum opinatus: neque enim alio de affectu vel somniare erat. Sanguinem mitti jubeo, deinde alvum molliori, alia deinceps suo quæque loco præcepturus. Sanguini cremor impurus, sebaceus in cyathis quiescenti, post aliquod tempus innatavit.

Ex Res. Jalapii, Extracto Eustach. deglutiuntur Pil. quibus inanitur alvus. A cathartico, sanguine commoto continuatoque, ægrotans Πόδαγος adeo nempe naturæ perinde erat, humorum vitiosorum Δυσάμειος & Ἀνόρητος, per articulos, atque per cutim, exterminare; & tam levi de causa, ad illam ab hac evacuatione, discedit illa digrediturque catharsin, quam quidem amplius destinaveram, ad διγυγίαν prorogo; ne videlicet, nimium subtrahendo, intercideret res articularis, & prorsus abscinderetur. Ad eam e diverso confirmandam augendamque lenem interdum ambulationem, cothurnos laneos, quibus in pedes humor demittatur, invitetur, impero; repellentibus interdico.

Extra paroxysmum, ad Arthritidos hujus puræ putæ Scorbuticæ prophylaxin, ut sanguis corrigatur, ea præcipio, quæ sequuntur.

℞. Succ. e Nastrutii Aquat. Summitatibus expressi Partes iv. Succ. Limonum p. i. per digestionem fiat clarificatio.

℞. Conf. Fr. Cynosbat. ℞i. Salis Martis Riverian. gr. iv. Syr. de Corall. f. qs. f. Bolus.

℞. Aq. Ulmarie, Melissa, e Succis ana ℞iv. Linac. Lumbr. Marg. ana ℞ii. Marg. pp. ℞ss. Sacch. qs. f. Julapium.

Premissa Vena sectione, & per Vinum & Oxymel. Scillit. Vomitione; perque Salem Cathart. Manna, & Tartarum lax. Juscule Avenaceo solutum, Purgatione; & deinde septimo quoque die repetita; sumat, diebus otiosis, horis duabus medicinalibus, Bolus eum ful. Haustu; bisque indies Succ. Clarificati coch. i. cum Ser. Lactis, vel Posseti Haustu, idque per mensem unum aliterumque, cavendo Alvi Tarditatem.

Hist. 5. Pedum Tumor Scorbuticus, Arthriticus, cum Pruritu ferino.

Dominus E. generosus, agricola Devonien-sis, ætatis flore Scorbuto, & deinceps Arthritide, tentabatur: illius fluxu dolores Arthriticos sensim mitescere, sed & eodem tempore pedes tumescere, percepit. Inguente senectute, corpulentus & obesus. Pedem utrumque tumefactum moleste tulit. Cutis admodum distenta est, rubicunda, gravate pruriens, post levem aliquam digitorum injuriam flammea, ichorem falsum & acrem ad dies aliquot exudans: Ob pedes æquo grandiores & extensos sollicitum, Hydropis timor cruciavit; sed de Hydrope tanquam instanti, aut præ foribus, (cum urinam satis copiosam, probeque coloratam excerni; neque sitim intendi; sed e contrario appetitum a tumoris initio magis latrare, deprehenderim) non esse quod se tantopere afflictum haberet, pronunciavi.

Quo auxilium adhiberem medicum, in eo laboravi, ut humoris acrimoniam, indefinenter acerbam, evacuantibus alterantibusque quam celerrime reprimerem. Hunc in scopum, rebus usquequaque collineatis, conceptis hisce verbis præcepi.

℞. Calom. quinquies sub. g. xv. Spec. Conf. de Hyacinth. Conf. Ros. r. ana ℞i. Syr. de Symph. qs. f. Bolus, sera nocte semendus: mane seq. Pilulas e Rudii ℞ss. Res. Jal. gr. v. Ol. Junip. ch. gutt. i. Bals. Per. qs. deglutiatur, cum custodia. Quarto vel quinto quoque die, ad quinque vel sex vices, utrumque repetat diebus otiosis, horis duabus medicinalibus, Bolus e Cinnab. & Cerussa Antim. ana ℞ss. Cort. Citreor. Cond. ℞i. Syr. Garyoph. qs. Hora somni Pil. ex Æthiops Min. (cum Mercurii

rii crudi, & Flor. Sulf. ana p. a. sine igne facti)
 ℞i. Syr. Melissoph. q̄s. assumat, cum Jul. Haustu. Potui vero sit Infusum seq.

℞. Calcis vivæ Devonienſis, (id est, fortissima)
 ℞ss. solve in Aq. pluvie ℞xxiv. ad xii. coquendo evaporatis. Post Clarificationem leniter detrahe liquorem, eique adde Rad. Sarsæ, China, L. Sassafr. ras. ana ℞iii. Cort. ejusdem, Baccar. Junip. ana ℞iss. Milleped. siccat. No. 200. Coccinell. ℞ii. Uvar. passar. exac̄in. ℞vi. Infundæ clausa, Balneo Arena, per noctem; Colatura adde Tinct. Aurant. ℞iss. f. Infusum, per se, vel cum exiguo Canarini loco Cerevisiæ usurpandum. Externe vero, Desiccantibus Repellentibusque Cane pejus & Angue vitatis, Forum adhiberi jubeo.

℞. Summit. Malvæ, Altheæ, Lauri vulg. ana Mi. Flor. Chamem. Sambuci ana Mss. coque in aq. font. ℞iv. ad ii; sub finem adde Lactis Vaccin. ℞ii. Immergantur Lanæ, Pedibus, quoties Pruritus instigaverit, applicanda. Utroque denique Brachio Fonticulus aperiatur.

His obtemperando æger multum profecit; pruritus hunc ferinum mitigavit; ad diuturnum tempus delevit, & quoties reverteretur, hisce præsentissimis auxiliis, perfugio, & præsidio salutis certissimo, creberrime propulsavit.

C A P U T VII.

De Arthritide Lvi Venereæ Succedenti.

Art. I. **Q**Uod immoderata Venus ad Arthritidem inclinet, eamque crebro introducat, ab antiquo positum est, ab omni sæculo decantatum; sic, ut in ejus Προνυμφαὺς haud injuria cumprimis habeatur. Similiter notandum, quod postremis his temporibus, cum isti luvem (forsan ad humanum genus monendum deterrendumque) adjicere, rerum Auctori, Rectori, placuit, ab illa utique in Arthritida, tam facilis migratio, ut ætate nostra, quæ lvis imperium longe lateque dilatavit, frequenti populo stabilivit, tyrannida confirmavit, ab affectu, quem resciverim, nullo, facilior quæquam aut usitator.

II. Istam rem inspicienti, & ejus rationem perpendenti extra controversiam videtur. Primum, quod hoc commune cum Arthritide (ut taceam alios affectus) habeat Paturſa, nempe invictum (a) & ἐνεργὴς, massam inquinans ac corrumpens sanguineam, utriusque morbi causam esse proximam & continentem: deinde, quod Paturſa etiam miasma, non minus quam Arthriticum illud, cum extollit se & ingravescit, e sinu suo ejicere, & sanguine expellere, vim operamque det natura: Adhæc, quod virus Venereum, e sanguinis flumine jam expulsum, solidisque partibus inhærens, non pauca faciat Symptomata, cum Podagra Paturſæ communia; membranis scil. dolores; ossibus cariem, cuti, ulcera: unde denique conjectari licet, istorum affectuum miasma simile, & alterum alteri tanquam germanum, existere. Eccui vero novum videatur, quod, in matetia simili tractanda ejiciendaque, natura (quæ nihil temere, nihil oscitanter, sed norma & consilio semper agit) evacuatione utatur simili, porta eadem, id est, articulis?

Has ob causas & hujusmodi alias, quæ est hodie Arthreticorum pars haud exigua, ab Lue incipientes, ad Arthritida perducuntur; nec grassatorem usquam veterem, aut decrepitum quempiam, & admutilatum obtuemur Arthriticum, quin apud vulgus suspicio de infauſta olim militia confestim oriatur.

III. Nemo autem hominum (quantum auribus, vel oculis, accepi) a recenti Lue & nuper contracta, natam unquam Arthritidem detexit; neque nasci posse facile concedam: motu sanguinis non minus intestino, quam periodico, cum eo commisceri intime; corpusculorum illius varie figuratorum apulsu frequenti, mutari egregie; atque ita tanquam Sydenham opera Medica.

(a) Vide συνητάων Listerum, Colleg. Doctissimum, de Lue Ven.

maturari & eveli diutius miasma Venereum prius oportebit, quam articulis illidi, & ad Podagram inducendam impingi potuerit.

Hac de causa raro grandiores, & ætate procedentes, (serius scil. quam Primigenia) invadit hæc Arthritis, id est, ex sola Lue derivata; juniores vix quidem, at nullo modo adolescentes; quippe quibus evahendo miasmata nondum tempus sit idoneum.

IV. Sed e diverso, nec a veteri Paturſa, terra, horrida, carie & ulceribus spurcata, Arthritidem generari vel solere, vel etiam posse, cogitandum est: Id quod minime ex istius defectu, quin potius naturæ, quæ debilitata, fracta, enervata, hosti fugando, Arthritidi moliendæ, impar repariatur.

Hisce medii generis Paturſa, Arthritidos genitrix, causam habet, sanguini per minima insinuatam, ac quasi municipem, potius quam hospitem, ob affectatas res novas exulantem, & præfractæ & cum lucta, licet ex naturæ mandato, per articulos abeuntem.

V. Lvi Venereæ sua natura ad Arthritidem inclinati & tendenti, manus affert adjutrices, calcar addit, Empiricorum mos ille perniciosissimus, quo, in curanda gonorrhœa, puris suppressioni propere nimis insistant hi Ardeliones; neglecta interim vel remissa facta, quæ maximopere, quæ studiosissime præmitti debuerat, purgatione. Ita enim intus hostis retentus, sanguinem integrior, & fortior subintrat, partesque primum Paturſæ agit principes; demum ævo labente Arthritidos speciem præ se fert: & ab hac istorum Περσῶν potissimum, ex Lue tot ubique Arthriticos esse, jure merito suspicemur.

IV. Illis de Affectu Primario præmissis, de ipsius ægri corpore jam proxime dicendum est; quod utrum Arthritidem (secundario) adsciverit, an secus, ex illius ad eam propensione pendet quam plurimum: Quo major erga Arthritidem a natura corporis proclivitas, eo citius Paturſa in Arthritidem migrat, eo planius ab ea (mendaci) absorbetur.

Porro intelligendum est, quod etsi ista Lvi in Arthritidem μεταβάς sæpiſſime sit in eodem corpore, tamen nonnunquam diversa complectatur: cum, a mariti Lue, Arthritis in uxore per concubitum accendatur, & illam iste incestet. Hujus rei, utut nova credatur, historias omnino luculentas & exceptione qualibet majores, quando plures in adversaria retulimus, unam itemque alteram huic Capiti subicere non gravabor.

Nec quidem hanc Arthritidem improprie Lvi secundariam, tametsi corpus aliud exerceat, appellari posse existimo, quandoquidem ex Lue ὑποτάτως oriatur, illiusque naturam, ἴδιον ἔχει, nihilo certe minus quam si in eodem corpore sit, participet. Neque magis novum aut peregrinum hoc habendum, quam quod, in gnatos aut alumnos, oculorum Epiphora, seu quid aliud morbi a parentis aut nutricis Lue, deriveretur: quo quidem nihil magis in vulgus notum, aut pervagatum.

VII. Qui hac Arthritide conflictantur, sæpe macilenti sunt, tenues, vultu quodammodo subsidenti, &, ipsius præsertim margine, lurido; oculis retractis, quodque eorum album esse debuerat, interdum subluteo; voce fusca, & cum ronchio edira: verum non naturæ, sed morborum opera. Nimirum duram hi homunciones servitutem serviere; primum Dea Blandea obsecuti, deinde Lue, postremo Arthritide, laborantes.

VIII. Morbi hujus dolores vagi & erratici (sive præcurrentes, sive ejus accessionibus interpositi) a Rheumatismi doloribus eo distinguantur, quod hi posteriores a frigore tum orditi, tum reverti, soleant; a vagæ Arthritidos, ut & a Rheumatismis istis; quod illi, origine nati Venerea, nocturni magis sint: deinde quod, ipsius paroxysmi hac in Arthritide, dolores, quam alia quavis, ceteris paribus, (ob acriorem causam continentem) atrociores sentiantur: Raro enim videas immanius vociferantes, quam a Paturſa qui dolent articulis. Hoc, inquam, ceteris paribus, quatenus ad sanguinem, ad animales spiritus, & ea universa quibuscunque doloris sumus

plus minus patibiles, respiciamus. Quinetiam (præmissio, e *Primigenia* doctrina, quod dolor quo vehementior, eo paroxysmus regularis brevior, eo plerunque rarior) nulla unquam *Arthritidis* paroxysmos habet adeo acri dolore stipatos, tam cito reversuros, tam simul longum duraturos.

Hæ sunt hujusce affectus certæ quædam conditiones, in eo illustrando signandoque usus & momenti haud exigui; quas si fides optima deficiat, neque semper ille morbum oculis ex voto subjiciant, quicquid in diagnosi desideratum est, ex *Lue* præcurrenti & ejus vestigiis percunctando adimplendum.

IX. Quousque se laudabiles ostendant paroxysmi, suum habent commodum, suas utilitates; quam autem primum interciduntur, aut multum illi remittuntur (ut in aliis *Arthritidos* speciebus) non hoc nihil periculi. Si intercisis hisce nulla fuerit eruptio cuticularis, nulla aurium suborta humiditas, nullum uspiam ulcus, hæmorrhagia nulla, *Congestio* nulla; sed e contrario, in muliebri sexu sistantur etiam menses, & partus omnino cesset; Diis hoc iratis accidit. Porta jam obturata omni, & acclufa fugæ via, in caput transferri solet hoc casu materia, *voonpi* & vel apoplexiam, vel motus convulsivos, ægro fere fatales, excitare. Cujus quidem eventus, iterum & sæpius a nobis observati, mentionem idcirco feci, quod ex eo prognosticum haud inutile, tametsi mæstum, identidem eliciatur.

X. In hujus *Symptomatica* paroxysmo, ad doloris impetus solito majores quodammodo sedandos, & ex aliqua parte permulcendos, hypnotica dari prodest, pro rei necessitudine (caute tamen, ne illorum abusu materia morbi nervis impingatur) dimetienda. Reliqua, quæ ad paroxysmi therapiam pertinent, ex alio fonte (*Primigenia* scilicet *Arthritide*) ducta, ad hoc negotii facillime accommodantur.

XI. Quæ vero pars curationis *Prophylaxin* habet, & in accessionum intervallis exercenda est a *Lue Venerea* mutuatur indicationem. Nam *Antisphyl.* (cum evacuantibus, tum alterantibus) a miasmate, causa morbi conjuncta, sanguis tuendus. Hæc loci e *Lignis*, ex *Antimonio*, e *Mercurio*, comparata, quæ quam alia quavis *Arthritide*, in series ac methodos artificiose digesta, commodissime proponantur. Certe *Mayerus*, (a) experimentis & usu longe nobilissimus, *Mercurio* (*penitissima corporis subeunte, instar viverræ, jugulum morborum petente, Fermenta eorum adorto*) *Arthritidem veneream* certo curari, non dubitavit asserere. Si per vires liceat, & nihil adversetur, usus hic eximii *Salivatio*; quæ tamen in *Arthritide Primigenia* & ægroti & medici votis sæpe excidat, in hac *Arthritide Symptomatica*, ab ipsa *Lue* ipsissima profluente causa, magnarum esse virium, virtute singulari, æstimanda est. Quæ vero *Salivæ* optima movendæ ratio, quis modus obeundus? utrum spissus ille, paucis aliquot hebdomadis sed jugi rivo, qui absolvitur; an potius rarus, sed ad tempus diuturnum qui excurrit; utrum continuus, an intercisis eligendus? id, ex ægri rebus omnino decernendum est.

De tempore *Ptyalismum* instituendi maxime opportuno, ut verbum addam; æstas a nonnullis præfertur, eo forsan nomine, quod durante illa sanguis scilicet, eVectus huic operi paratior habeatur; tum quod a frigore minus ea tempestate periculi: contra facit spirituum languor & impotentia, æstati propria, qua ad ptyalismum inhabilis redditur ægrotrans; & media profecto hyeme, qua firmiores sunt *ὀπώντες*, & longe vegetiores, quam æstate, qua fatiscunt, expeditius stadium hoc percurri constat. Verum autem ego malim, & hoc incipiens, quo æger per se ad hoc officii promptus, & tempore, ut ad salivam protrahendam, sic ad vires exinde refarciendas, diutino fortunatus.

Qui *Sputum* horret, *Calomelana* per annum exturbari patiatur. Dentur idcirco gr. ejus v. cum *Astringentibus*, bis, die, per triduum, vel quatrimum. Postea *Catharticum*, quo *Mercurius*, cum pravis ab eo subactis & devictis humoribus, expellatur. Huic autem muneri *Catharticum*, quod ventrem leniter, at certo, acuet, sanguinem minus agitet (ne vide-

licet *Arthritidis* irretetur) inprimis seligendum: conducunt *Aque Purgantes* cum *Manna hausta*, post *Extracti* seq. 3ss. ad Æii. horas ante aliquor deglutitos.

2. *Agarici*, *Hermadaet. Helleb. N. Epithymi, Turpeti, Mechoac. ana partes ii. Salis Tart. p. i. cum Spiritu Vini digerendo; exprimendo; tum Scam. mon. pul. partem unam addendo; dein evaporando, f. Extractum*. Repetenda vero hujusmodi purgatio, cum præmissio *Calom.* quarto vel quinto quoque die, tantisper dum materia *voonpi*, vel tota prorsus expelli, vel evacuando enervari, jure merito credatur. Sin ex ulceribus, & saliva, os affectare *Mercurium* advertas; ad eum subtrahendum, veluti frequentius, sic etiam copiosius, adhibenda *Catharsis*: Et quidem hisce per *Salivam*, per *Sedem*, excrementis, optime omnium perfectissimeque miasma hoc eliminari posse cogitandum est.

In sanguinis crasi redimenda, & veneno (si quod intus delituerit) cicurando, nusquam quidem non oportet *Decoct. L. Sti. Sassafr. cum utriusque cortice*, forte & efficax, pro anni tempestate, per hebdomadas aliquot, ne dicam menses, assatim quotidie, post usum *Mercurii*, miscere.

Aquæ porro *Diuretica*, quales sunt *Bathonienses, Bamptonenses*, (valentissimum potentissimumque sanguinis *καθάριον*) recte diuque perpotæ, ad eluendam morbi hujus materiam non parum promittunt. Cujus quidem rei amplam & luculentam historiam, huic Capiti subjectam licet perlegere.

XII. Quinetiam posthæc, ad majorem cautelam; aut *Aquæ* (si conveniat) omni æstate repetendæ, aut omni vere, & autumnio per *Merc. d. & Aq. Purgantes*, primum purgare corpus; deinde per *Alterantia* (qualia sunt *Cin. & Cerussa Antimonii, Ethiops Min. Panacea Hartmanni*) humores ejus corrigere juvabit. Imo quidem iis, qui, vel constitutione infirmiori, vel annosiores, salivam, ventrem, & urinam, moveri respuunt, *Antisphyl.* prædicta, cum e *Lignis Decocto*, summi erunt adjumenti.

Hist. I. De Arthritide impura, Aquis Diureticis subacta.

FOemina quædam e *Brigantio* integerrima, viro dissimili juncta, post annos aliquot dolores sensit, per musculos & membranas exteriores fere omnes, erraticos, rodentes. Caro inter hæc tabescit: vultus pallet: vires enervantur. Currente media ætate, (id quod auspiciato incidit) sæpius enixa est. A quo defierat *ἡ γαστήρ ἐχεν*, *Rheumatismus* (quod dicitur) ingravescit, doloribus nocturnis, iisque peracutis stipatus: præter quos, externarum partium internodia laceffentes, per septimum & octavum ætatis lustrum & quod excurrit, artuum alii juncturarum erant pene omnium, fixi, & permanentes; cum earundem tumore, rubore, ardore, cæterisque quod est paroxysmi *Arthritici* *Παροξυσμικόν*. Verum, in muliere sanguinis parum calidi, temperante, morboque fatigata, tumores nec in eam molem efferuntur; nec æque rubent, nec pariter dolent, nec quæ alia symptomata sunt, similiter urgent, ac in *Arthritide*, calida maximeque recta; imo ad *Frigidam* propius accedunt, tempus in diuturnum procurunt, & cito revertentia *Arthritidem* quasi continuam, & perpetuo *Παροξυσμικόν*, indicant. Quo tempore multantur artus, viscera, & quæ intus, sunt tuta omnia. Cum ad tempus, etsi pauxillum, isti liberantur, (quod utique non sine summo discrimine plus semel obtigit) illa statim afficiuntur. Tumoribus, gelatina turgidis, ætate fugiente, succedunt tofi, numero complures; granum nunc hordeaceum, nunc fabaceum æquantes. *Antimonii Mercurii*que *Præparatis* longum utebatur; at ab *Aquis Diureticis* (quas, ad libram unam alteramque omni mane, plerunque per dimidium anni, aliasque in potum ordinarium perpetuo fere adbibit) omnium maxime profecit. Jam quadragenaria major, & (quod dictu necessarium) matrimonio paucis annis soluta, faciem sic satis coloratam, *Rheumatismum* (ita loqui amat humanitas) mitior-

(a) In *Prolegomenis* ad Tractatum de *Lue Venerea*.

rem; robur adauctum, aliaque naturæ revirescentis signa, late gloriatur. Ob partus aliquam multos, & menses ordinate juges; ob materiam per articulos pulsam, *Arthritida*, si non rectissimam, tamen utilem; ob medicinam opportune & diligenter adhibitam, vitam hæc Matriona piissima, venerabilis, etiamnum agit vitalem, ætura (quantum hac in re conjicere datum est) diuturnam.

Probat historia; ex *Lue*, alio corpore existente, posse alio, per concubitum, suboriri *Arthritida*; tum etiam *Aquis* præsertim *Diuresicis*, posse permulceri.

Hist. 2. De Arthritide, Luis Sobole, a Δυσέμμοις, irritata, Febrim excitante, Caput aggressa.

Paturfa quidam adolescentia tactus (cujus perperam tractatæ, qua sanguine, qua vultu, ad senium usque passus est reliquias) vertente nono & decimo vitæ lustris, ex macie pristina corpulentus & habitior factus, Ποδογρῆξ. Plures ille paroxysmorum vices subierat, tristes sane & calamitosos, (sed rectos & idoneos) cum, ex crapula cibo difficili & inepto avide ingesto facta, ἄνω καὶ κάτω affatim ejecit: capitis hebetudine, & vertigine, correptus: pulsu celeri: æstu universali. Quando in febres istius tempestatis (erant enim alius plane indolis) affectionem istam πυρετὴν referre neutiquam valuerim, & *Arthritidos* insultus cum multiformes, tum etiam (tanquam lupi in fabula) semper huic ægro; minima quavis ex causa evidenti, paratos, esse recoluerim; ex ea, sed ἀνωμάλως se fundente, illam optime derivari posse, una cum ægro, & qui astabant aliis harum rerum haud ignaris, judicavi: eique fundamento firmiter innixus, hunc in modum (profecto, quam in febre essentiali, vel capitis morbo quovis idiopathico oporteret, longe diversum; imo in horum plerisque contrarium) curationem ordinavi.

Ut *Arthritidis* materiam, capiti impactam, illinc excitem, & in artus partim expellam, partim invitem, pulverem primum *e Chel. C. C. & Purp. quarta quaque hora, cum Jul. Haustu, exhibeo*. Deinde *Phænigmos* (*e Sem. Sinapios, Summit. Ruta, Raf. Radicula, Halecis fumo indurati ana part. 1. Fermenti vet. p. iv. cum Aceto vini Albi, ad Consistentiam Cataplasmatidis*) componi & applicari jubeo. A Pulvere suscitantur *Spiritus*, oritur diaphoresis; a *Phænigmo* malleolis (ea solebant, in hoc corpore, *Arthritidos* stativa esse) admoto, & quoties refrixit, quoad tumor hinc inde oriatur, renovato, caput omnino sanum & incolume redditur, idque præsentissime. Tumoribus, ad majorem cautelam, (ut ne in sanguinem, quod evocatum est, relabatur) epispastica superaddi jubeo, unde ichoris *Arthritici* fluxus ad dies aliquot jugis, ad aliquot annos salutaris: mitior enim aliquandiu post *Arthritidis*, quod affectionem hanc *Arthriticam* esse ab eventu comprobavit. Cum jam ulcuscula per se exsiccarentur (nec quidem antea, ne fluxum tam felicem, tam blandum, tam ex omni parte benignum beatumque quodammodo abscindere videatur) ventriculum, me hortante, movit: diebusque posthæc otiosis *Trifolii Paludosi Infusum, horis medicinalibus; Menses binos, bono cum fructu quotidie potavit*.

Historia confirmat *Arthritidem, Luis Venereæ* progeniem, posse Δυσέμμοις irritari; posse caput invadere.

Hist. 3. Luis Venereæ succrescens, Caput impetens, Arthritis.

Sub hujus sæculi initium, fœmina quædam, ortu incolumis, piissima, lectissima, nec uno nomine spectabilis, marito jam olim paturfa, nuper *Arthritide*, diro morborum pari, mulctato, & miserrime cruciato, annos circiter viginti nupta, semel bis pepererat; exinde diu catamenis recte est potita. Postea *Scabiem* habuit, aliam in cubiti summitate, siccam, *Sydenham opera Medica*.

subfuscam, multiplicem, cum interstitiis & ambitu purpureo; aliam in capite subalbidam, squammatim deciduentem: in femore, & latere, impetigines, & mali mori maculas: his adde capitis; in tota parte sinistra, & colli posterioris, dolorem nocturnam. Ad hæc hallucis articuli majoris primum teneritudo, deinde dolor, acutus & pungens; tumor item, & rubor supervenit; quæ quidem ita sunt accidentia, ut *Arthritidem* ostendant. Certe dolor ad integrum usque mensem aliquoties mansit, alios atque alios digitorum articulos, pedum etiam plantas, identidem torquens, a cathartico improvide ingesto exacerbatus; sic ut de *Arthritide Luis* succrescente minime dubitandum.

Ut eruptiones tolleretur, ex refrigerantibus nescio quid temperatum clam oblinivit; unde brevi caput tremere, manus & pedes Παράλυεσθαι cœpere; nec erecto corpore stare, nedum ambulare, potuit. Hisce circiter diebus menses supprimuntur, quæque vitia nota & manifesta erant, ab eorum una suppressione nasci putabantur. Caput inde plus solito afficitur, magis enim magisque tremit, vel ex imbecillitate antrosum inclinatur. Cum oculi somno conniverant, horror ingruit universalis, & ex improvise totius subita corporis exultantia. Fugiente somno, brevis stupor, & motus sæpe convulsivi, tum labii superioris, tum oculi sinistri, tum etiam totius capitis. Oculi porro dolor, visus obscuritas, & caligo. Sub hæc utriusque genu, sed occipitii maxime frigus intolerabile; faciei rubor erat albo: soluta refectio: cum ingravescerent symptomata, nec, quo illis occurreretur, a quoquam unquam, quod sciam, quicquam adhibitum, (ex prima enim morbi origine, rem ejus totam pertinacissime occultavit) tandem, fallente lingua & tertiatis verbis, summum enarrat, & implorat (heu! post bellum) auxilium. Nam insultu gravissimo, moribus convulsivis, & Ανευθνήσκει comitato, brevi tempore morbus absomit ægram, meliori fato (si Deo visum esset) dignissimam.

Hoc casu miasma *Venereum*, quod & *Podagræum*, intra sanguinem aliquandiu retentum, neque partu frequenti, neque medicamentis, aut diminutum, aut satis cicuratum, naturam aggravare cœpit; cum inimico illa colluctatur; & ejus eliminandi satagens, *Arthritidem* molitur. Cum autem (ob sanguinem forte Δυσμετάβλητον, vel alia aliqua de causa) ad *Arthritidem* ægra minus sit proclivis; cumque percutim, virus parce expellatur, & jam menses suppressi sint, adeoque fugæ via omnis occlusa; caput illud aggreditur, & genus nervinum, itaque laborantem opprimit.

Monet historia, *Paturfa Podagram* æmulatæ materiam, in aliud corpus aliquando per concubitum infundi; in illo, veteri sævitia procedere; caput denique obstructis exeundi viis, adoriri.

Hist. 4. Arthritis Luis ἐκ θυροφῆν, victu, Digestivis, & Equitatione moderata, tandem Intestina invadens, Sanguinis ἄνω καὶ κάτω Missionem pariens.

Cupidinis in castris, a prima juventute versatus, miles quidam, *Mollior*, (quod ajunt) *Anseris Medulla*: ejusque præliis haud parum contusus, circa mediam ætatem *Arthritide* corripitur; quæ, omni fere anno, suapte sponte, accessiones iteravit; a malis autem moribus sæpius, supra modum invitata. Cum annos æger nondum habuit quadraginta, in *Ascitem* incidit, durum (Jupiter!) & ancipitem, quem demum eluctatus, curæ mex aliquanto post occurrentis, se commisit, ut adversus *Podagram* (ipso confitente reo) minime *Primigeniam*, item adversus *Hydropa*, prophylaxin obsecrans. Claudum aspicio, emaciatum, vultu, præsertim ipsius margine, lurido; sed oculo flagranti, sed animo alacri vividoque.

Et medicinæ, & aquis mineralibus hostem internecinum horror, quod illis tentare non liceret, diæta & exercitatione, quoad ejus fieri possit, conficere conetur: Ideoque equo, sæpe, & multum, se oblectet; de victu maxime sollicitus, non nisi *Διέμμοις* nutriatur; &, a prandio semper Rubellum (quod vini genus ven-

triculo erat gratissimum, & usu diutino probatum) bauriat: mature se in lectum det, parce, vel non cœnatus. Nec quid adhibui medicamentorum, præter *Infusum Gentianæ, Zedoariæ, & Cubebarum*, eodem vino paratum, omni mane usurpandum, & *Pil. Stom. cum G*, omni mense, ad tuendam servandamque cœtionem, *Arthritide* permittente, assumendas.

Horum adjumento (vitandis simul iis, quæ obessent) diu vixit ille, *Arthritide* non nisi recta, quantumvis *Symptomatica*, sed acri, (forſan ob peculiarem ejus materiam, magis) sed acerbo dolore cœmitata prægravatus.

Verum ad senectutis principia perductus, *Febre* cum *Diarrhœa* laboravit, & alvo restricta abdominis secuta est inflatio, ventriculi & intestinorum dolor; austere postmodum materiæ, deinde sanguinæ per os, brevi vero nigræ (pariter sanguinæ) per anum missio. Ab ingruente *Dysenteria Arthritis* ejus nullæ. Ut his opitularer, per literas rogatus, primo *Leniens præcepi*, *Sennæ & Rhab. Xerantho infusorum*, Tum *Bolum astringentem & Cardiacum*, (eo nempe, quo in artus expelleretur arthritis) ter die cum *Infusi amari Haustum* deglutendum.

Istius hominis initio *Lue*, mox *Arthritide*, tum *Hydrope*, iterum *Arthritide*, qua recta, qua reflexa & *Dysenteriam* inferente, iisque suo genere gravissimis, affecti, robur & patientiam sæpe demiratus sum: Hæc enim universo animo præſenti, forti, & illis omnibus majori toleravit; spiritu nempe animali firmo, alacri, & elastico donatus; equitando summo opere levatus; nam, ex podagra fractum, imbecilem, languidum, eo solo certissime citissimeque frequenter restitutum, observavi. Si status postulaverit, nec *Arthritidis* vetuerit paroxysmus, bis terve hebdomada injiciatur enema.

℞. Flor. Chamæ. Mi, Sem. Fenic. d. Carui ana ℥ii. Coq. in Aq. font. ℔i. ad ℔. Colaturæ adde Canarini ℔℔. Ther. Andom. ℥℔. Sac. rubri ℥iii. f. enema.

Et in tormina *Decoct. e Carminantibus*, vesica inclusum, & ventri admotum; aliasque pannus *Wallicus* abdomini imponendus.

Diu illum *Dysenteria* superfuisse audio, & tandem emaciatum, morbis & ætate confectum, diem supremum obiisse.

Historia significat *Arthritidem Lue venerea* procreatam, victu idoneo, digestivis, sed præſertim equitatione, non parum sublevari, *Dysenteria Productricem* auferri.

Hist. 5. Arthritis, Lue Venerea superveniens, melancholiam, Caliginem, Vertiginem, Convulsionem universalem, & demum Mortem, inducens.

Occurrit e plebe viri cujusdam historia, natu integri, *Lue*, dum adhuc adoleſceret, corrupti. Huic affectui, multum ope medica retuso, nequaquam extirpato, constanti jam ætate, supernata est *Arthritis*; quæ, lustris minimum tribus, recte agens, & omni anno semel iterumque redux, tandem in *Anomaliam* degeneravit: sesquiannum nulla fuit. Exinde æger melancholia, gravedine, caligine, sensum est afflictus; uti etiam vertigine, eaque gravi adeo, ut in notos & familiares sæpe inscius irrueret. Cum iter aliquando intempestive faceret, ex frigore, primum visum, deinde sensibus internis omnibus, ipsoque judicio laeso, per dies aliquot deliravit. Arthiticos hos errores esse, quando mihi persuasissimum erat, (& tribus ab incursu mali primo mensibus, cum recurrere immaniorum, cum, auditus gravitate præmissa, vultus pallorè, flatibus *ἄνω & κάτω* creberrimis, urina limpida copiosaque, spiritu difficili, & demum *Ἀναρροήσια* accedentibus deprehenderam) quæ medendi ratio plurimum profecit ita se habuit: ut capiti succurratur, sanguinem mitti jubeo; ventremque per enema, per catharticum, subduci; & ad hostem in artus evocandum, utrique malleolo (solbat æger illis dolere) *Phenigmm* applicari, tumoribusque hinc inde ortis *Epispastica*. Humor effluxit ichorosus copiose; magis vero, quod *Cardiaca*, (*Pul. Gascon. Vinum Hispanicum*

rubrum, Sp. vol. oleos.) prompta in auxilium, & quotidie exhibita, ad *ταῖς ἐξόδων* materiam expulere. Porro, in *Prophylaxin* crebra fit per *Pil. Ruffi*, sed lenior, *Purgatio*: Et, utroque latere spinæ, inter homoplasas, fonticulus, sex ipsorum capax.

Atque hisce artibus, laborantem, & tanquam animam agentem, ab ipso orco eripui. Verum materia, propter naturam refragantem, neve satis evocata, neve paroxysmum, utut tentatum, faciens regularem, caput, dudum enervatum, iterum aliquandiu post adorta, agrum media nocte post somnum placidissimum, *Spasmo* universali correptum, brevi temporis spatio interemit; & indicio fuit, eam, quæ *Arthritidos* est a *Paturſa* natæ, jam non amplius expulsam, interdum *παλινδρομεῖν*, cerebrum adoriri, convulsionem universalem, eamque lethalem, ægro asferre.

C A P U T VIII.

De Arthritide Astmatica.

Artic. I. *Asthmati* succrescit *Podagra* creberrime pituitoso, sive ei, quod a phlegmate pulmoni inhærente, & bronchia infarciante, sicque spiritus meatum obstruente, factum est: Hoc in causa morbi hujus idiopathici, proxima & conjuncta, ponitur; dum in primis iis stabulans faburra, & sanguis in canaliculis ad plethoram actus, sociam aliquando operam adjungit, & ad hunc affectum confert *ἡ Συμπέδω*.

Spiritu hac de causa difficili laborantes, interdum per se, alia ex medicina, nono & decimo plerumque ætatis lustro, raro quidem maturius, *Ποδαγῶν*. Si, per victum inordinatum, *Δυσπεψία*, aliasve causas antecedentes vitium copiosus alitur, & in sanguine congeritur materia, *Podagra* effectrix, proprio illa Marte potest, & per se, in Paroxysmum erumpere; verum multo facilius paratiusque, si medicina fuerit extimulata.

II. Sunt autem stimulo, huic *Arthritidi*, uti aliis plane permultis, cujuscumque fuerint generis, *Cathartica*: quando eorum beneficio, ad amoliendum hostem, eumque in articulos extrudendum, natura promptius & habilis operatur; tum, ad hoc operis, e cathartici *Δρασικώτερα*, præcipue faciunt; quando sanguinem exagitando, (quod ante dixi) novum afferunt orgasmum, quem e vestigio sequitur alieni *ἐξαγωγή*.

Valent hac in parte *Alterantia*, ad debellandum *Asthma* vulgo adhibita, quotquot uspiam a naturæ partibus stant cardiaca, & in fugando hoste ei opitulantur: quæ quidem alterantia, *Antiasthmaticorum* maxima, vel saltem immensa, portio putanda est.

III. De *Arthritidos* hujus materia, minime recentem illam esse, sed in corpore quod diu paroxysmum extiterat, in eo se occultans, vel hac de causa merito, suspicari licet, quia nemo repente *Ποδάγρα*. Imo quidem verisimile est, quod in corpore phlegmatico, tussi agitato, pituita involvatur, simulque cum ea, pulmoni commissa, per sputum illa *κατ' Ἐπίκραν* excernatur.

Quod ad amplectendam hanc sententiam me impellit, eique confirmandæ stabiliendæque unum sufficere videatur, non leve pondus argumenti, hoc est, (hujusce *Arthritidis*, prout observavi, *Χαρακτηριστικόν*) nempe, quod, aliis omnibus *Arthritidis* quæ veræ, qua symptomaticæ speciebus, eo nomine dispar, æstate latetur. Cum *Arthritis* reliqua omnis sua natura hyeme, vel minimum Sole infra æquinoctium vergente; hæc nostra, eo supra, imo ipsum circa Cancri tropicum aliquando erecto, suapte sponte, neque ex causa ulla evidenti *Παροξυῖσται*.

IV. Illud tamen nequaquam ita capiendum, ac si hæc *Arthritis* omni omnino hyeme prorsus obdormire, neque per illam tempestatem quicquam unquam moliri soleat. Contra *παροξυσμὸς* hujus ætiologiam, in eo locari censendum est, quod hyeme, quo quidem profecto tempore cutis densatur, fallit *διαπνῶν*, & in pulmonem mittitur pituita, cum eadem in eum miasma etiam *Arthriticum* abripiatur; æstate vero cum superficiem & ambi-

tum corporis, humidum evocetur, extra idem tendat & artus appellatur. Ut hyeme ab *Asthmate* vincatur, sub ejusque vultu & persona delitescat, æstate, propria eluceat.

V. Propterea quod *Arthritidis* hujus materia frequenti expulsionem magnam partem eliminatur, profuere autumo, quod illius paroxysmi, (utut dolore, tumore, rubore, aliisque symptomatibus, satis ad diagnosin signati) rato utique infestissimi cernantur, aut ex eorum numero, qui tosis, qui ulceribus, qui ossium carie, cæterisque fructibus istiusmodi acerbissimis, vel etiam nodis, doloribus diutinis, & id genus mitioribus, affligunt ægros, sed tolerabiles, & æquo animo ferendi sunt.

Cum autem istud sive paroxysmorum tempus, sive eorum clementia, non eo usque huic *Arthritidi* propria est, ut ex eorum alterutro, vel utroque possit illa internosci; quo aliquod *Διαιτητικόν*, in medium promam, quotiescunque *Asthmati Pituitoso*, præsertim gravi & diuturno; maxime vero omnium, quoties usitate, & ex more subjicitur *Arthritis*; hæc ipsa est, quam ego *Asthmaticam* appello; primigeniæ, si paroxysmos, eorumque symptomata circumspiciamus, certe persimilem, successione luculentius, & fere sola agnoscendam.

VI. Ex dictis sequitur, quod *Arthritis* hæc *Asthmatica*, tametsi puram materiam & puram *Arthriticam* habere, per seque omnino veram esse concedamus; (quod tamen itane sit, an secus haud definitu facile) quando quidem *Asthmati* submissa est, ipsaque ejus materia gaudet, in *Symptomatis* censenda est; habita, videlicet, morborum successionis, & tam primarii, sive genuini, sive spurii (*Asthmatis*) quam secundarii (*Arthritidis*) ratione.

Ex eoque patet, quam sit ea sui generis *ἡ τῆς ἀσθμῆς* æstimanda, quam modo peculiari expugnanda; a vera *Arthritide* separata, quoniam nullam hæc successionem præ se fert, nullum agnoscit morbum primarium; a cæteris vero *Symptomaticis* quibuscunque, quoniam *Asthmate* subnata, ab eo pectoris, spiritus, tussis, sputi, considerationem deducit, necessarioque comprehendit.

VII. Ut hæc apertius exponantur, quoties de epicæne hujus *Arthritidis*, nunc pulmonem, nunc artus infestantis *ὑπάρχει*, confiterit, & curationem meditabimur, haud dubie prodest in priori statu (tametsi *Pituitosum* existimetur *Asthma*) rem *Arthriticam* non negligere; quin ad *Asthma*, quoties ingravescat, depellendum, in externis, simul atque fieri potest, dolorem excitare; quo nempe facta materiæ ad articulos *Διαδοχῇ* levetur pulmo. In eo certo operam locari commodissimam; in eo intentionem utilissimam, non inani conjectura, sed experimentis ex medio usu depromptis, & (ut opinor) ratione fretus, habeo persuasissimum. Hoc igitur spectans, *vena sectione* vel prorsus abstineo; vel, quam in simplici pituitoso *Asthmate*, sanguinem minori quantitate detraho: ne scilicet natura, missione nimia & improvida debilitetur, enervetur, & *Arthritidi* protrudendæ impar reddatur.

VIII. Catharsin per *Aloetica*, sive quævis illa, quæ tum alvum moveant, tum etiam sanguinem exagitant, & in orgasinum adigant, instituo. Novi quendam *Asthmaticum*, *Arthriticum*, qui *Spiritu Cochleariæ Aureo Purgante*, (cum *Scammonio*, *Julapio*, vel fortasse *Gambogia* comparato) ad guttas circiter triginta, ex vehiculo convenienti, felicissime creberrimeque utebatur: satis enim hinc deiecit, nec ita diu post optato doluit. Potionem ego sequentem, hujusce classis, sed magnarum virium *Arthritico*, secundis avibus, semel iterumque propinavi.

℞. Fol. Sennæ ʒss. Fibrarum Helleb. nigri, Turperiana ʒj. Coq. in Aq. font. q. ad ʒiii. Colatura adde Syr. e Spina, Elix. Salutaris ana ʒss. f. Potio.

Catharseos ea quidem *Asthmaticis* utilitas, ut, præterquam alvum, etiam pulmonem exonerent; quandoquidem pituitam ab ea tenuari, discutique, sputum abundantius exantlari vulgatissimum est. Atqui, purgatione jam semel instituta, non opus erit, ut de illius repetitione (quæ, a pituita simplici *Asthmaticis*, per neque *Podagram* medendis, sæpe necessaria) nisi ex intervallo quodam, & urgente nova

Sydenham opera Medica.

intus saburra, sinus solliciti: ne scil. nimium exhaustiendo, naturam, *Arthritidem* rectam & regularem impense desiderantem, alio infausse divertamus.

IX. Ad ea potius progredior, quæ, ut debelletur *Asthma* & (illius gratia) commoveatur *Arthritis*, validius conituntur: ideoque omni mane, haustum *Infusi amari Chalybeati* misceo, *Bechicis*, ne ventriculo, per se nimium languenti & obtuso, officiant, ad tempus pomeridianum relegatis. Tum vero, quarta circiter hora, iterumque nona vespertina *Bals. Peruviani*, vel *Chiliensis*, vel *Sulf. Anisati*, vel *Tinct. Sulf. Dosis majusculam*, (*Tinctura puta gr. xv. ad xx. & de Balsamis simili proportionem*) ex *Syr. Balsamici*, vel e *Succo Erysimi*, *Coch. i.* cum allæ fortioris, vel decocti pectoralis clarificati, haustu præcipio.

Post dies aliquot hisce medicamentis collocatos, quamprimum iis efferetur sanguis, & pulsus digitum fortius repellat, statim, extra, loco sapissime dolenti, admoveatur *Ceratum viride*, vel *Emplastrum Cephalicum*, cum *Picis Navalis* pari quantitate; vel, (si placuerit) *Phenigmus*. Tumori demum facto, si locus erit, vel, si in digitis sit tumor, carpo, vel malleolo vicino *Epispasticum*, ut evocetur *Arthritidis* materia, nec in sanguinem repelli permittatur.

Altero vero statu, quo propria persona agit, & artus invadit *Arthritis*, ei studiosius insistendum, per amara, per *Chalybeata*, per idonea cujuscunque generis *Cardiaca*, si placuerit, excitandæ, per involucra, per crepidam, cæterumque mundum articulationem, si viguerit, tuendæ servandæque. Rata enim esto, & indubitata fidei norma, naturam *Asthmati* descripto per *Arthritida* occurrere, medicari, & in ejus paroxysmo, conciliando præstandoque oportere illam adjuvari.

X. Interea vero temporis, si istius ordinis sit *Asthmaticus*, qui sputo carere nequit, tametsi dolet articulis, ad illud sive retinendum, sive revocandum, *Bechica* vel e præscriptis in minori quantitate, vel leniora quædam, ut *Balsamum Gileadense*, seu *Lucatelli*, vespere præsertim, ex vehiculo jam scripto, assumantur: quorum beneficio, mane sequenti sputum egregie projicitur, nec ad meridiem usque (quod ab iisdem, mane demissis, solet evenire) obtundetur appetitus.

Et si dolor & vigilia, comites *Arthritidis* importuni, premant ægotantem, hypnotica tamen, quæ in *Asthmatis* speciebus aliis plerisque omnibus, tum etiam in *Arthritide*, nonnunquam ope sunt eximia, virium pene divinarum, in hoc affectu, dosi aliqua notabili non sunt temere largienda; quippe quæ, cum multum *Asthmati* pituitoso, tum etiam non parum *Arthritidi*, sua natura vix satis asperæ, repugnent. Ad invitandum somnum, artes exerceantur, ut minus nocivæ; quales sunt *Lectio*, *Frictio*, *Palpitatio*, & ejusmodi alia.

XI. Simul ac castra in externis partibus metata est *Arthrititis*, ibique fixit; abolefcit corporis universi gravitas, spirituum hebetudo, respiratio angusta: tussis magna ex parte discutitur: pituitæ quod vesiculis inhæsit pulmoneis, ejicitur; perque *Arthritida*, jam demum regularem, cautum est, ne quid supra modum in eas infundatur: verum in iis, quibus *Pituitosis* ex consuetudine opus est sputatio, persistit ea usque, sed diminute.

Solet hujus *Symptomatica* paroxysmo adjungi (qui, cum *Asthmati Pituitoso*, tum ita *Arthritidi* veræ interdum a satellitio) *pedum tumor serofus*, digitum accipiens, ægro sæpe metum hydropis incutiens; qui tamen brevi temporis spatio, ambulatione, & motu corporis leni & idoneo aufertur. Hujus item pellendi ergo, frictio, bis die peracta, cum linteo crassiori, adhibeatur.

XII. Qui nuper hac *Arthritide* descenderunt, in regionem eos apertam, & ventilatam quam primum migrare, equitatione crebra exerceri, convenit: movetur enim inde, quod in pulmone reliquum est pituitæ; & simul is sanatur, & tono restituitur: quinimo spiritus eo reficiuntur animales, redintegratur appetitus, instauratur œconomia. Et quidem hunc in modum tractatos, ex hoc affectu vegetiores, & quam ante aggressionem longe tutiores

res observavi, donec otio, satietate, victu dapili & opiparo, eidem iterum tradantur.

Cui quidem malo ut quodammodo occurrerem, e re futurum arbitror, cibi potusque rationem aptam accurate prosequi; ventriculum digestivis roborare, *Απερίαις* facies, & reliquias ecoproticis identidem subducere; itaque tum *Asthma*, tum *Arthritidem* opportune præcavere.

XIII. Sicco nonnunquam *Asthmati*, exquisito, dicam, an notho? certe idiopathico, nec inflationibus nato, subnectitur *Arthritis*. Spirandi premuntur organa, per humores quantitate nimia illis commissos, neque vero in vesiculis pulmonis simul depositos, & spiritus pro causæ hujus magnitudine plus minus est difficilis: tussicula est, anhelatio: & pectus interdum maxime gravatum. Nullos hoc *Asthma* (quantum ego rescivi) aggreditur, nisi partium insigni conformatione, vel inclinatione hæreditaria, ei qui proclives sunt; & autumno illos, & euro increbescente (pro more pituitosi) maximopere infestat.

Cum aliquandiu sævit, interdum ei se adjungit *Arthritis*, tam cito secuta, & ea spiritus levatione, quæ humorum *Μετάσαι* in externas partes; eoque harum dolore, qui *Arthritidem*, aut genuinam, aut eam probe simulantem, abunde monstret.

XIV. In *Arthritide* hac *Asthmatica* per venæ sectionem, & purgationem materia pectore detrahenda, tum iis, spiritus animales quæ diffundant; quæ per fibras longe projiciant; quæ motus eorum regant; maxime vero omnium, quæ in artus materiam pellant, ibique figant, omnino insitendum est. Neque enim inhibeatur hæc *Arthritis*, multo minus supprimatur repellaturque atque adeo intendatur, in ægri salutem augeatur. Minime vero dubitandum, quin ægri vita & incolumitas per *Arthritida* recte moderatam conservetur, fangiatur.

Arthritidis Asthmate, qua sicco, qua pituitoso nata, exemplum mox subjiciam. *Asthmati* ab inflatione (per nobilissimum *Floyerum*, graphice depicto) nulla unquam, quod meminerim, est subnata.

Historia 1. De Asthmate Pituitoso, per Arthritida mitigato.

Vetus quidam e proximo, triginta annos *Δυσπνοίας* labori olim assuetus, nuper ob ætatem emeritus, ideoque crassior, & obesior factus, difficilius spiravit. Hyeme, Anni 1696. (quo quidem tempore, propter autumnum humidiorum, & frigus inde impressionum, grassabantur *Catharri*) multum lacerabatur ea *Asthmatis* specie, quæ (a materia) *pituitosa* nuncupetur. Pectoris enim oppressione, spiritu sublimi laboravit, & deinde tussi, primum arida, postea pituitam exantlante, crassam & tenacem. Neque spiritum sine anhelatione traxit, neque cervice nisi noctu erecta; eo vero facilius, quo pituitæ plus emissum.

Ut opem feram, ex curatione *Asthmatis* familiaris, ventrem ter quater, diebus semper quatuor interpositis, subduco, majorique deinceps intervallo. *Anacatharsin* ad augendam, *Massæ pillularis* ℞. ex *Linctus*, *Cochleari*, quarta pomeridiana & hora somni, deglutiit, cum vini medicati haustu: omni vero mane, quæ ventriculum tueantur *Infusi amari Alterantis*, *Xerani compati*, *Coch.* aliquot.

℞. Bals. Lucat. ℥ss. Flor. Benzoin ℥i. Bals. Sulf. Anisati ℥ss. Succ. Glycyrr. ℥i. cum pice liq. f. *Massa pillularis*.

℞. Syr. e Succ. Erysim. Ol. Amygd. d. r. ana p. e. cum Sacch. Cryst. probe temperando, f. *Linctus*.

℞. Alii incis. ℥ss. Sem. Anisi, Croci ana ℥ss. Infunde in Xerani ℔i. post debitam Alterationem coletur Infusum.

Post aliquod tempus (ut mutatione Medicamentorum a Nausea caveretur) Tinct. Sulf. gut. xii. ex Syr. Bals. Coch. i. pilularum loco assumpsit.

Ægro hisce sublevato sit, ut Προβόλαξιν aggredi jam liceret, ad eam præstandam, Xerani Rad. Gent. Summit. Abs. ℞. Cent. M. Marrhub. albi, & Fr. Cu-

beb. alterati, haustum, omni mane Senex potavit, idque per menses multos.

Horum ideo remedium mentio a nobis facta, quoniam iis prospere utebatur, tum ea hyeme, tum post sapissime. Nam cum *Asthma*, per reliquum vitæ, sub brumale solstitium, semper recurreret, ad hæc ille, certissima præsidia, recurrere solebat.

Anno 1698. vertente vere, cum insultum *Asthma* vice jam tertia, tristem & severum renovasset, agro in hunc usque diem *Arthritide* (quod putavit) immuni, neque de illa somnianti quidem, dolet halli pedis sinistri articulus majori inflammatur, rubet, ardet, more pertinaci & plane *Podagrino*. Gratulor vicino, de morbi tam commodi, tam salutaris, adventu. Contra ille obmurmurare, dolorisque impatiens, ex dolore periculum metiri. Ego vero exhortor, pulmonem eo liberari, anhelationem minui, contendo, & *Asthma* per *Arthritidem* oportere vinci.

Hyemem Anni 1700. tolerabilem habuit, ver infrequens periculosum, sole enim supra æquinoctium everso, spiritus admodum gravis, imo quam per antea actum sesquiannum gravior; ægritudo universalis: appetitus prostratus: nausea & sitis erat permolesta. Cum ita diu valetudine quadam obscura teneretur, solstitio instante æstivo, tempestate fervidissima, paroxysmorum, quos unquam perpeffus erat, omnium gravissimo, correptus est *Arthritico*. Per universum pedis convexum extensa est inflammatio, elata, ardens, ad calcem, ad tibiæ medium tumor; pulmo ab incipiente eo tutior, expeditior; ventriculus avidior. Placuit novam rerum faciem obtueri; perjuvandam humorum *Μετάσαι* contemplati; ad eamque promovendam Tinct. M. & Elix. propriet. d. ana gutt. xx. cum Xerani Amaris alterati Haustu, bis in die, sumendas imperavi. Porro vini istius (quando jam ætare grandiori delictum erat, neque ventriculo ingratum) ℔ss. quotidie bibendam quo nempe, miasmate *Arthritico* in pedem exulante, sanguis purgaretur; defenderetur pulmo.

Menses circiter binos duravit paroxysmus, & ægrum usquequaque beatorem fecit, vegetum nempe, acutum, alacrem, ventriculo præter modum avido & latranti, ut decennio novissimo nunquam magis. Unus illum pedis tumor gravatum habuit, qui tamen commodum suum, & utilitatem radio longe majorem attulit; cum a materia pedi affixa pulmoni melius cessisse, minime indubitandum est.

De hujus ægri *Arthritide* nequaquam prætereundum, quod aliis *Speciebus*, quæ Anni dimidio hyemali sua natura *παροξύνοντες* ad unam omnes, hæc ex parte multum absumilis, æstatem amat: ne semel quidem in externis partibus, sole citra æquinoctium versato, jam ter emicuit, & paroxysmos totidem perfectissimos exegit.

Paroxysmi, modo tam memorabili, tam præter morem reduces, istius *Asthmatis* naturam indignant, exponunt; & in *Arthritidem* illud ex facili migraturum esse, & diebus saltem hisce postremis, a putō *Asthmate* pituitoso non multum abhorreere monstrant.

Hist. 2. De Arthritide, Asthmate ex Plethora, feliciter adjuncta.

Vir nobilis, crassus, plethoricus, decennio labente sexto, *Asthmate*, cui ex thoracis brevitate, abdominis prominentia, præcordiorum distensione, pronus erat, afficiebatur. Quo me tempore primum accessit, afflictum ægrotavit; pæne suffocatus, spiritum traxit sublimem, & ob organa constricta laboriose: tussiendo nihil excrevit.

Spiritus impedimenta, per catarsin & venæ sectionem deduco. Deinde, quibus coctio perficiatur, itaque flatus pervertatur, quibus roborentur *Ορμῶντες*, dilatentur, expandantur, adeoque modo omni augeatur respirandi spatium, ea præcipio quæ sequuntur.

℞. Conf. Abs. ℞. Pul. Rad. Ari C. ana ℥i. Chal. Nutrit. ℥ss. Syr. Melissoph. qf. f. Solus.

℞. G. Ammon. Bdellii ana. ℥i. Flor. Benzoin, Extr.

Extr. Croci aa. ℞. Balsam. Lucat. q. s. f. Pilul.
℥. Aq. Ruta, Hyssopi aa ℥iii. Pxon. C. Bryon. C.
aa ℥ix. Marg. pp. ℥℥. Sacch. Chryst. qs. f. Jul.
Sumat Bolum omni mane, Pil. quinque omni no-
cte cum Julap. Haustu, eique instillentur Tinct. Cast.
gutt. xx.

Quod liberius spiravit, id *Evacuantiā*; quod adhuc multo magis, id ex proposito fecerunt *Alterantiā*, sed diutius usurpata. Isti vero libertati par, novum exoritur malum, si modo ita possit appellari, quod in vitæ tutelam, quodque agro auspiciatissimum evenit: Quippe compositionum jam dictarum & istiusmodi aliarum opera factum est, quod humeri dolor, tumor, rubor, ne plura, quod *Arthritis* emicuit; quod per artus, ex eo tempore quam plurimos peragravit: quod frequentem in eos crudelitatem exercuit: quod exinde pectori pari mensura longe melius. Constat enim, & omni majus est exceptione, quod ab *Arthritidis* exortu spiritui pulmonique longe felicius cessit: ut agro jam fere unicum restet tempori tam *Arthritidos*, quam *Asthmatis*, causas remotiores prævenire; aut deinceps *Asthma* per *Arthritidem* curare.

De Arthritide Febri Succedanea.

Artic. I. *Arthritides* chronicis oriundas hucusque dedimus de illis *Febre*, qua *Continua*, qua *Intermittente*, morbo acuto, quæ nascuntur hodie setmonein faciemus.

A *Febricula* quadam *Arthritidis* paroxysmum ferme omnem exordiri, manifestum est. Differt autem illa, brevis scil. parva, symptomatrica, quoque ad *Tribum*, aut *Febrim* perfectarum classem ullam referri nequit, ab ea, quæ a nobis hoc tempore dicenda, exquinta, & in genere suo consummata est.

II. Cum *Febris* nonnullius speciei ratio, & essentia in eo poni videatur, quod effervescentia sit, ob *επερσλως*, & indomitum aliquid, in sanguine contentum, eumque perturbans, (illius nempe expellendi ergo) concitata. Aliæ vero *Febres*, (a) quod ab auctore nupero argute propositum) ex obstructis glandulis, & inæquali, quæ deinde sequitur, enormique fermentatione, oriri censeantur. Immo quidem omnes, cujuscunque generis sint, hoc inter se commune habeant, & in quo conveniant, quod sanguinis motum, & orgasmum ægotanti talem faciant, qui supra naturæ tenorem, (mihi ille & benignus esse reperitur) immodicus, vehemens, & morbosus est: palam esse reor, quicquid horum respicias, quemcumque fontem adeas, *Febris* in *Arthritidem* abitum & *Παρέμβασις*, ut naturæ, sic rationi consentaneam, deduci posse perfacile.

III. Ut enim hisce singulis parumper inustam, quoties a miasmate, (quod prius dixi) *Febris* occipit; nec incomprehensibile, nec explicatu difficile est, ab eodem primum concito, & debacchanti, *Febrem*, ab ipso postea lenito, subactoque, *Arthritidem* accersiri; sic, ut eadem sit utriusque causa (quæ dicitur) conjuncta, sed diverso modo longeque dissimili agens; nunc iracunde omnia, supeta, & infera, conturbando, pacate nunc, & leniter, rem gerendo.

Cui quidem opinioni favet id quod sequitur, cum experientia maxime conveniens, esse nempe virus *Arthriticum* sanguini movendo; *Febri* concitandæ valde per se appositum; quodque raro ut paroxysmus (integrum volo, & numeris absolutum,) sit *ἀπύρεσος* committat. His autem addere proclive est, quod idem, quoties exulare arduum est, orgias in sanguine pertinaces, id est, *Febrim* accendat, quoque magis arduum; eo magis pertinaces. Itaque materia, sive *Febrilis*, sive etiam *Arthritica*, utrumque potest affectum, tam videlicet *Febrim*, quam *Arthritida* progignere.

IV. Sin a glandulis obstructis, (quod altero loco confirmavi) *Febris* oriatur, miasma tamen *Arthriticum*, in sanguine quiescens, & obscurum, sive

(a) Vide *Synochorum Theoriam Novam*, addam etiam *Αἰτιολογικάτω*, impressam Londini Anno 1721.

per hanc, sive per aliam quancunque *Febrilem* effervescentiam, in paroxysmum adigi posse, & impelli, nihil utique vetat, quin etiam verisimile est. Quando per æstum ambulando, equitando, aliove quovis exercitationis genere, adscitum, sive etiam diaphoreticis, interne sumptis, sanguinem exagitantibus, paroxysmum effici posse certissimum est, & frequenti constat experimento.

V. *Arthritidos* hujus a *Febre* descendens ortum, & natales, quam quæ maxime, illustrant ea, quæ a nobis de *Angina Arthritica* in *Anomaliis* sunt perscripta. Quancquam enim *Angina* illa videatur, ac manifesto sit *Arthritis Anomala*, (quod suo loco divulgabitur) ideoque infra debeat exquiri; tamen in præsentia notari potest, hanc *Arthritidem* non nisi *Febre*, eaque magna, & gravi præcedente, esse.

Ratum igitur esto, & persuasissimum, *Febri*, id est, morbo acuto, non minus certo, quam hydropi, quam lui veneræ, quam scorbuto, quam morbo hypochondriaco, quam alii cuivis affectui chronico, & diuturno, *Arthritidem*, tametsi forte rarius, supervenire.

VI. Ratione paroxysmorum, una est *Arthritis* ex *Febre* nata; quandoquidem illi (ut istam rem video) & inter se, & ab *Arthritidis primigenie* paroxysmis haud multum discrepant. Ratione vero ortus, non uno nomine diversa est, & a se dissentiens. Alia enim *Arthritis* ex materia *Febrili* *παροξυσμική*; alia ex tranquilla, & dormiente; alia ex ipsa *Febris* materia; alia ex diversa, & a febrili distincta; sed per *Febrim* in paroxysmum casu & fortuito evecta, procreatur; alia habitudini *πυρεκτική* in *Febrem* crebro erumpenti, sed tandem intercessit; alia *Febris* insultui subicitur; alia *Febri* continuæ; alia intermittenti; alia denique usitate, & ordinis quædam perpetuitate; alia semel tantum, & quasi casu. Harum ego exempla statim expromam, & ea quæ dicuntur confirmabo experimentis.

VII. De curatione monendum, quod quæ febrile, sive *Ξυρόχω*, (cujus exemplum est insigne) sive *Ξυρῆ*, subjiciatur *Arthritis*, sic, ut ea gliscente, & ferociam exercente hæc in conspectum se det, omni diligentia, summo, quo possumus, studio promovenda est; quo nempe per illius augmentum minuatur *Febris*. Et quidem omne illud, quod, in curanda hujusmodi symptomatrica, notatu dignum & diligentius persequendum invenitur, in ea provehenda collocatur. Cujus quidem rei, qua perfici possit, methodus, quando toties hoc scripto enarratur, non est, hoc loco quod de illa specialim agam.

Verum in hujusce *Arthritidis* prophylaxi navanda est opera, ut *Febris* illius, cujus ea symptomatrica scetus est & germen, habeatur ratio. Si habitudine, uti dixi, *Πυρεκτική* *Arthritis* oriatur; in eo laborandum, ut istam tum habitudinem, tum *Arthritidem*, efficiens materia, *Vena sectione*, *Catharticis*, (*lenientibus*, & *blandis*), *Aquis Diureticis*, *Diata Lactea*, & istiusmodi aliis, in *Arthritide Calida* præscribi solitis, exterminetur, corrigatur, prævertatur.

Si *Febri* *Επυρεκτάδα* supervenire, eique crebro (in constitutione cholericâ, quod aliquando exploratum) subesse, gestiat *Arthritis*; cum utrumque morbum, naturæ (sui defensionem molientis, & alienum nunc per ambitum corporis, nunc per articulos expellentis) opus esse cogitandum est, eniti oportebit, ut, dum insultus sit, utrique saveatur; *Febri* scil. per diaphoretica, *Arthritidi*, per cardiaca, causam utriusque continentem expellendo; & dum vacatio fuerit, causa utriusque antecedens *Aquis Diureticis* eluenda, *Lacte Asinino*, & mediæ materiæ diata, permulcenda.

Simile fere modo procedendum, si ab ulla alia *Febre* ortum habet *Arthritis*; illius scil. prophylaxis secundum morbum antecedentem omnino instituenda, & in affectos studiose derivanda.

Hist. I. Arthritis Synocha Secundaria.

Mercator *Exoniensis*, suavissimis moribus, & leni vir ingenio, vultu florido, & constitutione sanguinea donatus, Cereri & Baccho (quod quidem

dem illius temperamenti hominibus familiare) per ætatem mediam indulgendo, favente etiam corporis ad *Arthritidem* inclinatione hæreditaria, septimum, vel octavum agens ætatis lustrum, illa corripiebatur.

Dolor hujus affectionis signum prima acie luculentum, per annos plures *πλανητικὸς*, hos illos artus pervagatus est, rheumaticus esse visus; neque prius, quam articulis est affixus, arthriticus censebatur. Hic autem dolor, hæc *Arthritis* ita obfirmata est, ut æger, annos habens vix quinquaginta, membra permolestè traheret, gravia scilicet, *δυσίμνα*.

Catarrhis item, autumnæ & hyemæ fauces usitate obsidentibus, infestabatur; qui materiam forsitan *Arthriticam* ex aliqua parte dimitterent, & immuerent.

Sexagenarius prædium petiit suburbanum, ubi ob ærem apricum & bene ventilatum, victu pleniori se implevit. Exinde per biennium, articulis parum doluit; sed coloratior, sed habitior factus est. At, vix arthriticis crassescens! Dum ita res erat, & ad morbum aliquem magnum & gravem corpus paratum, ex frigore, mense Octobri 1701. febricitavit, & quidem paulo posthac infestissime. Algor erat, sopor, lingua subfusca, tussis, dolor lateris, qui sanguinis missionem suadere videretur: febrium mos, per illam tempestatem epidemicorum malus, dissuasit: pulsus ægri languidus & inæqualis, cum voce tremula, suspirio frequenti, spirituum inconstantia repugnarunt.

Ego certe rem mecum volvens, materiam *πυρετικὴν*, seu *Febrilem*, seu *Arthriticam*, in ambitum corporis oportere, & quidem commodissime per cardiaca & diaphoretica posse extrudi, febremque optime *judicari* opinatus, sic præcepi.

℞. Pulv. Lapid. Contray. ʒj. Conf. Lujula ʒss. Syr. Melissoph. q. s. f. Bolus, quarta, 5ta, vel 6ta quaque hora (ea scilicet frequentia, quæ ad excitandam diaphoresin suffecerit) assumendus, cum Jol. Haustu.

℞. Aq. Melissæ, lactis Alex. ana ʒvi. Theriac. Epidom, ana ʒiii. Margar. pp. ʒss. Sacchar. qs. f. Julap.

℞. Rad. Petasit. ʒii. Scorzon. Cond. ʒi. Hord. mundat. ʒss. Coq. in Aq. Font. ʒiv. ad ii. Colaturæ adde Sacch. Crystal. qs. f. Decoctum Nycthemeri spatio ebibendum.

Ex horum usu sudor extillavit, emanavit; & inter hæc emicuit dolor pedis articularis. Partium mearum esse duxi naturæ obsecundare, & pro virili dolorem intendere, tumorem excitare, materiam artubus infigere. Quocirca *Phanigium ex Ras. Radicula, Sem. Sinapios, &c.* pedi affecto applicavi. Hinc paroxysmus *Arthritidos* absolutus, dolore vehementi, tumore, ardore, &c. notabili signorum globo stipatus, progrediente paroxysmo, & quidem pro ejus progressu, declinavit febris. Facta denuo *ἀνυπαξία*, propter animales spiritus, qua *Febre*, qua *Arthritide*, debilitatos & pessundatos, propter appetitum debilem, & prostratum, instaurandum, *infusi amari alterantis* haustum bis quotidie potavit.

Tamet si omnis *Arthritidas* paroxysmus *Febrim* habeat, in prima acie flammæ excitantem, & quidem in plethoricis & sanguineis simili fere modo, & utriusque mensura, ut qui multum doliturus sit, multum ante febricitet, & contrario; non adeo tamen accendi solet evehique, nec ita perseverare, febris ista *Arthritidis* paroxysmo præludens, ac quæ modo a nobis declarata est. Ideoque febrim istam *Essentialem* esse, tandem in *Arthritida* desinentem, pro certissimo habendum.

Tanti esse judico isthæc commemorare. Primum, ut ostendam *Arthritida*, non semper ratione totius morbi, sed & unius ratione paroxysmi; posse esse aliquando secundariam.

Deinde, hujus nostræ symptomaticæ paroxysmum, quam maxime possumus, esse promovendum, augendumque, ut illius augmento de morbi primarii, de *Febri* acrimonia & viribus derogeretur.

Hist. 2. De Arthritide Habitudinē πυρετικῆς Subjecta.

Vixit jampridem apud nos spectabilis & illustris fœmina, vultu vitali, temperamento post hominum memoriam maxime sanguineo, patre prognata *Arthritido*; quæ, dum media ætas ageretur, *Febre*, eaque magna, creberrime revertenti, & raro annum amplius absenti, lacescita est. Quicquid inidonei & naturæ proposito alieni, in sanguine coactum, per illam magnopere, temporibus stasis, deturbatum est; sanguis expurgatus; atque adeo res salutis facta recta, & ad tempus aliquot immunis. Cum vero, progressu ætatis, sanguis imbecillior, & efferri minus proclivis erat; *Febris* intercidit, ex eoque tempore (quamvis ægra sæpissime enixa est, nec adhuc fefellere, quin etiam more profus salutari fluxere, catamenia) de subito profilit *Arthritis*; non ea quidem frigida, segnīs, ignava, lento gradu prorepens, paroxysmum habens languentem, at diffusum, & ad temporis spatium excurrentem, (qualis solet esse fœminarum) sed e diverso vegeta, sed acuta; quæ calorem habuit universalem intensum, partis affectæ inflammatum; quæ ruborem plane igneum; quæ tumorem insigniter protuberantem; quæ dolorem acriter mordentem; quæ paroxysmi cujusque symptomata difficilia, gravia, rapidiori gyro exacta; quæ denique paroxysmum brevi circuitu redeuntem, & animi alacritatem articulorum nodos tofaceos, cæteraque *Arthritidis* calidissimæ consummatissimæque vestigia relinquentem est amplexa. At (quod hoc capite præsertim observandum) a *Febre* ad *Arthritidem* tam propere, transituque tam exiguo, abripiabatur ægra, ab incunabilis affecta; ut materiam in sanguine latentem, primum per *Febrim*, ea vero cessante per *Arthritidem* ejici, sine ulla dubitatione statuendum: Sic, ut *Arthritis* superveniat *Febri*, & (quod in præsentia discutendum) ex istius quasi cineribus exoriatur.

Hist. 3. De Arthritide, cum Febre *επιπυρετικῶδες* vices exercente.

Nobilissimus senex, hypochondriacus, *Arthritis*cus, paroxysmos habuit olim frequentes; per biennium ante quam hæc scriberem, nullum. Delinquente verum *Arthritide* regulari, simili proportionē ingruit vertigo; & interdum *Αναρρώσια*, ut, his affectibus procedendo longius, æger in humum persæpe caderet; & ne cum damno præcipitaret, summum erat periculum. Quinetiam, membranæ, & ligamenta cervicis, per acceptum miasma *Arthriticum*, dolore multum affecta, spasmo identidem riguerunt. Nuper item ventriculus ægrotavit, acidum, ærosum, cholicum ejiciens. Hoc ego tempore accersitus, & hosce capitis affectus, meras esse *Arthritidis* nuper occultatæ anomalias advertens, quæ ad materiam ex capite ducendam, & vel e corpore, vel in artus, sollicitandam, per venæ sectionem, & catharsin, erant necessaria, persequi destinaveram; cum (eccam!) ultro se transfert *Arthritis*: ejus vero, tanquam clavo trabali, sistendæ figendæque gratia, *Phanigium* in præscriptis dedi.

℞. Fermenti veteris partes iii. Ras. Raph. Sylvestris, Sem. Sinapios. Fimi Columbini ana P. i. cum aceto vini albi ad Cataplasmatidis consistentiam temperentur super linteo duplicato pars calida extendatur, totis utriusque pedibus applicanda; laneis cingenda, cum refrigerit repetenda, donec usque tumor augeatur.

Si ex doloribus Syncope suboriatur, Sp. C. C. gutt. aliquot cum Jul. Cardiaci Coch. quatuor vel quinque assumantur.

Horas post duas tumuit utrinque malleolus; ex eoque caput, supra quam dici potest, allevatum. Diu manebat inflammatio; oculi vigor restitutus: capitis tutela est. Istam autem historiam, (alius certe inscriptionis, si modo dicta perpendamus) huc loci retulimus, quod, de hoc affectu, cum ægroti Medico familiari & domestico, quo tempore nobis sermo intercederet, nuntiavit vir præclarus, omnem hanc *Arthritidem* ex *Febricula* pendere; quæ, eruptionibus qui-

quibusdam in cute miliaribus sociata, comode, & cum sanguinis depuratione, vigere, & insultus anniverfarios agere soleret; nuper autem intermitteret; ea carere cum nequireret æger, sic, ut dictum est, *Arthritide* laboravit.

Hist. 4. Quartanam, Cortice suppressam, Arthritidis sequitur cum Arenulis.

Nec continuè tantummodo, *Febri* etiam *Intermittenti*, pedissequa est *Arthritidis*: Cujus rei historiam, luculentam (Hercules!) & notabilem, ad hæc admiscere non gravabor. Etiamnum in vivis est ob præclare acta vir insignis, qui, ante decennium & quod excurrit, de valetudine, tum præterita, tum eo tempore præfenti, certiore me sermone fecit. Fuit illi, robusto a natura & athletico, nec adolescentiam prætergresso, ob tabem forte veneram, (hoc enim subolebat) corpus summe fædaturum, *Κακοχυμία* mire inquinatum; sub qua *Προηγμένη* *Febre* primum *Quartana* correptus, eaque tum gravi, tum diutina, conflictatus est: donec cortice (quem *ἄνω & κάτω* præcessit catharsis) Peruano levaretur. Nondum hebdomada quartana siluit, cum inopinato doluit, tumuitque, & quidem tum temporis primum pedis digiti majoris articulus. *Podagra* erat, signis suis diacriticis satis superque manifesta. Ut morbus non tam perimi & deleri, quam sopiri; non tam extirpari, & de medio pelli, quam vultum mutare videatur. Hoc autem casu fieri ne quis existimet, urgente, non ita diu post, eadem necessitate, *Quartana* scil. recidiva; *Febris* eundem idem cum repetere necessum erat, idem iterum evenit, præclusa etenim per *Quartanam* exturbandi hostem methodo, natura ejus exilium molitur, & quidem derepente, (sic, ut prius) per *Arthritidem*.

Cum *Arthritidis* ægum deseruit, depravato sanguine & humorum *Ἐκρυσία* penitus eversa, substituit sibi alterum in ægro exercendo quasi collegam, *Calculum*. Materia per renes partim expulsa, & eo loci in arenulas coacta, & concreta, vomitum, *Ἐπράγυνον* dolores acerbissimos, cruciatus intolerabiles, induxit; eosque tam frequentes, ut rara sex mensium ab his vacatio; quin affectus hujus vel illius esset insultus; & eorum fere alternatim. Longe hinc agentem quando ita voluit per literas suasi, ut debita præparatione, per venæ sectionem, per utranque catharsin, præmissa, aquis diureticis sanguinem purgaret. Vino, quoniam ei inimicum erat, & perarato impune haustum, penitus abstineret. Quid horum factum sit, quave utilitate, mihi per distantiam omnino latet.

Hist. 5. De Quartana in Arthritidem mutata.

IN morborum successionibus & derivationibus explicandis, nonnullius momenti videatur id, quod de *Quartana* in *Arthritidem* mutata, altero jam exemplo, proferetur. Vitam hoc tempore apud nos urbanam sequitur, insigni probitate, nec quo melior est, homo; qui, cum media circiter ætate esset, per autumnos septem ex aliis alios, ut ab ipso audiui, laboraverat *Quartana*: exsunte Anno 1696. misere torquebatur. Ut ægro natura imbecillo debili que primo quoque tempore Medicus subveniret, per *Decoctum Corticis*, & *Opiata*, morbum sufflaminavit, *paroxysmos* ejus suppressit: quæ ad auferendam, & expellendam morbi materiam opus essent, iis ad tempus opportunum & magis idoneum necessario dilatis. Non defuerunt, qui paroxysmis liberato, & immuni, ut a reliquiis *Febrilibus* eum tuerentur, certissimum probatissimumque hac in re auxilium, *Acidulas* proponebant, & tantum inducias, non autem pacem, inire morbum, acriter urgebant. Hisce vero posthabitis vitæ genus quietum, neque laboriosum satis agens, ab *Arthritide*, quam antea parvam, & mediocrem tulit, gravi nunc & molesta non ita post defedit. Recurrit *Arthritidis Quartana* copiis adjuncta, tum multo fortior, tum item frequentior: variis postea symptomatibus signata, morem varium affecuta,

donec æger *Arthritide*, *Quartana* viribus adaucta, depressus, nec ab imbecillitate ei vel tolerandæ, velarendæ par, e vivis excessit.

C A P U T X.

De Arthritide ex Colica.

Art. I. **A**ffectio *Colica*, sic a veteribus ab intestino *Colo* nominata (quamvis *Cecum*, & *Tenne* quodque intestinum, imo *Ventriculum* eodem affici certissimum est) hisce regionibus adeo grassatur, ut in morbis hujus populi pervagatissimis, tanquam vernaculus habeatur.

Prætermissa vero *Colica*, cum fortuita, tum symptomatice, tum hysterica pure dicta, aliisque ejus speciebus, quæ ad Dionysum nostrum nequaquam pertinent; ut de illa tantum, quæ *Arthritidem* præcurrere, in eamque (falsam & mendacem) mutari solet, faciam sermonem, est illa diuturna, alvo plerunque dura, creberrimis interdum *Dejectionibus* soluta, dolore potius constanti & obtuso, quam acuto & acuto signata; nec non eos potissimum invadit, quibus *Intestinalis* fistula muco parum oblita; vel quibus illius fibræ tenuiores, vel spiritus hæc ineolentes sunt teneriores; citoque irritabiles. Quique ad hoc morbi homines a natura proni sunt, ex pravo victu, frigore vel *Δυσπεψία*, causis hac in re procatacticis, in eum præcipitant.

II. Quoniam vero *Colica*, quæ *Arthritidem* antecedit, natura multiplex & diversa est, ut de hac aperte & luculenter dicam, de variis illius membris omnino aliquid differendum.

Alia igitur, a materia peccante, *Biliofa* dicitur, & ei qui proclives sunt ætate adulta, maxime vero si natura *δύσπληκτοι* sunt, & cæli æstus, aut iniqua victus ratio præcessit, torminibus primum, deinde nausea, sapore ingrato, amaro, & vomitione postmodum *Cholerica*, premuntur. Alvus his diebus astricta, at incommode. Urina ruffa; faciei, sed oculorum præcipue, quod album esse debuerat, fit luteum. In bilis per os ejectione peculiare aliquid notandum, quod in scrupulis positum nonnunquam ægum male habet: a sumpto quippe emetico, nifus & conatus inter robustissimos, bilis sæpe ne hilum ejicitur, quæ tamen prompta alias & absque stimulo libere solet exterminari. Bilis hæc incerta per os emissio, ejus in duodenum vel saltem in ventriculum impulso flumini similiter incerto, videtur respondere. Cum intestinis inharendo ea diu laceffivit, ab alvi duritie suppressa & retenta, sanguinem redux per lacteas subintrat, eumque tam incendit, ut hoc tempore febriculam, æstu sitique immodica, urina icterica ex luteo rubenti, cute arida & densa, pulsu frequenti, & elato, manifestam, liceat observare, per sanguinem materia ad caput usitate fertur, & *ὑπερώον* atrocissime impetens, aut ægum apoplexia percussum derepente interimit, aut in nervos se insinuans eos resolvit.

III. Hoc, inquam, morbi hujus *ἁπλοῦς & ἁπλοῦς* ordinarius est, verum aliquoties, certe plus semel notavi, post istiusmodi, quam modo dixi, dierum aliquot febriculam, dolere, tumereque, interdum etiam ardere, partium extremarum articulos; idque, signorum sive complexum ponderibus suis, sive ordinem examinemus, more prorsus *Arthritico*.

Qua vero proportionem fulget efferturque hæc *Arthritidis* normam per artus & articulos extollens, eadem plane caput defenditur. Ut ea quam fausta quantaque ægri cum utilitate oriatur, illis solum innotescit, qui ex hac parte *Arthritidis* mala, tamen gravi, tolerabilia tamen; ex illa vero bilis caput invadentis sævitiam; ad eaque hujus periculum, intime perspectum habeant; qui, inquam, hæc cum illis opposita conferant, æquaque lance perpendant.

Quinetiam de capite conservato quæ a nobis traduntur, de intestinis item proponi poterunt; eatenus certe, ut, quemadmodum materiam peccantem artus suscipiant, ad eundem modum ea liberentur intestina; & ex eadem translata, & pro ejus mensura levatur

vetur *Colica*; quoque plus ægri dolent articulis, eo minus interraneis.

IV. *Colica Biliosa*, cum *ἐμπύεται Arthritis*, in eo remedium locari decet operam, eam præferri indicationem, qua externis quibuscunque materia foras ejectetur. Quæ ad hanc rem auxilia, nostris hominibus explorata profuere, per ea, toties hoc scripto passim memorata, non est hoc tempore ut percurram. Sed, quæ hujus curationis quædam proprietates est, cardiaca interna, utut aliis curationibus ad paroxysmum conciliandum idonea, hic loci vel prorsus omitti, vel caute admodum usurpari par est; ne, incitata febre, & mutata simul inclinatione materiæ, confertim ea in cerebrum impellatur. Quem utique impulsu eo magis perhorrescas, quod huic affectui primario (*Colica* nempe *Biliosa*) jure quodam avito proprius esse reperiatur; tum quod istius materiæ in artus expressio non ita familiaris sit, aut morborum ordini tam conveniens, immo potius fortuito facta, & facillime abscindenda.

V. Alia vero *Colica*, apud *Damnonium*, ex pomaceo immitti & acido, nimis usurpato, derivatur, id quod ex eo liquet, siquidem illos solum infestat, qui potioni isti assuevere, eademque ratione qua sunt assueti; sic, ut iis tempestatibus, quæ pomaceo abundant, crescat & in vulgus ea grassetur. Contra vero, Pomona copiam negante, rarius obversetur.

Septimo & octavo ætatis lustro sæpe *Colica* tentantur ii, qui vinum hoc indigena potare soleant, itaque pergræcari: Et, ubi illa confirmatur & jam inveterascit, non raro *Colica* suppullulat *Arthritis*, cum articulorum *ἢ πῖς ἐξοδῶν* dolore, tumore, cæteroque apparatu, ad puræ & genuinæ *Arthritidis* faciem ordinato.

VI. Istam metamorphosin, in iis corporibus, quæ *Arthritidi* parata jam olim habuit, natura per se nonnunquam molitur; sæpe vero numero per causam aliquam evidentem & procatacticam, virus irritantem & extra propellentem. Hujus autem generis esse solet per drastica, & supra modum elateria, purgatio: illa enim corpori inimica, non tam peccantem, & pravum expellunt humorem, quam universum sanguinem exagitant, & perturbant: cui demum motui & perturbationi (pari propemodum more, atque de *Asthmatica*, de *Hydropica*, aliisque pluribus symptomaticis, supra declaratum est) creberrime substituitur *Arthritis*. Et ab hisce pharmacis *ἀτέχως* sumptis, aliquam multi *Colici Πόδαγρον*.

Nonnunquam usu venit, ut ex cardiacis (*Aqua* puta *Mirabili*, *Ufquebac*, *Theriaca Andromachi*, *Zinzibere*, *Chalybe*, aliisque id genus) actu vel potentia calidis, adversus *Colicam*, vel præsentem permulcendam, vel quiescentem abigendam, adhibitis, ex ventriculo & intestinis in artus amandetur aliena sanguini materia, & in iis natus & officium colat usquequaque *Arthriticum*.

VII. Habet hæc *Arthritis* dolorem, præ quod in aliis plerisque *Symptomaticis*, acutum; sed ab *Arthritide* recta, & genuina, tum item omnibus *Symptomaticis* eo primum distinguitur, quod in *Colicam* ex facili revertatur; iterumque *Arthritidos* personam capiat, iterumque deponat. (Enim vero materiam *ποσπῆ*, intestina, & artus vicissim premens, morbos hosce, *Colicam* & *Arthritida*, mutuo se excipere facit & alternare:) Deinde articulorum oppilationes, steatomata, abscessus, tofi, ulcera, quæ exquisitæ *Arthritidi* crebro. *Secundaria* hujus nostræ raro accedunt: quod, ex materia partim per annum expulsa, partim intestinis dolorem inurente, sicque articulis parcente, fieri credibile est.

VIII. Est & alia, *Podagra* gignendæ apta, quæ a *Dyspepsiis* emanat, *Colica*. Qui ad tuendam alendamque vitam ingeritur victus, etsi nec qualitate, nec quantitate peccet, propter vitiatam coctionem, in massam turpem degenerat; in virosam, & inimicam: deest cibi in ventriculo sine tumultu concoctio sive liquatio, tranquilla, facilis, & perfecta: deest ejusdem in putredinem versi, motus per intestina lenis, certus, æquabilis: defunt, inter duras & liquidas dejectiones figuratæ, hora consueta exclusæ, nimirum laudabiles: quæ, naturæ rectum agentis semper comites, ejus œconomix monstrant integri-

tatem. Sed e contrario adest a cibo gravitas, inflatio, ructus: massæ adest inutilis, spumosa, & cruditatibus plenæ, tum acrimonia, tum ab ea *σπρόροι*, vel contorsiones interraneorum ærumnosa: adsunt denique dejectiones, vel plures, vel pauciores, nunc liquidæ nimium, nunc coactæ, naturæ modum hac illac excedentes; cum defurgendi cupiditate importuna, doloreque ani, & aliis accidentibus, quæ coctionem depravari, & ejus officinam a *καταρρώματι* descivisse, planum faciunt, & magnopere probant.

IX. Qui sunt hujusmodi *κακώμαχοι*, provecta ætate, aliquando tandem *Arthritide* vexantur ea, quæ jam delineatam opere quam maximo repræsentat; ab aliis vero *Symptomaticis* distat longissime. Illius instar *Colicam* exceptat, quoties cathartics fortioribus, vel cardiacis, ad exteriora mali materia protruditur; tum a *Colica* excipitur, quoties materia, vel ad intestina retroceditur, vel in primis viis de novo generatur: quorum alterum sæpe, & ex facili fit; alterum quotidie.

X. Si quis autem *Arthritidem*, *Colica* hujus vel istius profapiæ supervenientem, non tam *Symptomaticam*, & *Secundariam*, quam *Primigeniam*, esse contenderet; ipsamque *Colicam* (aliter atque prima facie videretur) *Arthritidem* esse, sed anomalam, & demum regularem; profecto quidem hac in parte neque difficilem me inveniet, neque vehementer repugnantem; ut neque temere concedentem. Dubium esse fateor, vel Apolline dignum, & nodum Æsculapio vindice. Nihil habent symptomata, quod *λόγοις ἀναγκαστικῶς* alterutrinque fidem hac in re conciliet; atque adeo, dum ista silent, præcise aliquid statuere temerarium habeatur. Utcunque sit, haud minori jure *Symptomata* esse confirmetur hæc *Arthritis*, ac contra negetur; immo quidem majori; propterea quoniam *Colicam* manifeste infestatur, eamque sæpe veterem, & (quantum hac in re perspicere datum est) genuinam, & exquisitam: verum utur res se habeat, in arte facitanda eodem fere recidit; nam dubiæ hujus *Arthritidos*, nunc intestina, nunc artus infestantis, pro duabus istis sedibus, & ab altera ad alteram illius migrationibus, curatio propria ac peculiaris excogitanda est; nec in hac *Arthritide* sananda depellendaque medicinam uti decet, quis exercuerit, nisi *Colicam*, cui ea subijcitur, ob oculos posuerit, & ex hujus consideratione illam vincere tentaverit.

XI. Hanc ad normam agenti consentaneum videtur, siye a pomaceo, vino subacido, cerevisia veteri, vel a dyspepsia proficiscenti *Colica Arthritis* subnascatur, quod paroxysmi ferme eadem, ac in *Arthritide* exquisita, medendi ratio; prophylaxeos autem alia atque alia est, pro causæ remotioris diversitate: verum, ac in *Colica Arthritica*, nequaquam alia. Ubi in poculis erratum, mos ille perniciosissimus primo quoque tempore abrumpendus: tum quod intus alieni, iterata catharsi deducendum. Hunc in finem aquæ purgantes, per se, vel, cum *δυσουσία* postulaverit, per salem catharticum adjunctæ, conducunt egregie. Quotiescumque vero *Colicam* a dyspepsia sequitur *Arthritis*, coctionis *ἐργασίον* bene & frequenter purgari, coctionem digestivis stabiliri, pari fere ritu atque in *Arthritidos Exquisita* prophylaxi, oportebit.

XII. Novissime corollarii loco addam, hujus tribus *Symptomaticis* præter cæteras sui generis quascunque, præter *Arthritidem* exquisitam, omnibus hoc commune esse, quod istarum paroxysmi per ecoprotica subin iterata maxima vel præcaventur, vel saltem minuuntur.

Histor. I. *Arthritis Colica Biliosa Secundaria*.

FOemina quædam, constitutione post hominum memoriam maxime *Cholerica*, nunquam *ἢ πῶς γαστρίᾳ ἐχέουσα*, sub ætatis flexum, *Colica* pertinaci *Biliosa*, cum ingrato sapore, *δυσουρίᾳ*, vomitu bilis frequenti, dejectionibus raris, & parum coloratis, urina

urinæ ruffa, orē luteo, & lenta quadam febricula premebatur. Horum autem malorum procatarteticam habuit errorem in victu assiduam, utputa crassorum, & *δυσπεψία* estrix. Ubi alvum inanientibus (præsentissimo illi remedio) plus semel levaretur *Colica*, ex bilis incremento, constantiaque & acrimonia, menses post aliquot, iterum & sæpius, recidiva est. Fugiente sæculo superiori, cum affectui gravi tollendo tempus aliquod apud nos impenderet, præter *Colicam* memoratam, pedum item orta est debilitas; quæ primo aspectu paralytici, hujusmodi *Colica* *δυσπεψία* familiarissimum, prædicere videretur. Quo per anum bilis exularet, neque se in nervos insinua-re permitteretur, catharticum adhibui. Iteratum insecutus est utriusque (sed potissime dextri) pedis tumor, malleolum, & pedis convexum, hallucem autem præcipue, distendens; quem comitabatur hujus majoris articuli teneritudo mirifica, dolor pungens, rubor, ardor revera *Arthriticus*. Peræqua vero proportionem increvit *Arthritis*, qua minuitur *Colica*. Cum de suis exinde interponerem, matre admodum *Cholerica*, & demum *Arthritica*, fuisse prognatam; veterique *Arthritico* diutius junctam accepti; sic, ut vitium partim hæreditarium, partim contagiosum esse suspicari liceat. Recte se habent muliebria, & cum *ἀσθμα*.

Ad medicinam morbi genio accommodandam, in eo fui, ut materiam, quo possim artificio, extra dimoveam; ideoque internis eam protrudentibus, externis eam invitantibus, diversis scilicet diverso modo idem operantibus, insisto; ut & toti malleolo, & dextri pedis summitati, *Epispasticum* imponi, sinistram pedem lancis involvi, calideque vestiri; & paulo postea foccos, ex cerato illo viridi, quo fiunt petasothecæ, perpetuo gestari jubeo. Unde exudavit humor, nec inutiliter: quandiu enim perduravit iste fluxus, recessit usque *Colica* & visa est declinare.

Erat autem ista, per articulos, crisis imperfecta; quod reliquum erat materiæ, finita re *Arthritica*, & ejus spe fallente omni, avitos intra limites se recepit, moreque proprio agens caput est adortum: ideoque de hujus ægrotæ malo non est quod amplius addam: unum istud volui, ex *Colica Biliosa* posse *Arthritidem* exoriri.

*Histor. 2. Arthritis Colica ex Pomaceo
δυσπεψία.*

Vir amplissimus, animi & fortunæ dotibus insignis, natu integerrimus, ætate constanti, veneratione aliisque exercitationibus otiose, & raro se fatigans, poculis plus solito indulgere cepit. Ex temperamento sanguinis præservido, in deliciis habuit pomaceum, vinum indigena; propterea quod, (defæcatum modo, & tenue) absque sanguinis immodico fervore, pro illius natura potionis, hilaritate animum perfudit. Nondum ita diu indulgit, cum, dolore *Colico*, & annos aliquot deinde post *Arthritico*, teneretur, utroque interdum magno, sed tolerabili. Sic se habuerunt hi affectus, ut ne semel quidem unquam concurrerent; ut nec vices, aut periodos remeandi certos unquam exercerent; contra, nullo ordine (pro materia, vel in intestinis, vel in sanguine ex causa evidenti congesta, & ad *ἀκνὴν* evecta) ægrotum alter, & alter occuparet; interea temporis notatu erat facillimum, *Arthritidem* hanc, ab ipsissima *Colica* materia, in artus translata, haud dubie fieri. Itaque se rem habere in propatulo fuit, tam ex eo quod *Arthritis* sæpenumero *Colicam* exciperet, eamque (sic, ut duratio paroxysmi erat) mitigaret; quam etiam, ab eadem ægrotum quod ad tempus aliquod defendere cerneretur.

De vitanda morbi hujus utriusque *ποπόσει* vir nobilis non nisi sollicitus, solito ex more egit. Prophylaxin autem utilem, efficacem, simplicemque Deus illi fortunavit. Quoties enim dolor intestinorum ingrueret, inter ipsa ejus initia ut occurrat, *Syrupum Domestici* præter propter unciam idoneo vehiculo temperatam, hauriendo, morbum *ἐν χρόνῳ* præcidit,

contundit, fregit. Quid? quod eo ipso causam *Arthritidis* *ποπόσει* primis viis avulsit. Ceterum, vere & autumnis, aliasque quoties intestinorum inflatio, æstus corporis universalis, & plethora (quæ materiam recrudescere, & gliscere indicavit) exigere videretur, aquas *Alfordenses* in se ingurgitando, fistulæ intestinali proluendæ saragebat: adeoque *Colica* causam conjunctam, *Arthritidos* remotam, amovendo, utriusque sævitiam magna ex parte arrevertit.

Neque mitti oportebit, quod ex frequenti materiæ *πλεονεξία*, & *Arthritidos* paroxysmis (qui per annos plus viginti creberrimi fuere, ut & regulares) tametsi articulos hodie corruptos, recrementis *Arthriticis* distentos (neque temere) quivis expectare potuisset, vir hic egregius aliter multo pedes, manus, habiles exercet; eorum usquequaque compos impræsentiarum est, & quantum præsentione possum assequi, futurus.

*Histor. 3. Colica, ex Dyspepsia diuturna,
Gonagra superveniens.*

Matrona quædam *Colico* dolore, annos pene viginti conflictata est, ut raro mensentiam ageret; ut indies propemodum gravaretur. Torquebantur intestina, & post vermiculationes unius circiter horæ *ἀκνὴν* quoddam acre & pungens, non sine dolore sphincteris acutissimo, quantitate modica dejecti solebat: dejectionibus secuta est spirituum submissio, sive languor, incredibilis; unde in lectum se projicere, quocunque fors permetteret, medio interdum itinere, donec ægra somno, vel quiete, vires integraret, identidem necesse habuit. Deficienti maxime profuerat cardiacum, vel *ἀκνὴ* calidum aliquid pyxisare. Post breve deliquium, vitæ munia sicuti prius, repetiit. Cibum sic satis sumpsit, & quamvis eo, ut dixi, more crebro lacecita est, vires & colorem retinuit. Plures illa Medicos (doctos, Jupiter! & exercitatos) hac de re consuluit; quibus, ut ipsa mihi renunciavit, communis erat, quæ & maxime probabilis, sententia, *Colicam* hanc a *Dyspepsia* proficisci. Sub finem anni supra quam moris erat, urgebat *Colica*, & hysterica affectione sociata dominam valde emaciatam, debilem, languentem pene confecerat. Nihil potius illius causa volui, quam alvum aperientibus expurgare materiam, turbas illic concitatas, & inquietem paregoricis sopire, & componere; cumque restituissem, ut tenerem quem cœperam locum, & ægram fido tuerer prophylactico, *Decocti Corticis Martiati* haustum, bis vel ter in singulos dies propinavi.

Habet illud Decoctum pul. patrum, & Limatura Ferri ana ℥i. in Aquæ pluvie ℔viii. coquantur ad ij. per pannum Wallicum fit Colatura, Cujus ℥ij. adduntur Aq. Hysterica Londinensium ℥ij. Tinct. Aurant. gutt. x. Ser. Garyoph. q. s. fit in usum præstitum Haustus. Remedium hoc, ad menses aliquot, ad congios plures usurpatum, magnum attulit momentum. Melius inde perfectiusque concoxit ægrotæ; rarius & tolerabilius doluit; bonis erat viribus.

Æstate proxima, majoris utilitatis spe allecta, ad aquas se recepit, quas antea commode adversus hunc affectum hauserat, *Tunbrigenses*. Martiatorum, qua præparatorum, qua naturalium, usu, partim etiam currus agitatione milliaria quadringenta brevi spatio metientis (quod hercle vero proximum) in artus statim ab itinere, propellitur materia *ποπόσει*. Erat utrunque genu natura imbecille, nec ad motum, maxime ad declivem, idoneum satis. Utrumque obtorpebat, nec absque dolore flectebatur: dolori adjunctus est utrinque tumor, cum mira debilitate, & motu læso; rubor autem nullus, ex temperamento corporis (quod opinor) frigido, neque ardor ullus apparebat, sed tumor, qualis solet esse frigida *Arthritidis*; Interea temporis *πῶς ἐν χρόνῳ* adeo prorsus integra est, ut nunquam magis.

Ut *Gonagra*, morbo *Colico* hunc in modum ἐπιγυροῦν, pro facultate mederer, utriusque affectus habita ratione, *Aquam* adhibui *Spadanam*; cujus ampullam modice tepesactam, instillatis cuilibet ἡβῆ. *Sp. vol. ol. gutt.* aliquot, horas inter sextam, & nonam, omni mane exsiccavit.

Decima seq. *Vini albi Lusitanici* *Haustum*; *Gentiana Zedoariaque* *Infuso* alteratum: *Quarta* pom. *Decocti Cort. Martiati* *Haustum*, cum *Hibernorum* *Ussquebach* pauxillo. *Quinimo*, septima quaque die (quoniam illud *Termina*, subinde recurrentia, postularunt) *Catharticum* e *Calomel.* ὄβ. *Extr. Eustach.* ὄβ. *Scam. pul. Castor. Assē fœtid. solut. ana gr. v. diluculo* sumendum. *Vesperis Bolum e Ther. Androm.* ὄβ. *Zinzib. in Indiis Cond. Conf. Fruct. Cynorrhod. ana* ὄβ. *Syr. Aurant. qf. cum Aquis idoneis & Diacod.* ὄβ.

His auxiliis, qua per renes, qua per anum, emissa est causa *Gonagrae* conjuncta; utriusque genu tumor subsidit: *Colica* item materiam, cum emolumento ægrotae lauto & locupleti, tum ejici, tum ex parte aliqua præcaveri constat.

Non est autem reticendum, quod ex dyspepsia brevi tempore recurrente, denuoque materiam ministrante, *Colica* recruduit; & femoris dextri internodium menses inde post aliquot infestavit dolor, idem fere ac si *Rheumaticus*; vagus certe, quippe qui ad acetabulum coxendicis sensim ascenderet. Hunc comitabatur ejusdem *Pedis* (late sumpti) totius debilitas: qui tamen dolor &c. non alius esse jure potiori censeatur, quam *Arthriticus*, ex materia recens orta partem nuper affectam, & eo nomine debilitatam, occupante.

Hiscē vero diebus, anno nempe 1702. *Gonagra*, & omne genus *Arthritide* immunis ægra, affectionibus interdum *Colicis*, at frequentissime hysteris, quibus olim per *Gonagram* utrisque liberabatur, afflicta, aquis prædictis usa est, & fructum ex ea re ingentem retulit,

Histor. 4. Ex Colica Paralyticus, Arthriticus, Inunctione trucidatus.

Dominus R. propter viam *Apsamensem*, ætatis flore, *Colica*, quam *Pictonicam* appellant, aliquandiu gravatus, ex more & progressu istius mali ordinarium, incidit in *Paralyfin*; artus exinde marcidos, graciles, ἀκίνητος habens; per reliquum vitæ clinicus. *Paralyfi*, sub ejus initium, accesserunt dolores erratici, incerti, horum illorum artuum internodia cruciantes, autumno & tempestate pluvia maximopere sævientes, & tam ad amussim *Rheumatismum* simulantes, ut ager eo morbi plus decennium ægrotasse (Medico, nec indocto, nec inexercitato, tota cum vicinia consentiente) passim haberetur.

Cum ætas præcipitavit, dolor iste vagus in fixum mutatus est articulorum juxta positorum, & nova symptomatum cohorte stipatum; id est, tumore, rubore, lavore, &c. quæ cum *Arthritidem* eo loci jam esse *Fixam*, cum a decennio fuisse Πλατυνίω, vel luce clarius ostenderunt. Materia in articulos impulsæ, & *Arthriticos* ibi paroxysmos faciente, perarum aliquod, notatuque dignum, observare licuit; artus scilicet eosdem ex *Paralyfi* flaccidos, macerimos, tantum non emortuos; ex *Arthritide* floridos, inflammatos, vegetæ & vitalis vitæ indicia monstrantes.

Cum eo loci res erat, perfectæ (videlicet;) consummatæque curationis spe deceptus, circumforaneo cuidam, hominum impudentissimo, nec quidem vulgi stupore nobili, se vitamque suam commisit. Hic factum tectum protinus ut ægrotum redderet, membrorumque omnium omnino compotem, *Unguento* illa nescio quo (*Mercuriali*, an secus,) oblinivit. Quid exinde factum est? Qui per annos aliquam multos, si vitæ momenta perpendamus, sic satis habuit, (bene enim appetere, concoquere, dormire, generare, similiaque eum officia recte obisse, certo certius est) ista inunctione absque ulla concurrente

causa, tanquam *Asthmate*, suffocatus, animam agere cœpit, & aliquanto postea expiravit.

C A P U T XI.

De Arthritide, Morbis quibusdam Cuticularibus subiecta.

ART. I. **Q**uæ suppressioni *Gonorrhœæ* virulentæ subjicitur *Arthritis*, ad luem ea pertinet veneream; cujus quidem mali ista suppressio in causa est, & cui *Arthritis* illa proxime succedit. Quæ scabiem *Scorbuti* flammeam, quæ *Paturse* siccam, quæ *Febris Eruptionem Miliarem* sequitur, ea non tam horum symptomatum, quam ipsorum est morborum ἐπιγύροια: nec ea re hujusce loci. Quæ *Achoribus*, quæ *Hæmorrhoidibus*, quæ *Ulceribus*, aridis & siccatis superest, illa hoc capite perstringenda est.

II. De affectibus hujus *Symptomática* primariis generatim acceptis, primum observandum est, quod multa naturæ opera & labore, illi (uti *Arthritidem* *Symptomaticarum* morbi primarii plerique omnes) materiam, quam habent ineptam, inidoneam, & alienam, in ambitum corporis expellunt, ibique exterminant. Quo quidem nomine, cum *Arthritide* *Primigenia* recta, & legitima, ad amussim concordant.

Tum, de his notandum, quod, quoties eorum materia, seu victu pleno & immoderato, sive otio adaucta, per excernicula priora minime expressa, in sanguine cumulata fuerit, ex ea sanguis discordiam, & turbas subit, supra naturæ modum vehementes; atque his succedit alieni per articulos expulsio, id est, ipsa, quam dicimus, *Arthritis Symptomática*.

Deinde advertendum, quod *Arthritico* durante paroxysmo primariæ maxima ex parte conquiescunt affectiones; sistuntur evacuationes istæ morbosæ; latices isti exiccantur: eo vero ad exitum perducto, scaturiunt denuo, & quidem tantisper, dum nova repululante, & urgente materia, prælium redintegratur, & Ἀντίς *Arthritica* revertatur.

III. Ex eo vero, quod *Symptomática* hæc nostra morbo semper alicui externo submittatur, pronum est conjicere, eadem illa, cum primario suo, sed aucta, sed in orgasmum majorem evecta, & per excerniculum insolitum, id est, articulos expulsa, gaudere materia: ne non exinde tum a reliquis *Symptomaticis*, tum ab *Arthritide* *Primigenia*, vel prima facie distingui.

Sufficiunt enim, ex Instituti nostri ratione, morbi hujus derivationes successionesque, propter quas in *Symptomaticarum* numero ille censeatur; tametsi concedamus (quod tamen non concedimus) materiam ejus cum pure *Arthritica* revera *Specie* convenire. Et quæ res est, ut plane & latine dicam, ex hujusce morbi ortu & metamorphosi quam facillima, ex ejus concordantia, & similitudine cum *Arthritide* *Primigenia*, vel eandem his utrisque esse materiam, alio corpore in ano, alio in tibiis, alio in auribus, ἀνομάτως, postea vero in artubus, ἐφθώς, se gerentem; vel *Symptomática* huic nostræ materiam esse, *Arthritica* illi longe simillimam, & germanissimam, existimandum est. Et quia hæc *Arthritis* vel ipsa est *Primigenia*, vel ei quam simillima, idcirco de illa postremo hoc loco differuimus.

IV. *Symptomática* tam peculiaris subjicienda est curationi quodammodo peculiari. Etiam si enim in ejus paroxysmis eadem medendi ratio, & in eorum intervallis idem victus, ac in *Arthritide* *Primigenia* valebit; in iis tamen alia locum merebitur, immo vindicabit, quæ huic affectioni propria est medicina, mirum quantum a prædictarum methodis varianda.

Nihil enim ægro per vacationes paroxysmorum commodius, aut quod adjumenti plus contulerit, quam ut morbus, quicumque fuerit primarius, sustentetur, alatur: ut e.g. *Ulcus*, siquod extiterit *Cuticulare*, ne carne obducatur aut arefiat, per *Catharetica* sive carnem modice rodentia, eniti. Placet huic in finem *Aqua Viridis exedens Barbettiana*.

Ad *Achores* revocandos *Epispastica* prope aures applicentur; vel lenia quadam *Attrahentia*, quæ humorem illuc peccantem & vitiosum invitent, eliciant.

Ut *Hemorrhoides* aperiuntur usui esse possunt *Aloërica* interne adhibita, externe vero *Hirudines*.

Quemadmodum salutares sunt evacuationes, per *Ulceras*, per *Achores*, per *Hemorrhoides*, hæ prædictæ, ideoque promovendæ, ita quidem, si hydrops, colica, tussis, apoplexia, vel siquid aliud mali, ex earum suppressione oriri videatur, omnino necessariae sunt, & primo quoque tempore consciscendæ.

Atque ista volui de *Arthritide Morbis his externis* supervenienti, quæ pro eorum numero multiplex habenda, & diversa: Hoc autem capite, propter eorum convenientiam & *Arthritidum* iis enatarum vicinitatem, ac si una tantum esset, explicatur.

Hist. 1. De Arthritide Aurium Achoribus subiecta.

Currente sæculo priori, *Damnonio* hoc *Orientali* florebat ordine equestri gens, humanitate, opibus, & pietate insignis, illoque tantum nomine infelix, quod ea tota, tam feminæ quam mares (erant autem illæ quamplurimæ) *Podagra* miserrime torquerentur.

Harum una, articulos non adeo graviter affectos habens, dolore, artus alios aliosque perreptante, multos annos est afflicta, *Rheumatismi* nomine, pro vulgi more, malum isthuc appellatum est, quod tamen potius *Arthritidis Vaga* æstimandum. Decedente eo tussis exoriebatur, facta in pulmonem materiæ *μυαπτάσι*, & phthisi paulo post occubuit.

Hujus *Arthritica* filius jam quadrimus aurium morbo tentabatur; ex omni parte tumuerunt illæ; præcipue vero *Helix*. Tumor initio ruber & *φλεγμονώδης*, brevi exinde tempore subalbicans. Serum illud acre, quod intus contentum, in tumorem cutim extulit; fibras autem cuticulares fodiendo, spiritusque earum incolas irritando, pruritus immanem, perpetuum & fere intolerabilem excitavit; in crustam posthæc albidiorum condensatum est; quæ quidem crusta, demum exarefacta, & in squamulas diversa, decidit; relicto loco, tanquam a variolarum frustulis, inflammato. Confertissima erant huiusmodi excrementa, & quidem adeo crebra, ut propemodum perpetua viderentur. Veteri subito nova messis successit; pro materiæ peccantis abundantia, & cœli humiditate (quæ ad huiusmodi *ρύσιν* contribuere notabatur) major. Ichor autem, quando largiter profluxit, non sine fœtore erat gravissimo, naribusque ingratisimo: ea spes amicorum erat, ut ætate progrediente sisteretur iste fluxus, & quidem tuto; ex eoque annis puerilibus ita profuso, melius & tutius augeretur quod vitæ reliquum.

Ineunte quidem adolescentia, forsan ob exercitationes eo tempore vehementiores, fluxus est remissior: at annorum vix triginta, vir sobrius, neque *Veneri*, neque *Baccho* deditus, *Arthritide* corripitur, post homines natos acerbissima. Per idem tempus aurium illa affectio major recurrit, sed cum *Arthritidos* paroxysmis vices habens alternatas. Horum enim vacationibus scaturiunt aures; at natura paroxysmum moliente, ad eumque sese, quasi accingente, siccantur hæ; & ab his siccatis, instantis paroxysmi non leve ortum est indicium.

Hæc sunt, quæ de hujus *Arthritidis* ortu & derivatione dicenda habui; quæque si recte iudico, illius generis eam esse ostendunt, cuius materia partim per *Achores*, partim per *Articulos* expellitur: eaque ratione, quod ordinario, prior illa sufficiat evacuatio, quamprimum autem *ὕπερ μέτρον* in sanguine cummulata & congesta fuerit materia, itemque ad exilium parata, paroxysmum illa concitet *Arthriticum*. Sic, ut materiæ ad hanc vel illam partem determinatio, ex ejus quantitate & naturæ nisu fortiori, prorsus pendeat. Si vero ipsam spectemus materiam, esse illam, utrique harum pari fere mensura propensam, & æqualiter faventem.

Sunt autem alia, quæ cum aliis quibusdam *Ar-*

hriticis huic nostro communia, memoratu digna censeantur. Primum, præter labem hereditariam modo dictam, causam hujus & *Arthritides* & *Achorum* antecedentem esse procul dubio *Dyspepsium*: Cibo enim difficiliore (porcina, bubula, & istiusmodi aliis) nimium delectabatur; is autem ventriculo minime confectus, simul cum corpore morbum alere iudicetur. His addendum ægri genus vitæ otiosum, neglectis scil. exercitationibus, quibus juniores satietatis mala seu prævertunt, seu refarciunt. Otio facta est (quod tertio notandum) perspirationis diminutio; cuticulæ universæ, manuum vero præsertim, ariditas unde humores intus retinentur; unde maiorum ilias, urina huic ægroto in paroxysmo pro doloris & inflammationis ratione rufula, alias straminea, semper autem pro quantitate poculenti larga. Ingruente pluvia semper ille venarum distensionem, sanguinis orgasmum, corporis hebetudinem persensit. Complures ille periclitatus est, per *Aquas Bathonienses*, per *Cathartica*, sanguinem expurgandi methodos. Nulla vero profuit. Adeo illi sanguis intractabilis, & *δυσμετάβλητος*. In cibo *ἄχρη* & *ἀπειρω* parce sumpto, quo morbi causa præpediretur, spes sita erat prophylactica. Ille vero Cereri indulgens, & quicquid gratum erat, utut difficile coctum, demittens, bis terve anno ferme omni deserit *Arthritide*.

Unum adjiciam, quod huic ægro proprium esse videatur; *Arthritida* nempe aliquando dextram invadere patellam: drachmæ occupare spatium: per dies aliquot durare: paroxysmum autem insequentem, diuturnum esse, gravem, genuque labefactare, & valde imbecillum reddere. Ob genu imbecille factum est, quod gradus scalares multo facilius expeditiusque sursum, quam seorsum iter: quando in descendendo necessum, ne corpus antrosum rueret, summis illud viribus cohiberi. Hoc autem silicerniis, & depontanis fere omnibus commune.

Hist. 2. De Arthritide Ulceribus subolescenti, Epispasticis alleviata.

Ulceribus, quæ cutim mordent & exedunt, *ἐπιγιννομένους Arthritidis* varia præsto sunt exempla; ex quibus uno, quod ob oculos rem hanc omnem plane & perfecte representabit, contentus ero.

Vivit etiamnum apud nos, ætate adhuc constanti vir, cujus ut in ipsis *Arthritidos* paroxysmis, ita non minus in eorum originibus, occurrunt plurima notatu longe dignissima.

Ingruente paroxysmo præmitti solet fastidium, symptoma creberrime prænuncium; tum urinae tenuis & pallidæ, tanquam in *Hysterica affectione*, profluvium: nonnunquam etiam mandibulae dolor, quasi propter imminentem *Ὀδοντάλγιν*: spinam autem ischisque ossis inter acetabulum, usitare dolor acutissimus, pariter ac ab affectu illo molestissimo, quem idiomate nostro *a Grick* appellamus: ab illo vero diversus, eo quod vagetur, & spinam perreptans ad homoplatarum usque interapedinem ascendat. Eo loci quam diu iste viget, spiritum æger difficillime trahit, ac si *Asthmate* pœne suffocatus. Hoc in statu, pomaceo liberaliter ingesto, sæpe ille ad tempus aliquod paroxysmum protelat: Grallator alias artuum exinde compos. Hæc vero tantum induciæ sunt, eæque breves & infidæ. Die enim postero, qua pedibus, qua manibus, solet universe & quidem acerbissime dolere. Cum deferbuit sanguis, in carne musculosa tumores facere materiam *νοσσην*: duroscque & longos, rectis in modum, excitare; & per artus alios aliosque *πλανητικὴν* articulos aggravare, constat.

Quemadmodum *Febris* & dolor accedunt & intenduntur, urina magis flammea & rubra est: iste vero rubor remittit simul cum dolore, idque ejus proportionem. Veteris jam *Arthritici* summitatem cubiti sinistri tumor occupat *Οἰδηματώδης*; nuci juglandi par; rosos habens intermixtos, duritie & mobilitate distinguendos.

Hæc sunt, ad hujus *Symptomata* paroxysmos quæ

quæ præcipue spectant; eorum verò de origine considerandum est, quod æger hic noster *Ulcusculis*, quorum alia minora erant, pisi majoris secti basin exæquantia, alia ad diametrum Thaleri largiora, omnia vero tibias obsidentia, ante multos annos afflictaus est. Quibus cum *Arthritis* subiciebatur, quamprimum hujus cura mihi demandata est, nihil potius habui, quam ut, naturæ methodum imitando, ejusque vestigia reprimendo, materiam per cutim elicerem. Ideoque *Vesicatoria*, quibus id negotii perficiatur in usum proposui; quin & malleolo, carpo, cæterisque articulis dolore cruciatis, vel eos quam proxime, nunc plura, nunc pauciora, prout exigere videretur ægri res, admovi.

Hæc autem eo cum successu acta sunt, ut acris feri scetidique admodum, uncias sæpe quatuor, identidem sex, nonnunquam octo, unum idemque extraheret *Emplastrum*: Unde vicini dolor articuli statim mitigatus, & paulo post sublatus. Artificio hisce colis adeo delectabatur æger & profecit, ut quoties dolor recruduit, ac si esset *ἀνάστρον*, ipse sæpe numero *Epispastica* superponi juberet; ut, eodem tempore, sex septem interdum gereret.

Ex eorum dolore & fluxione macefcit æger; caro illius impendio absumi, vires debilitari & pessumdari solent; sed cum emolumento & fructu certe amplo locupletique. Quamprimum enim *Ulcera* exsiccantur, somno & fame postliminio restitutis, cibo multum idem reficitur; vires reparantur. Hisce vero adaugendis non parum conducit aer apricus, & pomaceum; quorum alterum mirifice appetitum acuit; alterum animales spiritus fovet recreatque.

Cum miasmate *Arthritico*, sive per paroxysmum, sive per epispastica, liberatur æger; nemo unquam hominum vegetior, nemo hilarior. Ut coctio recta sit, *Infusa amara Chalybeato* me hortante utitur; nonnunquam etiam, ad sanguinem instaurandum, *Aquis Germanorum Spadanis*; utroque certe, eventu non infelici, imo felicissimo. Redit exinde *Scrapia* sanitasque sic, ut horum in paroxysmorum intervallis uxorem quotannis gravidam faciat, valetudine, si unum excipias claudicationem, factus integerrima: donec cibi abundantia & satietate corpus ample nutritum, & nimis sit impletum; inque artus denuo erumpat humor, iterumque *Παροξύνται*.

Hujusmodi cyclus, paroxysmum simul cum vacatione continens, quotannis in annos singulos ter quater repetitur. Solet autem paroxysmus nunc unius mensis esse, nunc duorum, interdum etiam trium, pro materia plus minus cumulata & evecta.

Ulcera, quæ ab *Emplastris* sunt *Cuticularia*, brevi tempore sanantur; maxime vero quoties *Aqua Calcis viva* abluuntur.

Cum aliquando pedes tumefierent, ad detrahendum miasma *Arthriticum*, una cum sero in iis depositum, amici cujusdam hortatu catharticum e fortioribus assumens, malo id eventu fecit, adverso *Æsculapio*. Si evacuationes spectemus, instar omnium erant, in paroxysmo, *Epispastica*, in vacationibus, *Diuretica*. Horum autem usus uti perrarus fuit, illorum vero creberrimus; illis potissimum deberi agnoscendum est. Quod, dolore æger etiam si acerrimo subin urgeretur, tamen ei sustinendo tolerandoque usque par existeret; neque per decennium nuper elapsum, etiam si tot tristissimis accessionibus comitatum, si præcipue notæ viscera, si vitæ pondus attendamus, enervaretur, aut multum debilitaretur.

Hist. 3. De Arthritide (cum Febre Intermittente) ex Hamorrhoidibus oclusis.

His affinis illa *Foresti* observatio, de *Hollandia* præside quinquagenario; qui, cum *Hamorrhoidibus* affici soleret, ex iis oclusis in *Tertianam* incidit, & paulo post in *Podagram* & *Chiragram*, adeo vehementes, ut per dies viginti lecto affigeretur.

Hujus mali causam esse, vir clarissimus existimavit, non solum phlebotomiam ac catharsin prætermittam, sed (cum aliis quibusdam) & quidem maxima ex parte *Hamorrhoides suppressas*: neque vero

perperam; ratus enim id, quod erat, per lenientia, ventrem inanivit. Quo subducto, & dolore cataplasmatibus, mitigato, in excrementis denuo conspicitur ex *Hamorrhoidum* apertione sanguis. Hoc viso, sanitatem Medicus pollicetur, & quidem brevi admodum æger *Arthritide* liberabatur; neque annis post sex dolores *Podagricos Chiragricos*, aut *Articularæ*, etiam si illa jam ætate quæ ad hosce prona & proclivis, sensit.

C A P U T XII.

Corollaria & Spicilegia quædam cum Epilogo.

Artic. I. *Symptomaticarum* isti, quem protulimus, censui *Corollaria*, quæ ex his recognitis sive omnibus, sive pluribus, inter se comparatis oriantur, & *Spicilegia* quædam, quando ad illas amplius illustrandas utraque nonnihil conferant, jam denique superaddam.

Ex omnibus, gregatim sumptis, omnino liquet, quod *ἰδιωτάτων* iis, quæ puræ & germanæ *Arthritidi* sunt vicinæ (id est, *Arthritidi Colicæ*, & *Morbis Cuticularibus* supervenienti) maxime consentire cernuntur illæ, si, missa morborum primariorum consideratione, & ab iis *Symptomaticarum* emanatione omni, illarum *Materiam* tantum intueamur, quæ *Chlorosi* & *Hydropi* *ἰνυρῶσιν* *Symptomatica minus propria* nominantur. Iste vero consensus ex illarum simili materia proficiscitur. Vicinis illis *Spicilegiis magis propriis* materia, vel *Arthritidos* genuinæ ipsa, vel (uti supra declaravimus) ei quam simillima est, (sicut, e diverso, *magis propriis*, sed remotioribus, pro distantia, dissimilis) jam vero *Symptomaticis minus propriis* materia, (quod item ostensum est) pura puta est *Arthritica*: unde elucet dicti veritas. Er quidem ob istam *minus propriarum* cum *Exquisita Arthritida* convenientiam, *magis propriis* postponi illæ poterant imo (ut ordinem hac in parte corrigam) debuerant.

II. Secundo. De *Symptomaticis magis propriis* advertendum, quod nihil me movebit, si quis e perspicacioribus & nimio plus subtilibus, eadem materia morbos oriri posse diversos, eosque *Specie* distinctos asserens, *Luis* ex. gr. materiam, non *Arthritida Falsam*, & *Mendacem*, sed *Exquisitam* & *Genuinam* parere contenderit: itaque *Symptomaticas* (aliter quam a nobis statutum esse videatur) & inter se, & cum *Arthritide Exquisita* congruere, pro certo habuerit; nihil, inquam, isthuc me movebit.

Primum enim, morborum *Materia*, sive *Causa Conjuncta*, revera sunt in obscuro; & quis atomorum globus, sive *ἔχνηματις* ex. gr. *pestem*, quis *Variolas*, quis *Hydrophobian* & ita affectum quemcunque contagiosum, aut exigua materia, quasi fermento natum, afferat & producat, Deo soli cognitum & perspectum est: nec quis unquam mortalium hæc in operto naturæ fabricata fideliter repræsentaverit, aut palam exhibuerit. Ideoque de *Symptomaticis* hisce nostris, utrum germana sunt *Arthritis*, an ejus tantummodo *Simulachra*; cum in utranque partem disputari potest & quidem frustra; ex *Earum Materia per se considerata*, non est temere decernendum; quin philosophis magis oculatis, *λεπτότατον λήρων ἰσπεῦσιν*, missum illud faciemus.

Tum, de illarum materia, *secundum phenomena*, si sentire & judicare liceat; certo certius est, primum, diversis illas primariis affectibus, iisque *Specie* distinctis, exoriri. Deinde, eorum *materiam*, signis suis diacriticis usque manifestam, propriisque remediis impugnandam, in statu peregrino illas retinere. Et quoniam morborum *Specificatio* a nulla alia reducenda magis, quam ab illorum materia peculiari, signis suis diacriticis ostensa: his consequens videtur, illas *Symptomaticas*, pro affectuum diversitate primariorum, *Specie* distingui, propriasque postulare medendi methodos; ut & propria vocabula.

Neque enim, tertio, si quis eas *Arthritidis* nomine comprehenderit, earum mutabit naturam, aut curationes;

tiones, sed, nimis lata significatione, vocem eam, morbum singularem exprimere solitam, reddet *Æquivocam*; morbos longe disjunctos, eosque non paucos, complectentem, qua quidem re, *ὡς τὸ Ὀνόμα- τοποιεῖν* nihil magis fugiendum.

Nos certe opus practicum moliri, & hos affectus eo modo tractare studuimus, qui ad eos tollendos, aut mitigandos, maxime conducant: quem in finem, ut in superioribus *Arthritides* alias *Genuinas*, in *Secundariis* & sensu laxiori *symptomaticis* censuimus; quod *Chlorosi*, quodque *Hydropi* subjiciuntur; ita hic multo satius esse duximus, tametsi veræ sint omnes hæ *Arthritides* (quod tamen ita esse, nec a quoquam unquam probatum, nec a nobis concessum) ut *Adulterinae*, interque se diversæ, & *magis proprie Symptomaticæ*, habeantur: Quoniam hæ positio, ad earum curationes & aptius lucubrandas, & felicius exigendus, usus est immensi.

Perimetrum circulare ad suam diametrum in ratione *Tripla-fesquiseptima*, sive ut 22. ad 7. esse statuunt, & quidem omnium consensu recte statuunt, *Geodætæ*: Quamvis id non tam ex rei veritate, quæ profecto nulla est, quam ex positæ commoditate & in solidis dimetiendis utilitate, factum est.

III. Unum adhuc restat, quod quidem me sollicitum habet, quodque Lectorem moneri par est, non eam hujus scripti mentem esse, quæ *Melancholia*, *Scorbuto*, *Lue*, vel alio quovis morbo e primariis supra dictis laborantem, *primigenia* simul *Arthritide* laborare posse diffiteatur: quin e contrario (quantum video) posse ita fieri, (ut, illorum altero qui ægrotet, *podagra* similiter ægrotet, *primigenia*) lubens agnosco. Mihi vero cum hisce solum morbis negotium, qui statum pristinum vel partim vel omnino deferentes, sub falsa *Arthritidos* imagine laceffunt ægros.

IV. Præter has *Imagines Arthriticas*, quæ suo quæque genere perfectissimæ, & omnium, quas ego notavi unquam, maxime sunt elaboratæ: aliæ cernuntur minus perfectæ, neque tam ex amissi ad exemplar illud ingens, *Arthritide* videlicet *primigeniam*, formatæ. Sunt illæ fœtus naturæ, sed abortivi; sunt illæ conamina, sed languida, & frequenter vacua. Habent tamen omnes nihilominus dolorem; aliæque tumorem, aliæque etiam ruborem, breves. habent plerumque paroxysmos, neque ex stadiis omnibus perfectis conflatos; atque adeo intercisos, interraptos.

Harum *Abortionum* causa, ex naturæ imbecillitate, & ad *Arthritidem* eluctandam impotentia; vel ex matetæ defectu peccatricis; vel ex sanguine *δυσταλῆτω*, & ad *Arthritida* subendam minime apto & proclivi, ut intelligo, petenda est: Certe tanta illarum *Ἀπορία*, mox ita dubium, ut ad hæc nostras *Symptomaticas* nihil esse censeantur, neque sermone longiori persequendæ.

Minime vero tacendum, quod hæ *Abortiones* nunc, ut aliorum morborum aliæ non paucæ, (quod jam pridem detexit clariss. *Sydenhamus*) apud vulgus *Scorburi*; nunc etiam *Rheumatismi*, facti, vel imperfecti, nomine insigniuntur; & passim curationi, pro hoc vel illo nomine, (quam autem auspicio conjectari facile est) subjiciuntur.

V. Postremo addam, quod *Articulares Glandule*, quæ tantopere in statu corporis secundo & naturali,

per secretam mucilaginem, (a) articularum motui, immo vitæ animali conservandæ; in statu ejus vitioso adversoque sanguinis depurationi & purgationi, pari modo inserviunt: quando per has exprimitur venenum, in alio corpore *Ποδαγρῶν*; in alio, *Melancholicum*; in alio, *Scorbuticum*; in alio, *Venericum*, in alio, *Febrile*; aliud videlicet aliudque longe diversum, summe perniciosum. Ut dictæ *Glandule*, ex incerniculis totius corporis celeberrimis sint: neque per *catharos*, infantum; neque per *Rheumatismum* muliebrem, feminarum; neque per *Hæmorrhoida*, provectorum; quam per *Præter* hanc *Articularem*, seniorum vita, salus, & incolumitas, magis sustentetur.

E P I L O G U S.

Ita demum absolvimus *Systema Arthritidum Symptomaticarum*; eas *Species* percurrere omnes, non quas imaginatio peperit; non quas opinio commenta est; vel auctores, scripta sua compilantibus, sunt elargiti; sed quæ nobis usu & experimentis; quæ observatione & exercitatione medica occupatis, sese prodiderunt.

Harum modos & proprietates expiscari fuimus conati, medendique rationes & indicationes singulas, quam possimus aptas idoneasque, earum singulis accommodare. Nunc *Calcar* adhibendum, & *Arthritidem* in nonnullis omni industria promovendam; nunc contra, *Fræno* opus esse, & morbos artificiose sisti sufflamina-rique oportere: materiam nunc per *Locos Muliebres*; nunc per *Renes*; nunc per *Ambitum Corporis*; nunc per *Anum*, nunc per *Os*, *evacuari*; nunc, emissa evacuatione omni, *alterari*; nunc, & alterantibus & evacuantibus neglectis, tantummodo *præcaveri*, in ipsoque ortu *supprimi*, debere demonstravimus.

Si, in ponendis hisce indicationibus, isque designandis, errasse nos constiterit, (in re vero tam multiplici, tamque intricata, nihil errare, plusquam humanum est) certe suam cuique *Symptomatica Arthritidi* propriam esse, ex derivatione propria, naturam; tum item harum singulis, pro sua cujusque derivatione & natura, curationem excogitandam esse propriam & peculiarem, omnino comprobatum est.

Jacto isthoc fundamento, quæ mediocriter (pro earum dignitate, si quidem mediocriter) a nobis aperiuntur *Symptomaticæ*; tum eas amplius explicare; tum eas illustrare; tum earum numerum explere poterit observatio posterorum, quibus in medio relinquamus *Scrofula*, *Rachitidos*, *Pfore*, *Diabetis*, *Icteri*, *Dysenteria*, aliorumque complurium chronicorum erga *Arthritidem* inclinationes & demigrationes, si quæ sint, & qualescumque, evolvendas: esse vero plurimorum; easque longe inter se diversas, & discrepantes; ex jam prolatis, quæ a nobis, ut dabatur occasio, perpaucis annis spatii cogerentur, abunde verisimile est.

Animus erat, de *Arthritide Anomala* quæ habuimus dicenda, his subnectere: sed, in præsentia, manum hac de tabula, & spatio jam exacto, sistentes (anhelantium more cursorum) paulisper respiciamus.

(a) Vide Clarissimi *Haverii Osteologiam novam* Diatribam *De Glandulis Mucilaginosis*.

F I N I S.

Δόξα τῇ ᾧ ὑψίστοις Θεῷ.

DISSERTATIO SECUNDA.

DE

ARTHRITIDE ANOMALA,

SIVE INTERNA.

P R Æ F A T I O.



IN Dissertatione non ita pridem edita, de morbis iis sermonem fecimus, qui ab *Arthritide Primigenia* distincti, natura & indole plus minus remoti, stationes suas deserunt; ad illam appropinquant; ejus ritu paroxysmos agunt, *Artus* affligunt: quoniam vero, præter *Arthritidis*, sive *Symptomaticæ*, sive *Primigeniæ* paroxysmos eos, qui in artubus omnino locum habent, & a me *Idonei*, *Recti*, & *Regulares* appellantur; alios adhæc insultus faciat *Arthritidis* utraque, & interdum *Trunci* partes has illas, sedes, & regiones intret alienas, atque illas sæpe mulctet gravissime; hos utriusque *Arthritidis* errores, has obliquitates, & *Ανωμαλείας* hoc loco exponere decrevimus.

Dari vero sibi postulat hæc Dissertatio, (& quidem optimo jure postulat dari) suos esse *Arthritidi* cancellos, suos limites certos, & definitos; quibus se quandiu continet, tandiu *Regularis* illa judicari potest; quotiescunque vero eos excedit transilitque, toties *Anomala*. Dicam planius & apertius *Arthritidi Subjectum*, unos *Artus* esse *Regulares*, proprium, & suum hanc illos vendicare; domicilium in illis collocare: contra vero, organicam *Trunci* partem aliquam, sive *Provinciam internam*, non nisi *deviam* usurpare; non nisi *Anomalam* invadere. Quæ quidem harum in corpore regionum designatio partitioque, non ex arbitratu nostro fieri, vel opinionis commentum esse, verum, e diverso, in natura stabile, & fixum habere fundamentum usu, & experientia confirmatum invenietur.

Quotusquisque Medicorum *Impetiginem*, e. g. virus in *Cutim* effundentem, squamas (sic, ut moris est) præ se ferentem, animo perpendens, *Cutim* illi propriam esse sedem, non existimaverit? quotus etiam quisque est, qui, relicta *Cute*, si materia vitiosa *Pulmonem* ingrederetur, & *Tussim* faceret; non, hanc illius a suo in alienum locum aberrationem esse, judicaverit? Quis, hujusmodi *Tussim*, a vulgari & exquisita dissidere, multumque discrepare, non libenter affirmaverit? Quis, alia medendi methodo, quam quæ *Tussi* conducat exquisite, tractari eam oportere, vel secum dubitaverit? Immo quidem istiusmodi *Tussim*, etiamsi *Bechica*, reliquaque remedia *Pulmoni* dicata, minime respuerit; tamen, per materiæ translationem in corporis superficiem, in sedem illi usitatissimam, (unde *Pulmoni* cautum esset, donec e corpore prorsus expellendæ ejus daretur occasio) id est, per renovatam *Impetiginem*, modo renovari posset, apposite curari, quis in arte nostra prudens abnegaverit?

Quæ hic de *Impetigine*, mutato nomine de *Arthritide*, narretur fabula; pari enim modo, atque illi ambitus corporis, huic artus, *Subjectum* & sedes est exoptatissima. Quod vel eo liquet, quoniam hos suapte sponte adit *Arthritidis*; hos incolit; hos invita, plerunque exacta, linoquit; hos celerrime revisit: *Truncum* autem, nisi coacta, raro premit; causa nempe fortuito aliqua naturæ consilium mutante, rationem morbi conturbante, morem alterante: unde jure merito, quæ artuum est *Arthritidis*, habeatur *Regularis*; quæ reliqui corporis, *Anomala*. Simili etiam modo, atque de *Tussi Impetiginosa* diximus, quæ e. g. *Tussis* est *Arthritica* (quandoquidem ex miasmate *Arthritico* fiat) a vulgari & primigenia *Tussi*, si recte comparetur illi, primum differre existimetur. Postremo, (ut in *Impetiginoso Tussiente*) nihil hac *Tussi* laborantibus conducibilius, nihil *Arthritidi* huic *Anomaliæ* magis aptum, quam ut in viam ea, quaqua possit arte, reducatur, & fiat *Regularis*, id est, in artus ut ejiciatur.

Præmissa hac *Arthritidos* (in *Regularem*, & *Anomalam*) divisione, tanquam hujus scripturæ basi, de *Arthritide Anomala* differere non jucundum modo, verum etiam utile; sed & difficile cogitandum. Est enim illa, primum, perobscura tenebris occul-

occultata, neque perpetuo animadversa; maxime, si ex primo ejus aspectu, nempe symptomatum concursu, (qui vulgi mos est) diagnoses statuantur. Partium quas invadit, morbos, adeo examussi illa proprios & vernaculos, imitatur; ad eorum modos se tam accurate comparat; ex eorum vultu, suum tam mimice componit; ut a Medicis omnis seculi omnino omnibus, aut prætermissa, ut tantum leviter tacta; a nemine unquam hominum, quod sciam, explicata fuerit; nedum a quoquam, uti par est, impugnata.

Deinde, illa ita numero (veluti erroris alias natura) multiplex est: ut raro ullam in *Trunco* regionem, ea prorsus immunem; nullam fere, quam non aliquando ingrediatur, animo liceat comprehendere, ut *Trunco* quot partes sint organicæ, tot propemodum *Arthritica* sint earum *Anomalie*. Porro, tam a se diversæ sunt ut malorum; quotquot undique corpus humanum infestent, eorum omnium vix ullum magis, vix ullum observare licet æque *πολύτροπον, πολύμορφον*.

His adde postremo, importunam, semper eam esse, (sed ratione valde dissimili, & inæquali) imo quidem non raro summe periculosam; quoties nimirum miasma *Arthriticum* viscus aliquod e nobilioribus, & ad vitam maxime necessariis ingressum illud sic, ut assolet, corrumpat. Hoc autem crebro fieri, hæc nostra *Dissertatio*, nisi quid me fallit, manifestum & testatum reddet. Testatum, inquam reddet, *Arthritida* non solum (*Regularem*) artubus dolores, tumores, tofos, aliaque istius generis mala (quæ *Arthritidem* omnino omnem indicare, vulgo fuere judicata) inferre; verum etiam (*Anomalam*) modo *Ventriculo Nauseam*; modo, *Intestinis Tormina*; modo, *Renibus Nephritida*; modo, *Pectori Asthma*; modo, *Pulmoni Tussim*; modo, *Faucibus Anginam*; modo, *Cerebro Apoplexiam*; modo, *Nervis Paralysem*: &, quod *Trunci* partes, affectibus indigenis satis superque afflictatas, usque novis & peregrinis aggravet; usque miseros mortales excruciet; tunc, ut sæpe accidit, maxime crudelis, quando minime suspecta.

Tantæ pestis & tam funestæ impetum, ut Ego pro virili sisterem; harum *Anomaliarum* Doctrinam, & disciplinam attentavi: Quos in *Trunco* locos adeat *Arthritis*; quibus in corporibus, quæ præferat *Diverticula*; quæ *Latibula*: itaque quos illa, generatim; quos, speciatim, *Meandros, Anfractus, & Obliquitates* amet: quibus de causis eas incipiat; qua velocitate percurrat; quo eventu terminet; quodnam item *Anomala* ejuslibet *Eidos*; quæ *Accidentia*; qualis, a morbo partis affectæ proprio *Differentia*; qua demum arte præcipue quam peculiari, & privata, quælibet oppugnari, quaque præcaveri debeat, tradere conatus sum.

Circuli, curvarum linearum perfectissimæ, natura & proprietatibus explicatis; ea re minime contenti Geometræ parvam & tantum inchoatam istiusmodi linearum mathesin, esse putavere; nisi etiam curvæ minus regulares enodatæ fuerint: atque ideo *Ellipticam, Asymptotas* aliasve curvas, *Circulari* minus perfectas, susceperunt, & in iis extricandis operæ multum impendere; tam sibi met ipsis, quam aliis, utile & jucundum.

Quæ vero me ad opus hoc aggrediendum impulerunt, in primis duo sunt. Alterum, quod *Damnonios, Populum* nobilissimum, & de me optime merentem, *Arthritide Anomala*, perinde atque *Recta*, multum urgeri vexarique, jam diu observaverim; illaque multo plures, quam hac occidere; ut *Arthritis Anomala* morbus non immerito *Lethalis* habeatur; uti, quæ *Recta, Salutaris*: raro enim hæc ægrotum interimit, nisi *Anomala* prius facta. Quibus tamen hominibus, cum plerisque aliis, morbi illius facie misere deceptis, de vero ejus ingenio, nempe *Arthritico*, raro unquam ulla fuit suspicio. Et tantopere sub aliena larva debacchatus est in eos hic affectus, ut, ex iis qui *Ανορεξία*, qui *Colica*, qui *Syncope*, qui *Phthisi*, qui *Asthmate*, qui *Apoplexia*, (ne dicam alios affectus, utique complures) exquisita, pura, & genuina perimi, & e medio tolli censerentur; revera *Arthritide*, unum eorum aliquem æmulante, & larvam induente, non pauci, atque adeo (quod verissimum est) permulti fuerint sublati: non solum morte, sed & ignota ejus causa, infelices. Quas tamen eorum *Arthritides Anomalas*, methodis hisce nostris opportune adhibitis, quam iis, quæ continentem, & proximam earum causam minimo attigerint; nec quidem unquam respexerint; facilius cedere potuisse, conjectura ducor ad suspicandum.

Quod vero præterea calcar, atque animum, ad scribendum dedit, altum erat illud de *Arthritide Interna*, sive tollenda, sive dignoscenda, apud Auctores medicos silentium. Etsi enim patet, eam, ut & periculum, quod eam insequatur, non esse novum, aut artis professoribus ignotum; tamen, quia neque illud periculum, neque ipsa *Arthritis*, multo minus ejus curatio, dedita unquam opera, vel pro

ejus dignitate, & momento, fuit a quoquam unquam exposita: nec, quod sciam, inchoata, idcirco ejus Doctrina, quatenus diagnoscin, & therapiam ejus comprehendit, inter artis Medicæ defectus, & desiderata, non immerito censetur.

Ne vero quis, ex eo medicinæ consultorum hac in re silentio, *Arthritidis* hujus in dubio ponat Ἰπάρξιν, & de morbo, non tam gravi periculosoque, quam commentitio imaginarioque, disputare me coarguat; Operæ pretium existimo, veterum, quorum autoritate morbus ille (*Arthritis* scil. *Interna*) confirmari possit, e multis aliquot testimonia proferre.

Annos certe millenos adhinc septingentos (i. e. sub *Augusti Caesaris* Imperium) *Aretæo* ille *Cappadoci* innotuit; ita de *Arthritide* verba (a) facienti, Τισὶ δὲ νέμεται ἐς τὴν τῶ σωτῆρος σκλήρωσιν ἀειδόν. Id est, Quibusdam in omnis Corporis ambitum vagatur. Et deinceps, Ἡ δὲ Μετάβασις ἐς πότε μῦας, καὶ Θώρηκος. Ἀπίστων, εἰς ὅσον ἔρπει τὸ Κακόν. Σπόνδυλοι ἀλγέειν ῥαχέος τε καὶ αὐχένος, καὶ ἐς ἄκρον ἐπέδει τὴν ἱερὰν ὁδόν. i. e. *Transitus quoque in Dorsi Thoracisque Musculos fit: Incredibile est, quam late Malum (i. e. Arthritis) serpat. Vertebrae Dorsi, Cervicisque dolent, & in summo Sacri Ossis Dolor inhaerescit.* Et paulo post Τέροντες, Ἀδένες, Μῦες ζυῶν ἐντάσι ἀλγέειν. Γνάθων καὶ Κροτόφων μῦες νεφρῶν καὶ κύστιος ἢ διαδοχή. Ὡς τὴν Θώρακος. i. e. *Tendines, & Musculi cum distentione Dolorem patiuntur, nec non Maxillarum & Temporum Musculi. Item cum Renibus, & Vesicca communicatur. O Rem admirabilem!*

Secundum hunc *Galenus* apertissime, *Satius, inquit, est, ut Humores pravi relictis Principalioribus partibus in Ignobiliores ferantur, quam quod ab Ignobilioribus in Principes impellantur. Aspeximus etenim saepe in his, qui Articulari Morbo, aut Podagræ obnoxii erant, quod, repulsis ab Artubus Humoribus eo delatis, illi in Principem aliquam Partem contendentes, Homini interitum attulere: cui ea sola relinquebatur Spes Salutis, si iterum possent ad Artus revelli.* (b)

Paulus etiam *Ægineta* nonnullorum meminit, qui *Aures, Dentes, Guttur, & nonnunquam Jecur, Lienemque, Arthriticis Doloribus* consiliari pronunciant: *A quibus, nisi desubito Vitium in Artus sese recipiat eruētetque, periculum brevi tempore Laborantes occupavit.* (c)

Adhæc Ætius (d) (*Jano* interpretante *Coronario*) *Qui vero, ait, extreme ab hac affectione (nimirum Arthritide) apprehenduntur, his & Spinae Vertebra, & Costarum Junctura, & Genæ dolent, aliquibus autem & Iris, sive Corona pupillam Oculi ambiens: neque est aliqua Ossium Connexio, quæ ab hac Affectione sit immunis.*

Quibus animadversis Trallianus (e) sapienter monet, *Ne astringentibus & repellentibus in affectis Partibus utendum esse, nisi totum prius Corpus Recrementis liberaveris. Nam quod Articulis influit, ne ad Principales Particulas recurrens, Suffocationis causa fiat Ægro, periculumque Mortis adferat metuendum est. Et in sequentibus, Multos attonitos, inquit, fieri conspiciamus, ubi Pedes tentari desierint.*

Quid? quod Demetrius, inter recentiores Græcos, Pepagomenus, Michaelis Paleologi Medicus, his assentiatur; Libro (istius Imperatoris jussu) de Podagra scripto, Non tantum, inquit, in manus, pedes, omnes articulos tales ferri fluxiones: verum etiam in cerebrum, jecur, atque adeo ipsum cor. Easque teterrimas esse liberatuque difficillimas. (f)

His accedunt ætate nostra *Sennertus, Sylvius, Etmullerus, Sydenhamus, & complures alii; ut, tametsi Arthritidos Internæ, qua late patet, diagnosis certa & fidelis; superfit nulla; nedum ejus ulla curatio propria; morbum tamen eum, Medicorum omnis fere ævi opinione, revera esse; eumque magnum, & ancipitem esse, omnino constet: & quidem mirari aliquando subiit, in morbo, toties a veteri-*

(a) Lib. 2. Cap. xii. Ed. in Fol. August. Vindel. 1603. per. Henischium.

(b) Ἀπὸ τοῦ ὅτι τὸ κυριώτερον μέρος εἰς ἀκρότητα μεδίσατε τὴν λυπνότητα χυμῶν, καὶ ἀπὸ τῆς ἀκρότητας εἰς τὰ κυριώτατα, βέλπειν οὕτως πολλὰς δὲ ἡδὴ τετραμέδας, τὸ δὲ τὰ κῶλα φροῦδων ὑμῶν ἐν ἀρδελίσι τε καὶ ποδάγρας ἀπεκρύνειν ἐκείδον. Ἡ δὲ ἐπὶ τὴν κύριον ἐλδόντων, ἀπὸ θανάτου τὸν ἄνθρωπον, εἴ τι μίαν ἐλπίδα τωτηρίας, εἰς δυνάμειν αἰδῶν ἐπὶ τὸ καλὸν αὐτὸς ἀνασπᾶσαι. In Hippocratis Librum de Natura Hominis, Commentario II. ad Textum quintum: Editione Parisiensi.

(c) Τισὶ δὲ καὶ ἄλλα, καὶ ὀδόντες, καὶ φάρυγξ, καί ποτε καὶ ἡπαρ. καὶ σπλῆν, τὴν ἀρτηρικῶν μετέχων ἀλγυμάτων ἐφ' ὧν μὴ διὰ τάχους ἐν τοῖς ἀνθρώποις ἢ μετὰ πῶς ἐγένετο, κίνδυνος ἐν ὀλίγῳ καταλαμβάνει τὴν κάμνοντα. Libro 3. Cap. 78. Editione Aldina.

(d) Vide ejus Tetrabibli tertiæ Sermonem quartum, Cap. vi. Editione Frobeniana. Basileæ MDXLII.

(e) Εἰς δὲ φημι, μηδὲ τοῖς σύμφετοι καὶ ἀπὸ κρείττους διαμνημοῖς ὅτι τὴν πεπονδότην ἐλεῖν κεχρησθῆναι, μὴ πρότερον ὅλον ἀπέειπον ἐργασαμένην τὸ σῶμα. Τὸ δὲ ὅτι ῥῆρον ἐν τοῖς ἀνθρώποις, δέο ὅτι, μὴ πρὸς τὰ κύρια μέρη καλὴνδρομῆαν, αἴτιον χρίσεται τὴν καταπνευγῶν, καὶ κινδυνεύει θανάτω τὴν Πείρατα. Εἰς πολλῶν ὁρῶν μὴ Πιπυγμῶν ἐπακολοθῶντας, τὴν ποδῶν ναυσαμῶν τὴν ῥαματίσας. Vide Alexandri Tralliani, Lib. II. Cap. I. Basileæ MDLVI.

(f) Οὐ μόνον δὲ εἰς Χείρας, καὶ Πόδας, καὶ εἰς πάντα τὰ ἄρδρα γίνοντες οἱ τοῖτοι ῥαματισμοὶ, ἀλλὰ καὶ εἰς Ἐγκέφαλον, καὶ εἰς ἡπαρ, καὶ εἰς αὐτὴν τὴν Καρδίαν, ἀτινάσσει θανάτω, καὶ δυσπαλαιότητα. Cap. v. Editione Parisiensi, per Charterium.

veteribus significato, per tot sæcula genus humanum affligente, explicando curandoque; ab eorum temporibus ad hunc usque diem, progressum adeo parvum fieri; adeo nihil agi: Utinam, quæ a nobis hanc ob rem in medium feruntur, proposito respondeant.

Illud denique adjiciam, unde Lectori Hippocratis æmulo, (id est, Præceptoris in medicina optimi Discipulo) Dissertatio nostra, uti spero, commendetur, & gratiam ab eo ineat: omnem hanc *Arthritidum Anomalarum* disciplinam, sive ætiologicam, sive therapeuticam, cum medicina Hippocratica, quantum in me est, convenire; &, (posthabitis hypothesebus, naturæ vero judiciis tum avide investigatis, tum etiam diligenter examinatis) ad ejus normam & legem componi. Nec enim illa parum auspiciato medicinæ operam dat, qui id aliter facit, quam *Natura* duce, & comite *Ratione*: Hoc autem minime omnium illi videntur facere, qui, neglectis phænomenis, *Naturæ* nomine venditent *Opiniones*; itaque sibi, sui que similibus fraudi, aliis sint ludibrio.

Quare, de humorum *Transitu Migrationeque* & ab artubus in partem aliquam internam *Recessu*; de eorum in ea parte *Receptione*; deque eorum medicamentis ore sumptis, in artus *Expulsione*, extra vero applicatis, *Revulsione*, creberrime nobis sermo. Sunt autem ista plane Hippocratis Μετασάσεις, Διαδέξεις, Αποκρίσεις, Αντιπώσεις. Imo quidem, hanc nostram medendi methodum, verbis generalibus, ipse divinus senex proposuit, præcepitque: Præcepit enim † Αντιπῶν, ἢ μὴ ἢ δὲ ῥέπει. ὡς δὲ ὀκνῇ δὲ, τέττοις δὲ σολῆν, οἷως ἕκαστα ῥέπει. Id est, *Revellenda ea, quæ quo non oportet, repunt: Sin autem quo convenit, iis Viam sternere oportet, ut singula eo vergant.* Quo quidem aphorismo, (tanquam oraculo, Apollinis instinctu edito,) tum *Anomala*, tum *Primigenia Arthritidos* curatio tota brevi comprehenditur.

Morbi *Hypochondriaci* diversitates & morborum innumeras aliorum imitationes, quæ per omne ævum Medicis fucum, ægrotantibus molestiam fecerunt; a clarissimo Sydenhamo graphice depingi, solertissime curari vidimus. Utinam etiam *Arthritidis*, morbi similiter multiformis varietates, simulationes, flexiones, *Anomalias* qui exprimeret, & pro rei dignitate, & amplitudine describeret, par esset Sydenhamo. Hisce vero desperatis, huc spectantia, quæ a me fuere passim observata, lubens in medium fero; ea spe fretus, etiamsi non perfectas & absolutas; tamen nonnullas harum *Anomaliarum*, per hæc nostra qualiacunque, fieri tum Historias, tum curationes.

Habes, Lector, instituti rationem & consilium: utrique fave.

D E

ARTHRITIDE ANOMALA,
G E N E R A T I M.

CAPUT PRIMUM.

Art. I.



Um materia peccans, & aliena, quæ *Arthritidos* sive *Primigenia*, sive *Symptomatica* causa proxima, continens, & conjuncta est; post aliquam in sanguine moram, naturæ demum molesta, ideoque expellenda, jam exilio parata est; permagni sane refert, quas in corporis partes ea mittatur; quibus in locis deponatur: Si enim in *Artubus*, maxime vero si eorum commissuris; sicque ut de ejus in sanguinem reditu nullum sit periculum; profecto quidem hoc est ipsum naturæ propositum, quod in sui defensionem omni illa studio, summis viribus attentat: hæc morbi hujus solutio fida, accommodatissima: hæc *Arthritidis* exoptatissima, quæque jure merito nominetur *Regularis*.

II. SIN aliter acciderit, & ad corporis *Truncum*, sive aliquam ejus partem, materia fuerit appulsa, & in ea malum more suo machinata; longe alia rerum facies, alius est eventus: nam aut nulla morbi fit solutio, aut saltem inepta, naturæque votis minime respondens. Novus ex eo morbus exoritur, isque sæpe periculosus, sæpe perniciosus; indole, & ingenio propter materiam ab *Arthritide* ductam, admodum singulari. Atque hæc istius materiæ, in ea quæ intus sunt, e sanguine ablegatio, & in iis com-

moratio; quandoquidem ex primo naturæ instituto (quæ semper *Regularem* præfert, &, quoad fieri potest, molitur *Arthritide*) minime peragatur; verum multo aliter ex illius errato, vel defectione: hæc, inquam, *Arthritidis* a nobis appellatur *Anomala*; ea vocis istius significatione, qua apud veterem (a) Etymologum legitur *Anomalia*, id est, extra *Regulam*.

III. *Arthritidum Anomalarum* διαγνώσεις difficultatibus quamplurimis involutæ, tenebris densissimis obscuratæ sunt; ut autem excudam, & ante oculos ponam earum rationem aliquam generalem, omnino distinguendum est inter eas *Anomalas*, quæ *Regulari* nullo præcurrente paroxysmo sunt; & eas, quæ regularem *Arthritidis* paroxysmum insequuntur.

Illæ quidem partium, quas afficiunt, morbos tam mimice legitimos & exquisitos imitantur; ut internoscere illas, & ab hisce caractere proprio discriminare, prorsus ἀδύνατον existimetur. Quis enim, e. g. morbosam istam affectionem, quæ in corpore, ad hoc usque tempus immuni, neque *Arthritidis* paroxysmo regulari vel semel unquam tentato, vel ei (quantum apparet) proclivi locum habens, anginam inducat; eamque anginæ legitimæ tam similem, ut neque ovum ovo similis: quis, inquam, isthuc malum; quis hanc anginam, *Arthriticam* esse somniaverit; quando nulli testes, symptomata nulla, vel minima quidem ex parte id arguere videatur? Nihilominus tamen *Arthriticam* esse posse hanc *Anginam*, omni dubio procul usu medico confirmatum est. Quare prætermittis hisce, quæ, ut nunc sunt symptomata, & eorum interpretationes, supra captum humanum esse censeantur; ad eas progrediar *Anomalas*, quæ, paroxysmum *Arthritidis* regularem a tergo secutæ, *Diagnoses* habent probabiliores.

Z 3

IV. HÆ

(a) Isidori Lib. I. Cap. 27.

IV. HÆ vero *Diagnoses* non ex caterva sive globo symptomatum, simul semelque concurrentium, (quod in affectibus plerisque locum obtinet) expectandæ; sed ex symptomatum serie, vel ordine, in longum producto, capiendæ sunt. Ut autem istæ cætervæ, *Συμφορὰι* ab antiquo *παθολογικαὶ* fuerunt nominatæ; ita quidem hi *Ordines*, *Patognomonici* non inepte nominantur.

Qui quidem *Ordines Arthritidum Anomalarum Pathognomonici*, pro istarum *Arthritidum* diversitate, diversi sint, oportet; & quidem alias conveniunt, alias inter se magnopere sunt disjuncti. Conveniunt in eo, quod ad unum omnes ab *Arthritide regulari* sumant initium; quandoquidem, de *Anomala Arthritidos* *ὑπερῆς* minime unquam constabit, nisi de *Regulari Arthritide* præcurrente prius constiterit. Atque hæc istarum *Διαγνώσεων* pars prima est.

Discordant eo, quod, eodem loco incipientes, diversas omnes ingrediantur vias: uti radii ejusdem circuli, ab eodem puncto, nempe centro, incipiunt; sed in varia peripheriæ puncta desinunt. Ut hoc exemplo clarius ostendatur, *Dysenteria*, v.g. *Phthisis*, & *Apoplexia Arthritica* consentiunt in eo, quod ab *Arthritide regulari*, & in artus sæviente, exordiantur omnes; verum, quoniam miasma nunc ad intestina appulsum est, ubi loci *Dysenteriam* facit; nunc ad pulmonem, ubi *Phthisin*; nunc autem ad cerebrum, ubi *Apoplexiam*; idcirco *Arthritica* hujus *Apoplexiæ*, *Phthiseos*, *Dysentericiæ* *Diagnoses* ex cerebri, pulmonis, & intestinorum, nempe ex locorum affectorum signis, maxima ex parte sunt eliciendæ. Atque ista locorum, ab *Arthritide* in eos translata affectorum, accidentia, *Διαγνώσεων* harum est quod reliquum.

Quoniam vero hi affectus postgeniti, *Arthritidem regularem* nunc e vestigio sequuntur, nunc ex intervallo; eoque alias brevi, alias longiori; magna profecto, ob hanc rem, earum est diversitas. Alii originem plene & plane confitentur *Arthriticam*; alii, utrum habeant, an secus, minime declarant. Adeoque, ut *diagnoses* hæc finiam, hic *Canon* istorum affectuum *Patognomicus*. Quo certior *Arthritidos regularis* *ὑπερῆς*, & illius materiæ, in ea, quæ intus sunt, quo postea certior est translatio; eo confidentius *Anomalam*, & quidem in parte jam nuperrime occupata, esse *Arthritidem*, possumus statuere.

V. CUM autem *Arthritidem* ea, quæ intus sunt, *Anomalam* infestare dicam; vox (*intus*) ut & alibi (*Partes internæ*), uti etiam *πῶ* (*Anomalam*) & (*Truncus*) sic a me sumuntur, ut *internæ Partes* sint trunci omnes: *Truncus* autem tres ventres comprehendat, & cum artubus (quorum respectu partes ejus dicuntur *Internæ*) constituat universum corpus. Ut autem voces (*internæ*) & (*intus*) & (*Truncus*) sensu largiori, ita vox (*Anomala*) strictiori accipitur: Non enim omnes *Arthritidos* in trunco *Anomalias*, non arrium ullas, tractare propositum est.

VI. HINC *Arthritidem* inter *Regularem* & *Anomalam*, quæ sit differentia, quod discrimen, explicatu facillimum. Primum enim illa tantum artus invadit, eorumque præcipue articulos; tum humerum, & coxendicem, tum cæteros omnes: Hæc corpus reliquum; cujus partes, nunc *contentas*, nunc *continentes*; aliasque sæpenumero adoritur, multifariam affligit.

Deinde, *Arthritidos regularis*, cuicunque articulo affixæ, quoscunque artus pervagatæ symptomata, simul sumpta, inter se consentiunt, similiaque faciunt *Pathognomonica*, & (quod de similium triangulorum lateribus solet dici) *ὁμολογῶσι*. Nam in *Arthritide regulari* fixa, dolorem fere perpetuo, tumorem creberrime, ruborem sæpe, neque raro ardorem & tofos cernimus: & in vaga dolorem, unde ipsius nominis ratio, vagum; cui nonnunquam accedit tumor albus, & tanquam *οἰδηματώδης*. Contra vero *Anomala Arthritidos*, uti in locis ea longe plurimis est, ita longe plurima & diversa sunt symptomata; in ordines ejus *Pathognomicos* & numero plures; & valde dissimiles (secundum partes ab hac *Arthritide* tentatas & affectas) disponenda, & digerenda.

Postremo *Arthritis regularis* est a natura potissime petita; maxima ex parte tuta, perpetuo deside-

randa, crisis; ut ad vitam servandam in primis necessaria; neque alium quemvis (nisi id casu fiat) morbum gravem, & ærumnosum habens supervenientem. Hæc contra ortus est sinistri, & ex naturæ frustratione; raro absque ægroti periculo, interdum summo comitata, exituque crebro fatali. Adeo nempe a *Regulari* distinguitur *Anomala Arthritis*.

VII. Id autem memoria tenendum, non solum exquisitæ *Primigeniæque Arthritidos* esse has *Ἀνομαλίας*, verum etiam *Simulata Symptomaticæque*: easque esse *Arthritides Symptomaticas*, quæ *Primigeniam Arthritida* non tantum modo recte agentem, sed etiam deviam, sed *Anomalam* sequantur, & in rebus permultis æmulentur. Hujus autem verbi vis, & interpretatio non ita intelligenda, ac si omnes *Symptomaticæ* ad *Anomalias ἀδυναστίας* omnes æque proclives essent; e contrario, has illis sæpius, & longius excurrere, & quidem ad alios corporis locos, est exploratissimum.

VIII. At truncum illa universum non æqualiter infestat, aut pari modo lædit; verum, ut in provincia exteriori *Arthritis regularis*, sedem in pedibus principalem ponit; quam creberrime frequentat, habitatque constantissime: aliam secundi ordinis sedem elegit, nempe manus articulos; quos aliquanto rarius, sæpe tamen invisit: alias habet tertii, videlicet genu, cubitum, humerum, & coxendicem; quos articulos adit, quasi invite, omnium rarissime. Ita quidem in provincia interiori, sive corporis trunco, *Arthritis* se gerit *Anomala*. Namque omnium sæpissime ventriculum, & intestina petit, & in iis tyrannidem exercet: hinc *Ἀνορεξία*, *Ἀνασμία*, *Vomitus*, hinc *Colica*, *Dysenteria*, *Diarrhœa*; hinc interdum *Abscessus Arthriticus*. Sæpe caput, tanquam arcem munitissimam, aggreditur; & nunc *Vertiginis*, nunc *Cephalalgia*, nunc *Apoplexiæ* partes sustinet *Arthritica*. Aliquando etiam in nervos se insinuat; unde *Paralysis Arthritica*. Non raro pectoris regionem, spirandique tentat organa; & est vel *Zsthma*, vel *Tussis*, vel *Hæmoptoe*, vel *Phthisis Arthritica*. Aliquando etiam fauces invadit, & sub *Angina* vultu ludificat ægrotos. Interdum gingivas, & appellari solet *Dentium Podagra*. Interdum renes afficiendo *Calculus* infert, *Dysuriam*, *Stranguriam*: alias, scil. aliasque trunci partes, viscera, membranas, musculos, glandulas, tendines, ligamenta, ne dicam ossa penetrat inficitque, ut in omni trunco, quod ea liberum, & ex toto sit immune, vix reperiatur.

IX. Ne cui vero *Arthritidi* videatur alienum, tot ei, vel erranti, *Anomalias* obtingere; inque morbos, si eorum facies spectemus, numero tam multos, natura tam diversos, illam diffindi, & dissipari; hoc cum animo cogitet. Primum, virus *Arthriticum*, sanguine commistum, una cum eo corpus universum circumvehens, in singulos ventris singuli recessus, in partes corporis omnino omnes immitti, earumque adyta intrare. Deinde, iter ad articulos non adeo recta facere miasma illud, ut in aliis corporis regionibus minime unquam divertatur; verum ex contrario, ad partem trunci aliquam appulsum, in ea sæpe morari, sedemque tanquam propriam occupare. Postremo, illa commoratum, illius affectum aliquem, sed novi moris affectum, sed *Arthriticum* inducere tum posse, tum etiam solere. Ut *Arthritidis* imperium, usquequaque dilatatum, amplum esse constet, pariterque fere atque humanum corpus immensum.

X. Causæ loco proximo perpendendæ veniunt; Eæ vero, uti mihi videtur, ita se habent. Alia est ipsum *Miasma Arthriticum*, vel in sanguinis sinu inclusum, vel ad corporis extremitates amandatum; quod tamen iis minime defixum, aut inherens, re-percussu proclive sit, & in trunci organicam partem aliquam facile repellatur.

Alia in ipsis *Trunci partibus*, quæ miasma depositum accipiunt, inest. Earum enim infirmitas & *ἀσθένεια* major, minor; eaque interdum naturalis, alias acquisita, reddit eas *Arthritico* plus minus oneri ferendo idoneas. Atque hæc dux causæ *internæ* sunt, & procatactica, & in *Anomalis* hujusce generis quibuscunque locum obtinent.

Alia

Alia est *externa*, & evidens causa; ut emplastra, cataplasmata *Ἀποκρυσικά*, frigus, & quidem omne, quod materiam, vel a τοῖς ἐξωθεν repellens, vel iis affigi prohibens; adea, quæ intus sunt, illam intrudat. Atque hæc causa frequens & pervagata, minime vero constans, & perpetua est. Trunci enim partes aliquando debiles, & ἀνοήτοι nulla omnino urgente vi externa, onus per se recipiunt, ultroque sustinent.

XI. DIFFERUNT inter se *Arthritides Anomala*, primo, secundum *Locos sive Subjecta*: Alia enim est ventriculi; alia intestinorum; alia pulmonis; alia faucium; alia cerebri; alia nervorum; &c. Et quidem adeo differunt, ut, tot diversæ inter se morborum species, a plerisque omnibus fuerint existimatae.

Tum, in eodem subjecto, differunt secundum *Causas*. Ut enim illæ varietate magna distinguuntur; ut illæ nunc fortius, nunc remissius agunt; utque hoc illoque modo, πολυτρόπως implicantur; *Anomaliarum* oritur *Arthriticarum*, quæ pari gaudet diversitate, vis & copia similiter varia.

Dicam planius, & distinctius; primum *ratione Materiae*, sive causæ continentis; quam modo puram putam *Arthriticam*, modo alienam, uti *Scrofulosam*, *Scorbuticam*, vel istiusmodi aliam, habet hæc *Arthritis*; modo materiam recta e sanguine effusam; modo ab extremis partibus translatam; modo in iis partibus sævientem, membranas acriter rodentem; modo mollem, & edentulam; modo in iis nuperrime; modo ex intervallo. Unde *Arthritidum Anomalarum* multiplex varietas, discrimen ingens.

Deinde, *ratione Subjecti*, nunc illud a natura debile; (uti sunt glandulæ ferme omnes:) nunc materiæ vitiosæ a sanguine secernendæ natura destinatum; (uti præcipue sunt conglomeratæ:) nunc malis moribus illud debilitatum; (quod in ventriculo sæpissime observatur;) nunc, prægresso aliquo morbo, (quod in hæmoptoicorum pulmone,) suscipiendo miasmatis *Arthritico* magis paratum est. Unde etiam harum differentia *Anomalarum* pene innumera. Alia porro est differentia, ad hunc ordinem referenda: nam ab alio *Subjecto*, uti a faucibus, ad artus facillime, sua quasi sponte adit; expeditissime, promptissime demigrat; ab alio, uti a nervis, non nisi difficillime removetur, & summis medicinæ viribus, remediis, veluti *μυχλικοῖς*; interdum vero ne quidem ullis. Unde etiam *ἡ τῶ θραπέειν* harum *Anomalarum* magna diversitas.

Postremo, *ratione Cause externe*; nonnunquam mero extremitatum robore, partium internarum *ισορροπῶ* exuperante; sæpe emplatris, cataplasmatibus, unguentis, linimentis repellentibus; nonnunquam aere perfrigido; nonnunquam pedum, in aquam frigidam, vel salsam immersione; alias ligaturis, aut tibialibus nimis angustis fit *Arthritis Anomala*.

Ex hac varietate qua *Subjecti*, qua *Causarum*, *Arthritides* sunt *Anomala* tam variæ, tamque multiformes, & detectu sæpe tam difficiles; ut vel *Æsculapio*, vel *Herculi Medico* facebant negotium.

XII. MEDENDI indicatio generalis est, ut *Arthritide Anomala* pars affecta quam citissime, quam tutissime levetur. Hoc autem fit, materiam in ea depositam partim e corpore evocando, partim in artus transferendo. Evocatur e corpore materia modo venæ sectione, modo catharsi, modo diaphoresi, modo epispasticis, modo apophlegmatismis, modo errhinis: Quæ quidem omnia, sicut huiusmodi cætera, quando *Arthriticis* omnibus *Anomaliis* simili nequaquam modo adversentur; verum e contrario, aliis alia: quæ illorum auxiliorum quibus *Anomaliis*, quaque ratione opponantur, infra speciatim explicabitur.

In præsentia dicant, e corpore materiam evocantibus (quæ primo loco erant) etiam si crebro necessariis, non iis ita crebro solis, ægrum sanari; interdum lædi: *Ledi* nimirum, quoties perperam & imprudenter electa, vel incaute & supra modum ea fuerint adhibita, unde nonnunquam malum augetur, aut alias ægri conditio pejor reddita est. *Non autem semper sanari*, quia materia, quæ relicta est in corpore, *Arthritica*, tametsi evacuationibus retusa, quando jam maturata & ad ἀκμὴν est evecta, brevi se attollit, iterumque turgendo cristas eriget, neque nisi propriis excerniculis (id est, glandulis articulatibus) ejus fiat

Sydenham opera Medica.

excretio, vel minimum artubus appositio, sanguini quies erit. Præmissis igitur, qua par est, evacuationibus, optime felicissimeque curatio perficitur, per materiæ in artus translationem. Hoc enim ipsum est naturæ propositum; hoc illi maxime optatum; quod dum molimur, ei laboranti, neque alienum ex more, & qua via soleat debeatque exturbanti, ferimus suppetias. *Ἀδὲ ἄγειν, ἕκ αὖ μάλιστα ῥέπη (ἢ φύσις,) τοῦτ' ἄγειν, διὰ τῶ ἐυφρόντων χωρίων.* Hoc est, *Quæ educere oportet, eo ducenda, quo maxime Natura viam affectat, per loca convenientia.* Hippocr. Aphorism. XXI. lib. I.

Medicamenta; huic intentioni apta & inservientia, sunt duorum generum; quæ ore sumpta materiam in artus amoliantur; quæque extra iis adnotata, eo illam invitent.

Interna, *Arthritidem expellentia*, sive Ποδαγρυγὰ, sunt e classibus cardiacis, & diaphoreticis, magna ex parte, selecta præsidia; uti

Pulveres *Zedoariae*, *Contrayervæ*, *Gentianæ*; *Serpent. Virg. e Chel. C. C. Purpureus* Batei; *Lapid. Goani*, *L. Contrayervæ*, *Species Diambrae*, *Confect. liberantis*; *Cl. Fulleri Pulvis Alexipharmacus*; ejusdem *P. Stomachicus amarus*; *Cl. Willigii P. Bezoarticus*; *Pulvis Ruber Exoniensis*; *Flores Salis Armoniaci*; & id genus alii.

Electuaria, *Theriaca Andromachi*, *Mithridatium*, *Elect. de Ovo*.

Spiritus *C. C. Simp. vel Succinatus*; *Sp. Sanguinis humani*, *Urinæ*, *Volatilis Oleosus*, *Serici*, & ejusmodi alii.

Vinum *Album Gallicum*, *Campanum*, *Mosellanum*, *Rhenanum*, *Burgundicum*, *Burdigalense*, *Lusitanicum*; *Pomaceum*, maxime subacidum.

Quoniam autem *Ferro*, ad extrudendam *Arthritida*, nihil potentius inveni; aut quod ægrotanti sæpius sit auxilio; quod efficax, & tutum; quod annorum usu multorum a me expertum, ejus *Preparatum* accipe.

℞. *Limaturæ Ferri* ℥. x. *Sartagine*, vel *Patella terrea*, vitro obducta, *Urinam* madefac humanam, astivo Sole, vel ad ignem sicca; iterumque (*Spatula Ferri* particulas, ne coalescant, bis in die agitando) irrorata, donec abeat in *Rubiginem Massam*. *Exesam*, & *Rubigine confectam* eam in mortario ferreo contunde: *Tusam*, & in *Pulverem* redactam *Situle*, quatuor circiter *Congios Aquæ fontanæ* continentis, injice. *Pulverem cum Aquâ commisce*. *Hora post quadrantem*, *Aquæ*, quod summum est, & minus turbidum, leniter detrahe; & ad *Pulveris*, in ea natantis, siccitatem evapora. Quod in stula relictum est humoris, similiter evaporetur. *Pulvis in fundo crassior*, *Urina* irroretur; &c. uti prius. Itaque *Nutritio*, *Tritura*, perque aquam *Separatio* repetatur, donec omne *Ferum* in *Pollinem* mutabitur. *Charta Emporetica*, *Coni* in formam circumvoluta, *Pulveres siccatos* inde; *Aquam fontanam fervescantem*, paulatim, & per vices, superaffunde; donec urinoso sale penitus abluto, existillabit *Aqua insipida*. *Pulverem denuo exsicca*, & usui serva.

Est illa *Rubigo Ferri* subtilissima, merum *Alcohol*, non solum *Arthritide*, verum etiam chronicis pleurisque aliis, ægrotantibus, præcipue tenetis & imbecillibus utilissimum. Dosis ℥℥. semel, bis in die, pro re nata.

Pulvis Ruber Exoniensis ita preparatur.

℞. *Cacumin. Anagalis. Scabios.*

Draconis, Betonica, Scordii.

Tormentilla ana ℥iv. misce;

incisa digere, igne arenæ, horas xxiv. in Vini albi Lusitanici ℥iv. *Vitro probe clauso. Tunc fiat Colatura, & Expressio.*

℞. *Boli Armenæ pul.* ℥i. *Infuso prædicto in spissitudinem Linimenti temperetur; crebro agitetur, sole exsicceetur; rursus irrigetur; &c. Itaque Massa Infusa nutriatur: At cum ultima ejus semilibra, illi addatur.*

Mithridatii ℥i.

Diascord. ℥i℥.

Conf. Alk.

Pul. Rad. Curcumbæ ana ℥℥. *Serp. Virg.*

Croci Brit. ana ℥ii. misce, exsicca; f. *Trocchisci*;

vel Placentula, solis aestu duranda, loco calido servanda, Dosis ℥j. ad ℥ss. vel ℥iij.

Ad Arthritidem expellendam Pulveres, Boli, Pityula, post evacuationes necessarias exhibendae.

℥. Ferri hujus Nutriti, sive Alcohol. Martis ℥ss. Sacchari albiss. gr. xv. Pul. Nucis Myrist. gr. v. f. Pulvis, cum vini Haustu assumendus, vel

℥. Pul. e Chel. C. C. (vel Lapid. Contrayervae, vel Rubri) ℥i. Alcohol. Martis ℥ss. f. Pulvis.

℥. Ther. Androm. ℥i. (ad ℥ss.) Alcohol. M. gr. v. (ad x.) Syr. Caryoph. q. s. f. Bolus, vel

℥. Pul. e Chel. C. C. (vel Alexipharmaci) ℥i. Spec. Diambrae, Ferri Nutriti ana ℥ss. Conf. Alk. q. s. f. Bolus.

℥. Pul. Serpent. Virg. ℥i. Alcohol. Martis ℥ss. Ol. Absynth. Chym. gt. i. Ext. Cent. q. s. f. Pil.

Detur aliquod ex hisce compositionibus, semel, bis, terve in die; uti res aegroti postulet, & patiatur; cum idoneo vehiculo, Vino puta, Pomaceo, vel Julapio Cardiaco.

Si liquidum malis, in eundem finem propinetur Infusum amarum, cum Tinctura Martis; vel ejus Alcohol.

℥. Rad. Zedoar. Gentian. ana ℥ii.

Cacum. Abs. Rom. Agrimon.

Cort. exter. Aurant. siccatur.

Crocī Brit. ana ℥i. misce, & digere, in Vini rubri Lusitanici ℥iij. ad idoneam alterationem; Tunc f. Colatura. Dosis ℥iij. cum Alcohol Martis gr. v. ad x.

Sunt & alia medicamenta, Arthritidi protrudenda apta; quae Anomalis quibusdam singularibus occurrunt, & suis in locis tradentur; haec autem maxime communia.

Internis hisce Ποναροποις, vel hujusmodi aliis, dies quatuor aut quinque usurpatis; si in Artubus nihil excitabitur doloris, ad ea, quae extra imposita Arthritidem ad τὰ ἔξωθεν eliciant, descendendum est. Articulo dolere solito admoveatur Empl. ex Cummi Caranna vel Oxycroceum, vel Cephalicum, cum Picis Burgund. dimidio, triente, vel quadrante. Valet Urticatio, veteribus in usu adversus dolorem ischiaticum, valent Balnea, sed calidissima; uti etiam Pelles Animalium recens detractae. Vel applicetur Ceratum illud viride, ex quo sunt Petasothecae; vel si vires aegri ferant, & res in dubio versetur, Phlegmismus

℥. Fermenti vet. partes ii.

Sem. Sinapios.

Raf. Raph. Sylvestr. Allii,

Cacumin. Ruta; Fimi Columbini, ana partem unam; cum Aceto Vini albi contunde; ad spissitudinem Cataplasmatidis redige.

Admoveatur ejus portio, quam fieri potest, calidissima, cum vestitu apto, lanceorum nempe involutis; & quamprimum illa refrigerit, donec tumor erit, usque eo renovetur, Aegrotanti, si inter cruciatus animo defecerit, Julapium Cardiacum, vel, quod praefere soleo, Vinum aliquod generosum saepius propinetur. Tumori demum facto, ne sanguini reddatur in eo contentus humor, Epispasticum, cujus beneficio is educi possit, applicetur.

Ubi nulla praesentis auxilii necessitas, aut aegrotus debilis, & tener, doloris fuerit impatiens, tibiis, vel cubitis (prout Arthritis imos, vel supremos artus solet occupare) primum Epispasticum commune superponatur; quo duodecim vel duodeviginti horis post detracto, imponatur id, quod sequitur.

℥. Axung. Porcin. ℥iij. Empl. Melilot. f. ℥iij. Pul. Cantharid. ℥i. m. f. Emplastrum.

Hujus Epispastici auxilio, dies sex, octo, vel decem educatur, quandiu nempe visum fuerit, ἰχνοῦδες αἷμα. Quacunque via progrediare, salutaris haec severitas, inanem omnem clementiae speciem longe multumque vincens, Arthritidem paucis diebus solet allevare. Ita falsum est quod effluit, ut ex eo saepe pruritus, & partium aliquando vicinarum inflammatio, & tam diuturnum esse flumen observatur, ut ne perpetuum sit, interdum extimescat aeger. At, quantum mihi notare licuit, inanis haec sollicitudo. Nam, ichore supervacuo exulante, concidunt symptomata: ex quo aeger vegetior, appetitu avidiori, animo majori est donatus; ab Ar-

thritidis accessione nova ad tempus aliquod incolumis.

At! Tribum Arthriticorum delicatam, mollem, & doloris impatientem instare video; quae periculum ex dolore meticus, & ex ἀνυμία felicitatem, omnem hanc Arthritidis expellendae medicinam, illiusque professorem crudelitatis arguit; neque inter haec tormenta (Phenigmos scilicet aliaque dolorem excitantia) aliter, quam in Phalaridis Tauro, vivi contendit; neque sine indignatione quadam me objurgat, ac si verbis Aeschyli Prometheus usa,

Ελαφρόν, ὅς τις πημάτων ἔξω πόδα

ἔχει, παραινέιν, γὰρ δεῖν τε τὸς κακῶς.

Πράσσοντας. Id est,

Facile, quisquis Pedem extra mala habet, adhortari, & monere infelices. Et, ut verum fatear, querimonias hac de re me plus semel audivisse, non dissimulabo. Pii autem Medici est, dum morbum sedulo & artificiose conatur relevare; quidquid in ea re occurrat impedimenti, studio, & constantia vincere, vel patienter ferre. Exponenda igitur his hominibus est Arthritidos Anomala malitia; & quanto melior, & mitior sit haec crudelitas, quam per misericordiam methodus; illa brevi, & tolerabili dolore sanitatem; haec quiete, multo detestabilioti; mortem accelerat.

His in genere praemissis, Anomalas Arthritides speciatim explicandas, jam nunc aggrediar.

C A P U T II.

De Ventriculi Affectibus Arthriticis.

Att. I. **A** Ventriculi & Intestinorum malo, nempe dyspepsia, creberrime potissimeque nasci Arthritida primigeniam; ex ejus doctrina, huculenta & idonea, liquido patebit. Ejusdem Arthritidis, ut etiam Symptomata naturam exquirenti manifestum erit, nullam in universo corporis trunco partem, Ventriculo & Intestinis, eam utramque perfectam antepone; nullam frequentius ingredi; nullam diutius tenere; nullam gravius affligere; nullam saepius repetere. Quae quidem res, uti methodi nostrae, ab Arthritide eorum Anomala incipientis, rationem abunde comprobatur; ita quidem merito requirit, ut, quae sit hujus saevitiae frequentiaeque causa, studiose examinemus.

Quo vero clarior & dilucidior Anomalarum, haec partes sic infestantium, expositio sit; de iis, quae in Ventriculo locum habent, hoc capite; de iis, quae in Intestinis, suo ordine postea disputabimus: ut, in quibus ea inter se concordent omnia, & in quibus discrepent ex conjunctis & juxta se positis facilius innotescat.

II. Ut Ventriculum Arthritis occupet, & in eo commoretur, duo videntur esse necessaria. Primum, in sanguine miasma Arthriticum, sive nativum, sive malis moribus acquisitum. Saepem quidem nativum, huic affectui suo Marte generando, par & aequale reperitur. Sin ebrietate, gula, vel utraque id adaugetur; fortius inde factum, omnem molitur efficacius accessionem, praecipue Anomalam. Neque tantummodo inesse sanguini, & cum eo circumvehi sufficit; nisi etiam in fugam abiturum; nisi exilio, quocunque vult natura, fuerit paratum. Alterum est, ut huic miasmati accipiendo, in tunicarum vel fibrarum intervalla adsciscendo, Ventriculus accommodetur; & ad illud in recessus intimos admittendum, aptus & conveniens sit.

III. ADVENAM illius accipit Ventriculus, saepe propter imbecillitatem ab incunabulis ductam, ipsoque ortu factam; ob quam in illo expellendo arcendoque partes minime possit sustinere.

Et quidem tanti, ad inferendum hunc affectum, momenti tam magni, est haec imbecillitas, ut ex iis, qui eo laborant, antea Ventriculo laborare, plerique omnes invenirentur. Illa vero, quam dixi, imbecillitas aliquando subita est, & uti conjicio, ex improvise. Quoties nimirum Venere absumantur; vel, ex dolore, timore, aliove quovis animi pathemate, recedant spiritus animales; Intestinorum membranae flaccescant; itaque advenae

se se intrudendi, non ad *isopponia* adversentur, atque adeo viam aperiant. Cujus quidem rei, (*Anomalie* videlicet, hoc in loco *Arthritica*, a *mœtore* inducitur) exemplum mox subijciam.

Nonnunquam autem crudum, acidum, biliosum, aliudve aliquod ineptum & vitiosum, in *Ventriculo* coacervatum, miasma illuc allestat, & tunicas ejus irritando vellicandoque, ut in iis illud deponatur, efficit; non alio modo forsan, quam, in ambitu corporis *Epispastica*, *Phenigmi*, & id genus *Attrahentia* vulgo dicta, cutim mordendo stimulandoque, serum, & nonnunquam ipsum sanguinem ad se invitant, & quasi attrahunt. Quod quidem usu venit admodum frequenti; sic, ut in causis hujus *Anomalie* procatacticis nihil, ut opinor, frequentius.

Interdum miasmatis, in *Ventriculum* missi, causa est externa: uti *Cataplasmus*, *Emplastrum*, aliudve quodvis istiusmodi repellens: quo ne extra in articulis maneat, neve in eos emittatur *Arthritis*; verum e contrario, ut in *Ventriculum* pellatur, effectum est creberrime. Atque huc referri frigus oportebit; seu balnei, sive aeris fuerit: & quidem, multum hac in re valere frigus externum, iterum & sæpius observavi.

Ex hisce causis, qua antecedentibus, qua evidentibus; sed ratione, modo, & *ἄλλῃ* alias alia, valdeque inter se diversa operantibus; *Anomalias* notare licet, in *Ventriculo Arthriticas*; quarum *ἴδιον* & *ἴδιον*, ut ad illa descendamus, plerumque tale est.

IV. Cum *Arthritis* aliquandiu *Regularis* fuit, & in artubus accessiones reversionesque multas ex intervallis iteravit; sæpe quidem videmus, paroxysmum ejus, vel ex *Frigore*, *Emplastro*, *Cataplasmo*, *Unguento*, vel istiusmodi aliquo externo repellente, vel post satietatem, aut crapulam; & in victu erratum aliquod, nunc abscindi abruptique; si nempe esset; Sin nullus fuerit tunc temporis paroxysmus, spatio præter morem excludi prorogarique. Hanc paroxysmi regularis sive interruptionem, sive intermissionem, nonnunquam sequitur *Ἀνορεξία*, cibi fastidium; eique postea se adjungit pectoris gravitas; & deinde ructus, vomitus, & interdum cardialgia. His sæpe additur *Intestinorum* oppressio, dolor, constrictio, & aliquando æstus, respiratio impedita & angusta, oscitatio crebra, cephalalgia, vertigo, & interdum mœsticia, *Σκότημα*, faciei pallor, & post aliquod tempus imbecillitas universalis, & totius corporis macies.

Et si hæc symptomata fortasse nunquam in eodem corpore simul semel observantur omnia; ea tamen horum caterva creberrime videtur, quæ *Ventriculum* maxime, secundum cum *Interranea*, malo quodam intestino affici, gravarique significet; eique *ἡ Συμπύκνωση ἐν τῇ κοιλίᾳ*, tum ino ventre, tum medio tum etiam supremo, cum systemate nervino, ea, quæ recitavimus, symptomata: quod ea singulatim examinari facillime patebit.

Abs quo hæc intus oboriuntur, rara in extremitatibus *Arthritis*. Fixus, vagus dolor, tumor rarus, Qui diu clinicus fuit, nonnunquam, hunc in modum affectus, expedire & prompte ambulat. At, quod externo omni dolore pejus, magis indies intestina mala magisque ingravescunt; Sic, ut æger (nisi fortunate *Deus* se interposuerit, & vel tempestate ab immoderata & perfrigida, ad mitem & benignam mutata; vel medicina apposite adhibita, reducta fuerit *Arthritis regularis*) inedia, languoribus, & dolore confectus, e medio sensim abiens, post menses aliquot tristissime actos, mortem denique misellus obeat.

V. Quicunque hæc symptomata, maxime vero eorum ordinem, quo ex aliis emanant alia, judicio rite ponderavit, mecum, ut opinor, sentiret; *Arthritidem*, olim regularem, nunc *Anomalam* fieri, & in *Ventriculum* divertere. Cujus rei probabilitas ex hisce paucis, simpli consideratis, omnino sumi potest. Primum, quod nullum unquam hominem, nisi *Arthriticum*, adoriatur hic affectus. Deinde, quod nec eum, nisi miasmate *Arthritico*, eoque maturo, & volatili turgentem, Deinde, quod neque illum, nisi vel a paroxysmo vacuum, vel eum habentem, intercism, imperfectumque, Deinde, quod e vestigio sequatur relictæ *Arthritidos* defectum. Quibus omnibus, uti par est, pensatis, nihil verosimilius videtur, quam quod *Arthritidos* materia, *Ventriculum* appulsa, dictam mo-

veat tragediam. Hujus autem opinionis fides ut amplius stabilietur, hoc, quo nihil clarius, nihil luculentius optari potest, unum superaddam; nempe quod *Arthritide regulari* denuo inducta, (id est, materia *Arthritica* a *Ventriculo* in artus amandata) nihil huic affectui citius, nihil tutius medeatur.

VI. Senes hac *Anomala* maximopere conficiantur; quorum sanguis, in miasmate, per ætatem ingravescente, expellendo; quorumque viscera, propter imbecillitatem ætate crescentem, in eodem avertendo, minus valent. Sed non iis propria est habenda; quando in adultos, in illis juniores sæpenumero cadat: Et quidem adeo, ut *Anomaliarum*, quotquot sunt, *Arthriticarum* nulla unquam, quod meminerim, magis. De cujus rei causa, ut conjecturam faciam, nihil magis in promptu, aut verisimilius habeo dicendum, quam istam in victu incuriam; licentiam istam (inutilem dicam, an perniciosam?) qua istius ætatis homines in mala se innumera immergunt. Quod ut pateat, unicum isthuc adjicere necessum est, in juvenibus ab errato in potu aut cibo, incipere eam quam sapissime solere.

De anni tempore, quo potissime gliscat, enunciaripotest; etiam si nullum illa non arripiat tempus, nullo tamen magis vigere, quam autumno, quo, ad spumam omnem *Arthriticam* e sanguine, eructandam, vires exerit natura, & ut illam ad se alliciant, per fructus horæos æstate devoratos, & in ductu suo retentos computrescentesque intestina præparantur.

VII. Hæc cum hujusce *Anomalie* ratio sit creberrima, operæ pretium esse videatur, eam cum *Arthritide regulari* paucis comparare, & utranque, quasi trutina, examinare. Age igitur, calculum incamus, & initio, quod in confesso est, ponamus, diatesin in sanguine *Arthriticam* eam hanc, quam illam præcedere. Deinde miasmatis, e sanguine ablegationem similiter utranque anteire: Et quidem, in his duobus, eis inter ipsas convenire.

At, quod altero loco dicendum, in quibus secum dissentiant, sunt quam plurima. Nam in accessione regulari sanguinis orgasmum, pulsus celerem, carnis æstum, eumque aliquando ingentem, naturæ nixum molitionemque plus minus intensam observare licet: contra vero in *Ventriculi Arthritide*, nihil horum evenit; at anxietas, inquietudo, languores ægotantem urgent. Illa naturæ vegetæ, vividæque, & magnum aliquod moventis opus; hæc fatigatæ, hæc oppressæ, & oneri succumbentis. Postremo, illa vitam reddit securiorem, hæc mortem imminentiore. Tantum inter hæc *Arthritides* est discriminis: & tam certo, si earum altera *Regularis*, altera huic contraria est.

VIII. Neque de istarum *Anomaliarum* Historia, vel ejus fide, derogari quicquam arbitror; si forsan earum aliqua (prout diversæ sunt, & eorum numerus pene infinitus) sine ulla sive e prædictis, sive alia quavis evidenti causa, fiat; vel, si una cum paroxysmo regulari, non autem post eum, uti nos statuimus; vel, si ab ejus interruptione intervallo, quam proposuimus, longiori. Quandoquidem fingi potest, in ipsis hisce *Anomaliis* quædam inesse perfectio; quam in descriptione nuper allata conati sumus exprimere: Et quotquot eam habent *Anomala*, censeantur *ἀνὰ βίην*, suoque genere absolutæ; quæ vero cæsent, & ab ea desciscunt, minus perfecte: De quibus tamen, omnibus sententia, per regulam datam, per *Anomalam* absolutam, facillime ferenda est.

IX. Illa porro symptomata, quæ dicuntur *Hypochondriaca*; notitiam *Arthritidum* in ventriculo *Anomalarum* identidem obscurant, earumque diagnosis interturbant. Nam cum ea senes sæpissime invadant; eosque maxime, qui post inadidam, & temulentam juventutem, mutata vitæ ratione, senectutem degunt sobriam & siccam, a vino abstinencia languores fere perpetuos, ructus, anxietates, tristitiam, & nonnunquam dolorem, aliaque *Ventriculi* mala non raro infert; quæ *Anomalam* in eo *Arthritidem* diuturnam (qualis ea interdum est) non parum æmulantur. Ut autem eam internoscant, & ab affectu hypochondriaco distinguant; ejus insultus explorare, modos eorum, vehementiam, & intervalla perscrutari, medentem oportebit: unde ab illo istam facile deducet.

X. Hisce libet adjicere, perinde fere esse, *Anomalam*, ut per se est; spectemus, utrum artubus relictis in *Ventriculum* materia directo se infinuet; an vero primum in fauces, in partem aliquam contusam, aliamve quamvis; & tandem, quasi per circuitum, ineat *Ventriculum*: cum diversa ista progrediendi via, ad naturam hujus *Anomala* permutandam, ne hilum quidem faciat.

Idem etiam erit, siue *Anomala Arthritidem* fixam, siue erraticam sequatur, siue neutram harum; sed miasma, sine ulla in artubus mora e sanguine recta in *Ventriculum* mittatur: Idem, inquam, erit; modo mitti constet. De istarum *Anomalarum* natura, eandem nempe esse omnibus, nihil dubii est; de earum *opere* modo certi essemus.

Hoc autem adnotandum, uti ætate provecti, (quod supra positum est) quam juniores: Ita labe *Arthritica* ab ortu inquinati, quam integri: grandioribus, quam maturis parentibus oriundi, appetitu malo, quam bono donati, *Arthritide* frigida, & languenti, quam calida & acri dolere soliti: *Anomaliis* his assueti, quam iis semper liberi, hac *Anomala* citius, & diutius ægrotant.

XI. Medendi indicatio *Ventriculum* quam citissime, quam tutissime levare, & ab *Arthritide*, ei incumbente, liberari postulat; quem in finem, duo semper consideranda, ut & sæpe exequenda veniunt.

Prius, ut per catharsin idoneam, & ægroti rebus convenientem, impura & aliena ista massa, in *Ventriculo* contenta, qua ad eum quasi attrahi, & (tanquam compede) in ejus tunicis detineri solet *Arthriticum* miasma, foras per os, per anum eliminentur.

Posterior, ut peracta catharsi, vel, si nullius usus erit, prætermissa, *Ventriculo* dimoveatur, in extremas partes exulet *Arthritis*. De quibus ordine,

Si respiratio angusta & præpedita, si *Ventriculi* gravitas, & inflatio, maxime vero si ructus, si nausea, si vomitio urgebit; adhibito leni emetico, sed tamen efficaci, modo vires annuerint & nihil repugnaverit, *Ventriculum* moveri plane opus erit. In emetico seligendo curam & cautionem multam impendi, neque tantam rem negligenter agi oportebit. Ut enim, modo tuta, vomitio necessaria, ita, quæ languida, est inepta, & quæ justo vehementior, est periculosa. Qui sunt *dilecti*, iis satis esse solet *Foliorum Tea Viridis*, vel *Cacuminum Cardui Decoctum*, copiose potum, ad quatuor, quinque vel sex egurgitandi vices, ad octo, decem, vel duodecim libras, si cum *Opoponia* fieri potest, demissum. Quibus segne nimis hujusmodi decoctum, neque satis irritans, iis conducatur liberis singulis, alternis, tertiisve, *Salem Vitrioli* pro re, ita adjicere. Qui non nisi difficulter, iis opus esse videatur initio *Vinum* vel *Oxymel Scillit*. Vel ex eorum aquis ponderibus compositum, ad duas vel tres uncias sumere: & post horam quasi dimidiam, possetum aliquod simplex, vel amarum. Qui vero *Arthritici* possetum, aquam tepidam, vel liquidum aliud aliquod quantitate bene magna, vel nequeunt, vel nolunt bibere; iis ne derur ex officina emeticum, maxime cavendum. Ut etiam aliis id incommodo esset, ita quidem *Arthriticis* præcipue. Ne viz. allecta e sanguine ad *Ventriculum* materia multa, ejecta vero nulla, laborer æger. Est ubi nec possetum, neque decoctum, neque medicamentum aliud quodvis exhiberi potest; propterea quod, ex eorum quopiam, torminibus, spasms cito inutilibus corripitur æger, in primis vino deditus. Hoc casu, vino affatim, & ad vomitum usque sumpto, sæpiusque repetito, rejectoque, (quod simul & emetici & cardiaci vires habeat) totum isthuc, utur difficile, & plenum opus alea, nonnunquam absolvi; itaque ex fati faucibus ægrum eripui.

Quæ per vomitum evacuari solet materia, nunc biliosa, nunc quæ in *Ventriculo* computruit & coalluit, cruda est, maxime post *Anomalam* ex Cerere vel Baccho natam. Respirationis spatium ex eo dilatari, pectoris gravitas auferri solet: quinetiam ipse vomendi nixus, & quæ ab eo sanguinis agitatio est, ad *Arthritida Ventriculo* excutiendam aliquando non parum facit, & æger statim *modayetur*.

Hora post finitum vomitum, maxime si pharma-

co moveatur, (ut in intestinis quicquid assumptorum manserit, evocatur) enema vulgare injiciendum; eosque vespere, quo reficiantur vires, *Bolus ex Theriaca Androm.* & *Pul. Cantiano*, una cum *Vini ustulati Haustu*, dandus. Tunc infusionis amara *Vino Lusitanico*, vel *Xeresano facta Haustum*, cum *Pul. Cantiani* ℞j. vel ℞ss. ter quaterve in die assumat æger, donec alvo tempus erit inaniendæ.

Si vires ægri patiantur, interposito die uno post vomitum, instituatur purgatio: Sin imbecilliores eam vetuerint, in aliud tempus differatur: quam autem primum commode fieri potest, eam aggredi juvabit. In ea ordinanda curæ esse oportebit, ut ægri viribus conveniat; ut, in ductu alimentati quicquid insit alieni, tuto illud emittatur; sed neque medicamento tam forti, tanquam elaterio, ut faciat hypercatharsin. Uti hæc ægroto non nisi periculo plena, ita quidem purgans nimis lene exhiberi, malum erit. Hoc casu enim, nisi brevi repetita fuerit purgatio illuc, ubi peccatum erat, postea, majori cum incommodo, redeundum; & venter iterum movendus. Ratum enim isto, auspiciatissimam hujus *Anomala* curationem fore, si a *Ventriculo* & *Intestinis* bene purgatis ordiatur. Mihi solemne est, per *Tinctura sacra* ℞iij. vel iv. vel per *Extr. Rudii* ℞ss. ad ℞ij. vel per *Pul. Pavarovicensis* quasi ℞ss. vel per *Manna* & *Salis Cathartici Solutum*, addito *Elixir Daffeano*, *Alvum* ducere; & si spatio sex horarum nihil effluerit, clysterem immittere; vespere post purgationem, (uti post vomitum) bolum exhibere.

Interdum accidit, post utranque catharsin, non nimis parcam aut debilem, nauseam manere importunam; ipsaque medicamenta, quæ sanguini suscitando, *Arthritidique* transferendæ sunt a Medico destinata, ore confestim reddi. Hoc, uti conjicio, fit per acre illud *Arthriticum* miasma, quod *Ventriculi* tunicis inhæret. Ad vomitum hunc inanem, imo noxium compescendum, *Laudani liquidum gutt. instar.* x. cum *Aq. Cin. fort.* vel *Abs. C.* vel *Sp. Menthe* ℞ii. quarta, quinta, vel sexta quaque hora misceantur; ea nempe dosi, & frequentia, quæ vomitionem tollat, & in ventriculo *Podagragoga* retineri faciat. Laudanique dosibus, post vomitionem aliquantisper compositam, intervallo ea medio interponantur, sic, ut si laudanum horis sexta & duodecima, remedia *Arthritidem* moventia tertia & nona exhibeantur. Quamprimum ea retinet, *Ventriculus*, tanquam inutile quoddam, ne dicam ineptum, & postea nocivum, omitti laudanum, & in methodo præscripta progredi juvabit.

Hæc autem omnia circa catharsin a me proposita, de iis tantummodo ægrotis intelligi velim, quibus & purgationis utriusque opus, & ejus sustinendæ vires sunt. Quoties autem ejus nulla in conspectu necessitas; (quod in *Anomala* per mœrorem inducta; aliisque paucis observare licet) vel quoties eam admittere nequeat ægrotantis imbecillitas; a *Podagragogis*, omissa ea, incipiendum. De quorum usu verba jam proxime faciemus.

XII. Peracta re cathartica, quæ prior erat medendi *Intentio*, ad alteram illam, quæ *Arthritidem Ventriculo* moveri juvet, & quoad fieri potest in artus mandari, properandum est. Hoc ut effectum reddam, iis utor non modo stomachicis, quæ *Ventriculo* contra inimicum defendendo; verum etiam iis cardiacis alexeteriisque, quæ sanguini, eum in corporis ambitum pellendo, quæ miasmatis exturbando conferant. Quoniam vero istarum classium medicamenta non possunt omnia; selectiora quædam, & huic proposito utiliora, in medium feram.

Possunt illa vel *Pulveris*, vel *Boli*, vel *Pilularum* vel *Infusi* forma exhiberi: Atque hisce pene omnibus *Ferri* (propter ejus excellentiam, & in *Arthritide* expellenda vires mirificas) præparatum aliquod adjiciam.

℞. *Pul. e Chol. C. C.* (vel *Purpurei*, vel *Lapidis Contray.* vel *Goani*, vel *Rubri Exor.*) ℞i. ad ℞ss.

Serp. Virg. ℞ss.

Chal. Nutriti gr. v. misce f. Pulvis.

Loco *Rad. Serpent.* dare licet *Gentiana*, *Zedoaria*, vel

vel *Contrayerva* tritæ, eandem vel majorem quantitatem.

℥. Pul. Rad. Ari C. P. Rubri Exon. ana ℥i. Alcohol. Martis gr. v. misce f. Pulvis, vel

℥. Spec. Diamb. (vel Aromat. Rosat.)

Pulv. Gascon. ana ℥j. ad 3℔.

Chal. prædicti gr. v. misce f. Pulvis, vel

℥. ZZ in Indiis Cond. ℥j. (vel Piperis in racemis C. gr. vi.)

Pul. purpurei ℥j. ad 3℔.

Chal. N. gr. v.

Syr. Abs. S. qs. f. Bolus, vel

℥. Spec. Diambra

Pul. Lap. Contrayerva ana ℥j.

Alcohol M. gr. v.

Conf. Alb. qs. f. Bolus, vel

℥. Spec. Aromat. Rosat. (vel Dianthos) ℥ij.

Flor. Salis Armon. gr. x.

Syr. Garyoph. qs. f. Bolus, vel

℥. Conf. Abs. Rom. Pul. e Chel. C. C. ana ℥j.

Olt. Sem. Carui gutt. i.

Chal. N. gr. v.

Syr. Cort. Citreor. qs. f. Bolus, vel

℥. Theriac. Androm. (vel Mithridatii, vel Elect. Stomach. a Clarissimo Fullero descripti)

Pulv. Gascon. ana ℥j.

Chal. prædicti gr. v.

Syr. Mentha qs. f. Bolus, vel

℥. Camphoræ gr. v.

Pulv. Rad. Contrayerva gr. xv.

Extr. Ruta qs. f. Pil. vel

℥. Piperis longi pul. (vel Spec. Diatr. Piper.) gr. v.

Pulv. Gentian. ℥℔. Myrrha gr. v.

Extr. Cent. Min. qs. f. Pil. vel

℥. Pul. Serp. Virg. ℥j.

Chal. N. gr. v.

Syr. Aurant. qs. f. Pil.

Cum omni Bolo, Pulveris, vel Pilularum dosi, sumendus est Julapii haustus.

℥. Aq. Cardui, Mentha, Lactis Alex. Gent. Comp. Abs. C. (vel Cin. fort.) ana ℥ij.

Marg. pp. ℥ij. Sacch. qs. f. Julapium.

Olea Chymica, Sacchari beneficio, in Julapium addita, longe illud efficacissimum reddunt. In forma liquida placet hujusmodi Infusum.

℥. Rad. Zedoar. Gentiana.

Cacum, Absinth. Rom. Agrimon. (vel Trifol. Palustr.) ana ℥ij.

Coccinell. ℥j. Cort. ext. Aurant. ℥ij.

Infunde in Vini rubri Lusitanici, vel Xerani ℔ij. ad idoneam alterationem; tunc f. Colatura. Dosis ℥ij. vel iij.

Simili modo ex Aromaticis, Cortice Winterano, Fruct. Cubeb. Sem. Cardamom. Ex Seminibus Anisi, Carui, Fœnic. d. Cochlearie paretur Infusum. Quilibet autem Infusi sive Amari, sive Aromatici Haustus habeat Tinct. Martis Februriane, vel cum Succo Limoneo preparata gutt. x. vel Alcohol. M. gr. v.

Pauperibus Ἀπόειον esse potest Allii, Croci, Zinziberis, & Radicula rasa, cum Absinth. Roman. Cacuminibus infusum. Est ubi nulla in forma sicca placent medicamenta, neque ulla quidem Infusa. Hoc casu tum prodesse, tum placere potest Spiritus Mentha, vel Juniperi, vel Spiritus Absinthii. Nonnullis magni æstimatur, & quidem multarum virium est, Aqua, quæ nuncupat Hispanarum Arthritica, cujus hæc est formula.

℥. Caryophyllorum Aromaticorum Nucum Myristic. ZZheris, Maceris, Cinnamomi, Piperis nigri, Croci, Zedoaria, Galange, Baccar. Juniperi, Corticum Citreorum & Aurantiorum, Spica nardi, Cubebarum, Aloes Hepaticæ, Ligni Aloes. Calami Aromatici, Stachados, ana 3℔.

Cacum, Salvia, Ocymi, Rorismarini, Mentha Majorana: Baccorum Lauri vulg. Pulegii, Ras. Gentian. Florum Sambuci, Ros. alb. & rubr. Chamæpit. Chamædryos, Calamentha, Melisse, Origani, Matricaria, ana Mii.

Ficuum, Dactylorum, Amigd. amar. Nucum Pinearum, Nucleorum, Vuar. passar. major. ana 3vj.

Melis Virginis ℔j. Sacch. optimi ℔j. Moschi triti 3j.

Incisa & contusa indentur Spiritus Vini Canari ni optimi ℔xv. Infunde dies x. vel xii. tunc in MB. destilla.

In affectibus stomachi & intestinorum Arthritidis valentissima habetur.

Dosis 3℔. cum sacchari momento, vel cum mica panis, uti videbitur, repetenda.

Est etiam externi usus, ad Dolorem mitigandum Articulaem; modo calidissima dolenti articulo superlinatur.

Transacta catharsi, vel si nullus ei locus fuerit, prætermissa, ad jam dicta medicamenta, sive iis non multum absimilia, descendo, eaque hoc sumenda ordine præcipio. Mane, horam circiter nonam, Infusi Haustum ministro; tertia pomerid. Pilulas, vel Pulverem; nona vespertina Bolum, maximeque Theriarchalem; & tertia matutina Pulverem, vel Pilulas exhibeo, cum Vini Lusitanici, vel Julapii haustu, post eorum quodlibet.

Aliquando tridui, vel etiam bidui spatio, interdum citius, hujusmodi remediis, hac methodo datis, exturbatur Arthritis, & articulis impingitur; ubi nimirum sanguis tener, & tractabilis subito medicamenta sentit, eisque facile obtemperat: Alias, non nisi longo tempore, sit translatio: Alias, non nisi aliis insuper remediis in auxilium, & operam sociam vocatis.

Quando biduum istiusmodi Podagragogis dictum fuit; si tumoris, si doloris nihil erit obortum, locis ἡ τῆς ἐξοδῶ occupari solitis, admoveatur vel Empl. Cephalicum cum aequali quantitate Picis Burgundicæ, vel Ceratum viride; vel utrique cubito, sive tibie Epispasticum, quo in artus humor evocetur.

Si remedia tum interna, tum externa, modo dicta, viribus ita junctis, Arthritidi removendæ minime sufficiant; intendatur, oportebit, eorum alterum, vel utrumque, & auxiliis (si videbitur) novis & ascriptitiis augeatur. In remediis siccis, Chalybis Nutriti Dosis ad 3℔. in liquidis Tinctura Calybis, ad guttas xx. amplificetur. Porro, hora quaque media, remediis præscriptis interponere juvabit Vini Lusitanici Haustum; sic, ut ejus ℔ij. vel iij. noctemeri spatio, si quantitatem ejus isto tempore, (qua per se, qua cum medicamentis sumpti, universam comprehendamus) ebibantur. Hoc autem in iis præcipue locum habet, qui Vino diu consuevere, & sine noxa indulgent; verum, ex contrario, non abstinere sine noxa: quorum e numero non pauci sunt, Anomala isthac ægroiantes. Qui Vinum hoc modo potare nequeant, Spiritus C. C. succinatis guttas aliquot, cum Julapii Haustu, horis istis interpositis sumant. Eo autem usque (ut huic præcepto finem imponam) evehendus, eo continuandus, ore datorum, tam vini, quam pharmacorum usus, si nihil repugnaverit, donec, æstu & orgasmo in sanguine facto, Ventriculus allevabitur.

Intendenda eodem tempore externa, & quidem eo usque, quoad in locum aliquem externum, Arthritidi recipiendæ aptum, humor coactus, & in eo tumor excitatus fuerit. Hunc in finem pelle vervecina recens extracta, artus involvantur. At nihil certius hac in re, nihil præsentius, quam Phenignum aerem & stimulantem applicare calidissimum; & dum tumor oriatur, tantisper renovare frigescentem. Qui vero auxilium illud, ut graveolens, hoc, quia crudele, abhorreant delicatuli; per laterem, aut ferri laminam calefactam, linteoque inclusam, & loco admotam, idem præstare poterunt.

Ut autem promptius Arthritis educatur; vel in lecto, vel cubiculo, se a frigore, per omnem hujus methodi decursum, tueatur æger. Panatella, Gelatina C. C. Jusculo pullino, & ejusmodi tenuibus, concoctuque facilius vescatur. Si dolor, arte factus, forte fortuna nimius, ad lipothymiam tendat; de eum facientibus, de cutim irritantibus aliquid detrahendum. Si febris exardeat, vel minuenda, vel omittenda sunt Cardiaca, quæ sanguinem accendant. Decoctum album ad arbitrium suum bibat, itaque temperetur æstus. Eo denique modo, peragantur omnia; quo, cum Ἀπορία finem propositum ægrotus assequatur; quoque per tolerabilia semper usurpata, cito tutoque foras Arthritis, etiamsi non jucunde, elicia-

eliciatur. Nequils autem, methodi hujus sive novitate, sive insolentia motus, cardiaca tam fortia, tamque larga a me præscripta, tanquam aliquod *ὑπερβολὸν* actum improbaret; sciat omnino velim, ut hoc semel dicam, copia, quæ rem efficiat, me contentum esse minima: sed neque nesciat, eam (quod profecto non temere dictum) & magnam sæpe oportere, & sine damno, esse. Nam (ut, meos quod attingit, dicam) etsi complures ea medicina ferventes, & ad tempus ejulantes novi: eorum tamen multos, ad sanitatem perductos; neminem vero unquam hoc æstu læsum, quod meminerim, observavi. Cujus id in causa esse videatur, quod, quibus illa fortiora, & quasi *Μοχλικά*, sive interna, sive externa, opus sint, iis sanguis plerumque frigidus; nunc malis moribus, nunc ætate debilitatus, nec ad febrim concipiendam aptus.

Quamprimum orgasmo satis vehementi sanguis exagiat, solet ille virus *Arthriticum*, quod in *Ventriculi* tunicis inhæret, & vasis capillaribus continetur, abluere, resorbere, circumvehere; & tandem, quocunque vocant extremitatibus applicata, ibi depocere: Sic, ut unius horæ spatio, post *Phenigmm* admotum, tumor interdum oriatur.

Dum morbus ore sumptis oppugnatur; aliquando ea, quibus ventri extrinsecus impositis, viscera foveantur & corroborentur, non negligenda. Placet igitur, bis vel ter in die, fotu sequenti, vel huic consimili, ope stuparum e panno *Vulvico*, aliore quovis raro, uti.

℥. Cacum. Abs. vulg. Mentha.

Flor. Rosar. Chamam. ana ʒss.

Sem. Anisi, Carui ana ʒij.

Pulv. Cinnam. Cubeb. Garyoph. Aromat. incis.

N. M. ana ʒj.

Sp. Vini vulg. ℔ss.

Vini rubri Lusitanici ℔ss. macerentur horas tres vel quatuor, vitro bene clauso, in *Balneo Mariæ*; colatura calidissime adhibeatur.

Vel *Emplastrum* abdomini admotum continuo geratur.

℥. Terra Japon. Balsam. Chiliens. vel Peruan. ana ʒss.

G. Galbani ʒj.

Picis Burgund. ʒij.

Empl. Stomach. Mag. ʒss.

Ol. Cin. chym. N. M. ana gutt. ij.

Ista vero, post purgationem maxime profutura judico; Et quidem maxime, vel ætate, vel morbo enervatis: quorum viscera topicum postulent auxilium. Ne vero, quod in robustioribus & sanguineis suspicari oporteat, non tam illa *Ventriculum* defendant, quam ipsorum abusu *Arthritidem* allecent, Medico curæ erit.

Tumori jam facto, & ad magnitudinem conspicuam & notabilem evecto, (ne, quod insit humidi, in sanguinem renigret) admovere soleo *Epispasticum*; itaque serum in eo contentum educere. Salsum illud, acre, virosumque esse constat; cutim etenim inflammat; pruriginem facit permolestam. Dies sæpe fluit complusculos; aliquot interdum hebdomadas; & ad libras interdum aliquot: Ut, ipsum *Arthritidos* miasma, ipsam causam continentem una cum sero ejici, non sit dubitandum.

Hactenus occupati fuimus in adducendis *Ποδαγγογγοῖς*, verum, ut primum tumor cum dolore factus est idoneus, statim de remediorum internorum sive dosi, sive frequentia, sive utraque, remittendum est aliquid; neque majori copia jam utendum, quam quæ, *Arthritidi* continuo propellendæ, & ne intus refluat, inhibendæ, satisfaciatur. Huic autem operi pars eorum dimidiata plerumque sufficit. *Bolum* igitur e.gr. duodecima quaque tantum hora, *Chalybisque Dosis* non nisi vicibus alternis & duplo intervallo damus.

Sin eveniat, ut, vel ob aeris inclementiam & tempestatem perfrigidam; vel ob erratum in cibo & potu, aut aliud quodvis, artubus relictis, *Ventriculum Arthritis*, dum hæc aguntur, repetat, (quod quidem minime rarum est) causa ejus recidivæ diligenter exquirenda, & sine mora removenda est. Si novæ in *Ventriculo* cruditates, aliæve impuritates sint collectæ, leniente quodam & alvum molliter ina-

niente, deducantur. Si ex algore contrahatur cutis, itaque repercutiatur humor in tumore comprehensus; per calorem externum, per vestitum, aliaque, jam dicta, applicata, denuo evellatur. Utroque vero casu, interna plena manu sunt administranda: Ut nempe locum, quo per infortunium, vel ex incuria & negligentia cessimus, cum industria & vigilantia recuperemus.

Et quidem nullo, quod sciam, hujus *Anomala* casu (ut tandem hoc argumento aliquando finiam) *Podagragoga* vel fortiora, vel majori quantitate danda; quam ubi illa recidiva est, aut in corpore cruditatibus onerata; propter imbecillitatem minime purgando, longaue morbi obsidione debilitato: illi enim ex *Chalybe*, *Zinzibere*, *Pipere* composita: illi *Spiritu* maxime volatili referta, & quam a nobis dictum est, longe copiosius sumpta, sæpe vix sufficiunt, imo sæpenumero ne vix quidem. Ager enim, misere afflictus, spirituum inexplicabili dejectione languens, inter remedia, utut ardentia & cardiaca, de *Ventriculi* frigore & depresso animo clamans, e vita, & quidem interdum inopinato, stupente undique astantium multitudine, excedit.

Quamvis id desiderandum, & quidem in primis optandum, ut articulo *ἡ τοῖς ἔξωθεν* aliquod figatur *Arthritis*; nihilominus interdum satis erit, e.gr. in *Arthritide vage Anomalia*, si ad internodia sua reducat: Imo quidem ex miasmate tantum resorpto, & in sanguine retento, itaque *Ventriculo* immuni facto, ægrum aliquando novi servatum. At in *Arthritidos fixæ Anomalia*, omnium commodissimum, exoptatissimumque erit, si denique in articulo aliquo defigatur.

Id autem observatu facillimum, pariterque visu jucundissimum, quod, quibus gradibus dolor, tumor, aliaque rectæ *Arthritidis* symptomata in extremis partibus oriantur & augeantur; iis plane illa, quæ post vomitum manent *Ventriculo*, levantur, & imminuantur: speciatim, iis omnino passibus *Ἀνοπεξία*, ventriculi dolor, cibi fastidium, cardialgia, nausea, &c. vincantur & fugentur; quibus succedit fames, cibi concoctio, oculorum vigor, & scintillulæ, aliaque redemptæ & recuperatæ salutis indicia. Ut ægrotanti denuo rectam in viam reducto, e re sua sit in eadem sedulo & constanter progredi, donec *Arthritidis* materia *ἔρδως* emissa, spumaque omni effusa, tum is alacriori, tum etiam tutiori vita fruatur.

In hujus *Anomala* prophylaxi valent *Aquæ Ferrata*, diu recteque potæ; quibus adjungi possunt remedia *Stomachica*, famem & coctionem promoventia, cum modice restringentibus; speciatim e *Cons. Abs. R. Flor. Ros. rubr. Fruct. Cynosb. Pul. Rad. Ari C. Sale Marti, Ente Veneris, & ejusmodi aliis, lege medica, composita & assumpta*. Danda etiam opera est, ut dyspepsia, frigus, aliæque causæ evidentes, maxime quam primum repullulavit, & in sanguine renovatum est *Arthriticum* miasma, evitentur. Prodest etiam fonticulum in brachio; vel infra genu, prout *Chiragra*, vel *Podagra*, est frequentior, aperire. Qui vero sibi hac in parte prospicere minime curabunt, *Anomalam* eos expectare par est, tum crebro, tum graviter recidivam.

Hæc est illa medendi methodus, quam meis utilem & salutiferam, in tractanda isthac *Anomala*, expertus, si per tenuitatem nostram licuerit, aliis commendare velim, donec ea meliorem dies docebit.

HISTORIA I.

In Ventriculum & Intestina irruens Arthritis, foras expulsa.

Historiarum agmen ducat Venerabilis & Prænotabilis Dominus, *RICH. ANNESLEY*, in Ecclesia Cathedrali nostra, *Exoniensi*, Decanus; in *Hiberniæ* Regno Baro *Altham*; Magni-Comitis de *Anglesey* Filius: Qui, cum naturæ muneribus eximiis, cum ingenio plane divino, ex Illustrissimo Parente derivatam (*Nam*, ut dictum est, *ad bona cuncta ne* qui-

HISTORIA II.

Arthritis idonea, Balneo frigido in Ventriculum,
& ea quæ intus sunt, repulsa.

quidem Agamemnon natus) acceperat Arthritidem. Id autem huic Arthritico bene cessit, quod per annos complures apte, quodque recte doleret; & quod, in paroxysmis quoties spuma e sanguine effunderetur Arthritica, non id cum vitæ periculo, (sic, ut in plerisque solet Anomaliis) sed cum ægri emolumento & tutela perageretur.

Ita illi vitæ ratio si non integra, minimum incolumis diu fuerat; cum, ab Arthritide aliquando ferrius ultra modum, ex ea tanquam antecedente causa, miasmate Arthritico corpus habens ἐμπιπλάρον, in malum incidit gravissimum, in summum capitis periculum.

Nam horæos fructus nimio plus devorans, biduo vel triduo post, nempe quam primum ii in Ventriculo computrescentes illum aggravarent; primum, cardialgia, tum animi deliquio, motibus convulsivis, spasmo oris cynico, ut vel ipsam animam agere videretur, est correptus. Statim, atque tragædia incœpit, arcessitus ad ægrum advolavi, malique tam atrocis, tam etiam repentini sciscitando causam indagans, eam, quam memoravi, esse inveni; neque nisi vomitione tolli posse judicavi.

Quando vero huic ægroto, medicamentorum minime amanti, propter aliquod ex natura fastidium, Emetica abhorrenti, neque sine periculo toleranti, ea, quæ pharmacopolis sunt, Emetica non conveniret, vel liceret dare; aliam tentare vim necesse habui. Vini, ægro familiaris, rubri, Lusitanici quantitatem bene magnam exhibui; eaque ore rejecta, haustum repetii; & quidem eatenus Vino, & tam celeriter dato, donec αἷω crudiatum massa omnis ejiceretur; quæ quidem magna erat, impura, acida, graveolens. Emetici hujus Cardiaci beneficio factum est, ut tum Ventriculus exoneraretur, tum etiam eodem tempore a deliquiis æger incolumis servaretur. Tormina, quæ postridie spererant, Intestina etiam premi ostenderunt: Et quidem aliter, quam in vulgari Colica, ea premi mox constitit. Nam cum æger jam diu ab Arthritide claudus fuisset; ea, quæ jam in visceribus congesta sunt, impura, materiam artubus inhærere gressuque ægrum privare solitam, ad τὰ ἔδον, ad se vocarunt: Quod vel ex hoc innuit, quoniam visceribus æger acerbissime dolens, eodem tempore pedum factus est compos; & quidem magis, quam per annos ante multos. Huc enim illuc expedire, & erecto corpore, quasi vinculis solutus, ambulavit, ut ab artubus ad Intestina materiam μαδισαῶν Arthriticam minime ambigatur.

Ad Intestina expurganda leniens præcepi, & deinceps aliquot post diebus altera vice. Dolor, qui post purgationem utriusque generis satis vehementem mansit, Intestina aggravans, naturam mali Arthriticam adhuc plenius monstravit.

Ut in artus hospitio novo moveretur hostis, (quod jam proxime faciendum) Pulvere Gasconico, & quod in hac re momenti erat maximi, Vino prædicto usus est æger. Quorum ex usu, primum dolor, deinde tumor, cum cute lævi & nitente, ortus est, & chiragram indicavit. Tum post longam intermissionem rediit fames, & ex alimento largiori paulatim vires; ut, qui susurro, languide & debilitate, verba jam diu ediderat, voce iterum nunc viva loqueretur; iterumque gravidam faceret uxorem.

Ægrotanti profuit, quod ea fuit illi spirituum animalium vis, & tam Elastica, quanta utique raro observatur, quanta putari potest maxima: Quæ quidem plurimum in eo restituendo valuit.

Annos posthæc alioquin multos exegit vir præclarus, purgantibus, coctionem corripientibus, & Arthritidem expellentibus, ea, Ventriculum & Intestina multum affligente, cum fere conclamatum esset, allevatus.

Homo adolescens, Καλοκαγαδός, ætate provecto patre oriundus, eaque de causa corpore tenerimo, spirituque animali minus firmo donatus; cum e quinto vitæ lustro nondum excefferat, Articulari morbo plussemel laboravit. Appetitum habuit admodum languentem, coctionem imminutam; unde ali definere cœpit, & inopia consumi. Cum eo res deducta erat, consilio certe non optimo uxorem duxit. Adeo nempe verum est, infortunio raro solitaria mortalibus obvenire, matrimonio nihil huic hominioni gravius, nihil unquam intolerabilius esse potuit. Corpus citò enervatum, & vitæ vix sufficiens innuptæ, maritali vero impar, æstus invasit universalis febricula Σωεχής; cui postmodum accessit Dolor Articularis, cum tumore, rubore, &c. signis Podagra παδογνωνιμοίς.

Ut æstum mitigaret, dolorem allevaret, aliaque, quæ ægrotum maximopere urgebant, accidentia reprimeret; quando calor invitaret æstivus, aqua pedes immerfit, in frigida & salsa (nempe marina) consistens. Hic pedum evanuit tumor, rubor, Podagra indicia; simul & vomitus & intestinorum dolor est obortus, isque diuturnus, ingens; sic, ut ex eo plane colligi possit, materiam ad ductum alimentarem, e pedibus transferri νοσηρώ. Sub id tempus, ut viscera, quæ multum exæstuarunt, refrigeraret, reficeretque, fructus horæos ad gulam usque devoravit; devoratos, nec eorum, nec cujusvis generis cibi tenax, statim ejecit. Cumque iste victus non unius tantum dieculæ esset, verum aliquot mensium, & omni eo tempore Ventriculi gravitate, vomituque, & dolore, vel continuo, vel ex brevibus intervallis redeunti, æger afficeretur; & medicinam aut negligeret, aut ea perperam & perfunctorie uteretur; isto denique statu erat, quo nullum medicina præsidium, nullam opem conferre potuerat.

Uti, ad hujus viri interitum, sociam operam quamplurima dare; ita quidem ex iis aliquo in numero esse, ne dicam primas obtinere, Arthritida verosimile est; quandoquidem materiæ νοσηρής, sive Arthritide, pedibus affixæ, ad ea quæ intus sunt translatione, tanquam cardine principali, tota res morbi versa est.

HISTORIA III.

Recta Arthritis, & in Ventriculo Anomala, se vicissim excipientes, cum Anomalæ curatione.

Vir generosus, ætatis mediæ, Arthritide Symptomatica, sed & ea languenti, neque satis regulari, diu per vices ægrotavit anno MDCCIV. circa æquinoctium autumnale, hallucis articuli majoris, globique infra positi dolore tentabatur; postea vero plantæ pedis, & deinde malleoli; sed eo incerto, & vago.

Elapso vix triduo retrocessit humor (cujus tamen rei quid in causa esset, dubium erat) neque amplius pedem momordit. Ægrotantem e vestigio invasit algor universalis, tanquam febri præludens intermittenti. Huic accedebat Ventriculi gravitas, pectoris oppressio, nausea, respiratio angusta, & in suprema regione Vertigo, & somno appropinquante subita spirituum exulatio.

Anomaliis olim Arthriticis vexato, & earum non ignaro, laboranti minime latebat; hunc Ventriculi affectum, etsi prima facie vernaculus appareret, esse revera peregrinum; & in Ventriculum, relictis pedibus miasma Arthriticum, hujusce mali causam, mitti. Qua ductus opinione possetum hausit, amarum alteratum; ad vomitum usque copiosum; ad impuræ, crudæ, biliosæ vomitum materiæ. Ano etiam, injecto ea nocte Enemate, subducta est ejusdem quantitas non exigua. Cervici admotum erat Epispasticum; Pulvis

Pulvis datus e *Chelis* C. C. Illo multum feri elicitorum; hoc animales spiritus, humiles antea & depressi excitabantur. Interposito die uno, *Tinctura sacra* levabantur *Intestina*, *Bolus* e *Pul. predicto*, & *Tiberiaca Androm.* eo vespere refecit agrotantem. Posthac, horis tribus medicinalibus, *Alcohol Martis* ʒss. cum *Cons. Abs. R. Spec. Aromatici Rosati*, & *Syr. Cort. Citreor.* forma *Boli* deglutiit: cum infusi amari, *Vino Xeresano facti*, vel *Vini simplicis ustulati Haustu*. *Pedibus Emplastra*, ex *Cephalico*, & *Pica Burgund.* pari quantitate, applicata, continuo gerebantur. Si caligo, vel lipothymia postulare, vel quoquomodo spiritus deficerent, in præceptis erat, *Sp. C. C. succinati* guttæ aliquot, cum *Julapii* vel *Vini Haustu*, darentur.

Hicce aliquandiu usus, æger beneficium inde bene magnum accepit: purgatis etenim *Intestinis*, ad *τὰ ἄδω* amandata est *Arthritis*. *Pedum* factus est dolor; tumque brevi tempore cibum capessivit æger: melius, quam solebat, eum concoxit. Quin illi lætiores esse spiritus animales, commodiusque vitæ rem agi, vel ex una oculorum acie plane constabat.

Cum eo loci reserat, de valitudine restituta nimium securus, *Emplastra* pedibus abiecit: Hoc autem observatu dignissimum consequabatur, quod intus cito remeans, materia, ab integro *τὰ ἔντερα* invadens, *nauseam* iterum induxit. *Emplastris* iterum admotis, & medicamentis ad mensem unum alterumque continenter usurpatis, omnia prospere cedebant.

Huic agroto inter alia, tutelæ gratia præcepi, ut, fonticulum infra genu aperiret; & ut quas olim summo suo commodo putavit, aquas *Bamptonenses* iterum hauriret.

Habes *Arthritides*, rectam & in *Ventriculo Anomalam*, se vicissim excipientes; cum *Anomala* curatione, alienum expellentibus & educentibus absoluta.

HISTORIA IV.

Arthritis semel iterumque; in Ventriculo Anomala, toties expulsa.

Agricola suburbanus, ætate maturus, *Arthritide*, uti ex intervallis solebat, dolens, ex halecum esu immodico, materiæ biliosæ & crudæ vomitu, dolore *Ventriculi*, & *Intestinorum* immuni, respiratione difficili, cordis palpitatione, *Cephalalgiaque* premebatur. Magna erat viscerum oppressio, & quasi restrictio. Tabacci, qui in numero deliciarum erat, usus jam nullus. Ut primum illa intus suborta sunt mala, deliquit illico *Arthritis* externa, quæcunque fuit articulo. Nutriculis, & familiaribus palam erat, ab *Arthritide*, membra relinquente, cum *Intestinis Ventriculorum* impetente, totam hanc oriri malorum Iliada.

Medendi intentio erat, purgato prius ductu alimentari, suam in sedem, in artus propellere *Arthritidem*: ideoque *Vinum* exhibitum est *Scilliticum*, posteaque *Pulvis Vvarvicensis*; unde *ἄω κ̄ κ̄άτω* multum, & cum *ἄωκ̄* purgatus æger: peracta catharsis, data sunt *Cardiaca*; iisque postmodum auxilio erant externa, *Arthritidem* educentia, articulis admoti.

Horum beneficio visceribus remota est *Arthritis*, & in artus amandata: Verum, propter erratum aliquod in *Sex non naturalibus*, cum ad viscera brevi post redierit, ea, quæ sequuntur, in usum adhibui.

ʒ. *Theriaca Androm.* ʒss. *Pul. e Chel. C. C.* ʒij. *Cons. Alk. qs. f. Bolus*, omni nocte cum *Vini rubri Lusitanici Haustu* sumendus.

ʒ. *Gentian.* ʒj. *Zedoar.* ʒij. Infunde, igne arena, in *Vini predicti* ʒij. ad idoneam alterationem, tunc f. *Colatura*; Sumat *Colaturæ* ʒiv. additis *Tinct. Martis*, & *Aurant. ana* gutt. x. horis duabus *Medicinalibus*: cum *Pul. Rad. Ari C.* ʒij. *Chal. Nutr.* ʒss. Bis in die sumat *Spir. Vol. Oleos.* gutt. xv. cum *Vini predicti* ʒiv. Potui sit *Decoctum album*, cum *Aq. cin. fort.* Utrique *Tibia* applicetur *Epispasticum*.

Auctis in hunc modum *Cardiacis*, & majori quantitate, sed neque nimia, datis, viscera plane liberata, articulis affixa est *Arthritis*; æger restitutus.

At ille, ut erat *Δύσπλῆξις*, & *Arthriticis* pronus *Anomaliis*, iis, sed diversis formis, sæpe recurrentibus affligebatur; de quibus suo loco.

Historia profert *Arthritidem in Ventriculo & Intestinis* semel iterumque *Anomalam*, toties arte medica remotam, foras ad domicilium proprium, ad *τὰ Ἄκρα* pulsam.

HISTORIA V.

Arthritis iterum ac sæpius in Visceribus Anomala, toties in Artus ablegata; cum ejus Prophylaxi.

Vir quidam, a prima ætate *Arthriticus*, quinto & sexto vitæ lustro, magnos articulo habuit dolores; septimo & octavo, *Ventriculi Intestinorumque*. Cum enim corpore valde imbecillo, sanguine tenui, cumque infirmis esset visceribus, post frigora, satietates, & cruditates fere omnes, per hosce annos, *Arthritidi* rectæ vix sufficientes, ad ea, quæ intus sunt, appellī solita est *Arthritis*. Harum *Ἀνωμαλίας*, ad rem nostram conferentes, nonnullas in medium asserere non gravabor.

Mense oct. MDCCV. propter cruditates, maxime a fructibus *ὀπαίσις*, in *Ventriculo & Interaneis* collectas; omīssa, qua ad ea tuenda solebat uti, medicina; appetitu læso, nausea dolore *Ventriculi*, pectoris gravitate, spiritus angustia, oscitatione crebra corripiebatur.

Ut tanto onere, *Visceribus* incumbente, & *Arthritidem* iis impingente, levaretur æger; purgatio per os, per anum, mediocris, & ejus viribus æqualis, adhibebatur. Cum vero, propter imbecillitatem ægri, nullus ei medicinæ, qua ad ventrem inanendum opus erat, daretur locus; neque *Cardiaca*, ore data, tametsi fortissima multum prodesse; ire in pejus omnia, conclamata esse rem, quotquot adstabant, existimarunt omnes: Nec quidem temere; pulsus enim debilis, membra pendula, & quasi resoluta, faciei pallor, corpus subfrigidum fidem fecit opinioni.

In hoc miserrimo rerum statu, *Vinum Lusitanicum*, modica dosi, sed crebra propinari: quo, ad libras aliquot sine vomitu potio: pulsus augeri, vires aliqua ex parte fieri notabam. Utrique tunc malleolo, ubi sedem habuit primariam *Arthritis*, *Phanigmm* admovi, quam ferri potuit, calidissimum, frigidumque renovavi, quoad dolor & tumor exoriretur: hoc vero paucis horis spatii perfectum est:

ʒ. *Cacum. Ruta*, Sem. *Sinapios Ras.* Reph. *Sylvest. ana* part. i. *Fermenti vet. p. iiii.* cum *Aceto Vini albi* misceantur, & fiat *phanigmm*.

Tumori, ne in sanguinem alienus humor retrocederet, *Epispasticum* applicui; cujus virtute, quantitas feri bene magna eliciebatur. Dies etenim permultos, ne dicam hebdomadas, effluxit; & quidem flumine tam jugi, tamque magno, ut pro certo habeatur, foribus his apertis inimicum in auxilium mitti; causam *Arthritidis* continentem una cum fero amandari.

Hujus sententiæ confirmandæ gratia, duo subjiciam, quæ eam maximopere probare, omnique suspitione liberare mihi videntur. *Alterum* est, quod, qua proportionē serum emanavit, ea plane augeretur respirandi spatium; ea, rediret fames; ea, *Ventriculi* gravitas; ea, dolor reliquaque omnia symptomata tollerentur. *Alterum* est, quod diutiorē ab *Arthritide* vocationem, longiorē ab ejus paroxysmo quietem, ex eo tempore quam per annos ante complures, æger obtinuit, sanguine nimirum, methodo jam dicta depurgato.

Ut autem extrudatur *Arthritis*, ut evacuatio feri tam benigna, tam commoda, promoveatur, utque ei tolerandæ sustinendæque par reddatur æger; vinum ei, jam dictum, quotidie dedi bibere, & quidem assatim; *Martisque Alcohol* bis in die sumendum præcepi: eo quidem cum eventu, quod, uti primæ rerum mutationi conciliandæ multum contribuit *Phanigmm*; ita ei continuandæ *Mars*; utraque vero ratione *Bacchus*.

Bienniopost, cum ex *Ventriculi* gravitate, materiæ biliosæ vomitu, oscitatione, pandiculatione, aliisque signis

signis istius *Anomalie* in hoc ægroto præunciis, eam in propinquo esse præciverim, *Aquis Purgantibus*, semel iterumque opportune datis, *Ventriculum* & *Intestina* purgavi; malum, eo loci mansurum, anteverti.

Ut contra *Arthritidem* ægrotum, contraque *Anomaliam* ejus *Ventriculum* defenderem, *Aquas Bathonienses* biberet; ea, quæ roborent *Ventriculum*, simulque faciant, ut bene concoquat, (*Chalibeata* nempe, *Stomachica*, & *Astringentia*) sumeret, ægroto inter *Anomaliarum* initia suasi. Et quidem adeo ille fecit imperata, cumque exitu tam felici; ut, qui claudus antea, pedum vix compos, non nisi difficulter incederet, millaria duo vel tria ambulando jam facile metiretur: Ex eoque tempore sanior & integrior evasit, diuque perstitit. Neglecta vero postea, quam dixi, prophylaxi, vel parce, & indiligenter adhibita, multum ille torquebatur *Arthritide*, nunc recta, nunc *Anomala*, donec ea, multis post annis, confectus & oppressus, e vita cessit.

HISTORIA VI.

Cum Plenitudine Arthritis, partim recta, partim (in Ventriculo) Anomala, Purgantibus Podagragosis allevata.

Civis *Ischanus*, vitam agens inertem, & desidiosam, ea de causa *Plethoricus* & *Arthriticus* evasit. Ætate constanti, postquam ex intervallis sæpenumero recteque doluerat, tumore pedis dexteri tenebatur, eo, qui tum *Arthritidem*, tum *Plenitudinem*, manifeste agnosceret. Cum eo simul orta famis imminutio, cibi fere omnis fastidium, similemque habuit cum eo progressum, & vehementiam. De causa malorum istorum altera, communi, neque *Plethora*, nemo unquam dubitavit; de altera, nempe *Arthritide*, pedem afficiente, quando dolor *Articularis*, cæterumque pathogmonicon, eum monstraret, non est controversum: Sed de ea locum in *Ventriculo* habente, æger murmurare; &, *Podagram Ventriculi* morbum esse commentitium, & imaginarium, æstimare visus, multa secum mullitare.

Ego, ut ejus ingenio morem gererem, humanissimum, & priscis moribus, artisque medicæ cumprimis intelligentem, Dominum Doctorem *Hele*, eo tempore medicinam hac urbe facitarentem, in consilium vocari, lubentissime consensi. Huic ego totius morbi, sic, ut erat, compositi, historiam enarravi; maxime vero *Arthritidem*, olim importunam, nuperis diebus nimio plus quietam, explicui. Quibus auditis, propositam ille viam mecum calcare non est dedignatus. Socia igitur opera, ægroto, antea per-purgato, *Chalybis* & *Pul. Rad. Ari C.* a me datorum usum, sed aucta quantitate, continuantes, hisce verbis consulimus.

℞. Pul. Rad. Ari C. e Chel. C. C. Chal. cum Sulf. pp. ana ℥ss. Ext. Calami Aromat. q. s. f. Pilul. horis duabus medicinalibus sumende, cum Haustu seq. Julapii.

℞. Aq. Mentha Flor. Chamem. ana ℥v. Stephani, Gent. C. ana ℥iij. Marg. pp. ℥ij. Sacch. q. s. f. Julapium.

℞. Sp. Vol. Oleos. Castorei ana ℥ij. misce, sumat gutt. xxx. primo mane, & hora somni, cum Julapii, vel Vini alicujus Stomachici Haustu.

Horum usu medicamentorum, maxime vero *Pilularum*, multo & diligenti, famem æger conciliavit; unaque opera humores *Ventriculi* tunicis vitiosos exturbavit.

Historia dicit *Arthritidem*, cum plenitudine conjunctam; partim rectam, & in extremitate corporis agentem; partim *Anomaliam*, & in *Ventriculo* latentem; sed & eam medicina expulsam, in sanguinem relegatam.

HISTORIA VII.

Arthritidem ex animi perturbatione Anomaliam, in viam ducunt Podagragosis.

Domina *R.* quinquagenaria major, *Arthritide* frigida diu mulctata, eaque pedem nuper afficiente; propter animi pathemata, & turbas, nescio quas, domesticas, materiam *voornplu* (interciso paroxysmo) in *Viscera* retroactam habuit. Remisere malleoli (id est, partis affectæ) symptomata, dolor tumorque, & simili proportionem intendebatur *Ανπεξία*; nausea, acidi & pituitosi vomitus, oscitatio, *Σκίτωμα*, cum affectione *Ventriculi* Idiomate nostro appellata (*Waterpangs*;) Nam œsophagum ascendens, bis vel ter in die, ad ℥iij. vel iv. ab ægrota, tanquam utero gerente, aqua ore ejecta est. Hanc affectionem imbecillitas spirituum, palpitatio cordis, faciei pallor, vox tremula, languens, & inusitata animi dejectio sequebatur.

Ab *Arthritide Anomala*, & ad ea, quæ intus sunt, inversa, symptomata ista proficisci minime dubium erat. Hoc historia morbi, & symptomatum ordo demonstravit. Utque deviam *Arthritidem* in locum proprium, in artus ducerem, propositum mihi palmarium erat, & medendi indicatio.

Quem in finem, impedimentis, quæ *Stomachum* & *Intestina* premerent, per alvi ductionem expurgantis, *Infusam amarum Martiatum*, horis duabus medicinalibus, *Bolum Cardiacum*, (e *Pul. Cantiano*, *Chalybe Nutrito*, &c.) hora somni, cum *Jul. Haustus Spiritus vol. Oleos. gutt. aliquot, sapius in die; cum idoneo quolibet vehiculo dedi*. Unde fructus, brevi temporis spatio, spe omni major, votis par, restituta sunt viscera, scintillarunt oculi, doluit iterum malleolus, servata est ægra, & quidem una *Arthritidos* amotione, & in pedes *ἐξαρων*.

HISTORIA VIII.

Arthritis vaga primo Partibus ex contusione lasis; deinde Ventriculo harena, in Sanguinem resorbetur, in Artus emittitur.

Vetula quædam, origine, *Arthritica* dolores habuit diu per artus huc illuc erraticos; postea, contuso corpore (cum ab equo forte cecidit) lasis & debilitatis partibus inhærentes. Hi vero deinceps, locis hisce relictis, nescio qua de causa *Ventriculum* invasere: namque nausea, & vomitio secuta erat perimolesta, cum motibus convulsivis; & hystericiis aliquot accidentibus.

Nihil clarius esse potuit, quam quod ea, quæ olim membra infestaverat materia, peccans & *Podagrica*, primum partibus contusis, deinde *Ventriculo* committeretur: Atque huic consensu opinioni, principio curandum existimavi, ut vomitu sedato materia *Ventriculum* aggravans per anum ejiceretur. Præmissis igitur *Laudani* guttis aliquot, sub ejus præsidio pilulas exhibui purgantes; quarum ope, ut & enematis postmodum immissi, ægrota dejecit impura bene multa. Peracta catharsi, *Pulvis e Chel. C. C. & Rad. Ari Comp. ana ℥ss. tertia quaque hora, sumebatur; cum Julapii haustu Hysterici, & sp. Vol. Oleoso.*

Hisce remediis ex lege usurpatis, notatu jucundum erat, quibus gradibus sanitatem ægra recuperaret. Primum, ut ex istiusmodi *Cardiacorum* usu solet, calor oriebatur universalis; eique tandem aucto, & magnum in modum evecto *Ventriculi* successit allevatio; sic, ut a sanguine celerius & rapidius circumvecto, miasma *Arthriticum*, *Ventriculi* tunicis infixum, resorberi, & in sanguinis sinus recondi censeatur.

Ad tuendum *Ventriculum*, & *Arthritida* procul emittendam, *Tinct. Martis* (ex ejus *Limatura* & *succo Limoneo confecta*) gutt. xx. semel bis in die sumendas, cum *Infusi amari alterantis* Haustu, præcepi. Quorum ope *Ventriculo* cautum erat, & recte egit *Arthritis*. Nam ex illorum usu (uti posthæc, ex illis repetitis, sæpe) ægotavit Anus hæc articulis.

at, per integrum jam decennium, & eo amplius, ne semel quidem, ut observavi, *Ventriculo*, vel partibus infirmatis. Tanti usus sunt, in ordinanda *Arthritide*, *Chalybeata*.

HISTORIA IX.

Multum interesse; qua tempestate laboret æger hac Anomala; ad eamque removendam, tam externa, quam interna: nonnunquam in corpore validissima requiri.

UT autem pateat, multum interesse quo anni tempore, qua tempestate laboret æger hac *Anomala*; exemplum huiusce rei magnum adducam. Homo *Damnonius*, prope *Isca* ripam agens, *Arthritidem* habuit a parentibus ductam, autumno vel hyeme maxima ex parte redire solitam. Hyems erat, cum, nescio qua de causa, *Ventriculum Arthritis* iniit, eumque crudelissime gravavit.

Cum eo loci res erat, accitus, de morbi ingenio & natura ex symptomatum ordine judicans, *Arthritis* eum esse comperi, & in artus materiam amoveri vitiosam quam citissime debere. Atque illuc cursum dirigens, *Vini* & *Chalybis* eam quantitatem dedi, eoque cum eventu, ut ex animi sententia pes doleret, *Ventriculus* sublevaretur: ægri vero rebus favere, & ad educendam *Arthritida* non parum conferre, inventa est cœli, medio hyeme, clementia.

Sub id tempus, vento, qui aliquandiu mitis fuerat, in aquilonem mutato, tempestas ingruit acerbissima, frigus intensissimum: atque huius sævitia, ambitum corporis urgente, retroacta est, in ea, quæ intus sunt, *Arthritis*. Expellentibus altera vice usus sum, &, ut materia denuo extruderetur, elaboravi: quod tamen, nisi remittente prius frigore, minime patratum.

Iterum pede doluit ægrotans, & quidem eo usque, donec renovato frigore *Arthritis* jam tertio *Ventriculum* invaderet. Huic autem adeo jam per frigus (quo, ut terra obrigit, ita valde constricta fuit ægri cutis; humidumque intus actum) infixum est; ut eo loci dehinc ad ipsum vitæ terminum maneret; neque *Vino*, neque *Ferro*, etsi plena manu exhibito, neque ulla *Cardiacorum*, etiam si fortissimorum, vi dimoveretur.

Qui per *Phenigmos*, & ejusmodi externa *Arthritidem* evocantia, fieri potuerat, (quando tyroni, militiam istam nuper ingresso, mihi nullus erat tum temporis eorum usus) nihil habeo, quod dicam. Ex eo vero didici, *Ventriculi* hunc affectum unis ore assumptis, in corpore validissimo, non semper auferri; verum externa, in auxilium & operam iis sociam adjungi, nonnunquam oportere.

HISTORIA X.

Cibi fastidium, & Asthema, ex Arthritide Ventriculi infestante; ea expulsa, sublata; ea denuo repulsa, recidiva.

SEnex *Arthritidem* dolore pedum, cui olim assueverat, aliquandiu liber, appetitu læso, difficili respiratione laboravit; utroque tam urgente, ut in dubio non modo salus, verumetiam vita esset. Tum denique de Medico quæritare cœpit. Cum illam esse rerum conditionem, mihi denunciatum est, ab *Arthritide* inversa, *Ventriculum*, & spirandi organa afficiente, turbas hæc concitari, sum arbitratus; ideoque, quando ægri vires infractæ consumptæque purgationem minime paterentur, primo quoque tempore *Bolum*, ex *Pul. Cantiano*, & *Theriaca Andromachi* deglutendum, una cum *Vini rubri* *Hauſtu*, spiritusque vol. *Oleos. gutt. aliquot*, dedi, & hora quaque quarta repetii. *Cardiaco* isto forti & generoso, pro re nata, repetito, factum est, ut in artus ita tim expelleretur *Arthritis*; ut ab ea dolerent, tumerent articula, felici huic humorum *Metastase* debuimus, quod in mediis periculis, in extremo discrimine non omnino spe destitueremur.

Ut eum, quem ita nacti fuimus, locum teneremus, *Infusum* dedimus *amarum*, *Vino Xeresano* factum, modica quantitate, ter in die, potandum. Unde quidem multum æger articulis doluit, multum profecit. Hæc autem æstate acta, & favente cœlo vix aderant saturnalia, cum malum recruduit, propter hyemis inclementiam, forsan gravius, & intolerabilius, *Chalybe*, *Cardiacis* valentissimis tentata est curatio; sed nequicquam. Morbo, hyeme, senectæ oppressus æger evita excessit. Qui vero per evacuationes opportune adhibitas fieri potuerat, quando earum nulla mihi data fuit opportunitas, nihil ausim affirmare. Iis autem, modo vires annuissent, opus fuisse autumo.

Est *Asthma* & *A'vopēzia*, & *Arthritide Ventriculi* infestante: ea vero in artus expulsa, eadem sublata: repulsa denuo *Arthritide*, recidiva eadem, importuna, mortifera.

HISTORIA XI.

Ex Arthritide Cardialgia, ut & alias A'vopēzia, per Catharticum & Humores in Artus expellentia, feliciter curata.

SEnex honorabilis, a multis annis paralyticus, *Arthriticus*, sexagenario major, tumore pedum continuo laboraverat tali, qui hydropa antecedere, præque foribus eum esse videretur ostendere. Totum enim propemodum pedem ad genu usque occupavit, digito prementi cessit, ejusque foveam retinuit diuturnam. Jampridem autem, (quod in hoc casu maximi est momenti) evanuit tumor omnis, sive *Hydropicus* seu *Arthriticus*.

Erat insuper huic ægrotto, quæ quidem paralyticis familiaris, sputatio jugis; sic, ut diei spatio familiam sæpe expueret, & quidem quo plus, (quod observatione longa palam erat) eo illi melius. Nam, cum noctu lecto, cum interdiu cathedræ perpetuo figeretur; itaque exercitatione pene omni, ejusque effecta, tum urina, tum perspiratione liberiori, privaretur; majori salivatione usa est natura, & per eam aliarum evacuationum defectus quodammodo resarcivit. Saliva autem, hoc tempore suppressa, una cum tumore pedum abeunte, aliisque mali moris symptomatibus in periculo versari ægrum manifestavit.

His adjiciendum, quod paucis post diebus *Cardialgia* suboriretur; quæ, cum perpetua fere esset, & *A'vopēzia*, cum *Melancholia*, tanquam satellitibus stipata, ægrum adeo confecit, ut simul & caro multum, & una cum ea vires absumerentur.

Cum mihi jam antea daretur, celeberrimi huius viri rebus invigilare medicis, salutique prospicere; malum illud nihil aliud esse judicavi, quam *Arthritidem* inversam, *Ventriculo* fixam, & quæ ab ejus *Anomalia* fluxerunt accidenia. Proindeque, ut *Ventriculus* & *Intestina* primum exonerarentur, & tunc in artus emitteretur *Arthritis*, conceptis hisce verbis, præscripti.

℞. *Aloes rosat. Pulv. Myrrhæ, Scammon. ana* ℞. *Ref. Jal. gr. v. Ol. Abf. Chym. gutt. j. Extr. Cent. q. s. f. Pil. v. mane deglutiente.*

℞. *Tart. Laxant. Div. cum Jusculi Avenacei hauſtu, circa horam decimam sumendos; si Pil. tardius operabuntur.*

Hora somni post purgationem, sumat *Pulv. e Chel. C.C. & Marg. ana* ℞. *cum Aquæ Cin. hord. ten. Melissæ ana* ℞. *Peonia C. ℞iij. Sp. vol. Oleos. gutt. xx. Conf. Alk. ℞j.*

℞. *Conf. Abf. Rom. ℞j. Pulv. Rad. Ari C. Alkool M. ana* ℞. *Syr. Abf. f. q. s. Bolus.*

℞. *Tinct. Myrrhæ ℞j. Sp. vol. Oleos. ℞. Pul. Gentian. ℞. misce, igne arena digerere, f. Tinctura.*

Præmissa purgatione, sumat *Bolum* bis in die, cum *Julapii* hauſtu; hora ante prandium, *Tinct. gutt. a xxx. ad xxxx. cum idoneo quovis vehiculo.*

Pharmacis hisce assumendis, solito diligentius æger, alias pharmacorum osor, incubuit; & quidem eorum viribus *Arthritis*, a *Ventriculo*, & iis quæ intus sunt, remota, in artus exulare: dolere articuli, tumere pedes; quodque est hoc amplius, abire *Cardial-*

dialgia, redire fames, incolumitasque, pro ægri ætate, cæteraque ejus conditione, magna.

Quando ex quiete nimia, aliisque in *sex non naturalibus* erratis, vitium alio tempore contraxerat *Ventriculus*; paucis post diebus detumere pedes; fluere desit saliva. Malum ex eo notabatur ingravescere. Cibi enim omnis obortum est fastidium, *Intestinorum* æstus; & dolor erat; faciei pallor. Ab ore & pedibus, ad *τὰ ἴδια*, ad *Intestina* humorem *Arthriticum*, & serosum ejus vehiculum ferri constabat. Per *Vinum* & *Oxymel Scilliticum*, perque *Solutum purgans*, ductum alimentarem exinanivi. Pituita & cruditæ omni amota per *Infusum amarum*, forte & generosum; perque *Chalybeata* factum, ut *Ventriculo* fames; ut ori saliva; ut pedibus tumor; ut faciei color: Verbo dicam, expulsi, ad *τὰ ἴδια* humoribus vitiosis, ut ægro nobili conciliaretur, quanta maxima potuit, incolumitas.

C A P U T III.

De Colica Arthritica.

Art. I. **P**ost affectus eos, qui in *Ventriculo* sunt *Arthritici*, lata ducente via, ad illos, qui attingunt *Intestina*, descendendum est: Quorum e numero *Colica* dandus est principatus; tum quod ea frequentissime omnium occurrit; tum quod (uti solet evenire) magno cum supplicio laborantium. Hæc autem *Colica*, minime uno contenta *Intestino*, fistulam a *Ventriculo* ad anum omnem, etiam si non eodem tempore, tenet, & in ea sedem ponit. Imo quidem sæpe fit, ut, cum *Intestinis* hac *Colica* vexatis, *Ventriculus* etiam, & quidem *ἰδιοπαθὴς*, afficiatur: nonnunquam multum affligatur.

II. *Colica* vultum induit *Arthritis* & fixa, & vaga; & regularis, & *Anomala*; & primigenia, & symptomatica. Horum omnium membrorum omnino nullum extat, quod interdum ita non faciat. E symptomaticis vero ea creberrime, quæ *Colica* succedit; quæ a *Colica* incipiens, in eam desinit. Ea citissime partes has invadit.

Ad limina nota.

Ipsa domus se fert;

& artus & *Intestina* vicissim occupans sedem habet ambiguam. In natu grandioribus, & infirmis (qui *Anomaliarum*, ut dixi, *Arthriticarum* mos & consuetudo est) induit sæpissime; in athleticis, & ætatem nondum mediam ingressis, aliquando. Hujus autem metamorphoseos modus & ratio talis est.

Cum æger diu recta *Arthritide* per vices doluit, & jam ætate proventus est; vel ex debilitate, vel alia aliqua de causa statim exquirenda, Natura paroxysmos identidem intermittit; & nullos, aut raros, aut parvos & breves edit. Paroxysmorum istam defectionem usitatissime sequitur, ocius aut tardius, in iis; quæ intus sunt, novum quoddam malum; interdum autem caterva symptomatum illa, quæ *Colicam* manifeste indicat. Primum, universi corporis ægrotationem, & *Ἀνὰ πᾶσιν* æger; non raro nauseam quoque sentit: tum *Dolore Intestinorum*; qui plerumque fixus; & eidem quasi puncto (pali instar) hærens, portionem quandam abdominis tantillam (quod sæpe observavi) præcipue *πρὸ τῆς Οὐροῦ*, pungit excruciatque. Huic symptomati aliud fere æquale est, pectoris nempe oppressio; & tanquam ab opere incumbente gravitas; quæ, ut hujusmodi *Colica* afflictis fere cunctis accedit, ita quidem iis molestissima est. Hæc duo symptomata, (*Σπῆλαι* nimirum, & gravitas pectoris) summa & primaria judicentur; quibus secundo loco annumeranda præcordiorum distentio, *Βορβορυμοί*, ructus, materiæ plerumque biliosæ vomitus, alvi segnities. Tertio loco, accidentia *καὶ Συμπάθοντα* nata; qualia sunt oculorum languor, spirituum dejectio, vigilia, animæ remissio, anxietas, & si morbus duraverit, universi corporis imbecillitas & macies.

Et si non semper, tamen sæpe autumnio incipit hæc tragœdia; & nisi opem auspiciat medicina fert, per insequentem hyemem ægrum affligit, & quidem miserabiliter. Nam a prima *Intestinorum* aggræssione, flau-

Sydenham opera Medica.

tu, tristitia, dolore languet ille & deprimatur; noctu vigilat, interdum lamentatur; dies noctesque calamitosas agit; donec somno, cibo, refectionibus vitæ necessariis privatus; vomitu creberrimo lateffitus, dolore fractus & enervatus, macie confectus, serius citiusve (prout illius vires sunt) vitam cum morte ærumnosissimam commutet.

III. Ex his phænomenis, de morbis hujus genio & natura statuere, non erit difficile. Quid enim magis in propatulo, quam quod materia ista *Arthritica*, quæ ad *τὰ ἴδια* propelli sueta est (Natura novis, utente consiliis, alioque instituto) jam in visceribus deponatur, ibique dictam moveat tragœdiam; illa famem tollit; illa *Δυσπεψία* infert; illa vomitum ciet; illa præcordiorum inflationem creat; illa pectus aggravat; illa dolere facit *Intestina*.

IV. Unde sequitur, quod, in hoc affectu detegendo, ejusque formanda diagnosi, quamquam prima facie plurimum valere videantur e prædictis aliquot symptomata; *Σπῆλαι* præcipue, & pectoris gravitas; tamen; cum *Colica* huic *Arthritica* illa non sunt tam propria, quin aliis *Colica* speciebus eadem conveniant: hanc ob rem *Arthriticam* nostram ut rite dignoscamus, alio progrediendum est. A nullo autem alio fonte melius petenda est illius notitia, quam a morbo præcedenti, *Arthritide* scil. *regulari*: præsertim ab illius nupero paroxysmo; ab ejus silentio, si ve intermissione, paroxysmum istum insequente; & *Colica* isti silentio superveniente. Quam quidem morbi historiam, ejusque aliam ex alia partem ordine perspicuo fluentem, quisquis studiose ponderaverit: de *Colica* hujus natura, eamque revera esse *Arthriticam*, ut opinor, minime dubitaverit.

V. Hæc, de causa hujus *Colica* proxima, si ve continente, quæ est ipsa materia *Arthritica* τῶς *Εντέρας* infusa: qui vero ea infundatur, si ve quæ sint hujus morbi causæ remotiores, loco jam proximo dicendum.

Ææ duum sunt generum; externæ, vel internæ. *Externæ* materiam hanc, extremitatibus si ve commissam, si ve committendam, intro pellunt, & *Intestinis* illidi faciunt. Cujus ordinis sunt frigus, tibialia nimis arcta, vinctura, emplastra, unguenta, cataplasmata, &c. repellentia. Frigus, uti *Colicam* exquisitam ab omni ævo incutere, & vel ideo in causis ejus evidentibus locum non ultimum mereri; ita quidem *Arthriticam* identidem antecedere, eique producendæ multum conferre, certissimum est.

VI. *Internæ* sunt permultæ: earum vero princeps habeatur *Intestinorum* à natuta imbecillitas, si ve *Ἀτομία*, qua, ad sustinendum humorum in corpore librammentum, imparia redduntur illa, & (secundum leges a mundi principio ratas & stabilitas) oneri nimio tum accipiendo, tum ferendo, prona. Quæ quidem causa, quandoquidem constans & perpetua est, non modo *Colica* conducit primum afferendæ intendendæque; sed, quod magis est, eidem postea sæpius revocandæ redintegrandæque.

Alia magnæ ad hanc *Colicam* efficacitatis causa, impuratum & cruditatum massa est in visceribus cumulata. Res notissima est, ab hepate, a pancreate, glandulisque fragiformibus, in ductum *Intestinorum* mitti sanguinis impuritates & recrementa: pari etiam modo notum est, a *Ventriculo* cruditates accipi creberrimas: in *Intestinis* sibi copiosissimas. Quoties vero *Arthritico*, quoties *Δυσπεψία* id obvenit, ad progignendam hanc *Colicam* mirum quantum operetur. Alienæ huic massæ contagio & afflatu inficiuntur *Intestina*; & *Arthritis* intro (non aliter quam *Emplastro*, sicut ante dictum, aut *Phænigmo* attrahente pedibus admoto extrorsum) invitata est. Verum, ut hic loci *φανερὸν*, sæpe a me notati, mentionem faciam; nullæ unquam impuritates hac in re plus efficere videntur; aut ad *Colicam* gignendam magis valere, quam quæ sunt *Biliose*: quod, ægrotantium excrementis, si ve ore, si ve alvo redditis, ostendi solet. Impuritates in hujusmodi ægris hac via copiosius e sanguine effundi, id facere videtur; quod, vitam agendo sedentariam, parum ii per cutim emittant, humoresque per *Διαπύλον* expelli solitos, intus ferri, & in *Visceribus* deponi sinant.

Inter hasce causas porro censenda sunt, & quidem merito, aliena ore demissa, ut fructus *ἀπαῖος*, &c. pomaceum nimis acidum, immoderate sumptum; aliaque in victu, præcipue frigido, errata.

VII. Hujus morbi notionem quicumque rectam habuerit, a *Colica*, humoribus, aut flatu orta, a biliosa, hysterica, reliquisque speciebus, quantum ille separaretur, facile perspexerit. E contrario, quam species ad hanc nostram maxime appropinquent, & qua in re, ut videamus: Ratione *Originis*, *Colica Humoralis*, quoad a quiete nimia & aeris constitutione frigidiori fiat, eatenus cum *Arthritica* concordat, & eandem habet cum ea causam evidentem, quæ materiam utrobique committat *Intestinis*. Ratione *Materiæ*, *Colicam* hanc maxime representat ea, quæ pestilens; (qualis ab *Ægineta* describitur (a)). Hujus autem *Colicæ*, ut & *Humoralis* cum *Arthritica* similitudo tam languida, tam mediocris; ut in hac re Medicus, si symptomatum attendat ordinem pathognomonicum, ne decipiatur, non est ut multum veremur.

VIII. Hæc, ut ab aliis morbis sejungatur hic affectus, jam a se quemadmodum differat, & quotuplex sit, examinemus.

Ratione *Materiæ*, nunc pue *Arthritica*, nunc autem (ut in tribu symptomatica) *Scorbutica*, *Scrofulosa*, &c. differentias habet, cum affinis symptomaticæ tribus *Anomaliis*, communes.

Ratione *Subjecti*; modo eidem quasi puncto, uti cerebrum, infigitur, modo, sed raro quidem, *Intestina* pervagatur; modo etiam *Ventriculum* comprehendit.

Ratione *Causarum Præcatarticarum*; alias externa aliqua materiam repellente; alias massa in ductu alimentari coacervata, & eam intus alliciente; alias binis hisce causis conjugatis; alias earum agente nulla, sed mera viscerum imbecillitate, contrahitur.

Itaque licet hic affectus unam eandemque retineat naturam; modos tamen, & ejus accidentia, præ se fert diversa.

IX. *Colicam* exquisitam raro vitæ spatio aliquid demere, magnaque ex parte periculo vacare, pervulgatum est. E diverso *Arthriticam*, morbum sæpe lethalem esse; semper autem periculosum, habemus exploratum. Si pectoris gravitas, si *Intestinatorum Dolor*, præcipue pungens, diu perstitit; malum. Gradatim it in pejus ager, donec e medio cedat. Rara unquam, hoc casu incolumitas, nisi *Arthritide* in extremis paribus apparente; sed neque ea omni, aut semper. Nam si *Dolor* erit *Articulorum*, manente interea in visceribus sterquilinio; ab isto dolore externo spes evanida, inanis. Intus statim allicitur *Arthritis*, & ægrum sæpe opprimit.

At si *Intestinatorum* dolor, pectoris oppressio, alvi que tarditas penitus tollatur, simulque sit in extremitatibus *Arthritis*; ea morbi facies hilarior; is status optabilior.

Si vero prorsus fileant eorum, quæ intus sunt, querelæ; si revertatur appetitus, & eodem tempore fulgeat in extremis partibus *Arthritis*; tunc demum æger *ἔξω βελών*, tunc gallum *Æsculapio* litabit. Quod ut fiat, quaque methodo medendi, jam proxime dicetur.

X. Quandoquidem ad hunc affectum interdum febris, a bile orta, se adjungit; in curationis initio id agendum, ut pulsus, ut æstus, ut sitis, ut reliquorum febris indiciorum habeatur ratio; &, ad præcavendam *πλεγματικὴ* si opus erit venæ sectione, in ipso limine operis ea fiat, parce vero, neque supra modum huic symptomati levando necessarium; ne, cum nimis excedendo, *Arthritidis* posthæc expellendæ tollatur omnis facultas.

Secundo loco videndum, una cum *Intestinis* utrum *Ventriculus* *ἰδιοπαδικῶς* afficiatur; præsertim, cruditate & alienis rebus utrum aggravetur: Hoc casu nihil antiquius habendum, quam ut, epoto *Tæa*, vel *Cardui Decocto* (neque enim *Emetica* suaderem valentissima) cieatur vomitus.

Postridie vomitus, si vires ægri permiserint, auxilio terposito die uno, fiat purgatio; vel per *Extractum Eustachianum*, & *Ros. Julap.* quibus si placet, adjungi potest *Mercurius dulcis*; vel per *Syr. e Spina*, &

El. Saluris; vel, si febris urgeat, per *Manam*, & *Salem Catharticum*, *Aqua hordeata solutum*, vel per aliud quodvis purgans, ad hanc rem appositum. Vespere, tam eo post vomitum, quam eo post purgationem, nihil paregorici (nisi si *ὑπνῶδης*, aut aliquid improvisum id exegerit) adhibeo, ne illo *Arthritis*, in paroxysmum eruptura, tanquam suffamine, retineatur.

Adeo valet hac in re, & tanti est momenti purgatio, ut omissa illa sive negligenter acta, si non mudentur *Intestina*, perturbata erit curatio; & post conatus in ea varios incassum factos, sæpe illuc redire necessum erit, ubi per negligentiam est peccatum; ad *Intestina* nempe expurganda. Quare, si purgatio minus perfecta fuit, neque rebus ægri conveniens, omnino repetenda est; & quidem eo usque, donec proposito respondebit. Atque hoc casu, diebus purgationi interpositis, nunc *Pulveribus Testaceis*, nunc *Infuso amaro alterante*; illis, si acido; his, si biles abundant *Intestina*, ne plane nihil agam, insisto.

Quibus absolutis, & iis, quæ viam præcludebant; amotis expeditisque, (quo quidem iter quasi medium confici videtur) ad *Arthritidem* extrudendam, nec quidem citius, incumbo. Hunc in finem faciunt, præter *Arthritidem* expellentia, (Capite primo memorata) nonnulla remedia *Colicæ* ab antiquo propria; ut & *Aromatica*, quæ cum prædictis non inepte complicantur. Hæc autem sunt pulvis *Zedoaria*, *P. Rad. Ari Com.*, *P. Aurant.*, *C. Cl. Fullerii*, *P. ejusdem Bezoarticus*, *Sp. Diatr. Piper.*, *Sp. Calaminth. simpl.*, *Sp. Diambre*, *Dianthus. Elect. e Baccis Lauri*; *Mithridatum*, *ZZ in Indiis cond. cum ejus Syr. Olea Chymica*, *Bacc. Juniperi*, *Semen Cuminum*, *Carvi*, *Feniculi dulcis*, *Anisi*, & ejusmodi *Carminantium*, & *Aromaticorum*. Vinum *Xeresanum*, aut *Rubr. Lusitanicum simplex*, vel *amaris & Aromatibus alteratum*.

His munitis auxiliis, ad *Arthritidem* expellendam, & in artus emolliendam, ita progredior. Ægro in lectum dato, *Pulverem*, vel *Bolum*, vel *Pilulas* præcipio.

℞. Pul. e Chel. C. C. ℥i℥. ℥ii.

Chal. Nutriti gr. v. misce f. Pulvis Comp. vel

℞. Pulv. Zedoar. ℥℥. Spec. Calaminth. Simp. (vel Diambre) ℥i. Alcohol Martis gr. v. f. Pulvis, vel, forma Boli.

℞. Elect. e Baccis Lauri (vel Mithridatis) Pul. e Chel. C. C. ana ℥i. ℥i℥.

Alcohol M. g. v. Syr. Aurant. qf. f. Bolus, vel

℞. ZZ in Indiis cond. Pul. Rad. Ari C. ana ℥i. ad ℥i℥. Chal. N. gr. v. Syr. N. M. qf. Bolus, vel

℞. N. Myrist. cond. Spec. Diamb. ana ℥i. Chal. N. gr. v. Ol. Junip. Chym. gutt. i. Confect. Alk. S. M. qf. f. Bolus, vel, forma Pilulari.

℞. Spec. Diatr. Piper.

Pul. Serpent. Virg. ℥℥.

Chal. Nutrit. gr. v. Extr. Rute qf. f. Pil.

Hisce compositionibus superbibatur *Vini Xeresani*, vel *Rubri Lusitanici*; vel *Julapii* haustus.

℞. Aq. Cardui, Mentha,

Lactis Alex.

Chamem. Comp. ana ℥iii.

Sp. Juniperi ℥℥. ad j.

Marg. pp. ℥℥.

Sacch. albiss. qf. f. Julapium, vel

℞. Aq. Lactis Alex. ℥xii.

Sp. Cerevis. Brunsvicensis ℥iv.

Marg. pp. ℥℥.

Sacch. qf. f. Julapium,

At si forma aridet liquida, *Infusi* haustus, cum adjecto *Marte*, detur ebibendus.

℞. Rad. Zedoar. Galange, Calami Aromat.

Cacum. Absynth. R. ana ℥ii. Bacc. Junip. Croci Brit. ana ℥i. Infunde in Vini Xeresani ℥i℥. ad alterationem idoneam, tunc coletur Infusum.

℞. Hujus Infusi ℥iii.

Alcohol Martis gr. v. f. haustus, ante bibendum agitandus.

Ex hisce, vel hujusmodi medicamentis, sumatur aliquod, quarta, quinta, vel sexta quaque hora, medioque medicamentorum intervallo, *Vini*, e prædictis vel ejusmodi generosi, haustus, ea quantitate, quam æger tuto poterit haurire maximam, Quæ quidem regula,

de

de medicamentis etiam tenenda est: ea nempe dosi, & frequentia, oportere illa dari, quæ non aliam febrem, sive in sanguine orgasmum, excitarer; quam quæ, *Arthritidi* ad τὰ ἔξω amovendæ, satis inveniretur.

Ita subinde fit, in robustioribus scilicet, aut spiritu animali valde *Elastico* donatis; ut a *Purgatione*, maxime si utraque (tam ea, quæ αἷω movet, quam ea, quæ κᾶτω) præcesserit; sive propter agitarum sanguinem, sive propter impuritates (quibus uti dixi, in visceribus retineri solet *Arthritis*) expulsas; ea jam suapte sponte erumpat in articulos, & evadat *Regularis*. Hoc quodcumque fiet, unicum restabit, ut eo loci illa, quicquid iracundiæ permanet, exerceat; quicquid humoris effundendi, effundat. Verum, ut hoc interdum, &, quoties fieri contingit, auspiciato fiat; ita quidem, e contrario, antequam illuc perventum, & *Arthritis* artubus affixa erit, plures sæpe interveniunt difficultates; plures scopuli dereguntur, qui moras in sanando ægro medenti faciant gravissimas; quibus quasi digito demonstrandis, jam proxime incumbam.

Interdum igitur *Intestina* torqueri, & spasms ita contrahi manifestum est, ut medicamentum ea purgans, etiam si Δρασινώτατον, non sentiant: multo minus obsecundent, & obtemperent: quo rerum statu, abdomini *Fotum* admoveere oportebit, eumque aliquoties repetere.

℞. *Cacum. Abrotan. Artemis. ana* ℥j.

Rad. Aristoloch. rotund.

Flor. Chamen. ana ℥ij.

Bacc. Junip. ℥j.

Sem. Carui, Fœnic. d. ana ℥ss. coq. in *Aq. Font.* ℞x. ad v. Colaturæ adde *Sp. Vini* vulg. ℞j. pro *Fotu Ventris* calidissimo.

Post omnem fovendi vicem, eo, quod sequitur, *Venter* illinatur.

℞. *Unguenti Martiati* ℥ij.

Ol. Tereb. vel Picis liquid.

Rhod. Ch. gutt. vi. f. Linimentum.

Galbanetum Paracelsi, ut apud *Riverium* est, (Capite de *Colica*) *Linimenti* hujus locum implere, & totus eo venter illini potest.

Nonnunquam autem, maxime in teneris corporibus, etiam postquam *Intestina* fuerint purgata, multæ restant eorum contractiones, multus dolor; nunc continuus, nunc intermittens: qui quidem eorum affectus, cum sit omnino Σπασμώδης, partim *Fotu*, & *Linimento* prædicto; partim *Enemate* sequenti (quod animales spiritus mulcere, delinire, & in ordinem poterit redigere) vincendus est.

℞. *Vini Canarini* ℞ss.

Elect. e Baccis Lauri ℥ss. f. *Enema*, alvo diu retinendum.

Est autem, ubi *Ferri* præparata, propter imbecillitatem, *Intestina* respuant, & quam citissime ano ejiciant, una cum medicamentis ei conjunctis. His ægrotantibus e re esset, omisso *Ferro*, medicamenta præscripta per se dare.

Alias observare licet non modo *Ferrum*, sed & aliquando *Pul. Testaceos*, *Arthritidis* propellendæ causa datos; duos scilicet difficilisque, descendere, & per alvum reddi. Quoties hoc fiat, astringenda prorsus ea, priusquam in *Arthritide* dimovenda, quicquam profeceris: neque enim, fluente alvo, *Arthritis* expectanda regularis. Ea vero, *Terra Japonica*, *Creta*, *Sanguine Draconis*, & ejusmodi mollioribus astricta, per *Ther. Androm. Elect. e Bacc.* per *Specie. prædictos* e Regno Vegetabili sumptas; perque *Olea Chymica*; illa nempe remedia, quæ minus irritent, progredi juvabit.

Quamprimum medicina, quæ *Arthritidem* extrudat, ægri rebus est aptata usui ejus interno, per bidui, vel tridui spatium insistendum est; eoque tempore in ea consumpto, si per hosce dies in artubus nulla in conspectum venerit *Arthritis*, ad *Emplastra*, *Cerata*, *Phanigmos*, & ejusmodi *Arthritidem* evocantia, (Capite primo relata) confugiendum est. Quinimo postquam in articulis apparuerit, Πδάραγαγῶν ore sumendis usque uti conveniet; donec articulis hærens, & affixa, de suo in *Intestina* reditu & παλινδρασίᾳ, locum ea suspicioni nullum relinquat. Hoc autem pun-

ctum cum attigeris, & in rectam *Arthritidis* viam denique redieris; in ea, cum remedium portione dimidiata (duplo scilicet eorum intervallo, vel subdupla dosi, ut in capite præcedenti declaratum est) procedere juvabit; & quidem dies quatuor, sex, vel octo; eo nimirum usque quoad alienum sive per extremitates eliminetur, sive in eas adeo protrudatur, ut de *Intestinis* iterum, intra breve spatium, impetendis nihil metueamus.

Notatu vero hoc dignissimum, atque adeo jucundissimum, quod, articulis quamprimum fixa est, *Arthritis*, læto quidem omine, spem & vitam pollicetur. Visceribus statim melius est; quæque intus mali fuerint vestigia, subito tolluntur. Oculorum acies, vultus vigor, fames, & concoctio restituitur, & in vado res salutis est.

Diceta per totum hunc decursum, qualis & quantal esse debeat, ex omni parte κριμένον ordinanda est. Nihil admittendum, quo in ea uspiam peccari possit. *Panarella*, *Gelatina*, *C. C. & Eboris*, *Panis biscoctus*, *Jusculum*, maxime autem *Vinum* prodest, vel *simplex*, vel *Decocto albo* temperatum. Certe *Vino* assuetis ab eo permagna expectatio, permagna est utilitas: quare iis præsertim illud largiter exhibeo; eam nempe quantitatem, quæ calorem *Intestini* conciliet; quæ *Arthriticum* miasma ex iis ad τὰ ἄνω pellat; quæque eo loci id impune figat. Hanc autem operam optime navat; quod e *Lusitania* rubrum hodie nobis apportatum est; ægro ad ℞ss. ad libram integram, vel etiam duas, nycthemeri spatio, si ad rem propositam opus fuerit, concessum. Alvus si dura, (quod, tum lecto incumbenti, cum *Colica*, tum *Arthritide* laboranti familiarissimum) *Enemate Oleoso*, vel e *Jusculo Vevecino*, lubricante, diebus alternis mollienda.

Interdum observare licet, ægrum; *Arthritide* e visceribus expulsa, perque artus exulante, penitus emancipatum; ventris adhuc inflatione, doloreque *Intestinatorum* urgeri; sic, ut exspes & despondens ille, per tanta artis molimina, parum in salute sua renovanda fieri; postque iter procellosum & scopulis plenum, in ipso potu se denique periturum opinetur. Hac autem flatuum, & naturæ morbo debilitatæ, sunt indicia. Valet hac in re, ad flatum educendos, enema, e *Vini Canarini* ℥xii. *Elect. e Baccis Lauri* ℥ss. diebus continuis, vel alternis immisum; valet *Infusum amarum*, & ejusmodi *Stomachica*, quæ tum famem acuant, tum etiam coctionem emendent.

Ista medendi methodo, (primum nempe vias purgando, posteaque foras *Arthritidem* mittendo) *Colica Arthritica* laborantem curare soleo; cumque hanc methodum, huic *Colicæ* aptam, multoque usu comprobata, & confirmata esse, noverim; idcirco lubens in medio eam propono; aliorum meliora, modo proferre dignarentur, sequi paratissimus.

XI. In *Prophylaxi* enitendum, ut roborentur, *Intestina*, contraque inimicum, ne illuc denuo se intrudat, obfirmetur; simulque, ut reliquæ ἡδυσπείλω nullæ, massa impuritatum nulla, in iis posthæc collecta, eum ad se alliciat. Qua de causa, hujus classis *Arthritidos* studere fami, & concoctioni, ductum alimentarem ecoprotico sæpius purgare, aliisque *Stomachicis*, cum modice restringentibus uti, oportebit. *Aquas Minerales* multis hac in re prodesse novi, tam purgantes, quam *Diureticas*. Non pauci apud nos huic *Colicæ* proclives, aquas *Alfordenses*, vel *Salem Catharticum*, aut *Tartarum laxantem*, aqua hordeata solutum, bis vel ter in anno bibunt: itaque cruditates, a *Ventriculo* in *Intestina* derivatas, tempore tractantes, *Podagra* præoccupant materiam, ano expellunt. Nonnulli meo hortatu commode *Purgantibus* aquas adjunxerunt *Diureticas*. Ut autem *Aque Bathonienses* ab antiquo *Colicæ*, ita quidem ei, quæ *Arthritida* est, quæ cæteris adversari censeantur. *Aquarum usus Diureticarum* interponantur ea, quæ ad propositum faciant *Alterantia*. Hora nempe decima, *Infusi amari* *Vino albo Lusitanico* facti, *Hauftus*: quin etiam post prandium quotidie, ejusdem *Vini* simplici cochlearia aliquot. Hora quarta pom. *Elect.* seq. ℥i. cum vehiculo convenienti.

℞. *Conf. Fruet. Cynosb.* (vel *Ros. rub. per Set. traject.*) *Abs. Rom. ZZ. in Indis Cond. ana* ℥ss.

Salis Martis Div.

Syr. ZZ Ziß. Ol. Cin. Ch. gutt. v. f. Electuarium,

vel

℥. Trochisc. Hedych.

Conf. Flavod. Aurant. ana Ziß.

Salis M. Zi. Spec. Diamb. Zi.

Alcohol. M. Ziiz.

Syr. Abs. f. qs. f. Electuarium.

Quatenus vero ab externo frigore oriatur hæc *Colica*, vestitu idoneo, vitatoque aere nimis gelido, illud eatenus fugiendum, hæc cavenda.

Id adjiciam, quod hoc affectu laborantes, quotquot ætate maturiores, & voluptatibus, aut rebus civilibus impediti, *Prophylaxin* neglexere, raro sine multa id fecerunt: sæpe quidem magno cum salutis, sæpe cum ipsius vitæ, damno.

XII. Placet denique, citato divini senis oraculo, monstrare, *Arthritidis* hanc in *Colicam*, & *Colicæ* rursus in *Arthritida* migrationem, *Hippocrati* non fuisse incognitam. Ita enim ille: *ὁ δ' Εὐτρώς ἐν δὲ ξιδ' Ἀρθριτικὸς ἐξέστω, ὡς ἰσχυρότερος, ἐν τῷ τέτρω ἰσχυρότερος, ἐπιπυρότερος*. Id est, *Qui articulari Morbo detentus, Intestini dolore dextra parte vexabatur, levius habebat; ubi vero Hic curatus fuit, magis dolebat.* (a) Quod de *Colico Dolo*re, in *Morbo Articulari* obveniente, eumque allevante; postea vero, facta humoris huc illuc transpositione, in *Arthritidem* iterum mutato, est intelligendum, Sed hæc hæcenus.

HISTORIA I.

Colica Arthritica male tractata, demum lethalis.

Vir ex *Tremulorum* secta, probus, & generosus, ingruente senectute, per integrum decennium, bis ter quotannis ægotavit *Arthritide*; nunc pedem, nunc manum occupante; semper autem regulari. Annus erat vitæ sexagesimus, cum ea primum intermisit, neque more pristino ægotum visitavit. Istamne vero quietem, & a dolore immunitatem, bonam, optabilem, & commodam existimaverit? Imo potius formidabilem, exitiosam. Doloris enim salutaris, & externi vice, alio intra anni spatium *Intestinatorum*, præcipue *℥. δὲ ὁ Ὀμφαλὸν* acerbo, constanti, & fixo est correptus. Interea temporis elanguit appetitus: languenti prostratoque ei successit oculorum gravitas, faciei pallor, totius corporis macies & imbecillitas. Ad hæc colerica & cruda, vomitu emissa, *Ventriculum* aggravari ostenderunt.

Increfcente morbo, Empirici consilio, *Aqua ferrata*, ut & *e Ferro preparata*, aliaque permulta sunt adhibita; eo vero cum eventu, ut ab *Aquis interanea* nimio algore; a *Ferri preparatis*, utpote concoctu & confectu difficilibus, e vestigio diarrhœa vexaretur.

Ad senem hunc denique accitus, eumque graviter ægotantem, neque intra catharticoꝝ opem (quæ alias essent necessaria) locatum inveniens, ore datis *ποδαγραγωγοῖς Arthritidem* educantibus extra applicatis, ut in artus ea transferretur enisus sum. Et eheu! frustra: *Visceribus* hærens miasma *Arthriticum*, & coctionem impediens, aliud sibi malum adscivit comitem; nempe *Ventriculi*, & τὰν Εὐτρώ impuritates; quibus utrisque depressus æger, viribus sensim inclinatis, post anni dimidium, e vita discessit.

Sæpe quidem mihi in mentem venit, robusto huic ægrotto, tamen vetulo, fuisse melius consultum; si, *Colicæ* principio facta purgatione, miasma, per idonea, per stomacho minus gravia, per e *Regno Vegetabili* sumpta *Cardiaca*, fuisset expulsum. Illud initio fieri potuisse, vero non est absimile: At oppresso ei, viribusque deficienti, ipsa medicamenta, neque nimis considerate electa, neque nimis scite data, mortem accelerarunt.

Historia narrat *Arthritidem* diu *Regularem*: at quæ progressu ætatis, *Intestina* perturbans, *Colicam* fecit, neglectaque therapie opportunitate ægrotto mortem maturavit.

(a) Vide *Epidem. Lib. vi. Sect. iv.* & in eam *Galenæ & Foesii* Commentaria.

HISTORIA II.

Arthritis vaga, Colicam mentita, ad regularem Arthritida reducitur, cum ejus Prophylaxi.

Pellio quidam ad *Isæripam*, annos habens quadragenos, athleticus, & bene coloratus, patre generatus *Arthritico*; dolore artuum huc illuc vago; hyeme præsertim, & tempestate pluvia; cum articulorum tumore, rubore, nitore crebro recurrente, diu infestatus est. Hujus sæculi initio, desubito cessavit artuum dolor, sed intestinatorum ortus est obtusus, constans, una cum febre quadam symptomatica, pulsu magno.

Nihil probabilius visum est, quam, in ægrotto jam diu *Arthritico*, materiam alienam *Intestina* invasisse; quod utique judicium, emissi postmodum sanguinis, superficiem tegens gelatina, crassior certe & albidior (quæ *Colicam* genuinam raro comitatur, *Arthritidi* vero familiaris est) abunde confirmavit.

Ut ægro prospicerem, nihil prius habui, quam universum *Arthritidis* ordinem mutare, id est, *Intestina* versus sanguinis impetum & inclinationem, arte quanta possim maxima, sistere; & materiae vitiosæ ad ea defluxum impedire. Secundo, ut ad ea, quæ sunt extra dirigatur, & ex *Arthritide Anomala*, fiat illa *Regularis*.

Ut utrique satisfacerem indicationi sanguinem detraxi, *Catharticum*, ex *Pil. Rud. Scammon.* & *Calomel.* dedi. Vespere post purgationem, ut sanguinis orgasmum incitarem, & simul *Arthritidem* in artus amandarem, *Pul. e Chel. C. C. Ziß.* sexta quaque hora, cum *Julapii Perlati* haustu miscui; & ordinata re diætetica, discessi.

Quid ex eo fit? Intra biduum recrudescit *Dolor articularis*; cumque vel lecto adhuc ægrum detineri crederem, domi meæ me salutem, alacris, jucundus, deque noviter reverso hospite gloriatus. Digiti in pede magni articulum iste, more suo, primum & majorem, plantæque ligamenta potissime momordit. Placuit sane, & pergratum fuit, tam facili ægotum redimi, durioribus fuctum. Quæ ad *Prophylaxin* facerent, in aliud tempus, & magis opportunum, distuli.

Ea vere, mense Majo sequenti, sic erant: *Premissa Vena sectione*, perendie *salis Cathartici. Ziß. Manna Zi.* *Aq. purp. ℥i. Solutas* ebibat; omni hora deinceps hauriat, donec usque reddiderit; itaque diebus tertiis, quartisve, ad tres vices, repetat. Postea omni mane, *Aq. ferratarum ℥ii. ebibat*; quinta pomerid. sequentis *Elect. Zi. cum Julapii haustu sumat.*

℥. Conf. Flor. Salvia Zi. Pul. Rad. Ari Comp. Ziß. Pul. Cor. rub. e Chel. Simp. ana Ziß. Salis Martis Riveriani Zi. Syr. Garyoph. qs. f. Electuarium. Cerevisia Cacuminibus Hed. ter. Baccis Junip. Sem. Dauci, in potum ordinarium, medicata esto. His in mensem unum alterumque incumbat.

Ex eorum usu, propitio cum Deo, multos ille annos, tum *Anomala*, tum recta *Arthritide* immunes, egit; ad medicinam hanc stabiliendam, & figendam, exemplar utique luculentum.

HISTORIA III.

Colica, ex Quiete Arthritica, in Arthritida regularem versa.

Magnificus senex, *Arthriticus*, paralyticus, aut sellæ, aut lecto complures annos insidens, humoribus vitiosis (qui, non uno exercitationum genere, in omnes membrorum partes, cum eorum *Dolore Articulari*, solebant exprimi) occasionem dedit, ut in viscera plus æquo immitterentur, ut in iis commorarentur.

Ex hac potissimum causa, mense Majo, MDCCII. in *Dolorem Colicum* vir illustis incidit. Interea vero temporis salivatio, quæ diu magna fuerat, suppressa; pedum tumor, qui jam multis annis immensum, immixtus est, facta videlicet humorum ad *Intestina* translatione. Pectoris fuit totius gravitas, & oppressio, tanquam ab onere quodam molestissime ei superimposito.

Morbi hujus historiam contemplanti mihi perspicuum erat, humores inverti & jam *Intestina* versus, eorum

eorum fieri inclinationem. Quo circa, primum huc incubui, ut facibus, quibus ipsa premerentur, & tanquam retinaculis eo loci detineretur *Arthritis intestina* quam citissime liberarentur; ideoque *Pill. ex Calom. Ref. Jal. Extr. Eustachiano* dedi; quibus satis ex voto deiecit æger impura, biliosa. Purgationem e vestigio secuta est a *Vomitu, Colica*, & oppressione dicta immunitas; uti etiam in extremis partibus *Arthritis*. Hujus promovendæ gratia *Guttæ*, quæ ab Inventore nuncupantur, *Godardiana*, & *Alcohol Martis*, bis in die, sumpta sunt. Ita naturæ ferebatur auxilium, aptum quidem, & ejus agendi modo accommodatum: recte enim doluit, & *ἄρξιπος*, ægrotans. Quid enim septuagenario, morbis & ætate confecto, poterat accidere fortunatius? Cum *Arthritide* redux est & salivatio, & pedum tumor.

Nihil hujus *Arthritidos* in *Colicam* metamorphosi manifestius: nihil hujus *Colica* ad *Arthritidem* reductione desiderabilius.

HISTORIA IV.

Colica multarum Hebdomadum Arthritida, eadem Methodo curata.

SExagenarius quidam, ingenio a natura subtili, rebus agendis elaborato, *Arthritide*, semel bis anno constanter reduce, per decennium afflictatus est: quo quidem tempore nonnunquam catharro, fauces invadente, & in tumorem eas elevante, sæpe correptus est. Huic catharro se adjunxit, & quasi latus clausit, febricula quædam; itaque *Angina* speciem præ se tulit. Post dies aliquot, huic affectui supervenerunt indicia *Podagra*; digiti nimirum majoris articuli primi dolor, tumor, ardor: & plane indicant istum sive catharrum, sive *Anginam* esse omnino *Arthriticam*; & *Arthritidem* hoc modo deviam, abnormem, *Anomalam*, demum in rectam, conformem, idoneam migrare.

Cum hujusmodi *Anomalias* iterum & sæpius est perpeffus, anno MDCCII. propter usum pomacei tenuis, acidique, immoderatum, incidit in *Colicam*, dolore non tam acerbato, quam pertinaci, & constanti comitatam; umbilici regionem, sive potius illius portionem tantillulam indefinenter aggravantem. Ab hoc *Colica* spiritus animales multum oppressi sunt. Crebra hinc suspiria, magna animi dejectio, magna corporis debilitas, *Στόμαχος* auxit frigidorum usus imperitus, improspere; cardiacis potius, & calidis evincendo. Dum ex *Colica* decedit æger, in articulis externis emicuit *Arthritis*; sed quæ, brevi intus se proripiens, vana spe decepit ejulantem.

Quando *Colica*, binos circiter mens ægrotaverat, & quidem adeo graviter, ut peiori loco res esse vix potuerat; id egi sedulo, ut, quicquid alieni, quicquid cholerici (quo maxime se gravari renunciavit æger) ductu alimentari inclusum esset, quam citissime per anum ejiceretur: ea scilicet opinione fretus (quod ante dictum est) vanam & frustra, *Arthritidos* regularis in artubus excitandæ, spem & expectationem fore omnem; quandiu *Intestina* fuerint immunda, facibusque onerata. Quocirca præmissis, qui humorem evacuandum molliret, paratumque redderet exilio, *Pulvere Alcalisato*, mane multo *Extracti Eustach. ʒss. cum Aq. Cin. bord. ʒij. El. Salutis ʒss. propinavi*. Inanitis ex sententia visceribus, iisque, quæ viam obsisterent, amotis, ipsum curationis apicem attentavi; nempe, ut *Arthritidis* materiam ab *Intestinis* eruerem, & in artus propellerem. Quem in finem, omni mane, *Infusi cochl. v. cum Tinct. Martis gutt. xv.* assumenda dedi.

*ʒf. Raf. Gent. ʒv. Cacum. Abs. Rom. ʒij. Cubeb. ʒj. Coccinell. ʒj. infunde in Vini Xerani ʒij. ad idoneam alterationem; tunc fiat Colatura Hora quarta pom. Bolum, ex Pul. Rad. Ari C. ʒj. Alcohol Martis, Conf. Abs. R. Cort. exterioris Aurant. Cond. ana ʒss. Spec. Diatr. Piper. gr. iv. Syr. zz. qf. Hora somni Bolum, ex Theriac. Andromach. ʒj. Alcohol M. ʒss. Pul. Cantiani ʒss. Conf. Alb. qf. Porro Vini rubri Lusitanici, meo hortatu, ʒij. quotidie potavit; Carnibus *Ἀπέναις*, *Ἀχόμοις*, est nutritus.*

Sydenham opera Medica.

Ne multis hac & hujusmodi medicina, diligente adhibitu, dolor factus est *Articularis*; levatus is *Intestinorum*; & cum fere conclamatum esset, ægroti vita & salus in tuto posita: quibus, etiam nunc post quadriennium, illum uti, frui, nuper accepimus.

HISTORIA V.

*Colica Arthritica, Vomitu, Purgatione, Πόδα-
γρᾶγρῶς extra misso Miasmate,
sublata.*

ÆTate nostra Fullo *Exoniensis*, patre ortus *Arthritico*, etiam si adolescentiam vix egressus sæpe doluerat. Erat hujus viri *Arthritis* nunc *Anomala*, fauces invadens, (de qua alibi sermonem faciemus;) magna vero ex parte *Regularis*. Exeunte anno MDCCI. pedem occupaverat; per tridui spatium tenuerat; cum, sine ulla *ἐκ τῆς ἐξωδῶν ἀποαισθή-
των* evidenti causa, abscissam excepit nausea, & dolor *Intestinorum*, una cum anxietate animi, & pectoris gravitate.

Contra hunc affectum, *Manam & Salem Catharticum*, *Aqua Alfordensi* soluta hausit; ea spe & opinione, ut humores alienos, dolorem excitantes, per anum eluendo, restitueretur. Eventus opinioni non respondit. Quare arcessitus, *Ventriculum* etiam, quod a vomendi cupiditate palam erat, opprimi; neque nifeco, per *Emeticum* prius purgato, colicam levare posse, monebam. Epoto *Cardui decocto* (fuit enim *ἄλκιος*) biliosa multa ejecit. Eo vespere *Pul. Gasconic. & Theriac. Androm. ana ʒss.* demisit, cum julapii haustu cardiaci. Postero mane *Podagra*, pedis sinistri convexum, marginemque exteriorem invaluit. Ex quo statim *Ventriculo*, & iis quæ intus sunt, bene. Dolor, anxietas, pectoris gravitas sublata sunt. Ut autem opus, tam feliciter inchoatum, medicina perficerem, *Chal. Nutriti ʒss. Pul. Gascon. Conf. Flor. Salvia ana ʒj. cum Syr. Garyophyl. q. s. ut f. Bolus*, bis in die, cum Jul. haustu propinavi: æger hac methodo commodissime doluit, morbo gravissimo levatus est.

Arthritis ista primo *Regularis*, crudiatum, quæ in *Visceribus* constructæ & coacervatæ fuerant, illecebris attracta, *Colicam* facit *Arthriticam*; iis vero per catharsin expulsis, naturæ, & partim medicinæ viribus effectum est, ut in *Arthritida*, regularem illa denuo remigret.

HISTORIA VI.

*Colica, una cum Capite aggravato, Arthritica,
plus semel allevata.*

Iscanus artifex, ætatis anno tricesimo quarto, laboravit tertia jam vice pedibus, posthæc humero, cubito, carpo, per quadriennium, bis vel ter in annum: diversas *Arthritide* commissuras attingente, pervagante; nunquam autem diu affligente. Mense Decembris MDCCI. pedum iste vir dolorem habuit, sed brevem, neque ultra biduum manentem. Abscissum eum excepit distentio *Ventriculi*, cibi fastidium, dyspepsia, vomitus, *Στόμαχος*, vermiculatio *Intestinorum*, & diarrhœa; quam insecta est suffocatio, tanquam hysterica; & a flatibus, *ἄστυμᾶ-
δευ*, capitis affectus.

Ista quando jam tres circiter menses, eosque hyemales, pertulerat, ægrum visitavi; cumque humores in ductu alimentari præparantibus, & evacuantibus; materiam autem *Arthriticam*, ei adhærescentem, in artus expellentibus, curari illum oportere reperi, iis suo loco utrisque usus sum: diem nempe unum alterumque *Pul. e Chel. C. C.* quarta vel quinta quaque hora dedi; tunc catharticum e *Pil. Eustach. cum Calom.* dein, neglecto post catharsin paregorico, *Ferum præparatum*, una cum *Pul.* prædicto; usque donec *Arthritis* ad *ἄστυμᾶδευ* expulsa fuit. Quod ut præstitum, confestim oculorum acies acuta facta, vigor restitutus: viscerum, & quæ intus sunt eorum omnium querelæ desierunt. Ita quidem ægro,

tanti opem tuli, simulque, per materiæ in artus expressionem, hunc affectum utiliter auferri posse perspexi.

Annus agebatur, alter quam solebat, *Arthritide* regulari penitus immunis, cum Mense Aprili, MDCCIII. eundem hominem flatus, ructus, nausea, præcordiorum distentio, dolor *Interaneorum*, præcipue *ὀμφαλόν*, est adortus. Quibus sese comites adjunxerunt, ex necessitudine quadam, tanquam eadem stirpe oriundi, & *ὀφθαλμῶν*, oculorum languor, & capitis gravitas. Hisce omnibus ut eatur obviam, primum venæ sectio, tum, per *Extract. Eustach. Syr. e Spina*, & *Elix. Salutis*, purgatio facta est; qua vincuntur imi ventris accidentia pleraque omnia. Post hæc *Pul. Gasconico*, *P. Rad. Ari C. Ol. Junip. & Cumin. Chym. Ther. Androm. Chal. Nutrito*, *Infuso amaro*, & ipsiusmodi aliis, *Intestina* roborantibus, *Arthritidemque* expellentibus; una cum *Empl. Cephal.* parti sæpissime dolenti admoto, & *Decocto* interea *rubicundo* potui dato, affectui gravissimo penitus succursus est.

HISTORIA VII.

Arthritis Intestina atrocissime invadens, sæpissime expulsa.

Dicam viri nobilis historiam, a me non uno nomine prædicandi, omnium utique cultu & honore percolendi. Erat ille parentibus *Arthriticis* procreatus; corporis habitudine tenera, spiritu animali emicante & elastico donatus: Unde sæpe numero tum improvise ægrotavit; tum etiam citius spe, & contra expectationem convaluit. Amplo illi, & diviti male id obvenit, quod hæreditas, a longa majorum serie derivata, in tractu non nimium molli sita, ære frigido, & magnam anni partem immitti, perflata esset: quæ quidem cœli solique inclementia dolorem *Colicum*, atque adeo *Arthriticum* domino, una cum multis aliis, inferre censeretur.

Vererat, anni MDCLXXXIV. cum, nescio qua de causa, qui partes extremas solitus est excruciare dolor, eo jam cessante, intus incidit morbi vis, & sibi comitem adscivit pectoris gravitatem, tanquam ab onere imposito, permolestam. Erant tormenta *Interaneorum* peracuta, quæ ut allevarentur, *Carbanticis*, si Diis placet, & *Opiatis* nimio plus elaboratum est. Nam ex nimia *Purgatione* spiritus (per se agiles, & volatiles) ita perturbati, agitati, & quidem ita profligati sunt; ut jam orbatum somno & quiete, ægrotantem, vertigine multatum, menteque captum, vires plane deficerent.

Hoc modo laborantem, tum primum arcessitus, invisi: cumque, ex totius morbi, maxime vero ex gravi pectoris consideratione, appareret, eum esse *Arthritidem Anomalam*, medicina auctam; ut omnibus ejus medendæ incitationibus simul semelque satis facerem, (id est, ut somnum conciliarem; ut vires reficerem; ut *Arthritidem*, ad *τὰ ἔξωθεν*, amolirer; itaque agrum in tuto collocarem) *Pulveris Cantiani*, dosim majusculam, extemplo deglutiendam, eaque nocte repetendam, dedi. Ex animi sententia res successit; somno enim recreatum, & tanquam vitæ denuo restitutum agrum quæ perpessus erat, eleganter enarrantem, mane postero audiui. Ut autem therapiam perficerem, & humorum mutata inclinatione materiam alienam artubus infligerem, *Ferri præparatum* adhibui; quod paucorum dierum spatio, eam validissime extrudendo, pectoris gravitatem, *Intestinorum* dolorem omnino omnem evicit.

Hæc erat hujusce mali therapia. Quandoquidem vero, in corpore delicato, multumque debilitato, materia *Arthritica*, nunc a frigore externo repulsa, nunc a cruditatibus in *Ventriculo* & alimentari fistula contentis, intus allecta, *Colicam* hanc *Arthriticam* identidem revocaret; quibus eam auxiliis, qua methodo, quo demum eventu recurrentem oppugnavi, hisce paucis accipe.

Menses aliquot agebantur, læti quidem & dolore expertes; cum ex fructibus *ὀπαιῶν* aliisque pravis avide ingestis, & frigore eodem tempore contracto, reintegrata est *Colica*: Facta vero, per *Decoctum fol.*

Tea *αἰῶ* per catharticum mite *κατὰ* purgatione; datoque *Pulvere Testaceo*, & *Calibem Arthritidem* expuli, regularem feci.

Cum aliis in eodem ægrotante *Arthritidem* meto frigore repelli, & *Colicam* mentiri noverim; non nisi purgatis primum *Intestinis*, adhibitoque tum demum *Diaphoretico*, in fugam mitti illam, externa solum causa factam, expertus sum. Materiæ vero emittendæ nihil in hoc ægroto melius conducere, aut votis respondere magis potuerat, quam *Pulvis* ille prædictus, qui larga (3j.) dosi, & quidem crebro (tertia nempe quaque hora) demissus, dolori *Intestinorum* allevando, partium extremarum illi movendo augendoque maximi sæpe fuit momenti, & efficacitatis.

Cum vero alias hæc invaluit *Colica*, neque adversus eam *Vomitio*, *Purgatio*, *Pulveres Testacei*, ipsum *Martis Alcohol*, viribus junctis, vel nihilum profuerat ad *Bacchum*, miserorum præsidem & consolatorem, *Arthritidis* averruncum confugiens, ejus auxilio plane divino, materiam in artus commodum ablegavi.

Postremo addam, cum neque medicina, neque vinum huic ægroto, eadem *Colica* alias affecto, prodesset; languenti, & animam tantum non agenti; cum ruinosa, conturbata, conclamata viderentur omnia, (quod quidem omnium expectationem vicit) opem ei, sed madido, sed bene poto, tulit *Phanigmus*; articulis dolori fustis admotum, aliam fecit humorum inclinationem; agrum manifestissime servavit remedium præsentissimum.

Ita quidem, multos annos *Θεὸς σοὺ παλάμη* viro illustri medicinam feci; & tamen, propter viscerum imbecillitatem, victus rationem non semper optimam; ne dicam ambulationem, equitationemque, quibus exercere se, & humores vitiosos extra pellere consuevit, intercisas; & prophylaxin omnem aut penitus omisam, aut indiligenter actam, *Intestinis* ii minima quavis de causa infunderentur: tamen ita factum est, ut in hujus *Colica* accessionibus, & creberrimis & difficillimis, æger semper relevaretur; & quidem eatenus, ut non nisi consumptis & exhaustis viribus, nulla vero *Arthritide* intus agente, supremum ille obiret diem.

HISTORIA VIII.

Colica Arthritica, cum superveniente Paralyfi.

Moribus honestis & ingenio singulari vir, *Arthritide* per viginti annos, autumnno quoque altero, (is fuit illius hoc in ægroto typus) laboravit. Loci, quem invasit, diversitas ea fuit; ut nunc dexterum, nunc sinistrum, nunc uno eodemque tempore pedem utrumque, sed dexterum maxime laceferet.

Excipiendum autem est, per hosce annos, quod typum ea semel atque iterum mutavit; quod autumnno illo altero deficiens, insultum mense Februario fecit. Quibus vero autumnis intermisit *Arthritis*, iis semper agrum adorta est *Epiphora*; qua ex oculis, per hebdomadas sex vel octo, serum acre & pungens emanavit; & quidem adeo perpetim & constanter, ut *Arthritis* vicem gerere, & ejus materiam secum ferre, non immerito crederetur.

Autumno Anni MDCCV. cum, in sanguine & visceribus, sordes & illuviem, otio & satietate, contraxerat, crassior & obesior eo factus, *Dolore Colico* corripiebatur; eoque, propter iter intempestivum, urgente frigore & imbribus, infirma valetudine susceptum, gravi demum molestoque cruciabatur. Interdum huic adjuncta est diarrhœa, qua cum alvus exonerata fuit, dolor remisit; ea vero sistente, recludit, una cum vomitione, nunc cholericæ, nunc pituitosæ. Utque mederetur æger, clysteribus, emetico, & purgante usus est; ex eoque mala ad tempus allevata, brevi autem ex novo frigore recidiva.

Cum ad agrum arcesseret, & præter jam dicta in morbi res minutas inquirerem; (tales initio judicantur eæ, quæ facta indagine ad explicandam morbi naturam interdum maxime conducunt;) præcipue, quæ *Arthritidos* esset conditio; quæque ad præsentem morbum ratio, quærenti patuit. Primum, *Dolorem Colicum* esse

τὰ αὐτὰ ὁ ὀμφαλὸν efficientem, iis coherentem; vento insuper *Intestinorum*, appetitulaeso, oculorum languore, facie pallida, pulsu debili stipatum: tum paulo ante *Podagram* fuisse, pedis primum unius, deinde alterius; nunc autem talum, nunc pollicis metacondylon; eam invadere, sed edentulam, neque satis crudelein: Deinde, ægium tabescere; vires ejus enervatas, & (quod præcipue notandum erat) partes externas, non modo *Διαπνοῖ*, sed & calore fere privatas, ac si vitæ lampas extingueretur, multum frigescere.

Cum ista, maxime quatenus *Arthritida* respicerent, animo perpenderam, *Arthritidem* esse malum, ea, quæ intus sunt, ingressam, & *Intestina* cruciantem, existimavi. Hoc, in homine significavit *Arthritico Colica*, tam curatu difficilis: Hoc palam fecit ipsa tum temporis, etiam si mitis, in artubus *Arthritidis*.

Quare id conatus sum, ut e visceribus hostis in artus excuteretur, & quidem iis, quæ sequuntur. Primo, *Catharsis* instituta est, per *Extr. Eustach. 3ss. Scam. pul. gr. v. Bals. Per. qf.* eaque nocte *Paragoricum* cum *Bolo Cardiaco* datum est. Quando nausea alvi ductionem maneret, vomituque opus esse indicaret; *Emetico* levi, posseto nempe amaris alterato, is peractus, ea sublata est.

Catharsi præmissa, *Arthritidi* protinus expellendæ memet accingo, compositionibus hisce usus.

℥. *Theriac. Androm. Diascord. ana ʒj. Spec. Diamb. Flor. Salis Armon. ana ʒss. Chal. Nutriti gutt. v. Ol. Cin. Ch. gutt. j. Syr. Garyoph. qf. f. Bolus, nona vespertina, tertiaque matutina demittendus, cum Vini rubri Lusitanici tepesacti, ʒiv.*

℥. *ZZ in Indiis Cond. Diascord. ana ʒj. Pul. Serp. Virg. ʒss. Chal. Nutrit. gr. v. Ole Sem. Anisi Ch. gutt. i. Pul. Macropip. gr. iij. Syr. Z. Z. q. f. f. Bolus, hora nona matutina, tertiaque pomeridiana cum eodem vehiculo sumendus. Porro, Nycthemeri spatio, epota alia Vini prædicti ʒbj. Emplastrum ex diascord. & Emplast. Stom. mag. ana paribus mensuris, cum Picis Burg. q. f. Ventri impositum est.*

Horum usui, dies instar octo impenduntur: eoque factum est, ut pulsus, antea debilis & parvus, jam augeatur; & carni, antea subfrigida, laudabilis & naturalis æstus concilietur.

Roborato itaque cruore, ad mutandam humorum inclinationem, eamque ad τὰ Ἀρδρα usque vertendam *Phanigmm* utrique pedi calidissimum, eoque frigefacto, ad quatuor vel quinque vices, novum imperavi applicandum: posteaque malleolis ambobus *Vescicatorium*. Hinc acre serum ulcusculis elicitum; hinc *Podagra*; hinc *Gonagra*; & pro eorum ratione ῥ *Ἐντοδίον* indolentia. Qua utique animadversa re, medicamenta, sed paulatim, minuiamus; nunc eorum doses extenuando, nunc assumendi tempora extrahendo.

Interea vero, forbitiones; ex *Jusculo Pullino, Avenaceo, ex Chocolata*, & ejusmodi cum tenuibus, tum *Analepticis*, sapius in die, sed modice demittuntur. Carnes etiam *ἑῷχομοι* & *ἑῷπεῖοι* quam primum per stomachum liceat, apponuntur. Pedis sinistri calcem, dextri astragalum, utriusque hallum occupavit *Podagra*; rediit vero cum ea fames, & concoctio; rediit oculorum acies; animi alacritas; spirituum robur, & ovatio; aliaque vitæ & salutis indicia.

Cum ita res salva esse videretur & omnium opinione in portu navigaremus; alter ecce turbo exoritur, quo in procellosum mare rursus abripimur.

Podagra, laudabilis & invidenda, (ad quam accessit *Chiragra*, ejusdem generis) æstu mordaci, cum stragulis æger coopertus incalesceret, eum noctu affecit, qui tamen per sudorem, brevi temporis spatio, magno eum ægri fructu, solitus est abire. Hujus æstus, rofionis hujus impatiens ille, ut eam vitaret, raro se in lectum commisit; cathedra totas fere noctes, hyeme frigidissima, consumpsit. Perspiratione multum hinc diminuta retunditur appetitus, brachia *παρὰ λυόντε*, & nisi opportune miasma *Arthriticum* e corpore fuisset emissum, de agro procul dubio actum esset, lecto ei denique affixo, diaphoreticis motum, aqua *Bathoniensis* famem restitui. Post menses quinque tristes sane & dubios, summo vitæ periculo liberatus, æger, dicta methodo, favente vere, Deo *Sydenham opera Medica*.

consilia nostra fortunante,) convaluit; Excepto, quod digiti vehementer resoluti, quamvis iis multum profuit balneatio, ad consuetudinem suam autumnosequente, quo hæc scribo, minime redierant. Scripsit enim & quidem pristino caractere, lectuque facili; sed literas vacillantes, neque semper ex æquo ductas: Cætera belle se habuit, & quam morbo primum ineunte, longe melius.

C A P U T IV.

De Diarrhœa Arthritica.

Art. I. **C**olicam prædictam sequitur ejusdem numeri *Diarrhœa*; naturam habens, & curationem postulans quodammodo privatam. Diximus, *Arthriticum* in sanguine miasma, αἰὲς φερόμενον, fere perpetuo renovari, & certo quodam temporis spatio repullulare: Diximus, adauctum & evectum in *Intestina* saepe mitti. Hisce positis, advertere licebit, nonnunquam pancreati, & glandulis *Intestinorum fragiformibus* (a Clariss. (a) *Lister*o primum, uti verisimile, detectis; a Clariss. (b) *Peyero* plenissime descriptis) illud infundi; atque hinc in cavum *Intestinorum* a natura pelli; & demum, urgente ejus acrimonia, spiritusque animales stimulante, crebris dejectionunculis e corpore exterminari.

II. Hanc autem *Diarrhœam* esse revera *Arthriticam*, si symptomata, tum ea, quæ intercidunt, tum quæ alia ex aliis, insigni profecto ordine, emergunt, accurate, & suis ponderibus diligenter examinemus; per ea satis superque declaratum est. Quis enim, quotiescunque veteri *Arthritico*, mediis in doloribus versato, ex causa aliqua evidenti, materiam in *Intestina* derivante, accidit *Diarrhœa*, eamque statim excipit doloris, & tumoris externi diminutio; postea vero libertas ab *Arthritide* diutior: quis, inquam, inficiabitur, hanc *Arthritidem*, initio rectam, *Intestina* jam petere, perque alvum effugere, id est, *Diarrhœam* illam esse *Arthriticam*?

Ita certe, *Arthritico* dolenti quæ hujusmodi obvenit, *Diarrhœa* est plane *Arthritica*: Quæ dolore immuni contingit, & materiam, adhuc in sanguine latentem, sed in artus abituram, manifeste alio divergit, perque *Intestina* exprimit; quamvis argumento fortasse minori, certe tamen satis valido, & firmo, non alia, quam *Arthritica* est habenda.

III. Hic affectus, si consideremus ejus indolem, & causam continentem, est tantummodo unus; quippe qui *Arthritidos*, per *Intestinorum* excernicula, perque dejectiones, quam ex consuetudine, frequentiores. fugam comprehendat, oculisque semper objiciat. Si vero illius initia, sique exitus varios evolvamus, longe a se diversus est. Miasma in sanguine *Arthriticum* nunc a natura directe, & quidem eo nomine quod ingravescat, deorsum pellitur; atque istiusmodi fluor paroxysmos interdum *Arthriticos* antevergens, salutaris esse reperitur. Expulso etenim inimico, clauduntur januæ; pax, & quies restituitur; viget æconomia. Hoc autem in corporibus *ῥωμάχνοις*, id est, fibris robustioribus, firmis spiritibus donatis. Sæpius autem multo, vel assumpto *Cathartico*, vel a cruditatibus, *Intestina* irritantibus, *Ventrem* aperientibus, miasma illud e sanguine elicitur, & una cum illuvie *Intestinorum*, ano expellitur.

Hujusmodi *Diarrhœa* incerti admodum eventus est; si enim temporis cohibeatur, neque modum excedat, utilis saepe invenitur; & quidem *Arthritidis* materiam, etiam si via non usitatissima, tamen tuta emittere: Cui isthuc consequens, quod paroxysmus non nisi diu post recurrit *Arthriticus*. At in iis, quorum *Viscera* satietate crapulaque sunt debilitata, cum natura *Ventris* impetum comprimere, crisi que legem imponere nequit; *Diarrhœa* nimium perinaci, minimeque tolerabili, illa identidem opprimitur. Non tantum inimicus, verum etiam amici, spiritus scilicet ipsi, vigiles & præsides salutis, in exitum

lium mittuntur; æconomix subversio est, & plane *παράδοξα*.

Hujus utriusque casus exempla mox in medium vocabo.

IV. Therapiam hisce casibus ut accommodem, in *Diarrhœa* ista *Arthritica*, quæ in sanguine initium habet, nihil inepta sedulitate stultius, dicam, an periculosius? quæ, pharmacis perperam ingestis, naturæ opus sæpe inturbet, interdum abrumpat. Suo potius arbitrio ea, patiaris, agat; quodque intus læsurum erat, suo utiliter ingenio effundat; Si vero *Diarrhœa* nimium excurrat, viresque excedat, astringentibus sistenda est; cardiacis æger roborandus. Sive per se desit *Diarrhœa*, sive per medicinam, cūs reliquæ *Aquis Purgantibus*, *Tartaro laxante*, & *Manna* (si opus fuerit) adjunctis, post tempus aliquod cgerendæ sunt.

Sin a *Cathartico* accidat ista *Diarrhœa*, similiter, atque casu præcedenti, parum utilis medicina; de *Τάρταρος*, tantum cautio sit.

In *Diarrhœa Arthritica* cruditatibus exorta, quæ omnium mihi periculosissima videtur, alia res est; Hic, *Ventriculus* sæpissime aggravatur; ideoque, si ita sit, *Decocto Teæ*, vel *Cardui*, movendus. Postea, (sive vomitu neglecto,) venter leni *Cathartico* subducendus: tunc ad *Adstringentia*, & *Fluorem cohibentia* festinandum. *Bolus ex Diascord. Sped. Conf. de Hyac. Croco Martis astr. Terra Japonica, Syr. de Ros. s. quarta, quinta, vel sexta quaque hora demittatur, cum Julapii Cretacei Haustu.* In *Alvum* detur *Enema*, ex *Vino Canarino*, cum *Gelatina Amyli*, vel *Diascordio*: *Ventri* admoveantur *Lanea*, *Decoct. Rad. Bistort. Tormentill. Balanst. &c. Cerevisia* generosiori facto, immersa; & sæpius repetantur. Portioni sit *Infusum Ros. Rubr. vel Decoct. album*; Et, ad vires instaurandas, *Vinum rubrum ustulatum*.

Si pulsus finet, optime conducet *Opiatum*, *Laudani*, puta guttas aliquot, vel potius *Opii* quasi granum, cum *Theriac. Androm. ʒss. ʒii.* dari.

Si periculum est, in *Dysenteriam* ne transeat *Diarrhœa*, sumatur *Emulsio* sequens.

ʒi. C. C. C. ʒss. *G. Arab. Tragac. ana ʒii. coq. in Aq. Oryzate tertia Decoctionis ʒiij. ad ʒij. Colatura Amygd. d. cortice nudatis, & Sem. Pap. albi inter contundendum affundatur; iterum colata, Aqua Cin. fort. aromatizetur; Saccharo dulcetur.*

Quæcunque vero vomitum & purgationem excitent, ea non, nisi caute, in usum trahenda; ne, quæ auxilio esse debuerant; ægroto imbecilli graviterque laboranti obsint. Quod quidem in monitis ideo præcipue a nobis positum est, quoniam hujusmodi laborantes, fluore multum enervati & depressi, catharsi tolerandæ sæpe impares inveniantur: quo quidem in casu, *Cardiacis* & *Adstringentibus* solis utendum est.

Cujuscunque demum originis sit *Diarrhœa* prædicta, *Prophylaxis* optime per *Aquas ferratas*, & quidem jucundissime, patrata est: quibus addi potest, ut in artus eructatio fiat materiæ, e *Ferro præparatum* aliquod; omnium autem optimum id, quod *Alcohol Martis* appellavi.

HISTORIA I.

Diarrhœa Arthritica crebra & salutaris.

Matrona quædam, in regione civitatis septentrionali, multos annos *Arthritide* per vices ægrotavit; initio vaga, deinde fixa; nunc recta, & idonea, nunc anomala. Primum gutture, tum manu dolentem; *Angina* primum *Arthritica*, tum *Chiragra* laborantem, invasit aliquando *Diarrhœa*: de qua, ut illam supprimerem, cum arcesserem; ejus de vehementia frequentiaque percontanti, mihi narratum est, neque tam urgentem, ut quæ non possit tolerari; nec quidem aliam esse eam, quam quæ commode & utiliter possit; pariterque, alvo soluta, paroxysmumque finiente regularem, non sine ingenti fructu, ægram iterum & sæpius fuisse.

Quæ cum ita esse acceperim; vitatis hinc, quæ

Diarrhœam intenderent; illinc autem maxime, quæ contraherent; in eo operam navavi, ut ægra mediocritatem, multo usu comprobata, probatione multa commendatam teneret; ipsamque naturæ, Medicorum Principis, in sanando methodum, omnino persequeretur. Nec quidem minus aliquid, imo majus eo factum esse arbitror; quam si inutuli, ne dicam ancipiti plane, *αἰσχύη*, corrasis usquequaque medicamentis, multaue arte compositis, ægra, tanquam corbita, oneraretur.

Hoc autem, in tempestivæ illius negligentia laudem, addi insuper oportebit; quod, tametsi ægra sæpius ex eo tempore desedit *Arthritide*, eaque semper in *Diarrhœam* desinente, perque alvum excurrente; nihil illa damni propterea rulerit, lucri vero permultum. Cujus quidem rei causa nescio an ulla probabilior excogitari possit, quam quod ægra, spiritibus firmis, constantibus, ad munera sua obeunda paratissimis, (qui nempe tum malum civem prompte expellant, tum eo expulso foribus occludendis subito invigilent) donaretur. Rara autem hæc *Arthritide* *τοῖς Εὐτέροις* ægrotantibus felicitas; quorum pars maxima, alvo vel liquida nimis, vel nimis dura, esse observatur. Ægra, post sex hebdomadas ab *Arthritide* triformi immunis, sanior & vegetior evasit.

Historia tradit, ex una eademque *Febre*, ad amolendum miasma *Arthriticum* suscitata, diversis posse illud deponi locis, perque diversa excernicula proturbari; nempe per glandulas oris *Salivares*, per artuum *Mucilaginosas*, perque *Intestinatorum Fragiformes*; & cum *Arthritide* regulari, *Diarrhœam* esse posse simul *Arthriticam*, eamque salutarem.

HISTORIA II.

Diarrhœam ex Cathartico, Arthritica opportune suppressa.

Aliam novi generosam, lectissimam, cultu & honore profecto dignissimam; quæ, cum marito juncta esset *Arthritico*, ipsa etiam cito laborare cœpit. Cubitos, humeros, hos illos in manibus articulos habuit afflictos. In cubiti dextri extremitate rosus erat, a durato steatome, juglandi par: digitus ejusdem manus longissimus, tosis distentus, motu privatus. Articula, præcipue medium ejusdem digiti infarctum. Malleolus item, pedis planta, calcis tendo, & genua laborarunt. Paroxysmi solebant esse gravissimi, dolore multo comitati, mensem integrum, interdum etiam alterum, permanentes.

Nuper autem, cum per hosce sex menses urgeret ægrotatio quædam, torpor videlicet, inertia, una cum vertigine, visu oculi dextri imminuto, dolore ejus, ut & universi corporis externi molestissimo, appetitu depresso, (quæ quidem omnia, neque satis fixæ, neque satis rectæ *Arthritidos*, erant accidentia) sumpto, nescio cujus hortatu, cathartico, sed neque eo fortiori, aut elaterio; vomitu illa, & *Diarrhœa* materiæ viridis præcipitante, corripiebatur; sic, ut sex dierum spatio sexagesies minimum dejiceret. Sordium hæc *Arthriticarum* erat per ventrem evacuatio copiosa, neque ex omni parte inepta. Nam symptomata hinc collapsa sunt, & evanescere omnia. Digitorum tumores, ob *Arthritida παρὰ ξύστασιν* eo tempore magni, subsedere; quæque ab ista *Diarrhœa* fluxerunt incommoda, lucro & compendio eam consequenti, facile cedebant. Ab effusis hisce purgamentis, corpus liberum, & ad tempus aliquod incolume.

Hoc pene totum naturæ opus, unum artis erat, *Diarrhœa* nimium ne excurrat, curare, & ægræ vires sustentare. Hoc ego propositum, hanc metam spectans, nihil aliud, quam astringens & cardiacum aliquid, præcepi; illud autem opportune adhibitum, languenti, debilitatæ, pulsus humilem & imbecillum habenti, alvum compressit, vires instauravit.

Habet exemplum *Arthritidos* (catharticos viam monstrante) in fugam se per *Anum* conjicientis, *Diarrhœa* habes *Arthritice* curationem.

HISTORIA III.

Arthritis Vaga Intestina occupans, solo Externorum usu evocata est, & Artubus affixa.

DUodeviginti annorum adolescens, patre inde ab incunabulis *Arthritico* natus, artuum habuit dolores; a longo tempore vagos, &, ut amicorum opinio tulit, *Rheumaticos*; cum tumore albo, submolli, articulorum intervalla sapissime, ipsos etiam articulos aliquando infestante. Sanguini, quem identidem & copiose detraxi, cutis usque crassa & densa, brevi semper innatavit. Ut ejus dyscrasiam auferat, ætate anni MDCCV. hortatu nostro, varia periclitatus est æger; *Succum* nempe *Taraxaci* & *Coclearia depuratum*, cum *Hordei*, *Rad. Gram. C. Fœnic. d. Asparagi Decocto*; *Crystallum item Minerale*, *Chalybeata*; suoque loco *Lactinia*, & *Aq. Bathonienses*. Ex quibus omnibus utilitates & fructus capitaliquando multos, observantiæ pares: Intermissit dictus ille *Rheumatismus*.

At post sesquiannum, cum æger sanguinem, uti par erat, minime correxerat, *Intestinatorum* tormina, cruciatus subiit immanes, *Diarrhœam* pertinacem, neque medicinæ facile cessuram; unde enervatus, multumque debilitatus æger, neque morbum diutius, neque remedia ferre posse videbatur; sed in ipsa mortis propinquitate versari.

In hoc ancipiti & pene deplorato statu, morbi naturam plane *Arthriticam* animo advertens, methodo, quam in *Arthritide Intestinatorum Anomala* interdum non infeliciter adhibueram, uti animus fuit. Neglectis scilicet medicamentis, quibus ore sumendis impar erat ægrotus, externis incumbere. Ideoque iis utriusque brachii locis, quos excruciare solita est *Arthritis*, e *Fermento veteri*, &c. *Phanigmos* jussi calidissimos applicari, & cum refrixerint iterari; donec aborti fuerint tumores, iis, qui a *Rheumatismo* credebantur esse, persimiles. Tumoribus his, ex voto factis, admovi epispastica: unde ichor, ad hebdomades aliquot, jugiter effluxit.

Quantum hinc utilitatis, quæ commoda, quam subita curatio, capi vix potest, Quo tumor est evectus pari certe cum eo passu sublata tormina; suppressa *Diarrhœa*: quinimo novatur appetitus, restituntur vires. Ægroti status, sive viscera, sive artus spectemus, omni dolore paulo post immunis, quam per annos aliquot anteactos sanior, & quidem multo jucundior evasit.

En *Arthritidem*, artus pervagari solitam, *Intestinis* adhærescentem; cum torminibus, *Diarrhœam* inducentem, solo externorum usu ad τὰ ἔξωθεν evocatam.

HISTORIA IV.

Cruditatibus exorta Diarrhœa Arthritica, Medicine viribus inhibita.

VIr amplissimus, antiqua *Damnonii* nobilitate natus, *Podagra* utroque stemmate derivata confectatus, ejus impetum bis vel ter in annum constanter est perpeffus. Ad hospitem tam certam, tam fidelem, pro utriusque ingenio accipiendam, mundum ille *Arthriticum*, comptum adeo ac elegantem, in promptu, apparatus habuit; ut, e *Ποδαγρῶν* natione magna & lauta, raro ullus unquam magis.

Annos ille permultos hunc in modum (id est, duriter) exegit; cum ad tuendam concoctionem opera, diligentiaque, quam omni vere & autumnio, per catharsin, &c. ponere solebat, penitus omiffa, vitæque acta nimis sedentaria; primum, plane conticuit *Arthritis*; neque more suo, in extremis partibus eluxit: mox, in *Ventriculo* & *Intestinis*, sordium massa collecta, compressa est. Hinc *Αἰσθησις*, ructus sæpe impuri, sapor ingratus, a pastu ventriculi gravitas, præcordiorum distentio; hinc oscitatio creberrima (symptoma *Arthritidos*, in visceribus latentis, huic ægroti familiare;) dolor a statu lateralis, pungens; illarum videlicet imputitatum indicia. Hæc subsequitur *Diarrhœa*, qua tum illæ, tum quæ *Visceribus* adhæserunt *Arthritica*, per anum exprimuntur.

Cum autem ista *Diarrhœa* neque naturæ rebus, nec ægroti votis responderet; per *Decoctum Teæ*, ventriculum; per *Rhabarb. Infusum*, addito *Salutis Elixir*, *Interanea* purgavi; itaque facta, quanta opus erat, evacuatione, per *Diascordium*, per *Crocum Martis*, & ejusmodi alia, *Ventrem* cohibui. Aqua, sed cocta, & vino mista, potui daretur; cibi, sed solidi & intus mansuri, paululum caperetur, in præceptis posui. Ut autem appetitum languentem, & prostratum excitem, ut *Arthritica* sanguinis recrementa ad τὰ ἔξωθεν propellam; & in artubus, uti moris erat, deponi faciam; *Aquas Bathonienses omni mane hauriendas*, *Bolum e Pul. Rad. Ari C. Conc. flor. Salvie*, *Chal. Nutrito*, *Syrupoque Garyoph. cum Vini haustu demittendum*, præcipio: itaque in viam *Arthritide* reduxi; ægrum τὰ ἔντεα restitui.

Diarrhœam, cruditatibus exortam, miasma *Arthriticum* ad τὰ ἔντεα invitantem, perque anum effundentem, arte curatam, exhibet historia.

HISTORIA V.

Diarrhœa Arthritica lethalis.

DOminus C. tum *Cereris*, tum *Bacchi* cultor egregius, *Arthritidem*, non uno nomine hereditariam, malis moribus, victu autem inordinato maxime, auxit & exasperavit. Ab ineunte pueritia minime temperatus, adolescentiam vix ingressus, cacochymæ factus est *Arthritica* gurgēs, neque tam affectu isto tentari, quam ab eo occupari diceretur; anni enim vix dimidium vacavit.

Cum ita materia gravaretur *Arthritica*, eaque de causa in statu esset dubio; casus intervenit, qui exitum ægrotanti fecit non minus severum & tristem, quam improvisum & inopinatum. Ea fuit tempestas, quæ fructibus *ὀπείας* cœpit abundare; hos ita devoravit, præcipue (quod maxime appetit) fragum; ut diu nihil aliud esculenti capeffiverit. Vini autem loco, quod *ἡ ὀπεία* frigidum mitigare debuerat, lac, vel aqua fontana erat, saccharo dulcata.

Gulæ tam insolitæ post impensam circiter hebdomadam, *Diarrhœa* immani æger est correptus; quæ non solum massam *Ventriculo* & *Intestinis* inclusam; verum etiam *Arthriticam*, in sanguine contentam, & exilio paratam, ano ejicere jure merito censeatur. A dejectionibus ita crebris & immodicis, vires adeo prostratæ sunt & pessumdatæ, ut ægri res (iis, quæ opportune data auxilio esse potuerant, neglectis,) statim in pejus ire cernerentur. Primum enim, pulsu debili, deinde sensu communi vacillante; tum motibus convulsivis, & deliquiis atrocissimis, & brevi tempore revertentibus est oppressus.

Ita quidem ægrotans, qui, dum *Arthritis* impetus fecerat, idoneos, etsi vitam non beatissimam, at non temnendam, imo tutam egit; *Diarrhœa* (quam quidem solitariam, & *Arthritidi* minime conjunctam, tutius & melius, si non *ὀπείας* subire valuerat) hac exorta, illico una cum morbo, vitam effudit.

HISTORIA VI.

Aliud Exemplum Ægroti Diarrhœa Arthritica occidentis.

HUic consimilis est historia viri, apud *Damnonios* olim notissimi: quæ, quantis in angustiis, qualique discrimine versentur ii, qui fluore alvi laborant *Arthritici*, luculenter explicat. Fuit ille ætate integra laxo & obeso corpore, alvo (quod habitioribus solemne) plerunque liquida. Inordinata victus ratione, quicquid occurrit avidè ingerendo, vomitus assiduos, & *Diarrhœam* arcessivit; quodque temere dimittit, statim ore, vel brevi temporis spatio, ventre reddidit. Hoc etiam modo *Arthritidis* paroxysmos, quibus in singulos annos affici solebat, regularibus & idoneis, (ejus scilicet materiam ad *Intestina* sollicitando, *Diarrhœa* fere perpetua per anum expellendo) ingruentes absceidit; plus biennium aspulerat; neque ad fastidium aliquod notabile, & observatu dignum, unquam,

unquam, eo tempore toto evehi permiserat. Prostratus appetitus, ciborum omne genus fastidium erat; caro absumpta, cutis flaccescens, languentes oculi, faciei macror, quasi ab aurugine, flavescent, urina exigua, & colore rubro, suspiria crebra, animi dejectio miserabilis, pulsus debilis & celer, sitis importuna. Quibus animadversis, non hæc ab una *Intestinatorum* imbecillitate (tamen illam esse non negaverim,) aut natura quasi confecta; sed ab aggravata potius, & *Arthritide anomala* agente oppressa, oriiri contendebam; ideoque *Arthritidem*, deviam & palantem, ad externas partes, ad artus expellendam. Cui quidem opinioni cum Medicus ægri ordinarius, & Σωφράτης meus est astipulatus, primum ut sordium massa, quæ *Ventriculo* onerosa, *Arthritidem* eo loci detinere visa est, dimoveretur, *Emeticum* dedi: *Decoctum* nempe *Cardui*, cum *Vino Lusitanico*, propter *Ægroti imbecillitatem*, admisso. Phlegma ejectum est, cum *ῥογία* copiosum. Nullum eo vespere paregoricum. Postero mane, respiratio liberior, vigor oculorum vegetior, major animi alacritas, & quod desideratissimum, en etiam manus & pedis dolor, tumor, rubor *Arthriticus*: Qui, in statu tam lubrico, ut augeatur, *Bolus ex Ther. Androm. Croco M. astring. Pul. a Chel. C. C. Syr. de Ros. f. quarta quaque hora sumitur*, simul cum *Vini rubri prædicti haustu*; cui *Tinct. Martis nutriti gutt. xx. sunt adjecta*. *Sp. C. C. Succinatus subinde datur*, & *Potui Vinum*, *Aqua Fontana cocta dilutum*. Quinimo, ut quem auspicio nacti sumus, eundem caute & diligenter locum tueamur, *Phanigmos* (e *Seminibus Sinapios*, *Raf. Raph. Sylv. aa. p. j. Fermenti vet. p. iij. Aceti vini albi q. f.*) tumoribus *Arthriticis* calidos admoveri, & quam primum refrixerint, iterari precipimus, donec in molem illi majorem elevarentur. Aucta hoc modo utraque inflammatione, ad evocandum illius serum, & materiam simul *Arthriticam Epispastica* super eam imposuimus, quibus ichoris falsi vitiosique libræ minimum duæ, spatio quadri-
dui, sunt elicite. Pallidior hinc paulatim urina, & ab *Arthritide* quies.

Finito paroxysmo, ad instaurandam coctionem, & robur *Interaneorum* confirmandum, socia opera, primo *Lene Catharticum*, deinde *Chel. Nutritum* adhibuimus. Diætam omnem quantitate & qualitate aptis accommodavimus.

Quamdiu *ἡ μέγρον* egit; monitis & præceptis his obtemperatus æger, tulit observantiæ fructum. Cibus avide satis appetiit, tenuit, digessit; raro, neque nisi laudabiliter deiecit: integra & tuta videbantur omnia. Ante vero, quam vires, nupera tempestate labefactas, refarcire valuerat, suo se iterum more gerens, & genio indulgens, *Diarrhæa* subito recidiva, motibus convulsivis, &c. stipata, paucarum horarum spatio est surreptus.

C A P U T V.

De Dysenteria Arthritica.

ART. I. **Q**Uæ tormina, qui *Intestinatorum* cruciatus, graves utique & terribiles, ex *Arthritica* materia illorum tunicis impacta oriantur, in superioribus tractatum est. Tentemus, & ultra, & utrum hæc tantummodo, an etiam alia; an his majora miseros mortales interdum non excrucient, & demum morti objiciant, serio expendamus. Quocirca, hoc Capite de *Dysenteria Arthritica*, & in sequenti de *Abcessu Intestinatorum Arthritico* sermonem inferemus.

II. Et quidem hæc res inspicienti palam erit, acrem illam & virosam *Arthritidos* materiam, & causam continentem, qua dolores passim in corpore crudelissimi concitantur, qua membranæ vellicantur, & exulcerantur, qua ipsa interdum ossa corrumpuntur, & carie conficiuntur; *intestina* etiam aliquando mordere: illius rosione perfodi, & exedi vasa eorum exilia: sicque fieri posse *Dysenteriam*, quam tradimus, *Arthriticam*. Verum, ut ab hujus morbi probabilitate, ad ejus *ὑπαρξιν* & experientia medica transcam, revera dari hunc affectum explorato con-

stat. Ejus autem *ἡ δὲ ἡ δὲ*, quantum expiscando consequi valeo, tale est.

III. Gracili & tenero corpore *Podagrosos*, *Intestinis* præcipue teneris donatos, & *δυσάλαγγος* aggreditur. Præire solet dolor colicus, pariter *Arthriticus*: & cum crebris ejus accessionibus læsæ & corruptæ sunt *Intestinatorum* tunicæ, debilitatæque flaccet eorum fibræ; miasma *Arthriticum*, causa aliqua externa illud intro pellente, vel intus posita coalliciente, in arterias, (*Cæliaca* nempe *Intestinalis* ramum, & utranque *Mesenteridem*) *Intestina* irrigantes, *ἀδρὸς* infunditur. Hinc dolor *Intestinatorum* mordax, erodens, cum pulsu celeri, & febricula quadam. Si eodem tempore externis partibus *Arthritidis* insit, celerrime omnis evanescit, ad τὰ Ἐντὲρ festinat. Vasis sanguine distentis, erosis, ruptis, in fistulam demum alimentarem is exstillat; qui, in ejus cavo collectus, alvo, & interdum ore ejicitur. Emissi quantitas sæpe unius libræ, aliquando binarum pondo. Qui tantum, & humoris tam commodi dispendium excipiunt languores, ab eo cavernæ *Interaneorum* commisso magni sunt; ab expresso, & e corpore expulso, majores. Collabuntur vires, artus frigescent, frequens est deliquium, plane in dubio vita. Levantur ex hac evacuatione tormenta, & si æger insultus vim & ferociam tolerare valeat, (a) quies sequitur, & a paroxysmi impetu *Arthritici* ad tempus aliquod induciæ. Materia modo jam dicto per *Intestina* exulante aliena, non iterabitur insultus, donec in sanguine nova condatur, & coacervetur; quam autem primum illud fiet, tam in artubus citissime, vel *Interaneis*, iterum expectandus erit.

IV. Observatu facile est, ingenio & natura quam singulari sit hic affectus, & a *Dysenteris*, quotquot uspiam inveniantur, aliis, quam diversus. Quod ut pro certo habeatur, animadvertendum (præter istam *ἡ δὲ Ἐντὲρ* imbecillitatem, qua dirigitur sanguis, & in ea derivatur) ab una *Arthritidos* materia in sanguine contenta, affectum hunc, constanti norma & ratione manifesta, dependere: ab ea ebulliente, fieri: ab ea minuta, minui; neque nisi ab ea renovata, & in novum orgasmum excitante sanguinem, renovari: Quo quidem argumento, ad confirmandam morbi hujus *Αἰτιολογίαν*, nihil gravius, nihil, ut opinor, validius asserri potest.

V. Ad hujus morbi exitum, sive prognosin, ut descendam, non semper ille missione sanguinis contentus unica; verum, e contrario, insultus sæpe repetens, *Arthriticis* illos facit paroxysmis, si typos & utriusque frequentiam spectemus, respondentes & analogos. Ad hæc, vel prima vice, vel postea (secundum miasmatis *Arthritici* in sanguine incrementum) recurrens, quando videlicet miasma in tunicis *Intestinatorum* adhærescit, aut affigitur, & eas suo more mordet inficitque, nunc in ulcus *Intestinatorum*, nunc in abscessum degenerat, itaque notas illis inurit tristissimas, morbos incutit ærumnosissimos.

VI. Profluente sanguine, commodissimum erit, ut æger conquiescat: ne, corpus nimium agitando; ne profluvium, supra quam ferri potest, intendendo, gravius ille luat: quare lecto, vel cathedræ se det, quam primum morbus ingruerit. Nefas autem habeatur ea, quæ, cardiacorum titulo, ubique ad manus sunt matronis; (quæque sua, modo opportune propinentur, non carent utilitate) sic ingerere; ut, sanguinem accendendo, noxam magis augeant, quam ægrum levant. Caute ista, neque largius adhibenda, quam ad spiritus reficiendos, & a deliquio sustinendos, opus esse invenietur. Contra, si profluvium *ῥογίαν* excedat, *Laudano* illud comprimendum; ideoque linguæ super illinantur, ore teneantur illius guttæ aliquot, (quoniam demissæ vomitione reddi possint,) donec cohibeatur. *Romanis* in curanda, quoties importuna fuit, *Dysenteria*, aquæ bene frigidæ, potio

(a) *Dysenteria* solvi posse *Arthritidem* notavit olim *Hippocrates*, hisce verbis. Ἰώνται τέρας (Ποδαγρῶντας) ἀεὶσα ἢ δυσεντερίας ὡς ἐκπίνωνται, *Sanantur* (*Podagrosos*) optime *dysenteria*, si successerint. *Prædictorum* lib. 2. Sect. xv.

potio in (a) usu erat; quippe quæ astringat, vulnus-
que sanet: & a (b) recentioribus, unde confirman-
tur illius in sanando vires, præclara multa referun-
tur: quorum authoritati innixus, *Decoctum album*,
Dysenteria hac afflictis, non sine fructu & emolu-
mento, sæpius præcepi. Oportet autem modice, sed
crebro, laborantem sorbere, & quidem eo, ad tem-
pus aliquod, loco cibi potionisque omnis, solo uti.

Quibus curæ fuerit, ne *Intestina* nimium aperia-
tur, iis etiam, ut ne astringantur nimium, aut præ-
propere claudantur, vitium nempe contrarium, est
cavendum; & si corpus astrictum, leniter est sol-
vendum. Est enim illa *Dysenteria* omnino critica,
ex alterutra parte, sive major, sive minor æquo, vi-
tiosa; cum mediocritas optima. Et virium contempla-
tione debita, mediocritas illa tum intelligenda, tum
item obtinenda.

Post breve temporis spatium expelli solet inimicus,
& jam tum pacari & deliniri sanguis: quod si ali-
ter eveniat, & sanguis pertinacius descendat; quæ
eum sistant, & vulnus contrahant, expediet dari
Tinct. puta *Japonicam*, *Decoct. albo*, vel *Traumatico*
instillatam; vel *Balsamum Lucatelli*, cum *Oliba-*
no, *Mastiche*, *Sanguine Draconis*, & *Croco Mar-*
ris astringentis, vel *Bolo vera*, forma *Pilulari*; vel
cum *Conf. Fr. Cynosbat. Rosar. rubr. per setaceum*
traject. *Spec. Conf. de Hyacintho cum Syr. de Rosis sic-*
cis, forma *Boli*, ex eodem vehiculo. *Tinctura Japo-*
nica, solvendo *Terram* ejusdem nominis, sive *Gum-*
mi Catechu, in spiritu vini rectificato, vitro probe
clauso, igne arenæ conficitur. Lanea, decocto astring-
genti, cui adjectum est vinum rubrum, immersa,
super ventrem imponantur.

Si prope anum vena dehiscat, ex *Gelatina Amy-*
li, vel ejusmodi *Κολητικῶς*, *Hæmorrhagia* persisten-
te, immittatur enema, & diutius retineatur. Interea
vitentur, etiam astringant, acida; ne (propter eorum
stimulum) major ex eorum usu damni metus sit,
quam emolumenti spes. Cibus ex *Gelatina C.C. Eb.*
aut *pedum Vitulinorum*; ex *Ovo tremulo* & *sorbili*;
ex *Lacte*, cum *oryza* ei incōcta; vel ex *Oryza Cre-*
more, & ejusmodi aliis, quæ simul nutrant, & in-
crassent, quæque vulnera conglutinent.

A therapia *Dysenteria*, proprie sic dictæ, hanc
Arthritica Dysenteria therapiam multum abludere,
quilibet harum rerum vel imperitissimus videbit:
quando ista purgationem, eamque interdum repeten-
dam, enixe postulare, & nisi illa esset, raro un-
quam perficeretur; hæc aut nunquam, aut certe per-
raro ventrem medicamenti solvi patietur.

Cum ad *Prophylasin* accedas, nihil valentius, ni-
hil ex omni parte fructuosius, quam *Aqua Turabri-*
genses, sive *Bamptonenses*, vel istiusmodi ferratæ;
quæ, satis diu recteque potæ, *Intestinorum* adyta in-
grediantur, vulnera perferant, ulceribus medeantur,
fibras constringant, tunicas corroborent: hæc potro
humorem vitiosum per renes efficacissime avertunt,
itaque *Intestina* maximopere defendunt. Hisce vero,
ad mutandam humorum inclinationem, & deducen-
dam in artus *Arthritidem*, non incommode adjician-
tur, cum astringentibus, e *Ferro* præparato.

HISTORIA I.

Tenesmum & Dysenteriam inferens Arthritis,
omisso Externorum usu, lethalis.

Quum rure, Anno MDCC. mense Majo, forte
agerem ad *Ischanum* ostium, me consuluit septua-
genarius *Arthriticus*; qui ita sæpe doluit articulis,
& quidem vere tum nuper elapso, ut in rem esse
arbitremur. Sub initium Aprilis, nescio qua de cau-
sa evidenti, (nisi hoc in numero ponenda, propter
res domesticas, quæ illum mire exercuere, animi
perturbatio) derelictis artubus, ea, quæ intus sunt,
invasit *Arthritis*. Fames, antea naturalis, ab eo

(a) Vide *Synopsin Discursuum Magistri Vander*
Heyden, *Impressam Londini*, Anno 1653, pag. 53. &
que sequuntur.

(b) Vide *Celsum*, Lib. 3. Cap. xviii.

tempore multum imminuta, fere nulla: animales
spiritus humiles & depressi. Vidimus, at non sine
commiseratione vidimus ægrum, in lecto jacentem,
oculis concavis, & retractis, respiratione difficili,
cibi omnis fastidio, nausea, ventriculi gravitate pene
perpetua, *Ἀπυρτία* etiam afflictum.

Malis hisce, circa eorum initia, vires & incre-
mentum dedit *Lac Amygdalinum*, pessimum om-
nium eduliorum, & alia istiusmodi frigida. Hæc
ille interdum, noctu, demisit affatum; calida &
cardiaca (ne videlicet dolorem moverent in arti-
culis) cane pejus & angue, fugiens. Ab ipso victu
confirmatum est cibi fastidium, cæterumque malorum
agmen.

Puduit sane misertumque fuit ægroti, (hominis
alias sapientis, & civili prudentia præclari) in tan-
ti re momenti, in ipsius vitæ re, tam egregie hal-
lucinati. Calidorum enim egentissimus, frigida cali-
dis præposuit.

Malum indies aggravescens adduxit *Tenesmum*,
& dein *Dysenteriam*: unde pejus omnia. Ut his oc-
currerem, primo *Theriac. Androm. & Diascord.*
ana ʒss. Julapii Cretacei haustu dedi; ex intervallis
sæpius repetii. Potui dabatur ordinario Decoctum al-
bum. Hinc alvus suppressa, dejectiones solidæ, &
bene coloratæ.

Hasce vero inducias, quando parum fidas esse
suspicerer; nisi etiam *Arthritis*, quæ τὰ Ἐντῆα jam
ipsis nutriculis aggravare visa est, τὸς τὰ Ἀρθρὰ
extruderetur; eum in finem *Podagragoga interna* (nem-
pe ex *Rad. Serp. Virg. Pul. Cantiano, Lapide Con-*
trayerva, Conf. Alk. Bolum) præcepi, cum istius-
modi aliis. Quorum beneficio maleoli, & ad genu
usque; carpi, & ad cubitum usque dolor, quaque
ratione proportionemque doluerunt artus, liberata sunt
Intestina. Erat autem adhuc pectus aggravatum; erat,
tanquam a cingulo, strictum abdomen.

Ne vero hisce remediis, sanguinem exagitantibus,
in ægroto *Dysenterico*, nimium insisterem; in *Ar-*
thritide removenda, quantum operis maximum po-
tueram, externis, *Arthritidem* educantibus, age-
re institui. Quocirca, pellem vervecinam, jam
tum extractam, artubus applicari, in præceptis
dedi.

Ille his gravatus, omnium, quæ dolorem excita-
rent, osor acerbissimus, eorum usum non admisit,
non sine indignatione respuit; ut vel perire mallet,
quam dolere. Neque salutis, neque ipsius vitæ con-
sideratio, etiam si ab amicis amantissime proposita,
studiose commendata, ut animum mutaret, vel hi-
lum fecit. Retrocessit denuo *Arthritis*; & æger,
viribus infractis, morbo dicam, an pertinacia?
periit.

HISTORIA II.

Dysenteria Arthritica in Abscessum
migrans.

Doctrinæ hujus *Δυσεντηρίας* in superioribus tra-
ditæ, fidem conciliat agricola *Devoniensis*, an-
tiquis moribus, & malo tantum habitu infelix. Fuit
ille tener, gracilis, visceribus imbecillis, *Arthriti-*
de primo per multos annos idonea, tum ἀνωμαλῶς
Intestina simili frequentia impetente, aggravatus.
Post ἀνωμαλίας hujusmodi complures, (quibus sub-
levandis non incassum ei medicinam factitavi) per
quas effectum est, ut ad *Intestina* citius & facilius
diverteret *Arthritis*; tandem anno sæculi novissimi
postremo, exeunte vere, *Arthritide* omni jam diu
vacans, novum in morem ægotavit. Prægressa enim
corporis plethora, vomitu sanguinis & *Dysenteria*
corripiebatur, adeo vehementi, ut brevi spatio libræ
aliquot sanguinis ore & alvo redderentur, & æger
animam agere videretur.

His angustiis versato, *Bolum astringentem* (ex *Conf.*
Ros. v. ʒi. Pul. G. Arab. ʒss. Sang. Drac. Boli vere
ana gr. v. Syr. de Cymphyt. q. s.) bis in die, cum
Julapii Cretacei Haustu sumendum, præcepi. Potui da-
tum est *Decoctum Album*, & in cibum *Pedes Vitulini*.

Ad

Ad sanguinem vero quam citissime reprimendum & intra cancellos suos retinendum, *Laudani* aliquot liquididi guttæ, bis ter quaterve in die (modo postularer hæmorrhagia, & vires ægri paterentur) rependæ. Id enim agendum arbitrabar, ut hæmorrhagiæ, quadam ex parte forsan necessariæ, & huic ægroto salutari, modum ponerem, naturæ rebus convenientem; nec quidem alienum egi; quandoquidem hac medendi via, ne lethalis ista, ne injuria esset, provisum est. Hisce difficultatibus liberato (qua vulnus sanaretur) *Tereb.* dedi *Vinetam*, forma pilulari, cum *Pul. Dialthæa*, bis in die sumendam, & quod superbibeter, Julapium.

Quando vero posthæc, propter restitutas ægri vires, sanguinem instauratum, & *Arthritidem* interruptam, pulsu ille magno, cibi fastidio, *Intestinarum* æstu immodico, doloreque pungenti, cum aliis mali hujus reversuri notis, urgeretur; brachio sanguinem detraxi; orgasnum ejus mitigavi; *Interaneis* prospexi: utque pacem, quam eo natus sum modo, confirmarem, *Aquas Bamtonenses*, vivas & de fonte, per mensem biberet, imperavi. Paruit æger, adjecitque cuilibet aquarum selibræ, *Syr. Balsamici* ℥ss. & hora somni, *Balsami Gilead.* ℥ss. ex ejusdem *Syrupi* cochl. deglutiit. Recte bibendo, medicamenta recte sumendo, recteque vitam instituendo, quantos ille progressus fecit, vel hinc conjicere liceret, quod fame & concoctione domum rediit laudabili, vultuque bene colorato. Vitæ res & salutis cætera, qualis sano, & incolumi solebat esse; & quam dudum, multo integrior.

Nondum annus effluxit, cum *Arthritide* pertinacius silente, nec in artubus unquam quicquam moliente, materia vero ejus (uti licet opinari) in sanguine congesto, eadem fere, atque nuper, *Intestinarum* accidentia, materiam eo loci denovo coire, manifeste ostenderunt: quæ quidem mala, methodo pene eadem, qua prius, erant sublata. Verum, ut tutelam ægro certam & diutinam præstarem, eum hoc admonui; ut de plenitudine sollicitum se haberet tanquam morbi hujus genitrice certissima, altrice paratissima.

Quæ cum ita præciperentur, vel ægri incuria, vel morbi magnitudine, & ad renascendum propensione factum est; ut aliquoties, nec opinato, recurreret *Dysenteria*: Cujus accessiones cum jam quatuor aut quinque essent, æque omnes, ex intervallo anni quasi dimidii; (quo temporis spatio novam *Arthritidis* materiam pullulare credibile est,) *Dysenteria* tandem in *Abscessum* migravit, suo loco tractandum.

Observatu facile est, primum, ab hoc affectu, pristinis in ventriculo & intestinis *Arthritidos Anomaliis* succedenti, licere nobis opinari, earum locum illum tenere, & quasi numerum explere: deinde quod cum omnes illæ *Anomalie* (qua in hac regione pristina, qua novæ & *Dysenterica*) rectos & idoneos *Arthritidos* paroxysmos subsequantur, horum paroxysmorum illæ vicem gerant; nihilque aliud sint, quam *Arthritis*, commissa *Intestinis*, & illac exulans: cujus quidem rei argumentum, idque nostra sententia firmum est; quod deseruerit ægrum *Arthritis recta*, quo tempore, & qua proportionem occupavit eum *inversa*, sive *Anomala*; & quod, *Arthritidi rectæ*, & *Anomala*, accessionum essent intervalla plane eadem; distantia par, quo nihil magis probare potest, affectus hosce, (si tantummodo vulnus eorum intueamur) varios & diversos inter se, ab una eademque propagine derivari; eademque fieri materia, pari semper ratione nata, & quantum in se est, pari modo semper operante; sed, propter aliquod sibi externum, & locos novos ingrediente, & diverso in iis modo agente.

Huc quodammodo referri potest *Dysenteria*, quæ ad *Arthritidem* ex *Lue Venerea* generatam pertinet; cujus olim protulimus (a) exemplum, si placet, adeundum.

CAPUT VI.

De Abscessu Intestinarum Arthritico.

Art. I. **A**bscessus sequitur *Intestinarum Arthriticus*: hic enim est naturæ ordo, quæ a *Dysenteria* ad *Abscessum* migrare, ut ab *Hæmoptoe* ad *Phthisin*, observatur. Alienum & virosum, e sanguinis sinu expelli, partibus a corde remotis & debilibus immitti, tumoremque iis usitato inferre, passim experientia confirmatum est: ad *Abscessum* vero conficiendum proclive, & suapte sponte pronum esse virus *Arthriticum*, vel eo constat, quod in artubus is identidem cernatur; eorum articulos, post duras & iteratas accessiones, quibus materiæ multum illis illiditur, aggravans & extendens; sic, ut veteres *Arthriticos*, (quos omnium frequentissime morbus hic affligit) hac de causa claudos, eorumque pedes manus laqueis obvolutos sæpe tueamur.

II. Virus illud, *Intestinis* a sanguine commissum, in eorum tunicis nidulatur; fibras earum corrodit, exedit; spiritus iis inclusos extimulat, in spasmos adigit. Hinc calor interdum acris, pungens, lancinans, quem ut deliniat, & humoris acrimoniam diluat natura, non alio modo, quam in apostemate gingivarum ex dolore dentium, vel alio quovis apostemate, ex aliena & virulenta materia, feri copiam suffundit: Ex his humoribus hoc in loco depositis, conflatur & efficitur *Abscessus*, qui, serius citiusve, (pro ejus compositione, & calore innato, vel adventitio) maturatus, exrensa primum, mox rupta, vel aperta, qua includitur pellicula, Pus evomit. Quod utique, si natura copiose ejicitur, vel arte eximitur, ceteraque curatio recte procedit, ægroto commodum; proscripto malo cive, conciliatur incolumitas; purgato sanguine, salubritas: si vero latice nimis exiguo pus exprimitur, ægroto, propter retentum malum civem, difficultas; propter reliquias intus servatas, affectarum partium durities, & nonnunquam in gangrænam degeneratio.

III. Cause hujus tumoris manifesto binæ sunt; quarum altera *Intestinarum Imbecillitas*, sive *Ατονία*, quæ ad *Intestina* sanguinem invitat, eumque (prout leges volunt *Hydraulica*) facit inclinare. Hanc autem esse, ipsa morbi natura arguit; evincit id, quod hominibus vel ab incunabulis, vel malis moribus *Δυσπλάγχοις*, hic affectus sæpissime contingat. Altera, *Sanguinis Depuratio*, sive miasmatis *Arthritici* (secundum normam, a natura in alienis rebus exturbandis, observari solitam) expulsio: utque binæ istæ causæ se habent, & majores aut minores sunt; *Abscessus* inde orti accidentia, mores, conditiones sint, necesse est.

IV. Magnus hic *Intestinarum Abscessus* esse solet, duarum, trium aliquando librarum materiæ capax; contra, quam qui vulgo sunt extremitatum: hi etenim fere parvi. Notandum etiam, nullam totius trunci partem magis, quam alimentariam fistulam, infestare: ut hæc illi regio gratissima; hæc sedes (b) principalis esse censeatur. Tertium, addi potest, (quod huic nostro *Abscessui*, pro ceteris sive artuum *Arthriticis*, sive totius corporis *Abscessibus primigeniis*, primum & peculiare) esse eum creberrime, paucis post mensibus, recidivum. Hæc autem omnia causis modo dictis, alteri nempe vel utrique potentiori, sunt attribuenda.

Quo enim celerius *Arthriticum* miasma in sanguine denuo condatur; quo frequentius natura conditum expellere, & e sanguine conetur in exilium ejicere; quo exulanti, & expulso ei recipiendo, propter imbecillitatem, proniora sint *Intestina*; eo hi illorum *Abscessus* majores; eo frequentiores, & qui repleantur aptiores sint, necesse est.

V. Si in *Ano* fuerit *Abscessus*, eadem prope curatio, ac in *Abscessu Ani* primigenio. Si in *Oesophago*, *Ventriculo*, vel *Intestinarum* aliquo; (quæ, extra sensum posita, ortum, & incrementum, vix unquam manifestum esse sinunt;) ante ruptam vomitam, & pus evacuatum, ejus sæpe nulla, sive ægroto, sive Medico, vel minima incidit suspicio. *Abscessum* hisce

(a) Vide *Dissertationem* de Arthritide Symptomata, Cap. vii. *Hist.* iv.

(b) Vide *Celsi* Lib. v. Cap. 28. §. 11.

HISTORIA I.

Abcessus Intestinorum Arthriticus *auspicato*
sanatus, recurrendo Lethalis.

hisce locis oritur una, quantum video, prædicat *Vomitio Sanguinis*, sive *Dysenteria*, quæ appellatur *Arthritica*: qua prægressa, ejus prophylaxi magnopere studendum: hæc enim adversus *Vomitionem*, adversus *Dysenteriam*, adversus *Abcessum* erit utilissima.

Rupta autem vomica, in lectum se det agrotans, vel minimum quieti, quoad poterit, indulgeat. Si copiose nimis, supra vel infra, pus emissum fuerit, *Hypnotico* moderanda evacuatio, minime sistenda. *Laudano* madescant tempora, nates, lingua, donec cohibeatur, & ad *ῥοχα*, ut ne videlicet eam excedat, redigatur. Puris autem diluendi, gradatim & partitis vicibus educendi, ulcerisque detergendi gratia, hujusmodi *Apozematis*, quarta quinta vel sexta quaque hora cyathus assumatur.

℞. Hordei mundati ℥℥. Rad. Symphyt. maj. ℥j. Cacum. Betonica, Sanicula ana ℥ij. Coq. in Aq. font. ℔ij. ad ℥j. Colatura adde Mellis Rosarum ℥ij. vel ℥jj. s. Apozema.

Julapium præsto sit *Cardiacum*, aut *Vinum* aliquod generosum; cujus, in languoribus summis, cochlearia aliquot hauriantur. Interea temporis (ut *Celsi* verbis utar) *Nihil facere oportet*, quominus, quicquid est *Puris*, exeat.

Cum vomitus, & diarrhœa, & puris evacuatio desierint, ex usu erit *Tereb. a ℥℥. ad ℥j. cum Ovi Vitelli pondere equali temperatum*, vel *Bals. Lucat. ℥℥. cum Myrrha pulv. q. s. in Pil. redact. bis in die*, ex *Apozematis* haustu demitti. Vitentur acida, vitentur aceria, & quibus læsa pars exasperetur, quibus noxa augeatur, omnia. Ipsorum *Cardiacorum* vitetur ea vis, quæ sanguinem nimis exagitet, & e foribus jam apertis cum eliminet. *Eboris, C. C. Pedum Vitulinorum Gelatinis; Hordeaceis, Avenaceis, Pullinis, Ovinis, Vitulinis*, & ejusmodi forbitionibus, vescatur æger. Si alvus soluta nimis fuerit, potioni sit *Decoctum album*: si dura nimis *Hydromel*.

Prophylaxis, sive in *Ano*, sive intus sit *Abcessus*, *Aquis Diureticis* optime perficitur; quibus adjici potest *Sal & Crocus Martis, Myrrha, Terra Japonica, cum Syr. Cydon. forma Pilulari*. His enim partes vulneratæ debilitatæque contrahuntur, & defenduntur; quodque maximi est momenti, materia vitiosa per renes emittitur; unde visceribus major, etsi non ubique certa, erit tutela. Conducet item *Vena sectio*, præsertim in corporibus pléthoricis, si que nihil repugnaverit. Conducet *Ambulatio, Pedum Friccio*, & in aquam calidam immersio. Purgatio fugienda.

VI. Unum huic Capiti, veluti coronida, subnectam. Veteres *Arthriticos* non tantummodo colica, aliisque *Interaneorum* morbis, (ut ante dictum) verum etiam morbis *Ani Arthriticis* identidem affligi, nonnunquam misere cruciari; maxime cum ætas exacta est, & vires jam imminutæ, ad miasma in artus expellendum minime satisfaciunt. Ea morbi mutatione, in *Ano* materia deponi *Arthritica*, in eam infundi videtur; cujus utique rei argumentum hoc est, quod quandiu *Ani Abcessu, Fistula*, vel ejusmodi morbo aliquo gravi afficiantur homines hi *Arthritici*, tam illi diu raro articulis ægrotent, ubi vero ea tollantur *Ani* vitia, recurrat *Arthritis*, (quod iterum & sæpius observavi) in extremis partibus *regularibus*.

VII. Hæc, & hujusmodi alia, cum ab *Arthritide* fiant in visceribus, sexcenta mala, videre licet, quam apposite, quam belle sit a (a) *Luciano*, ex *Erasmii Schmidii* versione, de ea dictum.

(a) Στράγγων δ' ἐπ' αὐτῷ διάπυρον ἀρέχει κακὸν
Δίναπ πλογμῶν σάρκα πυρρὰ λυμῶν,
Ὅποια κρητὴρ μετὸς Αἰτναίου πυρός,
ἢ Σικελὸς αὐλὸν ἀλιπὸν διασφάγῃ,
Ὅπερ δυσέξεлика κυματῶν,
Σήραγγι πετρὸν σκολιὸς εἰλέϊτε κλυδὼν.

Visceribusque in ipsis ignitum discurrit Malum,
Verticibus Flammæ Carnem ignis more depa-
scens;

Veluti crater plenus Ætnæ ignis,
Aut Siculus Canalis æquorei interstiti,
Ubi confuse fluctuans,
Ob fissuras petrarum, obliquus voluitur æstus.

Abcessum in visceribus, *Arthritica* fieri posse materia, probat agricola, prælio nudiustertius suburbano agens. Fuit ille corpore pertenui, *Δύσπλῃχυν*, annos *Arthritide* permultos, primum *Regulari* tantum, mox etiam *Anomala, τὰ Ἐνπύδια* premente, *Dysenteriam* inferente cruciatus.

Dysenterico ei medicinam, ex utriusque nostri sententia, iterum ac sæpius feci; ductoque prognostico a vulneratis multumque læsis & debilitatis *Intestinis*, uti etiam ex eo, quod illa jam frequentaret *Arthritis*; de *Abcessu* agrotantem, de eo, tanquam impendente & pertimescendo, monui. Nec quidem aliter evenit; namque elapso ab *Arthritidis* paroxysmo brevi spatio, cum jam repletum esset corpus, & dolerent *Intestina*, (quæ duo accessiones itidem *Dysentericas* solebant antecedere) materiam, rupto in *Intestinis Abcessu* purulentam *ἄνω καὶ κάτω* reddidit. *Vomitum & Diarrhœam*, ut ne violenta nimium urgeret, *Laudano* compescui; eorum sævitiam mitigavi. Finita puris *Evacuatione, Bolum astringentem* (ex *Cons. Ros. rubr. Croco Martis, &c.*) *bis in die, Pil. Balsamicas, ex Bals. Lucat. Pul. C. C. C. hora somni demittendas, cum Julapii Haustu dedi*. Potui, quod dilueret puris acrimoniam, simulque reprimeret diarrhœam, *Decoct. Album tenue* dabatur, cibus, e *Jusculis & Gelatinis*, erat *Analeptibus*, porro, *Prophylaxeos* ergo, decem post diebus, omni mane, *Aqq. Bathoniensium ℔ii. paululum tepefactas, haurit*; singulis selibris adjiciendo *Vini Canarini* cochl. unum alterumve. Per *Elect. Lenientis* dosin, uti opus fuit, assumptam, alvi prævenit tarditatem.

Caro, color, vires ab hac methodo augentur; sic, ut hyemæ sequenti, menses inde post quatuor vel quinque, pedibus iterum doleret, & omni periculo liber esse prima facie videretur. Contra vero, ob ipsa hæc indicia salutis, (ita vulgo æstimantur) censenda erat hujusce ægri salus in dubio versari. Quandoquidem illa, tametsi quodam modo salutem, modo longe majori contrarium indicarent, & *Intestina* denuo gravari minarentur, de *Vena sectione*, ut de *Intestinis* mihi curæ sat esset, deliberavi: vetuit corpus a natura tenerum: vetuit male constitutum: morbis mulctatum, atque adeo *Arthritidi* rectæ vix obeundæ par.

Anni circiter dimidium erat, cum recurrit acris ille & pungens *Intestinorum* dolor, novum materiæ coitum ostendens. Subsequitur, paucis post diebus, puris tenuioris subalbidique, ad tres minimum libras, paucarum horarum spatio, per os; per annum excretio. Vires ægri statim collabuntur, & *Cardiacis* frustra, licet copiose datis, oppressis oculis obductum est *Θανάτιο μέλαν νέφος*.

Notatu dignum erat, *Arthritidem* ex quo *Intestina* primum est aggressa, nova illa sede adeo delectari, ut intra triennium sexies eam inviseret; & toties vel *Dysenteriam*, vel *Abcessum* eo loci faceret: *Visceribus* scil. a natura imbecilibus, & morbi crebris insultibus enervatis, depositum, immo infusum erat, expulsionem jam tum idoneum, miasma *Arthriticum*. Sed neque præteriri illud oportebit, quod, qua proportionem *Visceribus* inhæserit, ea usque *Arthritis* artubus pepercerit. Quinetiam observari potest, quod ab *Arthritidos* paroxysmis regularibus, per accessiones *Dysentericas & Abcessus* hocce *Intestinorum*, magna ex parte defenderetur æger: quandoquidem hisce crebro revertentibus, illi tum rariores, tum etiam mitiores invenirentur: ut, tum *Arthritidos*, tum *Dysenterias*, tum etiam *Abcessus* causam continentem & conjunctam, eandem prorsus, nonnunquam artus, alias *intestina*, sed alio alioque modo infestantem, esse constet.

HISTORIA II.

Abscessus Ani Arthriticus feliciter curatus.

A Nistes nobilis, ingenio summe prædicando, nisi quod animi magnitudo superaret ingenium, *Arthritide* nativa, (ea prosperarum cum adversis, ea rerum humanarum mixtura) quam & ipse minime tenuavit, est affectus. Diu ille, semel bis in anno, doluit; sed apte, sed utiliter: tandem *Ventriculum*, *Intestina*, &, eorum extremitatem, *Anum*, a muneribus suis desciscere compertum est, & novo more affici: hanc humoris nimium recipere, *Hæmorrhoides* extrudere; illam cibum minus recte conficere; istum minus appetere. Hæc autem mala, siue naturæ per se deficientis & debilitatæ, siue *Arthritidos* inversæ signa erant, (cum *Interranea* multum iis enervari consistendum est) rectæ & externæ *Arthritidi* intus vocandæ, non parum contulere.

Hujus procatarseos maleficio factum est, quod, ex errato in re diæretica commisso, materia, (quæ digitos etiam tum extendit, quæ in tumores idoneos elevavit,) *Arthritica*, intro invitata, *Ano* impacta, *Abscessum* in ea faceret. Primum, ossis coccygos regionem, mense Decembr. Anno 1692. invasit: inde per dies aliquot dolor, & totam pene hebdomadam *Ἀγρυπία* vena, Medici consilio, pertusa est. Nihilominus increvit tumor; dextram, sinistram, partes circa *Anum* omnes comprehendens, & ad suppurationem tendens. Quo citius maturescat, ei *Cataplasma* admovetur. Horis post triginta sex, cum jam moveretur intus contentum, & fluctuaret pus, phlebotomo per *Jenkinsonium* nostrum est apertus: unde materiæ putridissimæ foetissimæque quasi libra effluxit; mundificantibus ab eo injectis detergitur sinus, fomentis roboratur.

Curatio perfecta, & absoluta esse visa est, cum exeunte Majo, *Arthritis*, quæ tum temporis in artubus emicuit, ob *ἄρρωσιν* nescio quam, ad *Ani* regionem, non ita pridem læsam, se propripuit, eamque magnopere corripuit. Pelle ovina, recens extracta, involvi pedes & abdomen ægotantis, imperavi. Hinc suppuratio maturior, atque adeo celerrima, adjuvante *Ung. Basilic.* &c. per penicillum admoto, secto tumoris apice, puris altera quasi libra expressa est. Perjucundum erat notare; non tantum omnia, statim ab emissio pure, symptomata concidere; sed & appetitum, aliquandiu languentem, ex eo tempore vigere, latrare, & (quod eo amplius) ægotantem comesa concoquere.

Quicquid hujusce mali reliquum erat, (hoc autem neque grave, neque longum,) id omne laboranti, non nimium morigero, deberi statuendum est; id etiam brevi sublatum. Nam factus rectus evasit æger, neque, tametsi sæpe posthac *Arthritide*, hujusmodi unquam *Abscessu*, de integro laboravit.

En igitur *Ani Abscessum*, in quem, tanquam in sentinam, missa sunt *Arthritica* purgamenta: cujus rei notitia vel eo manifesta, quod ex *Abscessu* faveretur artubus, neque iterum, dum nova in sanguine coacervata fuit materia, tantisper in eos savitum.

HISTORIA III.

De Ani Arthritica, propter Aloeticum, Inflammatione, cum instante Gangrena.

M Atrona nobilis, sancta, venerabilis, ob causam alibi dicendam *Arthritica*, exeunte anno 1705. dolorem artuum, huc illuc vagum, & repentem habuit, articulos etiam aliquando, more solito, perstringentem. Sub isto rerum suarum statu, & conditione, *Tinctura Sacra* dosin, hortante quodam e vicinia sumpsit; heu! infausto omine, & ira-

to *Æsculapio*: *Hæmorrhoidum* enim dolore alias afflictæ, tantam earum injuriam, tam grave malum ex eo pertulit, quam quod gravissimum.

Magna vis humorum, qui in sanguine jam eventi & exilio parati erant, ut hac vel illac levi ex causa verterentur, *Aloetico* viam ostendente, ad *Anum* pulsa est, & eam distendi maximeque cruciari fecit.

Non ægræ profuit, quod e gallis, aliisque restrigentibus, aqua ferrata incoctis, stuparum ope, *Fotus* adhiberetur; contra, malum ex hoc acerbius, agram inveni, cruciatus inter & tormenta, misere oppressam. Per *Anum* humor nigerrimus, odore cadaveroso effluxit, & de *Gangrena* impendente me admonuit. Paulo post, in *Ani* margine rumore rupto, tam jugiter emanavit humor, ut de ægræ vita pene conclamatum esset, parum aberat, quin opprimeretur. Libræ minimum binæ effluerunt, quibus nihil foetidius, nihil graveolentius. Non nisi *Cardiacis* copiose creberrimeque datis, ægra sustentari potuerat, iisque mehercule vix quidem.

Sistente demum flumine, cisternam ejus immisso stylo exploravimus. Ab orificio, quod in dexteri podicis medio propter *Anum* erat, versus os *Coccygeum*, duas circiter uncias sinus intravit: altera vero parte, prope *Intestinum Rectum*, eique parallelus, circa quinque uncias. Tanta vero ejus latitudo, quanta humori contento responderet. Præterea, caro prope orificium ad drachmæ spatium livida, sensuque valde obtuso, *νέκρωσις* in propinquo esse manifestavit.

Ut autem ea prohibeatur, eodemque tempore sistatur humor, nimium profusus, per *Injectiones* aptas, aliaque topica, Chirurgis adhibita; provisum est. *Turundæ* immissæ sunt, paulatim breviores; & demum, mensis usque spatium, ne nimis cito occludatur, tanquam fonticuli, os apertum est: postea feliciter reclusum. Ex morbo gravi, & prorsus anticipiti, convaleuit ægra, & partum intra breve spatium gessit.

Commonet exemplum, in corpore *Arthritico* materia ad fugam prona saturato, quam dubia, autem, imo quam periculo plena, maxime per *Aloetica*, purgatio.

CAPUT VII.

De Melancholia Arthritica.

Art. I. **P**ost *Ventriculi* & *Intestinorum* affectus *Arthriticos*, qui appellari possunt idiopathici, (de quibus supra disputavimus) ad eos jam deveniendum, qui locis sæpe remotis & distantibus, semper autem aliis, *καὶ Συμπάθειαν*, inesse deprehenduntur. Hi verò, tametsi plures, & quidem prima facie longe inter se diversi reperiuntur, (uti *Melancholia*, *Syncope*, *Cephalalgia*, *Vertigo*, *respirandi difficultas*, alique permulti,) quando hoc conveniunt, quod ex causa *primis Viis* contenta omnes exoriantur; eaque sublata, auferantur; eorum curatio, maximam partem, ex prædictis elicienda est. Par autem unum, cæteris prælucens, (nimirum *Melancholia* & *Syncope*;) cum utrumque ita interdum ingravescat, ut symptoma evadat *ἐπὶ ὄν*, & morbi rationem ambiat; hoc, & sequenti capite, speciatim exponetur.

II. Nullos æque laceffit hujusmodi *Melancholia* (ut de ea primo loquar) ac qui molles, teneri, delicati, animo præditi pusillo, vel alia aliqua inclinatione naturali, *Melancholiæ* sunt ab incunabilis addicti. Quandiu horum *Arthritis* paroxysmos agit regulares, & natura, visceribus parcendo, materiam in artus alienam exprimit, tam certe diu ægotorum prospere res succedunt: & in paroxysmorum vacationibus cor illis lætum: vultus hilaris: sudum undique, & serenum est. Quoties autem hoc salutare opus, siue prorsus intercisum, siue remisse & oscitanter actum est; maxime; quoties *Ventriculo*, & *Intestinis* committitur materia; primum, appetitus, & concoctio depravata est: hinc eo loci massa, brevi spatio pu-

rescens, & inepta, coaccervatur: hinc status hypochondriacus, Βοσβορρυμοί, præcordiorum distentio, & interdum dolor *Intestinorum* fere continuus; hinc illi, per consensum, cerebri & nervini generis affectus; illa Μυροδυσχία, illa *Melancholia*, Turpis scil. Illius massæ afflatu & contagione, deprimuntur spiritus, sensui jam motuique obeundo impares. Nihil in hoc hominum genere tristius, nihil infelicius. Neque somnum capessunt, neque cibum. Pœnitet, piget, pudet, ipsos vitæ suæ tædet. Quodque omnium gravissimum est, quæ, in summis calamitatibus, per-fugio; quæ ægrotantibus, solatio; quæ *Arthriticis*, certissimo esse solet præsidio; hosce plane deficit, spes.

Nullas unquam *Arthritidis Anomalias* hac nostra diuturniores inveni; nec quidem multas temere frequentiores. Nono vel decimo circiter ætatis lustro, ægrotantem aggreditur; & per reliquum vitæ (nisi medicina viribus depulsa fuerit) eum perraro deserit; quin ex intervallis, iisque crebro brevioribus, affligit. Est autem ad *Arthritidem*, in eodem corpore *Regularem*, (si ad eam comparetur) proportionem, quæ dicitur *inversa*; quandoquidem, quo minor, quo rarior, quo mitior hæc; eo major, eo constanter, eo vehementior illa; & e contrario.

III. Quod autem ita sit diuturna, causam esse putro in præcedentibus enunciatam; *Dyspepsiam* nempe, & *Ventriculi* imbecillitatem: quæ, ut usitate materiam ad *Primas Vias* arthriticam invitare solet, crebramque facit (ut ostensum est) huiusmodi *Anomalias*, ita quidem usitata major, (qualis his ægrotis est) tum invitat allicitque magis, tum etiam arctius complectitur, retinetque diuturnius.

Ne vero, cum *Arthritide Melancholica* idem hic affectus esse censeatur, advertere oportebit, illum esse *Melancholiam* puram, & exquisitam, in *Arthritide*: hunc *Arthritidem* similiter genuinam, in *Melancholiam* desinentem, eamque propria materia facientem,

IV. Requirit *Therapia*, ut morbo ægrum premens, *Ventriculum* & *Intestina*, ἄνω (si opus fuerit) & κάτω purgantibus, primum adverte-mur. Ista vero blandiora sint, necesse est; e *Decocto* puta *Fol. Tea*, vel *Posseto Carduato*, *Vomitorium*; ex *Rhabarbaro*, *Pil. Tart. Bontii*, *Stom. cum G.* vel istiusmodi aliquo leniente, *Catharticum*. Statim a purgatione, eo nempe vesperi, omisso *Paregorico*, locum habeat *Cardiacum*; quod materiam visceribus adhærescentem extra propellat: posteaque, cum ad *Alterantia* descendes, ea quantitate propinentur, sed dosibus idoneis, quæ si nihil repugnaverit, intentioni therapeuticæ (i. e. materię *Arthritice*, a πῆς ἔνδον educendæ, & in artus ablegandæ) satisfaciat,

Vult autem *Prophylaxis*, primum, ut *Aquis Diureticis*, recte diuque potis, e sanguine virus evehat *Arthriticum*. Deinde, ut *Arthritis*, vere & autumno, altero nempe vel utroque, si per se quiescat, medicamentis ad eam finem datis, cieatur; regulares paroxysmos, suoque numero perfectos (quoties opus erit) edere cogatur: & ut alias coctionis summa teneatur ratio, in victu minime peccetur. Quare *Eccoproticum* frequenter adhiberi, putres sæpe extrudi reliquias oportebit; & in eum finem usui erunt *Pilule*, quibusdam in pretio habitæ, *Melancholica* ab *Exoniensibus* appellatæ.

℞. *Pil. Macri*, *Stom. cum G. ana* ʒiʒ.

Rudii ʒj.

Res. Jal. ʒʒ.

Ol. Cin. Chym. gtt. x.

Bals. Per. q. s. f. Pil.

Dosis ʒʒ. primo mane, omni mense; vel, eodem intervallo, sumatur *Tart. laxantis*, & *Manæ ana* ʒʒ. ad ʒj. *Aq. purgant.* ʒij. soluta. Omni vero purgationi prophylacticæ succedat, hora somni, *Paregoricum*. Prodest porro corporis exercitatio, præfertim equitatio. Quæ vero reliqua huic affectui medeantur, ex supra dictis hauriuntur.

HISTORIA I.

Melancholia propter Arthritidis accessiones minus idoneas.

Tempus olim nobiscum homo traduxit alienigena, ingenio prorsus singulari: affectu *Hypochondriaco* non parum multatus. Ægritudini importunæ permolestæque ut occurreret, *Baccho* ille, non nimium modo, verum etiam intempestive (pernoctando scilicet) indulgit; quo quidem more, *Arthritidos* perniciosissimæ, senectutis tristissimæ posuit fundamenta.

Adolescentiam vix egressus, *Arthritide*, malo hæreditario ægrotavit, quod *Melancholiam* vel primum intulit, vel magnopere auxit. Quandiu paroxysmos edere solet *Arthritis*, ista regulares, (satis scil. magnos & frequentes) nihil illo homine mutabilius, aut sibi dissimilius; utpote lætitia nunc elato, mœstitia nunc depresso. Quoties enim paroxysmus aliquis finierat, cantu, jocos, salibus effundendis, carminibus aut pangendis, aut recitandis occupato eo, nihil usquam gentium festivius jucundiusve; quamprimum autem *Baccho*, *Cerere*, & ignavia, nova in sanguine cumularetur materia, & jam expulsionem parata esset, nihil illo tristius, lugubriusve.

Nondum annos compleverat quadraginta, cum *Arthritis* rarius & remissius agere occœpit; & pro illius remissione, ægrotanti evenit male: nam *Melancholia* ingravescere reperta est, & quidem eatenus, ut in eam demum mutaretur *Arthritis*; quibus autem modis, & qua metamorphoseos ratione, (quippe ad explicandam *Melancholiam* hujus *Arthritice* naturam cum primis faciens) narratu dignissimum.

Qua proportionem paroxysmi, sive earum acrimoniam, sive frequentiam spectemus, cessavere; ea semper, rata perpetuæque, crevit Ἀνορεξία, ea Δυσπεψία; ea, status immodici; ea, dolor & innumera *Ventriculi* querelæ; ea, *Melancholia*: ut materiam ad τὰ ἔξω *Arthriticam* minime propulsam, visceribus infundi, res sit evidentissima.

Chalybem ille, *Amara*, non unius generis *Cardiaca* initio commode; *Corticem*, cum *Vino*, omnium multo commodissimæ; postea vero frustra, ingessit. Validus a natura, & athleticus, morbo gravi & ærumnoso, animum cum corpore pessundanti, impar, ætate adhuc constante succubuit, *Victima nil miserantis Orci*.

HISTORIA II.

Arthritis Melancholico salutis.

Homo *Damnonius* per omnem primam juventutem coctionis pravitate, ventriculi a pastu distensione, flatu, capitis gravitate identidem afflictus, de majori malo adveniente monebatur. Annis aliquot post, exorta *Arthritis*, nunc uni eidemque articulo inhærens, nunc per artus erraticæ; semper autem regularis, & cum *Morbo Hypochondriaco* (uti cum *Polluce Castor*) vices habens alternatas. Quæ istorum affectuum Επαλληλία, communem utriusque materiam esse, nunc, quæ sunt intus, afficientem; nunc, quæ extra, corrodentem, ostendebat. Gravedo etiam, per hosce dies, humorem multum, & acrem, in vacationibus *Arthriticis* emittere, sicque capitis gravitatem minuere solebat.

Sub finem anni 1702. paroxysmi, qui lenes semper, & parvi reperiebantur, *Arthritici*, præter morem intermiserunt; neque jam per annum integrum emicuit *Arthritis* ulla, sive fixa, sive contraria: quanto vero ægroti cum discrimine, vel ex eo disci potest quod nausea frequens; quod appetitus exinde prostratus; quod coctio vitiosa, neque nisi liquidorum ulla; quod flatus, ἄνω & κάτω sæpe emissi; quod, eis aliquantisper retentis, auditus ad tempus aliquod omnino nullus; quod dolor lateris pungens; quod spirituum defectus miserabilis; quod marcor, quasi junctis undique copiis, ægrotum pene conficerent.

Considerata istius morbi natura, plane visa est *Ar-*

Arthritis, quæ diu recte egisset; jam vero, brumæ vigente frigore, sanguinemque deprimente, intus in *Ventriculum*, &c. repelleretur, & dictam faceret *Melancholiam*.

Proposita medicinae via, ut languentes spiritus suscitarem, ut inimicum ab intestinis dimoverem, & ad artus propellerem; cum aggredior. *Aquarum Ferratarum*, quæ in propinquo erant, *Tavvotonesium*, modice tepefactarum selibram, hora septima matutina, hauriendam; omnique horæ quadrante, ad horas usque duas repetendam; cuilibet vero selibræ *Sp. vol. olgtt. x. vel xv.* instillandas; nona sequenti, *Infusi Teæ*, eadem *Aqua comparati*, ℥ss. hora deinde post, *Infusi amari alterantis Cochli. v.* quarta pom. *Bolum Absynthiatum*; hora somni, *Cardiacum* sequentem, cum Julapii, aut vini Xeresani haustu demittendum, imperavi.

℥. Rad. Zedoar. ℥ss. Gentian. ℥ss. Cacum. Agrim. ℥ss. Coccinella ℥j. Cort. ext. Limon. Flor. Rorismar. ana ℥j. Infunde in Vini Xeresani ℥ii. ad idoneam alterationem; tunc coletur infusum.

℥. Pul. Rad. Ari C. ℥ss. Conf. Abs. R. ℥ss. Syr. ZZ. ex Indiis q. s. f. Bolus.

℥. Pul. Gascon. ℥ss. Spec. Diambra ℥. Syr. Garryoph. q. s. f. Bolus.

Carnibus *Ἀρέμῳς* & *Ἰχθυῳς*, pullina sc. vitulina, agnina, & ejusmodi aliis vesci; & loco cerevisiæ, huic ægroto pestiferæ, aquam dari bibere prædictam, cum crusta panis incocta, Xerano demum addito, præscripsi. Utrique Bolo, paucis post diebus, nempe quamprimum Martem ferre valuerat tenetudo Intestinorum, adjecta sunt ejus Nutriti gr. v. primoque aq. hauſtui, omni mane, Tinct. Martis Feburiane gtt. xx.

Porro, ad caput per nares purgandum (quoniam hoc innuere visa est *Gravedo*) Pulverem adhibui *Sternutatorium*, sæpius in die usurpandum.

℥. Caulium Tabacci ℥j. Cacum. Majorana, Rorismar. Salvia ana ℥ss. Rad. Helleb. albi ℥i. Moschi gr. ii. e Siccatis f. Pulvis Εῖπιν.

Ista medicina, vix credibile est, quam celerrime restituta, & quanta ægroto sanitas. Spiritus animales, ab assumpta aqua maxime, & quidem subito recreati: paulo post vigere cœpit, & deinde latrare, appetitus; partim medicamentis, partim victu, sed aqua potissime, vegetior factus, oculos homo sustulit, vultum explicavit. *Arthritide* recta, pedem alterum occupante, postmodum est tentatus. Maximi erat momenti dolor iste regularis; utpote qui materiam, relictis visceribus, *ἔξω* arceri comprobavit. Medicina eadem, vel simili dies quadraginta usque continuata, memet *Exonia* visitavit; ex mœstissimo, & tristissimum in modum languente, in sanum & vividum, in lætum & alacrem mutatus. Ego, ut morbi recurrentis metum adimerem, & in tuto rem omnem ponerem, ad dies adhuc viginti plures, medicinae usum protuli. Quinimo, contra *Melancholiam*, aliaque *Ventriculi* & *Intestinorum* mala; ut in posterum seincolumen præstet; de *Arthritide* curet, exhortor, ut ea rectum, & idoneum, semel minimum anno, paroxysmum edat.

Historia narrat *Arthritidem*, intus ad *Ventriculum* & *τὰ Ἐντόδια* missam, ægrotum misere lædere; *Melancholia* gravi afficere; demum medicina ad *τὸ ἔξω* auspicio pelli.

HISTORIA III.

Melancholiam, & *Hydropa* Arthriticum, sanat, arte comparata, *Arthritis idonea*.

Aliud dicam *Melancholia* hujus *Arthritica* exemplum, nobile & inusitatum. Vir Reverendus, antiquis moribus, per ætatem mediam, nunc *Arthritide*, nunc *Melancholia* premebatur: hujus sc. accessionibus olim, ante annos viginti; illius nuper, omisso tabacci usu, ante sexennium, ortis: hujus, perpeſſu gravioribus; illius, tum minus molestis; tum etiam raris; at semper commodis, semper utilis; siquidem *Melancholiam* illi ad tempus diuti-

num, ad annum quasi dimidium, semper abegerunt.

Sub finem anni 1702. post appetitum aliquandiu læsum, *Melancholia* ille multum angebatur; *Μυροϋχία* & depressione spirituum importunissima; incredibili stipata. Lamenta, querimonias, ejulatus die noctuque effundentem, tanquam ægrotorum post hominum in memoriam afflictissimum, audiui. Mehercule! se arbitro, nemo unquam mortalium, nec quisquam gentium æque miser. Paulo post emicuit, qui sævitia longe *Melancholiam* excellere visus erat, tumor pedum; deinde femorum, profundas digitorum foveas accipiens; isque serofus, hydropicus. Umbilici regione exudavit, tanquam e colo, liquor. His accessit difficultas spirandi, debilitas universa; & *δυσκυνία*, brevi tempore, fere paralytica; sitis etiam insatiabilis, urina pauca, & lixiva, potionis nec quadrante plus: Ut, de ægroto plane conclamaturnum esse, non immerito omnium fere sermone percrebuerit opinio.

Quo affectui tam periculoso medicinam facerem, idcirco primum ex usu esse judicavi, feri vim minuire, hydragogis amandare; tum, quibus rebus possem, *Arthritidem* (quam horum omnium causam esse suspicabar) evocare, & *τὸς ἔξω* infingere. Hac proposita medendi lege, *Pil. Aloeticis* facta semel iterumque purgatione, meo jure sic præscriptum est.

℥. Rad. Gentian. ℥i. Infunde in Vini albi *Bastanici* ℥ii. ad alterationem idoneam; Colatura adde Tinct. Aurant. ℥ii. misce. Dosis ℥iii. sexta quaque hora, cum seq. *Pil.*

℥. Sal. Martis, Chal. Nutriti, ana gr. v. Rul. Serpent. Virg. ℥ss. Syr. Absinth. symp. q. s. f. *Pil.*

℥. Sp. Vol. Ol. ℥iii. Tinct. Stom. cum M. ℥i. misce sumat. gutt. xxx. cum idoneo quovis vehiculo, bis in die, sæpiusve, si languores urgebunt.

Quantum ægrotanti ab hac methodo utilitatis, opinione majus est. Quando per evacuantia, feri, quod nimium erat, vix dimidium expelleretur; ita quidem factum est, ut natura, per cathartica, perque chalybem adjuncta, tum in pedem Materiam extruderet *Arthriticam*; tum etiam serum per renes abundanter emitteret. Septem, octo dierum spatio usurpandis hisce *Pil.* dicato, pedis sinistri doluit malleolus, & digiti majoris articulus major ejusque orbis. Dolori paulo post successit urinae profluvium, tam jube, tamque copiosum, ut, diebus quinque vel sex, pedum, & femorum tumor omnis hydropicus, etiam si inhumanis, auferretur; & simul cum tumore, parique proportionem, sitis. Ex sententia succedere omnia. Alacrem, vividum, cibi appetentem, animo plenum, denuo conſpexi; vitam hodie quadriennio postquam ita fuit correptus, vivit; & quidem eam, quæ sola vita est vocanda: ut vel uno hoc exemplo demonstrari possit, quantum *Hydropa*, quantum *Melancholia* faciat *Arthritis Anomala*, quantam etiam utrumque sanet *Regularis*.

Hactenus de *Melancholia Arthritica*; ad ejusdem originis, & naturæ *Syncopem*, accedo.

CAPUT VIII.

De Syncope Arthritica.

ART. I. Alius est affectus, ei, qui præcessit, sive causæ utriusque continentis & proximæ, sive *τῇ Συμπάδει* ortus, habeatur ratio, congener & geminus; *Syncope* nimirum *Arthritica*; hunc in locum aptissime referenda.

Ante dictum est, *Arthritidem*, maxime in corporibus senecta, vel ebriositate læsis, & enervatis, *Ventriculum*, & *Intestina* minima quavis de causa petere. Quinetiam exploratum est; in eas partes ingressam *Arthritida*, non semper *Anorexiam*, *Nauseam*, *Tormina*, *Diarrhœam*, & hujusmodi morbos *ἰδιοπαθῶς* inferre; sed uti nonnunquam *Melancholiam*, (in superiori capite tractatam) ita etiam interdum *Syncopem*.

II. Compertum, inquam, est, a potione nimis frigida, & tenui, vel *δυσμετῶ* aliquo, ore sumpto, & *Ventriculum* aggravante, primum, universo corpo-

ri ma-

ri male esse; tunc paulatim os pallere, sudore frigido deinde cuticulam madere; pulsum imbecillem, inodo nimis tardum, nunc inaequalem, reddi; interdum minui tantum, alias intermittere; solvi denique spiritus animales; sensum, motumque deficere; vitæ omnes commovere facultates: interea vero temporis, *Arthritidem*, (siqua forte in articulis, antequam hæc inciperet tragædia, comparuit) desubito recedere. Ne multis, ægrum, nisi remedio quodam efficacissimo præsentissimoque, nisi Deo in vicinia mortis opem ferente, servatus fuerit, e vivis exturbari.

Hanc ego *Συνκοπή*, quatenus a miasmate *Arthritico* commissa est, *Arthriticam*; quatenus vero per omne corpus se diffundens, a causa (in *Ventriculo*, & τοῖς ἑντέροις sita) longe posita elucet, καὶ *Συνπύκνωσις* natam appello.

III. Huic ut occurratur, ancipiti prorsus, & acuto morbo, nihil æque valere iudico, ac, cardiacorum permagna dosi potentium adhibita, indicationem vitalem tueri; spiritus animales sistere, & instaurare; ut & alienum (si modo id fieri possit) ad τὰ ἑξῶθεν arcere. Quo circa *Aqua Hispanica* quantitatem amplam, in ægri rem, plus semel dedi bibere, proque re nata repetii. Ubi illa defuit, aliam, quæ sequitur, (quando medicamenta in forma liquida citius adjuvant, & propterea solidis anteposenda sunt) præscripsi.

℞. Aq. Abs. C. ℥xij.

Sp. Mentha,

Tinct. Lavend. C. ana ℥ij.

Sacch. albiss. q. s. f. Julapium.

Dosis ℥ss. j. ad ii. ubi usus veniat, adhibenda; &, ut per usum videbitur, iteranda.

Cum dosi prima, vel secunda, si placet, demittatur *Bolus*, seu *Pulvis* sequens.

℞. Theriac. Androm. ℥ss.

Flor. Salis Armon. ℥ss.

Conf. Anthus ℥j.

Syr. Cort. Citreor. q. s. f. Bolus, vel

℞. Pul. Serpent. Virg. ℥ss.

Spec. Diambra ℥i. ad ℥iiss.

Microsp. gr. iij. iijj. v.

Ol. Cin. Chym. gutt. j. f. Pulvis.

Pauperrimis, & indigentibus (uti etiam aliis, ubi medicamenta non ad manus erunt aptiora) *Spiritus Vini* detur ustulati quantitas ea, quæ proposito respondeat: vel *Aquis Cardiacis* superaddi possit, *Spiritus C. C. Succinatus*.

Cum hisce *Frictiones* simul adhibendæ sunt; & in *Vino*, vel *Spiritu Vini* calefacto, immerse *Stupa*, scrobiculo cordis, & toti abdomini applicandæ, crebroque renovandæ sunt.

His, vel huiusmodi similibus, utendum eo usque, donec æger refectus, & (modo hoc effectum reddi potuerit,) in solido locatus fuerit: quod utique raro fit, priusquam *Arthritis* in articulos ablegata, & iis sit infixa.

Si a *Δυσπνῶα* aliquo temere comeso *Syncope* profiscatur, & æger facile vomat, aut ad vomendum pronus sit; quamprimum ita factum sit, ad se ut paululum rediret, per *Decoctum Tea*, vel *Cardui*, largiter exhaustum, alienum ejiciatur. Verum, si ad incitas ita redactus sit æger, ut moræ locus relinquatur omnino nullus; quin, ad salutem ægroti quicquid peragi possit, uno id, necesse fuerit, eodemque tempore peragatur omne; hoc casu, inquam, *Vini* quantitas ebibatur ea, & quidem ea celeritate, quæ tum viribus redintegrandis, tum vomitui movendo satis esse reperiatur.

At si revertantur, & importunæ fuerint huiusmodi *Συνκοπæ*; ut iis initio statim occurratur, præsto sint oportet istiusmodi *Cardiaca*, prout facto opus erit, ingerenda. Quanquam enim sanis, integraque valetudine usis, nullum unquam potionis genus hisce *Cardiacis* (*Spiritibus* nempe, & *Aquis generosis*) pestilentius aut magis noxium, si in usum communem trahantur, excogitatum fuit; tamen *Arthriticis* veteribus, præcipue vino deditis, hisque *Lipothymiis* invadi solitis, nihil, quod sciam, utilius, salutariusve. Adeo, videlicet, quibus alii, certe permulti, rebus conficiuntur, & e vivis extruduntur, iisdem ipsis alii servan-

Sydenham opera Medica.

tur, & multos annos, eorum beneficio, vivunt valentque. Hoc autem, uti re ipsa constat, animoque a me sincero, & in humanum genus benevolo dictum, boni velim consulatur; nec in pejorem partem, & sui perniciem a quoquam, tamquam ad malos mores licentia, rapiatur. Qui *Cardiacis* hac occasione nimio plus indulserit; qui erratum tam turpe, tam stultum erraverit, ipse viderit.

HISTORIA I.

Syncope Arthritica, foras abacta hoste, curata.

MOribus & ingenio præstantissima scæminarum, eadem fere de causa, quam in sequenti Historia repetam, se in vitæ periculum redegit. Diu enim *Arthritide*, culpa non ex sua, laborans, paroxysmo gravi, imo quidem omnium, quos unquam est perpeffa, longe gravissimo, vix ad exitum perducto: aquam illa fontanam, & frigidam potavit, eoque forte largius, quoniam antea non solum impune, verum magno suo commodo fuerat aquæ potrix. At in rebus humanis, utranque facit paginam opportunitas: multumque refert, in iis agendis, quæ sint earum singulis accidentia.

Circa idem tempus (ut aliud esse solet ex alio malum, ὅτι δ' ἄλγεον ἄλγεα κῆται,) cibo quodam inepto, & difficili comeso, mirum quantum ab eo in victu errato, & quam mox adductum est discrimen. *Ventriculo* primum ægrotavit, nausea & fastidio gravata: doluit deinde vehementer, tamquam spasmi arctissime contrahentibus. Orta tunc erat hysterica (talis esse videbatur) suffocatio. Erat vomitio, sed inanis. Sensuum, & vitium erat diminutio. Dum ista fiunt, *Arthritis* (quæ in extremis partibus paroxysmum, aliquot jam per menses, exercuerat) illico regressa est, ad ea, quæ intus sunt, vocata.

Plumæ juxta comburuntur; ut nimirum spiritus animales, præpostere agentes, odore fædo coerceant, instruantque, *Aqua* datur *Hispanica*, semel atque iterum, quanta nempe *Ventriculum* reficiat, & *Arthritidem* deorsum adigendo, neque artus pellendo, ægram restituat. Trium, aut eo amplius, horarum spatio, *Syncope* remisit. Dolor in extremis partibus recrudit; ægra servata est.

HISTORIA II.

Ejusmodi alia.

NAvis olim Præfectus, neque *Veneris*, neque *Bacchi* cultor parcus, & infrequens, propter iniquam eorum observantiam, *Arthritide* multatus est. Graviter, & diu ille doluerat, cum forte fortuna simul in eadem domo essemus, & de Navarcho nostro, tamquam animam agente, ex improvise clamaretur. Ægrum advolavi; quid hoc clamoris, inquisivi; pulsum inveni languidum, imbecillem, rarum: qui solebat esse maximus, & durissimus. Os expalluit. Anhelitus sublimis, & cum intervallo longiori tractus. Corporis superficiem frigus sudorque occupavit. Sensus, motus, vires universæ sunt collapsæ; ipsiusque propemodum œconomix subversa ratio.

De mali causa interroganti declaratum est, ægrum, *Pedibus dolentem*, febricitantem, sitientemque fontanam paulo ante aquam hausisse frigidam, ad ejus quasi selibram; itaque sibi malum arcessivisse.

Aqua Ego *Cardiaca*, maximeque generosæ, dosin illico prælargam, cum *Sp. Vol. Oleos.* guttis aliquam multis, in os immisi; &, post tempus aliquod, cum *Theriac. Androm. & Pul. Gascop. ana* ℥ss. repetii, imo quidem *Hauftum* tertia vice, spatio quodam interposito repetere, necessum habui. Ne plura, non nisi remediorum summe cardiacorum immensa vi restitutus est æger.

In eo vero restituendo, duo notatu digna erant. Primum, neque ea *Cardiaca* febrim; sed e diverso æstum modo benignum, sudorem blandum, auspiciatum inferre:

Cujus id in causa esse videbatur, quod ægro mari versato, frigori assueto, *Cardiaca* minime nova essent, & quod illius sanguis, *Arthritide* diuturna depressus, non cito incenderetur. Deinde, non multo post, quam in artubus calor redierat; quod *Dolor* redierit *articularis*, & cum eo incolumitas.

Habetis *Syncopem Arthriticam*; facultatum omnium perturbationem; animalis vitæ eclipsin; *Arthritide* revocata, & ad ea, quæ intus sunt, allecta factam. Habetis eam, *Arthritide* foras abacta; sublevatam.

HISTORIA III.

Arthritide diu ignava & inertii generata, Syncope illius Paroxysmo regulari sublata.

Vir melancholicus, solers, ingeniosus, patre natu *Arthritica*, ætate progrediens ipse doluit *Arthritide*; sed ea, quæ segnis, & ignava, paucos habuerit paroxysmos; & ex iis paucis idoneos & laudabiles certe paucissimos. Hujusmodi anni prope viginti erant cum, ingravescente jam ætate, diu quieverat *Arthritis*, & in ista quiete quando fortuito accidit (tanquam *απόρροια*, sive causa evidens) in potulentis erratum, æger ultra morem largiore vino menses aliquot usus, non ita diu post *Syncope* correptus est. Frigus occupavit artus; pallor faciem; spiritus animales perturbati, & depressi sunt; pulsus in carpo humilis; ictuque omni tertio intermittens. Nihil fuit propius, quam ut periret. Stupebant astantes, unde, & qua ex causa, malum tam grave, tamque repentinum oriretur.

De *Arthritide* interrogavi, quam illa pridem *απόρροια* esset; & quam perfecte. De insultu ejus tum raro, tum miti certior factus, operam dedi, ut per *Arthritidem* (quoad ejus fieri posset) in artus exturbatam, malo præsentii occurreretur. Quocirca, præter *Hæustus Cardiacos*, *Spiritusque C. C.* vim magnam, iterum atque sæpius datam, *Electuarii Arthritici* quasi 3j. ter quater in die sumendam, imperavi; cumque horum, & *Pul. Gasconici* ope, fausto quidem omine, pes inciperet dolere; ut bene res feliciterque verteret, & inceptum promoveretur opus, *Alcohol. Martis* grana aliquot ex *Jalapio* propinavi.

Nondum ejus scrupulum demisit æger cum paucis horis spatii tantus in sanguine factus est orgasmus, quantus observatione dignissimus. Pulsus illico celerior, elatior; æstus universalis, ingens; venarum hæmorrhoidum apertio; sanguinis eruptio, sitis immodica; spirituum agitatio vehementissima; quæque spes & ratio sanitatis erat, in pede sinistro digiti & articuli maximi tumor, ruborque orgasmum indicavit.

A quantitate *Martis*, utut valentissimi, tam exigua, tantas excitari turbas, equidem perrarum est. Cassum aliquod, & viribus spoliatum *Martem*, esse nostrum hoc illius præparatum, nemo prudens affirmabit; quando tam cardiaca, prius sumpta, tam longe virtutibus exuperet, tamque potenter *Podagram* expellat.

Ut autem humor evocetur, vel minimum in articulo retineatur, *Vesicatorium* alio quoque loco impositum est; loco autem affecto *Emplastrum*, ex *Picis Burgund.* & *Emp. Cephalici* paribus mensuris. Pedit vero toti, ex *Cerato viridi* cothurnus, fascia lanæ constrictus.

Propediem humerum, usque sumptis ore *Cardiacis*, invasit *Arthritis*; ejus alliciendæ ergo, *Empl. e. G. Caranna*, cum vestitu lanæ, illi superpositum est. Horum, qua intus, qua extra, adhibitorum usu, partim per *Podagram*, & *ἰσχυρὰν*, partim per *Diaphoresin*, alienum amandatum & exemptum est, spiritusque instaurati; & quam vidi gravissima, multoque omnium atrocissima, *Syncope* levata est.

CAPUT IX.

De Calculo Renum Arthritico.

Art. I. **R**enum ille *Calculus*, qui concretio est *Arthritica*, cum eorum calculo vulgari, tam per omnia concordat; ut, de eo verba hoc loco facere, supervacuum opinarer; nisi in ejus *Therapia*, & *ὑποστάσι*, ne dicam *Historia*, quadam occurrerent, quorum consideratio specialis sit habenda. De *Calculo* primum annotatu dignum est, raro cuiquam unquam morborum eum frequentius supervenire, quam *Arthritidi*, quod ut aliis in regionibus aliorum observatione palam factum, ita in *Damnonio* nostra esse certo scio. Minime vero cogitandum est, *Arthritidi*, tametsi gravi vetustæque, calculum esse *Comitem individuum*; nec quidem *fere individuum*: quando *Arthritides* aliquas nunquam, aut certe raro, ille comiterur; (raro enim *Frigidam*, quæ dicitur, *Arthritida*; raro languentem, quæ tamen *Arthritidis*, late sumptæ, partes utique permagnæ sunt,) nec quidem ullas semper.

II. Qui a cunabulis ad affectum horum alterum, maxime vero qui ad utrumque sunt proclives; ipsa nonnunquam adolescentia *Calculo*, ne dicam citius, afficiuntur. Alias vero ita fere se res habet. Cum *Cereri*, & *Baccho* æger diu indulset, tam mala vitæ ratione condi, & in sanguine coacervari solet, aliena illi materia; quæ, naturæ molesta, & inimica, partim per articulos, (unde *Morbus Articularis*) partim per *Renes*, una cum sero, quod illi vehiculum esse videtur, amandata est. Ad ureterum autem initium adhærescens, in *Arenulas* eo loci primum coit, uti postmodum arenulæ in *Calculus*. Huic autem materiæ, in sanguine cumulandæ, maxime conferre censeatur diætæ, succo lapidescente abundans, eumque sanguini impertiens: confert etiam mala concoctio: vasorum conferunt *Lacteorum* ora nimis aperta: ut & *Renum* a natura imbecillitas.

III. De *Calculi* humani, generatim accepti, productione, multa quidem, tum ex ejus analysi chymica, tum etiam pondere *Specifico* proferuntur; quæ ossibus magis, quam lapidibus, eum appropinquare annumerarique oportere, non parum arguunt. Hæc autem omnia non tam naturæ *Calculorum*, quam certis quibusdam eorum accidentibus, præcipue crassamentis, a sanguine acceptis, quæ *Calculus* magna ex parte constant & efficiunt, debentur. *Calculi* vero ipsa *ἰσχυρὰ*, ex particularum quarundam lapidearum, cum affine sale, (calcarii nempe lapidis, cum sale suo calcario; vel ocræ, cum sale vetriolico) coitione fieri; iisque sanguinis crassamenta, tanquam vinculis, connecti judicentur. Ista vero quando non sunt hujusce instituti, & a clarissimo *Listero* *ὁρατάς* & dilucide, sunt tractata; ad eum lubens quidem lectorem remitto. (a)

IV. *Calculi* autem *Arthritici* partes: & compositionem, si attente inspexerimus, eandem fere, quæ *Calculi* renum vulgaris, & non *Arthritici*, esse invenimus. Hæc autem res ex duobus *Leevanhockii* pronunciatis, elucebit. *Calculus* cremavit ille, crematoque adjecit aquam fontanam, idem fecit cum calcearia, & tofacea *Arthriticorum* materia. In his lixiviiis, beneficio microscopii, apparuit salinarum copia particularum plane similium, rigidarum nempe, concretioni aptarum, dissolutioni resistentium. Jam vero, (ut, quod dixi, inferam) si *Calculus*, ex corpore non *Arthritico* extractus, adeo cum tofo *Arthritico* conveniat; multo magis, qui est *Arthriticus*, cum utroque, cum *Calculo* præcipue, convenire judicetur. Hoc autem, utut primo aspectu probabile, non tam argumentis, quam experimentis statuendum, & definiendum.

V. *Calculi* jam facti, sive *Arthriticus* fuerit, sive non, symptomata prorsus eadem inveniuntur: at a vulgari *Arthritico*, ea re potissime distinguendus; quod *Arthritidis* cum sit *Ἐπίρροια* naturam ejus participet, mate-

(a) Vide *Dissertationem Ejus Medicinalem, de Calculo Humano, & de Petrificatione.*

matariam amplectatur, & comprehendat. Ideoque, utrum æger in *Ποδὶς* numero fuerit habendus, & a paroxysmo quandiu vacaverit, diligenter inquirendum, ut de *Calculi* natura constet.

A *Colica* exquisita differt, per ea, quæ *Calculus* exquisitum ab illa differre faciant: A *Colica Arthritica*, quod nullam spirandi difficultatem, nullos in umbilici regione *Σπῆλαι*; sed neque melancholiam adeo tristem, & urgentem, aut materiæ crudæ, acidæ, biliosæ vomitum adeo constantem habeat.

VI. Medendi etiam intentiones eadem, ac in *Calculo* vulgari; at, quod in hoc nostro momenti est præcipui, per auxilia quædam propria, per methodum particularem exequendæ. Nullus enim hic, aut cerre perrarus, *Acidorum* usus; quinetiam, *Fotus*, *Linimenta*, *Cataplasmata*, aliaque dorso applicari solita, maxime si paroxysmus simul *Arthriticus* erit, tanquam periculo plena, sunt prætermittenda, fugienda.

At ejus dolori, si cum artuum dolore concurrat, & intolerabilis fuerit, deliniendo conducunt *Paregorica*; & quidem maxime, si nulla sanguinis detractione (quæ in *Calculo* alias utiliter præmitti solet; at in hoc nostro, ad ea, quæ intus sunt, vocare possit *Arthritida*; vel, ut ne exulet, inhibere) præmissa, ægroto propinentur. Illa vero *Paregoricorum* dosis, ejusque repetitio optima; quæ dolori sublevando satisfaciens, cerebro interea non obfuerit, neque materiam ei vitiosam impegerit.

Si, nullo *Arthritidis* comitante paroxysmo, *Calculus* erit; alia rerum facies, aliaque medendi via est. Hic enim, in plethoricis, & multo sanguine distentis, ad prohibendam *Inflammationem*, secetur vena: *Enema*, ex *Decocti com.* & *Ol. Amygd. d. rec. ana* ℥ss. cum *Tereb. Ven.* Ovi *Vitello* solut. ℥j. injiciatur. Postero die, *Electuario* leniente, *Pul. Rhab.* & *Syr. Violac.* forma *Boli commistis*, vel, *Jusculo Avenaceo*, cum *Foliis Senna incoctis*, & *Manna superaddito*, purgante, venter aperiatur, eoque vespere *Paregoricum*, (quale sunt *Pil. Matthai* grana totidem, quod opii granum continebunt unum) locum merebitur. Quinimo, si a *Calculo* dolor urgebit, ne intestina spasmis contrahantur, ad hosce præveniendos, & illum compescendum, horas aliquot ante purgans, sumatur *Paregoricum*; ipsumque purgans, si julto lenius fuerit, suo tempore sequatur *Enema*.

His, ad dilatandas urinæ vias, actis, ad *Calculus* exprimendum usui erit *Balsamum Gileadense*, *Chiliense*, vel *Peruanum*, ex *Syrupo Dialthæ*, vel *Balsamico* datum, & bis, ter, quaterve in die, repetitum.

Syrupus Balsamicus, quem vidi, elegantissimus, hoc modo præparatur.

℥. *Aq. Hordeat.*, (*tertia Decoctionis*) colata, & per subsidentiam clarificata, ℥iij. *Balsam. Tolutani* ℥ij. Infunde calida, ad ℥i. consumptionem; deinde adde *Sacchari Crystallini optimi* ℥ij. leniter coque ad consistentiam *Syrupi tenuioris*, quem per linteum densum, frigidum trajice, & usui serva.

Si forma *Boli* aridet, *Opob. ℥ss.* vel alius *Balsami* dosis, cum Ovi *Vitelli* ℥j. temperetur, & intervallis jam dictis assumatur.

Hicce vehiculo esse potest *Alla* nostrorum hominum mustea, (*Grout Ale*) præsertim alba; quæ cum primis generosa, tum etiam maxime *Diuretica*; vel, *Rad. Althææ*, *Glycyrr. Eryng. Cond. Hordei*, aliorumque his similium apozema; *Saccharo Crystallino*; vel *Syrupo Balsamico dulcatum*. Ad eundem finem utile *Foliorum Tee Infusum*, libere potum; vel, ex *Decocto præscripto*, & *Amygd. d.* emulsum; vel id, quod sequitur.

℥. *Amygd. d. corticibus purgatarum*, N. x. inter contundendum, affunde *Infusi Tee* ℥ij. postea coletur emulsum; eique adde *Aq. Rosac. vel Cin. hord.* & *Sacch. cryst. q. s.* Nonnullis *Vinum album*, vel *Decoctum* modo scriptum, cum *Ol. Amygd. adjecto Sacchari cryst. momento*, propinamus.

Extra, *Cuniculi Adipem*, dorso superillitum, adversus dolorem mirifice valere, a sene calculoso, tanquam expertum, accepi.

Ad *Prophylaxin* optime conducunt *Aqq. calidæ Sydenham opera Medica*.

Bristolenses, quibus adjungantur *Opobalsamum*, & *Syrupus* e prædictis lubricans. Quibus nulla istiusmodi *Aquarum* copia, illis usui esset *Tee Circea Infusum*, omni mane bibere. Novi *Calculosum*, qui methodo sequenti renes subinde purgans, ad senectutem veterem & tutam est perductus. Ter, quaterve in anno *Terebinthina Venet.* quasi ℥j. cum *Pul. Glycyrr.* forma pil. sumpsit; *Cerevisia*, vel *Passeti* libras aliquot superbibens: confestim miliaria quatuor, vel quinque, equo succussatore mensus est: unde sæpe *Arenulas* excrevit, seque si non immunem, tamen incolumem servavit. *Cerevisia* omnium optima, quæ cum *Aqua pluviali* comparata: illam volo, quæ, neque in nivem unquam, neque in glaciem mutata, sincera sit, & pura, nulla recti calce, nullis salibus, aut particulis lapideis inquinata: ea aquarum omnium levissima; ea cum primis *Diuretica*. Medicamentis autem urinam moventibus præmitti, & nonnunquam interponi oportere ventrem & ductum alimentarem inanientia, lippis notum & conforibus.

Libet his adjicere, in *Dysuria*, (quæ *Calculo* interdum accedit) quoties a ductuum urinosorum spasmis oriatur ea, nihil efficacius, conducibiliusve, quam *Opiata* cum *Diureticis* juncta; quibus, utur urinæ alias sistendæ illa conferant, simul & remittantur spasmus, & urina cieatur.

At, a dorsi dolore, de *Renum Calculo*, ne quis temere statuat, unum his subjungam. Olim vetulæ, hydrope interemptæ, *Anatome* interfui; quæ, cum per annos aliquot eo dolore gravaretur, *Calculo*que effici a familiaribus haberetur, illo tamen, ut ex cadavere aperto constitit, omnino caruit, *Reni* dextro ingens adnata erat *Hydatis*, sive *vesicula*, sero insipido plena, doloris fortasse causa.

Atque hæc de *Calculo Renum Arthritico*.

HISTORIA I.

Calculo & Chiragræ una occurrentibus, facta simul Medicina.

Quarto ab urbe lapide, prope *Isce* ostium, sexagenarius *Arthriticus*, simul & *Chiragra* & *Calculo* doluit: illam ostenderunt tumor, rubor articularum; aliaque *Arthritidis* indicia, ordine & concursu *Pathognomonico* apparere visa: hunc in dorsi regione lumbari dolor, ut & intestinorum quasi colicus; quodque fidelissimum hac in re symptoma; *Arenula* sub id tempus excretæ.

Morbis adeo diversis ægrotanti, ea dari par erat, quæ contra utrumque prodesse, quæ neutri faverent. Itaque therapiam, *Balsami Peruani* quantitate, bene magna & frequenti, cum vehiculo idoneo, tentavi, atque adeo perfeci. *Balsami* hujus guttæ plus minus x. ex *Syr. Balsam. coch. j.* bis, vel summum ter in die, sunt adhibitæ. Hoc, quæ *Cardiacum*, in extremas corporis partes *Arthritidem*, qua lubricans, & *Terebinthinum*, e *Renibus* arenulas per urinæ vias expelli fecit: sicque una eademque fidelia, non infeliciter duo simul dealbati sunt parietes.

HISTORIA II.

Adversus Calculum Arthriticum Prophylaxis.

Viro præcellenti & eximio, qui diu *Arthritide* per vices doluit, aliquando etiam calculo, in se a patre derivato; cum adversus utrumque malum *Prophylaxin* exigeret, consului; ut exercitatione perstinaci, & crebra, sabulum e *Renibus*, e sanguine materiam alienam exturbaret, itaque salutis suæ prospiciens, senectæ viam faceret incolumi.

Facta per *Lac Scammonii* purgatione, aquas hausit vir illustrissimus *Barthonienses*, menses binos, libere & recte equo assidue corpus exercens. His adjunxit *Balsami Peruani*, stomacho non ingrati, *Renibus* utilissimi, guttas aliquot, omni nocte, ex *Syr. Balsam. cochl.*

zochl. j. cum ejusdem aquæ haustu, *Renes* inde melius habuere, sabulo purgati. Dorsî calor, qui ægrotantem multum affligerat, evanuit, Hac, & hujusmodi *Prophylaxi*, aquis scil. purgantibus & diureticis, statis anni temporibus, iteratis, equitatione, ambulationeque fere continua, contra malorum par crudele, hodie vir insignis se defendit, momenta vitæ propugnat.

Fatendum autem, quod hujusmodi *Prophylaxis*, non nisi corpore perpurgato, & evacuationibus generalibus exonerato, in usum trahenda sit, ne videlicet in *Penes* sanguinis impuritates effundantur, Quinimo notari fas est, quod ipsæ interdum *Aque Diuretica*, succum lapidescentem habentes, non tam e *Renibus* arenam eluant, quam iis impertiant, & in iis concretam faciant. Atque hoc casu, *Infusum Teæ*, aqua pluviali confectum, *Diureticis* illis *Aquis* anteponendum.

HISTORIA III.

Calculus Arthriticus, Vertigo Arthritica,
& Arthritis regularis se mutuo
excipientes,

Quoniam vero a nonnullis, de *Calculo Arthritico* dubium existimetur, utrum ille concretio sit *Arthritica*; an non potius ex sanguinis recrementis, emeritis, & inutilibus; per quietem, & vitam nimio plus inertem; in *Renibus* depositis, nata atque ficta: unum his subjiciam, quod (opinione nostra) tollendo huicce dubio omnino satisfecerit.

Vir summa familiaritate mihi conjunctissimus, ex intervallis diu *Arthritide* recta conflictatus, enormem eam ætate suprema habuit. Loco rectæ, primum vertigine *Arthritica*, longa utique, ancipiti, & periculosa (quippe, qua in humum ne irrueret, sæpe quidem summum erat periculum) est correptus. Postea vero quamprimum iste capitis affectus inclinavit, æger *Renibus* dolere cœpit, calculosque varios, non sine ingenti cruciatu, per urinam excrevit; nunquam autem *Calculo*, nisi *Vertigine*, & *Arthritide* regulari liber, ægrotavit.

Post menses aliquot, *Pedibus* denuo laboravit; verum eo tempore, tum *Vertigine*, tum item *Calculo* immunis. Et quidem ita res erat, ut, tametsi horum affectuum alio, atque alio posthac creberrime; tamen, eodem tempore non nisi uno semper, aggravaretur. His etiam adjiciendum, quod eundem ordinem minime tenuerunt hi affectus; verum *Calculus* interdum, post *Arthritida* diu vacantem, (cum in sanguine nova materia coacervata, novaque facta esset illius germinatio) ægrum per se invasit; interdum *Arthritidis* paroxysmum e vestigio excepit, tanquam morbus ei geminus, a communi stirpe oriundus; vel potius, in alia corporis regione, ejus pars altera.

Magni vero hic momenti esse arbitror notare, quod ex quo *Arthritidi* se adjunxit interdum *Vertigo*; alias *Calculus*; pro istorum morborum malitia frequentiaque tenuata sit *Arthritis*; & quidem ea proportionem, ut ab illa demi, quicquid istis attribui, confirmetur.

Istorum autem morborum ortus, incrementum, ordo, vicissitudo, & inter se relatio, nunquid aliud significant, quam, quod ii omnes simili gaudeant causa continente; quæ nunc, in artubus *Arthritidem*; nunc in capite, *Vertiginem*; nunc, in renibus, *Calculus*; & quidem hosce omnes, pro istius causæ renovatione, viribusque, tum crebros, tum vehementes pariat, & producat.

CAPUT XI.

De Asthmate Arthritico.

ART. I. **T** Racata imi ventris *Arthritide*, ad eam jam progredior *Anomalam*, quæ est

Thoracis, quæque respirationis organa præsertim afficit. Ubi primum de *Asthmate Arthritico*; tum de *Tussi Arthritica*, de *Phthisi Arthritica*, deinde sermonem faciam.

Asthmata sunt hujusce tituli permulta, quæ a causis alibi locorum, nec in *Pectore* extantibus, oriunda, (nausæ, verbi gratia, colicæ, anginæ, vel hujusmodi morbo alicui *Arthritico*), *ἢ συµπλάθειαι, ἐπιγίνονται*: & istorum, quibus superveniant, morborum Capitis, sunt vel dicta, vel dicenda. Unum, hoc Capite, *Asthma* dicam *Arthriticum*, nimirum *ἰδιοπαθικόν*.

II. Hoc affectu omnium creberrime laborant ii, quibus breve, vel aliis male compositum pectus, aëri recipiendo minime accommodatum, & quorum parietes *Asthmate* & *Arthritide* fuerant, maxime vero si utroque, gravati. Hic enim, multo apparatu & molimine, producendo huic affectui, quasi studetur: cumque, nato & perfecto homini, respiratio usus sit perpetui, & ad vitæ opus sustinendum, continui; mirandum non est, illius impeditionem, & difficultatem aliquam insignem, sæpe periculosam, sæpe lethalem esse.

III. *Asthmati* huic inferendo (ut, de aere spisso, carbonum fumo, ventis, aliisque tam hujus *Asthmatis*, quam vulgaris & primigenii causis evidentibus, nihil dicam) huic, inquam, inferendo confert miasma *Arthriticum*, pectori inflictum; illius utpote causa continens, & conjuncta: itaque ut, tametsi plures illud causas evidentes & remotas, (alio sc. tempore & corpore aliam) unicam tamen habeat continentem, & proximam, videlicet *Arthriticam*.

IV. *Pectori* miasma nunc opiata, perperam adhibita, infigunt; nunc quicquid alii *Arthritida* repellat, & pectus appellii faciat; nunc, urgente nulla vi externa sive causa evidente, pectus angustum, gracile, gibbosum, breve, aliterve male formatum, ipse per se *Arthritis* intrat, tanquam domicilium maxime conveniens. Interdum evacuatione aliqua solemnî (qualis est fluxio sanguinis, ulcus, vel etiam partus naturalis) suppressa, quæ miasma sensim amandare solita est; in sanguine cumulatam illud, neque, uti par est, in articulos expulsum, pectori committitur, *Arthritica*, utero ex more non gerentis, *Asthmate* hunc in modum aggravatæ, exemplum memoratu dignum his subnectam.

V. De hujus *Asthmatis* *ῥάπτει*, & de ejus natura plane *Arthritica*, ut palam fiat, advertendum est, *Asthma* nunc e vestigio sequi *Arthritida* regularem interciscam; & a *τοῖς ἐξωθεν*, ad ea, quæ intus sunt, materiæ vitiosæ fieri *μετάσσειν*, aperte monstrare: nunc, e contrario, *Asthma* in *Arthritidem* mutari; antiquam sedem, & avita regna, se denuo ingredi, materiam indicare: nunc, hos affectus se mutuo excipere, vicesque agere alternas: nunc ab *Asthmate*, *Arthritidem* vinci, absorberi; uti nonnunquam, ab *Arthritide*, *Asthma*. Qui quidem istorum malorum ordo, reciprocatio, habitudo, & ratio inter se nihil magis significat, quam quod, ex eadem materia, *Arthritidi* propria, nunc in artubus, nunc in pectore vires exercente, utrunque producat; & *Asthma* illud sit revera *Arthriticum*. Quod quidem enunciatur eo magis probabile, quoniam *Arthritidem* sua gaudere materia, peculiari & propria, quæ in alias aliquando regiones evagetur, omnino constat; *Asthma* vero, non tam a propria ulla materia, quam a vitiosa aliqua communi, (sive alia quavis iniuvica, & aliena) una cum mala corporis febricitatione, partiumve respirationi dictarum imbecillitate, causa hujus morbi privata, fieri.

VI. Quæ vero hujus profapiæ *Asthmata*, duum sunt generum; alterum (uti de exquisito *Asthmate* pronunciatum esse solet) siccum; alterum humidum. In sicco isthoc *Asthmate* anhelum videre licet *Arthriticum*, & tanquam animam agentem, spiritu difficili, respiratione brevi, pectore gravato, tussi vel nulla vel mediocri, sputatione parca laborantem. Qui vini spiritibus dediti fuerunt *Arthritici*, eos sicco hoc *Asthmate* plus semel ægrotare novi.

Asthma-

Asthmate, quod *Arthriticum* est, humido affecti, tussiendo sputum plerumque crassum, & viscidum, idque nonnunquam vitreum exantlant; unde levare solet *Asthma*, donec, nova in *Pulmonem* missa, feri vitiosi copia renovabitur: hoc autem, in teneris corporibus, tenui, laxoque sanguine, & ad colligendum apto, donatis, & quidem autumnino maxime, locum habere mos est.

VII. Pituita crassa involvitur; una cum eo, *Pulmoni* incutitur; tussique ejicitur miasma *Arthriticum*: sic, ut permultos interdum annos, inversa *Athritidis* hac via fugam capebat; eaque sputatione, (simili fere modo, atque paroxysmo *Arthritidis* regulari) a periculis gravioribus defendatur æger. Et quidem *Arthritidum*, quotquot observantur, *Anomalarum*, nullæ videntur esse benigniores, aut minus timendæ, eo, quod nunc dico, humido *Asthmate*, & diarrhœa *Arthritica*: eo videlicet, propter materiam *Pulmonibus* emissam; hac autem, *Ano*.

VIII. Ex diversis hujus *Asthmatis*, qua sicci, qua humidi symptomatibus, opinari fas est; in priori, membranas, nervos, aut musculos spiritui trahendo inservientes affici, & iis materiam impingi; unde *Respirationis*, cum siccitate labor: in altero, miasma, sanguinis sero implicatum irretitumque, una cum eo *Pulmonibus* committi, & iis inherendo respirationem impedire: atque pro diversitate symptomatum, diversa morbi hujus *Subjecta* esse, non temere judicamus.

IX. Nonnunquam equidem *Arthritis* (quod ante traditum) ipsis a carceribus, ipso ab initio devia; neque pede, neque manu salutata quidem; *Pulmonem* adit, occupat, laceffit, tanquam *Asthma* germanum; nec ab eo facile distinguitur; donec, ætatis progressu, aliquando foras erumpat, artus exerceat, recteque se gerat. Cujus quidem in artus translationis, hoc effectum esse solet, quod, quo rectius se gerat *Arthritis*; eo *Pulmoni*, & posthac reliquo corpori universo, melius. Qua de causa licet existimare, malum isthuc nihil aliud esse, quam *Arthritida*; primum in pectore deviam, ipsoque principio *Anomalam*; postea suo loco regularem.

X. Hujus *Asthmatis* *Πρόγνωσις* quam legitimi, veri, & genuini, longe alia videtur. *Legitimum* enim, curatu difficillimum: *Juvenes non sine magno labore, Senes nunquam eo liberari dicuntur.* (a) Contra vero exploratum, hoc *Asthmate* laborantes, facilius allevare, sæpius liberari; & quidem interdum, (quod de vero *Asthmate* rarius affirmari potest) ex toto.

Ut autem in re tam multiplici distinctius dicam, adjiciendum, *Asthmate* isthuc humido gravatos: sputatione, quod dixi, servatos, sæpe diu vixisse: *Arido* affectos maximo sæpe in periculo versari; brevi tempore, non raro strangulari; sed &, ope medica opportune adhibita, factaque humorum metastasi, nonnunquam subito restitui: denique, nulla arte sublevatos, eo se modo habere, & demum e vita cedere, tanquam *Asthmate* legitimo oppressos.

XI. Curatio tollit impedimentum respirandi; vel e corpore illud evocando, vel in artus amandando. Materiam e corpore vitiosam evocat *Vena sectio*, & *Purgatio*; quarum illa plethoricis, & nimio sanguine distentis; hæc gulæ deditis, satietate læsis utilissima: utraque vero talis sit, oportet, ut ab *Arthritidis* *πὸς τὰ ἐξωδὸν* expulsio promoveatur. Hoc autem optime fit sanguinis detractione mediocri; purgatione quæ per *Drasticum* aliquod, & sanguinem exagitans, peracta. Detrahantur igitur, (quando res postulat, & vires ægri patiuntur) uncix quasi novem: *Enema* brevi post injiciatur: die proximo *Purgans* (ex *Aloe*, *Syrupo domestico*, *Pil. Cochiae*, vel ejusmodi aliquo) sumatur, sine paregorico vespere frequenti propinando.

Post evacuationes hæc generales, in sicco *Asthmate Arthritico*, magnatum virium & momenti sunt *Sp. C. C.* aliique istius generis *Volatiles*, & flores *Salis Amomi*.

℞. Pul. e Chel. C. C. Conf. Tussilag. ana ℥j. Flor. Salis Armon. ℥ss. Syr. Balsam. q. s. f. Bolus, quinta, vel sexta quaque hora, cum idoneo vehiculo demittendas. Sydenham opera Medica.

(a) Vide Riverium, Cap. de *Asthmate*.

In Humido, *Vesicatorium* dorso inter omoplatas applicatum, allevandis *Pulmonibus* summopere confert. Pituitam movent, eodemque tempore *Podagram* expellunt e *Sulfure* præparata; qualia sunt *Tinctura*, *Balsamum*, & *Flores Sulfuris*: uti etiam, his affinia, & plane congenera, *Gummi Antiasthmatica*, *Ammoniacum*, *Bdellium*, *Balsama Naturalia*, *Pernanum*, *Chiliense*, *Capivi*, &c. Placer *Tinct. Sulf. gtt. xx.* vel *Balsami* seq. gtt. x. ad xv. ex *Syr. Balsam. cochl.* dare; & sexta, nona, vel duodecima quaque hora, prout opus fuerit, repetere.

℞. Tinct. G. Guajac. Balf. Per. ana p. aq. misce.

In utroque vero, tam humido, quam sicco *Asthmate*, remediis hisce, cum vehiculis idoneis, uti juvabit; usque dum *Pulmoni* conciliabitur quies, & inducendo spiritu facilitas.

Clysteres, & *Purgantia*, quæ in vulgari *Asthmate* non incommode plus vice simplici adhibeantur, in *Arthritico* hocce post primam vicem minime præscribenda; ne videlicet humorum in artus eruptionem, quæ rebus quibuscunque aliis longe præferri debeat, sufflamment.

Pulmoni phlegma quod impactum est, *Oleo Amygd. d. Ol. Lini*, *Syr. Balsamico*, *Cap. Ven.* & aliis ejusmodi *Anacatharticis* movendum, excreandum.

In *Paroxysmo*, siquidem urgebit ille, neque auxiliis supra dictis mitigabitur; maxime valet *Oxymel Scillit.* vel cochleatim, & per vices datum, ut eo spirandi spatium adaugeatur; vel ea dosi, qua vomitio cieatur, humorum inclinatio mutetur, & in articulos vertatur. Certe, per unam vomitionem, *Arthritidem* ex *Anomala Regularem* fieri; plus semel novimus. Nonnullis in *Paroxysmo* profuit *Fumus Tabacci*, *Potio Coffee*. Valent suo loco *Friktiones*. Non magni æstimantur *Unguenta*, vel *Linimenta*, *Asthmaticis* vulgo commendata, in re præsentiparum valitura.

Prophylaxis in Humido *Asthmate*, præmissa purgatione; instituitur per *Diuretica*; quæ serum apte & tempori amendant: per *Antiasthmatica*; quæ *Pulmonem*, & spirandi organa tueantur: per *Fonticulos*, dorso inter omoplatas apertos; vel *Epispastica*, maxime diuturna: perque ea, quæ *Arthritidis* primigeniæ *Prophylaxin* agant. Siccum autem *Marte* cum *Antiasthmaticis*, *Gummi* puta *Ammoniaco*, &c. juncto; iis videlicet, quæ spiritus animales una cum pectore respiciant, fugandum. In utroque, usus est immensi *Aer* apricus, & probe agitatus; uti etiam bona victus ratio: quam ut teneat ægotans, fugiat necesse est, τὸ ποικίλον τῆς διαίτης, a Medicis non sine causa passim improbatum, & cibo simplici vescatur.

HISTORIA I.

Adolescens, ab Arthritide Asthmaticus, Empiricè Narcotico peremptus.

AD trium supra viginti annorum adolescentem, in regione urbis septentrionali, vergente sæculo superiori, anxie & propere arcessebar. Ur ætatem hominis adimpleret, a natura ille destinatus esse videbatur. Erat enim forti, & quadrato corpore, vultu colorato, uno miasmate *Arthritico*, quod a patre acceperat, infectus. Sanguinem, ab ipso vitæ exordio vitiosum, ipse malis moribus non parum inquinavit. *Spiritus ardentes* avidè potavit: malam victus rationem affectavit: coctionem, quasi de industria, pessum dedit.

Podagra, quæ paroxysmum regularem plus semel ediderat, & dudum artus exercuerat, nescio quæ de causa relictis artubus, ad ea, quæ intus sunt, translata, respirationis organa invasit: hinc *Pectus* aggravatum, spiritus difficilis, respiratio brevis & laboriosa.

Visa est materia, vel e musculis respirationi inservientibus aliquem, vel eorum membranas occupasse; vel in nervorum *Paris vagi* fibras se insinuasse. *Asthma* enim siccum erat; nec quicquam sputum, nec quicquam *Tussim* sibi adscivit.

Dum ita res erat, Empiricus e laniorum vico, ad vitam & salutem (proh Deum atque hominum fidem) instaurandam, est accitus. Ille, historię neque caput, neque finem ob oculos habens, *αἰσϋία* familiari & usitata, multa factitavit; nihil egit: donec elapso pene quadriduo, propter *αὑπνρία* (hanc argumenti speciem obtendebat) paregoricum audax, & nequam, sub noctem dedit. Hinc illę lacrymę: hinc ille properus ad Medicum nuncius.

Ægrum ego *ἀσθεντον* inveni, moribundum, & jam per totam, quę præcefferat, noctem, animam agentem. Rem astantibus palam feci, & (honore habito) discessi. *Τοῖς ἰπῶσι, τὰ ἰά.*

HISTORIA II.

*Asthma siccum Arthriticum, Vena sectione
& Cardiaco sublato.*

Ingenio, scriptis, & eruditione vir præclarus, *Rad. Bohun*, hypochondriacus, asthmaticus, cruditatibus acidis, dolore artuum *Arthritico*, sæpe vago, interdum fixo, diu afflictatus; dolorem istum nuper acutum, ex improvise abruptum, & intercisum habuit. At brevis ista mali intermissio. Ægotantem; olim collegam meum, & eo tempore convictorem, visitavi, lecto inveni prostratum, jam per noctem anhelum; & ea respirandi fuit difficultas, reciprocatione crebra quasi animam agentem. Neque *Sputatio*, neque *Tussis* erat ulla. Pulsus in carpo fortis, & elatus.

Ex omni parte re perpenſa, materiam *Arthriticam* in *Pulmonum* adyta, in eorum membranas, nervos, aut iis movendis inservientes musculos, per *Μετέπλω-σιν* ingredi, & eos occupare censeui.

Petrusa meo consilio vena, missus est sanguis; cui, post horas aliquot, innatavit, gelatinę viscidę similis, placenta. Deinde, ut e castris inique usurpatis hostem exturbarem, *Spiritus Volat. Oleosi* copiam, ex idoneo vehiculo, propinavi; & pro rei necessitate repetii. Auxiliis hisce paucis, & paupertinis, sed opportune adhibitis, sine difficultate respiravit æger: *Pulmone* liberato, & relicto, in pedum & manum articulos (non novos illi locos) fugatus est hostis: confirmatus æger.

HISTORIA III.

Arthritidis in Paralyſin & Asthma Metamorphosis.

Quidam artis sciens chirurgicę, semel aut iterum in anno *Arthritide*, per lustra quatuor recurrente, multum ægotavit; ætate vero provectus, neque tam crebra, neque tam vehementi, per biennium minuta, & sensim mitigata est *Arthritis*; cum in ejus locum mala, multo graviora, simili modo & mēſura, succellere: sinistri nempe brachii, pedisque resolutio, cum totius lateris imbecillitate: deinceps *Asthma*, tam molestum, tamque importunum, ut non nisi recta cervice spiritus traheretur. Siccum autem erat *Asthma*, paroxysmos habens, sed nullo *Typo* regulari signatos. Mari æger diu artem exercuerat; ubi *Spiritum Vini* nimium pytiſſando, tum *Arthritidi*, tum *Paralyſi*, tum etiam *Asthmati* viam fecisse, & fundamenta jecisse non immerito cenſetur.

Ita laboranti *Vena sectio*, *Oxymel. scillit. Purgatio*, *Antiaſthmatica Podagrogis* juncta, cum aere aperto, nonnihil profuere. At cum illa morbi natura esset, quę nervos, eosque valde afficeret, quę spiritus in iis contentos, (id est, intimum totius corporis humorem) mirifice debilitaret; eum atas simul ingravesceret, ægroque fere jam inutilis esset medicina; partim morbis, partim ætate consumptum eum, sine ullo in articulis dolore renovato, abstulit *ἀπαρῶ ὀάνατο*.

Eatenus vero rei nostrę conducit Historia; ut ex ea disci potest, maxime vero ex denſo morborum

ordine, subitaque mutatione; *Arthriticam* in nervos transferri materiam; & tum *Paralyſeos*, tum *Asthmatis*, causam fieri proximam, & continentem.

HISTORIA IV.

Arthritis, in Asthma, & Hydropa, desinens.

Mulier *Exoniensis*, brevi pectore, neque respirationi satis apto, diu *Arthritica*, nuper omni dolore libera, nec pro more utero gerens; propter hæc causas, annum circiter quadragesimum, *Asthmate* & *Tussi* corripiebatur; illa non parum, isto multum excruciat.

Audita morbi historia, symptomatum ordinem & momentum meditati mihi, luce clarius videbatur; illius materię, quę per uterum, perque articulos ſoleret amandari; quod in corpore relictum, vel de integro cumulatam eſſet; in respirandi organa infundi, eorumque motum impedire. Qua quidem opinione ductus, ut aere puro, & aperto, frueretur ægra, (perpurgato prius corpore) rus illam miſi; sed *Antiaſthmaticis*, & *Arthritidem* expellentibus munitam. Neglectis autem medicamentis nulla in articulis viſa est *Arthritis*; verum e contrario nova, tum in imo, tum medio ventre, coacervata est materia: unde tantus abdominis tumor, spiritusque tam gravis, ut non nisi cum ſono & anhelatione spiraret ægra, propemodum strangulata.

Clysteribus ex urina crebris subducta est alvus, tumor abdominis sublarus: atque sic amotis impediementis, *Sp. C. C. Succin.* aliisque *Podagrogis*, uno eodemque tempore, extrusa est in articulos *Arthritis*, & amplificatum respirandi spatium: atque adeo (quod attendendum) æqualiter.

Hinc aliqua curationis spes; at fallax, & inanis. Natura enim deficiente, neque operam conferente, frustra omnis medicina. In *Hydropa* incidit ægotans, *Diarrhœa*, & narium *Hæmorrhagia*, symptomatice, & sæpe recidivis, comitatum: quibus demum oppressa, mortem, omnium morborum finem, oppetiit.

HISTORIA V.

Asthma, cum Iliade malorum, Arthritidos defectu regularis, exortum.

Vir Reverendus, quo cum magna pervetusque mihi familiaritas, natura firmus, temperamento sanguineo, vultuque colorato præditus, post juventutem non tam intemperantem, quam delicatam, & dapſilem, matura ætate corpulentus, & habitior factus est; annoque 1674. & deinceps, *Arthritide* per vices ægotavit.

Postea ſolum, & cœlum, (quorum illud siccum, hoc perſtatum erat) humido, & minus ſalubri mutans, ætateque procedens, *Arthritide* non, ut ante, fixa, verum per artus, ad instar *Rheumatismi*, vaga & erratica, laboravit. Sed neque diu morbus istud *ἄσθμα* retinuit: nam paucos post menses, quam in corporis ambitu ille sævierat, *Catarrhis* & *Tussi* correptus est æger: unde sputum magna ex parte laboriosum; utpote crassum, viscidum, ab imo *Pectore* citatum. *Tussi* accessit *Asthma*, grave profecto, importunum, & quod ægotantem multos annos, autumnō maxime & tempore hyemali, divexarit. Quamvis autem *Asthma*, nec interdium unquam, neque noctu penitus cessavit; ea tamen natura erat, ut eadem nycthemeri hora constanter redux, (tanquam ad horologii fidem) & quidem multos in menses continuos, paroxysmum ageret. Dum ita res erat, *Vena sectione*, *Vomitu*, *Purgatione*, *Decoctis Pectoralibus*, *Spiritibus*, *Gummi*, &c. *Antiaſthmaticis*, plus ſemel levatum *Asthma*, minime vero sublato.

Alias *Hæmorrhoidum* tumore, magno utique, & diutino, torquebatur æger; eoque tempore illud præcipue notan-

notandum; quod neque spiritum difficulter traheret; neque *Articulis* doleret.

Alias *Vertigine* tenebatur, adeo vehementi, ut quæ ægrum neque ambulare pateretur, neque erectum stare: durante vero illa, cetera bene se habuit.

Mense Junio, 1685. ex vino nimio plus potu, incidit in *Pleuritidem*, *Hæmoptoe* comitatum: auxilio, cum plerisque aliis, sed omnium multo maximo, fuit sanguinis detractio, iterata, copiosa. *Pleuritidi* nondum penitus evictæ, subnata *Arthritis*, in extremis corporis partibus, regularis. Ea vero, nescio qua de causa, sive quiescente, sive repulsa; febricitavit denuo ægotans, *Angina* affectus. *Angina* paulo post suborta est *Arthritis* (uti post *Pleuritida*) regularis.

Anno plus minus 1687. suadente nescio quo, fortissima fumens *Hydrotica*, (ut erat æger remedium empiricorum amantissimus) sanguinem, a natura calidum, adeo exagitavit, ut *Impetigo* statim erumpens corporis superficiem mire turparet. Tumore lato, & inæquali, facies inflammata est. In *Squamulas* subalbicantes, & furfur, abiit tumor; eoque exeunte, loci, tanquam a *Variolis*, rubor apparuit. Multum, & diu, gravissimo hoc affectu laboravit æger. Alio enim loco restituto sanatoque, alium, sed a novissimo distantem occupavit; & quidem ita, ut maculas crescentes, maturas, arecentes simul semel aspicere daretur. Facies autem maxime, & pene continuo fœdata est. Cui addendum, quod æstus corporis universalis, pruritus, & ex eo spirituum inquietudo, ægrum, molli teneraque constitutione prædictum, supra quam dici potest, excruciauit. *Impetigo* sanguinis missione, purgantibus cum calomel. sæpius iteratis, & *Antimoniat*, est curatus.

Verbo dicam; ex quo *Arthritis* idonea, & regularis, ægrum deseruit; affectu hoc, vel illo, raro autem mitiori, & minus periculoso, annis fere singulis, urgebatur; sæpe tantum non opprimebatur.

Ex *Impetigine*, mutata rerum facies; namque, anno post uno, vel altero, redux *Arthritis* (tanquam ex postliminio) paroxysmos *ὁ πῶς ἐξῆλθεν*, aptos & satis crebros, agitavit. Nihil opportunius, nihil commodius esse potuit: nam *Arthritidis* denuo regularis ope, servatus æger, per extremum vitæ decennium multo magis, quam solebat esse immunis, non tam morbis, quam ætate fractus, e medio excessit.

Hic animadvertendum (quod quidem maximi, in re præsentis, grande pondus argumenti) ægrum, quo tempore sive *Asthma*, sive *Tumor Hemorrhoidum*, sive *Vertigo*, sive *Pleuritis*, sive *Angina*, sive *Impetigo* locum habuit, *Articulis* nunquam doluisse; nec quidem, in istorum morborum intervallis, ita crebro, aut tam graviter, atque ante *Asthma*: unde verisimile, hos affectus, aliqua saltem ex parte, per materiam *Arthriticam*, (in pulmone *Asthma*, & singulos affectus in singulis eorum locis facientem) excitari. Cujus enunciati fides eo confirmatur, quod in *Arthritidem*, etsi minutam, & parvam, tum *Pleuritis*, tum etiam *Angina* semel; *Asthma* vero sæpius mutaretur. At, quod (testium mille instar) omnem argumenti metum adimat, hoc est; per *Arthritidem*, iterum recte, & debitis ex intervallis, edentem paroxysmos, tum *Asthmate*, tum *Impetigine*, ne dicam alios affectus omnes, ægrum liberari; difficillimisque vitæ annis, supra quam spes, aut amicorum expectatio fuit, defendi.

Minime vero credendum, morbis hisce procreandis unam sufficere materiam omnibus *Arthriticam*; quin potius serosa sanguinis eluvie v. gr. in *Asthmate*, eam involvi, irretiri, & simul cum aliis sanguinis recrementis, per *Pulmones* exterminari. Quod vero de *Asthmate* propositum, de *Impetigine*, cæterisque affectibus jam dictis, aliqua parte affirmari posse, cogitandum est.

Hinc opinari par est, ægotantem illum, bono corporis habitu a natura donatum, vitæque ratione non adeo prava, aut inepta usum, in tot gravissimos affectus, forsan non alia potius de causa, incidisse, quam quia *Arthriticum* miasma, (quod, *αἰὲς φύσιν* ex more usitato, & regulari minime, sic, ut debuit, expulsum fuit) in ea, quæ intus sunt, ferretur; ibique dictos, vel ex toto, vel ex parte, eaque nunc majori, nunc minori, faceret affectus.

Sydenham opera Medica.

Unde probabile, si, longo illo multorum annorum spatio, (discessum inter reditumque rectæ, in artubus molestæ, & vehementis *Arthritidos*) quo tot tantisque modis æger afflictatus erat; habita *Arthritidos* ratione, fuisset illa tractatus, & in *Arthritide* reducenda, locata fuisset opera; medendi viam tutiorem, ægroque multo fuisse commodiorem.

HISTORIA VI.

Asthmatis Vultum induens Arthritis.

Nonnunquam artus, ut ante dictum est, relinquit *Arthritis*, & ingressa *Respirationis Organa*, vel ea continenter urget, vel accessionibus adeo crebris, & molestis; ut, in illa corporis regione, non tam peregrinus, quam morbus indigena, & vernaculus esse videatur. Hujus rei exemplum hic subjiciam, mihi notissimum; virum medendi arte percelebrem, eamque hodie feliciter exercentem, fuit ille parentum altero, diu *Asthmatico*; altero *Phthisico* protreatus; brevem, & male formatum habens *Thoracem*, tanquam ad *Asthma* factus, *Pectoris* affectibus ab ipso ortu proclivis existimari potest.

Post adolescentiam floridam, sed & temperatam, ætate matura, laboravit *Arthritide*, crebro recurrente, satisque apta. Anni aliquot hunc in modum agebantur, cum a *Catarrho* spirandi difficultas *Arthritidis* succrevit, progressu temporis ingravescent. Huc non parum contulit aer, fumo carbonum salinis (e vicino mari) vaporibus, & officinarum, quæ in propinquo erant, graveolentia repletus. Flante euro, vel euro aquilone, raro ille sine difficultate spiravit; ut vel ea de causa, (vento nimirum eo exorto) sæpe lecto se ejicere, & corpus erigere cogeretur. Eo durante vento, semper *Δυσπνοῖα*; cessante eo, vel in alium mutato, tanquam incantamento, levatus est. Cæna interdum obsuit immodica, & in victu error fere omnis. Obsuit cutis, alias a frigore, alias ab aere nimis spisso, constipata, & impedita *Διαπνοή*. Quin etiam *Asthma* nonnunquam intulit, ab equitatione, vel ambulatione, vel alia aliqua exercitatione nimia, fatigatio; uti etiam nonnunquam aeris, & planetarum ardor æstivus: unde spiritus animales, sive exhausti, sive debilitati, reciprocando pectoris vix sufficerent. Sæpe a cruditatibus inceptit *Asthma*: namque inde flatus; inde abdominis distentio; inde thoracis coarctatio, in spiritu trahendo; inde labor, & difficultas.

Sanguis huic ægroto, *Inflammationi* contrahendæ admodum pronus erat: sæpe in *Peripneumonias*, aliasque *Febres*, (nunc *Sudoribus*, nunc *Diarrhœa*, nunc *Urina profluvio* signatas) evectus; semper autem pertenuis, quique minima de causa colliqueret; qui nunc per renes efflueret; *Pulmones* sero qui nunc obrueret, & spiritum elideret. Illud autem serum, post aliquam in *Pulmone* moram, vitreo sæpe colore exantlatum est.

Ingruente *Asthmatis* insultu, reliqua ejus symptomata antecedere solebat ventriculi inflatio, cum intestinorum vermiculatione, & dejectione postmodum insequente: magna *Pectoris* erat restrictio; lateris præcipue dextri, subtus mamillari: ubi loci æger in omni *Asthmate*, potissime torquebatur.

In paroxysmo *Asthmatis* (quoniam unum idemque raro diu profuit) medicamenta in usum trahebantur varia. *Mixtura* nempe *Riveriana*, *Tabacci Fumus Tubo haustus*, *Empl. Epispasticum Dorso inter Omoplatas admodum*, *Ol. Amygd. d. cum Diacod. Potio Tea*, cum adjectis *Bals. Sulph. Terebinthinati* guttis aliquot: at omnium maxime, certissimeque, *Inflationem* mirum in modum cicuravit, compescuit potio *Coffee*.

Ad *Prophylaxin*, & adversus *Asthma* sui tutelam, æger, (auxilium ab exploratis fumens) *Eccoprotico* identidem adhibito, temporis cruditates exterminavit; itaque malum anticipavit. Profuit *Decoctum Corticis*, eo namque sanguini robur conciliatum. Profuit diætæ ratio accurata; cæna parca, vel nulla; loco cerevisiæ *Vinum Burdegalense*,

aqua dilutum; profuere *Fonticuli*, dorso aperti. Id autem, ut recte concoqueret, & frigus evitaret, ægro præcipue curæ erat.

At, quod rem nostram maxime attingit, eamque non parum illustrat, ex quo tam gravi *Asthmate*, omni mense, ne dicam hebdomade, recidivo laboravit æger (id est, per decennium ultimo lapsus, & quod excurrit) rarius, minus ille doluit articulis: & quod in primis notandum, hujusmodi dolor, quoties occurrit, e vestigio *Asthmatis* insultum est secutus, eique connexus: ut, ab eadem causa communi, nempe *Arthritica*, non immerito fieri credatur uterque hic affectus; & quod *Asthmati*, natura tam *Arthritico*, per *Arthritidis* paroxysmum regularem, (modo vires aliæque ægri res annuerint) utiliter occurratur.

Huic quidem ægro persuasi, ut quo fieri posset artificio, præsertim *Marte*, & *Phanigmis*, a pectore longe arceretur, in extremas partes evocaretur *Arthritidis*; ea nimirum opinione ductus, quo plus *Pedibus*, eo illum minus *Pulmone* laboraturum. Neque huic opinioni refragatus est æger; imo maxima ex parte consensit: istam autem medendi viam exclusit ægri constitutio tenera, *Phanigmorum*, aliorumque, quæ dolorem excitarent, usum non admittens. Quæ ad hanc rem adhiberentur omnia, *Pectori* ne obessent, *Asthma* ne inferrent, potius quam ut *Arthritida*, cavendum erat.

Ut autem Historiæ nobili finem imponam, habetis *Arthritidem*, dolore articulorum, tumore, certisque omnibus numeris absolutam, germanam, exquisitam; habetis, inquam, eam castra mutantem; pectus invadentem; idque sic afficientem, ut in *Asthma*, morbum illius regionis proprium, & vernaculum, mutari existimeretur.

HISTORIA VII.

Ab Arthritide percussa, Pectoris externi Oppressio, Spiritus impeditus.

V Ir insignis, illustri domo natus, post adolescentiam opiparam, & non nimis siccam, sub ingressum juventutis *Arthritide* correptus est; eaque multos annos apta, & regulari laboravit. Pede doluit, cum, a frigore percussa, *Arthritidis* sternon, & respirandi organa derepente invasit. Pectus hinc gravatum: impeditus spiritus: nulla vero expuitio, nulla *Tussis* erat; ut in membranas musculosque, pectus ambientes, materiam impelli vitiosam, omnino judicemus.

Vomitu, quando illi proclivis erat, per *Decoctum Cardui* citato, tametsi non multum ejecit, dilatavit tamen spiritum, & caput dolore affectum allevavit. Visum erat *Diaphoresi* materiam evocare; quem in finem *Epithemate* (ex *Aq. Reginae Hungariae*, *Tinct. Lavendula*, *Spirit. Vol. Oleos.*) immerfa linthea, *Pectori* applicantur; stragulisque simul pro rei necessitate adjectis, sudor elicitur exoptatissimus, utilissimus. Verum materia nondum penitus educta, sed interdum *Inguem*, nonnunquam *Oculos*, alias *Cervicem*, modo etiam *Genu* afficiente; ut magis regularem *Arthritida* facerem, & extremarum partium articulis infingerem, *Infusi amari*, haustum, cum *Tinct. M. gutt. xx.* bis in die sumendum, imperavi: nec quidem frustra: paucorum etenim dierum spatio pes doluit; expulsa est *Arthritidis*; ea, quæ intus, sunt liberata.

Alio tempore, cum a frigore pariter repelleretur *Arthritidis*, ejusque materia una cum sero abrepta *Gravedinem* faceret; usu *Tincturae Sulfuris*, (cujus beneficio materiæ inclinatio commodum mutata, & ad τὰ ὀνότατα versa erat) æger convaluit.

CAPUT XI.

De Catharro, Tussi, & Peripneumonia Arthritica.

Art. I. **Q**Uamvis hi affectus, quoties absoluti & legitimi reperiantur; propter diversos eorum vultus, & pathognomonica diversa, non immerito *Specie* distingui; proindeque non unius tituli esse judicentur: nihilominus has *Anomalias*, quando ab eadem causa, nempe *Arthritica*, idem *Subjectum*, nempe *Pulmonem*, afficiente producantur; propter hanc earum inter se convenientiam, & necessitudinem, una, non inepte hoc Capite, tractari fas est. Ut autem de illis clare, & perspicue dicam; primum, earum communia, quæ omnibus, vel minimum plerisque sunt; tunc, quibus illarum, quæ propria sint, edisseram.

II. Omnibus hoc commune est, illas tam cito nullos unquam invadere, nullos æque male habere, & multare, ac quos sive gibbosos, sive graciles, sive *Pectore* nimis brevi, aut acuto, aliove quovis modo angusto, nec satis apto, natura fabricavit, aut etiam constitutione nimis tenera donavit. Si qui etiam *Ictu*, *Casu*, *Vociferatione*, vel *Exercitatione* aliqua vehementi injuriam *Pulmoni* intulerunt; vel a parentibus *Phthisicis*, aut *Asthmaticis* exorti, vel ipsi tales fuerunt. Hos, inquam, omnes *Arthritidis* sæpe larvato vultu aggreditur; cumque ejus suspicio ne vel minima incidit; *Pulmonis* adytum intrando, membranas ejus corrodendo; tarde crebro, at certo, perimit. His enim corporibus, *Pulmo* latus, & debilitatus, alienum facile recipit; difficulter rejicit, itaque tandem acri, & viroso eo corumpitur.

III. Hujusmodi corpora vexantur his *Anomaliis*. Utrum vero *Arthritidis*, vel quousque ea, priusquam se Regularem ostentavit, & in Artibus unquam emicuit, *Pulmonem* afficiat; quoniam indicia non habemus manifesta, & fide digna, explicari nequit. Suspiciari vero licet, naturam, in iis, qui parentibus nati *Arthriticis*, una cum ipsa vitæ lampade miasma acceperunt; quoties illi, ætate prima & ineunte, *Achoribus*, *Catarrhis*, *Tussi*, aliisque hujusmodi malis supra modum urgeantur, (eos autem crebro sic urgeri, & morbis his alienum aliquod exterminari constat) miasma, a parentibus acceptum, in natorum sanguine retentum, ibique copiis adventitiis quotidie auctum, hisce morbis, aliqua ex parte ablegare. Hoc autem, utrum ita revera sit, an secus; ex natorum, & parentum malis simul comparatis, optime (tametsi, propter rei obscuritatem, non sine aliqua dubitatione) colligendum. Quare in medicis, uti dixi, *Suspicionibus* hoc habendum, eoque magis, quoniam, data positaque conjecturæ hujus veritate, medicinæ *Arthritidem* expellendæ reducendæque, ætate hac tenellula, omnium minime locus inveniatur.

IV. Ad eas transeo *Anomalias*, quæ disquisitioni nostræ magis exponantur, & patecant. Postquam *Arthriticis* paroxysmos aliquot idoneos, & regulares sustulere, non raro accidit; maxime, si iidem corpora modo descripta habent, a paroxysmo sive interciso, nimis leni, vel raro, materiam in *Pulmonem* transferri νοσπύω. In *Paroxysmo* interciso, vel abrupto, sæpe per *Emplastrum*, *Cataplasmum*, *Frigus*, vel externum aliquod aliud istiusmodi repellens, ad τὰ ἔξωθεν retro agitur materia, cujus utique repulsiōi statim superveniunt pectoris gravitas, & farsitura, spirandi angustia, asperæ arteriæ titillatio, tussis, sputum primo tenue, postea crassius; quæ quidem accidentia, qua sunt proportionem, *Pulmones* affici, & in eos humidum impelli *Arthriticum*, aperte indicant. Hæc est *Arthritidos* in *Pulmonem* translatio, omnium maxime evidens & certissima.

Est autem ubi, *Paroxysmo* minime abscisso; verum, propter ejus sive lenitatem, sive raritatem, mala eadem oboriantur; & dubium magis reddant, sintne ipsa *Arthritica*, an non? Hoc autem dubium, *Arthritide* brevi post in *Paroxysmum* regularem erumpente, non raro eluitur: & ea, recte nunc demum agendo, se nuper minus rectam

rectam fuisse constitetur. Ita, ex *Arthritide* regulari præcedente, comitata, vel insequente, habes de istarum *Anomaliarum* natura prorsus *Arthritica*, quibus tuto possis acquiescere.

V. Porro, in hoc concordant hæ *Anomalie*, (uti cum iis ceteræ fere omnes) quod sapissime seniores, interdum media ætate viros, at rarissime juvenes, quantum observatione constet, adoriantur. Ut de meis loquar; ex hujusmodi laborantium numero, quem vidi, non exiguo, unum tantummodo adolescentem inveni; alios omnes aut ætate grandi, aut saltem matura, ac constanti.

Hujus rei causa minime obscura est; quia, licet *Arthritide* nativa, & a parentibus ducta, ægotantes, ipsa quidem adolescentia, nonnunquam pueritia, dolent; hoc in *Arthritide* acquisita non temere cernendum. Ebrietate, gula, malisque ea moribus acquiritur; atque ideo, ante medium vitæ, raro paroxysmos inchoat regulares perraro *Ανωμαλίας*: in sexu vero muliebri, raro ante partus, catamenia finita.

VI. Sputi ratio est habenda. Primo illud tenue, nec quidem multum esse solet; brevi post tempore copiosius; aliquando cum humorum tanto in *Pulmonum* flumine, quantum pectus aggravat, *Pulmonem* infarciat, vocem obtundat, spiritus impediat, quodque, si diuturnum esse contigerit, agri corpus attenuet, infirmet; & demum opprimat. Qua vero proportionem *Sputum* excreatur, eadem fere minuitur, in extremis partibus, *Arthritis*, sic, ut quo plus *Sputi* ejiciat ægotans, eo minus *Articulis* afficiatur. Etsi vero istiusmodi *Sputatio* maxima ex parte salutaria (quoties nimirum non immodica, neque temere suppressa) esse reperitur, in extrema tamen senectute, nimiam, & perniciosam, interdum novi, sic, ut ea multum æger enervaretur, & demum enecaretur. Hoc autem, ut opinor, rarissime occurrit.

VII. Nihil hos affectus esse *Arthriticos*, evidentius significat, quam unum illud, quod sint omnes *Arthritidi inversa* ratione, qua paroxysmum vel regularem, vel interruptum excipiant, vel absentem introducant, vel deficientem suppleant, & quidem ita, ut quo minor, rariore ille, eo hi majores, ut ex imminuta *Arthritide* externa, pro affectuum horum acrimonia & importunitate, internos hos affectus *Arthritica* origine esse constet; & a miasmate *Arthritico* pulmonem ineunte, *Tussim*, vel *Catarrhum*, vel *Peripneumoniam* excitari.

VIII. De *Anomaliis* hisce singulatim sumptis, jam proxime dicendum; & quidem, primo de *Tussi* observandum, illam harum omnium esse frequentissimam, quæque paroxysmum *Arthritidis* regularem usitatissime insequatur, raro autem comitetur, nisi ægroto valde *Arthritico* pulmonem admodum imbecillum habente; hujusmodi ego *Arthriticos*, nimirum *Phthisicos*, ægotantes, uno eodemque tempore tussientes, & dolentes, aliquando inveni. *Tussis* hæc *Arthritica* nonnunquam in paroxysmum regularem, (materia in artus translata) suapte sponte desinit; promptissime vero, si *Cathartico* non nimis leni, sed sanguinem miscente, & turbante, fuerit adjuta.

De *Tussi* porro aliud notavi, silentio minime prætereundum; nempe, in nonnullis *Arthriticis* paroxysmum eam omnem antecedere; ægrum, dies quatuor, vel quinque exagitare; inter accessionis symptomata prænuncia jure merito censer; cumque ea sputi multum ejiciatur; (aliquando permultum ejici exploratum habui) una cum eo miasmatis partem aliquam *Arthritici*, per *Anacatharsin*, quod probabile videtur, expelli.

IX. Huic generis *Catarrhos*, uti semper *Asthma* comitatur; ita interdum *Hæmoptoe*: Immensa feri copia spiritus viæ occluduntur, unde *Asthma*; & in eodem sero demum exantlando, quia *Pulmo* (simul cum universa *Pectoris* compagine) concutitur, rapide convellitur, ipsumque serum, acre & mordax, vascula exedit; ab ista agitatione, acrimonia, fit interdum *Hæmoptoe*. Quæ tamen ægro terribilis, horroremque ei, forsan alias meticuloso, incutiat; minime tamen perimiscenda, tanquam pessimi prorsus ominis, modo *Pulmones*, a natura *εὐνοῖ*, nulla evidenti causa læsi, & curatio matura, & apta fuerit instituta.

X. Hæ *Tusses* sæpe, & interdum hi *Catarrhi* ex

intervallo aliquo revertuntur, quando nimirum miasma, (ut est semper nascens) in sanguine renovatum, ac cumulatam, *Pulmoni* infigatur. Accessionibus his in primis favet autumnus, qui, cum illud tempus sit, in quo, ad *ἡ ἀποξύνει* & miasma emittendum, moveri soleat *Arthritis*, & in quo *Catarrhi*, & *Tusses* grassentur exquisitæ; quidni hisce nostris favere judicetur. Unum autem hisce omnibus inesse, & quidem magnopere ad eas contribuere censeo, nempe *Pulmonum* a natura imbecillitatem, & *Αἰσθητικὴν*: unde ii, *Arthritico* miasmatis, (quandocumque fuerit in sanguine congestum, & expulsionem aptum) pectus adeunti, in se recipiendo, arcteque complectendo, perpetuo sunt parati.

XI. *Tussientibus* his *Febricula* seu nulla, sive lenis esse reperitur; sin eos algere, aut cardiacis nimium indulgere contigerit, (unde *Febris* sive accedatur, sive augeatur) *Peripneumoniam* est quod timeas. Quæcumque vero de causa initium capiat hic affectus, signa cum ostendentia, quæ *συνδραμὴν* constituent *αἰσθητικὴν*, plane sunt eadem, ac in *Peripneumonia* vulgari, & absoluta, & utrum affectus hic *Arthriticus* sit, an vero minime (nisi forte dolor *Articularis* simul occurrat, extraque dubium rem ponat) ex ejus *Historia* tantummodo petendum est. Quoties autem *Arthriticus* esse apparebit, hujus rei in eo curando rationem aliquam haberi, oportebit.

XII. *Anomaliis* hisce medendi indicatio generalis, eo, quod alienum est, citissime tutissimeque *Pulmonem* liberat: illud autem in diversis his affectibus, modo non uno perficiendum. In iis omnibus *Vene sectio* prodest, ubi nihil adversatur; in teneris, & debilibus, vix unquam administranda; in morbis, & ætate fractis, ne vix unquam. *Hæmoptoe*, & *Peripneumonia* laborantibus est aptissima; præcipue *Peripneumonia*, qui omnia *Vene sectione* raro curantur. Ubi-
cunque vero instituta fuerit, caute & provide cavendus est; ut, *Arthritidi* postmodum in artus expellendæ fugandæque, natura ne reddatur impar.

Proximo loco de *Purgatione* cogitandum: ea etiam omnibus hisce malis occurrit, & probabilis videtur, ubi vires agri consentiunt, maxime vero, ubi corpus cassum, & plenum; aut intestina sunt immunda, & nulla fuit *Vene sectio*. Illa vero *Purgantia* jure merito præferenda, quæ sanguinem exagitando, & turbando, ad *Arthritida* movendam conferant: de quibus iterum, & sæpius alibi.

Præmissis his, ad ea descendimus, quæ *Arthritidi*, hospitio novo, & inepto, (*Pulmone* scilicet) excitandæ, & foras ejiciendæ faciant. His adjungi, & cum iis simul componi juvat illa, quæ, *Pulmoni* dicata, ei, sive per *Anacatharsin*, sive alio quovis modo inserviant. En horum exempla.

℞. Alcohol. M. Balsam. Capivi ana ℥ss. Conf. Fruct. Cynosbat. ℥j. Syr. Cap. Ven. q. s. f. Bolus.

℞. Flor. Sulf. (vel Benzoin.) Chal. prædicti ana ℥ss. G. Ammon. soluti q. s. f. Pil.

In *Tussi*, vel *Catarrho Arthritico*, (modo nulla *Febris* suspicio fuerit,) sumatur Bolus, vel ex Syr. Balsamici choel. j. Pil. bis in die, cum Decocti Pectoralis haustu: quem quidem Syrupum, vel ejusmodi aliquem, alias sæpius in die lambat: alias, forma liquida siquidem arridet, iisdem temporibus propinetur Haustu.

℞. Syr. Tussilag. (vel Cap. ven.) ℥ss. Tinct. Sulf. gutt. 2. quibus probe mixtis adde Pul. Olib. Chal. N. ana ℥ss. Aq. Hyssop. ℥iij. f. haustu.

Loco Tinct. Sulf. Balsamum ejus Anisatum, vel Terebinthinatum; Balsamum Capivi, Gileadense, Chiliense, vel Peruanum certis suis dosibus adhibeantur.

Quando malum inveteravit, ad prohibendam sanguinis colliquationem Decoctum Corticis aliquoties præscripti, in ægroti emolumentum non mediocre.

Tussienti profunt *Throch. Nigri Londinenses*, *Ecligmata*, & ad sputum educendum, *Tussim* mitigandam, quæcumque tuto faciant *Artheriaca*.

Cum remediis internis dies tres, vel quatuor impertiveris; unde roboretur sanguinis, & ad *ἡ ἀποξύνει* extimuletur; si nulla in articulis apparebit *Arthritis*, applicetur extra, parti creberrime dolenti, Em-

ti, *Empl. Cephalicum*, per se, aut cum *picis Burgund.* quantitate æquali, vel *Ceratum viride*. Sin ista, nimis imbecillia, materiam non movebunt, & ex eorum usu nulla *Pulmoni* fiet utilitas; validioribus opus erit auxiliis, & majori mole pugnandum. Hoc casu *Phanigmi*, *Vesicantia*, *Setacea* possunt usurpari. Eo autem modo in eorum usu, progredi juvabit; ut a mitioribus semper incipias, neque nisi illa frustra fuerint, ad severiora ascendas: cumque severioribus uri necessum erit, non nisi naturæ permisso, & sic, ut ejus vires pati possunt, intentandum.

XIII. Hac methodo, in his affectibus, *Pulmoni*, ut opinor, optime prospicitur; maxime, si tutelæ gratia, in dorso *Fonticulos* aperiatur, sique aere sicco, & ventis agitato utatur æger, sique eo omnia dirigat, ut recta perstet *Arthritis*, & ex intervallis debitis recurset.

Hiscæ vero prætermisissis, aut otiose, & negligenter actis, *Tussis* ingravescit, corpus non alitur, nullus in eorum, quæ decedunt, locum subeuntibus, succedit *Macies*: pituita, quæ principio tenuis erat, jam crassior fit, excreatuque difficilior, & interdum cruenta. Exulceratio fit *Pulmonum*, unde, tanquam exquisita *ᾠδία*, oppressus æger, e medio excedit.

XIV. In *Peripneumonia* vero *Arthritica*, rapidiori gyro versatur res. Inter initia, morbo protinus occurrendum; alias sane non facile vincendo. Sanguinem cito detrahi, *Enema* post horas aliquot immitteri, *Purgationem* die postero institui, oportebit. *Linctus ex Oleo Amygd. d.* vel *Olea Lini*, omni fere hora delingendus. Vitanda sunt *Emulsa*, & *Decocta* nimis frigida; sique apparebit in artuum aliquo *Arthritis*, vel, eam educi posse, spes erit; per eam educentia consulendum est ægroto. Hoc enim perpetuo ratum esse arbitror, *Peripneumoniam*, ex *Arthritide* inversa, & in febrem adaucta, natam, ejusdem *Arthritidis* expulsionem, & in artus amandationem, & in viam reductionem (modo hoc effectum reddere licebit) commodissime posse removeri.

XV. Non ignoro Clarissimum *Sydenhamum*, Medicum *ισόθεον*, de sanandis his affectibus aliter scripsisse, nimirum, metastasi materiæ vitiosæ facta in *Pulmonum* lobos, intentionem medendi non ad ipsam *Podagram*, esse dirigendam; verum, (hoc symptoma, pari modo tractandum, quo peripneumonia absoluta; venæ sectione scilicet repetita, cum *Diæta*, & remediis refrigerantibus, ac incrassantibus; *Purgandum insuper ægrum*, inter venæ sectiones, idque potionibus lenientibus: *Sudorem autem obesset, materiam pulmonibus impactam indurando; unde generentur abscessuli, & tandem agri mors certissime subsequitur.*) At per ego *ῥυγία*, per *Æsculapium*, per ipsius *Sydenhami* manes, oro obsecroque; quænam *Morborum Venenosorum* (cujusmodi sunt hi omnes) curatio probabiliior, quam per ipsius *Venenæ* e corpore, vel in artus, in partes a centro vitæ remotas, & minus nobiles, expulsionem? Annon natio Medicorum omnis, ipseque alias *Sydenhamus αἰετίνδεον*, quoties ingravescat, & in orgasmum evehatur, exterminari, exturbari, ejicique jubet? Annon hoc ipsum naturæ opus, eique ministerio, & auxilio, medicorum esse, prædicatum est. Hiscæ vero, tanquam basi & fundamento, positis, quæ (secundo loco) medicina hanc alieni expulsionem magis promovere possit? ea, videlicet, quæ *Venæ sectiones repetitas*; quæ *Diætā*, & *Remedia refrigerantia*; quæque *Cathartica* blanda, & lenientia, (quæ quidem omnia, sanguinem deprenendo, *Venenum* in eo retineri faciant) spreis interea, neglectisque *Diaphoreticis*, *Arthritidem* expellentibus, comprehendat: An, e contrario, quæ ex remediis calidioribus, venenum, ad naturæ votum, & propositum, in artus tuto extrudentibus; quæque ex *Venæ sectione* & *Purgatione*, ad hoc opus accommodatis; quæque auxiliis, extra admotis, *Arthritidem* evocantibus, sit composita? Si a *Febre*, medicamentis calidis ne inferatur, erit periculum; hoc ut devitetur, missione sanguinis sufficienti, & calidorum usu non nimio cavendum est; sed neque rei ullius, propter ejus, qui incidere possit, abusum; speranda protinus utilitas; præsertim ubi magna, & humano generi salutaris. Altera vero ex parte *Veneno* retento, licet depresso; quam exulante, & amo-

to, tum commodi minus, tum periculi plus, oris certum est: itaque esse, non suadet opinio temere suscepta, sed cogit experientia, non subleste fidei, verum iterata, firma, & (uti mihi videtur) rationi consona.

HISTORIA I.

Tussis Arthritica.

Um hæc in manibus sunt, memet interea consulit e propinquo quidam, humili loco natus, annos circa quinquaginta, pectus aggravatum, vocem impeditam, & *Tussim* habens media ætate molestissimam. Screatu ille multum ejecit, *Tussi* exantlavit; nonnihil elanguit; febricitavit. Erat, quod *Tussim*, qua magnam, qua diutinam, qua tempestatum non minus congruentem, ingenio & natura esse singulari, submovere videretur.

Quæ per annum materiam e sanguine leniter educerent, ex usu medico remedia præscripsi: quibus fumentis, postquam æger dies aliquot, tam utiliter, quam sedulo, incubuerat; novum ecce malum, improvisum, inopinatum est exortum; *Genu* nimirum dextri *Dolor*. Cumque didicerim, *Pedibus* illum antea, more profus *Arthritico*, doluisse; per annum autem integrum, & quod excurrit, minime; dolorem hunc *Arthritidis*, sese in *Paroxysmum* efferentis, indicium esse existimavi. Cum brevem eum, mediocrem, neque satis acutum observaverim, partim materiæ per anum, partim per *Pulmonem* ejici, *Tussimque* illam revera *Arthriticam* esse, judicavi.

HISTORIA II.

Tussis Paroxysmi Arthriticis Symptoma prænuncium.

Senex perhonorificus, morum suavitatem, animique integritatem clarus, cum de varia, & multiformi *Arthritidis* natura, sermones una fecerimus; de sua, qua triginta jam annis per vices ægrotaverat, sciscitanti mihi confirmavit, se febricula, per omnem fere juventutem, quotannis fuisse, deinde vero rheumatismo, affectum; cum hoc eventu minime reticendo, quod, ex quo hic primum apparuit, illa plane desierit, neque semel unquam ægrotantem ex eo tempore invaserit.

Rheumatismo ut mederetur, hortatu Medici, per totam *Angliam* tum temporis, celeberrimi, *Diaphoretica* sumpsit; iisque affatim assumptis, quæ per artus hic illic sparsa erat materia, jam articulis affixa est, & vulgi quidem opinione æger *Ποδάγρία*. Eo more *Paroxysmus* erat, ut *articulārī* (digitorum maxime) *Dolore tumoreque*, noctis unius spatio, excitatis, se ostendere; & omni vere, & autumnus, multos annos reverteretur. Quod vero memoria dignissimum, *Paroxysmum* omnem prævit *Tussis* importuna, vehemens, molesta, qua, dies quatuor, vel quinque, ægrotum exagitante, multum ille tussiendo semper ejecit, & una cum pituita (quod quidem verisimile) miasmatis *Arthritici* partem. Cetera vero, quantum ab ægroto accepi, *Arthritis* se recte gessit.

HISTORIA III.

Sputatio Arthritica, in extrema ætate nimia.

Abernarius quidem in vicino oppidulo, per ætatem mediam & constantem, *Arthritide* doluit recta, & idonea; grandior autem, inversa & *Anomala*. Nunc *Ventriculum* ea, nunc *Pulmonem* est ingressa; illi *Ἀνορεξία*, *Δυσπεψία*, nauseam inducens, huic, *Tussim*. Erat *Tussis* admodum molesta; pituitæ tantum movens, quantum ægrotum ætate provecum debilitaret, alimento privaret, macilentum redderet; qua vero ratione gliscebatur in visceribus *Arthritis*, in extremis partibus ea remisit, & quidem e vestigio;

gio; sic, ut de materia; ad τὰ ἄσθεν a τοῖς ἔξω, translatione, & de his affectibus, ab eodem causa communi oriundis, nihil omnino dubitandum. E *Cortice*, *Marte*, & *Sulfure* præparatis, varia præcipiebantur, una cum incrassantibus, & sanguinem roborantibus: eo videlicet, ut in artus expelleretur *Arthritis*, itaque defenderetur *Pulmo*, natura autem viribus deficiente, (τὸ πῶτον μὲν αὐτῶν δὲ φύσιν) frustra erant omnia. Medicamenta, utut probabilia, sexagenario, annis & tristitia fracto, parum profuere. Sputatio nimia, virium imbecillitate, animi mœrore, propter res domesticas depressum, & medicamenta vix sentientem, Mors abstulit, *ultima morborum Medicina*.

HISTORIA IV.

Anacatharsis Arthritica Salutaris.

I Neunte sæculo supra millesimum septingentesimo, ad presbyterum *Exomensem* arcessor, qui, eo tempore quadragenarius, constitutione tenerrima, & jam annos septem *Arthriticus* fuit. Paroxysmo dudum gravissimo affectus est, manus, pedes, genu alterum obsidente, eoque adhuc consistente, mox apparuit *Catarrhus*, nares, os, pulmonem, more pene ferino, obruens. Hinc *pectoris* fractura, spiritus difficultas, *Tussis*, sputum primo tenue, postea crassum & copiosum, & imo pectore, magnoque cum molimine eductum. Quemadmodum illud σπυῖς πτολῶν (*Sputum volo*) increvit, ad eundem plane modum & rariorem, signa pure *Arthritica* (id est, *Dolor* & *Tumor Articularis*) sunt minuta. Ut *Arthriticum* miasma aliqua ex parte per *Anacatharsin* expelli, compertum habetur.

Ad *Tussim* mitigandam, & *Sputum* simul movendum, *Syrupum Balsamicum* & de *Meconio*, sæpius in die lambendos; & *Pil.* hora somni, sed modica quantitate, *Syracinas* dedi: Quod humorum nimiam inhiberet *Colliquationem*, & ab ea sanguinem tueretur, *Decoctum Corticis*, iisdem *Syrupis* dulcatum, imperavi: quæ cum fructu, & emolumento non mediocri adhibebantur.

Biennio post, ab una eademque causa evidenti, nempe frigore, & *Articulis*, & *Tussi* laboravit æger; eoque procul dubio magis, quoniam, cum autumnus esset, ille sanguini depurgando non parum faveret, is erat dolor *Arthriticus*, quo nunquam huic *Arthritico* major, nunquam acerbior; ea vero *Tussis*, quæ, sputatione multa, & pituita larga vi emissa, dolorem penitus abscinderet, ejusque causam, per *Anacatharsin*, amoliretur. Cujus rei veritas vel hinc eliciatur, quod doloris interruptio *Sputum* derepente sequeretur, & pati passu comitaretur. Hujus *Sputi* movendi citandique gratia, *Opobalsamum*, ex *Syrupo Balsamico* sæpius in die, non sine fructu, datum est. Omnia denique sic comparata sunt, ut *Arthritidi*, per *Pulmones* fugam molienti, via patefieret. Ex sententia res successit.

HISTORIA V.

Peripneumonia Arthritica.

M Atrona lectissima, sanctissima, majores habens inter Aborigines *Damnonios*, stirpe tam nobili dignissima, *Pectore* a natura brevi donata, nonnullis ejus affectibus, ea de causa proclivis esse visa est. Quæ, ab ipso vitæ initio, *Pulmonem* illius ingredi, *Tussimque* facere sueta fuit pituita, crassiorem jam, & ætate progredientem ægram, magis aggravavit. Hinc *Tussis* illi, per ætatem omnem mediam, permolesta; hinc *Dyspnœa* fere perpetua.

Vitæ annum circiter quinquagesimum, cessante *Tussi*, locum ejus supplevit *Dolor Artium* erraticus. Tumuerunt digiti, doluerunt articuli, præsertim *Genua*, & *Carpî*; qui interdum tumore, sed in omni paroxysmo dolore sunt affecti. Ruboris, splendoris interea nihil unquam est visum.

Cum materia crebro *Subjectum* mutaverit, nunc

quæ extra, nunc quæ intus sunt, obsidens; frequenti observatione palam factum est, ea foras erumpente, & in *Artibus* subsistente, *Pulmones* esse tutos, *Respirationem* integram: contra, intus agente materia, immunes esse artus. *Tussienti* nihil magis profuit, quam *Trochisci nigri Londinenses*, & istiusmodi pharmaca pituitam educunt. Potioni fuit pomacum, cerevisia longe commodius. Nihil algore pejus, hoc enim spiritus brevi impeditus, ægra pene strangulata.

Cum iter hinc in locum, carbonibus & fumo celebrem, facere decreverat; *Plethoricæ*, *Tussienti*, *Asthmaticæque* suasi, ut, priusquam inciperet, sanguinem detrahendo, ventrem inanendo, *Sputum* movendo, materiam in artus vitiosam expellendo, ineri (quando hyems erat) inauspicato, civitati *Tussientibus* infestæ, se quodammodo paratam redderet, Prætermisiss autem hisce, *Tussis* itinere adaucta est, fumo spiritus impeditus, ut, accedente ad hæc febre, (Medico longe nobilissimo frustra vocato) vita paucis post diebus cederet.

Per *Tussim* veterem & humidam, id, quod alienum erat, naturam exterminasse; sique articulis percipisse, non improbabile est: per abruptum *Articularem* morbum, ejusque materiam *Pulmonibus* impactam, fieri *Peripneumoniam*, interfici ægrotantem, manifestum est.

HISTORIA VI.

Catarrhus, Asthma, Tussis Arthritica, per Humorum in Artus Airtiam, & deinde Evacuationem, mitigata, sublata.

A Bhinc annos tres vel quatuor, forte mihi obvenit hujusce Tituli Historia, nisi fallor, observatu, memoratuque digna. Erat in suburbis *Totonessii*, de meliore nota, vir, olim athleticus, valentissimus, corpore quadrato, constitutione firma, senectutem eo tempore ingressurus; qui septem ante annis algere, & levi quavis ex *ποσάσσι* tussire solitus, hunc in modum sæpe graviter afflictus est. Frigore quod *Tussim* & algorem creberrime præcurrit, interdum etiam effectum est; ut per artus dolor incertus, & erraticus pervaderet; ut internodia, sive articularum intervalla, magnopere pungeret, ac si esset rheumaticus; ut aliquando *Articulos*, (præsertim *Humerum*, & *Coxendicem*) morderet: cum dolore tumor. Rubor etiam interdum *articularis* erat, ut de mali natura nulla restaret dubitatio.

Olim hic illi valetudinis status erat: nuper autem, interciso, nescio qua de causa, in extremis partibus dolore, tanto in *Pulmonem* impetu & copia, morbi infusa est materia, quanta raro advertatur. Seri vi immensa pectus aggravatum est; tussit æger indefinenter, & quidem enixe. Non nisi difficillime spiravit, neque nisi erecta cervice. Sæpe tussienti deliquit animus, neque spiritus, (cogitandi munus excrecentes,) agitati jam & profligati, pristinum ordinem cito recuperarunt. Sputum modo tenue, & salsum; modo sanguine, ex tussis importunitate, interspersum. Facies pallidior, corpus attenuatum.

A quo tam mire affectum est *Pectus*, id est, per menses duos; vel tres novissimos, nullus in extremis partibus (qui tamen alias creber esse consueverat) *Dolor*; nullæ querelæ. Quibus omnibus recte ponderatis; uti etiam quod a patre, post homines natos maxime *Arthritico*, gigneretur æger; ea fui sententia, non alium esse morbum, quam *Arthritida* vetustam, membra olim *ὀρδῶς* nunc *Pulmonem* ἀνωμαλῶς excruciantem; neque facilius expeditiusve posse illam removeri, quam ejus materiam, *Pulmonem* occupantem, in membra; sedem illi propriam, quaqua possit arte, expellendo reducendoque.

Ita mecum arbitratus, post *Vena sectionem*, utrique malleolo *Phanizum* (ex *Fermenti veteris part. iv. Seminum Sinapios, Fimi Columbini, Raf. Radicula, Cacum. Ruta ana p. i. Aceti Vini albi q. s.*) calidissimum applicui, frigidum usque renovavi, donec tumor utriusque pedis est exortus. Tumori hic illic facto, vel quam proxime eum, admovi *Epispasticum*.

Hæc,

Hæc, ut *Arthritidis* evocaretur, ut autem expelleretur, eodem tempore Πόδαρπαζωγὰ præscripti.

℞. Pul. Gascon. ℥ss. Ther. Androm. ℥i. Bals. Per. gutt. v. Conf. Alk. q. s. f. Bolus, vespere sumendus cum Julapii Haustu. Interdum vero, loco Theriac. Chal. N. ℥ss. cum prædictis, forma pilulari, ex Syr. Balsam. cochleari, Pro potu ordinario Decoctum Pectorale, ex Rad. Helcnii Cond. ℥ss. Eryng. C. ℥i. Ras. C. C. Eb. ana ℥iij. Balsam. Tolut. ℥ij. Sem. Coriand. ℥ij. Aq. Hordeat. ℔ij. adij. incollis. Ad Tussim mitigandam Eclegma datum est, (ex Syr. Balsam. de Mecon. ana ℥iij. Tinct. Aurant. ℥ij.) sæpius usurpandum. De Tussi caveret, monui; ne ab ejus acrimonia ne Pulmo laderetur; ideoque Bechicis sæpe uteretur.

Hiscæ positis, & jure meo præceptis, medendi viæ ægrotum commisi; ea spe plenus, si Pulmones adhuc integri & sani essent, sique ad τὰ ἔξωθεν humor transferretur, servari posse restituique ægrotantem, si aliter res fuerit, occubiturum.

Dolori, siti, & languori, a Phenigmorum usu ortis, propriis remediis; Paregorico leni, Decocto sitim extinguenti, & Julapio Cardiaco medetur.

Phenigmorum ope tumor factus est utriusque pedis, ad usque furas, egregius, immensus. Vesicantibus feri non parum elicitum est. Quod vero maxime auspicatum, & ominis erat optatissimi; quæ ferum elicitum est, ea penitus proportionem mitigata Tussis; ea restitutum est Pectus. Qua de causa Vesicantium ulceribus, cito nimium exsiccatis, (ut, quod inesset tumoribus feri, penitus educeretur) in utraque fura Setaceum meo consilio factum est. Hinc jube feri flumen: quicquid ab Epispasticis defectum, hinc suppletum est.

His auxiliis, extra, intus, simul semelque adhibitis, factum est; ut a Tussi, ab Asthmate, a pectoris gravitate, ceteroque ejus malo omni liberaretur æger: eorum autem loco subortus est Humori Dolor plane Arthriticus; isque, si consideremus serum nuper evacuatum, satis acutus.

At quia longa morbi obsidione Pulmones enervatos, & debilitatos esse jam liqueret; propterea (tutelæ gratia) quando Seracea serum emittere jam finierant; utroque spinæ latere, inter omoplatas, aperiri Fonticulum, magno certe ægri cum emolumento, jussi, & Hydragogum aliquoties adhiberi.

Hac ille medicina, morbo certe ancipiti, & periculoso liberatus, habitum & colorem brevi tempore bonum obtinuit, omnino convaluit; neque sublesta fide testabatur, Rheumatismum illum veterem, quo per annos alioquin multos se gravari æger opinatus erat, Arthritidem revera esse erraticam; nec non illum Pectoris affectum, istius esse Arthritidos Ἀνωμαλίαν. Sic opinari suadet Historia morbi; sic curatio.

C A P U T XII.

De Phthisi Arthritica.

Art. I. **A**ffectuum in pulmone Arthriticorum proximis, longeque periculosissimus est ὁδός: quæ, ut permulta habet cum absoluta Phthisi communia; (ita quidem propria, siue causam ejus continentem, siue medendi methodum intueamur) tam multa, momentique tam magni habet, ut eam præterire nefas æstimeretur. Hujus autem morbi hæc conditio esse solet.

II. Arthriticus, ex materia vitiosa, vel per causam aliquam externam in Pulmonem percussa, vel per ejus imbecillitatem allecta, acceptaque; primum, pectoris gravitate, Dyspnæa, & raucedine corripitur: deinde, sputum excreatur; quod, initio tenue, paulatim crassescit. Progressu temporis, caro flaccescit, simili fere proportionem, qua crassum id ejicitur, & paulatim absumitur; vires enervantur. Interea vero dum ista sunt, nullus in extremis partibus tumor, dolor nullus articularis; aut, si ullus acciderit, parvus, & brevis spatii, apparet. Crescit autem faciei pallor, & corporis universi macies; & comitem, (propter vasa, frequenti, & violenta Tussi exagitata, & disrupta,) interdum nanciscuntur Hæmoptoen. Denique, calor hecticus exoritur, cum pulsu celeri,

cute arida, præsertim vesperti; quibus mane succedunt sudores symptomatici. Atque ita æger, tussē pertinaci, sputatione multa, sudore colliquante, Diarrhœa impatibili, nec quavis arte diu sistenda, vel (si non sit Diarrhœa) tumore pedum aggravatus: & tanquam exquisita Phthisi, certe ei simillima, oppressus, cum morte, ærumnarum requie, vitam miserrimam commutat.

III. Etsi vero ultimum hujus Phthiseos stadium, ab exquisitæ ultimo, (tanta earum inter se convenientia est) vix potest internosci, aut signis diacriticis distingui; duo sunt, in ejus stadiis prioribus, (incremento nempe, & statu) quæ Phthisi exquisitæ raro convenient, aut de ea dici mereantur.

Unum est, quod, aliter quam Phthisis exquisita, quæ adolescentum, aut juvenum morbus esse, neque alia, quam firmissima ætate, facile reperitur, hæc nostra Phthisis, e contrario, adolescentes raro aggreditur; sæpius autem constantes, & interdum (quod de Exquisita nondum videre licuit) viros natu grandiores: mulieres autem maturius, propter naturæ privilegia, (partus sc. & catamenia; quæ tum Arthritida, tum Phthisin arcent) maturius cessare solita.

Alterum, quod Calor Hecticus (qui in Phthiseos exquisitæ statu, & initio, gravis esse solet, reliquæque interdum symptomata præcurrit omnia) serius in Phthisi Arthritica; nec quidem usitate ante sputum largiter excreatum, corpusque eo debilitatum, oritur. Cujus quidem παυορδία ratio, partim ex jam dictis (hunc affectum non nisi annosiores, id est, sanguine frigidiori præditos, invadere) eliciendum partim ex eo, quod Arthriticarum, siquidem juniores fuerint, sanguis, propter frequentes Arthritidis paroxysmos, neque temere incendatur, nec quidem incensus adeo exæstuet; Et quidem Phthisis Arthritica lenta esse solet, neque multa Febre Hectica, nisi ultimo vertente stadio, comitata.

IV. Prædicto fere modores agitur, quoties in Pulmonem, a natura debilem, miasma Arthriticum, gravi aliqua urgente causa externa, impellatur; aliæque quavis ei infigatur; neque medicina satis efficaci, vel satis opportuna, removeatur.

Interdum autem ad Pectus, non adeo recta itur; verum, a πὸς ἔξωθεν, ad τὰ ἔσωθεν, & retro, variæ sunt itiones, & rediciones; exque, non nisi annorum aliquot spatio, peractæ; donec denique, post Tusses varias, graves, & importunas, succedit Phthisis, absolutæ similis, Arthritica. At, ubi Pulmonis σπῶνία est, & medicina temporis fuit adhibita; materiæ vitiosæ partim in artus exturbatur, screatu partim ejicitur; Pulmones, crebris insultibus debilitati, sanantur: æger & colorem, & robur pristinum acquirit. Quibus autem modis hæc præstari possint, statim exponetur.

V. Ex supra dictis (ut opinor) liquet, nullo modo hujus morbi indolem, & ingenium, posse magis patefieri, quam per ejus Γενεαλογίαν. Quæ enim dixi, illi propria, quando neque semper, neque soli competant; atque adeo fidei non spectatissimæ perpetuæque, verum e diverso dubiæ, sint habenda, ut de morbi hujus ingenio constet, quæ illi cum Arthritide necessitudo; quæ conjunctio: quam illa prope Paroxysmum excipiat; utrum e vestigio, an e longinquo; utrum, & qua de causa, intercisum; an vero deficientem suppleat, & ejus vicem gerat, pro ejus declinatione, increscens: Ne plura, utrum ejus ratio, Arthritidi rectæ sit, & quatenus sit, inversa, sedulo querendum est.

VI. Curatio postulat ut levetur; ut hoste infestissimo, quam citissime, liberetur Pulmo: id autem modis alio alioque tempore diversis, & quam in Arthritica Tussi aliis, elaborandum est.

In principio morbi, uti Tussis urget, & tantum in propinquo ὁδός est; multum a Phlebotome & Catharsi rite factis, expectare licet. Hiscæ potest fieri, ut e corpore exturbetur, vel minimum ut e Pulmone eruatur id, quod alienum. At quia non semper hoc effectum esse, nec evacuationibus illis commode confiditur; ita illæ fiant, oportet, ut Paroxysmi regularis excitandi habeatur ratio; id est, intra modum: ne natura nimium debilitetur, & expellendæ Arthritidi impar reddatur.

Post sanguinis detractionem, & alvi ductionem; alteram nempe, vel utranque; vel, ubi inutiles censentur, iis. omisiss, ad alia confugiendum, bechicis, & *ποδαργωγούς* utendum: His, ad materiae in artus expulsionem; illis, ad expuitionem. Hos in fines *Lidus* (ex *Ol. Amygd. dul. rec.* vel *Ol. e Seminibus Lini*, & *Syrupo Balsamico*, vel de *Prassio*, vel de *Rapo*, aliove quovis *Sputum movente*) componendus; & hora quaque altera, tertiave, ad cochleare unum adhibendus. Atque ubi nulla febris indicia repugnant; *Pilula ex Pul. Gascon. Chal. N. Succo Glycyrr. Calf. Peruan. sexta*, vel octava quaque hora, adjectæ, isto ex vehiculo sumantur, & in potionem ordinariam *Apozema* detur *Pectorale*: vel, in forma liquida, cochleari *Ecligmatis* instillari possunt, octava, quaque hora, *Bals. Peruan. vel Tinct. Sulf. gutt. x.* &, intervallo omni medio, *Chal. N. gr. vi. vel viii.*

Eo vero usque calidis hisce remediis utor, quoad siverit a febre periculum, & *Arthritidis* expulsio postulaverit. Et quidem eo lubentius hac via progredior, quoniam a calidis hisce, præsertim in senioribus, & *Arthritide* crebro recurrente depressis, non magnum unquam oriri periculum observavi; &, si quod unquam extiterit, desubito tolli posse, non vana spes est: at commodum e diverso uberrimum est, adversis hisce longe uberius. Et, ne medicina hæc nostra, tanquam nimis calida, & *Phthisis* inepta, male accipiat; sancte profiteor, me ea prospere, magnaque ægri cum utilitate, plus semel fuisse usum: cujus ego rei statim exempla proferam.

Si vero febris, seu per se, seu pharmacis excitata; quam ad rem præsentem opus fuerit, major exardeat, *Pulmonique φλόγων* intendat: ei, per detracta isthæc calida, per *Enemata*; per sanguinis missionem; per *Corticem Peruanum*, temporis adhibendum, &, quandiu incurrat febricula, repetendum: perque alia, quæ *Peripneumoniam* tenuare solent, est cavendum. Neque enim *Arthritidem* ex *Pulmone*, nisi tuto, licet amoliri; neque vitæ, nisi per ei conducibilia prospicere. Febre vero tenuata, medicina jam dicta (quoad commode fieri potest) similis, in usum denuo vocanda.

Quando remediis istiusmodi internis, (*Arthritidem* expellentibus, una cum *Bechicis*) dies aliquot teruntur, nimirum duo, vel tres; citiusve si, in articulo & *ἄρσεν* aliquo dolor fuerit excitatus; articulo jam affecto, vel qui sæpius efficitur, extra id, quod materiam educat, applicari par est; eo, quo, in Capite præcedenti, aliasque passim, modo declaratum est. His autem eo magis insisto, quoniam ab antiquo commendari video, veterumque usu confirmari. „ *In*
„ *tabe, ubi vehementior noxa est, ac neque Febricula,*
„ *neque Tussis quiescit, tenuarique corpus apparet,*
„ *validioribus opus esse auxiliis,* inquit (a)
„ *Celsus: & exulcerandum ferro candenti, sic ne scire sinas Ulcera, nisi Tussis finita fuerit.* Quod quidem auxilium, etiamsi acre & severum, tamen, ut in *Phthisi* absoluta commodum; ita in hac nostra, propter venenum intus contentum, eliciendumque, commodissimum.

Unum hic monendum, ægotantibus hisce ponderis & momenti non exigui: *Opiata*, licet vulgo *Phthisicis* utilissima, in hoc casu suspecta esse, neque copiosa tempore præscribenda: ne videlicet miasma *Arthriticum*, jam in *Pulmonem* inditum, eo loci insigant. Dentur itaque sic, ut *Tussim* supra modum importunam inhibeant, & quietem ab ea tutam concilient. Quod autem de *Opiatis* dictum, id etiam de iis, quæ pituitam faciant crassiores, quæ *Pulmonem* obstruant, eique impedimento sint; ex parte aliqua dicendum.

Quoties hac, vel hujusmodi via, in extremas corporis partes amovetur *Arthritis*, mirum quantum inde levetur *Pulmo*; nihil, ut opinor, ægotantibus his commodius: quo enim magis *Articulum* illa mordet, eo minus *Pulmonem*. Vidi equidem *Tussim* hac arte primum fieri tolerabilem; sputum minui; utrumque post auferri: vidi restitutam oculorum aciem; *ὀσφύαν, ὀφθαλμῶν, & a Phthisi incolumitatem*. Quæ quidem omnia, quo certiora fiant, opus erit, *Arthritidem* tam expellentia, quam evocantia (id est,

tam interna, quam externa) continuare; donec omne id, quod naturæ alienum est, e *Pulmone* fuerit dimotum.

VII. Quoniam vero *Pulmonem*, pituita diu gravatum, enervari debilitarique necessum erit; ad ejus robur instaurandum, cum primis facient *Aque ferrate* per urinam exeuntes, & *Aer*. Finito igitur *Arthritidos* paroxysmo regulari, aliasve æger restitutus, prophylaxeos ergo, bibat per mensem integrum istiusmodi *Aquas*; Sin earum copia non detur, vel ex ægroti re civili non sit, eas bibere, bibat omni mane *Fol. Tee Infusi* quasi selibram, per menses aliquot. *Cerevisia Herbis pectoralibus, Hedera nempe terrestris Lingue Cervinae, Capilli Veneris, Abietis, Cupressi cacuminibus, Bardane, Dauci Sylvest. Seminibus, Juniperi Baccis; Milleped. siccatis medicata esto, & potioni detur ordinaria.*

Aeris gratia, commodissime *Toposamum* ex *Isca* itur: quoniam ille, maritimus, *Pulmoni* benignissimus sit; & naturæ raro *Tussi* vexentur; rarissime *Phthisi* moriantur. Si ægri imbecillitas, aut loci ratio aere maritimo uti non patitur, equo vectari, & quidem sæpius, juvabit. Aerem vero profuturum arbitror, tam quia spiritus animales recreat; quam quia *Pulmonem* subintrando, eum roborat confirmatque. Profunt etiam *Frictiones*; modo vehementer, bis terve in die, perfricentur externæ partes. Profunt *Fonticuli* in dorso magni, aperti, juges. Placet *Sorbitio* ex *Chocholata*, adjecto, si lubet, *Ovi Vitello*. Cavendi vero, & quidem maximopere, *Catarrhi*; ne miasma, denuo germinans, & in sanguine renovatum, ii ad *Pulmonem* abripiant: quod quidem hisce laborantibus, si frigoris sint impatientes, (uti sunt plerique omnes) non inusitatum; præsertim eo temporis spatio, quo repetere solet paroxysmus.

Hac de causa, præter jam dicta, quæ *Pulmonum* tueantur, *Pectoralia*; quæque in primo *Phthiseos* stadio, cum fructu adhibeantur; istiusmodi reliqua frequenti sint in usu, quæ contra hostem non jam victum, quam repulsum, & viribus redintegratis insultus iteraturum, eos defendant. Quare, per anni dimidium hyemale, *Decoctum L. Sassafræ, cum ejusdem Cortice, Rad. China, & Sarsæ, bis in die sumatur.*

VIII. Hæc de *Phthisi*, a miasmate *Arthritico*, per sanguinem, cum *Pulmone* communicato. Siquis autem *Phthisin Arthriticam*, a fermento e nervis suppeditato ortam, ejusque indolem, & tractandæ modum intueri velit; clarissimi adeat *Mortoni*, collegæ, dum viveret, amicissimi *Phthisiologiam*, Lib. III. Cap. XI.

Ut autem pateat, antiquitati non latere, materiam *Arthriticam* in *Pulmonem* aliquando invehiri, & morbum ei incutere quam gravissimum, fluxionis *Arthritica* mentionem fecit (b) *Galenus*, primum per universum corpus oberrantis; tum a *Pulmonibus* ad se attractæ, donec æger fuerit suffocatus, idque se in multis exploratum habuisse.

HISTORIA I.

Phthisis Arthritica lethalis.

I Neunte anno superioris sæculi novissimo; scæmina *Clifensis*, emultis una, fere quinquagenaria, me vocari voluit. *Tussis* illi fuit, eo tempore gravissima; cum sputo, interdum sanguineo, semper autem, quoties ab imo pectore decurreret, crasso, & purulento. Respiratio porro difficilis, vox tremula, & (ab imbecillitate) cum clangore quodam: pedum item tumor, pulsus debilis, & necticus, tabes universalis, virium prostratio fuit: ut in ultimo *Phthiseos* stadio agra; *Febris* autem mitior, quam in *Phthisi primigenia* affectis eo morbi tempore solet, esse videre-

Diffi-

(b) Ταῦτ' ἔστιν ὅτι ἡ φάρμακον, ὅσα εἰς ἀπαλλαγὴν τοῦ νοσήματος οἱ ποδαργωγῶντες πίνουσιν. τὴν δὲ ὅτι τὰς πόδας τοῦ σώματος φράν κολίγ' ἰσχυρίζεται, καὶ ἐξαναλίσσονται δὲ τὴν φωνήν, ὅπως ὕψιστον, ὅπως αὐτὸς μέγιστος νοσήματος ἔχει, ἰσχυρίζεται. Πλασμοῦς γὰρ ἐν τῷ σώματι τοῦ σώματος ὁ πύθωνος αἰετὶς κινεῖται διὰ τὴν τῆς ἀναπνοῆς ἀνάγκην, καὶ διὰ τὸ μακρὸν τοῦ σώματος διέξειδε τὸ ῥέμα ῥαδίως διωκόμενος, τὸ πᾶν αὐτὸς ἐφ' ἑαυτὸν ἔλκει, ἕτω πύθων ὁ ἀνδρῶν, ὅσπερ ἰσομενὸς ὅτι πύθων ἐστὶν τῇ πύθωνι μακροτέρω. De Theriaca, Lib. I. Cap. XV.

Difficillimi, & jam obfirmati hujus morbi originem, & causam antecedentem, inquirenti perscrutantique mihi, ipsa narravit, matrem sibi fuisse diu multumque *Podagra* cruciatam, eaque demum extinctam; sibi autem ipsi, ante annum, & quod excurrit, tumere tarsum, & pedis convexum; atque adeo rubere, nitere, dolere: sed, cum mature nimis tumor aut evanesceret, aut repelleretur, quod *Tussis*, (qua, per multos ante annos, fuisset identidem afflicta) desubito ingravescent, *Phthisis* viam aperuerit; ut a materia *Arthritica*, pedem languide nimis afficiente, in *Pulmonem* irruente, longaque eum obsidione subvertente, *Phthisin* hanc oriri; &, (auxiliis medicis sive neglectis, sive inscite usurpatis) inveterare, res esset fide omnino digna, paucis post diebus, e vivis excessit ægra, *Phthisis*, sed *Arthritica*, quæ vero a primigenia *Phthisi*, non facile distingui poterat, oppressa.

HISTORIA II.

*Phthisis Arthritica Medicamentis calidioribus
sepe levata.*

Mercator *Exoniensis*, glaciis, *Arthriticus* natura factus, ætate constanti leves habuit paroxysmos; extrema vero, & decrepita, jam diu nullos. Bellum pax secuta est, omnium opinione alma, tranquilla, salutaris. Sed (ut eventus comprobavit) dubia, sed fide Punica. Aliquando post (Septembri, MDCCIII.) suborta est sputatio, cum aliquo spiritus impedimento, cum *Pectore* gravato; sed, ex crassa mane pituita, affatim citata, exantlataque, ad tempus aliquot immuni. Languit appetitus; flaccuerunt artus; obtusa fuit oculorum acies, & decolor vultus. *Tussis*, sed *Arthritica* est; & *Phthisis*, ultima senectute, tempore prorsus inusitato, incipiens.

Ut contra hostem, atrocem & truculentam, ore larvato redeuntem, me paratum habeam, præmisso, ad intestina leniter inanienda, *Eccoproto*, *Infusi amari alterantis coch. v. Tinct. M. gutt. xv. bis in die. Tinct. vero Sulf. gutt. xii. ex Syr. de Succo Erysim. coch. i. hora somni, cum Julapii Pectoralis haustu, demittenda meo jure præcipio: Spiritus item Vol. Oleo- si guttas subinde aliquot, cum veteris Malacani haustu. Eo nempe hæc omnia, *Phthisicis* raro præscripta; ut medicamentis hisce calidioribus, in artus, si qua fieri possit, hostis expellatur. A præscriptorum usu melius certe se habuit; tumere pedes; levatus est *Pulmo*; tussis elisa.*

Mense proximo Decembri, nescio qua de causa, detumere pedes; *Catarrhus* ortus est propemodum *ferinus*, cum sputo tenui copioso. Ut humorum partim eliminaret, *Decoctum Senna* (duplicata) *Gereonis*; partim, ad τὰ ἔξωδον, ut amandaret, *Bolum e Pul. Rad. Ari C. Zi. &c. cum infusi amari haustu*, horis duabus medicinalibus sumendum dedi. Medicamenta ex voto profuerunt: pedibus iterum paulo post, ab eorum usu, doluit æger.

At vere sequenti, (qua anni tempestate insultus iterare solita est,) cum jam plane siluit *Arthritis*, in illius locum tanquam sublecta, *Tussis* recruduit, importuna, pertinax, cum sputo tenui, raucedine, tracheæ titillatione fere perpetua, spirandique difficultate: Ad quæ *Pomacei*, ægro gratissimi, usum pene quotidianum nonnihil conferre, verisimile est. *Tussis* ista negligenter habita (toto enim sesquianni spatio, nihil unquam medicamentorum, uti decuit, assumptum est) *Tussis*, inquam, inveteravit; cæso absumpta est, pulsus plane hecticus. Mense Julio MDCCI. iterum arcessitus, ea, quæ sequuntur, adhibui; bis scilicet in die, *Decocti Corticis Calybeati Zi. cum Syr. Balsamici Zi. Aq. Cin. fort. Zi. Hora vero somni Tinct. Sulf. gutt. x. e seq. Ecligmatis coch. i. cum Jul. Pectoralis haustu.*

℞. Syr. de Mecon. Balsam. Aq. Hyssopi ana p. aq. misce: de quo insuper Ecligmate, nocturno tempore, sapius ad delinendam Tussim pitisset. Cerevisia Cacusminibus Hed. terrest. Rad. China, Sarsæ, Eryng. medicata erat. Inter Omoplatas, utroque Spina latere Foniculus, sex pisorum capax, aperiebatur.

Medicamentis hisce dies xx. usurpatis, micuit oculorum acies, vultus δ' ἁγόνῃ, remisit *Tussis*, largiter ex intervallis faciens pituitam. Hinc pectus liberum; hinc εὐπνοία. Pro hecticis, calor mitis, blandus, benignus, plane naturalis, cum diaphoresi, tam utili, quam jucunda. Verbo dicam, omni ex parte sanior evasit æger, & a *Phthisi* visus est incolumis. At cheu! senibus incerta res salutis: autumnus proxime sequenti, sine causa evidenti ulla, in *Diarrhœam* incidit, gravem, & impatibilem, excrementis liquidis, & biliosis signatam, quæ, alvus indurantibus suppressa, brevi recurrit; &, una cum tumore pedum hydropico, naturæ subversionem ostendens, ægrum, ætate grandem & imbecillum, media hyeme occidit.

HISTORIA III.

Phthisis Arthritica incipiens curata.

Memorabilis certe Historia Dominici C. ex Insula *Iskana*, adolescentis septem supra viginti annorum patre *Arthritico* procreati, gracilis, teneri; frigus sine injuria non facile tolerantis, & diu *Phthisici*. Ante triennium *Arthritide* correptus ille, anno novissimo (tanta morbi fuit pertinacia, pedum, manuum alium aliumque digitum invadentis, & vicissim occupantis) vix binos menses egit immunes. Paroxysmi non ex illo fuerunt genere, quod inflammatione, cæteroque istiusmodi satellitio more suo stiparentur; quin potius lenes, mites; quique in longum idcirco tempus extraherentur. Quoties animus (is autem creber fuit) pedibus imminemtem antevertere paroxysmum, tibialia ne vel lectum ingressurus exuere consuevit; tam noctu, quam interdum gerens; neque sine successu: hoc enim artificio, *Arthritidem*, paroxysmum molientem, identidem protelavit.

Hujus sæculi initio, mitius se habuit *Arthritis*, & diutius solito conticuit: *Pulmonem* interea obsedit pituita; quæ spirandi intulit difficultatem, anhelationem immodicam, pectoris gravitatem, *Tussim*, sputum, tam mane crassum, quam etiam copiosum. His accessit faciei pallor, universi corporis imbecillitas, languor, & in propinquo *Tabes*.

A materia *Arthritica* pectus aggravante, malorum hanc catervam induci, luce clarius fuit meridiana; neque enim tunc primum istius in *Pulmonem* metastasin, etsi nunquam antea tam magnam, & tam molestantem, est perpeffus. Tutor autem *Artus*, & dolore liberatos, quoties *Pulmo* premeretur; &, e contrario, *Pulmonem* liberum, quoties aggravarentur *Artus*, semper observavit. Calor autem vespertinus, & sudor ei usitate superveniens; qui, prædictis hisce accidentibus, in *Phthisi* affectis, præcipue hac anni tempestate, solent se adjungere; certe in hoc nostro ægrotante nondum emicuere.

Quibus omnibus serio pensitatis, in eo operam & studium impendi; ut primo pituitam, *Pulmoni* impa-ctam, Ἀνασάφον amolirer. Secundo *Arthritidem* deviam, & *Anomalam*, ad τὰ ἔξω ut reducerem, itaque tuerer *Pulmonem*. Ut indicationibus hisce satisfacere, haustum ex *Aq. Hyssopi, Cardui ben. ana Zi. Tinct. Croci Zi. Alcohol. M. ℞s. Syr. Bals. ℞s. omni mane sumendum, Pilulas, e G. Amoniaci ℞s. Mirrhæ pul. Alcohol. M. ana gr. v. Picis lip. q. f. hora quarta pom. Alias vero e Bals. Lucat. ℞s. Pul. Dialthea q. f. hora somni, ex Syr. Bals. coch. i. demittendas, cum Julapii Pectoralis haustu, præscripsi. In potionem ordinariam, *Apozema e Rad. China, Sarsæ, L. Saffaphræ ana Zi. Cort. ejusdem ℞s. Vuarum passarum exacinat. Zi. in Aq. font. ℞iv. ad dimidium coctis; colatura Saccharo crystallino dulcata. Ægrum porro sapius apricari, ἀπρίνοις vesci, parce cænare jussi, & Hydromel interdum bibere.**

Vix per unam, & alteram hebdomadam, præscriptis usus fuerat; cum, exantlato fere omni phlegmate, spiritus liberior evasit; *Tussis* minus importuna, imo rarissima. Vires, & cum iis vultus εὐχνοία rediit. Quicquid fuerat symptomatis, breve intra tempus obtusum, & mitigatum est; paulo post subactam. Quinimo corporis æstus universalis, sed blandus, salutaris, benignus, quique naturæ vigorem, potius quam

Febrim

Febrim indicaret, est subortus. Posthac intra tri-
dium in pedum altero successit dolor, tumor, ru-
bor, *Arthritidos* regularis signa. Hinc pectus sa-
num, a *Phthisi* graviter urgente liberum; & si *Διδ-
σκειν* excipias a natura *Phthisicam*, bono cum Deo,
usquequaque integrum. Imo quidem postea, per an-
nos septem, bona usus valetudine; nisi quod
Arthritide laboraverit, recte interdum recurren-
tem, quidem (uti licet opinari) propter eam ita recurren-
tem, bona.

C A P U T XIII.

De Angina Arthritica.

Art. I. **P**ost febriculam, ad expellendum miasma
Arthriticum, a natura in sanguine con-
citatum, quoties ea per *Fauces* illud expellere con-
tur, & eo loci, una cum vehiculo, id deponens, in-
flammationem afferat, spirandi deglutiendique vias ob-
struentem, *Angina* sit *Arthritica*: morbus certe *ἥσος*
habens peculiare, & a Medicis parum adhuc confide-
ratus; ab *Angina* pura, & exquisita (nedicam alios
affectus, ei consimiles, & congeneres) sive *Thera-
piam* intueamur, sive *Etiologiam*, accurate distin-
guendus.

II. Ut autem initio, de morbi hujus *ὑπόρξι* ver-
ba faciam; dari hujusmodi *Anginam* omnino liquet.
Primum, quod ex eodem aestu febrili, simul cum ar-
ticulorum dolore, tanquam illi gemina, *ἑμυῖνε* ea
saepè deprehendatur, & quidem (ut frequenter acci-
dit) interposito quodam intervallo post *Arthritidos*
regularem paroxysmum, quo utique intervallo no-
vam in sanguinem materiam cumulari certissimum
est; uti, cumulatam expulsionem jam esse idoneam, est
probabile.

Denique, quod hæc *Angina*, per se exorta, modo
perfecta sit, in abscessum desinens, & copiose pus
ejiciens, paroxysmi *Arthritici* vicem explere; quod,
ejus causam vacuare, quod, ab ejus incurso *Podag-
rum*, ad tempus aliquod, immunem & saluum præ-
stare; quod, vegetum eum, & latum reddere; (quæ
sunt *Arthritica* decessionis indicia) crebro adverta-
tur.

Postremo, quod *Angina* hæc, per materiæ *Νόσσης*
in artus translationem, alias fortuitam, alias arte
procuratam, intercisa, saepè in *Arthritidem* mutetur
Regularem; saepè etiam suapte sponte transeat; eadem
plane ratione, qua *Vertigo*, qua *Asthma*, qua *Coli-
ca*, vel aliud quodvis *Νόσημα Πόδαγρον*, & eodem
ægri cum emolumento: ut de morbi hujus, proinde
ac illorum *ὑπόρξι*, nullus superesse possit dubitandi
locus.

III. Eos creberrime invadit hæc *Angina*, quibus,
ad eam a natura factis, collum breve, crassum, hu-
midum, tono fibrarum laxo & imbecilli præditum;
itaque humoribus tum accipientis, tum retinentis
aptum: viros præ fœminis (sic enim ipsa *Arthritis*)
saepius, sed & utroque aggreditur: ex illis præcipue
eos, qui media sunt ætate; ex hisce vero eas, quæ
catameniis dudum orbatae; ex utrisque maxime bilio-
sos, sanguine præservido, vel tenui donatos: nec
quenquam, uti mihi videretur, unquam; nisi materia
prius *Arthritica* (causa videlicet procatactica) copio-
sa, & evecta in sanguine turgentem, jam jamque ar-
ticulis doliturum. Interea vero temporis, a causis *An-
gine exquisita* prævalidis, & urgentibus, in partes
suas, levem & quiescentem illam aliquando trahi, non
est diffitendum; ita vero quæ se habet *Angina*, cum
parum *Arthritica* sit, & propriam medendi legem
minime requirat, non est hujusce tituli.

Causa hujus *Angine*, (externa & evidens) fre-
quentissima est *Potatio*; maxime pomacci, aut vini
alicujus tenuis, liberior; maxime vero omnium, si
accedat algor.

IV. Ut ad *Diagnosin* qualemcunque descendam,
præcurrit febris; eaque saepè, quam in alia quavis
Arthritide præmitti solet, vehementior: quæ, tamen-
si prorsus *Symptomatica*, febrium nonnunquam æqua-
re videatur *Essentialem*, ardentem; & est, pro ægro-
ti temperamento, ætate, & pro causæ evidentis ma-

gnitudine, plus minus ardens. Paulo post exoritur
Faucium Dolor, & *Tumor λεγνονόδης*, unde deglutiendi
spirandique viæ semper arctatae; interdum autem
adeo, ut tridui, vel quarridui spatio, nihil unquam
victus possit demitti, neque spiritus nisi difficillime
trahatur. Saliva interdum affatim emanat; alvus ad-
stricta est. Sanguis a *Vene sectione* Gelatinam (uti in
Pleuritide, & *Peripneumonia*) præ se fert, in exci-
pulis supernatantem, puram, tenacem, sebaceam; &
quidem, quam in *Arthritide* solet exquisita, magis.
Utrum vero *Arthritica* sit *Angina*, necne; id, ex
Arthritide, vel *Angina* prægressa, vel ex ea simul se-
melque cum *Angina* locum habente, vel, eam e ve-
stigio insequenti, id est, ex horum affectuum ratione
inter se, omnino intelligendum est.

V. De *Angina* pura & genuina, passim apud Au-
ctores observatum est, *Viscidum* illud, quæ est illius
causa conjuncta, modo in latus, modo in pulmonem
transvehi; iisque in locis pleuritidem, vel peripneu-
moniam facere, morbos scilicet non tam materiæ,
quam locorum affectorum diversitate distinguendos.
Eadem de *Arthritica* narretur fabula: pari enim ritu
Angina Arthritide materiam, sive causa continens,
saepè in pedem; nonnunquam in manum; interdum
in genu (ut taceam alias corporis partes quampluri-
mas) transfunditur; & in illis *Podagram*, vel *Chi-
ragram*, vel *Gonagram* affert; affectus, uti nonnullis
visum fuit, longe diversos; at revera ejusdem in-
dolis, & naturæ, locorumque ratione maxime discre-
pantes.

VI. Curatio vult, ut *Fauces* quamprimum liberen-
tur: & quidem methodo ei, quæ vulgaris est *Angi-
ne*, longissime diversa. Nam, cum indicatio illa ge-
neralis, duobus perficitur; quorum alterum humores
evocat e corpore; alterum e parte affecta tantummo-
do revellit, & in artubus deponit; cumque prius il-
lud, (quod *Vene sectione*, *Purgatione*, *Gargariza-
tione*, *Vesicatione*, & ejusmodi aliis effectum est) utri-
que *Angina*, puræ videlicet cum *Arthritica* com-
mune est; posterius vero (quod *Arthritidem* in viam
reducentibus, & paroxysmum ejus regularem facien-
tibus absolvitur (uni *Angine*: Nosea duo conjungen-
tes, medendi legem, quam iterum & saepius, nec in-
feliciter fuimus secuti, & aperiemus, & quasi digito
monstrabimus).

Quoties igitur ad *Anginosum* aliquem accersor, ex-
plorata prius tumoris magnitudine, reliquisque ejus,
quæ maximi sunt momenti, symptomatibus, in illius
causas inquirō; & si æger fuerit ex *Arthriticorum*
numero, quamdiu ab *Arthritide* vacavit, interrogo.
Eam autem si invenio frequenter olim paroxysmos,
statisque temporibus, regulares; eosque magnos, &
vehementes habuisse; nuper autem præter morem in-
terrupisse; ex eo suspicor, *Arthriticam* in sanguine
materiam, per hanc vacationem cumulatam adauctam-
que, in eo turbellas facere; jam nunc exulare; & in
fauces, ob earum imbecillitatem & ἀνοίαν, immis-
sam, inflammationem in iis excitare. Major autem
erit hujusce rei suspicio, si nausea, & fastidium; si
gravitas, & torpor; si dolores vagi (uti solent ante
paroxysmum regularem) ad tempus aliquod præcesse-
rant.

II. Hac igitur opinione ductus, primum sanguinem
(nisi nuper ille detractus fuit) detraho, & quidem
copiosam. *Enema* paulo post immitti jubeo. Postridie
Vene sectionem, purgatio, per *Rhei* puta, *Sennæ*, &
Agarici Infusum, cum *Syr. Ros. Solut. q. s.* lene vi-
delicet aliquod, instituenda; quando sanguinem exa-
gitantia, propter ejus orgasmum, (qui hoc affectu
jam satis rapidius esse solet) ne obfuerint, periculum
est. De alvo sollicitanda, si cathartico fuit inanita,
per dies quatuor vel quinque postea nihil laboro; ne
alienum ad τὰ ἔντρεα, contra naturæ propositum, al-
liciat. Cervici *Epispasticum* post purgationem ap-
plicandum, idque prælargum; quod nempe colli di-
midium obtegat; hinc autem, horis post viginti qua-
tuor, succedat *Emplastr. Meliloti*, *Cantaridum Pul-
vere* aspersum, saepè renovandum, ut flumen jugè &
diutinum sit. Ab initio morbi usus fere perpetui est
Gargarisma incidens, aperiens.

℞. Aq. Hordeata ℥j. Diamor. ℥iij. Sp. Sulf. rer.
Camp. quantum Lingua ferre potuerit, fiat Gargarisma,
vel

vel *Melli Rosaceo* addatur *Sp. salis*, sive *Nitri*, ad *acorem summum & tolerabilem*: Indatur ori paululum, & cum saliva post aliquot tempus ejiciatur. Nihil vero pulvere sequenti præstantius efficaciusve novi.

℥. *Cryst. Min. Sacch. Christall. ana p. eq. Misce.* Teneatur Ore ℥i. donec Saliva abundaverit: tunc expuatur, & horæ post quadrantem vel dimidium, (modo sinat *Vigilia*) repetatur. Mirum, quantum hinc Salivæ.

Profunt herbarum *Artemisia*, *Salvia*, *Majorana*, *Rorismarini*, *Sambuci*, *Chamemol.* *Calamiotha*, *Matricaria* (quæ acri & volatili spiritu refertæ, discutiant) decoctarum halitus, obvelato capite, & hiante ore, in arteriam immissi. Die perendino, vel etiam citius, si necesse fuerit, de iteranda *Phlebotome* deliberandum. Iterari illam, & quidem interdum plus altera vice, postulat deglutienti spirandique, si fuerit, difficultasurgens, importuna, periculosa, sique venam iterum secari oportuerit. *Jugularis* esto. In summo *Gutturis* dolore admoveatur extra *Cataplasma*, ex *Rad. Althææ*, *Fol. Malvæ*, *Ficubus incis.*, *Aqua Hordeata coctis*; addita hujusce *Magmatis ℥iii.* *Cepar. coct. ℥i℥.* *Sem. Lini ℥℥.* *Mice panis ℥i.* *Ol. Lil. alb. q. f.* Gargarizetur autem os *Aqua Hordeata & Lacte Vaccino*, paribus mensuris, ad ipsas fauces, capite resupino, intromissis. De gravissimo symptomate, (*Spiritu* nempe *intercluso*) ut verbum addam, quoties ita ingravescat, ut ægro pene suffocato statim moriendum, nisi aliquis *Apollo* intervenerit; in hoc casu *Laryngotome*, tutissimum præsentissimumque remedium, omnino facienda. Tuto certe illam, commodeque posse fieri, *Arteriæ penitus divise* (cujus *Historiam*, admodum luculentam, videre licet, *Actorum Philosoph. N. 258.*) curatio probat.

VIII. Dum hæc aguntur, & quidem eo modo omnia, ut ne materia in partes internas transferatur; (cujusmodi *Metastasis* in *Angina Arthritica*, quam in vera & exquisita, tum frequentior, tum incommodior) alia faciunt ad *Faucium* allevationem *Arthritida Regularem* inducendo: quapropter *Acida*, sicut *Pomaceum*, *Vinum Album*, aut *Rhenanum*, vel alia quævis potio, dolorem arcessens *Articularem*, post purgationem, & quidem interdum libere potanda. Articulo *Arthritidi* usitatissimo, vel *Empl. ex Oxycroc. Cephalico & Pice Burg. ana p. eq.* Vel, si efficacioribus utendum, *Phænigmus* acris & stimulant admoveatur, & prout usus erit, iteretur. Huc confert, quæ olim veteribus familiaris, in aqua, quanta tolerari potest calidissima, *Pedum lotio*. Tumor excitatus, *Panno Vvallico*, aliove quovis raro & molli, vel *Linteo duplicato* vestiatur. Ut ille tumor *Artuum* in conspectum venit, plerunque subsidit *Faucium* iste, recurrit dolor, aliaque jam denuo rectæ *Arthritidos* indicia: atque tum in tuto omnia, *ἡ δὲ πρὸς τὴν τὸ Νόσημα*: quod *Hippocratis*, in simili casu, argumentum est.

Si rumpatur vomica, *Gargarisma* componendum emolliens, & suppurans, (e *Decocto* puta *Hordei*, *Glycyrrhizæ*, *Ficubus*, cum *Syr. Cap. Ven.*) & demum modice astringens, *Jusculis Avenaceis*, *Hordeaceis*, & ejusmodi tenuibus vescatur æger; & ut humorum effervescencia minuatur, utque collum versus abscindatur *Πόνι*, lecto, tempore diurno, quantum potest, abstineat; sella erectus sedeat; pedes deorsum versus inclinet; & in lecto alias caput elevatum, habeat. Finita re paroxysmi, leniente quodam alvus subducenda.

Exempla jam in apertum proferam, quæ lucem, uti spero, non mediocrem prædictis fœnerabuntur.

HISTORIA I.

Arthritis, Fauces & Artus simul semelque occupans.

Homo *Ischanus*, e regione Portæ Australis, decimo ætatis lustro, ex frigore, quod ante præcesserat, *Angina* laboravit. Febris, pulsu celeri; æstu carnis immodico signata fuit: *Fauces*, cum robore, tumuerunt: voce nihil distincte significavit: spiritum difficillime traxit: cibi transitus præcludebatur. Non dubito fore plerosque, qui ex his indiciis *Angina*

istam simplicem, & veram esse judicaverint; quam vero recte, confestim apparebit. De dolore interrogavi, Statim salve? Numne alias corporis partes itidem occuparet? Quem cum genu, etiam & malleoli sinistri, eo ipso tempore, tametsi mitem & tolerabilem esse, cum cum *Articulos* invadere, & more prorsus *Arthritico* reverti, solitum acceperam; *Anginam* hanc non tam veram & exquisitam, quam in *Arthriticarum* numero & classe ponendam æstimavi; ideoque non iis opus esse auxiliis, (sanguinis scilicet missione copiosa; *Clysteribus* crebris, *Emulsis*, & istiusmodi *Refrigerantibus*) quæ quidem omnia, in affectu absoluto commoda, in hoc nostro partim frustra, partim incommoda essent: sed ab hac methode desectendum & id, quod strangulat, aut evocandum, aut, in artus transferendum esse. Quem in finem, colli dimidio posteriori *Vesicatorium* superpono: *CrySTALLI Mineralis ℥℥.* & *Sacchari* tantundem (remedium ad salivam hac in re movendam efficacissimum) ut ore teneatur, ut retentum solvatur, ut solutum expuatur, omni horæ quadrante adhibeo: hinc fluidum salivæ, os, ptyalismus hinc immanis.

Ut alteram curationis partem aggrediar, & materiæ reliquum in articulos transferam, ita præcipio.

℥. *Pulv. e Chel. C. C. ℥℥.* *Conf. Anthus ℥i. Serp. Virgin. pul. gr. v. Conf. Alk. q. f. f.* Bolus, hora quaque octava sumendus, cum *Jalapii* haustu *Perlati*. Potui vero dabatur *Decoctum Sarsæ*, *China*, *Raf. C. C. Eb. Sem. Coriandr.* genu & malleolo dolentibus, ut illuc materia inviraretur, *Empl. ex Oxycroc. & picis Burgund. ana p. eq.* admovi.

Horum usu, temporis spatio perbrevis, biduo nempe; tantus artus artuum, tam acris erat dolor, ut neque *Bolo* diutius, neque *Emplastro* opus esset, hoc amplius pari etiam modo & proportionem, *Fauces* deturgere, spiritus, cibique transitum aperiri, *Anginam* curari, certissimum erat. Ægroto gratulabar, quod redierat jam in viam, itaque vale dixi.

Paroxysmo illo, quo quidem nihil unquam utilius, nihil opportunius evenit, jam finito; cum illius eo tempore recidivi, nullum omnino periculum extaret: ut alvus subduceretur *Catharticum*, at (nemateria de novo irritaretur) blandum, & leniens propinavi cum *Paregorico*, hora somni post purgationem assumendo.

Menses inde post aliquot, ad *Prophylaxin* obeundam incumbens, *Aquas* omni mane *Diureticas*, quarta pomeridiana *Pil. ex Salis Martis gr. v. Pulv. Chamapit. gr. xv. cum Syr. Abf. f. q. f.* demittere, initio vero, & deinceps septimo quoque die, per *Salem Polychrestum*, & *Magna aquis purgantibus solutum*, ventrem movere, in præscriptis habuit.

Historia præfert *Arthritidem*, primum, febriculam ex algore generantem, tum *Fauces* graviter prementem, nec quidem artubus interea parcentem; deinde *Faucibus* (medicinæ beneficio) expulsum, & in articulos membrorum missam: Quæ quidem omnia, cum ejusdem morbi irritatio & progressus sint, de *Arthritide Anginam* mentiente, sententiam nostram magnopere corroborant.

HISTORIA II.

Anginæ Arthriticæ ad Abscessum tendentis in Arthritida Regularem Metamorphosin.

HUc etiam facit agricolæ cujusdam suburbanæ exemplum, qui, annorum plus minus viginti, *Arthritide* subinde revertenti diu afflictatus, initio veris, (nescio qua de causa) *Faucium* inflammatione gravi corripiebatur, cum æstu corporis universalis, & pulsu magno. Dies ille complures nihil devoravit; voce nihil clare significavit; spiritum ægre traxit. Sanguis, ingruente morbo, missus est; cui gelatina, post aliquod tempus, supernatavit densa, crassa. Saliva jugiter effluxit.

Ut *Fauces* quam citissime relevarem, (hoc enim medendi postulavit indicatio) sanguinem, quoniam abundavit, iterum mitteret; & ad sputum augendum, *salis prunella saccharique crySTALLINI* partes æquales ore sapius

sæpius teneret, solutas postmodum expueret, agrotò imperavi. *Mistura* porro data est, ex *Syrup. Balsam. & Aq. Cin. hord.* ad delinendam humorum acrimoniam, & tussim mitigandam. *Clysm* emolliens quotidie injectum. Loco cerevisiæ, *Decoctum Hordei, Rad. Eryng. C. Glycyrrhiz. Cacum. Adianth. cum Syr. Viol.* brevi post tempore, peropportune recidit, quod genu alterum diu multumque doleat, tumeret: unde *Fauces* levabantur, facta in hunc articulum materiæ reliquæ translatione: qua quidem re, ut nihil utilius, nihil esse potuit agrotò desiderabilius, quando per eam gutturi maxime caveretur, vitæ & salutis consuleretur.

Historia confirmat *Anginæ Arthriticæ* doctrinam; simulque monstrat, iis, quæ affluxum ad *Fauces* cohibeant, quæ gravatas eas exonerent, (*Revellentibus*, scil. *Derivantibus*, & *Resolventibus*) *Abscessum* aliquando præverti, in faucibus, *Arthriticum*.

HISTORIA III.

Materia Arthritica partim Ascessu Anginoso, partim per Articulares Glandulas expressa.

VIr amplissimus, nec uno nomine colendus, humida constitutione, collo crassiori præditus, catarrho oris fere indefinente; per primam omnem pueritiam delibutus, circa juventutis initia, tum *Arthritide*, tum etiam *Angina*, morbo, uti videtur, hæreditario, vetum non eodem tempore, solebat affici. *Ætate* progrediente, cum ex levi in poculis errato, post artuum dolorem vagum, urgeret *Angina*, spiritus animales impendio deprimeret, suffocationem minaretur; neque vulgarem medicinam, etsi multiplicem, sentiret; ad eam allevandam arcessitus, de *Arthritide* quæro, nunquando illa nuper idoneum ex more paroxysmum egisset? quænam apud ægrotum illius ciendi ratio probabilior? Cumque ad hoc operis, prævalere ceteris quibuscunque *Pomaceum* inaudiverim; illius subacidi, sed generosi lib. j. alteramque propinavi, eo nempe animo, ut *Arthritida*, quam diutius silentem *ανωμάλως Fauces* invadere subsensu, in artus propellerem. Eventus suspicionem comprobavit; paucis enim post horis, emicuit altero pede *Arthritis*. Laneo vestiri, blande tractari, molliter haberi, secundum illius genium, admonui. Sub hoc tempus, aperto *Faucium Abscessu*, pus emissum est: *Gargarisma* suppurans, & modice detergens, sæpius adhibitum.

℞. Decocti Hordei, cum Ficibus incisis, & Vini Rubri Gallici ana ℥ss. Diamori ℥ij. f. gargarisma.

Doluit interea, cum ardore tumuit ex animi sententia articulus: post exitum paroxysmi, *Aq. Pur-gantes*, quibus abluerentur reliquæ morbi, diu potavit ager.

Anginam hanc *Arthriticam* esse constat. Primum, ex diutino *Arthritidos* silentio: tum, ex dolore prævio, antequam materia figeretur, erratico. Tertium, ex subita & facili *Regularis Arthritidos* emersione: quibus simul consideratis arguitur, præter istam *Anginæ* causam evidentem (in potulentis scil. erratum) fuisse etiam *αρθριδικόν, Arthriticum* intus in sanguine miasma evehctum, ebulliens, ambitiosum, quod, junctis causæ externæ copiis, naturam eo usque laceraverit, donec illa viros recolligens, hostem in exilium, materiam alienam in *Fauces*, (ab origine debiliores) & demum, arte adjuta, in artus amandaverit.

Docet historia, in *Arthritide Anomala, Anginam* æmulante, spiritumque elidente, posse utiliter, artis ope *ιατρικῶς, Arthritida* suscitari *Regularem*.

His subijciam, ægrotum hunc nostrum, posthac *Articulis* sæpissime laborare, *Angina* vero non item: imo ratione prorsus *inversa*; sic, ut quo minus hac, eo magis illa: quæ quidem istorum affectuum, adeo inter se dissimiles mutationes pondus aliquod habent, & demum *Arthritida* se in viam dare, & magis rectam esse ostendunt.

HISTORIA IV.

Arthritis primum Fauces, deinde Articulos invadens.

Mulier lectissima, dignitate domus, suæque celebris, nunquam *ἡ Γαστήρ ἐκστα*, quanquam marito satis probabili diu nupta; cum annos quatuor supra quadraginta compleverat, & deficere catamenia jam menses aliquamultos persenserat, obesior, & crassior evasit. Eo corporis statu ac conditione fuit, cum, vere anni MDCCV. ineunte, febricula & tumore faucium repentino corripere: quibus ut occurreret, suasionem amicorum, primum, sanguinem detraxit; dehinc cervici *Epispasticum* admovit: quorum beneficio quicquid humidi in *Faucibus* depositum fuerat, vel evocatum & elicitum, vel sanguini redditum & repensum est.

Post *Tumoris* abolitionem, perpaucae agebantur horæ, cum genu alterum, tum malleolus, tum digitus in pede maximi globus, & vicinus ei articulus ordine dolere; tam recte, tamque ex more *Arthritidis* exquisitæ, ut, utrum ipsa esset, an secus, nullus extaret dubitandi locus.

Horum autem malorum ordo, quem exposuimus, *Anginæ* hujus naturam non parum explicat: nam, ut *Anginam* e vestigio secuta est *Arthritis* omnibus numeris absoluta; sic, *Arthriticam* esse hanc *Anginam*, liquido & manifeste probant. Et quidem, utrumque hunc affectum eidem febriculæ subnasci, ab ea sustentari, & in Fauces, & in artus, alienam e sanguine materiam, per eandem febriculam expelli, minime ambigendum.

Ex hac historia, & hujus numeri aliis, verisimile videtur, non tam extremæ, & decrepitæ ætatis, quam mediæ, & constantis affectum, esse hanc *Anginam*. Certe ea laborantes, qui ad hunc usque diem mihi innotuere, adolescentes, aut juvenes, excepto tantum uno, fuere omnes.

HISTORIA V.

Anginæ Arthriticæ auspicio supervenit Arthritis Regularis.

Vir nobilis, *HEN. COURT NAT*, Regia stirpe oriundus, & majoribus suis dignissimus, ætate media, plus semel *Arthritide* doluerat; cum, ex intervallo aliquo ab ejus paroxysmo, (nulla, quod sciam, urgente causa evidenti) *Faucium* dolore, tumore *φλεγμονώδης*, spirandi glutindique vias intercludente, tentabatur. Gustus summe depravatus; saliva viscida, sitis permolesta, æstus universalis, vigilantia gravis, febris acuta erat. Ad therapiam vena illico pertusa est, & postridie per *Pulv. VVarovicensem*, alvus subducta: *Vesicatorio*, cervice tota posteriori serum elicitur: omni horæ dimidio, salivam movens, adhibetur id, quod sequitur.

℞. Crystall. Min. ℥iii. Salis Vol. Succini ℥i. Sacchari Crystall. ℥ss. Misce, & divide in partes æquales, N. xxiv. teneatur ore particula, quoad dissolvatur; deinde cum saliva expuatur.

Potui datum est *Decoctum* sequens, calidissime py-tissandum.

*℞. Rad. Gram. Can. Eryng. Cond. ana ℥j. Hordei mundat. ℥ss. Coccinell. ℥i. Coq. in Aq. Font. ℥lii. ad ii. Colaturæ adde Syr. e Corall. Sijm. ℥iv. Tinct. Aurant. ℥i. f. Decoctum. Bolus ex Salis Saturni gr. iiii. Nitri purificati gr. v. Conf. Lujul. ℥j. Syr. Mellissoph. q. s. ter in die fumendus, cum Jul. hauſtu, & ad alvum molliendam, omni vespere *Enema* præscriptum est.*

Quibus sedulo observatis, salivam mirum quantam, ac si *Mercurio* concitatam, ejecerit. *Faucibus* allevatis, spiravit, glutit facilius. Restitit febris, quam in declinante *Angina* solet esse, pertinacior, & huic rei aliquid amplius subesse, neque omnia conspici, comprobavit. Accessit *Podagra*, rem totam aperiens, *Anginam* esse puram putam *Arthriticam*, curationem postulare propriam ostendens. *Bolo* igitur, & *Decocto* refrigerantibus, ne fraudi sint

agrote, omiſſis, ad ea, quæ *Podagram* abſque nimio febris incrementis promovere poſſint, deſpecto.

℞. *Salis Martis* gr. iv. *Pul. e Chel. C. C.* ℥ſſ. *Conſ. Fruſt. Cynosbat.* ℥ii. *Syr. Garyoph. q. ſ.* bolus, bis in die ſumendus, cum *Julapii* hauſtu. Et quoniam ad invocandum augendumque morbi hujus paroxyſmum regularem, plurimum valere *Pomaceum*, in experimentis eſt, libram illius unam alteramque, nycthemeri ſpatio bibat, exhortor. Pedi affecto *Ceratum* viride admoveo. Doluit exinde pes, & quidem laudabiliter. Expulſa eſt ad ejus articulos *Arthritis*, & relictis *Faucibus* jam recte *παροξυβει*. Aquas aliquanto poſt, finita paroxyſmi re, *Diureticas* hortatu noſtro hauſit, alias aliasque; primum *Bamptonenſes*, anno ſequenti, *Bathonienſes*; utraſque com-
mode.

In *Arthritidis* ſilentio, ſupra modum longo & anticipi, *Angina* ſi acciderit; utrum *Arthritica* ſit, quam merito ſuſpectum habeas, oſtendit hiſtoria.

HISTORIA VI.

Angina & Abſceſſus Arthriticus, cum Arthritida inſequenti, recta, & idonea.

Anni ſunt complures, cum adoleſcentem viſitavi; ſanguineum, robuſtum, & bene coloratum; cui *Faucium* cum dolore *Inflammatio* fuit, ſpiritus & cibi vias obſtruens, (quam Græci *Σωδύχλω* nominant) cum æſtu immodico, pulſu celeri. Numquid *Articulis* unquam doluerat? interrogo. Dolui, inquit, acerbiffime, ter quaterve; iſtud vero quid ad rem? Ego quidem, maxime, repoſui, nec in curatione negligendum, ſanguinem quamprimum miſi, ſed, pro ægri ætate & temperamento, parce, & quam in *Angina* fieri ſolet exquiſita, parcius: ea vero copia, quæ ad demittendos cibos, & ſpiritum recipiendum ſatiſfaceret. Eo vespere *Enema*. Poſtridie *Catharticum*.

℞. *Rhei incifi* ℥i. *Fol. Senna* ℥ii. *Pulpæ Caſſiæ, & Tamarind. ana* ℥iii. *Coq. in Aq. font.* ℥vi. ad ℥iii. *Colatura adde Salis Cathart. Elect. e Succo Roſ. ana* ℥ii. *f. Potio*, bene mane ebibenda. Sæpius deſurrexit cum levamine. *Gargarifmum* reſolventem (ex *Ficum pinguium N. iv. Rad. Altheæ raf.* ℥ſſ. in *Aq. Hordeat. ℥iſſ.* ad i. incoctis, *Mel. Mororum* ℥iii. *Sp. Sulf. per Camp. qu. ſ.* ad acorem temperata) præſcripti, eumque ſæpius adhibendum: in potum ordinarium, *Ptiſanam* propinavi; articulis olim dolentibus, ad *Arthritidem* in eos, ſiqua fieri poſſet, invitandam, *Empl. ex Cephalici, & Oxycroc. ana p. æq.* admovi. Paucis poſt diebus, aperto tumore, puris emiſſa eſt quaſi uncia. Lenito, non composito, ſanguinis orgaſmo, poſt breve tempus, articuli dolent, tument, rubent. *Arthritis* recte agit, & *Anginam Arthriticam* fuiſſe monſtrat. Finito paroxyſmo, ad *Prophylaxin*, purgatis prius per *Aquas & Salem Catharticum* interaneis, *Aquas Diureticas* omni mane hauſit; hora decima ſeq. *Trifolii fibrini Infuſum*; quarta pom. *Bolum*, cum *Sale Martis*, demifit; *Hydragogo* ſeptima quaque die interpoſito, menſes binos perſtitit; methodumque in multos annos commodiſſime, repetiit.

Eos, qui dolere ſolent *Arthritide*, *Angina* cum invadit; ſitne illa genuina, an *Arthritica*, recte ambigitur; & *Anginam* contra *Arthriticam*, optimis auſpiciis, conſilio ſaluberrimo, *Arthritis* invocatur *Regularis*.

HISTORIA VII.

De Arthritide multos annos Erratica; tunc Anginam iterum & ſæpius ſimulante; poſtremo Regulati Fixa.

Addam denique hiſtoriam, tum *Angina* hujus noſtræ naturam, tum *Arthritidis* motem varium, & incertum, cum primis oſtendentem.

Pharmacopei *Exoniensis*, viginti annos *Arthritici*, uxor ſere ſexagenaria, *Rheumatismo* per quinque lu-

ſtra creberrime recurrente, cruciari viſa eſt: dolore quippe artuum, brachii potiſſimum ſiniſtri internodia laceſcente, rodenti, erratico, vexata: *Rheumatismi* hujus larvati originem *Pomaceo*, quæ illi potio fuit, acceptam retulit.

Sub finem ſæculi ſuperioris, circa vernale æquinoctium, *Angina* correpta fuit illa ſpecie, quam *Synanchen* appellant, adeo atroci, ut (ad illam minuendam, humoresque alio detrahendos, etiamſi collo *Epispasticum* admotum, alvus enemate ſoluta, vena ſemel iterumque pertuſa fuerat) toto quatruidi ſpatio, ne hilum quidem victus ore demiferit. Eodem tempore, & pari ferme proportionem, caro exorſus eſt tumor, cum dolore, rubore, calore, nitore proſus *Arthritico*. Dies minimum ſexaginta perduravit, in rugas demum contrahente ſe cuticula, & ſquamatim ultimo decidente; ſic, ut cujus generis, quaque eſſet familia, tumor omnino palam faceret. Et *Anginam*, & *Chiragram*, ab eadem viſcida, & acri gelatina, in ſanguine producta, fieri credibile eſt; quæ hic illic capillariis inharens, oppilationes, tumores, dolorem, cæteraque morbi utriuſque faceret ſymptomata.

Adverſus *Anginam*, cum humores derivantibus, & repellentibus, initio morem gerere recuſaret, & maturationem affectaret tumor; *Gargarifmum e Decocto Ficum, Hordei, cum Melle Mororum* (poſtea ad detergendum, *Mel* adjectum eſt *Mercuriale*) in præſcriptis dedi: externe vero *Theriaca Ven. Empl.* gutturi applicandum. Quicquid intus purulenti fuit, tumore poſt quatruidium aperto, ſenſim expreſſum eſt.

Contra *Chiragram* imperavi, ut, admoto parti affectæ *Veficatorio*, vel (quoniam illud abhorrere viſa eſt agrote) panno molli & denſo, per cutim evocaretur quicquid humidi præter naturam articulis in-eſſet. Carpi poſt paroxyſmum manſit imbecillitas, & ad motum impotentia; quæ tamen aliquanto poſt evanuit: animi vigor & alacritas major, cibi appetitus, uti ab *Arthritidis* paroxyſmo ſolet eſſe, avidior fuit; ſic, ut ex trium pene menſium adverſa valetudine, melior agrote & ſanior evaſerit.

Ad tollendam utriuſque cauſam, & ſanguinem (cujus in cyathis facies ſebacea) corrigendum, primum, miſſo *Pomaceo*, & leni per *Salem Catharticum*, &c. facta *Purgatione Teraxaci Cochleariæque Succos* clarificatos, *Lac Aſininum, Stomachica* ſumeret, imperavi. Medicina vero omni (quod ejus odium fuit) neglecta, inſequenti autumno, vagos iterum dolores ægra perſenſit; qui tamen poſtea progreſſu temporis evanuerunt, in fixos ſenſim mutati.

Anginam poſtea ſæpiſſime recidivam habuit, vere vel autumno quotannis, in annos complures reducem, & vel ei a latere conjunctam, vel a tergo famulantem *Arthritide*; nunc carpum, nunc digitum, nunc talum occupantem, & λόγον aggravantem, cum ſolita in deceſſionibus animi lætitia, ſpirituum alacritate, ventriculi latratu. Hoc vero cum discrimine, & quaſi privilegio, quod, ex quo ſig occæperat *Arthritis*, eo lenius & pacatius ſe vaga geſſerit, eoque minus vagata fuerit, & quæ diebus hiſce fuit hujusmodi *Angina*, ferre blandior obſervata; *Vene ſectioni, Veficatoriis, clisteribus, Gargarifmif* facilius cedens, & in *Arthritida Regularem* promptius, & quaſi altro abitura.

Evincit hiſtoria, primum, *Arthritidem* multos annos *πλανητικῶς*, & *Rheumatismi* uſquequaque ſimilem, & in *Fixam* poſſe demum migrare: deinde, in erraticam retrogradi, iterumque deſigi. Tertium, *Arthritidem* in eodem corpore, ex eadem febre exoriri poſſe duplicem; in faucibus *Anomalam*; in artubus, *Regularem*. Quibus hoc adjiciendum, quod ægra, genere nata ſaluberrimo, cum nullum habuerit a parentibus miasma, itemque diu veteri juncta fuerit *Arthritico*; hoc contagii ſuſpicionem alere cenſeatur, & *Arthritidis* a marito acceptæ.

Ita quidem *Angina Arthritica*, (morbi, niſi fallor; hætenus obſcuri) ſecundum illius ſymptomata, naturam, & morem, quantum in me eſt, explicui; curationem exaravi; & exemplis utranque illuſtravi.

CAPUT XIV.

De Doloze Capitis, & Vertigine Arthritica.

Art. I. **A**D Caput jam ascendimus, & ab *Arthritide* de factas in eo errationes. Istius autem morborum, uti vulgo describuntur, numerus est adeo multus; *Ætiologia*, tam difficilis, limites, & fines (propter obscuros illius partium, & (a) incognitos usus) explicatione sic egentes, ut nemini mirum videatur, morbos eos communiter receptos, hos a me prolatos non æquiparare. Paucas in apertum profectam *Arthritides* in capite *Anomalias*; sed, quas exploratas habeo, quas certas, evidentes, & perspectas, *Cephalalgiam* nempe, *Vertiginem*, *Apoplexiam*, & *Paralyfin Arthriticam*. De duabus primis in hoc capite, propter earum conjunctionem, sicut evenire solet, frequentem, postea de reliquis, verba faciam.

II. Eos sæpe invadit iste *Dolor*, (nam de illo separatim, & primo loco dicam) qui, cum multos annos *Arthritici* fuerunt, traducto jam vitæ medio, poculis & diætæ nimis amplæ, plus æquo indulgent; exercitationi vero interea, laborique (quæ eorum mala possint corrigere) vix satis: quique ea re *Plethorici* evadunt, & solito crassiores: *Sanguinei* vero quæ ceteris quibuscunque, tum graviter hoc affectu, tum crebro affliguntur.

Ex hisce vero illos sapissime invadit, qui collo breviori natura sunt; vel qui, in *Capite*, vasa sanguinem vehentia, supra modum magna, habent, vel, qui nimis imbecillia, sanguinique in circuitu propellendo minus valentia: illos scilicet omnes, quibus ea corporis fabrica & compago, quæ humorum in *Caput* inclinationi, diutinaque in eo moræ, minio plus faveat, opemque conferat. Ad hoc conferre non parum videntur, in *Cranio* foramina nimis angusta, quibus (veluti ligaturis) coarctentur *Venæ Jugulares*, & sanguis (sic, ut in venæ sectione) vasa tumefaciat; itaque fibras extendendo nervinas, spiritusque in iis contentos perturbando, creet *Dolorem*.

Atqui illos maximopere hic infestat *Dolor*, quando jam ætate grandes, aucta humorum vi & plenitudine simul gravati, simul iis tolerandis impares, illi, malo vehementi pariter, atque intempestivo confligentur.

III. Sic constituto, & ad morbum hunc excipendum aptato corpore, cogitare licet *Ἀνεπιτήδειον* id, quæ est *Arthritidis* causa proxima & conjuncta; post aliquam a paroxysmo quietem, iterum repullulans, se iterum movens, & attollens, itaque orgasmum in sanguine faciens, eo nonnunquam ipso (pari ferme ritu, ac in variolarum initio solemne est) *Dolorem* excitare; *Membranas* scilicet nobiles, tam intra, quam extra calvariam, aut *Tunicas Vasorum* membranaceas extendendo, *Spiritusque* animales, earum *Fibras* incolentes, irritando vexandoque. Nonnunquam evenire potest, ut, in his *Membranis*, acutissimo sensu præditis, depositum miasma, virulentum & acre, pungat eas, arrodat, atque ea ratione faciat *Dolorem*.

Quocunque vero modo fiat *Dolor*, omnino palam est, eum miasmatis, sese in paroxysmum errigentis, signum esse non raro primum, & prænuncium, ad dies aliquot durare; & tunc in paroxysmum desinere regularem. *Arthritide* vero delinquente, & accessiones sive nullas, sive languidas iterante, *Cephalalgia* sæpe oritur gravis & diuturna, ægrum hebdomadas (ne dicam, menses) aliquot excruciat; & demum nisi miasma ad artus transferatur, vel a capite alias abducatur, *Apoplexiam* introducit.

IV. At de natura ejus *Arthritica* ut plane constet, non solum ex *Arthritidis* silentio defectuque oritur, (quod tamen unum magni hac in re momenti est, multumque valet) verum etiam pro miasmatis *Arthritici* renovatione, incremento, & in paroxysmum eruptione, renovatur, periodos easdem, quas *Arthritis* ipsa, servat, frequentissime in eam regularem, & genuinam migrat; & quidem rarsusdenham opera Medica.

(a) Vide Clariss. Stenonis, de Cerebri Anatome Dissertationem, impressam Lug. Bat. Anno 1671.

ro finitur, nisi per regularem paroxysmum, (quo quidem oriente statim evanescit) vel per *Apoplexiam*; quibus simul sumptis, morbum hunc miasmate *Arthritico* in caput irrepente nasci, nihil, ut opinor, indicio potest esse luculentiori.

Dolor ille non semper magnus, sæpe tolerabilis, sed dierum sæpe multorum; interdum autem pene ad delirium usque gravem observavi, patientia majorem omni.

V. Quanquam iste *Dolor* insultum aliquem *Arthriticum*, & quidem usitate regularem, vel *Apoplexiam* antecedit; interdum accidit, ex regulari paroxysmo, (repellentibus, vel animi pathemate, aliave aliqua causa interciso, & abrupto,) eum excitari, mediaque naturæ opera, & molimine, primum apparere. Quod tamen eodem pertinet, quando utroque casu miasma, minime sic, ut debuit, expulsum, *Capiti* inflictum est, in illud vires exercet, & ὁλόμια δώματα ναίει.

VI. Nonnunquam ægrum hæc *Cephalalgia* per se laceffit; identidem *Vertigine* comitata: hæc enim illi est tanquam soror gemina, & comes fere individua. Adhæc aliquando accedunt tinnitus aurium, spirandi gravitas, pulsus magnus, artuum dolores vagi, faciei color saturior, aliqua istiusmodi manifesta sanguinis ὀργασμοὶ indicia: quæ quidem omnia, ut ab *Arthritide* inerti, neque satis idonea profiscuntur: ita quamprimum illa artus occupaverit, & ad tempus aliquod recte se gesserit, confestim ea, simul cum *Dolore* capitis, redeunt; neque aliam videre licet *Arthritida*, quam quæ ex omni parte regulatis.

VII. *Vertiginis Arthritica*, sicut omnis, *Subjectum* est ea *Cerebri medullaris* pars, quæ cogitandi officina est: in qua, dum spiritus animales ejus inflant tubulos, & in iis sese movent, uti placuerit *Anima Rationali*, (cujus sub præsidio, nutu, & imperio, totum isthuc *Cogitationis* opus efficitur;) hi eorum motus; sive pleno flumine, sive tenui; sive in tubulis pluribus, sive paucioribus; sive prorsum, sive retrorsum; sive magno cum impetu, sive remisso; sive inflectione, sive evolutione; sive demum alio quocunque modo, & figura ferantur illi, ipsæ videntur hominis, sani & valentis, esse *Cogitationes*; & pro harum varietate talem in numerum variari, ut, quo singula *Cogitatio* formetur exprimatque, suis singulæ spirituum rite ordinatorum, & huc illuc rite fluitantium, *Motus* respondeat.

Hoc ut clarius ostendatur, quivis seipsum examinando facile perspiciet, quanta sibi in somno tranquillitas, quam alta quies, & a sensu motuque omni voluntario (in somno, veluti in ipsa morte) vacatio. Contra, somnum excutienti palam est, primum omnium in cerebri meditullio derepente quoddam micare; eodemque ipso temporis articulo, *Cogitandi* solitum munus, & pensum instaurari. Prima vero *Cogitatio*, vel pro re nata omnino nova est, & jam tum incipiens; vel (quod ad hujus rei explicationem non parum confert) quæ somno interrupta fuit, at jam ex intervallo aliquo resumpta est, quarum prior modulationi, organis, pneumaticis inchoatæ, quodammodo similis videtur; posterior intercisæ, & medio systemate fractæ; sed aliquanto post elaboratæ, & ad finem perductæ. Atque istam in cerebro spirituum ἐκλαμψιν illico sequitur (nonnunquam comitatur) motus, ab ea propagatus, in corpore muscularis, &, (b) Galeno jam olim observante, *Qui expergiscuntur, e vestigio pulsus magnos, vehementes, celeres, & cum quadam vibratione habent; qui mox mediocritatem assequuntur.*

Quis autem unquam, in somno spiritus extinguere, & ad nihilum redigi putavit? Annon potius credendum est, durante somno in medullaris *Cerebri* tubulis eos stagnare, & (tanquam aerem, in tibiis organi silentis) quiescere; micansque istud, quod expergiscunt primum sentimus, horum esse *Spirituum* in iis (ad instar venti, in tibiis organi) *Motuum*; & quod erat explicandum, *Cogitationes* humanas nihil aliud esse, quam Πνευματοπύλαι, sive *Spirituum*

Cc 2 ani-

(b) Τῶν δ' ἐξ ὅτων μεταπεπαισμένων, εἰς ἐκρήγιστον πνεύματα μεγάλα, ἢ σφοδρὰ, ἢ ταχέως, ἢ πυκνὰ, ἢ τινὰ κλόσιν ἔχοντα, μὲν ὀλίγον δ' εἰς συμμετρίαν ἔρχονται. De Causis Pulsuum, Libro tertio, Cap. x.

animalium certis quasdam, in tubulis prædictis, *Fluctuationes*, secundum leges, & regulas, ab *Anima Rationali* positas, & datas.

VIII. Hisce præmissis, altero jam loco dicendum est, in *Vertigine* spiritus animales cogitandi munere exequendo impediri; in rivulis a suis aliquot ordinandis, eorumque motibus regendis, interturbari; eumque in modum perverti, qui externa quæque *Objecta*, tanquam in gyro circumacta, repræsentet, itaque, ut ex eo fallatur *Imaginatio*, *Judicium* autem maneat integrum, & inconcussum. Perinde forsan, ac in modulamine faciendo, si una, vel altera organi tibia, rauca fuerit, & dissonans; ex illius vitio, (tamen si reliquæ omnes claræ fuerint, & illarum,) statim auribus peritis gravitas quanta maxima fit, harmonia perimitur.

IX. Scio nonnullos, arte nostra principes, hac de re aliter opinari; spiritusque animales, acie quasi militari, & veterum itionum reditionumque tractibus relictis, in gyros agi, tradentes, per *Rotationem*, & spirituum *Εἰστροπὴν*, *Vertiginis* modum & naturam explicare. Cum vero, quo in campo eorum acies instruantur; quo, eorum fiat *Ἀτάξια* nulla unquam detexit Anatome; contra vero, *Cerebrum Medullare* totum, ex *Tubulis*, sive *Ductibus*, in *Cerebri Cortice* incipientibus, una hoc loco colligatis, & in *Nervos* infra divisis, & dispersitis constare; sicque spirituum gyris, & vorticibus, (aliter quam in *Tubulis*, qui quidem iis admittendis minime sufficiant) ineptum esse, quando Clarissimi *Malpighii* Anatome detexit oculatissima; longe satius videtur, per *Tubulos*, perque spirituum in iis motus, quales in rerum natura esse, pro certo habeamus; (et si, quis spirituum motus cui conducat *Cogitationi*, prorsus ignoretur,) quam per ea, quæ nusquam inveniantur, aut esse judicentur, morbi hujus explicationem aggredi.

Quinimo, dici potest, rerum extra sitarum, totiusque hemispherii visibilis, per ea, quæ sibi sunt dissimilia, veras intus in *Cerebro* posse fieri repræsentationes: (nisi velimus, objecti *Viridis*, v. g. concipiendi ergo, *Viride* quoddam in compendio; sicque *Rubri* ergo, *Rubrum*, *Nigri* ergo, *Nigrum*, &c. in *Cerebro*, quo nihil unquam absurdus, statuere;) eoque posito, rerum externarum falsas imaginationes, quales sunt in *Vertigine*, per iis rebus dissimilia posse fieri dicamus; adeoque, ad earum in gyro & circuitu moventium imaginationem, etiam falsam spirituum in cerebro motu simili nequaquam opus esse.

X. At qualescunque fuerint eorum motus (neque enim in his *σοχαυοῖς* diutius hæreere lubet) certe perturbari possunt, vel per alienum & inimicum aliquod, in *Cortice Cerebri* a sanguine depositum: hæc in penetralia, & sacrosancta adyta, se insinuans, *Spirituum* choro se immiscens; ad eos adhærescens; eosque inter se confundens; vel, per vasa sanguinem vehementia, in propinquo tumefacta, tubulosque spiritus continentes coarctantia. Quæ posterior ratio probabilior est, in *Vertigine* cranii depressionem excipiente; ubi angustiis *Spiritus* urgentur, nec, quo possint choreas exercere, theatro satis spatioso gaudent. At in *Vertigine* variolas antecedente, vel ab ebrietate, & in hac nostra *Arthritica* locum obtinere potest (uti videtur) utraque.

XI. Præterea *Vertigo* hæc, cum *Dolore Capitis Arthritico*, concordat ex amussi: similia namque cum eo corpora, crassa nempe, plethorica, maximeque senilia, invadit; similem habet originem, ex miasmate *Arthritico* repullulante, cristas erigente, fugam e sanguine consciscente: similes habet periodos, & typos, *Arthriticis* paroxysmis respondentes, eosque in nonnullis agrotantibus numero permultos: similes habet comites, sive signa *Συνεσπύρτα*, dyspneam, capitis gravitatem, aurium tinnitum, spirituum depressionem: similem etiam exitum, cum paroxysmo plerumque regulari terminetur; interdum *Apoplexia* cedat *Arthritica*.

Aliquando levis hic affectus, & *Arthritidis*, paroxysmum molientis, signum insuper primum, & prænuntium. Molestus sæpe sic, ut eo laborans, ne in humum cadat, baculo adniti; fere continuo cavere, necessum habeat. Quæ levior est, *Arthritide* regulari, serius aut citius erumpente, fere concluditur. At

quando nulla venit in tempore *Arthritidis*, *Vertigo* interdum aggravescit, & deinde paulo post in *Apoplexiam* migrat. In *Epilepsiam*, utpote morbum confinem & proximum, *Vertiginem* mutari exquisitam, a Medicis passim observatum est; at in eam mutari *Vertiginem Arthriticam*, ex nostra, vel aliena observatione, ne semel quidem novi, ut miasma *Arthriticum Epilepsia* generandæ minime aptum existimetur.

XII. Curatio partim fit per ea, quæ utrisque his affectibus sunt communia; partim per iis propria. Inter communia, primum *Phlebotome* consideranda est, quæ, ut humoribus e *Capite* derivandis, tam repentino, quam magno est auxilio, sæpe commoda reperitur, & ubi *Dolor Capitis*, aut *Vertigo* isthæc urget, maxime vero ubi oculorum caligine, faciei rubore, articularum in temporibus pulsu, & ejusmodi (quæ sanguinis ad *Caput* inclinationem indicant, & *Apoplexiam* minantur) aliis comitatur, apprime necessaria est: Ea vero rarior copiaque (quod in malis similibus alias sæpe dixi) mittendus sanguis, non qua vulgo in his affectibus absolutis, & minime *Arthriticis* soleat; sed qua, *Arthritidi* in artus abigendæ faveatur; nec, quam ad *Caput* allevandum opus fuerit, uberiori.

Pertusa vena, & orgasmo in sanguine novo, miasma expellente, facta, nonnunquam illico dolent articuli; sin aliter fuerit, *Purgatio* instituenda est. Si qua ventriculi querela sit, hoc tempore *Vomitio* moveatur, & quidem per *Decoctum Teæ*, vel *Possetum Carduatum* aptissime. Ea vel peracta, vel (tanquam inutili) prætermissa protinus ducenda alvus; dato, in eum finem, e *Pil. Ruffi*, vel *Cochie min.* vel e *Duobus*, una cum *Res. Jal.* granis aliquot, purgante, quod nimirum intestina non solum inaniat; verum etiam sanguinem exagitet, turbet, & a miasmate, foras illud expellendo, liberet. Opus istud duplex (humores alios per alvum evocandi, alios in venis agitandi) interdum mitioribus, in constitutione scilicet tenera purgatuque facili, perficitur. Interdum *Aquæ*, sive *Alfordenses*, sive *Fontana*, *Sale Cathartico* saturata, rem conficit. Est ubi *Purgatio*, sive propter ejus lenitatem, sive propter humorum colluviem, una vice non sufficiat, atque pro re nata repetenda sit; ita vero ut *Arthritidi* τὸς ἐξῶθεν affigendæ accommodetur.

Purgationem, uti par est, factam creberrime sequitur extremitatum dolor; At si usque se miasma in sanguine contineat, usque delitescat, turbis in eo intestinis & ciendis, & augendis, quam exilio, pro naturæ jussu, capessendo pronius; hoc casu, ea, quæ ore sumpta fortius *Podagram* expellant, quæque extra admota evellent, usurpentur. Quæ vero, ore data, *Podagram* expellant, non nisi caute (præmissa nempe venæ sectione, alviq; ductione, & *Capite* multum iis sublevato) adhibeantur; ne, quæ sanguinis, & simul cum eo miasmatis, in artus extrudendi causa præbeantur, contra in *Caput* utrumque pellant; itaque malum intendant, & mortem arceant. Et quidem, a *Chalybeatorum* potentissimorum, & *Arthritidem* maxime expellentium usu, manum idcirco melius abstinere possumus; quia *Cephalica*, mox dicenda, suoque tempore propinanda, istorum medicamentorum magna ex parte vices supplere judicentur.

Qua de causa, in *Dolore Capitis* (ut ad propria descendam) *Pul. e Chel. C.C.* vel e *Corall. r. e Chel. Simpl. Succini albi*; vel istius classis alii mitiores, sive per se, sive cum *Conserva Anthus*, vel *Cons. Flor. Betonica*, & *Syr. Stæchados*, vel *Syr. Paon. Simp. sub forma Boli*, aut ex iis *Pulveribus*, una cum *Pul. dictamni Cretici*, *Castorei*, vel *Sem. Paon. & Extracto Gentiane*, *Pilulæ componi possunt*. Quinetiam hisce, sive *Bolis*, sive *Pilulis*, tuto interdum, & utiliter adjicere licebit. *Salis Martis* (vel etiam *Alcohol. M.* post evacuationes copiosas) gr. iii. vel iv. & compositionem, sexta, vel octava quaque hora, repetere. Omni autem ejusmodi dosi superbibere oportebit *Julapii* (ex *Aqua* puta *Cerasorum nigr. Flor. Tilia*, *Paon. simp. & Comp. & Spiritu Lavend.*) *Hauftum*: Mediis autem intervallis ex usu erit *Tinctura Succini*, vel (ubi febris, non immodica, siverit) *Sp. Vol. Oleos.* vel *Sp. C.C. cum Speciebus destillati, guttas*

tas aliquot, ex *Cacuminum Salvia tenuifol.* vel *Rorismar.* vel *Tea*, infus. *Hauftu demittere*. Hæc enim remedia, præmissis universalibus adhibita, spiritus animales blande reficiunt, & *Arthritidi* in arius expellendæ quodammodo opitulantur. Neque *Coffea Sorbitio*, quando *Cephalalgia* ritu singulari medeatur, præcipue si *Cephalica* ei superinijciantur, ægrotis hisce deneganda.

Simili fere modo in *Vertigine Arthritica*, post evacuationes jam dictas universales pul. *Sem. Ruta*, *peon. maris*, *Castorei*, *Rad. Valerian.* *Sylvest. Cyperi*, *Cort. Vvinteran.* *Cort. ext. Aurant.* *Species Dianthus*, *Diamosch.* dul. per se possunt adhiberi, vel eorum aliquam cum *Conf. Flor. Peon.* & *Syr. eorum*, vel *Syr. N. Myrist.* ex *Indiis allato*, electuarii forma. Porro ex pul. *de Gutteta*, & *Ente Veneris*, cum *Extr. Calami Aromatici*, vel *Assa fœtida solutione*, formentur pilule: vel, cum iisdem pulveribus adjungi potest, in eadem forma *Sal Martis*, vel *Sal Succini*. Ex his composita sumantur, hora quaque sexta, vel octava, dosi videlicet adeo tum frequenti, tum etiam magna, quæ spiritus animales ordinet, recreetque; non quæ confundat, irritetve. Dosi vero cuilibet æger superbibat *Julapii Cephalici* haustum: uti mediis etiam intervallis *Infusi* præscripti cyathum, cum *Tinct. Succini* guttis aliquot. Profunt graveolentia naribus admota, *Sp. Salis Armon.* cum *Sale Tartari*, *Castoreum*, *Assa fœtida*, &c. profunt etiam *Eucæda*: *Balsamum*, quod ab humanissimo sene, D. D. *Vvatherouse*, hac in urbe Medico, dum viveret, præcellentiſſimo, communicatum fuit, ad tempora & nates inungendas, his aliisque *Capitis* affectibus quamplurimis, utile & jucundum erit.

℞. Ol. Rorismar. Lavend. Majoran. Thymi, Origani, Hyssopi Chym. ana ℥j. Cinnam. Aurant. Angelica, Ruta ana ℥ss. Caryoph. ℥ss.

Ol. Nucis Moschat. per express. ℥iv. Ambra gris. ℥ij. Moschi ℥j. Bals. Per. ℥v.

Ambra gris. & Mosch. ponantur super Lapidem marmoreum; humectentur Oleis; & simul triturentur Lapide molari, donec fiat Massa, instar Pomati inspissata. Huic mixtura adde Bals. Per. Per horæ dimidium triturentur. Deinde adde Ol. N. M. per Expressionem, & per horam fiat Trituratio. In phiala servetur usui balsamum dædes cephalicum.

Quamquam autem ista *Caput* multum allevent, spiritusque labentes suscitent, non iis solis adhibenda fides. Nusquam major incolumitas, nulla perfectior curatio, quam per *Arthritidos* in arius expressionem. Quare, post diem unum, aut alterum, *Cephalicis* ore sumptis impertitum, in utroque hoc affectu (par enim utriusque ratio) *Externa*, quæ *Arthritidem* educant, adhibeantur articulo nempe sapissime dolenti applicetur *Empl. ex G. Caranne puri. ii. Cera flava p. j. Ol. Lumbric. q. s.* vel aliud aliquod *Ἀντισπαστικόν*. Hoc autem si nullarum erit virium, & *Capitis* affectus remanebit, maxime, si increſcet, tanquam in *Apoplexiam* abitura, ad *Sinapismos*, *Vesicantia*, *Vestitum lanæum*, & *Laqueos* hac in re idoneos, (quibus *Arthritidis* summopere educatur) quasi ad sacram anchoram, confugiendum est.

Quam parum autem adjuvent in utroque hoc affectu; imo quam suspitiosa, ne dicam periculosa, sint *Emulsa*, *Decocta refrigerantia*, *Narcotica*, *Oxyrrhodyna*, *Epithemata*, *Capitis Aqua frigida Lotio*, & ejusmodi alia, quæ ad compescendum sanguinis orgasmum alias cum fructu usurpentur, facile apparebit; quando illa materiam alienam, protinus evocandam expellendamque, medicina prorsus adversante, & repugnante, *Capiti* infigant. Neque satis, ut opinor, tutus sanguinis per *Hæmorrhoides* suetus; quando eo, nimia sit humorum in anum derivatio, quæ vel *Inflammationi*, vel *Fistula* viam aperiat.

Ut autem materia vitiosa, tutele ergo, præscindatur, alioque divertatur, operæ pretium erit, *Epispasticum* brachio, vel cervici aliquando imponere: incunte anno, (quod *Apoplexiæ* tempus esse solet) aliasve, si urgebit *Capitis* affectus, sanguinem detrachere: *Purgans*, omni mense, repetere: alvo nunquam diu astricta esse: arius, at præcipue pedes calidissime vestire. Quia & his hominibus incumbit *Errhinis*, & meditationibus, religiose vero a nimia potatione, abstinere.

Sydenham opera Medica.

HISTORIA I.

Ab ignava Arthritide Vertigo, Sanguinis missione & Alvi ductione, viſta.

Quidam annos quatuor supra quinquaginta natus, *Vertigine* affectus, dum in his lucubrandis occupor, e vicino oppidulo me appellit. Fuit ille jamdiu *Arthriticus*, paroxysmos habens, sive eorum frequentia, seu severitas inspecta sit, idoneos. Autumno anni MDCCV. *Arthritidis*, ignava jam & socors facta, non eo, quo solebat, ardore & vehementia se gessit; paroxysmum, uti moris erat, laudabilem non ullum edidit; verum, in mediocri & imbecilli edendo, languide enixa est. Loco paroxysmi regularis, & acuti, *Vertigo* ægrum invasit, multumque cruciavit. Quoties enim lecto ille jacuit dextro latere, statim *Vertigine* prorsus intolerabili (quippe qua universa sursum deorsum rapidissime ferri viderentur) tanquam oppressus, & pene moribundus, posituram corporis illico mutare necessum habuit. Porro ea fuit hominis fabricatio, quæ plenum, subpinguem, brevique collo donatum eum, morbis cephalicis pronum, & proclivem abunde redderet.

Sic constituto suasi, ut quam citissime venam incideret; *Pilulis Purgantibus* (e *Rudii ℥ss. Ref. Jal. gr. v. Calum. ℥ss. Balsam. Per. q. s.*) Ventrem inaniret; itemque altera vice, pauculis post diebus, nisi dolor *Articulorum* novus id vetaret. Eo vero redeunte, parti affectæ *Empl. e Cephalici*, & *Picis Burg.* æquis ponderibus, imponeretur. Detracto sanguini, & parumper in cyatho quiescenti, superincrevit gelatina densa, crassa, cum superficie flavescente.

Præceptis æger obtemperavit, & quidem magno suo, quod deinde accepi, commodo.

HISTORIA II.

Vertigo Arthritica, Purgatione in Podagram mutata.

A Urifaber *Exoniensis*, vir priscis moribus, *Integer vitæ, scelerisque purus*, ætate progressus, & ex ea nimis desidioſe acta, crassior jam & habitior factus, de nimia plenitudine, & ad motum impotentia, de *Vertigine* gravi & urgente (quæ in negotiis obeundis magno illi jam impedimento fuit) me consuluit. Cum *Arthritidem*, hujusmodi deviam, & *Anomalam*, me plus semel observasse recoluerim. Num articulis unquam ægrotaverat? Interposui. Olim sapissime, respondit æger: hosce vero per annos minime.

De morbi indole & natura certum me habens, ut eum a *Capite* deducere, & in articulos, sedem & domicilium suum abire facerem (quæ quidem indicatio rectissima esse videbatur) viam, atque in *Vertigine* absoluta, calcari aliam oportere judicavi.

Quare sanguinis detractione (quæ propositorum alterum tantum promovere solet, alterum autem interdum inhibere) prætermiſſa, *Catharsin*, quæ utriſque illis satisfaceret, institui; purgante, pro *Κοιλίας ἑλευζα*, satis forti ad eam rem electo. *Calomel. gr. xv. Scammon. pul. ℥ss. Pil. Stom. cum G. ℥ss. cum Bals. Per. q. s.* pilulari forma, mane demisit: sapius hinc deiecit; hinc claudicavit; hinc convaleuit.

HISTORIA III.

Vertiginem, & in Capite Dolorem faciens Arthritidis, idque usitate, Vena sectione & Purgatione toties in Articulos acta.

A Romatarius hac in urbe, constitutione sanguinea, plethoricus, sexagenario major, anno MDCXCVI. *Vertigine* laboravit. Simul atque eum novi pedibus sæpe doluisse, suspectumque habui capitis hunc affectum esse *Arthriticum*; hac re conside-

rata, primo, sanguinem detraxi; deinde alvum semel iterumque movi; postremo, animales spiritus quæ reficerent, eorum Ἀταξίας inhiberent, ea suo ordine sumenda; fonticulos etiam utroque latere spinæ inter omoplatas aperiendos, imperavi. Quæ autem inde fruges? Pes iterum jam tum doluit; defensum est Caput; civis servatus.

Anno proxime sequenti, circa vernum æquinoctium, idem pene casus altera jam vice accidit. Intermitte enim, ultra quam soleret, Arthritide, rediit Vertigo cum Dolo Capitis; quæ quidem ambo venæ sectione, purgatione, pharmacisque jam dictis, in Podagram, (qua nihil capiti salutaris esse potuit) actutum mutabantur.

Æstate anni MDCCII, æger iterum Vertigine, simul cum aurium tinnitu, spirandique difficultate multatus est; quæ quidem mala, plenitudine & Arthritide nimis inertii nata, post venæ sectionem & catharsin, articulari dolore finire.

Observationibus hisce toties iteratis, planum omnino factum est, Arthritida suppressam, & a paroxysmo quiescentem, Caput aliquando visitare; quin etiam derelictum illud, præ cæteris in trunco locis quibuscunque, tanquam alteram domum frequentare. Porro, cum in alieno isthoc, utut charo, & amabili loco diverfetur, posse in sedem primariam, in artus, & articula menta revocari. Denique nonnunquam (in iis scilicet ægrotis, qui firmiores, & multo robore valentes sunt) per venæsectionem, & purgationes, quibus sibi restituatur, & suis viribus uti, suoque modo agere permessa sit natura, sine multo Ποδαγραγωγῶν apparatu, posse egeri.

HISTORIA IV.

Capitis Dolor & Vertigo Arthritica, sæpe revertentes, simili methodo curati.

Medicamentarius Exoniensis, quo multos annos tutor familiarissime, Arthritide diu regulari affectus, sub exitum sæculi nuper elapsi mitius solito, rariusque cæpit dolere. Malorum ex eo tempore statim crudele par exortum est; Vertigo nempe, cum Dolo Capitis acuto, vel, ægrotum eo deficiente, cardialgia, cum ructu acido, & inflatione ventriculi.

Biennio post, cum Arthritide nimium ignava esset, nec, ut opus fuit, paroxysmum ageret, Κεφαλαλγία rediit, una cum vagis artuum doloribus; & quidem pedum incertis.

Quid autem annos dicam? Decies ego minimum, hunc hominem hac Vertigine laborantem vidi; decies eum mœstissime querentem audiavi. Quando enim Arthritide multum affligeretur, neque ea semper regulari; quali eo modo se plerumque gesserit, hisce paucis accipite. Præcessit dolor, hic illic erraticus, per artus, per trunci ambitum propemodum omnem; hunc excepit, ita vero, ut illius fere latus clauderet, torpor, & universi corporis gravitas; cum Ἀνσπεξία, sanguinis orgasmo, & tumultu, venarumque distentione. His accessit alias articularum, alias Capitis Dolor, & deinde Vertigo. Tum autem magna, tamque molesta Vertigo, ut, qua in præceps ne ageretur, sæpe haud immerito pertimeret. Ægroto autem forti, robustaque, & omnino firma constitutione prædito, ea fuit felicitas, ut, post dies quatuor, vel quinque, Arthritide sæpe per se τὰ ἄκρα peteret, eodemque tempore Caput defereret. Si quando gravius urgere, diutiusque Vertigo perstare contigerit, quod aliquoties accidisse novi; venæ sectione & purgatione, (altera earum, vel utraque) in articulos semper exulavit. Cui & hoc adjiciendum, nunquam ægri, seu Vertigine, seu Dolo afflicti, Caput ex toto immune, & incolume prius reddi, quam in Articulis dolor oboreretur; eo vero jam oborto, liberari semper, & tanquam auxilio præsentissimo & plane divino, isthuc incolume reddi. Qua utique re, ad istarum Anomaliarum & explicandam Ætiologiam, & confirmandam Therapiam (ut ego quidem sentio) nihil magis potest conducere.

Causam autem ne silentio præteream, quare sanguis in hoc ægroto toties, & tanto impetu in Caput irru-

ret, vel impelleretur; ipsa Facies eam monstravit: Facies, inquam, hominis pyropi ruberrima, venis ubique turgidis signata, sanguine plenissima. Quæ cum ita se haberet, vasa, in Capite sanguinem vehentia, supra modum magna, & immenso ejus flumine, quod utrique isti Anomalie daret originem, distenta esse indicavit.

HISTORIA V.

Cephalalgia Arthritica, Venæ sectione & Spiritu Volatili, in Podagram versa.

Cum vitam aliquot ante annis Academicam secutus sit, quidam e proximo vicinus, oppidanus, ebrietati satis, sordidæque satis deditus, (quarum altera vim humorum magnam in corpore congerere; altera non eliminare solet) opem meam qualemcunque medicam imploravit. Erat illi, propter malam vitæ rationem, corpus crassum, Cacoehymicum, pingue, morbo non unius generis accipiendo paratum; ita vero constitutum forte fortuna invasit Arthritide, & a malis gravioribus, tanquam possessione suam, defendit. Semel, bis in anno paroxysmos, eosque satis longos, & acutos celebravit; perque omne illud tempus abstinere fecit ægrum. Demum, nescio qua de causa, Arthritide intermisit, Cephalalgia statim orta fuit acris, & toleratu difficilis. Membranas Capitis majores contrahi, & in spasmos obstinate constingi, verisimile est. Enim vero tantus ægri fuit cruciatus, quantus omnem modum excedere, quantus sensum communem obruere, & penè delirium inferre videretur.

Hæc ut primum novi, & ab Arthritide interrupta, devia, & in Caput inversa, turbas has oriri intellexi; sanguinem extemplo mitti, & quia constanti vir ætate, firmoque corpore erat, non nimis parce detrabi præcepi, spiritum posthæc e volatilibus, cum vehiculo conveniente, dedi. Quam quidem medendi viam ideo calcavi, primum, ut alienum e capite revellerem; denique, ad τὰ ἔξω amandarem, iisque figerem. Neque a scopo aberravi; hac enim medicina factum est, ut dolerent, ut tumerent, utque ruberent iterum articuli; & quidem (ut illa facta est) statim, maximeque ægri cum utilitate.

HISTORIA VI.

Miasma Arthriticum in Caput immissum, eique Vertiginem & Dolorem inferens, eo repulsum, & in artus mandatum.

Tenera constitutione mulier, frigida Arthritide, & languenti creberrime affecta, tumorem ejus pallidum, tanquam a flatu generatum, in utraque manu, & carpo, magnum ostentavit Arthritide sic gravata profecto male evenit, animi Pachemate, propter res quasdam adversas, supra modum affligi. Eo enim effectum est, non ut spiritus solum perturbarentur, multumque deprimerentur; verum etiam ut tumores hi Arthritici prorsus subsiderent, evanescerent. Vertigo statim hinc exorta est, una cum Dolo Capitis & Colli, cum somno non tantum injucundo, sed inquieto, tumultuoso, & frequenter interrupto. Quæ quidem mala, si ex omni parte Hysterica dicantur, temere nimis & parum consulte (quod utique rei exitu probatum) id diceretur. Epispasticum Nucha Cervicis impositum est, & deinde utrique brachio; quibus feri multum evocatur. Pilula sumuntur Aloetica (ex Aloes Rosat. ʒj. Pil. e duobus ʒss. Ol. Absynth. gr. i. El. prop. q. s.) quibus alvus inanita, sanguis agitat. Spiritu C. C. succinato, bis in die cum Julapii Cephalici haustu, & Pulvere Podagram expellentē (Chalybis nempe Nutriti ʒss. Pul. e Chel. C. C. ʒi. Maceris Pul. gr. iv.) pariter bis die, cum Vini Canarini haustu, per dies circiter decem assumpto, factum est, ut denuo tumores, & quidem intra breve spatium, elevarentur; ut Arthritide procul a locis principibus arceretur; ut partibus a centro vitæ remotis infingeretur, & detineretur. Qua vero ratione gradibusque sunt hæc effecta, Cerebri incolumitas effecta, ipsius vitæ res servata est.

HISTORIA VII.

*Cephalæa & Vertigio Arthritica, Medicina pari,
cum Phœnigmis, sublata.*

VIr reverendus, ætate constanti, doluit *Arthritide*; nunc vaga, per hæc illa membrorum internodia; nunc articulis affixa, dolore, rubore, & tumore comitata. Primo supra decimum exeunte lustro, *Cephalalgia & Vertigine* laboravit, tum gravibus, tum diutinis. Cum me, consilii ergo, primum arcessiverit, ex constitutione sanguinea, vultuque florido judicavi, plenitudinis, & quidem ejus unius, has esse soboles; itaque sola evacuatione posse eas auferri: quam tamen (excussa omni re, & inito cum ægrotante colloquio, penitus examinata) sententiam mutare necessum habui, & alienam, & *Arthriticam* in *Caput* itrepere materiam, apud animum meum statuere.

Hoc igitur propositum ante oculos statuens, venam primum incidi, &, minore quantitate, quam in his affectibus absolutis conveniret, detracto sanguine, *Emeticum* præcepi; posteaque *Purgans*. Quibus malum quando leniri, minime vero tolli persenseram, *Pilulas* (ex duobus, & *Ruffi*) drasticas adhibui, ut in sanguine major orgasmus ciceretur, & alienum proscriberetur. Postridie purgationis, ut humores excitati, foras evellerentur suisque demum locis, nempe *Articulis*, infererentur; curæ mihi erat, utriusque malleolo, quem *Arthritis* locum usitatissime frequentavit, *Sinapismum* (ex *Fermento veteri*, *Raf. Radicula*, *Sem. Sinapios*, *Cacuminibus Ruta*, & *aceto Vini albi*) applicare.

Atque ista methode in *Cerebrum* insinuantem, *Arthritida* revelli; proprio loco (nempe *Artubus*) mandavi; suos intra terminos, sua spatia coercui; ægrum sanavi.

HISTORIA VIII.

*Vertiginis Arthriticæ, cum Spirituum depressione
gravi, Curatio.*

Civis *Ischanus*, *Arthritide* regulari, quotannis redeunte, per senectæ initium, est afflictus: sexagenarius autem, vel eam circiter ætatem, paroxysmos habuit tum paulatim minores, tum etiam rariores, demum nullos. At brevis ista fuit serenitas, & ab adversa valetudine vacatio; uti etiam dubia: malum *Arthritide* gravius successit, longeque periculosius; *Vertigo* nempe, cui deinceps comitem sese dedit *Depressio* spirituum supramodum molesta, continua.

Cum ita affectum inviserim, pulsum magnum, & elatum observavi; ac si instaret *Apoplexia*. Quare venam illico pertundi, sanguinemque ea quantitate detrahi, qua *Capiti* levamento esset, jussi. Porro, quoniam isti *Capitis* affectus non tam absoluti, quam *Arthritici* (quod ex malorum ordine vel ipsi ægro, rei medicæ non ignaro, patuit) existimari possent; quo *Arthritis* educeretur, *Phœnigmm*, ex eam evellentibus, acerrimum, & calidissimum, utrique malleolo, quæ *Arthritidis* in hoc ægroto fuere stativa, imposui; frigidum, altera quaque hora, renovavi; tumoribus, eo factis, *Epispastica* admovi; unde feri acris, falsi, vitiosi, *Arthritici* multum est elicitum. Æger ex eo tempore convalescens, annos egit postea permultos, eosque pro ætate satis beatos, & tandem morbo, uti accepi, nephritico occubuit.

HISTORIA IX.

*Ex Arthritide Vertiginosus, Victu nimis tenui
depressus, e vivis excessit.*

VIr mihi conjunctissimus diu bona valetudine usus, ætate adulta dolere cœpit *Arthritide*; quæ, propter multas equitationes, & laude dignam in victu temperantiam, raro aliter se habuit, quam quæ *ma-*
Sydenham opera Medica.

xime regularis, quæque maxime salutaris. *Paroxysmum* enim, semel bis in anno, cumque malo symptomate nullo comitatum, tanquam ad præscriptum Medici, aut votum ægrotantis egit.

Ita multos annos, si non omni doloris sensu carentes,

(*τίς δέ, πλὴν Θεῶν,*

Ἄπαντ' ἀπὸ μὲν τῶν αἰῶνων ἔχον;)

beate tamen, & tuto, imo ipsam per *Arthritida* tuto vixit.

Huic, ingruente senio, accessit *Vertigo*, quæ, paulatim ingravescens, eo increvit usque, ut sæpe ne in humum æger concideret, periculum esset. Quapropter *Venasectio*, *Emetica*, *Vesicantia*, *Purgantia*, aliaque multa, suo quæque loco, sunt a viris arte nostra præcellentibus, imperata, &, vel omnia, vel magna ex parte, ab ægro usurpata. Cum vero ista proposito minime responderent, *Vertiginem* eam non tam exquisitam & genuinam, quam notham, & *Arthriticam* esse suspicatus sum.

Sexagenario jam major, *Arthritidem*, uti illi videbatur, nimis gravem, diutius non alere; sed per diætam decrevit tenuare: proindeque, cerevisia potenti & generosa (quam, per annos alioquin multos, interdum ad hilaritatem, at non incommode, potaverat) abjecta neglectaque, non nisi aquosam, nullarum virium, & vilem adhibuit. Væ autem illis, qui *Arthritida*, diu satietati suetam, abstinentia demum nimia tentant evincere. Male habita *Arthritis* intimas in corpore regiones, ejusque viscera nobilissima invadit, unde ægri res in pessum abiit, & (ut sæpe accidit) in dubio vita. Minus quidem articulis, ex eo tempore, doluit hic noster *Arthriticus*; at inauspicatos minus. Sanguis enim intempestive, & magna ægri cum injuria debilitatus, alieno amplius expellendo, sic, ut olim, non erat. Faciem depressam, nec, ut ante coloratam, oculos concavos, vires enervatas notare familiares, & malum aliquod præ foribus ominari.

Cum vero eo res deducta esset, magni aliquid momenti accidit, dictuque non indigni. Recurrente enim *Podagra*, & insultum denuo, qualem potuit, faciente, aqua frigida pedes media hyeme immerisit æger, itaque temere tumoris *Arthritici* materiam percussit. Pectore, *Capite* subito gravatus primo tussit, & cum impedimento spiritum traxit; mox sensus omnis, ipsa etiam mens defecit; &, tota undique astantium mirante turba, non tam excessit, quam surreptus est e medio.

CAPUT XV.

De Apoplexia Arthritica.

Art. I. **D**E vertigine, & dolore capitis *Arthritico* supra dictum est; speciatim, hos affectus in *Apoplexiam* non raro migrare, eaque terminari: quod quidem malum, quando hodie gravissimum, eoque gravius, quo minus suspectum, intellectumque sit; operæ pretium mihi videtur, paulo altius ejus rationem repetere, & totam Historiam, ut potero, describere; qua, nisi me fallit animus, apparebit, hanc *Apoplexiam*, non minus quam reliquas hujusce nominis *Anomalias* habere privatum, & propria indigere medendi methodo.

II. Docuit rerum medicarum usus, *Arthriticos*, eos præcipue, qui constitutione sanguinea, collo brevi, & toroso donati, multos ægrotarunt annos, seniumque jam ingressi sunt; maxime vero eos, qui *Cereri*, & *Baccho* indulgentes, ludoque campestri, & exercitatione corporis intermissa, sunt plethorici, sensu motuque, nunc aliqua ex parte, nunc omni, subito privatos *Apoplexia* non raro corripit. Quæ si *Arthritidis* paroxysmo regulari, sive interciso, sive dilato, minimique, qua par est, sævitia peracto, enascatur; hanc ego *Apoplexiam* non tam exquisitam, & genuinam, quam notham, & *Arthriticam* appellabo. Ea certe est, de qua, ex communi, &, apud doctos & literatos hæcenus recepta, *Apoplexie* Doctrina, nimine ferenda est sententia; minime ordinanda medicina: verum multo aliter, ex eo, quod huic affectui proprium, de utrisque statuendum est.

III. Ut autem proprium illud explicetur, animadvertendum est, in casu jam descripto veri admodum similem esse, *Miasma Arthriticum* in corpore diu affecto, neque paroxysmis utilibus, sic, ut oporteret, expurgato, congeri & coacervari: mox sanguinem, eo saturatum, fermentescere, turgere, & in orgasum evehi; natura sc. in sui defensionem, & tutelam, alieni sumptis viribus expulsionem attentante, moliente. Jam vero si acciderit, vel propter *Cerebri* imbecillitatem & ἀπρίαν, vel propter aliud quodvis ἀποκαταρκτηκόν, in *Cerebrum* vehementius sanguinem arietare, & cum majori impetu partes ejus tenerrimas ferire; ex eo, primum *Cephalalgia*, & *Vertigo*, altera nempe, sive ambæ suboriuntur; *Caput* aggravatum; facies plenior, & coloratior est; lingua sæpe titubat; motio sit corporis incompressa; gressus inæquales: sique malum ingravescit, & validissimo ægrum insultu utget. Sensu ille, motuque interdum captus, cum oculorum, ac si in ipsa morte, vitreo colore, tanquam *Apoplexia*, perculsus est.

Hæc hujusce morbi pars prior; cui si aliud adjiciatur, & ab ejus curatione ducatur argumentum, (nullam melius sperari, nullam citius, nullam tutius perfectiusque fieri, quam per alieni, morbum in *Capite* committentis, ad articulos expulsionem) profecto quidem, ad confirmandam morbi hujus naturam ἀποδεικνύω, nihil deesse video.

IV. E prædictis liquet, etiam si nullam hujus morbi, quatenus *Arthritici*, diagnosin, e symptomatum simul concurrentium globo, poterimus ullo, quod sciam, modo elicere: (nam in *Apoplexia* hac *Arthritica*, atque exquisita, motus & sensus similis est defectus, stertor, rhonchus, eademque his utrisque signorum Συσδρομή) tamen, si ægri, diu jam *Arthriticis*; si paroxysmi, dudum languidi, & inertis; si *Apoplexia*, languorum & eclipsin illam a tergo secutæ, habeatur ratio, horum, inquam, ex symptomatum origine, ipso morbi initio facile erit ingenium, & morem ejus *Arthriticum* investigando consequi.

V. Posito ergo hoc affectu, de ejus *Subiecto*, de causa continente, de remota, de prognosi, aliisque ejus expositioni necessariis, clare dicam, & quoad potero, enucleate,

Subiectum Apoplexie frequentissimum, omnium, qui de illo verba fecerunt, acutissime, partem esse *Cerebri Corticeam*, affirmavit doctrina, ingenio, & humanitate vir clarissimus, *Guilielmus Cole*, collega plurimum honorandus. „Ea (sic ille solidissime disputat) morbi omnis sedes, & *Subiectum* est habendum, quod materiam, eum committentem initio accipere, & in quo defigi illa judicetur: nullo autem in loco materia promptius, quam in *Cerebri Cortice* defixa, facit *Apoplexiam* (a). Huc eam apportant arteriæ nobiles, ingentes, in ramos divisæ tum magnos, tum etiam amplum inter se commercium exercentes. Huc allata, & eo loci sistens, vasorum sanguinem vehentium fines, (furculos sc. arteriarum, & venarum origines) extendit dilatatque. Vasorum istam extensionem necessario, & quidem e vestigio sequitur: in *Corpore Calloso*, reliquoque *medullari Cerebro*, tubulorum compressio, coarctatioque. Hinc spiritus in tubulis istis animales Interpelluntur; in motu ordinando, eorum mandata; in sensu, recipiendo eorum impressiones; in cogitationibus elaborandis, eorum fluctuationes interturbantur, confunduntur. *Sensitiva*, cumque ea *Rationalis Anima* patitur eclipsin.

Quod vero multum in ea *Apoplexia* sed confirmanda valet; ei datæ sunt a natura venæ, prædictis arteriis, qua numero, qua magnitudine, qua denique commercio respondentes; quæ, quicquid alieni sit advectum, (facta præcipue sanguinis detractio, vel minimum ἀντιρροή: debita) resorbent, asportantque. Hoc modo partim, ut opinor, evenit, quod qui gravissima laborant *Apoplexia*, sæpe curentur, de integro nunquam in eam incidentes; *Cerebri* nempe *Cortice*, sic, ut par est, exonerato, & deinde pristinam recuperante ἀπρίαν: Quod de *Corpore Calloso* minime, si cum *Apoplexia* locum esse fingamus, expectandum; nam cum ei nulla sint, quæ tam grande onus (*Apoplexia* nempe causam continentem)

auferre possint, animam occupabit non eclipsis solum, sed ipsa nox; *Catulli*

Nox perpetuo dormienda.

Minime vero negandum, *miasma Arthriticum* ipsos aliquando tubulos intrare *Nervinos*; spirituum undulas miscere; nubem animæ, & torporem injicere; & quidem ita semper (alias autem alia ratione) fieri conjicio, quoties hæc *Apoplexia* demigrat in *Paralysin*; ubi nulla videtur alieni, nisi per tubulos prædictos, extrudendi via.

VI. De causa hujus *Apoplexie* conjuncta & proxima, notatu dignum est, illam creberrime vasculorum esse in *Cerebri Cortice* dilatationem; quæ *Tubulos* in *Cerebri Meditullio* statim comprimi, spiritusque facit animales in iis obstrui, & turbari. Ista vero *Dilatatio* vel a sanguinis in ea vascula irruentis, & in iis commorati, vitio, vel ab ejus quantitate provenit.

Vitium isthuc, quatenus *Arthriticum* est, a *miasmate Arthritico*, sanguinem commovente multumque exagitante ortum, procul dubio hac in re non parum operatur: Huic autem aliud vitium accedere solet, sanguinis nimirum *Lentor*; qui, ut omnium pene *Arthriticorum*, maxime vero ætate grandiorum, sanguini inesse; eique detracto, & in cyathis quiescenti, innatare deprehenditur; ita hujusmodi laborantium tum inesse sanguini, tum etiam eorum *Cerebro* inharere, vasculaque (sic, ut dixi) refarciendo complere, & extendere jure merito censeatur.

Miasma isthuc *Arthriticum* per se, maxime vero πύμα involutum, si *Cortici* impingat, & in eo insideat, sanguinem eo loci sistit; itaque dilationem modo dictam infert, & sæpenumero causa hujus *Apoplexie* proxima, uti suspicor, & conjuncta est.

Quoties autem *miasma*, penetrato *Cortice*, *Tubulos* in *Cerebri Meditullio* subintrat; spiritus animales tunc cominus aggreditur; & proxime tunc facta in eos impressione, *Fluctuationes* eorum ordinarias subvertit permiscere, donec morbus aut in *Paralysin* exit, aut morte, linea rerum ultima, concluditur.

VII. Istam autem sanguinis, seu vitiosi, seu nimii, in *Capite* moram, & mansionem, (ut de causis remotioribus nonnihil dicam) in primis *Cerebri* creat a cunabulis imbecillitas. Huc confert etiam, quicquid sanguinem impetuosius, & in *Cerebrum* copiosius impelli; quicquid etiam in eo diutius retineri faciat. Copiosius autem impellitur exercitatione corporis, & labore pertinaci.

Anni ferme sunt viginti, cum celeb. *Matthæus Slade*, Medicus *Amstelodamensis*, *Londinum*, *Oxonio* proficiscens, & in itinere collem (ambulandi gratia) pedibus ascendens, vix superato ejus fastigio, quasi de Cælo tactus, *Apoplexia* prostratus est; neque unquam ad se rediens, animam brevi post efflavit.

Infantuli, paucis ante diebus nati, subitoque, non sine veneni suspitione, mortem obeuntis, corpus olim aperui. Nulla erant veneni in stomacho, vestigia, at in *Capite*, arteriæ & venæ *Cerebrum* amplectentes, bis tanto majores, sanguinem magna illa nascendi lucta & nisu, in *Caput* infantuli nimio plus intrudi, & tum *Apoplexia*, tum etiam mortis causam fuisse, verisimile reddiderunt.

Diutius sanguinem in *Capite* retineri faciunt, inter alia vinctura colli nimis stricta. Non ita pridem, in vicinia nostra, quidam madidus, & Baccho plenus, in lectum commissus, intra breve tempus obiit. Rigidus enim, ore livido, demortuus horis post paucis est inventus. Cum, de causa mortis adeo repentinae inquireretur, præter ingestam liquidorum vim, collari linteo nimis arcto, & in poculis non exuto (tanquam fune in strangulatis) sanguinis reditum, maxime in corporis situ plano, & *Horizontali*, impediens, mihi probabilius inveniri, aut quidem excogitari potuit. Quæ a nobis *Apoplexia* puræ, & genuinæ ἀπορίας afferuntur (nimirum, ob accidentia prædicta, sanguinis in *Caput* injectio largior, & exportatio diminutio) possunt etiam *Arthriticis*, ob accidentia similia interdum obvenire, & in *Apoplexiis* eorum inducendis, locum obtinere.

Huc porro referendus *Opiatorum*, ut & *Errhinorum* abusus, quibus *Arthritici* materiam in cruore alienam, magno suo cum periculo sæpe *Capite* impigerunt.

His,

(a) Vide Auctoris Tentamen Physico-medicum de Apoplexia.

His, quæ ritu peculiari humorem in *Caput* dirigunt, adjungantur ea, quibus (externis, & evidentibus causis) a τὸς ἔξωδον, humor repellitur, & intro agitur: quæ cum hinc *Anomalie*, simul cum cæteris omnibus *Arthriticis*, sunt communes, alibi tum fusius enumeratæ, non satis explicatæ sunt.

VIII. De nostra hac *Apoplexia*, si cum *Exquisita* comparetur, observandum, quod uti vere hæc

-----cum *Spiritus Orbis*

Bacchatur-----

eoque ineunte creberrime occurrit; & calori, se per sanguinem humanum una cum Mundi reliquo, tum temporis fundenti, eumque agitati, debet originem: ita quidem illa, nimirum *Arthritica*, pendet ex uno miasmate *Arthritico*, præsertim augente & ebulliente; quocunque anni tempore hoc contingat. Ver autem, & Autumnus sunt tempora, in quibus id *Arthriticum* maxime ὀρῶν, & in *Caput* sæpissime irrupit.

IX. De hujus *Apoplexia* ἀποπλῶν jam ordine dicendum: tamen si plures ignorata morbi natura, & ob eam rem instituta medendi methodo non satis idonea, fatis cesserunt; tamen (quod hujus modi laborantibus solatio sit) omnino constat, permultos ea tentatos: artificiose, sic, ut decet, tractatos, ex anticipati morbo hoc convaluisse, vitalem diu postea vitam egisse, & quam ab *Apoplexia* vulgari, & exquisita, longe meliorem. Cujus id in causa esse censeo, quod, debita humorum e *Capite* facta primum *Αντιμαῖαν*, & deinde, restituto *Cerebri* tono, saniores ii, tutioremque vitæ rationem ineant, libertate missa inutili, imo perniciofa: quod, e gulæ deditis fiant temperantes, e temulentis, sobrii: itaque omnibus sedulo vitatis, quæ aut corpus plenitudine gravent, aut gravatum orbent paroxysmis regularibus, senectutem habeant tolerabilem. Verum, ut omne id emolumenti, tum artis medicæ opus, tum observantiæ fructus est; quicumque fructum istum, minime calcata potiundi ejus via, speraverit, mensem ille, nullo semine facto, (quod est unum ex absurdissimis) videtur expectare.

X. Medendi indicatio postulat, ut quam citissime *Cerebrum* allevetur, ut mens, motusque, & sensus instaurentur. Hoc autem optime faciendum *Evacuatione*, *Revulsione*, & arieni in altum amandatione. Primum omnium inquiratur, utrum calceamentis, aut tibialibus nimis arctis, aliove quovis externo, *Arthritidis* τὸς ἔξω repellatur, aut, in ea ne erumpat, inhibeatur. Porro, de sanguinis in *Caput* fluxu, nimis largo, & torrenti num intrudatur, num in eo diutius, quam ex œconomiae legibus soleat debeatque, retineatur, est quærendum; & ex hisce procatarteticis quæcunque fuerint inventa, sunt initio removenda.

In hujusmodi *Apoplexia* fere omni necessaria est *Vena sectio*: nihil ea certius, nihil citius opitulatur. Detrahatur igitur, quam primum fieri potest, (quam citissime conficies id, tam maxime proderit) uncia xii. xiv. vel libra una semis pro ægri viribus & constitutione. Paulo post injiciatur *Enema* pungans, & acre; sive ex *Urina Humana*, sive ex *Decocto comuni*, cum *Sale vulgari*, vel *Aloe rosata*, aliove id genus alvum irritante. Sub id tempus adhibeatur *Purgans*, e potentissimis, & sanguinem agitantibus; *Pulvis* puta *Vvarvicensis* e ʒss. ad ʒij. vel *Res. Jal. agr. vi. ad x. cum Extr. Rudii ʒj. sive ʒss. Elix. Prop. q. f. ut fiant pilule*; vel ex *Decocti amari Purgantis ʒij. & Syr. e Spina ab ʒj. ad iʒs. potio*. Si segnius erit demissum *Purgans*, neque trium, aut quatuor horarum spatio ventrem movebit, *Enema* repetatur. Toto isthoc tempore, vel lecto, vel cathedra corpore, quoad potest, erecto sedeat ægrotans; ne in *Caput* depressum, & nimis inclinatum, humor impetu, & copia majori suffundatur, malumque augeatur.

Purgatione facta, de *Vena sectione* iteranda, & quo in loco, brachio, an cervice, deliberandum est. *Cucurbitula*, hoc tempore, dorso (inter omoplatas) admotæ, cum multiplici *Scarificatione*, usus sunt eximii.

Vacuefacto corpore, operæ pretium erit articulo nuperrime dolenti *Emplastrum*, vel e *Pice Burgundica* & *Terebinthina Venet.* vel *Cephalicum cum Euphorbio*, aliudve quodvis potenter attrahens, imponere;

totumque membrum, ut e *Capite* materia ducatur, & loco magis idoneo figatur, laneis involucris calidissime vestire. In hujusmodi casu, pedes in aquæ fontanæ balneum, quam potuit tolerari, fervidum immittendo, ibique retinendo; ægrum, omni spe vitæ pene destitutum, & animam, ut apparebat, jam tum agentem, ὡς κρητὸν servatum, aliquando novi.

Cum hæc aguntur, ad τὰ ἔξω *Arthritis* evocati, *Cerebrum* magnopere levare solet: natura, prædictis auxiliis adjuncta, in viam redit; & opus, inauspicato cœptum, felicius & accuratius perficit. Sin aliter res sit, neque per ea sanetur æger, ut alieni fiat evacuatio, quæ nominatur *Topica*, collo posteriori dimidio, sincipiti, vel capiti raso *Epispasticum* applicetur, & dies quatuor vel quinque geratur. Brachiis etiam internis, aut furis (uti *Chiragra*, vel *Podagra* frequentior est) admoveeri possunt istiusmodi *Emplastra*. Si vero angustis prematur æger, & graviter laboret, *Cervici*, vel *Capiti*, ubi *Sutura Sagittalis* cum *Lambdoidea* coit, vel ubi cum *Sutura Coronali* (prout *Capitis* pars posterior, vel anterior magis afficitur) *Cucurbitula* imponatur. Si nihil horum in usum trahetur, tondere minimum ad cutim oportebit; deinde *Caput* radere, & ad relaxationem cutis perfricare; postremo, *Emplastrum e Cumino*, vel istiusmodi aliud, quod *Διαπλῶν* exaugeat, & humores eliciat, applicatum continuo gestetur.

Malo usque permanente, proderit materiam per nares, per os detrahare. Valent hanc in rem *Errhina*, quæ sine sternutatione serum educant. Sternutationem moventia jure merito vereamur, ne, vi sua & nisu corporis laboriosissimo, humores in *Cerebrum* impellant, ægrumque obruant. Manducare juvar, quæ sunt acerrima; eorumque beneficio salivam largiter educere.

ʒi. *Raf. Raph. Rustic.*

Sem. Sinapios contus. ana ʒss.

Pul. Pyretri ʒj. misce, Melle excepta & Serico inclusa ori dentur, & Sputo identidem ejecto Dentibus conterantur. Huc confert etiam *Electuarium Apoplegmaticum* infra descriptum.

Interea vero temporis, dum sunt evacuationes, ea, quæ spiritus animales stimulent, & munus suum obire faciant, magni, & quidem frequentissimi usus sunt, quamobrem *Spiritus Volatiles oleosi*, vel *Sp. C. C. succinati*, cum *Jalapii Cephalici Haustu*, crebro & assatum, sic, ut requirat usus, sunt adhibendi. Quinimo *Pulvis de Gutteta*, cum *Castoreo*, & *Oleo Succini*, *Assæ fetida* solutione in *Pilulas* temperatus, bis vel ter in die demittatur, cum *Jalapii* prædicti haustu. Hæc quidem medicamenta eo potius eligantur, quoniam non solum animales spiritus instaurent, sed & *Arthritidi* etiam expellendæ quodammodo inserviant: verum præmissis evacuationibus, quæ appellantur *generales*, iis potissime urendum, ne, a medicamentis adeo *Cardiacis*, in corpore feriato & pleno, malum intendatur.

Si a prædictis ὡς τὸς ἔξω nulla fiat *Arthritis*, ad auxilia externa, magis efficacia, progredi juvabit; ad *Phænigmos* scil. aut ejusmodi alia, quæ valentissime, quæque materiam evellant omnium certissime.

Quamprimum tumor, aut dolor significabit *Arthritidem* ad τὰ ἄνω appellari, studio elaborandum est, ut eo loci retineatur, neque retro agatur: Hoc autem optime fit per *Epispasticum*, & *Empl. Meliloti*, ordine applicata, quibus, per ulcuscula diutine aperta, perniciosus humor educatur. Atque huic proposito non alienum erit, *Emplastro* lanea superponere, laqueos iis involvere, pedemque interdiu, modo pes afficitur, deorsum versum inclinare.

Omni hoc tempore commodissimæ sunt *Fricationes* artuum præcipue, bis vel ter in die, vehementes: quæ quidem e *Cerebro*, sed non e corpore, sanguinem educant, & illius πόνῳ ad corporis extrema vertant.

Arthritide in extrema apparente, veluti præsentem Numine, servatur æger. Nihil auspiciatius, nihil ei felicius obvenire potest. Morbi, a quo idoneo & recto ægri vita & incolumitas omnino pendet, a quo (e contrario) inverso, & *Ανωμαλῶ*, ejus periculum, quantum animo comprehendi potest, maximum est obortum; istius, inquam, morbi hoc modo sublata est *Ανωμαλία*, isque jam denuo factus salutaris.

Cum

Cum humorum plane mutatur inclinatio; quique nuper in caput irrepere, foras jam in artus abeunt; ad eos expellendos, & promptius expediendos (nec quidem antea, ne sursum eleventur, & in partem iis affectam impellantur) lene quoddam *Ποδαγραγον* oportet dare: *Pulveris* scilicet, *Cantiani* quasi *ἑξ. sexta*, vel *octava* quaque hora: cui, si visum est, & tuto fieri potest, adjiciantur semel, aut in constitutione phlegmatica, bis in die, *Chalyb. Nutrii* gr. v. Quod tamen *Arthritidem* expellens, si quovis modo repellatur humor articularis, aut caput desubito male habeat, protinus omittendum; & auxiliis externis humorem evocantibus, una cum iis, quæ ore data spiritus animales recreent, utendum est.

Diæta, per omnem hunc decursum, & maxime sit tenuibus: placet *Jusculum Pullinum*, *Avenaceum*, *Panarella*, cum *Uvis Corinthiacis*, aut *passis majoribus* placet *Chocolata*, & ejusmodi *Sorbitiones*, molles scilicet & faciles cibi, quibus ægri vires nutrantur, stomachus autem non gravetur, in cerevisiæ vicem, aut *Pomaceum*, aut *Vinum* aqua dilutum, aut *Salvia*, aut *Tee*, aut *Antophilli infusum*. Nihil gula & satietate, præcipue vespertina, periculosius. Alvo neque dura, neque lubrica sit æger, illa caput aggravari facit, hæc ad τὰ *ἑντὶς* malum invitari.

XI. Ad *Prophylaxin* nihil conducibilius, quam in dorso *Fonticulos* aperire; rus petere, aere aperto, & ventis probe agitato frui, vere & autumnò alvum subducere, in robustioribus venam initio Octobris secare; & quod utranque absolvit paginam, maximeque attendendum est, *Arthritidos* recte ἀποξυώντες curam diligenter adhibere.

Apoplexiam, in *Cerebri Cortice* locatam, curatio jam descripta plerumque tollit; & ea minime recidiva, ægri multos annos immunes agunt: si vero *Cerebri* medullium, sive aliquam ejus partem, tubulos oppilando *Nervinos*, morbus occupat, aut desubito ægrum interimit, aut in *Paralysin* degenerat, Capite proximo tractandam.

XII. Hæc curatio & *Apoplexiæ*, quæ a *Cerebro* oppresso fit, accommodatur: si materia morbum committens, in *Ventriculo* & *Intestinis* sita est, *Symptomata* illius *Apoplexiæ* (cujus historiam mox subnectam) curatio, *Purgatione* tum αὔω tum νάω, & medicamentis spiritus animales excitantibus, & *Arthritidem* expellentibus, est tentanda.

HISTORIA I.

Vertigo Arthritica, cum impendente Apoplexia.

SUBACTI vir ingenii, & in rebus gerendis subtilissimi, multos annos *Arthriticus*, (quo quidem tempore statim ille periodis, & ut oportebat, doluit hyemem anni MDCCI. nimia transegit indolentia. Ab hoc *Arthritidis* defectu, pro consuetudine paroxysmum minime repetentis, (tanquam omissa re quadam usus egregii, & ad vitam in primis necessarii) statim æconomix ratio turbata est: gravitate, & vertigine caput afflictum, facies supra modum colorata, & tametsi hominis minime temulenti, perque ipsos hosce dies sobrii, nihilominus tanquam immoderato tumefacta potu. Lingua titubavit, & voces edidit non satis claras, notabili nempe cum impedimento. Corporis totius motus incertus, incompotus fuit; neque gestu regulari factus. Quæ quidem accidentia, cum eorum ordine simul considerata, & uti par fuit, expensa, materiam *Arthriticam*, intus servatam, ægroti Caput adoriri, & ex ea *Apoplexiam* in propinquo esse, manifeste comprobarunt.

Huic autem affectui in isthoc homine generando, præter jam dicta, viam hæc tria patefecerunt. Primo loco, corpus ad hunc affectum concipiendum a natura promptum, utpote collum habens perbreve, cujus opera factum est, ut in Caput sanguis impetu cum majori ferretur. Deinde, crassus hujus ægrotantis & generosus sanguis, qui facile ferveret, minimaque de causa incitaretur, & in orgasmum eveniret: postremo, ver *Apoplexiarum* tempestas.

His adjuncta *Συναρτία*, malum gravissimum, *Apoplexiæ* vicinum, intulit *Arthritis*: cui ut occurreretur, hanc medendi rationem inii. Primo, sanguinem misi, & quidem copiose, ad libram usque integram; hoc ferente ægri constitutione, morbo postulante. Tum, adhibito e *Pil. Rudii*, & *Pul. Scammonii Purgante*, *Drastringico*, (quod in hac re commodissimum esse ostendit usus,) alvum inapivi, sanguinem exagitavi, *Arthritidem* expuli. Doluit denuo articulis æger, & quidem auspicio doluit. Nam ex ea tam *Arthritidos* ad τὰ *ἄρρα* reductione, quam ex humidi, quod nimium erat, e corpore evacuatione, malo gravissimo impendente æger liberatus, & vestitu, aliisque rebus idoneis, quæ a capite procul tenerent *Arthritida*, curatus est.

Biennio post, eadem ille causa, (scilicet *Arthritidis* defectu,) eadem anni tempestate, (nempe vere) simili modo est affectus; capite diu, & impense aggravato, præcipue parte ejus anteriori ea, quæ oculis supereminet. Vena semel iterumque pertusa, *Enemate*, & *Cathartico* fortiori dato, e Capite in manus & pedes exturbata est *Arthritis*. Multum hinc æger, at tuto doluit; ejulatus edidit, at inanes; neque, curato per eos Capite, misericordiam moventes. Huic autem *Arthritidis* translationi non parum contulit (nequid hac in re momenti prætermittam) *Empl. Cephalicum*, quod tendini, ad pedis pollicem pertinenti (quem in hoc ægroto locum *Arthritis* maxime frequentaverat) applicatum, eo tantopere morbi vim allexit, ut trium horarum spatio doloris æger impatiens, illud detrahere cogeretur. Tantæ efficacitatis in hoc affectu nonnullam sunt externe applicata!

HISTORIA II.

Arthritidi repersa superveniens Apoplexia.

CERERIS & Bacchi mancipium, vitam agens desidiōsam, ex eo crassum, & ventricosum evasit, ipsoque ætatis flore *Podagrosum*. Annos natus fortasse quadraginta, saginatus iste lurco doluit: dolenti vero accidit, quod hic loci memoratu dignissimum, non minus insolens, quam grave infortunium. Hallucis globum, & articulum majorem occupavit *Podagra*, calore, tumore, rubore comitata, cruciatibus eum affecit, sed periculi expers. Ut ejus acrimoniam mitigaret æger sceminae cuidam medicinam exercenti, (leniendis ægritudinibus procul dubio doctæ) se commisit. Illa medicamentum e suis, scilicet, comparavit: utrum autem ex *Solano lethali Hyoscyamo*, *Cicuta*, aliisque id genus *Herbis*, quibus uti solent nonnullæ; An ex *Ovorum albumine*, *Sapone*, & *Spuma Cerevisiæ*, quod utique mihi renunciatum est, in medio relinquam. Constat autem, hora decima matutina remedium isthoc, quicquid erat, loco afflicto superponi: constat, dolorem magnum, acrem, urgentem, horæ unius spatio leniri; duabus horis penitus auferri; Constat, ægrum lecto surgere, cibum capeßere satis modicum: Constat, hora secunda pomeridiana, somno eum gravari, connivere: post paulo obdormire: Constat, hora septima vespertina stertere, & tanquam in somno nimis profundo morboaque, rhonchiffare: Constat, tum primum ægri conditionem uxorem ejus suspicari; nec deesse, qui de ea, tanquam ancipiti, & periculo plenissima, fide illam moneret. Monitionibus illis, ut ut amicis, & prudentibus, spreitis neglectisque, (ne videlicet *Epispastica*, *Scarificationes*, aliaque *Tormenta* medica subiret æger, in utramvis autem etiam si dormiens, seu potius semimortuus) constat illum, mane proximo, horam circiter quartam, e vita excessisse.

Discant hinc *Arthritici*, quam dubii sint eventus, seu potius quam fatalis, ea, quæ parti extra dolenti superposita, causam morbi repercutiant: discant, eam repersam, & in sanguinem repulsam, posse *Cerebro*, visceri omnium nobilissimo, impingi: discant, impactam ferre posse *Apoplexiam*, posse mortem, discant, & caveant.

HISTORIA III.

Somnus ab Opiato profundus, &c. ipsa propemodum mors.

Pari temeritate usus est, sed cum minori damno, quidam mihi notissimus, & jam inde ab adolescentia familiaris. Fuit ille *Arthritide* multos annos afflictus, & paroxysmis ejus, tam gravibus, quam diuturnis, mirum in modum emaciatus, cum, mense Martio, Anno MDCCIII. nescio qua ex causa, *Miaqua* (quod in hoc *Arthritico* abundans, sanguinem infecerat universum) viscera, imo ventre contenta, subintravit. Dolor intestinorum ex eo magnus, quem ut deleniret, *Opiati* quantitatem non immodicam assumpsit. Somnus hinc profundus; horis post sex supra triginta, delirium, Mane proximo *Σπαρμι*, ipsa propemodum mors.

Detraeto prius sanguine, *Sp. C. C.* & *Tinct. Castorei*, cum idoneo vehiculo dedi; deinde *Bolum*, & *Pilulas*, alternis, sexta quaque hora.

℥. Facul. Bryonia, Pul. Castorei, Succin. albi, Assa fetid. ana gr. v. cum Syr. Artemis. f. Pilulæ.

℥. Pul. de Gutteta ʒss. cum Syr. Peon. q. s. f. Bolus.

Pedibus totis *Empl. Cephalicum*, una cum *Picis Burgund.* subtriplo; Tibiæ, & brachiis utrique, *Epispasticum*; Cervici prælargum admovi. Erat etiam in præscriptis id, quod sequitur, salivam movens.

℥. Raf. Raph. Sylvest. tenuissima ʒj. Ol. N. M. Chym. gurr. v. Mellis q. s. f. Electuarium apophlegmaticum. Teneatur ore quasi ʒss. usque dum manaverit Saliva, utrumque tunc ejiciatur, omni hora repetatur dos.

Hac quidem medicina *ἡ κούρη* adhibita, cum in summo quidem discrimine vita esset, cum fere actum & conclamatum esset, contra omnium opinionem æger restitutus est. Et quidem, malo & intempestivo *Narcoticorum* usu, morbi vim in *Cerebrum*, & *Nervos* infigente, quanta passim incommoda ducantur, apud eos *Arthriticos*, quibus quies, utut dubia & periculosa, vita charior est, testimonio nimis amplo, & frequenter pater.

HISTORIA IV.

Arthritis, ex Acidorum usugravior, in Apoplexiam desinens Symptomaticam.

Iscanus Artifex, inde ab incunabulis *Arthritide*, una cum omnibus consanguineis, imbutus, multis annis ea premebatur regulari, artus scil. afficiente, & post debita intervalla recurrenre. Cum vero, de affectu valde molesto prorsus evincendo, Medicos suæ ætatis celeberrimos consultor adierat, & quidem (non sine quodam artis nobilissimæ & divinæ contemptu) incassum. Sortis suæ impatiens, & absolutæ curationis spe allectus, *Acidorum* usui, *Servo* nescio quo hortante *Medico*, totus incubuit: quali vero cum eventu, & quo fructu, narratione dignissimum est. *Pomaceum* ille regionis hujus (id est, omnium, ut videtur, acidissimum) elegit; quo, in vicem potionis ordinariæ, per biennium paulo plus aut minus, usurpato, cibi appetentiam, antea tenuem, & languentem, omni fere illo tempore, acutam & latrantem habuit, uti etiam paroxysmos tum rariores, tum etiam mitiores. De nova methodo cum ægrotante sermones feci, qualemque exitum haberet, avidissime expectavi, speciatim, utrum illa quies, *Arthritidis* esset diminutio, an paroxysmi, in aliud tempus, prorogatio tantum, majori demum discrimine (quod ego plus semel observavi) concludenda.

Ab induciis sævior *Arthritis*, hujus seculi initio, tum manus, tum ea, quæ intus sunt, invasit, *Δυσπεψία*, *Δυσσπλία*, ventriculi inflationem, ructus, spiritusque difficultatem introduxit. Mense Junio sequenti, post natum hæmorrhagiam, motu sensuque omni derepente captus, spiritum ex imo pectore laboriose traxit, tanquam jam statim moribundus: pulsus a natura magnus, ab affectu major erat.

Sanguinis, quam ocysime, libra detracta est; unde linguam æger, & oculos movit. *Vitrioli albi depurati ʒj.* cum *Decocto Cardui* data est, eaque plus semel iterata, ter quater evomuit. *Enema* posthæc injectum, acre, & stimulans; unde largiter ejecit, Non nimis ea nocte dormivit. Mane sudum, & serenum; vii etiam die postero. Caput immune, ructus autem perduravit ingratus, spiritus difficilis, ut & cibi fastidium. *Arthritidem*, ἐκ τῆς Ἐννοσίῳ, ore datis, expellere, extra admotis, educere sum conatus. Die, ab insultu, tertio somnolentia continua, oculorum gravitas, & color vitreus, brachiorum motus interdum convulsivi, ægro male ominabantur. *Sp. C. C. Succinatum*, cum *Aq. Cardiacis* dedi, aliaque feci non pauca, ad averrendum, siqua fieri posset, insultum; at inani opera; ægrum eo vespere subripuit

Θεός τε μέγας, καὶ Μοῖρα κραταί.

Tamen si primo aspectu videatur, cum hujus ægroti casum esse, qui, ex *Capite* principaliter, & *Ἰστοπαθικῶς* affecto, apte possit explicari: (hoc enim, motus convulsivi, somnolentia, *Ἀναδυσία*, *Ἀκίνησία* non parum arguere judicentur; & quidem in primo insultu, nimio sanguine caput aggravari, & ex parte lædi, ob beneficium a venæ sectione non negaverim;) tamen, si *Ἀνοπείας*, si flatus, si ructus, si *Arthritidos*, coctionis organa diutius obsidentis, habeatur ratio, verisimile est, eam esse hanc *Arthritida*, quæ primario ventriculum, & intestina afficeret; *Caput* autem, & *Genus Nervinum*, non nisi secundatio, & *συμπωματικῶς*: & quod ista *Capitis* accidentia, revera naturæ, jam pessundatæ, oppressæ, & in ruinam vergentis, essent indicia.

Si vita, sine *Dolore* jucundior videatur; videndum tamen, ne tutior non sit. Bellum honestum, sui defendendi, & publicæ salutis ergo susceptum, paci infidæ, ignobili, periculoque plenæ, longe anteponendum est.

HISTORIA V.

Apoplexia Arthritica feliciter curata.

Mercator *Exoniensis*, humanus, integer, & probus vir ita natura fabricatus, ut, ob colli brevitate, & temperamentum corporis sanguineum, ad contrahendam aptus natus sit *Apoplexiam*, per viginti plus minus annos, *Arthritide* vexatus est; claudus ea jamdudum factus, neque, nisi sustinente illum aliquo, via progrediens. Cum eo ventum erat, & æger, prope sexagenarius, *Arthritidem* mitescere, neque *Παροξυσμῶς* ex more duos, & laudabiles, iterare senserat, statim huic sereno horrida infecuta est tempestas. Mense enim Junio, Anni MDCCVII. subita *Caligine* correptus, motu sensuque tam interno, quam externo omni privatus, *Apoplexia* percussus est, cum oculorum, tanquam in ipsa morte, gravitate. Pulsus, sed & ille perturbatus; cum respiratione, sed alta & gravata, unicum vitæ restitit argumentum.

Mali causa satis perspecta, materiam *Arthriticam*, in *Caput* delatam, ex eo evocare nitor: quem in finem, e vestigio sanguinem, eumque copiosum mitto. Primum *Enemate*, dein *Cathartico* quam citissime ventrem emollio. *Epispasticis* cervici, aliisque locis compluribus applicatis, serum elicio. Itaque materiæ alienæ facta partim evacuatione, an protinus *Cerebrum*, ejusque incolas, spiritus animales sistam, & instaurem; eodemque tempore, quod alieni reliquum est, ad τὰ ἔξω amandem; huc ego respiciens, *Spiritu Volatili Oleoso*, *Julapio Cephalico*, *Haustu* etiam *Arthritidem* expellente usus sum; & ad *Arthritidem* evocandam, *Emplastris ex Picis Burgund.* & *Empl. Oxyroc.* pari mensura mistis, & extra plantis pedum impositis.

Cum dolere cœpit articulus (quo nihil latius, nihil opportunius huic ægrotato potuit obtingere) primum *Frictionibus*, tum *Unguento*, (ex *Ung. Nervino*, *Spi-*
ritu

ritu *Tereb.* & *Sp. Vol. Oleos.*) articulum urgente, & irritante ungi; posthæc calide vestiri jubeo: unde doluit æger egregie; magnoque suo cum emolumento.

Atque ista quidem medicina (Deo operam fortunante) mentem, & motum agro restitui. Cum vero gravior, & diutior infederit *Apoplexia*, sicque *Caput* infirmaverit; quod quidem ex illius sermone, vix satis constanti, aliisque morbi vestigiis, notatu facile erat; ut *Spiritus* vigor; ut *Cerebro*, & *Systemati Nervino* robur redderetur: Villæ suburbanæ aerem sicum & apertum, spiritu ducere; & equo corpus sæpe exercere, ægroto suasi. Quibus ille mirifice recreatus, tam oculorum, quam ingenii pristinum adeptus est acumen, & argutias; atque annos jam duodecim, *Arthritide* crebro recurrente, verum *Apoplexia* ne semel quidem egit.

HISTORIA VI.

Arthritica ut occurratur Apoplexiæ.

MAtrona nobilis, illustri domo orta, verum *Arthritide* graviter afflicta, nunquam utero getens circa nonum ætatis suæ lustrum, febre intermittente, corripiebatur; ejusque paroxysmos, pro typi ratione revertentes, tres vel quatuor toleravit. Cum hi finierant, neque ulla medicina, qua materia, & causa eorum proxima eliminari posset, in usum traheretur; statim a febris abitu, novum aliquod, a proposito nostro non alienum, in extremis partibus exortum: utriusque nempe malleoli dolor, & deinde tumor plane *Arthriticus*; sed, propter frigidum sanguinis temperamentum, nitore nullo, nec quidem multo rubore insignitus. Perduravit dolor, quatuor vel quinque dies; eoque excunte, mansit tumor, alteros adhuc complures. Hujus illa modi paroxysmos, nempe *Arthriticos* ex intervallo anni quasi integri, non paucos subierat; cum inopinato *Caput* affectum est, &, tanquam invadente *Apoplexia*, perculsum. Ita laboranti, una cum aliis e *Capite* materiam evocantibus, supra quam expectare merito liceret, profuere *Frictiones*, quæ ad pedes materiam invitarunt, & eorum articulis tumores excitant. Hinc *Capitis* tutela; hinc, ejus malum *Arthritica* esse natura, signum *ὑπερδυσχελεῖν*.

Meum erat dominæ, *Prophylaxin* ordinando, consulere. Hæc duobus comprehensa est. Primum, materiæ vitiosæ, a patre *Arthritico* acceptæ, nullo partu minutæ; verum mensibus obstructis auctæ, (quæ tum febris intermittens, tum morbi articularis causa esse videretur) quanta maxima fieri possit, tam *Expulsione*, quam, ne crescat, & repullulet, inhibitione: deinde cavendo, ne in caput iterum eadem irrepit.

Ut primæ harum indicationi satisfacerem, purgatio omni mense, loco *ἡ Ἐμψύων* imperata est; diebus autem otiosis, *Aquæ Spadana*, & *Stomachica*: Ut alteri occurreretur, quotiescunque *Capitis* periculum immineret, & *Arthritis* id invaderet, ad eam educendam *Vena sectio*, dorsi *Scarificatio*, cum *Cucurbitulis*, colli posterioris, vel totius capitis, *Vesicatio*, malleolo utriusque *Phænigmorum* applicatio, & deinde *Epispasticorum* prope locos tumefactos. Hæc, inquam, una cum *Podagragogis* ore datis, ægræ sunt commendata. Hoc autem loco id præcipue notandum, *Arthritidem* interdum ad *Caput*, ad pedes, æque fere inclinare, & in hos ab illo, levi *Frictionum* ope derivari.

CAPUT XVI.

De Paralyfi Arthritica.

Art. I. **V**ENIO ad *Paralyfin Arthriticam*. Cum miasma *Capiti* appulsum, in ejus *Cortice*, speciatim, vasis illius sanguinem vehentibus, non diu commoretur, verum in glandularum ductus, in *Nervinos* sc. *Tubulos* impellatur; ex duobus hisce, quæ sequuntur, unum semper eveniat, necesse est.

Nunc in iis, quæ sunt medullis, *Tubulis* sistendo, *Apoplexiam*, *Vertiginem*, *Oblivionem*, *Ἀγρυπνίαν*, *Somnolentiam*, aliumve aliquem *Cerebri* affectum creat; & quidem aliter, quam in præcedenti capite declaratum est, nimirum (ipso spiritus in officinis suis co-

minus aggrediendo, eorumque confertim operas, & jam proxime disturbando) *Ἰδιωπαθικῶς*; itaque ægro tantem sæpe opprimit. Quod quidem eo usque crebrum existimare licet, ut *Apoplexia* laborans *Arthritica*, quoties (*Phebotome*, *Catharsi*, aliisque auxiliis, ei tollendæ necessariis, incassum adhibitis) idem occumbit; *Apoplexia* hujusmodi *Jdiopathica*, potius quam ea, quæ in *Cerebri Cortice* locum habet, interim judicetur.

II. Sæpe vero miasma ad eos *Tubulorum* locos propellitur, ubi *Spirituum* meatus obstruendo & vias implendo, *Paralyfin* affert: eamque hujus, vel illius membri, sicut *Nervus*, qui ad hoc, vel illud membrum pertinet, est affectus. Unde sequitur, istius membri sive *Motus*, sive *Sensus* tantum, sive uterque læsus & diminutus; interdum etiam abolitus.

III. In causa *Paralyseos* exquisitæ, proxima & continente, describenda, Medicis inter se non convenit. Alii enim, duce *Erasistrato*, (quod a *Galeno*, ipsi *Erasistrati* verbis utente, traditum est,) a *Lenta*, *tractili*, & *excretu difficili Materia*, *Nervos* opprimente. Alii vero, a vim narcoticam, aut alias virulentam habente, ipsosque spiritus confodiente, *Paralyfin* fieri contendunt.

Profecto, neutrum horum, opinione nostra, penitus excludendum. Enim vero, ita posse accidere non improbabile est, ut ad committendum hunc affectum, ambo concurrant, & viribus sociatis simul operentur. Nam, ut singulatim hæc attingam, usu quotidiano patet, *Arthriticorum* sanguini *Γαίχρον* inesse; eique detracto, & in excipulis quiescenti, post breve tempus, innatare: quod utique (sive antiquorum *Pituita*, sive non) ad *Nervos* obstruendos omnino satisfaciat.

Et, quod altero loco dicendum, virosum aliquod in *Nervos* se recipere; *Spiritus* in iis contentos afflatu, & contagio perimere, & vel per se, vel cum aliquo alio *Spiritus* inimico; *Paralyfin* inferre, exemplo mox addendo, (*Historia* sexta) manifestum, ut opinor, & testatum fiet.

IV. Ut causas investigem magis remotas, hæc sunt, primum, in sanguine *Diathefis Arthritica*, seu virus istiusmodi indomitum, *ἐπερογγυές*; in fugam, ubicunque possit, abiturum; in *Nervinum Genus* ingressurum. Quæ quidem *Diathefis*, per se multarum vitiorum, & in hoc affectu producendo valentissima, causam interdum adjuvantem habet, nempe *Plenitudinem*, quæ, apud populum satietati deditum, cum ea solet jungi, & in hoc negotio *ἔμμεσις*, certe in hac regione, eorum, qui ex *Arthritide* perperam agente, & minus *Regulari*, primum *Apoplexia*, dein *Paralyfi* corripuntur; non pauci causam istorum malorum antecedentem in sanguine duplicem agnoscunt, videlicet *Arthriticum* miasma, *Plenitudine* comitatum.

Deinde, *Cerebrum* a natura molle, aut morbo aliquo, aut ictu, aliave quavis evidenti causa, debilitatum, & *Nervi* supra modum teneri: quibus facile, per ora plus æquo dehiscencia, virus admittatur, & diu intra *Tubulos* retineatur.

His postremo loco adjiciendum, quicquid externæ, sive causæ evidenti, via tam patula materiam adeo paratam adigat. Hujus autem generis sunt aer humidus, & palustris, aliaque omnia, quæ in *Paralyfi Primigenia* locum inveniant: at in hac *Arthritica*, præcipue memoratu digna sunt vita sedentaria & otiosa, mala victus ratio, frequens *Hypnoticorum* usus, *Spiritus ardentes* immoderate sumpti. *Venus* immodica, frigus, &, in corporibus calidis & biliosis, medicamentorum abusus calidorum; omniaque, quæ *Arthritidi*, ne articulis insigatur, obstant; aut iis affixam quæcunque percutiant.

V. Ex hoc causatum apparatu, facile est conjicere, quem in modum fiat hæc *Paralyfis*, & (præcurrente modo *Capitis* gravitate, modo dolore, modo vigilia, modo somnolentia, modo vertigine, modo oblivione, modo tristitia, modo mentis alienatione, modo etiam nullo præcedente *Capitis* affectu, sed intestinorum colico; modo neque hoc quidem) quam expedire virus *Arthriticum* in *Nervos* intrudatur; quaque, eos adimplendo, aliasve *Spiritus animales* afficiendo, cito *Paralyfin* hanc inducat.

Ægro-

(α) Αὕτη ὁ γαίχρον, ὁ ἔλκισμος, ὁ δυσέκκριτος. De atra bile, cap. 5.

Ægroti vero conditio, siue morbi *ἄσθεν* pro ratione partis affectæ, aliud atque aliud esse reperitur. Si *Lingua Nervus* *παράλυτος*, aut sonum æger inconditum edit, aut verba (voce confusa blaterans) dimidiata: si, qui *Paris vagis* ramus est, ad *Ventriculum* pertinens, (quod quidem *Arthritico*, plenitudine gravato, & ex ea *Procatarxi* primum *Apoplexia*, tum *Paralyfi* percusso, contigisse novi) æger omni concoctione, & quidem appetitu captus, cibi fastidio pertinaci laborat; donec, humorum penu vitalium indies decrescante, neque novis accessionibus, uti par est, refecto, summa tamen copia beatus, paulatim marcescit, tabe conficitur. *Paralyseos Arthritica* in corporibus *Biliofis*, maxime vero *Colica Biliofa* supervenientis, alia solet esse ratio, & quidem prima: Hæc qui laborant, famem habent imminutam, pene prostratam; corpus attenuatum, cutim universam (at præsertim oculorum album) icterico colore tinctam, aridam, neque ex naturæ lege perspirantem. Adeo nempe diversa facies huiusce morbi, pro loci ab eo occupati, & causæ conjunctæ diversitate.

VI. *Paralyfis Arthritidi* secundaria, sicut primigenia, multiplex invenitur. *Ratione Subjecti*, nunc unius lateris, nunc unius membri est; & quidem (uti meis obtingit) præcipue linguae: *Ratione Materie*, siue causæ continentis, interdum eam habet simplicem, & puram *Arthriticam*; aliquando *Ταχέως* involutam, aliquando bile, vel alio aliquo committam alieno: alias sola, & per se occurrit, alias motibus convulsivis commutata: alia denique imperfecta est, qua non satis habiles redduntur artus, & in motibus obeundis sæpe vacillant, at non ex toto resolvuntur; alia vero perfecta, qua penduli fiunt, & immobiles; Hæc autem omnia, cum *Paralyfi Primigenia*, nostræ huic *Arthritica* sunt communia.

VII. *Periodicam* neque ego novi hanc *Paralyfin*, neque temere, propter materiem *Nervis* impactam, & coherentem, (id est, continenter eos oppilantem) esse posse judico: qualem tamen aliam observavi, nimirum *Ἀσθεν*, statis temporibus, permultos menses, ad finem pene horologii, recurrentem, (& *Regia olim Societati* (a) renunciavi:) contra quam *Galenus*, qui *Paralyfin* nullos habere *Typos* asserit (b): nisi forsitan (ut illustri *Pergameno* suus servetur honos) de *Paralyfi* omnium exquisitissima, & *Primigenia*, sermonem ille facere, nostra vero, jam dicta, *Paralyfis Hystrica* censeatur.

VIII. *Paralyfis Arthritica* morbus curatu perdifficilis, idque præcipue duas ob causas. Harum altera situs est istius morbi in corpore profundus, nimirum intra *Cerebrum*: ex quo fit, quod, adversus eum quæcunque dentur, ore demittenda, remedia eorum tam *Cerebri*, quam *Intestinorum* penetrantia: non parum alterentur, nec in alienum, quod est morbi adeo remoti causa conjuncta, pulsu satis valido arietet, aliasve, uti par est, afficiat. Altera vero difficultatis huius causa est, quod in corporibus senio, vel *Arthritide* conflictatis, aliasve fractis, & debilitatis; itaque medicinam minime sic, ut patet, sentientibus, locum hic affectus plerumque reneat.

Verum, ut singularia persequar, si morbus hic *Apoplexia* succedat, propter injuriam *Cerebro* inflictam, curatio longe difficilior; & si recurrit *Apoplexia*, tanta plerumque vis humorum, & tam *ἄσθεν* in *Cerebrum* impellitur; quanta id obruatur, & ægrotus, antea debilis, e medio feratur.

Sin e diverso *Μίασμα*, sine ulla (siue per *Apoplexiam*, siue alias) in *Cerebrum* gravi facta impressione, in *Nervorum* tubulos irreat, & se paulatim insinuet: sique interea medicamenta, malo tam immani convenientia, sint adhibita, reliquaque æger ad præscriptum agat idoneum universa; hæc illius conditio minime desperata. Habet *ἰατρικὴ*, quod (Deo adjuvante) huiusmodi debilem, quod elumbem, quod emaciatum, quod decorem, motu, viribus *ἄσθεν*, *ἄσθεν*, donet: & ægrotantem, ultra quam expectatio sit, restituat. Quibus autem modis hæc curatio fiat, jam proxime declarandum.

IX. *Therapia* duplex est; vel quæ, in morbo aufe-

rendo, vel in eo, ut ne aligeatur, neve renovetur, inhibendo, quæ summis viribus contendit. In prima ejus accessione (quæ quidem indicatio primo loco persequenda) ne alieni vis *ἄσθεν* in *Nervos* impellatur, enitendum, quem in finem, si *Plenitudo* sit cum pulsu forti, & nihil repugnet, e re futurum arbitror sanguinem e brachio, aut vena jugulati, vel *Cucurbitulis*, & *Scarificatione* dorso detrahare. Horis aliquot post *Venæ sectionem* immittatur *Enema*. *Purgatio* usus fere perpetui est, maxime vero ea, quæ sanguinem exagitet, & *Arthritidi* in artus amoliendæ faciat. Porro conducit, quamprimum morbus ægrum invadat, articulo *ἡ τοῦ Ἀκροῦ* sæpissime dolenti, *Cataplasma Clarif. Batei Apoplecticum*, seu de *Raphano Cl. Fullerii* aliudve quodvis acre, *συνδυαζὸν* excitans, applicare, & *Arthritida*, quæ jam nunc e sanguine fugam meditatatur, ad *τὴν ἴσθμιν* educere.

Facta humorum e capite *Antispasti*, & mutata eorum inclinatione, (nec quidem maturius, ne in *Caput* ii, impetu cum majori, a medicamentis inferantur) ad eos extra pellendos, ægroti dentur e *Pulvere Gasconico*, *Purpureo*, aliisque mitioribus *Ποδαρφαγωγῶν* sic, ut artis est, composita, bis, vel ter in die, cum *Julapii* haustu *Cardiaci*, *Cephalici*. Quamprimum tumor *ἡ τοῦ ἴσθμιν* fuerit, admoveatur ei *Vesicans*, quod humorem, in eo contentum, foras eliciat, neque retro agi patiatur.

Huc etiam confert *Epispasticum*, cervici, seu collo posteriori dimidio; huc capitis ad cutim *Tonsura*, *rasura*, & *Emplastrum* ei, de *Cumini Seminibus*, aliudve quodvis attrahens, impositum; quod nempe, post *Evacuationes* generales, si aggraveretur, *Caput* allevaret. Profunt *Gargarismi*, salivam jugiter elicientes, & *Dietæ* ratio tenuis.

Interea temporis, *Spiritus volatiles*, *Tinctura Castorei*, *Succini*, &c. cum *Julapii Cephalici* haustu, vel cum *Anthus*, siue *Salvia Infuso*; quæque indicationem vitalem tueantur reliqua, siue extra, siue intus, ea, qua opus fuerit, dosi, modo, & frequentia, juvat adhiberi.

Quoties autem materia *Nervis* est impacta, & infixa, ad eam tenuandam, & vias *Spiritus* aperiendas; (quæ medendi indicatio altera est) iis e *Ligno Sancto*, & *Sassaph*, eorumque *Corricibus Decoctis* opus; iis, e *Ferro præparatis*, *Friktionibus*, *Balneatione*, *Embroche*, *Vestitu*, *Linimentis*, *Ceratis*, *Emplastris*, & id genus aliis, quæ in *Paralyfi Primigenia* cum fructu præscribuntur. In *Paralyfi Arthritica*, viroso afflatu facta, *Decoctum Corticis Chalybeatum* ægro multum profuisse novi.

Hic autem sedulo videndum, corpus ægri frigidum an calidum; miasma simplex, seu *Ταχέως* involutum, an bile mistum, ut in *Paralyfi Arthritica*, *Colicam Biliofam* insequente: cujus exemplum mox subjungam satis luculentum. *Calida* enim (si ad diutinum tempus, & copiose propinentur) remedia insomnes reddunt ægros, inquietos, & perpetuo quasi febricitantes, spiritus eorum animales, indefinenti tumultu & agitatione fatigari, perimuntur, nec a medicamentis hisce, utur valentissimis, & maxime *Cardiacis*, vel minimum iis robur accedit, contra, turbarum & debilitatis multum. Huiusmodi laborantes *Aqua* seu *Spadana Germanorum*, seu *Bathonensi*, seu *Bristolienfi*, (& procul dubio alia non pauca *Ferro* gaudente, perque renes exeunte) modo viva hauriatur, magnopere reficiuntur; restinguit enim illa spirituum ardorem, a bile factum, æstrum eorum mulcendo componit, & adjectis, suo tempore, & modo, *Chalybeatis*, huiusmodi affectorum curatio quam jucundissime, quam certissime perficitur.

X. In morbi huius *Prophylaxi* nihil conducibilius, quam, ut *Arthritis* paroxysmos habeat regulares, studiose niti. Hoc enim, ut opinor, rata, firmæ, indubitandæque fidei axioma, *Paralyticum* hunc *Arthriticum*, quo plus arrubus ægotaverit, eo minus *Capite* & *Genere Nervino* laboraturum. Quamprimum igitur crescit, & in sanguine se attollit miasma *Arthriticum*, si nihil veruerit, *Purgans*, & quidem, *Δρασικὸν* adhibeatur, posteaque *Martis Alcohol* gr. v. bis, vel ter in die sumi præcipiantur. Quibus in subsidium, paucis post diebus, veniat externum aliquod, *τοῦ Ἀκροῦ* admovendum, *Arthritidem* evellens, & in horum usu per-

(a) Vide *Acta Philosophica Londinensia*, num. 242.

(b) *Ὀλίγα τῶν παλαιῶν ἢ τοῦ πᾶντος ὡς Ἀπορίας, Παράλυσις, κλ. Libro de Typis, Cap. 2.*

perseverandum; donec *Arthritis*, si commode fieri potest, eruatur, & in artubus sistatur. Interea vero temporis, *Alvus* ne dura sit, & humores ne in *Cerebrum* eleventur, est cavendum, &, ut janua nunquam non aperta sit, qua natura, (quoties ei visam fuerit) in exilium miasma mittat, & foras extrudat, in brachio, vel dorso potius, ut fonticuli fiant, utque juges sint, curandum.

Hac quidem medicina, qua *Curationem*, qua *Prophylaxin* exhibente *Paralysin Arthriticam* tum perfectam abstuli, tum etiam (quantum ex usu licet conjecturam facere) quo minus reverteretur, effeci: & morbo, olim gravissimo, & ad recurrendum apto afflicti, senectutem, hac tutela (nimirum *Arthritidos* beneficio *regularis*) tum longam, tum incolumem sunt adepti.

De *Paralysi Arthritica* hæc dicta sunt.

HISTORIA I.

Cephalalgia Arthritica, cum Paralysi incipiente curata.

Mulier *Exoniensis*, adoloscencia nondum exacta, citius nimirum, quam viri solent, *Arthritide* laboravit. Sex supra viginti annos habens, permultos ejus paroxysmos ex intervallis erumpentes, dolore primum articulari, deinde tumore, nitore, rubore signatos, est perpeffa: quibus vero modis, & gradibus, increvit tumor, iis usque remisit dolor, maxime affecti sunt pedes, nonnunquam genu, sub accessionem *Arthritidis* nuperam articulum dolentem *Linimento* quodam repellente lenivit. Hinc materia dolorem faciens, sanguini reddita; in *Caput* translato, quod vel eo palam factum est, quoniam ægram *Cephalalgia*, (raro alias, vel nunquam ei molesta) jam tunc invasit atrocissima. Artus etiam aggravatos, & vi satis habiles, nonnihil affici, atque adeo insultu *Paralytico* tentari patuit.

Contra *Paralysin* incipientem, & *Cephalalgiam* ex *Arthritide* repercussa confirmatam, ea præcepi, quæ sequuntur.

℞. *Aloes rosat.* ʒss. *Scam. pul.* gr. v. *Ol. Abs. ch. gutt.* j. *El. Propriet.* q. s. f. *Pil. mane demittenda.* Harum ægra beneficio, ter quaterve, modo laudabili, deiecit. Peracta purgatione, *Bolum* hora somni (ex *Theriac. Androm.* ʒj. *Pul. Purpurei*, & *Gasscon. ana* ʒss. *Conf. Alk.* q. s.) & quarta alios quaque hora, *Pulveres*, in eo contentos, per se assumpsit, ex *Julapii Cardiaci Haustis*. Ter etiam in die, *Spiritus Vol. Oleos. guttæ* xv. cum posseti, *Floribus Rorismarini* alterati, haustu. Ut autem hæc, quæ materiam in artus expellant, ita comparata sunt alia, quæ, artubus superposita, eam extrahant: *Emplastrum* nempe, ex *Saponis Veneti*, *Picis Burgund. Empl. Cephal. aquis ponderibus*, utrique genu, & malleolo applicandum: tibiæ vero utrique, & cervici *Epispasticum*.

A dejectionibus *Caput* non mediocriter levatum; ab *Epispasticis* multum. *Emplastra* attrahentia pruritus sequebatur; uti etiam *Dolor* plane *Arthriticus*. Ægræ succursum est, tum magnum in modum, tum celeriter, tum etiam opportune, brevi, forsan, alias succubiture. Addam denique, facta hæc, & transacta omnia, tempestate nullo modo favente: frigidissima enim erat, & *Arthritidi* educendæ, (quod a me plus semel observatum) ineptissima.

Cum vero *Cephalalgia*, longo post tempore, recruduit, iterato *Cathartico*, & ambobus brachiis admoto *Epispastico*, curata est ægra.

HISTORIA II.

Hemiplegia Arthritica simili modo curata.

Dum in his conscribendis sum, obviam mihi venit hujusce morbi historia, in eo confirmando, explicandoque, momenti non exigui. Civis *Exoniensis*, per omnem vitam sobrius & temperatus, dolo-

re primum brachiorum, crurum, & coxendicis, ad mensis spatium vago, est afflictus. Hunc ut tolleretur, *Theriacam* ille *Venetam* assumpsit; cujus ope proturbatus humor, in pedis digitum missus est. Articuli enim maximi dolor, ardor, ruborerat, simulque globi, infra positi, tumor. Raro unquam *Arthritis* ulla manifestior.

Cum ita res esset, circumforaneus quidam Medicus, nunc oneribus bajulandis, nunc autem medicinæ, uti fors tulit, faciendæ operam dare solitus, ægro persuasit, ut ad dolorem mitigandum ex suis emplastrum, (nobile quoddam antidotum, a *Triphone* acceptum) dolenti articulo superponeret. Quo temere facto, dolor intra breve tempus sedatus est; tumor omnis subsidit, & repulsa, in eo contenta, materia *Caput* invasit. Somnolentia primum, inexpugnabilis pene dormiendi necessitas oborta est; tum paulo post *Vertigo*; deinde *Apoplexia*, quæ vicis obambulanti ægrum humi prostravit. In domum proxime adjacentem vectum, pulsu dubio & vacillanti, sinistrilateris *Hemiplegia* laborantem, sensu motuque corporis universi prope orbatum reperi. Sanguinis ʒxij. quam citissime detractis, & *Enemate* in alvum misso, rejectoque, nonnihil levatus est. Ad excitandos spiritus animales, iis amicos, & ὀμωσπύς, volatiles, ex *Julapio Cephalico* largiter, & sæpiuscule dedi. Vertici, & cervici *Epispastica*, plantis pedum *Emplastrum* ex *Pice Burg.* & *Empl. Cephalico* ad moveri; *Sp. Salis Armoniaci*, cum *Sale Tart. preparati* sæpe submitti naribus institui: postridie *Pulvere Vuarvicensi* alvum moveri.

His similibusque auxiliis paucis post diebus verba distincte pronunciavit, mediocriter ambulavit, *Capiti* sinistram erexit, debilem vero, & sensus adhuc obtusi. Ut hæc secundæ valetudinis initia confirmarentur, utque spiritus animales recrearentur, & ad munera rite obeunda stimulantur, ea, quæ sequuntur, adhibui.

℞. *Sem. Ruta* gr. viij. *Salis Vol. Succini* gr. iv. *Conf. Anthus* ʒij. *Pul. Serp. Virg.* gr. viij. *Syr. Pæon. simp.* q. s. f. *Bolus*, ter in die sumendus, cum *Julapii* haustu.

℞. *Aq. Pulegii*, *Ruta ana.* ʒj. *Bryonia C.* ʒiv. *Marg. pp.* ʒiss. *Sacch. albiss.* q. s. f. *Julapium*.

℞. *Tinct. Castorei*, *Sp. Vol. Oleos. ana.* p. aq. sumat gutt. xxx. cum idoneo quovis vehiculo, bis in die.

℞. *Cacum. Salvia tenuifol.* ʒvj. *Sem. Sinapios*, *Cochlearia contus.* ana. ʒij. *Cort. ext. Aurant. Rad. Raph. Sylvest. ras.* ana ʒj. f. *Sacculus*, quatuor *Congijs Cerevisie* in *Potionem ordinariam*, infundendus.

Hac utique medicina, si vitæ rem spectemus, ad sanitatem pervenit, fartus & tectus, æger: cum vero sinistrilateris quædam maneret imbecillitas, illius causa *Pathoniam*, meo hortatu, petens, *Thermas* ingressus est; unde artuum, qui defecerunt, vires & robur pristinum pene redintegratum habuit, ex illoque tempore, subinde dolens articulis, annos ille permultos egit, *Apoplexia*, & omni capitis insultu liber, non nisi senio demum confectus.

HISTORIA III.

Paralysis Arthritica, cum Spasmo Cynico, lethalis.

Quidam ad *Credenum* humili loco natus, medietate permultos annos *Arthritide* laboravit; tentationes certis quibusdam periodis, easque rectas, & benignas, iterante. Mense Maio, Anno MDCCII. tum *Chiragra*, tum *Podagra*, posteaque *Spasmo oris Cynico* (nullo capitis affectu, nedum *Apoplexia* præcedente) correptus est. Verba edidit imperfecta, confusa, dimidio *Lingue* resoluta. Pulsus inveni debilem, vires fractas, neque venæ sectioni, neque purgationi consentientes.

Capiti ad cutim tonso, & deinde raso, *Epispasticum* applicui: malleolis, & manibus (locis ab *Arthritide* frequentari solitis) *Phænigmos*. Tumoribus a *Phænigmorum* applicatione factis, *Epispastica*. Interea temporis *Pul. e Chel. CC.* ʒss. *Chal. N.* ʒss. ter in die, cum *Vini rubri Hispanici* ʒiv. Porto, ter in die, debito

debito a *Bolis* intervallo, *Sp. Vol. Oleosi*, & *Tinct. Castor. ana. gutt. xv. ad xx. cum Julapii Cephalici Haustu. Sp. C. C. cum Calcevia*, naribus subinde in languoribus admovetur. *Cerevisia*, *Raf. Radicula*, *Cacum. Cochlear. Sem. Bardana medicata est.*

Quod derafo *Capiti* impositum fuit, bidui spatio parum evocavit. Cætera profuerunt ægrotanti. Postquam enim *Arthritis* ad τὰ Ἄκρα fuit translata (quod sex aut septem diebus factum) *Spasmi* omnes sublati sunt, vox restituta.

Minime vero perfecta hæc curatio; etsi enim sputum; (*Paralyticis* fere omnibus familiare) jugiter effluxit; etsi auxiliorum usu præscriptorum, duos prope menses *Arthritis* artubus insedit; unde fames renovata, facies colorata, aliaque sanitatis orta fuere indicia, (quæ *Arthritidi* denuo reductæ ipse æger retulit accepta) *Linguam* tamen usque resolutam, memoriam insuper labefactam habuit.

Contra malum tam pertinax, & δύσλυτον, ad tres vices *Purgatione*, & diebus otiosis *Decocto* usus est *Lignis*, neque sine fructu aliquo. Verum in *Nervos* tanta alieni vis irrepsit, itaque eos corruperat, ut post varia medicamentorum genera incassum adhibita, (utpote, causam in corporis recessu tam recondito locatam, quæ non dimoverent) ægrum.

Θανατοῖο μέλαν νέφος ἀμφεκάλυψεν.

HISTORIA IV.

Colica Arthritica in Paralyfin degenerans
Arthriticam.

HActenus *Arthritidos* rectæ, in *Paralyfin* abeuntis, exempla protulimus, *inversa* jam & *Anomala*, eodem modo finientis, ecce tibi historia. Tenui corpore, biliosa constitutione vir, annorum ferme quinquaginta, quindecim vero annorum podager, in eunte anno MDCCII. pedibus & utroque genu doluit: cessante vero brevi tempore eo dolore, *Colica* tentatus est. Successit brachiorum primo gravitas, & debilitas mox *Resolutio*, ut e digitis nullum movere posset. Fames abolevit, cibi omnis fastidium fuit, quod cum jam diuturnum esset, ex eo reliquisque morbi satellitibus, corpus jam plane emaciatum, faciei color flavus, oculorum, quod album esse debuit, ictericum id omne factum est.

Arthritidem hanc ad τὰ Ἐντῆα inversam, & a visceribus, una cum bile colicam dudum committente, in *Nervorum Tubulos* translata esse judicavi.

Ut curationis, quod fieri posset, absolutæ iniretur ratio; primum, *Decocto Cardui* ventriculum moveri; *Solutum Purgante* ventrem inaniri sedulo institui. Iis, quæ impedimento essent, expressis, *Aquam* dedi *ferratam* bibere tepidam, omni mane, ad libram quasi integram, neque nisi sorbillando, & paulatim hauriendam, aliasque, loco potionis ordinariæ, eandem, cum *Vini Lusitanici* ea quantitate, quæ ad *Ἀπεψίαν* opus inveniretur.

Magno fuit huic ægrotanti auxilio, una cum prædictis *Aqua ferrata*: nauseam enim ademit; famem (id est, vitæ spem) reddidit; aliisque posthæc adhibendis viam aperuit. *Chalybem* addidi *Nutritum*, quo in articulos pulsa est *Arthritis*, pedis tumor & dolor factus; quæ tamen, omisso *Chalybe* cito decreverunt.

Hac autem medicina (*Υδροποσία* nempe diu producta, continuataque, & *Chalybe* interdum adjecto) visceribus robur, oculis vigor, faciei color restitutus est. Spirituum turbis & agitatione, quæ quidem magna & permolesta fuit, composita, sedum undique & serenum est. Exclumbi, debili, & emaciato ægro; qua morbo, qua inedia prope jam enecto; res saluæ adeo servata, & vires instauratæ sunt, ut, tametsi quædam maneret artuum imbecillitas; negotia tamen obire, itinera equo longa & crebra facere valeret, vitamque alacrem, & vitalem tum ageret, tum etiam acturus esset.

Adeo enim ex medicina profecit, ut jam, annis post quatuor, multo rarius, multo illum mitius dolere, & paroxysmis tuto carere, (manum vero si-

nistram, ob tendines contractos, motu fere omni privatam esse) per literas nuper accepi.

HISTORIA V.

Arthritis primum, & deinde Paralysis, a materia Colica biliosa.

Fœminæ olim memoratæ, primum colica biliosa, deinde *Podagra* laborantis, historiam; quoniam eo tempore plenius de illa differere nihil attinebat, interruptam, hic loci continuare libet, & ad finem perducere. Remittente (sic, ut dixi) (a) *Arthritidis* paroxysmo, caput illico tentatum est, & quidem impensissime. Somnus enim inquietus, nec qui, uti par erat, ægrotantem reficeret. Huic adde *Capitis* gravitatem, & dolorem: quod vero præcipue notandum, quoties expergisceretur, quod diceret ageretve, nihil in promptu habuit, oppresso nempe *Capite*, & *Mente* quasi nube obducta. Periculum erat, ne confestim *Apoplexia* prosterneretur: detractio sanguinis periculum isthuc imminutum, nubes sublata. Brevi post tempore *Paralysis* secuta est, qua demum ægra *Υδροποσία*, & *Balneatione* diutina liberata fuit.

Quandiu hujus ægræ membra fuere resoluta, & aquæ potationi illa incubuit, *Arthritide* tandiu immunis omni persistit: integra vero ad consuetudinem rediens, & veteri diætæ ratione usa, *Arthritide* jam nunc urgetur regulari; qua utique confirmatur, priscos illos, sive pedis, sive malleoli dolorem & tumorem, fuisse plane *Podagricos*.

Aliam novi intestinis pariter dolentem, & quidem ex eadem causa, postea vero *Paralyticam*, cui, cum integrum esset, & intactum adhuc *Caput*, at bile sanguis æstualet, ortus est in manibus dolor, & tumor plane *Arthriticus*; & indicio fuit, naturam hac inimicum porta conari expellere. Hi vero conatus, quantum adhuc observavi, languidi & pene frustra fuere omnes, & *Paralyfi* cesserunt: quæ denique *Chalybeatis*, & remediis sanguinem evehentibus, ut & genus *Nervinum* penetrantibus, una cum *Aquarum Bathoniensium* potatione, & in iis *Balneatione* crebra, penitus sanata est.

Hiscæ vero observatis omnino liquet, materiam colicæ biliosam, causam ejus proximam & continentem nunc in *Articulos* extrudi, & ab iis in *Nervos* transferri; sicque in nonnullis corporibus eandem esse *Colicam*, *Arthritidos*, & *Paralyseos* ordine materiam.

HISTORIA VI.

Ob Arthritidem in Nervos inversam,
Ἀφωία.

Vir bonus, cum primis honestus, diu meus *ἡ παρμακοποιεῖν* familiaris, jam inde ab adolescentia *Arthritide*, ad tempus redeunti, laboravit. Vox a pusillo puero, ei densa fuit, obscura, nec quæ verba clare, vel articulate satis exprimeret; a *Nervorum*, ut videtur, imbecillitate nativa ducens originem. Ad hæc accessit, ob mortem filii (quem ille quam maxime amavit) dolor vix consolabilis, ægritudo valde discrucians. Cum eo loci res esset, & paroxysmus jam declinaret, nondum autem ad exitum perduceretur, in apicem animi causa æger vectari voluit. In collem proximum & vicinum, at eminentem & apertum, bruma tunc temporis sæviante, quando, etiam tum e lecto surgens, elatus fuerit, ibique plus nimio commoratus, mæstum, & imbecilli lingua *Arthriticum* invasit primum aliorum deinde, vertigo, tum brevis quædam mentis alienatio, actionibus absurdis, insolitis, & indecoris manifesta; deinde lateris, postmodum resoluti, imbecillitas, & obeundi motus impotentia; postremo, & paulatim linguæ *Paralysis*, *Ἀφωία*.

Non novum huic ægroto hujusmodi malum; nam cum moris erat, exeunte omni paroxysmo, quamcun-

(a) Vide Dissertationem. De Arthritide Symptomatica; Cap. x. Hist. I.

cissime potuit, lectum abdicare, & foras illico pedem efferre, vel gestari, raro id impune fecit: imo, quam citissime fecit, tam maxime poenas dedit: tam citissime lingua ejus, tanquam ligamento, impedita, & (quod a familiaribus saepe observatum) aliena vox. *Non novum*, inquam hujusmodi malum, nova mali fuit gravitas.

Ut morbo isti medicinam facerem, quæ sequuntur auxilia sunt a me præscripta.

℞. Conf. Abs. Rom. Spec. Diambra,

Z. Z. in Indiis Cond. ana. ℥j.

Conf. Alk. q. s. f. Bolus.

℞. Pulv. Serp. Virg. gr. xii.

Castor;

Spec. Diatr. Piper. ana gr. iv.

Ol. e Sem. Carui Chym. gutt. jj.

Bals. Per. q. s. f. Pilulæ.

℞. Cort. Vinterani,

Rad. Zedoar. pul. ana ℥ij.

Sem. Anisi Carui ana ℥j.

Cochlear. ℥j. misce, & infunde in Vini albi Lusitanici ℔ij. usus tempore Cochlearia duo, vel tria colentur, cum Cerevisia commiscenda. Cerevisia haustus hujusmodi medicatus Bolo, & Pilulis quotidie superbibatur. Ampulla, ad dimidium vacua, Vino simplici repleatur.

Porro infundantur in aqua fontana buliente Sem. Cochlear. confusa, Rasura Radicula; Infusum Diambro dulcetetur, f. Gargarisma sæpius in die adhibendum. Frictiones artuum sint frequentes. Sumat etiam Spiritus Vol. Oleos. gutt. xxx. cum vehiculo idoneo, bis vel ter in die, cervici Epispasticum admoveatur, post dies duodecim, vel duas hebdomadas repetatur.

Horum usu medicamentorum (non quidem perpetuo, sed longo, & cum intermissionibus ad tempus diutinum producto) factum est, ut verba, uno aliquo quamplurima præunte, ipse, eadem nullo negotio clare repeteret. Vegetior item, coloratior, & hilarior evadere: cibum capeffere, devorare. Arthritis sub id tempus manum occupavit; curationis spem adduxit, at (cheu!) brevem, & fallacem. Relicta manu, tam inclementer ægrum habuit, ut e vestigio Caput dolore, stupore, aliisque mali moris accidentibus affligens, eum pene confecerit. Hoc ob alvum, incuria domesticorum, nimis duram (unde in Caput humores acti) evenit. Ex paroxysmo tam infelici, & naturæ rebus tam male convenienti, nullum Paralyseos levamen, nulla vocis restitutio. Contra, medicamento non uno, neque impotenti frustra adhibito, integrum jam triennium (si verbum unum, aut alterum, μονοσύλλαβον, excipiat) mutus fuit, & quod annotatu dignissimum, per eodem hosce annos, etiam si satis cibi ingerens, rarius & mitius solito doluit articulis.

Ut historiæ hujus summam brevi complectar, de hac Paralyse, in homine Arthritico, & jam tum dolenti, frigus insecta, quid aliud cogitandum, quam, quod humores Arthritici, adhuc in sanguine relictæ, effecti, & in fugam abituri, algore contracto, & angustato corpore, in Nervos impelleretur, & in eos se abdentes mala jam dicta committerent. Materia vero aliena, quæ e corpore expelli debuerat, in Nervos, natura forsan nimis apertos, & dehiscences, impulsa, tanta ex eo œconomix perturbatio, naturæque vires adeo fractæ, & debilitatæ sint, ut, inversa in posterum Arthritidi favens ea, regularem, uti olim, paroxysmum minime moliat.

HISTORIA VII.

Ex Morfu Canis, Arthritidis recte silentium,
Stupiditas, Paralysis, Arthritide denuo
facta Regulari, curata.

Rara quidem, annis abhinc aliquot, & inaudita forsan Arthritidos Anomala mihi sese obtulit historia, quæ, ut multa observatu dignissima, ita doctrinæ huic nostræ lucis non parum allatura continet; ideoque protinus adscribenda est. Homo adhuc in vivis est Iscanus, qui sub exitum sæculi novissimi,

decimo ætatis suæ lustro, pedibus subinde doluit. Podagra nimirum affectus germanissima, malleolum mordente, omnibus numeris absoluta. Hunc in modum ea, per triennium bis terve singulis annis, accesserat; cum ex Morfu Canis (foran rabiosi) Podager ægravavit. Vulnere, cruribus inflicta, per mensis spatium, ichorem emisere; sanatis autem iis, suppressoque flumine, nova malorum ingruit caterva, atrox certe, & pestifera. Primum enim late, per universum corpus, sparsum est alienum aliquod, sanguinis ὀργασμὸν, corporis æstum faciens immodicum. Deinde Caput tentatum est: sedulum enim, & in agendis rebus antea versatum, ægrum occupavit rerum prope omnium oblivio. Stupiditas adjuncta est, & in sententia de negotiis ordinariis cum judicio ferenda, impotentia. Magna sub hoc tempus erat membrorum undique omnium debilitas, & digitorum huc illuc serpens, tanquam ab acupungente, dolor. Successit Tetanos, aliasque pedum torpor, & δυσκίνησις. Simili vero ratione, qua corpus, ipsa laboravit, ipsa subdidit anima. Levi quavis de causa ejulationes æger, & lamenta edidit; non raro lacrymas. Postremo loco manuum, pedum Paralyse correptus, eorum neutrum, nisi laboriose, movit. Quod vero maxime notandum, Arthritis, quæ (ut dixi) paroxysmos, bis, ter quotannis iterare solita est, jam inde a Canis Morfu, per integrum biennium (quo, prædicto more, cruciatus est æger) ne semel quidem rediit. Ut hæc malorum ilias a miasmate Arthritico, multum conturbato, perque corpus universum, in ipsos Nervos acto (& quidem Canis Veneno forsan impellente) proficisci, non immerito credatur.

Docti utique Medici, & experientes, in huius ægri curam incubuerunt. Quamprimum ea mihi demandata esset, (quando, præter symptomata jam dicta, ventriculum etiam lædi, Ἀνορεξία, multoque vomitu urgeri deprehenderim) primum alvum subduxi, tum Decocti Cort. Chalybeati ℥ij. ter in die sumendas imperavi. Decocti hujus vere Polychrestii usu, cum levi corporis exercitatione diu continuato; (nempe, cum intermissionibus quibusdam, ad annos aliquot) mirum quantum ex eo commodi exortum: fames enim, oculi vigor, faciei color, spirituum animalium robur (Arthritide denuo ὡς πρὶν ἔξω revertente, & paroxysmos, sic, ut olim, edente regulares) tum animæ, tum corporis mala finire cuncta. Εὐνοδία, & valetudo, post annorum aliquot interruptionem, omni ex parte integra, & perfecta, felicissime restituta, paulatim, tanquam ex postliminio, redierunt.

Si Arthritidos isthoc, ex Morfu Canis, silentium, si symptomata, per istius silentii triennium oriunda, (gravia profecto, & terribilia,) si, ex Arthritidis reductione, symptomatum istorum fugam animo rite perpendamus, nihil manifestius, quam quod a miasmate Arthritico, devio, & in Nervos irreperente, fierent ista Spirituum animalium, & Nervorum mala, & quod, ex eodem miasmate in artus (uti par est) exulante, Paralysis cum malorum ista cohorte tolleretur.

HISTORIA VIII.

Convulsiones, ex Arthritide inversa universales,
Arte medica sublata.

His, ob morbi discrepantiam, an affinitatem dicam? Convulsionum addam universalium, ex Arthritide intus in Nervos acta, historiam. Vixit, annos ante paucos, in Iscæ nostræ suburbiis, familia, proba quidem & honesta, neque Veneri, neque Baccho dedita; quæ tamen Arthritidi, sic, ut raro quam unquam magis, est afflicta. Fratrum unus e medio Apoplexia subreptus est Arthritica; alter Arthritide τὰ Εὐνοδία premente obiit: de quibus suis locis. Fratrum tertius, hic noster, articulis olim doluit, tum crebro, tum vehementer. At cum hujusmodi cessare, aut minus crebræ, minusque vehementes fucere Arthritidis accessiones, Convulsionibus ille correptus est, observatu dignissimis. Primum enim illæ partium externarum erant; deinde, mira spirituum in Capite Ἀταξία, postea vero eclipsi comitata. Cum

ad ægrum

ad ægrum atcefferet, *Spasmi* cum gravissimis implici-
tum, sensibus orbatum inveni: cumque diuturnitate ma-
lum ingravesceret, (dies enim aliquot jacuit ἀναιδντος)
tollendi ejus ergo, medicina, qua possem efficacissi-
ma, usus sum.

Præmissis alvum inanientibus, ut *Caput* allevarem,
ad cutim tonso, & raso, ei *Epispasticum* admovi.
Quod quidem amplum, & diu adhærescens, optimo
fuit ægrotanti auxilio; feri enim libras (quinque, vel
sex dierum spatio) minimum binas evocavit. Interea
temporis, quæ spiritus sustentarent animales, quæque
eorum motus ordinarent, ore sumenda dedi.

℥. Pul. Castorei ℥j. G. Galbani, Sagapeni, Asse
fœtid. ana ℥j. Opopan. solut. q. s. f. pilulæ. Sumantur
quatuor, ex Julapii Cephalici Haustu, quarta quaque
hora. Spiritus Castorei, & Vol. Oleos. in eundem fi-
nem, ex eodem vehiculo, subinde sunt adhibiti.

Hac ego medicina, supra altantium expectationem,
ægrum excitavi, morbo eum ancipiti, & pestifero li-
beravi, & ut idem ne recurreret incommodum, Cha-
lybe, & Corrice, prædiis hac in re certissimis, ægrum
munivi.

C A P U T XVII.

De Doloribus in Corpore vagis, fixis; de
Ophthalmia; de Erysipelate, & Acho-
ribus Arthriticis.

ART. I. V Idimus, quanta cum sævitia partes cor-
poris nobilissimas, & vitæ maxime ne-
cessarias agitet *Arthritis*: quam illa (tanquam malus
civis, qui exulare respiciens, rebus usque novis studeat,
domos illustres ad factionem suam trahat) intestina,
pulmonem, cerebrum, viscera & πῶς κοιλίας conten-
ta fere omnia corrumpat. Nunc, in regionibus a Me-
tropoli, & locis principibus, longe distitis & remo-
tis, in provinciæ interioris ambitu, in partibus visce-
ra continentibus, quid eadem faciat, quoque se mo-
do gerat, diligenter exquiramus.

Horum locorum *Anomala*, quæ a me notatæ, sunt
in iis *Vaga*, *Fixa Arthritis*, *Ophthalmia*, *Erysipe-
las* & *Achores Arthritici*; de quibus omnibus hoc capi-
tulum dicam, uti in sequentibus, de *Epiphora*, & *Dolore
Dentium Arthritico*.

II. *Arthriticis* iis, quibus sanguis acri miasmate diu
multumque inquinatus, cum ad ἀκμὴν id elatum ef-
floreſcit; familiares aliquando sunt *Dolores*, qui nunc
vagantur per regiones dorsi, & lumborum, per sca-
pulas, sternon, cervicem, & caput externum: earum
nempe partium aliqua incipientes, eam ad tempus ali-
quod afficiunt, donec alio, quocunque vult natura,
transferuntur. Quæ utique loci mutatio interdum cre-
bra est, & in nonnullis hi *Dolores* (quod ab *Arthri-
tico* non uno compertum accepi) per corpus serpunt
externum, pene universum: *Arthritis* sic in *Trunco*
vaga, non semper intellecta, *Rheumatismi* nomine vul-
go delitescit; quæ tamen, si utriusque hujus morbi na-
turam penitus scrutemur, ab eo longe discrepat.

Nunc in eodem loco commorantur hi *Dolores*,
eumque non parum mulcant. Novi hominem, cu-
jus sanguis quando plane computruit, & in *Arthriticam*
degeneravit dyscrasiam, huic, inter alias morbi hujus
ἀνωμαλίας, in regione lumborum, (ac si a renum
calculo) *Dolor* immanis, & permolestus accidit; quem
tamen a miasmate *Arthritico*, membranas eo loci spi-
nam investientes stimulante, fieri probabile est. Verte-
brarum hæc *Membranas*, etiam si plurimum urgeri cor-
rodique noverim; raro hoc fit, præterquam in iis,
quibus, seu ætate, sive morbis pene confectis, regu-
larem *Arthritida* præstare nequit natura. Novi *Arthri-
tidis* calidæ materiæ, *Oculi Tunicam adnatam* in-
vadentem, *Ophthalmiam* inferre; quæ cum paulo post
articulos inviseret, iisque paroxysmum aptum, & lau-
dabilem excitaret, eodemque tempore finem *Inflam-
mationi* poneret, eam omnino *Arthriticam* esse ma-
nifestavit.

Novi *Arthritida Palpebram* in vetulo quodam su-
periore, mensē & eo amplius, excruciantem, quæ
cum *Omagram* habuit a junctam, & *Podagram* e ve-
Sydenham opera Medica.

stigio sequentem, ingenium & morem suum abunde
declaravit.

Faciei porro *Erysipelas* notavi, quod detractio-
ne sanguinis, factaque inde materiæ in artus ἀνδοχῆν
cum in *Dolorem* mutaretur isthuc *Arthriticum*, na-
turam plane confessum est *Arthriticam*, ipsumque ef-
se materiæ istius generis calidæ & evectæ, eo in lo-
co ἐξαιδνμα.

Nullius autem *Anomala* in externo corpore natu-
ra subtilior, quam quæ est *Arthritidos Acores* in-
ducentis. (a) Jam pridem tradidi, in nonnullis corpo-
ribus fere idem esse, utrum per articulos, an per *Aurium
Ulcuscula*, id, quod alienum, emitteretur: quod qui-
dem observatione mihi non una confirmatum. Sunt
enim *Arthritici*, quibus, in paroxysmorum interval-
lis, (maxime si paroxysmi tenues sint, & nimium
mites, aut forte intercisi) ista per *Aures* evacuatio
vicem obtinet *Arthritidis* summe regularis. Sunt et-
iam, in quibus, neglecta re articuli, perque ar-
tuum glandulas veneni expulsionē penitus omiſsa, na-
tura unius *Achoribus* contenta, per eos id exterminet.

III. Affectibus jam dictis, una cum aliis omnibus,
quæ *Trunci* relinquuntur, *Anomalis*, hoc commune
est, eas periculo, quam *Anomala* sunt *internæ* reli-
quæ, multo magis expertes esse, & ad *Regularem Ar-
thritida* propius accedere. Cujus rei ratio, tam ex
locorum a natura ignobilitate, quam ex eo, quod
auxiliis etiam externis ii tractari possint, elicienda
est.

Quinetiam hoc addendum, a corporis ambitu, ad
ejus medullium, a πῶς ἰχθῆν ad τὰ ἰχθῆρα, *Arthri-
tidem* non creberrime transferri: certe rarius, quam
ipsam *Regularem*. Cujus eventui nullam aliam exco-
gitare valeo rationem, quam quod *Artus*, a corpo-
re longe in aerem projecti, sæpe a frigore magis pa-
tiantur; & quæ *Arthritida* reperiunt, causis ma-
gis pateant externis; quibus hæ nostræ *Anomala* non
sunt adeo obnoxia, & raro intercise viscera subin-
trant, verum e contrario in artus multo frequentius
erumpunt.

IV. Communis harum *Anomalarum* medicina vult;
ut, graves eæ si contingant esse, initio detrahatur
sanguis; deinde purgans, (sive *Aloeticum*, sive aliud
ἐδρασινωτέροισι aliquod) quo materiæ vitiosæ partim
ano possit expediri, partim ad artus amandari, de-
tur.

Præter hæc communia, nisi malum ingravescit,
nihil est, quod amplius suadeam medicinæ. Tuta
enim est, & incolumis ægroti res, si non ex omni
parte placida. Quin & ii homines *Arthritici* mole-
stius sæpe ferunt *Dolores* in articulis, etsi restitu-
endæ sanitatis ergo factos, quam, cui medeantur illi, ma-
lum. Mos igitur iis in hoc rerum statu gerendus, &
donec malum per se inclinet, aut tempore vincatur,
expectandum est.

At si urgebunt *Dolores* (quæ propria eorum me-
dicina est) æger stragulis in lecto coopertus, aut Spi-
ritu C. C. aut *Theriaca Androm.* cum Pul. Gasconic.
vel Rubro Exoniensi, vel ejusmodi aliquo *Cardiaco*,
una cum *Posseto Anthosato*, sive sudore materiam fo-
ras ejiciat, sive in artus amoliat.

Quod de *Doloribus* hisce, tam fixis, quam vagis,
pronunciavimus, id etiam in *Erysipelate* valebit, ut
nempe per *Cardiaca*, *Podagram* expellentia, miasma
procul arceatur.

Si, post evacuationes jam dictas, intendatur *Oph-
thalmia*, sive etiam minime levetur, erit, quo orga-
num, æque pene cum vita earum tueamur, remedio
opus: quare *Collyrium* modice discutiens, & corro-
borans adhibeatur. Inservit huic intentioni id, quod
sequitur.

℥. Album Ovi agita, Aqua Rosac. dilue, adde
Camphoræ gr. aliquot, f. collyrium, cujus guttæ in
Oculum paucae omni mane instillantur, lintheaque eo im-
mersa palpebræ bis terve in die superponantur. Potest
commode *Lapis Calaminaris*, sive *Tutia* præparata
Collyrio superaddi.

Si Α'χῶpes permolesti sint *Arthritici*, eandem fere reci-
piunt curationem, ac qui absoluti; neque enim, eorum
D d causa,

causa, in articulis dolorem excitari velim: tanta eorum incolumitas, tam magna utilitas. Quod de hac *Anomala* (quantum mihi videtur) una proponendum.

HISTORIA.

Achores, ab Arthritide in alio Corpore generati.

Postremo ineunte sæculo, non procul ab urbe, vir egit generosus; qui, ob juventam non nimis sobriam, ea vix finita, laboravit *Arthritide*. Ætate progrediente, similem ea progressum habuit, & quotannis increvit: donec artuum motu ferme omni privatus, æger demum clinicus evasit. Erat ille vir, si quis unquam, totus ex *Arthritide* factus, pari certe ratione, atque dicitur.

Ὁλὸν ἀνδρῶν ἐκ ῥευτῆς νόσος,

Cum annos prope viginti maritus sine prole esset, favente demum *Arthritide* filiam progeniit. Castissima, & venerabilis ejus uxor non tam *Lucina*, aut *Diane*, quam *Arthritidi* debuit, quod facta esset mater. Patris tam *Arthritici* filia, organis suæ labem & maculam non uno modo agnovit: Erat enim vultu pallido & languenti, constitutione renerrima. Plures enixa filios, partus ei non parum profuerunt, & a miasmate nativo, magnam illius partem evacuando, tuebantur. Ἀχῶρες autem, præcipue cum illa desierat ὀγκαστοὶ ἔχον, erant gravissimi. Aures externæ, multum tumefactæ, per *Ulcuscula* vires emisere, mordax & acre, cujus acrimonia regio isthæc omnis inflammata est. *Virus* siccatum in squamas abire solitum est, in furfuraceas, subalidas: quibus, sive sponte decidentibus, sive refricando sublatis, ichor denuo jugiter emanavit. Neque *Purgantia*, neque virtutum optima- rum *Alterantia*, (a viris arte nostra celeberrimis præscripta) malum hoc vicere; modum ei forsan imposuere.

Ut semel dicam, miasma hoc indomitum & pestiferum, matronæ illius filios hunc in diem aggravat; quorum plerique omnes (sunt autem multi) *Aurium* exudationes, aut alias illius veneni notas, & indicia, veteri nempe contagio afflati, gerunt, & testimonio sunt probabili, miasma hoc virulentum, in alio corpore per *Arthritida* regularem, in alio per *Achores* a natura ejici.

CAPUT XVIII.

De Epiphora & Dolor Dentium Arthritico.

Att. I. **D**E *Catarrhis* iis, qui *Arthritica* facti materia pulmones, aliaque respirationis organa invadunt, & tussim frequenter inferunt, alibi disputavimus. Qui *Oris* sunt, & *Oculorum*, eadem materia facti, atque eodem e numero reliqui; eos, hoc capite dicendos, jam nunc aggrediemur.

De *Podagra Dentium* libellum olim in lucem misit *Joh. Steph. Strobelbergerus*, Thermiater Cæsareus; ut vel propterea super hac re sermonem instituere supersederem. At cum iste liber, quicquid promittat ejus inscriptio, non tam de *Dolore Dentium Arthritico*, (cujus neque therapiam propriam, nec quidem diagnosin ullam in medium profert,) quam de affectu isto, quatenus exquisito agat; integrum mihi erit, hanc *Anomalam*, cum aliis suæ Tribus, una tractare.

II. Quod ut accurate faciam, in primis observandum est, humores illos acres *Arthriticos*, qui, per ambitum corporis erratici, dolores ciere solent antedictos, in *Glandulas Oculis* vicinas, & discernendis lacrymis dicatas, a natura nonnunquam infundi, & jugiter isthinc emanantes *Epiphoram* creare: modo in gingivas, & eas, quæ dentes circumvestiunt, membranas immitti, & ὀδονταλγίαν facere. Qui utique affectus sæpe diutini sunt, & (humore falso teneras, sensusque acutissimi fibras urgente, spiritusque eas inhabitantes stimulante) nonnunquam etiam molesti. Quo-

niam autem idem, ab *Arthritide* nunc a *nis* ἔξω te- percussa, & paroxysmum interruptente, oriantur; nunc in *Arthritida* regularem desinant, utrunque vero ita tum oriri, tum desinere constat,) idcirco etiam *Arthritici* censeantur; ipsamque esse *Arthritida*, sede germana, & vix jam relictis, alieno in regno ἀνωμάλως sævientem.

III. Si morbi illi tenues sint, nec ægrotantes supra modum urgeant, curatio his *Arthriticis*, ac quæ exquisitis, eadem sit utilissima: si vero graviores periculum, vel molestiam inducant, hujusmodi velim medicinam.

Primo, sanguis mittendus, speciatim, optimeque *Vena Jugulari*: tum venter resolvendus, sanguis turbandus, dato, quod ambobus, his sufficiat muneribus, mane postero, *Purgante*: deinde *Epispasticum* cervici applicandum: ulcuscula vero, ne arescant, *Litu* illi nantur *Epispastico*, & tandiu quidem, quandiu mal- gravitas perduraverit. Postea, si *Arthritis* ad affectam usque partem adhærescat, non nisi molimine quodam in artus removenda, ad rem facient auxilia, tam quæ, extra applicata, educanteam, evocentque, quam quæ ore sumpta expellant. Atque hæc istorum medicina morborum est communis.

Propria requirit, ut in *Epiphora* vitatis, initio præcipue, restringentibus (ne sero, acri, & venenoso exeunti viam occludant, & fistulam inducant) *Collyriis* mollientibus seri nimia mitigetur acrimonia. Quem in finem *Lac* inservit muliebre, recens, *Oculis* immissum, uti etiam, e *Mucilage Sem. Psylli*, & *Cydon. Aqua Ros. extracta*, vel e *Trochisc. albo Rhafis* & *Aqua Plantaginis* collyrium.

Sin *Os Catarrhus* opprimat, & ægrotantem humorum copia, vel asperitas offendant, prodest *Gargarismis* eos tum diluere, tum elicere. Ad eliciendum, quam quod maxime, conducit *Rasp. Raph. Rusticani*, ore retenta, & manducata, cujus sollicitatione prægnantes se gingivæ possint exonerare.

Si *Dentem* forcipe evelli, postulaverit *Dolor*, eo, quod alveolum purget, (*Melle* puta *Mercuriali*, cum *Sale communi*, *Aqua fontana mixtis*, vel ejusmodi alio) oportebit gargarizare: quo peracto, rursus in alveolum intrudatur *Dens*, ob evulsionem utilior eva- furus.

Epiphora hujus exemplum in capite undecimo protulimus, *Odontalgia* vero *Arthritica* in manibus est historia, quam illico adscribam.

HISTORIA.

Dentium Dolor Arthriticus.

QUIDAM mihi familiarissimus, & in rebus agen- dis conjunctissimus, biliosum & siccum habens Corpus, *Catarrhis* jam inde a cunabulis immune; ubi ad ætatis medium accessit, ex pedibus laboravit. Plurima huic *Arthritico* acciderunt, quæ attente observata, recteque considerata, ad morbi hujus inconstantis, dubii, versatilis ingenium & morem explicandum, valeant egregie: Unum habeo in præsentia dicere, alias alia.

Cum ætas præcipitavit, (quæ non humanam modo sanitatem, sed & ipsos morbus afficit, eorumque inturbat, & abruptit ordinem) eclipses primo leviores, paulatim magnas, & graviores passa est *Arthritis*. Pro *Arthritide*, juncturas artuum more suo occupante, multumque cruciante, nunc *Vertigo*, nunc *Cephalalgia*, nunc *Dolores* per universum corpus externum erratici, nunc (quod ad rem nostram attinet) *Dentium Dolor* acutissimus erat. Mirum ægro videbatur, & portentis simile, morbo se vexari tam parum convenienti, vetulum nempe, pumice aridiorem, *Catarrho* dentes infestante.

Inito hac de re colloquio, dubium & sollicitum percunctor, quo se modo gesserat per dies hosce nuperos *Arthritis*: utrum paroxysmos satis crebros, satis vehementes, sic, ut olim, ediderat. Neque crebros, neque vehementes æger reponit, sed in propinquo esse *Arthritidem*, ex *Cephalalgia*, ex *Doloribus* huc illuc vagis, se hariolari. Quibus ego; Quid si adventantis illis *Arthritidos* signis, addas etiam ὀδονταλγίαν: quando hunc

hunc affectum; una cum ceteris modo dictis, eadem causa fieri verisimile sit, *Arthritica* scil. materia, naturæ jam molesta, janua non optima in fugam pulsa.

Ut in pauca rem conferam, paulo post articulos invasit dolor *Arthriticus* omnibus numeris absolutus; eodemque tempore *Dentium* ille Dolor, ut & omnes alii remisere. Hujusmodi *Οδονταλγία* ille postea sæpenumero perpeffus est, ex *Arthritidos* aberrationibus, & deliquis semper exortam; in *Arthritida regularem* & idoneam, semper exeuntem: ut de confirmanda indole morbi hujus *Arthritica*, plura, ut opinor, addere supervacaneum esset.

C A P U T XIX.

Corollaria continet, cum Epilogo.

Art. I. **H**Æ sunt *Arthritidis* in *Trunco* corporis *Anomalie*, non dicam omnes, nec quidem ullas omnibus numeris absolutas, (certe absolutum, & perfectum hujusmodi opus vix unius sæculi, nedum hominis unius esset;) sed insigniores aliquas, & quæ in facienda medicina mihi passim obvenire, notatu digniores.

Ex iis, quales sint, persuasum mihi habeo, quod apparebit, miasma *Arthriticum*, præter artuum mala, omni ævo animadversa, varios, multiformes, multumque discrepantes inter se affectus, si eorum facies, si phænomena spectemus, efficere; & quidem in hac nostra regione (foras etiam in aliis non minus) cerebro: varios scil. pro istarum partium, & locorum, in quibus sunt, varietate; multiformes, pro diversa eorum structura; & pro eorum usu, discrepantes.

Deinde, constat affectus, sic a devio hoc miasmate generatos, partium affectarum morbos proprios, & vernaculos, ad amissim omnes simulare; vultus eorum usurpare; signa vel pathognomonica præ se ferre; neque a morbis indigenis, per ea, quæ concurrunt diagnostica, posse quovis modo distingui; sed e contrario revera cum iis sæpenumero confundi.

Deinde palam, uti spero, factum est, non hos affectus, alienos & *Arthriticos*, quoties ingravescant, & jam magni fiant, etiam si propriis affectarum partium morbis simillimos, illorum medicinis, (quæ quidem magnis, & gravibus hisce sublevandis, nequaquam aptæ, vel partes sunt,) tractari oportere; verum e diverso privis, suoque singulorum moti, & ingenio accommodatis. *Ἡδὲ* autem *ἡδὲ* uniuscujusque horum pro ejus *Subiecto* esse, & cum eo multiplicari: unde tot novæ *Arthritidis* formæ, fereque tot diversæ earum curationes, quot inveniantur ejus *Anomalie*.

Deinde, diximus *Anomalie* singulam singulæ curationem non alio modo facilius absolvi, nec quidem auspicius suscipi, quam partem aggravatam, & nova hoste obsessam allevando: illud autem optime effectum reddi, partim evacuationibus, tam universalibus, quam topicis; sed iis, privata ratione, quæ nimirum malis hisce maxime conducant, adhibitis, optime vero omnium per hostis expulsionem, & ab iis quæ intus sunt inique occupata, *πρὸς τὰ ἔξω*, ad artus ablegationem. Quibus autem auxiliis, qua medendi methodo, in prædictis *Anomaliis* hoc præstari possit, hujus scripti pagina fere omni ostensum est, & declaratum.

Hæc hujusce *Dissertationis* summa est.

II. Hisce positis, manifeste patet, quam ad hominum salutem magni sit momenti, deviam hanc *Arthritida* sectari, investigare, quamque latebras ejus perscrutari, larvas excutere, & in artus suos, & domum utcumque invitam & reluctantem, eam, qua tuto possit arte, reducere. Nam, cum *Arthritidis Regularis* & *Anomala* plerumque sint in simili ratione, de *Anomala*, tamen per se obscura, seque multum occultante; quantum illa grassetur in vulgus, & quatenus sæviat, ex *Arthritide Regulari* laborantibus, (nempe ex illius crebritate sævitique, horum autem *sex non naturalibus*) cuius liceat con-

ficere. Qui recte calculum hæc in re posuerit, pro certo invenerit, quod, tamen si *Arthritide Regulari*, quam *Anomala*, plures ægrotent; tamen *Anomala*, quam *Regulari*, longe plures occumbant: immo quidem *Regularem* raro, nisi prius degenerantem in *Anomalam*, occidere, ita vero creberrime.

Prætermisiss autem his, & harum *Anomaliarum* investigatione, (quam in suorum commodum & tutelam, medentis semper erit pro re nata exercere) sive neglecta, sive perfunctorie, vel imperite facta, necesse est ægrotos, simulatis his affectibus, *Colica* nimirum, *Phthisi*, *Asthmate*, *Angina*, ne dicam aliis ejusmodi *Arthriticis* (id est, *Arthritide* morbos illos referente) opprimi quamplurimos; quoque longius serpat, & magis gliscat *Arthritis* idonea, ea proportionem plures.

III. Neque nostram hac de re doctrinam, ulla quidem ex parte, convelleret, nedum eam evertet id, quod de *Arthritidis Symptomata* speciebus olim dixi, (si quis hæc *Anomalias*, partium affectarum morbos esse vernaculos, & exquisitos, *Apoplexiam* v.g. veram, & genuinam, miasmate fieri posse *Arthritico*; frustra que toties, & sine necessitate multiplicatam a me *Arthritida* contenderit,) quandoquidem (ut de rerum nominibus, quæ earum naturas explicent, & tanquam icones, in conspectu ponant, eligendis & præferendis, nihil dicam) horum affectuum, utcumque nominatorum, medicina, quæ a me potissime spectata est, *Θραπευτική* suo usque, sic opinor, stabit talo, recto nempe & inconculso; *Arthritidis* in artus expulsionem, quod a me propositum, omnino molienda.

Quibus addi potest veteres (*Paulum* volo, *Alexandrum*, *Actium*, *Galenum*, *Areæum*) non solum, *ἡδὲ*, sed etiam (ut in Præfatione dixi) *ἡδὲ* *Arthritidem* exhibuisse; horumque me autoritate fuisse usum, & vestigia repressisse.

IV. Hæ, quas nunc protulimus, *Arthritidis Anomalias*, suo quæque genere graves sunt, magnæ, & immodicæ κατ' ἐξοχήν: Alias autem minoris ordinis, easque non paucas esse suspicor, quæ nunquam eminentes, aut ad statum hunc notabilem evectæ plerumque visum fugiant & pro nullis habeantur. Enimvero usu medico vel parum exercitatis, hoc latere nequit, *Arthritide*, (præcipue frigida, inertis, languida, maxime vero omnium ea suppressa, retusaque,) ægrotantes, interdum *Humeri*, *Pectoris*, *Dorsi*, *Lumborum*, aliarumque in ambitu corporis partium *Dolore vago*, tanquam *Rheumatico*, sæpe etiam capitis affectibus, more prorsus *Hysterico*; alias aliis in corpore malis, quasi *Scorbuticis* urgeri, sæpissime vero *valetudine dubia*, & in tempore diutinum incerta, & neutia, esse. Qui quidem eorum status, ac conditiones, sensu remissiori, & leniori gradu morbosæ, natales suos *Arthritico* miasmati, cæco, in corpus subrepenti, & eo loci clam agenti, se debere, ultro videntur agnoscere: Quinetiam aliquando, multos post annos dubium hunc in modum actos; tandem, apparente paroxysmo *Arthritidis* idoneo, de istorum origine & natura malorum *Arthritica*, omnis sublata dubitatio est.

V. Quid! quod *Arthriticorum* gnatos quoties obtueor, & nunc *Achores*, nunc *Catarrhos*, nunc *acres* intestinarum *Humores*, (ut taceam alios affectus certe non paucos,) iis familiares animo complector; profecto quidem memet vis temperare possum, quin eorum ortus incusem, & affectus hosce nihil aliud esse mecum reputem, quam *Arthritidis* hæreditariæ quædam *Ἀποσπασμάτια*, seu scintillulas, a parentibus acceptas, in natorum corpora, simul cum ipsa vitæ lampade derivatas, & in iis, secundum eorum modum agentes.

Hæc vero cum sint tantummodo conjecturæ, nec quidem ullis fide dignis probationibus suffultæ, de iis solum *Anomaliis* scripsi, quæ indicibus certis, & argumentis, si non *ὑποδείκνυσι*, tamen valde probabilibus, *Arthritidos* esse comprobentur; iisque fui contentus maximam partem *Anomaliis*, quæ ex *Arthritidis* præapertæ, claræ, & manifestæ deliquis oriri jure merito censeantur.

E P I L O G U S.

HÆc sunt, quæ dicere habui de *Arthritide Interna*, sive in *Trunco* corporis *Anomala*, totius *Arthritido-graphiæ* parte (nostra quidem opinione) principali; & potissima, certe cultu & expositione omnium dignissima: in quibus exponendis eo fui prolixior, quoniam magni salutis hominum interesse judicavi, & a Medicis aut nulla fuit harum rerum mentio, vel si ulla, semper utique brevissima, & quasi in transcurso facta: verum de certa *Arthritidos Anomala Diagnosi*; de illius *Reductione*, & ejus præstandæ methodo, nemo unquam mortalium (quantum scio) quidquam est locutus. Uti vero apud *Astro-nomos* ista *Solis* theoria, quæ ortus, ceteraque glo-

riofissimi illius Luminis phænomena describeret, omnino manca judicaretur; nisi etiam *Eclipses* ejus exhiberet; eo certe plenius, & accuratius exhibendas, quo illæ sint in chronologicis rebus illustrandis, & temporum punctis statuendis utiliores, quoque etiam explicatu difficiliore: Ita quidem *Arthritidis* historia, tametsi *Regularem* plane & dilucide tradat *Arthritida*, nequaquam absoluta, atque adeo imperfecta credatur, si nullos habeat *Arthritidis Defectus*, si nullam *Internam*: cujus insuper notitia, quo humano generi commodior, quoque fuerit ignotior, eo distinctius, eo fusiori calamo tractanda.

Quin hæc a me diligenter observata, non sine labore collecta, fideliter renunciata, & jam, animo erga humanum genus benevolo, in lucem missa, boni consulite.

F I N I S.

Δόξα τῇ ἐν ὑψίστοις Θεῷ.

EPITOME

Dissertationis Primæ de ARTHRITIDE SYMPTOMATICA.

CAPUT PRIMUM.

De Arthritide symptomatica, generatim.

Morborum Migrationes Successionesque ex Hippocratis Præcepto sunt inspicienda. Art. I. Arthritis alia primigenia; alia secundaria, sive symptomatica. II. Quæ vel materiam, vel in huius generis arthritida Materia Μετεωροικὴν, Morbo alicui Primario, & præcedenti, refert acceptum. III. Hujus Regionis symptomaticæ recensentur, suntque arthritidos, generatim sumptæ, quasi Pars dimidiata. IV. Symptomaticarum Ratio Generalis in eo sita est, quod cum Morbi sunt a primigenia distantes, ei tamen gradatim appropinquant. Modum appropinquandi certissime commonstrant: simul cum usurpato arthritidis primigeniæ Vultu, primarii Exuvie. Conditio Earum specialis. V. Symptomaticarum differentia, si Earum Externa, si Paroxysmos spectemus: Partus Facilitas a primarii Indole, & in arthritidem propensione. VI. Alia arthritis symptomatica improprie dicta, quæ rheumatismo superat, Alia magis propria. VII. Quæ generatione procreatur vel æquivoca ut ex chlorosi, & ex hydrope arthritis, vel univoca, quæ eandem cum primario Materiam habet, quæque ob Crisin aliquam imperfectam exoritur: ut aliquæ omnes. VIII. Symptomatica magis propria non nisi Chronicum ventusum sequitur, & grandiores invadit; contra quam minus propria. IX. Symptomaticas hæc specie inter se differre, & diversas pascere Curationes, existimandum est. X. Ex Morbi primarii & arthritidis primigeniæ Therapia elicitur, in Medendis symptomaticis Indicatio. XI. In Paroxysmo, ab arthritide; in Vacatione, a morbo primario. XII. Prophylaxis ad menses proferenda, ad Annos aliquando repetenda. XIII. Aetiologia arthritica, ob neglectam symptomaticæ & primigeniæ arthritidos Discrepantiam, hæcenus imperfecta. XIV. Curatioque inidonea. XV. Methodi Ratio. XVI.

CAPUT II.

De Arthritide Rheumatismo supervenienti, symptomatica falso appellata.

TRANSITIO. Art. I. Rheumatismo soli Frigore procreato succedit arthritis: Is autem, Sanguinis lentore gravi & repentino Capillaria infarciens, generatur. II. Qui fiat ea Γλισχόντης exquiritur: Non a Chylo accedente: (Sanguis injecto Lacte non coagulatur.) III. Neque solum ab Acido. Serum ejus calefactum per Frigus subitum condensatur: rheumaticorum Urina minus falsa: serum, addito Syrupo Violaceo, virefcit: Pellicula Sanguinis, per instillatam Sublimati Solutionem, albescit. Lentorem vel a Calore Frigoreque vehementibus & continuis, vel a Sale Alcalico, vel ab utroque nasci concluditur. IV. Rheumatismo male tractato subjicitur hæc symptomatica, & arthritidem Frigidam emulatur. V. Illius Facies & Mos. VI. A reliquis symptomaticis ut distinguitur. VII. Adversus rheumatismum valere posse Vomitionem, sed Sydenham opera Medica.

frequentem & caute præcipiendam. VIII. Ad hanc arthritida requirit indicatio, ut tollatur iste Lentor. Quem in finem Antiscorbutica, Spiritus Volatiles, adhibeatur. Quid per Oleum Tereb. Quid per Camphoram agatur, periclitare. IX. Ptyalismus proponitur, & Emplastra cum mercurio, ut & ad Articulos exonerandos, Suctus. Quid per Maturantia fiat, deliberandum. X.

CAPUT III.

De Arthritide ex Chlorosi, & ex Mensura Suppressionione.

A RTHRITIS a chlorosi Symptomatica est rarissima. Art. I. Eas tantum aggreditur, quæ stirpe sunt arthritica prognata. II. Causam habet Continentem, a chloroseos Continenti longe diversam, & ad istum morbum se fortuito adjungit. III. Interdum vaga est, sub rheumatismi Nomine delitescens: Alias articulis affixa: utriusque Diagnosis. IV. Indicatio vult, ut per Muliebria Materia peccans expellatur; qua partu Naturali. V. Qua Mensibus. Hisce procurandis inseruiunt Martiata cum Emmenagogis juncta, Aquæ Martiate, cum Purgatione nonnunquam intercalanda. VI. Arthritidis ex Mensura Suppressionione, Origo & Mos. VII. VIII. Medendi Lex, ut per Catharsin, sed Modo peculiari celebrandam, Materia dimittatur. IX. Funiculus aperiatur. X. In isto Pari Symptomaticarum impugnando, quantum interfit. XI. Historia arthritidis Vagæ, Fixæ, Nodosæ, Hereditariæ, ex chlorosi nata, per Emmenagoga fugata.

CAPUT IV.

De Arthritide Hydropi superveniente.

HYDROPI arthritis etiam si crebro supervenit, inter Naturæ Δυσνότια tamen est censenda. Art. I. Ab Hepate, sive viscerum aliquo nobiliori, Labe indomita vitiato, quicumque fit hydropicus, raro Is Ηδαια. At si in Liquido omne vitium, ex eo sæpe oritur arthritis. II. Maxime vero post amara & chalybeata, hydragogis submissa, vel (ubi consistunt Vires) statim post hydragoga. III. Spiritus Sero liberati, vel per Se, vel Medicamentis incitati, emergunt denique, Materiam e Sanguine pellunt alienam. IV. Atque adeo Seminium, si quod intus latuerit, arthriticum. V. Et quidem bono omine. VI. Nullam postulat hæc arthritis Therapiam nisi qua servetur, augeatur, ordinetur. VII. In hunc finem singularia recensentur. VIII. Ut ea componantur, & in Methodos redigantur. IX. Ad hydropa propellendum, Vere & Autumno Aqua subducenda, & quidem Drastico potius quam Leniente: Ager nec plus, nec aliud bibat, quam Coctioni & Nutritioni quod sufficiat. X. E Lecto mane quam primo exurgat, Vesperis mature cubet, bis in die Corpus sub Jove exerceat. XI. Hujus Methodi Utilitas. XII. Historia Prima, De Arthritide hydropi probe curato feliciter accedenti.

Quæ, seu Cathartica, præcipue vero Δυσικώτρεα, seu ex alterantibus anti-asthmatica, gignenda arthritidi cum primis confert. II.

Arthritidis hujus materia minime recens astimanda.

Quia nemo repente Πόδα γράει: Quin potius in corpore diu illam latuisse, pituitaque forsitan involvi; & cum ea per sputum κατ' ὄπισθον externi, credibile est. Æstate hæc arthritidis letatur quod quidem ejus χαρακτῆριστικόν. III.

Ita hæc arthritidis, hyeme minime obdormiscens; ab asthma superatur; sub ejus persona delitescit: Æstate vero, cum ad Ambitum Corporis Sanguinis liberius effertur, proprie elucet. IV.

Ex ista hujusce materie frequenti expuitione, fieri videtur, quod arthritidis hæc omnino blanda, minimeque dolore vehementi, multo minus Tosis, &c. est signata. Indicium ejus optimum in eo locatur, quod asthma usitate & ex more submittatur; cetera arthritidi primigeniæ persimilis est. V.

Ex ista successione in symptomaticis habenda est, & pectoris, Spiritus, Tussis, Sputi considerationem comprehendit. VI.

Neque enim hunc in modum asthmaticos, arthritidem negligere juvabit; quin simul atque fieri potest in articulis dolorem excitare, quo levetur pulmo. Hæc de causa, Sanguinis missio, vel parca admodum, vel nulla, ne arthritidi protrudenda natura impar reddatur, admittenda. VII.

Per Δυσικώτρεα Catharsis instituenda, quibus sanguis in orgasmum excitetur. Catharsis etiam pulmonem exonerat, spiritumque liberat. Sed, quoties in simplici asthma pituitoso, non toties hoc in asthma repetenda, ne recta arthritidis impediatur. VIII.

Ad depellendum asthma, & concitandam arthritida, mane inf. am. Chalyb. exhibeatur: quarta pom. & nona vespertina balsami alicujus, vel Tinct. Sulf. Dosis majuscula. Diebus aliquot interpositis, extra loco sapissime dolenti attrahens admovendum; tumori, vel quam proxime illum, Epispasticum. Quando artus per se invadit hæc arthritidis, omnino promovenda est. Natura enim, asthma occurrat per arthritida. IX.

Si Bechicis opus usque fuerit, iis, sed lenioribus, vespere utendum: Hinc mane seq. Sputum, nec ad meridiem obtundetur appetitus. Narcotica his asthmaticis parum tuta. Ad invitandum somnum, si defuerit, adhibeatur sectio, frictio, &c. X.

Minuitur asthma, qua proportionem augetur arthritidis. Huic symptomaticæ adjungi solet pedum tumor ferrosus; ambulatione, frictione sæpe brevi tollendus. XI.

Ab hac arthritide restitutis equitatio commendanda; ut & victus idonea ratio, cum eccoproticis, & digestivis, ad asthma & arthritida præcavendam, subinde repetendis. XII.

Sicco nonnunquam asthma subnectitur arthritidis. Illius descriptio qualiscunque profertur, & in hanc mutatio arguitur. XIII.

Ejus curatio breviter delineata. XIV.

Hist. De asthma pituitoso, per arthritidem, exemplo notabili mitigato.

Hist. 2. De arthritide, asthma ex Plethora, feliciter adjuncta.

C A P U T IX.

De Arthritide Febri Succedanea.

FEBRI nonnunquam exquisita, & perfecta, succedit arthritidis. Art. I.

Quæ quidem successio, sive ob aliquid ἐπὶ ὀφθῆς in sanguine contentum, sive ob glandulas obstructas oriatur febris, per facile capiatur. II.

Ab eodem miasmate (quod prius dixi) concito & debacchanti, febris; ab ipso lenius moto, sed exultante, arthritidis accersiri solet. His addendum, quod virus arthriticum concitandæ febris valde appositum est. III.

Secundo, si febris a glandulis obstructis sit, illa obstructio sanguinis orgasmum parere potest, ut & Sydenham opera Medica.

ille orgasmus, (sic ut Æstus exercitatione quavis adscitus) arthritidis Paroxysmum. IV.

Hujus symptomaticæ Natales optime illustrat angina arthritica, quæ quidem manifesto arthritidis est anomala, cum febre magna & gravi præcedente. Morbo tamen acuto, rarius forsitan quam diutino, διαγιγνεται Arthritis. V.

Ratione paroxysmorum, una est arthritidis ex febre nata, eaque arthritidi primigeniæ persimilis: ratione ortus, multiplex est, & longe a se diversa, quod particulatim exponitur. VI.

Quæ febri comitatur arthritidis omnino provehenda est & promovenda, quæ præcipua, & unica hujus medendæ indicatio therapeutica. Verum in hujusce symptomaticæ prophylaxi, febris illius, cujus symptomatica Fætus & Germen est, habenda ratio. Si habitudini Πυρετικῇ subolescat arthritidis, habitudinem istam efficiens materia exterminanda, corrigenda, prævertenda. Si febri Εἰσπνελατώδῃ submittatur, durante insultu, per cardiaca & diaphoretica utriusque materia dimittenda est: in vacatione, causa antecedens aquis diureticis auferenda, lacte Asinino, &c. permulcenda: Et sic in aliis hujus generis symptomaticis. VII.

Hist. 1. Arthritidis synocho secundaria.

Hist. 2. De Arthritide habitudini Πυρετικῇ subjuncta.

Hist. 3. De Arthritide cum febre Εἰσπνελατώδῃ vices exercente.

Hist. 4. Quartanam, cortice suppressam, arthritidis sequitur, cum Arenulis.

Hist. 5. De quattana in arthritidem mutata.

C A P U T X.

De Arthritide ex Colica.

COLICA in Chronicis hujus populi pervagatissimis est; ejus, quæ arthritidem præcurrit, Descriptio generalis. Art. I.

Est autem ea nonnunquam biliosa; quæ breviter depingitur. II.

Ejus in arthritidem metamorphosis: istiusque commoditas, sive caput, sive intestina spectemus. III.

In hac arthritide materia foras ejicienda, idque remediis potissimum externis. Cardiaca interna (quæ hujus curationis proprietas esse videatur) admodum caute usurpanda, ne in caput arietent. IV.

Alia vero colica est (arthritidis productrix) a Pomaceo immitti acidoque: Et est ejus proportione. Quo tempore nostros homines invadat, confirmata illi, & inveterata supervenit arthritidis, genuinæ persimilis. V.

Natura istam mutationem per se nonnunquam molitur, sæpe vero numero per purgationem drasticam & elateriam, nonnunquam etiam Cardiacis internis excitata. VI.

Habet hæc arthritidis Dolorem acutissimum, in colicam ex facili revertitur, iterumque arthritidos Personam induit, iterumque deponit, raro Tosis &c. signata est. VII.

Alia podagram progignit colica, quæ ab dyspepsiis oritur: Hujus descriptio. VIII.

Qui sunt hujusmodi Κακώματα Ætatis fluxu aliquando arthritide laborant, quæ colicam tum excipiat, tum ab ea sæpe excipitur. IX.

Utrum hæc arthritidis a colica derivetur, an potius arthritidis sit, dudum in intestinis Anomala, jam vero in Externis partibus recte se habens, etsi in dubiis ponatur in arte fallitanda eodem fere recidit: Neque depelletur hæc arthritidis, nisi colicam, cui subjicitur, intueamur. X.

In Paroxysmo ferme eadem, ac in arthritide Exquisita, medendi ratio: Prophylaxeos alia atque alia est, pro causa remotioris diversitate. XI.

Hujus Tribus symptomaticarum Paroxysmi omnium maxime per Eccoprotica, vel præcaventur, vel minuuntur. XII.

Hist. 1. Arthritidis colicæ biliosæ secundaria.

Hist. 2. Arthritidis, colica ex Pomaceo ἐμύρνωδῃ.

Dd 4 Hist. 3.

- Hist. 3. Colicæ ex Dyspepsia diuturna, Gonagra supervenientis.
 Hist. 4. Ex Colica Paralyticus, Arthriticus, Inunctione trucidatus.

C A P U T XI.

De Arthritide Morbis quibusdam Cuticularibus subjecta.

- Q**Uæ achoribus, hæmorrhoidibus, & ulceribus superest arthritidis, hoc Capite tractatur. Art. I.
 Morbi Ejus primarii alienum aliquid expellunt, adaugeta eorum materia Turbas ciet in sanguine, quas sequitur Arthritis. Arthritico durante Paroxysmo, conquiescunt affectiones primariæ. II.
 Hujus Symptomaticæ Diagnos: est ea primigeniæ Arthritidi conjunctissima: ideoque postremo hoc loco discutitur. III.
 Morbus quicumque fuerit primarius omnino promovendus: Ulcus, per cathartica, achores, per epispastica, velleniter attrahentia, hæmorrhoides, per aloetica interne data, per hirudines externe adhibitas. IV.
 Hist. 1. De Arthritide Aurium achoribus subjecta.
 Hist. 2. De Arthritide ulceribus subolescenti, epispasticis allevata.
 Hist. 3. De Arthritide (cum febre intermittente) ex hæmorrhoidibus occlusis.

C A P U T XIII.

Corollaria & Spicilegia quædam habet, cum Epilogo.

- E**X prædictis sequitur, quod symptomaticis quæ genuine Arthritidi sunt vicine, (id est, colicæ, & morbis cuticularibus submissæ) maxime consentiunt illæ, si tantum materiam earum intueamur, quæ sunt minus propriæ, cholorosi nempe, & hydropi *ἄνυδροψία*, ideoque magis propriis postponi poterant, imo quidem debuerant. Art. I.
 Si quis materiam, v. gr. luis, non arthritida falsam, verum exquisitam parere; itaque symptomaticas hæc, & inter se, & cum Arthritide exquisita congruere argumentetur: nihil isthuc auctorem movebit, quando symptomaticarum a morbis specie differentibus successio, eas etiam, (quoniam morborum primariorum materiam, unde ducenda earum specificatio, manifeste retinent) specie differre monstrat, proprias postulare curationes, ut & propria vocabula; si quis autem eas Arthritidis vocabulo includi voluerit, quanta quæso hæc æquivocatio tæ (Arthritis) singularem morbum exprimere soliti,

jam vero quamplurimos, eosque specie distrepantes morbos exprimentis. Dato vero hæc symptomaticas convenire (quod tamen nec probatum, nec concessum) ad earum curationes tum explicandas, tum exigendas, ex usu erit eas haberi differentes & discordantes.

Scorbuto, aliove quovis e Primariis affectibus supra dictis laborantem, Primigenia simul Arthritide posse laborare, non diffitetur Auctor, cui cum hisce tantum morbis negotium, qui Arthritidos induunt personam.

- III. Aliæ sunt Imagines Arthriticæ minus perfectæ, quæ sæpe scorbuti, vel rheumatismi nomine appellantur. IV.
 Glandulæ articulares sunt ex celeberrimis totius corporis externiculis. V.
 Epilogus.

Observationes Anatomicæ &c. in Actis Philosophicis Londinensibus, ab Auctore divulgatæ.

Numero 151.

Intestinum canis Cæcum feliciter exsectum.

Numero 162.

Instrumentum Coctionis primarium esse Spiritum Alcali generis Volatilem, & de Glandula in ventriculo Lucii Piscis Tubulata.

Numero 166.

De liquorum in lacteas Ingressu subito, coloreque in iis non semper Albo. Contra Vvalenam, &c.

Numero 167.

Molis immensæ Glandula cor bobulum, præter naturam, comprehendens.

Numero 240.

Primarius Respirationis usus experimento illustratus. Pro D. Thrustano.

Numero 240.

Pectoris Hydrops artificialis.

Numero 242.

Aphonia Periodica.

Numero 247.

Magni Regis Arthuri Cimeliarchum: in Reverendi Viri D. Geo. Hickes S. T. P. Thesauro linguarum Vett. Septentrionalium Grammatico Critico, brevè edendo, planius & accuratius describendum.

Numero 258.

Bronchotomus promota.

Numero 266.

De Polypto raræ magnitudinis in carne reperto.

Numero 271.

Menstrua viri cujusdam Hemorrhagia, temere suppressa.

Numero 275.

Venæ lacteæ (post Clarissimum Listerum) Coloratæ.

EPITOME

Differtationis Secundæ de ARTHRITIDE ANOMALA, sive INTERNA.

CAPUT PRIMUM.

De Arthritide Anomala generatim.

Artus sedes arthritidis regularis. ARTICULUS I. Truncus, sive quod reliquum est Corporis, anomala; II. Arthritidem anormalarum, quæ Regularem nullum præcurrentem habent Paroxysmum, Diagnoses admodum difficiles, III. Earum, quæ Regularem Paroxysmum insequuntur, Diagnoses, variis Symptomatum ordinibus sunt elicienda. De anomala arthritidos ῥ'ἀρῆς minime constabit, nisi de regulari arthritide præcurrente prius constiterit. Eodem Puncto incipiunt hi Ordines, at diversos habent exitus. Quo certior arthritidos Regularis ῥ'ἀρῆς, illiusque Materia quo certior, in ea, quæ intus sunt, Translatio; eo certior anomala Notitia, IV. Internæ partes intelliguntur esse trunci omnes, V. Arthritidem inter regularem & anormalam quæ sit Differentia, VI. Tam symptomaticæ, quam primigeniæ arthritidos Ἀνομαλίας, VII. Trunci Partes fere omnes, sed alias aliis frequentius, invadunt, VIII. Unde tam Vastum earum Imperium, IX. Causa earum enumerantur, X. Ut & differentia, XI. Medendi Indicatio generalis, ut arthritide anomala pars affecta citissime, tutissime levetur. Materie partim e Corpore evocando, partim in artus transferendo, Premissis, quæ par est, Evacuationibus, Curatio reliqua per Materiam in artus Translationem afficienda est; Quam ejus expellendæ viam Natura maxime affectat. Medicamenta huic Intentioni inservientia sunt vel interna arthritidem expellentia; maxime conducunt e ferro preparata, præcipue Martis alcohol, sive ferrum nutritum; ejus conficiendi Modus; Formula Πόδαρρῶν: Vel Externa, quæ Articulis dolere solitis post internorum usum aliquem applicata, foras arthritidem invitent. Eorum recensio. Ichore vitioso exulante, ager ad tempus aliquod immunis est. Mitior hæc crudelitas, quam per misericordiam methodus XII.

CAPUT II.

De Ventriculi Affectibus Arthriticis.

Nullam in trunco Partem magis infestat arthritidis, quam ventriculum & intestina, I. Ut ventriculum ingrediatur ea, duo requiruntur; primum, in sanguine Miasma fugitivum; deinde ventriculus, ei recipiendo accommodatus, II. Quibus ille modis sic accommodetur. Ex Causarum diversitate magna, oritur anormaliarum diversitas, III. Arthritidis in ventriculo agentis Descriptio, IV. Quibus signis innotescat natura ejus arthritica, V. Senes ea plurimum urgentur. Autumno sæpe incipit, VI. Ejus cum arthritide Regulari Comparatio, VII. Anomala hic describitur absoluta, VIII. Ut ab Affectu distinguatur hypochondriaco, IX. Perinde est, Materia per circuitum, an recta ventriculum intret; & sive fixæ, sive erraticæ arthritidos sit Materia. Qui denique huic malo procliviores, X. Medendi Indicatio postulat ventriculum allevari Purgatione: & in Artus arthritidos amotione: Utriusque Purgationis instituenda ratio. Vomitus, si manet post catharsin, Laudano compescenda; XI. Quibus auxiliis amoveatur arthritidis, quaque Arte tum expellatur, tum evocetur. Quæ hoc tempore Diata. Si ventriculum arthritidis repetat, quid faciendum, Hujus Methodi Utilitas, Prophylaxis, XII.

Historia I. In ventriculum & intestina irruens arthritidis, foras expulsa.
Hist. II. Arthritidis idonea, Balneo Frigido in ventriculum, & ea, quæ intus sunt repulsa.

Hist. III. Recta arthritidis, & in ventriculo anomala, se vicissim excipientes, cum anomala Curatione.
Hist. IV. Arthritidis semel iterumque in ventriculo anomala, toties expulsa.
Hist. V. Arthritidis iterum ac sæpius in visceribus anomala, toties in artus ablegata, cum anomala Prophylaxi.
Hist. VI. Ex Plenitudine arthritidis, partim recta, partim in ventriculo anomala, Purgantibus & Podagra-gogis allevata.
Hist. VII. Arthritidem, ex Animi perturbatione, anormalam, in Viam ducunt Πόδαρρῶν.
Hist. VIII. Arthritidis vaga, primo Partibus ex contusione lasis; deinde ventriculo herens, in Sanguinem resorbetur; in Artus emittitur.
Hist. IX. Multum interesse, quæ tempestate laboret aeger hac anomala; ad eamque removendam, tam externa, quam interna nonnunquam in Corpore validissimo requiri.
Hist. X. Cibi Fastidium, & Asthma, ex arthritide ventriculum infestante; ea expulsa, sublata; ea denuo repulsa, recidiva.
Hist. XI. Ex arthritide, cardialgia, ut & alias Ἀνορεξία, per Catharticum, & humores in artus expellentia, feliciter curata.

CAPUT III.

De Colica Arthritica.

Morbus hic gravis & frequens, una cum intestinis Ventriculum premit, ART. I. Ejus Descriptio, II. Natura arthritica, III. Diagnoses, IV. Causæ remotiores externa, quæ repellunt arthritidem, V. Interna, intestinorum Imbecillitas, &c. VI. Ab aliis colicæ Speciebus, ut distinguatur. VII. Ejus Differentia, VIII. Prognosis, IX. In curatione, de Phlebotomie, de Vomitu deliberandum; deinde Purgatio instituenda. Tum podagram expellentibus, una cum anticolicis, utendum. Eorum Formula, & sumendorum Methodus. Contra Spasmos intestinorum pertinaces Fetus, Linimentum, Enema. Quæ Dieta ratio optima. Vinum utilissimum, X. Prophylaxis, XI. Morbus, hic Hippocrati non incognitus, XII.

Historia I. Colica arthritica male tractata, demum lethalis.
Hist. II. Arthritidis Vaga, colicam mentita, ad Regularem arthritida reducitur; cum ejus Prophylaxi.
Hist. III. Colica, ex Quietæ, arthritica, in arthritica regularem versa.
Hist. IV. Colica multarum Hebdomadarum Arthritica, eadem methodo curata.
Hist. V. Colica Arthritica, Purgatione, & Πόδαρρῶν, sublata.
Hist. VII. Colica, una cum Dolore Capitis, Arthritica plus semel allevata.
Hist. VII. Arthritidis, Intestina sæpe atrocissime invadens, toties exturbata.
Hist. VIII. Colica Arthritica, cum Paralyfi superveniente.

CAPUT IV.

De Diarrhæa Arthritica.

Miasma Arthriticum nonnunquam intestinis, infusum, ea stimulat, donec Ano exterminatur, ART. I. Diarrhæa ista ut dignoscatur esse Arthritica, II. Causam Continentem, & proximam, tantummodo unam

nam habet; initium, & exitus varios. Quae per se accidit, non raro Salutaris. Quae Pharmacis excitatur, si modam non excedat, utilis; si nimis pertinax fuerit, dubia, vel lethalis, III. In priori, Natura relinquendum opus, nisi nimium excurrat diarrhoea; tunc enim Astringentibus, ac Cardiacis eget; Reliquae vero morbose post tempus aliquod Lenientibus exprimenda. Diarrhoea sistenda, si a Purgantibus fiat: Si a Cruditatibus, Purgatione (altera, vel utraque) opus erit deinde Restringtonibus. In dysenteriae periculo, Emulsum. Ad Prophylaxin alcohol Martis, cum aquis ferratis, IV.

Historia I. Diarrhoea crebra, & Salutaris.

Hist. II. Diarrhoea, a Cathartico, arthritica, opportune suppressa.

Hist. III. Arthritis vaga, intestina occupans, solo externorum usu evocata, & artubus infixa.

Hist. IV. Cruditatibus orta diarrhoea arthritica, Medicina beneficio inhibita.

Hist. V. Diarrhoea arthritica lethalis.

Hist. VI. Alia ejusmodi.

C A P U T V.

De Dysenteria Arthritica.

TRansitio, I. Miasma arthriticum aliquando intestina mordet, exeditque Vasa eorum exilia, Sanguinem vehentia: Unde dysenteria, II. Morbi hujus H⁹90, III. Dependet is a Miasmate predicto in Sanguine renovato, idque constanti norma, IV. Insultus saepe repetit, Paroxysmis arthriticis, si spectemus intervalla, respondentis. Nunc in Ulcus, nunc in Abscessum degenerat, V. Curatio: Sanguine profluente conquiescat Ager: Cardiacae non nisi caute adhibenda: Lingua Laudano superillinatur. Potioni sit Decoctum album. Dysenteria haec omnino Critica. Ad eam, si nimia fuerit, inhibendam Adstringentia. Valet interdum Enema. Vitentur acida. Quae conveniat Dieta. Ad dysenteriae exquisitae Curatione, quantum haec differat. In Prophylaxi valent aquae ferro alteratae.

Historia I. Tenesmus, & dysenteriam inferens arthritis, omisso Externorum usu lethalis.

Hist. I. Dysenteria arthritica in Abscessum migrans.

C A P U T VI.

De Abscessu Intestinorum Arthritico,

AD abscessum inferendum Miasma arthriticum cum primis aptum, I. Ejus formandi ratio, II. Cause ejus bina, quarum altera dictum Miasma e Sanguine expulsum; altera Intestinorum Imbecillitas, III. Hic abscessus saepe magnus, in alimentari Fistula, creberrimus, saepe recidivus, IV. Si in ano fuerit, eadem fere Curatio, quae in abscessu ani genuino; si in fistulae superiori parte, raro ante puris Evacuationem sentitur. Dysenteriae aliquando *ἐνυιvēται*. Quae, rupta Vomica, conveniat Curatura. Evacuato Pure, Balsamica, Vena sectio interdum prodest. Aqua ferrata, cum e Ferro preparatis, & restringentibus, & c. *ὑποφλέγονται*, V. Veteres arthritici Vitiis ani arthriticis affliguntur, VI. Arthritis in Visceribus, a Luciano bello descripta, VII.

Historia I. Abscessu Intestinorum arthriticus auspicio sanatus, recurrendo lethalis.

Hist. II. Abscessus ani arthriticus, feliciter curatus.

Hist. III. De Ani arthritica, propter Aleoticum, inflammatione, cum instante gangraena.

C A P U T VII.

De Melancholia Arthritica.

TRansitio, I. Morbi hujus Mors, II. Dyspepsia oritur. Ut ab arthritide melancholica distinguatur, III. Curatio Purgantibus, (sed blandis) & Podagra-gogis peragenda: Quae ratio Prophylaxeos, IV.

Historia I. Melancholia, propter arthritidis Paroxysmos minus idoneos.

Hist. II. Arthritis melancholico Saluti.

Hist. III. Melancholiam, & Hydropa Arthriticum sanat, arte comparata, arthritis idonea.

C A P U T VIII.

De Syncope Arthritica.

TRansitio, I. Morbi ratio, II. Therapia requirit Cardiacae, admodum generosa; Frictiones, interdum Vomitionem, eamque Vino movendam, III.

Historia I. Syncope Arthritica, foras abacto Hoste, curata.

Hist. II. Alia Ejusmodi.

Hist. III. Arthritide diu ignava & inerti, generata syncope, illius Paroxysmo regulari sublata.

C A P U T IX.

De Calculo Renum Arthritico.

RAro cuiquam unquam Morborum frequentius supervenit calculus, quam Arthritidi; Estque vulgari renum calculo, Arthriticus persimilis, I. Huic malo conferunt mala Concoctio, & Lacteorum Ora nimis dehiscencia, II. Est hic calculus, Lapidis Calcarii cum Sale suo Calcario, vel Ochra cum Sale Vitriolico, coctio, III. Ejusdem plane Naturae est cum tofo arthritico, IV. Ut a colica, tam Exquisita, quam arthritica distinguatur, V. Si Paroxysmus simul arthriticus erit, nullus hic acidorum foveum, aut cataplasmatum usus: Profunt interdum paregorica. Silente vero arthritide, si quis hoc calculo agrotet, quae Curatio. Syrupi Preparatio balsamici. In Dysuria calculo superveniente, juvant Opiata cum Diureticis juncta. Dosis dolor judicium calculi aquivocum.

Historia I. Calculo & chiragra una concurrentibus, facta simul Medicina.

Hist. II. Adversus calculum Arthriticum Prophylaxis.

Hist. III. Calculus Arthriticus, vertigo Arthritica, & arthritis regularis se mutuo excipientes.

C A P U T X.

De Asthmate Arthritico.

UNum hoc Capite tractatum asthma, nimirum Ἰσθμοειδὲς, ART. I. Quenam hoc Affectu Corpora maxime graventur, II. Causa Contineas, Miasma arthriticum, III. Cause remotiores, IV. Asthmatis hujus, & arthritidis ratio inter se, naturam illius arthriticam manifeste probat, V. Est vel siccum, vel humidum: utriusque Mos, VI. Virus arthriticum Pituita involutum, Sputacione ejicitur; & quidem commode, VII. In asthma sicco, quodnam morbi subjectum, VIII. Asthma interdum occurrit arthriticum; sive previo arthritidis Paroxysmo, IX. Quae in utroque asthma, (tam humido, quam arido) *πρόγυγας*, X. Curatio tollit Impedimentum respirandi, Vena sectione, Purgatione, Clysteribus: Quae sicco propria; quae humido Therapia; Quid in Paroxysmo faciendum; quid in Prophylaxi, XI.

Histo.

- Hist. I. *Adolescent, ab Arthritide asthmaticus, Empirici Narborico peremptus.*
 Hist. II. *Asthma siccum, Arthriticum, Vena sectione & Cardiaco sublato.*
 Hist. III. *Arthritidis in Paralyfin, & asthma Metamorphosis.*
 Hist. IV. *Arthritis in asthma, & hydropa deficiens.*
 Hist. V. *Asthma cum Iliade Malorum, Arthritidos defectu Regularis, exortum.*
 Hist. VI. *Asthmatis Vultum induens Arthritis.*
 Hist. VII. *Ab Arthritide percussa pectoris externi Oppressio, Spiritus impeditus.*

CAPUT XI.

De Catarrho, Tussi, & Peripneumonia Arthritica.

Hist. Affectus, quoniam ab eadem Causa eundem Locum aggravante fiunt, una hoc Capite tractantur, I. *Quenam is creberrime invadunt, quaeque Corpora potissime laceffunt, II. Achores, & catarrhi Puerorum, qui arthriticis orti sunt Parentibus, haud immerito suspecti, III. Arthritidis in pulmonem Metastasis omnium certissima. De minus certis quomodo judicandum, IV. Seniores saepe invadunt haec anomaliae, & qua de Causa, V. Sputi consideratio, VI. Si Affectus arthritidi Regulari apponuntur, VII. Tussis eorum omnium frequentissima, aliquando Regularis Paroxysmi symptomata praenuncium, VIII. Tussim interdum excipit haemoptoe, IX. Tempus horum Affectuum Autumnus; multum ad eos confert pulmonis Imbecillitas, X. Ex Algore, vel Cardiacis peripneumonia nonnumquam accedit, XI. Medendi Indicatio communis est, ut pulmo quam citissime levetur: Ubi nihil adversatur, prodest Vena sectio; maxime vero in peripneumonia: In plerisque Purgatio, sed peculiari modo facienda: Tum Πόδαρπαγμα, cum anacatharticis juncta. Horum Formulae proferuntur. Ad prohibendam Sanguinis colliquationem valet decoctum corticis. His succedunt externa, Arthritidem evellicant; quibus severis, non nisi urgente necessitate, utendum est, XII. Ad prophylaxin, aperiantur in Dorso fonticuli. Aere aperto fruatur Aeger; quibus, aliisque hac in re, idoneis, aut praetermissis, aut perperam adhibitis; Aeger οδισσος opprimitur, XIII. Peripneumoniae quae arthriticae Curatio, XIV. Medicina isthaec (alia, quam Clariss. Sydenhami) defenditur, XV.*

Historia I. Tussis Arthritica.

- Hist. II. *Tussis Paroxysmi Arthritici symptomata praenuncium.*
 Hist. III. *Sputatio Arthritica, in extrema aetate nimia.*
 Hist. IV. *Anacatharsis Arthritica Salutaris.*
 Hist. V. *Peripneumonia Arthritica.*
 Hist. VI. *Catarrhus, asthma, tussis Arthritica, per Humorum in artus Αῤῥήσιν, & deinde Evacuationem mitigata, sublata.*

CAPUT XII.

De Phthisi Arthritica.

Transitio, I. *Morbi hujus Ηρόδοτος, II. Ultimum ejus Stadium, cum Exquisita phthifeseos ultimo concordat. Homines natu provectiores (aliter, quam exquisita phthifis) aggreditur: Febris ejus Ηεβητική, plerumque lenta, III. Nunc ex arthritide percussa, haec phthifis brevi tempore fit; alias non nisi spatio annorum aliquot, IV. Morbi natura patet ex eius Γενεσις, V. Curatio postulat, ut pulmo allevetur. In principio valere potest phlebotome, & catharsis. Postea bechicis, & Πόδαρπαγμα utendum; & quidem eousque, quoad fuerit a Febre periculum, & postulaverit arthritidis Expulsio. Si febris exardeat, quid fieri oporteat. Hisce dies aliquot adhibitis, extra admoveantur arthritidem educantia. Opiata, & Incrassantia merito suspecta, VI. Prophylaxeos ergo, maxime valent aquae fer-*

ratae, & Aer, praecipue Maritimus. Praesunt Artuum Frictiones, Fonticuli, Sorbitio, Chocolata, Pectoralia, obsunt Catarrhi, VII. Galenus mentionem fecit hujusmodi Πόδαρπος (scil. arthritici) in pulmonibus, Aegros saepe suffocantis, VIII.

Historia I. Tussis Arthritica lethalis,

- Hist. II. *Phthifis Arthritica, Medicamentis Calidioribus saepe levata.*
 Hist. III. *Phthifis Arthritica, incipiens, curata.*

CAPUT XIII.

De Angina Arthritica.

Febriacula ad expellendum Miasma arthriticum, in Sanguine excitata, nonnumquam parit anginam, I. *Natura ejus arthritica, ut detegatur, II. Quae illa Corpora, & quas ob ορρώσεις invadat usitatissime, III. Diagnofis, IV. Cum angina exquisita, ejus convenientia, V. Curatio vult, ut Fauces, quamprimum alleventur, & quidem Methodo privata; Prodest interdum laringotome, VI. Uti nonnumquam acida; Externa, arthritidem educantia, VII.*

Historia I. Arthritis fauces, & artus simul semelque occupans.

- Hist. II. *Anginae Arthriticae, ad Abscessum tendentis, in arthritida regularem Metamorphosis.*
 Hist. III. *Materia arthritica partim abscessu anginoso, partim per articulares glandulas expressa.*
 Hist. IV. *Arthritis primum fauces, deinde articulos invadens.*
 Hist. V. *Anginae arthriticae auspicio supervenit Arthritis regularis.*
 Hist. VI. *Angina & abscessus Arthriticus cum arthritide insequentis, recta idonea.*
 Hist. VII. *De arthritide multos annos Erratica, tunc anginam iterum, & saepius simulante; postremo regulari, Fixa.*

CAPUT XIV.

De Capitis Dolo, & Vertigine Arthritica.

Obscuri sunt in capite Partium usus, I. *Quos saepissime infestet dolor hic arthriticus, II. Ejus Mos; Signum est aliquando Paroxysmi Regularis praenuncium: Ni tale fuerit, etsi in capite Materia remanserit, apoplexiam introducit, III. Ut de ejus οπάρεσι constet; dolor hic interdum lenis, interdum pene ad Delirium usque gravis, IV. Paroxysmum aliquando Perfectum, aliquando intercisum excipit, V. Vertiginis arthriticae Comes fere individua, & tanquam Soror gemina est, VI. Vertiginis Arthritica subjectum est cogitandi Officina: cogitationis ratio probabilis: Videtur esse quadam Πνέματερπία, VII. In vertigine Spirituum fluctuationes interturbantur, VIII. Spirituum Εἰλῶγος a Cl. Villisio propositus, in dubium vocatur. Rerum Externarum Imagines in Capite verae, ut & in vertigine falsa, per iis Rebus dissimilia fieri possunt, IX. Perturbantur Spiritus, vel ab alieno, a Sanguine accepto, hac in penetralia se insinuante; vel Externo aliquo Tubulos coarctante, X. Vertigo hac in plerisque, cum dolore capitis Arthritico concordat: Aut in paroxysmum regularem: aut in apoplexiam migrare solet. Miasma arthriticum epilepsiae generanda parum idoneum, XI. Horum Affectuum Curatio communis; tum etiam singuli propria. Balsamum Ὁδύς cephalicum Doctoris Vvaterhouse: Emulsa, Narcotica, Oxyrrhoidina, &c. quae Materiam capiti infingat, omnino fugienda. Prophylaxis, XII.*

Historia I. Ab gnava Arthritide vertigo, Sanguinis missione & Alvi ductione victa.

- Hist. II. *Vertigo Arthritica, Purgatione in podagram mutata.*
 Hist. III. *Vertiginem, & in capite dolorem faciens arthri-*

- arthritis; idque usitate, Venæ sectione & purgatione toties in articulos acta.
- Hist. IV. Capitis dolor, & vertigo Arthritica saepe revertentes, simili Methodo curati.
- Hist. V. Cephalalgia Arthritica, Phlebotome & Spiritu Volatili in podagram versa.
- Hist. VI. Miasma Arthriticum in caput immissum, vertiginem & dolorem inferens, eorevulsum, & in artus amandatum.
- Hist. VII. Cephalæa, & vertigo Arthritica, Medicina pari, cum Phœnigmis, sublata.
- Hist. VIII. Vertiginis Arthriticae cum Spirituum de-
pressionem gravi, Curatio.
- Hist. IX. Ex Arthritide vertiginosus, Victu nimis tenui depressus, interemptus.

C A P U T XV.

De Apoplexia Arthritica.

Transitio, I. Apoplexiæ hujus Mos, & Medicina propria, II. Morbi istius explicatio, III. Morbi ex Symptomatum Ordine investigatio, IV. Subjectum Cerebri Cortex, V. Causa continens, Vasculorum in cerebri cortice dilatatio; vel lentor Sanguinis; vel Miasma tubulos subintrans, spiritusque cominus aggressum, VI. Causæ remotæ, VII. Ex uno Miasmate pendet arthritico, VIII. Prognosis, IX. Curatio propria. X. Prophylaxis, XI. Apoplexiæ, a Causa Arthritica, symptomaticæ Curatio, XII.

- Historia I. Vertigo Arthritica, cum imminente apoplexia.
- Hist. II. Arthritidi percussæ superveniens apoplexia.
- Hist. III. Somnus, ab Opiato profundus; ipsa propemodum Mors.
- Hist. IV. Arthritis, ex acidorum usu gravior, in apoplexiam desinens symptomaticam.
- Hist. V. Apoplexia arthritica feliciter curata.
- Hist. VI. Apoplexiæ ut occurratur arthriticæ.

C A P U T XVI.

De Paralyfi Arthritica.

Miasma nunc in medullarum tubulis sistit; unde apoplexia idiopathica, I. Sape ad tubulos nervinos propellitur; unde paralyfis arthritica, II. Fieri potest, vel a Materia viscida, vel a virulenta, III. Causæ ejus remotiores, IV. Morbi ædæ, pro ratione Partis affectæ, varium, V. Ejus Differentiæ, VI. Typos habet aliquando paralyfis hysterica, VII. Prognosis, VIII. Therapia peculiaris, IX. Prophylaxis, X.

- Historia I. Cephalalgia Arthritica, cum paralyfi incipiente, curata.
- Hist. II. Hemiplegia Arthritica simili modo curata.

- Hist. III. Paralyfis Arthritica, cum Ipsismo dñis cynico, lethalis.
- Hist. IV. Colica Arthritica in paralyfin degenerans Arthriticam.
- Hist. V. A Materia colicæ Biliosa, primum arthritidis & deinde paralyfis.
- Hist. VI. Ob arthritidem, in nervos inversam, A'p'ovia.
- Hist. VII. Ex Morsu Canis, Arthritidis recte Silentium, Stupiditas, paralyfis, Arthritide denno facta Regulari, curata.
- Hist. VIII. Convulsiones, ex Arthritide inversa, universales arte Medica sublata.

C A P U T XVII.

De Doloribus in Corpore vagis, fixis; de Ophthalmia; de Erysipelate, & Achorebus Arthriticis.

Transitio, I. Horum quis Dolorum Mos: Rheumatismi nomine vulgo delitescunt vagi. Fixi nunc quasi Nephritici; nunc Oculos, Faciem, Aures occupat Miasma, & Ophthalmiam quandam, Erysipelas, Achores inducit. Achores Arthritici vices aliquando tenent Arthritidos summe Regularis, II. Affectus hi, periculo magnam partem expertes, ad regularem arthritida propius accedunt. A Trunci Ambiturarius, quam ab Artubus, ad ea, quæ intus sunt, transferatur Arthritis, III. Harum Anomalarum Medicina communis, propria. Nullus ob Achores excitandus Articularis Dolor: quod de una hac anomala proponendum, IV.

Historia. Achores, ab Arthritide, in alio Corpore generati.

C A P U T XVIII.

De Epiphora, & Dolore Dentium Arthritico.

DE dolore dentium exquisito scripsit Strobelbergerus, I. Ejus Arthritici Mos & Natura, II. Quæ istorum Affectuum Medicina communis; quæ eorum singula propria, III. Historia.

Dentium Dolor Arthriticus.

C A P U T XIX.

Corollaria continet, cum Epilogo.

Dissertationis summa, I. Hujusmodi Medicina quæ necessitas; arthritis raro occidit regularis, raro nisi prius degenerans in anomalam: ita vero creberime, II. Siquis hasce anomalias, Partium affectarum morbos esse Vernaculos affirmaverit, nostram hac de re Doctrinam minime convellat, III. Aliæ sunt arthriticæ minoris Ordinis anomalix, propter obscuritatem prætermisissæ, IV. V. Epilogus.

MECHANICA
MORBORUM,
ET MEDICAMENTORUM,

AUCTORE

JOANNE-BAPTISTA MAZINO
BRIXIANO,

In Gymnasio Patavino Medicinæ Practicæ Professore.

QUIBUS ADJECTÆ SUNT ANTONII COELESTINI COCCHII
*Epistolæ Physico-Medicæ, & BARTHOLOMÆI BOSCHETTI de Salivatione
Mercuriali Dissertatio Physico-Medico-Mechanica.*

Universum motus est, & aliud præter motum nihil; motus vero species duæ, & multitudine quidem utraque infinita: potentia autem altera in agendo, altera in patiando versatur, ex harum congressu, compulsuque mutuo effectus eveniunt numero infiniti. Plato in Thæteteto vel de Scientia.

Quæ moventur, aut natura moveri omnia, aut vi, aut voluntate. Cicero de natura Deorum lib. 2.

MARIÆ VIRGINI DEIPARÆ

JOANNES BAPTISTA MAZINUS
D. D. D.




In multumque mihi in votis fuit *MARIA VIRGO DEIPARA* Opusculum aliquod, licet exigua, seu nulla verius arte politum tibi donare, ut si illud minus pretio, tui certe nominis splendore e tenebris vindicarem. At licet ad hoc præsidium comparandum, & ad hanc grati animi significationem præstendam voluntas studiosa compelleret, dignitas tua, & amplitudo, & majestas terris, & Cœlo verenda retrahebat, quasque dabat necessitas vires, timor adimebat; serviendum tamen necessitati putavi, tuique nominis aliqua saltem ex parte augendam gloriam, quo nihil utilius, nihil jucundius, nihilque superis omnibus charius agi potest: His de causis Opus hoc meum de *Mechanica Morborum* desumpta e Motu sanguinis, tibi dedico, consecroque, vel potius adfero, quod tuum est; cum revera, quodcumque sit, tibi acceptum referam; tu enim Divina tua ope mihi scribenti semper adfuisti, tu lucem ingenio, tu intelligendi vim menti addidisti, omnibus illis difficultatibus ademptis, quæ ab hoc studio me abducere potuissent. Tuo fretus patrocinio (non enim video, cur etiam tecum loquens, non ea commemorare beneficia possim, quæ a te accepi, cum præsertim memores, gratosque homines esse velis, sintque fortasse hæc quæ scripsi lecturi nonnulli, quorum animos ad Præceptorum meorum memoriam impense studeo revocare) tuo inquam fretus patrocinio me ad Patavinam Academiam totius Italiæ nobilissimam contuli, ut a præstantissimis Magistris ad Medicinam faciendam instituerer; Atque adeo tua mihi favit clementia, ut Celeberrimos illius Lycei repererim Magistros *Dominicum Gulielminum*, & *Antonium Vallisnerium*, modo *Cæsaris Archiatrum*, quorum quidem præstantia Mathematicis, Philosophicis & Medicis, quæ ediderunt operibus longe lateque perspecta est; In Patriam deinde reversus ad Clarissimum Virum *Cyprianum Benaleam* Sanctissimæ Cassinensis Congregationis Monachum accessi, ab eodemque maximarum rerum scientia ornato Geometriæ principia assiduo labore didici, sed tanto viro diu mihi frui non licuit, illum enim sibi Patavinum Gymnasium tanquam jure suo poposcit, Legum Interpretem futurum: tanto hoc Præceptore, & tam subito destitutus, mœrens quærebam, quomodo incepta Geometriæ studia utiliter prosequi possem, cum tu tandem *AUGUSTISSIMA COELORUM REGINA* intra illud, quod tuum est, tuoque a nomine nuncupatur Gratianum Collegium, Discipulo Magistrum, & Geometriæ Alumno dedisti Præceptorem Geometram *Julianum* scilicet *Bornatum* doctissimum, integerrimumque ex præclarissima Societate Jesu Presbyterum. Is ex Nobili Bornatorum familia natus omni prorsus literarum scientia fuit ornatus: nam & excellens Philosophiæ & Theologiæ Magister, & bonus Poeta, in obscuris vero & reconditis, & multiplicibus, subtilibusque Mathematicis disciplinis ita perfectus extitit, ut fere nunquam ei scientiæ studuisse videretur, quin quod voluerit consequutus sit; Modestiam præterea, animi demissionem, vitæ probitatem in illo fuerunt semper, tum a suis, tum a cunctis nostræ Civitatis ordinibus, tum a me præsertim, qui familiari-

ter cum illo agebam, perspecta, & cognita. Is per aliquot annos me Geometriæ præceptis imbuit, & diutius etiam imbuisset, nisi repentino, bonisque omnibus acerbissimo fato functus fui desiderium ægerrime ferendum reliquisset; quod si ingenium mihi fuisset tanto Præceptore dignum, & in id studium incumbendi otium quotidiana Medicæ vitæ rationes dedissent, & tuis melius usus fuisset *VIRGO* muneribus, magis Præceptorum gloriam amplificavissem. Pudet me quidem, *VIRGO SANCTISSIMA*, tot a te auditum beneficiis, negligenter adeo mihi consuluisse, ut ingrati animi notam nulla ex parte valeam evitare. Cum igitur nullus alius restet tibi gratiæ referendæ modus, quam ea tibi reddere, quæ tua sunt; opusculum hoc excipe, quod pluribus nominibus tibi deberi intelligo, meque omnino felicem esse putabo, si & munus, & donantem non contempnas; hoc unum te etiam, atque etiam rogo, ut imposterum studia, animum, meque totum dirigas, ut tibi semper, & Cœlo vivam; in hoc enim uno vera invenitur felicitas; cumque me jam ex magna hujus maris jactatione beatam terram attingentem aspicias, illud oro, obtestorque, *MARIA VIRGO DEIPARA*, ut & tempestatum vim superare, & prædonum impetus frangere per te possim.

BENEVOLIS MEDICINÆ TYRONIBUS.



Um sapientissimo hoc Sæculo mira legerim a Celeberrimis Viris elaborata, quæ Naturæ opera Geométrice & Mechanice agerent, cumque Medicam Praxin agens sapissime observaverim plurima morborum Phænomena a Sanguinis motu eruta, scienter explicari non posse, nisi Mechanicæ leges operam & manum traderent; propterea studui melioribus, ut puto, conjecturis Mechanicas plurium morborum causas a sanguinis motu venari: Præcipuum itaque hujus operis officium est, multorum morborum causas quærere tantummodo a motu sanguinis, imposterum daturus operam, ut reliquæ etiam morborum species a Mechanico solidorum motu quoad potero eruantur; Ibi tamen monendum est, me non ubique morborum causas Mechanicis legibus acturum, cum non ubique apte possint convenire; hæc siquidem non coacte vocandæ sunt, sed solum, quas naturalis ratio loci commode postulaverit; Quamobrem laborem hunc, quamvis laconico sermone exaratum tres in partes, claritatis gratia dividendum putavi; in quarum prima, præcipuos Mæssæ Sanguinæ motus indicandos aggredior; in secunda Pulmonum morbos; in tertia Ægritudines extra regionem Pectoris a vitiato motu sanguinis orituras raptim ostendo: Hac Methodo sperandum credidi, me, si non vera assequi possem, saltem in tam arduis Naturæ phænomenis probabiliora assecuturum: Interim Tyrones benevoli hæc quamvis plana, & Tyronibus accommodata, patienti animo excipite; quarenda enim Veritas est.



MECHANICES MORBORUM

P A R S P R I M A,

DESUMPTA A MOTU SANGUINIS.

DISSERTATIO PRIMA.



Ulgare, ac tritum adagium est apud Philosophos, quod *ignorato motu ignorari naturam necesse est*: propterea cum mechanicam morborum Theoriam, quantum possibile est, eruere a natura decreverim, consultum fuit primo,

hanc a sanguinis motu venari: Etenim cum massa sanguinis quorumcunque humorum otigo sit, ac basis, ex qua actiones omnes emergunt, sive sanæ, sive ægræ, procul dubio ex æqua, aut mala ratione motus massæ sanguinis, quoscunque pariter humores, aut æquo, aut iniquo motu moveri necesse est: junctis itaque motuum viribus, qua ratione natura aut pati, aut feliciter sustineri debeat, juvat inquirere; quare ibi visa est mihi congruere Platonis sententia in Timæo, *Oportet mentis, & scientiæ amatorem principales sapientis naturæ causas querere, eas quæ necessario ab aliis quidem moventur, alia vero movent*. De universali itaque motu massæ sanguinis per arterias, ac venas acturus, quantum rationalis conjectura docuerat, necessarium putavi sedulo studium agere, ut primo intestinus particularum, seu elementorum sanguinis motus inquiratur; hoc enim cognito quid boni, quidve mali ferendum sit, quoties, aut naturalis motus, aut præternaturalis extiterit, licebit facile invenire; intento juvabit sanguinei fluidi analysis; cum autem injuria tentaverint Philosophi texturam sanguinis vocare ad trutinam, adhuc per vasa circulantis, oportuit celeberrimum Levvenhockium, sanguinem mox a vena extractum curioso microscopio rimari. Sanguis itaque duas in partes separari visus est, quarum una fluida est, concreta altera. Pars concreta duplici videtur parte componi, quarum una albescens est, aut subflava, quæ ex fibris invicem complicatis retis in modum stringitur, & reticulare sanguinis crassamentum constituit; hoc ipsum observarunt celeberrimi viri Boileus, Bohnius, & Malpigijs: ex fibris autem reticulariter positæ efformantur areæ, seu interstitia, per quæ serum sanguinis, & globuli rubri decurrunt. Altera pars concreti sanguinis rubicunda est, quæ tota ex minimis globulis determinato ordine commixtis componitur; hujusmodi autem rubentes globuli ex alijs globulis coagmentantur invicem superstratis, qui docente Levvenhockio a propria figura plano-ovales appellantur; isti natura sua albicantes sunt, & diaphani; cæterum si plures invicem superponantur, quorum numerus globulorum superpositus senarius sit, tunc purpureum colorem figurant; si vero plures supra senarium numerum accumuluntur globuli plano-ovales, tunc ruboris saturitas, & color subobscurus exoritur; ex his planum est invenire, cur in aliquibus cancri, & nonnullis piscibus sanguis albescat; etenim

Sydenham opera Medica.

cum in hisce numerus globulorum plano-ovalium superstratus a senario numero multum deficiat, opus est, colorem non purpureum, sed albicantem figurari.

2. Altera pars sanguinis, quæ fluida est, serum appellatur, quod, & ipsum duas in partes dividitur: una quidem concrecibilis est, & serum concrecibile a Medicis appellatur, eo quia igni expositum post integram fere evaporationem relinquit gelatinosam substantiam, quæ continuato calore in osseas, & con-similes lamellas densatur. Hujusmodi autem feri concrecibilis portio juxta nonnullos non distinguenda videtur a fibra reticulari crassamenti sanguinei super-expositi; alia vero pars fluida est tenuissimæ aquæ simillima, quotiescunque naturali jure se habeat, aliquando vero turbida est, aliquando flavescens, cum a naturali statu recesserit, aliquando autem lactescens, quoties chylo nondum subjugato misceatur. Serum hoc sanguinis, observante Malpigio, si supra vitrum efficitur, donat in ejus superficie, & vitriolica, & aluminosa, & tartarea, & nitrosa, & salso-muriatica, aliorumque generum salia; præterea ex Boilei experimentis judicandum putat doctissimus Gulielminus partem serosam, seu fluidam esse ad partem consistentem sanguinis in ratione tripla, seu ut 3. ad 1. Ulterius ab instituto deficerem, si negligenter omitterem, globulos rubros elaterio donatos esse, observante enim Levvenhockio, sanguinis globuli transeuntes per quaslibet locorum angustias pressionem patiuntur, ut figuram prorsus mutant, ovals enim fiunt, & cuicunque pressioni se se eleganter accommodant, tandiu postea pristinae figuræ restituuntur, quoties separatis angustis ampliori in spatio devolvantur. Cum itaque animal aere, & chylo indigeat, ut vivat, & in aere, & chylo cujuscunque generis corpora salina, sulfurea, terrea, aquea &c. recondantur, jure optimo credendum est, massam sanguinis ex aere, & chylo compositam, ab aere, & cibo cujuscunque generis corpora mutuari; hæc autem suas habent moles, & figuras, & unicuique concessa est peculiaris ratio motus, & situs, juxta naturalem molis, figuræ, & gravitatis specificæ exigentiam. (a)

3. Hæc omnia Philosophis, & Medicis communia sunt, & prout a Boilei experimentis confirmata tuto omnes exceperunt; Verum cum particulæ sanguinis tribus præcipue motibus naturaliter affici mihi semper visæ sint, quibus animalis æconomia continuo, & mirum in modum volvitur, & sustinetur; quorum primus motus pressionis est, seu impulsus, secundus separa-

Tres
pui mo-
tus in
masa
sanguis.

Ec spirant;

(a) Vide Levvenhockium, & Gulielminum de natura & constitutione sanguinis.

pirant; *motus nempe cordis; arteriarum systoles seu constriction: & vis elastica elasticarum particularum massæ ejusdem.* Itaque apertum est omnibus, cor a fibris varii generis undequaque circumseptum quacunque systole urgere sanguinem in arterias, qua alternatim recurrente impulsus sanguinis antecedentem premit homologo impetu; dummodo omnia naturaliter se habeant; quare successiva actione sanguinis impellentis, & reactione ejusdem impulsu componitur quædam ratio motus, quæ universa elementa sanguinis quaquaversus premens arterias conice euntes extrorsum aperit. Licet vero momentum cordis assequi posse non solum arduum sit, verum etiam pene impossibile, ut inferius (n. 15.) patebit; nihilominus certum est fore validissimum: etenim cor non solum sanguinis quantitatem certa cum velocitate debet expellere, verum etiam separare debet resistantiam, quam sanguis præcedens per omnes arterias fluens secuturo opponit; ulterius adest resistantia attritas massularum sanguinis cum internis parietibus, curvaturis, & angulosis inclinationibus vasorum, & resistantia tenacitatis massæ sanguinis, ex quibus omnibus necessario componitur ea ratio reactionis contra vim cordis, quæ nisi a validissima actione, aut validissimo momento cordis vincenda est. Impellitur itaque sanguis a validissimo motu cordis, & impulsus sanguis tot resistantias inveniens elasticas arterias necessario extrorsum urget; quoties vero arteriarum dilatatio eo devenerit, ut dilatari naturaliter arteriæ ultro non possint, cogentur lege elasticorum corporum ea ratione contrahi, qua antea fuerant dilatatæ; post dilatationem itaque contrahuntur arteriæ, a qua contractione novam sustinet pressionem massa sanguinis, urgenturque versus axem canalisi contenta elementa massæ ejusdem: ibi tamen animadvertendum est, quod sicuti majores arteriæ cordi viciniores, tum ratione majoris impetus, quem a proximo corde excipiunt, cum ratione majoris quantitatis sanguinis, quam cæteris paribus majores arteriarum sectiones amplectuntur, quacunque systole majori momento dilatantur: ita vicissim majori quoque momento proportionaliter contrahuntur; quare in hisce majoribus præcipue arteriarum sectionibus probabile putaverim, massam sanguinis non solum ex glutinosis, ac viscidis, verum etiam ex tenuibus, mobilibusque particulis permixtam a contractionis momento sanguinis massulam versus centrum canalium deferri quidem debuisse, hac tamen servata lege, ut tenuiores particule facilius, ac citius, glutinosæ vero, ac viscidæ difficilius, ac tardius versus axem deferantur. Verum in minoribus canalium sectionibus, & præcipue in minimis arteriis a corde remotioribus, in quibus actiones, & reactiones facilius accedere possunt ad rationem æqualitatis, & elastica vibratio, seu constriction adeo infirma est, ac tenuis, ut fere nulla videatur, aliter res agi videtur; etenim cum his impetus a corde exceptus multum imminutus sit, & pauca adsit quantitas sanguinis, glutinosæ propterea, ac viscidæ particule ob elasticæ contractionis inertiam a vasorum parietibus difficulter recedunt; quin imo his facillime adherent: fluentibus interea feliciori motu subtilioribus particulis per lineam axis. Quamobrem facile est credere in majoribus præcipue arteriis cordi proximioribus elementa sanguinis a majori vibratione earundem magis magisque pressionem, ac impulsu pati debuisse. Ulterius impulsus, sive impetus promovenitur a momento particularum elasticarum, contentarum in massa sanguinis; etenim cum in hac præter globulos plano ovaes adfint corpora aerea, & alterius fortasse generis, quæ elasticis viribus prædita sint, cumque elastica corpora ad eam figuram se se restituant, a qua prius vi pressionis recesserant; certe solidis durisque particulis permixta tantum dilatari quamproxime debent, quantum a massularum durarum momento pressionem exceperint; deinde cum dura, & solida corpora quocunque loco tangere, ac premere possint elastici corporis superficiem, quaquaversus quoque elastica corpora compressa urgebunt, impellentque solida, quapropter duræ, & elasticæ particule invicem commixtæ prement, & prementur, urgebunt, & urgebuntur; sicque tota massa sanguinis a motu cordis, a contractione arteriarum, & ab elastica vibratione particularum sanguinis quaquaversus pressa mutis im-

pulsibus continuo erit in arteriis agitanda; ut quæque circulationis motuvolvatur.

4. Hujusmodi motus pressionis valde necessarius est in arteriis, ut debita fiat corporum contentorum in massa sanguinis resolutio; enim vero cum sanguis sit fluidum viscidum ex coherentibus solidis, fluidisque particulis in data (n. 2.) ratione compositum, certe filamenta sanguinis, cum per minimas canalium sectiones usui naturæ trajici facile debeant, reducenda procul dubio prius erunt sub dimensionibus quodammodo infinite parvis: huic autem operi apprime conducit iste pressionis motus; etenim massulæ corporum, aut similium, aut dissimilium undequaque impulsæ a se invicem paulatim sejungi conantur; rumpuntur enim continuo motu pressionis nexus earundem inter se, & quæ primo compositæ fuerant, minus compositas paulatim fieri necesse est; verum cum massulæ quælibet magis magisque minuantur, quam earundem superficies, & massulæ cæteris paribus sint ut pondera, colligi potest, hujusmodi solida sub minori mole reddita, & sub minori pondere a sero sanguinis circumambiente ob majores massularum relictas superficies facilius sustineri; deinde motus pressionis concretescibilibus feri filamentis utilissimus est; motu enim pressionis atteruntur, & scinduntur filamenta sanguinis, minusque resistantia fiunt, ut, a cæteris particulis hinc inde agitatis facilius trajiciantur, unde serum fluidius redditum opportune mixtionis suspensorum corporum apte conducit; licet autem fluidiori in sero suspensa invicem misceantur, nihilominus hujusmodi mixtio non prohibet, quin data loci opportunitate a se invicem separari facilius possint; etenim solida, & viscida corpora taliter resoluta sub minori mole, ac pondere, quaquaversus prompta ad motum facile fiunt; quamobrem taliter disposita corpora non solum separationi exequendæ facilius accommodantur; verum etiam una cum sero per angustissimam, tum vasculorum, cum glandularum foraminula permeare liberior, commodiusque possunt; Porro talis resolutionis opere elementa sanguinis una cum sero ad quandam æquilibrii rationem acquirendam disposita fiunt. Verum cum tota naturalis æquilibrii proportio in proportionali numero, pondere, mole, ac motu corporum cum debita pariter feri quantitate, in qua libere innatare debent, experimentis ac rationibus niti videatur; ideo præstat ibi primo animadvertere, quod si sulfureæ, salinæ, aut alterius generis seu consistens portio sanguinis fuerit ad partem serosam, seu fluidam in ratione 1. ad 3. ut Illustriss. Boyleus, alique celebres Philosophi toties in naturali massa sanguinis experti sunt; tunc facile emerget unum naturalis æquilibrii attributum, nempe debitus corporum numerus; tali enim numero partium determinatarum sustinetur non solum debita contiguitas corporum mobilium in massa sanguinis, verum etiam specificum, & naturale pondus eorundem, quo corpora quælibet debita feri quantitate velut in statum æquilibrantur: moventur siquidem undequaque massulæ omnes, sed tali lege, ac proportionem contactus, mixtionis, ac ponderis cum aqueis particulis, ut aquea portio ad solidas, seu consistentes particulas sit semper in ratione tripla, aut quasi tripla; ita ut remaneat quantitatis aqueæ ad quantitates solidas, aut consistentes hæc determinata ratio majoris inæqualitatis, quæ est inter 3. ad 1. Non solum autem necessaria est hujusmodi ratio inter fluida, & solida, seu consistentia corpora; verum etiam necessaria proportio esse debet inter solida corpora unius generis, & solida corpora alterius, videlicet inter salina, & sulfurea, & alterius cujuscunque generis inter se; quæ ratio licet determinari nullatenus possit, nihilominus certum est tantorum corporum proportionem inter se admitti debuisse, ut natura motus suos æquabiliter regat; sic enim inter aggregatum horum corporum fieri quodammodo proportionis æquilibrium, quo in statu naturali serum cum aliis corporibus, & hæc cum sero, & inter semetipsa solida, & consistentia corpora determinatam corporum, & momentorum numero, pondere, & mensura proportionem sustineant. Cæterum si corpora sulfurea, salina, & alterius generis tali numero excedant, ut supra serum expositam proportionem superent, tunc hujusmodi corpora-

corpora serum undequaque tali amplexu nimis strigent, ut tandem quodammodo obruant: sic massa sanguinis excedenti partium numero densior facta, & cum densitates sint ponderibus proportionales, gravior quoque reddita, a debito momentorum æquilibrio recedet; tali propterea vitio correptus sanguis tardiori pede fluet, & consequenter facile deponet corpora, obstructions in glandulis, & finitimis vasorum osculis inflammationes paratura. Uterius cor alte laborat sanguinem graviorem expulsurum, & musculi inertis motu peristaltico progredientes tractu temporis innumera mala parturient; Ita etiam si hujusmodi corpora non solum numero, verum etiam dissimili mole, ac figura peccaverint, nec per excretorias glandulas, quantum par est, a massa sanguinis separentur, tunc cum ista ad cætera corpora numero, mole, & figura naturaliter se habentia majorem rationem habeant, necessario ex tot dissimilibus corporum momentis auferetur debita æquilibrii ratio, quæ justam sanguinis temperiem, & debitum motum constituit, unde febriles motus procul dubio emergent, chronici, ut plurimum, & intermittentes; Ita gravius fortasse vitium aliquando fuerit, si solida corpora salina præcipue numero minora fuerint, quam par est; tunc enim massa sanguinis levior, mobiliorque facta, magisque prompta ad motum, & supra modum exaltato ulterius sulfure ruet in motus citissimos, nulla-que lege mota continuas febres erit allatura.

5 Quamobrem necessaria supramodum est *Proportio motus corporum*; etenim corpora contenta in sero sanguineo tali ratione, ac lege moveri debent, ut cæteris paribus motus corporum in uno spatio vasorum sit proportionalis motui corporum in alio spatio eorundem, & sic successive; quare quilibet motus corporum in uno spatio vasorum similem rationem habere debet ad quemlibet motum corporum in alio spatio, ut omnes motus corporum simul sumpti in uno spatio vasorum sint homologi omnibus motibus corporum simul sumptis in alio spatio eorundem; sicque cum particula aquæ corporibus quibuscunque circumpositæ sint, hæ proportionali impetu impulsæ proportionalibus quoque momentis movebuntur, ut tota massa sanguinis cæteris paribus homologo semper pede decurrat æquo naturæ beneficio. Uterius ut habeatur proportionalis ratio motuum, necesse est corpora specificè leviora, eo quantitate, ac numero gravioribus minora esse, quo leviora cæteris paribus velociora sunt, magisque ad motum disposita; sic enim data tali ratione reciproca quantitatis corporum cum eorundem velocitatibus singulorum corporum momenta, ac vires debita ratione æquabuntur, quibus momentis massa sanguinis æquilibrata æquabiliter motus suos exercebit cum actionibus inter se æquabiliter proportionalibus; Verum si aliqua corpora quantitate, & motu majorem rationem habeant ad alia, manifestum est, quam facile momentorum rationes inter se dissentire debeant, quamobrem massa sanguinis multiplicibus momentorum legibus inæqualiter agitata febriliter moveri conabitur. Serum quoque non leve vitium affert, quotiescunque aut deficiat, aut excedat; sero enim deficiente, cætera corpora forti nimis contactu, ac amplexu inter se stringuntur, ut motus suos exercere libere quaquaversus inepta sint, adepto ex majori corporum contactu, majori pariter momento densitatis, & gravitatis; si vero excedat, contenta corpora majoribus in spatiis natant, nec eam legem opportuni contactus inter se servare apta sunt, quæ naturali fluido sanguineo necessaria est; laxata propterea textura sanguinis in excedenti feri copia salina corpora sub minimis dimensionibus reddita nimium exolvuntur, & sulfurea in statu inertie reddita inepte pigrescunt innumeris naturæ periculis; languescunt enim fluida omnia, & solida quælibet enervantur: super omnia lædunt naturalem proportionem motus sanguinis sulfureæ massulæ, quoties harum excessu momentum sulfuris momento feri majus fuerit; tunc enim sulfureæ massulæ sero copulatæ compositum efficient majori superficie circumscriptum, quam serum ipsis corporibus æquiponderans, & consequenter ex hydrostaticis tale compositum levius fiet, quam par est, quare serum & sulfur motibus facile præternaturalibus adeo movebun-

Sydenham opera Medica.

tur, ut communicata cæteris quoque corporibus agitatione, tota quanta, est massa sanguinis violento motu volvatur: fovet ultro impetum vis elastica globulorum plano-ovalium, quæ licet determinari vere non possit, tamen magnam esse certum est; etenim si in hac re liceat philosophari, cum calor præternaturalis in sanguine fiat ut plurimum a causis quibuscunque externis particulas præcipue sulfureas sanguinis agitantibus, (a) cumque calor consistat in concitatiore particularum motu, sitque calor, ut impressiones particularum corporis calidi in quopiam objecto corpore calorem excipiente; impressiones vero sint in ratione compositæ ex duplicata celeritatum, & simpla densitatum particularum calidarum, proculdubio etiam calidæ sanguinis particula concitatiore motu agitata ab externa causa probabiliter accedent ad talem rationem compositam ex duplicata velocitatum, & simpla densitatum earundem; quamobrem calidæ præcipue sulfurum massulæ tali ratione urgebunt objectas, & sibi proximas globulorum plano-ovalium particulas: cum autem istæ elaterio ulterius præditæ sint, vi cujus compressæ conatus suos exercent, ut ad majus spatium & ipsæ extendantur; idcirco clarum est, quantum extendi, & ad quanto majora volumina dilatarî debeant plano-ovales particulae, quoties a sanguinis particulis alte agitatæ, & præcipue a calidis sulfurum massulis in exposita ratione urgeantur.

6. Ex hisce vitiis ardentes & acutæ febres supra modum sine frigore, ut plurimum sobolescunt, tandiu duraturæ, quandiu sulfureæ particulae per loca excretoria separatæ fuerint, aut transpirationis opere alio fuerint evolatæ, usque dum remaneat ea tantummodo sulfuris quantitas, quæ cæteris paribus juxta naturale æquilibrium primo fuerat proportionalis. Ex his animadvertere facile est, quod si principia, quæ primo vitiose exaltantur, non sint sulfurea, sed salina, aut alterius generis, quorum naturalis dispositio ad motum minor sit, quam velocitas particularum sulfuris; tunc cum salina corpora cæteris paribus sulfureis graviora sint, figuris, quibus circumscribuntur nitrosis præcipue, aut nitro analogis membranas cujuscunque generis taliter irritando frigoris & rigoris affectiones primo afferent, sic arteriarum & venarum membranæ irritatæ spasmodicis contractionibus crispantur, ut minoris sectionis fiant; stringitur propterea massa sanguinis, ut pulsus eo tempore veluti suffocari videantur, usque dum paulatim exaltato sulfure, & salia ad statum floris, aut volatilitatis evecta una cum cæteris particulis immodice moveantur. Uterius si lymphæ, aut aqua sanguinis quantitate peccaverit, ut ratio feri ad alia solida & consistentia corpora major sit quam 3. ad 1. tunc depresso sulfure & enervatis salibus sanguinis æquilibrium tollitur sine magno impetu tumultus, inde lenis calor, tenuis frequentia pulsuum sine siti, ut plurimum sequi consuecunt, inde lymphaticæ febres exoriantur. Ex his colligendum putaverim, quocunque loco, ac situ vasorum, aut glandularum basin, aut sedem paroxysmi febrilis locari posse; enimvero si quolibet loco vasorum, aut glandularum per aliquos canales, ut per chylicos, aut lymphaticos, aut ab aere per pulmones transmittantur corpora in vasa sanguifera, quæ sanguini associata mutant sensibilibus proportionem corporum inter se, aut debitam rationem motus eorundem; tunc necessario vitiose moveri massam sanguinis necesse est, ut tota massa ad majus volumen extensa innumeris asymmetris motibus febriliter agitetur. Ex his quæ dicta sunt, aperte constare potest, hæc omnia facile convenire posse cum iis, quæ de motu agitationis in sanguinea massa celeberrimi Viri, Guilielmini nempe de natura, & constitutione sanguinis, & Michelottus de separatione fluidorum in corpore animali sapientissime docuerunt.

7. Ibi redeundo aliquantisper ad motum pressionis dissimulare non possum, quæ diu suspicatus sum quærens motum sanguinis in arteriis; stetit enim anceps animus, num massa sanguinis a corde impulsæ in arterias lineam quandam spiralem describeret, quærendo ulterius, cujus generis futura esset hæc curva spiralis? ad hanc meditationem nonnulla movebant animum, &

Ee 2 pri-

(a) Per prop. 85. de motu intestino fluid. Hermann Phorono.

primo motus cordis sese torquentis; cum enim cor præcipuo fibrarum spiralem momento sanguinem urgeat, & motus impulsus sanguinis dirigi facile debeat juxta directiones impressas fluido ab organo impellente, certe ex corde spiraleriter revolutus sanguinem quoque spiraleriter movendum esse per arteriarum longitudinem suspicatus fueram; deinde cum arteriæ ipsæ a tribus fibrarum ordinibus vestiuntur, quarum primus circularis est, rectus alter, qui circulares secat ad angulos rectos; tertius vero spiralis est, qui referente Diemerbroekio (cap. de arteriis) tum internam, tum externam tunicam obliquis fibris apte munit, qua in re Dominicus quoque Gulielmus (a) geometrico & mechanico artificio ductus spirales fibras amplexus est magnis operibus opportunas: itaque sanguis spirali motu a corde suscepto, videtur, eundem aut similem motum per arteriarum longitudinem sustinere. Enimvero relicto corde occurrunt fibræ spirales arteriarum, quæ spiralem motum a corde susceptum ulterius conservare aptæ sunt; deinde cum sanguis relicto corde variis motibus urgeatur eodem tempore in arteriis, quorum alter sit ab impetu cordis, quo per longitudinem arteriæ continuo impellitur, alter vero sit a motu elastico arteriarum, quo sanguis præcipue in majoribus arteriis a circumferentia versus axem transversum impellitur, & cum hisce motibus accedat eodem tempore peculiaris alter motus, quem fibræ spirales earundem contento sanguini alte donant; idcirco ex hisce motibus eodem tempore sanguini impressis emergere videtur motus mixtus ex hisce compositus, qui cum nec totaliter rectus sit, nec omnimode circularis, sed utriusque simul particeps; certe massa sanguinis a spirabilibus præcipue fibris ultro mota, taliter moveri debet, ut motum mixtum, spiralem nempe, describere debeat, aut quasi spiralem, juxta quem per arterias impofterum videtur ire debuisse; Borellus quoque per vertiginosos motus (b) torqueri particulas, ut recte misceantur indicare visus est; Verum cum in hac re deficiant experimenta, ac necessaria data, quæ meam suspicionem tuto firmarent, reliqui meditationem, contentus hæc tantummodo innuisse, ut futuri geometræ, ac mechanici feliciori ingenio, hujusmodi spirales curvas fortunata meditatione conentur sedulo invenire.

Motus
separat-
ionis.

8. Præcipua pressio & impulsus, quæ massæ sanguinis accidunt, beneficia, aut damna huc usque exposita sunt; cum modo, quo sanguis ab arteriis in varias viscerum glandulas necessario tranet peculiare liquores separaturus: cumque motus corporum continentium contenta corpora tali ratione urgere debeant, homologa, quodammodo motibus corporum continentium, suspicatus sum, sanguineum laticem in glandulis peculiarem a specifica glandularum structura motum probabiliter mutuari, ut separanda corpora apte secernantur; Licet vero hanc rem celeberrimus Michelottus doctissimo opere de fluidorum separatione plena manu tractaverit; nihilominus studii gratia non verebor exponere conjecturas, quæ de motu separationis fluidorum per glandulas probabiles quoque mihi visæ sunt, præter ea, quæ summa virtute ac studio a tot celeberrimis Viris Leibnitio, Joanne Bernollio, & Bernardo Connorio felicissime exposita sunt; Antequam autem ulterius prosequar, fateor me pluries studuisse, ut naturalem glandularum structuram a celeberrimorum Anatomicorum observationibus clare perciperem; verum cum horum observationes ancipiti pede ubique hæreant, alii enim vasculares, alii vesiculares, arteriarum quidem evanescentium ramulis, venulis, nervis, & excretoriis canalibus, munitas conjectura potius, quam experimento docuere; quomobrem inter conjecturas Malpighii sententiam eligendam putavi, quæ glandulas a folliculo membranoso compositam, varioque modo contextam voluit; huic autem sententiæ videtur quoque assentiri Doctissimus Morgagnus in epistola ad supra laudatum Michelottum conscripta; inquit enim: *Movent enim me ut par est gravissimi Anatomici Malpighii innumera observationes, movet ista luculenta Clarissimi Litrii confirmatio, qui glandulas sine vesiculis non invenere; has*

igitur in glandulis reperire necesse est. An autem membranosæ isti folliculi elaborati sint a dilatatione arteriæ evanescentis, aut a membranea quadam vesicula inter arterias evanescentes posita & vascula excretoria? ibi anceps non inquiri, cum instituto meo utraque res faveant; enim vero (liceat in conjecturis conjectari,) si glandulæ istæ separatrices elaboratæ sint ab extensionibus arteriarum ultimarum evanescentium, certe sagax natura ubique provida talibus fibris munire debuerat, quæ evanescentes arterias tanto officio opportunas efficeret, a quarum viribus non pressio- nis tantummodo motus fieret, arteriis ubique communis, verum etiam specifica ratio motuum hisce evanescentibus arteriis donaretur, quæ specificæ separationi liquidorum apte inserviret; & sane, si natura tot viscera officio diversa, diversa quoque figura, ac structura elaboravit, cur evanescentes quoque arterias non poterit variis fibrarum ordinibus ultro vestire, quæ specificis motibus peculiarium liquorum separationi famularentur? Si vero glandulas membranis vesiculis elaboratas velis, hæc certe a natura specificis fibrarum ordinibus armandæ probabiliter fuerant, quæ peculiaribus quoque motibus peculiarium corporum separationi operam opportune darent. Hisce præsuppositis refert Michelottus, tam celebres viros Leibnitium nempe, Bernollium, & Connorum in eam ivisse sententiam, ut crederent fluidorum separationes in quibuscunque viscerum glandulis non ea ratione fieri, ut pororum similitudo sit homologa figuris humorum, seu corporum separandorum, ut usque adhuc a plerisque judicatum est; sed summo consilio arbitrantur, universas corporis nostri glandulas a primo fœtus exordio peculiari liquore saturatas fuisse, quæ postmodum toto vitæ cursu coguntur secernere consimiles succos illis homogeneos, quibus prima jam formatione fuerint saturatæ. Hanc separationis methodum nobilissimo, aptissimoque experimento confirmant; enim vero facta perfectissima mistione aquæ & olei, si velis aquam ab oleo secernere, sufficit chartam emporeticam aqua prius madefacere, cujus una portio postmodum immittatur vasi; tunc enim aqua oleo mixta poros chartæ aqua madefactæ paulatim ascendet, & per reliquam chartæ portionem extra vas pendulam erit exterius elapsura: Verum si oleum ab aqua separare placuerit, chartam emporeticam oleo prius immerge, & per poros chartæ oleo humidus felicissime oleum separabis.

9. Præter hæc, quavis aureo digna sint vpto, peculiarem liquorum separationem in peculiaribus viscerum glandulis alia quoque methodo fieri posse suspicatus sum: Itaque certum est quæcunque animalium viscera, ut lien, hepar, renes &c. suas habere glandulas peculiari, & specifica textura ac figura donatas; alia siquidem est figura & textura glandularum hepatis, alia lienis, alia glandularum renalium figura & modus; & sic de cæteris. Ulterius hæc diversa glandularum modificatio determinatur a diverso ordine ac textura fibrarum muscularium, nervorum, & membranarum; musculares enim fibræ, nerveæ, & membranosa, quæ renales glandulas texunt, diversam habent directionem & vario excurrunt ordine, ac fibræ nerveæ, musculares, & membranosa, quæ hepaticas, & lienares glandulas construunt: Hæc omnia observante Malpighio aptissime confirmantur (pag. mihi 225.) Animadvertit enim in hepate, quod *glandulosi acini, quibus lobulus componitur, cum peculiarem circumscriptionem habeant, necessario propria & ipsa figura, quæ ut plurimum hexagona est, vel plurium laterum*: Idem de liene (pag. 300.) ostendit, quod *minimæ hæc glandula figuram habent ovalem*. De renibus vero (pag. 279.) clare asserit: *In homine, aliisque consimilibus, levius undequaque ab omnibus licet describatur ren, at tamen aliquando in adultis, & sæpe in fœtibus manifesto ejusdem compositio elucescit cum exiguis portionibus altis rimulis sejunctis conglobetur, & in adulto etiam perpetua interius hujus divisionis permanent indicia, diligenti etiam indagine asperam, & ulterius semidivisam observavi hujus superficiem, quod tamen ut clarius pateat, animalium nuperrime natorum renes sunt excutiendi; in his enim lobuli quidem multiplicium laterum emergunt rimulis circumsepti, quæ aucta, & propecta animalis ætate, licet fere obliterari videantur,*

(a) De natura & constitutione sanguinis.

(b) Alph. Borellus prop. 99. & Scholio Th. 2. de motu Animalium.

tar, eorum tamen vestigia adhuc supersunt, varioque distinguuntur colore; nam rubedinem, vel etiam immixti liquoris per arterias, vel venas colorem referunt, & etiam contenti lobuli, sive renum exigua portiones, quæ carnis colorem remissiore retinent, ab his circumambuntur: hæ renum subdivisiones non in sola superficie excitantur, sed intime etiam penetrantes carnis aliqualem distinctionem efficiunt; in bobus enim, exaratis superius brutis, & in ipsomet homine collectiones illæ insignes conspicuis foveis in aliquibus brutis circumscriptæ tandem interius peculiarem figuram, & exactam distinctionem habent, videnturque referre plurimum laterum Pyramidem, quæ præ cæteris patet in testudinum renibus, & interius in ipsomet homine, &c. Deinde hæc diversa fibrarum directio, diversus ordo, & varius figuræ & texturæ modus necessario asferre debet glandulis diversimode elaboratis peculiarem quoque glandularum motum singulis glandulis proportionalem; peculiari itaque, & specifico motu moveri debet vi fibrarum specificæ glandulam componentium renalis glandula, peculiari quoque vibratione lienaris, & hepatica.

10. Hisce præhabitis, eligamus ibi glandulas hepatis, simili enim ratiocinio de cæteris quoque viscerum glandulis proportionaliter licebit philosophari. Cum hujusmodi glandulæ sint biliosarum particularum separationi destinatæ, in has biliosas particulas ferax sanguis ab evanescentibus hepaticis arteriis effunditur; ibi tamen cogitur sequi motum specificum glandularum continentium; in hisce enim hexagonis glandularum lacunis biliosæ massulæ (numero certe & momento majores cæteris ibi commixtis) inter se homogeneæ, ejusdemque superficiei, & indolis urgentur a specifico, & naturali motu glandularum hepaticarum, ut opportune separationi accommodentur; verum cum methodus separationis ab ordine, ac lege motuum massæ sanguineæ glandulam ingredientis habeatur; ideo nonnulla prænotanda sunt, quæ motuum leges aperient futuræ separationi exequendæ opportuna; Primo itaque sciendum est, quantitatem motus sanguinis exeuntis a corde una systole (natura bene se habente,) semper futuram esse proportionalem quantitati motus ejusdem per foraminulum arteriolæ egredientis, & ingredientis glandulam eadem systole, ut tali ratione semper fiat glandulæ diastoles, cordis systoli proportionalis: Ut autem hæc obtineri possint, notandum est, quantitates motus aliquorum per quævis foramina erumpentium, quæ viribus impellentibus proportionales sunt, esse in ratione composita ex rationibus duplicata velocitatum, simpla densitatum, & simpla foraminum, e quibus erumpunt; (a) Itaque cum sanguis sit fluidum in statu naturali ejusdem densitatis, ejusdemque gravitatis specificæ, cujus quantitas proportionaliter a momento cordis semper impellitur; ideo simili lege futura erit quantitas motus sanguinis, quæ per unum foramen effluit quacunque systole in ratione composita ex ratione quadrati velocitatis ducti in sanguinis densitatem, seu quantitatem, & ducti in foramen, per quod dato tempore erumpit massa sanguinis; quare si quantitas motus massæ sanguinis erumpentis dato tempore e foramine trunci arteriæ vocetur q; foramen vero e quo erumpit vocetur o, quantitas vero, densitas, seu massa sanguinis vocetur m, velocitas vero vocetur u, erit $q = o + m + u$ Mo lo certum est truncum arteriæ plurimos in ramulos esse divisum: si igitur truncus arteriæ supponatur divisus in 20. ramulos, quorum unus in glandulam erumpens sit vigesima pars trunci arteriæ majoris; procul dubio motu cordis naturaliter se habente, futura quoque erit quantitas motus sanguinis exeuntis dato tempore e foraminulo rami arteriolæ in ratione composita ex duplicata velocitatis, simpla massæ, & simpla foraminis, e quo æquali tempore erumpit, quare erit $\frac{q}{20} = \frac{o + m + u}{20}$; & cum cæteris paribus quadrata velocitatum sint similia inter se, futura erit quantitas motus massæ sanguinis exeuntis e foramine trunci arteriæ una systole proportionalis quantitati motus massæ sanguinis exeuntis e forami-

Sydenham opera Medica.

(a) Per prop. 31. Hermannii & per demonstrata a Michelotto de separatione fluidorum.

nulo rami arteriolæ eadem systole; quare facto analogismo, fiet hæc ratio $\frac{q}{20} : \frac{o + m + u}{20} :: \frac{o + m + u}{20} : \frac{o + m + u}{20}$.

Propterea colligendum, quod cum sanguis systole cordis expulsus, ingrediens glandulam hanc proportionaliter dilatare debeat, systolem cordis, & glandularum diastolem esse inter se proportionales, quate glandulæ quælibet tanquam parvula corda haberi facile poterunt. Porro cum massa sanguinis ingrediens glandulam hanc in data ratione aperiat, ideo glandula a vi, & momento sanguinis in concava glandulæ superficie determinatam percussione excipiet; cum autem percussiones fluidorum sint ut quantitates motus eorundem, (a) & quantitas motus sanguinis e foraminulo arteriolæ egredientis, & glandulam ingredientis facta sit

$= \frac{q}{20}$ seu $= \frac{o + m + u}{20}$ erit quoque vis percussione facta a sanguine ingrediente glandulam, eandemque dilatante, ut $\frac{q}{20} = \frac{o + m + u}{20}$ Verum

cum dilatationi glandularum statim succedat reciproca constrictio, eo quia glandulæ quælibet utpote arteriis & venis, nerveis, membranosis, & muscularibus fibris contextæ oscillatorio motu & quadam elastica actione, aut quasi elastica tantum constringi debeant, quantum antea fuerant dilatata, erit vis, seu momentum constrictiois glandulæ proportionale vi, aut momento dilatationis; quare glandula in constrictione, seu systole urgebit quoque elementa sanguinis ingressi glandulam secundum rationem compositam ex duplicata velocitatis, simpla massæ, & simpla foraminis, pariter divisus per 20. Secundo opus est fluidum in glandulam delatum non celeri nimis motu agitari, sed leni, placidoque motu moveri: etenim ut in fluidis similia a dissimilibus separari possint, requiritur ea ratio temporis tanto operi opportuna: verum fluente nimio motu sanguine, confusisque omnibus aufertur ea ratio determinati temporis, quæ proculdubio necessaria est, ut debita methodo secernantur; sic in quibuscunque artis operibus, & in chymicis separationibus debita corporum secretio non a celeri nimis motu fluidorum, sed a lento, placidoque motu, statutoque tempore plerunque perficitur; quare suppositis superioribus cum quadrata decrescant in ratione duplicata suarum radicum, constat quadratum velocitatis massæ sanguinis e foraminulo rami arteriosi egredientis

& ingredientis glandulam nempe $\frac{u}{20}$ futurum esse necessario minimum respective ad quadratum velocitatis massæ sanguinis e majori arteria egredientis, nempe respective ad uu; quare cum motus sanguinis in glandulis futurus sit minimus, & consequenter lentus, lenis, ac placidus, facile erit similia corpora disponenda esse, ut determinato tempore a dissimilibus separentur. Tertio præstat tanto operi separationis, massam sanguinis ingressam glandulam quacunque systole esse quoque respective minimam, nempe minimo glandulæ continentis spatio proportionalem: enim vero si quantitate præcipue excedat, glandula nimis extenditur & talis, ac tanta fieri potest contra glandulam resistantia, ut glandulæ systoles non ea ratione fieri, ac perfici possit juxta rationem virium, & numeri vibrationum, qualem exigit tantorum corporum separatio; Quamobrem suppositis quoque superioribus, cum massa sanguinis, quæ per ramum arteriolæ effluit in glandulam quacunque systole, sit in ratione simpla cum minimo quadrato velocitatis; necesse est hanc quoque massam quantitate minimam futuram esse, videlicet minimo glandulæ continentis spatio proportionalem.

11. Hisce præsuppositis, cum naturales systoles seu vibratio elastica glandulæ semper eadem ratione fieri debeat quacunque cordis systole juxta eundem gradum quadrati velocitatis; proculdubio tali quoque ratione urgebit, aut immediato, aut mediato contactu contenta elementa massæ sanguinis; cum autem hujusmodi elementa alia similia, alia vero dissimilia; similia elementa (biliosa nempe corpuscula) utpote homologas habentia superficies excipient singula percussiones, si non semper, saltem ut plurimum supra plana homologa; cum autem corpora similia, ejusdemque generis eadem sem-

E e 3 per

(b) Per coroll. secund. prop. 42. Hermannii Photon.

per lege motus percussa, superque easdem, aut similes planorum superficies semper impulsa moveri necessario debeant motibus, seu directionibus quoque, aut æqualibus, aut similibus, & juxta exceptas percussiones proportionalibus; proculdubio hæc juxta easdem, aut similes directiones itura erunt susceptis impressionibus proportionales: Quamobrem hæc similia corpora numero pauca, lente, ac placide mota, eademque lege homologa motuum, ac vibrationum semper mota, impulsa, ac quassata supra homologas planorum superficies, separatim paulatim aliorum corporum dissimilium vinculis, resistentiis, & occurribus, cogentur moveri omnia, aut fere omnia juxta eandem directionem, ita ut versus unam glandulæ partem ac situm convenire paulatim coacta sint: cætera vero heterogenea corpora cum mole, figura, ac pondere dissimilia sint tali, ac specifica vibratione, & fortasse tali, ac tanto vibrationum numero glandularum hepaticarum urgente improporcionatas, ac dissimiles dissimilium corporum superficies inæqualiter quoque percussa, inæqualiter movebuntur per directiones pariter inæquales, ac dissimiles, quare hujusmodi corpora dissimilia necessario urgebuntur per diversas ac dissimiles vias, ac directiones per loca pariter diversa glandulæ continentis; unde dissimiles massulæ tali mechanica methodo motuum dissimilium motæ a similibus biliosis massulis satis se junctæ ac separatæ, nullatenus impediunt, quin similia & homogenea biliosa corpora a cæteris separata, qua data porta extra glandulas paulatim eliminantur; non dissimili ratione in Chymicis determinatus caloris gradus, sive specifica ignis actio, aut determinatus ignis momentum a fluido heterogeneo unam substantiam separat ab aliis tali gradui ac momento ignis proportionalem, cum postea cæteræ substantiæ ab alia vi, aut alio ignis, & caloris gradu supersint proportionaliter separandæ: Verum ibi fateor, quod licet specifici motus fibrarum glandularum multum juvent, ut specifici liquores separentur; nihilominus si cum celeberrimo Leibnitio ultro placeat fibras has supponere probabiliter a primordio generationis specificis liquoribus saturatas, certe felicior secutura erit specifici liquoris, similium nempe a dissimilibus separatio: tali itaque mechanica glandularum structura, & tali specifico motuum artificio una cum specifica liquoris saturatione, cæteræ quæcunque glandulæ suos sibi consimiles succos a dissimilibus apte separare possunt, ut per excretorios postea ductus alibi deiciantur juxta naturæ recte operantis determinationem: Itaque ex his mirum esset inspicere ordinem ac methodum, qua hexagonæ glandularum hepaticarum areæ proportionali suarum fibrarum motu succos separandos homologue urgent: Cum enim latus seu fibra unius glandulæ hexagonæ sit proportionalis lateri seu fibræ alterius glandulæ hexagonæ, & motus unius lateris sit motui alterius lateris proportionalis, erit latus unius glandulæ ad latus alterius glandulæ, ut motus unius ad motum alterius; quare ex geometricis erunt omnia latera unius glandulæ in statu naturali ad omnia latera alterius glandulæ hexagonæ, ut totus motus unius glandulæ ad totum motum alterius, & permutando erunt omnia latera unius glandulæ ad totum motum hujus, ut omnia latera alterius glandulæ ad totum motum istius; quare omnes motus glandularum simul sumpti erunt omnibus lateribus simul sumptis eorundem proportionales: cum autem ex hisce motibus homologis glandularum fiant impulsus homologi corporum contentorum, propterea etiam impulsus simul sumpti utriusque glandulæ contra contenta corpora erunt inter se pariter proportionales, & consequenter homogenea corpora supra plana homologa excipiendo semper, aut fere semper impulsus similes, aut æquales, proportionali quoque methodo, ac ordine a cæteris dissimilibus excipientibus supra plana dissimilia impulsus, seu percussiones quoque dissimiles separati coacta erunt, ut tandem aliquando per sua excretoria vascula extra glandulas ejiciantur; Cystici itaque canales in data ratione separatos succos excipient, & partim in cystim fellicam, partim per chledochum ductum proportionaliter deponentur; quod autem de duabus hepaticis glandulis dictum est, proportionaliter de omnibus

dicendum erit, quare si glandulæ ab hac lege homologa motuum similium recedant, facile erit arguere hujusmodi glandulas succis diversæ indolis nimium saturatas esse: quoties enim spatium unius glandulæ repletum fuerit fluidis diversæ indolis, aut quantitate peccantibus, necessario etiam horum momenta ac vires cogentur esse diversæ; cum enim fluida contenta diversa momentorum ratione resistent motibus glandularum continentium, certe cogentur quoque continentes glandulæ, non simili (ut in naturali opere separationis fieri debet,) sed dissimili motu moveri; quamobrem fluida numero & genere heterogenea vitiosa methodo ac inæquali lege ac ordine irregulari separabuntur: Ex his non uno vulnere natura lædatur; enimvero tot succi diversæ indolis, postea in duodenum effusi separationi corporum utilium ab inutilibus, præcipitationi & exaltationi, nec non depurationi chyli, quibus peculiariter biliosæ particulæ destinantur, male inservient; verum ex tam impura bile fordescet chylus, & plurium febrium basis massam sanguinis gravi tumultu evertet; imo hujusmodi bilis cum pancreatico succo copulata vitiose mota horripilationes & febriles rigores larga manu educet.

12. Neque quis credat, glandularum angustiam impedimento esse, quo minus similia corpora homologiis vibrationibus semper impulsa per unam, eamque directionem eant, unamque partem glandulæ occupent; dissimilia vero per alias directiones tendant, aliasque partes teneant, eo quia quælibet glandula a natura tali methodo elaboranda fuerat, ut glandulare spatium esset proportionale quantitati fluidi excipiendi, vi cujus aptæ essent fluidorum massulæ libere ac quaquaversus motus suos exercere feliciter: Deinde quælibet fluida credi facile debent corpora infinite parva, aut saltem apta nata acquirendi dimensiones infinite parvas; & cum glandulæ membranis elaboratæ sint, quæ facile ad majores superficies extendi possunt, propterea quilibet particularum motus in glandulis naturaliter se habentibus commode exequi poterit, ut homogenea ab heterogeneis corporibus satis apte separari possint: Fateor quidem, massulas separatas non omnes ejusdem esse generis, sed aliquibus quoque dissimilibus particulis aliquantulum associari ac commisceri; aliquando enim similes aliquibus dissimilibus adeo fortiter alligatæ sunt, ut non tam cito ac facile a similibus seungi omnino possint; verum cum dissimilia hujusmodi corpora numero ac momento similibus minora sint, ideo nullum evenire poterit impedimentum, vi cujus corpora debitis motibus non separentur, & separata foras non ejiciantur, quotiescunque tamen res cæteræ naturaliter se habuerint; tunc enim ruet totum opus glandularum recte separantium, si aut glandularum structura vitium fecerit, aut naturalis earum motus inepte mutetur, aut dissimilia corpora similibus unita numero, ac momento majora fuerint, quam par est; nam ex his lædentur naturales homogeneorum corporum directiones, & vitiosis motibus agitata corpora alte lædent, turbabuntque opportunam corporum separationem: Sic immortalis ille Malpighius in morbo hepate (pagin. mihi 217.) vigente cachexia glandulas in ampliorem superficiem extensas non hexagonas, sed quæ vesiculas æmularentur, refert observasse; ex hujusmodi enim vitio colligendum facile est, heterogenea corpora numero majora homogeneis extitisse, unde metastasi obstructum viscus facile est credere, ex nimis impura bile prima hydropis semina posuisse: Non mirabor itaque amplius tot mala observaturus, quæ ab obstructis visceribus pullulant, etenim obstructa corpora naturalem glandularum figuram, & earum motum necessario invertunt; quotiescunque enim vitio sanguinis extraneæ particulæ taliter uniantur, ut crescant in ratione composita basium & altitudinum, ita ut moles particularum majores fiant luminibus canalium secernentium, opus tuum est contentas particulas hexagona glandularum spatia in hepate dilatare, majores idcirco fient anguli & latera inæqualiter quoque elongata juxta inæquales, ac dissimiles contentorum

rum corporum superficies cogent fibras omnes a naturali ordine ac structura recedere, succedit propterea motus & elastica vibratio a naturali dissimilis, unde inepta fiet corporum directio & separatio; quin imo aliquando fiet nulla: Glandulae siquidem tantis praeternaturalibus corporibus aliquando adeo implentur, ut saepissime sint coactae motum tonicum pati; immobiles idcirco contenta corpora nullatenus urgent, tumores ac scirrhus gravi viscerum pondere parituræ; ex his biliosae particulae non apte per cysticos canales separatae; imo a venis ibi finitimis plusquam deceat reassumptae enormes aliquando icteritias facile afferent; hæc & alia hujus farinae mala inauspicato contingent a vitiato motu separationis.

Motus Assimilationis. 13. A pressionis motu resoluta corpora in arteriis, & debitis motibus depurata, postmodum in glandulis juxta naturae exigentiam mechanice utilia ab utilibus separata, eam paritatem ac perfectionem ineunt, ut motu quodam assimilationis partibus nutriendis facillime adaptentur. Nutritio itaque, cum sit præcipuum naturae opus, quod animal sustinetur & vivit: cumque a peculiari quodam motu habeatur, quo corpora per massam sanguinis decurrentia, cum sibi acquirant locum singulis partibus accommodatum; propterea necesse est de hoc quoque motu, (quem assimilationis dicimus) verba facere, ut præcipua opera ad motum sanguinis pertinentia evolvantur, quæ ad sanitatem & ad morbum producendum, aut dignoscendum pertinere videantur. Itaque de his acturus notum est, quod *Nutritio Animalium nil aliud esse videtur, quam motus particularum, ad eum locum delatarum, quo reparantur, seu restituntur particulae secundum longitudinem, latitudinem & profunditatem aequales, aut similes illis, quæ motu transpirationis continuo deperduntur*. Morimur siquidem quotidie omnes, & rursus continuo aere & cibo reviviscimus; certum enim est, quod aut læsione partium, aut violento motu, aut transpiratione continua corruunt, & effluunt e corpore animalium particulae, quæ solida & fluida componebant; provida ideo natura consuluit animalia quælibet aere, & cibis continuo indigere, ut jacturas suas assidua reparatione redimerent; cum autem in aere & cibis varii generis corpora diversæ figuræ, molis, ponderis claudantur, & massa sanguinis ex aere & cibis continuo reparetur, opus est massam quoque sanguinis cujusunque generis corpora continere; putaverim itaque, nutritionis materiam totam a massa sanguinis esse accipiendam; licet enim nonnulli succum nerveum, nonnulli serum, aut alios fortasse humores ament pro nutritionis materia; nihilominus cum serum & succus nerveus, ceterique humores a massa sanguinis separentur, probabilius crediderim totam nutritionis materiam massæ sanguineæ universaliter esse tribuendam; Universaliter itaque nutrit massa sanguinis, specificè autem nutrit succus nerveus, ceterique humores specificam nutritionem ferunt, quotiescunque in sero, aut succo nerveo, ceterisque humoribus extiterint particulae nutriendis partibus aptæ, opportuneque homologæ: Quamobrem ex his probabile est, non a solo specifico humore totum nutritionis opus moliri, sed a singulis quibuscunque humoribus, quoties singuli habuerint homogeneas particulas specificis & homogeneis partibus accommodandas: hac ratione optime innotescit, cur tot partes natura indole, & substantia diversæ, singulae tamen juxta suum genus atque temperiem opportuno tempore, aptisque succis nutriantur & crescant; Verum ex imperfecto motu pressionis, resolutionis & depurationis corporum inepta sit quoque nutritio animalium; etenim male resoluta, commixta & male separata, & depurata corpora ægre expolita fiunt, rudes idcirco, & crudæ particulae salium, cum impuro nimisque aspero, aut crudo sulfure missionis æquitatem vitiantes male nutriendis partibus sese accommodant, & male asperis superficiebus aptatæ aut nutritionem minuunt, aut perdunt; Itaque cum tot, ac tanta corpora diversæ gravitatis, molis ac figuræ in massa sanguinis quaquaversus debeant excurrere, ut facile, ac prompte nutritionem exercent, manifesta est ratio, cur natura concesserit ex Boilei observationibus massæ sanguinis tantam sericopiam, quæ triplo contenta corpora simul sumpta

Sydenham opera Medica.

superet; cum enim in sero quæcunque corpora debeant libere innatare, facileque quaquaversus moveri, ac fluere, opus fuerat massam sanguinis tanto sero dotandam esse.

14. Ibi itaque nutritionis rem acturo placeat mihi animadvertere, nutritionis opus non festinanter a natura exequi, sed lento pede, ac determinato tempore particulas nutriendis partibus adaptari; opus est itaque in tam celebri opere fluida placido, leni, lentoque pede moveri; verum si fluidum celerit nimis, aut violento motu volvatur, tunc innatantes particulae non eum ordinem, ac rationem situs, nec quærere possunt, nec obtinere, sed confusa, ac promiscua methodo agitatae varios situs excurrent, quamobrem cum particulae nimis impulsæ non possint opportuno tempore nutriendis partibus commode ac facile adaptari, fas est a fluido nimis agitato nutritionem impediri; sic experimur, in febribus ex fluidis celeri nimis motu revolutis omnes imminuta nutritione macrescere. Ut ergo nutritionis opus naturali methodo exequi possit, duo præcipue necessaria sunt; lentus nempe, lenis, placidusque motus, & apta corporum seu succorum puritas & congruentia; cum autem motus lenis ac placidus in minimis tantummodo canalibus cujusunque generis haberi facilius possit, in quibus minimo motu tantummodo moventur fluida, proculdubio colligi potest, præcipuum nutritionis opus in minimis canalibus esse exequendum: Pro minimis autem canalibus non solum intelligenda puto vasa minima sanguinem, ceterosque humores deferentia, verum etiam carniarum & membranarum fistulas, sinus, ossium foramina & quascunque alias partium vias, per quas fluidi qualiscunque portio possit opportune penetrare; plerisque enim Philosophis & Anatomicis notum est, animalis machinam ex minimis, minutisque canalibus esse elaboratam; quamobrem cum sui generis fluida naturaliter se habentia debeant per tot canaliculos quaquaversus effluere, credi potest, universam animalis machinam suis proportionaliter fluidis statuto tempore nutritione fore reparandam; hujusmodi enim canales aut minimi sinus cum minima quoque vibratione elastica peristaltice moveantur, fluida quoque contenta leniter ac placide urgent; sicque in tam lento ac placido motu notabiliter non turbatur ordo ac situs corporum in sero innatantium, unde facile sufficiens corporum homologorum adaptatio, nutritio nempe compleatur. Quod vero ad secundum pertinet, cum quodlibet animal peculiari & specifico humore donetur, quo juxta suam temperiem nutriatur & vivat, necesse erit, hujusmodi succi indolem tali puritate & homogeneis ac sibi proportionalibus fluidis esse donandam, ut ab heterogeneis & dissimilibus opportune privetur; sic tota viscera humores depurantia natura providit, ut depurata fluida juxta peculiaris temperaturæ exigentiam singulis animalium operibus nutritioni præcise inservirent, ut enim unio optima fiat, debet adesse similitudo & proportio & aliqualis æqualitas corporum figuratorum cum similitudine & aliquali æqualitate partis, cui talia specifica corpora aptanda sunt; cum enim in similibus & æqualibus, aut quasi æqualibus corporum unione centrum gravitatis coincidat plerumque cum centro magnitudinis; quotiescunque hæc determinata corporum cum parte, aut loco nutriendo proportio fuerit, unio & adhesio facile fient, & consequenter opportuna & firma nutritio; verum si plana corporum dissimilibus, dissimilibus planis aut loculis adhereant, tunc cum centrum gravitatis corporum dissimilium longe absit, nec coherere possit cum centro magnitudinis eorundem; tunc non debita adaptatio seu nutritio fiet, aut facta parum aut ægre erit duratura. Celeberrimus Verheyen nutritionem examinaturus similitudini materiæ unicuique parti adaptandæ assentitur; inquit enim (a) *Generalis materia nutritionis & accretionis est massa sanguinis secundum varias sui partes, non vero tantum aliquis humor simplex & homogeneus; siquidem plurimæ corporis partes, ut sunt os, nervus, membrana, caro &c. inter se considerate plurimum differunt quoad substantiam, sed*

E e 4

una-

(a) Cyp. de nutritione pag. 219. 220.

unaqueque pars nutritur & accrescit per materiam si-
bi aliquatenus conformem. Inferius vero addit: non
difficiliter concipitur, in ipsa massa sanguinea conti-
neri multas admodum discrepantes particulas, quarum
alia huic, alia isti, alia aliis sunt conformes, & pro-
portionatae. Ulterius huic operi perfectae unionis necessa-
ria est quoque æquabilis aeris externi pressio, qua parti-
culæ omnes æquabiliter compressæ suo in loco, sua-
que naturali superficie circumscriptæ detineantur; de-
inde necessaria est naturalis sulfuris existentia; ra-
mositate enim sua plana planis, & plana locis nu-
trientis veluti a calce ferruminantur; Sic patet in
Chymicis, ex tam determinatâ miscelâ aquæ, salium,
salisque sulfuris cum terreis particulis efformari com-
positum, calcis aut bituminis in modum, unioni par-
tium aptissimum; quamobrem ex sulfuris balsamici
defectu in hæcticis nutritio penitus corrumpitur, eo quia
in hac massa sanguinis salia supra modum luxuriant
muriatica & acida, quibus aspera & angularis inest
superficies, quæ circa proprium axem rotando angu-
lorum & planorum inæqualitate ac asperitate partes
erodunt ac rumpunt, quibus applicantur; impedita
ulterius debita corporum adaptatione & earundem
opportuna coordinatione: Inde plurima mala ex im-
perfecta aut vitiata nutritione contingent; Ibi deni-
que placet animadvertere, quod si hujusmodi parti-
culæ motu assimilationis partibus adaptentur ea ratio-
ne quantitatis ac ponderis, ut nutriendis solummodo
partibus apte sufficiant, tunc solum nutritur animal;
cæterum si præter exigentiam nutritionis ultro suc-
crescant, & dato tempore animalia ad majorem mo-
lem secundum trinam dimensionem longitudinis, la-
titudinis & profunditatis naturaliter extensa sint, o-
leosus præcipue ac felicioribus succis opportune pin-
guescent. Et hæc satis de præcipuis naturæ moribus,
quibus massa sanguinis motu pressionis seu impulsus
agitur, separat pura ab impuris, & nutrit animalia
quælibet, a quibus præcipua animalis œconomiae
phænomena sive bona, sive mala erui facile possunt
& potuerunt.

DISSERTATIO II.

De Motu Sanguinis per Pulmones cum Mechanicis Morborum causis.

HYdraulicas machinas observaturus alte semper
miratus sum, quoniam opère aut sursum eleva-
ta fluida, aut quaquaversus effusa certis legibus am-
bulent; quibus æqua methodo distributa, & directio-
ni canalium & artificum magisterio obediant; aqua
etenim cum naturali aeris superincumbentis pressione
ad pedes 32. circiter elevari consuecat; machinæ ta-
men hydraulicæ beneficio naturales ultro superat al-
titudines, ibique data lege, datoque tempore ac lo-
co vagatur; plura itaque admiranda Hydraulicæ ar-
tes docuere, inajora tamen natura amplexa est de mi-
randis naturæ operibus ultro sollicita, quotiescunque
vi cordis prima moventur fluida, animalibus motum
& velut animam donatura; cor itaque primum ani-
mæ corporeæ visibile opus illud est, quod hydrau-
licæ machinæ ad instar urget sanguinem ordinato
impetu, ut per universas animalis latebras quaqua-
versus sursum, deorsumque decurrat: ostendit Anato-
mæ; cor, ventriculosque ipsos conica figura donari;
quem figuræ ordinem ex triplici fibrarum genere na-
tura fabricavit, quarum aliæ rectæ sunt, circulares a-
liæ, spirales teritiæ; cum autem rectæ eo officio de-
stinatæ sint, ut cor, ventriculosque ipsos aliquantu-
lum contrahant: circulares vero fortiter stringant;
spirales autem valide torquant; credendum putave-
rim momentum virtutis motivæ cordis, simpliciter
& secundum se consideratum, nullo abitu respectu
ad nisum contenti sanguinis, facile accedere posse ad
rationem compositam ex triplici motu eodem tem-
pore exercito & numero earundem; verum cum hoc
juste assequi arduum sit, propterea celeberrimus Jo-
hannes Alphonsus Borellus, quamvis magnus Geome-
tra prop. 66. secundi Tom. de Motu animalium, mo-
mentum cordis investigaturus analogico ratiocinio u-

sus est, & cum duobus musculis, temporali nempe
& melleterio mandibulas stringentibus comparavit;
Quamobrem prop. 67. vim motivam fibrarum cordis
per se comparatam majus pondus suspendere posse,
quam 3000. librarum, probabili satis conjectura do-
cuerat; ex quibus singularia illa momenta investiga-
ri poterunt, quæ utrique ventriculo sigillatim perti-
nere videbuntur: Ab hoc tamen calculo multum dif-
ferentit celeberrimus Jacobus Keillius, verum Doctissi-
mus Micheolottus, ut infirmatæ Borelli sententiæ,
quantum possibile est, tutor esset, calculum ipsum a
Keillio exaratum, a vero alienum esse apte ostendit;
inquit itaque (115. de separat. fluid. in corpore ani-
mali.) *Venio ad calculum, quo idem præstantissimus
Scriptor (Jacobum Keillium intelligit) Jo: Alpho-
nsum Borellum, jam olim vim absolutam cordis defini-
re conatum, confutaturus sancit, eandem istam vim æ-
qualem esse octo unciarum pondus: Ne ista quidem Keil-
liana supputatio, etiam si firmo niteretur fundamen-
to, vim absolutam cordis determinaret, hoc est, vis
per ejusmodi calculum inventa non foret illa, qua to-
tum cor contrahitur, sed tantum ejus pars, quæ respondet
orificio Aortæ, utpote quam vim æqualem statuit lau-
datus Vir ponderi cylindri sanguinei, cujus basis æqua-
tur orificio Aortæ, & altitudo dupla illius, ex qua
cadere deberet grave, ut acquirat velocitatem sanguinis
ex corde in Aortam expulsi, si nullam resistantiam supe-
randam haberet. Quamobrem si vim totam cordis com-
putare vellemus, oporteret octo unciarum pondus toties
sumere, quoties interior cordis superficies, seu potius
ventriculi sinistri superat orificium Aortæ; superet si
vis decies, ita ut decem Aortæ orificia occupare spa-
tium æquale superficier interiori sinistri cordis ventri-
culi, dico secundum præclarissimi Keillii principium
supra memoratum, non octo, sed octoginta unciarum pon-
do æquare vim cordis totalem seu absolutam. Quamob-
rem ex his mihi visum est nil certi de momento seu vi
totali cordis determinari posse, quippe præter ea a
laudato Michelotto exposita (pag. 114.) diversa ho-
minum ætas, temperies sanguinis, qualitas sexus, &
ratio texturæ diversa fibrarum cordis, & plurima alia
absolutam vim cordis facile mutare possunt; idcirco
contentus doctissimorum virorum amica, & docta
diffidia admirari, sequar conjecturas, quibus non to-
tale momentum seu totalem vim cordis, sed utriusque
ventriculi singularia momenta, aut vires instituto meo
necessarias, si non geometrica, physica saltem con-
jectura rimari mihi satis est: Cum itaque juxta tres
fibrarum rectarum, circularium & spiraliū series,
tam dexter ventriculus, quam sinister sigillatim tri-
plici, simul motu moveantur, ut contentum sangui-
nem foras expellant; cumque ultro ex Clarissimo Ver-
hegen (pag. 120. Anat.) Anatomica autopsia constet,
sinistrum cordis sinum fibris triplo multis supra dex-
trum & fortioribus armari; ita ut sinister triplo cras-
sior sit dextro; qui triplo majoribus fibris opportune
munitur; cumque fibræ musculares, nervæ & ten-
dinosæ mechanica sint instrumenta motus, quibus
cordis sinus continuo motu torquentur; cumque ul-
terius dextri ventriculi officium sit, per solos pulmo-
nes sanguinem ejaculari, sinistri vero supra & infra
per totum corpus; facile ex his conjectandum est,
ex triplo majori, fortiorique numero fibrarum sini-
strum cordis sinum investiente; una cum motibus
ipsis proportionalibus, vim motivam seu momentum
sinistri momento dextri multo majus esse.*

16. Licet autem ventriculus dexter momento seu
vi motiva debilior sit, quam sinister; nihilominus ra-
tio & autopsia suadere videntur, æqualem quantita-
tem sanguinis contineri in dextro, & a dextro ex-
pelli per arteriam pulmonarem in pulmones, ac con-
tineretur in sinistro, ut ab hoc expellatur per arte-
riam magnam in totum corpus; enim verò cum ven-
triculus sinister sanguinem recipiat a dextro, certe
sinister majorem quantitatem excipere non potest;
quam dexter primo exceperat; neque minorem exci-
pere potest sinister; quam dexter amplexus sit;
quippe si totus sanguis a dextro non ejacularetur
per arteriam pulmonarem in sinistram, residuum
in pulmonaribus vasculis remaneret non inani
stagnationis ac suffocationis periculo: Quam-
obrem opus est naturæ bene se habente, si-

nistrum

niſtrum ventriculum æqualem aut quaſi æqualem ex-
cipere a dextro ſanguinis quantitate, qualem dex-
ter exceperat a vena cava, ut plura incommoda ef-
fugiantur; inde ſpatium conicum, aut quaſi conicum
dextri ventriculi ſanguine repletum, aut replendum,
ſpatio conico, aut quaſi conico ſiniſtri æquale, aut
quaſi æquale jure merito credendum eſt: cum enim
certo conſtet, baſin dextri ventriculi majorem eſſe ba-
ſi ſiniſtri, & altitudinem ſeu longitudinem hujus ma-
jorem eſſe altitudine ſeu longitudine alterius; procul
dubio baſes ventriculorum facile erunt in ratione re-
ciproca cum eorundem altitudinibus, & conſequen-
ter data tali ratione reciproca quantitatum, ex geo-
metricis, etiam ſpatia ventriculorum conica aut quaſi
conica futura erunt æqualia, aut quaſi æqualem ſan-
guinis quantitate ſuſceptura: Hujusmodi autem ſpa-
ria ventriculorum æqualia, aut quaſi æqualia, quam-
vis celeberrimus Borrellus (a) a tribus unciiſ ſanguinis
repleri ſuſpicatus ſit; nihilominus ab unica tantum-
modo ſanguinis uncia repleri multo probabilius recen-
tiores judicant Anatomici: ibi autem ſuppoſita ſan-
guinis uncia, cum aliquando neceſſe ſit inquirere pro-
portionē gravitatis ſpecificæ non ſanguinis tantum-
modo, verum etiam ſeri ſanguinei & aquæ commu-
nis, iſtorumque voluminum proportionē, ut inter ſe
juxta rerum exigentiam comparentur, ex quorum
comparatione momenta ac vires horum ſtudiorum fa-
cilis innotescant, quantum poſſibile eſt, ut mecha-
nicæ morborum cauſæ habeantur, propterea hujusmo-
di fluidorum gravitates placuit, experiri: Contigit ita-
que mihi ex ſano, ſed plethorico viro annorum 46.
circiter gravi vertigine correpto neceſſitas emittendi
ſanguinem larga manu, ut a timendo apoplexiæ peri-
cilo liberaretur: licet autem ſpecifica ſanguinis hu-
mani gravitas difficillime erui poſſit, nihilominus
Boylei methodum ſecutus (pag. mihi 278. partis ſe-
cundæ Hiſtoriæ humani ſanguinis) repetitis experi-
mentis quaſito ponderi accedens pluries reperi.

Sanguinem humanum phiala incluſum ponderare
grana 2853. 3. cum autem pondus phialæ fuerit gra-
norum 967. quare ablato tali pondere ſimplex pon-
dus ſanguinis granorum 1886.

Serum autem ſanguinis ſub eodem volumine, utpo-
te eadem phiala ad amuſſim contentum, ponderabat
grana 2770. ablato autem pondere phialæ ſimplex pon-
dus ſeri erat granorum 1803.

Aqua denique noſtra communis eadem phiala in-
cluſa ſub eodem volumine ponderabat grana 2716.
a quibus detracto phialæ pondere ponderabat gra-
na 1749.

Cum autem, ex corollario 3. prop. 2. Lib. 1. Pho-
ronon. celeberrimi Viri ſemper laudandi Jacobi Her-
mani gravitates ſpecificæ corporum conſiſtant in pro-
portionē ponderum abſolutorum corporum eorundem
ſub voluminibus æqualibus; cumque hujusmodi ſingu-
lorum fluidorum maſſæ idem phialæ ſpatium occu-
pantes ſub eodem volumine habeantur, erit *gravitas
ſpecifica ſanguinis ad gravitatem ſpecificam ſeri ſan-
guinei, ut pondus granorum 1886. ad pondus 1803.*

Et *gravitas ſpecifica ſanguinis ad gravitatem ſpe-
ſificam aquæ noſtræ Brixianæ erit granorum 1886. ad
1749.*

Pariterque *gravitas ſpecifica ſeri ſanguinei ad gra-
vitatem ſpecificam ejusdem aquæ Brixianæ erit grano-
rum 1803. ad 1749.*

Ex hiſce colligendum quoque eſt, cum gravitates
ſpecificæ corporum ſint denſitatibus eorundem pro-
portionales, maſſam ſanguinis denſiorem eſſe maſſa
ſeri ſub æquali volumine in ratione pariter 1886. ad
1803. ſimulque maſſam ſanguinis ſub æquali volumi-
ne cum aqua noſtra communi denſiorem eſſe eadem
aqua communi in ratione 1886. ad 1749. pariterque
maſſam ſeri ſanguinei ſub eodem volumine cum maſſa
aquæ communis denſiorem eſſe eadem aqua in ratio-
ne 1803. ad 1749. fateor quidem, ut Illuſtr. Boyleus
quoque animadvertit, horum liquorum pondera ac
denſitates juxta ætatis, ſexus, temperaturæ & loci
differentias aliquantulum inter ſe differre; nihilominus
hac data hypotheſi, qua aliqua proportio gravitatum
in expoſitis liquoribus determinatur, facile juxta datas

rationes accedere poſſumus ad alterius ſanguinis, al-
terius ſeri aut alterius aquæ communis gravitates ſpe-
ſificas & denſitates reperiendas, ut inde momenta ac
vires aliorum fluidorum proportionaliter aſſequi poſ-
ſimus.

17. Hiſce præhabitis a ventriculo dextro expulſa
ſanguinis uncia pulmonarem arteriam ingreditur, quæ
pericardium egreſſa per utroſque pulmones diſſemina-
tur; ibi autem mirari eſt, quantum æſtimandus ſit
pulmo, cujus ſolius gratia ex duobus cordis ſinubus
unum, pro cæteris vero totius corporis partibus alte-
rum tantummodo natura formavit; mirandum certe,
cum ex hujus peculiari viſceris opere celebre illud con-
jugium celebretur, quo ſolida cum fluidis, & cum ſo-
lidis fluidisque, ſi non aerea, ſaltem luminosa & æ-
therea in ſanguine copulantur: Ut autem motus ſan-
guinis per pulmones examinetur, ſuſpicari placeat (ut
num. 3. dictum eſt) ſicut a ſiniſtro, ita pariter a dex-
tro ventriculo fibrarum ope ſanguinem motu preſſio-
nis impelli, eundemque preſſionis motum ſequi per
universas pulmonares arterias, qui in venas pulmona-
res eadem lege traducatur: Exiens itaque ſanguis a dex-
tro cordis ſinu pulmonarem arteriam ingreditur, &
per hanc brevi quidem ſpatio horizontali quaſi pede
procedit; ut autem ratio tranſitus ſanguinis per arte-
riam innotescat, juvat rimari talis arteriæ diametrum,
quæ ex pluribus obſervationibus juxta lineam GH re-
perta eſt, methodo autem lineæ circini proportionum
diviſa eſt linea GH in 14. partes æquales, ut ex hiſ.
area quoque pulmonaris arteriæ innotescere facile poſ-
ſit; Sit itaque diameter GH (a) circuli quaſiti par-
tium 14 — a; eritque quadratum diametri — aa.
partium 196. area ergo circuli quaſita ſupponatur
— x: cum ratio quadrati ad circulum ſit proxime
ex Archimede *de dimenſione circuli* ut 14. ad 11. fiat-
que 14 — b. 11. vero — c. erit analogiſmus ut
b.c.: aa.x; eritque per 16.6. Euclidis æquatio b x
— aac; & dividendo per b, fiet æquatio x —
 $\frac{aac}{b}$; cum autem quadratum aa ſit — 196; & c
ſit — 11; erit productum aac — 2156; quod
diviſum per b — 14, erit $\frac{aac}{b}$ — pariter 154.
proxime, ſeu juxta methodum decimalium — 153.
860. pro valore quaſito quantitatis x, quæ plane
oſtendit quantitatem areæ arteriæ pulmonaris e dextro
ſinu mox egreſſæ, cujus diameter erat linea GH; ita-
que uncia ſanguinis a ventriculo expulſa, & per ſpa-
tium repertæ ſectionis rarefacta urgebit æqualiter ſin-
gula latera arteriæ; hæc autem omni parte æqua-
biliter dilatata reſtituet ſanguini in conſtrictione ean-
dem quantitatem impetus; unde maſſa ſanguinis per
hujusmodi truncum pulmonaris arteriæ æquali aut qua-
ſi æquali ſemper pede decurrenda erit: Cum autem
truncus arteriæ in duos peculiareſ ac præcipuos ra-
mos dividatur, quorum unus in dextrum, alter vero
in ſiniſtrum pulmonem excurrat, vis impetus impreſſa
ſanguini utrique pulmoni erit æquali ratione, aut quaſi
æquali tribuenda. Ibi autem aliquantisper ſtemus in
anchoris obſervando motum ſanguinis per truncum
arteriæ pulmonaris; enim vero ſæpe accidit prope ba-
ſin arteriæ, per longitudinem trunci excreſcentia po-
lypoſæ carnis, aut eminentia tuberculi, quo caſu ſectio
arteriæ imminuta tranſeunti ſanguini reſiſtentiam fe-
ret; Verum quia ibi reſiſtentia polypi obſecta ſanguini
non ſupponitur magna (mors enim brevi ſequeretur);
ſed ea tantummodo, quanta requiritur, ut polypopoſa
materies reſiſtentiam ferret ſanguini fluenti, ac ſi ma-
teries ipſa polypopoſa in fluido ipſo ſanguineo ferretur;
ideo cum reſiſtentia corporum contra fluidum ſint ut
impreſſiones, ſeu ut percuſſiones fluidorum in obje-
ctum corpus, percuſſiones vero unius ejusdemque ſui-
di ſint induplicata ratione celeritatum ejusdem (b);
ſuſpicari jure poteſt reſiſtentiam, quam aſſert talis po-
lypoſa materies ſanguini fluenti unius, ejusdemque tex-
turæ & indolis, accedere quoque poſſe ad talem ra-
tionem duplicatam velocitatis ejusdem ſanguinis: Quod
ſi maſſa ſanguinis adeo impura, & heterogenea fue-
rit; ut portio ſanguinis, quæ una ſyſtole expellitur,
diverſa ſit ab illa quoad denſitatem & velocitatem ex-
pulſa altera ſyſtole ventriculi cordis; tunc cum per-
cuſſio-

(a) Fi-
gur. 1.

(a) Coroll. prop. 68. ſecundi Tomi de motu Anima-
lium.

(b) Ex corollar. prop. 42. Phoron. Herman.

cussiones fluidorum diversæ texturæ & indolis contra objecta & resistentia corpora, sint in ratione composita ex rationibus duplicata velocitatum & simpla densitatum eorundem; etiam percussiones massæ sanguinæ, densitate & motu variæ, facile accedent ad talem rationem compositam ex duplicata velocitatum & simpla densitatum; & consequenter etiam resistentiæ objectæ sanguini a tali polyposa materia variæ fient, accedendo diversimode ad varias rationes compositas ex duplicata velocitatum & simpla densitatum. Itaque cum hujusmodi polyposa materies talibus rationibus probabiliter opponatur sanguini, communicata talibus rationibus resistentia, impedimentum feret proximis aut succedentibus quoque sanguinis particulis, & consequenter tota moles sanguinis ibi lentescere coacta erit; quamvis autem lentescens sanguis ultro progrediatur, nihilominus ex adepta tali lentescencia mole sua intumescit, urgetque necessario magis latera canalıs ex ea parte, quæ vacat impedimento; minus vero urgentur latera illa, utpote solidiora, quibus impedimentum alte adhærent, a quibus major sit momento sanguinis resistentia. Cum itaque latera arteriarum magis dilatentur ex una parte, quam ex altera, erunt quoque motus restitutionis eorundem pariter inæquales; quare sanguinis non versus lineam axis, sed inclinata & transversa directione motus irruet, ubi major inæqualitas dilatati canalıs minorem fecerat fluenti sanguini resistentiam; Hæc arteriæ portio magis extensa, cum a continuis sanguinis vibrationibus arietetur, tandem aliquando objectam membranam lædere poterit timendo aneurismate. Ulterius sæpe docet praxis, aliunde etiam hujusmodi morbum oriri potuisse; cum enim in unica sanguinis uncia a dextro ventriculo expulsa, ratio momenti sanguinis præternaturaliter moti talis aliquando sit, ac tanta, ut naturæ legem superet, tunc si canales inertem texturam aut fibrarum tenue robur fortiti sint, coacti erunt cedere valido nisu sanguinis impellentis, & tandem aliquando cedente interiori tunica laxari ac rumpi; tale vitium in febribus evenire aliquando potest; etenim volumen sanguinis a dextro cordis sinu expulsum in statu naturali, & volumen ejusdem expulsum in statu præternaturali haberi possunt, ut solida similia, quæ inter se proportionem habent triplicatam laterum homologorum. Cum autem porositates seu interstitia voluminibus interspersa sint lateribus solidorum homologis proportionalia: latera vero solidorum sint in ratione subtriplicata eorundem, certe etiam pororum amplitudines, seu particularum sibi invicem proximarum distantia, erunt inter se in ratione subtriplicata voluminum sanguinis; Quamobrem cum in statu naturali impressio voluminis unius unciæ sanguinis contra objectas canalium membranas sit facile viribus membranarum resistentium proportionalis, proculdubio vi præternaturalis exaltationis dilatatis ultro particularum distantis inter se, volumen talis unciæ sanguinis augendo sese in ratione triplicata amplitudinum pororum seu distantiarum, quas habent particule sanguinis proximæ inter se, impressionem efficiet contra canalium membranas ultra vires ac momenta membranarum resistentium; quare tandem aliquando tot violentis ac continuis percussionibus flagellatæ membranæ rumpi coactæ erunt. Ulterius hujusmodi læsiones non parum augentur, si prior unda sanguinis succedenti resistat plusquam deceat, quo casu cum succedentis sanguinis impressio non consumatur tota contra priorem sanguinis undam, juxta directionem longitudinis canalium, opus est majori ratione impetum ferri ad latera, quo major est resistentia sanguinis antecedentis; quare dilatatis ultro arteriæ lateribus fiet aneurismatis incrementum; præter hæc adeo aliquando viget impedimenta, ut portio sanguinis gravi regressu irruens in valvulam, succedentem a dextro sinu motum sanguinis moleste impediatur gravi vitæ periculo; quin imo uncia sanguinis transversis præternaturalibus directionibus itura, quoties pervenerit, ubi truncus duos in ramos partitur, facile inæqualem sanguinis quantitatem per unum pulmonem afferet, inæqualemque per alterum, summo respirationis incommodo, ob inæqualia pulmonum pondera & manifestam pulsum inæqualitatem.

18. Præterlapso itaque majori trunco fluit sanguis

per utrumque pulmonem juxta duorum ramorum directiones, cum autem unus pulmo alteri æqualis, aut quasi æqualis naturaliter esse debeat, facile quantitas sanguinis expulsa in dextrum pulmonem probabiliter futura erit cæteris paribus æqualis, aut quasi æqualis quantitati sanguinis expulsa in sinistram, & consequenter semiuncia sanguinis per unum, & semiuncia per alterum ferenda erit; pariter si vis impetus dextri ventriculi eadem sit, quæ semiunciam sanguinis per unum, & semiunciam per alterum pulmonem æquali semper momento impellat, erit spatium decursum a semiuncia sanguinis per ramum arteriæ pulmonaris in uno pulmone æquale cæteris paribus spatio decurso a semiuncia sanguinis per ramum arteriæ pulmonaris in altero pulmone; quapropter ex immortalis Galilæi demonstratis *de motu æquabili*, duæ semiuncie sanguinis eodem impetu cordis impulsæ decurrent cæteris paribus spatia quoque æqualia inter se; & consequenter, cum quantitates motus aut impetus fluidorum habeant (a) rationem compositam ex duplicata velocitatum, simpla densitatum & simpla foraminum, e quibus erumpunt, certe cum duæ semiuncie sanguinis sint æquales, & velocitates ipsis impressæ ab eodem momento dextri cordis sinus sint pariter inter se in ratione æqualitatis, foramina vero vasorum unius pulmonis supponantur naturaliter æqualia, aut quasi æqualia foraminibus vasorum alterius pulmonis; etiam quantitates motus seu impetus unius semiuncie sanguinis æquales futuræ erunt quantitati motus alterius semiuncie sanguinis; quare etiam ascensus & descensus sanguinis transeuntis per foramina in uno æqualis probabiliter erit, cæteris paribus, ascensui & descensui sanguinis transeuntis per foramina æqualia in altero pulmone; & consequenter peripheria unius pulmonis decurratur per arterias pulmonares, ac peripheria alterius pulmonis per arteria sibi homologas; quapropter ab arteriis, in paritate circumstantiarum, æqualis aut quasi æqualis quantitas sanguinis in venarum pulmonarium orificia effundetur, & ab iis in sinistram ventriculum, æquali aut quasi æquali ratione deferenda erit. Verum si fluidi vitio (ut in pleuritide & peripneumonia ægre curatis cæterisque generibus morborum pectoris sæpe experimur) major quantitas sanguinis per unum pulmonem, minor vero per alterum excurrat, tunc cæteris paribus quantitas motus in uno, major erit quantitate motus in altero; sicque cum rationes compositæ ex duplicata velocitatum, simpla densitatum & simpla foraminum, e quibus erumpunt, multum inter se differant, gravior pulmo & fluidis ponderosior motum diaphragmatis ob costas ex ea parte minus elevatas quodammodo impediens, inspiratio fiet imminuta, & alto lateris pondere laboriosa respiratio. Ulterius sæpe ostendit Anatome unum aliquando pulmonem costis plus justo alligari, alterum vero non ita; quamobrem cum alligatus pulmo non possit ea libertate moveri, ac dilatari, qua alter solutus ac liber; manifestum est, in alligato pulmone impetum impressum sanguini refrangi debuisse, & quantitatem sanguinis non æquabili velocitate deferri; sic majus necessario in organo pondus cum inæquali ac difficili respiratione & graviore decubitu, hominem lædet; pariter quotiescunque pleuritis aut peripneumonia contingunt, pars pulmonis inflammata moram facit sanguini transeunti; sic tantum adest impedimentum sanguini adveniienti, quantum antecedens in sanguine est in parte inflammata; sic cum non perseveret ea ratio æquilibrii inter motum sanguinis antecedentis, & motum subsequenter, oportet sanguinem ratione motus, quantitatis, momenti & temporis a statu naturali & ratione æquabilitatis recedere; unde inæqualitates pulsum, intermittentiæ & palpitationes sæpissime evenient.

19. In hoc motu sanguinis per ramos arteriæ pulmonaris, patet observante Diemerbroekio (pag. mihi 412.) hujusmodi ramos, *per totam vesicularum substantiam instar artificiosissimi retis una cum vena pulmonari decurrere mutuis inter se anastomosis*. Hoc ipsum primo observaverat immortalis Malpighius; epistola enim secunda de pulmonibus asserit: *Tanta est horum vasculorum divaricatio, dum hinc inde a vena & arteria prodeunt, ut non amplius vasis ordo servetur, sed*

rete

(a) Per propr. 31. Hermannii Phoron.

rete conflatum ex duorum vasorum productionibus appareat. Quanam autem ratione hoc a natura factum sit, licebit nobis conjectari imposterum: Interim observandum est, pulmonarem substantiam jugulum versus angustiores esse, versus vero costas spurias extensiores & ampliores; verum cum tam angusta portio, quam extensa suis proportionaliter vasibus donetur, colligi potest, vasorum quoque ramificationes cæteris paribus pauciores esse versus partem superiorem, numero vero majores versus inferiorem; & sane cum thoracis portio versus costas spurias majori circumscribatur superficie, portio vero thoracis versus jugulum a minori superficie dimetiatur; fas est quoque, contentum pulmonem versus costas spurias majoris esse superficiem, minoris vero jugulum versus; cum autem pulmonum vesiculæ undequaque, tam sursum, quam deorsum effusæ sint, suspicandum est, majorem amplitudinem pulmonaris substantiæ versus partes inferiores oriri, & a quantitate majore vesicularum, & a majori ramificatione ac peripheria vasorum; huic animadversioni favet Archibaldus Pitcarnius, (a) assumit enim pectus tanquam sphaeroidem, cujus minor diameter sit digitorum 15. major vero digitorum 20.; cum autem sphaeroidis a minori diametro ascendendo versus majorem axem semper proportionaliter decreseat, colligendum putavi, capacitatem pectoris, (juxta supposita a celeberrimo Auctore) versus jugulum, in quo desinit major axis, esse angustiores, versus vero costas spurias, in quibus desinit minor axis, esse ampliores; quapropter jure haberi potest, amplitudinem pulmonum versus costas spurias majorem esse illa, quæ versus jugulum elevatur; major itaque vasorum & vesicularum numerus ac peripheria inferiorem pulmonum partem, minor vero superiorem ambit; hinc elevatio thoracis sensibili in inferiori, in superiori vero jugulum versus debiliior ac tenuior reperitur; Hinc gravi actione angitur animal, quoties in hepatide pondus hepatis inflammati diaphragma & finitimas costarum appendices trahit inferius; costæ siquidem & diaphragma tenuissimo motu elevata, minusque quam par est, spatium vetant, quo pulmonares vesiculæ inferiores ad majores superficies extendantur, ut necessaria libertate moveantur, opportunum aerem suscepturæ; quapropter dimidiata respiratio & altus angor pectus opprimunt.

20. Fluit itaque sanguis sursum & deorsum ex utraque pulmonum parte, & a majoribus ramis traducitur in minores, minimasque ramificationes, usque dum minimi arteriarum rami facta cum minimis venarum luminibus deosculatione sanguis ab arteriis facillime in venas affluat; Huic autem motui ab arteriis in venas, non tantum auxilio est momentum cordis sanguinem impellentis, verum etiam clarum est, quod dilatato thorace sequatur statim oblatio resistentiæ, quam depressæ costæ & laxatum diaphragma contra superficiem extimam pulmonum exercent; ideoque cum ad fauces præsto sit aer, vel suo pondere, vel elaterio potens ingredi, quotiescunque auferuntur resistentiæ, sequitur, aerem tota vi irruere in pulmones, eosque quantum potest aperire: præterea constat ex Anatome, intra areas reticulares vasorum, & circum vasa ipsa sanguifera adesse bronchiorum vesiculas, quæ sphaericam quasi superficiem æmulantur aere inspirato: cum enim pulmo debuerit esse viscus aeris excipiendo destinatum, certe opus fuerat, naturam vesiculis quasi sphaericis uti debuisset, ut aerem majori quantitate exciperet; cum enim sphaera sit quibuscunque figuris isoperimetris capaxior, etiam vesiculæ quasi sphaericæ proportionaliter multum aeris supra ceteras figuras sibi isoperimétras erunt suscepturæ; sic in phthisi & hydrope pulmonum laxatis nimium ac flaccidis pulmonatibus vesiculis difficultas respirationis & gravis anhelitus sunt, eo quia flacciscentes nimium vesiculæ, a quasi sphaerica figura, ad quasi sphaeroidem transeunt; cum autem hæc sphaeroidis talis sphaeræ isoperimétræ minus capax sit, ut inferius constabit, ideo nimium laxatæ vesiculæ quasi sphaericæ pulmonum, & quasi sphaeroidem figuram adeptæ minus aeris excipient, quam par est, unde tot

incommoda evenient vitio respirationis: Ulterius pulmo debuerat esse viscus leve & facile mobile, quare quasi sphaericis vesiculis dotari debuerat; etenim cum sphaerica corpora in punctis se tangant, etiam vesiculæ quasi sphaericæ punctualem quodammodo contactum servaturæ erunt inter se; quare interstitia & areas quamplurimas necessario relinquent, a quibus facile levitas major corporis exoriri potest, quæ certe non haberetur, si corpora illa vesicularia sub alia figura in planis setangerent, a quibus cum multo pauciores areæ & interstitia relinquantur, certe in tam majori planorum adhæsione, & consequenter in tam minori interstitiorum numero gravitas & pondus visceris supra modum augetur; & sane grave esset experiri molestiam respirationis, quoties nerveum illud ligamentum a Malpighio detectum (b) vesicularum parietibus alligatum convulsivo motu crisparetur; sic enim vesiculæ relicta superficie quasi sphaerica non amplius in punctis, sed quodammodo mutata figura in planis coguntur se tangere, factum inde, ut minus aeris excipiant & minora fiant interstitia vesicularum, unde visceris pondus gravius ferret fastidium respirationis.

21. Cum itaque pulmo & naturali, & sæpe præternaturali motu moveatur, quo pulmonares vesiculæ figuram quasi sphaericam facile invertunt, sphaeroidem quasi superficiem quodammodo acquirentes; non ineptum erit utriusque capacitates, quantum fieri potest, dimetiri, ut quantitas aeris in quasi sphaerica, & quantitas ejusdem in quasi sphaeroidali vesicula proxime innotescant, ut pulmonarium morborum natura, quantum possibile est, aperiatur; placeat itaque supponere vesiculam quasi sphaericam ABCD (a) cujus diametrem AB sit partium minimarum 6. certum est ex geometricis usu decimalium, hujusmodi sphaeram ABCD esse proxime partium minimarum cubicarum 1130976. modo supponatur, eandem quasi sphaericam vesiculam, aut convulsione, aut morbosa laxitate, taliter deprimi, aut contrahi, aut laxari, ut diameter AB partium minimarum 6, reducatur in diametrum FG. (b) partium minimarum 4. certum est ea ratione, qua partes oppositæ diametri AB in hujusmodi sphaera ABCD invicem accedunt sub minori diametro partium minimarum 4. reliquas partes oppositas C & D aequali ratione a se invicem recedere, quare diameter EH (b) fiet partium minimarum 8. sic quasi sphaerica vesicula ABCD in quasi sphaeroidem FE GH conversa erit ex geometricis proxime partium minimarum cubicarum 67. 0208. cum autem contenta corpora sint cæteris paribus in ratione corporum continentium, palam est in vesicula quasi sphaerica contentas partes minimas cubicas aeris, esse proxime ad partes minimas cubicas aeris contentas in vesicula quasi sphaeroidali sphaeræ quasi isoperimétræ, in ratione numerorum decimalium 113. 0976 ad 67. 0208; quare talis sphaeroidis continens; minus continebit particularem aeris, quam hujusmodi sphaera defectu partium minimarum cubicarum 46. 0768. proxime; Quamobrem cum defectus & vitium unius vesiculæ quasi sphaericæ transeuntis in quasi sphaeroidem, omnibus vesiculis pulmonum convenire aliquando possit, quis non videt quantum aeris detrahendum sit, quoties universa pulmonum regio, aut convulsione contracta, aut pressione depressa, aut flacciditate laxata, ut in hecticis, & hæmoptoicis, tam gravi defectu laboraverit? Quamobrem cum opportunis naturæ operibus ea quantitas aeris necessaria fuerit, quæ a quasi sphaericis vesiculis contineri debuerat, manifestum est, a sola quantitate aeris in quasi sphaeroidis vesiculis collecta naturam necessario pati, & gravi asthma facile deficere debuisset. Hisce expositis, liceat tantillum superfedere nonnulla prius exposituro actionibus pulmonarium vesicularum necessaria; etenim quoniam pulmo viscus est, quo aer inspirando excipitur, & expirando expellitur, & cum ab aeris momento, tam sanitas, quam morbus foveri facile possint, opportunum est ibi nonnulla de viribus elastici aeris in pulmones conjectari, ut juxta nostrum institutum morborum pulmonarium semina inquirantur. De elasticitate seu viribus aeris & resistentia, summi viri toto orbe celeberrimi, Isaacus Nevvtonus, & Guilielmus Leibniti

(a) Fig. 2.

(b) Fig. 3.

(a) Dissertazione de causis, quibus fluit sanguis per pulmones.

(b) Epistola prima de Pulmon. ad Borellum.

nitijs mira docuerunt; postea verò Jacobus Hermannus immortalis semper laude decorandus, alique doctissimi Viri, inter quos summi nominis vir Joannes Polenus, cui multum debeo, majora de viribus aeris experti sunt; Inde Michelottus toties laudatus tantorum virorum sententias secutus refert (pag. 148. de *separatione fluidi in corpore Animalis*;) aerem esse fluidum grave atque elasticum, quod comprimi potest in spatia, quæ ponderibus comprimentibus proportionem respondent; ideoque talis natura, ut ejus densitates viribus comprimentibus, seu elasticitatibus quamproxime proportionales existant; Addit autem quamproxime, eo quia summi & incomparabiles viri Jacobus Bernollius, de gravitate aeris; & Joannes pariter Bernollius, de motu muscutorum pag. mihi 23. analytice ostendunt, densitates aeris esse quidem elasticitatibus proportionales in aere tamen parum denso; ceterum in aere multum denso elasticitates in majori ratione crescere, quam densitates. Inspirato itaque aere per tracheæ fistulas elevantur costæ, diaphragma deprimitur, & pectoris cavum necessario ampliatur; sic quæcunque vesiculæ pulmonares amplexu aeris quasi sphaerice turgescunt; portio itaque aeris, quæ inferiorem pulmonum partem occupat, cum necessario pressionem aeris superiores partes occupantis successivo vesicularum dilatarum continentium contractu quodammodo pati conetur, inferior aeris quantitas superiori proculdubio aliquantulum densior fiet; quamobrem cum densitates sint elasticitatibus aeris quamproxime homologæ, cumque vesicularum inferiorum numerus multo major sit numero superiorum, (ut n. 19. innuimus) certe vis aeris inferiores vesiculas occupantis multo major erit vi illius, qui in superioribus vesiculis jugulum versus continetur; quare facile crederem, initium expirationis juvari non parum a vi aeris inferioris magis densi ac compressi, & consequenter magis elastici superiores vesiculas urgentis; etenim hujusmodi ratio aeris inferioris, cum ulterius, pulmonibus naturaliter se habentibus, pressionem pati non possit a superiori superincumbente ac supranitente, nec ultro densior fieri debeat, opus est, inferiorem magis compressum urgere debuisse superiorem aerem, ea videlicet ratione, qua prius superior inferiorem compreserat; cum autem superior aer, prout minus densus, & ratione pauciorum vesicularum quantitate minor sit, minorem propterea feret resistantiam actioni & viribus majoribus elasticis aeris inferioris; idcirco inferior aer valide urgendo, magisque dilatando contingentes vesiculas, & ab his communicato proximis tangentibus & superioribus vesiculis successivo contactu, superior aer ab inferiori valido nisu per bronchiorum foramina versus asperam arteriam aperta foras expelli debet, ut tandem aliquando inferior quoque aeris portio completa expiratione successive eliminetur; sic tali methodo aeris operantis, inspiratio & exspiratio reciproco & naturali motu exercentur; Verum si viribus aeris inferioris superiorem valide urgentis opponatur materia quædam lymphatica, aut alterius generis e glandulis tracheæ decedens, quæ bronchiorum foramina obstruat, tunc cum exitus aeris superioris expellendi ab elastica vibratione inferioris ægre fieri possit, resistantiam feret impulsui inferioris; quapropter oppositis viribus corporum contraoperantium grave asthma fiet, aliquando hæmoptysis, aliquando vero retardato motu sanguinis pulmonum inflammatio.

22. In hac re quærens actionem & momentum expirationis, alte miratus sum legens ex supputationibus Bernollianis a Clarissimo Michelotto relatis, dilucidæque explicatis, actionem & momentum fortissimæ expirationis, qua aer non solum ratione suæ elasticitatis, verum etiam opere muscutorum thoracis & diaphragmatis per laryngem expellitur, tam magni momenti esse, ut colligat Celeberrimus Auctor; *Velocitatem aeris fortissimo spiritu per laryngem expulsi absolvere posse eodem illo tempore unius minuti; secundi pedes 390. id est 400. pedes, id quod ita intelligi velit, nimirum aerem ex ore impulsam, nisi statim dissiparetur, sed uniformi cum velocitate, quam primo instanti habet, pergere posse singulis minutis secundis, vel singulis arteriæ pulsibus excurrere 400. pedes Parisenses*; quam sententiam ulterius confirmat Epistola, quam magnus vir Joannes Bernollius Clarissimo Auctori conscripserat;

verum mirari desii, ut animadverti Bernollium & Michelottum de fortissima, non autem de placida, lenique expiratione sermonem habuisse; Ad superiora itaque redeundo, certum est, actionem inspirationis & expirationis magnum opus esse, ut natura fluidorum leges opportune regat; inspirato enim aere pulmonares vesiculæ superficiem quasi sphaericam obtinent; exspirato vero aequaliter connivent, & laxatis quodammodo fibrarum ordinibus a quasi sphaerica, ad quasi sphaeroidalem superficiem leniter declinando deveniunt; hoc autem motu reciproco vesicularum, venæ & arteriæ vesiculis circumscriptæ, in inspiratione comprimuntur, in expiratione laxantur; sanguis itaque contentus inspirando magis stringitur & atteritur, attritus vero succedente expiratione particulis; quibus componitur, opportune miscetur; hæc autem attritio sive resolutio necessaria est, chylus enim mox sanguini associatus, nunquam debita agitatione, mixtioneque opportuna perfici poterit, nisi vesiculatum pulmonarium oscillatorio motu circumposita vasa elastice urgeantur; Licet vero celeberrimus Alphonsus Borellus (a) impossibile, aut saltem difficillimum censeat, partes sanguinis heterogeneas quantumvis attritas ac resolutas in pulmonibus inter se commisceri, angustissimorum canalicorum culpa; nihilominus immortalis Malpighius totis viribus in opere posthumo pag. mihi 14. Borelli sententiam studet evertere attritionem corporum & debitam mixtionem in pulmonaribus vasculis positurus; Quotiescunque autem agitatio, attritio & opportuna mixtio corporum in canalibus pulmonum satis apte exequatur opere præcipue elasticitatis aeris, vesiculas & consequenter circumseptæ vascula reciproco motu dilatantis; proculdubio ex Malpighio suspicari ulterius possem, motum quoque sanguinis per pulmonaria vasa ad spiralem aut quasi spiralem inclinandum esse, (ut num. quoque 7. indicatum est;) Inquit etiam immortalis Auctor eodem opere posthumo loco citato: *His accedet, sanguinem in pulmonibus duplici motu agitari, a corde videlicet, & ab elatere aeris*, aut adderem ego, ab elatere vesicularum, si non placeat, aerem in pulmonaria vascula sanguifera trajicere cum Malpighio; *primo motu natura tentat motum rectum, in secundo fiunt ex lateralibus compressione motus contrarii a circumferentia ad centrum, unde motus rectus perturbatur, quare ex his necessario sequitur mixtio, & attritio particularum sanguinis*: Cum autem ex duobus hisce motibus eodem tempore exercitis, quorum unus rectus est, transversalis alter, necessario componatur motus quidam ex utroque motu compositus, qui necessario ex mechanicis inclinatus est & obliquus, videlicet quasi spiralis; conjectari licebit, motum sanguinis per pulmonaria vasa accedere posse ad motum quasi spiralem, vi cujus quoque feliciter resolvuntur & atteruntur corpora, & attrita debite miscentur; quidquid sit tamen de hoc.

23. Conjectari liceat actionem inspirationis & expirationis non fieri tantummodo a motu muscutorum intercostalium, actione diaphragmatis & opere elastico vesicularum pulmonarium; verum etiam adjuvari a motu peristaltico vasorum reticulariter positorum circa pulmonares bronchiorum vesiculas; Enimvero autopsia constat, fibras omnes, & multo magis vasa quælibet ex fibris nerveis, muscularibus & membranosis elaborata peristaltico motu dotari; hujusmodi autem peristaltici motus artificio fibræ omnes post statum naturalis elongationis, intra sese contrahuntur & resipiscunt; quæ actio arteriis quoque & venis naturaliter accidit; & sane clarissimus Lyster (b) omnia prius edocuit, inquit enim: *Pulmonum vasa propter æqualem connexionem cum bronchiis extendi & ampliari & similiter abbreviari & constringi*. Deinde vasorum pulmonarium abbreviatio aliunde fieri potest; vasa enim pulmonaria modo ingrediente aere erecta sunt & extensa, postmodum egrediente aere inflexa & inclinata laxantur & decumbunt; Vasa itaque arteriosa pulmonaria cum venosis retis in modum efformata placeat primo observare juxta naturalem longitudinem, postmodum vero intra sese contracta & abbreviata, ut exigit naturalis actio motus peristaltici: Itaque supponatur arteria ODC, (a) quæ venæ CMO retis in modum unita sit in punctis connexionis O & C; sintque ambo vascula juxta ra-

(a) Fig. 4.

(a) Pag. 108. secundi Tom. de motu Animalium.

(b) Dissertatione de Humoribus pag. 20.

ea rationem naturalis altitudinis OD & CM; naturalis vero latitudinis DC & MO describantque simul unita quadrangulum rectangulum ODCM. Postmodum opere motus peristaltici reciproca actione vascula hæc contrahantur, & abbrevientur; ita ut rectangulum ODCM contrahatur in rectangulum EDCF minoris altitudinis; ut evidenter in motu lumbricorum hujusmodi actiones facile observamus; certum est, vesiculas pulmonares contentas in spatio rectanguli ODCM majoris altitudinis eo tempore, quo spatium hoc contrahitur, in spatium rectanguli EDCF minoris altitudinis non parum constringi, & contractis quoque latitudinalibus vasculis multum contrahi ac minui spatia rectangula, quare aer necessario per aperta bronchiorum foramina versus asperam arteriam educendus erit.

24. Supponatur modo alter casus abbreviationis & contractionis, nempe arteriam OCD, & venam DMO (a) fig. 5. (a) retis in modum inter se unitas in punctis connectionis O & D, mutatisque angulis deflecti & inclinari, ita ut eadem vascula describant rectangulum rhomboideum FCDB priori ODCM isoperimetrum, producatque recta FB. in E; manifestum est ex geometricis rectangula FCDB & EDCA cum sint sub eadem basi DC, & inter easdem parallelas DC, & EBF esse inter se æqualia; (b) sed rectangulum EDCA minus est rectangulo ODCM, eo quia sub æqualibus OM & DC latitudinibus rectangulum ODCM majoris est altitudinis, rectangulum vero EDCA minoris est altitudinis: ergo etiam rectangulum rhomboideum FCDB licet rectangulo ODCM isoperimetrum, minus erit rectangulo ODCM; quare etiam in hoc casu vasa reticulariter posita, quotiescunque a positione recta spatii rectanguli ODCM devenerint ad positionem inclinatam, aut inflexam sub spatio rectangulo FCDB, inscriptas, contentasque vesiculas pulmonares necessario compriment, aeremque contentum foras expellent; quamobrem ex his utroque modo facile licebit arguere vasa arteriosa & venosa pulmonum, figuram retis componentia, quotiescunque extiterint in statu naturalis elongationis dilatationi vesicularum contentarum, inspirationi videlicet aperte conferre; in statu vero contractionis aut inclinationis vasorum contractioni vesicularum seu expirationi facile auxilio futura esse; Quoties itaque in vasis pulmonaribus organico visorum vitio elastica actio, aut imminuta sit, aut ablata; tunc deficiente opportuno impetu contra objectas bronchiorum vesiculas expirationem quoque infirmari necessarium est; quapropter cum ob imminutam expirationem tota aeris quantitas nondum fuerit e bronchiis egressa, succedente postmodum inspiratione, minor aeris quantitas pulmonares vesiculas ingredi potest; unde defectu corporum opportune elasticorum minor motus agitationis, attritionis & mixtionis in particulis sanguinis, & iners motus in organis pulmonaribus naturalem & necessariam respirationem enervant; Colligendum itaque, bronchia motu inspirationis urgere vasa sanguifera, & reciproce vasa compressa sua vi elastica æqualem & proportionalem impetum in bronchiorum vesiculas restituere; ex his ulterius conjectari licebit, in extremitatibus & peripheria pulmonum sedem legitimæ pleuritidis ponendam esse, eo quia, cum in peripheria pulmonum minora, aut minima sint vascula, quorum momentum proportionaliter tenue est ac leve; si vitio inspirati aeris, aut feri defluxi e lymphaticis vasibus pulmonares vesiculæ ad majorem superficiem dilatentur; tunc cum sectiones minimarum arteriarum & venarum ea ratione stringantur, qua vesicularum sectiones magis extensæ fuerint; certe vesicularum dilatatio aliquando tam magna fieri poterit: ut minimæ illæ arteriæ ac venæ omnimode claudantur; idcirco impedito sanguinis circulo in extremitate ac peripheria pulmonum, ibi fiet radix futuræ inflammationis, *legitima videlicet Pleuritidis* origo & basis; Verum cum vasa majora pulmonum sectionibus majoribus donata quoque sint, majorique momento distendant, a vesiculis circumpositis quantuavis supra legem dilatatis, aut a præternaturali momento aeris, aut a copia feri defluxi non adeo stringentur, unde horum vasorum sectiones non graviter impediunt, quin sanguis convenienti libertate possit effluere; ceterum si gravi fato in majoribus

quoque canalibus massa sanguinis aut vitio feri, aut organi incipiat lentiori pede incedere, tunc graviori respiratione & angustia gravior quoque morbus emerget, quem *Peripneumoniam* poterimus nuncupare. Itaque pluries suspicatus sum, veram pleuritidem a peripneumonia ratione loci tantummodo differre, eo quia in legitima pleuritide in minoribus præcipue, minimisque pulmonarium canalium sectionibus sanguinis motus impediatur: in peripneumonia vero in majoribus quoque canalibus lentescat; ita tamen ut utriusque morbi sedes sit ipse pulmo; Ex his clarum est, quam facile transitus fieri possit a vera pleuritide ad peripneumoniam, eo quia quoties sanguis lentescere, aut impediri incipiat in extremis vasculorum finibus sive peripheria pulmonum, opus est, sanguinem ibi lentescentem adveniendi novo sanguini impedimentum esse allaturum, sicque communicato canalibus quoque majoribus ipso sanguinis impedimento parari quoque poterit facilis via ad peripneumoniam elaborandam; quare licebit suspicari, *Spuriam Pleuritidem* vere non in pulmone, sed extra pulmonem, in musculis videlicet respirationi inservientibus, aut intra musculos & pleuram ponendam esse, ut frequentes cadaverum sectiones palam ostendere visæ sunt.

25. An autem particulae aeris per bronchia excurrentes sanguinem ingrediantur, nondum adhuc a dimitantibus Anatomicis & Philosophis determinatum est; certum tamen est, aereas particulas sanguini adesse, ut evidenter imposito sanguine in machina Boyleana clare innotescit, ibique elaterium suum exercet; hæc fortasse cum fuerint chylo commixtæ, facile in sanguinem traductæ fuerunt; Malpigijs tamen licet ingressui aeris in pulmones assentiri videatur; nihilominus non aerem absolute, sed probabilius putat, *quid latitans in aere & aqua etiam summe mobile & æstivum separari, quod fortasse luminis naturam sapit; ex urina enim, quæ est portio sanguinis luminosum corpus coruscans, famamque concipiens extrahitur, ut patet in Phosphoro Nobilissimi Boylei. Oper. Posth. pag. 16.* Sed hæc mira non sunt; ante enim Malpigijs non ab aere & aqua tantum luminis particulas educi creditum est; verum celeberrimus Pater Grimaldus Societatis Jesu semper laudandus *prop. 47. n. 1. de Luce & Lumine*, in putrido ligno, noctiluca & vermibus mirandam vim ad producendum lumen esse docuit; inquit enim; *Gratis & immerito suspicaretur aliquis, quod modicus ignis, aut lignum putridum & noctiluca, aliudve simile animalculum, non habeat facultatem gignendi in se lumen, illudve ad multorum milliarium distantiam ejaculandi tanto impetu, ut citissime ac per lineas semper rectas procedat, tum directe, tum reflexe, tum denique refracte.* Clarissimus quoque Vallisnerius tot meritis ubique celeberrimus, tum in Italia, cum in Indiis aliquas cicindelas mihi indicare dignatus est, (a) quæ multum luminis ejaculantur; quare tanti præceptoris testimonio fretus facile credidi, quæ tam celeberrimi viri antea docuerunt. Sed relictis his, licet intento nostro opportunis, redeo ad Malpigijs, qui in noctiluca observationibus Anglicanæ societati traditis, notat concavitatem binis ultimis incisuris noctiluca excitatam, succo quodam repleti, qui fons est luminis; *Malpigijs in Oper. Posth. pag. 85.* Quamobrem ex his non mirabor, ab aere etiam & aqua sanguinis animati animalis, pulmonum opere, separari quoque luminosa corpuscula & per pulmones in massam sanguinis ejaculari, ibique hanc intestinis moribus agitari; etenim cum luminose particulae mobilissimæ ac tenuissimæ sint, vesicularum pulmonarium foraminula subire facile possunt, & in tangentia venarum & arteriarum vascula eadem lege penetrationis introire; verum ingressæ citissimo motu objecta fluidorum corpora valide urgent, totumque sanguinem intestina ac multiplici agitatione succutunt; ex his fortasse luminosis corporibus sanguinem ingressis, parum, aut minimum refractis alte rubescit in pulmonibus sanguis, quam ruboris indolem nitro aereo fortasse minus recte clarissimus Mayovius adscripserat; Scio quidem in chymicis salia volatilia, si cum sulfureis spiritibus opportuna mixtione digerantur, tincturam quoque rubicundam induere; quæ præcipue in sanguine pulmonari ex similium corporum debita mixtione

nione potest contingere; nihilominus cum hujusmodi phenomena, quæ ad colores spectant, luminosis corporibus præcipue debeantur; propterea in hac re pro particulis luminis ab aere separatis per pulmones, & in sanguinem ingressis Malpighii sententiæ facile assentire; Hinc suspicandum est, in cœnoso aere & impuro sanguine minus lucis, minusque particularum luminis adesse, quarum vi particulæ sanguinis & lymphæ minus agitatæ coguntur imminuta agitatione, attritione & mixtione lentescere; Hinc inflammationes, hydrops pectoris, aut læsio respirationis paulatim accedunt; quidquid sit tamen de ingressu aeris in pulmones, certum est, a vitiat, aut pestilenti aere brevi tempore sanguinem vitium trahere, innumeram timendum morborum familiam allaturum; quin imo non tenuis malorum numerus ab aere quoque nimis elastico, aut nimis compresso fortitur. Enim vero si forte contingat pulmonares vesiculas multatatas esse materia quadam e glandulis tracheæ decidua, in bronchiis lentescere; ut in asthmate humido; aut spasmodice contractas esse in minores areas; ut in asthmate sicco; tunc debita quantitas aeris a dilatatione naturali thoracis impulsæ in pulmones, cum non tota placide contineri, aut libere vagari possit intra pulmonares vesiculas, fas est, eam quantitatem aeris in tropulsam densiorem fieri, nimisque compressam detineri in vesiculis; velut in statu violento; ibi autem cum densitates sint elasticitatibus quamproxime in ratione homologa, cumque vis elastica compressi aeris otiosa diu permanere non possit, validiori nisu, quam par est, urgebit & vim faciet contra vasa circumjacentia, vicus canalium sectiones imminutæ fient; unde libertate sanguinis circulantis aut impedita, aut imminuta, factoque motu sanguinis asymmetro, laboriosa & gravis succedet respiratio, & pericula inflammationis & suffocationis aliquando minabuntur.

26. Verum non istæ tantummodo sunt asthmatum & morborum pulmonarium causæ, faciliores fortasse & sæviores occurrunt; siquidem si feri particulæ a lymphaticis, aut e tracheæ glandulis in pulmonares vesiculas decumbant, ibique adeo colligantur, ut spatia illa glandularum impleantur, ab aeris particulis occupanda: proculdubio enorme pondus in pulmonibus emerget. Ut autem hæc magis manifesta fiant, necessarium putavimus pondera aeris & feri quamproxime indagare; cum autem pondus feri facilius haberi possit, si cum pondere aquæ communis comparari curaverimus, propterea ut intento nostro probabilior & proximior succedat eventus, nonnullas analogias præmittendas necessarium credimus inter serum & aquam communem diversi generis & regionis, ut determinatum feri pondus colligere facilius possimus. Itaque notandum, est, celeberrimum Jacobum Hermannum *lib. 2. prop. 171. Phoron*, ex supputationibus magni Jacobi Bernollii facile demonstrare, gravitatem aeris ad gravitatem aquæ fuisse in ratione 1. ad 800. Celeberrimus autem Taylor Anglus *pag. mihi 104. Methodo incrementorum directa & inversa* exposuit experimentum a clarissimo Haukesbejo factum, ostendens aeris densitatem medietatem ad densitatem aquæ esse proxime, ut 1. ad 820. cum autem densitates corporum sint ponderibus eorundem proportionales; idcirco pondus quoque mediocre aeris ad pondus aquæ communis Anglicæ erit ut 1. ad 820. proxime. Ita Archibaldus Pitcairnius Scotus, *pag. 189. de fluxu menstruo*, expertus est, gravitatem aeris ad gravitatem aquæ Scotticæ esse circiter ut 1. ad 1000. pariter nobilissima Academia Florentina *Experimento 255*, observavit, pondus aeris ad pondus aquæ communis fuisse in ratione 1. ad 1179. proxime. Uterius acutissimus Pater Franciscus Lana *in suo Prodomo pagina mihi 53*, experimentis accuratissime institutis expertus est, pondus aeris nostri Brixiani datum vas repleniis esse ad pondus particularum aquæ Brixianæ idem vas replentis quamproxime ut 1. ad 640. Hisce itaque præmissis placeat supponere, quod a Philosophis ac Medicis pro vero habitum est; serum nempe sanguinis præcise & secundum se & naturali in statu consideratum, nil aliud esse, quam ipsamet aqua communis; ut prima quoque Dissertatione numero 2. indicatum est. Omnes siquidem aqua communi vescimur & nutrimur; quare serum sanguinis secundum se erit aquæ communi quamproxime proportio-

nale; quapropter colligi potest, aquam unius loci sub eodem volumine esse quamproxime ad aquam alterius loci sub eodem volumine: ut homologue est serum sanguinis alicujus hominis in primo loco sub eodem volumine ad serum alterius hominis in secundo loco quamproxime & sub eodem volumine; & permutando erit aqua unius loci ad serum sanguinis unius hominis in hoc loco & sub eodem volumine, ut aqua communis alterius loci ad serum sanguinis alterius hominis in hoc altero loco quamproxime; quare juxta nostrum propositum erit pondus aquæ communis Brixianæ sub eodem volumine ad pondus feri nostri sanguinis naturaliter se habentis, ut quamproxime est pondus aquæ communis Anglicæ ad pondus feri Anglici sanguinis humani; sed pondus aquæ nostræ communis est ad serum sanguinis nostri (per numerum 16.) in ratione granorum 1749. ad 1803. proxime; ergo etiam homologue pondus aquæ Anglicæ granorum 820. erit ad pondus feri Anglici sub eodem volumine, ut 820. ad 845, $\frac{555}{1749}$ proxime; quare fiet analogismus ut 1749. 1803: 820. 845 $\frac{555}{1749}$ Veritas autem hujus analogismi innotescit quoque usu logarithmorum; facta siquidem summa logarithmorum respondentium secundo & tertio numero proportionali & ab hac subtracto logarithmo primi numeri absoluti emerget logarithmus 2. 9271197. quamproxime indicans, quantum numerum proportionalem quæsitum esse 845 $\frac{555}{1749}$; Sed pondus aeris per experimentum relatum a celeberrimo Taylor ad pondus aquæ Anglicæ est ut 1 ad 820; ergo etiam pondus aeris ad pondus feri sub eodem volumine cum aqua Anglicana erit proxime ut 1 ad 845 $\frac{555}{1749}$.

Pariter cum pondus aquæ nostræ ad pondus feri nostri sub eodem volumine sit granorum 1749 ad grana 1803 proxime erit pondus aquæ Scotticæ granorum 1000. ad pondus feri sanguinei Scotici sub eodem volumine, ut grana 1000 ad grana 1030, $\frac{702}{1749}$ proxime; sed pondus aeris ad pondus aquæ Scotticæ est per Archibaldum Pitcairnum ut 1 ad 1000; quare erit quoque pondus aeris ad pondus feri sanguinei Scotici, ut 1 ad 1030 $\frac{1530}{1749}$ proxime.

Ita rursus cum pondus aquæ nostræ ad pondus feri nostri sub eodem volumine sit granorum 1749. ad grana 1803. pondus quoque aquæ Florentinæ granorum 1179 erit ad pondus feri sanguinis Florentini sub eodem volumine, ut grana 1179 ad grana 1215, $\frac{702}{1749}$ sed pondus aeris Florentini (per experimentum 255 Academiæ Florentinæ) ad pondus aquæ Florentinæ est proxime ut 1 ad 1179 ergo etiam pondus aeris ad pondus feri sanguinei Florentini erit proxime ut 1 ad 1215 $\frac{702}{1749}$.

Denique cum pondus aquæ nostræ ad pondus feri sub eodem volumine sit proxime granorum 1749. ad grana 1803; pondus quoque granorum aquæ nostræ communis Brixianæ 640, erit ad pondus feri Brixiani sub eodem volumine, ut 640 ad pondus granorum 659 $\frac{1329}{1749}$ proxime; sed pondus aeris ad pondus aquæ nostræ communis est ex Patre Lana in ratione 1 ad 640 proxime; ergo etiam pondus aeris ad pondus feri nostri sanguinis sub eodem volumine cum aqua nostra communi erit proxime, ut 1 ad 659 $\frac{1329}{1749}$; quare fiet ultimus analogismus sic, ut 1749. 1803 :: 640 . 659 $\frac{1329}{1749}$; hæc autem quarta proportionalis innotescet quoque usu logarithmorum; etenim juxta horum regulas operando emerget logarithmus 2. 8192850 proxime indicans quantum numerum proportionalem quæsitum esse 659 $\frac{1329}{1749}$.

Hisce itaque repertis accedimus rationabiliter conjecturis; enim vero si una vesicula pulmonaris contineat naturaliter particulas aeris, cujus pondus se habeat ut unum; si postea hæc eadem vesicula aqueis particulis repleatur, necessario pondus aquearum particularum erit proxime in ratione 640. ad 1; cum autem serum sanguinis gravior sit aqua communi sub eodem volumine in ratione probabiliter proxima granorum 1803 ad 1849, per regulas proportionum quo-

quoque manifestum jam est, gravitatem feri sanguinei in eandem vesiculam defluxi e glandulis tracheæ, & in eadem vesicula contenti fore proxime in ratione 659 ¹⁷⁴⁹ : Quamobrem palam est, quam facile pulmo vitari possit, & in immensum alte gravari, quotiescunque non una tantum, sed plures vesiculæ pulmonares loco aeris, cui expediendo destinantur, feri particulis repleantur; Hinc constar, quam grave onus ferre debeant pulmones, quoties serosis humoribus saginantur; quamobrem fas est oriri necessario altam respirationem magnumque anhelitum fieri, & animal molestissima anxietate, ac stertore cruciari cum periculo suffocationis, aut saltem facillimæ dispositionis ad pulmonum hydropem elaborandum; quæ omnia passim contingere possent, nisi natura continuata expiratione & assiduo excreatus opère a fluenti humorum sarcina paulatim liberaretur.

DISSERTATIO III.

De motu sanguinis per universum Corpus cum Mechanicis morborum causis.

Pulmonum morbis brevi stylo exaratis instituti nostri ordo exigit, reliquorum morborum familiam quærere, horumque causas eadem mechanica, brevique methodo, quantum rationales conjecturæ ferunt, invenire; sanguis itaque tum ascendens, cum descendens impulsui cordis motum deber; & quoties natura languente cor non otium fecerit, conatur impulsus sanguis ima & summa naturæ loca rimari: verum quia sapissime fluidum hoc expulsa innocentia vitium trahit, propterea & naturalis hujus fluidi motus gravi naturæ incommodo sequitur sanguinis culpam, & ambo funesto morborum numero animal dirunt; quæ omnia ut quæram, superius conjectura nos docuit num. 15. : momentum sinistri ventriculi multo majus esse momento dextri; cum enim a ventriculo sinistro sanguis per universam animalis machinam supra & infra eodem tempore projici debeat, certe ventriculus sinister tantis momentorum gradibus donandus fuerat, utpote majoribus & robustioribus fibris munitus tanto oneri opportunis. Itaque a ventriculo sinistro ejaculatus sanguis arteriam magnam ingreditur, quæ observantibus Anatomicis ad quatuor circiter digitos indivisa totum sanguinem quantitate & impetu amplectitur. In hujusmodi arteriæ magnæ principio animadvertit Clarissimus Bellinus amplitudinem arteriæ, quæ cordi affigitur, minorem esse amplitudine maxima sinistri ventriculi; sanguis idcirco a ventriculo expulsum cum non totus intra capacitatem arteriæ cordi affixam per quatuor circiter digitos contineri possit, incipit urgere arteriæ latera, quæ extrorsum quaquaversus dilatata inchoant motum pulsationis arteriarum; in hoc arteriæ magnæ principio hujusmodi sectionem circularem inquirendi necessitas postulat, quantitatem sanguinis dato tempore transeuntis, quantum possibile est, investigare. Itaque licet sectiones arteriarum variæ ac diversæ sint juxta varias hominum moles, ætates ac figuras; nihilominus ex mediocri hominum altitudine pluries observata collegi, arteriam magnam prope basin, & per quatuor ultra digitos, ut plurimum huic diametro A B accedere (a); Methodo autem lineæ circini proportionum divisa est linea diametri A B in 25. partes æquales; quare ex data diametro facile ex Geometricis reperire datum erit sectionem circularem arteriæ ejusdem; sit enim diameter A B circuli quæsti partium 25 $\text{---} b$, eritque quadratum diametri $\text{---} b b$ partium 625; area itaque quæsitæ supponatur $\text{---} y$; Hisce suppositis cum ratio quadrati ad circulum inscriptum sit proxime ex Archimede, ut 14 ad 11, fiatque 14 $\text{---} c$; 11 vero $\text{---} e$; erit ergo Analogismus ut c. e :: b b. y; quare ex Geometricis erit æquatio c y $\text{---} b b e$, & dividendo æquationem

per c, erit y $\text{---} \frac{bbe}{c}$; cum autem quadratum b b sit $\text{---} 625$ & c sit $\text{---} 11$, erit productum b b e $\text{---} 6875$, quod divisum per c $\text{---} 14$, erit $\frac{bbe}{c} \text{---} 491 \frac{1}{14}$, seu juxta methodum decimalium $\text{---} 490.625$. pro valore quæsitæ quantitatis y; quare sectio circularis A B E F, seu area quæsitæ arteriæ magnæ prope basin, cujus diameter est A B divisa in 25 partes, erit partium decimalium 490, 625. $\text{---} y$; Sic facto quadrato diametri M N (b) Arteriæ magnæ descendenti in sexdecim partes divise superioribus æquales, erit hoc partium 256; unde reperietur area circularis M O N P arteriæ magnæ descendenti fore partium 200, 960 proxime: eadem methodo facto quadrato diametri Q R (c) arteriæ magnæ ascendenti in 12 partes divise erit hoc partium 144, quare fiet area circularis Q S R V arteriæ magnæ ascendenti partium 113, 040 proxime.

28. Ex his sectionibus ascendenti & descendenti arteriæ magnæ aperte constar, quanta futura sit sanguinis quantitas per singulas sectiones transiens quacunque systole; cum enim a vi impetus sinistri cordis sinus impellatur ut plurimum sanguinis uncia, nempe grana sanguinis 480 (juxta Vecherz mensuras); ut cordatiores judicant Anatomici; cumque ratio sectionis circularis ascendenti arteriæ ad sectionem circularem descendenti, sit ut 113. 040. ad 200. 960. juxta decimales, seu ut 12 ad 21 $\frac{1}{3}$ proxime; proculdubio juxta hanc rationem divisa quantitas sanguinis granorum 480, ibunt naturali lege & remotis impedimentis, grana sanguinis 174 $\frac{18}{33}$ per sectionem ascendenti; & grana sanguinis 305 $\frac{15}{33}$ ibunt per sectionem descendenti arteriæ magnæ. Reperta autem sectione arteriæ magnæ juxta rationem datæ diametri, animadvertendum est, hujusmodi sectionis peripheriam non statim conice stringi, sed per quatuor digitos productam usque ad divisionem arteriæ nullam parere sanguini transeunti resistantiam; hoc autem summo consilio a natura factum videtur, ne per primum illud arteriæ magnæ spatium facta sanguini resistantia, retropulsus sanguis impedimento esset successuro & motui libero sinistræ auriculæ. Cæterum hoc vitium facile accideret, si aut callo, aut tuberculo, aut polypo vestiretur arteriæ principium, inæquales & inordinatas pulsationes pariturum, gravi vitio ordinatæ circulationis.

29. Modo secuturi motum sanguinis per aortam descendente conjectamur, grana sanguinis 305 $\frac{15}{33}$ nempe drachmas quinque proxime, singula pulsatione inferius vibrari; sanguis autem, utpotè grave corpus inferius descendendo variis motibus agitur in arteria; quamobrem acturus de morbis supra & infra cor, ibi universaliter permittendum est, experimentis notum esse, eodem & æquali tempore pulsum vibrari in dextro carpo manu inferius demissa, ac in sinistro manu elevata; eodemque tempore vibrationem pulsus in utroque demisso carpo sentiri, ac in arteriis temporum, & in arteria cæliaca; quare ex chirurgicis observationibus manifestum est, eo & æquali tempore, quo cordis systoles vibrat quantitatem sanguinis, ambas cerebri meninges pulsationes suas edere cordis pulsationibus isochronas; quare ex his Celeberrimus Bellinus in suo tractatu de pulsibus pag. mihi 50. animadvertit, impetum per omnes arterias sanguini imprimi eo puncto temporis, quo cor constringitur: Præterea certum est, ut num. quoque xi. innuimus, ramos majores arteriarum dividi in minores, & minores in minimos, & consequenter sanguinem a majoribus ramis fluere in minores, & a minoribus in minimas ramificationes; cum autem in vasculis toties divisus decrescant semper vasorum circumferentia, proportionaliter quoque augebuntur sanguini resistantiæ, & sic majora fient decrementa velocitatum sanguinis; idcirco ac ultimas minimarum arteriarum rami.

(a) fig. 6.
& 7.

(b) fig. 8.

(c) fig. 9.

Amificationes delatus cum continuo & successivo decremento velocitatum, tandem aliquando deveniet ad motum quasi minimum: sic flumina quantumvis velocissima in plures, pluresque ramos divisa acquirunt singulis canalium divisionibus proportionalia semper decrementa velocitatum; inde experimur, sanguinem e capillaribus, minimisque canalibus carniū incisarum tali lentō pede, quantumvis continuo, effluere, ut guttatim exsillet. Id vero præ aliis adversus celeberrimum Jacobum Jurium Societatis Regiæ Londinensis Secretarium demonstravit accuratissime Michelottus (a): Cæterum hanc rem legi quoque firmatam a doctissimo Bernardino Zendrino in celebri tractatu *de China rhina* referente, proportionem motus sanguinis a corde expulsi per magnam arteriam ad motum sanguinis in capillaribus vasculis observatam fuisse a clarissimo Jacobo Kiellio in ratione 1000, 000, 000, 000, 000, 000, 000, 000, 000, 000, 000, 000, 000, 000, 000, 000 ad unitatem; quamvis hujusmodi proportio præcise definiri non possit, ut pluries animadvertit laudatus Michelottus *de Separatione fluidorum* &c.

30. Itaque arteria descendens plures ramos intercostales primo distribuit, qui per costarum musculos effusi morbos pariunt vitio respirationis; sic sanguis in arteriosis canalibus, aut ultro lentescens, aut aliquando stagnans, nec a venis facile exceptus, quantum pat est, dolores laterum facile parat; sic musculi intercostales a fixato aut lentescente sanguine obruti ægre elevanti costas & deprimunt; sic diaphragma particeps vitii motus costarum parum & ipse deprimatur & elevatur respiratione aut ablata, aut imminuta. Infra intercostales musculos phrenica arteria per totum diaphragmatis spatium excurrit arteriosum sanguinem diaphragmati donatura; proculdubio si sanguis aut nimio motu, aut densitate peccaverit, tunc diaphragmatis planum obruitur parta inflammatione; sic si nimia sanguinis copia, aut lentescens sanguis diaphragma inundet, tunc muscularia spatiola implentur, & circumferentia diaphragmatis contracta ad centrum accedere cogitur. Diaphragma autem costis alligatum costas itidem trahit ad centrum diaphragmatis, ibique arcte retinet; sic costis non libere elevatis, nec expansis pulmonibus, & aere minori quantitate in ipsos ingrediente fit inspiratio imminuta, & expiratio nimium languida; præterquam quod diaphragmatis planum plus justo ponderosum, magisque iners ad motum, nec ascendenti chylo viam & manum affert, nec pulmonibus libertatem: aliquando convulsis, contractisque nervis diaphragma excurrentibus stringuntur arteriarum sectiones impedita fluenti sanguinis libertate; musculares itidem fibræ eadem lege convulsæ manent contractæ, & nullo motu peristaltico serpentes sanguinem in otio tenent, ne ulterius in venas feratur; ex his exposita jam incommoda magis succrescunt, & concursu nervorum cerebri quoque opera diruuntur.

31. Infra diaphragma excurrit arteria cœliaca, cujus dexter ramus tribuit ventriculo gastricam dextram & omento epiploicam, pancreati dat pancreaticam, duodeno duodenam, cysticam felleæ vesicæ, & hepaticam hepati elargitur arteriam; sinister vero ramus gastricam minorem parit, quæ per mediam ventriculi regionem effusa partitur, & coronariam stomachicam superiori ventriculi orificio donat, cingitque coronæ ad instar; & gastricam sinistram, quæ deorsum ad ventriculi superiora & ad pylorum transfertur; sinister quoque cœliacæ ramus emittit gastro-epiploicam, quæ superiore omento suffulta & omento, & sinistro fundi ventriculi lateri ramos tradit; Ulterius quosdam ramos pancreati, & lienī multos elargitur; ex tot autem arteriæ cœliacæ ramis ad tot viscera decurrentibus, manifestum est, horum viscerum labes & vitia facile invicem convenire; etenim si massa sanguinis sylvestri sale gravida vitium fecerit, ea portio, quæ per gastricas arterias & per gastro-epiploicam fluit, regionem ventriculi madefactura stomachi membranas punget

acerrime; sic acriter contractæ vomitum, aliquando singultum, aliquando stomachi dolores, languores, anxietates & lypirias febres ventriculo inflammato parient; quin imo contractis stomachi fibris contrahuntur quoque arteriæ, & spatia arteriarum fient minora; sanguis propterea succedens cum resistentias majores reperiatur, incipit lentescere; cogitque venturum sanguinem per alios vicinos, magisque apertos canales majori quantitate inferius effluere; sic cum arteriæ epiploica, & gastro-epiploica ramos quoque omento donent, fluet sanguis per inferiores omenti ramos, plusquam decet, ea videlicet ratione, ut tantum motus & quantitatis tribuatur vasculis omenti, quantum motus & quantitatis a ventriculi arteriis detrahatur; sicque vitio opportune & proportionalis distributionis massæ sanguinæ, tumefactæ magis omenti arteriæ abdomen quodammodo elevant, ut in hypochondriacis sæpissime experimur; sensibiles propterea fient arteriarum pulsationes in abdomine; eo quia cum ex angustia contractorum vasorum stomachi necesse sit sanguinem majori copia per alios vicinos canales, qui canalibus stomachi correspondent, viam querere; ab augmento quantitatis sanguinis augetur quoque ejusdem velocitas; sic cum a quantitate majori sanguinis dilatentur magis arteriæ, & ab augmento velocitatis celerius distrahantur extrorsum arteriarum latera, opus est ab utraque causa arterias in hypochondriacis affectionibus sensibili magis motu pulsare; quare non semper in hypochondriacis accusanda est nervorum convulsio, non semper flatuum contentorum impetus. Dexter autem cœliacæ ramus cum pancreati, duodeno, & vesicæ felleæ vasa ferat, jungit quoque communione vasorum & pancreatis & duodeni & vesicæ felleæ morbos & vitia; quoties enim sanguis impurus fuerit, pancreatis glandulas deposita fece facile obstruit, eademque lege arteriarum communicantium impeditis cystis felleæ vesiculis, aut non æque separant adustum sulfur, aut separatum languescit iners ac vapidum, quod per choledochum ductum in duodenum delatum inepte in officio est chylo depurando; si forte a succis præterfluentibus irritato duodeno convulsa crispentur duodeni latera, arteriæ duodenum vestientes angustiores fiunt, mutantur arteriarum directiones, & obliquitate facta transeunti sanguini moram ferunt; cogitur idcirco succedens sanguis retardato motu alio declinare, & pancreaticam & cysticam arteriam motu & copia inundare; pancreatica idcirco & cystica majorem sanguinis quantitatem excipientes, quam par est, temporibus æqualibus, & majores pancreati sales, & vesicæ felleæ adusta & acria sulfura largius donant, ambæ supra visceribus incommodum paraturæ: Hujusmodi incommoda sibi parat superius ventriculi orificium, quoties arteria coronaria convulsis nervorum fistulis, quæ per os ventriculi superius repunt, suo in officio otietur, ne sanguinem libero pede ducat.

32. Postmodum magno in officio effusæ serpunt per mesenterium meseraica arteria superior, quæ omnia intestina tenuia, & meseraica inferior, quæ crassa undequaque circumligant; verum quia motum sanguinis per hæc vasa sæpe sæpius a contento flatuum impetu vitari facile est, non erit fortasse ineptum hac data loci opportunitate circa flatuum vires conjecturas indicare, a quibus & intestina, & vasa intestinalia pati sæpe sæpius contingit. Itaque cum flatuum materia nil aliud esse videatur, quam aggeries particularum aeris, quibus salinæ sulfureæ & aquæ ciborum solutorum particularæ associatæ sunt, rationabiliter suspicari licet, ex natura aeris flatuum quoque indolem ac vires simili lege nos assequi posse; idcirco numerabo flatus inter fluida difformiter gravia, quorum vitibus tria præcipue conspirare visa sunt, *densitas nempe particularum, eandem vis elastica, & calor agens*; Itaque cum densitates aeris sint elasticitatibus quamproxime proportionales, flatuum quoque densitates elasticitatibus suis quamproxime proportionales habendæ erunt; quapropter cum flatuum particula aliquando densiores sint, aliquando rariores; quoties flatuum

(a) De separatione fluidorum pag. 101, 102.

flatuum materies densior fiet, tunc horum vis elastica major erit; minor vero, quoties flatuum materies minorem densitatem exceperit, notum jam est, flatus in intestinis familiari & consueto cursu sursum, deorsumque decurrere, ut libere aut supra, aut infra exire possint; neque intestinalis familia pati solet nisi violenta reactione horum itus, reditusque impediatur; sæpissime autem accidit, aut a contracto nimis ani sphinctere, aut ab induratis in recto fæcibus, aut a coli valvula nimis tensa una cum pyloro alte contracto flatus non ea libertate ferri posse, ut per superiora, aut per inferiora egrediantur, quo casu intestina pati acerrime opus est. Enimvero si quantitas flatuum claudatur infra coli valvulam intra intestinum rectum, induratae vero fæces, aut spasmodica contractio sphincteris ani, horum egressus impediunt; tunc cum coli valvula introitum donet versus rectum, regressum vero impediat, opus est, flatus contentos varios densitatis gradus esse acquisituros, juxta quos, cum horum vis elastica sit quamproxime proportionalis, necesse est flatuum vires ea ratione contra objectos intestinorum parietes elastice arietare debuisse, quam gradus densitatis postulaverint; cum autem isti gradus densitatis aliquando summi esse possint, summa quoque vis elastica flatuum futura erit damno summo intestinorum. Præter densitatem urget vim elasticam circumjacentium viscerum calor, vi cujus flatuum particulae rarefactæ majus spatium quærere coactæ sunt; enimvero cum calor (a) sit ut impressiones particularum corporis calidi in quopiam objecto corpore calorem excipiente, hujusmodi autem impressiones sint in ratione composita ex duplicata celeritatum particularum calidarum, & simpla densitatum earundem; proculdubio colligi potest, quantum extendi & rarefieri proportionaliter debeant flatulentæ materiæ, quotiescunque præter actionem naturalis elasticitatis, gradibus densitatis homologam, a calore viscerum, aut alterius generis ultro urgentur; videlicet in ratione composita ex ratione elasticitatis flatuum restrictorum & densitatis corporis calidi ambientis, & quadrati velocitatis particularum ejusdem; quare si flatuum restrictorum elasticitas acquisitæ densitati homologa supponatur $\frac{1}{2}$ e; corporis vero calidi ambientis densitas $\frac{1}{2}$ d; velocitas vero particularum corporis calidi $\frac{1}{2}$ u; erit caloris actio seu momentum a calore circumjacentium viscerum, aut alterius generis excitatum contra flatum tali ratione restrictos, ut $e \dagger d \dagger u u$; Juxta quam rationem rarefieri flatulenta corpuscula valde conantur, ingens magnumque spatium occupatura. Quæ hucusque dicta sunt de vi & momento flatuum contentorum, & restrictorum in recto intestino infra coli valvulam, simili ratione de flatibus contentis, & restrictis in reliquis superioribus tenuibus intestinis, aut pressione, aut convulsione spasmodice contractis philosophandum erit: sæpissime etiam in intestinis separantur a glandulis intestinalibus fluida quædam, aut aliunde effluunt hinc inde succi e choledochu ductu, aut pancreatio, qui cum particulis aeris intime commixtis tractu temporis in rugis, aut intestinorum cellulis densiores fiunt, viscosi, glutinosi, aut austeri; quapropter latentes aeris particulae intus inclusæ, & violenter compressæ taliter agunt, ut ab extraneo viscerum calore tandem aliquando dissoluta horum succorum viscidorum compage, collectæ intus aeris particulae elaterium suum alte exercent; & ad majus & grande spatium rarefacta & ejaculata succorum elementa, quibus miscentur, violente in intestinorum membranas arietent, & salinis particulis, quibus uniuntur acerrime, altis lincinationibus urgeant: sic summi nominis fama Leibniti rationem explicuit, ut refert Michelottus pag. 44. *de separat. fluid. cur aqua frigore in gelu conversa tormentum bellicum, in quo continetur, divellat, & impetuose diffingat, id enim ita fieri existimavit, aqua fluiditate per frigus ablata particulae aeris compressi latentes inter aque partes uniuntur, grandioresque evadunt, ideoque magis idoneæ sunt ad agendum in latera tor-*

Sydenham opera Medica.

menti bellici. Intestina itaque tanto nisu impulsæ & salibus acutis vulnerata spasmos, tormina, & dolores parturiunt. Hinc sæpe a flatibus singultus, colicæ affectiones, & inverso intestinorum motu enormi cum vomitu volvulus aliquando succedunt; fere semper ab alto flatuum elaterio extensæ fiunt intestinorum membranae, & abdomine elevato tota quantitas abdominis regio tympani in modum, & resonat & intumescit. Deinde sæpe contingere potest, flatulentas particulas majus spatium adepturas vasorum lacteorum oscula versus cavitatem intestinorum jam aperta violentissimo motu ingredi, & per tenuissima hujusmodi vascula elastico nisu excurrentes hæc gravi ruptura divellere, inde effuso sero incurabilis hydrops a flatu absque ullo aut acris, aut copiosæ lymphæ vitio continget. Ulterius ex his impedito diaphragmatis motu angitur animal difficili respiratione. Verum majora aliquando damna parturiunt flatus, quoties contractis in spasmos, aut nimium extensis intestinorum membranis, vasa meseraica quæcunque per tenuia & crassa intestina ubique vagantia arcte contrahuntur, fiuntque aut impeditæ, aut imminutæ sectionis. Sanguis enim fluxurus motu suo impeditur, ne libere circumbeat; stagnat idcirco intra contractos intestinorum parietes cum acri intestinorum inflammatione; præter hæc sanguis stagnans, aut lentescens impedimento est sanguini successuro; sic arteriæ meseraicæ impedito, aut lentescente sanguine turgidæ pulsant enormiter viam sibi paraturæ, & aliquando cum mesenterii inflammatione interni abscessus erumpunt; sic in affectionibus hypochondriacis alte grassantibus cum gravi intestinorum borborygmo non levis timor est, quin hujusmodi mala aliquando succedant; deinde ob hujusmodi solidorum ac fluidorum vitia peristalticus intestinorum motus, aut lentus fit, aut nullus; nullæ propterea a glandulis intestinorum; nullæ, aut paucæ extra intestina promoventur fæces; & otiantibus intestinis succi hepatici & pancreatici naturæ damno languescunt.

33. Harum arteriarum meseraicarum opere utiles particulae ab inutilibus pedetentim separantur a sanguine mechanica glandularum intestinalium structura, in quas arteriæ ipsæ desinunt; separationis autem artificio succurrit præcipue peristalticus intestinorum motus; unde postmodum fæculentæ particulae in unam massam collectæ naturæ commodo foras ejiciuntur. Naturæ artificium observanti liceat conjectari, intestinorum figuram cylindricam esse, aut ad cylindricam accedere, & meseraicas arterias; ita & socias venas esse cylindro intestinali circumscriptas, & circum intestina ipsa describere arcus aut circulorum segmenta. Quoties itaque in motu peristaltico intestinales annuli versus axem minoris sectionis fiunt, arcus seu segmenta circumscriptarum arteriarum sibi invicem accedunt, & curvitas segmentorum necessario major fit & elevatur; e contra in eodem peristaltico motu, quoties extenduntur intestinales annuli recedendo ab axe, proportionaliter recedunt a se invicem, etiam arcus, seu segmenta arteriarum, & curvitas eorundem minor fit; & homologa ratione deprimitur. In hoc autem motu arteriarum intestinalium transeuntium a majori curvitate ad minorem, elementa sanguinis in fistulis arteriosis contenta, & per has continuo permeantia, continuo quoque motu succutiuntur, & quassantur valide; rumpuntur propterea eorum nexus inter se, solutisque particulis, aut ad solutionem magis, magisque dispositis facilius per glandularum intestinalium foraminula foras erumpere datum est, ut in intestinalem cavitatem liberius continuo delabantur. Separatæ fæces a vi & a momento peristaltici motus promoventur ulterius versus rectum intestinum, ut inde a corpore tanquam caput mortuum paulatim eliminentur; cæterum si ab angulorum salibus irritata intestina convulsa torqueantur, non solum intestinorum sectio minuitur, verum etiam arteriæ, & venæ intestina vestientes crispantur. Ab hac autem vasorum crispatura affertur sanguini fluenti resistentia, fiuntque elementa sanguinis magis unita ac densa, propterea ad motum necessarium minus apta; mo-

Ff tuque

(a) Prop. 85. Herman. Phoron.

tuque ulterius retardato fibrarum intestinalium inflammatio supervenit, peristaltico motu inferiora versus aut enervato, aut deperdito; fæces idcirco & contenta cibaria cum inferius ferri non possint, aut ægre ferri debeant; coguntur sursum ascendere, & molesto, frequentique vomitu volvulum parant; etenim cum intestina cylindri in modum elaborata sint, quoties una pars inflammari incipit, pars hæc inflammata, aut omnino constringitur, aut saltem minoris fit sectionis; quare cum cylindri intestinalis superior portio, inflammationis expers, latior adhuc remaneat, inferior vero ob inflammationem strictior & angustior reddita sit; sectio ista intestinalis cylindrica ad quasi conicam sectionem accedet; descendentes itaque materiae, quæ in spatio cylindrico prius continebantur, cum in spatio quasi conico contineri non possint, retro pulsæ coguntur ascendere, ubi spatium majus sectionis superioris latius est, ut infelici motu superiora versus expellantur. Ibi autem agendo de motu peristaltico intestinorum prætereundum non est, probabile judicari posse, separationes fluidorum e glandulis intestinalibus fore facile in ratione composita ex rationibus densitatum liquorum, & orificiorum, e quibus effluunt, & numero motuum seu (liceat dicere) oscillationum fibrarum elasticarum, a quibus naturaliter peristalticus motus continuo exercetur. Quamobrem, si aut a catharticis medicamentis, aut a succis, quorum angularis inest superficies, intestina decurrentibus, fibræ intestinales continuo stimulo irritentur, ut motus peristalticus intestinorum ultra debitum naturæ modum celerior fiat ac frequentior; tunc copiosæ necessario quantitates liquorum heterogeneorum a glandulis intestinalibus, æqualibus temporibus separabuntur, in ratione nempe composita ex rationibus densitatum liquorum, & orificiorum, e quibus effluunt, & numero motuum seu oscillationum fibrarum elasticarum. Quapropter ex hisce rationibus quoque constare potest, cur serosa ac fluida corpora facilius ac copiosius excernantur, quam solida & viscida? unde tam facile serosæ purgationes & diarrhœæ contingant? etenim cum serosa ac fluida corpora minus densa sint, magisque prompta ad motum, hæc minorem ferent resistantiam motui elastico fibrarum, & consequenter hæc, cæteris paribus, a tam frequenti fibrarum elasticarum motu agitata per glandularum intestinalium oscula erunt facilius separanda; deinde cum sæpe accadat, massam sanguinis angulosis alias particulis plus justo repleti, hæc salium massulæ circa proprium axem rotantes, fibrosa non solum sanguinis filamenta scindunt ac lacerant, verum etiam arteriarum & venarum extremitates inauspicato erodunt; factum inde, ut filamenta sanguinis lacerata ac divulsa ex intestinalibus oculis supra modum egrediendo, molestas, gravesque dysenterias aliquando vitæ occasu parturiant; effrænes quoque motus succorum, bilis & succi pancreatici facillime abrado naturali intestinorum mucosum motum peristalticum acutissime stimulant heterogenea fluida sanguini permixta ab evanescentium canalium oculis gravi dolore evocant, ut inferius ano stimulantia copiosis purgationibus ejiciantur.

34. Utrunque ad altus emulgentes arteriæ horizontali directione primo incedunt, deinde substantiam renum ingressæ, & superiores & inferiores renum partes tranant muriaticos ichores a sanguine glandularum renalium ministerio separaturæ; Vasa siquidem in minimos minimosque ramulos divisa, & per substantiam renum undequaque effusa, tribuunt probabiliter filamenta sanguinis in renales glandulas juxta rationem compositam ex ratione luminum & ratione velocitatum (a); cum autem orificia ultima seu lumina sint minima, eo quia vasorum circumferentiæ semper decrescunt in ratione diametrorum, & velocitates pariter minimæ sint in tot divisionibus arteriarum; singula vasa deponent minimas quantitates sanguinis quacunque pulsatione arteriarum in glandulas renales, videlicet filamenta sanguinis guttatim effundent; cum autem talium glandularum opere sanguineus latex salios sales præter cæteros abunde separaret, quorum figura cubum describit, facile cubici hi

fale planis undequaque homologis invicem adaptantur, sicque uniti una cum cæteris crescunt enormiter, & alte in pelvim collecti arenulas, & calculos facile construunt.

35. Inter præcipuas descendunt inferius arteriæ crurales externæ & internæ, utraque amplo foramine donatæ; Interna per femur distributa mutato nomine poplitea duas in partes æquales divisa, & genu & tibiæ ad pedes usque furculos ibique distribuit; Cum pes totius humanæ machinæ pondus sustineat, necesse fuerat, hunc una cum tibia & fibula valide musculorum cingulo armari: tantum opus & onus musculorum egebat grandi vase, quod sanguinem ferret validis muneribus parem. Ibi certe cum harum partium muscoli super cæteros fortiores sint, & per diversas directiones prompti ad motum excurrentes ibi arterias continuo, fortique impetu magis exagitant; & sane talis & continua arteriarum successio necessaria supra modum fuerat; etenim cum sanguis ad has partes delatus magis a corde distet, & velocitas hujus per inclinatos furculos arteriarum eo minor esse possit, quo reciproce major est distantia a corde: musculorum validorum actio necessaria fuerat, ut dato majori impetu in inclinatæ arterias, enervatam quodammodo sanguinis velocitatem restitueret; cum enim muscoli arterias crurales vestientes motibus suis continuo premant arterias; circulares arteriarum sectiones aut fient minoris sectionis, aut transibunt velut in ellipticas; ex his conjectari potest, ibi posse augeri velocitatem sanguinis ratione quasi reciproca sectionum imminutarum; sic tali methodo fluens sanguis per remotiores quoque corporis partes facilius, citiusque in venas transfertur ad cor denuo reversurus. Experimur itaque quoties otio marcescunt homines negligentia, sive inertia musculorum, infernas partes supra modum sanguine lentescere intumescere; sic fit œdematosus tumor, & compressæ partes foveam ponunt; fateor quidem non tantum ab imminuta velocitate sanguinis canalium, & musculorum vitio œdema fieri; verum etiam ab impura sanguinis constitutione, cujus vi sulfureæ massulæ in statu inertiae cæteras sanguinis periculas inutili momento urgent. Sanguis itaque beneficio motus cruralium musculorum eam velocitatem acquirit, quam tanta a corde distantia abstulerat, urgetur in finitimas venarum fistulas; addito quoque momento gravitatis sanguinis naturaliter descendit.

36. Ut itaque transferatur sanguis ab arteriis in venas, plura conspirant; primo nempe quantitas impetus impressa sanguini; hæc enim non tantum a momento cordis sanguineo fluidi alte imprimitur; verum etiam a vi descensus per vasa arteriosa, & a motu peristaltico arteriarum descendantium, & musculorum continua vi agentium in subjectas arterias; hujusmodi enim quantitas impetus conservata urget sanguinem, quæ data porta, oscula autem venarum, cum proxima sint finibus arteriarum, & aperta remaneant opere fibrarum circularium, credi potest se habere, ut vasa communicantia, sanguinem continuo susceptura; interponitur siquidem finibus arteriarum cum venarum luminibus nexus, & numerus fibrarum, carniarum & membranarum non impedimento motus in venas, sed auxilio; enimvero cum fibræ omnes intermediæ suo quoque motu peristaltico donatæ sint, sanguinem ab arteriis jam effusum in motu tenent, & postquam sanguine repleta fuerint exilia illa carniarum spatiola intermedia, facile est credere intermedias has carniarum areolas; quotiescunque extiterint fluido jam repletæ, supplere vices planorum horizontalium; quæ horizontalia plana, cum ex demonstratis a magno Galilæo (*de motu*) nihil auferat impetus a sanguine jam descenso ab arteriis; immo multum adjuvant motum corporis transeuntis, seu descendantis ab uno vase communicante, seu uno plano in aliud planum, per quod cogitur ascendere; & cum nulla adsint corpora recipientia præter proxima, & aperta venarum lumina, necesse est filamenta sanguinis venarum oscula introire, & ingressa ascendere; sic servato æquilibrio sanguinis descendantis cum ascendente sustinetur justus or-

do, &

(a) Per prop. 30. Hermann's Phorion.

do, & æqua lex sanguinis circulantis, & exeuntis a corde per arterias, & in cor æquabili velut motu per venas ad eandem altitudinem ascendentis. Quotiescunque itaque aut vitio fluidi, aut carniū interceptarum impedimento, ut in obesis sæpiissime accidit, arteriosus sanguis aut ægre, aut inepte venas ingrediatur; tunc effusa sanguinis portio carnes aut opprimit, aut inflat; inde erysipelata, aut carniū extremarum œdematosa intumescentiæ succrescunt. Profunt secundo ascendenti sanguini per venas valvulæ, quæ frequentes in inferioribus, rariores in superioribus venas secant; hæc siquidem cum ascensu sanguini viam donent, descensu impediunt, sustinent onus sanguinis elevati, ne momento suo inferius labatur; præterquamquod hujusmodi valvulæ venis inserviunt, ac si essent vincula, seu specifici aggeres, hinc inde dispositi, ne facile a momento sanguinis laxæ venarum tunicæ frangerentur; quod si aliquando accidat, vel copia, vel impetu sanguinis ascendentis venarum tunicam, aut laxari nimis, aut rumpi, aut valvulam quamlibet vitium facere, aut flaccescere; tunc laxatis venarum tunicis varicosæ fiunt venæ impedimento sanguinis ascendentis, & gravi onere musculorum. Tertio succurrit ascensui sanguinis unio, & contactus arteriarum cum tota longitudine venarum; dum enim arteriæ dilatantur diastolem ferentes, juxta rationem arteriæ dilatatæ, venæ portio, quæ arteriam dilatatam tangit, in ea ratione constringitur; quare sectio venæ compressæ non amplius circularis erit, sed describet segmentum circuli; sanguis idcirco, qui per circularem venæ sectionem ducendus fuerat, cum per segmentum circuli iturus sit, necesse est hunc alte urgeri, & impelli majori velocitate sursum, ubi data est latior & facilior via; etenim cum venæ deorsum semper magis magisque stringantur, sursum vero magis magisque dilatentur, & ultro impetus sanguinis advenientis versus superiora detrudat sanguinem, fas est fluidum in segmento circuli restrictum, ac compressum sursum esse velocius ad ascendendum. Quarto huic ascensui sanguinis manum affert venarum unio inter se, efformans majores alveos, seu in venarum ascensu componens majores truncos venarum; sicut enim trunci arteriarum in plures, pluresque ramulos dividuntur descendendo, ita plures viceversa, pluresque rami venarum cum ramulis arteriarum communicantes progressu suo ascendendo uniantur, & componunt majores alveos, seu truncos venarum, qui eo pauciores sunt ramulis venarum minimarum, quo sunt capaciores in ratione sectionum; sanguis propterea ab hujusmodi minimis venis exceptus, in ramos majores earundem transfertur; verum cum rami majores sint veluti majores alvei, quarum officium est communi amplexu excipere a minoribus varias, diversasque quantitates sanguinis; proculdubio velocitas sanguinis in ramis majoribus, & momentum ejusdem majus erit, ac fuerat in minimis venis; quamobrem collecto sanguine in trunco maximo venæ cavæ, cum proportionali augmento velocitatis dextro ventriculo tribuitur, proportionali ordine, ac homologa velocitate, qua prius expulsus fuerat e sinistro; sic motum sanguinis per venas naturali jure natura regit; cæterum si impurus sanguis ponderosior fiat, aut nervorum injuria spasmodicis motibus venæ crispentur, aut tuberculis, aut polypis stringantur venarum sectiones, statim mutatur ordinata lex motuum, non servatur opportuna velocitas, nec debita quantitas æquali tempore cordi tribuitur; hinc ortæ palpitantes, inæqualitates pulsuum, & aliquando lipothymia animal miserrime torquent; præterquam quod cum venosus sanguis aut vitio sui, aut organi resistantiam afferat sanguini subsequenti majorem, quam par est, momentum resistantiæ paulatim arterioso sanguini secuturo communicatur; sanguis propterea arteriosus cum fluere ægre debeat, nec resistantiam venosi sanguinis superare facile possit, arterias ad majores sectiones nimio sanguine turgidas violenter extendit, & quodammodo retropulso sanguine pulsant violenter hypochondria; & arteria cæliaca, ut in hypochondriacis & hysteriis affectionibus accidit, alte quatit circumposita viscera, molestiam ventriculo, & internas aliquando inflammationes paritura.

37. Quænam autem sit methodus, aut ratio linearum Sydenham opera Medica.

motus, quam describit ascensus sanguinis per venas, nondum a nonnullis, quod sciam observata est; juxta tamen naturæ leges verisimile putaverim, sanguinem per venas pressionis seu impulsus motu valide quoque sursum urgeri, & filamenta sanguinis ascendendo describere, ut plurimum lineas ab axe venarum divergentes. Cum enim sanguis sit grave fluidum, & ratione propriæ gravitatis conetur descendere, vi autem & impetu cordis fortiter sursum impellatur, cumque major sit vis illa & validior, quæ vi cordis sursum impellit, minor vero & debilior, quæ solo momento gravitatis sanguinis deorsum sanguinem urget, sanguis sursum movendus erit juxta rationem excessus momenti cordis sursum urgentis, supra momentum sanguinis deorsum prementis. Deinde cum doctissimus Verheyen (a) venarum tunicas æquali numero, eademque fere structura esse, ac sint tunicæ arteriarum, licet primæ secundis tenuiores sint, ostendat; cumque ex Diemerbroekio arteriarum fibræ nonnullæ transversæ sint & obliquæ, etiam venarum tunicæ a fibris quoque transversis & obliquis vestiendæ erunt, ut lib. 7. de Venis contra Lindanum aperte decrevit; quare cum præter hunc fibrarum ordinem, manifestus quoque appareat ordo fibrarum circularium, proculdubio cum vasa continentia mobilia, contentis corporibus motus suos imprimant, & contenta corpora sequi etiam necessario debeant leges motuum impressas a canalibus continentibus; idcirco ex hisce motibus eodem tempore sanguini impressis evenient quidam motus pressionis, seu impulsus ex hisce compositus, qui cum non totaliter rectus sit, sequetur, naturam movere filamenta sanguinis lege motus ex hisce composita, per lineas nempe inclinatas, aut quodammodo ab axe venarum divergentes; & sane cum venosi canales a strictis in latas sectiones ascendendo semper magis magisque conice aperiantur, sanguis ascendens, dum a stricta sectione in ampliorem devenit, necessario filamenta sanguinis spatia illa conica, aut quasi conica occupatura deflectere debent ab axe, & describere lineas quodammodo inclinatas: cum enim pauca sint filamenta sanguinis, quæ per lineam axis, aut huic lineæ parallelam possint excurrere, in hujusmodi spatio quasi conico, certe fere omnia sanguinis filamenta per aperta magis spatia sursum decurrendo per inclinatas directiones itura sunt; hujusmodi autem ratio motus videtur præ cæteris motibus naturæ convenire; cum enim ascensus corporum per rectas naturæ asperum sit ac grave, per inclinatas vero facilior ac levior: certe massa sanguinis per venas sursum accendenda, per inclinatas aut quasi inclinatas lineas motus commodius movenda fuerat. Ex hujusmodi autem inclinato motu particularum sanguis ascendentis, particulæ massam sanguinis componentes necessariam sibi agitationem, ac opportunam mixtionem conservant ac sustinent, ut de motu per arterias supra expositum est.

38. Eodem autem tempore, quo sinister cordis sinus valido ictu impellit singulis pulsationibus grana sanguinis $305 \frac{1}{3}$ per suppositam sectionem descendentis arteriæ magnæ, eodem quoque tempore, ut æqua servetur ratio & ordo circulationis, projicit grana sanguinis $174 \frac{1}{3}$ ut num. 28. notatum est, per suppositam sectionem arteriæ ascendentis; talia propterea ac tanta ascendunt grana sanguinis, sursumque distributa cerebrum consueto flumine irrigant. Ascendens itaque arteria duos in ramos subclavios partitur, quidem adhuc thoracis regionem serpunt, intercostalem arteriam emittunt, quæ ex utraque parte costarum radicibus applicata tria, quatuorque costarum superiorum interstitia munit, vicinosque musculos irrepit; sic exiens a subclaviis mammaria costarum plagas & mammas occupat. Cum hujusmodi arteriæ cordi multum sint proximæ, impetum sanguinis validiorem ferunt; movetur itaque sanguis per intercostales, & mammarias arterias celeri motu, & cum cæteris paribus quantitas filamentorum sanguinis effundi debeat in ratione composita ex ratione orificiorum, & ratione velocitatis ejusdem, proculdubio costæ & intercostales mu-

Ff 2 sculi

(a) Cap. 4. de Arteriis, & venis.

sculi multum sanguinis qualibet pulsatione cordis excipient facilius; verum cum muscoli intercostales sint corpora quadam supra ceteros musculos tenuia, cumque velociori sanguine sint irrigata, opus erit effusum ab arteriis sanguinem per musculorum interstitia facile concrefcere, nisi venæ hunc præsto sint excepturæ; prompta itaque inflammatio musculorum intercostalium, & facilis læsio thoracis, Ex hujusmodi vitiis musculares fibræ effuso sanguine saginatæ nimis dilatantur; unde adjacentibus costis aut immixta, aut ablata libertate motus, costæ neque facile invicem accedunt, neque reciproco motu recedunt, quantum necesse est, quare thorax non elevatus, quantum exigit pulmonum libertas, pulmones ipsos vocat in angustias impedito spatio opportuna dilationis; ex hac pulmonum angustia sanguis per pulmonares fistulas ægre decurrit, & particulae acris violenter elaterium sustinentes, & altam respirationem & gravem anhelitum ferunt. Uterius parta inflammatione in musculis intercostalibus dolor lateris cruciet, & sæpe ex pulmonum angustia sanguis, quotiescunque aptus fuerit ad lentescendum, aut pleuritidis aut pleripneumoniæ supplicio animal jugulat.

39. E subclaviis ad caput per collum scandunt duæ arteriæ carotides; quæ utrinque latera asperæ arteriæ, ipsamque tracheam aliquibus ramis excurrunt; Ibi si contentus sanguis muriaticis salibus nimis oneretur, tunc per hujusmodi fibras effusus asperam arteriam vellicat, urgetque quodammodo in spasmos, quorum vi semicircularis tracheæ sectio, aut imminuta, aut in semiellipticam figuram aliquantulum conversa libertatem aeris, aut impedit, aut frangit. Refractus autem aer parta raucedine vocem lædit; præterea ex convulsivo motu fibrarum semicircularium tracheæ glandulis adjacentibus exprimitur salsus humor, aut lymphaticus, aut alterius generis, qui ad subjecta bronchia delatus, hæc angulosus salibus circa proprium axem rotatis alte corrodit, & sæpissime contumacem tussim, & aliquando in pulmonibus ulcus parta phthisi producit; nec ibi est finis malorum; etenim extrema carotis musculos ossis hyoidis, linguam & fauces munit; sic ob aluminosa & vitriolica quadam salsa lentescere sanguine, has partes & replet, & comprimit; lentus idcirco sit partium motus, & ad majorem superficiem extensæ partes ipsæ deglutitioni male obediunt. In vitio sanguinis incommoda magis timenda affert carotis interna, hæc siquidem donat ramos insignes duræ matri, glandulæ pituitariæ, oculis & auri internæ; reliquum vero carotidis duos in ramos dividitur, quorum minor duræ matri, major cerebro elargitur, & facto cum cervicavilibus arteriis conjugio rete mirabile, & plexum choroideum componunt; quotiescunque itaque sanguis nimio motu peccaverit, violenta & celeri pulsa-

tione meninges exagitat; istæ autem cerebrum; quod tenero amplexu excipiunt, alte violenterque succutunt, damno non levi, aut hemicraniam, aut cephalæam, aut cephalalgiam allaturæ. Sed de morbis cerebri opportuno examine agendum erit, cum de motu solidorum disputationem habebimus.

40. Interim ex duræ meningis duplicatura plures componuntur sinus, qui tamen (observante Verhehen pag. 156. de membranis cerebri) sunt ejusdem substantiæ & usus cum venis; imo sinus isti sanguinem ab arteriis exceptum tandem aliquando in venas jugulares deponunt; cum enim meninges oscillatorio systolis & diastolis motu gaudeant, sinus isti juxta leges oscillatorii motus movebuntur, transeuntes a sectione majori, ad sectionem minorem, sanguinem præterfluentem, & lympham continuo impulsuri; suspicandum ideo hujusmodi sinus non ejusdem omnino usus esse cum venis, sed potius communem usum cum arteriis sustinere; verum non displicebit nonnullis, credentibus tales sinus esse venarum jugularium appendices, & cum venæ portæ oscillantis usu posse comparari; sed flocci puto hæc inquirere. Certum est, meningum laxitatem ex copia lymphæ, aut ariditatem, ut in senibus, iisque, qui adultero crine caput nimium onerant, necessarium sanguinis & lymphæ motum per sinus meningum aut minuire, aut impedire; unde apoplexias, aut paralyfes supervenire palam est. Jugulares itaque venæ, quarum una externa est, interna altera, aliquando una, aliquando duplici valvula armantur; quæ subclaviam versus descendentem sanguini viam parant, impediunt vero regressuro; Istæ susceptum a sinibus sanguinem subclaviis venis continuo elargiuntur, & hæc trunco venæ cavæ tandem aliquando restitunt, ut in cor completo circulationis æquilibrio revertatur; Ibi autem mirandum est studium naturæ; dum enim subclaviæ inferius diriguntur, non recta seu perpendiculari via descendunt, sed quodammodo inflexæ plana inclinata describunt; cum enim sanguis præcipiti, & accelerato nimis motu ruere non debeat in cor, sed paulatim, placidoque pede ferri debeat, ne cor nimia copia ac impetu obruatur, necessarium fuerat naturæ subclavias venas taliter dirigere, ut plana inclinata describeret contentum sanguinem lentiori ac placidiori motu in cor delaturæ. Hic alia superessent enodanda phænomena vasorum sanguinem deferentium; verum cum huc usque exarata, præcipua sint, a quibus colligi facile possunt mechanicæ leges pro enodandis reliquorum morborum causis; ideo hæc satis mechanicas naturæ leges a sanguinis motu desumptas in præcipuis morborum corporis affectionibus patefacient. Imposterum reliquam morborum familiam a *Mechanicis solidorum moribus* exaratam utiliori fortasse studio, ac labore, si Deus dederit, exponemus.



MECHANICES MORBORUM

P A R S S E C U N D A,
DESUMPTA A MOTU SOLIDORUM.

BENEVOLIS MEDICINÆ TYRONIBUS.



N Tyrones Benevoli *Secunda pars Mechanices Morborum desumpta a Motu Solidorum.* Hic horum actiones ac momenta medicæ praxis opere attentissime observata, tres in partes claritatis gratia dividenda esse censui; in quarum prima, *Distractionis*, & *Contractionis* momenta fibris omnibus tum simplicibus, cum compositis communia esse experimentis, & Mechanicis legibus satis ostensa sunt. Ob id speraverim non tantum naturales oscillationes fibrarum omnium colligere posse, verum etiam universales, & particulares ægrotantium sensuum affectiones me esse adepturum. In secunda, pro morbofis sensuum internorum affectionibus probabiliiori meditatione sol-

licitus sum, agens obscurissima immortalis animæ officia, quæ cum soli Deo O.M. nota sint, hoc unum pro mercede Philosophi est, tantarum actionum scientiam desideravisse. Tertia denique morbofas affectiones sensuum externorum mechanice molita est. Neque miremini, me neque de succo nerveo, neque de spiritibus animalibus determinatum sermonem habere, cum lex & ordo præsentis instituti sit, morborum causas ac phænomena a mechanicis tantummodo solidorum motibus eruere voluisse; quibus si vultis actiones ac momenta succi nervei, ac spirituum superaddere, non renuam; si nolitis, arbitror vos naturæ, & morborum phænomena satis apte ab expositis solidorum motibus esse assecuturos. Liberum itaque consilium sit, succo nerveo, aut spiritibus animalibus ultro uti velle, aut nolle. Interim me *Tertiam partem Mechanices Morborum desumptam a Motu Februm*, Deo juvante, daturum esse polliceor, ut sic completa morborum omnium Mechanica Deum, & Naturam Mechanicis legibus agentes tum in sanis, cum in ægris animalium operibus unice veneremur. *Valete.*

Ex latione, motuque, & alterna commixtione fiunt omnia, quæ esse dicimus &c. sensuum hæc omnia sunt visus, auditus, olfactus, gustus, tactusque frigidorum & calidorum; quos sequuntur voluptates, dolores, cupiditates, atque timores, alique affectus innumeri quidem sine nomine, nominati quoque permultigenus, aut sensibile sensui cuilibet est cognatum. Omnigenis visionibus colores, omnigenis auribus itidem voces, cæterisque sensibus alia sensibilia cognata similiter adsunt. Plato in Thæteto, sive de Scientia.

Quidquid aut sit, aut fiat, naturalibus fieri, aut factum esse ponderibus & motibus. Cicero 1. de Finibus.

DISSERTATIO PRIMA.

De universalibus sensuum affectionibus.

Sicut a pressione cordis fluidorum motus, ita ab actione cerebri motus solidorum habendos esse putans, tantorum motuum debendam cerebro gloriam jure censui. Cum enim cerebrum prima sit animæ sedes, in qua amplissima officia, divina quasi dignitate fiunt, quæ & ad sensum, & ad motum pertinere videntur; cumque sensus & motus nullatenus haberi possint, quin solida corpora specificis motuum differentiis afficiantur, jure arbitrandum est, solidorum motus ab actionibus cerebri esse eruendos: cerebri dignitatem hisce moribus comparatam universæ Græciæ Plato evulgatus est: Inquit enim in Timæo, *Est Caput membrum, reliquorumque membrorum princeps, cui totum corpus connexum Dii subesse, ac parere jusserunt; excogitaverunt enim motuum omnium quoscunque esse queant, compos id fore.* Quamobrem de generalibus ibi sensuum affectionibus acturi a specificis solidorum motibus orituris, nonnulla claritatis gratia præmittenda censuimus, quæ res tam arduas clariori ratiocinio patefaciant.

Sydenham opera Medica.

2. Itaque manifestum est, a cerebro otiri nervos, & hos duplici constare substantia, quarum interior medullaris est, quæ a conditiore cerebri materia ortum habet; exterior membranacea, quæ a menyngibus proficiscitur; hujusmodi nervea corpora undequaque mirum in modum effusa motum animalibus & sensum donant: nervea hæc solida vertebrarum foramina egressa, & per animalis machinam distributa in nodos, ac flexus gangliiformes sese frequenter agglomerant, inter quos præcipui sunt plexus cardiaci, intercostales, mesenterici &c. in quibus plurimi nervorum furculi stricte in unum colliguntur, ut inde rursus hinc inde distributi summis naturæ ministeriis pareant. Ibi prætereundum non est, ea ratione, qua musculi sunt instrumenta motus, ita membranas nervos investientes fore sensuum organa, cum enim musculorum textura, ac figura varia sit, ac diversa juxta varias actiones ac multiplices motus exequendos, quibus destinantur; alii enim trapezii sunt, alii rhomboidei, alii quadrati &c. Ita non dissimili ratione arbitrandum est, membranas omnes non uno fibrarum ordine, ac una methodo constructas esse, in quibuscunque partibus sensui destinatis, sed varia ratione, directione, ac ordine elaborata fuisse cum diversis angulorum inclinationibus juxta diver-

fas sensuum affectiones exequendas, quibus eas natura divino opere destinaverat.

3. Cum membrana nerveis solidis circumscriptæ sint, cæterisque fibris organicis arcte adhæreant, motus membranarum nerveis solidis, cæterisque fibris jure communi communicabuntur; verum cum motus communicentur juxta rationes ac vires corporum imprimentium, propterea motus solidorum nerveorum, aliarumque fibrarum erunt motibus membranarum circumscriptarum proportionales.

4. Nervea solida cranium tamen egressa dotantur naturali Motu Contractionis, & Distractionis; quibus motibus conantur determinatum contractionis & distractionis gradum, sive statum sustinere naturali temperiei, constitutioni, ac viribus animalis proportionalem, ac sese ad eundem statum naturalis longitudinis restituere, quotiescunque ab opposita vi sive interna, sive externa, sive mixta, seu motu opposito distractionis (sine tamen divulsione) distracta, aut ad majorem longitudinem extensa fuerint. Hujusmodi motus contractionis, & distractionis idem acutissimo tractatu de villo contractili celeberrimus Bellinus exposuit & demonstravit; inquit enim; *contractionis naturalis nomine, aut ejus oppositæ distractionis hic intelligimus motum illum in compositis corporibus, quo fit, ut eadem composita ab aliqua facultate externa, sed adderem quoque interna, aut mixta, trahente in majorem extensionem perducta sine divulsione, natura vi, sive sponte, sive a seipsis sue priori longitudini se restituant, si libertati permittantur: dico autem hac super re, contractionem naturalem tam late patere, ut vix unum compositum noverim, in quo illa non vigeat, & paucissimas naturæ operationes pariter invenerim, ad cujus partes contractio naturalis non sit vocanda.* Cum itaque Bellinus motum contractionis & distractionis compositis corporibus communem velit, hujusmodi motus contractionis & distractionis non solidis tantummodo nerveis tribendus erit, verum etiam quibuscunque fibris organicis, quæ aut a nerveis filamentis oriuntur, aut quibus nervea inferuntur corpora, aut cujuscunque alterius generis. Ex his colligendum est, quæcunque fibræ organicæ conatum ac vim continuo exercere, ut ad naturalem longitudinem sese restituant, quotiescunque a vi aliqua ad majorem longitudinem distracta fuerint; verum cum hujusmodi contractionis & distractionis motus, de vi elastica participes esse videantur; certe omnes, quæcunque fibræ elastico quodam motu ac nisu donatæ esse; a quo peristaltici motus oritur, fieri debuerunt.

5. Ne autem ea desint, quæ motus distractionis, & contractionis ideam ulterius confirmare possint, observationes & experimenta offert Bellinus, pollicitus se rem tam naturæ consonam, ac necessariam fore determinaturum; Eligit itaque celeberrimus Auctor chordam musicam, aut metallicam, aut compactam ex carnibus animalium, eamque per eandem rectam lineam, ac per longitudinem ipsius ad oppositas partes trahit, ut tendatur, sine tamen divulsione chordæ; postquam inquit *ad certam quandam longitudinem priori majorem ipsam extendisti, a tractione desistas, digitosque removeas, adeoque chordam sue libertati permittas; chorda ex seipsa pariter coit in se ipsam per eandem lineam, per quam traxeras, & fit brevior, ac brevior, quousque redeat in eandem longitudinem, cujus erat ante tractionem, inquam postquam restituta est, ulterius non coit in seipsam, sed ab omni motu cessans in sua priori longitudine quiescit.* Illam longitudinem in quam venit chorda per tractionem ad oppositas partes appellant distractionem; & facultas, quæ distractionem producit, dicitur facultas distrahens; motus quo chorda in priorem suam longitudinem restituitur, est id, quod appellatur motus contractionis, vel contractio; & facultas, a qua provenit contractio, dicitur facultas contractionis. Hæc Bellinus prop. 1. de villo contractili. Verum in hac re fateor me ultra obstupuisse legens metalla ipsa, quantumvis durissima tali motu distractionis & contractionis donata fuisse; refert enim immortalis famæ vir Jacobus Hermannus n. 24. phoronomiæ, ex observationibus Celeberrimi Cassini constat, metalla frigori exposita non nihil contrahi, & vice versa quoad volumen extendi in locis ca-

lidis, & ejusmodi metallorum extensiones, & contractiones; quibus non dubie durissima quæque alia corpora plus minus obnoxia sunt, absque interno partium motu fieri nequeunt. Isaacus quoque Nevvtonus summum Angliæ Lumen, (pag. 386. princip. math.) testatur & ipse D. Picartum observasse, quod virga ferrea, quæ tempore hyberno, ubi gelabant frigora, erat pedis unius longitudine, ad ignem calefacta evasit pedis unius cum quarta parte lineæ: Deinde D. de la Hire observavit, quod virga ferrea, quæ tempore consimili hyberno sex erat pedum longitudinis, ubi soli æstivo exponebatur, evasit sex pedum longitudinis cum duabus tertiis partibus lineæ. Quid plura? Nonne Academia Florentina pluribus experimentis in crystallis & mineralibus ante hos celeberrimos viros (pag. 186.) manifeste experta est, metalla & crystallos calore distrahi & extendi, frigore vero contrahi? Quamobrem si hujusmodi durissima corpora motu distractionis & contractionis donata sunt, quid de mollibus, tenerisque animalium viventium solidis facillime mobilibus dicendum erit? certe nullum fore putaverim, qui tam aperta ac manifesta de motu distractionis seu extensionis, & contractionis phænomena in quibuscunque animalium viventium fibris, ac solidis, aut negare, aut de his audeat dubitare.

6. Cum universa corpora sive solida communi motu distractionis & contractionis parere debeant, contrahendo sermones nostros ad specificum motum distractionis & contractionis fibrarum animalium; quærere quis posset rationem, ac causam primo naturalem, deinde præternaturalem distractionis & contractionis fibrarum, de quibus ibi præcipue agendi munus nostrum & officium est: quamvis autem hæc ratio, ac causa difficillime erui vere possit, nihilominus ne desit actionibus naturæ ea ratio ac lex, quæ ad enodanda obscura naturæ phænomena probabiliori jure convenire videntur, putaverim præeuntibus celeberrimis Viris Joanne Alphonso Borello & Joanne Bernollio a duabus præcipue causis rem tam obscuram me fore assecuturum; Prima itaque causa est naturalis & peculiaris structura solidorum & fibrarum quarumcunque; qualiscunque tamen structura hæc fuerit, cum verum structuræ modum, ordinem, directionem ac figuram earundem determinare nemo usque adhuc ausus sit; In hac re non me latet, summum virum Alphonsum Borellum (a) musculares fibras, ut catenas, ex observationibus musculorum, habuisse compositas ex fibris perpendicularibus & transversis, quæ inter se texturam reticularem efficere videantur; ex hisce fibris tali ratione contextis efformantur areæ, seu machinulæ, quæ flaccidæ sunt, & lateribus suis connivent, quando musculus otiaitur; extenduntur vero, cum operatur; hujusmodi machinulæ, seu spatia fibrarum muscularium ex Borello rhomboidalem figuram describere visa sunt; verum cum supra laudatus Joannes Bernollius (de motu musculorum n. 2, & 9. & seq.) spatia, seu machinulas fibrarum muscularium non rhomboidales figuras, sed sphaeroides vere describere, analytice ostendat, quæ juxta majorem aut minorem extensionem musculorum sphaeroides quoque descriptæ modo a majoribus, modo a minoribus angulorum inclinationibus metirentur, colligendum putavi, musculares fibras donatas fuisse motu distractionis & contractionis præcipuo opere, ac labore talium machinularum sphaeroidalium, quam rem celeberrimus Michelottus utilissimis animadversionibus acutissime expendit. Hisce præmissis, si liceat suspicionem meam adducere, opinor, me non adeo a ratione alienum esse, si putem, *Menynqum quoque lacertos* musculis aut musculorum officio comparandos, & *Nervos ipsos* similibus fortasse arcibus, vesiculis, aut machinulis sphaeroidalibus, aut fortasse alterius generis esse munitos; & sane si de nerveis solidis conjectari liceat, laudatus Borellus (b) nervum esse fasciculum seu capillamentum ex pluribus filis fibrosis compositum, atque involucri quodam membranoso colligatum, arbitratus est, quæ nerveæ fibræ fistulas esse cavas, repletas substantia quadam spongiosa, porosa ac madida simili porosæ medullæ sambuci virentis, succo quodam elastico irrigatas probabiliori ratiocinio ulterius suspicandum putavit; itaque si la-

certi

(a) Prop. 94. & sequent. Primi Tom. & prop. 215. secundi Tom. de motu Animal.

(b) Prop. 23. Tom. 2. de motu Animalium.

certi menyngum analogice musculis comparantur, si spongiosa parositates nervorum succum quendam elasticum continent, eodemque irrigantur, cur non liceat opinari, hujusmodi poros, areas & cellulas factis cum muscularibus machinulis analogismo sphaeroidales esse, aut alterius similis figuræ, quæ elaterio quodam donatæ modo extendi, modo contrahi potuissent? Natura siquidem una est, omnibusque in operibus fere semper unitate operari consuevit. Itaque menyngum lacertis, & nerveis solidis probabiliter expensis, facile me transfero ad ea, quæ ad motum contractionis & distractionis *Membrarum & Tendinum* pertinere videntur. Membranae itaque cum docente Verheyen verosimiliter componantur ex fibris sibi invicem intertextis, fere sicut tela ex filis, quarum altitudo seu profunditas adeo minima est, ut areas spatia seu machinulas necessariae altitudinis seu profunditatis non continere, aut comprehendere opportune possit, cumque membranae præcipuo sensuum officio pareant, cui efficiendo non adeo operosum ac laboriosum est, ut nervis, musculisque contingit, qui summis motuum laboribus destinantur: propterea male existimarem, si motus membrarum contractionis, & distractionis a machinulis, seu vesiculis elasticis factos esse crederem; absit itaque opinio hæc locuturo de membranis sensui præcipue, non motui destinatis. Naturalem ergo motum contractionis & distractionis membrarum primo factum putaverim a successivo motu ascellatorio menyngum, qui successive membranis correspondentibus communicatur; secundo a motu fibrillarum nervearum, quæ per membranas hinc inde excurrunt; tertio a continua mutatione angulorum, qui a fibris membranas componentibus efficiuntur: etenim cum membranae componantur ex fibris sibi invicem intertextis, jure texentes fibræ efficient angulos, aut naturaliter rectos, aut acutos, aut obtusos; cum autem fibræ sensu & motu præditæ, motum & impulsu excipiant ab externis corporibus, aut ab interno motu corporum fibras componentium, futuræ erunt quælibet fibræ in proportionali mutatione angulorum, & figurarum inter se; fibræ itaque rectos angulos naturaliter describentes, cum ratione advenientis motus modo descripturæ sint angulos acutos, modo obtusos, modo curvos, necessario quoque fibræ inæqualibus angulis oppositæ modo distraherentur, modo contraherentur; cumque semper remaneat vis illa seu conatus naturalis fibrarum, quo fibræ nonnaturaliter contractæ, aut distractæ ad naturalem statum conantur sese restituere; opinor membrarum fibras excessiva mutatione angulorum, inter se futuras esse in proportionali mutatione figurarum, & consequenter nonas modo contrahi, modo extendi debere. Qualis modo futura erit probabilis causa, qua *Tendines*, licet densissimi sint, suo tamen naturali motu contractionis & distractionis dotari debuerunt; proculubio tendinum modis confert vis nervorum, qui per tendines intime serpunt; vis membrarum tendines circumscribentium; & aliqualis mutatio angulorum, qui præcipue a fibris rectis & transversis, aut obliquis tendines componentibus, ex secuturis motibus musculorum continuo efficiuntur; Potissimum itaque motibus contractionis & distractionis obediunt tendines, vi & opere musculorum, qui cum diversis motibus sollicitentur tendines quoque, quatenus asperitices & caute musculorum, successivis distractionis & contractionis motibus erunt sollicitandi. Præter cætera, quæ motum distractionis & contractionis in quibuscunque corporibus promovere consueverunt, universale principium est motus intestinus particularum quælibet solida componentium.

7 Cum animalia quælibet non eodem semper in statu virium & actionum perseverent, sed continua actionum, aut naturalium, aut præternaturalium vicissitudine rotari debeant; & cum diversæ vires & actiones a varia temperie fluidorum, ac varia solidorum structura ac motu diuturni possint, ideo motus seu momenta distractionis & contractionis fibrarum quarumcunque claritatis gratia duplici modo erunt consideranda; Momentum itaque distractionis, & contractionis aliud est *equipollens*, aliud est præ-

Sydenham opera Medica.

pollens: Vis, conatus seu momentum distractionis equipollens, est naturalis potentia, vis seu conatus solidi distrahendi semetipsum ad naturalem longitudinem quotiescunque ab opposita potentia, aut momento contractionis impeditum fuerit; aut sustinendi statum naturalis distractionis intra fines a natura determinatos. Momentum vero contractionis equipollens ejusdem solidi, est opposita potentia, vis seu conatus contrahendi semetipsum ad naturalem longitudinem, quotiescunque a vi aliqua distractum fuerit, aut sustinendi statum naturalis contractionis ejusdem solidi pariter intra fines a natura determinatos. Itaque cum hujusmodi momenta distractionis, & contractionis æquipollentia in perfectissimo naturæ statu haberi tantummodo possint, ideo talia momenta quotiescunque extiterint, semper futura erunt in statu naturali: quare ibi directiones & motus fibrarum erunt juxta naturæ leges inter se, aut homologue, aut reciproce proportionales. In hoc statu vis & robur naturæ perfectissime consistens est; cum enim vires æquales & oppositæ in idem corpus, aut homologue, aut reciproce agentes & reagentes mutuum effectum tollant, aut tollere aptæ sint, res omnes positæ in actione & reactione æquilibrata, debent necessario recte consistere. Hisce ergo momentis æquipollentibus solidorum felicissime uti possumus, ut accessus & recessus momentorum a perfectissimo naturæ statu quamproxime innotescant, naturales aut præternaturales actiones animalium felici methodo dimensuri; In hoc quoque perfectissimo naturæ statu supponenda jure sunt elementa, & motus fluidorum in exactissima proportionem inter se constituti; sicut autem momentum æquipollens est semper in statu naturali; ita momentum præpollens aliquam ob causam, sive externam, sive internam, sive mixtam taliter augeri potest, ut fiat præter naturam; Itaque *momentum distractionis præpollens illud esse videtur, in quo talis sit hujus momenti præpollentia, ut momentum equipollens contractionis nullam, aut fere nullam rationem habeat cum momento præpollente distractionis; hoc autem semper fiet cum lesione operationum, & aliquando, cum divulsione solidorum.* E contra *momentum contractionis præpollens aliquam ob causam sive externam, sive internam, sive mixtam æquipollens taliter superat, ut fiat præter naturam; ita ut momentum distractionis æquipollens nullam, aut fere nullam rationem habeat cum momento præpollente contractionis, ibi fibrarum actiones lasas esse, nemo negaverit.*

8. Hisce præmissis, ut generales sensuum affectiones consequi possimus, primo incumbendum est, ut in doloris examine laboremus. Unus itaque omnium sensus est, solutionem continui præcipuam doloris causam fuisse, & tantum veterum opinio præjudicata potuit, ut etiam usque adhuc veterum valeat auctoritas. Verum doctissimus Borellus (a) evulgatam hujusmodi sententiam penitus studuit evertere, simulque sprete illa doloris causa, quæ in dissolutione texturæ, & compositionis fibrarum nervearum præcipue firmata esse videtur, tandem aliquando a celeberrimo Auctore deliberatum est (b) immediatam doloris causam a vellicatione in nerveis membranis facta esse eruendam: Fateor me dubitanter quærere immediatam doloris causam, verum cum unicuique licet eam ferre sententiam, quæ ad enodanda naturæ phenomena probabilius conferre videatur, ausus sum probabiliori ratiocinio suspicari *immediatam doloris causam, & molestantem sensuum affectionem orituram esse ab inæquali, inordinato & asymmetrico motu fibrarum membranearum solida nervea circumscribentium, & consequenter, etiam fibrarum nervearum, aliarumque, quibus arte, & intime eadem membrane alligantur, quæ proportionem, ac directionem acquirant notabiliter dissimilem, ac diversam a naturali proportionem, ac directionem motus earundem, mutatis naturalibus inclinationibus angulorum inter se, quos fibræ inter se contextæ necessario component.* Hinc juxta varios gradus motuum fibrarum membranearum solidis nerveis circumscriptarum, & juxta varios gradus motuum fibrarum quarumcunque membranis intime alligatarum, qui magis, aut minus distent a debita proportionem, ac directionem naturalis earum motus, & juxta varias mutationes angulorum earum-

Immediata doloris causa.

Ff 4

(a) Prop. 205. secund. Tom. de Motu Animalium.
(b) Prop. 27. secund. Tom. de Motu Animalium.

earundem, tanquam ab immediata & primitiva causa consequuntur postea effectus: videlicet aliquando solutio continui, aliquando dissolutio texturae, & compositionis fibrarum, membranarum circumscribentium, aliorumque filamentorum, quibus membranae intime alligantur. Quamobrem qui doloris causam a solutione continui, aut a dissolutione texturae fibrarum student acquirere, minus recte rem agere videntur; cum non causam doloris, sed effectum penitus offerant; minus quidem errare consueverunt, qui a vellicatione fibrarum nervearum, membranarumque, & aliarum, quibus membranae intime alligantur, doloris & molestiae causam eruendam putant. Verum cum nonnulla naturae phaenomena praeternaturalia, a corporibus vellicantibus excitata saepe quoque fiant absque ulla doloris affectione, licet dolor aliquando etiam a vellicatione haberi possit, ideo non semper vellicatio pro immediata, & primitiva causa dolorificae affectionis erit consulto, & uno naturae jure existimanda, sed pro mediata tantummodo, ut inferius constabit, cum de affectionibus convulsivis sermo fuerit.

9. Ne autem turbetur debitus morborum ordo, cum inter saevissimos dolores ac sensuum molestias emineant dolores capitis, congruum puto de praecipuis capitis doloribus sermonem habere: de *Cephalaea* nempe, *Cephalalgia*, & *Hemicrania*; cum autem cephalaea inveteratum, & continuum; cephalalgia recentem, & diuturnum, hemicrania vero modo unam, modo alteram capitis plagam torqueat, non difficile erit, ab universali doloris causa super exposita peculiare dorum capitis causas aperire: Itaque sciendum est, & partes omnes nervosas; duas nempe meninges, nervorum tunicas, pericranium, periostium, musculos & panniculum carnosum esse praecipua subiecta, in quibus hujusmodi dolores firmari consueverunt; itaque cum in corticali cerebri substantia densissimi arteriarum, & venarum ramuli numerentur; si violento aut velociori, sive ob crassitiem lentiori pede iverit sanguis, conciarum arteriarum, & venarum superficies circulares, magis extensae fient; cum autem hujusmodi superficies augeantur semper in ratione duplicata suarum diametrorum, venae & arteriae ad tantas superficies extensae, distractis organorum fibris, mutatisque naturalibus directionibus fibrarum, una cum naturalibus angulis earundem inter se, urgebunt violenter non solum corticalem cerebri substantiam, verum etiam duas meninges contra calvariam; verum cum resistentia calvariae validissima sit, coget venarum, & arteriarum superficies, repercutere semetipsas contra corticalem substantiam in ratione composita ex ratione resistentiae calvariae, & ex ratione dilatationis & distractionis venarum, & arteriarum ad majores superficies: si itaque hujusmodi vitia continua fuerint cephalaeam; si interpolata cephalalgiam; si vero hanc aut aliam cerebri partem irritaverint, hemicraniam erunt paritura. Verum praeter haec alia fortasse methodo dolores capitis quaerendi sunt; etenim cum dum meninges contrahuntur, cor dilatetur, & cum haec cerebrum circumscribant, eo tempore, quo volumen sanguinis in statu naturali a corde expellitur una systole, meninges impulsae elevabuntur, diastole vero cordis sublequente meninges motu veluti reciproco deprimuntur. Cum vero motus iste naturalis depressionis quodammodo fieri videatur non tantum a momento naturali gravitatis menyngum, verum etiam a motu seu conatu quodam lacertorum, (quos celeberrimus Pachionus in dura praecipue menynge observaverat,) quorum vi membranarum fibrae quodammodo in rugas ac plicas compositae intra sese recipiunt; motus autem naturalis elevationis fiat motu quodam distractionis, vi cujus fibrae a momento sanguinis impulsae distractionem pati coguntur; idcirco si accidat, aut nimio impulsu sanguinis, aut nimia feri colluvie extensas praeternaturaliter fuisse lacertorum areas, aut glandulas, etiam motus depressionis, seu contractionis menyngum, & succedentes motus elevationis seu distractionis earundem futuri erunt adaucto momento gravitatis dissimiles & asymmetri. Cum autem juxta tam dissimiles & asymmetros motus distractionis & contractionis menyn-

gum, fibrae menyngum inordinatis directionibus & asymmetris motibus distractae componere debeant angulos a naturali inclinatione dissimiles; sic mutato naturali parallelismo fibrarum inter se natura pati conabitur, & capitis dolorem modo leviori, modo graviori molestia sustinebit. Serum ulterius aut lentiori pede procedens per innumera vasa lymphatica, aut asperis corporibus munitum moleste afferendo inordinatos, inaequales & asymmetros motus organorum & fibrarum, externas aut internas capitis plagas alte feriet vulnere, aut continuo, aut interpolato, & variae fient dolorum capitis differentiae. Haec, & quaecunque alia extranea, ut vermes, fungi & sylvestres succi, si in regione capitis tyrannidem suam primo exterceant, idiopathicos dolores; si vero extra regionem capitis, ut in stomacho, utero, caeterisque visceribus consensu gravi cerebrum torqueant, sympaticos dolores moleste parturient.

10. Modo a doloribus capitis sentio, me eam in arenam vocatum esse, ut cum affectionibus convulsivis medicam controversiam acturus sim: cum autem num. 6. *naturalis causa distractionis & contractionis* satis explicata fuerit; hujus opportunitati loci convenire videbitur, si prius universalem praeternaturalis momenti distractionis & contractionis solidorum rationem ac causam attulerim, antequam de convulsionibus peculiarem sermonem habeam. Eligo itaque plexum nervum mesentericum, unum nempe ex tot nerveis plexibus, in quibus facile crederem potissimum firmandam esse sedem ac basin motuum solidorum nerveorum a plexibus exeuntium, tam naturalium, quam praeternaturalium, (quidquid autem de plexu mesenterico locuturus sum, proportionaliter de quocunque alio plexu, aut de quolibet alio nerveo solido intelligendum erit:) sit ergo plexus nerveus mesentericus compositus ex unione, & aggregato plurium nerveorum solidorum in statu naturali; apertum est, aut vitio succi nervei, aut feri supra modum fluentis interstitia plexus nervei repleti taliter posse, ut naturalem fluidorum copiam angulosius plus justo salibus gravem, ultro superent; sic solidum tali fluido aequalibiter repletum dilatabitur ad majus spatium, seu volumen. Cum autem nerveum solidum in statu naturali, & idem solidum in statu praeternaturali habeantur, ut duo solida similia, & distantiae fibrarum, seu interstitia solidum componentia sint lateribus solidorum homologis proportionalia, solida autem similia crescant in ratione triplicata laterum homologorum; certe solidum nerveum in statu naturali, & idem solidum in statu praeternaturali erunt inter se in ratione triplicata amplitudinum interstitiorum, seu distantiarum, quas fibrae solida componentes servant inter se: Quare si fluida, seu massae tanquam cunei praecise, & secundum se consideratae in interstitiis solidi nervei absque motu elastico communicato ab aliis corporibus sibi unitis aequabiliter contentae in iisdem interstitiis pro statu naturali fuerint, ut unum; postmodum vero a massa corporum praeternaturaliter effusa, distantiae seu interstitia fibrarum solidum componentium dilatata, & extensa fuerint ut 2. erit solidum nerveum in statu naturali ad idem solidum nerveum in statu praeternaturalis extensionis ut 1. ad 8. nempe proxime in ratione cubica interstitiorum, seu distantiarum fibrarum inter se; quare solidum nerveum praeternaturaliter extensum erit octuplum solidi ejusdem nervei naturaliter extensi a corporibus, seu materia contenta, ut unum. Cum autem solida hujusmodi decurtari jure debeant in ratione proxima secundum longitudinem, quotiescunque dilatantur in aliqua ratione secundum latitudinem, licebit colligere ex praeternaturali dilatatione plexus nervei, ramos nerveos a plexu hinc inde exeuntes decurtandos fore in ratione probabiliter proxima 1. ad 8. Ex his ultro res agenda est; cum enim fluida seu massae aequabiliter contentae tanquam cunei inter interstitia plexus nervei elasticis corporibus, & particulis quoque praeternaturaliter effervescentibus unitae sint, quarum vires, ac momenta elastica summa esse experimur ad augendos impetus, percussiones, & conatus contra fibras plexus nervei praeternaturaliter extensi a materia praecise considerata absque motu elastico, communicato ab aliis corporibus sibi

sibi unitis; quis non videt, quanta futura sit vis, conatus, & momentum plexus nervei ad nervos ramos ab ipso exeuntes violenter trahendos versus plexum præternaturaliter dilatatum, in ratione videlicet composita proxime ex cubo, seu triplicata ratione interstitiorum, seu distantiarum fibrarum inter se, & ex motu elastico corporum effervescentium; a quo momento validissimæ resistentiæ erunt enixe superandæ? Quamobrem cum interstitia fibrarum corporibus extraneis æquabiliter repleta, seu distantia fibrarum inter se sint lateribus homologis solidi proportionales, erunt simul sumptæ æquales, aut quasi æquales homologæ radici solidi præternaturaliter extensi; quare si talis radix fuerit $\equiv b$; erit solidum nerveum præternaturaliter extensum proxime in ratione cubica eorundem interstitiorum, seu distantiarum fibrarum inter se ob materiam ibi ultro contentam, nempe erit proxime ut $b. 3$: quod si vis & conatus elasticitatis corporum contentorum effervescentium, aut inflando, aut impellendo magis, magisque fibras plexus nervei vocetur e ; momentum autem plexus ejusdem præternaturaliter extensi vocetur m , erit $m \equiv b^3 \cdot e$. Hæc quæ dicta sunt ostendere videntur, quænam sit ratio ac causa sive externa, sive interna, sive mixta, quarum vi momentum naturale æquipollens plexus nervei, & ramorum nerveorum transire necessario debeat ad præternaturale momentum præpollens eorundem, cujus momenti opere plexus nerveus, & rami nervorum ab ipso exeuntes apti fiunt non solum superare momentum oppositum contractionis eorundem, verum etiam validissimas resistencias musculorum, tendinum, & ossium, quibus omnibus nerveæ ramificationes arcte alligantur, aliorumque ponderum oppositorum, quod certe praxin medicam agentibus mirabile est. Agendo modo de *Motibus Convulsivis* cum sanitas & naturalis solidorum motus non solum nitantur in proportionem corporum fluida componentium, verum etiam in determinato ordine, directione naturali solidorum, & determinato motu eorundem, una cum naturali inclinatione angulorum, quos fibræ inter se contextæ naturaliter componunt, & cum æquali, aut reciproca actione & reactione momentorum distractionis earundem inter se: quotiescunque hic naturalis motuum & actionum ordo, & lex præternaturali opere mutabuntur, tunc convulsivæ affectiones contingent. Cum itaque tot morborum causæ, aut a præternaturali dilatatione, aut inflatione solidorum, aut motu oriri consuecant; si aut vitiosi succi nervei, aut a sanguiferis, aut a lymphaticis canalibus evomantur præternaturales succi asperis superficiebus donati in aliquo spatio membranofo, aut nervoso, aut quocunque alio solido sensibili contenti; ibi certe tanquam cunei ingressi spatia solidorum violenter sollicitabunt, extendent & inflabunt fibras solidum componentes; spatia autem plexus nervei (puta mesenterici jam suppositi) ab extraneis corporibus ultro repleta, impediunt facilem transitum fluidorum naturaliter prætereuntium, inde facta mora corporum ingressorum hypostasis major futura erit, quam par est. Cum autem sylvestres succi solidum supra naturæ leges ingressi dilatent præternaturaliter solidum illud proxime in ratione composita ex ratione cubica, seu ex ratione triplicata interstitiorum, distantiarumve, quas fibræ habent inter se in statu extensionis naturalis, & ex ratione corporum elasticorum plexum nerveum influentium; proculdubio cum filamenta nervea a plexu exeuntia, & hinc inde effusa tantum proxime trahi debeant versus plexum præternaturaliter extensum, quantum plexus nerveus a præternaturalibus succis ultro extensus fuerat; idcirco filamenta illa nervea a plexu exeuntia violenter trahuntur versus partem plexus in data ratione dilatati; cum autem filamenta illa nervea musculis, tendinibus & ossibus arcte sint alligata, musculi quoque, tendines & ossa, quibus tendines alligantur, in data ratione trahenda præternaturaliter erunt; sicque hac ratione præternaturales contractiones organorum & motus convulsivi solidorum exorientur; ex his si extensio & dilatatio plexus nervei a corporibus ingressis ea ratione fiant, ut æquabiliter & omnibus in partibus æqualis, & unimoda fiat præternaturalis sollicitatio, percussio & inflatio, cum æquali & unimoda di-

latatione singulorum interstitiorum, & distantiarum fibrarum plexus nervei præternaturaliter extensi, etiam filamenta nervea a plexu exeuntia æqualibus viribus, æquali, & unimodo conatu, ac momento æquabiliter & unimode trahuntur versus partem plexus dilatati. Si itaque singulæ fibræ componentes solida nervea a plexu gangliiformi exeuntia, & illæ quibus solidum unitur, naturales semper directiones, ac naturales parallelismos sustineant inter se, easdemque servant naturales angulorum æqualitates ac similitudines; tunc cum fibræ singulæ solida componentes attrahantur versus plexum cum angulis, aut æqualibus aut similibus, temporibus quoque æqualibus fibræ ipsæ transeundo singulis temporibus ordinata, unimoda & æquabili lege, ab una æqualitate, aut proportionem, aut directione motuum fibrarum & angulorum ad aliam priori aut æqualem, aut proportionalem, non afferent ullos sensus vel ullam asymmetriam in totis motibus fibrarum solida componentium; & consequenter cum singulis temporibus naturalis fibrarum parallelismus sustineatur, attractio quidem convulsiva fiet solidorum versus partem præternaturaliter extensam, sed ordinata, unimoda, æquabilis, & isochrona; atque nulla videbitur contingere molesta organorum affectio, aut dolorifica passio solidorum sensibilibus: & sane, ut habeatur ratio veritatis; si conatus, vis, momentum & quantitas motus unius fibræ in uno solido (idem intellige proportionaliter de quibuscunque aliis partibus, quibus solidum idem unitur) una differentia temporis fuerit ad quantitatem motus; seu momentum ejusdem, aut alterius fibræ homogeneæ, & qualis magnitudinis æquali tempore, & in eodem solido, ut est momentum, & quantitas motus primæ fibræ altero tempore ad momentum, seu quantitatem motus ejusdem, vel alterius fibræ homogeneæ secundo tempore, & sic proportionaliter successive erunt (per 12. 5.) singula momenta & quantitates motus unius, aut alterius fibræ homogeneæ iisdem temporibus & in eodem solido; ut sunt omnia momenta & conatus simul sumpti primæ fibræ, ad omnia momenta & conatus simul sumptos secundæ fibræ ejusdem solidi, iisdemque temporibus; sed quando conatus & momenta unius, aut alterius fibræ homogeneæ solidum componentis sunt æqualia, aut proportionalia momentis ejusdem, aut alterius fibræ homogeneæ solidum componentis temporibus æqualibus, & sic de cæteris &c. momentum quoque & quantitas motus totius solidi est semper singulis temporibus sibi metipsum æqualis, aut proportionalis; quare cum natura in hoc statu singulis temporibus justam proportionem, æquam directionem motuum fibrarum, & parallelismum naturalem earundem cum æqualitate angulorum æquabiliter, & unimode usque adhuc sustineat; certe actionibus & reactionibus proportionaliter se habentibus nullam in se molestiam ac dolorificam affectionem, (& si convulsio fuerit) pati poterit ac sustinere. Et sane, ut verum fatear, sæpe miratus sum medicam praxin agens, convulsivas affectiones absque ullo dolore agros agitavisse, plurimas enim hystericas, & hypochondriacas affectiones, & convulsivas, pluresque spasmodicos subsultus aut motus, inter quos *Satyriasin*, sine ullo dolore partos observavi: Itaque ex his colligendum videtur, quotiescunque plexus magnus mesentericus nonnullos furculos per mesenterium & intestina; nonnullos vero ad truncum aortæ descendens; nonnullos ad ovaria fœminæ emittat; & hic plexus æquabiliter, & unimode in omnibus suis partibus plexum componentibus sollicitatus, percussus & extensus fuerit a fluidis præternaturalibus plexum eundem æquabiliter & unimode inflantibus & dilatantibus; tunc momentum plexus nervei æquabiliter, sed præternaturaliter dilatati trahet proxime in data æquabili ratione non solum furculos quoscunque ab illo exeuntes, sed & fibras quascunque furculos ipsos componentes versus plexum nerveum præternaturaliter extensum; cum autem momentum tale plexus nervei proxime æquetur singularibus momentis simul sumptis tractionum fibrillarum nervearum ab ipso exeuntium; propterea singularia momenta simul sumpta (a) tractionum, quibus æquabiliter, sed præternaturaliter trahuntur, non solum furculi nervei, sed singulæ fibrillæ furculos nerveos componentes per me-

Convulsio sine dolore.

(a) Ex num. 13. phoron. Hermanni.

menterium & intestina, per truncum aortæ & ovaria a plexu exeuntes versus plexum nerveum, æqualia erunt momento totali plexus magni mesenterici præternaturaliter extensi; cum porro momentum totale plexus nervei suppositum fuerit supra $\frac{b_3 + e}{1 + f}$; si momentum singulare furculorum & fibrarum nerveorum furculos componentium per mesenterium & intestina effusum supponatur $\frac{p}{1 + f}$; momentum vero furculorum nerveorum & fibrarum furculos componentium per aortam descendentem singulariter supponatur $\frac{r}{1 + f}$; momentum autem singulare furculorum nerveorum & fibrarum furculos componentium ad ovaria emissos supponatur $\frac{f}{1 + f}$, erunt proxime singularia momenta simul sumpta $p + r + f = \frac{b_3 + e}{1 + f}$ & consequenter momentum singulare p erit $\frac{b_3 + e}{1 + f}$, & momentum singulare r erit $\frac{b_3 + e}{1 + f}$ & momentum singulare f erit $\frac{b_3 + e}{1 + f}$; cum

autem ex æquabili, sed præternaturali dilatatione plexus nervei magni mesenterici æquabili quoque ratione trahantur rami nervorum ab illo exeuntium, & singulæ fibræ ramos ipsos componentes versus eundem plexum; in hoc statu cum huiusmodi tractiones sint singulis temporibus ordinatæ, unimodæ & æquabiles inter se & isochronæ, nullam doloris molestiam (& si convulsio fuerit,) erunt allaturæ. Unde praxi medica expertum est, hystericas mulieres, hominesque hypochondriacos aliquando abdomine tumefactos, & fœminas utero quodammodo attractas sine ullo dolore extitisse, sed muta tantummodo afflictione una cum aliqua pulsuum inæqualitate, & stomachi languore vexatas fuisse. Habita inde ratio est, cur inflatis, extensis & sollicitatis æquabiliter & unimode in singulis partibus nerveis furculis per ovaria & uterum emissis opere præternaturalium succorum nerveos hos furculos undique, sed æquabiliter dilatantium, aut sollicitantium, fieri aliquando possit ratione nervorum & fibrillarum eorundem ascendentium non gravis sensatio, (licet convulsiva) in abdomine, intestinis & stomacho cum pulsuum aliqua inæqualitate, sed tantummodo affectio quædam sine dolore, quam universalem corporis languorem appellare mulieres consuecunt.

11. Verum si a præternaturalibus fluidis plexus nervei, aut quælibet sensibilia organa sollicitentur & dilatentur quidem in super exposita ratione composita; sed non æquabiliter & unimode in omnibus suis partibus componentibus sollicitentur & extendantur, ita ut pars una organi magis sollicitetur & extendatur, quam altera, fibris inæqualiter sollicitatis, aut extensis; tunc momenta præternaturalia præpollentia corporum extendentium fibras tali inordinato motu, & dissimili ratione, ac asymmetra proportionem inter se violenter agendo contra momenta naturalia, & æquipollentia fibrarum earundem, necessario fibras omnes nervosas, membranosas & musculares, cæterasque, quibus illæ alligantur, violenter & inæqualiter trahent versus partem inæqualiter & asymmetre dilatatam, & sollicitatam a fluidis præternaturaliter ingressis, motibus asymmetris fibrarum, & directionibus inæqualibus earundem; consequenter permutabuntur naturales anguli, & naturales parallelismi fibrarum, & organorum inter se, mutatis quoque fibrarum naturalibus directionibus: Quamobrem in hoc præternaturali statu facile crederem, affectiones convulsivas asymmetris & dissimilibus motibus fibrarum agentes, cum dolore ac spasmo esse copulandas. Itaque ex his colligendum putavi, immediatam doloris causam non a præternaturali extensione & sollicitatione habendam esse, ut *sollicitatio & extensio* est; sed quia a sollicitatione tali, ac tali extensione organorum sensibilibus fit inæqualis, dissimilis, inordinata, & asymmetra distractio, attractio & motus fibrarum & filamentorum solida componentium, a quibus mutantur naturales anguli fibrarum inter se; mutatur directio naturalis earundem; turbatur naturalis parallelismus solidorum, & gravi motu invertitur; solida idcirco sensibilia asymmetre, & præternaturali ac dissimili motu modo distracta affectionem convulsivam, sed cum dolore miserrime afferunt; quare jure putaverim, præternaturalem extensionem, inflationem & so-

licitationem solidorum sensibilibus mediantem tantummodo doloris causam esse futuram, ut simplex extensio & sollicitatio est; & sane ut hæc omnia experimentis probanda sint, confessus est mihi vir animo & ira potens, qui cum ab hoste sclopeti ictu in regione tamen minus principe femoris vulneratus esset, nullum pro ea temporis differentia dolorem sensisse a tanto ictu percutiente & sollicitante; ita ut per aliquod tempus sanum incolumemque se crederet; verum tractu temporis distractis notabiliter nonnullis fibrarum ordinibus, nonnullis vero contractis, & mutata fibrarum directione naturali parallelismo earundem cum inæqualitate, ac dissimilitudine angulorum, quas fibræ inter se contextæ componunt, dolor, & quædam convulsionis species supervenerunt. Itaque dolor non fieri videtur ab irritatione, seu sollicitatione, & violenta extensione tanquam a causa immediata, ut irritatio seu sollicitatio, & præternaturalis extensio est organorum; sed quia ab irritatione, sollicitatione præternaturalis extensio est organorum; sed quia ab irritatione, sollicitatione & præternaturali extensione subsequitur postea effluxus fluidorum in partem læsam, quæ præternaturaliter dilatent eandem; hinc sequuntur momenta distractionis in aliquibus, in aliis vero fibrillis momenta inæqualia contractionis dissimilia & asymmetra, cum inæquali & dissimili & improporcionata directione, ac motu earundem; mutato ulterius naturali parallelismo filamentorum componentium membranas, nervos, musculos, tendines &c. Deinde fateor, me in nobilissima Moniali frequenter observasse convulsivas affectiones; in qua si pollex pedis convulsus tantummodo esset, sævissimosque dolores agræ sustinebat; e contra fere nullos quotiescunque tota pedis regio æquabiliter & unimode convulsa traheretur. In hac re non ne chirurgicis experimentis manifestum est, vulnerato nervo, aut læsa membrana nervum investiente, cujus aliqua tantummodo pars fibrarum læsa sit, aut abscissa integra autem manente altera fibras nonnullas inæqualiter, inordinate & asymmetre distractas, nonnullas vero contractas motibus asymmetris, mutata fibrarum naturali directione, ordine ac parallelismo, cum mutatione angulorum a naturali inclinatione dissimilium, spasmos convulsivos ac dolores acerrimos attulisse: qui non nisi rescisso omnimode nervo (cujus rescissionis opere omnes fibræ componentes æquabiliter contrahuntur) tuto ægri solutis doloribus quiescere consuecunt. Antequam autem de hac tabula manum avertamus, remanet animadvertendum, vim, conatum & momentum fibrarum distractionis & contractionis præpollens tantæ aliquando actionis esse supra momentum æquipollens distractionis earundem, ut fibræ tam violenter distractæ, aut contractæ, fibrarum & organorum læsionem aliquando attulerint, ut divulsionem earundem miserrime ægri passi fuerint; Id semel animadverti in nobili Juvene annorum 20. qui cum satyriasi & febris correptus esset sine dolore, post sex dies facta notabili solidorum divulsionem, & secuta magna sanguinis effusione per alvum, enervato priapismo, sed versus regionem hepatis dolore superveniente adacta ulterius febris post triduum obiit. Ibi autem præterire non licet nonnulla, quæ a chirurgicis observationibus desumpta summopere & theoriæ & curationi convulsionum conferre videntur; observatum enim est sæpissime vulnera capitis ex dextra transferre convulsionem in sinistram partem, & e contra. Cum enim momenta contractionis & distractionis pericranii, menyngum & lacertorum dependentium per cerebri peripheriam in statu naturali debeant esse ex utraque parte inter se æquipollentia; nempe in ratione veluti reciproca cum opportuno æquilibrio & reactionum menyngum & lacertorum, totiusque pericranii (quod menyngum expansio est;) quotiescunque momenta distractionis & contractionis pericranii, menyngum, & lacertorum dictorum ex parte dextra, vel ob externam læsionem, vel ob internum aliquod vitium, aut infirmentur, aut omnino deficient; statim infirmatis lacertis ex parte dextra, lacerti antagonista ex parte sinistra acquirunt necessario ea momenta præpollentia contractionis, quæ majorem rationem habeant ad momentum oppositum enervatum contractionis ex parte dextra, & sic convulsiones ex sinistra sequi debebunt.

Quod si momenta distractionis & contractionis omnino deficiant ex parte dextra, multo magis lacerti antagonista ex sinistra parte necessario acquirant ea momenta præpollentia contractionis, quæ summam rationem habent ad deficientia momenta contractionis & distractionis in parte dextra; quare cum momenta contractionis ex parte dextra nullo modo reagere apta sint, deficere supponentur, atque erunt $\equiv 0$; & cum momentum contractionis in parte sinistra adeo præpollent, ut quodammodo viribus infinitis æquipollere videatur; ibi momentum præpollens erit multo majus, quam suppositum fuerat supra $\equiv b_3 + e$; & consequenter ex parte sinistra enormes attractiones & gravissimæ convulsiones erunt oriturae. Quamobrem cum a tam validissimis convulsionibus & attractionibus in parte sinistra meninges crispata substantiam cerebri validissime stringant, & ob filamenta per futuras exeuntia, & per pericranium expansa, & validissime attracta impellatur, urgeaturque substantia cerebri contra cranii soliditatem, propterea necesse est, substantiam cerebri, & vasa quoque venosa & arteriosa in parte sinistra graviter lædi, frangi aliquando, aut lacerari; Hæc quidem ex chirurgicis observationibus aperta sunt, quin imo ultro testatur celeberrimus Valsalvianus præceptor meus (a) a celeberrimo Valsalva accepisse, in hemiplexis etiam læsionem cerebri esse in parte opposita illi medietati corporis, cui gravi fato contigit sensus, & motus abolitio. Hic autem dissimulare non placet, quæ facile quis objicere posset; si enim solida nervea, muscularia &c. extendantur, & inflentur proxime in ratione composita ex cubo, seu triplicata ratione distantiarum fibrarum inter se, & ex ratione elasticitatis corporum elasticorum, aut effervescentium, extensio & inflatio solidorum adeo alte excresceret, ut exterius quoque animadvertetur, quod non sine magno naturæ damno contingere potuisset. Optima quidem animadversio, intelligat unusquisque, non semper omnes fibrillas solidum componentes adeo inflari & extendi, ut singulae in data ratione dilatentur; sed extensionem & dilatationem aliquando uni, aliquando aliquibus tantummodo fibrillis solidum componentibus contingere potuisse, quibus singulariter extensis, non quidem omnibus, licet dolorifica passio & convulsio superveniret, nihilominus extensio & inflatio non adeo immodice fieret, ut exteriora versus magno naturæ damno foras quodammodo erumperet, & appareret; Cæterum si universæ solidi fibrillæ solidum componentes in data ratione dilatarentur, fateri quidem debuissim, extensiones & dilatationes adeo supra legem futuras esse, ut ad exteriora quoque effusæ esse viderentur, quod in magnis doloribus & convulsionibus aliquando visum: Opinor tamen membranam carnosam leniter cedendo opportune impedire, ne aliquando ingentes quoque nervorum, musculorum, &c. dilatationes exterius videantur; sæpissime certe audiui, nobilissimam monialem convulsivis doloribus affectam, per exteriora capitis & per abdomen spasmodice extensum nescio quam duritiem hinc inde persensisse, quæ durissimos quosdam nodos æmulari videbatur.

12. Convulsivas affectiones cum dolore, & sine dolore generali quodam ratiocinio usque adhuc investigavimus; modo cum plurimæ adsint convulsionum differentiarum perpendendæ, non arduum putaverim ex firmata universali convulsionum doctrina a singularibus convulsionum differentiis brevi me expedire. Itaque primo occurrit *Tetanos*; hæc enim est quædam convulsionis species, quæ totum corpus una aggreditur; in hac momentum distractionis, seu tractionis nervorum spinæ per posteriores præcipue dorsi musculos ac tendines decurrentium adeo violentum est & excedens, simulque momentum contractionis nervorum, quod præcipue per anteriores musculos seu antagonistas ac tendines pectoris & abdominis, adeo pari opposito conatu operatur, ut utraque momenta fortiter & enixe in ratione violenta æqualitatis conentur statum suum distractionis ex parte posteriore, & contractionis ex parte anteriore valide sustinere: In hoc statu deest illa naturalis facilitas ac libertas transeundi facile, ac libere a statu distractionis ad statum contractionis, aut e contra; Quamobrem cum membranæ, ner-

vi, muscoli ac tendines, quibus nervea & membranosa filamenta alligantur tonico motu distractionis & contractionis æquali conatu ac momento consistent, rigidum videbitur stare animal, nec in utranque partem inclinare. Quamvis verum Tetanum nunquam viderim, hujusmodi tamen morbi indolem obtigit mihi observare in muliere, quæ per diem apertis oculis adeo rigida omnino constitit, ut nullatenus flecti in utranque partem magnis licet viribus nitentibus potuerit; paulatim tamen remediorum usu cepit tantillum movere palpebras, & tractu temporis a tam violento morbo febre supervenirent liberata est. Frequentior causa hunc morbum miserrime allatura, feri particulis velut cuneis per membranarum nervorum, & musculorum & tendinum interstitia, aut fortasse per glandulas mucilaginosas præternaturaliter effusis videtur tribuenda. Cum enim in hujusmodi solidis massæ fluidorum seu serosa corpora undequaque distributa tantquam cunei horum solidorum interstitiis, ac distantibus fibrarum undique inferantur, violenter extendent solida membranosa, nervea, muscularia & tendinosa proxime in ratione composita ex ratione cubica interstitiorum, nempe in triplicata ratione distantiarum fibrarum inter se & ex ratione elasticitatis corporum elasticorum: Si itaque quantitates materiæ seu massæ serosæ in data ratione tam posteriores dorsi membranas, nervos, musculos ac tendines, aut glandulas mucilaginosas circa musculos ac tendines a celeberrimo viro Joanne Baptista Morgagno Anatomicorum facile principe indicatas, (b) quam anteriores pectoris & abdominis &c. præternaturaliter fluendo extendant, ita ut vis posteriorum solidorum præternaturaliter extensorum sit æqualis, & æquilibrata viribus solidorum anteriorum, aut antagonistarum præternaturaliter extensorum, horum vires oppositæ inter se æquipollent, sicque momentum præternaturale distractionis solidorum ex parte posteriori æquale erit, aut æquipollebit momento præternaturali contractionis eorundem antagonistarum in parte anteriori, unde præternaturaliter stare ac consistere animal coactum erit. Hac methodo in *Empirothorono* massæ corporum elastica, quotiescunque supra legem fluendo per interstitia anteriorum fluidorum, solida dilataverint in ratione composita proxime ex cubica ratione interstitiorum, seu distantiarum inter se, & ex ratione elasticitatis corporum elasticorum, minus vero extensionem fecerint in posterioribus solidis antagonistis; tunc cum momentum præpollens distractionis membranarum, nervorum, musculorum ac tendinum anteriores præcipue partes decurrentium adeo superet momentum contractionis membranarum, nervorum, musculorum antagonistarum & tendinum posteriores partes occupantium, tunc animal in anteriori curvari conabitur. E contra in *Opisthorono* cum massæ corporum elasticae cujuscunque generis præternaturaliter fluendo per glandulas mucilaginosas, & per interstitia posteriorum solidorum juxta expositam rationem compositam dilataverint, minus vero extensionem fecerint in anterioribus solidis antagonistis; tunc cum momentum præpollens distractionis membranarum, nervorum, musculorum ac tendinum præcipue in partibus posterioribus colli, dorsi, &c. habeat rationem majoris inæqualitatis respectu ad momentum contractionis membranarum, nervorum, musculorum antagonistarum & tendinum in partibus anterioribus pectoris, abdominis &c., animal certe conabitur posteriora versus miserrime inflecti. Ex his colligendum, quam inepte judicent nonnulli succos tantummodo austeros & coagulantes sufficientes pro harum convulsionum causis exponendis, cum quælibet fluida cujuscunque generis hujusmodi morbosa phænomena productura sint, quotiescunque solida membranosa, nervosa, muscularia ac tendinosa cum mucilaginosis horum glandulis in datis rationibus a quibuscunque massis elasticis & non elasticis præternaturaliter extensa fuerint. Plurimæ remanent convulsionum differentiarum, quæ cum dolore & sine dolore facile occurrunt; ut *Spasmus Cinicus*, *Strabismus* oculorum, *Trismus* musculorum mandibularium; *Risus Sardonius* labiorum; quæ cum differant inter se tantummodo ratione loci, eadem lege momentorum præpollentium distractionis & contractionis

Empirothoronos.

Opisthoronos.

(a) Pag. 27. del cervello impietrito.

(b) Animadversione VII. Advers. Anat. 11.

nis poterunt facillime & univoce explicari. Ex his, quæ num. 6., & quæ huc usque dicta sunt de motu contractionis & distractionis solidorum, tam naturaliter, quam præternaturaliter agentium, data proportionem, constare potest, momenta contractionis & distractionis solidorum esse posse radices oscillationum tam naturalium, quam præternaturalium, quæ (juxta tamen naturam & rationem fibrarum) in solidis animalium jugiter eveniunt; idcirco ex his oscillationum phænomena tam naturalia, quam præternaturalia satis opportuna proportionem enodari poterunt.

13. Modo acturus de morbis, quos potissimum a præternaturalibus menynge motibus oriri putaverim, me recte sentire arbitror, si prius de cerebri & cerebelli motibus probabilia quædam dixerim; fere omnes una consentiunt, cerebrum ex pluribus glandulis, cerebellum vero ex paucioribus esse compositum. Licet vero utrunque communi menynge involucri vestiatur; atramen non eadem est cerebri & cerebelli ratio ac status. Exterior enim cerebelli superficies multis quidem gyris ac rugis inæqualis est, non tamen quantæ (a) in cerebro, ultro citroque observantur, serie quadam ordinata ab uno latere ad aliud deductæ. Non eadem pariter est directio & ordo lacertorum, qui cerebrum & cerebellum circummeunt; non eadem in utroque æqualis est fibrarum dispositio ac modus. Cum itaque a natura tam diversæ rerum, ac directionum series non frustra, sed divina quadam ratione ac consilio factæ sint, verosimilius crediderim, hæc tam diversa mole, rugis, dispositione membranarum, & directione ac figura lacertorum elaborata fuisse, ut diversis motuum differentiis fibræ cerebri & cerebelli parerent. Sicut enim (b) glandulæ diversa fibrarum textura, directione & ordine muniri debuerunt, ut homologis motibus proportionalia fluida separarentur; ita non dissimili methodo a natura probabiliter statutum est, ut cum naturales a cerebello, & voluntarii a cerebro motus, & dissimiles sensuum affectiones, actionesque exequendæ continuo fuerint, diversis quoque membranarum, & fibrarum cerebri & cerebelli specificis motibus agerentur. Quamobrem cum menynge, (pia præcipue) cerebrum & cerebellum, fibræque medullares, sive primas nervorum radices arcte ac intime circumligent, jure sentiendum est, ex determinatis ac specificis menynge motibus, fibras quoque cerebri & cerebelli esse æquali ratione ac motu sollicitandas; & vice versa. Cum enim fibræ medullares cerebri & cerebelli a sensuum, aut internorum, aut externorum affectionibus specificis motibus sollicitari ac moveri necessario debeant; istæ pariter inscriptæ membranis, seu menyngeibus, has tali determinata lege motus moturæ erunt, ut communicato quoque tali menynge motu, sanguinis fluenti per sinus menyngeum, sanguis ipse ea ratione motus afficiendus erit, qua fibræ cerebri & cerebelli, & membranæ investientes prius affectæ fuerant. Hæc, quæ generaliter dicta sunt, nos manuducere quodammodo videntur ad ea, quæ de morbis capitis, de *Epilepsia* potissimum dicenda sunt. Cum enim in hac naturales motus ægre & laboriose fieri, voluntarios vero otiosi, musculos convelli, sensus hebescere; & animæ potentias deficere quodammodo videantur; jure credendum, ex vitiosis extraneisque menynge motibus, alteratoque fluidorum motu fibras quoque cerebri & cerebelli moleste & graviter affici. Epilepsia itaque alia est per essentiam, alia vero per consensum; prima quidem in cerebro sedem firmat; secundam vero inferiorum viscerum consensu fere omnes Medici voluerunt. Prima a quibuscunque humoribus oritura est, sed quibus talis ac determinatus inest motus ac præternaturalis superficies (Medicis adhuc ignota) quæ incognitam menyngeibus cerebri afferat sollicitationem; hujusmodi enim fluida hinc inde per cerebrum decurrendo, membranarum & lacertorum musculis proportionalium spatiola, aut machinulas fortasse sphaeroidalibus analogas præternaturaliter inflant, & ignota momenti præternaturalis differentia sollicitant.

(a) Ex Verheyen pag. 169. Anat.

(b) Ut num. 9. & seq. Primæ partis Mechanicæ morborum.

Membranis autem, fibrisque medullaribus tali humorum copia ac motu sollicitatis momentum attractionis membranarum majus faciendum est; quod fibrillis cerebri, & nervis solidis intra & extra cerebri regionem serpentibus gravi consensu communicatum convulsivos motus tribuit, epilepsiam allaturos. Hoc autem momentum attractionis filamentorum nerveorum & membranarum sine dolore futurum erit, quotiescunque ordinata ac simili & unimoda lege, ac æquabili motu factum fuerit, servata naturali fibrarum directione inter se, & naturali parallelismo earundem. E contra molesta & dolorifica epilepsia erit futura, cum filamenta menyngeum & nervorum inordinatis & dissimilibus directionibus & asymmetris motibus attracta fuerint, inverso naturali fibrarum parallelismo. Ex hujusmodi motibus convulsivis undequaque contractæ membranæ tam a glandulis, quam a vasorum lymphaticorum osculis serosæ saburræ spumæ in modum violenter per os exprimuntur; sed ultro ingravescent symptomata, cum accedat laborum, manuum, palpebrarum, totiusque corporis tremor miserrimus; qui sæpe adeo solida violenter quatit, ut fracta penitus videantur. Ut autem tam gravis tremorum methodus explicari quodammodo possit, animadvertendum est, menynge connecti fibris medullaribus cerebri, & superne leniter cranio opera aliquorum filamentorum, quæ per futuras trajecta in periostium expanduntur. Istæ pariter membranæ ob plicas ac rugas facile distrahuntur a viribus cum externis, tum internis agentibus, & facile ab opposito fibrarum & lacertorum conatu naturaliter contrahuntur, ea quasi ratione, qua in motibus musculorum agunt & reagunt muscoli antagonistæ. Itaque momenta contractionis naturalis filamentorum per futuras exterius exeuntium, & eorum, quæ cranio hinc inde alligantur, cum nullatenus in otio sint, vim suam & conatum naturalem exercere conantur contrahendo exterius membranas versus cranium; sed blando motu & æquabili. Quod si filamenta antagonistica præternaturaliter inflata & sollicitata fuerint, opus impendent suum, ut asymmetre retrahant membranas ipsas ad partes internas oppositas; & tunc temporis cum fibræ menyngeum in curvam aliquam superficiem naturaliter inflexæ sint, describent actionibus & reactionibus præternaturaliter reciproce oppositis, eundo nempe violenter & redeundo, veluti arcus præternaturaliter quoque reciprocos. Cum autem in tam angustis ac strictissimis cerebri anfractibus itus & reditus præternaturales fibrarum membranearum sint necessario frequentissimi, ob frequentissimas corporum præternaturalium sollicitationes, pariterque sint minimi: fibræ quoque sollicitatæ & attractæ versus spatia interna cerebri, & eodem reciproco, sed opposito, conatu attractæ exterius versus futuras & cranium, describent veluti arcus præternaturaliter reciproce dissimiles, & pariter necessario minimos ac frequentissimos. Cum autem minimi arcus descripti e reciprocis penduli oscillationibus vel in circulo, vel in cycloide tremulos motus agant & afferant; rationabili analogia judicandum putaverim, convulsivos epilepticorum tremores a minimis fibrarum menyngeum arcubus, descriptis a frequentissima & minima actione & reactione earundem esse orituros. Itaque cum menynge nervos undequaque circumscribant, & isti undequaque per universam musculorum familiam effusi sint, eam rationem motuum tremulorum nervis & musculis communicaturæ erunt membranæ, qualem ipsæ in cerebro susceperunt. Ex hisce ulterius vitiis lentescit certe sanguis in sinibus menyngeum, ibique acervata fluidorum quorumcumque saburra non raro timendum, quin fractis canalibus fluida undequaque effusa advehant apoplexiam; sed de hac suo loco. Placet nonnullis, epilepsie causas a noviluniis & pleniluniis sæpissime acceptas querere; ob majorem enim aeris pressionem, aut vim instantem facile statuere voluerunt, succos & humores talis indolis ac figuræ, aut plus justo separari a glandulis menyngeum, aut certo quodam præternaturali motu moleste moveri. Verum cum epilepticos insultus extra novilunia & plenilunia sæpissime observata sint, rectius consilium cœpi de noviluniis, & pleniluniis tanquam de prima causa, (cum fatear par-

partialiter posse conferre) esse dubitandum. Altera epilepsiæ species, quæ per consensum tam gravia affert symptomata ab inferiorum viscerum, ut hepatis lienis, ventriculi & mesenterii, potissimum vero ab uteri vitiiis eruenda est; quotiescunque enim tali vitiosa ratione sollicitantur nervei illi plexus, aut quælibet nervea solida has partes decurrentia, utpote membranis induta a menyngibus derivata, ea aliquando distractionum, & contractionum vitiâ transferent in membranas circumscribentes, ut fibrarum similium consensu tandem aliquando menynges ipsæ eâ præternaturali ratione sollicitatæ vitiose in cerebro oscillent, qua supra expositum est, tot incommoda epileptica allatura; non itaque mirandum est epilepticos, aphonos, stupidos & inmemores, sensusque & motu carentes semper fuisse observatos.

14. A tremoribus epilepticis facile transeundum est ad corporis & membrorum tremores. Medica autopsia non raro edocuit, hujusmodi affectiones, vel in musculis, vel in membranis ac nervis, vel in solidis ac fluidis elastica vi enervatis sedem habuisse; opportunum itaque fuerit de singulis juxta opportunitatem brevi sermone agere. Quod ad musculos attingit, jam evulgatum est a Borello machinulas rhomboidales, & Bernollio sphaeroidales oscillatoria quadam vicissitudine, modo contrahi motibus æquitemporaneis, quæ naturalibus musculorum ordinatis actionibus parere debuissent; aliquando accidit a quacunque causa sive externa, sive interna, sive mixta machinulas illas non ordinato & æquabili oscillationis motu, sed inordinato, & asymmetrico sollicitandas fuisse. Nemo dubitaverit, fibras musculares, quæ tot machinulas sphaeroidales inæqualiter, asymmetre, & frequentissime oscillantes undequaque circumscribunt, has quoque fibras inæqualibus, asymmetris & frequentibus oscillationibus sibi continuo communicatis movendas esse; velit itaque nolit animal, tremulis motibus agendum erit ex inordinata, & inæquali musculorum oscillatione. Quod ad membranas & nervos spectat, repetantur quæ de tremoribus epilepticis satis clare ostensa sunt; enimvero aut sollicitatione, aut inflatione menyngum lacerni in curvam superficiem inflexi, cum distrahi, & reciproca vicissitudine contrahi necessario debeant, eundo, & redeundo, describent in tam strictissimis cerebri anfractibus arcus plus justo minimos ac frequentissimos, qui cum ex penduli phaenomenis tam in circulo, quam in cycloide observatis tremulos motus producant; certe ex tam membranarum minimo motu distractarum, & minimo motu contractarum reciproca sollicitatione tremuli motus exoriantur. Ibi autem nerveis solidis communicabuntur, cum membrana a menyngibus derivata nervea solida circumscribendo eas affectiones tremulas nerveis solidis afferant, quas ipsæ prius aut sollicitatione, aut inflatione in cerebro præternaturaliter susceperunt. Conferat ulterius tremori elasticorum fluidorum vis enervata, vi cujus naturalis solidorum tensio flaccescere consuevit; dum enim corpora elastica debito virium ac momentorum numero continuo oscillant, solida circumscribentia ea tensione gaudent, qui solida ipsa tonico quodam statu naturaliter extensa aut inflata detinentur. Verum si elastica corpora debito numero deficient, tot solida, cum nec continuo, nec æquabiliter opportunis viribus extensa, & inflata, naturali ac debita ratione possint consistere, hæc prout elasticis fibris prædita frequenti vicissitudine transibunt ab una parte minimæ dilatationis ad partem oppositam minimæ contractionis. Quare cum hujusmodi reciprocatio motuum minorum oppositorum præternaturalium tremulos motus afferat, necesse erit, ut enervato solidorum & fluidorum elastico conatu ac momento, solida quoque nervea, & muscularia in tremores itura sint; & consequenter labia, manus, palpebrae, & reliquæ corporis partes continua oscillationum reciprocatone a tremoribus sollicitentur. Ita quoque si elastica corpora inertibus aut extraneis corporibus unita fuerint, producentur membrorum actiones mixtæ ex conatu corporum agentium, & impredientium; cum enim causæ aliquem effectum adjuvent in ea ratione, quæ ipse augentur, aliæ vero impedian, aut minuant, erunt

effectus semper directe ut causæ adjuvantes, reciproce vero ut causæ impediētes, aut minuentes. Quamobrem cum momenta ac vires corporum elasticorum in nerveis, ac muscularibus spatiolis naturaliter agere conentur, impediant vero, aut minuant elasticas actiones corpora præternaturalia, quibus elastica commiscuntur, actiones musculorum & membrorum seu motus eorundem erunt directe, ut vires adjuvantes corporum elasticorum contentorum in nerveis, & muscularibus spatiolis; reciproce vero, ut vires corporum præternaturalium impredientium, aut minuentium actiones, ac motus eorundem. Itaque vel causæ modo effectum adjuvent, vel modo simul impedian; utraq; tamen & adjuvando & impediendo, nisus & conatum suum exercent; qui nisus ac conatus cum sint præternaturales, nunquam eam inter se proportionem adipiscuntur, qualem natura exigit, ut inter se nisus ac conatus isti æquilibrentur; oportet itaque hujusmodi conatus ac momenta præternaturalia inæqualiter agendo, & inæqualiter reagendo taliter sollicitare membra, ut tremulis & asymmetris motibus & oscillationibus agitentur. Si ergo momenta aliquarum membranarum, aliquorumque nervorum ac musculorum, opere præternaturalis causæ, habeant rationem majoris inæqualitatis respectu ad opposita momenta musculorum antagonistarum, aliorumque nervorum, membranarum, tendinum & ossium; cum ex momentorum inæqualitate non possint æquilibratæ potentiæ æqua ratione consistere, erunt facile ex frequentissima actione, & reactione corporum momentorum inæqualium tremulis motibus agitandæ; verum deficientibus hisce musculorum tendinum & ossium momentis facile reparandum erit, si pondus aliquod proportionale tremulis manibus sustinendum adderetur; hoc siquidem ponderis externi augmento actiones, & reactiones præternaturales corporum agentium & reagentium ad naturale æquilibrium restitutæ, felicissime, ablato tremore, conquiescere debuerunt.

15. Et jam ad eam morbi speciem devotum est supra ceteros morbos timendam, *Apoplexiam* videlicet, quarum una fortis est, quæ subito animal interficit; altera vero levior, quæ morbum & mortem protrahit. Ut autem de utraque opportunum sermone habeam, juvat repetere, quæ celeberrimi viri Joannes Fantonus & Antonius Pachionus de motu systolis, & diastolis menyngum aptissime docuerunt. Studio itaque naturæ bene se habentis decretum est, motum cordis esse motui talium membranarum proportionalem; cumque isochronus esse debeat naturalis motus cordis & artèriarum, isochronus quoque menyngum motus futurus erit. Magnis autem usibus moveri menynges supra statutum, potissimum vero uni inservit homologo, nempe impulsui sanguinis per universa cerebri vascula; præcipue vero per sinus menyngum, ut ab his sanguis per venas in cor proportionali quoque motu circumeat restitutus. Si itaque inauspicato accidat, aut a glandulis menyngum a supra laudatis viris Fantono & Pachiono feliciter observatis, aut ex nimis effuso sero a canalibus lymphaticis, aut ex nimis violento sanguinis impetu, aut ex quacunque alia præternaturali causa, naturalem menyngum texturam, rugas aut plicas vel in tota peripheria, vel aliqua in parte ejusdem gravi fato præternaturaliter laxari, extendi aut rumpi; ita ut omnino deficient, vel in universa menyngum peripheria, vel in aliquo spatio ejusdem reciproca momenta distractionis & contractionis fibrarum, & vis diastolis & systolis earundem; tunc cum in hisce solidis præternaturalis status inertiae praviter fiat, sanguis & quæcunque alia fluida elastica & non elastica enervato, aut deperdito motu variam apoplexiæ speciem erunt allatura. Non eadem tamen futura erit morbi indoles: etenim si spatia menyngum aut laxata, aut inertia, aut fracta eas amplectantur ac vestiant nervorum origines, aut ductus eorundem, qui per musculos dextri aut sinistri brachii, dextri aut sinistri pedis excurrunt, sensum & motum hisce partibus donaturi; tunc vel dextrum brachium, vel sinistrum, sive dextrum pedem, sive sinistrum infirmari, aut impediri necesse est. Ceterum si graviore fato, aut tota menyngum regio, aut ea menyn-

Apoplexia.

nyngum portio, quæ cardiacos nervos ab origine, & toto progressu investit, aut laxetur, aut iuers fiat, quodammodo frangatur, tunc statim impedito sanguinis circuitu, cessante motu cordis, forti apoplexia erit animal moriturum. Hinc sæpe in apoplecticis laxatis potissimum cerebri & cerebelli menyngibus, quæ fibris medullaribus undequaque alligantur, fibrarum medullarium series, seu progressiones ordinatæ earundem a proportionali ordine, directione ac situ naturali declinare coactæ erunt; fiet itaque motus fibrarum primo iners ac languidus, simulque fibris acquirantibus directiones, positiones ac situs a naturali statu dissimiles, seu inclinationes præternaturales, inversa ratione naturalis proportionis earundem exorietur gravis phantasmatum confusio, & ex potentia memoriæ enervata oblivio. Sed de memoria, & de reliquis animæ affectionibus præternaturalibus secunda dissertatione agendum erit. Interim cum apoplectico insultu correptos, aphonos quoque sæpissime viderim, non erit magni negotii opus rem ac causam aperire; laxata enim menyngis portio, quæ recurrentibus nervis respondet, iisque per laryngis musculos decurrunt, non eam rationem motus datura erit voci edendæ proportionalem. Verum non a laxitate menyngum & fibrarum cerebri oriri apoplexiam tantummodo judicandum est; verum etiam ab ariditate, aut convulsiva crispatura earundem facillime orituram esse credimus; hominibus enim ultimo senio correptis adeo menynges arescunt, ut moveri inepte debeant, & urgere sanguinem opportuno impulsu non possint enervato momento distractionis: pari methodo augeri inertiam motus credendum, si convulsivæ affectiones prohibeant ea momenta distractionis, quæ a natura statuta sunt, sanguis enim & fluida quælibet, cum non æquabili motu, nec ordinato, neque continuo urgeri possint, facillime tam in senibus, quam in convulsis motus cordis & vita ipsa auferenda est. Nonnulli *Apoplexiam per consensum* facile nominant; verum cum quælibet apoplexia semper opus suum funeste in cerebri regione exerceat & compleat, supervacuum putaverim de apoplexia per consensum ulterius dicere.

16. Apoplexia superveniente aut statim moriendum, aut membrorum stupore, una cum abolito motu sæpe paralytice vivendum est: grave tamen onus est, sensus & motus deperditi, aut enervati causam reddere; licet enim celebres Philosophi ac Medici plurima de sensu & motu alte disputaverint, curandum tamen, antequam de paralyti loquamur, de sensu & motu quædam dicere, paralyti necessaria affecuturis. Cum itaque similitudine quæri debeant, quæ vere a natura rerum obtineri non possunt, crediderim primo, rationalem animam adeo intrinsece, arte & intime uniri, applicari & compenetrari viventibus organis, ac sensorii, ut minori penetratione lumen politissimo, purgatissimoque vitro ac crystallo applicetur, idemque crystallum penetret, quam anima sensorii, organisque compenetratur. Hæc organorum opera duas actiones divinitus exercet; quarum prima & eminens in cerebri fibrillarum motibus se ipsam exinie ostentat, per imaginationem, discursum & memoriam, de quibus suo loco; secunda vero humilior est, quæ membranarum nerveis, musculis, &c. indiget pro sensu & motu exequendis, quam hic brevi probabilique ratiocinio inquirendam curamus. Itaque pro sensus organo membranas undequaque construxit, varias textura, ordine, directione, ac modificatione dissimiles, variis sensuum differentiis proportionales; pro motu vero duabus indiget natura musculorum speciebus præter nervos, quarum altera naturalibus actionibus famulatur; hæcque continenter moveri debet opera fibrarum taliter modificatarum, & fluidorum continue impellentium; altera vero imperio animæ movenda est, ut voluntariis motibus pareat: utraque tamen, ut apte summis naturæ operibus faveant, æque, perfecte, ordinateque dispositæ, & elaboratæ, purisque fluidis irrigatæ esse debuerunt. Sicut itaque lumen alteratur & afficitur a quocunque latere, angulo, superficie ac motu corporis illuminati; ita similiter anima solidis intime unita ac compenetrata, juxta quoscunque motus solidorum diversas patitur affectiones solidorum affe-

ctionibus homologas; anima etenim divino, quasi lumine donata cum specificis motuum differentias habitudine & usu sentiat ac cognoscat; & cum universæ organorum affectiones a specificis, determinatisque motibus determinentur, non dubitandum, rationalem animam a specificis motuum organorum differentiis, specificas eorundem organorum affectiones taliter sentire ac cognoscere debuisse. Sentit itaque anima, quæ sensus ipsi sentiunt; & qua ratione afficiantur sensus, ea animam ipsam affici necesse est; hinc ex tam intimo animæ cum organis vinculo reciproce judicandum, affectiones ejusdem necessario sensibus ipsis communicari, ut quantum ipsa patitur anima, tantum data proportionem sensorii naturaliter se habentibus affectione communicata, opera compenetrationis, sensoria pati teneantur. Cæterum si organa sensibilia, aut enervata fuerint, aut vitiose modificata, impedita, aut læsa, sensus quoque aut enervati fient, aut torpidi, aut ægri, aut aboliti. Hinc anima ipsa ex enervatis, aut impeditis, aut abolitis organorum sollicitationibus, aut languide, aut vitiose, aut nulla penitus ratione sentire poterit, sensuumque differentias opportune cognoscere. Licet vero sensationes ubique fiant, & animam juxta leges specifici motus organorum undequaque afficiant; nihilominus animæ judicium de motuum natura, ratione, ac sensibilibus qualitate non nisi in cerebro, ut regia animæ sede faciendum est; ibi siquidem communicatis organorum motibus, aut sollicitationibus specificis, ac determinatis *Pia Menyngi* (quæ sensus communis organum suspicari jure potest) & consequenter fibris ipsis medullaribus, quæ a pia matre immediate vestiuntur, anima habitu, usuque exercita, adeo recolligit eas affectiones ac motus, qui sensoria sua, animamque ipsam antea sollicitaverant, ut juxta determinatas rationes motuum, qui sensibus proportionaliter communicantur, hos acutissime, virtute, usu ac habitu acquisitos cognoscere ac judicare teneatur; sed de animæ actionibus suo loco.

17. Hæc breviter de sensu dicta sufficiant. Res paulo obscurior mihi visa est, de motu animalium disputare; cogitanti tamen mihi sæpenumero, & in hac re meditati occurrunt potissimum duæ sententiæ, quæ naturalis & voluntarii motus phænomenis probabiliter satisfacere videbuntur. Utranque hypotheticè afferam; unusquisque autem eam amplecti poterit, quæ probabilior fuerit, & quam ad enodanda naturæ phænomena aptiorem fuisse judicaverit, eam imitatus Astronomorum methodum, quam nonnulli per circulos, nonnulli per ellipsim, nonnulli per alias curvarum rationes phænomenis & motibus planetarum apte satisfaciunt (ut de vorticibus cœlestibus ostendit celeberrimus vir Joannes Polenus omni laude meritissimus) eundem finem diversa licet methodo adepturi. Itaque jus veritati quærendæ me facturum puto, si audeam ad modum hypotheseos utranque sententiam probabiliter ratiocinio patefacere. Magnum apud omnes, qui recte & graviter judicant, pondus habet sententia illa celeberrimorum virorum Borelli ac Bernollii, voluntarios motus musculorum fieri imperio animæ, quæ per nervos ob subitanæ effervescentiæ spirituum animalium, seu succi nervei e nerveis tubulis effusi sanguini & lymphæ commixti, cujus effervescentiæ impetu extenduntur machinulæ illæ rhomboidales musculorum cum Borello, aut sphaeroidales cum Bernollio, contractionem musculorum exercet; ut autem hujus hypotheseos idea facilius ac clarius doceatur, putabo rem fore necessariam, si Bernollii ipsamet verba methodo Borelliana elaborata aperuerim. Inquit itaque num. 4. Doctissimus Bernollius: *His itaque generaliter assentimur, & statuimus cum Borello, nervos esse congeriem tubulorum substantia quadam spongiosa repletorum, quæ substantia semper turget, & plena est fluido summe volatili a cerebro suppeditato ejus naturæ, ut si cum sanguine commisceatur, subitanæ effervescentiæ pariat. Et hoc fluidum illud ipsum est, quod vulgo spirituum animalium nomen habet: Si anima imperat aut vult, hoc fieri non potest, quin ex necessitate mirabilis unionis, quam Omnipotens Deus inter animam nostram & corpus constituit, & quæ nos hætenus latet,*

Paraly-
sis.

& us.

Et usque latebit, quin, inquam, fiat in cerebro localis quaedam agitatio spirituum animalium, qui vellitando principium alicujus nervi concutiant per totam longitudinem spiritus intra contentos; non secus, ac fit in baculo, cujus extremitate una vel tantillum commota, altera pariter ob contiguitatem partium commovebitur; Sic itaque ab irritatione principii nervi guttula extrema fluidi ad nervos spectantis ex altero osculo levi vibratione ejicitur, & hoc modo ex omnibus aliis nervulorum per musculum disperforum osculis simul ad nutum voluntatis totidem guttula evomuntur; quemadmodum autem spongia turgida guttulas pendulas effluere non sinit, sic etiam si oscula ista extrema nervorum semper sint patula, guttula tamen fluidi modo memorati sponte, & sine quadam concussione non excidunt, quia substantia spongiosa nervorum eis loco valvularum inservit. Sequenti vero num. 5. addit: Quando igitur ab imperio voluntatis, vel a consuetudine naturae (quod fit in motibus involuntariis) eo, quo dixi modo innumera guttula per totam musculi molem, quæ instar spongiæ semper sanguine humectata est: simul ejiciuntur ex orificiis nervulorum, tunc eadem particula tenuissima spiculis suis subtilissimis impacta in particulas sanguineas tenuiores easdem distinguunt, & insito aeri condensato exitum præbent (ut docui in mea dissertatione de effervescencia, & fermentatione) ebullitionem, & subsequentem musculorum inflationem producit; unde contractionem earundem subsequi necesse est. Videatur ulterius Borellus cap. 3. 2. tom. de motu animalium; de causis probabilibus vitalis contractionis musculorum prop. 22. & sequentibus, ex quibus manifesto constabit tantæ hypothese ratio, ordo, & methodus, enodatis ultro difficultatibus illis, quæ hanc hypothesein evertere potuissent.

18. Licet tantorum virorum doctrinæ & auctoritates eo pretio sint apud nonnullos, ut fateantur, id semper summæ gloriæ ipsis fuisse, cum Borellianas, aut Bernollianas hypotheses sequi potuissent; attamen philosophandi gratia sperant se veniam fore consecuturos, si aliquando alteri sententiæ assentiri videantur. Hisce itaque plurima non arrident; primo si quidem, licet probabilem putent succi nervei & spirituum animalium existentiam, tamen non eo officio credunt comparatos, ut sensum & motum primum tribuant: etenim non putant glandulas corticales cerebri tale, tantumque fluidum separare posse, cum Malpigijs capite de liene pag. 305. nervum naturæ suæ succum fero & parce vehere ingenue expertus sit, nec fibras medullares, & nervea solida separatum succum tanto officio sensuum, & motuum undequaque vehere. Inde non facile credunt, voluntatis impetio fieri posse localem in cerebro agitationem spirituum, qui vellitando principia alicujus nervi concutiant per totam longitudinem spiritus intra contentos, ut guttula extrema fluidi ad nervos spuantis ex altero osculo levi vibratione tam cito, tam prompte ejiciatur, & ut cum sanguineo & lymphatico fluido mixta statim fermentescens subitanæ distentionem machinularum, & contractionem musculorum efficiat; si enim frequentissimo & continuo voluntatis imperio in continuis motibus musculorum guttula semper succi nervei continuo tribuendæ essent, ut cum sanguineo & lymphatico latice efferverent; laboriosum quidem naturæ opus futurum esset, & summum onus glandularum cerebri tantum succum suppeditare nerveis canaliculis, tantis continuisque motibus parem. Arduum ulterius putant, credere tam citum, tam facilem gressum, & regressum spirituum per nerveos canaliculos imperio animæ, & quomodo spirituum particulæ infinite parvæ & elasticæ intra teneras nervorum fistulas, etiam adjuvante vinculo succi nervei, contineri possint. Hæc & plurima alia, quæ, ne tædio essent, relinquere voluerunt, adeo aliquorum Philosophorum ingenia turbaverunt, ut de tanto spiritu & succi nervei usu, & officio quod ad sensum & motum pertinet, dubitaverint, asserentes facilius esse, de adversariorum suppositis dubitare, quam eorum suppositis acquiescere. Licet autem spiritibus & succo nerveo officia sensus & motus primum non tribuant; nihilominus de succi nervei existentia dubitare non ausi sunt; existimant enim, a sanguineis & lymphaticis vasculis undequaque nervea so-

lida circumscribentibus tribuendum esse nervis fluidum quoddam, quod peculiarem naturam, ac indolentia nactum (ut in ossium medulla accidit; sine quabrevi ossa arescerent) nervea solida nutrit, molliat, & aliquod tensionis momentum tribuit; ut hæc solida taliter disposita animæ organis ipsis compenetrata & naturæ magnis in operibus prompte ac facile pro sensu & motu ab anima exequendis parerent. Quamobrem non succi nervei existentia, sed de officio sensus & motus juxta Borelli & Bernollii sententias dubitare voluerunt.

19. Probabilius itaque consilium putant, eam amplecti sententiam, quam nuper celeberrimus Steno adumbraverat; nimirum per solam mutationem figuræ musculorum contractiones & distractiones seu elongationes in motibus eorundem fieri potuisse. Id tamen animadvertendum voluerunt, non omnino eam sequendam Stenonis ideam, qua docuerat, musculos contrahi & elongari sola mutatione figuræ simplicis musculorum simplicium, qui unicum rhombum constituent; sed scienter judicaverunt, contractionem & distractionem seu elongationem musculorum habendam quidem esse per mutationem figuræ musculorum, sed compositorum componentium plura spatiola seu machinulas, quarum non planarum, sed solidarum figurarum muscularium mutatione necessaria, sine spirituum & succi nervei auxilio, modo contractiones, modo elongationes eorundem in motibus exequendis habendæ sunt; sola itaque mutatio figuræ non simplicis, sed solidæ musculorum compositorum id operis sine spiritibus & succo nerveo præstare felicius potest, quod minus apte spiritibus & succo nerveo tribuere plerique voluerunt. Cur enim in voluntariis motibus, (de quibus hic potissimum sermonem habemus) hac de re dubitandum? Cur enim anima intime unita ac compenetrata sensoriis non poterit virtute sua, suoque impetu, usu potissimum ac consuetudine acquisito; (usu enim & ipsa paulatim acquirit, aut fortasse repetit scientiam) cito ac facile juxta opportunitatem actionum, quas ipsa exigit, movere taliter organa, naturali tamen statu se habentia, hos potius nervos, quam illos, a quibus hi vel illi musculorum motus consequi necessario debuerunt? Cur quæso tam eminens anima, quæ in consuetis musculorum motibus machinarum sphaeroidaliū oscillatorio motu uti consuevit, non poterit in validiorum motuum necessitate usu paulatim experta & edocta tali ratione ipsam dirigere, disponere & modificare fibras machinularum, ut aliquando non amplius sphaeroidalia, sed octaedrica, & in summis, violentissimisque motibus exequendis, intra tamen limites naturæ humanæ isodrica, aut etiam sphaerica spatia componat? quæcum ex sola mutatione figurarum solidarum, (ut ex isoperimetris motum est) majores ac majores acquirant areas ac superficies, jure optimo eam dilatationem, & contractionem citissime asserre musculis ac solidis debuerunt necessariis motibus opportunam, quam fortasse temere elastico & fermentativo fluidorum motui fere omnes Philosophi veterum auctoritate præjudicati tribuere voluerunt? Qui negaret, a tam eminente anima usu ac habitu edocta hæc fieri cito ac facile non potuisse, certe tantum potentiæ animæ organis compenetratæ detrahendum vellet, quantum temere spiritibus aut elasticis succis non immediate unitis tribuendum voluit. Si enim anima, ut nonnulli credunt, imperio suo movet spiritus & succos elasticos a seipsa sejunctos, cur multo magis non poterit movere ac modificare organa sua juxta figuras illas, quas habitu & usu perceperat iis, vel illis actionibus exequendis opportunas, cum immediate organis unita sit ac compenetrata? Si natura ex sola figurarum mutatione in naturalibus & artefactis tot actiones felicius ac citius naturales & præternaturales exequitur; cur multo magis anima organis compenetrata cito ac facile tam necessaria motibus & actionibus suis exequendis hac methodo persequi non poterit? cum anima tanto natura perfectior habeatur? Itaque si anima intime unita & compenetrata sensoriis organa ipsa immediate dirigere, modificare, componere ac movere virtute sua, usu & habitu acquisita cito ac facile potest, quæ mediate tantum per spiritus, aut succos elasticos agere ac move-

movere tardius debuisset; probabilius creditum a nonnullis est, animam in moribus voluntariis virtute sua & usu agere voluisse & debuisse, ut sola mutatione figurarum & organorum ea beneficia contractionis & elongationis musculorum facile ac cito ab ipsa anima sibi compararet, quæ tardius ac difficilior per spiritus, per succos elasticos fermentescentes fortasse minus apte obtinere potuissent. Arguunt tamen valide Borelli sectatores, cum impedito aut ligato nervo sensus obtupescere, & motum partium, ad quas nerveæ illa ramificationes excurrunt, interire penitus experiantur. Si itaque vis, consuetudo & potentia animæ habitu & usu acquisita ea esset, quæ figurarum solidarum mutatione dirigeret, modificaret, moveret, ac componeret varia configuratione machinulas illas sphaeroidales musculorum juxta necessitatem occurrentem motuum exequendorum, certe, etsi nervi impediti, aut ligati essent, posset tamen taliter organa sua movere, modificare ac dirigere, ut motus suos opportune exequi concederetur. Verum si tam celebris dubitatio jure optimo expendatur, non dubitandum, hanc facile fore exolvendam. Licet enim anima sit intime unita ac compenetrata organis, ut apta fiat movere, modificare, dirigere & agere sensoria ipsa juxta suorum motuum exigentiam, intra tamen limites naturæ humanæ; nihilominus semper ipsamet prout organis compenetrata tenetur agere, suasque actiones exercere dependenter ab organis. Si itaque organa naturalia, sana & apta actionibus obeundis constiterint, ipsamet anima recte, opportune & naturali modo operabitur; cæterum si organa vitiosa fuerint, impedita, aut fracta, ut frustra esse videantur, cogetur anima ipsa suorum organorum vitia, impedimenta ac labes pati, & sustinere, exequendo dependenter ab organis vitiosas actiones, aut impeditas, aut nullas. Ex his arbitraturum est facilius ac clarius demonstrari obscurissima phænomena; cur nempe sensus aliquando obtupescant illafo motu? & cur deperdito aliquando motu sensus adhuc superstites habeantur? Sensus enim sunt specificis motibus membranarum; motus vere voluntarii imperio, actione & usu animæ organis compenetratæ dirigentis naturales machinulas sphaeroidales solidorum musculorum juxta rationem figurarum exequendis motibus proportionalium. Difficilius siquidem & obscurius semper fuit, gressus & regressus spirituum per eosdem nervos modo ad sensum, modo ad motum, modo ad utrumque eodem tempore per totam animalis machinam supponere voluisse, quin facile consequatur actio & reactio corporum, & inde confusa sensuum & moruum momenta, cum animæ & naturæ vitio & actionum aberratione. Hæc satis breviter dicta sufficiant de motibus voluntariis organorum imperio animæ exequendis, cum de naturalibus organorum actionibus ac moribus in sequenti dissertatione dicendum sit. Itaque quidquid sit de his, quæ dicta sunt de tam eminentibus animæ actionibus & de motibus voluntariis organorum, unusquisque eam sibi eligat sententiam, quæ animæ & naturæ actionibus enodandis probabilior futura fuerit, cum utraque opinio opportuna Philosopho, probabilis Medico, licita Catholico videatur.

20. Redeuntes modo unde digressi sumus, innotescunt facilius causæ illæ quæ paralyin erunt allaturæ. Hujusmodi itaque morbus, qui aliquando deficientiam motus, & sensus, sæpius vero imminutionem utrique afferre consuevit, fieri potest vitio membranarum nerveis solidis, cæterisque organis circumscriptarum; vel vitio fluidorum elasticorum, aut præternaturalium intra spatiola muscularia & fortasse etiam nervea contentorum, vel vitio utrorumque; quod si hujusmodi vitiosæ affectiones totum fere corpus opprimant *Paraplegiam*; si vero vel dextram, vel sinistram partem una cum capitis medietate afficiant, *Hemiplegiam* communi vocabulo appellare Medici voluerunt. Quamobrem quod ad vitia membranarum spectat, cum meninges universam nervorum familiam undequaque investiant, si meninges enervatæ fuerint ac languidæ, membranæ quoque consentientes, quæ nervos investiant, necessario flaccescent, & filamenta nervea solidum nerveum componentia non eam

inter se unionem adipiscuntur naturali soliditati nerveæ proportionalem. Verum cum ex majori unionione filamentorum nerveorum inter se massa nervea densior fiat, hæc majorem rationem habeat ad nervorum volumen; e contra cum ex minori unionione filamentorum nerveorum inter se massa nervea rarior futura sit, hæc minorem rationem habeat ad idem nerveum volumen. Cum autem ex densitate massarum fiant corpora consistentia ac valida, ex raritate vero fiant cæteris paribus minus consistentia sive debilia, arbitrandum erit ex majori laxitate membranarum nerveis solidis circumscriptarum nervea solida minus consistentia, minusque valida fieri, ex minori vero laxitate membranarum nervea solida magis consistentia futura esse. Quapropter si ex una parte momenta membranarum, nervorum, musculorum & tendinum habeant rationem minoris inæqualitatis respectu ad momenta membranarum, nervorum, musculorum & tendinum antagonistarum ex alia parte; cum vires & actiones ex illa parte nervorum, musculorum, tendinum & ossium, quibus tendines alligantur, aut deficere possint, aut saltem imminui, motus quoque membrorum in hac, aut omnino deficiet, aut si aliquis remaneat, ex tam inæquali, & irregulari actione, & reactione momentorum inæqualium tam ex una, quam ex alia parte, motus quosdam infirmos & enervatos, aliquando quoque tremulos supervenire necessum est. Non solum autem a laxitate membranarum nervea solida inscripta minus consistentia sunt, ac debilia cum motus imminutione, aut abolitione; verum etiam facillime impleri possunt materia quadam lymphatica, quæ membranas ac nervea solida non tantum ultro opprimat, verum etiam elastica corpora impediat, ne naturales conatus elasticitatis exerceantur; quippe, cum solida nervea rariora reddita massam habeant, quæ minorem rationem habet ad suum volumen; volumen vero sit spatium, quod corporis massam cum interspersis poris occupat, certe tot pori acquisiti a volumine solidorum nerveorum rariorum implendi facile erunt a fluido lymphatico undequaque effluente; ibi autem firmato sero cum pondera corporum sint quantitibus materiæ, seu massis eorum proportionalia, nervorum pondera, ac momenta enervata augebuntur in ratione composita ex ratione corporum elasticorum enervatorum, (quæ probabiliter etiam in nerveis solidis continentur,) & ratione quantitatis feri derivati in poros voluminum nerveorum. Quamobrem nervea solida ultra naturæ leges onerosa facta inepta fient ad motum; deinde hujusmodi solida tot feri particulis præternaturaliter repleta, cum minus expedita ad motum fiant, minusque disposita ad elasticas vibrationes, sive motus naturales oscillationum obeundos, non solum motus musculorum, verum etiam sensibilibus affectiones, aut languide, aut nullatenus poterunt exercere; cum enim enervatæ membranæ, & filamenta nervea laxata, non eam solidorum tensionem, vim ac consistentiam afferant, quæ naturali constitutioni, seu naturali momento contractionis organorum sensibilibus convenire videatur; jure corpora quælibet sensibilia, cum nullatenus, aut opportuna ratione motus sensoria afficere possint, sensationes non producent; aut si æqualiter sint productura, sensoria obtupescere videbuntur. Ex his aliæ consequuntur paralyis causæ; enimvero nervea solida laxata ob laxitatem membranarum investientium non eam densitatem tribuere possunt corporibus elasticis intus contentis, quæ necessaria esse videatur, ut vires sibi naturales exerceantur; enimvero cum densitates corporum elasticorum quamproxime elasticitatibus suis proportionales fiant, a quibus vis & robur solidorum dimentiuntur, & ordinata corporum elasticorum vi & conatu oscillatorio, nervea quoque solida opportuna vim tensivam, & robur sustinere naturaliter apta erunt: hinc colligendum ex membranarum laxitate, nervei quoque solidi aliquando & sensus, aut omnino, aut aliqua ratione deficere debere. Præter hæc fluida elastica juxta nonnullos intra nervorum spatiola, potissimum vero intra spatiola sphaeroidalia musculorum contenta, si aut quantitate naturali deficient, aut extraneis corporibus unita opportuna momento careant, non eam in nervis ac musculis vim aut momentum tensionis donata erunt, quod & ad membra

Paraplegia.
Hemiplegia.

moven;

movenda & ad sustinenda pondera pertinere videbatur. Quare aut nullus fieri poterit membrorum, organorumque motus, aut si aliquis supersit, enervatus ac languidus futurus erit. Hæ sunt præcipuæ paralytici causæ, quæ aut motum impedire, aut sensum enervare aptæ sunt. Cæterum si expositæ hujusmodi causæ supra modum graviores extiterint, ita ut summa fuerit laxitas membranarum menynghum, & consequenter earum, quæ opportuno consensu nervea solida circumscribunt, aut nimius fuerit defectus corporum elasticorum in nerveis fortasse, & muscularibus spatiolis sphæroidalibus, aut nimia & excedens feri copia, aliorumque fluidorum præternaturalium, quæ hæc vel solida graviter opprimat; tunc non paralytica affectiones organorum, sed apoplectica de novo orientur.

21. Ab his, quæ dicta sunt, facile datum erit proficisci ad affectiones illas, quibus gravi sopore, ac somno animalia gravari consuecunt. Harum affectionum præternaturalium licet variæ sint species, attamen non causis, sed gradu differunt; *Lethargus* enim gravem, profundumque somnum cum oblivione, & læsione operationum animalium una cum lenta, sed continua febre sibi comparat; *Coma* vero propensionem ad somnum gravem affert & invincibilem; *Carus* autem longum profundumque soporem ostendere visus est; verum comatis & cari essentia ac natura hoc exigit, ut febre careant, aut fortasse melius ægri febre carere videantur. Itaque licet aliquando laxitas præternaturalis menynghum pro somni præternaturalis causa haberi aliquando possit; nihilominus probabilius opinor, præternaturales laxitates fibrarum medullarum cerebri peculiari modo præternaturalem soporis indolem afferre; cum enim supra ex præternaturali laxitate menynghum, aut tota, aut fere tota nervorum familia, quæ a menynghibus productis undequaque vestitur, aut paraplegiam, aut hemiplegiam afferre debeat, laudabilius censeo somni præternaturalis causam ac fontem, quæ cerebro præcipue insidet, medullarum quoque fibrarum laxitati esse rationabilius tribuendam; sæpissime enim effuso, aut e glandulis menynghum, aut e lymphaticis sero fibræ medullares copiosiori fluido madefactæ a naturali, licet tenui tensione, declinant; Cum vero aut nullo modo, aut languide debitum sibi tensionis conatum sustinere possint, otiantibus aut enervatis sensoriis aliquando gravem, aliquando gravissimum soporem erunt allaturæ. Nerveum succum si credimus, certum est aliquando hunc austeris, aut viscidis, aliquando opiatis, venenatisque particulis adeo associari posse, ut corpora præternaturalia vim tensionem naturalem fibrarum magis impediunt, quam adjuvant particulæ elasticæ succi nervei; cum autem effectus semper sint directe ut causæ adjuvantes; reciproce vero ut impediunt; enervato elaterio succi nervei a præternaturalibus particulis fibræ medullares, aut ægre, aut nullo modo tendi debuerunt; sensoria itaque aut negligenter, aut nullatenus sollicitata & deperdita, aut enervata oscillatione sopore gravi, aut graviore otiantur. In febribus autem gravi inedia, vel lassitudine corporis elasticis corporibus aut evolutis, aut exili momento agentibus non ea vis tensionis in medullaribus fibris acquirenda erit, quæ sensoriis naturaliter & opportune exercendis necessaria videatur. Fibris itaque medullaribus enervatis, aut languidis sensoria varia soporis indole ingravescent. In lethargicis affectionibus inflammari menynghes facile credendum: Ibi autem inflammatione parte sanguis lentescit in sinibus menynghum, & pondere earundem inflammatarum, & sanguinis lentescitis, compressa nimis cerebri substantia profundissimum somnum cum oblivione, & læsione operationum animalium erit allatura.

22. Remanet inter comatosas affectiones *Coma Vigil*, qua ægrotantes conniventibus oculis dormire videntur, cum fortasse non tam gravi somno obruantur. Credi-derim, eos furculos nervorum opticorum, qui ad musculos deprimentes & attollentes palpebras opportune ferunt, morbose laxatos quodammodo fuisse, ut attolli difficulter possint, quinimo debeant necessario deprimi; sic enim depressis morbose seu paralytice enervatis palpebris ægri dormire videbuntur; verum cum in reliquis fibrarum medullarum ordi-

nibus aliqualis remaneat motus sollicitationis, distractionis & contractionis, & aliqualis elasticitas succi nervei, ea ratione media tenenda fuerat cerebri regio, ut inter somnum & vigiliam consistere debuisset.

23. Superest *Vertigo*, quarum una idiopathica est, symptomatica altera. Prima causam ac sedem a regione cerebri; secunda a stomachi, uteri, aliorumque viscerum consensu cognovit; utraque tamen mala ominatur. Cum vertiginis phænomena a Physicis non satis apte enodari possint, ab Opticis querenda sunt; ea siquidem est rotationis explicandæ causa, ut nisi Optica præsto sit, difficilis admodum & obscura futura erit tanti operis divinatio. Ex celeberrimis Viris Hayr & Vvolffio *Retinam* pro primario visionis organo judicandam opinamur; hæc enim tunica cum choroidi contigua sit, & a filamentis nervi optici perfectissime elaborata; ibi quidem firmanda erit præcipua vertiginis causa; ut autem hæc manifesta fiant, prænotandum est, radios (a) ab objecti puncto egredientes per refractionem in humore crystallino factam in uno iterum puncto, ut visio debita fiat, uniri debere. Hi autem radii cum secum afferant integram & perfectissimam imaginem puncti radiantis (ex eodem corollario) cum eo in loco, quo radii uniantur, ibi immediate adesse naturaliter debeat Retina: hæc a radiorum punctis opportune tacta, & affecta specifico quodam motu excipiet naturales objectorum imagines. Itaque si accidat aut timore, aut ira, aut quacunque animæ præternaturali affectione, aut corpore quodam extraneo sollicitari taliter nervos opticos, ut præternaturali quodam contactu ac motu nervorum opticorum fibræ Retinæ, quæ superficiem quodammodo circularem describunt, in orbem aliqualem torqueantur; opus erit radios, fibrillas Retinæ quodammodo circulariter euntes successive sollicitare. Cum autem radii hac ratione successiva tangentes & sollicitantes fibras Retinæ, quantumvis minimi sint, externorum objectorum imagines secum afferant, ab aliis successivis motibus radiorum & contactibus transeuntibus circulariter ab uno contactu fibræ, ad contactum alterius fibræ, circulariter successive sollicitanda erit Retina. Cum vero objectorum imagines sint juxta rationem affectionum Retinæ, necessario objecta externa successive in orbem mota, in orbem moveri videbuntur. Hac ratione membranæ opticorum a menynghibus derivatæ spiralibus fibris probabili menynghum analogismo munitæ, hæc a quacunque præternaturali causa sollicitatæ spiraliter opticorum nervorum fibras moturæ erunt; cum autem nervorum opticorum filamenta desinentia in Retinam, hanc mirabili artificio construant, hæc quoque motu successivo partium quodammodo spiræ in morem movenda erit; quamobrem cum puncta radiorum, quæ imagines objectorum externorum figurant, successivis temporibus tangant, & afficiant motibus suis successivas partes fibrillarum Retinæ, in spiras, aut in orbem motas; hæc necessario repræsentabunt objecta externa, ac si continuis motibus rotarentur. Hæ sunt præcipuæ causæ, quæ vertiginis phænomena enodare videntur, & a quibus plurima visus accidentia Opticorum methodo explicari facile possunt.

Vertigo

DISSERTATIO II.

De Morbosis Sensuum Internorum Affectionibus.

24. **N**Udi nascimur privati vitiis, & virtutibus; anima solidis compenetrata paulatim labore & usu acquirit virtutes & vitia. Primo itaque loquendo de motibus voluntariis, qui cerebro omnium fere Medicorum consensu adscribuntur, sicuti naturales cerebello; verisimile est, tantas res acquiri motu fibrarum cerebri, quæ ab objectis cum internis, tum externis sollicitatæ animam excitant: hujusmodi fibrarum motus non obscuri fuerunt Platoni, cum in Timæo docuerit: *Excogitaverunt enim Dii caput motuum omnium compos id fore*. Itaque si caput motuum omnium compos ergo in capite radices & principia motuum esse debuerunt; quæ motuum radices cum fibris cerebri

G g primo

(a) Ex Coroll. 2, pag. 11. Optic. Vvolffii.

Sydenham opera Medica.

primo adscribi debeant, eo quia iis anima pro perfectioribus suis actionibus primo compenetrata est; hoc unum innuere voluit Philosophus, fibrillas cerebri prout motuum omnium radices, ac principia primo moveri debuisse, ut inde correspondentibus organis necessarij motus undequaque communicarentur; hi itaque motus fibrarum cerebri animam ipsis compenetratam sollicitantes, & excitantes *Phantasmata* a Medicis appellari consueverunt. Cum vero hi motus fibrarum cerebri juxta diversas sensationes & affectiones animæ, quantumvis minimi fuerint, accipiant magis & minus, jure amplecti poterunt sub idea generali quantitatis. Hæc itaque phantasmata, seu hi motus fibrarum, cum quanti esse debeant, non tantum majores aut minores esse poterunt; verum etiam juxta varias animæ affectiones ac potentias peculiari numero circumscribentur. Anima itaque excitatur, & sollicitatur a motu modo majori, modo minori fibrarum & peculiari numero motuum eorundem. Hinc Pythagoras hosce motus modo majores, modo minores animadvertens, & numerum eorundem pro eminentibus animæ operationibus exercendis sæpissime confessus est, eum plus hominem esse, qui plus numerorum scientiam habuisset. Cum autem scientia numerorum, & quantitatum quarumcunque nitatur in compositione, divisione, permutatione, & æquatione earundem &c. ideo docere simili sermone voluit Pythagoras, animam in homine eminentius sentire & operari, cum usu & habitu facto melius, facilius ac perfectius componeret, divideret, permutaret quantitates, numeros motuum, differentias & rationes eorundem pro actionibus animæ rite exequendis. Ab hisce sensibus non videtur dissentire Divus Augustinus, qui ex sacris scripturis locutus est; *Circuivi ego ut scirem, & considerarem, & quererem sapientiam, & numerum, lib. vi. Musica.* Ut itaque hanc rem difficillimam soli Deo vere notam, & ab anima tantummodo dignoscendam (cum hæc spoliata corpore a fortunata visione Dei Optimi Maximi veram rerum omnium scientiam funditus sibi comparatura sit,) si non re, saltem similitudine agitare facilius, ac clarius possim, puto rem fore necessariam, si prius considerata *sedes sensus communis in tota membrana Pia Matre dicta*; cum hæc nervos, cerebrum & cerebellum, fibrasque ærtissime, immediate & undequaque investiat, transeat pro voluntariis animæ operibus probabiliter enodandis ad examinandos motus fibrarum cerebri. Hos itaque motus fibrarum duas in classes dividendos esse censeo; quorum alter est *Motus absolutus*; alter vero *relativus*. *Motus absolutus* est motus ille primo primus, quo fibræ cerebri a causis quibuscunque, tum internis, tum externis primo excitantur ac sollicitantur; Hinc anima primo excitata ac stimulata confuse & abstracte res sentit, & concipit absque ulla tamen affirmatione, aut negatione; & hanc primam actionem animæ *Imaginationem* appello. *Motus autem relativus* fibrarum cerebri est actio illa animæ fibris compenetratæ medullaribus; qua durante motu fibrarum per aliquod tempus anima prius excitata, ac sollicitata a primis motibus fibrarum hosce motus animadvertens, animadversione usu acquisita comparat motus unius fibræ cum altero motu alterius, unam differentiam, aut rationem motus istius cum altera differentia, aut ratione motus illius, & sic successive; hinc anima fibris compenetrata cum motus específicos, differentias, & rationes motuum acutissime sentiat, comparando hos motus inter se, & horum differentias ac rationes, componit has rationes motuum, aut dividit, permutat, aut invertit, aut æquat; quibus actionibus anima usu & habitu facto exercitata ab obscuris ad clara, ab ignotis ad nota paulatim ascendit; & hæc actio *Discursus & Ratiocinatio* dicenda erit, vi cujus res primo conceptas anima percipiens & intelligens, de iis affirmat, aut negat, cum totali assensus, aut dissensus libertate. Liberum inde est animæ velle, aut nolle, ut electione facta præmium, aut pœnam mereri potuisset. Hæc tam miranda actio animæ cum revera explicari nullo modo possit, attamen similitudine quadam & analogia poterit quodammodo adumbrari. Quæram itaque similitudines & analogias ab Analystis; hi enim, ut ab ignotis nota erunt, ignotas res cum notis comparant,

rerumque differentias notas cum ignotis, & modo componendo, modo dividendo, modo invertendo & permutando &c. tandem aliquando ignota cum notis æquando ea clare percipiunt & intelligunt, quæ prius ignota penitus videbantur; non dissimili itaque ratione, sed multo perfectiori anima melior & eminentior Analysta a motibus & proportionibus motuum fibrarum cerebri, & a differentiis eorundem sollicitata, utpote iisdem fibrillis compenetrata, hos acutissime sentire cogitur; illosque animadvertens componendo, dividendo, permutando, invertendo, comparando & æquando ea clare sentire, percipere, intelligere tenetur, quæ prius ignoraverat. Hæc omnia indicare quoque videtur Divus Augustinus, qui Tomo primo cap. 33. de quantitate animæ, inquit: *Anima ea, quæ secundum naturam sui corporis sunt, adsciscit, atque appetit, rejicit, fugitque contraria, removel se ab his sensibus certo intervallo temporum, & eorum motus quasi per quasdam ferias reparans, imagines rerum, quas per eos hausit secum catervatim, & multipliciter versat.* Cæterum si hi motus fibrarum cerebri, aut continui fuerint & diuturni, aut per aliquam notabilem temporis differentiam perduraverint opera objectorum aut internorum, aut externorum continuo, vel per aliquod notabile tempus sollicitantium; tunc anima cum diutius, & frequentius excitata, ac sollicitata fuerit, detineatur usu & habitu facto diu in actu exercito circa hæc objecta tales fibras moventia, anima in tali statu perdurans exercere dicetur potentiam illam, quam *Memoriam* appellamus. Quod si tractu temporis deficientibus motibus & proportionibus motuum fibrarum cerebri, aut novis motibus accedentibus aliquando volente anima, aut opera etiam ejusdem, aut alterius causæ homologue agentis, vel internæ, vel externæ, rursus sollicitentur fibræ cerebri ea differentia specifica motuum & rationum, qua prius a prioribus objectis sollicitata fuerant, iidemque specifici motus, & eadem motuum specificæ differentiæ, ac proportionibus eorundem repetantur, tunc anima ab hisce motibus rursus excitata ac sollicitata, & hosce animadvertens, repetet & renovabit illa affectiones, quibus antea sollicitabatur, quæ actio animæ *Reminiscencia* appellanda erit. Remanet animadvertendum, has præcipuas animæ actiones imaginationis, discursus & memoriæ suam habere latitudinem; singulæ enim ab initio languidiores sunt, progressu vero activiores, ac validiores fiunt, ita ut a minori ad majorem vim progredi videantur. Num autem tot ac tantæ eminentes actiones ac motus cerebri ab homologis motibus spirituum animalium adjuventur? Affirmantibus non renuam.

25. Ut autem istæ actiones animæ ac potentiæ, & tam mirandi motus fibrarum cerebri facile ac feliciter exerceri possint, plura conspirant i. nempe *apta fibrarum cerebri directio & ordo*; qua in re opportunum puto animadvertere ea, quæ pluries in cerebro canum, ovium & aliquorum hominum attentissime observasse mihi visa sunt; occurrerunt enim variis in locis cerebri variæ fibrarum series, quarum aliæ uno loco mihi visæ sunt series fibrarum rectarum, in alio loco series fibrarum obliquarum, in altero vero loco fibrarum curvarum series. Putaverim itaque, pro actionibus animæ æqua ratione exercendis series fibrarum rectarum ea ratione, lege ac ordine fuisse naturaliter dispositas, ut aptissimum inter se servent parallelismum; sic obliquas ea ratione directas naturaliter fore, ut juxta rationem naturalem serierum obliquarum debito gaudeant parallelismo; similique methodo series fibrarum curvarum ea gaudere debuisse directione, ut juxta rationem ac naturam serierum curvarum, singulæ inter se parallelæ dirigantur. Hac ratione singulæ series fibrarum apta directione, regula & ordine locatæ ac dispositæ, ordinatæ fient & regulares inter se, & concinne, naturaliterque compositæ. Tali ratione, ordine ac directione dispositæ series singulæ fibrarum edere debebunt ordinatos, regulares & homologos motus, & sibi homologas motuum differentias; inde anima ipsis compenetrata ordinate & regulatiter sentiens motus, tremores & motuum differentias ac proportionibus eorundem, clare, ordinate & æqua ratione concipiet res, intelliget, & recordabitur. *Secundo* necessaria est *opportuna tenuitas, & conveniens subtilitas fibrarum cerebri*; ea enim esse debet harum fibrarum tenuitas & subtilitas, ut facillime aptæ fiant ad motum suscipiendum; cum enim

enim promptæ sint ad motum, facillime tremunt, motumque sibi vicinis apte communicant, & hunc proxime fibræ tangentes facile excipiunt, ut animæ imperio & actionibus facillime obediant. *Tertio necessaria est apta & conveniens cohesio, approximatio, & facilis contactus fibrarum inter se;* hisce enim se se opportune tangentibus, motus unius fibræ facile communicatur motui alterius, & sic successive; in qua apta & facili communicatione motuum fibrarum inter se, putaverim, potissimam actionem & rationem memoriæ esse statuendam. Fibræ itaque cerebri neque nimis strictæ esse debent, neque nimis laxæ inter se: si enim nimis ac violenter strictæ fuerint, vel nimis laxæ & distantes, utroque modo cum non tam prompte, nec motum excipiant, nec exceptum cæteris communicare facile possint, vitium cerebri & potentialium memoriæ potissimum parere poterunt. Hic autem dissimulare non possum errorem illorum, qui putant, homines minori intellectu pollere, quo majori memoria donati sunt; suspicor enim, memoria præditos æquivalenti quoque imaginatione, & proportionali quoque intellectu præditos fuisse; cum enim potentia memoriæ exerceri excellenter non possit, nisi fibrillæ cerebri ordinatæ fuerint, opportune subtiles ac tenues, cum apto ac facili contactu earundem inter se; jure suspicatus sum eos, qui memoria feliciores sunt, proportionali quoque imaginatione & intellectu donatos esse. Fateor quidem memoria feliciores minus laborare & exercere intellectum, non, quia minori intellectu polleant, sed quia cum fortuna memoriæ multum suppleat laboribus & actionibus intellectus, propterea hunc minus exercent & excitant; hunc enim diutius exercere laboris & tædii est. Ex his ergo, quæ dicta sunt, clare constat, cur puncta pedis extremitate statim molesta illa sensatio in cerebro concipitur, & judicetur ab anima, num videlicet punctura illa gravis sit, an levis &c.; etenim cum anima sit sensoris compenetrata, cumque indivisibilis anima tota sit in tota, & tota in qualibet parte, eo momento temporis, quo anima sentit molestiam in pede, eadem ipsa in cerebro dignioribus organis tam grandi officio destinatis, & ad hoc specificè elaboratis concipere, & judicare debet (dummodo organa cerebri tam summis operibus destinata naturaliter se habuerint) rationem doloris, levitatem, aut gravitatem ejusdem &c. & cæteras sensationum anomalias. Hac lege compenetrationis animæ in suis sensoris solvi possunt obscura, & innumera sensationum & potentialium animæ phænomena; cur videlicet tam facile, tam prompte sensationes in organis factæ concipiantur, & judicentur in cerebro? & cur tam facile, tam prompte, tam juxte sensoria sollicitent potentias animæ? & vicissim anima tam facile, tam prompte, tam juxte sensoria ipsa excitet ac sollicitet, imperio suo obtemperatura? Hisce itaque breviter adumbratis, arbitror non re, sed potius rudi similitudine exposuisse, qua methodo tam eminens anima rationalis sentiat, concipiat, intelligat & recordetur? cum sciam multo perfectiore methodo ac lege animam immortalem & æternam fore operaturam. Non dissimili tamen ratione, sed multo imperfectiori puto bruta ipsa sentire, & operari, non ut automata, sed ut animalia quidem imperfectiora, quadam tamen potentia donata, animæ analogæ, qua specificis & determinatis motibus fibrarum cerebri suo modo sentiant, suo modo concipiant, suo modo intelligant, suoque modo recordentur.

26. Non arduum modo fuerit juxta nostrum institutum morborum cerebri phænomena assequi; cum alteratis, aut inversis, aut mutatis fibrarum ordinibus, directionibus, subtilitatibus, parallelismis & motibus earundem præternaturales animæ actiones fieri debeant. Ibi itaque delirium primo occurrit *perfectum unum, imperfectum alterum*. Delirium *perfectum* illud esse arbitrandum est, cum omnes fibrarum rectarum series cerebri opera causarum modo internarum, modo externarum agentium, potissimum vero vitio sanguinis, aut lymphæ irritantium inflexæ fiant & obliquæ; sic cum omnes naturales fibrarum obliquarum series, aut rectæ fiant, aut curvæ; similique

Sydenham opera Medica.

ratione cum omnes naturales fibrarum curvarum series, aut rectæ quodammodo fiant, aut obliquæ; hoc enim statu præternaturali fibratum omnium mutatur earum naturalis parallelismus, necessarius earum motus; cum vero a motibus fibrarum cerebri determinentur ratione phantasmatum, mehercle a præternaturalibus hisce motibus præternaturalia evenire phantasmata necesse est; anima autem fibris compenetrata cum concipere, intelligere ac memorari debeat, quæ sentiuntur, a sensibus, videlicet, quæ tum ab æquis, cum a vitiosis fibrarum motibus excitantur, jure anima vitiose undequaque sollicitata errore concipiet, errore intelliget, errore recordabitur, confusisque omnibus æger gravissime delirabit. Huic autem morbo præstat quoque nimia obliquitas, nimia curvitas fibrarum cerebri, una cum directione mutata fibrarum rectarum; cum enim fibræ omnes medullares, quamvis minimo motu moveri videntur, tamen necessario moveri suo modo debeant, quotiescunque nimis obliquæ fiant, nimis curvæ & præternaturaliter directæ, violenter consistere, aut violenter moveri conabuntur opera materiæ alicujus aut externæ, aut internæ præternaturaliter, & violenter sollicitantis, cum vero fibris taliter se habentibus naturale centrum gravitatis singularum mutari facile debeat una cum earum centro motus; propterea harum motiones cum componantur ex ratione fibrarum singularum, & momento massarum heterogenearum sollicitantium, aut momento potentiæ excitantis, nullatenus isochronæ, ordinatæ, & regulares esse poterunt, & naturalibus motibus proportionales, sed præternaturaliter asymmetræ; anima autem confuse, ordinate & asymmetre sollicitata falso concipiet, falso ratiocinabitur, & falso recordabitur. *Delirium imperfectum* illud esse arbitrandum, cum vel solæ fibræ rectæ, vel solæ obliquæ, vel solæ curvæ a naturali ordine, directione & parallelismo declinaverint, pariter cum nonnullæ ex rectis, aut nonnullæ ex obliquis, aut nonnullæ ex curvis vitium fecerint, cæteris naturali in statu permanentibus; fibræ enim cum non omnes vitiose & præternaturaliter moveantur, animam non omnino vitiose & præternaturaliter sollicitabunt; unde imperfecto & partiali, non totali errore concipiet, intelliget & recordabitur; quin imo cum effectus semper sint directe, ut causæ adjuvantes, reciproce vero ut impediētes, quotiescunque aliquæ fibræ naturaliter moveantur, nonnullæ vero præternaturaliter motus suos exercent, animæ actiones erunt directe ut fibræ naturaliter motæ: & reciproce, ut motæ præternaturaliter; inde futurum erit delirium imperfectum, seu, ut Medici nuncupant, pseudodelirium; quamobrem aliquando continget ægrum bene concipere, sed male ratiocinari, aliquando recordari alicujus, cæteris oblitis, aliquando per aliquod tempus ratiocinari, sed confusum vera cum falsis permiscendo &c. ut praxim medicam agentibus manifestum est.

27. Hæc omnia vitio fibrarum, sed membranis cerebri nullatenus offensis aut inflammatis, contingere probabiliter creditum est; verum si per meninges effuso sero, aut violentissimo motu sanguinis per arterias meningum, arteriæ plus deferant sanguinis, quam venæ æqualibus temporibus referant, ut effuso sanguine meninges inflammentur gravi vitio *Sensus Communis*; tunc *Phrenitis* oritura erit, quæ a delirio nullo modo differt, nisi meningum vitio, & majoribus viribus & momentis causarum sollicitantium. Cum itaque meninges inflammatae cum fibris cerebri necessaria adhæsione communicentur, fibras has continuo, inæqualiter, inordinate & asymmetre, violentissimo motu trahere ac stimulare conabuntur; hinc continua, inordinata & violenta fiet fibrarum sollicitatio ac stimulus; etenim cum mutatio motus sit semper proportionalis vi motivæ impressæ (per legem secundam Nevvtoni), cum causæ tum externæ, cum internæ sollicitantes continuæ fuerint, violentæ ac inordinatæ, futura quoque erit mutatio motus fibrarum continua, violenta, inordinata & asymmetra; hinc anima tam vitiosis motibus sollicitata inepte comparando motum unius fibræ cum motu alterius, & differentiam & proportionem unius

motus cum differentia & proportionione alterius, falso componet ac dividet motus, falso permutabit & æquabit eosdem, & sic violentissimis motibus fibrarum agitata operabitur confusa imaginatione, discursu erroribus pleno, & memoria penitus perturbata. Hic autem morbus alter *Idiopathicus* est, *Sympathicus* alter. Idiopathicus sedem habet in vitio menyn-gum. Sympathicus vero, qui ab inflammatione diaphragmatis, aliorumque fortasse viscerum inferiorum ortum habet; uterque autem morbus, delirium nempe & phrenitis, febri unitur, qua deficiente cum causæ stimulantibus plerumque deficere & ipsæ consuescant, deficiente inordinato & asymmetrico motu causarum stimulantium in meninges, & fibras medullares cerebri statu suo naturali, suoque naturali parallelismo recuperato, imaginatio, ratiocinatio & memoria paulatim restituentur.

28. Verum sine febris major aliquando supervenit morbus, qui homines ipsos reddit belluis peiores, & morbi contumacia inter omnia animalia miserrimos. Hic morbus *Mania* dicitur, in qua ægri furore quodam insaniunt; hic quoque morbus alter *Idiopathicus* est, *Sympathicus* alter. Idiopathicum sedem habere suspicor in internis fibrillis medullaribus cerebri; sympathicus vero ab inferiorum viscerum consensu ab utero potissimum oriturus est. Plerique crediderunt, a violentissimo motu sanguinis hanc effrenem morbi indolem esse orituram; verum cum nonnullos maniacos accurate tractaverim, pulsusque non effrenem & violentum, sed juxta naturalem legem, aut leviter agitated omnibus fere temporibus stupore summo observaverim, jure suspicatus sum, non semper ab impetu fluidorum, sed potissimum a nimis agitato, & concitato motu internarum fibrarum medullarium maniam esse generatam: Enimvero si serum asperis, inæqualibusque superficiebus circumscriptum, aut corpora alterius generis per internas fibrarum medullarium latebras continuis, concitatis ac violentis motibus fluentia agitent; ac majori velocitate sollicitent internas fibras medullares; hæc medullares fibræ cum a corporibus præternaturalibus diversorum momentorum, diversarumque superficierum frequenter, ac violenter stimulatæ describant motus frequentissime minimos, continuo violentas, & inæquales oscillationes, naturales earum series ac directiones violentas invertent; & alterato earum naturali parallelismo non tantum asymmetre, sed concitato & frequentissimo motu movebuntur. Ex hisce asymmetris & concitatis motibus fibrillarum interiora perturbata sunt, violenta & concitata phantasmata; unde animal facultatibus animæ perturbatis impetu & furore bacchabitur. In hoc furore & impetu vires nervorum & musculorum supra modum augentur, ut ægri vix a pluribus domari aliquando possint. In hac re probabiliter putaverim, indivisibilem animam tot internis, frequentibus & concitatis motibus fibrillarum sollicitatam & agitatam, cum fibris quoque nerveis & muscularibus, cæterisque motuum organis compenetrata sit (quoties necessitas & violenta ratio fuerit,) ipsa quoque frequenter, concitate & violenter universa motuum organa, fibrillis illis cerebri correspondentia movere coacta est; inde vires summæ, & summa momenta organorum succrescere necessario debuerunt; sicut enim sano jam homine volente anima movere summo impetu manum, ac pedem, aut voluntaria organa, hæc summo impetu, aut manum movet, aut pedem; ita cum anima frequenter & concitate sollicitata ac stimulatæ fuerit a motibus concitatis fibrillarum, poterit ipsamet indivisibilis anima correspondentibus organis motuum compenetrata, frequenter ac concitate organa motuum taliter sollicitare ac stimulare, ut momento virium adaucto validissimos motus exercent; neque de hac violenta, ac concitata animæ actione dubitandum. Hic enim morbus, vel fiat ab irritatione internarum fibrillarum continua & concitata, unde anima similiter sollicitetur; vel fiat ab ipsomet violento continuo & concitato animæ sollicitantis imperio (ut in amore infano, cæterisque passionibus sæpiissime accidit) quo anima violenter, continuo & concitate movente, ac sollicitante fibrillas internas cerebri, tam gravia, tam violenta, tam furibunda viribus supra modum adauctis

afferuntur symptomata; utroque modo vires supra modum intumescere necesse est; enimvero cum probabiliter fibrillæ cerebri simplices sint, aut saltem nervis simpliciores, nec subdivisæ sint in plurimos, plurimosque ramulos, ut sunt singuli nervi per totum corpus effusi fibrillis cerebri proportionales, & correspondentes, qui undequaque singuli subdividuntur in plurimos, plurimosque, ac pene ramulos innumeros; propterea si ab aliqua materia extranea, vel ab imperio animæ violenter sollicitentur continuo & concitate aliquæ internæ fibrillæ medullares, hæc cum simpliciores sint, impetum quidem violentum excipient; sed cum vires, impetus & momenta talis motus sint facta ex massa stimulante ducta in celeritates fibrillarum simplicium, & consequenter cæteris paribus in sua radice minima. Verum cum hæc fibræ cerebri sui proportionaliter donentur nervis, qui sint hisce fibris correspondentes, & hi nervi per universam fere animalis machinam effusi innumeris furculis distribuuntur, necessario singuli & tam innumeri furculi suo saltem celeritatis gradu erunt sollicitandi, qui gradus celeritatis simul sumpti in tam innumeris nervorum ramulis futuri erunt proculdubio pene infiniti; hi ergo tot celeritatis gradus communicati machinulis sphaeroidalibus musculorum in ratione composita ex tanto numero & motu eorundem, jure merito vires, & momenta nervorum & musculorum validissimi futuri erunt, quamvis radices motuum fibrillarum cerebri minimæ futuræ fuerint: Si ergo tot, ac tanta virium momenta eveniant ab aliquibus tantummodo & simplicioribus fibris in cerebro sollicitantibus, quibus sui proportionales nervi correspondent; quid dicendum erit, si plurimæ fibrillæ cerebri concitate & violenter sollicitentur ac stimulentur? quibus tot innumeri nervorum furculi proportionales sunt & sibi aptissime undequaque respondent? Utique vis & momentum pene incredibile maniaci erit futurum. Mirum ulterius est audire maniacos, qui raro se miseros, sed plerumque se magnos esse militum Tribunos, se Reges, se Cæsares, se quoque Deos esse gloriantur. Censeo, tantam rerum gloriam ab eminenti animæ essentia (animæ ipsi nota) esse genitam; anima enim altissimi sui generis conscia, & quasi sui juris reddita ea ratione moveri in maniacis, sollicitat fibrillas cerebri, qua in Tribunis militum, in Regibus, in Imperatoribus moveri similiter potuisset: hæc autem morbi indoles præter cæteras maniacæ species curatu difficillima est. Præter hæc maniaci frigidam aeris intemperiem sine læsione facile sustinent, non tantum quia perturbatis internis motibus naturalibus fibrillarum cerebri, nullatenus molestis sensuum externorum affectionibus, aut desidiose animadvertunt; verum quia cum momenta nervorum ac musculorum motibus voluntariis inservientium supra modum adaucta sint, motum sanguinis quoque sollicitant, ut impetu continuo ad externas usque superficies corporis deferatur; cum itaque sanguis continuo sollicitatus nullo modo piger, in externa carni & cutis superficie lentescat, jure vigente licet frigore sine læsione maniacus sustinetur.

29. Sicut autem maniacos a motu violento & concitato fibrillarum internarum cerebri probabiliter factos esse credimus; ita melancholicos a lentiori & tardiori motu fibrillarum earundem fieri suspicandum est; hinc timidos & mæstos, cogitabundos, tacitos & solitarios esse vidimus; cum vero delirent sine febris, jure credendum, medullares fibrillas cerebri, quantumvis lento motu donatas, perturbatas tamen & inordinatas habere fibrarum aut rectarum, aut obliquarum, aut curvarum series; ita ut inter se naturali careant parallelismo: hæc morbi indoles tractu temporis facilius curatur, cum vitio sanguinis, aut seri austeri & lentescantis ut plurimum habeatur, cujus opera etiam fibrillæ medullares quodammodo stare ac consistere coguntur; cum autem fluida vitriolicis, aut aluminosis corporibus supra modum repleta sint, quæ violentum & celerem motum fluidorum aut minuunt, aut impediunt, propterea febri-li motu in melancholicis fermentescere non tam facile consuecunt. Porro si pia mater & fibrillæ medullares cerebri solidiores fuerint, & crassiores supra legem

Melancholia

Mania.

natu.

naturalis soliditatis & crassitiei, aut vitio morbi, aut ætatis rigidiores factæ fuerint, sine opportuno contactu earundem inter se; sive cum ineptæ fiant ad motum facile suscipiendum, & tarde, aut ægre moveri possint, necesse est, aut fibras inepte & languide sollicitate animam, aut reciproce animam fibrillis crassioribus, aut rigidis compenetratam languide & pigre (etiam si voluerint) has fibrillas excitare ac movere. Quamobrem negligentia, & inertia fibrarum medullarum negligens, & iners anima potentias imaginationis, discursus & memoriæ tarde & negligenter exercens, immemores, & insensatos homines red-det ac stolidos.

30. Breviter expeditus ab iis, quæ ad motus voluntarios cerebri pertinere videntur, instituti nostri lex & ordo est, de moribus naturalibus cerebelli bre-vi quoque oratione differt: Claritatis tamen gratia liceat mihi prius distinguere organa animalis in *Voluntaria*, *Naturalia*, & *Mixta*; *Voluntaria* eadici possunt, quæ moventur quidem motu absoluto, sed primario apta nata sunt moveri imperio animæ; hujus generis sunt nervi & muscoli &c. liberis & voluntariis motibus inservientes, qui cerebri fibris immediate correspondent, de quibus supra innuimus; *Naturalia* vero, quæ apta nata sunt absque animæ imperio, & anima non advertente moveri impetu sanguinis, aut alterius corporis impellentis; istius generis sunt cor, stomachus, intestina, vasa omnia sanguifera & lymphatica &c.; *Mixta* denique ea credimus, quæ licet a motu fluidorum, aut aeris, aut alterius corporis impellentis non advertente anima necessario moveantur; attamen imperio animæ per aliquam saltem temporis differentiam eorum motus suspendi, ac impediri aliquando potest; hujus indolis sunt pulmones, diaphragma, sphincteres ani & vesicæ, quorum motus licet primario naturales sint, attamen cum imperio animæ suspendi aliquando per aliquam temporis differentiam facile possint, de motu quoque voluntario participes judicari poterunt, unde mixta organa jure vocabuntur. Hisce præmissis sicuti fere omnes Anatomici & Medici cerebrum primario voluntariis motibus, ita cerebellum naturalibus primario dicatum voluerunt. Hinc celeberrimus Fracassatus in Epistola de cerebro ad immortalem Malpighium conscripta hanc sententiam amplexus, cerebellum a medulla oblongata non differre, experimentis præeuntibus (pag. 134.) acutissime observavit; quamobrem probabiliter judicandum est, opera eorum nervorum spinalis medullæ, qui cerebelli fibrillis unice & immediate correspondet, naturales motus & actiones naturæ exerceri necessario animæ concursu debere; cum enim anima compenetrata sensoriis teneatur concurrere conservationi animalis; cum hujus conservatio opportuno & ordinato fluidorum, & organorum naturalium motui debeat, durante fluidorum cursu, & organis frustra non existentibus necessitate concursus operari animam in naturalibus organis, necesse est. Verum quia adstant ulterius, & profunt conservationi animalium actiones mixtæ organorum, quæ & de voluntario, & de naturali motu participant, jure merito credendum est hæc organa & a cerebro & a cerebello nervea filamenta esse susceptura, quæ fibrillis cerebri & cerebelli correspondentia & proportionalia, mixtos motus & actiones exerceant. Licet itaque primaria actio cerebri sit animæ libera, actio vero cerebelli sit animæ necessaria; nihilominus sæpissime vitia cerebri & cerebelli communicantibus fibris, & membranis mutuas manus præbent, mutatis nempe a cerebri vitiis naturali directione, ordine, subtilitate, apto contactu & cohæsiōe fibrarum cerebelli inter se; sic cum læsione cerebri organa voluntaria nervorum cerebro respondentium, & musculorum paralytica fuerint, praxi edocemur tractu temporis communicata ulterius paralyti fibrillis cerebri, non solum organa mixta sphincteris vesicæ inertia fieri, & negligenter urinæ motibus inservire; verum etiam organa naturalia pylori, & intestinorum obstupescere, ut enervato aut abolito peristaltico motu a medicamentis licet irritantibus vis, aut desidiose sollicitentur, & moveantur; sic aliquando contingit observare, post contumacem delirium non solum ægrum sico asthma correptum esse; verum etiam

Sydenham opera Medica.

post longas mentis aberrationes frequenti cordis pal-pitatione ægros miserrime afflictos fuisse; non rarum enim est, vitia cerebri, quibus animæ actiones voluntariæ primo lædebantur, facta morbificæ causæ transpositione, naturalibus quoque organis nocuisse, ut enervatis naturalium organorum motibus & actionibus innumeræ morborum familiæ (injuria fere semper accusato sanguine) supervenerint. Neque dubitandum, has morbosas affectiones cerebelli vitiis esse adscribendas, cum imaginatione, discursu & memoria penitus restitutis, cerebro videlicet melius se habente, præternaturales tamen viscerum affectiones, & organorum naturalium depravati, aut aboliti motus contumaci duratione consistent; non dispari ratione communicationis, cerebelli vitia in cerebrum translata morbosas cerebri affectiones afferre consue-scunt. Præter hæc suspicatus probabiliter sum, vasa sanguifera & lymphatica, quæ inter organa naturalia numerari facile possunt, quotiescunque exceperint nervea filamenta cerebelli fibrillis correspondentia, si aut convulsa fuerint, aut paralytica; iners quidem & negligens futuruserit elasticus vasorum motus, ut fluida lentiori motu circumeuntia in glandulis viscerum latefcere pejori naturæ damno conentur. Hæc breves de tam eminentibus animæ potentiis, & de tam obscuris cerebri & cerebelli morbis meditationes, quantumvis potius philosophicæ sint, quam mechanicæ; nihilominus si cum naturæ & morborum cerebri & cerebelli phænomenis accuratissime comparentur, fortasse non levi probabilitate donatæ esse videbuntur. Fateor quidem, me plurima a mechanicis eruere potuisse; verum cum deficient necessaria data, & suppositiones admodum lubricæ sint in tam obscuris animæ phænomenis, consultius putavi, me potius meliora desiderare, quam aut inutilia, aut absurda proponere. Remanet advertendum, morborum capitis curationi non raro confetre aquas nostras Hiermenses, de quibus clarissimus Franciscus Roncallus eruditissimo opere locutus est.

DISSERTATIO III.

De Morbosis Sensuum externorum Affectionibus.

31. **E**A est animæ lex sensoriis compenetratæ, ut anima sine his nec sentire, nec imaginari, nec intelligere, neque recordari ullo modo possit: Sensoria idcirco sentientis animæ operibus destinata variis perfectissimisque fibrarum præcipue membranarum & nervearum ordinibus elaborata sunt; alia siquidem est textura fibrarum auditus, alia visus, alia odoratus, &c. compositio, ordo ac modus alius; Sicut autem varia est organorum textura; ita varia subtilitas, diversa flexibilitas & elasticitas earundem; fibras enim hujus generis elastico quodam nisu donatas esse satis superque ab experimentis edocti sumus. Cum itaque vires & momenta corporum externorum organa, minimasque eorum fibrillas sollicitant, videntur inflectere & incurvare organa ipsa, minimasque fibrillas componentes, & curvam quandam ex elasticarum genere lineam describere ut plurimum videntur; hæc curva prout ex minimarum fibrillarum flexibilitate elaborata adeo minima est, ut fere insensibilis sit differentia inter arcum minimæ curvæ & tangentem ejusdem. Cum ergo fibræ ab objectorum externorum viribus sollicitatæ a rectis in curvas quasdam lineas transire teneantur, nemo dubitaverit has fibrillas elastice incurvas distrahendas esse: cum autem distractiones elasticæ fibrillarum sensationibus quam proxime proportionales habeantur, juxta mensuras distractionum; sensationes modo majores, modo minores proportionaliter erunt dimetient-dæ. Placeat ergo supponere cum doctissimo Riccato, (a) minimam sensationem futuram esse, cum fibra distracta tantum creverit supra suam naturalem longitudinem, quantum exigit centesima pars suæ longitudinis; inde colligendum, majorem futuram esse sensationem, cum distractio fuerit una $\frac{10}{100}$ aut $\frac{15}{100}$ suæ longitudinis &c. e contra nullam, aut fere nullam futuram fuisse, cum fibræ

Gg 3

distra-

(a) Pag. 131. suppl. al Giornale Tom. 1.

distraçtio minor fuerit parte centesima suæ longitudinis; hæc quidem attendenda sunt, ut sensatio aut major, aut minor, aut nulla habeatur. Cæterum ultra res petenda est, cum in statu naturali distraçtiones fibrarum, seu sensationes obtinere voluerimus; enimvero si minimæ curvæ fibrosæ distraçtiones ab externis objectorum momentis oblique impulsæ rationem naturalis æqualitatis, aut quasi æqualitatis habuerint inter se, servata quodammodo simili ratione parallelismi earundem æqualibustemporibus, necnon æqualitate, aut similitudine angulorum, quos fibræ inter se contextæ naturali dispositione componunt; nunc minimæ curvæ distraçtiones fibrarum, & consequenter earundem minimæ reciproæ contractiões seu restitutiones erunt naturales; & sensationes naturali ordine, dispositione, lege ac motu futuræ erunt æquo animæ sentientis ministerio. Verum si vitio objectorum modo perpendiculariter, modo oblique fibras impellentium, aut vitio fibrarum, ea ratione inflexæ fibræ distraherentur, ut una fibrilla magis distraçta incurvetur, quam altera; hæc vero minus tertia &c. & sic successive in ratione omnimodæ inæqualitatis, temporibus quoque inæqualibus; utique mutato earundem naturali parallelismo, mutatisque naturalibus angulis earundem, distraçtiones fibrarum fient asymmetræ; unde sensationes inæquales, inordinatæ & præternaturales necessario exorientur; quinimo si violentissimo momento objectorum perpendiculariter aliquando impellentium, aut vitio fluidorum fibras irritantium violenter distraherentur fibræ, ut curvæ distraçtiones ipsarum habeant inæqualiter majorem, & præternaturalem rationem minores inæqualitatis respective ad naturalem fibræ longitudinem, nec facilis ad libera subsequi possit reciproca contractio seu restitutio earundem; mehercle tam violenter distraçtæ fibræ sensationes afferent inversas, confusas, vitiosas, & aliquando dolorificas. Hæc de generalibus sensuum externorum affectionibus intento nostro necessaria satis præmissa esse arbitror.

32. De externis sensibus agendo; Etsi sensus omnes externos utiles ac necessarios plerique hominum judicaverint, præstantior tamen, & utilior visio habitata est, non eo tantum mirabili opere, quo natura solo oculi usu Creatoris operibus cælo terraque præstantissimis mirum in modum delectari possit. Verum quia ea sunt oculorum beneficia, ut sine his cæteri quoque externi sensus vilescere, otiarique viderentur; studiose itaque curandum est, tam mirabilem potentiam aliorum quoque sensuum commodo, utilitati ac dignitati conservare. Ad tam altum opus præstat primo morborum causas quærere, quibus acquisitis, visio conservari facilius, aut ægra commodius sanari possit. Ut autem hæc suo ordine ac claritate digeri possint, nonnulla præmittenda esse debuerunt. Primo, ex opticis certum est, quodcunque corpus visibile aut luminosum esse, aut illuminatum, & a luminoso proprium lumen, ab illuminato alienum undequaque citissime effundendum; ea autem est immensa velocitas luminis, ut celeberrima Academia Florentina experimento 265. testata sit, lucem per duo miliaria effusam absque ulla temporis differentia fuisse observatam; porro immortalis Nevvtonus deff. 2. de coloribus, tam citissime propagari lumen affirmavit ex observationibus temporum eclipticum Jovis Satellitum, ut lumen a Sole in terram septem circiter minutorum spatio deferri animadvertit. Secundo, cum aer, aqua & vitrum sint diversæ gravitatis specificæ, adcoque pariter diversæ densitatis (a) transiens radius ab uno medio in aliud diversæ densitatis refringendus erit; itaque cum radii a corpore luminoso, aut illuminato transeant ab aere in humores oculorum, aqueum, crystallinum, & vitreum, jure merito refrangi debent; tanto autem opere refractionis radii ab eodem objecti aut luminosi, aut illuminati puncto egressi per refractionem in aqueo, crystallino & vitreo factam in uno iterum puncto uniri necessario debent. Tertio, in hoc unionis puncto ut visio perfectissima habeatur, adesse debet Retina, quæ a celeberrimis viris, potissimum vero ab Hayr & Vvolffio

pro primario visionis organo determinata est; cum vero quilibet radius a puncto radiante objecti modificatus secum afferat integram imaginem puncti radiantis, eo unionis puncto, quo in perfectissima visione adest Retina, in hac objectorum imagines depingi debuerunt. Quarto, licet radii quilibet refracti eo in puncto collecti visionem perfectissimam non parum juvent, radios tamen directos, & pupillæ perpendiculares visioni melius ac fortius prodesse demonstratum est. Si itaque radii perpendiculares una cum refractis eo oculi loco uniantur, ut immediate non adsit Retina, utique unione facta radiorum aut infra, aut extra Retinam, visio aut imperfecta, aut obscura, aut nulla erit futura. Cum ergo Retina sit præstantius visionis organum, arbitror rem fore necessariam, si de hac nonnulla dixerim, quæ perfectissimo visionis operi convenire videantur. Cum hæc sit nervi optici mira extensio, cujus officium est a radiis perpendiculis, & refractis objectorum in puncto collectis excipere depictas imagines, jure determinatum est, hanc in tam angusto animalis spatio tam immensa ac vasta colligere non potuisse, nisi summam filamentorum Retinæ tenuitatem ac subtilitatem miraremur. Geminianus Montanarius in Epistola quadam ad nobilissimum virum familiariter conscripta hanc rem curiose agitaverat, & calculis & experimentis accuratissime, ut credidit, institutis invenit minimum sensibilem angulum, sub quo partes objecti sunt sano oculo distinguibiles, subtendere proxime in Retina chordam seu subtensam unius minuti; sed subtensa unius minuti continetur in radio sui circuli vicibus 3437. ergo verisimile putavit, spatium Retinæ figuratum ab objecto visibili subtendente chordam unius minuti fore proxime $\frac{1}{3437}$ sui radii: inde colligit, quod quotiescunque minimus angulus a radiis refractis, & perpendiculis elaboratus effecerit in Retina basin seu chordam uno minuto minorem, objectorum partes nullo modo apte ac distincte videri posse. Simili fortasse methodo ac ratiocinio arbitror celeberrimum virum Philippum de Hayr (b) afsecutum fuisse, Retinæ filamentum esse proxime $\frac{1}{8000}$

unius uncie Parisiensis, quæ quantitas cum proxime ex calculis fiat æqualis octavæ parti latitudinis unius fili serici bombycis, collegit celeberrimus Auctor, latitudinem unius filamenti Retinæ fore proxime æqualem octavæ parti latitudinis fili serici bombycis. Denique doctissimus Joannes Ricettus in Epistola dioptrica ad nobilissimum virum fama, literis & genere celeberrimum Cristinum Martinellum conscripta (c) calculis & experimentis opportune institutis in hac re probabiliora docuisse mihi visum est, crassitiem nempe capilli lucente Sole visi ad distantiam unius pedis Veneti eam habere rationem ad crassitiem imaginis ejusdem capilli in fundo oculi depictæ ut 25. ad 1.; sed diameter pupillæ ad diametrum capilli est in ratione 24. ad unum; ergo facta multiplicatione 25. + 24. constabit, diametrum pupillæ ad crassitiem imaginis capilli in fundo oculi, seu in Retina depicti fore proxime ut 600. ad unum. Ex his luce meridiana colligendum erit, quantum imagines objectorum in filamentis Retinæ depictæ minimæ futuræ sint, cum in subtilissimo Retinæ filamento tot, ac tanta objectorum depingi facile possint. Mira certe filamentorum Retinæ subtilitas. Non mirabor amplius, cum Optici demonstraverint, ab oculo fere hemisphærium videri posse, cum tanta hemisphærii extensio in tam minimo Retinæ spatio depingi, ac in oculo figurari possint. Hinc tam facile oculorum & Retinæ affectiones occurrunt, ut uno licet Retinæ filamentum aut vitiatum, aut impeditum, aut læso visio quoque aut vitiatæ, aut impeditæ, aut læsæ jure merito habeatur.

33. Nunc si ea, quæ res postulat, dixerimus, non ibi sollicitus fuero de presbyta & de myopis visionis dissimili, cum hujusmodi visiones naturales causas nactæ sint. In presbytis enim humor crystallinus cum non satis convexus sit; sitque majoris sphaeræ segmentum; & si nimis exigua fuerit distantia Retinæ ab humore crystallino, (d) in Retina quidem distincte delineari nequeunt objectorum vicinorum imagines, remoti-

(a) Ex num. 54. Optices Vvolffii.

(b) Memoires de Mathematique.

(c) Supplementi al Giornale Tom. secondo.

(d) Per prop. 100. & 101. Vvolffii Optices.

motorum tantummodo imaginibus clare delineatis, ut vicina objecta confuse, remota distincte videantur. In myope vero, si a natura elaborata fuerit Retina ab humore crystallino nimis remota, objectorum imagines collectæ fient, antequam ad Retinam opportune perveniant; cumque ultro humor crystallinus fuerit nimis convexus (a), sitque segmentum sphaeræ minoris, remota objecta confuse, vicina distincte a myope videbuntur. Hisce vitiis reparandis consultum fuit in presbyta lente, aut specillo convexo; in myope verò planiori, aut concavo, aut saltem minus convexa lente uti debere. Hisce itaque relictis, primo sollicitus fuero de *Maculis seu Muscis volantibus*, quæ ægrotantibus eo tædio esse solent, ut molesto errore continuo hallucinentur; nonnullæ itaque *permanentes* sunt, cum contumaci loco, eaque semper ratione distant ab axe optico, eundem semper objecti locum ac situm occupaturæ, hæ ut plurimum albo objecto firmatæ rotunda imagine delineari consuecunt. Nonnullæ vero *fluctuantes*, sunt nigris quibusdam filamentis distinctæ, ea ferme ratione, qua nodos ligneos abietis figurari experimur. Primæ in Retina locum & vitium habent; etenim cum membrana hæc sanguineis vasculis donata sit, si forte accidat, aut motu violentissimo sanguinis, aut vulnere &c. aliquam sanguinis, aut lymphæ impuræ guttulam aliquod Retinæ spatium esse occupaturam, futurum certe erit spatium illud Retinæ excipiendis opportune imaginibus ineptum, ut objecta quælibet maculam quamdam rotundam, juxta rotundam sanguinis, aut lymphæ impuræ effusionem observari videantur; tandiu autem macula ista erit duratura, quandiu effusio sanguinis, aut impuræ lymphæ perduraverit, evanescente postmodum macula, cum effusio sanguinis, aut lymphæ tractu temporis evanuerit; aliquando Retinæ filamentum, aut spatiolum, aut durius, rigidiusque, ut in senibus redditur, aut materia quadam tenaci ac viscida, aut callo quodam obruitur, aut paralyti afficitur, ut ab unione radiorum hæc minima Retinæ portio neque moveri, neque opportune inflecti possit, idcirco neque pigni, neque delineari ullo modo poterit: hæc Retinæ portio privata motu & imagine, cum talia appareant objecta, qualia in oculo figurata repræsentantur, in objecto exteriori nigra quædam macula erit fere semper, aut diutissime apparitura, cum materia illa partem minimam Retinæ afficiens, neque evanescere, neque curari facile possit; aliquando tamen hujusmodi muscæ ac maculæ nigræ, etsi in Retina sedem habeant, nutare aliquantulum vix sunt, non quia in Retina situm mutant, verum quia aliquando Retina ipsa aliquali motu movetur, aut trahitur ad eundem postea locum reversura. Sæpiissime tamen cum muscæ aut maculæ fluctuantes non eam semper ab axe optico distantiam habuerint, pedetentim hinc inde nutare videbuntur; quo casu has in humore vitreo, sed potissimum in aqueo sedem posuisse credendum est; cum enim aqueus humor non ea semper donatus fuerit puritate, ut granula quædam, aut filamenta impuri humoris aliquando exceperit, hæc aut radiorum impediendo, aut eisdem aliunde refrangendo (cum hi non in puncto Retinæ, cum cæteris radiorum ordinibus uniri opportune possint) muscas seu maculas illas in objecto parere videbuntur; Hæ autem facilius curari poterunt, si remediis humorem aqueum depurari opportune contigerit; non differenda itaque aquei humoris depuratio, cum adaucta paulatim humorum saburra timeri facile posset, ne impuræ humorum particulæ sibi invicem adhærendo nebulam quandam texerent, suffusionem seu cataractam impedito luminis ingressu parituræ. Nonnulli non ab aquei humoris impuritate, ac densitate cataractam orituram crediderunt, sed opinati sunt, humorem crystallinum ex plurimis lamellis diaphanis elaboratum fuisse, quæ aliquando versus aqueum humorem adeo densiores fiunt, ut supra naturæ legem indurescant, densiores autem factæ; non tantum crystallinum humorem opacum reddunt luminis impedimento; verum cum densitates

Sydenham opera Medica.

sint ponderibus proportionales, humorem hunc reddunt ponderosorem; adaucto autem crystallini pondere processibus ciliariis violenter distractis lens crystallina aliquantulum a naturali loco distrahitur, aut deprimitur, & lentis focus non opportune Retinam afficiens visionem aliquando, cataracta temere accusata, aut impedit, aut turbat. Inter præternaturales oculorum affectiones eam ulterius arbitror, quæ cæterici afficiuntur, cum omnia objecta flava videantur. Immortalis Nevvtonus doctrinam colorum actus per solam refractionem lumen in colores mutari (b) experimentis, & rationibus in aureo optices opere edocuerat. Cum vero radii, qui varios colores efficiunt ac afferunt, differant variis gradibus refrangibilitatis (c) arbitrandum est, ab aqueo humore biliosis, flavisque particulis permixto transeuntes radios peculiariter, ac specificum refrangibilitatis gradum pati debere, ut hi juxta hunc gradum, flavum objectis colorem vitiose communicent: hujusmodi autem gradum refrangibilitatis radiorum flavorum in prisma vitreo observari posse satis evulgatum est, ut nullatenus dubitandum sit, ex tali determinato gradu refrangibilitatis radiorum a corporibus flavis aqueo humori, aut vitreo permixtis elaborato flavum objectorum colorem oriri posse. Sed inter morbosa visionis phænomena objectorum duplicatio miranda sæpiissime est. In hac re non me latet, objecta visibilia extra horopterem constituta geminata apparere (d); verum cum objecta etiam in horoptere constituta duplicari aliquando possint, licet ac opticis & dioptrici ea, quæ tanta res postulat, haberi facile possint, vehementer tamen ad hanc rem explicandam polyedræ lentis experimenta conferre videbuntur: cum enim lens polyedra sit corpus ex superficiebus planis in convexas superficies dispositis (e), si oculus ita constituitur ubi radii paralleli decussantur a singulis planis polyedris, radii paralleli ab eodem objecto procedentes in oculum propagari debuerunt; cum vero humor crystallinus, utpote lentacula convexa radios parallelos unire debeat, in totidem diversis Retinæ punctis uniendi erunt radii, quot sunt lentis polyedræ plana convexa, consequenter oculus per lentem polyedram toties videre poterit objectum, quot sunt facies, seu plana convexa lentem polyedram componentia. Experimentum hoc affabre ostendere videtur, cur aliquando objecta duplicari videantur; cum enim ob ætatem arescentibus membranarum humores continentibus, aut vitio aquei, & vitrei humoris inæqualiter crystallinum humorem prementis, aut ejusdem crystallini culpa aliqua minima lentis crystallinæ portio a naturali convexitate aliquantulum declinet, ut aliquod in data minima parte planum fiat; tunc radii ab hoc præternaturali minimo plano uniendi erunt in puncto aliquo Retinæ; & cum talis unio radiorum differre debeat, & aliquantulum distare ab eo puncto, in quo naturaliter colliguntur, & uniuntur radii illi, qui per axem crystallinæ lentis una cum iis, qui naturali ratione refracti in eodem puncto Retinæ colliguntur, non dubitandum, Retinam duplici loco, ac puncto movendam & afficiendam esse, quare objectorum imagines erunt geminandæ. Verum frequentiora visionis incommoda ab uvea membrana, quæ pupillam constituit, consequi experimur. Tritum enim opticis axioma est, crescente lumine pupillam coartari, ut superfluum lumen expellatur; decrecente dilatari, ut excipiat necessarium. Cum autem quodlibet punctum visibile radiat in pupillam per conum, cujus vertex in ipso puncto radiante locatur, basis vero pupilla sit (f), cum præter naturæ legem dilatata fuerit pupilla, basis coni luminosi major futura erit, quæ cum plures radios excipiat, quam fieri debeat, a tanto radiorum numero, & consequenter intensione ac densitate Retina violenter afficienda erit, & quodammodo vulneranda; ut autem hæc tam necessaria, tam violenta natura, instituto nostro opportuna magis consent: Sit basis pupillæ, aut basis circularis crystallinæ lentis spatium circulare AMBN; radii vero perpendiculares transeuntes per axem sint CGD; radii vero convergentes, & refracti sint AED.

Gg 4

BFD,

(a) Per prop. 102. & 103. Vvolffii.

(b) Num. 183. Vvolffii,

(c) Num. 196.

(d) Per Theorem. 80. Vvolffii.

(e) Per def. 23. Dioptrices.

(f) Per Theorem. 78. Vvolffii.

BFD, qui concurrant eum perpendicularibus radiis in Retina in puncto D; Ducaturque alter circulus EGF parallelus circulo basis crystallinæ AMBN; ex optico theoremate tertio Vvolffii, cum lumen propagetur per radios aequalium virium in medio non resistente, intensitas luminis crescit in ratione duplicata distantiarum a puncto concursus reciproce; num autem intensitates luminis sint cæteris paribus ut densitates ejusdem, erit densitas luminis in C, ad densitatem in G in ratione reciproca circulorum EFG, ad AMBN; & consequenter in ratione duplicata reciproce ipsius OF ad CB; sed OF est parallela C

Prop. 4. B, ergo erit OF ad CB, ut OD ad CD, quare
6. Eucl. intensitas, seu densitas luminis in C ad densitatem in G erit quoque in ratione duplicata reciproce distantiae OD ad distantiam CD a puncto D Retinæ; quare cum in OD fiat major densitas radiorum, fiet quoque major intensitas eorum concurrentium in D. Hinc Retina violenter affecta & vulnerata remanebit visione aut læsa, aut impedita. Processus quoque ciliares aut laxati, aut contracti humorem crystallinum, aut planiorem fortasse reddunt, aut magis convexum, ut nonnulli opinati sunt; inde radiorum unio, aut a crystallino distantior in planiore, aut eidem proximior in magis convexa, erit futura. Visio propterea aliquo tempore ob opportunum concursum radiorum in Retina distincta & clara; alio tempore ob aliqualem tantummodo contactum eorundem in Retina exequendum imperfecta & obscura; alio tempore ob nullum in Retina radiorum unitorum concursum ac contactum deperdita visio, aut nulla erit futura. Superessent reliquæ morborum oculi differentia, *Ophthalmia* videlicet, *Hebetudo* & *Illacrymatio*, a quibus facile declinavimus; cum non ab organorum, sed ab humorum vitio fieri consuecant. *Guttam quidem Serenam* cum a nervi optici & Retinæ paralyti, aut callo, aut quocunque alio opticorum errore plerique Medicorum factam velint, ab iis, quæ de paralyti supra diximus, causæ erunt opportune postulandæ. Pro appendice addo rem animadversione dignissimam, cæcos nempe ut plurimum longavos esse; num autem longior vita a majori fibrarum cerebri otio comparetur, quod ab otiantibus nervis opticis facile assequimur, cum hi cæteris nervis grandiores sint, & supra cæteros continuo operosiores? num quia cæci minus libere vivere consuecant, reliquis sensoriis magis otiantibus? anceps non judico.

34. Oculorum morbis satis expensis ad morbos auditus progredimur; ineptum autem esset, de his disputationem agere, ni prius innotescat methodus, qua aer agitatus sonum ferat; itaque celeberrimus Jacobus Hermannus (a) suscepta ab immortali Nevvtono sonorum doctrina hanc explicare aggressus est; docet enim sonum fieri, cum ex vibratione seu tremulo motu corporis sonori circumjectus aer elasticus undequaque propellitur, propulsus autem densatur nonnihil; particulæ autem aeris inter se densatæ comprimuntur, compressæ vero, cum elasticitates sunt quamproxime densitatibus proportionales, coguntur denuo relaxari, & in partes contrarias, seu unde venerant, regredi; nam addit Hermannus, *ita partium corporis tremuli contigua aeris partes propulsa densabuntur, regressu vero, atque adeo amota vi comprimente densatus aer iterum sese in omnes partes, quantum potest, elatere suo expandet; ita ut ita partium corporis tremuli aer condensetur, & in reditu, atque iterum rareseat; quod partes corporis tremuli in aere ipsis contiguo efficiunt, idem etiam præstabit aeris partes jam propulsa in aere ipsis contiguo, & hic in sibi proximo, atque sic deinceps; sed non eadem ubique harmonia, ita ut, si quedam aeris partes propulsa sint, propellantur & omnes reliquæ, atque progrediantur; sed cum una propellantur, atque densentur, aliæ redeant, atque posteaquam densatæ erant, iterum rarecant & regrediantur, idque vicibus permutatis; hac ratione sonum fieri, & tali ratione ab aure humana audiri credendum est. Notat deinde Hermannus, quod ejusmodi motus partium aeris propulsarum atque iterum unde venerant regredien-*

rium, seu intervalla progressus atque regressus vocentur pulsus aeris, quæ intervalla ob aequalia temporis intervalla præterpropter aequalia existent. Porro naturæ & essentia auditus præstat inquirere soni velocitatem. Hanc rem celeberrimi viri accuratissime dimensi sunt, & primo celeberrima Academia Florentina experimento 245. experta est, sonum spatio quinque minutorum secundorum unius miliaris Veneti spatium peragere. Doctissimus Mersennus pag. 35. suæ Balysticæ expertus est, sonnum minutis quinque secundis confecisse pedes Gallicos 6900. inde ex proportionum regulis innotescet, spatio unius minuti secundi pedes Gallicos 1380. conficiendos fuisse. Celeberrimus Vvistonius (b) experimentis edoctus exposuit, spatio unius minuti secundi velocitatem soni fuisse pedum Anglicorum 1060. denique immortalis Nevvtonus (c) considerata crassitie particularum aeris & vaporum diversi generis densitate, constat inquit per experimenta, quod soni tempore minuti unius secundi eundo conficiunt pedes Londinenses plus minus 1142. Parisienses vero 1070., qui in pedes Venetos conversi efficiunt summam pedum 1144. $\frac{144}{1440}$ proxime. Modo ex determinata soni velocitate tempore unius minuti secundi mirum in modum colligit laudatus Vvistonius (d) data sonorum ubique locorum velocitate, ea videlicet, quæ 1060. pedes Anglici, seu pedes Veneti 1209. $\frac{110}{1350}$ unius minuti spatio conficiuntur, datoque quocunque intervallo temporis, quo eadem soni velocitas datum spatium peragrat, corporis sonori a nostris auribus distantiam facile innotescere potuisse; si enim inter bombardæ ignem visum, & sonum auditum decem minuta secunda pertransire observata fuerint, constabit bombardæ locum ab auditoribus spatio 10600 pedum Anglicorum, proxime distare debuisse, ut ex regulis proportionum constabit; est enim 1. 1060 : : 10. 10600. Ita si inter fulgur visum, & tonitru auditum intercedant quinque minuta secunda patebit, nubes istas, unde fulmina eruperunt a spectatoribus proxime 5300. pedes Anglicos, seu pedes Venetos proxime 6045. $\frac{1350}{1150}$ fuisse distantes. Cognita itaque ex immortali Nevvtono sonorum velocitate progreditur celeberrimus Auctor calculorum opere intervalla pulsum dimetiri; monitos itaque nos reddit. D. Savverum invenisse factis a se experimentis, quod fistula aperta, cujus longitudo erat pedum Parisiensium plus minus quinque, sonum edit ejusdem toni cum sono chordæ, quæ tempore minuti unius secundi centies recurrit; sunt igitur pulsus plus minus centum in spatio pedum Parisiensium 1070, seu pedum Venetorum 1144. $\frac{440}{1440}$ quos sonus tempore unius minuti secundi percurrit; adeoque pulsus unus occupat spatium pedum Parisiensium 10. $\frac{7}{10}$ seu pedum Venetorum 11. $\frac{638}{1310}$ proxime, id est duplam circiter longitudinem fistulæ; unde verisimile est, quod latitudines pulsum in omnium apertarum fistularum sonis æquantur duplis longitudinibus fistularum. Mirabile postmodum eruitur ab iis, quæ dicta sunt, & ab experimentis 241. & sequentibus celeberrimæ Academiæ Florentinæ, & juxta demonstrata a celeberrimo Taylor (e) sonos, vel magnos, vel parvos semper æque veloces & æquabiles esse futuros. Hæc quantumvis extra institutum nostrum dicta videantur, attamen eo collimant, ut cognita prius sonorum natura, velocitate & pulsum proportionem, & consequenter tanti sensus dignitate, præstantia ac necessitate, facilius ac commodius a nobis morbofa auditus incommoda inquirantur & cognoscantur.

35. Ex soni doctrina super exposita generalis quidem soni idea innotescit, specifica vero & peculiaris soni ratio, qua diversi soni fieri diversimode possint, adhuc ulteriora petere videtur: desideratam peculiaris & specifici soni efficiendi rationem experimentis opportune factis celeberrimus Franciscus Lana (f) reperire acriter studuit, prop. enim 6. libri 9. de tremore corporum, ostendit, chordam tensam (idem intellige proportionaliter de quocunque corpore sonoro) & percussam vibrari & resonare; hanc autem non vibrari & resonare, per modum unius, sed ejus plurimas, minimasque particulas, ex quibus chorda com-

(a) Cap. 23. Phoron.

(b) Læctione 29. prop. 62. Coroll. 7. suarum Prælectionum.

(c) Scholio prop. 50. princ. Mathem.

(d) Ceroll. 13. prop. 62.

(e) Prop. 12. methodo incremeorum directæ, & inversæ.

(f) Tom. 2. Magist. Naturæ, & Artis.

da componitur peculiare efficere, ut puto, curvas elasticas seu distractiones, quæ postmodum transeundo a curvis in rectas efformant minutas, minimasque vibrationes, ex quibus resultat seu componitur talis soni differentia; etenim a pluribus experimentis colligit, quod dum chorda tensa in singulis suis simplicibus undationibus removeretur a suo situ recto, quoties tendit, aut ad dextram, aut ad sinistram, toties quodammodo incurvata elongatur, & consequenter novam tensionem patitur; quoties vero iterum redit ad situm medium in linea recta, toties remittitur nova illa tensio prius acquisita: constat autem ex dictis a celeberrimo Auctore *de tensione chordarum* per tensionem partes chordæ comprimi, & ipsam chordam subtiliorem fieri, per reductionem rursus dilatari, & priorem crassitiem recuperare. Igitur præter motum simplicem undulatorium, hinc inde per motum unius, seu toti chordæ communem, qua chorda agitur, est & alius motus constrictionis & dilatationis particularum, seu partium minimarum chordam componentium, qui operatur in singulis filaminibus, ex quibus chorda coagmentatur. Immo in partibus unius & ejusdem filaminis. Cum enim hujusmodi filamina & illorum particule non sint singulæ singulis omnino similes, nec similes arcus describant, sed aliquæ magis, aliæ minus resistent tensioni, compressioni, constrictioni & dilatationi, dissimiles quidem, cum post tensionem se reducant, vibrationes efficient singulas suæ naturæ, ac suis viribus ac conatibus, seu arcubus proxime proportionales, quamobrem ex his peculiaribus minimarum partium similium, & dissimilium chordam componentium arcubus, seu distractionibus, & contractionibus componuntur minimæ vibrationes, ex quibus efformatur motus ille tremulus, peculiaris & specificus, qui talem ac specificam soni differentiam opportune parit. Simplex itaque & generalis soni idea undulationes totius corporis sonori ea ratione postulare videtur, qua aer simili quoque methodo vibratus, modo ita densetur, modo reditu rareseat; specifica vero & peculiaris soni ratio hoc ulterius postulat, ut particule minimæ corporis sonori similes & dissimiles, quarum aliæ magis, aliæ vero minus ex dissimilibus earum arcubus tensioni, compressioni, constrictioni & dilatationi, resistent, component peculiare vibrationes ex motu partium minimarum similium, & dissimilium compositas; ex quibus fit quidam specificus partium minimarum tremor, qui talem ac specificam soni differentiam fit producturus: inde cum tam variæ fieri possint minimarum partium, seu arcuum distractiones, & contractiones, & consequenter tam variæ vibrationes, seu tremores aeri communicandæ, tot soni differentiarum ab auribus humanis erunt diversimode percipiendæ. Ex his itaque querendum est, a quam causa sonus *gravis* & *acutus* habeantur. In hac re non pigeat prius experimentorum meminisci, vibrationes chordarum esse in ratione longitudinum earundem. Ita doctissimus Hayr expertus est chordam tensam longitudinis pedum decem, si tempore unius minuti centum vibrationes absolvat, hujus dimidiam eadem ratione tensam eodem minuto secundo 200. vibrationes fuisse absoluturam. Acutus itaque sonus ille esse videtur, qui parvo tempore frequentiores vibrationes absolvit, non solum juxta rationem totius organi; verum etiam juxta rationem minimorum arcuum fibrillarum, quæ dum impelluntur, frequentius vibrantur; exigui propterea & brevissimi minimique arcus fibrillarum organi auditorii facto opportuno dum iis, quæ dicta sunt, analogismo, dum parvo tempore frequentissimas distractiones & contractiones edunt, a quibus frequentissimæ emergunt vibrationes ac tremores, majorique conatu recedunt a situ suo naturali magis violentam tensionem parientur, acutum sonum edere debuerunt. E contra sonum gravem datura erit auris humana cum majori tempore ac longiori pauciores fiant vibrationes organi & partium minimarum, seu arcuum earundem, ob tardiores distractiones, & contractiones elasticas earum, minoremque tensionem fibrillarum omnium.

36. Hisce præmissis contrahendo sermones nostros ad aurem humanam juxta anatomicum aurium ordi-

nem placeat ratiocinari; præter enim externum, & flexuosum aurium apparatus occurrit *Meatus auditorius*; cavitas videlicet cylindrico elliptica; hæ obliquo suo ductu glandulis undequaque donata est, a quibus cerumen continuo separatur; cum vero e glandulis ea ratione separatam fuerit, ut ceruminis corpus naturalem meatus auditorii obliquitatem mutaverit, undulationes aeris ultro reflexæ, & quodammodo a lege naturalium undulationum declinantes, auditum si non invertent, saltem poterunt imminuere. Clauditur autem internus hic meatus auditorius obliqua sectione a *Membrana Tympani* annulo osseo affixa, cujus peripheria elliptica est, & ex duplici membranacea expansione duræ matris & cutis meatus auditorii coagmentata est; auditorii autem nervorum pars dura portio tympano impertitur; hoc autem tenditur & laxatur a nerveis filamentis, & musculis, & ab ossiculorum determinatis motibus, quorum primus *Malleus* est; secundus *incus*; tertius *Os orbiculare*, & *Stapes* quartus, qui immediate membranæ tympani succedunt. Opera itaque musculorum & talium ossiculorum ea ratione ac lege tendi debet membrana, non solum quoad totum sui spatium, verum etiam quoad singula sui filamenta, ut æquabilis & homotona fiat undequaque membranæ tensio; hac autem lege æquabilis tensionis statum a natura est, oscillatione externi aeris, specificos impetus membranæ tympani communicare, a quibus cum distractæ fuerint, & in minimas curvas inflexæ, postmodum vero succedente motu contractionis específicos tremores, ac vibrationes parituræ erunt, primam naturalis auditus elaborationem opportuno principio donaturæ. Quid autem de auditu timendum esset, si muscoli membranarum tympani, & ossicula tendentes, aut nimio sero madefacti, aut paralyti affecti fuerint? quid timendum? si humida aeris temperies, si feri copia membranam laxaverint. Nemo ignorat, hisce vitiis membranam, missa naturali tensione æquabili, naturalique fibrarum parallelismo, non eas æquabiles distractiones, & contractiones, & consequenter non eas vibrationes & oscillationes, non eos tremores excipere posse, qui specificis sonorum differentiis exequendis opportuni essent; quid ergo? obtusus mehercle fiet auditus, confusus & hebes: pejus fortasse malum irruet, si convulsis hisce musculis membrana tympani supramodum crispata ac tensa constiterit: a vibrationibus enim, & oscillationibus frequentissimis exasperata membrana feret soni acutiem, rigiditatem, & asperitatem ex quocunque levi aeris momento & piæ matris consensu dolorificam sensationem erit allatura. Redeunti ad naturalem auditum animadvertendum est, naturam, initio auditus, adeo de hoc recte exequendo fuisse sollicitam, ut opera musculorum & ossiculorum internorum adeo disponere, ac naturaliter tendere voluerit membranam tympani, ut non solum membrana tota, verum etiam singulæ minimæ componentes fibrillæ homotone & unisone tendendæ ac disponendæ similiter essent: tanti porro operis perfectioni juvat suspicari, fibras membranæ tympani adeo naturaliter singulas esse similiter, homotone & unisone tendendas ac disponendas, ut si aeris externi oscillationes totum membranæ spatium tangere, verberare ac inflectere aliquando non possint; auditui tamen exequendo satis opportune sufficiet, si unum tantummodo membranæ tympani filamentum ab aere oscillante verberaretur; ea ferme methodo, qua experimur, chordas in eodem instrumento unisone tensas, tremere tamen ac oscillare omnes unisonas debere, quantumvis una tantummodo ex unisonis chorda tacta fuerit ac verberata.

37. Membranæ tympani sua cavitas correspondet; hæc spherica est. In tympani supernis partibus duæ occurrunt fenestræ, quæ in tympani cavitatem sese aperiunt; *Ovalis una*, *Rotunda altera*. *Ovalis fenestra* illa est, quæ a basi stapedis clauditur, eidem configuratione respondens, situm obtinet tympani membranæ parallelum; per hanc videtur aditus ad labyrinthi vestibulum. *Fenestra rotunda* incertam habet figuram, ut plurimum tamen ad circulem tendit, videturque membranæ tympani verticalis; a parte autem inferiore tympani proficiscitur *Tuba Eustachiana* trans-

transiens ad latēra interiorum nasi foraminum supra uvulæ basin terminata. Utræque fenestræ *Ovalis* & *Rotunda* transitum donant interiori auris cavitati, quæ cavitatis in osse petroso locata est, quæ *Labyrinthus* appellatur; hæc autem labyrinthi cavitatis tres in partes dividitur; in *Vestibulum* nempe, in *Canales semicirculares* & *Cochleam*. Vestibulum est cavitatis irregulari configuratione constructa, parietes undequaque ostendens concavos. In hac cavitatis vestibuli plura aperiuntur orificia, nempe orificium fenestræ ovalis, & quinque orificia canalium semicircularium, orificium cochleæ, & quinque orificia nervi aditum præbentia, atque ideo ab istis occlusa, secunda vero labyrinthi pars, nempe canales semicirculares, hi in semicirculi modum incurvantur, numero autem sunt tres, quorum primus est canalis semicircularis major, secundus minor, tertius minimus; cochlea autem tertia labyrinthi pars eleganter limacem cochleam repræsentat sub specie conii elaborata. Hujus cavitatis superficies non ex eadem substantia componitur, ac superficies cavitatis canalium semicircularium, quæ nempe durissimum os est; sed ex substantia ita friabili, ut in excicatis saltem auribus calcinatum os referat; canalis iste ope ejusdem septi in duos canales ita dividitur, ut canalis alter cum altero nullo pacto communicet: hoc septum, quod septum cochleæ dici poterit, duplici constat substantia, solidiori una, molliori altera. Duo canales, in quos cochleæ cavitatem ab exposito septo partiti indicavimus, *Scala* nominantur, quarum una per fenestram rotundam respicit tympanum, & tympani scala appellatur; altera vero cum vestibulo communicat per orificium quasi ellipticum ad latus fenestræ ovalis situm inter hanc, & orificium proprium canalis majoris (hæc vero vestibuli scala appellatur). Scala tympani superiorem situm obtinuit; scala vero vestibuli inferiorem &c. Ad actuandas autem & ditandas labyrinthi cavitates portio mollis auditorii nervorum paris descendit; in osse enim temporali, & petroso excavatur nervorum auditorium canalis, quem non sine ratione in duplicem partitur, nempe in communem & particularem. Quinque ulterius nervi surculi in vestibulo per membranam dilatati peculiari incessu membranaceo progrediuntur. Etenim a membrana vestibuli quædam aliæ membranæ procedunt, quarum singulæ diversum canalium semicircularium orificium ingrediuntur; ubi vero membrana per unum canalis orificium ingressa, membranæ per alterum ejusdem canalis orificium intranti percurrere occurrit, unam continuatam membranam ambæ componunt; tales cum strictioris tæniolæ sive parvæ zonæ figuram habeant, sintque motibus sonoris excipiendis tanquam proprio sensorio destinatæ; hinc a celeberrimo Valsalva *Zonæ sonoræ* nuncupantur; hæc sunt numero tres nempe totidem ac canales, eandemque cum istis obtinent longitudinem &c. Alibi autem docet doctissimus Auctor, zonas has esse mollis auditorii nervi expansiones &c. Observat ulterius, labyrinthum humore aqueo copiose madefactum fuisse, & ab hoc patere aditum in palatum, ut aperto ore tribuendus sit aer, imminuta aurium officia reparaturus. Hæc omnia a doctissimo Valsalva hinc inde colligenda, ac describenda esse opportunum censui, ut accuratius ea innotescerent, quæ auris humanæ organo, ac officio intelligendo necessaria esse viderentur. Hisce præmissis liceat arbitrari, externum aerem a sono taliter motum undulationes ac tremores specificè contrahere, quæ membranam tympani tali ratione obliqui impulsus urgeat, ut non solum membrana, verum etiam minimæ illius componentes fibrillæ inflecti, ac distrahi adeo teneantur, ut minimas curvas describant; filamenta autem membranæ tympani taliter inflexa ac distracta, cum elastica sint, conantur sese opere elastico momenti contractionis sese reciproce restituere; quæ distractiones & reciproce contractiones, cum specificos fibrillarum motus ac tremores efficient, urgent, impelluntque simili impulsu lege tria illa officula, quæ immediate membranam tympani subsequuntur; hæc autem officula similiter mota & impulsiva motu quodam composito ex motu membranæ tympani & ossiculorum, movent ac sollicitant similiter filamenta nervea nervi audito-

rii per membranam tympani decurrentia; pariterque filamenta membranosa ejusdem paris vagi labyrinthum investientia, & consequenter zonas sonoras naturali lege unisone tenfas, ex quarum specifica ratione motus ac sollicitatione auditus sensatio opportune perficitur. Prodest ulterius actioni auditus undulatio, oscillatio & tremor aeris illius, qui probabiliter per foraminulum membranæ tympani ingreditur cavitatem ejusdem, & ab hac per labyrinthum excurrit; hæc enim aeris portio specificè mota a ratione motus compositi ex motu membranæ tympani & trium ossiculorum, undulationes excipit illis motibus proportionales ac unisonas; aer autem inclusus taliter motus, cum & ipse urgeat, ac sollicitationem adjuvet membranæ nervi auditorii, & zonarum, jure auditus operi auxiliaturus est. Itaque & ab his, quæ in organo auditus observata sunt, & ab experimento chordarum unisone tenfarum, quæ, etsi non pulsata, tamen isochrone, & unisone respondent illi chordæ unisonæ, quæ sola pulsata fuerat, probabilius credendum est membranam quoque elasticam nervi auditorii una cum zonis sonoris donatam esse fibrillis ordine, textura & tensione similibus, & homologis fibrillis membranæ tympani, non solum juxta rationem totius, verum etiam juxta rationem minimarum fibrillarum singulorum filamentorum componentium; sic enim supposita simili & æquabili membranæ tympani compositione, textura & tensione cum fibrillis membranæ nervi auditorii, & zonarum curvæ distractiones & contractiones membranæ nervi auditorii & zonarum, cum in statu naturali similes & æquales fuerint curvis distractionibus & contractionibus membranæ tympani, opera etiam adjuvante similis motus aeris in labyrintho inclusi, naturalem auditus actionem ordinatam, consonantem & harmonicam efficient. Quamobrem ut naturalis auditus actio exercentur, jure credenda est necessaria proportio æqualitatis, aut quasi æqualitatis, & similitudinis inter undulationes & tremores aeris externi, & undulationem & tremorem interni aeris in labyrintho inclusi, & motum seu tremorem membranæ tympani, cum motu seu tremore membranæ nervi auditorii & zonarum; ita ut esse debeat motus seu tremor aeris externi, ad motum seu tremorem aeris interni, ut motus seu tremor membranæ tympani una cum ossiculis ad motum seu tremorem membranæ nervi auditorii & zonarum; verum cum motus membranæ tympani & ossiculorum determinetur a momento, & sollicitatione ac tremore aeris externi; ideo motus membranæ tympani & ossiculorum erit motui aeris externi proportionalis; pariterque cum motus seu tremor membranæ nervi auditorii & zonarum determinetur a motu aut tremore membranæ tympani, & trium ossiculorum una cum aere in labyrintho incluso, propterea licebit arguere permutando, quod motus seu tremor aeris externi sit ad motum seu tremorem membranæ tympani & ossiculorum, ut motus seu tremor aeris interni & inclusi ad motum seu tremorem membranæ nervi auditorii & zonarum; hæc quidem in statu naturali probabiliter sunt judicanda. Verum si minimæ fibrillæ membranæ elasticæ nervi auditorii & zonarum, aut vitio sui, aut menyngum, aut fluidorum per cecos aurium canaliculos fluentium, aut vitio interni, aut externi aeris non fuerint ordine, textura & tensione similiter positæ; ita ut tales curvæ distractiones & reciproce contractiones seu tremores fibrillarum earundem non ea ratione ac proportionem fuerint similes & æquales, aut quasi æquales tensionibus, tremoribus, aut curvis distensionibus, & reciprocis contractionibus minimarum fibrillarum membranæ tympani, & trium ossiculorum; cumque fibrillæ componentes non eum servant naturalem parallelismum inter se cum naturali positione angulorum earundem; tunc mehercule cum membrana tympani & tria ossicula non debita proportionem, motu ac positione membranæ nervi auditorii & zonarum respondeant; nec vibrationes ac tremores similes & isochronæ, aut fortasse nec in opportuna proportionem harmonica fuerint inter se: sonus & auditus confusi, indistincti, & dissonantes erunt futuri. Quamobrem cum membrana nervi auditorii & zonæ sonoræ pia ma-

ere undequaque induantur, & hæc cum fibrillis cerebri, a qua vestiuntur, eminentem communionem habeat, feret sensationem in anima ineptam, indistinctam & dissonantem ut anima ipsa sonos inepte & dissonanter percipiat & judicet. Arteriæ carotides, & jugulares venæ, & lymphatica vascula aures undequaque irrigant; cum autem hi meatus sanguine, aut sero irrigati, & membranæ fluidis extraneis madefactæ fuerint, filamenta illa inæquali succorum pondere ac mole repleta, erunt, ut aliquando convulsa fiant, mutatoque earum parallelismo longitudine & crassitie inæqualia, & ab inæqualibus aeris, aut fluidorum heterogeneorum dissimilibus conatibus inæqualiter tensa ac distensa consistent; cum autem fibrarum curvæ distensiones sint proxime in ratione composita ex directâ potentiarum tendentium, directâ longitudinum & reciproca crassitierum earundem; nemo dubitaverit membranarum, aliarumque partium fibras mole, pondere, crassitie ac longitudine, & consequenter distensione & contractione inæquales & asymmetras esse futuras; non ergo separandum est, harum curvas distractiones & contractiones reciprocas fore inter se isochronas, similes & homologas, sed absque ulla proportionem harmonica dissimiles, inordinatas & asymmetras. En ergo confusus, hebes & dissonans auditus! en ex inæquali aeris motu, impetu asymmetrico, tremore & reflexione sibilus & rinitus! en gravis & molesta sensatio!

38. Delectationi animalium præstat potissimum odoratus; hic a membrana quadam narium cavernulas investientes in officio est; hæc ex nervis primi paris olfactoriis per os cribrosum, & narium cavernulas opportune expansis composita odoratus organum determinare videtur. Verum cum odores sint subjecta odoratus, & odores a corporibus undequaque citissime effluant, natura rei postulare videtur, nos prius de horum corporum effluviis acturos esse. Itaque, qui Boylei experimenta e limine salutaverint, non ignorabunt, quælibet corpora composita cujuscunque regni vegetabilis, animalis, & mineralis continua effluvia quaquaversus emitte, quæ juxta vires ac momenta propriæ atmosphæræ odoratus organum modo suaviter, modo moleste sollicitant. Ut autem commodius ac clarius hæc res agitata opportune elucescat, consultum fuit a melioris notæ Philosophis præsupponere, corpora quælibet respectu sui suum totale centrum obtinere, quod tamen centrum partiale esse debuit respectu terræ. Unicuique itaque corpori, ut planetis omnibus evenit, sua circumjacet atmosphæra viribus ac momento corporis proportionalis, quæ ab effluviis quaquaversus a corpore effusis composita sphericam superficiem describere credita est; hujusmodi effluvia per peculiarem atmosphæram effusa viribus ac momento differunt juxta rationes homologas densitatum eorundem; verum cum densitates effluviarum per varias superficies circulares atmosphæræ sint reciproce, ut spatia, quæ ab ipsis effluviis occupantur in superficiebus circularibus ejusdem, spatia autem ab ipsis occupata sint reciproce ex geometricis in ratione duplicata, seu ut reciproce quadrata distantiarum a centro corporis; utique vires, momenta ac densitates effluviarum per superficies circulares atmosphæricas eorundem erunt reciproce in ratione duplicata, seu reciproce ut quadrata distantiarum a centro corporis. Quamobrem ex his manifestum videbitur, in distantia effluvi linearis ut 2. a centro corporis ad distantiam effluvi linearis ut 3. a centro ejusdem, vires, momenta ac densitates atmosphæræ effluviarum futuras esse reciproce ut 9. ad 4. Itaque vis, momentum & densitas effluviarum distantium ut 2. a centro corporis erit ut 9. & vis, momentum & densitas effluviarum distantium ut 3. a centro ejusdem futura erit ut 4. nempe ut reciproce quadratum distantiarum 2. ad quadratum distantiarum 3. Si itaque a quibuscunque punctis distantiarum a centro corporis crescentium in ratione arithmetica, quæ accipiantur ut asymptoton, ducantur lineæ perpendiculares inter se parallelæ, sed ea ratione geometrica decrescunt, qua vires ac momenta effluviarum decrescunt in ratione duplicata distantiarum a centro reciproce, seu in ratione reciproca quadrati distantiarum ab eodem centro; & ab

extremitatibus linearum parallelarum ductarum ducatur linea; hæc linea ducta erit logarithmica, seu curva hyperbolica aut saltem generis hyperbolici futura erit. Juxta has motuum proportionem a centro corporis, unde citissime exeunt, moveri & agere effluvia contra sensoria videbuntur; num vero, & qua ratione effluvia a corpore eminus delata, ad corpus unde effluerant, tanquam ad suum totale centrum opportune (ut nonnulli Philosophi putant) restitui possint! hoc quidem tam anceps, tam lubricum est, ut nostrum præcurrat ingenium. Multi tamen opinati sunt, effluvia corporis, cum eminus delata fuerint, quorum momenta, vires ac densitates ea ratione notabiliter decreverint, qua supra proxime determinatum est, necessatio occurrere & incidere in atmosphæram æream, seu ambientem aerem, cujus cum vis, momentum & densitas multo major sit vi, momento ac densitate effluviarum corporis eminus delatorum, mehercle vis, momentum & densitas aeris ambientis eo fortior & validior futura erit ad impellendum, quo atmosphæra corporis debilior, iners, minusque densa facta fuerit ad resistendum, quotiescunque notabiliter a corpore distaverit. Itaque cum vis, densitas & momentum aeris ambientis majus fuerit momento atmosphæræ corporis, momentum aeris ambientis magis urgebit effluvia corporis versus plagam, unde decesserant, propter effluviarum resistantiam minorem aeris ambientis atmosphæræ; cum ergo momentum aeris ambientis habeat rationem majoris inæqualitatis respectu ad momentum atmosphæræ corporis, & vicissim momentum atmosphæræ corporis, in notabili distantia ab eodem corpore habeat rationem minoris inæqualitatis respectu ad momentum aeris ambientis, cogetur atmosphæra corporis in notabili distantia ab eodem cedere vi & momento aeris ambientis. Quamobrem cum effluvia corporis impedita ultro progredi non possint, inclinaris directionibus vorticoso, aut spirali quodam motu revertere fere omnia conabuntur, unde primo decesserant, ut iisdem, similibusque corporis porulis restituta corpus quodlibet pro data lege Universi conservarent; sed non vacat hæc tam incerta, tam obscure meditari. Certum quidem est, juxta vires, densitates ac momenta effluviarum e corpore in datis rationibus proxime exeuntium fibras membraneas & nerveas odoratus variis rationibus esse sollicitandas. Membrana itaque & fibræ nerveæ organi odoratus tali, determinataque textura elaboratæ, non solum ratione totius, verum etiam ratione minimarum partium membranarum, fibrasque nerveas componentium sollicitatæ determinatam quandam lineam curvam describunt, vi cujus peculiaris & specifica non tantum totius membranæ elasticæ, totiusque fibræ nerveæ, verum etiam quarumcunque minimarum fibrillarum elasticarum talis curva distractio & talis reciproca contractio exerceri debet; suspicari ergo si liceat, hanc quoque curvam distractionem logarithmicam, aut hyperbolicam, aut generis hyperbolici esse futuram. Cum enim (ut supra indicatum est) variæ distantiarum a centro corporis odorati accepta ut asymptoton crescentes in ratione arithmetica habeant vires, momenta ac densitates effluviarum reciproce decrescunt in ratione geometrica; nempe reciproce, ut quadrata distantiarum a centro corporis, quæ designantur a transversis parallelis ductis a quibuscunque punctis distantiarum a centro corporis odoriferi, & ab extremitatibus omnibus harum linearum intelligatur ducta quædam linea; hæc linea futura erit curva, quæ ad logarithmicam, aut ad hyperbolicam lineam pertinere videbitur; sic probabiliter concipi ac fieri potest, membranam nervi olfactorii oblique tactam ac impulsam a viribus, momentis ac densitatibus effluviarum geometricè decrescuntibus, juxta rationes reciprocas distantiarum a centro corporis odoriferi arithmetice crescentium incurvari ac inflecti taliter debere, ut membrana sese disponat ad lineam quandam curvam logarithmicam, aut hyperbolicam, aut generis hyperbolico similem describendam; verum cum hujusmodi curvæ adeo minimæ sint, ut a tangentibus fere non differant, si a nobis videri potuissent, satis mihi est hæc probabiliter innuisse, ut tantummodo iunotescat, a quantis minimis membranarum ac nervo-

Vitia
Odoratus.

veorum filamentorum motuum differentiis tot eminentes animæ sensationes, (tam minimas motuum, ac figurarum differentias usu ac habitu facto sentientis & percipientis) continuo exerceantur. Membrana itaque nervea oblique impulsæ ac densitatibus geometricæ decrefcentibus, determinatam curvam distractionem patitur; postmodum vero naturali nisu elastico contractionis restituitur. Cum autem tales motus elastici distractionis & contractionis componantur ex rationibus momentorum corporis odori impellentis, longitudine fibrillarum & reciproca crassitierum earundem; hi motus cum tali determinata curva agentes, taliter sollicitando piam matrem, qua fibræ nerveæ odoratus undequaque vestiuntur, & ab hoc eminenti consensu communicata sollicitatione correspondentibus fibris cerebri ab eadem membrana circumseptis specificam rationem, actionem, sensationem videlicet organi odoratus componere probabiliter videbuntur, a quibus motuum differentiis anima excitata rationes odorum sentire ac judicare teneatur. Quotiescunque autem filamenta membranosa ac nervea organi odoratus; aut paralytica fuerint, aut convulsa, aut gravata succis heterogeneis, tunc cum horum tensiones præternaturales, aut nimium laxæ fuerint in paralyticis; aut nimium contractæ in convulsis, aut inæqualis magnitudinis, & crassitie; ut in gravedine seu otyza ob succorum depositorum impuritates, mehercle vitio organi effluvia corporis odorati cum non ea lege ac momento motus ac percussione, ut supra exposuimus, proportionali, apte urgere possint ac sollicitare odoratus organum; cumque fibræ organicæ præternaturales non cum naturalem parallelismum servant inter se, nec non naturalem angulorum æqualitatem, odoratus actio aut depravata fiet, aut imminuta, aut nulla; sic aliquando etiam hæc vitia contingere consuecunt, cum aut glandularum obstructione, aut cum os cribriforme fluente nimis mucosæ latione, aut obstructione receptum fuerit, aut cum a materia quadam polyposa narium cavitates fuerint impeditæ.

39. Sensui odoratus affinis est jucunda sensatio gustus, qua ea, quæ aut cum cibis, aut potionibus in stomachum ingeruntur, aut amica, aut inimica, naturæ & stomacho ab anima judicantur. Sensationi autem gustus potissimum inservit lingua, cui quoque tota & palati & œsophagi peripheria auxilio est; num autem lingua sit musculus, ut putavit Vvarthonus, ibi non quæro, nec disputo; certum tamen est, sex musculorum paria linguam quaquaversus movere, ut multiplicibus linguæ motibus, innumerisque vocum ordinibus opportune inservirent. Philippus autem Verheyen cap. 17. suæ Anatomies nuper edocuit: *Superius linguæ planum in plurimas areolas esse divisum a quibusdam sulcis seu fossulis valde inæqualibus, & in diversis subjectis admodum diversis. In dictis areolis seu spatiis, quæ sulcis istis circumscribuntur, notare licet potissimum tres colliculorum species, quarum primam constituunt glandule, quæ in parte antica linguæ, semen sinapis magnitudine vix superant, & posteriora versus sensim augentur: in vivis pellucide sunt, humoreque salivari refertæ, quem pro lingua humectatione in ejus superficiem deponunt; secundo glandulis copiose interspersa sunt corpora quedam dura extremitatibus unguium avicularum non multum absimilia, quæ in linguæ planum eminent, & modice incurvata versus partem posteriorem sese inclinant; hæc corpora plerunque desinunt in simplicem cuspidem, nonnulla tamen reperiuntur bifida; tertio in superiori linguæ plano etiam notantur corpora pene rotunda majoris ambitus, quam præcedentia, & non ita in cuspidem elevata; cedunt quoque illis tam numero, quam duritie; videntur autem hæc corpora facere ad sensationem gustus. Sed ante Verheyen celeberrimi viri Malpighius & Fracassatus in Epistolis ad immortalem Alphonsum Borellum conscriptis prius ostenderant, linguam humanam suis papillis, aut pyramidalibus, aut conicis esse elaboratam, quæ numerosiores in vivente, ac spiritu turgidæ observantur, racemoso invicem coalitu sese prodentes, potissimum facto agmine versus apicem linguæ, minus vero cum ad inferiorem linguæ partem declinaverint. Has autem papillulas, nerveas esse appendices anatomica autopsia satis evin-*

cit; hæc nerveæ papillæ cum ciborum masticatione, pressione, & affricu, adjuvante saliva e glandulis linguæ & palati undequaque naturaliter expressa diversis motuum rationibus tangantur ac sollicitentur, affectionem gustus probabiliter excitant; gustus itaque affectio a ratione tactus nullo modo dissentire videtur. Hæc quamvis in genere veritati assentiri videantur, nihilominus apud plerosque constat, specificas gustus affectiones seu determinatos sapores a determinatis salium figuris papillas nerveas taliter sollicitantibus habendos esse; variæ siquidem saporum species a variis salium configurationibus a plerisque Philosophis habitæ sunt; ut autem hanc rem experimento potius, quam ratione acquireret celeberrimus Gassendus e Democriti cineribus atomorum doctrinam excitaverat. Itaque hæc philosophatus est. (a) *Is non incongrue definiat, qui rotundas esse, congruæque mole atomos, quæ dulcem faciunt saporem; magna figura, quæ acerbum; multangula, minimeque orbiculari, quæ asperum; acuta conica incurva non tenui, non rotunda, quæ acutum; orbiculata, tenui angulata, incurva, quæ acrem; angulata, distorta, crurumque aequalium, quæ salsum; rotunda, levi, distorta, pauca, quæ amarem; tenui, rotunda, parva, quæ pinguem &c.* Verum cum hujusmodi experimenta & figurarum salinarum observationes non id certi referant, quo salina corpora tantummodo sapores referre judicentur; cum hi etiam a sulfure & varia miscela salium, sulfurum, aliorumque corporum haberi plerunque possint, propterea in tam ancipiti re contentus fuero generali ratiocinio suspicari, sapores promiscue a salium, sulfurum, aliorumque corporum superficiebus papillas nerveas sollicitantibus esse orituros. Ex hac generali idea, cur non liceat específicos sapores quærere a determinata salium, sulfurum, aliorumque corporum commixtione? Fateor quidem usque adhuc ignotum esse, qualis futura sit horum corporum specifica mixtio, ut specifici sapores vere habeantur; verisimilitudini tamen accedit, *Dulcem saporem* a ratione æqualitatis inter miscelam salis & bene concocti seu depurati sulfuris, aut ab aliquali sulfuris prædominio supra salis, aliorumque corporum momenta posse dimetiri; sic *Amarum* fortasse fiet, cum nullum sulfur; aut si sulfur adustum & acre cum majori ratione salis, aliorumque corporum, quibus omnibus inest inæqualis & aspera superficies, mixtionem effecerit; *Insipidum* vero, cum crudo sale & sulfure compositum fuerit corpus; aut si cum majori aquæ portione minima salis & sulfuris quantitas miscelam fecerit; *Acerbum verum aut Austrium* a crudo sulfure & sale cujus octaedrica, aut parallelepipedæ rhomboideæ fuerit superficies, videtur esse elaborandum. Ex varia itaque mixtione corporum inter se varii, cæterique emergent sapores, ea videlicet ratione homologa, qua ex diversis linearum luminis densitatibus, una cum variis refractionum gradibus varios colores oriri experimur; hæc enim corpora invicem commixta, & salivari humore opportune dissoluta papillas nerveas sollicitando in ratione composita ex numero salium, sulfurum, aliorumque corporum, momento eorundem, & ratione salivæ, qua universa hæc corpora penetrantur, & madefiunt, papillis taliter inflexis, aut incurvatis diversas in lingua saporum rationes afferre consuecunt. Ab hisce papillarum motibus communicata sensui communi seu piæ matri, quæ & linguæ papillas & fibras medullares cerebri consentientibus fibris investit, opportuna & specifica fibrarum medullarium sollicitatione varii sapores animæ offeruntur sentiendi, & judicandi.

Vitia
gustus.

40. Impuro itaque sanguine, si plurima corpora in glandulis linguæ deponantur, quæ excretoria harum oscula obstruat, mehercle saliva impedita arefcunt linguæ filamenta, & nerveæ papillæ arefcunt non ea facilitate moveri, inflecti & incurvari poterunt, qua in naturalibus saporibus opportune deferendis fieri debuisset; saporibus itaque aut imminutis, aut oblitteratis ægri de nausea, cibi fastidio, consentiente etiam stomachi membrana, ut in febribus familiare est, molestissime conqueruntur: sepiissime biliosis particulis lympham, & sanguinem plus

justo

justo decurrentibus, si in hæc vascula & glandulas salivales hæc biliosæ particulæ evomantur, ab acti, & aspera biliosorum corporum superficie sollicitatis moleste nerveis papillis sapor amarus ingravescit; sæpe ab acri, & caustico sale salivæ irritata & paulatim erosa linguæ filamenta, fistulæ, ulcera & scissuræ superveniunt, & aliquando a venefica vitriolici corporis metastasi canceri linguam horride lacerant. Notum jam est, saliva muriaticis salibus repleta ob papillarum nervearum peculiarem sollicitationem, aut ariditatem earundem sitire animalia graviter debere; probat autopsia, plurimas fordes humorum per linguæ glandulas separari; cum pluribus in morbis crustæ diversæ indolis, ex varia humorum præternaturalium hypostasi supervenire videantur. Mira quidem linguæ indoles, quæ non tantum conceptus animi voce & sono exprimit; verum etiam bonas, & malas corporis affectiones affabre indicare apta est; unde Hippocrates in quibuscunque morbis acquirendis, aut judicandis jure merito observandam esse docuerat.

41. Immortalis animæ dignitas hoc exigere supra modum visa est, ut quatuor sensoriis in capitis regione prout digniori animæ sede exercendis dotaretur; uno tantum sensu tactus superstiti, qui toti animali communis undequaque exerceri posset. Immortalis Malpighius, qui hanc rem de externo tactus organo anatomice agitaverat, certiores nos fecerat, pyramidales papillas e nervoso ac reticulari corpori progenitas per universam cutim effusas, & e cuticula erumpentes tactus organum esse futuras. Hisce autem pyramidalibus papillis adstant undequaque per totam cutis superficiem glandulæ miliares, a quibus lymphæ & sudor erumpere consuevit, non tantum communi utilitati naturæ, verum etiam ne papillæ pyramidales vitio tactus arescerent. Monendum autem, affectionem tactus aliquibus in partibus acutiorem esse, aliquibus vero obtusioris fuisse, determinata lege sensus a majori, aut minori numero papillarum pyramidalium e cuticula erumpentium, quarum opera corpora calida & frigida; solida & fluida; dura & mollia &c. dignosci potuissent; ex vario siquidem objectorum momento varia exercetur papillarum curvitas, varia flexio, variusque inclinationis gradus, quæ rationes motuum per membranas papillas investientes communicatæ consensu fibrarum medullaribus cerebri fibrillis, motibus æqualibus, aut proportionalibus sollicitant animam, ipsisque compenetratam homologue urgent & excitant, quibus objecta sollicitantia sentire & judicare anima teneatur. Non diu itaque laborandum esse, cum vitia tactus habere voluerimus, offusis enim in miliares cutis glandulas fluidis, aut acri, aut muriatico sale & adusto sulfure repleis, moleste irritantur extimæ cutis & cuticulæ fibrillæ. Hinc ex balsamici sulfuris defectu graves pruritus, cutis asperitates, turpes pustulæ, & guttæ rosaceæ emergunt. Ulterius ex vitriolici, aut aluminosi salis additamento, & juxta majorem salis falsi, acris & acidi ubertatem lepræ, & variæ veneficæ serpigines ingravescent; ex his a stagnatis humoribus obstructæ glandulæ miliares innumera cutis vitia generari videntur, inter quæ cutis nigredines & porrigines, ephelides & lentigines varii generis &c. Sed pejus omen esset, si paralyti afficiantur nervea illa filamenta, quæ ad extimam cutis superficiem delata papillas pyramidales mire texunt; enim vero nerveæ hæc papillæ communicata sibi affectione paralytica cutim sine sensu reddunt; aut saltem stupidum, obtusum, & hebetem, quod majoris semper morbi omen esse plerunque experti sumus.

42. Cum plurima cutis vitia a fluidis non satis opportune, aut nimium transpiratis oriri frequentissime possint, ibi data loci opportunitate breviter de transpiratione nonnulla dicere æquum erit. Per poros itaque cutis transpirare animalia quælibet satis superque notum est; excernuntur enim per poros cutis continuo motu corpora cujuscunque generis, quæ per innumeram glandularum internarum familiam separari opportune non potuerunt. Tanto operi præstat potissimum *Motus internus fluidorum*; secundo *aeris ambientis caliditas & rarefactio*; tertio *uberrima salium dissolventium quantitas, a qua fluida animalium*

sapissime dissolvuntur. Hæc ita si opportuna ac debita ratione fiant, apte ac naturaliter transpirabit animal; cæterum iniqua transpiratio fiet, si hæc aut minus, aut magis operentur. Ad primum ergo quod attinet; *Motus internus fluidorum* a causis internis, sed potissimum externis excitatus calorem afferens transpirationem ultro promoveri consuevit. Cum enim calor sit ut impressiones particularum corporis calidi in quopiam objecto corpore calorem excipiente, quotiescunque sulfureæ particulæ ad statum volatilitatis evectæ fuerint, salinas quoque & fibrosa sanguinis filamenta violentissime agitant; cum vero agitationes seu impressiones particularum sulfurearum in cætera fluidorum corpora sint proxime in ratione composita ex duplicata velocitatum, & simpla densitatum particularum sulfurearum, manifestum est quantum exaltato supra modum sulfure universæ fluidorum particulæ agitari violentissime teneantur; ex violentissimo autem motu particularum omnium atteruntur corpora inter se, & fibrosa fluidorum filamenta scinduntur, & soliditas eorundem enervatur; sic rupta, attenuata & enervata corpora & citissimo motu agitata miliares glandulas quantitate majori undequaque replent, ut momento motus continuata, & adaucta proportionaliter velocitate fluidorum, uberrima transpiratione per poros seu per excretoria glandularum miliarium vasa, ut in febribus sæpissime evenit inauspicato egredi teneantur. Hac methodo plus justo transpirat animal; aqua violenta & uberrima transpiratione aliquando boni effectus, sæpissime mali enervata natura superveniunt: Si hæc ab excessu transpirationis quid a defectu timendum erit. Mehercule ex deficiente transpirationis opera ob densitates & vitriolicas, aut aluminosas corporum configurationes, aut ob cutis constipationem ictericæ flavæ, aliquando nigræ, podagræ & innumera cutis affectiones elaboratæ vitia cutis parturient. Secundo prodest vehementer transpirationi *Calor externus*, quo aer rarefit, rarefactus enim non illud momentum pressionis exercet supra extimam superficiem animalis; unde cutis animalium minus pressa ad majorem superficiem dilatata & extensa sinit quoque miliares glandulas magis dilatari & extendi; cum autem miliares glandulæ in eo statu minoris dilatationis, quo aer minus rarefactus majori momento premit, ad eum statum majoris dilatationis, quo aer magis rarefactus minori momento pressionem efficit, sint ut solida similia; hæc autem crescant in ratione triplicata suarum diametrorum; utique in glandulis dilatatis ab aere magis rarefacto id spatium futurum erit continendis fluidis aptissimum in proxime triplicata ratione suarum diametrorum; quamobrem si diameter glandulæ miliaris in statu minoris dilatationis fuerit ut 1. diameter vero ejusdem in statu majoris dilatationis fuerit ut 2. erit quantitas fluidi contenti in glandula minus dilatata, ad quantitatem fluidi contenti in glandula magis dilatata proxime ut 1. ad 8. Octupla itaque quantitas fluidi continenda proxime erit in glandula miliari, cum aere magis rarefacto hæc futura fuerit in statu majoris dilatationis. Præter hæc cum sectiones excretoriæ pororum glandularum miliarium cutis dilatentur & extendantur, & ipsæ in ratione duplicata suarum diametrorum, erit sectio pori, seu canalis excretorii glandulæ dilatata ut unum in aere minus rarefacto, ad sectionem ejusdem pori dilatati ut 2. in aere magis rarefacto ut 1. ad 4. quare quantitas fluidi lymphatici ut 8. contenta in glandula miliari in statu majoris dilatationis transitura erit e sectione ut 4. canalis excretorii, seu pori ejusdem glandulæ. En itaque cæteris paribus ab aere vi caloris rarefacto, cujus opere proportionaliter rarefacta extenditur cutis superficies, major fluidi quantitas in glandulis miliaribus, & major fluidi exitus per magis apertas sectiones pororum seu canaliculorum glandularum earundem; videlicet, enecessitas majoris transpirationis; sic æstivo tempore & in hypocaustis major sudor & transpiratio; hinc ex nimia lymphæ exeuntis, & transpirantis copia debilitas & languor; hæc tamen si cum conferentia, & tolerantia animalium opportune fiant, secundæ res erunt; cæterum gravi naturæ fato futurum erit, si excessu transpirationis animalia deficere videantur; hæc

hæc quantumvis gravia sint, graviora tamen aliquando contingunt, si excedens externi aeris frigiditas, aut nimia cutis densitas, transpirationis impeditæ vitium fecerint; etenim in adultis potissimum cutis densior facta & aeris frigiditas, variolas, morbillos & peticulas facillime prohibent, ne liberiori transpirationis motu egrediantur; hinc stagnatis in cute humoribus fit prava particularum mixtio, quæ veneficos effectus afferens, ea trahit secum damna, quæ mortis periculo ut plurimum exolvuntur. Tertio transpirationis vitia affert *uberrima salium quantitas*; etenim in pluribus morbis, sed potissimum in hecticis fluidorum filamenta cum salinis plus justo particulis associata fuerint, deficiente balsamico sulfure, ab his in motu fluidorum circa proprium axem continuo rotantibus, asperis, inæqualibusque superficiebus,

quibus undequaque circumscribuntur, ægeritæ lacerantur. Dissoluta autem & rupta filamenta sanguinis naturalis mixtionis vitio nullo aggere, nullo vinculo serum frænant ac muniunt, quin summa libertate, tenuitate ac motu fluens copiosius & velocius in miliares glandulas, ab iis uberrima transpiratione per cutim exeat, sudores ægeritimos & molestissimos allaturum; hinc macies & tabes, languor & deliquia superveniunt. Hæc & plurima alia tum a defectu, cum ab excessu transpirationis cutis vitio evenire possunt incommoda, quæ toti animali communicata, fluida solida summo naturæ damno evertere poterunt. Hæc breviter de morbois solidorum motibus sufficiant, Mechanici tamen morborum Operis complemento proderit, si denique Mechanicam morborum desumptam a motu februm, Deo juvante, ageremus.



MECHANICES MORBORUM

P A R S T E R T I A,

DESUMPTA A MOTU FEBRIUM.

BENEVOLIS MEDICINÆ TYRONIBUS.



Raxis Medica, quam quotidie profiteor, & febrium phænomena attentissime observata expositam febrium Theoriam, Lectores Benevoli, me docuerunt; ut autem facilius innotescant, quæ hic dicturi sumus, Tyrones primo monitos volui. Cum corpora elastica, & non elastica sint numero, pondere, superficie, motu, &c. seu momentis omnino diversa, hæcque in actione & reactione pro minima, & æquabili mixtione obtinenda inter se esse debeant, ut naturale æquilibrium massæ sanguineæ habeatur, & conservetur, placuit pro hypothese arbitrari, summam momentorum corporum elasticorum æqualem esse summæ momentorum corporum non elasticorum; quia vero sanguinis constitutio non finit eandem, ac præcisam servari diversorum elementorum componentium quantitatem; propterea (quantum in re tam obscura conjectari potest) jure arbitratum est, naturam ea lege hacque methodo partiri summas momentorum corporum elasticorum, & non elasticorum, ut si momentum alicujus corporis elastici sit in aliqua ratione inæqualitatis ad momentum alterius corporis non elastici; ita reciproce tertium quoddam momentum corporis non elastici sit in eadem ratione specifica inæqualitatis ad quartum momentum corporis elastici alterius generis, & sic successive, &c. tali semper servato ordine, quo summæ momentorum corporum elasticorum, & non elasticorum sint æquales inter se, quacunque proportionem momenta ipsa sint distributa in massa sanguinis. Secundo, ut aliter explicetur hypothesis, supponamus ex singulis massis elasticis simul sumptis fieri massam A, ex singulis vero massis non elasticis simul sumptis fieri massam B, quia ex hypothese summa momentorum corporum elasticorum æqualis esse debet summæ momentorum corporum non elasticorum, erit ut massa A ad massam B, ita reciproce celeritas massæ B ad celeritatem massæ A; ex qua proportionem colligitur æqualitas præsupposita momentorum elasticorum, & non elasticorum inter se. Tyrones itaque vel primo conceptu intelligant momenta corporum, vel secundo; semper momenta corporum elasticorum, & non elasticorum erunt in ratione æqualitatis, aut quasi æqualitatis, quorum necessario opere nexus, unio æquabilis, & minima mixtio elementorum omnium in naturali statu haberi debuerunt. Hisce prænotatis, hanc *Febrium Mechanicam* tres in partes dividendam esse censeui; prima quidem *universales Febrium anomalias*; secunda *intermittentium Febrium causas, symptomata, legem & ordinem frigoris & caloris*; tertia vero *continuas Febres agit & quærit*. En itaque completa *Mechanices Morborum desumptæ a Motu fluidorum, solidorum, & Febrium Theoria*; superest, ut consilio potissimum celeberrimi professoris Alexandri Maccope, ne praxis quoque medica mechanico ratiocinio fraudetur, quartam partem *Mechanices Remediorum* superaddere curemus, quam totis viribus, Deo dante, exequi conabimur. *Valete.*

Cum quatuor illa sint, ex quibus compositum est corpus, terra, ignis, aqua, aer, horum naturalis excessus defectusque, & ex proprio loco in alienum translatio, per quam, quod sibi conveniens est, non tenent, intestinam quandam seditionem, & morbos inferunt; quando enim præter naturam unumquodque sit, aut transfertur, calefcunt utique, quæ non frigeant, arida madent, gravescunt levia, & cætera omnia similiter permutantur; solummodo vero idem aliquid sibi met secundum idem, atque similiter, & debita proportionem servata accedens, vel decedens, permittet se idem sibi ipsi sospes, integrumque manere, quod autem aberrat, sive accedendo, sive decedendo mutationes varias, morbos, corruptiones infinitas inducit. Plato in Timæo.

DISSERTATIO PRIMA.

De Febribus in genere.



Andiu vivimus, quandiu movemur; tunc morimur, cum fluida & solida deficiente motu desinunt; tum sani vivimus, cum fluidorum & solidorum motus ordinati sunt, æquales & isochroni; tum maxime ægotamus, cum utrorumque motus inordinati sunt, inæquales & asymmetri; Hæc est idea sanitatis & ægritudinis; hæc vitæ & mortis origo, ac principium est. Cum n. 3.

& seq. *Partis primæ Mechanices Morborum*, motum pressionis, ejusque phænomena satis consideravimus, a quo filamenta sanguinis continuo atteruntur, minimasque in particulas quodammodo infinite parvas dividuntur, ut intimior, faciliior ac perfectior fiat earundem particularum mixtio; æquum est, ex perfecta, ordinata & æquabili mixtione earundem naturalem temperiem, ac statum sanguinis; ex imperfecta vero, inordinata & inæquabili earum mixtione præternaturalem intemperiem, febrilemque indolem massæ sanguinis habendam esse: ex variis nimirum mixture gradibus, ordinibus ac legibus emergere ex practicis phænomenis mihi visæ sunt universæ febrium anomalie. Omissa itaque communi febrium defini-

definitione; quam tot celeberrimi viri undequaque docuerunt aliter placuit definire, & definitione quidem, quæ mechanicæ legibus commodius satisfacere videatur.

Febris
defini-
tio.

2. *Febris ergo universalior morbus, est motus asymmetræ mixtionis elementorum massa sanguinis cum inæquali aut dissimili excessu, vel defectu proportionalis velocitatis fluidorum & solidorum.* Cum in corporibus quibuscunque tum naturalibus, cum artificialibus ex determinata proportionem mixtionum elementorum componentium diversæ fiant superficies, diversæ figuræ, diversi colores, diversi motus, & diversæ vires naturæ componentium proportionales; divini enim Platonis testimonio in Thæteto enunciatur *est ex latione, motuque, & alterna commixtione sunt omnia, quæ esse dicimus*; ita quidem aqua temperies & naturalis constitutio sanguinis ab ordine, & determinata lege mixtionem corporum componentium unitate naturæ habenda erit. Verum quamvis manifesta videatur lex determinatæ mixtionis in naturali massa sanguinis, adhuc tamen quærenda esset specifica proportio corporum miscibilium, ut naturalis temperies & naturalis constitutio sanguinis habeatur, & conserveatur. Enimvero cum elementa massam sanguinis componentia sint inter se diversa mole, figura, superficie, pondere, motu ac numero, certe horum momenta inæqualia actiones & reactiones semper ederent inæqualibus & inordinatis, quæ non nexum & unionem sanguinei compositi tantis naturæ actionibus necessarium conciliarent, & sustinerent, sed laxitatem, & dissolutionem. Hinc pro æqua unitate compositi ex geometricis & mechanicis legibus statuendum, corpora, quæ *elastica sunt & ætiosa, motuque velociore prædita*, numero, mole ac pondere proportionaliter minora esse; corpora vero, quæ *inertia sunt & non elastica, motuque tardiore donata*, mole, pondere ac numero proportionaliter esse majora. Ita sane facta ratione reciproca, aut quasi reciproca momentorum corporum componentium velociora & elastica cohibentur & frænantur ab inertibus, tardioribus & gravioribus; & vicissim inertia, graviora & tardiora a velocioribus & elasticis communicatione massarum & virium reciproce, aut quasi reciproce adjuvantur. Id sane juvabit unice, ut in æqualitate momentorum actiones & reactiones corporum sint ordinatæ, æquabiles & unimodæ cum regulari lege, ac ordine directionum unitatem ac complexum sanguinei compositi unitate naturæ sustinentium & conservantium; consilio autem addidi, aut quasi reciproce; cum fatear, momenta corporum miscibilium non semper perfectissime in ratione reciproca futura esse inter se, ut omnino inter se æquipolleant; tunc enim geometrica & perfectissima sanguinis temperies & constitutio haberetur; verum cum aliquis excessus, aut defectus momenti alicujus corporis supra momenta aliorum non id vitii patere possit unitati compositi, ut compositum notabiliter evertat; ideo momenta corporum in statu æqualitatis, aut æquipollentiæ consideranda erunt inter se, quamvis ratio reciproca momentorum non tam rigorosa habeatur; ob aliqualem itaque excessum, aut defectum momenti alicujus corporis supra rationem reciprocam reliquorum momentorum dici potest in aliquibus servata unitate compositi sanguinei temperies serosa, in aliquibus temperies ac constitutio &c. sed de hac re satis. Certum est, hanc necessariam rationem reciprocam momentorum particularum sanguinis pro necessaria, ac naturali unitate compositi haberi perfecte nullo modo posse, nisi prius perfectissime elementa inter se misceantur; tantæ enim mixtionis opera sunt intimi contractus, intimi occurfus, intimæ & æquabiles actiones, & reactiones eorundem, quorum magisterio particula componentis ad dimensiones inter se homologas paulatim redactæ momenta elementorum reddunt inter se reciproce, aut quasi reciproce proportionalia. Cæterum si vitio perfectissimæ mixtionis hæc deficient, contactus & occurfus corporum erunt inter se inordinati, inæquales & asymmetri, actiones & reactiones inordinatæ, inæquales & symmetræ, & momenta elementorum componentium enervata naturali unitate compositi sanguinei, inordinata fient, inæqualia & asym-

metra, quæ omnia evenire in febribus verisimile est. Quamvis autem in febribus particula sanguinis plerumque præter legem velociore esse soleant, attamen cum aliquando accidat etiam præter legem tardiores esse, consultum fuit *excessum, aut defectum proportionalis velocitatis* accuratissime adnotare. Sanguis enim in febribus non semper peccat velocitate, sed etiam tarditate; proinde cum velocitas & tarditas supra aut infra naturæ leges extiterint, semper febrile vitium consequi necesse erit. Denique cum perfectissimæ mixtionis elementorum, & æqualitati momentorum massæ sanguinis pro sit necessario *æquabilis motus, & oscillatio organorum*, idcirco cum inæqualis fuerit, inordinatus & asymmetræ motus solidorum, jure mixtiones corporum, actiones & reactiones, & momenta eorundem elementorum massæ sanguinis inæqualia erunt, inordinata & asymmetra febres factura. Ex his brevitate & claritatis gratia prænotandum est, nos *intimam, minutissimam, perfectissimamque mixtionem elementorum massæ sanguinis, quorum beneficio sunt actiones & reactiones æquabiles corporum inter se, eorumque momenta existentia in ratione reciproca debito æquilibrio, aut quasi æquilibrio inter se æquipolleant, apta unitate compositi sanguinei, æquilibrio mixtionis massæ sanguineæ* imposterum esse appellaturos.

3. Definitione febrium breviter exposita, decursu enim orationis ultro constabit; ordo exigit febres dividere, divisione tamen simplici in *Intermittentes & Continuas*. De intermittentibus autem in secunda; de continuis in tertia dissertatione agendum erit: interim ut generales febrium affectiones, & anomalias accuratiori examine inquiramus, juvat hic primo expendere *momenta & vires corporum elasticorum, & non elasticorum inter se*; secundo *proportiones eorundem respectu ferri, in quo innatant*; tertio *proportiones feri, reliquorumque elementorum respective ad vasa continentia, & nervos vasa circumscribentes*. Elementa itaque *ætiosa seu elastica* massam sanguinis componentia jure dici possunt *particula sulfurea*, quas elasticas pluribus in locis de principio sulfureo ostendit celeberrimus Gulielmus; *particula aerea*, quas in sanguine observaverat Boyleus; & *globuli plano ovals* Levvenhockio observante; & quæcunque alia elastica, si quæ sint, minoris tamen momenti. Elementa vero *inertia seu non elastica* massam sanguinis componentia numeramus *salia cujuscunque generis*; particulas *aqueas, seu serosas*, cum tam aqua, quam serum ejusdem sint indolis; cum vero aqua communis ab experimentis celeberrimæ Academiæ Florentiæ nullatenus elastica experta sit, ob id serosas sanguinis particulas non elasticas esse firmiter putandum est: *terrea quoque damnata*, si quæ sint in massa sanguinis, inter inertia & non elastica elementa habendæ erunt. Cum superius indicatum sit, momenta corporum elasticorum in naturali temperie massæ sanguinis futura esse in ratione reciproca, aut quasi reciproca cum momentis corporum non elasticorum; cumque momenta corporum sint ut rectangula composita ex massis horum ductis in suas velocitates, erunt massæ corporum elasticorum ad massas corporum non elasticorum ut reciproce sunt velocitates horum ad velocitates illorum. Hæc quidem proportio unionem & nexum fluidorum sustinet: hæc æquabilem solidorum oscillationem promover; præter cætera beneficia vires vivæ corporum elasticorum, & solidorum oscillationes id præstant, ut minimi canales ab æqua elasticitate fluidorum circulantium, & ab æquabili oscillatione solidorum aperti consistant: hinc sanguis ab arteriis in venas, & cætera fluida ab uno canali in alium facile transeunt. Ob id in senibus facile solida impedita arrescunt & pigrescunt, & fluida lentescunt, cum in his vires elasticæ fluidorum inertes sint, & solida agre oscillent. Itaque vel externi, vel interni, vel mixti agentis vitio corpora primo ætiosa & elastica non eam rationem habeant reciprocam cum corporibus inertibus; sed elastica corpora habeant rationem majoris inæqualitatis respective ad corpora inertia seu non elastica. Cum corpora elastica in hoc statu suos habeant gradus velocitatis numero eorundem proportionales, erunt quoque velocitates corporum elasticorum in multo majori ratione majoris inæqualitatis respectu corporum non elasticorum: cum vero momenta corporum elasticorum, cæteris paribus multo majora

suppo-

supponantur momentis corporum non elasticorum, hæc multo majorem impetum efficient in corpora inertia, quam ut opportuna ratione ista illis possint resistere; cum ergo nulla fieri possit æqua & opportuna actio & reactio corporum elasticorum & non elasticorum, nulla quidem fiet naturalis & æquabilis mixtio eorundem in sero sanguinis; deperdito autem mixtionis æquilibrio excessu corporum elasticorum febres continuæ erunt orituræ, Quod si corpora elastica minorem rationem habeant respectu corporum inertium, multo minor quoque in data ratione futura erit velocitas corporum elasticorum, quid ergo? ex defectu velocitatis horum gravior eveniet inertia corporum non elasticorum, major sequetur contactus corporum inertium inter se, & gravius horum pondus ac momentum erit futurum. Verum cum ex majori contactu corporum inertium, horum superficies augeantur in ratione duplicata, & horum moles ac pondera in ratione triplicata laterum homologorum; hæc inertia corpora & superficie & mole tam adaucta impediunt viam, transitumque liberum serosis potissimum, elasticisque corporibus, ut ægre, aut imperfecte misceri inter se possint; taliter affecta massa sanguinis lentior jure fiet, densior ac ponderosior; quinimo adauctis hoc gravi onere salium momentis, falsa corpora angulis, quibus circumscribuntur, membranas vasorum, cæterasque membranosas superficies, per quas undequaque excurrunt, sollicitabunt, molestoque stimulo rigores, horripilationes, cæteraque frigoris sensationis phænomena efficient, ut in febribus intermittentibus passim experimur, de quibus suo loco dicemus.

4. Non tantum necessaria est proportio reciproca momentorum corporum elasticorum & non elasticorum inter se; verum cum in naturali temperie massæ sanguinis observante Boyleo serum ad partes consistentes esse debeat in ratione tripla, aut quasi tripla, videlicet ut 3. ad unum, hæc semper ratio majoris inæqualitatis partis fluidæ ad partes consistentes reliquorum corporum admittenda erit, quæ est inter 3. ad 1. Si itaque solida, & consistentia corpora excedant excessu $\frac{1}{2}$, tunc ratio feri ad consistentia corpora erit ut 3. ad $1 + \frac{1}{2}$; si vero deficient defectu $\frac{1}{2}$ erit quoque ratio feri ad corpora consistentia ut 3 ad $\frac{1}{2}$: Cum autem ratio feri ad elementa quælibet consistentia ac solida esse naturaliter debeat, quam proxime ut 3. ad 1. certe tam in supposito excessu, quam in defectu mutabitur determinata & naturalis ratio majoris inæqualitatis, quæ est inter 3. ad 1. quod sane grave vitium erit, si diu perduraverit. Vitio enim excessus corporum solidorum seu consistentium in fluido sanguineo majori numero permiscetur solida corpora cum fluido, quam exigunt vires fluidi sustinentis: Cum enim corpora innatantia in fluido sustineantur suspensa opera suarum superficierum; quæ augmento corporum similium cum crescant in ratione duplicata laterum homologorum, horum autem moles crescant in ratione triplicata laterum eorundem, & hæc sint ponderibus proportionales, manifestum est, ex majori contactu solidorum corporum inter se in fluido sanguineo plus augeri moles & pondera, quam superficies, a quibus superficibus tantummodo sustineri commodius possunt; adauctis ergo molibus & ponderibus corporum solidorum supra eorundem superficies non apte ac facile sustineri, moveri ac trajici undequaque possunt in sero sanguineo, ut solida cum liquidis perfectissima ratione misceantur. Si vero plus deficient solida corpora, quam par est, hæc nimis sejuncta inter se excessu fluidi interpositi directiones motuum acquirunt naturalibus directionibus asymmetras: & sane cum massæ sint ponderibus proportionales, erit massa feri cum quantitate corporum solidorum $\frac{1}{2}$ specificè levior massa illa feri cum quantitate naturalis corporum solidorum ut 1. hinc massa feri cum quantitate corporum solidorum $\frac{1}{2}$ rarior erit massa illa feri cum quantitate corporum solidorum ut unum; ideo massa feri continens corpora solida ut $\frac{1}{2}$ cum sit rarior altera, transibunt contenta solida per grandiores areas seu porositates feri sanguinei absque occurso debitarum resistentiarum; cum vero rarius, leviusque serum non ea virium proportionione resistat momentis corporum elasticorum, & non elasticorum,

Sydenham opera Medica.

quantumvis numero minorum, elastica quidem corpora & non elastica per vias ac directiones itura erunt non sibi naturaliter homologas velocitatibus, nullatenus æquilibrio massæ sanguinis proportionalibus. Pariformiter vitia mixtionis in sanguine facile occurrunt ab excessu feri, aut defectu ejusdem: cum serum naturaliter esse debeat in ratione tripla, aut quasi tripla respectu ad solida & consistentia corpora; si serum excedat, aut deficiat, æquilibrio mixtionis everti necesse est; sero enim adaucto, cum hoc sit notabiliter gravius aqua communi, ut num. 16. primæ Partis dimensum sumus, non legem pressiore affert vasis continentibus; hæc autem nimis undequaque distracta, ac violenter ad majorem superficiem extensa ab adaucto momento distractionis fibrarum impediunt æquali tempore homologum momentum contractionis earundem; cum autem ex momento distractionis fibrarum canales investientium, & ex homologo momento contractionis earum temporibus æqualibus adjuvetur magno opere necessarium opus æquabilis mixtionis solidorum corporum cum fluidis, sero quidem nimis adaucto, & adauctis pariter feri viribus in reliqua corpora debitum mixtionis opus impediri necesse erit. Si autem deficiat serum infra leges naturalis quantitatis, fluido quidem imminuto, minor fiet velocitas sanguinis, & solida corpora lentiori pede mota, majorique contractu adaucta, ut supra quoque demonstravimus, lentiori pede movebuntur; ex fluido itaque imminuto, & ex corporum solidorum lentescencia iners quidem fiet, & imperfecta mixtio corporum inter se, ut male fluida cum solidis permixta æquibrentur. Videantur quæ numeris 4. 5. 6. & 14. primæ Partis adumbravimus, ne jam dicta hic inepte repetantur.

5. Elementorum sanguinis elasticorum & non elasticorum proportionibus ac momentis satis expensis, modo necessarium est pro febrium phænomenis explicandis, rationes crassamenti sanguinei, sive filamentorum feri concrescibilis (filamenta enim feri concrescibilis, & crassamenti sanguinei sub eodem nomine usurpamus) paucis ultro expendere: Itaque præsupposita filamentum seu crassamenti sanguinei existentia, quam Boyleus & Levvenhockius satis superque experimentis docuerunt, & confirmarunt, juvat instituto nostro usurpare, quæ celeberrimus & immortalis famæ Jacobus Hermannus (a) paucis edocuit; fluida nempe alia esse *Homogenea*, alia vero *Heterogenea*. *Fluida Homogenea seu uniformiter gravia ea dici possunt, quorum densitas, crassities & motus per universam massam uniformes sunt, & pondera ipsorum absoluta massis eorum proportionalia sunt. Fluida vero Heterogenea, seu difformiter gravia ea dici poterunt, quorum densitas, crassities & motus per universam fluidi massam non uniformes sunt, nec pondera fluidi massis proportionantur.* In statu itaque naturali massa sanguinis, quod ad densitatem attinet, crassitiem, pondus & motum talis esse debet, ut densitas, crassities & pondus corporum componentium, & filamentorum, neque nimis comprimantur inter se, neque filamenta adeo tenuia sint, ut a necessaria pressione, ac pondere deficient; sed talis mediæ densitatis, ac talis mediæ crassitiei, talisque mediæ ponderis esse debent elementa, & filamenta crassamenti sanguinei, ut pressionem efficiant momentis vasorum continentium, & momentis corporum contentorum proportionalem; ita enim servata opportuna unione, servatoque debito nexu ac contactu corporum fluidorum inter se, reciproca eorundem mixtio seu mixtionis æquilibrio sustinebitur. Deinde elementa & filamenta massæ sanguinis, cæteris paribus, uniformiter densa, uniformiter crassa ac gravia per universam sanguinis massam esse debuerunt, ne varia eorum pondera in diversis vasorum locis inæqualia vasorum momenta afferant, non levi vitio æquilibrii mixtionum. Ulterius si filamenta retis in modum probabiliter elaborata judicentur, angulos necessario describent modo majores, modo minores, dum a majoribus sectionibus vasorum transeunt in minores, & vicissim dum a minoribus in majores restituntur. Hæc quidem angulorum mutationes esse debent sectionibus continentium vasorum, & momentis corporum contentorum proportionales. E contra ut inferioribus, nec non in sanguine arte-

Hh rioso

(a) Pag. 127. Phoronom.

rioso ac venoso, sicut & in succo nerveo & lymphatico præternaturalibus evenit, si massa sanguinis quod ad densitatem pertinet, pondus & crassitiem elementorum & filamentorum fuerit heterogenea, inæqualis nempe, & dissimilis texturæ; tunc ratione majoris, aut minoris inæqualitatis, inæquales fient pressiones corporum elasticorum & non elasticorum, diversæ & inæquales pressiones in vasis continentibus, & inæqualia fient pondera cæteris paribus in diversis vasorum ramificationibus; variæ proinde ac dissimiles fient in arcis reticularibus angulorum inclinationes, dissimiles motus ac directiones eorundem; inæquales propterea ac dissimiles corporum elasticorum motus, ac mixtiones cum notabili ac continuo separandorum corporum vitio exorientur.

6. Præstat modo ulteriora prosequi expendendo rationes feri, aliorumque corporum respectu ad vasa continentia, ad fibras cujuscunque generis, musculares, nerveas & membranofas &c. quæ necessariæ proportionibus cum a Medicis plerumque negligi soleant, non leves in Theoria, & Medica praxi errores afferunt. Ut vero hæc tam necessaria facilius ac clarius ostendantur, nonnulla advertenda sunt, eo quia a solidis præternaturaliter motis, aut se moventibus sustineri potest ratio semper inæqualitatis inter momenta elementorum sanguinis & vasa continentia, aut inservientia, usque dum deperdita ratione reciproca elementorum elasticorum, & non elasticorum inter se, nec non ratione homologa fluidorum cum solidis, elementa sanguinis imperfecte aut ægre misceantur; a quibus consequuntur febres, aut hæc longiori tempore duraturæ sunt, cum pulsum inæqualitate & frequenti cordis palpitatione. Duas itaque ab immortalis famæ viro Nevvotono naturæ leges instituto meo opportunas amplector, quarum una est: *Corpus omne perdurare in statu suo quiescendi, vel movendi uniformiter in directum, nisi quatenus a viribus impressis cogitur statum suum mutare.* Altera vero est: *Mutationem motus semper esse proportionalem vi motivæ impressæ, ac fieri semper secundum rectam lineam, qua vis illa imprimitur.* Impellantur itaque a momento sinistri ventriculi cordis grana sanguinis 305. quacunque systole per aortam descendentem (ut num. 28. primæ Partis indicavimus) hæc quidem sanguinis massa expulsa ire debuisset per legem primam uniformiter in directum per lineas tangentes circulem arteriam, nempe (in Figura 1.) per tangentem A D motu quodam seu vi centrifuga, aut centrifugæ analogæ; verum cum sectiones majores arteriæ paulatim minores fiant, sanguini per tangentem eunti in statu naturali resistenciam ferent in ratione perpendicularis B C ad perpendicularem D E &c. Cum autem vis centrifuga sanguinis impulsu continuo per circulares peripherias vasorum circumeat, & contra has continuo agat, nec vis deperdatur; hæc urgebit superficiem canalibus versus quascunque tangentes seu versus tangentem A D. Cum vero canales compositi sint ex membranis, musculis & nerveis filamentis elastica seu oscillatoria vi donatis, cogentur post passam dilatationem sese ad priorem statum restituere. Itaque cum in statu naturali momenta dilatationis vasorum a vi sanguinis impellentis æqualia esse debeant momenti restitutionis eorundem, futura erit vis dilatationis vasorum & vis centrifuga sanguinis impellentis æqualis restitutioni vasorum, seu vi centripetæ sanguinis restituti versus axem canalium; proinde cum momenta dilatationis vasorum & momenta constrictionis eorundem, viresque fluidorum centrifugæ & centripetæ, quæ a Mechanicis *Centrales* appellantur, esse naturaliter debeant in ratione æqualitatis, aut quasi æqualitatis, constabit veritas secundæ legis, mutationem nempe motus fluidorum & vasorum versus centrum, seu versus axem restitutorum debere esse proportionalem vi motivæ antea impressæ a fluido canalem dilatante & canali dilatato. Porro cum motus massæ sanguinis fiat vi cordis impellentis, & vi seu momento constrictionis arteriarum, quarum vires non sunt oppositæ, sed tantummodo diversæ a motibus seu viribus massæ sanguinæ, hujusmodi *Vires conspirantes determinatum semper & æqualem directionis angulum comprehendunt in statu naturali, cum versus axem ca-*

nalium fluida impellantur. (a) Quamobrem ex motu cordis, vasorum & fluidorum æquabili, seu ex viribus centralibus æqualibus cum æqualibus pariter angulis directionum virium conspirantium, elementa sanguinis per superficies circulares vasorum continuo undequaque similibus, & æqualibus impulsibus versus axem ejecta, in hoc quidem axe æqualitates angulorum occurrent inter se, similibusque occurribus similiter fracta, & in partes infinite parvas quodammodo similiter comminuta proportionali semper velocitate, motu ac tempore movebuntur, momentisque minimatum particularum reciproce agentibus, hæc particule juxta opportunum mixtionis æquilibrium miscebuntur.

7. Modo ut ab universalibus naturæ legibus ad singularia descendamus, apertum est, vasa quælibet sanguifera ad conicam superficiem accedere membranis, musculis, nervisque undequaque munita, quorum fibræ aliæ rectæ sunt, aliæ quodammodo spirales, & circulares alteræ. Horum organorum opera vasa ex elasticorum corporum genere esse constar, quorum vi in statu naturali a momento distractionis & homologo momento contractionis æqualibus conatibus extenduntur, & æqualibus viribus contrahuntur sanguinem æqualiter expulsura: æquabilitatem momentorum oriri putamus a fibris rectis unimode agentibus, a velut spirilibus & circularibus fibris æquabili ratione decrecentibus: cum enim singulæ fibræ rectæ mole, figura ac directione fuerint inter se æquales & parallelæ, cum effectus omnes sint causis suis adæquatis proportionales, harum momenta distractionis, & contractionis elasticis suis viribus homologa, erunt inter se oscillationibus æqualibus æqualia. Similiter si hujusmodi spirales & circulares fibræ conice decrecentes fuerint mole, figura & directione similiter positæ, cum arcus quilibet sint facti ex angulis, aut similibus, aut æqualibus ductis in radios similes, aut æquales, harum fibrarum elasticarum seu oscillantium momenta distractionis, & contractionis in eadem ratione similitudinis aut æqualitatis erunt futura; si ergo fibræ rectæ non unimoda lege operentur, sed aliquæ tantummodo agant, reliquæ vero aut inertes sint, aut læsæ, ineptæ quidem erunt actionibus naturalibus; cum vero motus vasorum sint directe ut causæ adjuvantes, reciproce vero ut impediens, erunt momenta distractionis & contractionis vasorum omnimode inæqualia; cumque anguli directionum particularum sanguinis inæquales fiant ac dissimiles ob vires conspirantes dissimiles, & inæquales, opus proinde mixtionis inæquale erit, inordinatum & asymmetrum. Ita si spirales fibræ vasorum non ea lege describant spatia proportionalia circulis ab ipsis spirarum numeris denominatis (ex Archimede de Spirilibus), sed dissimilia fuerint inter se inepte multum vasa contrahentur, & inepte distrahentur; ita læso mixtionis æquilibrio elementa sanguinis vitiose miscebuntur. Verum ad pejora rueret æquilibrium mixtionis, si circulares fibræ fuerint mole, figura & directione dissimiliter positæ, aut vitio naturæ, aut asymmetro motu nervorum vasa ambientium, aut musculorum, aliorumque viscerum inæqualiter prementium; cum enim arcus circulorum sint facti ex angulis ductis in radios eorundem, quoties arcus fuerint dissimiles inter se, futuri quoque erunt aut anguli, aut radii eorundem, aut anguli simul & radii inter se dissimiles & inæquales; cum autem momentum contractionis vasorum fiat ex motu peripheriæ vasis versus axem, cum inæquales anguli fuerint uniti inæqualibus semidiamentris, momenta contractionis eorundem inæqualia & dissimilia futura jure erunt; inæquales inde fient impulsus in massam sanguinis cum inæqualibus directionum angulis, & elementa ejusdem massæ inæqualiter impulsa inæquali mixtione deficient. Ulterius naturalia momenta distractionis, & homologa momenta contractionis temporibus æqualibus fieri necessario debent; proinde si temporibus quibus fiunt momenta distractionis vasorum, fuerint æqualia temporibus, quibus fiunt momenta contractionis eorundem, cum tempus sit æquale spatio diviso per cele-

celeritatem, erunt spatia peripheriæ vasorum decursa in motu distractionis æqualia spatiis decursis in motu contractionis; hinc cum spatia decursa peripheriæ vasorum in motibus contractionis & distractionis fuerint æqualia, & spatia sint ex mechanicis proportionalia rectangulis sub celeritatibus, & temporibus, spatia quidem æqualia temporibus quoque æqualibus decurrentur velocitatibus æqualibus; quamobrem momenta contractionis peripheriæ vasorum æqualia urgebunt sanguinis massam versus axem canalium velocitatibus quoque æqualibus eo ferme gradu velocitatis, quo eadem massa sanguinis a corpore impulsiva vasa dilataverat: ex hisce motibus peripheriæ vasorum distractionis & contractionis æqualibus, quorum opera æquabiliter impellitur massa sanguinis versus axem canalium, elementa sanguinis apte, opportune & æquabiliter misceri conabuntur; hæc in statu naturali evenient. Quod si momenta distractionis peripheriæ vasorum, & homologa momenta contractionis inæqualibus fiant temporibus, cum tempus sit æquale spatio per celeritatem diviso, erunt jure merito ex inæqualibus temporibus spatia decursa inæqualia, & celeritates pariter in motibus distractionis peripheriæ vasorum, & in motibus contractionis eorundem inæquales inter se: peripheriis itaque vasorum inæqualiter distractis, & inæqualiter contractis, inæquales fient istorum oscillationes, pulsus erunt inæquales, inordinati & asymmetri, pariterque impulsus in elementa sanguinis erunt inæquales, & miscela elementorum sanguinis inordinata erit, inæqualis & asymmetra.

8. Confert quoque naturali & æquabili mixtioni æqualitas texturæ internæ vasorum per universam istorum longitudinem; etenim si interni parietes vasorum fuerint unimode æquabiles, singulæ sectiones circulares habebunt æquales similesque semidiametros, qui singuli cum conveniant in puncto axis canalium, ibi æquabiliter urgebuntur homogenea elementa sanguinis ab æquabili momento contractionis vasorum per totam canalium longitudinem. Jam tandem in punctis axis excurrento æqualibus temporibus æquabiliter impulsiva elementa sanguinis æquabiliter quoque misceri poterunt. E contra eveniet, si nimirum interni parietes vasorum alicubi fuerint aut callo, aut tuberculo, aut polypo aut ex convulsiva nervorum ambientium pressione inæquales; proinde radii vasorum inæquales erunt ac dissimiles circumferentiis eorundem, & sectiones decrecendo in ratione duplicata diametrorum inæqualium, elementa sanguinis contenta in naturali sectione non erunt æqualia elementis ejusdem contentis in eadem sectione præternaturaliter posita; quinimo cum radii vasorum sint ut peripheriæ eorundem, ex inæqualitate radiorum inæquales fient impulsus peripheriarum versus axem cum inæqualibus angulis directionum; elementa ergo sanguinis contenta in sectionibus naturalibus diversa ratione impulsus movebuntur, ac in sectionibus eisdem præternaturalibus cum diversa mixtionum proportionem, saltem per aliquam temporis differentiam. Verum dices, cum in aneurismate, varicibus, polypo, tuberculo &c. sectiones & motus oscillatorii vasorum sint inæquales in locis præternaturalibus, inordinati videlicet & asymmetri; ergo ibi semper fient imperfectæ, aut ægræ mixtiones elementorum, consequenter semper febres erunt futuræ. Verum placeat animadvertere, ut veræ & humorales febres fiant: imperfecta aut ægra mixtio elementorum sanguinis oriri potissimum debet ab impropotione præcipua elementorum sanguinis, vitio densitatis, crassitiei, ponderis & motus elementorum elasticorum & non elasticorum cum eversa naturali ratione reciproca eorundem inter se: deinde hæc vitia fieri debent per universam massam non in unico tantum, vel singulari loco, sed in omnibus eodemque fere tempore, ut supra adnotavimus, & inferius semper magis magisque constabit. Verum in aneurismate, in polypo, varicibus &c. quantumvis in singularibus hisce locis præternaturalibus fiant mixtiones imperfectæ & ægræ, tamen cum hæc contingant tantummodo in solis ubicationibus ac locis aneurismatis, polypi, aut tuberculi, non vero per universum vasorum & massæ sanguinæ spatium; proinde in massa sanguinis transacto loco læso

Sydenham opera Medica.

rursus naturales restituentur mixtiones elementorum; & restituta ratione reciproca elementorum sanguinis naturalis ejusdem temperies redimetur. Fateor quidem, vitia organica solidorum non parum conferre ut febres vitio elementorum sanguinis generatæ, diuturniores & contumaciores fiant; verum non id præstare possunt sola organorum vitia, ut febres veræ efficiantur (quamvis aliquando possit contingere) sed tantummodo apparentes; quid simile plerunque evenit primo ingressu chyli in sanguinem, quo tempore in sanis quoque corporibus fit celeritas pulsus major, gravedo quædam capitis, calor, quidam levis virium languor &c. cum enim primo ingressu chyli in massam sanguinis elementa heterogenea chyli non statim apte cum elementis sanguinis associari, uniri ac misceri in ratione reciproca elementorum opportune possint, oriuntur plerunque exposita levissima symptomata, quæ præternaturalem statum simulare videntur; verum tractu temporis chyli elementis opportune associatis, & commixtis, heterogeneisque corporibus per excretoria vascula separatis prima & naturalis sanguinis velocitas, virium robur, & capitis quies &c. faciliter restituntur; verum quia aliquando non tam facile restitui possunt, ideo redeundo ad vitia solidorum, cum frequentissime accidat in hypochondriacis, hysteris, convulsivis & paralyticis affectionibus filamenta nervea arteriis, & venis circumscripta variis in locis inæqualiter arteriarum, venarumque directiones incurvare & inflectere; nulli certe proximam medicam agentem dubium est, ex hujusmodi curvaturis, ex tot flexibus contrariis arteriarum & venarum, nervorum, vasorumque lymphaticorum auferri, aut saltem turbare naturale æquilibrium mixtionis; hoc autem ablato, aut turbato, sæpe sæpius arbitratus sum medicam proximam agentem, non tantum vitio elementorum sanguinis, verum etiam vitio organorum febres lentissimas fieri, hasque diutissime perdurare; quandoquidem cum fluidum per rectas canalium directiones C D E F (Fig. 2.) ire naturaliter debeat, cum fibræ nerveæ convulsæ arterias, venasque & cætera vasa adeo inflecterent; ut a rectis directionibus transire cogerentur in directiones inflexas G A I H B K (Fig. 3.) constat plura incommoda transeunti sanguini evenire. Primo siquidem in punctis flexus contrarii A & B valis potissimum stringunt, sectionem necessario efficient cæteris punctis minorem; cum vero massa sanguinis composita ex corporibus elasticis, & non elasticis transiens per sectionem minorem magis comprimatur ac densior jure fiat, & densitates corporum elasticorum viribus comprimantibus seu elasticitatibus eorum quamproxime proportionales sint, elatere corporum elasticorum magis compressorum in sectione præternaturali flexus contrarii A B fortior ac validior fiet elatere corporum elasticorum minus compressorum in sectione naturali L M: Hinc elementa sanguinis transeuntia per sectionem A B valde urgebunt canalem in punctis A & B flexus contrarii; cum vero nervea fistula contracta & convulsa valide resistat dilationi vasorum eorundem, ibi certe ob momentum nerveæ fistulæ comprimant vas, & momentum corporum elasticorum sanguinis impellentium orietur in sectione A B, violenta actio & reactio solidi cum fluido; verum cum fluidi elementa violenter impulsiva directiones motuum acquirant præternaturales, inordinata quidem & asymmetra futura erit elementorum miscela. Secundo ex flexibus contrariis arteriarum, venarumque cum corpora electica magis compressa fiant & densiora in punctis flexus contrarii, hinc ob adauctas vires violentæ compressionis, horum momenta majora reddentur, quam par est; quid ergo? ibi quidem moles corporum elasticorum & non elasticorum non reciproca ratione proportionales esse poterunt velocitatibus eorundem, proinde turbabitur in massa sanguinis mixtionis æquilibrium. Tertio, cum in statu naturali motus corporum in uno spatio vasorum esse debeat in ratione homologa cum motu corporum in alio spatio eorundem, & sic successive in ratione æqualitatis, aut quasi æqualitatis, cumque in quibuscunque punctis flexus contrarii moles corporum elasticorum, & non elasticorum fiant densiores, & horum momenta fortiora, non hæc fieri poterunt homologa

Hh 2 cum

eum ceteris corporibus decurrentibus per alia vasorum loca; turbabitur propterea homologa proportio motuum naturalium non levi damno æquilibrî mixtionis. Quarto, cum in punctis flexus contrarii sectiones vasorum fiant minores, cumque hic major fiat resistentia sanguini transeunti, hujus resistentia adveniienti sanguini impedimento erit; moles itaque massæ sanguinis magis magisque retro intumescens urgebit vasorum latera extrorsum supranaturales vasorum sectiones, mutatis naturalibus fibrarum angulis, mutatoque earundem naturali parallelismo. Cum vero contractiones naturales fibrarum elasticarum sint proportionales dilatationibus earum, cum dilatationes majores eveniant a mole majori massæ sanguinæ, moles autem major momentum proportionalis contractionis impediatur, major quidem futura erit dilatatio vasorum, quam eorundem homologa constrictionis; si ergo in naturali mixtione elementorum sanguinis non solum esse debeat reciproca actio momentorum elasticorum corporum & non elasticorum inter se; verum etiam esse debeat homologa actio momenti distractionis & momenti contractionis vasorum, oportebit opera nervorum convulsorum vasa stringentium in punctis flexus contrarii mixtionis naturalis æquilibrî enervari, aut perdi. Hæc sunt potissima organorum vitia, quæ naturalem mixtionis legem evertere apta sunt, aut saltem gravi opere inserviunt, ut elementa sanguinis asymmetro motu mixta difficiliter ac tardius restituantur ad eum mixtionis naturalis gradum, quo momenta elementorum sanguinis reciproca inter se mixtione æquilibrentur. Ex his ineptum videtur, tam facile accusare sanguinem lentore, visciditate, densitate correptum; cum sæpissime hæc vitia ab inertia motus vasorum continentium, reliquorumque solidorum motui sanguinis inservientium habeantur; ab hisce quidem vitiis solidorum se moventium motibus asymmetris, inordinatis, inæqualibus, aut inertibus ac lentescensibus asymmetræ fient mixtiones elementorum sanguinis; proinde ex lenta, densiori & crassiori reddita massa sanguinis *Febres ortas Organicas* appellabimus, quæ nisi a restituto solidorum æquilibrî constanti ratione redimuntur, & quas in *Hypochondriacis*, in *Hysteriis*, in *Paralyticis*, ceterisque nervorum & solidorum affectionibus ac vitiis frequentissime experimur.

9. Ex his quæ usque adhuc exposita sunt colligendum est, sanitatem id petere, ut momenta elasticorum corporum & non elasticorum sint composita ex ratione reciproca mixtionis eorundem inter se, & momenta distractionis & contractionis arteriarum, venarum, reliquorumque vasorum & solidorum sint inter se in ratione homologa, ut actionibus & reactionibus solidorum cum fluidis inter se proportionalibus æquabiles, isochronæ & ordinatæ fiant mixtiones elementorum massam sanguinis componentium. Fateor quidem, hunc perfectissimum fluidorum, & solidorum statum, hanc perfectissimam elementorum mixtionem non tam facile ac prompte acquiri posse, sed paulatim & pedetentim; chylo enim, ut supra etiam indicavimus, ingresso sanguinem heterogeneis corporibus repleto, quorum momenta primo inæqualia sunt & asymmetra, hæc tamen paulatim multiplici circulationum numero prius agitanda ac movenda sunt; per idem quoque tempus æquo & continuo motu separationis glandularum, apta ac opportuna corporum heterogeneorum attritione, & separatione per idonea loca rursus depuranda sunt; ita quidem restituta æqualitate momentorum, hacque rursus æquilibrata æquabili & isochrona mixtione necessarium mixtionis æquilibrî restituitur, & restitutum conservatur.

DISSERTATIO II.

De Febris Intermittentibus.

io **E** Nervato ac abolito mixtionis elementorum sanguinis æquilibrî, vel accusari facile potest præpollentia corporum elasticorum, vel corporum non elasticorum, *Salium* potissimum vis præpol-

lens; si corpora inertia mole, numero & motu præpollent, *Intermittentes* facile febres orituras putandum, de quibus in præsentî tractare aggredimur. Verum cum frigoris sensationes oriri primo soleant, quæ postquam desiverint, statutis temporibus redire consuecant, claritati rei agendæ consultum est; primo *ratione ac causa frigoris*; secundo *cur statutis temporibus redeant febriles accessus probabiliori ratiocinio investigare*. Ad primum quod attinet, Verulamius de *Historia vitæ, & mortis* experimentis edoctus est, *Nitrum esse tanquam Aroma frigidum; idque indicat sensus ipse; inter ea quæ novimus unicum est & solum, quod ea præstet*. Verum cum Academia Florentina non a nitro tantum, sed potissimum a sale armoniaco, a sale muriatico fluida frigesce, in glaciem mutari pluries experta sit; quinimmo ab ipso spiritu vini multum fluida densari in glaciem, si alia superaddantur; jure credendum est a quibuscunque salium particulis, aut corporibus quibuscunque hisce analogis præpollentibus frigoris affectionem habendam esse; & sane cum salia quæcunque, aut his analogia corpora inertia & non elastica variis angulis rectis, aut acutis, aut obtusis, aut superficiebus hisce analogis terminata sint, quoties in massa sanguinis momenta salium fluentium habuerint rationem majoris inæqualitatis respectively ad elastica corpora, & non apte inter se commixta sint, hæc in glandulas continuo deferentur, & ab hisce ea vitiose methodo separabuntur (ut num. 11. primæ Partis innuimus.) Cum vero infinitus sit glandularum in membranis, musculis, carnibus tam externis, quam internis numerus, hic excedens salium separatorum numerus, tot ac tanta partium filamenta, angulis, quibus circumscribuntur circa proprios axes continuo rotantibus stimulat, ea ratione motus, qua nitrosa potissimum, aut his analogia corpora sollicitare sensoria, ut frigoris sensationem inducerent, docuerat Verulamius. Membranarum itaque, musculorum ac carniū filamenta undequaque taliter sollicitata ac stimolata frigoris affectionem afferent. Hic tamen anxius non quæro quinam sit *rigor*? quinam *horror*? quænam *refrigeratio*? cum hæc frigoris differentia non re, sed tantum gradu differant; has enim disputantibus Medicis libenter relinquimus.

11. Id tamen si arbitramur, commodum est credere, phænomena frigoris non tantum a determinata corporum non elasticorum, salium præcipue stimulantium, aut sollicitantium actione generari, verum etiam adjuvari potissimum ab imminutis momentis distractionum & contractionum fibrarum omnium: etenim cum falsa corpora seu his analogæ superficies, ac plana seu anguli sollicitantes fibrarum poros undequaque occupent, aut repleant, filamenta membranarum, musculorum & carniū &c. fient densiora; cumque densitates sint ponderibus proportionales (a), eadem filamenta solidorum fient graviora, minus proinde expedita ad distractionis & contractionis motum exequendum; oscillationes idcirco fibrarum fient lentæ, languidæ, aut nullæ. Ex his cum naturales fluidorum velocitates a fibris negligenter aut pigre oscillantibus non opportune promoveri possint, hæc fluida lentiora facta non eum circulationum numerum, non eum mixtionis motum absolvent necessario coloris gradui, æquisque naturæ operibus ac temporibus destinatum; ob id cum lentescens fluidorum consuetudo, ac lex videatur, graviora corpora undequaque deponere, jure in glandulis viscerum impuritates, in pulmonum glandulis sæculenta corpora deponentur, ut inde ex fibrarum seu solidorum oscillantium interna, & ex lentescencia fluidorum, sæcumque hypostasi obstructiones, interni tumores, anxietates, difficiles anhelitus, suffocationes, pulsus duri ac lenti, contracti sæpissime cum molesta tussi durante frigoris paroxysmo evenire consuecant. Hic cum innumera eveniant in tota glandularum familia separationis vitia, consulendum putavi studium operis celeberrimi Petri Antonii Michelotti de *separatione fluidorum in corpore animalium*; hoc enim duce adepta æquæ separationis methodo, vitiosæ glandularum separationes clarius innotescunt.

12. Quid

(a) Ex Vvolfo pag. 363. Mechan.

12. Quid plura? Exposuimus num. 6. massam naturalem sanguinis præter mediam crassitiem, densitatem ac pondus filamentorum hanc in arteriis a majori sectione in minores transire, & a continuo momento distractionis & contractionis canalium continentium continuos impetus excipere, quorum opera reticulares areæ filamentorum conantur esse in continua mutatione angulorum, sicut propterea reticulares anguli modo majores, cum arteria dilatatur, modo minores, cum arteria constringitur: similiter corpora quæcunque elastica contenta in massa sanguinis, nec non in lymphatico, nerveoque succo stringentur magis inter se & comprimuntur, cum arteriæ a momento contractionis contrahuntur, & a majoribus sectionibus in minores transeunt, & contra vero rarefient & dilatabuntur hæc, cum a minoribus sectionibus in majores transeunt, & a momento distractionis dilatantur & extenduntur arteriæ. Itaque si momentum constrictionis arteriarum ita fuerit proportionale compressioni corporum elasticorum, ut ita sit contractio arteriarum ad compressionem corporum elasticorum; ut momentum dilatationis arteriarum est ad dilatationem corporum elasticorum, & permutando ita sit momentum constrictionis arteriarum ad momentum dilatationis earundem, ut est contractio seu compressio corporum elasticorum ad dilatationem seu rarefactionem earundem; tunc cum filamenta massæ sanguineæ sint semper in proportionali aut simili mutatione angulorum, utique filamenta massæ sanguinis eundem gradum, eandemque mensuram densitatis, crassitie, ponderis ac motus naturali temperiei sanguinis homologam sustinebunt; hoc in statu motus systolis & diastolis cordis & arteriarum erunt motibus massæ sanguineæ æqualiter proportionales; pulsus erunt æquabiles, ordinati & isochroni ab elasticis hisce viribus corporum elasticorum, proportionalibus elasticis oscillationibus canalium, minima horum oscula aperta, & actiuosa conservantur & filamenta sanguinis & reliqua corpora inertia prompte ac facile ab arteriis in venas regulari communicatione trajiciuntur. Cæterum si momentum contractionis arteriarum non fuerit proportionale, ac simile contractioni corporum elasticorum, & vicissim momentum dilatationis arteriarum non fuerit simile dilatationi corporum elasticorum, & permutando momentum constrictionis arteriarum non sit proportionale momento dilatationis earundem: pariterque contractio, seu compressio corporum elasticorum non sit homologa dilatationi seu rarefactioni corporum elasticorum earundem; tunc cum effectus semper sint suis causis adæquatis proportionales, arguendum erit, filamenta & reliqua corpora inertia seu non elastica, componentia temperiem ac constitutionem massæ sanguinis inæqualibus ac dissimilibus densitatis, crassitie, ponderis & motus gradibus esse affecta, ut quacunque temporis differentia fieri semper debeant inæquales ac dissimiles motus, & mutationes angulorum in areis reticularibus; quo in statu filamenta sanguinis, & reliqua corpora inertia, quod attinet ad densitatem, crassitiem, pondus ac motum efficient motus systolis, & diastolis cordis & arteriarum motibus massæ sanguineæ dissimiles & improporcionales; dissimiles pariter sicut pulsuum, distractiones & contractiones, quin immo aliquando sicut pulsus duri, contracti ac lentissimi. Ulterius si obstructis potissimum mesenterii & omenti glandulis sanguini per meseraicas venas ab intestinis ad hepatis ascendenti (ut scienter animadvertit immortalis famæ Professor Morgagnus pag. 3. Advers. Anat. 3.) non opportuna ac debita ratione ac numero misceantur oleosæ & balsamicæ particule, procul dubio hæc impedita bilis separatione aut enervata in hepate, massam sanguinis & lympham densiorem, crassioremque reddent; a densitatibus itaque & crassitiebus elementorum feri & crassamenti sanguinei minima canalium oscula, nec non glandulæ omenti & mesenterii obstruuntur, & impedita ab arteriis in venas circulatione obstructions, & reliquæ præternaturales hypostasies enascuntur. Ex his fibrosum sanguinis crassamentum, quod continuo ex chyli elementis ac filamentis enutritur, elaboratur & crescit, si ex chyli densioris consortio densius fiat,

Sydenham opera Medica.

crassius ac ponderosius, areæ reticulares crassamenti sanguinei minora certe spatia circumscribent, juxta rationem adauctam crassitiei ac densitatem filamentorum circumscribentium, & rationem adauctam corporum inertium, quorum omnium momenta habent hic rationem majoris inæqualitatis respectu ad momenta corporum elasticorum per aliquam saltem temporis differentiam. Proinde elastica corpora contenta stringentur nimis ac comprimuntur: immo cum serum & feri portio concrescibilis circumscribant undeque elementa sanguinis, hæc & a ferro & a feri parte concrescibili stringentur & comprimuntur magis magisque elastica corpora; itaque cum areæ reticulares in statu naturalis dilatationis, & alia quælibet spatia, per quæ globuli plano-ovales, & alia corpora elastica observantibus Boyleo & Levvenhockio excurrunt, ad eadem spatia & areas in statu præternaturalis constrictionis sint, ut figuræ similes inter se, hæc autem decrecant in ratione duplicata suorum diametrorum; utique si spatium areæ in statu naturalis dilatationis fuerit ut 1. decrescens spatium areæ ejusdem in statu præternaturalis constrictionis futurum erit $\frac{1}{4}$; Si ergo in spatio naturalis dilatationis areæ reticularis ut 1. contineatur 8. corpora elastica, in spatio ejusdem areæ præternaturaliter constrictionis contineri tantum poterunt elastica corpora ut 2. & sic proportionaliter successive in totis aeris reticularibus massæ sanguinis. In statu itaque præternaturalis constrictionis arearum omnium elastica corpora contenta stringentur, & comprimuntur in ratione ut 6. Quis non videat, ex tam forti filamentorum massæ sanguineæ, reliquorumque corporum inertium densitate, crassitie ac pondere, ex tam determinata arearum, aut aliorum componentium elementorum unione nimis stricta ac angusta comprimenda ac stringenda esse valide elastica corpora, ut non cum naturalem motum ac velocitatem in tali statu possint acquirere? Imminuto propterea elasticorum corporum spatio, aliarumque particularum tangentium motu ac velocitate, tantum caloris detrahendum erit a massa sanguinis, quantum motus & elasticitatis a particulis elasticis, & non elasticis se tangentibus subtractum est; quamobrem cum calor consistat in concitatore motu quarumcunque particularum elasticarum, & non elasticarum, imminuto quidem spatio, motu & elasticitate naturali earundem, calorem quoque sensibilibus imminui necessarium est, hinc data proportionem affectio frigoris superveniet major, vel minor juxta majorem, aut minorem compressionem corporum elasticorum vi majoris, aut minoris crassitie, densitatis & ponderis corporum non elasticorum, quorum inertia magis, vel minus imminuitur elasticitas, motus, actio & reactio quarumcunque particularum elasticarum, & non elasticarum inter se.

13. Sed non diu elastica corpora in statu violento compressionis præternaturalis detineri possunt, sed tantummodo per temporis differentias, modo majores, modo minores juxta majorem, aut minorem crassamenti sanguinei, & feri compressibilis ambientis densitatem, crassitiem, pondus, & motum inertiam in particulis elasticis & non elasticis; propterea frigoris sensationes non continuæ, sed per tempus erunt duraturæ; & sanæ elasticorum corporum massæ violentè in minora volumina compressæ conantur tandem aliquando sese dilatare quaquaversus ad majora volumina viribus comprimantibus reciproce proportionalia; postquam ergo hæc violentè determinatum seu ultimum compressionis gradum sustinuerint, sese validissime undeque dilatare conabuntur; corpora itaque elastica, cum particulas non elasticas ipsis commixtas quaquaversus tangerent, undeque impetus & impulsus efficient in tangentia quæcunque corpora non elastica. Cum vero hæc resistent in ratione suarum soliditatum, restituent elasticis corporibus impetus ac impulsus motibus jam impressis proportionales; sic communicata vicissim actione & reactione corporum elasticorum cum corporibus non elasticis, singula corpora movent & moventur, urgent & urgebuntur; verum cum impetus corporum elasticorum sese dilatantium ad majora volumina objecta, & tangentia corpora non elastica sint ratione composita ex numero corpo-

rum elasticorum, & summa motuum dilatationum eorum, manifestum est, quam magna futura sit actio & reactio, expansio, rarefactio & dilatatio quaquaversus elementorum cujuscunque generis corporis elastici & non elastici massæ sanguinis. Ut autem hæc accuratiori examine expendantur, placeat eligere ex corporibus elasticis solas aeris particulas contentas in massa sanguinis, ut experimenta Boylei docuerunt. Cum vis elastica aeris elever aquam ad pedes 32, circiter, & ratio ponderis seu gravitatis specificæ aquæ nostræ communis (quam invenimus pag. 54. primæ Partis) ad pondus seu gravitatem specificam sanguinis sit ut 1749. ad 1886. seu proxime ut 1. ad 1. $\frac{75}{137}$ innotescet, quantum elevanda fuerit massa sanguinis vi elastica ejusdem quantitatis aeris; etenim cum vites elevent pondera diversa ad altitudines ipsis ponderibus reciproce proportionales (a) vis elastica aeris elevans aquam ad pedes 32. circiter, elevatura erit massam sanguinis, cæteris paribus, ad pedes 31. $\frac{75}{139}$ proxime; si enim fiat analogismus ut pondus, seu gravitas specifica sanguinis 2. $\frac{1}{137}$ ad pondus, seu gravitatem specificam aquæ communis, ita fiant reciproce pedes 32 circiter ad quartum terminum proportionalem, utique constabit pro quattu proportionali pedes 31 $\frac{75}{139}$ massæ sanguinæ fore respondentes, ut enim 1. $\frac{1}{137}$, 1.: 32. 31. $\frac{75}{137}$ proxime. Cum vero eadem sit proportio pedis ad pedem, ac lineæ ad lineam, & particula lineæ ad particulam lineæ, vis elastica aeris proportionalis vi motivæ aeris contenti in sanguine proportionaliter, cæteris paribus, elevare poterit sanguinem ad particulas lineæ 31 $\frac{75}{139}$ in canalibus ascendentibus, in quorum ascensu magna adest resistentia ad motum; quod si canales fuerint descendentes, aut inclinati, aut horizontales, in quibus nulla est ad motum resistentia, quinimmo facilitas & propensio ad motum juxta rationes a mechanicis jam determinatas, quas non vacat hic repetere, apertum est, quantum vis proportionalis elastica aeris massam sanguineam urgere poterit ac movere. Porro si a solo momento particularum aeris in sanguine contenti tantum moveri ac urgeri poterit massa sanguinis, quid sentiendum erit, si viribus elasticis aeris ultro addantur momenta sulfurum, & elastica momenta globulorum plano ovalium &c. certe quam maxima futura erit massæ sanguinæ rarefactio, extensio & motus in ratione nempe composita ex momento cordis sanguinem impellentis, momento elastico aeris, sulfurum, & globulorum plano ovalium &c. quæ ratio composita momentorum cum calculis æqua ratione assequi non possit, proinde velocitas, quantitas motus, & momentum massæ sanguinis in statu præternaturali febrium prout summum erit indeterminabile. Ex hisce momentis corporum elasticorum salia, & reliqua solida corpora, fibrosum sanguinis crassamentum, & filamenta feri concrecibilis ultro atteruntur; hæc autem in quantitates infinite parvas attrita, per ferum liberiori motu decurrunt, ut sæpissime per sudores, & urinas erumpant. In hoc violento fluidorum impetu momentum distractionis arteriarum, glandularum, aliorumque solidorum adeo præpollens sit, ut momentum contractionis eorundem paucam, ac minimam rationem habeat cum momento præpollente distractionis; non mirandum ergo, cur in tam violentis fluidorum motibus, & tam distractis solidorum filamentis sæpissime eveniant aneurismata in arteriis, varices in venis, & hydatides in lymphaticis canalibus, vomicæ aliquando, & sinus præternaturales in glandulis, cæterisque visceribus, pulsus fiant nimis elastici, nimis vibrati, inordinati & asymmetri, separationes fluidorum irregulares, heterogeneæ & vitiosæ, sensoria confusa fiant & languida, totumque corpus præternaturali calore excandescat; tot autem vitia duratura sunt, usque dum transpiratis, aut per exeretoria naturæ loca eliminatis heterogeneis corporibus fibrosum sanguinis crassamentum, & aliqua corpora inertia præternaturales densitates, crassities, pondera, moles, & motus amiserint, & acquisita naturali, sive homogenea subtilitate, æquabili densitate, debito pondere, motuque proportionali, massa sanguinis ad naturalem mixtionem reciprocam elementorum elasticorum, &

non elasticorum inter se, naturalemque temperiem restitatur; tali methodo ex mechanicis legibus arbitrandum est, a frigoris affectione ad præternaturalem caloris statum massam sanguinis erumpere in febribus, talique ordine fieri calorem præternaturalem in massa sanguinis, talique lege fluida universa in febribus violenter inter se, & in solida erumpere.

24. Alterum phænomenon, quod expendendum occurrit in febribus intermittentibus est ratio, cur febrilis accessio frigoris & caloris statutis temporibus redeat? Cum in febribus intermittentibus massa sanguinis post accessionem frigoris & caloris ad naturalem statum pene restituta videatur, erunt reciproca mixtio elementorum sanguinis, densitas, crassities, pondus & motus seu momenta eorundem juxta isochronas naturæ leges quasi restituta; verum ut clare exponatur, quomodo determinatis temporibus redeant febriles insultus frigoris & caloris, tria præmittenda esse arbitror. 1. Quamvis massa sanguinis in febrium intermittendum remissione quoad densitatem, crassitiem, pondus, & motum, seu quoad momenta elementorum reciproca ratione mixtorum per aliquam temporis differentiam in canalibus quibuscunque sanguiferis uniformis seu homogenea esse videatur; attamen vitio chyli, succorum hepatis, pancreatis, lienis, nec non glandularum omenti & mesenterii, nonnulla tamen seu filamenta corporum præternaturalium seu heterogeneorum in massa sanguinis existentium in hanc ingrediuntur, & circumcunt, quæ quantumvis numero, pondere, mensura ac momento multo minora sint corporibus homogeneis adhuc dominantibus, nihilominus continuo chyli, aliorumque humorum heterogeneorum ingressu statutis temporibus febrilem motum restituere apta sunt. Quamobrem secundo loco advertendum est, quod quamvis massa sanguinis per aliquod tempus cum reciproca mixtione elementorum componentium juxta densitatem, crassitiem ac motum &c. videatur esse in naturali proportionem uniformis, & cæteris paribus, æquabilis; attamen sæpe, ac sæpius portio massæ non omnino æquabilis, non omnino uniformis esse potest in spatiis minimis arteriarum & venarum in glandulas desinentium ob asymmetros motus ipsarum glandularum succos heterogeneos, diversorumque momentorum præternaturaliter separantium. Cum autem (num. 10. primæ partis) ostensum sit, in statu naturali systolem & diastolem cordis cum systole, & diastole arteriarum, glandularumque desinentium debere esse proportionales, cumque in tali febrium intermittendum remissione sapissime non conservetur hæc totalis ratio æqualitatis, aut quasi æqualitatis inter systolem & diastolem cordis cum systole & diastole arteriarum potissimum minimarum, & glandularum desinentium, succos diversæ & præternaturalis indolis separantium, non poterit diutius massa sanguinis in continentibus vasis in æquo mixtionis æquilibrio sustineri; hinc alte occurrat considerandus motus asymmetre glandularum separantium, & vasorum minimorum in glandulis evanescentium; quis enim praxin medicam agens in febribus intermittentibus impeditas, aut inertes glandulas pancreatis, hepatis, lienis, aut mesenterii & omenti non sensit, aut non cognovit, aut saltem jure optimo non suspicatus est? 2. Certum est, in naturali motu massæ sanguinæ ob isochronas pulsationes cordis, arteriarum, & glandularum, quarum opera una hora sæpe 3000, pulsationes; ex Cardano 4000. juxta Bartholinum 4400. ex calculis vero celeberrimi Lyster cap. 2. de humoribus 4500. enumerantur; determinatis temporibus necessario haberi determinatum circulationum numerum; æquabilis ergo futura erit lex & ordo motus elementorum massæ ejusdem, & homologa statutis, determinatisque temporibus eorundem in glandulis separatio.

15. Hisce præmissis cum succi quantumvis heterogenei primo ingressu in massam sanguinis non semper esse possint numero, pondere ac mensura adeo densi, adeo crassi cum ponderibus & motibus, seu momentis notabiliter inæqualibus respective ad ordinatum adhuc motum totius massæ sanguinæ homogeneæ supra cætera corpora heterogenea adhuc prædominantis, nondum alterari poterit notabiliter ordo ac lex, & reciproca naturalis mixtio elementorum

rum sanguinis; verum si paulatim, & crescentibus, determinatisque temporibus creverint ingressus corporum heterogeneorum in massam sanguinis, ut post tantum numerum circulationum, qui determinatis temporibus fieri semper debuit numero, pondere ac mensura, momenta corporum heterogeneorum superare incipiant corporum homogeneorum momenta, eo primo tempore in minimis vasis evanescentibus in glandulas, magis magisque asymmetre motas, utpote minimorum diametrorum respective ad majores diametros canalium, tunc opere corporum densiorum & crassiorum heterogeneorum lentescere incipiet sanguis, & cum ultro sequatur & subsequatur determinatis circulationum numeris, crescens numerus corporum heterogeneorum, sectiones vasorum primo minimorum cum decrescant semper in ratione geometrica respective ad majores, primus frustra solida minima vasorum in glandulas asymmetre motas evanescentium a quantitate filamentorum sanguinis circulantium in ratione geometrica aut quasi geometrica replebuntur, & repleta obstruentur, & quodammodo sapisissime solidescunt. Ut autem hæc clariora fiant, eligamus frustum conicum canalisi minimi in glandulam evanescentis; sit nempe frustum conicum C. D. c d arteriæ desinentis in glandulam, cujus diameter internæ majoris peripheriæ C D sit $\equiv 1$; diameter vero internæ peripheriæ minoris c d sit $\equiv \frac{1}{2}$; altitudo vero frusti sit $\equiv 6$.

Vide Fig. 4.) Ut proxime habeamus quantitatem sanguinis replentem, & contentum in frusto hoc conico, quæ quantitas componat frustum hoc conicum, ex celeberrimi Ozanam Geometrica practica operando, constabit contentas partes in tali frusto conico fore $\equiv 3 \frac{23}{100}$. Quamobrem si partes istæ conten-

tæ, & componentes frustum hoc conicum arteriæ supponantur esse scrupuli, hæ contentæ partes in frusto conico arteriæ minimæ evanescentis proxime æquales erunt scrupulis 4. Advertendum proinde elementa sanguinis heterogenea vitio chyli, aliorumque humorum, vel ingredi in massam sanguinis quocunque circulationum numero in ratione Arithmetica continua aequali, vel discrete inaequali. Supponatur primo, elementa heterogenea ingredi in massam sanguinis in ratione arithmetica aequali, videlicet prima hora ingrediantur in massam sanguinis 10. grana corporum heterogeneorum; secunda hora 20. tertia hora 30. & sic successive in tali ratione arithmetica, hoc certe spatio horarum 24. ingrediantur in massam sanguinis grana 3000. seu scrupuli 150. nempe drachmæ 50. seu uncia 6. $\frac{2}{8}$; Quamobrem si canalium,

reliquorumque organorum robur, & vis elastica glandularum separantium; actiones & reactiones liberæ fuerint & expeditæ, separandisque corporibus heterogeneis proportionales, utique separatis corporibus heterogeneis ab homogeneis in ratione æqualitatis fluidorum massa adhuc sana conservabitur, & quamvis impura, primæ tamen puritati opportuno tempore restituetur. Cæterum si organorum vis elastica, & canalium robur infirmum fuerit, aut in statu inertiae, aut nimis tensum, contractumque fuerit, & glandulæ separatrices obstructæ, aut saltem non ea habuerint momenta separandis corporibus proportionalia, mehercle cum corporum heterogeneorum gravitates non sint voluminibus suis proportionales, horum centra gravitatis non erunt eadem cum eorum centris magnitudinum, consequenter mutabitur naturalis reciproca proportio momentorum corporum componentium massam sanguineam. Porro cum impetus corporum heterogeneorum habeant rationem compositam ex ratione velocitatum & voluminum, & horum pondera, velocitates & volumina sint inæqualia, inæqualiter movebuntur corpora heterogenea, & hæc inæqualiter movebunt & percutient ea, quibus undequaque occurrunt: sic ultro inæqualiter urgebunt latera cordis, & vasorum continentium, & ab horum nisu elastico inæquali inæqualiter urgebuntur. Præterea ab hisce vitiis corporum heterogeneorum, vasorum continentium, & glandularum inepte aut ægre separantium corpora heterogenea asymmetre mota, nec a glandulis opportune separata in glandulis, & finitimis vasorum frustis lentiora fient; quamobrem juxta superiores calculos, gratia exempli, ex-

Sydenham opera Medica.

positos (etenim juxta majorem aut minorem numerum, & gradum densitatis, crassitiei, ponderis, & motus præternaturalis elementorum præternaturalium massæ sanguinis, proportionaliter quoque impediuntur, & obstruuntur citius aut tardius, magis aut minus majora aut minora frustra vasorum evanescentium & glandularum;) Cum scrupuli 150. sanguinis ingressi in massam ejusdem spatio horarum 24. divisi per scrupulos 4. jam contentos in frusto conico canalisi minimi in glandulam evanescentis, apti sint obstruere, & impedire proxime frustra 37. canalium minimorum similium, & æqualium canali super exposito; proculdubio si frustra vasorum fuerint numero 37. proxime, æquali ordine ac tempore impedita & obstructa a scrupulis 150. corporum heterogeneorum, tunc si tantus vasorum minimorum, & glandularum numerus fuerit naturæ gravis ac molestus, ex abolito, aut saltem ex imminuto motu augerentur contactus inter se, proinde densiora fient, crassiora & graviora elementa heterogenea sanguinis, & per numerum 12. frigoris affectio supervenire incipiet. Ulterius delatis semper continuo circulationum numero filamentis heterogeneis ad extrema vasorum, & retardata in minimis canalium frustis & glandularum areolis naturali velocitate sanguinis, filamenta feri & crassamenti sanguinei cum gradum densitatis, crassitiei & ponderis magis magisque acquirant, qui gradus resistantiam afferat adveniendi sanguini, & determinata temporis mensura pressionem violentam efficiat contra contenta quæcunque corpora elastica & non elastica, proinde frigoris sensationes sustineri & augeri videbuntur. Hæc autem pressio corporum elasticorum & non elasticorum ultro augetur a vi & impetu sanguinis continuo supervenientis, & in minimis canalibus filamenta heterogenea resistantia percutientis; ex hisce autem impulsibus magis densantur, uniuntur & constringuntur corpora cujuscunque generis, usque dum, cum eum gradum densitatis acquisitum corpora elastica amplius pati ac sustinere non possint (quod determinato semper tempore, ordine ac mensura accidit,) conentur tandem aliquando objectas resistantias naturæ molestas undequaque evertere ac superare; hinc dato tempore (per numerum 13.) quaquaversus facto impetu, restitutoque (ut loquuntur) elaterio, massam sanguinis urgent & violententer succutiunt; & sane cum corpora elastica & non elastica violententer & diversimode determinatis temporibus compressa diversorum sint momentorum, urgebunt quidem, & tangentia quæcunque corpora urgebunt in ratione composita ex massis & velocitatibus seu momentis dissimilibus & inæqualibus eorundem; corpora idcirco cujuscunque generis sine lege ac ordine, determinatis solum temporibus, mota cum præternaturali actione & reactione inter se, naturalem pro eo tempore mixtionem invertent, & juxta varias ac dissimiles rationes momentorum corporum remissiori, aut intensiori agitatione, calore ac æstu hac data temporis mensura per numerum 13. movebuntur; hinc calor summus & febrilis incallescencia agros miserrime occupant, statisque temporibus redeunt, ex præternaturalis materiæ restitutione per numerum 14. talique ordine, ac successiva methodo denuo retardantur.

16. Itaque si tantus corporum heterogeneorum numerus, si tanta densitas, si tanta crassities, ac pondus eorundem in ratione arithmetica continua aequali crescentium, gravi naturæ molestia cumulentur in sanguine, lymphæ & succo nervo, ut spatio horarum 24. semper retardentur velocitates sanguinis in tot ac tantis vasorum minimorum frustis, in tot ac tantis glandularum spatiis, ita ut etiam in majoribus frustis data ratione, ac tempore imminutæ reddantur velocitates massæ sanguinis cum determinata pressione corporum elasticorum & non elasticorum, cum inæquali omnibus in locis actione & reactione vasorum, & fluidorum, ex quibus vitiosa & inepta mixtiones superveniunt; tunc cum affectione frigoris per n. 12. subsequente postea calore per n. 13. Quotidiana febris homotona & regulares orientur; Quod si heterogenea elementa vitio chyli, aliorumque corporum ingrediantur in massam sanguinis in ratione arithmetica continua aequali quidem, sed augeantur hæc dato tempore in tali

Febres
quotidianæ.

ratione, ut prima hora ingrediantur, gratia exempli, 40. grana corporum heterogeneorum, secunda hora 80. tertia hora 120. ingressa sint in massam sanguinis, & sic successive gravi naturæ molestia, minimorumque vasorum, ac glandularum impedimento, æqualibusque temporibus cum retardatis proportionaliter fluidorum velocitatibus, iisdem quoque temporibus, talique compressione corporum elasticorum, cum præternaturalibus actionibus & reactionibus organorum, & fluidorum, & præternaturali mixtione eorundem, tunc spatio horarum 12. (grana enim

Febbris
quoti-
diana
duplex.

3102. corporum heterogeneorum ingressa erunt in massam sanguinis) *duplex quotidiana febris regularis & homotona* cum frigore per numerum 12, postmodum vero cum calore per numerum 13. exorietur. Ex his clarum est, vitio chyli, aliorumque humorum, si tantus corporum heterogeneorum numerus, si tanta crassities, si tanta densitas, tantumque pondus naturæ grave ac molestum cumulentur in sanguine ratione arithmetica discreta inæquali crescendo, cum velocitatibus sanguinis sine ordine, loco ac tempore retardatis in minimis vasorum frustis, ac spatiis glandularum, & cum inæqualibus loco ac tempore compressionibus corporum elasticorum, fiant actiones & reactiones præternaturales solidorum & fluidorum, cum præternaturali miscella eorundem loco ac tempore inæquali; tunc cum asymmetris, irregularibus, inordinatisque frigoris accessionibus (per numerum 12.) postmodum vero cum calore (per numerum 13.) emergent *febres quotidianæ simplices, aut duplices &c. alteriusque generis, sed inæquales, inordinatæ & asymmetræ*. Advertendum hic ob vitium lymphæ quantitate, densitate, crassitie, pondere ac motu asymmetro peccantis supra æquas naturæ leges cum glandularum & minimorum vasorum, omenti

Febres
quoti-
dianæ
inæqua-
les.

Febres
lymphati-
cæ.

& mesenterii potissimum impedimento, *lymphaticas ac lentas febres contumaci duratione*, noctu potissimum ob graviolem atmosphæram ingravescere cum aliquali per dorsum refrigeratione & inertia ad motum; cum enim lymphaticus humor crassior, densior & ponderosior sit redditus, lentiori quoque motu progreditur: imminuto autem motu augentur fluidi altitudines, & lymphatica vascula continentia ad majorem superficiem extendi debuerunt; proinde & adaucto pondere, & adaucta superficie impediuntur spatia, & naturales oscillationes, seu motus distractionis & contractionis fibrarum muscularium, carniarum, nervorum & tendinum adjacentium, ut aliquantulum refrigerari & iners fieri admotum animal debeat.

17. Quod si tantus numerus corporum heterogeneorum chyli & bilis potissimum pondere ac motu naturæ molestus transferatur in massam sanguinis in ratione arithmetica continua æquali, pariterque præternaturales actiones & reactiones solidorum potissimum glandularum hepatis, omenti & mesenterii, & fluidorum, nec non præternaturalia momenta eodem, aut simili loco vasorum minimorum producantur semper spatio horarum 48. & sic successive, & a principio unius accessionis ad principium alterius semper intercedat talis, determinatusque numerus horarum 48. utique *legitimæ Febres Tertianæ, homotone, & regulares*, cum frigore per numerum 12. postmodum vero cum calore per numerum 13. violentissime irruerent. Uterius si ea, quæ supra diximus, ingrediantur in massam sanguinis in ratione arithmetica discreta inæquali, hæc numero, pondere ac motu seu momentis inæqualibus, agendo & reagendo, inæquali, varioque loco ac tempore retardando velocitates sanguinis cum frigore per numerum 12. postea nifu ac conatu corporum elasticorum cum calore per numerum 13. *Tertianas Febres aliquando simplices, aliquando duplices, alteriusque generis, sed inæquales, inordinatas, asymmetras* præternaturali mixtionis motu producent. Hic & ibi plerumque primus paroxysmus tertio, secundus quarto respondent; & sic successive alterna, seu permutata ratione paroxysmi progredi consuecunt per numerum 14.

Febres
tertianæ
legiti-
mæ.

Febres
tertianæ
illegiti-
mæ.

18. Simili methodo, ordine ac lege, remissioribus tamen symptomatibus, si tantus corporum heterogeneorum numerus, si tanta crassities, si tanta densitas, tantumque pondus naturæ grave & molestum, (quod potissimum evenire putandum ex prægressa

æstivi temporis minimâ particularum sulfurearum, balsamicarumque transpiratione) crescant in ratione arithmetica continua æquali, tali ordine, loco ac tempore, ut spatio horarum 72. velocitates naturales fluidorum æqualibus locis ac temporibus æqualiter retardatæ sint in minimis vasorum frustis spatiisque glandularum; & cum æqualibus loco ac tempore compressionibus corporum elasticorum fiant actiones & reactiones solidorum & fluidorum præternaturales, cum præternaturali mixtione eorundem; & sic successive a principio unius paroxysmi ad principium alterius spatio semper horarum 72. progressio fiat, tunc cum frigore (per numerum 12.) deinde cum calore (per numerum 13.) *Febres quartanæ simplices & homotone* erunt producendæ. Verum si hæc ac tanta ingrediantur in massam sanguinis in ratione arithmetica discreta inæquali, & subsequantur actiones & reactiones præternaturales inæquali ordine, variis in locis, variisque temporibus fiant paroxysmi horis 72. respondentes, cum retardatis velocitatibus fluidorum in frustis minimis canalium & glandularum &c. utique cum frigore (per numerum 12.) accessiones quartanarum orientur; deinde ob vires & conatus elasticos corporum elasticorum cum calore (per numerum 13.) febres supervenient. Hinc quartanæ febres evenient aut simplices, aut duplices, alteriusque generis, sed inæquales, inordinatæ & asymmetræ, talique ordine ac methodo per numerum 14. erunt reddituræ.

Febres
quarta-
næ sim-
plices.

Febres
quarta-
næ com-
positæ.

19. Denique si hæc omnia accidant spatio horarum 12. aut 18. aut 24. &c. ita tamen, ut non amplius fiat paroxysmorum alterna, aut successiva progressio, nec ultro redeat ingressus corporum heterogeneorum in massam sanguinis, cum totali & omnimoda libertate sanguinis, & restitutionum & reactionum naturalium &c. tunc cum frigore (per numerum 13.) *Febres Ephemeræ* modo leviores, modo graviores juxta quantitates ac vires corporum heterogeneorum majori, aut minori momento incallescunt, quæ aut sudore, aut opportuna corporum heterogeneorum separatione redimentur.

Febres
Epheme-
ræ.

20. Simili ratione quascunque ex intermittentium genere febres fieri judicandum probabiliter est; verum cum hujusmodi morborum genera pluribus symptomatibus gravari soleant, hinc raptim de his, quæ frequentius accidunt, nonnulla dicere consultum putavi. Dum itaque corpora elastica massæ sanguineæ antea violenter compressa in glandulis, minimisque canalium frustis, suos conatus elasticitatis compressionibus suis proportionales quaquaversus exercent, agendo & reagendo contra quascunque componentes particulas præternaturali elementorum componentium mixtione, & contra solida quælibet nervea lymphatica, venosa & arteriosa cum æstu & calore ac motu violentissimo massæ sanguineæ universa diruendo; jure in tam violentis, continuisque particularum percussionibus ac motibus corpora quælibet massæ sanguineæ atteri, & in minimas partes, ac fortasse infinite parvas dividi debebunt: cum enim in calore ac febrili æstu agitationes seu impressiones particularum sulfurearum, aliarumque elasticarum in cætera fluidorum corpora sint proxime in ratione composita velocitatum & simpla densitatum particularum sulfurearum, aliorumque corporum elasticorum, constat, quantum corpora quælibet componentia violentissimis actionibus & reactionibus agitari, & in minima dividi debeant; etenim cum solida similia sanguinem componentia decrescant semper in ratione triplicata laterum homologorum, horum superficies in duplicata tantummodo; cumque solida similia ejusdem generis sint ut pondera, non dubitandum, ex tam diminutis solidis pondere, soliditate & superficie ad miliares & cutaneas glandulas deferri debere quantitate ac velocitate seu momento multo majori, quam par est; proinde hæc plus justo transpirare uberrimis sudoribus conabuntur (de qua re num. 42. secundæ partis satis actum est.) Hisce autem transpiratis, velocitas fluidorum moderatur, & densitates mediæ fluidorum antea præternaturalium restituuntur; redit inde opportuna mixtio, & solidorum cum fluidis æquilibrium: tempore autem tanti motus ac caloris, tantarumque actionum & reactionum

num præternaturalium massæ sanguinis frequentissimæ succedunt jactationes, inquietudines, difficilesque respirationes, sed potissimum ægri acerrimè *sitiunt*; Id sane evenit, cum nimirum portio non levis feri per sudores transpirati fluere debuisset per spatia glandularum linguæ, œsophagi & palati hæc undequaque madefaciens; verum tantæ transpirationis incommodo tot fluidis privata spatia linguæ & palati & fibræ glandularum opportuno liquido fraudatæ arefcere conantur, aridæ vero factæ contrahuntur, quo statu angustiora fiunt glandularum foramina, quinimo ablati, aut imminutis momentis distractionum & contractionum glandularum, aliarumque fibrarum intervenientium aut non adjuvant fibræ motum fluidorum, ut necessariam fluidi portionem excipiant, aut exceptam non promovent, novam opportuna partium irrigationi accommodam suscepturæ. Ulterius a filamentis heterogeneis massæ sanguinis sæpissime obstruuntur glandularum salivalium spatia, impeditoque, aut saltem imminuto feri fluxu determinata fibrarum & glandularum corrugatione *sitim* afferunt.

21. Præter hæc a febrili sanguinis motu dilatata inæqualiter vasa quælibet, potissimum venæ & arteriæ menyngum, has inæqualibus percussionebus violenter extendunt, extensæ inæquali diastole calvariam arctant *Dolorem Capitis* afferentes: Porro cum curvæ menyngum fibræ ex nimio sanguinis motu violenter dilatatæ fiant segmenta majorum arcuum, momentum distractionis menyngum non erit æquale, aut proportionale momento constrictionis earundem, sed præpollens, proinde ex asymmetra fluidorum velocitate per vasa menyngum naturales fibrarum anguli fient inæquales ac dissimiles. Ob id mutabitur earum naturalis directio & parallelismus cum asymmetra distractione & constrictione earum, a quibus omnibus dolorem fieri, num. 8. Mechanicæ solidorum ostensum est; præterea cum a glandulis menyngum in præternaturali motu ac mixtione sanguinis separatur serum, peccans quantitate, superficie salium contentorum ac motu eorum, ab his gravantur, percutiuntur & stimulantur meninges cum graviore capitis dolore; quinimo cum a continuis menyngum stimulis fibræ quoque medullares cerebri a menyngibus circumdatæ inæquales, continuasque sollicitationes ac stimulos molesta communicatione excipiant, hæc medullares fibræ tantis tantisque motibus sollicitatæ sensoria actiōsa reddunt frequentissimis, minimisque oscillationibus, ut ægri continuo *Vigiles* esse teneantur.

22. Nec dispar molestia occurrit stomacho, cum frequentissime ab asymmetris menyngum motibus communicata per nervos membranis stomachi motuum asymmetria ægri a frequenti vomitu succutiantur; præterquam quod impura corpora, asperatamque superficiem a glandulis stomachi separata, vel ex duodeno bilis ramenta sursum pulsa in ventriculum repetitis vellicationibus stomachi membranas sollicitando, mox stimulo, & momenta constrictionis augendo vomitum afferunt.

23. Quia vero in febrium potissimum intermittentium declinatione excernuntur urinarum copiarum aliquando cum levamine, si hæc fuerint ægri viribus & naturæ morbi proportionales; aliquando vero periculosa, si supra vires morbi & naturæ consisterint; hinc visum est rei nostræ opportunum, brevi *Urinarum separationes* expendere. Certum est, in febrium augmento ac statu, in quo sanguinis velocitas major est, aliquando summa elementa heterogenea nimis confusa esse, & glandularum actiones atque elasticitates asymmetris momentorum gradibus oscillare, quo tempore nullatenus æqua ratione separari possunt a glandulis viscerum similia corpora a dissimilibus; æquæ nimirum separationes corporum similium a dissimilibus cum statutis temporibus & æqualibus, placidisque motibus fluidorum & glandularum fieri naturaliter debeant, ut (pag. 29. primæ Partis indicatum est,) nulla quidem actio separationis opportuna naturæ fieri poterit, nisi declinationis tempore, quo velocitas sanguinis & oscillatio solidorum naturali motuum momento accedunt. Verum quia aliquando accidit etiam declinationis tempore a renalibus glandulis tantam urinarum copiam separari, quæ vitibus gravis ac molesta naturæ *Diabete* afferat, proinde

juvat hic de tam gravi symptomate brevi differere. Ab adaucta velocitate sanguinis in febribus, a concitata actione & reactione particularum massæ sanguinis, hujus filamenta, & reliqua componentia attrita nimis fiunt, & in partes infinite parvas divisa, serum cum non æqua & opportuna mixtione cum reliquis massæ sanguineæ particulis reciproce misceatur liberiori motu fluit: serum hoc copiosius delatum in renales glandulas impetu summo urget internos parietes glandularum; cum vero impetus sit factus ex massa talis fluidi ducta in velocitatem, qua fluidum temporibus æquabilibus defertur, erit impetus tanti fluidi erumpentis per foramina arteriarum evanescentium in glandulas in ratione composita ex rationibus duplicata velocitatum, simpla densitatum seu gravitatum specificarum, & simpla foraminum (a), e quibus erumpunt in glandulas desinentes. Quamobrem si cæteris paribus velocitas feri fluentis ab uno orificio vasis desinentis in renalem glandulam in statu naturali fuerit $u \cdot 2 = 4$ nempe in ratione duplicata radicis $u = 2$; densitas vero, seu gravitas specifica feri fuerit d ; foramen vero e quo erumpit serum in glandulam sit o ; erit quantitas motus seu impetus feri fluentis e glandula renali proxime ut $u \cdot 2 + d + o$. Ita si supponatur in statu febrili radicem velocitatis massæ sanguinis augeri tantum in ratione tripla, ita ut etiam radix velocitatis feri separandi in glandula renali sit $u = 6$; densitas vero d , seu gravitas specifica feri supponatur eadem in eodem sanguine, idemque pariter sit foramen, e quo erumpit æqualibus temporibus o , erit impetus feri fluentis in statu febrili proxime ut $u \cdot 2 = 36 + d + o$, tali ergo ratione fluens præternaturaliter serum ab orificiis singularibus vasorum evanescentium in vasa glandularum urgere debet singulos internos parietes glandularum singularibus momentis $= 36$. En ergo gravis & molesta extensio & dilatatio renalium glandularum. Cum vero quantitas, seu filamenta feri fluentis (b) æqualibus temporibus per orificia vasorum in glandulas sint in ratione composita proxime ex rationibus orificiorum vasorum, & velocitatum feri fluentis, cumque impetus velocitatis naturalis suppositus fuerit $= 4$ erunt cæteris paribus quantitates feri æqualibus temporibus delatæ momento velocitatis præternaturalis, ut 36 proxime in ratione noncupla ac fuerant in statu naturali. Glandulæ itaque taliter extensæ excipere proxime debent noncuplam quantitatem feri; verum cum hæc sint ex elasticis vasorum fibris & ex elasticis membranarum filamentis elaboratæ, eorumque opera constrictæ, si accadat ea ratione qua fuerant dilatatæ, urgebunt momento adaucto constrictionis per glandularum foramina noncuplam, aut quasi noncuplam quantitatem feri iisdem temporibus; En ergo excedens feri copia, & magna urinarum effusio, quinimo adeo aliquando excedens est, ut sæpissime miratus sim, naturalem feri quantitatem & portiones ingestas longe fuisse superatas.

24. Tam grave, mirandumque phænomenon aeri potissimum deberi arbitratus sum, qui per pulmones, per ventriculum, per cibos, potiones continuo exceptus, & inde effusus in massam sanguinis tam gravia phænomena parit ac sustinet: & sane tantam aquarum copiam ab aere potissimum cumulari posse asfabre decet experimentum a celeberrimo P. Lana expositum cap. 15. *sui Prodromi*. Accipit enim vas vitreum excavatum, & in formam coni elaboratum, talique lege suspendit, ut vertex coni vitrei pendulus, deorsum tendens sustineatur: Hoc vas nive, aut glacie repleatur, & Soli, aut quocunque loco calido exponatur; aer continuo ambiens externam coni vitrei superficiem continuo densabitur, & paulatim in pendulo vertice coni undequaque collectus continuam aquam erit stillaturus, inclusa quidem nive, aut glacie parum, aut nihil imminuta: Hac methodo perennem fontem generari posse, hancque aquam sanandis hæcticis utilissimam celeberrimus Auctor testatus est: Ab hujusmodi experimento necesse est colligere, particulas quoque aeris in sanguinea massa undequaque exceptas, collectasque aliquando uniri, ac densari taliter

(a) Per Prop. 31. pag. 214. Hermanni.

(b) Per Prop. 30. Hermanni pag. 214.

liter posse, ut hæ continuam in aquam collectæ stillare coactæ sint; tam mirandum opus fortasse futurum erit in sanguine, cum filamenta fluidorum massam sanguineam componentia enervato mixtionis naturalis vinculo laxa, attrita ac resoluta nimis fuerint, ut opportuna ac necessaria vi intimam mixtionem aeris cum reliquis particulis sustinere ac conservare apte non possint; hæ nimirum aeris moles cum non intime unitæ, nec ad minima cum singulis, ac reliquis massæ sanguineæ componentibus permixtæ esse possint, hæ necessario unitæ sero supra cætera elementa naturaliter frigidiori, majori ac multiplici, quam par est, inter se contactu grandiores & activiores fiunt, simulque supra naturalem numerum agglomeratæ ac collectæ, proinde inter se nimis tangentes ferum, cui miscentur, numero, pondere ac motu urgent & augent, & per laxatas, extensasque renales glandulas uberrima urinarum separatione excernuntur; cum vero semper continua aeris quantitas numero, pondere ac motu excipitur in massa sanguinis, hæc quoque continuo una cum sero per renales glandulas fluxura erit. Non rarum ultro est a *longa Diarrhœa* torqueri ægros, ut excretiones longe superent quantitatem ac pondus cibi & potus, quibus vesci solent. Hujusmodi diarrhœæ non semper ab *asymmetria humorum*, sed potissimum ab aeris particulis non intime, non perfecte commixtis cum reliquis, ac singulis massæ sanguineæ componentibus elementis generari solent; hæ nimirum aeris moles cum inter se uniti, colligi ac tangentes inter se fieri nimis possint ac densari, momento suo elastico intestina undequaque sollicitant ac stimulant, quæ stimulantia frequentissimis distractionis & contractionis motibus oscillando, copiosius serum ab intestinalibus glandulis exprimunt, sicque unione facta cum separatis corporibus numero, pondere ac motu longas diarrhœas sustinent ac promovent. Hæc, quæ de aere & de momento ejusdem exposuimus non nova, neque improbabilia iis videbuntur, qui aeris momenta & actiones in fluidis, quibus miscentur, mechanica ratione cognoverint, cum apertum sit sedulo cogitantibus, plurima morborum & actionum phænomena animali evenire ob incomprehensibile elastici aeris ministerium. Interim hoc unum addo, me Lectoribus tædio esse futurum, si universa febrium intermittentium genera, si singula horum symptomata expendere, cum ab iis, quæ huc usque dicta sunt, omnia, quæ supersunt, exsolvi & explicari facile possint.

DISSERTATIO III.

De Febris Continuis.

Sæpissime intermittentes febres ablata, aut enervata densitate, crassitie ac momento filamentorum massæ sanguinis, nec non corporum inertium, cum excessu momentorum corporum elasticorum habentium rationem majoris inæqualitatis respectu ad momenta corporum inertium, in *Continuas Febres* & aliquando in *Malignas* mutari facillime poterunt. Sæpe tamen primo insultu febrium irruunt continuæ, & graviore aliquando culpa malignæ febres ægros enecant; Quotiescunque aliquam ob causam, vel externam, vel internam, sive mixtam quantitates & vires elasticæ corporum elasticorum numero ac motu seu momento reliquas particulas inertes, seu non elasticas superaverint, ut non solo nisu elastico inter se, sed concepto impetu agant vi, aut momento cujuscunque causæ externæ, aut internæ, aut mixtæ contra inertes particulas, & contra momenta distractionis & contractionis vasotum, aliorumque solidorum conspirantium, tunc febres continuæ sine frigore erunt orituræ; cum enim hic filamenta sanguinis & reliqua corpora inertia nullatenus sint, quod attinet ad densitatem, crassitiem & motum reliquis particulis actuosis seu elasticis proportionalia, cumque inertia corpora habeant numero, pondere ac motu rationem minoris inæqualitatis respectu ad momenta corporum elasticorum; præternaturales etenim vires elasticæ corporum elasticorum nullo modo

cohiberi possunt, frangi ac vinci per aliquam temporis differentiam a densitate, crassitie ac momento corporum inertium; proinde sine frigore, sed solo cum calore irruunt febres continuæ: Et sane cum vires vivæ corporum elasticorum in statu naturali inertibus quoque corporibus momenta sua continua actione & reactione elastici contactus communicent, & horum corporum elasticorum vires vivæ sint in ratione composita ex ratione simpla massarum, & ratione duplicata velocitatum (*a*), pariterque cum calor sit ut impressiones particularum corporis calidi in corpore calorem excipiente; istæ autem impressiones sint pariter (per prop. 85. Hermanni) in ratione composita ex duplicata velocitatum, & simpla densitatum seu massarum: manifestum est ex harum rationum æqualitate, aut quasi æqualitate, inter calorem, & vires vivas corporum elasticorum, has quoque cum calore esse copulandas, caloremque naturaliter esse producturas. Verum cum vires vivæ elementorum sanguinis in febribus sint præternaturales, nempe cum gravi excessu velocitatum crescentium in ratione duplicata earundem, futura erit aliquando velocitas sanguinis adeo excedens, ut arteriarum orificia plus evomant temporibus æqualibus quantitatem sanguinis, quam orificia venarum temporibus quoque æqualibus excipere apta sint: proinde quantitates liquorum numero, pondere ac motu nimis effusæ in carniū, membranarum, reliquorumque solidorum spatia, nec opportuno tempore ac proportionali motu a venis exceptæ momento suo auferent, aut saltem enervabunt momenta distractionis & contractionis fibrarum conspirantium motui sanguinis in finitima orificia venarum: retardato motu sanguinis lentescunt elementa ejusdem, & paulatim statuta inflammatione *Febres Inflammatorias* erunt producturæ. Porro hæc vitia ultro emergent, si consideraverimus volumina sanguinis in statu naturali, eademque in statu præternaturalis dilatationis: hæc enim duo volumina cum haberi possint ut solida similia, quæ inter se proportionem habent triplicatam laterum homologorum, erunt porositates, seu interstitia voluminibus interspersa lateribus solidorum homologorum proportionalia, quæ latera cum sint in ratione subtriplicata solidorum, erunt pororum amplitudines, seu particularum sibi invicem proximarum distantia inter se in ratione subtriplicata, seu ut radices cubicæ voluminum sanguinis. Si ergo in statu naturalis dilatationis massæ sanguinis pororum amplitudines fuerint ut unum, in statu vero præternaturalis rarefactionis ejusdem voluminis sanguinis fuerint ut 3. erit volumen sanguinis in statu naturalis dilatationis ad volumen ejusdem in statu præternaturalis dilatationis ut 1. ad 27, seu ut cubus ad cubum; Idem ergo volumen sanguinis, quod in statu naturalis rarefactionis occupaverat spatium cubicum ut unum, in statu præternaturalis dilatationis in febribus erit proxime in arteriis ac venis, cæterisque carniū spatiis 27 spatia cubica occupaturum: cum itaque tot ac tanta volumina cubica præternaturalia sanguinis nimia spatia repleant, nec tam prompte ac facile ab orificiis venarum communicantium excipi possint temporibus æqualibus, quibus volumina hæc tam copiose, ac violenter ab arteriarum orificiis evomuntur, plurima quidem solida cubica sanguinis inter spatia arteriarum evanescentium, & venarum incipientium remanere debebunt numero, pondere ac motu nutritioni partium inepta, nec motui per venas secuturo opportuna: plurima ergo solida cubica in tot spatiis otiose lentescuntia firmabunt inflammationis exordia, febres inflammatorias producturæ.

26. Hæc vitiosa & lentescuntia sanguinis volumina per poros carniū, membranarum, aliorumque spatiorum effusa, si per substantiam hepatis effluant *Hepatitis*; si per lienem, per mesenterium, per capitis membranas irruant, harum partium erysipelata & *Febres Erysipelatosas* graviter afferent; si vero per stomachi substantiam, *Lypirias* febres gravissimo fato trahent. Inflammatoriis autem febribus, lypiriis potissimum, commune est, nervos, membranas, & cætera solida crispate ac convellere; vitium enim hoc esse debuit ex succo nerveo impuro, falsisque particulis

Febres inflammatorias

(a) Per Theorema 42. Vvolffii Mechan. pag. 594.

culis nimis affecto, ex laxata mixtione naturali reciproca elementorum sanguinis falsa corpora moleste agere, & solidorum spatia, quibus aut firmiter, aut lento motu adherent, vasorumque circumferentias, quas undequaque gravi sollicitatione tangunt, moleste sollicitare ac stimulare: crispatis ergo, convulsisque solidorum filamentis momentum contractionis solidorum præpollens sit, supra momentum distractionis eorundem; ex tanta momenti contractionis præpollentia solida cognatur tonico velut motu consistere; ex his fluida qualibet per vasa decurrentia, cum non ab æquabili motu homologo distractionis & contractionis vasorum, aliarumque fibrarum conspirantium non opportune adjuventur, lentescere, & tardo quantumvis continuo febrili motu moveri conabuntur: ibi potissimum in externa videlicet corporis superficie, ubi vasa minima sunt, in quibus fluidorum motus naturaliter minor esse debet; cum vero in canalibus, quorum diametri sunt majores & cordi proximiores, non ea acervari ac cumulari possint filamentorum densitas & crassities, quæ motum sanguinis ea lege tardiores reddant, sensationi frigoris interni producendæ proportionalem, cumque ulterius elastica corpora soluto jam mixtionis naturalis vinculo ob proximi cordis impetum motu continuo semper agant & reagant, hinc in lypitiis exteriora frigere, interiora uri experimur. Cavendum hic, ne a duritie & consistentia pulsuum sanis similium decepti, ægros putemus minima aut nulla febre laborantes, cum febres non tantum a præternaturali velocitate pulsuum; verum etiam a præternaturali tarditate fieri possint; affectiones enim cardiacæ, singultus, vomitus, jactationes continuæ, suspiria, anxietates, respirationes angustæ, & aliquando lachrymæ involuntariæ, molesta membranarum & nervorum sollicitatione ac consensu majora prædicunt mala, quam convulsi pulsus indicare videantur.

27. Inflammatoriis febribus affines sunt febres illæ, quæ a Medicis *Malignæ* appellari solent, ita ut hæc ab illis non natura, sed gradu differre mihi visæ sint; communiter a *Dissolutione* & *Coagulatione* generatas Medici putaverunt; ex Chymicis enim edocti sunt, spiritum nitri & spiritum vitrioli, quorum singuli cum per se innocui sint, si tamen invicem misceantur, tertiam quandam substantiam, quam aquam stygiam dicunt, eminenter ac graviter dissolutivam componere ultro experti sunt; Ita sulfureæ particulæ cum nitrosi, aut vitriolicis corporibus mixtæ tertium quoddam dissolvens compositum arsenicale elaborant, quamvis sejunctim sine culpa operentur. E contra eminenter coagulant aluminosa & vitriolica opere prismatum octaedricorum, aut parallelepipedorum romboideorum, si supra numerum, pondus ac motum sanguineo fluido misceantur. Cum itaque in massa sanguinis corpora fluant diversæ superficiei, molliis, ponderis & figuræ; hæc cum per se actionibus naturæ proficere apta sint, si tamen accidat, misceri aliquando inter se & uniri particulis, quarum unio ac complexus tertiam quandam substantiam elaboret, quæ superficies ac figura venefici corporis figuram ac superficiem construat, non dubitandum, a gravi horum magisterio massam sanguinis aut dissolvi posse, aut coagulari. Cum enim horum momenta, ac vires sint nimis inæqualiter, ac nimis dissimiliter actuosæ contra naturalia momenta, ac vires corporum reciproca ratione miscibilium, efficient hæc præternaturalia corpora contactus & percussiones semper nimium inæquales, dissimiles & asymmetras, usque dum dissolutione facta, aut coagulatione, juxta naturas ac momenta corporum seu elementorum agentium (effectus enim semper suis causis adequatis proportionales sunt) massa sanguinis maligna febre, aut dissoluta corruat, aut coagulata. Hæc tamen febres, quantumvis a dissolutione & coagulatione partiri soleant, nihilominus si harum phaenomena & anomaliam attentissime expendantur, pro potissima causa offerunt plerumque *dissolutionem texture sanguinis graviores, quam in cæteris febrium generibus*, pro effectu vero *coagulationem*; enim vero præter ea, quæ de causis febrium inflammatarum mox a nobis relata sunt, si aliquam ob causam sive internam, sive externam, sive mixtam scindantur nimis, rumpantur, ac lacerentur

filamenta massæ sanguineæ, ut omnino corruat unio & nexus ille, quo componitur reciproca mixtio elementorum; quo nexu pariter elaboratur proportionalis status mixtionis serij cum cæteris quibuscunque elementis elasticis & non elasticis; tunc *Febres malignæ ex dissolutione* fieri arbitrandum est. Verum cum taliter dissoluta textura sanguinis corpora elastica & non elastica esse non possint inter se opportune tangentia ac mixta, corpora quidem elastica non satis, non apte movere poterunt ac urgere inertia corpora, seu non elastica; proinde corpora inertia nullo modo reagere opportune poterunt contra corpora elastica, ut exigit naturalis & æquabilis actio & reactio corporum inter se reciproce miscibilium; ob id ex omnimoda inæqualitate corporum inter se incidentium quocumque tempore semper inæquales ac dissimiles fient anguli incidentiæ cum angulis reflexionum eorundem; proinde cum corpora elastica nimis præpollentia corporibus non elasticis misceri nullo modo reciproca ratione possint, elastica corpora a non elasticis præpollentia momentorum separari continuo conabuntur: inertia inde corpora ab elasticis paulatim sejuncta nimis inter se unientur, hoc autem amplexu graviora reddita lentescunt, majoremque elasticis corporibus resistantiam ferent, aut ex nimio inter se contactu corporum, fient minimi, aut nulli anguli incidentiæ & reflexionis; quapropter aut inæquales & dissimiles semper evenient corporum impactorum & retropulsorum velocitates, aut penè nullæ; proinde diversa & dissimilia semper momenta, aut nulla contingere necesse erit: inertia ergo corpora, aut non opportune, aut lente mota, & omnimoda inæqualitate percussa, nec cum elasticis apte mixta, retardare motum, ac lentescere coacta erunt. Id si eveniat in sinibus menyngeis, aut in præcipuis spatiis membranarum, carniarum, aliarumque intercapedinum gravi naturæ damno erit futurum; En ergo a *Causa dissolutionis*, sequens *effectus coagulationis* in aliqua parte. Opera igitur dissolutionis texture sanguinis pulsus sunt languidi & enerves, ex nervorum sæpissime, vasorumque paralyti, vigiliæ, stillæ sanguinis e naribus, diarrhœæ, dysentericæ; cum vero tam gravis sanguinis dissolutio id fecerit, ut hinc inde coagulationem sanguinis produxerit, eo tempore fient quidem pulsus duri & convulsi, phrenitides, affectiones lethargicæ, linguæ aridæ & siccæ, aliquorum membrorum convulsiones &c. & in utraque morbi differentia periculæ, urinæ confusæ ac turbidæ in conspectum se offerent. Fateamur tamen, aliquando ex paralyti vasorum, ex imminutis nimium viribus corporum elasticorum cum adaucta supra modum inertia, densitate, crassitie ac pondere filamentorum, & corporum non elasticorum malignas febres ex coagulatione, non tanquam ab effectu antecedentis dissolutionis, sed tanquam a primaria causa ob numerum particularum vitriolicarum, aut aluminosarum, præter ea quæ modo diximus, dominantium, esse pariter orituræ; denique advertendum, malignas febres cujuscunque generis, aut debiliores, aut fortiores futuras esse juxta vires ac momenta causarum (aeris potissimum arsenicalibus particulis permixti) diversimode agentium in massa sanguinis.

28. Remanet hectica febris inter continuas deterior, licet minor cæteris esse videatur. Hæc plerumque ab intermittentibus febribus, vel a continuis, vel male curatis, vel nimium productis: pariterque ab obstructionibus viscerum, inertia, aut pravitate succi nervei cum naturali potissimum pulmonarium solidorum laxitate & tenuitate oriri solet; nimius enim sudor in febribus continuis & intermittentibus, nimia urinarum copia, aut diarrhœa, aut dysenteria &c. filamenta crassamenti sanguinei enervant, quibus laxatis & enervatis evolvant & deperduntur elastica corpora sulfurea præcipue, cum activiora & mobilia sint cæteris, ut oleosæ urinarum guttulæ indicant: hisce ergo corporibus balsamicis depauperata massa sanguinis cogitur cum pulsu debili acceleri inepte, lente & ægre misceri, minutoque febrili motu agitari; porro falsa corpora numero, pondere ac momento activiora, nec ab oleosis sulfurum superficiebus juxta reciproca mixtionis rationem opportune involuta, ac lenita,


nita, circa proprios axes continuo rotando angulosis superficiebus filamentis crassamenti sanguinei alte erodunt ac lacerant: Serum ulterius tot salibus ferax ab asperæ arteriæ glandulis, & a lymphaticis continuo fluens in pulmonaria spatia, hæc continue sollicitando ac stimulando molestam tussim producit; quinimo sæpe, ac sæpius a numero, pondere ac momento serositatum falsarum continuo fluentium in pulmones, erosa pulmonum filamenta cum respiratione difficili insanabile ulcus afferunt; Seri quoque falsi copia, & attrita jam filamenta sanguinis, utraque opportuna mixtioni inepta, nec apta, nutritioni accommoda immodicis sudoribus exeunt, usque dum deficientibus balsamico sulfure, ac dulci fero medullæ ipsæ ossium, muscoli, carnes, & cutis ipsa vitæ resolutione arescant.

29. Cum in febribus molestissima sitis ægros fere semper torquere soleat, hac data loci opportunitate non spernendum consilium est, rationem & qualitatem potus expendere, ne ægri qualitate & quantitate decepti ingravescant: hoc ultro necessarium putavi, cum nonnulli celeberrimi viri copiosæ & frigidissimæ aquæ potum consulere audacter voluerint, quibus celeberrimus Vallisnerius præceptor meus tanta ratione, doctrina & practico experimentis obstitit, ut nil melius, nil fortius dici possit; Cum tanto itaque præceptore pauca, sed opportuna dicere animus est, ut copiosæ frigidissimæ potionis damna, nec non beneficia potus calidi innotescent. Primo itaque fluida frigidissima & copiosa vi *ponderis* alte premunt stomachi fundum; vi autem *frigoris* fibræ stomachi contrahuntur ac crispantur, ut num. 6. *Mechan. Solidor.* satis ostensum est, & ultro stomachi spatium minori superficie circumscribi tenetur: cum vero subitanæ pressiones & contractiones fibrarum, seu momenta contractionum præpollentia auferant aut saltem imminuant momenta distractionum earundem, nulla quidem, aut iners fiet actio oscillatoria filamentorum stomachi, quæ ultro communicata sanguini per venas & arterias stomachicas motum hujus vel imminuet, aut tollet, & sæpe, ac sæpius ab imminuto, aut ablato motu parta inflammatione lypiria elaboratur. Secundo, a pressione & frigore ingestarum potionum succi dissolventes a glandulis ventriculi separandi, parta glandularum inertia, quodammodo stagnant, immo impediunt, ne novi dissolventes succi opportune separati necessariam ciborum solutionem promoveant, quinimo peristaltico motu ventriculi, aut imminuto, aut læso non ultro promoventur ingesta, sed diutius retenta acescent, & corrumpuntur dolore stomachi molestissimo. Tertio, in frigidissimis potionibus particulæ aeris contentæ, nec non in cibis & potionibus, & hæ in ventriculo contractæ collectæ,

durante frigoris momento, ab hoc compressæ fiunt, & contrahuntur in minora volumina; paulatim vero a calore viscerum circumscribentium coguntur expulso frigore quamproxime rarefieri in ratione composita densitatum aeris, densitate corporum calidorum agentium, & ex duplicata ratione agitationis corporum eorundem; cum vero vires elasticæ aeris quaquaversus expandi debeant, manifestum est ex tam adauctis rarefactionum viribus, summo nisu ac momento membranosos ventriculi parietes, jamjam contractos per quamcunque directionem arietandos ac percutiendos fuisse, ut dolores ac tormina, & convulsiones aliquando acerrimæ superveniant: ab hisce doloribus ac torminibus ultro augetur fibrarum contractio, impeditoque, aut imminuto per gastricas venas ac arterias sanguinis circulo facillime supervenire lypiriam necesse est. Quarto, contractis stomachi fibrillis, & nimis refrigeratæ ventriculi superficie, hepatis quoque superficies partim contactu, partim consensu contrahitur & frigescit; ob id glandulæ hepaticæ lentiori motu agentes separationi corporum ægre obediunt, & obstructæ tumores, scirrhus, inflammationes facile generant; proinde praxi medica experti sumus in febrili frigoris accessione, aquam quantumvis non frigidissimam incaute nimis epotam obstructiones in visceribus stomacho adjacentibus, aut consentientibus facillime attulisse; ex similibus enim potionibus contractis ventriculi membranis, & consensu fibrarum, membranarumque conspirantium communicata contractione glandulis viscerum adjacentium, hepatis videlicet, lienis, omenti & mesenterii &c.; hæ pari lege contractæ, crispatæque non ea momenta distractionis & contractionis naturalia exercere possunt opportuna æquis motibus, justisque separationibus fluidorum; quamobrem homogeneæ fluidorum particulæ cum heterogeneis commixtæ, ac confusæ in glandulis viscerum, aut lente separantur, aut consistent, ut gravissimis tumoribus indurescant.

30. Hisce itaque vitiis fluidorum & solidorum reparandis celeberrimus Vallisnerius moderate calidorum aut tepescentium fluidorum usum sapienter consuluit, quorum opera momenta distractionis & contractionis fibrarum omnium in ratione homologa agunt & reagent, promoventur separationes corporum, sanguinis circulus sustinetur, & universale stomachi magisterium roboratur. Fatetur tamen immortalis famæ præceptor, aliquando frigidissimas potiones concedi posse, dummodo ætas, temperies & calidissima temporis & morbi constitutio permittant; sed caute, opportunis temporibus morbi, & debita quantitate, ac pondere tam grave suspectumque negotium agendum esse, utilissimo tractatu edocuit. Imposterum *Mechanices Remediorum* studio ac labore exaratæ, Deo juvante, viam aperiemus.

Finis Mechanices Morborum.



MECHANICA MEDICAMENTORUM.

BENEVOLIS MEDICINÆ TYRONIBUS.



Andem aliquando, Lectores benevoli, in quarta Pars Mechanices, quam *Mechanicam Medicamentorum* appello. Nollem hic vos arbitrari, me elaboravisse analysim medicamentorum, aut collegisse scelestiores remediorum formulas, quas gloriosiores Clinici usu, & praxi approbaverint; etenim in medica facultate æqua analysis corporum desiderari solum potest, non obtineri, quam tamen si in aliquibus lignis, herbis, & mineralibus intelligere velitis, suo loco exponentur, in reliquis usque adhuc frustra ab igne, & ab arte laboratum est: Quo vero ad scelestiores formulas remediorum attinet, has ultro habebitis in celeberrimis pharmacopeis, quibus nunc Respublica medica locupletata est, Nostrum ergo Mechanici laboris institutum erit, quantum probabilior ratio postulat, explicare; quo Mechanico opere Medicamenta agant, & reagant contra fibras machinæ animalis, a quorum diversis actionibus, & reactionibus consequi debeant diversæ oscillationes organorum, & variæ separationes humorum ipsis actionibus, & reactionibus Medicamentorum, & fibrarum proportionales beneficio, aut damno machinæ humanæ. Utinam in tam arduo Mechanices Medicamentorum argumento vota vestra, & nostra obtinere possemus, profecto id nobis gratissimum, ac jucundissimum laboris præmium esset futurum: Cæterum si deficeremus, enixe rogamus, & obsecramus, ut hisce brevibus, & levibus præeuntibus doctrinis majora, & utiliora ventis addere, & edocere. Antequam legatis ea, quæ exposita sunt, placeat legere paginas correctionis; in hisce enim habentur nonnulla præmittenda, observanda, & corrigenda. Valete.

DE MECHANICA MEDICAMENTORUM.



UM de *Mechanica Medicamentorum* verba facere diu animus esset, dicendarum rerum gravitate perterritus, quasi ab hac salebrosa provincia declinare decreveram; Verum in hac re cogitanti occurrit me exercitii, ac studii gratia *Mechanicam Morborum* adumbravisse, quæ cum necessariam etiam remediorum mechanicam postularer, tandem aliquando studii pariter, ac exercitii gratia coactus esse debueram hanc quoque *Medicamentorum Mechanicam* adumbrare.

Scio quidem medicamenta præeuntibus ratione, & experientia eligenda esse morborum indicationibus proportionalia; electa autem cum fuerint, & applicata ægrotantibus, arduum quidem esse intelligere, quomodo agant, & reagant in organa machinæ animalis: Quamvis autem negotium hoc plenum ambagibus esse videam, nihilominus juxta virium tenuitatem conabor de actionibus, & reactionibus, seu viribus medicamentorum disputare, si non vera, saltem probabiliora assecuturus. Pro hoc itaque argumento claritas materiæ postulat, ut nonnullæ suppositiones præmittantur, quæ aut veræ, aut verisimiles a Philosophis, ac Medicis ratione, & experientia præeuntibus haberi solent.

SUPPOSITIO I.

OMnia principia fluidorum animalis potissimum in massa sanguinis, quæ lato modo elementa etiam dici possunt, alia sunt *actuosa*, & *elastica*, alia vero sunt *inertia*, & *non elastica*; inter actuosa, & elastica numeramus particulas aereas, sulphureas, & globulos plano-ovales; inter vero non elastica, & inertia numeramus aquam, salia cujuscunque generis, & terras damnatas (si quæ fuerint,) ut in tertiæ parte Mechanices Morborum num. 3. indicavimus.

SUPPOSITIO II.

EX datis Anatomicis certi sumus, fibras animalium esse partes primo simplicissimas instar filii tenuissimi; ex hisce autem simplicissimis fibris efformari alias magis compositas, quarum aliæ sunt carneæ, aliæ membranosæ, aliæ tendinosæ, aliæ nervæ &c., quæ varia figura donatæ sunt; aliæ enim sunt rectæ, aliæ obliquæ, aliæ curvæ, aliæ spirales &c.

SUPPOSITIO III.

CUM fibræ compositæ ab effectis cognoscantur elaboratæ, aut undequaque permixtæ ex canaliculis varii generis venosis, arteriosis, lymphaticis, & nerveis; vel ex unione, & contactu fibrarum inter se tangentium elaborantur canales varii generis; cum.

cumque ulterius constat varia esse fluida sanguinea, lymphatica, & nervea; ideo supponimus hujusmodi fibras esse repletas fluidis variæ indolis, a quibus fibræ irrigantur, nutriuntur, crescunt, conservantur, & moventur.

SUPPOSITIO IV.

Cum fibræ compositz efformentur ex multiplici unione, contactu, & aggregato aliarum texturæ, mole, figura similium, & dissimilium, quæ tamen omnes una conveniunt in formatione unius compositi fibrosi; ideo tale compositum fibrosum considerabimus cum Philosophis, Medicis, Anatomicis, ac Mechanicis, ut solidum cylindricum, aut quasi cylindricum suis fluidis opportune repletum. Ita assumit celeberrimus Joannes Alphonfus Borellus prop. 71. secundi tom. *de motu animalium*, arterias, & venas consideratis excessu, & defectu earundem esse cylindricas. Hisce præmissis dicendarum rerum gratia liceat sequentes propositiones physico-mechanicas addere, ut istarum beneficio dicenda probabiliori ratione statuatur.

PROPOSITIO I.

SI fibra percussa, aut impulsæ a potentia distrahatur, & elongetur; distractio seu elongatio fibræ erit ut potentia percussans, aut impellens.

Etenim distractio, seu elongatio fibræ est physice proportionalis numeris molecularum ductis in motum distractionis, seu elongationis ejusdem: sed fibra percussa, aut impulsæ a potentia est physice æqualis, & proportionalis numero particularum ducto in summam motuum distractionis, seu elongationis fibræ ipsius, quæ a potentia ipsi imprimatur; ergo si fibra percussa, aut impulsæ a potentia distrahatur, & elongetur; distractio, seu elongatio fibræ erit ut potentia percussans, aut impellens.

Corollarium.

Cum in statu naturali distractioni, seu elongationi fibræ factæ a potentia percussante, aut impellente æqualis, & proportionalis esse debeat contractio, seu abbreviatio subsequens ejusdem; ideo contractio, seu abbreviatio fibræ, & restitutio ad suum statum naturalem post distractionem erit quoque ut potentia, quæ antea fibræ distraherat: natura enim cum velit perfectionem suarum actionum, & reactionum; ideo jure suo semper amat æquilibrium suorum motuum distractionis, & contractionis fibrarum earundem.

PROPOSITIO II.

SI fibræ fuerint crassitie æquales, sed longitudine inæquales, istæ autem percussæ a potentiis æqualibus distrahantur, seu elongentur, distractiones fibrarum erunt in ratione longitudinum, seu elongationum ipsarum.

Etenim distractiones, seu elongationes sunt physice proportionales numeris particularum ductis in motus distentionum, seu elongationum earundem: sed fibræ crassitie æquales, sed longitudine inæquales motæ, aut percussæ ab æqualibus potentiis impellentibus sunt physice, ut numeri particularum fibras componentium ducti in summam motuum distentionum, seu elongationum inæqualium fibrarum ipsarum; ergo fibræ crassitie æquales, sed inæquales longitudine motæ, aut percussæ ab æqualibus potentiis erunt in ratione longitudinum, seu elongationum ipsarum.

Aliter. Fibræ crassitie æquales, sed inæquales longitudine sunt ut cylindri (per Suppositionem quart.) æqualium basium, inæqualium vero altitudinum, seu elongationum percussi a potentiis æqualibus: sed cylindri æqualium basium, longitudinum vero inæqualium sunt (per 14. 12. Eucl.) ut altitudines, seu longitudines, & elongationes eorundem; ergo fibræ crassitie æquales, sed longitudine inæquales motæ, aut impulsæ a potentiis æqualibus, erunt in ratione longitudinum, seu elongationum ipsarum.

Corollarium.

Cum in statu naturali, per corollarium primæ propositionis, distractioni, elongationi, seu longitudini

fibrarum esse debeat admissim æqualis, & proportionalis contractio, seu abbreviatio ipsarum; ideo si fibræ distractæ a potentiis æqualibus fuerint crassitie æquales, sed longitudine inæquales, contractiones, seu abbreviationes ipsarum post distractiones erunt in ratione longitudinum, seu elongationum fibrarum earundem.

PROPOSITIO III.

SI fibræ fuerint crassitie inæquales, longitudine vero æquales, istæ autem distrahantur, & elongentur æqualiter a potentiis æqualibus, distractiones, seu elongationes erunt in ratione crassitierum, seu basium fibrarum, seu in duplicata ratione diametrorum crassitierum, seu basium earundem.

Fibræ enim crassitie inæquales, longitudine vero æquales, si elongentur, & distrahantur æqualiter quoad longitudinem a potentiis æqualibus, sunt ut solida cylindrica (per Suppositionem quartam) longitudine æqualia, crassitiibus vero, seu basibus inæqualia: sed cylindri longitudine æquales, crassitiibus vero, seu basibus inæquales se habent ut bases (per corollarium prop. XI. 12. Eucl. Tacquet;) ergo fibræ: quæ motæ, ac percussæ a potentiis æqualibus distrahantur, & elongentur æqualiter quoad longitudinem, erunt inter se ut crassities, seu bases ipsarum: sed bases cylindrorum sunt circuli, & hi per secund. prop. 12. Euclidis, sunt in ratione duplicata diametrorum; ergo bases, seu crassities fibrarum cylindricarum æqualiter distractarum, seu elongatarum a potentiis æqualibus, quæ fuerint longitudine æquales, crassitiibus vero, seu basibus inæquales habebunt distractiones, seu elongationes earum in ratione duplicata diametrorum crassitierum, seu basium earundem.

Corollarium.

Si fibræ crassitie inæquales, æquales vero fuerint longitudine, distractæ autem, & elongatæ fuerint a potentiis æqualibus; contractiones ipsarum post distractiones erunt quoque in statu naturali in ratione crassitierum, seu basium, seu in ratione duplicata diametrorum crassitierum, seu basium earundem.

PROPOSITIO IV.

Fibra distracta & elongata a potentia impellente, aut percussante ad eandem fibræ non distractam, est in ratione composita ex ratione directæ potentiæ impellentis, aut percussantis, directæ longitudinis fibræ distractæ ad eandem fibræ non distractam, & reciproca ratione crassitie ejusdem fibræ non distractæ ad fibræ eandem distractam.

Sit enim fibra cylindrica KCM in statu naturalis longitudinis, cujus crassities, seu basis sit KCO, longitudo KM; hæc autem fibra a potentia A impellente impellatur, aut percussatur, ita ut distracta elongetur, & efficiat fibræ cylindricam VGN, cujus basis, seu crassities sit VGS, longitudo VN, dico quod distractio, seu elongatio fibræ VGN facta a potentia A impellente ad eandem fibræ KCM non distractam, est in ratione composita ex ratione directæ potentiæ A impellentis, seu percussantis, directæ longitudinis VN fibræ distractæ VGN ad longitudinem KM non distractæ, & ex ratione reciproca crassitie, seu basis KCO fibræ non distractæ KCM, ad crassitiem, seu basim VGS fibræ VGN distractæ.

Etenim cum fibra cylindrica KCM in statu naturalis longitudinis sit ipsamet ex hypothesi, quæ a potentia A impellente, aut percussante elongatur, & distrahitur in fibræ cylindricam VGN, erunt istæ duæ fibræ cylindricæ KCM, VGN ut duo cylindri æquales, sed cylindri æquales (per 15. 12. Eucl.) reciprocant bases, & altitudines; ergo ita erit longitudo MK cylindri KCM non distracti, ad longitudinem VN cylindri distracti VGN a potentia A, ut reciproce est basis, seu crassities VGS ejusdem fibræ cylindricæ VGN distractæ ad basim, seu crassitiem KCO fibræ cylindricæ non distractæ KCM: sed longitudo VN fibræ elongatæ, & distractæ VGN est ut potentia A impellens (per primam prop. hujus)

Cylindri autem KCM, & VGN æquales componuntur reciproce ex his, ex quibus per multiplicationem efficiuntur per expositam xv. prop. 12. Euclidis; ergo
fibra

fibra cylindrica VGN distracta, & elongata a potentia A impellente, aut percutiente ad eandem fibræ cylindricam KCM non distractam, sed in naturali statu constitutam est ratione composita ex ratione directæ potentie A impellentis, aut percutientis, directæ longitudinis VN fibræ distractæ VGN ad longitudinem KM fibræ non distractæ KCM, & reciproca ratione basis, seu crassitie KCO fibræ non distractæ ad basim, seu crassitiem VGS fibræ distractæ, & elongatæ a potentia A. Q. E. D.

DISSERTATIO I.

De Motu elastico, seu oscillatorio Fibrarum in genere.

CUM fibræ compositæ sint elaboratæ ex multiplici unione, & aggregato fibrillarum, & vasorum cujuscunque generis, in quibus continentur, & fluunt fluida sanguinea, lymphatica, & nervea, cumque hæc donata sint particulis elasticis, & non elasticis, (per primam Supposit.) , ergo necessario hæc fluida elatere prædita communicare debent motum elasticum, aut quasi elasticum fibris ipsis circumscribentibus fluida ipsa; Etenim ex mechanicis effectus sunt causis suis adæquatis proportionales; sed fluida contenta fluentia per fibras elasticæ sunt causæ, quæ agunt, & reagent in fibris, & in fibras circumscriptas, seu continentes; ergo effectus, seu impetus communicati fibris continentibus elastici, aut quasi elastici erunt futuri. Cum autem motus elasticus, aut quasi elasticus postulet jure suo motum compressionis, seu contractionis, cui vicissim respondet proportionalis motus dilatationis, seu distractionis, per definitionem 48. Vvolffii de motu corporum ex percussione; ergo motus elasticus fibrarum erit motui compressionis, seu contractionis, & vicissim motui dilatationis, seu distractionis eandem proportionalis, seu sub alio nomine æquipollens erit, & similis motui oscillatorio eandem, ut colligitur ex definitione 34. Vvolffii de motu pendulorum.

2. Tanto itaque operi elastico, aut quasi elastico, sive oscillatorio, aut quasi oscillatorio fibrarum conspirat ipsamet naturalis structura, & organica constitutio ipsarum; fibræ enim compositæ elaborantur ex fibrillis, quarum aliæ sunt circulares, aliæ rectæ, & inter se parallelæ, quæ circulares secant ad angulos rectos (per secundam Suppositionem); nonnullæ aliæ obliquæ, quæ priores ad angulos obliquos interfecant, denique aliæ sunt spirales, quæ fortitudinis gratia fibras omnes circumligant. Cum itaque fibræ universæ tam a motibus internis, quam ab externis objectorum, nec non a progressivis viventium animalium impelli, ac moveri, & diversimode inflecti necessario debeant; ideo fibræ universæ juxta varias directiones, flexiones, & inflexiones, cum multiplices efficiant angulos, variasque curvaturas acquirant, futuræ erunt in continua mutatione angulorum, & curvaturarum, acquirendo modo majores, modo minores, modo æquales angulorum, & curvaturarum mensuras. Verum cum majoribus angulis fibræ oppositæ, quæ se habent, ut opposita latera angulorum magis distractæ, & elongatæ fiant, ideo cum ad ultimum terminum suæ naturalis distractionis pervenerint, conabuntur in statu naturali constitutæ ad naturalem contractionis statum, seu ad naturales suos angulos sese restituere. Istæ autem distractiones, & proportionales contractiones fibrarum cum successiva vicissitudine angulorum modo majorum, modo minorum fieri debeant, profecto exercere debent successivas actiones, & reactiones similes, & æquales actionibus distractionum, & reactionibus contractionum fibrarum simili lege corporum elasticorum, & oscillantium methodo pendulorum.

3. Similiter si anguli fuerint minores, tunc fibræ eadem oppositæ, quæ se habent ut latera opposita angulorum, contractæ reddentur, & abbreviatæ; etenim fibræ universæ suis donantur porositatibus, spatiolis, sive arcibus intermediis, quæ cum stringi, ac claudi possint; ideo opportunum contractioni lo-

cum dabunt, quotiescunque fibræ minoribus angulis oppositæ contrahi teneantur. Cum autem momentum contractionis tale fuerit, ut clausis porulis, ac spatiis fibrarum fibræ contractæ devenerint ad ultimum terminum suæ contractionis, tunc cum amplius contrahi non possint fibræ elasticæ, coactæ erunt in statu naturali constitutæ ad naturalem suæ distractionis statum, seu ad majores angulos rursus se se restituere; quæ contractiones fibrarum & proportionales distractiones ipsarum cum successiva vicissitudine motuum fieri debeant; ideo sequi debent successive reactiones contractionum proportionales actionibus distractionum fibrarum simili lege corporum elasticorum, & oscillantium methodo pendulorum.

4. Quod autem fibræ contractæ restrictis, & clausis porulis, ac spatiis fibrarum cum pervenerint ad ultimum terminum suæ elasticæ contractionis, coactæ sint ad naturalem suæ elasticæ distractionis statum se se restituere; pariterque fibræ eadem distractæ cum pervenerint ad ultimum terminum suæ elasticæ distractionis, coactæ sint naturalem statum suæ elasticæ contractionis repetere, constare videtur primo a natura ac lege corporum elasticorum, quæ quanto compressionem patiuntur, tanto acquirunt dilatationis, & distractionis; deinde certum est quod fibra contracta ad ultimum terminum suæ elasticæ contractionis, & eadem fibra cum distracta fuerit ad ultimum terminum suæ elasticæ distractionis, se habent ut duo cylindri æquales; sed cylindri æquales reciprocant bases, & altitudines (per 15. 12. Euclidis); ergo fibræ elasticæ contractæ quanto erit minor longitudine, seu altitudine, eo mole, & crassitie erit major; & eadem fibra cum elasticæ distracta fuerit, quanto fiet mole, & crassitie minor, tanto fiet major longitudine; quare ita erit major moles fibræ contractæ ad minorem molem ejusdem fibræ distractæ, ut reciproce est major longitudo hujus fibræ distractæ, ad minorem longitudinem ejusdem fibræ contractæ, consequenter patebit ex geometricis fibræ elasticæ contractam oppositam angulis minoribus, sed mole majori redditam, hanc mole & crassitie adauctam elatere suo comprimere debere fibras sibi proximas, tangentes, & e directo oppositas, & ab iisdem proportionaliter urgeri, & elasticæ comprimi; quamobrem cum hæc fibra contracta perventa fuerit ad ultimum terminum suæ elasticæ contractionis, & majorem molem, ac crassitiem acquisiverit, tunc hæc coacta erit ab ultimo termino suæ elasticæ contractionis transire postmodum ad naturalem statum suæ elasticæ distractionis, non solum beneficio elateris sui, verum etiam opere, & vi externa fibrarum adjacantium, tangentium, & e directo oppositarum adauctas moles, & crassities fibrarum elasticæ comprimantium.

5. Similiter cum fibra hæc elongata, & opposita majoribus angulis elasticæ pervenerit ad ultimum terminum suæ naturalis longitudinis, tunc cum hæc elasticum conatum, & impulsu fecerit in fibras sibi proximas, tangentes, & oppositas basibus cylindrorum, & ab iisdem proportionaliter elasticæ urgeatur, & comprimatur, coacta erit non solum beneficio elateris sui, verum etiam opere, & vi externa fibrarum tangentium, & oppositarum basibus cylindrorum transire ab ultimo termino suæ elasticæ distractionis ad naturalem statum suæ elasticæ contractionis.

6. Favet ulterius motui elastico, & oscillatorio fibrarum animadversio Borelli prop. 70. de vi percussione, in qua demonstratur, quod in fibris universis quanto in inflexionibus, & curvaturis fibrarum superficies convexæ augentur, & crescent, tanto superficies in parte concava stringuntur, contrahuntur, & clauduntur; quamobrem cum fibræ internæ in parte concava redditæ fuerint adeo strictæ, & angustæ, ut ad ultimum terminum suæ contractionis, & compressionis devenerint, cogentur & opere elateris, & fibrarum constrictarum ad naturalem statum suæ elasticæ distractionis se se restituere; hinc hæc successiva vicissitudine motuum constrictionis, & dilatationis superficierum in parte convexa, & concava, eadem sequi debent phænomena, quæ exposuimus opere majorum, aut minorum angulorum.

7. Hæc ultro ostenduntur ab elasticis machinulis rhom-

rhomboidalibus, cum celeberrimo Borello; aut sphaeroidalibus, cum immortalis famæ Bernoullio, quibus compositæ fibræ in flexionibus, & inflexionibus, in curvitatibus, & reliquis motibus animalium machinulæ istæ elasticæ comprimantur, & elastico nisu proportionaliter debeant dilatari, profecto hæc elasticum, & oscillatorium fibrarum motum omnino patefacient.

8. Denique satis superque hunc elasticum, & oscillatorium fibrarum motum ab experimentis ipsis educit Bellinus prop. 1. de villo contractili scribens, *per totum tempus quo animalia vivunt sive in aquis, sive in aere, sive in solo degant, vi contractionis, & distractionis aguntur ipsorum musculi, ipsorumque partes sentientes*. Et sane fateor me summa cum admiratione observavisse in bove, cui recenter abscissum fuerat collum, universas colli fibrillas continuo & successivo motu contractionis, & distractionis oscillavisse, ita ut huiusmodi elasticæ oscillationes secundum distractionem, & successivam contractionem per horam circiter manifestissime perduraverint.

9. Ab his ergo quæ hic dicta sunt, & quæ secunda parte *Mechanices Morborum* a num. 4. usque ad num. 8. enunciata fuerunt, colligere jure ac merito possumus modum elasticum, seu oscillatorium fibrarum esse radicem, ac causam motus peristaltici intestinorum. Animadvertendum inde est, hunc motum oscillatorium in aliquibus fibris esse majorem, ut in fibris intestinalibus, in aliquibus minorem; in aliquibus vero minimum juxta majores, aut minores, aut minimas angulorum, aut superficierum mensuras, & impetum majorem, aut minorem fluidorum, & corporum impellentium. Quamobrem scitote ex naturæ legibus amantis æquabilitatem, & proportionem motuum tam in fluidis, quam in solidis, in statu naturali singulas fibrarum oscillationes aut majores, aut minores, aut minimas, semper juxta suam naturam, evenire isochronas, & æquabiles; hinc si diaphana effemus corpora, profecto admirando, & jucundo spectaculo videremus fibras universas vario oscillationum gradu abbreviari, & elongari magis, aut minus juxta majorem, aut minorem quantitatem fluidorum agentium, & reagentium, & juxta majorem, aut minorem vim, & sollicitationem corporum interiorum, aut exteriorum, aut utrorumque contra fibras; servata semper juxta suos gradus motuum æquabilitate.

10. Ultimo colligere possumus fibras cujuscunque generis, quæ vel vasa componunt, vel se habent ut vasa æquabilibus, & isochronis suis oscillationibus semper promovere & impellere æqualia fluida, temporibus quoque æqualibus per has fibras transeuntia, ita ut in statu naturali nulla fluidi transeuntis portio detineri debeat, præter illam minimam, quæ nutritioni inservit, sed tota transiens æqualiter, & isochrone promoveatur ulterius temporibus æqualibus operibus naturæ famulatura.

DISSERTATIO II.

In quo consistat Sanitas, & Aegritudo.

11. **C**UM natura sit sapientissima geometra omnia disponens numero, pondere, mole, figura, motu, & tempore, necessarium erat ipsam quoque amare voluisse proportionem in quibuscunque physicis operibus machinæ animalium secundum numerum, pondus, molem, figuram, motum, & tempus. Fateor hic me a rigore geometricæ proportionis præscindere, eam tantummodo proportionem intelligens, quæ cum aliqua latitudine servet tamen unitatem compositi; cum ergo in proportionem nitatur unitas, & ordo naturalis compositionis tam in fluidis, quam in solidis, cumque proportio æqualitatis, aut quasi æqualitatis momentorum corporum componentium potissimum sit illa, quæ primario inserviat, & conferat majori, & perfectiori nexui, unitati, & ordini pro acquirendo æquilibrio, aut quasi æquilibrio corporum inter se gratia valetudinis obtinendæ, & conservandæ; ideo in præsentis operæ pretium erit, ut Physico licet, considerare quomodo obtineri possit hic necessarius nexus, hæc necessaria unitas, hic necessarius

ordo, seu hoc æquilibrio, aut quasi æquilibrio tam in fluidis, quam in solidis inter se, ut in machina animali opportuna sanitas habeatur, & conservetur. Cum itaque natura geometra totis viribus amet, ac velit sustinere, ac conservare animalia in perfecto sanitatis statu constituta, ideo æquilibrio, aut quasi æquilibrio fluidorum primo firmare decrevit; Quamobrem non tædeat primo expendere fluidum sanguineum, cum hoc sit basis, fons, & origo reliquorum fluidorum, a quibus omnibus universæ actiones vel sanæ, vel ægræ cognoscendæ potissimum sunt, nec non solidorum omnium nutritiones, vires, motus, ac momenta.

12. Apertum est itaque ab experimentis fluidum sanguineum compositum esse ex corporibus similibus, & dissimilibus numero, mole, pondere, & figura, & ex corporibus fibrosis retis in modum dispositis; hoc ergo in limine liceat colligere admirandum naturæ artificium in naturali massæ sanguineæ compositione. Cum natura indigeat in hoc fluido sustinere, & conservare quantum possibile est unionem, & nexum particularum componentium, multiplici artificio, ac opere uti voluit, ac debuit; quorum primum externum est, quod desumitur a canalibus; secundum colligitur a fibrosa, & reticulari compage ejusdem crassamenti sanguinei; tertium a geometrica mixtione, ac dispositione particularum sanguinis in ratione reciproca, aut quasi reciproca ipsarum; quartum denique ab universali aeris circumambientis pressione.

13. Ad primum quod attinet: canales arteriosi cum conicam figuram describere videantur transeundo successive a sectione majori ad minorem, sunt ipsi, qui sanguineum fluidum excipiunt a corde; sanguis itaque a corde impulsus momento quidem maximo, & ratione musculi cordis impellentis, & ratione elastica particularum sanguinis impulsu non unionem, & nexum, sed dissolutionem acquireret summo naturæ periculo, nisi arteriæ conica sub figura elaboratæ unioni, & nexui sanguinis primo succurrerent; & sane cum conicæ arteriæ a basi successive decrescant quoad diametros, & peripherias in ratione arithmetica, sectiones autem sive aræ ipsis diametris respondentes successive decrescant in ratione quadrata suorum diametrorum, manifestum erit, quod si diameter basis arteriæ fuerit ut 10, successive autem decrescant diametri fuerint ut 9, ut 8, ut 7, ut 6, ut 5, ut 4, &c.; sectiones istis diametris successive decrescantibus respondentes futuras esse ex geometricis in ratione quadrata decrescantem videlicet ut 100, ut 81, ut 64, ut 49, ut 36, ut 25, ut 16, &c.; Ex tot autem sectionum, sive arearum decrementis unusquisque intelliget quantum moles sanguinis coacta transire a sectione majori ut 100. ad sectiones successive minores, & decrescantem in ratione, ut indicavimus, quadrata diametrorum ipsis respondentium densari, ac stringi debeat, & in unione, ac nexu detineri, ita ut massa sanguinis successive densior, strictior, & collectior reddenda sit.

14. Neque obstat transitus sanguinis ab arteriis conice decrescantibus in venas, quæ sunt conica spatia successive crescentia in ratione similiter quadrata suorum diametrorum: etenim sanguis ab arteriis delatus in venas in exposita ratione crescentes defertur absque notabili unionis, & naturalis nexus detrimento: omnia enim experimenta in hoc convenire videntur venosum sanguinem multas particulas actuosas, volatiles, & elasticas deperdere in multiplici circulatione, in nutritione partium, & transpiratione, propterea cæteris paribus venosum sanguinem multo minoris momenti esse sanguine arterioso; Hinc natura geometra utens proportionem quantum potest, tantum majoris spatii tribuere debuerat sanguini per venas effluxuro, quantum proxime amiserat virium, & momentorum in circulatione, in nutritione, & transpiratione; jure itaque, ac merito natura consuluit augere in venis tantum spatii, quantum reciproce, aut quasi reciproce deperdiderat sanguinis motus, & elateris, ut sanguis in venis, & beneficio majoris spatii, & valvularum per venas effusarum æquabili cursu, aut quasi æquabili, ac in arteriis, esset circulaturus: Cum ergo æquabilitas motus sanguinis in venis sustineatur, & conservetur, ac in arteriis, colligere jure possu-

possumus unionem, & nexum massæ sanguinis in venis pariter esse conservandum, ac in arteriis pro universali unionem, & nexu fluidi sanguinei in machina animali.

15. Verum si juxta Borellum considerare voluerimus tam arterias, quam venas, ut canales, qui, consideratis excessu, & defectu inter se proportionalibus, apti sunt constituere ordinem, ac legem motuum cylindricis canalibus proportionalem, juxta quartam Suppositionem; profecto cum in tali suppositione æquabilitas, & proportio motuum, & momentorum compositi sanguinei tam in arteriis, quam in venis sustineri debeat, & conservari, nullum certe vitium dissolutionis, sed proportionale quaquaversus beneficium unitatis, nexus, & ordinis sanguinei compositi tam in arteriis, quam in venis erit oriturum.

16. Deinde tantum cordi fuit naturæ sustinere, ac conservare expositam unionem, & nexum particularum sanguinis inter se, ita ut texturam sanguinis amaverit, munitam fibrosis, & reticularibus filamentis: ocularia enim sanguinis experimenta satis superque ostendunt adesse hujusmodi reticulares fibrillas, præter ea quæ attentissime observaverunt celeberrimi viri Boileus, Levenochius, & Malpigijs; Isti itaque fibrarum ordines effusi per longitudinem, & latitudinem compositi sanguinei, & parallelis positionibus dispositi, reticulares figuras describunt unionem, & nexum sanguineis particulis donaturi: Cum vero fibrosum hoc sanguinis crassamentum varias subeat canalium pressiones, varios impetus corporum elasticorum, & non elasticorum, & multiplices vasorum inflexiones, & curvitates, per quas fluere debet, ideo fibrosæ reticulares areæ esse necessario debebunt in continua mutatione angulorum: Quamobrem si istæ areæ fuerint quadratæ ex mutatione angulorum oppositorum rombos describent, ut inde in figuras quadratas restituantur; quod si areæ fuerint quadrilateræ, ex mutationibus pariter angulorum oppositorum evenient romboideæ in quadrilateras postmodum restituendæ.

17. Neque credendum est, has continuas angulorum mutationes in fibris crassamenti sanguinei parere posse divisiones, & dissolutiones corporum componentium, etenim potius unionem, & nexum alte donant; areæ enim reticulares positæ in continua mutatione angulorum ex legibus hysoerimetris successive majores, & minores fiunt; cum vero in transitu majoris areæ ad minorem sequi debeant in particulis elasticis, & non elasticis modo magis, modo minus contentis majores contactus, pressiones, & miscellæ corporum contentorum inter se, ideo non leve beneficium ab hisce mutationibus angulorum erit secutum; & sane natura, cum recte operetur, tali proportionem permiscere debet particulis elasticas, & non elasticas inter se, ita ut evenire debeant momenta corporum massæ sanguinis in ratione æqualitatis, aut quasi æqualitatis: sed hæc æqualitas, aut quasi æqualitas momentorum corporum elasticorum, & non elasticorum inter se similem, & dissimilem neque haberi, neque concipi possunt, nisi elementa componentia ex geometricis tali ordine, ac proportionem misceantur, ita ut hæc proportio sit reciproca, aut quasi reciproca corporum inter se; ergo colligere poterimus, naturam geometram amantem unionem, & nexum elementorum sanguinem componentium in motibus sanguinei compositi tali proportionem reciproca, aut quasi reciproca miscere voluisse ac debuisse elementa elastica, & non elastica massæ sanguinis, ut ab hac reciproca mixtionis methodo momenta corporum elasticorum, & non elasticorum inter se evenirent æqualia, aut quasi æqualia, æquiponderantia, aut quasi æquiponderantia inter se.

18. Quod exposuimus usque adhuc de mixtione elementorum sanguinis in ratione reciproca, aut quasi reciproca, simile dicendum erit de elementis componentibus lympham fluentem per canales lymphaticos, & de componentibus succum nerveum fluentem per nervos, quæ duo fluida cum secernantur a fluido sanguineo tanquam basi fluidorum omnium machinæ animalis, ideo sub iisdem, aut similibus legibus proportionum debent considerari, ut perfecta sanitas habeatur, & conservetur.

19. Denique tanto operi unionis, & nexus elementorum sanguinis alte succurrit universalis, & æquabilis pressio atmospheræ, quæ universa non so-

lum fluida, sed etiam solida quaquaversus, & æquabiliter circumscribens, & comprimens determinatum pressionis momentum producit, unde determinata unio, & nexus tam in fluidis, quam in solidis opportune consequatur.

20. Descendamus modo ad solida organica; solida enim omnia cum in statu naturali constituta conspirare unice debeant ad unitatem, & nexum omnium componentium machinæ animalis sustinendum, & conservandum; idcirco vel mole, vel numero, vel momentis &c. suas vires exercere debent, quæ sint æquipollentes, aut quasi æquipollentes moli, numero, & momentis &c. aliarum partium, quæ sint prioribus partibus similibus respondentes: Cum itaque hæc fuerint, tunc solida inter se æquabilem, aut quasi æquabilem proportionem momentorum habebunt inter se. Ulterius contractiones, & distractiones solidorum ipsorum fient æquabiles, & isochronæ, propterea hujusmodi solida tali proportionem æquabili, aut quasi æquabili constituta communicando impetus, & pressiones canalibus cujuscunque generis æquabiles, & isochronas communicare, & conservare debebunt æquabilem, & isochronum motum fluidis quibuscunque in machina animali; Vicissim cum fluida cujuscunque generis fuerint in naturali statu, ac proportionem æquabili, aut quasi æquabili constituta, hæc proportionales impetus communicare, & ipsa debebunt solidis ipsis continentibus, idcirco cum juxta talem ordinem, ac proportionem sequantur actiones, & reactiones tam fluidorum in solida, quam solidorum in liquida cujuscunque generis; hinc in statu naturali perfectissimæ sanitati tam proportio reciproca, aut quasi reciproca momentorum particularum sanguinis, & fluidorum inter se, quam homologa ratio fluidorum, & solidorum pariter inter se, itemque solidorum unius generis, & solidorum alterius homologa proportio habendæ erunt pro actionum, & reactionum tam in fluidis, quam in solidis æquilibrio, aut quasi æquilibrio acquirendo, & conservando, ut sanitas habeatur, & conservetur. Similes proportionum leges tam in fluidis, quam in solidis putaverim intellexisse Hippocratem, cum libro de alimento docuerit, *consonantiam, & dissonantiam esse sanitatis, & morbi signa*.

21. Quamobrem hisce legibus statuta ratio sanitatis facile hæc alterabitur, aut perdetur, cum vel momenta elementorum sanguinis, aliorumque fluidorum notabiliter declinaverint a proportionem reciproca, aut quasi reciproca ob vitium numeri, aut molis, aut ponderis, aut figuræ elementorum fluida componentium, aut ob vitium densitatis, laxitatis, & asperitatis ipsorum, vel cum homologa proportio inter fluida, & solida notabile vitium fecerit, tunc enim ægritudines, & morbi necessario sequi debebunt: hoc enim in statu elementa fluidi sanguinei non perfecte inter se permiscuntur, non fiunt intimi contactus, non intimi occurfus particularum, neque intimæ, & æquabiles actiones, & reactiones earundem inter se; quamobrem in contactibus, & occurribus corporum inordinatis, inæqualibus, & assymetris actiones, & reactiones evenient inordinatæ, inæquales, & assymetræ, eversaque unitate, ac deperdito nexu, & æquilibrio corporum omnia ad divisionem, & dissolutionem sanguinei compositi inclinare videbuntur; ab hisce autem consequentur alterationes, & paulatim vitiosæ miscellæ, ac vitiosi status in reliquis fluidis lymphaticis, & nervosis, quæ a vitioso sanguine continuo secernuntur.

22. Pariter si organica solida vel numero, vel mole, vel pondere, vel superficie, vel situ, vel motu &c. peccaverint, tunc solida vel nimis laxa, vel nimis rigida, vel nimis densa, vel vitiose conformata organicas ægritudines erunt productura, quæ ut plurimum ob improprietatem solidorum cum fluidis parere quoque potuerunt plurimos morbos fluidorum graviori animalium detrimento.

23. Ex hisce omnibus primo necesse est colligere, quod cum in vero sanitatis statu momenta fluidorum debeant esse in æquilibrio, aut quasi æquilibrio constituta, pariterque solida esse debeant inter se, & cum fluidis proportionalia; ideo corpus in vero sanitatis statu constitutum sentire debebit se se in omnibus suis

partibus æquabiliter læve, æquabiliter forte, æquabiliter constans, æquabiliter mobile.

24. Similiter cum in statu ægritudinis momenta fluidorum agant, & reagant sine æquilibrio, neque proportionalia sint motibus solidorum, neque solida inter se aptam proportionem habeant; ergo animal in statu ægritudinis sentire debet, aut pati vel in toto, vel in parte nescio quid vel gravioris, vel præternaturaliter lævioris, vel laxioris, vel durioris, vel calidioris, vel frigidioris &c.

DISSERTATIO III.

De Actione Medicamentorum in genere.

25. **F**luida, & solida esse composita ex particulis, seu elementis inertibus, & non elasticis, & ex particulis actuosis, & elasticis ab experimentalibus Philosophis manifestum est. Cum vero singula corpora agant in alia, quibus occurrunt, per contactum, idcirco istæ inertes, & non elasticæ particulae mole, pondere, ac superficie agent in corpora, quibus contactu uniuntur. Particulae vero actuosæ, & elasticæ præter molem, pondus, & superficiem, motu etiam, & elatere suas vires, ac momenta exercebunt contra corpora illa, cum quibus contactum, vel mediatum, vel immediatum efficient. Ulterius cum corpora quælibet juxta experimenta Boilei de effluviis corporum dividi possint in partes infinite parvas, & divisæ effundi debeant quaquaversus facile, prompte, & expedite per universam fluidorum massam non solum ex se, verum etiam auxilio circulationis sanguinis, ideo juxta hæc evenient nonnulla in præsentia a nobis consideranda pro opportunitate eorum, quæ de actione medicamentorum erimus exposituri.

26. Boileus itaque libro de effluviis expertus est, universa corpora sua effluvia quaquaversus emittere, ut singula circum semetipsa peculiarem atmosphæram describant, singulorum tamen corporum viribus proportionatam. Cum autem vires, seu momenta corporum effluentium eo majores, & validiores numero, ac momento habeantur, quo minus, ex Mechanicis, distant a centro corporis illius, a quo effluvia emanant, & vicissim vires, ac momenta effluviorum eo minora sint, quo magis effluvia distant a centro corporis illius, e quo effluvia illa procedunt; idcirco demonstratum est a Mechanicis has vires, seu momenta effluviorum esse in ratione reciproca quadrati distantiarum a centro corporum illorum, a quibus effluvia illa effluerunt. Cum ergo vires ac momenta effluviorum tali proportionem agent in corpora, quibus aut immediato, aut mediato contactu impetum secum communicant; ideo corpora mota, impulsa, aut percussa a momentis corporum effluentium excipient motus, impetus, seu percussiones in ratione reciproca quadrati distantiarum a centro corporum illorum; hinc mensuræ motuum, seu percussionum communicatarum corporibus, seu fibris excipientibus vires, ac momenta effluviorum jure ac merito desumendæ erunt a ratione reciproca quadratorum distantiarum a centro corporum illorum, a quibus effluvia illa promanarunt.

37. Ab his constat corpora medicamentorum, a quibus emanant effluvia in puncto contactus agere, & reagere contra fibras majori vi ac potentia; in puncto enim contactus eorum corporum, a quibus effluvia emanant, nulla adest distantia corporis, a quo effluvia exeunt a fibris tangentibus, sed totalis præsentia contactus; hinc nulla effluvia deperduntur in illo contactus puncto, sed tota agunt, & reagent in fibras tangentes; propterea in puncto contactus corporis corpora, & effluvia agentia, & reagentia majori vi ac potentia agent, & reagent quam in quacunque alia positione, ac distantia: Et sane in quacunque alia positione, ac distantia semper effluviorum vires immi nuuntur, & decrescunt in ratione reciproca quadrati distantiarum a corpore, a quo effluvia ipsa emanant. Ut hæc exemplo innotescant, sit corpus medicamenti A, quod emittat effluvia per distantiam ut unum, in qua distantia ut unum habeatur contactus corporis emittentis effluvia cum fibris, pariter idem medicamentum A emittat effluvia ad alias fibras animalis per distantiam ut duo: manifestum est quod cum effluviorum

vires decrescant in ratione reciproca quadratorum distantiarum a centro corporis A emittentis effluvia, manifestum inquam est vires medicamenti A in puncto contactus cum fibris, seu in supposita distantia ut unum, relate ad vires medicamenti ejusdem A in distantia ut duo, se habere, seu agere in ratione reciproca ut 4; in distantia vero ut 2 a fibris vires effluviorum medicamenti A agere in ratione reciproca ut unum. Similiter si corpus medicamenti A emittat effluvia per distantiam ut duo ad fibras, & idem corpus emittat effluvia per distantiam ut ter ad alias fibras, apertum erit vires medicamenti A in distantia ut duo se habere ut 9, relate ad vires medicamenti A in distantia ut ter; in distantia vero ut ter a fibris vires agentes effluviorum ejusdem medicamenti A se habere, & agere in reciproca ratione ut quatuor proxime, cum in physicis præcisæ, & geometricæ proportionem servari non soleant supposita in omnibus æqualitate effluviorum.

28. Hisce præmissis, ad ulteriora progrediamur. Istæ vires seu momenta corporum, aut effluviorum emissorum a corporibus, vel habentur ab opere *superficierum corporum*, aut *superficierum effluviorum* contra fluida, aut solida, cum quibus corpora, aut effluvia uniuntur, & facto contactu alligantur.

Vel habentur opere *figuræ corporum* emittentium effluvia, aut effluviorum emissorum, quam habent, aut quam acquirunt in miscella cum reliquis corporibus aut fluidis, aut solidis.

Vel habentur opere *motus*, & *elateris* corporum emittentium effluvia, aut effluviorum emissorum, qui motus, & elateres communicantur aut fluidis, aut solidis, cum quibus unionem, contactum, aut alligationem acquirunt, ac sustinent.

Denique habentur ab opere *ex hisce omnibus composito*; de quibus sigillatim hic erimus locuturi, in genere tamen, cum inferius ad singulatia, & specifica effecta descenderimus, de singularibus medicamentorum viribus necessaria exposituri.

29. Primo itaque medicamentorum corpora agent vel in fluidis, vel in solidis, vel in utriusque opere *superficierum corporum*, aut *superficierum effluviorum* contra fluida, aut solida, aut contra utraque, cum quibus corpora, aut effluvia uniuntur, & facto contactu alligantur; Ergo superficies istæ, quæ sunt quantitates extensæ ex geometricis quoad longitudinem, & latitudinem vel erunt *ramosæ*, aut *hamatæ*. Sint ergo superficies corporum, aut effluviorum primo ramosæ, aut hamatæ, tunc corpora, aut effluvia ista communicata fluidis, vel solidis, vel utrisque apta erunt ramosis, aut hamatis suis superficiebus circumscribere quaquaversus, & quodammodo amplecti particulas tam fluidas, quam fibrosas sanguinis, lymphæ, & succi nervei, pariterque circumscribere, & amplecti solidas fibras organorum, cum quibus unionem, & contactum habent; quare circumscriptis, & amplexis vel fluidis, vel solidis, vel utrisque, statim acquirunt corpora inscripta una cum circumscriptis majores moles, & superficies, cum autem superficies corporum, si similes fuerint, augeantur, & crescant in ratione quadrata, ex geometricis, moles vero in ratione cubica suorum diametrorum, aut suorum laterum homologorum; si vero in superficiebus corporum moles fuerint dissimiles, augeantur, & crescant in ratione composita ex rationibus basium, & altitudinum corporum ipsorum, patebit quam facile, quam prompte, quam necessario augeri debeant densitates corporum ipsorum inscriptorum, & circumscribentium; cum autem densitates ex Mechanicis sint ponderibus proportionales, constabit ulterius quantum augeri debeant, & gravitates corporum istorum: Hinc fluida, & solida, vel utraque tali methodo circumscripta a superficiebus ramosis, aut hamatis corporum, aut effluviorum corporum ipsorum irretire, ac ligare debent magis, aut minus fluida, & solida, cum quibus uniuntur juxta majores, aut minores numeros ramorum, hamorum corporum, aut effluviorum, & juxta majores, aut minores densitates, & superficies ipsorum &c., aut saltem notabiliter fluidorum, & solidorum motum retardare, talia effecta multo probabiliter fiunt a corporibus opiat, aut opio analogis, cum similia corpora, aut istorum corporum effluvia ab effectis judicanda sint superficiei ramosæ, aut hamatæ. Quamobrem medi-

medicamenta talis indolis, ac naturæ aut opiata, aut adstringentia, aut hisce analoga dicenda erunt.

30. Ita si superficies corporum, aut effluviiorum corporum ipsarum fuerint *texture, levis, mollis, & laxæ*, quæ tantummodo idoneæ sint levibus mollibus, & laxis suis superficiebus, aut lenireblando, & molli contactu asperas fluidorum superficies, aut emolliere fluida, & solida nimis stricta, & densa, aut penetrare poros corporum, & nimias angustias istorum dilatare, laxare, & aperire blande, & suaviter, aut impedire majores corporum adhæssiones inter se &c., tunc tales superficies corporum, aut effluviiorum effluviiorum leves, molles, & laxæ statuentur medicamenta, quæ *laxantia* appellantur; talis ergo indolis erunt oleum olivarum, amigdalorum dulcium, leves pinguedines, lac, mel, terebinthina, serum lactis, & aqua ipsa &c., aut his similia, aut his analoga.

31. Verum si superficies corporum, aut effluviiorum effluviiorum fuerint inæquales, asperæ, & angulares, tunc aptissimæ erunt inæquali, aspero, & angulari contactu penetrando poros solidorum, & areas fluidorum, textures, ac compages diruere, scindere, rumpere, & evertre; Quamobrem hujusmodi corpora, & corporum istorum effluvia *dissolventia* dicenda erunt majoris, aut minoris roboris, ac momenti juxta majores, aut minores inæqualitatum, asperitatum, & angulorum numeros. Itaque primi generis, seu majoris momenti *dissolventia corrosiva* dicuntur, ut est aqua fortis, arsenicum, æs, flammula Jovis, gümma hederæ arboreæ, & alia hisce similia, & analoga. Dissolventia secundi generis seu minoris momenti dicuntur illa, quæ *Aperientia*, seu *Deobstruentia* appellantur, qualia sunt ea, quæ obstructions tollunt, urinas movent, ut fumaria, cicorea, absinthium, marrubium, capparis, aristolochia, asparagus &c. ammoniacum, pravera brava, agaricus, rhabarbarum, & his similia, aut analoga.

32. Ut plurimum autem medicamenta agere solent, & reagere, suasque vires exercere contra fluida, & solida opere figurarum corporum tangentium fibras, aut opere figurarum effluviiorum a corporibus effluviiorum; effluvia enim corporum veræ sunt seminales particule ipsorum, elaboratæ ex minimis dimensionibus, ac figuris proportionalibus majoribus figuris corporum, a quibus effluvia ipsa emanarunt, ut satis superque de primigeniis salium figuris demonstraverat celeberrimus Gulielmus; effluvia itaque ipsa donata similibus figuris, quibus majora corpora prædita sunt, apta erunt penetrare fluida & solida, quæ penetranda essent sub similibus figuris a majoribus corporibus effluvia ipsa emittentibus. Neque de specificis talium corporum, & talium effluviiorum figuris licet dubitare; peculiare enim specificasque figuras observaverunt Philosophi in quocunque regno animali, vegetabili, & minerali; ad animale ergo regnum quod spectat, Poileus in analysi sanguinis humani fatetur se vidisse multiplices salium figuras, cubicas nimirum, parallelepipedas, pyramidales, octaedricas, sphericas, & prismaticas variæ indolis; easdem quoque detexerunt celeberrimi Viri Levenochius, Malpighius, & Bonius. In vegetabilibus vero adeo manifestæ sunt essentielles componentium salium figuræ, ut de his dubitare absolum sit; sufficiat legere (cum vitiosum sit hic jam enunciata repetere) quæ a celeberrimo Carolo Fracastato dissertatione *de organo lingue* indicata fuerunt, quæ omnia ab experimentis immortalis Academiæ Florentinæ colligere opportunum censuit, ut literariam Rempublicam de vegetabilium salium figuris erudiret. In mineralibus denique specificæ pariter constant, ac naturales eorum configurationes; sic in granatis figuræ octaedricæ, in antimonio prismaticæ, & sphericæ, in mercurio satis superque detectæ sunt; & nos in libello italice conscripto *de ferri figuris* a ferreis mineris ad nos missis ab immortalis famæ Vallisnerio satis ut puto indicavimus particulas ferreas esse probabiliter pyramidales in basi quadrata, aut quadrilatera, a quarum pyramidum lateribus exeunt a basi usque ad verticem plurimæ aliæ pyramides minimæ, similes pyramidi majori, quæ tamen omnes hamatæ sunt, uncinatæ, & aduncæ. Itaque cum effluvia corporum nil aliud sint quam particule veluti seminales componentes majora corpora, colligendum jure erit

Sydenham opera Medica.

etiam effluvia a corporibus emissa eas habere minimas figuras, figuris majorum corporum omnino similes, & proportionales.

33. Figuræ itaque corporum emittentium effluvia, aut figuræ effluviiorum effluviiorum, tangentium, impellentium, aut percutientium fibras animalium varios parient effectus juxta varias molium, ponderum, figurarum, & motuum rationes. Inter corpora, quæ agunt pondere, figura, & motu, eminet mercurius, qui spherica donatur figura; hæc autem in punctis tangit corpora quælibet, a quo punctuali contactu emergit necessitas continui motus mercurii, punctum enim nunquam potest esse firma basis corporum; mercurius ergo in minimas quoque spherulas divisus aptus redditur penetrare poros solidorum, & areas fluidorum quaquaversus, cumque pondere suo reliquis corporibus, cæteris paribus, alte præpolleat, potenter premit solida, quibus unitur, hæc inflectit, & variis impulsibus urget, variis curvaturas parat, consequenter ob sphericam figuram faciles penetrationes mercurii, & ob pondus ejusdem multiplices fibrarum inclinationes, & fluidorum dissolutiones eveniunt. Simili lege agere, & reagere debent elementa reliquorum mineralium, quotiescunque mole, pondere, figura, & motu fibris machinæ animalis applicata fuerint, penetrando fluida, & solida undequaque; enim vero nonnulla mole, pondere, figura angulari, & motu dissolvunt, & frangunt corpora, quæ ab his fuerint penetrata; hinc mineralia nonnulla in numero *Medicamentorum deobstruentium* posita sunt, ut sunt illa, quæ ex ferro, chalibe, aut antimonio parantur &c. Hic statim sentio quærentes, & dubitantes; Quomodo enim ponitur hic ferrum in numero corporum deobstruentium, cum antea ostenderimus ferri figuras esse uncinatas pyramides, munitas ulterius minimis pyramidibus similiter hamatis, & uncinatis? profecto hamatæ, & uncinatæ figuræ unioni, & firmitati corporum conducunt non dissolutioni, ut n. 29. indicavimus. Aptissime dubitatis: Verum scitote hæc, & similia corpora diverso in statu esse considerata, vel in statu quietis, & fixitatis, vel in statu motus, & agitationis. In primo statu ferrum, chalibis &c. hamatis suis figuris firmant aptissime fluida, & solida, quæ naturalibus suis angulis fuerunt penetrata. In secundo statu facta unione cum particulis sulphureis penetrant facilius, & in motu, & agitatione constituta corpora rotando circa proprios axes in tali rotatione aperiunt, dissolvunt, & scindunt fluida, & solida, quæ penetraverint acumine suorum angulorum.

34. Alia existunt corpora, quæ pondere, mole, & figura non efformata ab angulis acutis, quorum anguli sint minores gradibus 90, sed ab angulis obtusis, quorum anguli semper sint majores gradibus 90, suas vires exercent occupando, & replendo, si non perfecte, saltem quasi perfecte fluidorum, & solidorum spatia, quibus uniuntur, & adherent; talis ordinis sunt *aluminosa corpora*, quæ figuras octaedricas, aut quasi octaedricas sustinent; talia sunt *Vitriolica*, quæ figurant parallelepido-rhomboideam sibi comparant; aut his similia, & analoga. Ab hisce ergo, aut similibus corporibus occupatis spatiis fluidorum, & solidorum opere obtusorum angulorum elementa fluidorum nimis stringuntur inter se imminuto, aut ablato ipsorum motu, & fibræ solidorum circumscriptæ obtusis corporibus, spatia illa replentibus in statu veluti tonico detinentur, hinc neque moveri, neque oscillare commode, ac facile poterunt; propterea tarditas motus in fluidis, & tarditas oscillationum in solidis generabuntur, ex quibus ostenditur qua ratione suum opus constrictionis exercent medicamenta illa, quæ pariter *Adstringentia* appellantur. Similis ergo figuræ cum alumine, aut vitriolo ab effectis esse possunt balaustria, galla, lysimachia, consolida, bursa pastoris, myrtus, malicoreum, mala cotonea, mala punica &c., quæ tamen aliquando magis, aliquando minus stringunt, ac ligant juxta majores, aut minores numeros particularum aluminosis, aut vitriolicis figuris analogarum, aut juxta majores, aut minores numeros angulorum obtusorum spatia fluidorum, & solidorum magis, aut minus replentium. Hic autem monendum est me phycas res agentem indicavisse corpora purgantia stimulantia, & aperientia agere, & rea-

gere, ac si unicum planum haberent efformatum ab angulis acutis, eo quia corpora hæc cum sint divisa, ac subdivisa in partes minimas, taliter figurantur, ac si quoad sensum unico plano donata essent, licet revera solidos angulos obtineant, quorum plani anguli per Prop. 21. 11. Eucl. quatuor rectis sunt minores. Hic quoque considerata sunt corpora *adstringentia* esse composita ex figuris octaedricis, aut quasi octaedricis, aliisque non in rigore geometrico, sed solum analogice, & quoad sensum, cum hæc figuræ ab effectis repleant spatia qualibet fluidorum, & solidorum non solum regularia, sed ut plurimum irregularia, idcirco diximus has obtinere angulos ut plurimum irregulariter obtusos.

35. Hic magnopere animadvertendum est figuras corporum effluvia emittentium, aut effluviis emissorum jute suo supramodum conferre ad varias actiones, & reactiones exequendas tam in fluidis, quam in solidis; verum hæ actiones, & reactiones naturales, & proportionales specificis corporum figuris sæpe ac sæpius mutantur, & invertuntur ab unione, & adhesionem aliorum corporum, quæ figuras corporum emittentium, aut effluviis emissorum undequaque circumscribunt; proinde cum in tali casu corpora circumscripta sint illa, quæ primario agant, & reagant contactu, & quæ primario emittunt effluvia; ideo actiones, & reactiones contra fluida, & solida animalis non producantur, & sunt a figuris corporum inscriptorum, aut ab effluviis ipsorum; sed potissimum sunt, & producantur a figuris corporum circumscriptibentium, aut a figuris effluviis emissorum a corporibus circumscriptibentibus, quæ actiones, & reactiones corporum cum plerumque esse soleant diversæ, aut oppositæ illis, quæ sunt a figuris internis corporum inscriptorum, & effluviis ipsorum; ideo oritur ratio, cur in medica praxi sæpius a medicamentis unius generis experiamur sequi effectus diversos, aut oppositos. Ob hanc causam præstantiores Practici abhorrent ab elaborandis medicamentis magis compositis, sed amant componere medicamenta, quantum possibile est simpliciora (ut leges naturæ postulant) cum ab his effecta medicamentorum simplicium evenire soleant, ac debeant morborum indicationibus magis proportionalia. Pro hoc argumento exponam exemplum, quo etiam in similibus possemus ratiocinari: Certum est aqueas particulas esse mobilissimas opere suarum minimarum molium sub figuris aut sphericis, aut sphæroideis, aut hisce analogis, a quibus aqueæ particulae cum figuris curvilineis semper in motu sunt, & esse debent. Verum si tempore hyemis, spirantibus præcipue ventris aquilonaribus, qui prismatibus nitrosis supramodum abundant, ista nitrosa prismata, quorum figura est cylindrico-pyramidalis in basi hexagona, circumscribant undequaque curvilineas aquarum figuras, tunc curvilineæ illæ figuræ aqueæ a nitrosis, aut nitro analogis particulis circumscriptæ reddentur solidæ polygonæ, aut quasi polygonæ: sed figuræ solidæ polygonæ relate ad figuras curvilineas aqueas inclusas, & inscriptas ex mechanicis supramodum tardiores sunt ad motum, ita ut aliquando motum omnino deperdant; hinc aqueæ particulae curvilineæ quantumvis naturæ suæ mobilissimæ, nihilominus opere aliarum figurarum circumscriptarum solidæ polygonæ, aut quasi polygonæ redditæ coactæ erunt, aut motum imminuere, aut aliquando deperdere, ita ut fortissimam in glaciem densari, firmari, & stagnare debuerint. Ex his, & similibus, quæ dici possunt colligere possumus, quam facile etiam medicamenta simplicia, quæ opere suarum simplicium figurarum diuretica, aperientia, & deobstruentia esse deberent, fieri sæpe ac sæpius possint, aut coagulantia, styptica, & adstringentia, quotiescunque facta mixtione cum aliis corporibus in machina animali fortuito tales acquirant compositiones, ut solidas polygonas cum angulis obtusis, aut parallelepipedo-rhomboides, aut octaedricas, aut prismaticas elaborent configurationes alumini, aut vitriolo proportionales.

36. Deinde corpora, aut effluvia emissa a corporibus agere possunt, & reagere in solida, & fluida machinæ animalis opere *motus*, & *elateris*; Itaque quæ operantur motu, & elatere sunt ea omnia, quæ a Medicis volatilia, & spiritiosa dicta sunt, ut sunt omnia sulphurea, & omnia salino-sulphurea, quæ si blando, & medio quodam motu, & elatere juxta naturæ leges

agent, & reagant viribus fluidorum, & solidorum, & nutritioni earundem proportionalibus, jure ac merito aut alimenta, aut medicamenta *Cordialia* a Medicis poterunt appellari. Verum si hæc corpora, aut emissæ effluvia sub minima mole multo polleant elatere, ac motu, & istorum elater ultro augeatur, & crescat, juxta ea, quæ demonstrantur a Mechanicis de corporibus elasticis, tunc elastica hæc, & spiritiosa corpora aut alimenta, aut medicamenta *exaltantia*, & *diaphoretica* dicenda erunt. Quotiescunque itaque vel sulphurea vel salino-sulphurea, vel utraque corpora alicui solido, aut fluido applicentur, si hæc numero, motu, & elatere medium statum teneant, qui sit fluidis, & solidis homogeneus, & proportionalis, tunc aptissima mixtio elementorum in fluidis, æqua separatio puri ab impuro, & opportuna nutritio corporis facienda erunt; Similiter æquabiles, & isochronæ solidorum omnium oscillationes cum æquabilibus viribus, & æquilibrio inter fluida, & solida erunt secuturæ; & medicamenta, aut alimenta, quæ tales fluidorum, & solidorum actiones, & reactiones cum expositis proportionibus paraverint cordialia aut nutrientia, aut roborantia erunt appellanda. Verum si hæc principia sulphurea, aut salino-sulphurea, aut utraque numero, motu, & elatere a medio statu aut deficiant, aut excedant, tunc in defectu *Refrigerantia*, aut quasi *Refrigerantia* vel alimenta, vel medicamenta dici poterunt; e contra in excessu, aut alimenta, aut medicamenta *Calefacientia*, aut quasi *Calefacientia* poterunt appellari.

37. Hic addendum est etiam causam caloris vel in statu excessus, vel in statu medio, vel in statu defectus oriri a lege, & ratione affricus, qui sequitur in particulis elasticis inter se, & in particulis elasticis, & non elasticis pariter inter se; & sane a Geometris edocti sumus moles corporum quorumcunque dividi, & subdividi in partes minores, & minores & in divisione, & subdivisione decrescere semper moles in ratione cubica suorum diametrorum, superficies vero eorundem tantummodo imminui in ratione quadrata: Quamobrem cum ex Geometris multo plus decrescant moles corporum, quam eorundem superficies, & cum a majoribus superficiebus eveniant majores contactus, & consequenter majores affricus corporum inter se; ergo ab hisce majoribus contactibus, & affricibus inter se majores quoque calores, & incallescenciæ sequi debuerunt, quanto moles corporum divisæ, & subdivisæ minores faciendæ erunt. Ostendit enim magnus Galilæus pluribus in locis motum ex se non calorem producere, sed hunc primario oriri a majori, & concitatori affricu corporum, quæ ad calorem tamen excipiendum, communicandumque instituta sunt; sed corpora volatilia, & spiritiosa numero, motu, & elatere præpollentia facta sunt sub minoribus molibus; minores autem moles majores cæteris paribus obtinent superficies, & a majoribus superficiebus majores consequuntur affricus; ergo corpora volatilia, & spiritiosa numero, motu, elatere, & superficiebus præpollentia majores quoque calores, & majores incallescencias erunt productura. Verum si corpora volatilia, & spiritiosa fuerint numero, motu, & elatere in statu medio constituta, tunc affricus superficieum corporum inter se mediam quandam proportionem motus obtinentes æquabilem caloris rationem ostendent; e contra imminutum, & deficientem calorem, si elementa volatilia, & spiritiosa numero, motu, & elatere notabili defectu peccaverint; quamobrem variæ affectiones in fluidis, & solidis erunt secuturæ, ut antecedenti numero indicavimus.

38. Ab his quæ usque adhuc enunciata sunt colligere possumus facilius, promptius, & potentius sanguinem incallescere, quam lympham, non solum quia massa sanguinis multo pluribus abundat particulis elasticis, quam lymphæ, non solum quia velociori motu impellitur sanguis quam lymphæ per canales suos, verum etiam quia observante Galilæo (de Cometis) ea corpora tantummodo confricatione incallescunt, quæ ab affricu ipso continuo atteruntur, & in minores, minoresque particulas resolvuntur, sic experitur Galilæus, levigatissimas vitreas particulas, aut perfectissime chalibeas nunquam confricatione incallescere, aut saltem lævissime, eo quia neutra in minimas minimasque particulas atteruntur, comminuuntur, & resolvuntur. Cum itaque lymphæ aqueis ut plurimum particulis indivisibilibus, &

ex levissima quantitate sulphurum constet, pariterque cum salina corpuscula, quibus lymphæ scater, a lentiori lymphæ motu non possint facta confricatione in minores, minoresque moles prompte, facile, & expedite atteri, & resolvi, sed tarde, ac lente; ideo experimur ab effectis naturæ, & febrium sanguinem facilius, & vehementius, lympham vero difficilius, tardius, & remissius incallescere. Hinc summum beneficium tribuitur fluido sanguineo a lymphâ ipsi permixta, eo quia a particulis aqueis indivisibilibus, quæ in sanguine triplæ sunt, aut quasi triplæ supra reliqua sanguinem componentia, ut Boilei experimenta ostendunt, imminuitur, frænatur, & moderatur excedens illa attritio, & dissolutio reliquarum particularum massam sanguinis componentium, vi cujus excedentis attritionis, & resolutionis compositum massæ sanguinis, unio, & nexus ejusdem facillime dissolvendum esset totali periculo machinæ animalis: Itaque non leviter peccant illi, qui in morborum curationibus phlebotomiæ nimis indulgent; extracto enim sanguine plus aquæ tollitur, quam auferatur reliquorum elementorum numerus: propterea reliqua elementa opportuno sero destituta magis, magisque inter se atteruntur, & adaucto istorum affricu in minores, minoresque particulas resolvuntur, adaucto impofterum caloris incremento: Verum si in fluido sanguineo extiterint grava coagulationis argumenta, tunc liberalis phlebotomia non erit accusanda, sed imperanda, & secuto impofterum majori, & majori affricu corporum inter se, coagulatio sanguinis aut imminuatur, aut dissolvatur.

39. Denique frequentissima sunt illa medicamenta, quæ suas vires, ac sua momenta exercent agendo, & reagendo contra fluida, & solida machinæ animalis in ratione composita molium, ponderum, figurarum, motuum, & elasticitatum corporum emittentium effluvia, aut effluviarum emissorum: Etenim universa corpora ex physicis experimentis, quæ agunt, & reagent in fibras organicas, & fluida nostri corporis, vel agent contactu, vel opere effluviarum emissorum a corporibus in ratione simul molium, ponderum, figurarum, motuum, & elasticitatum eorundem; Quare ut aptæ actionum, & reactionum istorum corporum emittentium effluvia, aut effluviarum emissorum mensuræ habeantur, oportebit considerare, & expendere si non exacte, saltem proxime, actiones, & reactiones istorum in ratione composita molium, ponderum, figurarum, motuum, aut elasticitatum istorum, de quibus specificè acturi erimus, cum singularia medicamentorum singulorum opera erimus inferius consideraturi.

40. Consideravimus usque adhuc in genere qua ratione medicamenta agere, & reagere possint contra fluida, & solida machinæ animalis; Modo cum pleræque medicamenta a succis salivæ, esophagi, ventriculi, & a succis pancreaticis, & biliosis in intestino duodeno, & a continua attritione inter se, & cum reliquis corporibus dividantur, & subdividantur in partes minimas, & minimas, & partes istæ minimæ deferantur minus circulationis beneficio brevi temporis spatio per totam fluidorum massam; idcirco remanet hic quoque considerandum in genere, quomodo partes istæ corporum, aut medicamentorum divisæ, & subdivisæ in partes veluti infinite parvas aptæ esse possint delatæ eminus per totam fluidorum massam tam varios, & tam dissimiles effectus producere in massa humorum.

41. Quod autem primo corpora, aut medicamenta dividi possint in partes minimas, & minimas (ut antea diximus) constare videtur ab infinitis pene dicam experimentis, inter quæ eligam nonnulla. Expertus est celeberrimus Halleus in actis Philosophicis n. 194. unum auri granum in 10000 visibiles partes posse secari; celeberrimus P. Franciscus Lana observatione 8. tractatu primo Magist. naturæ & artis notat se a Boileo accepisse, quod *unicum granum cupri in spiritu salis armoniaci dissolutum potuit tantam aque copiam colore viridi inspicere, ut illa aqua sic colorata constaret partibus 256806, quarum singula sua magnitudine æquarent molem ipsius grani cuprei*. Refert pariter observatione 8. unum granum ligni nephritici posse taliter dividi, & subdividi in partes minimas, & minimas, ita ut tinctura occuparet grana aquæ 57723. In observatione 4. ejusdem libri narrat experimentum de Sydenham opera Medica.

unico grano thuris quantum spatii occupare potuerit in cubili illo, in quo experimentum effecerat, & reperit in illo cubiculo exiguas particulas fumi illius thuris ascendisse ad numerum 75000000000000, idest ad septingentos quinquaginta milliones millionum. Plurima habentur in Boileo de effluviis, plurima in actis Angliæ, ita ut inutile sit de hac re dubitare: Ergo ultro constat corpora, aut medicamenta posse facile, & prompte opere tantorum succorum salivæ, esophagi, ventriculi, intestinorum, & glandularum machinæ animalis, & opere attritionis cum reliquis corporibus dividi, & subdividi in partes minimas, & minimas, sicque eminus deferri per totam fluidorum massam, cum opera naturæ in animalibus multo sint reliquis operibus præstantiora, & validiora, maxime quia hisce actionibus naturæ in animalibus magno opere succurrit ingens beneficium circulationis sanguinis, quo dividi, & subdividi ultro possint, & eminus deferri.

42. Et sane beneficium circulationis sanguinis omnino apertum est; si enim supponamus cum Bartolino pulsationes cordis singula hora ascendere ad numerum 4400 proxime; & cor impellere singula pulsatione unam sanguinis unciam, pariterque totam sanguinis massam multo probabiliter ascendere ad libras 24 proxime, constabit ex regulis proportionum 24 libras sanguinis circulationes suas exequi vicibus 17 proxime unius horæ spatio; dixi autem proxime, eo quia fateor sanguinem fluentem per minimos partium extremarum canales non has leges circulationum subire tam facile, neque tam præcise posse: sed facta animadvertione in complexu motuum sanguinis per majores canales juxta majorem sanguinis quantitatem, constabit proxime juxta datas hypoteses assumptas, ut probabiliores sanguinei fluidi circulationes ad tantum numerum singula hora posse ascendere: Si itaque singula hora compleri possunt circulationes sanguinis vicibus 17 proxime, ultro manifestum esse poterit quam facile, quam prompte moles corporum, aut medicamentorum in tam continuis motibus, & motuum attritionibus divisæ, & subdivisæ in partes minores, & minores possint, immo debeant deferri per universam machinam animalis, & per universam massam fluidorum brevibus temporum differentiis; Si itaque corpora, aut medicamenta tantarum circulationum auxilio, & opere attritionum per motus dividi, & subdividi possint in partes minimas, & si brevi temporis spatio possint habere beneficio circulationis universam massam humorum, & animalis machinam occupare, facile colligere possumus, cur etiam ex hoc capite sequi debeant tam varia phænomena, tam varii effectus, tam variæ actiones, & reactiones in solidis, & fluidis animalium opere medicamentorum, de quibus sigillatim inferius.

43. Hic actiones medicamentorum rectius exposituiri nullatenus præterire debemus summam esse relationem partium principum cum quibuscumque partibus machinæ animalis, immo minimas quasunque fibrillas cum reliquis omnibus majoris, minoris, minimique ordinis, ac usus admirandum consensum obtinere; Sic experimur a levissimo succo aspero, & acri irritante fibrillas uteri totam mulieris machinam violentissime convulsam reddi; immo a levissima muscæ supra faciem, supra cilia, aut frontem ambulantis titillatione universas corporis partes moleste sentire, sic a chirurgicis habemus levissima quantumvis vulnera aliquando universales tremores, & convulsiones attulisse, denique autopsia constat levissimum vulnus in remotiore partis pede statutum statim ægre se habere, majoremque saniem afferre, quotiescumque æger aut cibo, aut potione aliquo excessu peccaverit. Præter hæc quamvis nulla adsit proportio inter actiones animæ sejunctæ a corpore, & inter actiones, & passiones sensuum; nihilominus cum anima in viventibus fuerit compenetrata sensoriis, statim manifestum erit, quantum consensus necessario futurus sit inter animam, & sensorium, quam necessaria relatio inter animam, & universa organa corporis; ergo si totæ tantæ habentur relationes inter animam immortalem, & æternam, & mortalia, ac caduca corporis organa in animali vivente, profecto multo magis futurus erit altissimus consensus inter fibras, & fibras, inter organa, & organa, consequenter etiam inter organa, & fluida organis necessario respondentia machinæ animalis: tam

admirandæ, tam necessariæ organorum relationes inter se, & inter fluida omnia animalis debentur potissimum nerveis, membranis, & muscularibus fibris una cum succo nerveo, cum ab hisce sensus, & motus primario juxta anathomica, & physica experimenta in animali cognoscendi sint.

DISSERTATIO IV.

De Medicamentis in particulari, & primo de purgantibus opere Solidorum.

44. **C**UM in secunda Dissertatione expositum fuerit sanitatem basim habere in æquilibrio fluidorum, & solidorum, & in opportuna proportionione utrorumque inter se; pariterque ægitudinem niti in everso æquilibrio, & in everfa proportionione fluidorum, & solidorum, ideo mederi animalia ægrotantia, docente Hippocrate libro de Arte, nil aliud erit quam tollere de corpore animalium ægrotantium ea omnia, quæ æquilibria fluidorum, & solidorum notabiliter auferunt. Hinc Medicamenta omnium medicorum consensu appellata sunt *Instrumenta*, quorum beneficio opportuno tempore, loco, ac statu morbi exercitia auferre apta sunt, supervacanea, aut addere ea quæ deficiunt, ut sic restituto, aut conservato æquilibrio fluidorum, & solidorum sanitas vel deperdita restituatur, vel restituta conservetur. Quia vero medicamenta sive hæc medicinæ instrumenta alia primario agunt in solida machinæ animalis, alia in liquida simul & solida; ideo in præsentis sermo erit de *Medicamentis purgantibus opere solidorum* machinæ animalis.

45. Cum itaque ab effectis experiamur medicamenta purgantia, & alvum moventia sollicitare, ac stimulare primo esophagum, deinde ventriculum, ultimo intestina, & per consensum fibras quascunque ægrotantis, ut plurimum cum majori, aut minori pressione, & doloris affectione; hinc colligendum est omnia alvum moventia munita esse asperis superficiebus circumscriptis a multiplicibus angulorum prominentiis, a quorum aspero, & angulari contactu fibræ impulsæ, sollicitæ, ac stimulæ recedunt a naturali sua positione, ac directione acquirendo aliquas inflexiones, aut arcus; Ob hanc causam aliquantulum evertuntur naturales fibrarum inter se contextarum anguli, & aliquantulum mutantur naturales earundem fibrarum parallelismi. Verum cum asperæ, & angulares corporum superficies statuant bases suas in soliditate, mole, & pondere corporum agentium, ideo moles medicamentorum applicatæ fibris agere, & reagere debent ponderibus, & angularibus figuris. Ulterius cum medicamenta determinatis gravitatibus donata varios pariter excipere motus apta sint suis gravitatibus proportionales, pariterque cum a dissolventibus succis esophagi, ventriculi, intestini duodeni, reliquorumque intestinorum medicamenta attriti, & dissolvi debeant in partes veluti infinite parvas, quæ aut motu, aut elatere sollicitare, ac stimulare fibras aptissime possunt; ideo medicamenta attrita, & dissoluta cum fuerint, suas vires ac momenta exercent contra fibras tangentes, & percussas in ratione composita molium, ponderum, figurarum, motuum, & elasticitatum medicamentorum eorundem, quæ ratio composita virium, & momentorum non levis, sed magni, aliquando summi momenti erit futura. Hinc facta sollicitatione, ac impulsu quaquaversus ob multiplicia momenta particularum, aut effluviarum earundem contra fibras consequi debent in fibris ipsis frequentes, & multiplices contractiones fibrarum potentiis sollicitantibus, aut impellentibus proportionales, per 1. Prop. hujus. Cum ergo multiplices fibræ distractæ devenerint ad ultimum quasi gradum suæ distractionis, continentur ipsæmet sese restituere ad naturalem suam contractionem, ut prima Dissertatione ostendimus. Ideo cum distractiones fibrarum & homologæ contractiones earum nil aliud sint quam oscillationes earundem, ut eadem Dissertatione aperuimus, & hæc fieri debeant juxta vires, ac momenta particularum, aut effluviarum earum sollicitantium, ac stimulantium fibras; propterea a facta sollicitatione, ac impetu secuturæ erunt determinatæ oscillationes fibrarum sollicitationibus, ac impulsibus communicatis proportionales,

46. Cum ergo fibræ multipliciter sollicitatæ, ac impulsæ multipliciter pariter edere debeant oscillationes, istæ autem sint radices ac primæ causæ motus peristaltici fibrarum ventriculi, intestinorum, aliarumque partium; ideo motus peristalticus fibrarum ventriculi, intestinorum, aliarumque partium frequentior, celerior, ac fortior erit secuturus ad materierum excretiones celeriter, & copiose promovendas. Ut autem vires ac momenta distractionum, & contractionum glandularum magis manifesta reddantur, non tædeat considerare fibras membranæ villosæ intestinorum, seu papillaris esse circumscriptas a fibris membranæ nerveæ, & fibras nerveæ membranæ esse similiter circumscriptas a fibris membranæ muscularis: Modo manifestum est, quod cum distractiones fibrarum membranæ villosæ ad ultimum terminum suæ distractionis, & inflexionis devenerint, tunc cogentur ad suam naturalem contractionem se se restituere, consequenter etiam reliquæ fibræ membranæ nerveæ, & reliquæ fibræ membranæ muscularis inter se communicantes ad suas naturales contractiones reddentur restitutæ. In tantis autem motibus contractionum fibrarum membranæ nerveæ, & membranæ muscularis longitudine, & crassitie dissimilium, & inæqualium cum fibris membranæ villosæ, constabit quot, & quanta momenta impulsuum communicanda ulterius sint glandulis per nerveam, muscularem, & per alias membranas distributis, nimirum in ratione composita ex ratione directæ potentiæ antea impellentis directæ longitudinum singularum fibrarum inæqualium, & reciproca ratione crassitierum earundem, per 4. Prop. hujus. Facta autem tam valida, tam potenti compressione, & contractione glandularum omnium quaquaversus ab opere tantarum membranarum intestinalium, profecto cum aræ, & capacitates illarum glandularum decrescant ex geometricis in ratione quadrata suorum diametrorum, materiæ contentæ in glandulis membranarum intestinalium tanta vi expellentur ab imminutis areis contractis, compressis, & decrescantibus in tali ratione quadrata diametrorum glandularum, quanta est vis contractionis communicata fibris arearum glandularum a ratione composita virium fibrarum membranæ nerveæ, muscularis, & villosæ contractarum; Quamobrem cum copiosissimæ sint glandulæ intestinales quaquaversus copiosas pariter expellere debent materias per excretorios porulos in cavitatem intestinorum, & sic successive.

47. Expulsioni materierum partæ a proxima, & immediata sollicitatione, ac stimulo villosæ, seu papillaris membranæ, succurrit ulterius altera remotior, & mediata actio contra fibras nerveæ, & muscularis tunicæ intestinorum: purgantia enim corpora a calore viscerum, a succis dissolventibus ventriculi, pancreatis, & hepatis atteruntur, & dissolvuntur in partes minimas, quæ porositates intestinorum penetrando effluviarum ad modum, tandem accedunt ad contactum nerveæ, & muscularis membranæ, aliarumque membranarum intestinalium: Hic ergo suos contactus, impulsus, ac vires exercendo sollicitant, & irritant fibras membranæ potissimum nerveæ, & muscularis: Vel ergo effluvia hæc opportune sollicitant, & irritant fibras, vel leviter. Si leviter, nullæ, aut quasi nullæ secuturæ erunt e glandulis secretiones materierum, nullæque, aut quasi nullæ purgationes; Si vero opportune sollicitant, ac stimulant, tunc sequi debent a potentiis effluviarum tangentium impetus, & impulsus, a quibus impulsibus fibræ primario distractæ sunt, mox successive, ut diximus, redduntur contractæ. Cum autem effluvia successive exeunt a corporibus purgantibus agant in fibras nerveas, & musculares &c. in ratione reciproca quadratorum, distantiarum a centro corporis, a quo effluvia illa emanant; ideo si hæc pervenerint ad contactum fibrarum nervearum, postea ad contactum fibrarum muscularium, & contra has fibras in tali ratione reciproca impetum, & nifum fecerint, necessario fibræ membranæ nerveæ majorem distentionem, fibræ vero membranæ muscularis minorem distentionem, seu curvam quandam inflexionem minorem pati, ac sustinere debent, sed per 4. Prop. hujus, quælibet distractio fibræ facta a potentia impellente est proxime in ratione composita ex ratione directæ potentiæ impellentis, direc-

DISSERTATIO V.

*De purgantibus opere Fluidorum, & Solidorum,
& cur aliqua Medicamenta electivè
operari videantur.*

directa longitudinum singularum fibrarum, & reciproca ratione crassitierum, seu basium earundem; ergo constabit quam varia futura sint momenta distractionum singularum istarum fibrarum nervearum, & muscularium: Cum autem post curvas distractiones fibrarum superveniant, & succedant similes, & æquales contractiones, & restitutiones earundem, & sic successive similiter, & æqualiter agere, & reagere debeant distractiones, & contractiones fibrarum; ergo patebit quot, & quanta successiva momenta percussionum ferre, ac sustinere debeant glandulæ adjacentes per totam nerveæ membranæ, aliarumque membranarum superficiem distributæ a fibris membranæ nerveæ, & muscularis aliarumque membranarum impellentibus, & percutientibus. Hinc consequuntur simili ratione impulsuum, & contractionum glandularum intestinalium successive excretiones materierum contentarum in glandulis ipsis, ut antea satis exposuimus: Cum ergo excretiones materierum e glandulis intestinalibus, fiant ab immediato opere medicamentorum agentium, & reagentium in villos membranæ villosæ, seu papillaris, & a remotiori, seu mediata actione ipsorum corporum purgantium agentium, & reagentium per effluvia, seu per minimas particulas ipsorum contra fibras membranæ nerveæ, & muscularis &c., patebit excretiones, & separationes materierum e glandulis intestinalibus consequi a ratione composita virium, & momentorum corporum stimulantium, aut sollicitantium opportune villos opere immediato, & opere mediato per effluvia corporum eorundem contra fibras omnes intestinorum.

48. Hic placeat animadvertere nos pro excretionibus opportune exequendis e glandulis intestinalibus semper supposuisse solcitationem, seu stimulum contra villos membranæ villosæ, vel contra fibras membranæ nerveæ, & muscularis esse opportune validam; ita ut sequatur distractio fibrarum membranarum, & deinde consequatur contractio æqualis, & proportionalis earundem, ita ut ab actione, & reactione istorum organorum eveniat oscillatio fibrarum, & glandularum cum sollicito motu peristaltico intestinorum. Cæterum si vires, ac momenta purgantium medicamentorum validissima, ac fortissima fuerint, ut sustineant semper statum tonicum, statum convulsivæ contractionis in fibris membranæ papillaris, ita ut non sequantur inde homologæ, & æquales distractiones, & contractiones reliquarum membranarum; Vel si effluvia medicamentorum tam fortia, tam valida sint, ut violenter agant in fibras omnium membranarum, ut fibræ coactæ sint sustinere statum tonicum distractionis, aut contractionis, tunc statuto vel tonico statu distractionis, vel convulsivæ contractionis in fibris intestinalibus parum, aut nihil oscillantibus inertia fiet motus peristaltici, aut ablatio ejusdem, cum parvitate, ac nullitate excretionum e glandulis intestinorum; Experimur idcirco validissima, & fortissima medicamenta purgantia supra vires talium fibrarum intestinalium parere dolores intestinorum, & abdominis, non autem separationes, aut excretiones materierum majori periculo ægrotantium. Summo itaque studio fugienda sunt medicamenta hæc purgantia, ut elaterium, gutta gummi, scammonæ, & magisteria, &c. variæ indolis, ac altæ dosis, pariterque nonnulla antimonialia, & mercurialia, potissimum si hæc exercere velimus in languidis, & inertibus fluidorum, & solidorum constitutionibus, in teneris, & senilibus ætatibus, aut in morbo fractis: Aliquando tamen permittenda sunt, immo consulenda quotiescunque fuerit densa admodum, & viscida in ventriculo, & intestinis humorum tenacitas, si temperies ægrotantium fuerit valida, ac fortis, si ætas virescens, aut consistens, si solida fibrosa intestinorum fuerint veluti paralytica reddita, & cum morbus sollicitam purgationem postulaverit; tunc enim similia purgantia esse poterunt fluidis densioribus, & solidis proportionalia. Quamobrem praxis, & prudentia Medici semper vocanda est in judicium pro necessaria, opportuna, ac prudenti electione medicamentorum.

49. Satis, ut puto, ostendimus purgantia medicamenta immediatis, & mediatis viribus agere, & reagere contra solida intestinorum, ut materierum excretiones sequi debeant e glandulis intestinalibus: Modo ordo postulat, ut ultro consideremus tales separationes non solum haberi ab opere solidorum, verum etiam simul & semel ab opere medicamentorum agentium, & reagentium contra solida, & liquida animalium: Minimæ itaque purgantium medicamentorum particule, sive effluvia per orificia vasorum lacteorum chylum, lympham, sanguinem, aliosque succos ulterius ingrediuntur, aut ingredi conantur: Ingressa autem cum fuerint facto intimo contactu cum particulis fluidorum rotando circa proprios axes asperis suis superficiebus dividunt particulas fluida componentes, partes filamentosas scindunt, & compagem crassarum particularum, & unionem nimis arctam cum tenuibus, ac fluidis aut minuunt, aut laxant, aut tollunt, laxata compage, aut imminuta, aut ablata particularum humoralium inter se majori, & celeriori motu circulationes suas ineunt una cum particulis purgantium medicamentorum, & ad glandulas intestinales facilius, & promptius simul deferuntur: facta enim suppositione totam massam sanguinis esse proxime æqualem libris 24. & cor singula systole expellere unicam sanguinis unciam, pariterque pulsationes cordis juxta Bartolinum singula hora ascendere proxime ad numerum 4400 facile ostendimus num. 42. totam sanguinis massam purgantibus particulis permixtam per cor 17 vicibus singula hora proxime esse circulandam, consequenter totidem vicibus singula hora per intestina esse proxime deferendam. Si itaque tam facile, tam prompte tota, aut quasi tota massa sanguinis ad intestina deferatur, constabit cur a medicamentis purgantibus agentibus, & reagentibus contra fibras intestinales tot ac tantæ separationes materierum evenire debeant; evacuatis enim prima vice glandulis intestinalibus facile a repetitis circulationibus denuo replentur, & denuo sollicitantur, irritanturque glandulæ ipsæ a permixtis particulis medicamentorum, sicque novam parant, & paratam sollicitant excernendæ materiæ quantitatem.

50. Tanto autem parandæ, & excernendæ materiæ instituto juvat ulterius frequentia oscillationum, quæ a purgantium particulis vasibus continentibus communicatur: Vasa enim continentia continuo sollicitata a particulis medicamentorum, quæ fluidis permiscuntur, celeriori motu oscillationum oscillant; transeunt itaque frequenter a sectionibus majoribus ad minores, & rursus solcite ad majores sectiones restituuntur, communicando frequentiores impetus fluidis contentis: cum autem fluida celeriori velocitate mota excerni debeant, ac separari, ex mechanicis, ab orificiis vasorum, aut glandularum in ratione composita quantitatum, & velocitatum fluidorum, (aut juxta nonnullos quadrati velocitatis ipsorum), & orificiorum vasorum, ideo in frequentiori motu oscillatorio vasorum cum æqualibus temporibus majores promoveantur humorum quantitates, majoresque pariter velocitates ipsorum, certe copiosiores humorum quantitates ab iisdem, similibusque glandularum orificiis erunt excernendæ.

51. Quod si argumentum hoc sedulo expendere velimus, patebit aliam præstantissimam causam supra modum conferre ad feliciorum humorum separationem: ut autem hanc causam clariori methodo exponamus, necesse est præmittere nonnulla desumpta ab experimentalis Philosophia: Corpora videlicet aquea, sive, ut Chemicis vocibus utar, menstrua aquosa apta esse non solum ad salium dissolutionem, verum etiam ad dissolvendas substantias resinosas, ut gummi Arabicum, Tragacanthum, Bdellium, Ammoniacum, & similia; corpora vero sulphurea ad penetrandas, dissolvendasque sulphureas pariter materias esse disposita; sic oleum terebinthinæ penetrat sulphur commune, aperit, & solvit: ita corpora salino sulphurea opportuna esse ad omnia quoque salino-sulphurea composita dividenda, & dissolvenda, omnia

nia denique corpora salina tantummodo valere ad salinas potissimum massas penetrandas, ac divellendas, ut universa Philosophorum, & Chemicorum experimenta ultro confirmant; deinde apertum est singula viscera machinæ animalis eo esse instituta, ut peculiares succos secernant e glandulis viscerum mole, figura, & motu dissimilibus, sed proportionalibus pro diversi generis succorum separatione a massa sanguinis, ut prima parte Mechanices Morborum num. 8. & sequentibus satis exposuimus, & ut universa naturæ phænomena satis superque ostendunt.

52. Hisce præmissis, ingrediatur gratia exempli rhabarbarum ventriculi capacitatem, hoc quidem dissolutum a salinis ventriculi cuneis, & a reliquis componentibus succum biliosum, & pancreaticum, & in minimas particulas redactum chylum, lympham, & sanguinem penetrat: certe quaquaversus in solida, & fluida agens separationes quidem in genere potens est exercere; verum eo tempore quo opere circulationis hepaticas glandulas penetrat, hic potissimum statuerè experimur specifica, & præstantiora sua momenta, ac validiores suas vires: constat enim ab effectis opere rhabarbari biliosas potissimum particulas solcite, & copiose eliminari supra reliquos succos animalis; cum autem ex chimica analysi bilis multo abundet sale, & sulphure, ergo cum salino sulphurea composita facilius, & promptius dissolutionem patiantur a corporibus pariter salino-sulphureis, colligere jure possumus elementa rhabarbarum componentia potissimum esse salino-sulphurea, & ab homogeneis succis biliosis faciliem, ac majorem pati posse dissolutionem. Cum itaque rhabarbari particula hepaticam substantiam fuerint ingressa, hic potissimum facta mixtione istorum corporum homologorum inter se vires, ac momenta istorum majora reddenda erunt, & ultro augenda. Duplici quidem opere, & primo succus biliosus in hepate facile esse potest ad modum menstrui dissolventis rhabarbarum, bilis enim solvens, & rhabarbarum solvendum sunt, ut diximus, ambo homologa, & homogenea corpora inter se, videlicet salino-sulphurea; Hinc rhabarbarum a particulis biliosis magis magisque in hepaticis glandulis fractum, ac dissolutum, & copiosiores successive particulas emittens, aptum erit tali specifico nisu, ac impetu sollicitare fibras glandularum hepaticarum, ita ut a talibus specificis oscillationibus fibrarum sequi debeant majores, & copiosiores secretiones corporum biliosorum, quæ sint talibus fibrarum motibus, seu oscillationibus proportionalia. Secunda methodus specificæ actionis, & reactionis inter rhabarbarum, & succum biliosum talis quoque esse poterit: sulphureæ enim bilis particula suo pollent elatere; ergo facta mixtione, & unione particularum elasticarum bilis cum elasticis particulis rhabarbari & facto ulterius nexu salium unius cum salibus alterius vires augeri debebunt proxime in ratione composita ex ratione numeri particularum elasticarum, & salinarum compositi biliosi, & particularum elasticarum, & salinarum rhabarbari, & ratione motuum utrorumque; quare facta mixtione, & unione particularum bilis cum particulis rhabarbari, vires ac momenta hujus specifici compositi in tali ratione composita augenda erunt. Quamobrem ab hisce specificis viribus, ac momentis facto frequentiori, ac potentiori stimulo contra glandulas hepaticas frequentiores pariter, & potentiores oscillationes specificæ glandularum hepaticarum erunt secuturæ ad ulteriorem bilis ab hepate separationem, ut num. 10. primæ Partis Mechanices Morborum indicavimus: hisce probabiliter legibus innixa fuit veterum Medicorum opinio, quæ medicamenta elective purgantia decreverat; ab hac enim duplici methodo agendi, & reagendi medicamenta elective purgantia vires suas ostendere videbantur.

53. Neque dicas a rhabarbari particulis excitari posse actionem separationis in aliis quoque visceribus, ut in pancreate, mesenterio, renibus, ac in hepate promota fuerat; eo quia quamvis aliqua excretio aliarum materierum in aliis visceribus excitari possit ab opere particularum rhabarbari; nihilominus secretio aliarum particularum in cæteris visceribus multo minor, ac levior futura erit secretionem biliosarum particularum faciendâ in hepate a specifico opere rhabarbari; numeri enim particularum biliosarum specifico sale, ac specifico sulphure prædictarum homogenearum sali, & sulphu-

ri rhabarbari multo majores sunt in hepate, quam in reliquis visceribus, consequenter corpora biliosa agentia, & reagentia contra homologas rhabarbari particulas in ratione composita majoris numeri salis, & sulphuris biliosi, & ratione elateris sulphuris ejusdem majoribus quoque viribus, ac momentis in hepate erunt operatura: vicissim cum a phænomenis medicis habeamus rhabarbarum facilius, & potentius agere, & reagere figura, motu, & elatere pro majori secretionem bilis ab hepate, quam reliquorum humorum a reliquis quoque visceribus; ergo colligere jure ac merito possumus specificas actiones, & reactiones rhabarbari contra biliosas particulas, & specificas actiones, & reactiones particularum biliosarum contra rhabarbarum se habere ut menstrua inter se vicissim proportionalia, ad mutuam inter se dissolutionem exequendam. Ex mechanicis enim edocti sumus effectus semper esse causis suis adæquate proportionales; hinc opere rhabarbari per omnia licet viscera circulantis majores quidem quantitates biliosæ materiæ, quam reliquorum humorum (quarum aliquid concedimus separari posse) erunt majori numero in hepate secernendæ, ob majorem rhabarbari cum fibrosis particulis proportionem, & homogeneitatem.

54. Similiter ratiocinari poterimus, si considerare voluerimus actiones, & reactiones eorum purgantium, quæ a Medicis *Phlegmagoga* dicuntur, in quorum classe sunt mechoacanna, jalappa, agaricum, turbit, hermodactilus, ireos, esula, colocynthis, &c. Hæc primario serum solvunt, & promovent duplici pariter methodo, quarum prima respicit phlegmagoga, hæc medicamentarelate ad serum secernendum; secunda respicit serum ipsum relate ad exposita medicamenta. Primo itaque medicamenta phlegmagoga apta sunt asperis suorum salium superficiebus circa proprios axes rotantibus fibrosam sanguinis, & feri concrecibilis texturam penetrare, laxare, aut scindere, qua magis aperta ac dissoluta fluidior feri portio copiosior fluenda erit, & facilius per intestinales glandulas secernenda; deinde probabile est phlegmagoga elementa cum ad intestinales cellulas delata fuerint opere circulationis, hic juxta suorum angulorum, ac motuum differentias specificis motibus sollicitare fibras glandularum intestinalium, qua facta sollicitatione, specificæ, ac determinatæ in fibris eveniunt oscillationes feri molibus, figuris, ac motibus proportionales; etenim, per primam propolitionem hujus, motus fibrarum semper sequi debent in statu naturali juxta impressiones corporum impellentium; cum autem a specificis oscillationibus fibrarum glandularium secernenda sint a sanguine illa potissimum elementa, quæ specificis oscillationibus fibrarum mole, figura, & motu proportionalia sint (ut prima Parte Mechanices Morborum numero 8. ostendimus); ergo patebit a phlegmagogis specifica actione, & reactione sollicitantibus fibras glandularum intestinalium secuturas esse copiosiores feri a sanguine separationes determinatis illis glandularum intestinalium oscillationibus proportionales; quare materiæ serosæ copiosius separatæ in cavitatibus intestinorum evomendæ erunt. Ulterius judicari probabiliter potest elementa corporis phlegmagogi facilius, & promptius adhærere, & uniri sero, & corporibus feri, quam reliquis componentibus massam sanguinis, ea videlicet ratione, qua experimur mercurium facilius, & promptius uniri auro, quam reliquis mineralibus, & solas auri particulas potentissime penetrare, ac scindere. Ita edocemur plantas, & plantarum radices enutrirî singulas, & crescere ex determinatis succorum a terra extractorum corporibus ipsis adhærentibus, utpote ipsismet plantis proportionalibus, & homogeneis, rejecto ut plurimum aliorum corporum consortio. Quamobrem elementa corporis phlegmagogi facilius alligata, & unita sero, & feri particulis, factoque augmento molium, & virium inter se efficiunt faciliorem penetrationem glandularum, ut qua data porta exeant majori numero serositates cum paucis aliorum corporum consortio; hinc a phlegmagogo corpore plus fluidi feri, plus feri concrecibilis promovetur, & feruntur extorsum, quam reliqua elementa massam sanguinis componentia promoveantur. Juxta tales fortasse naturæ leges veteres Medici phlegmagoga hæc medicamenta elective purgare serum, & aquas arbitrati sunt.

55. Modo expendere debemus serum ipsum relate ad exposita medicamenta. Serum enim ex Chinicis haberi potest ut aqueum menstruum non solum ad penetranda, & dissolvenda ea corpora salini generis, quæ feri particulis proportionē respondent; verum etiam ad penetrandas, & dissolvendas illas resinofas texturas, quæ mole, figura, & porositatibus aptæ sint excipere subtiles lymphæ sphaerulas, & volatiliores lymphatici salis particulas dissolutioni specificarum resinarum institutas; hinc ab hoc aqueo menstruo specificis salibus composito penetratur, & rumpitur non solum mechoacanna, jalappa, agaricum &c. verum etiam penetrantur, & divelluntur resinofæ quædam substantiæ, ut terebinthina, gummi arabicum, ammoniacum, sagapenum, sacrocolla, & his similia, quibus penetratis, ac dissolutis a salino hoc aqueo fluido elementa sanguinis, aliorumque corporum quoad molem imminuuntur in ratione cubica, quo vero ad superficies in ratione quadrata; quamobrem quoad molem multo leviora, & mobilia redduntur, quo vero ad superficies hæ remanent majores, quæ sustinendo majores contactus cum particulis aqueis, necessario majorem adhesionem, & unionem efficiendo cum aqueis particulis, ab hisce aqueis sphaerulis, aut quasi sphaerulis facilitatem motus excipiunt, ut glandulæ, aut renales, aut utraq; a majori motu corporum transeuntium laxatæ, dilatatæ, & apertæ serosis potissimum fluidis viam parent.

56. Hac data opportunitate discendi de medicamentis, quæ elective operari videntur, nolo dissimulare exponere probabilem rationem, propter quam experimur nonnulla vegetabilia, ut hellenium mures enecare, nucem vomicam canes occidere, reliquis animalibus illæsis; nonnulla vero ab animalibus desumpta, ut cantharides vesicam humanam specificè ledere, & urinas promoveri, reliquis visceribus sine noxa remanentibus; denique nonnulla mineralia, ut mercurium, fauces irritare, & erodere, & salivationem ut plurimum promoveri. Hæc phænomena clare ostendunt variam esse texturam, & compositionem principiorum sanguineas massas componentium juxta varias animalium species; quamobrem particulæ componentes hellenium permixtæ cum sanguine murium facile elaborant moles, quæ in hisce animalibus sunt pondere, superficie, figura, & motu quodammodo veneficæ, & solummodo fluidis per mures circulantibus inimicæ: Nox vomica permixta cum sanguine canum, & felium componere facile possunt particulas, quæ se habent mole, pondere, superficie, figura, motu, & elatere veneni ad modum pro solis canibus, & felibus enecandis; similiter cantharides sine noxa mixtionem inire possunt cum sanguine humano; cum vero istæ aut in renibus, aut in vesica unionem fecerint cum tali determinato numero salis armonicalis urinam componentis, tunc tales moles componi possunt, quæ pondere, superficie ac figura, stygiam veluti indolem acquirant, aptam renales glandulas, aut vesicam potentissime lacerare, urinarum mucos dissolvere, & urinas validissime promoveri. Sphaerulæ pariter mercurii cum ex natura figurarum sphaericarum semper in motu esse debeant, ideo sine noxa cum fluidis possunt permisceri, & circulare: cum autem mercurius experiatur ab effectis a saliva præsertim hominis jejuni aliquantulum detineri, ac firmari, propterea mercurius cum ad loca salivaria, aut ad loca salivæ analogæ pervenerit, hic mora, & quiete acquisita, & hac data occasione quietis a salivæ salibus undequaque circumscriptus, relicta figura sphaerica polygonam figuram acquirit, propter quam in hisce locis majorem moram faciens, & firmitatem acquirens, majores vires, ac momenta exerceri pondere, & aspera superficie, quam a corporibus circumferentibus sibi comparaverat, parta faucium, oris, aliarumque partium erosione, & copiosa salivæ separatione; Similia quoque phænomena in chimicis manifesta esse videntur, sulphureæ enim particulæ unitæ particulis nitrosis, aut vitriolicis tali numero ac mole inter se arsenicale compositum elaborant, quod veneni ad modum operatur contra fluida, & solida, quamvis, componentes particulæ sejunctim sumptæ omnino sint innocuæ; similiter ex miscella spiritus nitri cum spiritu vitrioli tertia quædam substantia emergit, quam aquam stygiam appellamus validissime erodentem, quan-

tumvis componentia sejunctim accepta beneficia non lethalia esse experiantur. Ex his colligere possumus specifica phænomena purgationum in animalibus, ut plurimum contingere, quotiescunque determinata fluida cum determinatis, ac specificis corporibus, ut fluidis alterius generis copulentur determinatis in locis machinæ animalis: hisce enim in locis specifica fieri possunt ex determinata mixtione, & unionē corporum composita quædam, quæ ob nova pondera, novas superficies, figuras, ac motus peculiare actiones, & reactiones exercent, a quibus determinatæ separationes humorum sive bonæ, sive malæ consequi debeant, aut beneficio, aut detrimento animalium; quamobrem quæ diximus de rhabarbaro, ut plurimum expellente biliosas materias, quæ de jalappa, mechoacanna, hermodactilis &c. seu de phlegmagogis expellentibus ut plurimum a glandulis intestinalibus serositates, simili lege, ratione, ac methodo de quibuscunque aliis medicamentis dicendum erit specificas actiones, & reactiones contra peculiaria fluida, & solida corporis exercitia, specificas materierum separationes promotura.

57. Quærendum denique est, cur post purgationes alvus styptica soleat remanere; facile autem quæsito satisfacere poterimus, si considerabimus ab opere medicamentorum sollicitantium, & stimulantium fibras, & glandulas intestinorum, has coactas esse frequentissime, & celerrime oscillare, consequenter motum peristalticum in intestinorum factum fuisse celerrimum, ac frequentissimum; quare cum a celeriori, & frequentiori motu sequantur necessario majores effusiones fluidorum non solum præternaturalium, verum etiam naturalium, & elasticorum succi nervei, ideo hisce majori numero effusis, ac deperditis fibræ omnes, & glandulæ intestinales laxatæ, enervatæ, & in statu inertiae reddendæ erunt; quamobrem post purgationes glandulæ, & fibræ lentescendo in suis oscillationibus tarde, ac lente separationes, & excretiones materierum in posterum erunt paraturæ, ita ut post purgationes alvus styptica reddenda sit. Accedit quod in purgatione major feri copia excernitur, quam necessitas postulat, hinc multo minor copia remanet post purgationes, fibræ, & glandulæ intestinorum magis exiccata, & aridæ redduntur, hinc minus aptæ fiunt ad opportunos, ac validos motus oscillatorios, seu peristalticos exercendos pro materierum separatione, proinde alvus styptica erit secutura.

DISSERTATIO VI.

De Medicamentis Vomitum excitantibus.

58. **C**orporis purgationes potissimum fiunt; aut per medicamenta alvum moventia, aut per medicamenta vomitum excitantia. Cum vero de purgantibus per alvum in antecedentibus dissertationibus actum fuerit, ideo ordo rei agendæ postulat, ut in præsentī de medicamentis vomitum excitantibus acturi simus. Hic autem de vomitoriis acturi, solummodo considerabimus illas causas vomitus, quæ a medicamentorum stimulo cognoscendæ sunt: negligimus itaque vomitum illum, qui a vertigine, a vulneribus, a motu insueto corporis, ut in rheda, in navi &c. quæ causæ vomitus facile referri possunt ad illas causas, quas a medicamentorum irritatione partas esse inferius ostendemus. Cum ergo actiones medicamentorum per vomitum nullo modo explicari justo possint, nisi præmittamus ea, quæ ab Anatomicis necessaria esse judicantur, ideo juxta celeberrimum Heisterum considerabimus: *Ventriculum sub figura utriculi luforii, quia quadruplici numero membranarum munitus est. Prima itaque istarum membrana cæca est, cujus fibra transverse procedunt. Secunda musculoſa, in qua fibrarum ordo varius est, & quasi inextricabilis; quedam enim quasi circulares a parte superiori ad inferiorem descendunt, alia in superiori ventriculi parte inter utrumque orificium, alia a sinistro latere ad dexterum oblique excurrunt, quedam orificia ambiunt. Tertia nervea rugas efficiens multis vasis sanguiferis, & parvis liquidum gastricum secernentibus instructa. Quarta villosa, tenuis, porosa præcedenti nervea arte adherens; Per hanc tunicam etiam quandoque oscula excretoria hiare glandularum ventriculi prope antrum pylori celeberrimus Morganius adnotavit. Adver-*

1a. Anatom. 3. pag. 6. Præterea adsunt arteria gastrica ad venam portæ tendentes: ubi notanda sunt vasa brevia ad ramum splenicum abeuntia, & vena coronaria ventriculum ambiens. Nervi deinde circa sinistrum orificium intrantes a pari vazo admodum insignes sunt, hinc adeo sensibile redditur sinistrum ventriculi orificium; denique vasa lymphatica ad receptaculum chyli abeunt. Ventriculus duo obtinet orificia, sinistrum unum cum gula continuum, multisque rugis instructum, quod longe altius est dextero, dexterum vero, qui pylorus appellatur cum intestinis alligatur, quo in loco adest singularis valvula ventriculi orificium claudens, tandem ad est fundus ventriculi, qui anteriora spectat.

59. Prudentissimus itaque Clinicus vel naturæ, vel morbi necessitate imperet ægrotantibus assumere vomitoria, brevi tempore particulæ vomitorii vel pondere vel aspera superficie, vel motu, vel vi ex hisce omnibus composita, unitæ etiam succis facile salinis, qui a nervea membrana ventriculi continuo separantur pro penetratione, & dissolutione ciborum, elaborant potentissimas vires in ratione composita ponderum, superficialium, & motuum corporum permixtorum inter se; quamobrem tali ratione agentia, & reagentia vomitoria primo stimulant membranam villosam, quæ cum membranæ nerveæ arcte adhæreat, statim nervea membrana consensu facto stimulatur. Cum vero stimulus vomitorii fiat a continuo contactu ejusdem supra membranam villosam; ideo & nervea membrana continuos stimulos excipiens, & sustinens multo majores exercet contractiones, quam distractiones: hic animadvertendum est nerveam membranam emitte fibrillas nerveas quaquaversus per spatia proximæ membranæ musculosæ pro necessario motu ejusdem; quamobrem cum muscularis membrana duplici fibrarum ordine donata sit, quorum alter circularis est a parte superiori ad inferiorem descendens, altera vero oblique sive spiraliter varias directiones motus describens; ideo ambo isti fibrarum ordines primario statuent convulsivæ ventriculi anomalias.

60. Et primo cum membrana nervea continuos stimulos sustinens a villosa comunicatos coacta sit multo majores pati contractionis gradus, quam moveri motibus distractionis; ideo & membrana subsequens muscularis omnimodam relationem habens cum nervea crispationem, & contractionem ferre debet; hinc statim circularium fibrarum ordo membranæ muscularis statum contractionis acquirens parat sectionem minorem ventriculo, cum autem iste transitus ventriculi a sectione majori ad minorem fieri non possit sine necessaria fundi elevatione versus sinistrum ventriculi orificium; ergo contenta omnia in ventriculo versus gulam primo elevari coacta erunt. Etenim cum fibræ circulares versus pylorum multo sint minoris diametri, quam sint fibræ circulares fundi ventriculi, idcirco cum circulares sectiones ex geometricis decrescant semper in ratione quadrata fuorum diametrorum, profecto cum sectio pylori, seu dexteri orificii sub minori, aut minima diametro contenta stricta fuerit, ac clausa, adhuc sectio fundi ventriculi sub multo majori diametro remanebit satis aperta, ac dilatata, quare dexterum ventriculi orificium arctissime constrictum, & clausum impedit, ne contenta in ventriculo ob fundum elevatum, & proportionaliter constrictum per intestina transmittantur, quin immo materiæ contentæ versus fundum, & sinistrum ventriculi orificium expulsæ, & hisce in locis suas irritationes ultro exercentes tandem aliquando fundum ventriculi fortiter, & convulsive contrahunt, & adaucta fundi angustia cogunt materias contentas violenter impelli sursum parto vomitu. Ulterius tanto operi constrictionis pylori, & fundi ventriculi conspirat proportionalis contractio fibrarum pariter obliquarum, seu spiralium, a quarum viribus fortissime constrictionem circularium sustineri, & conservari necesse erit. Cum itaque totus ventriculi fundus ab assidua irritatione contractus, & crispatus convulsive sursum elevetur, & pylorus, seu dexterum orificium fortissime constrictum, & omnino clausum reddatur; ergo impedito motu materierum per intestina, opus erit contentas materias, & fortiter compressas a capacitate ventriculi jam decresciente in ratione quadrata diametrorum fibrarum circularium per dexterum ventriculi orificium sursum violenter esse expellendas.

61. Verum sentio in hac re arguentes, si a stimulo vomitorii irritantur continuo fibræ ventriculi, cujus irritationis opere stringitur, & contrahitur pylorus; ergo ab eadem causa irritante stringendum quoque erit orificium sinistrum ipsi gulæ continuum: quapropter materiæ contentæ neque sursum per vomitum, neque deorsum per intestina erunt expellendæ. Optima quidem dubitatio; & sane si ea proportionem fibræ sinistri orificii plurimis nervis stipatæ redderentur contractæ, ac reddantur strictæ & clausæ fibræ dexteri orificii, seu pylori, proculdubio materiæ contentæ læthali vitæ periculo neque sursum per vomitum, neque deorsum per intestina moveri potuissent: sed violenter in ventriculo detentæ gravissima ventriculi tormina, convulsiones, aliquando inflammationes cum lypiria febri producerent. Verum debemus animadvertere sinistrum ventriculi orificium cum gula continuum multo altius esse dextero, sive pyloro, quare contentæ materiæ pondere suo occupant primo fundum ventriculi, deinde facilius, & promptius pylorum, non solum quia hic est sinistro humilior, verum etiam quia motus peristalticus fibrarum ventriculi a gula ad pylorum successive dirigitur; cum itaque a pondere materierum potissimum pylorus, & pars fundi versus pylorum teneantur, ideo facta in hisce locis majori densitate, pondere, & asperiori graviorique contactu corporum ingestorum, multo magis contentæ materiæ stimulant pylorum & partem fundi pylorum versus, quam reliquas partes a pyloro remotiores; hinc in dextero orificio, & partibus huic proximis major contractio, majorque convulsio erunt secuturæ; effectus enim sunt causis suis adæquatis proportionales, quare effectus contractionis, & convulsions in partibus pylori majores, & validiores ac continui esse debent, in quibus causæ irritantes, ac stimulant fuerint pondere, densitate, & asperiori contactu majores, validiores, & continuæ; quamobrem in spatiis pylori validiori excitato motu convulsions molestæ istæ materies sursum, seu gulam versus erunt impellendæ, versus quam sola major porta aperta remanet, seu minor resistentia concessa est parto vomitu, ut etiam antecedenti numero indicavimus.

62. Talis elevationis necessitas gulam versus materierum molestarum ventriculo ultro consequitur a motu pressionis sursum totius abdominis opere nervorum paris vagi, qui cum membrana nervea communionem habent; isti enim effusi per abdomen totum convulsiva contractione acquisita sursum elevant viscera abdominis, intestina, musculos &c. quæ omnia simul impetu facto in ventriculum contentas materias sursum per gulam validissime ulterius urgent ad majorem vomitus generationem.

63. Præter hæc Mechanicæ leges supramodum favent tam necessariæ elevationi materierum gulam versus, & per gulam ipsam. Cum enim pultacea materies sit quid compositum ex corporibus solidis, & fluidis, elasticis, & non elasticis, & compressio massæ chylaceæ in minus volumen per pressionem factam ab elevatione, & constrictione fundi ventriculi, & dexteri orificii: pariterque cum elasticitates corporum elasticorum sint viribus comprimentibus quam proxime proportionales; ergo cum in elevato fundo ventriculi, & in spatio præcipue dexteri orificii fiat, cæteris paribus, major pressio, & coarctatio chylosæ materiæ, necessario elementa elastica sulphurum aeris, & flatuum componentia hanc pultaceam substantiam majorem, ceteris paribus, elaterem acquirere debent pylorum versus, & in parte fundi ventriculi pyloro proxima. Quamobrem cum elastica particulæ pervenerint ad ultimum terminum suæ compressionis in hisce partibus pylori, & pyloro proximis, cogentur talem violentum dilatationis nimum sibi comparare, passis compressionibus proportionalem: cum vero nullum majus spatium occupandum remaneat, nisi versus sinistrum orificium, seu gulam versus, versus quam majus spatium apertum est, minorque occurrit resistentia; ergo major dilatatio, & potentior rarefactio ejusdem massæ chylaceæ vi caloris interni, & externi acquisita facienda jure erit gulam versus; principio autem gulæ occupato ultro augetur necessitas expediti motus materiæ ascendendæ, aut ascendentis per esophagum. Etenim esophagus est canalis membranofus multo angustior ventriculo: quare ex mechanicis cum velocitates corporum fluentium sint in ratione

ratione reciproca sectionum canalium; ergo facta pressione fluidi chylacei a compressione communicata ventriculo, motus materię chylaceę in latiore spatio ventriculi ad motum ejusdem materię chylaceę jam occupantis minorem gulę capacitatem, ac sectionem, erit reciproce, aut quasi reciproce ut major motus per minorem capacitatem gulę, ad minorem motum per latius spatium ventriculi; propterea manifestum erit quanto majori motu, & quanta majori velocitate chylacea materies, quantumvis leviter mota in ventriculo coacta sit majori velocitate moveri per esophagum, quotiescunque ob passam pressionem in ventriculo, & versus sinistrum orificium impulsa, gulę principium ingressa fuerit: motus itaque chylaceę materię per esophagum, seu vomitus expeditus, & promptus necessario erit futurus.

64. Modo arduum phenomenon explicandum remanet, quod medicam praxim agens aliquando vidi mirabundus. Aderat monialis, quę pisces talis speciei nullatenus in ventriculo detinere poterat, coacta erat post aliquod tempus cum vomitu solos pisces sine reliquis ut plurimum cibariis emittere; cognovi Medicum qui carnem suillam quantumvis plurimis cibis permixtam, attramen hanc tantummodo evomebat: quamvis argumentum hoc salebrosus esse videatur, nihilominus probabilia cogitanti occurrit mihi considerare naturam præstantissimam sui ipsius conservatricem separare a glandulis nervę membranę ventriculi succos varię indolis compositos ex particulis aqueis, sulphureis, & salinis diversę molis, ponderis, & figurę, quę salium particulę se habeant ut cunei multiplicium superficierum, & angulorum, ut juxta multiplices ciborum dissolvendorum differentias singularia, & specifica veluti menstrua penetrantia, & dissolventia cibos haberentur: sicut enim in Chemicis, ut n. 51. innuimus, singula corpora penetantur, & dissolvuntur a similibus, & homogeneis, sicuti aqua fortis argentum, raggia vero aurum, & acetum plumbum penetrant, ac solvunt; ita cum præcipua actio ventriculi sit penetratio, & dissolutio ciborum opere potissimum succorum, qui a glandulis nervę membranę ventriculi continuo secernuntur, facile erit judicare naturam artis magistrā tam admirandum opus penetrationis, & dissolutionis ciborum obtinere posse beneficio, & opere specificę differentię corporum agentium, & reagentium contra cibos in ventriculo contentos, ita ut similia, & homogenea a similibus, & homogeneis præcipue penetrentur, & scindantur; a dissimilibus vero, & heterogeneis aut imperfectam, aut ægram, aut nullam penetrationem, & dissolutionem acquirant; hinc juxta leges naturę amanti proportionē corporum, figurarum, porositarum, & motuum eorundem inter se manifestum erit multiplicia corpora dissolventia, quę promiscue separantur a glandulis ventriculi quoad potentiam apta esse cibos penetrare, ac solvere, sed imperfecte, & languide; quo vero ad actum, seu ad usum specificum, & determinatum penetrationis, & dissolutionis eorum certum erit similia & homogenea solum a similibus pariter, & homogeneis quoad figuras, poros, & motus facilius, citius, & perfectius penetrari posse, ac dissolvi, ut physica experimenta a legibus naturę petita omnino declarant.

65. Deinde considerandum est; quod ut specifica cibi differentia apte, & perfecte penetretur, & scindatur a specifica actione, & reactione particularum, sive cuneorum dissolventium, debet cibus iste aptus esse, ac dispositus ad intime se permiscendum cum reliquis ciborum particulis; a perfecta enim & intima miscella istius cum reliquis cogitur excipere quaquaversus percussiones particularum dissolventium, seu cuneorum, quorum auxilio penetratur & frangitur hæc specifica cibi differentia potissimum ab illis corporibus, aut cuneis salinis dissolventibus ipsi cibo dissolvendo similibus, & proportionalibus. Hisce præmissis, si aliqua cibi species extiterit in ventriculo, quę non sit apta ad perfectam, ac necessariam mixtionem sibi comparandam cum reliquis ciborum particulis, & ulterius in ventriculo aut minora sint, aut languida, aut nulla existant corpora illa dissolventia, homogenea, & proportionalia specificę illi speciei cibi dissolvendi; tunc illa cibi species non perfecte permixta cum reliquis, neque opportune poterit penetrari, frangi, ac dissol-

vi; Quamobrem hæc cibi species imperfecte, aut nullo modo mixta cum reliquis, neque dissoluta, & facta, ceteris gravior, ac ponderosior remanere debet, consequenter ventriculo molestior: gravior autem & ponderosior reddita cum fuerit, non poterit facile ac prompte moveri versus pylorum, versus quem tota materies chylosa naturali motu jam dissoluta, fluidior, & levior reddita paulatim movetur, & dirigitur, sed tali motui versus pylorum resistantiam feret gravitate ac pondere. Cum vero talis cibi species pondere, superficie, & præternaturali tarditate affecta, eveniat quoque supra modum molesta nerveis, & muscularibus fibris ventriculi, ideo facto eo potissimum in loco, cui materies illa aderet, ulterius stimulo, & excitata quadam affectione convulsiva ea lege contractionis promovebitur vomitus solius materię molestę, & gravis, quem antea exposuimus evenire opere medicamentorum irritantium. Tali ulterius actioni vomitus solius materię molestę ac gravis conspirat ipsamet actio, & passio animę (quantum ex se est, & organa ipsi apte pateant); hæc enim intime compenetrata sensoriis suis cogitur moleste sentire, & graviter pati molestas, & graves suorum sensuum, & organorum affectiones: quare anima primario suas actiones exercens in cerebro, & cerebello hic moleste, & graviter sollicitata cogitur violenter sollicitare, & proportionaliter impellere potissimum eas specificas fibrillas cerebri, & cerebelli, quę relationem, & consensum habeat cum illis fibris ventriculi moleste, & graviter affectis a corpore illo molesto, & heterogeneo; quamobrem ultro promoven- tur, & agentur motus illi contractionis fibrarum nervearum, & muscularium ventriculi, qui sint ad specificam illam materiam naturę gravem, ac molestam, volente anima, per vomitum expellendam proportionales. Quod si una cum corpore illo extraneo aliquid etiam materię pultaceę per vomitum emittatur; profecto vel erit hoc quantitate paucum, vel extraneo corpori arcte adhærens, vel quid ægrę dissolutum, & reliquis particulis gravius aptum evertere ut antea æquilibrium mixtionis materię pultaceę, ideoque exposita methodo erit hoc quoque per vomitum expellendum. Hęc simili ratione eveniunt, qua experimur a sæbi particula dolio immissa everso æquilibrio mixtionis universas vini particulas excitari in violentissimos motus usque dum tota sæbi extranei expulsio secuta fuerit.

66. Quamvis vomitoria sæpe ac sæpius necessaria, & utilia esse videantur; nihilominus aliquando aut caute, aut nunquam erunt exercenda; si itaque ægro- tantes non fuerint ad vomendum prompti, neque vomitionibus assueti, tunc vomitus vel caute tentandus erit, vel omittendus; verum si fuerit hæmoptisis, aut scapularum, aut thoracis naturalis angustia, tunc a vomitoriis abstinere oportet. Ita pariter si ætas tenera, si constitutio ventriculi languida, si inedia præcedens fuerint, & vires fuerint enervatę, & fractę, tunc penitus debemus a vomitoriis recedere; denique in Pletoricis caute vomitus promovendus erit, nisi prius opportuna sanguinis missio fuerit instituta, facile enim ab impetu evomendi vasa sanguine turgida miserrime rumpentur,

DISSERTATIO VII.

De Medicamentis Diureticis.

67 Nemo est qui non intelligat medicamenta diuretica illa esse, quę serum a sanguineo fluido continuo promovent secernendum specifico motu fibrarum renalium, quod inde in ureteres exceptum per vesicam, & per uretram expellitur, quod fluidum expulsum *Urinofum* a Medicis appellatur. Cum itaque renes sint primaria organa talis separationis fluidi serosi, placebit considerare ex datis Anatomicis substantiam renum aliam esse exteriorem, seu corticalem, interiorem alteram. Exterior juxta Malpighium glandulosa creditur, juxta Ruischium vasculosa habita est. Interior vero tubulosa, nempe ex plurimorum tubulorum aggerie composita est: hæc desinit aliquando in 10. aliquando in 12. papillas, quę plurimis foraminulis perviæ hiant in pelvim: hæc autem pelvis est cavitas membranosa, quę inde extra renes collecta, & unita ureteres construit,

qui

qui tandem obliquo ductu in vesica terminantur; ab arteriis itaque emulgentibus delatus sanguis ad externam vel glandulosam, vel vasculosam substantiam opere determinatarum oscillationum organis renalibus proportionalium continua fit separatio fluidi serosi a massa sanguinis, quod a tubulis internæ membranæ exceptum & in papillis ultro depuratum in pelvi excipitur, & paulatim per ureteres in vesicam transmittitur. In statu naturalis compositionis renum facile est judicare glandulosa, vel vasculosa illa organa renum esse similia & æqualia inter se, ut apto ordine, & æquabili proportionē æquales quantitates humorum determinatis temporibus fecernerentur. Cum enim serum hoc a sanguine separandum leniter, tarde, & isochronis legibus moveatur in glandulosa, aut vasculosa renum substantia, pariterque capacitates glandularum similes, & æquales in naturali renum constitutione haberi debeant; ideo similes, & æquales quoque contentæ quantitates humorum exercendæ jure erunt ex mechanicis in ratione luminum, seu sectionum corporum glandularium, vel vascularium; hinc fluida serosa æquabiliter suscepta ab interna tubulorum aggerie, æquabili quoque ordine, motu, & tempore transmittenda erunt in papillas, & ab his in pelvim, a pelvi in ureteres, & ab ureteribus in vesicam, ut determinata quantitate, statutoque tempore per uretram expellantur.

68. Hæc in statu naturali: sæpiissime autem experimur primo a medicamentis aqueis, aut quorum basis est aquea, ut sunt aqua communis, serum lactis, & aquæ minerales &c. promoveri urinarum quantitates. Secundo a laxantibus, & emollientibus medicamentis easdem sequi urinarum copias, ut sunt oleum amigdarum dulcium, terebinthina, & succi herbarum emollientium ut malvarum, betarum, parietariæ, violarum fragariæ, alteæ, &c. tertio a salinis medicamentis variæ indoli, quorum vis est aperire, ac solvere texturas fibrosas humorum, aut sollicitate, aut stimulate organa renalia, ut sunt nigella, allium, pastinaca sylvestris, raphanus, ita sal fabarum, tartari, ammoniaci &c. pariter plurimi sunt succi essentiales herbarum, ut petrosellini, feniculi, asparagi, dauci, dictami, rapæ, persicariæ, acetosæ, anagallidis, irionis, praveræ bravæ, &c. quatum decoctiones, nec non istarum pulveres urinas copiose educunt, quibus addere poterimus millipedes, mel, & plurima alia hisce similia, quorum vis salina primario est, sed aliquo principio sulphureo permixta.

69. Medicamenta ergo diuretica quæ aquea sunt, aut basin habent aqueam, agere potissimum videntur quantitate, mole, pondere, & figura: primo enim agunt quantitate, mole, ac pondere, quando etenim quantitates aquarum ingrediuntur vasa animalium, tunc massæ humorum eleantur ad majorem altitudinem quaquaversus supra, infra, & ad latera, & successive per longitudinem canalibus repletis canalibus; quamobrem juxta Borellum Prop. 71. secundi Tomi *de motu animalium*, considerando vasa ut cilindros, haberi possunt vasa in statu naturalis positionis, & eadem vasa in statu majoris extensionis ob aquas contentas, ut duo cilindri similes: sed per Proposit. 12. 12. Eucl. cilindri similes sunt in ratione triplicata, seu cubica diametrorum, quæ sunt in basibus; ergo diameter basis cylindri in statu naturalis positionis fuerit ut 2. & post aquas assumptas extensio diametri basis facta fuerit ut 3. tunc primus cylindrus in statu naturalis positionis & extensionis ad secundum cylindrum in statu majoris dilatationis factæ ab aquis contentis erit in ratione 8. ad 27. Cum tanto itaque augmento vasorum ingreditur massa sanguinis externam renum substantiam, renales autem cellule vel glandulosæ, vel vasculosæ dilatandæ, & ipsæ erunt in ratione majoris quantitatis aquarum effusarum in cellulas ipsas; cum autem istæ ad ultimum terminum dilationis devenerint naturali suo nisu elastice contrahuntur, & contenta fluida per internam tubulorum aggeriem in papillas, & ab his in ureteres valide impellunt: hinc juxta frequentes aquarum successivas transmissiones ad renes urinarum copiarum per vesicam, & successive per uretram ejiciendæ erunt; tanto operi etiam conspirat spherica, aut quasi spherica aquearum particularum figura, quæ cum aptissima sit facillime moveri quaquaversus, & tangentibus corporibus motum tribuere; ideo aquæ particulæ fa-

cillime movendæ erunt, & exterius promovendæ.

70. Hic nolo prætereire gravissime peccare illos, qui audacter aquas minerales enormi copia bibere amant, & se has enormiter bibisse gloriantur; primo enim a pondere aquarum dilatatur nimis ventriculus, & laxatur, ut nervea membrana ejusdem enervata, & iners reddita lenissime oscillare coacta sit, & succos, seu cunecos dissolventes tarde, ac parce secernat; propterea & ob solidorum ventriculi inertiam, & ob succorum dissolventium inopiam, & debilitatem iners imposterum, & languida ciborum dissolutio consequitur: deinde excedens aquarum copia ad renes violenter effusa mole, pondere, ac numero nimis aperit cellulas illas, quibus nimis apertis, nimis quoque laxetur naturalis textura eorum, & inepta imposterum redditur ad específicos fibrarum motus facile, prompte, & valide exequendos, ut in statu naturali exigit æquabilis, & isochrona distractio, & contractio renum eorundem; quamobrem nimis laxatis sinibus, & naturalibus fibrarum angulis paulatim colligantur in renibus corpora extranea mole, superficie, & numero dissimilia, & heterogenea, quæ asperis superficiebus stimulo, ardore urinarum, dysurias, & strangurias, ut bis & ter vidi, aliquando etiam renum labes, calculos, aut ulcera parturiunt: Nolint ergo gaudere aquarum potatores se ad 180. aut ad 200. & amplius uncias ascendisse, cum tantæ aquarum copiarum facillime non leviter ferre possint pericula a nullis imposterum vincenda remediis; profecto 80. aut 90. ad summum 100. uncias Italici sufficere videntur, ut aquæ sine periculo, sed utilitate bibantur: quod autem aquæ minerales, & his similes tam facile, tam prompte transire, & expelli soleant per urinas, nolite admirari, cum ostensum sit sanguinis circulationem singula hora vicibus 17. proxime esse efficiendam; quibus motibus si addamus quantitatem aquarum, pondus, & salinas particulas, quibus minerales aquæ donatæ sunt, & a quibus viæ renum magis magisque aperiuntur, ultro constabit, quod facta ex hisce omnibus ratione composita virium, & momentorum, constabit, inquam, quam necessario aquæ minerales, & hisce similes prompte a sanguinea massa separandæ sint, & citissime excernendæ.

71. Sicut autem excedens laxitas organorum renalium plena est periculis, ita apta & conveniens laxitas eorundem ad urinas promovendas opportune conspirat; huic operi favent succi, & potiones laxantes ut violarum, parietariæ, malvarum, alteæ, &c. talis ordinis sunt terebinthinata, oleum amigdal. dulcium, oleum lini, & emulsiones laxantes, & similia balneis non relictis; fibræ enim organorum renalium aliquando rigidiores sunt, ut in senibus, in hysteris, in convulsivis, & hypocondriacis affectionibus facile evenit; firmiores aliquando redduntur magisque consistentes aut præternaturali fibrarum suarum constitutione, aut opere fluidorum viscidorum, & tenacium organis adherentium; fibræ enim renales sæpe, ac sæpius vestiuntur, & mulcantur materia quadam densa, viscida, ac filamentosa, quæ adhærendo, & circumscribendo fibras, has reddunt mole, & soliditate majores; cum autem moles, & soliditates corporum, cæteris paribus, sint ut pondera, profecto fibræ istæ mole, & soliditate adauctæ, graviores pariter reddendæ erunt, graviores autem redditæ resistunt motui sanguinis advenientis, impulsui succi nervei communicato renibus renalium nervorum auxilio, quare tunc specifici motus renalium fibrarum minores, magisque lenti, ac tardi facienda erunt pro lenta pariter ac tarda, consequenter minori fluidi serosi separatione; tali autem in statu opportune succurrunt mox exposita laxantia, & oleosa medicamenta, quæ leni, ac molli humectatione, ac penetratione emolliant rigidas illas fibras, & paulatim laxant mucosam illam superficiem fibræ circumscriptam, qua emollita paulatim decidunt, & collabescunt viscida illa involucra fibræ obvoluta, sic fibræ aut flexiles redditæ, aut spoliatæ, ac denudatæ muco leviores, & mobiliiores fiunt, & ad naturales suas oscillationes exequendas expeditæ redduntur, quibus facile, ac prompte oscillantibus major, & uberius feri copia secernitur, & promovetur ad majorem urinarum ubertatem; cum itaque hæc necessaria urinarum separationi sufficiant, hisce contentus esse debet Medicus, neque validiora medicamenta tentare debeat; cæterum si adhuc renes

renes non obediant, ad majora progredi licebit; aperient idcirco contumaces solidorum areas, & mucos, aut extraneas materias fibris, & glandulis renalibus adherentes dissolvent balnea tepida, & exposita illa diuretica, quæ salinis spiculis donata sunt, quatenus angulis suis penetrant, & aperiunt porositates renales, & viscidas quascunque saburras divellunt, ac rumpunt; diuretica itaque altioris ordinis exercenda erunt desumpta ab animalibus, vegetabilibus, & mineralibus. Inter remedia ab animalibus petita præstant illa quæ parantur a cancris, a millepedibus, a formicis, a stercore palumbi, & cantharidibus &c. Inter vegetabilia eminet saxifragia, semina irionis, radix praverabravæ, & salia quælibet a vegetabilibus collecta cum laude poterunt exerceri &c. Inter mineralia adest mercurius, nonnulla ab antimonio desumpta, & ea quæ parantur ex tartaro nitro, calce, & fale armoniaco urgente necessitate postulatur. In hac pariter classe numerari quoque poterunt spiritus salis dulcis, sal urinæ, & nonnullæ aquæ minerales fortes, ac validis salibus potentes; ut Sancti Mauriti, ex valle Solis &c. hujusmodi enim remedia non solum motu, & elatere vim faciunt in solida renum, & magis oscillantia reddunt; verum etiam salinis suis superficiebus fibrosum sanguinis, & feri concrescibilis crassamentum scindunt, ac frangunt, magisque renum poros aperiunt, hinc uberius feri contenti copia effluens valide, & potenter renum actiones, & reactiones exercet, ut serum per urinas copiosius educatur: & sane cum ab hisce omnibus agentibus, & reagentibus motu, & elatere augeatur feri velocitas, & a salina, & angulari eorum superficie scindantur filamenta nimis fixa feri concrescibilis, & magis extensi, fiant meatus solidorum renalium necessario fluida serosa secernenda erunt in ratione composita ex numero corporum agentium, ex velocitate, & elatere ipsorum, & ex ratione orificiorum canalium, seu glandularum, quæ ratio composita virium cum potens sit ad serositates promovendas opere renum, & vesicæ, idcirco copiosissimæ effusiones urinarum erunt secuturæ.

72. Quamvis autem urgente necessitate valida diuretica necessaria esse videantur, nihilominus prudenter, & semper vocato aliorum consilio adhibenda sunt; scrupulose enim animadvertere debemus a validioribus diureticis sequi quidem posse uberrimas urinarum copias, sed peiori periculo, non beneficio; sæpe enim ac sæpius tantæ humorum viscidorum saburræ deferri possunt ad renes, ut facta primum copiosissima secretionem tenuioris feri, crassior inde, & concrescibilior feri portio una cum reliquis particulis viscidis, ac filamentosis alterius generis adauctis enormiter molibus impediatur renum acinos, & adeo obstruat tubulos, & papillas urinarias, ut in renibus gravissimæ firmentur urinarum suppressiones totali vitæ periculo. Quod si hæc non eveniant saltem sanguinis effusiones, & sanguinæ urinæ cum grumis, aliquando etiam hemorroidum, aut narium hemoragiæ facile poterunt effuere; quamobrem in omnibus medicamentis potissimum diureticis habenda semper erit æqua, & attenta ratio, quantitatis, temporis, & ætatis, ita ut in omnibus sit prudens usus, ne amica remedia in hostilia venena permutentur.

73. Hic sedulo notandum est, nos gravissime incidere in renum morbos, quotiescunque fluida sanguinea, & lymphatica præpollenti austeritate peccaverint; cum enim hæc vitia fuerint, tunc indoles fluidorum aut aluminosa erit, aut vitriolica. In indole aluminosa peccat numerus salium sub figuris octaedricis, aut quasi octaedricis; in indole vitriolica culpantur salinæ illæ particule, quarum figura est parallelepipedo-romboidea, aut ad has figuras inclinant. Hæc autem corpora cum naturali austeritate polleant, organa primum, quibus applicantur, potentissime ligant, quotiescunque præpollentia hæc corpora extiterint, & veluti materia tartarea circumferunt; facile est ergo judicare horum salium figuras occupare, & implere sinus, & spatia fibrarum, quibus repletis, redduntur fibræ nimia firmitate, ac soliditate constantes, ita ut inflecti, incurvari, & oscillare difficulter possint. In tali autem difficultate oscillationum fibrarum firmatur corporum fluidorum unio, & nexus inter se; Verum hæc ultro augentur, & crescunt vitio fluidorum ipsorum;

fluida enim, & ipsa repleta salibus talis naturæ, ac indolis graviora fiunt, ac lentiora; in tali autem lentescencia, ac tarditate facto majori nexu augentur moles, & pondera partis arenulis, alculis, & lapidibus tam in substantia renum, quam in cavitate vesicæ feri urinosis impedimento. Cum hæc vitia fuerint tam in fluidis, quam in solidis, tunc a radice morbi aquæ potiones, oleosa pharmaca, & blanda emollientia curationem instituunt, aquæ enim diluendo, & laxando, & oleosa molli sua superficie emolliendo, & infirmo constantem salium texturam, horumque angulos investiendo stimulos salinos aut frangunt, aut saltem imminuunt, sic arctæ salium uniones dissolvuntur, & in minores minoresque particulas dividuntur, & laxata tali methodo fluidorum, & solidorum compage fibrarum renalium oscillationes, & secretiones feri faciliores, & promptiores consequuntur majori urinarum fluentium facilitate; tanto beneficio conspirant opportuna æquitas, conveniens motus, balnea tepida aquarum, & balneum olei communis, & vina molliora, tenuia, & facilis transitus. Cæterum si morbus vel in renibus, vel in vesica calculis, arenulis, aut lapidibus statutus fuerit impossibilis, ut plurimum solet esse curationis, quamvis curari soleat ille, quia a lapide vesicæ partus est facta sectione vesicæ ad lapidis contenti extractionem; verum tractu temporis similia pericula redire consuecunt.

74. Denique pro hoc argumento non omittendum est non solum a vi morbi, ut in febribus ardentibus, in marasmo, & in emaciatione, verum etiam a violentioribus diureticis sequi aliquando urinas, quæ a Medicis oleosæ dicuntur. Istæ autem raro ostendunt in sua superficie oleosas quasdam guttulas ad instar olei super aquam effusi, ut nonnulli perperam arbitrati sunt, sed ostendunt paulo post excretionem quandam veluti superficiem telis araneorum similem, quæ si diligenter tangatur, edocti erunt Medici a sensu tactus hanc urinæ superficiem esse mollem, & oleosam, oleosæ substantiæ ad instar. Omnibus enim manifestum est urinam esse quid compositum ex oleosis, & filamentosis chyli, & sanguinis particulis sero sanguinis, & lymphæ dissolutis, & inter se commixtis, in quibus tamen excedens salium copia præpolleret; quamobrem si facta fuerit sanguinis dissolutio, aut si violenta diureticorum potentia deferat ad renes majora elementa chyli, & sanguinis nutritia, balsamica, & oleosa, quam naturalis feri quantitas postulat, & pori renales magis dilatati fuerint, necessario a renibus separari debebunt corpora nutrita sanguinis, & chyli plurimis salinis retentis, consequenter oleosæ superficies apparentes, & conspicuæ fient in urinis gravissimo ægrotantium periculo, & cum fatali ipsorum emaciatione.

D I S S E R T A T I O VIII.

De Medicamentis Diaphoreticis.

75. CUM summa, & continua sint beneficia, quæ ab opere transpirationis per universam cutis superficiem eveniunt machinæ animalis; ideo *Diaphoretica Medicamenta*, quæ aut transpirationem promovent, aut augent, judicanda erunt tanquam præstantiora naturæ subsidia: Transpirationis ergo operi tria conspirant organa; *Cuticula*, quæ firmiter adheret cuti interveniente corpore reticulari Malpighii infinitis foraminulis aperta pro exitu sudoris, & materiæ transpirabilis. Secundo *Corpus reticulare*; quod pariter est tenuissima membranula cuticulæ proxime adhærens innumeris quoque foraminibus reticuli ad instar perforata, per quæ foraminula exeunt papillæ cutaneæ, & ductus excretorii cutis, qui habentur, ut universalis cutis emunctoria. Tertio præstantius organum transpirationis habenda est *Cutis*, quæ est valida membrana totum corpus investiens, cujus structura componitur ex fibris tendineis mirum in modum implexis, ex copiosissimis venis, arteriis, & nervis, a quibus papillæ pyramidales per rete Malpighii extensæ prominent; infinitæ ulterius adsunt glandulæ milliares pro secretionem materiæ transpirandæ, & per sudores promovendæ, ita ut cutis universale naturæ emunctorium jure, ac merito æstimandum sit.

76. Modo diaphoretica medicamenta duplici in classe partiri possunt, alia enim interne per os assumuntur, alia vero externe exercentur. Illa quæ interne per os assumuntur, nonnulla solam habent basim aqueam, nonnulla sulphuream, ut plurimum vero salino-sulphuream. Itaque diaphoretica habentia basim aqueam statuuntur ab aquis calidis, aquæ enim calidæ epotæ sudorem promovent, tales sunt decocta etiam millii, & lentis &c. Diaphoretica quæ basim habent sulphuream, colliguntur a spiritibus, seu aquis ardentibus &c. denique quæ obtinent basim salino sulphuream ostenduntur in regno animali a cornu cervi, a viperis, a bufonibus, a lapide histricis, aut infuso, aut decocto in aquis cordialibus &c. in regno vegetabili ab angelica, scordeo, centaurea, carduo sancto, saponaria, contrajerva, & ab herbis illis, ac vegetabilibus, quorum sapor amarus est; in regno minerali ab antimonio, a mercurio, a jovalibus, a bezoarticis, & sulphuratis &c. Externa autem diaphoretica colliguntur ab aere calido, a motu corporis, a balneis, a fictionibus, a cucurbitulis &c.

77. Itaque, ut de his omnibus necessaria loquamur, primo occurrunt diaphoretica aqueam basim habentia, ut aqua calida, decoctum millii, & lentis &c. Aquam calidam reddi opere particularum ignearum fatentur omnes; nisi enim igneæ particulæ aqueis permixtæ violentissime agitent aqueas, profecto aqueæ particulæ nunquam possent incallescere. In tali autem incallescencia aquea ista elementa adeo attenuantur, ut vaporum naturam acquirant summa levitate, ac raritate acquisitis; cum autem igneis particulis associata fuerint aquea elementa celerrime moveri debent in ratione composita ex numero particularum ignearum, & vaporosarum, & motu utrarumque. Ulterius cum aqua igneis particulis in tali ratione alligata e ventriculo penetraverit lactea vasa, & lympham, & sanguinem postmodum occupaverint, hæc rursus alligata particulis aereis, & sulphureis lymphæ, & sanguinis, alteram componit rationem priori multo validiorem, compositam nimirum ex numero particularum ignearum, sulphurearum, aerearum, & aquearum ex motu singularum, & elatere ignearum, aerearum, & sulphurearum, quæ ratio composita cum multo validioris momenti esse debeat, fateri poterimus quam necessario communicata universis fluidis maxima velocitate transpirationes, & sudores consequantur: Et sane a tanto momento corporum motu, & elatere prædictorum fluida universa velociori motu ducta, & calore ulterius acquisito attenuari, & rareferi coacta sunt; attenuata autem, & rarefacta minimas acquirunt moles, & spatia majora occupant in vasis ipsis, majoribus quoque velocitatibus acquisitis; hæc itaque attrita, & rarefacta tandem aliquando deferuntur ad externam cutis superficiem, seu ad glandulas cutaneas, & sic sub transpirationis, vel sudoris indole exterius transmittuntur.

78. Majori quidem momento motus sanguinem, lympham, & succum nerveum agitant spiritus ardentis cujuscunque generis, quorum basis sulphurea; sulphur enim ad statum volatilitatis evectum summo pollet motu, & elatere. Animadvertendum autem est sulphureas particulas in velocissima motus, & elateris actione præpollentes supramodum agitas, & attritas quoad gravitatem, & molem decrescere, consequenter semper magis magisque leviores fieri, & cæteris paribus velociores, in tali statu potentissimum conatum exercere debent contra objecta corpora non solum in ratione concepti motus, & elateris, verum etiam ratione superficiæ sulphureæ; etenim superficies corporum multo minus decrescunt ex geometricis, quam ipsorum moles, & pondera: sed resistentiæ, quæ objectis corporibus opponuntur, fiunt in ratione superficiæ corporum objectorum; ergo cum sulphureæ particulæ plus habeant superficiæ, quam molis, & ponderis, necessario cæteris paribus urgere, & impellere debent opere suarum majorum superficialium majores quoque quantitates corporum: Quamobrem sulphureæ particulæ agentes, & reagentes summo motu, & elatere, & majori magnitudine suarum superficialium contra objecta corpora validiorem vim exercebunt contra objectas, & numerosiores humorum particulas; sicque cæteris paribus particulæ humorum numero majores a sulphureis superficiebus impulsæ, vel per sudorem, vel

per transpirationem effugient, cum juxta ordinem; ac legem circulationis ad cutaneas glandulas delatæ fuerint: Et quidem hæc minoribus temporum differentiis facienda erunt, eo quia ex mechanicis velocitates corporum sunt in ratione inversa, seu reciproca temporum; ergo quanto ardentissima sulphura velociora sunt, eo suas vires, suosque conatus exercere debent minoribus semper temporum differentiis.

79. Ab his progrediendum erit ad illa diaphoretica medicamenta, quæ basim habent salino-sulphuream compositam videlicet ex sale, & sulphure, qualia superius enunciavimus. Sicut autem quoad motum, & elasticitatem elementa illa potissimum sulphurea antea exposita apta sunt celerrime, & brevi tempore moveri, & cæteris paribus beneficio suarum majorum superficialium numerosiora objecta corpora impellere: ita elementa salino-sulphurea potentiora sunt sulphureis quoad corporum penetrationem, minus vero quoad motum. Minori quidem momento motus, & elateris valent particulæ salino-sulphureæ, quam possint sulphureæ; quo vero ad penetranda, & divellenda in minimas particulas objecta corpora multo salino-sulphureæ sulphureis potentiores sunt. Ut tanti phænomenon rationem exponamus, placeat animadvertere particulas potissimum sulphureas summo, ut diximus, pollere motu, & elatere, hinc brevissimo tempore multum spatii decurritur a sulphure; cum vero sulphur fuerit salis associatum, tunc cum corpora salina graviora sint sulphureis, supposita molium æqualitate; ergo corpora salino-sulphurea, utpote graviora sulphureis, futura quidem erunt sulphureis multo tardiora, magisque inertia motu, & elatere, cum sulphurum elater, & motus a pondere salium non parum frænentur. Verum hæc quanto tardiora motu, & elatere inertia sunt, eo ad penetrandum, & divellendum eveniunt aptissima. Etenim ex natura sulphuris specificè levioris sale habemus impulsus, seu motum sursum per rectas lineas, aut quasi rectas; ex lege autem salis specificè gravioris sulphure habemus impulsus, nismus, & motum deorsum per rectas pariter lineas, aut quasi rectas; ergo in particula salino-sulphurea cum adsit tendentia sursum opere sulphuris specificè levioris sale, & simul tendentia deorsum opere salis specificè gravioris sulphure, profecto cum naturæ potentiæ destruantur, sed utraqque, quantum jure suo possunt, agant, & reagant, componetur momentum ex utroque momento compositum: sed tale momentum motus compositum ex motu corporis levioris sursum, & simul corporis gravioris deorsum ex mechanicis legibus describit motum medium inter rectum sursum, & rectum deorsum; hic autem motus medius necessario describit lineam motus ex recta, & circulariter inclinata, quæ spiralis est, aut quasi spiralis, ergo particula salino-sulphurea jure suo cum moveri debeat, ac possit spirali motu, aut quasi spirali in fluidis machinæ animalis, spiralem, aut quasi spiralem lineam motus erit descriptura; Talis autem motus per lineam spiralem, aut quasi spiralem affabre indicatur exemplo lineæ motus, quam fumus ascendens describit: Cum enim fumus sit quid compositum ex particulis aereis, & igneis respectivè levibus & ex particulis terreis, aqueis, & salinis respectivè gravibus, cumque particulæ graves alicui impedimento sint particulis levioribus, necessario cum moveri debeant, mediam certe viam lineæ motus tenere debent inter motum rectum sursum, & motum rectum, aut quasi rectum deorsum: sed hæc media via lineæ motus facile componit motum rectum, aut quasi rectum, & simul circulariter inclinatum, qui ex Mechanicis spiralis est, aut quasi spiralis; ergo necessario fumus compositus ex particulis levibus, & gravibus spirali motu, aut quasi spirali sursum movendus erit, aliquando etiam spiraliter deorsum erit impellendus. Ab hoc experimento fumi, præter ea, quæ prima parte *Mechanices Morborum* num. 7. dicta sunt, arbitratus sum fluida universa machinæ animalis, utpote composita ex elementis, seu particulis gravitate, mole, motu, & elatere similibus, & dissimilibus spirali motu, aut quasi spirali multo probabiliter esse movenda.

80. Hujusmodi autem ratio motus, mirum! quantum conspiret ad faciliorem corporum, & fluidorum penetrationem; Ut enim facillima habeatur penetratio, debet corpus penetrans anteire per rectam lineam,

aut

aut quasi rectam, & simul quasi rotando rumpere impedimenta corporis, & superficiei lineæ rectæ circumscripta: sed per motum spiralem corporum, qui ex geometricis compositus est ex recto, & circulari, corpus penetrans ante progreditur per rectam lineam, & simul rotando rumpit impedimenta lineæ rectæ circumscripta; ergo facilior penetratio solidorum, & fluidorum a motu spirali, aut quasi spirali terebræ ad modum suas vires exercentis habenda erit. Ulterius cum fluida componantur ex particulis diversæ gravitatis, molis, motus, & elateris, ideo in perfectissima fluidorum compositione debent pariter perfectissime inter se permisceri. Ostendit enim celeberrimus Borellus prop. 99. & Scholio secundi Tomi *de motu animalium*, aptissimam, perfectissimamque mixtionem nullo modo a natura obtineri posse, nisi per motus vertiginosos, seu spirales; ergo jure, ac merito judicare possumus corpora salino-sulphurea spiralibus motibus, aut quasi spiralibus rotata, ac necessario auxilio esse naturæ ad corporum, & fluidorum mixtionem, & ad eorundem penetrationem, & divisionem perfectissime exequendas.

81. Cum itaque tali lege motus terebræ ad modum utilissime moveantur particule salino-sulphureæ, profecto istæ ad diaphoresim supra ceteras validissime pertinebunt. Cum enim fluida quælibet potissimum sanguinea beneficio circulationis ad externam cutis superficiem delata fuerint, hinc statim occurrit resistentia superanda cutis densæ, & crassæ, hic tenacitas materiæ sebo similis a glandulis sebaceis parata, hic resistentia aliqualis cuticulæ, & potens externi aeris pressio; quamobrem cum motus particularum salino-sulphurearum terebræ ad modum euntium aptissimus sit ad penetranda & ad vincenda impedimenta, ad dissolvendas texturas humorum crassas, lentas, ac viscidas, & in minores moles beneficio terebrationis reducendas; idcirco constare poterit quanta utilitas secutura sit a motu spirali fluidorum, & particularum salino-sulphurearum ipsorum ad superandas resistentias solidorum objectorum, ad attenuandas materias, dissolvendas, & in minimas moles reducendas, ut facilius, & promptius beneficio sudoris, & transpirationis per cutis superficiem, facillime educantur. Ob hanc causam multo probabiliter judicandum est, medicamenta diuretica sudores, & transpirationes promovere aliquando posse, quotiescunque in ventriculo, aut in intestinis dissoluta unionem fecerint, cum æqualibus partibus sulphurum, & salium, quorum auxilio spiralem lineam motus, aut quasi spiralem, vel valide acquisiverint, aut adauxerint. Cum enim similia diuretica actiones suas exercent per spirales lineas motus valide, & potenter magis magisque penetrabunt, & dissolvent in minores, minoresque moles objectas materias, quoties istæ paulatim ex sulphurum consortio statum volatilitatis, aut quasi volatilitatis acquisiverint; propterea magis attenuatæ cum fuerint, cæteris leviores redditæ, opere circulationis ad euntim delatæ facile transpirare coactæ erunt.

82. Remanent auxilia transpirationis, & sudoris consideranda ab externis auxiliis, ut ab aere calido, a motu corporis, a balneis, a frictionibus, a cucurbitulis, a suffumigiis &c. Hæc enim omnia adaugent motum, & elaterem particularum fluida componentium; ab hoc enim motu, & elatere adauctis attenuantur particule ipsæ, & ad transpirationem exequendam disponuntur. Hic animadvertendum est a frictionibus, & cucurbitulis agitatam cutis superficiem incallescere, & calefactam rarefieri. Ex Mechanicis enim erudimur in spatiis calefactis dilatari sectiones, & areas cutis; ubi autem sectiones glandularum, & arearum, & areae cutis dilatatæ fuerint, hic cæteris paribus majores effluunt humorum quantitates in ratione sectionum, & arearum dilatatarum; quamobrem cum opere frictionum, & cucurbitularum major humorum quantitas fuerit ad euntim vocata, & hæc ex legibus motus, & externæ frictionis magis fuerint attenuata, & rarefacta, opus erit hanc vel per sudorem, vel per transpirationem uberiori pariter quantitate esse eliminandam.

83. Cum in transpiratione subtilior, tenuior ut plurimum humorum portio evolet, & deperdatur, crassior vero, & gravior sudori, & transpirationi resistat; ideo cavendum est, ne diaphoreticis abutamur, quotiescunque aut inflammatio fuerit, aut timeri possit,

aut ctonici, ac longi morbi extiterint. Etenim magis aperta diaphoresi, & deperditis balsamicis, & spirituosiss, volatilibusque substantiis, remanentibus particulis crassioribus, tartareis, viscidioribus, & gravioribus, facile inflammationes aut augebuntur, aut denuo emergent, viscerum obstructions fient, morborum, & febrium gravitates augebuntur. Hinc principio morborum, & febrium sudores ut plurimum suspecti sunt, & ob detentorum humorum crassitiam morborum longitudo ominantur, salutare enim sudores nisi concocta materia evenire jussu solent, quæ ab initio morborum obtineri nusquam possunt; Ulterius in uberissima transpiratione, & excedenti sudore leviores, balsamicæ, & homogeneæ copię particularum elasticarum & non elasticarum deperduntur, quæ actionibus animalibus, & naturalibus exequendis inservire debuissent; propterea post graves sudores, & transpirationes agrotantes admodum enervati, ac languidi redditi deficiere quasi videbuntur; pariter a diaphoreticis abstinendum facile erit, aut caute diaphoretica exercenda erunt, cum natura sudoribus, & transpirationibus non fuerit assuetæ; etenim si violento nisu diaphoreticorum urgeatur, ut plurimum caput periclitabitur, translata ad meninges, & ad vasa torcularis herophili majori sanguinis pondere, ac numero gravissimo capitis detrimento.

D I S S E R T A T I O IX.

De Medicamentis Adstringentibus.

84 **M**edicamenta adstringentia aut imminuere, ac retardare, aut omnino auferre motum a fluidis, & oscillationem a solidis ab experimentis medicis ultro certi sumus; nonnulla enim magis aut minus adstringunt, ut sunt acida, austera, & acerba, alteriusque indolis ramosæ, & filamentosæ mediocri quantitate accepta; nonnulla penitus ligant, ac firmant fluida, ac solida, cum acida, austera, & acerba, alteriusque indolis ramosæ, ac filamentosæ excedenti quantitate peccaverint. Verum in hoc limine Dissertationis statim occurrit gravissima difficultas pro explicanda actione corporum adstringentium; habemus enim ab experimentis parvam molem coaguli magnam lactis quantitatem densare, & coagulare; habemus spiritum nitri sanguinem, & potissimum lympham supramodum figere, certi sumus decoctum corticis granatorum, bistortæ, & tormentillæ serum sanguinis potissimum ligare, & irretire, pariterque opium fluida animalium alte firmare; quomodo autem hæc effecta fixitatis, & coagulationis sequi poterunt in magna humorum copia a paucis, & tenuibus corporum istorum particulis per exposita fluida effusis, & permixtis? quamvis hæc phenomena explicari ardua esse videantur; nihilominus experimenta Boilei de effluviis corporum nos edocent hæc necessario esse secutura. A Boileo enim eruditi sumus, minimas moles corporum esse divisibiles in partes quasi infinite parvas (ut antea indicavimus), quæ effundi possunt cutissime per magnas fluidorum quantitates, & sic facta mixtione tot, ac tantas fluidorum copias posse firmare, ac figere: & sane nonne ex Boileo in historia *sanguinis humani* manifestum est unam guttam spiritus humani sanguinis occupare posse colore, & motu 2000. guttas aquæ, per quas gutta illa spiritus humani sanguinis effusa sit? ergo non erit mirandum, nonnulla corpora effusa per universa fluida machinæ animalis posse quoque facta mixtione facile, & breviter ipsamet fluida irretire.

85. Verum audio nonnullos rursus quærentes, & dubitantes: Certi quidem sumus (inquiunt) de Boilei experimentis, de subtilitate effluviis, de corporum divisibilitate in partes minimas, & de istorum tam prompta effusione per fluida quæquaversus, potissimum auxilio circulationis, ut num. 48. & alibi satis ostendimus; verum adhuc obscurum est, quomodo corpora divisa, & subdivisa in partes infinite parvas possint occupando celeriter tot, ac tanta spatia humorum, per quæ effusa sunt, humorum ipsorum particulas taliter densare, ac figere, ut notabilem densitatem, unionem, firmitatem, & consistentiam acquirant: etenim dum corpora dividuntur, & subdividuntur in partes infinitas par

re parvas, ut tot ac tanta spatia humorum occupent, certe istæ particulæ minimæ erunt tenuissimæ, ac mobilissimæ: sed partes tenuissimæ, ac mobilissimæ potius aptæ sunt agitare, rarefacere, & dissolvere humores, quibus miscentur, quam eos densare, ligare, & irretire; ergo videtur obscurum intelligere, quomodo corpora divisa, & subdivisa in partes infinite parvas apta sint magnas humorum copias, quibus permiscuntur, densare, unire, & irretire.

86. Optime quidem ab istis quæritur, & dubitatur; verum sciant primo ab experimentis nonnulla corpora quantumvis mole minima, & mobilissima effusa quaquaversus celeriter auxilio tenuitatis, & velocitatis suæ, & beneficio circulationis sanguinis per magna spatia humorum, quibus permiscuntur, & contactum habent, posse humorum ipsorum particulas irretire, aut saltem retardare: Enim vero ab experimentis ipsis edocti fumus sp. vini, & sp. urinæ humanæ (Boileo observante) inter se mixtos densari, & con crescere, summam firmitatem, ac consistentiam acquirere inter se alba sub imagine: & tamen spiritus isti nonne tenuissimi, & velocissimi sunt? Imo quo magis rectificatissimi sunt, eo promptius, & firmitus coagulationem assumunt. Idem Boileus, & P. Lana tom. 2. lib. 4. Exper. 15. *Magisterii naturæ, & artis*, experti sunt oleum terebinthinæ chimice destillatum, quamvis maxime fluidum, omnino coagulari, & firmari absque ulla alterius corporis admixtione, & tamen oleum hoc chimice destillatum supramodum attenuatur suis in partibus, maximeque fluidum redditur: Hetmullerus, & Joannes Freind ambo celeberrimi viri experti & ipsi sunt sp. nitri, & sp. nitri bezoardicum sanguinem, & potissimum lympham citro, & fortiter firmare, & coagulare: & tamen spiritus isti tenuissimi sunt, & mobilissimi; ergo ab his & a plurimis brevitatis gratia omissis colligere jure possumus corpora plurima quantumvis tenuissima, & mobilissima, effusa quaquaversus motu suo, & auxilio circulationis per massam humorum aptissima esse humores figere, coagulare, aut saltem retardare, quibus permiscuntur, & uniuntur: Quænam ergo erunt causæ assignandæ talis firmitatis, & consistentiæ, ut tot experimenta ostendunt?

87. Causæ itaque assignandæ, & ab hisce experimentis multo probabiliter colligendæ desumuntur partim ab iis, quæ de actione medicamentorum in genere indicavimus, & partim in præsentis dicendis; causæ ergo talis firmitatis, & consistentiæ desumuntur a determinatis corporum miscibilium superficiebus. Secundo a specificis salium figuris. Tertio ab emissionem, privationem, seu exhalationem partium, quæ vel motu suo, vel ratione suæ figuræ impediabant aliarum partium cohesionem, & colligationem. Modo expendamus primam causam: Cum itaque corpora miscibilia fuerint aut singula, aut alterutra cum superficiebus ramosis, hamatis, seu filamentosis, tunc inter se mixta, & tangentia facta inter se flexu, & inflexu cum superficiebus suis ramosis, aut hamatis arctam inter se adhesionem elaborare facile possunt; ac debent firmitate, & consistentia corporum mixtorum constituta: quantumvis autem corpora miscibilia fuerint divisa, & subdivisa in partes infinite parvas tenuissimas, & mobilissimas; nihilominus cum ex geometricis moles, & pondera corporum decrecant in ratione cubica, superficies vero ipsorum solum in ratione quadrata; ergo majores remanebunt superficies corporum, quam pondera, & moles ipsorum: sed corpora quælibet sunt inter se tangentia primario opere suarum superficierum; ergo si superficies corporum fuerint ponderibus, & molibus suis majores, & ulterius superficies, aut singulæ, aut alterutra fuerint filamentosæ, ramosæ, aut hamatæ, profecto facto nexu inter se aut majori, aut minori, & in data ratione imminutis ponderibus corporum, etiam aut majores, aut minores firmitatis, consistentiæ, & coagulationis gradus producentur necessario: tali aut simili methodo verisimile est, opiata, & similia medicamenta suas vires exercere in fluidis machinæ animalis opere superficierum ramosarum, crassorumque sulphurum, quibus abundant; tali methodo arbitratus sum omnia lactea, gelatinosa eboris, & cor. cervi, ita gummata, & resinosa quælibet, ita etiam fortia

hordeacea, & avenacea extracta, terras pingues, ut sigillatas, succos plantaginis, papaveris, portulacæ, lactucæ, consolidæ, amigdalorum, tormentillæ, bistortæ, semina istorum &c. consistentiam, & firmitatem aut majorem, aut minorem producere, non solum inter se, verum etiam cum fluidis fibrosis, feri, sanguinis, & aliquando succi nervei, & cum solidis etiam, quibus amplexu, aut contactu facto uniuntur, & adherent.

88. Secunda causa firmitatis, & consistentiæ tam in fluidis, quam in solidis desumitur a specificis salium figuris fluidorum, & solidorum porositates adamumissim, aut quasi adamumissim replentibus: etenim si salium figuræ aptæ sint occupare spatia intermedia fluidorum sanguinis feri, & succi nervei, si aptæ fiant complere spatia musculorum, carniarum, aliorumque solidorum machinæ animalis profecto, adaucto salium pondere in spatiis fluidorum, & solidorum, mobiles fluidorum particulæ, cum ad motum promovendum, conservandum, & reliquis communicandum exigant opportuna spatia, quibus moveri possint; si hæc spatia fuerint a particulis salium occupata, necesse erit mobiles fluidorum particulas, & oscillantes solidorum fibras in quiete constitutas reddi, & paulatim lentescere, aut aliquando penitus immorari: hinc lentescuntibus, aut firmatis fluidis, & imminuta, aut ablata solidorum oscillatione, fluidorum, & solidorum inertia, aut graviore fato firmitas, & coagulationem emergunt; talis ordinis secundum tamen magis, & minus agunt in fluidis, & solidis alumen, vitriolum, acacia, balaustrum, labrusca, malum punicum, & granatum, ita mespilla, plurima acida, austera, & acerba &c.

89. Huic loco conveniunt etiam corpora illa, quæ permixta cum fluido seroso, aut sanguineo, aut nerveo particulas sanguinis arcto contactu facto circumscribunt. Ita si circa particulas aqueas feri, aut sanguinis circumscribantur salina pristinata, aut alterius generis, quæ ex talibus circumscriptionibus figuras solidas polygonas elaborant, ut in formatione nebulae, seu potius pruinae problemate 6. observaverat Galilæus; tunc cum figuræ solidæ polygonæ circumscripæ aqueis particulis, aut alterius generis multo tardiores fiant, & lentiores reddantur aqueis particulis inscriptis; ut dialogo primo idem immortalis famæ Auctor demonstraverat, certe retardabitur motus naturalis fluidorum, & solidorum, quibus corpora ista polygonæ stellarum more composita applicabuntur: ex tali autem motuum imminutione effecta resistantiarum, vel in fluidis, vel in solidis, vel in utrisque erunt secutura facta majori, aut minori fluidorum, & solidorum firmitate, & consistentia; talis aut similis ordinis esse possunt nonnulla vina acerba, & austera, succi immaturi, aquæ acidulæ, martiales, nonnullæ aquæ vitriolicæ, aut aluminosæ, quæ permixtæ cum fluidis, & unitæ solidis nostri corporis effecta firmitatum producant.

90. Tertia denique causa consistentiæ, & coagulationis fluidorum, & causa firmitatis, aut saltem inertiae solidorum oritur ab emissionem seu exhalationem earum partium, quæ vel motu suo, vel ratione suarum figurarum impediunt aliarum partium cohesionem, & alligationem; Ita albumen, & ovi vitellum igni apposita, aut coctioni subacta evaporatis plurimis particulis aqueis albuminis, & vitelli fibrosæ partes alte concrecant, & adherent inter se, ovo indurato; similiter serum sanguinis, & sanguis ipse extractus, si igni, & calori exponantur, evaporatis, ac deperditis particulis tenuioribus feri, sulphuris, & salium, & remanentibus crassioribus, fixis, & filamentosis alte concrecant, & coagulationem acquirunt, ut in oleo terebinthinæ destillato, & similibus indicavimus; Ita si ab opere ignis, aut caloris interni, aut externi balsamicæ, ac oleosæ solidorum particulae attenuatæ supramodum evaporent per transpirationem, aut deperdantur, aliunde tunc arefcent solida, & arida, & veluti exsiccata consistent absque ulla, aut saltem minima eorum oscillatione; medicamenta autem quæ tali methodo privativa adstringunt fluida, & solida, sunt illa, quæ a Medicis *Exsiccantia* dicuntur. Hujusmodi indolis dici poterunt omnia aromatica, omnia composita ex castoreo, omnia vi-

na nimis sulphurea, aquæ pariter sulphureæ, balnea, & luta sulphurea, & ea omnia quæ potenter calefaciunt, dummodo immoderate abutuntur. Ab hisce enim omnibus, & similibus attenuantur aquosæ, oleosæ, & balsamicæ humorum particule, quibus attenuatis, & a compage, nexu, & contactu aliarum dissolutis evaporant, & exhalant, remanentibus partibus fibrosis, & filamentosis humorum, & partibus fibrosis, & filamentosis solidorum sine debita, naturali, ac necessaria humectatione, & madefactione partium fluidorum; propterea densari, & concrefcere solida, & tandem veluti arefcere necesse erit, imminuto, aut deperdito motu fluidorum, imminuta, aut deperdita oscillatione organorum. Ob hanc causam in febribus ardentibus, in magnis sudoribus, in immoderatis hæmorrhagiis, diarrhæis, & dyssenteriiis deperditis particulis tenuibus, & balsamicis fluidorum, & solidorum ægotantes, aut in inflammationes incident, aut in emaciationes, quæ ad phthisim terminari consuefcunt. Gravissime itaque errant Medici illi, qui validioribus purgantibus aliisque remediis calefacientibus, & exsiccantibus abutuntur, & frequentissimis phlebotomiis indulgent; ab utrisque enim fluida, & solida spoliantur necessaria seri, oleosi, & balsamici sulphuris quantitate; hinc lentescere humores, & minus oscillare fibras necesse erit, adaucta tarditate, & aliquando parta humorum, & organorum consistentia. Non mirandum ergo si post valida purgantia, & calefacientia, post repetitas incaute phlebotomias videamus ægros incidere in pleuritides, in febres inflammatorias, in malignas ex coagulatione, aliquando etiam in paralyses, & polypos; etenim ab incauta medendi methodo fluida, & solida redduntur in statu talis inertie, & siccitatis, ut utraque coacta sint lentescere, & aliquando consistere summo vitæ periculo: totis itaque viribus curandum erit, ut medicamenta tam externa, quam interna, tam caute exhibeantur, ut humores superflui expellantur, conserventur vero necessarii; tali enim proportionem actionum, & reactionum debita, & naturalis firmitas fluidorum, & solidorum summo naturæ beneficio sustinebitur. Ab his ergo quæ exposita sunt possemus colligere rationem, propter quam medicamenta divisa in partes veluti infinite parvas, & effusa quaquaversus facile, & bre iter per magnas humorum copias apta esse possint facile pariter, & breviter irretire, & firmare, aut saltem notabiliter retardare particulas fluidorum, & fibrosas texturas solidorum, quibus permiscuntur, uniuntur, & opportune adhærent pro explicandis actionibus *Adstringentium* medicamentorum.

D I S S E R T A T I O X.

De Medicamentis Opiatis.

91. *O*piata Medicamenta veteribus ipsis non ignota extiterunt. Hippocrates libr. 6. Epimiorum narrat Hegesippo soporiferum fuisse imperatum. Galenus, & Arabes plurima de opiatibus locuti sunt, & opiatia medicamenta data occasione exercuerunt. A plerisque judicatum est præeuntibus experimentis opiatia fluida, & solida aliquando magis, aliquando minus irretire juxta majorem, aut minorem opiatorum præstantiam, & quantitatem; hinc hujusmodi medicamenta semper caute ab omnibus fuerunt imperata. Nonnulli alii arbitrati sunt opium humores dissolvere, sudores excitare, & inflammabile esse judicaverunt; Ne autem in alienis diu versare videar, dicam brevibus, opiatia opere naturalis suæ constitutionis apta esse primario densare, irretire, & firmare humores, consequenter etiam solidorum oscillationes, aut imminuere, aut impedire; secundario vero posse opiatia humores dissolvere, sudores promovere, sollicitare solida, calorem, & siccitatem inducere, cum vere opiatia sint corpora, quæ specifico abundanter sulphure inflammabili.

92. Primo itaque expendamus in opiatibus causas firmitatis, & fixitatis, a quibus opiatorum medicamentorum effecta possint probabiliter declarari. Indicavimus numero 29. ramosas, filamentosas, aut hamatas superficies crassorum sulphurum posse valide, & prompte adhærere corporibus fluidorum, & solidorum, & remediis, filamentosis, & hamatis suis superficiebus facto nexu ligare, & irretire corpora, quibus uniuntur, & cum

Sydenham opera Medica.

quibus opportunum contactum habent. Modo manifestum est, ab observationibus Nicolai Lemerii in *curso chimico*, opium esse sulphureum compositum resinofum, quod lacrymæ ad instar paulatim extillat ab inciso corpore papaverum; cum ergo a solventibus cuneis ventriculi, ab actione, & reactione duorum succorum pancreatici, & biliosi fuerit sulphurea, & resinosa moles opii divisa in partes infinite parvas, & hæc brevi tempore effusa sint quaqua versus auxilio etiam sanguineæ circulationis; tunc cum istæ minimæ particule nullatenus mutant naturam, indolem, ac superficiem ipsimet opio debitam, ideo resinosis, filamentosis, aut hamatis suis superficiebus particulas fluidorum seri, sanguinis, & succi nervi potissimum in cerebro, & cerebello, & fibrosa ipsorum filamenta nexu facto quasi irretient, ac ligabunt ipsasmet solidorum fibrillas enervata, aut quasi abolita ipsorum oscillatione; ob hanc causam imminuto opportune motu fluidorum, & solidorum somnus, & quies evenient, assymetriæ motuum solidorum distractorum conquiescent, & quiete, ac naturali unione restitutis convulsivæ, ac dolorificæ affectiones sedabuntur. Ulterius imminuto motu, minuitur quoque collisio, & affricus corporum mixtorum inter se frænato calore partium. Cæterum si fortiori opii opere solidorum, & fluidorum motus & affricus præternaturaliter retardentur; tunc præternaturales somni fient, præternaturales emergent quoties, & præternaturalia frigora evenient, quæ sæpe ac sæpius plena particulis esse solent, cum ab his stagnationes inflammatoriæ, paralyses, apoplexiæ, & alia hujus generis incommoda consequi facile possint timendo vitæ periculo.

93. Similia pericula fixitatum ultro augentur, firmosæ, ac filamentosæ opiatorum superficies particulis salinis, quibus non solum jure suo donantur, verum etiam salinis fluidorum adhæreant, & has nexu facto circumligent: etenim unione instituta crassorum sulphurum cum salinis particulis elaborantur moles, & pondera corporum, quæ proxime augentur, & crescunt in ratione cubica suorum diametrorum, si moles tamen istæ similes fuerint inter se; verum si fuerint dissimiles, augentur, & crescunt proxime in ratione composita ex rationibus basium, & altitudinum earundem; cum vero ab hisce molibus, & ponderibus adauctis minima canalium præcipue cerebri, & cerebelli, carniū, & glandularum oscula impedita reddantur, fluida, & solida graviora fiant, & graviter augeantur densitates utrorumque, constabit quot, & quantæ resistentiæ debeant fluidis, & solidis supervenire, a quibus aut magis, aut minus adauctis cognoscendæ erunt majores, aut minores consistentiæ, & firmitates in machina animali.

94. Hisce probabiliter consideratis, transeundum est ad ea, quæ secundo ostendunt, cur intelligere possimus humorum dissolutiones, sudores, calores, siccitates, & vigilias opere opiatorum. Celeberrimus Volphangus Vvedelius lib. 1. cap. 12. pag. 45. de opio a praxi, & observatione testatus est, *Opium non operari, nisi serum sit in sanguine proportionatum*. In debito itaque sero opiatia somnum, & quietem, convulsionibus, & doloribus pacem ferunt; cum vero temperies hominum fuerit fervida, ac sulphurea, aut ratione temperamenti biliosi, aut ratione febrium, aut serum fuerit minus, quam necessitas postulat, & salinis biliosisque particulis nimis ferax, tunc resinosa, ramosa opii, sulphurumque crassorum ejusdem particule in tali temperie corporum cum opio permixtorum statum quodammodo volatilitatis acquirunt; quidquid enim recipitur per modum recipientis recipitur: Et sane ab experimentis chemicis edocti sumus sulphurea composita facilius, & promptius dissoluta reddi a sulphureis quoque corporibus ipsis permixtis. Ita sulphur si bulliat in aqua, aut in tenuissimo vino, aliove liquore, nunquam liquecet nisi in oleo ipso ebullierit; similiter sulphur ipsum in oleo terebinthinæ dissolutionem facillime patitur, quam in reliquis liquoribus pœnitens respuit; cum ergo sulphurea determinatis sulphureis addita divisionem & dissolutionem alte patiantur, neque fixitatem, neque coagulationem acquirant, ideo aliquando potest contingere composita opiatia reddi posse facile, ac prompte divisa, & dissoluta a specificis aliorum sulphurum particulis, quæ vel a temperie, vel ab aliis causis humorum locum, ac sedem habent in machina animali sero imminuto; propterea statu volatilitatis, acquirunt.

Kk

acquisito, opiatâ illa non nexum, non firmitatem producent, sed divisionem, dissolutionem, motumque communicant fluidis, & solidis, hinc calores, sudores, & vigilias evenire necesse erit.

95. Probabile ulterius est, quod cum sulphurea elementa elatere prædita sint, hæc sulphurea mixta sulphureis, fortique nexa facta inter se necessario parere debent maximam pressionem internis particulis sulphureis elastici; cum vero ex Mechanicis elasticitates corporum elasticorum sint compressionibus eorundem quamproxime proportionales, idcirco elastica illa elementa sulphurea inter se perfectissime mixta, cum ad ultimum terminum compressionis devenerint, nec ulteriorem compressionem pati possint cogentur violentissime expandere semetipsa, & ad naturalem suæ dilatationis statum se se restituere; hinc nisu facto, fractisque paulatim resistentiis quaquaversus sequitur dissolutio, divisio, & motus corporum interiorum, & exteriorum, a quibus calores, sudores, & vigilias consequi necesse erit: hæc methode crediderim explicari multo probabiliter posse phænomena rarefactionum, motuum, sudorum, vigiliarum, quæ aliquando contingere experimur ab usu opiatorum. Ex his ergo colligere poterimus, quod si in fervida humorum temperie, in febribus ardentibus, aut in continuis voluerimus ab opiatâ levissima etiam dosi acceptis necessariam, ac quæsitam quietem, ac somnum parere; utile consilium erit madefacere prius corpora illa copiosis portionibus aquarum, aut emulsionum, deinde opiatâ exhibere; experiemur enim a levissimis etiam opiatâ opportunum somnum sine noxa esse secuturum. Opiatâ enim magnæ dosis semper sunt plena periculis, quomobrem semper fugienda erunt.

96. Verum quidem est, quod post motus, sudores, & vigilias partas ab huiusmodi opere opiatorum dividendum, & dissolventium fluidorum texturas, cum augmento oscillationum solidorum, tandem aliquando supervenire solent novæ laxitates, novæ quietes, ac novi somni, sed cum maxima virium inertia; etenim facta divisione, & dissolutione texture fluidorum, cum augmento oscillationum in solidis, sudores, & transpirationes augentur, quibus adactis, plurima elastica, sulphurea, & actiosa corpora alio transpirant, & evolvant, plurima aquea, & lymphatica elementa vaporant, & exhalant; remanet ergo in fluidis, & solidis copia inertium particularum, quæ cum actionibus, & reactionibus valide, ac continuo exequendis ineptæ sint, tarditatem, lentescentiam, ac inertiam donant fluidis, & solidis ipsis quiete, ac somno repositis; ea videlicet ratione, qua nos a laboribus, ab exercitio, ab itineribus laxati, ac fracti facile in quietem, ac somnum incidimus. Similiter animadvertit Volphangus Vvedelius, infantes, ac pueros post diarrhæas, vel post serosas purgationes a jalappa institutas facillime in placidissimum somnum promoveri *de opiatâ pag. 38.* Verum fatebuntur Clinici quam gravi, ac longo virium dispendio. Hæc ergo quæ de actione tam primaria, quam secundaria opiatorum exposita sunt, & accepta a phænomenis nature probabilia nobis visa sunt, quare hæc sententiam utpote probabiliorē accipiendam putamus; aliam quidem opinionem libenter amplectemur, cum probabiliora, aut legerimus, aut audiverimus.

97. Interim nolo præterire post partam ab opiatâ quietem, ac somnum, ut plurimum graviores redire morborum convulsivorum, & hysteriæ &c. insultus; etenim tempore quietis fluida, & solida sunt in statu inertie reddita, hinc fluidorum, & solidorum motus languidi, & imminuti fiunt, secretiones glandularum potissimum capitis, & renum pauca, & manca, & supramodum transpiratio imminuta est: hoc itaque tempore violentie quietis major, & major cumulatur aggeries impurarum, & acrium materierum in massa humorum; cum vero post plurimas, & plurimas circulationes sanguinis, & miscellas cum reliquis humoribus opiatâ medicamenta paulatim delata e corpore fuerint, aut per urinas, aut per secessum, aut per transpirationem, ita ut paulatim enervata fuerint quantitate, & viribus, tunc fluida, & solida incipient denuo suos motus, ac oscillationes præternaturales restituere; quam ob causam congestas præternaturales materias majoribus motibus agitare, & asperis suis

superficiebus majori impetu sollicitare, & irritare sensibilia organa necesse erit, dolorum, & convulsionum inclemento; hæc in hypochondriacis, ac in hysteriis manifesta sunt.

DISSERTATIO XI.

De Medicamentis Cordialibus.

98. **V**eteres Medicæ Praxis Scriptores de *Cordialium* elaboratione, & usu semper sollicitos animos habuerunt, rati a cordialibus medicamentis sustineri potentias, & vires cordis, a quibus animalis machina conservaretur, & viveret. Et sane conservandæ, ac sustinendæ nature leges id postulant, ut totis viribus quærantur, & adhibeantur ea medicamenta, a quibus aut a nativitate, aut fortuita lassitudine, aut a morbis fracta, aut enervata nature organa sustineantur; cui officio potissimum cordis machinam inservire arbitrati sunt Clinici, cum cor primum vivens, & ultimum moriens altissime habeatur. Verum talis generis medicamenta, quæ *Cordialia* appellantur, si recte eorum compositio, actio, & usus expendantur, ultro ostendunt, non solum cordis, seu potentie vitalis beneficio futura esse, verum etiam operibus cerebri, & cerebelli promiscue famulati, cum ab his potentie animales opere cerebri, & naturales opere cerebelli cum robore, ac motu perfectissime consequantur.

99. Cum ergo dicendarum rerum magnitudo, & dignitas postulent, ut de cordialibus sine confusione agere velimus, ideo necesse est primo exponere mutuum adesse relationem inter potentias vitales, animales, & naturales, ut iusto intelligamus, medicamenta cordialia non ad cor tantum, sed ad cerebrum, & ad cerebellum jure, ac merito pertinere: Quamvis celeberrimus Joannes-Alphonfus Borellus prop. 67. secundi Tomi *de motu animalium*, vim morivam fibrarum cordis in statu naturali probabiliter arbitretur æquipollere posse viribus librarum 3000. nihilominus varia hominum temperies, varia ratio temporum, ætatum, motuum, & ciborum aperte ostendere poterunt momenta cordis varias subire leges, neque posse adamussim determinari. Ceterum quidem est hæc varia momenta cordis in statu naturali debere esse proportionalia momentis membranarum cerebri, & cerebelli; Ab Anatomicis enim edocti sumus systoles, & dyastoles cordis homologue respondere systoli, & dyastoli meningum, & vice versa; cum enim membranæ cerebri, & cerebelli, cerebrum, & cerebellum, & spinalem medullam circumscribant, profecto hæc a motu cordis impulsu sanguinem excipientes, erunt systoli, & dyastoli cordis proportionales; hinc etiam motus succi nervi secreti ab organis cerebri, cerebelli, & spinalis medullæ futurus erit impulsus sanguini æqualis, & proportionalis; quare actiones, & reactiones animales sensui, & motui voluntario institutæ a cerebro dependentes, & actiones, & reactiones, seu oscillationes naturales a cerebello, & a spinali medulla emanantes opere motus, & elateris succi nervi non solum aptam, & continuam relationem habere debent inter se; verum etiam cum actionibus, & reactionibus cordis, motibus cerebri, & cerebelli proportionalibus; quomobrem potentie vitales, animales, & naturales profecto veluti in æquilibrio actionum, & reactionum erunt inter se constituendæ in animalibus; cordialia itaque non uni, sed omnibus potentiis data proportionem respondent, atque succurrunt; hæc quidem majoris dignitatis gratia cordialia appellata sunt, cum veteres cor dignitate, structura, & officio ceteris visceribus præstantius esse judicaverint.

100. In cordialium itaque classe considerari primo possunt ea, quæ volatiles, spirituosas, & elasticas particulas tribuunt sanguini lymphæ, & succo nerveo, quarum auxilio motus cordi, cerebro, & cerebello apte tribuitur, augetur, & conservatur. Secundo illa, quæ opportune nutriunt, & communicant fluidis oleosas, & balsamicas moles, quarum beneficio sequatur conveniens partibus nutriendis unio, adhesio, seu, uno verbo, nutritio. Tertio, quæ simul & semel motum, & elatere, & nutritionem donant machinæ animali.

101. Primi ordinis judicari possunt illa, quæ aromatica

matica sunt, ut cinnamomum, cariophilus, nux moscata, radices Angelicæ, Imperatoriæ, zedonariæ, calami aromatici; talis spheræ sunt etiam omnia spirituosæ, & volatilia, ut sp. melissæ, rorismarini, lavendulæ, sp. succini, cornu cervi, & alia hujus farinae elementa spirituosæ, & elastica, quæ ab animalibus, vegetabilibus, & mineralibus colligi possunt: hic autem animadvertendum est hæc medicamenta spiritu volatili, & elatere repleta sanguinem, lympham, & succum nerveum quantitate, motu, & elatere nimis violenter agitare, & impellere; curaverunt idcirco Clinici medicamenta ex hisce composita pluribus opportune corrigere, ac moderari permiscendo potissimum frigida, & alchalia, aliquando sub adstringentia variæ indolis, ut frænato impetu corporum volatilium, & oleosorum naturales medii motus, & elateres in sanguine, lymphæ, & succo nerveo restituerentur, & conservarentur; hinc elaboratæ fuerunt confectioes cordiales alchermes, & hyacinthina, aliquando in aliquibus permixta fuerunt opiata, & resinosa, ut observamus in diascordeo Fracastorei, in mitridato, theriaca, & orvietano &c. Verum utinam hæc tam composita cordialia fuissent simpliciora medium motum fluidis, & solidis excitantia, & conservantia, fortasse feliciori opere naturæ actionibus inservirent, natura siquidem cum summa sit geometra, simplex est, plura respuit, cum pauca sufficiant.

102. In secunda classe habenda sunt illa, quæ lactea sunt, ut lac asininum, humanum, vaccinum, &c. succi pariter extracti ab amygdalis dulcibus, aut a cachao, aut a gelatinosis, aut ab Hordeaceis, ab avenaceis, & a succis pullorum, caponum, ranarum, testudinum, nec ova ipsa hac in tabula numerantur: *Nutrientia* enim omnia vim, & robur naturæ altissime tribuunt, augent enim fluida, & solida naturali mole sustinent, a quibus vires, & facultates vitales, animales, & naturales felicissime exercentur, & exercitæ conservantur.

103. Tertiæ ordinis sunt illa fluida, quæ colliguntur a succolata, a jure viperino, a succis pineorum, pistachiorum, ab avibus, a pardicibus &c. a vinis pariter creticis, antiquis, & balsamicis, & hisce similibus; hæc enim omnia unusquisque intelliget, quam facile, quam prompte, quam necessario motum, elaterem, & simul nutritionem ferant machinæ animalis.

104. Modo cum in hoc triplici ordine cordialium status medius quoad motum, elaterem, densitatem, & nutritionem fluidorum, & solidorum naturæ proportionalis esse experiatur, & hac via media possit natura acquirere æquilibrium particularum humores componentium, & æquilibrium oscillationum in solidis, ideo in morbis, in quibus aut peccat excessus, aut defectus velocitatis, elateris, densitatis, & nutritionis tam in fluidis, quam in solidis, curandum enixe erit a Medico (quod tamen fateor difficillimum esse) ut cordialium beneficio hic status medius, quantum possibile est, acquiratur, & acquisitus conservetur cum unitate, & æquilibrio elementorum inter se tam fluida, quam solida componentium.

105. Hisce autem indicationibus ut obtemperemus, sedulo attendendum est, ut ea primum eligantur cordialia, quæ aut excessum opportune imminuunt, cui operi cordialia temperata succurrunt; aut defectum motus elateris, & nutritionis æqua proportionem adaugeant, cui officio validiora cordialia, & nutrientia præsto erunt. Hic animadvertendum cordialia quælibet, & si temperata fuerint, apta esse violenter agitare humores, quotiescunque fervida extiterit ægrotantium temperies, fuerint longæ febres, deliria, & æstivæ summi caloris constitutiones, tunc enim medicamenta cordialia nimis agitantur, nimis attenuantur, magis volatilia, & elastica redduntur; hæc enim exhibita potissimum augmento, vel statu morbi, & associata particulis sulphureis, & elasticis massæ humorum adaugent impetum istorum in ratione composita ex numero particularum elasticarum, motu, & elatere earundem; Hinc gravissimas comparant in fluidis, & solidis motuum improprietates, morborum, & febrium inclemento: curandum itaque erit cordialia quælibet exhibere ægrotantibus, aut ante accessiones, aut in accessionum declinatione, eo enim

Sydenham opera Medica.

tempore cordialia minus agitata, ac dissoluta a vi, ac impetu particularum sulphurearum minus volatilia, minusque elastica fiunt, minori humorum agitatione; sic facilius, & commodius morbofis particulis paulatim resistunt, & naturæ succurrunt. Caterum citra has temporum differentias cordialia dissolventes vires, facile poterunt exercere contra fluida, & solida gravæ vitæ periculo, quo casu non cordialia, sed venena dicenda essent. Ulterius in quibuscunque cordialibus primæ, secundæ, & tertiæ classis id unice curandum est, ut mediocris, sed conveniens quantitas fervetur in quibuscunque ægrotantibus temperie potissimum fervidis, & continuis febribus correptis, ut facillius accedere possimus ad statum illum medium, aut ipsum paulatim acquirere, a natura geometra postulatam. Denique remanet, ut inter cordialia eligam damnum non usum, sed abusum succulatæ Indæ, quæ quanto præstantior, & utilior est cordi, cerebro, & cerebello præcipue in senibus, emaciatissimis, & febri carentibus, cum moderata quantitate, qualitate, ac debito tempore assumatur; ita paulatim perniciose esse poterit, quotiescunque citra senectutem hac abutimur qualitate, quantitate, ac tempore. Quod de hac, ita de cordiali quolibet dicendum erit.

106. Videbitur nonnullis me ab argumento cordialium medicamentorum declinare, si in præsentibus agere velim de aliquibus remediorum speciebus, quæ specifico velut opere agere videntur in machinæ animalis: verum ab his quæ probabiliter dicturus sum, plane intelligent, quod sicuti cordialia specifica sunt medicamenta cordi, cerebro, & cerebello, ita nonnulla alia merentur haberi, ut *specificæ remedia*, quæ cordialium more specificis aliquorum viscerum differentiis opportune succurrunt. Inter tot, ac tanta eligam tantummodo duo consideranda, quod autem de his, ita proportionaliter de reliquis specificis medicamentis dicendum erit. Eligo itaque *radicem hypecacuannæ* specificam in dysenteris, & *Chinam-Chinæ* in intermittentibus potissimum febribus specificæ admirandam: Ut ergo debito ordine progrediar, istorum medicamentorum actiones, & reactiones expendam ab effectis, quæ observantur tam in fluidis, quam in solidis machinæ animalis. Primo itaque vocetur ad examen *Hypecacuanna*; hæc quidem sollicitat ventriculum, & intestina vomitu promoto; ergo hæc agit in solida ventriculi, & intestinorum. Modo considerandum est in fluxu dysenterico acres, asperasque superficies humorum illas esse, quæ continuo, & immoderate secernuntur a glandulis intestinorum cum erosione extremitatum vasorum; cum vero in tali acrimie materierum separatione continuo irritentur fibræ intestinales augmento motus peristaltici versus intestinum rectum; hinc si hæc incommoda diu perduraverint, aliquid in intestinis vitium erit secuturum, videlicet a continua irritatione, & erosione fibrarum tandem aliquando laxatur, aut etiam rumpitur naturalis textura fibrarum intestinalium, quare fibræ læsæ, & enervatæ coguntur postmodum majorem pati distractionem, quam contractionem; propterea in præternaturali irritatione intestinorum motus peristalticus non æquabiliter, & isochrones exercetur (ut ostendunt expositæ propositiones) sed asymmetre, & inordinate imminuto momento contractionis, & adaucto momento distractionis fibrarum.

107. Hisce præmissis, exhibeatur dysenterico radix hypecacuannæ ad drachmam unam, aut ad drachmam unam cum dimidia, profecto verisimile est a vi, & opere talis quantitatis, ac modi agentis contra fibras ventriculi, & intestinorum talem specificum vomitum excitari, & oriri talem specificam contractionem in vomitu excitato in fibris ventriculi, & intestinorum, quæ facile sufficiens sit ad restituendum imminutum statum contractionis, & ad comparandum in fibris intestinalibus nimium laxatis talem motum contractionis, qui sit omnino oppositus præternaturali laxitati, aut adauctæ distractioni fibrarum ipsarum: quare paulatim restituto eo contractionis gradu, & acquisita paulatim fibrarum collectione, & unione inter se, paulatim quoque acquiritur robur, seu quidam tonus fibrarum naturali, aut quasi naturali proportionalis; Quamobrem paulatim comparato motu peristaltico intestinorum naturali, isochrono, & æquabili remitti.

mittitur dysenteria, & paulatim sanitas restituitur: In tali dysenteriae remissione sequamur hunc specificum vomitum naturae amicum, ac salubrem. Cum in vomitu ab hyppecacuanna producto fiat specifica contractio fibrarum intestinalium versus ventriculum, & ventriculi versus gulan, certe in tali contractione fibrae contractae intra se se rescipiscunt, concava intestinorum superficie restricta, consequenter oscula vasorum intestinalium jam aperta, vel ob erosionem, vel ob laxitatem, stricta, ac clausa reddenda erunt sanguineo fluxu, aut impedito, aut imminuto. Deinde a tali specifica fibrarum intestinalium contractione alterum supervenit in dysentericis beneficium, videlicet ab opere vomitus contractis fibris sectiones intestinorum imminuuntur in ratione quadrata diametrorum, seu peripheriarum intestinalium, idcirco glandulae intestinales & ipsae magis collectae, & unitae reddentur inter se, quo in statu robur, & vim acquirunt, ut juxta leges naturae oscillationes suas exercent; hinc naturali motu acquisito aptissima paulatim redduntur glandulae transmittere in venas desinentes materias contentas, & venae desinentes in glandulas coactae sunt materias excipere, & per consuetam circulationis viam alio transmittere, & liberare intestina a praeternaturali excretionis sanitate paulatim restituta.

108. Hic sentio arguentes, plurima sunt medicamenta quae vomitum pariunt, attamen dysenterias non sanant; cur ergo vomitus ab hyppecacuanna productus dysenterias solum sanare aptus est? Ratio ex dictis constare videtur; etenim verisimile est talia vomitoria non apta esse talem specificam vomitus differentiam, & talem gradum specificae contractionis excitare in intestinis, & ventriculo, quae sit omnino opposita specifica illi praeternaturali laxitati, & distractioni fibrarum intestinalium, ut antea satis exposuimus: sed multo majorem, ac violentiorem, aut multo dissimilem; cum autem verisimile sit solum actionem hyppecacuannae aptam esse talem specificum vomitum, ac talem specificam contractionem fibrarum parere, quae sit a diametro opposita praeternaturali laxitati, & distractioni earundem in dysenteria; ideo radix hyppecacuannae tali vomitu excitato dysenterias sanare specificè potens erit, quas reliqua vomitoria curare non poterunt.

109. Ulterius verisimile est, alterum beneficium oriri ab opere hyppecacuannae; sicut enim moles, ac quantitas ad drachmam unam, aut ad drachmam unam cum dimidia exhibita dysenterico vomitum parat, & determinatum contractionis gradum oppositum praeternaturali laxitati, & distractioni fibrarum intestinalium producit; ita verisimile pariter erit aliquam molem, & quantitatem hyppecacuannae divisam, & subdivisam in partes minimas ingressam oscula vasorum lacteorum, & ab his delatam in massam sanguinis posse non dissolvere, ac frangere texturas, & nexum humorum, quibus applicantur particulae illae hyppecacuannae (ut gravissime operantur aliorum vomitoriorum corpuscula,) sed tantummodo aptam esse debita mixtione, amplexu, & figuris huic officio proportionalibus unionem, & nexum parere humoribus, & hos, horumque fibrosas texturas opportune densare, constringere, ac sustinere ablata, aut imminuta dysenteria, quae beneficia a reliquis vomitoriis nullo modo haberi possunt, immo contrariae actiones timendae erunt dysenteriae augmento. Utinam in plurimis morbis, ut in maniacis, hypochondriacis, hysteriis affectionibus, & febribus ipsis ars medica ita valeret, ut specifico remediorum opere communicare posset in organis, ac fluidis taliter laxis, aut taliter enervatis, aut praeternaturaliter inflexis, directis, ac motis illos específicos motus, flexiones, directiones, ac status oppositos, aut quasi oppositos tali praeternaturali laxitati, inertiae, aut praeternaturali inflexioni, curvitati, directioni, ac motui solidorum, ac fluidorum, profecto restituto paulatim tam in solidis, quam in fluidis cerebri, cerebelli, uteri aliorumque viscerum motuum aequilibrium, separarem maniacas, hypochondriacas, hystericas affectiones, nec non febres facilius esse curandas.

110. Simili methodo specifica actio chinae-chinae poterit multo probabiliter explicari. Cum china-chi-

nae in febribus intermittentibus potissimum valeat, & radices febrium intermittantium in pravitate succorum ventriculi, bilis, pancreatis in duodeno, & intestinorum cognoscendae primario sint; idcirco colligendum erit chinae-chinae particulas taliter agere, & reagere contra praeternaturales motus succorum primarum viarum mixtione, unione, amplexu, figuris, & motibus suis, ita ut impendant, & auferant, aut saltem imminuant praeternaturales, & asymmetras pravorum humorum miscellas, & motiones; ita ut ulterius chinae-chinae particulae communicent illis succis mixtiones, & motus praeternaturalibus mixtionibus, ac motibus oppositos, sed legibus naturae proportionales, aut quasi proportionales. Deinde elementa chinae-chinae, & effluvia ejusdem communicata chylo, lymphae, & sanguini similiter aptissima redduntur mixtione debita, unione, amplexu, figuris, ac opportunis motibus oppositis impedire, aut auferre, aut saltem imminuere praeternaturales impurarum particularum a primis viis acceptarum miscellas, ac motus, sicque communicare massae humorum novas mixtiones: novas motus mediis mixtionibus, aut mediis motibus homologos praeternaturalibus mixtionibus, ac motibus, aut omnino dissimiles, aut oppositos; propterea hac lege communicato etiam solidis aequabili medio, ac naturali motu oscillatorio, acquiritur paulatim fluidorum, & solidorum aequilibrium pace, unione, ac quiete naturali humorum restituta, febribus expulsi, usque dum tamen actio chinae-chinae, seu momentum ejusdem in primis viis, & massa humorum perduraverit. Hac quae usque adhuc exposita sunt ex legibus mechanicis manifesta esse videntur; ex mechanicis enim edocti sumus, quod si fuerint potentiae agentes, & reagentes molibus, ponderibus, figuris, numero, & motibus, seu momentis, ac viribus inter se aequaliter oppositis, has in hoc statu mutuas inter se actiones, & reactiones, seu mutuos inter se effectus tollere, & in aequalitate actionum, & reactionum oppositarum, necessario unionem, quietem, ac medium statum corporum consequi necesse erit. Si itaque momenta, & vires chinae-chinae agant, & reagant in primis viis, & in massa humorum contra momenta, ac vires pravorum succorum ventriculi, bilis, pancreatis, intestinorum, & massae humorum in ratione opposita aequalitatis; tunc facto aequilibrium inter actiones, & reactiones oppositas chinae-chinae cum reliquis viribus, ac momentis pravorum humorum mutui effectus oppositi auferentur, & in aequalitate actionum, & reactionum oppositarum potentiarum quies, & pax, ac status medius tam in primis viis, quam in humoribus erunt oriturae, victa febris: In hoc statu semper febres intermittentes vincuntur, aut vinci poterunt.

111. Multo autem magis superabuntur praeternaturalia febrium elementa, quotiescunque vires, ac momenta chinae-chinae opposita viribus, ac momentis praeternaturalibus pravorum humorum in febribus supramodum praepollent; etenim omnino eversis, atque omnino mutatis motibus humorum praeternaturalium inaequalibus, inordinatis, & asymmetris a viribus, ac momentis, motibus, ac directionibus praepollentibus chinae-chinae, & in aequilibrium fortiter, ac valide restitutis, tunc rursus victa febris sanitas restitueretur; in hoc secundo statu actionis praepollentis chinae-chinae febres intermittentes semper victae remanebunt, nonnullae etiam continuae vinci poterunt, aut saltem moderari: cum autem hac beneficia tam in primo, quam in secundo casu habeantur ab opere, ac viribus chinae-chinae, cumque haec beneficia obtineri non possint sine restitutione aequilibrium mixtionis particularum massas humorum componentium, colligendum jure erit vires, ac momenta chinae-chinae agentis, & reagentis contra fluida tam externa in primis viis, quam interna in canalibus mirum in modum inservire, ut obtineatur status medius, seu aequilibrium mixtionis humorum; deinde cum tale aequilibrium mixtionis humorum supramodum consulat concoctioni ipsorum; ideo aptissime ac celeberrimo Francisco Torti in suo utilissimo Tractatu de China-China indicatur chinam-chinae altissimo operi concoctionis humorum opem ferre.

112. Verum si vires, ac momenta particularum china-chinae minora fuerint præpollentibus viribus, ac momentis pravorum humorum, vel in febribus intermittentibus, vel in continuis, tunc a china-chinae neque febres intermittentes, neque ullæ continuæ vincendæ erunt, sed remanebunt tam in motibus fluidorum, quam in motibus solidorum status medii, aut æquilibri asymmetriæ. Ab his ergo quæ usque adhuc exposita sunt, verisimile est potissimam actionem china-chinae pro febrium victoria cognoscendum esse a specificis viribus, ac momentis particularum china-chinae æquabiliter oppositis asymmetris, & inordinatis motibus particularum humoralium aut externarum, aut internarum, aut utrarumque, quæ ratio motus particularum china-chinae specificè opposita præternaturalibus motibus humorum apta est communicare, ac statuere medium motum, & directionem isochronam, ordinatam, & æquabilem in particulis humorum, & in solidis asymmetre, & inordinate motis in febrium agitationibus, ut factò paulatim mixtionis æquilibrio in fluidis, fluida moveantur, & oscillent solida juxta leges naturalis æquilibrii, victis febribus, & sanitate restituta.

DISSERTATIO XII.

De Concoctione Humorum.

113. Inter præstantissima, & utilissima Medicæ Praxis opera primum locum obtinet *Humorum Concoctio*: Hæc tam necessaria naturæ actio illa est, qua naturalis fluidorum, & solidorum temperies apte sustinetur, pura ab impuris secernuntur, & impura corpora per excretorias vias eliminantur, determinatis temporum differentiis, tam admirabili secretionum beneficio humores optimo in æquilibrio constituti id ferunt, ut sanitas perfectissime conservetur, & amissa, felicissime restituatur. Hoc autem æquilibrium humorum in concoctione ipsorum aperte docuit Hippocrates, cum de veteri medicina enuncia- verit, *Concoctionem fieri a permixtione, & temperatura mutua humorum*. A qua mutua temperie, & permixtione humorum æquilibrium ipsorum statui necessarium erit: tanto operi obtinendo tota Medicorum sollicitudo fuit, moniti a naturæ legibus frustra in operibus artis esse elaboraturos, cum methodum concoctionis ordinem, ac tempora, aut neglexerint, aut non obtinuerint. Scientia quidem concoctionis humorum longam praxim postulat, pro qua obtinenda nolit Medicus neque nimius esse in Philosophicis & Chemicis, neque nimius in Mechanicis, & Botanicis, neque nimius in minimis Anatomicis, sed in his contentus necessariis amet potissimum esse in practicis morborum observationibus, ut eruditissime, & utilissime ostendit Celeberrimus Bartholomæus Lavagnolus, Professor Patavinus, *de usu Chimiæ*. Utinam mihi esset ingenium tam necessario argumento dignum, sperarem me brevibus universa medicæ artis præcepta feliciter esse affecuturum: quamvis autem huic muneri me imparem esse fatear; nihilominus exercitii gratia ea tradam consideranda, quæ magis necessaria esse judicaverim.

114. Ut itaque opportuno ordine progredi possum, notandum sedulo est concoctionem humorum præferre *ipsorum præparationem*. Præparatio autem humorum nil aliud vere est, quam apta dispositio eorum inter se mixtorum quoad molem, gravitatem, figuram, & motum, quoad tenuitatem, laxitatem, & densitatem, ut dato tempore opportuna, & utilis subsequatur separatio corporum a se invicem: Hæc autem humorum præparatio alia a natura fit, alia ab arte; præparatio humorum, quæ a natura perficitur, habetur ab æquabili oscillatione fibrarum, & glandularum, ab ordinato humorum motu, ac circulo, a debita miscella succorum pancreatici, & bilioli, alteriusque indolis, & a convenienti somno; Quæ ab arte exequitur, comparatur ab exercitio, a quiete opportuna, a cibo, a potu temperiei, & ætati hominum proportionalibus; acquiritur a salubri aere; experimur enim in puro aere, in quo elater est mediæ densitati proportionalis, ab actione succorum

Sydenham opera Medica.

ventriculi cibos facilius præparari, dissolvi in ventriculo, promptius fieri chylicationem, & hanc feliciter disponi ad sanguificationem obtinendam. Hinc ab Hippocrate de aere, aquis, & locis habemus magnopere observandas esse aeris, & temporum mutationes, ut opera naturæ vel perfectæ, vel imperfectæ esse intelligantur. Denique præparatio humorum cognoscitur a recto usu medicamentorum, videlicet decoctionum alterantium, quæ medicamenta vel habentur a bolis, vel a pulveribus, vel a fluidis; Itaque juxta varias humorum præparandorum indoles exhibentur syrupe, & decoctiones ex variis herbarum differentiis compositæ, aut pulveres variæ speciei incrassantes in tenuitate fluidorum, incidentes, ac dissolventes in densitate, ac crassitie, & ut medico utar vocabulo dulcificantes in aspera, & acri humorum superficie, aliquando calefacientes in frigida ipsorum temperie, aliquando refrigerantes in fervido humorum statu, aliquando compescentes humorum impetum, ac elaterem, quotiescunque solida, & fluida enormiter agitata motu, & elatere præpollent. Necessitatem, & ideam medicamentorum præparantium significare voluit Hippocrates sectione 7. aph. 70. edocuit enim. *Corpora cum quis purgare voluerit, oportet fluida facere*; videlicet oportet prius, apta ratione medicamentorum disponere corpora ad purgationem, ut hæc facile, tuto, & utiliter purgata reddantur.

115. Difficultas quidem non levis oritur pro cognoscendo, ac statuendo tempore, quo præparatio humorum jam instituta est, ut præparatis humoribus æqua ratione proximam concoctionem expectare, ac statutam intelligere possimus. Crediderim autem tempora completarum præparationum judicanda esse a mutationibus, quas paulatim acquirunt excreta a statu morbozo ad salubrem; quamobrem excreta, quæ morboze crassiora fuerant, quo tempore incipiunt fieri tenuiora; quæ lentiora, quo tempore fluidiora eveniant; quæ prius aspera extiterant, quo tempore sensui incipiant leniora, & benigniora reddi, tunc illa erunt facile tempora præparationis humorum, aut completæ, aut proximæ perfectæ præparationi obtinendæ; pariterque si videamus somnum, appetitum, & vires paulatim ad statum naturalem inclinare, tunc conjectari quoque poterimus humores desideratam subire præparationem; Cum vero expositæ excretorum mutationes a statu morbozo ad salubrem non æqualibus, & similibus fieri possint temporibus, sed dissimilibus, & inæqualibus juxta majorem, aut minorem præternaturalis materiæ copiam, densitatem, & motum, juxta varias temperierum, temporum, & ætatum constitutiones; ideo semper a Medicis laborandum erit, ut has specificas temporum differentias, si non veras, saltem vero proximas assequi possint; Quamobrem maxima egemus praxi, attenta observatione effectuum, signorum, & excretorum cum Hippocraticæ disciplinæ studio, ut apto medicamentorum usu, ac tempore præparationibus naturæ succurramus, & completas præparationes aptissime cognoscamus. Pro hisce autem obtinendis consulendus erit Celeberrimus Prosper Alpinius, qui, duce Hippocrate, hanc materiam perfectissime complet.

116. Interim cum hisce gradibus præparationum progredimur ad concoctionem materierum, seu ad illum statum, quo materiæ vel morbificæ, vel heterogenæ, mole, pondere, figura, & motu ab homogeneis dissimiles dispositæ redduntur, ut opportuna ratione per loca excretoria, & naturæ congrua separentur, quarum beneficio morbi judicationem consequi experimur. Quamvis autem, docente Prospero Alpino, concoctionis signa a pluribus haberi possint, nihilominus præstantiora, & certiora ex Hippocrate ab excrementis alvi, & urinæ colligenda erunt. Quotiescunque itaque alvi excrementa, quæ prius præternaturalia fuerant aut quantitate, colore, odore, aut mole, figura, & tempore excretionis incipiant mutari taliter, ut acquirant quantitatem ingestis proportionalem, colorem subflavum, neque gravissime, & molestissime oleant, & moles istorum sint apte molles, opportuna figura coherentes, & consistentes, & consueto tempore sine dolore, & irritatione exeant; tunc poterimus judicare aut adesse, aut proxime futuram esse

humorum concoctionem. Eligam inter Hippocratis experimenta tantummodo illa, quæ libro 4. Epidemiorum significaverat in ægrotis illis, qui habitabant juxta ædes Medosadæ: In hisce statuto tempore apparuerunt faeces quantitate ingestis proportionales, molles, coherentes, quas, ut monet Martianus, viscosas Hippocrates appellat, & subflavas, simili quidem ratione flavedinis, quam observamus, cum albus narium mucus vigente statu cruditis mutatur in subflavum tempore concoctionis, postmodum addit Hippocrates morbi judicationem libro 1. de morbis esse secururam.

117. Deinde concoctionis argumentum ab urina desumendum erit; cum enim urina antea in statu morbofo fuerit tenuis, aut confusa, cum eneoremate disparato, & divulso, postea incipiat elaborare albam subsidentiam, levem, & æqualem, & acquisiverint colorem subrufum cum nubecula subrubra, pyramidalem quasi figuram ostendens, tunc, docente Hippocrate, concoctio humorum habebitur, aut expectabitur: hæc satis superque indicantur lib. 1. Epidemiorum ab historiis Herophontis, Cleantidis, & Melidæ; hæc ostenduntur lib. 3. Epidemiorum in Cherione, Pericle, & Nicodemo; cum autem hæc felicia coctionis signa extiterint, & perduraverint, tunc fere semper absque ullo medicamentorum auxilio morborum judicationes securæ erunt, parta expulsiōne impurarum materierum per ea loca, quæ fuerint providæ naturæ faciliora, & commodiora, videlicet vel per sudorem, vel per urinas, vel per secessum, vel per hemorrhoides, vel per narium hemoragias, vel per sputum, vel per insensibilem transpirationem, quo tempore Medicus debet otari, ut docuit Hippocrates aphor. 20. sectio 1. *quæ judicantur, & judicata sunt integre &c.* Verum si adhuc inertia naturæ, & morbificæ materiæ ratio, ac quantitas per spontaneas expulsionē judicationem morbi non fecerint, aut elaboraverint imperfectam, tunc Medicus debet esse sollicitus de opportuno medicamentorum usu, ut inertī, aut oppressæ naturæ prudenter, ac provide opituletur, sollicitando ea loca, quibus natura inclinaverit juxta aphorismum 21. Hippocratis sectionis 1. *quæ educere oportet per loca conferentia, eo ducere convenit.* Propterea aliquando dejectoria per alvum, aliquando diaphoretica, aliquando specifica deobstruentia, vel diuretica, aut alia impellentia exercere oportebit. Animadvertendum ultro est in concoctione humorum observanda esse determinata tempora, quibus concoctiones haberi solent, videlicet considerandi sunt dies critici, neglecta die sexta, quam Hippocrates in Epidemiis, ut infidelem accusavit; hisce itaque diebus criticis ut plurimum coctiones humorum separare poterimus.

118. Caterum si nulla signa concoctionis humorum, superveniant, tunc Hippocrates lib. 1. de morbis popularibus ob cruditates, & confusiones humorum minatur longitudinem morborum, aut recidivas, & aliquando mortem; Quamobrem a Medico tunc temporis res prudenter agendæ erunt apta ratione victus, opportuno exercitio, debito somno, salubri aere, & aptissimo medicamentorum usu non irritando naturam, sed sustinendo.

119. Statuta preparatione, & concoctione humorum, monendum est, nonnulla medicamenta alte postulari a morbo, & causa morbi, verum penitus impediri a languida temperie ægrotantium, vel ab inertia organorum, vel ab ætate; Itaque, gratia exempli, chalybeata quærentur quidem unice ab obstructionibus viscerum; verum si ægrotantes fuerint temperiei languidæ, inertis ventriculi, & atas fuerit tenera, aut senilis, aut a præcedenti longitudine morbi nimis fracta, tunc ab hisce recedere oportebit; fortis enim chalybeatorum actio, ac stimulus non ob-

structiones auferet, sed parta crispatura quodammodo convulsiva in fibrillis viscerum obstructiones augebit, imminuta, aut impedita solidorum oscillatione, imminuto, aut impedito motu, & elatere fluidorum; cur ergo in pueris, in senibus, aut morbo fractis chalybeata, aut boli medicamentorum gummosi, duri, ac tenaces offeruntur? profecto hæc, & similia inutilia erunt, cum ab inertia ventriculi, dissolvi, ac frangi non possint; immo hostilia experiuntur, cum ventriculo pondus, & naturæ laborem augere videantur, propterea qualia excipiuntur per os, talia per secessum solent eliminari.

120. Deinde remanet ut doleam, medicinam usque ad hæc tempora in remediorum inventionē non multum profecisse, præter enim nonnullas remediorum species a chemicis, a mineralibus ut mercurio, ferro, & antimonio, china chinæ desumptas, quibus veteres caruisse certi sumus, profecto cogimur confiteri nos pro medicamentis parum, aut nihil acquisivisse. Verum chinæ-chinæ medicamentum adeo egregium est, ac summum, ut plurimis certe æquipolleat; hoc enim prudenter, opportune, debita quantitate, ac tempore exhibitum, & repetitum febres fugat, morborum fere omnium socias, & quod magis pro argumento præsentis Dissertationis æstimandum est, præparaciones, & coactiones humorum paulatim, & feliciter parat, ut Celeberrimus Franciscus Torri ratione, & praxi tractatu *de China China* nervose statuerē conatus est, ut antea indicavimus.

121. Tandem video me in hac Mechanica Medicamentorum expendenda, & in hac concoctione humorum opportune comparanda, non parum defecisse, cum leges emittendi sanguinem omnino neglexerim; fateor enim a sanguinis emissionē recte, aut prave instituta præparaciones, & coactiones humorum aut feliciter haberi, aut miserrime destrui. Verum intelligant Lectores benevoli, me ab hoc argumento data opera declinavisse, cum sciam, phlebotomiam leges suas accipere a majori, aut minori plenitudine vasorum, a majori aut minori densitate, ac pondere humorum, a temperie, ab ætate, a viribus, a regionibus, aliquando a consuetudine, & fere semper a morbis inflammatoriis, quæ omnia cum jure suo nullis Medicis obscuro, postulent solam medicorum prudentiam quoad quantitatem, modum, & tempus extrahendi sanguinem; ideo pro hoc argumento animadvertendum esse arbitror, sanguinis emissionem vere, & necessario postulari cum massa sanguinis peccaverit quantitate, densitate, & crassitie & motu partis a principiis intrinsecis componentibus ipsam massam sanguinis. Caterum si densitas, & crassities humorum partæ fuerint a principiis extrinsecis, ut transpiratione impedita, aut imminuta, a succis ventriculi viscidis, & austeris, a viscido, & austero chylo, a pancreaticis, & biliosis succis tenacibus, & impuris, a labore, ab aere &c. tunc raro, & semper caute sanguinis missio vere postulabitur. Etenim vitia hæc a causis externis producta facile, & sine periculo auferri possunt ab opportunis purgantibus, ab alterantibus, & depurantibus massam humorum, a dieta, ab exercitio, a frictionibus, a mutatione aeris &c. Etenim a phlebotomia hæc incommoda supramodum augentur, & crescunt, spoliato sanguine elementis ferosis, elasticis, spirituosiss, & balsamicis, hinc oscillationes solidorum, & glandularum in statu inertie redditæ nullatenus inservient secretioni, & depurationi humorum peccantium majori morborum inclemento; Quamobrem phlebotomiae leges in concoctione humorum, & curatione morborum nonnisi Medicorum prudentiæ, virtuti, ac praxi remittendas esse putamus cum verbis, ac præceptis determinari nullo modo possint.

Fig. I Partis Mechanices Morborum




Fig. II Partis




Fig. III Partis





Fig. Mechanices Medicamentorum





ANTONII CŒLESTINI C O C C H I I

EPISTOLÆ PHYSICO-MEDICÆ

Ad Clarissimos Viros
LANCISIUM, ET MORGAGNUM.

BREVIS CASTRENSIUM FEBRIUM
Historia, quæ Ferentini, Anagninæ,
finitimisque locis Anno MDCCIX.
grassatæ sunt.

CAPUT PRIMUM.

Clarissimo Amplissimoque Viro Jo. Maria Lancisio
Innocentii VI. olim, nunc Clementis XI.
Archiatro & a secretiori cubiculo
Antonius Cocchini S. P.



N magnis morbis ad te Lancisi Claris-
sime recurrimus tanquam ad Romanum
Hippocratem & mundi parvi reparato-
rem. Crudelis apud nos viget epide-
mia castrensiū febrium ab acri &
pene realgarina aeris diathesi oriunda,

ipsum quo vivimus, quod die nocteque trahimus,
in publicam perniciem & calamitatem conversum est
elementum. Scias itaque oportet, diligens naturæ
scrutator, ut per consilia tua nobis opportune suc-
curras, Ferentinum inter & Frusinonem palustres &
musco virentes aquas jacere: sunt vero sulphureæ
præsertim atque enormiter fœtidæ, quæ hoc potissimum
anno circa æstivum solstitium erumpere cœperunt,
& mox supra modum auctæ agros & segetes pene
omnes inundarunt: minerales sane particulæ, quæ hi-
sce aquis per abditos terræ sinus evektæ atque indi-
cuisse retinentur, perpendiculari ac fervido solis ra-
dio in atmosphæram elatæ tanto quidem deterius ad
motbos parantur & cladem, quanto pervicacius in
desidum aquarum foveis linum & cannabis mace-
rantur. Addo *stagna loquacia* seu potius inquinamen-
ta ranarum, bufonum atque amphibiorum consimi-
lium, quæ nunc humi degunt, tunc aliis cum ver-
mibus viles aquas inhabitant. Ex quibus omnibus,
Syrio ardente pestiferi vapores prodeunt & veluti alas
acquirunt, qui ubi per aera discurrent, non possunt
non machinam nostram hydraulico-pneumaticam per-
turbare, alte feriant hominem respirantem: *plerun-*
que enim, ut Æsculapii successor inquit, *hominis na-*
tura Universi potestatem non superat. Et quemadmo-
dum gubernatores optimi vim tempestatis, sic medi-
ci tunc morbi impetum superare non possunt. *Divi-*
num illud in morbis ex cœlo, aere scilicet vitiato,
Cous senex deducit, authoremque & dominum in
cunctis, quæ corpori accidunt, aerem appellat.
Vix oppida in montium verticibus sita a labe secu-
ra sunt; eorum nanque plebecula susceptas in Feren-
Sydenham-opera Medica.

tinenſi planitie febres convehit ad montana. Verum
Fruſino, Ferentinum, & ſummorum Pontificum olim
Sedes Anagnia temerati aeris damna maxime ſen-
tiunt.

II. Febres ſunt veræ maligne, & epidemicæ,
quippe in omnibus ſimiles, rigore, qui membra qua-
tit, exacerbantur: nempe ſimplicis, aut duplicis ter-
tianiæ typum initio ut plurimum ſervant, pernicio-
ſam indolem ſuis mox phænomenis deſecturæ. Tor-
va occurrit ægrorum facies, & quaſi vipereo vene-
no iſtereſcens, ſcintillant oculi intuitu contumaces,
& proprium laticem, quem lacrymas dicimus, invi-
te fundunt: infelix porrectis artubus, & tota ſpina
decubitus. Pulſus, qui eſt reciproca cordis echo,
parvus, creber, & inæqualis, *Ulcerofa* laſſitudo, &
ſitis, & ſonus aurium intra ſe ipſas, & capitis do-
lor ante delirium acerbitate contendunt: aures, quæ
filia carminis ab Eccleſiaſte vocatæ ſunt, tinnitum,
ſibilum, bombum, vel pluviam decidentem men-
tiuntur: internus enim carotidum ramus foramen of-
ſis petroſi juxta meatum auditorium ingreditur, mox
oblique ephippium verſus ſub nervo optico aſcen-
dit, & in rete mirabile, & plexum choroidem diſ-
perditur; ſi propter febrilem æſtum ſolito audentius
pulſet, membranas, & offacula dimovet, & in tre-
morem aliquem agit, quo hic, vel ille ſonus expri-
mitur, pro impulſum ſcilicet, preſſionumque varie-
tate. Lingua ad oris præfecturam nata, cum magna
fides debetur in morbis, ob nullam, aut inſinceram
ſalivæ ſeparationem arida, ſcabra, ſqualida evadit,
ſaporemque perverſum renuntiat: dehiſcere, & cali-
gare ſolet, ubi papillæ nerveæ a ſcoriis ſalino-acri-
bus divulſæ, corroſæ, & eſchæra, qualis a cauſtico
inuritur, obductæ ſunt. Anorexiſ quoque ſe morbi
comitem præbet. Peſſimum, & fere rabioſum ver-
minum genus nunc tormina, & alvi proſtium, nunc
perſiſtaticum motum invertens cardialgiæ, & vomitum,
& ſibi egreſſum molitur, imo dolorem pseudo-
pleuriticum, ſyncopen, vertiginem creat: mordicatis
enim ventriculo, & inteſtinis, per nervos octavi pa-
ris utrobique deſinentes intercoſtales muſculi, cor,
cerebrum, & nervi optici in afflictionem trahuntur.
Incurſat anhelitus, faucibus hæret vox, & eſt pro
voce ſuſpirium. Nec deſunt anxietatis plenæ vigi-
liæ, vigilantium ſomnia deliria, ſubſultus tendinum
præcipue in carpiſ, venatrix manuum palpitatio,
jaſtatus convulſivi, & tumultuariæ aſſurgendi col-
luctationes. Tandem fatiſcentibus viribus fo-
por comatoſus obrepit, nam dura mater mem-
branaceus ille muſculus, vitæ automatū faci-
le princeps, & apud Eccleſiaſten *vita aurea*, ir-
ritata, plus æquo contracta, & inflammatoriæ af-
fecta

Harum
februm
epidemi-
carum
ſympto-
mata.

secta supra duos renixus movetur cerebri, & cordis; in falcato tendine, & lacertosis hemisphæriis vectis momentum prævalet, hinc violenta, nec regularis succi nervei expressio: strangulato demum in alveis suis refluxo sanguine ita cerebrum comprimit, ut liquidi animalis secretio, aut iter impediatur, & delirium in lethargum degeneret. Corruptum lixivium representant urinæ, parotides interdum extuberant, & urinæ protinus defæcantur. Puppureæ maculæ, quæ postea vibicis instar livescunt, effulgent in cute; nam *malignus ichor* per miliares glandulas secretus nec tantæ molis est, ut in pustulas tumeat, nec tantæ subtilitatis, ut perspirare possit; vel quod *ipse sanguis integer in ductus glandularum excretiores extrusus, corruptusque sit.*

Sancto-
rius desta-
ric. medic.
1. aph. cv.

Litter in
commen-
tario ejus-
dem aph.
Har. fe-
brium ma-
lignitas
variis in-
colarum
incommo-
dis, atque
interitu
demon-
stratur.
Denſign. &
caus. diut.
morb. 1. 2.
de aqua
inter cu-
tem c. 1.

III. En tristis apud nos grassantium febrium aspectus: hinc vero earum facinora expendam. Septimo, nono, undecimo solent occidere, raro decimum quartum attingunt, ut Ferentini præsertim observamus; cum illuc sæpe ad Optimates curandum accersar: & siquæ medicinæ obtemperant, nunquam absolute judicantur, (ipsa enim cœli impuritas criticos naturæ motus distrahit perpetuo, ac turbat) sed enervato sanguinis robore, volatili, oleoso, & balsamico sulphure absumpto in quartanam, cachexiam, immortalesque viscerum obstructions abscedunt. *Majora enim omnia vitia* (loquitur Aretæus Cappadox) *soli Dii medicantur; nam aut in viscere primario morbus delitescens totum in malum habitum convertit, aut omne corpus ingruente pestilentia in malum succum viscera permutavit; quando sibi utraque vicissim ad perniciem suffragantur.* Vidimus plures rusticos montium incolas, qui ob annonæ caritatem ad secandam maturam jam segetem in Ferentini agro morati fuerant: Hi vero, cum non aerem solum venenatum, sed æstiva siti adigente aquas etiam sane ipsa siti nocentiores, veneni fontem bibissent, colore turpes se intus uri, simulque caput in partes quasi dissilire conquesti sunt; tanta erat gravitas, pondus, & dolor: circa quartum morbi diem ad penates suos re-
vecti rei angustioris domesticæ homines brevi a tam funesto malo, & alii parotide præcedente jugulati sunt; quo spectat illud in Coacis *quæ dolenter ad aurem assurgunt, pestifera*; alii lethargo stertentes, alii dysenterico ulcere occubuerunt; alii contra iisdem fere symptomatibus confecti, cum opportunum per reditum tempestivæ medelæ locum dederint, pristinae valetudini ope nostra sunt restituti: & novimus, quantum contulerit montanus aer ob tenue, ac purgatissimum nitrum, vegetumque elaterem.

Horat.
Serm. 1. 7.
Cat. 6.

Ergo ubi me in montes, & in arcem ex urbe removi,

Nec mala me ambitio perdit, nec plumbeus auster,

Autumnusque gravis, Libitina questus acerba.

IV. Non est hic, ut te, vir amplissime, detineam inutili causarum, symptomatumque explicatione, cum ænon fugiat, sales summe volatiles, & alcalino acres ipsos aere ceu menstruo dilutos, atque inspiratione haustos, per pneumonicas vesiculas cribrari; saliva quoque ad ventriculum ablegatos una cum chylo sanguinem petere; quo cum pervenerint primo duntaxat Cartesii elemento circumdati & febrilem motum excitant, & tragicas agunt metamorphoses; fuso enim sanguine, & velut a sui fœdere sejuncta parte lymphatica, quæ est cruoris vehiculum, reticulata concrevit, ut caseosa pars lactis injecto liquore coaguli a fero dividitur & condensatur. Insunt sanguini fibrillæ elasticæ, quæ ad perennem contractionem nituntur; inest latex, qui massam divulsam, & fluidam reddit. *Tunc autem pessima est* (bilem intelligit Plato) *quando puro sanguini mista & villorum ligami-
numque fila suo ex ordine dimovet, quæ ideo in sanguinem diducta & sparsa sunt, ut mediocrem tenuitatis & crassitudinis habitum consequantur, neque propter caliditatem, cum ipse sit lubricus, raro ex corpore defluat, neque si crassior sit, ad motum fiat ineptior, atque agre per venas fluat & refluat.* Scissis ab acuto fermento iis quasi habenulis, fugitivum serum elabitur seu decantatur, & scissæ fibrillæ mutuo amplexu & globuli rubicundi a Leevuenhœckio per dioptricum vitrum detecti mutua oppositione se se

In Timæo.

coercent & remorantur. Hinc ea sanguinis constitutio, quam stricto laxam sectæ methodicæ dux Asclepiades & mutato nomine lento liquidam Bellinus appellavit.

V. Therapeuticen nostram exponimus, ut quid quid est minus sapienter a me provisum, sapientia tua corrigatur. Initio, si cogit vomitus aut vomendi proclivitas, unicas binas alibi temeti, in quo metallorum crocus ad usque drachmam horas xii. infusus extiterit (in quo scilicet per emporeticam papyrus trajecto sulphura natent emetica subtiliora) præscribo admonens, ut, quoties vomuerit æger, diluentem ptisanam bibat; nam *ea, propter quæ vomit*, perinde ac in cholera diluuntur. Fertilis in montes aeris labes salivæ impressa & ad ventriculum detrusa prius quam lacteas venas tota subeat & ob valvularum repagula irrevocabilis per viam omnium brevissimam eliminanda est, quam innuit natura, & naturæ orator Hippocrates *purgare oportet æstate superius, hyeme vero inferius.* Sin minus, diarrhœa supervenit valde contumax & non raro in dysenteriam faciens, quæ sudorem impedit seu generalem & pene regiam sanguinis despumationem. Unde nil mirum, si hæc eadem in *lateris dolore* impedit anacatharsum, & ideo ab Hippocrate damnata est (in metastasi tamen pleuritica aut peripneumonica dextra præcipue & cacochymia post sanguinis missionem *Scomphi* interitu non obstante alvum audacter ciemus v. uncis olei lini recens expressi cum drachma spermatis cetis non rancidi in jure fervido permitti: & qui Pythagorica tenacius colunt mysteria, die non impari id agunt sexto, octavo, decimo, & duodecimo, ut pectus a lymphæ quasi piceis crassamentis extricetur, ut sine ulla irritatione præcipitentur nova glutina, quæ facile possent in parte affecta ipso cum sanguine cumulari, ut tandem laxatis solidis non solum sputa, sed etiam sudores promoventur; viscerum enim tensio velut quibusdam uncis instar retis piscatorii, quod nominatur griphos, cutem circumplectitur, & coarctat) *ventrem autem compactum vomitus solvit, & egerentem magis, quam oportet, sistit, illum quidem humectans, hunc vero siccans;* præsentem diarrhœam vomitus sistit; ergo vetat futuram: paregoricum sub noctem exhibeo, ut inductum ab emetico tumultum sedet. Si progressi jam morbi curationem aggredi contingat, tum a purgando expedit vacare; nam ubi febrile fermentum cum massa humorali confusum est, vi cathartica separari non potest, & quæ potius eidem resistunt, & sana sunt, dissipantur. Militat pro re nostra chirurgicum argumentum: *Obediunt* (Hippocrates) *luxationes, non tarde reponuntur, si quis antea quam inflammantur, reponat:* Nam ubi ossis caput ex acetabulo excidit; ita nervos, & revehentia vasa comprimit, ac distorquet, ut contenti humores restagnent, & ob moram acescant, & vellicantem naturam acquirant; hinc dolor, febris, & inflammatio: brachium retrorsum luxatum inferius memorat. *Si igitur statim adfueris, externo cubiti gibbo cogere oportet, & sponte incidit. Si vero febris prævenierit, non amplius reponere oportet: dolor enim in cogendo augetur. Ut autem in summa dicam, neque alium articulum febrienti reponere oportet.* Sic medicus, qui ægritudinum internarum chirurgus est, ingravescente febre fodicare non debet, quæ centrum vocitat, intestina. Græcus Magister initio acutorum, & non nisi materia turgente *dejectoriis* utebatur: Hoc namque refermentantium genus interdum crudam, & lateris assuetam materiam subdita quasi face provocat, & febres vel exacerbat, vel duplicat. Nos certe sequi volumus dictatorem: post secundum morbi diem vix præmissa enemate ad vesicantia, ad bezoartica, & diaphoretica, ad Peruvianum corticem convolvamus.

Curandi
methodus
exponitur.

Hipp. de
loc. in
hom.

IV. Aph.

2. de diarr.
ta.

Lib. de
fractur.

Mech
nica ve
cantium

ta, & novis moribus exaltata tam parvo spatio capi cum nequeant, refluunt ad interiora, & ex unda in undam *cohobatis* liquidis, exaltatisque id, quod concretum est, & quiescens solvitur, quod vero iners, ac torpidum excitatur. Aciores cantharidum partes sanguinem, & inde renes pervadere arguit dysuria, quæ a spasmodica totius fistulæ urinariæ contractione dependet; venenum veneno domamus. Aperto emissario deleteria corpuscula sero commista, quæ ordinariis cribris consentanea non sunt, commodius, & citius emunguntur. In peste Noviomagensi Diermerbroek incolumes eos narrat, quibus cauteria, aut aliqua ulcera insculpta erant. *Neque fontanella* (subdit Vvaldschmidt) *laude sua defraudanda, quæ grassetibus morbis malignis ab omnibus gestari debent.*

VII. Ad alexipharmaca, & diaphoretica quod pertinet, sæpe a nobis usurpantur contrayervæ radix (quæ certius potest, quod posse videtur aut lapis bezoar, teste Riverio, aut etiam lapis de Coa) viperæ jecur sale rectificante ditissimum, cornu cervi philosophice calcinatum, sibiium diaphoreticum, nitrum sibiutum, bezoardicum minerale, ac joviale, electrum album, & camphora, ut exoticas, fermentativas, ipsique cruori penitus impermiscibiles moleculas præcordiis potissimum, ac cerebro hærentes cicerent, solvant, & ad extrema vasorum urgeant, expellantque: oleum scorpi. Matthioli, a quo pingues, & balsamico volatiles guttas emendicamus, & alia hujusmodi gregi Helmontico infensa: diascordium Fracastorii, quod est brevis theriacæ, seu nobile remedium compendium, gelu epicrasticum de cornu cervi juxta Batei normam peractum, quod in oris vestibulo colliquefcens tabe sua sitim temperat, & maligni fermenti aciem rerundit, aqua prophylactica Deleboe Sylvii utpote acido-volatilis: emulsa demum ex amygdalis dulcibus, & melonum, cardui benedicti, papaveris albi seminibus cum aqua sonchi, ut butyrosam lympham dissipatam resarciant. Decoctum hordei *tristi succo, tardoque sapore felicitis mali* acendum, vel crudus fons in assiduam, largamque portionem sufficitur: *princeps ingenii & doctrinæ Plato* figuram aquæ icosaedram tribuit in Timæo; *habens viginti* (sunt ejus verba) *aquilateres bases nascitur*, idest facies viginti, ut exponit fidiſſimus Platonis interpres Marsilius Ficinus: porro, cum aquæ corpuscula ob angulos summe flexibiles contigua sint, minimæ salium coagulantium pyramides inter ipsos deprehensæ, redimere se nequeunt, & tanquam vortice rapiuntur: *malo cum Platone errare, quam cum cæteris recte sentire.* Corporis peripheria iterum, atque iterum cucurbitulis stimulat, in remissione tamen, & ante cibum: ubi sicca linamento ardens imprimatur, nisu aeris, & pondere, quod circumpositæ partes totum sustinent, cutis intra siccam assurgit, & in superficiem majorem extenditur; sit enim ex plana curva: discluduntur, & ampliantur pori, & quicquid est perspirabile, eliditur: conniventia vasa, vel arcuatim per extensionem compressa vix abstractis cucurbitulis suæ se figuræ restitunt, adeoque a contactu materiæ, cui prius hærebant, recedunt, & quasi spatium relinquunt affluenti sanguini; unde facilius asportatur. Novos etiam motus inspirant frictiones; inunctis manibus vel Æriana mistura, vel oleo amygdalarum dulcium, & aqua Hungarica, seu spiritu Reginæ Hungariæ: cutis enim revera est, ut Glissonus Anglus asseruit, *universale quoddam spiraculum, sive emunctorium corporis, per quod omnes ejus exhalationes commode effluant*: & suam cuique corpori adesse atmosphæram, Boyliana experimenta confirmant. Ut autem felicius, & optatius emergat sudor, præsertim cum anxie vigilat, & delirat æger, ad ipsa diaphoretica etiam opiatum adjungimus duce Vvedelio, tincturam scilicet Thomæ Sydenham, quæ ceu pharmacum Helenæ *nepenthes* Homero dictum sollicitudinum obliviam inducit: quippe hypnotica non modo somni tranquillitatem conciliant, sed & falsum, & acidum, & acre blandis ramusculis, figente sulphure involvunt, atque hebetant; duræ matris etiam in subditis organis tensionem relaxant, qua flaccescente, sudoris viâ liberius patet. Imitamur naturæ ritum: natura, quæ non est, nisi *ars ectypa Divinitatis, seu ars Dei in materia*, mortali-

bus somnum instituit ad perspirationem explendam; expleta perspiratione somni quoque necessitas expleta est. *Duplo magis dormiens perspirat vigilante*, ut probatur e statera Sanctorii: est enim vigiliæ proprium, omnes corporis musculos constrictos, meatusque adeo glandularum duplo, angustiores reddere. Sic diaphoretica cum hypnotico propinamus. *℞. sibi. diaph. scr. i. bezoari. jovial. scr. ss. hepat. viperin. præp. gr. v. ol. scorpi. Math. gutt. 111. confect. hyacinthin. alb. inod. diascord. Fracast. ana drach. ss. coque in bolos v. quos deglutiat. hora somni, & superpotet aq. card. benedict. unc. vi. & tot, citr. unc. i. laudan. liquid. Sydenham gutt. xii.* Hoc autem (sudore nimirum) excreto, & sanguis in naturalem statum restituitur, & febris remittit, & lassitudo sedatur. Si cunctari patitur morbus post expulsum sudore portionem fermenti, reliquum curæ est, ut Peruviani corticis usum auspicemur: *Neque ulla alia spes in magnis est, quam ut impetum morbi trahendo aliquis effugiat, porrigaturque in id tempus, quod curationi locum præstet.*

VIII. Dolatum lignum, quo trajicimus mare, *aerio seu quondam in Volture pinus immani steterit truncato, seu frondibus Alpes vestierit*, quatuor, aut septem digitos a morte nos arceat. Peruvianus vero cortex naturæ lapsæ subsidium, sacra veluti anchora, naufragam, atque fluctuantem vitæ naviculam tueretur, & fundat: hic est contra periodicas, perniciosasque febres Alcides, qui alcali suo amaro, austeroque obvios in ventriculo, & intestinis heterogeneos succos a labe vindicat, & repentes feras interimit: vi peristaltici motus in vascula Afelliana traducitur, & quæ in chyli, & lymphæ reductivis adenibus glutinosa ad tempus quiescunt, futuræ febris semina incidunt, absorbet, eliminat: ecce quomodo novas invasiones *febribugum catholicon* antevertit: immo sanguinis contextum, ut ejusdem canales in *habituali hæmoptoe* adstringit, & blanda astrictione corroborat, liquidis æque, ac laxis solidis tonum largitur, & sulphureo acres, seditiosasque particulas, quas captivas, & inermes fecit, per reiteratas sanguinis circulationes in cutem, in renes, in intestina secum præcipitat: evidens tamen, quam promover, evacuatio nec insueta nec multa: igitur insensibilem, quæ præstantissima est, redintegrat perspirationem. *Curatio vero animæ sunt temporum opportunitates*: longe a paroxysmo, inclinata scilicet febre, corticem exhibemus, & statis horis repetimus; nam sanguis puncto reſervescentiæ per elasticas suas fibrillas majori orgasmo distractas expanditur, turgescit, & in ostiolo ductus thoracici subclaviæ sinistræ inserto valvulam premit, & quæ ingredi, & quæ ascendere coguntur, repellit: thoracicus ductus febrili succo distentus, aortæ, quæ super ipsum pulsat, obnititur, & ab ea validius percussus in motum convulsivum vibratur, & præcordia, plexum nerveum mesentericum, stomachum, peritonæum lege consensus lacerat; hinc horror, aut rigor universalis, lumbago, vomitus, angores, & alia symptomata, quæ in accessione cumulantur: tunc cortex Americæ, tunc cibus ipse, aut ipse etiam potus non aliud quidem, nisi turbas adjungeret. *Ubi id (frigus) expectatur, omni porione prohibendus æger est: hæc enim paulo ante data multum malo adjicit*: sic largior calidæ potus qui juxta Zecchium præservat a calculo, dum tamen calculus, affinis sepulcro materia in renum pelvi existit, vetari debet; tunc enim aqua transire non posset, & pelvi magis distenta nephriticum dolorem acueret.

IX. Hernicus quidam viridis ætatis, salino terrei temperamenti, crapulæ, simul, & Veneri indulgens, nec aeris pravitate, nec tot acerborum funerum exemplis deterritus Ferentinum concessit, ubi plures duxit dies, noctesque: nondum erat reversus, cum cæpit ægrotare: incidit enim in popularem febrem cum rigore, verminoso vomitu, cephalalgia, & vigili oculorum conniventia. Secundo morbi die, qui apyretos videbatur, ne vires morbo accederent procrastinatione remedii, anthelmonticum dejectorium jussimus, quo biliosa tincturæ, insecta non pauca sursum deorsum expulsa sunt: deinde jura subtilia vitulina, vervecina, gallinacea, in quibus limatura cornu cervi

noda-

Opera medicopraft. rom. 2. disp. 32. de feb. malign. Bezoardica, & diaphoretica selectiora.

Georg. l. 2.

Marcus ad Q. Frat.

Traſt. de partib. conſin. c. 4.

lib. 4. O. diff.

IV. Aph. 18.

Hipp. 2. de diata.

Celf. lib. 2. cap. 5.

Peruvianus cortex

Phraſis, qua contentus est Morton.

Hippocrates Crates v. 2.

Celf. lib. 3. cap. 11.

Hernici ægroti historia.

nodata, radices graminis, scorzonera, & contrayer-
væ, folia sonchi, oxalidis, & chamedrys leniter in-
cocta essent, non parvis pateris propinabantur. Die
tertio febris rigore præludens adeo exacerbata est, ut
æger deliro comate, syncope, & luctuosis suspiriis
(quæ sanguinem per venam pulmonicam tardius pro-
gredi, & profundo, ac pleniori aeris cylindro indige-
re significant) æstaret: ego Philonis filia memor cœ-
nam inhibui: *optimum vero medicamentum est opportu-
ne cibis datus*: cervici, & infernis artibus vesicantia
destinavi, & emulsa pro sitis levamento. Quarto pal-
liata intermissio: linguam asperam, obscuram, & pul-
sum, qui licet non admodum debilis, celerimus tam-
men erat ex febris recrudescencia, tunc pene formi-
cantem; atque inharmonicum reperi: lotium primo
tenue, lateritio colore saturatum apparuit; nam tunc
cessavit ea sanguinis velocitas, quæ non finit in ade-
nosa renum superficie nisi merum laticem separari.
Quinto sub auroram tres uncias aquæ prophylacticæ
Sylvii, & devexo jam die bolos, & haustum, qui
sequuntur, obtulimus. *℞. nitr. stibiat. bez. Jov. ana
scrup. ss. Cortic. Peruvian. ver. in subtil. pulv. redact.
atque oleo scorp. Matth. irrorat. drach. i. diascord. Fra-
cast. confect. hyacinthin. alb. inod. ana q. s. coque in bo-
los numero impares; item aq. card. bened. unc. iv. &
flor. actes unc. iiii. tintur. paregoric. Syden. gutt. xii.*
emerfit quidem sudor, sed frustra emerfit: novo enim
paroxysmo ea, quæ aderant, efferata sunt, & quæ non
aderant, supervenerunt, nempe sanguinis e naribus
stillæ, surditas, & citra faucium tumorem difficultas
deglutiendi: cogitabam interea *gelu de cornu cervi chi-
natum*, quod bis, terve in die *cochlearim* assumeret.
*℞. scob. corn. cerv. drach. v. aq. font. q. s. eoque lento
igne, vase clauso ad libram unam: decoctum filtra; &
prius, quam in gelu concreseat, adde aq. prophylact.
Sylv. unc. iiii. diascord. Fracast. stib. diaph. ana drach.
i. Cortic. Peruvian. ver. in subtil. pulv. redact. atque
oleo scorp. Matth. irrorat. unc. i.* Sed ne jus quidem
deglutire poterat miserandus æger: cecidimus spe tam
justa *Corticem Arboris Vitæ* repetendi: cucurbitulæ ite-
rum, atque, iterum affixæ sunt, concisa demum scal-
pello in homoplatis cute, ut sanguis a capite deriva-
retur, & quidquid intra cranium hærebat, per systal-
ticas a tot vulnusculis excitatas canalium oscillatio-
nes revocaretur ad cursum: tritici fucum dolosa fe-
bris prope statum deposuit: undecimo convulsus in-
terit.

Descripti
ægroti co-
rollarium.

X. Sudor itaque per universam cutem ejectus pro-
desse nequivit: miramur acerrimum febrile fermentum
nec despumatum, esse nec fractum, sed inter suas ipsius
scorias invaluisse. Porro cum sanguis textura jam la-
cer per duram meningem reflueret, & spicula cor-
rosiva e sanguinis consortio se passim proriperent,
atque in tendineo musculares fibras veluti immissi cu-
nei meningeos sinus convellerent, eorundem angusta-
tis diametris pars sanguinis crassior & fere polyposa
resedit, & auctus meningis elater quasi arcus tensus
resiliens oscillatorio potius solidorum collisu quam
parca & minus celeri animalis liquidi irradiatione
nervos omnes in motu tonico detinebat; hinc vigi-
liæ: debiliior tamen erat quævis fibrarum undulatio in
sensoriis & vix percepta; hinc stupor & alienatio
mentis, ut multa simul æger apprehenderet, sed in-
composita & cæco impetu in nervos motores linguæ
appulso fatua balbutiret, en coma vigil seu *monstrum
biceps phrenitidis & lethargi*. Jugulares venæ, quibus
sinus duræ meningis laterales continuati sunt, una
eademque contractione laborabant; hinc sanguis quem
exhaustire minime poterant, per arteriarum fines e
naribus extortus est. Advenit surditas, membrana tym-
pani aut zonis acusticis fideratis. Adempta sine fauci-
um & colli meteorismo deglutiendi libertas, vel quia
musculares œsophagi fibræ convulsæ ac inflexibiles
erant, vel quia (ut ex Riolani observatione conje-
cimus) febrilia recrementa per carotidum furculos in
thymum præsertim eversa glandulam illam parotidis
instar distendere, anginaque occulta œsophagi pariter
ac trachæ tubum coarctare valuerunt: liquidi enim
mora & stagnatio major quam alibi fit in glandulis,
ubi vasculis, ceu Morton refert, *non procedunt rectis
lineis ut in musculis, verum spirantim*. Tandem meta-
stasis intra cranium subsistens epileptico modo interfe-

Duretus in
Coac.

Anthrop.
l. 3. c. 13.

Phthisiol.
l. 3. cap. 1.

cit. Cucurbitulam autem occipiti alte inciso admoveri
jussissem, si tum venæ occipitalis, quam nuper soler-
tissimus Valsalva descripsit, existentiam, originem, &
suos truncos, & quo intra cranium tendunt, non
ignorassem; nam per ea venarum occipitalium vulnu-
scula sanguis, quem in laterales meningis sinus con-
vecturae sunt, avertitur, & reliqui sanguinis per eos-
dem sinus fluentis copia quidem minuitur & motus
augetur: remedium porro non contemnendum cum
ferreus urget somnus, sed Aretæus olim de curatione
apoplexiæ agens sic monuit: *Cum morbus autem diu
trahitur & caput in causa est, cucurbitula occipitio af-
figenda & sanguis largiter hauriendus: plus enim quam
vena sectio proficit & vires nequaquam labefactat*.

Tract. de
Aur. Hum.
c. 2. n. 25.

Æneid.
lib. 10.

Vermes
hujus epi-
dem. con-
stitutionis
concausa.

Pharf. 9.

Celf. lib. 5.
c. 26.

Apud Fal-
loppium
ad Scutet-
larium.

XI. Unum superest, quod silentio celari non debet.
Vermes epidemicæ hujus constitutionis animata potius
concausa, quam organicum symptomata esse videntur:
lumbricorum ovula bombycum ovulis ferme analoga
cum mille aliis morbofis corpusculis aeri, cibo, po-
tui commista ingeruntur: sed quia tunc acidum vo-
latile gastricum, & bilis alcali oleosum lixivo-acre
vel refracta sunt vel plane deficient, suo solent puta-
mine vermes excludi & animalcula intra animal re-
punt, vescuntur, adolescunt & propagantur: *nec tu-
tus spatium est elephas*. Horum regio sunt intestina,
chylumque nostrum, qua absumunt, qua corrumpunt
& vitiant: hæc tanquam in concavo ergastulo glomera-
ta febrili hominis æstu succorum acredine & minutis
quæ devorant paludum insectis in rabiosam feritatem
adiguntur; *omnis autem fera morsus habet quoddam
virus*. Initio, cum febris præsertim intermittit, vel
saltem remittit, certe in truces stomachi atque inte-
stinorum indigenas dirigenda sunt tela, quæ ipsos in-
terimant simul & educant. An tunc mercurium dul-
cem, vel æthiopa minérale, diagrydium sulphura-
tum, & optimum rhabarbarum subtiliter trita oleoque
scorpionum Matthioli irrotata & cum syrupo perfico
aurique folio in pilulas coacta, & postea jus tenue re-
centi oleo lini adipatum exhibere fas sit, authoritati
tuæ decernendum relinquimus. Porro sublimatum dul-
ce vel æthiops mineralis, ut cinnabatis nativa, quam
epilepsiæ magnetem Crato Archiater Cæsareus vocat,
in ventriculo dissolutionem non patitur: nec febrilis
ignis mercurium in sphaerulas adeo penetrantes vindic-
cat, ut cerebrum nervos etsi cathartico ligatus aggre-
di possit: quin Ballonio, Fernelio, Poterio, atque
Etmullero febris antidotum in mercurio latitare su-
boluit: corpuscula metallica, quæ a nexu suo & chy-
mica temperie non deflectunt, eodem gravitatis mo-
mento, quo vermes suffocant, & peristaltico motu ac-
celerato simul cum vermibus dejiciuntur: quare mercu-
rius dulcis solet esse remedium epidemicæ dysente-
riæ, quæ integros quandoque debellat exercitus, hæc
scilicet a virulento vermium morsu originem capit,
est ille vermium domitor: & plus quam radix Bra-
siliensis, quæ *Ipecacuanha* nominatur, ulcus intesti-
ni inflictum abstergit consolidatque. Rhabarbarum
præterea & oleum Matthioli in vermium necem con-
spirantia vi amara & balsamica rugis & muco re-
fertam, quæ villosa vulgo dicitur, intestinorum tu-
nicam roborant, & dysenteriam arcent.

XII. Non amplius te moror Vir Amplissime veritus
ne tibi sim tædio: cultus tamen erga te meus & de-
votio illud exigit, precor, ab oraculis tuis, ut mi-
hi adversus febres malignas verminosas ab aere ori-
undas methodum aliquam peculiarem aperiastu, qui
Principis valetudinem moderaris. Scio utique ex
Græco Patre, quod *impossibile est, statim, ac cer-
tam doctrinam in ipsa* (in Arte Medica) fieri: tua
tamen, quam mittes, consultrix epistola erit mihi
instar pyxidis nauticæ in hac tempestate morborum.
Nunc occasum plejadum, nunc pluvias, glaciem,
boream, & quidquid anno hyemante circumstrepit,
anhelamus: *Nam æstivos morbos hyems succedens sol-
vit, & hyemales æstas succedens transmutat*. Asper-
rimam hyemis naturam noxia paludum effluvia, quæ
surgunt ætate, commendant: *Habet has vices* (Pli-
nius junior) *conditio mortalium, ut adversa ex se-
cundis, ex adversis secunda nascentur*. Paludem Ma-
ro descripsit, dum cecinit.

De loc.
hom.

3. Epide-
mion sect.
3. ægror.
XVI. In Pa-
neg. Tra-
jan.

Æneid. 1.7.

*Hic specus horrendum, & sevi spiracula Diris
Monstrantur, ruptoque ingens Acheronte vorago
Pestiferas aperit fauces.*

Vvedel.
exercit. 3.

*Hydra Lernæ a Leone Baptista Alberto Architecto
Florentino scribitur, nil aliud fuisse, quam aquam sta-
gnantem, quam Hercules perruptis aggeribus partim
alio derivavit, partim soli exposuit desiccandam. Pa-
trocinio tuo fovere me perge, & vale, atque ite-
rum vale Pontifici Clementissimo.*

XIII. Kal. Septemb. 1709. apud inclytos Carceres
Cælestini Papæ V.

**ERUDITISSIMO VIRO ANTONIO
COCCHIO** de Medicina apud Hernicos optime
merito Jo. Maria Lancisus S. P.

Petis a me, Studioissime Cocchi, ut tibi rescri-
bam, ecquid de palustribus isthic hærentibus
aquis, deque inde ortis, frequentius hoc anno per
æstatem grassantibus malignis, ut ajunt, febribus sen-
tiam. Quid rursus agendum, ne libitina adeo im-
maniter tuos in ægros defæviat, mihi videatur.

II. Antiquissimam forte putavit aliquis querelam,
quam apud me habes, & in qua vehementer doles,
Ornatissime Vir, partem nempe Provinciæ, quam
incolis, Ferentinum inter, & Anagninam palustribus
aquis plus solito identidem inquinari. Etenim Stra-
bo diligentissimus ille Romani agri descriptor, post-
quam lib. v. Geographiæ omne Latium a salubritate
commendavit, loca excipit, quæ palustria sunt,
atque morbosæ, qualis, inquit, est ager inter Antium
& Lavinium usque ad Pometiam, & Setini agri qua-
dam, & circa Terracinam, & Circejum; quo sane
locorum circuitu isthæc etiam finitima tellus com-
prehendi posse videtur.

III. Sed non omnia, quæ dolemus, eodem jure
queri possumus: vel enim regio ista ob jugem aqua-
rum scaturiginem, nullaue hominum industria vin-
cendam telluris humilitatem olim etiam cænosa fuit,
& culpa in eos conferenda est, qui primi coluerunt;
vel propter temporum injurias (ut arbitror) non
corrivatis sedulo aquis, in hujusmodi statum perve-
nit, & excusanda minus est posterorum, præsentium-
que negligentia, quæ eosdem latice torpere sinit,
qui apertis tum veteribus, tum novis scrobibus, &
canalibus in amnes, ac mare tempestive derivari po-
tuerunt.

IV. Quid quod multi inducta paulatim exaggera-
tione, desertis palustribus locis prudentissime succur-
runt? Alterum excitandis lacunis, ac stagnis sem-
per subservisse compertum est, scilicet alicubi vel non
inventæ circumstantis declivitas soli, per quam na-
scens, aut influens aqua libere possit excurrere; vel
importune occurrens major altitudo proximi flumi-
nis, aut pelagi: unde pigrum fluentum repellitur,
quod illorum admisceri undis ad integrum paludis
exhaustum oportet.

V. Cæterum mirari defines, mi Cocchi, cur isthic
hoc anno affluentior aqua tam dulcis, quam mine-
ralis suis ex scatebris effluerit, & vicinos campos
inundaverit: etenim dum algidissima (*) hyems a-
queos vapores e terra excitari prohibuit, recens, ex-
terumque nitrum abunde nimis infusum est. Verau-
tem pluvium subterraneas venas latice magis implevit;
exinde sub æstatis initium utraque de causa potuit
uberius lymphæ manare. Vidit phænomenon hoc an-
te mensē ipsa etiam Roma, timuitque, cum in val-
le juxta mœnia montis Cælii exigua cæteroqui scatu-
rigo tantam aquæ copiam occisime reddidit, ut bre-
vi locum illum impleverit, & insectorum, amphibio-
rumque multitudinem admiserit, certo certius circum-
fusæ etiam atmosfæræ plurimum nocitura, nisi sum-
ma Clementis XI. providentia udam, sinuosamque
vallem citissime aggesta terra opplere jussisset.

VI. Inertes vero latice ideo tanto putore humi-
liora circa Anagninam, & Ferentinum loca infece-
runt, quia iisdem ex enormi diversorum qua vege-

tabilium, sensilium, & insensilium, qua etiam mi-
neralium corporum mixtione inquinati, agitante solis
æstu, corruptivum fervorem cum innumerabilium
vermium exortu subire coacti fuerunt: quam sane
fermentationem suis, quos desert, igneis salibus ipse
quoque per æstatem sæpe flans auster adauxit, qui
cum semper ex imis ad sublimia enitatur, ex palu-
stribus, verminosisque aquis lethifera effluvia & ab-
ripit, & attollit, facile etiam ad montana Oppida
evehitur, nisi eadem effluvia in altum sublata mul-
tum dispertirentur, ac partim ipso in volatu cade-
rent, partim evanescerent. Unde fit, ut Patria tua,
quæ situ eminent, innoxio cœlo fruatur.

VII. Qua vero ratione hujusmodi labis semina, si-
ve animata, sive inanimata castrenses, ac pestilen-
tes febres gignant, & tu innuis, & nos latius in
opere de noxiis paludum effluviis brevi edendo de-
monstrabimus. Nunc autem satis fuerit M. Varronis
(a) sententiam, hujusmodi infortuniis pulchre
accommodatam referre: *Advertendum, inquit, et-
iam, si qua erunt loca palustria, & propter easdem
causas, & quod arescunt, animalia quadam minu-
ta, quæ non possunt oculi consequi, & per aera in-
tus in corpus per os, ac nares perveniunt, atque ef-
ficiunt difficiles morbos*, quos deinceps Columella
(b) cacos appellavit: quoniam subdit, *eorum cau-
sas, nequidem medici* (nempe suæ ætatis) *perspi-
cere queunt*: non enim per ea tempora vermium ex
seminio, ovulisque propagatio tam clare patuit, sic-
uti nostro ævo, quo vulgi etiam sermonibus tri-
ta est.

VIII. Nec deest probabilis conjectura, exoticum
liquidum nostris fluidis incongruum a vermibus,
dum stomachum, atque intestina corrodunt, suas per
tenues proboscides veluti per totidem syphunculos in
albas, rubrasque venas, immo in nervos etiam ma-
gno cum ægrotantium discrimine infundi. Accedit
denique, quod per eadem ulcuscula multis aliis ab
aere derivatis particulis suapte natura nobis infen-
sis, latius (præter pneumonicum) iter aperitur in
sanguinem.

IX. Triste sane experimentum consimilis epidemiæ
Roma cæpit. Superioribus annis, cum ad duo cir-
citer millia hominum in Leonina Civitate propter
stagnantes, corruptasque in fossis Hadrianicæ Arcis
aquis verminosa, & pestilenti febre trimestri spatio
perierunt. Sed quemadmodum tunc temporis nobis
accidit, ut funestis læta successerint: nimirum ingru-
entibus prope autumnale æquinoctium pluviis, ven-
tisque in contrarium versis, ita vobis, de ferverescen-
tibus posthac æstibus, arbitror eventurum, & in an-
tecessum gratulor. Cæterum cum furit ex paludibus
morbus, initio præsertim æstatis, vix ullis remediis
aut arceri penitus potest, aut reprimi; ne si Escu-
lapius quidem ipse, & Machaon propulsatores, &
curatores adessent. Unde ingenua, magnoque viro
digna confessione scriptum nobis reliquit Hippocra-
tes (c) in æstiva quadam constitutione, *nihil memora-
bile suis ægrotantibus profuisse, scilicet non ventris
turbationem, non venæ sectionem, neque quæcumque
alia*, quæ ipse tentavit, quem omnia cum ratione
tentasse putandum est: habent enim effluvia ista cer-
tum incrementi tempus, quod plerumque tota æsta-
te finitur, cujus decursu affatim irrumpentia in ho-
minum corpora, quæ magis propensa sunt (sunt
autem valetudinaria, aut quæ minus congrua vitæ
ratione utuntur) duplici potissimum via (præter mi-
nus conspicuas) respirationis nempe, ac cibi pene-
trant, pariterque in fluidas, atque in solidas humani
corporis partes debacchantur; sed cum plueri incipit,
æstusque temperatur, tunc certe palustris humor, im-
bribus dilutus, ut docuit Columella (d) citius mite-
scit, & flantibus ventis a septentrione non solum le-
thifera subsident in paludibus exhalationes, sed quæ
jam in aerem sublata fuerant, alio converti solent,
ac dissipari.

X. Ad curationem porro grassantis morbi, quod
spectat, illam tu quidem sua duxisti via, partim in-
fusum venenum detrahendo, partim corrigendo, par-
tim etiam volatilizando, ac dissolvendo. Sed quoniam
mala sæpe sæpius artis vim eludunt; propterea il-
lud Hippocratis (e) ob oculos perpetuo a nobis
ha-

mixtione
infectis a-
solis
æstu pesti-
feri vapo-
res attol-
luntur.

(a) Lib. 1.
de re rusti-
ca cap. 12.
pag. 107.
M. Varro-
nis senten-
tia de pa-
ludum ver-
minibus, qui
morbos gi-
gnunt.

(b) Lib. 1.
de re rust.
c. 5. pag. 22.
Columella
idem si-
gnificat.

Quo pacto
vermes
humanum
corpus in-
ficiant.

Epidemiæ
Romana
in Urbe
Leonina.

Æstatis
initio mor-
bus cura-
tus diffici-
lis.

(c) 6. Ep.
sect. 7.

(d) Loc. ci-
tat. pag. 21.

Qua ratio-
ne curatio
instituen-
da.

(e) 1. Ep.
sect. 21.

Agri Lati-
ni pars an-
tiquitus
etiam ob
palustres
aquis in-
fama la-
borabat.

Vel suapte
natura pa-
lustris est
regio vel
incolorum
negligen-
tia, quæ
potissimum
accusanda
est.

Inertium
aquarum
causæ, vel
regionis
humilitas,
vel pelagi,
& flumi-
num alti-
tudo.

Quibus de
causis ab-
undantior
hoc anno
tam dulcis
quam mi-
neralis a-
qua fuerit.
(*) Consule
historiam
epidemiæ
ortam ex
constitu-
tione algi-
dissima
hyemis an-
ni 1719. a
nobis de-
scriptam,
& in calce
operis de
Rom. Cœ-
li qualita-
rib. ad-
nexam.

Ex vario-
rum, ac
minutorum
corporum

habendum est, si non profis, saltem ne noceas. Ac rite quidem divinus Senex (a) Medicum gubernatori navis comparavit: quemadmodum enim ille magnis in tempestatibus ita gubernaculum, & vela moderatur, ut ventorum impetus, secundos quidem excipiat, adversos vero declinet, vel ne illidatur scopulis, vel mergatur undis. Sic profecto solers Medicus nunquam nimia cupidine celerioris curationis, multiplicandis cum temeritate, vel confusione remediis, adduci debet: sed ita diligenter naturæ motus observare, ut salubribus faveat, noxiis obstat, ægrumque translatione saltem in chronicum morbum (quod est hac in re, ut admodum frequens, ita summo opere utile) ad salutis portum utcumque perducatur. Exinde fit, ut hujusmodi in febribus, raro purgantia, nisi ab initio, & quidem cum absente diarrhæa, quotidie remiserint, aut alternis diebus rigore, aut saltem frigore exacerbentur, juvare solent: tunc enim, quoniam non levis febrilis fermenti portio hypocondriorum glandulis, quæ in primas vias hiant, hæere solet, non ægre illinc blandis subito emeticis, aut dejectoriis evellitur, ut inde locus fiat usui chinæ-chinæ guttulis olei Matthioli irrigatæ, tamquam specifico hujus pestilentie alexipharmaco, quod experimento quoque utilissimum compertum est apud illos, qui continuis quanquam febribus, gelido tamen artuum frigore laborant. Sed hæc purgatio non nisi prima, aut secunda die laudatur; postea vero, quoniam sæpe (excitata diarrhæa, vel dysenteria) ad alvum confluit malignus humor, ab omnibus purgantibus pene cum superstitione abstinendum est, solisque diaphoreticis, & alexipharmacis utendum.

Purgantia in hisce febribus nisi ab initio, raro proficiunt.

Specificum harum febrium pulvis Chinæ cum oleo Matth.

Quibus in casibus abstinendum sit cathartici.

Remedia præscribuntur.

Vesicantia proficua, & quando. Quibusnā, & quando venæ sectio utilisima fuerit

(b) 6. Ep. sect. 6.

Alia remedia traduntur.

XI. At vero si febris servaverit ideam continentis, stipeturque delirio, lethargo, & convulsionibus, nullumque urgeat extremorum frigus, quoniam significat acce, malignumque fermentum majori ex parte intra sanguifera vasa furere, atque in præcordia, cerebrum, & nervos impingere, purgantibus exasperari solet, etiam si nausea, ac vomitu æger vexetur, exigitque tantummodo blanda, crebraque enemata, stillatitias aquas, vel simplicia, quæ longa vocant jura acido-volatilia, ex decoctione rad. scorzonæ, pimpinellæ, gramin. contrayer. acetosæ, ac foliis contusis sonchi: postulat pariter emulsionem ex semine melon. cardui sancti, & amygdalis, additis temperatis diaphoreticis, & cardiacis, modo ex stibio diaph. succino, & camph. modo ex cornu cervi, ac lapide bezoar. vel guttulis spiritus sal. volat. sal. armon., modo ex confectioe hyacinth. de Alcher. ac potissimum diascordio Fracastorii: quinimo cum primum coacti alicubi sanguinis indicia apparuerunt, auri etiam tinctura rite præparata, vel spiritus mannæ, quem viæ appellant, ægris exhiberi potest. Sed vesicantia præcipue non solum artubus, verum etiam cervici tempestive, atque utroque in casu, modo absit dysenteria, admoventur.

XII. Hoc forte tibi mirum videbitur, quod quamquam in maligna ista febre viperei dentis instar censeatur phlebotomi lanceola; nihilominus tamen ægrotañtes plethorici, qui eadem febre cum dolore capitis, pulsuque magno, & æquali corripuntur, secta vena frontis, vel jugulari, tunc maxime cum majore mentis motione, soporeque, immo parotide premerentur, quandoque levati fuerint: sectiones enim istæ (modo extremorum frigus absit, & vires consent) accensetur illis, quas laudat Hippocrates (b) & proximi ventris appellat; evacuant namque, & revocant in præcordia, ac subinde in vitalem circulum multas cruoris partes, quæ piceam, & quasi non dixerim, polypeam consistentiam nactæ, sinibus duræ meningis, atque universæ propemodum cerebri superficiæ, perinde quasi supremi, mortalesque decubitus pertinaciter adhæserant, atque illinc deturbari naturæ opera non solent, nisi magno, ac plerumque irritato parotidum conatu.

XIII. In eundem pariter scopum collimant non solum viscera recens mactatorum animalium cranii futuris adhibita, utpote quæ proprio sale oleoso-volatili illas sanguinis particulas diluunt, leniunt, ac submovent, quæ summo capiti erant defixæ; verum

etiam cucurbitulæ siccæ, atque adhuc semel scarificatæ, si opus fuerit, ac præ cæteris frictiones per totum morbi cursum, inunctis manibus oleo amygd. & Matth. cum camphora identidem repetitæ torpescentibus liquidis naturales motus inspirant.

XIV. Sed vereor, ne tu arguas, mea ex memoria discessisse remedium maximopere necessarium pellendis, necandisque vermibus, quod forte primas in hoc morbo tenere debuerat. Porro illius non sum oblitus, sed valde dubito, ne, dum pharmacum, (præterquam ex amaris vegetabilibus, china præsertim atque ex acidiusculis cardiacis) quærimus, venenum inveniamus, quod ægros citius quam vermes perdat: mercurialia enim in tanto naturalis œconomiae confusione nervorumque potissimum oppressione quid quæso alium, nisi mortifera in cerebrum induta epigenesi novas turbas facere possunt? Igitur in alexipharmacis, ipso in tempore, denique in naturæ præsertim solertia, quæ docta est sine magistro, spem omnem collocare oportet, ut filii Patris simus, qui nos admonuit, ut saltem non noceamus. Namque medicina est quoddam experimentalis prudentiæ genus, quæ vix doceri ab ullo potest, tota fere sedulo peritoeque ab Artifice in arena ipsa invenienda ac tractanda est. Macte igitur animo, mi Cocchi: sed dum aliorum valetudini incumbis, fac ut tuæ quam diligentissime servias. Romæ prid. Kal. Sept. MDCCIX.

Remedia necandis vermibus ex china & acidis, cardiacis paranda.

NONNULLA DE TERRÆMOTU.

CAPUT II.

Illustrissimo Domino Jo. Maria Lancisio Sanctissimi Patris Clementis XI. Archiatro & intimo Cubiculario Antonius Cocchi S. P.

Plane deerat quid ad te scriberem, nec habebam a te quid expectarem Vir Amplissime. Sed terræ tremor copiosum & triste attulit argumentum. Festo die Seraphici Patris nempe IV. Nonas Octobris secunda noctis hora vehementius consueto mota est terra, & parum absuit quin nova Cassia solo iterum æquaretur; cælo interdum sereno signum a Plinio commemoratum tenuis linea nubis in longum porrectæ præcesserat. Motus ille non fuit subsultus, idest deorsum sursum concussio, nec lateralis hinc inde vibratio, sed unam tantum partem sine vibratione propellens ruinam superstructis ædificiis minatus est, & pertinacior sane fecisset pessimus omnium motus & demolitor, utpote per quem non restituitur centrum gravitatis ædificiorum ut immineat suæ basi; horrenda tamen reliquit vestigia, altæ rimas, immanesque parietum hiatus, & alia ruinarum initia: prægnantis arenæ factus, seu potius vegeabilia monstra nullo caule, nullisque radiculis firmata, nempe tubera inter gulæ delicias habita, non rostrante sue, sola montium concussione detecta sunt. Si epistola est quædam longinqui hominis representatio, pallentem me, squalidumque trepidare jam vides. Sextum Hippocratis librum de morbis popularibus legebam, cum cæco velut mugitu oborto, crepitante domo parietem in me nutare animadverti, & saxa veterem libertatem, pene dixerim, affectare, ut me adhuc vivum absconderent, tumularent, obtinerent. Addidit fuga periculum periculoso jam malo, scalas enim non pedibus, at strato per lapsum trunco decurrimus. Viri, & puellæ extra domos, & se ipsas promiscue vagabantur, & passim matres, quo se, & infantulos e cunis ereptos reciperent, ambigebant. Beatæ Ritæ Vestales, & alia aliorum Ordinum vittata capita, sicut rescivimus, a male tutis claustris recedere cogitabant. Fugientes secuti sunt ægri ægritudinis suæ obliti, cum malum impenderet atrocius, cui nec Principis providentia, nec Medicorum solertia, nec ipsa natura, quæ nobiscum cohabitat, potest opitulari. Voces

ces ad Deum sanctum; fortem, atque immortalem
emissæ, lacrymis, & suspiriis intercissæ undique reso-
nabant. Non externæ gentes, non Asia in nos sæ-
vit, nunc magna pars nostri metus est domus ipsa,
quam colimus. Sic afficit timor, ut neque diurna
negotia, neque nocturna silentia cum securitate per-
mittat: Gravior propterea somni vis ad lectum nos,
tanquam ad patibulum trahit. Crebras terræ commo-
tiones in hac Reipublicæ Sede (titulum duntaxat re-
liquit Roma,) & brevibus pagis ex consensu con-
tinentis cum ignivomo Italiæ monte Vesuvio acci-
dere Patritii Cassiani opinantur, quasi inde minera-
les particulæ sulphureæ, ac nitrosæ igneo vortice
per subterraneos cuniculos deriventur. Travaginus
Nobilis Venerus, ut ex Nicolao Cyrillo strenuo Car-
tesii sectatore, & Medico solertissimo Neapoli acce-
pimus, asserit, & veri non citra similitudinem, ni-
mirum quando terra deorsum sursum concutitur, ibi
terramotus fieri per essentiam, ibique magnam ef-
fluviorum copiam reperiri. Ego testari possum,
quod in Cassiano solo mitior est, & frequentior
talis concussio. Porro aer intra specus, & cavernas
inclusus volatili efferoque veluti agmine occupatus,
ac rarefactus, dum ejus spirulæ se se angustiis expe-
dire nituntur, majorem hic, quam alibi renixum
offendit, seriem videlicet, & solidissimam, imper-
viamque compagem montium, quorum alpina juga
tangere cælum videntur. Unde nec mirum, si ela-
stico, prævalidoque impetu solum eluctatus ædes
quatiat, prosternat, disjiciat; nam juxta egregiam
Plinii analogiam, *nil aliud fere est in terra tre-
mor, quam in nube fulmen, & tonitruum*. Et quidem
fulminis primordia esse nitrum, sulphur, & ramen-
ta terrestria, ostendit Carthesius: cava nubes, qua
exhalatio sulphurea, & nitrosa includitur, instar
bellici tormenti, exhalatio vero ut pyrius pulvis se-
gerit, quæ dum nubis claustra dirumpit, aerem
circumjectum valide commovens, fragorem edit non
illico interiturum, nempe tonitruum, & coruscationem,
seu fulgur explicat, eo quod materia primi
elementi, quæ celeri, & largo confluxu nubem
inferiorem pervadit, ex angusto sinu, & tortuosis
ansatibus vi reflueret in liberiores aerem cogitur:
explosum fulmen sive recta, sive oblique in terras
ruit, impetu secum ferente lapidem pene metallicum
ex accensa mistura concretum; telum nempe, quod
non Cyclopus incude, sed naturæ magisterio tor-
natum est. Pari omnino mechanice accidit & ter-
ræ tremor, & subterranea fermentatio, vi cujus ter-
ra concutitur: ignis tam in atmosphæra, quam in-
tra terram eliditur ex violento partium motu, quem
libera excitat primi elementi materia. Sic ubi sæ-
num pluviis humefactum, & sole non bene sicca-
tum reponitur, sponte solet accendi, non sulphu-
re, oleo, nitro, quo abundant plurima herbarum
cadavera: aqua ansam præbet accensioni; nam ejus
moleculæ tanquam parvi cunei fœni poros ita con-
stringunt, ut expulsi globulis sola, & effrænis re-
maneat materia primi elementi, quæ eo usque per-
nicissimum motum exercet, ut demum tumultus ocu-
lis pateat sub forma ignis. Insimulare non pos-
sum occulta ignis semina in fœno, quæ ob præ-
sentiam aquæ interius simul confugiunt, & cumu-
lantur, licet ad antiperistasis, seu circumobfessio-
nem contrarii recurrat antiquitas: pulvis enim py-
rius, qui ex carbonibus, nitro, ac sulphure confe-
ctus est, quamvis madefiat, accendi nequit. Non
sufficit itaque si cuneus in asseris rimam indatur, ad
asseris discessionem; requiritur malleus cuneum ipsum
percutiens, impellensque, ut scilicet asseris partes
ex motu dividantur. Sed ut ad rem meam redeam,
aer in terræ sinu concervatus, pressusque, ac ten-
sus quadam stagnatione concrevit; si vero igneis
salibus impetitur, tunc adeo tumet, & æstuat, ut
veteris loci veluti carceris impatiens quæ magis re-
sistunt, vehementius dimovens, & non raro etiam
effringens, viam vi molitur. Dicere superfedeo, quæ
redolent meteoristam, ne dissertationem de terræ mo-
tu, quam fervidus, & dubiæ lanuginis adolescens
exaravi, importune retexam: pagellis istis augurari
poterat Censor, quæ libro suo olim cecinit Venu-
nus.

Contrectatus ubi manibus sordescere Vulgi
Caperis, aut tineas pasces taciturnus inertes,
Aut fugies Vicam, aut unctus mitteris Ilerdam.

Illud autem omittendum non est, quod nos alienæ
valetudinis custodes ac vindices quotidie pericli-
tatur: tonat enim assidue terra, & quod habet præ-
cipuum perdidit, stare. Huc venimus ut tibi Prote-
ctor optime pareremus, & paruisse tibi nonne est
quoddam efficax orandi genus, ut nos in occupatio-
nis exilium missos plenum discrimine quamprimum
liberes? Ignosce quod curas doloremque animi tibi
sæpe narramus, nam ipsa narratione dividimus.
Omniem spem in gremio potestatis tuæ ponimus, &
tua summum apud Principem potestas non aliud de-
siderat nisi velle. Me dilige ut te diligo. Vale. Idib.
Octobr. 1717. Cassiæ.

S. Grego-
rius cum
ad Petri
Sedem
vestitus fu-
it de se
ipso plo-
rans scri-
psit l. 1.
ep. 6.

Jo. Maria Lancisus Antonio Cocchio suo S.

NE me putes, Cocchi suavissime, ideo tuis li-
teris ab Idibus Octobris ad me scriptis non-
dum dedisse responsum, quod vel te ex memoria
deposuerim, vel propter curarum vim, quibus ple-
runque gravor atque interpellor, causas responsioni
nectere morasque injicere velim: non enim unquam
quoad vixero aut amicorum, tui præsertim simi-
lium obliviscar, aut nullis occupationibus impediat,
quominus successiva saltem tempora ad rescriben-
dum subripiam. Porro diuturna primum ad Castrum
Gandulphium apud inclytum Abbatem Alexandrum,
Albani rusticatio mea effecit, ut tuas nisi post se-
cundam hebdomadam acceperim. Deinde quoniam
in reditu ad Urbem inveni pluteum obrutum atque
onustum sexcentis ferme quæ epistolis, quæ disserta-
tionibus, quæ ab eo die, quo hinc discesseram, fue-
rant aggestæ, non parum certe laborandum mihi
fuit, ut ocyus ab ejusmodi negotiis me dissolverem,
Nunc itaque ut potui, expeditus, totum me tibi
trado.

Clem. XI.
Nepos me-
ritissimus
hodie S.R.
Cardi-
nalis.

Molestissime fero, te isthic mutante solo dies,
noctesque cum timore, viteque discrimine penitus
vigiles transegisse. Quis enim hujusmodi casus, in
quibus sæpe propter ædium ruinam vivi homines se-
peliantur, suisque membris contusis, ac laceris diu
supervivunt, aut dissimulare possit, aut non do-
lere?

Sed quanquam hoc inter dira, maximaque infortu-
nia referendum est; ubi tamen autumnus abeunte fir-
matam isthic tellurem jam videris, quod contigisse
speraverim, gratulandum tibi potius, quam indolen-
dum arbitror, non tantum quod sospes divino faven-
te Numine evaseris, sed potissimum quia & oculis,
& animo, quæ olim de terræmotu eleganter scripsi-
sti, lustrare secundis curis, & quidem sapientioribus,
ut scite Eurypides; causasque omnes, ac discrimina
diligentius exquirere, rimarique poteris, quas nemo
absens, nisi fallacibus conjecturis assequi valet. Ut
enim cum Plinio minime dubitandum reor, quin ipso
in terræmotu idem eveniat, ac inter nubium tonitrua
fulmen erumpit *incluso spiritu luctante, & ad liber-
tatem exire nitente*: ita sedulo animadvertendum, in-
vestigandumque adhuc superesse censeo, quomodo in
terræ cuniculis pyrius veluti pulvis cumuletur, & qua-
re data occasione incendatur, perque certa solum lo-
ca, eaque interdum montana illico erumpat, atque
profiliat. Loquor autem hic de vero motu terræ, non
de solo tremore, qui ex consensu illius telluris, quæ
urgetur, truditur, ac dehiscit, fieri consuevit. Acce-
dit vero non leve gratulationis argumentum, quod
omnia, quæ nobis adversa contingunt, a christianis
præceptis ad nostram vel animi, vel corporis utilita-
tem referenda esse doceamur, scilicet ut magis perfun-
cti periculis tales, hoc est probi, justique persevere-
mus, quales in ipsis discriminibus sumus, nosque fu-
turos pollicemur. Cæterum curabo, atque enitar, ne
de spe, quam jure in mea erga te existimatione, ac
benevolentia habens, unquam depellaris. Vale. Ro-
mæ Idib. Novembris 1718.

DE IMMANI HYSTERICO
AFFECTU,

CAPUT III.

Illustrissimo Domino Jo. Maria Lanciso Clementis XI.
Archiatro & intimo Cubiculario Antonius
Cocchius S.

S Acta Vestalis in Cœnobio B. Ritæ annor. xx. quadrtati habitus & biliosi, utajunt, temperamenti Idibus Maji post insuetum quendam laborem correpta est repentina faucium angustia, crebro altoque suspirio, & cordis & arteriarum palpitatione, cui quælibet pulsus differentia conjungitur: obmutescens ac pene exanimis humi procubuit. Attigit orthopnœæ gradum difficultas spirandi: persistunt adhuc præcordiorum angor, suspirium, abolitio vocis, sicca tussis, capitis dolor & interdum vertigo: & cor vibratur, & vibratione cordis costæ videntur extrudi, cum reapse cor in epileptico motu sit, & feriat pectus, eo quod supra suam basim assurgens cuspidem ad costas pertingit. Agra circa septum transversum, quod est microcosmi horizon, se fascia muniri velle, ut satius spiritum ducere possit, frustra nititur exclamare: modo pallet, modo rubet, corde scilicet astringente venas ac laxante, quod intelligo etiam de arteriis, & addo Cappadocis verba: Sanguis autem omnium est alimentum, omnium calor, omnium color. Inter deglutendum torpescit œsophagi circumpulsio, & non raro cibus medio itinere interceptus cogitur eo redire unde discesserat. Assumpto cibo tenduntur & murmurant hypochondria & coacervantur suspiria; auctos tum nec regulares pulsus filemus. Prima hora somni somnum excutit & expectata surgit pectore anhele, palpitante corde, & quasi injecto laqueo suffocari se putat, ut iis solet accidere, qui pectoris hydrope laborant: artus frigidi sunt: sanguinis per extremas arterias præpedita circulatione: pigra est alvi dejectio, urina parca & tenuis: catamenia jam pridem substituerant, & siquid effluat, fluor est albus: convulsis enim lacertis Malpigio nostro descriptis, qui vasorum oscula in concavum uteri fundum hiantia spintericum quasi rete amplectuntur & stringunt, non cruor, sed pars ejusdem serosa delabitur. Secta est vena cubiti, secta est & saphena. Quæ autem tensis crispatisque solidis blandiuntur, quæ succos hysterico-acres retundunt & diluunt, quæ tandem lunare tributum exigunt, non prætermisi. Sed nullum haftenus vel parvum levamen. Vereor ne ob spasmodica diuturna, quæ intra thoracem præsertim vigent, laxentur tandem sanguiferi tendines seu arteriosa suspensoria quæ cordis prolapsui reniti debent. Tuam igitur, Lancisi Clarissime, opem imploramus: simulator enim hic morbus sæpe sæpius prodit in publicum vultu non suo. Reticere nolo quod Ludovicus Mercatus duorum Hispaniæ Regum Philippi Secundi & Tertii Archiater sapientissimus innuit, quibus si adhuc addideris sexus differentiam, clarius procul dubio cernes tam esse difficile in fœminis curationem optime moliri, quam esse Medicum.

Singulare interim gaudium, quod ex valetudine Clementissimi Principis a te iterum restituta percipimus, metum temperavit, quem crebrior atque immanior tonantis terræ concussio, & quem præcipue duplex hesternæ una, mane sero altera, intulit nobis, quique iustissime extorres domo nos fecit. Omnes lymphatorum ritu excurrerant, cum ædes undique titubarent, tecta obstreperent & humus discedere sub pedibus videretur. Plorantes mulieres ad preces, ad vota conversæ sunt: In plateis & agris tentoria passim offendimus, sed quæ composuit tumultus & timor, illi similia quod Lucanus describit.

Rectorem dominumque rates secura tenebat;
Hand procul inde domus non ullo robore fulta,
Sed sterili junco cannaque intexta palustri
Et latus inversa nudum munita phaselo.

Porro, ut Jeremias loquitur, cogitavit Dominus dissipare murum &c. tetendit funiculum suum & non avertit manum suam a perditione. Tum Cassia, tum Nursia ejusdem calamitatis consortes, quæ hoc nato recens sæculo ceciderunt, jam nunc in novis ædificiis alte dehiscunt: imo aliquot Oppida Nursinæ ditioni subjecta, nempe Abbatia Sancti Eutitii, famosa Lithotomorum Patria vulgo le Preci, Tukuranum, Saccovestinum, Villa Crucis, Castrum Vetus & alia, si non prostrata sunt, fere in ruinam propendent. Vale 1v. Kal. Jul. ann. a Virginis Partu 1719. Cassiæ in tentorio.

LANCISIUS COCCHIO SUO S.

M Iror profecto, amicissime Cocchi, te inter nutantis terræ metus artubus, ut arbitror, tremulis stylium tam firmiter stringere potuisse, ut morbosam istius Sanctimonialis historiam quam diligentissime ad nos scriberes. Ego enim in urbe eodem, quo vos die, ante xii. horam ex terræmotu tanto quidem terrore percussus fui, ut nisi Sanctissimus Princeps ex gravi morbo nondum satis reconvalecens animum meum valide retinisset, ab Aula statim ad tentoria confugissem. Itaque cum repentina formido & tibi, & mihi communis fuerit, neutri certe dolendum erit, præsertim ubi cogitaverimus, nihil nobis, aut aliis solidi mali contigisse. Agamus itaque singulares Deo Opt. Max. gratias, & læti posthac in Domino vivamus.

Ut vero ad casum a te propositum descendam, non dubito quin duobus abhinc mensibus Sacra Vestalis propriis jam destituta catameniis, per eum, quem narras, corporis laborem, uteri, ac proximorum ovariorum recrementa ad præcordia, atque ad cerebrum magnam partem repentino cum impetu traduxerit, locumque fecerit Hippocratis effato in lib. de Virg. morbis. Sanguis non habens effluxum præ multitudine resilit ad cor, & ad septum transversum, addimus nos, ad cerebrum: cum igitur hæc repleta fuerint, cor fatuum fit, deinde ex fatuitate torpedio; & quæ sequuntur. Omnia itaque symptomata, quibus angitur isthæc Virgo, suboriuntur partim ex acri sanguine per ipsa præcordia circumvecto, ac musculares vasorum membranas, diaphragma, cor, & pulmones pungente, & fodicante, partim ex stygiis pene ichoribus, qui cum liquido animali fluunt per nervos splanchnicos, illosque præsertim, qui ex gangliis a me nuper detectis ad interiora pectoris divaricantur. Nota hic obiter, ganglia esse olivares plexus in truncis nervorum, ut nodi in arundine, seu quædam esse veluti cerebella extra cranium locata, ipso tamen cerebro robustiora, pia, crassaque meninge involuta ad musculos, qui libero motui magis resistunt, superandos constructa: en ratio, cur nervi, qui ad motus organa feruntur, partim cum, partim sine gangliis occurrant. Stygiæ pene ichores liquido animali permixti non possunt non villos nerveos, retiaque villosa irritare, & in convulsionem adducere: quamobrem immanis hysterica affectio nascitur, & perennat; neque porro spes est, fore, ut remittat, & cedat, nisi tollatur causa, & ad causæ principium, nempe ad uteri vias tum convulsas laxandas, tum obstructas aperiendas perveniat. Quoniam vero effecta plerunque ante ipsam causam in morbis saltem moderanda sunt; idcirco, cum certissimum sit, viscera omnia tam thoracis, quam abdominis convulsionibus tentari, summamque acredinem fluidis omnibus esse communicatam, omnium primum a laxantibus, ac retundentibus curatione inchoanda erit, ut tuto postmodum ad deobstuentia, atque ad emmenagoga recurratur.

Quod autem attinet ad emollientia, nihil est opportunius oleo amygdalarum dulcium recens ex de-

cor-

Hipp. 1. 2.
de morb.
Mulieb.
Bellin. de
morb. Pect.

Hipp. 7. de
off. nat. De
caus. diu.
turn. morb.
2. c. 2.

Dissert. 2d
Spon.

De Gynæ-
ciis l. 1. c. 8

Dissert.
apud Mor-
gagnum in
Adversa-
riis Ana-
tomicis.

corticatis amygdalis sine igne expresso, quod ad uncias duas, addita uncia una olei pariter recens ex melonum seminibus extracti, exhibetur in jure antelucanis horis per xv. vel xx. dies: propinaturque ante cœnam drachma una optimi spermatis ceti; atque interim singulis vespertinis horis injiciendam putarem per alvum decoctionem omenti vervecini in jure paratam ad uncias tantummodo viii. vel x. ut nimirum contractum tam colon, quam uterus molliatur. Abstineat interea temporis ægra a vino, & abstemia saltem in annum persistat, caveatque ab omnibus acidis, acribus, frixis, caseo, leguminibus, omnique sapido alimento; sumat jura subtilia ex hædinis, vitulinis, aut vervecinis adenis deprompta, saltem ad libras duas, hoc est post duas horas ab hausto oleo amygdalino: oleum siquidem, ac jura contractas partes emolliunt simul, & exoricos sales cicurant. Post hæc locus erit infusioni drachmarum vi. cortic. myrobalanorum paratæ in libra una feri caprilli, vel juris subtilis: mire enim valet infusum hoc ad extrahendas tincturas salium acrium austerorum, seu convulsiones inducentium.

Ab hac deinceps leni purgatione tutissimo aliquot anthysterica præsidia adhiberi poterunt, inter quæ præstare semper mihi visa est, præter chinam chin. & bezoarticum joviale, sequens mistura.

℞. Aq. 10r. Citri

Melliss.

Nuc. virid.

Ceras. nigr.

Et Theriacal. ana unc. i.

In his ignita camphora sæpius extinguitur; additur vero vigoris gratia parum aquæ hystericæ Quercetani, & nonnihil laudani liquidi: exhibenda est cochlearim bis aut ter in die, sed præcipue cum præfocativus paroxysmus recurrit.

Cæterum ad mensium reditum promovendum affabre conducunt jura ex radicibus temperatis, parumque amaricantibus cum nodulo chalybæis, nec non hemipupium aquæ dulcis, in qua radices altheæ, folia malvæ, violar., & parum artemisiæ floresque sambuci, incocta fuerint. Quod si vero aut convulsiones minime cedant, aut catamenia adhuc subsistant, vesicantia femoribus admovenda & pediluvia, frictiones & cucurbitulæ sæpius infernis partibus adhibenda erunt. Tu interim, mi Antoni, memineris moniti Hippocrati, in mulierum nempe curationibus *Numen semper esse implorandum*, & cum eadem fuerint virgines aut viduæ, procurandum, ut se Sanctorum meritis voveant: ita enim per summam confidentiam earum cor cum arteriosis tendinibus undique laxatur; quo fit, ut interdum etiam citra miraculum, Deo adjuvante, ocyssime convalescant. Vale.

Romæ 3. Nonas Jul. 1719.

~~~~~

## DE SEPULTO INTRA PECTUS ANEURYSMATE.

### CAPUT IV.

*Illustrissimo ac Sapientissimo Viro Jo. Maria Lancisio Clementis XI. Archiatro & intimo Cubiculario Antonius Cocchius S.*

Cassianus juvenis ad quintum ætatis lustrum pertingens salino sulphureæ constitutionis minuta & sicca scabiæ infestabatur, quæ cum morderet acerrimè & ungui operoso importune imperaret, urticam hanc pertæsus æger adipato malagmate intra corporis pomæria repellere non dubitavit: mense Augusti anno 1717. in febrem incidit lentam sterili cum tussi, dyspnœa & macie; porro ea quæ comedeat, invito ventriculo ingerebantur, & non longe a pastu crescere febrilis motus sine ullo artuum frigore deprehensus est: pulsus celeres, duros, & contra quam fieri solent, magnos exploravimus, &

veluti miniatis in ipso vultus pallore genis manuum pedumque volæ æstuabant: exul erat instaurator somnus, ipsum namque obispentem tussis ut hostis ad excubias posita undulatoris tremore nerveas cerebri fibras concutiens depellebat: in urina licet naturalis color exhiberetur, rotundæ tamen seu oleosa corpuscula natate, & divulsam hypostasim subsidere non semel aspexi. Nescio quæ dejectoria & postea non Haly Abbatis pulverem, sed species aromaticorofatas natu major collega præceperat; quinto Idus Septembris ad trutinam revocatæ sunt curativæ indicationes. Prima, convulsivum & strepens symptoma, quod tussis est, ac faucium ariditatem compefendi; & ideo eclegmata ex recenti oleo amygdalarum dulcium syrupo violaceo & paregorica Sydenhamii tinctura lambebat æger, & amico gelu de cornu cervi identidem se recreabat (venæ autem in cubiti flexura incisio convulsis intra thoracem canalibus diametrum celerius reddere potuisset, imo & pulmonici infartus administram tussim levare teste Junghenio.) Altera, tuendi & sanguinis ligamina & pulmonum quoque compagem, ne in tenero & ampuloso parenchymate eadem ulcuscula suborirentur, quæ sal acre psoricum modico sero dilutum in extima superficie tubulorum cutaneorum fines exedens insculperat, & ideo bolos istos deglutiit.

℞. Sperm. Cet. non rancid.

Antihæst. Pter. a scrup. ss.

Cortic. Peravian. ver. & in subtil. pulv. redact. scrup. 2.

Bals. sulph. anisat. gutt. 3.

Syr. hed. terrest. q. s.

Coge in bolos tres & inaura.

Tertia demum, rectificandi renutriendique; & ideo jus Septali viperina carne animatum adhibuit, ut nempe salino-acres particulæ sale volatili pingui & balsamico ad peripheriam reducerentur vel transpirarent, ut effæta liquida exaltarentur, ac in solidis elastica virtus resurgeret; pulmenta ex farre præsertim & rapis Curii quondam cupediis usurpat, in potum vero aquam cum redolentium malorum frustulis & sandalo citrino decoctam substituit. Hac sane methodo strigosus homo & jam *lentis colorem referens* convalescere propemodum videbatur.

Hipp. 3.  
Epid. sect. 3.

II. Sinat, vir amplissime, conniventia tua me breve scholium de morbosa epigenesi ejusque symptomatibus adjicere. Hæctica fermentatio succensa est ob interceptionem in sanguine rabidi salis, quod novas sibi vias aperiebat; sanguinis ipsius contextus lento ulcere dissolvi & alcalino-acre fermentum in pulmones devolvi cœpit: distentis ac turgidis pulmonum vesiculis & adenosa tracheæ tunica suctionis ritu compressa irritantis naturæ serum exprimi consueverat; hinc tussis: cylindrus aeris cartilagineam seu dialecticam tubam ingressus cum minus spatii & non parum renixus in pulmonibus offenderet, sanguinem per venam pulmonicam refluxum satis premere non poterat, nec promovere, ut ad sinistram cordis alveum perveniret: hinc difficilis respiratio, seu dyspnœa, imo & asthma: anorexis adebat tum ob atonas ventriculi rugas, tum quia gastricus succus non acidovolatilis, sed acer, & iners e vitiato sanguine manabat: sitis, nam asperæ cum saliva particulæ tale quiddam nerveis œsophagi, ac faucium villis inurere aptæ secernebantur: auctus non longe a pastu febrilis motus, subensus, & crebrior pulsus, *malarum rubor hilaris*, extremorumque æstusatio forsan acciderant, quia novus chylus adhuc rudis in subclavia sinistra vena turbæ salium fundentium occurrens per densiores suas moleculas aliquandiu renitebatur; fusus tandem; nec sanguini assimilatus in aeris, & urinæ fistulam assatim ruebat; subdit Bellinus similitudinem: *Quemadmodum autem candentia ferramenta demersa frigidis aquis easdem in fervorem concitant, vel aqua eadem frigida inspersa prunis ardentibus fervorem pariter concipit; sic chylus ab assumpto cibo genitus statim ac in fervidum sanguinem derivabitur, quaquaversum agetur per minimas suas particulas &c.* hinc motus organa, quæ musculos dicimus, butyroso ne-

Aretæi  
verba. d.  
placuit.



Lib. de affection. Etare defraudata sunt, & aruerunt. Scabies, impetigo, & aliae hujusmodi crustaceae affectiones sunt (ait Hippocrates) turpitudine magis, quam morbi, imo nos a morbis majoribus vindicant; si vero empirice repellantur, mutato situ, mutant & nomen, & morbi nomen acquirunt: id, quod male cautus Atheniensis propria calamitate confirmat transgressus autem ad Melum, ubi sunt calidae balneae, a pruritu quidem, & cutis crassitudine liberatus est, verum hydropicus factus occubuit. Ad historiam, quam reliquimus, revertamur.

V. Epid.

L. de nat. Deor.

Juven. sat.

L. de mord.

Pharal. lib. 2.

III. Dum febrilis ignis, qui simul ignave, & atrociter extinguere vitam solet, extinctus esse putaretur, sinistrum latus micare non desinit (cum Cicerone dicam) quasi quodam igneo motu, & pulsus adeo est violentus, ut costas, & sternum, admotamque manum arietet: ad externas usque carotides pulsus jactationes conspicuae sunt: cubare in faciem, mox deinde supinus potest aeger, cum tamen cibum assumpsit, aut petit acclivia & pulsus intenditur, & respiratio. Facile est, conjectare aneurysma prope aortae arcum, aut extra recurrentium nervorum munimen. Sciscitanti mihi de aneurysmatis principio, & occasione retulit, jam se ante scabiem hoc affectu laborare, vino non parum indulisse, & in ludicra luctationum arena saepe saepius decertasse: & sane tam vini potus, quam gymnastica exercitatio interni canalis diloricationem inducere valuerunt. Suavem vitis humorem & solidum alimentum, & timoris pharmacum vulgus appellat, sed Plato noster ad id potissimum conferre judicat, ut saecundo calice naturae, & habitus animorum in conviviis detegantur: quippe cum (Marfilii Ficinii in dialogum secundum de legibus, vel de legum latione) *saceras Palladis arces, quae ante omnia colenda sunt, impudentissime pulset*. Sed liberiori usu meri sanguis in tartareo sulphuream diathesim verritur, qui dum per canales pelliceo-conicos it, reditque, si unus, aut alter languidae texturae fuerit, illum partim orgasmo, partim vi erosiva labefactat, fere ut muros discutiunt *sterilis mala robora ficus*: & Dolæus inter potatorum flagella hydropem quoque, feri videlicet ex tubulorum scissura colluviem nunquam siccandam numeravit. Si vero luctam examinemus, constituentia nos flamina mille modis agitat, flectit, contorquet; audire fas est Hippocratem: *Fiunt etiam convulsiones ex laboribus, ex casibus, ex plaga, & si quis onus majus tollat, & ex cursibus, & lucta, & omnibus id genus*: tanta enim, Dii immortales (sit modo loquendi venia) ad supplantandum adversarium exigitur in musculis tensio, & crispatura, & quanta inde vasis distractio, & liquidis strangulatio contingit: bella sunt ista *nullos habitura triumphos*. Post repulsam scabiem erodentes sales creverunt in sanguine, & sanguifer truncus praefectus ulteriorem ab iis labem contraxit.

IV. Aneurysmatis implicatio coegit, experientissime Lancisi, ad te recurrere: Tu enim aureum de Corde, & Aneurysmatibus tractatum praefatione in Metallothecam Vaticanam (idest a Michaeli Mercato Gregorii XIII. & Clementis VIII. familiari, & Medico descripiam) innuisti, & jam secundis curis aggredieris. Nova, & solida ex diuturna cadaverum sectione comparata doctrina prodibit in lucem, quae temporis tui, tuaeque experientiae filia, summum jus erit in Medicina: laudabit & hanc olim ventura posteritas, & medicae rei gloriam, quam per tot egregios labores quaesisti, non fortunae, non aulicae dexteritati, sed tuis meritis sine odio, & gratia fatebitur adscribendam.

V. Kal. Augusti 1719. Cassiæ.

Eruditissimo, Clarissimoque Viro

ANTONIO COCCHIO

Lancisus S. P.

Quaquam per hos dies nimio urgente aestu, qui nullo ethesiarum flatu temperatur, omnis fere ad philosophandum mihi facultas erepta est, atque a scribendo plane deterreor; nihilominus accepta ab te, Eruditissime Cocchi, accuratissima narratione symptomatum, quibus Cassianus juvenis post depulsam asthmaticam, hecticamque affectionem ex cohibita olim scabie subortam nunc divexatur, veluti admotis calcaribus excitor, atque ad respondendum commoveor. Ut autem paucis multa complectar, non dubito, quin acris ille humor, qui in cute primum, deinde in thorace miliarem, quasi dixerim, labem induxerat, ac tuis quidem auxiliis utcumque cicuratus, a glandulari solum trachearum membrana sensim sine sensu discussus, ac dissipatus fuerat, adhuc non levi ex parte internam tendineam, adiposamque tunicam ipsius aortae, atque adeo ejusdemmet cordis eadem miliari prurigine efficiat. Neque vero existimies conjectura duntaxat me ad hoc asserendum perducere, nam plures habui hoc mali genere laborantes, qui subsistente paulatim intra cordis substantiam sanguine, auctaque inde hujus visceris mole, in ejusdem prolapsum inciderunt, tandemque qua distractis, qua compressis, erosis ac disruptis sanguiferis, lymphaticisque in pectore vasis decesserunt, in quorum mox cadaveribus comperi non solum cor ad bovili magnitudinem auctum, ac super diaphragma decumbens, sed arteriam quoque magnam forcice per longum apertam cum minuta, eaque manifesta interioris tunicae scabie (quod non sine admiratione doctissimis Viris, qui mecum aderant, & quibus id mali genus praedixeram) ostendi. De cetero tecum sentio, Vir Clarissime, praecipuam superstitis hujus aegrotationis causam a luctatione repetendam, in qua praeterquam quod fere omnes thoracis, atque abdominis musculi maxime intenduntur, eaque ratione anhelitum valide, diuque cohibent, sanguinisque circuitum per cordis vasa violenter intercipiunt; fortasse accidit, ut juvenis iste non magis in arena, quam in cenopolio egregius athleta repente improvidusque, quod saepe contingit, ab adversario in terram dejectus fuerit, laevumque dorsi latus vehementer contuderit, ac propterea arteria magna, imo & cor ipsum alicubi distractum, laxatumque sit. Quo sane factum esset, ut fibrae, ac vascula ex fibris pariter, villisque contexta relicta fuerint adeo imbecillia, ut praeterlabenti postea sanguini, ejusque potissimum crassescens ichoribus moram facillime injecerint, locumque deriderint celebri Hippocratis effato: *Siqua pars ante morbum laboraverit, in ea firmatur morbus*.

Verum enim vero, quo luculentius ejusmodi aegrotationis causam ex palestra retexisse videmur, eo certe minori cum boni exitus fiducia novam curationem poterimus instituere. Etenim in morbis, in quibus structurae vitium latet, nullum, vel si ab Aesculapio accessatur, pharmacum solet opitulari. Sed ne citra medelam relinquamus aegrotum, operae pretium arbitror, novas indicationes ex ipsius mali visceribus elicere: scilicet primo sales, ut tu optime conjicis, tartareo-sulphureos in universa liquidorum massa redundantes abluendi, temperandique. II. irritatam, convulsamque fibrosam cordis & aortae texturam molliendi, lavigandique. III. impactos, interceptosque in praecordiorum cuniculis viscidos humores solvendi, abstergendi, dissipandique. IV. demum laxas alicubi, ac pene diloricate easdem partes firmandi, interdictis iis omnibus, quae tum fluidam, tum solidam causam augere, deterioremq; facere possunt. Tametsi vero longe facilius est in casu nostro scopos curationis meditari, quam explere; adhuc tamen ea tentanda sunt, quae ratione, atque experientia duce in consimilibus affectionibus ad producendam saltem vitam comperta sunt profuisse. Quod itaque spectat ad diluendos sales per universum corpus exuberan-

Lib. humoris



## DE VENÆ CAVÆ DILATATIONE.

## CAPUT V.

Clarissimo, Doctissimoque Viro Jo. Baptista Morgagni  
in Patavino Lyceo primario Anatomes  
Professori & Præsidi Antonius Coc-  
chini S. P.

berantes, opportunissimus esset decursu ferventis adeo  
æstatis tum internus, tum externus usus aquæ Nuc-  
cariæ: valet enim mirum in modum ad liquidorum  
acredinem diluendam, simul etiam ad nativum exto-  
rum tonum a sulphureis, salinisque particulis labefa-  
ctum firmandum, roborandumque. Ad eundem quo-  
que finem conspirat serum, & lac asinum vitreis  
organis in B. M. destillatum cum succis recentibus  
plantaginis, urtica, hedera terrestris, & pomorum  
redolentium, additis cancris fluviatilibus confusis.  
Ad molliendas deinde convulsas cordis, aortæque fi-  
bras nihil est aptius oleo amygdalarum dulcium, &  
seminum melonum sine igne recens expresso, quod  
cochleatim ante prandium, ac cœnam, cumque et-  
iam jure matutino exhiberi potest. Ad id pariter  
summo opere confert sperma ceti non rancidum propi-  
natum cum conserva violarum.

Ut vero solvantur impactæ salinæ phlegmatis mas-  
sæ, quibus miliaria veluti tubercula in arteriarum  
tunicis eleantur, equidem præsentissimum remedi-  
um comperi in temperatis anni constitutionibus sub-  
limatum dulce leni admistum dejectorio, cujusmodi  
esset.

℞. Sublimat. dulc. gr. vi.

Resin. Jalap. gr. vii.

Ocul. Cancror. præp. gr. xii.

Electuar. lenitiv. sesquidrach.

M. & mistura oleo amygdalarum.

in mortario vitreo malassetur. Quod utique medi-  
camentum semel, aut bis in mense repetendum vi-  
deretur: hoc enim pharmacum non modo fluidorum  
vitia corrigit, sed eorundem crassitiem hic illic va-  
sculorum fines obsidentem, obstruentemque sic inci-  
dit, attenuatque, ut ad refluendum reddat idoneam;  
ne quid dicamus de vi, quæ hydrargyro inest, vul-  
nusculorum absterfiva, ac fere epulotica, quippe ne-  
minem latente.

Denique quassatam in minimis, ac forte dilorica-  
tam alicubi per luctationum nisus, casusque præcor-  
diorum texturam pro virili parte restituunt balsami-  
ca, & vulneraria, cujusmodi præ cæteris sunt (no-  
vissimo tamen curationis loco ponenda) extractum  
florum hyperici, & sambuci cum tantillo balsami  
Copaivæ.

Sed omni longe melior in hoc morbi genere me-  
dicina paratur ex congrua, semperque parca victus  
ratione: cum enim vasa per diætam servantur deple-  
ta, invicem non premuntur, neque oppilationes con-  
trahunt. Vinum ex toto circuncidendum est; nam  
merum non tantum vasorum fibras corrugat, &  
coarctat, sed copiam quoque salinarum, & sulphu-  
rearum particularum intra corpus infundit, quibus  
fieri non potest, quin malum ex utraque causa or-  
tum augeatur: vino autem sufficerem infusionem  
nunc foliorum melissæ, nunc decoctionem pomorum  
redolentium. Caveat propterea a violentis corporis,  
animique motibus, a quibus sui morbi duxit initia.  
Etenim athletæ generosam quandam in contentione  
ipsa vim exercent, & tanguntur gloria, cum pu-  
blice decertant. Vale.

Romæ VIII. Idus Augusti MDCCXIX.

Corpus humanum definiri posset Epistola (nempe  
ab Apostolo mutatis verbis) scripta non atramen-  
to, sed Spiritu Dei vivi. ad Corinth. 2. cap. 3.

Nemo novit horologii impedimenta, nisi qui rotas, fu-  
sos distinguere, & quomodo ab elatere, seu primo  
mobili motus concitentur, optime sciat. Adeo opor-  
tet, eum, qui medicinam facere vult, subjectum  
suum, seu corporis humani texturam rite rimari.  
Steph. Blancardus Anat. reformat. cap. I.

Quum universus terrarum orbis tuo jam nomine  
plenus sit, & famam ipsam superent virtutes tuæ,  
me quædam tetigit ambitio, ut ad te scriberem Vir Cla-  
rissime: tu enim in perscrutandis arcanis humani cor-  
poris, quod est immortalis animi hospitium, omnes  
curas implevisti. Adversaria anatomica tua communi  
edita plausu, quantum tibi sit ingenium, quanta do-  
ctrinæ profunditas, satis ostendunt: hæc mihi proba-  
verat utique nostrum dum viverer amicissimus Lanci-  
sius, cujus nomen alte posterorum animis insidens &  
fama rerum immortalitati traditum arentibus oculis  
commemorare non possum. Illud etiam accedit, quod  
si tu mecum epistolare commercium iniveris, non so-  
lum dolorem, qui vivit adhuc, retundes, & recrude-  
scens itidem vulnus suavissimis verbis tuis lenies, sed  
etiam quiddam commodi ex familiari illius consuetu-  
dine in me ipsum derivabam, abunde satis præstabis:  
is eris, a quo artis oracula petere non verebor, &  
mihi Lancisius in te reviviscet; nam, ut de se ipso in-  
quit Cicero, *reperire ex magna turba neminem possu-  
mus, quo cum aut joculari libere aut suspirare familia-  
riter possimus*: quare ad te recurrimus, te solum expeti-  
mus, te imploramus, ut persona licet absens, consilio  
tamen præsens me consoleris & recrees. Venæ cavæ  
dilatio, quam nuper mihi contigit observare, meam  
ad te scribendi ambitionem lacecessit.

II. Venæ cavæ dilatationem exposita utiliqua ex a-  
natome deprompta, quæ nempe ad machinam hanc  
nostram statico-pneumatico-hydraulicam spectant, te  
humaniter indulgente præmittimus. Unam venæ tu-  
nicam & arteriæ duas tendineas veteres nostri cre-  
diderunt. Arteria dicitur vena pulsabilis, ab Avicen-  
na vocatur vena audax; quinque tunicis constat:  
prima exterior retis instar intexitur innumeris fan-  
guineis vasculis nerveis fibris implicitis; unde vascu-  
losa nuncupatur: secunda Ruyschio inventa dicitur  
cellulosa, cum sit cellularum congeries adiposamque  
membranam imitetur; pinguem succum ex arteriis  
secretum hæc cellulæ asservant, quo arteriarum tunicæ  
perlinuntur, ut motui fiant aptiores: tertia, teste Vvil-  
liso, minimis glandulis albicantibus compingitur,  
quæ laticem separant ad arteriarum fibras molliendas,  
ne motu exarescant: quarta muscularis est, siquidem  
fibras carneas induit, quarum tensione vel remissio-  
ne constringuntur vel laxantur arteriæ: quinta & ul-  
tima interior tunica musculari subjecta nervosa voca-  
tur, utpote quæ nerveis fibris contextitur. Vena iis-  
dem tunicis constat atque arteria, sed longe tenuio-  
ribus ac infirmioribus: præterquam quod inter car-  
neum ordinem, qui extimam venæ tunicam constituit,  
& ordinem annularem vasculosa tunica cellulosaque  
interponuntur. Qualiscunque sit arteriæ & venæ fabri-  
ca, contractiles sane potentie videntur esse fibræ an-  
nulares seu annuli carnosii pace Clarissimi Bellini, qui  
dicit *exemplo glomeris contineri quiddam est spirarum  
in arteriis, quiddam in venis, quiddam in œsophago &  
intestinis*: tu vero Morgagne doctissime, omisso tuni-  
carum numero, id contra celeberrimum Regis Prussiæ  
Archiatrum affirmas, denique in arteriis nullas alias  
carneas fibras nisi annulares observo. Conus arteriæ a  
corde oriens ex lato in acutum definit; venæ conus  
ex acuto incipit, & in basim semper majorem ex-  
panditur usque ad cor, in cujus dextro ventriculo  
maximus diameter, & finis venarum est. Venæ,  
ut detexit Realdus Columbus, valvulis instructæ sunt,  
secus arteriæ; diversa canalium structura in se con-  
tinet providentis Dei mysteria; qui divisit mare ru-  
brum in divisiones; nam liquidum ex lato in angu-  
stum currens duos subit motus, directum a corde, &  
reflexum ab angustis tubi lateribus, ita ut angustia lo-  
ci motus celeritate compensetur & pulsu; ex angu-  
sto cono in latam basim progrediens directi motus  
multum

Lib. I. Ep.  
ad Artic.

Zacur. Lu-  
fican. in  
Spicilegio  
Anatom.  
co.

De motu  
cordis  
prop. xx.

Advers.  
anat. II.  
animad. 38

Pl. 135.



multum amittit, motuque caret reflexo, & ob mechanicam inversi conii, & quia longe distat ab embolo pulsante, tarde ac tacite movetur; ideo cicatricula, obducti vulneris vestigium, citissime in vena firmatur; quæ tamen impetus inæqualitas sive reflexus placiditas necessaria est, ut nutritiones, cribrationes aliæque animati corporis munera peragantur; sed ne sanguis ad majora vasa promotus retrocederet, aut subsequenter suo pondere moraretur, Æternus Artifex venas, interjectis valvulis, quæ sanguinis ascendentis cylindrum sustinerent, præmunivit: id, quo non opus erat arteriis: in ipsa cava, cum scilicet dextrum cordis ventriculum ingreditur, tres valvulæ tendinosæ columnis adhærentes, quas tricuspidēs vocant, erectæ sunt ut sanguinis impetum frangerent, & reversuras undas aggeris instar reprimerent. Venæ arteriis duplo numerosiores sunt, quia lymphas & alios succos e visceribus reducere in cor debent, atque eandem ob causam sunt ampliores. Num arteriæ singulæ singulis cum venis in mutuum occursum uniantur, tanquam unum ubique continuum, etsi venæ non saliant, adhuc sub iudice lis est: assertiva opinio, forsitan ut accuratior suboluit Celso: *Junctæ enim est (ait consularis Vir) vena arteriis, his nervi: & Bellinus, contigua enim inter se sunt vena, & arteria: etsi non sunt continue, ipsarum sane oscula semper patent.* Insignis vena est porta, quæ sanguinem a circulatione per plura viscera abdominis refluxum absorbet, & in jecur officinam bilis arteriæ ritu conducit, ut a ramulis suis, qui ad cavæ ramulos hiant, amarum illud, & balsamicum duodeni fermentum per glandulas hepaticas separetur: crassiusculis tunicis donata est, seu media indole arterias inter & venas. Vena pariter insignis est azyga, idest sine pari, quæ dextro duntaxat in latere (loquor de homine) solet inveniri, forsitan ob spatii libertatem, cum ibi neque arteriam magnam, neque Pecqueti ductum natura locaverit: hæc est velut diverticulum cavæ, de hac princeps Anatomicorum Eustachius opusculum nobis reliquit, & de hac dudum ad te scripsit Lancisius nonnulla phænomena, & præsertim pleuritica exponens. Venarum maxima ea est, quam Praxagoras nobilis Medicus *cavam* appellavit, ut Ruffus Ephesius refert: dividitur in truncum descendantem, qui a capite, aliisque partibus superioribus, & ascendentem, qui ab inferioribus initium capit; amboque in dexterum cordis sinum terminantur. Videmus igitur, quod non lapidei, non ænei sunt canales nostri, sed tunicis, qui distrahi, crispari, exedi, ac rumpi solent contextuntur. Felix, qui liquidi crasim, ac solidi robur constanti morum temperie tuetur, & in rebus non naturalibus *auream*, ut Flaccus cecinit, *quisquis mediocritatem diligit*, nempe Hippocratici præcepti tenax, *labor, cibus, somnus, venus, omnia mediocria*. Id autem, quod dicitur aneurysma, seu pulsans tumor in arteria, est hydatis in vase lymphatico, & varix, seu dilatatio in vena, cum aut valvulæ rumpuntur, aut tunicæ diloriantur: quacunque enim vi scindatur durior arteriæ tunica, sanguis percussione momento in mollem impingens eam magis, magisque dilatat, & velut in sacco coacervatus tumorem extollit, in quo manifesta, imo sæpe permolesta pulsatio perferitur: si vero tumor rumperetur, æger per immensam hæmorrhagiam properaret ad mortem. Non secus de altero fistularum genere seu de cava, cum dilatata est, licet asserere, quamvis systolesque ac diastoles reciprocatione non perstrepat tumor.

III. Dilatatio cavæ morbus est, qui vulgo facile imponit, occurrunt enim symptomata hydropis: hydropem pectoris primo, mox ascitem, & denique anasarcam æmulatur: est tamen cavæ dilatatio, quæ si palpitent jugulares venæ, jam in dextræ cordis auriculæ aneurysma transivit, ut monebat Lancisius priusquam decederet, nimium æqua morte interceptus: nomen ab aqueo humore tamquam a materia, sive a symptomate mutuatur, sed citra febrem. Solent contra hydropici febre lenta detineri, ut testatur divus Hippocrates: *Si hydrops in pulmone fiat, febris & tussis tenet, & acervatim respirat, & pedes tument; & ungues contrahuntur omnes, & patitur talia qualia is suppuratus fit; ut testatur quoque Ara-*

bum maximus Avicenna; qui de hydropicis in genere inquit, *& accidunt eis plurimum febres tepide: diathesis enim mucido-viscida & fere aquosus languor est cachexia, seu juxta Hippocratis definitionem pituita alba occupatio, nempe mollis, pallidus, & emittenter phlegmaticus corporis habitus, nec ex uno vitio nec ex uno vitio viscere prodiens, at omnium in deterius conversio, hoc est strictum in liquidis & laxum in solidis; quoniam itaque, explicat Bellinus, hæret ad arteriolas quicquid est siccius, compæctius seu robustius in sanguine, abundat copia aquorum humorum, qui ab eodem sicco subsistente exprimuntur & per corpus distribuuntur; nihil igitur alimenti ducitur ad partes, quod sit naturali simile & alendo aptum, sed quicquid ad partes ducitur, erit aquosum quid plane diffuens, & tantum non diffluere partes faciens; male igitur aletur, seu cachexia continget cum suis conjunctis omnibus: hinc fiet, ut partes ad maximam imbecillitatem redigantur & fluere quaquaversum permittant humores aqueos, qui in cavitatibus majoribus vel inter cutem colligentur, & fiet hydrops.* Cum lympham inter & sanguinem eversus est cohesionis ordo, uterque humor tali motu agitur, qualis est febris lenta: jugiter enim sed imitius provocat cor ad movendum se, pellendumque inordinate liquida; serum interea lixivioso-corrosivum redundans vasa distendit, scinditque, novas sibi vias aperit, & hydropem machinatur. Potest autem canalium truncos extendere ac dilatare plethorica moles seu mera sanguinis plenitudo & orgasmus, ut innuit Stahl: *Cum enim hæc (abundantia sanguinis) non solum liberrimum sanguinis progressum spatii proportionati intuitu varie alterare possit, sed etiam ipsi energie motus certissime plus negotii facessat cum pondere ipso tum mole etiam ad capacitatem spatii comparata: concludat disertissimus Cel-sus: ergo si plenior aliquis & speciosior & coloratior factus est, suspecta habere bona sua debet, quæ quia neque in eodem habitu subsistere, neque ultra progredi possunt, fere retro quasi ruina quadam revolvuntur:* scio multis olim fluminibus imposuiros pontes, & a magnis Imperatoribus aquarum calcatam esse superbiam: sed hi omnes statim in opere, aut brevi ab opere corruerunt; purpureum flumen, seu potius mare rubrum, quod intra nos circumvehitur, ubi arteriæ aut venæ parietes dilatavit, sicut alvei ita & frangi cujusvis evadit impatiens: sanguinis missio, sanguinis momentum, impetum, stimulum demit, & a strangulatu canales redimit; nempe auxilium, quod parca victus ratione mendicatur, præsentaneum missione sanguinis obtinetur; detracto enim sanguine, vasorum tunicæ concidunt, sublato, pondere cessante pressione musculares fibræ expeditius contrahuntur: aer in missi sanguinis locum succedit, & vi elastica sanguinis motum accelerat, & quicquid intra canales residet atque hæret torrente suo secum rapit; sic in pleuritide materia, quæ pleuram & pulmonem occupat, inflammatoriæ febris seu acutæ fusionis quoddam veluti præcipitatum & brevius tutiusque per venæ medicum vulnus, quam per asperam arteriam, solo tussis molimine, educitur, idcirco missi sanguinis superficies tanquam in gelu concreta, & profundum utpote villis solutum & liberum nigricans, & solito fluidius deprehenditur. Venæ cavæ dilatatio Aræti verbis adumbratur: *nam tota una est, atque continua: a nonnullis autem Medicis ea pars duntaxat, quæ secundum dorsum discurret, agrotare creditur; quoniam ejus, quæ cor intrat; nota obscura sunt: intra pectus enim rei nulli adherens, sed in pectore sublevata protenditur, donec transversum septum egressa cordi inseritur: igitur si quod ingens malum hanc venam corripiat, pectore ambiente delitescit: nec alienum videtur esse, quod ait Van Helmont: Itaque imperium, & actio regiminis renum se extendit nedum in renes, ureteres, & vasa urinaria: verum insuper in cavitatem ventris inter peritoneum, & musculos abdominis, itemque in venæ cavæ divaricationes se inferiores usque & in pedes ac tibias.* Sed reſerata per cultrum cadavera in ipso mortis silentio sepultam ægritudinem docuerunt. Caveant qui crassos dies, lucemque palustrem degunt, qui abdomini suo nati esse videntur & voluptatibus, quique athletico & castrenſi victu secundam valetudinem evertere contendunt: caveant, in-

L. 2. c. x.  
De morb.  
Pect. tit.  
Hæmoph.

Ad Lycia.  
Od. 10. 6.  
Epid. sect.  
6.

2. de morb.  
14. 3. tract.  
cap. 8.

Lib. de  
dicat.

De febrib.  
prop. 22.

Part. 1.  
Pathol.  
gen. sect.  
iv. memb.  
Lib. 2. c. 2.

De C.  
& sign.  
Acuti.

Tit. 1.  
rus  
drops

Perf. 1.



quam, ne vitia cumulentur in sanguine, ne contera-  
tur *hydria super fontem*, & *confringatur rota super*  
*cisternam* &c. utor allegoricis Ecclesiastæ verbis;  
nam *hydria* sagacissimo interpreti Joanni Smith acci-  
pitur pro cava, idest venarum trunco maximo, *font*  
pro dextero, & *cisterna* pro sinistro cordis alveo;  
*rota* vero aperte indicat sanguinis circulationem, cu-  
jus principale instrumentum est arteria magna cum  
suis fistulis. Huc recidit quod improbat Seneca: *Cum*  
*fatigaverunt se vino & libidinibus, cum illos nox in-*  
*ter vina defecit, cum voluptates angusto corpori ultra*  
*quam capiebat ingesta suppurare coeperunt, tunc ex-*  
*clamant miseri Virgilianum illum versum.*

Namque ut supremam falsa inter gaudia noctem  
Egerimus...

Huc etiam recidit quod narrat Tacitus: *Vitellius ven-*  
*tre & gula sibi ipsi hostis, Otholuxu, savitia, audacia*  
*Reipublica exiliofior ducebatur*: si enim crapulæ anti-  
dotus, insensibilis transpiratio, quæ scilicet onustum  
corpus ad æquilibrium redigit, integra non sit, tu-  
met sanguis, & insolenter assurgit diametro major  
seu capacitatem canalium: immo si acidum, acre, pon-  
ticum dominetur in liquidis vel propter hæmorrhoi-  
dum ac inusti emissarii siccationem, vel tandem pro-  
pter vehemens animi pathemā, (quod est veluti co-  
gitationis epilepsia, *rostrumque immanis vultur adunco*  
*immortale jecur tundens*) humoralis massa incipit si-  
bi esse impedimento, quin libere feratur per præcor-  
dia, partim scilicet irritando fibras, partim replen-  
do vasa: quare ubi minor renixus occurrit, fiunt di-  
stensiones, scissuræ, varicositates tum in rubris, quæ  
sanguinem, tum in albis venis, quæ lympham redu-  
cunt; id quod cavæ potius inferiori & auriculæ ven-  
triculoque dexteris quam sinistris solet accidere: cum  
enim sanguis enervatus suoque volatili exutus refluat  
& redundet somni tempore, incidit primo in parie-  
tes dexterarum capacitarum, quæ utpote minoribus  
fibris contextæ minus validæ sunt, quam sinistræ,  
& magnæ arteriæ cordis.

IV. Fatendum omnino est, organicos morbos ex-  
tirpari non posse, præsertim cum cessent ii decubi-  
tus, qui ab internis ægitudinibus vindicabant. Er-  
rat itaque si quis existimet in tali casu medendum es-  
se: ipsa remedia onus, stimulus, & morbi evaderent  
additamentum; nam cum sanguis trajici nequeat de-  
bita proportionem a dextero ad sinistram ventriculum,  
ipsa remedia sanguinis aggesta calcando premendo-  
que in atrium cordis, quod est cava & auricula  
dextra, impetum faciunt: & quia ubi adempta est  
libertas circuitus per præcordia, necessario sectiones  
sanguinis ascendentes per venas inferiorum artuum  
& imi ventris eandem in ascensu cursuque difficul-  
tatem subeunt; ideo serum, quod est tota sanguinis  
massa subtilius, facile per poros effugit & replet spa-  
tia carniū, & consequenter cavitates abdominis &  
dextram præcipue pectoris cum apparente, sed falsa  
symptomatum moderatione, ut advertit Hippocrates,  
*postea erumpit ad alvum, & statim quidem sanus es-*  
*se sibi videtur ac a morbo liberatus.*

V. Publica sanguinis via, qua e cunctis visceribus  
& musculis ad cor reducitur, est vena cava: tument  
inferni artus, hydrope pulmonem obsidente; nam san-  
guis ab arteria ad venam pulmonicam libere transire  
nequit, & cava ejusque propagines præsertim infe-  
riores exonerare ad cor & in orbem restituere non  
possunt totam illam liquidi mensuram, quæ ab aor-  
tæ ramis intra carnes projicitur, & ideo serum, &  
lympham ad motum minus aptam, qua pedes ac ti-  
biæ instantur, deponunt. *In hoc vas* (loquitur Die-  
merbroeck de cava) *sicut omnia flumina in mare aquam,*  
*ita omnes corporis venæ sanguinem effundunt*: unde nil  
mirum si ligata cava infra cor in cane alioquin sano  
sex horarum spatio suboritur pseudohydrops quasi a-  
sciticus tumor; ut indefessus scrutator cordis Læm-  
mer memoria prodidit, *perforato itaque dextro latere tho-*  
*racis infra septimam & octavam costam paulo infra re-*  
*gionem cordis, & immisso digito venæ cavæ situs palpan-*  
*dus est, deinde pectoris latus illud ad venam quampro-*  
*pere compellendum est, quosilum ei facilius obducatur; at-*  
*que in isto pectoris situ arte stringendum est vinculum,*  
*dein pectore relaxato vulnus consuendum est: peracto au-*  
*tem experimento canis mox oblanguet valde & intra*  
*Sydenham opera Medica.*

paucas horas expirabit. In dissecto autem abdomine ma-  
gna feri quantitas innatare conspicietur, non aliter  
quam si ascite diu laborasset: quod ab impedito sangui-  
nis ab arteriis in venas circuitu secerni prius expertus  
fueram. Præstare possunt convulsio & orgasmus quod  
efficit capistrum in cava; serum enim sanguinis, ut  
aqua ex humidis contortis linteolis, per cæca vasis  
foramina gestit excedere: *Spasma*, inquit Bellinus,  
*est solutio unitatis in partibus nervosis vel villis muscu-*  
*lorum sine vulnere*: si vena, vel arteria convulsione  
seu spasmodica distensione occupata sit, jam habemus  
quomodo varix vel aneurysma producit: nec deest  
Coi Senis autoritas, quod si convulsio in vena facta  
sit, hæc quidem per exordia dolorem excitat & pulsat,  
progressu vero temporis sanguinem ad carnem transmit-  
tit, qui in carne putrescens in pus veritur.

VI. Subsistente demum sanguine in supernis etiam  
sectionibus manus tentantur, cedemate, ac ægri quan-  
doque ruptis intra cerebrum lymphaticis, & non ra-  
ro sanguiferis tubulis apoplectice moriuntur, tamen  
repentina suffocatione interire debuisse putabantur.  
Medicinæ parens Hippocrates eorum, qui a morbo vi-  
cti sunt, curationem non aggredi admonuit; sibi im-  
putet quisquis uti noluit medentum imperio, nec se  
dignum vita judicavit, si multa neglexit, quæ con-  
spirant ad vitam: medicam quærit opem nec inve-  
nit: discat imposterum artem, quam contempsit,  
quam irrisit, necessitatis & temporis filiam esse: æ-  
gro tamen miserrimo, & semel pereuntem nigrum the-  
ta præfigere sine ullo auxilii, & spei fucō nec me-  
dicinæ decus est, nec sapit humanitatem.

VII. In tanto itaque salutis discrimine tria sunt in-  
dicata, sanguinis molem detrahare aut saltem ejus acu-  
men hebetare & lenire; lymphæ recrementa per alvum  
& vesicam educere, ut sua liquidis volatilitas redda-  
tur, & inde sensim redeant ichrones ad naturales ab-  
scessus; denique affectum canalem defendere ac robo-  
rare. Res quidem faciles dictu, executu difficiles, &  
plane inutiles, cum ad ultima ventum est, ni author  
vitæ Deus remediis vigorem addat. Ut autem præ-  
fatas indicationes ipse adimplerem, quinque uncias  
olei ex lini seminibus per recentem sine igne tortu-  
ram expressi cum jure vitulino tenui atque insulso  
epicraticè propinavi; nam celebre hoc oleum sulphu-  
re generoso, sale recondito, & balsamica uligine sua  
lævigat, cicurat, resolvit, & quæ resoluta sunt, per  
alvum secum ipso præcipitat. Scilliticum oxymel &  
gummi ammoniacum strenua urinam cientia, centi-  
pedas præparatas alcalico-nitrosa vi turgidas in pul-  
verem tritas, tineturam & sal volatile tartari & hu-  
jusmodi alia seligi, quin & jura columbæ turratilis  
viperea carne sars. & chin. succis radicibus, her-  
bis, floribus, seminibusque traumaticis obstructæ in-  
stituimus. Si adjunctus Celticus bubo retrocessisset,  
sublimatum dulce apprime conduceret; nam alcali  
seu rete illo metallico veneræ luis spicula frangun-  
tur. *Exerceto circa morbos duo* (est altera Græci  
Dictatoris parenensis) *ut juves aut non noceas. Ars*  
*ex tribus constat morbo, agroto, & Medico artis*  
*ministro: agroto cum Medico adversari morbo oportet,*  
saltem diætæ obtemperando, quam Medicus &  
pro Medico imperat Plato: *Diligentia victus corri-*  
*gendi & gubernandi sunt morbi prout enique datur*  
*otium; neque difficile infestumque malum pharmacis*  
*instigandum.* Ludovicus Cornelius nobilissimus Ve-  
netus austerum, egregium, & vita digno Principi  
imitandum diætæ reliquit exemplum. Ad rem qua-  
drat apte quod inquit Seneca: *Vir magnus ac pru-*  
*dens animum deducit a corpore, & multum cum me-*  
*liore & divina parte versatur, cum hæc querula ac*  
*fragili quantum necesse est.* Sed aurea prorsus sunt  
verba, quæ Sexti Cæsaris Præceptor subdit: *Quid*  
*porro? nil agere te credis si temperans ager sis? osten-*  
*des morbum posse superari vel certe sustineri. Est mi-*  
*hi crede virtuti etiam in lectulo locus.*

VIII. Hæc licet pauca atque immatura de venæ  
cavæ dilatatione mittere ad te volui, Morgagne  
præstantissime, ut tuum acquiram patrocinium. Hu-  
manitatis tuæ specimen præbe, & me dilige, & va-  
le ad artis nostræ incrementum.

XIII. Kal. Jul. MDCCXX. Cassæ.



ERUDITISSIMO VIRO ANTONIO COCCHIO  
Medico experientissimo Jo. Baptista Morga-  
gnus S. P. D.

Utinam is essem, Vir doctissime, quem tu pro singulari tua humanitate facile putas, ut triste tibi ac bonis omnibus consultissimi Lancisii desiderium meis possem responsis lenire. Haud equidem inficias iverim, me in quærendis per anatomen ut bonæ ita etiam adversæ valetudinis causis non levem ab ineunte ætate operam posuisse. Verum tamen hic noster mediocris usus neque est cum longa experientissimi Viri exercitatione comparandus, & si vel maxime esset, non ea tamen nobis incredibilis vis ingenii, non ea summa eruditio, non denique tot alia suppetunt, quæ ille ad habitas a se observationes in abditis retrusisque rebus vestigandis adjungebat. Quæ sane omnia siqua alia, certe a te proposita disquisitiono postulat atque adeo flagitat. Cavæ namque venæ penitissime latent, & cum dilatantur, eas facile affectiones vel antecessere vel ( quod tu egregie observasti ) subsequuntur, ut minime omnibus proclive judicem, ipsam illarum dilatationem aut in ægrotantibus per propria ac peculiaria signa internoscere, aut in denatis inter tot alia, quæ Anatomici oculos manusque morantur, vitia animadvertere.

Quamobrem factum esse existimo, ut quamvis morbus iste rarus non sit, perraræ tamen ejusdem observationes legantur: quæ cum præterea non ea diligentia, quæ opus esset, conscriptæ sint, vix nobis usui

esse possunt. Quo magis in tantis tenebris tuos, Vir eruditissime, præclaros conatus admiror atque commendo, authorque sum, ut observando meditandoque rem tam diu obscuram magis magisque illustrare pergas. Fructum sane capies istius operæ non contemnendum: cum enim homines plerique in gulam cæterisque voluptates multo sint brutis animantibus propensiores, magnisque præterea curis animique affectibus obnoxii; quas videlicet ob causas sanguifera vasorum multo, & erodente sanguine opplent, tum eodem sæpius remorante distendunt; neque tamen circum extremos venarum cavarum truncos tam validum circumvolutum habeant musculum, quam bruta nonnulla, in quibus rubicundi insignisque sphincteris instar esse observavi, nihil hercule facilius fieri videtur posse, quam ut trunci illi, ad quos quidem ( ut recte animadversum abs te est ) effectus crudisque adhuc, & crassioribus succis onustus sanguis appellit, in magnos haud raro varices dilatentur; quos si Medici persanare nequeant, at eos ut dignoscere saltem & diutius a ruptura per vulneraria medicamenta aptamque in primis victus rationem tueri possint, maximopere optandum est. Vides igitur, experientissime Cocchi, quantæ susceptum a te laborem utilitatis fore censeam, quantoque propterea opere a te petam, ut quod egregie incœpisti, præclare absolvas. Mihi sane quod me potissimum selegeris quicum tua ista optima studia communicares, gratissimum fuit. Idque ut intelligas, omni erga te officio omni tempore curabo. Vale & me quod facis ama. Datum Patavii postridie Kalend. Julias MDCCXX.

F I N I S.





# BARTHOLOMÆI BOSCHETTI DISSERTATIO

DE

SALIVATIONE MERCURIALI  
Phyfico-Medico-Mechanica.

AD LECTOREM.



Uolentiae meae, qualis sit, innotuit, primos Medicinæ Parentes, tot tantosque viros ad culmen artis evectos, indefessio contemplationis genio, & philosophandi instituto, illam Medicinæ partem, quæ ad hominis morbos profligandos, vitamque tuendam maxime conducit, phlebotomiam nimirum, & purgationem, ut universaliora magis, sedula diligentia, improboque labore adamussim illustrasse, & venixe addictos in universali corporum purganti, sicco pede salivationem transgisse, nihilque in hoc pulvere desudasse, licet fortassis salivatio in purgantium censu reposita magis universalis eluceat, jam quatuor circiter labuntur anni, quibus accuratis morborum observationibus in hac Sparta exornanda occupatus castra sequor celtica lue denatorum, quorum gratia luci publicæ exponere succinctum Salivationis specimen ante oculos mihi constitui. At circa hujus operis editionem diu dubitabundus hæsi, itidemque prono ad cursum impetui frenum injeci, quia *qui bene latuit, iuxta adagium, bene vixit*. Nunc tandem laxam dedi habenam, quamvis id felicitatis fastigium me attigisse minime opiner, ut opusculum meum ad palatum tuum delineasse crediderim, cum hoc nostro felici sæculo nobiliora extent ingenia, & uberiora nunc vivant, ut tot disciplinarum inventa in rerum abstruso latentium reperta, antiquorum mentibus incognita, huc usque in naturæ magnificentia latuisse, ut in posterorum industriam, & gloriam cederent: quorum coetus concordēs, quid curiosi, quid novi natura parit, aliorum oculis adhuc non animadversum, vario addiscendi studio incitati vitam per pericula non sufferendo labori commiserunt. Quid igitur divitiis alieno partis labore, & aliena industria repertis non fruimur? si nimia primi ævi ubertate defatigata natura nostris universum tradidisset Parentibus, antiqua nova rerum accessione illustrata, nuperisque experimentorum inventis suffulta non cernerentur. Quod ad meum dicendi, & philosophandi genium spectat, nemo mihi vitio vertat, si non adamussim hic omnia conscripserim, cum semitam fere nullis calcata vestigiis, nulloque afflante lumine pergere cogar, ubi novam mihi sterno viam; si igitur ab æquo deflectens semitam non agnoscam, cui trito insistere possim, comatus meos, quantum fas erit, in viam reducere defatigabor. Non ergo cum Seneca *sequor priores, facio; sed permitto mihi, & invenire aliquid, & mutare, & relinquere*. Quemadmodum enim extensis ventorum flatibus velis sublata temonis directione navis incerta via syrtes impingens, undisque obruta dehiscens casu salutis asylum offendit: ita mihi fortuito continget, si primis initiatus Medicinæ meandris, & ut homo in arte novus opellam hanc meam ad utilitatem ullam revocavero. Præclarum hoc opus ausus sum tentare, non ut exercitatis facem praeferrem, sed ut magis expertos Medicæ artis Heroas ad perficiendum hoc opus exemplo meo stimulare, & si alios excitavero ad salivæ morbos venandos, qui labores meos fugerunt, bene jacta erit alea, & frugem carpsisse, metamque attigisse mihi videbitur. Cæterum feliciora ingenia intima quæque, & abscondita scrutantia vident, ubi nobis non ultra progredi liceat. Non enim, inquit Cicero, *parum cognoscere, sed in parum cognito stulte, & diu perseverasse, stultum est*. Tu interim, Amice Lector, hæc habe, quæ si placuerint, lege, ut noster omnis non sit irritus labor; in quo si erravi, humanum scias esse labi. Vale, & me amare perge.



D E  
**SALIVATIONE.**

C A P U T I.

A R T I C U L U S I.

*De Saliva naturali.*



Uemcunque opinor libenti animo laturum, si ego ad salivationis historiam graphice pertractandam posthabitis tot eruditorum conatibus, & studio accurate pro virili perpendam, quibus hæc viribus innitatur, quibusve mediis illustretur, ut illa contrahatur industria, atque brevitate, ut non multum posse inutiliter impendere tempus, si ulteriori inquirendi labore sollicito nova forte mihi contigerit comprehendere experimenta, quicquid in hac mea disertatione poterit in dubio latere, ad eruendum accessita. Ea enim est rerum natura, hominumque peritorum fertilis industria, & inquirendi libido, ut argumenti ad historiam spectantis notitia in dies plus illustretur. Itaque ut augeatur ipsa, & eluceat historia, ( si forte unquam omnibus absoluta numeris futura sit ) necessarium, aut perquam utile judicavi naturalis salivæ artificium, ejusque morborum causas; qua fieri poterit diligentia mea, non inani, ut spe-ro conatu, ad trutinam prius revocare.

Inconsultius facere ratus sum, si proprietates, & salivæ usus constituerem, antequam ejusdem qualitates, & affectiones sub examen vocarem, quod ultimo allatum, ut concipiam modo, satis ducor enumerandas eas esse maxime generales affectiones coactionum, quæ ex diversis materiæ particulis in cujuscunque salivæ naturalia corpora abeunt. Atque ea propter operæ pretium fore existimo affectionum causas inquirere, antequam saliva ad ejusdem naturam solertius indagandam me alliciat.

Salivæ corpus itaque fluidum esse videtur eo in primis, quod consistat ex particulis, quæ dum se invicem in exiguis componentium corpusculorum superficieculis lubricis, atque levibus tangunt, inter se invicem reptatum promovent: hinc inde agitatae juxta suas superficies adeo voluntur, ut sui motus momento se diffundentes, aquæ ad instar libere quaquaversum ferantur. Et sane non negandum orbicularem molecularum figuram ad corporum fluiditatem plurimum conferre; Interim vero cæteræ dantur qualitates salivæ, quæ diversas particulas arguere videntur, varie admodum, & aliquando irregulariter figuratas, dummodo ingredientiæ partes in corpuscula satis exilia dividantur, atque ad eam levitatem, & volubilitatem redigantur, ut ob molem suam fluidorum corporum particulis liber inter se ipsas motus non intercipiatur; proindeque sint non tantum volubiles, sed actu motæ, ut corpus fluidum reddatur, non quidem solo aggregato talium corpusculorum, quæ spherica sunt, aut alia regulari forma prædita, verum sola duntaxat vehementi & varia particularum illud componentium agitatione. Quæ quoniam tactis corporibus adhærescunt, vel saltem partibus quibusdam turgent, quæ molecularum congruitate, ad particulatum, quos tangunt, corporum poros relata, firma adhæensione per superficiem corporis labentes humilitatem impingunt, fluidus, & humectans liquor dici merentur. Si vero notionem humiditatis hætenus explicatam sequamur, supererit adhuc unum quid, quod circa naturam fluiditatis nos instruit; id vero est discrimen, quod fluido corpori, & humectanti liquori intercedit, quæ cum in multis conveniunt, confundi perperam solent: cum omnis humectans liquor sit fluidus, non tamen quodve corpus fluidum humectet. Aer enim, æther, & ipsa flamma corpora fluida vocantur, atque nitrum fusionem passum verus liquor est, hæc tamen corpora ea, quæ tangunt non madefaciunt; ex hoc deduco salivam aqueis corpusculis hac illac motis abundare, quibus exterior corporum superficies guttulis ipsius liquidis irrorari tota conspicitur. Si externi aeris contactu partes exiguum salivæ corporum in novum motum cieantur, quo volubilia illa corpora reciprocam ipsorum adhæSIONem impedi-entia, in rariorem seriem disponantur, & in aliud adhæSIONis genus, & partium complicationem ob quandam viscositatem mutantur, ut in suarum superficierum

lateribus se invicem tangant, facile in tenues illas mem-branas, quas bullas appellamus, contextuntur; adeo ut per crebras evolutiones, quas aer inter eas invicem partes ciet, sibi mutuo ita applicentur, ut super suas invicem superficies labantur, tandemque ob superfici-erum congruitatem in arctiori partium contactu mox evanescant. Qua ratione numerosæ declinanter super-ficies salivæ in multitudine parvulorum in convexo sphaericorum, adeo contrahuntur in convexo plana aquæ superficie, ut superficiales earundem particulae mul-lis cavitatibus repletæ, aut sulcis divisæ plurimum lucis refrangant, ob quam radiorum lucis refractionem dia-phanæ apparent, in quas vicissim aere subtiliori, & ra-diis solis coniectis, pellucidum satis corpus deprehenditur. Verum quamvis minimæ hujusce liquoris particulae sibi invicem commisceantur: tamen aliorum corporum par-ticulas facile admittunt, & cum duobus, vel pluribus junctæ non refugiant misceri absque fluidæ molis incre-mento, inter ipsas parvula inania intercedent, adeo-que sub magna mole parva materies ita coalescit, ut corpus leve constituat. Præter aqueas partes leniter ju-xta se invicem labentes adsunt molecule in saliva vi-scidiusculæ, quæ in illius substantia natantes coitum, & unionem quasi moliantur: unde ob irregularem agi-lium illius partium vagationem hac illac incessanter dilabentium, & ob crassiusculas ejusdem moleculeas aliarum celerem, & intestinum motum ægre ferentes, si non compacti, lenti corporis saltem naturam æmu-lantur; & cum salium ramenta sint in aqueis molecu-lis ad minima soluta, & intime commixta, insipidi corporis succus saliva deprehenditur.

Saliva igitur cum sit corpus humido aqueum-tenuè pellucidum, lento-fluidum, insipidum distinguitur a pancreatis succo, qui humor tenuis aquæ fontanæ ad instar offenditur; cujus qualitates gustu perceptibiles juxta experimenta, & observationes Listeri, D. de Graaf, & Verheyenii falso-acidæ plerunque attingun-tur. Hinc differt pariter saliva a lymphâ, utpote hu-mor saliva tenuior, cum sit plane aquosus. Unde a salivæ commercio maxime excluditur crassum illud viscidumque liquorem, quod a tonsillis, vel tussien-do, vel screando exprimitur, quodque extra orbitam sanguinis secretum in cavitatibus glandularum, pa-lati, faucium, & narium abundantius accumulatur, ubi ab aeris perenni affluxu subtilioribus particulis, magisque mobilibus dicti humoris abreptis, crassior, magisque tenax portio relinquitur. Hic viscidus hu-mor in narium cavernulis interius obductis membra-na crassa vasculis sanguiferis densissime referta, plu-ribusque obstita glandulis jugiter transudat; delatus il-le per ramos arteriarum carotidum membranâ insertos ad glandulas omnes, a quibus cum recensita membra-na suos processus extendat ad os cribrosum, & cu-neiforme, atque illorum cavitates undique cingat, potest per cavitatem spænoidis in fauces descendere, & a glandulis in nares copiosius emitti; cum mem-brana, quæ nares obducit, crassior sit, magisque glan-dulosa, adeoque abundantiori humoris separationi ma-gis apta. Hujus mucis pars magis aquea confertim ex-tillat a punctis lacrymalibus, quorum ductus aperto orificio ad os turbinosum nasi exonerantur.

A R T I C U L U S II.

*De causa materiali salivæ.*

Cum igitur existimem salivam esse chyli liquorem, ingenue fater, quod dubito; at cum magis soli-cite opiner, ut majorem rationem reddam, cur mo-do non acquiescam in asserentibus a sero oriri salivam, nec in aliis docentibus a lymphâ; faciet illud fortas-sis ad hanc meam opinionem excusandam, si in viro-rum diversimode sentientium congressu liber detur phi-losophandi locus. Ut itaque libere loquar, quæ sen-tio, videtur mihi salivam generari potius a chylo, quam a sero, vel lymphâ succo chyloso restaurata. Quod fortasse elucet ex animalium duorum, vel trium dierum media, quo temporis spatio nullas salivalis affluxus in glandulas confluit, in sanguinem non irre-pente chyloso latice, non deficientibus interea in massa sanguinis, imo seroso aqueis plurimum auctis particulis. Quod si sanguis fame extinctorū spontanea analysi ocu-lis subiciatur, ostendet quidem partem gelatinoso nutri-tiam,



tiam, & fibrâ sanguinis in auras evolasse, & consumptam; sed aqueo-serosa pars in ratione quantitatis crassamento sanguinis quasi æqualis erit: quare multiplicata causa salivam fovente, in ductus glandularum confluat necesse esset salivæ humor, qui tamen in fame confectis, arescentibus glandularum folliculis omnino evanescit. Quippe serum sanguinis, & globuli sunt veteres, atque ægre dissipabiles humores, qui a principio vitæ sanguinem conficientes usque ad ultimum senium vix mutationem suscipiunt, humorum itaque materia non sunt attritæ ferri particule, & immutabilia fluida, sed sanguis chylo saturatus, qui simplici contactu sanguini commixtus universas glandularum, & viscerum lacunas alluens, sensim in vasa excretoria impellitur, & peculiaribus suis officinis accommodatur. Sanctioriana statica huic assertioni applicata, dum mensuram evacuationum exhibet, illam miris modis illustrat; inquit enim diligentissimus Sanctorius: *Non qualibet hora corpus eodem modo perspirat, quia ab absumpto cibo quinque horis circiter libram ex magna parte exhalare solet; a quinta ad duodecimam tres libras circiter: a duodecima ad decimam sextam vix libram.* Unde maximum chyli dispendium fit, cum totus chylus in sanguine recipitur, minima a duodecima ad decimam sextam, quia parum chyli remanet dissipandum; at hyberno tempore quoniam hebetatur transpiratio, adeoque insensibilis dissipatio chyli per poros cutis, augetur salivæ affluxus ad glandulas; igitur chylus est immediata causa salivæ. Nec dicatur cum Dimerbrokio, chylum virtute quadam peculiari cor ingressum subito, ac vehementer rarefieri, ut in eo instanti vertatur in sanguinem, cum chylus eo diu cum sanguine circumferatur, ita ut tandem sub eadem chyli forma extra sanguinis orbitam extrudatur. Chylus in sanguine recenter cibato diligenter a Listero observatus, & ad multos dies custoditus sero licet ab ipso pluries commixtus non potuit adherere, nec ut serum concrecere, sed tanquam oleum ex aqua emerit; *Sanguis inquit ex vena cujusdam viri missus ad libram, ex toto albus instar lactis inventus est, ad hebdomadas integer mansit, nec fractus ut lac, nec in superficie florem, aut membranam habuit, aut acridinem contraxit, tandem in ampulla vitrea diu servatus putredine resolutus est.* Sic in ansere saginato animadvertit Steno succum nutritium in orbe sanguinis diu permanere chylum. *In ansere autem ad plures dies largo pastu saginato super ejus sanguinem missum rubentem, & in fundo vitri concretum candidus chylus fluitabat absque ullo aquosi feri indicio.* Hæc auctor; unde chylus dum in orbe sanguinis toties, & ad tot horas circumfertur, sua integritate conservatur, donec tandem in salivam confectus transmitti possit. Deinde cogites velim cum Listero, quanta sit sanguinis in ictero cum flavo colore affinitas, id est serum, a quo alluentes humores bile infecti conficiuntur, tamen saliva nullo virore lutescens a naturali colore non deflectit; porro quæ ab aqueo-serosa sanguinis parte ad glandulas continuo ruentia, & rapide discurrentia facilius in uberes excretiones facefcunt, cum flavescente sero flavescent.

Verum enim vero ejusdem salivæ principia examinatus, nescio an fas mihi sit suspicionibus meis indulgere, ut cum aliqua certitudine gradus, & status salium determinentur; quod ut dubiis fiat satis, cum multo majorem deposcat experimentorum laborem, quam nunc mihi vacat, invitat me ad analyticam Chymicorum diligentiam per ignem salivæ principia eruendum, rimandam.

Hæc enim immissa retortæ vitreæ non ægre ostendet leni igne commota aquei vaporis prædominium, qui in auras per retortam ascendens, vel per alembicum expulsus, ab ignis calore diffusus, in fine vasis non coit, & insipido-aqueum liquorem pressius unitus exhibet: Aucto exinde igniculatorum gradu sequitur liquor tenuis, & magis spirituosus, qui est sal volatile in fluorem spiritus evehctum, & oleo volatili intime associatum, quod inertem, & viscidam massam in fundo vasis relinquit; ex cujus calce, ac lixivio sal fixum educitur, terrestrioribus remanentibus particulis, caput mortuum nuncupatis; ut inde si qualia in mixto miscibilia existunt, educeret ignis, saliva partibus aqueis magis saturata sulphureo-salinis, Sydenham opera Medica.

terreisque particulis tantum coalesceret, in qua aqueæ moleculæ super alias prædominio potiuntur, & minima salium ramenta, oleosa, & terrestria corpuscula æqualibus mutuo nisibus, licet quantitate, ac mole non æqualia, invicem irretiuntur.

Varii generis salium particulas continere salivam, acidas nimirum, salino-oleosas, insipidas deprehender, qui maturitate consilii, constanti probata experientia a veritatis scopo minime aberrat, dum investigandam solertius ipsius naturam sibi proponit cum clarissimo Nuchio ab observationibus naturam petente in cap. sialographiæ, post earundem levem inter se commotionem cum alkalinis, cum acidis, tum spirituosis liquoribus salivalem laticem associari percipiet.

Paulo vero examinata, atque perpenfa maxima illius dissolvendi vi duriorum quoque corporum compagem coalescat oportet activioribus salium principiis, salinis nimirum, sulphureis, urinosi, volatilibus, aquoso latice dilutis, quæ si Chymicis Paracelso, Ludovico de Comitibus, Helmontio, Basilio Valentino sit præstanda fides, comparantur liquori, alcha est, qui corpora in minima, seu prima entia resolvit, & ex eo liquore de universali menstruo participante, acidum, cui par in natura rerum difficile invenitur, solvens elicitur, quod licet insipidum videatur, mire penetrans ita contactu suo ferrum corrodit, massam triticeam fermentat, tincturam Heliotropii rubeo colore tingit: ut obvium sit concipere, salium quoque acidorum prædominium. Farina triticea cum aqua communi subacta in massam redigitur ponderosam, instar luti viscidam: saporis ingrati. Sin saliva inter subingendum adhibeatur, massa protinus effervescens mole intumescit. Salis enim, ac sulphurum portiones in farinæ massa subsidentes ita viscosa humiditate obruuntur, ut se invicem non exagitant. Dum vero acidæ salivæ particule in salia, ac sulphura impingunt, eadem in motum concitant: hinc aliæ ab aliorum motu exagitatae longa subactione totam massam pensitantes, partes terreo viscidas attenuant, & subtiliant, adeoque tumultuantes farinaceæ moleculæ incallescunt, & fermentationis motum suscipiunt.

At si compressis corporibus, & inertibus stimulum addit, summe mobilibus frantum imponit, eaque cohercet, ut in hydrargyro longe patet. Quotiescunque igitur salivæ spicula salina acina acidorum rigida, & acuta vi suæ gravitatis, & figuræ subeunt mercurii infinita interstitia, exorta a solidis exilibus, & partibus sphericis in puncto contactus se invicem attingentibus, earundem positionem, & in contactu directionis nisum diinvoent, atque cunei vim in sphaeroideas partes exercendo illas exacuant, fit ut pessundata globorum figura, & positione contactuum, diversæ resulent oblongæ, & ramosæ, ex quorum ad mutuos sui, arctosque amplexus dispositorum unione motus ipsius hydrargyri obtunditur, & in corpus veluti fixum resultat. Quod si permirum forte tibi videri possit, salivam cunei vim exercere in mercurii particulas, cogites velim ab earundem ramositate, & figura, moleculas sibi mutuo irretiri posse, ut difficillime sese extricare queant: quo a ratione minime alienus videbor, si hoc rite perpendens suspicabor, ob salinas salivæ moleculas opportuna sui interpositione mercurii partes in crassiora longe corpuscula redactas secundum latiores suarum superficierum portiones sese contingere, quæ tangentia corpuscula varie huc, illuc, hac, illac volutata ad totalem divisionem, aut divulsionem minus saltem, dum apta redduntur, post varios occurfus, & recursus, superficies ob latitudinem, & figurarum congruitatem ad cohæsionem mutuam uniuntur, quæ ubi semel hunc in modum cohæserint, majoris contactus secundum superficierum proportionem rationem habebunt; quorum coalescentium corpusculorum partes, cum a gravitate aeris premantur, urgeanturque, nec a vi ætheris intus ut prius agitentur, mutuo sibi adeo adherent, ut licet specificæ gravitatis proportionabiliter minores sint, ex grandioribus quidem ob molis suæ crassitudinem corpusculis constant, quibus major superficierum scabrities eas adeo adunat, ut totali divisioni resistent, donec intensior ignis, aut vehementior agitatio hanc mutuam partium cohæsionem dissolvat.

Quoniam saliva cum solutione mercurii sublimati, & Jovis mixta ceruleum colorem ad album tendentem



acquirat, ut idem prorsus efficit aqua fortis, inducitur clarissimus Balgivius, ut credat salivam continere in se sal nitro salinum universali analogum, quo potenter sublimati chrystallos penetrando eosdem fundit, ac exolvit: sed hic non definit actio salium salivali liquori inhærentium; nam non minus dissolvendo sulphura instat alkalium, quam in modum aquæ salia eliquando illum dices cum Taury, Helmontio, & chymicis menstruum universale, cum quibus si aliorum auctorum effata circa materialia principia salivæ in unum cudere fas sit, ex omni genere salium conflatum, quod intra reclusos corporum meatus, omniumque alimentorum poros coercitum, valeat omnes resistentias, & partium cohesionem tollere, quæ aquoso tantum menstruo reluctantur.

Statuto salino principio per stultorum æque, ac sapientum magistræ experientiam, tandem sapere disco & serio iterum cum Dolæo, Sylvio, Delbene, & aliis in saliva multum aquæ, parum spiritus volatilis, & minimum salis lixiviosi cum olei, spiritusque acidi tantillo mixti, temperatique considero, a quibus non discrepantibus Balgivio, & Guglielmini nitro-tartareas moleculas in recessu constitutas ulterius addo, ex quo licet plures salium particulae in salivali fluido innantes mixtura una cocant, salina tamen corpuscula ita intra semet complures exiguas aquæ particulas intercipiunt, ut proportio salium ad aquam sit minima, Hinc a varia utrinque corpusculorum allisione inter sese mutuo molant, atteruntque, ut in tam exiguas comminutæ particulas, in tam tenuia latera, angulosque adeo levi acumine donatos ab aqueis linguam humectantibus dissolutæ, ita agitari possunt, ut licet pluribus salibus refertæ ob summam exilitatem in ipsos organi poros insinuando sese angulorum acuminibus, membranofas partes juxta variam salinorum miscibilium figuram, & molem varie, leniterque titillent: Hæc enim mixtura a salibus diversi generis in aqueoferosis moleculis intime dissolutis conflata nullum saporem habet, ut intra nexus corpusculorum sapidorum excepta diversas saporum percipiendas sensationes gustus organo exhibeat, quo medio sapidorum demulcedine, suavisque saporis substantia oblitus, & asperioribus salibus collisus, mollis texturam, ingrati-que saporis impressionem comprehendit.

## ARTICULUS III.

### *De causa efficiente saliva.*

**I**N tenebris latitabant lymphæ ductus ob subtilitatem aciem oculorum eludentes, quousque benignioris auræ afflatu contigit. summo Anatomicorum Bartholino, adeo tam lynceo, ac manu adeo agili orbi erudito illos patefacere; at primo intuitu ignorata eorundem mechanica structura ob tenuem substantiam aranearum telas æmulantem, sancitum fuit, vehi lympham a corde, tanquam a centro per lymphaticos canales ad partium circumferentiam, cui errori quamplurimi innixi salivam emanare a rorifero quodam succo per lymphatica vasa ad glandulas trajecto, commenti sunt; sed Bilsi dogmate de hoc motu lymphæ a Ruyschio expulso, ipsique valvulas pertinacissime neganti ad oculos demonstrante, quæ ubique geminæ, & semilunares situ suo impediunt, ne lymphæ per eorum meatus ad glandulas excurrat, canuit hoc apud homines commentum. Anatomicorum diligentia per cultum adeo Anathomes culmen pertingit, ut insudandum non sit pensandi viarum ambages salivalium ductuum, cum hæc vasa cuicumque in Anathome initiato sese manifeste declarent. Fluit saliva a diversis glandulis, tanquam totidem rivulis in oris cavum, quæ indiscriminatim, & varie implantantur. Primi generis sunt glandulæ buccarum, & labiorum, quorum ductus excretorii intervenientibus fibrillis a membrana buccas succingente emanantibus arctius conglomerantur, quibus in superficie tunica compressis humor salivalis in os exprimitur. Addit his Steno sublinguales, ad utraque ligamenti latera linguæ sitas, quorum excretorii canales ab exiguis radicibus enascentes haud in truncum coalescunt, sed tractu parallelo a lingua versus gingivas tendentes ad digiti transversi fere a dentibus distantiam ostiis exilif-

simis in oris tunicam exonerantur; accuratior nihilominus Gasp. Barthol. investigatio ostendit, vasa hæc non a sublingualibus, sed ab aliis glandulis, illisque adstitis germinare; a sublingualibus vero ductus binos enasci, qui in ductum communem coalescentes prope ductus Vvartoniani ostium in os hiant. Hinc occurrunt palatinæ, quarum glandulosa productio mediantibus exilissimis, & innumeris excretoriis ductibus palati tunicam perforat, & quasi cribrosam reddit in postica parte palati occurrentibus. Accedunt tonsillæ in faucium extremitate sitæ, quarum sinus ex canaliculis minoribus coeuntes in os hiant, quibus annumerantur uvula, columella, & gurgulio. Quæ vero extra os, sunt parotides conglomeratæ circa auricularum radicem implantatæ, quarum excretoria ex pluribus glandulis, & ramusculis in unum coeuntia oblique descendunt, & osculo satis amplo prope labrum inferius terminantur. Adjungitur glandula maxillaris interna sita interius sub maxilla inferiori, cujus ductus musculos ossis hyoidis ingreditur, & definit prope dentes incisores inferiores inter gingivas. His subnectitur ductus salivalis a Nuchyo divulgatus, qui ex glandulis in orbita oculi ex pluribus furculis in unum truncum coalescentibus emergit, & non procul a Stenonis ductus ostio recte descendendo super os maxillare in os dehiscit. Infinitæ aliæ extant glandulæ in toto palato per compressionem conspicuæ, quas hic recensere operæ pretium non est.

Qua lege salivæ humor per recensita vasculorum excretoria in os eructetur, res est summa opinionum controversia exagitata, sed nondum fortasse juxta naturæ leges explicata. Ut res hæc secretionis dignitate amplissima, explicatuque difficillima a minus incerta hypothese sibi ex necessario ordine succedenti deducatur, animus est spectare oculis externam, internamque glandularum habitudinem, mihi que constitui occasionem ultro obvenientem arripere, ut illa saltem indicarem, quæ a peritis rerum Anatomicis intelliguntur, quæque earum existimatores explicantes, in glandularum structura penitus fidem meam extorquent. Ruyschius in prodromo suo thesauri Anatomici sexti opinatus est, cui consentit Heisterus cum Verheyenio, glandulam esse congeriem vasculorum, arteriarum, venarum, & nervorum inter se certo ordine circumvolutorum, cum ductu excretorio conflata, e quorum extremitatibus, lateribusque alia minima vasa ortum ducunt, quæ ita inter se implicantur, intexunturque, ut explicatis pluribus ramusculis in glandulosum corpus efformentur. Hæc vasa tandem infinitis revolutionibus invicem coalescunt, quæ secretoria nuncupavit, quæque omnia una cum nervo peculiari membrana induuntur, ut secundum positionem dictorum vasorum membrana ipsa accommodetur, ne vasa dimoveantur a debito situ ad humoris secretionem necessario. Dicta vasa secretoria in unum truncum coalescentia excretorium vas efformant. Diligentissimus enim Anatomicus docet illud esse mere vasculosum, quod glandulosum ab Anatomicis nuncupatur, tali experimento innixus, videlicet particulam corticalem cerebri accepit, quam postea capillo suspendit in aqua modice calida, digitis illam cerebri corticalem particulam sursum deorsumve dimovens, donec laxatis inter se vasculis conspicerentur filamentorum ad instar. Quapropter juxta Ruyschium glandulosum corpus nil aliud est, nisi vasculorum congeries, quorum ramorum series glandulæ fabricam indigitantium fuit clarissimo Stenonio ante Ruyschium indicata. Malpigijs vero in sua epistola ad societatem Anglicanam de glandularum structura differens statuit glandulas conglobatas vesiculares esse, annuens dictas glandulas cavitatem membranosam manifeste habere. Unde tam in humano corpore, quam in diversis brutorum corporibus periculum faciens, glandulosum corpus simplici membrana compingi testatur, intra cujus cavitatem ratis ad instar vasa sanguinea vagantur, quæ cum non parva nervorum ramificatione glandularum structuram efformante contorquentur, revolvunturque, a quibus vasculorum convolutionibus glandulæ cavitatem efformantibus aliorum canalium ramusculi hiant, ex quibus demum canaliculis apte in unicum spatium conflentibus deducit Malpigijs, glandulam nil aliud esse, quam



quam vesiculam quandam membranaceam, intra cuius cavitatem vasa sanguifera reticulari modo una cum nervis locantur. Vesicula hæc glandularis fibris carneis confita est, quæ postea horizontaliter ipsam penetrant, tandemque cum sanguiferis vasis, nervorumve filamentis amiciuntur, ut furculi varie contexti in debita crispatione, & necessario tono detineantur. Cavitatem in dictis glandulis vesicularibus præmissa prius harum partium maceratione se vidisse testatur ipse Malpigijs, & præcipue in glandulis præternaturaliter constitutis, quam plures vidit glutinoso humore, & interdum tartarea materia refertam; ex hoc statuit provenire diversum glandularum colorem, ex diverso humore in ipsis glandulosis cavitatibus stagnante, quod confirmat se secus vidisse in sanis corporibus, ac in cadaveribus præcipue hydrope correptis; inde diversitatem coloris in glandulis minime arguere diversam glandularum substantiam, sed ex humoris diversa natura in ipsis glandulis morantis potius oriri ratus est. Bellinus autem naturæ forsan exigente necessitate putavit, *formari glandulam posse, si a summo ramo arteriarum, vel etiam a quacunque parte ramorum aut trunci deducatur canaliculus non conicus, nec emittens ramos, sed cylindricus vel ad-volutus in spiram, vel plicatus in plicas, tum etiam neque intortus, nec plicatus, sed extensus, per quam, sive plicatus sit, & intortus, sive explicatus, & directus, sit ejusdem amplitudinis, & sine ramis, at demum abeat in canalem ampliorem cum vena continuum. Insuper influat per ejus longitudinem sanguis de more, & ex universa interna superficie canalidis originem ducant canaliculi alii hiantes in cavitatem ejusdem canalidis, quales ab interna superficie intestinorum originem ducunt venæ lacteæ hiantes in cavitatem eorundem; & quemadmodum hæc per totam longitudinem intestinorum feruntur ad exteriora, & intra intestinum per mesenterium ducantur, quo usque confluant omnes in unicum alveum lumbarem: Ita canaliculi illi hiantes in cavitatem arteriæ intortæ extra membranas ejus feruntur per pelliculam aliquam aquæ, & ipsa, & canalem, ex quo derivantur, apte liget, & sistat, & in communem aliquam cavitatem deducat.* Hoc glandularum artificium per Bellinum totum consistit in quodam textu arteriarum, qui circa singulas quæque glandulas admirabili revolutione sibi millies occurrenti invenitur, prodigioso quodam modo implicatum, & veluti reticulatum opus constituens, quod innumeris filamentis in modum retis consutum post infinitos fibrarum interfectionum occurfus in glandulas facessit.

Ego tandem opinarer cum Ruyschio, & Bellino, glandulas esse vasculorum complicationem, certo ordine dispositorum, quarum reticulares contextus sint plexus canalium sanguineum vehentium, sed ita coordinatorum, ut sanguis post superatis plexibus retiformis, antequam infinitis ramulis corpus glandulæ penetraret, dividatur in tenuissimos canaliculos, a quibus protuberant oscula fecernentia in ipsius glandulæ cavo hiantia, qui postea inflectuntur, & demum curvatura superata sese contorquentes in venarum ramulos facti majores abeunt. Fatcor enim circa glandularum structuram, earumque excretorium ductum non adeo datum esse labores impendi, & ita obscure petat culiro Anathomico via in dissecandis glandulis, ut minime negotio adiges, si cultris utaris; unde sciendi infortunio inter partes nostri corporis glandulæ tantum cultri Anathomici dexteritatem eludere videntur. Interim vero minime perterritus illarum præparationem mihi licuit maceratione cum diligentissimo rei Anatomicæ Amico, quasi ad finem usque rem perducere; at nec ipsa certioribus factis alicujus tincturæ immisione per vasa arteriosa obvium nobis fuit aliquid de earum structura percipere. Reposito autem pancreate in aqua per plures dies, illud maceravimus, postea deducta ipsius peculiari succingenti membrana, iterum in novam aquam reposuimus, quod tandem intra aquam agiavimus, & postea bacillo ligneo supra tabulam ipsam percussimus, donec intra aquam denuo agitatam perpulchre oculis exhibuerit tot filamenta varia contorta, quot obtutum effugere potuere. Simili ritu periculum fecimus de pancreate ascelli, nimirum de glandula illa magna,

quæ in mesenterii canini centro tantum reperitur. Hæc glandula elegantiori spectaculo sua innumera filamenta patefecit, non secus ac testium fibrillarum contorfiones, quapropter suspicatus glandulas compingi ex vasculorum congerie, a qua dicta filamenta ortum ducunt, instituta denuo glandularum Anathome ulterius indagando animus fuit, arteriæ progressum in corpore glanduloso expiscari, & per quantum datum fuit observare, arteria in plurimos ramulos scindebatur per totum glandulosum corpus simul cum nervo, qui majori largitate se expandebat in infinitos ramulos, donec oculorum aciem prorsus eluderet. Vena pari incessu vagabatur sicut & arteria, e cujus lateribus infiniti furculi exoriebantur, qui vario modo, & ordine invicem contorquebantur, donec amplius minime licuit observare, an dicta filamenta sint vasa distincta ab arteriis, & venis, an arteria ipsa degeneraverit in tot illa filamenta, quæ jucunda admiratione spectabantur. Attamen suspicor, facillime arteriam in filamenta degenerasse, ut penitus ab arteria ipsa in infinitos ramulos divisa illa filamenta tubulosa extenderetur, vel a lateribus vasis arteriosi profiscerentur, a quibus filamentis tot efformantur arteriolæ tam exigui diametri, & ita tenues, ut insipientes oculos effugiant. Igitur a vasis arteriosis filamenta illa, sive arteriolæ enascuntur, a quibus variis circumvolutionibus corpus glandulosum compingitur, nimirum arteria primo scinditur in plurimos ramusculos cum nervo comite, & vena, inde ab arteriosis ramulis filamenta illa minima protuberant, quæ post varias revolutiones in alia vasa minima degenerantia secretoria vasa efformant, e quorum inde coalitu commune secretorium fulcitur. At mirum est, quomodo filamenta locentur, quem ordinem servant in eorum circumvolutionibus, quo iungere nervus per dicta filamenta se explicet; decussantur enim invicem in suis flexionibus, & nervus semper arteriam comitatur in ingressum glandulosi corporis, & in primis arteriosis divisionibus ingreditur, ultra quam partium exilitatem minime licet oculo intueri.

De hujus filamentis vasculosi contemplatione, ut certior fierem, in arterias meseraicas per aliquot dies maceratas croceam tincturam injeci, & statim illa, quæ filamenta nuncupavi, flavo calore tingit conspiciantur, quod fieri non potuisse videtur, si filamenta illa ob arteriæ meseraicæ ramulos tinctura inflatos non flavescendo turgerent; ex qua eleganti meditatione fateri cogor filamenta illa ab arteriis enascentia totum quasi glandulosum corpus efformare. Hæc omnia fideliter observata Ruyschianis experimentis maxime conveniunt. Quantum ad ea, quæ spectant ad observata Malpigijs, timeo clarissimum virum in lapsum humanitatis incidisse, scilicet intra vesiculam membranaceam vasa retis ad instar locari quidem, annuentem; at id quod vesiculofum nuncupavit Malpigijs, membranam, vasa, & filamenta intelligerem; cavitatem vero & interstitia ab ipso Malpigio observata, suspicor ipsa glandularum inania præternaturaliter, seu morbose fuisse constituta; ex quo cum Pitcarnio deduco, inter arteriam evanescentem, & nascentem venam, nullum intercedere spatium, quod possit aut pro partium poris, aut pro glandula haberi, nec interjacet glandula media inter venam, arteriamque, orificiis, aut poris, figura diversis instructa: sed glandula illa secretionibus dicata, est pars eorum canalium, qui nervum, venam, arteriamque efformat; idcirco ab arteriarum ostioli oscula venarum protuberant cum arteriis continuata, quarum venarum furculi arteriæ flexu versus cor replicatè videntur.

Investigatis instrumentis, in quibus elaboratur animalium secretio, excogitandum est naturæ artificium, quo illa utitur, ut fecernibiles humores a sanguinis consortio extricentur. Steno salivæ a sanguine secretionem explicaturus, fingit venarum contractionem glandulis inhaerentium a nervis hac ratione datis, ut in constrictis venis sanguinis motu moram trahente serosior ejus pars in glandulas transcolaretur. At hanc mechanices disciplinam non curans, aut contemnens doctissimus vir curiosam investigationis ideam, nullæ tamen ni fallor demonstrationi innixam pensavit, cujus ingeniosissima opinio illis placuisse videtur,



tur, quibus explicandi ratio juxta mechanicæ leges non arrisit. Si attendatur cum Borello venam arteriæ comitem esse duplo majorem secundum diametri dimensionem, concipietur fieri oportere, ut a nervis non possint ita coarctari oscula venarum, ut evadant arteriarum diametro minora: unde influat necesse est, dato impetus momento sanguis per ora venarum non tanto obice restrictionis contrahente, ut retro urgeatur. Immo si arteria cum comite vena sit continuatus canal, ut demonstrant cum Picarnio ingeniosissimi Anathomici, fieri non posset, ut nervorum filamenta per venarum tunicam distributa continuatis fibrillis per arteriam non dispergantur (si septum aliquod inter finientem arteriam, & incipientem venam non intercedat, quod secet fibras arteriarum in longitudinem extensas) quibus brevioribus factis, & in contractione detinentibus venam, simul arteria constringitur, quo vel nulla fit secretio, vel minime hac ratione major.

Alii, ut facilius ineanant negotium, fermentum in glandulis intus hærens salivales humores elaborans somniarunt. Nomine fermenti hinc intelligitur motus intestinus particularum mixti, quæ propria vi motiva in motum concitæ, vel alterius corporis advenientis impetu rotatæ sese mire exagitant, ex quarum mutua turbinatione subtiles, & minus inertes sese quaquaversum explicant, quæque tamen a crassioribus implicitæ usque adeo detinentur, donec crassiores partes a subtiliorum nisi plurimum subactæ, singulæque ad gradum exaltationis evectæ dissolutionem, alterationem compleant. Hanc actionem fermentativam clarissimi viri modicus defendunt in glandulis operantem, & ut facilius in tutam semitam incederent, cuicunque glandulæ peculiarem liquorem ingentium assignant, qui in animali primo nascente in diversas glandulas fertur, insitæque vi ratione suæ congruentiæ jugiter in iisdem glandulis permanens sanguinis partes per has glandularum angustias delatas confestim immutat in suæ indolis fluidum; quam opinionem convellere oportet, atque aliam in re rationem, si theoricam secretionis per se nobilem, & philatris necessariam ab objectis conjecturis, sædæque hypotheseos inconstantia vindicare exoptamus. Actio fermentativa si in homine detur, potest quidem motu illo intestino, remota particularum coherencia, mutatisque gradibus nisuum diversum coherendi modum producere in mixtis, partiumque heterogenearum unionem dissolvere, ita ut corporum minima componentia non nisi in simplici contactu se tangant; attamen hoc pacto fluidorum subactæ particulae, ut deserant contactum aliarum molecularum, quæ secernendæ non sunt, ut in unum coeant, (cum in fluidorum natura non ita facilis cogitanda sit attractio, ac electrica vis) nova causa diversa a succo fermentativo requiritur, quæ esse non potest, nisi determinatus impetus sanguinis, & gravitas specifica fluidorum cum solidorum viribus, & connisu proportionata, a quorum mutua vigoratione ab invicem rotatæ particulae separari possunt. Non exigui sunt momenti, quæ Borellus de motu animalium contra hanc fermentativam secretionem adducit. Quoniam sanguinis moles non coalescit ex indivisibilibus, sed moleculis quantis figura diversis, oportet, ut ex intestino mixti motu & vertiginosis motionibus agitata, atque contrariis rotationibus concussæ ebulliant, rarefiant moleculæ ipsius mixti, utque loco cedant advenientibus particulis, & motu contrario rotatæ accurrant ad replenda loca ab exeuntibus relicta, qui vertiginosi motus ebullitionis, commotionis, & expansionis in fluidis fieri nequeunt, nisi aliæ particulae super alias excurrant, quod certe natura, licet subtiliter agat, in minimis, & subtilissimis arteriolarum filamentis in circinos glandulosos convolutis, fieri non posse videtur. Quare absonum est sub rapido, & celeri motu, quo sanguinis massa per fistulas glandulosas propellitur, ejusdem moleculas ab insito glandularum fermento subreptas ebullire, atque rarefcere.

Concesso hoc fermento urget Mechanicorum decus Bellini. Si unaquæque solutio fieret per peculiare fermentum suum, hoc ipsum fermentum vel repararetur ab aliquo liquido animalis, vel non: si ab ali-

quo liquido, cum a se ipso reparari non potest, indigeat oportet alio fermento, & hoc ipsum altero usque in infinitum: si vero non reparatur ab aliquo fluido, erit igitur insitum momento generationis in aura seminali contentum, quod cum per totum vitæ spatium absumi non potest, erit per illud tempus ingenerabile, incorruptibile; sed alteretur fermentum glandulis peculiare, uti in læsis secretionibus sæpe videre est, cum a se ipso in naturale fermentum restitui non possit, ab alio reparandum erit, & hoc ipsum ab alio reficiendum: Ecce infinitas fermentorum. Si vero per totum vitæ spatium alterari non potest, antequam moriatur animal, nunquam vitabitur perluentium humorum secretio, quorum immutabilitatem observatio practica redarguit.

Verum qui hanc de fermentis hypothesin amplexi sunt, ultra quod in circulationem sanguinis blaterant, cum ab insito glandularum liquore sanguis præterfluens aliam induat naturam, coguntur re ipsa profiteri, corpora fluida in contactum nitentia, sibi que coherencia in alium abire compositum non posse, nisi muretur partium se invicem involventium coherendi modus, ut a primo contactu removeantur, vel in prima positione oblique vel perpendiculariter posita per directiones suorum motuum non sistantur, ex quibus demum fit, ut (nisi in contactum determinati gradus, & determinata positione particularum in lineis suarum directionum plurimum mutata) dicendum sit, coherenciam primam eorum corporum in aliam coherenciam a prioris coherencis vi diversam abiisse: Nam eorum directiones sunt ab invicem variatæ, nec ipsa corpora persistunt ad contactum in ipsum primo nitentia, non solum per lineas motus, eodem modo, ac primo ad invicem positas urgentia. Quoties igitur liquidum immutandum erit in aliud liquidum, fermentum, ut coherencis vis mutetur, debet directionum motus, & nisus in contactum imminuere, vel augere, nec poterunt partes coherentes momentum suæ coherencis mutare, nisi præsto sit corpus fermenti, quod intime sese partibus in contactum nitentibus, & inter se coherentibus immiscendo, easdem a linea suæ directionis, a gradibus nisum in contactum urgentibus, atque a contactu primo dimoveat, ut in majorem, aut validiorem quocunque modo diversam coherenciam illas urgeat; quod cum requiratur admixtio fermenti in particulas fluidi, per illa vascula se rapiens, nisi determinetur a diversis solidorum, & pressionum momentis a circumpositis fibrillis in motum constitutis, fermentatæ moleculæ eodem directionis motu in glandulas sisti, itaut in ipsas particulas allidens mutuo cum impetu facultas non sit major illarum momento, non poterunt licet in fermenti naturam mutatæ in glandulis sequestrari.

Quod si sufficiant solidorum impulsus, & diversæ circumpositarum fibrillarum pressiones, ut coherencis particularum occurrentium mutantur, qui sit, ut tanquam necessarium constituatur ad animalium separationes fermentum? sufficere autem ad coherenciam partium removendam suadet facultas illa, qua mutuo invicem coherens miscibilia, quæ licet contrahens cordis impulsui, solidorum oscillis, fibrarum circumprimimentum connisu, cum tamen sit minor illorum momento, non poterit in eadem positione, & contactu fluidi corpuscula detinere.

Utevidentius ratio mechanica pateat, qua coherencis mutationi, & contactus remotioni facultatem illam contrahentem ab iisdem superari ostenditur, inquirenda est causa illius resistentiæ, quæ a corde superatur, cujus vis motiva musculi cordis juxta celeberrimi viri Borelli calculum, cum superet suo momento resistentiam totius sanguinis arteriarum, & fasciarum earundem dilatationem impediens, non solum major est vi ponderis 18000. librarum, sed ejus absoluta vis musculum constringens, in quo a fibris cordis quasi ad mutuum contactum devenientibus compressa fluida ad minima dividuntur, atterunturque, ad totalem vim, qua sanguis in arteriis expulsionem resistit, eandem proportionem habet, quam unitas ad sexaginta; cujus demonstrationis calculus, licet non evidenti demonstratione ostendatur: tamen si mensurentur resistentiarum aggregata, quæ sanguis patitur, dum



fluit per angustissima capillamenta gracilescuntium canalium, in quibus nulla fere pars contenti liquidi est, quæ non perveniat ad usque contactum superficie canalium, quæque per brevissimum canalium vectem dimovetur cum majori resistantia, quæ crescit, tum quia liquidum fluens per angustiores canales plures contactus invenit, cum, ut constat ex Geometricis, superficies minoris canalium major sit, quam superficies majoris pro ratione molium, tum quia sanguis fertur per mille flexiones varias canalium, qui illic texuntur in rete, hinc in spiram circumvoluti incurvantur, mirisque modis implicantur, in quorum singulis flexionibus novam semper patitur resistantiam, exerat cor oportet tot vires in singulis contractionibus suis, quot sufficiunt ad superandum insignem resistantiarum cumulum, quæ cum iisdem arteriis contrahentibus sanguini a vi cordis superentur, dum sanguis per exilitatem, & ramificationem vasculorum supra omnes resistantias a cordis contractione truditur, facilius me allicio, quanquam tædii, ac laboris impatiens, magis diligentia, atque aliorum industria, quam mea instructus, ad internam cordis fabricam perpendendam, quod perinde est, ac naturam, & vires causarum, quæ ventriculorum contractionem præducunt, ad examen revocare: in quorum constrictionibus cum actio cordis tota consistat, sufficiat ventriculorum nisus considerare, qui, dum contrahuntur, sanguinem eorum constrictione prementes, partem eorum motus ipsi communicant, ob quam impressionis, & motus communicationem sanguis movetur, urgeturque in circulum. Impressionis igitur motus integris cordis viribus debetur, quæ ventriculorum viribus separatim sumptis debent esse æquales: ut ventriculi sinistri vires, ni fallor, ut inquit M. Forin in Bibliotheca Anglica Gallico idiomate conscripta, vim ponderis novem librarum æquant, illæ dexteri sex; igitur integræ cordis vires minores non erunt vi ponderis 15. m librarum; igitur sanguis, licet non propellatur, & urgeatur a vi juxta Borellianum calculum determinata, movebitur tamen a vi 15. libras æquante, qua pressionibus cordis subjicitur, & a vivido fibrarum suarum elatere ad partes propellitur.

At quoniam cordis vis, quæ determinata est, nequit impetum illum sanguini imprimere, quo ipse sanguis superare omnino possit tot implicatorum vasculorum resistantias, per quas canalium circumvolutiones perpetuo fluit, refluitque, nisi præsto essent aliæ facultates motrices, quæ novum supra fluidas particulas momentum exercerent. Proinde in cordis subsidium omnes fibræ ut parvi vectes systaltico motu, & pressionibus liquida in gyrum pellunt, & ulterius urgent; ab hoc igitur tum solidorum tum fluidorum impulsu, & connisu poterit cohesionis vis immutari, aut nisus particularum in cohesionem nitentium plane tolli, etsi non admittatur imaginarium, atque commentitium chymicorum fermentum.

Verum quam dubio, & infirmo fundamento innitatur quisquis fermentis hisce suffultus secretionis opificium enucleare satagit, concipitur a sanguine in motum agi ulla fermentatione non posse. Quod autem sanguis a fermentatione non moveatur, ex eo evincitur, quod spiritus ardentes in distillatione non exhibet, acres quidem, & urinosos, sed oleosos, atque ardentes omnino nullos. A solo itaque ætis elatere, & spirituum animalium irradiatione cor excitatum in circulem motum cum pulsu arteriarum sanguinem exprimit: at non intestino motu ebullitionis, & effervescentiæ illum exagitat, si nomine ebullitionis non intelligimus motum illum, quo sanguis ab axe ad latera, a parietibus allisus ad axem vasorum repellitur, ut fusque deque in vertiginem agatur, quæ sane ejus incallescencia, atque ebullitio, si intra vasculorum ductus ob fermentationem excitaretur, ab incisa vena protinus emicaret. Quod si sulphur inesse aliquod sanguini innuas, ut unum ejus fermentationis principium, cujus particulæ sulphureæ indefinenter in corde accensæ totius vitæ nostræ curriculo effervescencias renouent, utque in tenuissimum spiritum dissolutæ cum aliis liquoribus exaltentur, aliqua febrili inflammatione, ubi sanguis ex toto accenditur, enormiter exaltatæ, immo ab ista conflagra-

tione in undequaque gliscentem flammam adactæ, si per biduum pabulum nutritium huic flammæ deficeret, cum quod semel fermentavit, fermentationis motum non ineat amplius, deberent sponte quiescere, quod cum non contigat, dubietatem fermentorum prorsus demonstrat, & eorundem utilitatem pulchre convellit.

Explosa ut minus rationi consona fermentorum hypothese in medium producta, nec illa vetus scholarum sententia, qua glandulæ per facultatem attrahentem secretiores a sanguine promovent, vel per electricam vim humores sparant, admitti potest per saniorum philosophandi rationem; nam sanguis a partibus non attrahitur, sed vi cordis contractili, & vasorum resilitione compressus ad partes propellitur.

Pitcarnius vero, cui nec chymicorum fermentum, nec mechanicorum cribrum arrisit, sed mechanica magis, & Geometriæ nuper recepta conformior explicandi ratio, secernendum liquorem a sanguinis consortio, hac arte contra cribratores directam determinatam in glandulis exposcentes figuram expedire conatur, quæ fere tota in hoc sita videtur, quod si fluidum vi impetus gravitatem ipsius fluidi superans in cavitatem tubi adigatur elastici, & facile cedentis, orificium ipsius tubi in circulum abeat: cum impetus fluidi æquali vi per lineas longitudinis tubi, & ad latera ipsius perpendiculares expellat parietes ad æqualia undique a dato axis puncto intervalla, quæ æquale impetus momentum sustinendo paria evadunt. *Si fluidum magna vi, hoc est fluidi gravitatem multum superante in cavitatem tubi adigatur, manifesta ratione evincitur, & multiplici experientia confirmatur, motui tubi in longitudinem conjungi semper impetum in tubi latera perpendicularem, qui ipsa ab axe motus undique nititur extrorsum propellere, idque vi æquali: quia nulla fingi potest ratio, quare major esse versus unas partes, minor versus alias, nisi quæ a parium fluidi gravitate peteretur, quam nullius momenti assumpsimus præ magnitudine alterius vis fluidum impellentis; & si latera sint flexilia, elastica, & facile cedentia, tum fieri non potest, quin effectus suos consequatur impetus, expellatque latera ad æqualia undique a dato axis puncto intervalla, eaque tanta longitudinis, ut diductorum laterum tensio, & elasticitas, subsistendo impetus momentum, jam pares evaserint; quo casu quam primum induisset figuram tubus, & postmodum in aliam mutabitur, cujus sectiones omnes ad axem perpendiculares necessario erunt circuli majoris vel minoris diametri, pro majori, vel minori fluidi impetu, laterumque majori, vel minore flexilitate in diversis tubi locis. Tales vero flexiles tubi sunt vasa corporis animalis universa, per quæ cordis machina fluida omnia propellit ea vi, quæ propulsorum gravitatem longe superat.* Hæc Pitcarnius. Cum igitur sphaera sola sit inter figuras solidas, quæ datum orificium pertransit quolibet situ ad illud delata, & solus circulus sit inter figuras planas, qui admittit cujusunque figuræ corpus, dummodo diameter corporis non sit major diametro circuli, deducit, fluida, quæ separanda sunt, nullam deposcere figuram sibi propriam, & constantem, cum glandulæ circulares ex se cuicunque figuræ secernendæ accommodentur, dummodo vires cordis impellentes ad occursum suum orificii ad cohesionem partium fluentium tollat. Expendamus modo ingeniosissimum quidem tanti viri ratiocinium. Quoniam impetus fluidi in aliqua cavitare contenti, ad hoc ut ab ipsa axe æquali vi undique nitatur extrorsum propellere tubi latera, exigit, ut motus fluidi, quo impellitur per longitudinem tubi, æquet impetum ad tubi latera perpendicularem, qui impetus ab axe ad parietes tubi perpendiculis æqualis esse non poterit motui tubi in longitudinem, quotiescunque motui fluidi in longitudinem opponuntur, & hiant ductus aperti (quos Pitcarnius in demonstratione non supposuit) qui fluido concepta vi in cavitatem tubi adacto egressum cedant, sit, ut dempta plenitudine, & totali inflatione ipsius tubi, impetus fluidi ad latera nitentis eludant; ex quo colligitur in glandulis nullum fieri a sanguine impetum, ut diducantur latera earundem in circulum æquali motus rectæ vel obliquæ directionis momento. Cum fluidum in cavitatem glandula-



rum propulsum transeat per diametrum orificii non majorem diametro canalis excretorii, non erit majoris molis, quam quod poterit per ductus illos eliminari. Verum licet corpus glandulae, ejusque orificium ex tunicis distractilibus, & facile cedentibus fibris coalescat, ut possit, si ceteris datis, in circulum abire: Nihilo tamen minus si ductus excretorii oscula non conniveant, aut obliterentur, glandula non migrabit in sphaeram, cum pressio liquidorum ad latera minor sit quam eorundem nifus recta incedens, nec sanguinis impetus infringatur ab hiantibus ductuum excretoriorum oris in glandularum corpore fixis, ut illius imminuta rectae directionis velocitate ad parietes augeatur impetus, non fiet, ut aequali nifu diductilia latera undequaque premantur a fecernendo liquido, quod sese prius ejaculate conatur lineae rectae ad perpendiculum per tuborum oscula aperta, antequam ab axe ad angulos rectos momentum in glandulae parietes aequale exerceat. Igitur ab impetu sanguinis ipsius gravitatem superante nulla in glandulis figura sphaerica evincitur. Ut autem in dubium non revocetur ostensio propositionis, sufficit aciem intendere oscula glandularum hiare, nec hiare solum postquam fluidum fecit impetum, sed hiare ipso momento temporis quo fluidum impellit. Hinc licet nifus villorum osculi glandulosi nullo contrapondio impeditus sit continuus ad contractionem, & nisi extendatur a fluidis currentibus, aut in eo contentis, ob pressionem cujuscunque liquidi ad contactum suarum fibrarum carnearum excurrentium perpetuo ad contractionem tendat: tamen fluidorum motus omnino directus a perpetua solidorum oscillatione, dum urgendo extendit fibras cavitatis glandulosae, & in illas aequale momentum impulsione exierit, quia aequales resistentias non invenit, in fibras minus contrahentes, quae sunt illae orificii glandulosi, primo in eadem propagatur ejusdem impetus, qui cum in illas propagari non possit, nisi dilatetur diameter osculi, fit ut simul, & semel ab eodem urgente fluido extendatur cavitas glandulae, & excretorii ductus osculum, antequam diductilia latera eodem nifu urgeantur, quae cum premi non possint ab eodem impetu, primo aperiatur excretorii ductus orificium; & licet non aperiatur ipso momento temporis quo fluidum impellit, aperiatur saltem, antequam colligatur ille impetus in parietes, qui illos in circulum abire cogat. Partes minus resistentes esse fibras orificii excretorii in cavitate glandulosa, ex eo patet, quod non solum a minimis fluidi guttulis, cunei vires gerentibus, & sese insinuantibus inter spatia orificii nullo fibrarum nexu firmata, ab illarum pressione ita urgentur, ut sustinere illam percussione non possint: sed etiam quia opposita, & se invicem agentia latera orificii nullis fasciarum fibrillis, ut ceterae cavitatis glandulosae fibrae, irretiuntur, quae pluribus fibrarum ordinibus, & fasciculis compinguntur.

Urget tamen Pitcarnius, si corpus recipiendum sit orificio minus, & intra illud possit accommodari, adeo ut omnes sectiones per plana orificio parallela sint minores orificio dato, tum non hoc solum corpus, sed infinita alia cujuscunque figura orificium illud poterunt subire; & quamvis maximam corporis sectionem similem ponamus, & aequalem figurae orificii dati, quia tamen diversissima corpora eandem secta nanciscuntur figuram, per idem orificium diversissima poterunt transire corpora, sive per idem vas fecernens diversissime derivari secretiones. At nonne sagacissimus Auctor exclusis quibuscunque determinatis figuris sphaeram admittit? & tamen secretiones plures, & longe diversas per idem orificium celebrari non sinit. Sic inquit: *Per idem orificium circulare transit non tantum sphaera, cujus sectiones similes sunt aequales circulo orificii, sed conus & cylindrus super aequali basi, & per idem orificium transibit, & pyramis, & prisma, & conus, quorum sectiones maxime per plana orificio parallela sunt triangula aequalia, & similia triangulo datum orificium comprehendenti.* Ex quo deduco cum annularis cylindrus solus sit inter figuras, quae admittit cujuscunque figurae corpus quomodocunque situm, modo corporis maxima diameter non sit major diametro annularis cylindri, multo plurimas, & longe

maximas necessario fieri fatendum erit, quam si glandula determinatae figurae admitteretur, quod est contra artificium subtilissimi Pitcarnii. Unde licet conus, & cylindrus in aequali basi per sphaeram possit transire, non transibit tamen fortasse, si simplici contactu in ceteras particulas non nitatur, & in minima divisus ut ad secretionis opus requisita velocitate polleat.

Quoniam minima solida diversimode inter se complicata, & motu intestino agglomerata fluidum constituunt, haec ipsa juxta molem, gravitatem, figuram & cohaesionis momentum vibrationem suscipiunt. Si v. gr. supponamus in eodem fluido particulas corporeas non omnino dissociatas, sed concatenatas inter se, sive propter varias figuras sese mutuis amplexibus tenentes, sive quia anguli unius corpusculi inter cavitates alterius insinuat non possunt libere vagari, ita ut concipi debeant veluti vectes, qui ab una parte impelluntur a premente, ex altera retardantur a resistentia, quae contrario nifu resistit impulsui ipsius prementis, tunc quidem particulae illae in spatio fluido actione contraria adhaesionis retardatae, prementis viribus impulsae impetus a premente impressos successive retardant; & hoc pendet ex lentore, quo colliguntur praedicta corpora, atque resistentibus viribus, quae imminuendo vim ipsius prementis particulas a contactu non dimovent, & praedictas machinulas a secretionem divertunt. Quia vero corpus ictum suscipiens pro diversa situatione ejus diversimode impulsui illato resistit, fit ut actio percussiva varietur pro diversitate resistentiae a situs variatione procreata; & haec est secunda causa, a qua impetus energia ipsius percutientis, & resistentia corporis diversificatur.

Si postea impetus graduum impressorum inaequalibus corporibus ab eodem corpore percutiente, & ejusdem viribus mensurentur, erunt quidem eorum velocitates quodammodo proportionales magnitudinibus corporum impulsorum: sed corpora illa inaequalia, quae impelluntur ab aequalibus viribus motivis inaequali velocitate movebuntur, & velocitates illae duorum corporum inaequalium eandem proportionem habebunt, quam unum corpus habet ad aliud in ratione gravitatis, & molis. Hinc evidens est, cum corpus fluidum varie contextum diversisque particulis combinatum transferatur a virtute communicata, & propagata a projiciente, dum modo per medium fluidi ab impulsu fertur, modo revolvitur horizontali vertigine circa suum centrum, modo particulae centrifugae excurrunt contra directionem motus ejusdem fluidi, non posse aequaliter impelli, ut aequales sustineant impetus, sed longe diversas minimorum solidorum solutiones subire, ut in plurimis particulis sit minima divisum, alias simplici tangens contactu revolvatur; & haec est prior ratio, quae ope determinati motus secretionis leges observat; sed ajunt canalis omnis suo liquido plenus cum contrahatur a facultate posita ad contactum laterum omnium nitente intra contentum liquidum, exercent sua momenta in canales animalium villis circularibus in superficie eorundem canalium dispositis, contextos, qui villi circulares aequae distantes canalium orificiis contrahuntur per illam ipsam aream circuli, ad cujus circumferentiam ponuntur, erunt non solum momentorum aequalium, sed series globorum liquida componentium, dum per canalia fluunt, cum aequo nifu villos canalium contractiles impellant, & in ejusmodi circuli diametros aequaliter nitantur, canaliculi illi in conicos, aut cylindricos abibunt, quorum coni, aut cylindri in circinos circumvoluti erunt glandulae circularis diametri. At licet momenta facultatum contrahentium canales omnes in genere sint aequalia, seu villi contractiles aequae crassi, & dispositi per veram circumferentiam circulorum in fluidum aequae nitantur, & liquida solum aequae premant, incredibile est, quantum haec communiter admissa in prodigiosis glandularum productionibus a veritate distent. Artificium naturae, quo illa utitur ad glandulas producendas subtiliori fortasse mechanica fulcitur.

In summis arteriis protractio cylindrica glandularum inflexa in spiram, & intexta in reticulare opus est filamentorum glomer, quae flexionibus variis, in

quas



quas hi iidem rami veniunt, per corpora glandularum implicantur in textus inexplicabiles, eorundemque spiræ ob inexplicabilem illam diversitatem positionum innumerabilibus ramorum ramis ad usque ultimas, qui universam arteriarum ramificationem texentem glandulas constituunt, invicem decussantur, implicanturque in mille anfractus ita rotatæ arteriolæ, ut filum earundem, quod successive glandulæ advolvitur, non veniat in eundem locum cum filo jam advoluto, sed ipsum fecerit in decussim. In hac apta superimpositione filamentorum, & spiris arteriolarum ad se invicem inde decussim positis, atque diversimode se secantibus mirabili artificio villi contractiles advoluti superficiem in mutuum contactum nitentes contrahuntur premendo in puncto contactus superficiem canaliculi inferioris conici, aut cylindrici; Ex horum mutua canalium positione, & nisu directione fit, ut cum momentum, & pressio superincumbentis vasculi non sit minus momento inferioris resistentis, superficies vasculorum conica, aut cylindrica quasi in planam decussatam abire cogatur, adeoque fit ut eorundem villi contracti per planam, ut notum est ex Geometricis, tangentialia planum immixtarii glandularum non constituent verum circulare orificium, tam affabre contextum, ut tota glandula in arteriolarum ramis evadat in figuram exacte sphericam.

Recensita aliorum sententia, & sphericarum figurarum in glandulis necessitate, eaque in dubium revocata, nullas tamen æquabiles, & constantes inter pororum diversitates, vasorumque orientium in animalis contextu ajo esse figuras. Orificia glandularum non solum majoris, vel minoris diametri ratione inter se differre, sed figuris diversis ita efformari, & compingi, ut a diversa fluidorum pressione, a diverso solidorum renisu possint ita distrahi, ita comprimari, restringi, dilatari, convelli, ut si non omnes figuras æmulentur, saltem cuicumque figuræ accedant; quapropter fas sit dicere in separatione fluidorum aliquam proportionem filtri cum fluidis requiri, & vires cordis propellentes cum aliqua ad orificia glandularum pressione, quæ superent ad occursum osculorum cohesionem partium fluentium, quod expeditur determinata sanguinis velocitate, quibus omnibus mechanicorum diffidia dirimuntur, ita ut nec cum Borello, & Poristis, nec cum Pitcarnio integrum litigium habeatur.

Quoniam sanguinem componunt minimæ solidorum moleculæ diversimode inter se contextæ, certique miscibilibus præditæ, ideoque nexu, ac gravitate distinctæ, ab eadem vi cordis impressa minima illa fluidi componentia diversum velocitatis gradum, ut superius ostendimus, suscipiant oportet, quo fit ut a concepto impetu ex fibris contractilibus cordis, vasorumque compressione sanguinis moleculæ, mutatis positionum directionibus, vel arcto corporum contactu relicto per arteriarum conicæ, vel cylindricæ canalicula fluant, & per ipsa ad glandulas salivales delatæ, dummodo diameter maxima particularum fluidi separabilis non sit major diametro orificii, in obvia glandularum oscula separabuntur. Exigunt tamen, ut sint in minimam divisæ juxta Borellum, Pitcarnium, & nuper virum maxime doctum Michielotum, quæ non tenaci nexu, sed simplici contactu uniantur, ita ut una quælibet earum possit agitari, fluere, circumvolvi, aliter motis lateralibus, alioque modo salvari non posset facilitas illa, qua fluidi partes leviter coherentes, & non determinato impetu allisæ superare possunt orificiorum resistentias, & inter diductos poros sese intrudere; quarum solutiores partes ab axe arteriarum per latera vasorum discurrentes, & non separandas partes simplici contactu tangentes, si arterioli occurrerint glandularum latera nitendo oblique contranitentia, ipsarumque molecularum impetus non erit minor orificiorum viribus, nec major, ut tempus, licet indefinite parvum habeat (ad liquorem enim in aliqua glandula separandum sejunctionis tempus, licet indefinite parvum, requiritur) in orificia vasorum impingent, & in hiantia oscula intrudentur.

Quodcumque fluidum in arteriis præexistens a sanguine separandum ab ipso fluido abscedere non poterit in ductus glandularum secretorios, si sanguinis

fluentis velocitas ad ipsas glandulas talis, ac tantæ momenti non erit, ut possit glutinamentis associatas moleculas dividere, & partium implicatarum nexum laxare, atque imminuere. Mutuis nisibus igitur sanguinis rotatis particulis, & vertiginosis motionibus agitatæ a variis pressionis, & lationis momenti fiet, ut sanguinis solutæ moleculæ modo a pressione fluidorum ad latera vasorum impingentes, modo a lateribus repulsæ per axem revolvantur: hinc a tergo superveniente impetu propulsæ, eundem semper directionis nisum, & impetus gradus habere non poterunt. Ubi autem canaliculum arteriosum conicum, aut cylindricum Bellini plicatum in plicas, vel in longitudinem extensum, fluidum separandum impingent, atque sufficienter vasorum orificia impellendo extendet, apertis osculis applicabitur.

Quod autem quæcumque sanguinis velocitas velocissime currentis, aut pigre arterias transfluentis non sit sufficiens ad separationem, non modo se dilatantibus, verum se contrahentibus vasculis, ea ducor ratione, quod corpora diversæ gravitatis vi æquali pressionis impulsæ sæpissime velocitates, atque directiones inter se diversas suscipiunt, & conservant. Sic observo, dum globulos plumbeos, vel grana frumenti diversæ gravitatis, ac molis manu projicio, licet gravibus motus imprimatur æqualis quantum ad projicientis vires, in eis tamen velocitatem, & impetum primum non conservari, sed alia recta incedunt, alia oblique vagantur, alia velocius moveri, alia tardius cursu rapi prospiciuntur, servata tamen eorum velocitate reciproce proportionali magnitudinibus, & gravitati corporum impulsorum. Hinc sicut impetus projicientis diffunditur in allata corpora, & communicatur projectis; ita eadem in diversis gravitate, ac mole sanguinis moleculis ratione imminuitur, vel augetur. Sanguis igitur cum non uniformis sit, sed constet ex particulis diversimode figuratis, (corpus enim fluidum, simulque continuo fluens, licet in omni puncto diversibile, componitur ex particulis terminatis, & quantis) & quanquam infinite parvis, & divisis, tamen mole, figura, & partium cohesionem diversis, ut dubitandum non sit, plures fluidorum proprietates, ac naturas pendere a diverso coherendi modo, a structura, configuratione, ac motu molecularum sanguinem componentium; ita ut particulæ aquam componentes hac ratione similes inter se sint, atque diversæ ab eis, quæ oleum componunt; harum infinita miscibilia partium parvitate maxima pollentia diverso gradu velocitatis instructa, & diverso nisu, & causis in projectis corporibus impellentibus æquali impetu inæqualiter operantibus glandulas alluunt, quorum velocitatis momenta debent commensurari corpusculis sanguinis gravitate diversis, & inæqualiter ictui cordis, & solidorum osculis resistentibus.

Sanguinis igitur moleculæ per axem arteriarum fluentes illas partes resistentes non offendunt, quibus allabentes vasorum latera occurrunt. Arteriæ tunica quarta interior tenuissima fibrillis in longum protensis villos annulares tunicæ præcedentis ad rectos angulos secantibus, contextitur; Hujus fibrillæ non possunt ita concatenari, ut internam superficiem scabram, & parietes vasorum inæqualiter lævigatos non constituent; adeoque sanguis particulis collateralibus retentus non poterit excurrere, & extricari, quin miris in modis per planam horizontalia, vel inclinata variis ictibus flectatur, indeque circumvolutus minimarum asperitatum confricationibus ita impeditur, ut ictus illatus particulis sanguinis in latera nitentibus a corde, & impellentium corporum impressa velocitas ratione contactus excurrentis projecti impetum retardantis debilitetur; quod evincitur non solum in liquidis fluentibus extra animalium canalia, sed etiam in liquidis per ipsa animalium vascula fluentibus, quæ dum fluunt per canales in lineam, quæ maxime dirigit a canalium superficie, majori velocitate rapiuntur, quam si fluunt per lineam, quæ magis accedit ad eandem superficiem, in qua plures adesse possunt causæ, per quas eadem liquida inæqualibus moribus agitantur in partibus suis. Ex hac inæquali agitatione fit, ut eadem partes sanguinis nunquam semper stantur ad contactum, & in aliam lineam abeuntes mutant positionem in coa-



in centrīs suis, excitanturque proinde non solum in diversam motus directionem, sed deflectentes a laterum contactu majori momento agantur. Unde inæqualitas illa momentorum a positiones seriei globorum liquida constituentium confurgit, ex quo fit, ut eadem partes nunquam certo loco fistantur ad certum semper contactum; ob quam motus inæqualitatem, positionem variam, & vim liquidum perductum ad immixtum, si ita dispositum sit, ut partes ejus anteriores in latera truantur, nitetur quaquaversum in superficiem ejus internam, & in ipsum emissarium incidet oblique, & separabitur.

Sint ulterius particule corporeæ aliæ coherentes, aliæ sese tangentes ut acervus arenæ, ( si lubet mere fluidum cum fluidis, & humidis comparare ) quæ diversis resistendi modis vim impulsivam projicientis a tergo urgentis imminuunt, eamque retardant. Resistencia quæ primis infertur, pendet ex glutinosi fibræ, quibus implicantur prædicta corpora, atque vis divisioni resistens est illa, quæ retardationem infert velocitati ipsius projecti; posteriores vero si sint talis figuræ, ac lævitatæ, ut possit una earum inter alias excurrere, & contorqueri, tunc quidem propulsæ insinuantur inter alia, & exercentes actionem cunei in alias particulas resistentes insinuantur, quæ non solum impetum projecti retardare non possunt, sed resistentias particularum superius expositarum continenter imminuunt: Fit igitur retardatio tardius, aut citius, prout plures resistendi modi in sanguine concurrunt, quæ resistencia constat ex innumeris peculiaribus retardatiunculis una post alteram confectis, a quibus omnibus contraria reactione, ac repulso, vis, & energia, ictus, & impetus enervatur.

Ex hoc diu perpendens cum doctissimo viro Michielloto, quod ut fluidum separetur, debet esse divisum in partes, quæ non habeant rationem majoris inæqualitatis ad minimam osculorum orificii diametrum, & quod hæc partium divisiones se in puncto contactus tangentium oriantur ex mutua fluidorum collisione, se invicem atterentium, & compressivo solidorum conatu, colligo, quod hæc partium solutio debet imminui imminuta fluidorum attritione, & solidorum nisu, & cum hæc omnia debilitentur, vel augeantur debilitato, vel aucto motu, patet in debilitato motu, vel aucto imminui, vel augeri liquidorum secretiones: igitur non quæcunque velocitas ad quancunque naturalem separationem fluidorum, sed determinata requiritur.

Corpora insuper, quæ separanda sunt, non solum nitantur invicem in aliorum contactum, sed ipsa se contangant cum nisu, ut repugnent remotioni ab eodem contactu; cum illa determinata positione contactus persistent corpora in eadem cohesionis vi, quorum corporum coherentium directiones a mutua obliqua, vel in directum posita, aut perpendiculari situatione non avertentur, quousque illa corpora eodem nisu in contactum, eodemque directionis momento in eandem positionem nitentia, in eadem cohesione persistent. Mutatis igitur gradibus nisu, & variatis positionibus directionum, atque corporibus a contactu cum nisu urgente remotis, non solum mutabitur directio nisu, & gradus motuum, verum cohesionis vis plurimum mutabitur, cujus simplex in contactu coherendi modus necessarius est ad perficiendum artificium secretionis. Machina aut hujus operationis a mutuo nisu in contactum coherentes fluidi moleculas removens, & impedimenta illa arripiens, ob quæ in canalibus a separatione prohibentur, est impulsus liquidorum in solida, & solidorum nisu, & renisu in fluida, ex quibus omnibus fit denum in textibus reticularium arteriarum sanguinis solutio maxima, ob quam colligatæ particule ab eadem cohesione ita divelluntur, ut sanguis, superatis plexibus retiformis, non solum conservata solutione, quam subit intra cordis ventriculos, & pulmones per totam canalium longitudinem, vasculorum ambagem, & contorsiones ad usque plexus retiformes, verum eadem solutione in eisdem plexibus plurimum aucta glandulas facile ingrediantur.

Cum autem mutua particularum cohesionis vis, & unio a parietibus cordis allisa, pulmonum pres-

sione concussa, & solidorum viribus, & oscilli, diffractis vinculis in minutissimas moleculas dividatur, poterunt mutuis contactibus diversæ particule uniri, & varia filtra pro diversa indole, ac modificatione, quam situs, positura, ordo, & particularum combinatio permittit, separari; unde cum cor semper eodem gradu nisu, & solida quæque non nitantur in fluida, cohesio illarum partium ob diversum impetus momentum excurrentibus miscilibus impressum ab occurrentibus resistentiis plurimum modificabitur, a quibus simul sumptis immediate dependet sanguinis solutio major, vel minor. Hinc si minuetur solidorum impetus, & vires, augebitur nisu partium in contactum, unde sanguis non solum in eadem cohesione persistet, verum in majorem, & validiorem unionem promovebitur, & hoc subito fiet, si vis illa, qua coherent partes, sit momenti majoris, quam momentum solidorum atterentium. Posita autem cohesionis vi, & plurimum promota, cum ad separationem requiratur simplex cohesionis contactus, evidens est, vel nullam, vel tenuem admodum fieri secretionem. Ex hoc deducitur, ad quancunque separationem non sufficere quancunque sanguinis velocitatem: quia potest dari ille gradus velocitatis in sanguine, qui non solum sufficiat ad particularum cohesionem divellendam, verum talis gradus nisu, qui easdem in contactus majores cogat, quo simul velocitatis gradu retardato validior sanguinis coherencia promovetur.

Cum igitur, ut ostendit insignis Bellini proposit. 20. de motu cordis, facultates contrahentes moventur, canales figuram mutant ea ratione, quam secum fert proportio velocitatum, quibus eadem facultates intra canalem moventur, & proportio illa velocitatum pendet a momentis, quibus facultates instructæ sunt, & cum momenta in canalibus pendeant a crassitie villorum, a quibus facultates illæ constituuntur, facile intelligis, quo momento contractionis opus est ad hujusmodi velocitatem acquirendam in hac, aut illa arteriarum parte, quo inde addisces, qua crassitie villorum opus fuerit, ut tale habeatur contractionis momentum, quod cum determinetur a diversa villorum crassitie, non solum inæqualis habebitur directio motus, tum solutio sanguinis major, vel minor, sed tum figura in glandulis plurimum mutabitur ea ratione, quam secum fert proportio velocitatum fluidorum, & positio solidorum, eorundemque contorsio, & resistentia. Quapropter sanguis cum juxta majorem, vel minorem divisionem ortam a connisu solidorum & reactione fluidorum particulas conglutinatas dissociante, & inertes atterente, majori, vel minori in glandulas impingat velocitate, fit ut diverso gradu velocitatis instructus per varia viscerum filtra præterfluens congruis vasorum separantium orificiis fluidorum impetum recipientibus apponatur; hinc inde a pressione particularum a tergo urgentium impulsus in dispersis viscerum glandulis substantias deponit; & quoniam ab impetu primo sanguini a corde impresso, ejusdem molecularum velocitas, atque solutio debilitatur non solum a proportionali arteriarum afferentium, & venarum deferentium resistentia, verum occursum resistentium varietate, nimirum ab arteriæ spiræ, & cono, a mole corporum fluentium, pondere, & elatere comprimantium impeditur, promoveturque; ideo per totas animalis lacunas, & viscera sagax natura disposuit filtra, ut diffluentium molecularum impetum, & diversas fluidorum solutiones sibi proportionales recipient. Hinc quancunque sanguinis glandulas percurrentis velocitatem ad secretionem animalium sufficere redargunt partes secernendæ, quæ debent esse actu divisæ in minima, ut se tangant simplici contactu: repugnat enim sanguinis separandas moleculas esse actu divisas, & simplici se tangere contactu, nisi admittatur illa velocitas, qua conglutinatæ partes dissociantur, quæ debet esse directe quodammodo proportionalis illarum cohesioni.

Quis inquam est mentis tam præjudicatæ, quod quotidie non videat ab accelerata, vel imminuta sanguinis velocitate accelerati, vel imminui liquidorum separationem? si quæcunque sanguinis velocitas ad quancunque humorum separationem sufficeret si-



ne ulla prorsus figuræ diversitate, explicari non posse videtur, quomodo producatür icterus absque filtri separantis injuria, quem sane vidit Sylyius cap. de Ictero a spiritu volatili, potuque generosiori absque ductus biliarii obstructione productum. Bilis enim a spirituum copia in fluorem nimis evecta ob sui motus accelerationem in acinis hepatis glandulosis minime coercita, ad vascula majoris resistentiæ, & sui motus impulsui proportionali defertur, in quorum conis, & spiris retuso impetu, & corporum elatere comprimantium imminuta motus acceleratione ad cutanea loculamenta inficienda sibi viam sternit.

Sic quando sanguis præter rationem tardius currit, tardius quoque procedit evacuatio. In puerperis observante, Balgivo, superveniente febre ardente lochiorum fluxus supprimitur, eodemque febris incendio lac evanescit in mammis, reditque remisso calore febris. Igitur cum Pitcarnio, & laudato Michiello a Borello, & cribratoribus Mechanicis glandularum officia datæ figuræ corpus tantum recipientia admittentibus dissentior, quoniam omnis glandula ex tunicis contractilibus, & distractilibus, & facile cedentibus machinulis coalescit: quibus non sufficientibus requiruntur mutati velocitatis gradus, acceleratæ, vel retardatæ percussione impetus, qui a corde sanguinis miscilibus impressus, juxta molecularum ad motum resistentiam, quæ a corporum cohesione, vel gravitate dependet, augetur, vel imminuitur. Attamen quid curiosi, quid mirabilis natura parit in crassis, tenuibusque liquidis separandis solcite inquirentes ingeniosissimi viri ultimam in hac re mechanicam eruere non potuerunt. Nec mirum si in re tam ardua, tam difficili in dubium manebit, ut Lucretius, quod latet; Ultimæ enim rerum differentiæ ob datorum defectum ad Mechanicæ doctrinæ leges, methodosque adduci nequeunt.

#### A R T I C U L U S IV.

##### *De usu saliva.*

SI nulli rei destinaretur salivalis latex ab arterioso sanguine per glandulas in os, & œsophagum eructatus, inanis foret naturæ lusus glandularum illa productio a tota cavitate palati erumpentium: quapropter cognitæ salivæ ductibus, & opificio secretionis perpenso, usus ejusdem in œconomia animali eruendus est. Qui enim glandularum discernendæ salivæ, maxillarium nempe, parotidum, tonsillarum, tyroidearum, buccarum, palatarum, & œsophagæarum numerum, e quibus maximâ salivæ copia continuo separatur, serio perpenderit, atque ab eis in ventriculum indefinenter exonerari serio considerans, plurimum momenti esse salivalem humorem a provida natura multis usibus destinatum, animadvertet. Hic enim triturationem alimentorum in ore faciliat, eorundem deglutitionem promover, sapidam a cibis tincturam elicit, quæ sensus gustus determinatus, fauces, & œsophagum humectat, sitim nimiam compefcit, ad vocis prolationem aptiorem reddit linguam, ab ejusdem cum alimentis in ventriculo admixtione inchoatur eorundem dissolutio ad chyli elaborationem ordinata.

Salivale menstruum quosdam a veritate alienos in tantam sui admirationem rapuit, ut solvens mineralibus inde sibi promiserint, & materiam universam, in ipso tamen deliramento decepti, quærirarent; horum quamvis figmentis minime subscribam, activitatem tamen illius laticis evincit elicitus sapor ex alimentis momento tantillum in ore volutatis, cujus miscella eorundem liquefactio, atque dissolutio inchoatur. Dum cibus incisoribus, & caninis diffringitur, in minutas partes subdividitur, qui molaribus commissus, & hinc inde motu linguæ jactatus, undequaque ab effluente saliva irrigatur. Mirari quis desinat, separationem salium tunc contingere, qui ab aqueis salivæ particulis eliquati vi suæ gravitatis, & penetrationis vim cunei exercentes in membranam nervorum apices obducentem, papillarumque cupulas efformantem pluribus foraminulis perviam impingunt, & motu linguæ vario undique impulsu, aerisque vi

elastica perpendiculariter, & lateraliter rotati in nervas linguæ papillas adiguntur, quarum siphunculi linguæ implantati, & apice suo erecti angustissimis osculis occurrunt salibus, qui in nervorum furculis intimius illapsi, aut per organum gustatricis potentiæ confestim repentes cuspidulis suis ita titillant, certumque motum directionibus suis nervis gustatoriis imprimunt, ut modo constringendo, modo laxando, modo pungendo determinata undulatione afficiantur in nervis contenti spiritus, de quibus moribus anima compos ideam suavis, vel ingrati saporis efformat. Hic salivæ actio non desinit, sed ut per continuam dentium collisionem, mutuamque attritionem chyli rudimenta evolvantur, opus erat menstruo aqueo salino, quod per contractionem musculorum temporalium, & massacterum potissimum in actu masticationis, compressis glandulis, jugiter in os conflueret, quousque salinis moleculis plurimo aere referretis, & gravitate nativis subeundo alimentorum vincula, eorundem nexus, cohærentesque particulas vi sui elateris exagitando, cum partium intra alimenti poros coercitarum exclusionem commodius alimentum ipsum macerare, ac subigere posset.

Cibus ita permixtus, & attenuatus versus fauces protuditur, & prius ore clauso per constricta labia ope labiorum sphincteris, de arctato oris cavo actione buccinatorum, & zygomaticorum, tumque simul motum cibi urgentibus basioglossis, & ceratoglossis una expresso succo lubrica linguæ, & palati, juvante ipsius figura, & superficie, fertur cibus usque ad linguæ radicem, ubi appulsus irritando convellit musculos geniohyoideos, mylochoydoideos, & stylohyoideos, a quorum vi attollitur radix linguæ, larynx, & os hyoides; harum elevatione impulsus cibus epiglottidem deprimit. Hinc relaxato œsophagi sphinctere a musculis genioglossis, & geniohyoideis ope myloglossorum, & styloglossorum truditur cibus in gulam apertam, contractisque fibris tunicæ œsophagi muscularibus oblique decurrentibus ad principium ventriculi usque promovetur. Illapso cibo in ventriculum a liquore salivæ simili, docente Malpighio posth. 28. ex alimentorum distensione, & compressionem tunicæ glandulosæ ex pluribus ramusculis elicit, motus intestinus massæ conciliatur, ut facilius liquefcere, dissolvi, ac subigi possit a fibris muscularibus, aliarumque tunicarum ventriculi atritione, & pressione, quorum auxilio, & diaphragmatis cum musculis abdominis inchoatæ ingestorum solutiones, ambientium viscerum calore fovente intimius comminutæ quasi in partes ultimæ compositionis resolvuntur. Vel si Listerum audiamus, ut saliva intra alimentorum inania coercita virtute septica expeditius alimenta in chylum resolvat, a cujus acri adurenti, & putrescenti natura concoctu difficilia putrescunt, & macerantur.

Sed non solum saliva variæ naturæ cibos ob salinam quam habet substantiam, vim cunei exerens, omnes penetrando digerit, incidit, ac solvit, verum perenni hoc fluore irrigatæ ventriculi tunicæ ejusdem salibus in contractionis motum validiorem excitantur, qua ratione in debito tono cum plicarum crispatione, ad facilius expediendam triturationem, detinentur. Perenni hoc salivali liquore humectantur fauces, interiora oris, & œsophagum, madore laxantur, irrigaturque lingua, ut assiduo motu vocum exsucca ne reddatur, alias rigida facta cum faucibus arefcntibus, motus flexibilitatis jacturam facientibus anilis trachææ, vocem ederet difficilem, ac raucam; non irrigatis enim fistulæ pulmonaris salivali humore fibrillis, aer hinc illinc ab anulis non leviter concutitur, sed in latera illorum impulsus fortiter repercutitur; quod non aliunde videtur fieri, nisi quod rigidæ fibræ asperæ arteriæ, dum vi percussione aeris aliquatenus e loco suo distractæ conantur sese restituere, aeri rigidum tremorem imprimunt, adeoque raucus vocis resonat sonus.

Quamquam, si gustui credendum, insipidus humor videatur saliva, contrarium inculcat Galeni experimentum, scilicet scorpionem jejuni hominis spuito bis, terve aspersum protinus interire. *Saliva hominis inquit Aerius tract. primo serm. XI. reptilium venatorum generi maxime contraria est. Ego enim ci-*



*Vra omnem incantationem ex solo jejuni sputo scorpionum percutem vidi. Omnibus hominibus inest venenum, feruntque illos salivam, ut ferventis aquae contactum fugere, quod si in fauces penetraverit, etiam mori: idque maxime humani jejuni oris. Plinius lib. 7. & tamen omnibus contra serpentes inest venenum, feruntque istus saliva, ut ferventis aquae fugere contactum: At intelligenda est jejuni hominis saliva, quae utpote acrioribus salibus referta, veluti aquae ferventis contactus, serpentes fugat; inflictum quoque a serpente vulnus, si confestim saliva illiniveris, non lethaliter saeviet, sed cohibitum venenum, nec ulterius diffusum sponte evanescet: Hinc Lucanus lib. 9.*

*Nam primum tacta designat membra saliva,*

*Quae cohibet virus, retinetque in vulnere pestem.*

Venatores serpentum, ut Aldrovandus de insectis lib. 1. statim ac illos cepere, saliva confricant, cuius contactu praesente Marco Aurelio Severino de Vipera non tantum vilescit violentia veneni, sed si in os illorum diductum expuas, saliva in eorum ventrem delata tantae feritatis illis est, ut sensim contabescant. Hac ratione nimirum partibus suis salinis confricatae curantur lichenae. Saliva hominis jejuni est medicamentosa; etenim in saliva adest virtus absterfiva in ulcusculis, licet minori gradu, quam quae sit in sarcoticis. *Levis papula, ait C. Celsus, si quotidie jejuna saliva defricetur, sanescit.* Saliva cancerum mammarum ob suas subtiles attenuantes moleculas discutere valet, ut docet Paulus Ammanus Med. Critic. & ratione alkali acido herpeti contrario addit Schenckhius herpetem curari. Salivam robur afferre infantibus, inquit Matthiolus in 2. lib. Dioscoridis. Pusulas Crato, scrophulas Hildanus salivam resolvere promittunt; & si animus esset mihi referre, quae apud Auctores perlegi, quos reor, aut decipitu faciles, in quorum re alii decipiuntur, aut denique vanae gloriae, atque ostentationis nativa hominum indole affectantes, in multo grandiore admirationem facili negotio rem tumefacere possem. Veram sollicitus fui, non plures narrationes conscribere, quas vel invicta mea ad credendum innata tarditate assensum meum extorquere non sensi, quae nondum exploratae non videntur iis probabiliores, quam quae irritae jam deprehensae fuerunt. Quaeque hujusmodi salivae experimenta scrophulas, nodos gallicos, cancerum mammarum resolvers, nusquam reperire dentur, praeterquam in quorundam auctorum vana jactantia, tumentibus libris, atque promissis, ut quisque, ni fallor, experientis deprehendet, quam parum eventus sui conatus laboribus, & illorum assertionibus responderint.

~~~~~

D E

SALIVA, ET SALIVATIONE

Præter naturam.

C A P U T II.

A R T I C U L U S I.

De Vitio salivae in quantitate.

HActenus salivae humanae natura, secretionem, & usum, qua licuit perspicuitate, investigato: proximum nunc est, ut ejusdem statum morbosum solertius excutiamus.

Quando a naturali crasi, & molecularum nexu defleat saliva, humani corporis harmoniam subripens, alienis imbuta particulis, morbosisque infecta miscilibus, a naturali statu recedit, majori, quam pars est, labe sanguinem afficit, cujus varia constitutione fluidorum partibus varie labefactatis chronicorum, acutorumque affectuum luctuosus saepe panditur numerus. Ut igitur horum morborum idea certior, atque clarior percipiatur, a re longius non erit, vitium in aucta quantitate brevius exponere, quod ad investigandos exactius ipsius morbos, plurimum conferre videtur.

Peccat saliva in quantitate, quotiescunque subtrahitur sanguini nutritio pabulo, perenni fluoris ad salivales glandulas appulsu, confestim e ductibus effluens in ore undequaque exundat: cujus effluxus jugiter profluens nullo gravium symptomatum comitatu, nullaque saporum malitia conjunctus ptyalismus vocatur.

Si alimentum succi gastrici inertia, laxa tunicarum contractione, viscerumque circumpressionem ruditer in ventriculo elaboratur, non evolutis sulphureo-balsamicis particulis in chylum aquosum nimis facessit: qui in sanguinem delatus, & per omnes cavos fibrarum tubulos cum sanguine circumductus (cum seroso-aquosa ejusdem moleculae a solidorum impulsu ad fibrillas appelli coactae, ex defectu gelatinosae portionis nutritione indigis partibus non apponantur) necesse est, ut aqueis particulis turgidus ad superiora trajectus in glandulas salivales transcoleatur. Quae laticis separatio, cum intra ipsas glandulas subsistere non possit, a pressione particularum confestim succedentium, & jugiter ad glandulas confluentium, retroque urgentium in os indefinenter derivetur.

Porro mirum est, si orificia, ac tubuli glandularum diametro gaudeant juxta ampliori, una cum tumore jugularibus venis incumbente in colli lateribus, reprimente sanguinis refluxum, quantum secretionis penum adaugeant. Haec pororum compages dilatata, ac tubulorum vitiosa amplitudo a laxa fibrillarum cohaerentia exorta, salium nisu, & machinarum terebratione a proprio termino recedentium ita distenditur, ut dehiscantibus glandularum osculis a stimulo solidis inhaerente irritativo, & salium cuneis tuborum villos vellicantibus perperam labascant. Harum minimi fibrarum fasciculi ad ampliora spatia redacti, si impetus sanguinis augeatur, & a conflente humoris copia novi distensis tubulis edantur impulsus, vel si salium spicula stimuli vires exerceant, ab invicem divelluntur, ut conatibus salinorum cuneorum discissis fibrillis cum suo connisus momento non valeant superare fluidorum impetum, ab impellentibus liquidi moleculis in nimia distractione coercentur tubuli, & ordinatarum partium mechanismus fatiscet, atque exesis vasculis pene destruetur. Unde denegato in glandulas spirituum animalium effluxu, illae symmetria, tonoque partium attritae, nec naturali tensione, debitoque elatere munitae turgentibus particulis aqueo chylosi ad glandulas appulsis minime valent contrahiti, sanguinisque impulsui resistere nequeunt, undequaque non irrumpat salivialis humor, & depluat. Hoc in flaccescentibus glandularum fibris ab infartu, & pressione nervorum cum largiori affluentis salivae copia, atque in aegris in utroque latere paralyti affectis, saepe videre est.

In scorbutica diathesi maxime calidiori, quoniam ob salinas in fluorem evectas particulas, quicquid inest sanguini, est acerrimum, tenue, atque urens, sanguis non potius est novum chylum sibi assimilare; ideoque quia colliquari cogit ac fundi quicquid in fluxum agitur, partes chyli gelatinosae in orbem sanguinis circumductae a salium cuneis nimium solvuntur, adeoque suo naturali lentore destitutae libere vagantes per corpus sanguinis continuo fluxu per glandulas salivales excernuntur. Prae nimia hac salium, & acridinum copia glandularum diametrum distendente, non tantum faburra veteris effecti, & inutilis chyli, verum etiam novi, & oleosi major portio in ipsas glandulas continuo depluit. Irritatis enim villis nervorum, tenduntur capillares arteriolae, unde fit major fluidorum appulsus, quae dum in distractiles vasorum tunicas impetus faciunt, ex earundem distractione restitutis villis vigoratur renisus in contenta fluida, quo fit, ut aqueo-serosa portio per validiorem sanguinis motum ad glandulas uberius delata, a solidorum pressione, & fibrarum oscillatione magis commota, in pervia glandularum ostiola irrumpat, & abundantior salivae excitet affluxum. Hic exprobranda est sputatorum connata consuetudo, qui solo expuendi libidine alliciti, ut vilis faecibus cunctis excrementum continenter salivam effundunt; quo spuendi conatu, & perpetua musculorum contractio-

ne it.

ne irritatæ, & compressæ glandulæ sollicitantur jugiter ad novam, & uberiores urgentur excretionem.

Causæ externæ, quæ quantitatem salivæ adaugent, in sex rebus non naturalibus deprehenduntur. Aer enim ut frigidus particulis nitro salinis segnius rotatis, nec satis evolutis plurimis refertus poros cutis premendo effluviis corporis insensilem transpirationem inhibet. Ut humidus aqueis moleculis turgescens lentescens sanguinis solutionem, laxando fibras imminuit, ut inde aquosa portione sanguinis adaucta urinæ, & alvi excretio, & non raro largior salivæ effluxus promoveatur, ut Sanctorius animadvertit: *Aer externus per arterias in profundum corporis penetrans potest reddere corpus levius, & gravior: levius si tenuis, & calidus; gravior si crassus, & humidus.* Cibi admodum aquosi, somnus, & quies naturalia excedentes stadia, excretiones aliarum partium imminutæ humoralem massam inficientes, hisce accedentibus animi mœore, & timore diuturno coctionis opus labefactante, ut affectiones cum motu fluidorum momenti minoris conjunctæ, & constrictivæ vasorum influxum, & liquidorum attenuationem hebetantes, salivæ materiem accumulare videntur.

Cum igitur in sensuum omnium silentio, & torpore cum membrorum illa concidentia, quæ somnus vocatur, necesse sit in decubitu horizontalis situs, ut laxetur fluidorum compages, & remittatur tensus solidorum tonus; nil mirum, si laxiori reddita sanguinis cohæsione, ibidemque magis enervata fibrarum elasticitate, licet sanguis in perpetuo sit motu, currat hinc inde, recurratque per membra vario ab inferioribus ad superiora, & contra vim innatæ suæ gravitatis ad superiora pelli cogatur, tamen per musculos, viscerum lacunas, viasque partium obliquas, curvas, & flexuosas tricas languidius trajicitur, & filtratur, quibus gravitatis suæ contrariis motibus debiliior reddita sanguinis compages minori vi solida impellit, cujus languida vibratione, & diminuta impulsione magis, semperque magis relaxatur partium solidarum robur; ex quo fit plus æquo progrediente somno, ut fluidum ad illam perveniat motus determinationem, quæ ad secretionem singulis in partibus peragendas idonea non est donec tandem non acquisito a singulis sanguinis moleculis proprio gravitatis centro, nec ad naturale æquilibrium perductis plurima congeratur humiditas, quam, necessarium ad retinendum solidis, & fluidis amissum ob laxatam compagem robur, restituendum ineptam, nimiam salivam inde suppeditantem passim experimur. Hinc solvitur nodus, cur melancholici sputatores existant. Quoniam melancholici in vanis cogitationibus defixi, atque inhærentes tristitia cogitantes, eaque pensitando timentes, impediunt, ne spiritus impetus facientes in fibras cordis contractiles, in eisdem motu conciti exerant elateris vigorationem, quæ uberiori spirituum affluxu destitutæ debiliiori impetus nisu se contrahant, ex quibus languescere magis sanguinis motu per vasa, imminuitur ejusdem attritio, atque hebetatur per glandulas transpiratio, debilitatur cordis, & vasorum motus. Unde tenues, & sulphureo inflammabiles sanguinis particule crassioribus implicantur, donec humorum illuvie quasi obrutæ, & veluti carcere detentæ coerceantur. Ob hanc partium cruditatem in fluorem vitiosum evehctus sanguis faculentias aqueas ad salivales ductus deponit.

Ob nimium hunc salivæ proventum balbutie plebuntur infantes, quorum fibrillarum tonus mollius, atque raræ texturæ salivæ copiosioris affluxu humectatus sic labascit, ut cum nativa musculorum linguæ, atque palati flacciditate cuicunque sanguinis, & spirituum appulsui facile cedente, minus concinne, & sero perfecte enunciare addiscant. Ab hoc vitio affecto Batto Regi, qui Cyrenas in Africa condidit, de sua balbutie Oraculum Delphicum consulenti, Pythia imperavit, ut in Lybia Regione calida vitam degeret; sic Herodotus. Ad hunc censum refertur deficientia vocis in aphonis, quorum latyngis musculi a nimio aquei humoris proventu ita enervantur, ut fibris carnis resolutis flaccidi, & inertes fiant ad motum. His laxatis, sonitu per fistulam pneumaticam a motu lateribus annulorum non alliso, nec hinc inde varie percussio, qua aeris verberatione, & inflexione vox efformatur, æger nullam valet vocem efformare.

Sydenham opera Medica.

fari. Manifestum hujus rei eventum refert Tulpus lib. 1. observ. c. 39.

Si vero hæc aquosa salivalis menstrui copia a glandulosa ventriculi tunica jugiter exprimatur, sua aquositate liquorem gastricum ita inficit, atque inertem reddit, ut chylicationis opus plurimum labefactetur, menstruo particulis aqueis perperam referto alimentorum contextu reluctante. Inde sensim collectis cruditatibus vitiosis fibrillæ stomachi debilitantur, laxatur tonus earundem nimis, obruiturque sanguis, in quo copia humorum aqueorum exundans parum alimenti ad attritos solidorum villos ducetur, quod sit naturali simile, & alendo aptum: sed quicquid ad partes adducetur, erit plane aquosum, cogetque sanguinis massam iter suum lente per totum corpus absolvere, ut habito respectu ad modum, quo sanguis propellitur, ad spatium, & velocitatem, qua percurrit, & vascula perluit, impossibile sit, quin resistantiam illam offendat, qua eodemque impetus momento occlusa vasculorum lateralium, & villorum ora permeare possit, ita ut nec a systaltico fibrarum motu major tenuiores sanguinis partes ad cavas lacunas possint urgeri ad vectes fibrarum inflandum.

Quoties igitur sanguis per repetitos circuitus ruditer attenuatur, effectus erit crassioribus partibus, & aqueis, adeoque illo motu urgebitur, quo impetu non poterit ferri ad collapsos sacculos nutriendum, cum major sit nifus in contactum nitentium minimarum tiliarum fibras, & canaliculorum componentium, quam sit irruentis sanguinis impetus. Quare particule illæ aqueæ minori, vel majori cohæsionis vi unitæ eam molem, & directionis momentum habebunt, quo per poros carneæ substantiæ permeare non poterunt; unde cum reliquo sanguine ulterius circulantes venas pervadent, & fucata nutritioni eo usque inservient, quousque male aletur animal, & cachexia continget. Hinc fiet, ut solida ad tantam imbecillitatem redacta fluere quaquaversum permittant humores aqueos, qui in cavitatibus majoribus, vel vasculis cutis membranis collecti, vel ad partes robustiores appulsi lentescens validam generant obstructionem, ut in durum tumorem attollantur partes ad contactum venarum, ductuumque lymphaticorum positæ, a quo vasa illa tenera coarctata, & compressa, cum liberum transitum præbere non possit lymphæ, vel chylo, indeque continuo appulsu novi liquoris ad partes vasorum compressas tendentis, & præterfluentis tergum prementis ultra tonum naturalem distensæ tandem rumpuntur, ob quam vasorum exilium rupturam in habitum corporis serum effluit. Ab hac pituitosorum humorum in stomacho accumulatione ibi nectente moram convelli potest ventriculi musculus a majori spirituum copia per nervos fluente, ut enata fibrarum inferius ventriculi constrictione contenta per os ejiciantur, vel nausea, si inanis, & solus erit vomendi stimulus, producat. Quod si afficiantur rami nervorum ventriculi cordi communes, ut per ipsos fiat refluxus vividior, & copia spirituum naturali major, & frequentior ad cordis auriculas, spirituum energia easdem in perpetua contractione detinendo, superans pressionem sanguinis affluentis per truncos venarum majorum eludet impetum ejusdem ad ventriculos tendentis; unde a sanguinis pressione non referatis auriculis, sed in contractione persistentibus, intercepto sanguinis, & cordis motu, succedant oportet languores cordis, & animi deliquia.

Si vero chylus nutritius in sanguinem continuo delatus alitioni partium ineptus, effecto succo inde massa sanguinis veteri saturata per glandulas salivales copiosa succi nutritii jactura indefinenter erumpat, per hanc succi euchymi subtractionem tota sanguinis massa oleoso balsamico pabulo privata acefcit, & turbato ob indebitam nutritionem liquidorum cursu in varios siccitatis morbos delabitur: ob quod minimam musculosis partibus nutritionem præbens, cum partium solidarum colliquatione incalescens totius corporis atrophiam inducit, cui calor hæcticus in toto habitu paulatim subrepens in omnibus partibus solidis accenditur. Hinc calidum, & acre sanguinis serum per molle & glandulosum pulmonum parenchyma continuo trajectum, eos tandem infartu aggreditur, inflammatur, exulceratur; quo fit ut atrophia, quæ erat in ha-

bitu corporis, in tabem pulmonarem paulo ante fatales dies, terminetur.

Verum si chylus per ductus salivales jugiter excre-
tus naturæ incassum in sanguinis reparationem conti-
nuo suppeditetur, ne ab hoc perenni chyli effluxu de-
pauperetur, & incalescat sanguis, adeo ut insigniter
languentibus viribus a nimia subtractione succi nutritii
in statum lethalem, & insanabilem redigatur, ad usum
diuturnum lacteæ dietæ æger relegandus est, quo san-
guis lenitur, & salia stimulantia demulcentur. Deinde
aeri aprico, & benigno commissus; liberali, sed cau-
to ciborum euchymorum usui refarciatur, ut inde aquas
minerales chalybeatas bibendi non impar fiat, quarum
beneficio massa sanguinis sensim emollita, etiam succi
nutritii colliquatio sensim evincitur; atque inde non
tantum a salivatione æger, verum etiam sanguis a sa-
lina acri diathesi vindicatur. Pthyalismo autem hisce
incassum advocatis incertis intervallis recrudescere,
cum insigni virium deperditione, æque, ac per gland-
ulas salivales feri colliquatione, rite continua salivæ
deglutitio in symptomatum allevationem præscribitur,
qua non tantum salivationis progressus, verum chylus
per ductus salivales excretus, naturæ in fluidorum re-
parationem pedetentim remittitur. Si salivæ unicuique
non cogitanti sponte in os confluat, atque copiosius
eo alliciatur ob ductus salivales patentiores, laxiores-
que, quam par est, existimo oris collutione, maxilla-
rumque fomentatione ex subadstringentibus, & blande
aromaticis decocto posse curari, tum interne modo
laudata subadstringentia commode usurpari, quorum
ope paulatim arctantur, ac roborantur ampliores viæ,
dummodo desuescant ægri a continua spuendi libidine
in consuetudinem perperam adscita.

ARTICULUS II.

De Salivæ defectu.

Cognita quænam ex largiori salivæ affluxu expe-
ctari mala possint: nunc juvat in salivæ inopia
excutere noxas. Nam non minus ab excessu concidit
hominis sanitas, quam a deficiente salivæ penu la-
batur.

Virium salivæ excretionem invertens plus minus im-
pediens, vel penitus inhibens, nunc glandulis, & tu-
bulis excretoriis inhæret, nec in ipso salivali latice,
motuque sanguinis deprehenditur; ut si enumerare hic
vellem ingentem morborum seriem, & maxime chro-
nicorum, qui a sanguine salivali humore non suffe-
cto pendent, sero dicendi finem facerem.

Nativa tubulorum salivalium angustia, humor vi-
cidus salino-fixus glandulas infarciens, ac porulos op-
plens, vasculorum compressio oscula occludens, mi-
nimarum arteriolarum crispatura glandularum cava,
& tubulorum ora coarctans, aut diameter earundem
nimis connivens, ac tumore aliquo extus incumben-
te compressus viam salivæ præcludunt, quæ a conni-
ventibus salivæ ductibus quoquo modo obstructis, aut
compressis, ne secernatur præpedita, licet cum san-
guine confertim profluat, tamen cum ipso circumdu-
cta ad alia filtra circumvehitur, in quibus secretionum
penso adaucta, glandulis diversis committitur. Quod
si chylus jugiter in sanguinem irrepenis salivalibus non
turgetur particulis, nulla prorsus materies glandulas tra-
jectura per carotidum divisiones cum sanguine ascen-
det; Igitur in toto deficiet salivæ, ut sæpe occurrit in
ardenti febre correptis, in quibus sitis extinguere non
potest, ac siccitas summa non solum ad fauces, sed
per universum corpus diffunditur; in quibus cum ca-
lor intensior absorbat quicquid humidi ingeritur, &
cum sanguinem diluentes moleculæ aqueæ evaporen-
tur, sanguis privatur ea materia, quæ corporis par-
tes humectat. Tamen si ulla inhæret sanguini serosa
portio, a singulari solidorum ariditate statim absor-
betur, quæ inter duas quasque particulas introducta
permittit fluere idem liquidum, quod alioquin subsiste-
ret, nisi ab aqueis sanguinis moleculæ disjunctæ ef-
sent, quæ a concitato motu ad minima divisæ, & a
congregantibus aqueis particulis ad summum solutæ ob-
turbatam, & confusam fluidi mixtionem diverso cohæ-
sionis modo combinati, diverso a naturali impulsu,
nisuque rotati, secretionum leges non observant; unde

propulsæ a validiori, & celeriori cordis contractione,
dum majus supra glandularum obicem contranitentem
exerunt momentum, non solum in reticularibus illis
canalium textibus sanguinem vehementem factam solutio-
nem conservantes, sed a nodis glandularum, & vascu-
lorum lateribus in ulteriorem solutionem promotæ, ci-
tius ora venarum ascendunt, quam oscula ductuum of-
fendant. Quod si satis liquidi non turbato motu exa-
gitati in sanguine hæreat, sed generetur lentor in ar-
teriolis materiem salivæ deferentibus ad glandulas oris,
& faucium, tamen nullus dabitur affluxus humidi ad eas-
dem partes, igitur siccitatis sensus, & sitis. Si vero
non assumetur ex toto liquidum, effluet e glandulis sa-
livalibus salivæ viscidior, quæ in os derivata produceret
infantum in villis linguæ, & faucibus hærentem.

Inter causas externas occurrit aer particulis siccio-
ribus, & calidioribus refertus, qui in sanguinem in-
desinenter impulsus crassiora attenuando, & extus ut
ambiens leviter comprimendo glandularum cutis folli-
culos a fluidorum appulsu facile expansiles, videtur
diaphoresim augere. *Aer calidus, nisi obstitit cruda,*
ait Sanctorius, *juvat quoque perspirationem*, & aqueo
serosas particulas alio divertit. Aer enim superincum-
bens cylindulis suis gravitat, ac premit partes san-
guinis, quæ dum leviter mediante aeris interni ela-
sticitate compressæ majorem semper, quem amiserunt
situm omni opere recuperare conantur, facta pressio-
nis aeris incumbentis equipollentia pressionis, sive al-
titudini sanguinis majori, vel minori, servata semper
proportione specificæ gravitatis liquidorum, dividun-
tur, subtilianturque. At moles liquida copiosa, &
gravis aeris externa non posset cum interno se faci-
le æquilibrare, nisi misceretur cum mole liquida san-
guinis; corpora enim fluida, ut simul mixta in ra-
tione suæ gravitatis æquilibrantur. Cum autem stan-
te borea, & cælo sereno aer gravior sit, quam stan-
te austro, & calida constitutione, ut barometro ex-
perimur, boreali enim tempore aer fit densior, ma-
gisque compactus, adeoque magis gravis; in austro
vero, & calore magis rarior, inde minus gravis,
adeoque pressus gravitate sua in sanguinem nobis ne
advertentibus quidem ingreditur, eundemque sua ela-
stica vi magis aucta, & gravitate sua urget, propel-
lit, atque facillime in ea loca, in quibus minorem in-
venit resistantiam, & locum capaciorem sese expan-
dendi, impingit. Cum autem capacissimam cavitatem
reperiat in cutanearum glandularum lacunis, ubi ma-
gnam vim elasticam acquirens, easdem mirum in mo-
dum distendit, per quas ad majus spatium dilatas
fit inde, ut ad minima divisæ feri moleculis turma-
tim foras avolare nitentibus minus resistant aereæ
moleculæ. Rarefacto igitur aere, dilatatis glandulis,
ab earundem systaltico motu promoveatur transpira-
tionis insensibilitas, & eo magis si serum & aer erunt
cum fluidorum cylindulis æqualis magnitudinis, sed
inæqualis ponderis ad motum dispositi. Ille enim cy-
linder primo movebitur, qui gravior erit altero;
quoniam primum punctum corporis, quod movetur,
est centrum gravitatis, ad quem centri gravitatis mo-
tum tota moti corporis moles tendit. Si igitur ve-
rum est centrum gravitatis duorum liquidorum æqua-
lis molis, sed ponderis diversi in ea parte residere,
quæ gravior est altera, necessario consequitur, ut ob
aerem externum, qui nec levior interno, nec gra-
vior supponitur; æquali gravitate interno contran-
tens pari energia vim interni sustinet, in calidiori
temporis constitutione serum ab aere indissociabile
primum, & jugiter avolat. Huc referri possunt hæ-
mothagiæ, dysenterici, sudores ab exercitio nimio
copiosi, vel colliquativi, largior urinæ effluxus, vi-
giliæ nimie humidum assumentes, vel aliorum copio-
se ducentes salivam imminuunt. Ita, indignatio, ut
effectus cum motu majoris momenti conjuncti, au-
cta cordis contractione, & sanguinis velocitate, cum
salivæ suam exigat sejunctionis tempus, poterunt in
glandulas derivationem, multoque facilius influxum
salivæ liquoris prohibere.

Salivæ igitur in sanguine non existens, vel ad gland-
ulas non appellens in os effluere non poterit; unde
in ore siccitas, & sitis ad fauces, quæ si diutius pro-
trahatur, exsiccabitur magis lingua, ad superficiem ma-
xime, cujus villi tunicam constituentes valide contrahen-
tur

tur; cum vero corpus linguae non cedat, sed contrahitur validius villorum contractioni, fiet ut iisdem villi divellantur, hic illic lingua in fissuras diffiliet; quibus si addatur faucium oesophagi, & musculorum laryngis summa cum siccitate rigiditas, prohibita earundem contractione, quae ad formationem vocis requiritur, raucedo, vel loquendi difficultas succedet. Quod si extoto deficiat in sanguine salivaris humor, excitabitur tabes cum siccitate conjuncta, quam in excessu salivae attulimus, de qua canit Lucretius:

*Jam marcent venae, nulloque humore rigatus
Aereos alterans angustat pulmo meatus.*

Ab alimento ope triturationis in pollinem in ore redacto ob denegatum salivaris laticis influxum infusa salium moleculae non evolvuntur, ut a laxato ciborum nexu sapida tinctura elici possit, cujus defectu non delatis particulis salino sapidis ad nerveas linguae papillas sensus gustus fere concidit. Quo in casu, quoniam imminuta, vel deficiente saliva nullus liquor digestivus a glandulosa tunica expressus eructatur in cavitatem ventriculi, qui vires suas in stomacho convertendo, dum in ipsius tunicas, & filamenta nervorum impingit, eliquata salina aqueis ramenta in fibras validius infingat, ut vehementius stimulis nervorum villis, internae ventriculi plicae inter se mutuo atterantur (in quibus ratio famis consistit) appetitus inminuitur, vel abolefcit. Ingeritur tamen alimentum, ne vires statim labantur, a quo rudi componentium solutione elaborato dependet in ventriculo perperam inchoata coctio, quae nequitiam in intestinis absolvitur; chylus enim aegre in stomacho confectus ob principia ciborum activa minus exaltata, atque dissoluta inertibus corpusculis coalescens ad intestina propellitur, ubi naturali earundem compressione, lenique vermiculatione promorus in sanguinem irrepit, crudus, impurus, falsos exhalando vapores. Quapropter praecordiorum anxietatem, variosque capitis, & stomachi morbos producit. Chylus itaque non absoluto chylicationis artificio, nec in purissimum rorem mutatus, impuris abundans partibus, lactearum papillas impingit; hinc per lactea ad sanguinem usque delatus fluidorum compagem varie laedit, perpetuoque oeconomiae animati corporis tendit insidias.

Cum igitur parcius, quam decet, generetur saliva: primo defectu materiae, quoties ista non reparatur: secundo canalium vitio, obstructis nempe, compressisque vasculis, per quae defertur ad glandulas: tertio glandularum vitio ad munus hoc absolvendum ineptarum, triplex indicationum species insurgit, quae triplicibus morborum speciebus correspondet. Prima absolvitur alimentis convenientibus, qualia videntur potissimum esse juscula ex tenellorum animalium carnibus deprompta, tenuis potus, cerevisia puta diluta, lac, aqua lactis, limacum, caponum, gelatina, cornu cervi, eboris, ut inde aquarum usu, & liquorum sanguinem demulcentium sub forma potus copiosa, atque continua eorum ingurgitatione sanguinis siccitas temperetur, quibus exhausta humorum in habitu corporis delitescendum minera suffecta, morbida sanguinis crasis jam penitus vere everfa longo earum usu paulatim restituitur.

Vasculorum obstructio, aut compressio curatur medicamentis attenuantibus incidentibus, quae crassos simulque lentos respicientia coherentes invicem humorum particulas comminuunt, impactasque divellunt. Haec sunt, quae particulis volatilibus, salinis, acris, aromaticis, oleosisque scatent, nec non quae alkalinis absorbentibus, fixis, & lixiviosis amaricantibus abundant, a quibus motus adauctus, & magis proprius resistentiae particularum quiescentium imprimatur, itidemque cuneus solvendis fluidorum particulis intermiscetur, qui motu, partis tenuitate, & figura aptitudine ad penetrandum non solum compactos humores disgregat, verum sanguini, ac lymphae fluiditatem denuo conciliat.

Postquam innotuerit glandularum vitium non nisi labore improbo, iteratoque in dies comparatum, illi aptum inveniendi remedium plurimum augebitur notitia, cujus ope, roborantibus externe medicamentis, plerisque aromaticis, salivares glandulae suffragantur, a quibus si commodum non accipiat aeger, melius ferret pingua, & emollientia, quibus rigiditas solidior

Sydenham opera Medica.

rum ex nimia volatilitate humoris in glandularum poris, ac folliculi conclusi fibras nimium corrugante, vel ab acrimonia nervorum fibrillas irritante, adeoque oscula constringente, unde affluxus liquorum inhibetur, paulatim lenitur, atque laxatur.

ARTICULUS III.

De aciditate salivae.

SAL in aqua salivae portione delitescens, quoties in libertatem vindicatum, saliva spiritu fatiscente, depressoque sulphure, ceteris praepollens nimium in fluorem evehitur, ejus spicula angulata salina per aqueas moleculas conspersa aliorum miscibilium superato jugo, ceterisque particulis compede injecto, mutata directione ad occursum ceterarum partium coagulabilium in proportionem remanentium, confertim in linguae papillas impellunt, ubi in nervorum filamentis validius infixis salibus, sensorii fibrillas acriter titillant, easdem pungunt, atque convellunt.

Hujus naturae moleculae cuspidate tereti, & acuta, & dein corpore instar cunei majorem in molem aucto constantes, adeo ut quovis modo sensorii fibrillis applicatae ipsas pungendo, & non nihil comprimendo constringant, hunc saporem eminenter ostendunt. Haec aqueis obvoluta particulis sanguinis effervescentiam, aut nimiam ejus dissolutionem refrenant, & blando coagulo compescunt. Vel nisi mavis, dicas moleculas acidi esse tetraedras, & non cubas, quae undequaque suis angulis munitae, & ab omni parte aequaliter aculeis instructae linguam facilius vellicent, & quasi pungant. Quod si aliter figuratas esse contendamus, nimirum vel laeves, vel teretes, fieri posset, ut acidi particulatum facies non angulose incidant in fibrillas sensorii, & sic has non diffingant, nullamque proinde vellicationem pariant, quod omnino est contra acidorum gustus perceptionem.

Si causas mediatas rimemur hujusce crudae aciditatis, illae videntur attingi, atque chylo inherere in primis viis perperam elaborato ob fermentorum inertiam, aliarumque liquorum minorem in intestinis volatilitatem acquirenti; qua quidem depravata coactione, chylus non redditur blandior, quatenus ventriculi humor visciditate donatus in tunicas tremoris motus non inducit, & succi digestivi crasim subvertens, salem volatilem, & aqua alimentorum corpuscula non exolvit; unde non laxatis salium calore meatibus, haud in particulas flexiles laeves, atque rotundas, sed ad asperas, & inaequales accedens incotus, & acidis, aculeatisque particulis tumescit, ex quo non nisi incongruus, atque solium, & acidorum enormium particulis refertus, massae sanguineae, & languentibus solidis committitur, qui per impetum naturalem sanguinis, licet pluribus millibus vicibus per pulmones, & per reliqua viscera, ac partes corporis fluat, paulatim in glandularum lacunis accumulatur, ita ut eodem servato cohaesionis momento per minimas acidorum particulas continuo influat, quousque sensum aciditatis excitans, & reliqua cum ipso corripientem, fluidorum praecipuas crases alterare valeat, atque sensum inficere, ut effecto succo jugiter reparatae labem scorbuticam accerfant. Hinc scorbuticorum saliva acida plerumque deprehenditur.

Quandoquidem enim in sanguine depravato recrementa plura acida congeruntur, quam ut diaphoresi, vel per urinam satis secerni possint, quae ad oris emundatoria sero irritata detruduntur. Quoniam liquida sanguinis partes componentia, & quae in cohaesionem mutuam nitentia per motum, quoties in acidas particulas abeunt, transeunt e statu durioris in statum liquidioris corporis, omnes illae liquidi cruoris moleculae, quibus componuntur, in libertatem, & facto impetu diffractis vinculis in motus majores veniunt, a quibus per resistentiam cohaesionis cohibebantur, & producent illos effectus, quos debent ex vi suorum motuum, & figurarum; cujusmodi sunt pun gere, quadam compressione ferire linguae villos. Elementa igitur feri partes sanguinis componentia non ab intrinseco in ejusmodi solutionem venientia, sed repugnantia, a causa violenta, & morbosa in illam cohaesionis vim coguntur, atque detinentur, quae ita

urget partes illas coherentes, ut a prima cohaesione sese expedire possint, atque totum mutare compositum per illam occasionem, quæ cogit partes componentes ab illa cohaesione cessare, & solutas in novum abire compositum. Quid autem si quid e suave sapidum, ingratis sapidum, ex non acido fiat acidum? nonne diceretur compositum primum ultro immutatum, cum effectus, qui in prioris locum succedunt, contrario modo se habeant? sed huiusmodi sunt partes sanguinis componentes, quæ ante illam solutionem sunt quoddam compositum, quod post solutionem mutatur; igitur partes illæ in statu fluidorum salium exaltatæ dicuntur mutatæ.

Cum autem nullum compositum per vim insitam destruat, oportebit, ut vis, quæ salina concreta fundit, sit his iisdem liquidis externa, quæ a solidorum ictibus in salia urgentiori impetu nitentibus deducitur; quare facultatis illius momentum, quo concreta salium a mutuo contactu recedunt, & in cuneos acutos coeunt, momento, quo salinæ partes divisioni resistunt, erit majus. Unde partes salia componentes ex vi huius potentioris causæ se subducere a fusionem non poterunt, nisi tollatur momentum illius causæ agentis, & detinentis ad solutionem, aut addatur momentum resistentiæ componentibus salia partibus, ut cogantur a majori cohaesione vi non dimoveri. Ubi igitur salis moleculæ adherentes invicem in medio fluidi per motuum ambages attritæ, miris modis exagitata, commota, contrarioque nisu rotata in minima solvuntur, ad eam devenire poterunt angulorum acutiem, quæ superet cohaesione vim aliarum molecularum summe erectis corpusculis resistentem, & supra datas partium resistentias vires suas exercentes, exinde ab aliarum commercio liberatæ, & præcipue a spiritu volatili dissociatæ in salivam turmatim affluent, a quibus ingratis sapiens, & acescens saliva emanabit.

Aeris vitio salivam acidam induci nullus crediderim inficiabitur; aer equidem pluviosus laxato fibrarum tono poros, ac meatus cutis suo humido infarciens sanguinis effluvia reprimere videtur: Aer, inquit Sanctorius, *canosior, & ponderosior, convertit invisibilem transpirationem in icorem, qui retentus, & deinde non resolutus in cachexiam facescere solet.* Ab eodem inspirato salia, ac sulphura redolente spiritus sanguinis valde deprimitur, hinc salino sulphureis ejusdem particulis sanguinis crasis sensim mutata in mephitim acidam mutatur. Ad talem humorum diathesim non parum conferunt cibi acidi, sale conditi, acidum foventes occultum, austeri concoctu difficiliore de acidis fixioribus, & succis tenacioribus, ut pisces marini, pastæ farinaceæ, participantes, vina austera, animique passionem.

In qualitate salivæ immutata loco naturalis saporis acida cum magna aliquando virium laxitudine, & inappetentia contingit, quibus paulatim accedentibus aliis ingruentis mali symptomatibus ipse morbus tandem erumpit. Ab acida salivæ impressione in linguæ papillis primo depravatur gustus: a particulis nimirum acido aqueis nervorum papillæ e poris linguæ protuberantes obductæ, acidique innatantibus spiculis salinis laceffit ita exagitantur, moventurque validis tremoribus papillarum nervi, ut aliis tremoribus oscillare prohibeantur; unde ex incuneatis salibus in nervorum fungulis, non flexis nervis in alijs partibus, eadem undulatione afficietur gustus organum. A falsamentis istis acidis effæcto sero dilutis molles, & spongiosas gingivarum carnes subeuntibus intumescunt fibrillarum earundem fasciculi, qui dein nutrimenti defectu marcescentes a continuo materiæ erodentis affluxu exeduntur, a quorum putrescentia, & humorum a salivalibus vasis exundantium expiratione graveolentem oris foetorem olfactamus.

Quia vero ad hoc, ut animal possit ope sanguinis nutrirî, non sufficit, hunc ipsum sanguinem esse quidem ex alimentis, ac certâ earundem ratione compactum; sed insuper requiritur, ut sit tantæ qualitatis, tantæ nempe molis, ac figuræ, ut ex ipsa derivari possit quicquid fluere debet per nutriendos animalis ductus, & quicquid ad ipsius reparationem exigitur. Hinc fit, ut quoties quantitas sanguinis cæteroquin in quantitate nihil vitiatâ ob aciditatem ita immutabi-

tur, ut per glandulosam palati tunicam serpens, ejusdemque substantiam depascens adusque illud aditum, atque intimum progrediatur, ut villi, in quos influit, validius, atque frequentius ab invicem divellantur; unde fibrarum erosio, & ulcuscula in oris cavo luxuriant. Quod si e glandulis non erumpat, sed in canalibus suis subsistendo, eosdemque proinde extrorsum extendendo glandularum folliculos obstruat, vasaque nimis infarciat ut motus sanguinis per vasa propulsi fiat tardior, continget tumor, qui sanguine non fluente ad notas leges sui circularis motus, canales faucium, & gutturis leviter comprimendo, aut ex toto allabentis liquidi influxum prohibendo, coget villos extendi, & a fluentibus humoribus laxare; unde motus respirationis, & deglutitionis leviter lædens spiram producat anginam.

Hæc saburra acida cum viscosis in ventriculo collecta dum fibrillas ventriculi nerveas irritat, spirituum animalium influxum non solum uberem ad stomachi membranas promovet, verum ventriculi glandulas infarcit, & in moleculas digestivi liquoris sese insinuans, ita ventriculi fermentum afficit, ut a glandulis expressum, sensum non naturalem producat. In hoc igitur statu non naturali ventriculi per acidi affluxum dabitur ciborum averfatio, cum detur intra ventriculum id, quod proinde una cum terreis, ac salinis partibus valet intensius vexare, & ita fibras ventriculi vellicare, ut per illum humorem sese in membranas intrudentem apestia, vel anorexia succedat. Ex hoc chylus minus fluidior, ac purior facultatibus acidis, ac ponderosioribus ad intestina protrusus, delusa omnium succorum activitate, lento intestinorum motu, fibrarumque constrictione ad osculorum lacteorum papillas descendit: quorum orificiorum angustia cum ab illis corpusculis, quæ sunt majoris molis, quam quæ discludere, & superare possint vasorum resistentiam, non deducatur; inde fiet ut a lacteorum capillamentis exclusus chylosus succus non possit minoris diametri chyloferorum oscula ita facile ingredi, sed cum cogatur impingere in profundiores colli cellulas, ab ejusdem plicis excipietur, qui sensim coacervatus infectus evadit, & a massa super affluente ita superque turgit, ut fibræ intestinorum sensiles perperam distendantur, & humore contento distractæ, atque incuneatis salibus ab invicem divulsa, impetuque aculeorum laceffit, corrugationibus valde molestis, & dolorificis torqueantur.

Ut acidior saliva emendetur, non tantum abstinendum ab acidorum abusu, sed temperanda plantis plerumque odorem actu ferentibus cum suavitate, ac fragrantiam quandam spirituofam, & aromaticam redolentibus, quæ omnes sulphureis particulis, seu salino-oleosis volatilibus abundant. Horum autem aromaticis particulis depressa sulphurea corpuscula in sanguine excitantur, segniterque commota exagitantur; Hinc coordinatarum partium mechanismus, ac crasis sanguinis quasi fatiscens restituitur: interim vero cruditas acida ventriculi corrigatur vegetabilibus sale volatili oleoso abundantibus, ejusque fermentum acida quadam, ac terrea constitutione glutinosa torpescens attenuetur, quibus elasticitas fibrarum roboratur, atque iners excitatur digestio.

ARTICULUS IV.

De Salivæ falsedine.

Non adeo acuminatis; qualia in salino-acidis apparent, spiculis, falsus salivæ contextus coalescit, sed falso-terris involutis salium particulis emergit, cubis nimirum, quæ planorum inclinationibus, & lineis ad plana insistentibus constantes, in angulos reectos coeunt, seroque salivali confertim innatantes laterum aciebus aculeatis sensorium quasi incidendo non nisi falso-sapidum saporem imprimere valent.

Ob angulorum rectitudinem salium moleculæ aqueo latici conjugatæ minus efferam acutiem sortiuntur, atque in linguæ papillas jugiter incidentes minime poterunt in nervorum propagines vii rigidæ cuspidis exerere, sed acidorum mole majores, lenique motu in protuberantes nervorum fungulos debiliores percussio-

istibus patietur sensorium; ex quo fiet, ut nec ab enormi fibrarum irritatione a salium acutie inducta diffriktus gustationis nervus, nec particularum oleoso-levium demulcedine oblitus percipiendæ falsedini se se accommodet. Quapropter oportet, ut massa humoralis scatens seroso-salinis, falsoque acribus particulis abundans plus minus salis sero solutis per glandulosas, ac pervias palati membranas indefinenter trajiciatur, tandemque falso-aqueas exuvias in oris cavo abjiciat.

Chylus ob terreo-salinam fixitatem liquidi digestivi perperam in stomacho conficitur, & intensa biliosi succi-acredine imbibitus galaxiam ingreditur, per quam moleculis acrioribus turgidus sanguini commiscetur, a quo reparatus sanguis, & falsæ acrimoniæ depravato latice saturatus facile in cacochemiam scorbuticam, aut melancolicam facit, in qua falso-acres particulae luxuriant, atque debacchantur. Igitur terrestria salia in sanguine soluta, vel cum chylo falsa acrimonia redolente in sanguinem dejecta salini ejusdem saporis causa sunt, quæ supra sulphura prædominium posita cum insipidis partibus aqueis separantur, donec pinguis involvantur, & terreis absorbentur, quibusque dulcioribus, & glutinosis irretita particulis, ramenta sua salina demittunt.

Hinc cibi plurimis, atque copiosis particulis falso-serosis scatentes, carnes salitæ, pisces fumo indurati, & sale conditi, fervidæ qualitatum miscibilium mutaræ coordinationes: ita promptius calidior aer, cujus calorificæ particulae motu turbinationis agitatae, dum in coherencia sanguinis corpuscula impingunt, sui impetus momenta imprimunt circulanti fluido, ut intestino motu salini corporis rotatae moleculæ, aqueis particulis occurrentes ab hisce eliquentur, fundanturque. Unde cohesionis vi miscibilium salinorum superata resistentia ex motu percussione partium fluidi se invicem attenuantium, contingit salium fluiditas certa proportionem, majorique in seroso-aqueis coeuntium, qui in salivali latice acervatim collecti, ac sui juris facti, falsum promovent aperte saporem.

Sic in febribus diuturnioribus a crebra, & nimia sanguinis despumatione tota humoralis massa vapescentis colliquari permittit quicquid acre in sanguine continetur, ut libere proinde fluat, ducanturque per vasa sanguinis salis particulae, a se invicem discedere, atque mixtionis vinculum dissolvere nitentes, quæ humido agglutinante exolutionem prohibente destitutæ in libertatem vindicantur, & inter quasque fluidi particulas nitendo sanguinem fundunt: qua salium eliquatione in intemperiem nimis falsam, & acrem vergit humoralis massa; unde ejusdem partes salinæ dissolutæ, & cum sanguine fluentes per vasa ad quasque glandulas corporis derivabuntur, & per illas secernentur, in quibus naturaliter delabatur illa humoris compositio, in quam solutæ partes abierunt.

Inter plurimos morbos a falso acrioris salivæ proventu ortum habentes præter gustus depravationem, quam pluries tetigimus, occurrit animi deliquium, quod quidem succedit, quotiescunque a falso-serosis salivæ acrioribus redditis particulis officium ventriculi valde sensibile multiplici nervorum propagine intertextum vehementissimis doloribus afficitur, qui per nervorum furculos acri humore obsessos, & in spasmos concitatos ad cor propagantur, ex quibus contractis cardiaci nervi fibræ in contractione detinetur auricularum musculus, qui cum superari non possit a pressione sanguinis affluentis, auricula discludi non patietur, & in contractione persistet; quo fit ut æquabili spirituum, & sanguinis affluxu interrupto motus, ac sensus facultas simul concidat, homine animo delinquente. Quando vero hujusmodi liquor acrioribus constans moleculis villos stomachi tantum laceffit, cum ad placidum contractionis motum sollicitat, & tunc solus vomendi oboritur stimulus. Quod si validius nervi irritati, & enormi correpti crispatione magis, magisque urgeantur convelli, contenta sursum propellent, & suscitabitur vomitus. Ubi autem nervæ fibrillæ spasmodicæ contractionis eludunt impetum, alkalinae particulae e villosa ventriculi tunica erumpentes undequaque in stomachi villos impingunt, qui salibus sese in machinulas illas intrudentibus adhuc irritantur, stimulantur, & sensim corroduntur. Hinc ven-

Sydenhami opera Medica.

triculi internæ plicæ valido impetu instructæ inter se mutuo nisu atteruntur, unde bulimia cum soda originem habet. At quia a continua partium collisione, & mutuo eandem contractu divulsis fibræ, perennique acrium humorum affluxu pedetentim aliquid ex ipsis partibus decedit, atque deraditur, villorum compages salibus macerata fatiscit, utpote vi salium, & potentia motricis adaucto momento cunei, a quibus molliores substantiæ partes, quæ non tanta pollent soliditate, patiuntur divelli, ut ab invicem distractæ divulsionibus tandem repetitis dissiliant. Cum hac solidorum abrasione inquinatur chylus ab acri menstruo, & a salino acri fluidorum crassi eliquantur sanguinis humores, qui succo acriori quoque restaurati, dum ad intestina uberiori confluxu propelluntur, ea acrius convellunt, & irritant, ut illi perperam laceffiti in validiorem, frequentioreque expulsionis motum concitentur, unde suæ molis, ac figuræ momento humor ille, sive ventriculi, sive alium viscerum superabit vim constrictionis intestinorum, cum eorundem resistentia ipsi superanda, quæ dependet a flexione tortuosa, & eorundem longitudine minor sit irritantis stimuli, & vis illa, quæ a diaphragmate in intestinis ventriculo alligatis, & musculis abdominis continuo viget, nitetur majori pressione contra intestinorum resistentiam, & tanto facilius, si erit tam acris, adeoque tanto impetu nitetur, ut momento suæ molis intestina distrahare possit, atque dilatare, quod cum fiat deorsum, alvi fluxus contingit.

In curatione felici hujus salivæ in id nitendum maxime, ut falsa acrimonia in serosa sanguinis parte delitescens non exasperetur catharticis validioribus: sed incipiendo a blando, ac lenienti pharmaco transitus fiat ad attenuantia, desinendi causa in specificorum maxima copia liquidorum lenium facile meatuum antiscorbuticorum, simulque lenem promovendo sudorem. Hinc liquet cur serum lactis, lac ebutyratum, pthifana diluens blande solvens, humectans huic morbo opem non raro egregiam præstent. Hac ratione correctioni feri salivæ per falsosfrassata, thymum, citratum, acidum succos horæi maturos, rad. elenii, corticem citri, granatorum, limonum, aurantium, acetosam, acetoscellam, specificis operam dantibus juvamen falsedini certo allaturos crediderim. Præter jam memorata falsæ salivæ ratione conducentia addenda insuper, quæ salis humoribus prodesse docet experientia, ut pillulæ de cynoglossa, gummi tragacanthum, thus masculum: & sapius, ut sensim corrigantur peccantes humores, & subinde producendos evertant.

ARTICULUS V.

De Salivæ amaritudine.

Intimus salivæ amaritiei mechanismus exoritur a certa proportionem, certoque nexu ipsius miscibilium, quorum salino acres, & urinoso-volatiles moleculæ motu rotationis, & permixtionis agitatae, dum in oleoso sulphureas impingunt, sui impetus velocitatem, & directionis nisum deperdunt, ut salium devolutæ moleculæ oleosi corporis particulis occurrentes ab hisce irretitæ refrangantur; unde hebetata salium angulorum acutæ, & cuspidibus eorundem inflexis modificantur salinæ substantiæ, quæ non nihil resinosis, asperis, hamulatis aculeis, furcatisque acuminibus gustus nervos divellendo, & sensorium non alte, sed superficie tenus fodiendo, in salivali liquore solutæ in linguæ papillas ideam amaritudinis imprimunt.

Massa sanguinea scoriis sulphureo-oleosarum partium inquinata, & adustis salium recrementis turgida fluidorum crasim sensim subvertens, cacochemiam biliosam inducit, cujus salinæ acrimoniæ corpuscula terreo-acidis particulis infriktæ, ita coctionis vim, & directionis momentum in fibræ commutant, ut ad acinos hepatis glandulosos non coercita, sanguinis motu abripiantur in alibiles, & excrementitios succos, qui a partibus salinis non fluentibus per suos canaliculos reparati turnatim in glandulas avolant, ubi aqueis commixtæ in saliva amarorem deponunt. Hinc regio morbo marcescentes sapore amaro sæpe falluntur; acrius enim ab incuneatis in nervorum linguæ papillis sa-

lium inflexis, fureatistque aculeis, etiamsi a mellitis demulcerentur nervei funguli, jucundique salium oblinientium delectatione afficerentur fibrillæ, diversus tamen non perciperetur sapor, sed suavia papillas impellendo excitarent infixi salis impressionis impetus, quibus eodem in nervis remanente tremore ex amarulentis concepto, omne dulce linguam quoque blande demulcens equidem amaresceret.

Quod si hepatis laxata fibrarum crispatione, reſeratis ductibus, & perviis glandularum ejusdem folliculis adhuc occurrat salivæ amarities, opinari ducor, particulas sulphureas, & salino fixas enormiter exaltatas in cruoris massa uberius, ac citius in bilem facessere, quam quæ per tubulos felis ſcerni, aut ab ipsis eliminari queat. Dum cor validius, atque frequentius contrahitur aucto solidorum niſu augetur sanguinis impetus per vasa naturali major, adeoque a celeriori liquidorum motu ad latera nitentium particularum coherentiâ dimoveretur, & niſuum directione commoti salini cunei intra nexus sanguinis tenuiora coercita ſalia excluduntur, ex quibus imminuta vi reſistentiarum in sanguinis coherſione, particulae ſalinæ sulphureis conjunctæ intra ſe invicem exagitant, nitunturque, ut in partes minutas deciduæ ad ſummam mobilitatem evchantur, atque in poros, & meatus, per quos erumpere poſſit, ubique novos appellant. Igitur bilis a glanduloſis jecoris, ob adauctum ſui impetus momentum haud coercita, anguſtiis, a ſanguine cum ſero ubique decideret, cum quo ad glandulas oris delata erumpenti ſalivæ tincturam amarâ imprimet. Hac de cauſa in febribus ratione caloris, & motus magis agitantis, fit, ut partes ſubtiliſſimæ, & ſumme mobiles vagentur libere per corpus sanguinis, quæ non cohibita a partibus humidis ſuo frango deſtituantur, & niſum quemlibet vehementiorem exerentes, citiorem, acrioremque reddunt ſanguinem. Poſita autem hac fluidorum labe ſanguis naſtus bilioſa acrem indolem, ubique recrementa ſalium, ac aduſtorum ſulphurum uberius expandens, ſerum ſaturabit ſenſim bilis ſapore, quæ in ventriculum repens ſurſum aſcendet per ſuperficiem œſophagi, vel cum ſero in glandulis cumulata in oris cavum decideret, inficietque amaro linguæ papillas.

Diutius detenta fluida in ſalium efferatione per tantum temporis ſpatium, quantum ſatis eſt, ut plurimum ſalis in ſanguine eliquetur, alia aeri æſtuant, ac præſervido inde aſſociata a partibus aqueis ſe junguntur, a quibus, cum non temperetur eorum impetus, erit ſanguis univerſus in ſuas partes ſiccaſ, & ſalino fixas, atque mobiles maxime ſolutus, a quo cum exprimantur ſalia, & continuo ſolvantur, non poterit a canaliculorum ſuperficie non abripi, & in naturale liquidum redigi, ut evadat tam fluxilis, tam coherens, ut pederentim per vasa circumfluens uberiori amaritudinis penu non elaboretur.

Dum particulae ſalivæ amaricantes linguæ poros ſubeunt undequaque nervorum fungulos continuo laceſſentes, ita tenduntur irritatae nerveæ fibrillæ, ut quicquid particularum e cibis latici ſalivali elicitur, ſuum nequeat genuinum pandere ſaporem, ſed potus, cibique omnes amarore ingrato inquinati creduntur, unde fatiſcens guſtus falſo deceptus amaro dulce exhorret. Hoc ſapore infecta ſaliva in ventriculum deſluit, ubi in liquore gaſtrico exundans moleſtia afficit ventriculi tunicas, quarum fibrillæ ab acri, & erodente humore ſeſe intrudente in membranarum poros intenſius conſoſæ divelluntur. Igitur excitato ſenſu eroſionis, & punctiōis dolor ſtomachi, & cardialgia.

Sit inſuper humor ita vitiatuſ, ut continuo fibras pungendo cogat ſpiritus, impetum, & niſum majorem in emiſſaria nervorum intra villos muſculi ventriculi conſtriſiones exerere, ut ab ipsis in perpetua contractione detentus conſtrictor muſculus convelli patiatur, quo ſtatim ſingultus enormis produceretur. Si vero amarities viſciditati aſſocietur, & abſumetur humiditas quoſcunque villos humectans, produceretur lentor ad arterias, glandularum ſalivalium obſtruens emiſſaria, a quo impedita ſaliva, ne libere fluat per ſuos canaliculos, proveniet neceſſario linguæ ſiccitas, cujus ſuperficies a fixo, & ſicco ſanguine hærente ad linguæ canalium extremitates, in lividum colorem

abeunte, ſenſim infecta colore illo, altius in linguæ fibris repente in nigrum faceſcere poterit. At vero traducto bilis lentore, & viſcida ejusdem amurca intra ventriculum, partes ejus acriores per œſophagi ſuperficiem repentes non ſolum palatum, ſed & linguam ſuo amarore, ſuiſque coloribus inficient. Verum per affluxum bilioſi ſucci in motum contractivum excitabitur ventriculus qui in valida corrugatione detentus a vellicante, eſſi minoris quantitatis erodente liquido, cum non poſſit ſuperare propter adhæſionem mucidæ bilis ad membranas reſistentiam contractarum tunicarum, ſpaſmo dolorifico corripitur; ob quam affectionem intenſius vexato dabitur ciborum averſatio cum naſea, quæ mutabitur in vomitum, ſi humor copioſior fuerit, & in totam cavitatem ventriculi uberior ſeriyabitur.

Sedulo perpenſa natura bilis, ejusdemque commixtione cum ſaliva, obſervandum maxime, ſi ſalivæ amarities ex amurcoſa bile, viſcida, inertis circa jecur impacta, occluſis hepatis glandulis, ſenſimque affuſa ſanguini produceretur. Tunc huic indicationi ſatisfaciunt aperitiva ſtimulantia, quæ figura, partium mobilitate vaſculorum fibrillis impacta vim eorundem contractilem augendo, ſuccos ſtagnantes dimovent. Inter hæc eminent ſalino volatilia olcoſa, & aromatica, uti plantæ omnes, quæ ſale alkalino, oleoſoque aromatico abundant; inde tartarea omnia, quibus accedunt alkalina ſalina lixivioſa, vel compoſita, vel naturalia, uti ſalia eſſentialia acrium plantarum. Quod ſi amarities a bilis copia exoritur, quæ ſimul acredine peccet, præſantiſſima erunt, quæ bilem imminuunt, & acredinem temperant; ut decocta ex amaris hepaticis frigidioribus rad. gram. ruſchi aſparagi, cichoreæ, fragariæ, foliorum taraxaci, ſumariæ, agrimonie ſem. alckeckengi, additis ſalibus eſſentialibus plantarum, acetosæ, chichorei, agrimonie &c. exinde tollatur bilis copia a ramis ductibusque hepaticis per emetica antimonialia. Si bilis potentius ad os eleveſtur ob ſui volatilitatem auctam, ob copioſiores ſpiritus volatiles ipſi admixtos, amaritiam ejusdem corrigunt acida tartarea, ſpiritus mineralis acidi dulciſicati; inde alkalica terreo-fixæ abſorbentia, ut e. c. ebur ſine igne, coralia rubra, margaritæ, oculi cancr. antimon. diaph. bezoart. mineral. bezoar martiale. In hoc cenſu reponuntur acida aſtera, ut pruna ſylveſtria, ſuccus berberum, granatorum, aquoſa quævis diluentia, emulſiones e ſeminibus frigidis, ſalina, ut eſt ſal gemmæ, marinus, nitroſus; quod inde totum perficitur alimentis potibusque cito aceſcentibus, quorum ope ſal amareſcentis ſalivæ volatile magis reprimatur, & paulatim emendatur.

A R T I C U L U S VI.

De Salivæ Dulcedine.

Salivæ dulcedinem conſtituunt globuloſa corpuscula molliter acuminata, ex oleoſis flexibilibus moleculis acido acribus ſalium particulis inter ſe mutuo agentibus, quæ a determinata partium coordinatione reſultantes, ac reſtracto ſalium niſu ſe invicem attemperantium exortæ, peculiari inter ſe combinatione in aqueis, inſipidiſque corpusculis diſſolvuntur; quorum ſalium aſperitates ſola particularum collifione nulla edulcorantis cujuſpiam facta additione ad ſphæram accedentes fere omnem acrimoniam exuunt. Hæ enim ſalivari liquore commixtæ fibrillas linguæ impingentes molliter nervorum papillas titillando oleoſis ſalibus ſucculentam grati, ſuaviſque ſaporis ſubſtantiam organo guſtus exhibent. Non ſecus ac teſtante Boyle de Mechanica ſaporum ex inſipido corpore, ſummeque corroſivo ſubſtantia dulcis elicitur. Selectum enim minium ſi purificatæ aquæ forti, aut ſpiritu nitri affundatur, donec in ſe mutuo calore agentibus, requiſita metalli portio diſſoluta fuerit, menſtrum inſtar ſachari dulce ſuppeditabit.

Chylus itaque pluribus reſectus particulis ſalino-acidiſculis, oleoſis tamen quibuſdam, & mucilaginoſis involutus in ſanguinem ab aqueis diſſolvitur, jugiterque irrepens ob partium ramoſarum intra viſcoſas unionem, ſubſtantiam congrue mollem, æquabilem

que

que salis, ac sulphuris gustui exhibens linguam quodammodo obliuit, ejusque partes blando tractu præterfluens leni titillatione afficit, lenique affricu sensorum titillat, ut exinde resolutis per sensorii nervos in molles aculeos particulis antea implexis jucundus voluptatis sensus excitetur. Hæc euehymi succi substantia a motu cordis ita exagitur, ut longiori inter partes sanguinis attritu, & valido ad vasorum latera per repetitos circuitus allisu naturale ejusdem gluten perperam eliquetur, a quo turpiter fuso collabentes partes non inflantur. Succus iste primum sanguinis rudimentum in minutiores particulas divisus relinquit flaccidorum villorum cava, in quorum sacculis diutius detineri non potest. Hinc ratione minimæ molis, & tam paucas inter illius componentia cohesiones oleosæ chyli partes fluido eo confusæ ad tantam solutionem rediguntur, ut eodem impetus momento non major resistentia paretur a partibus chyli gelatinosis, quam a particulis aquæ, non erunt majoris molis, nec minoris, aut majoris momenti, ut ad glandulas salivales simul urgeri non possint. Quoties igitur sanguis aqueis chyli moleculis plurimum scatens, aut non poterit extendere vasorum lateralium sacculos, aut a distenso sacculo vi fibrarum compressus in venatum oscula rapi, urgebitur quidem tanto impetu, ut possit ferri ad inflandos sacculos: At cum major sit circulantis sanguinis impetus, quam minus minimarum particularum componentium in cava fibrarum nitentium, particule illæ habebunt eam diametrum, quo ad villorum poros permeandum requiritur: sed ulterius circulates eo usque dividuntur, quousque impedito in solidis partibus irroratu, cum sanguine refluente a salivali menstruo possint absorberi, ut suavioribus corpusculis, seroque innatantibus turgidula saliva dulcedine nauseosa corripitur. Quod si fluor lactescens ob particulas diversæ gravitatis, ac potentiæ fluido universali confusus, & vertiginoso motu exagitatus, nullam sui patiatur mutationem, sed per universum corpus diffusus ostiola tubulorum salivæ inveniat plus justo patentia (antequam particulas nutritias partibus cunctis attulerit, cunctaque viscerum fermenta, atque utiles humores reparavit) per ipsa confertim effluet. Laxatis enim tubulorum fibrillis ob naturalem tensionem, & villorum tonum collabentem, corruunt fibræ folliculorum salivalium circulares, quæ cum repellere non valeant impetum impingentis fluidi, & in pervios glandularum poros erumpenti chylo contraniti, aqueus humor cum volatilibus salibus, atque oleis tenuioribus cum paucis acidis, ac terreis implicatus in salivam mutabitur.

Inter causas externas hic occurrunt potus, cibique errores, qui cum plurimi præcesserint, quales certo sint, non est operæ pretium determinare. Aliquando febre tertiana laborantes dulcedine admodum fastidiosa afficiuntur, a succis primarum viarum depravatis exorta, quod Bortichius in ephemer. Nat. cur. in muliere post febrem quartanam tertiana correpta observavit.

A dulcibus salivæ particulis flexibilibus nerveas linguæ papillas blande titillantibus non solum leni spirituum animalium motu dulcedinis idea in anima excitatur, ut omnia ingesta dulci sapore prædita redantur: sed ab iisdem acido acribus refractis, ac remissis salivæ corpusculis jugiter in ventriculum deglutitis, atque a reliquarum particularum conjugio liberatis nervorum fibrillæ molestis vellicationibus afficiuntur, ut a stimulo irritativo contractionem sui convulsivam patientibus nausea corripitur æger. Et cum intima ventriculi superficies obducta sit glandulis, in quibus secernitur humor salivæ similis, qui ejus tunicis inhærens, dilabens, sensimque repens easdem quodammodo convellendo producer sensum summo cum fastidio, quod propter paucitatem, & inertiam spirituum in angorem stomachi mutabitur.

Gastricæ hujusce lymphæ molli, & flebili molecularum contextu combinatæ digestivas vires facile eludent alimentorum resistentiæ, quorum coherentes particule intra ciborum nexum coercitæ retuso menstruo reluctantur, & inertes solventis cuneos hebetant; unde non dimotis ipsius solubilis particulis, nec alimentorum compage intestino motu resoluta, eorundem concoctio imminuitur, atque depravatur. Cum autem ciborum in stomacho incoacta dissolutio sit ad chyli

elaborationem ordinata, clare patet, si alimenta non fuerint satis in ventriculo dissoluta, ab iisdem non posse elici particulas seroso gelatinosas, quæ in chylisam substantiam mutantur. Quoniam vero supra sulphura salibus prædominio potitis liquores prius dulces sunt acidi, ut Piso in Brasilia observavit, succum, ex quo sacharum concrevit, a plantis elicatum intra breve tempus acescere, ne miraberis si in hac chylis morbosa dyscrasia cum acido motuum turbationis, atque ebullitionis dulcia, & sacharina ineuntia dolorosas in lateribus cieant commotiones, appetitum compefiant, ructus nidorosos excitent, ac flatulentias.

Hanc dulcedinem salivæ nauseosam corrigent in primis acida, subinde amara. Quoniam sive extrinsecus ab aere, sive intrinsecus a motu certus caloris gradus certa que internarum partium salivalium constitutio exoritur, quæ varia ac imperceptibili transcurfione eadem mutuo sibi allidens tenuior, mollior, minus rigida, atque magis quam prius congrua fit, corpusculis salivalibus imprimatur ille motus, a quo non acriter, sed blanda, lenique titillatione afficitur gustus organum. Hoc ex eo conjicere licet, quod sales vegetabilium salibus asperiores aciem suam, atque saporis acrimoniam sola particularum collisione exuentes, in substantiam mitem gustui gratam pene dixerim reducuntur. Quod autem ab acidis, & amaris elicita corpuscula chylum congregientia, tenaciorem, quam prædicta dulcia corpora solent, linguæ saporem imprimant, mirum nemini videri poterit, qui advertere voluerit, quousque sola constitutionis mutatione, mutuoque partium inter se conflictu dulcis corporis particule, ab amaris, & acidis corpusculis penetrentur. Acuentur enim corpuscula dulcia, & compositum salivare mutabunt. Hinc acido falsa, ut tartarea, vitriolata, elixir proprietatis saporem ingratum, & nauseam dulcedinis emendant.

ARTICULUS VII.

De saliva præter naturam. Prout habet rationem remediæ, ac motus critici in morbis.

Non aliunde Medicorum impatientia tam apertè cæcurit, quam ab attenta motus critici lædentiæ, & juvantium speculatione neglecta, aut ambiguitatum obscuritate latitante, minimorum quoque exactissima perquisitione non æquissima lance perpenfa. Quisquis enim artem faciens absque sedula remedium, & motus naturæ contemplatione peritus, est furibundus, atque cum ense cæcus in hostem gladiator, qui in minutiis cespitans, veluti spretis insolitæ flammæ scintillis, incaute suæ famæ prospiciens, magnum, tam ad ægri salutis jacturam, quam nominis Medici ruinam sæpe excitat incendium, quod miserrime serpens medentibus inscitæ notam quotidie inurit. Hinc in hac longa remedium cognitionis experientia superbire senes, ingenio, & perspicacia æmulari juvenes juxta meum in magnam admirationem ita rapit ingenium, ut tanta nostri sæculi felicitate in hac arte quandoque oculatum tyronem (qui variis mathematicis præceptis, utpote staticis, hydrostaticis circa structuram animati corporis recte philosophans, humanum corpus in structura æque, ac in effectibus a tali structura pendentibus numero, pondere, & mensura rimatur) valere credam, quam magistrum non curantem, qui dum insolita naturæ tentamina observat, indubitis remediis statum, rectosque naturæ motus perturbat. Hujus inquisitionis severitatem dum per rationcinia attingere non possumus, a tali expulsiōne morborum allevationem, vel eorundem recrudescentiam religiose observare debemus, ut ab illo motu non divertatur natura, aut removeatur, ut exinde præcepta ad exornandam praxim eruamus. Cæcuriente igitur in arduis morbis ratione, conatus naturæ utcunque fuerint detegendi, nullisque inanum speculationum fucis adulteratæ menti proponendi, ut olim Asclepiadorum more eleganter sine coloribus pingentium, quicquid obscurioris morborum causæ inest, per certam, constantemque morborum crism felicius eruatur. Medentes itaque plus quam par est in theoriarum elucubrationibus luxuriantes indigestis cogita-

tionibus sapient; nisi diuturnæ insolitæ criseos contemplationi in exercenda praxi omnino se commiserint. Morbi enim absconditum quid sunt, sive ut Hippocrates, *divinum quid in morbis inest*, suasque causas modis tam reconditis, & ab humana mente adeo remotis involvunt, ut difficile sit quidquam in illis investigare, nisi attenta, & nunquam intermissa circa morborum judicationem adhibeatur observatio, in qua si consenesceret Medicus prognosticandi disciplinam observando acquisitam, apprime calleret. Quare summopere mihi arridet in morbos illos, qui per salivationem judicantur, detegendos, laborem impendere, ut inde post sedulam accidentium contemplationem ad rationalem disciplinam reducantur. Natura enim, quæ est omnium morborum vera medicatrix, pro sanguinis despumatione, & effæti humoris evacuatione salivationem seligit, & uliginosas exuvies ad has glandularum salivalium syrtes nonnunquam deponit. Ita febrem ardentem naturali pthyalismo profligatam exhibet Guer. Rolfinckius ord. med. lib. 3. Vertiginem salivatione sponte orta solutam observavit Nicolaus de Blegni zod. Med. Gal. annot. 1. Salivationem naturalem in pthyssi salutarem observavit D. Joannes Paulus Vullflain Archiater Cæsareus, & Academia naturalis Curio, ephemer. diligentissimus in dec. 2, anno 1. miscel. nat. cur. observat. 122. & scabiem sædam in milite oborta salivatione nullo alio præsidio adscito sanatam cum D. Hieronymo Barufaldo notavit Joseph Lanzonus Sylvius Deleboe; *Contingit, ait, quidem aliquando licet variis salivatione sponte, quod in hisce regionibus factum observavi, & quidem cum notabili ægrorum commodo, & liberatione a morbis chronicis a pituita semper pendentibus*. Sydenhammius in febre continua annorum 1667, ait: *Pthyalismus quandoque copiosus sub finem accedebat, si nempe nulla insignior præcesserat evacuatio, atque agro julapia refrigerantia imperata fuerant, quo quidem si nec evacuationibus, nec usu medicamentorum calidorum fuerit interceptus, morbus ultra spem omnem fugam sibi querebat*. Nobis contigit sæpe mulierem Hystericam spasmodicis affectibus passim recrudescentibus forti suborta salivatione prompte relevatam, observasse.

Hic salivationis spontaneæ motus optime cessit in horum morborum curatione, ad quam quidem aptus natus præ cæteris mihi videtur, cum ægris noctu, diuque miserrime per annos excruciatissimum levamen attulerit. Natura peculiari quadam lege morborum causas evellit, nisi Medicus intempestivo, ac stulto remedium usu criticos conatus turbaverit. Sic subdit laudatus Sydenhammius: *Jam vero, ut supra monuimus, febris hujus solutio ut etiam variolarum (que, soror ejus germana merito audiunt) per salivationem non raro fiebat, quæ quidem nunquam non salutaris fuit, ita ut eadem liberalius prodeunte tam maculas revera purpureas, quam febrem ipsam evanescere oculis viderim meis*. Oborta itaque salivatione nulla omnino evacuatio convenit, neque quæ vena pertusa, nec injecto quæ sit enemate; cum ab utraque periculum sit ne humor alio divertatur. At serum lactis, atque alia refrigerandi vi pollentia necessariam in salivatione elicienda operam navabunt, ut contra cardiaca, & quæcunque alia calefaciebant materiem impissando, ejusdem eductioni officiebant.

Nec mirum sit, ægros ab effectibus chronicis salivatione spontanea feliciter evadere, si diuturni morbi a sero acri saluginoso, falso acido, falso muratico, fixo volatili glutinoso, in massa sanguinis redundante plerumque excitantur. Sanguinis salibus turgescens ad salivæ glandulas dum copiosius impingit, a sero sensim adventante, & a sanguine perpetim urgente distenduntur. Cum enim novus serosus latex ad dilatandos glandularum folliculos, in quos nititur, pervenerit, cum liquore in illis jam contento commixtus vim supra expansarum fibrarum connisus, facile exerit, adeoque nullo glandularum salivæ officio, earundemque fibrarum fasciculo cohibitus sese in fluoris motum vindicat, cæterarumque fibrarum jugo excusso in os indefinenter erumpit, & humores serosi acres, nunc fluidiores, nunc tenaciores cum ægrotantium commodo ex ore fluunt, exciduntque,

ARTICULUS VIII.

De saliva ut signum.

Nullus fere morbus ægrotos inopinato perimet, si sedula salivæ observatio, & attenta linguæ inspectio, utpote, quæ lymphæ, sanguinisque statum certius ostendit, & morbos occultos, eorundemque difficilem solutionem denotat, medentes consulat, quos per salivam diligenter singulorum morborum naturam expendentes, tantoque signo praxim locupletantes, nullus falsitatis, aut ignorantia accusabit, nisi qui artem prognosticandi deridens, hanc incertam medicinam pronunciet, quo fit ut impetu animi de hac differens ingenio suo, & inutilibus commentationibus magis addictus, quam naturæ monitis innixus, Hippocraticæ sectæ criseos, & coctionis leges adamussim speculanti, quæ tantopere viguit, ruinas adstruat, & etiamnum calumniis proscindat. Quamobrem ne medentes ignominia obruat, eventum morbi prænotionem Medicis maxime opportunam fore arbitror, ut si homo aliquo pernicioso morbi turbine forte conjiciatur, a Medico naturæ vaticinio instructo procul prospiciatur, & ut hujus artis nauticæ peritissimus scopulorum, & syrtum prævisor, ventorumque, cœlique aspectus observator futura cognoscat, ne nova inopinato ingruente tempestate opus improvise ruina quatitur. Ut igitur ad praxim nos via stabili exornandam dirigamur, impavidique reddamur in præfagiendo morborum eventu, ne aliquis contra medentes cæcus imperitorum imperus fiat, per longos, & patientes experimentorum decursus, & juxta veterum monumenta prægnosis instituat, quibus ad exitum ægrum tendere, vel ad salutem prævidentes Medicorum existimationi consulere videbimur, nec de futuro damno inculpabimur; unde medicinæ parens Hippocrates lib. prænot. hæc habet: *Cum etiam si divinum quidpiam nobis inest, hujus quoque prævidentiam perdiscere. Sic enim optimo jure, & admirabilem, & bonum se præstabit Medicus: Quos enim superstites fore cognoverit, eos rectius quoque servabit, utpote ex multo tempore singula consuepe perpendens. Itaque morituros, victurosque præsentiens, atque denuntians omnem prorsus calumniam vitabit.*

Idcirco ut morborum eventus ex saliva nobis innotescat, Hippocratica observata novis experimentorum additamentis confirmata perquirere licet, quibus occasionem præbet in observatis Hippocratis moriendi cupiditas, & inde dolorem capitis primo experientia consulendi, quem levare a sputo crasso, & non olenti in Coac. prænot. docet, ubi ait Hippocrates: *Capitis dolorem solvunt sputa crassa, & non olentia*. Quoniam decubitus cujuscunque humoris tenacioris, lenti, motus crassi, frigidis ad membranas cerebri, sive pericranium, tanti est nifus, ut membranae, & nervorum fibrillæ ita comprimantur, urgeanturque, quousque in hac positione sisti, absque majori fibrarum divulsione non possint, neque compressi villi contrahi, nisi per copiosorem spirituum influxum compressionem illam superantium, nec spiritus per compressos nervorum tubulos fluere possunt, nisi violento, & majori nifu in motum rapiantur, quorum motiones a pressionibus provenientes, augent tremorem in fibris momenti plus æquo majoris, a quo desiliens quaquaversam villis majori cum impetu cerebrum concutientibus, derivatur dolor. Ab hac doloris vexatione liberatur æger, si humor summæ inertia in partibus minimæ pressionis consistens, vel villos cerebri comprimens, in sanguinem trajiciatur, qui per sanguinis circuitum tandem producit ad salivæ glandulas ex venis in arterias, ac demum per has in glandulas derivatus. Igitur si copia humoris in salivales glandulas e cerebro trajecti sit crassa, & suis partibus maxime coherens, diffluet a capite doloris materies, adeoque levabitur dolor. In quibus enim sputum olet, cum id quod intus remanet putrefieri valet, fere sphacellari, vel saltem corpus occulte infici portendat, suspensam semper attingit bonitatem, nec remittitur dolor. Pro hujus textus coronide inquit Hippocrates de morbis acutis: *Si e naribus effluerit sanguis, solvitur ægritudo, atque si sudores supervenerint judicatorii cum urinis albis, crassisque, & lenibus subsistentibus, & si abscessus aliquis factus fuerit: verum*

verum si absque his solvatur, revertetur agritudo, vel coxa, vel crux dolebit, expuetque crassa, si sanus est futurus. Cum in morbo acuto humores nimia effervescentia commoti, torpidi, aut parum mobiles per vasa nituntur, cave ne stulto, ac intempestivo purgantium, & diaphoreticorum usu motus naturæ divertas, in quibus si quiesces, paulatim relaxato solidorum tono, oriatur laxitas debita in humorum fluentium compage, quibus mutato inter fluidorum impulsu, & solidorum pressionem inæquali æquilibrio, liquida hinc illinc, quo debent, excurrunt, celeritate fibris proportionata, circum quas dum pererrant, nituntur in arteriolas quaquaversum. Unde si occurrant vasculis capillaribus narium tenuiorum, vel a membranarum porulis colligantur, aut ad glandulas urinæ, sudoris ita impingant, ut sustinere imperum illum non possint, in forma sanguinis, aut aliorum crassamentorum secernuntur, indeque morbus perfecte tolli aut subigi poterit. Verum si absque hisce solvatur, quia videtur potius sopita quam resoluta causa morbifica, protinus revertetur agritudo, vel coxa, vel crux dolebit, & tunc si evadat æger, & sanus sit futurus, expuet crassa, cum juxta Hippocr. de morb. signum concoctionis sit crassities in urinis, in egestionibus, in sputo, & in pure.

De sputo autem hic maxime solliciti sumus, quoniam humores mille modis, & gradibus virium inter se miscantur, unde diversitas accidentium in morbis a diversa permixtione humorum exorta non semper idem indicat. Hujus salivæ proventus in mentis torpore occurrens cum a maxime flaccidis, & concidentibus glandularum villis cohibeatur, ita ut per membranarum mollitiem fluere possit quantum feri opus est ad generationem salivæ naturali quantitate majorem, fieri non potest, ut solidæ nervorum partes ad mollitiem naturali majorem redactæ in undas veniant sensibus excitandis necessarias: hinc lethargus, cujus signa describit Hippocrates lib. 2. de morb. *Tussis oboritur, & salivam sputat multam, ac liquidam, & rugas garrat, & ubi rugari desierit, dormit.* Ex lethargico autem salivam multam spuente tam aperte patet humorum frigidorum collectionem esse veri lethargi causam, ut nihil sit opus in causarum examine ulterius immorari, eoque magis quod si quid esset explicatu difficile, facile ipsius necessitas ex Hippocrat. lib. 3. de morb. curam tradente explicatur, dum ait: *Ut plurimum sputat, & calefiat, & a vino abstineat.* Cum autem partes flaccidæ, quæ particulis suis minus coherent, quam in naturali statu, cedant per minima, & vix restituantur propter mollitiem, quæ a crasso lentore cerebri glandulas infarciens provenit, si forte contingat, ut moleculæ salivæ, quæ fibræ nimio saturatæ mollitiem acquirunt, cum sanguine ita fluere incipiant, ut confertim separantur in glandulas, dura, piaque mater elaterem prius relaxatum acquirens remorantis fluidi resistantiam superat; qua ratione intensis crispatisque fibris oscillatio villorum cordis, meningum, pressionibus æquilibrata sanguinem æquali motu in gyrum propellit, unde salivæ fluxus lethargo superveniens afferet spem salutis.

Ut vero ob salivæ copiam caput infarciens evadit homo lethargicus, ita dum exiccatur, in ferox delirium rapitur, quod fassus est Hippocr. in prædit. *Lingua aspera, & resiccata phrenetica sunt.* Quoniam in phrenitide ab humoribus solutis in calorem abeuntibus excitata sanguis toto impetu jactus per universum corpus celerrime rapitur. Ex illa partium minimarum attritione exuberans calor, cum absumat quicquid humidi inter duas quasque sanguinis particulas continetur, non affluere permittit illud liquidum ad glandulas, quod cæteroquin a partibus humidis non disjunctum continuo impelleret, adeoque destitutum suæ lymphæ vehiculo urat oportet villos linguæ, cujus tilix adusto sanguine combustæ summe arefcunt. Per calorem autem resiccatis linguæ papillis earum vili in superficiem assurgentes penuria humidi invicem sejuncti instar cunei digitos feriunt: Hinc arefcet lingua, si phrenitis oriatur.

Capitis morbis succedit faucium inflammatio, quæ in Hippocrat. lib. 2. de morb. habetur: *Febris, &*

dolor concipit, & fauces inflammantur, itemque maxilla, & salivam deglutire non potest, sputat autem crassam, ac multam, & difficulter loquitur. Quoniam in angina humorum copia ad fauces ita subsistit in canalibus suis, ut minus vivide in fluxum acta, vel arteriolas distrahat, vel e canalibus in interstitia derivata vasa infarciat, in quæ depluit, adeo exundat in glandulis ad summum œsophagi positis, aut laryngi proximis, ut ad quem cum hient glandularum ductus in os ducentes, materia quælibet salivæ ad lacunas glandulosas perducta, ibidemque pressa per impetum sanguinis superfluentis exprimatur; & quia ratione pressionis, & humorum copia musculus ad basim linguæ, crassus, lentisque humoribus obrutus plane pervertitur, æquo flaccidior nervus erit, adeoque ita concidet, ut prohibeatur linguæ motus, unde *sputat crassam, & difficulter loquitur.* Sputa autem viscosa, crassa, valde alba, quæ violenter educuntur, mala sunt, inquit Hippocrat. in Coac. prænot. Si igitur obex inflammationis, quo impeditur, & retardatur motus sanguinis per arterias, sit tantus, ut per continuum sanguinis affluxum a minimis canaliculis tenuior pars subsistentis liquidi exprimatur, vel in motum ducatur, remanebit siccitas, quæ coget villos, ut humoribus affluentibus non cedant, eoque magis lentor cum siccitate conjunctus fiet minus ad motum facilis, qui connitentibus fibris subsistere cogetur frustra nitens in fluxum agi; per continuam autem, & validam fibrarum oscillationem toto impetu exprimeretur crassior, & viscosa saliva, quæ violentereducta, cum ostendat fibræ non laxari, humores non concoqui, mali ominis esse videbitur.

Quanti fecit Hippocrates, ut in angina saliva fluat, apparet in 2. de morb. ubi ait: *Si saliva supprimatur myrti ramulum complanatum sumito, & tenera ipsius summa parte incurvata, & molli lana obvoluta in fauces immissa salivam expurgato.* Si materia salivalis ex suis canalibus in glandularum cavitates derivata adeo villos glandulosos infarciat, ut humores retro urgentes ad fauces subsistere cogantur; adeo præ humorum copia tendentur villi, ut per continuam, & validam distensionem jugiter in distractione persistentes inepti expulsionem ejus materiæ reddantur; natura propter copiam ejus non valet ipsam totam secernere intra illud temporis spatium, quo ex fluido sanguineo eandem recipit angina velocitate minori instructo, quæ si confertim proliciat a myrti ramulis, statim deplentur vasa, quorum fibræ nimio fluido eas distendente depletæ, ita assidua motus exercitatione roborantur, crispantur, ut per fortissimam illarum fibrarum constitutionem majori velocitate, ac impetu excurrat sanguis, cujus subsistentes ad fauces moleculæ, vel ad contactum fibrarum circulantes, tardiorique gradu progredientes ad solidi leges recipiendas ulterius aptæ pressionibus subjiciuntur, & a vivo fibrarum elatere, ac proinde potentiori resistantia fluidi impellendi vi, hinc inde exprimuntur: ex quo Hippocratis consilium ex voto succedit. Deficiente autem ex toto saliva in angina summa perniciēs est, de qua Hippocrat. lib. 3. de morb. vulgaribus ægtor. 7. ait: *Illius anginosæ, quæ apud Britonem aiebat primum a lingua caput vox esse obscura, lingua rubens desiccata erat primo die, horrida incaluit, tertio rigor febris acutæ: tumor colli, & pectoris ex utraque parte, subruer durus, extremitates frigide, & livide, devorare non valebat dejectiones, & urine substituerunt, quarto cuncta exacerbata sunt, quinto periit.* Hæc sceminæ apud Britonem agentis genuina faucium inflammatio fuit, & fortis, in qua a sanguine nitente propter obstructionem ad fauces erubuit lingua, quæ magis sicco per vim caloris proximæ ad fauces hærente lentore liquidiores salivæ partes absumente desiccabatur, in qua quoniam a siccitate fibrarum, aut per solam compressionem nervorum, tum obstructionem vasculorum, qui ad linguæ basim ducuntur, poterat impediri, aut tolli motus ipsius linguæ; adeoque, *primum a lingua caput vox esse obscura.* Penuria igitur salivalis laticis desiccata lingua, humor calidus, & valde acris cumulabatur intus intra colum, qui ad interiora

teriora æque, ac ad exteriora excrescens ita comprimere potuit arterias carotides, & urgere canales faucium, ut intra ipsos subsistente sanguine, & deorsum repercusso extuberaret tumor pectoris ex utraque parte subruher durus, qui pulmonum fistulam comprimens excursum actis ita prohibere potuit, ut respirationis via occlusa spiritus sublimis educeretur. Unde defectu motus sanguinis in refrigeratis extremitatibus, & quiete ejus livescentibus, cum quarto cuncta exacerbata fuissent, quinto petiit.

In raucedine sputa viscosa falsuginosa mala subdit Hippocr. in Coac. prænot. quoniam intima tunica asperæ arteriæ confertissima est glandulis, quæ subviscidum quoddam, & mucilaginosum perpetim affundentes, adeoque in cavitatem ejus derivantes jugiter fistulam pulmonariam lubricantes emolliunt: si igitur copia humoris e vasculis sanguinis in glandulas trajecti sit tanta, ut tracheam, & glandulas omnes inundet, atque suis partibus maxime coherens difficile diffuat, ut ipsas multo magis afficiat: debitus lymphæ proventus asperam arteriam humectantis non solum interciperetur, verum relaxabitur, vel constringetur tunica glandulosa, & partes glandulosæ circa superiora asperæ arteriæ sitæ magis intumescunt: Hinc fiet defluxio in vasculis pulmonum, unde raucedo, quam excipient sputa viscosa a lymphâ magis compacta, & in glandulis stagnante, inde falsuginosa ab acri humore, & solutis salibus exorta.

Cum autem glandulæ asperæ arteriæ sint maxime molles, & ab hujusmodi humoribus vellicabiles, atque solubiles, facile irrepet tabes, si salium soluta compages cum lentore combinata in vesiculas pulmonares diffuens pro diverso acrimoniæ gradu partes solidiores pulmonum corruerit, unde sputa viscosa, & falsuginosa mala. Si majora quæris, plurima pulcherrima vide Coac. prænot.

Quibus pleuriticis in principio lingua biliosa fit, hi septima die judicantur, quibus autem tertia, aut quarta die, circa nonam. Lingua biliosa, & crassa, quoniam materiem crassiorem intra pulmonum arteriolas cumulatam e vasculis dissolvi, & ad concoctionem tendere significat: si hujusmodi linguae color contingat circa initium morbi, quo scilicet tempore non nisi parva materiæ collectio facta esse potest, nec membrana pleura violentiorem distractionem passa est, septima die morbum judicari indicabit. Bulla vero sublivida oriente in lingua in principio, qualis est ferri tincti in oleum, difficilior solutio contingit, & judicatio ad decimam quartam diem pervenit, sanguinem autem plerumque spumant. Cum autem color obscurus, & nigro oleaginosus arguat & lentorem humoris, & cruoris nimiam densationem, & pravam quantitatem ejus, quæ difficile subeat pulmonum canalia, & difficile ab illorum tunicis divellatur, non ita facilius discutietur; unde pulmo pressus a distracta pleura redditur minus aptus extensioni, quo fit, ut vasa sanguinis pulmonum ita comprimantur, ut ex his exprimi sanguis possit, vel a compressis vasculis ita retineatur impetus sanguinis, ut intra ipsos pulmones detineatur, quo sistente, & novo semper ac semper impingente sanguine ita divelluntur per minimas partes vascula, ut distractionis nisum sustinere non valeant, unde sanguinis sputum plerumque contingit. Inde peripneumonicis, quibus lingua tota alba, ac aspera fit, ambae pulmonis partes inflammatae sunt. Linguae membrana cum interiori pulmonum, quæ bifida est, continuata juxta pulmonum inflammationem exasperatur, ac exsiccatur, quæ inde in ipsa sicciori salivæ parte ob humidum crassum inter papillas fere magis hærentem, ac spumescens albescit, cum quod humidius est, ac tenuius abeat in auras. Hinc cum admiratione, & maxima cum voluptate hanc distinctionem notat Verna de pleuritide, in qua Hippocrat. lib. 1. de morb. si contingat nimia salivæ copia, ut æger expuere nequeat, suppurationem formidat. Pleuriticis præ salivæ copia expuere nequeunt suppurati sunt, & partim pereunt, partim evadunt. Humiditas enim nimia villos ad laxitatem disponens parit concidentiam membranarum, & dilatationem glandularum, quæ ratione minimæ virtutis, qua villi ad mutuum contactum nituntur, & ab illo dilabuntur, a quocunque lentore facilius

occluduntur; unde laxatis villis nimio humore irrigatis, & occlusis canalibus impetus sanguinis minor redditur crassitie, ac torpore suarum partium per additionem humoris, ad pulmones fluentis, qui cum subsistat ad partes minoris impetus, nisi poterit e vasis dissolvi, nec a vi pectoris ab imo pulmone sibi viam aperire ad usque superficiem pulmonis, transibit in suppurationem, cujus humoris in cavitatem pectoris defluxus, si extendatur supra universam pulmonum superficiem a singulis ejus folliculis exsudans poterit usque ad fauces parvo cum impetu reddi, adeoque agrum evadere. Quod si suppuratus humor statim per sputum non reddatur, producet ulcerum pulmonum, vel vomica, sinus nempe magnus, qui putrefactus demum in lethalem lapsum terminabitur. Unde Hippocr. de morb. de peripneumonia ait: Quod si saliva non probe purgetur, & spiritus fuerit frequens, prædicendum est nullam spem vite reliquam esse. At vero de locis in homine, cum in thoracem fluxerit, & bilis fuerit, ex hoc manifestum fit, dolor lateris mollitudinem occupat, & claviculam ejusdem partis, & febris adest, & lingua superne pallida, ac viridis fit, & excreta impacta, hujus morbi periculum septima, aut nona die instat. Si igitur supprimatur inflammatio, & pars pulmonis affecta sit sub tunica, vel in uno pulmonum, adeoque undequaque a pectore prematur pulmo, ut a folliculo, vel a membranis pus exsudare cogatur: Hoc cum ab impetu sua gravitate minori non reddatur per asperam arteriam in cavitatem pectoris colligetur, quod inde manifestabitur a dolore lateris mollitudinem occupante non sine febre, ac lingua viridi, ac pallida, quæ illo colore afficitur, quoniam summe viscida saliva ita resistit remotioni ab interioribus linguae papillis, quibus allabatur, ut minime ab ejus tunicis divellatur; cui si obstructione pororum aucta admisceantur particulae biliosæ, color ille pallidus in viridem abit, quod in septima, aut nona periculum adesse denunciat.

Signa ex saliva hydropico salutem indicantia scitbens Hippocrat. in prædit. ait: Neque sitim esse in hydropico oportet, nec linguam resiccare. Quia ex vasis lacteis, vel lymphaticis alteris, aut simul utrisque divisis, aut apertis serum a massa ejus dissoluta nimis deciduum, vel chylus e propriis ductibus effusus ventris imi viscera plerumque in hydropico inundat, aut sanguinis pars aquosa ab osculis nimis laxatis vasorum exundans in viscerum cavitates, aut membranarum lacunas extravasatur, non potest humor ille serosus ad totum corpus, & præcipue ad salivæ glandulas distribui, unde sitis adest, & lingua arefcit. Sitim vero non esse, neque linguam resiccare, cum denotet sanguinis cursum non præpediri, nec serosum humorem intus cavitates coerceri, bonum omen portendit.

Quibus febrientibus cibi fastidia sunt, & oris ventriculi morsus, & multum saliva, iis vomitus fit in Coac. prænot. habetur. Quoniam etenim per statum febrilem sanguinis ratione partium terræ præcipue, ac salis, quæ licet multa saliva dilutæ, minus tamen, quam par est, temperatæ per humidi admixtionem ad minima non dissolvuntur, nec in liquidum rediguntur, fit, ut non evadant tam fluxiles, ut refluerent in sanguinem possint, sed exprimatur solum ab illis, quicquid est liquidius: adeoque cum a superficie ventriculi divelli, & abripi non possint, liberius vellicabunt, & acius urgebunt ipsius tunicas, a quarum stimulo vellicante nimis excitabitur sensus summo cum fastidio, qui in ventriculi morsum terminabitur: ex hoc sensu doloris crispatis fibris glandulæ omnes ventriculi in expressionem liquidorum nitentur, & villorum contractione expressum liquidum sursum urgebitur, ut magno cum impetu ascendat ad œsophagi superficiem, unde vomitus.

Quibus vero circa dentes in febribus quidam lentiores nascuntur, iis forte fiunt febres. Hippocr. Aphor. sect. 4. cum lentor febrem producat est tam tenax, ut difficiliter in fluxum agatur, pars ejus liquidior per ramulos non carentes pressione distributa difficiliter ita urgebitur, & solvetur, ut ab arteriis abripiatur solum portio ipsius minus viscida, quæ in glandulis salivalibus derivata, cum sit naturali saliva viscidior, iisdem

iisdem partibus adhærebit: Unde cum liquidior pars a glandulis expressa non sit naturali sero irrigata, sed magis viscido lentore perfusa, ita in cohæsiōnem venient partes sanguinis, ut generetur lentor circa dentes cum febris forte corripit. Contra vero morbus diuturnior, ac difficilior est, si salivam tenuem, ac spumofam primum spuit, lingua flava est, verum progressu temporis nigrescit; si igitur in principio nigrescat, citius morbus finitur, sin posterus, tardius, tandem vero etiam rumpitur lingua. Hippocr. in VIII. de morb. febr. Cum igitur saliva componatur ex particulis chyli, atque liquidis aqueis sanguineis, & illæ ex initio febris crudissime sint, per febrilem motum, & pressionem illam exprimitur mere aqueum, seu quod liquidissimum est, & summe tenue sejungitur ad glandulas, cui si succus viscidior ex perenni febris fermentatione compactus in initio adeo conglomeretur, ut ratione solius lentoris per ostia canalium salivalium in os sub spumæ forma deducatur, cum spuma sit quid compositum ex aqueo viscidiori, & aere, tum nimiam cruoris lentescitiam, tum ejus lymphæ invincibilem visciditatem ostendet, adeoque saliva tenuis diuturniorem, ejusque spuma difficilior morbum denunciat.

Lingua que in principio quidem inhorruit, in calore vero permanet, progressu autem temporis exasperatur, & livefcit, & rumpitur, lethalis est. Si vero valde nigrescit in quarta decima die indicationem fore significat. Periculosissima autem est nigra, & cum virore pallida. Linguam circa bifidam sui partem veluti saliva alba obduci, febris remissioris signum est; si quidem id quod super indutum est fuerit crassum, eadem die, si vero tenuius, postridie, si vero adhuc tenuius, tertia die. Hippocr. in Coac. prænot. Si in principio febris lentor febrem producat, non sit ita fusus, ut per salivam reddi possit, sed motus sanguinis sit tam naturali similis, ut detur illa velocitas, quæ necessaria est ad separandas partes cum aqueis, naturalem similem salivam constituentibus, in colore suo permanebit lingua, quæ si progressu temporis exasperetur, livefcit, & rumpatur, cum exasperetur exsiccatis villis, & a subito stagnante lentore nigro oleaginoso tingatur virore ærugineo, a cujus sicciore parte inter papillas magis hærente ita lingua contrahitur, ut a proprio termino recedentibus papillis divellantur fibrillæ, atque dissilient, pessimæ conditionis febrem ostendent, unde lethalis erit. Si vero in decima quarta nigrescat, cum materiam crassiorem e vasis dissolvi, & ad concoctionem tendere significet, morbi judicationem indicabit, quæ facilius continget, si lingua circa bifidam sui partem crassa obducatur saliva; tunc enim per derivationem lentoris, & liquidi lentorem producentis ad salivæ glandulas remittetur febrile incendium, eoque magis, si id quod superindutum est, fuerit crassum.

Inde Hippocr. in Coac. prænot. ait: Lingua denigrata in alvo liquida celerem mortem significat. Quia vero ut concoquatur materia morbi, requiritur ut fiat fluxilis; sit autem fluxilis facilius, si liquidiores a corpore non secernantur; igitur in denigrata lingua si deiciatur per alvum quod est liquidius, incoctilis humor, & pars ipsius durior subsistet intra vascula, unde si adhuc stagnante lentore sanguinis alvi profluvium superveniat, malum. Longum hic esset investigare solertius præternaturales salivæ particulas in sanguine redundantes, ex quarum varia cum cæteris combinatione, & prava earundem constitutione chronicorum, acutorumque morborum idea certior desumitur. Quanti fecit magni medicinæ Parentis Hippocratis verus sectator Balgivius linguæ, & salivæ observationem ad dignoscendos morbos, eorumdemque eventus præfagiendos, ex ejusdem operibus edificatur, qui expertus est eos in febrem, vel gravem viscerum, & præcipue naturalium morbum incidere, qui per plures dies loco naturalis saporis amarum, viscidum, salsum, aut acidum præsertim circa horas matutinas percipiunt, quibus si accedat magna virium laxitudo cum inappetentia, aut alterius mali ingruentis symptomatis comitatu morbus irrumpt. Cum enim saliva morboſis, atque peregrinis salibus infecta intine mixta in ventriculo vires suas explicet, fieri non potest, ut ventriculus præservetur

a labe, ut inde appetitu dejecto tonus ejus magis non relaxetur, atque a præternaturali salivæ cum sanguine permixtione fluidorum compages non fatiscat, quæ coagulationi prona magis torpedine membra vincit, fluentis sanguinis cursum retardat, & ad morbos plurimos disponit.

DE

DE

SALIVATIONE ARTIFICIALI.

C A P U T III.

A R T I C U L U S I.

De indicante, & prohibente generico.

JAm vero hisce, conjectura mea ita favente, absolutis, opportunum fore arbitror, ut salivam arte pellicitam deinceps considerem; cui sane rei laboris, & observationis plurimum impendi par est; si vel ipsius vires spectes, vel utilitatem. Siquidem non defunt homines ingenii acutie, & studii commendatione florentes, qui cum salivationis ultro agnoscant utilitatem, tamen in ea excitanda decepti, vel illam in crimen vocant, vel non amore prosequuntur. Horum cavillis, & dubia æstimatione sit, ut plurimi veritatis incertitudine deterriti de salivatione artificiali non solum indigne, & turpiter sentiant, sed illam erroribus involvant, & silentio excutiant. Unde forte miraberis, & humaniter quæres, quid potissimum me impulerit, ut anxie sollicitus sub iis salivæ artificialis auspiciis rem prælo committerem. Cum enim mecum ipse perpenderem, serio me, seduloque monuerim absque veritatis convitio subtrahere me Reipublicæ Medicæ non posse, quod pro re nata sine mendacio suffragandæ in hominum animos salivationi peridoneum sentio; rudibus illam a mendis vindicare, & severiorem illorum censuram, manco quodam, mutiloque fundamento, nescio quo caducitatis infortunio, innixam diluere censui, si utilitatem spectantibus viam probe ostendero, ut noxium exuant mendacium, vel excellentiam spectavero, ut male sentientium illa opinio eximatur. Quod si non alienis rixandi studio parum arrideat, celebre apud veteres scias dictum esse, nec Jovem ipsum omnibus placere potuisse. Et profecto tanto numero, & tam varii generis sunt, qui licentia longe minus tolerabili salivæ artificiali fabellas callide conficiunt, atque in hanc impingunt verba æque ac facta male consulentes, ita ut mihi non minus admirationis, quam doloris parerent, nisi intelligerem, quantopere humani generis hostis in hoc vertitur, ut bona salivationis, & ejusdem scripta evilescant, quæ suo existimata pretio contra illorum inscitiam, & ad eorundem consiliorum subversionem maxime valent; nec non recordarer (quod est hominum proterva indoles) Ciceronis admonentis, vitari non posse reprehensionem nisi nihil scribendo. Jam vero, ut consilio meo congruenter faciam, quod hic palam profiteor, ne incohærenter dicta, denique levia, & exigui momenti videantur, in quibus nullum videtur apparere dubitationum vestigium, citra eorum existimationis injuriam, salivationi artificiali religiose adhærere in pretio habeo, quæ licet a tot retro sæculis non intellecta, aut contempta, in ægrorum tamen solatium, & gratiam a natura inventa uberius nunc artis consilio augetur, & latius ita in eorundem emolumentum diffunditur, ut inter universales evacuationes enumeranda reputetur; quam conjecturam nemo, opinor, ratione destitutam judicabit, cui modo critica plurimorum morborum solutio, vel per naturalem salivæ expulsionem eorundem revelatio non latebit; & quidem felicius eventuum consideratione eorum cavillis occurritur, qui salivationem calumniant, vitiis, ac flagitiis exprobrant, ex quorum clade, ac nequitia (face præferente natura) artem illam salivatoriam, quam usque omnium scire interest, sine vitæ periculo addiscimus, atque experimur.

Hujus

Hujus salivationis artificialis genericum indicans est depravata sanguinis labes, & status aliorum liquidorum vitiosus, quo ipsa minus fluxilia, vel mobilia liquida redduntur. Hinc generalis indicantis naturam induit quicquid extranei in sanguine inest lenti, aut glutinosi, quod a sialagogis potest ita fundi, & eliquari, ut ejusdem fusio in glandulas salivales impingens possit per hiantis eorundem orificia, & ductus eliminari. Quod indicans miror sane plurimos negligentia contemptum reliquisse, cum in tota salivandi arte nulla sit pars magis necessaria, & quæ Medicorum consilia exposcat, quam ista, quæ ad intuendam morborum salivationem petentium ordinata naturam, medentium praxim exornat, statuitque in salivandi palæstra artis terminos, aut fecunditatem: Cujus ope indicata salivatio ad evellendas morborum radices unice par expèritur: at a malorum prohibente coercita, & temerario conatu adhibita plurimos post sævas ærumnarum perpeffiones in orci fauces ægros miserrime compellit.

Salivationis artificialis generale prohibens est humorum vitium, quod particulis sanguinis inquietis, seu impetuose commotis peculiariter inhæret, ob quas mediante salivatione potest ita fundi, & laxari fluidorum compages, ut fibrosa pars penitus destruat: vel si licet generico addere specificum prohibens est ita pressa, mutuoque cum cæteris miscibilibus in aliquo viscere amplexu unita, ut absque canalium dilaceratione minime laxari possit; quibus si solidorum liquidà vehentium in visceribus naturalibus, aut spiritualibus delitescantium mollietis, laxitas, flacciditas, aut soluta unitas accedat, omnibus circumstantiis stipata totum vere prohibentis onus exhaurit.

ARTICULUS II.

De diversitate remediorum salivalium, eorumque usu, & utilitate.

UT sialagoga mercurii natura penitus nobis innotescat, juvat hic exponere remediorum salivalium diversitatem, quæ imminutum salivæ fluxum ad fauces promovent, & quicquid ibi hæret una discutunt. Quando enim per glandulas palatinas in summitate palati dispersas, vel per sublinguales in radice, & lateribus linguæ hiantes una cum parotidibus juxta aures, salivalis succus in oris cavum non infunditur, in ipsis tubulis moram necit, ubi diu subsistens, & in partibus capiti vicinis sensim collectus infestus evadit, ibidemque coacervatus novas operandi vires acquirit; indeque vitiato molecularum nexu male olens, varie morbosos inducit affectus. Ne igitur fluoris salivalis motus retardetur, ut promptius iste, & copiosius eliciatur, inventum fuit subsidii genus apophlegmatismi nomine insignitum, quod pituitosos humores in glandulis oris impactos, & tubulis inhærentes, fluxiles reddit, atque ad motum concitans in tantum emicuit, ut e peculiaribus evacuantibus veluti abreptus ad universalium classem elatus fuerit, quod eatenus concedi non potest, quatenus non totum corpus per ipsum ad has tubulorum syrtes suam deponit uliginem, sed particularis glandularum salivalium morbus tantum tolli posse videtur. Ubi autem humores in tota sanguinea massa, totoque adeo corpore impliciti æquali motu per vasa rapiuntur, sed ad oris glandulas appellentes circa faucium tubulos resistent serosi humores, tunc ut ad motum fiant aptiores, & fluxiles reddantur, apophlegmatismi inciduntur, attenuanturque, ut felicius proluciantur. Quod si quis mentis hallucinatione captus istos vitali nostro calori committi, ad ossa quasi usque penetrare, & inter fibrarum poros, & glandularum omnium spatiosa se insinuandi efficaciam suam manifeste admodum in morbis longe gravioribus contendat, in actu hærebit illi aqua. Horum enim agendi modus in glandularum laxitate vel vasculorum irritatione consistit. Quoniam igitur salia volatilia acria urinosa ex objectis in ore elicta, in nervorum fibrillas citissime irrepando urgent villorum oscilla per intervalla minima, sit ut per tremorem illum partes, quæ validiori flexione sese tangunt, in aliarum contactum magis nitantur; adeoque si quid

est mobile per nifum illum vividius urgebitur, atque etiam abripietur quicquid est ad contactum membranarum positum, & intra villos contentum. Quare villorum nifus naturalis si partes magis impactas dimovere non possit, cum aucta vi stimuli minorem inveniat in fluidis resistantiam, in contenta liquida nitendo fiet ille vividior, & fluidorum motus ad partium contactus adhuc major; unde ratione aucti utriusque impetus lentescens liquor facilius dimovebitur. Quod si fibræ glandularum ita corrugentur, ut appulsui salivæ renitentes effluxui non cedant, optime, feliciterque laxantur emollientibus vegetabilibus. Hæc sensim suaviter fauces afficiunt, anodyna vi poros demulcent, & partium nervosarum insigniter leniunt: qua ratione blando tepore laxatis fibris, flexilibus, mollibusque particulis membranosarum partium tensione obliterata, uberior salivæ affluxus per hiantia vasculorum repagula confertim appellens jugiter a dilatatis poris extillat. Hinc latus est in praxi apophlegmatismorum campus sub forma masticatorii, electuarii, trochisci, pillularum, & gargarismi exhibendus. Juxta igitur pororum infartus, & glandularum morbos cietur saliva, quæ si ob fibrarum torporem, & languidam villorum oscillationem in tubulis hæreat, commodius prolicetur a masticæ, cujus granula ut lacrymæ transudant ex lentisco arbore sauciata, grato odore palatum afficiendo, glandularum atoniam resarciunt, & rotundis suis particulis suaviter titillando effluxum salivæ promovent. Attamen si serosus humor sit tanti lentoris, ut per conceptam nervorum undulationem, & illum villorum nifum in expressionem liquidorum nitentem a glandularum exilissimis ostiis dimoveri non possit paulo acriori stimulo, ut decocto mellito ex betonica, lavendula, majorana, rore marino, ruta, cubebis, pulegio, & nasturtio irritentur fibræ, ut majori contractione conceptæ rigidiores, ac breviores fiant; unde adhuc majori nifu impetus sanguini ad partes oris in glandulas stagnanti communicabitur major, quo fiet, ut a villorum pressione attenuato spisso, & lento, aucta velocitate fluidorum, & solidorum tremore salivalis feri valdopere augeatur affluxus.

Si ob vitium villorum minus sensibilem, vel adhuc crassioris lentoris resistantiam divelli renitentis prohibeatur saliva, commodius aptentur sulphurea, resinosa, quæ particulis salinis volatilibus acrioribus magis explicata, ut tabaccum, nigella sylvestris, radix gentianæ, zinziberis, quibus referri potest radix nicotianæ, modo observetur, ne tantillum deglutita saliva, graves vomitus, & sedes concitentur, valent intimius commovendo fibras, serum quietem meditantem evacuare, & expressionem liquidorum facilius promovere. Sic in linguæ paralyfi liquida e sinapi, theriaca, confectioe anacardina, & aqua apoplectica optimi sunt usus. Dum enim nervorum linguæ papillæ acrioribus particulis stimulatæ vividius oscillant, contentæ fluidi hærentis molecule ob tremoris solidorum motum fortiori agitatione commotæ sensim a vasculorum angustis abripiuntur. Ita nullo impedimento per linguæ substantiam repente fluido, & intra villos fluente libera permittetur musculorum fibris contractio, unde resolvetur paralyfis. Ad dentium dolorem a sero stagnante radix pyrethri masticata, tinctura Vvedelii odontalgica ad copiosorem salivam eliciendam est expertissima. In gingivis scorbuticis, tumentibus glandulis, hinc in frigidis capitis affectibus, apoplexia nimirum, lethargo a crasso humore exortis, in quibus serum spissius evadit, cum ægri euphoria adhibentur masticatoria. At si tenui acrimonia vel fluxilitate nimia peccet humor, vel deficiat serum, ut in hecticis, vel pessimo succo affectis, tutius erit abstinere. Hoc consilio in asthmate, in hemophthysi, in facile vomentibus, faucibus inflammatis, & anginosi affectibus, ratione irritantis stimuli, tanquam noxia fugienda consulimus.

ARTICULUS III.

De Mercuriali Salivatione.

Post medicinæ exortum aucto artis sæculo, licet improbo experimentorum labore laxata ingenia, & subtilioribus philosophiæ ratiociniis suffulta sublimiores de natura rerum cogitationes, medicaminum vires, & quæcumque morborum, causarumque contemplationem e penitiori physices recessu severiori indagine eruere conarentur: Horum tamen mira solertia fieri fugitivi in tenebris latitantis, & quasi silentio involuti, dubiis tantum innixa fundamentis ignobiliores usus nullis experimentis ornata elicere potuit.

Post casum exemplo monstrante viam investus in arte mercurius, qui prius ut scepticus, summeque deleterius a veterum schola lethalibus infamatus erat exemplis, nunc tandem caput exerens in primis artis subsidiis reponitur. Cum dira lues celtici semini non prius nostro cognita cælo mortalibus irrepsit, & primis illis temporibus subdole, ac clama summa hominum pernicie, ac clade sævire cœpit, atque in humorum corpus debacchari, omnia medentium auxilia illuxit: qui medicorum cætus cum viderint homines inopinato, & non intellecto morbo peremptos, indefesso conamine melioris auxilii medelam investigantes, saniori forte consilio ineuntes ad validiora Arabum medicamina pro scabie devenerunt, quæ hydrargyrum recipiunt, insuetoque delusi morbo luen gallicam cum scabie perperam confunden-tes, illis medicaminibus, in ulceribus gallicis uri cœperunt, quæ cum ex voto successerint, ex falso verum ducentes casu reperire, quod conjectura fallax dictavit, & ratio invenire non potuit; unde mox pro gallica sorde, & luis inquinamenti hydrargyri illinitione reperta, Carpentis ille Chirurgus, ut testatur Fabricius Falopius de morb. gal. & Ramazzini, fere primus hanc medicinam callens, summo artis incremento a populari pellicitus aura, & novitatis aucupio sibi viam sternens ad medicinæ culmen, licet sæpe cæsis hominum victimis litans, feliciori tamen sapius eventu plurimos obliniens tantos obtinuit plausus, ut in magnalia artis adscitus quinquaginta millia ducatorum aureorum lucraretur.

Harum observationum præsidio instructa mens hominum post repetitas, atque accedentes in dies novas observationes sibi mutuo facem præferentes, cœpit solertia mentis, hominum naturæ methodique pedissequa, novos mercurii usus explorare, & circa ipsius naturæ arcana disputare; ex quo regente rationis lumine in usus varios adscitus mercurius, atque diversæ indolis morborum ad curationem nunc investus, summas diffidias in medentium sectis, & in quorundam scepticis Clinicorum ingeniis sola innovandi libidine præjudicatis, excitavit, a quibus sectarum litigiis malefano hominum iudicio fundatis, in germanæ artis subsidium advocatus mirum non est, si post abdicatum empiricum studium, & subreptum theoriarum cultum, luxuriantibus tantum intricatis hypotheseon erroribus, & conjecturis, & quasi in arte coercitus ultimos medicinæ fines non attigerit.

Ut jam ad variam præparationum methodum mentem dirigamus, primo unctionem mercurialium cutis illiniendæ, quæ in lue venerea curanda præscribi solent, selectiores quasdam formulas referre necessarium existimo: in quibus linimentis, licet plurima componentia ingrediantur, horum tamen basis est mercurius cæteris quibusve validior. Unguentum, quo Paræus lib. de lue ven. cap. x. feliciter usus est, conficitur ex particulis sublimati corrosivi, & sulphuris in pollinem redactis, quibus affuso argento vivo, simul cum axungia mox, & vitellis induratis, omnia diligenter permixta agitantur, donec minima commota optime se tangerant. His exacte combinatis rursus affunditur argenti vivi, axungiæ, & vitellorum portio, ut priori massæ incorporetur, cui additis tandem oleis therebinthinæ, & lauri, mox

theriaca, & mithridato paratur mediocris consistentiæ unguentum. Juxta mentem aliorum Chymicorum mercurius vivus extinguitur saliva hominis, vel oleo therebinthinæ, liliorum, vel lumbricorum, qui inde ab unguento de althæa Fernelii exceptus, oleoque succini associatus in unguentum coalescit. Sed melioris fortasse notæ compositio indicatur a Junckenio, & Sydenhamio, quæ ex crudo mercurio, & axungia porcina conficitur. Nec oleum aliquod, nec aliud quidpiam admiscet, cum deterius fiat unguentum, si quod adjunctum laxet habenas, vel hoc frænum injiciat, nihilque efficacius, si nil prorsus agat. Fortassis additamenta scrupulose expensa sunt inanes temeræ superbiæ, quæ hydrargyri viribus, ac proinde frangendis mercurii conatibus, aut in internas partes penetratione cohibenda impares nil opis conferunt, nec malignitatem stulte peritam mercurii corrigunt: sed poros cutis occludendo mercurii efficaciam quoquo pacto infringunt, ut in oleosæ substantiæ amplexu torpidus paulo hærens, de in oleorum conjugio liberatus impetuosius in sanguinem evehctus celeri motu ruat, donec visciditates in corpore hospitantes incisæ, atque attenuatæ per ductus salivales ejiciantur. At ab eorum usu, ut ab alea suspicione plena, nisi morbus vehemens inunctionem extorqueat, consultius est abstinere, cum languidius, vel validius, quam par est, fluxum salivalem commoveat.

A mercurio non excitatus fluxus oris, quotiescunque in linimento paratus uberius alluit spongiosas glandulas, & vasculorum lacunas, vel quia nervi memoratis partibus conserti stupore afficiuntur, atque adeo distrahuntur, ut singuli villi laxo machinularum fœdere, & fibræ minori resistentia inter sese connexæ prementi nisu discludantur, quarum ope ubique humores miris modis agitati ulterius superare debent asperitatem parietum, resistentiarum occursum, & postrema fistularum, ductuumque emissaria. Nunc vero si vis dictarum machinularum distractarum minor fuerit vi ponderis eorundem liquidorum, quæ in reticulari fibrarum, glandularumque contextu continentur, cum in memorata partium distractione mercuriales particule, ob resistentiam, quam sibi ipsis faciunt, ad invicem non possint a languido solidorum nisu, & liquidorum a tergo urgentium pressione in gyrum rotali, facile in interjectis loculis, & fibrarum laxitate stabulantur, & suspendatur oportet eorum influxus oscillorum connisum violenter exhauriens. Machinulæ igitur fibrarum valde distractæ, & nimis laxatæ, etsi sponte sua denuo sese restitue-re conantur ad naturalem terminum, ut videtur in arcu, & qualibet machina, quæ violenter distracta, summeque distensa in pristinum statum reducitur, pondere nimio gravatæ non restituentur, ex quibus fieri non potest hydrargyri circuitus cum liquidis omnibus eo, quo fas esset, impetu; ideoque mercurius magis ad invicem pressus in illis spongiolis moram necit, nec ejusdem stagnantes particule sursum impelli possunt, tum quia resistit naturalis ejusdem gravitas, tum quia laxitas fibrarum, & villorum omnium vis macerata labascit. Hinc præ nimio infartu, ac pondere circumfusi humoris superatur nisu, & villorum resistentia, ac idcirco immodica humorum sarcina inanitates spongiarum gravantur, ejusque ligamenta exolvuntur, atque divelluntur.

Si vero uberius mercurialium corpusculorum copia consistentibus fibris, rigidisque villis occurrat fluidi particulis; earundem implexu tanquam vinculis coercita paulo detinetur; at soluta fluidorum compage sui juris facta intensius exagitur, & turmatim avolare nititur. Unde impetuosius concitis fluidorum solutionibus, uberiori nimis salivæ eruptione sputatio ciebitur; quo fiet, ut materiæ partibus gelatinosis impactæ saburra perquam immensa commota, tota confestim nimis versus ductus salivales irruens circa gutturis partes cum suffocationis periculo aggeratur: adeoque serosi laticis agitata moleculæ fugam molientes, & hinc inde ad glandulas oris jugiter confluentes, cum nullo fræno cohiberi possint, non raro contumacissimis cruciatibus spuentem ægrum miserrime jugulant.

Mihi Venetiis narravit vir in mechanicis disciplinis

nis versatissimus, & æque in exercenda praxi felicissimus, quod venerea lue ægrum tabescentem aggressus repetitis illinitionibus, cum nec quarta injunctio-
ne potuisset salivam promovere, imminenti remedii periculo consultus, & futuræ cladis fortasse conscius interdixit ægro mercurii inunctiones. At invocata alterius medentis ope inunctiones renovare consulentis, in septima inunctione ardenti febre correptus, summoque animi angore incallescens pater deliravit. In hac morbi sævitie posterior Medicus suo errore deterritus curationis abdicavit imperium, nesciens quo facto, quave medela consultæ calamitati occurrere posset: prior tamen ut acrioris ingenii Medicus omne artis opus ruminavit. Catharticis irrito conatu adhibitis, aurum in subtilissimum pollinem redigi jussit; ut hydrargyrum miro aurum amplexens amore per aliquod cribrum eveheretur: sed minutissima auri scobs non lævitate sanguini æqualis sibi viam per alvum paravit. Unde quasi lumine afflatus, ut ægri corium auri foliis tegetetur auctor fuit; protinus inde aurum argenteo hydrargyri colore pallescere videbatur, ita ut mirum fuit, quanta mercurii copia auro allicita educeretur. Hinc laudabili hydrargyri quantitateeducta ingenti pyralismo parotides, salivales omnes intumescere glandulæ, per quas aqueis, & salino-fixis particulis ad fluorem, evectis jugiter erumpentibus, non minus intestino sanguinis motu in furorem concito, quam a mercurii pondere enervato solidorum partium robore, patientem jam eversum in naufragio vitam invenisse merito diceres.

Sanguis igitur in gallica fluidorum dyscrasia obstrictam, & densam nimium texturam naturali cordis, & arteriæ parietum motu allisus, debitoque fluore non gaudens suis partibus ita coheret, ut licet assiduis villorum contractionibus, cruorisque præterlabentis pressione agitetur, in dies intestinus ejusdem motus oblanguescat, cæterarumque partium tonicus motus pedetentim resolvatur oportet. At si graves jugiter diffuentes mercurii moleculæ, id est majori momento pollentes, in sanguinis massam majori copia quaquaversum cum impetu confertim ruant, solventur subito partes sanguinis lentore implicatæ, & in libertatem vindicabuntur, excitabunturque motus species vivido, tum liquidorum, tum solidorum momento respondentes, & ratione eorundem impetus velocitatis, & violentiæ fluet per canalium sanguis maxime liber summa velocitate, atque valido impetu præditus, nisum quemlibet vehementer exerens. Posito autem hujusmodi sanguine maxime soluto, ac celerrime raptò, partes subtiliores, & maxime mobiles, quæ non cohibentur nisi a fibra sanguinis, suo freno destituuntur, adeoque vagantur libere per corpus sanguinis toto motu nitentes, ac proinde totum perturbato motu liquidum movebitur; unde febris ardens. Hinc per nervos magis confusi vagantes spiritus, & extreme soluti maximoque impetu instructi derivabuntur in fasciculorum nervorum tubulos, qui undequaque irruentes, nullo certoque ordine moti delirium excitabunt constans, atque continuum. Cum vero in accelerato liquidorum motu, licet fluidum sit ita divisum in partes adeo minimas, ut diameter orificiorum glandularum ad diametrum fluidi separandi habeat rationem majoris capacitatis, cum in glandulis separandum suum exigit sejunctionis tempus, & determinatam velocitatem requirat; perspicuum est separandas in fluorem evectas ab hydrargyro particulas, & cum sanguine ad officina glandularum salivam secernentium appulsas, in ipsamet vasa non influere, nec ullum posse derivare liquidum, quousque solidorum nisus, & velocitas sanguinis aucta conservetur eadem. Quare educto mercurio validiori momento sanguinem rapido cursu per glandularum angustias impellente, copiosa sputatio incipit, ob sanguinem minori velocitate in easdem glandulas impingentes. Igitur caute procedendum in salivatione instituenda mercuriali illitu. Nec inquit, Deleboe Sylvius, *sufficit feliciter successisse Medico salivationem in agris suis excitatam, quin videndum, ne unquam succedat male, cum plus dedecoris accedat Medico ex uno eventu malo, quam honoris ex decem eventibus bonis*. Verum si post peractas illinitiones

nulla symptomatum perniciæ procedat salivatio, & felici eventu stadium exequatur, adhuc tamen si a moleculis hydrargyri per inunctionem institutam intra sanguinem colibitis salibus virus intine non extirpetur, completa salivatione recrudescit morbus, atque superstes dein vitiosa sanguinis labes, & humorum indoles in elementaribus sanguinis particulis primitus constitutivis eradicata repullulat; a qua incerta liquidorum solutione ocus, quam par est, instituta, eventuum inconstantia consequitur, quæ artem contumeliæ redarguit.

Sedulo vero medentes unctionem agris non tantum gravem, & molestant, sed nonnunquam etiam lethalem fuisse animadvertentes, mercurialia suffumigia investigarunt; quæ parantur cinnabari cum mastice, thure, mirra, vel succino in pollinem redactò, quod prunis injectum ignem concipit, simulque cum sulphure resolutum totum in fumum densum, gravemque evolare nitens per infundibulum vitreum ore excipitur, capite bene recto, ne quid ejus pereat, aut abeat in auras. Vel hydrargyro in thebentina extincto, bolo vulgari, & carbonum pulvere massam conficiunt, quæ inde sub umbra exsiccata candenti igni imponitur, ut fumosa nubes in altum prorepens pressius in tubo agglomerata, & dehiscencia oris vascula versus promota minimas quasque corporis partes venerea lue affectas præreperet. Verum quantum efficax est mercurii fumus ad saniosam, putidamque salivam promovendam, tantum ex ejus usu recidivam patiuntur hi, qui gummatibus, nodisque plexi, & sævissimis ex lue venerea doloribus cruciati certum mercurii fumum intus non admiserint, quod partes omnes a seminio venereo infectas non valeat subigere. Hinc est, quod ab indeterminatis agentium viribus ab incerta quantitate mercurii in fumum resoluti, & intus elapsi pendentibus, sortitur eventuum inconstantia, quæ licet repetitis tentaminibus, rationeque expiata, dubiam semper, insidamque methodum constituit.

Nec feliciori successu cingula jam veteribus procurata scabiei adhibita in gallica lue experiuntur. Mercurium saliva, & sevo extinctum in ovi albumen includunt, illinuntque supra gossypium, quod in cinguli modum consuunt. Hinc cuditur famosum illud sapientiæ cingulum, seu mercuriale Rulandi, quod est pannus lineus unguento mercuriali illitus, qui ad lumborum regionem applicatur. Attamen ab hujusmodi topicis ex magna rerum innumerarum congerie conflatis Medicus cautus sit, ne confidenter nimis expectet bona, audacterque nimis utatur: si hæc mercurii per poros cutis in sanguinem repentis genuina, ac certa nondum innotuit methodus. Unde forte remedio magis, quam morbo confecti libithinam non valent effugere. Excussis itaque dubiis, ac incertis hydrargyri, externo illitu, suffumigio, & cingulis, ad accuratiores mercurii præparationes absolvendas, mihi volupe est mentem revocare. Modo vero ad salivationem ciendam plurimi utuntur turbiti minerali, quod est mercurius spiculis acidis olei vitrioli farditus. Mercurius vivus oleo vitrioli combinatus ad minima dissolvitur: post dissolutionem igni lento committitur, & distillando educitur humiditas; inde in fine aucto ignis gradu ultima pars spirituum dispeccitur. Restitans massa dein in aquæ tepore sufflata in pulverem flavum momento temporis evanescit, quæ leviter mellita paucis lotionibus valide vomitur, & sedes concitat. Spiritus acidi præcipitati forma mercurium induentes excitando in fibris speciem motus momenti majoris impetu acutorum salium vehementiori eas ita urgent, vel his ita occurrunt, ut ad stimuli locum partes nervorum in eo situ ad contactum possint, & in ipsos occurrentes, quasi divellant ab invicem. Ab hac vi stimuli divulsæ membranæ, & universi corporis villi naturali contractione contractiles validius contrahuntur; adeoque per nisum partium majorem, & vividiorum fibrarum flexionem vividius urgetur, quicquid est ad membranarum contactum, sive intra ductus, e glandularum inania positum. Unde dimovebuntur magis contenta liquida, quam si nervorum fibrillæ leviter oscillarent: per tremorem autem illum, & spasmodicam tunicarum contractionem, si quid erit

erit mobile, & expressile, a dehiscen-
tibus ventriculi glandulis intestinorum osculis, papillis, ductibus,
qua poterit, derivabitur. Retusis vero spiculis, aqua
communi pluries edulcoratis, & sæpe abluendo he-
betatis, mercurialis pulvis omni acredine, & salsedi-
ne spoliatur: Ita pungentibus salibus, & purgantibus
exutus feliciter sanguini fermento gallico effecto com-
miscetur, ut promptius cum fluidis effluens oris flu-
xum promoveat.

Verum genuinum minerale turbith a peritis chy-
miatris, non a mercurio vivo cum acidis educitur,
sed ex sublimato præparatur. Mercurius sublimatus
dissolvitur in aqua pluviana calida, solutio aliquo-
ties filtratur, filtrato mercurio guttatim infundatur
tantum olei salis tartari, quantum putetur requiri
quoad in fundo subsistat pulvis rubeus, qui aqua
communi edulcoratur usque dum destituatur omni
acredine; inde cohibetur cum aqua mellis optime re-
ctificata sex, vel septem vicibus, quibus terminatis
eximatur pulvis, qui in vini alcohol suffunditur,
continuoque motu circumfertur, donec vini spiritus
protinus assumatur.

Si vero mercurius cinnabari elicitus dissolvatur spi-
ritu nitri, cujus dissolutioni aqua sale marino con-
fecto projiciatur, inde volatili spiritu superaddito
salis armoniaci in summe albicans præcipitatum mu-
tabitur. Hoc ipsum aqua fontis abluatur, ut a sco-
riis salinis, & partibus terrestrioribus vindicatum fe-
liciter salivam movere possit, Sal marinum, velejus-
dem spiritus ex rigidioribus moleculis, & crassiori-
bus corpusculis confusus in hanc dissolutionem
impingens sui impetus percussione, & directionis
momento nitri spicula diffringit mercurialibus parti-
culis turgida. Unde mercurius a nitrosis salibus dis-
sociatus suo pondere ad vasis fundum sese compellit.
Sic quoniam spiritus salis armoniaci volatilis
ratione salis alkali est majoris motus, & mo-
menti, ut possit liquoris particulas salis marini
excutere, cujus moleculæ minoris agitationis, &
impetus non appellant, penum præcipitationis au-
get.

Alius paratur mercurius in spiritu nitri dissolutus,
qui lento igne diffusa humiditate in candidam mas-
sam facefcit, & ignis torturam patiens dum calcina-
tur, rubescit. Spiritus nitri, & mercurii corrosiva
ramenta, dum calcinatione per ignem exagitantur,
mutuis nisibus in se invicem agunt, eorumque reni-
sus aculeata salia retundens subtilioribus metheoriza-
tis septicam materiæ coalescentis aciditatem demul-
cet, quæ licet calcinatione minus gravis, & causti-
ca fiat, fungosos tamen villos exedit, & ad saliva-
tionem excitandam periculo non caret. Hæc vero
spiritu vini rectificatissimo pluries combusta resolutis
salium aculeis ita oblinitur, ut omnibus votis sali-
vationem compleat.

Galli saniori consilio panaceam venerea lue confe-
ctis tutius exhibent. Hæc enim est sublimatus dulcis
salibus terreo-erosivis spoliatus, & pluribus sublima-
tionibus lenitus, qui supra porphiritem contritus in
alcohol redigitur. Hic pulvis in cucurbita vitri coer-
citus spiritu vini irroratur, dein eburis spatula pas-
sim agitatur, ut hinc post plurium dierum infusio-
nem in balneo maris projecto totus vini spiritus de-
stillando eliciatur. Quo spiritu in vaporem sublima-
to panacea in fundo vasis reperitur. Vel sublimatus
dulcis dissolvitur in spiritu vini, ejusdem solutio fil-
tratur, & spiritu vitrioli præcipitatur. Hic mer-
curius vasis fundum dum petit, ut nix candescit: In-
de aliquoties aqua calida dulcificatur, ut in sachari-
num abeat præcipitatum: tum demum huic superfu-
so spiritu vini destillatur ter destillationem reiteran-
do. Repetita diu destillationes, sublimationes salium
spicula rigida sublimati corrosivi rescindunt, aut eo-
rundem salium ramenta partim detrahunt, quibus si
intime erosivæ acredinis aculei non diffringantur,
particulæ sulphureæ spiritus vini intra poros sublimati
conclusæ furentia salia oblinient, partibusque ramosis
ævigent. Ab hac panacea non multum differt illa
Valentini, quæ aque tuta, ac jucunda in oris exci-
tando fluxu sancitur. Hæc panacea absque glandula-
rum exulceratione levi labiorum dolore, & minima
generum inflatione salivæ cursum molitur, qua in

molis, ac tenellæ constitutionis hominibus passim
utimur. Cum vero virulenta ulcera, & sordida,
tophi, & saniosæ crustæ corpus defœdantes vehemen-
tibus ubique doloribus obsident; tunc virus illud li-
quidorum crases prorsus evertens panaceæ blanditia
sæpe integre non pellitur, & superstes deinde depra-
vata Sanguinis constitutio majori fluidorum solutio-
ne expugnatur.

Quamobrem mercurium dulcem in forma pillulari
tanto hosti unice parem commendo. Mercurius ab
acido salinis aculeis penetratus in minimos, & in-
finitos scinditur globulos, quos undique acida spiri-
tus nitri corpuscula permeant, eorumque ramentis ir-
retiunt. Hæc massa alba restitans, evaporata igne
lento arenæ humiditate, æquali vitrioli calcinati, &
salis decrepitati portioni commiscetur, quæ mixtu-
ra in matratio reposita igne exagitur, donec in
vasis culmen repens secum trahat corrosivos spiritus,
a quibus repressa volatilitate, & ab acidis cohibita
dissolutione in spiritus, concrefcit in chrystallos. Hu-
jus sublimati particulæ, & motus parvulorum glo-
bulorum calore promotæ, impetuque rotatæ, quasi
minimis cultris fibras dilaniant, unde summum vene-
num audiunt. Acutorum salium in mercurio delite-
scentium & in parvo spatio coeuntium impetus cy-
lindricis suis ad pyramidem in fine basis, & apicis
accidentibus ad angulos rectos in fibris membranif-
que occurrentibus eo urget momento, quod ad mem-
branarum poros, & cohesionem fibrarum superan-
dam requiritur. At mirum, dum acuta spicula sub-
limati corrosivi in matratio circulantia, in pallas
mercurii vivi validius rotantur, mutuis nisibus con-
gredientia franguntur. Hinc per solam hydrargyri
additionem repetita ignis actione in novis sublima-
tionibus retusis salibus, eorumque cuspis novo mer-
curio imbibita in sphaeram evadens, vel complana-
ta omnes partes æqualiter imperit, adeoque ab eis
æquali momento collisa, & ad quem reddit reper-
cussa ab ambientibus solidorum membranis absque se-
ptica facultate irrumpit in spatium liquore plenum,
& ante sui exclusionem diversa mole, & gravitate,
adeoque diversa motus quantitate instructa in resi-
stentia corpora vires, impulsus, motus variæ dire-
ctionis, & allisionis exerendo intra sanguinem visci-
da solvendo labitur. Mercurium dulcem non infe-
rioris frugis conficies ex mercurio sublimato & mer-
curio vivo, ex quo fonte promanat Clarissimi Rive-
rii chalomelanos, quod ex mercurio, sale, & vitrio-
lo compositum duodecim sublimationibus ad summum
excellentiæ gradum evehitur, quibus mercurius vitæ
additur eo modo, quo a Riverio describitur. Reci-
piatur mercurius sublimatus, & argentum vivum cin-
nabari elicitum, & misceantur exactissime, donec mer-
curius vivus non amplius appareat, postea sublimen-
tur, & duodecies sublimationes reiterentur. Hujus
mercurii dulcis cum mercurio vitæ quadrupla, qui
amiserit totum intus latens venenum per exhalatio-
nem tetri ac fœtidi fumi, ne vomitum cieat, qua-
drupla inquam major misceatur, & fiet pulvis colore
griseus.

Hæc sialagoga medicamina indicantur a speciali
humorum vitio, & peculiari sanguinis dyscrasia, quæ
viscidæ, crassæ, glutinosæ acrimoniæ volatili inniti-
tur, in qua crasi omnium quasi liquidorum vitiosa
salino-volatiles moleculæ fluorem acquirunt, & lym-
phaticæ sanguinis, crassoque terreæ particulæ figun-
tur, ut inde salibus acrioribus imperium nactis, &
parte sanguinis viscida ulteriori coalitu unita glutino-
sum cum acrimonia conjunctum æmulentur. Hæc
glutinosa acredinis fordes per coitum impurum po-
ros urinarii meatus, & prostratarum glandulas coin-
quinat; inde subdole fluidis in gyrum rotatis impres-
sa sua aciditate erosiva volatili maxime cavos glan-
dularum folliculos post infartum exedit, membrana-
rumque substantias cum vasculorum erosione, & pu-
stulis ulcerosis depascitur. Hæc intima magis proser-
pens ossium periostia cum dolore præcipue noctu
lancinativo medios artus occupante, ut & flexura-
rum rigiditate convellit, divellitque, ossaque carie,
tophis confecta fascinat. Igitur coinquinatæ omnes
sanguinis moleculæ, & ulterius pressæ ab ejusdem
acidis coagulantibus fortiori amplexu cohibentur: ex-
teris

teris interim mobilioribus] & salino acrioribus fluidorum dilabentibus particulis ipse sanguis crassus, atque mucilaginosus evadit; quo magis mobile sanguinis implicatur quoque ac torpore afficitur, ut ægre pensum circulationis expleat; inde a fibrarum tono ex indebito liquidorum appulsu non suffecto, & sanguine salibus volatilibus, & partibus crassioribus turgido non reparato, tum liquidorum, tum solidorum morbus passim contingit.

Liquidorum vero prohibentium conditio est salina materies magis attenuata, quæ involventibus acidis orbata sit acris, & cum oleosis tenuioribus permixta volatilis fœtens evadit. Altera autem pars sanguinis fixioribus salibus, & oleis ramosioribus simul tenacissime combinata in densam fœcem, & salino adustam muriaticam concretionem: illa ob acrimoniam alkalina volatitem producit in sanguine partium solutam coherentiam, quæ dissolutio actiones omnes solidorum, & liquidarum partium turbat, & destruit: hæc minimorum canalium coactum facit, & in glandulis obstructions pertinaciter firmat.

Quoniam per acriores mentis conjecturas oculatissimo examine prosecutas, perque repetita tentamina solertissima Medicorum experientia suffulta a pluribus simulque latentibus melancholici humoris proprietatibus, ac viribus exortum morbum salivationem contemnere compertum fuit; ne experimentalis veritatis incremento litemur, fateamur oportet, sanguinis particulas salium adustas nimis evectas, fluoremque patientes, summe activas mercurii vires eludere, terrestrioribus sulphuris corpusculis associatas. Cum strictiori amplexu salium particulæ adunatæ ita pertinaciter coherant, ut cuicunque solventi imperviar reddantur, arctissimæ eorum meatuum complicationes, a nexu laxari, & in menstrui amplexu rapi non queunt. Quocunque igitur vinculo se invicem associantur salium concretiones, ut retuso impetu mercurii, ejusdemque particularum penetrationes a solidiori concreto repulsa difficillime divelli, & in minutissimas partes confringi resistant, eorum solidæ concretionis compages prius laxata, nec reclusa auferri non poterit. Tantum intercedat oportet mercuriales moleculas inter, & adustas salium concretiones, varias quoad qualitates, & corpusculorum nexus unam in massam coalescentes, discrimen, ut cum mutuis coalitionibus arcte adeo complectantur, ut parvula nulla intervalla, porosve improporcionados relinquunt, mercurialia corpuscula in salina concreta offendentia facile excludant; quæ sane maxime licet poris instructa discrepantibus, tamen naturæ agentis, in aggreddentis prementes impetus nitentes, facile supra solventis nisum resistentias exercent; Itaque intra melancholici humoris nexus tenuioribus mercurii corpusculis non coercitis, concrementi partes eorum motu ab invicem non divelluntur.

Hinc carcinoma recedentes adustæ salium moleculæ, si volatilibus sanguinis partibus in auras resolutis, copiosiorique aquearum particularum dissipatione, resolutis spiritibus exhausta, nimis evectæ, fluoreque potitæ cum vitriolicis, acidisque particulis, & terreo-sulphureis crassioribus combinantur, quæ ad ductus glandularum delatæ firmitus in earum fibris inherentes folliculo includuntur, dimoveri inquam non possunt ab earum complicatione, licet ab impetu mercurii percussæ, quarum tumor si fortiori ptyalismo oppugnètur, ejusdem subtiliores particulæ a gravitate impellentis sæpius commotæ, ejusque impetu allisæ, dum mutuis nisibus agitantur, salium ramenta validius concitata momentum acquirunt, inde in comprimentes fibras cuspidula insigunt, & villos glandularum ab invicem divellunt, quibus sensim discissis, ac corrosis cancer sub forma tumoris delitescens fatali clade inopinato prorumpit. Ex quo satis liquet, componentes canceri particulas, aut a mercurio non diffringi, aut ab eodem accendi; unde illud Nafonianum:

Curando fieri quedam pejora videmus

Ulceræ, quæ melius non tetigisse, fuit.

Feliciori licet eventu eruptiones omnes papillarum squammosæ evanescant, dum in graviore impetigine,

& lepra salivatio cietur: tamen novæ eorum morborum seges pullulare incipiens brevi temporis spatio solitam feritatem attingit, ut observavit Villis in quatuor ægris impetigine laborantibus. Effectus hujusce causa in eo consistit, quod intimus partium sanguinis mechanismus particulis non solum acido-salinis, tartareisque diversimodi status, ac indolis effectus, sed salino acri volatili alkalina materia turgidus a salivatione penitus subigi, ac prorsus resolvi nequeat; adeoque superstes labes sanguinis, & humorum acriminæ doles primitus constitutiva post evanescentes papillarum corymbos, juxta materiæ supplementa in concretiones tartareas facefcens in cute defigitur, ubi papillarum eruptionibus, quasi totidem hujusce morbi loculamentis incoactis, processu temporis aucto morbi ficæ materiæ cumulo, superficies cutis omnis inctustatione squammosa, ac plane ad lepræ confinia evecta obducetur.

Ut enim adustam salium concretionem inani molimine ptyalismo pessundamus: ita eadem debiliores, vitioque plurimos laborantes pulmonum, vel hæmophthisi confectos, infami errore necamus. Si enim naturalis pulmonis vasculorum capacitas, ac fibræ mollioribus, summeque deductilibus coalescentium augeatur nimis, ut partes canalia constituentes sic divellantur ab invicem, ut minimis oscillationibus niantur in fluentia liquida, colliquari fluores conferunt per eorundem cava trajecti, cum intime non sint soluti, ut per impetum a corde susceptum supra omnes resistentiarum vires excurrant, facile in distensis vehementer fibræ, in cellulosis vesiculis, & inanibus spatiis intercipientur, quibus novo semper, ac semper affluente humore per capillaria ramuscula, vesiculæ ex illis prodeunt, & racematim adherentes mirum in modum ita intumescunt, ut humor ratione inertie non distensus in parva tubercula excreseat, quæ dein dum a pulmonum pressione, motuque incessanti incalescunt, in suppurationem abeunt, & in tabem lethalem terminantur. Quod si ultra tonum dilatata vasa a pondere mercurii in majorem extensionem deducta, licet ex majori distensione majorem nacta sint ad comprimendum vim: tamen ab impetu sanguinis majori in arteriarum parietes nitentis, & particulis mercurialibus eadem ad ulteriorem distensionem cogentibus, tandem distractis plurimum arteriarum membranæ eo distensionis deveniunt, ut vim urgentis ad latera sanguinis, ejusdemque particularum momentum impetus ad vasculorum contactum motarum sustinere non possint; adeoque aucta potentia sanguinis arteriosi extrorsum arteriarum minimarum membranas urgente, & earundem imminuta resistentia ob maximam distractionem subito divellantur fibrillæ, restitutionis vim in nimia distractione non observantes. Horum autem potentia ad se restituendum cum in partium coalitione consistat, hæc ex frequenti sæpiusque repetita distractione enervatur; adeoque restitutionis robore plurimum imminuto, muscularis fibra arteriæ sectiones angustare nitens inofficiosa subsistit. Igitur opus est, ut arteria existente distracta, novaque majoris momenti potentia fluidis applicata diffringatur, vel laxetur fibrarum componentium nexus, per quos sanguis inopinato prorumpit, & sanguinis sputum plerumque fatale subsequitur, quod observavit Nicolaus Lemery in suo cursu chymico lethali experimento.

Aliquando in spongioso, & molli pulmonum parenchymate cretacei lapides sæpius concrefcunt, qui ubi angulati sunt pulmonum motu, & gravitate mercurii commoti teneram eorum substantiam lacerare solent; quo tussis vehemens, atque arida, dolorque thoracicus non raro cum sanguinis profluvio satis insigni, atque exinde ulcera cum signis phthiseos pulmonaris nascuntur. Verum isti lapides sint læves, neque qui pulmonum parenchyma terere, vel lacerare possint; at concidant canaliculorum partes facile dilabentes, ratione imbecillæ virtutis, qua ad murum contactum sistuntur, quotum minimi villi, qui sunt veluti totidem languidi vectes uniti, adeoque parvarum virium capaces, dum ad motum a fluenti corpore majori impetu instructo excitantur, iners illa efficitur vasorum vis & fibrarum minor ad contractionem nisus, qua debili minimorum solidorum

energia sistitur ad partem fluidorum motus, indeque fit, ut mercuriales particulae a resistentiae loco repulsa, a repercutiente validiori impetus momento intruantur, atque vires percussione in continentes villos exercent; quorum tenerae, ac laxae fibrillae maxima distensione coactae a nova jugiter affluente materia infirmius nituntur in contenta fluida; & cum a languido nisu villorum, particulas fluidi viscidiores, & mutui magis resistentes premente, non fiat lentor liquidior, ut se jungi, & sese expedire possit, evadet ille ad motum difficilior, & ratione lentoris tenacius haerentis extremitatibus canalium augebitur pulmonum infartus, quo vasa illa tenera coarctata, & compressa liberum transitum praebere non possunt circulantibus fluidis: indeque continuo appulsu novi liquoris ad partes pulmonum compressas tendentis, & praereluentis ad latera urgentis, vasa ultra tonum dilatata, & distenta tandem rumpuntur, quae viam ad pulmonarem phthisim sternere solent. Unde quotiescunque liquidorum lentor universalis, & vasculorum infartus tollendus erit, sed aderit pectoris dolor, tussis, aut tubercula delitescunt, imminuetur quidem fluidi crassities, at cruda pulmonum tubercula parvo dolore latentia salivationis agitatione incalescunt, & inflammata suppurantur, quae in habitu primo phthiseos delitescunt in irreparabile exitum terminantur.

Nec feliciori eventum certitudine in nervorum tremore salivatio exspectatur. Cum autem ad motus requiratur contractio musculorum maxime aequabilis, atque continua, si spiritus per nervos influat minori copia, quam par sit sustinendae tensioni fibrarum, nervorum tubuli dato temporis spatio a derivatis spiritibus solum inflati elevabuntur, & demittentur alterne, unde continget tremor; cuius tremoris species in villis impressa, si a comprimente aliquo, vel obstruente, adeoque spirituum influxus intercipientem inferatur, salivatione plane tolli, atque averti poterit. At in senibus, & imbecillibus cum tremor a debilitate nervorum, & lucta spirituum proveniat, erit ille compositus ex repugnantia nervorum ad excipiendam pressionem in fibris a spirituum expansione, & nisu, quasi laxatis per membranarum divulsionem diuturno tremore fatiscendum, & inertem nervosum liquidum elatere flexuosos canaliculos, minimasque villas non replente, qui in labentibus villis obvis, & earundem distractione subortus, cum eorum tenuissima filamenta ad aequalem contrarium inepta tonico motu non aequent mercurialium percussione vibices, tremor idem non modo persistet, verum major succedet.

Ratione non longe diversa male sputatio cietur in eo, qui motibus convulsivis a laedente externo illatis obnoxius evadit. Ita quicumque cerebro debili, aut nimis rara, & laxa nervorum fibrarum textura praediti ex adunatione partium minimarum connisu in cohaesione tam parvo suborta, ut levi motu solvi queat, morbis nervosis tentantur, aut paralyti ex magna villorum siccitate musculorum flexione dirigentium prohibente, vel ab eorundem resolutione motum coercente (quorum pars affecta protracto morbo contabescit) a mercurialibus obducantur. Gravia enim mercurii corpuscula nimis mobilia fluendo per propriam nervorum substantiam, immo, superatis innumeris diverticulis, & impedimentis, motus suos ubique perperam diversis directionibus, ac velocitatibus, quibus pollent, communicant singulis machinulis totius nervorum fabricae, & poros impervios memoratae particulae commeantes hac illac inaequaliter nervos excutunt; & quia eorum meatus, inanitates, & interjecta spatiola sunt mollia, contracta, & diversis feculentis referta, impediunt flexuosos trices, atque intersecationibus invicem inclinatis, ne mercuriales moleculae cursum molientes aequali undique nisu spongiolas fibrarum penetrent, fit ut motu celeri & perturbato machinularum dimoveant nexum, indeque deflectantur quocunque, tanta cum virium inaequalitate, quanta videtur necessaria ad implicatam nervorum substantiam raro villorum foedere copulatam diruendam, variisque quassationibus villos contractiles, nervorum filamenta, & fibras membranarum assidua stimulorum vi laessendas ordinata; adeoque imminuta vi cohaesionis inter exilissima corpuscula ita enervatur villorum, & filamentorum connisus, ut humoribus villarum madescen-

Sydenham opera Medica.

tes ad instar spongiae tanquam cera emolliantur, & pondere mercurii macerata a proprio termino recedant.

Hinc cum mercurius vivus insensibilissimus sit nervis, ideo qui pro salivatione unctionem passi, saepius laborant gravioribus nervorum affectibus, a residentibus (ut plurimum Chymicorum cum Lemery facti sunt) hinc inde mercurii particulis, optime auro curantur, testante Emmullero; unde Zacutus Lusitanus unguentum mercuriale conficit ex auro, ut crassiores mercurii particulae per totum corpus diffusae post salivationem in fibrarum interstitiis resistentes, promptius se insinuent in aurum. Si intra nervorum spongiosam substantiam viscidis implicatae subsiderent crassiores mercurii particulae, nequaquam elicerentur ab auro. Verum quidem est, si aurum atteratur (si vero atteri potest) in partes adeo minimas, ut earum corpuscula, habita ratione molis, & gravitatis energia, reddantur sanguinis particulis levitate paria, & rapi cum fluidis apta, veneream luem tutius auro, quam mercurio sanari. At licet aurum minutissima sui corpuscula redactum sit, adhuc continet moleculas, quae a sanguine evehi resistunt, quaeque nullo artificio haecenus cognito ad tantam attenuationem reduci possunt, ut in minimas atomos confectae sanguini haerere, motuque fluidorum rapi possent. Quae ratione licet mole aequales, sanguine tamen graviores auri particulae a liquidorum commercio seclusae, nullas in mercuriali sulphure vires exercere poterunt. Quibus vero mollem fibrarum texturam finxit natura, aut qui in mercurii fodinis continuo marcescunt, nervorum labe non carent. Ob jugem solidorum colliquationem, & fibrillarum macerationem a mercurialibus corpusculis intus susceptis, contabescunt nervorum fasciculi, qui perperam a nimio mercurialium impulsu indefinenter lacescunt fatiscunt; unde vasorum tono subrepto, tollitur eorundem nisu in fluida, ex quorum retardato motu, & virium solidorum inertia complicatus morbus emergit.

Cum vero sanguis praeservidus existens a recta temperie desciscit, & ejus sulphureae particulae praedominio potitae sibi salem asciscunt, quae invicem allisae, proindeque in minimas solutae moleculas nimium in fluorem evehuntur, liquoris mixtione alterata intineque fusa ejusdem naturali consistentia inordinate solutus dyscrasiam sulphureo-salinam, & falso-muriaticam acri-alkalicam indolem induit, cujus sulphuris, & salis concrectiones perpetim huc illuc dispersae, exterius suffusae maculas, & ulcera, interius depositae dysenterias, & dolores pariunt. In hac sanguinis soluta fibrarum cohaerentia, in qua nimis tenuis cogendum, & acre involvendum, dolosae artis opus erit hunc morbum solventi ullo sialogo tentare.

ARTICULUS IV.

De Mercuriologia.

Quandoquidem multis retro ab hinc annis ab explorandis mercurii viribus, reluctanti licet animo totus abstinerem; animus tamen nunc meus in illius contemplatione ita rapit ingenium, ut mihi videatur non absque aliqua animi voluptate, & me non injucundo munere versari, si extricatis specierum mercurialium praeparationibus mercurialibus, quibus ambiguae communium auctorum notiones nos involvunt, examinandas attentius mercurialium vires intentavero, dum eas simul colligere conor, quarum delectatione non immerito allicimur ad elevandas cogitationes, mentisque aciem acuendam, quibus sublime de tanta mercurii excellentia nostrae utilitati comparata cum Chymicis gloriamur. Totus admirationis nostrae scopus in eo vertitur, ut nobiliores summi illius entis mercurialis usus depingamus, quod quo diutius contemplamur, eo magis ad sui admirationem rapimur. Hanc autem occupationem, qui adjectam, minusque utilem putaret, ipso etiam in medicinae caelo felicitate careret. Licet autem meam sub eadem tenuitatem sincero sensu animadvertam, nova tamen in dies phaenomenorum, & praeparationum materia cognitionem suppeditat, ut nec ullatenus dubitem, quin exactioribus adhuc posteritas experientis, ignotas nobis tum vires, tum praeparationes detectura sit. Non est ergo cur metuamus, ne nostra mercurii cognitio de novo antecedentium

aut subsequens defectus expiraret, aut deficiat. In finibus hic oceanus vitium, proprietatum varietatem continet, de quibus longe difficilius cognitionem acquisivero, quam easdem percurrere hausero, aut enumeravero.

Ut autem rem ab ovo incipiam, contra Galenum rixas concito, qui lib. 9. simpl. medicam. sibi minus constans, infido, & malefano artis convictio argentum vivum ex sponte nascentibus non esse, sed ex his, quæ præparantur, velut cerussa, arugo, lithargyrum contendit, fateturque se nullum huiusce medicamenti fecisse periculum, an interimat si devoretur, vel ubi foras fuerit admotum. Alii porro, Philosophorum, & Alberti Magni lib. 4. min. cap. 70. sententiam secuti, cum viderint argentum vivum quasi omnibus associari metallis, ipsique facilius contactu inhaerescere, materiam ad omnem metallorum generationem commenti sunt, quæ in utriculis reposita, nullisque fictilibus vasis coercita, lignea vasa obvia quæque perumperet; quo fit, ut Dioscoridem mirari subeat, qui ab hydrargyro vasa cuncta exedi, ac metalla quibus inhaerit destrui autumans, lethalem potum esse cum Plinio lib. 33. cap. 6. & 8. falso deprehendit, quod internum cordis humorem, vitales sanguinis spiritus subinde congelans, suo pondere interna tandem diffingat. Galenus vero quamvis testetur alibi nullum fecisse experimentum contra Dioscoridis sententiam ait, mercurii calorem eo perducere, ut per erosionem interimat. Conciliator ab his recedens in tract. de ven. cap. 6. dicit, quod argentum vivum ore sumptum, inducit hominem ad epilepsiam, aut apoplexiam. Ad dolendum sane, infrugiferis conjecturæ cespitibus, dubioque experimentorum successu rem longe attigisse: quorum cœtus discordes, aut senio confecta mendacia renovare, aut commenta deliranti figmento excolere animus exhorret, quæ in artem inuenta convicta fidenter convellit Agricola de re metallica: *Nuper autem inquit cum improba uxor marito aliquot vicibus argentum vivum dedisset devorandum, id sine ullo nocummento eiecit per alvum, quo mercurius uxore humanior optatum scelus non complevit: Hinc cecinit Ausonius.*

Toxica zelotypo dedit Uxor mœcha Marito,

Nec satis ad mortem credidit esse datum.

Miscuit Argenti lethalia pondera vivi,

Cogeret ut celerem vis geminata necem.

Dividat hæc si quis, faciunt discreta venenum,

Antidotum sumet, qui sociata bibet.

Ergo inter se se dum noxia pocula certant,

Cessit lethalis noxa salutifera.

Protinus ut vacuos alvi petiere recursus,

Lubrica deiecit, qua via nota cibis.

Quam pia cura Deum! prodest crudelior uxor;

Et cum fata volunt, bina venena juvant.

Samberolitanus in commento ad Avicennam vidit hydrargyrum abortus promovendi causa mulierem ad libram sumplisse sine noxa; & hoc ipsum confirmatur a Fracastorio in lib. de simp. Brasavolus Medicus Ferrariensis vir sane illa ætate clarissimus, in suo de stirpium examine, sæpius dedisse fatetur argentum vivum devorandum vi vermium semimortuis infantibus, a quo velut e faucibus orci protinus a morbo evadebant. Ita Gortiienses obstetrices, ubi gravidæ diu in partus labore, & cruciatibus inani conatu urgerentur, statim argentum vivum scrupuli pondere nullis incommodis, immo partus dolorem, & difficultatem lenientes potandum exhibebant, testante Matthiolo lib. 4. in lib. 5. Dioscoridis; ex quo nihil mirum, quod scripserit Avicennas, non deesse, qui bibant argentum vivum, & nullam inde sentiant noxam, quod facile e corpore dummodo haurientes continuo huc illuc deambulent.

De qualitatibus mercurii Fallopius disputans, unam in superficie, alteram in intimis partibus deprehendit, quæ calidæ suapte natura, atque siccæ, habent extrinsecus cum Aristotele partes aeris admixtas, a quibus impedita mercurii concretione in fluidum corpus servatur. Avicennas tamen frigidum, & humidum esse in secundo gradu existimat, cui consentit Averroes, ut refert Pandectarius. Fernellius de abditis rerum causis frigidum, & humidum in quarto gradu, quod confirmat Matthiolus lib. 6. cap. 28. & solvit ambiguitates circa ejus temperamentum exortas, ubi cum Plinio hydrargyrum vomica ignis æterni, & sangui-

nem sistere asserente, addit, argentum vivum interire, si largius bibatur excessu summe frigido, & humido ex quodam seplasiario convictus, qui ardentissima febre correptus, siti intolerabili vexatus, delirio oberrans in pharmacopolium descendit, ut, quod laxaret sitientia, summeque arescentia labra, inveniret, & casu incidens in vas argenti vivi pro aqua fortassis vice multum ex eo potavit; sed paucis post horis congelatus migravit ad superos; dein patefactis visceribus in ventriculo innatabat argenti vivi libra, & circa cordis vasa sanguis concreverat.

Ex supra recensitis satis innotescit, antiquiores Græci, qui horrore quodam percussi illum nec extremis digitis tetigere, quam admodum tenuem de hydrargyro habuere notitiam: quorum vestigia calcant multi ex rudioribus Medicis solo nomine mercurii deteriti, qui, quorum virtus turpis est inscitia, & inanis existit suspicio, malunt ægros certo mortis periculo relinquere, quam anceps experiri remedium, despicientes illud Celsi, *intum esse quod est unicum*. Horum dubitationis stultitiam convellit Junkenii observatio. Mulier quædam utero gerens, puello ubera porrigens curriculo viginti mensium Gallico seminio inficitur. Hæc leviter inuncta mercurio, cum tenello infante, etsi non lenito, salivationem patiebatur, donec mater, & puellus a celtica lue feliciter evasere. Inde post circiter labente mense inculpatæ salutis infantem enixa est. Ex quo, silentio prætereo praxin eorum, qui nec mente, nec digitis mercurii vires adumbrantes, exhorrent, ne mercurius a calore vitali excitatus, quasi a Chymicorum igne commotus in sanguine sublimetur, quo septici, atque erosivi salis indolem nanciscente veluti a veneni furore ac clade, homo de medio tollatur. At in corpore fluido leni solidorum impetu promotum, qui calor, precor, gliscit urens, ut mercurii partes sublimet instar subtilissimi, ac erosivi cunei acuatas?

Ut modo accedam unde digressus sum, homogenei corpori mercurii explicatio tot hucusque fuit involuta difficultatibus, ut nisi feracior in his resolvendis posterorum industria, quam majorum nostrorum, & nostra fuerit operosa felicitas, illud pensum esse censeo, omnes non tantum unius Philosophi conatus, sed plurium sæculorum tentamina extorquens; cum Chymicorum quoque examina, & sedula Philosophorum solertia propius intimam istius Prothei naturam solertissime investigantium, ad hunc usque diem plus admirationis, quam cognitionis, plus dubitationis, quam certe demonstrationis palam fecerint. Revera naturam, & causas adæquatas mercurii perspicue rimari, atque eruere, gravissimum mihi videtur onus, cui solide absolvendo parem quemcunque hominem fore semper suspensus hæreo. Ut autem hoc in negotio non longe rem, & felicius scopum attingam, utque hydrargyri proprietatum, ac virium maxime veritas clarius eluceat, veritatis auspiciis in arenam descendendo, placet spargyricam ingredientium præmittere analysim. At cum curiositatem meam intra Chymicorum experimentorum cancellos non coerceam, ego adhuc juvenis non nisi angustam hætenus eorum suppellectilem mihi paravi, quibus absque Ariadnæ filo possim egredi, ut tam gravis, difficilisque pensum aperire mihi liceat.

E subtilissimis autem effluviis æthereis, ac fluidissimis conflatur mercurius, quorum volatilibus moleculis, & specificis particulis metallicis saturatus in fluorem evehitur, dum rotundæ materiæ primi elementi moleculæ in mercurio eminentes irretiri non possunt, in puncto contactus invicem collisæ perenni motu exagitantur. Spiritus hic mercurialis æthereus in subterraneis antris, & debitis feminii matricibus coercitus, in metallicas minutias appellens sui generis, his amico fœdere associatur, quas in minima ramenta exsolvendo in fluoris motum concitat, ac fluxiles reddit; adeoque compositus emergit perennis fluor, qui mercurius vulgi nuncupatur, cum in suis etiam repertus mineris, licet metallorum mercurio non destitutus, recremento potius metallico constet, a quo si partes terreæ metallicæ, quæ sunt ingenitæ, ac originariæ metalli labes, artificiosa enchyrisi separari possent, quas per artem dissociare omni, sed inani conatu laborant Chymici, sublimior haberetur spiritus ab omni metallorum con-

confortio vindicatus, qui jactaretur ab illis per ignem, Philosophis mercurius de mercurio dictus; quippe qui metallorum mercurius nusquam reperire detur nisi in Alchymistarum vana jactantia, inutili molimine, & falsis promissis, quod eorum quidam eo usque progressi sunt, ut stigma inusserint his omnibus, qui talem mercurium facere posse sibi arrogant, vel credulorum his, qui eundem confiteri posse sibi persuadent. Huic opinioni famulatur alchymistarum coriphæus Geber, ubi inquit: *Continet argentum vivum in se spiritum internum viventem, & convertentem ignem, si de potentia in actum promovebitur.* Huic consentit Helmontius, qui tract. progyna. §. 14. sulphur externum, originariam metalli labem, separare jubet a mercurio vivo, ut fiat mercurius de mercurio, qui deinde nullo igne poterit in formam terræ præcipitari ob maximam sui simplicitatem; cum sulphuris terram amiserit, nulloque igne mutabilis erit. Ita Lullius sulphur inesse hydrargyro opinatur ex eo, quod *nullum argentum vivum promptius convertatur in substantiam sulphuris, quam illud, cui sulphuris molecula ab origine sunt profundissime dissoluta, atque per dissolutionem intimius commixta: Nec ullum sulphur promptius congelat argentum vivum, quam illud, in quo sulphuris qualitates per dissolutionem in mercurio cohibentur;* ex quibus concludit, argentum vivum non solum e spiritu volatili, sed etiam e subtili sulphure compingi, ut in corpus summe fluidum coalescat. Hoc metallorum sulphur est internum ipsi mercurio, ideoque non magis ab omni corrosivo, quam ab ignis actione intactum remanet.

Mirum est, quantum se torquent præoccupata Hermeticorum ingenia, omnes ferme in eo desudantes, ut mercurius purissimo æthere saturatus ab impuro carcere educatur, in quo latitans spiritus ille (ut Geber lib. 2. par. 1. cap. 4. Alchymif. Magister) felicius extrahi possit ad optatum finem; sed ah quantum deplorandum dolendumque! post improbum enim, & inanem laborem dolosæ artis fundamento innixum, credulos decipiendi gratia, & a dolo fruges captandi, tandem a scopo aberrant, ad quem collinant, atque orientem in occasu quærentes cum veste Dianam acquirunt. Externa quidem facie mutabilis est mercurius, ut varias induat larvas, & ludat corporum formas, & si eo redigatur, ut nonnihil ab acidis coercitus aliquot horas fortiolem ignis torturam patiat; nihilominus vel sponte denuo caput exerit, vel facili negotio in vivam formam per alkalia resuscitatur: Qua ratione in terræ potis in liquorem albicantem conversæ ita pertinacissime se invicem adhærent, ut licet minutissimi globuli per microscopium adhuc in conspectum veniant, tamen varie revoluti, atque ita intertexti, ut a nullo Chymicorum labore ad hunc usque diem eorum nexus potuerit exolvi, a quibus curiosi Spagyristæ maximo errore falluntur. Jam satis superque innotescit versipellis preparationibus larvari mercurium in habitu ejus externo, dum a diversis mensuris mutatus modo in liquorem cum oleo vitrioli substatum, modo cum sulphure in volatilem cinnabarim transformatus: quippe qui salinis corporibus sursum raptus, salium formam, cum regulo antimonii, butyri, oleique substantiam induit; nihilominus addit Fridericus Hoffmannus, tantum abest, ut hæc involucra salina, aut sulphurea, partes sint mercurii constitutivæ ex illius substantia elicite, ut potius composita sint corpora ex mercurio, & menstruo ad ipsum larvandam adhibito, uti exinde ex reductione mercurii in pristinum fluorem abunde elucet. Ideoque cum altioris sit indaginis intimus mercurii nucleus, non attingitur, quo a mutuo amplexu desciscentes elementares moleculæ in salia, ac sulphura faciscant. Igitur licet variis modis tractetur, nullo modo est coercibilis, quin ubi optime fixatus putatur, insalutato hospite fugam molitur. Ita Bartholus summus Astrologus mercurium ad tantam coegit fixitatem, ut nesciret quomodo in convenienti illum includeret vasculo: sed nescio quomodo, fortissimo addito igne, inopinato mercurium igne rapi conspexit: tanti nempe laboris est genuina ejus fixatio, ut cum vitriolo, & alumine in corpus mediocriter fixum redigi possit.

Borrichius, cum lamella martis in mercurium vi-

Sydenham opera Medica.

vum projecta intra vas coercitum, brevi post tota in rubiginem conversa reperiatur corrosa, acidum metallicum occultum intimius hydrargyro associari fortassis, si conjecturæ præstanda fides, a recto non aberrat. Hoc si in debitis vasculis contentum igni exponatur, miram aquæ insipidæ copiam elargitur, intacto semper manente mercurii pondere, ut Raymundus Lullius docet, Boyles in chymista septico, & Joannes Agricola in Poppium testantur; sed aquaeducta, cum remaneat mercurii pondus, de quo dubitare licet, (si ab aere non subministratur) num sit primorum miscibilium constitutiva, adeo ut nuda ignis actione possibile sit mercurii partes ita secundum novos, differentesque modos disponi, ut modo hanc, modo illam habeant corporis formam, licet ignis impetu commotæ partes in alias substantias omnino diversas coalescere non possint.

Alia metalla ingredi hydrargyri naturam censet Boyles in tract. de coloribus, ubi solutiones mercurii ab aqua forti peractas, non raro virides, observavit, qui color (ut inquit una Fridericus Hoffmannus de cinnabari nativo) sine dubio dependet a particulis immixtis veneris. Sed accuratius paulo si lubet pensato experimento, suspicio non levis notæ innuitur. Cum spiritus aquæ fortis acidus aggrediatur globulos mercuriales, seque intime ipsis agglomeret, atque interponat (solutio autem nil aliud est, quam intima interpositio particularum solventis intra poros corporum solvendorum) particule veneris in spiritu vitrioli in aqua forti eminentes, in mercurii corpuscula nituntur, & reactionem passæ exolvi possunt; unde solutio illa vitrioli veneris cum solutione mercurii commixta fas, est dubitare, an solventi menstruo, vel soluto corpori debeatur.

Descriptiones, quas nobis de istius corporis ingredientibus tradunt, adeo implexæ sunt, ut etiam illi qui notiones chymicorum conati sunt polire, atque illustrare, fateri teneantur, nescire se quid velint. Igitur spiritus æthereus subtilissimus, & summe mobilis, cum metallicis particulis primogeneis constituit vulgi mercurium, cujus sphaeroidi globuli agilitate naturæ suæ propriæ, sive metallicorum corpusculorum ad hoc necessaria figurarum mutatione, & solidæ cohesionis resolutione, in puncto contactus sese tangentes, his intexuntur poris, quibus agitari queant ab ætherea substantia, utque particule admodum minutæ, licet pressæ ordinationi corpusculorum coordinatæ, non quietis expertes, multifariis, & indefinenter suis motionibus corpus metallicum in statu fluiditatis servare queant. Nec fluida forma corporis mercurialis levitatem redarguit, cum idem constet particulis in minimo volumine tam solidis, & tam numerosis, ut non obstante intestina eorum motione, corpus, quod componunt, summe ponderosum esse queat.

Licet aurum admittere recuset ullum corpus ad se ullatenus intime, aut permanenter ipsi associandum, ut illud satis firmiter ei agglutinatum possit intrinsece alterare: tamen mercurius vivus ita redditur idoneus ad aurum usque adeo penetrandum, & cum eo sese tam intime permiscendum, ut hujusce metalli particulæ, quæ tam arcte quandoque agglutinantur, ut, inquam, non sine difficultate ab auro divellantur. Mercurius constat particulis ita apte figuratis, ut in auri commissuras ad ejusdem solidarum partium tricas investigandas sese possit insinuare, cujus corpuscula nec majora sunt, quam ut poros, aut corporis auri inania introire possint, nec minuta adeo, ut eadem facile lucis ad instar trajiciant, vel ut ob exilitatem nimiam partes, quas invadunt, solvere nequeant: sed porulorum auri diametrum exacte adæquant. Quæ mercurii corpuscula cum sint agilia, aptaque ad motum, ut impetiti corporis albare queunt partes, ab ipsa atmosphæræ pressione impelli, intrudique possunt in poros auri non impletos substantia, quæ tantum resistens, quantum communis aer, æquali nisu non nititur in urgentem mercurium, gravitate, ac pressura ambienti prævalentem. Cum autem mercurius per accuratas auri commixtiones dividatur in particulas summe tenues, & per externam hanc commixtionem acquirat multo plus superficiæ, quam prius habuerat, undique fere tangit auri particulas, quæ in sua superficie mercurialem massam exhibere videntur. Agitatione deinde mercurii corpusculorum his in auri poris, ac commissuris a libere vagante materia ætherea

promoveri potest auri motus, & incallescencia, ut Boyles experientissimus pluries observavit de producibilibus chymicis principiis: aut ex repetitis ictibus, variisque innatantium ipsius mercurii corpusculorum pulsibus; hinc intronissæ particulae tot veluti cunei intro adactae, partes auri, inter quas insinuant sese, emolliunt, aurumque incallescens duritiem amittit.

Virtus anthelminthica summa viget in mercurio, qua vermes occidit, fugatque lumbricos. Cum implicita vermium substantia sit molli, & distractili vasorum foedere copulata, tum diversarum pressionum, tum quassationum, accommodatur ad recipiendos illos humores, qui facile penetrant inanitates spongiosas, & vasorum diverticula, atque glandularum, immo villorum omnium cava, quorum pervia, levisque earundem machinularum textura exsugit non sustinendi ponderis invadentes particulas, quæ minima mercurii segmenta mire solidis vermium partibus irretita, nova majorique motus vi dimota impetum acquirunt; idcirco dum sese liberant a vinculis pororum, atque vermium anfractibus innumeris ictibus, simul percutiunt singulas villorum machinulas, eas distrahunt, resistentias inertes dissolvunt, ac propterea innumerabilibus percussionebus, ac impulsibus depellunt huc, & illuc non solum humores totam vermium fabricam, itemque eorundem nervorum tubulos accolentes, ut debite non respondeant viribus solidorum; verum flexuosius trahunt, atque interfecationibus invicem inclinata vascula divellunt, ut eorum fibrillæ non resistant particulis nimis mobilibus, eorumque sphaerulis penetrantibus, confriquantibus, & pene dixerim erodentibus solidorum substantiam, quæ tametsi aliquantum mercurialis liquidi impulsui resistat; nihilominus corporis jugiter gravitantis irritationes, & distractiones cujuscunque partis ita sensim intenduntur, ut omnes villorum tilia a ponderantibus cum fluidis vermium circumcumeuntibus particulis potius percussæ, quam lustratæ dissiliant ab invicem. Hinc plus justo urgentia liquida, quæ tangunt, plus æquo distrahunt, eaque ita dissolvunt a mutuo foedere, ut resistentia vasculorum, & laxi eorum hiatus fluentibus, ac resistentibus undis exagitati prorsus confringantur; ex quo (ut observavit diligentissimus Rhedi) facile concipimus, cur lumbrici a præsentia mercurii primo moveantur, dein irrequieti sese contorqueant, inde moriantur. Quotiescunque mercurius sui aliqua saltem tenuiori portione fluit, atque humoribus vermium intermiscetur, tunc fluunt, & resiliunt a mercurii pressione, & validius urgente liquida plus æquo provocata: fluunt inquam, & per omne vasorum genus circulum agentibus humoribus, spiritus fieri incipiunt nimis liberi, atque mobiles, adeoque acres, ut illorum minutissimæ particulae pungentium ad instar, atque acutorum stimulorum penetrent fibras ad partium contactum positas. Ex hoc propterea exoriuntur tot contractiones, & distractiones, quot sunt fluxus, & refluxus undarum emergentium a nimis jactato nervorum succo, immo quot sunt contactus particularum impellentis fluidi, & incisiones, & diffusiones agentium fluidorum in singulos villos, a quibus omnibus si indefinenter mordeantur vasculorum parietes, & tali incutientis stimuli vi, ut in fibrarum poris distensis, & inanitatibus dilatatis congerantur, mobiles, atque elasticæ graves mercurii moleculæ sensim diffundantur, vermes nunc convulsionibus variis, nunc tensionibus universi corporis corripuntur. Idcirco cum nulla sit fluidorum molecula, quæ non concitetur, concutiat, jactetur, ac veluti urgentis mercurii pondere prematur, proindeque cogatur summa celeritate moveri, penetrare, & magna concitatione irruere in omnem, etsi minimam, solidorum particulam, ita ut nulla sit fibra, quæ vim non patiat, ideoque inæqualiter contrahatur, laxetur, commuteturque contactum, atque connisum, motus violenti distractionis villorum summopere augentur; adeoque liquidis mercurio interspersis memoratæ partes, quasi maceratæ laxantur, immo maximis stimulorum cuneis concussæ, simulque partibus diversæ, & urgentis figuræ nisu perterebrantur, ut propriam resistentiam amittant; ex quo laceratis villis, & omni-genis filamentis confossis tota insectorum fabrica invertitur, & prorsus dissolvitur.

Partus difficultas, quæ naturæ leges non servat, mer-

curio nonnumquam suffragatur. Ut partus debito procedat termino (ultra infinita alia) requiritur, uteri fibræ mutuo flexæ, arctèque irretitæ, & per earundem protensiones mire implicitæ, & membranarum villi modice extendantur, ut in conatum expulsivum nitentes possint moderate contrahi, & versus inferiora foetum validius impellere. Si vero liquidorum materies adaucta, & magis pressa ob infartum contractilium villorum velocitatem suam amittat, uteri villi evadent machinæ rigida ad instar, non valentis se flectere, qui cum non possint se contrahere, minus æquo agent, & languidius urgebunt; quo fiet, ut in dies magis non solum multiplicata fluidorum aggerie imminuatur fibrarum energia: sed veluti prælo contractis humoribus uterum quaquaversum gravitantibus, & in ejusdem vasculis hærentibus, pori, locula fibrarum obstruantur magis, ac propterea uteri vasa cuncta majori conatu invicem comprimantur, quam eorundem ferat resistentia; adeo interjecti humoris quiete præpeditur conatus impulsivus, compressivus, ut fibræ non impellant tanta vi, quantam exigit energia foetus resistentis. Harum ex dictis hætenus causis, cum vasa uteri lentis humoribus imbibita, proindeque dura, ac tensa impediunt spiritus, ne villosis filamentis impartiantur necessarii conatus: fibræ sua duritie instar funis a lentore liquidorum, & glutine tensæ, cum supra vites proprias inveniant momentum resistentiæ, vim compressivam expulsionis foetus necessariam nequibunt moliri; ideoque cum mercurius tot partibus, tot machinis urgentibus refertus, totque munitus retusis cuneis, quot sunt minimæ ejusdem elementares moleculæ, hanc uteri fabricam urgeat, percutiat, & fatis dissolvat inutilia, abradat, depellat humores infarcientes, distrahentes fibras, ac proinde vasculorum infartum, energiam, ac actionem villorum destruentem resolvat; singulæ fibræ, & membranæ regentes foetum in naturalem contactum, & ad partium cohesionem accedunt; unde opportunum conatum cum elastica vi acquirentes validiori connisu foetum urgent, & validius impellunt.

Externe sanat scabiem in glandulis cutaneis constanter residentem, quarum contextus rectiformis constituitur ex innumeris filamentis vasculorum cujuscunque generis mira arte invicem implicatis, per quorum vacuas ambages paralleli emergunt ductus excretorii, qui a Stenone observati ex glandulis subjacentibus oriuntur. Hinc papillæ quædam pyramidales a nervis prodeunt a celeberrimo Malpighio inventore detectæ, quæ a partibus lymphaticis ex ductibus illis exsudentibus perpetim irrigantur. Cum enim serosus ille latex a sanguine elicitus salibus acido salis turgat, ejusdem particulæ viscidiores non tantum utrinque acutis, sed etiam tenuioribus salium mucronibus immixtæ, glandularum lacunas, & cutis porulos, per quos fluere debent, & insensibiliter erumpere, leviter opplent. Fibræ autem nervæ in glandulis cutis dispersæ a salinis particulis subtiliori aere exagitatis commotæ, ac vellicatæ, molesti pruritus sensationes inducunt, a quibus nervorum, & villorum irritationibus, crassiores lymphæ partes, licet agitæ, cum difficulter sejungantur ab invicem, parvas in cuticula pustulas excitant, quæ a sero indefinenter ad glandulas conflente in acumen elevatæ, inde a multis salium aciebus, quorum motui non valde resistunt, perterebratæ, acido-salios succos confertim effundunt.

In curatione hujus pruriginosi affectus, & hujus cutaneæ fordis, eo innititur, ut acida acrimonia temperetur, & glutinosa lymphæ incidatur, in quem finem mercurius extollitur, sine quo difficillime absolvitur curatio. Hic enim nullas patiens inducias, nullaque resistentia coercitus, ad quaecunque corporis glandulosam partem sibi viam parat, & gravitatis viribus impedimenta dejicit, nunc jactat singula, quæ lustrat, & percussiones singulis partibus incutit; nunc citius penetrat filamenta, cunctosque villos, in quos irruit, arctamque feri cohesionem, & salium mixtionem intervertit, quin immo in solidorum machinulas adeo momentum tremuli motus imprimit, ut ex illarum perenni oscillationum vi, rursus atterantur, atque agitentur, tam cutis glandularum inertes succi, quam illi qui per arterias, & venas fluunt, qui quis-

dem

dem ita jactantur, invicem confunduntur, atque al-
liduntur, ut post certum tempus reddantur tenuissi-
mi; ideoque comminutæ feri, inde demum attritæ
salium particulæ, quorum minima segmenta divi-
duntur, jam divisæ abeunt in auras.

Verum si scabie affectis in glandularum papillis,
& cavitatibus vermiculus infideat, modo huc, mo-
do illuc fortuito titillans, ut apprime docet exactis-
simo microscopio armatus oculatissimus Redi tu,
qui hæc meditaris, revoca in mentem, quæ superius
attulimus de vermibus.

Observat Daniel Bartholi Societ. Jesu de glaciæ, in
hydrargyrum demersa, aquæ in glaciem concretæ ra-
menta protinus aquæ fluorem suscipere. Quoniam
liquidorum fluiditas in corpusculis divisibilibus ma-
xime consistens, quæ partibus suarum superficierum,
dum se invicem tangunt, separatim hinc inde agita-
ta facile inter contiguas eorum partes, & numerosa
interstitia juxta suas invicem superficies volvuntur,
usque adeo floris motum conservat, donec irrequie-
to motu agitata in resistens corpus incurrens debi-
tum impetus momentum deperdat. Ita Renat. de Cart.
Boyles, & Alphonsus Borellus cum quibus Gallileus
nel trattato de Galleggianti. Fit igitur, ut aquæ mo-
leculæ in quiete constitutæ, spiritu æthereo mercu-
rii, & subtilissimo, laxato glaciæ vinculo intus com-
motæ, & hydrargyri gravitatis impetu in corpuscu-
la satis exilia divisæ ad eam levitatem, & volubi-
litatem redigantur, ut libere sese quaquaversum fe-
rentes in fluidum corpus reducantur.

Non longe diversa ratione Isaac Nevvtonus fanci-
vit, illud esse fluidum, cujus particulæ quacunque vi
commotæ, parvoque molimine impulsæ moventur,
ac facile inter se concutuntur, licet fluidum immo-
bile nulloque intus turbinari motu oculis subeat.
Fluida, quorum partes debilioribus viribus eas disso-
ciare conantibus non resistunt, inter se collica in
particulas infinite parvas resolvi queunt. Ex tenuis-
simo ergo partium contextu fluidorum oritur illa mi-
nima resistentia, quam moleculæ in fluidis leviter
commotæ diffingunt, & superant. Et licet ad flui-
dorum constitutionem parvæ, ac exiles requirantur
particulæ, non videtur absolute verum, corpus illud
esse fluidum, quod ex minimis moleculis coalescit;
quippe componentium corpusculorum parvitas ea po-
terit cohæsiōe firmari, ut eorum ramositate, cur-
vitate, asperitate, particulæ, licet sub parvo volumi-
ne implicatæ, adeo sibi mutuo irretiantur, ut sese
extricare difficillime queant; unde a levissimo pulsu
corporis impingentis non propulsæ solidum corpus
vel tenacius fluidum constituent.

Delibata mercurii proprietate, & minus tutis usi-
bus perperis, operæ pretium nunc est investigare,
quibus elementaribus principiis, salinis ne, aut sul-
phureis, in quibus impressa est, lues exterminetur.
Acida salia auræ celticæ, chymici intra poros mer-
curii (cum sit alkali volatile) implicari contendunt
nonnulli, quæ a colore, & fluidorum motu ad su-
periora propulsa sublimantur, ubi viarum irritatione
apertis salivæ ductibus pituitosa materies jugiter e-
rumpit. Sed gratis omnino in mercurio alkali dici-
tur inexistere; neque enim huic corpori, cui quo-
dam quasi experientiæ testimonio inesse creditur, al-
liter probatur existere, quam ex hypothesi, quod al-
kalicorum effectus ab assumptis Chymicorum prin-
cipiis oriantur. Nec assertiones tam late patentes,
tantique momenti admittendæ sunt, nisi validis fir-
matæ rationibus. Immo dum aliam in medium pro-
ferre hypothesim aggredior, meum esse censeo ratio-
nes adducere, quæ dubitanti causam vindicant, &
prolati assensum prohibent, ne gratis confutationem
exornem, multoque minus confidenter nimis senten-
tias convellere insimuler. Hoc vero absque convitio,
dum id mihi argo, illam mihi indulgendam iri ve-
niam, quam quisque sibi philosophanti deberi pensi-
tat, confido. Cum alkalinum subjectum ex frangibi-
libus, rigidisque spiculis coalescens, annuentibus ipsis,
coerceatur ab angulosis acidorum ramentis, particu-
las mercuriales involventibus, eorumque motus re-
tundentibus, acida salia veneræ luis supra mercurii
corpus vires exercendo glutinosi liquidi cohæsiōem
augerent; nam particulæ alkali sinuosis angulis inte-

Sydenham opera Medica.

xuntur, adeoque particula acidi impingens in mole-
culam alkali locum invenit, a quo in earundem
sinum recepta alkaliorum vires diffringit. Si vero
in gyrum rotata alkalica mercurialium corpuscula
acidorum aculeis cohærescerent, eorundem angulo-
rum acumina juxta variam alkaliorum porositatē,
& molem, additorumque corpusculorum allisionem
in se invicem coeuntium, in tam obtusa latera sese
mutuo molarent, angulosque adeo retusos, ut post
variā utrinque luctam, mutuosque amplexus ite-
rum eo unirentur modo, ut eorum cunei certa rur-
sus coalescentia sibi invicem conflati, parvula possint
exhibere prismata, quæ particulis pungentibus, &
salinis sensim expedita, liquidum, cui innatant,
omnino insipidum, & ab acore erodente discrepan-
tem suppeditarent. Ita Boyles de mechanica saporum
observat; quod si liquori fixi nitri per deliquium fa-
cto, caute spiritus nitri guttatim affundatur, donec
omnino alkali saturetur, paucis momentis post le-
vem evaporationem chrystalli obtinentur, non acris,
nec alkalizati saporis. Ex mutua horum corporum
reactione, & passione, alkalizata, acidæque parti-
cule in fluida coeunt, & post validam corpusculo-
rum allisionem sibi invicem conjunctæ, prisma ejus
figuræ exhibent, cujus extrema nimis utpote obtusa,
inurere non possunt; ex quo corpus medium resul-
tat. Ita alkaliorum mercurii cum acidis unio, so-
lidorum erosioni non occurrens, at fluidorum con-
sistentiam, crassitiemque promovens, remoto impe-
tu, & in agendo seclusa gravitate, stimulo carebit
tenaciores acidorum concreciones solvete.

Sed inquirunt, alkalia sunt corpora poros ha-
bentia proportionatos ingressui angulosarum particu-
larum in liquido natantium; igitur si vis illa, qua
liquidi partes mutuo sese urgent, & æquali unde-
quaque nisu manent libratæ, inveniant locum mi-
nus resistentem in alkali poris, utpote aere subtilis-
simo repletis, in eodem fluidum impellet, adeoque
acida cuspi in spatia inania alkaliorum impingens,
in his recondetur, & ab eorum præsentia liberatum
fluidum pristinam crassim recuperabit. Verum qui-
dem est ab irretitis salibus inter alkalia corpuscula
fluidum edulcorari, at acidi salis particulæ cum al-
kalibus combinatæ, & veluti carcere detentæ in po-
ris alkalium majorem ex unione nactæ ponderosam
molem, cum fluidis circumvehi non possent, quæ-
que pondere majori a liquidorum commercio seclu-
sæ diarrhœam potius, quam pthyalismum promove-
rent. Cum igitur ratio acidi & alkali consistat in
proportionem pororum vacuorum ad spicula acido-
rum, sane nulla apparet necessitas, quod mercurius
sit certi schematis, & magnitudinis, ut configura-
tas acidorum particulas absorbeat; immo ita in mi-
nima dividitur, ut a nonnullorum angulorum tere-
bra, & cuneis possit permeari: adeoque non mi-
randum, si particulas in majorem molem fastigiatas,
& turbinatas, nec suis poris commensuratas, ex
ipsius parvitate molis excludat. Attamen non inus-
inficias, quod plus, quam minimas non præseferat
interspersas porositates, & particularum tales
ad invicem contactus, qui a gliscentibus inter par-
tes, & partes fluidi erodentis globulis non possint
repleri, prout variæ ad invicem aut cum aliis sa-
linarum particularum superficieculæ cohærent. Par-
tium enim mercurialium nexus tam arctus existit,
vel ea est compages, ut aut si non desint pori sub-
tilissimis angulis permeabiles, ea tamen est parvitas
mercurii, ut a glutinosis particulis nullo modo pe-
netrari possit; cum ex una parte non existat in his
gravitatis momentum, quod valeat partes viscidas
ab invicem dissociare, & in minimos cuneos divi-
dere, ut poros mercurii penetrare possint. Ab hoc
solo virium defectu excluduntur ab ejus poris sali-
næ viscido involutæ particulæ, licet pressæ a totius
fluidi superincumbentis altitudine. Ex altera parte
particulæ salis ex tenuitate molis, vel crassitie pos-
sunt adeo parvi motus fieri, ut vi careant superan-
di mercurii resistentias, quas opponit motui illa qua-
liscunque sit adhæsiō, quam habent in intrinseco mer-
curii globuli ad invicem, tanto majorem in resistendo
effectum producturi, quanto minores erunt corporis
mercurialis superficies; ex quo mercurius non potest

penetrari a viscidis particulis, quia poris caret glutinosum admittentibus. Minimi pori mercurii penetrationi per aqueo viscidas moleculas faciendæ resistendo, instantibus salibus, & urgentibus spiculis aditum non permittunt, quæ tunc eo tantam non habent, quantum exigent ad eos pervadendos tenuitatem, & impetum. Si verum est, particulas mercurii unius figuræ esse, sicut persuadere videntur summa ejus simplicitas, & incapacitas corruptionis; si verum est, eas esse sphericas, vel aliqua ex figuris ad sphericam accedentibus circumscribi, quemadmodum ostendere videntur plures ejus proprietates, non posset esse in mercurio inanum spatiorum diversitas, nec ea ad quamlibet figuram congruentia, quam exposulant plures Chymici. At pororum in mercurio quæcunque sit existentia, & quæcunque eorum amplitudo, an sine gravitatis momento partes salium concretorum, quæ in sanguine existunt, ab invicem separari, & scindi poterunt? hæc non nisi conjecturæ sunt rem adumbrantes magis, quam probabiliori ratione explicantes; immo Philosophorum ingenia earum facilitate allecta ab ulteriori licet utiliori distrahantur examine.

Quocirca ad tollendam aciditatem a corpore aliquo fluido præsertim opus est, ut a particulis acidum sustinentibus fundamenta aciditatis detrahantur, vel illæ a corpore ablegentur. Cum igitur fundamenta aciditatis in acutæ angulorum consistant, requiritur, ut acuti anguli emolliantur, ut in rectos vel obtusos faciant, aut omnino tollantur in curvam superficiem mutati. Angulorum autem ex acutis in obtusos transitus sit per rupturam acutorum cuspidum a validiorum agentium nisu diffringendarum; argumento admodum probabili, multam in mercurio requiri gravitatem, & impetum, qui salium evektorum spicula coherentibus moleculis implicata possit infringere. Nec reponant posse retundi acutos acidorum salium angulos unione aliorum corpusculorum. Duo enim anguli acuti verticem communem habentes, & secundum latera sibi invicem coherentes rectum, vel obtusum angulum fere semper constituunt. Sic involvuntur acutæ cuspides lentis, mucosis, & pinguibus substantiis, ac veluti intra vaginam anguli acumen conditur. Hoc artificio salium spicula in sapone mitigantur; sed si hoc fiat, est tantum acidum eduleorare, non in minima resolvere, non destruere, non partes conglutinatas discindere; adeoque si in particulas salinas coherentibus nuptas non impingat aliquid, quod non sit ei specificè gravius, magis mobile, & in minima divisibile, nulla spes erit, ut possit una ab altera separari.

Nec magis aridet eorum ratio, qui explicantes actionem mercurii per vasa ad fluida difficulter mobilia impellenda trajecti & salivam vehementer moventis, venas præcipue lymphæ ferendæ dicatas torpore quodam infestari ex quadam vi hydrargyri stupefactiva non dubitarunt. At si propter teneritudinem lymphæ ductuum ab hydrargyri inunctione stupore facile affectorum, ob intensum hydrargyri frigus, amisso tono, & fibrarum vigore, debita lymphæ separatio, reditusque in venas impeditus intra sanguinea vasa cohibetur, quæ arteriosa canalia supra modum distensa ad salivæ emissaria depleri cogantur; queritur qui fiat ab exinanitis lymphaticis tophos discindi, ossiumque cariem emendari. In lymphæ morbofo liquido totus fortasse latet fomes; sed si quoque lateret, qua ratione hydrargyrus in mercurium dulcem confectus per minima sanguini unitus, & impetuoso motu per vasa raptus vim suam indolemque denuo exercendo lymphæ ductibus torporem conciliabit?

Sane ut rem acu attingam, ne me assumptis pluribus, minusque notis conjecturis, & præpostero hypothesiconatu philosophari videar, quisquis rem attentius contemplatus fuerit, corpuscula mercurii constituentia irrequieto motu exagitata a fluidorum pressione, & circuitu diffari posse per orbem, facile per sanguinem in minima dispergi advertet, quæ mercuriales in statu fluoris particulæ non facile eveherentur per vasa, si earundem componentium unio intricata, adhæsioue tenacior esset: hæc enim mutua suimet invicem implicatio, alterius ab altera separationem prohiberet, ipsaque molecularum conjunctio easdem ponderosiores efficeret, quam ut simul susque deque attolli, & vertiginoso liquidorum motu rapi possent. Liquidum mercuriale cum

sit in minutissimas divisum particulas, facile cum altero fluido, vel solido, quoad omnes partes in illius poros se insinuando, in alterius penetrando, misceri poterit; & postquam est mixtum, mercurii moleculæ cum sint a continuo gravitationis motu concussæ, alterius liquidi solidioris obvia corpuscula non difficulter discindere valent. Hinc ab invicem commixta, & minima minimis conjuncta, necesse est, ut corpora agentia possint agere in particulas patientis, non quiescant, sed sint intestino motu agitata, aut in rapidissimo cursu constituta instar cuneolorum, quotiescunque in alterius corporis particulas illis congruentes, vel ad recipiendum gluten, caveas habentes, impingunt, hæcque easdem divellunt impedimentis semotis, & fortissimis quibusque obstaculis diritis; idcirco tamen in sua maxima divisibilitate eorundem gravitas nihil evanescit, interruptiturque: sed quodvis corpusculum infinite divisum, licet mole minus cæterarum fluidorum particularum, gravitate majus, a solidorum nisu cum sanguinis circuitu promovetur, quod ubique celeritate sanguinis majori instructum, a dato cordis impulsu plus momenti suscipiens, majorem impetum in resistentiarum occursum exercere valet: Unde quantumcunque parvus sit impetus sanguinis fluentis, cum semper resistentia minor sit momento impellentis mercurialis liquidi undecunque nitentis, agetur intra omnes villorum plures nihil resistens influxui tentantis fluidi, cuius vis tumoribus, & fluidorum lentoribus occurrens innatæ gravitatis impetu, & in stagnantia liquida ad membranarum contactum posita sese agere nitens, quasi cuneus coherentes particulas dimovebit, quæ a subtilissimis mercurii ad nullam formam determinatis corpusculis, hinc inde intus commotæ, & jugi eorundem circuitu in motum concitæ, inciduntur, attenuanturque, & qua data potentiori porta ruunt, quæ sæpe per vehiculum salivæ evectæ in eorundem ductus ejiciuntur. Hinc resoluta, & subacta fluidorum lentore, spiculis salium retusis, vasa, porique obstipati a tartarea sæculentia stagnantibus sordibus liberantur, atque expერიuntur, adeoque fluores omnes totius corporis in ordinem, ac motum rediguntur, & sic pene omnibus morbis, cum a visciditate humorum, & obstructione ductuum ortum ducunt, mercurialia medentur.

Tophi, & gummata non nisi remediis maximo impetu instructis evelli possunt, quorum validi momenti particula sanguini intrusæ, diu in ossium excrecentias impellentes vires suas imprimendo per itus reditusque corporis impingentis, penetrantisque gravitationem, obvia quæque discindere, ac renitentes tumores resolvere valent; quæ combinatorum partium resolutio neutiquam in nobis contingeret, si appellentia corpuscula supra data obstacula, & resistentiarum aggregata excurrentia, terebræ, & cunei vires in occurrentes lentores non exercerent; quo sit, ut mercurii gravitas cæterorum mineralium major, non solum ubique celeritati sanguinis æqualis, sed validius momentum suscipiens, impetumque majorem exerens ad loca maximæ resistentiæ, ubi fluidorum motus quasi evanescit, partium cohesiones tollat, & immotas tophorum particulas dimoveat, quæ a repetito promoventis impulsu commotæ sensim abraduntur, & intimius eliquatæ novæ sanguinis circulationi committuntur. Igitur quoties salina spicula intra fibrarum contextus incuneata, vascula, & fibrarum tilias depascuntur, hæc cortosiva salia hebetantur duntaxat a maxime penetranti mercurii energia, quæ cum in omnes ægri partes sese insinuet, acido salinas moleculas occurrendo cicurat; quo interea vis partium elastica vigorem acquirens ad evictorum salium enormitatem una cum mercurii expulsiōne insurgit, ac ut plurimum per potentissimum phthyalismum ad oris emunctoria celticum venenum demandat, qua expurgatione completa lacescita quiescit natura, & vires labefactatas resumit.

ARTICULUS V.

De morbis per salivationum mercurialem curabilibus,

SI quis unquam est motus, qui facili marte a mercuriali salivatione discutiatur, est venereum contagium, quod

quod crudeliter in corpus humanum debacchari cepit anno 1494. nimirum dum Carolus octavus Gallorum Rex cum Alphonso Rege bellum gerebat, ingenti militum phalange, strictissima Neapolim obsidione tenuit; Neapolitani magis fame, quam bello enormiter vexati, imbellem ac mollem scæminarum turbam ab urbe eiecerunt. Galli milites, quos non pudebat cum turpissimis scæminis coire, Hispanorum versutias ignorantes, earum pulchritudine, ac blanditiis allekti nativum libidinis cæstrum in scæminas fornicando sociavere: Inde totus amoribus nequam vitiatus exercitus, insuetoque delusus dolo ultro, horribilibus se cepit pandere morbis. Hinc erudite Fracastorius:

*Qui casus rerum varii, quæ semina morbum
Insuetum, nec longa ulli per sæcula visum
Attulerint: nostra, qui tempestate per omnem
Europam, partemque Asia, Libiaque per Urbes
Sevit; Latium vero per tristia bella
Gallorum irrupit, nomenque a Gente recepit.*

At incertum est; cum incæpit inter homines grassari, si prius obsidentes Galli hanc luem experirentur, antequam obsessi Neapolitani contraxerint; Neapolitani Gallos, Galli Neapolitanos inculcant, & Hispani utroque Neapolitanos & Gallos vicissim exprobrant, & unaquæque eorum natio reliquis hoc scæminis vitio vertit. Sed fortasse melius se pandit ipse morbus.

*India me genuit, peperit me Gallia Mater,
Me alit Parthenopes, dic mihi quæ Patria?*

Hæc venerea lues licet in veterum auctorum monumentis, & observationibus non se pandat; tamen cum ab Avicenna, & Galeno V. de comp. medicam. VI. de simpl. n. XI. de simpl. facul. VI. de locis affectis cap. VI. describantur tumores, ulcera, ac pustulatum species, quæ luis venereæ affectionibus adæquatè respondent, credidere nonnulli, hanc veneream luem, dum Galli Neapolim obsidebant, antiquis morbis fermentale tantum addidisse virus; hinc in Celso, sycosin, mariscas hominem olim scædasse legimus. Fit vero ait utrumque in his partibus, quæ pilis conteguntur; & apud Martialem lib. VII. Epigrammatum:

*Ficosa est uxor: ficosus & ipse maritus:
Filia ficosæ est, & gener, atque socer.
Nec dispensator, nec villicus ulcere turpi:
Nec rigidus fossor: sed nec arator eget.
Cum sint ficosi pariter juvenesque, senesque,
Res mira est: ficos non habet unus æger,
& Juvenalis satyra lib. 2.*

*Quis enim non vicus abundat
Tristibus obscænis? castigas turpia, cum sis
Inter Socraticas notissima fossa cinadas.
Hispidæ membra quidem, & duræ per brachia setæ
Promittunt ferocem animum, sed podice leves,
Ceduntur tumida medico ridente mariscæ.*

adeoque antiqui torquebantur quidem ulceribus, pustulis, lepra, scabie, tumoribus: ac veterum monumenta homines in scortis avide luxuriantes hac lue scædatos tophorumque cruciatus perpasseos fuisse non pandunt.

Ex prægresso igitur concubitu cum muliere venereo scæmineo conspurcata, malignum virus, & halitus contagiosi a pollutis, & turpibus obscænis prodeuntes, in uretræ virilis poros se insinuant, inde penetrata uretræ epidermide ad prostatarum glandulas diffunduntur, ibique excitata inflammatione, succi intus contenti acrimonia, acida, salino corrosiva commoti, acidis, & cuspidatis eorum particulis vehementius fibras pungunt, distendunt, & lancinant, quæ inde a nutrimento infaniam converso magis exulcerantur: Unde in laceratis villis ulcus succrescit, a cujus ulceris imputitate saniosus fluxus, & acre liquamen jugiter effluit, quod scætida crassitie in subtilissima epidermidis membrana feriendo salinis spiculis, ejusdem fibrillas divellit, atque exulcerat. Non solum a glandulis prostatarum exulceratis, aut uretræ exesio poris extillat putida illa sanies, sed cadaverum sectione retulit, reperta esse ulcera in orificio vesicæ, & vicinis partibus cum flueret gonorrhœa, Ballonius Epid. lib. 2. pag. 16.

Hoc acidum acre dilatatis poris, & apertis vasculis a sanguine absorbetur, & mediante circulatione per minimas arteriolas ad glandulas inguinis devehitur, vel in lymphatica inguinis glandulosa irrepit, in quibus acriori parte stimulante, & viscidiori morant trahente, per vim stimuli augetur liquidorum cursus ad partem, novo-

Sydenham opera Medica.

que indefinenter confluyente humore, infarcitur corpus glandulosæ tunicæ, ex quo in dies excrecente dolore morbofa liquida ad inguina augente magis, malignus extuberat tumor, qui artis auxilio facile ad suppurationem disponitur, & ferro discinditur, vel caustico aperitur. Ab hoc venereo veneno infectæ sanguinis particule glandularum cavitatem accolentes, a naturali statu sensim desciscunt: hinc in fluorem evectæ impetuoso motu rapiuntur, quæ tamen dum se quaquaversum explicare nituntur, crassiores particulas glutine implicatas offendunt, a quibus mutuis visibus invicem obvolvuntur: interim acrium salium, & subtiliorum visus a terræ moleculis, & crassioris sulphuris plurimum remittitur, donec sordes, ac virulentæ sanies, vel suppressæ, vel non extinctæ, sero per partes illas circulanti sanguini communicentur; & clam in sanguinem serpent; ejusque salinæ moleculæ a fermento venereo exaltatæ, & in fluorem evectæ, cum viscosis combinantur, quæ in perioestia, & pericrania impingentes, in eorundem porulis impliciter detinentur: Harum salina spicula intra fibrarum fasciculos incuneata, cum nec a solidorum visus, nec a calore possint insensibiliter resolvi, sensiles membranas lacerant, continentia vascula distrahunt, eorundemque villos ita convellunt, ut dolores in cranio, & ossium membranarum scævissimi passim sentiantur; qui ad vesperam excruciant, & magis ingravescunt, dum a densiori aere repressæ, & lecti calore agitatæ, ac motæ particule viscido-acriores, nervorum machinulas, & membranas perperam lancinant. Hæ efferæ salium acrium, acidoque salinæ moleculæ in latice sanguinis hospites, in laxam, & spongiosam tonsillarum substantiam delatæ, ibique exaltatæ, earundem fibrarum plexus exedunt; adeoque hujus indolis inquinati succi, glandulas oris, palati, labiorum, & gingivarum, ultro citroque villos committentes, hic solidorum machinulas jactant, illicita concutunt, ut permutatis liquidorum viribus, figura, atque mixtione, una villi, & fibræ membranarum, vasorumque convellantur, & distrahantur; adeoque a proprio termino recedentes, insciuntur ab illis angulosus salium particulis, quæ interjiciuntur ad instar cuneolorum inter machinulas jam fluidas, & pene solutas; quæ licet in variis implicationibus, & reticulari contextu non permittant discludi extoto, nec humores ex toto præterfluere patiantur: tamen a fluxu, & refluxu humorum erodentium in dies magis laxantur, & inquinantur, a quibus proinde depravatæ indolis succis, quasi ab insinuatione totidem cuneorum tenuissimæ substantiæ sese quaquaversum volventium, atque fibrarum contexturam exsolventium, lacerantur vasculorum villi, adeo ut ad instar stillicidii ubertim fluat, & erumpat saniosus liquor, qui sua partium scabritie, ac inæqualitate membranosa, & glandulosa locula magis exurere, & dilaniare poterit, ut in earundem epidermide, vel in membranarum gliscientia liquida, motus inertia distensis vasculis, eorum putrefactione, & salium aculeis laceratis, terebratisque villis, depascantur glandularum fibras, easdemque partes ulceribus scædent. Si inter ossa, & perioestii porulos hamosæ particule, & rigidiores compactæ arctius cohærescant, membranarum fibrillæ enormiter distentæ sensim intumescunt, & instar spongiarum inflantur. Unde viscidus liquor falsis rigidis, acidoque acris maritatus in has partes firmitus successive impingens simul in coalitionem compingitur, & præ crassitie per poros excerni, nec minuta venarum oscula cum sanguine reliquo subingredi potens, hæreat oportet in illis angustiis, ibique interceptis acidis, acrisque particulis invicem implicantibus, in tophos atque nodos coalescit, qui inde acidis, atque corrosivis scatentes liquaminibus in ossium cariem degenerant. Dum corrosiva spicula in tendinosas ossium fibrillas se insinuant, ossis ad intima penetrando, ejusdem canaliculorum seriem & ordinem diffingunt, a quibus sensim alterata ossium structura, & succis eorundem alibilibus coinquinatis, in ossibus caries suboritur.

Confirmata lue pustulæ, & earum pustularum cognatæ cutis affectiones phlyctenes, impetigines erumpunt, modo orbiculares, vel acuminatæ, modo pruriginosæ, squamosæ, nil icoris effundentes, faciem, vel manus, crura, vel pedes, & nonnunquam universum corporis habitum obsidens. Viscidæ enim, ac terreo salinæ, acres, austeræ particule ad nostri corporis partes appellentes, glandulas nimirum,

a quibus deberent revehi per lymphatica in sanguinem, fibras tubulorum cutis, per quos fluere debent, fermento gallico afficiunt, & glandulosarum partium meandris constanter infixæ aculeis suis magis vel minus rigidis, acutisve fibrillas cuticulæ, ejusque tubulos dissecando, & erodendo pruriginosa labe, & ulcerosa commaculant; ut inde oborta pustulæ in glandulosæ cutis tubulis, adeoque solidorum erosiones pro majori vel minori acredinum gradu, pro multitudine diversarum glandularum, & vasculorum exsorum sanie, dolore, & crustosis squammis inter se solum differant. Hujus secundæ mensis semel tacta seminio venereo efflorescens, suisque successivis germinationum periodis renascens, nunc scissuris volas manum affligit, nunc rimis mammarum papillas occupat, quæ modo saniosis scatens humoribus spongiosam carnis substantiam depascendo serpit, modo in fœda ulcera excavatur, quæ cutem profunde penetrando, labiisque calosis, & prætumidis, sanguinem sanie confusum si contractentur, effundunt.

Quando particula acido-salinæ angulatis corpusculis a lymphæ copia dilutæ, & assiduis solidorum oscillis comminutæ, cutaneas glandulas leviter obstruunt, ad corporis superficiem spumescences cuticulam levi pruritu exasperant, erumpentibus interea bullis fere inconspicuis, Salia paucò sero diluta, cum a lymphæ debito viscosiori, fugatis in aera aquosis, eorum vis infringatur, & illorum acumina obtundantur, squamosam, seu crustosam cutis elevationem inferunt. Sub crustis squamosis effusa lymphæ, cutis, & cuticulæ fibras, in quas impingent, punctione particularum acutarum, & effusi feri acredine gravius pungit, ac lancinat, ustionisque sensum, ac pruriginis inducit. Cum autem ab aliis jugiter de novo confluentibus salinis particulis compellatur humor, cuticulæ porulis salina ramenta infigit, a quorum angulis minutim secatæ cutis fibrillæ in surfura abeunt, & veluti squammæ in superficie exteriori exsiccatæ a cute dissiliunt: Hinc ægri pruriginoso sensu affecti indefinenter cutem scalpentes saniosum icorem effundunt, qui erodentibus particulis effœtus per vicinam, sanamque partem proserpit, donec ulcusculis cum foraminibus profundis universum corpus obsidentibus in putrescentem morbum terminentur.

Verum quia venerea lues per se nullum morbi genus constituere videtur, qui cuicunque morborum speciei adeo insolubili nexu confunditur, atque permiscetur, ut pressius eorum naturam æmulari videatur, cum aliorum mille larvetur formis morborum, ne miremini si olim celtica labe inquinati in morbos inciditis, quorum radix non intellecta medentium opem eludit, atque deplorabili ærumna vos turpiter extorquet.

Mercurialis salivatio non coercetur in solo celtico, sed mercurii virtus tam efficax in consummatis, & obstinatis morbis sanandis comperta est, ut Medicos illo, tanquam modo curandi perverso, uti recusantes, in malorum omnium pertinacia ex acri glutinoso suborta vulgaribus reluctantem remediis hactenus non adhibuisse, cum Boyle valde admirer; In his enim ejusdem virtutes æque, ac in morbis a contagio venereo susceptis, efficaces esse non me effugit, quin efficaciores quam aliorum remedium esse arbitror, ut plurimorum experientiis pulchre arridet.

Dum autem de operationibus mercurii ad alienos morbos inusitados relatis loqui decerno, historiam minime vulgarem a Boyle recensitam non possum non referre. Vir quidam, ait, adhuc superstes, Præfectura Legionis Helveticæ in Gallia celeberrimus, aliquot annis castra in Belgio secutus, morbum quandam oculorum passus est, Medicorum juxta, ac Chyrurgorum opem omnium recusantem, qui paucorum mensium spatium sensim elabente visione, utriusque oculi jacturam fecit; donec accersitus Empiricus, cui se curæ tormentis subiecit, ipsi ab utroque narium ad grani pondus atrahendum quandam pulverem mercurialem exhibuerit, a quo statim vomitu, sudore, urina, saliva, & lacrymis per duodecim horarum spatium exagitatus adeo commotus fuit, ut caput ejus plurimum intumuerit; tertio tamen, vel quarto labente die, gradatim visum recuperare incipiens, post quadraginta dies, acutiore visu quam omni vitæ antea decursu gavissus est.

In colica diuturna, ac pertinaci, cum remedia quævis nil juvant, mercurialia salagoga exhibeantur, quæ cum maximo ægtorantis levamine observavit Vvillis

materiam morbificam in plexibus nerveis uberius aggregatam, salivationem movendo huc illuc varie dispellere, & tandem profus dissipare. Licet sanguinis particulae per jugem ejus motum, & agitationem atterantur, subtilizentur, ac lavigentur, sensimque ita disponantur, ut per poros cerebri transcribri, & per nervorum filamenta urgeri queant: Existimo interim ab impetu sanguinis fortius a tergo urgente posse abradi particulas diversæ molis, quæ per nervorum canaliculos deciduæ in mesenterii, aliisque abdominis plexibus inter se variis modis uniantur; nimirum quod suis ramositatibus invicem intricentur, vel quod cuspis unius intret poros alterius, denique quod earum superficies læves, & æquales ita arcte jungantur, ut nihil sit intermedium, adeoque hæ non admodum subtiles, nec facile dissipabiles, cum per lymphæ ductus non diffidentur, sensim stagnent oportet, & coacerventur in partibus illis per villorum poros expirare nesciæ, quæ in nervorum tubulis penitus compactæ, ac fibrarum oscillis compressæ, cum semper in motum expansivum nitantur, licet minori impetu, subsistendo intra eorundem canaliculos, eosdemque proinde extrorsum urgendo, fibras, nervorumque propagines inflant, ac distendunt, quarum distensione divulsis villis intestinorum, & eorundem laceffita compage violentam suscipiente vibrationem, oritur colica affectio, cujus violentus impetus in distorsione fibrarum residens, laxari non posse videtur, donec congesta materies a nervorum filamentis penitus discussa, aut subacta non fuerit; quæ si ab aliis medicamentis dimoveri non possit, a particulis mercurialibus sese quaquaversum nitentibus in minimas dividitur moleculas, & huc, illuc varie in motum acta dissolvitur.

Hic exoriri posset suspicio, cur a Medicis non sine ratione mercurius credatur generis nervosi inimicus, aliarumque in nervis cerebri perturbationum concitator, & fortassis sciolus quispiam negabit in paralyti detentis hisce remediis esse utendum. Speciosa hæc quidem dubitatio prima fronte videtur; sed tamen vanam esse reperio, ubi contraria hæsitatiōi experientia ad accuratiorem sui inquisitionem me invitat. Plures morbo Herculeo, & vertigine diuturna correptos salivatione per mercurium excitata in ind. med. pract. lib. 19. sanatos refert Bonetti, & quosdam paralyticos ab ipsa sanari Vvillisiano experientiæ effato edocemur. Attamen hoc remedii genus nolim, ut furiosa violentia extimescendum, cuiquam commendes, nisi sedulo Chymicorum simul artificio elaboratum, ac Medicorum consilio exhibitum, donec exactiorem sui præparationem, & usum nanciscatur. Hoc vero securius confecto in epileptico morbo inconsulto quispiam temere ne utatur, ut prius perspecta causa firmiter rationis talo hoc opus animose conflagret.

Cum epilepsia sit totius corporis concussio, qua statim & ipsi nervi convelluntur, causam hanc latere conjicerem, aut in solido nimis laxo, vel rigido, aut sicco, aut in fluido nimia copia peccante, in sero acri-glutinoso, in crassitie sanguinis, aut spirituum, in quocunque viscere lentore referto, aut in sola acrimonia tum sanguinis, tum spirituum tenuiorum, magisque mobilium. Sint enim tubuli nervorum in cerebro constituti nimis laxi; igitur copia sanguinis naturali major cujuscunque liquidi nervei, quod intrudere se possit inter omnes fibrillas nerveorum fasciculos componentes, nitetur in nervos influere, adeoque, contranitentium villorum vis, cum non sit in æquilibrio constituta cum fluidis, minimæ cuicunque facultati cedit: & cum a quocunque spirituum appulsu nervea fibra distrahatur, dilateturque, impleri poterit liquido, cujus particulae nervorum funes sensim madefacientes, veluti totidem cuneoli sese in nervorum dilatatos poros insinuando, illos contrahunt; adeoque laxatis nervis, & copia liquidi naturali majori repletis fibris nervorum tonus, & villorum harmonia tota concutitur.

Sit insuper siccitas in solidis minorem copiam humidi ita continentibus, ut humores quilibet producantur aciores, spiritus tum similiter aciores; mobiliore impetus, & nifus majores in emissaria nervorum producentur, adeoque irritando, lancinando membranarum fibrillas, maximo cum impetu efferentur, & inordinate moti poros cerebri ita aperiunt, ut quaquaversum per nervos dissiliant; Unde nervorum fasciculi vehementer dilatati, hinc, atque illinc, intus violenti moti spiritus concussi, inopinato spasmodica crispa-

crispatione corripuntur; & animal sibi deficiente spiritu in centro gravitatis molem corporis sustentante, derepente corruet. In hisce igitur causis a solido nimis laxo, & fluido magis mobili, & soluto, quoniam mercurius est majoris impetus, & ponderis, quam quod possit a languida fibrarum energia, & vi sustineri, suspitione salivatio non caret; qua ratione impetus, & gravitas cum videatur calcar addere liquido in furorem nimis concito, male mederis, si malefiana mercurii inunctione materię peccantis in fero existentis solutę copiam violentius ad partes superiores, ipsaque adeo cerebri penetralia propelles. Propter hanc inunctionem mercurialem in scabie institutam exortum fuisse comitalem morbum, exemplo patris, & filii Trincavella confirmat.

Contra vero cum Hippocrate de morb. sacr. & Gal. lib. 2. de sympt. caus. cum vigeant in sanguine humores lenti, viscosi, acido-acres, qualis pituita pungitiva; spiritus igitur magis crassi minorisque impetus gignentur, qui propter crassitiam patium, ex quibus componuntur, cum non se diffundant quaquaversum cum nisu, non poterit universa eorum moles fluere per poros villorum, immo portio crassior intra eorundem villorum ganglia subsistet, proindeque eisdem magis extrorsum urgendo, impediet, ne ex toto restituantur nervi, sed in aliquo gradu contractionis persistant; per successivum autem influxum, & effusionem eorundem liquidorum intra nervos; cum reliquum crassius intra majorem villorum angustiam semper subsistet, in majori contractionis gradu persistent nervi, & repetito pluries spirituum influxu, cum restitutione magis, ac magis nervorum imminuta, fiet demum, cum non possit ganglia nervorum spiritus superare, & per eorum extremitatem expirare, ut nihil spiritus ulterius influat: quo in casu retro impulsus majorem ad latera nisu ad nervorum principium usque exercet: Hinc successivo spirituum repulso, & eorundem jugiter appulso, ad cerebri nervos, violentius ipsi concutuntur, ejusque subtilissima fila lymphę spiritus vehentis mordacitate stimulantur crispantur; adeoque nullo, certoque ordine impulsis spiritibus, æger subito in terram prolabitur, violentis contorsionibus detentus. Modo quotiescunque morbus caducus excitatur ab illis succis, qui ad majorem partium cohesionem fluentia liquida reddunt, aut ab infartu alicujus visceris per consensum ortum ducit, mercurii viribus facile cedit, qui vi suę gravitatis per impervios quosque spirituum canales lenta materia obfessos sibi viam sternens ad minima resolvit, & mucosa fluida extra corpus propellit; unde bene ait Hippocr. de morb. sacr. *Qui salivosi sunt, ac mucosi, morbo sacro fere non apprehenduntur.*

Hac ratione salivatio in paralyfi, quę in sanguine sale, & sulphure fixioribus magis referto causam habet, cum stabili nervorum, & firma fibrillarum cerebri structura, opem non raro egregiam præstat. Cum ad motum requiratur musculorum contractio, cujus machina ex pluribus filamentis, carnearum fibrarum fasciculis, & tendinosi fibris conflata per se iners est, & demortua, nisi adveniat facultas motiva, quę est influxus sanguinis per tubulosas musculorum fibras, easdem instantis, & liquidi per nervos subito arescentis intra sinus villorum, & sese quaquaversum effundentis per tensam fibrarum compagem, ut carneę fibrę ab impetu particularum rarefcentium, veluti a toridem vectibus possint urgeri, quę inquam imperium afferant, easque a torpore, & sopore excitatas fibras ad motum impellant; igitur si neutrum vel alterutrum liquidorum non influat in sinus, & intra villos fluere non permittatur, non poterit inflatio fieri tubulorum, quę requiritur, ut villi concipiant impetum, & suam indolem, vimque motivam exercere valeant, ut funis denegatis aquę globulis non inflatus; adeoque fasciculis nervorum ad emissaria infartis, vel obstructis a sanguine intra cava fibrarum latibula partium crassitie, & terrestreitate stagnante, licet recurrat spiritus, & sanguis, per ductus non excident in sinus fibrarum, sed frustra ad canalium emissaria nitentur; unde contractio musculorum, & motus tollitur. Itaque dum in paralyfi, in qua materia viscosa, ac quasi lapidea in

Sydenham opera Medica.

nervis, ac minimis vasculis musculorum solide viget, sudorifica nullius efficacię sunt ad excuneandum in nervis, & fibrarum lacunis impactos humores, felicius salivatio cietur, qua apprimę concreta salia inciduntur, dum particulę mercuriales in fixa liquidorum corpuscula impingunt ab invicem, ea dissociando facile dissipant; dein cerebro trajecto ductus nervorum subeundo, coacervata fluida in minima dividunt, & spirituum vias referant: hinc inde portiones subtiliores sanguinis summe tenues, atque elasticę, partesque tenuioris lymphę ab alterna meningum constrictione in pervios nervorum tubulos propulsę, in latera earundem validius nitentes, ordinatas ad muscularem motum fibras inflant; adeoque extensis fibris, & machinulis musculorum spiritu irrigatis, non solum oscillatione propagatur sensibilium impressio ab extremis nervorum filamentis concepta; sed apertis arteriarum osculis, & nervorum fasciculis in pristinam libertatem restitutis, concinne remittitur sensus, atque motus.

Nunc quoniam mercuriales particulę per tenuissima vascula, & spongiosas substantias trajectę in eorundem ductibus lentescunt, inertes fluidi moleculas in motum concitare valent, eodem conatu, & feliciori eventu, ut optime addit Dolæus c. 7. de scirr. tumores scirrhosos dissepcent, & calculosam viscerum duritiem dissolvent, cujus generatio subsequitur a succorum in cellulis glandulosis diversę indolis coagmentatione. Cum sanguis acido-salinis terreisque scatet particulis, testudineo motu partes corporis perluit, & ad angustos glandularum ductus per arterias delatus, crassiores in ipsis vasculis portiones relinquit, quę venarum ostiola subintrare nequeunt. A glandularum potro circumpressione, & motu, subtiliores sanguinis in vasis contentę particulę in motum adactę, dum a graviorum connubio desciscunt ad ora venarum impingunt, crassiora salia, & terreo-sulphurea in parte remanent, quorum acido-terreę particulę a sanguinis præterlabentis appulso validius pressę, in alkalicorum poris, & sulphurum ramis altius involvuntur, mutuoque nisu inter se ita combinantur, ut undequaque pressis propius ad se invicem accedentibus exhaustis tenuioribus aqueis, tumor exurgat. In hoc graviore casu, licet mercurialia educere possint viscositates sale, acidoque effetas per glandularum salivalium tubulos, raro tamen, nisi post defatigatum medentium opus, usurpentur. Quoniam scirrhosus tumor in partibus mollioribus genitus per successivum fluidorum appulsum, laxas tubulorum, ac cellularum fibrillas inflando ita distendit, ut vehementius distractis glandularum villis, fortius ab invicem divulsę non resiliant in contenta fluida, sit, ut a vehementiori fundente, & impellente majori, novus distensis fibris addatur impulsus, quę ad susceptum impetus momentum sustinendum impares; uberiores materię copiam ad laxos membranarum poros deferri patiuntur; unde concretum quasi lapideum in folliculis conclusum, a solidorum nisu nec ullo incuriente commotum, ab appellentibus succis jugiter irrigatur; atque ex plurium fibrillarum fasciculis a fibroso sanguinis crassamento mediante salivatione depromptis majus conficitur; adeoque in dies magis increfcens lapidum ritu in insignem molem extuberat: proindeque in morbis, si summa adsit fibrarum mollities, quarum resiliationis vires a quocunque percutientis impetu facile frangantur, licet jam dudum a mercurio averruncetur morbus, redit tamen, ejusque radix in ipsa villorum flacciditate, & fibrarum laxitate parva vi extendenda regerminat, ut observavit Vvedelius podagricum salivatione liberatum, post tres annos in eundem morbum incidisse, sed mitiorem.

Scorbuticam affectionem Septentrionis, & maris incolis frequentissimum morbum per salivationem fugari, fatentur Joannes Burgius in dec. 2. annot. 3. Joannes Acholutus in decis. 2. annot. 9. at duntaxat in illo scorbutico, in quo sale evecto, & fluore potito mobiliores sanguinis particulę crassioribus implicitę detinentur, atque crassam, & veluti acido-mucilaginosam consistentiam induentes, pigre in vasis circulantur, a quibus sanguinis massa compage magis restricta, & crassiori donata, salibus quidem acutis, sed glutine co-

hibitis, simulque inundatis detenta, torrentis instar lutum secum rapientis, lento progreditur motu ad viscera minimæ pressionis, & ad vasculorum angustias delata in ipsis sæculentias quasi limosas affigit. Tunc in huiusmodi diathesi scorbutica, in qua crassum est attenuandum, stagnans mobile, & cohærens fluidum reddendum, salivare erit sanum facere.

Hoc consilio in amaurosi, sine optici filamentum laceratione, & absque eorundem antiquata obstructione, festinanda est salivatio, si a crasso humore in nervorum meatu illapso, vel ab arteriis retinæ compressis obstructisque denegetur tremor nervorum ad sensorium, vel a tumore in cerebro nervos opticos premente (ut doctissimus Platerus observavit) impediatur directio opticorum, & pupillarum planities, ut angustatis canalibus, vel in ipsis hærente glutine, adeoque spirituum via impedita aboleatur visio. Ad hunc humorem ex opticis evellendum, & tenacius in capite impactum proliciendum felici successu mercurialis salivatio procedet. Sic artificiali pthyalismo suffusiones curatas testantur Riverius, Fonseca, & Schenckius.

Ubiunque serum, vel lymphæ sanguinis extra vasa decidua in cavitates aliquas exudando colligitur, vel sanguinis cursu pigre fluente pars ejus aquosa præter modum vasa distendens tandem eadem emollit, ut partium vigore non restituto, & fibrarum elatere sufflaminato extra venas, vel lymphaticas erumpat, hydrops succedit, quem vidit D. Andreas Ernius m. m. c. dec. 2. annot. 4. obser. 36. a salivatione artificiali de medio sublatum. Verum ne salivatio a scopo aberraret, ad quem collimat, in hydropse thoracis a pulmonum labe congenito fugiendam consulo. Pulmone hydatide, vel vomica aquosa turpiter affecto, inter ejusdem sinus lymphæ accumulatur, vel rupta vomica in thorace recipitur, quæ quousque in fistulosis pulmonum vesiculis hæret, cognoscitur a tussis sicca, dispnoea, dolore gravativo, quibus additur hoc unicum tanquam pathognomonicum a Riverio relatam, quo solo hydrops pectoris a cæteris difficultatis respirandi speciebus distinguitur; quando nimirum spirandi difficultas primo quoque somni tempore invadit, ac per noctem magis urget, quæ adventante sensim die lentescit. A practico vulgo hic morbus confunditur, licet graphice ab Hip. delineatus sit 2. de morb. *Febris, & tussis tenet, acervatim respirat, & pedes tument, contrahuntur, & patiuntur talia, qualia is, qui suppuratus est, sed debilius, ac diuturnius; & si quid infundas, aut fomentum aut suffitum adhibeas, pus non sequitur, atque ex hoc sane cognoveris, non pus, sed aquam intus esse;* & paulo post subdit: *Et si multo tempore aure ad latera adhibita audire tentavit, ebullit intus, veluti acetum;* laceratis inde sinibus, & vesiculis lymphæ fœtore olens diaphragma inundat, quæ in thoracis cavo collecta distinguitur a novo dolore, & pondere diaphragmatis fornicem premente, hinc a decubitu in latera cum strepitu lymphæ motus advertes; huic supervenit hectica febricula, fames sublata, rubor genarum, anhelosa, difficilis, & erecta respiratio, tussis perpetua sicca cum metu suffocationis jacenti, quibus addit Gal. 5. de loc. affectis cap. 9. fluctuationum: *Nam ubi quis, inquit, assatim a decubitu transmittatur, idque maxime si ab uno latere in aliud se convertens defluere aliquid sentiat, puris multitudinem ibi contineri, haud dubia conjectura est.*

A vasorum lymphaticorum laceratione subortus hydrops, prout omne auxiliorum genus spernit, sic a salivatione mercuriali exasperatur. Juvenulam viginti quatuor annorum dissecuit Theophilus Bonetti, quæ per sexdecim annos ascite detenta, indeque tandem mortua, in ipsa nullius visceris vitium invenire potuit; crudeliter hæc enim in pueritia tractata, istibus pedum sæpissime cæsa, ob lymphaticorum disruptionem occubuit, quæ per tot annos vitam produxerat misella, ob viscerum labem non subsecutam. Affectus hic pro ut curatu, sic etiam cognitu difficillimus est; nam licet exterior ventris subdurus tumor una plurimorum iudicio evidentissime percipiatur, attamen quæ sit causa tumorem producens, & quomodo in ventre progignatur, aut aliunde illic adveniat plane nescitur; idcirco huius morbi naturam, & causam latere arbitror, quia cum prima ejus initia non advertantur,

subito in immensum excrefcens, statu ejus peractæ aliam sibi consciscit naturam, & suam amittere videtur. Quapropter opinor, ubi sanguifera vasa, nempe illorum oscula nimis laxa non existunt, aut vasa lactea, aut lymphatica non sunt discissa, innatum cordis vitium, & solidorum mala conformato hydropem foventium in suspensionem non cadit (excrefcentiam enim ramosam in utroque ventriculo cordis infixam, & per vasa in pulmonem delatam in sectione hydropici reperit Gaspar Bauhinus apud Ger. Horstium tom. 1. Loverus historiam de Pericardio in tract. de corde c. 2. fortiter cordi adhærente recenset; post cordis palpitationem ascitem irrepsisse observavit Bonetti lib. 2. de palpit. cordis, *cujus cadaveris cor relaxatis involucris circa septum transversum descendens os gerebat;* salivationem inquam, sepositis recensita organica vasorum, & viscerum labe, esse in hydropse fortassis unicum auxilium, quod valet cæteras hydropis causas dispescere, antequam æger tenuiori medentium genio indulgens in lethalem hydropem incidat, in quo fauciat lacteis ductibus minima spes salutis affulget.

Nemini latere puto, omne hydropis genus produci primo ab omni causa, quæ valet serosam sanguinis partem ita coercere, ut redire nequeat in venas, aucta deinde vasa distendit, & tumida reddit, in distensis proinde vasculis elastico robore orbatis sensim stagnans, eadem ita obstruere potest, ut in hisce partibus liquor concreseat, cujus humoris concretio comprimens, aut obstruens, ora vasorum obliterando, vel arctando icterum, vel cachexiam parit, donec tandem læsio viscerum inde procedat, tumque hydrops priorum effectus sequatur. Omnes itaque ægros pertinacibus viscerum obstructionibus hydropem minantibus affectos mercurio curarem. Dom. Panarolus pentec. 4. obser. 24. belluonem hydropicum secavit, cujus hepar in tantam molem excreverat, ut universam fere diaphragmatis cavitatem replet, totus durus, & magnitudine monstruosus. Pet. Panujus obser. 13. virum, qui hydropse obierat, secuit; huic lien adeo intumuerat, ac induratus erat, ut tres libras lance libratus penderet; jecur inde optime constitutum, & naturali temperie præditum invenit. A renum calculo ureterem obstruente hydropem notavit Hollerius ad c. 39 lib. 1. de morb. Ab iisdem pinguedine undique obstitis observavit Albertus Kiperi, Mesenterium fere innumerabilibus strumis per totum ventrem se offerentibus reperit. Franciscus Caille Genuens, ut fere ab illis obliteratum esset, hinc in hydropis cadavere, qua obiit, causam inquisivit. A glandulis mesenterii obstructis hydropem refert Christianus Rudnicus in miscell. curios. anno 1673. observ. 159. Olaus Borrichius in actis Medicis Barthol. cadaver dissecuit, quod ex hydropse obierat, habens glandulis omentum scirrhis refertum. Hujus census infinita extant exempla, quæ hydropem a viscerum obstructionibus oriri non ægre pandunt.

Ea enim est universi corporis, & vasorum omnium harmonica constructio, ut humores per intervacuos loculos, & spongiosas inanitates circumfluentes per eorundem ductus æque, atque per poros undequaque elabantur: ex hoc inoffensam mixtionem servant per pervios fibrarum canaliculos trajecti omnes machinulas instaurant, & partium æquilibrium conservant, tandemque quicquid supervacaneum est per innumera cribra separatur; verum si obstruantur ductus, illic comprimantur, alibi sordibus alluantur, fibræ, villi contractiles, glandulæ, & diductilia vasculorum filamenta debitam liquidorum quantitatem nec absorbent, nec æquali nisu in fluida nituntur, nec contra secerabilia separant; hinc ab obstaculo obstruente, vel circumpremente præpeditis facultatibus contractilibus, non solum retardatur influxus fluentis liquidi, ne per totam longitudinem, & canalium amplitudinem diffundatur; sed cum non possit extrudi a contactu vasorum quicquid est inutile, & stagnat, magis mobile per poros fibrarum exsudat, aut per glandularum vascula erumpit in membranarum lacunas, & paulatim viscerum sinus, atque cavitates laxat, & alluit. Causæ hujus collectionis aquarum est stagnantium fluidorum in glandulis inertia, vascula occludens, & membranas distrahens, quæ præpeditens virium ac facultatum exercitationes, privat fibras contractionum, & distractionum vi, ac proinde pressionum ac circum-

pressionum momento, adeoque stagnantes liquidorum particulæ a machinulis villorum atque fibrarum valde distractis, ob violentam distractionem, atque tunicarum extensionem ad pristinam cohesionem, & naturalem statum non restitutis, in circulum impelli non possunt; ita affluentes, & undequaque impellentes fluidorum molecule, vires, & fibrarum resistentias extenuant, ut impetum appellentis liquidi, & pondus stillantium guttularum sustinere non valeant, ne poros fibrarum præterfluant, ac in cavitates aliquas decidant. Igitur salivatione artificiali moliri poterunt separationes opportuna, antequam ob villos contractiles nimio conatu dilaceratos in interjecta spatiola, inter oscilla infracta vasculorum, latentia inter filamenta, spongiolas, atque fibrarum molecule extra suum locum sitas derivent humores, qui ab hiantibus vasculorum oscillis, & fibrarum poris in proximiores lacunas indefinenter erumpunt.

ARTICULUS VI.

De Phenomenis salivationem concomitantibus, & consequentibus.

Mercurius per plures dies exhibitus, parvaque quantitate assumptus, quaquaversum pergit, atque tam suæ gravitatis, quam impetus ratione, crassos liquidorum pigre circulantium lentores incidit, solvit, ac fluidos reddit; quin paulatim, inde confertim, & magna copia per arterias ad glandulas salivales deducit, donec salivatio succedat. Humores in glandularum cavitate existentes, & in arteriolarum capillamentis summe distensis a successivo & indefinente liquidorum appulsu moram trahentes, pituitosi, & glutinosi, acresque soluti, exitum sibi parant per salivæ vias, quæ vitiosis humoribus enormiter inflantur, ac propterea incipiunt intumescere gingivæ, atque angui, dolore tonsillarum, inflammatione maxillares, ardere fauces, dum magna copia se ferente ad salivales glandulas pituita, non tantum glandulæ superiores, sed & inferiores inde replentur, ac intumescunt; verum tota oris, & faucium tunica glandulosa eodem glutinoso sero tunc impletur, ac distenta levari, & nonnunquam periculosam producit (si nimirum festinetur salivatio) in faucibus angustiam, quæ saliva viscosa subsistente in canalibus suis, ac proinde eosdem extrorsum extendendo in tumorem attolluntur, a quo glandulæ vehementer distractæ dolore, atque ardore plectuntur; & cum fibrarum distractio fieri non possit absque eo quod membranæ canaliculorum, & quarumlibet aliarum partium in parte, quæ distenditur a proprio termino recedant, neque a sua positione distrahi, quin ab invicem dividantur, poterit aliquando succedere laceratio aliquot canaliculorum, & multo facilius, si acris, ac effera soluti lentoris saliva fibrillis insigantur, & ipsa sint tanti momenti, ac impetus, ut vasculorum connisum, & resistentes glandularum villos superare possint, ex qua canaliculorum laceratione contentus liquor jugiter effluet cruentus, sincerus, mixtus, qui absque illa laceratione poterit pedetentim in os derivari, si per stimulum contractiones, & fibrarum distractiones sint tanti impetus, ut quæcunque continentur intra partem, quæ contrahitur, atque distrahitur, exprimere possint extra glandulas, & eo facilius, quo illæ fuerint vividiores, & cum sensu doloris conjunctæ.

Tumefactis gingivis, quæ ulterius firmant, & stabilunt dentes in suis alveolis profundis, maxillis insculptis impares fiunt (dum a ligamenti succingentis membranæ distensis trahuntur, pellunturque) resistenti distractarum fibrarum viribus, eaque ratione vacillantes, ac proinde minus firmi extra ordinem quasi per novos alveolos prodeunt, ut excidere videantur, semperque quasi tremore quatiantur; quo casu ut plurimum extrorsum, introrsum, ac si nova foret dentium series protrusi a mercurio, veluti ab hasta Achillis, quæ vulnerat, & sanat, pedetentim firmantur, & suis fossulis detumescens gingivis denuo recommituntur.

Mire commoti, & ad fauces in primis propulsi humores glutinosi, alique eis admixti per universam sanguinis massam, immo corpus universum diversis in glandulis oris aggeruntur, & spumæ ad instar male

olentis continuo ab ipsis extillant, adeoque fœtor anhelitus qui stagnantis lentoris eruptionem in procinctu esse manifestat, & salivationis stadium plerumque comitatur. Subsistente glutinosa saliva intra arteriolas, & glandulas, easque proinde distrahente, particulæ succorum quorundam acutissimæ cum ipsa conjunctæ, dum transitum nullo obice impeditum non reperiunt, in vicinas illas fibras vehementius agunt, & impetuosius pelluntur, easque discindendo, non tantum dolores graves, & molestias immanes producant, quin confertim, effluente humore acris, oris ulcera, & linguæ relinquunt.

Salivatio itaque cum fiat per humoris pituitosi ubique, ac in primis in sanguinis massa dissolutionem, hinc ad salivæ glandulas deductionem, quoties paulatim, ac successive a mercurio similis materiæ pituitosæ secretio contingit in glandulis pancreatis, & ventriculi, toties humoris pancreatici, & stomachici, & quidem viscidioris, & acrioris ita contingit copiosior separatio, ut ad tenue intestinum, ac ventriculum copiosius diductis humoribus, irritetur potentius eorundem utraque pars. Ab illa enim molesta vellicatione exprimitur copia liquidi summe mobilis per nervos major in ventriculi muscolum, aut in fibras intestinorum, unde illius motus peristaltici violenta inversio, atque inde cum subita, ac valida ventriculi constrictione, si quæ sint contentorum, per os ejiciuntur, atque proinde a confluentibus in intestina humoribus, ibique agitatibus ad illorum expulsionem eadem convelluntur, & alvi fluxus satis gravis, & nonnunquam periculosus consequi solet.

Quoniam vero inflata lingua, in tumorem elevatis faucibus, canales cibi & potus ita comprimuntur, ut naturaliter non pateant, & libere moveri non possint, non solum prohibetur pharyngis motus, sed fibræ musculorum buccinatorum, zygomaticorum, elevatorum, depressorum labiorum cum cæteris musculis cibum in œsophagum protrudentibus, humorum copia adeo contrahuntur, & vasorum tiliæ infarciuntur, ut materia quælibet degutienda ad palatum perducta per impetum a linguæ motu vitiato conceptum, & musculorum vires in cavitatem œsophagi exprimat difficius. Prout igitur glandularum, & musculorum tumor canalem comprimet, ex æquo vitiabitur deglutitio, & eo magis si pharyngis muscoli plus justo lædentur; Hinc aliquando in artificiali hac per mercurium excitata salivatione, prout comitantur oris ulcera satis ampla, genas in primis & linguam depascentia, dum effluit saliva acris ac exedens, ubi eadem sero ad curationem tendunt, cicatrices molestissimas relinquunt, quæ quoniam motrices fibræ ad majores contactus eas crispando redigunt, inde partes nimis arcte colligunt, ex quibus denuo non explicatis fibrillis, non raro linguæ motus manet impeditus, ex parte prohibeatur deglutitio, genarum motus vitiatur, & propter fibrarum inflexibilitatem constituitur pars veluti rigida, ut mihi semel in praxi videre contigit, quæ ob influxum sanguinis, & liquidi per nervos impediti, a nulla vi, a nullo volente in motum agitur; unde illa pars paralytica fiet, & quamvis linguæ, labiorum, genarumque motus, gargarismis, si in tempore præveniantur hæc mala, qui humores acres temperant, ulcera mundant, atque blande exsiccant, restitui possit; cavendum tamen, ne confertim, & diutius promoveatur salivatio, dum non tantum glandulæ successive replentur, atque inde intumescunt; verum tunica glandulosa post peractam salivationem jugiter pituita impletur, & relaxatis fibris distenta molestum & nonnunquam periculosum phthysismum continuo fovet.

Post longum salivationis cursum tum sanguis arefcit, tum copiosa excretionem succi nutritii per glandulas salivales facta partes musculæ debita nutritione privata in naturalem quasi atrophiam incidunt, quæ tamen non succedente excandescencia sanguinis, & spirituum, adeoque calore hectico fixo non irrepente, & colliquante in partibus solidis, ulterius magis non marcescentes a novi oleosi chyli pabulo in sanguinem continuo delato, in dies reparantur, atque inde tota nova massa sanguinis succo jugiter saturata, magis apta alitioni partium redditur, & consequenter massæ sanguinæ emendatione atrophia totius corporis sensim evanescit, adeo ut inde novo euchymo, & oleoso

oleoso succo in pristinam oleosam; & nutritioni aptam naturam sanguinis crasi restituta, melius in dies se habeat æger, quo vires carnesque continuo refarciuntur, usque dum sanitate firma, & athletico corporis statu fruatur.

ARTICULUS VII.

De Methodo Salivatoria.

Nunc præstat Gallica forde marcescentes, ut cum *Celfo sternatur via Medicamento*, mercurialium suffragia, non ornatum cum ipso Celfo edocere, ut sciant ubi fyrtes, & scopuli lateant, & quomodo sint vela trahenda, quibusve plagis advertenda prora, ne mentis lenocinio, ac blanditiæ laboris decepti, præcoci nimium experimentali impatientia amplectendæ salivationis defudantes, artis constantiæ, & saluti officiant, & incremento. Utile quippe, ac pulchrum est experimentali, ac empiricæ rationali rei medicæ veritati inniti, ut celtici morbi curationem a rudi experientia vindicem, & in rationalem methodum discentibus æque ac docentibus pronam convertam; experimentorum laboribus mixtorum rationali analysi operam navans, intimamque ab ipsis naturam extorquens, in hac re plura phænomena obscuritate naturæ involuta, pluresque agentium facultates aperta luce mihi paravi, quibus ad ea, quæ in corpore humano salivando operantur, accommodatis, iisque tanquam causis in agendo ad praxim demonstrativam adhibitis, non exiguæ vires arti salivatoriæ accessere, quæ mentem artificis in experimentali inventione excitando, eam in observatorum examine, ac judicio exacuit, ut in percipiendis viribus, ac corporum legibus expendendis securior facta, minus erroneam, ac commentitiâ methodum constituat. Itaque per ipsam ad quoddam veri specimen perducti, si nescimus adhuc, quid sint venereorum morborum radices, addiscimus saltem (pluribus inaccessum) quibus curantur; quo fit, ut disruptis Theoriæ medicæ repagulis, ac veluti mei juris factus, per immensum salivationis æquor discurrem. Explanatis igitur difficultatibus, & excisis ab arte alienis phylatorum aberrationibus, erigitur animus, & me ad jatrîca prælia revoco, ut certi sciendi docendique in arte salivatoria omnium vastissima limites statuamur.

Cum vero, ut propius ad rem accedam, venerea lues eoque invaluerit, ut durior hujusce morbi feritas extirpati non possit, nisi per salivationem mercurio excitatam, nihil onus incumbit, quæ in ea promovenda, tum etiam regenda observatio mihi dictavit; edisserere; cum enim eo res redigitur, ut non adscitis temere suppetiis salivatio promovenda sit, nulla ratione quidem assequi possum, qui fiat, ut ad frangendos luis conatus, æger adhuc viribus vegetus, sanguinis missione rectius subjiciatur mercurio, cum restante experientia nulla sanguinis evacuatione debilitati, proindeque pares mercurii conatibus, salivationis impetum nullo labore sustineant.

Cum sanguis non solum impellatur a corde, & nisu succedenti sanguinis, quem exercent particulae quæque ad contactum posita intra vasa a tergo urgentes; sed etiam ab arteriarum tunicis impingente sanguine distractis & sese post dilatationem restituentibus, fit, ut villi membranas arteriarum texentes nimio sanguine distenti, indeque prohibiti, ne possint se plane contrahendo in sanguinem niti, sanguis fluat minori velocitate, quam quæ requiritur ad mutuam partium cohesionem divellendam, & eo minus in divulsionem nitetur, quo in arteriæ distensione minor vis attritionis dabitur; adeoque quoniam per sanguinis missionem fit, ut ipsius particulae in mutuum contactum minus nitentes a frequentiori, & celeriori arteriarum oscillatione majori nisu agitentur, sequitur, ut quicquid sanguinis relinquitur in vasis, validius in motum agatur, & si nisu major fuerit resistentia a partibus cohibentibus, & coactis proveniente, intime dimovebitur liquidorum cohesio a motu prohibens partes magis mobiles, & reliquis impellendis aptas; quoties igitur in celtico morbo dabitur sanguis nimis coactus, & arteriarum tunicas ita distendens, ut partes sanguinis succedentes, dum in antecedentes impin-

gunt per illam pressionem non possint se invicem allidentes divelli (quæ major allisio faceret, ut una particula fortius attrita majori vi divideretur ab alia) ille igitur coalitionis nisu per sanguinis missionem minuendus erit, & arteriarum distractio removenda; ut partes divulsæ extricentur, & a solidorum inertia cohibita in majorem motum nitantur.

Si vero hic, cui mittitur sanguis, sit imbecillioris, & minime constantis roboris, ut videre sæpe contingit in venerea lue confectis, e sanguinis detractioe concidat oportet virium robur; e sanguinis enim quantitate minore in arteriis contenti minus extenduntur meningum fibrillæ, a quibus minori momento impelluntur per nerveos spiritus; unde minor quantitas spirituum in villos cordis derivata cum ejusdem contractionem remittat, cor in sanguinem nitens, sui que motus impertiens iners pressionis momentum, debiliorem nisu fluenti sanguini imprimet. Hinc successive ob rariorem, & solidorum debiliorem motum augentur liquidorum resistentiæ, unde sanguis recedens minori velocitate per vasa, quam ante missionem, minori momento alliditur; & cum facultates fluidorum attritionem molientes sint maxime infirmæ, earum momento non majori momento cohesionis sanguinis non poterunt particulas inter se coherentes dimovere; idcirco lentor in sanguine augebitur, qui major non fieret, si sanguis emissus, enervata cordis contractione, resistentias fluidis non adderet. Quoties igitur certus esse poteris, majorem quantitatem sanguinis, quod perraro videre est, quam quæ fluere potest per canalia sine vehementi diductilium laterum distensione cum particularum pressione in gyrum languidius rotari, ne dubites, ut motus, & resistentiarum æquus existimator sanguinis missione ægro opportune occurrens, nocere possit; alias misso damnofo hujusmodi præjudicio, in omni salivatione feliciter excitanda præmittendum est catharticum aliquod, quod humores in ventriculo, ac intestinis collectos per alvum educat, ne imprudenter prius adhibitis medicamentis salivationem excitantibus, vomitus, aut ventris tormina exurgant: inde phthisana humectante, & laxativa ægri lue tabescentes præmuniantur, quæ conficitur sarsaparilla, radice bardanæ, graminis, semine ordei, passulis exacuinatis, liquiritiâ, & aqua fontis, quæque pro modulo potus uberi copia, si fas sit, per duodecim dies exhibeatur.

Quoniam celticus lentor a fluidis concrecentibus inspissatus, sanguinem privat ea portione, quæ corporis partes humectando ad motum disponit, lente rapitur per vasa; nec potest intime ab ullo solvente recludi, donec humido omnium fluidorum vehiculo occurrens, laxato nexu cohesionis, promptius non compleat circuitus; hinc aquæ moleculæ intra poros viscerum sanguinis conclusæ ejusdem contactum dimovent, resistentias lentoris imminuunt, quibus pariter laxatur rigida solidorum tensio, & elasticitas, ut possit ab impulsu gravi mercurii distensa alternatim restitui: rigidorum vasculorum tonus valide contranitens mercurii momento, ejusdem impetum eludit, at corpus illud, dum diuturne in tunicas arteriarum impingit, sui motum villis impertiens, successive tandem totum in ipsos transfert; impresso autem fibris impetus accelerati momento, solvitur virium contranitentium æquilibrium; unde cum arteriæ nec majori impulsu distrahantur, nec impellentis corporis sublineat nisu, a se invicem dissiliunt. Idcirco prius præparato ægro laxativis diluentibus, mercurio dulci in pillulas efformato cum gum. tragan. vel cum conserva viol. paulatim, ac successive salivationem promoveo, adeoque caute procedens lente moveo. Post quartam, vel quintam diem gingivæ intumescunt, & ptyalifinus suboritur; cum æger expuere incipit, gradus salivationis summa diligentia expendo, an erumpenti salivæ frænum, vel calcar sit injiciendum: ubi autem ptyalifinus eoque evehctus fuerit, ut nycthemeri spatio quatuor libras expuat æger, nullum amplius stimulum addo, ut non intendatur salivatio; & cum hoc modo illa satis procedat, caveo ab omni mercurii usurpatione ulteriori, ne a nimia quantitate delatis ad salivæ glandulas humoribus glutinosis, æger in vitæ discrimen conjiciatur. Hoc modo protracta salivatio, si forte prius elanguet, antequam morbus penitus evanescat,

nescat, novo subinde stimuletur mercurio, quousque nephiti mercuriali, salivæ lentore, & sputi falsitate glutinosa omnimode cessante, æger in totum convalescit.

Quandoquidem accidit, præsertim in corporibus scæcibus impuriis refertis, ut simul ac mercurio sanguis afficitur, tormina ventris, & dejectiones mucosæ quasi dysentericæ eveniant, quibus non solum curatio morbi retardatur, perturbaturque, verum impeditur, ne salivatio succedat; itaque in urgentibus hisce malis cohibenda est diarrhæa, & sedandus dolor opiat, & pægoricis pharmacis, quousque hæc symptomata penitus evanescent, atque salivatio satis procedat. Cæterum bene procedente salivæ purgatione, quoniam in diuturno salivationis stadio non tantum sanguinis fibrosi, & serosi colliquatio, verum etiam saburra veteris effæti, & novi chyli oleosi copia per salivæ ductus libere indefinenter excernitur, sit ut ob continuam sanguinis depauperationem partes corporis solidæ debita nutritione privatae prorsus marcescant; idcirco ad præcavendam hanc vasorum inanitionem, & carnis marcorem, massa sanguinis novo jugiter aquearum succo tempore salivationis saturetur, quo rasura c. c. passulis, aniso, & aqua fontis confecto solidorum colliquatio, & consequenter atrophia totius corporis reparatur. Si in sustinendo urgenti gingivarum, & linguæ dolore impar sit æger, colluatur gargarisinate ex rad. alth. liquit. fol. mal. sem. hord. decoctis in aqua fontis, addendo syrup. de hybisc. Si vero cum gingivarum dolore in dies cum suffocationis periculo augeatur phthyalismus, opiat, & anodynis liquoribus compefcatur, vel alio divertatur cathartici; cæterum ægri regimen id tantum exposcit, ut a vi frigoris se defendat, cibis euchymis, & moderate vescatur.

A venerea lue liberati hujusmodi ægri, si œconomiam illorum corporum eversam, & vires prostratas resarciendi minus idonei sint, sed sanguine eorum accedente incalescant, ne in lethalem tabem incidant, siccoque marasmo afficiantur, ad juscula avenacea, gelatinas, & lactea, spiritus defatigatos, & vires deperditas restaurandas apta delegantur. Interim ægro convalescente post salivationem peractam, nec cathartica, nec sudorifica alia in usum revocanda veniunt. Attamen nescio qua ratione quidam freti quicquid malignitatis a mercurio, ut vulgus ait, in corpore relinquitur, aut mercurii reliquias per catharsim, aut diaphoresim expellere conantur. Hujusmodi autem hallucinationes in prædictis illorum præjudiciis fundatæ, ita in eorum animis insiguntur, ut pro Junone umbram captantes, delirantium insomnia pro fundatis principiis concipiant. Serio vero cum Sidenham animadvertendum est, in quibusdam reperiri idiosyncrasiam, quæ ita salivæ purgationi resistit, ut nullo modo excitari possit salivatio, quæ ad eradicandam mali radicem par sit; igitur ab isto evacuationis genere recalcitrante natura, ne loco perfectæ salivationis dolores ventriculi, sudores frigidi, dejectio dysenterica cum ventris torminibus insurgant, cave, ne obstinate salivationem importunius urgeas.

Cum igitur allara methodus, nec dies præparando corpus ante salivationem inutiliter consumat, nec decoctis post salivationem ægros extorqueat, quisque experimento discat in præxi versatus, eandem longe faciliorem esse, magisque tutam. Nec vos deterreat deglutitionis difficultas, oris labor, & dirigendæ salivationis requisita solertia: Quid autem pulchrum in accurato naturæ, & artis experimentalis labore pluribus inaccessso, quod non idem arduum! Ad hanc itaque salivationis methodum per repetita experimentorum tentamina, perque nunquam intermissas historiarum notationes consecutam, nuperisque historiis exultam animos erigite, quæ eventuum certitudine, & virium constantia, in laborum tædio rationalem disciplinam constituit,

HISTORIA I.

GAllus homo originaria veneris labe fœdatus, sensimque febrili algore emarcescens, universali quasi macie conficitur; pederentim in dies increfcens, tophus in septima prope os pectoris, ubi os desinens cartilagineum recipit, costa protuberat. Veneris veris tempore cum decocto exsiccanti, & sudorifico hypocausto com-

mittitur; ut post octavam circiter diem copiosis sudoribus subtilioris feri depauperatus sanguis, magis perenni febrili stadio incalescit, atque tophus febrili incendio magis urens doloribus ardet; Hinc calore sanguinis inflammata tophi particula, motuque ejusdem urgentiori commotæ, ita ad se invicem allidebantur, ut concretionis nexum diffingerent; sic in suppurationem abeunte tumore ulcus satis ingens, graveque olens cum ossis erosione circumscitas fibrillas depascebatur. Verum benignioris auræ lumine afflatus ab hypocausto recessit, & successive solventi blando liquore, sed aqueo continuo rigatus, inde salivationis cursum feliciter exegit: Interim solo spiritu vini camphorato pro ulcere adhibito absque ulla symptomatum sævitie, & doloris recrudescencia perdomata febre, repurgato, & consolidato ulcere, ultra expectationis spem triginta diebus evasit.

HISTORIA II.

JUvenis bilioso-melancholici temperamenti, gracilis habitus, angusti pectoris celtica labe autumnis, & hyeme grassante affectus emarcescit, & magis febre lentata, quandoque etiam quotidiano typo algens, atque incalescens, nocturnis doloribus ad artus fere omnes torquetur cum sicca impetigine faciem, ac fere universam cutem fœdante. Æger ab enormi fluidorum vitio, & subsecuta solidorum labe vexatus, veris tempore salivationi committitur, quam post largum viscidissimum phlegmatis effluxum circa summos labores trigessimum circa diem remittentem, excepit (præcesso dolore pectoris cum tussi) purulentum sputum, phthisis lethalis epiphænomeno a pulmonari insertu, aut tuberculo ante salivationem in pulmonibus latente; salivationis tempore suppurato, aut disrupto; interea ad diluentia, balsamica, & lactea irrita medicamina delegatus, a nova tuberculorum inflammatione, & pulmonum exulceratione una cum colliquativa diarrhæa e vivis funeste sublatus est.

Hoc eventu videtur mercurialia salivatoria proficiscenti tibi pulmonari calcar addere, & quæ extergendis, exsiccandisque internis aliis, externisque partium ulceribus præstantissima passim experimur; in infartis pulmonibus crimine non carent. Clarissimus Morton in phthysi symptomatice a celtica lue haud veretur mercurialium usum. Ideoque, inquit, nil melius excogitari potest, quam ulcerum pulmonarium sanationem, & crassius sanguinis a fermento veneris eversa restitutionem mercuriali aliqua salivatione tentare. Hac fortasse adhibita in tercio ejusdem stadio post tuberculorum suppurationem ad extergendum, & exsiccandum consequens ulcus, non vero in eorundem cruditate, aut in pulmonibus prius obstructis, & in phthysim dispositis; cum in hoc casu videantur mercurialia sponte irreperentem phthysim promovere, adeoque ad inhibendam tuberculorum latentium inflammationem, & suppurationem inepta, licet fortasse ad eorundem exulcerationem abstergendam, exsiccandumque consequens ulcus apta.

HISTORIA III.

JUvenis quidam circa annum ætatis suæ vigesimum octavum, lascivus, & nequam post concubitu in venereo veneno per contagium adeo inquinatus fuit, ut non obstante plurium medicaminum anticelticorum opæ a Medico instituta, aliisque curationis methodis incassomolimine accersitis, post livulæ erosionem, atque alialuis veneris stigmata foris, & intus excrefcencia, in summam incideret deglutitionis difficultatem a tonsillis intumescens, atque inflammatis cum febre, & totius corporis emaciatione incipiente. Ob glandularum folliculos a contento fluido summe turgescens maximam indebat formidinem mercurialium usus, utpote ab intus commota materie fluidorum, & ad glandulas jugiter affluente tonsillarum inflationem promoventium; Verum salivatione promota, dum cæteræ salivæ glandulæ a confluyente liquido distentæ intumescunt, simulque exulcerantur, ab ipsis tonsillis depluentibus sanioris fluxus filamentis, sensim humorum infartus in ipsis gliscens detumescerebat, quousque perenni fluxu viscidis, atque erosivi phlegmatis erumpente perfecte patiens, & sine ulla recidivatione a tonsillarum tumore, ulceribus æque, ac reliquis luis cruciatibus penitus vindicaretur.

HISTO-

HISTORIA IV.

Mulier ante gestationis tempus lue venerea affecta, dolore, febre, tophisque in diem increfcentibus circumfcripta, feliciter mercurialem, cum diu lue feritatis remissione salivationem transegit: at post stadium salivationis transactum fecundationem passa, uteroque gerens, in quarto mense celtico veniens denuo inquinata, aut recrudescens (ut saepe recidivam patiuntur hi, qui vario lenocinii apparatu phtyalismum demulcent, aut salivationis tempus non explent) lenta febre, & macie denuo conficitur, in osse frontis novus extuberat, aperiturque tophus, ac recens ulcus supra uvulam palatum exedit; a quo exorta deglutitionis ingenti difficultate, tum solida, tum fluida materia per nares regurgitante, summus virium lapsus augetur. In hoc gravi morbi statu alteri salivationi subicitur sialogogis pilulis, hisque repetitis, aut intermissis juxta tardum, aut celerem phtyalismi impetum, nulloque interim uterino symptomate obvio, quod abortum prænunciaret, copioso sane effluxu mucosi, ac uliginosi phlegmatis salivatione peracta integre convalescens, filiam completo gestationis tempore salubrem, absque sui ipsius recidivæ metu, obstetricante mercurio peperit. Igitur quam sit male sanum commentum, & inanis timor eorum, qui in prægnantibus mercurialium usum abhorrent, aperte evincitur, & clare elucet.

HISTORIA V.

Vir quadragesimum annum natus admodum robustus, laxatis victus habitibus, & cum scortis avidissime luxurians, nulla virulenta infectus gonorrhæa, celtico rheumatismo gravissime afficitur, maxime noctu prædictis cruciatibus in capite, mediisque tibiis, brachii dexteri contractione, alibique corporis citra ullum tumorem sævientibus afflictus, ut nec cubili se continere potens, nec lecto affixus miserrime traheret spiritum; in dies incrementi dolori accessit febris, postquam perenni circuitu increbescens gummofus tumor diu delitescens in sincipite dextero versus oculum protuberans se manifestavit. Remedia minora fere innumera sine ulla symptomatum allevatione adhibebantur: mercurialium usu cathartico primo melius habere visus; exinde tandem deterior factus, eo tempore præ immani cruciatu ferro tumorem discindi passus est, sed frustraneo conatu. Quapropter cum methodus quæpiam nihil opis contulisset, sed recrudescens lue, salivationem, remedium cæteris quibusque validius ultimum, experiri consulitur. Statim corpore per catharsin, & phtisanam humectantem rite preparato, salivationis stadium sublimato dulci inchoavit, qui ad finem morbi anhelans per quinque dies 37. grana mercurii in dulcem confecti devoravit; a pharmaco quinta vice repetito sputatio copiosa, & laudabilis incæpit, quæ sine malo quovis symptomate per mensem processit, & decrecentem salivationis visciditate, ac pondere ad residuum spumescens glutinis compescendum novo usu mercurii per paucos dies ad 35. interjecto curam confecit. Ante cursum hunc phtyalismi finitum, dolores omnes cum febre evanescere, indeque a gummate ulceroso exsiccat, licet longo morbi decursu defatigatus æger, intra quadraginta dierum spatium integre convaluit.

HISTORIA VI.

Juvenis eques vix celtico seminio tactus, jam primum lue inquinatur, & virulenta gonorrhæa tor-

quetur, a qua, nescio quo, & fortassis malefana medela vindicatus, doloribus vagis incallescens accensa febricula inhorruit, a qua statim ingravescent morbus brevi ad feritatem perveniens, cum ossium carie, & gummatibus cranii ad musculos temporales protuberantibus, irrita tum una, tum alia quacunque methodo, per tres annos tyrannidem suam exercuit. Quare remedia diversimoda cujuscunque fere generis tentata cum potius exacerbationem intulissent, animatur æger salivationis cursum subire. Itaque ex consilii votis mercuriali salivationi committitur, a qua tumefactis glandulis, & fluidorum impetu dehiscens tubulis, crassa saliva ab osculis vasorum apertis indefinenter effluit; unde nullo amplius salivationis stimulo incusso, nulloque addito impulsu phtyalismus per mensem ciebatur. Octava tamen die salivalis saburra confertim nimis versus ductus salivales irruens compescebatur syr. papav. & opiat. liquoribus. Hinc mitigatis gingivarum doloribus, & compede injecto uberiori salivæ effluxui, lento morbo liquidi cursu stadium salivationis peragitur, quod curriculo dierum triginta pertingens a repetito mercurii usu trigésimo quinto omnino desit. Hac æger cura consumpsit centum grana mercurii, quibus tophus, febris, dolorque capitis ex toto cessavit.

HISTORIA VII.

Fœmina quadam sanioso gonorrhææ fluxu inferrime plexa, inde doloribus nocte recrudescens vehementer conqueritur. Verum quia parum primo in affecta parte doloris sensit, tanquam leve malum contempsit: subsequentibus inde diebus evanescente sanioso icore, tumor quidam in sincipite interdum indolens fere succrevit, qui nullo negotio a periti Chirurghi industria sublatus, novos in vertice moliebatur tophos, extuberantes successu temporis in palato plures pustulæ in ulcera cachectica, & putrida terminarunt. Hæc scœmina dum patrati sceleris fordes expiare cogitat, tuberculum exiguum in mamma dextera protuberat lente proserpens, & vix pisi magnitudinem exæquans, quod inæquali pede, & mole concrevens, venis in ambitu turgidum cum colore livido, & obscuro, tactui insuper renitens dura veluti crusta obducitur, firmiterque subjectæ parti adhærens deterrimis, ac gravissimis symptomatibus excruciat. Mulier de incolumitate sollicita, licet plurimis morbis labefactata, curæ salivatoriae se concedidit, quæ sputationis cursu per mensis spatium repetito, indeque pustulis, & tophis, fœtidisque ulceribus ubique evanescentibus, tunc ad valetudinem se recuperare videbatur; verum gallica totius corporis defecatione ex istius votis intime perdomata, recrudescit diu delitescens cancerosus tumor punctationibus quibusdam, ac si acu fierent, se patefaciens. Porro ex hoc in dies actus tumor tot ærumnis reviviscit, præque diro dolore ita ingravescit, ut de repente ad ultimum stadium perduceretur, in quo apertis, & corrosis folliculis, & glandularum fibrillis, putris fæcies, mox nigricans continuo emanavit, quibus diu obnoxia mulier tandem in lethalem lapsum incidit.

Hoc lethali morbi experimento per salivationem habito turpi inscitia puniuntur, qui mercurialibus carcinoma discutere, ejusdem coagulum resolvere, atque salia corrosiva cicurare nituntur. Nucleus enim canceri, qui longos in annos naturæ, & medicamentis suavioribus inexcussus manet, incidentium, & solventium usu commotus agitur, inflammaturque; unde incallescens acrium salium coacervatis moleculis, non mirum, si in apertam cladem terminetur.

Finis totius Operis.

INDEX

Primæ Partis

MECHANICES MORBORUM.

A

Aeris quantitas contenta in quasi sphaerica, & in
quasi sphaeroidali vesicula inquiritur. pag. 443.
Aqua ascendit ad pedes. 440.
Arteriæ magnæ Diameter. 441.
Area arteriæ magnæ. 447.
Aneurisma quomodo fieri possit. 441. 442.
Arteriæ, & venæ ad instar retis per pulmones excur-
runt. 442. 443.
Arteriæ magnæ descendentiæ area. 447.
ascendentiæ area. *ibid.*
Apoplexia a quâ causâ. 452.

B

Bronchiorum vesiculæ quasi sphericam superficiem de-
scribunt. 443.
aliquando sphaeroideam. *ibid.*
Bernoullius Jacobus & Joannes laudati. 444.

C

Calor in quo consistat. 435.
Cephalæa, Cephalalgia. 452.
Cordis momentum determinari vere non potest. 440.
Curva spiralis an describatur a sanguine per arte-
rias. 436.

D

Diarrhœæ & Dysenterici causæ. 450.

E

Æqualis quantitas sanguinis continetur in dextro
Ventriculo, ac in sinistro. 440.

F

Flatuum vires, a quibus dolores & morbi plurimi
fiunt. 448. 449.

G

Globuli plano-ovales elastici sunt, & figuram mu-
tant. 434.
Glandularum angustia non impedit aptam separatio-
nem. 438.
Gravitas specifica sanguinis.)
feri sanguinei.) *ibid.*
aquæ communis.) *ibid.*
Gravitates aeris, & aquæ expenduntur. 446.

H

Hepar quomodo separet corpora. 437.
Hepatitis cur difficultatem afferat respirationis. 443.
Hæmoptoici, & Hectici parum aeris excipiunt. 443. 444.
Hermanus laudatus. 444.
Hemicrania. 452.
Hydrops pulmonum. 443.
Hypochondriacæ affectiones. 448. 449.

I

Inæqualitates, intermittentiæ pulsuum a quibus causis
fiant. 442.
Inspiratio & exspiratio quomodo fiant. 444. earum
usus. *ibid.*
adjuvantur a motu peristaltico vasorum pulmo-
narium. *ibid.*
Intestina quomodo separent inutiles particulas. 449.
& seq.

K

Kiellius laudatus opponitur Borello. 440.

L

Lana Franciscus laudatus. 446.
Leibnitius Guilielmus laudatus. 443. 444.

Luminosæ particulæ per pulmones sanguinem ingre-
diuntur. 445.

M

Massa sanguinis tribus motibus præcipue afficitur.
433.
Motus pressionis. *ibid.*
separationis. 436.
assimilationis. 439.
Michelottus laudatus Borellum tutatur. 440. refert
vires elasticas aeris, &c. 443. 444.
Malpigijs laudatus videtur tribuere motum spiralem
sanguini. 444.

N

Nutritio quid sit. 439.
sit paulatim. *ibid.*
Nevvtonus Isaacus laudatus. 443. 444.

P

Paralysis. 452.
Pondus sanguinis humani. 440. 441.
feri humani. 441.
aquæ communis. *ibid.*
Polyposæ materiæ qua ratione resistent sanguini.
441.
Pectus consideratur a Pitcarnio tanquam Sphærois.
442. 443.
Peripneumonia quomodo fiat. 445.
Pleuritidis legitimæ origo, & basis. *ibid.*
spuriæ. *ibid.*
Polenus Joannes laudatus. 444.
Pulmonis substantia jugulum versus angustior est,
versus vero costas spurias extensior. 443.
Proportio motus fibrarum glandularium. 438.
Phthisis cur afferat difficultatem respirationis. 443.

R

Renum affectiones. 450.
Resolutio massularum sanguinis a quibus motibus
fiat. 434.

S

Sanguinis analysis. 433.
Sanguis cur albescat in cancri aliquibus. *ibid.*
Sanguis e capillaribus lentissime effluit. 447. 448.
Sanguis quando ab arteriis in venas feratur. 450.
& seq.
quam lineam describat ascendendo per venas.
451.

Serum ad alia corpora est in ratione tripla. 433.
Separationis methodus ex Leibnitio, Bernoullio &
Conoro. 436.
Singultus. 449.
Stomachi dolores. 448.

T

Timpanytes. 449.

V

Vallisnerius laudatus. 448.
Venæ subclaviæ non descendunt recte, sed inclinate.
452.
Ventriculus dexter cordis debiliior est momento suo,
quam sinister. 440.
Volvulus. 449.
Viscera quælibet Animalium suas habent glandulas
specifica figura & textura donatas. 436. 437.
Uncia sanguinis probabilius expellitur singula sy-
stole. 441.

Z

Zendrinus Bernardinus laudatus. 448.

I N D E X

Secundæ Partis

MECHANICES MORBORUM.

A

A Poplexia.	pag. 461.
Anima organis compenetrata est.	462.
apta est dirigere, extendere &c. machinulas Sphæroidales musculorum.	463.
Auditus sensatio &c.	474.
Vitia.	<i>ibid.</i>

B

Bellinus laudatus.	454.
Borellus Alphonsus laudatus.	<i>ibid.</i>
Bornoullius laudatus.	<i>ibid.</i>

C

Contractio, & distractio fibrarum naturalis & præternaturalis, &c.	<i>ibid.</i>
Cephalæa, Cephalalgia quomodo fiant.	456. & seq.
Convulsio & Motus convulsivi quomodo fiant, &c.	457.
Cur sine dolore.	457. 458.
Cur cum dolore, &c.	458.
Capitis vulnera in parte dextra, cur afferant convolutionem in sinistram partem, & e contra.	458. 459.
Coma & carus. pag. 467. Coma vigil.	<i>ibid.</i>
Cæci cur longævi sint.	472.
Cataracta.	471.

D

Dolor quomodo fiat.	455.
Discursus & Ratiocinatio.	466.
Delirium.	467.
Duplicatio objectorum.	471.

E

Emprosthotonos.	459.
Epilepsia cum dolore, & sine dolore.	460.

F

Fantonus Joannes laudatus.	461.
----------------------------	------

G

Gutta serena.	472.
Gustus sensatio.	476.
Vitia.	<i>ibid.</i>

H

Hermannus Jacobus laudatus.	454.
Hemicrania.	456.

I

Imaginatio.	466.
-------------	------

L

Legatus.	465.
Lana Franciscus laudatus.	472.

M

Motus solidorum ab actione cerebri.	453.
Motus contractionis & distractionis.	453. 454.
communis est omnibus fibris.	454.
quomodo fiat.	455.
Michelottus Petrus Antonius laudatus.	<i>ibid.</i>
Morgagnus Joannes Baptista laudatus.	459.
Motus fibrarum cerebri, alter absolutus, alter relativus.	466.
Memoria quomodo fiat.	<i>ibid.</i>
Mania.	468.
Melancholia.	<i>ibid.</i>
Maculæ seu muscæ volantes.	471.

N

Nevvtonus Isaacus laudatus.	454.
-----------------------------	------

O

Opisthotonos.	459.
Oscillationes solidorum eruuntur.	459. 460.
Ophthalmia.	472.
Odoratus sensatio & vitia.	475. 476.

P

Pachionus laudatus.	456.
Paralysis &c.	492. 464.
Pia Menynx haberi potest pro sensus communis organo.	462.
Polenus Joannes laudatus.	<i>ibid.</i>
Phantasmata quænam sint.	466.
Phrenitis.	467.

R

Risus Sardonicus.	459.
Reminiscentia quomodo fiat.	466.
Ronchallus Franciscus laudatus.	469.

S

Spasmus Cynicus.	459.
Stabismus.	<i>ibid.</i>
Sonus quomodo fiat.	472.
Soni velocitas.	<i>ibid.</i>
Sonorum diversitas & seq.	472.
Sapores quomodo fiant.	476.

T

Tetanos.	459.
Tremores unde, & seq.	460. 641.
Tactus vitia.	477.
Transpiratio & vitia transpirationis & seq.	<i>ibid.</i>

V

Vallisnerius Antonius laudatus.	459.
Vertigo.	465.
Valsalva laudatus.	474.

I N D E X

Tertiæ Partis

MECHANICES MORBORUM.

A

A Er potest esse causa Diabetis & Diarrhœæ, pag. 489. 490.
 Aquæ frigidissimæ potus damnatur. 492.
 Quando permitti possit. *ibid.*
 Equilibrium mixtionis massæ sanguinis quid sit. 480.

C

Calor præternaturalis in Sanguine quomodo fiat, & seq. 485.

D

Divisio febrium in intermittentes & continuas. 480.
 Dolor capitis in febribus. 489.
 Diabetis causa. *ibid.*

E

Elementa actiosa & elastica quænam sint, & elementa inertia quænam. 480.
 Elementa inertia majoris inæqualitatis respectu corporum elasticorum cohibere possunt elementa elastica minoris inæqualitatis per aliquam temporis differentiam. 485.
 Elementa elastica majoris inæqualitatis respectu corporum inertium minoris inæqualitatis nullo modo franari possunt a corporibus inertibus, unde fit calor sine frigore in febribus continuis. 490.

F

Febrium definitio. 480.
 Febres fiunt a vitio mixtionis elementorum sanguinis. *ibid.*
 Fluida alia sunt homogenea, alia heterogenea. 481. 482.
 Frigoris causa in febribus. 484.
 Febriles accessiones cur statutis temporibus redeant. 486.
 Febres Organicæ quænam sint. 484.
 Quotidianæ regulares. 487.
 Quotidianæ duplices. 488.
 Lymphaticæ. *ibid.*
 Tertianæ regulares. *ibid.*
 spuriæ. *ibid.*
 Quartanæ legitimæ. *ibid.*
 spuriæ. *ibid.*
 Ephemera. *ibid.*
 Continuæ. 490.
 Inflammatoriæ. *ibid.*
 Erysipelatosæ. *ibid.*
 Lypiriæ. 490. 491.
 Malignæ. 491.
 Hæcticæ. *ibid.*

G

Gulielminus laudatus. 480.

H

Hermanus Jacobus laudatus. *ibid.*
 Hepatitis. 487.

L

Lana Franciscus laudatus. 489.

M

Media densitas, media crassities, medium pondus debent esse in statu naturali sanguinis. 481.
 Michelottus Petrus Antonius laudatus. 484.
 Morganus Joannes Baptista laudatus. 489.

N

Nævtronus laudatus. 482.

O

Oscillatio fluidorum juvat, ut minimi canales aperti teneantur. 480.

P

Potiones frigida cur damnentur in accessione frigoris. 492.

R

Ratio reciproca momentorum corporum elasticorum & non elasticorum sanguinis: vel reciproca massarum & velocitatum corporum eorundem, ubi Lectorem monuimus, & 480. 482.
 Item ratio homologa fluidorum & solidorum. *ibid.* 184.
 Pariter ratio homologa momenti distractionis & contractionis vasorum servandæ sunt in statu naturali sanguinis, & naturali mixtione ejusdem. 484.

S

Sanguis in febribus non semper peccat velocitate, sed tarditate. 480.
 Sanitas in quo consistat. 484.
 Sitis in febribus. 489.
 Sudores in febribus. 488.

V

Vigiliæ in febribus. 489.
 Vomitus. *ibid.*
 Vallisnerius laudatus. 492.
 Verulamius citatus. 484.

W

Wolfius citatus. *ibid.*

I N D E X

MECHANICES MEDICAMENTORUM.

A

- A**tmosphæræ pressio inservit unioni, nexui & æquilibrium efficiendo, & conservando particularum massæ humorum. pag. 497.
Affricus corporum inter se sunt causæ caloris. 500. & sequentib.
Aquæ minerales bibendæ sunt cum moderamine. 508.
Adstringentia quænam sint, variæ species assignantur, & quomodo agant, explicatur. 512. & sequenti.
 Cur parva quantitate exhibita apta sint magnas quantitates humorum irretire. *ibid.* & seq.
Alpinus Prosper laudatus. 518.
Animalium fluida habent salia figurata. 499.

C

- C**irculatio sanguinis quot vicibus proxime compleatur singulo horæ spatio. 501.
Cantarides cur vesicam lædant. 505.
Cordialia non cordi tantum, sed etiam Cerebro, & Cerebello succurrunt. 114. & seq.
 Quænam sint cordialia. 515. & seq.
 Quo tempore exhibenda sint. *ibid.*
Cordialium abusus damnatus. *ibid.*
China-China quomodo operetur in febribus superandis. 516. & seq.
 Juvat concoctioni humorum. 517.
Concoctio humorum quid sit, quomodo fiat. *ibid.* & seq.
Concoctio a quibus indicatur. *ibid.* & seq.

D

- D**istractio fibrarum est proportionalis contractio earundem in statu naturali. 494.
Diuretica varii ordinis quomodo operentur. 508. & sequent.
Diuretica valida semper caute adhibenda. 509.
Diaphoretica quænam sint, & quomodo operentur. *ibid.* & seq.
 Quomodo diaphoresis excitetur ab externis. 511.
 Caute tentanda. *ibid.*

E

- E**lementa actiosa, & elastica quænam sint; quænam inertia, & non elastica. 493.
Egritudo reddit animal vel in toto, vel in parte inæqualiter leve, inæqualiter grave, inæqualiter laxum, inæqualiter calidum, & inæqualiter frigidum. 498.
Effluvia corporum habent minimas figuras similes figuris corporum majorum, a quibus emanant. *ibid.*

F

- F**ibræ primo simplicissimæ, deinde magis compositæ sunt. 493.
 Sunt repletæ fluido, ex quo nutriuntur, conservantur, & moventur. 494.
 Impellunt fluida æqualia temporibus æqualibus in statu naturali. 496.
 Motu elastico donantur. 495. & seq.
Fibrosum compositum consideratur cylindricum, aut quasi cylindricum. 494.
Figuræ herbarum ostenduntur a Fracassato in Operibus Malpighii. 499.
Fluida moventur motu spirali in canalibus. 511.

H

- H**ellenium cur mures occidat. 505.

- H**ypecacuanna quomodo dysenterias curet. 515. & sequent.

L

- L**ympha cur minus incalescat quam sanguis. 500. 501.
Lavagnolus Bartholomæus laudatus Professor Patavinus. 517.

M

- M**ixtio particularum sanguinis facienda est in ratione reciproca, aut quasi reciproca earum, ut unio nexus, & æquilibrium fiant inter se in statu naturali. 497.
Medicamenta emittunt effluvia, & qua ratione agant in fibras opere superficialium. 498. & seq.
 Agunt opere figurarum. 499.
 Agunt opere motus, & elateris. 500.
 Agunt in ratione composita molium, ponderum, figurarum, motuum, & elasticitatum. 501.
Medicamenta dividi possunt in partes minimas. *ibid.* & seq.
Medicamenta purgantia cur aliquando elective purgare videantur. 504. & seq.
Mercurius cur palatum laceret, & salivam promoveat. 505. & seq.
Medicamenta specifica ut Hypecacuanna, Chirina, China quomodo agant. 515. & seq.
Mineralia suas habent figuras. 499.
Mixtio humorum feliciter fit per lineas spirales. 510. 511. & seq.
Morganius Joannes Baptista Professor Patavinus laudatus. 506.

N

- N**ux vomica cur canes occidat. 505.

O

- O**piata cur ligant fluida, & solida. 513. & seq.
 Cur aliquando dissolvant, & sudores promoveant. 514. & seq.
 Ut sine noxa operentur quid agendum. *ibid.*

P

- P**roportio reciproca momentorum particularum sanguinis, aliorumque fluidorum inter se; homologa proportio fluidorum, & solidorum inter se; & inter solida unius generis, & solida alterius habendæ sunt, ut habeatur unio nexus, & æquilibrium actionum, & reactionum in statu perfectæ sanitatis. 497. & seq.
Purgantia cum plurimas materias promoveant per intestina. 503.
Penetratio corporum facile obtinetur per lineas spirales. 510. 511. & seq.
Preparatio humorum facienda. 517. & seq.

R

- R**amosæ superficies corporum quomodo agant contra fluida, & solida, & quomodo adstringant. 498. & seq.
Regnum morbi quomodo fiant. 509.

S

- S**anitas in quo consistat. 496. & seq.
Sanguinis massa quomodo successive densior reddatur in canalibus arteriosis. *ibid.*
Sanguis in venis non amittit motum æquabilem. *ibid.* Sustit.

Index Mechanices Medicamentorum.

Sustinet Unitatem; & nexum tam in arteriis, quam in venis. *ibid.* & seq.

Sanitatis status reddit animal æquabiliter leve, æquabiliter forte, æquabiliter constans, æquabiliter mobile. 498.

Superficies medicamentorum leves, molles, & laxæ quid agant. 499.

Asperæ, & inæquales quid operentur, *ibid.* 515.

Succulatae abusus damnatur, 515.

T

Torti Franciscus laudatus, 518.

V

Vomitus quomodo fiat. 506. & seq.

Cur expedite, & promptè materiæ in vomitu per OEsophagum ascendant. 507. & seq.

Cur aliquando specificæ materiæ evomantur reliquis retentis. *ibid.* & seq.

Vomitória quibus exhibenda, & quibus prohibenda. 508.

Urinæ oleosæ cur eveniant, & quomodo cognoscantur. 510. & seq.

Vallisacrius Antonius laudatus, 499.

F I N I S.

1019577 522 2512584 141

1. The first part of the document is a list of names and addresses, which are arranged in two columns. The names are written in a cursive script, and the addresses are written in a more formal, printed style. The list includes names such as "John Smith", "Mary Jones", and "Robert Brown", along with their respective addresses in various parts of the city.

1. The first part of the document is a list of names and their corresponding addresses. The names are: John Smith, Mary Jones, and Robert Brown. The addresses are: 123 Main Street, 456 Elm Street, and 789 Oak Street.

2 1 1 1 1

SUPPLEMENTUM

Operum Medicorum

THOMÆ SYDENHAM.

SUPPLEMENTUM

Operum Medicorum

THOMÆ SYDENHAM.



LECTOR.



UM nihil antiquius nobis in animo sit, quam bene de te, benigne Lector, deque eruditis Viris mereri, atque in unum hoc enitatur, ut non minus in horum utilitatem, quam commodum gemere nostra praela non desinant; hinc factum, ut nihil intermitterimus unquam, quod nostrum hoc studium magis magisque valeat usquequaque testari. Postremam igitur nostram editionem Operum doctissimi Viri THOMÆ SYDENHAM, Genevensis altera subsecuta novos exhibuit hodieum ineditos Tractatus Medicos, qui, quoniam Doctorum Virorum, desiderari possent in hac nostra, quam alioqui accuratissimam tibi donare curavimus. Quapropter bono animo illos ipsos Tractatus hic in calce hujus Operis accipe insertos, nostros labores accipe, accipe nostros conatus in hoc unum incumbentes, ut tuis & studiis serviamus & commodis.

Tractatus in Genevensi Editione 1736. tractatibus Medicis SYDENHAM additi.

Dn. D. Caroli Friderici Loevv, de Febre Petechiali ann. 1683. Posonii grassata, & cujus descriptionem in Adversariis Paternis repererat, Epistola ad Clariss. Dn. Francisc. Frider. Possinger, Archiatrum Cæsareum.

Dn. D. Andrea Loevv Historia Epidemica Hungariae; annorum 1688. 1697. 1699. 1700. 1701. 1702. 1703. 1704. 1705. 1706. 1707. 1708. 1709. ab ejusdem filio Dn. D. Carolo Frider. Loevv, Perillustri Lucæ Schroeckio, Accad. Natur. Curios. Præsidi, &c. anno 1726. communicata.

Dn. D. Josephi Lanzoni Constitutio Epidemica Ferrariensis, ann. 1729.

Dn. D. Caroli Frider. Loevv, Historia Febris Catarrhalis, quæ ann. 1729. Mense Novembri & Decembri, per Europam Epidemice grassata est; cui accedit Constitutio Epidemica anni 1730.

Dn. D. Caroli Richa Constitutio Epidemica Taurinensis annorum 1720. 1721. 1722.

Dn. D. Caroli Friderici Loevv, de Febre Petechiali ann. 1683. Posonii grassata, & cujus descriptionem in Adversariis Paternis repererat, Epistola ad Clariss. D. Francisc. Frideric. Possinger Archiatrum Cæsareum.



Eniam dabit audaciæ meæ, qua ardua negotia turbare non sum veritus, par fastigio Tuo humanitas: tanto facilius, quo majori fide Tibi affirmare possum, non alia causa, quam pietatis lege impulsus me ad hoc scriptionis genus accessisse, ut extaret aliquando gratæ mentis documentum, pro illo insigni favore Tuo, quo Tibi me dudum tam in publicis, quam privatis consiliis reddidisti obstrictissimum. Non facile succurrebat, qua ratione Tibi grati animi pietatem probarem: nihil ex propria suppellectile, quamvis plurima sese offerrent, ad dandam erga Te mei significationem, dignum esse censeui: urgebat interim, quia relaturum me gratiam affirmare non audeo, habendæ saltem, & quavis ratione declarandæ gratiæ officium. Malui proinde ex re, non tamen prorsus aliena, nempe beati parentis, Virtutum Tuarum veneratoris, laboribus, aliquid depromere, quod Magnifico Tuo Nomini sacrum simul animi referendæ gratiæ cupidissimi publicum esset documentum. Suscipe igitur serena fronte historiam morbi petechialis, qui anno 1683. Posonii

Supplem. ad Sydenham.

epidemice grassatus est, a Parente meo pie defuncto, solite conscriptam, Illustrique Nomini Tuo inscriptam in lucem publicam emittendam. Si quantum per occupationes Tuas gravissimas licuerit, hanc qualemunque publico bono destinatam opellam perlustrare volueris, invenies forte non plane contemnenda, & digna, quæ in publicum emittantur. Fiet autem hoc eo felicius, si, pace Tua, Perillustri Nomine Tuo sese hoc opusculum multis probaverit. Hujus summa, ut supra monui, est expositio morbi petechialis, qui Posonii epidemice grassatus est, ad fidem scripti, a beato parente relictæ. Initium hujus historicæ expositionis ducitur ab anno 1683. quo per Dei gratiam soluta obsidione Viennensi, regno Hungariae, misero fatalique bello miserrime afflicto, sigillatim mense Septembri pax restituta fuit. Tunc vero copiis militaribus hyberne dimissis, & Posonii etiam per suburbia dispositis, mali semina sparsa sunt. Milites enim, quod gregatim in contuberniis arctius collocati erant, omnia squalore, tetra immunditie, & fœdis odoribus compleverunt, ipsumque quasi aerem inquinantes, catervatim, & veluti per manipulos in febrem malignam petechialem inciderunt. Morbus brevi invalescens, quam plurimos ex illis consumens, in malum tandem epidemium degeneravit, & in incolas plerosque, sine ætatis discrimine, maxime vero in juvenes, maturæ & robustæ ætatis homines, non modo plebejos, verum etiam nobiles & divites, vehementer grassari cepit, ita, ut

fetme nullam domum intactam reliquerit. Incipit morbus hic epidemius mense Novembr. anni *supracitati*, qui statim horrore artus corripuit, interdum *intensiore*, interdum *remissiore*, nonnumquam per *intervalla recurrente*, quem presso pede excepit calor in principio levis, qui ægrum primis adhuc diebus vix a negotiis solitis detinuit, interiora tamen occupans sensum auctus est. Ob sanguinis ergo rarefactionem majorem, & noxam visceribus impressam multa statim oriebantur *periculosa symptomata*, *nausea*, *anorexia*, *vomitibus*, *cardialgia*, *sitis*, non nunquam remittens, *dolor capitis*, *vigilia*, *lassitudo spontanea*, quæ symptomata ad iv. diem sensim aucta perdurabant, tanta interea non nunquam lenitate, ut quamplurimi vim morbi laxatam crediderint, ejusque causam in errorem externum commissum rejecerint. Verum progressu temporis morbus malignitatem suam prodidit, *intensissimi caloris* sui effluvia per totum corpus diffundens, horrendaque producens symptomata. In unico saltem homine *mitior vis morbi* observata fuit; in *blandissimo* per totum decursum calore nulla *sitis*, nullum oriebatur *delirium*, morbi de solo capitis dolore, & prostratis viribus querela fuit, Cæterorum fere omnium, hoc morbo laborantium corpora quasi incendio fumare, *insolito calore* gravari ac corripui visa sunt. Hinc observabatur *lassitudo* & *jaectatio totius corporis*, *subita virium prostratio*, in non nullis *vigilia diuturna*, quas statim excepit *delirium*, non nunquam in *incremento*, non nunquam in *statu morbi*, aliquando *mitius*, & per unum saltem diem durans, aliquando *ferosius*, non nunquam *mustitudo* proditum, non nunquam nullum fuit observatum, ut in *pistoris* cujusdam uxore, nunquam *delirio* correpta, & tamen die vii. prægressis *convulsionibus* mortua. Sed præstabat *delirium ante nonum accessisse diem*, quam *post nonum*; quoscumque enim *post hunc* invasit, omnes fere mortui sunt. Horum *delirium* non nunquam degeneravit in *furorem*, quo agitati surrexerunt, & robustissimorum alioqui hominum actiones ediderunt. In *declinatione morbi* non nunquam *somnus* obrepserat continuus, ita, ut agroti & cibum & potum neglexerint. Sic & *mentis emotiones taciturnæ* in eo, qui alioqui facultate loquendi pollebat, ut plurimum erant *periculose*, quale exemplum in *saponario* quodam habui. Porro *somnum* agrotorum plerumque turbabat *inquietas nocturna*: hinc *delirare* cœperunt, & absurda loqui, *Tinnitus* & *susurrus aurium* ut plurimum in *incremento* jam huic morbo accedebat, quibus sese *auditus difficultas*, modo *salutaris*, modo *funesta*, collatis nempe reliquis *symptomatibus* periculosis, adjunxit, ut & *oculorum dolor* & *ardor*. Sæpissime illis *coruscationes* varique coloris figuræ observabantur. *Vultus*, imprimis apud moribundos, *ferox* fuit, *Tremor* manuum *frequens*, sed *labiorum continuus*, & semper *exitialis*, & intra xiv. horas *imminentis mortis nuncius*, quod videre licuit in duobus *Viris illustribus*, ut aliorum exempla prætereamus. *Tremorem* autem statim vel sequebantur, vel præcedebant *convulsiones*, non tamen adeo *funestæ*, utut periculoso satis indicio *floccos legere* cœperint decumbentes. Quorum aliqui *motibus* tandem *convulsivis* & ipsa *epilepsia* correpti, violentia morbi consumpti sunt, cujus exemplum præbuit quidam *juvenis xxi. annorum*, qui post *convulsionem* incidit in *motus convulsivos*, & ipsam *epilepsiam* lv. horas durantem. Curatæ tamen *epilepsia* huic morbo die xii. supervenientis, & per *integrum diem* observatæ exemplum habui in *juvene* quodam pannifico. Ad unum fere omnes caput rotari, seque *vertigine* laborare dixerunt. *Vertiginis* inseparabilis comes erat *dolor capitis*, qui & in artus & lumbos non nunquam sese diffudit, ut ingentes *nephritides*, uterique *affectus* adesse crediderint, quod in *virgine* quadam observavi, causam tamen semper a *miasmate maligno* infestante sanguinem, quod in majoribus venis & arteriis ad illas partes devolvebatur, deducendam esse duxi. *Gustus* sæpissime plane fuit *depravatus* ac perversus in hoc morbo, ut agroti non nunquam *aquam* pro *vino* biberint, *poma citrina* pro *uvīs recentibus*, quod meo exemplo testari possum, comederint. *Aphonia* quoque, non semper tamen *lethalis*, observabatur, cujus per *integrum* ferme diem durantis, & tamen *curatæ* exemplum præbebat quidam *juvenis* viginti aliquot annorum. *Respiratio* sæpenumero *difficilis* fuit, & *frequens*, *expiratio* vero

non nunquam quasi *flammea*, quæ semper *mala*, uti videre licuit in quodam *saponario*. *Pulsus* non nunquam, imprimis in *principio*, *sanorum* fuit quam simillimus, non nunquam *celer*, *frequens*, *intermittens*, *debilis*, *inequalis*, ut sæpissime *judicium de signis morbi prognosticis* fefellerit. Erat tamen quoddam genus *pulsuum*, quo præsentem *mortem* certo prælagire potuimus, si nempe decumbentes ad *contrectationem pulsus* aut *manus* retraxerint *tremulas*, easque *introrsum* duxerint, vitæ quasi suæ timentes, aut si *tremens*, *palpitans* & *caprizans* observatus fuerit *pulsus*. *Anxietates*, *lipothymia*, *syncope*, in hoc morbo maximum cordi faceffivere negotium, ut non nunquam per *tres dies* iteratis vicibus continuaverint. *Tussis* non nunquam in *principio*, ut plurimum in *incremento* & *statu*, aliquando *humida*, aliquando *sicca*, sese exerebat, quarum *posterior* pejor, & semper *malignitatis* arguebat præsentiam. *Cardialgia* correpti, præ dolore ingenti, solum de dolore & *gravissima mole pectoris* conquesti sunt, existimantes, hoc sublato, se pristinam recuperaturos sanitatem. Morbi *principium* semper erat cum *anorexia*, *nausea*, interdum *vomitibus*, qui si per aliquot dies duravit, nullisque *medicamentis* mitigari potuit, neque *macularum* eruptione superveniente cessavit, *funesti* semper exitus erat signum: aliquando *die septimo* aut *octavo* demum oboriebatur. *Sitis* in his symptomatibus cum morbo *incrementum* sumebat; non nunquam tamen ferme nulla, præsentem licet ingenti & totum corpus quasi corripiente calore, observata fuit, quod *peffimum* erat signum. *Singultus*, huic morbo ut plurimum in *statu* superveniente, plerique, quos sub mea habui cura, sunt *mortui*, quidam tamen etiam *servati*, ut adeo *singultus* non semper signum *imminentis mortis* in *febris* acutis infallibile sit; ut refert *Epiphanius Ferdinandus*. *Hæmorrhagia* quoque sæpissime hunc morbum secuta, *periculosa* primis diebus, & in ipso morbi statu, quod multis exemplis probare possemus, aliquando tamen *critica*, & sibi relicta, *salutaris*; sed imperitia *chirurgorum die septimo suppressa*, *funesta*. Sequiorem *sexum* morbus iste duplo *gravius* affligebat. Pleræque enim hoc tempore *menses* erant expertæ, aliæ *primis* statim diebus, aliæ *nono* demum die, qui semper exacerbabant *symptomata*, ut paucissima evaserint; *benignior* vero fuit morbi vis in *mensium fluxu* destitutis. Sed nec *puerperæ*, & *gravide* ab hoc morbo fuere immunes; licet non omnibus *exitioso*. Soror enim mea hac *febre epidemiali* correpta per Dei gratiam convaleuit, & robustum suo tempore enixa est puerum. *Alvus* quamplurimis per aliquot dies fuit *obstructa*, ut eam tandem *suppositorio* referare debuerimus. Nonnulli agrotorum jam in principio *diarrhæam* perpeffi sunt, quæ si nullis *medicamentis*, ejusmodi affectibus alioqui maxime accommodatis, cedere voluit, *res desperata* fuit sæpissime tamen & in *principio*, *incremento*, & *statu*, remediis rite adhibitis, optimo cum successu *sedata* fuit, imo *diarrhæa critica*, die vii. cum ægri levamine, quæ sequentibus diebus sua sponte cessavit, oborta est. Et fateri quoque debemus, fluxum alvi *moderatum* sæpissime non fuisse attendendum. Sic *vermes* tam in *principio*, quam *statu ægro* & *crato* sat longos rejectos in duabus personis, quæ tamen evasere, vidi. *Sudores* sæpenumero sua sponte apparebant, interdum *critici*, qui omnes boni, interdum vero *resolutivi*, imminente imprimis morte, qui pessimi; totum enim corpus tunc temporis in vaporem & madorem resolvi videbatur. *Parotides* permultis oboriebantur ut plurimum *die xiv.* & per *xiv.* ferme dies durabant, nunquam tamen *lethales*. Adhibitis enim mox *sudoriferis* per insensibilem transpirationem discussæ sunt, sine omni metu recidivæ. *Lingua* sæpissime erat fissa, non nunquam *muco albicante indurato*, imprimis adulto, jam morbo, quasi crusta quadam obducta, ut etiam *potulentorum*, ob membranarum œsophagi fibrarum a calore ingenti exsiccatarum difficilem constrictionem, *laboriosa* fuerit *deglutitio*; aliquando *nigra*, quæ & *fauces* peregrinum huncce suum impressit characterem, ut tandem *sphacelo* correptæ & exesæ fuerint, quale exemplum in *puero vii. annorum*, hoc *symptomate* affecto, & propterea metu dolorum *viginti* ferme dies neque cibum, neque potum, neque *medicamentum* assumente, habuimus. *Exanthemata* tandem aliis jam *ii.* quod meo exemplo testari possum, aliis & ut plurimum *iv.* aliis

VII. erupere die, in aliis non una vice exiere, sed tractu quorundam dierum; alii secundam quoque eruptionem die XIV. experti sunt, cui aliquando superveniebat vesica in dorso, nucis magnitudinem æquans, & aquam limpidam continens, funesta, quam in Barone de Nobis conspeximus. Erant macule, quantum ad colorem attinet, versicolores, rubra, purpurea, fusca & quasi crocei coloris, alba, ut in æthiopico quodam, nigra, livida, quæ duæ posteriores pessima, in primis in dorso, manibus, pectore, pedibus, natibus, non nunquam & facie, quæ non semper funesta, interdum magna, interdum parva, pulicum morsibus similes, nullum tamen punctum in medio habentes, non nunquam sparsim, non nunquam confertim milii solis & sudaminum instar, (aspredines miliacea dictæ,) quæ etiam mala, per septem, octo, novem dies, conspiciendæ. Sed cum morbus hic tam varius ac multiplex fuerit, ut non tantum nullo ætatis discrimine sævierit; verum etiam in omnes sporadicos morbos, si qui ægrum vexabant, sese transformaverit, ut aliquando tussim, sæpissime catarrhum, aliquando colicam, podagram, pleuritidem, febrem tertianam, servando exactissime periodicam exacerbationem, tempore nempe apyrexias evanescentibus maculis, ingruente vero paroxysmo redeuntibus, mentita fuerit, quis quæso omnia symptomata, quibus hic morbus auctus & exacerbatus est, enarrare queat? Sufficiat ergo, hæc fideliter, prout in praxi mea observavi, annotasse. Morbus hic non nunquam cito, non nunquam tardius sua decurrebat tempora, ut etiam XXIV. dies, licet rarissime, funestus fuerit; die XII. ac XIII. ut plurimum graviora ac vehementiora erant symptomata, proindeque accuratius attendenda. Et si vero in Hungaria frequenter est hic morbus, & quotannis observandus, grassari tamen vehementius more solito hoc anno cœpit, ut ferme in solum contagium, corpora metu atque timore debilitata facilius corripens, rejicere causam ausi fuerimus. Principium quidem huic morbo debere milites, utpote qui temperiem hujus regionis nec observantes, nec ferentes, sed vino nimium indulgentes in morbos inciderunt malignos, gregatim deinceps in contubernia arctiora conjecti non modo commilitones, verum etiam inquilinos contagione infecerunt, quæ latius serpendo & cundo tantas acquisivit vires, ut in morbum epidemicum degeneraverit, & plures e medio sustulerit. Anni tempestas malum hoc insigniter fovebat, nempe ut plurimum humidior, cum pluviis copiosis & fere continuis, nebulis fœtidissimis, creberrimis toto fere Novembri & Decembri, quo tempore petechia in homines gravius debacchati sunt. Et si vero vehementia frigoris subsecuti mali hujus vim sublatam aut minuatam arbitrati sumus, tantum tamen abfuit, ut cessaverit, ut potius ferme eandem noxam ac vehementiam, licet alter mensis præ altero fuerit benignior, exeruerit, in mensem Junium usque eam prottraxerit, plures non modo familiariter cum ægris versantes, verum etiam nullam plane consuetudinem cum infectis habentes, & homines, qui ægros visitabant, fugientes, semperque domi quasi fixi hærentes, corripuerit, ut in ejusmodi homines ex sola imaginatione contagium manarit, correptosque sustulerit. Remedium præcipuum ac præsentissimum fuit Vena sectio, a qua & curam semper ordiri, eamque in primis diebus repetere debuimus. Quam primum vero macule sese in conspectum dedere, quamvis plerique auctorum, & inter eos præcipuus NEUKRANZ de purp. id suadeant, penitus tamen abstinendum erat ab hoc aliquo præstantissimo remedio. Purgantia, quæ ad unum fere omnes admittunt scriptores, Vomitoria, etiam in principio, nullum hic invenere locum, imo omnes, quibus Purgantia exhibita sunt, brevi post expirarunt; eorum vero exanthemata semper apparebant latiora. Ex iis, qui Vomitoria assumpsere, paucissimi, nempe ii solummodo, quorum robur natura adhuc erat inconcussum, evasere, in quibus & citius morbus sua decurrit tempora. Expellentia, alexipharmaca, confortantia, cordialia, temperata, v.g. spec. liberant. sal. volat. C.C. fixat. unicolor. mar. C.C. philosoph. prepar. item Emulsionem, mixtura ex mithridatio, confecti. alkerm. & aqua fumar. in primis tempore continuarum vigiliarum data, ac sequenti die vesperti iterata, quæ ad somnum placidum ægros disposuit, ac

Supplem. ad Sydenham.

deliria mitigavit, lap. bezoar. orient. præcipue ubi cordis anxietates vehementer urgebant, qui miraculosa fere ratione eas statim sustulit, omne hic tulere punctum. Symptomata ex proprio fonte erat succurrendum; e contrario calida omnia, quæ majorem excitarent effervescentiam, vitanda. Antimonium diaphoreticum quoties fuit datum, fere semper excitavit diarrhæam; exhibitum vero in febribus malignis sine exanthematibus rarius, facile tamen terr. sigillat. vel mithridat. sedata fuit. Fœminis, affectibus hystericis obnoxiiis, extract. castor. præsentissimam tulit opem. Vesicatoria iusto tempore applicata, non modo in aphonia sæpissime ægrotis sermonem reddidere, verum etiam ferociam deliriorum, ac quasi phrenitides debellarunt. Opiatorum usum, utpote in his regionibus merito suspectum, experiri nolui, Topicis quidem frequenter in perpetuis vigiliis & capitis doloribus, cum successu admiscui. Quod si jam ad dupl. pervenit morbus, sudoribus probe elicitis tandem spec. de gemm. frigid. de hyacinth. cum nitro ordinavi, quorum usum, quousque penitus remisit calor, continuavimus. Confortantia, cordialia, balsama in frequenti usu habui. Restaurantia juscula interdum & noctu aliquoties ægris exhibenda suasi, vini accerevisæ usu omnes abstinere jussi, aquam coctam ex rad. scorzon. C.C. & ras. ebor. sem. fœnic. &c. pro potu ordinario præscripsi. Mutationem linteorum mundorum & indusiorum crebram, etsi permittat NEUKRANZ de purp. p. 351. semper tamen ego, ob rationes certas & experientia stabilitas, dissuasi. Victo jam penitus morbo, & viribus aliquantum jam redeuntibus, tandem ad Purgantia descendi, quibus reliqui excrementitii humores, ne recidiva subsequeretur, cum emolumento ægrotantium expellerentur. Hac ratione quamplurimos per Dei gratiam pristina sanitati restitui. Hæc, VIR. LECTIO & EXPERIENTIA CELEBERRIME, sunt, quæ illis temporibus observavit, & bona fide de hoc morbi genere litteris consignavit beatus Parens. Hujus paternæ industriæ monumenta plura possideo, gravissimo Tuo judicio, una cum meis rarioribus observationibus, subjicienda, & si Tibi ita visum fuerit, publico bono non invidenda. Nihil proinde avidius expecto, quam, quod sine Tua molestia fiat, Tuum de hoc instituto consilium. Si Tibi placuisse intellexero, affirmo Tibi, me existimaturum, mihi gravitate judicii Tui, & conatus meos juvandi facilitate id, quod maxime unquam cupierim, contigisse. Quod superest, Tibi CÆSAREÆ NOSTRÆ ACADEMIÆ spes fortunæque commendo, nihil dubitans, quin de hoc meo studio recte & benigne sis existimaturus. Dab. Vienna die VII. Febr. A.S.R. clō Icccxxx.

Dn. D. Andreae Loevv Historia Epidemica Hungariae, ann. 1688. 1697. 1699. 1700. 1701. 1702. 1703. 1704. 1705. 1706. 1707. 1708. 1709. ab ejusdem Filio Dn. D. Carolo Friderico Loevv, Perillustri Lucae Scroecio, Academiæ Nat. Curios. Præsidi, &c. ann. 1726. communicata.

ANni tempora, prout variant, suos habere morbos certos jam pridem lib. 3. Aphor. 21. recte annotasse Hippocr. præsentem anno abunde confirmavit experientia. Scilicet mense Julii & Augusti cum cælum quasi flammasset caloribus, & pluviarum ferme toto illo tempore expers fuisset, quibus alias intemperies aeris sicca temperanda & corrigenda, Febres solito magis in hac urbe grassari cœperunt. Quarum principia cum horrore, vomitu, nausea ægrum occuparunt, subsequentibus statim caloribus, siti, dolore capitis, virium prostratione summa, cardialgia, ut plurimum dies noctesque durantibus, aut biduo post, adhibitis sudoriferis, in intermittentes ut plurimum febres, modo tertianas, modo quotidianas, imo quartanas, per intervalla secundum suum typum repetentes, terminantibus. Tantam autem hæc febres benignitatem in se fovebant, ut raro administratis legitimo modo remediis, h. e. V.S. Anti-febrilibus ex ☉ card. ben. absinth. centaur. min. lap. cancr. chinchin. arcan. dupl. flor. nitr. aliisque, ultra octiduum sese extenderint, quin penitus remiserint. Non senserunt has febres tantum provectioris ætatis homines, verum etiam infan-

res lactentes & ablactati, sine ullo ætatis discrimine. In nonnullis deprehendebantur *continua*, dies noctesque ægrotos affligentes, & *V.S. sudoriferis ordinariis*, nempe *spec. de hyacinth. antim. diaph. spec. de gemm. frig. mixtura mea ordinaria* &c. cum *confortantibus* junctis, tractate, omnes terminum suum elapso 15. dierum spatio benignissime absolventes. Hisce continuis annumeranda quoque fuit *Pemphina*, vulgo *Nessel-Kranckheit* dicta, tunc temporis grassata, quæ ægrotos, (qui quasi urticæ urentis vim essent experti,) excruciauit pruritui, tumore permagno variæ magnitudinis in toto corpore, modo imperialis, modo floreni, modo grossi, modo totius cubiti, superficiem cutis occupante, eamque in vesicas non adeo rubras, sed magis albas attollente, mox redeunte, aliisque symptomatibus febres continuas malignas alias concomitantibus. Quæ febris licet aliis temporibus *benignissima* adhibito sudorifero intra biduum remittere soleat; nunc tamen admodum *maligna* more continuarum sua decurrit tempora, propinatis autem *medicamentis diaphoreticis, expellentibus temperatis* &c. DEO benedicente apud omnes felicissime xy. die superata. Observavimus etiam, quod notatu dignum & perrarum, tunc temporis certam febrium speciem, quæ fuit *complicata ex febre quotidiana continua & tertiana*, una die binas habens exacerbationes, altera unicam, quam *Hemirritum* appellare placuit. Fuit absque horrore, cum continuo calore, ingenti præcordiorum compressione, ut de continuis constrictionibus pectoris conquesti fuerint, siti inexplebili, intensioribus tamen hisce tempore exacerbationis, cum vigiliis, deliriis, diarrhœis, in primis virium prostratione summa, ut semper animi deliquia metuenda fuerint. Febris hæc admodum periculosa continua ingentem reconditam habuit malignitatem; quapropter more aliarum febrium malignarum, v. gr. *V.S. sudoriferis, expellentibus, confortantibus, mixtis, ordinariis*, ratione tamen habita symptomatum urgentium, tractata felicissime intra xxi. dies fuit subacta atque ejecta, superflite quidem adhuc aliquali pectoris compressione, *Laxativo* tamen medicamento sub finem exhibito, penitus sublata.

Constitutio Epidemica Sempronienfis Anni 1697.

Non quivis annus quovis fovet morbos, multo minus una eademque symptomata. Prout anni variant tempora, aerisque tempestates, sic quoque morbi, qui nunc benigniores, nunc pejores, multorumque funerum non nunquam cause existunt. Hoc jam dudum observavit, ac *toto libro III. Aphorismorum* nobis demonstravit maximus Græciæ Doctor, *Hippocrates*. Et quis non videt, diversum aeris statum humores modificare morbificos, eosque dispo- nere, pro diversitate locorum aliarumque circumstan- tiarum, ad producenda symptomata, quandoque gra- viora, aliquando mitiora? Id videre licuit anno 1697. quo *hyemem rigidissimam* experti sumus. Produxit intensissimum illud frigus non solum *varios pectoris morbos, catharrhos, coryzæ gravedines, tussesque vehementiores*, sed & transpiratione impedita, lym- pham disposuit in coagulum pronam; adventante ve- re, liquatisque macrocosmi humoribus, lymphæ ha- ctenus torpida apud plurimos varias subiit mutationes; inde in quibusdam *febres tertiana* subortæ, in pleris- que *febres continua, pleuritides spuria, malignitatis ex- ptes*; in plurimis, in primis *sub finem Aprilis, Maji, Junii, Julii*, quo tempore magis efferationes biliosæ ob excessivum calorem ambientem notabantur, *febres petechiales Epidemica*. Referam ex morbis, quos hoc anno perlustravi, solum præcipuos. Incæperunt *pete- chiales* more solito cum rigore, caloribus p. n. siti, anxietate præcordiorum, quandoque vomitu, dolori- bus capitis, insueto artuum languore, sine causa ma- nifesta, cum insigni extremorum lassitudine, ut plu- rimum quarta, aliquando septima demum die macu- læ effloruerunt petechiales, in quibusdam copiosiores majoresque, in quibusdam minores ac parciores. De- liria sexto jam, septimo, octavo morbi die supervenientia, boni fuere ominis. In illis enim decima qua- ta vehemens notabatur obsurdescencia, & decima quin- ta caloris, adeoque morbi solutio. Si serius, v. gr. 10. 11. 12. contigerunt deliria, atrociora symptoma- ta, nec non malignitatem prænuciarunt summam, nullusque expectandus fuit motus criticus, sed paula-

tim solutio. Observavi hoc in quamplurimis, in pri- mis in Cive hujus loci primario, ex itinere sexta mor- bi die reduce. Septima, adhibito uno vel altero *me- dicamento expellente, bezoardico*, vidi corpus pete- chiis copiosissimis rubris conspersum, eodem die no- tavi summam in somnum propensionem, vix non di- spositionem lethargicam. Vesicatoria quippe aliquot applicata ægrum a somno abstrahere non valuerunt, & excitatus licet quandoque comederit, medicamen- ta *expellentia, sudorifera, epileptica, confortantia* se- dulo assumpserit, subito nihilominus in somnum re- cidit, salva manente respiratione; accesserunt 10. die deliria: excitatus enim ex suo profundo somno, & interrogatus minus apposite, minus ordinate respon- dit, desubito in somnum relabens. Die undecima & sequentibus supervenerunt motus convulsivi, diar- rhœæ, involuntarius urinæ fluxus, summam, sym- ptomata exitiosa. Decima quinta calores p. n. obser- vavi longe remissiores, pulsum naturali similem, so- mnium autem adhuc profundum. Si exsuscitatus fuit patiens, neminem agnovit, torvis oculis vidit, ad interrogata mussitando, minus intelligenter respondit, floccos frequenter legere continuavit. Morbum igitur hunc in pessimis signis constitutum ex *Hipp. Coac.* nec non 2. *Aphor.* 27. difficillimum ac periculi ple- nissimum pronunciavi. Decima septima demum die, suborta obauditione, ad se rediit, stupidus quidem & obliviosus, præteritorum immemor, vires tamen bre- vi resumpsit. Vidi in alio subjecto, eundem morbum in optimis signis constitutum, duodecima, rarioribus tunc temporis existentibus jam maculis petechialibus, produxisse *pustulas miliares, parvas, albas, acumi- natas*, innumeras, excessivam sanguinis ebullitionem, nec non malignitatem latentem prodentes, & 15. die, prægressis vix momentaneis convulsionibus, funestas. Observavi, malum hoc fuisse *epidemicum*, nullumque ætatis habuisse discrimen, juvenes vero puerosque frequentius invasisse, ac contagium in domo delituisse, aut substitisse, donec in reliquos fere omnes sæ- viit. Qui valetudinis salutisque suæ solliciti fuerunt, ac in tempore, spretis præposteris medicationibus, meam postularunt curam, ad unum omnes convale- runt. Incæpi, prævio unico *sudorifero*, pro ætatis di- versitate, prima & secunda jam die *a V.S. in brachio*, quam sequenti die pro rei exigentia *in pede, ante exanthematum eruptionem*, repetii *Alexipharmaca*, (malignitatis enim hic summa est habenda ratio) *sudorifera ex spec. de hyacinth. Liberant. & diaphor.* C. C. *philos. prepar. lap. bez. orient. mithridat. &c.* mutatis mutandis, singulo octiduo exhibui cum su- doris impetio. Quamprimum mentem adverti vacil- lantem, imminens delirii prodromum, *Vesicatoria*, nuchæ pedibusque imponi jussi, abdidique *pulveribus sudoriferis confortantia*, nec non *epileptica*, v. g. *pulv. epilept. March. unicorn. man. specif. cephal. Mich. mag. ungu. alc. perl. &c.* Nimiis vigiliis ac deliriis sum- mis *mixtura mea ex mithridatio cum conf. alkerm. pulv. epilept. de gemm. frig. aut analept. &c.* Syr. papav. in aq. solut. ut plurimum vesperi, & quidem cum fru- ctu obviam veni. *Alvi fluxum stypticis* quandoque singulo trihorio aut quatrihorio exhibitis compescui: obstructionem *enematibus* sustuli. Cum calores p. n. decrescere incæperunt, quod sæpissime sub initium de- cimi quinti diei contigit, contentus fui solis *pulveribus præcipitantibus*, v. gr. *spec. de gemm. frig. & ana- lept. C. C. philos. fl. nitr.* quotidie semel aut bis in usum vocatis. Vinum ac cerevisiam prohibui, concessique solum *aquam ex ras. C. C. ebor. sem. fenicul. rad. scor- zon. castam.* Reliquis symptomatibus ex suis fontibus prospexi. Sub initium quartæ septimanæ, appetitu jam redeunte, ne in priorem morbum reciderent, dedi *Laxativum*. Et hac methode, DEO sint lau- des, omnes petechiis etiam pessime decumbentes, excepta unica persona, servati sunt. *Morbilli* mense *Junio, Julio*, omnes fere pervaserunt domos, & ob- servavi illos *epidemicè* grassatos, primis quatuor die- bus ut plurimum gravissimos, apparente efflorescen- tia, quæ elapso quatrduo evanuit, levissimos. Qui- bus legitima adhibita fuere remedia, *expellentia* nem- pe, *sudorifera*, v. gr. *pulv. alexit. lap. bez. C. C. phi- los. unicorn. mar.* omnes stando quasi ac deambulando morbum evaserunt. Qui in cura sunt neglecti, aut ma- le tractati, etiam si convalescerent, elapsis aliquot septi- manis,

manis, aut in febrem inciderunt *exanthematicam*, (quam *Rossaliam* nominare solemus, & consistit in maculis rubris, latissimis, in toto corpore densissimis, erysipelas quasi universales referentibus, post quartum diem evanescentibus, & squammularum instar decidentibus, cum ægri alleviatione,) cum caloribus continuis, siti magna, aliquando deliriis, nemini exitiosam; aut reportarunt *humorem flatulentum totius corporis*, permultis funestum. Notavi simul, quando unus aut duo in domo morbillos superarunt, decimo demum quarto aut quinto alios ejusdem domus in ægrotantium locum successisse, adeoque morbillosum contagium serpens a 14. in 14. delituisse ac substituisse. *Mense Junio, Julio*, frequens fuit *Icterus*, cum aliquali alteratione, appetitu dejecto, nausea, siti, oris amaritudine, deturpato cutis, inprimis oculorum, colore, pruritu, urinis croceis, cerevisiæ brunaceæ similibus, turbidis, excrementis quandoque flavis, copiosis, sapissime albis, cinericiis. Obstructionem ductus choledochi referavi, bilemque in massam sanguineam, ac in habitum corporis jam derivatam reduxi, ejusque acrimoniam salino-sulphuream excessivam correxì *aperientibus salibus ex pulv. hepat. Tart. Vitriolato, sale cichor. acetosell.* additis *granis aliquot diagyridii*. Instar omnium fuerunt *acidula Croatica*, quibus bilem sufficienter dilui, atque felicissime spatio 2. aut 3. hebdomadarum ictericos restitui. Præter *hydropes, calculos, podagram, arthritides &c.* tempore autumnali more solito, *Quartana* prodiit *contumacissima*, quam, si *Vene sectione, purgatione*, diebus paroxysmorum instituta, nec non *medicamentis Antifebrilibus chinatis* ter aut quater exhibitis infringere nequivi, reliqui intactam, optime gnarus, multitudine atque frequentia medicamentorum facile ad *Cachexiam ac hydropem* disponi, adeoque magis destrui. *Natura* igitur opus hoc commisi, atque expectavi *æquinoctium vernale*, quo tempore natura, uno vel altero medicamento adjuncta, quandoque per se febrem hanc felicissime subigere solet.

Constitutio Epidemica Sempronensis Anni. 1699.

DE Japonibus scribit *Vuylhelmus ten Rhyne, Dissert. de Arthrit. in suis notis, p. m. 92.* quod quidem *pestem* ignorent, *variolas* tamen timeant, cum ipsis maxime sint contagiosæ, atque sæva & multiplici hominum strage illorum terras depopulentur, ut major etiam mortalium pars his in Japonia aliquando succumbat, quam peste alibi, atque idcirco præ labis istius metu, parentes liberos, mariti uxores, & quæcunque dulcia sunt vel sanguinis vel thori pignora, relinquunt. Unde Japonenses & Sinæ liberis dotati, ubi interrogantur, quot soboles alant? Fregerunt totidem, quot variolis jam laborarunt; reliquorum enim vitam in ancipiti locant, adeoque inter permanentes proles non numerant. Idem responsum fere a nobis hoc anno *nonagesimo nono* tulissent. Curiosus, si ex uno alterove quævisissent, quot filios aut filias habeat? Tot nempe, quot jam *variolarum* virulentiam superarunt. Etsi enim apud nos *Variolæ* non adeo aliquando observantur funestæ, hac tamen *hyeme australi, tepidiori ac humidiori* plus minus existente, illæ, pestis instar, in infantes & adultiores furere cœperunt, eosque pro diversitate tempestatum, magisve vel minus maligni ætheris, nec non humorum in corpore existentium, varie affecerunt. Inceperunt modico cum horrore, quem excepit calor intensus, pulsus fortis, oculi turbidi, sitis intensa, aliquando jactatio inquietæ, sternutatio frequens; non nunquam jam primo aut secundo ebullitionis die apparuit una vel altera pustula in facie, dorso, ut plurimum vero sub finem tertii aut quarti diei eruperunt *variolæ*, primum rubræ, exiles, rotundæ, figura nempe, colore & magnitudine regulari, cum febris symptomatumque, etiamsi hactenus fuerint gravissima, atque nervoso generi periculosissima, remissione, aut notabili diminutione. Hæ turgidæ maturaverunt brevi, justoque tempore exaruerunt jam incrustatæ. In quibusdam subjectis pustulæ fuerunt admodum raræ, solito tamen majores, hinc inde sparsæ, valde discretæ; ita quidem, ut iisdem affecti in lecto vix contineri potuerint, quin deambulare voluerint, si ipsis concessum fuisset, quæ *variolæ* mitissimæ ac benignissimæ fuerunt. *Diarrhœa*

Supplem. ad Sydenham.

nec non *hemorrhagia narium*, diebus ebullitionis suborta omnibus saluti fuit, detracta nempe nimium quantum ebullientis ac æstuantis sanguinis, nec non semini variolosi parte, quod reliquum fuit variolosum fermentum facilius, in primis jam laxatis venarum spatiis, evolvi, digeri, expellique potuit, & in his *variolas* observavimus discretas, raras, *benignissimas*, saltim hinc inde sparsas. Qualis enim status humorum ebullientium in corpore, in primis in centro, talis quoque se exseruit & effloruit in extremis, habitu corporis: unde quo pejor materia ebulliens, eo periculosiores & deteriores variolæ. Sic spiritus quandoque a miasmate varioloso irritatos magis, quam oppressos observavimus, qui magno sæpe conamine quicquillas suas ad cutem amandarunt, serumque virulentum repurgarunt felici eventu, tuberculis tam magnitudine, quam colore & figura regularibus enatis. Notavimus e contra spiritus a miasmate hoc varioloso diebus jam ebullitionis obrutos ac fere oppressos, ut amplius sese sufficienter expandere nequiverint, multo minus inquinamenta variolosa excutere potuerint. Remansit ergo miasma virulentum in massa sanguinea, quam ad coagulum disposuit. Tingeatur quidem cuticula rubedine quasi erysipelacea, ac tumore afficiebatur, nulla tamen aut fere perpauca apparuere variolarum vestigia, potius loco harum tertia jam die maculæ in facie, dorso, natibus, pedibus, manibus, effloruerunt purpuræ, quæ exacte morsus pulicum aliquo modo obsoletos repræsentarunt, copiosæ, ut diebus ebullitionis, quarta nempe, antequam ulla adhuc comparuit pustula, aut ante plenam & sufficientem variolarum eruptionem, quæ semper manserunt parvæ, sessiles, depressæ, confluentes, duræ, septima die lethales. Observabatur in his pulsus debilis, catarrhus suffocativus, ob nervos affectos, insultus epileptici, subsultus tendinum, deliria, maculæ purpuræ, latissimæ, ad nigredinem spatio aliquot horarum tendentes, ante, aut post mortem largissimum sanguinis per alvum profluvium. Certissima sane summæ inflammationis in massa sanguinea latentis, nec non instantis sphaceli, adeoque indubiæ mortis indicia. Unam habui virginem octennem, in qua maculæ hæ purpuræ jam disparuerunt, ut aliqualem reconvalescentiæ spem nobis fecerint; ast tempore maturationis variolæ confluentes, inprimis in facie, manserunt sessiles, depressæ, duræ, cartilaginossæ quasi, cutis ipsa erysipelate fuit affecta, & intensa rubedine tinctæ, tumida, symptomata novis accessionibus febrilibus fuerunt exacerbata, quæ tandem xv. die funesto terminarunt eventu. Unicum habui puerulum 7. annorum, ejusmodi maculis purpureis una cum variolis correptum, qui hæmorrhagia narium copiosa quarta die suborta a periculosissimo atque exitiali hoc malo liberatus fuit. Reliqui omnes his *petechiis purpureis* laborantes, etiamsi ex methodo medendi ordinaria & optima, *expellentibus* nempe, *sudoriferis, alexipharmacis, bezoardicis, confortantibus, nervinis, antiepilepticis, v. gr. spec. liberant. de hyacinth. pulv. pannon. lap. bez. orient. pulv. epilept. C. C. philos. unicorn. mar. diascord. Frac. mithrid. conf. alkerm. &c.* tractati fuerint, mortui sunt. Sine dubio a veneno varioloso pestifero sanguinis compages nimis fuit soluta & jam in fluorem conversa, in primis serum acre, virulentum redditum, atque dispositum non solum visceribus, sed & partibus externis, mediante efflorescentia, necrosin induxit funestam. Neque *gravida*, licet alias naturæ consilio a morbis epidemiis immuniore sint, quam alii, ab hoc variolarum contagio fuere immunes, imo decubuerunt pessime hæ semper sexta aut septima die *abortum* passæ sunt cum *magna Uteri hemorrhagia*. *Variolæ malignæ* ut plurimum incœperunt cum *lumborum & abdominis doloribus*, qui si cum eruptivis jam pustularum notis remiserunt, *boni*, si minus, *mali* fuerunt ominis; ut plurimum enim in his variolæ aut non sufficienter eruperunt, aut, si prodierunt, confluerunt, & tempore maturationis depressæ manserunt, sæpe refugerunt & in fauces gulamque copiosæ incubuerunt, *catarrhumque lethalem*, inprimis circa morbi statum, induxerunt. In permultis salivationem in eruptione, & post eruptionem observavimus copiosam, qualis a mercurio absumpto oriri solet, *Diarrhœa* diebus maturationis

Historia Epidemica Hungariæ.

tionis oborta, *peffima* fuit, natura enim jam debilitata, & in negotio maturationis impedita, deducendo aliorum materiam variolosam succumbere debuit, variolis nempe non bene maturatis, quin potius collapsis, aut *catarrhus*, aut *convulsiones* supervenerunt funestæ. Respiratio anxiosa, interrupta, vel sublimis, imprimis in morbi statu semper fuit convulsiva, & indubitatum signum malignitatis, quæ nullis medicamentis expelli potuit, quin potius humores in suo motu impedit, atque sic lethaliatatem intulit. Observavi in filio trium annorum, tempore eruptionis, die tertia & quarta morbi, summam extremorum, pedum nempe, manuum ad carpum usque, nasi refrigerationem, sine ullo sudore, cum pulsu debili, calorem vero in reliquo corpore sufficientem ac præternaturalem. Metui sanguinis recursum, caloris languorem, & necrosin imminentem, adeoque frigus hoc brevi fore morticinum, in primis materia variolosa in centro retenta minusque expulsa, exhibitis tandem expellentibus variis, *bezoardicis*, nec non *linteris calide applicatis*, spatio bidui rediit ad extrema calor, variolæque prodierunt copiosissimæ cum summa symptomatum alleviatione, & maturatis tandem variolis, vitæ conservatione. *Mense Aprili, & Majo* notabatur morbillosus, qui, si ex methodo tractati fuerunt, sudorque successit ex voto, in omnibus *benigni*, neque efflorescentia inflammatoria diutius mansit, quam per quadri-duum; quo tempore una cum maculis squamarum ad instar deciduis, calor cessavit penitus. Observavi autem in quibusdam morbillosam hanc inflammationem effloruisse in dorso & facie ad instar herpetis, cum pustulis splendentibus, mox in rubedinem morbillosam ordinariam variæ figuræ abeuntibus. Fuerunt exanthemata hæc morbillosa mali moris, adeoque in cura probe attendenda, & expellentibus, sudoriferis, alexipharmacis sedulo tractanda. *Mense Aprili, Majo, Junio* frequentes fuerunt *febres petechiales malignæ*, quæ invaserunt cum horrore levi, nec manifesta sanguinis æstuatione, sed calore mitiori, quem aeris injuriis adscripserunt ægroti, neque crediderunt se ægrotare, donec calor, hætenus effectum suum occultans, ingravescere vitesque vacillare cœperint, ut jam ægroti decumbere coacti fuerint, magno cum damno suo tandiu contranitentes. Accessit anxietas præcordiorum, sitis immanis, capitis dolor, vigiliæ, scabrities, deliria, aliaque symptomata. Qui ab initio *Vene sectiones* admiserunt, medentumque opem implorant, atque dicto præscriptore audientes fuerunt, evaserunt omnes; qui vero neglexerunt curam, eamque demum die VI. aut VII. inchoare voluerunt, ii plerumque die XIII. XIV. XV. XVIII. XIX. mortui sunt. Quicumque a *Purgantibus* credentes vitium hæere in Ventriculo, curam incœperunt, ad unum omnes decesserunt, & in illis maculæ observatæ sunt longe majores ac latiores. Qui sudare ad varie assumpta alexipharmica, diaphoretica, expellentia in incremento & progressu morbi non potuerunt, etiam si bene ac perite, alias tractati fuerint, mortui præcesserunt sudores spontanei, copiosissimi, resolutivi. *Subsultus tendinum* in tangendo pulsu in statu morbi notatus semper *exitialis* fuit. *Convulsiones epileptica*, in primis distorsiones in ore & fronte variæ, *funestissima*. *Sensus hebetior*, si nempe ægroti se non laborare, sed optime valere dixerunt, *manus tremule*, *respiratio difficilis ac frequens*, *difficillima citra faucium tumorem deglutitio*, *inevitabilem prænuñciarunt mortem*. *Macula quo tardiores in efflorescentia, eo peiores*, unde apud quos die demum septima, aut nona, prodierunt, ut plurimum observabantur funestæ, secus, si jam quarta eruperunt. Eadem ex rubro colore tendentes in lividum, nigrum, extremam sanguinis corruptionem indicant. Circa *Solstitium, mense Junio*, morbus hic fuit *peffimus multisque exitialis*. Causa hujus febris petechialis malignæ, cum calor sæpe, in primis in initio, non adeo sævus fuerit in prava & maligna indole quærenda fuit, quæ citra insignem calorem vi sua corrode partes corporis fluidas & solidas corrumpit, dissolvit, destruxit, ac violentia sæpe materiam expulit, modo *per album*, crisi imperfecta ac funesta, modo *per insensibilem transpirationem*, ubi ægroti, in primis sub finem, sudoribus fere diffuserunt, qui fuerunt resolutivi, pessimi. Sanguinem

igitur ac serum in hoc morbo coagulari ac incrassari, sæpissime ex sale corrode maligno summam contrahere acrimoniam, ex symptomatibus abunde claret.

Constitutio Epidemica Sempronensis Anni 1700.

HOC anno insueta fere fuit aeris intemperies. *Mense Januario, Febuario* temperatum frigus extitit, *mense Martio*, nec non *Aprili* fere toto tempestas nivibus & gelu sævit, quo tempore grassari cœperunt *febres continuæ exanthematicæ*, solis confortantibus, blandissimis diaphoreticis remixtis, tractandæ. Etenim, qui more solito assumpserunt & continuant sudorifera, ex spec. de hyacinth. Liberant. & diaph. & volat. C. C. mithridat. illi omnes, viribus exinde exhaustis, & convulsionibus subortis migrarunt ad superos; qui vero in principio tractati sunt *Vene sectione*, deinde blandioribus diaphoreticis, ut plurimum tamen confortantibus & epilepticis, v. gr. pulv. epilept. M. specif. cephal. pulv. analept. mag. gran. erm. perlar. C. C. unicorn. mar. convalescere omnes. Calores non adeo intensi fuerunt, debilitates vero summæ cum vigiliis, sudoribus spontaneis, pulsu celeri, frequenti, tremoribus nec non motibus convulsivis. *Mense Junio, Julio* plures pluviosæ notabantur dies, quam serenæ; *mensis Augustus & medius September* fuere serenissimi, calidissimi. *Reliquo medio Septembri & toto mense Octobri* tanta pluviarum fuit frequentia, ut post hominum memoriam his mensibus visæ non fuerint crebriores. Si enim de die non pluit, certe nocte pluit, imo post 14. dies pluviosos vix duo sereni apparuerunt, quos statim pluviae excoeperunt continuæ. Per has igitur insuetas anni constitutiones sevierunt, *Tusses, rheumatismi, febres*, in primis *quartana*, quæ in vicinis nostris locis fuerunt *epidemica*, *apoplexia ipse*; apud infantes frequentes fuerunt *variola erratica*. Senes experti sunt debilitates summæ instar *februm continuarum*, sed *benignarum, recurrentes*, quæ solis confortantibus medicamentis cesserunt.

Constitutio Epidemica Sempronensis Anni 1701.

ANnus incuntis hujus sæculi incæpit eadem instantia, quæ ultimus annus sæculum finivit. *Januario* quippe & *Febuario* frigora uno vel altero die notabantur intensa, tertio vel quarto valde remissa, unde ex insuetis his anni mutationibus ortæ sunt *defluxiones biliosæ in brachiis, osse ischii, pedibus*, summe dolorificæ, utrique sexui infestæ. *Rheumatismi hibi biliosi sudoriferis* nequaquam tractari debuerunt, utpote quorum usu dolores semper exacerbati sunt, meliori vero successu *digestivis ex salibus*, v. gr. pulv. hepat. rubr. & cichor. acetosell. & vitriolat. diagryd. sulphurat. quodidie adhibitis obtemperarunt, & intra XXIV. dies evanuerunt. *Martius* fuit valde benignus, *Aprilis* vero & *medius mensis Maji* ob frigora infantibus funestus, hi nempe valde infestabantur *Vomitibus, catarrho suffocativo, colicis convulsivis, epilepticis*. In *Junio* nil occurrebat notatu dignum, nisi quod mane hoc & præterito mense rorem in foliis arborum, in primis prunorum, instar mellis, nostrates vocant *Honigthau*, eumque fructiferum indicare annum credunt, copiosum observavimus. *Julius* totus exæstuvavit, nil tamen mali, quod mirum, produxit; nisi *febres tertianas*, (quæ sexto paroxysmo abierunt) & in senibus, adultis ac infantibus *pustulas, sive exanthemata miliaria*, quæ occuparunt totum corpus cum molestissimo pruritu. Causa sine dubio quærenda in efferationibus biliosis, in primis lymphæ ab externo calore valde intenso evocata, sed facile refrigerationibus, v. gr. spec. de gemm. frig. fl. nitr. lap. cancr. &c. & balneis hordeaceis repressa ac contemperata. Toto mense *Augusto* calores fuere intensissimi, pluviae paucissimæ, fere nullæ, noctes simul calidæ. Jam valde grassari cœperunt *febres* cum frigore duarum, aliquando trium horarum, infecutus est statim calor ultra 40. horas durans cum capitis dolore, siti, virium prostratione, linguæ ac faucium ariditate, vigiliis, quandoque deliriis, ut jurasses *febrem imminere continuam*, sed post adhibita sudorifera, *Vene sectione*.

sectionem, remisit calor atque in *intermittentem febrem*, ita tamen, ut vix aliquot horæ inter paroxysmum & apyrexiam interjectæ fuerint; & sic una febris excepit alteram, afflixitque diu infirmos; rarissime enim ante nonum paroxysmum terminavit. Si *Vena sectione*, *diaphoreticis* & *precipitantibus*, cum malignitate non carperit, rite tractabatur, nulli fuit funesta. Febres hæ maxime sævierunt *in mense Septembri*, quem observavimus calidissimum, siccissimum, sine ullis pluviis. *Mensis Octobris* incepit cum pluviis, quæ per aliquot durarunt dies, insequentibus mox caloribus insuetis, ac vix post hominum memoriam notatis. Continuaverunt æstuosissimi dies per *Novembrem* fere totum, ita, ut nullus senum tantæ æstatis & autumnii calidi & constantis recordari potuerit, unde optimum & generosissimum crevit vinum, quod tamen successu temporis minus generosum evasit. *Morbi* fuere pauci, iique ut plurimum *ordinarii*. *Sub finem Decembris* exasperatum fuit cælum, & terra frigore obriguit.

Constitutio Epidemica Sempronienfis Anni 1702.

HAc hyeme permutata quasi videbuntur tempora. Frigora intensa solum durarunt ad sextum *Januarii* diem, septimo supervenerunt pluvie, subsequenti-
bus diebus nebulae, cælum turbidum, mox serena, calida tempora. Toto *Februario*, exceptis vehementissimis ventis, eadem fuit cæli facies, nullum frigus, nullæ nives, ut plurimum siccitas, serenitas, ut credidisses, imminere æstatem; nocturno quidem & matutino tempore quandoque aura observabatur frigidiuscula, sole tamen oriente statim fuit temperata, unde jam *medio Februario* habuimus flores violarum, nec non flores cerasorum acidorum. *Morbi* his mensibus, præter *catarrhos frequentes*, vix notabantur alii. *Martius*, qui insecutus est, fuit siccus, quandoque ventosus, pluvie, quæ oboriebantur, fuerunt temperatæ, fertiles. Hujus initium *phthisicis, hecticis, hydropicis* valde fuit funestum. Circa *æquinotium vernale* incæperunt copiose inter pueros grassari *febres continue*, ut plurimum *malignæ, petechiales*. Invaserunt illos levissimo rigore, lassitudine spontanea, succedente calore non adeo magno, subinde remittente, sed tertio aut quarto die vehementius recurrente, quo ut plurimum in conspectum venerunt exanthemata, deliria brevi post comparuerunt, in quibusdam vehementia, & quidem cum vigiliis, in quibusdam breviora, maculae erant parvæ instar morsus pulicum. *Febres hæ epidemica diaphoreticis, precipitantibus & confortantibus temperatis*, non *sudoriferis fortioribus*, tractatæ, nulli fuerunt funestæ, sed valde *contagiosæ*. In *adultioribus*, utpote vitis, *maculas*, ut plurimum observavimus *latas*, successerunt statim deliria, convulsiones, epilepsiæ, & his fere omnibus decima tertia dies fuit exitialis. Duravit epidemica hæc lues in *Junium* usque, quæ sine dubio magnis siccitatibus cum Hippocr. 3, Aphor. 7. adscribenda. *Aprilis* plerumque fuit serenus, calidus, subinde ventosus, frigidus. Hunc excepit *Majus* frigore quidem moderato, sæpe tamen, præsertim Borea interspirante, rigidiusculo; fuit variabilis, nunc calidus, nunc turbidus, pluviosus, mox frigidus, ventosus, unde vitis iusto tardius & inæqualiter gemmas suas protrussit. Frequentes hoc mense fuerunt *arthritides vagæ*, quæ solo reiterato *Laxantium*, minus *sudoriferorum*, usu tractari voluerunt. *Julius* fuit valde temperatus, calidus, ut & *Augustus*, si exceperis imbres & tonitrua horrendo fragore & fulguribus, in primis noctu, *in mense Augusto* frequentia, & grandinibus insolitis, quæ aliquoties præsertim die 12. 13. 18. promontoria nostra fere omnia, & quidem optima, valde destruxerunt remixta. Fructus omnes horæi valde fuere insipidi, humidi, & ad putredinem proclives. Unde frequentes habuimus *febres*, primo intuitu *continuas mentientes*, adhibita tamen *Vena sectione & sudoriferis*, tertio & quarto die in *intermittentes tertianas* degenerantes, tandem *precipitantibus & laxativo* brevi consopitas. *September* comparuit uno alterove die serenus & amœnus, tertius & quartus serenum diei cælum noctu tempestuoso tonitru & fulguribus terribilibus fœdarunt. Sequentes dies mox sereni, mox turbidi, pluviosi, aliquando frigidi, in primis noctu, & notavimus circa festum Matthæi bis

pruinæ, sed plane innocuas. Hoc mense habuimus *Diarrhœas, dysenterias*, quibus adhibitis *rhabarbaro rosto cum myrobalanis*, & dein *adstringentibus ex corall. fl. ferr. cum mithridat.* cito medebamur. *Octobris* quatuor dies initiales fuerunt sereni, amœni, calidi, his quatriddum successit frigidum, ventosum, imbridum, nivofum, autumnii præludium, octava mane gelu & pruina nocentissima folia ac uvæ nondum maturas in omnibus fere promontoriis decoxerunt, & millena damna fecerunt. Jam remittere cœpit frigus, & cælum ad aliquot dies inclauit. Circa *medium mensis* fere octo turbidi, nebulosi, folis expertes, notabantur dies. Tandem circa 20. exortis ventis, nebulisque discussis cæli facies mutari cœpit, æstasque in autumno constans comparuit. Fuit enim ab hoc tempore usque ad sextum *Novembrem* serenitas, cum frigida tamen aura matutina. Septima tota die pluit, octava nix cecidit ingens; successit horridum gelu octiddum fere durans, quod & botros in copia adhuc in promontoriis existentes vix non in lapides convertit. *Medio Novembris* amœnior aura comparuit, caloreque fortiori nives uvæque glacie adstrictas solvit. Hoc tempore frequentes fuerunt *febres*, quæ nullum servarunt typum, quin potius *febres malignas* mentitæ sunt. Invaserunt cum horrore caloribus primis diebus fere continuis, summo virium languore, capitis dolore, siti, oris amaro, siccitate linguæ. Adhibitis *Vena sectione & sudoriferis blandis*, tertia vel quarta jam die terminarunt in *intermittentes*, quarum paroxysmos *arcano duplicato, sale Card. Ben. cort. chin. de chin.* ac tandem *levi laxativo* suppressimus. In his notatu dignum fuit, quod, etiamsi valde post febres comederunt, vires tamen per longum temporis spatium recuperare nequiverint. His mensibus copiose grassari cœperunt inter pueros & puellas *variola*, quæ observantur modo *benignæ*, modo *malignæ* confluentes, depressæ, adhibitis *blandis diaphoreticis*, sanguinem contemperantibus, verbi gratia *pulv. alexit. C. C. philos. pulv. epilept. spec. de hyacinth. unicorn. mar.* aliquando, si exire noluerunt, additio *sale volat. C. C.* nec non *lap. bezoar*, nulli funestæ. Accuratam insuper symptomatum rationem habere debuimus. Sic accidit, ut puerulus V. annorum ex variolis malignis convalescens *gingivis superioribus* reportaverit *ulcuscula*, quæ primo intuitu ab adstantibus pro *aphthis*, *Mundfaule*, judicata & tractata sunt, elapso 24. horarum spatio corrosivitate sua magnam jam maxillæ superioris & inferioris occuparunt partem cum summo fœtore & nigredine, maximoque imminentis *spha-celi* periculo. Adhibuimus frequentiores *injectiones ex decoct. rad. aristoloch. iridis flor. mastiche, thure, mundificantiæ, balsamica, v. gr. elix. Propr. sine acido, bals. peruv.* quibus tandem corrosivitas, fœtor, nigredo recessit, & puerulus pristinae sanitati restitutus est. Taceo *catarrhos, reumatismos* *in mense Novembris & Decembris* frequentes. Sine dubio morbi hi ut plurimum ex lymphæ a varia aeris anomalia, nec non erroribus diætæ, v. gr. fructibus horæis hoc anno valde putridis, viscedinem & spissitatem disposita, quæ in sanguine coacervata eundem in tumultuarios motus concitavit, deducendi.

Constitutio Epidemica Sempronienfis Anni 1703.

ANni hujus principium aura temperiori, nivibus stipata illuxit, paulo post successit frigus intensum, quod brevi remisit, & in pluvias abiit. *Februario* gelu sæviit ingens, nivesque ceciderunt sapissime, mox tamen accedente aura calidiuscula in liquorem solutæ. *Martius* comparuit caloribus amœnissimus, siccissimus, quandoque tamen interveniente Euro, rigidus. *Aprilis* simul præter morem siccus fuit. Habuimus his mensibus ventos vehementes, nives copiosas, quæ terram liquore balsamico sufficienter irrigare potuerunt. *Majus & Junius* fuere æstuosissimi cum paucissimis pluviis; unde uvæ circa festum Viti jam fere defloruerunt omnes. Hoc semestri notavimus *febres continuas*, non adeo frequentes, nec malignas, sine dubio, ob vinum nimis leve ac tartareum, quod præterito crevit anno, diureticum, minus sanguinem accendens. *Variolas* habuimus in copia, modo *benignas*, plerumque *malignas*, sessiles, depressas, quæ tamen si rite *bezoardicis tempera*

temperatis, expellentibus, confortantibus, v. gr. pulv. alexit. sep. de hyacinth. antimon. diaph. C. C. philos. prap. pulv. epilept. lap. bez. orient. unicorn. mar. mithridat. &c. tractatae sunt, paucissimis, imo fere nullis funestæ. Et licet plurima tum temporis conspicerentur puerilia funera, causa tamen mortis magis adstantium incuriæ & negligentia, aut medicamentorum præposteræ ac perversæ curæ & imperitiæ, quam malignitati adscribenda. Notatu dignum fuit, me his temporibus inter alios habuisse Comitissam valde sanguineam, corpulentam, jam fere quadragenariam, variolis correptam. Huic sub prima morbi invasione, quæ erat cum rigore, caloribus, cordis compressione, virium languore &c. curavi aperiri medianam, præscripsi bezoardicos expellentes pulveres more solito, pulv. alexit. C. C. philos. lap. bez. orient. unicorn. mar. &c. & ecce præter omnium expectationem tertia & quarta die erupere per totum corpus variolæ copiosissimæ, sexta accessit immodicus mensium fluxus ad instar puerperæ, retrocesserunt illico variolæ, quæ absque hoc fuere depresso, sessiles, confluentes, verbo, pessimi moris. Mutavi medicamenta, dedi frequenter spac. de gyacinth. corall. rubr. terr. sigill. mithridat. mag. smaragd. pulv. epilepti. M. non omisis confortantibus. Fluxus hic immoderatus continuavit octiduum, nec stypticis sisti potuit: durante fluxu variolæ non creverunt, nec ad maturitatem tendere voluerunt, sed confluxerunt, majoraque conciliarunt symptomata etiam si expellentia, bezoardica antepileptica stypticis semper consideratissime miscuerimus; octiduo elapso fluxuque cohibito tandem parvulæ hæ variolæ, non fastigatæ, maturitatem receperunt, symptomata remiserunt, & Illustrissima Comitissa a varioloso hoc affectu, periculi pleno, præter omnium opinionem ac spem, liberata est. Variolæ hæ permulhorum oculis valde fuerunt infestæ, & modo inflammationem reliquerunt pertinacem, modo humorem deposuerunt contumacem, ac coagulationi vel condensationi aptum. Priori feliciter medebamur aquis ophthalmicis ex aqu. plantag. rosar. chelid. tut. prap. sach. saturn. posteriori inflatione pulveris subtilissimi ex sach. canariens. antim. crud. lap. scissil. prap. perl. prap. & si opus fuit, Vesicatoriis. His mensibus varios atque diversos notavimus hæmopticos, tam senes, quam juvenes; in quibusdam enim sanguis ædiposus & siccosus ad aliquot libras sine ulla prægressa tussi excretus est, & in his fere nulla adfuit irritatio, sed sanguis floridus lubricavit sibi ipsi viam, & unica irruptione extravasatus per os affectavit exitum; in quibusdam quasi extussendo sanguis pedetentim rejectus est, in his sine dubio vasa pulmonum fuerunt erosa, & salinæ particulae massæ sanguineæ inexistentes teneras pulmonum vesiculas stimularunt, inde irritatione facta tussis producta fuit cruenta. His feliciter subvenimus Vena sectione & medicamentis adstringentibus ex compos. sperniol. Cr. lap. hæmatit. ocul. cancr. trochisc. de spod. de carabe, addito laudano de tribus in refracta dosi. Si sanguis fuit sedatus, ordinavi pectoralia traumatica cum resolutivis mixta; v. g. elix. pectorale cum ess. traumatica, nec non decoct. pector. ex fl. & fruct. pector. usitat. item gelatinam pectoral. ex rasur. C. C. ebor. cum herbis pectoral. factam, it. decoct. ex herb. alchymill. scabios. pyrol. fanicul. millefol. tussilag. pulm. onar. heder. terrest. rad. tormentil. sem. anis. fœnic. rad. chin. &c. Mense Junio ex caloribus insolitis, nec non ingurgitatione aquæ frequentiori adultiores æque ac juvenes reportarunt febres tertianas frequentes, sed sumptis salibus absinth. centaur. min. card. ben. cort. peruv. ac tandem purgante brevi curatas. Julius non tam amœnus & serenus fuit, quam pluviosus, nocte dieque frigidus, ventis summe molestus, qui in primis a die quarto ad octavum valde sævierunt, & frumento, quod violentia sua excusserunt, quam maximum intulerunt damnum; circa 24. ad finem usque calidissimi notabantur dies. Augustus incepit cum frigore pluviis, quæ hoc mense fuerunt copiosæ, stante tamen austro suos alternavit dies, fuitque variabilis & inconstans. September extitit serenissimus, amœnissimus cum insolito aeris fervore, quandoque pluviis intemperiem solis contemperantibus atque terram irrigantibus. Octobris primi octo dies fuerunt pluviosi, frigidi simul, hoc tamen non obstante, tertia & sexta die observavimus

tonitrua & fulgura, elapso octiduo cessarunt pluvia, & subolanus superveniens radiis solaribus non solum terram madidam siccavit, sed & botros a nimis pluviis jam putrefactos valde exsiccavit, illosque in pulveres fere redegit. Toto Novembris, nec non Decembris mense cœli temperies notabatur placidissima, ut credidisses vernum adesse tempus. Circa natalitia intentum frigus ingruit, terraque congelavit. Frequentes hoc semestri biliosas notavimus febres, quæ cum rigore, mox caloribus, vomitibus, præcordiorum angustis pueros æque ac adultos invaserunt, primoque intuitu continuas mentitæ sunt. Duravit calor ut plurimum 40. horas cum dolore capitis, siti vehementi, ariditate linguæ ac faucium, adhibitis vero Vena sectione, diaphoreticis, remisit, & in ordinariam tertianam cum apyrexia degeneravit, atque antifebrilibus salibus, nec non chinatis rite tractata sexto paroxysmo cessavit. Memini, me plurimos habuisse, qui octavum sustinerunt paroxysmum, & hi ex febre reportarunt iterum. Calor hic non adeo flavus, sed saturior & fuscus fuit, sine dubio a particulis acris, biliosis, sulphureis, quæ copiosius in sanguine collectæ tandem in habitum corporis sese diffuderunt, cutemque deturpato imbuerunt colore. Alvus in his omnibus sufficienter suoungebatur officio, porum choledochum in duodeni & jejuni confinio non fuisse obstructum. His feliciter, & quidem intra paucos dies medebamur pulveribus ex sale cichor. arcan. dupl. aut tart. Vitriolat. spir. salis coagulat. pulv. hepat. additis non numquam aliquot granis diagryd. sulphurati. Verissimum itaque est Dioclis monitum, notante Celso, prodesse nempe iterum, si post febrem oritur. His temporibus aliquos notavi cacheticos, nec non hydropicos, qui in iterum flavum inciderunt, quorum superiora corporis marcescebant, & mitum in modum flavescebant, tumentibus interim inferioribus & abdomine. Vesiculæ in horum pedibus obortæ stillabant liquorem summe croceum. Causa sine dubio salibus lixiviosis sulphur sanguinis ita modificantibus adscribenda. Cura ad tenacissimas obstructions tartareas, & dyscrasiam viscerum dirigi debuit, & profuerunt in specie martialia, pulvis cachecticus, Tinct. mart. aperit. Myns. spir. aperit. Penot. Purgantia singulo octiduo semel exhiberi debuerunt, v. gr. Recipe pulv. rhabarb. ʒj. gi. lap. ʒʒ. ʃ. absinth. gr. vii. g. g. grij. ol. mac. gttj. M. Quod si venter a laxantibus observabatur detumesce-re, bis cum successu singula hebdomada pro exigentia symptomatum & ratione virium propinati potuerunt; si tumor post purgantium usum in eodem statu mansit, aut infirmus naturæ ductu frequentes dejectiones sine alleviatione habuit, abstinendum fuit a purgantibus. Diuretica in his casibus alias omnem absolvere videntur paginam, hic tamen cum summo judicio & discrimine adhiberi debuerunt, & si unquam, certe hic, urinæ status probe considerandus fuit. Urina cruda, alba tenuis testabatur de sanguinis textura valde laxa, & hæc pro medela requirebat salia lixiviosa, utpote sal. stipit. fabar. ononid. junip. ebul. absinth. tart. vitriolat. spiss. sal. coagul. &c. Urina rubra docuit sanguinis texturam esse valde strictam, atque abundare salibus lixiviosis, unde præscribi debuerunt salia volatilia, v. gr. succin. ʃ. volat. tartar. buson. lumbric. terrest. in primis amara decoctum ex herbis, absinth. mij. eupator. mar. ʃ. ʒʒ. bacc. junip. mij. rhapont. ver. ʒʒ. m. pro infuso &c. Scroto tumenti maxime profuit decoctum ex fol. rut. absinth. menth. mil. cumin. cum vino factum, & cum spongia calide applicatum. Febres petechiales, quæ observabantur, fuerunt valde benignæ. Alias, præter morbos ordinarios, catarrhos nempe, tusses, raucesines &c. nil memoratu dignum occurrit.

Constitutio Epidemica Semproniensis Anni 1704.

J Anuarius ineuntis hujus anni totus fuit valde frigidus, nivofus; Februarius & diverso præter morem temperatus, ut plurimum serenus, aliquando pluviosus, aliquando ventosus, quandoque nivofus. Martius incepit cum intenso frigore, solis tamen splendore atque serenitate temperato, quinta nix cecidit copiosa, quæ sexta jam in liquorem abiit, septima supervenit tempestas tumultuaria, valde nivosa, octava dies

dies fugatis nubibus purgatoque aere mira illuxit serenitate, quæ tempestas pulcherrima, ventis mitioribus remixta, sicca, non solum ad æquinoctium vernale duravit, sed & uno quasi tenore in Aprilē usque continuavit. Imo Aprilis sua natura alias variabilis, hoc anno fuit amœnissimus, serenus, siccus, absque pluviis fere, cum caloribus ad finem usque prope æstivis: die 27. tonitrua & fulgura ingentia cum pluviis habuimus, sol tamen nubila mox serenavit, unde arbores iusto citius folia & flores emisserunt suos. Tertia mensis Maji dies incepit cum pluviis, quas secuta sunt frigora, & quinta pruina matutina, quæ vineis nostris maximum damnum intulit, alias totus mensis fuit serenus, calidus, siccus, ventosus: Successit Junius serenissimus, siccissimus, pluviarum expertus, ventis tamen mixtus. His mensibus, imprimis superioribus, Morbona æque ac Bellona apud nos valde sævit. Hungari quippe a Nostris deditionem civitatis sollicitantes, sed repulsam reportantes rabie velut accensi hinc inde discurrerunt, nobisque excidium minati sunt. Civitatem d. 18. Febr. e longinquo obsidione cinxerunt, eam tamen supervenientibus adversis cœli tempestatibus, nivibus nempe & ventis insolitis, intra biduum solvere coacti sunt, interim IX. septimanis nos undique tenuerunt conclusos, ut nullus exire ausus fuerit. Milites Cæsarei frigoribus & militaribus laboribus, imprimis tristi esuritione & aquæ potu valde hæcenus debilitati, huc tandem in defensionem civitatis dispositi ad novi desuetique cibi ac vini copiam, quæ nostri large obtulerunt, gravati in periculosos inciderunt morbos, *castrēnsibus non absimiles*. Conquesti sunt de languore totius corporis, *nausea, stomachi gravedine, caloribus, siti, dolore capitis, vigiliis*, accesserunt *deliria*, aliquando *alvi fluxus*, non nunquam *petechiæ*. *Vene sectio* prima aut altera die instituta, nec non *sudorifera ex spec. de hyacinth. C. C. phyllos. lap. cancer. antim. diaph. &c.* sæpe in herba suppresserunt malum, unde ægri intra quatrimum convaluerunt. *Purgantia & Vomitoria*, etiam in principio adhibita, non conduxerunt, morbum potius exasperarunt, & malignitatem latentem evocarunt, quam tandem *expellentia*, imprimis *mithridatium cum confect. alkerm. & confortantia* diu continuata sustulerunt. Qui methodo ordinaria fuerunt tractati, evaserunt omnes periculum; qui autem citius iusto nosocomiis valedixerunt, etiam si fere nullos in diæta errores commiserunt, ut plurimum in priorem morbum reciderunt. Inter hos unus *febre maligna* laborans ex delirio furibundus prostratus e lecto, & per fenestram secundæ contiguationis sat altæ in fluentum præcipitem sese dedit, in aqua hinc inde discurret, defatigatus tandem, & exanimis fere in lectum deportatus *alexipharmacis, sudoriferis, confortantibus* convaluit. Morbus hic epidemicus a victu profectus primo mense militibus gregariis inhaesit, brevi post cives, qui curis, laboribus, frigoribus, excubiis diurnis & nocturnis insuetis defatigati vino horto, generosissimo, dulci, etiam nocturno tempore præter morem indulserunt, invasit, atque in *febres malignas petechiales* degeneravit. Sanguinis quippe una cum reliquis humoribus ex erratis vitiosam diathesin nactus facillime malignitatem concipere potuit. Inceperunt mense Februario cum languore summo, calore moderato, qui in dies crevit, vigiliis, siti intensa, aliisque febrium comitibus symptomatibus. In his si exanthemata prodierunt die quarta, evaserunt omnes rite tractati periculum die XV. secus si maculæ in conspectum venerunt die septima: infirmi enim periculosissime tunc temporis decubuerunt, & 21. demum die mortis periculo liberati sunt. Mense Februario valde *benigne* fuerunt *petechiæ*, Martio peiores, Aprili pessimæ. Observavi in quodam juvene sat robusto petechiis laborante, *pustulas* XIV. morbi die exeuntes *pellucidas*, ceu *crystallinas*, partim *milii seminis*, partim *lentis*, imo multas *pisi* magnitudine hinc inde per totum corpus disseminatas, in dorso vero numerosissimas, *aqua plenas*, summe malignas; intendebatur enim febris cum anxietatibus, corâ compressionibus, convulsionibus; albescere tandem hæc vesiculæ & suppurare cœperunt, hinc exsiccatæ jam exaruerunt, & squamatum circa 21. diem deciderunt, quo tempore pauperculus mortis jam vicinus, præter omnem spem feliciter enavigavit peri-

culosissimam hanc charybdim. In *feminis* temper notavi *mensum fluxum*, aliquando *diarrhœam* simul, quæ omnibus fuit *funesta*. *Deliria præmatura* fuerunt *exitiosa*. Sic robustus quidam Vir 45. annorum, quinta morbi die incepit delirare, sexta est mortuus; & femina triginta annorum similiter robusta tertia die delirans, quarta est mortua. Horum sanguis prima & secunda morbi die *Vene sectione* extractus exhibuit in superficie pituitam densissimam instar crustæ vix separabilem, & croco quasi tinctam; brevi ante mortem bilis utrinque sese diffudit in totum corporis habitum; singula mortis prænuntia. In *febris* hisce *malignis* frequens fuit *attritio* aut *excoriatio in natibus*, non solum a longiori decubitu, quin potius a sanguine suo modo malignitate corrupto deducenda, qui qua data porta, sarcinam suam deponendam & excernendam quæsivit. Latuit autem ut plurimum *gangrena* & *sphacelus*, caroque tandem adhibitis adhibendis, v. gr. *unguentum ægyptiac.* ad os usque excidit cum ægrorum levamine. Mense Februario *morbilli* epidemicæ grassari cœperunt, qui tamen ex methodo tractati *benigni* fuerunt, *instante æquinoctio veris* indies magis invaluerunt, & invaserunt infantes æque adultos, & puerperas, cum horrore, caloribus summis, stillicidio lachrymarum copioso, mordaci, oculorum rubore ac tumore, cum tussi ferina, gravitate & compressione pectoris, maculæ effloruerunt ut plurimum secunda morbi die, aliquando quarta, quandoque septima, & perstiterunt quatuor aut quinque dies. Observavi hoc tempore *morbillorum tres species*, *maculas* nempe *latas, rubras*, sine pustulis, adeoque *non elevatas*, neque *superficiem cutis superantes*; altera species *cutina solum transparuit*, & hæc duæ species inadvertenter evanuerunt, quas vulgus retrocessisse putabat; tertia prodiit cum *maculis parvis, rubris*, quæ in dies auctæ, & *supra cutis superficiem modicum elevata* racemationi coaluerunt, quarumque protuberantia, digito leviter admoto tactu percipi potuit; post quinque dies, morbo jam remittente, maculæ per totum corpus latissimæ & maxime rubentes evanuerunt, atque squamularum forma deciderunt, cute farina quasi conspersa relicta. *Morbilli* quo citius prodierunt, eo benigniores, quo tardius, eo peiores fuerunt. Incessit sæpe hic morbus sub vario stipatus satellitio. Sic mense Aprili ad puerperam vocatus deprehendi *morbillos* copiosissimos, protuberantes, quibus interspersæ fuerunt *macula petechiales*, deliravit valde, imo tubarum in viciniam inflatarum cantus & pulsati tympani sonos, inter difficultates somni per phantasiam oblatos articulata, imitata fuit, frequenter risit, convulsa & aphona tandem jacuit, neminem novit, 15. tamen morbi die, adhibitis *expellentibus alexipharmacis temperatis, cordialibus*, ad se rediit, atque debellatis symptomatibus gravissimis convaluit. Eodem tempore gratiosam habui puellam 6. annorum, *variolis* veris laborantem, supervenerunt nona morbi die, variolis necdum in statu constitutis, *morbilli* copiosi, gravissime inde decubuit, sed ex duplici hoc morbo feliciter emerfit. Verissimum igitur est Axioma medicum: Qualis humor effervesceat in corpore, talis efflorescit in cute. *Morbilli* hi, si perite *expellentibus*, v. gr. *pulv. alexit. de hyacinth. lap. bez. orient. pulv. epilept. C. C. philos. antim. diaph. unicorn. mar.* cum *pectoralibus & confortantibus* mixtis, nec non servato simul idoneo diætæ calorisque temperamento, tractati sunt, omni vacarunt periculo, neminique fuerunt funesti; neglecta autem, aut præpostera vel perversa morbillorum cura, aut præmatura, superatis jam morbillis, aeris mutatio, vel inordinata rerum non naturalium diætæ, præcipitavit quam plurimos in *tussim ferinam, febrem continuam, respirationem difficilem, pectoris compressionem, catarrhum* ita dictum *suffocativum, lethalem*. Mense Majo & Junio continuarunt adhuc *morbilli*, *febres continuæ, tertianæ intermittentes, variolæ*, quæ *sporadice* hinc inde vagatæ sunt, sed fuerunt sine malignitate, adeoque convenienter tractate facile curabiles. Julius fuit amœnissimus, sed cum summis caloribus, quarta coorta est gravissima tempestas cum frequentissimis tonitribus, flammarumque fulgoribus, nec non grandinibus insolitis, quæ in civitate ut plurimum magnitudine juglandis, imo ovi gallinacei, prægresso imbre, ceciderunt, ad vineas tamen spar-

sim venerunt, adeoque illis exiguum intulerunt damnum. Sub initium *Augusti* remiserunt calores, sed sexta audiebantur tonitrua terribilia, grandines cadebant insolite, copiosissimæ, quæ in optimis nostris promontoriis & vites & uvas profus destruxerunt. Jam successerunt æstuosissima tempora, quæ vix sustinere potuimus, neque spirarunt etesæ, nullæ fuerunt pluviae, quæ fervorem solis temperassent, imo eadem aeris constitutio erat in *Septembri*, *Octobri*, nec non *Novembri*, ut credidisses, autumnum in æstatem fuisse conversum; habuimus quoque d. 25. *Septembris* vesperi tonitrua & fulgura sufficientia, unde in residuis promontoriis, quæ a grandine intacta manserunt, generosum crevit vinum, imo generosius crevisset, si nobis ob metum tumultuantium Hungarorum setius vindemiare licuisset. Finitis enim jam vindemiis æstuosa & sicca adhuc continuarunt tempora, sine ullis fere pluviis. Sub finem *Novembris* & initium *Decembris* nives deciderunt paucæ, & moderata subsecuta sunt frigora. Mensibus æstivis, *Julio* nempe & *Augusto*, existente cælo maxime æstuoso, *diarrhæa* & *dysenteria* satis fuerunt frequentes, & magis pueros adultiores, senes, minus infantes sporadice affligerunt. Præcessit diarrhæa cum ciborum fastidio, languore totius corporis, siti, dejectionibus copiosissimis, serosis, ut plurimum biliosis, viscosis nec non pituitosis, valde fœtidis, mox infecuta est dysenteria cum dejectionibus cruentis & purulentis, numerosis ad 70. 80. intra diem & noctem, aliquando velut momentaneis, ut miseri vix fellam foricariam deferere potuerint, & circa noctem cum majori exacerbatione, ut plurimum caloribus, quamvis non adeo urentibus, pulsu celeri, siti, inquietudine, acuto intestinorum & ani dolore, inani, licet frequenti, desidendi cupiditate, præcordiorum anxietate, vigiliis; in progressu morbi blanda accesserunt detritia, non sine malignitatis nota. Quandiu sanguis cum materia biliosa, mucosa, purulenta & saniosa, aliquando cum strigmentis & ramentis exivit, tandiu de vehementibus torminibus & doloribus conquesti sunt. *Dejectiones nigrae, fœtidæ* in morbi statu, majoris corruptionis denotarunt gradum, indicio manifesto, imminere jam *gangrenam* & brevi *sphacelum*, unde in illis dysenteria antea cruenta & torminosa jam observabatur fere indolens, pulsus quasi nullus, extrema frigidissima, sudore copiosissimo resolutivo frigido perfusa. Refrigerationem hanc infirmi non percipiebant, quin potius de calore interno & siti conquesti sunt, imo manibus glaciei instar frigidissimis res aut loca frigida capeffere desiderarunt; & hi omnes, salvo tamen sensibus motuque membrorum illaeso, elapsis ut plurimum 48. horis, mortui sunt. Causa hujus affectus adscribenda fuit partim copiosis fructibus horæis, acido aqueo acri fermentifico scetis, partim caloribus frequentissimis, bile inde acriori lymphæque acidiori & quasi corrosiva reddita. Succum nempe eminenter acres, mordaces neciendo in intestinis diutius, quam par est, moram, primo absterferunt intestinorum mucum, deinde illorum crustam villousam, sive velamentum bombycinum simul abstraxerunt, & alius peneirando ipsas glandulas eroderunt, atque ulcus, vel quasi tale, instar vesicantium, induxerunt; inde membranis intestinorum sensim sensimque a sale corrosivo erosio vasorumque osculis referatis, non solum sanguis frequenter stillavit, sed & tristissimus doloris sensus accessit, imo spasmodica vellicatio, qua intestina spasio quodam irritata motu quasi vermiculari dolorifice sese torserunt, unde non mirum, successisse tandem *inflammationem*, *gangrenam* ipsam, nec non *lethalem sphacelum*. Quo enim major acrimonia, eo major spasmodica fibrarum nervearum irritatio, major fermentifica humorum fusio, glandularum, ductuum & vasorum intestinalium eliquatio, nec non cruoris simul cum plexibus glandulosis ac reliquis intestinorum contentis excretio. Profuerunt sub initium morbi, non obstantibus torminibus & supervacaneis excretionibus, humores acres *diluentia*, & *leviter Evacuancia*, ut pote *aqua Laxativa cum aqua cinnam.* in primis *rhobarb. tostum*, quod blande laxando simul ob partes terreas admixtas adstringere, & leniter roborare solet, cum *myrobalanis* & *eleosacch. cinnamomi* propinata, nec non *clysteres absterfivi ex spec.*

emoll. hord. vitello ovi, conf. rosar. lacte, aliquoties adhibiti. His præmissis, statim deveniendum fuit ad *incrassantia demulcentia, adstringentia cum anodynis* mixta, unde singulis quatuor aut quinque horis exhibui pulverem sequentem: *℞. Corall. rub. præp. ℥ss. lap. hematit. terr. japon. an. gr. viij. theriac. cæl. gr. iij. laud. de trib. gr. ℥ss. M. mutatis tamen mutandis*, addidi sæpe *terr. sigillat. fl. ferr. bol. armen. pulver. stypt. Cr. smaragd. præpar. crysell. mont. pulv. dysenter. Crat. ex tragacanth. gumm. arab. & corall. constantem, nuc. mosch. &c.* in primis, ubi calores fuerunt ingentes, *compos. sperniol. Cr. spec. de gemm. frig. unicorn. mar. spec. de hyacinth. &c.* imo moderanda fuerunt medicamenta ad ipsius excretionis, malignitatis, & virium modulum. Sæpe videbatur jam alvus adstricta, morbusque sublatus, brevi tamen malum recruduit, & exivit iterum aliquando cum, aliquando sine cruore materia mucosa in minima quantitate cum summis torminibus alvum ad excretionem stimulans; adhibitis autem frequentioribus *clysteribus ex decoct. hord. cum capit. vervecin.* nec non continuatis *pulveribus adstringentibus*, ex toto cessavit. Tandem, ne propter derasos plexus ilei glandulosos fluxus alvi cæliaco non absimilis remaneat, ordinavi summo cum effectu *balsamica, stomachica, bals. peruv. opobals. Tinct. corall. elix. Vitriol. M. pulv. stomach. elect. diacinam. Reg. nuc. in Ind. condit.* Et sic dysenterici intra tres septimanas ex integro restitui sunt, quo usque etiam a vino abstinere debuerunt, contenti *aqua cocta ex rad. tormentill. ras. C. C. obor. mastich. &c.* Quos invasit cum vomitu, hi pessime decubuerunt, & vix servati sunt, optime autem ipsis profuit *balsamum peruvian.* nec non *opobalsamum cum corall. rubr. exhibitum. Adstringentia*; sine præviis blandis *Laxantibus*, in initio & progressu morbi adhibita protraxerunt morbum, tormina exacerbaverunt, & post se ut plurimum *febres arthritides, podum tumores, lienterias* reliquerunt. *Opiata* hic fere omnem absolverunt paginam, imo fateri debeo, me fere nullum dysentericum sine frequentiori exhibitione *laud. de trib.* commodè restituere potuisse; exhiberi autem debuit, antequam dysenteria fuit confumata & plane ulcerosa, aut vasa majuscula exesa, aut sensus doloris jam periit. *Mense Augusto* frequentes habuimus *rheumatismos ad brachia, scapulas, femora, lumbos, coxas* productos, sine ulla rubedine, multo minus tumore, non tam articulis, quam musculorum interstitiis firmissime & diutissime inhaerentes, cum motus impotentia, doloribus lancinantibus, profundis, fixis, qui noctu exacerbati somnum impediverunt: infirmi enim loco moveri nequiverunt, & quo statu fere primo jacuerunt ac decubuerunt, in eodem manere debuerunt, & sine cruciatu ac vehementi dolore vix moveri aut attingi potuerunt; adfuit simul tensio & caloris acriusculi sensatio cum pulsu frequenti. Vulgus hunc affectum nominare solet *delapsum catarrhorum a capite, es ist ein Fluss im Arm oder Fuß gefallen*. Statuendum potius rheumatismum provenire a sero aut lymphæ acriori, stautenta, retrogrado motu impedito, in specialem aliquam membranosam, tendinosam, nerveam & musculosam partem delabente, ibique stasin patiente, & partes fibrosas, nerveas tendente, easque tristi sensu vellicante. *Arthritis Vaga* hoc anno frequens fuit. Invasit homines prævio horrore instar febris, membranosas ac musculosas articulorum partes dolore, rubore, tumore & movendi impotentia corripuit, vagabunda fuit & ambulatoria, modo hanc, modo illam invasit partem, nulla tamen loco ultra 48. horas fixa mansit, remissionem sæpe, relicto solum tumore, simulavit, at opinione citius, imo vehementius rediit, & priorem locum occupavit, imo memoratu digna in plerisque fuit paroxysmorum invasio dolorumque motus, dum quo tempore humerum, carpum aut digitos dextræ manus, eodem tempore & genua sinistri pedis; & quo tempore sinistri brachii, eodem dextri pedis partes singulari alternatione & saltu dolorifico infestavit. Similiter hic peccavit serum, sine lymphæ acido acris, sed sale volatili intimius fœta, quæ ad perosteum, sive sensibilibissimas articulorum mobiliū membranas detrusa, eas distendit, vellicavit, ibique fixati spina infixi saviit. Cura *arthritidis Vagæ & rheumatismi*

matismi una eademque fuit. *Vena sectio*, nisi adfuit magna febrilis alteratio, intensior arteriarum pulsus, nec non præcordiorum compressio, nil profuit, vites potius abstulit. *Purgationes*, utpote turbationes & colligationes liquorum naturalium exasperarunt magis malum; reiteratus autem *enematum*, in primis *laxantium*, usus, v. gr. *Rec. pulv. hepat. ʒss. sal. cichor. acetosell. ʒ. gr. v. diagryd. sulphurat. gr. viij. fecul. ari. gr. iv. M. aut decoctum ex fol. sen. S. S. ʒij. rhabarb. ʒj. crem. tartar. in aqu. cichor. infus.* addita *manna* & aqua *cinnam.* summopere profuit, in primis si vespertino tempore *pulvis confortans* sequens exhibitus fuit: *Recip. pulv. analept. ʒss. epilept. gr. viij. lap. cancr. præp. gr. viij. laud. de trib. gr. ʒ. M. opiatorum* enim vires hic summe prædicandæ sunt, morbi quidem causam non tollunt, somnum tamen conciliant & dolores mitigant: non autem necessum fuit singulis diebus *opiatis* & *laxantibus* uti, dirigi & moderari potius pro re nata morbi que indole debuit cura. Ab usu *sudoriferorum* nunquam felicem vidi successum. Post inunctionem *spirituosorum*, v. gr. *spir. vin. camph. formic. sal. armoniac. junip. lumbric.* &c. semper notavi dolores osteocopos, adeoque abstinendum fuit a *spirituosis*, nec non *unguinosis*, *emplasticis*. Optime autem, in primis sub finem morbi, profuerunt *Thermæ Badenses*, aut *balnea acidularum*, imo in ipso morbo *balnea ex aqua dulci cum hordeo* parata. Atque hac methodo tractari felicissime intra 20. aut ad summum, si copia peccavit materia, 40. dies restituti sunt. *Febres* his temporibus habuimus frequentes, quæ utut prima die tragœdiam a pandiculatione, oscitatione, languore, frigore, mox calore satis intenso auspicate sunt, cum subsequente secunda die apyrexia, speciem *intermittentis* simulante; supervenientes tamen paroxysmi, qui fuerunt cum languore, pulsu magno, exacerbatione caloris aliorumque symptomatum, confirmarunt intermissionem illam fuisse dolosam, & latuisse sub hoc cinere ignem *continuarum febrium*, nec non *malignitatem* ipsam. Ex post enim videbantur quandoque, in primis mane, remittere calores, nunquam autem intermiserunt. Crescente morbo, creverunt symptomata, imo convulsiones in statu morbi notavi frequentes. *Deliria serotina*, v. gr. die 11. 12. supervenientia semper fuerunt *exitiosa*. *Febres* hæc more *continuarum Vene sectione* in principio *diaphoreticis*, *bezoardicis*, *confortantibus* tractari debuerunt. Ultimis tribus mensibus, præter *febres tertianas*, *quartanas*, *catarrhos*, vix alii notabiles occurrerunt morbi.

Constitutio Epidemica Sempronienfis Anni 1705.

Quo clementior anno præterito fuit aeris constitutio, eo rigidior sub ingressum anni 1705. comparuit cœli temperies. *Januarius* quippe incipit gelu congelare aquas, imo continuavit frigus toto hoc mense sine remissione, nives ceciderunt paucæ, & spirans Euronotus induxit siccitatem. Nec mitior fuit *Februarius*, quin frigore & gelu longe rigidior, sine ullis nivibus. *Martius* illuxit gratiosa serenitate, & exoptato calore, sed quinta nives ceciderunt magnæ, sexta frigus, quod ad 12. usque duravit diem; circa *æquinotium vernale*, spirante aere meridionali, frequentiores habuimus pluvias, fructiferas, quas serena, calida mox inseguta sunt tempora, adeoque *Martius* ut plurimum siccus exitit. *Aprilis* varias sustinuit ventorum mutationes, & frequentiores, vix non quotidianas, in primis circa finem, pluvias, oblectamenta vernalia inhibentes; imo & *Majus* fuit valde inamœnus, frigidus totus, excepto uno aut altro die, pluviosus. Continuavit pluviosa & frigida hæc aeris constitutio ultra *medium Junii*: unde non mirum, uvas circa festum Viti nec dum florere incæpisse. Circa *solstitium æstivum* temperatior aura & calores desiderati demum redierunt. Morbi, qui in hoc semestre inciderunt, erant varii. In *Januario* & *Februario* continuarunt *febres quartanae*, quæ tamen, uno vel altero *Laxativo* adhibito, nec non *chinatis medicamentis cum arcano duplicato*, præter morem ut plurimum superari potuerunt, neque ullam labem post se reliquerunt. Frequentes erat *rheumatismi in pedibus*, *manibus*, *scapulis*, *lumbis*, cum dolore acerbissimo, sine inflammatione, sine tumore; hi *diaphoretica* sustinere non potuerunt, sed solis *temperatioribus cholagogis*, v. gr. *infusis ex manna, fol. senn. tartaro*, cum aqua *cichor.* &c. *clysteribus*, præ-

cipitantibus, nec non *balneis hordeaceis*, & pro renata, in summa dolorum exacerbatione, *grano dimidio laudani de tribus*, tractari voluerunt. *Catarrhos* habuimus copiosos, qui in *febres degenerarunt continuas*, non adeo funestas. Servati enim omnes sunt, qui statim ab initio adhibuerunt *Alexipharmaca*, eaque continuarunt. Mense *Februario* jam incæperunt *febres petechiales*, quæ *pleuritides* ab initio mentitæ sunt, incæperunt cum horrore levi, febre lenta, tussi sicca, dolore in pectoris regione, ad scapulas, claviculas ascendente, cum molestia ægri, si in partem sanam decumbere voluit; assumptis autem *sudoriferis* evanuerunt dolores, & quarta, imo in plerisque septima demum eruperunt maculæ. In aliis simularunt *febres intermittentes*. Sic in Virgine quadam XVI. annorum, sanguineo-phlegmatica, tunc temporis ordinario mensium fluxu laborante, notavi tres paroxysmos, more *febris quotidiana intermittens*, mane cum horripilatione, subsequo calore, circa vespertum intermittente, dolore capitis gravativo, siti, lassitudine &c. quotidie recurrentes, quarto calores continuos, prioribus longe intensiores, nec non eruptionem macularum, septima hæmorrhagiam narium sat largam, decima deliria blanda, manuum tremores, linguæ ac faucium ariditatem molestam, 12. 13. novam copiosorum exanthematum, prioribus jam evanescentibus, eruptionem; & ecce 16. morbi die, non obstante hæmorrhagia, quæ ex alleviatione morbi judicabatur critica, septima oborta, obiit. Maximam *malignitatem* exanthematica hæc febris in recessu gessit mense *Martio*, *Aprili*. Incæpit cum horripilatione, calor in sanguineo phlegmaticis, quorum sanguis sero viscido abundat, mitis, sed subdolosus; in sanguineis intensior, adfuit languor totius corporis, mox subita virium prostratio, membris quasi lassitudine fractis, aut contusis, sitis non adeo magna, nausea, vomitus, pulsus naturali fere similis, unde magis de languore, quam calore, conquesti sunt; sexta aut septima æstus invaluit, atque malignitatem suam sequentibus diebus prodidit, supervenientibus gravioribus symptomatibus, utpote exanthematum eruptione, cardialgia, pulsu celeri, frequenti, vigiliis, vehementissimis capitis doloribus, deliriis, motibus convulsivis, linguæ ariditate & fissuris &c. *Vene sectiones* prima aut altera die institutæ, nec non repetitæ valde profuerunt, serotinæ omnes nocuerunt. *Laxativa*, etiam sub initium morbi exhibita, rejicienda fuerunt, & memini in his *exanthemata longe latiora* prodidisse, quam in aliis, eosque gravissimis symptomatibus, *tremoribus* nempe *totius corporis*, *deliriis furiosis*, tandem, *aphonia*, *convulsionibus epilepticis*, tentatos fuisse, omnesque satis occubuisse: *clysteriis ex humectantibus & emollientibus* confectis, nec non *suppositoriis* alvum adstrictam commodissime referare potuimus. Cura methodica maxime dirigi debuit ad vires, quæ conservari, ad humorum fervorem, qui contemperari, ad malignitatem, quæ corrigi debuerunt. Præstitimus hoc *blandis diaphoreticis*, *bezoardicis*, *cordialibus*, v. gr. *pulv. alexit. spec. de hyacinth. C. C. philos. pulv. analept. lap. bezoard. orient. antimonium diaphoretic. unicorn. mar. conf. alkerim. mag. perlar. orient. &c.* exhibito singulo octiduo pulvere uno, aut potiuncula. Sic corpus mansit perspirabile, sanguini sua constitit systasis & crasis, atque malignitas exuperata fuit. A medicamentis *spirituosis*, *volatilibus*, *bezoardicis fortioribus*, *calidis*, quæ in hoc casu magis obsuissent, jam a longo tempore in his calidis oris expertus sum, studio abstinui. Vinum omnibus interdixi, *aquam solam ex rad. scorz. ras. C. C. ebor. sem. anis. &c.* concedens. Acutissimos capitis dolores *Vesicatoria* nuchæ apposita sustulerunt. Sæviit vehementer hic morbus æque in adultos, atque gravidas. Sic binas habui, harum una, tertia morbi die, gemellos vivos, nondum maturos, octimestres, qui intra aliquot dies mortui sunt, peperit; altera sexta morbi die filium æque octimestrem, qui sex diebus vixit, enixa est. Fortior hic sine dubio sanguinis motio & rarefactio, qua apertæ & laxatæ sunt viæ, partus hos acceleravit, inde puerperæ valde debilitatæ, sed solis *confortantibus*, *analepticis*, *bezoardicis blandissimis*, aliisque pro morbi & symptomatum exigentia remixtis, tractatæ, binæ die XV. exarserunt ex morbo hoc gravissimo. Legitima enim

& ma-

& matura medicamentorum applicatio omnibus salutaris fuit, secus, qui a principio neglexerunt remedia. Sic inter alios novi mercatorem, Silesitam, eadem febre detentum, qui fere omnia respuit medicamenta, tandem delirio phrenetico correptus in lecto vix derineri potuit, die 12. demum prodierunt exanthemata, indubia mortis die 14. morbi subsecutæ indicia. In alio pauperulo *petechialis febre* extrema laborante notavi in dorso, brachiis, pedibus, naribus quam plurima *ulcuscula*, elevata, dura, cum intenso dolore, inflammatione, ad instar furunculorum, ichore plena, sed tubercula illa ulcerosa valde fuerunt maligna, naturam *anthracum* æmulantia; caro enim in circuitu inflammata, tandem sphacelata & corrosa, ubique tota excidit, adhibitis tamen *expellentibus*, *Alexipharmacis* & *mundificantibus externis*, præter omnium spem sanitati pristinae restitutus est. Caterum multiplici experientia edoctus ingenue fateor, etiamsi omnia signa sefellerunt, me tamen sequentia in prognosi nunquam decepisse: deprehendens nempe in tangendo pulsu *contractionem aut subsultum tendinum*, pro certo mortem prædicere potui. Sic ex *lingua ariditate*, *fissuris*, *asperitate*, *scabritie*, *siccitate*, quasi lignum attingeres, *nigredine*, in primis, si retorrido calore cum vicinis faucibus aruit, aut *crusta quadam nigra obducta*, quæ licet *sapius os fricando & colluendo deterfa*, statim tamen *novam pullulavit*, infallibile summæ interiorum partium inflammationis & siderationis, nec non mortis augurium habuimus. Lingua enim etiam in minima inflammationis suspitione statim resiccare incipit, & crescente inflammatione crescit pariter & siccitas linguæ. Hoc morbi stadium sæpe ultra XV. morbi diem fuit protensum, aliquando felici, aliquando funesto eventu. Sic memini quosdam 16. alios 18. imo 22. demum morbi die fuisse extinctos, alios jam integre restitutos ex levissima causa & errore diætæ *recidivam* reportasse, quæ tandem, inflammatis glandulis in pectore, in primis pulmonibus sitis & exulceratis, in *hecticos* degeneravit *calores*, longo tamen *medicamentorum pectoralium* usu superabiles. Mense *Majo* febres *petechiales* defavuerunt, & evaserunt ex his omnes, qui ex methodo tractati sunt. Eodem tempore *læterus* frequens fuit, qui flavo suo colore deturpavit totum corporis habitum, speciatim vero oculorum politum ebur, nec non tempora. Conquesti sunt de pruritu in cute, maxime dorso, de caloribus transitoriis, lassitudine ulcerosa, doloribus capitis, somniis turbulentis, intensissima siti, inappetentia, oris amaritudine. Alvus plus solito adstrictior, & quæ exierunt excrementa, penitus albescentia, pauca, viscida, urina crassa, turbida, subnigra, in superficie oleaginosa, crocea fuerunt. Utrique hic fuit obstructio tubulorum biliferorum, a viscida lymphâ hepatis & acinorum glandulorum, nec non saburra tartarea proveniens: inde bilis ab acido fixiori plus minus austero, torpidior & spissior reddita, in motu suo impedita, neque per destinatos canales, tum ad vesiculam, tum per ductum cysticum in ductum choledochum ad intestina delapsa, potius resistans, in venæ cavæ propagines, tanquam fontes suos recessisse, ibique serum cum sanguine, & exinde productos humores, nutritioni & excretioni dicatos, citrino suo colore infecisse necessum fuit. *Martialia*, *rhabarbarina*, *aperientia* non solum ductus illos obstructos feliciter referarunt, sed & bilem peccantem, atque jam ad habitum corporis delatam eduxerunt per epicrasin, v. gr. *pulv. hepat. cachect. croc. mart. aperit. cum salibus; rhabarb. Alex. spir. sal. acetosell. absinth. cichor. tartar. vitriolat. arcan. dupl. rad. curcum. &c.* additis pro re nata, & quidem optimo cum successu, aliquando *granis aliquot diagrydii*. Mense *Junio* continuarunt adhuc febres *continua*, sed fuerunt valde *benignæ*. Jam incæperunt *tertiana*, *quartana*, curatu tamen faciles. *Julius* incæpit cum caloribus, subinde tamen nubibus exasperatum cælum, in primis die 19. & sequentibus aliquot diebus, flante Borea, frigidam effudit pluviam. Cum Sirii ortu etiam exorti sunt calores, qui cum insolito & vix tolerabili aeris fervore usque post ejus occasum, imo toto mense *Augusto*, sine ulla alternatione, continuarunt, excepto XIX. Augusti, quo cum imbris, tonitribus & fulgure grandines per

mediam horam deciderunt copiosissimi, quæ promontoria nostra fere omnia destruxerunt. Totus *Septembris* aut ventosus, aut frigidus, aut pluviosus fuit, adeo, ut vix quatuor dies sereni toto mense numerari potuissent. *October* extitit amœnus, calidus, siccus, & quamplurimum contulit ad maturitatem uvarum, quæ alioquin immaturæ mansissent. Hinc vinum nec quantitate, nec qualitate laudabile crevit. *Novembris* initium ventosum, utcumque siccum fuit, progressus ad finem usque pulcherrimus, serenus, calidus. Sub initium *Decembris* apparuerunt hyemis indicia, nubibus & nebulis aer turbidus, frigidus, mox insecta est amœna, serena sine nivibus tempestas, ad finem mensis durans, nobis quidem grata, sed ob hostium furorem valde infausta, ferrea & ignea. Tumultuantes enim Hungari die 24. Decembris civitatem nostram arctiori obsidione cinxerunt, eamque circa prandium ex monte Leonhardi globis ignitis continuo ex machinis bellicis majoribus explosis invaserunt. Primam stragem sustinuerunt suburbia (non exclusis V. domibus in civitate interiori existentibus,) quibus flammea hæc procella, aut diversa incendia sacram Christo nascenti noctem in funestam cinerum diem verterunt. Die Nativitatis CHRISTI ignitis suis globis nova incendia facere, atque residuum in cineres redigere, sed frustra, tentarunt; pilis autem suis majoribus ignitiis, *Bomben*, ingens damnum ædificiis intulerunt; tandem biduo post, se infecta, discesserunt. His temporibus, mense nempe *Julio*, *Augusto*, *Septembri*, *Decembri*, adhuc continuarunt febres *continua*, *petechiales*, & notavi inter alia honestas duas scæminas, sorores; quarum una mense *Augusto* febre *exanthematica* laborans, die X. morbi acquisivit frequentem *diarrhœam* cum torminibus & doloribus inflammatoriis, vigiliis continuis, caloribus intensissimis, die XII. extrema, sudore resolutivo perfusa, etiamsi de æstu gravissimo, potius anxietatibus, conquesta fuit, frixerunt, 13. mortua. Latuit hic sine dubio *intestinorum sphacelus*. Altera soror mense *Septembri* eadem febre *petechiali* correpta, sumpsit sub initium morbi, nil mali suspicans, ante macularum eruptionem, nescio cujus suavis, *Laxativum*, die 10. incæpit delirare, adhibitis tamen adhibendis, die 17. calores remiserunt, & mens rediit, imo jam periculum evasisse ab omnibus judicata fuit; die 19. morbi in *femore pedis sinistri* ex insperato prorupit *macula nigerrima crustacea*, *instar anthracis*, magnitudine duplicis grossi, quæ igneo suo fervore latius sese diffudit, carnem subditam exussit, atque die 21. pauperulam e medio viventium sustulit. Mense *Decembri* in alia scæmina 46. annorum observavi easdem *masculas petechiales* tertia jam die prodeuntes, valde *latas*, non obstante *Vena sectione* secunda morbi die administrata, tertia incæpit delirare, quarta obiit. In his casibus utique peculiaris sanguinis corruptio, & singularis malignitas supponi debuit. Mense *Augusto* ex flagrantissimo sole aerisque siccitate ortæ sunt *diarrhœæ*, *dysenteria* cum tenesmo, vomitibus, siti, doloribus abdominis; ut plurimum conjuncti fuerunt calores, inde methodo ordinaria tractari non potuerunt, quin potius *alexipharmacis*, v. gr. *terr. sigillat. Japon. bol. arm. theriac. cæl. spec. de gemm. frig.* curam aggredi debuimus. Ubi nullus adfuit calor, ibi optime profuerunt *blande educentia*, in primis *rhabarb. tostum cum myrobalan. citr.* aut *aqua laxativa ipsa cum aqua cinnamom.* sub initium exhibita, aut *clysteres abstergentes ex hord. cap. vervec. lacte &c.* frequenter applicari. Materiam adhuc resistentem acrem, austera, acidam, urentem feliciter deinceps *absorbentibus*, *adstringentibus*, ac *incrassantibus*, v. gr. *corall. rubr. alabastr. torr. jap. sigillat. crySTALL. mont. &c.* correximus. Sic multum præstitit *opobalsamum*, nec non *oleum nucistæ* interne exhibitum; non minorem utilitatem attulit *Cataplasma* toti abdomini applicatum: *Recip. pulv. centinod. burs. pastor. ā. mss. fol. rosar. rubr. balaustr. ana ʒiij. diacydoniat. cum spec. ʒss. nuc. mosch. n. ij. mastich. ʒj. caryoph. ʒj. F. Cataplasma*, adde *ol. myrtin. cydon. mastich. ā. ʒj. M.* Hoc mense *erysipelata* frequentissima fuerunt, sed uno vel altero *sudorifero* exhibitio extincta. Nec his mensibus contigerunt febres *quotidiana*, *tertiana*, *quartana*, quæ circa finem mensis *Octobris* valde *contumaces* extiterunt, se-

nihilque funestæ. Præter alios affectus, *rheumatismos* nempe, *catarrhos*, *podagricos dolores*, *odontalgias* &c. sequentem notavi casum. Hæc matrona, annorum 45. multarum prolium mater, circa finem mensis *Novembris*, prægressis jam a longo tempore spasmodicis digitorum manus sinistrae, agonizantem puellam in vicinia visitans, eamque morientem conspiciens, valde perterrita concidit *epileptica*, deportata domum, & in lectum illata tandem ad se rediit præteritorum fere inscicia. Ad ipsam vocatus nil intentatum reliqui, aperui *venam in brachio dextro*, ordinavi clysteres, dedi *antepileptica*, v.g. *pulv. epilept. spec. cephal. M. castoreum unicorn. mar. ungu. alc. cran. human. aqu. hirund. c. castor. epilept. L. &c.* affectum tamen curatius perpendens deprehendi spasmus, vel potius pulsum & subsultum magnum in medio, annulari & auriculari digito sinistrae manus, ubi frequenter & fere indefinenter illorum extremitates ad volam manus retractæ sunt; bihorio elapso majorem persensit in prædictis digitis subsultum, mox paroxysmum epilepticum; adeoque celer motus tendinum veluti subsultorius, instar pulsus ordinarii, indubitatum instantis paroxysmi fuit præsagium. Sensit autem inscietas exacerbationes omnes manifestam originem traxisse ex extremitatibus trium digitorum sinistrae manus, indeque in momento, quasi volando, auram quandam ascendisse per brachium ad caput, affectoque cerebro, pars corporis sinistri variis moribus valde agitata & concussa fuit, pes tremuit, oculos contorsit, spumeum quiddam circa os apparuit, reflexo capite versus dorsum, adfuit simul omnium sensuum perturbatio. Dira hæc symptomata, si remiserunt, durarunt autem quandoque uno horæ quadrante, quandoque brevius, ægra tandem sopore quasi oppressa jacuit, mox gravi suspirio ad se rediit horum omnium inscicia, atque solum de gravitate capitis ac lassitudine membrorum conquesta est, ut plurimum, finito paroxysmo, modicum sanguinis ex nimio motu convulsivo in pulmonibus extravasati, ore rejecit. Sæpe velut ab utero suffocata rubebat insigniter, cum lassitudine quadam ac sensum oborientis febriculæ rudimento. Non quidem continenter horrendo hoc symptomate, sed interpolatis vicibus, modo serius, modo ocus aliquando quotidie, aliquando tota septimana semel, commiseratione digna exagitata fuit, prout venenata hæc materia vel citius, vel tardius, auram suam subtilem, vel spiritus suos volatiles emisit, qui in cerebrum delati irritando sensiles ac nerveas fibrillas celerem illam, inordinatam & involuntariam concussionem membrorum, cum conspicua mentis labe, ac terribili nervorum contractione illius potissimum corporis partis, ex qua malignus vapor speciatim in cerebrum fuit mandatus conciliarunt, miseram nostram, si extra lectum fuit, cadere fecerunt. Malum hoc necdum radicatum quo ex toto tolleretur, nihil non tentatum fuit, cum per *cathartica*, v.g. *pil. coch. de succin. Cr. extr. castor. cum sir. de cichor. c. rhah. &c.* tum per *Vescatorium*, ad eliciendam materiam peccantem, regioni carpi impositum. Carpum deinde arctiori vinculo circumligari curavimus. Interne quotidie mane sumpsit *pulveres epilepticos ex pulv. epilept. M. gr. viij. mag. cran. hum. gr. v. ungu. alc. præp. gr. vij. unicorn. mar. gr. iv. pulv. castor. gr. v.* vesperi vero mixturæ sequentis guttas 30. *Rec. Elix. uterin. Cr. eff. succin. sal. volat. oleos. ā. 3j. M.* his continuatis remiserunt symptomata, non tamen ex toto cessarunt. Unde sanguinem *cruciatim* ex brachio nempe dextro, & pede sinistro simul & semel detrahi curavi, tandemque *mistur. simpl. cum elix. uterin. Cr. & eff. anod.* exhibui, quorum beneficio malum hoc potissimum, una cum motu tendinum subsultorio in digitis intra menses devictum fuit. Pro roboratione membrorum & nervosarum partium, nec non avertendo recidivæ metu, ablegavi ipsam mense *Majo* sequentis anni ad *Thermas Badavino-Austriacas*, & quidem optimo successu. Pristinam enim recuperavit sanitatem. Thermas autem quotannis visitare debet, quod licet deinceps non observaverit, nullum tamen similis morbi indicium per multos annos amplius in conspectum prodiit. Et hæc dicta sunt de morbis, qui hoc anno apud nos observati sunt.

Constitutio Epidemica Sempronienfis Anni 1706.

CRedidisses præteriti anni exitu & ferocientium hostium abitu, nos jam calamitatibus, molestiis, periculis vacuos, furoremque hostium erga nos in lenitatem esse conversum. Sed ecce illorum furor mox abiit in rabiem. Cogitantes enim de nostro interitu & civitatis exitio, d. 2. *Januarii* ad pristinam stationem redierunt majoribus machinis, mortariis pluribus & requisitis bellicis probe instructi; 3. die *Januar.* summo mane, continuis tormentorum & pilarum jactibus tam ardentem ædificia pulsarunt, ut fulmina & fulgura de cælo descendisse putasses, imo sparso missilium flammæ imbre nova incendia excitarunt, & quam plurima civium ædificia immensi grandine quassata destruxerunt. Sed cum hostes vidissent, se continuo machinarum bellicarum boatu & fragore inconcussam civium fidem & constantiam nequam evertere posse, sexto *Januarii*, summo mane, trino agmine & magno impetu mœnia invaserunt, admotisque quamplurimis scalis, nec non globulis quamplurimis manu injectis, mœnium fastigia, quæ jam attigerunt, transcendissent, nisi nostrorum Civium & inhabitatorum pectora pro muro fuissent, atque continuis scloporum explosionibus, nec non clavis præferratis permultos de muro in subjectas fossas præcipitassent, hostesque pedem, relictis centenis & ultra mortuis, in pristinam suam stationem referre coegissent. Hostis itaque invictam civium constantiam jam expertus, adversis tempestatibus cæli quotidie magis magisque invalescentibus, die 10. *Januarii* obsidionem solvit, recessit, sed a longinquo nos cinxit. Cives interea insuetas in excubiis sub Jove frigido & humido per aliquot menses constanter continuant suas stationes, atque intrepide defenderunt sua mœnia. Alias hic *mensis* valde horridus fuit, frigore tamen quandoque remittente, placidior. Mollior aer sub initium *Februarii* observabatur in progressu remissum aliquod frigus, sub finem nives, subsequo frigore congelatæ. *Martii* ingressus rigidissimus subito cum sereniori ac blandiori aere commutabatur, circa *æquinotium* frequentes fuerunt pluviae, mox nives, mox varii ventorum tumultus, adeoque *Martius* non siccus, sed humidus exiit. *Aprilis* comparuit nivofus, mox tamen serenior & amœnior factus calore suo veris delicias produxit, languentes animos excitavit, & ad finem usque siccus ac calidus permansit; die 30. ingens tempestas cum fulgoribus & tonitribus oborta est, quam præcessit magna papilionum cohors occidentem versus volitans. *Majus* fere totus mane subfrigidus fuit, siccus, circa meridiem calidus, cum paucissimis pluviis. Toto *Junio* grata & exoptata habuimus tempora, calores intensos, sæpe venti, quandoque pluviae nocturnæ contemperant amœnissimæ. Medardi dies fuit serenissimus, & die Sancti Viti uvas in omnibus promontoriis jam destituisse notavimus, inde nostrates præcocem vindemiam augurari solent. Toto *Januario* morbi, præter *catarrhos*, hyemali tempore non infrequentes, nec non *quartanas*, nostris desideratas dederunt inducias. Sub initium *Februarii* febres notavimus *continuas*, malignitatis tamen expertes, *rheumatismos frequentes*, *biliosos*, *defluxiones seroso-biliosas in capite*, maxime *pone aures*, aliquando cum, aliquando sine tumore, cum modica febrili alteratione, summe dolorificas, *suffumigiis ex olibano & cataplasmatibus emollientibus* curatas. Continuarunt illæ in primis mense *Martio*, & invaserunt articulos maximo cum dolore, inflammatione, tumore, senibus, in primis podagricis, exitiosæ: in his rediit *podagra*, sed sine doloribus, quæ retrocedens materiam peccantem ad pectus transtulit, ibique *catarrhos lethales* excitavit. Sed miratu dignum fuit, quod præter hujus mensis indolem nullæ *febres continuæ*, exceptis paucis *catarrhalibus*, quæ senibus fuerunt funestæ, obortæ sint, cum tamen fœminæ cum prolibus suis, superioribus mensibus, maximum metum & terrorem ex turbis bellicis conceperint, & pro majori securitate diu noctuque squalida cellaria inhabitare debuerint, cives autem & incolæ omnes in excubiis quam maximos excessus sub Jove frigido, & hu-

& humido in vino commiserint, adeoque humores ad morbos generandos, aut suscipiendos disposuerint, in primis, cum absque hoc *Martius* sit humorum genitor, motorque dolorum. Beneficium hoc adscriptimus vino novo, quod præterito crevit anno, levissimo, claro, acido, tartaro crudo abundanti, diuretico: hoc potenter viscidam bilem diluit, solvit, eamque per alvum & utinam eduxit, adeoque sanitati nostræ valde proficuum fuit. Aliis annis vina hujus loci nova, ubi calore solis & cæli benignitate ad summam maturitatem pervenerunt, generosa ac potentia tartaro subtili scatent, oleosa sunt, & nec dum defæcata, largius hausta bilem a naturali sua crasi deficiunt, alcalicis suis particulis quammaxime sanguinem accendunt, visciditate autem sua hujus circulum retardant, toti corpori torporem inducunt, caput gravant, constipant, imo particulis suis hamosis salino volatiles maxime activas reprimunt, actiones animales simul lædunt, & varios morbos, in primis *febres continuas, malignas, petechiales* conciliare solent. Mense *Aprilii, Majo, Junio* repullularunt *febres continuæ, petechiales*, quandoque cum, quandoque sine malignitate, methodo tamen ordinaria feliciter eradicatæ. Inter alia notavi gratiosam filiolum quinquennem, *febre continua* correptam, cum maximis abdominis doloribus, torminibus, vix non convulsivis, & imminenti *epilepsia* metu; loqui nil potuit, dolorem autem ejulatu expressit, continuarunt calores sine ulla intermissione ad 12. diem. In horrendo illo ejulatu ob metum gravioris mali 11. & 12. morbi die dedi *laudan. de trib. gr. ss. cum pulv. epilept. M. castor. unicorn. mar. Δ. hirund. c. castor. &c.* laudabili cum successu & subsequuta quiete. Durante morbo, & 6. septimanis post morbum ne verbum eloqui potuit, licet omnia bene intellexerit, & linguam quaquaversum movere ac volutare, bibere, comedere, deglutire potuerit. Topica præscripsi varia, verbi gratia *unguentum ex conf. anacardin. ℥ij. alkerm. ℥j. extr. castor. gr. viij. ol. succin. gutt. iij.* pro illinitione, & frictione faucium, linguae & palati. Fomenta ex *infus. major. saliv. chamomill. hyssop. collo*, in primis laryngi frequenter applicuimus, donec interior laryngis rima a siccitate coarctata ac constricta, aliquantum iterum humectata officio suo fungi potuit, atque sensim & sensim, licet sub initium difficulter, verba articulata expressit. Humores biliosos ex abdomine ad musculos laryngis, inque nervos vocales, metastasi facta, delatos, præter calorem febrilem, interiorem laryngis rimam arefacientem, eosdem affecisse, conjiciendum ex prægressis vehementissimis, vix non convulsivis, abdominis doloribus, in tempore consopitis. Iisdem temporibus observavi in filiolo sexenni *calores continuos* sine ulla intermissione, vix remissione, ad 30. diem & ultra, non obstante legitima medicamentorum administratione, extensos, adeoque non sine malignitate, tandem tamen feliciter superatos. His mensibus *rheumatismos & arthritides vagas* notavimus frequentes, methodo autem nostra superius tradita mox profligatas. Mensis *Julius* fuit æstuosissimus, noctes præter morem calidæ, sine ullis fere pluviis: die 16. cælum opacis & atris nubibus de subito exasperatum, effudit imbrem largissimum cum tonitribus; in vicina cum grandinibus insolitis, maximo *Rustensium vinearum* damno. Subingressum solis in leonem, nisi quandoque grati spirassent etesiae, calores vix fuissent tolerabiles; tandem ultima hujus, prægressis noctu crebris tonitribus nec non fulguribus, gratiosa ac tepida superveniens pluvia cum amœnissimis & subfrigidis ventis ingentissimum auræ calorem contemperavit, terram refocillavit, & omnia recreavit. In *Augusto* terra per totum mensis cursum fervido solis calore fovebatur, subinde tamen nocturno tempore tepidis pluviis animabatur, inde jam sub initium hujus mensis maturas habuimus uvas. *Egidii dies* mira & exoptata illuxit serenitate, & serenavit totum mensem exceptis 17. 18. diebus, qui fuerunt frigidi, ventosi, pluviosi. Per *Octobrem* totum eadem gratiosa serenitas, siccitas & æstus amœnus duravit, cum nebulis maturinis, solis splendore discussis, exceptis 6. 7. & 8. diebus, qui sparserunt pluvias. Hinc vicum crevit generosissimum. Secunda *Novembris* primam denum notavimus pruam, & continuarent amœnissima, calida illa tempo-

ra, præter ætatis anni morem; toto mense, nisi quod 14. 15. intervenerint pluviæ, & 24. nives ceciderint ingentes, sequenti tamen die liquefactæ. Eadem cæli tempestas continua, serena nempe, calida, aliquando nebulosa fuit usque ad 17. diem *Decemb. 18. vero, 19. pluviosa*, nec non nivosa; die 20. ingruit gelu, quod post biduum remisit, reliquis diebus pluviæ, nebulae, venti ac calores alternarunt, quæ tempestas, prædominante calore circa Natalitia, *pyrorum flores & turiones sambucinos* elicit. Mensibus æstivis omnis generis *febres*, quæ *continuas* mentitæ sunt, nobisque ab initio imposuerunt. Invaserunt hæc cum horripilatione vix sensibili, insequente calore, ultra 30. horas durante, cum vehementi siti, capitis dolore, vigiliis, vomitibus, præcordiorum angustia, anxietatibus, virium prostratione, linguae ac faucium squalore, ita ut *febrem continuam* fore metuerim; adhibita tamen *Vena sectione* in brachio, & repetita in pede, exhibitoque uno vel altero *sudorifero*, remisit calor, & tertio aut quarto die ut plurimum in *intermittentem tertianam duplicem* terminavit; ast inter apyrexiam & paroxysmum brevissimum fuit intervallum, imo, saltem aliquot interjectis horis, nova *febris*, sine ullo frigore, accessio, & quasi composita ex *tertiana & quotidiana*, altera autem *levior* typum *quotidianæ* referens. Ante paroxysmum dedi *antifebrilia ex salibus, arcan. dupl. cort. chin. lap. cancr. &c.* in caloribus vero diuturnis, ob metum latentis malignitatis, nec non ingentem debilitatem, *blanda diaphoretica*, utpote *lap. bez. orient. pulv. analapt. M. C. C. philosoph. magist. perlar. conf. alkerm. &c.* aliquando, in primis ubi *capitis dolores* fuerunt intensi, loco *antifebrilium* præscripsi *spirit. sudoris. ℥j. cum spirit. anod. ℥ss.* & quidem laudabili successu: non enim tantum dolores remiserunt, sed & paroxysmi febriles brevi cessarunt, & ut plurimum soluti sunt spatio 15. aut 21. dierum. *Febres tertianæ* circa hæc tempora fuerunt frequentes, sed adeo mites, ut post quintum aut sextum paroxysmum, adhibito *Laxativo*, nec non *antifebrilibus salibus* recesserint. Febris *continuis* corripiebantur permulti, sed sine gravioribus symptomatibus, & absolverunt jam die 15. suum cursum feliciter; hinc omnes servati, qui non incuria neglecti, sed methodo ordinaria tractati fuerunt. Mense *Julio, Augusto, Septembri, diarrhæa, dysenteria* ex radiorum solarium, æstu invaserunt quamplurimos, sine ætatis discrimine, cum maximis torminibus, tenesmo, dejectionibus copiosissimis, purulentis, cruentis. Principium curæ sumpsimus a *rhabarb. tost. myrobal. citrin.* aliquando ab *Aqualaxativa*, in primis si ventriculus cruditatibus labefactatus aut gravatus fuit, acrimoniam humorum temperavimus *absorbentibus*, v. g. *corallis rubris, terr. sigill. fl. ferr. crystall. mont. &c.* continuas dejectiones & dolores correximus *clysteriis ex decoct. hord. aut oryz. capit. vervec. vitell.* sæpe injectis, nec non *adstringentibus, incrassantibus, demulcentibus* sæpius exhibitis, v. gr. *pulv. dysent. Cr. nerr. catechu &c. mithridat. theriac. cæl. laudan. de trib.* imò fateri debeo, etiamsi singulis 5. aut 6. horis medicamenta *adstringentia* exhibuerim, me tamen sine *opiat*is nihil profecisse, adeoque *Laudanum de trib.* in accisa (refracta) dosi aliis additum & sæpe repetitum hic optimam tulisse opem. In quibusdam observavi neque hæc quicquam profuisse, quin potius infirmos aliquando evomuisse biliosa, indicio, ventriculum una cum primis viis, cruditatibus acerbis, biliosis, adeoque causa morbifica adhuc esse repletum, iis bis dedi *rad. Ipecacuanh.* & quidem pro dosi ℥ij. inde frequentiores habuerunt vomitus, pauciores dejectiones, quo facto, reliquum curæ *adstringentibus, incrassantibus, anodynis*, v. gr. sequenti *pulvere* aliquoties exhibitio, & singulis 6. horis repetito, *℥j. crystall. mont. corall. rubr. præp. terr. japon. ana gr. viij. theriac. cæl. gr. iij. iv. laudan. de trib. gr. ss. aliquando gr. j. M.* feliciter peractum fuit. Tres personas notavi, quæ, absumptis jam roscidis & balsamicis lymphæ particulis, spiculis autem acerbis, adeoque doloribus, auctis tandem, supervenientibus dejectionibus atris, cadaverosum odorem spirantibus, indolentibus, arduum refrigerationibus, mente ac sensu privata *gangrana & sphacelo intestinorum* obierunt. In alia matrona 5. diebus ante mortem præcessit singultus, omnem

omnem castorinorum & opiatorum efficaciam eludens, inflammationum & convulsionum internarum, nec non mortis imminenti prænunciis. Mense Octobri in scenam prodierunt morbi vitio *renum & vesicæ* orti. Sic in Perillustri quodam Domino, septuagenario, alias robusto, notavi *Ischuriam*, sive totalem urinæ suppressionem, ex calculo *renum* tubulos obstruente, natam. Aduerunt maximi dolores circa lumbos, vomitus frequentes, angustia & anxietates præcordiorum, obstinata alvi obstructio, nullus vesicæ tumor, nullus in pube dolor, nulla perinæ gravitas, nulli calores, imo pulsus naturali fere similis. Cathetere flexili sæpe immisso ne gutta urinæ extrahi, aut calculus in vesica latens deprehendi potuit. Adhibuimus sæpissime *clysteres emollientes*, balnea aqua dulcis una cum herb. *perosel. malv. parietar. chamomill. melilot. verbasco. stram. aven. &c.* unguenta pro inunctione lumborum, ex unguent. *rosac. ol. scorpi. Maith. succ. citr. præp. &c.* Interne fere quotidie dedi decoctum ex spec. *dialth. Fern. & aperitiv. For. cum sol. fenn. mechoacann.* quibus magnam serosorum humorum, alias ad renes tendentium, copiam per alvum eduximus, neguttam vero urinæ elicere potuimus. Potus ordinarius constabat ex spec. *dialth. Fern. & aperit. For. cum ras. C.C. sem. anis.* Ex diureticis, lithontripicis, pellentibus, sumpsit tint. *sal. tartar. spir. salis dulc. bals. sulphur. terebinth. succinat. sal. genist. ononid. fabar. spir. salis coagul. tartar. Vitriolat.* aliaque, imo pro exigentia symptomatum utpote vigiliarum, dolorum, etiam *laudan. de trib.* in refracta dosi, alvoque libera existente; pro corroboratione virium *confortantia*. Sic tandem septima morbi die robore naturæ moti sunt calculi ex renibus in ureteres, cum vehementi, lancinante, pungente dolore; ex his brevi delapsi in vesicam urinariam: patente jam exitu parum urinæ, non quidem sine dolore, emisit, mox una cum tribus lapillis, magnitudine fabarum, urinam suberuentam, sine dubio exaceratis vasculis a calculorum asperitate, excrevit, & post subnigram, tandem, & quidem abunde, pallidam, copiosa materia viscida, sabulosa refertam. Dolores statim post excretionem urinæ evanuerunt omnes, remanente solum lassitudine ulcerosa sensuumque torpore, donec vires suas deperditas recollegit, atque ex integro convaluit. In aliis eodem tempore observavi summum *urinæ ardorem*, ubi quidem fere nullus urinæ fuit defectus, maximus tamen dolor, & in urethra ignea quasi rosio. In aliis *Stranguriam* animadverti, ubi continuus fuit ad mingendum stimulus, nihil tamen, nisi una vel altera gutta effluxit. His omnibus feliciter medebamur decocto *aperit. For. dialth. Fern. cum. sol. fenn. clysteris*, nec non *topicis, balneis*, aliisque superius allegatis. Inter morbos illius temporis etiam occurrit *Passio iliaca*. Hac corripiebatur quidam Vir Juvenis, *hernia scrotali* jam ab aliquo tempore laborans, alvi nempe contumacissima obstructio, vomitibus frequentissimis, doloribus circa umbilicum summis, instituta autem repositione, nec non adhibitis crebrioribus *enematibus*, *aquis laxantibus*, *cataplasmatibus ex decoctis emollientibus*, alvus stimulata sui officii memor copiose excrementa reddidit, evanuerunt dolores, nec non Vomitus, imo jam periculum evasisse ab omnibus judicatus fuit. Sed ecce, diebus aliquot elapsis, nescio quo errore commisso, in eundem morbum recidens, accedenti febre, vomitibus stercoreis, obstinata alvi constipatione, sudore frigido in extremis, doloribus atrocissimis, delirio, singultu, virium languore, & ultima die dejectionibus spontaneis, septima recidivæ die, remediis prioribus nunc nihil proficientibus, extinctus est. Jam addam, quæ de *immodico hemorrhoidum fluxu* notavi. Fuit Vir quinquagenarius, artis pharmaceuticæ peritissimus, ex familia, cujus indigenis masculis hic affectus quasi proprius, ortus. Is jam in ætate sua juvenili fluxum hunc sanguineum expertus est, qui si statis & definitis temporibus, singulis nempe mensibus, moderate rediit, sanitati quam maxime profuit; si vero ex voto non successit, statim toti corpori languorem induxit, intestinis tormina, gravitatem circa os sacrum, calores febriles quasi continuos, biliosas capitis defluxiones, oculorum inflammationes &c. conciliavit. In ætate virili sanguis non amplius moderate ad uncias, sicuti ante, & menstruatim, nescio qua san-

Supplem. ad Sydenham.

guinis acrimonia aut viarum laxitate, non periodice, sed singulis fere septimanis, ad libras manavit cum notabili virium dejectione, faciei colore ad viriditatem inclinante, gravitate in coxis, in cruribus magna debilitate, ut vix incedere potuerit. Sisti cito hic fluxus non debuit; sanguis enim statim regurgitavit ad pectus, & *anxietates præcordiorum, respirationem difficilem, palpitationes cordis* induxit. Cum vero immodicus hic fluxus latentem hæcenus *cachochymiam*, nec non acridinem & falsedinem sanguinis insignem prodiderit, imo aut *hydrops*, aut *phthisis*, aut *apoplexia* exinde metuenda, & vires jam labantes medelam urserint, suasi omnino in brachio *Vene sectionem, roborantia & temperantia, acidula*, bilem acrem, lentam, rosivam corrigentia, & per epicrasin educientia, v. gr. *Tinct. rosar. corall. mart. aperit. c. succ. oxalid. M. Tinct. seri lact. caprin. cum tamarind. & rhabarb. fact. pulv. hepat. sal. cichor. grana granatorum acidorum succulenta*, quæ masticavit ejusque succum deglutivit, *pulv. cachect. Qu. lap. cancr. crud. smaragd. præp. corall. mag. perlar. emulsione ex sem. frig. cum decoct. hord. & julep. rosac. fact. nitriosa ipsa, compos. Sperniol. Cr.* quibus ebullitionem in sanguine nimiam compescuimus; fluxum vero immodicum blandis adstringentibus cohibuimus, v. gr. *Tinct. mart. adstring. lap. hematit. ess. traumat. sir. de ros. siccis, myrtill. trochisc. de spod. carab. eroc. mart. adstring. dent. eq. mar. f. hippopotam. succo urtica express. & depur. infusa millefol. sanguisorbe, vino rubro ex infuscarn. cotoneorum*, aliisque in primis topicis, v. gr. *unguento Comitisse*, quo inungi debuerunt hæmorrhoides, & dorsum, aut aliis formentis, linimentis & fotibus ex succ. *plantag. burs. pastor. verbasco. sangu. dracon. thur. terr. sigill. rad. bistort. tormentill. &c. it. vernice*, in qua intinctus fuit pannus lineus & cum ol. *rosar.* admotus. *Polygonum*, utpote singulare & decantatum eupotiston, sub axillis frequenter gestavit. Observari autem diligenter debuit, ne alvus plus solito adstricta fuerit. Hac igitur methodo symptomaticas excretiones temperavimus, atque Pharmacopæum nostrum ad multos annos conservavimus; donec tandem mœrore animi confectus, & viribus jam exhaustus placidissime obiit. Mense Decembri luctuosa *epilepsia* notavi phenomena. Puer octennis noctu hora xii. in aream mixtum exiens spectrum ibi perspicit, horrore ac terrore plenus summo cum angere & clamore in hypocaustum & lectum veluti furatus rediit. Vix sese ad quietem componens tentabatur horrore, sudore frigido, affectibus convulsivis. Mane accersitus deprehendi inordinatam ac involuntariam membrorum concussionem, modo cessantem, modo redeuntem. Affectus hic indies invaluit, & secutæ sunt brevi gravissimæ convulsionες nervosi generis, genarum laborumque terribiles spasmi, adfuit continuus digitorum, velut aliquid comprehendentium, lusus, contumacissima alvi adstrictio, nulla spuma circa os, oculi manserunt aperti & irretorti, respiratio libera, oris autem distortio enormi, largo risu mox superveniente; dentes valde coierunt, ut pro infundendis cibis liquidis & medicamentis, instrumento aperiri debuerint, articulata vox perire, & nil, nisi clamor remansit, mentis operatio defecit, nec sensu, nec memoria alicujus rei extitit, sedere, stare, ambulare nequivit, & quando mater ipsum elevare voluit, mox instar globi sese incurvavit, mox in alios incredibiles flexus instar arcus sese præcipitavit; nec paroxysmus inducias concessit, sed duos menses indefinenter fere diu noctuque continuavit. Terrorem morbum hunc convulsivum produxisse, extra omne dubium est, licet non excluderem *vermes*, quorum aliquot ante & in morbo excrevit. In hoc tumultu morbiq; vehementia pro demulcendis partibus convulsis, vellicatis ac distortis, *antepileptica specifica* sæpissime exhibita, v. gr. *pulv. epilept. M. spec. cephal. Mich. mag. cran. hum. ungu. alc. præp. unicorn. mar. cinnab. nat. castor. aqua epilept. Lang. hirund. c. castor. &c.* nullum præstiterunt emolumentum. Vomitoria cum Laxantibus mixta, v. gr. Recipe: *Aqua laxant. Zij. sir. Emet. A. S. ʒss. M.* pro una vice, quæ pro educendis humoribus biliosis, cum acido confermentatis, fixis, binis vici-

bus exhibui, observavi hic felicissime profuisse. Jam optimo cum successu reiteravi specifica, v. gr. *Recip. Specif. cephal. M. gr. vij. pulv. epilept. ʒʒ. castor. gr. vij. ungu. alc. præp. aut unicorn. mar. gr. v. M.* eaque quotidie bis aut in forma pulveris, aut portionis, additis aquis appropriatis & sirupis, præscripsi, quibus aliquando granum ʒ. aut ad summum gr. i. *laudan. de tribus* addidi. *Enemata* multum profuerunt. Atque sic post duorum mensium tædia expugnatus fuit morbus, ut jam puer sui compos stare, ambulare, sedere, cibum ac potum capeßere, articulate loqui potuerit. Subsecuto mense *Majo*, ne in posterum recidivaret, misi illum ad *Thermas Bada-vino-Austriacas*, ex quibus redux immunis jam ab hoc exercendo morbo vivit, & quod mirandum, sine ulla mentis aut memoriæ labe. Hoc mense duos notavi *Apoplecticos*. Unus octogenarius ex ordine senatorio, prævia vertigine, lassitudine membrorum, de subito *apoplexia* correptus cum sensus ac motus abolitione, pulsu magno, in debilem tandem & frequentem mutato, omnibus incassum adhibitis, secundæ morbi die placidissime obiit. Alter fuit Reverendissimus hujus loci Plebanus, 56. annorum, atque habitus corporis obesioris. Hic, dum nocte Natalitii Domini hora secunda matutina sacris peragendis intentus, præ verecundia, justo diutius retinuisset urinam, ab altari reversus de tempore, vertigine, anxietatibus conquestus est, mox domum vectus & in lectum delatus ex regurgitatione feri urinosis ad superiora *Apoplexia* fortissima cum stertore, spuma ante os, tactus, spatio semiquadrantis, adeoque eadem hora, qua sanus fuit, repente interiit.

Constitutio Epidemica Sempronensis Anni 1707.

Janus bifrons eadem serena fronte, qua veterem annum denis serenissimis diebus clausit, auspiciatus est novum totidem serenis, calidis, siccis diebus, unde statim x. die ingruerunt frigora, mox subsecutæ sunt nives copiosæ, quæ congelatæ ad festum Purificationis usque jacuerunt durabiles. Secundus *Februarii* dies totus fuit turbidus, & regula rusticorum hoc anno verissima: Sole nempe micante, die purificante, nix aut frigus erit majus, quam ante. Eo ipso enim die remisit frigus, nives liquatæ omnes, ingruerunt pluviae, nebulæ, quæ ultra septimanam institerunt, densissimæ, fœtidæ, corporibus nostris valde infestæ; die 17. 18. rigidos habuimus ventos, boraxos, qui siccarunt terram. Jam ad aliquot dies frigoris vis soluta, sed die 24. Festo *Matthiæ* intensior facta in medium *Martii* continuavit; adeoque *Februarius* fere totus siccus fuit; *Bacchanalia* amœnissima, serena, calida, dies *Cinerum* valde frigidus, ventosus; medio *Martii* ceciderunt nives, mox secutæ sunt pluviae, *Æquinoctiale* tempus notabatur valde turbidum, pluviosum, nivofum, lutofum, imo ad finem mensis usque tumultuaria tempestas, mox ventis, mox nivibus, aut pluviis, molesta, raro serena; adeoque *Martius* valde humidus atque ingratus. *Aprilis* incœpit cum nivibus, pluviis, mox infecuta sunt frigora, quæ tempestas tumultuaria x. continuavit diebus, imo totus mensis magis fuit frigidus, ventosus, quam calidus. Ipso quoque *Majo* cælum, si paucos amœnos dies exceperis, ut plurimum atris inhorruit nubibus, & dies turbido aere frigidisque ac frequentibus pluviis reddidit minus vernaes, minus majales, rigidi præter morem extiterunt. Mense *Junio* longe amœnior ac placidior aura comparuit. Medardi dies valde serenus sine ullis pluviis, & rediit nunc calor intensissimus, imo, quod ex tot aeris vicissitudinibus & cœli inclementia, superioribus mensibus prægressa, nullus præsumpisset, multo minus credidisset, jam ante diem Viti copiose uvas in flore deprehendimus; die xvi. supervenerunt pluviae gratiosissimæ, fructiferae, mox æstus increvit, & fere tribus septimanis indefinenter, nulla intercedente pluvia, continuavit, cujus ardore terra valde exiccata dehisce-re, homines autem ob largiores sudorum effusiones defatigari debuerunt. Febres continue modo cum, modo sine exanthematibus, modo benignæ, modo malignæ, prouti apud nos quotannis observantur epidemicæ, ita & hoc semestri fuerunt

frequentes, in quam plurimis malignitatis expertes, & methodo ordinaria, superioribus annis jam tradita, tractatæ, plerumque die XV. in alio nono, in uno septimo, prægressa eodem die hæmorrhagia critica, ex voto solutæ. Alios invasit cum maxima malignitate. Sic honesta quædam fœmina, quadragenaria, ex eadem febre die morbi demum xi. incœpit delirare, quod alias pro pessimo & fatali signo habeo, xv. recesserunt calores, sed quinque diebus & noctibus insomnibus continuis transactis, valde delira ab assumpto pulvere epilept. *M. mag. marg. per lar. pulv. analept. castor.* nec non grano uno *laudani de tribus*, somno quidem jucundissimo quievit, sed expergefata in gravissimas incidit convulsiones, cum continuo tendinum insulsa variisque labiorum spasmis: tandem xviii. die, adhibitis frequentionibus *antepilepticis, confortantibus*, nec non *enematibus*, alleviata præter omnium spem convaluit. Et sicuti serotina deliria latentem produnt malignitatem, si non exitium ipsum, ita præmatura functum semper præfagiunt exitum. Observavi hoc iisdem mensibus in filiolo sex, in juvene xvii. in Viro L. annotum, qui omnes ex febre maligna tertia die inciderunt in continua deliria, sexta convulsi mortui sunt. Alia fœmina melancholica, & simul gravida, cujus maritus cum quatuor prolibus simul & semel mense *Martio* in uno cubiculo, epidemiali hoc morbo decubuerunt, (qui tamen convaluerunt omnes,) eadem febre maligna detenta cum *uvula ac tonsillarum inflammatione* summa, octava recentem enixa est puerum, inde valde debilitata nona delirare incœpit, & ex caloribus, viribus exhaustis, emaciato corpore, vigiliis continuis, credebatur certo certius peritura. Sed ea fuit fortitudine, ut *sudoriferis, confortantibus, Epilepticis*, rite tractata calores illos intensos ultra xxx. dies sustinuerit, & periculum evaserit, remanente aliquali mentis labe. Mense *Januario* singularis contigit casus. Puella xv. annorum ob leves errores commissos matris castigationem verita sibi ipsi mortem consciscere voluit, sumptisque aliquot granis *mercurii sublimati* incidit de subito in continuos vomitus, alvi fluxus cum gravissimis intestinorum torminibus, sibi magna, linguæ ac faucium ariditate; sed causa horum symptomatum mox patefacta, accersitus exhibui *theriacalia*, in primis *crystall. mont. ʒʒ. cum ol. amygd. dulc. it. jusc. pingvia*, & loco potus ordinarii *lact. bubulum* suasi; his acidum venenosum absorptum, acrimonia obtusa, & puella ab interitu vindicata fuit. Venena enim mineralia sola corrosivitate agunt, ex qua, si non statim ab initio idoneis medicamentis succurratur, *necrosis*, & ex hac sanguinis & feri destructio. Hoc videre licuit in fœmina mediæ ætatis, nutrice, cui ab alia *arsenicum citrinum* malitiose in jusc. propinatum fuit, intra paucas horas extincta. Hæc cardialgia lypothymis, intensissimis torminibus, vomitibus, alvi dejectionibus cum irritatione acerrima valde agitata; post mortem exhibuit stomachum & intestina partim gangrenata, partim sphacelata, erosa, sanguinem nigerrimum. Eodem tempore Vir quadragenario major, sanguineus, diu noctuque per triduum somno profundo, *lethargo* vix assimili, quasi sepultus jacuit, sine ulla alteratione febrili, aut pulsus mutatione, quarta, Potione *Laxativa mannata* sumpta, expergefactus, sibi optime præsens, atque ad interrogata apposite respondens, de prostratione virium, & sequenti die in brachio dextro de tumore, aliquali rubore, sed dolore summo valde conquestus, sexta abortis caloribus & supervenientibus deliriis, atque omnibus incassum adhibitis, suffocatus obiit. Hac hyeme articulo-rum dolores sine inflammatione, sine tumoribus, valde grassati sunt, ubi *laxativa, aperientia, præcipitantia, decoct.* nempe *aperitivum cum fol. senn. S.S. rhabarb. mann. tartar. lap. cancr. præp. sal. acetosell. cichor. diagryd. sulphurat. pulv. hepat. flor. nitr. tartar. Vitriolat. &c.* sæpius adhibita omne absolverunt punctum, & intra quadragesimam medicam morbi vehementiam infregerunt. In honesta quadam fœmina iisdem doloribus detenta, sed alvi fluxu simulta-laborante, septima die morbum notavi jam solutum. Præstat igitur in his affectibus alvum habere magis laxam, quam

quam adstrictam. Mense *Februario* in ablactatis & lactentibus copiosas observavi *febres catarrhales*, quæ invaserunt tenellos cum tussi vehementi, caloribus continuis, ariditate faucium, facie floridiori & rubente, siti, sternutationibus, respiratione frequentiori, in aliquibus inter respirandum cum stercore & sonitu, ut plurimum cum *dentitione*. Profuerunt hic *enemata* sæpe adhibita, *expellentia temperatiora*, aciditatem lymphæ corrigentia, cum *pectoralibus* mixta, v. gr. *pulv. alexit. epilept. spec. diatr. antihæct. Pot. lap. cancr. C. C. philoph. sir. pectorales*, inunctiones ex *ungu. pectoral. rubr. potab. cum ol. irin. anis. dest. &c.* ratione simul habita virium. Atque hac methodo omnes ante nonum diem feliciter ad sanitatem perducti sunt; *convulsionibus* autem *epilepticis* simul tentari perierunt fere omnes. Vernale tempus *phthisicis* & *hecticis* valde grave, quamplurimis funestum fuit. Sic inter alios officialis, nec dum tricenarius, ex castris sub finem *Nov. præteriti* anni redux, & jam ab aliquo tempore *hectica pulmonari* laborans de tussi vehemente, gravitate pectoris, copiosa materiæ purulentæ expuitione valde conquestus est. Affectum hunc curatius examinans ex rorida partium nutriendarum substantia jam fere consumpta, ex calore non amplius latente, sed jam manifesto, ex pulsu frequentiori & celere, in primis post pastum, ex urina oleaginosa, ex difficili respiratione ad motum quemvis atque aeris alterationes, ex frequentiori tussi, quandoque sicca, quandoque cum sputo purulento, quam ut plurimum, sumptis cibis, secuta est vomitio, *secundum hecticæ febris gradum* jam imminere, atque humorem nutritium in gelatinosam magis substantiam conversum quasi deliquari; sive pulpas carniū hinc inde in corpore manifeste quasi depasci, quæ *species febris Marasmodis* dicitur, judicare debui. Externe pariter & interne adhiberi curavi remedia, quæ alias huic affectui habentur appropriata, *expectorantia*, *abstersiva*, *analeptica*, *refrigerantia*, *traumatica*, *obtudentia*, verbi gratia *pulver. anonym. spec. diatr. lac. sulph. pulv. Fiaty. lap. cancr. spec. de gemm. frig. pulv. analept. antihæct. Pot. spec. pro decoct. flor. & fruct. spec. pectoral.* (quibus quandoque beneficio alvi non succedente, addidi *mannam electam*) *Syrup. de jujub. flor. papav. loch. san. & expert. de pulmon. vulp. conserv. rosar. bellid. tussilag. emulsionem ex seminibus cum decocto hordei, julepo rosaceo & nitro perlato paratas, gelatinas ex herbis pectoralibus &c. lac caprillum cum saccharo mane potum, aliaque; externe unguent. rubr. potab. pectoral. cum ol. irin. nec non emplastra pectoralia usitata & cataplasmata.* Cura hæc hyemalis videbatur succedere ex voto, rediit appetitus, redierunt vires, remiserunt calores, non nisi post pastum revertentes. At induciæ solum ad breve tempus fuerunt, nulla pax. Insinuavit enim se malum, nobis id minus opinantibus, increverunt calores, sæpe velut paroxysmos febrium æmulantes, supervenerunt sudores nocturni, vel matutini colliquativi, virium prostrationes, respiratio anhelosa, indicio manifesto, miasmata pulmonum ulcerativa in massam sanguineam copiose delata ibique confermentata, ignem peregrinum internum non solum hæcenus fovisse, imo erosionem ad glottidem producta, vocem raucam conciliasse, verum etiam alimentarium ac roridum lymphæ nectar acrimonia sua volatili, aut fermento suo putrido penitus inquinasse & destruxisse, ut jam corpus marasmo incurabili consumptum, pedes vero tumidi, & cutis vix ossibus hærens, tamquam funeri suo propemodum superfuerit, donec tandem lenta morte tabescens mense *Majo* placidissime obiisset. *Hecticam ex scorbuto calido* natam observavi in juvene *xvii. annorum*. Is alias melancholicus, vitæ sedentariæ amans, sæpe sensit tumorem in sinistro hypochondrio, aliquando febriles alterationes, brevi transeuntes, palpitationes cordis, frequentes phlegmatis moleste falsi & tonsillis aliisque oris glandulis rejecti, in primis matutino tempore, excretaiones. Facies fuit lurida, pallens, subtumida, maculis copiosis, lividis, granulatis referta, quasi pulvere pyrio afflata, indicio certissimo, liquores vitales a salibus acido-biliois, acribus, valde jam esse deturpato, unde particulis sulphureis rarefactis facillime *febris lenta, hectica*, sese insinuare potuit.

Supplem. ad Sydenham.

Calor tunc primo occursum mitis, paulo post acer & mordax, qui semper circa vespertum sub schemate *febrilis paroxysmi* rediit, sed in inflammatorios calores terminavit; observabatur jam urina oleaginosa, respiratio difficilis, sitis magna, appetitus prostratus, emaciatus corporis habitus, continua pulmonum oppressio, virium languor, decubitus in dextrum latus valde molestus, tussis cum sputo purulento, spisso, foetido, corpus sudore tota nocte quasi diffluit cum pulsu frequenti & marasmo, atque contabescens torpidus fuit, morosus, profundis cogitationibus defixus vix ad interrogata respondit, neque claram, sed non nisi submissam & raucam vocem edere potuit, quod vitio pulmonum sanie repletorum, qui aeris copiam, quo vox formatur, imminuunt, natum. Hoc tamen notandum, quoties alvus fuit concitior, & ad *diarrhæam* proclivior, toties alleviationem symptomatum sensit patiens. Accessit tandem facies Hippocratica, nares scilicet acutæ, oculi concavi, tempora collapsa, genæ exesæ, malæ protuberantes, scapulæ, claviculæ, costæ prominentes, artus cum reliquis musculosis partibus ex carnes, verbo: ossa tegit macies, non juvat ora cibibus, & fuit sceletum similis. Adhibuimus ex speciosissimo medicaminum *thoracicorum & scorbuticorum* apparatu satis mature remedia, v. gr. *pulveres pectorales* superius notatos, cum *pulv. hepat. rad. ari. tartar. vitriolat. &c.* remixtos, linctus, gelatinas, emulsionem, electuaria, infusa, decocta ex *spec. pro decoct. pectoral. flor. & fruct. nec non herb. fumar. beccabung. trifol. fibrin. cichor. acetos. hepat. nob. flor. bellid.* aliisque cum *sero lactis*, aliquando cum *aqua* ad formam potus Theæ parata; imo mense *Majo*, cum animadvertissem, hecticos calores aliquantum deferuisse, *lac caprillum recens* cum modico *sachari*, a quo tamen ob acidum vel salsum ventriculi fermentum, anxietates præcordiorum, hypochondriorum tensiones, adauctam inde febrem, mox abstinere debuit. Nil vero magis profuit in *sudoribus nocturnis*, quam *unguent. resumptiv. in frigid. Gal. cum saccharo saturni* paratum. At vehementia & diuturnitas morbi elusit opem & operam omnem; donec tandem medicamentorum pertæsus, accedente extrema virium prostratione, fati necessitatem longiori vita dignus, magno cum parentum luctu perfolvisset. Eodem tempore Franciscanus *xxx. annorum* laboravit *phthisi vera*, sive consumptione partium corporis musculosarum a colliquatione & pulmonum vitio orta, quæ fuit cum compressione pectoris, difficili respirio, sed fere sine febre; huic præmissis *pectoralibus* in primis *antihæctico Pot.* aliquando cum *pilulis de cynoglossa* remixtis, exhibitisque subinde *laxantibus mannatiss*, decoctis quoque aut jusculis ex *herbis pectoralibus, resolventibus, expectorantibus &c. lactis caprilli* usus optime cessit. Acrimonia enim humorum salina inde fuit temperata, serum dilutum, corpus humectatum, & ad nutritionem dispositum. In aliquibus observavi *febrem hecticam ex Quartana*, ut plurimum autem ex *febris continuis* male judicatis subortam. Harum enim fermentatio & calor p. n. continuatus lymphæ rorem absumpsit, inde virium habitusque corporis concidentia; acredo vero, quæ alias per vices accessit, & tumultus edidit fermentatione continuata, aucta & quasi domestica facta *febrem hecticam Marasmoden* in uno & altero induxit lethalem. In pueris & puellis *iii. iv. v. vi. annorum*, notavi eodem tempore apud nos alias valde frequentem *Tabis speciem*, quæ fuit cum *abdominis tensione* & intumescencia, calore intrinsecus aucto, pulsu circa vespertum celeriore, inquietudine nocturna, carne flaccida, totius corporis extenuatione, etiam in iis, qui avidissime comederunt, ita quidem, ut carne jam absumpta, ossa omnia prominuerint, sola cute contexta. Faciei color fuit pallidus, subniger & lividus, nulla fere adfuit tussis, nullum sputum, respiratio libera, indicio evidentissimo, hos sine pulmonum corruptione, marcore confectos, causam autem fuisse querendam in *mesenterii*, ductuum nempe lacteorum, *glandularum* obstructione, nec non humorum corruptorum in abdomine abundantia; utut non negem, *lumbricos* tunc simul in intestinis nasci potuisse, qui quandoque in con-

pectum venerunt. Unde non mirum; cum universi sanguinis systema sale acri-acido jam scaturierit, corpora debito alimento privata, in tantam incidisse maciem. Huic malo quamplurima opposuimus remedia, in primis *aperientia*, *martialia*, v. gr. *croc. mart. aperit. cum salibus*, *arc. an. dupl. nitrosa*, *pulv. hepat. sal. C. B. tartar. vitriol. antihect. Pot. la. cancr. rad. ari. &c.* aliquando *anthelmintica*, v. gr. *aquam contra verm. cum fir. flor. persic.* aliaque *Topica*, *unguent. contra verm. de oppilat. ol. cappar. tamarisc. colocynth. spirit. sal. ammon. &c.* sed irritato conatu omnia, donec tandem lenta tabe consumpti supremum diem clausissent. *Optime* *stres* aliquot *partus* his mensibus habuimus, quos tamen omnes spatio v. vi. vel vii. dierum mortuos observavimus. *Jul.* incipit cum caloribus, quos tamen quandoque contemperarunt pluviae lenioresque venti, has die x. habuimus copiosas, quas sequentibus xiv. diebus calores exceperunt intensissimi, die xxi. xxi. xxi. tonitrua horrenda cum fulguribus, quandoque cum, quandoque sine imbris; a die xxv. ad finem usque variae aeris vicissitudines, mox diversi ventorum tumultus, mox frigora, mox pluviae, rarissime solis splendor. Integer *August.* si sex aut septem dies amœnos per intervalla calidos, exceperis, pluvii & ventis præter ætatis anni indolem, valde rigidus fuit. Pluviae continuarunt ipso *Aegyptii die*, sequenti autem, discussis jam nubibus nebulosis, cœlum serenatum gratiora nobis promisit tempora, & secuti sunt xiv. fere dies calidi, sereni, noctes tepidae, vini cultura exoptata. Medio *Septemb.* rursus varias subiit mutationes tempestas, maximæ exorta nebulæ, solis demum meridiani splendore dissipatae, sed brevi in pluvias fere continuas, aut de die, aut de nocte, in primis *æquinotiali die* abeuntes, quæ cœli inclementia ventosa ac pluviosa in *Octobr.* usque duravit, unde botri nec dum bene maturi aut digesti iusto citius ob excessivum humidum computruerunt, & deciderunt copiose in terram. Quinta *Octobris* spem fecit haud exiguum serenorum temporum, sed octava valde pluit, a qua ad ultimam lunæ quadram, i. e. xviii. grato solis splendore corpora nostra incaluerunt, quo ipso ingruerunt pluviae, xix. gelu, xx. nives, quorum casus die xxi. cum procellosis aeris agitationibus ac frigore ingens fuit, earum tamen præceptus solutio. Jam imminuerunt *vindemia*, & vinum, quod collectum fuit ante pluvias aut nives, in *Jul.* usque, salibus heterogeneis a mucilagine terrestri & sulphurea quasi ligatis, & in fermentationis negotio sufficienti impeditis, permansit turbidum, mucilaginosum, sed sine fœtore; post pluvias autem contraxit fœtorem putridum, quem retinuit usque ad depurationem, quæ tandem post annum subsequuta est cum grato colore & sapore. Circa finem *Octobr.* autumnalis amœnitas nobis iterum affulsit, quæ toto fere *Novemb.* qui siccus exiit, continuavit. *Decemb.* varius & inconstans fuit, mox frigidus, mox nebulosus, mox pluviosus, unde nives, quæ die S. Andreae ceciderunt, brevi tabuerunt. Hoc semestri frequentes habuimus *febres Tertianas*, quæ ut plurimum sine prævio horrore, potius cum corporis gravitate, præcordiorum angustia, vomitibus, siti, capitis dolore, vigiliis, in primis caloribus intensis incaperunt, & primis iv. diebus magis *continuarum*, quam *intermittentium* genium redoluerunt, donec tandem ad perfectam apyrexiam devenerunt. Initium curæ a *Vena sectione* sumpsi, atque præscripsi *precipitantia*, *antifebrilia ex lap. cancr. sal. absinth. C. B. centaur. min. arc. an. dupl. anrim. diaph.* tandem die intermissionis *Laxativum*; quibus feliciter sexto, aut ad summum septimo paroxysmo sublatae fuerunt. Nec defuerunt *quotidiane*, *quartane*, facili tamen negotio levatae. Eodem tempore viguerunt *febres continue*, acutæ, quæ sub initium videbantur benignæ, tertio tamen & quarto die latentem suam prodiderunt malignitatem; calores enim hæcenus vix considerandi, jam intensiores facti, immanes prodixerunt cephalalgias, vehementissimas virium prostrationes, deliria, vigilias, sitim, linguam scabram, fissam, tendinum contractiones, motus convulsivos varios ac inordinatos, quos una cum tremore labiorum in chirurgi humanæ facie observavi frequentes, non tamen, quod mirandum, lethales. R. P. Franciscanis lues hæc fuit popularis, eosque fere omnes hic existentes invasit. Illi enim mustum mendicatum & collectum enissi vino novo tur-

bido ac musto se obruerunt; ac corpus prava victus ratione ad *cacochymiam* disposuerunt. Jam reduces cibis luridis esurialibus, pro more & exigentia temporis, stomachum onerarunt, indeque has *febres continuas* sibi conciliarunt. *Vena sectiones* sub initium administratae optime profuerunt, *diaphoretica expellentia*, v. gr. *antim. diaphor. mithridat. diascord. Franc. spec. de hyacinth. C. C. cum confortantibus & antepilepticis* mixtae omne tulerunt punctum, morbumque hunc præcipitem, qui ex symptomatibus gravidissimis judicabatur pernicialis, ubique septima die, nulla interveniente notabili crisi, represserunt, atque omnes, (fuerunt illorum undecim,) ex hoc morbo convaluerunt. Fœminas notavi aliquas ætatis provectioris, non gravidas, *fluxu mensium immodico* laborantes, qui ut plurimum, in primis in plethoricis, ad xiv. dies duravit, & intra octiduum rediit cum languore, lassitudine totius corporis, facie pallida, quasi exsanguis, inappetentia, siti, caloribus, dolore capitis, lumborum, hypochondriorum inflationibus, lipothymiis. Causa immodici hujus fluxus eadem omnino, quæ mensium ordinate fluentium; & sicuti in hoc sanguis turgescens venulas interiores vaginæ superficiem adeuntes divellit, ac per harum extremitates ruptas nomine menstruum nigricans lente promanat, donec subsideat aliquantum, ac imminuatur ejus turgescencia, de quo legi meretur *Bohnius æconom. animal. progymnas. 16. pag. 254.* ita in immodico fluxu eadem vasorum vaginalium oscula rupta, necdum oclusa, sed magis hiantia continuo quasi fundunt sanguinem, modo grumofum, modo serosum, pro habitudine sanguinis & feri hic aut in quantitate, aut qualitate, & motu peccantis atque exitum affectantis. Laxior enim & mollior vaginæ compages admittendis & emittendis sanguinis menstrui ordinarii æque, ac extraordinarii, copiis magis accommodatur, quam solidior ac durior uteri substantia. Cum vero affectus hic, si negligitur, ut plurimum *cachexiam, hydropem, atrophiam* minari soleat, maturavi curam, atque in plethoricis quantitatem sanguinis, indeque natam ferocientem turgescenciam deplevi *Vena sectione in brachio* feliciter instituta, excedentem ebullitionem & fermentationem ab humoribus biliosis, acris, salinis volatilibus, sanguini inductam *uterinis leniter incrassantibus, & adstringentibus*, v. gr. *corall. rubr. lap. hamatit. trochisc. de carab. de spod. pulv. Heurn. croc. mart. adstring. ter. sigill. imo terreis* omnis generis, *Tinct. antiphthif. Gr. corall. succ. urticae &c.* in malo contumaciori & refractario cum his *adstringentibus* *figentia*, i. e. *laudandum de tribus* accisa dosi maritavi. In *hypochondriacis, scorbuticis*, ubi sanguinis impetus ex obstructione viscerum, in primis mesenterii, non spontaneus fluit, sed, qua data porta, ruens coactus, ab *Adstringentium* usu *præcordiorum anxietates, capitis dolores*, aliaque symptomata hysterica notavi. Hic omnino locum invenerunt *Laxantia*, sed lenissima, extra paroxysmum propinata, v. gr. *decoct. fol. senn. tamarind. &* quod specificum fuit, *rhobarb.* ipsum in substantia deglutitum. Profuerunt quoque, licet per accidens, cum *confortantibus* mixta, v. gr. *Tinct. tartar. corall. compos. sperniol. Cr.* aliaque *martialia temperata*, acorem simul absorbentia. Pro meliori tandem viscerum & vasorum firmitudine, nec non fibrarum ac pororum coarctatione, optimo cum successu ablegavi illas ad thermas *Badavino-Austriacas*, ex quibus reduces ordinarium, & naturæ convenientem menstruum fluxum expertæ sunt. In Perillustri quadam matrona notavi *Tumorem exiguum in pudendis*, qui tamen non extra pudoris sinum propendebat, sed, mensibus non fluentibus, quotidie crescebat & intumescerebat valde, mensibus autem fluentibus, qui sæpe intempestivo, aliquando immoderato & continuato ad aliquot septimanas fluxu urgebant, detumescerebat. Adnatus fuit *uteri orificio*, cujus substantiam cum vagina & pudendis absque hoc spongiosa, rugosa & glandulosa est, in qua varii generis humores stagnare & subsistere possunt, inde tumoris incrementum & decrementum. Tentavimus *injectiones cum aqua calcis viva, decocta lignorum* aliaque, irritato tamen conatu; quasi tandem *incisionem*, quam reformidarunt *Chirurgi Vienneenses*, atque potius naturæ hoc opus committi, quam crudele & anceps sectionis remedium experiri decreverunt. Ejusmodi tumorem utero extrinsecus adnatum, tres libras ponderantem, in virgine xxi v. annor. felicif-

sine secuit Chirurgus Halberstadiensis, cujus mentionem facit Frider. Hoffmannus in annot. super Poterii opera, cent. III. cap. 47. pag. m. 332. & ipse Poterius eodem loco; nec non Blanchardus in Collect. Medic. centur. 3. observ. 51. pag. 421. Sarcoma autem totam uteri vaginam occupans, forasque propendens, atque interno ejus orificio adnatum observavit Kerkringius Spicileg. Anatom. Observ. 53. pag. 114. ex uterorificio interiori varias excrescentias membranaceo-carnosas propendentes Ruyschius, Centur. Observ. Anatom. chirurg. 6. pag. 12. nec non Bartholinus Centur. 1. histor. 94. pag. 139. Centur. II. histor. 6. pag. 161. Centur. II. histor. 58. pag. 248. Segerus in M. A. C. decem 1. ann. 2. pag. 199. alique. Laboravit simul fluore albo, effluxitque fere indefinenter e pudendis materia purulenta, foetida, sed sine dolore, indicio certissimo, serum seu lympham hic sola peccare copia, deponique in glandulis per uterum illiusque vaginam disseminatis, quæ nimium laxantur, ductus autem excretorii inde valde dilatantur, & sphincteruli, quibus hi ductus claudi recludique solent, a peccantium humorum, qui in vasis sunt fluxiles, jam extra vasa lactescentes & ichorecentes, mucosi, copia magis vel minus resolvuntur. Pro depletione seri excrementitii & viscosi, cum sit plethorica, ordinavi Venæ sectionem in brachio, fonticulos, laxantia ex manna, rhabarb. fol. senn. diuretica, terebinthinata nempe & succinata, mag. lap. cancr. decoctum danci, aperitivum Fort &c. non omisis quandoque martialibus & tartareis. Serum corrigere, ejusque qualitatem cum sanguine temperare, nec non uterum glandulasque flaccidas roborare volumus infuso rer. mar. cum vino, pulv. absorbente Vvedel. pulv. ex ebor. unicorn. fossil. off. sep. corall. osteocoll. test. ovorum calcinatis, perlis, alum. plum. sacchar. saturn. tinctur. corall. essent. lign. in primis elix. Propriet. rhabarbarino mane ad 49. guttas, vesperti vero sequenti pulvere: Recipe magist. osteocoll. carniol. āā. Zijss. corall. rubr. prepar. margar. prepar. mastich. gumm. arab. off. sep. unicorn. foss. ebor. āā. gr. XV. ol. lign. sassafr. gttij. M. & dividatur in v. dos. it. Recipe rad. chin. sarsaparill. ā. Zij. passul. min. Zijss. mastich. Zij. alum. plumos. Zij. semin. anis. Zij. concis. D. ad nodul. Spec. Säckel zum Wasser fieden, pro potu ordinatio: nec omisimus Topica, inunctiones, suffitus ex salvia, mastiche, succino, thure, imo nil intentatum reliquimus, eradicare tamen penitus affectum hunc contumacem non potuimus. Cum autem ex longa praxi constet, fluorem hunc album quandoque, in primis valde obesis, prout nostra fuit, & jam a lunati tributo fere absoluta, nec adeo enervata, in quibus humores turgent, si non est immodicus, proficuum esse, & pro fonticulo microcosmi habendum, qui impedit, ne corpus in majorem excrescat molem, abstinendum jam a medicamentorum usu, & curam ad thermas majales differendam duxi. Hypochondriaci variis & gravibus symptomatibus his temporibus tentati sunt; in quibusdam ventris inferioris viscera, in aliis præcordia, in aliis cerebri confinia maxime affici videbantur. Ex multis unicum saltem hypochondriaci enarrabo exemplum, in quo syndrome gravissimorum symptomatum apparuit. Vir, ætatis mediæ, temperamentum cholericum, habitus corporis tenerioris, ipso æquinoctii autumnalis die incidit in ventriculi dolorem, quem pressio pede secuti sunt æstus vagi, atrocissimi capitis dolores, cordis palpitantes, anxietates præcordiales, dolor & constrictio in pectore, sive gulæ strangulatio, quæ suffocationem minabatur, præcordiis enim contractis, non solum respiratio difficilis, & ad motum quemvis laboriosa fuit, sed & non raro supervenerunt animi deliquia, ex quibus laboribus & angustiis sudor erupit frigidus; in partibus extremis notabantur spasmi & stupores cum fornicationis sensu & tremore undulante, in somno pavores, tetricis insomniis interturbati, continua intestinum murmura, in ore sapor biliosus, alvus ut plurimum obstructa. Observavi autem ex symptomatum horum confluxu suffocationes has hypochondriacas plerumque fuisse spasmos & contractiones partium nervosarum, orasque a ventosa & humerosa hypochondriorum sentina. Sæpe ex mœstitia nimia, atque diutius continuata, nec non excessiva lætitia, in has incidit ægritudines. In paroxysmo, præmissis clysteribus, eximie profue-

Supplem. ad Sydenham.

runt, & omnibus palmam præripuerunt castorina cum anodynis mixta, v. gr. pulv. castor. gr. viii. epilept. M. Jss. specif. cephal. g. v. laudan. de trib. g. j. M. it. mist. simpl. cum eff. castor. anodyna maritata. Extra paroxysmum in eam maxime incubuimus curam, ut humores viscidos, acidos, obstructionum auctores, attenuaremus. Multi in hoc passu multa laudant, atque pro specificis venditant. Nos in tanto medicamento-rum apparatu in martialibus & blandis laxativis, v. gr. Rec. Vitriol. mart. g. j. diagryd. sulphurat. g. zij. pulv. hepat. g. vij. ol. carminat. M. gut. j. M. pro j. vice, indubitam semper medelam invenimus, imo hoc pulvere exhibito imminuentem sæpe paroxysmum declinavimus, levi enim eguit purgante, quantum vel infans vi. septimanarum, vel minor adhuc ferre posset, sed singulo mense bis eundem pulverem in usum vocare debuit, inde alvus octies soluta, & molestissimos affectus sublatus fuit. Non minori voto successerunt acidule Roitschenses, quarum usu maximam alleviationem sensit. Jam addam, quæ in Viro ecclesiastica dignitate conspicuo de Anaudia notavi. Is LIV. annorum, plethoricus, atque alias hypochondriaco affectui obnoxius, jam mense Julio balbutie lingue laborare cœpit; non enim tantum in concionibus, sed etiam prælectionibus precum publicarum, quin & in communi conversatione quasdam syllabas & voces inter pronunciandum absorpsit, vel quasi suppressit, ut vix intelligi potuerit, & sumpsit hic affectus sensum atque sensum sua incrementa, donec sub finem Septembris mane derepente incidit in Anaudiam, sive impedimentum sermonis, ut articulate nec duo verba proferre quiverit, cum stupore digitorum manus dextræ, memoria factorum & gestorum, imo reminiscencia reflexiva læsa; neque enim scribendo mentem suam exprimere potuit. Linguam quaquaversum movit, volutavit, expor-rexit, sapidissime comedit. Graviores metuens Venæ sectionem in brachio ordinavi sine mora, nec non medicamenta nervina, cephalica, v. gr. spec. diamosch. dulc. diamb. contr. apoplex. spec. cephal. M. extr. castor. sal. volat. succin. C. C. spir. sal. ammon. cum aqua lil. conv. eff. ambr. lign. aloes, sal. volatile oleosum, aliaque. Linguam, in primis frenulum, inungi jussi linimento ex conf. anacardina, alkerm. compl. ol. rut. lavend. cinnam. extr. castor. His frequenter adhibitis adhuc eodem die sese recollegit, atque intelligibilis loqui cœpit, redeunte simul memoria. Sensus motusque lingue usus semper persistit integer, loquelam nunquam amisit, quin potius sermonem exteriorem per motum lingue exprimere, ob aerem tamen minus sufficienter inter fluctuantes gutturis sinus impulsus & reflexum, non satis intelligibiliter proferre potuit; natum hoc utique vitio laryngis, nervorumque sexti paris, qui sunt vocales. Sermo enim impeditus fuit a resolutis aut relaxatis nimium musculorum angustæ laryngis rimæ constringendæ aut angustandæ dicatorem, ligamentis, quorum fibræ sine dubio a sero nimis copiose, vel per arterias, vel per vasa lymphatica ex toto corpore plethorico affluente, flaccidæ redditæ rimulam haud sufficienter pro allusione & extrusione violenta aeris angustare ac disponere valuerunt. Accessit & aliud malum valde suspectum, faucium constrictio, suffocationem, sive strangulationem &c. Hæc aliquoties, sed derepente venit, ipsiusque fauces quasi laqueo constrinxit, liberamque respirationem inhibuit, brevi tamen remisit. Putabant vitium harere in pulmonibus, aut abscessum inibi latitare, sed falso; potius a particulis acidis & austeris hypochondriacis, mediantibus nervis recurrentibus, musculos faucium in spasmos cogendo, viam idcirco aeri præcludentibus, ne a musculis respirationi inservientibus præ angustia loci facta ex & impelli queat, deducendum. Cum vero vidisset, se quidem voces & verba, nondum tamen expedite, neque semper integro sensu & phasi proferre posse, urgit ulteriorem curam, quam ob anni ætatem, autumno præcipiti, ipsi denegavi, eamque ad incrementa dierum differre volui. Moræ igitur pertæsus incidit in aliquem, qui perfectam mali curam etiam hoc tempore promissit, deditque inter alia Vomitorium, ipso solstitio hyberno imminente, quo id affectus est, ut quidem magnam humorum saburram, stetitum nempe, aut potius, imaginariæ pectoris apostema Vomitu rejecerit, inde alleviationem ad biduum senserit, paulo post tamen in majorem debilitatem,

tem, mentis vacillationem ac torporem, propensionem in somnum, loquelam difficiliorem inciderit. Nec his acquiescere voluit, sed ordinavit *fumisuctionem nicotianæ*, ipsi alias insuetam, nervis infestam imo *nervinis morbis exitiosam*; experientia enim constat, *Apoplexiam* inter *nicotianæ* usum sæpe invasisse, teste *Deckero exercit. Pract. p. m. 89. & Richardo Carr, epist. Med. 2. p. 21.* Inde valde obviolus factus, & sub initium Februarii sequentis anni gravissima *apoplexia* tactus, subito interiit.

Constitutio Epidemica Semproniensis Anni 1708.

Credidisses hac hyeme denuo permutata fuisse tempora, atque adesse æstatem etiam in frigidissimis alias mensibus. *Januarius* quippe nullum fovit gelu, nullas nives, fuit ut plurimum pluviosus, nebulosus, humidus, nubilus, calidus. *Februarius* quasi totus calidus, amœnus; ut plurimum serenus, quandoque pluviosus, ventosus, & circa finem cum modico frigore & nive, quæ tamen altera die evanuit, unde jam medio mense observavimus diversos flores. Huic ad æquinoctium fere usque plane similis *Martius*, amœnus nempe, calidus, qui in copia flores elicuit. Circa æquinoctium die XVIII. XIX. XX. suborti sunt venti valde frigidi, rigidi, qui congelarunt terram; sed sub finem mensis aura iterum comparuit turbida, pluviosa. *Aprilis* præter morem illuxit serenus, calidus, plane æstivus, raro pluviosus, siccior magis. *Majus* variabilis, ad medium usque frigidus, pluviosus, a medio ad finem calidus, amœnus: II. autem, III. & IV. fuerunt pruinae, quæ hinc in vineis damna fecerunt. Totus *Junius* pluviosus, *Medardus* quoque & *Joh. Baptista* effuderunt pluvias, imo nulla dies hujus mensis fuit sine pluviis. Toto *Januario* præter otalgiam in Viro, *mißtum cruentum* in filiolo quodam post partum, *pleuritidem cum diarrhœa*, nullos fere vidi morbos. *Variolis* tamen laborantes habui, quorum unus erat VI. annorum, qui eruptis prius tertia morbi die una cum *variolis*, *petechiis purpureis*, quarta die antea correptus *hamorrhagia narium* mortuus est. Mense *Februario* observavi *Apoplexias fortissimas*, uti quoque *febres continuas* VII. die solutas. Hoc mense fœmina quædam enixa est fœtum mortuum, secundine remanserunt, altera die mortua. *Martio* filiolum quendam Rustensem *clausura ani* laborantem habui sub cura, de quo *Sculleti Armamentarium* videri potest: succurri etiam fœminæ otalgia laboranti *miß. simpl.* mixta cum *ess. castor.* De doloribus capitis, *Vertigine*, *diarrhœis* cum maximis caloribus, *febris tertianis*, *continuis*, *variolis* tunc temporis grassantibus nil adducam. *Aprili*, *Majo*, *Junio* continuarunt *variola*, quas tamen modo in filiolo quodam prægressa est *epilepsia*, modo in puella die III. IV. V. secuta est *hamorrhagia narium*, jam in alia die XII. *herpes miliaris*. Quædam *variola* confluebant, quibusdam jungebatur sub initium *diarrhœa*, quibusdam *epilepsia*. *Febres continuæ catarrhales*, *diarrhœæ* quoque his temporibus in conspectum prodibant. Mense tamen *Junio Variola* epidemice grassantes maxime erant malignæ. Sic eas observavi in aliis cum *maculis purpureis*, in alio cum *vibicibus*, in alio suborti sunt XII. die *furunculi* instar *anthracum*, in aliis tumores & parotides instar *bubonum*: aliis palatum, *gingivæ*, fauces fuerunt exese: alios consumpsit calor *hecticus*, inflammatorius, & fuerunt hæ *variola* funestæ die X. XXIII. XXVII. Sic malum, siue venenum variolosum in Gratioſo parvulo Ebergeny fuit insanabile, adeoque plus docta valuit arte. Incipit morbus cum horrore, quem ingentes exceperunt calores, quandoque *deliria*, *sitis magna*, *pulsus celer*, *languores* totius corporis, tertia die eruperunt *variola*, quarta *macula petechiales coloris purpurei*, guttarum instar copiose per cutem dispersæ, inde variolarum excretio retardata fuit, quæ tandem omnes coierunt in unam, totamque faciem crassa, sanie fœtidissima referta, contexerunt. Undecima die supervenit *diarrhœa*, brevi tamen consopita, die XII. aliæ effloruerunt *vesicæ*, aqua limpida flava, quandoque sanguine remixto, plenæ, quæ ordinarias contexerunt *variolas*, magnitudine *ovicolumbini*, imo *ovic gallinacei*. Sie haben aufgesehen wie die ordinairen

Zangen-Blattern, so durch ein Vesicatorium aufgezogen werden, oder als wenn man sich in heiß-siedend Wasser verbrennt hätte, & steterunt per biduum: die XIV. notavimus in dorso lateris dextri tumorem, qui nullo modo maturari potuit, sed resolutus tandem collum occupavit, omnemque maturationem respuit, imo sese resolvit: interea calores continuarunt intensi, accessit *tussis* cum expuitione *materiæ purulentiæ*, quandoque *sanguinis*, *fœtor oris* sicut cadaverosus: indicio certissimo, pulmones variolis refertos, valde esse inflammatos, exulceratos, ut plurimum consumptos, si non *sphacelatos*, XXIII. demum die pauperculus viribus jam exhaustus obiit. Post mortem observata tota facies & abdomen nigerrimum, ex quo colligendum, non solum totam massam sanguineam, verum etiam omnia viscera corrosivo hoc veneno varioloso fuisse infecta, tandem *sphacelata*. *Julius* magis pluviosus fuit, quam serenus. *Augusti* initium æque pluviosum, quinta incaperunt calores, qui toto mense continuarunt. *Ægidii dies* sine pluviis, & per totum *Septembrem* mira aeris siccitas, calores præferendi, intensissimi, etiam nocturno tempore, qui durarunt usque æquinoctium, mane ros cecidit, & supervenerunt nebulae fructiferae. Flavuit ut plurimum hoc tempore auster, bonum alias constantis tempestatis signum. *October* ultra medium serenissimus, pulcherri-mus, calidus, d. XIX. XV. noctes frigida, inde in aliquibus promontoriis botri congelati, superveniente tamen solis splendore statim regalati; d. XXVII. ante festum *Simonis & Judæ* ingentes ceciderunt nives. dies festivus, nempe XXVIII. valde serenus, sed frigidus borealis, XXX. nec non XXXI. iterum ninxit, sed tertia nix absumpsit priores, ut jam sine damno vindemias nostras uberiores, præter expectationem, colligere potuerimus, neque nocuerunt nives, potius conservarunt botros a frigore, vinum autem, quod crevit in abundantia, fuit generosissimum, suavissimum, dulce. In *Novembri* aeris temperies longe benignior, & quidem calidior affulsit, *Decembri* aere mutato ceciderunt d. VII. VIII. X. nives copiosæ, profundæ, mox secuta frigora, & circa finem denuo nives. Mense *Julio* continuarunt *Variola malignæ*, neminem tamen, qui X. annum excessit, hoc tempore invaserunt. Accedebant semper cum somno, ita ut nocte dicque dormiverint III. aut IV. diebus. *Augusto* nulli fere morbi viscebantur præter *diarrhœas* & *dysenterias*. Circa finem ob continuas aeris siccitates, calores præservidos, *Sirio* insigniter urente, incaperunt *febres erraticæ*, quæ nullum typum servarunt, invaserunt cum aliquali frigore, insequente calore, aliquando ultra XX. aliquando ultra 40. horas durante, post apyrexiam aliquot saltim interjectis horis novus paroxysmus accessit, cum capitis dolore, siti, lingua & faucium squalore, virium debilitate, ita ut febrem continuam fore judicasses; donec tandem transactis aliquot paroxysmis in tertianam ordinariam degeneravit, quod ut plurimum circa septimum diem contigit. Adhibui *V. S. diaphoretica*, *precipitantia*, quamprimum vero notavi tertianas, aut tertianas duplices, exhibui statim *chinnata cum arcan. dupl.* optimo cum successu. *Septembri* continuarunt *febres tertianæ*, sexto paroxysmo solutæ, ubi optime profuerunt *chinnata &c.* De his febribus erraticis vid. M. N. C. Dec. III. ann. VI. p. m. 177. app. nec non H. M. V. p. 300. Inter alia notavi, animi affectus quid possint. Officialis quidam incidit in ejusmodi febres, præcessit horror, secuti sunt calores, qui in IV. durarunt diem continui cum anxietatibus præcordiorum, aut pectoris compressione, ut sæpe in lecto erectus sedere debuerit, cum capitis dolore, siti, deliriis &c. Adhibita *Venasectione in brachio & pede* quinta die remisit calor, qui tandem undecima intermisit, ut jam extra periculum judicatus fuerit. Quid sit? accepto tristi & ingrato nuncio derepente incidit in somnum profundum, & quasi in ecstasi, ut exinde expergeret non potuerit, tandem applicatis *clysteriis*, nec non *Vesicatoriis* intra XV. horas ad se rediit, omnium rerum inscius, vix loqui valens præ nimis debilitatibus, at eodem die relabatur in priorem somnum profundum, sicque elapsis vix XII. horis, accedentibus convulsionibus, sine febre comatosus fatis cessit. Pari ratione nobilis matrona, quinquagenaria, temperamenti seroſo-biliosi, habitus carnosioris, in sterili matrimonio semper

per existens, tributum tamen lunare suum accurate, sed largissime persolvens, *hypochondriacis* nec non *hystericis passionibus* valde obnoxia, jam a longo tempore valetudinaria, incidit sub finem mensis *Septembris* in *febrem continuam subsimilem*, quæ rite tractata degeneravit in *tertianam exquisitam* septimo paroxysmo judicatam. Reliquit autem post se *summam virium prostrationem*, *anorexiam*, *capitis gravitatem*, *anxietates*, *cachexiam* ipsam. Urina, quam hæcenus reddidit, fuit turbida, cum sedimento copiosissimo, mucoso, coloris rosei, non tamen foetens. Materiam hanc *hypochondriacam*, quam natura, optima morborum medicatrix, per ductus urinarios excretam voluit, jam motam, promovimus *digestivis*, *aperientibus*, v. gr. *pulv. hepat. tartar. vitriolat. arcan. dupl. sal. cichor. lap. cancr. tint. sal. tartar. tandem decoct. aperit. For. cum fol. senn. & manna acuto*. Quinque inde deiecit, relicta tamen aliquali, sed torminosa in intestinis *hypercatharsi* ad biduum; qua sedata melius sese habuit, atque *ordinarius mensium fluxus* instituit. Octiduo post, i. e. quarta *Februarii* observavi pulsum alteratum, justo celeriores, sexta vesperti *affectum soporifum*, propensionem nempe gravem & invincibilem in somnum, reipsa dormivit, & excitata oculos aperuit, ad interrogata paucis, sed apposite respondit, de nullis doloribus conquesta, mox relapsa in somnum; si adstantes devotas ac pias cantilenas canere inceperunt, ipsa simul expergefacta statim cecinit, neque ante cantare destitit, quam inchoatam absolvit stropham, adeoque semper sibi fuit præsens, omnes cognovit, nunquam sensibus neque internis, neque externis, neque motu destituta, sed valde debilitata, & ad actiones more solito obeundas languida, respiratio fuit integra. Calor febrilis notabatur p. n. lentus acris & mordax, qui vespertino tamen & nocturno tempore intensior, pulsus celer, mollis, facies pallida, subtumida, quasi *leucophlegmatica*, oculi ultimis diebus quasi turbidi, lachrymabundi. Opposui huic *Comati soporoso* varia, v. gr. *castorina*, *cinnabarinajovialia*, *sal. volatilia*, *succin. C. C.* cum pulveribus *epilepticis* & *confortantibus* remixta, nec non *Vesicatorium* nuchæ applicatum, sed sine operatione, imo irritato successu omnia, donec tandem somnus hic p. n. septima die corpus fratri suo morti tradidit. Paulo post mortem e naribus copiose stillavit *ichor serosus*. Verissima igitur manet *observatio Vvedelii* *opio-logia* inserta, p. m. 46. qua fatetur, se nunquam vidisse *affectum soporifum* vere talem, ubi non adfuisset calor p. n. simul, quod & ipse aliquoties jam in praxi observavi. Eodem mense *Illustrissima Comitissa* gratiosam enixa est filiam, quæ lac sugere ex papilla non potuit, sed id per nares summa cum molestia & anxietate reddere debuit. Examinatis faucibus, *columella* & *tonsillæ* cum *postica parte palati* abfuerunt, unde lac, quod deglutire non potuit, per nares resultavit. Non diu superstes fuit, tertio enim a nativitate die, accedentibus *motibus convulsivis* fatis cessit. In causas inquisitioni, quare natura in formando corpore a recta formatione & scopo deflexit, harumque partium deficientium oblita fuit, sciant, *Illustrissimam matrem libenter* & *quidem attente ac considerate saepe in distractos canum & felium rictus ludendo inspexisse*, adeoque horum structuram fortiter sibi impressisse. Interim *Vvedelianum porisma*, uvulam nempe ad deglutionem eximie facere, manet verissimum. Parallela aliquo modo hisce exempla, si cui volupe fuerit legere, adeat *Observationes Vvedelii recensitas in M. A. N. C. legat Dec. 11. Observ. 5. ann. 5. M. A. N. C. p. 12. nec non Salmuth. observ. med. 6. cent. 3. pag. 115.* ubi similes reperiuntur casus. *Febres erraticæ* adhuc dum *Octobri* continuarunt, calores autem non adeo fuere intensi, interim observavi *hemitritæos*, ubi *febris una die bis venit*, & altera semel. Vice *Colonellus* quidam ex *febre colica biliosa* cum vomitu correptus incidit in *deliria*, ex his in *convulsiones epilepticas*, qui tamen evasit. Sic alius quidam Vir laboravit *febre continua* cum *maximis debilitatibus*, *capitis dolore*, *corrosione* & *torminibus ventris*, sexta supervenit *fluxus alvi*, septima *icterus*, qui occupavit totum habitum corporis, cum *dejectionibus albis*, *urina saturatiori*, *nigricante*, *oleaginosa*, *proclivitate in somnum*, & solvit calores. Ab initio dedi *diapho-*
Supplem. ad Sydenham.

retica cum *confortantibus* mixta, caloribus vero jam abactis *spec. diacurcum. cum pulv. rhabarb. tartar. vitriolat. sal. cichor. trochisch. de eupator. &c.* *Novembri* incœperunt grassari *morbilli* ut plurimum *benigni*. *Tusses ferinæ* atque *catarrhi* frequentissimi. Mense *Decembri* continuarunt adhuc *morbilli*, qui tamen sub finem anni maximam induerunt *malignitatem*, fuerunt valde *parvi cum maximis catarrhis*, fuerunt &c. Quidam correptus ex *febre maligna cum diarrhœa*, *vomitibus*, *singultu continuo*, tandem adhibitis *V. S. stypticis*, *castorinis*, nec non *opiatis*, quæ pro dosi ad gr. iſſ. præscripti, nona die convaluit præter omnium expectationem.

Constitutio Epidemica Sempronienſis Anni 1709.

J *Annuarius* incœpit cum frigore, quod a die V. ad XII. valde exasperatum, imo post hominum memoriam acerbissimum fuit, remisit tamen ad aliquot dies, d. XVII. vero iterum intendebatur, verbo, nives ceciderunt supra nives, gelu supra gelu, & continuavit per totum mensem. Mense *Februario* continuarunt frigora, imo III. & IV. ceciderunt nives copiosissimæ cum horrendo gelu & ventis, ut homo in plateis vix ire potuerit, quam tempestatem nemo unquam observavit, adeoque vera fuit rusticorum observatio: Sole micante, die purificante, nix major erit, quam ante. Sol enim hoc die splendebat. Post *novilunium* remisit gelu, sed rediit die XVIII. XIX. ingens cum nivibus, quod continuavit: die XXV. & XXVI. longe majores ceciderunt nives cum omni tempestatum insolitarum, frigorum & ventorum genere, quæ præcluserunt ubique vias, arbores frigoribus obnoxias deusserunt cunctas. Duravit hoc in *Martium* usque. Continuavit enim & hoc mense gelu una cum nivibus, quæ copiose ceciderunt, ad *aquinoctium* usque, adeoque *hyems hujus anni fuit summa*, tempestas sævissima, *nivis altitudo maxima*, cujus nulla hominum ante nos recordatur memoria. Jam mitescente hyeme jucundiora & calidiora affulserunt tempora. *Aprilis* enim fuit valde amœnus, serenus, calidus. *Majus* tamen erat frigidus, pluviosus. XVII. die nixit. *Junio* denuo calida, sicca tempestas observabatur. Mense *Januario* continuarunt adhuc *morbilli* cum *tussibus vehementissimis*, *catarrhi*; *febres continuæ* septima die solutæ, quæ tamen levissima occasione redierunt. Hoc mense in *puella octenni* observavi *mensēs ordinarios*. *Februario* grassabantur *petechiæ*, *febres continuæ*, & matrona quædam mortua est *comate somnolento* septima morbi die. *Martio* visebantur *morbilli*, *herpes miliaris ex puerperio*. *Catarrhi* fuerunt frequentissimi, & apud infantes cum *febre continua*. *Febres continuæ*, *petechiales* adultos quoque invadebant, quæ posteriores per totum *Aprilem* observabantur. Mense *Majo* morbi præter *catarrhos*, *febres intermittentes* fere nulli. Virgo tamen quædam nobilis hoc mense *sphacelo ex colica biliosa* duarum dierum fuit mortua. Erat hæc ipsa virgo XXXII. annorum, atrabilaria, quæ d. IX. *Maji* de repente vesperti incidit in sævissimos & acutissimos *ventris dolores*, qui *dextra magis parte* cruciarunt; atque modo sursum, modo deorsum iverunt, in primis vero *regionem umbilici usque ad scrobiculum cordis* occuparunt, tanta sævitie, ut existimaverit se veru ignito perfodi, urserunt *vomitibus*, *anxietates summe*, adfuit *omnimoda excrementorum & flatuum retentio*; ordinavimus frequentes *enematum injectiones*, nec non *aquam laxativam*, quam prima vice rejecit, altera vero retinuit, irritum tamen conatu omnia. Secunda enim die fluxerunt *mensēs coloris nigerrimi*, accessit paulo post *singultus*, mox *totalis fere tum pulsus*, tum *caloris extinctio*, salvis sensibus motuque membrorum illaso, quam refrigerationem non percepit, quin potius de intensissimis caloribus internis, quasi candenti ferro intus adusta fuisset, conquesta, manibus glaciei instar rigidissimis subinde loca petiit frigidiora, eademque die, i. est secunda *Martii* vesperti mentista-men compos, velociter, sed feliciter humanis rebus erepta est. Succu hic intestinales, in primis biliosi, acres inter plexus nerveos mesentericos, nec non fibras intestinales hærentes, atque in illarum anfractibus conclusi, acrimonia sua tormina & cruciatus excitarunt terribiles, atque in fundum Ventriculi penetrantes Venticulum

ad vomitus & singultum stimulant, arsenicalem autem naturam mox induentes intestina instat mineralis veneni assumpti corroserunt, dilacerarunt, atque in ea more perforantis terebellæ, aut spinæ infixæ, se infixerunt, inflammationem conciliarunt, & stagnante in capillaribus sanguine, acrimonia sua corrosiva in momento fere intestina sphacelarunt, quasi in ferventissimam aquam immersa fuissent. Similes casus vid. *Joh. Sophron. Kozack de sale, c. 6. sect. 15. pag. 260. Dominic. Panarolum Observ. Med. 50. Pentecost. 4. p. m. 139. Segerum observ. 82. dec. 1. ann. III. M. A. N. C.* Mense Junio morbos nullos observavi, exceptis febribus tertianis, nec non casu infelici cujusdam Domini, febre continua laborantis, quam die IX. exceperunt terribiles convulsiones epilepticae, inde secuta deliria &c. Calores intermiserunt, deliria vera remanserunt. Sub initium quartæ septimanæ observavi novos calores ex scorbutico ortos, cum maculis scorbuticis purpureis, vigiliis continuis, deliriis, nec non copiosa sanguinis per inferiora partim grumosi, partim floridi ad tres medias ejectione, inde summa virium prostratio, & cum fine quintæ septimanæ mors. Julius hujus anni fuit valde ventosus, quandoque præter morem austerus, frigidus, sine pluviis fere. Totus Augustus erat valde calidus, exceptis sub finem aliquot diebus, qui fuerunt ventosi, frigidi. Frigus quoque observabatur per totum Septembrem, qui ut plurimum pluviosus fuit. Aegidii die usque ad prandium pluebat, in Festo Matthæi circa vespere habuimus ingentia fulgura, tonitrua, pluvias, sed sine grandinibus. Mense Julio, Augusto, Septembri, Octobri insolita sine ætatis discrimine sævierunt febres, peculiarem enim habuerunt naturam, invaserunt cum modico horrore, mox caloribus continuis, ut etiam peritissimi credidissent, adesse febres continuas malignas, vomitibus, alvi fluxu, siti, doloribus capitis, vigiliis, v. demum die remittente calore degenerarunt in intermittentes exquisitas, quæ pro subjectorum temperamentis, sanguinisque ac humorum constitutione modo contumaciores, modo benigniores fuerunt. Paroxysmum imminens ut plurimum comitabantur frequentes dejectiones biliosæ, nec non Vomitus terribiles cholerae instar. Evomuerunt quippe modo frusta pituitæ coagulata, viscidæ, modo bilem flavam, modo vermes ævo & nato copiosos, diebus intercalaribus cessarunt vomitus, alvi fluxus. Versipellis hæc febris epidemica quosdam invasit cum exanthematibus urtica puncturis similibus, quæ calore retrocedente recesserunt, & calore redeunte redierunt. In duabus personis, una XVII. altera xxx. annorum, observavi his febribus supervenisse apoplexias fortissimas lethales. Raro servarunt stata sua tempora, sed quandoque x. xii. horas præponendo & anticipando virulentiam suam ad 30. aliquot, imo 40. horas exercuerunt, quandoque unus paroxysmus excepit alterum, donec tandem peregrino materiæ miasmate sufficienter dissipato, & extincto, septimo, aut ad summum octavo paroxysmo terminatæ sunt, relictis post se pustulis & fissuris in lingua, inflammatione faucium, abscessibus, semper autem virium prostratione summa. Venæ sectio etiam in principio adhibita nil profuit, quin potius febrilis paroxysmus post ejus administrationem incrementum sumpsit, sanguis autem extractus floridissimus apparuit, & natura magis debilitata fuit. Conduxerunt blanda diaphoretica, quæ paroxysmos in ordinem redegerunt, & post tertium paroxysmum laxantia die a febre vacuo exhibita. Tandem devenimus ad antifebrilia, uti sunt. *salia amariuscula*, quæ incidunt, serumque attenuant, v. gr. *sal. absinth. C. B. centaur. min. arcan. dupl.* nec non *alcalica fixa*, pulveres nempe inspidos ac terreos, quales sunt *lap. cancr. specif. febril. Cr.* Omne autem fere punctum absolvit decantatissimus *cort. peruv. cum salibus* mixtus, & evacuato jam corpore, i. e. ante accessum v. vi. & paroxysmi propinatum, septimum vel ad summum octavum paroxysmum subegit, atque hac ratione febrem hanc jugulavit. Rimatus causas procatacticas epidemialis hujus febris, aeris anomalix & intemperiei, nec non largiori potui propter calorem externum vix tolerandum eam adscribendam duxi. Augustus enim, qui fuit calidissimus, poris nimium apertis corpora sudore copioso manare fecit, inde serum absumptum,

aut subtractis partibus tenuioribus biliosæ particulæ autæ, atque hoc modo acrimonia biliosa, fermentifica, irritativa enata, quæ licet a largiori potu dilui, & serum refundi videretur. Ventriculi tamen intestinorum tonum labefactavit, & ad excernendum ævo nato plus justo contenta citavit. Utut non negandum, febres hæc epidemicas ex miasmate, aeris sobole, simul aliquid participasse. Non fuerunt contagiosæ, imo si rite tractabantur, nulli funestæ, ex incuria tamen & negligentia, aut medicastrosum præpostera & perversa cura ac imperitia accedente cachexia & hydropæ, multis exitiosæ. Et hæc ratio est, quod in aliquibus locis Hungariæ ex defectu medicamentorum, aut perversa, aut neglecta cura hæc febres malignitatem pestiferam assumpserint, in primis si ex miasmate, aeris sobole, aliquid participarunt. Febres petechiales, quæ tamen autumnio præcipiti quotannis sunt frequentissimæ, hoc anno vix observavi, & si vidi, fuerunt benigne. Diarrhœæ atque dysenterix eodem tempore frequentes quoque fuerunt. Infantes, quos corripiebant, si superarunt, nonnumquam diem, evaserunt.

Dn. D. Josephi Lanzoni Constitutio Epidemica
Ferrariensis Anni 1729.

Quam amara est, ac semper erit, apud Ferrarienses memoria anni hujus 1729. cujus calamitatis initium fuit Lunaris cursus Septemb. anni clapsi 1728. Tunc enim austro spirante

Post largos imbres pluviæque madentem

inceperunt aquæ pertinaciter adeo super terræ faciem effusa, ut totam telluris superficiem aquis pluvialibus contactam, semina futuræ messis respuentem, inspicere fuerit coactus infelix noster Agricola:

Hinc moderatrix Cynthia noctis

in quavis periodo aqua pluviali scatebat, & usque ad Majales dies cæli claritas non effulsit, sic corruptæ in imis vallibus aquæ fœtentes dabant nebulas, & in illis, non ex illis, pene infinita oriebantur insecta, hinc erucæ, culices, muscæ, & varia ranarum & bufonum genera totam terræ superficiem infecere, quod forte corruptionis aquarum ac aeris signum evidens fuit; sic apud *Plutarchum* legitur, artem medicam pestilentem æstatem ex araneorum frequentia prænunciare; Accessere æstivæ Lucæ, cum derepente in Vinariis cellis totus Bromii liquor excanduit, qui erat solatium cordis, & in ipso excitata præternaturali fermentatione, mutato colore, sapore, ac motu, ejus omnis compages vitiata comparuit; unde recte caneret *Silius*

Et marcida vina largiuntur;

Hic ego exclamavi cum discipulis meis, o nos infelices, ex vini corruptione humorum discrasiam experiemur; inter vinum & sanguinem enim intercedit mutua analogia; unde ex illius putrescentia corruptio humorum nostrorum erit timenda; & hic cœpere in hominibus febres, primo sub tertianæ figura cum vomitibus, ac alvi fluxibus biliosis, aliisque pravis stipatæ symptomatibus: nullis cedebant remediis, a Venæ sectione complicabantur. Et hic bilem continere nequeo, cum enim in meis publicis ac privatis Lectionibus, in meis scriptis, typis datis, docuerim venæ sectionem Panaceam non esse, imo suadente *Celfo* anceps esse ac periculosum præsidii tale genus, attamen, velut si esset aqua fluminis, sanguis inutiliter, imo damnose, disperditur, & cum venæ sectio sit magnum remedium, non nisi urgente necessitate in morbis magnis, ac internis inflammationibus, apoplexiis usurpari deberet; Ast in tertiana suavis Doctorum, & speciatim *Joh. Fortis, Ramazzini, Rolarii &c.* Venæ sectio usurpata duplicat febrem, ut in praxi facienda meis ostendi Tyronibus; ex missione enim sanguinis fomes tertianæ febris, stabulans in primis viis, mutato loco in venas

transit, unde ardens facta morbus evadit lethalis; & ut verum candide dicam, nescio in quo libro Doctorum legerint hæc isti nostri Pseudo-Medici vel non studentes, vel non legentes, aut non intelligentes, quod pejus est: Ast redeamus in viam; si a cortice Peruviano sistebantur istæ febres, post paucos dies in fortiores redibant, imo invaso tota afficiebatur familia,

Cui latebat in corpore pestis,

& brevi temporis intervallo repleta Nosocomia, & nulla pene domus a furore hujus febris exempta; omnia monasteria ægrotabant, & nullus in urbe locus ab hac lue immunis evasit: In multis causa mutato loco febres produxit ardentis, unde ad plures, sive ad Alibanthas, migrarunt,

Quot labor & dura rapuit inclementia Mortis.

Nec audax lues timuit Principis habitaculum, sed sacram illius ædem ingressa ejusdem turbavit venas, & pene totam illius familiam solita febre affecit, atque multos aulicos enecavit,

Perque omnes sævit Mors inopina vias.

Sanctimonialium Septa pene omnia febricitabant, multæ ecclesiæ absque sacerdotibus erant; & sine sacrificio populus remanebat, præsertim ruri, ubi pessima ista lues totum expandit vexillum. Hic mihi notare liceat plebejos nonnullos, neglectis remediis, solo usu vini generosi convalescere, & ego juste fateri possum me, meosque familiares, hac febre affectos fuisse, & nunquam vini potum reliquisse, & ego in hac febris constitutione recidivans solo usu pul. Chinæchinæ, aut Cascariæ cum vino malvatico ad plures vices assumpto, convalescere, cujus pulveris ac vini potioni successit alvi fluxus, ac si assumpsissem Cassiam, vel Mannam.

Accessit Autumnale æquinoctium, quo tempore putarunt multi hujus constitutionis finem videre; sed incassum spes ivit, nam post æquinoctiales dies multi denuo ægrotarunt, alique nondum febrem passi, Octobris hujus tyrannidem experti, in febriles insultus incidere: Sic Mater ministrans filiis ægrotavit, sic Dominus servis, sic maritus conjugi, sic familiares invicem sibi effervescencias febriles communicabant, ita ut omnis pene familia ægrotaverit. In nonnullis variabat febris, & præsertim in recidivis, unde modo sub forma hemitritici, nunc rheumaticæ febris, nunc deliria &c. morbus redibat, aliquando absque ullo remedio cessabat, nunc in quartanam transibat, modo in pustulas, ac scabiem commutabatur: in aliquibus apparuerunt vermes, per vomitum & alvum excreti, modo vivi, nunc mortui, quod forte indicium erat summæ corruptionis humorum in primis viis stabulantium, urina in aliquibus turbida reddebatur, ac pene jumentorum lotio similis, in aliis albescens, subviridis, ruffa, sabulosa, ac fatentissima; unde judicavi concoctiones non fieri in corpore, sub potus corruptione; Liberi enim a febre pristinum colorem non recuperabant, vires non redibant, nutritio impediatur, & excrementa semper biliosa, vel cruda, concoctionis signa non dabant. Bombyces in veris initio catervatim peribant, volucres fugere, pisces solummodo crescebant. Nonnullis apertis Corporibus hoc morbo denatis, in ventriculo ac omnibus intestinis inventa est magna copia humori viscido flavo viridis, una cum aliquibus maculis lividis in ipsis intestinorum tunicis; vesica fellis erat in statu præternaturali, nam liquor felleus pene gypseus erat, mutato sapore, sicuti succus pancreatis austerus apparuit, cætera vero viscera erant sana, & ne minimum quidem a statu naturali recedebant; in aliquibus nonnulli vermes in intestinis reperiuntur, in aliis non.

Communes autem morbos a communibus causis progigni certum est, ut etiam fatetur Cl. Ramazzinus, communes vero causæ sunt potissimum aer, alimenta mali succi, & aquæ corruptæ, ita in nostra urbe, & agris, hæc fuere morborum hujus constitutionis Causæ, & semina, ex his ergo omnibus, sed

promptius ab aere tanquam e communi fonte, e quo nemo non potare cogitur, morbos quosdam derivari, qui multos eodem tempore afficiant, omnium pariter est consensus. Ad hanc porro nostram epidemiam excitandam, in unum convenisse, & aerem viciatum. & prava alimenta ingesta fas est arbitrari; primum quidem locum aeri a sua temperie naturali non solum secundum anni tempora recedenti, sed particulis humanæ naturæ incongruis ad satietatem pleno concedendum dixit Clarissim. Ramazzinus; secundum autem locum pravis alimentis & aquis vitiatis; Quamvis autem de miasmate contagioso aliqua posset esse suspicio, namque in una domo uno infecto, statim alii ejusdem familiæ febricitabant; id tamen potius in communem diathesim ad maturitatem eodem tempore evectam, non secus ac cum Autumno fructus omnes eodem tempore maturescunt, referendum puto potius, quam in effluvium aliquod contagiosum, exiens e corpore primi ægrotantis; Hic autem non pigeat referre remedia, quæ, ut sciam, fuere ægris apposita, ut hæc febrilis prava constitutio evinceretur; Primo nonnulli medici in principio leniens pharmacum exhibebant, mox cucurbitulas scarificatas dorso applicabant, inde pul. Chinæchinæ propinabant, & febris sistebatur saltem per aliquot dies, si vero redibat, iterum China porrigebatur, ita ut aliquis fuerit qui plures libras talis pulveris sumpserit: Alii porro medici sanguinis missionem celebrabant, & febres duplicabantur; multi assumpsere pulverem rad. contrajervæ, corticum auranticorum, corticum medic. fraxini, decoctum amarum D. Lemerii, coriandrum pulver. Thriacum Andromachi, rad. Carlinæ, alii experti sunt Mithridatii usum frequentem; Diascordion Fracastorii, Decoctum centaur. & verbenæ, vinum absinthio correctum, Chinæ corticem actuebant alii addendo modo rhabarbarum, modo cremor. tartar. vel Sal catharticum Angliæ, ad hoc, ut fusi humores corrupti in primis viis facilius per alvum exirent; Ego vero, quod ad me, quotiescunque assumo in vino pulverem chinæ febrifugæ, statim alvi fluxum patior, ac si cassiam, vel mannâ susciperem; Ol. nostrum contra pestem, vulgo del Cartagna, a multis adhibitum fuit, sicut etiam vomitoria ipsa, & immensus aquarum potus; verum ait Ramazzinus, quid opis expectandum in his febribus ab aquæ potu? imo ex ejus usu sanguis pigriore motu per vasa efflueret, ac tandem cachexiæ & hydropes succederent; uti accidit in Juvene a Ramazzino memorato; ego certe modico vino sum usus, necunquam vidi aliquem prævum effectum ab eo: Infinita propemodum curavi corpora in hac constitutione, & juste fateri possum, neminem affectum febre talis constitutionis, a me curatum, mortuum fuisse, præter duas feminas, unam 65. annorum iliaca passione necatam, aliam ex suppressione mensium, inflammatione cerebri extinctam. Hæc currenti calamo scripta sunt in memoriam hujus constitutionis pessimæ. (Ferraria Altorasi m. Febr. An. 1730. missa.)

Dr. D. Caroli Friderici Locov Historia Febris Catarrhalis, quæ anno 1729. Mens. Novembri & Decembri per Europam Epidemice grassata est, cui accedit Constitutio Epidemica Anni 1730.

Quanto, quamque indefesso labore Societas Imperialis L. C. Nat. Cur. cum in rariorum perscrutatione, tum in utilium, tam physicalium, quam medicinalium rerum detectione a primis inconabulis ad hæc usque tempora, usa sit, Acta atque Volumina nostra satis superque testantur. Laudem merentur Bauschius, Februs, Volckamerus, Schreockius, alique tanto majorem, quo sæpius a Membris Academicis eorum communicationem petierint, quæ utilitate majori se commendaverint. Atque hinc est, quod toties de constitutione aeris non modo, sed & de morbis epidemicis accuratiorem descriptionem efflagitarint. Quo magis autem hac ratione inductus Parens pie defunctus, & de mutationum aeris genuina annotatione, & de effectuum independentium diligentiori observatione, & de probatissimorum remedium consignatione Societati per

per multos annos sollicitum sese præstitit; hoc fidelius hæc ipse ex Auctoris schedis posthumis æque recensita, ac in ordinem digesta, sub titulo *Historia Epidemica Hungariae*, A&C. Phys. Med. A. C. L. C. N. C. Volumini I. deinde a me sunt annexa. Neque per plures annos a me conscriptum; atque publico bono destinatum opusculum de *epidemica Viennensi constitutione* denegaturus, si sese hæc qualiscunque opella lectori probaverit. Hujus summa est expositio *febris catarrhalis*, quæ *An. 1729.* sigillatim mense *Septembr.* atque *Octobris*, Viennæ epidemice grassata est, atque eo accuratiori delineatione opus habet, quod hujus mali semina non tantum per *Sueciam, Daniam, Hollandiam, Angliam, Hispaniam, Galliam, Helvetiam, Italiam, Austriam, Germaniam* partes reliquas, *Hungariam, Poloniam*, totamque *Europam* eodem tempore sparsa sint; verum & in curatione *cautele* nonnullæ occurrerint, ut non adducant, morbum hunc esse *rariorem*, neque quotannis *obvium*, neque ab ullo sufficienter *descriptum*. Utut enim & *Schenckius* in *Præfat. ad Libr. obs.* mentionem faciat *febris catarrhalis*, quæ anno 1580. præter *Germaniam, Italiam* adeo afflarat, ut vel *Romæ* saltem ultra 9000. hominum illata strages excreverit: & *Antonius Menjotius* in *Dissert. Patholog.* p. 140. *tussim* ferinam, contagiosam, malignam, avorum memoria *populatim* sævientem, & a *cucullo*, quo capita solebant operire, *coqueluthe* vulgo dictam recenset: & *Nicol. de Bligny* in *Zodiac. Medic. Gallic. sive Miscel. Med. Phys. Gallic. Ann. I.* p. 184. paucula quædam de *catarrho* anno 1679. epidemio, tussi perpetua, vigiliis, oppressionibus, febre continua, dyspnœa, pleuripneumonia stipato, multis lethali, atque remediis *ordinariis* non cedente, nobis reliquerit; superficialia tamen sunt, neque animum curiosiorem exsantiant. Adeat, cui volupe est *Thomam Sydenham*, Practicum quondam Londinensem celeberrimum, ubi præter ea, quæ Doctissimus *Carolus Raygerus*, Pannoniæ decus illustre, atque *Paulus de Sorbait* nobis de *tussibus* tradidere, quæ anno 1675. per *autumnum* longe lateque depopulatæ sunt, plura adhuc inveniat. Quod enim *Car. Raygerus Ephem. Germ. Dec. I. Ann. VI. & VII.* p. 312. annotavit, dum per totum *Septembrem*, mediumque *Octobris* anni citati, ob *insolitam* aeris temperaturam, æstatem *pluviosam*, insequentem autumnum *inaequalem*, modo serenum, modo pluviosum, insolitos etiam *catarrhos Pisonii, Viennæ*, per totam *Austriam*, in *Silesia*, in primis *Uratislavia*, imo per totam *Germaniam*, homines eodem tempore, eodemque prope modo cum *rigore & calore* invasisse, nemini tamen exitiosos fuisse scribit, illud *Thom. Sydenham* in *Praxi Med. Experimentalis* p. 275. & 304. seq. non solum confirmat, dum sub finem *Octobris* ob *tepidam*, atque ad instar æstatis placidam tempestatem, derepente in *frigidam humidamque* mutatam, *tusses* numerosiores grassatas adducit, quam alio quovis, quod meminit, tempore, nemini fere parcentes, cujuscunque is fuerit sive *atatis*, sive *temperamenti*, integras vero familias simul pervadentes; sed etiam evincit, febrem hanc *catarrhalem* fuisse *eandem* epidemicam, quæ *Julio 1673.* ingressa progrediebatur, cum & hæc antequam *catarrhi* se ostenderent, & illa, quæ post *catarrhos* permansit, æque, ac *catarrhalis*, semper cum dolore capitis, dorsi, atque artuum quoslibet aggressa sit, atque V. S. aliisque similibus medicamentis tractari debuerit. Idem & nos anno 1729. experti sumus, cum per totum anni decursum usque in sequentem, *epidemica* quædam *febris* sese exeruerit, quæ & ante *catarrhalis* accessum, & post ejus *declinationem* pro diversa *mutatione aeris*, aliarumque circumstantiarum, diversos *affectus* quidem simulavit, semper autem cum summa *lassitudine* dolore capitis, dorsi, atque artuum *initium* sumpsit, atque V. S. similibusque remediis, quibus *catarrhalis*, sublata est. Licet ergo mense *Jan. Febr. & Mart.* anni 1729. non nulli *hepatitidem*, aliasque febres *inflammatorias* incurrerint, in plurimis vero *catarrhales* malignæ *petechizantes* in conspectum prodierint. *April. Maj. & Jun.* tam *benigna* quam *malignæ* *catarrhales*, cum *variolis* malignitate non carentibus, continuaverint. *Jul. August. & Septembr.* non modo *catarrhales* malignæ, aliæque *continue*, atque ipsa *purpura alba* in puerperis; sed &

frequentiores atque pertinaciores *diarrhœæ* æque, ac *tertiana duplicata* observatæ sint. Mense *Octobr.* multi *angina peripneumoniae, pleuritidi*, aliisque febribus *inflammatoriis* obnoxii fuerint: die 21. *Novembr.* tepidiorem excipiente humido frigida tempestate, præter *malignas*, sæpius adducta *catarrhalis* oborta sit, per *Decembr.* inaudito modo sæviens, atque 4. *Jan. 1730.* non nisi *nivibus*, atque vento *frigidiori* cedens: licet tandem *Jan. Febr. & Mart.* anni 1730. *angina, pleuritides, febres malignæ, petechiales* visæ sint; semper tamen prior illa *epidemica* sub iisdem lauit. Hoc certius, quod hæc *catarrhalis*, alias tum *abundantia* sive *sanguinis*, sive *seri*, nonnumquam *viscidioris*, nonnumquam *impurioris*, præditos, hincque *sanguineo-pleghmaticos* magis invadens, tum *sensilioribus, relaxatis*, vel ob obesiorem, spongiosioreque constitutionem *rarioribus* fibris, vasis *minoribus, majoribusque* poris instructos afficiens, tum ratione *atatis*, modo *infantibus* ob temperamentum *calido humidum, teneriorem* texturam, majoremque *sensibilitatem* ab aere externo familiaris, modo *adultis* ob naturam *siccioris*, firmiorem atque *compactiorem* structuram, hincque ob majorem *congestionem* versus pectus tussi *sicca* molesta, modo *senioribus* ob humores *spissiores*, fibrasque de suo *tono* dejectas incommoda: tum ratione *sexus, sequiorem*, ob majorem *sensibiliorem* infestans: tum eos occupans, qui vel alias huic obnoxii, vel *lesionem* in pectore sentiunt, vel *meticulosi* existunt, vel partes *capitis* atque *colli* glandulosas ab aere *humido-frigidiori* non satis defendunt; quod inquam, hæc *febris* præterito anno tam *contagiosa* fuerit, ut fere *omnes* homines, sine ullo *discrimine*, & eodem tempore, & eadem *ratione*, iisdemque *circumstantiis & symptomatibus*, more omnium epidemicorum morborum, tam per totam *Europam*, quam *Viennæ*, multo celerius, vehementiusque petierit, quam ullo unquam tempore. Unde etiam est, quod in hac *Civitate* non 60000. hominum, quod novellæ tradidere, sed longe *major numerus* hanc perpeffus sit. Neque enim eadem *cholericæ*, neque aliis temperamentis pepercit, sive deinde fuerint *plethorici*, sive *minori* quantitate sanguinis præditi. Neque in hominibus *viscido* abundantibus solum erant spectabiles, sed etiam in illis, qui sanguinem *fluidiorem*, sufficientique *sero* dilutum obtinuerunt. Æque in *macilentos*, ac *obesiores*, æque in *robustos* ac *debiliores*, & *sensibiliores*, æque in *infantes* ac *adultos*, non modo *juvenes*, verum etiam *seniores*, cujuscunque *sexus* fuerint, tam extra *conjugium*, quam in illo *viventes*, imo & in ipsas *gravidas*, ad epidemicis affectibus alias magis immunes, vehementer grassari cœpit, ita ut neque *domi* hærentes, neque in *itinere* constitutos intactos reliquerit, sive *dietam* accuratorem observaverit, sive minus. Etsi vero etiam *injuriis aeris* alias *adsuetos* sæpius aggressa sit, tantum tamen abest, ut hac vice *omnes*, in quibus ob majorem *sensibilitatem* alias continui, graviorefque *catarrhi* vigeant, in eandem inciderint, ut *multi* potius immunes manserint, *Perillustres* quidam *Dominus* mutato *climate* nulla febre *catarrhali*, licet alvi contumacissima *obstructione* laboraverit, correptus fuerit, atque ex *gravidis*, quamvis in plerisque *debilitates syncopica abortus*, aliaque periculosa *Symptomata* supervenerint, quædam tamen reperta sit, quæ sanguine *viscidiori* non obstante, nihil de eadem perceperit. Gravius decumbabant, nullis *medicamentis* utentes, hocque magis, si corpore calefacto, atque ad *sudorem* disposito, aeri *humido frigido* sese exposuerint, quod in duabus *Serenissimorum Principum* aulis conspeximus. *Contagium* per totam *Europam* præsefererat, ut & *activam*, & ad *corruptionem* pronam materiam præsupponebat. Quamvis autem *Viennæ* non tanta *malignitate* comparuerit, quanta quidem in agro *Bononiensi*, inque quibusdam locis *Angliæ*, cum ibi *petechiæ*, aliaque periculosa *Symptomata* insimul accesserint, atque homines intra paucos dies instar pellis e medio sustulerint; nihilominus tamen & hic in altero præ altero major *malignitas* sese prodebat, pronti nempe vel *simplicem* regularem febrem *catarrhalem*, vel *aliis* morbis gravioribus junctam expertus fuerit, cum hi *posteriores* non solum *anxietates*, pathemata *syncopica*, *vigilias* extraordinarias, aliaque vehementiora *symptomata* post se tra-

xerint; sed & in causa fuerint, quod quibusdam non iv. vel vii. sed xiv. vel xxi. demum die febris hæc valedixerit. In omnibus malum hoc epidemium initium sumpsit cum spontanea lassitudine, vigiliis, calore majori, sine ulla tamen siti, pulsu tardiori, debiliore, suppresso fere, aliisque quæ malignitati tribui solent, Symptomatibus, quæ comitabatur inappetentia, & tussicula sicca, tam ob continuitatem, quam ob vehementiam molesta. Plerique horum conquesti modo de pectoris, modo de capitis congestione, interdum graviore, interdum leviore, quam presso pede excepit nonnunquam respiratio difficilis, nonnunquam vertigo, ut & gravitas capitis, & delirium, & coryza, & sternutatio. Porro quam plurimi præter symptomata recensita afficiebantur vel dolore dorsi satis atroci, vel stupore, & dolore articularum, artuumque tensivo, vel horrore, vel diarrhœa. In quibusdam tamen & alia notatu digna phaenomena complicabantur, quæ pro diversitate subjecti fuere diversa, ita, ut alii non tam horripilatione, quam horrore intensiori, atque per aliquot horas durante correpti sint, alii raucedine laboraverint, alii ob pethoram, calorem majorem, faciei inflationem, rheumatismum, obnubilationem atque obscuritatem visus experti sint, alios alia occupaverint. Non attingam dorsi atque abdominis dolorem in gravidis, neque mentionem injiciam anxietatum, quæ miculolos obruebant sæpius, neque vomitus atque dolores lumborum in calculosis observatos, neque pertinacem sensum frigoris in hysteriis circa futuram sagittalem annotatum adducam; hoc saltim addam, in iis, ubi graviores morbi prægressi sunt, non tantum debilitates syncopicas; sed & periculosa in conspectum prodisse pathemata, quod tum in aliis, tum in Viro quodam Juvene, nobisque amico videre licuit. Is enim existens habitus macilentioris, temperamenti sanguineo-melancholici, atque ad hæmorrhoides cæcas inclinans, licet ex febre, quæ post prægressam iram, dietam neglectam in itinere, acidulas Selteranas, neque decenti modo in usum vocatas, non tantum febris continuæ, malignæ, atque ob calorem summum, sudorem fere colliquativum, alvi pertinacem obstructionem, vigilias continuas, deliria, debilitatem pulsus, spasticas torsiones oris, floecorum lectionem, periculosissima typum præfererebat; sed & die xv. tertianam duplicatam transit, sequente deinceps triplici tertiana simplicis recidiva, quarum qualibet, etsi excessum in diæta pro fundamento habuerit, diversissimis tamen remediis tractanda erat, ut & postrema partim die v. initium sumpsit, partim loco anticipationis in prioribus spectanda postposuit, terminando deinde in febriculam lentam cum summa debilitate, continuo sudore, factorem de se spirante; purpura alba, tussicula sicca, œdematibus, aliisque; licet, inquam, hic Vir optimus ex hac febre periculosissima æque ac intricatissima restitutus fuerit, viresque jam aliquantum redierint; eidem tamen catarrhali mense Decembris expositus erat, hocque gravius, quod deliriis ferocioribus, calore summo, vigiliis ad diem vii. solutionis usque stipata fuerit. Progressu temporis, atque morbo in statu suo constituto, & Symptomata sensim aucta sunt. Pulsus, qui in principio fuit debilis, jam fortior, celerior reddebatur, ut de doloribus pectoris versus hypochondria sese extendentibus nil dicam. Deliria in quibusdam continuabant, plerisque dolores maximum facessivere negotium, ut neque tussire potuerint, ad unum omnes, qui præsentem morbo auræ frigidiori temere sese commiscere, sudoremque neglexere, vel gravius, vel diutius decumbebant. Conspexi id ipsum in Illustriss. quodam senæ, plethorico, binis vicibus, cum post primam exitum, catarrho nondum penitus discusso, multa statim orta sint periculosa Symptomata, congestio versus pectus, caput, ophthalmia, respiratio difficilis, anxietates, hæmoptysis, plenitudo pectoris e spumido quasi sono inter respiciendum colligenda, pulsus suppressus, inquiet nocturna somnum turbans, lassitudo summa: & altera vice, etsi morbus ad declinationem pervenerit, ita, ut sub blanda diapnoe blandior somnus & respiratio accesserint, tanta tamen alterationes, vigilie, debilitates eundem de novo invaserint, ut graviora metuenda fuissent, nisi V. S. præservantæ sine instituta æque, ac conti-

nuis blandis excretionibus, tam poros cutis, quam per vias urinarias, atque alvum sub specie diarrhœæ, quam denique per tussim vim morbi a vii. ad xiv. diem laxatam vidissemus. Adducta confirmat mors pauper-culi, hydrocele simul laborantis, quæ intumesceniam totius corporis, ob denegatam diapnoen in hypocautis frigidiori excipiebat. Porro infantes ob deglutitionem materiæ rejectæ torminibus affligebantur: hinc erat inquietas nocturna. Sic & in puella dilatationem peritonæi circa inguen dextrum cum metu herniæ, ob tussim vehementiorem non modo observavi, verum etiam in grvida, præter dolorem, qui & in dorsum, & abdomen sese diffudit, debilitates syncopicas, tonsillarum inflammationem, lactisque e manibus eruptionem deprehendi. Lipothymia ut plurimum in prædebilitatis increbescebat, ut & spastica strictura circa nucham in vetula quadam, quæ apoplexia ante aliquot annos tacta erat. Sed cum morbus hic tam varius fuerit, sese transformaverit, ut aliquando febrem continentem, sæpiissime continuam, aliquando intermittentem mentitus fuerit, quis quæso omnia Symptomata, quibus hic morbus exacerbatus est, enarrare queat? Sufficiat ergo, horrorem interdum remissionem, interdum intensiorem, & per aliquot horas in iv. personis continuantem, altera vice non accessisse, cujus per octo horas cum calore majori, sudore copiosiori, artuum dolore immani, atque hæmoptysi, durantis, & tamen secunda vice non annotati exemplum præbebat femina quædam Juvenis, ut & alius febrem catarrhalem negligens, ex itinere Taurenensi redux. Sicuti autem in hoc horrore comes erat dolor pectoris acutus, respiratio difficilior, calor intensus, quæ partim ob calidiorum adhibitionem ob loci in morbo mutationem, graviora sequebantur Symptomata, strictura pectoris, aliarumque partium pertinaciores, deliria, urine suppressio, subsultus tendinum, vigilie, pulsus debilis: ita & xi. die rejectio materiæ copiosioris & rubicundæ, & factorem de se spirantis sub tussi fortiori in eodem loco junctum habuit dolorem, ut de critica atque salutaris excretionis per poros cutis, vias urinarias, alvum sub forma udoris æque, ac diarrhœæ, quæ a vii. usque ad xiv. perdurabant diem, nil adducam. Febres compositæ plerumque ex duabus constabant acutis, continente nempe atque continua. Atque harum tres species occurrebant. Vel enim catarrhalis, & biliosa, sicque duæ continuæ, vomitu bilioso initium sumentes, complicabantur, vel catarrhalis sociam habuit continentem, hincque in aliis, juvenibus non modo, verum etiam senioribus, ut plurimum iv. vel vii. demum die hæmorrhagia narium salutaris, in aliis hæmoptysi, in aliis vomitu cruento, in aliis sequioris sexus hæmorrhagia uteri, in aliis quatuor tam adfuetis, quam non adfuetis personis hæmorrhoidibus conspicua erat, imo hæmorrhagia critica per alvum, copiosissima, sine ullo incommodo in Juvene xx. circiter annorum, die vii. cum ægri levamine oborta est, vel catarrhali jungebatur in plethoricis, sanguine viscidiori præditis; tum continens, tum continua alia inflammatoria. Hinc conquerebantur sæpius de phrenitide, febribus anginosi, peripneumonia, pleuritide, hepatitide, aliisque. Pleuritidem veram animadverti in grvida, eaque juvene, plethorica, congestionibus pectoris dedita. Atque licet hæc, præter Symptomata ordinaria in febre catarrhali perspecta, & sitim intensam, vomitus, dolores dorsi atque scapularum experta sit, & ii. die morbi V. S. celebrata insignem horrorem observaverit, & iii. partim ultra duas horas infantis motum senserit, partim dolor latius, versusque anteriora extensus fuerit, & v. ob doloris vehementiam tussire vix potuerit, donec vi. vii. viii. anxietates, vigilie, deliria, diarrhœa sese exeruerint, & xi. etiam melius disposita sub blando udore, atque urina sedimentum jam jam deponente, abortum perpeffa fuerit; tamen per Dei gratiam pristinae sanitati restituta est, postquam nempe multum sanguinis grumosi per uterum excretum, aliquid membranosi a natura ejectum fuerit, atque tandem morbo purpura rubra supervenerit. Puer, quem enixa est, cum septimestris fuerit, atque in pectore, dorso, capite inflammatio adfuerit, diu non vixit, licet S. Baptismate adhuc tinctus sit. Angina contagiosa cum febre

febre intensiori, majori congestione versus caput, *corryza*, gravitate auditus, difficultate respirationis deglutitionis, locutionis, vigiliis, alvi obstructione tum Illustris. quendam dominum, tum & Eidem a serviitiis existentem circumstantiis iisdem eodem infestabat tempore. In utroque enim non modo morbus repetitis V. S. resolutivis atque discutientibus temperatis, cum interne, tum externe adhibitis, *clysteribus*, aliisque facta die IV. discussione atque excretionis sanguinis grumosi per nares imminuebantur; sed & febris catarrhalis, morbo vix ad declinationem accedente, sese prodibat, quæ tamen in priori dolore auris atque excretionis materiae cujusdam solvabatur, licet angina, quæ sublata videbatur ob præmaturam aeris mutationem recruderit. In declinatione morbi materiae viscosa facilius per tussim succedebat excretio, quam blandus uxor, modo citius, modo tardius, comitabatur, ut & urinae turbatio. Ut plurimum hæc tenuissimam cutem, vitro adhærescentem ostendebat cum sedimento roseo pallido. Dolor æque in pectore, ac circa hypochondria remisit, nonnunquam facta dissipatione in artus, quod in gravida spectare mihi contigit, nonnunquam auris dolore sequente. Joh. Nic. Pechlinus obs. med. 45. L. 11. p. 320. scribit, notum esse, quod vellicata membrana tympani, tremula vibratio cum nervosa epiglottidis, sicque concussis pulmonibus, ob consensum tussis producat. Unde & ille dolor circa aures vel consensui nervorum, vel congestioni humorum tribuendus est. Hoc cessante plerisque, qui vigiliis diuturnioribus torquebantur antea, somnus obrepserat continuus. Etsi vero excretionis materiae peccantis per sudorem, febris hujus vis sublata aut minuta sit, nullaque exanthemata sese ostenderint, comparebant tamen in iis, qui sudorem neglexere. Hinc non modo post inunctiones crebriores puerpera & rubra, & ejusdem filia alba tentabatur purpura; verum etiam facta præmatura frigoris admissione nonnulli ob materiam incrassatam parotidibus, bubonibus, aliisque tumoribus glandulosis infestabantur. Adducta symptomata non nisi per aliquot dies perstabant. Erant tamen & alia, quæ per totum morbi decursum urgebant. Sic inter omnes extraordinaria lassitudo dominabatur. Nonnullis ægrotorum fluxus hæmorrhoidalis, aliis uxor continuus, aliis diarrhæa, aliis vigilie perpetuæ obortæ sunt, quas per septiduum durantes deprehendi in duabus personis, altera pleuritica, altera vero ab aliquot annis suppressione hæmorrhoidum laborante, V. S. solitam præmittente, alvi obstructioni, animi pathematibus, affectui oculi obnoxia, atque anno 1729. mense Septembris febre catarrhali correpta. Febre autem sensim evanescente lassitudo in omnibus adhuc diu permansit; imo aeri frigidiore, sive nocturno, sive alteri sese exponentes, tussi diuturniori, dolorosis stridulis circa scapulas, aliisque atrocioribus vexabantur symptomatibus. Veram atque genuinam causam quod attinet, præ aliis noscenda est proxima, sive immediata, qua detecta non modo proximiores, tam naturales, quam non naturales, aliæque patefcent. Certum autem atque evictum est, immediatam, modo pulmonum, modo faucium, modo vicinarum partium stasim constituisse. Hinc enim motus humorum impeditior, hinc ad easdem partes affluxus copiosior, hinc ipsa tandem febris secundaria, catarrhalis. Ex mediatis proximioribus humorosa malum hoc insigniter fovebat cum ob nimiam humorum quantitatem, ab aere humido frigidiore, transpirationem impredientem, inductam, tum ob qualitatem in aliis spissiore, in aliis cariorem, ob eandem rationem enatam, tum denique ob motum humorum progressivum, & ratione totius massæ sanguineæ, & ratione pulmonum vehementiorem. Quamvis vero alias temperamentum, constitutio corporis, fibrarum, pororum, ætas, sexus, vite genus, aliæque, quæ partium solidarum & fluidarum dispositionem naturalem ostendunt, atque remotiores naturales audiunt, plurimum ad hunc morbum faciant, tantum tamen abest, ut hac vice aliquid contribuerint, ut potius aer, cibus, aliæque causæ remotiores non naturales attendendæ fuerint. Aerem si spectes, ubique insolita vigeat constitutio, quæ tamen hinc inde vel quantitate, vel qualitate, vel motu diversa fuit. Unde & aer corpora, dum eadem modo ambit, modo intrat,

innumeris modis afficiens, non modo huic febre catarrhali per totam Europam; sed & hinc inde diversis Symptomatibus principium dedit. Sic circa Bononiam, vicinasque provincias, in primis in convallibus depressioribus, incolæ hoc gravioribus pathematibus affligebantur, quo major pressio ab aere graviore nebuloso in pulmones ibidem exercebatur. Sicuti vero aer figura atque proportioni contentorum acceptum referre debet, quod jam hanc vel illam qualitatem obtineat: ita etiam effluvia tam ordinaria, quam extraordinaria, mense Novembris atque Decembris anni supra citati in aere per totam Europam dispersa, qualitatem illam vitiosam cum eadem communicarunt, a qua nominata febris proficiscebatur. Hic loci enim mense Octobris tempestas placida ac tepens observabatur, quam sub initium Novembris excipiebat alia multum diversa, frigida scilicet atque humida, nebulosa subito ingruens, ut non attingam, aeris intemperiem, modo nebulis foetidissimis, modo cælo magis sereno, conspicuam, interdum pluviis, atque frigore, interdum calore sese exerentem, præter solitum per totum Nov. & Dec. perseverasse, usque dum ventus septentrionalis nitrosus atque nivosis corpusculis, quorum copiam huc secum deferrebat, aeris labes noxias IV. die Jan. 1730. elueret. Neque Vienna tantum inconstans aeris constitutio erat spectabilis; sed etiam iisdem mensibus per Hungariam, Poloniam, Saxoniam, Angliam, Hispaniam, Galliam, Italiam, inundationem aliqualem ob pluvias copiosiores perpessam, Daniam, Sueciam, Moscoviam, aliasque regiones viscebatur. Cum ergo a copiosioribus aqueis particulis, & aer humidiores æque, ac frigidiores qualitatem per totam Europam sub initium Novembris nactus sit, atque ab eadem relaxatis fibris, porisque contractis transpiratio impeditior, hincque partium biliosarum, aliarumque inutilium excretio imminuta, atque humorum ad corruptionem producta dispositio, mirum non est, ingruente placidiori tempestate, humoribus ad vitiosam resolutionem jamjam inclinantibus orgasmum illatum, sicque febre catarrhali, malignæ, datam fuisse occasionem. Evincitur id ipsum ex eo, quod hæc febris & sub initium Novembris, præsentem ubique simili constitutione aeris, in Gallia, Anglia, Hispania, Italia, Austria, Hungaria, Polonia, licet in Suecia prius, in Helvetia vero tardius, comparuerit, & sub finem Decembris, atque circa principium anni 1730. vehementia frigoris subsecuti mali hujus vis ubique sublata sit. Licet enim recedente febre catarrhali per Austriam, aliasque provincias aliæ febres spargi cœperint, nec tamen ita prorsus epidemica, nec iisdem Symptomatibus amplius stipatae fuere. Sicuti vero particulae aqueæ atque igneæ, etsi semper in aere sint præsentem, alias neque aeri, neque homini tam subitanam alterationem inducunt: ita in earundem abundantiam mense Nov. atque Decembr. præteriti anni perspectam unice causam rejiciendam censeo. Huic constitutioni favebant & alia impuriore, atque extraordinaria effluvia, sive a rebus inanimatis, sive ab animatis in aerem deducta perpendantur. Quod ad primum momentum spectat, nil dicam de insistentiis siderum; utut veritati consonum, pro diverso situ, atque conjunctione solis cum planetis diversam materiam subtilem in terram deferri, hincque diversas corporis affectiones proficisci; paucis saltem addam, anno 1729. cum circa Romam, Neapolim, aliæque loca Italia, crebriores terræ motus, ob Vesuvium diutius oclusum sensisse incolas, qui 20. Decembris & per Ducatum Mediolanensem, & per Helvetiam se ostendebant, tum eosdem 24. Octobris hora VI. matutina arcem Fredericianam Hallensem Norvegorum æque, ac in Nericia civitatem crebro hora VIII. tanta vehementia occupasse, ut caminos decedentes viderint, tum denique montem Islandicum, Schvæfelberg dictum talem concepissem flammam, qua territorium ad distantiam II. milliarium destructum, licet tandem nivibus copiosioribus extincta fuerint. Cumque hic ignis occultæ atque subterraneæ vi Hecla adscribendus sit, neque illi motus Italiae aliam, nisi similem efficaciam Vesuvii pro causa agnoscant, dubium non est, quin hac occasione & sulphurea, & aliæ vitiosæ particulae per aerem longe lateque disseminatae sint. Harum præsentiam probant tempestates cum inauditis atque in-

insolitis fulminibus atque tonitribus & mense Novemb. atque Decemb. versus Neapolim, in Monte Pessulano, circa Constantiam, & circa Hafniam, Uratislaviam &c. anno 1730. Mense Jan. sicque in consuetum tempore annotata non modo; sed & *phenomena* illa, quæ partim die 16. Novembris 1729. in Holandia, Colonia Agrippina, Francofurti, Hanovia, Lutetia Parisiorum, Varsovia, partim die 15. Febr. 1730. Vienna, circa Coloniam Allobrogum, aliaque loca Helvetia, in aere conspicere licuit. Accedit & hoc, quod civitatibus populosis incumbens aer fumeis, aut alijsmodi heterogeneis effluviis scatet. Unde in his & gravior, & acrior redditur, præstans deinceps majorem pressionem in pulmonibus, ut & irritationem. Atque hinc tam illud est, quod Viennenses, præsentibus die 4. Decemb. nebulis oculum vellicantibus, frequentiori sreatui, crebrioribusque tussibus expositi fuerint, quam quod vehementiora Symptomata in majoribus Civitatibus viventes sint perpassi. Uliginosas regiones si quis adeat, deprehendet aerem multo humidiorum. Hinc minor motus elevatarum aquosarum particularum, hinc tandem major ad corruptionem dispositio, cujus testes sunt nebulae crassiores, fetidissima. In his ergo locis gravius ægrotabant decumbentes, hocque magis, si & aliæ causæ occasionales sociæ fuerint. Plurimum huc faciebant effluvia animalium. Cum enim semina morborum contagiosa in subtilissimo, activissimo, corruptionique obnoxio miasmate consistant, atque hinc ab animalibus longe lateque fermentescentes particulae in aerem deferantur, patet, non modo ab ægrotis, hac febre contagiosa laborantibus, in familiaribus cum illis versantes effluvia vel per pulmones, vel per poros cutis derivata; verum etiam ob luem illam, quæ in Italia, Palatinatu, Austria, Pannonia, Valachia, Podolia, Vuollinia, Polonia, inter pecora hinc inde serpebat, innumera putredinosa miasmata eodem anno in aerem fuisse dispersa. Hæc deinde & alios contagione infece- runt. Etsi enim quidam statuunt, quod contagium nonnisi in sua specie radices agat, atque hinc defendant, hominum pestem bruta non afficere, equorum luem non nisi in equos, boum in boves, & suum in suillum genus tantum ire, in alienum minus; vel inde tamen contrarium elucescit, quod & Moscovia; testante id ipsum Gothofr. in Chron. peste anno 1655. tantopere saviente, ut & corpora terræ nondum commissa in plateis a canibus devorata sint, iidem rabie correpti, homines vivos dilacerarint; & interdum a piscibus mortuis contagio ortum duxerit, & nostro ævo lues pecorum tam in Hungaria, quam Austria, Mense Octobr. & Novembr. 1729. se prodens febrem catarrhalem, initium fumentem cum turbatione capitis, atque intra quatrimum vel hæmorrhagia narium, vel hæmorrhagia per alvum, vel etiam vomitu stercoreo terminantem, junctam habuerit, & eodem tempore in apris aliquid purulenti, innuentis corruptionem, inventum sit. Neque est, cur dubitemus, per cibos contagium quoque in homines manasse, cum non modo certo constet, cujusdam nebulonis audaciam eo processisse, ut pecora lue hac demortua hominibus vendere non erubuerit; verum etiam probabile sit, pecora fuisse consumpta, in quibus dispositio morbosa adfuerat. Producentur tales morbi eo felicius, si sive solis, sive ignis subterranei calore in aerem elevata particula decentem motum non obtineant. Conclusas enim aqueas mox sequitur corruptio. Hinc & in multis locis prope littora Africa occidua a tranquillitatibus, quam a procellis impendentibus magis terra matique timetur, & in insula Sancti Thome statim a solstitio brumali menses duos, aut amplius ventis silentibus incolarum plerique languent, & tranquillo tempore pestis vehementius in homines grassatur, & circa Bononiam in convallibus, ob minorem circulationem aeris multi periere. Quemadmodum ergo motus aeris, qui ventum constituit, sanitati magis conducit: ita & aerem effluviis pestilentibus inquinatum emendat sæpius tonitru & fulgur, unde in tempestate pestilente in quibusdam urbibus populosis machine murales crebro disploduntur, & pulsantur campanæ. Neque tamen hinc omnis ventus pro salubri habendus est, cum meridianus corruptioni saveat, atque solus Septentrionalis, a plagis nivosis impetuo-

se descendens, particulasque nitrosas secum ferens, aerem puriorem reddat. Atque hæc est ratio, cur non modo in Lesbo, flante Austro, incolæ ægrotent, Co- tussire ferantur, superveniente Aquilone protinus convalescant; sed & vento frigidiori subito febris catarrhalis vis minuta atque sublata sit. Prognosis ratione vitæ & mortis quod attinet, tenendum est, febrem hanc, quanquam Vienna omnes cum summa lassitudine, vigiliis continuis, deliriis, dissimulatione symptomatum, aliisque signis malignitatis aggressa sit, atque gravis nonnumquam debilitatibus syncopis, nonnumquam abortui exposita fuerint, in aliis hæmoptysin, vomitum cruentum, phrenitidem, anginam, peripneumoniam, pleuritidem, hepatitidem, aliaque periculosa Symptomata socia habuerit, qualia in plethoricis, defectu visceris laborantibus, inprimis humoribus male constitutis, animadvertimus, neminem tamen e medio sustulisse. In Helvetia ab eadem, quam modo descripsi, febre nemo eneatus. At e contra Lutetia Parisiorum multis exitiosa erat, utut in Anglia, Hispania, Italia, atque Polonia adhuc pluribus funesta fuerit. Etenim Leopoli pauci servati; Ferrarie atque Ravenna tot tantique hominum obiere, ut magistratus Bononiensis incolis accessum denegare voluerit; imo Londini medio Novemb. intra septimanam 908. atque deinde majorem numerum, quam quidem anno 1665. tempore pestis, illata strages excrevit. Si prognosi ratione modi eventus attendamus, terminabatur partim staseos rheumaticæ dissipatione, partim materiæ peccantis excretionem salutaris. Sic somnus, atque respiratio faciliior sub continua diapnoe æque, ac turbatione urine, in aliis jam post primam exacerbationem, in aliis, & plurimum iv. vel vii. in aliis quoque xiv. die accedebant; ut taceam de ejectione copiosioris materiæ per tussim, atque rubicunda illius fæcide, quam in pleuritico gravius decumbente xi. cum levamine rejectam conspeximus. Febris continens interdum conjunctæ inseparabilis comes erat hæmorrhagia, nonnumquam per nares, nonnumquam per vasa hæmorrhoidaliam, aliquando iv. aliquando vii. die, nonnumquam parior, nonnumquam copiosior fuit observata, ut in Juvene xx. annorum, nunquam hæmorrhoides experto, & tamen die vii. ultra mensuram sanguinis floridioris cum solutione morbi deiciente. Sic & uteri hæmorrhagia largior in puerpera, quæ xi. die abortum perpessa est, oborta salutaris, qualia exempla in vaccis quidam habuere. Staseos rheumaticæ dissipationem probat dolor pectoris versus hypochondria descendens, qui & in artus, & aurem nonnumquam sese diffudit; ut & excretio lymphæ cruenta secuta sit. Diarrhœa neque solvebatur, neque gravior reddebatur morbus. Nonnulli ægrotorum modo liberiori aeri sese exponentes maturius, modo inunctiones in usum vocantes, sudorem neglexere, quorum hi symptomata acerbiora non modo, verum etiam in declinatione morbi purpuram incurrebant, illi vero vel vehementiores congestiones versus caput, petus, ophthalmiam, catarrhum suffocativum, hæmoptysin sentire, vel de chronico atque pertinaciori catarrho conquesti, vel etiam tumoribus glandulosis interdum circa aures, interdum circa tonsillas, interdum circa inguen infestabantur. Ex omnibus, quos sub mea habui cura, habui autem quamplurimos, atque ultra ducentos, non nisi duo sunt mortui, quorum alter itineri, durante morbo sese committens, alibi in lethalem morbum incidit; alter vero pauperculus, ob sudoris neglectionem, aliasque circumstantias hydrope funesto occupabatur. At petechiis, huic morbo in agro Bononiensi, Britannia minori, Anglia supervenientibus, plerique sunt eneati. Angina quoque Lincolonia comparuit, quod pessimum atque exitiosum erat signum. Affectus hic, ratione temporis eventus, instar aliarum febrium malignarum cito sua decurrebat tempora, ita, ut plurimum Vienna vel iv. vel vi. die crisi salutari solutus sit. Etsi vero in Anglia idem sub initium annotatum sit, grassari tamen vehementius deinde & in his locis, & circa Bononiam, Florentia, Mediolani, & per totam Podoliam cœpit, ut intra paucos dies instar pestis plurimos e medio sustulerit. Vena Sectio in tussi illa epidemica, quæ anno 1669. æstivo tempore cum pleuritide in conspectum prodiit, atque de qua Thom. Bartholinus

Ephem. Germ. D. I. A. I. p. 130. agit, locum non habuit. E contrario in febre catarrhali, anno 1675. *Vienne, Pofonii*, aliisque in locis *populatio* faviente, multi auctorum, & inter eos præcipui *Car. Raygerus, Thom. Sydenham, & Paul. de Sorbail* l. c. *Vena sectionem* extollunt tanquam remedium præcipuum ac præsentissimum. In nostra deprehendimus, *Vena sectionem* in *plethoricis, gravidis, adfuetis ad apoplexiam, catarrhum suffocativum* dispositis, vel *angina, peripneumonia, pleuritide, hepatide, hæmoptysi, vomitu cruento*, atque febre continente laborantibus, sub initium institutam, non modo *lassitudinem, cephalalgiam, vigilias, spasticas strictureas in pectore, dorso*, aliisque partibus sustulisse; verum etiam omnia *Symptomata* reliqua minuisse. Sicuti igitur in his subjectis ventilatio sanguinis & utilis, & necessaria erat: ita in iis, qui vel a prægressis morbis gravioribus prædebilitati fuerunt, vel me non statim in consilium vocarunt, vel brevi antea V. S. usi sunt, eandem nunquam celebravi. In omnibus porro eo in primis intentio dirigenda erat, ut maligna atque contagiosa illa materia, quam brevi temporis spatio intima corruptio sæpius excipit, in tempore ex corpore eliminaretur. Cumque hæc sub halitus forma corpus occupaverit, hinc eadem rursus per poros cutis sub continua, blanda, atque æquali diaphnoe discutienda erat. Unde temperata diaphnoica, diaphoretica fixa, antimon. diaph. aliaque, quæ absque vehementiori commotione operationem suam edunt, absorbentia ostracodermata, quæ acrimoniam salinisulphuream, sanguini orgasmum inducentem, atque sudorem impediunt, partim absorbendo corrigunt, partim per diuresin educunt, omne hic tulere punctum. Eadem remedia cum celeberrimis *Car. Raygerus* in Pannonia, tum *Adamus a Lebenvaldi* in febre catarrhali epidemice dominante in Stiria, tum *Londinenses* hac vice cum V. S. sub initium cum successu adhibuere. In plethoricis, quibus alexipharmaca calidiora, sudorifera, *Spir. Sal. armon.* similiaque propinata fuere, sequebantur congestiones majores versus superiora, deliria, fortiores, pectoris oppressiones, inquietudines, subsultus tendinum, suppressio urine, quibus & temperiora deinde medicamenta exhibenda erant. Purgantia, quæ nonnulli assumpserunt, vomitoria, nullum hic invenere locum, imo omnes, quibus præscripta sunt, majores staseos materiæ acris commotiones incurrebant, eorum etiam una hæmoptysi corripiebatur. Sufficiens opem omnibus tulit modo pulvisculus ex absorbente, antim. diaph. arcan. dupl. addito interdum nitr. dep. concinnatus, modo potio ex aquis diaphnoicis, absorbentibus, atque antimon. diaph. constans, modo emulsio parata ex semine card. Mar. Symptomatibus ex proprio spasticis succurrebam, ita, ut spasticis strictureis presentibus cinnabarina addiderim, alvi obstructioni humectantia opposuerim, in diarrhæa non modo arcan. dupl. omiserim; verum etiam regimen diaphnoicum tanto magis injunxerim. Adstringentium, narcoticorum, opiatorum usum, quamvis multi Auctorum ea suadeant, experiri nolui, cum *Olaus Borrichius de somno & somniferis p. m. 34.* referat, quendam applicato empl. opiato solum in naso vertice, ex catarrho pituitoso in gravem paralytin incidisse. Nitroso-cinnabarina, emulsiones, portiones analeptice conjunctis bezoardicis, tempore continuarum vigiliarum data, ad somnum placidum ægrotos disposuere. Quod si affectus anginosi supervenerunt, repetitis *Vena sectionibus* atque clysteribus, tandem interne digestiva cum temperatioribus diaphnoicis ordinavi, externe vero Cataplasmata discentientia, Gargarismata, atque injectiones commendavi, quorum usum, quousque penitus remisit morbus, continuavimus. Ab expectorantibus in tussi sicca penitus abstinui. Ex iis, qui in publicum prodire coacti sunt, nulli diaphnoica dedi, insistent magis præcipitantibus, utut non nisi blandioribus diaphnoicis & materia noxia in declinatione mali penitus proscribenda fuerit, & dolores circa scapulas in quibusdam remanentes auscultaverunt. Diætã quod spectat, neque durante morbo, neque eo superato, auræ frigidiori committendus erat æger, hocque minus, si diarrhæa adfuerit. Vieta etiam febre, ornis tamen excessus ratione cibi & potus vitandus erat. Juscula, atque infusa instat theæ ex

rad. scorzon. cum hisso. veron. atque sem. fœnic. in frequenti usu habui. Et animadverti, tam his observatis, quam accedente insimul cum corporis, tum animi continentia tranquilla, omnes per Dei gratiam pristina restitutos esse sanitati.

Constitutio Epidemica Anni 1730.

Qualem sub exitu anni 1729. constitutionem aeris generalem habuimus, talis per triduum etiam primum Anni 1730. *Vienna* stetit, nempe ut plurimum humidior, frigidior, cum nebulis in pluvias abeuntibus. Atque licet vehementia Aquilonis cum nivibus 4. Jan. sese exerentis, vitiosam hanc atque inconstantem aeris qualitatem sublatam arbitrati sumus, tantum tamen abfuit, ut cessaverit, ut potius eadem inconstantia redierit, tempestatem frigidam die 10. placidior ac pluviosa exceperit, huic non modo 16. frigidior, nivibus atque ventis tumultuaria, verum etiam 30. denuo alia multum diversa, atque eadem die mane calidiori, a meridie frigidiori vento, modo pluvius, modo nivibus conspicua, successerit. Similis aeris alternatio spectabilis erat per totum Februarium. Sub initium enim aer frigidior cum nivibus ingruerat, in progressu tepidior, ut plurimum nebulis, vel matutinis, vel vespertinis, quandoque & pluvius nocturnis sese prodens, qualis ad postremos usque Februarii dies perseverabat, ut de cæli ardentis phænomeno, quod 15. die circa vespeream *Viennensium* oculos ac mentem in se converterat, nil dicam. Martii ingressus nivofus subito cum pluvioso aere commutabatur, imo ob pluvias copiosas & frequentes, cum cælum, si paucos amænos dies exceperis, plerumque obnubilum, & oblitum tenebris erat, tum ad finem usque mensis iste humido frigidus permansit. Similes vicissitudines ratione frigoris eadem hyeme per totam Europam observare licuit. Januarii enim constitutionem si examines, & *Hale Saxonum* erat pluviosa die ij. qua hora viij. vespertina sese incolis in nubibus aliquantulum nebulosis halo obtulit, & *Londini* xij. placidior, tamque nebulosa comparuit, ut jam quarta pomeridiana faces accendere coacti fuerint, & *Neapoli* xvii. aerem blandiorem frigidior æque, ac tumultuosior secutus est, flamma Vesuvii etiam invalescente, & *Varsovia* xix. frigus intendebatur, *Hafnia, Uratislavia, Soraviaque* ingens sub exitu tempestas cum fulguribus & tonitrubus, nivibus ac pluvius oborta est. Sic Februarius tam frigidior atque nivofus sub principium non solum *Varsovia*, sed & *Venetis*, quam tepidior magisque pluviosus, postmodum in posteriori loco, *Monte Pessulano, Alesia, S. Hippolyte*, aliisque Civitatibus vicinis in conspectum prodiit, ita, ut Constitutionem *Viennensem* ubique fere repræsentaverit. Sed nec lumen boreale extraneos fugiebat, licet neque eadem die, neque iisdem circumstantiis Europam omnem sua lege compleverit. Alibi enim jam iv. quod *Moscovia, Petropoli, Revaliaque* degentes testantur, alibi, & quidem *Varsovia, Uratislavia, Tiguri, Berne, Colonia Allobrogum, Roma* atque *Florentia* xv. viscebatur, alibi aliæ quoque circumstantiæ accessere. Non adducam, præter phænomena huic lumini communia, & in *Helvetia, & Petriburgi* binos arcus oculis occurrere, altero in boreali, altero in australi plaga apparente: neque attingam, materiam phosphorescentem, radiis ex priori arcu exurgentibus, atque variis coruscationibus conspicuam, tandem & in alterum fuisse compulsam, ibique clariori reluxisse luce, disparentibus in priori successive columnis radiantibus: neque mentionem injiciam fufurri illius, quem *Petripoli* radiis motu tremulo procurrentibus nonnulli perceperunt, multo minus colorum sæpius jam annotatorum. Hoc saltem addam, idem non modo *Roma* atque *Revalie* diutius durasse; verum etiam *Moscovia* sequenti nocte recurrisse, utut minoris fuerit momenti. *Martius* ut plurimum nivofus, pluviosus fuit. Hinc observabatur aura humidior & frigidior, in nonnullis locis aqua nivalis major conflatus, qualem in circulo Suevico *Hornbergenses* maximo suo damno experti sunt. *Leopoli* tamen atque in *Svecia* nives copiosiores, circa æquinoctium vernale cadentes, acerbissimum excipiebat frigus, ut & *Holmie* lacus per totam hanc hyemem non concrecentes tandem frigoribus con-

concreſcentes tandem frigorebus congelatiſſimi. Eadem ergo petquam anomala atque irregulari craſi aeris per omnem hyemem ubique manente, mirum non eſt, hanc & eoſdem peperiffe morbos alibi, quos genuerat Vienna. Hoc tum in aliis liquebat febribus, tum magis peculiariter in catarrhalibus menſis Sept. & Dec. 1729. Sicuti enim hæc poſteriores, quæ anno citato epidemice per Europam graſſatæ ſunt, ſenſibili aeris qualitatē in acceptum referri debent, quod illis menſibus exortæ ſint; ita etiam qualitatē frigidiori, quæ in Januarium incidebat, earum imminutionem unice adſcribendam eſſe cenſeo. Unde etiam eſt, quod Vienna iv. Jan. vehementia frigoris derepente ſublata ſint, alibi vero ob frigus tardius ingruens diutius continuaverint. Hinc Bononia, in Ducatu Mantuano, Ferrarienſi, Mutinenſi, aliſque Longobardia partibus, itemque in Sabaudia, Delphinatu, Marſilia, per diu perſeverarunt. His recedentibus novæ febres invaleſcebant. Neque numero tantum erant ſpectabiles in Agro Brixiano, ſed etiam ob anceps illud periculum, in quod eos, quos in Podalia, Britannia minori, Florentia affecerant, conjicebant. Vienna febris hæc maligna ſub diverſo ſchemate prodiit, ita, ut in aliis ſimplicem continuam, nonnunquam nullis exanthematibus ſtipatam, & tamen diarrhœa, vigiliis, deliriis, motibus convulſivis, aliſque periculoſioribus ſymptomatibus ſeſe exerentem, non nunquam petechialem repræſentaverit, in aliis etiam complicata, atque modo cum inflammatoria, vel angina vera, graviore, vel pleuritide interdum vera cum ſputo cruento, interdum ſpuria, vel hepatitide periculoſiori, ob diarrhœam, vigilias, deliria, conjuncta fuerit, modo cum intermittente comparuerit. Nullis exanthematibus conſpicua, continua aliquando jam iv. quod in teneriori ætate annotare licuit, ut plurimum xiv. die in adultis diſparuit, ſemper tamen ſub blanda diapnoe atque turbatione urinæ ſolvebatur. In petechiali decens regimen diapnoicum præ aliis attendendum erat, quo non obſervato ſymptomata exacerbabantur, ut pauciſſimi evaſerint, ſive deinde V. S. in uſum vocaverint, ſive minus, quorum poſteriores hoc proximiores morti fue- re, ſi & in morbo purgans aliquod aſſumpſerint. Sic Domina ſenectute conſecta, atque alias interdum calculo, interdum hæmorrhagiis narium nimis obnoxia, tam V. S. quam diapnoe, aliſque neglectis, non modo hæmorrhagias, diarrhœam, catarrhum ſuffocativum, deliria continua incurrit, ſed & ix. die violentia morbi conſumpta eſt. Aliud exemplum præbuit quidam Juvenis, viginti aliquot annorum, qui, etſi ſtatim ſub initium V. S. inſtituta ſit, probatiſſimaque remedia exhibita fuerint, poſt frequentiore tamen, alvo reſpondente, corporis refrigerationem incidit in diarrhœam, vigilias, deliria continua, hæmorrhag. narium ſymptomaticam & die viii. purpur. alb. ipſamque aphon. lethalem. Tandem unus, prætermiſſa Venæ ſectiōe, in eadem febre petechiali purgans, me nondum in conſilium vocato adhibuit, ubi res deſperata fuit. Sequebantur enim multa ſtatim periculoſa ſymptomata, diarrhœa, animi abjectio, anxietates, vultus ferox, vigilie continuæ, deliria, atque die xii. ipſa mors, utut vii. hæmorrhag. nar. oborta ſit, ſudor acceſſerit, urina ſedimentum depoſuerit, diarrhœa ceſſaverit, atque veſicatoria ſufficientem effectum ediderint. Fatendum etiam eſt, peculiarem Januarii indolem atque conſtitutionem, cum quartanam illam duplicem chronicam, œdematibus, infarctuque lienis occurrentem, atque incidentibus, digeſtivis, blandioribus laxantibus, febrifugoque Nic. de Blegny, ex malis aurantiis amaris cum vino albo parato cedentem, tum tertianas diuturniores, aliasque multum fuiſſe, quod aliæ intermittentes hoc, & ſequenti menſe invadentes teſtatum faciunt. Aliquando enim his ſub initium jungebatur continua, remanente deinceps ſimplice, ſive tertiana, ſive quotidiana, aliquando etiam ſub finem accedebat; ut in Juvene quodam, cui menſe Februario in quotidiana chronica ſuperſenit purpura. Sicuti vero nominato menſe Februar. non ſolum febres catarrhales Lutetie Pariſiorum, Verſaliæ, Græcianopoli, Marſilia, Camberii, Romæ, Liburni, perque Ducatum Mutinenſem adhuc dum ſpargebantur; verum etiam aliæ funeſtæ, Auguſta Taurinorum, Mediolani, Bononiæque viſebantur, ut de lue pecorum

circa Laudenſem agrum infeſtante nil tradam: ita Vienna præter congeſtiones verſus partes ſuperiores, rheumatismos, modo clavum hyſtericum, cujus comes erat febricula ſtata hora rediens, modo odontalgiam contumaciorē poſt ſe trahentes, atque apoplexias, febres continue maligna continuarunt. Harum aliæ fuerunt exanthematicæ, erumpentibus vel petechiis, vel purpura, vel morbillis, aliæ nullas ad corporis peripheriam ejectiones proferebant, quarum tamen poſterioribus, ob ſumnam virium proſtrationem, vigilias, deliria, motus convulſivos neque hic loci, neque Ruſſini in Hungaria multum fidei habendum erat. Etſi vero multi ægrotorum, quod ſupra monui, curam a purgantibus incipiant, & ex his in febre petechiali nullum unquam reſtitutum fuiſſe ſcribat Parens pie defunctus, in Historia Epidemica Hungaria, idemque & ego in mea praxi notaverim, ſæmina tamen quædam hoc menſe etiam ſervata. Hoc autem notatu dignior eſt hic caſus, quod eadem perſona febre petechiali detenta, & laxans ſub initium aſſumpſerit, & exanthematibus jam præſentibus V. S. celebrandam curaverit. Unde accerſitus tandem deprehendi exanthematum retroceſſionem. Affectus hinc indies invaluit, & ſecuta ſunt non ſolum brevi deglutitio difficilis, anxietates, ſubſultus tendinum, pavores ſub ſomno, deliria; ſed & xii. die tam petechie nigra, quam purpura alba, quibus ſeſe auditis difficultas, atque rigiditas totius corporis adjungere, ut & ſoporofa aſſectio. Morbum igitur hunc in peſſimis ſignis conſtitutum, atque lethalem pronunciaſſi. Sed tantum abeſt, ut exitioſus decumbenti fuerit, ut potius adhibitis mature Veſicatoriis, blandamque diapnoen promoventibus, ſenſim atque ſenſim ſub ſecunda purpuræ albæ eruptione, quarta ſeptimana contingente ſymptomata remiſerint, atque patiens ab hoc affectu periculoſiſſimo, præter omnium opinionem ac ſpem liberata ſit. Menſe Martio partim catarrhales Florentia, Neapoli, Anticaria, partim morbilli Lutetia Pariſiorum, partim aliæ malignæ, atque intra paucos dies lethales Bialæ Polonorum ſeſe liſtebant. Eodem tempore Vienna ſeſe offerebant congeſtiones, tam in junioribus, quam in media, quam etiam in conſiſtente ætate, jam verſus nares, jam verſus pulmones magis tendentes. Non nunquam evacuatio ſanguinis per nares, nonnunquam excretio ſeroſo mucida materiæ vel in coryza, vel in tuſſi humida ſuccedebat, quandoque nulla fuit obſervata, humoribus nempe congeſtis in ſtagnationem deductis. Unde varii denuo affectus pendebant. Inde enim non tantum tumor non nihil rubicundus, ſed nequaquam inflammatorius, Cheilocace dictus, de quo Arnoldus Bootius obſ. med. de affectibus omiſſis p. 30. C. X. pluribus egit, in adulto naſcebatur; verum etiam inflammationes, nunc in partibus externis, tonſillis atque dentium periosteis, nunc in internis, ſive anginam veram cum febre, ſive ſplenitidem menſibus inſtantibus ſpectes, oborta ſunt. Neque malignæ febres minuebantur, ſed in aliis ſub ſimplicis, in aliis ſub compoſita apparere ſchemate, quarum prior aliquando continentis, plerumque vero indolem continuam habuit. Atque hæc poſterior huic ob cephalalgiam, dolorem pectoris moleſta erat, illi gravior ob catarrhum, atque debilitates ſyncopticas, iſti periculoſior ob vigilias, deliria, diarrhœam, torſiones oris xi. die apparentes, in omnibus ob anxietates, abjectionem animi, ſummam virium proſtrationem vehementior, hocque magis, ſi purpura alba, vel petechiis ſuperſenientibus non rite tractata fuerit. Sic in robusto quodam Juvene notavi febrem petechialem, ob purgans repetitis vicibus ſub initium morbi aſſumptum, inter paucos dies funeſtam æque, ac latioribus liveſcentibusque exanthematibus ſtipatam. In ſæmina, quæ in purpura doloribus ſpaſtico arthriticis varia unguenta & linimenta oppoſuit, ob impeditam hinc tranſpirationem, menſes, mox diſparentes, Venæ ſectiōnemque neglectam, quæ hic loci ut plurimum neceſſaria eſt, non modo graviorem ſtatim animadverti; ſed & periculoſiorem judicavi. Sed ecce, tempeſtatis diapnoicis per aliquot dies uſurpatis, erumpente purpura alba copioſiſſima & dolores, aliaque ſymptomata mitigabantur, & febris hæc intra ſpatium xxi. dierum ſolvebatur, etſi dolores arthriticos diutius adhuc

adhuc fenserit, sublatos successive *antispasticis*, *laxantibusque* blandioribus. *Simplex* hæc *maligna* febris interdum *inflammatoriam*, interdum *continentem* junctam habuit ubi remedium præcipuum erat V. S. Hac vero prætermissa, quamvis optima etiam *medicamenta* propinata fuerint, irrita sæpe fuere omnia. Id ipsum videre licuit in *virgine* quadam juvene. Licet enim in eadem ob *plethoram* *mensis* alias *parciores*, tanto magis V. S. in *continente* febre commendaverim, monito tamen hoc salvari non auscultabat Parens. Unde mirum non est, quod *mensibus* sub *initium* quidem accedentibus, mox tamen iterum cessantibus, *summam* *lassitudinem*, *dolores spastico-arthriticos*, *cephalalgiam*, *vigilias* sub *principium* jam præsentibus, plura secuta sint periculosa symptomata, *dolor dorsi*, *major congestio versus caput*, *acerbior dolor capitis*, *propensio ad somnum profundior*, *auditus difficultas*, *hemorrhagia largiores*, *ad debilitates syncopicas usque*, *sudor frigidus*, atque die viii. *motus convulsivi* ipsaque *mors*. *Aprilis*, sicuti sua natura alias *mutabilis*, ita & hoc anno *Viennæ* *inconstantiam* suam prodidit. Sub *initium* enim *serenus* comparuit, sed *triduo* elapso alia multum diversa *tempestas* ingruerat, nunc *pluvius*, nunc *nivibus* sese exerens. *Humidam* hanc atque *frigidam* in *progressu* *tepidior* ac *amœnior* excipiebat, imo & huic *postremis* *tribus* diebus denuo *horrida* magis, atque *tumultuosa* ob *ventos*, *pluvias*, *nives* succedebat. *Majus* ut plurimum, in primis sub *principium*, *pluviosus*, hincque *humido frigidus* oboriebatur, quandoque tamen & *serenior*, *placidior*, tam *prioribus* diebus, quam *sigillatim* sub *finem* observabatur, ut nec de *tonitribus* & *fulminibus* crebrioribus die viii. atque xx. recurrentibus, nec de *grandine*, quæ x. cadebat, quicquam adducam. Toto *Junio* exoptata habuimus tempora, *calores*, sæpe *pluvia* nocturnæ amœnissimæ interdum mitis atque lenissimus *ventus* contemperabant. *Vere* toto quanto constitutio aeris eadem fere mansit in aliis *Europæ* regionibus, atque hic *locorum* erat. *Aprilis* enim sub *introitum* *Holmiæ*, remittente *frigore* blandior notabatur, deinceps *Ustæ*, perque totam *Bohemiæ* *pluviosus*, *humido-frigidus* sentiebatur, tandem *calidior* succedens non modo *glaciem* *Petripoli* solvebat, verum etiam in *Polonia* perexigua & perminuta *flumina* reddebat. *Majus* & *Junius* albi quoque magis *pluviosi* fuere, cum ille tam ob *nives* junctas *pluviis* *Cracoviæ*, quam ob *ingentes tempestates* cum *fulguribus*, *tonitribus*, horridis *grandinibus*, & *ventis* violentis *Coloniæ Agrippinæ*, *Hentena*, variis in locis *provinciae* *Ultrajectinæ*, *Dromoria*, *Vvalvici*, *Bardevici*, in *Saveria*, *Episcopatu Monasteriensis*, *Susati*, *Borolini*, *Hale* *Saxonum* exortas, *subfrigidus* atque *inamœnus* permanferit, hic vero posterior tam *turbulenta* tempestate sese exhibuerit, ut modo *fulguribus* gravioribus *Polonis* atque *Berolinensibus*, modo *grandinibus* in *Barcheria*, *Vulhynia* degentibus, modo *ventis* vehementioribus incolis *circuli Burgundici* damnum intulerit, modo ob frequentes copiosissimasque *pluvias* *Molybergæ* intempestivus fuerit, *Cameneciæ* atque circa *Halam* *Magdeburgicam* viventibus disruptis *piscinis* multum molestiæ asperferit, atque in *Valachia* jam *homines*, jam *pecora*, dum circumfluere aquis, atque in harum abundantia viverent, e medio sustulerit. Si *morbos* cum *vere* surgente increbescerent, atque ad *solstitium æstivum* usque infestantes reputemus, ob similem *aeris* constitutionem ubique vigentem eisdem hic regnasse liquet, qui homines adorti sunt alibi. Mense *Aprili*, *Majo*, *Junio* enim cum *intermittentes*, tertianæ in *Italia*, tum *continua*, vel nulla *exanthemata* emittentes, *malignitate* tamen non carentes, atque nunc *catarrhales* angino des *Luteciæ* *Parisiarum*, inque *Ducatu* *Ferrariensi*, nunc alias circa *Guardistallum* repræsentantes, vel *exanthematica*, tam sub *vario* *Moscoviæ*, *Holmiæ*, *Nemansis*, *Gazallæ* sese sistentes, quam sub *pestis* schemate in *Podolia* apparentes, febres grassabantur. In quibusdam locis & alii viscebantur morbi. Sic lues *pecora* aggrediebatur in *Germania*, *dysenteria* in castrorum metatione circa *Molybergam* milites afficiebat *Junio*, *apoplexia* atque *podagra* præter solitum eodem mense homines *Moscoviæ* invadebant, *Viennæ* mensibus *vernis* sese offerebant *congestiones* versus *pectus*, *caput* in hæmorrhoidariis, sanguineque *spissiori* præditis, *rheu-*

matismus capitis ob menses parciores, *lumbago rheumatica*, *cephalæa* cum febre, *ophthalmia*, *odontalgia*, affectus *spastico-arthritici*, *arthritidis fixa* post iram, atque excessus rationem potus in hæmorrhoidario commissos, *malum ischiadicum* refrigeratione prægressa, *chiragra* post animi excandescentiam, *podagra* mensibus post terrorem disparentibus, febres *intermittentes*, *quotidianæ*, etiam *infantibus* familiares, *tertianæ*, in aliis *anticipantes*, in aliis *postponentes*, *quartanæ* si non solis salibus *digestivis*, atque viscidum incidentibus, tamen pulveri *Lentilii ex cort. fraxin. rad. gentian. rubr.* atque *sale absinthii* concinnato cedentes. Præter has *continua* continuarunt, non solum *primaria*, sed & ex *secundariis*, *inflammatoriis*, *peripneumonia* atque *pleuripneumonia*. Posteriori juncto sputo *cruento*, atque graviore febre laborabat quidam *Juvenis*, prior vero reperiebatur cum *aphonia* in *ancilla*, utraque V. S. atque *diapnoicis temperatis* sublata. Frequentes erant *malignæ*, interdum *simplices*, interdum *compositæ* existentes. Quandoque enim *continua* complicabatur cum *continente*, qualem *hemorrhagiis*, atque *sudore* intra *primum* septenarium solutam videre licuit in *Illustriss.* quadam filia *xix.* annorum, quandoque & *intermittentem* habuit comitem, ita, ut aliquando sub *tertiana* schemate incescerit, aliquando etiam mitius tractata in *tertianam* sive *simplicem*, sive *duplicatam*, pulvere ex *fl. chamom. sale absinth.* atque *antim. diaph.* parato, brevi curatam, transferit. Nonnulli horum jam in *principio* hæmorrhagiam *narium*, vel *hemophrysia* perpeffi sunt; quædam tamen scæmina & sub *paroxysmo* intermittentis vomitu *cruento* correpta est, unde in iis quoque V. S. cum successu sub *initium* celebrabatur. Sæviit hæc *maligna* febris æque in *gravidas*, atque alias. Rariorem *Leytheponti* habui casum. Et si enim scæmina quædam *juvenis*, & sub *initium* *purgans* assumpserit, & die vii. V. S. in eadem instituta sit, & nimias ob *vigilias* huic pharmacopœus *narcotica* exhibuerit, & post incongrua hæc artificia multa statim enata sint *periculosa* symptomata, *vigilia continua*, *deliria* non interrupta, *lipothymia*, *tremor artuum*, *floccorum lectio*, aliaque; tantum tamen absuit, ut obierit, ut potius *Vesicatoriis* nuchæ, pedibusque applicatis denuo ad se redierit, vocatis deinde in usum *confortantibus*, *analepticis*, *bezoardicis* temperatis *pueros geminos* enixa sit, atque præter omnium spem ex morbo gravissimo evaserit. Neque *exanthematica* nostris ulla dederunt inducias. *Catarrhalis*, licet in infante cum *inflammatione* tonsillarum, *deliriis*, *iv.* die, superveniente *hemorrhagia narium* largiori *sudore*, *urina turbida* & inquinata, remiserit, alterationes tamen *febriles* post se relinquens, non nisi *purpura alba* subpullulante penitus disparuit. *Petechialis* ægrotis eo plus negotii facebat, quo minus studiosa, minusque decens adhibita fuerit curatio. *Laxantia* etiam sub *introitum* morbi noxæ erant, & memini *fabrum aurarium*, ob propinatum *purgans*, atque *refrigerationem* factam, *lipothymiis*, *vigiliis*, *deliriis* tentatum die vii. e medio esse sublatum. Neglectam *petechialem*, hincque *confusam* animadverti in *tribus* *Juvenibus*, quorum unus *prioribus* diebus in *summam virium* prostrationem, *gravitatem pectoris*, *vigilias*, *deliria*, *diarrhœam*, die vi. in *subfultus tendinum*, *singultum*, vii. in *petechias nigras*, viii. in *soporem*, sequente in *purpuram albam*, *motus convulsivos* incidens *ix.* die mortuus. Cæterorum alter non modo sub *principium* *vertiginem*, *dolorem gravatum pectoris*, alternisque diebus *exacerbationem* percipiens; sed & in *progressu* febris *vigilias*, *deliria*, *manuum tremorem*, *floccorum lectionem*, *torsionem oris*, *alvi involuntariam* excretionem incurrens die *xii.* fato succubuit; alter *biliosus*, variis excessibus deditus, præviis *vigiliis*, *deliriis*, *diarrhœa*, die vii. *sopore*, *aphonia*, *urina suppressione*, *ix.* artuum tremore, *x.* *urina involuntaria* emissionem, tremore *labiorum*, *subfultu tendinum*, *aspectu torvo*, *xi.* *floccorum lectione*, *torsione oris*, *alvi dejectione involuntaria*, *moribus convulsivis* perii, quamvis ubique nihil non tentatum sit, imo tardius accersitus iissem, *sanguinis* detractio in *statu* amplius locum non habente, pro re nata *bezoardica temperata*, *confortantia*, *subadstringentia*, *antispastica*, *vesicatoria*, alia-

aliaque longo usu atque experientia probata remedia suaserim. Eodem tempore multos occupabat purpura, quæ tamen prudenter tractata nulli funesta fuit. Spargebantur præter febrem scarlatinam in teneriori ætate cum vomitu, tussicula, cephalalgia, motibus spasticis, convulsivis, deliriis præmaturis occurrentem, atque blandis diapnoicis, antispasmodicis, sudoreque die vij. victam, & aliæ dum species, purpura nempe rubra, atque alba. Atque hæc quidem etiam infantes febre catharrali licet superata vehementer affligebat, quendam vero ex adultis ob refrigerationem summo periculo exponebat. Cum enim proclivior sit febris hæc materiam morbosam per poros cutis proscribere, mirum non est, mutatione lecti, atque aeris frigidioris admissione facta die vj. in subiecto nostro plethorico, cacochymico, ob sudoris retrocessionem, majores statim anxietates, inquietudines, vigilias, mentis alienationes usque ad xi. diem durantes, in conspectum prodisse. Gravius sic decumbente ægro in consilium quoque vocabatur Archiattrorum Cæsareorum Comes, Perill. atque Magnif. D. de Longobardi, ejus nomen, dum audio, veneror. Tamen vero Lectione & experientia hic Vir Celeberrimus serio imperaverit, ut & continentiam tranquillam sibi commendatam haberet, & medicamenta diapnoica, antispasmodica a me præscripta subinde repeteret, & aliis salutaribus monitis auscultaret, impedire tamen non potuit, quin adstantes suavis aliorum medicorum contra obstructionem per quatrimum præsentem clysterem applicandum curassent, nisi eadem die xii. purpuram albam copiosissime erumpentem detexissem, atque sic Patientem ab orci faucibus liberassem, quem mox clystere jugulassent. Julius ultra dimidium pluvius conspicuus erat, ita tamen, ut tempestas pluviosa cum sereniori per totum mensis decursum alternaverit. Unde gratus atque exoptatus observabatur, quamvis & die xiii. violenta tempestas non tantum Viennæ cum frequentissimis tonitribus, flammarumque fulgoribus, sed & in vicinia cum grandinibus insolitis, maximo vinearum damno, oborta, & postremis diebus ob copiosiores pluvias horridior secuta sit. Similes vicissitudines ratione caloris, atque siccitatis, per totum Augustum sentiebamus. Calor enim semper moderabatur pluvius, aliquando citius, aliquando tardius. Nonnumquam mane optima tempestas comparuit, spurca succedente vespere, nonnumquam calorem per aliquot dies durantem pluviarum continuas excipiebat, imo & sub finem ætus diuturnior imbres largiores prægressus est. Atque ob pluvias tam sub initium mensis sequentis ingruentes, quam circa æquinoctium autumnale continuantes tempestas frigida atque humida ad postremos usque Septembris dies perseverabat, reliquis, a tertia nempe ad xvii. Serenis atque aequalibus existentibus. Anni æstatem, cum ineuntem, tum adultam, tum præcipientem pluviosam & alibi deprehendimus. Sive enim tempestates graviores, atque numero non modo spectabiles, verum etiam ob fulmina vehementiora, tonitrua horrenda, grandines immanes, in Volhynia, Leopoli, circa Lovitium, Upsale, in Ducatu Bremensi, Dresdæ, Augusta Vindelicorum, Francofurti, Londini, Suffolciæ, Lutetie Parisiorum, in Civitate Remensi, Picardia, Genuæ attendamus, sive imbres largiores, atque per copiam, & aquarum pluvialium affluentiam vel animatorum, vel oppidorum, vicorum, vinearum, agrorum, pratorum, aliarumque rerum inanimatarum jacturam factam in insula Citiurum minori, Cremesie, in Austria superiori, Bohemia, Palatinatu, Bruxellis, Halle Saxonum, circa Berolinum consideramus, luce meridiana clarius id ipsum est; utut Holmiæ, atque in Moscovia major calor majorque siccitas cum nebulis fœtidissimis, quam ab xi. annis sese exuerit, ut & pisces inde in Suecia perierint. Hic tamen temperabatur calor pluvius adhuc dum Julio cadentibus, illinc frangebatur Augusto accedente frigore, quod æquinoctio autumnali appropinquante & Moscovia, & Ottonia majus incrementum sumpsit. Denique & notatu perdignum, ea, quæ ruri a grandinibus intacta permanserunt, a cicadis

Supplem. ad Sydenham.

nurtatim Poloniam, Lusitiam Superiorem & Inferiorem, atque Marchiam Brandenburgicam ingredientibus, intra spatium xxiv. horarum fere omnia fuisse consumpta, irreparabili incolarum damno. His mensibus æstivis, præter apoplexias Hage Comitum ingressas, arthritidem Londini infestantem, atque podagram Romæ, Moscoviaque increbescentem, diversæ febres adhuc dum spargebantur, ita ut ex continuis inflammatoriæ, quales sunt pleuritides atque peripneumoniæ, Gallos invaserit, malignæ modo in Salopia Angliis intra quatrimum funestæ, modo in Apulia militibus Cæsareis lethales, modo Cazalla degentibus periculum minantes grassatæ sint, catharrales in Ducatu Mantuano regnaverint, variolæ Romæ, Lutetie Parisiorum, inque Campania viguerint, dysenteria in Italia homines adorta sit, pestis in Podolya, Volhynia, Moldavia severit, imo denique & lues quædam pecora circa Camentiam, Chotimiam, inque Spirensi Episcopatu occupaverit. Eodem tempore Viennæ commotioni humorum supervenire solebant hemorrhagica congestiones, quas pro diversitate loci nunc hemorrhagia narium, nunc hemoptysis comitabatur. Quin etiam ansa hinc arrepta in mensium retentione visus hebetudinem habuerunt sociam, cedentem non solum antorgasticis, atque antispasmodicis, verum etiam fluxu menstruo redeunte penitus disparentem. Sicuti vero rheumatismos hinc inde videri licuit; ita similis congestio per totum latus dextrum sese extendebat in sene plethorico, & podagrico alias, & brevi ante morbum de Stranguria æque, atque catharrho conquesto. In hujus facie periculosa sese sistebant Symptomata, inflati, ophthalmia, oris tortura, partium adfectarum actio læsa, ut neque comedere, multo minus fistulare potuerit. Atque hic mihi suppetias præ cæteris ferebant diapnoica, antispasmodica, nervina vel in infuso, vel in decocto pro oris elutione, vel liniamenti forma præscripta, quæ post V. S. reiteratam adductis Symptomatibus superatis, imo rheumatismo circa claviculam subsequente etiam discusso, successive ægro sanitatem reddebant, licet maturius aeri frigidiori, atque humidiori se exponens podagram tandem incurrerit. Sunt & alii adhuc morbi, qui subpullularunt. In ætate graviore raucedo sese prodebat, tussis vehementior eandem affligebat, in primis hypochondriaca, quali Illustriss. quædam Domina septuagenaria, juncto dolore hepatis, laborabat. In subiecto sanguineo-cholerico, atque podagrico, nephritidem calcidosam, cum doloribus acutissimis, clysteribus, digestivo-antispasmodicis, ol. amygd. dulc. balneis relaxantibus, unguentis emollientibus, quæ calculi secessum facilitabant, sustuli. Affectibus Spastico-arthriticis ex propria fonte erat succurrendum. Sic in hemicrania chronica, malo ischiadico, podagra antorgastica, digestiva, diapnoica, antispasmodica majorem opem ferebant, quam ab ullo alio remedio expectari potest. In arthritide fixa cum tumore manus hæc quidem non sufficiebant; sed pulvis ex sale cichor. fecul. ari. pulv. hepat. rubr. atque diagryd. Sulphurat. paratus, laudais interpositus fere punctum tulit, ejus hinc usum, quo usque penitus remisit dolor, continuavimus. Occurrebant etiam in adulta virgine plethorica motus convulsivi contumaciores, durantes per triduum, artusque adeo torquentes, ut in luxationem cubiti inciderit. In causam mali inquirens animadverti, eosdem sine manifesta causa fuisse enatos, neque unquam, si convulsiones ob terrorem post morsum canis in Juventute perceptas excipias, ab eadem antea perpeffos. Remedium præcipuum ac præsentissimum fuit pulvisculus ex matr. perl. prap. antim. diaph. nitr. dep. lumbric. terr. prap. atque cinnab. constans, quem aliis non juvantibus exhibui, eumque deinde, applicato quoque clystere repetii. Nec defuerunt febres malignæ, acutæ, interdum sub continentis, interdum sub schemate continue apparentes. Quam plurimæ fuere exanthematicæ. Sæpe enim complicabatur purpura rubra, in primis in infantibus, sæpe petechias emittebat hæc febris. Atque petechialis denuo duabus personis, quod purgans assumpserint, a vino non abstinerint, diapnoen neglexerint, tremoribus totius corporis, vigiliis perpetuis, deliriis furiosis sese representans, funesta erat.

C

Alios

Alios affecit sine *exanthematibus*, quod tum *catarrhales*, tum *dysenterica* sub finem *Septembris* invalescentes satis superque probat. Quædam jam in principio *dysentericæ* menses expertæ sunt, in quibus *pilulas Stahl.* subjunctis *spec. de hyacinth.* atque *corall. rubr. præp.* cum successu adhibui. Taceo quotidianam, tertianam duplicatam, ischuriam gravissimam V. S. in pede decreascentem, diarrhoeam torminosam post iram nitrosam atque præcipitantibus vitæ, aliosque morbos his mensibus sese offerentes. Octobris initium serenum, utcunque placidum fuit, progressus ad finem usque nebulis, pluviis, nivibus, grandinibus conspicuus, humido frigidus. Totus November aut nebulosus, aut pluviosus, aut ventosus, aut nivosus erat, adeo, ut eodem mense neque quatuor dies tranquilli & sereni numerari potuerint, neque frigida atque humida tempestas unquam minuta sit. Quamvis autem & December pluviosus comparuerit, tepens tamen atque æstatis simillima tempestas eidem jungebatur, quam vix per iv. dies stantem excipiebat alia multum diversa. Sequebatur enim ventosa, nivosa, rigidior, quam ullo, quod memini tempore, frigori acriori die xx. atque xxi. obortis pluviis quidem remittente, sed xxiii. majori vehementia cum Aquilone atque nivibus redeunte. Sicuti vero priores Octobris dies, tam ob cælum splendore plenum in Palatinatu, quam ob siccitatem in Ducatu Montano, ac Dresde calidiores quoque fuisse intelligimus: ita & sequentes atque postremos jam venti rigidiores Venetiis, in Hispania, jam pluvia non interruptæ circa Scaphusiam, in agro Bononiensi, Ducatu Guardistallensi, insula Junonis, aliis provinciis Hispania, Camenecia, jam nives Holmiæ, Petrioli, in Ducatu Nuvogardie inferioris, Cameneciaque humido frigidiores reddebant. Atque hæc, frigida scilicet, atque humida tempestas, cum ob ventos circa Portum ostium, Dublinum violentiores, tum ob pluvias in Palatinatu, Colonia, Bruxellis, Lutetia Parisiorum, Roma, Genova, Calpe copiosiores; tum ob glaciem, nivesque in Moscovia, Polonia, Suecia, recurrente placidiori aere solutas per omnem Novembrem, continuabat. Denique & December aura temperatiori, pluviis frequentioribus stipata, Batavis, Gallis, Germanis, Polonis, aliisque illuxit, tantumque abest, ut talis permaneret, ut potius turbidus successerit. Testes sunt non modo venti vehementiores Roma, Liburni, Venetiis, Neapoli, in Lacu Lemano, Maclopoli, Ruppelle, Hanoveræ, Colonia Agrippina, in Franconia, Hafnia, in mari Balthico sese exercentes, verum etiam nives cum acerbissimo gelu in Moscovia, Polonia, Suecia, Holsatia, Saxonia, Gallia, Helvetia, Hispania, Bavaria invalescentes: Remisit quidem frigus in Bavaria, Polonia, aliisque regionibus per paucos dies, mox tamen rediit intensissimum, cum omni tempestatum insolitarum, nivium & ventorum, genere. Autumno nunc arthritidis Londini increbrescebat, nunc podagra Roma, Mediolani, Genova, Lutetia Parisiorum, in Batavia, Berolini affligebat. Roma eodem tempore pleuritides, peripneumoniae, anginae, aliæque febres inflammatoriae frequentes erant. Malignæ & in Palatinatu inferiori, & in agro Lunensi, & Genova, & in insula Junonis in homines saeviebant. Non defendam easdem vel classicula Hispanorum prædiaria mediante ex America in locum posteriorem fuisse delatas, vel ex fonte quodam impurius ortum sumpsisse, hoc saltem addam, has modo continentis Schema, modo indolem continue exhibuisse, cutem aliquando maculis, aliquando nulis fuisse interstinctam, ut de duplicatis in quibusdam perspectis nil adducam. Variola Coloniae Ubiorum, Londini, Lutetia Parisiorum, Versaliis, circa Autricum Carnutum, in Lune Villa, in Hispania regnantes, si morbos reliquos non exuperabant, numero tamen æquabant. Neque pestis in Podolia, Volhynia, Moldavia decreascebat, neque lues pecora occupans remittebat; sed latius serpendo & cundo tantas acquisivit vires, ut eorum quantitatem maximam in Bohemia, circa Posonium, Zamnosci, in Lithuania, Marchia Brandenburgica, versus Ducatum Magdeburgicum, aliisque in locis Saxoniae e medio sustulerit, cui malo in postremis regionibus multum fave-

bant miasmata putredinosa a cicadis relicta. Ceterum præter paralyses, apoplexias Roma, Mediolani, Berne, Lutetia Parisiorum, Hamburgi sese sistentes, nil memoratu dignum mihi occurrit. Iisdem mensibus Virgo quædam Viennensis post V. S. ob menses parciore in pede institutam, crocique essentiam adhibitam, fluxum mensum nimium incurrit, quem adstringentibus ab ordinario præscriptis expugnate per vij. Septimanas, sed frustra erat conata: hic ego ad repetitum antorgasticorum usum confugi, neque penitenda opera, quandiu enim ista propinarentur, satis recte habuit, sed cum his moderaretur tantum fluxus, non tolleretur, V. S. in manu suasi, qua celebrata sine antorgasticorum præsidio omnino convalescebat. In aliis rheumaticos decubitus versus faciem, in aliis otalgiam, in alia post refrigerationem, atque aliqualem lochiorum suppressionem odontalgiam vidimus; in alio puero ob neglectam diapnoen diu purpuram perpeffo sese offerebat cheilocace, sive labrosulcium, cum exulceratione labii superioris oris gravius, ac quasi hereditarium, alii coryza, angina, tussibus laborabant; in aliis affectus spastico-arthritici, digestivo-diapnoico-antispasticis sublatis invalescebant. Innumera quoque hinc inde spargebantur febres, inflammatoria, maligna, catarrhales, exanthematica, intermittentes, tertiana, aliæ, sed præ omnibus purpura alba. Invadebat enim non tantum infantes, maturius in febre scarlatina mense Junio aeri liberiori commissos, sed & adultos. Sequiorem sexum duplo gravius afficiebat. Sic affectus hysterici, animi abjectionis, ardor atque anxietas cordis, cephalalgia, vigilie, deliria usque ad xvi. diem continuantia in Juvene quadam Domina purpura alba superveniebant, quibus sese excretio critica partim per sudorem die vij. apparentem, partim per hæmorrhagiam narium largiorem xiv. obortam, sequentibus xvi. etiam mensibus, adjunxit, ut & exanthematum eruptio xi. & xviii. secunda vice cum levamine sese prodens. Duæ ex puerperis hac febre laborantes meam implorantur opem, quarum alteri camphorata myrrhata, similiaque internæ dederunt, alteri tincturas spirituosiores præscripsere Medici. Etsi vero calidiora utrique dissuaserim, atque ob vigilias & deliria, temperatiora laudaverim, tantum tamen abfuit, ut id ipsum in priori observatum fuerit, ut potius massam humorum commoventia repetierint, sicque imperite tractata, nulla de siti, nullo dolore conquerens, urina etiam naturali fere existente, die xi. sublata sit. Posterior, quæ non modo spongiosioris atque plethorici habitus erat, verum etiam ante annum cum sub initium gestationis menses continuos, tum medio tempore fluorem album, tum vij. mense abortum experta est, hoc gravius decumbebat, quod & in abortum denuo absque causa manifesta inciderit, duabus insimul molis secendentibus, & ob violentiorem secundinarum diutius remanentium extractionem debilitates syncopicas senserit, & die vij. sudore præsentem aerem liberiores amiserit, & viij. exanthematibus jam prodeuntibus enematis injectio facta fuerit, & ob neglectam diapnoen, dum surgeret maturius, atque purpura sub blando odore sensim evanescente, rhumatismo pedis summe dolorifico tentata sit. Serio hinc imperavi, ut sub continentia tranquilla regimen diapnoicum sibi commendatum haberet. Variola copiosiores, ordinariis quidem majores, atque sub initium pellucide; deinde tamen ad ambitum inflammata, juncta febre exquisita, vigiliis, deliriis suppurascentes æque, ac die xiv. exiccata, decedentesque cum solutione mali sub blanda diapnoæ, urinæque turbatione, visebantur in filia jam adultiori, cujus in fratre mitiorem vim morbi animadverti. Nil dicam de pleuritide in Juvene vij. die sudori cedente. Neque vel de cachexia cum nodis atque abscessu mammae in puerpera a purgantibus fortioribus, suasu barbitonforis assumptis aucta, digestivo, diapnoico antispasticis autem a me ordinatis, sub copiosiori sudore, copiosiorique urine excretionem successive penitus disparente, vel de aliis morbis sporadicis quicquam adducam. Hoc saltem addam, mortuorum numerum, sicuti Londini 26761. Amstelodami 8911. Brunsvici 1233. Lycæonia 400.

nie 405. Berolini 2691. Vvittembergæ 260. Dresde 1740. attigerat, ita Vienna ad 8493. sese extendisse. Sufficiat hæc de constitutione epidemica hujus anni fideliter, prout & in alieno, & in mea praxi occurrebant, annotasse.

Dn. D. CAROLI RICH A,
Philos. & Med. Doct.

Constitutio Epidemica Taurinensis Anni 1720.

I. **H**umanum Corpus variis passim advenientibus impressionibus excipiendis aptum, variis idem malis affici notum est, quæ quidem modo ab occulta aeris diathesi ortum habent, modo intime profecta a variis fermentationum generibus, vel etiam putrefactionibus humorum, ut ajunt; seu rectius ab alterato fluidarum cum solidis partibus æquilibrium, ad cujus legem mechanicis præceptis illud idem comparatum est, subnascuntur. Hinc multiplex morborum cohors ab omni ævo terris incubuit, seu ab hac, vel illa peculiari corporum particularium anomalia, seu a causa magis generali producantur; Hosce postremos proprie *Epidemicos* dicimus, vel indiscriminatum, nulloque servato ordine homines invadant, vel continua quadam serie, ceu facto circulo sese invicem excipiant, statisque temporibus oriantur.

II. Si quibus autem in morbis *divinum* illud ab Hippocrate proditum elucet; id sane in epidemicis cernere est, quorum causam rectissime venerandus idem senex in anni tempora rejicit, quæ prout constitutionem suam naturalem servaverint, vel ab ea recesserint, sanum, vel ægrotum corpus efficiunt, variasque ægitudines producant. Nihil sane quicquam animum universæ, qua patet, Medicinæ pomœria perlustrantem tanta admiratione percellit, quam discolor illa, & plane sui dissimilis istiusmodi morborum facies, tum qua varias ejusdem anni tempestates, tum qua discrepantes diversorum ab invicem annorum constitutiones referunt, ab iisque dependent; ut vere *divinum* quid dixeris inesse iis, nec immerito *divino* laudis honore celebrandos, qui occultam illam, atque inexplicabilem aeris influentiam, unaque simul desævientes morbos scite norunt expendere, ac prænunciare.

III. Atque id quidem rite assequi res est multo otii, ac summe ardua; Opus utique vere magnum, cui fortasse unius Medici ætas non suffecerit. Diu nanque, ut improbus exantlandus labor est, antequam nos aliquid memoratu dignum in hocce fodiendo Isthmo, inque tam multifaria horum morborum serie extricanda præstitisse jure possimus gloriari. Neque is ego sum, qui me in his, quæ jam trado, omnem absolvisse numerum credam: Novi enim *quo ex luto mihi finxerit præcordia Titan; Quamve sit mihi curta supellex*. Satis erit ad laudem inchoasse telam quove pacto se res habuit nuper, quod ad hanc scilicet, in qua degimus, Urbem, ejusdem agrum pertinet, enarrare.

IV. Quod ut ego felici calamo assequi pergam, ac dilucide, quantum fieri potest, quotannis prosequi, ac illustrare; consentaneum duxi, quæ propria ac sua sit hujusce Cœli natura, quidve in hoc, quem premimus, Agro laudandum, quid culpandum sit, antequam ad alia progrediar, paucis exponere. Mea etenim immo Hippocratis sententia, id scitu maxime est necessarium, nemoque Cinicorum alicubi esse potest, vel mediocri fama celebratus, quin ante omnia locorum, in quibus se velit exercere, cum positiones, ac ventos, tum aquas, & cæteras aeris, & alimentorum qualitates (quæ Urbium Cœlum constituere videntur) probe cognoverit.

V. Eaque quidem omnia ad commendationem Taurini agri concurrunt. Enim vero Taurinorum Augusta, si modo ejusdem positionem spectemus, mirabili certe vel casu, vel consilio haud longe ab Alpium radicibus in amœna planitie excitata fuit ad

lavam Eridani Fluviorum Regis, *nuli æmulum*, ut Plinius ait, *claritate inferioris*. Hinc latissimi Colles, qua Orientem adspicit, trans Padum nitidissimo prospectu consurgunt oppositam imminentibus Alpium ad occasum Solis fastigiis faciem præbentes; Hinc effusissimus ager, qua Boream, ac Meridiem spectat, protenditur, quem *Taurinates campos* vocat Anonymus in Panegyrico ad Constantinum; *Taurinos* ego potius dixerim elegantiore vocabulo, quo quidem usus est Ptolomæus, Tacitus, Plinius, & alii quam plures. Sic etiam Taurini Populi dicti sunt, qui antiqua Ligurum stirpe huc primi confluxere.

VI. Isque est Urbis, tum Agri conspectus, vere, si fas est ita loqui, *Elisus*; Ecquis enim haud videt ex tot hisce inter se non diversis modo, sed quasi contrariis locis, Collibus nempe, Alpiumque cervicibus haud longe ab Urbe impendentibus, amplissimaque interjecta planitie mixtam veluti quandam ex omnibus, ac libratam Atmosphæram consurgere; fluidumque aera, quem a Sole potissimum, Luna, ventisque inæqualiter premitur, perenni motu agitatum, minimo illud negotio a finitimis Montibus in patentem planitiem, & vice versa contendere, sursum illud prementibus, urgentibusque partim domorum ignibus, partim æris campani pulsu, & discurrentium Civium miscela.

VII. Sic vero præsertim comparata Urbs est; ut liberum habeat Solis tum ortum, tum occasum; qua nanque parte Orientem intuetur Solem, ita compositi sunt interjecti Colles, ut ejus illa radiis nulla, vel exigua diei parte defraudetur; qua vero Occidentem adspicit, dissitæ Alpes fere sexto ab ipsa lapide, Occidui morientis Solis aspectum nullimode inhibent; quinimmo radios quoquo modo reflectendo, ac declinando hilarem, latissimumque vespéra incolis ferunt.

VIII. Insuper præstant modo dictæ Alpes, quod excelsis illis, quibus eminent, cervicibus, lenes, mitesque occidentales ventos, quos cæterum impetuosis maxime, ac insalubres potissimum Gallis occidentalibus novimus, lenes inquam, mitesque Subalpinis ferant, ea quidem ratione, quod uberriam illam, si quid ego hic judico, vaporum aquorum copiam, quam hi secum ex Oceano Atlantico vehunt, magna ex parte per vastissimum totius Galliæ occidentalis tractum dimiserunt, tum si quid adhuc retinent, antequam alpes pervadant, depouunt, quo scilicet dein lenes ii, ac temperati Subalpinas hæc Regionem benigno afflatu recreent.

IX. Quod vero orientales ventos atinet, hosce libere per universum Agrum Pedemontanum perflare sinunt exarati Colles ad Orientalem Urbis plagam compositi: nec humiles nimis, nec elati; ita tamen dispositi, ut nonnisi purissimum ætherem, leniterque retusum, ac mitigatum ad nos prima luce appellere permittant, perque patentes campos discurrere.

X. Neque diffiteor haud adeo infensum nobis fore Boream, atque illi oppositum Austrum, si quid opportune illis opponeretur, quod medium veluti libramentum eorundem vim frangeret, ac temperaret. Cum vero libere hi tum a Septentrionali nivibus obstita, tum a Meridionali vaporibus aquosis divite plaga, nullo interjecto obice discurrant; furentes inde, ac debacchantes sævissimo plerumque flamine Incolas verberant, vel eo maxime, quod assurgentes utrinque montes, apertum iis campum, ac quandam veluti alveum, quo mage sæviant, præbent. Longe vero Meridionali inferior Boreas est, quod ille inquinamenta, quæ secum vehit, medio quasi in itinere, antequam in obviam illi planitiem illabatur, interjacentibus maritimis Alpibus, quæ a meridie imminet, ac Niciensem ditionem a Pedemontio determinant, dimittere cogatur aliquando. Boreas vero e Montibus glacie, nivibusque tectis sponte ruens subjectos campos pervadit, libereque furens non modo aerem valde condensatum, & compressum adducit, sed & minura corpora nitrosa non parum infensa secum advehit, erodendi, irritandique facultate prædita, quod aperte quidem ipsamet ostendunt ædificia, quæ cum maxime inveterascunt, adversa Septentrioni facie, non leves corrosionis notas præ se ferunt.

se ferunt. Equidem, ut rem omnem in pauca contraham, ex hisce omnibus ventis, quibus Taurinus Ager perflatur, neminem agnoscimus Orientalibus salubriorem, neminem insuper infensorem Borea, atque Austro, infensosque denique minus, ac forte etiam salubres, cum maxime moderate flaverint, Occidentales didicimus.

XI. Plures vero fluentes aquæ uberi gurgite hosce campos alluunt, haud exigua incolarum felicitate; Hinc rivulos pene innumeros cernere est per universum agrum longe, lateque eximia, nec unquam satis laudata Colonorum industria disseminatos, qui rursus dein una omnes in unum, alterumque amnem, majoremque alveum excurrunt. Hosce inter amnes aquis, tum munere præclariores sunt Padus, ac Duria; Ille e gremio Vesuli montis cellissimum in cacumen elati, finibus Ligurum Vagiennorum, visendo fonte profluens, condensque sese cuniculo, mox in Foroliviensium agro iterum exorians, placidissimo motu, qua præsertim aprici colles eminent, juxta Urbis mœnia præterlabitur; ultroque dein pergens mutato itinere Orientem versus excurrit, quo tandem aquis dives in Adriaticum mare tergeminis ostiis sese exonerat. Hæc ex Alpibus Cottis præcipiti tramite decurrens altero sui alveo Pado adfunditur, altero in rivos diviso per Urbis semitas salubriter devolvitur, immunditiarum facem, impurum spiritum, & causas gravioris Cœli secum una removens, auferensque.

XII. Sunt enim Alpes ita dispositæ, ac comparatæ, ut si quo in loco, hic sane admirabilem lufum excelsis earundem cervicibus præbeant, uberesque effundant in subjectam planitiem aquarum latices ex intimo earundem gremio profiliunt, perque tot amphractus, ac mœandros lato, gratoque murmure decurrentium. Hinc soli bonitas aliis longe telluribus, quæ clementissimo Cœlo gaudent, profecto non inferioris. Hinc frugum omnium, ac rerum proventus uberrimus, nullo non tempore, parvo etiam pretio copiosa tellure salutarem incolis, ac hospitibus victum largiter subministrante. Hinc benigna aeris nativa indoles, quod caput est maximum, potissimum repetenda; Sicuti enim secundum Theophrasti (a) axioma, *talis est aqua, qualis est terra, per quam ipsa percolatur*. Ita quoque, me judice, plurimum una simul conspirant, atque invicem juvantur, lædunturque, aer, & aqua: nilque adeo magis, quem scilicet ceu immensum quasi spongiam minutissimorum corporum, quæ a terraquo orbe, perenni tum externo molimine excitantur, concipimus, puritatem, bonitatemque, ac locorum proinde felicitatem, atque incolumitatem conducit, quam dulces, probatæque aquæ suos per alveos, & canales libere excurrentes.

XIII. Ecquis vero lymphas, tum quæ ex intimis Alpium amphractibus scaturiunt, tum quæ sponte ubique in universo agro profiliunt, tot inquam insontes lymphas crimine, aut malitia culpa-verit, quarum bonitatem certissimo argumento, præter spargiticam analysin, longa diu experientia, probatusque apud incolas usus testatur? Quis limpidissimos ubique orientes fontes criminabitur, ad quorum quamplures, tanquam ad sacras Thermas concurrere ægros novimus, eorumque auxilio diuturnis ipso malis evadere? Quis puteales ipsas, quæ tum in Urbe, tum in finitimis Oppidis passim prostant, aquas vitio redarguerit, quas, aut saltem plerasque, longo usu, optimas esse didicimus? Quod enim harum pleræque putidæ alicubi reperiantur, malum hoc acceptum referendum est non lympharum venulis, sed modo corporibus facile putrescentibus, quæ in puteos ipsos præcipitata sunt, modo nimis quieti earundem putealium aquarum, modo tandem, quod frequenter accidit, Architectorum imperitiæ, qui puteos cavant juxta latrinas, aut cloacas, quarum sepulta lues insontes aquas contemperat.

XIV. Scio quidem fluviales maxime, non omnino insontes haberi, utpote quæ exoticis particulis,

cum præsertim nives æstivis mensibus liquefunt, inquinatæ sunt. Atqui adventitia hæc labes hujusmodi aquarum est, quam facili ego aliquando Marte diluam peculiari quodam, quem mihi olim elaborandum constitui, tractatu, *de morbis endemiis, seu de Medicina domestica Subalpinorum*; In quo quidem tractatu tum nativas, tum adventitias hujusce, in quo degimus, Cœli qualitates fufius, ac elaboratius exponam, tum, quæ præcipua res erit, naturalem Pedemontani agri historiam a nemine, quod sciam, tentatam adhuc, atque ab amicis diu expectitam, accurato, quantum fieri poterit, stylo persequar. Hæc interim satis erunt impræsentiarum pro ea, quam modo aggredior, felicitque omine prosequi in dies cogito, exornanda Provincia. Manus itaque ad Tabulam.

XV. Utque ab ante acti anni 1719. exitu, Hippocratis more, incipiam. Fervidissimam, ac pulverulentam æstatem siccissimi veris, ac hyemis sobolem, pluviosus, ac lutulentus Autumnus excepit. Nulla scilicet visa dies ab autumnali æquinoctio ad hyemale solstitium usque nubibus expers, ac lato Cœlo. Nec diu quidem sese prodere distulit morbosa proles sub febrium larva nullo fere typo suborientium, quæve morbillosarum, ac variolosarum indolem præ se ferebant, delitescens. Et sane morbilli, qui præcedentibus annis totam pene Pedemontanam Regionem, longe, lateque infestaverunt, jam fatiscences dein, variolis locum cessere, quæ ineunte æstate subortæ, autumnino maxime debacchatae sunt, deploranda tenellæ præsertim ætatis clade. Curiosum sane erat, quo hæc pacto ab uno ad alterum finitimum oppidum migrabant, ac sese invicem excipiebant, perpendere, eundem scilicet quo antea morbilli apparuerant, ordinem servantes, ac morem, ingeniumque. Alpina nanque loca ab hisce primo, mox universus denique Pedemontanus ager funestatus est. Diceret ab Alpibus illas ad Subalpinas Urbes transisse: unde demum facto velut agmine, ac impetu a finitimis regionibus ad magis diffitas, a Subalpinis ad Insubriam, ab Insubria ad Mutinensem agrum, ab hoc ad Romanum, totamque dein extremam usque Italiam propagatae sunt. Quodque mirum magis est, ac considerandum maxime; quod lethale esse solet hisce erumpentibus, nigroque propemodum lapillo signandum; id fere proficuum exitit, ac salutare: motus nempe per alvum spontaneus ab ipso variolarum erumpentium exordio ad usque supremum earundem stadium perdurans, cujus beneficio haud paucos memini, jam pene Orco proximos, ac insperato servatos. In quo quidem id ego potissimum didici, variolas nempe, cum maxime symptomatice, ut ajunt, erumpunt, alio utique more curari, tum judicari, ac illas, quæ essentialiter sese produnt.

Variolarum Classi merito adnumerabantur putridæ febres, variolosæ, inflammatoriæ, ut subinnuimus, & hujusmodi aliæ, quæ æstivis mensibus suboriri cœperant, ac tum forte cudebantur, subsequenti postmodum Autumno, ac Hyeme erupturæ. Hisce sese addidere comites Pleuritides spuria, Ophthalmia, Angina, Dysenteria, Stranguria, atque hisce affinium morborum prolixa Cohors, quorum una simul atque eadem omnium origo est; unum, idemque incrementum.

XVI. Atqui desit tandem, accedente hiberno solstitio, pluviosa Autumni constitutio, lætoremque temporum indolem prænunciare visus est novus oriens Annus (1720.) sereno, mitique adeo Cœlo, ut medio fere Januario Veris exordia præcludere jam tum cœperint, Occidentalibus ventis præmature spirantibus, quibus æquo pede identidem præter morem Australes succedebant. Quis agrorum status in illa vere insolenti conditione temporum fuerint? Quid inde subsequenti æquinoctio pertimescendum maxime, facile is conjicere poterit, qui quod Hippocrates ipse in hujusmodi (b) inordinatis temporum vicibus portendit, plane didicerit? Et sane

(a) De caus. plant. lib. 6. cap. 3.

(b) Lib. de aere, locis, & aquis.

senex vix a pluviosa ad siccissimam rursus vergere visa est temporum constitutio; ut illico putridas febres in petechiales, ac male moratas illis affines; ac sanguineas evadere adnotavimus, sensim evanescentibus variolis, nigramque faciem exaratis petechialibus, ac mali moris febribus, quæ de die in diem invalescebant, tradentibus. In hac postrema variolarum scena adultos maxime correptos vidimus, secus ac cum primitus apparere illæ cœperant, primævos tunc flores tantum, tenellosque infantes adoriæ.

XVII. Quæ igitur ineunte Januario exoriri cœperant malignæ febres, eadem, appropinquante Vere, quam immanissime debacchabantur, ac velut rupto aggere torrens longe, lateque per universa quæque Subalpina Oppida crudeli more defæviebant. Addiderant hisce vim, atque robur ingens in illa siccitate temporum, in quam ex pluvioso Autumno inauspicato incidimus, hiscentes ab Australibus oris assidui flatus, infesti quantum! Præluferant hisce quoque denso agmine morbilli, ac succedentes variolæ, quæ superioribus annis, ac præcipue exacta nuper æstate, maximam infantum cladem edidere. Facile hinc conjicere erat iis potissimum vexatos iri labente anno Subalpinos Incolas, ni quæ impendebant mala averterent Superi, miserasque terras defenderent. Auditum tunc quoque est Romæ hujusmodi febres, tum anginas, ac pleuritides defævire, quæ multa hominum millia utriusque sexus, & omnis ætatis, ac dignitatis interfecere. Quod ego quidem non absque ingenti animi dolore meminisse videor, cum præclarissimum, & amicissimum virum Joannem Mariam Lancisium, Summi Pontificis nuper quoque dum hæc ego scriberem, in Cælum elati Archiatrum, & Cubicularium intimum, de medica, ac litteraria optime meritum, cui ego plurimum debeo, in luctuosissima illa rerum scena e vivis sublatum, & adhuc lugeam, & mecum una lugeat universa Litteratorum Respublica. Mylis quoque in Sicilia, haud ab similes morbos jam tum superiori Æstate, Autumnoque extulisse caput, inque dies ingravescere magis, ingenti militum tum Hispanorum, cum Germanorum, ac Incolarum funere audivimus.

XVIII. Exaratis febribus spasmodici pectoris affectus, sub ipsum Æquinoctium, ac diu adhuc post ipsum confociabantur, sævissimoque inito fœdere, auctis veluti viribus, juniores maxime, ac robustiores ausi sunt lacessere, inque Libitinæ censum deducere. Hisce quoque Comites aderant, subque iis merebantur Ignis sacri, angina, arthritides, erysipellata, & alia id genus mala, quæ quidem eo magis recrudescebat, quo parcius sæviebant exarata febres, ac spasmodici pectoris affectus, fatiscere rursus, ac cedere, quo immaniter magis illi increbescabant, ac ita vicissim reciprocantibus imperiis ludere pluries observavimus. Qui vero chronicis morbis, ac tabe potissimum, ne quidquid ad historicam morborum narrationem desit, jam diu confictabantur, hosce initio Veris ex omni prorsus spe decidere, adque interitum properare celerius forte, quam par erat, adnotavimus; Quin insuper multis de tabe in dubium venientibus, ipsa tunc est confirmata, atque haud scio si quis ex iis etiam modico tempore superfuit.

XIX. Isque fuit Austrinus hyemis status. Raro scilicet, aut nunquam Boreæ penetrabile frigus persensimus, quin insuper nivali vellere defraudata terra, ea saltem quantitate, quæ nostro huic Cælo congrueret, meus aderat, ne parum inde frugifera futura messis evaderet. Solabatur tamen annorum antecedentium felix ubertas, ut venturis temporibus provisa sufficerent. Equidem exarati affectus, si modo Arthritides excipias, quæ quoque satis apte ad vernaes morbos referri queunt, exarati inquam affectus Veris potius, quam Hiemis ingenium redolebant. Et revera non aliunde excitatas, ac pene dixerim expergefactas, nova veluti prole sobolescere crediderim præfatas affectiones, quibus tunc obruebantur, nisi ab Austrinis sævientibus flatibus, atque hinc præter morem serena, ac Veris speciem referente Hyeme, cui pluviosus Autumnus post ingentem illam temporum siccitatem prægressus fuerat.

Supplem. ad Sydenham.

Hinc enim præludente, præmaturo afflatu, vere, ut vegetantia quæque in agris, ita & humani corporis liquida intestino motu fermentescere cœperunt magis, ac agitati.

XX. Cum vero impar incœpto absolvendo muneri, ac minus congrua foret liquidorum massa, tum ob alternantium ventorum indolem, qui plerumque humidi, mox sicci iterum perstantes, modo in motum data liquida ciere magis, modo illa cohibere, ac minus apta suscepto muneri reddere videbantur, leviolem modo, mox graviolem aera, ac condensatum magis adducendo; tum ob particularum sanguinis spirituosiorum præconceptam, ante acta potissimum æstate, ac vere, Phlogosim, cujus veluti proludia existerant defævientes morbilli, atque iis affines variolæ, impendentium jam tum malignarum febrium præfagia, ac incrementa; tum denique ob pluviosam Autumni habitudinem, morborum parentis, omnium Medicorum ore fetacissimi; evidens est ad minimum adauctum momentum motus, quod reliquum erat balsamici, ut mea fert opinio, oleosi, aquosi, ac dulcis plus justo, dissipatum iri, tum multigenos dein intra prædisposita civium corpora collectos Sales acres; erodentis, absque Autumnii pluviis in fluorem evectos, ac recens ab Austro ulterius fusos, accedente novissima quacunque causa, tum maxime exoticorum quorundam miscela principiorum, vincula quæque discissuros obvia, hinc turbata solidarum partium resistentia, universam humorum massam, forte minus, quam par erat, sibi invicem hærentem, quam citissime fermentativarum particularum præsentia dissolvi. Ea nanque est unius fluidi ad alterum æquilibrii ratio, ut unum veluti ab altero pendeat, eaque vicissim inter se una simul conspirent, ac ludant. Ubi vero quid infensum evenit, tamque pulchre inter se invicem comparata partes non eam amplius observant æquilibrii legem, tunc universam penitus massam intestino, ac pene dixerim, civili bello perfractam, ni quam primum periclitanti, ubi forte defecerit, naturæ opem præbeat ars, obeundis functionibus imparem evadere, ac tandem collabi penitus necesse est.

XXI. Quod quidem concessum tum exoticis, tum indigenis fermentativis particulis irascendi imperium, ingeniumque, evidenter, ac præclare satis, tum quæ potissimum grassabatur febris, tum quæ passim sub illius exortu, ac incremento sese prodiderant phænomena, ostendebant. Enim vero quotquot ægrotare cœperant, hosce, plerosque saltem, febris indefinenter fere, nulla quidem conspicua, & peculiari accessione sævissime divexabat, quousque scilicet maculis purpureis conspersa, ac fœdata cutis emergeret, aut quidquid aliud præludens præsentaneum interitum prænunciaret; afficiebantur autem potissimum Meninges, aut Septum transversum, aut Hepar, iisque finitimæ partes. Multis primo insultu rigor, ac horror supervenit, quemadmodum in febribus intermittentibus videre est; sæpe etiam intermittentis typum mentiebatur, subque illius larva ad septimum fere diem, non nunquam ad undecimum usque nec ultra ludere visa febris, mox in malignam evadebat, qualis ab ipso initio revera aderat, eo quidem magis lethalis, ac periculosior, quo diutius latens, non juniores tantum, sed senes, ac sapientiores forte sefellit, Nec tamen sese, ita prorsus abscondi noverat illa unquam, quin aliquam subesse fraudem suspicio, aut meus foret, quidve mali moris, ac re ipsa divinum vel intermissionis, vel vexationis die appareret; alii nanque de immani capitis dolore, alii de ingenti æstu, ac totius corporis lassitudine conquerebantur. Quidam siticulosi aderant, ac diu vigiles. Haud paucos gravis adeo sopor, ut vix excitari potuerint, occupaverat; atque horum neminem servatum memini.

XXII. Ubi denique conspergi, ac fœdari maculis cutis, aut principes partes periclitari videbantur, tum mitescere febris, frangi, consternarique vires, squallescere visa facies laborantis, ac pene jam deficientis naturæ præludia, quæ nullo amplius revocari poterat Cardiaco, aut Alexipharmaco, qualicunque. Hæc vero peticulæ, ut plurimum quarta die, & septima erumpebant; primo quidem in dorso, collo,

& pectore conspicuæ, mox ad extremos usque pedum ungues sese expandentes; Observatumque paucos evasisse, quibus primis diebus illæ apparuerunt. Miles, cui tertio morbi die maculæ illæ ingenti agmine proruperant, sexto celerrime periit. Puella decennis Olitoris filia vehementissima febris cum horrore, ac frigore correpta fuit; statim per exordia sitis multa aderat, & incontinenens corporis jactatio. Postridie peticulis pene lenticularibus tota visa conspergi cutis. Tertio parum synceri sanguinis e naribus stillavit. Urinæ crassæ, mox tenues, postremo nigra. Dejectiones alvi biliosæ, spumantes. Quarto deliravit. Quinto syncerus iterum sanguis e naribus effluxit. Sexto rigor febrilis rediit, multa, nigra, foetida vomuit; sub Solis occasum mortua est.

Puellam alteram meminisse non sine lacrymis lubet Uxoris meæ sororem, hujusmodi febris prehenfam, cum illi fluere de more muliebria; eaque ad quantum usque diem perdurarunt. Quinto nausea-bunda aderat, insomnis, toto corpore dolens. Multa vomuit biliosa, ac virulenta. Sexto ad meridiem, novus subortus est rigor extemplo; urinæ per initia tenues, postmodum crassæ, rubra, quæ in matula depositæ non subsidebant. Postridie ejus diei, quo cessarunt menstrua; ingentes maculæ purpureæ in dorso, pectore, & collo conspiciebantur, quæ dein novo exorto rigore febris, penitus evanuerunt. Septimo verba cum delirio; ex alvo dejectiones biliosæ, graveolentes; nox laboriosa, lentor dentium. Octavo remissa sunt omnia. Nono maculæ illæ densiore examine rediere: crebra spiratio, ad Vesperam multum deliravit. Decimo intercisæ, & deficiens respiratio, aurium surditas; circa meridiem valde deliravit, confestimque rursus ad mentem rediit. Ex alvo irritata nihil secessit. Paulo post oborto stertore celeriter expiravit. Ætas erat annorum fere septendecim.

Nec, diverso prorsus more, duo Chirurgiæ studiosi, in Regio SS. Mauriti, & Lazari Nosocomio degentes, quorum alteri ingens macularum examen secundo die, alteri quarto, apparuerat, defuncti sunt; Prior quidem decimo; alter vero decimo quarto; Neutri conturbata alvus; irritata eadem pauca demisit tenuia, biliosa, mordacia; uterque diebus paribus gravius habebat. Alterum memini haud ab simili fato demortuum, cui prodire modo, mox regredi visæ peticulæ sunt ad plures vices. Hæ autem statim ab initio confestim eruperant. Robustus erat, ac ætate florens. Universa corporis lassitudine, & fractione, ut ipse agebat, conquerebatur. Sitibundus valde; Secundum, tertium, ac quartum diem eodem more transegit. Quinto exasperata sunt omnia, pauca, biliosa, tenuia ex alvo reddidit. Urinæ impense rubra, oculi scintillantes, ac lucidi. Sexto evanuerunt maculæ; nihil ab alvo deiecit, deliravit. Septimo convulsiones. Octavo vox obscure se prodebat, extrema, frigida, livida, stillæ sanguinis e naso. Nono ad intelligentiam rediit, pauca deiecit nigra, graveolentia. Undecimo convulsiones iterum visæ, totaque maculis denuo foedata cutis. Decimo tertio vox pene defecit, Vespere obiit. Jurisconsultum juxta D. Pauli ædem decumbentem febris acuta continua cum dolore lateris corripuit. Sitibundus admodum aderat, & pervigil; urinas reddidit multas, turbulentas, albas, quæ nec depositæ subsidebant. Alvus commode habebat. Quinto die vehemens æstus, & stomachi fastidium adfuit. Potum continere minime valebat. Urinæ eadem, indistinctis, ac pene inconspicuis maculis foedata cutis. Sexto deliravit. Sub vespem mitius se habuit, commota sponte alvus, dormivit. Septimo multa ex alvo secesserunt sponte, probæ indolis; urinæ copiosæ, concoctæ, in quibus multum subsidebat, profluxere; sitis destitit. Octavo motus ad alvum intermisit; mens emotus. Undecimo conturbata iterum alvo, febre liberatus, atque omnino judicatione absolutus. Huic cum primum conturbati visa fuit alvus, multus ex utraque nare sanguis erupit.

XXIII. Profecto quotquot ab hac febris, fati ope, vel Medici, evasere (haud paucos autem evasisse memini,) hosce utique omnes sponte oborta ventris turbatio, eaque critice ad perfectam usque judicationem recurrens, integre absolvit. Sane neminem,

quod sancte profiteor, e vivis sublatum vidi, quotquot is sponte evenit ad alvum motus, cui copiosa plerumque sanguinis e naribus, quandoque etiam ab hæmorrhoidalium venarum osculis effusio præludebat. Sudores, tum cæteræ quæque evacuationiones, vel per urinam, vel per alias vias, per quas natura crises suas moliri solet, vel suppressæ penitus, vel irritæ plerumque aderant, ac nihil decerentes; saltem vix quidquam sperandum ab iis; Quodve mirere magis, sub ipsam peticularum eruptionem, earumque per totum corporis habitum effusionem, sæpe oborto ad alvum motu, haud paucos, quos prolixum nimis foret referre, ex insperato, velut ab Orco revocatos vidimus, ac restitutos; Quod jam tum antea desævientibus superiori æstate, Autumumque variolis observare contigit haud exiguo ægrorum numero, assidua sponte oborta diarrhæa, mox ab ipso variolarum exortu, aut incremento præter spem servato.

XXIV. Noxia ut plurimum venæ sectio aderat, tum cætera quæque instituta remedia, si modo illa excipias, quæ collabentibus tuendis viribus, neve sanguinis compages penitus dissiliret, inque pejus rueret, opportune occurrebant, cardiaca nempe grata aciditate præstantia, aut acidis consociata. Neque calidiora quæque quidquam quam præstabant, nisi forsan hoc pacto *camino oleum*, ut fertur, addere; Frano nanque magis, quam stimulo egebant humores jam ad orgasmum proni, ac nescii stare loco. Cunctando potius restituenda erant res, quam velis, & remis occurrendo. Ad humorum impetum compescendum egregie etiam præstitit Peruvianus Cortex opportune adhibitus. Ejus enim præsidio plures vel integre sunt restituti, vel si forte nonnulli recidivas passi sunt, paulo post convalescere. Cæterum æque ac V. S. minus prospere cessere vesicantia, ut quæ sanguini ad fluorem apto habenas potius mitterent, quam coererent.

XXV. Quod si ante quantum diem materies turgeret, primæquæ viæ, ut ajunt, cruditatibus, ac inquinamentis scaterent; Emetico prudenter administrato, ut blanda purgatione tempestive instituta, neque non solum ullam unquam noxam exinde profectam memini, sed felicius inde educta humorum saburra in stomacho contenta, exanthemata apparere, collapsas vires restituere, naturam denique ipsam ad perficiendum opus suum pro massæ sanguineæ a pravo miasmate expurgatione aptiorem consurgere, validioremque effici, ac veluti ab interitu revocari, observavi.

XXVI. Equidem cum primum suboriri cœperant hæc mali motis febres; purgationes passim per exordia, ut mos est, a Medicis adhibebantur; ipseque ego ab hujusmodi methodo minime abhorrebam, vel ob id maxime, quod ventriculum impuritatibus oneratum, in plerisque noveram, minimeque cunctandum in iis casibus esse sapienter Medicos admonet (a) Hippocrates in aphorismis. Ubi vero prodire maculæ, totaque illis foedari cutis videbatur, sacro quodam metu percelli mihi animum, commoveri, perturbari senseram, maximeque extimescere, ne forte retractis ad interna humoribus, omnia in pejus quam celerrime ruerent. Cum autem nihil inde noxæ proficisci, quinimmo mitiora quæque evadere animadverterim, turbatoque leniter plerisque ventre haud paucos hoc more servatos observaverim, secus ac illos, quibus aut in principio neglectum fuerat; aut parum salutare creditum hujusmodi auxilium, cunctis dein, modo tempestive, ac bono fato accersitus fuerim, blandam purgationem, aut etiam robustioribus leve emeticum præscripsi, lato persæpe eventu; Cardiacis namque remediis, quibus oppugnanda aderat febris, tum Peruviano Cortici, si forte hunc etiam in subsidium acciri opus erat, referabantur fores, licebatque iis sanguineam massam minime deturpata facie subire.

XXVII. Atque ob hanc forte causam celebriores Pra-

(a) 4. Aphor. 10.

Practici suspecta conclamant alexipharmaca per initia febrium malignarum, nisi exonerato ab impuritatibus stomacho, primisque viis ab obstructionibus expeditis. Neque is tamen ego sum, qui indiscriminatum purganda esse corpora statim ab initio contendam. Fieri nanque poterit, ut id genus auxilii, quod modo haud paucos revocavit ad vitam, necem alio tempore ægris inferat; quod maxime observandum esse docebat memoratus Hippocrates lib. 1. de morb. n. 1. & 2. *quæ scilicet bono per fortuitum successum Medici agrotos curantes faciant*. Sæpe visum est in febribus alvi profluvia noxia fore, mortemque inferre, quæ aliquando salutaria extitisse novimus. Idque est Epidemicorum huiusmodi morborum ingenium, ut qua methodo currente anno agrotos liberaveris, eadem ipsa anno jam vertente forsitan e medio tolles. Sponte oborta hæmorrhagia plerosque servatos refert (a) Diemerbroeck in Peste Neomagensi; Secus hanc olim lethalem experti sunt Tolosates, ac Lugdunenses. Ita scilicet ludunt morbi; Ingens proinde adhibenda cautela est, omnibusque animi nervis contendendum Medico, quo tandem investigato, ac perspecto morbi genio ad eundem perdomandum recto pede, & intrepidus procedat.

XXVIII. Caterum novum minime est per huiusmodi febrium initia purgationes adhiberi; Id quoque olim proficuum experti sunt Ballonius lib. 1. Epid. Septalius caut. med. l. 5. num. 47. Manardus Ferrariensis 5. Epist. 3. & 13. Epist. 1. Victor Trincavellius, Gentilis Fulginas, & plerique alii; Morbosam Constitutionem huic nostræ fere similem describit Galenus, in qua ii facile sanati sunt, quibus (b) præexsiccatum, sic ille inquit, præpuratumque corpus fuerit; quippe quod, ait ille, evomuerint ex iis nonnulli, & omnibus venter profluxerit; Atque hinc quidem didicimus sæpe in primis viis latere hostem, qui nisi protinus (c) ejiciatur e sede, evellaturque, quod alienum a natura est, frustra tentabit Medicus in fine propellere. Forte etiam Subalpinis ob lautiores victum major iis necessitas adest purgandi corpora per acutarum initia ægritudinum, quæ omnes præceteris ortum potissimum habent a stomacho. Didicimus insuper exanthemata, ac excretiones quasunque, quæ in principio, vel augmento accidunt, nullas fere esse criticas, sed symptomaticas, cuiusmodi hæ fuerunt, nihil sane decernentes, tum periclitantis naturæ præludia, tum plerumque turgentis, morbumque facientis materiæ hinc inde latæ, ac stare nesciæ, certissimum argumentum. Ubi autem in acutis materiam turgere, ac putridorum, aut malorum humorum copiam (si fas est, ita dicere, & antiquissima verba usurpare) subesse animadvertimus, eadem die purgandum esse Hippocrates jubet 4. Aphorism. 10. Turgentem vero materiam subesse, virulentam, vagam, ac certam sedem non habentem ex variis, ac vehementibus, quæ suboriuntur, symptomatibus facile colligi, ac dignosci potest; cum scilicet natura a multa, aut prava qualitate affecta, concitata materia, tentat inter initia eam expellere, excretionibus per alvum, per vomitum, per sudores, per urinas, per cutis efflorescentias, &c. Num id turgere materiam docet? Num evacuanda eadem quam citissime, ac statim ab initio? Ne forte, ut (d) laudatus Septalius ait, *ad princeps aliquod membrum reparat*, aut ad terminum eum ducantur humores, de quo locutus est Galenus libro adversus Julianum.

XXIX. Nec me quidem latet paradoxam forte nonnulli videri hanc locutionem, qui omni labore exanthemata, ubi semel apparuerint, per fortiora cardiaca magis promovere, aut retrocedentia eadem expellere iterum ac provocare, omnibus nervis contendunt, rati scilicet ita salvari debere patientem, quem virus alias jugularet, quem tamen hæ ipsa nimis operosa methodus promptius enecat. Ast vulgaris hæ opinio est longe ab Hippocratica Schola recepta. *Supplem. ad Sydenham.*

dens. Distinguendæ nanque sunt quæcunque contingant excretiones in acutis, num scilicet salutari quadam eveniant crisi; num erroneo potius, ac deleterio naturæ conamine; utque sinere illas, intercipere hæce, aut saltem minime deterreri æquum est. Sic idem ipse Galenus in famosa Historia Simonis, in quo lata exanthemata erant, minime veritus est purgationem aliquando commendare. (e)

XXX. Cum vero invaluerit malum, aut primæ criseos periodus præterlapsa, satius aderat ab omni remediorum genere abstinere; exasperari nanque morbum, atque omnia celeriter magis in pejus ruere exinde vidimus, collapsis jam tum viribus, neque amplius vim remedii sustinere apta laborante, ac pene jam deficiente natura; quod si minime amplius prodesse posse novimus, ne saltem remediis noceamus, conclamant omnes, quod & magno, & bono viro dignum inquit Celsus, ne quidquid præcipiamus, quod confirmatam artis auctoritatem malevolentissimorum hominum calumniæ subicere queat. Neque autem adulto tantum morbo a remediis omnibus abstinere satius fuit; quin id quoque salutare, ac proficuum maxime experti fuerimus, vel in ipso huiusmodi febrium exordio, quæ sola plerumque purgatione, ut subinnumus, tempestive instituta, feliciter cessere, quam repetitis phlebotomiis, purgationibus, aut mille alexipharmacis, quæ pleno gutture, tanquam Deorum munera, receptariorum Chorus adeo celebrat, adhibitis. Equidem ut rerum experientia, ita & remediorum delectu Græcorum Medicinam Arabum scholis longe præstantiorem nemo non videt; ii nanque a mascula illa Græcorum medicina recedentes tantam adeo remediorum farraginem contulerunt, ut iis obrui potius quam discescere etiamnum videamur. Et vero si illud est, quod maxime cavendum Oratori, & prævidendum putat Antonius apud Marcum Tullium, quodque eum sollicitare summe solet, non tam ut pro sit causis elaborare solere, quam ut ne quid obsit: non quin enitendum sit in utroque, sed quod multo turpius est Oratori, nocuisse videri causæ, quam non profuisse: id profecto longe æquissimum in salutis causa, atque ubi præsertim de humano corio luditur, videri debet, in qua vel levis offensio non sine magno corporis dispendio suscipi potest.

XXXI. Atque his quidem artibus Sapienti Viro mihi amicissimo, juxta sacram Divæ Virginis Consolatricis adem decumbenti, graviter huiusce prosapiæ febris, exunte Febuario ægrotanti opem tuli. Is præstanti corpore, atque animo, ac veluti ad Polycleti statuum compositus, simplici tertiana paulo post æquinoctium autumnale superioris anni ad aliquot dies laboraverat. Rediit illa hyeme, aut saltem illius indolem, ac genium primo intuitu referebat, quod horrore, ac frigore suas quasque accessiones metiri consuefecerat; Atqui post septimum diem ingravescens magis, atque ex simplici duplex continua evadens, quid revera insensum, ac exitiale præludebat. Urinæ tenues aderant, conatus vomendi inanes, pulsus durus, intermittens, diffusæ ubique maculæ, vixque conspicuæ ad cutem, sub Solis occasum omnino delitescerent. Decimo quarto mitescere visa omnia, dejectiones ex alvo copiosæ, frequentes, spontaneæ, pulsus æquior, urinæ magis coloratæ. Decimo septimo, ac decimo octavo recrudit iterum febris, intermisso ad alvum motu Præcordiorum, contentio ad umbilicum utrinque promissa: ipse animo vacillans, vix bene sui compos, pervigil, sub vespertam delirans. Decimo nono minus lugubris scena; multa ex alvo proba demisit sponte; dormivit. Vigesimo quarto ingravescere iterum visa febris; Genarum rubor, lingua exarescens, respiratio difficilis, pulsus intermittens, urinæ subrubræ, turbulentæ, quæ nec depositæ subsederunt. Abdomen inflatum, ac summe tensum. Irritata clystere alvus nihil deiecit. Vigesimo septimo multa rursus ab alvo secesserunt una cum concreto sanguine, fæculento, nigro;

(a) Lib. 1. de Peste.

(b) 5. Meth. Med. cap. 12.

(c) 4. de tuenda valet. 4.

(d) Sept. Animadvers. Medic. lib. 5. num. 47.

(e) 2. de morbis vulgaribus 6.

mitius se habuit. Vigesimo octavo, vigesimo nono, trigesimo primo idem obortus ad alvum motus, assidue perseveravit ad quadragesimum usque, cui tandem perfecta judicatio successit. Mirum sane, ut tantam adeo concreti, ac nigerrimi sanguinis quantitate dejecerit, quæ singulis fere diebus ubi dejecte primum ex alvo sanguinem cepit, ad geminas fere circiter libras accedebat. Hæc illa erat turgens materia, quæ cum nondum ex excretionem comparata foret, ubique errans, ac impetum faciens sæva illa symptomata induxit, quæ in toto hujusce morbi decursu illuxerunt. Hæc illa inquam est, quæ præpur-gato statim ab initio corpore, magnam in partem imminuta fuit: unde remissa semel impetus continuitate, recreandis viribus spatium dedit, quæ & pluribus præliis redintegrata, & plurium dierum decretoriorum opportunitatibus, ceu firmissimis stationibus collocatis, aucta, alioqui animosum hostem matura cunctatione fregerunt. Ecquid autem agendum Medico erat, præterquam vires tueri, tum strenue congregientem naturam passim erigere, quo tandem novo velut delectu habito par illa foret, constitutis, ac velut destinatis ad conflictum diebus, quidquid infensum sibi erat suis e finibus amovere, expellere, eliminare. Ex quibus omnibus efficitur, in inveterascentibus morbis excitata ad judicationem natura, intermissum esse, & quodammodo interruptum, minime quidem continuum solutionum impetum; id quod luculentissimis verbis docet toties laudatus Galenus cap. 5. lib. 2. de dieb. decret. Caterum haud paucis in hac febrili incursione una cum sponte oborto ad alvum motu multum sanguinis ex hæmorrhoidalibus vasis profluxisse, jam fere inclinatis rebus, ac pene conclamatis adverti, atque eorum neminem interiisse.

XXXII. Nunc de vesicantibus, quorum applicatio minus prospera comperta est, pauca manent attingenda. Sane in febrilibus malignis, ac pestilentibus, in quibus sanguis ad coagulationem contendit, nihil iis præstantius, nihil aptius iidem, aut proficuum magis. Ast ubi humores ad fluorem proni sunt, ubi actiores iidem, ac effrænes, ubi sufflaminandus potius quam stimulandus cruor est, nihil iis noxium magis, nihil magis perniciosum. Id olim quoque in Epidemica sui temporis constitutione recte adnotaverat P. a Castro, Vir insignis; ego mehercle multos absque iis perfecte liberatos vidi.

XXXIII. Ex adverso egregiam agrotantibus opem tulit Corticis Peruviani usus debito tempore, ac arte institutus. Is enim humorum massam coercere, excitatumque in sanguine orgasmum, mea, ac doctissimorum Virorum, inter quos clarissimus Ramazzinus dignus utique est recenseri, mea inquam, ac aliorum, quos ego summopere veneror, sententia sistere, ac cohibere par est, quod unum maxime expetebatur in illa rerum caligine. Equidem quidquid de hoc exotico antifebrili, tum de cæteris celebrioribus specificis, quæ huc usque in usum medicum advecta sunt, scripserint magni nominis Viri, præstat adhuc plura admirari magis, quam intelligere; saltem de iis nihil hætenus perspicuum, quodque animum veritatis avidum expleat, allatum est. Si quid vero unquam lucis sperandum, totum lubet ab eventu ediscere. Ab hoc juvat famosi hujus Apyretici, aut cujuscunque specifici naturam, ac vires expendere, metiri, decernere; Hoc dignum Philosopho, hoc dignum Medico Viro institutum; minime vero ratiunculas ad libidinem comparatas, & ipsius imaginationis ludibria effingere. Hinc culpari ab uno, laudari ab altero, modo probrosis titulis, modo magnificentissime vocari passim novimus celebre istud febrifugum. Neque enim tanta adeo opinionum inter se dissensio proficisci aliunde potest, quam quod secus, ac revera attingi debent res, eadem plerumque expendantur, minus forte æqua ingenii statice, aut mente præjudiciis occupatissima. Ego quidem hujusce, quod adeo apud nos invaluit præsidii efficaciam utique veneror, ac si superis placet, ad Astra feram. Ast illud ceu Panaceam e Cælo delapsam omnibus remediis præferre, atque in omnibus febrilus indiscriminatum exhibere, haud parum tutam rem esse judico, nec medentibus decoram; æque ac si

quis Opium, quod mirabile, ac magnum est sedativum, sine ullo forte delectu in omnibus morbis, ubi compescere opus est, adhiberet. Nec vero semper ubi fræno humores egent, Cortice coercendos puto; sæpe enim plus periculi timendum est a subito, & intempestivo sufflamine, quam non erat antea. Quamobrem in Corticis exhibitione respiciendum est ad id quod intus molitur natura; humorum status expendendus, num ad fixitatem scilicet, num ad fluorem contendant. Quid cavendum denique, quid experiendum; vivida mentis acie examinandum. Est quid *divinum* in remediorum usu, ut quid (a) *divinum* etiam in morbis inesse prodidit Divinus senex. Atque id quidem ab eorum majori, vel minori efficacia, aut ab secreto, ac pene inexplicabili eorum quorundam agendi modo minime petendum est, sed ab eorum administrationis more, quod caput est maximum, & administrationis tempore, ad quæ duo potissimum capita cautiones Medicæ referendæ sunt. Sapienti pauca.

XXXIV. Ego sane quidquid boni ab hoc præsidio in hac febrili scena agrotantibus accessisse comperi; id totum illius, quæ pollet, efficaciam, figendi humores, eosque aut a se invicem dissilientes, aut coherentes minus cogendi una simul, cohibendique tribuendum puto. Hinc sane aliquando minus ex asse voto respondisse Corticem auditum est in quibusdam febribus, quod forte humores minime ad liquationem vergerent, ejusque diathesis essent ii, quæ stimulari potius egeret, quam coerceri. Quinquanam autem potestatem fluida quæque in nostris corporibus figendi, cogendique habere pro re certa suppono. I. Quod motum sanguinis, & spirituum compescat, & alvum ipsam densiorem, obstipatioremque reddat; compertum nanque est iis, qui ad plures dies hoc remedio usi fuerint, ventrem adstringi, ut clysteribus indigeant. II. Stiptica fere gustu, ac moderate subastringens deprehenditur, ut patet. III. Si quas illa febrès fugaverit, hæc spiritu salis armoniaci, qui summe potens est humores coactos lacerare, & ad motum ciere prompte revocamus. Atque ob hanc utique causam haud auspicato cessisse nonnullis Peruvianum corticem olim scio, & funestos casus memorari. Vratislaviensibus in constitutione quadam anni 1699. valde funestum illius usum ferunt Acta Eruditorum anni 1701. (b) quod scilicet infarcta crassis humoribus corpora, in frigida illa, & humida prægressa temporum habitudine, remedia expeterent, quæ segnius labentia fluida urgerent potius, quam figerent, aut saltem obortam febrim, quæ forte auspicato contigerat, haud ita cito fugarent. Sæpe non modo utilis res febris est, sed & hanc profuit accendere; Fortasse enim, ut Celsus ait, *curationi opportunior fiet, ut humidioribus agris ignis*.

Sive illis omne per ignem excoquitur vitium, atque exsudat, inutilis humor.

Secus res tamen evenit aliquando; Nosque id ipsum salutare experti nuper sumus, ac vere proficuum, quod noxam olim forte, ac detrimentum attulit. Juvat hinc adnotare quantum profutura medentibus sit, quantum artis decori, ægtis vero salutis, ac emolumento futura exacta temporum cognitio. Sicuti enim apud Agricolas, *annus est, non terra, quæ fructificat*, ita & nos persæpe videmus, ac fere acu tangere fas est, non a particulari corporum dispositione, sed ab anni temporumve constitutionibus diversos passim morbos exoriri, quos sæpe prodest diverso modo subigere.

XXXV. Cum vero ab eventu res nobis expendendæ sint, præstat nunc hujusce corticis usum, quem auspicato nobis cessisse novimus, maxime commendare iis, quibus opus est, aut concitatum orgasmum coercere, aut effrænem impetum sistere, aut tendentes ad liquationem humores figere; quo saltem, aut remissa impetus continuitate, aut coercito orgasmo, aut humoribus, ne a se invicem penitus dissilirent, interceptis, aut si qua sorte excandesceret nimis, mitigata febrè, redintegrata, auctaque

(a) 2. Progn.

(b) pag. 523. mensis Novembris.

que vitiis natura vincere queat, ac superare hostem. Neque exigua certe res est specificum habere, (liceat mihi eo nomine exoticum istud febrifugum vocare) huic præstando muneri aptum. Cæterum quidquid de hujus usu in morbis asseri unquam poterit, aut excogitari, id lucis quidpiam utique, at parum certe, asseret, *Vincet enim semper latendi natura*, ut olim de Nili origine ajebat Lucanus.

XXXVI. Modo superest de sanguinis missione pauca effari. Profecto nunquam non noxia in hujusmodi febribus comperta hæc est; ab ea nanque atteri magis, ac deficere vires, quod unum præ cæteris magis funestum, ac certissimum impendentis jacturæ prælagium observatum fuit, dejici animum, perfrigerari extrema; inque summum discrimen adduci ægros frequenti observatione adnotavimus. Quod mirari utique subest, tum maxime quod nullum aptius, nullum idem in hisce Regionibus (quod sancte testari possum) tutius expertum præsidium sit, quam venæ sectio, sive ob Cæli hujusce nativas qualitates, sive ob Subalpinorum temperamenta huic climati, ac Cælo congrua. In hac autem Epidemica constitutione totum mutatum ab illo cruorem augurari licebat, & ad fluorem proum magis, tum ob fervidissimam temporum præcedentium indolem, tum ob ex legem, Austrinam, consuetumque morem minime observantem hyemem; ac proinde nil mirum improspere cessisse venæ sectionem, quinimmo ab illa cane pejus, & angue abstinendum; etiam si, ut aurea Hippocratis avertit sententia, qui in haud absimili anni constitutione sanguinis missionem (a) valde quoque improbat, *morbis magnus sit, rigensque ætate homo*, ne scilicet major fibrarum cruoris dimotio contingeret, a qua non nisi extrema quæque discrimina expectanda sunt.

XXXVII. Ne vero id gratis, aut Dictatorie me pronunciasse quis credat, decet paulo altius hujusce depravatæ sanguinis diathesis, ejusque ad fluorem potius ad concretionem tendentiæ originem, ac causas inquirere, quæ & eadem hujusmodi febrium, eisque affinium affectionum, quæ per ea tempora defæviebant, origo extitit, ac incrementum. Ac primo effingere lubet animo quidquid dissolvere, aut coagulare par est, illud idem agens quoddam esse valde potens, quod prout vel ad acidum, vel ad acre magis accedit, coagulare, aut dissolvere aptum est, potestatemque induit obvia quæque fluida, aut ad concretionem, aut ad colliquationem inducendi. Hæc duo in super diversa principia perpetuo nostris corporibus inesse fatemur, atqui ita simul æquilibrata, ac æqua invicem proportionem instituta, ut quo usque in mutua vicissim actione permanent, nec ab externo quopiam agente alterutrum ad motum urgetur, nulla exinde incommoda corporibus inferant, quinimmo tutam, ac firmam servant cruoris massam, tum Vestalis Ignis nativos lares, & focus. Ubi vero a principio quodam extrinseco eorum alterum supra alterum efferri, ac dominatum acquirere contingit; tum obrutam penitus fluidorum massam cernere est, institutas æquilibrii leges minime servari amplius, ad lentorem inde aut ad fluorem liquida vergere: prout acidum illud est, aut acre, quo prædominatur, & vim suam exerit, supra cætera principia elementaria evedum agens. Hinc pater quam diverso telorum ictu, ac diversis pene dixerim artibus occurrendum sit, ubi scilicet aut unum, aut alterum horum præpollat sanguinis diathesin immutare aptum, ac diversos proinde effectus inducere.

XXXVIII. Illud autem externum agens, quod intus latentem, ac veluti coercitum ignem laceffere, ac excitare par est, ab iis, quæ nos ambiunt, aut nobis imminent rebus, petendum esse extra omnem controversiæ aleam positum est; nec aliunde quidem profluere posse videtur, quam ab aere nobis circumfluo, cui quandoque accedunt, atque ad excitandos populares morbos in unum conveniunt modo corruptæ, ac stagnantes aquæ, modo alimenta mali succi, & pleraque alia. Potissima vero, ut incolumitatis, ac salubritatis, ita morborum communis causa aer est, vel rarefactus nimis, vel condensatus, tum particulis heterogeneis, extraneis, ac humanæ naturæ incongruis dives. Hæc nanque sunt, quæ in rarefacto aere, ma-

gis, aut minus exaltatæ, inque vitæ hospitia exceptæ vitiatam in fluidis diathesin inducere queunt, a qua diversa morborum proles enascitur.

XXXIX. Neque autem de aere loquens, cum criminis reum esse contendo; At qui una cum illo miscentur, extraneos, tum exoticos sales, hosce ego alterationum omnium, quæ ab aere profluunt, morborumque parentes agnosco. Aer namque elementum incorruptibile est, ac reliqua elementa, tum aqua potissimum conservandæ, ac tuendæ hominum incolumitati illo haud minus necessaria, ac opportuna. Si quam vero alterationem aer concipit aliquando, hanc utique ab extraneis corporibus, tum heterogeneis particulis, quæ una cum illo commiscuntur, excipit, iisque inficitur, satis aptus idem easdem a se remove, atque protrudere, cum nullum obvium sibi obicem offendit, quo minus illas a se expellere potens sit. Ut stagnantium, ac putrescentium lympharum in limpidum quempiam amnem irruptio fluminis aquas confundit, ac turbidas reddit, atqui hæc pristinam iterum puritatem redeunt perenni aquarum gurgie uberi alveo assidue decurrentium; Sic aer quandoque ab exoticis ventorum afflatu elatis salibus inquinatus, novo irruente vento iisdem liberatur, ac purus redit; neque enim etsi aliquando majori cum energia iidem agant, diu perdurare queunt, quin aut sensim fatiscant, aut tandem integre abeant, ac dissipentur.

XL. Quæ quidem satis superque evincunt, cur infensos nobis experiamur Boream, & Austrum, atque iis potissimum, quæ hisce præter morem perflantibus, suboriuntur, ægritudinibus obnoxii sint Subalpini Incolæ. Enim vero cum nitrosi, acidique exotici sales, a Boreali plaga, secus vero lixiviales, ac urinosi ab Australibus oris continuo profluant; atque hinc perflantes venti libere per universum Agrum Pedemontanum discurrant, nullo, ut innuimus, saltem exiguo, qua sævit Auster, interjecto obice, qui effrænem eorum motum, ac vim compescat; conjicere quisquis potest, quam facili negotio irruentes venti extraneos hujusmodi sales ad nos vehant, iisdemque corpora inficiantur, eo quidem magis, quo diutius perdurant ejusmodi venti, aut alterius sibi oppositi silentio, eos a se protrudere aer minime par est, ac remove. Si quis interim modum scire cupit, quo aer extraneis, atque humanæ naturæ infensis particulis imbuitur, & quomodo iis interdum per ventos huc, illuc transferatur; plene id habebit a Fr. de le Boe Sylvio.

XLI. Ut vero a nitrosis salibus, quos subacidos esse contendimus, morbos omnes oriri novimus ab humorum fixitate, ac lentore progenitos, utpote quod fluida quæque cogi ab acidorum præsentia, atque intercipi conspicuum est; ita ab lixivialibus, ac urinosis particulis, ab Austro delatis eas potissimum affectiones, ac funestas passim ægritudines nasci experimur, quæ ab humorum colliquatione, ac fluore dependent. Ut enim figendi acida, sic dissolvendi facultatem acria, ac lixivialia præbent. Sic nunquam hiscere audentibus aquilonaribus ventis tum superiori anno, tum labente hyeme, qui Australium assidue perflantium ventorum vim frangerent, aut eorum saltem sævitiam compescerent; Nil mirum, ut hi acria corpuscula summe infensa vehentes secum, sævissimas illas febres induxerint, quæ sese novo oriente anno prodiderunt.

XLII. Hinc enim e salibus acribus præter morem elatis, stimuli que vicem agentibus commoveri sanguinis massa, turbari illa, accendi febris, mox sæva quæque symptomata ludere visa sunt, naturalis humorum textura dissolvi, ejus vincula discindi, diffuere fero se molleculæ, rutilæ, ac gelatinosæ a se invicem secedere celerissimo, præcipitique tramite, ni quam primum, antequam totum illico sanguinem pervadat, fermentum illud acre, irritans, hærens, evellatur, ejus vis, ac sævities maxima, infringatur, demulceantur spicula, imminens, aut jam ortus orgasmus coerceatur, temperetur impetus, præbeaturque tantundem natura spatii, quo inire illa pugnam queat, animose congregi, materiam morbi subigere, solvere, move, secernere, excernere, vere illa *morborem medicatrix*, utque Hippocrates ait, *docta sine magistro*. (b)

XLIII. Quæ

(a) l. 4. de rat. victus t. 19.

(b) 5. in 6. Epid.

XLIII. Quæ si quis omnia attente perspiciet, conjiciet equidem, ac facili negotio concipiet, quæ fuerint horum malorum exordia: tum rationem, cur utilis extiterit acidorum usus? cur temperantia, nimium humorum impetum infringentia, modice si- gentia, stiptica opportune adhibita, utilia eadem, ac tuta? cur auspiciata minus, funesta, numquam non noxia venæ sectio, ac vesicantia? cur turgente materia voto ex asse respondens purgatio, primis diebus, ab initio statim instituta? cur excretionem per alvum, per vomitum, per macularum diffusionem ad habitum corporis in principio morbi lethales? cur exeunte ad judicationem morbo motus ad alvum, aut hæmorrhagia superveniens bonum? cur prostratæ initio vires, languidiores eadem, ac pene emortuæ? quæ ratio symptomatum omnium, quæ sese exordio, incremento, ac statu febris prodidere? Insuetus, ac minus frequens Subalpinis, secus ac Boreas, Auster est; neque enim sævissimo adeo flamine illum desævuisse unquam, ut hisce temporibus diu compertum est; Hinc forte ea, quæ profuisse olim didicimus, nocuisse nuper, ac funesta deprehendimus. In universum vero Austrum maxime, atque illi affines ventos male passim audiri novimus; quinimmo, quo forte peculiari quarundam regionum temperamento tribuendum est, harum nonnullas is quam immanissime verberare solet.

XLIV. Cur autem nitrosæ ab Aquilone particulae, lixiviales, ac summe acres ab Austro ferantur, nimis prolixa res foret attingere; Neque id ad institutum nostrum profecto attinet. Equidem nullum ventum per se singulari, & specifica virtute, ac qualitate pollere, nisi quæ a loci, unde oritur, natura, nec non medii, per quod transit, indole derivanda sit, pro re certa habeo. Ex quacunque enim parte nivibus obstita, sive ad Austrum, sive ad Septentrionem, Orientem, vel Occidentem posita illa sit, frigidus perflans ventos experimur, secus ac illos, qui paludes, terrasque stagnantibus aquis perfusas transeunt, aut qui per arenosa deserta, æstu Solis adusta loca perspirant. Cum vero Boreas ex terris gelu constrictissimis, & a Sole remotis assiduo flamine spiraret, & mare glaciale, ac altissimos montes perpetua glacie, nivibusque obstitos pervadat; Tum ex adverso Auster ex percalidis, & arenosis Africae locis veniat, Zonamque torridam, nec non Mare Mediterraneum percurrat; Facile hinc addiscere est, exoticas ab utroque, ac summe infensas particulas ad nos advehi, nitrosas quidem ab Aquilone; volatiles, acrioresque ab Austro. Norunt id plane, qui hisce magis obnoxii sunt, quam graves iis, sævosque morbos inferat tum frigoris Promocondus Aquilo, tum plumbeus Auster. Quod enim juxta diversas Epidemicorum morborum habitudines experimur, qui pro diversa temporum conditione, diversis telorum ictibus oppugnantur; præclarum id nobis documentum præbet, cur quæ Septentrioni magis subjecta loca sunt, aut contra, aut quæ Borealibus ventis magis infestantur, vel Australibus, peculiaribus illa morbis, ac unicuique regioni propriis divexantur magis; quæve e.g. profunt Anglis, eadem forte Romanis noceant remedia, ni forte toto mutato Cælo, nova ingruat morborum proles novo, ac diverso more oppugnanda; adeo verum est illud Celsi (a) *differre pro natura locorum*, addam ego & temporum, *genera medicinae, & aliud opus esse Romæ, aliud in Ægypto, aliud in Gallia*; aliud insuper sæviente Austro, aliud flante Borea, aliud Euro. Cur vero Austrina hujusmodi constitutio diu adeo, ac præter consuetudinem desævierit, neque hiscere unquam auferint Aquilonares venti, qui eorundem sævitiam infringerent, quaesita quidam mihi est ratio, num vero reperta fuerint, *mihi heret aqua*, ut dici consuevit.

XLV. Austrinos ergo status, seu præcipuos in hac Tragedia Actores culpæ licet, qui in massam sanguineam tales invexerint dispositiones, ut ad excitandam hanc malignam febrem satis virium habuerint, silentibus ut plurimum Borealibus ventis, qui nubila detergent, & aeris impuritates eo repellerent, unde decesserant, ad Australes scilicet plagas, ex quibus omne malum ad nos profectum suspicari fas est. Nihil magis ac pene momento temporis aeris statum immu-

tare posse, quam flantem Austrum, ut ex ponderoso levior reddatur, jam dudum novimus, docente Barometro. Quod denique præcipua hujusmodi mali moris febrium ratio ab Austrinis flatibus petenda sit, hinc conjectari licet, quod ea salubriter degerent loca, ac veluti in portu aliorum spectarent naufragium quæ obverso multorum collum dorso protecta sævientes flatus eludebant, dum in hac Urbe, ac toto fere circumjecto agro exaratae febres grassarentur, ac desævirent.

XLVI. Sed quæ jam innuimus enuclearius repetamus, & clarius. Austrina hyems, quæ pluvioso Autumno successerat, exaratis febribus occasionem præbuit, exoticis, acris, ac heterogeneis particulis una cum inspirato aere cruore admixtis, quarum præsentia, & miscela, seu totidem sævientibus stimulis acriores molleculæ extricatae magis, suique juris factæ totam invertere humoralis massæ texturam, ejusque *vincula* tandem discindere ausæ sunt. Equidem liquida ad fluorem potius, quam ad concretionem prona fuisse præter alia multa, quæ talem adfuisse sanguineæ massæ dispositionem adestabantur, id ipsum conjectari fas erat a manifestis notis, quas eductus e secta vena sanguis præferbat; semper enim roseus, ac purpureus, nihilque glutinosi præferens mihi, aliisque Professoribus apparuit, ac toto Cælo diversus ab eo, qui solet educi in quibusdam morbis, ut Pleuritide, Peripneumonia, aliisque affectibus interdum popularibus, in quibus manifesta lentoris vestigia cernere est. Quod ad exanthemata attinet, hæc etsi plausibili quidem ratiocinio Villisius, aliique coagulationis potius, quam fusionis humorum præludia esse contendunt ob fixiores sanguinis particulas venarum extremitatibus hærentes; vero similiter magis crediderim, a fibris illa sanguinis dissolutis, e qua sua statione dimotis ob sal acre illud, & volatile sanguinem ad fluorem disponens, ortum ducere, quo pacto similiter effusus ab arteriolarum osculis cruor tenuiores sui partes dimittit, quæ hinc inde diffugientes, ac profugæ sui forte erroris notas in cute designant.

XLVII. Hæc per hyemem gesta. Veris initio Cælum votis communibus respondit moderatis imbris delapsis, quos novam latamque faciem periclitantibus rebus allaturos augurari fas erat, si qui tota pene hyeme hiscere nunquam auferat, sævus Aquilo, silentibus tandem per intervalla Austris, erumpere tunc minime visus foret, insuetumque frigus media inter primordia Veris inducere. Huic quandoque Occidentales Venti mitiore flatu adspirantes succedebant, recurrentibus mox Austris iterum, tanta adeo varietate rerum, ut sæpe unus diei spatium, æstatis, hyemis, veris, atque autumnus vices contingerent, modo sereno, pacatoque Cælo, modo turbido, nubilo, pluvioso. Curiosum aderat Mercurii errores in Barometro adnotare, qui elatus modo, mox humilis, seu nescius stare loco, incertas temporum, aerisque vices prodebat. Nunquam adeo tam infida, ac sibi invicem adversa diu visa aderant tempora, quæve tam longe ab instituto more deflecerent.

XLVIII. Nova hinc diræ indolis acutorum morborum proles sporadice desævientium caput extulit, ac præcipue spasmodicarum agnitionum, quibus gliscentibus diuturniores ejusmodi aliæ sese prodere ausæ sunt. Inter cæteros vero quam immanissime cruciatur Podagricorum cohors, tum qui Nephriticis, Scorbucis, aliisque id genus affectionibus obnoxii passim aderant. Nec hystericae quidem mulieres immunes visæ; hæc siquidem spasmodicis cruciatibus diu in modum, ac diu magis, quam unquam consueverant, vexatae sunt. Apoplecticos quoque plures, quam unquam contigit, enumeravimus, conspirantibus una simul hemisphericis, vertiginosis affectibus, aliisque hisce affinis, aut consanguineis. Notatu dignum est, vix quempiam ab acuta agnitione omnino evasisse, quin in diuturniorem, ac inveterascentem morbum incideret. Vestalem novi in Monasterio del Crocifisso degentem acuta febre paulo post æquinoctium agrotantem, quæ superata tandem febre pertinacissimo capitis dolore divexari cœpit, quo & adhuc (dum hæc ego scribo) illa sævissimo plectitur. Ipsa superiori solstitio variolis correpta fuerat, quæ tunc temporis longe lateque sæviebant.

XLIX. Hisce vigentibus intercurrentibus morbis

februm

februm malignarum sævities remitti quidem, atqui hæc iterum, velut auctæ viribus statim fere recrudescere visæ, ac magis, magisque debacchari, quibus plures per ea tempora satis defuncti sunt. Tum præcipue cum aut diuturnis illæ affectionibus succedebant, aut gravioribus aliis stipatæ irascebantur, inito simul fœdere, quo truculentiores evaderent. Harum unum, atque alterum exemplum lubet recensere. Pia mulier tertio febris insultu, spasmodico pectoris affectu correpta, quarto obiit. Sacerdos saniosis pustulis toto corpore diu scatens, quæ statis temporibus magis, aut minus desæviebant, cum amico cuidam sibi obvio occurreret, fallente pedum vestigio, in terram incidit: mox obscurari lumina, sanguis ex utraque nare profluere, ipse veluti oborto rigore contremiscere visus est. Postridie mitiora omnia evasere. Nec ipse lecto sese affigi passus est, amicorum consilia, ac preces eludens. Undecimo febris acuta supervenit caligantibus oculis, deficiente voce, vix mente compos. Latæ maculæ densissimis examinibus totam cutim fœdabant; Urinæ rubræ, per initia tenues, nihil subsidentes. Decimo nono, ingenti oborto sopore, expiravit. Secto cranio pia mater cum vasis solito tumidioribus se nobis præbuit, tum sinistri Hemispherii amphractus diloricati invicem, ac dimoti; Multum in utroque ventriculo serum; Sinus majores, choroidæus plexus, tum cætera quæque sanguinea vasa copioso dilutoque sanguine tumentia; Diffusæ ad cutim maculæ latiores in cadavere apparebant. Dubium adeo, num a lapsu potius, num vero maligna oborta febris decesserit; an utroque, junctis una viribus, quo citius ægrum perimerent. Frequentiores iis temporibus ephemeræ febres, quam intermittentes, observavi.

L. Lubet hinc conijcere magis, ut quæ toties dicta sunt, iterum repetam, quæ fuerit Austri sævientis indoles, quæve sit Austrina vigente constitutione temporum, metuenda morborum proles? Quod si & ultro pergere quis velit, expiscari fas quoque foret, & magnorum virorum more magnam rerum fiduciam habentium decernere, quid ex adversa, si quæ contigerit forte, constitutione, annique habitudine prænunciandum? Profecto si rem paulo accuratius perpendamus, quilibet Annus semper aliquos affectus secum una infert, qui revera quid Epidemicum redolent, quos, etsi leves aliquando, ac tenuioris momenti, haud ita facile tamen curari cernimus, quin prius a vulgari methodo discedamus, eaque iis præsidia adhibeantur, quæ, expenso ingruentium affectuum genio, profutura magis conijcimus. Lubet hinc etiam ediscere morborum quorundam genesis, qui sporadice passim, nulloque non tempore, quo Epidemici sæviunt, contingunt. Hosce quidem feliciter aliquando cedere novi, eadem methodo, ac iisdem fere remediis, quorum olim eluserant illi vim. Id mihi haud ita pridem adnotandum, cum forte fortuna quidpiam de epidemicorum affectuum indole, a quorum utique studio, ac inquisitione nullum confiteor ætatis meæ tempus abhorruisse, ab illo sciscitater, ac expendendum maxime Author adfuit, ac Præceptor idem, Ornatissimus vir, de Medica omni, tum litteraria re meritissimus Joannes Fantonus, Regii Subalpinorum Principis a cubiculo Medicus, ac Primarius in Taurinensi Archigymnasio Theoricæ Medicinæ Antecessor. Recte scilicet perpendenda est annorum constitutio, ut ex illa, tanquam ex fonte, genuinum cuiusque morbi genium repetere, tum æquam illi curationem adhibere valeamus.

LI. Equidem ephemeræ modo dictas febres, tum spasmodicos affectus, qui ea tempestate percrudescebant, ad Principem effectum reduci posse unaque omnes ab eodem amne ortum ducere satis dilucide innotescit. Atque id quidem recte norit, qui quotquot in sanguine ex doctissimi Gulielmini calculo subeunt variæ, ac diversæ combinationes, quas fere sexcentas olim recensuit Hippocrates, animo expendit.

LII. Utque ab ephemeris febribus exordiar aliquando; Hæc quidem ab intermittentibus, nec genio tantum, sed re, ac origine toto Cælo differre neminem latet, si quis utriusque indolem, ac genesis attente adnotaverit. Acidi mineram, quam nemo in ephemeræ febris culpaverit unquam, seu pituitam præter modum viscidam, cui acidum fermentum magis, vel

minus irretitum hæret, intermittenti febris præludere; vel stabulantem in stomacho, ut placet (a) Ettmullero, vel ductus laterales Pancreatis obstruentem, ut (b) statuit Sylvius, communis Medicorum sententia est; Quæ quidem pituita, seu materies, in venas effusa, & partibus spirituosius sanguinis permixta potis est; tot excitare turbas, & febrilem, (c) ut ajebat Cætesius, *tempestatem ciere*. Quidquid scilicet ad acidam discrasiam humores disponere par est, id intermittentibus febribus incunabula, ac focum præber. Quod quam longe ab Ephemeræ genio, ac more discedat, conspicuum est; Hæc nanque continuarum simplicissima, quam habet accensionis febrilis causam, hanc minime extra vasa hospitantem habet, aut intime in universa liquidorum massa ludentem. Simplex, ac levissima molecularum sanguinis commotio ephemeram febrem inducere apta est, quæ brevi compefcitur. Nec ineptum omnino proinde foret conijcere, quas Auster diu sæviens attulerat acriores; volatilioreque particulas, sin minus universam humorum massam in robustioribus corporibus inficere, saltem turbare illam exoticorum salium miscelam potuisse, obidque ephemeræ febres inducere. Cur vero Peruvianus Cortex, quem ego superius salutarem extitisse in iis febribus, quæ in hac exarata constitutione subboriebantur, adnotaveram, ob figendi illius, cogen-dique facultatem; cur idem ipse cortex in intermittentibus, quarum quidem indolem ex prædominio acidæ mineræ deduximus, cujus vis est cogere quidquid, ac figere; cur inquam in intermittentibus idem proficius experiatur, tutissimumque præsidium passim audiat, atque ajunt specificum Antipyreticum magnis adeo laudibus decantatum? Res nimis operosa foret decernere. Num ludere remedia, ut morbi, dixerim? Num me potius inanes conjecturas effingentem quis arguet?

LIII. Opus hic esset exoticici hujus febrifugi naturam paulo fufius, quam superius attigimus, explicare; Forte, & magnificos titulos, magnaue illa elogia, quibus apud quamplures vocari illud etiamnum solet, excutere; quod tamen nec mei muneris esse scio; nec hujusce utique Sparte, quam exornandam ego, ac illustrandam suscepi. De illius abusu peculiarem, ac decies legi dignum tractatum edidit Celeberrimus Ramazzinus, minime veritus se quandoque, nec dum cum juvenis adhuc foret, sed cum jam virili Toga incederet, illo familiariter usum fateri, procedente vero ætate experientia edoctum a priori sententia recessisse; Ita scilicet ait Vir doctrina, tum animi candore dignus inter magnos Viros recenseri. Forte alchali illud volatile, acerrimumque ab Austrinis statibus delatis lixivialibus salibus, atque una cum aere inspiratis, magis evectum, inque sanguinea massa impetum faciens, quæ potissima fuit februm, quæ in hac constitutione desævierunt, causa, alchali fixo Chinæ emendari, aut saltem cohiberi contigit. Nec forte etiam abs re erit suspicari, quæ quoque Clarissimi, atque amicissimi Viri A. M. Reina, Celebriorumque in hac Urbe Medicorum sententia est, ex mixtione Chinæ Chinæ una cum acido prædominante in febribus intermittentibus, inque primis viis obvio, quid emergere febrilis fermenti (sit verbo venia) crasin invertere aptum, ac excitatos motus compefcere. Ex solutionis vitrioli permixtione cum solutione Chinæ Chinæ speciem quandam atramenti idem laudatus Ramazzinus, & alii adnotarunt.

LIV. Nunc ceteros affectus, saltem præcipuos, quorum tam discolor, & ingens sylva ab una radice succreverat, lubet expendere. Horum vero plerique ab ipso solido male affecto proficiscebantur. Adeo facile est, inducto semel in liquidis vitio, aut iis ab instituto more deflecentibus, solida quoque crimine culpari, quæ una cum illis invicem comparata sunt; Juxta nanque id quod intemelatet in sanguine vitium, solida modo tendi, ac summe elastica fieri, modo laxa eadem, ac debilia prorsus, imminuta elasticitate; observamus, utraque dein inveterascentium morborum, diuturniorumque incrementa ægritudinum.

Equi-

(a) De febr. c. 17.

(b) Tr. 10.

(c) P. I. Ep. 51. & 88.

Equidem quos potissimum hac tempestate desæviisse adverti spasmodicos affectus, ab eodem illos genio, a quo acutæ febres prodierant, derivasse arbitror, ab illa scilicet acrimonia in fluidis inducta, cujus præsentia solida quæque diversimode pungi, vellicari, ac irritari perspicuum est. Quæ namque desævierant diuturnæ ægitudines, hæ utique fibram admodum tensam, crispata, rigidam nimis, ostendebant, plerumque effrænem.

LV. Mulierem novi hysterici affectibus jam dudum olim per intervalla obnoxiam, iisdem sævissime, toto anno divexatam, ac tandem fato defunctam. Stupendum equidem erat tot, ac tam diversas impetum facientis solidi incurSIONES, ac pene dixerim, explosiones cernere, ceu Protei in morem ludentis. Sæpe visa spasmi tota convelli, præcordiis valde tumens, multa evomens biliosa, mordacia. Desinente Vere iidem spasmodici affectus assiduo more irascebantur, mox in supremo quoque ventre, haud absimilem scenam ab illa, quæ in abdomine jam pridem egerant, ludere cœperant, quæ tandem in certam quandam amentia speciem degeneravit, cujus miratus sæpe numero sum nullam ab Authoribus mentionem factam fuisse unquam, cum tamen haud raro diuturniores hysterici affectus illi proluisse adnotaverim. Sæpe in risum, & lacrymas effusissimas ridicule erumpebat. Aliquando ditio rem quam revera foret, modo alteram nobilioribus Regina affectis sese jactabat; Frons, oculi, vultus amentem feminam redolebant. Accedente Autumno, sui que compos magis facta, sæviore more hysterici insultibus vexata fuit, qui ab infimo ventre ad Thoracem propagabantur, ut fere suffocationis periculum impenderet. Raro visa febris, quæ nec typum, nec genium prodidit unquam. Sub initium hyemis adstringi sibi adeo fauces persenserat, ut vix quidquam deglutire par foret. Atque tunc temporis ad ipsam vocatus fui, ad illum diem usque ab Agyrta quodam inconsiderate, inclementerque curatam; Cumque faucium affectio jam pene desierit, nedum tamen spasmodorum causa deerat penitus; quin immo hi ferocius recrudescerent quandoque, tympanitidis in morem abdomen stendebant. Qua de re in consilium quoque advocato Clarissimo, Doctissimoque Viro Jacobo Cicognino Augustæ Regis Matris Medico Primario, & Consil. ejus sententia, & autoritate celebriora quæque anti-spasmodica expertus sum, eaque omnia, quæ promptiora compescendis, coercendisque insultibus, tum quod magni momenti aderat, emendandæ acrimonia humorum aptiora credebantur. Meliuscule habuit; Atqui haud paucis patris in victu erroribus, tum ob sæva animi pathemata, hysterici spasmi pristino iterum more ludere, ac frequentiores suboriri, tumere crura, venter, præcordia, ac denique atrocius sævire omnia cœperant rursus; Ipsaque tandem paulo post hyemale solstitium defuncta est.

LVI. Nec longe ab eodem spasmodorum tramite abludebant, ab acrimonia illa scilicet Austrinis flatibus evecta, atque ad activiorem sublimitatem elata, immanes, sævissimique progeniti Podagrici, tum nephritici affectus, quorum ingens visa soboles, ægrotumque cohors, quam acerbè ingemiscerentium ob sævos, dirosque cruciatus, ac diuturnam, qua immaniter torquebantur, carnificinam, nullo pacto exorabilem. Valde affines inter se geminas hæc ægitudines arbitror; Utrique harum obnoxii valde sunt Subalpini, quod nativis forte Cœli qualitatibus, aut generosioris vini potationi, lautiorique victui referri potest. Utramque vere spasmodicam, absque summe crispato solido profectam, facile erat conjicere, tum ab enormi cruciatu, quo vexabantur ægri, tum a cæteris, quibus utraque comitabantur, Phænomenis; Cernere namque erat nullum in nodis artuum tumoris vestigium, ut fieri solet, in quo tophacea materies plerumque reperitur iis, qui Podagra laborant; aut quidpiam aliud consimile, præter intensum nonnullis dolentis partis ruborem, adurentemque calorem. Nulla quoque in plerisque nephritide detentis, renibus, aut qua alia cunque parte calculi impacti suspicio, aut ejusdem futuri prolydia in urinis; nihil fere persentientibus ægris aliud, quam tensionem violentam, acerbissimosque dolores fixos plerumque, ac prementes, ac si fibræ quæque nervæ spasmi tigerent, aut pressuram quandam, & coarctatio-

nem, ut ita loquar, experirentur; Utrique parum profuerant remedia quæque adhiberi solita; quæ solidum affectum demulcere, acrimoniam in fluidis elatam compescere, lixivialia spicula, acerrimosque sales coercere magis apta erant, multis profuere; Diluentia, anodyna, emollientia tum interne, tum externe adhibita utramque paginam, ut ajunt, implebant. Longe tamen in universum inferior nephriticis Podagricorum profapia est. Hisce namque nec in hac modo constitutione, sed fere semper, & olim adhuc minus efficacia, ac damnosa sæpe comperta sunt universa, quæ passim deprædicantur, medicamenta tam externa, quam interna, quorum uberrimam segetem videre est apud Lucianum: Elegans est ac mire jucunda, quæ apud illum Podagræ allocutio legitur ad illos, qui secreta quædam remedia se habere jactitant, quibus elidere ejus potentiam queant. Hujus aliquot versus e Græco sic ipse ego verteram olim.

*Quis invictam me dominam dolorum
Ignorat Podagram in terra mortalium!*

*Quam neque Thuris vapor placat,
Neque effusus sanguis aras ad incensas,
Non templum divitiarum undique
suspensis ornatum donariis:*

*Quam neque Apollo Medicamentis expugnare
valet,*

Omnium Medicus in Cælo Deorum;

Non filius Apollinis Doctissimus Æsculapius, &c.

Ea scilicet natura Podagræ est, ut omnibus æque plorare illa imperet, eam vero irritantibus occurrere soleat multo iracundior, diriorque.

LVII. Cæterum qui calculo sive renum, seu vesicæ jam diu laborabant, hi sævius omnes, atrociusque divexabantur; Haud pauci ex iis mortui sunt; Libet hic rarissimum ingentis calculi vesicæ exemplum narrare, quod mihi hoc fere tempore adnotare contigit. Sacerdos quidam Gallus Romam contendens, acerbissimis cruciatibus vesicæ, sævissimaque stranguria correptus, in Nosocomium SS. Mauriti, & Lazari mense Julio se contulit. Fatebatur olim hujusmodi doloribus vexatum fuisse Lutetiæ Parisiorum, cum adolescens adhuc foret, iisdemque liberatum celebris Lithotomi ope, exiguo feliciter extracto calculo. Adultior factus iisdem per intervalla recurrentibus affligebatur, nunquam tamen dire adeo crudeliterque. Septimo dein die mille inter conamina, ejulatusque expiravit. Secto cadavere, insignis in vesica repertus est calculus, perpolitus undique, & lævigatus, ponderis tredecim unciarum cum dimidia, durus adeo, ac revera Siliceus, ut vere quid lapideum quis diceret marmore resiliens. Renis dextri substantia pene exesa aderat, alter præter morem grandior, nigerrimus, ac fere putridus; Vesica crassa valde, ac fere carnea; Uterque ureter solito amplior. In horum altero qua in vesicam desinit, sex, vel septem exigui calculi occurrerant taliter invicem impacti, & cuneati, ut præclusa omnino via urinæ, enormiter expansus canalis, alterius veluti idea vesicæ rudiores deluderet, quasi re ipsa, foret vesica duplex. Ac forte in hunc crassum, atque supinum errorem Medicos Casauboni incidisse puto, dum viri tanti vesicam urinariam nobis geminam obtrudunt. In sinistro uretere nullos quidem calculos, at urinæ quantitatem summe olentis, ac fatidissimæ comperi.

LVIII. Exaratis spasmodicis ægitudinibus merito quoque accensebantur quotquot cæteræ per ea tempora desæviebant magis, ut hemicranie, vertigines, acutorum illæ morborum reliquæ, aut diuturniorum affectionum prolydia. Unum scilicet harum omnium Parentem Austrum contendimus; Una omnium scena; Unus idem ludendi genius, ac mos, etsi pro diversa solidorum residentia, magisque aut minus adaucta elasticitate eorundem dispares adeo, ac discolors affectus subluderent. Qui Spasmodorum doctrinam intime callet, vimque, & potestatem solidorum in corpore viventi sedulo expendit unquam; Is Vates esto. Revera quidem *id morborum genus*, ait Doctissimus Baglivius nulli in hac arena secundus, (a) *ab spasmodica fibrarum oscillatione pendet, totiusque curationis scopus dirigi debet in ea primo tollenda,*

aut

(a) De fibra motrice specimen pag. mihi 231.

aut saltem compescenda, deinde fluido peccanti incumbendum. Diuturna olim hemierania laborantem senem Paralyfi dein & artuum contractura correptum memini. Mulierem hystericam novi, cui quoties insultus eminebat, sævissima illi profundebat emicrania. Amicus meus diris nephriticis doloribus per intervalla vexatus, hosce sibi independentes prævia vertigine, oculorum caligine, auditusque hebetudine didicit, eo atrocius sævientes, quo dirior Auster perspirat. Novit id unum Magnus Senex, ac quantum solido insensum sint Austrini flatus, compertum Posteris tulit, illo (a) inquam, auditum hebetari, caliginem visui offundi, gravari caput, tarditatem, & languorem induci. Nec quis putet Hippocr. nisi experientia prius edoctum tam grande effatum, tam fidenter, & absolute pronunciasse; In libris enim Epidemior. Constitution. habet Austrinam huic nostræ haud ab similem, cui magna etiam antecedentium temporum siccitas præcesserat, unde postea consimiles affectus hyeme, ac vere apparuerint. Equidem sicuti Aquilonaris tempestas spiritalibus organis infesta est, ob serosam colluviem, quam parum perspirantia corpora abunde cumulant, ita Austrinam capiti, quod Spasmi sedem præbet, ac incrementum, maxime insensam didicimus. (b) Ut vero in Imperiis, sic in corporibus gravissimum esse morbum qui a capite diffunditur, ajebat Plinius.

LIX. Nec vero rarum adeo, ac incongruum forte quis credat spasmodicas ægitudines ex aeris vitio observari. Quam facile ab aereo hocce, in quo degimus, Oceano, aut rectius ab exoticis particulis una cum illo exceptis, humani corporis liquida quæque insciantur, fuscè superius attingimus. Hisce autem inquinatis semel, stimuli que vicem agentibus, quam facile una invicem conspirantia solida afficiantur, irritentur, convellanturque diuturniore, aut graviore scena juxta individuorum diversitatem ipso quoque fluido hujusce turbationis causa summopere magis affecto, conspicuum est. Insolitum morbum spasmodicum convulsivum variis in locis Electoratus Saxonicæ, & Marchionatus Lusatiæ superioris nuper Epidemice grassatum legimus apud Galichium (c). Alterum huic haud ab similem affectum describit Sennerius sub nomine spasmi maligni, & Epidemii cum febre, de quo An. 1596. Facultas Medica Academiae Marpurgenensis consulta consilium Medicum impertita est a Gregorio Horstio, in Operibus Medico Practicis publicatum, & a Gregorio Leisnero denuo excusum. Simile quid etiam Parisiensibus olim, dum nebuloso existente aere, qualis revera esse apud nos solet flante Austro, evenisse refert Eruditissimus Fantonus; (d). Id curiosorum ingenia dudum exercuit. Equidem pauci, ac forte vix ullus visus est iis temporibus morbus, qui aliquid spasmodici haud præ se ferret.

LX. Sed ab affectibus spasmodicis divelli nequeo citra historiam unam, ac alteram. Vestalem vidi e Monasterio Cœlestinarum Sanctissimæ Virginis Annunciationis, Scorbuto, Proteo illo scilicet plurimorum symptomatum sindrome diu olim, tum quam acerbissime hoc anno divexatam, quæ sanato derepente cruris ulcere, quo tota fere hyeme laboraverat, miro quodam spasmo musculorum capitis, & colli correpta, ut os minime aperire potuerit, trium dierum spatio velociter obiit. Altera Historia haud ita recens est, sed Præonio stylo notanda, ab Adversariis b. m. Venerandi Senis, Avique mei, Archiattorum Comitæ, haud exiguo bonorum, ac doctorum hominum mœrore non ita pridem defuncti, excerpta. „ Vidi ego, „ ait, Mulierem stupendo convulsionis genere vexa- „ tam, in quo sese ne per momentum quidem quie- „ tam continere poterat, sedens in lecto, & mentis „ omnino compos. Torquebatur sese mire ægrota, „ & membra cum capite in gyrum veluti contorque- „ bat. Si quando aquam peteret bibitura, necesse erat „ poculum ori prudenter admo. ere, & ipsius motui „ circulari obsequi, poculum elevando circumduce- „ re, donec sitis esset sedata. Cum autem bibisset,

„ fatebatur liquorem non recta descendere, sed in circuitum circummagi, & veluti per gradus, trochleæ, „ aut helices in morem, descendere, usque dum in „ ventriculum delaberetur. Feliciter tamen, quod ab illo audisse memini, evasit.

LXI. Reliquum est de scorbuto, tum subitaneis necibus pauca dicere. Quod ad illum attinet, veteribus minime prætervisum utique; Licet haud ita Subalpinis familiaris sit, ac gelidiori sub climate viventibus, ubi dire sævit, illo tamen immunes omnino haud esse Italos, cæterosque Meridionales Incolas jam dudum novimus. Neque enim illum semper ab humorum stasi ortum ducere, vel ipsi Septentrionales Incolæ norunt; Quandoque scilicet ab cruosi laticis fluore initium habet, sæviusque miseros torquet. Hinc forte tolerabilior audit apud Danos, Norvegos, Batavos, ac toto divisos Orbe Britannos, quod ibidem magis ille ab humorum lentore pendeat, secus ac apud calidiores oras, Austrinis flatibus magis obnoxias salibus cruori affusis dissolvere potius, quam cogere aptis. Utque raro apud Septentrionales cacoehymia, seu Scorbutus (idem nanque esse puro cacoehymiam veterum, ac modernorum Scorbutum, saltem æqualia habere fata) ut, inquam, raro apud Septentrionales Scorbutus occurrat ab colliqutione humorum, ita apud nos ab eorundem lentore ortus. Id ego olim tum rerum usu, tum longa apud Anglos, ac Batavos mora didici, haud exiguo ægrorum meorum emolumento.

LXII. Atque hujus potissimum indolis, qui modo hoc anno sævit, Scorbutum fuisse, adverto, tum ob latices ad liquationem pronos, tum ob Austrinam totius Anni constitutionem eo diriolem, quo acriores sales ob defectum humidi in tam ingenti siccitate temporum elati magis aderant, ac sui Juris. Profecto temperantia quæque, leniter refrigerantia, nitrosa, acida acrioribus cæteris fortioribus, abstergentibus, colliquantibus, orgasmum facile inducentibus, quorum tam magna seges, palmam præripuerunt. Ejus quippe genio, non nomini studendum erat, quod si quo in morbo, in hoc præsertim accurate investigandum, & distinguendum monet Clarissimus Boerhaave. (e) Sedum vermiculare, cochlearia, trifolium fibrinum, sempervivum minus acre, Zingiber, acerrima quæque apud Anglos commendata maxime scio; An hæc tuta æque, ac ejusdem sint efficaciar apud illos, qui sub calidiori climate vivunt, judicent docti. Mihi quidem methodum placidam, successivam, continuam, quæ magis humores compescit, quam stimulat; Quæve nostris nascuntur in horis, indigenas, plantas minus acri sale præditas, Septentrionalium methodo, ac exoticis celebrioribus præferendas compertum est exemplo monstrante viam. Notissima est observatio de memorato sedo vermiculari Actis N. C. inserta, quod scilicet in expeditione Danica multi per illud in formam decocti exhibitum, a Paralyfi scorbutica restituti sint, evacuato per vomitum muco admodum viscido; An id hisce in oris proficuum æque, profecto ambigo. Forte etiam nusquam visus est Scorbutus alteri similis, aut quorum eadem essent Phænomena; Sæpe vidi huic hæticam febrem accessisse; Sæpe illum memini in Asciten, mentiundo tympanitidem degenerasse; Utrique latæ maculæ rubræ ad cutim diffusæ, aut icterus multiplex sæpe prolusit.

LXIII. Exarata sanguinis ad fluorem tendentia subitaneis forte etiam mortibus occasionem dedit, quibus ab hyemali solstitio superioris anni ad æstivum usque, decem circiter intra Urbis mœnia ex tempore sublato audivimus, tum viros, cum fæminas, puerosque. Illi scilicet toties memorati exotici, acerrimique sales ab pluvioso Autumno, Austrinaque hyeme ulterius fusi ac eveci, inque se ipsis magis existentes, ut Hippocratis verbo utar, occurrente forte, aut prævio pravorum humorum apparatu paulatim collecto, aut peculiari alia quacunque dispositione, prompiores aliquando, ac potentiores tum ad solida irritandum, scindendumque, tum ad fluida dissolvendum redditi fuere, proindeque apti magis, præcipientes adeo mortes inducere. Cæterum frequentiores hujusmodi neces,

(a) 3. Aph. 5.

(b) Lib. 4. Epistol.

(c) Exercit. sub. seciv. Francof. T. 2. sect. 1.

(d) Dissertat. Anat. 13. de org. respir. 317.

(e) Aph. de cognosc. & curand. morbis n. 1253.

neces, cum maxime sævit Auster, satis quidem evincunt, earum plerasque ab humorum fusione ortum ducere; Quæ vero flante Borea persæpe etiam contingunt, hæc ab humorum lentore potius, aut ab organico vitio pendere.

LXIV. Ver igitur egimus Austrinum, insolens. Sub initium Maji æstuosum præter mortem extitit Cælum, Sole in Occasu flammeo apparente, non secus ac Julio, aut Augusto mense. Huic immoderato calori proluserant,

Ætheris impulsu fremitus, Cœlique fragores.

Remitti mox cœpit æstus, quodve supererat Veris satis beate transegit. Pulchrum erat Mercurii Ius in Barometro, cum magna forte impenderet tempestas, cernere; Is nanque illico ad extremos fines momento temporis descendere, moxque iterum restituta serenitate sursum emergere videbatur. Cæterum cum Austrina extiterit totius fere Anni constitutio, nunquam visus est in sublimiora loca ille se recipere, haud ausus unquam ultra vigesimam lineam evadere, quæ illius major excelsitas fuit. Præclare hinc, ac dilucide pleraque explicari queunt Phænomena, tum quæ sita quare ad Austrinos flatus difficilis sit respiratio, ut de quadam veluti suffocatione conquerantur omnes? Cur Urinatores quidam, hominesque, pene dixerim, amphibii ad plures horas sub aquis degant? Cur, quod haud præter rationem, ætæ paradoxum videatur, scripsit Th. Cornelius, aer crassis vaporibus refertus ad vitalia munera obeunda aptior sit, quam aer tenuior? Cur in Phthysi pulmonari, famosæ, & magnæ Urbes magis commendantur, quam Villæ, aut Oppida, quæ aere claro, & perflato gaudent? Cur humidus, & minime perflatus aer nulli salubris? quæ sane omnia a majore, aut minori pressione aeris rarefacti, aut condensati magis, perflati, rari, purioris, aut humidioris pendent, ut palam faciunt experimenta in machina pneumatica circa animalia facta; neque ob aliam causam in editissimis montibus gravem duci anhelitum credendum est, nisi quod inibi minor sit aeris pressio, quam in imis Vallibus. Sed e diverticulo in viam.

LXV. Exacto Vere Æstas successit mox ab ingressu turbata ventis lætior dein, amœniorque, blande adspirantibus Etesis. Sæpe auditum circumfremere Cælum, ingentes resonare tonitrus, magno misceri murmure Æther, quin vel minimum plueret unquam, *Sole dies referente siccos*. Post caniculares, varia aeris temperies, Zephyrique, & Austri alternatio; Illo autem circa Septembris initia prævalente, plurima pluvia, & horridiuscula aura per aliquot dies infesta. Æstatis reliquum moderato ventorum flatu tranquille peractum, felicioribus auspiciis aridente Equinoctio.

LXVI. Fatiscere enim sensim adulta æstate exitiales febres, tum spasmodicæ ægitudines observatæ sunt, faciemque tradere intermittentibus febribus, quæ Augusto, & Septembri mense illucescentes, subque ipsum dein Equinoctium vulgares factæ magis, stativa castra ponere cœperant, palmamque illis eripere, aeris procul dubio ab æstivo fervore in autumnale frigus degenerantis proludia. Scenam quoque ingredi visæ continuæ quædam, aliæque ardentes paroxysmis interpolatæ, catarrhales tussi, & asthma molestæ, quandoque, & angina, oculorum, ac tonsillarum inflammationibus, quæ dein in intermittentes migrabant. Media æstate ob fructuum forte intemperantem ingluviem, & immoderatum aliarum illecebrarum gulæ usum, Diarrhœæ, ac dysentericæ comparuerunt, quæ difficillime medicamentis compescebantur. Verminosa quoque spectata proles ludere, sævæque symptomata producere in adultis æque, ac in teneriori ætate constitutis; Horum nonnulli etiam si nulla dysenteria, aut Diarrhœa essent correpti, assidua desidendi cupiditate cum torminibus quibusdam conjuncta vexabantur; Post frustra adhibita enemata lenia, evacuantia, humorem acrem demulcentia, balnea; tandem cum ab Ascaridibus malum foveri suspicio foret, majori cum successu anthelmintica enematis addita, perque os data fuerunt.

LXVII. Haud paucos etiam Colica dira corripuit; Nullum iis præstantius auxilii genus, quam fons ex lacte recenti, addita modica dosi Laudani liquidi,

Mirum sane ut concitatum dolorificum spasmodicum, sive os ab violenta abdominalium musculorum contractione, quos ego principem ludere in hisce diurnioribus affectibus scenam arbitror; sive ut perperam visum est, a convoluzione intestinorum pendeat, unde decantatus ille oritur antiperistalticus motus; mirum inquam, ut illum præfatus illico fons temporis momento compescat, contractasque partes pristino genio restituat, moremque ferat clysteribus, aliisque præfidiis opportune institutis, convoluta, si quæ fuerint, intestina explicandi, aut verius in Thoracem illa ultro propulsa forte, in situm naturalem reducendo.

LXVIII. Ego quidem diu mecum animo expendens diros, acerrimosque dolores, quos persæpe advehit hujusmodi affectus, quid altius subesse illi suspicatus sum aliquando; saltem non semper illum, aut sæpius sedem habere, ut vulgo ferunt, in Colo. Idem olim a Carolo Pisone, doctissimo sui temporis Medico excogitatum scio, qui forte in hac eadem arena Villisio præluxit. Uterque haud multum a vero aberravit; Quid enim utrique visum est, in nervoso systemate latens, quod nemo unquam expenderat. Sane quidpiam minime vulgare in hoc affectu proluere compertum; Nec opus quidem antiperistalticum motum, aut convoluta intestina effingere. Hujusmodi figmentum nuper (a) in Regia scientiarum Academia Lutetiæ Parisiorum a præclarissimo Viro strenue explosum est. Equidem ut chylus tot inter molimina, tum ascensus, ac descensus momenta elaboretur, perficiaturque; Ut idem celeriore tramite lactearum oscula subeat; Ut alvinæ fæces, qua data poria, ruant, excernanturque, fibras intestinorum ita compositas adverte, ut oscillantes illæ, ac circumprementes invicem perenni ludant more, exaratis muneribus comparatæ. Isque ille est peristalticus seu circumpressorius motus, rectius forte vermicularis, dictus Anatomicis; Qui vero, cum iisdem abluentibus fibris, ingesta sursum egeruntur, perque os ejicit contenta quæque in ventriculo, ac intestinis cernimus, ut in Colicis affectionibus contingit passim, id opposito motu fieri contendunt, quem *Antiperistalticum* vocant, aut fibrarum structuram, ac leges minime norunt, aut festivis appellationibus oblectantur. Si quis Enterocelen expenderit unquam, hujusque phænomena cum illis contulerit, quæ in Colica sæpe subludunt, facile inveniet, quam affinis invicem affectus uterque sit? Quo enim more prolapsa intestina, ni quamprimum docta manu reponantur, convolvulum sæpe, ac mortem inferunt; ita & eadem in Thoracem a violento musculorum abdominalium conatu adacta, perque septum abrepta haud impari ludunt discrimine. Ecquis autem in hernia intestinorum, in qua sæpe etiam Ægri fæces alvi evomunt, antiperistalticum motum effinxit unquam? Quod si atrocissima quæque symptomata ob strangulationem intestinorum ob musculos abdominis valide meatum adstringentes satis illa apte deduci queunt; Quidni & colici dolores ab eorundem intestinorum, quæ ultro in Thoracem adegit nitentium musculorum spasmus, ac vis, strangulatione ob septum transversum meatum, per quod illa forte abrepta fuere, constringens, totam proinde tam sævi, acerbique mali Theoriam, non a convoluzione musculorum abdominis deducere faserit, quorum nisu per septum transversum abripiantur intestina, inque Thoracem adigantur, propellanturque? Est altera Herniæ species, quam cruralem vocant, cæteris longe sævior, sæpe colicam mentiens aliquando, in qua intestinorum portio intus infixæ reperitur, qua cruralia vasa eminent. In hac & diris cruciatibus affligi miseros, & fæces per superiora ejici, constipatam alvum, tendique ventrem cernimus, immane quantum! Num intestinum etiam aliquod, sive tenue illud fuerit, aut crassum, dilatato forte diaphragmate, obque ingentem contrahentium musculorum tensionem infixum ibidem, adactumque, qua potissimum nervi intercostales emergunt, tum ab eodem diaphragmate pene di-

(a) Vide Reg. Scient. Acad. Acta Anni 1713, p. 470. edit. Amstelod.

ne dixerim, strangulatum eadem inducere haud poterit Phænomena, nullo præludenti antiperistaltico motu, ut in utraque allata herniæ specie contigit? Colicæ cujusdam memini apud veteres Medicinæ Principes sermonem haberi, in qua nedum intestina tantum una cum Omento, at pancreas ipsum, Mesenterium, Lienem per spetum transversum, scissis reünaculis abripi ferunt; Chordapsum hanc vocat Cælius, alii *Volvulum*, aut *Miserere*, cujus prolixam descriptionem, & expositionem egregie tradit Lindanus (a). Hinc intestinorum inflammatio eorundem sphacelo præludens; hinc affinium viscerum, ac diaphragmati præsertim labes in velocem gangranam desinens, læthifero proludente singultu. Cæterum colicos hujusmodi dolores, sive illorum phænomena, sive sedem considerem, æstate populariter ingruentes, iis accensendos crediderim, qui vere potissimum sub diversa spasmodicorum specie ludebant, ab eadem scilicet vulgari, communique causa nervoso generi summe infensa productos; cujusmodi exempla videre est apud Æginetam, Zacutum, Cratonem, Ballonium, & alios quamplures.

LXIX. Nec abs re futurum arbitror quædam innuere de Massiliensium Peste, quæ æstatis initio magnam in illa Urbe stragem edere nuntiatum est. Illius incrementa hæc fuisse ferunt: Navis oneraria ab Orientalibus Oris profecta, ubi dira Pests sæviebat, Massiliam appulerat infectis Mercibus dives, quarum contactum mox quidam extemplo e viventium numero sublatis sunt; hinc semel orta labes ad miseros Cives propagata. Brevi temporis spatio illustris, copiosa, & florentissima Urbs, ac circumjectus ager ingenti clade deletus pene, ac vastatus magnum finitimis æque, ac diffitis gentibus metum injecerat, ne fædo afflatu diu, ac longe manaret lues, adque affines ultro pervaderet. Quas ideo præcautiones hisce in casibus humana solertia adhibere solet, eas provido consilio præoccupavit Invißtissimus REX NOSTER, Italiæ totius incolumitati, cujus jam dudum ipse Patronus, ac Vindex est, dum suorum bono consulere, prospiciens. Ubi enim primum de pestilenti lue, quæ Massilienses infestabat, rumor Taurinum pervasit, totum illico ingentem Alpium tractum, quæ Galliam ab Italia determinant, numerofo milite custodiri jussit, ne cuiquam permetteretur ingressus, ullaque aura pestifera per eos, quos opposuit Natura Montes, ab infectis locis per aliquam secretam viam hæc Regiones adiret, inficeretque. Nec satis cautum existimans, non multo post cum externis, atque etiam finitimis Civitatibus commercia interceptis non tantum faciens commoda, & beneficia, quæ ex libero Mercaturæ commercio omnibus Civitatibus proveniunt, quanti publicam Subditorum salutem. Instituta quoque sunt eodem tempore publicæ preces, ad iram Supremi Numinis placandam, magno ad celebriora Urbis Tempia Civium confluxu, ut nunquam alias tantus in unum populi conventus fuerit observatus, tantaque erga Superos Reverentia, ac Pietas; IPSO AUGUSTISSIMO REGE una cum Piissima Regina, ac Regio Principe magna suis pietatis exempla ferente, vere optimo, adque omnium nostrum felicitatem cœlitus demisso REGE.

LXX. In dies interim magis percrebrescere auditum pestiferam luem, adque Aquas Sextias dein totius Provinciæ Caput, Tarasconem, Arelatum, Telonem Martium, ac finitima quæque Oppida longe lateque diffusam. Multi nullo proludente signo, & vestigio interibant. Nonnulli ut ab fide dignis hominibus accepimus, intra paucos dies, prævio vomitu, deliquis animi, prostratione virium, sævissimoque dolore capitis & vivis migrabant. Haud paucis carbunculi, exanthemata, maculæ, fædaque ulcera, apparuerunt, funesta prorsus. Quosdam ferunt, quibus Bubbles rite proruperant, ex insperato servatos. Infandum nimis, luctuosaque res est singula quæque recensere; Nec profecto absque lacrymis legi potest sincera malorum Historia accurate fideliterque a Doctissimis Viris Galliarum Regis mandato Massiliam missis, ut Medicam opem Civibus ferrent, inter mortales, ac funera exarata. Hanc recens in Italicum ver-

tit, ac criticis notis erudito calamo illustravit Clarissimus Muratorius Serenissimi Ducis Mutinæ a consiliis, ac Bibliotheca. Quædam enim visa sunt Sapientissimo Viro; quod ad Pests naturam, ac ingenium spectat, parum verosimilia, saltem congrua minus, nec satis apta, quibus vera, ac genuina Pests Theoria inniti queat, ac Vir superioribus annis elaboratissimum Tractatum, *Del Governo della Peste*, cum dira Viennæ orta lues, tota Austria serperet. Eundem diversis in locis nuper, Mediolani, Brixia, ac Taurini quam elegantissimis Typis editum nunc iterum Mutinæ apud Solianum cupi audio a doctissimo Authore magnam in partem adauctum, & locupletatum.

LXXI. Hac autem serie fæda adeo lues sese prodere visa est. Principio multis lingua, osque viscido, lentoque humore oppletum aderat. Nonnullis obstipata alvus; Haud pauci oborta Diarrhæa, aut effusione sanguinis celeriter defuncti sunt. Vomitus, deliquia animi, ac sævus capitis dolor in singulis fere præluscrant. Plures intra biduum, vel triduum alto sopore, alii Phrenitide correpti e vita migrarunt. Sæpe obvia verminosa soboles perniciosis symptomatibus stipata; Plerisque nihil hujusmodi proludebat. Cadaverum sectionibus maxima intus visa Phlogosis, ac intestinorum sphacæla. Dirius in pueros, ac feminas sævitum. Cæterum ab æstivo solstitio ad autumnale æquinoctium usque, plusquam quinquaginta hominum millia cujuscunque sexus, ac ætatis una in Massiliæ Urbe, ejusque agro interiire.

LXXII. Hæc funestæ adeo luis indoles. Quæ vero præcipua illius causa extiterit, modeste inquit se illam minime penetrare ausum Clariss. Chicoineau, ex iis, qui Massiliam missi sunt, Medicis alter, (b) ratus utique, ac scite conscius nihil attingi posse verosimile; quodve huc usque quod cujuscunque Pests genesis, ac naturam proditum est, hypotheticum esse, nilque prorsus ad ægrorum curationem conferre. Quamobrem sedulo idem admonet ad res magis evidentes advertendum. Quæ scilicet fuerint pestis initia, quæ illius incunabula, quidve *originis principium*, ut Hippocratis verbo utar, animo, atque oculis expendendum. Utinam sane Vir Doctissimus moderate adeo de hujusce Pests propagatione, tum præcautionibus adhiberi solitis effatus foret? Ait enim Pestilentiam sese contactu minime diffundi, aut vero miasmatum, seu corpusculorum ope ex infectis mercibus, Terræque abditis, aut e superiori quopiam fonte exhalantium manare, quæ per æthera inane dispersa dein, ac simul una cum potu, ac cibo suscepta in sanguine ludunt, eumque inficiunt, quo pronus ille magis, aut labem suscipere aptus est, sive ob congestorum humorum colluviem, sive ob terrorem, aut metum animo injectum. Intrepide ideo sese asserit ægris tulisse opem, nulla unquam contracta labe, omnia quæque remedia præservationis, aut præcautionis jure celebrata hæcenus noxia potius, quam proficua esse contendens.

LXXIII. Velim ego attentius ad tam fædæ pestis, quæ Massilienses crudeli flamine etiamnum verberat, initia animum adhibuisset Vir Clarissimus; nec profecto crediderim infontem adeo contactum infectarum rerum ab illo celebrari. Equidem pestifera quæque lues, ut de febribus malignis olim erudite agebat Præclarissimus Sydenhamius, non omnium morbus est, nec longe illa pergere potest, nisi alias, ac ut ita loquar, pennas illi præbuerint homines. Novimus in recenti luctuosa Boum clade quam utile fuerit rem in tuto ponere, cumque infectis stabulis commercia quæque intercipere. Idem quotquot de hominum Peste scripsere, consilium est; Idem Sapientissimorum Magistratum institutum; Idem acceptus ubique gentium usus, ac mos. Neque aliud hæcenus aptius ad hujusmodi labem præcavendam documentum, ut præsidium scio, quam terra matique ad fines, & loca suspecta idoneos viros mittere, qui solitis cautionibus ad rem tanti momenti assiduo invigilent, nullique, sive exterorum, sive Subditorum sine datis sanitatis vadibus, aut prævia, ubi opus fuerit in designato quopiam loco, constitutis diebus, mora, ingressum concedant. Hisce artibus unius fere sæculi spatio magna Italiæ pars, tum præ-

(a) Exercit. IV.

(b) Vide opusculum inscriptum:
Relation de la Peste de Marseille, &c.

præsertim An. 1656. cum dira lues Romæ, Neapoli, ac Genuæ quam immanissime defæviret, servata est. Iisdem nos tutos, ac Sospites fore beneficentissimi REGIS cura, e studio speramus, foreque Pesti, atque omnem illi aditum ad hæc Regionem præcludere. Intrepidum quidem sese gerere summe laudo; Nihil in Pestibus perniciosius unquam, quam injectus animi timor. Sola sæpe metus, ac terroris imago absque præsentia pestis graves intulit ægritudines. Ast cætera quæque præsidia, ceu noxia potius, contemnere, periculosæ plena alex opinio est, absurda prorsus, atque ipsa, prope dixerim, Peste exitiosior; Utquæ ait laudatus Muratorius (a) *Da cacciarsi via colle pertiche, anche senza esaminarla, non essendo saviezza, &c. E tanto più poi, (b) inquit Vir Doctiss. perchè non si sa intendere, come mai venga neppure in pensiero a persone, che riflettano alquanto ai passi d'una Peste, ch'ella non si comunichi per Contatto, o Contagio.* Stet quidem suus invicto animo honos: Stet sua illi gloria. Nec tamen æqua laudis pars auferenda est cautionibus cæteris ab Sapientibus Viris summo opere commendatis, abque diuturno rerum usu probatis.

LXXIV. Quod vero ad Pestis naturam attinet; Minime reticenda est Doctorum quorundam virorum hujusce ætatis sententia, qui veneficam luem consistere ajunt in verminosa quadam putredine tot tantisque edere strages, seque vel proxime per contactum, vel remote per fomitem de infectis in sana corpora propagari apta. Ingeniosum utique excogitatum, ad forte etiam admodum probabile, neque a recentioribus tantum vindicatum illud, excitatumque Ath. Kircherio, Fabro Chymiatro, Langio, Cogrossio, Valisinerio, Corte, † ac pluribus conjecturis assertum, sed a priscis etiam gravissimis Authoribus diligenter scriptis commendatum; Et quidem huic ipse opinioni lubens, ut fieri debet, Sententiam meam adjungerem, si quæ omnia occurrunt Phænomena dilucide explicari, quidve certi de hujusmodi argumento decerni posset. Atqui ut docte advertit Eruditissimus, ac amicissimus Pestalossius, (c) Celeberrimus apud Lugdunenses Medicinæ Professor, suos hujusmodi hypothesis, gravesque patitur Manes, nec dum adhuc extra omnem dubitationis aleam posita est. Enim vero, qui fiat ut in Urbe quapiam, aut Agro, ubi longo temporum spatio nulla sæviit lues, eaque proinde infecta, aut peculiarium vermiculorum examina haud amplius aerem occuparunt diu, qui fiat inquam, ut horum progenies a remotissima plaga advecta semel tam facile illico multiplicari; Ut brevi dierum intervallo universam Atmosphæram inficere, perque ora, nates, ac patientiores quasque vias intus excepta, tam difficiles morbos efficere, seque ad affines agros, ac regiones propagari possit, anceps hæreo; Equidem ut propriis nondum illa oculis, ita, & mente assequi haud posse unquam tot minuta animalia crediderim, quæis progigni semel, ac longe lateque dein manare Pests queat, tamque sæpe diverso more proludere?

LXXV. Quod autem dicatur ab aliquibus in emissio ab affectis hominibus sanguine, aut etiam microscopio armatis oculis vermes inspectos fuisse; Id minime satis esse ad hujusmodi hypothesis tuendam, vel ex eo deduci potest, quod nedum in affectis Peste, at vel in ipsis etiam sanis hominibus continuo hicce scateat cruor. Dein vero hi soboles potius, quam Parentes, aut Pestilentiarum Authores esse videntur; Neque enim illos adeo minutos repertos unquam meminimus, cujus revera exiguissimæ esse molis effingi debuerint, aut mente concipi. Cæterum si minuta hæc animalia in sanguine, aut fluido quopiam, ceu in proprio elemento degunt; Ut vivere illa diu, ac latere queunt extra propriam sedem? Ut sese recens ex-

citare dein, explicare illa, ac suo apte ingenio e vestigio multiplicari? Crediderim potius (eoque fidenter magis id ego ajo, quod solidioribus rationibus hæc mea sententia innitatur, & Magnorum Virorum nedum inter externos, sed & inter nostrates, quorum consuetudine, ac judiciis uti in hac Civitate solco, ac præsertim Illustrissimi, Amplissimi que Viri I. A. Manzini Regis Medici Ord. & Conf. Clarissim. Jo. Fantoni, Cicognini, ac Parentis quoque mei Ven. quem silentio præterire nefas foret, Medicorum Regis Primarii, & Consilarii, suffragio comprobari illam noverim.) Crediderim inquam verosimiliter magis pestiferam quamlibet eo nomine dictam luem, tum quæ præsertim Massilienses tam dire adeo, crudeliterque exagitat, ortam esse a peculiari quodam veneno, cujus inanime perpetuum seminarium in vastis illis Asiæ Regionibus effingere lubet, inque Europam advectum aliquando. Nec forte incongruum erit quandoque veneficam hujusmodi luem hisce ab oris repetere, nostro illam sub Cælo natam, adultamque concipere, quod medius fidius mirum neutiquam videri poterit reputanti, ut rem magis exemplis illustrem, tot passim morbos contagiosos intra nos ipsos sæpe progenitos, unde postmodum obvia quæque corpora teterrimo afflatu inficiuntur. Neque vero novum est, ut olim de hydrophobia Cælius (d) Aurelianus tradidit, *in animalium corporibus peculiare venenum nasci, quod postmodum cætera contagione corrumpat.* Quæ ab exotico hujusmodi veneno, aut fermento (nam quo alio usurpato a Medicis nomine clarius nunc referam imaginem pestiferi illius principii, unde lethalis hæc labes exoritur, nequaquam invenio) producit Pests, dirius sævit, quam quæ ab nativo alio quopiam, seu indigena oritur.

LXXVI. Possem utrumque venenum illud, tum adventitium, tum nativum cum Arsenico, & Sublimato comparare, nam in solidis partibus revera pares cum erodentibus venenis invehit effectus; Ab instituenda tamen hujusmodi comparatione me lubens cohibeo, minime ignarus innumeras & esse, & excogitari posse veneficorum miasmatum conjunctiones, unde variæ, difficilesque prodeunt nocendi artes. Neque id est hujusce loci exponere, cum præsertim id eos tantum ignorare accidat, qui hospites in chymica, & Anatomica arte non sine ingenti piaculo diversantur. Cur autem, quaque actione fermentum illud, sive adventitium, sive nativum fuerit, sese sano in corpore insinuare, excitatumque semel sedem ibi figere, tum sese in alios homines propagare momento temporis queat, pulveris Pyrii exemplo satis præclare explicatur. Atqui sive animatum in sanguine seminarium, vel inanime prorsus miasma pro vera Pests causa statuatur; Lugendum utique est, tum olim; tum nuper apud Massilienses nondum inventum fuisse verum, certumque præsidii genus, quo tam fœda, sævæque lues curavi queat.

LXXVII. Ad Subalpinos redeo; Utque rem omnem in pauca contraham: Pluviosus Autumnus extitit: Hyems Austriana: Ver insolens: Latior Æstas, temperata, amœna. Bombycum soboles exigua. Tritici, ac frugum ubertas copiosa satis. Puteales aquæ multo cæno refertæ. Inops Flora. Mellis parca perceptio. Vini proventus ingens, quem nemo sperare auferit unquam initio Veris. Adeo forte quæ tritico, ac frugibus haud læta omnino tempestas est, ipsa vinetis, ac orientibus uvæ, viribusque secunda magis est, ac felicior. Eruçæ, & Bruchi hortos omnes medio Vere depopulati sunt; Redierant hi Æstatis initio, ac lenis aura ab Orientalibus oris adspirans cito in fugam illos convertit. Qui Hyeme, ac Vere profluerant vulgares affectus, hosce adulta Æstate fatiscere penitus, inque Scenam sese prodere intermittentes febres adverteram. Sævire quoque desierant Æstate, saltem mitiore flamine perflare cœperant Austrii flatus. Nunquam amœnioris Autumnus latiora initia extiterant, aut felicioribus auspiciis prope visa splendescere Libra. Iis ego sequentem protinus telam exordiat, cœptumque semel opus pro viribus persequar, non exiguo quidem labore, nec tenui fortassis laude; Si quem Numina sinunt,

Auditque vocatus Apollo.

Con-

(a) Osservazioni intorno della Relazione della Peste di Marsiglia pag. 24. (b) Ibidem.

(†) In id etiam strenue incumbit Eruditiss. P. Seguens tot editis operibus celeberrimus, elaboratumque opus brevi sedaturum luci, in quo causam pestis ab præfatis animalculis deducere nititur; ipse doctiss. Author nuper pollicitus est in litteris ad Cl. P. Romam Regium in Taurin. Archi-Gymnasio experimentalis Philosophiæ Antecessorem.

(c) Avis de precaution contre la Maladie contagieuse de Marseille pag. 31.

(d) Lib. 3. acut. morbor. cap. 9.

Constitutio Epidemica Taurinensis Anni 1721.

I Nstituto meo inhærens prægressam Constitutionem, qualiscumque ea fuerit, in fine cujuslibet anni describendi, eo libentius id exequor, quod exacti nuper Constitutio anni ab ea, quam superiori experti fuimus, toto pene cælo diversauberem explicet contemplationum segetem, quo nihil in re Medica tractanda utilius inquam, tum rectæ medendi methodo, (quod Venerandi olim Senis, idemque Magni illius Angliæ Cancellarii votum fuit, consiliumque,) appositum iis magis, aut accommodatum: Satque prolixam dicendi materiem suggerat, quod alterum quoque magnam profecto rebus lucem, ac perspicuitatem asferre poterit aliquando. Deinde etiam animosum me effecerant magis, majoresque ad rem sedulo, alacriterque gerendam, ac munus quod mihi persolvendum quotannis constituti, rite, diligenterque perficiendum, addiderant vires, ac velut impulerant Eruditi quotquot in Italia, tum extra Italiam degunt Clarissimi Viri de re omni medica, ac litteraria optime meriti, ad quos prima hujusce Telæ stamina, primaque studiorum meorum incrementa pervenere.

II. Ut igitur, ubi superiore anno desuit Oratio mea, inde initium ducam, blandiores umquam, amœniorefque Autumni dies haud illuxerant diu, hiscentibus per intervalla ab Aquilonaribus Oris, tum ab iis, quæ a gelida Arcto ad Orientem declinant, lætioribus ventis, qui temperato inducto frigore salubriorem temporum conditionem induxere, silentibus omnino diorum morborum, quos passi sumus, Parentibus Austris. Plurima namque pluvia Septembris initio delapsa, mox subsequens horridiuscula aura, quæ superiore Autumno, perque hyemem dein, ac ante æstam æstatem se se prodiderant, exitiales febres Variolarum, ac Morbillorum, quæ faciem illis prætulerant, vestigia insequentes ac morem, heu infandum nimis, in fugam verterat; ortumque dederat intermittentibus febribus, quæ jam tum proludere cœperant, lætioresque, saltem funestam minus, Subalpinis futuram rerum scenam polliceri. Subirascebantur utique ac quandoque remigrare rursus, pedemque referre, ac subludere videbantur nondum deletæ illæ penitus, atque harum affectæ, comitesque, immanes, immitesque Colicæ, Nephritici, ac Podagrici affectus, tum Spasmodicæ ægritudines cæteræ superiore anno exarata. Earum tamen vis nec diu quidem, nec imperiose adeo sævire, nec præterquam ad paucos tantum, unum scilicet atque alterum extendi visa; Quibus vel familiares jamdiu aderant illæ, vel recrudescentes potius reliquæ, ac priorum morborum soboles; Ceu prope interitum, ac jam delinquens candelæ, aut ellychnii lumen per intervalla adhuc reviviscens dein omnino deficit, extinguiturque. Forte etiam ob uberrimum vini proveniunt liberiori pede sibi met unicuique indulgendi concessa facultas, lætissimis Autumni diebus, ortum exaratis recrudescentibus ægritudinibus dedit, sæviendique adhuc imperium. Srenuus Miles, cum vespere cibo, ac recentis meri potationi nimis intemperanter indulserit, dimidia nocte diris ventris cruciatibus angicœpit, una cum vomitionibus inanibus, ac irritis desidendi conatu; Summo mane cum jam fere animam agere videretur, elato nimirum, ac tympani in morem protenso ventre, foru, balneo, anodynis, ac oleosis plerisque opportune adhibitis, feliciter evasit. Minus læta res obigit Prænobili alteri, ac Præclaro Viro, qui cum una cum amicis ruri degeret, recentioris vini potu, etsi modum, ac sobrietatis limites minime excefferit, Colicis doloribus, quibus obnoxius olim fuerat, extemplo correptus, celeri fato occubuit. Aperto cadavere abdominis musculos, tum obliquos præsertim, transversosque intensos admodum reperimus, atque adeo prærigidos, intentosque, ut perquam acuto cultro difficile adhuc foret illos abscindere: Ventriculus, ac Duodenum intestinum vacuum penitus occurrit, secus Jejunum, ac illi affine Ileum, quod utrumque flatu tumens, ac valde tensum sese intuentibus obtulit, adeo ut oblitteratæ fere vix conspicerentur amplius in horum altero valvulæ, quas numerosas plerumque cernere in illo est *conniventes* dictas Anatomicis, rectius forte *rugas*, aut *juga*.

Supplem. ad Sydenham.

Rugarum enim hæc potius instar se habent a patiete interno intestini efformatæ, ceu juga quædam præterlabenti liquido remoram modo, modo eidem per varios anfractus, ac orbes contendenti opem præbentia auxiliatricem. In externa porro Ileii facie ingens visum diverticulum paulo infra illius exordium, duos transversos digitos longum, ceu processum alter vermiciformis, eadem qua Ileum figura, latitudine, atque substantia, cumque ejusdem intestini tubo, lato orificio, communicans. Sæpe ego hujusmodi diverticula, seu processus, ut illa vocat *Verhejenius*, in Ileo reperisse, olim memini in cadaveribus præcipue Virorum, quibus colicæ humorales, ut ajunt Practici, frequentes obtigerant. An id quidquam lucis allaturum magis in re medica; An & hinc potius ortus ducat peculiaris affectus alter, de quo haud ita pridem meminerant (a) Viri Doctissimi in *Commentariis Regiæ Scientiarum Academiæ Parisiensis*, cum nempe haud ipse intestini tubus, sed ea dumtaxat diverticula intra herniæ sacculum coercentur, exercitioribus Medicis decernendum relinquo. Plura quoque de hisce Ileii, tum Recti diverticulis, herniisque, in quibus illa intercipiuntur, verba facit, ubi & suas itidem observationes addidit Clarissimus, ac toto Orbe Celeberrimus *Morgagnius*, (b) Anatomicorum hujusce ævi facile Princeps, cujus eruditioni, peritiæ, ac Doctrinæ levis nimis hæc est æqua laudis Præfatio. Optandum utique, quod *Bartholinus*, *Diemerbroeckius*, *Verhejenius*, tum & *Riolanus* ipse (c) audacior æquo criticus, rerum Anatomicarum, ac Medicorum scientia insignis, qui laudatis viris faciem tulit, idemque tria nonnumquam hujusmodi diverticula, seu processus adnotasse ait, morborum historiam sincere nobis, fideliterque exarassent illorum, quorum in cadaveribus id observaverant; Forte enim quidquam ex hoc dilucide, ac præclare magis nobis in hac re modo innotesceret. Sed de his alias: Neque enim fas est in ipso Orationis limine diutius extra orbitam divagari.

III. Prodigiis vero, ut institutam semel Anatomicam cadaveris sectionem prosequar; Prodigiis maximum, ac celeris necis causa penes Septum transversum latens in conspectum tandem sese prodidit, quod dilatatum aderat, immane quantum! Ibi potissimum quo intercostalis nervus ad imi ventris viscera abit. Per hunc namque ingentem hiatum, quadata porta viam sibi ultro in Thoracem fecere Colon, Pancreas, tum Epiplœi magna pars. Plurimum in sinistro Thoracis clauetro effusi sanguinis a disrupta Pancreatis vena conspiciebatur, ac sinister Pulmonis lobus totus pene sub scaleno musculo alie absconditus, adactusque. Quæ quidem omnia eo libentius a me adnotata sunt, diligenterque exarata, quo vera Colici sic dicti affectus Idea nobis elucescat magis, quæve tot sæculorum spatio Arabum mentibus excogitata invaluit, diu Antiperistaltici motus doctrina, ceu fictitia, ac mechanicis legibus adversa omnino, tandem aliquando obsolescat, aboleaturque, facem ferentibus laudatissimis, tum in Anglia, tum in Gallia viris, qui detegendo in dies vero unice, ac gnaviger jamdudum incumbunt. Ad vulgares febres, quæ sub ipsum Æquinoctium, ac diu adhuc post ipsum toto Octobri, ac Novembri mense exeuntis Anni 1720. caput extulerant, me confero.

IV. Hæc quidem utut intermittentium indolem, ac morem toto sui decursu quodammodo prætulerint, ingeniumque; Attamen quid insolentis, quodve re ipsa vulgare quidpiam, ac revera *Divinum* inesse iis ominabatur, præse ferebant. Neque enim diuturniores adeo extitere, quas quisque Medicorum jure merito suspicabatur, quasve futuras, vel ipsa quoque Anni temporis conditio suadere poterat. Dolor insuper intensus capitis, idemque assiduus febrilis paroxysmi affectus, eique sæpe proludens; Oculorum rubor; Pulsus parvi, humilesque; Ingens corporis jactatio, quid denique in ipso ægrotantium vultu, ac urinis facile conspicuum intuentibus, quid intime latens, aut superioris forte ludentis.

D.

dentis.

(a) *Vide Comment. Reg. Scient. Acad. Parisien. ann. 1700.*

(b) *Advers. Anat. III. Animadvers. V. pag. 8.*

(c) *Anthrop. lib. 2. cap. 14.*

dentis adhuc constitutionis residuum, aut illi quæ jam prope impendebat, antecurrens, quid inquam ab consuetu intermittentium febrium genio, ac more diversum subcludere significabat. Jam tum scilicet cudebantur mox eruptura mala, aut prope orientia eadem anteire cœperant, ac elucescere. Atque hæc quidem potissima esse debet solertis, ac diligentis Medici cura, ingruentium nempe morborum excursus sedulo adnotare, vel minutissimas circumstantias, ac occasiones castigatissimo examine expendere, atque uno verbo *primam*, ut aiebat *Hippocrates*, *malorum originem* detegere; Unde futuros rerum eventus magna sui laude prædicere queat, iisque occurrere.

V. Nec equidem omen sefellit exitus. Propenamque ingens illico, imminente solstitio, Erysipelatum numerosa cohors, tum intra Urbis muros, tum longe, lateque per universum agrum, atque ad finitimas usque regiones propagata est, silentibus tum temporis, aut saltem ferocitate deposita parcius sævientibus, præfatis intermittentibus sic dictis febribus, diviso velut inter alterutrum imperio, ac facultate ludendi. Raræ tunc, ac infensæ minus ægritudines cæteræ, quæ appetente hyeme solent potissimum in Subalpinam gentem sese immittere. Omne adeo imperium sibi, potestatemque irascendi erogaverat præfata morborum progenies, infesta initio multis, funesta paucis.

VI. Ejus namque aderant moris, atque indolis, ut ludere magis quam sævire, laceßere potius, quam vincere velle viderentur. Favebat ludentibus læta hyems Austris perflata frequentibus, at qui mox subsequenti Subsolano, aut altero quopiam e gelidioribus ventis terga dabant victoribus. Ludere ventos revera quispiam dixerit inter se invicem, sese vicissim excipientibus Australibus modo, modo Orientalibus, immitique Borea, atque ita reciprocantibus imperiis altero alterius iram coercente, sævitiemque. Præcæteris vero Orientales maxime a medio circiter Januario ad finem usque Februarii lenissime perflarunt, tranquillo, amœno, & sedato prorsus Cælo. Atque id quidem observare erat, quod cum primum hi spirare cœperant Septembri mense, fugatis illico Austris, qui heu luctuose nimis sævierant diu, exarata statim febres intermittentes prodire, quæ quidem rursus hiscentibus iterum Australibus ventis imminui, aut saltem mitius ludere videbantur; Recrudescere hæc vero dein, cum silentibus illis prorsus, Orientales perflabant, aut gelidus Boreas, quorum utrique eadem ferme efficacia concessa est, quia eadem, similique ratione condensatum, ac frigidum aera ex vicinis montibus adferunt. Sæpe etiam memini medio Vere, aut impendente prope Æstate in nostris regionibus, iisdem perflantibus, tum Orientalibus præcipue, frigus plerumque recrudescere magis; Quod evenire arbitror, cum nives in toto excelsio Alpium, quæ ad Boream imminet, tum abrupto Apennini tractu jacentes, altiori Sole factæ liquefiant, frigidasque partes in nostrum aerem vehunt. Quantum namque frigus immitat Atmosphæræ nix, vel glacies soluta præclaro experimento inde demonstrari potest, quod spiritus vini rectificatus nivi adfusus tantum gelu efficiat, ut liquor aqueus in propinquo mox in glaciem convertatur.

VII. Hosce inter ventorum, ac morborum lusus cernere erat modo Erysipelata, modo exaratas febres intra suum sese alveum condere, ac prope extingui; Nullus vero præfatis febribus, etsi ingruente hyeme in fugam verti viderentur prorsus, nullus inquam iis negaverit umquam omnium, qui labente anno erupturi erant, morborum principatum, ac veluti prædominium. Quisquis namque morborum circa æquinoctium autumnale maximopere furit, is totius anni constitutioni nomen impertit suum; quod a Doctissimis Viris jam diu adnotatum scio: atque ob id forte mos erat *Hippocrati* Constitutiones Epidemicas, quas sermone eleganti adeo, atque ad rei naturam apposito exaratas reliquit, ab Autumnali Æquinoctio inchoare, prope occidentibus Vergiliis. Nec insolita quidem res est Epidemicorum Principem, qui sub Æquinoctio Autumnali præ cæteris invaluit, initio hyemis mitius laceßere aliquando, cum ex adverso, ut recte advertit *Magni nominis Vir Sydenhamius*, (a)


Epidemici inferioris ordinis, qui sub eo merentur, tunc temporis præsertim ingravescant, & rerum potiantur, donec dictus anni Princeps eorum vires frangat, & deleat nomen. Hujusmodi aderant memorata Erysipelata, quæ ludentibus vix orta hyeme Austris caput extulerant. Cœperant quidem illa primo paucos tantum invadere; mox vero ceu *rupto aggere torrens* in apertum magis erumpere, hosque atque illos nullo discrimine aggredi, nec Civibus modo, sed & universis pene Subalpinis gentibus infensa, atque illis præsertim, quæ iis in locis degebant, quæ ab Australibus ventis verberari magis consueverant. Quod vel ipsa intra Urbis mœnia advertere erat: Ea namque parte numerosiore agmine sævire illa visa sunt, quæ meridiem adspicit, *nova Urbs* dicta ab Immortalis memoriæ Principe CAROLO EMMANUELE SECUNDO inchoata, aucta dein, perfectaque ab Piissima, atque ad Magnarum Principum, ac Reginarum exemplar nata MARIA JOANNA BAPTISTA, tum ab AUGUSTISSIMO REGE NOSTRO VICTORIO AMEDEO, præclara Domorum structura, eleganti Viarum amplitudine, editisque Templorum cervicibus nulli pulcherrimæ Urbium secunda. Ea scilicet ventorum indoles est, ut sive leniter, mitique flamine spirent, sive rupto ceu turbine, feraque miscentes murmura præcipientes ruant, quidquid in altum tollitur, ac inane per æthera fertur, secum una ferant per mille id ipsum vias, ac itinera mille necem hominibus adferre potens. Uter vero in universum exitialis magis Boreas ne aut sævus ab alto ruens Aquilo, an circa terram serpens, illi oppositus Ausier? an qui ab ortu incumbunt, aut qui *vespere ab atro* consurgunt, decernere nemo ausus adhuc, cum lethiferos quisque effectus induxerit sæpe; tum maxime cum vel diu nimis, vel minime servata temporum lege dire, crudeliterque defaviunt? Ediscere id quidem, ac prænoscere par ille unice erit, qui locorum positiones, temperiemque Cæli uniuscujusque Urbium propriam recte expendit, tum plures una invicem observationes, Astronomorum more, ac exemplo, instituerit diu, aut rite contulerit institutas.

VIII. Utque Erysipelatum morem, quo ea scilicet pacto eruperant, fusius, ac propius exponam; Plerisque illa absque ullo proludente signo in hac, aut illa corporis parte inopinato apparebant. Aliis vehementissima febris prodituro Erysipelati facem tulerat, eratque jam prope erumpere impendentis Erysipelatis indicium certissimum, ipsa remissa extemplo febris, deficiensque. Ejusmodi aderant febres, quas revera erysipelatosas dicere fas est, quæ superioribus annis, cum latissime sævientes variolæ cumulatissimam edidere stragem, hisce præire consueverant, ac prope jam eminentes prænunciare. Eruperant autem in vultu potissimum; Nonnullis humeri, aut crura obsidebantur. Statim vero ac detumescere videbatur facies, aut quælibet alia affecta pars; Conturbari hinc cœperat leniter alvus, atque hoc pacto intra paucissimos dies morbus integre solvebatur. Haud paucis hæmorrhagia primis periodis e naribus prorumpens felici sidere restituit rem. Huic proludebant Hypochondria dura; tumida, dolorosa, aut intensus capitis dolor, aut oculorum rubor, aut tinnitus aurium. Cæteræ quæque Crises, quas sæpe moliri Naturam novimus, iisque morbo exitum dare, aut impares prorsus aderant, aut illas experiri malum. Totum, quod erat artis opus, in eo innitebatur, ut ipsa Medicatrix Natura eo libenter contenderet, quo duci annuebat. Quod si oneri ferendo impar foret, haud deerant Medentibus Artes, quibus labentem erigerent, ac sublevarent, quo læta dein crisis per eas, quas ostenderat illa vias, succederet.

IX. Et sane haud paucos memini nullius Artis ope, sola Medicatrice Natura sanatos: Haud exigua saltem spes salutis erat, totum concedere opus Naturæ, aut ejus motibus per opportuna remedia obsequi. Equidem ut in morbis omnibus, ita in acutis potissimum, tum in Erysipelate præsertim, ac morbo omni inflammatorio haud exigua Medico opus est doctrina; prudentia, & sagaci cunctatione, imo religiosa naturæ motuum observatione, aliter perniciosi nascentur errores. Magna utique Sapientiæ pars est mentem a præjudiciis

ciis liberam servare, nec dirigentis Naturæ motus per intempestiva Medicamenta prævertere. Novit id unum Magnus Hippocrates Jatricæ facultatis Parens, atque ex illo celebri Macrobiï elogio fallere nescius, & falli, qui diversis passim in locis, tum præcipue in libro de veteri Medicina, qua summa incumbendum sit prudentia, & circumspeditione in re Sacra tractanda, sic ille vocat incedendi Artem, præclare admonet Medicos, quorum plerosque jam tum temporis idem in se admittere noverat, quod imperiti Navigantes: Etenim, qui in tranquillitate, ait, navim gubernantes delinquant, manifesti non fiunt; At si ventus magnus, ac tempestas ipsosprehenderit, tunc conspicui fiunt palam omnibus hominibus, quod ignorantia, & erroris sui culpa navim perdididerint. Pervenistam, pulcherrimamque de hoc argumento Orationem olim in Patavino Lyceo habuit Clarissimus Ramazzinus, quam una cum cæteris ejusdem celeberrimi Viri operibus Genèveenses Typographi superioribus annis edidit.

X. Atque hic loci mihi de Erysipelate, tum in universum, tum in specie, ejus scilicet quod tota in Urbe, atque Agro tunc temporis sæviebat maxime, verba facienti, in mentem subit Consilium Medicum, quod Latino Carmine numquam satis laudatus Vir exaravit ad præclarissimum nostri sæculi Poetam dico hujusmodi in cruribus Erysipelate laborantem. Quam pulchre, quam eleganter, quam docte Divini Senis Oracula elegiacis versibus expressit, ac prope dixerim illustravit! Hos ego haud abs re futurum duxi Orationi meæ adnectere, ceu gemmam, aut monile quodpiam eximii fulgoris.



Ad Illustr. & Rev. Dom. Abbatem

MICHAELEM CAPELLARIUM

Poetam Celeberrimum Erysipelate laborantem
Consilium Medicum.

- „ C Rura Tibi, ut scribis, ditum Erysipelas
adurit,
Vir bone, nec reperis qui levet arte malum,
„ Plurima promittent Medici, namque id Medicorum est,
Sed Tu ne fidas, nam dare verba solent.
„ A pingui, atque oleo, veluti cane (a) & angue caveo,
Unguina succenso dant alimenta foco.
„ Pingua quin faciunt, partem (b) putrere perustam,
Nasceturque ulcus, quod cachoetes erit.
„ Nec minus herbarum succos apponere tentes,
Crura nec ut mos est, lacte fovere velis.
„ Talia quippe nocent, coguntque recurrere morbum,
Qui ex imo ad summum proliciendus (c) erat.
„ Quid faciam ergo, inquis? Tu sustine, & abstine, talis
Decubitus criseos est, mihi crede, loco.
„ Interea in lecto recuba, & suffusa rubore
Aere ab externo membra tuere precor.
„ Sic etenim poterit sensum expirare quod urit,
Hæc sat nota Coi sunt documenta Senis.
„ Tute ergo observa ac tristes animo expue curas,
Sitque bene ut valeas unica cura Tibi.
„ Noli dum langues, Musis, Phæboque videri
Tam charus, quin sis charior ipse Tibi.

Aureum itaque hoc maxime præceptum in mentem sæpe revocandum, tum in Erysipelate curando præsertim, quod idem amico Poetæ laboranti consulebat Vir Doctissimus: sustine nempe, & abstine. Talis enim decubitus Naturæ victricis conamen est, ac criseos loco, quam si alio avocare contendis, putredo, ac suppuratio expectanda illico, funesta quantum!

XI. Totum ideo, ut quæ semel dicta sunt, iterum
Supplem. ad Sydenham.

repetam, concedendum aderat Naturæ opus, cum præsertim, quod moliebatur, conficiendo muneri par illa foret, nec administram Medici opeim efflagitaret. Advocanda utique quandoque erat in auxilium Ars, quæ quidem copiosa celebrata semel, auretiam repetita, si vires tulerint, Sanguinis missione e cubiti Vena, aut e Saphena, ubi opus adesset, hoc uno plerumque subsidio utramque, ut ajunt, paginam adimplebat, tum apparente nondum, aut prope jam eminente Erysipelate, tum etiam ipso jam adulto pene, nedum tamen remissa penitus febris, aut alio quopiam adhuc perseverante, quod urgebat magis, fero, immitique Symptomate. Hæc una aderat potior solertis Medici cura; Quod reliquum erat fauste id celeriterque absolvebatur quiete, victu tenui, liquido, antiphlogistico, potu simili, medicamentis diluentibus, & refrigerantibus simul, vel singulari dote acrispecifico opposita præditis.

XII. Hostile namque acre illud Austrinis statibus elatum, quod idem superioribus annis diras pepererat ægitudines, id ipsum, si quid ego hic judico, nedum subactum penitus, diversi tamen generis particulis commixtum, quas gelidus Boreas superiore Autumno præmature attulerat, cruoris rubri arteriosi, inque minimis canalibus stagnantis attritum efficere par erat, atque hinc phlogoses inducere, vel in sinibus arteriosis, vel in vasis lymphaticis arteriosis, dilatatis osculis, admissos globulos rubros per fines transmittere non potentibus. Quidquid enim erodendo, crispando, adurendo vasorum extrema ita arctat in Conicis, Cylindricisve, ut diameter aperituræ fiat diametro Sphæræ Sanguinis minor; Quidquid cruorem aut lympham cogit ut coeat, aut eidem violentum motum præbet, quorum utrumque ab acriorum corporum præsentia explicari sat apte potest; quemcumque id inflammatorium morbum, Ignem, ut aiebat; Hippocrates, aut phlegmona, qui omnes ob causæ, & effectuum similitudinem ab Igne nomen habent, genere satis est in minimis æque arteriis, ac Lymphæ ductibus. Ut enim in cruore rubra, sic in lymphæ alia est forte pars crassior reliquis.

XIII. Quoties vero inducta semel stagnatio liquidi in vasis est, siue acre illud specificum, siue aliud quodcumque, sit quod lympham aut cruorem cogat, finesque vasorum urat, erodat, aut distrahat; Acti adhuc a superflite vita cruoris vis, eos ipsa effectus inducere par est, erupturi, aut prope jam erumpentis, aut erupti tandem Erysipelatis, aut phlegmonis proluvia, ac incrementa: Arteriæ namque primo minutæ, vixque visibiles obstructæ jam a Sanguine distendente augentur; Hinc tumor ruber, siue prima Erysipelatis Scena. Vasa mox lymphatica arteriosa antea, pellucida, & invisibilia eadem patiuntur; Unde augmentum rubedinis; Distenta dein vascula rupturæ propinquant in fibris minimis, ac valde invicem compinguntur liquida, & solida; Hinc dolor punctorius, durities, renixusque partis adulto jam prope Erysipelate, adauctoque. Cætera hinc repetenda Phænomena, rubedo splendens, calor, æstus, debilitas, molestia, febris, ad atrium partium liquidi inter se in solidum, tum solidi in illas, a rubro accumulato, ab irritatis fibris, a celerius per aperta viarum acto sanguine, Mechanicis hæc eadem omnia legibus præclariora, atque illustriora.

XIV. Exorientis hæc adultique Erysipelatis proluvia. Posteriores illius Scenam exegerat Natura, quod incœperat illa opus, absolvens. Id vero resolvendo potissimum assequebantur, qui idem latissimus ac tutior modus est, quo morbi inflammatorii exire solent. Obque id præcipue Artis Magistri, ac Principes Viri ab oleosis ac pinguibus, tum topicis, quæcumque ea sint, refrigerantibus, anodynis cavere jubent, ne aut pinguior factus humor, ac spissior, effusus idem, tum glutinosus magis suppurationi præbeat faciem, qui alter modus est, quo terminatur inflammatio; aut retropulso forte, inque parte affecta hærente adhuc atroque facto magis, gangrena, aut Scirrhus oriatur, tertius illa, hic quartus abeuntium inflammationum finis. Hinc ubi sæpe occulta manent Erysipelata, atque intima illa obdident delubra, in acutas, aut lentas ægitudines desinunt; Velocis eadem aut lentæ mortis causa, cum scilicet,

(a) Hipp. de affect. num. 57.

(b) Hipp. 7. aph. 20.

(c) Id. 6. Aph. 25.

aut in sphacelum, sive ut ait *Duretus* Subalbinorum Medicinæ decus eximium, in *Systrophes phlegmonicæ* abeunt inflammatae partes ut in lypiria febris, seu, ut illam vocat *Baglivius*, *Erysipelate* alvi; aut coacta eadem forte in glanduloso tuberculo iners materies in Scirrhum tandem degenerat, qui ut Sphacelo, gangraena, carcinomati idem, seu cancro a similitudine sic dicto, proludit inevitabili fato, ut in diuturnis obstructionibus glandularum contingere sæpe videmus, post assiduas febres neglectas, aut male curatas, atque earum præsertim glandularum, quæ liquorem facilius inspissandum obtinent, vel ratione loci stagnare plus cogunt.

XV. Mihi equidem numerosam adeo tunc dierum latissime oberrantium Erysipelatum cohortem vix ingruente hyeme extemplo editam adultamque animo reputanti, haud inanis utique metus subiit, ne forte appetente Vere acriora facta spicula, favientibus maxime atque una invicem assiduo more inter se confligentibus Australibus, ac Borealibus ventis, dirioribus malis ortum præberent, ac incunabula, quibus jam tum proludere illa videbantur. Metuendum scilicet ne hujusmodi *Systrophes phlegmonicæ* intra pulmones tandem, ceu in Principe Theatro subluderent aliquando; Statim atque hyberno exacto frigore, ac novo concitato tumultu in liquidis aptior foret præfatis, exoticis particulis aditus, quo intra eadammet liquida ea, qua pollebant diu, crudelitate favirent; Notum jam tum scilicet erat perspectumque mihi, quam mala cubaret in præcordiis labes. Nec vanum utique, atque inanem prorsus metum effecerat ventorum una ludentium indoles; Utriusque enim status sæpenumero Subalpinis potissimum exitiosi extitere, tum maxime, cum sese vicissim excipientes, atque alterno ludentes flamine varias, ac discrepantes inter se invicem alterationes aeris gignunt. Cum vero aereo hocce fluido nobis circumfluo, tum liquida, cum solida æquilibrii perennitatem illius acceptam ferant, quo vita ipsa cœpit semel, ac servatur diu; Sitque inter duo hæc nostri corporis componentia, liquida nempe, & solida ipse aer veluti libræ *canon*, atque *examen*, cui utraque parent, ac obsequuntur. Conspicua res est alterato libræ *canone* servatura eadem haud amplius esse instituti æquilibrii legem, ac proinde tot inter discrimina rerum jure merito suspicari fas esse imminente propius vere nova oritura mala, quibus nigram faciem jam tum præbuerant ludentia passim Erysipelata, tum pronus heu nimius hoc anno ad *Stasin* cruor, tum quæ *Epidemici primi Ordinis*, seu anni Principis Morbi dignitatem sibi comparaverant exortæ paulo ante Arcturum febres, quas etsi intermittantium pleraque morem servasse meminerim, quid tamen *Sacrum* ac re ipsa ingens inesse iis, solertibus Viris jam tum visum aderat, perspectumque.

XVI. Sane ut ab Erysipelatum narratione ad exaratas febres gradum faciam, exercitatoribus utique haud imposuerant illæ, vel primo sui initio, quippe eam, quam prætulerant primo adpectu faciem, facile conjicere erat simulatam esse; subque ea larva, ac simulationis artificio magnum latere aliquid sese manifestius ostensurum aliquando. Enim vero cum nihil hujusmodi unquam superiore anno contigerit, eruere erat statum liquidorum toto jam penitus Cælo discrepare ab eo, quem ipsamet liquida dudum obtinuerant: Ad *Stasin* scilicet magis illa vergere, eaque proinde præcavenda mala, quæ a prono ad concretionem sanguine ortum ducere novimus. Atque hac quidem novam rerum Scenam induxerat nova anni Constitutio appetente Libra, statim atque hiscere cœperant a gelido Aquilone Septembri mense flatus, qui diathesin Aeris extemplo prope immotarunt.

XVII. Memini equidem me pluries tum temporis de iis quæ Subalpinis prope impendebant currentis de cursu anni, ægritudinibus, sermonem habuisse cum celebrioribus Artis Magistris, quos eximæ mihi laudi foret debita honoris præfatione singillatim recensere, si prolixior me esse sineret dicendarum rerum magna seges, ac dignitas. Edoctum fecerat antea superioribus anni Constitutio, quæ a sanguinis fluore, quæ ex adverso ab eodem ad fixitatem ac lentorem properante, quæ rursus ab hac vel illa aeris crasi timenda magis, ac prævidenda sunt. Ecquid aut perspicuum

magis, quam a tendente ad concretionem Sanguine ea quidem prænoscere, ac prænunciare, quæ a minus veloci tramite progredientibus liquidis, hinc a consueto eorumdem more abludentibus solidis necessario subsequi, atque expectanda esse Mechanicæ nos leges docent, quibus tum liquida, tum solida inter se invicem eleganti ludunt spectaculo? Ut exacto anno prodierant mali ingenii febres, tum quæ sub iis merebantur spasmodicæ ægritudines ceteræ, illæ a sanguinis fluore ortæ, hæ ab exoticarum particularum spiculis, quas una secum invexerant dire, ac diu favientes Austri; Nova modo rebus inducta facie a priori diversa prorsus, nova quoque morborum proles caput extulit, quos anteire, ac ceu prima acies celeritate vincere visæ fuerant recens enatæ Autumno febres. Tantum scilicet adhuc intra liquida res erat brevibus circumscripta finibus, propagata nondum ad solidas partes labæ. Et sane ut parva sæpe scintilla magnum excitavit incendium, novæ hinc, totque ortum duxerant ægritudines, quæ omnes quidem ab uno fonte progerminarunt, una omnes, ac eadem methodo profligandæ, etsi pro diversa, quam indurant, larvas inter se invicem differre quodammodo viderentur.

XVIII. Enim vero si præfatas febres attentius expenderit quispiam, si harum ortum, ac incunabula, morem, ingeniumque, otiose singula, & considerate perpendimus, atque hæc omnia in animo vere cogitamus, nullam prorsus illas inter ac febres intermittentes ita vulgo dicta, originis affinitatem comperimus. Sic quidem illas vocare lubet ab intervallo paroxysmi interjecto, ut morem Practicis veteribus geram, quibus olim appellationes febrium, quibus dignoscuntur, a qualibet sanguinis alteratione, vel symptomate particulari desumere satius visum fuit, quæ diversæ speciei febribus pari jure possunt competere. Quidquam tamen inesse iis peculiare, arcanæ anni Constitutioni referendum, nilque penitus cum intermittentibus vulgo dictis commune, aut hisce proprium tum ipsa febris indoles, tum quæ sub illa ludebant per hyemem Erysipelata, ad quorum aspectum sese illa tories abscondere visa est, tum quæ deinceps proximo Vere, ac æstate sese prodiderant ægritudines aperte satis ostenderant. Nec quidquam vetat *Erysipelatosas* nuncupare, aut si mavis dicere, *Igneas*, ab urente sensu caloris, inducta in liquidis stasi; *Hemitriteos*, sive *Semitertianas* dixere Veteres, de qua febre doctissimum vide *Duretum*, in Coac. & suum, quem ita bene commentatus est *Divinum Senem* 1. *Epid. com.* 3. *aph.* 5. Neque enim abs re erit hæc febres concipere, ceu accensionem quandam erysipelatosam cruoris ad fixitatem vergentis, qui idem statim ac perflantes Austri rarefactum magis aera effecere, ante acti lentoris vestigia in hac, vel illa externa corporis parte deposuit. Ubi vero de novo hiscente Boreâ constrictus magis, condensatus ac compressus aer evadebat, docente Barometro, eadem iterum redibant febres, intra ipsamet liquida rursus sese condente igne; Qui idem aut Phrenitides plerumque, aut funestas huc illuc *Systrophes* ludens pepererat.

XIX. Ac revera intervallum illud Paroxysmi interjectum larva erat, seu simulationis integumentum, quo incautiores aliquando hujusmodi febres fefellerant. Cernere erat in hoc apyrexia statu, si modo ita dicere fas est, ægros, non ut mos est in cæteris febribus, pene omnino sublevatos pleno inter duos quoque paroxysmos intercedente intervallo, ast potius vexatos penedixerim magis, anxios, pervigiles, siticulosos, ore, oculis, ac fronte turbatos; Pulsus aderat parvus, humilis; urina impense rubra; tensivus capitis dolor, dirus, ac immitis prorsus, æque ac sub ipso febris statu, ac incremento; Nullus quoque tum accensionis initio vomendi conatus, aut ullum vel levioris nausæ vestigium, quod harentem in primis viis mali fomitem ostenderet, quam citissime removendum; tum declinante paroxysmo emergens sudor, quo apparente solent intermittentes febres per vices desinere. Summa namque rerum, ac potissima morbi causa a Phlogistica liquidorum crasi, ac proinde turbato eorumdem progressu repetenda erat. Quod quidem probe distinguere, tum probe noscere opus aderat, ut inde curativæ indicationes rite dirigerentur;

Aliter exulcerabatur magis res, stupente Medico, ac morbi malignitatem perperam accusante. Neque etiam, ne quis me inmemorem prorsus credat, ac rerum, quas sub oculis habuimus nuper, oblitum, eadem aderat singulis æqua rigoris accessio. Quidam enim exiguo horroris vestigio; Plerique valde sensibili rigore corripiebantur. Nonnullis primo tantum accessu, ac febris aditu, haud paucis ad singulas accessiones, ac vices idem rigor, ac horror supervenit. Horum plurimi toto apparentis Apyrexiae decursu molesto quodam frigoris sensu detinebantur, pulsu vix elato, ceu exquisita tertiana laborantibus aliquot ante accessionem febris horis contingere solet. Quidam etiam properante ad exitum morbo, una cum judicatione majori horrore obriguere. Sæpe id latentis diu vomicae inopinato disruptæ præludium extitit; Autumno quidem, ac per hyemem omnino pauci: Vere, ac æstate longe plurimi, Vix quemquam novi absque sanguinis e naribus, aut ab hæmorrhoidalibus venis profluvio sanatum. Utrique horum conturbata sæpe alvus prolusit, aut quod inchoaverant opus, absolvit. Quibus nihil hujusmodi obtigit. Phrenitide per hyemem, ac Veris initia correpti sunt, quorum neminem servatum vidi. Orto autem Vere plerisque læta pulmonum suppuratione, dummodo in docti, ac solertis Medici manus inciderent, incolumes evasere. Quæ quidem sequentibus ægrorum recensitionibus illustriora efficere pergam.

Ager Primus.

Sutoris Uxorem, propè Regias Archigymnasii Aedes degentem, quas superioribus annis vix confecto bello, Magno ac Rege digno sumptu e fundamentis erexit, atque hoc ipso An. MDCCXX. XIII. Kal. Decembris festissima pompa, omnique lætitiæ apparatu, Musis referavit INVICTISSIMUS REX, ignis, ut *Hippocratis* verbo utar, hoc est vehementissima febris cum rigoreprehendit. Huic inter exordia intensus capitis dolor contigit, lumborumque, ac præcordiorum dextrorum, quæ quidem mox fluentibus mensibus allevata sunt. Sexto die rursus suborto rigore exasperata sunt omnia. Somnia non aderant, extrema frigida, pulsus parvus, sitibunda erat, adusta alvus pauca demittebat. Septimo pulsus elatior, urinas reddidit impense rubras, levius habuit. Octavo rediit rigor, capitis lumborumque dolores intensi magis, lingua sicca, urens, fuliginosa. Nono quievit. Undecimo sub noctem conturbata est alvus, multa que prodire cum bilioso affluxu. Decimo quarto perturbata iterum alvo perfecta judicatione absoluta fuit.

Ager Secundus.

Mulierem quandam gemellas laboriose enixam, cum non admodum partus purgamenta processissent, primum quidem febris corripuit horroris sensu haud exiguo; Mox capitis, & cervicis gravitas non sine dolore tenuit. Postridie moleste habuit, non dormivit. Tertio die repetiit una cum rigore febris, pulsu parvo, humili prorsus, abjecto, præcordiorum anxietate magna, siti multa, inordinate quidem, & inconstanter perturbata, rursusque consistente alvo. Septimo paulo elatior pulsus; sub Vesperam febris rediit, exiguo præludente rigore. Octavo lochia repente fluere, atque uno, eodemque temporis momento latis pustulis subrubris fœdari visa cutis, quæ ad tertiam usque vicem sese ostenderant, condebantque vicissim. Capitis mox, ac cervicis dolor remiserat. Quievit. Undecimo copiose adhuc fluentibus lochiis integre convaluit.

Ager Tertius.

Præsul dignissimus, qui juxta Dianæ Templum, nunc Sacram *Confraternitatis Sancti Spiritus* ædem decumbebat, febris acuta correptus est cum rigore. Lingua resiccata erat, siticulosus, bile abundans, somnum non cepit. Postridie vix horum vestigium aderat. Tertio, quinto, ac septimo per vices repetiit febris una cum intenso dolore capitis, qui interjecto paroxysmi intervallo augebatur magis, quin etiam vix

Supplem. ad Sydenham.

elatus pulsus toto Apyrexiae tempore percipiebatur. Nono in sinistro femore splendens rubedo apparere visa in orbem veluti, ceu lata macula paulo supra femoris articulationem cum Tibia, quæ cito priorem deferens locum in superiori femoris parte sese prodidit, mox in ejusdem lateris Tibia haud longe a malleolo interno, Thaleri Imperialis magnitudinem haud multum superans. *Erysipelas volaticum* appellant. Decimo quarto copiosa e naribus hæmorrhagia superveniens morbum feliciter absolvit. Huic alvus ab initio continenter biliosis liquidis multis diffluebat, aut si consisteret, fervida, & cruda dejiciebat. Urinæ per totum morbi decursum rubræ admodum sublimæ quid in medio suspensum habentes.

Ager Quartus.

Nobilissima Mulier, quæ propè Collegium Patrum *Societatis Jesu* habitabat, ut filiam enixa est, nec purgationes irent, eam tertio die acuta febris cum horrore corripuit. Octavo deliravit, statimque ad intelligentiam rediit. Undecimo per intervallo soporis quadam specie detinebatur. Sub noctem extrema paulum perfrixere, sed mox recaluit: Mente nonnihil mota est medianocte. Duodecimo sub tempus matutinum latenter obiit. Aperto cadavere plurimum grumosi sanguinis in cavo uteri repertum, tum vasa quæque uteri sanguinea distenta valde, ac fere varicosa; Intestinorum externa facies atro suffusa colore; Hepar prægrande admodum. Potissima vero mortis causa in dextra uteri tuba sese prodidit, ubi disrupti recens tumoris vestigium aderat, ac inundantis adhuc materiæ albæ, fœdæ, teterrimæ. Plura mihi quoad morbi historiam, tum anatomicam cadaveris administrationem scire haud licuit a Medicis, qui tum curationi, tum sectioni intererant. Sane ejusdem, ac reliquæ, quæ tum temporis sæviebant febres, indolis hanc fuisse, qua nobilissima Mulier facto cessit, fidem fecerat indubia *Archigenis* conjectura, tum quæ in cadavere obviam venerat puris copia, disruptus Tubæ abscessus, vasorumque per uteri substantiam repentium varicosa tensio, a lentescente cruore, unde phlogistica primum labes, mox suppurationis ortum tulit.

Ager Quintus.

Adolens tum illustri stemmate, tum morum candore, ac probitate præclarus, qui prope Templum *B. V. Angelorum*, decumbebat cum ejusmodi Erysipelate, cujus supra memini ægroto tertio per Autumnum laborasset, quo crura modo, modo pubes, ac finitimæ Scroto partes infestabantur; Mox auriginosus extemplo factus, acuta dein febris, extrema hyeme, quæ cum exiguo rigore primum, mox absque ullo rigore per vices repetiit, correptus fuit; Pulsu vix elato, qui idem per totum morbum permanserat, magna capitis gravitate, siti ingenti, adusta alvo. Quod postremum quidem in omnibus fere hujusmodi febribus ægrotantibus adnotare erat. Reliqua, quæ ad morbi decursum pertinebant, cum ea distincte unquam scire mihi concessum haud fuerit, reticere magis lubet, quam exarare. Sexto ingenti oborto stertore celerrime periit, enata forte, ut ego suspicor, ac propagata ad pulmones labe, quæ tum per hyemem simulate incedens proximo mox Vere larvam abjecit.

Ager Sextus.

Jurifconsultum juxta *Theatrinorum domum*, qua ad forum itur Olitorium, febris a cœna vehemensprehendit; Noctem laboriosam transegit. Postridie per totam pedem ad talum usque tumor subruber, acensus valde apparuit, cujus in centro atrum quid aderat, ac subnigrum. Insania correptus est; Ex alvo mere biliosa plurima processere. Paulo post convulsionibus a capite subortis celeri fato interiit. Ingenii erat terrici admodum, atroque vultu, absque hominum consortio omnino alienus, ceu *Misanthropos* alter.

Ager Septimus.

Pari quoque et si veloci minus fato sublatuſ est piſſimus Sacerdos *Congregationis Oratorii Divi Philippi Neri*, mihi amiſſiſſimus; Is cum initio hyemis diro cruris Eryſipelate laboraſſet, paulo poſt, medio ſcilicet Januario deſipere leviter cœpit, mox in furorem repente agi una cum febris acuta ſtatim vicibus repente. Urinæ aderant pallidæ, decolores, tennes, atro quodam in iis ſuſpenſo, quod in acutis plerumque morbis Phrenitidem præſagire ſolet; Oculi protuberantes, trucesque; Facies terrea, vultuoſa, horrenda aſpectu; Lingua, pulſus durus, respiratio rara, & magna, fæces albæ, collectio floccorum. Præceſſerant hiſce ſomni turbulenti, Stillicidium narium, obliſio ſubitanea, alvus ſuppreſſa diu, ac mœror ingens tum prope imminentiſ, tum præſentis mali præludium idem, ac comes. Rogatuſ ego una cum Parente meo, ut ægrotanti opem præberem, ejus ſententia, & auctoritate nihil præſentaneum magis viſum fuit, quam ea citiſſime validiſſima remedia adhibere, quibus tolli poſſet inflammatio ad cerebri arteriaſ orta; Miſſiones nempe ſanguiniſ repetitaſ, diluentia ex decoctiſ antiſphlogiſticis, nitroſiſ affatim exhibita, pediluvia, Epiſpaſtica, Cucurbitaſ, clyſmata, & hiſ ſimilia, quibus ex voto obigit ferocitatem morbi compeſcere; apparente iterum ad crura Eryſipelate, cujuſ præſentia, ceu læto enitente ſidere exarata ſymptomata quæque mitiſ extemplo laceſſere, ac dein ſeſe ſubducere prorſuſ viſa ſunt. Hæc una namque ſalutiſ ſpes erat materiaſ morbiſicæ, ut cum Practiciſ loquar, in parte Principe dire ludentem, quam vincere prorſuſ haud poterat Ars, ad crura revocare, quo illa primum erroriſ ſui notam reliquerat. Atqui evaneſcens brevi recens ortum Eryſipelaſ, omnemque deinde eludens Artiſ opem ſæviōriſ mali omen tulit. Facta namque ad pectus indomiti humoris metaſtaſi, inque exili pulmonum membrana, ac tenelliſ vaſorum reticulis oborta phlogoſi, lethaliſ Peripneumonia impedito ſanguiniſ trajectu ſucceſſit, quæ nullum faciendæ ampliſ Medicinæ locum reliquit. Nil meliſ *bona criſi*; Nil pejuſ, & moriferum magiſ, quam prava metaſtaſiſ, vel egreſſioniſ progreſſuſ ad peſſimam *Epigeneſin*. Mala enim orta malis graviſſima inferunt mala, quæ ſunt veluti ſoboleſ quædam tum *Phlegmoneſ*, tum qualitatiſ malignæ, & partium oppreſſarum.

XX. Atque hæ ſunt ſelectiores Ægrorum hitoriæ ea, qua paſſim in adverſariis feſtinante calamo exarata fuerant, ſtyli perſpicuitate, ac brevitate, quod in hitoriæ narratione potiſſimum expetitur, conſcriptæ. Quæ quidem haud exiguaſ lucem afferrent, tum iſ quæ ſuperiſ attuleram, tum quæ adhuc dicenda manent plura, per Autumnum, ac hyemem geſta, perque totum dein currentiſ anni decurſum. Enim vero, ut de harum poſtrema tantum eloquar, quantum ab hac una luciſ in morborum ſucceſſionibus dignoſcendiſ, præcavendiſque, quam ſibi illuſtrandam, exornandamque Spartam conſtituerat ſeriore Libitina dignuſ Illuſtriſ *Bagliviuſ*; Quantum inquam luciſ, clariſque eniteat nemo non videt. Equidem magna hæc eſt Sapientiæ lauſ morborum converſioneſ, non levēſ illaſ utique, & parvi momenti, quæ frequentiffime occurrunt, & ſuccedendi progreſſuſ, ac normam conſtantiſ ſervant, at quæ vel ſolertiſſimib긑 ſæpe negotium faceſſunt Viriſ, futuraſ noſſe, ac velut e ſpecula prævidere; Sæpe hinc novum orientem, aut recens ortum morbum vel ipſa inter exordia reprimere contigit aſpicato.

XXI. Timendaſ morborum ſucceſſioneſ ſcite non minus, quam docte admonuit ex *Galenō Balloni긑*, ac diu olim, qui utrique præluxit, Magnuſ Artiſ Dictator *Hippocrateſ*; Timendaſ utique, atque eo magiſ conſiderandaſ, quod haſce inter converſioneſ, ac tranſmutationeſ morborum multa paſſim ſymptomata contingant, quæ boniſ, & erudiſ Medicis ob ſimilitudinem, & fallaciã perſæpe imponunt, & novi morbi tamquam rediviva ſoboleſ, ex aliis ſubinde conſequantur, atque repullulent. In univerſum vero calamitoſior eſt motuſ, qui alteri ſuccedit per metaſtaſim materiæ morbiſicæ in Partem Principem fra-

ctiſ jam viribuſ. Nemo namque dubitat, quod materia prioriſ morbi mitior ſit, quam ſecundi per metaſtaſim nati.

XXII. Nec difficile erat conjicere tot inter nova orta mala imparem, ac prope eſſatam Naturam haud poſſe ampliſ diu ludentiſ impetum eludere, illiuſ vim feritatemque compeſcere. Simile quid olim Panormi obtigiffie memini Præclaro Equiti *Tiſremiuſ* Præſecto, cui ad tertiam uſque vicem enormem Tragœdiam dirum luſerat in crure Eryſipelaſ, totidemque illud vicibuſ graviſ alter morbuſ exceperat, quo tandem, num auxiliatricis Artiſ ope, an Naturæ potiſ victriciſ auxilio incertum adhuc, utriuſque ſaltem beneficio, conturbata ſponte alvuſ, tum copioſa contingens ab hæmorrhoidalibuſ veniſ ſanguiniſ evacuatio, deſperatam jam pene rem opportune reſtituit. Nihil autem huiuſmodi, quidquid molita fuerit Ars, Piſſimo Viro contigit; Errabunda namque materiæ vix erroriſ monumenta prædidit; Magnuſ proſecto lentoriſ argumentum, quo ceu compede obſtriſta liquida haud poterant ampliſ in libertatem adigi, ac certanti Naturæ obſequi. Neque enim Crifeoſ loco erat, aſt imparem potiſ Naturæ conatuſ oſtenderat recurrenſ ad crura Eryſipelaſ, quod lethali tandem Peripneumonia *lampada* præbuit; nil namque paulum criticum umquam. Pro morbi vero magnitudine impar heu nimis aderat Eryſipelatiſ in crure veſtigium; Ita *Temeni Nepti* (a) apud Sênem Magnuſ, in acuta, & magna febre metaſtaſi facta eſt ad digitum, & mortua eſt, cum non ſufficeret ad ſuſcipiendum exigua adeo pars quidquid expellere Natura tentaverat. Cœperat ipſa quidem; nec potiſ fuerat inchoatuſ motuſ abſolvère, infaſto prorſuſ judicio, exituque infelici: Ceu cum exhibituſ olim venenum poſt multoſ annoſ, derepente exorto in parte aliqua externa dolore homineſ celeriter exiinguit. Atque tunc ego quidem cum recurrere vidi Eryſipelaſ abſque ulla alia manifeſta criſi, dirioriſ mali omen adſtantibuſ haud ſine magna Artiſ laude prænuſciavi (b) *Avicennæ* conſilio edoctuſ, cujuſ utique fraudiſ, & inemendabiliſ doli infinita prope exempla legere eſt apud *Hippocr. & Galenuſ*, alioſque Medicinæ Principeſ, atque Antefignanoſ; (c)

XXIII. Dignaue ſane quæ attentiuſ expendatur, hæc ipſa aderat tot invicem morborum converſio, atque ſucceſſio. Eryſipelatiſ namque, quod primum in re proluſerat, Phrenitiſ ſucceſſit, huic altera vice Eryſipelaſ, atque huic poſtremo Peripneumonia, quatan-dem vita deſunctuſ eſt æger. Totidem malorum ſucceſſionibuſ totidem quoque cernere erat ludentiſ una tempeſtatiſ mutationeſ obſequi. Cum primo enim Eryſipelaſ præluſerat, Auſtrina Conſtitutio vigeſbat, quæ ad plureſ dieſ prope appetente Solſtitio perduravit. Succeſſerat hinc geliduſ mox ab Aquilone ſtatuſ, ac tum quidem in Phrenitidem factuſ eſt tranſituſ. Dein vero repetentibuſ Auſtriſ, Eryſipelatiſ iterum in crure veſtigia graviſ morbo præluſere; Novo namque inducto repente frigore, Borealiuſ ventoruſ aſſatuſ, poſtremum Tragœdiæ actum abſolvit inopinato oborta lethaliſ ima intra præcoſidia *Syſtrophæ*, qua tunc dierum plureſ celeriter e vita migrarunt, atque hoſ inter Senēſ potiſſimuſ, tum qui ſeroſa ad pectuſ colluviæ conſictabantur diu. Tot ſcilicet malorum tranſmutationeſ a diverſa Aeris Diatheſi, quod *Divinuſ* illud eſt, ac revera Sacruſ Mortaliſ, proſciſcebantur, impendentiuſ morborum proluſia, ac incrementa.

XXIV. Prope namque imminebat præviſa diu nova malorum Soboleſ, quorum præcipua Scena intra Thoriſ delubra parabatur. Prodire quidem jam tum per hyemem cœperant exitialeſ pectoriſ ægritudineſ, at errantiſ potiſ in morem nedum proferant adhuc ſeſe palam, apertoque Marte prodere. Nondum enim lar-

vam

(a) *ſect. 1. lib. 2. Epidem.*

(b) *l. 4. tract. 1. cap. 29.*

(c) *lib. 4. Epid. tract. 81.*

Id. l. 3. Epid. tract. 2.

Id. l. 1. Prorrhetic. ſect. 2. com. 17.

Petrus a Caſtro ſect. 4. §. 44. & ſeq.

Bagliv. Pract. Med. lib. 1. pag. 51.

nam abjecerant penitus exortæ Autumno febres; Quinimo attollere hæc magis caput properante Vere visæ sunt, novo recens, atque acerbissimo oborto frigore, quod luctuosam rerum faciem ipsa inter Veris exordia reddiderat. Denso hinc agmine visæ foras erumpere Arthritides, Hemicrania, Angina, atque una cum toties exaratis febribus ultro, citroque ludere, quibus illæ ceu ingruente hyeme Erysipelata, ac Epidemici inferioris subscellii famulabantur. Uno in Monialium Cœtu *Dive Mariae Magdalene* omnes fere Vestales angina correptæ, extremos morituræ hyemis conatus dire pertulerant. Quidam quoque Civibus, cum magis ingravesceret frigus, repentina morte sublati sunt. Quosdam etiam memini hosce inter tumultus repente insanientes, quibus nil tale unquam contigerat. Plerisque ulcera per hyemem prodire maxime in pueris, & præcipue pedibus, digitisque eorum, nonnullis etiam in manibus. Rubor cum inflammatione mediocri aderat, Haud paucis pustulæ oriebantur, dein exulceratio, Prurigo modica, dolor ingens; Multis humor exibat, sed non admodum, qui referre, vel pus, vel saniem videbatur, Dira æque iis quoque exitit hyems quos diuturniores ægri tudines dudum vexaverant; Plerique horum namque ad interitum justo celerius forte properarunt, atque hi potissimum, qui Scorbutico, Phlysi, aut Hydrope laborabant dudum, Hos inter Scorbuticis præcipue frequentissimæ obtingere hæmorrhagiæ læthales ex ipsa cute externa non apparente vulnere, quod, mirabile dictu, observatum fuit in Pictoris filio septenni prope *Collegium Nobilium Patrum Jesuitarum*. In Cauponis uxore ad *Forum Carolinum* jam quinquagenaria prope, tum in Quæstoris famulo haud longe a *Foro Castri* dicto; Potissimum vero ex labiis, gingivis, ore, naribus, utero huiusmodi excretiones obtigerunt. Memorandum Mulieris exemplum adhuc subit læthali huiusmodi ex raninis venis hæmorrhagia brevi temporis intervallo peremptæ, Cœperat illa diu olim Scorbutico dire vexari innupta adhuc. Nupta dein sævius per vices recurrere sæpe malum consueverat, quod quidem ingravescere magis, ac vires acquirere cundo ostenderat difficilis magis, anhelosa, ad motus vel paucos fere deficiens respiratio; Dolores varii, ac vagi per omnes internas, externasque corporis partes mira producentes tormina Colica, Hysterica, Iliaca; Rubræ modo, modo flavæ, ac violaceæ maculæ in cute apparentes; Crurum tumor accedens, recedensque; Oris fætor, Gingivæ tumentes, adque minimam pressionem evomentes cruorem; Dentium vacillatio, ac nigredo; Quodque funestissimum aderat, varicosi annuli ad raninas venas, quibus inopinato referatis læthalis oborta est hæmorrhagia, cui obistere nulla Ars potuit unquam. Huic Soror aderat, quæ atrocibus æque confictata malis haud ab simili prorsus fato biennio ante viram cum morte commutaverat. Utrique harum cum tenella adhuc ætate forent dira scabies, ac improba ulcera futuri incrementa mali præluserant, quibus sicca dein ac lenis Elephantiasis successit.

XXV. Horum alteri, quos tum temporis repente e vivis sublato memini, latæ admodum maculæ, ut a Chirurghi ore didici, qui inspiciendo cadaveri accitus fuit, ut quæ celeris adeo, citæque necis causa fuerit ad eos, ad quos id spectat, renunciaret; latæ inquam admodum maculæ in universo corporis ambitu conspiciabantur; colore violaceo, ac fere subnigro, tum quæ præsertim præcordia, cruraque, ac totum vertebrarum tractum occupaverant. Magnæ id quidem inductæ in liquidis stagnationis monumentum. Id namque est exiguas inter, quas *exanthemata* Græci vocant, ac latas maculas discrimen, quod illæ fusionis, (a) ut superiore anno adnotavimus; hæc coagulationis potius, ut ajunt, præludia sint, quod idem mihi assidua per sexdecim fere annos apud Subalpinos praxis edocuit. Illæ febribus continuis, mali moris, exitialibus morem gerant, hæc diuturnioribus passim malis, ac Scorbutico potissimum faciem præferre visæ, tum persæpe etiam repentinam mortem prosequi, aut illi proludere, ut in repente denatorum Cadaveribus cernere est aliquando. Illæ rursus rubræ

Supplem. ad Sydenham.

magis occurrunt ob tenuiores, quas effusus ab articularum osculis cruor dimiserat, profugas, ac diffugientes hinc inde partes; Hæc vero subnigræ, ac sublivide prorsus ob fixiores sanguinis particulas venarum extremitatibus hærentes, ut ait *Villifius*. Illæ sanguinis Phænomena coire amplius haud potentis, hæc futuri, ac prope imminentis lentoris exordia. Hæc inter postremas, quæ sublividæ sunt, prolixioribus illæ malis, quæ nigræ vero subito, aut celeri fato præludere solent. Nuper desideratus omnibus, dum hæc scribo, celeriter obiit Amicus meus, qui ad novum Urbis ambitum apud portam *Secusinam* habitabat, cui perquam latis huiusmodi maculis summo quodam mane, cum alias sanissime degeret, interstincta illico cutis apparuit. Vespere cum ad cœnam lætus accederet, e vivis repente excessit. Nuper etiam diuturno confectus morbo ad plures abiit Pissimus Vir prope Templum *Divi Francisci de Paula*, cui biennio ante sublividæ maculæ Veris initio, mox fœdus Icterus nulla proludente febre inopinato obtingit, præduris diu, ac tensis admodum Hypochondriis; Aperto Cadavere vel minimam bilis copiam in cystide, ac nigerrimam prorsus, atramenti ad instar observavi. Idem olim in mortuis de repente adnotavit *Fernelius*.

XXVI. Atque hoc quidem sensu ajebat *Duretus*, livores peiores esse quam nigredines, in Chronicis nempe affectibus, ubi illæ e malis veniunt per mala; successione veluti, ac conversione unius morbi in alium metuenda quantum. Secus utique in acutis, in quibus *palindromes*, ac *gangrena* prope jam factæ indicio nigredines sunt. Sive vero sublividæ, sive nigræ sint ad cutim maculæ; Utrisque diuturna jecoris ægri tudine aut vehementissimus dolor præludere consuevit. Hinc sublividis potissimum Icterus sæpe, aut illæ Ictero fatali proludere. In hac ego Icteri specie a visciditate, & ab amurcosa bilis qualitate orta tartareis, veluti pro secreto, uti soleo, & aqua Nucetiana Sale admixto prunellæ, repetita per duas, vel tres vices purgatione alternis diebus ex Rhabarbaro, quod olim jure merito *Patrem Hepatis* ob specificam ejusdem ad plerosque Hepatis effectus curandos virtutem dixere *Arabes*; Deinde ad Serum lactis veniendum cum marrubio bullitum, & singulo mane calide dandum; Quod si nimium fuerit amurcosa bilis circa jecur impacta, aut magna ejusdem viscidæ, nigræque prorsus copia, addi poterit cum sero in maceratione drachma una hellebori nigri præparati alternis diebus vel cochlear unum, aut alterum *Syrupi cachectici Fernelii* cum helleboro, qui syrupus magnarum est virium in Chronicis; Et denum omni bile hac methodo expurgata, (hic primus curationis scopus prudentis Medici esse debet) chalybeata, & roborantia usurpanda, numquam infelici successu.

XXVII. Neque enim raræ omnes Icteri species tantum, quotquot recensentur a Practicis, tum huiusmodi exarata modo, cui sublividæ sæpe maculæ anteire solent, sed Chronici fere morbi omnes a male affecto Hæpate ortum habent. Tanta scilicet molis adest hæc una haud immerito Princeps pars inter cæteras, quas præclaro quodam munere in œconomia animali fungi novimus; Ut contabescant hæc sensim necesse sit illa laborante, ac pereant tandem, ni ab imminente exitio quam citissime tueatur, Hysterici, Calculosis, Colicis, Scorbuticis, Lienosis, Asciticis, Tympaniticis, ac innumeris id genus aliis numquam observatum incolume hepar, quinimo ab hoc uno malorum fomes, ac origo sæpe repetenda, obstructa scilicet, inflammato, aut schirroso, quæ tria duritatis nomine vocat *Hippocrates*; (a) Quod autem horum aderit, stercoreæ dejectiones ostendent.

XXVIII. In hac perturbatione rerum, totque inter exaratas ægri tudines diuturnas, quæ impendente Vere, aut ægros ad interitum celerius forte, quam par foret, ducere, aut exacerbare magis visæ fuerant, obviam veniunt peculiare Virginum affectus, qui, si dire crudeliterque unquam, tum per hyemem maxime erga infantes Puellas tyrannidem sævissime exercuere, a copiosiore liquido iidem potius sta-

D. 4 gnan-

(a) *Constit. Epid. 1720. pag. 64.*

(b) *Coac. 30.*

gnante, ac pressis nimium proinde vasis orti, quam ab effæto eodem, pravo, ac vappido, ut etiamnum ferunt exercitatissimi Viri. Proderat hinc iis magis, quam celebriora quæque chalybeata usurpari solita, iterata venæ sectio in pede. Ipsa dein vasa a plethora nimis debilitata adstringentibus opportune roborando, ac confirmando. Quibus confestim ad Martialia properatum est, magna iis repente excitata Philogosis graviora intulit mala. Ars quippe erat iis consuetam Artis opem haud adhibere, quod quidem ab Constitutione Anni ediscere est, ejusque Principis ingenio Morbi, cujus imaginem sæpe etiam referunt diuturnæ quotquot eo tempore sæviunt ægriitudines cæteræ.

XXIX. Haud paucæ quoque Mulieres visæ fluore albo per hyemem laborantes, tum subsequenti potissimum Vere, ac Æstate; Atque illæ quidem præsertim, quæ hysteriis olim insulibus vexari consueverant. Ars quoque iis erat non equidem effæto, pravoque cruori suæ restituendo indoli non fermento illi uterino emendando, aut exaltatæ bili demulcendæ incumbere, aut erodentibus salibus coercendis, inutili remediorum apparatu. Ast potius, ut ego arbitror, profectum ab universali causa malum, antequam radices ageret, aut adhæresceret magis, elidere; Radicatum vero si quod foret, ac missis stirpibus firmatum proprio in solo, ac delubro reprimere. Utor ego frequentissime in hoc morbo, quo potissimum Nostrates Mulieres laborare solent, ter quaterve purgato corpore (si hysterica fuerit bis purgasse suffecerit) injectione alicujus liquoris appropriati.

XXX. Quod ad hujus fluoris scaturigines attinet, in obscuro adhuc res latet. Nemo sane, quod sciam, acu illam teigit hætenus. Crediderim ego haud aliunde petendas esse illas, quam ab iisdem menstruum fontibus. Nec profecto ab verosimili prorsus aliena hæc hypothesis est. In quotquot enim, quæ hujusmodi profluvio diu laborantes e vita migrarunt, nihil in utero compertum memini, præterquam feri aliquod in ejus fundo effusi, quodvè adhuc exigua copia premente digito ab hiantibus forte vasorum orificiis guttatim profliebat, ceu in iis quoque intueri est, quæ inchoante fluxu menstruo, aut pene jam peractò, defunctæ sunt. Quamobrem ut satis est ea foramina, per quæ uteri sinus cum hujus cavea communicare Clariss. Viri observarunt, prope imminente menstruo fluxu a vi erumpentis sanguinis tantummodo diduci, quo sanguis subinde effluat periodo nulli ignota, desinens idem fluere, mox ac imminuta vi tum quantitate liquidi, quæ unica est periodici ejusdem fluxus potissima causa, sese contrahentibus circumjectis fibris, exarata foramina occluduntur, aut saltem tantum patent adhuc, quantum satis est exiguo sero jugiter transmittendo, quo uteri cavea humecta serveitur, hæc laxatis forte fibris, aut iisdem a nimio sanguinis affluentis impetu debilitatis feri fluxum contingere puto magis, aut minus diuturnum, quo major, aut minor est fibrarum laxitas, quove magis illæ aut minus sese restituere queunt, inque proprios systalticos nisus confurgere. Raro, ac vix raro quidem puellas, aut virgines hujusmodi affectu correptas memini, sæpe equidem nuptas, tum quas hysterici insultus frequentissime lacessere consuevere; Plerasque etiam novi a difficili partu in hanc ægriitudinem incidisse, nonnullas post assiduam uteri hæmorrhagiam; Neminem unquam quinquagenaria majorem, aut quibus menses defecerint. Quam facile vero laxari vasorum uteri fibræ quam levi de causa foramina diducta semel haud occludi penitus dein, quam celeri tramite per tot implicatissimos uteri sinus affluens liquidum, tum gravitate sua, tum forte etiam copia, uteri vasa distendere, villosque divellere repetitis arietationibus, & gravitatibus queat, neminem latet! Obscurior res est quænam illa sint, quove more se habeant exarata foramina, per quæ ab erumpentis sanguinis impetu diducta leviter, aut diducta semel, nondum penitus occlusa amplius, tum menstrua evacuatione cruor, tum serum diuturno fluxu secedit. Num villi illi forte arteriarum uteri evanescentium seu venarum ejusdem primo nascentium, vel earum limites? Sed

de his pro instituto satis. Ad Arthritides modo, Hemicranias, Anginas, quæ ruente ex alto Borea Veris initia præcesserant, mea sese convertit Oratio; Ne quid per hyemem gestum prætermittam! Neque enim tantum juvat delibare rem, sed & amplius lubet excurrere, quove illa omine præluxerit, aut obtigerit, expendere.

XXXI. Una eademque aderat harum omnium ægriitudinum curationis ratio, si modo ad Principem ludentem affectum mentis acies dirigebatur. Sive enim ad fauces, sive ad artus, sive ad involucra cerebri, sive ad oculos, (Ophtalmiæ namque plurimæ sub id quoque tempus proluserant,) præcipuam ageret Scenam Morbus; Unus idemque erat vincendus hostis, idem omnino curandi scopus in singulis, idem pariter, si ab hoc, quispiam Medicorum tantisper abluderet scopo, expectandum ægrotantibus fatum, *Ostendit autem sanatio*. Neque enim purgantia, neque anodyna, neque alia quæque hisce olim conducentia auxiliorum genera, profuisse visa, præter venæ sectionem, quæ feliciter sæpe restituit rem, tum ea una simul exhibita remedia, quæ aut præsentis Philogistico affectui compescendo, aut impendenti liquidorum præcavendæ labi, ex qua hujus, vel alterius Partis Principis imminens aderat Sphacellus. *Natura monstrante viam*, citius occurrerent. Princeps namque ad Principis morbi vim reprimendam, coercendamque, cujus imaginem referebant exarata omnes ægriitudines, Princeps inquam præsidii genus id erat, quod stagnationem, ac lentorem liquidi eluderet, hoc uno affecti crimine, nimia scilicet sui copia, ac pondere, quo lentescere idem in vasis opus erat, aut saltem si non omnino adhuc lentescere videretur, ad concretionem, ac fixitatem celeri gradu contenderat; Quodque idem ob prægressas Constitutiones annorum magna ex parte Austriacum id amiserat sui, quod illud poterat perenni actum in Orbem more tueri, absque prope impendenti exitio, ac jactura vindicare.

XXXII. Agebatur siquidem de sanguine, qui mole sua sibi ipsis erat noxæ, ac detrimenti; Nullus hic proinde cunctationi locus. Timendum enim, *ne dum Roma consuleretur, Saguntus expugnaretur*. Si qua in re periculum fecit mora, aut *Præceptum* commonente (a) Hippocrate, visa occasio fuit: In hac equidem illa eluxit maxime. Ipseque ego quod sancte afferro nulli ex iis, qui per ea tempora ægrotaverant, aut Arthritide, aut alio quopiam ex prænaratis affectibus, tum aliis plerisque diuturnioribus, inauspicato cessasse hujusmodi præsidium memini, dummodo opportune administratum, *dum præsens aderat indicans*, ut Practici ajunt. Ejus nanque erant hujusmodi omnes affectus indolis, ingenique, ut liquido gravitate peccanti morem gererent, cui haud lætius unquam, ac feliciore fidere occurrere Ars novit, quam venæ sectione repetita, quousque ita ad solidorum libellam sese haberent fluida, ut restituta invicem præclara æquilibrii ac conspirationis lege, facta, restaque res foret, supremum heu subitura prope discrimen! Cur vero lentore peccans cruor meningis modo, modo fauces, oculosque, ac artus lacessat, inertes, modo insontes aliquando pulmones, quod sæpissime obrigit, haud ita implicata res est, ut Dadali ingenio opus sit ad id revelandum, demonstrandumque? Excelsa profecto magis eadem, ac digna Philosopho *originis principium* harum ægriitudinum, quas præsens currentis anni Constitutio in Scenam tulit, tum earum genium, ac morem propius inquirere. Cur eadem Arthritides, quæ iam diu adeo crudeliterque superiore anno sub Principe ludente affectu militaverant diu, diversum ab iis, quæ modo per hyemem potissimum extulerant signa, toto cælo præsidium expeterent? Cur illæ spasmodicis cruciatibus molestæ magis, hæc nihil hujusmodi prætulerant? Cur raræ hoc anno hysterica mulierum affectiones extiterant, quæ olim paucis pepercerant? Cur nullæ prorsus, aut vix paucæ ephemera visæ febres, aut diariæ, ut vocant, quartanæ, ac hujusmodi aliæ ægriitudines cæteræ, quæ nullo non tempore pro-

(a) 1. Aph. sect. 1.

re procludere solent, tum ultro citroque ire nullius in servitutem redactæ?

XXXIII. Cæterum ab lentore sanguinis, tot omnes etsi discrepantes invicem ægritudines prodiiſſe ipse extractus e vena cruor colore, habituque aperte satis manifestabat. Quidpiam nanque instar pelliculæ, aut exilis membranæ in ejus superficie conspicietur, qua disrupta, viscosus, ac nigerrimus sanguis in fundo vasis supererat. Sæpe altera, ac tertia vice opus extitit sanguinem mittere, imperante morbo quantum demendum aderat cruoris, non equidem illius colore, aut habitu, ut adhuc plerique autumant *Celsi* (a) autoritate suffulti, qui ait, *cum sanguis profluit, colorem habitumque ejus attendere opus est; nam si is crassus, & niger est, viliosus est, ideoque utiliter effunditur*: Quod quidem idem *Celsus* accepisse videtur ab *Hippocrate*, dum dixit in Pleuritide sanguinem esse mittendum, donec melior, aut ex nigro ruber appareat. Sane hujusmodi sententia, utut improbanda omnino non sit, reticere tamen haud possum hinc sæpe decipi Medicos; eamque nullo unquam in morbo curando satis esse constantem, aut sufficientem metam, & periculo non vacantem superflua evacuationis, aut suspitione diminutæ; Perinde ac vetustissimam alteram *Galenii* ævo percelebrem ad animi usque deliquium. Habent id quæ a Majoribus tradita nobis oracula sunt cum cæteris rebus commune longa vetustate præclaris, ut illa frequentius in medium afferri soleant, quam recte intelligi, & convenienter usurpari. Non enim quia purus, aut quia mutatio in meliorem non sit, semper continuanda est missio; Neque quia mittitur, supprimendus est: Sed donec aliqua utilitas appareat, aut confectum, aut per vices educendus est, maxime in acutis morbis, & suo initio, quo, (si particulares sunt, ut Pleuritis, Phrenitis, Peripneumonia, Angina, & aliæ inflammationes internæ, quibus suppuratis necessario ut plurimum mors sequitur, aut etiam non raro suppurationem præcedit) dempta in tempore morbi materia, quæ in venis est, mature etiam cesset discrimen a morbo. Quod similiter in ardentibus febribus, & synochis faciendum est. Detrahendus scilicet sanguis non sumpta meta a colore, & substantia ejus, sed a morbi magnitudine, statu, & Patientis viribus. *Leonard. Bottallus de curat. per sang. mission. c. 27.* Nihil sane Artem Medicam æque conjecturalem facit, quam medicamentorum quantitas, quæ, ut habet *Galenus* (b) *neque dici, neque scribi, neque definiri omnino potest*.

XXXIV. Detrahendus vero statim aderat sanguis, ac febrilis Scæna exordiebatur, aut præfatæ particulares ægritudines proludebant; Ut desistendum illico, ac conjicere erat parem fore Naturam obeundo certamini. Hæc meta, is scopus erat mittendi sanguinis, *servare vires*. Equidem raro ullus gravissimus morbus, ut Cynanche, Peripneumonia, Phrenitis, Febris ardens, cujus forte genium prætulerant exortæ Autumno febres, ne quid de cæteris dicam, non citissime, & felicissime curantur, dummodo opportune convenienti remedio illis succurratur. Atque hanc utique opportunitatem, seu *occasionem*, aut tempus conveniens albo signandum lapillo iidemmet morborum motus indicabant, potissimum quidem per horum initia, sæpe etiam sub eorum decursu, aut illis jam ad exitum properantibus. Nulla namque expectanda unquam remissio febris, quæ si obtigerat aliquando, haud læti ominis erat; Nullus hic advocandus dierum numerus, aut exoranda Crisis. Ejusmodi quidem aderant exarata ægritudines, quas ipse olim *Galenus* (c) tradiderat, in quibus nihil tale quidquam attendendum esse aiebat, *imo quocumque die mittendi sanguinis scopum in laborante inveneris, in eo auxilium illud adhibendum*.

XXXV. At urget, ajunt hic loci quam plures, urget in hac parte, *Celsi* sententia dicentis (d) *quod si vehemens febris adest, in ipso impetu ejus sanguinem mittere, hominem jugulare est*. Fateor id ego quidem, nec quidquam Magni Viri laudi demptum

velim unquam, quem ego tam præstantem doctrina fuisse reor, ut paucos ei anteponendos Latium protulisse censeam: Atque is forte Magnorum Virorum instar multa maluit seris Nepotibus in obscuro relinquere. De his proinde suspicari fas est locutum esse febribus (e) *purissimum Scriptorem*, ac prope dixerim (f) *Medicorum Deum*, quæ certam observant intermissionem, aut saltem per vices impetum remittunt, etsi semper durent. *Intermittentes* illas dicimus, has *continuas remittentes*; Quamvis etiam tunc vel in ipso impetu majore febris nocere unquam, sed potius juvare venæ sectionem compertum sit.

XXXVI. Secus equidem censendum de iis, quas *Causos*, seu *Ardentes* vocant, ob frequentiam, discrimen, sanandique laborem funestas sæpe: Cujusmodi aderant, quæ Autumno primum sese prodiderant, ac toto fere Anni decursu ultro citroque oberrarunt. Et sane aut *samulante Natura* brevi solvebantur copiosa narium hæmorrhagia, ut plerisque eo tempore obtigit, aut eadem *Natura* Duce, opportune celebrata Phlebotomia quam citissime per initia, atque in ipso earum impetu jugulabantur; Secus aut ultimam rebus jacturam celeri nece attulerant, aut in diuturnos affectus diros admodum, ac graves quam minus calamitosos abiere. Quibus postremis quidem nihil præsentaneum magis, aut opportunius unquam, quam sanguinis detractio; Atque hæc quidem per hyemem, Autumnumque. Orto autem jam Vere in Peripneumonias desiere lethales prorsus. Hæc nanque, ut mox addam, aut velox inducto Sphacelo fatum, aut lentam ægritudinem facta suppuratione tulere; cui imminenti exitio, antequam scilicet sive Sphacelus, sive abscessus prope esset, nil præstantius unquam docuit Ars, quam sanguinem demere lato vulnere, ac repetitis vicibus, dum vires ferant. De febribus loquor, quæ ab *stasi cruoris* profiscuntur, cujusmodi potissimum aderant, quæ exarata Constitutione viguerant, iis fere consimiles, quas tum olim *impetuosas* vocaverat memoratus *Galenus* (g), quasve idem prolixa sanguinis missione sapissime, subque ipso earundem impetu, exortu, ac incremento jugulasse fateatur. Hosce inter, quæ copiosa narium hæmorrhagia morbum absolvit, pueros præsertim hac ope servatos vidi. Adultri vero, aut provectiores ætate Viri, quibus id copiose minus contigit, haud pauci in Arthritides, ac Hemicranias incidere graves admodum.

XXXVII. Nec citra operis pretium fore puto, si quod accidit mihi vidisse, hic enarravero, quod ad exaratos affectus, qui una cum ardentibus febribus longe lateque sævierant, præsertim attinet, atque Arthritides potissimum, tum Hemicranias. Anginæ enim, quæ novo repente exorto frigore facem præbuerant cæteris, brevi constitutos sibi fines persolverant; Adque primos mitiore flamine adspirantium ventorum flatus omnino desierant. Utque ab Arthritide initium feram: Ejus hæc aderant moris ut Vertebrae tractum, tum anteriorem Thoracis partem, ipsasque adeo Costas, earumque interstitia lacefferent magis, quam Illia, extremosque Artus. Præcipuus namque hic ludebatur Tragædiæ Actus, cum maxime haud convenienti tempore, aut vana remediorum farragine orientibus malis succurrebatur. Plures sefellerat nempe consuetus hujusmodi ægritudinum mos; stupebantque admodum cum eludere illas cætera quæque usurpari Practicis solita remedia videbant, ac contumaciores effici, delato mox ad universos Artus Malo, quod hanc primo, aut illam tantummodo partem occupaverat; quodque præcavere utique poterant præstantis auxilii genere, quod ludentis morbi indoles initio suaserat, suadebatque adhuc pari securitate, ac fiducia.

XXXVIII. Hisce artibus affini meo, cui dira Arthritis hos modo, ac illos artus crudeliter divexabat, opem attuli, ac incolumem illum citius forte, quam ipse sibi spem fecerat, reddidi. Huic sub finem hyemis febris occurrit, quæ tertio die mitius laceffere statim cœpit: Atqui ferus universam Spinam, imaque

(a) Lib. 2. cap. 10.

(b) Meth. Med. 7.

(c) Lib. de cur. rat. per sang. miss.

(d) Lib. 1. cap. 10.

(e) Vossius de Vit. Serm. 1. cap. 16.

(f) Casaub. ep. 29.

(g) Meth. Med. cap. 4.

que occupans præcordia, mox ad omnes fere artus delatus dolor acerbiorum intulit ægritudinem, cui frustra lenientibus, purgantibus, diureticis usque adhuc opitulabatur. Rogatus ego, malorumque origine, ac successione sedulo explorata, jussi sanguinem detrahi ad uncias decem; Dietam quod attinet, jussula hordeacea, avenacea, panatellam, atque ejusmodi alia de more præscripsi, tum prisanam ex hordeo, ac rad. liquoritæ, acetosæ in aqua fontana incoctis, pro potu, ac denique *Sydenhamii* consilio, ut æger per aliquot horas singulis diebus lecto sese abstinere, præceperam, cum calor jugi decubitu, ut citatus Author ait, morbum sæpe promoveat, intendatque. Die sequenti sanguinis tantumdem detrahi jusseram; mox tertio dein, ac ultimo, uno alterove die interjecto, plerisque memini quatto, ut plurimum, venæ sectionem hujusmodi affectu ægrotantibus numquam infelici exitu adhibitam; Raro tamen obtigit ultra quartam vicem venam incidisse, nisi vel regimen justo calidius præcesserit, vel medicamina calidiora ægro præter necessitatem fuerint exhibita. Paregorica, sive *anodyna* quæque valere omnino jussi, ut ut sæviret dolor. Novæ enim illorum usu morbum magis figi, neque tam facile dein venæ sectioni cedere, quæ ideo ob hæc ipsa medicamenta officiose nimis exhibita sæpius quam par erat opus, celebranda fuerat aliquandiu. Neque enim arbitror eam illa, quam titulo pollicentur, *analgesia* præstare. Mirum equidem, ut his rite peractis, mox potione cathartica e lenitivis exhibita ægri dolores imminutifuerent, quo tandem resarcita, quam fecerat, sanguinis detractio, jactura virium, Veris beneficio quod opportune occurrerat, omnino evanuerunt.

XXXIX. Arthriticos alios quamplures novi per ea tempora diris cruciatibus divexatos, quibus ortum, ac incrementum præbuit prægressa febris contrario modo, ac postulabant, tractata, hoc ipso more feliciter sanatos. Nec atrociter minus sæviebant Hemicranie, quæ modo una cum febre, comite modo etiam absque febre subludere videbantur. Harum magna pars copiosa effusione sanguinis, sponte e naribus oborta ludere desinit exemplo. Huic prope erupturæ, aut pleno erumpenti alveo prælusit sæpe hærens diu, qua Sagittalis Sutura per capitis longitudinem recta pergens supra coronalem ad angulos æquales incidit, ferus dolor, proficiente sanguine paulatim desinens. Pluries hinc mihi animo subit, num eligenda forte in hoc affectu curando peculiaris vena tum origine, tum vicinitate præclara, quæ opus feliciter magis absolveret; Occurrebant ejusmodi plures ad Tempora potissimum, media in fronte, secus Aures, ad Nasum, ac *Jugulares* præsertim, quæ iis omnibus ortum præbent; Atque ab hisce quidem tuto fuit auspicia desumere, sive quod pleniore fluente, quod unum expectabatur magis, exitus concedebatur cruori, sive quod ab Jugulari, tum externa, cum interna, citior aderat expectanda *Derivatio*, quam tum Revulsio, ab reliquis memoratis venis, quæ illius propagines sunt. Evicit inquam præceteris Jugulatum sectio, ac magnum fuit periclitantibus subsidium. Visus namque illico minescere capitis dolor, ac fere penitus desinere; Nonnullis, quibus id præsidii experiri, horroris erat, etsi nihil omnino fuerit extimescendum, affixæ Temporibus hirudines haud impari attulere opem, etsi modico velociter minus, ac in ipso præsentis discriminis articulo opus aderat, quod unice sperari poterat ab apertis Jugularibus. Consultius erat huic sanguinis missionem præmittere e Brachii vena, ut si urgeret opus, e longinquiore altera in Pedem. Hacque methodo haud paucis quos atroces hujusmodi Hemicranie dire vexaverant diu, pene exemplo subventum est.

XL. Cæterum ne ultra supraque quam sit æquum in his moram faciam, meminisse lubet peculiaris cujusdam mirum in modum ludentis Hemicranie hisce artibus feliciter curatæ. Jurisconsultus, qui in ea Urbis parte habitabat, qua supremum Acris Propugnaculum eminet ab *Emmanuele Philiberto* olim ad Regni tutelam, defensionemque excitatæ, ac novis subinde munitionibus, cuniculis, aggeribus, operibusque tum a Successoribus Ducibus, tum ab Invictissimo Rege VICTORIO AMEDEO instructæ, quibus obsidentium Gallorum superioribus annis impetum elusit ac vim, Is inquam cum summo quodam

mane ad forensis Palestræ negotia obeunda lecto suogeret gravi admodum capitis dolore vexari cœpit in sinistra parte ad Tempora usque: Quem quidem haudquaquam magni fore momenti gratus ad plures dies æquo animo adversam valetudinem invictæ sustulit. Quo usque tandem cum mihi quadam die forte fortuna haud longe a foro occurreret, auxilii a me quidquam rogavit lubens omne mihi referens mali historiam oppido raram. Narraverat enim se hora circiter octava matutina alternis diebus hujusmodi dolore perquam acuto corripitur, qui ad quartam usque Pomeridianam perdurabant, quo tempore collecto animo, ac re omni composita sese paulatim recipiebat, adque consueta sibi munera redibat, ceu nihil hujusmodi obrigerit unquam. In ipso autem aditu Paroxysmi, ut ita loquar, magna Capitis gravitas proludebat futuri prænuncia doloris, exeunte vero paroxysmo, quod præcipue etiam adnotandum subit, modico sudore perfusa Tempora aderant, quo doloris Scena terminabatur. Addiderat sibi ab Amico propositum Occipiti admovendum vesicatorium, tum ano Hirudines, quod utrumque præsidii genus experiri ait sibi vetitum hæcenus a gravi, quo premebatur, rerum onere; Se tamen jam modo negotiis omnibus valedicturum prorsus, nec amplius perpeti diutius posse Mali acerbiter. Quamobrem omni cunctatione abjecta sanguinem detrahi jubeo e Brachio, mox altera vice intermissionis die lato vulnere e Jugulari sinistra, quibus ac balnei usu, fots, diluentium, quiete, ac æquiore victus ratione, brevi convaluit. Idem Pistoris uxori contigit, juxta Sacram *Divi Dominici* Aedem, Bibliopolæ filio septenni, propter *Turrim publicam* excelso vertice præclaram. Mercatori ditissimo prope Templum *Divi Rochi*; Adolescenti Juris studioso in vico *Divi Thomæ*; ac plerisque aliis quibus recensendis haud immoror. Neque enim huic persolvendo muneri tempus suppetit.

XLI. Sanguinis ex Jugularibus mittendi mos est satis antiquus, utcumque inter paucos obtinuerit, de quo si perbrevis historia præmissa sit, haud illam puto legentibus fore injucunda omnino. Sunt, qui *Galenum* secuisse Jugulares tradunt; Ille tamen, ni fallor, non sectionem ipsam imperare videtur, sed si casu aliquo secetur, curationis modum præscribere. In *vivorum Anatome*, qui sane perridiculus liber est, & ab Arabe quodam, ut videtur confictus, atque adeo perperam *Galeno* adscriptus, *Jugulares aperiri jubentur in principio Lepre, & Angina, angustique anhelitus, in Asthmate acuto, in raucedine vocis, in abscessu Pulmonis, in spirandi difficultate, & in Splenis, & laterum morbis*. Eadem prope memorat *Sorani Ephesi introductio*; Sed cum hoc itidem opusculum plane commentitium sit, cumque *Calius Aurelianus*, qui se in omnibus fere *Soranum* sequi profutur, de hac re omnino sileat; nihil hinc quod ejusmodi Medicinæ antiquitatem probat colligendum est. Sufficiet itaque has venas secandi origine (a) ab *Alexandri Tralliani* temporibus repetere, qui Jugulares a se sectas esse scribit, maximeque profuisse, Hanc ut quibusdam familiarem ævo suo curationem refert (b) *Actuarius*, quam itaque in Catoche, & Phrenitide deprædicat. Eam in omnibus morbis capitis adhiberi jubent Arabes, neque in iis solum, sed in Lepre, acutisque Thoracis affectibus: Unde forte consuetudo illa ad *Ægyptios* manavit, quem apud eos etiam tum, cum *Alexandriæ* esset, viguisse perhibet oculatus Testis *Alpinus*: Post Arabum temporibus in *Bertruccio, & Arnoldo Villanovano*, qui hoc ex iis ad verbum exprimunt, (uti fere ex Græcis Arabes) vix ulla est de hujusmodi venæ sectione mentio, donec anno circiter 1500. Anatomes studium pene intermortuum revocavit *Jacobus Carpenfis*, modumque incidendi Jugulares fuscè descripsit. Quo quidem sæculo a pluribus pleno ore laudatur hoc curandi genus; Sed longe absuit, ut in consuetudine venerit; Quippe *Botallus*, qui circa annum 1570. scripsit, disertè dicit, se neque hoc umquam a Medico præscriptum, neque Chirurgum tentatum vidisse, adeoque aut numquam in usu fuisse, aut esse tum penitus exoletum: & quamquam ipse primus venæ sectionis usum in Galliam induxerit, ve-

nam-

(a) Lib. 4.

(b) Lib. 3. c. 1.

namque quamlibet in quocumque fere morbo secuerit, fatetur quod in jugularibus id experiri minime ausus sit, *reformidans* (a) *ne propter illius magnitudinem, & magni trunci vicinitatem non satis cito, neque tuto sanguis cohiberi possit*. Imo *Riolanus Pater*, qui recens a *Botalli* ætate fuit, de Apoplexia locutus in hæc verba prorumpit, *Jugulares ausi sunt quidam secare pro extremo remedio*. Etiam *Fabricius Hildanus*, qui Ophthalmiis, Hemicraniis, cerebrique inflammationibus hanc a se Medicinam cum efficacissimo subsidio sæpius adhibitam esse prædicat in Epistola, quam (b) ad *Doringium* 1614. exaravit, *per paucos tamen Medicos, qui sectionem harum venarum approbarunt, sibi innotuisse* scribit, eamque *periculosam* agnoscit, *nisi expertus affuerit Chirurgus*. Quinimo in scriptis eodem anno editis *Julius Guastavinus* Professor Pisanus, has venas non sine periculo secari posse pronunciat. Ita plerosque ab hoc auxilii genere deterritos fuisse constat, siue quod Jugularium vulnera aliquando læthalia esse observaverint, perpetramque sibi persuaferint idem ex earum sectione eveniturum; Sive potius, quod ut sæpe sit, facta hæc a manu imperita sectio, parum feliciter cesserit, notamque infamiae experimento inusserit. Hoc nimirum usu frequenter venit, ut quod remedii genus ignorantia semel notaverit unius inscitia, dignitati suæ vix restituere queat scientium universa consensus. Ut cumque vero ea res se habuerit olim, nullum est in Historia Medica exemplum, ubi rite peracta sectio aliquid attulerit mali; Imo sæpissime usus ostendit morbis compluribus, atque iis præsertim, qui caput attingunt, nullo modo melius succurri.

XLII. Quod quidem, cui scilicet fundamento innitatur facta in capitis, ac cerebri potissimum morbis Jugularium sectio, tum hujusmodi venarum, tum arteriarum, quarum ope sanguis per cerebrum, ac caput ultro citroque commeat structuram, ex distributione penitus ex Anatomicis delibanti cuique facili Marte elucescit. Enimvero Jugularis vena vel externa est, vel interna: Quarum hæc multo grandior uti eam post *Nicolaum Massam* (c) accuratissime descripsit *Fallopins* (d) licet in Brutis, a quibus harum venarum figuras apud *Vesalium* (e) expressas habemus, contrarium prorsus reperiatur. *Externa* ramusculi extremi ab ore, a faucibus, a facie, ab oculorum tunicis, ab universa denique capitis cute atque musculis nascuntur. *Interna*, quæ multo alius delitescit, quamquam aliquando partibus jam memoratis furculos aliquos impertiat, ad inum cranii recta assurgit; inque *duræ matris* sinus lateralis immergitur. Ita ut jugularis externæ propagines extremæ, arteriæ Carotidis externæ ramis inserantur: Interna itidem Jugularis, ac Carotis interna vasculis duræ matris intervenientibus jungantur, ac confluant. Sæpe etiam vidi utriusque venæ ramos aliquot opposito tramite, externæ scilicet ad ima cranii, internæ ad maxillæ glandulas, ad fauces, atque externas quasque partes deduci; Quod a nemine usque adhuc, præterquam a prælaudato *Fallopio* visum, compertumque ego quidem superioribus annis coram Chirurgis Taurinensibus in Theatro Anatomico, cum ibi jubente, ac annuente Rege Prælectiones Anatomicas, altera vice haberem, attentius hujusmodi venarum distributionem inquirens apertissime ostendi. Jam tum scilicet alte infederat animo hujusmodi auxilii genus ad praxim utiliter revocandum aliquando.

XLIII. Equidem Artis cum sit Naturæ ductum sequi; cumque sanguinis e naribus eruptio (ne extra oleas digredi videar) uti maxime naturale, ita præsentissimum nuper visum fuerit vitæ præsidium; Conspicuum erat in hujusmodi rerum angustiis nihil præsentaneum magis fore, quam easdemmet venas, aut ex eodem derivatas alveo aperire. Quænam autem scalpello tam opportune aderant, quam ipsæ (unde cæteræ omnes per caput dispositæ exoriuntur) *Jugulares*? Sive revellendi, sive derivandi

gratiâ incidi illas opus sit. Utrumque enim horum assequi earundem sectione fas est. Quod sane et si Paradoxum videri queat nonnullis, doctetamen, ac scite admodum recens persolvit Vir doctissimus (f) in aureis de Febris commentariis ad lib. 1. & 3. *Epidem. Hippocratis*. Est namque ubi derivationis loco, ut ubi Revulsionis causa hæc aliquando obtingit secare venas. Quæ quidem vocabula, licet satis antiqua sint, tamen nemo umquam intelligere poterit, nec proinde secandi leges in alterutro genere recte statuere, nisi accesserit accurata de vasorum structura, motuque sanguinis cognitio. Hocque verissimum esse facile agnoscet, qui Scriptorem qualemcumque ante ostensam sanguinis circulationem, atque adeo *Harveii* ætate superiorem perlegerit. Neque alia ratione Saphenæ sectio modo Menses deducit, modo eadem inconsultius facta eosdem potenter suppressit: æque ac medicamenta discutientia, quæ rempestivius adhibita tumorem prorsus dissipant, serius admota excitant, atque attollunt, & in pus demum resolvunt.

XLIV. Derivando equidem magis quam revellendo præstiam nuper ab hisce opem novimus; Usus namque, & ratio ostenderat, prius tundendam fuisse in brachio, aut in alia quapiam parte venam quamlibet, quam Jugulares; Sic enim humorum impetu, atque ardore jam elanguescente enata ad extrema vasorum obstructio revellentibus labefactata levior, tandem negotio derivantibus funditus tolli poterat; Eadem plane ratione ac tumoribus cum inflammatione subortis occurrere Practicis mos est, præmissis scilicet ex alia parte longinquiores revellentibus, antequam derivantia adhibeantur. Hinc in illustri illa historia quam de gravi Oculi dextri inflammatione ad hunc modum sanata narrat memoratus *Hildanus*, primo die vena in brachio dextro secta dicitur, proximo exhibitum Catharticum, tertio demum Jugularis aperta. Eodem fundamento nititur consuetudo illa, qua ingravescente Angina post revellentia felicissimo successu Jugularem internam circa inferioris maxillæ angulum incidimus; Neque enim irrisione tam dignum est, quam *Calio Aureliano* (g) videtur, quod de venis mammariis in eodem morbo secandi scribit *Hippocrates*; (h) Nam & istæ quemadmodum primus docuit *Fallopins* (i) originem aliquando a Jugularibus ducunt.

XLV. Sive autem Jugularis interna sive externa sit, sive temporales, sive aliæ quæpiam hisce affines venæ perinde est. Usus quidem edocuit citius, securiusque rem absolvi apertis Jugularibus, in quas tamquam in communem alveum omnes illæ venulæ exonerantur. Tutius forte etiam, ac citius temporalium arteriarum sectio idem persolveret, propter eum, quo sanguis effunditur, impetum, si modo pleno flumine exiliat. Atqui hæc sectio, ut feliciter cedat, non nihil difficultatis habet; Etiam aliquando cum periculo sit; Quare vix auferim eam in medium asferre, nisi hujus olim *Galenum* meminisse noverim, ejusque absolvendæ modum tradere. Secuisse olim arterias, idque satis frequenter Veteres consuevere; consuetudinemque eam ita apud Ægyptios invaluisse scribit *Alpinus*, ut has illi haud rarius, quam venas scinderent. Nuperrime memini Præclaram Vestalem, cui diuturna Ophthalmia laboranti pleraque passim adhibita fuerant præsidia, nullo aut vix exiguo prorsus levamine, affixis tandem me jubente *Temporibus* hirundinibus mira celeritate restitutam. Harum quippe altera cum sese ita arteriæ Temporum forte fortuna agglutinaverit, ut vix inde auferri posset, plurimum effudit cruoris magno impetu profluentis, quive ægre admodum cohiberi, nec absque magno labore potuit. Huic revellentia quæque, tum cætera Artis subsidia, quorum prolixam seriem ferunt Practici, diu ante usurpata postremo huic præsidio adhibendo illuxere. Nec longe quidem ab hujusmodi auxilii genere abludunt institutæ aliquando in vetustis hujusmodi af-

fecti-

(a) *Curat. per. V. S. cap. 40.*

(b) *Cen. 4. 14.*

(c) *Introd. Anat. 63.*

(d) *Observ. Anat.*

(e) *Lib. 3. 7.*

(f) *Jo. Freind. pag. 23. comment. 2.*

(g) *Lib. 3. 4.*

(h) *De Morbis 3. 11.*

(i) *Observ. Anat.*

sectibus scarificationes juxta ima, atque ad eorundemmet oculorum latera, tum prope summitatem Nasi, qua ejusdem vena ignoto plerisque tramite pergit. Antiquissimum id erat praesidiigenus, cujus ratio & modus unam habent universalem causam, nempe ut pars, cui insiguntur, exoneretur. Venulae quippe plures vix conspicuae sub universa cute feruntur, quae hoc more sectae celerem aliquando operam praestitere, quam vix sperare erat ab alia quapiam majoris venae sectione; Sive quod illae arteriarum finibus propiores sint, sive quod arteriolae pariter, quibus summa instructa refertaque cutis est, una invicem scindantur, incidanturque; sive quod ibidem, in exilibus nempe vasorum meatibus, ac prope eorundem fines lentescere primo incipit cruor, dirarum hinc saepe agnitionum ortus, ac incunabula. Quoad administrandi modum, duplex is est apud *Oribasium*; vel enim *Cata Phlighin* fit, idest verberatim, & punctim, vel *Cata Sirmon* h. e. pertractum, & caesum, qui postremus modus magis in usu *Italae* est. Atque hac quidem ad Aequinoctium usque gesta.

XLVI. Haud laetiora minus extiterant initia Veris. Orientales namque, ac Boreales invicem diu ludentes venti ad aliquot dies adhuc dire perflarunt, silente tum temporis, suaeque in claustra recepto Austro. Erupit is tandem leviter, perque totum deinde quod supererat Veris reliquum, ac Aestatem mitissimo flamine perspiravit, ruente vicissim per intervalla Borea, cujus gelido afflatu saepe repente visa recurrere media Aestate hyems. Consuetudo hinc nivali vellere defraudata tellus, inopes aquis fontes, infesta praematurae rubiginis vestigia, magna ubique siccitas, ac perturbatio rerum. Rupicapras ipsas, quae silvestris, & montana Fera est, summa Alpium fastigia perpetuo inhabitans specie ac mole vulgaris Caprae, sed paulo celsior cruribus, quam esse solet caprinum genus, per subjectam planitiem excurrere assertum propter inopiam lympharum. In animalis hujus ventriculo reperiuntur saepenumero globuli quidam adeo cardiaci, & alexicaci, ut lapides Bezoardicos virtutibus longe antecellant, si credimus *Velschio*, qui peculiarem de iis scripsit tractatum titulo de *Aegagropilis*. Saepem quidem Aprili mense exigua visa pluvia, at quae vix Colonorum votis sufficeret; Quo usque tandem Majo uberius pluit, novaque, ac laetiora rebus affulsit spes. Kalendis Junii hora quarta circiter pomeridiana, nitrido existente Caelo, Sol visus extemplo coloris fere cuprei, quo usque occiderit penitus; Sequenti die ater idem praeluxit ad octavam usque horam circiter; Mox fragores auditi protinus, ac horrendis tonitribus circumfremere, ceu disruptis nubibus Caelum. Aestas hinc temperata successit, ac laetissima prorsus si procellis commota minus extitisset, aut furentium ventorum immodicis flatibus. Numquam enim majoribus grumis grandinare perspectum, frequenterque adeo ab omni parte Caeli emicare repente fulgura, nunc intermittente luce, nunc condita. Saepem etiam fulmina cecidisse visa, hucque ac illuc ludendo prorumpere. Appetente Autumno Grues ingenti exercitu aera ad plures dies obumbrarunt. Ferri autem haec videbantur magnis itineribus ab Oriente ad Occidentem, sublime editaeque admodum, ac cum silentio volantes, quod serenitatem praefagire ajunt, secus ac si obstreperis vocibus frequentiores susurros excitent. Pulchrum erat integras cohortes cernere modo in cornua divisas, modo in unum collectas triangulum efficere circummeunte Duce, ceu exercitus praeside, ac Rectore. Visa & Avis quaedam Subalpinis ignota, subnigra rostro, subrubra pectore, subflava alis, subviridis pede, mole Turturis instar, *Garrulus Boemicus* dicta *Gesnero*, de quo mira scribunt, tam quoad internam viscerum constitutionem, quam quoad ingenium; Rectius forte *Rubicella*, seu *Pyrrhula*, aut *Ampelides Aldrovandi*. Serius quam olim adveniant Hirundines, tum serius etiam discessere. Infecta quod attinet, horum numerosam adeo extitisse progeniem haud meminimus unquam, ac eorum praesertim, quae *Coleoptera*, seu *vaginapennia* nuncupantur, quod alas suas velut in vagina recondant; Haec inter novum quoddam spectatum animalculum albis nigrisque maculis tam pulchre variegatum, ut Vestem Damascenam Phrygia acu intertextam jures.

Medio Vere, cum florescere primum coepit frumentum secundarium, (*Secale* vocant Nostrates,) summo illud mane exoriri, perque aera vehi denso examine visum; Vespere dein sese super spicae ferta colligere, ac mori infesto prorsus aculeo; Haec namque cernere sequenti mane exulta prorsus, ac fere absumpta. Odore teterrimum aderat; Forte *Scarabeus minimus*, seu *Fullo Carletoni*, si molem, ac vestem vario artificio fulgentem spectamus: *Ephemeris* vero species potius, si vitae illius brevitate respicimus. Erucarum ac Bruchorum magna soboles; velox interitus, ut & animalculi cujusdam vitibus summe infesti, *Italae Taliadizzo*, Graecis *Ips*, ab *Ipto*, i. e. *Blapto*, *Noceo*; Quia proprium ejus est in vitibus versari easque erodere; Hinc vini proventus modicus, cui tamen tum aeris forte, tum ventorum saevities, ac inclementia haud parum tulit. Vix paucae per Aestatem obstrepere audita Cicadae. Subdulce mel, & subaquosum. Faeni exigua perceptio; Serici haud ingens; Copiosior Tritici. Hocce in horreis collecto sobolescere visa infecta quaedam non alata illius summitates diro spiculo depascentia instar Teredinis. Toto deliquit anno Mercurius, nec unquam visus ultra 20. lineam ascendere, ceu constitutam sibi metam, ultra quam pergere vetitum.

XLVII. Ad Morbos venio, qui reliquo hocce anni decursu subluserant. Hos inter Variolae visae extemplo, adque primos Ventorum Meridionalium afflatus proludere, perque universum agrum errantis in morem huc illuc divagari, haud exiguo percussis timore Civibus, eam nempe, quam haec superioribus annis ediderant cladem, adhuc dum animo expendentibus. Vix auferant illae tamen Suburbia ipsa, nedum Urbem attingere. Citius etiam quam credebatur, se se subduxerant; Nec dirae adeo, atrocesque, cujusmodi extiterant olim. Insolentius quidem intra Urbis moenia debacchabantur recens ortae aegritudines, quae sane etsi diversae ab iis primo intuitu viderentur nonnullis, quae exacta hyeme, ac Autumno saevierunt, haud ab simile tamen ingenium, irascendique morem praebere; Quod rem attentius consideranti facile erat decernere. Enim vero vix mitior arriserat Veris Constitutio; Vix leniores perflaverant Venti, ut illico erumpere visae foras pleno velut agmine Pleuritides, rectius forte *Peripneumoniae*, atque una simul ruere iis comites assidue febres, ardentesque. Saepem etiam caput attollere videbantur Erysipelata, hosque ac illos indiscriminatum laceessere, at ludentis instar potius: Aut enim praeludere haec exaratis affectibus, aut iis obsequi magis, quam sibi quidquam addicere, perspicuum erat. Lusus illa revera aderant, quibus morbifica huc illuc pergens materies, aut jam forte vitalia claustra obsidens, etiamnum incautiores fefellerat. Praecipue enim hosce inter rerum fluctus metuendum erat de vitali Theatro, ubi dein ceu ablato Sipario postremis plerumque ludebatur Tragediae Actus. Id unum solerti prudentique Viro praevidendum erat, ac totis viribus enitendum maxime, ne fracto aggere ad pectus illaberetur errabunda materies, vel illabens illa, aut jam fortasse elapsa, quam citissime illinc revocaretur. Haec Medico erant artes, quae vindicanda, ac servanda erat res.

XLVIII. Et sane de iis tuendis potissimum partibus agebatur, a quibus prima vitae flamina proficiscuntur. Huc tota Belli moles incuberat; Huc pugnae locus, huc praelii campus, huc denique rerum summa gerebatur, heu funesto plerumque exitu. Numquam frequentiores obviae vomicae, ac dira pectoris mala. Quodve mirare magis, cernere erat haud paucis vomicae penae ex abrupto sese prodere nulla proludente febre, aut alio quopiam signo, quod saepe latens intra praecordia quidpiam praenunciare solet. Nonnullis vix una, ac altera febris accessio praecessit. Plerisque anxietas maxima, febris acuta, Tussis, saepe etiam dolor lateris punctorius, pulsus mollis, velox, ac inaequalis, praecalidus spiritus, seu ingens inspirando fervor, sputa per initia liquidiora, cruenta, foeda, lingua urens, tutata alvus, sanguinis stillae e naribus extremorum frigus. Haec prior mali Scena, cui nisi initio statim occurrebatur, inevitabile erat inducto velociter Sphacelo fatum; Saepem hinc congesto in parte aliqua pectoris pure, Vomica tandem in apertum suo tempore prodibat felici plerumque omine,

ne. Quamplures hac via per æstatem læta suppuratione evaserunt.

XLIX. Atque hinc luce meridiana clarius patet, quam falso Pleuritidis nomine id mali genus tum temporis indigaretur. Siquidem nec *Tussis*, nec *sputorum excreatio* inter signa, quibus secernitur Pleuritis, recensenda minime veniant, quæ potius ad alium morbum huicque in multis dissimilem *Peripneumoniæ* nimirum pertinent. Mirabar ego Celebriores Viros in hunc errorem incidisse, hancque pectoris ægritudinem, quæ nihil commune habebat cum Pleuritico affectu, Pleuritidem nullo discrimine appellitari. Hinc tot auditæ per Urbem sævire Pleuritides, quæ æquiore jure Peripneumoniæ dici debuerant. Aderat & perennis altera, ac constans harum nota, quæ nullo modo Pleuritidi umquam competit: *Magnus scilicet in spirando æstus*, ob turbatiorem ac magis festinatam respirationem, oppressis magno onere Pulmonibus. Scio inventa Practicis vocabula quædam, quibus id ipsum explicant; Ast si fas est, quid ipse sentiam, aperte dicere, asyla hæc potius sunt ignorantia Medicorum, atque eorum quidem, qui, ut recte olim ajebat *Verulamius*, *fiunt simul, creduntque; Neque umquam nobiliores animos erexere*. Quantum vero conferat in re Medica præsertim rem unam ab alia secernere; Quantum inde Artis laudis, ægris emolumentum accedat, nemo non videt? Legitur apud *Dodoneum* historia Peripneumoniæ popularis, quæ tunc temporis, annis nempe 1557., & 1565. grassata est, huic nostræ haud absimilis: Atque is quidem ad extremum narratiunculam suam sic claudit, quod scilicet *morbum hunc non Pleuritidem, sed Peripneumoniæ fuisse mortuorum corporum disseffiones coram ostenderant*; & hoc utique innuere modeste videtur Vir Doct. Medicorum sui temporis errorem, qui forte de eo tamquam de Pleuritico affectu judicium fecerant.

L. Nec difficile quidem erat conjicere, vel ab ipso unice pulsus nihil hujusmodi ægritudinem affine habere prorsum cum ea, quæ a Pleuræ inflammatione oritur, etsi *Tussis* adfuerit, ac dolor lateris punctorius. Numquam enim aut saltem compertam paucis memini pulsum duritiem; quod quidem ultimum inter proprietatis notas malim reponere, quæ Pleuritidi conveniunt, quam cum *Galeno* *Tussim*. Cujus sane sententiam uti sæpius data opera aspernari, & respuere hominis esset valde arrogantis, ita in omnibus sequi velle, superstitiosus est. Neque enim Authores in Medicina facienda, sed rationis momenta quærenda sunt. Confusa hinc ac implicata, & a veteribus, & a recentioribus tradita huc usque est utriusque hujus morbi descriptio. Etenim si veterum scripta perlegimus, hi quidem eos inter se distinguere scribunt, sed easdem utique notas affigant; Idque facile animadvertere licet, quod quæ apud illos de Pleuritidis caractere habentur, ad Peripneumonia meliore jure referenda sint. Recentiorum vero plerique vix ullum inter hos morbos discrimen ponunt, gradu tantum dissimiles esse volunt. Nonnulli etiam Pleuritidem dari haud contendunt, quæ Peripneumoniæ non habuerit conjunctam, ac vicissim inflammari haud posse Pulmones, in fonte Pleuræ; Quod tamen & ratio, & historia Medica falsum ostendunt. Multa namque Pleuriticorum cadavera secta sunt, in quibus Pleura corrupta integro Pulmone reperta est; Secus quidem, si una cum inflammatione Pleuræ vitium quoque in Pulmonibus, sive quod idem redit, Peripneumonia adfuerunt; cujus utique, ut quæ toties dicta sunt, iterum repetam, cujus inquam propria, minime eminentia signa sunt una cum acuta febre *Pulmonum gravitas*, *Tussis*, *sputorum excreatio*, atque *ingens in spirando fervor*; Illius vero, Pleuritidis nempe, *anhelitus difficilis*, *pulsus durities* (Quod caput est maximum,) *Febris*, *pungensque ac vehemens lateris assiduus dolor*. Equidem nedum magna, sed omnis, ut ita loquar, Medicis lux ab Arte Anatomica petenda est, qua morborum plurimorum, & proprias Sedes eruere, & signa legitima secernere queant. Eam ob causam factum atbitror, ut *Celsus* elegantissimam illam humani corporis descriptionem curandi præceptis inferuerit: Utque eadem vestigia persecutus breve quoddam de partium structura commentariolum morborum Historiis præmiserit *Arætanus*.

LI. Et sanctota hinc, ausim dicere, pendet curandi Ars: Ut enim in Pleuritide liberior sanguinis extractio sola sæpe absque alio quopiam subsidio morbum absolvit; & hæc quidem, at majori circumspectione instituenda, in inflammatione Pulmonum est, cui oleosa omnia, quæve ad sputa elicienda idonea habentur, suum & quoque calculum ferunt; potiore, quam in Pleuritide vera. Exemplo est *Anaxion*, cui haud veritus est *Hippocrates* magna sui laude octavo die sanguinem mittere, de remediis, quæ sputa extruderent parum sollicitus. Quamquam enim nomen morbi in hac memorabili Historia reticeatur, haud difficile tamen est illum pro germana Pleuritide agnoscere. Est quid utique revera *Divinum* in Peripneumonia, quod numquam, ut raro in Pleuritide occurrit. Etenim intra parietes Pleuræ arteriolæ multæ a ramo intercostali deductæ effunduntur, quæ levi sæpe de causa nimium distentæ obstrui solent, inflammationemque pariunt; Ast Peripneumoniæ quod attinet, hujus sæpe numero parens extitit, qui idem

graves morbos mortalibus affert multimode.

LII. *Nec vana loquor*: Eadem namque, quæ superiore Autumno, ac exacta nuper hyeme eas induxit ægritudines, quas superius retuli, ipsa eadem adhuc dum vlgens causa hujusmodi Peripneumonias Vere ortas, perque Æstatem dein late sævientes intulit, quæ plerisque in Vomicae haud inauspicato desiere. Is namque unicus aderat mali exitus, in quo nonnulla saltem posita spes erat adhuc. Curiosum erat processum omnem morbi in suppurationem abeuntis adnotare, cum scilicet inflammatoria materies ab ipsa met Natura resolvi non potens, nec Arte emendari, blandior tamen, stagnans eadem, calens, pulsaque, coercentia latera extendendo, vel rodendo abscessum vomicaeve formabat. Futurum id clarissimo argumento declarabat ipsa morbi indoles satis quidem acris, nec tamen acerrimi, tum minime superata adhuc fera symptomata, quodque potissimum aderat, sputa liquidiora, nec criticis diebus evacuata per ordinem, qui sanationem doceret. Fieri autem jam prope abscessum ostendebant leves, vagæ, sæpe repetentes, sine manifesta causa horripilationes, stillæ sanguinis e naso, genarum rubor, sitis, pulsus debilis, ac mollis, febricula; Quibus, formato dein tumore, seu abscessu, *Tussis* una aderat comes pertinax, sicca, ad partum, motumve aucta; respiratio difficilis, parva, anhelosa, strepens; decubitus in affectum latus tolerabilis; sudor nocturnus, maxime circa jugulum, & frontem; urina spumosa; pallor, macies, debilitas summa. Proxime hinc impendebat tumoris disruptio, cui aut imminenti prope, aut sæpe etiam sub ipso disruptionis puncto, ac temporis articulo, præludebant deliquia,urbationes alvi, stertor, hæmorrhagia narium, suppressa penitus sputa, moxque uberiore eadem copiaeducta sanie commixta, fœda, teterrima, Sæpe purulenta jam facta materies repente intra pulmonales venulas resorpta, ac sanguini permixta alio ferebatur, ceu Præclaro Juveni contigit decumbenti ad *Portam Eridani*, quem ortus inopinato ad sinistram aurem abscessus extremo, quod prope aderat, eripuit fato. Quotquot in cava Thoracis, inque Mediastini dilatata vacua abiisse illam, aut ad hepar verti novimus, omnes periire.

LIII. Una scilicet spes salutis erat, si disrupto abscessu sputa bonis avibus ejiciebantur, suasque illa Phases, ac mutationes obibant *Practicis* notas. Haud paucos hac via servatos memini, quorum exempla aliquot hoc in loco perscribere haud puto alienum.

Æger Primus.

Comes juxta Templum *Divi Francisci de Paula*, temperamentum atro sanguinei, habitus strigosi, adque bilem generandam, ut ajebat *Hippocr.*, idoneus, medio Vere acuta febre corripitur cum dolore lateris punctorio, *Tussi*, *gravitate Pulmonum*, pulsu celeri, elato, valido. Idem superiore hyeme diro in facie Erysipelate laboraverat. Sæpe etiam olim Pleuritide vexari consueverat, initio Veris. Postridie exacerbata sunt omnia; ferus magis doloris sensus; intensior febris, sitis magna, pulsus duriusculus. Quarto stillæ sanguinis e naso; turbata leviter alvus; Urinæ subrubræ, atque suspensum in iis quid-

piam;

piam; Somnus nullus; Sputa liquida, pauca; Summa corporis per intervalla frigida. Haftenus ad quatuor vices secta in cubito vena. Quinto Clarissimum Virorum sententia nova imperatur Sanguinis missio, ac dein lenis exhibita portio ex Manna. Vespere calor vehementius excanduit; Parum adhuc Sanguinis e naso profluxit. Spiratio magis difficilis, pulsus velocior. Iterum ex brachio missus est Sanguis ad uncias decem. Sexto lateris quidem dolor cessavit, ac fere ex toto evanuit; at saevior adfuit Tussis, magisque corporis jactatio; Multa per alvum demisit biliosa. Septimo moleste magis habuit, nam & intendi magis febris, & infestare Tussis, & spiratio ingravescere visa. Conclamata prope res erat gravi præludente stertore; Tum quidem novus repente obortus horror, commotaque sponte alvus, ac pene sub idem tempus copiosus ex utraque nare effusus sanguis spem fecit lætius quidpiam hosce inter tumultus rerum elucescere. Exhibita sunt e vestigio cardiaca, oleosa, sputum moventia, inter quæ ego floribus Belzoin palmam defero; Paulo post multa cœpit, & concocta expuere. Allevatus est. Undecimo Sputa faciliore conatu eliciebantur; lenior febris; Turbata adhuc dum alvus ter, quaterque per diem concreta pauca demittebat probæ indolis. Sæpe etiam per vices a disrupto abscessu Sanguis visus e naribus proflire ad aliquot uncias. Victu tenui utebatur, potu melleo, *hydromelli* vocant Græci, quod liquoris genus est ex purissima aqua, & melle temperatum. Decimo quarto remissa penitus omnia; In urinis alba; multa subsidebant; Sine siti erat. Bene spirans. Trigesimo quarto absoluta prorsus suppuratio est felicissime. Sæpe per id temporis accendi iterum visa febris, ac excandescere magis Tussis, at cito id, aut uberiore urinæ profluvio, aut commota alvo, aut sputo liberius elicitom omnino evanescebat. Forte id etiam exigui alterius formati tumoris; aut alterius exiguæ vomicæ extemplo disruptæ præludium aderat. Vix paucis obrigit septimo die læto omine prodisse vomicam, perque totum morbi decursum assiduo lusu Sanguinem e naribus profluxisse, ac una simul turbari repente alvum; quæ quidem omnia amplissimam præbent contemplationum segetem, quo nihil Arti majoris compendii extitit unquam, ac præstantius idem.

Ager Secundus.

Sacerdos *Congregationis Oratorii Divi Phil. Nerii*, cui flaccidi diu pulmones, ac sæpe morbis conflictati, tum prope imminens senectus, ex febris tertiana duplici appetente Æstate decubuit. Comes huic aderant sputa improba, pulmonum gravitas; pulsus intermittens, ac leves animi per intervalla defectiones. Opem illi initio tulerat Pater meus; Atqui cum ipse paucis post diebus ab Urbe abesse coactus foret, gravioribus curis distractus; Ægri tutela mihi relicta est. Cumque omnia sedulo, ac diligenter expenderim, erupturam prope diem vomicam ægotanti, ac adstantibus detuli. Die sequenti cum summo mane ægotantem inviserem; disrupti noctu abscessus notam prætulit sputum sanie permixtum, tetrum olens, copiosum. Ipse media circiter nocte quid insolens perferat sub imo pectore, ac pene animam agere visus; Diu ante incerti doloris vestigia in utroque Thoracis latere occurrerant, quibus una sicca, ac fera admodum Tussis proluserat. Selectioribus balsamicis, Traumaticis, Rhypticis in usum adhibitis rite peracta res est, ac omnis rescissa penitus mali origo.

Ager Tertius.

Reverendissimus Abbas *Congregationis Reformatae Divi Bernardi*, gravi olim Orthopnæa diu detentus, ex aliquot dierum itinere, cum saeviusquam unquam perflaret Boreas, in febrem acutam incidit una cum magna spirandi difficultate, Tussi, dolore lateris punctorio, pulsu languido, ac inæquali. Mox intensius adaucta febris; Spiratio ingravescebat magis; Facies, oculique, emortui hominis instar; Mens emota; Sputa liquidiora, viscida modo, ac cruentis linteis interstincta; Urinæ per initia tenues, nihil subsi-

dentes, copiosæ. Brevi ad extremum redacta erat res. Decimo quarto subitæ defectiones animi, vacillans pulsus, frigida repente extrema, prope erupturæ Vomica præluserant; Prodire mox visa puris instar, graveolentia exiguo conatu, fœda. Septimo & vigesimo obstricta dudum alvus biliosis multis perturbata est, nec pauco tempore talia multa processere; In totum autem tum febris reliquerat, tum sputorum excreatio lætissime desit. Cruenti quidpiam ab hæmorrhoidalibus venis sub morbi decursu effluxit. Secta bis initio in cubito vena, mox altera vice in pede; Hirudines quoque ano affixæ semel; Disrupto tandem apostemate appropriatis remediis opitulatum.

Ager Quartus.

Pistorem prope *Portam Urbis Victoriam*, an potius *Victorialem*; Per illam namque INVICTISSIMUS REX, una cum EUGENIO PRINCIPE, ac cæteris fœderati Exercitus Ducibus Urbem memoranda illa die ingressus est, qua fractis, & profligatis Hostibus oblesam trium mensium obsidione Civitatem solvit, Italiæ libertatem asseruit, Europæ securitatem restituit; Pistorem inquam febris acutaprehendit cum dolore lateris punctorio ad dextrum usque Hypochondrium, ac Regionem umbilicalem propagato. Magna abdominis tensio, ac totius corporis lassitudo; Facies mox ab initio subfusca fere, pulsus humilis, mœrentes oculi, respiratio gravis, anhelosa, difficilis. Quarto mitior dolor, pulsus intermittens; commota alvus; Urinæ flagrantæ; Sputa pauca, subflava, improba; Nox laboriosa. Septimo delinquens per intervalla e vestigio pulsus, vacillans idem, vix elatus; Paucus sudor circa caput prodiit; Nihil ab alvo deiecit. Nonio sudore per totum corpus diffuso læta sputorum excreatio obrigit, quæ ad vigesimum usque diem proba expurgatione perdurarunt. Huic ob virium jacturam, cujus certissimus index erat pulsus humilis prope, deficiensque, semel tantum parca dosi missus fuit sanguis e brachio. Utramque tutius paginam implere Cardiaca, Balsamici, Traumatica. Magnam præstitit opem in principio Morbi Theriaca cum vino exhibita, tum quandoque etiam una cum aqua Scabiosæ, ac Syrupode Papavere erratico; Hoc enim more cocta magis sputa liberiore via ex pulmone prodierant; Valentior itidem pulsus, ac validiores vires rediere. Vesicantia quoque bina admota humeris, fots, moxque ab effracto apostemate Rhyptica, abluentia, consolidantia feliciter usurpata, inter quæ Terebinthinata quæque, ac balsamica cætera principem locum obtinent.

Ager Quintus.

Olitoris Uxor juxta *Hortos Regios* decumbens fœda per hyemem scabie longo intervallo vexata, medio Vere febris acuta ex levi occasione corripitur cum rigore, ac dolore Capitis, anhelitu difficili, cui postridie sese una comitem addidit Tussis, sitis, ac dextro Pectoris latere per vices repetens. Tertio die febris rediit, mox dirior Tussis, abjectus omnino pulsus, sputa atro colore prædita, pauca eadem, ac summe viscida. Vespere sincerus ex dextra nare exigua copia sanguis effluxit; Alvus autem stercora probe demisit. Quarto rigor reperiit, sopore aliquantulum detinebatur; Biliosa, flava, multa vomitione rejecit, paulumque intermittens, virulenta; Pulsus debiliior, ac inæqualis; Facies ab ipso morbi exordio vultuosa; Sputa liquida; Vires abjectæ prorsus. Refici hæc visæ sensim, ac recreari, atque una simul erigi pulsus, sputaque uberius ac probe elici, exhilarari vultus ab exhibita per vices Theriaca in aqua e roto Citro, aut Scabiosæ una cum modica dosi hircini sanguinis. Gemina quoque admota Tibiis vesicantia. Undecimo febris reliquit penitus. Trigesimo quarto exigua iterum præludente febre, ingenti oris salivatione correpta est, magna diu noctuque exundante feri copia, tenuis, fœtidi, acescentis. Quod quidem postremum repurgato corpore, tum sero lactis distillato ad aliquot dies præscripto in totum desit. Huic Genitrix septuagenario major, ac Soror aderat natu minor, occulto utraque cancro pectoris dudum vexata.

Ager Sextus.

Alteram ex abortivo fœtu circiter quintum mensem febris acuta corripuit cum exiguo horroris sensu, lumborum dolore, & gravitate capitis. Tercio inaugebantur magis dolores. Respiratio difficilis aderat, pulsus debilis, extremitates frigidae, intus exæstuans, jactabunda, urens. Quinto sudor paucus circa caput, ac summum pectus dimanavit: Per vices visa delirare, confestimque rursus ad intelligentiam redire; Sputa sublivida; Urinæ paucæ, tenues, nigrescentes. Septimo sub tempus matutinum e vivis migravit. Alvus huic per totum morbum recrementis multis, crudis, ac tenuibus fluxit.

Ager Septimus.

Faber Ferrarius Athletici habitus prope *Xenodochium Charitatis* ex febris assidua decubuit cum dolore lateri gravativo, Tussi, pulsu vix elato, inæquali. Sputa per initia liquida, cruenta, pauca; Respiratio laboriosa; Oculi micantes; Facies atro colore suffusa; Siticulosus; Insomnis. Tercio extrema livida fere; & frigida; Præcordiorum contentio submollis utrinque; Pulsus prope deficiens. Quarto mens perturbata fuit, aliquantulum insudavit. Multa per alvum deiecit improba. Quinto obiit. Aperto cadavere præduros pulmones Hepati substantia, ac colore consimiles interfecto, e quibus purulentus, atque humor prodibat graveolens. Plures insuper intra cordis delubra exigui Polypi occurrerant, atque horum alter prolixus admodum in pulmonali arteria, perque illius ramificationes, ac majores truncos eleganter dispositus. Mirum sane, (quodque idem maxime lentescens liquidum, tum solidi haud amplius in proprios systalticos nifus confurgere potentis argumentum extitit;) Ut tam exiguo tempore tanta pulmonibus labes accesserit, tam cito hi suppurari, atque hinc intra horum sinum, ac profundiores recessus tanta congeri potuerit, fœda, ac purulenta materies! Hujusmodi exempla præter multa, quæ a nobis afferri possent, sexto videlicet, septimo, non die denatorum, in quorum cadaveribus pulmones sanie undique scatentes reperti sunt, legere est apud *Bonetum Anat. Pract. l. 2. c. 4. Ballonium, Riolanum, Hollerium, Zacutum, &c.* Idem quoque in cadavere Illustris Viri Ludovici Gonzagæ sexto morbi die defuncti observasse refert *Cardanus (a)*, cui nempe omnia vasa pulmonis ex triplici genere, magis tamen asperæ arteriæ rami erant pleni sanie simili lacti, adeo ut nullus adesset prorsus sanguis. Plerisque horum, qui celeri adeo fato sublati sunt, nigroris una simul vestigia conspiciebantur, imminens illa, aut forte jam facti Sphaceli proluvia. Conjicere autem erat prope adesse id a doloris carentia, aut minus exquisito illius sensu, quod quidem utrumque Sapientes numquam fefellit.

LIV. Neque id sane arduum conceptum est, ut una simul suppurationis, ac Sphaceli indicia accurrerint. Nec illa iis prorsus habenda fides, qui, ut id ipsum concipi queat, minime docti, hujusmodi nigroris, seu Sphaceli notas in pulmonibus obvias, cadaveris corruptelæ adscribendas malunt. Cum namque ejusmodi nigroris vestigia in omnibus passim haud reperiuntur? Cur in pulmonibus illa potius, quam in intestinis, quæ ob fæcum colluviem citius quam ulla alia pars corrumpi, ac in Sphacelum abire debuerint? Cur denique in uno tantum, aut altero pulmonis lobo, reliqua illius parte insorte penitus, ac integra? Equidem mali hinc potius culpanda sævities, & suppurationem, & Sphacelum inducere celeriter apti, ut præclare idem explicat laudatus *Ballonius Epid. & Ephem. lib. 2. pag. 165.* Inclytæ Regiæ Joannæ exemplum afferens, quæ sexto die defuncta est, inque illius cadavere pulmones una simul multa sanie plenos, ac Sphacelo obritos deprehendit.

LV. Isque aderat omnis sævientis morbi processus, quem quidem dum mihi adhuc ob oculos pono, ac mecum tacita cogitatione perpendo, præclare video, tum luce meridiana perspicuum magis elucet,

quam opportunum fuerit labentem hæc inter discrimina Naturam erigere, tueri, vindicare; Quam ex adverso periculosa plenum opus alexæ diversam ab hoc tramite viam insistere. Nullus hic enim sudorificis locus, aut catharticus, cum maxime in præcipiti res erat; Quinimo ipsamet caute adhibenda remedia, quæ recreandis, confirmandisque viribus dirigebantur. Quot quidem recensere ego possem e medio sublato, quos hisce artibus, atque adminiculis servari posse evidens erat, ac plane conspicuum; Si modo in doctum ac prudentem Medicum incidissent? Quot *Orco* dedit præceptum unius hominis audacia, qui eo temeritatis evasit, ut indiscriminatim singulis decantatum quoddam sudorificum in ejusmodi pectoris ægitudinibus exhiberet, ceu Polychrestum, ac Divinum prope auxilium? Oh quam perutile foret Reipublicæ hujusmodi pestiferam hominum sobolem de humano Corio impune ludentium proscribere! Oh quam miseris ægrotantibus proficuum in solertis ac probi Viri manus devenire! Quantum vero expediat Medico, quæ exhibenda sunt remedia, mature expendere, eaque pro morborum indole, atque ingenio Exploratoris instar discernere; Ipse Peruvianus Cortex, ut de hoc uno loquar, ostendit. Is namque, qui superiore anno voto feliciter respondit, *Cane* modo peior, & *Angue*, fugiendus nedum in exaratis sævientibus pectoris affectibus erat, sed & in cæteris fere, tum potissimum in ipsis, quæ mox Autumno præluserant, quæve dein toto decursu anni sævierant passim, febribus; Evidenti quidem indicio, stimulo magis, quam fræno opus esse, secus ac præterito anno, quo tota humoralis massa ad orgasmum heu prona nimis, ac *nescia stare loco*, coercenda erat potius, ac ceu injecto compede sua intra fines, ac limites, ne diffugeret illa prorsus, compescenda, quod quidem mire utique præstare potens est memoratus Cortex, ut Doct. Viri adnotarunt. Eandem ob causam pariter vesicantia, quæ superiore Anno noxia valde extiterant, ac nefasta prorsus, haud exiguum hoc labente anno ægrotantibus opem attulere; Ut & sanguinis missio, quam prope dixerim princeps potissimumque extitisse in hac Constitutione præsidium, ut superius ostendi. Equidem ut apud Geometras *curvum* norma sæpe est ac regula recti; fas est exinde decernere, quibus in morbis proficua sit, quibus e contra noxia venæ sectio, tum vesicantia, ac cætera quæque consueta Artis præsidia. Profecto si ab *Hippocratis* ævo ad hæc usque tempora hisce vestigiis institissent Medici, optatæ perfectionis apicem jam dudum attigisset Ars, quæ conjecturis & adhuc jure merito fœta illis videtur, qui haud sciunt errores non Artis esse, sed Artificum.

LVI. Omne scilicet, ut ad exaratas pectoris ægitudines me conferam, intra Thoracis claustra intime latebat malum; Quod quidem, si Erysipelatis morem incrementa, exitum, quibus id ipsum sese perspicuum præbet aliquando, ac recens præbuit, attentius expendimus, ac utrumque horum invicem comparamus, nihil omnino diversum, ac discrepans reperimus; Quinimo fateri opus est ejusmodi exaratas pectoris ægitudines nil aliud revera esse, quam *Erysipelata Pulmonum*, quæ in gangrænam dein, aut suppurationem, aut in utramque tendebant. Febrim quod attinet, ejusdem hæc ipsa erat indolis, ingenique, ac illa, quam jam tum comitem sibi adsciverant Erysipelata superiore Autumno orta. *Crymodem* vocabat *Aetius*, ut eam ab *Thyphode*, ac *Lypiria* discerneret, quæ obfesso Erysipelate hepate, aut ventriculo oritur. Ut autem ad pectus potius, quam ad aliam quamlibet partem præcipiti gradu rueret morbifica materies, ibidemque phlegmonis modo, modo Systrophes, aut abscesso more subluderet, totque diras adeo ægitudines gigneret, haud abstrusa res est intellectu. Quandoquidem huc, qui per universum corpus perenni lege fertur cruor, totus pleno alveo pertransit: Huc miriplicatis generis vasorum textura præclaro invicem ordine ludentium conspicitur; Huc denique aeris laterationes quotquot effingere, aut cogitare animo quispiam potest, vestigia sui relinquunt. Hinc solidis, ac liquidis propagata labes; hinc Phlegmona, hinc Systrophes, hinc enati ad pectus abscessus, quarum ægitudinum parentem causam lubet ab aere ipso deducere.

LVII. Et

(a) *De Providentia ex anni Constit. pag. 1052.*

LVII. Et sane ut is *acrioribus moleculis* dives superioribus annis, cum assidue adeo perflarent Austri, ad fluorem liquida coegit, ac dire admodum si quis umquam, adversus solida sese præbuit, eadem crispando, vellicando, erodendo, ut tot palam fecere spasmodicæ affectiones, quæ tum temporis immaniter populabantur: Ut idem *subacidis, ac nitrosis Salibus* onustus, quas Boreas vehit, eadem sæpe liquida ad fixitatem deducit; nec solidis parcens ea a proprio sui elatere cogit recedere, inque sistalticas reflexiones abripi haud sinit amplius; Nam vicissim ruentibus Austro, ac Borea, cujusmodi hæc ipsa extitit labentis anni Constitutio, *neutrum* quidpiam corrumpere aptum, ac figere abs re foret excogitare *salinum principium*; quo in aere ludente hæc intulerit ægriitudines, tum a fixitate, ac *stasi* liquidorum, tum a putrefactiva eorumdem, ac solidorum unavice conspirantium labe pendentes? Quot enim ludere in mores salia novimus? Quot illa formas induere? In quot se se larvas effingere? Quis omnes horum species recensuit umquam, *quot nec Proteus quidem lufit, nec coloratus spectatur Camaleon*? Quis intimiora hujusmodi Naturæ abdita penetravit? Ut acidum, austerum, acre, & sexcenta alia in Sanguine latent inconspicua, ita in aere innumera ludunt, quæ homines *multimode* afficiunt, ac tot diversa inferunt mala. Equidem in ejusmodi rerum trepidatione, totque inter ventorum oppositos flatus æquum erat internoscere insolitum aliquid *per athera inane ferri*, quo semel affecta liquida, ac solida fixitatem illa, hæc labem, utraque necrosin, ac gangrænam susciperent.

LVIII. Ejusmodi itaque exoticis salibus imbutus aer obvium quidquid, ac suscipiendæ labi aptum magis inficit, ac lædit. Quæ quidem salia cum diversæ adessent naturæ, diversas quoque affectiones induxerant *Phlegmona* nempe, *Systrophes*, *Sphacelos*, *Apostemata*, prout figendo, & erodendo apta, aut horum alterum, aut utrumque sæpe pepererant. Numquam autem Sphacelo oblita ulla visa pars, quin huic inducta in liquidis stasis proluserit, ortumque dederit, ac incrementum. Num vero exitiales ejusmodi moleculæ ab spirantium adverso invicem flamine ventorum concursu, num ab alia quapiam forte causa repetendæ sint, decernere nemo ausus umquam, ac revelare? An Terræ motibus quidquam tribuendum, jure dubitat (a) *Clar. Gagliardus* quod idem observationibus longa annorum, locorumque intercapedine dissidentibus institutis, ac collatis invicem comprobare nititur. At & id ipsum gravibus adhuc laborat difficultatibus, quas quidem prævidit laudatus Author, haud tamen pro rei dignitate persolvit.

LIX. Hæc inter lethiferas particulas liquidis, ac solidis æque infensas, exitiosæ, ac perniciosæ magis erant, quæ gangrænosam labem inducendo pellebant magis. Hinc enim enato celeriter Sphacelo velox discrimen, ut ægroto *sexto, ac septimo* obtigit, aliisque nonnullis, qui quarto plerumque, quinto, ac sexto die defuncti sunt. Nosse erat hujusmodi figentis veneni vim, (sit verbo venia,) vel ab ipso ore, vultu, oculisque ægrotantium, perturbati instar hominis, attonitique fero heu, trucique obtutu; Lingua iis urens, ingensque in spirando fervor aderat, ac præcordiorum æstus, sitis Tantalea, dejectiones alvi nigrescentes, extrema frigida, pulsus per totum morbi cursum vix elatus, ac pene delinquens idem deficiensque. Atque iis quidem magni subsidii extitit Theriaca recens una cum cardiacis assumpta, cujus beneficio haud pauci evasere. Nec exiguum quoque opem attulere vesicantia initio admota, horum quippe auxilio ad loca remotiora protrusis lethiferis, exoticisque salibus, seu, ut Practici ajunt, morbifica materie producta, atque ibidem exonerata, non omnes passim enecabantur, quam plurimi etiam superstites fiebant.

LX. Nec vero quis me forte putet inconsiderate adeo Theriacam in hujusmodi Phlogisticis, ac mali

moris pectoris affectibus adhibuisse. Ecquid enim ex ingenti remediorum segete usu præclarius, ubicumque internæ viscerum corruptionis, ac Sphaceli metus est, quam Theriaca, quæ lethifera spicula eludat, putredinem arceat, cruorem ne effractis vinculis in fluorem totus abeat, coerceat, ac mobilissimas illius partes retineat? Num in Pestibus, quatum Natura in tenuissima, celerrimaque putredine maxime versari, vel ex eo clarum fit, quoniam nullus morbus illis æque est contagiosus, præsentissimum hæc ipsa auxilium est, cæteris longe præstantius? Narrat (b) *Forestus plerosque Hagæ Comitum anno 1580. cum ejusmodi ægriitudines dire ibi crudeliterque sævirent, se ipsos tum alios absque Medici præsentia curasse assumpta Theriaca*. Quod tamen auxilii genus, utpote vulgare, ac comparatu facile haud ipse omnino probare videtur; ait namque idem, *præstare magis ea omnia adhibere, quæ vera methodus curandi docet, quam uno calipodio, ut calcearii, aut uno medicamento omnes curare*. Numquam enim forte noverat adhuc Vir eximius specificorum usum in Medicina, aut quod illius ævi mos erat, crediderat ipse sanari haud posse tuto ægriitudines, nisi peregrina, ac pretiosa remedia comparentur, quæ *Lucis in ortu*.

Indus, Arabs, Syrus, divesque Sabæus

Vicino sub sole legit, quæ præbet Orontes,

Eximia ignoto mittit quæ Nilus ab ortu,

Vanam scilicet ac futilem Medicinam esse, quæ remedia proponit, ut *Plinius* loquitur, parata vulgo, inventu facilia. Heu quam miserabilis aderat illis temporibus Reipublicæ nostræ facies, quotve nobilissimam Artem erroribus implicarunt ingenia Arabum?

LXI. Ubi vero inflammatoria materies in suppurationem abierat, perque illa sputum expurgari cœperat, summa erat nitendum ope, ut rite id leniterque prodiret, tutaque dein, ac subita ulcerosi loci depuratio contingeret. Subit hic loci, atque in memoriam redit miræ in præclara Vestali curationis exemplum, cui hujusmodi abscessus in Pulmone diu latens erupit tandem, ipsaque una cum sputo folliculum ipsum (mirabile dictu) quo purulenta materies includebatur, ejecit. Erat is cystidis instar efformatus, inque ejus fundo purulentus humor conspiciebatur ejusdem coloris, ac substantiæ, cujusmodi aderant sputa, quæ jam diu ante prodierant. Vesiculam adfuisse crediderim in hunc morem protensam ex iis, quibus totus undique Pulmo eleganti artificio componitur, in qua ceu in folliculo, aut cystide pus continebatur, atque earum quidem, quæ majoribus Tracheæ ramis proximiores sunt, quo facilius assiduus tussendi conatibus omni, quo adnectebatur, soluta compe de aereos tubulos, quorum ad fines exiguæ ejusmodi vesiculæ appenduntur, subire potuerit, perque os dein protrudi. Equidem folliculatas, ut ajunt Vomicas seu hujusmodi Pulmonum abscessus, qui propriam sibi Cystim comparant, nil aliud esse arbitror, nisi vesiculam quandam hoc pacto extensam, purulenta in illam materie e finitimis vasis secedente, atque ibidem collecta, quousque tandem ob sui copiam, aut nimiam acrimoniam effracto claustro in asperam arteriam, aut in cava Thoracis effundatur, Anatomica Pulmonum administratio perspicuiorem rem efficit? Quippe sanguifera vasa, quæ per totum Pulmonem innumeris propaginibus disseminantur, quæve admirabilem ibidem contextum explicant, ad universas vesiculas pergunt, juxta quas illa variis amplexibus, ac gyris una invicem ludunt, ac desinunt. Ecquid autem conceptu obvium magis, quam tenellis desinentibus arteriarum, aut venarum orientibus ramulis disruptis, in vesicularum sinus sanguinem sensim effundi, ibidem colligi, ac dein in pus verum abire? Hinc enormes aliquando ejusmodi Vomicae, aut plures una simul eodem tempore, aut successive erumpentes. Videmus in statu præternaturali aneurismata passim, ac varices a dilatatis arteriis, aut venis efformari, ac diversas passim glandulas laxiores evadere, intumescere, inque magnam molem consurgere. Num æqua ratione vesiculares pulmonum

(a) *Relazione de' mali di petto dell' anno 1720.*
P. 33.

(b) *Obs. 3. de febr. cum morbo Epid. grassant.*
P. 152.

num cellulæ extendi magis, ampliores effici, ac dilatari haud poterunt, subque folliculi imagine minus in Anatomicis peritos eludere? Num & eadem forte hæmophiticos incrementa, ac incunabula, totque dirarum pectoris ægritudinum?

LXII. Altera Vomica species recensetur, quam tamen vix ego Vomicam dixerim: Quando scilicet in pulmonibus foveam unicam, aut forte binas efformari quandoque contingit, easque circum circa parietes callosos obtinere, ita ut materies ibi collecta in massam sanguineam minime transferatur, sed quotidie tota, copia licet ingenti, expectoretur; Hi satis sani degunt, bene respirant, comedunt, & dormiunt incolumes, aut saltem in modico corporis habitu perstant, & non raro peresescunt. Hinc nonnulli dicuntur Phthysin per 30. aut 40. annos habuisse. Vivit apud nos Mercatoris Uxor quinquaginta quinque annos prætergressa, plurimum liberorum mater, e quibus unus ante biennium Phthysicus obiit: Illa habitu phthysico ab annis plusquam viginti mere purulenta expuit, sceleton referens, & quanquam a catarrhis in pulmones crebro decumbentibus, præter frequentes ex liene ægritudines, fato sæpe fuerit proxima, nostraque cura liberata, periculo tamen semper defungitur, ut in illam quadrare queat, quod eam mulierem, de qua Hippocrates: *Quinquies mortua est*. Quendam olim secui tabe extinctum, cujus dum pulmones inspicerem binas utrinque cavernulas avellanæ capaces, non tamen exacte rotundas, aut æqualiter cavas reperi, sed quasi laceras, ac si a mustela, vel a glire frustulatim portiuncula avulsa pulmones exesi fuissent. In harum altera ulceri callo recens obducti vestigia adhuc supererant. Sæpe is sanguinem tussiendo expuerat, tum paucis ante obitum diebus magna copia ejecit attri, spumosi que.

LXIII. Utque rem in pauca contraham: Ut nullam absque folliculo, seu cystide vomicam concipio; Ita harum quotquot occurrunt, sedem, ac locum in vesicularibus pulmonum cellulis statuendum autumo. Hinc purulenti, ac puris discrimen; Quæ nanque ab effracto apostemate expuitur materies, verum illa ac genuinum pus est. Quæ vero purulenti instar se habet magis, hæc nullam prægressam, aut præsentem vomicam, aut aut flaccidos natura pulmones, aut eosdem nimio onere oppressos significat. Quod sane rite est discernendum, ne sæpe quamlibet aliam pectoris ægritudinem pro vomica accipiamus. Utriusque, purulenti videlicet ac puris distinctionem præclare assignat *Divinus Senex lib. de alim.*; Enim vero ut haud concipi unquam potest ullum fieri posse pus absque suppuratione, quidquam sane inter hoc, & purulentum intercedere opus est, quod nempe ad purulentum tantummodo sufficiat sanguinis vitium, secus ac in pure generando, cui & solida suum quoque calculum præbent. Adversus Hippocratem stare videtur Galenus ex sanguine pus fieri ratus, quod in phlegemone in abscessum abeunte sanguis extra vasa effusus in pus vertatur. Atqui haud advertit ipse suppurationem haud fieri unquam posse absque carnis erosione, quod sane indicat sinus post puris evacuationem sæpe relictus; Sanguis enim fusus, & calefactus, ut antiquissima verba usurpem in hac parte, humidam, & calidam carnem, quam attingit, corrumpit, ex qua carne, si Natura robusta fuerit, verum pus nascitur, cui non raro admiscetur aliquid putiformis ex sanguine, & humoribus extra vasa effusus. Ego quidem totum, quod adest inter pus, ac purulentum discriminis ab ipsis humoribus petendum existimo: Vel enim sanguis est, vel lymphæ, quæ in pus abit. Utrumque enim horum per proprios sibi demandatos ductus uberi gurgite excurrit. Utque ab illius vitio verum pus, sic a lymphæ pituitam illam putrem, seu purulentum illud, quod a vero pure secernitur, generari puto. Ad utriusque vero generationem solida æque concurrunt; Discindi hæc nanque, erodi, aut quocunque alio modo lædi opus est, ut inde a receptaculis suis, per quæ vehitur, sanguis, aut lymphæ secedat, inque pus abeat, aut purulentum. Atque hinc e fol-

Supplem. ad Sydenham.

licularis vomica verum pus, secus vero ab iis, quod foveas duntaxat, aut cavernulas in pulmonibus obtinent, exire cernimus; Quod illæ a sanguine per ima quotquot Delubra pulmonum discurrente, atque in vesiculas exundante enascantur. Hæc vero ut plurimum in extrema pulmonum parte conspiciuntur; Lymphatica nanque vasa superficiem tantum pulmonis attingunt, perque illam assiduo lusu feruntur.

LXIV. Cæterum quodcunque illud sit discrimen, quod inter purulentum, ac verum pus intercedit; Idem illud facere videtur, quod & alterum. Utrumque enim sæpe inevitabili fato prolusit. Rursus in hoc etiam differunt, quod pus malum sit ut signum, & ut causa; Ut signum, quoniam abscessum, & inflammationem systrophicam præcessisse declarat; Unde consumptio partis pulmonis sequitur: Ut causa quia nisi exeat, febrem lentam fovet, rigores inæquales affert, & corrumpit partem, & in qua manet, & contagio vicinam. Pituita vero putris, seu purulentum, malum est ut causa tantum, quoniam afficit Pulmonem ipsum mora, nisi exitum habeat. Sic in tussibus aliquando cum pituita excernitur, & sputum album, & semiputre, atque ut agebat Hippocrates, simile puri. Quæ huic succedit Phthysis diuturnior, ac propagari aptior altera est, quæ a vomica provenit.

LXV. *Verum illuc, unde cæpi*; Ejusmodi pectoris ægritudines prope comitabantur anhelationes, quas Græci Asthmata vocant, Tusses, rauces, capitis dolores, ventris tormina; atque e chronicorum classe Hydropes, æque pectoris potissimum, Tympanitides, Tabes, Arthritis, Scabies, postremaque hæc pueris præsertim, ac scæminis. Quædam etiam per æstatem gliscere visæ febres mali ingenii, eoque illæ peiores, truculentioresque, quo Canis instar rabidi hos, atque illos absque latratu lacebabant; Hisce sese addiderant verminosæ aliæ, hæcque inter nonnullæ, quæ incerto plerumque circuitu mitti, placidoque vultu ludebant, quæve diriores, inclementioresque evadebant, si qui illas consueto more expugnare tentaverat. Obesiores in universum, quibus

Pinguis aqualiculus propenso sesqui pede extat, sævius, crudeliterque magis vexati; Tum qui antiqua in Cruribus, aut Tibiis ulcera, aut peculiarem quampiam ægritudinem diu fovebant. His nanque inopinato arescente ulcere, aut vetere sanato malo, pectus illico afficiebatur infausto successu. Hoc pacto sublatum initio veris Romanum Pontificem CLEMENTEM XI. audivimus, delatis mox Ecclesiæ clavibus Generis nobilitate, ac moribus Spectatissimo Viro Michaeli Archangelo Cardinali de Comitibus, qui nomen sibi assumpsit INNOCENTII XIII. maximo totius Christiani Orbis gaudio, ac plausu.

LXVI. Invalescente Æstate frequentiores adhuc, quam unquam vomica existeret, quæ quidem, etsi pari felicitate absolverentur, non eadem tamen initia, ac incrementa observabant, ac quæ antea Vere proluserant. Plurimis nanque levissima de causa vomica erupit, nullo sæpe prævio vestigio doloris, aut horum quopiam, quæ sive futurum, sive jam factum abscessum, sive prope impendentem illius disruptionem prænunciare consueverant. Sæpe hos inter fluctus ventorum Variolæ, ac Erysipelata sese prodere conabantur, vix tamen quidquam memoratu dignum edidit. Quidam etiam media Æstate subito fato ium in Urbe, tum in Agro crepti sunt. Desinere tandem, saltem haud ita frequentiores occurrere appetente Autumno cœperant memoratæ vomica, ac tum rursus quidem, direque magis foris prodire exarata febres, quarum tamen vix ullam cernere erat absque comite Pectoris labe, sive hæc illis præcurreret; sive in hanc illæ exierint sæpe. Vix pauci per Æstatem Dysenteria laborarunt.

LXVII. Primis Augusti diebus magna caloris vis exitit, mox triduum tonitruosum, pluviosum, ac quandoque grandinosum successit. Immutus per id temporis Mercurius constitit diu; Visus hic ima repente petere, ac veluti in Perigæo degere, cum pro-

pe impenderent tonitrus, *Cælique fragores*. Sæva hinc exarata alvi tormina accessere, quæ etsi primo intuitu leniter laceffere viderentur, in contumacissimas dein, periculosas, ac plerisque lethales ægritudines accedente *Æquinoctio* degenerarunt. Ingens quoque hic loci commemoranda subit Puerperarum clades, quarum plurimæ abortivos fœtus edidere. Forte id nedum liquido ad lentorem toties memoratum proclivi, quin, & solido quoque nimis debili, ac laxo maxime tribuendum; Utrumque ab arcana, ac inexplicabili aeris constitutione, unde & cæteri effectus prodierant, repetendum.

LXVIII. Equidem, ut verbo me expediam; Vereor nanque ne in magnam nimium molem excrescat Pagina; Si quotquot hoc anno regnarunt, ac longe lateque sæviere, malorum indolem, ingeniumque, atque originis principium attente perspicimus, nedum video lentoris crimine redarguenda liquida, quin & forte maximam vitii partem solidis tribuam nimia laxitate peccantibus. Ecquid enim tot vomicæ, ut una instar omnium ægritudinem in exemplum afferam, ecquid inquam tot hoc anno vomicæ, quot nunquam audire olim? nisi a solido in crispaturas suas, ac proprios nîsus deduci laud potente amplius, ac pene dixerim, deficiente? Anne forte quis adhuc, frustra declamante *Petronio* (a) in eo est, ut totum liquido opus, nihil in œconomia animalii solido velit adscribere, ignoratione potius pertinaci, atque inani sectæ amore, quam ratione aut consilio? Juvenem nuper secui ex febris acuta vigesimo morbi die defunctum, cui omnes Peripneumonix novæ aderant; Huic universa Pulmonis substantia in strumas veluti composita conspiciebatur, quibus apertis ingens puris copia profilliebat. Quidam quoque diuturno affectu catarrhali vexatus, qui mox in ascitem degeneravit, cum vesci amplius haud potuerit, inedia necatus periit; Aperto Cadavere summe flaccidos Pulmones, ac multa sanie repletos, tum viscera quæque imi ventris laxa admodum, ac ventriculorum præsertim, comperi occluso penitus Pyloro, ut nec Stylum quidem admitteret. Num id fluidis potius, an solidis adscribendum? Num & ultro toti erimus in expendenda *liquidorum intemperie*, Principis illius intemperiei, quæ in solidis est, immemores prorsus, eorum ignari rerum, *per quas vivimus?*

*Constitutio Epidemica Taurinensis
Anni 1722.*

ANni Historiam perscribere aggredior a superioribus duobus, qui hunc præcessere, annis parum, ac vix, toto sui decursu, dissimilis, sive adspirantium ventorum indolem ac morem spectamus, sive ingruentium morborum sobolem, ingeniumque. Venti nanque, ut ab iis ordiar, qui, ut verissime ait *Argolus*, *in animantibus salubritatem unice ingenerant, suscitantque*; totius anni curriculo, assiduo, nec unquam interrupto flamine diu perspirarunt ab Hyperboreis modo plagis, modo ab Australibus oris erumpentes. Varia hinc, ac incerta omnino tempora; Præmatura modo hyems, immitisque; lenis eadem modo, ac Veris potius imaginem referens, ac vicem: Prout nempe aut ruens ab alto Boreas, sævusque Aquilo, aut turbidus Auster perflabat. Recurrere sæpe visa media hyeme æstas; Floraque ubique in agris ludere, lætaque prodere initia veris. Lubet autem altius ab autumnali æquinoctio, ubi superiore anno desii, initium ducere, antequam ad hyemem ac anni reliquum festinante calamo properet Oratio mea.

II. Autumnus itaque, quæ quidem anni tempestas

Medico maxime diligenterque expendenda est, utpote quod sub id ferme temporis nova plerumque soleat morborum cohors in scenam prodire, toto deinde anno longe lateque regnatura; Autumnus, inquam, statim ab initio horridiusculus ad plures dies præluxit, præcipiti ruente Borea. Atqui redire profinus, auctusque velut viribus perspirare iterum, ac sævire magis visus Octobri Auster, quousque dein validiore impetu erumpere denuo abeunte Libra cœperunt ab Orientalibus primo, mox vero ab Aquilonaribus terris horrentes gelidique flatus obscurato æthere, effusisque super Alpium cacumina, perque subjectam Planitiem, finitimosque agros, vix tertio ab Urbe lapide, ubertim nivibus præcocem heu, asperamque hyemem portendentibus. Unius adeo mensis spatio urens modo æstas, modo rigida hyems sæviit, extremosque utraque conatus edidit, pugnantibus invicem, ac velut de summa rerum, quis nempe horum prior terga daret victori, palmamque alteri victus cederet, certantibus inter se ventis. Vicit utique, vicit, diuque ludentium australium iram, sævitiemque tandem omnino fregit iis oppositus Aquilo; Novaque extemplo, etsi mitiore quidem imperio, morborum legio sese palma ostendit, inque apertum prodiit, quorum vestigia, ac pene dixerim, prologia nosse erat appetente æquinoctio; cum primum scilicet horridiuscula aura, silentibus ad aliquot dies, suæque in claustra illico receptis Austris, dire perflavit.

III. Decernere quidem erat recens ortas novæ indolis febres per id temporis subcludere ab iis, quæ antea æstate, ac superioribus annis ultro citroque debaccabantur, primo aspectu omnino discrepantes, intermittentes videlicet, aut intermittentibus analogas, iisque comites, ac pedissequas veluti, statim ac ruere Boreas cœpit, plerasque passim ægritudines, Asthmata, Lippitudines, Hemoptoes, Paralyfes, Dolores vagos abdominis, Pancreatis, Mesenterii, aliarumque per ima ventri latentium utriusque generis glandularum Obstructiones, contumaces quantum, ac consueta hætenus Practicis Methodo invictas prorsus! Utque omnem morborum lliadem, qui, ceu a *Trojano Equo* denso agmine Milites, ab uno omnes fonte progerminarunt, brevi sermone complectar; Dolores acerbissimos artuum, Nephritides, Apoplexias, quibus diuturnæ Hemicranix, aut suppressa consueta quæpiam de more evacuatio præluserat. Addere hisce fas est lugendam, ac deplorandam adhuc *Puerperarum cladem*, earumque præsertim, quæ abortivos fœtus pepererant. Senes in universum, diuturnisque malis confecti postremum subire fatum, quamve diu eluserant mortis vim, hanc tandem obire, ac commune omnibus aleam experiri coacti sunt. Phthysici quoque omnes brevi tempore sublati, ii scilicet, quibus aut hæreditaria labe pulmones obsederat dudum, aut adventitia eadem recens obtigerat post prægressam vomicam, aut aliud quidpiam in imo pectore latens, abditumque. Equidem invalescente hyeme, redeuntibus demum in scenam Austris, sese condere hæc visa prope; Ac tum quidem Variolæ, morbilli, acutæque febres, quæ sub intermittentium larva primo, aut altero accessu delitescebant, moxque dein in subcontinuas mali moris celeri pede migrabant, torrentis in modum hos atque illos nullo discrimine aggrediebantur. Id tamen minime quidquam officit, quin totius anni imperium, potestatemque morborum exaratis intermittentibus febribus, aliisque præfatis ægritudinibus, quæ sub illis militare videbantur, dominatum inquam, præcipuamque iis sedem tribuamus.

IV. Totius hinc decursu anni præter modo dictas febres intermittentes, dolores potissimum abdominis, immanes iidem, sævique admodum præ cæteris sæviere; quodve peculiare aderat, ac notatu dignum, videre erat statis plerumque horis exiguo præludere rigore, aut nullo quandoque etiam prævio horroris vestigio ejusmodi dolores recurrere, statisque pariter horis evanescere. Nonnullos quidem si-

ne

(a) *Satyr. pag. 78.*

ne ulla intermissione iis vexatos memini, atqui ceu in febribus subcontinuis observare est, quædam aderant novæ exacerbationis indicia, ac certa veluti prologia novi, ac dolorifici, ut ita loquar, repetentis paroxysmi. Sed de hisce in præsentiarum satis. Præstat modo, quam exorsus sum, tamen absolvere, rectoque dein tramite, quo unusquisque memoratorum affectuum sese prodiderit, vultum, quem servaverit, typum, quamve præ se tulerit, indolem ac genus explicare.

V. Medio circiter Octobris Orientalis autem uno alterove die læto flamine adspiravit. Mitescere hinc non nihil æstus cœperat, quem reviviscentes iterum Australes flatus attulere, insuetumque paulo post frigus erupit, gelido Aquilonis afflatu, cujus vim, feritatemque, nedum Incolis, Arboribusque, ac plantis, sed & ipsis etiam infontibus aquis præmaturo gelu concretis, ceu sub rigidissima hyeme, vix orto Autumno, insensam adnotavimus. Quod quidem nulla hæcenus hominum memoria Subalpinis unquam obtigerat. Obscurum hinc sæpe cœlum, varium, idem, incertumque; mox serenum, atque præclarum, prout Orientales modo, modo Aquilonares venti perflabant. Sæpe etenim visum, ac diutina experientia compertum, obscurum nubilumque autumno cœlum reddi Orientalibus ventis spirantibus, serenum vero, nitidumque idem evadere instante Borea. Postremum Octobris diem impetuosis is maxime, præcepique ruens obsignavit.

VI. Felicioribus auspiciis sese prodidit subsequens Mensis. Lætiior namque ab Occasu adspirans Africus fin minime sævi Aquilonis iram omnino retudit, illi saltem morem imposuit, vimque, ac sævitiam ejus maximam, magnam in partem, coercuit. Saluberri-mos utique, lætissimosque Subalpinis occidentales ventos jam dudum novimus; quod quidem ego adnotare operæ pretium duxi; cum primum morborum quot annis apud Subalpinos sævientiæ historiam, quot annis & illam, quandiu vitam mihi, ac vires huic oneri ferendo pares dedit Deus, persolvendam conficiendamque daturus; Augustæ Urbis, quæ totius Regni caput est, Regumque inclytæ sedes, agrique ejus, ac universi Subalpini tractus, qui ad Albium radices insidet, conspectum ac positionem, tum cæteras aeris & alimentorum qualitates, quæ Urbium cœlum constituunt, describeram. Furere hinc denuo Boreas visus ad aliquot dies, novo tum rigente gelu tellure, concretisque suis in alveis indomito frigore aquis. Quod supererat mensis reliquum, tum Decembris initia Auster iterum funestavit. Observatumque nunquam, siue is, siue alter quispiam ventorum perflaret, perspirare illos cœpisse, quin obscurari e vestigio cœlum videretur, ac inopinato prope tempestas impenderat. Ad Solstitium hæc usque gesta.

VII. Exordia hyemis tum modicus effusus imber, tum uberi dein copia delapsæ cœlo nives fœdarunt. Veris illa potius, quam hyemis primordia dixisses. Magna hinc temporum subsecuta tranquillitas, lætæque rerum conditio. Mite prorsus, placidumque cœlum, lenibus per intervalla obsecundantibus ventis ab occasu modo, modo a meridionali plaga proficiscentibus. Haud minus læto omine Januarius illuxit, qui & idem ad postremum usque diem permansit, hujusce felicitatis, lætitiæ, ac serenitatis Authoribus unice Occidentalibus statibus assiduo, lenique flamine e propinquis, atque excelsis Alpium fastigiis perspirantibus; quæ illorum, si quid insensum iis manebat adhuc, coercerant. Mirum utique nos iis plerumque ventis serenitatem debere, cum ex adverso impetuosius hi maxime ac insalubres Galliæ occidentalis regionibus sint. Atqui si vastissimum illum tractum mare inter Atlanticum, ac Alpes, quæ nobis ad occasum imminet, animo metimur, si suprema Alpium fastigia, ac præcellas harum vertices intuemur, ita quidem compositos comparatosque, ut insensum quidpiam, magnoque impetu ruens compescere queant, ac inhibere; mirum haud videbitur amplius, ut lenes ii ac temperati dein Subalpinas hæc regiones benigno afflatu pervadant. Uberrimam namque vaporum aquosorum copiam, quam hi secum ex Oceano

adferunt, magna ex parte suo in itinere dimittunt, tum si quid adhuc retinet, antequam Alpes attingant, omnino deponunt. Norunt id quidem Allobroges, ac finitimi iis incolæ, qui trans Alpes degunt, quibus secus ac Subalpinis, nubilum ac pluviosum aerem ejusmodi venti adferre solent. Id scilicet beneficii Alpibus debemus acceprum, sic una dispositis, a collocatis, ut non nisi placidos pacatosque ventos ad nos appellere ab ea parte sinant, perque patentes campos discurrere. Secunda Januarii die cum advesperasceret prope, primoribus nempe noctis tenebris, obscurus quidam auditus cœli fragor, & passim cadentium fulminum species visa, violentissimo e Boreali claustruente turbine meridiem versus, contremiscente veluti, ac commoto Solo: Citissime tamen id desit, nec ultra horæ quadrantem perduravit. Mane sequenti serenum iterum, ac sedatum cœlum, idemque totius fere mensis spatio præluxit.

VIII. Priores Februarii dies fœdi admodum mœstique extitere, obducto nubibus sole, densoque velut sipario, ac caligine obvelato; Lætiores hisce successerunt ad æquinoctium usque, occidentalibus iterum per intervalla hiscentibus ventis, qui itidem ad austrum modo, modo ad Boream accedentes pulcherrimam modo, modo lætam minus rerum scenam effecere. Ediscere erat, ac veluti prænoscere ejusmodi ventorum aerisque vicissitudines inspecto Barometro: quandiu enim perspirabat ab occasu lenis aura, videbatur in media veluti statione Mercurius detineri, unoquo tantum alterove gradu ab illa discedere, humilis ille, aut elatus, prout ad Austrum modo, aut ad Boream venti declinabant. Prope appetente Æquinoctio varium iterum, incertumque cœlum extitit furentibus Austris; Pluviosum mox idem, nubilumque; quo usque tandem nitidus ac luceus Sol in ipso veris limine, e tenebris velut, quibus obvolutus aderat diu, emerit lætus, beatissimosque dies incolis tulit. Beatissimi utique, lætissimique dies, quos præclariore inter, aureoque signandos lapillo, jure merito recensere fas est, quippe qui Regiæ Celsitudinis CAROLI EMMANUELIS Pedemontium Principis Augustam Sponsam ANNAM CHRISTINAM LUDOVICAM, e Regio atque Imperatorio Comitum Palatinorum Rheni Sanguine ortam nobis dedere, magno civium, ac subditorum omnium, exterorumque plausu, lætitiæque. Insonant etiam num auribus meis publicæ voces hilaritatis obstrepentium passim bombardarum tonitru exaggeratæ. Versatur ob oculos festorum ignium splendor. Occurrit animo triumphalis ingressus Majestas, ingens omnium ordinum alacritas, confertissima populi multitudo: dubium ut esset, an hæc una in Pedemontio Civitas, an totum in hac Civitate Pedemontium contineretur. Proh Superi quam festa, quam augusta pompa gaudiorum! Nec exigua quidem laus est Medicos hosce fastos tam bene auspicato, fortunatissimoque connubio, ceu præclara quadam, felicissimaque Epochæ obsignare. Annuat Deus populorum votis, ac precibus, Patrique, Avo, Proavisque simillima concessa Prole, omnigena hoc uno collata nobis, quod idem maximum est, præcipuumque, beneficia compleat, æternetque.

IX. Mitem adeo placidamque hyemem, ut e diverticulis in viam redeam, secus ac portendere videbantur autumnii initia, transeimus, vix una aut altera vice spirante Borea, sæpe quidem Occidentalibus ventis, quibus australes etiam aliquando, reciprocantibus invicem Imperiis, obsequebantur. Die Martii vigesima sexta, cum Sol ad occasum vergeret, horrendis tonitribus æther circumfremere auditum, absque omni cœli parte emicare visa fulgura, nunc internitente luce, nunc condita, effusa mox torrentis instar pluvia glandine commixta. Sævissimus hinc, qui diu siluerat, furens Boreas, adque plures dies perdurans luctuosissimam rerum faciem, media inter gaudia, ac jucundissimi veris præludia, quæ amœniora haud extitere diu, reddiderat. Languere enim omnia illico vidimus, prataque, agros, ac nemora sidereo veluti afflatu ustulata, quæ paulo ante virentia undique, lætisque decorata floribus cernebantur. Luctuosum utique ac deplorandum spectaculum omnium

oculis erat canentia circumquaque arva intueri, glacialibus ulla pruinis, rigidoque horrida gelu.

X. Aprili mense iidem assiduo, ac diro flamine perspirant Boreales venti, obscuro plerumque ac procelloso aere, sparsa quoque subinde pluvia nivibus mixta nimboris, cum potissimum mitius rueret heu tot parens malorum Aquilo. Eadem Majo ac Junio scena si quosdam tantum dies excipias verna serenitate, ac spirantibus quandoque etesius, quasi æstiva temperie, commendabiles. Sic veris speciem hyems tota Austrina exhibuit, cui postmodum ver successit hyemis naturam veluti mutatis vicibus referens. Eodem modo subsecuta æstas est usque ad caniculares dies, quo tempore satis curiosum fuit lusciniæ audire, pro cicadis arbuta rumpentes.

XI. Nefastum sane, & insalubrem annum nemo non præviderat, tum ob apparentia in mororum foliis signa urædinis, quæ sterilitatis Prodrroma est, tum ob pertinacissimam siccitatem telluris, arescentibus ob inopiam humidi plantis, oleribusque. Illarum pleræque media fere æstate honore frondium orbata, ceu appetente hyemæ, videbantur. Et si enim ver pluviosum potius signare obtigerit, quam siccum; detrimenti id tamen magis agris fuit, quam utilitatis; Nocturno nanque gelu madens adhuc tellus gelido velut rore inspersa mane conspiciebatur. Intemperatum adeo, ac exlegem omnino annum experti sumus, nulla ex illius partibus legitimam ac propriam temperiem servante, sed una alterius subeunte vices, funesto prorsus discrimine. Æstatis reliquum nunc lenes, placidique anniversarii venti, nunc spirans ex alto Boreas lætum modo, placidumque; perfrigidum modo, ac procellosum, tonitribus intermixtis, cœlique fragoribus tulit.

XII. Antequam vero ad morborum historiam me conferam, lubet pauca delibare leviter, breviterque percurrere, quæ quidem explicandæ illustrandæque morborum indoli, comparandoque eorundem genio accommodata esse videntur. Sic enim recto velut tramite una properamus ad metam, quæve inferius dicenda manent, conspicua eadem magis evadunt, ac præclariora.

XIII. Quæ altera emiserat folia Morus, (ut a Principe arborum exordiat, quæ haud exiguas incolis opes præbet,) exusta, ac veluti absumpta cernere erat, rubigine illa ne, an flavedine potius anceps hæreo; Flavedinis enim vestigia ubique aderant, seu rubiginis minus intensæ, atque ad flavum colorem vergentis. Cæteræ fere arbores, tum frugifera, ut Armeniaca Malus, Cerasus, Ficus, Nux, Olea, Pirus; tum steriles, ac infelices, ceu Cornus, Fagus, Oleaster, Salix, Tilia, Pinus, Abies, ipsa dein virgulta, arbustaque, fruges, ac hortensis universa familia haud obscura Epidemicæ huiusce (sit venia verbo) rubiginis indicia præbuere; Uvarum quoque provenus, qui veris initio aureus sperabatur, ob eandem causam nonnisi parcissimus extitit.

XIV. Quoad insecta, nunquam adeo exiguus spectatus horum numerus, tum eorum, quæ primo vere, tum quæ invalescente æstate ludere quotannis cernimus, perque æra densa agmine circumferri; *Noctiluca* præsertim, quæ vespertinis hõris quasi tot Phosphori æstate potissimum erumpere solent, vix paucas omnino præluere observatum. Nec dubium Borealis id ventis tribuendum maxime, a quibus nirofas particulas magna copia advehi compertum est. Et sane quo in loco huiusmodi insecta advolant, hæc ipsa sulphuris ibidem, quod apissimum eorundem pabulum videtur, præsentiam comprobant, quod & insuper foetidi odores, quales ex sulphure & sale unitis percipiuntur, tum endemii iis in locis, aut per ea tempora morbi ultro confirmant, ac docent. Atque hinc quidem fit, quod in Russiæ, & novæ Angliæ quibusdam partibus, ubi tum huiusmodi animalcula, tum Cantharides, Scarabæi, Locustæ, Formicæ, Scorpiones, ac Pediculi alati, tum alia pleræque huiusce modi insecta raro, aut nunquam visuntur, eæ vix ægritudines sæviant, quæ apud nos solent adulta persæpe æstate caput attollere, ac debacchari magis. Locustas inter nulla frequentior Subalpinis *Gryllo*. *Talpa*, horrendo visu Insecto quadruplo maximam superante canthari-

dem, præcipue ætate si fuerit provectiori. *Gryllum* hanc appellari puto, quia eundem forte cum *Gryllo* stridorem nocte appetente facit; *Talpam* vero, quia terram continuo fodit. Est & altera species Locustæ, cuius præ cæteris magna visa hoc anno soboles, *Italica*, seu *Mantis* dicta, vel quia suo adventu ver præfagit, ut *Anacreon* cecinit; vel famem prædicit, ut *Cælius* annotavit; vel quia anteriores pedes, veluti manus, supplices semper tenet, atque elatas, vatum more, qui eo gestu orationes ad Deum fundere solebant. Tam Divina censetur bestiola, inquit *Rondeletius*, ut puero interroganti de via, altero pede extenso rectam monstret, atque raro vel nunquam fallat. Pulcherrimæ aliæ locustarum species in Apulia, ac Sicilia reperiuntur, quarum altera *Italica* magnitudine, & forma similis, aliam tamen ex naturæ locive dono colorem accepit; Habet enim cornicula saturate lutea, hyacinthinum ocelum, alas ex luteo fatiscences, corpus reliquum amethystinum, Gracilis altera quinque uncias longa, cucullata, capite pyramidalis, e cuius pene vertice duo cornicula latiuscula unciam fere longâ sese erigunt, galerumque illum Turcicum biplummem, quali Janissarii utuntur, superbientem repræsentat.

XV. Prolixa esset res ea omnia recensere insecta, quæ hisce in oris sobolescere quot annis solent; quorum quidem alia periisse brevi, alia vero ne in scenam quidem prodixisse hoc anno visa; Hæc inter Erucæ potissimum enumerandæ occurrunt, quæ ceu nocendi artis oblitæ prorsus, ac veluti immemores, inertes passim per agros, ac fere emortuæ ludebant inactis frugibus. Exigua mole animalcula infesto plurimum aculeo, *Erucæ* sic dictæ, vel ab erodendo quod erodant olera, & pampinos; vel ab hærendo, ut *Apulejo* placet, quod pertinaciter adhærescant; vel a rugis quibus sese vicissim corrugant, erugantque. Distinguuntur a *Monffeto* in Eterogeneas, sive affines a Papilionibus, & aureliis fatas, Antogeneas sua ex tribus profectas; Utriusque innumera sunt species, ut innumera extant herbarum genera, quibus vescuntur; quælibet nanque herba peculiarem alit erucam sui vastatricem.

XVI. Ab Erucis ad Bombyces, ac Apes progredior. Præclarum utraque insecti genus, nec exigui incolis emolumenti. Aliquot illud hebdomadarum spatio albæ Mori frondea sagina sartum, ideoneaque ad lanificium materia instructum edere deinceps desinit, ramulumque sibi objectum inscendit, ubi ovata figura membranaceum effingat folliculum, circumque eum bombycia stamina ordiatur, factus *Bombilius*. Neque hic prodigiorum finis. Post exhaustam lanificii materiam ejusdem folliculi cavo se abdit, occlusa omni ad exitum via; pauloque post factus *Necydalus*, hoc est, cornutus, & alatus *Papilio*, nisi mature præfocatus fuerit, perforata membrana, conscissoque stamine sibi exitum molitur. Haud minus exquisito artificio alterum *dulci distendit nectare celas*, *Apis* sic dictum, vel quod se pedibus invicem alligent apes; vel quod sine pedibus nasci primo videatur. Pro priori ratione facere illud videtur *Virgilii*, 4. Georgicon.

Aut ille pudibus connexa ad limina pendet.

Pro posteriori militat illud ejusdem,

Trunca pedum primo, mox & stridentia pennis Miscentur.

Deplorandum utique utriusque fatum! E bombycibus enim vix pauci *nitidum de pectore flum*, pretiosaque stamina edidere. Haud modica etiam pars imperfectum opus reliquit, Apes vero cernere erat incertis huc illuc erroribus ludere, favos veluti suos despicere, & *frigida tecta relinquere*, seram increpitantes ætatem, *Zephyrosque morantes*.

XVII. Haud minus aquaticis quoque, ac terrestribus insectis infestus annus fuit; (sua etenim aquis animalcula adsunt, ut terrestria Solo) sive id ab eadem universali, ac prope inexplicabili aeris constitutione repetendum sit, sive potius ab aquarum inopia, annibus, fluminibusque, ipsoque etiam Pado Fluviorum Rege, exhausto fere aquis, vixque ea superstiti quantitate lympharum, quæ ferendis navi-

bus sufficeret. Magna hinc piscium egestas, quorum penuriam lacustres affatim compensarunt, tum e vicino advehi littore. Fluviales inter frequentiores extant Subalpinis Trotta, Mullus, Timallus, Lucius, Anguilla, Mustella vulgo *Botta*, seu quod utri similis sit, seu quod capite ranas referat ut *Cardanus* deduxit; Lampetra a lambendis petris sic dicta: Nobilissimus semper tum a veteribus, tum a modernis habitus Piscis, & Apiciis esui mire expetitus. E lacustribus principem sibi vindicat locum *Umbla Alobrogum*, quasi umbra, seu quod haud exiguum cum umbra pisce fluviali similitudinem habeat, seu quod tergus præ multo livore opacum, & veluti umbrosum appareat; *Rondeletio* Salmo lacus Lemani, quod corporis specie, pinnarum numero, situque, & partibus internis Salmonem referat *Umble Chevaliere* communiter dicitur, forte ob magnitudinem, præstantiam, & robur.

XVIII. Fabulosa non minus quam ridicula de Anguillarum ortu, ac propagatione nobis tradidere tum veteres, cum recentiores. Incertum diu, saltem nec exploratum satis, an viviparæ forent viperarum ad instar, an revera, ut cæteri pisces, oviparæ; quod postremum haud ita pridem felicissimo conatu detexit Doctissimus ac Præclarissimus *Antonius Vallisnerius*. Comparatum id, ac proprium veluti est magnorum Virorum, cum verum retere se haud posse norunt, fictitium aliquod in scenam promere ac fabulosum. Sic Jovis hæc filias nonnulli olim credidere referente *Athenao*, ut Deorum munera *fungos* alii, & *tubera* pronuntiarent; Haud aliter quidem ac Magnates, aut Reges, quibus vel brevi terminata ævo, vel incerta origo est, consecrare illam, adque Deos auctores, aut Heroum quempiam remotissimæ ætatis referre consuevere. Abjecta ex adverso quidam iis incunabula dedere, limoque ac cæno ortas putarunt; *Quid enim fecundius illo?* Sed hæc, & his similia, ut & ea quoque quæ hac in re ridicula prorsus apposuit *Aristoteles*, ut ut antiquitatis laude præclara, haud in magno equidem ponam discrimine. Mirari id magis subit, ut eruditi alias, ac percelebres fama viri, vel nuperrimis hæc temporibus viviparas illas adhuc decernere auferint, suæque Posteris figmenta commendare. Quodve mireris maxime, exiguum nobis vesicam in abdominis cavo locatam, in qua sæpe vermes latent, quamve in omnibus fere piscibus, avibusque, imo & in canibus aliquando, ac plerisque brutis videre est vermiculis confertam, hanc inquam vesicam pro utero Anguillarum, vermesque ibidem latentes pro anguillarum fœtibus imposuere. Atque hæc libenter etiam concedam; Nec etenim refutandis hæc fabulis tempus suppetit. Danda hæc viro venia, quod præiudiciis occupatas quorundam mentes, *Leeuwenoechio* Duce, ac antecessore, densioribus potuit tenebris obvolvere, vel dum clarius, ac dilucide magis perspicui ab illis credebatur. Quod vero quidam asseruerint se in prægnantis anguillæ utero undecim anguillas exsecuisse singulas suis secundinis inclusas, ut *Charletonus* affirmat, sive ut *Elfnerus* ait, in diversis membranis involutas; id ego haud patiar unquam Posteris impune tradi. Aut enim, quod sibi effinxere animo, ceu visum, ac perspectum oculis nobis dederunt; aut si ejusmodi revera anguillulas in abdominis cavo intueri est aliquando, vermiculos eas quidem fore crediderim, minime vero unquam veros fœtus anguillarum. Quod vel ipse quidem *Aristoteles* adnotavit, nec tamen unquam in mentem subit Viro, si illius ævi caliginem, barbariemque maximam perpendimus, vere doctissimo, præfatos vermes pro anguillis agnoscere, quinimo adversus illos, qui hosce veros ac genuinos esse anguillarum fœtus contendebant, acriter admodum insurrexerat; in quo sane haud exiguum promeruisse laudem videtur. Id ipsum quoque eleganter non minus, quam doctè adverterat Præclarissimus *Redi* Hetruriæ suæ sidus fulgentissimum in aureo tractatu: *Delle osservazioni intorno agli animali viventi, che si trovano negli animali viventi*.

XIX. Adverterat sane præfatus Author, atque e viviparorum classe rejiciendas anguillas contendit.

Supplem. ad Sydenham.

Earum tamen ovaria nemo ante prælaudatum *Vallisnerium* vidit unquam, aut revelavit. Manebat enim Sapientissimum Virum, ac naturæ arcanorum perscrutatorem solertissimum, Philosophos inter ac Medicos hujusce sæculi celeberrimum, ac jure merito Principem, honos ac laus, quæ ad hæc usque tempora latuerant ovaria Anguillarum, in lucem vindicandi. Manebat inquam doctissimum Virum inventi gloria, eo præclarior illa, quo obscuriora, ac cænosiora, ut ita loquar, adsunt earundem anguillarum primordia, ac incrementa. Cernere est hæc ipsa ovaria secus Spinam porrecta adiposis ubique striis circumtexta, tenuissimaque membrana obvelata, qua detracta ovula occurrunt, ceu totidem exiguissimi, ac lucidissimi Uniones, suo singula annexa pediculo, per quem nutritii roris vestigial suppeditatur. Præclarius id, ac illustriore modo spectatur prægnanti anguilla. Quæ cum rarissime occurrat, quod tum temporis, ut *Cl. Vir* observavit, ima petat aquarum; haud mirum hinc quod tot hætenus magnorum eluserit ingenia virorum, obscurumque id, abditumque magis obscuritas ipsa originis fecerit. Laudato utique *Vallisnerio* nostro *Paulinus* præluxit, huic in eadem arena *Severinus*. Is genuinum anguillarum uterum primus vidit. Ille etsi ova haud inspexerit unquam, ex iis tamen illas nasci, naturæ legibus edoctus, contendit: *Nos*, sic ille ait, *ut omnia animalia ex ovis, seu seminis suis, sic etiam anguillas ex iis nasci dicimus*, licet *Plinius*, *Aristoteles*, *Io. Vossius*, *Scottus*, cum aliis pluribus ova, semenque denegent, clamantes ullam nunquam captam esse, quæ aut semen genitale habuerit, aut ova. Hætenus de Anguillis.

XX. Exacta vix hyeme advenerant Hirundines; citius quoque, quam olim consueverant, eadem discessere. Cæteræ fere aves, tum quæ statis temporibus redire solent, tum quæ totius anni decursu hæc inhabitant oras, raræ admodum extitere. Rarior præ reliquis visa Ficedula, exigua avis, sicubus, ac uvis victitans, ut pulchre his versibus testatur *Martialis*:

Cum me ficus alat, & pascar dulcibus uvis;

Cur potius nomen non dedit Uva mihi?

Idem pariter canoris fatum avibus, iisque præsertim, quas vocant *insectivoras*. Secus coturnicibus obtigit, turturibusque, quarum ingens omnino copia conspicietur, ut & reliquarum fere avium, quæ plantis vescuntur; Has inter postremas, si colorem, pulchritudinem ac elegantiam spectamus, merito superbit *Pavo*; Si Apiciis credimus, Principem sibi comparat locum, ac dignitatem *Urogallus*, seu *Phasidiales*, sumpto forte a Colchidis amne nomine, ad cujus ostia illos frequentes convenire a Græcis proditum est; unde mox citatus *Martialis* in Xenii:

Argiva primum tum transportata carina.

Ante mihi notum nil nisi Phasis erat.

Horum duas habemus species; quarum altera major vulgo dicitur, ac toto fere corpore nigricat; Minor altera nuncupatur, ac cinereis maximam partem plumis vestitur. Majo mense spectata huc illuc obvolare Avis, ignota prorsus incolis, mole Turturis majoris ad instar, fulgentibus plumis, ac prope subflavis. Visa, & altera invisa hætenus properante æstate; rostro contra omnium avium morem ab utraque parte recurvo: colore juxta collum subviridi, reliquo corpore, subobsuro, brevi pede, alisque, ac cauda exigua: *Loxiam* crediderim *Gesneri*, seu, ut alii vocant, *Curvirostram*. Ignotas ejusmodi aves unusquisque fere annus, ut morbos, producere solet, quæ statim ac sese circumvolando produunt, citissime effugiunt, adque distas longe oras emigrant.

XXI. Neve intactum quidquam præteream, quod ad illustrandam, exornandamque morborum historiam quoquomodo facere videtur; numerosa hic subit haud reticenda Leporum, ac Cuniculorum spectata hoc anno progenies, Glirium itidem, Alpinorumque Murium, Talparumque; Ne scilicet defuisse forte videretur in omnibus Natura; aut quod, idque ego putarim magis, toto existente anno magna sui parte impluvio, dehiscente præ ingenti siccitate solo, ejusmodi animalibus, quæ alias cuniculos sibi fodere in agris, ubi lateant tum æstate, tum hyeme, solent, haud ita facile fuerit cubilia sibi condere; proindeque excurrere illis pro lubitu necessum

extiterit, perque arva, *camposque patentes* e propriis velut expulsa sedibus ludere, ac oberrare. 5. Ventriculi janitor liena quadam transversa veluti ligatus atque distinctus. 6. Larynx qualis in testudine terrestri; Mutum enim animal. 8. Paniculus carnosus totus, & mire commissus cuti. 9. Pro Optico nervo fibrilla, quæ secta guttam unam, atque alteram aquei humoris, ceu roris effudit; eaque insuper, non e consueto loco, quo exire solet Opticus nervus, sed a perreptantibus per cerebri meatus vasis, egrediebatur. Atque hæc quidem in *Talpa*. In *Marmota* vero, seu mure alpino sequentia cernere est; Cæcum peramplum, interne asperum, & reticulatum, in quo valvula insignis intorsum externe; Hepar septenis lobis distinctum; Testes aliquantulum superiores; Splenem longum hirundinis majoris modo; Ureteres non recto ductu descendentes a renibus, sed dorso adherentes, & exiguos. Verum de hisce satis.

XXII. Neve diutius in iis, quam par est, recensendis, immorer, utque omnia in unum recolligam, *velaque*, ut ajunt, *traham*, & *terris festinem advertere proram*: Lætissima, ut adnotavimus, exordia Autumni extitere; lætissimus hinc quoque futurus annus, si quem, *ructo ceu aggere torrens*, ruens immittis, ac sævus Aquilo vix orto Autumno haud funestasset. Præmatura hyems, ac extemporanea prorsus; Mitior eadem, ac Veris temperiem redolens, cum magis sævire debuerat. Ver illi successit imbriferum, perfrigidum, luctuosum, quo dein furentibus præter morem, appetentem solstitio æstivo, nunc ab Austro, nunc ab Arcto ventis reliquum anni ad æquinoctium usque, ingens, ac pertinacissima diu vicens siccitas memorando ac pene infauisto eventu persolvit. Obsignare hinc licet, *nigroque cortice* adnotare annum præ nimia siccitate telluris, ventorumque ludentium indole exlegem penitus, præbente natura, quod exiguum nobis dedit, indignabunda veluti, ac tanquam dira noverca, quæ rerum olim sedula Parens dici gaudebat. Quæ sane haud arduum erit conjicere, si quæ allata hæcenus sunt, tum quæ adjiciam deinceps, scite diligenterque expendamus.

XXIII. Ad morbos me conféro, quos vulgares appellare lubet, non equidem, quod in vulgus sæviant, ac infimæ tantum sortis, ac notæ homines læcessant magis; Sed quia vicissitudines temporum, ac discrepantes invicem annorum tempestates referant potius, ab iisque procedant. Ac primo febres occurrunt, quæ omni deposita ineunte Autumno larva, intermittentium revera typum, ac morem præ se ferebant. Luserant nanque illæ diu superiore anno sub intermittentium personato vultu, quo tandem omni abjecto fucose sese tales jam modo ostenderant, quarum ingenium olim simulaverunt. Quinimo plerisque horum, quibus acutæ ægritudines in chronicas sensim fatisciente æstate desierant, orta repente Autumno febris e tertianarum genere brevi restituit. Lætam hinc augurari fas erat Taurinensibus rerum scenam, si hanc extemporaneis flatibus erumpens Boreas, aut huic per intervalla succedens, ac sævissime ludens Auster haud immutassent.

XXIV. Et quidem vix hos, ac illos indiscriminatim benignis intermittentibus exaratis febribus correptos adnotaveram, vix novam rebus faciem illucescere adverteram; Ut mutatam hanc iterum extemplo vidi, ac veteres primo aspectu reviviscere morbos, qui recens elapso anno longe lateque regnarunt. Atque id sane probe expendendum Medico est, antequam quid statuatur decernatque ad curationem morborum conducens; Num scilicet reviviscens morbus, aut eandem fere cum iis, qui superiore tempestate luserant, referens imaginem, iisdem videndus sit artibus; eodem ac qui præcessere, subigendus mare; Num vero quidam potius habendus respectus sit ad id ægritudinum genus, quæ novissime in apertum prodierunt; quibusve jure ac merito vulgarium totius anni morborum imperium debetur, ac dominatus. Sæpe ego in hac incertus arena extiti; ac tandem rationem habendam esse mecum ipse decrevi ad novam, quæ in scenam emergit, morborum sobolem, etsi hæc non omnino adhuc sese revelaverit, suumque omni relicto simulationis artificio vultum haud expli-

caverit prorsus. Eo quidem consilio, quod nempe nova orta tempestate, quam inter, ac superiorem magnum inest discrimen, novus hinc quoque fluentibus per abditas corporis scaturigines, ac profundissimos recessus liquidis, solidisque una ludentibus, ac conspirantibus invicem, novus inquam vigor accesserit *totus mutatus ab illo*. Ut proinde etsi redire quandoque, ac remeare gradum iidem videantur adulescente Autumno morbi, qui exacta æstate sæviere, quid tamen latere intus æquum suspicari sit, quod doctiores sapissime fallit, ni ea omnia, quæ mutatis invicem tempestatibus emergunt, attente expendantur. Quod quidem, quantum interfit Medico nosse, & observare, jam suo tempore agnovit, graviterque inculcavit *Hippocrates*: dum ita librum suum de aere, aquis, & locis auspicatur. *Quicumque artem Medicam integre assequi velit, primum quidem temporum anni rationem habere debet, quantum potentia quodlibet eorum valeat. Non enim simile quidquam in illis existit, verum differunt invicem propter varias, quæ in illis sunt, mutationes.*

XXV. Sane si recta mentis lance ingruentium Autumnæ ægritudinum indolem perpendimus, facile erit conjicere, quamam harum toto vertente anno regnatura sit, ad quam scilicet ceteræ omnes, quæ subinde vagantur, sese reducant, ac sub illa quodammodo militare videntur, ceu stipendio conducti milites. Ejusmodi aderant affectus ii omnes, qui tum per Autunnum, hyememque, tum vere, ac æstate subluserant, agmen ducentibus, ceu Epidemicis primi ordinis, quasque ob id Epidemicarum hoc anno ægritudinum Principes merito salutare lubet, intermittentibus febribus jam explicatis, tum fusc modo, diligenterque explicandis. Ut enim ad eas ceteræ omnes, ceu initio inter se invicem pacto referebantur, faciemque hæc tulerant reliquis; Sic hæc primo describere æquum est, ac sub oculos ponere, quo præclarius deinde reliquarum ingenium elucescat.

XXVI. Vix itaque Libram aquis itineribus subierat Sol; ut illico tum qui per ante actam æstatem ægrotaverant diuturni qui ægrotabant adhuc, incertisque passim ac diuturnis morbis conflictabantur, quales superiora tempora attulere, tum qui ægrotare tum coeperant primum, inque morbos incidere: hi omnes fere ejusmodi indolis, ac familiaræ febribus decubuerunt. Vixi nanque tum plures quidem inopinato e diuturnis malis, hujusmodi oborta auspiciato febre, convalescere, ceu cum Thaumantis, & Electræ filia pulcherrima Iris post diuturnos imbres, nimbosque perennes, præfulgere tandem nubes inter, atrumque cælum videtur, futuræ serenitatis prænuncia.

Mille trahens varios adverso sole colores.

XXVII. Sperare fas erat Iridis instar ejusmodi febres post tot exaratas, quæ superiore anno dire admodum, insolenterque debacchabantur, ægritudines læto omine elucere tandem, pacemque; ac tranquillitatem rebus, sedato malorum turbine, allaturas. Nec sane vota omnino fefellit exitus. Etsi enim sese abscondere quandoque viderentur, ac prope extinguere; Haud difficile tamen erat, cernere lusum id esse, jocumque, quo sæpe solent vulgares hujusmodi affectus, quibus incunabula præbet Autunus, ac potissimum horum Princeps, Medicorum artes eludere, ut docte advertit *Sydenhamius* Anglorum Hippocrates. Videbantur siquidem modo Asthmatis larvam præ se ferre, modo Arthritida simulare vultu, nunc etiam sapissime quæ sub ficta doloris Colici imagine ditum in modum ægrotantes divexare; Ut infinitas nocendi artes præteream, quibus hos atque illos nullo discrimine aggrediebantur. Ars hinc erat Medico occultum hostem, insidiasque struentem, vel ima inter delubra, sanctioresque lares appetere, oppugnare, subigere, iis quidem telis, quibus præfatæ febres subigi consueverunt. Quos nanque simulata illa, ac dolorosa mali facies plerisque fefellerat, ægrotantes hi suos aut inevitabili fato dederunt, aut graviora iis discrimina attulerunt, ceterissimamque jacturam. Adeo sæpe *Delirant Reges, plebuntur Achivi*.

XXVIII. Si quæ tamen sua larva subcludere hæc febres frequentius advertimur, diroremque in morem miseros

miseros aegrotantes exercere, vagus ea quidam, ac incertus dolor abdominis aderat, sævaque tormina, quæ statis sæpe etiam horis, ceu ludere periodicas febres videmus, recurrebant, eundem prope typum servantia, ingeniumque, ac eadem fere tempora, quibus præfatæ febres circumscribuntur. Ac quidem meminisse obiter juvat exarata ventris tormina, quæ dire modo, crudeliterque sæviebant, jam tum *Julio*, & *Augusto* (ann. 1721.) mense per æstatem prodierunt in lucem, quibus, tonitruosus cæli status, procellosus idem, ac sæpe etiam grandinosus, subfrigidusque ad plures dies proluserat, qualem deinde appetente *libra*, ac toto passim Autumno experti sumus. Cudebantur scilicet jam tum illa, quæ postmodum sese ostenderant, mala, cœperantque foras erumpere, ceu impatiens moræ hostis præceps ruit ad pugnam, aut nulla vi coercitus torrens oppositas extemplo moles, tum obvia quæque repagula disjicit, atque disturbat. Pagina mihi deficeret, si quotquot ejusmodi ventris cruciatibus divexatos memini, recensere velim, quos tamen facile erat, ac prodigii instar, ab imminente exitio vindicare, ea adhibendo præsidia, quæ comitem, aut latentem febrium respicerent, Practicis usitata. Hujusmodi ventris dolores hujusce indolis febribus succedentes, aut iisdem complicatos jam pridem adnotaverat Vir Doctissimus *Carolus Piso* pro Coicis habitos, quorum causam æris constitutioni *calida* impense, & *siccæ*, qualis revera hæc ipsa nostra, Autumno præsertim, ac hyeme, toto proinde anno, si modo ver excipimus, exitit, idem adscribit.

XXIX. Equidem si prægressam tot annorum siccitatem adhuc dum vigentem, constantemque hætenus, tum certantium invicem ventorum, qui tum ante æstatem, tum Autumno, ac toto deinceps anno aspirarunt, vim feritatemque animo metimur; Conjicimus utique, ac dilucide nobis innotescit, quænam extiterit ejusmodi febrium, ac ægritudinum, tum harum præsertim, quæ abdita imi ventris loca obsidebant, origo, ac incrementum; atque, ut rectius loquar, quodve sedulo inquirendum, adnotandumque Medicis præcipit Magnus senex, *occasionis initium*, a qua omnes hæ ægritudines profluxere; Ecquid enim ab inertibus liquidis, sero utpote fere omni defraudatis, nec libere amplius in orbem agi potentibus, solidifque hinc quoque pari modo labentibus expectandum erat, quam *interna viscerum Systrophes*, atque in iis potissimum locis, per quæ aut inertiora suæ indolis liquida excurrere solent, aut eadem magis feri præstantiam efflagitant, quo facilius circulum suum, ac munus absolvant? Genuina hæc, ac potissima febrium intermittentium, quæ toto hoc anno ultro citroque progrediebantur, causa, quæ & eadem quoque cæterorum morborum fuit, qui memoratis febribus præluxere, aut hæ illis lampada tradidere.

XXX. Et sane uno omnes ore quotquot hætenus in hac arena insudarunt, febrium periodicarum incunabula in Ventriculo, ac primis viis, Pancreate, Mesenterio, finitimisque, ac per imos quosque recessus discurrentibus vasis posuerunt: Uno verbo mineram febrium intermittentium, sedem, ac *Principem*, pene dixerim, *aram*, ut *Sylvio*, ut *Villio*, ut *Sacho*, ut universo fere Medicorum cœtui placitum est, ipsa eadem organa suppeditant, comparant, præbent; quæ conficiendo, ac distribuendo Chylo famulantur. Quamdiu enim Ventriculus, intestina, Hepar, Lien, Mesenterium, Pancreas constitutum sibi quæque munus rite persolvunt, sive excoquendis illa, retinendisque alimentis quo usque; in massam chymaceam abeant, & qua data porta secedant, exprimanturque, dicata sint; sive perficiendo ulterius perque revolutos anfractus, ac *itineræ mille* ferendo, devehendoque chylo; sive quosdam peculiare succos elaborando inserviant, quorum effectus varii, ut varia horum indoles est, ac ingenium; Quamdiu hæc omnia inquam rite peraguntur in corpore, *farta restaque* res est, ac incolumis. Ubi vero, aut exarata organa idonea minus evadunt comparato sibi absolvendo muneri, aut emanantia, perenni- que alveo influentia in cavum Duodeni liquida, tum quæ ipsa intima superficies intestinorum minu-

tissimis undequaque glandulis obrita jugi fluore extillat, inertiora manet, spissiora eadem, aptaque minus sese una cum præterlabente Chylo commiscere, vias expedire, menstrui adeo, ac vehiculi munere fungi, fibrasque morrices stimulare, acria salina obtundere, coagulata dividere, *fermenti*, sit verbo venia, vicem gerere, cruda coctis assimilare; Quis quæso erit aditus Chylo lactearum oscula subeunti: quis illius per *galaxiam* iter: quæ ejusdem ad *receptaculum Pecqueti*; adque Thoracicum ductum, ac subclaviam tot inter oppositos aggeres, atque obvia passim molimina profectio, excursus, meta? *Chyli* inquam, *Chyli*, si enormem illam temporum siccitatem expendimus a nativa sui qualitate degeneris prorsus, ea nempe orbatæ portione feri, qua sine nec miscibilis ipse cruori, nec ire, ac remeare vias par est, per quas excurrere debet, ac pergere.

XXXI. Effingat sibi quisque magnum ante oculos amnem, e quo innumerabiles rivuli exoriantur, qui in alios subinde exiguos amnes, mox in unum tandem una omnes, ac majorem alveum coeant, exonerenturque. Ut pulchrum, ut jucundum visu est, purissimos modo, ac limpidissimos latices cernere ingenti flumine præterfluere, suborientes hinc rivos circumjectam planitiem amœno spectaculo irrigare, variisque flexibus, nullo interposito obice, illabi, quo in unum deinde amnem una omnes evadant, ubique fontibus suis similes. Fac cœnosum quidpiam leniter labentibus aquis commisceatur, aut aliud quodpiam solidioris naturæ, puta, trabes, ligna, saxa, quod placide manantium lympharum alveum turbet; Ut illico aut exundare aquas in oppositam ripam, aut easdem ad diversa amnium divortia sistere veluti gradum, ac stagnare videbis, exsurgente lacu, ubi antea tellus erat, ac viride Solum. Idem prope obtingit Chylo, ubi crassioribus moleculis refertus, deficiente utpote sero, quod crassa diluat, eumque sanguini miscibilem reddat, ineptus, ac impurus idem obvia subit ostiola, ac degener omnino factus Thoracico ductui sese insinuat. Quot enim concipere est futuras tot inter vasorum plexus, ac angusta viarum præterlabentis liquidi stases; quot res tam prolixo itinere remoras, obicesque.

XXXII. Hæc una quidem, ac præcipua febrium intermittentium causa; Una hæc, ac genuina crudelium adeo ventris cruciatuum, totque passim ægritudinum, quarum sub larva, ac simulato vultu ejusmodi febres ludebant, incunabula, ac incrementa: Uno proinde iis omnibus eodem ense, ac more subigendis, ac edomandis. Ut a probo, ingenuoque Chylo probus, ac ingenuus sanguis efficitur; Sic ab improbo eodem improbus quoque cruor emergit, ineptus scilicet, cum perennando circulo, tum nutritioni partium, quæ summa sane res est, ac reliqua inter œconomix animalis munera præclarum magis, & majoris momenti. *Tanta* adeo *molis* erat tam ingentem instrumentorum apparatus effingere, quæ tanti poderis opus absolverent! Non hic quippe advocandum ullum in scenam *acidum*, non *pituita* præter modum viscida, non *fermentum* aliquod, aut *duumviratus* humorum, non *Archæus Helmontii*, aut *Lemures* indignati *Dolæi*; Quæ quidem pituita, seu materies in venas effusa, & partibus spirituosius sanguinis permixta potis sit tot excitare turbas, ac febrilem tempestatem inducere? Hæc & similia aberrantis ingenii somnia *Etmullero*, *Sylvio*, *Villio*, *Dolæo*, eorumque affectis sibi pro lubitu effingenda, ac excogitanda facile concedam, utpote qui ea tantum mihi retinenda dudum constitui, quæ in magno Naturæ libro ediscere est; quæ rationi, & *experientia rerum magistra* consentanea video, minime vero ea, quæ vanæ hominum mentes somniant. Veram utique intermittentium febrium, multarumque hinc ægritudinum, quæ aut illis præludere, aut iis obsequi advertimus aliquando, causam, ac genuinum fomitem in ventriculo, ac intestinis tenuibus colloco; tum cæteris, quæ iis prope adjacent, partibus magno Chylificationis negotio inservientibus; Quin acidum, aut fermentum quodpiam mihi effingam

ibidem hærens abiturque, decantatum adeo, invivum hætenus. Tantum nimius sectæ amor, condendorumque systematum inanis ambitio *potuit suadere malorum!*

XXXIII. Profecto si liquida expendimus in maxima illa siccitate temporum sero orbata, æstuantemque adhuc intra præcordia cruorem animo cogitamus; si memoria recolimus ante ætas superiorum annorum ægritudines a præfervido sanguine ortas, si luctuosam illam rerum faciem calidam impense, ac siccam nobis iterum ante oculos ponimus; si alimenta denique, quæ vescebantur incolæ a terræ sinu deprompta, olera, ac fruges, tum ipsas animalium carnes præ ariditate Soli exsuccas veluti, ac pene aridas in mentem revocamus; Liquido constat magnam jam tum impendere liquidis jacturam, majorem longe illam futuram ad primos inclementis Boreæ flatus, statim ac obstipata penetrabili Aquilonio frigore cute captiva intus fluida, adque *concretionem*, ac *stasin* heu prona nimis, hyemis acerbiter sentissent. Ni forte, quod secus evenit, adpropinquans Autumnus, madefacto lætis imbribus Solo, mitioreque reddita aeris temperie temperamentum quoddam periclitantibus rebus præbisset; quominus occurrerent, quas timebamus, feri jam prope inertis, ac visceris congestiones in vasis lymphaticis, venarumque extremitatibus; Nacta hinc libertatem liquida, ac soluta vinculis, cumque illis vicissim consentientia solida datas æquilibrii leges ad amissum obtinerent, ac observarent.

XXXIV. Secus tamen, ut dicebam, evenit prorsus; Autumnus namque successit, nunc ingenti inopinato æstu, qualis ne superiore quidem æstate sævierat, præfervidus maxime, nunc repentino extemporaneo frigore pergelidus admodum, quanto heu fluentium per corporis abdita, *cæcosque meatus* dispendio liquidorum! Quanto itidem solidorum una conspirantium detrimento! Vestro revocate animo Subalpini Medici ad præteriti nuper anni, tum præcedentium duorum annorum memoriam, quorum ego historiam sin minus eleganter, ac docte, summa saltem fide, ac diligentia, quod in historica potissimum narratione expetitur, conscripsi. Expendite cujusnam indolis aderant tunc temporis liquida, quove eadem more ad Hyperboreas præmaturo flamine erumpentes aureas sese habitura forent: Conjiciet hinc nempe vestrum quispiam, quæ aut tum cudebantur erupturæ brevi, aut sævire jam tum cœperant per universum Subalpinorum tractum, ægritudines; Atque hinc etiam præsidia facile adinvenire erit, quæ proficua extitisse dein temporis eventu adnotavimus. *Sapientis est* afferre malis remedia, Futura prænoscere, ac velut e specula prævidere, *Divinum*.

XXXV. Æquum est modo ejusmodi febrium expensa intime, ac perlustrata genesi, earumdem ulterius genium, ac typum delineare paucis, tum quibus usi sumus, auxiliorum genera ad illas profligandas, abigendasque enarrare; Antequam ad cæterorum affectuum historiam progrediar, quorum ut idem cum exaratis febribus ortus, eadem quoque aderant, saltem vix discrepantia, phænomena, quibus manifestabantur. Statim hæc igitur, ac prima fere accessione, intermittentium morem, ac vultum præseferbant, si postremum tantummodo stadium excipias, quo eadem solent qualibet vice, ingenti oborto sudore, judicari. Nonnullis de tertio in tertium diem; Plerisque ad singulos dies febris recurrebat, plenatamen inter duos quousque paroxysmos intercedente apyrexia. Quandoque etiam continuas æmulari videbantur ob longiores, & duplicatos paroxysmos; Vix paucis per autumnum in acutas periculosas desisse visæ. Per hyemem vero, & reliquum anni multis, ac potissimum æstate. Lingua omnibus fere alba; Urina turbida, & impense rubens; Dolor capitis ingens, atque assiduus cum inquietudine quadam totius corporis; Pulsus lenis ac obsequens, nec inchoante febre citatus nimis, nec properante ad statum illa elatus magis; Vix exiguus sub finem accessionis sudor; Tormina quibusdam abdominis sæva admodum, diroremque, ac ipsamet febris, tragediam

ludentia, nec facile desinentia eadem, quinimo exhibitis anodynis, oleosis, purgantibus invicta magis, atque iracundiora. Nullus initio vomendi conatus, nullum vel levissimum nausæ vestigium, nulla prorsus oris amarities, consueta olim febrium prologia, earumque comites. Nonnumquam commutabantur invicem quotidiana intermittens, ac tertiana simplex sic dicta, subludebantque vicissim. Atque tum quidem cum hoc illæ pacto errassent dudum, in acutas demum Vere plerumque, ac æstate degenerabant, celeriter ægrorum fato, nisi in doctum, prudentemque Medicum bona sorte patiens inciderit.

XXXVI. Sæpe hinc memini hæc, ut malignas, statim, ac omnimodam continuitatem simulare videbantur a plerisque tractatas fuisse, cujus imaginariæ, & commentitiæ malignitatis de causa, innumera hi præscribentes alexipharmaca, calida, volatilia, & mille id genus inter se pugnancia remedia, quod præcavere crediderant, periculum advocabant. *Quot* heu *simiola hac malignitatis*, ut verbis utar Clarissimi *Baglivii*, jugulavit, quos facile erat ab interitu vindicare inspecta mali origine, ad quam, tamquam ad Polum, ac Cœli verticem dirigi omnis debuerat Medientis cura! Naturæ scilicet oraculis, & *Magni senis* præceptis auscultandum, quæ si attentius excolerent Medicorum filii, haud equidem eveniret umquam illos adeo turpius hallucinari, naturæ morbi tribuendo tot gravia passim symptomata, quæ rectius soboles sunt depravatae methodi, tracto nimirum in consortium necis, qui idem insons etiamnum erat, sanguine præpostero usu remediorum.

XXXVII. Sane si eorundem febrium tum maxime, cum intermittentes esse desierant, inque acutas migrabant, indolem propius spectabamus, & morem; quidquam adhuc observare erat, quod etsi intime latens, occultumque prorsus, prioris morbi ingenium referebat, ut fere idem adhuc oculatioribus videretur alterius larva ludens, cujus ille personam induebat. Videre erat sin minus in oculis, ore, ac vultu ægrotantium, in ipso saltem febris circuitu quidpiam, quod præsentem adhuc veterem febrem, significabat, eodem illam confodiendam gladio, quo hætenus subigi ejusmodi febres solent. Quodve mirere magis; nedum exaratae febres, tum quæ typum intermittentium toto sui decursu observarunt, tum in acutas abiere, aut ejusmodi ab initio extiterant aliqualem adhuc tamen præfatis intermittentibus morem gerentes, iisque quodammodo obsequentes, hac methodo felicissime tractabantur; Sed & ipsæ quoque, in quibus nulla fere intermissionis vestigia unquam præluxere, hoc eodem more citissime, ac tuto jugulabantur. Citissime quidem, quævis namque hac in re mora, aut dilatio periculosa, quæ perniciosos sæpe effectus protulit.

XXXVIII. Postremæ hujusce indolis aderant, quæ *Januario*, ac *Februario* mense prodierant, deletis tum pene, saltem delitescentibus hætenus memoratis febribus, quæ ante actum Autumno subluserant. Hiscæ primo tantum, aut secundo accessu levissimus horror præcesserat. Sæpe etiam nullo, ac exiguo quidem præludente horrore irascebantur, atque ita decurrentes quasdam tantummodo diebus imparibus exacerbationes sustinebant, ut revera quid in iis tertianarium circuitum redolens suspicari fas esset, etsi primo aspectu nihil omnino hujusmodi appareret. Nec difficile quidem erat harum originem explicare memoria recolenti, quæ foret liquidorum per Autumnum conditio; quis una invicem oscillantium solidorum status? Nil inde mirum, si quæ vigente frigore intermissionis tantum, signa protulerant, silente mox Borea, ac præmaturo æstu excandescens, intus cohibitis diu obque ingentem resolutionem propriæ humiditatis, ut antiquissimo verbo utar in hac parte, exustis succis, ac bile præsertim, quæ sane in naturalis Oeconomiae Theatro Principem vicem obtinet; eadem ipsamet febres in acutas dein abierint, aut tales sese ab initio ostenderint, ceu fieri passim videmus media æstate,

Arida cum sitiens excoquit arva Leo.

Observare erat subcontinuas hæc febres, (sic illas vocare lubet ob continuitatem paroxysmorum) etsi nullo

nullo plerumque horroris præeunte vestigio subludent, quidquam tamen præ se ferre molestum ægris, quod quidem citissime evanescebat, ingenti succedente actu, qui idem & sese celerrime expandere videbatur, & intimiores quotquot recessus, atque ipsa adeo præcordia momento temporis pervadere; ceu pici, & resinæ evenire novimus, dum succeduntur, quæ licet crassam habeant compagem, ocysime inflammantur.

XXXIX. Idem erat tum harum, tum quæ iis proluferant, febrium ortus, idemque apparatus, etsi pro varia aeris temperatione intermittentium modo indolem æmularentur; modo intermissione paulatim perditæ ad acutas tenderent; modo omni relicta intermissionis effigie subcontinuarum morem præ se ferrent. Utque brevi me expediam; Exarata succorum crassities, ut focum, ac incunabula intermittentibus febribus, quæ primo in scenam prodierant, præbuit, eadem cæteris incrementa dedit, cum primum remitti frigus hyeme cœpit, verisque hæc potius, quam hyemis speciem referre. Totum adæo quod metuentum erat maxime, a crassitie, ac inertia succorum, ac bilis potissimum, ut hanc unam pro cunctis afferam, *vitellina* ut ajunt, *prassina*, *æruiginosa* pendebat, cujus haud obscura vestigia petere erat ab ipsis excretis jam tum quidem, cum coercita hæc adhuc ab ambientis frigore, nec irasci potens, ac suo ingenio excandescere, febres tantummodo intermittentes attulerat. Quantum vero ejusmodi humorum excretio, sive sincera, sive variegata sit, Medicis facessat negotii, norunt Practici; Quotiescunque enim apparuerit illa, dat semper ansam suspicandi aliquam pravitatem subesse, quæ morbum reddit non contemptibilem, etsi alioqui mitem, quod & *Hippocrates* docuit.

XXXX. Mitis utique aderant, quandiu intra intermittentium limites consistere, etsi minime contemptibiles memoratæ febres facili tum Marte superandæ; Ubi vero favientibus inopinato Austris in subcontinuas eadem degenerabant, aut ab ipso statim sui exitu toto penitus cœlo ab intermittentibus distare videbantur: Quibus hic quæso artibus enitendum, quibus occurrendum præsidiiis, vi quorum ægri ab imminenti exitu tuto possent evadere? Nullus hic induciis locus; Nulla hic *Fabio* spes; qua *cunctando* possit *restituere rem*. Talis siquidem adest ejusmodi succorum natura, & conditio, ut nullam ferant, advertente *Mercato* celeberrimo suorum temporum Viro, & duorum Hispaniæ Regum Philippi Secundi & Tertii Protomedico, in exhibendis auxiliis moram, cum certum sit nullum posse beneficium, gratiam, aut collectionem a natura recipere, imo, ut inquit *Averroes* 3. collect. corrumpant formam specificam illius. Magna cæterum remedia ex mente laudati Authoris, qui perniciosarum hujusmodi febrium a crassis, adustisque succis originem ducentium descriptionem æque, ac curationem distinctam pro viribus illius sæculi incomparabili sedulitate complexus est, hic nullum fere locum habent; Etenim si de purgatione sit sermo: caute *id facies*, inquit Vir doctissimus, *sive enim purges, sive secus, periculo res non caret; Quippe scimus vel levissimis pharmacis gravissimas accersiri dysenterias, quod si has effugias, contabescet laborans*. Quod utrumque nos in diversis passim ægrotantibus nuper adnotavimus, ac speciatim in nobilissimo Fratrum pari ejusmodi ingenii febribus eodem tempore laborantium juxta templum *Dive Mariæ Consolatricis Patrum Reformatorum Sancti Bernardi*, quorum alter natu major exhibitio pharmaco purgante, quod idem horrendas paucis ab illius exhibitione horis secum catastrophes tulit, in habituales febres incidit nullo deinceps auxiliorum genere exorabilem; decennis alter gravi ac diuturno alvi fluxu conflictatus est, una cum magnis, sævissimisque ventris cruciatibus, a quibus tandem variis adhibitis remediis, ac præsertim acidularum potu *Javeni* haud procul ab Alpibus limpidissimo fonte emanantium, summæ in hujusmodi dysentericis, cæterisque alvi affectibus ægrotantibus utilitatis, ad quod etiam ipsa mutatio soli haud parum tulit, incolumis evasit. In his febribus (ab hypochondriis ortis, ac Mesenterio) *Barbari* etiam, *Supplem. ad Sydenham*.

qui cateroqui facile purgantibus utuntur, apurgationibus abstinent. *Matth. Giorgi* Ration. Med. pag. 141. Idem prælaudatus *Piso*, *Ballonius*, *Duretus*, alique plures adverterant. Si vero de Sanguinis missione loquamur, ægrotantes hujusmodi subdit supra memoratus *Mercatus*, tale præsidium non innoxie ferunt, & plerumque a sanguinis missione continua evadit febris. Ego quidem hanc adeo noxiam minime expertus sum in iis præsertim febribus, quæ continuarum morem magis æmulabantur; quinimo larga dosi, plenoque fluente emissus sæpe initio sanguis auspiciatissime cessit, nec quempiam novi hoc remedii genere, opportune, cumque illud natura exposceret, celebrato, sublatum. Sæpe etenim parandus hæc methodo erat aditus auxiliis cæteris, ac horum Principi, quod mox proferam, si qua anni constitutione, quoque in morbo expetitur magis, in hac sane opportunum maxime, ejusque indolis febribus accommodatum.

XXXXI. Equidem uno *Peruviano cortice* (Is scilicet erat præstantius auxilii genus) tum quæ primo illuxerant, intermittentes febres, tum ab iis ortas, aut iis analogas cæteras, quæ caput passim extulerant, subigi penitus, nec reviviscere amplius meminimus, congrua quidem dosi, tum debito more, administrato. Vere *aureus arbore ramus*, qui furente sparsis quaqua versum fluctibus torrente procellæ impetum susteret, excandescens succos compesceret, vimque morbi retunderet, ac cohiberet. Vere *Polychrestum*, ac prope dixerim, *Divinum* remedium, cui utinam simile quidpiam ad alios morbos possideremus. Sed paucis demptis, ut ait Vir Clarissimus, ac toto orbe celeberrimus *Franciscus Torti*, Serenissimi Ducis Mutinæ Archiater meritissimus, quorum virtus certa est, & utilitas evidens, ars nostra medicamentis superfluis alioqui ditissima, bonis, certisque, quæ innotuerint, caret, imo forsitan ob hoc ipsum est inops, quia inutilibus superfluit.

XXXXII. Magnam sane hisce Paginis laudem, ac lucem Præclarissimi Viri nomen impertit, cui & ego, quod peramanter me diligat, measque ab illo primitias fluidorum, quæ in lucem edidi, commendari plurimum sciam, ac summa humanitate excipi; & omnis una mecum universa litteratorum Respublica multum debet. Atque eo quidem magis me illi obstrictum profiteor, quod me minus olim docte sentientem de hoc admirabili febrifugo, imo forsitan & injuriose nimis de illo locutum, utpote qui in verba *Magistri* omnino jurabam, benignissimis litteris, tum muneribus ignotum ac immeritum hominem prosequi dignatus est, atque omnibus benevolentiae officiis complecti; Quo tandem, tum propriis observationibus edoctus ipse, tum ingenti rationum pondere condictus, quibus laudatus Vir Corticis innocentiam adversus quosdam meticulosos, vel præjudiciis imbutos, quibus, pauci sint licet, suspectus etiamnum redditur chinæ chinæ usus, tueretur; errorem ipse meum agnoverim, ac ultro fatear modo: Incertus, cujus in laudem potiore jure effundi debeam, corticis ne, an illius Patroni, strenuique propugnatoris. Quædam scilicet laudis pars est, errasse aliquando, confiteri errorem, inque viam reduci magnorum virorum consilio, ac doctrina.

XXXXIII. Ne vero quis me putet vana loqui, lubet methodum, qua cum ego, tum alii plures præstantissimi hujusce Civitatis Medici in hujusmodi naturæ febribus curandis usi sumus, fusius exponere, eamque nonnullis curationum historiis, ac practicis animadversionibus illustrare. Utque ab iis ordiar, quæ ingruente hyeme perniciosum characterem induerant, utpote quæ nedum securitatem præsidii, sed celeritatem exposcere videbantur magis, quam cæteræ, quæ superiore Autumno proluferant; Consultum iis erat, Corticem ab initio protinus exhibere; febrile hoc more fermentum, ut cum vulgo loquar, quodcumque illud sit, vel exiguum profus, ac inconspicuum, vix editum illud edomando statim, ac subigendo penitus, ne elatum magis, evehitumque nimis, ac furens ingentes deinde tumultus induceret, quibus compescendis nulla postmodum artis præsidia sufficerent. Quodcumque ajo fermentum illud

illud sit, tum quove in angulo latens, occultumque. Non enim hic tot inanes conjecturas repetere subit, quas hac in re innumeras excogitatas scio, ac quotidie adhuc excogitari ab iis, qui artem suapte ingenio a vulgi studiis abhorrentem incertis & plerumque falsis opinionibus fœdant. An *stagnans* aliquid, quod egeat moveri; Num *fixum* quidpiam, quod expetat exaltari; An quidquam *exaltatum*, quod exigat deprimi; Num quid intempestive *influens*, quod debeat inhiberi; An denique *obstructum* quid, quod indicet referari; An *intra* sanguinem rursus constituendum illud sit, vel *citra* sanguinem, vel *ultra*? Nos hæc linquimus agitando iis, qui litteres amant, nubemque hinc sæpe (Dispereat hic quidem obrectator ille, cui ea displicent, quæ politioris litteraturæ cultoribus arrident magis) *pro Junone amplectuntur*.

XXXXIV. Illustit mihi aliquando, cum Icario ausu febrium intermittentium causas exquirerem, illustrit inquam mihi Phantasma quoddam (sic ego voco ludentis ingenii aereos incertosque volatus medio sæpe in itinere collabescentes) quod quidem, utcumque somnium fortasse videbitur nonnullis, referre haud piget hic loci. Num scilicet in toto potius *Mesenterii* ambitu, aut illius centro constituenda foret hujusmodi minera febrium, ubi tanquam in emporio quodam, proprioque delubro delitescant, statim subinde horis erupturæ, magnas secum una afferentes turbas, *catervamque malorum*? Si Cartesio Immortali Viro, ejusque affectis placuit incorporeum, ac immateriale principium nobis Divino munere concessum, vere *Divina auram particula*, nullis illud obstructum corporum legibus carceri mancipare suo, captivum ducere, inque vincula conjicere; Equiore ne jure haud licebit principium materiale illud, febrium authorem, atque parentem, uno verbo, focum, ac materiam febrilem eo in loco constituere, ac collocare, per quem omnis generis vasa discurrunt, perreptantque, milleque effingunt gyros, *itinerata mille*, viarumque flexus innumeros? Num aptior hæc febribus scena, quam alia quæpiam thæctenus excogitata? aptior utique illa cæteris, ac convenientior; sive intra sanguinem cum *Vuilliso*, sive extra illum cum *Sylvio*, sive denique in nervoso lactice cum *Guil. Cole* earundem fodina contineatur; Huc venæ, huc arteriæ, huc lymphæ ductus, huc lactea, huc inspersæ ubique glandulæ, huc nervi funiculi, aut si mavis dicere, nervorum rivuli elegantissimi ludunt spectaculo. Num quod de *Pancreate* suo commentus olim est *Sylvius*, idem nobis comparatum de *Mesenterio* effari, longe profecto faciliore, & clariore hic, quam ibi, tum symptomatum omnium, etiam infrequentiorum, tum ipsorum quoque circuitum explicandorum ratione! Haud exiguum sane hisce lucem, si quid ego hic judico, præbere videntur memorata illa ventris tormina, quæ toto fere anno una cum exaratis febribus, quandoque etiam nulla comite febre, quodve mirandum magis, periodicarum febrium instar recurrentia, longe lateque sævierunt, cunctis invicta telorum ictibus, præterquam uno *cortice Peruviano*.

XXXXV. Videmus ab ulcere, & abscessu *glandularum Mesenterii* febres lentas & continuas fieri, quæ prius glandulis iisdem tumentibus tantum, & obstructis intermittentes extiterant. Videmus subito in pede tuberculo, & tumefacta subinde glandula in inguine diariam febrem exoriri, quæ dubio procul periodica fieret, si periodice recurreret ejusdem glandulæ tumor; Quidni igitur per analogismum quandam haud licitum erit eruere, aliqua ex glandulis mesentericis insignioribus ita viscido infarctæ glutine, ut omnem, vel fere omnem chylo, & lymphæ illac fluentibus ultra se cisternam versus progressum inhibeat, totum vas illud lacteum, quod ab intestinis ad glandulam illam protrahitur, chylo stagnante intumescere, pariterque lymphaticum inferens integrum, quod in eandem inferitur, ab exortu suo usque ad eundem terminum, lymphæ sic similiter stagnante, utpote exitum non inveniente, repleti; Exoriri hinc febrem, ac statas quasque periodos, ceu ad regulam quandam, emetiri, prout nempe glutini-

nosæ hujusmodi obstructionis alterna reclusio, atque oclusio contingit, cujus mechanica ratio non est hic loci. Quantum vero visciditatis, glutinis quantum perreptans, cum ubique per abdita corporis, tum in hac potissimum parte lymphæ, atque hinc cætera quæque fluida humani corporis hac tempestate contraxerint, obvium est animadvertere recogitanti cuiuspiam, ac recolenti animo, tum superiorum annorum, tum labentis indolem, ingeniumque. Quam facile hinc per diffusa locorum, viasque varios in gyros convolutas contendens influens quicumque humor, si aliquo lentore peccet, iisdem in locis obstructionem producere potest, lentoremque, ac stagnationem mutuat cæteris per eosdem tramites decurrentibus liquidis impetiri? Quot quæso nascentibus morbis hujusmodi glandularum mesentericarum infarctus prolusit, aut eosdem diu latentes, occultosque, idem fovit, condiditque sinu, quo usque, ceu disiecto aggeri, foras eruperint, eo vividior conatu, quo diutius iisdem delituere? Num præcipua hæc ipsa sedes hystericonum insultuum, affectionum hypochondriacarum, Phthiseos chylosæ, cujus exemplum unum atque alterum observare mihi hoc ipso anno contigit, Rachitidis, Scorbuti, Atrophiciæ, ac sexcentorum fere morborum; quorum fera Symptomata novimus; incunabula vero nos omnimode laterent adhuc, nisi hæc illustriora, ac præclariora in dies efficeret magister in morborum causis eruendis optimus cultor Anatomicus? Nec Indorum morbus a Jac. Bontio descriptus, hicque familiaris omnino reticendus, eos ad atrophiam deducens, in quibus post sectionem aliquandototum mesenterium occurrit absumptum. Referenda & huc quoque fortassis est *tabes Anglorum* a calidiorum, ac spirituosorum nimio abusu, quibus summopere rebus Natio illa tot divisa orbe oblectatur, proficiscens.

XXXXVI. Equidem, si harum febrium tum intermittentium, tum subcontinuarum minera, ut ajunt in primis viis, ceu plerisque videbatur, extitisset, haud video, cur repetitis illa catharticiis haud obsequeretur, educta hinc purgante medicamento materia omni exotica, quæ febrem pepererat. Atque a purgantium usu contumaces hæc magis evasisse compertum, quandoque etiam ex intermittentibus in acutas periculosas migrasse, quas dein aut diuturnus alvi fluxus cruentus, aut diarrhœa sæpe chylosa una cum totius corporis emaciatione subsequeretur, proludentibus passim diris ventris cruciatibus; Qui iisdem si diutius perseverabant, *Phthisin* brevi inducebant, de qua superiore paragrapho verba fecimus, præfatæ diarrhœæ, aut alvi fluxus filiam, quo in limine conclamatum erat: ut nos in duobus agris adnotavimus, quorum alter juxta *novas ades Fratrum Carmelitarum*, alter prope *forum olitorium* decumbebatur, qua fornix viæ antiquissimus spectabatur, cui *rubri coloris* nomen, nuper in triumphali Nuptiarum Regionum Pedemontii Principum apparatu, ne inter nocturnos festivos ignes Aulae prospectum Fori, Foro prospectum aulae invideret, ut in præclaro monumento legitur Posteritati commendato, a Providentissimis Patriæ curatoribus dirutus, ac solo æquatus. *Phthisin* illam voco, quod si agrotantium habitum, ac faciem inspexeris, vix illos ab iis, qui vere *Phthisici* existunt, aut ne vix quidem distinguas: vera autem morbi causa, ac præcipua sedes in *Mesenterio* potissimum delitescit, infarctis universis lentore glandulis, ac prope jam in strumoso statu degentibus.

XXXXVII. Elucet hinc Sole meridiano præclarior ejusmodi febrium tum præcipui illarum, quod idem sæpe etiam iis absentibus subludebat, symptomatis, dirorum nempe abdominis cruciatuum fomes primarius, ac prope dixerim, natalis locus. Harum olim meminerat *Ballonius* Vir Doctissimus in morborum notis explicandis, eorumque origine, ac *occasionis initio* revelando nulli secundus, quæ in diros ventris cruciatus *colicos dolores mentientes* plerumque desinebant; Nec diffitetur idem procul a mesenterio quærendam haud esse illarum sedem, ac fomitem. Sæpe adeo nosse est prioris morbi indolem a symptomatis natura ac ingenio, quod aut illi præludit, aut una cum illo sævire videmus diviso velut inter utrumque imperio,

ac po-

ac potestate irascendi. Neque inficior sæpe etiam ab aliorum quoque viscerum, Jecoris v. gr. Pancreatis; Lignis, glandularumque omnium per imum ventrem, ac universum tractum intestinorum denso agmine delitescunt infarctum intermittentes febres ortum ducere, haud tamen infante unquam *Mesenterio*, in quo scilicet tanquam in ampliore Theatro ludere suoapte Marte queunt ejusmodi febres, ac quam hæc cumque velint larvam induere. Conspicuum id magis fiet, si quem illi usum, ac munus tribuit præclarissimus, ac amicissimus *Morgagnius*, mente recolimus; videlicet, ut sanguini per mesentericas venas ab intestinis ad hepatis ascendenti multas in transitu ex iis, quibus copiose ornatur, adiposæ cellulis particulas oleosas pro separatione bilis admisceat. Confirmant assertum cadaverum lustrationes, in quibus plerumque bile atro flava turgida vesicula fellis occurrerant, defectu nempe illius olei, quod in statu naturali una cum sanguine per mesentericas, quæ sese in portam exonerant, venas hepatis suppeditatus; Nonnullis totam lapillis refertam invenimus intus forisque ita nigricantibus, potius ut carbonibus, quam calculi esse viderentur. Hosce quidam ex iis, qui præsentibus aderant, aderant autem quam plures rerum Medicarum, ac Anatomicarum studiosi, observationis confirmandæ percipidi, num hi scilicet igni admoti flammam conciperent, adque extremum usque alerent, lucernæ admovent, sed leves quidem crepitus edidere, flammam autem non servavere, quod peculiari vitio ejus, in qua concreverant, bilis accidisse arbitror. Nos equidem id ipsum olim aliquoties experti sumus, ac pene totos comburi advertimus, quorum plures etiamnum in Museo inter rationa mea conservo, qui & flammam alunt, & omnia ac olim observanda adhuc post multos annos præbent. Subit hic historia satis curiosa viri cujusdam Religiosi, qui præcedentibus acerbissimis ventris cruciatibus quatuor demum exiguos ejusmodi calculos per alvum dejecit, qua de re, cum varii varia proferrent, quidve essent, & unde essent, haud facile intelligerent, ego illos e cholecho ductu in duodenum delapsos, atque hinc per alvum favente motu peristaltico exturbatos contendi, quod igni admotos comburi illos adnotaverim, teste *Biddop*, tum aquis immersi iisdem innatarent, docente *Fernelio*, secus ac iis, qui de vesica urinaria extrahuntur, cæterisque, qui passim variis in locis generantur, lapillis contingit. An autem Jecur primo affectum fuerit, an Mesenterium, ipsa morbi indoles, ac ingenium manifestabit; Qui nanque morbus a Mesenterii vitio proficiscitur, raro Catharticis cedit, sæpe etiam, ut adnotavimus, exacerbatur magis, tum tormina secum una adfert, ac cruciatus ventris immanes, inque atrophiam tandem, ni caveatur, degenerat; Qui vero a Jecore procedit, non nisi catharticis frequenter usurpatis expugnatur, nullo fere, aut vix exiguo ventris cruciatu stipatur, inque colluviem plerumque serosam, si diuturnior extiterit, desinit. Sed tamen fortasse de hac re fusius loqui continget aliquando. Nunc vero ad aliud caput transeat oratio, quæ perquam satis in hisce immorata est.

XXXXVIII. Hos inter rerum fluctus præstantius, ut retulimus supra, subsidii genus, ac sacra, pene dixerim, anchora *cortex* erat, siue intermittens toto sui decursus typum febris retulerit, siue in acutam migraverit illa, siue eadem subcontinua ab ortu extiterit, sæpeque hinc obscura inter simulati velut circuitus vestigia Medentes eluserit; siue denique nulla præsentis febris toties exarata alvi tormina tantummodo deservierint. Nulla hic advocanda sui generis materia, quæ catharticum suaderet, aut expectanda Medicorum scriptis celebrata adeo humorum coctio; ne forte, dum hisce totus incumberet Medicus vota ferens *Naturæ*, evacuato purgantibus, quod adhuc reliquum aderat, sero, aut datis inani cunctatione morbo induciis, altioribus actis radicibus malum ingravesceret, ac, ut plerisque obtrigit, in lentam febrem, ac in maciem denique infausto exitu transitum faceret; præcluso nempe omni itinere chylo, aut si quis adhuc aditum sibi per oppositos aggeres aperiret, viscido eodem, lento, ac inertis prope sanguini occurrente,

nullo prorsus pacto misceri apto cruori, inque nutrimentum rorem secedere. Duas scilicet ob causas re-nuari sensim corpora videmus respectu succi naturali, cum is nempe aut liquidus minus, quam par est, alendæ parti occurrit, aut exoticis moleculis re-ferus, quo fit, ut ineptus nutritioni, seu minime as-similabilis idem evadat; defraudatæ hinc æquo alimen-to partes emacientur sensim, ac contabescant. Et si enim idem ipse nutritivus humor in *rorem*, *gluten*, ac *cambium*, ut veteres agebant, faceat, opus sit, totque adeo subeat *metamorphoses*, antequam nutri-endæ parti assimiletur: glutinosus proinde evadat necesse sit, ut firmiter magis adhærescat, ac solidi vim, ac robur obtineat; Si vero is minus jam na-tura fluxilis ad partem, cui comparatus est, acce-dat, conjicere est, non cum amplius acquiraturum glutinositatis gradum, qui necessarius est ad hoc, ut parti similis fiat.

XLIX. Quod si impar idem obvius superare obi-ces, perque infarctas lentore glandulas, obstructas-que vias excurrere, regurgitare hinc, ac mutato iti-nere, revocare gradum coactus erit, perque eadem, quæ jam subierat ostiola, sese in intestinorum cavo recipere, & qua data porta una cum alvinis faci-bus exire, unde diarrhœa plerisque chylosa, mox phthisis inevitabili fato successit. Huc scilicet tandem casura morbi alea, ni periclitantibus rebus opportu-ne cortex subveniret. Ut latens venenosior in her-ba anguis, ita & majus in mora periculum.

Ægrotus Primus.

EXimius Jurisconsultus initio Autumni corripieba-tur tertiana simplici, cum paucis tamen rigore invadente; declinante febre conatus mox ventris acer-bissimi subludabant, toto demum Apyrexie interval-lo perseverantes. Exhibito medicamento purgante tertianæ duplicis typum febris obtinuit, visaque ven-tris tormina exasperari magis, ac diriora eadem eva-dere. Fetus adhibiti ex lacte, clysteres emollientes addita theriacha mitiora, & his similia. Monebam ipse, ut statim cortex præscriberetur, quo sine ma-gnam impendere ægrotantis viro jacturam prævi-debam. Difficilem tamen assensum præbebat Medi-corum alter, qui ægrotationi præerat; Cum vero omnia in pejus ruere cerneret, sponte tandem, cum forte illum sub vesperam inviseret, corticem semel, atque iterum exhibuit modica dosi. Mane eadem, qua consueverat, hora febris repetiit, lenior ta-men, tum mitius sævire cœperant alvi tormina, quo dein corticis usu æger perfecte convaleuit.

Ægrotus Secundus.

Judæus post febrem primo validam, mox lentio-rem, atque diuturnam, insuper diarrhœam con-traxit, quæ postmodum in dysenteriam migravit, eadem durante febricula. Demum dysenteria rursus in diarrhœam conversa, cœpit simul febris typum manifestum acquirere tertianæ duplicis intensioris. Hæc autem febris in invasione sua soporem simul adscivit admodum profundum, quo circa declinatio-nem accessionis evanescente stupidus, attonitus, & immemor ad plures horas æger remanebat. Quæ cum ego sedulo animadvertissem, jussi Medico cu-rante annuente admoventi occipiti vesicatorium, ac mox corticem Peruvianum larga dosi exhiberi. Et ecce statim imminuto paroxysmo, oblationem vali-diunculam corticis subsequente, alteroque prorsus in-hibito, symptoma ipsum soporis simul evanuit, qua-re brevi a febre, a lethargo, & a diarrhœa libera-tus est Æger.

Ægrotus Tertius.

Sacerdos jam proxime octogenarius febrem tertia-nam patiebatur adeo absconditam, adeoque laten-tem, ut ea potius ex acerbissimo ventris cruciatu cum obscura quadam extremorum frigiditate, quam ex ullo caractere magis proprio distingueretur. Diu ipse incertus hæsi, an symptoma istud pro vero mor-bo

bo haberem, eique occurrerem appropriatis remediis, nondum scilicet probe conscius periodi tertianarii. Atqui suspicans simul quicquam aliud latere ob insignem pulsus inæqualitatem, insuperque observans hujuscemodi cruciatus nihil habere commune cum colicis ita dictis doloribus præter doloris sensum, facile deprehendi doloris originem aliam esse ab illa, quam mihi efflexeram. Qua de re ad corticem Peruvianum protinus confugiendum esse existimavi, pro inhibendo dolorifico, ut ita loquar, prope imminente paroxysmo, eo metuendo magis, quo debilis æger, ac senio velut confectus, par haud erat amplius mali sævitiam ferre; Libentissime annuit, qui una mecum aderat Medicus, ac statim propinato Cortice per ebullitionem in aqua Card. Bened. parato, brevi integram ægotans valetudinem recuperavit. Huic quoddam surditatis, cum jam e morbo convalesceret, vestigium supervenit, quod idem una cum febris evanuit omnino.

Ægrotus Quartus.

Primarii Regis Architecti famulus ejusmodi ventris doloribus laborare cœpit, una cum febris subcontinua, diarrhœa, siti magna, urinis subrubris, ac velut igneis, pulsu celeri, æstu, ac vigiliis intensis. Contractum manu abdomen percipiebatur, quidve in profundo latens ægri relatu, quod sedem ipse mali vocabat, ac centrum doloris. Ad septimum usque subcontinua morem febris obtinuit, quæ nec repetitis sanguinis missionibus cedens, nec diluentibus fomentis, nec cortici ipsi postremo administrato, quinimo ad omnimodam continuitatem malignanter tendens delirium secum una attulerat, ferocesque artuum convulsiones, quarum haud obscura quidem indicia in carpis observare erat post quartam accessionem, cum adhuc scilicet subcontinua genium febris servaret. Adstricta post septimam sponte alvus, irritata eadem vix demisit, variegata, sincera, improba; Urinæ pallidæ, turbatæ, pulsus intermittens. Dimisso Cortice Vesicantia humeris, ac Tibiis admota, diluentia iterum adhibita, camphorata, alexipharmaca, fatus, sectaque iterum vena. Quibus nihil proficientibus medios inter acerbissimos ventris cruciatus, membrorumque subsultus, lecti fimbrias diducens, & floccos vellicans, sæpe etiam per vices singultu correptus e vita decessit.

L. Plerosque hujusmodi casus recensere possem, quibus denegatus cortex, aut dimissus idem, cum adhuc largiore illum dosi exhibere opus erat, rem permisit in deterius abire. Ut ut enim vesicantia, ac sanguinis missio, quæ duo haud diffiteor tutiora extitisse hac constitutione post corticem præsidia, in iis potissimum febribus quæ acutarum indolem æmularantur; viderentur recta adversus morbi genium pugnare, ut & repetita diluentia, ac fatus, quorum eadem ferme ratio, Ea tamen nihil, aut vix parum quidem nisi una cortex administraretur, adversus morbi causam profecerant, quæ id nanque præsidii efflagitabat, quo vegetior Chylus, vegetiore hinc quoque facto solido, impervia viarum facili Marte pervadere, imosque recessus adire posset: uno verbo, properantia ad statim, seu ad concretionem liquida, deficientia hinc pariter solida, fluorem illa, hæc vint, ac robur amissum reciperent, ad statas utraque æquilibrii leges redigerentur, vindicarentur ab infarctu glandulæ, expedirentur ab obstructionibus viæ, præcaveretur suprema, quæ imminebat, jactura; quod unum sperandum erat a *Cortice*. Equus indomitus, & effrænis, liceat mihi allatum hic loci a præclarissimo, nec unquam satis laudato Viro exemplum, tum ipsamet illius verba usurpare; Equus indomitus, inquit, quandoque est febris. Ab eo hominis vita trahitur, velut currus, quo fata sinunt. Medicus moderator est, Aurigæ instar, lora tenens. Si vulgari utatur hic methodo in curatione febris, id aget tantum, vel studebit agere, ut medium forens Equus teneat iter, ne in foveas hinc inde paratas obliquus feratur, Currumque, vel Hominem perdat; non vero impediet, quin cursum suum Equus expleat, usque quo illi suppetunt vires, & furor, non sine gravi metu, quod dum

Fertur equis Auriga, nec audit currus habenas.

Offendat ille tandem ad obicem aliquem, ad quem allisa, male consistens facile frangatur machina. Quod si china china utatur Medicus, id aget, ac si retracto magistra manu convenienter freno, Equum vi sistat, aut retrogradum faciat, & hoc pacto totius incerti cursus declinet pericula.

LI. Plerosque utique casus recensere possem ægotantium, quibus male cessit res, sive ludens adhuc tertianario circuitu febris derepente in acutam transferit, sive haud deleto morbi fomite in lentam abierit, diuturniore quidem, at æque infelici exitu, quod utrumque discrimen eludere erat exhibitio opportune Cortice. Dixi *haud deleto morbi fomite*; Quotquot enim hoc more lenta ægritudine occubuerunt, secto Cadavere, Mesenterium compertum est summe putridum, plerisque etiam pene totum absumptum; nonnullis fordido ulcere, aut exiguis adhuc abscessibus scatens, ceu totidem latentibus Vomitis, quæ procul dubio diuturnam febrem, ac mortem tandem attulerant. Horum unum, atque alterum exemplum lubet commemorare.

Ægrotus Quintus.

Mercator quidam in *Vico D. Thoma* florenti adhuc ætate, alvi torminibus exeunte hyeme vexari cœperat: inque dies magis, magisque dolor vim capiebat: tantumque aberat, ut hujuscemodi doloris abditæ causæ comprehendere possent, ut nunquam ullis remediis tolli, aut saltem levare hoc malum potuerit. Comes aderat febris, quæ intermittens diu vultum retulerat, atque tandem amplius circuitus legem observabat, modo etiam crudelior reviviscere videbatur; Quo urgente magis adhuc, quam ut tolerari posset, dolore, extenuato prope, ac macie confecto corpore e vita discessit. Cadavere secto fana omnia reperta viscera, præterquam Mesenterium, quo præciso, materia multa nigra, foetensque profluxit, encausto sutorio similis.

Ægrotus Sextus.

Honestæ Virgo hospitalis Puellarum domus, vulgo *dell' albergo*, in dolores Colicis similes, ac pro talibus habitos suprema hyeme incidit, contra quos cum nullum remedii genus valeret, misella, febris quotidie cum rigore insigni repente doloribus jam dictis associata, paucos post menses marasmo consumpta est. Dissecto ventre ingens copia puris, quo totum mesenterium refertum, ac quasi turgidum erat, erupit. Hoc Natura per renes evacuare frustra tentaverat, urinis valde purulentis profluentibus: Cum renes interim integri, omnique labe carentes conspicerentur, quos nonnulli ulceratos suspicabantur, idque non immerito, cum puris mictus diuturnus, teste *Galeno* 4. Aph. 75. renum, aut vesicæ exulcerationem significet. Verum doloris circa renum regionem absentia suspicioni huic non attestabatur.

LII. Cæterum nec in Mesenterio tantum, etsi præcipua ibi extiterit morbi scena, sed & in finitimis huic quandoque partibus, hujuscemodi infarctus occurrerant, quorum exempla recensere haud vacat. Tentabat siquidem Natura per ejusmodi abscessus in hac, aut illa parte erumpentes morbum solvere; At cum hi in abdito adeo loco, imoque delubro contingerent, sequebatur hinc ab eorundem disruptione totam una partem putrescere, ac velut absumi. Febris hinc intermittens incunabula repetenda, nedum facto, aut tentato abscessu; Ejusdem in acutam migrantis prologia, inchoato prope, ac confecto ipso; lentæ itidem, ac una simul sævissimorum alvi cruciatuum incrementa, disrupto tandem, ac finitima quæque loca exundante. Primo in stadio facile erat propinato Cortice ulteriorem morbo progressum inhibere; Haud ita facile in altero, ni exiguus foret abscessus, aut glandulosa pars, in qua is delitescbat, haud ita diffita ab intestinorum tramite, ut in eorundem cavo facili negotio posset exundans materies vasorum famulatu exonerari. Difficile omnino, ac penè impossibile in tertio, ac supremo morbi statu, sive

sive hujusmodi concreciones in Mesenterio, ut plerumque obtigit, sive in Pancreate, aut Hepate, sive quod in *Ægroto Sexto* suspicari fas erat, in renibus occurrerint. Renes hoc pacto exulceratos, ac fere absumptos omnino mihi in Viri Cadavere diuturna ægritudine confecti haud ita pridem ostenderat solertissimus, ac ingeniosissimus adolescens *Octavius Calastrus* in majori Urbis Nosocomio assistentis Medici munus diligentissime persolvens.

LIII. Morbos abscessu solvi satis vulgare est, qui frequentissime quidem febribus, & variolis supervenit, maxime circa aures, atque inguina; nonnunquam & toto corpore diffusa excrescunt tubercula, quæ in pus aliquando resolventur. Idem ubique Naturæ laborantis conatus; etsi impar illa sæpe haud queat, quod tentaverat opus, absolvere, sæpe etiam ob partis longinquitatem, per quam nempe partem, seu emunctorium haud ita facile est congestam materiam evacuare, foras protrudi. De abscessibus Hepatis feliciter peractis innumera monumenta habemus apud Scriptores, quod quidem per Choledocum ductum, amplum satis, ac per mille illum rivulos collectam in jecore materiam in Duodeni cavum deferre aptum, si præsertim congruo in loco abscessus fiat, facile is erumpere queat, ac totus exonerari. Præclarum Hepatici hujusmodi abscessus hoc pacto felicissime curati exemplum Parenti olim meo obtigit in Serenissimo Principe N. N. a Sabaudia, cum illius ægrotationi præfesset. Eiusmodi ego alterum in Pancreate in nobilissima Muliere hoc more sanatum vidi, diuturnis, dirisque hystericeis insultibus divexata, cujus adhuc vestigia, eadem decem ferme post menses defuncta, cum filiam peperisset, inspexi, ac Medicis, qui una mecum curationi aderant, ostendi. Nosse erat abscessus sedem, ac locum a doloris vestigio, absque visibili tumore in eo situ, quo proprie Pancreas latet, præsentia, qui dein evacuato sensim per alvum pure imminuebatur.

LIV. At vero nullum adhuc curationis in Mesenterio abscessus, vix unum aut alterum latentis ejusdem in renibus, aut vesica, perque urinæ meatus suppurati; cujusmodi historia illa *Pithionis* ab *Hippocrate* in principio *tertii Epidemicorum* descripta. Mirum sane, quantum in hujus explanatione hallucinentur interpretes, qui uno omnes ore, ac unanimi consensu morbi liberationem urinæ copiosius effusæ tribuerunt; Neque enim ad urinæ quantitatem, sed ad qualitatem potius, utpote quæ fuerit purulenta, referri sanitas debet. Neque leve est, quod *Hippocrates* his in libris sæpius observat, urinam quoties materia illa purulenta per vesicam abducta est, cum difficultate dolore reddi consuevit, ita ut stranguria laboraverit ægrotus. Proferam hic, quod mihi olim adnotare contigit curiosum satis, huic *Hippocratis* exemplo plane respondens: ita tamen, ut hoc intersit; quod utcumque factus abscessus suppuracionem obierit, æger tamen sanitati minime restitutus sit. Atque eo lubentius id proferam, quod sub hac plerumque imagines juniores non modo, sed senes aliquando decipiantur, ac si calculus revera adest, qui tamen nullus postmodum reperitur.

LV. Sacerdos e Capuccinorum familia, & ingenio peracri, & studio flagranti, & doctrina eximia, & memoria singulari excellens, anno ætatis sexagesimo sexto, circa Veris initium valetudinem amisit. Urgebant viscerum dolor, flatus, & quasi quædam convulsio: languescebat admodum stomachus. Post autem aliquanto desidendi aderat, mingendique cupiditas, stranguria, dolor juxta inguen, & glandem permolestus, præcipue post extremam mictionem gravissimus; In Perinæo ad vesicæ cervicem pondus; atque hæc omnia, & nova, & repentina. Urina primum difficilis atque intercisa; deinde magno cum impetu, & sonitu quodam, quasi ventus aliquis erumperet, excreta: In qua quidem, color inerat naturalis, nihil tamen subsedit. Dolor aut resupinato, aut inclinato, aut etiam cum distenderetur vesica, levior. Atque hæc inter mingendum molestiæ ad vitæ usque finem perdurabant. Accessit interdum sitis. Hoc fere modo ad medium Majum traxit: quo tempore dolores statim exacerbescere sensit, siquid

paulo calidius hauserat. Per biduum omnia rejecit vomitu; Cruciari sibi intestina, & abdomen vehementius tendi querebatur. Dolor hinc inter mingendum acerrimus; febris cum siti satis acuta: quæ tamen, die tertio elapso, aliquantulum remiserunt. Arenulæ aliquot asperæ, quæ magnitudine caput aciculæ æquabant, ejectæ. Color urinæ saturatior: in qua subsedit plurimum muci glutinosi, & subflavi, sanguine hinc inde, aliquando etiam carunculis, ramentisve respersi. Paucis exinde diebus recrudit dolor; Obortus hinc quoque rigor, totumque horrore corpus intremuit. Pulsus celer & depressus; Lingua arida; Urina sanguine plurimum tincta; quam quidem nonnisi in lecto cubans excernere potuit. Postremo tandem dolorum requies, seu potius sensus obtusior. Caput quippe tentari cæpit. Febris, singulis diebus vesperi ingravescere sueta, tandem fere prorsus elanguit. Spiritus paulo difficilior: Urina mordax planeque mali odoris: pus ea largitate profluens, ut urinæ copiam prope excefserit. Huic malorum moli paulatim accessit sensuum stupor. Ita in hoc piissimo Viro ille animi motus, quo nihil celerius, aut acutius esse poterat, veterno tandem obtorpuit. Quis autem non jure beatum illum dixerit, vel quod vitam doloris experts tandiu produxit, vel quod, cum diutius haud sine dolore vivendum esset, vivere desit? Aperto cadavere urinæ iter accuratius pervestigatum est. Nam ad sectionem ita animo parati accessimus, quasi calculum essemus inventuri. Sed neque in vesica, neque in renibus ipsis, ullum omnino sabuli, nedum calculi apparuit vestigium. Dum ulterius viscera scrutamur, Colon ita pertinaciter vesicæ adhærescere animadvertimus, ut ne cultro quidem facile dividi posset. Quaque in parte adhærescebat: in conspectum venit diametri quasi sesquiuncialis ulcus rotundum, quod non modo Coli ipsius tunicas penitus absumpserat, sed etiam vesicæ membranam extimam perederat. Hinc via per tunicam vesicæ mediam, sive musculosam perforata est, quæ pennam anserinam reciperet: Unde continuo pus ab ulcere intra vesicam defluxit, aditusque patuit, quo in urinæ ductum ab intestinis commigrarent flatus; de quibus quidem, dum viveret, ægrotum somniasse perperam credidimus.

LVI. Sed ut ad *Mesenterium* revertar, quod *scenam* constituo sævientium hoc anno malorum; atque ut uno omnia claudam paragrapho: Ars medentis erat, præsidium, quod cedebatur præstantius, cito *adhibere*, antequam enatæ hic loci passim concreciones ferossæ phlogosin inducendo febrem efficerent intensiorem, aut erumpente abscessu febris inde habitualis emergeret. Sive autem in substantia ad instar electuarii, sive levi ebullitione in aqua appropriata paratus, atque una cum balsamicis commixtus Cortex exhiberetur, perinde erat; Quanquam & hic maxime quædam sit Medico cura, ac vere dixerim prævidentia, quæ definiri non potest, multo minus edoceri. Equidem cum præcedentium annorum, tum quæ hoc anno sæviebant, ægritudines, mihi ante oculos pono, lympham ubique in motu peccantem video; Ut nihil inde mirum videri debeat, quod pulmones modo, lentescens hæc passim, ac fistrophes ubique inducere apta, pectusque, ut superiore anno adnotavimus, modo imi ventris viscera, ac *mesenterium* præcipue occupavit. Quotiescunque vero, in hac siccitate temporum, tot emortuas huc illuc plantas circumspicio, defectu humidi terræ centralis, quod iis pabulum præbet; dilucide mihi occurrit febrium, ac cæterorum affectuum, qui una eruperant, ratio; curve hi potius in *Mesenterio*, quod ager est, campusque patens, insignibus glandulis, rivulisque majoribus refertus, per quem vitalis succus identidem percurrit, ac remeat, cruori aliquando miscendus, quam in alia quacumque parte tentoria castra posuerint.

LVII. Exacta hyeme, eadem visæ febres proludere, novo tamen symptomatis genere distinctæ, ut in *Ægroto 2.* attulimus; sopore scilicet gravi, ac profundo, imbrifero tum, ac summe perfrigido existente cælo, nocturno etiam sæpe gelu concretis ubique per circumjectam planitiem fluentibus aquis. Cernere novum hoc symptoma easdem, ac febris, phases obire, cum eadem scilicet crescere, statum attingere, ac de-

ac demum illa declinante, declinare sensim, restitantes, ut plurimum, aliqua in soporem propensione, etiam tempore intermissionis, quæ affectum paulatim radicari, & ad Idiopathicum tendere præmonebat. Nonnullis quidem intermedia apyrexia nullum aderat soporis vestigium, ejusque loco cruciatus ventris prodierant, eo more recrudescentes, ac in intermittentibus autumnalibus, apyrexiae tempore, iidem irasci consuevere, evanescentes hi dein, repetente febris, quæ soporofam affectionem secum una comitem afferebat. Sæpe coævus febris sopor, interdum illi posterior, diarrhoea passim, dysenteria, aut memoratis alvi cruciatibus proludentibus. Enim vero etsi in capite agi videbatur Tragœdia, morbi tamen fomes, ac incunabula adhuc in imo ventre delitescabant. Atque hinc quidem, cum accesserat sopor, ex intermittenti tum sæpe in acutam degenerabat febris, eadem protinus & ipsa methodo profliganda, antequam *Pallidis Templum*, sacramque aram intime magis morbus pervaderet. Ominosum erat, propinato Cortice febrim intensiorem adhuc evadere; Ut victoriæ signum certissimum eandem denuo in intermittentem desinere, quousque tandem continuato corticis usu omnino profligaretur. Plerisque memini loco soporis cardialgiam in principio accessionis supervenisse, pauca ut plurimum, vel inani vomitione. Lethale heu prorsus symptoma, atque eo funestum magis, cum febris intermittens adhuc perstiterit, ac vim illa eluserit præsidii, serius forte etiam, quam par foret, administrati. Quæ cum ego memoria recolo, ac versicolorem hujusce imaginem febris Vere potissimum, ac æstate ludentis adverto, animo subit Proteiformis illa, cujus ingenium, ac morem accurato penicillo adumbravit *Mortonus*, vim una simul eximiam Peruviani Corticis pro tanto debellando hoste summe commendans.

LVIII. Nunc ad intercurrentes affectus me confesso, quibus curandis, sanandisque, etsi nihil prorsus cum vulgaribus morbis habere viderentur affinitatis, haud exiguam tamen lucem iidem præbuere. Adeo scilicet nedum, quæ sub Epidemicarum Principe ludunt, ægritudines, haud impari, ac illam, methodo vincere tutum est, sed & quæ ab ea toto penitus cœlo discrepare videntur, nullumque omnino cum illis fœdus habent, atque consortium. Has inter recensenda primo loco *Asthmata* veniunt, quæ si olim unquam, hoc potissimum anno, ac tum quidem, cum sæviret ab alto Boreas; frequentissime proluserunt, atque ejus præsertim generis, indolisque, quæ *convulsiva* vocat *Villifus*, seu *sicca*. Plerosque horum memini solo Cortice Peruviano sanatos, anodynus una commixto, quæ aliter per se sola usurpare, perniciofa res erat. Proficua quampluribus venæ sectio, ac quidem *Jugularis*, cujus beneficio haud pauci inopinato evasere. Miræ curationis exemplum hujusce ingenii Asthmatis enarrare juvat, quod lucem fortasse Practicis hac in re feret, quo citius tutiusque idem, sive recens illud extiterit, sive diuturnum, compescatur, evellaturque radicitus. Sartoris cujusdam *Galli (de la Rue)* Filius, decennis circiter, in *vico novo*, qui recta ab ædibus Regiis ad Portam, quæ vulgo *nova* dicitur, ducit, diuturno hujusmodi Asthmate flatulento, ut ajunt, seu periodico laborabat. Rogatus ego, ut opem illi præberem, haud libenter, quod ingenue fateor, curam suscepi; Nihil enim sperabam mihi ex ea laudis accessurum, aut ægro emolumentum. Tentaverant siquidem id ipsum plerique alii, sed frustra. Invitus denique, ac precibus Parentum indulgens, jubeo, venam in cubito mane sequenti secari, altero die potionem ex Manna obtuli, nullo, vel exiguo fere levamine. Sæpe mihi in mentem venit Corticem exhibere, vel ex eo maxime, quod unum inter, ac alterum Paroxysmum plenissima sæpe intermissio succederet. Quem tamen præscribere distuli, mali diuturnitate perterritus, ne scilicet infons alioqui remedium eventus ambiguitati, ac prope dixerim, forti subjicerem. Oxymel itaque Asthmaticum *Floyeri*, Viri Doctissimi, ac qui multum gloriæ in hac Provincia sibi comparavit, aureo tractatu de Asthmate, in quo nihil fere desiderandum reliquit. Oxymel inquam Asthmaticum *Floyeri*

præscripti, mane, & vespere sumendum. Leniri hinc malum visum, saltem paroxysmos haud adeo frequenter occurrere, ac repetere antea consueverunt. Propter hyeme ingravescere illud, ac irasci magis iterum cœpit. Jubeo sanguinem e Jugulari lato vulnere emitti, ipseque locum sectioni aptum Chirurgo designavi; Totum namque recentibus scrophularum vestigiis oblitum undequaque collum aderat, quibus vel ab incunabulis corieptus æger fuerat. Eadem mox die, ac sequenti bene se habuit Puer; Proxima huic nocte, cum Parentes somno placidissime tenerentur, ingenti exaudito strepitu expergefata Mater filium reperit humi prostratum, ac pene animam efflantem. Me diris increpat, quod inauditam rem, sic nanque vocabat illa recens factam in Jugulari sectionem, in filiolo tentarim; Atqui vanas hujusmodi Muliercularum querelas parvipendit vir Prudens, Parochum extemplo advocat, qui morienti Puero suprema munera administraret. Dum hæc agerentur, sedari visæ sensim convulsiones, altusque sopor ingruere; qui perennem rebus securitatem attulit; Ex eo namque tempore pacata sunt omnia, nec ullum vel leve mali vestigium superfuit. Incolumis brevi post Puer una cum Parente, domi pares mihi promunere grates latissime egit.

LIX. Sæpe ego ejusmodi Asthmata in pueris ab obesitate nimia, seu intumescencia Thymi ortum ducere haud inani conjectura suspicatus sum; Sive ejusdem Thymi situm, munus, ac habitudinem vivida mentis acie perpenderim, sive enata inde symptomata quæque diligenter ad trutinam revocarim. Pondus addiderat conjecturæ meæ demortuorum Puerorum sectio, quibus frequens id mali genus extiterat. Cum enim quædam olim mecum ipse meditabundus cogitarem noxa prope, ad Thymi usum hætenus ignotum prorsus, conducentia, inque lucem edenda aliquando; Quotquot hinc fœtus, tenellique infantes mihi occurrerant quopiam morbo denati, hosce omnes curiose perlustrabam, ac Thymum potissimum, quem obesum, ac inflatum magis, ac ætat postulaverat, in iis omnibus deprehendi, quibus quædam aderat ab ortu anhelitus angustia: Ad fœtus vero quod attinet, cum aer nondum bronchia repleverit, prægrandis utique Thymus in iis conspicitur, qui demum in adultis sensim decrescit, ut in Senibus fere idem vix inveniat. Suspicebam autem quod cum Thymus nutritium succum, qui a sanguine e magnis, ac proximis vasis affluente, magna copia ibidem derivat in fœtu, non equidem, ut sibi effinxit *Cl. Bellingerus* per excretorios ductus ad oris confinia juxta linguæ radicem deponat; At, ut ego propria observatione edidici, rorem illum nutritium in ipsius œsophagi cavo, exiguis osculis, breviori itinere conferat, unde in ventriculum, ac intestina delabitur, vasaque lactea percurrit, quin fœtus ore assumere alimentum cogatur, quod improprium, ac minime conveniens vel ipse olim *Hippocrates* censuit: Suspicebam, inquam, quod idem Thymus edito jam in lucem fœtu, nimia oppletus succi quantitate, nec exonere hanc potens in proximo infundibulo, obstructis ab ampliato post nativitatem œsophago hiantibus in illum ostiolis, eam tamdiu in sinu suo detineat, quandiu a propioribus vasis absorbeatur; absorpta dein eadem, cum maxime delituerit diu, aut forte hæreditaria labe acorem contraxerit, tot una excitet turbas, totque illa parens sit ægritudinum, quas pueris sæpe contingere videmus, difficili Marte sanandas. Atque ob id sane plerisque usitatum est fonticulum in occipite puerulis utiliter inurere, aut setaceum, derivationis gratia, cum maxime ea ætate pueri gravi folcant stertore premi, qui nullimode ab ullo pulmonum infarctu, at potius a nimia Thymi obesitate proficiscitur.

LX. Ab eodem, ac memorata Asthmata, fonte ortum una, ac incrementa susceperant Paralyfes, Apoplexiæ, Hemoptoes, improba Scabies, Podagra, Nephritis, Phthisis, ac universi prope affectus, quos præfens constitutio anni in Scenam tulit, quibus & merito accensendi occurrunt fluores albi Mulierum, tum pallidi Virginum colores, affectu Hysterici, infandaque Puerperarum Clades; a liquidis scilicet;

aut

aut æqua feri portione defraudatis, quo egent, ut sibi comparata munera obire queant, ac constitutas sibi leges servare. Qui hæc omnia serio mente revolvit, præterita, aut tum quidem revolvit, expenditque diligenter, cum impenderent prope; Is vates esto, ac *Magnus Apollo*. Hæc inter peculiare nonnullas historias feligam, quæ Medicinam facientibus haud inutiles omnino erunt, aut injucundæ legentibus. 1. Præclara Vestalis Octobri mense, cum intenso præter morem æstui rigida hyems e vestigio successit; Paralyti dextri lateris una cum insultibus hysterici perculsa, dirum in modum ludentibus, laboriosam vitam tota hyeme duxit; Vere appropriatis remediis pristinum valetudinis statum integre recuperavit, quadam tantummodo superstitie tarditate linguæ, per novilunium maxime. Autumno dein sequenti eadem die, ac momento fere temporis, quo superiore anno in Paralytin incidit, pleuritico dolore correpta intra biduum decessit. 2. Vestalis altera, cum, fluentibus menstruis, in aquæ frigida balneo diu morata fuerat, internarum partium omnium paralyti extemplo obruta & adhuc luget infelix amissum membrorum usum; Atque hinc sane explicari posset phenomenon illud gravitatis, seu spasmi, quo in aqua diutius morantes plerique corripiti solent, ac se se velut a Spectro quodam ad fundum trahi existimant. 3. Mercatoris filia, cui prægrandis diu in abdomine enatus tumor, qua cæcum intestinum ad dextri renis confinia delitescit, Colicos sæpe dolores, ac sævos admodum inducere consuevit, in paralytin subinde ejusdem lateris desinentes, quæ citissime solvebatur; ab utroque jam modo affectu Thermatum beneficio immunis, atque incolumis degit, remanente antiqui tumoris in eadem parte vestigio, quæ malorum author extiterat. 4. Quidam ex hepatis, & vesicæ bilis obstructione in tertianam notham, deinde in colicam passionem incidit; paulo post paralyticus redditus, sex fere menses inermis vixit, ad extremum delirio, ac epilepsia correptus occubuit. Paralytis a principio occupavit brachiorum superiores partes, sensim ad extremitates manuum, ultimo ad crura descendit: Ager atrophia contabescerebat, deque ventriculi ardore, siti, appetitus edendi, prostratione, alvi difficultate, & dolore Ilii sinistri, tensivo, gravique (sentire enim sese ajebat in illo loco pondus aliquod grave, tanquam plumbi massam) conquerebatur. Aperto cadavere Jecur reperimus, pro corporis ratione nimis magnum, obstructioneque minime vacans; Vesicam bilis crassa, ac nigra bile turgidam; Ventriculum humore viridi plenum, atque extensum; Colon intestinum male, ac præter naturam conformatum. Siquidem ubi Cæcum situm est, & ubi Colon ventriculo annexum erat, valde laxum aderat, flatibusque expansum, reliquis in locis ad rectum usque, angustum, sæcibus crassis, durisque in globulos concretis infarctum: Eodem modo conformatum vidi Colon in multis. Reliqua viscera tam naturalia, quam spiritualia erant illæsa, ac integra. Ex cerebri substantia inter disseccandum effluxit aqua tenuis, & colore subrubicundo, quod vasorum sanguineorum incisioni adscribendum est; nam aqua, qua omnes ventriculi scatebant, fuit tum tenuissima, tum limpidissima, ac pura, nihil vero pituitæ in ventriculis cerebri vidi. Totum spatium, quod in Sacra fistula inter tenuem, & duram membranam est, & ubi nervorum funiculi nervos constricturi a spinali medulla recedunt, simili aqua plenum exiit. Ex qua quidem historia, & symptomatibus, quæ præcurrerunt, conjicere fas est omnium malorum scaturiginem ab Hepatis novi resolutione ex mœrore, multa solitudine, & inedia expertum: deinde sumpto Cathartico, adeo læsum, ut totus ipse immobilis fieret, & propemodum interiret, nisi in contrarium mutatus fuisset, & humectantibus omnibus, tum potionibus, tum cibis, & aliis hujusmodi usus fuisset, maxime vero balneis, unctionibus, mutatione aeris temperati, & omni hilaritate. Etenim tristis erat, & ad iram proclivis. 6. Miles ætatis 30. annorum, exunte Januario, repente inter prandendum cum suis Commilitonibus, mortem subit. Consuevit longo antea tempore de dolore pressorio in radice frontis, & de


perpetua narium, ac faucium siccitate conquire. In aperto post obitum corpore observata sunt sequentia: Pulmones utrinque coherentes cum Pleura expansi, & turgidi sanguine, dexter tamen lobus minus sinistro, absque ulla substantiæ labe; Cor flaccidum, Hepar præmagnum. In capite autem propior hærebat hujus inopinati eventus causa; Processui nempe falciformi, ubi intra radicem frontis cum osse Ethmoides firmius connectitur; accreverat conspicua magna portio instar indurata, scirrhosa, & conglomerata glandulæ, quæ fronti in isto, quo hanc respicit, latere firmiter cohærebat, ut digito violenter separari opus habuerit. Proxima Cerebri substantia erat siderata, putida, & eliquata; Reliqua illæsa. * Opotandum sane, ut exquisitiorem historiam prægressi morbi, aut adversæ saltem valetudinis hujus Viri habere potuissimus, ast nemo aderat, qui talem subministrare potuerit. Analogum huic casum olim a Cl. *Terraneo*, nunc Beato, adnotatum memini in Viri cujusdam capite subita morte interempti, in quo magna occurrerat fungoso glandulosa, ac fibris distincta portio, anteriora versus usque ad os frontis, a dextris ad os temporum, a sinistris vero ad duplicaturam Menyngis usque protensa, tres libræ quartas pendens. 7. Jurisconsulti Uxor, prope Collegium Clericorum Regulatum Divi Pauli, diro, ac diuturno capitis dolore vexata, appetente sollicito æstivo, oborta febris acuta, e vivis inter copiosissimos capitis sudores excessit. In hujus capite ingenti seri copia subflavi, viscidique, utrumque ventriculum anteriorem refertum comperimus, ac glandulam juxta pituitariam disrupti recens abscessus vestigia, pure adhuc exundante teterrimo, fœtentique. Tota Cerebri substantia corrupta veluti videbatur, ac coloris subnigri; Nihil contra in Cerebello a naturali alienum. Biduo ante obitum facies, atque oculi intumescere; Ipsa vero pavoribus sæpe sub somno, obliuiofitate, lancinationibus per aures, plerumque etiam molesta oculorum caligine, spasmo cynico, ac involuntario salivæ effluxu per intervalla diu ante mortem corripiebatur. 8. Vidua quædam conquerebatur de Cephalalgia singulis auroris tanta cum atrocitate invadente, ut futuræ capitis quasi dehiscerent. Hactenus præsidii illulit omnibus. Mutato demum consilio suasi pediluvium; Unde factum est, ut aura frigidissima, sic illa ajebat, cum horrore totius corporis a capite ad pedes descenderet, ægraque bis vel ter idem administrando, plane convalesceret. 9. Illustris Mulier recens connubio juncta ex Mensium suppressione, fastidio ciborum, nauseis crebris, & vomitibus, ventris elevatione, aliisque similibus indiciis cum se gravidam crederet, plaudebat sibi ob felicem hanc conditionem. Quarto citciter mense dolores invadunt parturientium doloribus similes, ac paulo post corpus edidit informe prorsus, duorum pugnorum circiter magnitudinem adæquans, ac vesiculis conflatum, quarum maximæ ovum columbinum mole, ac figura exacte amulabantur; minimæ vero vix pisi magnitudinem superabant. Aderant autem centum fere humore limpidi, & seroso repletæ, ac inter se invicem colligatæ, membranosi cujusdam involucri ope, ceu altero quodam peritonæo, involutæ.

LXI. Pleraque alias recensere subit, quæ aut abortivos

* Rariores sunt hi casus, ubi officina Mentis, & Rationis turbatur per talem prægrandem excrescentiam. Placuit Carolo Fracassato in Diss. Epistol. ad Alphonsum Borellum tales excrescentias, etiam hic locorum Polypos medullares appellare, quam appellationem etiam secutus est Lancisius Tract. de moribus subitaneis; ubi comparem ferme casum recenset lib. 1. c. 2. §. 6. Quemadmodum enim Polyphi cordis sanguinis progressum motum, & omne inde pendens vita interesse confundere, imo sufflaminare solent: Ita Cerebrini medullares isti polyphi, quatenus liberum illud ventriculorum spatium, ac vacuum præternaturaliter explent, confundunt motus in hoc vacuo existentes, representativos, reflexivos, collectivos, & discretivos, ut maxima inde animalia redundet quoque in motus vitales. Ita Lancisius paralytica, & aphonica mulieris repente mortuæ caput aperuit, & invenit sub cerebello ad internum principium Spinalis medullæ, Glandulam scirrhosam, de Morb. subit. lib. 1. c. 2. §. 11.

ortivos fœtus, aut molares hujusmodi conceptus edere; Plerasque etiam, quæ maturo edito feliciter partu, paucis post diebus, latenter occubuerunt. Cautum iis erat, appropriatis cardiacis laborantem naturam tueri, tum diluentia pleno exhibere, quibus tum sanguinis fervor quodammodo compesceretur, tum fluxilis idem magis redditus per consuetas inde vias faciliori negotio educeretur, obsequentibus a repetito diluentium usu factis fibris, quarum nimia sæpe tensio funestos plerisque exitus tulit. Tota scilicet malorum ilias ab una, ac eadem universali causa pendebat, ab ea nempe siccitate temporum, ut quæ toties dicta sunt, iterum repetam, qua & fervidior intus cruor, & cætera quæque liquida, ad statim heu prona nimis; Crispata hinc, ac tensa præter modum solida, sæpe una Matrem, ac Fœtum inopinato sustulerunt. Huc quoque enumerandi hysterici insultus, huc cæteræ quotquot referendæ ægritudines, quæ hoc potissimum anno sequiorem sexum dirum in morem exercuere.

LXII. Dum hæc intra Urbis mœnia agebantur, haud dissimiles passim affectus Colonos infestabant. Variolæ præsertim, ac morbilli tota hyeme inclementer sæviere, adultosque hæc maxime adoriebantur, ac edita magis loca, quam pueros, ac humiliora oppida. Comites iis aderant crurum, ac pedum erysipelata, sæpe etiam internæ viscerum Phlogoses, Pleuræ, Pulmonum, Hepatis, Intestinorum, Menyngum, Oculorum, ac Faucium, Salassios, Canapiciensem Agrum, Vercellas, Lumellinam, Comitatum Alexandriæ, Universam pene Liguriam, ac Montisferratensem ditionem pertinax alvi fluxus occupavit. Idem Nicensem tractum, Provinciam, ac superatis Alpibus, Delphinatum, Sabaudiam, Lugdunum usque obtinuit, perque æstatem potissimum sæviit. Febres hinc visæ e Phlogisticarum censu memoratos affectus comitari, ac ultro citroque ire, suoque Marte, ac ingenio. E Chronicis morbi Hydropses in universum, ac Tympanitis maxime, Arthritides, Phthyses, ætæque ulcera Pagos, ac rura fœdarunt. *Alladii*, quod præclarum oppidum est Comitum *Sanmartinorum*, Febres Januatio vagatæ sunt mali moris, quarum historiam a Cl. Viro exaratam hic subnectere æquum duxi, in spem veniens, incitamento id futurum subinde aliis, ut sedulo hinc, diligenterque morborum, quotquot huc illuc per annum sæviunt, seu popularium, sive intercurrentium observationes describant.



Illustrissimo, Doctissimoque Viro

CAROLO RICHA,

Joannes Thomas Guiderus S. P.

Quod annales Morborum Vulgarium processus eruditissimis animadversionibus contextos, & graphico stylo feliciter exaratos, publico juri elargiris, Vir Amplissime, tibi plurimum debet Medicina nostra Subalpina. Hæc enim in te suum videt restauratorem, quæ a Majoribus tuis Archiatriis meritis decus habet, & gloriam. Ad perutilia isthæc indigenæ praxeos monumenta locupletanda uno corde, unoque pede contendere deberent omnes Medicinam facientes in nostra hac Pedemontana ditio- ne, suas quisque appendens observationum schedas, ut olim tabulas in Æsculapii templo appendi usitatum. Hujus ego instituti, tuique consilii optime conscius silentio ulterius præteriri non patiar historiam ægritudinum nonnullarum Epidemicarum, quas ineunte Januario proxime elapso datum est observare in Alladiensi oppido una cum præclarissimis Viris D. D. *Bardeſono* Patre, ejusque Filio doctissimo, illic in Patria gloriose Medicinam præstentibus, ac in tota Salassiorum Provincia de re Medica optime meritis. Esto itaque.

Cum Divini Verbi Præcones in præfato oppido prædicationi suæ optimum finem imploraturi sacram instituissent liturgiam, ea fuit hominum accurrentium

turba, ut horum conventu inter Ecclesiæ Majoris angustias nedum exæstuaverint corpora, sese arcte foventia, sed & ipsi exudarint parietes præ halituum emanantium affluentia. Complures viros, atque mulieres sudore manantes frigidus aer excecit, hinc popularis morbus, haud multo dato intervallo, grassari visus est cum ægrotantium languore, febris, raucedine, nausea, lingua viscida, & amurciosa, pulsu tenui, mentis hebetatione, vaniloquiis &c. Mox accessere deliria, surditates, aphoniæ, gravesque sopores ad lethargum ducentes. Eructabant in aliquibus stillæ sanguinis, ceu levis hæmorrhagia e naribus; in quampluribus petechiæ exiguæ brevi evanescentes, in omnibus borborygmi, & lumbricorum excretiones per superiora, & inferiora cum sæcibus graveolentibus. Febriles exacerbationes, nocturnis horis catarrhalium more, absque intermissione, clanculum repetebant. Nullus præcedebat rigor, nullus succedebat æstus ingens, exigua sitis. Urinæ a naturalibus vix abludebant. Sanguis extractus in principio morbi coccineum servabat colorem, aptamque consistentiam, nullo ægrotantium levamine. Sæpe diarrhœa superveniens commodum tulit, ut & in aliquibus sudores. Interea plerique quinto, vel septimo morbi die non sine magno populi terrore migrabant ad plures.

Harum ægritudinum indole, causis, symptomatibus, atque inde eventibus serio consideratis, deduximus unanimes has esse in sua origine febres de genere lymphaticarum cum vermibus, acutas tamen, & male moratas ex coagulatione lymphæ primum, exinde sanguinis. Primariam coagulationem exhibebant raucedines, linguæ visciditates, membrorum torpor, nocturnæ periodi, aphoniæ, alvus pigra, intestinorum murmura, & inde excreti lumbrici. Posteriores considerationem elucidabant, reliqua enarrata symptomata perniciem accusantia. Totam denique complebat æthiologiam notitia morbosorum in lymphæ apparatus a prægressis tempestatibus, quas tu nobis scite admodum diligenterque comparasti, reperenda; Ob id maxime, quod æstas antea, atque Autumnus mites fuerint, ac Borealis ventis perflati, unde nulla, vel modica facta est sudorum effusio, alioqui nostro sub Cælo consentanea quot annis. Quod si iis addas pravam alimentorum conditionem, fructuum præcipue corruptelam, nec non aquarum putealium sæculentiam ab inclementia cæli contractas, erues profecto genuinam lymphatici lentoris, & cachochiliæ causam simul, ac genesis lumbricorum.

Cur autem a violenta adeo procatharsi febres hujusmodi, non vero pleuritides, peripneumon. angina, erysipelata interna, aliæve hujus farinæ ægritudines emerferint; ex hoc factum puto, quod scilicet hujus Brumæ Constitutio non satis rigida, catarrhales concreciones, stasesque in glandulari systemate, rivulisque lymphaticis congregare apta nata sit potius, quam systrophicas collectiones, ac phlogoses in intimioribus viscerum flexibus. Veruntamen sufflaminata hoc pacto lymphæ lubricantis irrigatione, & intercepto illius ad sanguinem commercio, reliquum est, ut & cætera torpeant fluida in suo circulari motu, unde secretionum, excretionumque suppressio, progeniesque malorum. Et siquidem levioribus alias de causis inter hybernas vicissitudines visa sunt pectoris rheumata in acutas peripneumonias degenerare, ita nec mirum, si in datis præ dispositionibus, & momentis, expositæ febres a catarrhali exordio in exitiales abierint. Ignotum haud est Medicis praxin excolentibus perniciosas sæpe emergere febres, velut inopinato, a lymphæ lentore pedetentim collecto, ut probe advertit Doctissimus *Baglivius lib. 1. de febribus malignis & mesentericis*, §. 1.

Porro ex centenis ægrotis, quos bidui spatio invisimus, vix paucos evasuros fore sperandum erat, nisi opportunis extemplo adhibitis præstidiis fuisset opitulatum; Utque singulis indicationibus successive satisfaceret: Statuimus primum alvinas vias solemniter expiare, emeticis, clysteribus, aut catharticis, servato ægrorum delectu. Secundo lymphæ fluorem promovere, ductusque obstructos referare diluentibus calide pitissatis, non omittendo anthelminthica cardiacis mixta, & vesicantia artubus applicita. Tercio

viam

viam sudoribus sternere, vel saltem adiapneustian delere frictionibus, & cucurbitulis, ut imposterum exhibitis diaphoreticis cutanei pori obsequerentur magis. Phlebotomias raro, nec nisi in Plethoricis celebrandas duximus, potius de saphena, quam de superioribus venis. Reliqua sub finem morbi adhibenda problematice sunt: proposita, juxta opportunitatem, & exigentiam.

Nec nostra nos fefellit opinio, quandoquidem tali observato regimine vix unum, aut alterum ex praefato aegrotantium numero deinceps interiisse rerulit per litteras ultimo datas laudatus Doctor, cognatione, & amore mihi devinctissimus, *Bardefonus Junior*.

Accipe itaque, Vir Praeclarissime, breve hoc observantiae meae argumentum; Interea Spartam, quam suscepisti, exornare iterum, iterumque ne desinas; Meque tibi multis de nominibus obstrictum pergas amare. Non enim me praeterit, quam multa jam tibi debeam ob munera, dulcemque consuetudinem, quam me humaniter excipere toties dignatus fuisti: Nec ulla unquam aetas conticescet, quae a Majoribus tuis accepi, honores, ac beneficia. Taurini pridie Nonas Febr. 1722.

LXIII. Sed ut aliquid de Chirurgia dicamus, in qua Magnos olim, ac percelebres Viros, & nunc adhuc Pedemontium, obtinet; Neve quidquam intantum hac quoque in parte relinquatur, aut imperfectum; Pauca manent de tumoribus potissimum explicanda, qui auxiliatricem Chirurgi dexteram efflagitabant; Hos inter Atheromata praeter ceteris, & Melicerides eminebant, quae duo quidem tumorum genera vel in eo maxime conveniunt, quod in folliculo fluctuet hunc. Descripsit ea omnium optime *Aetius*, atque e recentioribus *Severinus*: Atheroma tumor est figura oblongus, & sublatus, qui ad compressionem digitorum ob humoris crassitudinem tarde cedit, tardeque iis ablatis revertitur, a quo Meliceris differt, quod & rotundior sit, & humoris essentia tenuior, & hinc ad digitorum compressionem celerius cedat, & celerius etiam revertatur. Non autem haec ita discerni posse videntur, ut certo omnia affirmare liceat, quin potius, quid intus habeant, ut conjectura praesagiri possit, sic ex toto cognosci, nisi cum ejecta sunt, non posse, *Celsus* monet, quod tamen non propter humorem, sed alia quaedam simul ibi contenta ita fieri apparet: ait enim, in his, quae renitentur, aut lapillis quaedam similia, aut concretos confertosque pilos. reperiri: Ossiculorum recens exemplum est legere in Ephemeridibus. Nec minus notabile, quod *Petrus Marchettus* in Meliceride se vidisse, ipse testis est: in ejus nempe folliculo alium ejusdem generis tumorem, sed minorem delituisse, sua & ipsum membrana inclusum. Ubi quis cum ranis *Aesopi* apud *Phaedrum* exclamandum putaverit:

Quid futurum est, si creavit liberos?

Hujusmodi tumores articulos praecipue occuparunt, ac inferiores potissimum, eo diriores, quo impliciti magis, ac tendinibus musculorum, quorum ibi magna segetes, intricati. Nobilissimi Equitis jacturam universa Civitas deslet adhuc, qui, dum inter Chirurgos de secando crure lis ageretur, ob haerentem in rotula ejusmodi tumorem, omnem curationem, ac artis praesidia renuentem, febris lenta in dies ingravescente, macie confectus obiit: alte sepulta, adque totam liquidorum massam propagata labe.

LXIV. Multis etiam Ganglia hos, ac illos artus obsidebant: Durissimum tumorum genus, Nucis avellanae magnitudinem haud superans, doloris expers, manuum juncturas, & talos frequentius occupans, rarius cubitum, & caput. Quo pacto oriatur, non liquet: ex succo nutritio nervosarum partium fieri, *Klopton Havers*, nuperus Scriptor conjectat. Videri posset lymphaticus humor, qui partes nervosas aluit, nescio quo spiritu Gorgonico afflatus, congelari, nisi sensim excreveret; ex quo apparet per appositionem novi liquoris quotidie augeri, ubi sensim coepit, & subtilioribus evaporatis, indurari. An vasculum lymphaticum supra modum expansum, ubi vel ictu, vel alia violentia illata urgetur humor, qui intus vehitur, non patet. Haud magui ceterum momenti tumor: hoc enim habet beneficium, quod rupta membrana evanescat. Ad hoc expedire *Helvetius*

inter Batavos celebris, utebatur malleo ligneo, corio obducto, quo percutiebat tumorem. Hinc etiam forti manus allisione, ut oritur, sic & tollitur. Sive autem ab externa oriatur, potest emolliiri primum, deinde vi dissipari externa, a Chirurgo compressus, quam elegantem rationem apud *Aetium* videre licet. In eo resolvendo quod Hydrargyrum valeat, *Jo. Lossius* mirabili eventu expertus est, ut libro de podagra perhibet, ubi emplastrum addit a *Zacuto Lusitano* sibi communicatum, quod nodos podagricos quoque dissolvat, de quibus, si quis sit sollicitus (constant autem ex quibus Ganglia, & quasi rasa cartilagini, ut cum *Celfo* loquar, simile quid obtinent) is vel solus optime satisfecerit. Vidi quendam, cui uno, ac altero horum dissipato, unum, ac alterum e vestigio alio loco oriebatur, quo dein improba progenies, meo consilio, Mercurii ope omnino deleteretur.

LXV. Ruricolae, atque ex iis potissimum, qui ad Alpium radices degebant, strumis in universum laborarunt. Mulieres praesertim, ac pueri, eo curatu difficilioribus, quo non in collo, ubi haec prodibant, sed altius forte in ipso Mesenterio earum fomes latebat. Neque novum est tam alte strumas exoriri, quod equidem post alios nuper *Cl. Bartolinus* nepos advertit, ex *Riolano* Sapiens, qui Scrophulas in corpore nunquam erumpere asserit, nisi Mesenterium strumofum fuerit: Hic vere ex *Guidone*, & *Ingrasfia* id potest didicisse, qui idem tradidere. Quodve obstupescas; utque anni, ac morborum ingenium ediscas una, adnotare erat, vix paucos Bronchocele hoc anno obsignatos, familiari ceterum Subalpinis morbo, ut Polonis Plica, Britannis tabes. Tumor est Thyroidis glandulae, mollis, ac pendulus, nec molestus modo, & aspectu foedus, sed etiam si magnus, suffocationis periculum adferens. Vidi ego musculos sternothyroidaeos plane emaciatos, membranaceos. Curatio illius haud facilis, nec tuta semper. Ut enim Endemius hic Incolis morbus, ita causas illius remove, a quibus originem habet, difficile prorsus. Laudantur plerisque tabellae quaedam ex alumine, ac spongia marina confectae una cum radicibus pororum; aliis emplastrum de Galbano crocatum Mynsichti. Nonnullis cataplasma ex foliis, & radice cucumeris asinini cum stercore caprillo, quibus & interna jungi possunt, & quidem pulvis ex ossibus Saxiae, Mandibulis Lucii piscis, Lapidibus cancrorum, Pipere, Zingibere, Piretro, Testis ovorum, quorum alia exsiccando, alia dissipando agere credi possunt. Potior sane salutis spes, ac tum quidem, cum in scirrhum abiit, in sectione consistit, etsi metuenda hinc sit quaedam colli deformitas, nec exiguum negotium praebent vasa, quae ex Carotidibus occurrunt: tum nervi etiam recurrentis viae, ne accidat, quod narrat *Galenus* de imperito Chirurgo, qui cum eos una evelleret, mutum reddidit aegrum; Ob quod maxime hanc operationem omnium difficillimam puto. Multi Scrophulas, ac Bronchocele idem esse putant; Alii, quos inter *Fabritius*, nescio, quod attulit vitium asperae arteriae peculiare quod eo nomine appellat, ut Bronchocele, exponat nemini Mortalium unquam visam. *Celsus* inter cutem, & asperam arteriam eam ponit. *Aetius* tumorem simpliciter hanc vocat in gutture enatum; Tumoris tamen genus, ac sedem illius principem designare fas erat, quam nec ipse *Severinus*, qui de omnis generis tumoribus disertissime scripsit, attigerat; Unus, quem reperiam, *Schelhammerus* agnovit, recteque in Thyroidea glandula collocavit, visam hanc utique, sed non agnitam *Severino* ostendens, adnotato ab eodem exemplo hominis cujusdam, qui Bronchocele praevastam multos annos cum angore passus, tandem ab ea strangulatus oppetiit; Quo dissecto grumos ingentes sanguinis undique circumfusus cum adnatis quibusdam carunculis offendit. Equidem sine dubio haec carunculae partes erant Thyroidis glandulae praesanguinis copia distentae, ac divulsae in partes, aliis sensim & corruptis, & colliquatis in sanguinem. Et hoc ipsum est, quod Doct. *Vohartonus* dicit: *Siscrophule* (sic nanque voca is Bronchocele, quod notandum est) *rubescant, colorem floridiorem esse, minusque lividum, quam strumarum*.

LXVI. In-

LXVI. Inter glandularum ægritudines refero, verrucas, ac nodos venereos, quibus, si acerbius unquam; hoc potissimum anno, scdum in morem correpti sunt improba Veneris milites, quosve vix ipse quidem magnæ famæ *Mercurius* solvere potis erat, aut decocta quæque lignorum. Vidi Militem universo corpore verrucosum, avellanæ magnitudinem exuperantibus verrucis. Ficosos hosce proprie vocat *Levinus Lemnius* in opere de *natura miraculis*: suphilios alii, aut putide gallicos appellant. Aderant hi utique sagacis Naturæ terribilium huiusmodi, ac virosi fomitem abigenti ac profliganti laudandi conatus, si quæ per vasa corporis, cæcōque meatus effluebat lymphæ, crassior illa, ac glutinosa, quam par foret, magis, illi haud obstitisset, verrucas hinc, tubera, ac fungos universo corpore excitans, horrendum visu spectaculum! Ea nanque mira est Naturæ providentia, ac summum ejusdem, ut in omni fere, ita & in hoc præsertim morbo studium, ut per quamprimum loca vitium venit, genitales, inquam & his attiguas partes, per has easdem vias, quasi facto recurso, pellat: Ubi vero altius irasci malum incœpit, & *se funditus abdens corpora depascit misere*: tota conetur adhuc infestum virus, seu exulcerantem intro putrilaginem, per has, ac illas partes, quas in emissaria torquet, expromere; Rem quidem, quam serio advertere debent hi, qui Syphiliorum hæc symptomata curant. Ita suis opificiis satagit Natura parens; ita in adversis prospicit; ita nullam viam intentatam relinquit, ut ægrotantes adjuvet.

LXVII. Locus esset huiusmodi eruptiones, tum in morbi inchoantis sive interminati statu, tum in absoluti jam, & late grassati altero fusius describendi; ejusque varios, quos passim inducit, characteres, *Qui casus rerum varii, quæ semina morbum Insuetum, nec longa ulli per secula visum Attulerint,*

Enarrandi una, ac explicandi; Si hæc omnia possent brevi oratione complecti. Satiùs igitur lepidissimi Poetæ *Fraccastorii* sit audire rapsodiam, *Ipse ego Canomanum memini, quæ pingua dives Pascua Sebina præterfluit Ollius unda: Vidisse insignem juvenem, quo clarior alter Non fuit, Ausonia nec fortunatior omni. Vix pubescentis florebat vere juventa, Divitiis, proavisque potens, & corpore pulchro, Cui studia, aut perniciis equi comescere cursum, Aut galeam induere, & pictis splendescere in armis, Aut juvenile gravi corpus durare palestra; Venatque feras agere, & prævertere cervos. Illum omnes Ollique Dea, Eridanique puella Optarunt, nemorumque Dea, rurisque puella: Omnes optatos suspiravere Hymenæos. Forsan & ultores superos neglecta vocavit Nonne quidquam aliqua, & votis pia numina movit.*

Nam nimium fidentem animis nec tanta timentem Invasit miserum labes, quæ sevirior usquam Nulla fuit; nulla unquam aliis spectabitur annis. Paulatim ver id nitidum flos ille juventa Disperiit, vis illa animi: tum squallida tabes Artus (horrendum) miseros obduxit, & alte Grandia turgebant fœdis abscessibus ossa. Ulcera (proh Divum pietatem) informia pulchros Pascebant oculos, & diæ lucis amorem, Pascebantque acri corrosas vulnere nares; Quo tandem infelix fato post tempore parvo Ætheris invasas auras, lucemque reliquit. Illum Alpes vicinæ, illum vaga flumina flectunt; Illum omnes Ollique Dea, Eridanique puella Fleverunt, nemorumque Dea, rurisque puella; Sebinusque alto gemitum lacus edidit amne.

Hi blandæ scilicet voluptatis, hi tenerorum complexuum sunt fructus; heu tragici tantum, & miserabiles, quantum inter multiplices cruciatus amisisse vi-

tae dulcedinem, & quantum ex humana specie transfuisset in brutam.

LXVIII. Locus hic etiam esset pauca de altera tumorum specie, qui ad Chirurgiam quoque spectant, proferendi, nempe de Aneurismatibus, occulto morbi genere, quo plures hoc anno misere interemptos adnotavimus; Sed hæc & pleraque alia prætermittere intacta lubet, ne ingentem in molem pagina turgescat, alibi forte prolixius de hisce acturis, novaque in dies meditantibus, quoad eorum originem, ac incrementa, revelanda aliquando. Exemplâ pariter, ac Schemata exhibebimus magnorum Aneurismatum, quæ nobis occurrerunt, aut ab Amicis communicata. Quæ quidem alio tempore referamus. Unum tantummodo, atque alterum superest commemorandum, quod nobis terminus hac vice, & extrema erit linea laboris. Primum est Castrationis historia in puero decenni, pro meliori vocis claritate, atque modulatione ab experientissimo Chirurgo *Andrea Verna* felicissime absolutæ. Febris huic supervenit cum vomitu inani, abdominis inflatione, ac præcipue in regione tota hypogastrica. Alvus ad quartam usque occlusa penitus; Urinæ etiam parca copia effundebantur. Post quartam referari sponte alvus cœpit, tum urinæ pleno gurgite copiosius effluere, evanescente paulatim, ac omnino tandem desinente febris, adeo ut undecimo die æger incolumis, adque omnia munera obeunda aptus videretur, uno relicto vulneris inflicti vestigio, quod quidem, cicatrice obducta, brevissimo tempore consolidatum apparuit. Alterum est Mammæ, quam fœdus improbus Cancer occuparat diu, extirpatio a memorato *Andrea Verna* in Virgine quadam quadragenaria prope, feliciter peracta. Cœperat hæc de tumore in mamma dextra a viginti & ultro annis conqueri, cui cum varia passim Muliercularum, Agyrtarumque consilio, Medicamenta adhibuisset, incrementa præbuit majora. Augescens is nanque sensim, ac totam pene mammam obsidens, venisque in orbem nigro sanguine turgentibus circumfusus, in ulcerosam demum pravitatem degeneraverat, ultimum postulans in sectione præsidium. Mirum ut generosa Virgo invicto animo, nova velut Amazon, pertulit excisionis acerbiter. Consolidato vulnere, ruri abiit, confirmandæ valetudinis gratia, ubi brevi post tempore acuta febris prehensa decessit. Tertio denique ac postremo recensendus subit diuturnus Oculorum affectus scarificationibus ad ima Palpebræ inferioris confinia institutis curatus, auctoritate, & consilio Cl. Viri *Petri Robaultii* Chirurgi, & Antecessoris Regii. Affectui isti initia, ac faciem præbuit exterioris Oculorum membranæ inflammatio, cui cum imperitus quidam topica diu admovisset, nedum ingravescere hinc malum cœpit, sed & una simul intumescere Palpebras visum, ac sensim in schirrhosam velut duritiem inferioris potissimum desinere, quæ repetitis scarificationibus, ac topicis appropriatis, læto omine, cessit.

LXIX. Atque hæc sunt, quæ brevi sermone, accurata tamen Morborum temporumque indagatione exarata, pro tertia hac Constitutione sufficiunt. Haud diffiteor quidem multa iis deesse, saltem hæc ipsa politiore calamo delineari potuisse; Quod a me exigui omnino vetant, tum quibus obstrictus, ac occupatus sum praxeos negotia, tum exigua profus ingenii acies, ac curta admodum suppellex. Juvat autem aliquid adhuc sperare tum laudis, tum adjumenti: illius, quod primus Ego in Patria glaciem fregerim, omnesque in hoc animi nervos intenderim, ut si quo modo fieri possit, Morborum medela, post cineres meos, majori cum certitudine administretur: hujus vero, quod nullus dubitem futuros aliquando, ut nonnullos jam enumerare possem, quamplures, qui auxiliatricem mihi dexteram ferent, aut me defuncto statim, tentatum a me opus feliciter ævo perficient.

Finis Supplementi.

80

